





56254/D



C'est un excellent ouvrage, et des plus  
étendus sur la Matière Médicale.  
c'est la 2<sup>ème</sup> édition.

VALENTIN  
HISTORIA  
SIMPPLICIUM  
DE ALIMENTIS







VALENTINI  
HISTORIA  
SIMPLICIUM  
REFORMATA.



VALENTIN  
HISTORIA  
SIMPLICIUM  
REFORMATA



MICHAELIS BERNHARDI  
VALENTINI,  
*Archiatři Hassiaci & Prof. Medici Gissen,*  
HISTORIA  
SIMPLICIUM  
REFORMATA,  
*sub*  
MUSEI MUSEORUM

titulo antehâc in Vernaculâ edita, jam autem in gratiam  
Exteriorum, sub directione, emendatione & locupletatione  
A U T O R I S,

*à*  
D. JOH. CONRADO BECKERO,  
*MEDICO ALSFELDENS,*  
Latio restituta.

*Accedit*  
INDIA LITERATA,  
E Lingua Belgica primum in Germanicam translata,

*nunc verò,*  
ad desiderium Exteriorum Latinitate donata,  
longe auctior reddita, novisque Figuris æneis illustrata

*à*  
CHRISTOPHORO BERNHARDO  
VALENTINI,  
M. B. Filio.



FRANCOFURTI ad MOENUM,  
Ex OFFICINA ZUNNERIANA,  
Apud JOHANNEM ADAMUM JUNGIIUM,  
MDCCXVI.



MICHAEL RICHARD  
VALERIN  
A. J. 1871


HISTORIA  
SIMPLICIUM  
RECONDITA

MUSEI MUSEORUM  
A. J. 1871

ALON GUYARD BECKEN  
A. J. 1871

INDIA LITERATA  
A. J. 1871

CHRISTOPHORO RICHARD  
VALERIN



*SERENISSIMO*  
*PRINCIPI AC DOMINO,*  
*DOMINO*  
*LUDOVICO,*


LANDGRAVIATUS HASSIÆ SUPERIORIS  
HEREDI, PRINCIPI HERSFELDIÆ, COMITI IN  
CATTIMELIBOCO , DECIA , ZIGENHAINA,  
NIDDA, SCHAUMBURGO, YSENBURGO  
ET BUDINGA, reliq. reliq.

*DOMINO MEO CLE-*  
*MENTISSIMO.*



Digitized by the Internet Archive  
in 2018 with funding from  
Wellcome Library





# SERENISSIME PRINCEPS, DOMINE CLEMENTISSIME,



Ogitanti mihi de magno aliquo literarum  
Statore, in cuius nomine hæc mea Latina Versio  
*Valentiniani Musei* appareat, cuiusve patrocinio  
munita contra obtrectatores perstet, in mentem ve-  
nit SERENITAS TUA, quam sciebam non so-  
lum melioris literaturæ esse amantissimam, sed be-  
nigno quoque numine fovere Musas, harumque filios suscipere ornandos.  
Nec enim prodire in lucem sine tutela, sineque spe patrocinii audebat  
scriptum, hac præsertim obtrectatorum foecunditate, neque venire in ho-  
minum manus gestiebat sine censura, à tali tantoque peragenda, cuius cum  
auctoritate, tum iudicii acumine sibi asseratur pondus. Qui autem ad  
utrumque valeat, tuendarum literarum TE majus extare studium velit,  
explorandis quoque Naturæ mysteriis TE maturius judicandi vim acue-  
rit, sciebam neminem. Est enim hoc SERENISSIMÆ DOMUI TUÆ  
gentilitium, suscipere patrocinium Musarum, ac consuetudinem in illo  
tuendo servare. Non defatigabitur posteritas, quin potius voluptatem  
capiet in prædicanda cum incredibili animi magnitudine, tum inexhau-  
sta liberalitate, qua immortalis famæ Princeps LUDOVICUS V.  
Fidelis, *Abavus Tuus*, A. 1607. d. 7. Octobr. Academiam Gissenam,  
ab Se Ludovicianam dictam, condidit: qua GEORGIUS II. *Proavus*  
*Tuus*, istam ab divino Conditore eodemque Parente suo, quod Marbur-  
gensem anno quinto & vigesimo ab Se restauratam, fovere Sibi delibe-  
ratum erat, prudenter suspensam, anno 1650. de integro Gissam trans-  
ferri,



ferri, exulesque Musas revocari curavit: qua divinus *Avus Tuus* LUDOVICUS VI. illam haud secus atque pupillam amavit, amatamque fidei puritate juxta ac scientiarum cultura domi servavit splendidam, exteris æstimatam. Quanta vero Serenissimi Domini *Parentis Tui* cura extiterit, & etiamnum extet tuendæ ornandæque Academiæ patriæ, non necesse est, ut hic commemorem, cum unicuique constet, ac exteri etiam æstiment, admirenturque, quam magnis sumtibus Professores vocet, alat, istorum numerum ac stipendia augeat, & quanta magnificentia secularem Academiæ natalem, Jubilæum vocant, fecerit celebrari. Tantis genitus Parentibus SERENISSIME PRINCEPS! in id semper divinatoris animi indole incubuisti, quo virtuti sis simillimus, i. e. quo sanctissimis venerabilibusque Parentis, Avi, Majorumque vestigiis incedas. Quem ingeneratum TIBI vigorem omnibus doctrinæ studiis mira ingenii promptitudine perfecisti, itineribus quoque ac consuetudine summorum Principum usque eo evexisti, ut æquales TE admirentur, ac potentissima Magnæ Britanniæ Regina, æstimandis Tuis virtutibus adducta, gratiosissima animi propensione Sua in aula TE tractaverit: nunquam nisi honorificentissime TE appellaverit: TEque abeuntem cum testificatione Suæ in TE voluntatis dimiserit ornatum. Quod numen Tuum, SERENISSIME PRINCEPS! ut sanctum mihi est & venerandum, ita Musis meis velim esse propitium. Tentabit aditum hic præsens liber, quem pace Auctoris Latinitate donavi, quo præfixo nomine TUO, cum sibi apud externos auctoritatem conciliet, tum me interpretem apud TE ponat in gratiam. Pro incredibili in literas literatosque amore veniam facies audaciæ, quâ *Tibi*, SERENISSIME PRINCEPS! hoc quantulumcunque munus submississima animi pietate offero, huicque Versioni meæ SERENISSIMUM NOMEN TUUM summo præscribendum. Suscipe igitur ac patrocinio TUO dignare præsentem hunc librum, ab subjectissimo TIBI cliente oblatum, in quo, ceu monumento ære perenniore, forsan & nobiliore, posteritas videat, legat, intelligat, Musas nostras, SERENISSIMI DOMINI PARENTIS Tuaque gratia plus semel recreatas, aliquid ex se promississe ad gloriam gentis TUÆ, & asserendam ab oblivione laudem, Domui Darmstadinæ propriam & peculiarem. Ego DEUM deprecor, ut TE, secundum SERENISSIMUM DOMINUM PARENTEM, Principalis Familiæ decus, ab omni malo periculoque defendat: vita diuturna & integra valetudine beet: spem Principis, aliquando gloriosissime recturi, de TE concitatam, spatio vitæ omnique felicitate comprobet: stirpem denique ac successionem per TE faciat firmari. Sic vovet

## SERENITATI TUÆ

Alsfeldiæ pridie Iduum Julii,  
A. MDCCXV.

*Subjectissimus servus*

JOHANNES CONRADUS BECKER, D.





PRÆFATIO.  
LECTORI BENEVOLO

S. D.

JOHANNES CONRADUS  
BECKER, D.

**P**ROdit in lucem Amphitheatrum simpli-  
cium s. Museum Museorum Valentinianum, Latine  
à me conversum, quod Clarissimus Auctor vernacula  
conscriptum ante duo lustra ediderat. Mira-  
beris fortasse, quamobrem operosum hunc laborem  
mihi imponi passus fuerim, qui videretur in res alias  
melius potuisse impendi. Quinimo inanis ac super-  
vacaneus videbitur labor, quo tantum studii,  
tantumque opera in versionem Latinam con-  
tuli, qua tantum absit, ut lucem affundat  
scripto, hujusque sensum faciat planiorem,  
uti potius Auctoris mentem, vernacula satis  
clare ac perspicue explicatam, obscuret magis,  
sermoneque non cuique artis alumno sine  
lexicis cognito involvat. Adhuc in suspicionem  
facta ab consuetudine ac instituto Majorum,  
multorumque nostra memoria Doctorum,  
discessionis cademus, quos scimus patrio sermone  
scripsisse, ac multa peregrino scripta idiomate  
expressisse indigena. Quis tandem me non  
abducere debuerit Zoilorum præsumptio, in  
vituperandis aliis omnem iudicii vim laudemque  
ponentium, cum mihi verendum sit, ne maledico  
dente stylum carpant, ac institutum ducant  
culpandum? Enimvero cum nec quicquam mihi  
adhuc deliberatius fuerit, quam Doctorum tueri  
dignitatem, ac scriptorum, qua magno ipsis  
sudore constant, amplificare usum: facile me  
persuaderi passus sum, ut rerum naturalium  
artificialiumque Museum, è Germanico in  
Latinum verterem, susciperemque exantlandum,  
quicquid hic vides laboris. Nec parum me movit  
cum summa Doctoris Valentini auctoritas, quam  
amplificanda Medicina, & multis



multis praeclarissimis ingenii monumentis, totius Orbis literati iudicio consecutus est, aliisque in posterum edendis confirmabit: tum ipsius operis praestantia, in quo tantum non omne, quicquid sparsim apud curiosos invenitur, magno studio ac indefesso labore legimus congestum. Id vero vel maxime dolebant exteri, peregrinitate sermonis, quo Dn. Auctor istud solis Germania civibus reservari voluisse videtur, se ab utilissima istius lectione hucusque fuisse exclusos. Ne igitur sit, quam obrem aliarum terrarum curiosi querantur, quod usura huius Musei tam diu caruerint, pace Auctoris ac commendatione aliorum, istud eum in sermonem sumpsi vertendum, quo ubique terrarum possit prodesse & intelligi. Tantum vero abest, ut operosa mihi molestaque extiterit versio, uti potius ista summa cum delectatione animi perfunctus fuerim, natura mea propensionem secutus, quae ad literarum studia incensa ejusmodi me non defatigari sinit labore. Et qui utilius locare operam potuerim, quae tanquam insigni aliquo beneficio Exteros demeremur, iisdemque Naturae Artisque thesauros recludimus. Nemo itaque, nisi literarum rudes, hanc nostram deprecabuntur versionem, quae sua haud consultum vident literarum ignorantia: contra ea summis laudibus extollent eos, qui nescio quo promovendi boni publici praetextu, sed haud prudenti instituto, Doctorum Latinis scriptis in Germanicum vertendis, doctissimorum Virorum arcana, longis vigiliis, multoque sumtu parva, ignorantia fratribus, balneatoribus, pharmacopolis, foeminisque ac rusticis produnt, nobilissimam servandorum hominum artem vilescere, Medicos expilari, istorumque honorem & existimationem usque eo explodi prosternique faciunt, ut plebs susque deque habeat, Doctoremne in arte peritum, an tonsorem, Judeum, anum aut alios consulat, Medicina scientiam uno alterove medicamento praeseferentes. Aliam instituti rationem habet Clarissimus Auctor, qui cum facere Medicinam docet, eandemque observationibus illustrat, aut Decisa Medico-legalia cum eruditis communicat, prudenti consilio Latine scribit, quod artis nostrae honorem tueatur: curiosa verò Naturae & Artis, quae rimari praeter Medicos aliis quoque volupe est, vernacula prodit, quo utriusque thesauros introspicere liceat cuique. Quae ne Exteris diutius celentur, Latine de Germanico expressi, stylo facili & aequali, quem Zoilus tam diu arrodere desinat, quoad probaverit, se scribere meliori. Te L. B. rogo, ut equum Te mihi iudicem praebeas: quod ad rem literariam adjumentum affero, aequi bonique consulas: institutum magis quam facultatem aestimes: Tibique prorsus persuadeas solo obsequendi amicis desiderio, cupidique Tui promovendi commodi, hoc quicquid est operis, sine ambitione à me susceptum. Vale. Alsfeldiae ipsis Idibus Julii, A.O.R. supra millesimum septingentesimum decimo quinto.



MICHAELIS BERNHARDI  
VALENTINI,

ARCHIATRI HASSO-DARMSTADINI, PROF. MED. P. ORD. & REI  
OECONOMICÆ IN ACADEMIA GIESSENA INSPECTORIS

AURIFODINA  
MEDICA

E TRIPLICI NATURÆ REGNO,  
*MINERALI, VEGETABILI & ANIMALI,*

<sup>SEU</sup>  
HISTORIA SIMPLICIUM  
REFORMATA,

TRADENS ORIGINEM ILLORUM GENUINAM, VIRES & USUM LEGITIMUM,  
<sup>CUM</sup>

INDIA LITERATA

feu DISSERTATIONIBUS EPISTOLICIS, à Viris  
celeberrimis, *Georgio Eberhardo Rumphio, Herberto  
de Jager, Andrea Cleyero, ten Rhyn* aliisque in  
India Orientali de aromatum aliorumque exoticorum  
vegetatione, cultura & negotiatione reciprocatæ ac figuris æneis  
ad vivum expressis illustratæ,

EDITIO SECUNDA, AUCTIONE REDDITA  
PER

ACCESSIONES NOVISSIMAS,  
quibus certiores de sale Ebeshamensi, alumine plumoso,  
auripigmento, rusmate Turcarum, smalta, hysserolithis, semine esperatæ,  
mastiche, caffè à la Sultane, granis chermes, cascarilla, terebin-  
china Veneta, sale armoniaco, lapide bezoar, secundis rajarum &c.  
relationes & observationes continentur.

*Pro coronide adjecta est*

TABULA ICHNOGRAPHICA STADII  
STUDIIQUE MEDICI.

---

GIESSE & FRANCOFURTI,  
Prostat apud DOMINICUM à SANDE & EBERH. HENRIC. LAMMERS,  
M DCC XXIII.









## PRÆFATIO.

**A**URIFODINAM Tibi offero L. B. non hominum consiliis & industria per virgam Mercurialem operosè inquisitam, sed Dei qs. digito ostensam. Quid enim triplex naturæ regnum aliud est quam *aurifodina* à Deo T. O. M. in primæva creatione producta? quid aliud quam cornucopiæ aut profundissima divinæ bonitatis abyssus? Habent hic quæ fodiunt Artifices tantum non omnes, cum primis Aromatarii, Seplasiarii & Pharmacopœi, qui tabernas suas & officinas non sine causa *aurifodinas* vocant, cum è vilissimis, ut gloriantur, sterquiliniis aurum lucrari & conflare valeant. Habent quo panopliam sibi parent Medici pharmaco quovis universali aut auro potabili certiolem. Deus enim de terra creavit medicinam, quam prudens (suadente sacro codice) non contemnet. Imprudentia è contra, si non insania, est insuper habitis Dei operibus perfectissimis perfectiora meditari, omnia quæ per syncrisin Creatoris conjuncta sunt per diacrisin Anticreatoris dissolvere, texturam naturalem discerpere, in puritate summa impuritatem quærere & tandem è validissimis aut mera capita mortua, aut è temperatis remedia corrosiva & insegura parare. Hinc illæ lacrymæ! hinc funestissimi quoque casus, queis experimenta per



mortes hominum facientes Medicaſtri coemeteria ſagi-  
nant, dum alii, quibus


*De meliori luto finxit præcordia Titan*,  
unico eoque ſimplicifſimo medicamento in morborum  
curatione ſæpe plus efficiunt, quam ſeſquipedalibus  
compoſitorum formulis. Videas inde Medicos, in ſum-  
ma licet celebritate conſtitutos, haud rarò in ruborem  
dari, ſi aut lippiens fortè vetula, aut glebam terens ru-  
ſticus vulgatiſſimâ quâvis herbâ aut radiculâ morbum  
curet, quem prolixis multoque pretio conſtantibus re-  
ceptis perdomare non valebant. Scelus ſanè eſt uti com-  
poſitis, (verba ſunt *Cratonis* trium Imperatorum Archia-  
tri) ubi ſimplicia ſuffecerint. Scelus eſt calumniis pro-  
ſcindere eos, qui in conſcientia convicti periculosa, ſu-  
ſpecta minusque ſecura abhorrent & alios, ut cautius  
mercentur, adhortantur. *Hippocratem* igitur, *Celſum*  
aliosque Medicinæ Statores imitemur, oportet, quos ſim-  
plicifſima ut plurimum, aut proximè ad illa accedentia  
in curatione morborum felicifſime præſcripſiſſe legimus.

Quo verò eò tutius circa uſum & applicationem illo-  
rum verſemur, originem, generationem, facultates & vires  
eorum ad unguem addiſcere decet, quæ Exoticorum intuitu animadver-  
ſione quadam, vel ſi mavis reformatione indigebant. Tentavimus hanc  
aliquot abhinc luſtris in *Muſeo Muſeorum* Teutonico primum, mox &  
Latino idiomate, ſub *Hiſtoria Simplicium Reformata* nomine, cum *India*  
*Literata*, in gratiam Exterorum edito. Quum verò annis ſubſequentibus  
novæ illis ſive acceſſiones ſive emendationes factæ ſint, operæ me præ-  
tium meritum duxi, ſi pro ſupplemento has prioribus maritarem om-  
niaque ſub AURIFODINÆ MEDICÆ rubrica publici juris facerem.

Faxit alma Trias, ut opibus inde conquiſitis opem feramus omnibus  
ope & auxilio noſtro indigentibus & ſic cuncta cedant in Divini ſui No-  
minis honorem, Proximi emolumentum noſtramque ſalutem nunquam  
intermorituram. Fiat! Scrib. Giſſæ die 10, Aprilis A. 1722.

AUTORIS





# AUTORIS VITA.



Uæ ratio vitæ, studiorum, quæve laborum,  
 Prosequar ut voto, LECTOR amande, Tuo  
 Permittas! Phaëtonis avem moriendo secutus,  
 Si, quod vulgus ait, rostro obeunte canit.

Effluxi sæcli medio dum septimus annus  
 Accessit, vitæ stamina coepta meæ.  
 Auram captavi *Gissa*, de stirpe Parentum  
 Germanæ fidei natus utrinque probâ.  
 JUSTI namque *Pater* tum nomen & omen habebat  
 Atque VALENTINI: WILLIA *Mater* erat.  
 Sanguine mox Christi mundatus, sicque renatus,  
 Turbæ Christicolæ pars ego dictus eram.  
 Tu mihi *Sponsor* eras SIRICI, Tuque DRESINGI,  
 Hic mihi BERNHARDUS, MICCHAEL alter erat.  
*Orbilius* sexto tenerâ adhuc mente secutus  
 Anno, cum pueris prima elementa traho.  
 Mox ea juncta lego: *Donati* regula flectit  
 Declinanda, suis format & illa modis.  
 Casibus hinc variis fere sex exercitus annis  
 Classibus immissus, classica quæque canam.



## AUTORIS VITA.

---

Clavum MISLERUS tenuit, RUDRAUFIUS alter,  
Huic *Logicam* acceptam, cætera utrique tuli.  
Hic præcepta dabant: PISTOR sua *Græca*, *Latina*  
LEUSLERUS: RODAUG *carmina* cum *Melicis*.  
Reliqua SCHLOSSERUS, SEIP, ROSLER, LOTICHIUSque  
Formabant: colophon RUNCKEL uterque fuit.  
Exhaustis cursu sexenni classibus, illis  
Exemptus Civis Publicus inde eluo.  
Agmine jam facto Sophiæ tot membra celebris  
Laudabant meritis dogmata quæque suis.  
RUDRAUF hinc *Logicam* repetebat & *entia* mentis,  
*Mores* formabat WEISSIUS atque simul  
*Quid deceat civem?* KAHLERque *Mathemata* signat,  
Qui me *Cartesius* admovet ipse *Scholis*.  
STRAUSSIUS in *Physicis* *Medicisque* arcana reclusit,  
HEILAND cum *plantis* *viscera* quæque fecat.  
Omnia facundo *Rhetor* PHASIANUS ut ore  
Sint dicenda refert: cætera tempus habet.  
Non tamen his solis contenta & ad extera vergit  
Ignea mens, literis plus repetendo suis.  
ETTMULLERUS erant, FRANCUS, WALDSCHMIDIUS, omnes  
Quos sequor in scriptis sæpius usque meis.  
Publica privatis miscebam prælia verbis,  
Præside RUDRAUFFO Tutor & Autor eram.  
Tandem Examinibus variis tentatus ab illis  
Quos Ordo Medicus Gratus in Arte tenet:  
Doctorem cathedram solus sine Præside scando  
*Convulsos* curans disqueputando viros.  
STRAUSSIUS hinc Rector, simul & Decanus & Hostis,  
Instabat dubiis acrius usque suis.  
CARTESIO infensus sequitur RUDRAUFIUS, ille  
Vellicat innumeris dogmata nostra modis.  
Frustra ac in vanum! ridens delira Scholarum  
Somnia principiis ipse triumpho novis.  
Singula Doctorem per vota *Licentia* ad altum  
Mox in Arte Gradum sponte parata fuit.  
Jam vade, occidens, nova nunc Rabelæsia proles,  
Morbonam & mortem vah! pete, quære, neca,  
In cathedra multos dicunt curarier ægros,  
Ad lectum paucos convaluisse malo.



## AUTORIS VITA.

---

Hæc ne de nostris spargantur scommata Musis,  
Ad Praxin Medicam protinus ire juvat.  
Rhenum ergo superans Bacchi mox occupo terram,  
Vangiones tangens, quæ mihi messis erat.  
Inde Philipsburgum, munitam fortiter urbem,  
Evocor, ut turmas Cæsaris ipse juvem.  
Quanta STAREMBERGI me foverit atque NIGELLI  
Gratia: vix calamo pinxero forte inco.  
Neuque Tuis meritis, Doctor celeberrime WIDTI,  
Sufficio innumeris: Dî Tibi grata ferant.  
Jactis sic primis felicis Praxeos annis  
Extera mens ardet, lassâ latere domi.  
Non assanda domi pyra sunt, nec mammula Matris  
Est mordenda diu, plura videnda foris.  
Quare bonis avibus Rhēni provectus in amne  
Belgica tunc bello classica cassâ peto.  
Cymba soluta volat, patuit *Rhingovia*: triplex  
Electoralis cernitur inde Domus.  
Rhenus ubi Mœno junctus *Moguntia* surgit,  
Qua patet ad reliquas porta parata vias.  
Mox & Mosellam capiens illam alluit urbem  
Quæ de *Confluxu* nomen & omen habet.  
Longius expanso rivo *Collonia* se offert.  
Haud procul à *Bonna*, principe sede novâ  
*Arnhemii* MUYSUM quærens, caupona tenebat  
Chirurgus - Medicum, percelebrem ac agilem.  
*Trajectum* sequitur, *Neomago* sponte relicto,  
Ambo pacifico fœdere clara loca.  
Trajecti Musas celebres Medicosque saluto,  
VALLANTUM validum, MÜNNIKE & invalidum.  
*Lugdunum* vento delatus & inde secundo  
Observo votis quæque parata meis.  
Prosector Gallus, qui DRELINCURTIUS audit,  
Artus in humano corpore quosque secat.  
HERMANNUS celebri Doctor mirandus in horto  
Indicat è plantis India quicquid habet.  
Praxin formabat SCHACHTUS, Mennonia proles,  
Carbones infant MORTIUS atque MAËTS.  
VOLDERUS, SENGUERD certabant Experimentis  
MUSCHBROEK inventis servit utrique suis.



## AUTORIS VITA.

---

Ordinibus sacram Belgarum tractus ad Aulam  
*Hagam*, Comitibus quæ celebrata suis,  
Binis ipse Viris vah! quantis obuius ibam,  
Quorum vix similes totus hic Orbis habet.  
NUICKIUS unus erat, solus SOLINGIUS alter,  
Pluribus è scriptis notus uterque suis.  
Condecorata prior quamplurima viscera monstrat,  
Vasa replens cerâ quælibet apta suâ.  
Posterior Sellam, Cultros, Hamosque trahendis  
Foetibus è Matris corpore facta tulit.  
*Delphicus* mox Argus miras LEWENHOCKIUS offert  
Lentes, quæis Orbis parvula quæque patent.  
His culicis partes, omnes & pulicis artus,  
Non sine deliciis, undique visa patent.  
RUYSCHIIUS inde suis *Thesauris Ambstelodami*  
Percelebris placuit: Mox COMELINUS adest,  
Plantis exornans raris tum gnaviter Hortum,  
Quo Pomona suos Floraque fructus alit.  
Quot Chirurgorum gazas ferat Amphitheatrum?  
Indica quidve Domus? dicier hiece nequit.  
ERASMI Patriæ memini quoque *Rotterodami*,  
Qua patet ad Anglos, quod meditabar, iter.  
Ligneus hîc equus, Trojano major, ubivis  
Ad nutum prostat, vela parata simul.  
His *Brielam* supero, Ponto mox traditus alto,  
Duxque Comesque fuit pyxis & ursa minor.  
Ridebam incussum per Te, CAMERARIE, scrupum,  
Ridebamque minas Æole mille Tuas.  
I nunc & ventis animam committe! susurrat  
Alter Ego, hancce viam mox tamen Ipse terens.  
Cuius, qui mediis validè hîc jactatur in undis,  
Nausea cum vomitu mox solet esse gravis.  
Dum tamen ad Tamesin trudebant carbasa navim,  
Mirum! cessabat nausea & omne malum.  
*Londinum* ad Tamesis tractum se extendit & effert,  
Urbs Mundo populis assimilanda suis.  
Cruribus hîc parcas, rhedaque veharis oportet,  
Aut cymba facili: compita longa nimis.  
Vix ingressus eram, mox læta novella per urbem  
Fertur & adventus PRINCIPIS HASSIACI:



## AUTORIS VITA.

ERNST LUDVICUS erat, Patriæ Nutritor & Hæres,

Quod pro felici fidere tunc habui.

Exhilaratus eô Londini lumina lustro,

Lumina quæ scriptis inclyta facta suis.

Sol BOYLEUS erat radiisque fovere benignis,

Non detrectabat, cuius ut esse solet:

Tabidus hic valde, pellis vix ossibus Ejus

Hærebat, tenero corpore, mente piâ:

Discursu facilis, quô non facundior alter,

Naturam Chymicis discutiendo probis.

Furnos cum raris libris, multa experimenta

Tractavi manibus, pace Viri, hisce meis.

LISTERUS sequitur, concharum scriptor & autor,

Tuque SYDENHAMI, portio magna meæ

Praxeos, in scriptis major quàm corpore quondam

Oreque, Morbonæ malleus asper ades:

Herbis non verbis curas, sincerus in omni

Curandi methodo, quam Tua Praxis habet.

Exactis aliquot Londini mensibus ultra

Tendebam, visis pluribus ante locis.

Gallia, tunc bello nondum perplexa, patebat,

Quæ simul insignes continet Arte viros.

*Doveram* vectus licuit conscendere navim

Trajectoque freto Gallicus isthmus adest.

*Caletum* tum porta fuit, *Picardia* portus

Introitusque, viam ripa marina dedit.

Octavo inde die *Lutetia Parisiorum*

Panditur excelsis turribus alta suis,

Quam meritò linguâ Toscanâ un piccolo mondo

Dicunt, nec muris cincta nec aggeribus:

Copia sed populi Tibi murus aheneus esto,

Formicas numeris exsuperando suis.

Hic mihi si centum linguæ sint oraque centum,

Vix tamen immensas eloquar Artis opes.

Nulla dies abiit, quâ non insigne novumque

Spectarim casum, nullibi forte datum.

Confluxus rerum tantus tantusque virorum

Quantus vix alibi vastior Orbis habet.

Doctorum permagna cohors vivebat in Urbe,

E Medicis pauci complacuere mihi.



## AUTORIS VITA.

---

Purgant & saignant, centum clysteria donnant,  
Qua methodo pereunt corpora mille virum.  
Tu mihi DU VERNEY, Sector Celeberrime, in Horti  
Introitu Regii, præ omnibus hisce places.  
Omnibus applaudo, quotquot TOURNFORTIUS offert,  
Plantis, mirando hîc ordine dispositis.  
HAMELIUS Physicas breviter componere lites  
Sustinet in scriptis, quæ dedit usque suis.  
ROQUIUS hebdomatis medio mox colligit omnes  
Quotquot in Arte novas hicce venantur opes.  
Exacuit mentem MALBRANCHIUS, Autor in Orbe  
Famofus: Chymici munus agit L'EMERY.  
Paucis: Cuncta patent, prostant venalia cuncta,  
Si nihil attuleris, ibis Homere forâs.  
Nil tamen æque mihi, nil fortunatius unquam  
Contigit ac olim PRINCIPIS HASSIACI  
Gratia: Magnanimi Victoris nempe GEORGI,  
Quem tunc Parisiis mox veneratus eram.  
*Versale sum* abiens auro fulgentia tecta  
Miror: Rex intus Sol mihi solus erat.  
Immortalis is in Statuis, nec pluribus impar,  
Impar erit morti, viribus impar erit.  
Jam reditum meditor, patriosque revisere lares  
Intendens Gallis mox valedico meis.  
Ad Patriæ fines *Campanæ* nomine nota  
Me duxit regio, dulcia vina ferens.  
Hanc si reliqueris mox *Lotharingica* terra  
Se offert, *Nancejo* fortior usque suo.  
*Alsatos* tandem prodit sic dicta *Taberna*,  
Angustis montis passibus apta suis.  
Hinc *Argentina* turris fere ad æthera scandens  
Spectatur, summo culmine nota suo.  
Infaustam faustis avibus progressus ad urbem  
Turmas innumeras miror in urbe novas,  
Omne proh tristi! vix unus vertitur annus,  
Classica quin caneret Gallus in urbe sua.  
Fax erat Aurell Ducissa petens repetensque  
Dotem, de reliquis disqueputando bonis.  
Hæc fatalis erat Spiræ, Wormatiæ & omni  
Confinio: flammis cuncta perusta malis!



## AUTORIS VITA.

---

Argentina vale! valeas Doctissime SCHEIDI!

Tuque Valentini sis memor usque tui.

*Durlacum* attingens specto confinia castrì

Cæsarei, quondam Praxeos illa meæ

Rudera, quæ mitto; mox *Heidelbergica* turris

Eminet: hæc FRANCUM dat mihi sponte suum.

WINCKLERUM Archiatrum, vultu tristique severo

Arrestò vinctum, quæsi & indolui.

Dolia magna locus, sed maxima Principis aula

Commonstrat, Bacchum digna replere suum.

*Heidelberga viam montanam*, à montibus ortam,

Sistit: Cattorum mox Melibocus adest.

Transeo *Darmstadium*, *Francorum* maximam ad urbem

Tendens: hæcce viæ terminus esto meæ.

Vix Patriæ glebam calco & promotio duplex

Imminet, exiliū clausula facta mei.

*Doctores* fiunt Sacri, Iusti, Medicique,

Inter postremos ordine primus eram.

Post accedebat *Physices Professio* Gissæ,

Cui nunquam visa heïc experimenta tuli.

Decem post annos *Medicorum* me vocat ordo,

Cui simul ac Sophico dogmata nostra probo.

Publicus in cathedra clamando & disqueputando

Privatim multis servio in Arte Viris.

Ter sum Magnifici *Rectoris* munere functus,

Ceu præter votum vota tulere meum.

*Decani* officium mihi sæpius obtulit Ordo

Confessûs Medici, sæpius & Sophici.

Libros diversos (absit jaëtantia,) scripsi,

Quæis struo Philiatros nocte dieque meos.

*Gissenam Physicam*, *Medici* post dogmata *Cursus*,

*Praxi* cum dupla, *Casibus* & variis.

*Pandectas Medico-Legales* atque *Novellas*,

*Museum* Latio jam modò restituo.

*Plantarum* sequitur *descriptio* & *Amphitheatrum*

*Brutorum*: *Chymicis* clauditur omne probis.

Sic steti in Illustri per sex ferè lustra Lyceo,

Huicque, juvante DEO, commoda multa tuli.

Non tamen Hassiacis tantùm sum natus Athenis,

Musis & peregrè non peregrinus eram.



## AUTORIS VITA.

---

*Cæsaris* hîc prima est: abhinc *Pataxina* secunda:

Tertia *Prusiacæ* est: quarta perennis erit.

Me tandem *Archiatrum* sibi vult **CELISSIMA PRINCEPS**

Butsbaci, Patriæ Mater & Alma Patris.

Filia Theiologi MÜLLERI erat *accola thori*,

*Conjugii* septem pignora nata mihi.

*Religio* mihi sacra fuit, fuit illa saluti,

In Christum propriâ vivitur hîcce fide.

**Crux** mihi **Mundus** erat: **Mundo** sæpissime **crucem**

Fixi: **Justitiam** semper amantis amans.

Hæc mea *Vita* fuit bis sex fere cognita lustris,

*Vita* mihi multo ducta labore vale.

Quod superest animam manibus commendo benignis

Christi salvificis, qui mihi **Finis** erit!



INTRO.





# INTRODUCTIO

## DE

### MUSEIS CURIOSIS ET SIMPLICIBUS ILLIC OCCURRENTIBUS IN GENERE.



Otam meretur singularem, quod DEUS T. O. M. sub primavâ rerum productione quamcunque nunquam non bonam observaverit: id quod non tantum quinquies figillatim in historia creationis cuilibet additur, sed & de omnibus conjunctim singulari cum emphasi repetitur, dum Spiritus S. §. 31. *Cap. 1. Geneseos* expressè dicit: Viditque DEUS cuncta, quæ fecerat, & erant valde bona. Novit scil. Summus & Omniscius rerum Creator, ex divinâ suâ æternæque providentiâ, fore, ut homo ingratiſſimus, post lapsum Adamiticum, eò se abduci pateretur, ut creaturas suas, non sine stupendâ bonitate & elegantia productas, quovis modo reformaturus & uberiores illarum perfectionem tentaturus sit; quapropter ad ineptam hanc & omnino temerariam arrogantiam convincendam Spiritus S. omnium & singularum creaturarum perfectissimam bonitatem toties repetit & expressione singulari inculcavit. Non dicam jam vaniloquos & fraudulentos Chrysopœos, nostris diebus in Aulis Magnatum adeò frequentes, hæc suam obtinere parænesin, dum metalla viliora, seu, ut loquuntur, ignobiliora, pro immaturis & non non satis bonis à se habita, in nobilia & pretiosiora, aurum scil. & argentum, transmutare, sicque DEI creaturis majorem perfectionem affricare satagunt: cum obscura illorum mirisque ambiguitatum tenebris involuta scripta (è quibus integram *Bibliothecam Chymicam* formarunt Genevenſes) artem illam satis suspectam reddant, ipsaque experientia testetur montes illorum & panaceas, nil nisi aurum parturientes, ut plurimum ridiculum tantum murem eniti. Illud potius hæc vice cuilibet pensandum offero, annon & Medici hujus se pervicaciæ participes reddant, quotquot creata à DEO medicamenta naturalia, quæ simplicia vulgò audiunt, si non prorsus insuper habent, non tamen eâ, quâ decet, sollicitudine inquirunt & examinant, sed illorum usui aut sesquipedales Galenicorum formulas, quas recepta vocant, aut arte Chymica inde extortas Quint-essentias, Spiritus, Olea, Salia, Extracta & similia substituant, sub specioso quidem, sed prorsus inani, prætextu, quod purum ab impurò, bonum à malò separare studeant. Nonne quoque hæc talia creaturarum DEI reformationem dicam an emendationem sapiunt? Qui cum Sacra hæc Scripturâ concordant, quæ omnia, quæ fecerat Dominus, valde valde bona testatur? bona scil. quoad essentiam, bona quoque quoad virtutes & effectus. Quod si forte regerant multas adhuc faces & impuritates inutiles remanere, quas eam ob causam terram damnatam, imò caput mortuum vocare consueverunt: sciendum, caput sic dictum ab illis mortuum neutiquam in simplicibus, eâ sub formâ, existisse, sed ab hominibus ignis ope sic productum fuisse, quem *Helmontius* eam ob causam haud immeritò mortem in manu artificis olim appellavit. Relinquatur illud, inter alias particulas, in texturâ & mixturâ à DEO T. O. M. numero, pondere & mensurâ optimè combinatas, & non minus vivâ multoque efficaciori vi gaudebit, quàm omnia salia, spiritus & olea per artem elicit. Quod si autem ea, quæ DEUS conjunxit & qs. maritavit, humanâ superstitione aut arrogantia separentur, è terrenis & in mixtione sua nobilissimis ac optimis particulis nil nisi capita mortua, terras damnatas & inutilia terræ pondera efficiunt. Crede, mi *Pyrophile*, hanc unam è ponderosissimis esse causam, quòd nostris temporibus tot morbi incurabiles (de quibus *Seidelius* integrum libellum conscripsit) numerentur, contra quos DEUS T. O. M. dubio procul certa etiam remedia, è terrâ scaturientia, creavit, modò debitâ diligentia curaque in eadem inquireretur, ac, ut Creator ineffabilis illa produxit, immutata relinquerentur. Postquam verò compositioni dicam, an confusioni, humanæ & per ignem disceptæ corruptioni



## INTRODUCTIO.

confidimus, simplicia autem, à Deo è terrâ producta & à Sapiente non contemnenda, insuper habemus, mirum non est nobilissimam medendi artem à tot retroseculis non tantum pauca, aut omnino nulla in Praxi incrementa cepisse, sed & à pristino decore & nobilitate plurimum degenerasse. Respiciamus, quæso, effluxa (quibus Primicerii & Parentes Medicorum, *Æsculapius*, *Hippocrates* & alii ferè solis simplicibus in medendo utebantur) tempora, & oppidò elucescet, tunc insigniores & notabiliores, quam ab hodiernis Chymicis expectantur, curas observatas fuisse; unde tanto illi honore tractati tantoque in pretio habiti fuerunt, ut tempore necessitatis tantum auri & argenti, quantum postularant, illis oblatum, summa in veneratione habiti, tandemque, more Ethnicis consueto, in Deorum numerum evecti fuerint. Consulatur & quotidiana experientia, ac faciliè apparebit illos affectus, qui prolixis iteratisque formulis, tincturis, essentiis & quintessentiis nequicquam cedere voluerunt, uno, eoque simplicissimo, à Deo per naturam suppeditato, felicissimè sublato & subjugatos fuisse. *Helmontius* supralaudatus hoc in proprio quondam corpore experiebatur: & licet Chymicus experientissimus & subactissimus per ignem (ut se vocat) Philosophus fuerit, fateri tamen cogebatur, quod, cum per nulla medicamenta composita sublevare potuerit, tandem unico è simplicibus, eoque vilissimo, ut videri poterat, remedio curatus fuerit. Postquam enim sub ipsis juventutis annis Virginem Nobilem, eamque scabiosam (cui valedicebat) manibus teneret, huiusque chirothecis luderet, hoc amoris sui præmium reportabat, ut simili morbo infectus veritatem proverbii experiretur:

Morbida facta pecus totum corrumpit ovile.

Cum ergò pertæsus huius rei Medicos quosdam Celebriores consuleret, venæsectione, purgantibus & decoctis longis sic exhauriebatur, ut neque manus, neque pedes suum amplius officium, eâ qua decet ratione, facere potuerint, eadem semper facie incedente scabioso *Helmontio*. Quapropter tandem solo erudoque sulphure externè usus intra breve temporis intervallum cum pristina sanitate in gratiam redibat, uti casum hunc bis in scriptis suis, scil. *Part. 1. Tr. Scab. & Ulcera Schol. & Part. 2. de Febribus fusius* recenset. Ne verò quis existimet, & in contrarium opponat, hoc tantum de compositionibus Galenicis intelligendum esse, neutiquam simul de Præparatis Chymicis, en! alium, eumque omnibus Doctoribus Practicis notissimum, casum, qui Versalesii in Aula Regis Gallici se truxit ubi Delphinus, Princeps Regius Hæreditarius, febris quartanâ corripiebatur. Jam unusquisque facile hariolari poterit omnes statim Archiatros Archiattrorumque Comites consultos fuisse, qui nulla non, etiam pretiosissima, elixiria, essentias & extracta antifebrilia, dubio procul, diu præscripserant, quibus tamen febris contumacissima non cedebat. Tandem hinc adeò famosus *Talbotius* ex Angliâ, suâ Chinâ Chinâ instructus, accedebat, eaque paucos intra dies Principem hunc Regium in integrum restituebat, & ob curationem hanc felicem non tantum plura coronatorum millia reportabat, sed & pro communicatione huius arcani (à Rege Ludovico XIV. postmodum, in gratiam subditorum, non secus ac cum ipecacuanhâ nuper factum, typis mandati) non contemnendam auri summam lucrabatur: quemadmodum hæc omnia, in gratiam Hassorum nostrorum, aliquot ante annos in speciali *de Chinâ China Disputatione*, heic Gissæ ventilatâ & in *Polychrestis nostris Exoticis* legendâ, fusius descripsimus. Quis jam inficias ibit, simplicia hujuscemodi naturalia & specifica multò maiorem, quam alia per artem inde facta composita, efficaciam habere? & licet neque hæc, neque alia Chymicè præparata penitus rejiciam, multo minus hæc in illorum præjudicium intelligi velim, cum & ipse non rarò iis utar: attamen priora simplicia eapropter non statim aut minoris facienda, aut omnino insuper habenda, sed majori, quam hæcenus factum, diligentia excolenda sunt: eoque magis, quod hæc ipsa non tantum emolumentum, quod præstant, sed & delectationis, quam curiosa inde pectora expectant, intuitu, prioribus longis parasangis præferenda sint. Jungantur, si placet, & in ordinem redigantur omnia salia, spiritus, olea & similia, videaturque, an eâ ratione superbiant, ac varia simplicia, in tot Curiosorum Museis ludentia & oculos pascentia, mineræ scil. omnis generis, lapides figurati, conchæ, radices, flores, quadrupeda exotica, aves, pisces & similia? & quamvis *Inclytus D. Major Cap. VI. Judicii sui de Museis Curiosis in genere*, Germanicè olim editi, dubitare videatur, an ullibi locorum perfectum & omnibus numeris, ordinis intuitu, absolutum Museum rerum naturalium habeatur? in unoquoque tamen erit, quod animum rerum harum avidum tenere recreareque poterit: adeò quidem, ut Sapientissimus Regum, Salomo, in omni gloriâ & majestate suâ, nullibi maiorem, quam in rebus ejusmodi naturalibus complacentiam invenerit, cum *Lib. 2. Regum cap. 4. §. 33.* non tam de summâ suâ Potestate aut Majestate Politicâ, quam potius de arboribus, de cedro, quæ est in Libano, usque ad hyssopum, quæ egreditur è pariete: ut & de quadrupedibus & avibus, de reptilibus & piscibus differuerit; & quoniam alibi similiter, scil. *Eccl. 2. §. 4.* ipsemet gloriatur, quod sibi vineas, hortos, piscinas & similia ædificavit, omnesque plantarum species procuraverit, dubium nullum est, quod simili quoque Museo rerum naturalium gavisus fuerit. Quod si jam famigeratissimus Germaniæ Orator *D. Schuppius* suo tempore exoptavit, ut *Salomonis Physicam & Historiam Naturalem* (quam conscripsisse dicitur) unquam vidisset: multo magis pretiosissimum ejus & inæstimabile Museum &

Thesau-



## INTRODUCTIO.

Theſaurarium me vidiffe deſiderarem. Dilucidiora adhuc & planiora Regis Hiſciæ Muſei veſtigia in Sacris, ſcil. *Lib. 2. Regum cap. 2.* occurrunt, ubi præter aurum & argentum, in Theſaurario Regis obvium, varia pariter aromata & olea obſervata fuêrunt; quemadmodum & alii Reges Ethnici in regionibus orientalibus ſimiles theſauros, è curioſis naturalibus conſtantes, in certis receptaculis aſſervaffe leguntur. De *Inga* ſanè, Rege Peruvianô, ſcribitur, quòd tantum non omnia animalia, aves, homines, arbores cum foliis & fructibus, ex merô aurô ſibi conſlari & aſſervari curaverit. Non minus Mexicanorum Rex *Montezuma* ſimilia ſimulacra auro atque gemmis repræſentaffe & alioquin varia animalia exotica, aves & ſimilia in certis receptaculis & theriotrophiis, pro delectatione ſui, aluiſſe legitur. Quam pretioſa verò & inſolita rariora Indiæ Mogol in VIII. maximis reſpoſitoriis Agræ aſſervari curaverit, *Erasmus Franciſci Part. 3. Horti ſui Indici pag. 1438.* teſtatur. Abhinc in Africam trajicientes obſervamus Ægyptiorum Regem *Ptolomæum Philadelphum* (qui circa annum mundi 3666, ſicque 283. annis circiter ante nativitatem Chriſto floruit) multos, eosque pretioſiſſimos, quoque theſauros collegiſſe, & ſi non perfectum ac omnibus numeris abſolutum rerum naturalium Gazophylacium, attamen certa rariorum ſuorum receptacula habuiſſe, de quibus rerum Judaicarum Scriptor *Joſephus lib. 12. Antiq. Jud. cap. 2.* conſulatur. De inſolitis *Ibraham Baſſæ* collectaneis, Conſtantinopoli videndis, jam prolixus non ero, dum plura, quæ de vitâ Ejus recenſentur, fabulæ Romanæ, ad fallendum tempus excogitatæ, quàm veritati mage conſentanea videntur. Quàm pretioſi igitur hi Regum Ethnicorum theſauri videri poſſent, longe tamen utiliora æquè ac curioſiora ſunt Muſea & Gazophylacia noſtris temporibus in Europâ, non tantum in Aulis Magnatum, Collegiorum & Societatum Illuſtrium, ſed & penes complures privatos occurrentia, cum in his non tantum inſana auri pondera, gemmas & ſimilia, ſed & omnis generis naturalia & exotica rariora, vegetabilia, animalia, lapides, mineras &c. contemplari liceat, è quibus Dei T.O.M. Omnipotentia & Omnifcientia luce meridianâ clariùs eluceſcit. Teſtatur hoc pretioſiſſimum non minus quàm rariffimum *Muſeum Cæſareum Viennenſe*, è quò juffu Clementiſſimo S. C. Majeſtatis, Inviſtiſſimi & Victoriſſimi LEOPOLDI Magni, gloriſſimæ recordationis, aliquot icones & figuræ ari inciſæ Miſcellaneis S.R.I. Academia Naturæ Curioſorum annuis inſertæ fuêrunt. Teſtatur idem pariter *Muſeum Regium Haſnienſe*, à D. Oligero Jacobæo eleganter recensitum & terſiſſimis inſcriptionibus exornatum; cui quamproximè accedebat decantatum adeò *Gottorpienſe*, à Dn. Oleario luci publicæ expoſitum, ſed, quod dolendum, ſubſequentibus temporibus ſimplicibus quamplurimum exhaustum & privatum; & licet famigeratiſſimum ſimul *Gazophylacium Electorale Saxonicum*, quod Drefdæ eſt, maximam ad partem è rarioribus artificialibus, horologiis, armis, numiſmatibus & ſimilibus ſit conflatum, haud pauca tamen corpora naturalia, indeque præparata Chymica ſecretiora, illuc occurrunt, prout è Zeileri ſcriptis eluceſcit, fuſiusque à Tobia Beutelio in Cedreto Elect. Saxonico oſtenditur: cui Dn. Erbachiùs, ut audio, propediem catalogum *Muſei Ducalis Vinarienſis*, conchis exoticis inſtructiſſimi, juncturus erit. Aſt quanta non in *Theatro Anatomico Ambſtelodamenſi* ſpectantur! Quanta non in ambulacro *Horti Medici & Theatri Anatomici Lugdunenſis* in Bataviâ! peculiaribus libellis, illuc veneuntibus, deſcripta. Quàm admiranda facie ludunt ea, quæ Societas Regia in *Collegio Greſhamenſi Londini* Britannorum colligit, naturalia, prolixo ſatis commentariô deſcripta! cui parum vel nihil cedit *Theatrum Scheldonianum Oxoniſe*, ſimilibus exoticis ſuperbiens. Nec in Galliâ, cum primis Lutetiæ Pariſiorum, prope Theatrum Anatomicum, in atrio Horti Regii, ut & in *Gazophylacio Regiô*, in Fano S. *Dionyſii*, ſimilia rariora naturalia deſiderantur, quorum catalogi quoque lucem aſpexerunt publicam. In Italia equidem tot & tam completa Muſea publica non habentur, niſi quod *Florentia* in Laboratoriô celeberrimô Magni Ducis Toſcaniæ, *Piſæ* penes Facultatem Medicam, *Bononia* in Muſeo ab Illuſtriſſimo Comite Marſigli noviffimè fundato, atque *Romæ* in Collegio Medico haud pauca etiam ſpectentur: interim nunquam non illuc æquè ac in vicinis Regnis, Neapolitano & Sicilia, Curioſi nonnulli, iique maxima ex parte Eruditi, ſe truſerunt, qui ſimilia exotica ſollicitè & cumulatiim collegêrunt. Inter illos Itinerariorum Scriptores Illuſtris *Johannis Franciſci Habela*, ſacri ordinis Hieroſolymitani & Vice-Cancellarii Inſulæ Malthæ, *Gazophylacium Melitenſe*, cujus Dn. Niderſtatt in *Deſcriptione Inſulæ hujus cap. 5. pag. 17.* mentionem fecit, extollunt. Nec minus famoſum eſt *Petri Caſtelli Muſeum Meſſanenſe*, quod Thomas Bartholinus in diverſis Epiſtolis dilaudavit. Quò *Pauli Bocconis*, *Vincentii Cioffi*, *Job. Vincentiæ Portæ*, *Donati Eremitæ* & *Fabii Columnæ* rariora, *Neapoli* conſpicua: Athanaſii item *Kircheri*, *Barberini*, *Burghesii* & *Farneſii* naturalia, *Romæ* occurrentia, referenda ſunt; & quanta non *Bononia* penes Ulyſſis Aldrovandi hæredes? Quanta *Veronæ* penes Ludovicum Moſcardum, (cujus Muſeum linguâ Toſcanâ evulgatum)! Quanta *Milani* in *Gazophylacio Septaliano*, pariter typis expreſſo! quanta non *Patavii* apud Dnn. Salam, Speronium, Urſatum, & tandem *Venetis* in adibus Roſini, Foſcarini, Grimani & templô D. Marci occurrunt. Interea non opus eſt, ut omnia & ſingula Muſea exotica maximis, quæ requiruntur, impenſis pervagemur, cum in Germania



## INTRODUCTIO.

vicinisque Regionibus similia, etiam in privatorum haud paucorum ædibus, occurrant, quorum catalogum prolixum in supralaudati *D. Majoris Judicio de Museis in Genere* videre licet. Hinc personatus ille Wigandus (seu potius *Willius*), in eleganti *de Philiatorum Germanorum itineribus* libello, Medicis Teutonicis quondam consulebat, ut potius ipsam Germaniam, quam Italiam, Galliam & alias Exterorum plagas itineribus suis emetirentur. Eorum hac vice tantum mentionem faciemus, quæ lucem hætenus publicam aspexerunt, inter quæ *Museum Wormianum* optimò jure agmen ducere poterit, utpote quod unum ex instructissimis, adeoque instar omnium esse poterit, cum ab Autore ipso, Dn. Olao Wormiò, Archiatro Regio & Professore Hafniense, collectum & accuratissime descriptum fuerit. Secundum ab hoc locum tenet utrumque *Beslerorum Norimbergensium Gazophylacium*, è meris ferè iconibus conflatum, & numerum exoticorum si spectes, priori facile cedens. Sequitur hæc *Museum Brackenhoferianum*, Argentoratense, à Dn. Bockenhoferò elegantibus descriptionibus ob oculos positum: ut ut opandum esset, ut ab Autore b. m. ipso describi potuisset, qui ingentem MSS. & ex parte æri insculptarum figurarum apparatus hæredibus reliquit, quæ lucem publicam eò majori jure mererentur, quod omnibus accurata descriptio & historia naturalis juncta est, quam in *Museo Petiveriano* (in Anglia usquedum sua indices incrementa sumente & in Extractis menstrualibus, ut vocantur, A. 1701. Mens. jam p. 88. dilaudato) quis desideraret. De reliquis pauca, nisi catalogi quidam typis expressi sunt, inter quos *Consulis Laurentii Lipsiensis Gazophylacium & Index Musei Speneriani* hætenus innotuere, quod ultimum tamen post obitum B. Speneri hinc inde distractum & separatum fuit, à Dn. Fratre, Consiliario & Medico Regio, nunc reparatum; quod idem Celeberrimo *Museo Hermanniano Ceylanicò* Lugduni Batavorum & nuper admodum *Dn. Peykenkampii Gazophylacio Marpurgenfi* quoque accidisse constat. An *Museum Ambonicum Dn. Rumphii*, linguâ Belgicâ conscriptum, & ab Editore Halmâ c. figuris tersissimis editum, sua mox complementa sit visurum, dies nos & tempus docebit. Omnibus his meritò Repositoria Aromatum & simplicium, in *Ædibus Mercatoriis Societatis Indica*, tam Orientali, quam Occidentali, *Ambstelodami* videndis, occurrentia, ut & Aromatariorum, in Emporiis Maritimis viventium, reconditoria accensere poteris, utpote quæ non tam nudæ contemplationi, quam usui bonoque publico destinata sunt, dum è contra de prioribus valet illud: Quid juvat aspectus, si non conceditur usus?

Et eandem ob causam tam proficua simplicium (seu ut audiunt) *Materialium Camera*, in Emporiis S. R. I. Celebrrioribus, Lubecæ, Hamburgi, Lipsiæ, Francofurti & Norimbergæ, pro optimis Museis habendæ sunt; unde & Aromatarii quidam & Pharmacopœi Curiosi aut rariora tantum, aut simul omnia simplicia, quæ in usus varios trahuntur, descripserunt. Priorum facile primicerii sunt *Ferdinandus Imperatus* ejusque filius *Franciscus*, qui Parentis sui naturalia, Neapoli conspicua, ope Colantonii Stelliolæ, typis publicis conscripfit. Similiter *Franciscus Calceolarius*, Veronensis, Museum suum per Benedictum Cerutum evulgavit; quos è Germanis nostris *Christophorus Vielbeuerus* in descriptione simplicium exoticorum cum fig. & *Gottfredus Nicolai* in Museo Curioso, per Christianum Warlizium, Med. D. edito, imitari conati sunt. Inter posteriores bini Norimbergensium Aromatarii, *Schurzius* & *Marxius* sunt famosi, qui ambo quidem omnia simplicia & materialia Germanicè descripserunt, adeò tamen accurati non sunt, quam sub fine seculi præcedentis Lutetiæ Parisiorum à *Dn. du Blegny* editus Tractatus de simplicibus, & *Pometi* Historia simplicium, cujus Autor, ope & consiliis Dn. *Tournefortii*, in rebus hisce Versatissimi, adjutus, omnibus aliis Aromataris palmam eripuit. Quoniam verò in egregiò alioquin & pretioso hocce libro adhuc plures errores & defectus observantur: supradicta quoque Germanorum Musea, seu materialium camera, non tantum infinitis sphalmatibus scatent, sed & de origine, generatione & naturâ simplicium planè falsas & erroneas sententias aut opiniones foveant: hinc cogitavi sæpius, annon de bono publico quis optimè mereri posset, si non nemo ex Eruditis id sibi operæ sumeret, ac completum aliquod & in Natura fundatum simplicium Museum in lucem publicam emitteret; Cumque isthoc consilium, inter alios sermones, olim Dn. Johanni Davidi Zunnero, Bibliopolæ Francofurtensi primario & de tota Republicâ Literaria meritissimo, *νῦν ἐν ἀγλοις*, aperirem, non tantum omnia ad negotium hoc subsidia statim obtulit, sed & plurimis instantiis rogavit, ut ipsemet opus hoc susceperem, utcumque mihi visum fuerit dirigerem, & abhinc distractionem ejus sibi præ aliis committerem. Postquam ergò per viginti, quos tum temporis in Celeberrima S. R. I. Academiâ Naturæ Curiosorum, partim ut Collega, partim ut Adjunctus, superaveram, annos tantum non omnes Scriptores de hoc vel illo corpore naturali in specie & ex professò, quod dicitur, agentes evolveram & magnâ ex parte in *Historia Literaria S. R. I. Acad. Nat. Cur.* recensueram, in Illustri Lyceo Gissenò etiam ultra 17. annos Professoris Physici Medicique Ord. munus obieram, sicque rerum illarum notitiâ necessariò obtinueram, hinc eò majori confidentiâ manum operi admovi, varia variorum Musea & Gazophylacia, Ephemerides Curiosas, Itineraria aliaque Physiologorum scripta de novò contuli, genuinam simplicium originem, naturam & proprietates inde extraxi, selectum eorum & quæ ad mercaturam & negotiationem illo-

rum



## INTRODUCTIO.

rūm spectant, è supradictorum Aromatariorum libris adjeci, tandemque usum singulorum è probatissimis Medicorum scriptis annexi, non omisissimis & undique sollicitè conquisitis figuris ari incisis, effigiem simplicium ad vivum exprimentibus: quibus omnibus intra paucos annos sufficientem huic rei apparatus mihi comparavi; & licet nec laboribus, nec impensis, ut quivis rerum harum non ignarus supputare facile poterit, hīc parandum fuerit, omnia tamen singulari delectatione & satisfactione inde perceptā superavi, eoque pronius, quod singulari DEI T. O. M. rerum omnium Creatoris & Conservatoris, providentiā pleraque ad id negotii requisita subsidia, absque cura insigniori, sponte se truserint, dum non tantum supralaudatus Dn. Zunnerus libros quosdam rariores & cariores, *Hortum* scil. *Malabaricum*, *Plukeneti Phytographiam*, *Rudbeckii Atlanticam*, *Tournefortii*, *Willugbeji*, *Sibbaldi* aliorumque *scripta* haud vulgaria, partim meis, partim suis impensis mihi comparavit, sed & eodem tempore Simplicista quidam, Johannes Gottofredus Vitus, Wormatiensis, ex India Orientali redux, non tantum magnam rerum exoticarum copiam, sed & insignem MSS. Belgicorum, à Dn. *Herberto de Jager*, Consilarii & Soc. Ind. Orient. Curatoris in Indiā relictorum, fasciculum Francofurtum ad Mœnum adferebat. Enimverò sub primo hujus adventu, quò morosus adhuc & minus liberalis erat, hāc ipsa neque pretio, neque precibus, utut instantissimis, ab eò extorquere valebam; cū verò paulò post datis hinc literis meam illi sententiam aperirem, simulque non contemnendam nummorum summam offerrem, non solum eorum me participem fecit, sed & unicā hāc de causā Wormatiā Gissam se contulit, & per aliquot dierum decursum de haud paucis oretenus me informavit, quū tot abbreviaturis belgicisque characteribus conscripta MSS. sine praviā instructione lectu difficilima fuerint. Haud multo post etiam tam beato mihi licuit esse, ut Experientiss. Dn. *Engelbrechtus Kämpferus*, nūc Archiater Lippiacus, & Med. D. (è Persico itinere Westphaliā, ceu Patriā suā paulò ante restitutus) honoris ergò me hīc Gissā salutaverit, qui haud pauca, à Dn. Vito oretenus tradita, confirmabat. Quantam jam bini hi mihi lucem his in tenebris accenderint, Lector Eruditus ex Appendice hujus operis, *India* scil. *literata* & subjunctis relationibus juratis haurire poterit. Ad minimum hīc certi quid obtinemus, cui tutò fidere licet, quoniam ab hominibus solide & profundè doctis, expertis & ad id ordinatis (quorum autographa adhuc possideo) sunt profecta, utpote qui suis omnia oculis hauserunt, sicque majorem præ aliis, auritis tantum testibus, fidem promerentur. Methodi, quā usus sum, intuitu, reabilibus ut plurimum inhæsi, molestum & minus necessarium fore judicans, si tot & tam variis variarum linguarum nominibus, simplicibus tributis, & in *Pharmacopœia* (quæ in omnium manibus teritur) *Medico-Chymica Schræderi* Lexicisque peculiaribus occurrentibus, cramben bis coctam apponerem. Quòd tandem non omnia naturalia, in Museis Curiosorum obvia, hīc inferuerim, eam ob causam factum est, quod hāc vice ea tantum simplicia, quæ suum Arti Medicæ aliisque Mechanicis usum & emolumentum aliquod commodant, describenda suscepi, ut de integro Commentariò valeat illud: ET PROSUM ET DELECTO. Ne verò solis Germanis hāc scripsisse Exterisque delicias hujusmodi Naturæ invidisse videar, ad horum desiderium jam ea, quæ octennio abhinc in vernaculā publicavi, Latinitate donata recusaque offero, sublevatus hāc in parte à Viro Nobilissimo, Dn. Johanne Conrado Beckero, Physico Provinciali Alsfeldensi, qui cum Filio meo Primogenito, eò, quò in adornandā *Praxi Medicinæ* atque *Chirurgiæ infallibili*, & imprimendis *Novellis Medico-Legalibus*, occupatus eram, tempore versionem hanc susceperunt, quam praviā revisione, non sine novis accessionibus & augmentis, unā cum *Phænice Persico Kämpferiano*, aliisque curiosis & utilibus, Lectori curioso jam primā vice sisto, & simul innumera illa sphalmata, quæ Editioni Germanicæ (citra præscitum meum à Bibliopola secundā vice inemendatè publicatæ) afflicta sunt, prorsus eradico. Quod si versionem hanc Eruditis minus displicere videro, dabo operam, ut *Pars secunda* Musei hujus (quam in vernacula nuper edidi) simili posthac facie sequatur. Omnia in honorem Dei, proximique emolumentum! *D. Gissæ Hassorum, die 30. Julii, A. MDCCXV.*





# ALLEGATA.

## A.

**A** *Batius* de admiranda Viperæ Natura.  
*Achigenes* de Ufu Spongiæ.  
*Acosta* Hiftor. Nat. Indiæ Orientalis.  
*Alia* Eruditorum Lipsienfium.  
 Hafnienfia  
 Philosophica Soc. Reg. in Anglia.  
*Agricola* de Re Metallicâ.  
*Aldrovandi* Opera.  
*Alpinus* de Planis Egypti & Exoticis.  
*Ammanni* Antiquarium Peruvianum & alia.  
*Andrea* Tr. de Balsamatione Veterum.  
*Anonymi* Hiftoria von Hhamzas.  
 Journal de Siam.  
 Laboratorium Ceylonicum.  
 The manner of making of Caffè.  
*Apini* Febris Epidemicæ A. 1694. Hiftorica Relatio.  
*Apuleji* Lib. de virtutibus Herbarum.  
*Avicenna* Opera.  
*Axtius* de Arboribus Coniferis.

## B.

*Baccius* de Bestia Magna, Vino & Unicornu.  
*Baglivius* de Tarantulæ Morfu.  
*Balbini* Hiftoria Naturalis Bohemiæ.  
*Baldai* Beschreibung der Küften Malabar und Coromandel.  
*Balduini* Autum Auræ.  
*Barofii* Decades.  
*Bartholei* Encyclopædia Medica.  
*Bartholini* (Casp.) de Lap. Nephritico.  
*Bartholini* (Erasm.) Experim. Crystalli Island.  
*Bartholini* (Thom.) Tract. varii.  
*Bauhini* Pinax.  
*Bauschii* Tr. de Lap. Artite & Hæmat. de Unicornu Fossili.  
*Baylei* Problemata Physica.  
*Beccheri* Physica Subterranea.  
*Belli* Descriptio Anifi Stellati.  
*Bellonius* de Agaricô.  
*Besleri* (Mich. Ruperii) Gazophylacium.  
*Blegny* Traité des Drogues, & Zodiacus Med. Gallicus.  
*Breyntii* Cent. I. Exoticorum & Tr. de Nifi.  
*Boccone* Recherches & Obf. Naturelles, in. Museum.  
*Bockenhoferi* Museum Brakenhofetianum.  
*Bocharti* Hierozoicon.  
*Boëtii* Tract. de Lapidibus.  
*Bohnii* Collegium Physicum Experim. Ms.  
*Bontekoe* Tractaat van Thee, Coffi &c.  
*Bontii* Hiftor. Nat. Indiæ Occidentalis.  
*Borelli* Observationes.  
*Borrighii* Disc. de Somno, Somniferis & usu Plantarum.  
*Boylei* Opera.  
*Boymii* Flora Sinica.  
*Brancatii* Diatribe de Ufu Chocolatæ.  
*Brand* de Ovo Comético.  
*Bravonis* Opera.  
*Brunneri* Confilia.  
*Bruno* de Medicam. ex homine.  
*Buchanani* Res Scotiæ.  
*Bupnanni* Riecreatio del occhio & della mente.  
*Burggraf* de Malo Sinenfi Aureo.  
*Burrhi* Confilia Mfs.  
*Busboquii* Epist. Legationis Turcicæ.  
*Butlerus* de Apibus.

## C.

*Casalpini* Lib. de Metallis.  
*Camelli* Epistola de Fabis S. Ignatii.  
*Camerarii* (Joachimi) Obf. de Bolo Armena.  
*Camerarii* (Rud. Jac.) Epist. ad D. Valentini, de Sexu Plant.  
 Disp. de Infuso Ligni Nephrit.  
*Canoparius* de Atramentis.  
*Cardanus* de Rad. Chinæ.  
*Cartesii* Opera.  
*Castelli* Tr. de Gutta Gambodiâ & Hyæna.  
*Catelanus* vom Einhorn.  
*Ceruti* Museum Calceolarii.  
*Charas* Tr. de la Theriaque.  
*Charleton* de Spiritu Gorgonicô.  
*Chevaier* Description de la Piece d'Ambre gris.  
*Cieca* Chronicon Peruanum.

*Clauderii* Inventum Cinnabarinum.  
*Cleyeri* Epist. ad D. Schefferum.  
*Clusii* Hiftoria rariorum & Exor.  
*Coleri* Oeconomia.  
*Columna* de Purpura.  
*Commelini* Comment. ad Hort. Malab.  
*Cromerus* de Poloniâ.

## D.

*Dale* Manuductio ad Mat. Medicam.  
*Deckeri* Exercitat. Practicæ.  
*Deusfingius* Tract. varii.  
*Digby* de Pulvere Sympathetico.  
 Scripta adhuc inedita.  
*Dioscoridis* Opera.  
*Dolai* Epist. Amœbææ.  
*Döringius* de Ufu & Qualit. Opii.

## E.

*Eichovii* Lib. Insignium aliquot itinerum.  
*Eichstadius* de Confect. Alkermes.  
*Elibolxii* Flora Marchica.  
*Ens* Hiftor. Ind. Occidentalis.  
 Tr. de Singularibus in Italiâ.  
*Entzelii* Corpus Juris Metallicum.  
*Erast.* Ep. de Lapidibus Sabulosis Palatin.  
*Estienne* la Maison Rustique.  
*Ettmülleri* Opera.  
*Everardi* Comment. de Tabaco.

## F.

*F. F.* Spicilegium Antiquitatum Palatinarum.  
*Faber* (F. M.) de Pilâ Marinâ.  
*Fabri* (Joh.) Annot. in Nardi Hift. Nov. Hifp.  
*Fallopini* de Morbo Gallicô.  
*Febure* Cours de Chymie.  
*Fehrii* Tr. de Absinthio & Scorzonera.  
*Ferrarii* Cultura & Ufus Malorum Aur.  
 Florum Cultura.  
*Ferretii* Musæ Lapidar. Antiquorum.  
*Flacourt* Histoite de Madagalar.  
*Fonsæca* Tr. de tuenda Valerud. & product. Vitæ.  
*Foresti* Observationes.  
*Fracassati* Epist. ad Malpigh. de Linguâ.  
*Fragosus* de Utriusque Indiæ Simplicibus.  
*Franckii* (Georgi) Lapidina Microcosmi.  
*Franckii* (Joh.) Veronica Theizans.  
*Francisci* Ost- und West-Indianischer Lust-Garten.  
*Franzii* Hift. Animalium Sacra.  
*Freheri* Origines Palatinæ.  
*Freitagii* Aurore Medicinæ.  
*Fricks* Ost-Indianische Reise.  
*Friedels* Disp. de Caryophyllis Aromaticis.

## G.

*Gaffarelli* Curiositates Inauditæ.  
*Galenii* Opera omnia.  
*Garzoni* Schau-Platz aller Künsten.  
*Gassendi* Vita Peireski.  
*Geierus* de Cantharidibus & Glossopetris.  
*Geilfusii* Unterricht vom Sauer- und Brodel-Brunnen zu Langen-Schwalbach.  
 Unterricht vom Wisbad.  
 Tract. de Terra Sigillata Laubacensi.  
*Geilfusii* (Bernh. Wilh.) Disp. de Moxâ.  
*Gesneri* Opera.  
*Gilbertus* de Magnete.  
*Glauberi* Furni Philosophici.  
*Gabelius* de Alce & Succino.  
*Golii* Lexicon Arabicum.  
*Goris* Medicina Contempta.  
*Graba* Elaphographia Curiosa.  
*Grâfin* von wunderbare Verwandelung der Raupen.  
*le Grand* de Carent. sensus in brutis & hift. naturæ.  
*Greneri* Animadversiones in Helvetii Descript. Ipeccacuanhæ.  
*Grevv* Museum Societ. Reg. Londinensis.  
*Grimmii* Historisch-Medicinalische Relation.  
*Grützmann* de Avibus Paradisiacis.  
*Guiberti* l'Apothicaire & Medecin Charitable.  
*Güldenlee* Epistolæ Medicæ.

## H.

*A. C. V. H.* Ars Chymica Nat. æmula.



# ALLEGATA.

*Hambergeri* Disp. de Batomettis.  
*Hamelii* Historia Reg. Scientiarum Academiæ.  
 Tract. de Corp. Affectionibus.  
*Hannekenius* de Musco retectis clavaro.  
*Happelii* Theatrum Exoticorum.  
*Harsdorfferi* Delitiæ Mathematicæ.  
*Hartmanni* (Joh.) Praxis Chym. atrica.  
*Hartmanni* (Phil. Jac.) de Succino Prussiacæ.  
*Harvei* Ars curandi morbos expectatione.  
*Heer* de Fontibus Spadanis.  
*Heilbrunnen* Medici de Cremore ♀.  
*Helmontii* Opera.  
*Helvetii* Novum Medic. Antidysentericum.  
 Tr. de Usu Chinæ Chinæ in Clyst.  
*Helvici* Theatrum Historicum.  
*Hermannii* Catalogus Horti Lugdunensis.  
 Collegium de Mat. Medica Msc.  
*Hernandez* Rerum Med. Nov. Hisp. Thesaurus.  
*Hertodii* Crocologia.  
*Hieble* Tr. von den Bezoar-Steinen.  
*von Hochberg* Adeliches Feld-Leben.  
*Höchstetter* de Gummi Gamandra.  
*Hæseri* Hercules Medicus.  
*Hoffmanni* (Frid. Paris) Clav. Pharm. Schröderi.  
*Hoffmanni* (Frid. Fil.) Disp. de Bals. Peruvianæ & Terebinthinæ.  
*Hooekii* Micrographia.  
*von Hornigk* Epist. de Camphoræ qualitat.  
 Nützliche und curiose Fragen, die Apotheker- und  
 Materialisten betreffend.  
*Horstii* (Joh. Dan.) Embser Bands- Beschreibung.  
 Beschreibung der Sauer- und Brodel-Brünnen zu Schuvall-  
 bach.  
*Hortus Academicus Lugdunensis*.  
 Giessensis.  
 Oxoniensis.  
 Eystettensis.  
 Malabaricus.  
 Med. Amstelodamensis.  
 Regius Blesensis.  
 Parisiensis.  
 Schvebberianus.  
*Hospiniani* Lib. de Usu & Abusu Templorum.  
*Hülfi* Holländische Schifffahrt in Ost-Indien.  
 I.  
*Jacobai* Museum Regium Hafnicense.  
*Jacobus* (Rex Aug.) de Abusu Tabaci.  
*Imperati* Historia Naturalis.  
*Jonstonii* Histor. Nat. de Avibus, Insectis,  
 Piscibus & Quadrupedibus.  
*Josephi* Antiq. Judaicæ.  
*Journal* des Sçavans.  
*Isnar* Tr. des Vers à Soye.  
*Jungii* Doxoscopia Physica & Historia Vermium.  
 K.  
*Kampferi* Decas Observ. Exoticarum.  
 Amœn. Exot.  
*Kaupp* Disp. de Nat. & Præstantiâ Vini Rhenani.  
*Kentmanni* Nomenclatura Fossilium in Misnia.  
*Kerckringii* Spicilegium Anatomicum.  
*Kesleri* Processus Chymici.  
*Kircheri* Opera.  
*Kirchmayeri* Disp. de Draconibus & Ambra.  
 Tr. de Arb. Philosoph. & Ramo autæo Virginico.  
*Klobii* Historia Ambra.  
*Königii* Regnum Animale.  
*Kunckelii* Ars Vitæria Experimenti.  
 L.  
*Lachmundi* Οργανογραφία Hildesheimensis.  
 Tr. de Lapide Judaico.  
*Laëti* Historia Nat. Indiæ Occidentalis.  
*Langii* Epistolæ.  
 Tr. de Thermis Carolinis.  
*à Lapide* Comment. in Acta Apostolorum.  
*Ledesma* de Chocolat.  
*Leibnizii* Epist. de Novo Remed. antidysent.  
*Lemeri* Cours de Chymie.  
*Levvénhæck* Anatomie Rerum & Arcana Nat. detecta.  
*Libavius* de Succino & Gagate.  
*Licetus* de Lapide Bononiensis.  
*Ligonis* Histor. Nar. Insulæ Barbados.  
*Limbergii* Itinerarium.  
*Lindenius* de Scriptis Medicorum.  
*Linschoth* Orientalische Schifffahrt.  
*Lippenii* Bibliotheca Med. Realis.

*Lipsii* Syntagma de Bibliothecis.  
*Listerus* de Araneis.  
*Lochneri* Pareira brava.  
*Lomeierus* de Bibliothecis.  
*Lopez* Histor. gener.  
*Lorentzens* Naturalien-Kammer.  
*Ludolfi* Historia Æthiopica.  
*Ludovici* Dissert. de Moderatione Taxarum.  
 Phaunacia mod. seculo applicanda.  
 Tr. de Volarilifar. ♂ ♀.  
*Lusitani* (Zac.) Medicorum Principis Hist.  
*Lyseri* Observationes post Cultr. Anar.  
 M.  
*Mætti* Prodromus Chym. Ration.  
*Magnenus* de Manna, it. de Tabaco.  
*O. Magni* Histor. Septentrional.  
*Majoris* Comment. in Columnam de Purpura.  
 Dissert. de Calculo Sperlingiano.  
 Histor. Anatomia Chiloniensis primæ.  
 Tr. de Marga.  
*Maji* Historia Animalium.  
*Mallet* Beschreibung des gantzen Welt-Kräßes.  
*Mandelslo* Itinerarium.  
*Manlius* de Æratibus Zedoariæ.  
*Marggravii* Histor. rerum naturalium Brasil.  
*Marii* Castorologia.  
*Maroneus* de Amomo.  
*Marsigli* Tr. de Fosforo Minerale.  
 Notizie di Constantinopoli Sopra la pianta del Caffè,  
 interno dalla grana Kermes.  
*Martel* Pierre de Mexique.  
*Martens* Itinerarium Spizbergicum.  
*Martini* Atlas Sinenfis.  
*Marxens* Teutsche Material-Kammer.  
*Matthioli* Commentarius in Dioscoridem.  
*Mayow* de Nitro aëreo.  
*Meisters* Ost-Indianischer Lust-Gärtner.  
*Merreti* Anmerkungen über des Neri Glasmacher-Kunst.  
*Meursius* de Luxu Romanorum.  
*Mayerus* de Volucti Arborea.  
*Metzgeri* Ambrologia.  
*Michaëlis* Opera Medico-Chirurgica.  
*Micrellii* Syntagma Historicum.  
*Mindereri* Aloëdarium.  
*Miscellanea* S. R. I. Acad. Nat. Cur.  
*Mæbii* Anatomia Camphoræ.  
*Molitor* de Thermis Artificialibus.  
*Monardes* Tr. de Simplicibus ex Occid. India.  
*Monconny* Voyages  
*Montanus* de Terra Sigillata Goldbergensis.  
*Morisonii* Hortus Blesensis.  
*Mortoni* Opera Medica.  
*Moscardi* Museum Italicum.  
*Mysicisti* Armament. Medico-Chym.  
 N.  
*Neandri* Sassafrasologia & de Tabaco.  
 Syntagm. de Medic. Laud.  
*Nebellii* Disp. de Malo Citro.  
 Notæ ad Ammaeoni Charact. Plant.  
*Negotien-Bücher* der Niederländischen Compagnie.  
*Neri* Ars Vitæria.  
*Nicolai* Museum Curiosum.  
*Niederstätts* Beschreibung der Insul Maltha.  
*Nieuhoosi* Itinerarium ad Chinam.  
 O.  
*Oleandri* Orientalische Reiß-Beschreibung  
 Jürgen Andersen.  
*Olearii* Annotar. ad Itinerarium Mandelslo.  
 Gostorpische Kunst-Kammer.  
 Persianische Reis-Beschreibung.  
*Oppiani* Αλιευτικὴν s. de Nat. Piscium.  
*ab Ortu* Tr. de Aromatibus.  
*Oviedo* Hist. Nat. Ind.  
 P.  
*Palmarius* de morbis contagiosis.  
*Panarolli* Observationes.  
*Paracelsi* Opera.  
*Paulini* (Fab.) de Viperis in Trochisc. pizp.  
*Pauli* Digest. de Febr. Malignis.  
 Quadripartitum Botanicum.  
 Tr. de usu & abusu Tabaci.  
*Paullini* de Asino, it. de Jalapa.  
*Pechlini* Tr. de Purgantibus.  
 Theologia.



# ALLEGATA.

*Pademontani* Lib. de Secretis.  
*Peikenkamp* de Arboribus Philosoph.  
*Perivert* Museum.  
*Pflaumeri* Mercur. Ital.  
*Pharmacopœia* Bateana.  
*Pisonis* Histor. Nat. Brasiliæ.  
 Mantilla Aromaticum.  
*Placotomi* Disc. de Santalis.  
*Plateri* Praxis.  
*Photti* Historia Natur. Agri Oxoniensis.  
*Plukenet* Phytographia.  
*Plumerii* Description des Plantes d'Amerique.  
*Poli* Myrthologia.  
*Pomet* Histoire des Drogues.  
*Porta* Magia Naturalis.  
*Ptolomæi* Geographia.

## Q.

*Quinquernus* de Laudibus Gallo-Provinciæ.

## R.

*Radziwil* (Principis) Irinetarium.  
*Raji* Historia Plantarum.  
 Methodus Plantarum Novæ.  
*Ranuvolfi* Hodæponicum.  
*Redi* Experimenta Naturalia.  
 de Generatione Insectorum.  
 Observat. de Viperis.  
*de Regio* Tr. de Capficis.  
*Reiskii* Dissert. de Glossopetris Lüneburg.  
*Renodæi* Institutiones Pharmaceuticæ.  
*Reudenius* de Gummi Guttæ.  
*ren Rhyne* Dissertatio de Arthritide.  
*Richter* de Coccionellis.  
*Ringelbergii* Experimenta.  
*Ruvini* Introductio Gen. in Rem Herb.  
 de Temis Sigillatis.  
*Rivii* Historia Navalis.  
*Robertson* Lexicon Concord.  
*Rochus* de rebus min. s. metall.  
*Rondeletius* de Piscibus.  
*Rudbeckii* Atlantica.  
*Rulandi* Lexicon Alchymicum.  
*Rumphii* Amboinsche Rariteiten-Kamer.  
 Herb. Ambon.

## S.

*Saar Ost-Indianische Kriegs-Dienste.*  
*Sachsii* Ampelographia.  
 Gammatologia.  
 Monocerologia.  
*Sala* Tarratologia.  
*Salmasii* Exercitat. ad Solin.  
*Sanfelicius* Tr. de Campaniâ.  
*Saraxenus* de Notis Bezoar.  
*Scaligeri* Exercitationes.  
*Scapula* Lexicon Græco-Latin.  
*Schambergers* Japonische Reis-Beschreibung.  
*Scharffii* Curiosa Juniperi Descriptio.  
*Schefferus* de Militiâ Navali.  
*Scheuchzeri* Histor. Nat. Helveria.  
*Schicai* Persisches Rosen-Thal.  
*Schmuckii* Secreta Chymica.  
*Schotti* Opera Varia.  
*Schreyeri* Neu-Ost-Indianische Reis-Beschreibung.  
*Schrœckii* Historia Molchi.  
*Schrœderi* Pharmacopœia Medico-Chym.  
*Schrœeri* brevis in Nat. Opii inquisitio.  
*Schulzii* Triga Cinnabar.  
*Schuppii* Salomo.  
*Schurtzens* neu-eingerichtete Material-Kammer.  
*Schweiggers* Reis nach Constantinopel und Jerusalem.  
*Schwenckfeldii* Catalogus Fossilium Silesiæ.  
*Seidelius* de Morbis Incurabilibus.  
*Seneca* de Tranquillitate animi.  
*Sennerti* Opera.  
*Serapionis* Practica s. Breviarium.  
*Sereni* Lib. de Re Medicâ.  
*Seutteri* Disput. de Nuce Vomicâ.  
*Sibbaldi* Scotia Illustrata.  
 Tr. de Anseribus Scotiis.  
*Soleysel* le Parfait Matechal.  
*Sorbaini* Opera Medica.  
*Sponeri* (Joh. Jacobi) Disp. de Usibus Gen. marum superstitionis.  
 Index Musei Sponeriani.  
*Sponeri* (Christ. Max.) Epist. ad D. Valcar. de Muribus marinis.

*Spleissii* Annotat. ad Zapat. Mirabil.  
*Sponii* Aphorismi Novi.  
*Stahlîi* Disput. de Lapide Manari. it. Metallurg.  
*Stenonis* Anatomie Piscis Carehariz.  
 Rajæ ad Eilonem.  
*Sterrbeccii* Theatrum Fungorum & Citti Cultura.  
*Stisserus* de Machinis Fumiductoriis.  
 Feb. Intermitt. Consider. Nova.  
*Stockhusius* de Fumo Lithargyrii noxiô.  
 von der Berg-Katze.  
*Strobelbergeri* Tr. de Cocco-Baphiâ.  
 de Fœniculo.  
 Mastichologia.  
*Stubbe* Tract. de Chocolata.  
*sturmii* (Joh.) de Rola Hierochuntinâ.  
*Suvertii* Florilegium.  
*Sydenham* Opuscula.  
*Sylvii* (de le Boë) Praxis.  
*Sylvii* (Jacobi) Tr. de Delectu Medicam.

## T.

*Tachenii* Clav. Hippocr. Chym.  
*Tackii* Manuale Manuscr.  
 Triplex Phas. Soph.  
*Talanders* Reis-Beschreibung durch Italien.  
*Tavernier* Itinerarium in Indiam.  
*Temple* Essai du Moxa contre la Goutte.  
*Terrentii* Notæ ad Ant. Recchum.  
*Tertre* Histoire des Antilles.  
*Thevenot* Itinerarium.  
*Tillingii* Tr. de Opio & Rhabbaro.  
 Scrutin. Cinnab. miner.  
*Torck* Disput. de Cervo ejusque partibus.  
*Transylvanus* de Moluccis Insulis  
*Tournefort* Instit. Botanicæ.  
*Tulpîi* Observationes.

## V.

*Valentini* (Bas.) Curtus Triumph. Antim.  
*Valentini* (Mich. Bernh.) Scripta varia.  
*Valentini* (Christ. Bernh.) Tournefortius Contractus.  
*Vallemont* de Magnete in Turi invent.  
*Vallerioli* Observationes.  
*Vannini* Amphitheatrum Providentiæ Divinæ  
*Velschius* de Agagropilis.  
 Hecatoste Observationum.  
 Pinacotheca Univers. Mscr.  
*Verulamii* Historia vitæ & mortis.  
*Vesalii* Epist. de Rad. Chinæ.  
*Veslingii* Observationes in Prosp. Alpium.  
*Vielheuers* Beschreibung fremder Materialien.  
*Virgilii* Georgica.  
*Vitruvii* Architectura.  
*Volkameri* Opobalsami Orient. Examen.  
 Tr. de Gelsem. Indico.  
*Volderi* Disput. de Aëris Gravitate.  
*Voorn* Museum Indicum.  
*Vossius* de Ort. & Progr. Idololatr. it. Etymologic.  
*Vriesii* Groënlantia Antiqua.  
*Urbini* Türkisches Stadt-Büchlein.  
*Ursini* Arboretum Biblicum.  
 Tr. de Gemmis Biblicis.

## W.

*Wagneri* Hist. Nat. Helvet.  
*Waldschmidii* Monira de Opio.  
 Epist. Amœbez.  
*Weckeri* Antidotarium.  
*Wigandus* de Succino.  
*Willii* Dissert. de Itineribus Philiat. Germ.  
*Willisii* Opera.  
*Willugby* Ornithologia.  
 Piscium Historia.  
*Wittichs* Beschreibung verschiedener Simplicien.  
*Wormis* Museum.  
*Wurfelmii* Salamandrolgia.

## Z.

*Zacchia* Quæst. Medico-Legales.  
*Zaluzanii* Methodus Herbaria.  
*Zesleri* Hand-Buch und Italianische Reis-Beschreibung.  
*Zobelius* de Tartaro.  
*Zuvelferi* Animadv. in Ph. Aug.  
 Apolog. contra Tachen.

HISTO-



# ACCESSIONES

NOVISSIMÆ

AD

## AURIFODINAM MEDICAM seu HISTORIAM SIMPLICIUM REFORMATAM.

*Ad pag. 2. §. 11.*

**R**eferri huc meretur TERRA SICULA PANORMITANA, de quâ sub rubrica *pulveris Claramontii*, vel *terra Baira* nonnulla in medium attulit Bocconus in *Museo Physico & experimentalis obs. 7. & 12.* Conf. quoque Ejusdem *Curiose Anmerkungen de A. 1697. num. 18.* Laudatur ceu specificum ant-hypochondriacum, de cujus usu atque dosi seqq. *Ephemeridibus Academiae Casareo Leopold. Natura Curiosorum Cent. III. & IV. Obs. CLXXV.* inferuit D. Rosinus Lentilius: Taurini & in pluribus Italiae locis arena quædam in Sicilia prope Panormum effossa pharmaci polychrestæ vicem obire cœpit. Primus de illa mihi locutus est Frater Capucinus e monasterio trans Padum prope Taurinum. Ea se contra insultus hypochondriacos summo cum emolumento uti prædicabat. Perhibetur efficacis summæ absorbens. Nonnihil ejus arenæ ex officina montis Capucinorum obtinui. Grysea fuit, odoris ac saporis, saltem notabilis, expers, ponderosa. Aliam ex officina Fratrum Minimorum, aliis instructiore, petii, priori longè candidiorem & subtiliorem, sed æque gravem. Hujus arenæ ʒj. imò & ʒij. in aquam fontanā infunduntur, cochleari tamdiu agitando, donec materia effervesceat, quod fieri solet, desierit, quo facto consistentiæ pultaceæ materia assumitur, idque bis de die, ad 3. Septimanas, sine curandi. Accepi hujus arenæ in pollinem contusæ ʒss. instillavi in vitro ~Θ bonum, abscripsit 60. ad 70. guttas, vehementer effervescente. Curiosissimum erat videre, non tam bullulas, quam ipsius Spiritus quasi fila ingentissimo numero, mira altitudine, inter effervescentem, supra vitri marginem projecta fuisse, instar fonticulorum salientium, quos Galli *jettaux* vocant, sic ut arcus quoque formarent aquea illa fila sursum in vitrum delabentia. Diu vero durabat ista ebullitio, pulvere quidem soluto, sed Spiritu omnem acrimoniam amittente. Accepi *Magnesia alba* tantundem, exploraturus, quæ absorbendi virtute hæc duo alcalia ab invicem distarent, sed impense mirabar, ultra 30. Spiritus Θ guttas non fuisse destructas, cum ebullitio per affusionem hujus Spiritus super *Magnesiam Ottmannianam* non ante cessaret, quam 130. guttæ instillatæ fuissent. Tantum interest, ut

*magnesia* probe paretur, quod obiter noto. Neque enim post absolutam effervescentiam Spiritus Θ acorem omnem deposuerat, bullulis quidem etiam numerose profolientibus, spectaculo tamen tamdiu non durante, nec Spiritu filaducente. Terram igitur hanc *Siculam*, quam vocant, ab affusione ∇. Fontanæ effervescentem denuo considerans, in eam deveni suspensionem, an forte quædam esset calcis vivæ species, vel quasi? Incidebat in Sicilia per ignes subterraneos, quos ibi, teste *Ætna* ignivomo crebrisque terræ motibus suppono plures, lapides quosdam calcarios in calcem exuri, indeq; calcis vivæ æmulam isthanc cum aqua fontana ebullitionem, quamvis Panormi ab *Ætnâ* longa satis sit distantia. Totam enim prope diem Siciliam abundare prophylaciis istis verisimile credebam. Cum autem domi etiam examen instituissim, affundendo illi arenæ aquam fontanā, percepi quidem ebullitionem, sed vix ultra momentum durabilem, quantam etiam, imo ferè fortiozem, aqua fontana *magnesia alba* affusa excitare valet. Nondum itaque certo affirmare ausim *terram Siculam* participare de natura calcis vivæ, præsertim cum credibile sit alias quoque terras alcalicas affusione aquæ effervescentiam momentaneam excitaturas, quod experiundum. Quid sit tentaretur experimentum cum ista terra ibi statim loci, ubi effoditur? Calx enim viva libero aëri diutius exposita cum aqua non ebullire compertitur. Certè in officina Fratrum minimorum è vitro probe clauso exempta terra ab affusione aquæ longe potentius, quam domi meæ effervuit. Quiescere quoque sivi scutellas utrasque, *magnesia* sc. *terraque Panormitana*, quibus aquam affuderam, hæc in superficie in cuticulam seu cremorem deposuerat, qualem & aqua calcis vivæ separare solet: quam cochleari sublata & exsiccatam reperi candidissimam, gustui nonnisi levissime, quin vix leviter salidulam. Nil tale cum *magnesia* factum. Lixivium quoque, ut sic abusive loquar, *magnesia* saporis omnis plane expers erat. Illud verò terræ *Siculæ* sapore quodam levi linguam feriebat, sed tali, cujus naturam describere non possum. Scripseram de hac terra (potius arena) ad Exc. D. *Eliam Camerarium* nostrum, qui mihi inter alia *Tubinga* rescripsit: largam esse hujus ter-



ra dosin, sive sit bolus, sive sit lactis D. æmula, sive soboles combustionis subterraneæ, quod de Sicilia haut improbabili conjectura suspicatus fuerim. De dosi deinceps. Interim hæc arena non est bolus, quia arena non cohærens, nil pingue habens, nec linguæ semet adglutinans: non est lacunæ, quia multo gravior, nec æque tenuis & porosa. Celeb. *Mangetus* in literis ad „me Geneva datis, iudicium, scribit tuum de „natura *terre Panormitanæ* quam maxime ar- „ridet, & experimenta, quæ in hac sumisti ma- „teria, satis superque probant illam ad caleis „vivæ vulgaris indolem omnino accedere, cu- „jus lixivium non parum itidem hypochon- „driacis ac aliis cacochymicis, imò etiam ipsis „hydropicis confert.

Calcem hanc, ut aliàs forsan non inutilem, tanto pondere, per tempus adeo longum quotidie devorata, esse corpori utilem nemo mihi persuaserit. Amicus quidam nuper è Patria scripsit magnesiæ albam atro carbone notari cœpisse propterea, quod in Civis *Eslingensis*, qui ea copiose uti consueverat, demortui & aperti ventriculo non spernenda illius quantitas fuerit reperta. Quamvis autem ob hoc *phosphoreæ* magnesiæ, quod sit noxia, calumniari sit injuriam innocenti medicamento inferre: hoc tamen inde patet, ejusmodi terras, calces & alcalia fixa magna copia diu assumpta in fundo ventriculi, præcipuè pituita viscida repleti, vi suæ gravitatis hærare posse, non hæ- rere solum, sed eum pondere suo aggravare, digestionem impedire, ad statum corporis cache- cticum alias proclives in supplementum perfectæ cachexiæ præcipitare, uno verbo, nocere. Non enim dubito, quin alia id generis alcalia fixa, cornu cervi ustum, oculi cancri, creta alba, terræ sigillatæ, boli, conchæ præparatæ, si quis modum æque in utendo excedat, moras ejusmodi in stomacho tractura sint, in ejus fundo post mortem, siquidem illorum corpora lustrare liceat, repertiunda. Quod magis cum aliis, quam ipsa magnesiæ, contingere potest, quum hæc alvum subducendi facultate polleat, qua destituuntur calces absorbentes reliquæ. Id enim præcipuum sibi præ omnibus aliis absorbentibus servat magnesiæ, ut non tantum imbibat, sed etiam evacuet acidum. Hinc illam qui sumunt, plerumque de ardoribus animi summis in actu depositionis alvi queruntur, signo meliori, quam si secus evenierit: nam ejusmodi sedes urentes in cachexia pituitosa quis frustra expectaverit. Usurpanda igitur magnesiæ, usurpanda quælibet hujus commatis medicamenta dosi moderata, diebus non multis, ac præsentē debita indicatione, quando nempe per indicia certa constat inesse primis viis acidum. Sæpe enim, ubi maxime creditur inesse, ibi minime inveniri in corpore acidum sum valdè persuasus: persuasus etiam hanc oxyma-

niam plurimorum jam funerum causam fuisse. Non alia compulsi ratione vina lixivio cinerum clavellatorum dulcificata, contra quorundam Medicorum placita, vetanda judicavimus pridem Archiatri *Würtembergici*. Laudabantur illa, ut salubria, quippe alcalisata, acido contraria, quasi nusquam non sit in corpore acidum. Hoc itaque certum: In corporibus cachecticis, pituita fatua abundantibus, tono ventriculi existente flaccido, liquore gastrico inerte, non tantum, etiam in restricta dosi, ejusmodi medicamenta non prosunt, sed nocent quoque stomachi rugis impacta morasque ibi trahentia. Alterantia sunt. Hostem suum, acidum imaginarium, ubi non reperiunt, naturam, cui suppetias ferre debebant, turbant ac successivè destruunt. Hujus cæmenti *Panormitani* intra tres septimantis lb. vii. Medicinales deglutiendas dare terribilis est nec digna eleganti Medico medicatio, ac inde quid boni effectus sibi polliceri velle, vanum est. Nulla calce facilius, quam illa *Panormitana*, nihilo pauperiores, officinæ nostræ possunt carere.

*Ad pag. II. §. 8.*

Quandoquidem decantatum hodie **SAL E-BESHAMENSE** è fonte quodā proficisci putetur, non possum non ea quoque his adjicere, quæ supra laudatus *Lentilius* allegatis *Ephemeridibus Obs. CLXXIII.* de illis annotavit. Ab annis jam aliquot (inquit) sub nomine **SALIS PURGANTIS ANGLICI** vel **EPSOMENSIS** laxandi sine celebrari cœpit Sal quidam amaricans, tener, crystallis gaudens oblongis ac cylindricis. Uncia circiter una, in jure calido soluta, non sine fastidio sorbetur, alvo hinc pro temperamenti modulo fluidorumque corporis dispositione ter, quater, quinquies & ultra subducta. Primum eum vidi ante sexennium inclyto *Dn. Ottmanno* Pharmacopoco *Stuttgardienſi* sagacissimo ex Anglia missum. Postea, quum ante ferme quadriennium *Augustam Taurinorum* venissem, qui nobiscum eodem tum utebatur hospitio *Reginæ Magnæ Britannicæ* ad *Serenissimum Sabaudicæ Ducem* Legatus *Dn. Chedwin* de hoc Sale multum prædicavit, sic ut ex Anglia petitus etiam ibi locorum in usum trahi reliquisque purgantibus anteferri cœperit, qua sorte gaudent noviter in scenam producta, præcipue natalibus *Britannicis* caput extollentia medicamenta. Tum vero & ego, ne parum rei medicæ curiosus judicaret, pharmaci novi periculum facturum, jusculum uncia una hujus salitum potavi, quater hinc ad tellam *Patrocli* vocatus. Interea temporis ejus fama in tantum adolevit, ut in omnes *Europæ* provincias, non modio neque trimodio, sed pleno horreo exportetur, nec delicatior ferme quisquam aliter, in his etiam



## AD AVRIFODINAM MEDICAM.

oris, quam hoc ipso Sale, mundari gestiatur ac everti. Credebatur autem hic Sal ex aquis mineralibus Ebeshamensibus, à vico Ebesham haud Londino procul sito sic dictis, encheiresi certa confieri, adeoque præ cunctis aliis virtute quam universali paniatrica dotatus esse. Non diu gaudebat ista tam pingui sorte pharmacon, cætera minime spernendum. Etenim cum sub incunabulis suis pretio sat caro veniret, mox vili emeretur & etiamnum vilissimo vendatur, non obstante insigni ista, qua nunc distrahitur, quantitate, scrupulus inde quibusdam ortus: an ex aquis illis mineralibus revera prodiret hic Sal? Nam si vel omnis aqua Epsomensis nil nisi  $\Theta$  esset, illa tamen scaturigo vix tantæ prodigalitati suffectura videbatur. Pharmacopæus quidam Ultrajectinus, non tam hac suspitione, quam ut sumtus compendifaceret, ingenii nervos eo intendit, ut imitamentum quoddam hujus Salis excogitaret, atque cum re varie tentata finem non assequeretur, in consilium adscivit Dn. Dippelium, sub Democriti Christiani velo non ignotum, in vico Moerssen haut procul Ultrajecto ante infortunium, quod expertus est, habitantem. Hic, uti pollebat acri judicio, in Sale mirabili Glauberi se quod quisque à  $\Theta$ . Epsomense sperare posset, invenisse putavit, effectoque purgatorio eodem observato se minime falsum esse comprobavit. Ab eo tempore in Batavia passim Sal mirabile Glauberi paratur ac pro Epsomensi publice, re neutiquam dissimulata, venditur & emittitur. Amicus quidam mihi Stuttgartia misit Salis Epsomensis descriptionem seq.  $\mathcal{R}$ .  $\Theta$ . marin.  $\mathfrak{z}$  xvi.  $\circ$   $\Theta$ . destill.  $\mathfrak{z}$  xx., Sal contusum in vase ferreo torreatur, cui, postea in vas figulinum immisso sensim instilletur  $\circ$   $\Theta$ . semper agitando spatula lignea, donec magma colorem & consistentiam, axungie rotarum induat. Affundatur aqua fontanæ mensura una cum dimidia (id est lib.  $\mathfrak{v}$ ij. pond. Med.) coquendo, evaporando & in crucibulo aperto calcinando, usque dum fluere cœperit, tunc denuo solve ac in aqua coque, usque dum supernatet materia spermatice similis. Vasi lapideo commissa materia reponatur in hypogæum crystallique aquam decantando colligantur, quæ denuo inspissata rursus crystallos largitur. Meam, ut mentem aperirem, nunquid ea mihi descriptio genuina judicaretur, Amicus iste meus rogavit. Expensam igitur penitus eam à dicto  $\Theta$ . mirabili Glauberi parum vel nihil in fundamento discrepare deprehendebam. Quantillum enim est, quod ab eo differt? nisi quod Glauberus loco marini Sal commune recipiat, Olei  $\Theta$ . sit æquale pondus &  $\sim$   $\Theta$ . ex horum commixtione per destillationem evocetur: cætera sunt eadem. Adibam heic Hagæ-Comitum Dn. Schroederum, Pharmacopæum Teu-

tonicum, virum elegantem. Quærebam ex eo, an haberet Sal Epsomense? quidni? inquit. Fac, dico, ut videam. Promittit vitrum capax ac in eo gustandum præbet, atque contractandum illum Salem, qui totus humebat, aliàs tamen saporem satis Ebeshamensis exacte satis mentiens. Interim tamen ab eo Sale, quem & Stuttgartiæ & Augustæ Taurinorum videram, me quidem recordante, differebat in hoc maxime, quod hujus crystalli fuissent longe teneiores & oblongi, Schroederiani Salis crassi & quadrati, quales esse solent  $\Theta$  communis. Nunquid cum ex Anglia advocaret? quæro. 1. Non, ait, sed ipse paro, nec enim est quicquam aliud quam Sal mirabile Glauberi, nec præter hoc datur ullum  $\Theta$ . Epsomense. Ut mihi de rei veritate promptius persuaderet, se cum civo quodam Ebeshamense locutum esse adjiciebat, qui nunquam ex  $\nabla$ . mineralibus Epsomensibus vel unicam hujus Salis drachmam prodiisse sancte affirmasset. Ob diversitatem tamen crystallorum à me deprehensam fidem plenariam adhibere nolens litteras Londinum exaravi ad Dn. Hankewizium, Chymicum famigeratum, inter alia Phosphori Chymici monopolium exercentem, cujus elaborationem se solum tenere putat. Olim hic vir Illustr. Dn. Boyleo à carbonibus fuerat, Chymicus ob litteraturæ defectum, potius practici, atque ut Galli loqui amant, par la routine, quam theoreticus. Rogavi hunc, ut me certiores redderet, nunquid Sal Epsomensis aquæ isti, à qua nomen mutuatur, suos natales deberet, an esset factitius, mirabili Glauberi aut similis, aut forsitan idem? Respondit quæ sequuntur: Multum distat Sal Epsomense ab illo Glauberiano, quippe quod sit concretum naturale ex aquis istis mineralibus evaporatione collectum, in quo valde extensa sunt salina spicula per terram, cui solentur, homogeneam, hinc ob porositatem, suam in minima aquæ quantitate facile solubile: factum ad hujus imitationem è  $\Theta$ . communis &  $\circ$   $\Theta$ l. ob terræ paucitatem continet acidum longe magis concentratum, proinde poris densioribus constat, hinc, ut solvatur, aquæ longe majori, triplici nempe, vel quadruplici copia opus habet. Sed & sapore mirabiliter differunt. Amaritudo in Epsomensi grata, leniter linguam feriens & ipsum calorem quodam faucibus amicum; in personato Sale metallica austeritas amarori juncta, quæ frigoris quendam sensum imprimat palato. Præterea nusquam terrarum, nisi in Anglia, Sal istud reperitur. Angliæ nempe, solum aluminosum, cujus acidum debita Salis communis proportionem in aquis Epsomensibus solutum hoc nobile concretum gignit, figura longe subtiliore ac teneriore, quam illud Glauberianum. Denique Sali Epsomensi soluto si instilletur alcali volatile, terra quædam



## ACCESSIONES NOVISSIMÆ

„dam alba insigni quantitate præcipitabitur, „quorum nihil fieri comperitur in Glauberia- „no vel simili. Utraque tamen Salia alvum „sollicitare negari non potest, ea restitute so- „la differentia, quod Sal Epsomense contineat „acidum Sulphureo-Aluminosum mitius, mol- „lius & naturæ nostræ amicius; mirabilis autē „ipsius acidum Sulphureo-Vitriolicum metal- „licæ & rudioris naturæ. Hactenus *Hanke- wizio*. Quis jam de ingenuitate hujus Viri dubitasset? Non ego sane confirmatus in mea sententia per integerrimum *Dn. Sebam* ex eo, quod affirmaret, Salem mirabilem longe majore pretio constare, quam Epsomensen, argumen- to haud obscuro, istum pro hoc non nisi ab in- sulso Mercatore vendi posse.

At vero nuper me convenit Chirurgus egregius, Vir theoria & praxi instructus, *Dn. Neumannus*, qui nunc à tempore jam diutur- no Londini fruitur & hospitio & convictu ce- leberrimi Medico-Chirurgi *Dn. Cypriani*, ac in- super familiariter ipsomet *Hankewizio* utitur. Hic de Sale Epsomense à me rogatus in modum seq. differebat: Sal hic non ex aquis Epsomen- sibus paratur, quæ Salium adeo divites non sunt, ut horum vim tantam largiri queant; quam vis talismodi Salem suppeditare possint, ac forsan ab initio, antequam medicamentum hoc tam avide expeteretur, ex illis paratus fuerit. Nec etiam est Sal mirabile *Glauberi*, quippe ab eo per qualitates, quas in epistola sua descripsit *Hankewizius*, notabiliter distans. Fit autem in lixivio Salis communis, cui filtrato admiscetur *Coleothar* Θ. à destillatione — Θ. residuum, è qua mixtura coctione, evaporatione & cry- stallisatione generatur. Lixivium istud vocant, ait, matrem Salis (*die Salz Mutter*,) quemad- modum lixivium nitrariorum, è quo confici- tur alba magnesia, appellatur mater nitri, (*die Salpeter-Mutter*,) Sal enim cibarius, addit, par- tim ex Indiis, partim è Lusitania & in Angliam & in Hollandiam vehitur, feculentus adhuc multisque scatens impuritatibus, quam elutri- atione cum aqua communi facta prius purifi- cant, quam culinis admoveatur. Lixivium inde prognatum cum capite mortuo vitrioli constituit, modo dicto, Salem Epsomensen, qui vili pretio propterea venire potest, cum e re vili & abjectitia paretur; nam istud lixivium hactenus tanquam inutile rejectum fuit.

Hinc est, quod tanta ejus copia haberi pos- sit. Sed nec istud reticebat *Neumannus*: non interrogandum à me fuisse *Hankewizium*, quip- pe qui sibi quæstum ex eo Sale pararet vix cre- dibilem. Interesse igitur illius, ne quis non cre-

dat aquas Epsomenſes hoc medicamentum late- giri, aliter enim fors illa tam fructuosa fuerit pe- ritura. Postremo se ipsammet præparationem non semel vidisse, adstitemque paranti *Hanke- wizio* fuisse affirmabat. *Dn. Seba* se aliquando bis mille libras hujus Salis Londino omnes ac- ceptas una vice possedisse mihi fide Germana asseruit. Cæterum & hujus medicamenti fa- ma jamjam decreſcere cœpit, sic ut lucro fu- turo desituro cum præterito *Dn. Hankewizius* contentus esse debeat, nam indies magis illa fama minuetur, imò me stipulatore, plane exspirabit. Sal certe *polychrestum Scretianum*, cujus in *Miscellaneis* meis dedi descriptionem, viribus si non majoribus, iisdem tamen reve- ra pollet, usu nunc tot annorum probatissi- mum. Et quid? Si omnia Salia Medica eadem doſi sumta purgarent? Ego his talibus didici carere, imo careo libenter. Nos Germani, uti semper sumus cæterorum imitatores & admi- ratores, ita vel Colchicum nobis futura sit pa- nacæa, dummodo nomen obtineat panacææ vel Britannicæ, vel Gallicæ &c.

P. S.

Posteaquam isthanc observationem jam Au- gustam Vindelicorum misissem, navi tra- ctoria, qui est mos regionis, Lugdunum Ba- tavorum vectus inter alios DNN. Professores etiam Celeberrimum *le Mort* visitavi. Varios inter sermones Chymicos etiam de Sale Epso- mensi orti sermones. Dicebat Vir expertissi- mus frustra Chymicorum aliquos de magnitu- dine, quadratura rudi & difficili solutione Sa- lis mirabilis *Glauberi* conqueri, dum eum rite parare nesciant. Observata enim legitima en- chireſi cryſtallos eum æque teneros acquirere, ac in æque tantilla aquæ portione solubilem ef- ſe, ac ipse, qui pro genuino circumfertur, Sal Epsomensis. Hunc autem ultimum se parare è Sale marino cum Θ. (quæ sunt ingredientia Sa- lis *Glauberi*) addita tantilla portione Θ. (cujus tamen pondus mihi non declarabat.)

Atque sic fieri Salem tenerrimum à Sale Epsomense nulla vel levicula nota distinguibi- lem, quin eodem plane effectu præditum, a- deoque verum Salem Epsomensen. Jam igitur habemus V. Salis Epsomensis traditiones. 1. Salem ex aquis Epsomensibus. 2. Mirabi- lem *Glauberi* communi more & 3. eundem cum additione Θ. modo *le Mortiano*. 4. Loco Salis marini cum Sale communi. 5. Denique è Lixivio Θ. com. cum capite mortuo Θ. paratum. Quis circumſpectus Practicus ejusmodi pharmacis tutò fidat?



## AD AVRIFODINAM MEDICAM.

*Ad pag. 13. §. 8.*

Quæ hic de *Alumine plumoso* dixi, confirmat Dn. *Pitton de Tournefort*, Botanicorum Princeps, in *Relatione de itinere suo Orientali* p. 63. ubi se genuinum alumen plumosum in Insula Milo invenisse narrat, & quidem in fasciculis haud exiguis, è filis subtilissimis & quasi sericeis, tenerimis, argenteis & splendentibus, sesquidigitum fere longitudine æquantibus, conflatum, qui eundem prorsus saporem & indolem habebant cum alumine communi; unde quoque refellit omnes, quotquot alumen plumosum cum lapide amiantho confundunt. Fasciculi trajiciebant lapides, qui leves admodum & teneri observabantur, *v. cit. loc.*

*Ad pag. 29.*

*Auripigmentum* neutiquam idem esse cum Arsenico flavo contra vulgarem ostendit *Aug. Frid. Pott*, in *Disp. Inaug. Hala A. 1720. de Auripigmento* habita. Arsen. flavum enim arte parari, Auripigmentum verò minerale nativum, in Turcia, Bohemia & Lusatia ex limo quodam copiose erui, nec venenosum esse docet & ex anatome ejus fuisse probat. Strix rubicundæ ex hac minera separatæ *Sandaracham* mineralem constituunt, quæ pariter differt ab arsenico rubro *vid. c. I.*

*Ad eandem pag. 29.*

*Rusma*, aliis *Lupma*, hic adjectum nemo elegantius describit, quam *Eichovius* in *Itineribus suis*, qui pag. 214. ceu testis oculatus asserit *Rusma* hoc non tam ex melle ad duritiem cocto, vel auripigmento arte parari, secundum *Bellon. Obs. pag. 462. & Scalig. Exercit. C. XIV. §. 4.* quam mineram quandam esse, ferri excremento similem, sed leviolem, nigram & adustum quid redolentem. Fodina enim ipsa, unde eruitur, leviter adusta videtur. Minera hæc Gynecæo Orientali est usitatissima. *Rusmate* enim in tenuissimum pulverem confuso calcis vivæ dimidiam partem adjiciunt, in fictili aqua macerare sinunt: hinc balneum ingressuræ partes genitales, quas glabras volunt, inungunt atque tamdiu inhzrere sinunt, quamdiu ovum coquitur: ita radices pilorum laxiores redditæ decidunt, parte calida aqua abluta. Hactenus *Eichovius*.

*Ad pag. 30.*

An *Smalta* internè data pro veneno sit habenda? occasione mulieris *Herbornensis*, marito jusculum cum *smalta* permixtum offerentis, in Facultate Medica *Gissena* aliquot abhinc annis ventilatum & affirmatum fuit. Responsum cum Specie facti vid. in *Corpore Juris Medico-Legali, Part. II. pag. CCCCLIV.*

*Ad pag. 47.*

*Hysterolithos* nihil aliud quam conchas bivalvas petrificatas, aut terram vel margam in illis, tanquam in matrice, lapidificatam esse pluribus ostenditur in *Ephemerid. Germ. Curios. Cent. III. & IV. pag. 221. & Cent. V. & VI. pag. 204.*

*Ad pag. 65.*

Circa usum *Antimonii* & *Antimoniatorum* repeto ea, quæ in *Introductione* de medicina à Deo ex terra creata, ubi vis præferenda, monui. Terribiles sunt *Chymicorum*, cum primis *Antimoniatorum* effectus. *Regulum* & *Medicinalem*, tanto pere laudatum, nuper in curatione febris tertianæ hypercatharsin lethalem excitasse novi. *Antimonii Diaphoretici* damna resenset *Thom. Bartholinus* in *Act. Hafniensibus Vol. V. pag. 25.* verbis ibi: Instante vere sudoriferum ex theriaca, & diaphoret. gr. vii. & c. filix suæ exhibuit Vir Reverendus ex officina quadam urbis petiit. Statim sudoris loco oborta tormina ventris & anxietates, cum siti & ardore ingenti, qui sedari non potuit, nisi propinata cerevisia calida. Hinc vomitus secutus & alvi fluxus eruentus, qui mitigatus fuit exhibita theriaca cum lacte: alia quoque symptomata comitabantur, lipothymia, extremarum partium frigus, pulsus intermittens horulæ spatio, convulsiones & c. Oblatis alexipharmacis sedata omnia. Pharmacopœi servus cuncta legitime præparata dicebat, nec venenum in vicinia adfuisse, nec mortarium impurum. Antimonium quoque optime ante 14. dies à se ipso præparatum Pharmacopœus dejerabat, colore adhuc candido monstrandum & sine noxa à se ad scrupulum medium devorandum. Existimavit vero puellam hystericam fuisse, cujus tamen affectus nulla comparebant indicia & cura per alexipharmaca & lac huic suspitioni repugnat. In quem culpa rejicienda, expiscari nequivimus. Casus vero fortuitos nec Pharmacopœum, nec Medicum ullum præstare posse, nemo ignorat. Pacis amore Vir Religiosissimus Deo vindictam commisit, si quidem in officina culpa lateret. Convaluit enim Virgo, quanquam lento gradu & cottidiano medicaminum usu Orbique testis est, quam periculosa sint medicamenta ex Antimonio male fido confecta. Summa necessitas me ad hoc remediigenus vix propelleret. Antimonium enim & Mercurius mihi semper fuere suspecta. Levisimus quippe error in præparatione commissus vita hominis expiatur. Hactenus *Bartholinus*. Qualis per incautam *Spiritus Vitrioli Philosophici* (antimonialis



## ACCESSIONES NOVISSIMÆ

nialis etiam profapia) præscriptionem tragœdiæ se traserit, è Casu judicialiter ventilato & in *Authenticis* nostris Medico-legalibus inveni-endo videre licet.

*Ad pag. 92.*

Semini Medicæ affine videtur *Semen Esperata*, vulgò *Kleber. Klee-Saamen*, Anglis *Clover-Gras-Seed*, cujus anno elapso 1719. in novellis, ceu novi cujusdam & exotici vegetabilis, e Turcia advecti mentio est facta. Vid. *Viridarium nostrum reformatum* pag. 401. Novum tamen & Antecessoribus nostris incognitum non fuisse, testatur liber Anglicus curiosissimus & in oeconomia utilissimus, cui titulus: *Adam out of Eden, or an abstract of divers excellent experiments touching the advancement of Husbandry*, impressus Londini Ao. 1659. apud Henricum Brome. Ipsa planta, uti Medica, inservit nutritioni & saginationi boum, cum fœnore insigni. Vid. *cit. lib. pag. 38. & seqq.*

*Ad pag. 129.*

Radicibus medicinalibus addantur *Radices telephii*, amuletum *Wedelii* contra hæmorrhoides dolentes, approbatum à *Casp. Kölichen* in *Act. Hafniensibus* Vol. V. pag. 330. & *radices colchici*, novissimum & probatissimum ejusdem *Dn. Wedelii* amuletum & prophylacticum in malignis, aliquot abhinc annis peculiari libello laudatum.

*Ad pag. 175. col. 1.*

*CHAQUARILLAM* nec Corticem *Winteranum*, nec *Canellam albam*, sed speciem *Kinkinnæ*, sc. *Kinkinnam Spuriam* (die graue China Chinæ esse, eum *P. Hermannus Daleo* & *Apino* asserit *D. Nebel* in *Disp. de Cascarilla* A. 1717. *Heidelb. habita.*

*Ad pag. 185.*

Qua ratione *Mastix* à lentisco in *Insula Scio* colligatur, ex inspectione oculari refert *Tournefort*, in *Voyage du Levant*, Tom. I. pag. 144.

*Ad pag. 194.*

Arboris fructusque *Caffæ* genuinam & optimam descriptionem dedit Autor Itineris *Arabie felicis* & in Aulam Regis *Yemen*, loci *Caffæ natalis*, in libro Gallico: *Voyage de l'Arabie heureuse* ejusque appendice: *Memoire concernant l'Arbre & le fruit du Caffé*, ubi & optima ejus figura occurrit, omnino similis illi, quam dedit *Dn. Volckamerus* ex horto *Webbortiano*, & in *Ephem. Germ. Curiosis Cent. III.*

*IV. Obs. 108.* nomine *Gelsemini Arabici, foliis Castanea. Conf. Viridarium n. Reformatum* in *Appendice* Tom. II. Hoc in scripto plurima circa nomen & ortum hujus potus, aliis plane indicta & incognita traduntur ab Autore erudito, quem *Galandinum* dicit *D. Rosinus Lentilius*, *Ephem. Germ. Cur. Dec. V. & VI. pag. 156.* è quo novum *CAFFÉ* genus *A LA SULTANE* dictum ita describit: de hoc seqq. habet *itineris* Auctor, vel potius Collector, uti videtur, *Dn. la Roque*: Optimatibus Regionis *Yemen* alius potus *Caffé* modus in usu, ipsis tantum peculiaris. Non enim fabis, s. potius fabaceis nucleis *Caffé* utuntur, sed corticibus tantum seu involueris: quibus pelliculas tenuissimas fabæformem nucleum proxime investientes *Exc. Kaempfero* in *Amoenit. Exot. Fasc. 1. pag. 123.* furvas membranulas dictas, addunt; præparationis modum ita describunt: Sumunt probè maturos cortices, quos diffractos in cymbio fictili carbonibus imponunt & instar *Caffé* torrent, usquedum parum coloris contrahunt. Eodem temporis articulo aqua in vase decoctioni destinato calefit, cumque cortex debito modo torrefactus est, bullienti aquæ infunditur, cum quarta pellicularum parte; tantum autem temporis spatium, quantum ordinaria potus *Caffé* decoctio, exigit. Color convenit per omnia cerevisiæ Anglicæ. Sapor est gratissimus, saccharo vix opus habens. Vid. plura in *App. Tom. II. Viridarii Reformati*. De alia specie arboris *Caffé* in *Insula Bourbon*, prope *Ins. de Madagascar* nucleos longiores & amariore ferente, vid. *l'histoire de l'Acad. Royale des sciences* Ao. *MDCCXVI. p. 42.*

*Ad pag. 209.*

*Grana Chermes* si triduum sibi relinquuntur non exsiccata, tota fere in vermes & papiliones abire *Lugduni* in *Gallia* apud *Dn. Bertet* observavit *Olaus Borrichius*, Vid. *Acta Hafniensia* Vol. V. pag. 203. quod certo est indicio, illa nihil aliud, quam vermium receptaculum esse.

*Ad pag. 284.*

*Terebinthina Veneta* in *Insula Chio* 1. *Cypro* collectionem ita fieri *Turnesfortius* in *itin. Orient. lit. IX. p. 145. Tom. I.* experientia edoctus refert: Arborea sc. crassiores (quarum descriptionem Botanicam ibi recenset) per transversum, à mense Julio usque ad Octobrem, incidunt, unde *Terebinthina* in lapides quadratos, illis substratos, decidens ab incolis baculis exiguis colligitur & ab in his in vasa & lagenas destillari finitur. Hic liquor balsamum naturale & excellens constituit, insigne stomachicum & diureticum, iis tamen, qui calculo



## AD AVRIFODINAM MEDICAM.

calculo laborant, non facile dandum, siquidem pejus inde se habent. Vid. cit. loc.

Ad pag. 287.

*Mumias genuinas* Ægyptiacas omnes sexus sequioris esse, ex Illustri quadam persona, quæ Regem Sueciæ in Turciam secuta erat, audiui. Magnates enim in Ægypto conjuges suas balsamis pretiosissimis à corruptione præservaturi easdem ita condiri variisque gemmis c. figuris infarciri, ungues digitorum inaurari, aliisque ornamentis involvi curabant: quæ omnia confirmat Mumia Gothana, magnis sumptibus à Pharmacopœo *Christiano Herzog* ex Ægypto obtenta & peculiari libro descripta, in quo plura exempla parallela occurrunt. Urnæ mumiis appositæ cineres Maritorum continent.

Ad pag. 296.

*Sal Armoniacum*, quod in panibus in Europam undique divexitur, non tam artificiale, quam nativum esse recentissimè traditum est in *Hist. Acad. Reg. Scientiarum Paris. A. 1716. pag. 34.* Probant hoc (1. à consistentia durissima, qualis non occurrit in *S. armoniaco* per artem sublimato. (2. à figura particularum & crystallorum recta, instar columnarum, quæ arguit sal aliquod in aqua solutum & post evaporatam aquam remanens, qualis in floribus sublimatis non observatur, 3.) à pretio tolerabili, quo obtineri non posset, si per artem pararetur, ob indicibilem quantitatem urinæ, salis & vasorum requisitorum. Hinc *Dn. Lemery* c. l. credit *Sal armoniacum* in Oriente iisdem fere laboribus & expensis parari ac *Sal marinum* & fontanum per simplicem evaporationem, vel ex *Sale Gemmæ* juncto cum *Urina animalium* in *Libya* & *Arabia*; quamvis dubium adhuc sit, unde tanta in copia ad nos adferatur.

Ad pag. 309.

*Lapidis bezoartici Orientalis* verum examen tradit *D. Casparus Kōlichen* in *Act. Hafniensibus à Thom. Bartholino* editis, *Vol. V. in Append. p. 327. seqq.* Incidi nuper in scriptum ex Anglico idiomate in Gallicum translatum, sine nomine Translatoris, Autoris verò nomen *Grew*, ibi in præf. legitur: *Inscriptio libritalis est: Recueil d'Experiences & Observations sur le combat, qui procede du melange des corps sur les saveurs, sur les odeurs, sur le sang, sur le lait &c.* ubi inter alia scitu dignissima ibi agitur de lapide bezoartico Orientali, quod si nempe illi affundatur Spiritus nitri, brevi post tantam effervescentiam ibi excitari cum spuma, strepitu, vapore & elevatione tanta,

usquedum illa lapidis bezoartici quantitas tota sit à Spiritu nitri dissoluta & in colorem sanguineum mutata, id quod verissimum est; tentavimus enim hoc examen in *Pharmacopolio Beckeriano*, præsentè *D. Christiano Fossio*, Archiatro Regio. Drachmæ autem Lapidis bezoartici Orientalis electi affudit *Beckerus* præter propter ʒij.  $\sim$  Q. & vitrum eum contentis admovit prunis, ut paulum inclaresceret, ubi illico tanta ebullitio cum spuma insecuta, ut vitrum ʒbj. p. c. capax vix sufficeret, ut intra capacitatem ejus contineri possent hæc duo sibi repugnantia, ubi tandem post absolutam pugnam liquor rubicundissimus in vitro remansit. Tentavimus idem cum lapido bezoartico factitio, ubi nihil effervescentiæ subortum.

Ad pag. 347.

*Ova hæc Rajarum*, vulgò sic dicta, rectius secundinas illarum disi, vid. in *Amphitheario* n. *Zootomico Tom. II. pag. 125.*

Ad pag. 348.

*Lapidum cancerorum* genuinorum collectionem frequentiore observari hodie perhibent in *Bessarabiæ Tartaria Budziacensi*, cum primis deserto *Walachienfi*, urbi *Teginæ* sive *Bender* non multum distito; quinimo in *Ucrania Moscovitica*, citèa fluvium *Borystenem* & *Tyram*, per utrosque *Podoliæ terminos*, regione multis magnisque fluminibus & ubertate & fertilitate cancerorum divitibus irrigua. Alveo suo egressos hos fluvios majores minoribus inde prodeuntibus & aditis per diversos confinium regionum tractus, fertilitatis cancerorum copiam inferre perhibent, si non penitus, certe ut plurimum adversari dixerunt, cancerorum conservationi invigilant, usque dum suo tempore eorundem lapidum acquisitione privatis non minus ac publicis necessitatibus commode subvenire possint, data sæpius subordinato Magistratui certa horum lapidum portione in onerum publicorum pretium. Observatis exactè iis mensibus, quibus canceri communiter bonitate distinguuntur, *Borystenis* & *Tyræ*, hincque profiliantium & quacunque ratione cancerorum copia divitum fluminum accolæ, omnium primò vastis desertisque & ab omnium hominum consortio remotis locis se insinuant, ibidemque aut quocunque solitario loco fieri potest, foveas præparant, quarum profunditas sexaginta circiter aut septuaginta, latitudo vero decem, quindecim aut viginti pedibus adæquet: Iis, qua fieri potest, diligentia, incredibili copia obtentos captura caneros infarciunt & haud aliter ac uvæ pedibus conculeando, interdum pro contritione



## ACCESSIONES NOVISSIMÆ

contritione certiore obtinenda adaptata tude-  
te lignea, corpora eorundem concutiendo ac  
enecando foveis & deserto relinquunt, domus  
suas repetentes, quas ad triginta interdum  
milliariorum spatium abhinc distitas habere di-  
cuntur, eapropter abditorum ac remotorum  
sylvarum recessuum amatores, ne gravis ex o-  
mnibus & interdum funestus, qui ex putrefa-  
ctione cancrorum diffunditur, fœtor sanitati of-  
ficiat. Hac ratione foveis immissa Gammaro-  
rum multitudo quibuscunque cœli tempesta-  
tumque injuriis patet, usquedum post supera-  
tas hyemis asperitates, vernali tempore au-  
spice, superioris laboris cursum relegere liceat  
operi intentis his hominibus, qui illuvie, situ ac  
sordibus coinquinatas in foveis reliquias, quo  
longius ab his recesserunt, eo curatius fluviis,  
quos proximos habent, advehunt, in quibus  
excussorio cribro inquinamenta repurgando  
tandem lapidum admirabilem copiam, in la-  
boris præmium, ex voto obtinet inops aliàs &  
egenagens, in angustia sua hoc thesauro lo-  
cupletior reddita. Hæc per Tartariam Oza-  
viensem, Regnum Astracanum, Palatinatum  
Kieciensem & Witepskiensem lapides hos ex-  
trudit venales, unde tum ingenti copia Regio-  
montanorum, Gedanensium, Uratislaviensium  
& tot mercatorum manibus communis com-  
mittitur merces; quæ omnia ex appulsis Ura-  
tislaviæ Mercatoribus & Recutitis pereun-  
tibus est D. Gorchofredus David Mayerus. Vid.  
*Ephemerid. Acad. Casareo - Leopoldino - Carolina*  
*Nat. Cur. Ann. VII. & VIII. obs. LXXX. pag. 447.*

*Ad pag. 362. §. 5.*

De GUTTIS ANGLICIS, quarum in  
hac thesi circa finem mentio facta est, notari  
merentur, quæ Dn. *Lentilius* in *Ephemerid.*  
*Acad. Natura Curiosorum Ann. III. & IV. Obs. v.*  
*CLXXIV.* communicat seqq: Dn. *Neumannum*,  
Chymicum nuper ex Anglia advenam, qui  
jamdiu Londini moratus est, eoque rursum re-  
dibit, inter alia rogavi: an GUTTÆ AN-  
GLICÆ (*les gouttes d'Angleterre*) adhuc in istis  
Insulis multo in usu essent? Ipse ne quidem no-  
men sibi notum esse respondit, argumento no-  
vo, ab Exteris haut raro pluris æstimari medi-  
camenta nomen regionis præ se ferentia, quam  
ab ipsismet illius regionis indigenis. Postea  
verò quam ipsi rem prolixius declararem è nu-  
pero discursu cum ipso habito intelligens quod  
*Historiam Academia Regiæ scientiarum* legisset,  
nempe in ejus quodam tomo guttas illas de-  
scribi: Jam earum, inquit, recordor, destil-  
lantur nempe è Serico crudo: nonnunquam  
cum ʒo. Cinnamomi rectificantur, ac in deli-  
quiis hysteriis consimilibusque insultibus o-  
doramenti loco inserviunt, quas frequenter  
ipse paravi, quippe *Tournesfortio* familiaris; at

verò (pergit) nullus de his amplius Londini  
sermo, ita ut vel ipsum nomen nequidem au-  
diatur. Interim mirum esse dicebat sericum  
crudum spirituum copiam tantam largiri,  
quantam nec ipsum cornu cervi præbeat.

Nibilominus cum & in Italia & Germania  
nostra passim adhuc guttæ illæ concelebrentur,  
non incuriosum fore duxi, si & de his mihi quæ-  
dam comperta notarem.

Sic autem ex *Memoir. de l'Acad. des Scien-*  
*ces Ao. 1700. p. 95.* in Latinum traductæ sonant:

„ Spiritus serici volatilis cum Oleo Cinnamo-  
„ mi, aut cum alio quodam oleo essentiali re-  
„ ctificatus illud suppeditat, quod appellatur  
„ *les veritables Gouttes d'Angleterre.*  
„ *Listerus* Regiæ Societatis membrum, Londi-  
„ nensium Medicorum haut equidem postre-  
„ mus, mihi communicavit illud secretum,  
„ quod in Anglia adhuc cautè occultatur. Ex-  
„ perientia debetur guttas illas, id est Sal vola-  
„ tile serici rectificatum & suaveolens factum  
„ cum oleo quodam essentiali in affectibus sopo-  
„ rosis multum valere, nec non in variis deli-  
„ quiis, usu tam inquam externo odoratorio.  
„ Nec tamen eas præparatis è Cornu Cervi, Sa-  
„ le Ammoniaco, Spiritibus vel Salibus volati-  
„ libus Oleosis usualibus præferendas judicem,  
„ nisi forte quoad odorem, qui tam gravis ac  
„ tetricus non est, adeo, ut magis hæ guttæ de-  
„ licatioribus agris convenire queant. Hucus-  
„ que *Acta Regiæ Academiæ.*

Sed verò longe alia descriptio nobis ex-  
hibetur in Epistola à Dn. *Bier*, Pharmacopæo  
Regio Parisiensi primario, ad Dn. *Lebratium*,  
Pharmacop. Lugd. Allobr. d. 29. Apr. 1713. ex-  
arata, cujus rursum verba in Latium traducta  
„ sunt seqq. Plures circumferuntur compo-  
„ sitiones sub guttarum Anglicarum titulo,  
„ quibus ille falso tribuitur, interdum etiam  
„ non sine decumbentium noxa propinatis.  
„ Præferenda autem omnino est nostra illis  
„ omnibus, quæ vel ex serico, vel araneis vel  
„ aliunde desumuntur. Inventor primus *Gott-*  
„ *waldus*, Medicus Londinensis, qui CARO-  
„ LUM II. Regem, ab omni ope humana de-  
„ relictum, hujus medicamenti virtute mortis  
„ faucibus eripuit. Compositionem Rex dictus  
„ à *Gottwaldo*, licet ægerrime, obtinuit pretio  
„ 25000, Imperialium, fide tamen silentii prius  
„ stipulata. Descriptio talis est:

„ ʒj. *Ras. cran. hum.* suspensi de laqueo  
„ aut violenta morte extincti lb. ʒ.  
„ *Viper. exsic.*  
„ *Ras. CC.*  
„ *ebor. an. lib. ij.*

„ Fiant omnium tres partes æquales ex totidem  
„ retortis igne reverberii destillandæ, cautelis  
„ illis adhibitis, quas in destillatione CC. vel  
„ viper. adhibere par est, idque ad siccitatem.

Postquam



## AD AVRIFODINAM MEDICAM.

Postquam retortæ refrigerint, affusa Spiritus,,  
destillati portione Θ. vol. parietibus colli re-,,  
tortæ affixus, solvatur; hinc vitro capaci,,  
quod evocatum est, infusum per chartam,,  
emporeticam filtratur, ut ∞. inutile separe-,,  
tur. Liqueor filtratus per retortam vitream,,  
ex ∞. destilletur, cui adaptanda est alia vitrea,,  
quæ pro excipulo inserviat, commissuris pro-,,  
be lutatis. Fiant cohobia tria, semper ad-,,  
mixto Sale retortis adhærente, quantum ejus,,  
potest separari. Post distillationem tertio,,  
factam liqueor, qui transiit, omnis infunditur,,  
in cucurbitam proceram, cui imponitur a-,,  
lambicus cum excipulo parvo, juncturis o-,,  
mnibus vesica madida probe munitis, impo-,,  
natur cucurbita igni arenæ leni, sublimabitur,,  
tunc adhærens capitello Sal volatilis: augea-,,  
tur Δ. & transcendet Spiritus illum Salem,,  
dissoluturus, quo soluto cucurbitam statim,,  
ab Δ. remove, ne plus liqueoris transcendat,,  
quæ encheiresis est prora & puppis totius de-,,  
stillationis, atque sic separatae sunt guttæ. Do-,,  
sis est à gutt. vij. ad L. in affectibus Soporosis,,  
febris malignis, variolis &c. Reperitur,,  
hæc Epistola in *Memoir. de Trevaux* 1713. *Augst*  
p. 1049. Eo vero libentius utrasque descri-  
ptiones hic addidi, quod utrique libri non in o-  
mnium manibus, in Patria præcipue nostra,  
habeantur.

Utra descriptio sit vera? quis determinare  
audeat; Tutius à medicamentis abstinetur, quo-  
rum descriptio minus exacte cognita. Sapi-  
o, quantum ad me, piscator ictus, ictibus viperi-  
nis medicamentorum Mercurialium, quæ mi-  
hi à Viris quoque Celeberrimis adeo fixata lau-  
dabantur, ut salivam nullo modo, diuturno li-  
cet usu, sint motura: moverunt tamen, cum  
ægroto alibi degentium periculo, qui à me,  
nihil tale metuentes, non moniti, regimine sa-  
livationi debito sibi non satis cavebant. Alias  
ultima hæc *Bietti*. Guttarum Anglicarum de-  
scriptio cum *Spiritu bezoardico Bussi* magnam  
affinitatem debet, nec medicamentum aut  
nuile prorsus, aut periculosum judicandum  
existimem. Id modo dico certitudine ne qui-  
dem morali nos tutos esse posse, an, quod de-  
scripsimus, idem sit illud, quod sub GUTTA-  
RUM ANGLICARUM nomine celebratur.

*Ad pag. 362.*

Quoad *araneos* curiosum est Gallum  
quendam *Monfr. Bon sericum è tela ara-  
neorum* parasse, ad texenda tibialia & simi-  
lia satis aptum; quem secutus est DN. *Reau-  
mur*, Societatis Regiæ scientiarum Parisiensis  
Membrum, testibus *Ephemeridib. dictæ Societa-  
tis*, Anni 1710. Utriusque præparationem alia-  
que huc pertinentia habet *Nicolaus Lemery*  
au *Dictionnaire des Drogues simples* pag. 40.  
verb. seqq.

## Maniere de préparer la Soye des Araignées.

Après avoir fait ramasser douze ou treize  
onces de ces coques d'Araignées, Monsieur Bon  
les fit bien battre pendant quelque tems avec  
la main & avec un petit bâton, pour en faire  
sortir toute la poussière, on les lava ensuite  
parfaitement dans de l'eau tiède jusqu'à ce que  
l'eau en sortit nette: on les mit ensuite trem-  
per dans un grand pot avec de l'eau de savon, du  
salpêtre & un peu de gomme Arabique, on  
mit bouillir le tout à petit feu pendant deux ou  
trois heures, on relava ensuite toutes ces co-  
ques d'Araignées avec de l'eau tiède pour en  
bien ôter tout le savon, on les laissa secher, on  
les fit ramolir un peu entre les doigts pour les  
faire carder plus facilement par les cardeurs  
ordinaires de la soye, excepté qu'on fit pour  
cette soye d'Araignée des cardes beaucoup plus  
fines, on eut par ce moyen une soye d'un gris  
tres particulier; on peut la filer aisément, & le  
fil qu'on en tire est plus fin & plus fort que ce-  
lui de la soye ordinaire.

La difficulté se réduit donc à avoir un assez  
grand nombre de coques d'Araignées pour en  
faire des ouvrages considérables, M. Bon établit  
des preuves pour convaincre, que les Araignées  
fourniroient plus de soye que les vers à soye à  
cause de leur fécondité; car elles multiplient  
beaucoup plus que les papillons des vers à soye,  
& chaque Araignée pond six ou sept cens œufs,  
au lieu qu'un ver à soye n'en fait qu'une centai-  
ne, encore en faut-il rabattre plus de la moitié,  
à cause que ce ver est sujet à plusieurs maladies,  
& il est si délicat qu'un rien l'empêche de faire  
sa coque; au contraire, les œufs de l'Araignée  
éclosent sans aucun soin dans les mois d'Août  
& de Septembre, quinze ou seize jours après  
qu'ils ont été pondus, & celles qui les ont faits  
meurent quelque tems après. Pour les petites  
Araignées qui sortent de ces œufs, elles vivent  
dix à onze mois sans manger, & sans diminuer  
ni grossir, se tenant toujours dans leur coque  
jusqu'à ce que la grande chaleur les oblige de sor-  
tir & de chercher leur nourriture.

Si donc on pouvoit trouver le moyen de nourrir  
dans des chambres de petites Araignées,  
on auroit beaucoup plus de coques de cet inse-  
cte que de celles des vers à soye, ayant toujours  
vû, dit M. Bon, que de sept ou huit cens petites  
Araignées il n'en mouroit presque point dans  
une année, qu'au contraire de cent petits  
vers à soye, il n'y en avoit pas quarante qui fis-  
sent leurs coques.

On met les Araignées à jambes courtes dans  
des cornets de papier & dans des pots; on cou-  
vre ces pots d'un papier percé de trous d'épin-  
gle, aussi-bien que les cornets, afin qu'elles aient  
de l'air; on leur fait donner des mouches pour  
leur



leur nourriture, & l'on trouve quelque tems après qu'elles ont fait leurs coques, que treize onces de cette soye rendent presque quatre onces de soye nette.

On n'auroit pas grand' peine, poursuit M. Bon, à trouver de ces coques d'Araignées, s'il étoit permis d'entrer dans toutes les maisons où l'on en voit aux fenêtres, il est aisé de conclurre qu'on en trouveroit assez dans tout le Royaume pour en faire de grands ouvrages, & que la nouvelle soye, que je propose, est moins rare & moins chère que n'étoit la soye ordinaire dans son commencement, d'autant mieux que les coques d'Araignées rendent à proportion de leur legereté, plus de soye que les autres : en voici la preuve, treize onces en donnent près de quatre onces de soye nette, il n'en faut que trois onces pour faire une paire de bas au plus grand homme, ceux que j'envoie (c'est toujours M. Bon qui parle) n'en pèsent que deux onces & un quart ; & les mitaines environ trois quarts d'once, au lieu que les bas de soye ordinaire pèsent sept à huit onces.

Les bas de soye & les mitaines dont il est parlé, & que nous avons vus, touchez & examinez à Paris dans l'Académie Royale des Sciences, peu de tems après qu'ils eurent été travaillez par ordre de M. Bon à Montpellier, étoient forts & aussi parfaits, que ceux qu'on auroit faits avec de la soye ordinaire, presque aussi beaux, polis & lustrez, d'une couleur grise agréable, approchant du gris de souris ; cette couleur étoit naturelle à la soye des Araignées, mais il ne faut pas douter qu'ayant été lavée avec de l'eau de savon, dans laquelle on avoit fait dissoudre du salpêtre & un peu de gomme Arabique, elle n'eût aquis par-là plus de lustre & un certain éclat. On la vida alors, on la fila & on la travailla comme la soye tirée des vers à soye.

Jusqu'ici j'ai parlé des observations de M. Bon, Monsieur de Reaumur de l'Académie Royale des Sciences de Paris, a aussi travaillé sur les Araignées, dont il avoit ramassé & nourri un très-grand nombre, il a aussi fait une savante Dissertation sur ce sujet, qu'on verra rapportée dans les Mémoires de l'Académie Royale des Sciences\* ; j'en ferai seulement ici l'extrait, afin que le Lecteur puisse mieux juger de la différence & de la justesse des faits.

M. de Reaumur soutient donc qu'il n'est pas possible de nourrir avec des mouches seules autant d'Araignées qu'il en faudroit pour fournir de soye aux Manufactures établies : de quelle adresse, dit-il, faudroit-il se servir pour prendre chaque jour une aussi grande quantité de mouches, que celle qui seroit nécessaire pour l'entretien de ce vil insecte ? Toutes les mouches du Royaume suffiroient à peine pour nourrir assez d'Araignées qui pussent faire une quantité de soye peu considérable.

\* de l'Année 1710.

Le naturel vorace des Araignées montre assez que leur nourriture ne doit pas être tirée des plantes, qu'ainsi ni les feuilles, ni les fleurs, ni les fruits, ne doivent pas être propres à les nourrir. M. de Reaumur n'a pas laissé de tenter ces sortes d'alimens pour n'avoir pas à se reprocher d'avoir négligé quelque chose, & parce qu'il savoit qu'en matière d'expérience il arrive souvent ce qu'on ne croyoit pas devoir arriver ; mais tout ce qu'il a éprouvé en ce genre n'a point été une nourriture pour cet insecte : il avoit pourtant bien crû que les mouches n'étoient pas le seul aliment qu'on pût donner aux Araignées ; car quoique celles qui font leur toile dans les angles des murs & dans les jardins en vivent, il avoit observé plus d'une fois qu'elles mangent également les autres insectes, lors qu'ils s'embarrassent dans leurs toiles ; les Araignées qui habitent des trous dans de vieux murs lui avoient encore mieux appris que tous les insectes leur étoient propres ; car ayant souvent visité de pareils trous, il y avoit trouvé des cadavres de divers insectes, comme de cloportes, de chenilles, de papillons. Il ne sembla donc plus à M. de Reaumur, s'agir que de trouver une espèce d'insecte dont on pût avoir commodément le nombre qu'on voudroit, les seuls vers de terre lui parurent avoir cet avantage : il y en a des quantitez prodigieuses, les jardins & les champs en sont remplis ; à la vérité il n'avoit jamais trouvé de ces vers dans les trous des Araignées, ni dans leurs toiles ; mais ces insectes rampans sur la terre & ayant assez de force & de pesanteur, il étoit également impossible qu'ils se fussent jettez dans ces filets & dans ces trous, & que les Araignées les y eussent transportez. Il me parut donc, dit M. de Reaumur, qu'il n'y avoit point de nourriture dont je dusse me promettre davantage de réussir ; l'expérience ne trompa pas mon attente, ayant renfermé dans des boîtes plusieurs grosses Araignées de diverses espèces qui avoient passé l'hiver, car il y en a qui vivent plusieurs années, je leur donnai des morceaux de vers & les conservai en vie par ce moyen.

Je tentai ensuite, poursuit M. de Reaumur, diverses sortes de viandes pour voir si elles ne seroient point également propres à les nourrir, mais je ne vis pas qu'elles s'appliquassent dessus, peut-être parce que le naturel féroce des Araignées veut être excité par des animaux vivans.

J'imaginai cependant une autre nourriture qui supplée apparemment à cet avantage par le goût exquis que les Araignées y trouvent. Les jeunes Araignées qui ne font que d'abandonner leurs coques, la préfèrent à toute autre ; je ne l'employai qu'à cause du rapport qu'elle me parût avoir avec la chair tendre & molle des insectes que les Araignées succent ; elle consiste dans



## AD AVRIFODINAM MEDICAM.

dans cette substance qui ramollit les plumes des jeunes Oiseaux, avant qu'elles soient parvenues à leur parfait accroissement : on a remarqué sans doute que lorsqu'on a arraché de ces jeunes plumes, elles sont sanglantes par le bout; que le tuyau est mou alors; ceux qui se seront de plus donné la peine de presser ce tuyau, ou de le disséquer, l'auront trouvé rempli d'une substance tendre & garnie d'un grand nombre de vaisseaux qui laissent échapper du sang lorsqu'on le coupe. Après avoir arraché de ces plumes à des Pigeons jeunes & vieux, je les divisois en petits morceaux de demi ligne, ou d'une ligne de longueur, je les donnois aux Araignées qui s'en accommodoient fort; les jeunes font tout que j'avois gardées dans leurs coques, & qui en étoient sorties depuis peu, sembloient les préférer à toute autre nourriture; j'en voyois quelquefois cinq à six assemblées sur un même morceau de plume que chacune suçoit du côté où il avoit été coupé.

Jusqu'ici, poursuit M. de Reaumur, tout paroît aller à merveille pour les Araignées, voici des nourritures simples dont il semble qu'il étoit seulement question; peut-être en trouveroit-on d'autres aussi commodés, même parmi les insectes, pendant qu'on se serviroit de celles-là qui ne sont pas plus difficiles à trouver que les feuilles de Meurier qu'on donne aux vers à soye : mais nous allons voir qu'il y aura beaucoup à décompter, lorsqu'il s'agira de lever assez d'Araignées pour fournir de soye les Manufactures.

D'abord que les jeunes Araignées abandonnent la soye qui les enveloppoit, elles paroissent de bonne intelligence : elles travaillent de concert à une même toile, les unes étendent de nouveaux fils sur ceux que les autres avoient déjà fournis, mais cette union ne dure pas longtemps; Mr. de Reaumur distribua en différentes boîtes quatre à cinq mille Araignées auxquelles il avoit vû abandonner leurs coques; ces boîtes avoient à peu près la longueur & la largeur d'une carte à jouer : comme il avoit observé que ces petits animaux s'attachoient en verre qui couvroit ces boîtes, il leur avoit à chacune une ouverture à une ligne de distance de ce verre, par laquelle il faisoit entrer une carte, qui étoit appuyée sur la gargeur de la boîte : cette carte bouchoit assez exactement l'ouverture pour empêcher les Araignées de s'échapper; & c'étoit sur cette même carte qu'il mettoit la nourriture qu'il avoit trouvée leur être propre : il avoit eu la précaution de faire un grand nombre de trous à cette carte, afin que par ce moyen on pût donner à manger à beaucoup d'Araignées en très-peu de tems; on les voyoit les premiers jours chercher cette nourriture avec empressement, & plusieurs s'attachoient au même morceau de plume;

mais leur naturel feroce se déclara bien-tôt, les plus grosses prirent goût à manger les plus petites, & chaque fois, dit M. de Reaumur, que je les regardois, j'en voyois une petite qui étoit devenue la proie d'une un peu plus grosse, & au bout de quelque tems à peine m'en resta-t-il une ou deux dans chaque boîte. Les grosses Araignées se battent quelquefois quand elles se rencontrent, mais elles se mangent beaucoup moins les unes les autres que les petites, soit parce qu'elles ont moins besoin de nourriture, ou qu'étant plus pesantes elles ont moins de facilité à se remuer.

Aparemment que l'inclination qu'elles ont à se manger les unes les autres, est en partie la cause de ce qu'il y a si peu d'Araignées à proportion de ce qu'il devroit y en avoir, faisant une quantité d'œufs si prodigieuse.

Il ne sembleroit donc rester d'autre parti à prendre pour élever des Araignées que de les loger séparément; on pourroit, par exemple, avoir des boîtes divisées en plusieurs petits compartimens, qui formeroient plusieurs cellules; mais de donner à manger à chacune de ces Araignées séparément, engageroit à des dépenses peu proportionnées au profit qu'on en tireroit : on pourroit en venir-là si nous n'avions la soye des vers d'une manière infiniment plus commode.

La nécessité où l'on est de distribuer les Araignées dans les cellules, jette encore dans un autre embarras, qui ne diminue pas peu l'avantage qu'elles ont sur les vers du côté de leur fécondité; car pour profiter de cet avantage, il faut pouvoir garder un grand nombre d'œufs qui aient été fécondés par l'accouplement, & pour cela il faut mettre nécessairement des Araignées ensemble; je sai bien, poursuit M. de Reaumur, qu'il est un tems où il se doit faire chez ces insectes une douce fermentation, qui leur ôte leur ferocité naturelle, & qu'on pourroit alors les mettre ensemble sans aucun risque; mais comment connoître précisément ce tems qui doit précéder de peu celui où elles ont envie de faire leurs œufs? Il seroit aisé à trouver, si elles faisoient toutes ces œufs à peu près dans les mêmes jours de l'année, mais il y a plusieurs mois de différence entre le tems que les unes pondent, & celui où les autres pondent, & celui où les autres pondent à leur tour.

La fécondité des Araignées, comme M. Bonpa observé, est prodigieuse, mais après tout, dit M. de Reaumur, les vers sont féconds de reste quand on supposeroit, qu'il's ne font qu'environ cent œufs, desquels à peine quarante donnent des vers qui fassent leurs coques, au lieu que les Araignées produisent six à sept cent œufs.

Quoique j'aye remarqué dans tous les vers que j'ai élevés, pour faire une exacte comparaison de leur soye avec celle des Araignées,



## ACCESSIONES NOVISSIMÆ

qu'ils ont toujours donné au moins trois ou quatre cens œufs; il est aisé de voir, qu'on peut multiplier le nombre des vers autant qu'on voudra, si cela dependoit seulement de la quantité de leurs œufs, il n'en faut point d'autre preuve que la quantité de soye qu'ils fournissent aujourd'hui à l'Europe, où il n'y avoit autrefois aucuns vers.

Il semble donc jusqu'ici, poursuit M. de Reaumur, que les vers l'emportent de beaucoup sur les Araignées par la facilité qu'on a à les élever, & par conséquent qu'on doit peu se promettre de la nouvelle soye, si elle n'a quelque autre avantage sur l'ancienne soye, par sa beauté ou par sa force, ou par la quantité qu'on en peut tirer.

On pourroit avoir des soyés d'Araignées plus différentes par leurs couleurs, que ne l'est celle des vers, qui est toujours aurore ou blanche, au lieu que les coques d'Araignées en donneroient de jaune, de blanche, de grise, de bleu celeste, & d'un beau brun café. Les Araignées qui donnent la soye de couleur de café sont rares, on n'en trouve guère que dans quelques châps de genêts, où l'on trouve aussi de leurs coques dont la soye est très-forte & très-belle. Elles sont formées fort différemment de toutes les autres coques d'Araignées; les œufs sont renfermez dans la soye brune, qui est devidée assez lâchement au tour, comme dans toutes les autres coques: mais cette soye brune est envelopée elle-même d'une autre coque de soye grise, dont le tissu est très-serré, assez épais, & semblable à ce qui resté sur la coque d'un ver à soye lorsqu'on l'a devidée en partie.

Les Araignées font leurs œufs dans les coques où se trouve la soye qui les envelope, plusieurs mois de l'année; elles y travaillent non seulement au mois d'Août & de Septembre, comme M. Bon l'a remarqué; mais il y en a qui font ces coques dès le mois de Mai, & d'autres les font dans les mois suivans; ce sont celles qui ont passé l'hyver qui pondent de si bonne heure: & M. Bon n'a sans doute prétendu parler que de celles qui sont écloses au printemps, car elles font leurs beaucoup plus tard que les précédentes.

Les deux sortes de fils des Araignées ne diffèrent l'un de l'autre que par le plus, ou le moins de force; & il est bon d'expliquer comment les Araignées font ces deux sortes de fils, selon qu'il leur plaît; je suppose, dit M. de Reaumur, qu'on

sait que les Araignées ont près de leur anus divers mamelons, qui sont autant de filieres dans lesquelles se moule la liqueur qui doit devenir de la soye, lorsqu'elle se sera séchée après être sortie par ces filieres.

Les Araignées dont la soye est propre aux ouvrages & desquelles il s'agit ici, ont six de ces mamelons, dont quatre sont très-sensibles, mais les deux autres le sont moins; & on ne les distingue pas aisément sans le secours de la loupe; ces deux petits mamelons sont posez chacun proche de la base des deux gros qui sont les plus près de l'anüs; chacun de ces six mamelons, ou plutôt de petites filieres insensibles, il en sort sept à huit d'un même mamelon: il est aisé de comprendre comment les Araignées font des fils plus ou moins gros quand il leur plaît; car non seulement lorsqu'avant de commencer à filer, elles appliquent contre quelque corps plus ou moins de ces six mamelons sensibles de leur anus, mais selon qu'elles les appliquent plus fortement ou une plus grande partie de chacun de ces mamelons, elles font des fils composez d'un plus grand nombre d'autres fils, & par conséquent plus forts & plus gros.

Il doit y avoir environ dix-huit fois plus de fils tels qu'ils sortent des filieres qui composent un des fils des coques, qu'il n'y en a dans ceux des toiles, si la quantité des fils qui composent les uns & les autres est proportionnée à leur force; car ayant colé un poids de deux grains à un fil de toile, il l'a ordinairement soutenu sans rompre, & s'est rompu lorsque je lui en ai attaché un de trois grains, au lieu que les fils des coques soutiennent environ trente-six grains, & ils ne se cassent que lors qu'on les charge d'un plus grand poids.

Mais si les fils des coques d'Araignées sont plus forts que les fils des toiles, ils sont aussi plus foibles que ceux des vers, quoique dans une moindre proportion; la force des fils que je devois de dessus ces dernières coques a été ordinairement jusqu'à soutenir un poids de deux gros & demi; ainsi la force d'un fil de coque de vers, environ comme un est à cinq; c'est peut-être encore là un des endroits par lequel l'ancienne soye pourra paroître avoir quelque avantage sur la nouvelle.

*Il Serico hoc Araneorum non minus ac ex vulgari serico Sal volatile pro Guttis Anglicis destillari posse nullus dubito.*



# THE HISTORY OF THE

REIGN OF HENRY THE SEVENTH

BY JOHN HALL

IN TWO VOLUMES

LONDON: Printed by J. H. St. John, at the Sign of the Crown, in St. Dunstons Church-yard, 1724.

THE FIRST PART

OF THE REIGN OF HENRY THE SEVENTH

FROM HIS MARRIAGE TO HIS DEATH

IN TWO VOLUMES

THE SECOND PART

OF THE REIGN OF HENRY THE SEVENTH

FROM HIS DEATH TO HIS BURIAL

IN TWO VOLUMES

THE THIRD PART

OF THE REIGN OF HENRY THE SEVENTH

FROM HIS BURIAL TO HIS DEATH

IN TWO VOLUMES

THE FOURTH PART

OF THE REIGN OF HENRY THE SEVENTH


FROM HIS DEATH TO HIS BURIAL



# ICHNOGRAPHIA STADII STUDIIque MEDICI.

I. INSTITUTIONES seu PRIMA ARTIS FUNDAMENTA quorum	PRÆLIMINARIA docent	1. <i>EXISTENTIAM</i> , nobilitatem & dignitatem Artis, cum prerogativis omnibus, tam è Sacris, quam profanis, de quibus Vid. <i>Manitii</i> Herma & <i>Gorissius</i> de Medicina contenta. 2. <i>ORIGINEM</i> & progressum, quatenus à Deo Adamo concreta, per Judæos in Ægyptum translata indeque ad Græcos, Latinos & alias gentes propagata est. 3. <i>ESSENTIAM</i> per definitionem è genere & differentia specifica constantem, quæ posterior à subjecto & sine peritur & eleganter expeditur in <i>Laurebergii</i> porticu Æsculapii.			
		4. <i>DIVISIONEM</i> in	SECTAS, tam <i>ANTIQUAS</i> , quales sunt, <i>Empirica</i> , <i>Methodica</i> , <i>Dogmatica</i> , quam <i>MODERNAS</i> sc. <i>Dogmatico-Chymicam</i> , <i>Dogmatico-Mechanicam</i> & <i>Eclecticam</i> : quarum <i>SCRIPTORES</i> vid. in <i>Conringii</i> Introduct. ad Med. <i>Lindenio</i> renovato <i>Mercklini</i> & <i>Lipenii</i> Bibliotheca Medica Reali.		
			PRINCIPALES, quæ sunt <i>Physiologia</i> seu <i>METHODUS CONSERVANDI</i> sanitatem & <i>Θεραπευτική</i> seu <i>METHODUS MEDENDI</i> à <i>Walao</i> & <i>Hoffmann</i> . trad.		
		MINUS PRINCIPALES	Antecedentes PHYSIOLOGIAM, quam novissime è <i>Bohno</i> , <i>Bergero</i> , <i>Pitcarino</i> , & aliis dedit <i>Dn. Teichmeierus</i> in El. Anthropolog. PATHOLOGIAM solidè reformatam à <i>Baglivio</i> , <i>Stablio</i> & quoad febres <i>Sydenhamio</i> . SEMILOGIAM, in qua Diagnosin morborum <i>Podocus Lommius</i> , Prognosin <i>Hippocrates</i> , utramq; <i>Fienus</i> & <i>Bellinus</i> . DÆTETICAM generaliter tradidit à <i>Quercetano</i> , specialiter ab <i>Hippocr.</i> de victu in acur. & <i>Horstio</i> de tuenda San. Stu.		
			Consequentes PHARMACEUTICAM exhausta, ferè à <i>Sebroedero</i> , <i>Jünckio</i> & quoad Chymiam à <i>Barnero</i> . CHIRURGICAM ab <i>Hippocrate</i> , <i>Celso</i> , <i>Fabritio</i> ab <i>Aquapendente</i> , <i>Hildano</i> , van <i>Solingen</i> & <i>Heistero</i> traditam.		
		TRACTIONE in	PHYSIOLOGIA considerat RES SECUNDUM NATURAM 1. Sanitatem 2. Causam Sanitatis & 3. Accidentia Sanitatis, in REBUS NATURALIBUS 1. Elementis. 2. Temperam. 3. Partibus. 4. Hum. 5. Spiritib. 6. Facultatibus. 7. Functionibus, quæ vel vitales, vel anim. vel genitales sunt.		
			PATHOLOGIA tractat RES PRÆTERNATURAM 1. Morbum ejusque differentias, tam essentielles, quam accidentales. 2. Causas morificas, quæ vel interna & propinquiores, vel externa & remotiores sunt. 3. Symptomata tam vulgaria sc. Actiones laesas, Excreta & Retenta laesa, vel qualitates externas laesas, quam urgentia 1. Dolorem nimium 2. Vigil. nimias. 3. Evac. nimias.		
		SEMILOGIA tradit SIGNA	{ Diagnostica { Certa { Conjecturalia, è pulsu, urina, lingua variisque circumstantiis haurienda. Prognostica, morbi eventum, tempus & modum indicantia.		
				HYGIEINE seu METHODO CONSERVANDI SANITATEM similia similibus conservat, pro diversitate ætatis, sexus, vitæque status; ORDINARIA morbum remover, secundum III. Indicationes, quarum 1. Causas externas. 2. Causam intern. material. 3. Causam formalem respiciens. THERAPEUTICA seu METHODO MEDENDI { EXTRAORDINARIA ratione { Indicat. ordine inverso Symptomatibus urgentibus satisfacit. Remediorum insolitorum cura Sympathetica & Transplantatoria utitur.	
		II. MATERIAM MEDICAM tradentem Medicamenta	OFFICIALIA	DIÆTETICA usum VI. RERUM NONNATURALIUM docet, sc. 1. Aëris. 2. Cibi & potus. 3. Motus & quietis. 4. Somni & Vigiliarum. 5. Excretorum & retentorum. 6. Passionum animi. PHARMACEUTICA de Medicamentorum Facultatibus, Præparationibus & Compositionibus, sive Galenicis, sive Chymicis eorumque Dosi legitima sollicita est. CHIRURGIA { INSTRUMENTA ab <i>Hildano</i> , <i>Parao</i> , <i>Fabritio</i> ab <i>Aquapendente</i> , <i>Cornelio van Solingen</i> & cumprimis <i>Sculpteto</i> depicta. morbos curat per { OPERATIONES 1. Synthesin. 2. Diæresin. 3. Aphæresin & Exæresin. 4. Diorthosin. 5. Prosthesin.	
EVACUANTIA	PARTICULARIA			UNIVERSALIA { DIAPHORETICA, quæ vel { Fixa, ut terræ sigillatæ, pulv. bez. Anglicus, Pannon. ruber, antipleuriticus, & diaphoret. antihect. Potetii. CC. sine Δ. Volatilia, ut Sal volatile CC. Succini, Viper. Lumbricorum. Spiritus CC. Θ*. Tinctura bezoartica. DIURETICA & LITHONTRIPTICA, sive mineralia, ut acidulæ, nitruræ, sive vegetabilia & animalia, ut salia fixa, Tinct. Q. aselli, lumb. canthar. LAXANTIA: Magnesia alba, Cremor & Crystalli Tartari, Tartarus solubilis, Sal Ebeshamense, Aloë, Manna, Serum lactis. VOMITORIA, quæ aut mineralia sunt, Θ. alb. Vomit. Sal Trioli Vom. Infusiones Θ. Q. emer. aut Vegetabilia, ut rad. Ipecacuanhæ. SALIVATORIA: Mercurius dulcis, Panacea Θ. Gallorum, Turbith minerale, Unguenta Mercurialia. Cinnabar. vulgaris. STERNUTATORIA & PTARMICA: Helleborus albus & niger, rad. Pyretri. Flores lil. convall. Pulv. Sternut. Comp. variorum, Θ. lum.	
		GENERALIA { CALIDA sale volatili ut plurimum gaudentia, oleosa & omnia carminativa: Anisum, Fœniculum, Sem. Carui, Cumini, Fl. Chamomillæ. FRIGIDA, qualia sunt omnia acida, tam vegetabilia, ut berberes, ribes, pulpa citri, quam mineralia: Θ. Spir. min. acid. & præcipitantia. EMOLLIENTIA & SUPPURANTIA: Rad. lil. alb. alth. Herb. malv. pariet. Flores lil. convall. malv. arb. Sem. lini. APERITIVA, tam Mineralia ut omnia Martialia, quam vegetabilia, ut Tartarea, visceralia, hepatica & splenetica. ADSTRINGENTIA & TRAUMATICA: Crocus Θ. adstringens, Bolus Arm. Rad. tormentillæ, bistort. symph. maj. Herb. alchimill. & ocul. Θ. ANODYNA: Θ. anod. Cinnab. nat. & Θ. Semen & cap. papav. alb. Flor. pap. errat. opium, laud. opiat. hyosciamus.			
III. PRAXIN MEDICINÆ	MAGISTRAL. seu RECEPTA quorum	ALTERNANTIA	SPECIFICA { CEPHALICA { Antidivertica & Antepileptica: Cinnab. nat. & Θ. Cubebæ rad. & sem. Poeon. Viscus quernus, Stercus Pavon. Cran. hum. Castoreum. Antapoplectica: Herb. & Flor. Paralyt. Rosmar. Lavend. Spir. Θ. ammon. Eff. Castor. Aq. apoplect. PECTORALIA tam { Incidentia: Radix ari præp. Ir. Florent. Herb. aqua & Spir. hyssopi, Spir. gum. ammon. Species diaireos. Demulcentia: Θ. & Flor. Θ. Liquirit. Flor. & Syr. pap. errat. Opiata, Θ. amygdal. dulc. lini destill. CORDIALIA calida, ut Vinum, ambrata & moschata, aut Frigida: ∇. ros. cord. succi veg. acidi: pulpa citri. STOMACHICA: Absinthium, Aromatica, Cydoniata: Pulveres, Species & Morsuli Stomachici. HEPATICO-SPLENETICA: Rad. Cichor. Chelidon. Herb. chamædr. ver. filicis, hepat. Stellat. Martialia & antiscorbutica. NEPHRITICA: è Mineralibus Θ. & acidul. lap. nephrit. è Veget. Rad. petroselin. pareit, brava, Fol. Acmel. Bacc. alkek. junip. Tereb. ex anim. Lumbrici, Aselli. HYSTERICA: Cinnab. nat. & Θ. Rad. Angel. aristol. rot. Herb. menth. Castoreum, Eff. Castor. Bals. Embryon. Pulv. contra abortum &c. ARTHRITICA: Rad. Aristol. long. Decoct. lign. Vienn. Chamæpyt. Origani, lumbric. terr. Formic. Castoreum, Terebinthina.		
			REQUISITA sunt: 1. BASIS, sive simplex, sive duplex. 2. JUVANTIA. 3. CORRIGENTIA & 4. CONSTITVENTIA. ORDO ET METHODUS PRÆSCRIBENDI, in qua sequens PROPORTIO observetur, ut in singulis DOSIS variat. In genere Pulveres alterantes dantur à ʒi. ad ʒʒ. Pilula à ʒʒ. ad ʒʒ. Boli à ʒi. ad ʒj. Electuaria ab ʒʒ. ad ʒi. Mixtura cochlearim, Clysteres ab ʒiij. ad lib. j.		
IV. CLINICAM seu CASUALEM	GENE-RALEM quoad MORBOS	EXTERNOS seu CHIRURGICOS	I. INFANTIUM { INTRA VTERUM, quales sunt morbi embryonum: Nævi materni, motus foetus convulsivi; EXTRA VTERUM, ubi in lactentibus aphthæ, vomitus, tormina, tussis, atrophia: in dentientibus fluxus alvi & epilepsia; in gradientibus II. JUVENUM, quales sunt Anorexia, Bulimus, Pica, Nausea, Vomitus, Tabes, Gonorrhœa, Chlorosis. III. VIRORUM & MULIERUM: Febres, tam intermittentes, quam continuæ, inflammationes, hæmorrhagiæ, deliria, syncope, sterilitas, passio hysterica, abortus &c. IV. SENUM, sc. Apoplexia, Catarrhus Suffocativus, nephritis, stranguria, arthritis, pruritus, contractura, auditus difficilis, marasmus.		
			1. CAPITIS sive in { Toto, ubi præter Acephalos caput obstipum (der Krumhals) occurrit. Pilis in Calvitie, ophiati, inconcinna pilorum excrecentia, plica Polonica, porrigne &c. Cute & pericranio in contusione, fissi, vulneribus & ulceribus, v. g. Tinea, Favo &c. Facie in Gutta rosacea, fistula malarum, affectibus oculorum, narium, labiorum & aurium. Ore in Epulide, Parulide, Scorbuto, Inflammatione tonsillarum, laxatione uvulæ. Cranio & Cerebro in Fracturis Cranii, Contrahisura, vulneribus Meningum & Cerebri. 2. THORACIS, ubi præter vulnera Thoracis, Catiem costarum & Sterni, Tensio cordis & Vulnera pulmonum notentur. 3. ABDOMINIS { Exteriores in Abdominis Intumescencia, Vulneribus, Herniis, Tumoribus variis, Sarcocœle, Hydrocele, Omphalocœle &c. Internæ in Viscerum læsionibus variis, abcessibus & scirrhis excretionibus. 4. ARTIVM, in Luxationibus, fracturis, vulneribus, ulceribus, tumoribus, nodis &c. 5. VASORVM { Sanguiferorum in Aneurismate, Varicibus, Vulneribus &c. Lymphaticorum in ruptura, vulneribus & inde oriundis hydrop. particularibus. Nervosorum in puncturis & laxitate tendinum, stupore nervorum &c.		
CLINICAM seu CASUALEM	CONSULTATORIAM in quâ observ.	II. RESOLUTIO, in qua ostendatur	I. HISTORIA seu RELATIO casus quoad circumstantias { Temporis primi insultus æque ac progressus affectus. Ægri ejusque, temperamentum, vitæ status & diætæ. Symptomatum, tam vulgarium quam urgentium. Remediorum præscriptorum aut adhibitorum. II. Subjectum cum succincta descriptione Anatomica. III. Causa proxima, tam Formalis, quam Materialis, in humoribus circulantibus ut plurimum radicata. IV. Connexio Symptomatum cum accurata illorum explicatione & ætiologia. V. Causa remota, in rebus Diæteticis cumprimis inquirendæ. VI. Prognosis, an ad salutem, an vero ad mortem vergat. VII. Curatio, juxta tres indicationes, quarum 1. à causa remota 2. à materiali 3. à formali desumitur.		
			RENUNCIATORIAM in { THESI è Pauli Zacchia Questionibus Medico-Legalibus, Welschii Rationali Vuln. leth. judicio, Ammann. Irenico, Bohmii Tr. de Lethalir. Vuln. addiscenda. HYPOTHESI ex Ammann. Medic. Critica, Zimmanni Medicina Forensi & Corpore Juris Medico-Legali, ab Autore hujus Tabulæ nuper edito.		





# HISTORIÆ SIMPLICIUM REFORMATÆ LIBER PRIMUS DE MINERALIBUS ET METALLIS.

## CAPUT I.

DE

### TERRA SIGILLATA, BOLO ARMENA, MARGA, ALIISQUE SIMILIBUS MEDICINA- LIBUS TERRIS.

§. I.



**T**ERRA SIGILLATA pinguis gravisque argilla est, quæ plerumque in rotundos orbiculos formata certis sigillis atque imaginibus notatur: saporis adstringentis, odoris terrei, & nunc rubicundi, nunc lutei, fulci, albi, vel alterius coloris; partim in Germaniâ, partim in aliis regionibus effossa ad nos fertur, à quibus vulgò cognomen obtinet.

§. 2.

Hujus sigillatæ terræ varia dantur genera, quorum novem vel decem à *Samuele Dale* in *Manud. ad Mater Med. p. 45.* recensita sunt: præter quæ tamen in *Wormii* aliorumque *Museis* multo plura observantur, adeò quidem, ut *Dn. Rivinus*, Prof. Ord. Lipsiensis XIV. folia, figuris æneis incisa & peculiari *Tractatui de Terris Sigillatis* inferenda, iisdem repleverit. Ex omnibus in forò Medicò

TERRA LEMNIA

optima rarissimaque habetur, adeò ut auro æquiparata fuerit. In Insula Lemnò effoditur, & quoniam ista Ethnicorum Deæ Dianæ sacra erat, ejus olim idolum, nempe capræ figura, à Dianæ Sacerdotibus illi imprimebatur: hodie vero Turcarum Imperatoris sigillum, dimidia scil. luna, cum tribus stellis, im-

primitur; quæ quùm à Magnò Sultano tantò in pretio habeatur, ut exportari imperio non liceat, nulla fere nisi per Magnatum Legatos, quibus interdum donatur, istius potiundæ datur potestas; vel intense rubra est, vel etiam alba. Præter istam vero insuper aliæ Turcicis Arabicisque literis insignitæ terræ sigillatæ apportantur, quarum illæ TERRÆ SIGILLATÆ TURCICÆ, istæ vero TERRÆ SIGILLATÆ ARABICÆ vocantur, quæ vel ex flavo rubescentes, vel cæsæ, aut albæ sunt. Imò è Terrâ sanctâ ab Jerosolymis quædam etiam proficiscuntur, plerumque albæ & TERRÆ HIEROSOLYMITANÆ vocatæ, quibus ut plurimum S. Crucis signum, sive PP. Jesuitarum symbolum I. H. S. impressum est, ut in Figura I. TAB. I. videre licet. Binas inter rariora mea habeo, quarum una crucifixi signo multisque crucibus insignita LAC MARIÆ vocatur, quæ ex specu prope Bethlehem, in quo sancta Maria cum Jesulo infante suo delituisse perhibetur, eruitur, & ab lactantibus fœminis ad lactis augmentum usurpatur. Sed vereor, ne multa interdum superstitio subsit: haud aliter ac in

TERRA SIGILLATA BRACH-  
MANUM,

non tam in superiori aut inferiori superficie, quàm margine, ad instar monetarum Galli-



carum ac Anglicarum signata, quam, ut ex India Orientali obtinui, *Tom. II. Musei Museorum Germanici pag. 1. & 3. inserui.*

## §. 3.

Post Turcicas terras sigillatas non immerito sequitur

## TERRA SIGILLATA MELITENSIS,

quæ ex Insula Maltha, partim in magnis orbiculis, sed tamen tenuibus, partim minoribus pastillis, aut aliis figuris provenit, ut in Tab. cit. videre licet. Omnes instar cretæ albe, iisque ut plurimum S. Pauli imago, cum serpente impressa est, adversus quem ista quoque in historiis prædicatur, quemadmodum in *Wormii Museo pag. 7. potest legi.*

## §. 4.

Quum verò modò dictæ terræ, ut & TERRA SAMIA, CHIA & CYMOLIA, quæ omnes albæ ac pingues, non raræ solum, sed etiam caræ sint, istarum loco iis utimur, quæ apud nos in Germania reperiuntur, quarum duo genera, præ cæteris maxime nota, in omnibus ferè pharmacopoliis nostris venalia sunt, nempe

## TERRA SIGILLATA STRIGONIENSIS,

lutea tribusve montibus insignita, & ab *Johanne Montano*, istius Inventore, in peculiari Tractatu A. 1585. descripta: & Goldbergensis terra sigillata, sive

## TERRA SIGILLATA LIGNICENSIS,

quam aquila signat, quamque & rubram & albam, imo etiam luteam esse videmus. Binæ in Silesia effodiuntur, primaque etiam AXUNGIA SOLIS, altera vero AXUNGIA LUNÆ vocatur, propterea, quod prior aureas, posterior argenteas particulas suo fovere sinu perhibetur.

## §. 5.

Quemadmodum nunc etiam in Livoniâ, Bohemiâ, Hungariâ, aliisque regionibus, ejusmodi terræ sigillatæ reperiundæ ad nos perferuntur: ita istis vel eò minus in Hassiâ indigemus, quo propius viliusque non procul hinc circa Greiffensteiniam & Laubacum reperiundæ sigillatæ terræ haberi possunt, inter quas

## TERRA SIGILLATA LAUBACENSIS

in exteris etiam locis valde innotuit, postquam à Seniore *Dno. D. Geilfusio*, Serenissimi Principis Hassio-Darmstadini Archiatro, in peculiari tractatu Germanicò fuit descripta, quem Latinitati redditum in *Appendice I. hujus Tomi* exhibemus. In vicinia prope Laubacum, quod parvum oppidum est, sub ditione Illustriss. Comitum Solmensium, effoditur: colore partim obscure lutea, partim alba,

prætereaque tota pinguis, ac secundum reliquas qualitates peregrinæ & Turcicæ terræ sigillatæ in omnibus similis: id quod etiam de TERRA SIGILLATA GREIFFENSTEINENSI censendum est, quæ in aliqua martis minera in longis acutisque striis jacet & omnes terræ sigillatæ requisita ad amissim implet.

## §. 6.

Omnes autem terræ sigillatæ approbantur, si (quod dicitur) bene trahunt, tenaciter linguæ adherent, humidæque factæ multa in frustra concidunt. Exoticarum optima Terra Lemnia habetur, quæ à *Galeno* tanti fuit habita, ut bis in Lemnum Insulam dicatur profectus, quò veram incorruptamque acciperet. Inter vulgares terra sigillata Strigenfis Goldbergensi præfertur. In istarum tamen defectu eæ possunt usurpari, quæ propius ac commodissime habentur, si modo cætera bonæ probatæque sint, ut apud nos Laubacensis & Greiffensteinensis. Norimbergæ vulgaris cæsia, quæ juxta oppidum Velden dictum, Norimbergensis ditionis, effoditur, Silesiæque apprimè similis est, ut *Marxius* in suo *Materialium Museo p. 207. refert.* In Gallia quoque prope Blois ejusmodi terra reperitur, quam *Charas*, ubi vera Lemnia non habetur, Theriacæ addere non dubitat, ut ex ejus libro, cui Titulus est: *Histoire naturelle des animaux, des plantes & des mineraux, qui entrent dans la composition de la Theriaque, h. e. Historia naturalis animalium, plantarum & mineralium, quæ compositionem theriacæ ingrediuntur, pag. 191. apparet.*

## §. 7.

Quod ad usum terrarum sigillatarum attinet, adstringens ac bezoartica vis ab omnibus Medicis illis adscribitur; ut propterea cum primis in febribus petechialibus, aliisque similibus contagiosis morbis, si quando diarrhœa simul juncta est, magnò cum usu usurpentur, atque sic dictus pulvis pannonicus ruber tanto in pretio usque habeatur. Quo etiam sine dubio Veteres respexerunt, quando terram sigillatam Lemniam theriacæ voluerunt insertam. Similiter utiles sunt in sanguinis fluxibus, ac hæmorrhagiis, quæ sæpius in ejusmodi febribus petechialibus se videndas sistunt, nec minus, certe majus periculum inducentes, quam memoratus alvi fluxus, adeò ut menstrua mulierum purgatione tunc temporis incidente patientibus ut plurimum defungenda mors sit, nisi omni vi morbo resistamus, ut experientia aliquoties me docuit. Inter sigillatas terras Germaniæ, Strigoniensis, propter solarem proprietatem, in iis præsertim morbis, qui cor sanguinemque afficiunt, in usum trahitur. Terra verò Lignicensis potissimum in capitis artuum-



tuumque morbis, præcipuè etiam adversus philtia, commendatur, quemadmodum *D. Ettmüllerus* in *Comment. Schræd. p. 831.* ex aliis Practicis commemorat. Extrinsecus quoque terra sigillata non sine fructu in inveteratis ulceribus fistulisque, imo ipsò cancro, adhiberi posse dicitur, id quod *Schwenckfeldius* in *Catalogo Fossilium Siles. pag. 395.* pluribus descripsit. In Saxoniâ elegantes urceos, patinas, ac similia utensilia è terra sigillata conficiunt, cujus rei iconem *Beslerus* in *Gazophylac. Rerum Nat. fol. 14.* repræsentat. Pharmacopolæ verò acidulam aquam inde destillant, spiritum terræ sigillatæ vocatam, paulo majori dosi ab ʒβ ad ʒj in mixturis præscribendam, quam scimus seniore *D. Horstium* in febribus contagiosis sæpe cum fructu usurpasse. Magisterium, quod cum spiritibus acidis exinde conficiunt, nequicquam prodest, cum saturetur extra corpus; quemadmodum & crebra terrarum medicinalium ablutio à *Zwelferò* in *Animadv. in Diss. Aug.* non sine causâ rejicitur. Quamobrem optandum esset, ut omnium terrarum sigillatarum, simulac effodiuntur, accipiendarum daretur potestas, priusquam aqua ablutæ in pastillos, ut fieri solet, formarentur. De oleo, quod nonnulli exinde extorquere volunt, *Hoffmannus* in *Clav. Schræd. p. 133.* potest evolvi.

## §. 8.

Cum istis terris sigillatis

## BOLUS ARMENIÆ

saporis æque ac cæterarum qualitatum respectu magnam habet affinitatem, plerumque ex pallido-rubra, pinguis ac ponderosa, idque nominis obtinet, quod olim ex Armeniâ perhibetur advecta. Hodie istâ non indigemus, quum pluribus in locis Europæ ejusmodi terræ bolares in fodinis & præsertim Martis mineris reperiantur, quamobrem in eam veniunt opinionem, ut credant, Martis illam probe esse participem. In Galliâ juxta urbes Blois, Saumur, nec procul Parisiis, bonæ notæ bolum effodiunt, quæ partim rubra esse dicitur, partim glauca, alia lutea, quâ aurifabri aliique artifices in ponendo auraturæ fundamento inaurando, loco Orientalis boli, utuntur, auctore *Pometo* in *Libr. V. Historia Simplicium p. 113.* Sic ante triginta & quod excurrit annos, in Comitatu Leiningo-Hartenburgico, elegantem venam bolarem in fodinâ Martiali observavi. In nostris Germaniæ pharmacopoliis plerumque habetur WURTENBERGICA, aut etiam TOCCAVIENSIS, Toccaviâ Transylvaniæ advecta. Ubique ergò reperiat, perinde est, modò genuinas habeat qualitates, probataque appareat: id quod in eo consistit, ut tenera lævisque sit, (non arenosa vel aspera) splendida, in lingua fortiter attrahere, posteaque, butyri ad instar, in ore liquefcere observetur, quemadmodum *Schræderus* in *Pharmacop. sua Medico-Chymica Lib. 3. c. 2.* docet. Quamobrem

simulac effossa est, primum in aqua solvitur & abluitur, deinde in quadrata frustula instar digiti formatur, à nonnullis Materialistis BROUILLAMINI vocata; quanquam antedictis *Schræderus* aliique Medici illotam Bolum, cum terra effossam, velint præferri. Aliàs in Medicina ubique ut terra sigillata, quæ cum (excepta bezoardicâ) easdem vires habet, usurpatur, similiaque prorsus præparata exinde conficiuntur. Extrinsecus defensiva Chirurgis dicta emplastra ingreditur. Qui uberius informari cupit, *Joachimi Camerarii observationes de Bolo Armena* perlustret.

## §. 9.

Huc etiam pertinet

## MARGA SAXATILIS,

quæ haud dissimilis, eaque pinguis terra est, & ad modum priorum linguæ firmiter adheret: mollior tamen est, & in saxis (unde lithomarga ipsi est nomen) in Bohemiæ montibus, aliisve Germaniæ locis invenitur. Colore insignitur vel carneo rubro, vel intenso albo, quæ magis vulgata notiorque est. *Sam. Dale* etiam lutea & arenosa margæ meminit, quæ in Batavia rustici locò fimi ad meliorandos agros utuntur, vid. ejus *Pharmacol. pag. 48.* Aliàs vero alba margæ species etiam LAC LUNÆ, ab aliis AGARICUS MINERALIS vocatur, quoniam non solum colore utrinque respondet, sed etiam inter saxa è vaporibus mineralibus, haut secus atque agaricus ex arboris corruptione, generatur, qua de re *D. Major* in peculiari *Tractatu Lat. de Marga* peringeniosè agit. Haud ita pridem quidam amicorum duas pinguis terræ species mihi trans mittebat, quarum unam, obscure rubram, HEPAR LAPIDIS RUBRUM, alteram, ex glauco albescentem, HEPAR LAPIDIS ALBUM vocabat, quæ utraq; nihil esse aliud quam marga videntur. Usu Marga cum terra sigillata valde convenit, adstringentem refrigerantemque vim habet, acidum lentorem edulcat, coagulumque sanguinem resolvit; cujus proinde usus non alvi fluxibus solum ac hæmorrhagiis, sed etiam in ventriculi ardore conducit. In casu ab altò, aut subluxatione, marga vel sola, vel cum lapidibus cancerorum mista, potest assumi. Ejus etiam usus in doloribus nephriticis & adversus obstructionem ardoremque urinæ obtinet; porro in ossium fracturis intrinsecus & extrinsecus, & in epilepsia præsertim, margam albam s. Lac Lunæ, ut & ad lac augendum, lactantibus commendant, quò in casu aliqui crystalli præparatæ potest addi. Extrinsecus ficit sanatque marga inveterata juxta ac recentia ulcera, idque sine ullo dolore ac morfu.

## §. 10.

Quod ad vulgarem figulorum terram,

## ARGILLAM

vocatam, attinet, nec apud Aromaticos inveniri



venitur, nec in Medicina usurpatur, ut propterea pauca de istâ hic sint memoranda, præterquam quod vulgo noti tubuli, hauriendo Nicotianæ fumo apti, exinde conficiantur, quorum dicti Anglici lævigati censentur optimi; quanquam non in Anglia, sed Goudæ Batavorum magis in copiâ fingantur. Grossis illos Materialistæ emunt, quorum quisque XII. dodecades continet, ubi totine adhuc, an valde contusi sint, respiciendum est.

## §. II.

Meliori hic inferitur jure terra Norwegica  
five

## TERRA ANTISCORBUTICA,

cujus primum *Henricus Petrus*, olim Professor Marburg. in *Diss. Harmon. de Scorbuto* pag. 38, & post eum *Olaus Wormius* in *Mus.* pag. 16. fecere mentionem. Rubra & terræ sigillatæ haud dissimilis terra est, quæ prope Bergas Norwegiæ reperiunda, pro certò adversus scorbutum remedio habetur, sine dubio, quod martialium adinstar sanguinis, ac præcipue ventriculi, acorem corrigere apta nata est, quamobrem etiam in malo hypochondriaco laudatur. Semidrachmam, vel totam, ad proliciendum sudorem assumunt. Ejus nondum apud nos invaluit usus, ut propterea *D. Hoffmannus* in *Clavi* pag. 139. non temerè subeat admiratio, quod ista terra non etiam in alias regiones portetur venalis.

## §. 12.

In cujus defectu hic loci aliam in iisdem affectibus commodè substituimus, quæ in Hassiâ nostrâ reperiunda Cassellana Terra aurea, Terra martialis &

## MINERA MARTIS SOLARIS

vocatur. Variis in locis sui inveniendæ dat copiam, præcipue vero juxta Almerodam pagum, ubi Cassellanorum officina vitriaria est, post Salsfeldiam, prope Naumburgum, circa Streclam. Latet plerumque in luto s. argillâ, in frustis rotundis, instar ovi formata, unde à nonnullis Ovi Philosophici nomen ipsi est impositum. Ex obscuro glauca nitidis mineræ frustulis, instar antimonii, turget, saporemque habet vitriolaceum, ex quo facile apparet, quod quid peculiare sub istâ lateat, in quod *Glauberus* (qui ferè omnium primus terræ hujus in *Furnis* suis *Philos.* fecit mentionem) accuratè inquisivit, istamque multis in affectibus, à *Dn. D. Wolffio* in *Miscellan. Acad. Germ. Cur. Dec. 2. Ann. 7. pag. 359.* ex propriâ experientiâ recensitis, observavit utilem. Inprimis adversus immodicum vomitum, prostratum appetitum, malum hypochondriacum, lumbricos similesque morbos, ad xx. vel xxx. grana sumta, usurpatur. Aliàs istius Tincturæ utuntur, quam TINCTURAM MARTIS SOLAREM vocatam ita

conficiunt: Verno tempore, circa Walpurgis diem, libero mineram expone aëri, rore majali prius aspersam, visisque post aliquot dierum intervallum albis vel luteis floribus seu crySTALLIS, rorem majalem asfunde, five simplicem, five destillatum, vel etiam spiritum roris majalis, qui ejusmodi flores solvit: filtra per chartam, ita habebis elegantem, instar auri, flaventem Tincturam, in morbis chronicis, omnibusque istis morbis, in quibus acidulæ commendantur, per-utilem. In obstructione mensium sæpe numero vidi comprobata. Non abjicienda semel usurpata terra, quod instar magnetis universalem Mundi spiritum attrahens iterum atque sæpius usurpari potest, quâ de re *D. Balduinus* in *Auro Aura* videatur. Si quando cruda destillatur minera, sulphur inde prolicitur. Aliquid etiam habere auri perhibetur, quamobrem terra aurea nuncupatur.

## §. 13.

Præter istam nonnulli TERRAM SOLAREM RUBRAM è mineris auri Hungariæ sibi afferri curant, ex qua cum ☿ soluta Tincturam ☉ proliciunt, à *D. Michaëlis* in febribus petechialibus, ab hæmorrhagia, aut alvi fluxu comitatis, feliciter usurpatam. Cruda etiam propinatur, admodum ☿ alium, de qua *Hoffmannus* in *Clav. Schr. p. 139.* consulendus, apud quem plures aliæ medicinales terræ, nempe TERRA ILFANA Livonien-sis, in febribus malignis morbisque infantum à lumbricis commendata, TERRA ADAMICA, Aceldema, & præterea aliæ leguntur.

## §. 14.

Quoniam etiam ita dicta Japonica terra,  
five

## TERRA CATECHU,

vulgò terris medicinalibus annumeratur, istam hic silentio penitus præterire nolui. Gummosus vero fortiterque expressus succus est, extrinsecus ex rubro nigricans, intrinsecus ex rubro fuscus, saporis primum acerbi & adstringentis, postmodum vero paulo dulcioris graviorisque; ex Japonia advehitur, unde etiam Terra Japonica, & ab altero nomine Germanicè *Catschau* five *Cassu* nominatur; quanquam Pharmacopolæ plerumque moscho & ambra præparatam terram Japonicam tantum Catechu five *Catschau*, terram vero ipsam terram Japonicam vocent, quemadmodum *Dale* in sua *Pharmacol. p. 349.* bene observat.

## §. 15.

Enimvero rubrane terra sit, ut extrinsecus apparet, primumque credi cœpta est, an potius compositum aliquod ex glycyrrhiza, acoro vero & areca, quod aliis videtur, de eo variant sententiæ, quas in *Miscellan. Acad. Germ. Dec. 1. A. 2. obs. 128. pag. 209. & seqq.* à *Dn. D. Wedelio*



*delio* videbis memoratas: in quibus varia per experimenta discernendis quum valdè operosus fuerit *D. Hagendornius*, peculiarem eumque curiosum tractatum de *Terra Catechu* conscripsit, in quo tamen Clarissimi *Hermanni* sententiæ valdè prope accedit, qui simplex hoc neutiquam terram, sed purum potius valdeque fortiter compactum succum esse existimat, ex *Arecæ* fructu corticeque arboris cujusdam *Indicæ*, *Catechu* vocatæ, expressum, & in tantam duritiem coctum. Quam opinionem quoque *Helbigius* aliique Indiarum spectatores amplectuntur, siquidem hæc dicta terra *Catechu* satis idonea est quæ in aqua solvatur, omnisque filtrum transit, quod nulli datum terræ est. Interea tamen possibile est, quod alii præterea succi, nominatim acaciæ orientalis, quem *D. Cleyerus* in quadam *Epistola*, ad *D. Sebast. Schefferum* data, pro basi habet, istam ingrediantur, qua de re in *Appendice* libri hujus in *Epistolis Indiæ Orientalis*, seu *Indiæ Literatæ* plura adhuc invenientur.

## §. 16.

Dux istius habentur species: una puriore-

legantiorque est, quæ simul ac linguæ admoveatur quasi liquefcit, prætereaque extrinsecus ex obscuro rubra, intrinsecus verò splendè rubra, nitida minusque adusta apparet, alteri semper præferenda, utpote multo duriori & impuriori. Quod discriminis inde potissimum dependet, quoniam plus electi arecæ succi ad priorem, quàm posteriorem recipitur.

## §. 17.

Vires eò spectant, ut vi adstringente, quæ prædita est, in omni alvi fluxu, vomitu, hæmorrhagiis, catarrhis similibusque valde bonum credatur esse remedium, de quò prædictus *Hagendornius* in suo libello verbosior consulendus, ubi multa quoque alia habet præparata & composita, quæ inter MUSCERDA MOSCHATA s. Pharmacopolarum Cassu maxime vulgata est, è terra Japonica moscho & ambra, mediante tragacantho similibusque in minimos trochiscos, muscerdis haud dissimiles, formanda, qui quo minores sunt, eo habentur meliores. Gratiam hali-tui conciliant, & præsertim cruentæ gingivæ ac vacillantibus dentibus profunt.

## CAPUT II.

DE

OCHRA, CRETA, ORLEANA, ALIISQUE  
SIMILIBUS TERRIS.

## §. I.

Inter illas terras, quæ non æque ad medicinam, atque ad colores aliasve operationes adhibentur,

## OCHRA

fere præcipua est, quæ nihil est aliud, quàm lutea, vel ex albo flavens argilla, ad modum aliarum terrarum saporem habens quadantenus adstringentem. Primum partim è Gallia, partim ex Anglia advehebatur, quæ ultima à molito lapide provenire, proptereaque multo ficcior esse perhibetur, quam Gallica: quæ ratio est, quamobrem illa sine hac nec bene in usum trahi, nec subigi oleis queat, auctore *Pometo* in *Gallico* suo *Materialium Museo* art. 3. *Lib. V. cap. IV. p. 113.* Hodie vero hinc & inde in Germania invenitur, nempe in Hungaria, circa Hildesiam, in Hassia, Alsfeldiam inter & Inbecum, locisque aliis.

## §. 2.

Distinctæ istius habentur species, prout vel è terra effossa, vel arte paratæ sunt. Tria naturalis Ochrae genera Materialistæ ostendunt, vulgarem nempe, mediam & electam, quam ultimam tenuem esse oportet & lucidam. Ex istis forti reverberatorio igne Ochra rubra para-

tur, quemadmodum flavam quoque Ochram artificialem habemus, è cerussa Architectorum scriptoria usam, & vulgo OCHRAM PLUMBARIAM, *Bley-gelb*, vocatam. Alias nostris adhuc incognitas species in *Wormii Museo* invenies.

## §. 3.

Omnes istæ species coloribus inserviunt, quibus etiam alutarii, ad imbuenda luteo colore coria, utuntur; quanquam apud nos TERRA CITRINA, à Norimbergensibus cum rubra copiosè advecta, eum in finem plerumque usurpetur. Marsupiorum verò artifices in Anglia chirothecas Anglicas pro fœminis sola Ochra colore eleganter luteo inficiunt. In Medicina ejus usus rarior est, nisi quod externè adversus articulorum fungos usurpetur.

## §. 4.

Aliàs quoque TERRA TRIPOLITANA s. TRIPOLIS pro Ochra habetur, propterea à quibusdam

## OCHRA ANGLICA

vocatæ, ut apud *Sam. Dale* in *Pharmacol. Part. I. Sect. 2. pag. 47.* videre est; quanquam magis ex Italia venire, & circa Tripolim urbem, unde nomen obtinet, effodi dicitur, teste *Marzio*



in suo *Materialium Museo* pag. 208. Mollis tene-  
raque argilla est, quam nonnulli, sed præter  
meritum, lapidem esse existimant; alba lutea-  
que invenitur, ipsamque eleganter puram &  
minime arenosam esse oportet, si pro bona ve-  
lit haberi. Lingua dignoscimus, an nullam, in-  
star cineris, asperitatem habeat, sed lanæ adin-  
star mollis sit, quæ omnium censetur optima.

## §. 5.

Quod ad usum attinet, Terra Tripolitana in  
Medicina habet nullum, præterquam quod  
Chymici & Pharmacopolæ istam interdum,  
sed perrarò, loco argillæ salibus misceant, ad  
impediendum istorum fluorem, quando  
acidi sunt destillandi, id quod *Schræderus* &  
*Pharmacopola Vielheuerus*, in *descriptione exo-  
ticorum materialium* pag. 58. annotârunt. Fabri  
ærarii ista mediante facta ex ære & orichal-  
co vasa polita nitidaque reddunt, quam etiam  
auri argentique artifices, lithotomi aliique  
subs in usus trahunt. Præsertim verò prædi-  
cta terra à specillorum ac telescopiorum arti-  
ficibus valde quæritur, qui aptis munita ma-  
nubriis vitra, primum in magnis parvisque ex  
orichalco factis patinis, probe contuso smyrite,  
vel concava (*hohl*,) vel concavo-convexa  
(*hohl-bäuchicht*,) vel convexo-convexa (*auff  
beyden Seiten bäuchicht*) terunt, tum denique  
trita vitra s. lentes, pulverata subtiliter tripoli,  
super corio cervino vel coactis lanis expoliunt.  
Quoniam vero hic labor diuturnus valdeque  
molestus est, Clarissimus Gallorum Philoso-  
phus, *Renatus Cartesius*, valdè artificiosam pro  
terendis vitris machinam excogitavit, in qua  
rota, cui vitra aptantur, in arcula smyrite  
vel simili materia repleta, perpetuo agitan-  
da, semper ista humectetur, ut ex icone, quæ  
in ipsius *Dioptrica Cap. X. p. 148.* reperitur, potest  
videri.

## §. 6.

Huc aliquo modo flavens & sulphureus Pi-  
ctorum color, à Gallis JAUNE DE NAPLES di-  
ctus, posset referri, quoniam haud dissimilis  
credita materia, vel friabiles lapilli sunt, quos  
ignivomus mons Ætna dicitur ejicere, comme-  
morante *Pometo l. c. pag. 93. l. 3.*

## §. 7.

Porro TERRA VIRIDIS,  
quæ aliàs quoque Viride Montanum, Chryso-  
colla, *Berg-grün*, *Stein-grün*, *Schieffer-grün* au-  
dit, hic erit inspicienda, quæ plerumque in me-  
tallifodinis, in quibus æs, argentum & auri mi-  
nera effoditur, se dat inveniendam. Tres apud  
Materialistas habentur istius species: optima  
creditur ex Hungaria advecta, à cuius colore,  
ex *Marxii* opinione, reliquæ mirum quam ve-  
hementer distant; licet *Pometus* in *Hist. de Dro-  
gues* pag. 114. lib. V. eam existimet esse optimam,  
quæ prope Veronam in Italia invenitur, la ter-

re de Veron propterea vocata. Istam decet esse  
lapidosam, nec adeo multis terræ venis tur-  
gidam. Quo viridior, eo melior; saltem colo-  
ribus inservit.

## §. 8.

Huc etiam pertinet alba

## CRETA,

cui Insula Creta, hodie Candia dicta, ex qua  
principio effodiebatur, nomen indidit. Nunc  
verò ubique in Europa effoditur, adeò, ut in  
Gallia, præsertim in Campaniâ, tota oppida  
exinde exstruantur, ubi ingentis massas molis  
ferris in quadrata frustra discindunt, ad exstru-  
endas domos applicanda, quæ tamen infernè  
cum tempore friabilia fiunt, ac vetustate cor-  
rumpuntur. Ab Natura quasi præparata ce-  
rusa est, quâcum viribus quoque conveniens  
omne vitiosum acidum corrigit; quamobrem  
internè in ardore stomachi, sive sodâ, usurpa-  
tur, cui malo *Mynsichtus*, pulvere, quem inde  
confecit, specierum diacretæ Myns. titulo in  
Officinis satis cognitò, voluit consultum. Ex-  
trinsecus in erysipelate aliisque partium in-  
flammationibus utilis est, refrigerat siccaturque  
omnia ulcera, satis quoque est apta, quæ ex-  
coriatis infantum inguinibus inspergatur. A-  
liàs sartoribus, multisque aliis mechanicis ad  
signandum accommodata est: cui fini etiam  
Creta nigra, SMECTIS, Craye de Briancon,  
cateræque istius species inserviunt, de quibus  
*Wormius* in *Museo* pag. 4. & ante dictus *Pometus*  
pag. 106. plura habent legenda.

## §. 9.

Non minus fusce Cretæ habetur species quæ-  
dam,

## CRETA UMBRIA,

Terra Umbria, (*Umbra*) dicta, propterea quod  
ex quadam Italiæ regione, cui olim Umbriæ,  
nunc vero Ducatui Spoletano inditum nomen  
est, asportabatur; quamvis etiam ex Ægypto  
& Oriente in distinctis venire frustis dicatur.  
Ea censetur optima, quæ in majoribus frustis  
allata, eleganter tenera, intimeque fusci colo-  
ris est. Ad picturam inficiendasque chirothe-  
cas usurpatur, adusta prius, quam oleo, ine-  
brietur, ubi à vapore fumoque vehementer  
fœtente & nocivo nobis caveamus.

## §. 10.

Magnam cum Terra Umbria affinitatem  
habet

## TERRA COLONIENSIS,

ista tamen obscurius fusca. Ipsam similiter te-  
neram, friabilem, mundamque, & quoad ejus  
fieri potest, nullò nec minimò mistam squalo-  
re esse, decet: qua etiam pictura utitur.

## §. 11.

Diversas quoque Simplicistarum officinæ  
terras rubras habent, inter quas

## TERRA RUBRA NORIMBERGENSIS

vulgarè



vulgarissima vilissimaque est. Prope Petzensteinium, Norimbergense oppidum, simul cum lutea terra, multis sub solò ulnis effoditur, in furnoque tosta, totis vehibus Norimbergam vendenda fertur, indeque vicissim centenario pondere distrahitur. Bene sicca sit, minimeque arenosa, quâ de re Norimbergensis Materialista *Marxius pag. 206. in Simplicium Museo* consulendus.

## §. 12.

Ejusmodi rubrum colorem quoque supeditat

## RUBRICA FABRILIS,

multo durior, lapidique quam terræ fere similior graviorque, obscure rubra, & saporis adstringentis. Quæ terra cum hæmatite fere convenit & iisdem in morbis, quibus hæmatites convenit, usurpatur, v.g. in nimia hæmorrhagiâ internè & externè, in dysenteriâ & similibus, præsertim apud pauperes. Quod fabri lignarii alique ad signandum ista utantur, cui ignotum sit, credo esse neminem. Præter vulgarem datur tenerior, quæ se diffindi, & instar cerussæ Architectorum scriptoriæ asserculis includi patitur, ex Anglia ad delineandum allata.

## §. 13.

Præterea alius habetur color ruber, qui vulgo *Englisch Braun-roth*

## TERRA ANGLICA RUBRA

vocatur, licet rectius Indica rubra vocari debeat, quod Persiæ perhibetur esse terra, teste *Pometo lib. cit. pag. 115.* Optima & pretiosissima est, quæ in parvis & intenso rubris, mediæ duritiei, lapidibus consistit; nullum fere in usum alium trahitur, quam quod sutores solearum marginem, maximè posticam sub calcaneo, in calceis foeminarum, rubro ista mediante colore inficiant, ovi albumine prius subacta.

## §. 14.

ÆRIS SQUAMA vulgò *Kessel-braun*, utuntur fabri ærarii, quo novis ahenis vasisque fuscum colorem concilient.

## §. 15.

Tandem tinctorum etiam omnibus notam Orellanam seu

## ORLEANAM

pigmentis terreis annumerant, quæ tamen nihil est aliud, quam fæcula cujusdam tincturæ, ex semine quodam exotico confectæ. Obscuro & ex rubello-flavente colore, odoreque violaceo, & quadantenus adstringente prædita sapore est, & ex India occidentali partim in quadratis placentis, partim rotundis massis provenit.

## §. 16.

Prædictum semen humilis cujusdam arboris est progenies, quam Barbari ACHIOTL &

URUCU, Batavi autem ORELLANA vocant. Trunco, forma & magnitudine ad malum aurantium prope accedit, cortice extrinsecus flavo, intrinsecus viridi induta, ramos habens asperis viridibusque foliis, instar ulmi, ornatos. Ad modum hellebori nigri albos rubellosque flores emittit, qui interioribus flaventibus, superius rubre acuminatis fibrillis pleni sunt, sub quibus asperæ, nec tamen pungentes siliquæ, magnitudine virentis amygdali, apparent. Quæ siliquæ tandem sponte hiant, parvaque grana sive semina ostendunt, acinis uvarum fere similia, & eleganter rubra. Verno colliguntur tempore, postquam arbor per integrum annum viruit, quam Indi magni à se æstimatam juxta domicilia sua colunt, dum ex ejus cortice funes, cannabinis nostratibus multo fortiores, convolvunt, ligno vero vehementer duro ad eliciendum ignem utuntur, quemadmodum *Hernandezius Lib. 3. Rerum Medic. Nov. Hispan. pag. 74.* omnia eleganter descripsit, ubi etiam arboris figuram communicat, quæ tamen multo pulchrior in *Plukeneti Phytograph. Tab. CCIX. Fig. 4.* apparet, quâcum nostra in *Museo Germanico* proposita figura multum convenit.

## §. 17.

In istâ ipsa picturâ aliquò etiam modò oculis subjicitur, quâ ratione & modò componatur ac præparetur Orleana, cujus conficiendæ methodus hæc est: Nempe Americani, præsertim ii qui Insulam Dominico inhabitant, prædicta grana, satis matura rubellumque pulverem circum se habentia, in aqua calida macerant, illaque tamdiu agitando in ista percutiunt, quoad aqua omnem ex illis colorem extraxerit, quæ per inclinationem effusa tamdiu seponitur, donec color fundum fæcis adinstar, eodem prorsus modo, quemadmodum alias Indigo conficitur, petat, de quo in capite sequenti agetur. Quam fæculam recte exsiccatam certis in mortariis in massam contundunt, ex istaque placentas sive pilas, diversæ magnitudinis, fingunt, ad nos in Europam mittendas. Alii contra existimant grana prius in mortario contundi, quam aquæ immittantur, id quod suo relinqui loco volumus. Quod verò *Du Blegny* aliquo in loco existimet Orleanam nihil esse aliud quam succum, è granis expressum, incoctum exsiccatumque, jamdum ab ejus populari *Petro Pometo* in *Hist. Gen. simpl. Lib. IIX. pag. 303.* fuit rejectum. Quæ ratio est, quamobrem colorem istum succis concretis annumerandum esse dubitem, quemadmodum à *Sam. Dale* in *Officina Simpl.* sive Catalogo *Pharmacologiæ suæ* factum.

## §. 18.

Cæterum duplicem Materialistæ & Pharmacopolæ Orleanam habent, humidam & siccam. Illa instar densæ est massæ, colore aureo, multoque



toque vilior quam ficca, cujus iterum diversa sunt species, quod præter vulgarem, magnis quadratisque frustis, instar saponis, vel rotunda massa ad nos venientem, etiam rotulæ magnitudine thaleri Gallici exinde conficiuntur, quæ, quum per-elegantes sint, etiam tanquam medicina interne possunt usurpari; reliquæ contra, sæpe male constitutæ & fere fœtentes, ad medicinam inutiles sunt, commemorante supra dicto *Pometo l.c.*

## §. 19.

Optima censetur, quæ radicem iridis Illyricæ redolens, probe ficca & intense colorata est, qualis plerumque Cayannâ venit. Rancida, humida, mucosaque & cellam redolens Orleana penitus abjicienda est, quippe quæ ne quidem ad probe tingendum, multo minus ad medendum potest adhiberi.

## §. 20.

De virtutibus ejus ut aliquid commemoramus, refrigerantis & parum adstringentis Orleana facultatis est, proptereaque ab Americanis tanquam medicina, internè in calore februm, inque dysenteria: externè vero in tumoribus usurpatur. Hinc est, quamobrem non refrigerantes solum julepos, sed ejusmodi quoque cataplasmata exinde conficiant, ut *Hernandezius l.c.* meminit. Ventriculum quoque confortat, & lac auget, præsertim si cum cacao, vel in chocolata, quam etiam ingreditur, potu sumitur. Aliàs verò ad comparandum colorem, aurantium æmulum, plerumque adhibetur, dum non solum Mexicani re-

gionum fines, in Geographicis suis mappis, ista ipsa & radice curcumæ designant & distinguunt, (cui propterea *Scaliger* arbori regundorum finium cognomen addidit, teste *Job. Terrentio* in *Notis ad Hernand. pag. 75.*) sed magna quoque quantitas annuatim in Germania à tinctoribus, ad lanas, tibialia ac lintea aureo imbuenda colore consumitur. Hæc vero inficiendi, ut ipse vidi, est methodus: Recipe Orleana  $\frac{1}{4}$  lb., minutim contunde, pulverem inde in tria labra fortis, purique & clari lixivii, coque omnia in aheno, & si quid coctione fuerit consumtum, lanas, tibialia, fila simplicia & duplicata injici & aliquamdiu macerari cura, deinde extrahe, & suspende, quo siccentur, sic colorem habebunt aurantium eleganter æmulum. Et quoniam Orleana summum petit lixivioque innatat, primum tinctum semper pulchrius est eo, quod ultimò immergitur. Tantum Orleana ad lb. VI. minimum sive lanæ sive lintei sufficit: plus quoque potest infici, sed quod ultimo tingitur, crinium quam aurantium colorem magis exprimit. Ista quoque ceræ pallidiori in Gallia flavum dari colorem credunt, teste *Pometo* in *libro antedicto loc. cit.* quemadmodum & eâ aureis ex sericis aureisque filis constantibus telis, qui evanuit, pristinus color aureus, potest restitui. Num verò rubra illa pezetta, quam Hispanicam lanam vocant, ista inficiatur, quæ *Dale loc. cit.* est opinio, non induci possum ut credam, propterea quod Orleana non rubrum, sed flavum inducit colorem, vividamque reddere faciem nequit.

## CAPUT III.

## D E

## INDICO ET EJUS PRÆPARATIONE.

## §. 1.

**P**Rædictis terreis pigmentis non temerè notum istum cyaneum colorem, INDICUM dictum, annumeramus, quanquam, sicut & Orleana, ad mineralia minime pertineat, quin potius ex herbis præparata facula, sive terreum sedimentum, vocari debeat. INDIGO igitur s. INDICUM induratus, ficcatus, cyaneus color est, in magnis parvisque frustis, partim ex occidentali, partim etiam ex orientali India allatus, ibidemque ex certa aliqua herba extractus excoctusque, ut mox pluribus commemorabimus.

## §. 2.

Ipsa herba ab Indis ANIL vocata, duos forte pedes alta, in utroque caulis latere crassis, superius ex obscuro viridibus, inferius quasi inargentatis, rotundis foliis exornata est, quæ

integra non multo majora sunt, quam auricularis unguis. Flos à pisi flore haud multum differens, coloris est rubelli, post quem longi, tenuesque & parum reflexi folliculi progerminant, in quibus exiguum semen, magnitudine semini lini, colore olivæ simile, invenitur, prout omnia in figura à *Pometo* in *Hist. des Drogues pag. 181.* proposita, apparent.

## §. 3.

Modum plantandæ herbæ describit *P. de Tertre* in sua *Antillarum Insularum historia pag. 107.* in eoque consistere dicitur: Electa primum cum probe mundata & ab filicibus vacua terra, tum humidâ tempestate, plantationem adjuvante, granula parvis, digitò factis, foraminulis, sive scrobiculis, spatiò pedem longò ab se distantibus intruduntur, quæ deinde terra obruuntur. Si quando post insequens tempe-



itas humida tellusque bona fuerit, quatuor vel quinque dierum spatiò progerminant, atque post tres menses possunt abscindi; quanquam interdum certum aliquod insectum, isti herbæ valde infestum, ejus resectionem ante maturitatem suadeat, quod Americani observantes herbam sine morâ, una cum insecto, rescindere, junctimque in ahenum projicere perhibent.

## §. 4.

Ex qua herba deinde Indicum in officinis Indicis sequenti modo præparatur: Quævis officina, sive *Indigoteria*, valde magnâ pelvi, binis doliis sive vasis ad macerandum dictis, (*les trempoires*) binisque aliis, quorum unum pistrinum sive cupam tusoriam, (*la Batterie*) alterum repositorium sive labrum quiescens (*le Reposoir*) vocant, prædita & instructa est. Quæ vasa omnia tanquam in contignationes disposita sunt, semperque alterum altero est altius locatum. Plantæ deinde colliguntur, in distinctos pulvinos in vase macerationis ordine disponuntur, pedibus trudendæ. Hinc statim circulus imponitur, quò ordine locatæ maneat; tum aqua è magna pelvi tamdiu profluere permittitur, donec altitudinem impositi circuli attigerit. Quæ aqua, postquam aliquo modo incaluit, fermentare & tantum non ebullire incipit, quò ipsò è plantâ materiam extrahit, ex quâ Indicum (quod herbæ fæcula est) paratur. E vase macerationis postea aqua in labrum, quod cupam tusoriam vocant, derivatur, in qua hexagonum lignum locatur, manubrio, quo hinc inde moveri posset, & sex oblongè rotundis pyramidalibus situlis, iisdemque multis in locis perforatis, instructum. Ista jam dicta aqua, dum in cupâ tusoriâ simul movetur, inque altum tracta, crebrius per urnas situlas transmittitur, se depurgat tota, ex istaque tam vitiosi ac insalubres vapores ascendunt, ut sæpe opifices soleant suffocare. Quæ satis diu ita contusa densa evadit materia, fæcibus vini haud dissimilis, quam Indi linteis saccis exceptam suspendunt, quò aqua possit defluere, solumque Indicum retineatur, quod postea parvis cistis conditum in fornicibus asservatur, id quod *Malletus* ex antedicto Scriptore *Libro VII. Cosmograph. sua pag. 177.* descripsit. Quâ ratione autem ac methodò Indicum in India Orientali planteretur ac præparetur, in *Appendice hujus libri*, post *epistolas de rebus India Orientalis*, docebitur uberius.

## §. 5.

Quùm verò Indicum vel ex solis herbæ foliis, vel simul è caulibus conficiatur ac præparetur, è diversis quoque locis proveniat, in distinctas species distinguitur. Quod è solis foliis est factum, Galli l'INDE, è caulibus juxta ac foliis præparatum, l'INDIGO vocant. Germanis utræque species dicuntur Indigo (*Indig,*) & tantum frustis distinguuntur, dum prior

species tenuibus, parvisque ac depressis frustis divenditur, indeque *sein Platt-Indig*, sive (auctore *Marxio* in *Germanico Materialium Museo pag. 106.*) *Platto Xerquier*, secundum *Pometum* vero l'Inde *Serquisse* nuncupatur. Reliquæ omnes, crassis frustis & massis advectæ, nomen plerumque à loco natali sortiuntur, v.g. *Indigo Guatimalo*, (*Guadimale* s. *Gontimal Indig*), *Doming-Indig*, *Caribic* & similes.

## §. 6.

Quæ istarum specierum pro optima habenda? nunc quaeritur. Apud nos tinctores plerumque Indigo Guatimalo, sive *Gontimal-Indig*, credunt esse optimum, quibus fere Materialistæ quoque & Pharmacopolæ, ut *Marxius*, *Schurzius* & *Vielheurius* in suis materialium museis consentiunt, sine dubio, quod hæc Indici species in nostris regionibus præ aliis divenditur. Enim verò, aliis in locis prudentiores tinctores id multò melius intelligunt, qui nequitiam, uti nostrates, vilitatem respiciunt, sed omnium carissimum conquirunt, quòd cum isto duplo plus, quam cum Gontimalo aut alio quodam Indico possunt tingere; quamobrem non dubitat dicere, quod vilioris Indici usû se pauperes reddant, sicut haud ita pridem Aromatarius quidam Hamburgensis mihi confessus est. Nunc verò ipsa ratio suadet Indicum *Platto Xerquies* dictum multo esse melius, quam Indigo Guatimalo, quòd hoc plus duplo carius est, quanquam ab eodem locò ferantur. Quoniam porro prior species è solis foliis, posterior vero è caulibus & foliis conficitur, facile colligere licet, plus in istâ, quam in hac esse virium.

## §. 7.

Nihilominus etiam prædictum optimum Indicum, sive

## PLATTO XERQUIES,

aliquam adhuc differentiam admittit, prout à primâ, secundâ ac tertiâ foliorum collectione factum est, quorum prima sunt optima, propterea, quod juniora tenerioraque folia vividiorum nitidiorumque colorem suppeditant. Plerumque in depressis mediocris crassitie frustis, iisdemque forte pollicem latis, & digitum cum dimidio longis, affertur, quod nec nimis durum, nec nimis friabile, intensè coloratum & violaceum, simulque leve esse decet, & aquæ innatans, unde etiam à Gallis l'Inde *Flottante*, sive Indicum natans, vocatur. Diffractum nullas maculas albas, sed venas argentum æmulas ostendat necesse est, superque ungue tritum decet violaceum suum colorem mutare in rubicunde æneum, ac minimis recrementis & pulvere esse destitutum.

## §. 8.

Isti proxime accedit

## INDIGO LAURO,

quod licet exiguis frustis afferatur, magnam ta-



men partem etiam è foliis præparatur, vel superior Guatimalensis flos est, propterea quoque majori cum priori venit pretio, ut è taxâ materialium receptâ (*Prix courant* dicta) apparet. Paulò obscuriorem, quam Guatimalo, dat colorem, quando ad libram lanæ Indici sumuntur uncia duæ.

## §. 9.

Inter reliquas è caulibus foliisque juxta confectas species, Indicum Guatimalense, seu

## INDIGO GUATIMALO

meritò excellit, quod mediocriter durum, leve tamen & natans, superque ungue æneum esse oportet; verbo: quo similis est priori, eo censetur melius; id quod etiam de

## INDIGO DOMINICO

observandum, cujus color non adeo vividus ac æneus est; & quoniam utræque species sæpe adulterantur, & cum arena ac terra miscentur, accensione bonitas probatur, dum bonæ notæ Indicum ceræ adinstar comburitur, relicto recremento. Caribica cæteræque species vix desiderantur.

## §. 10.

Ex ultima specie, addito amylo cœruleo ac albo, cum aquâ gummosa massam faciunt, quæ in magnas tabulas divisa

## INDICUM VULGARE,

ab aliis etiam Indicum compressum, *Platt-Indig*, it. *Hütges Indig*, vocatur, signandis ovibus utile. Impostores tamen etiam pro verò venditant; quem dolum ex viridi cœruleus color, ac ejus in aqua solutio, qua amyllum cœruleum præcipitatur, detegit.

## §. II.

Usus Indici tinctoribus notus est, qui laneos linteosque pannos, tibialia similiaque isto, urina prius subacta sive præparata, tingunt. Pictores, quique parietes dealbant, ex illo cum auripigmento colorem viridem componunt. Fallaces verò Pharmacopolæ falso violarum syrupo, quem ex solo saccharo & iride Illyrica fabricant, isto mediante dant colorem, cui negotio tamen Lacca Musica, vulgo *Lacmus*, magis apta nata est.

## CAPUT IV.

## DE

## SALE GEMMÆ ET COMMUNI.

## §. I.

**S**AL GEMMÆ (*Stein-Saltz*) valde durum, clarum ac pellucidum sal est, acris salsique & aliquantum adstringentis saporis; & quoniam ita è terra effoditur, vocatur etiam

## SAL FOSSILE.

E Polonia minori ut plurimum affertur, ubi tantam habere duritiem dicitur, ut etiam ad extruendas domos ac ædificia possit applicari, de quo *Cromerus Tract. de Polonia* potest videri. Non minus Calabria illud fovet, auctore *Bartholino in Cent. 1. Epist. 54. pag. 231.* Cujus Catalonia quoque valde ferax est, ubi varias exinde figuras, nempe crucem sanctam, Papistarum torques, quorum globulis preces numerant, foliorum florumque simulacra fingunt, quemadmodum ejusmodi figuram amicorum quidam, aliquot ante annis cum Legatò Hasso-Darmstadino, Domino *Persio à Londorf*, tanquam Secretarius ex Hispania redux, mecum communicavit; quâ de re *Aldrovandus in Mus. metall.* similem figuram oculis subjecit. Quas imagines sali gemmæ sub terra, ubi multo mollior quam in libero aëre est, certis modulis dicuntur imprimere, quanquam interdum sponte sua in speciem spineti, aliasque figuras progerminet, unde flores & existunt, de quibus *Aldrovandus loc. cit.* iterum consulendus. Porro me-

morabile est, istum sub terra perhiberi multo leviores, adeo, ut massa, quæ ab uno homine è fodina potuit efferri, post aliquot dies libero exposita aëri vix à quatuor viris ferri aliò queat, id quod præcipue de Sale Gemmæ Polonico in *Miscell. Acad. Germ. Cur. Dec. 1. Anno 2. Observ. 78. pag. 153.* commemoratur. Notam meretur, quod in Historia quadam Poloniæ se legisse mihi retulit Dn. *Job. Nic. Hertius*, Cancellario quondam Acad. Giss. quod Fodina quædam Salis Gemmæ, ab illapso forte igne, accensa, ob strepitum & crepitum Salis extinguere non potuerit: unde & Sulphurei quid continere videtur.

## §. 2.

Distinctæ inveniuntur species, quarum alia semper alia est clarior: vel enim albus sal est, vel cæsius, vel ruber, qualis in *Aldrovandi Museo* repræsentatur. Qui colores inde proveniunt, quando Sali Gemmæ sub terra forte bolus aut aliæ impuritates permiscentur, quæ Domini *Turnefortii* apud *Pometum* judiciofa est ratio, quippe qui quatuor istius species in Catalonia observavit, ut in ejus *Hist. Generale des Drogues P. 3. L. 2. c. 31. pag. 69.* potest legi. Interea apud Simplicitas nonnisi commune, clarum & pellucidum Sal Gemmæ habetur, quod optimum esse judicatur in magnis crystallinisque frustis



frustis allatum, quæ tamen facile diffiliunt, seque in frustula quadrata dividunt, similiter pellucida.

## §. 3.

Ejus usus nostris in regionibus infectoribus quàm coquis notior est, quamvis alibi locorum contusus, & ad modum salis nostri communis, quocum easdem vires habet, ad condiendos cibos usurpetur. In Medicina plerumque externè in clysteribus adhibetur, quoniam fortius quam communis stimulat, quam ob causam idem etiam Chymici ad solvenda metalla eligunt. Sunt qui balsamum inde componunt, quem à *Schrædero* minus rectè descriptum *Ettmüllerus* in *Commentario suo* pag. 901. additis necessariis corrigit. Cujus loco hodie Gallorum more ~ & com. utuntur, de quo mox pluribus erit agendum.

## §. 4.

Huc pertinet

## SAL INDUM,

cujus Veteres, *Plinius* scilicet, *lib. 21. cap. 7.* & *Matthiol. lib. 8. com. in Diosc. c. 88.* faciunt mentionem; hodierno die apud Materialistas non habetur, id quod fere mirum est, quum auctore Domino de Fustica apud *Pometum* pag. 70. loc. cit. certum aliquod in India regnum sit, Dancal, sive nostra vernacula, *Saltz-Land*, h. e. regio falsifera dictum, quod tanta copia salem gemmæ annuatim profert, ut sexcenti cameli isto possint onerari. *Ægyptus* istum loco monetæ dicuntur usurpare, quemadmodum etiam *Boccone*, doctus Italus, in epistolis suis Gallicis, *Recherches & Observations Naturelles* dictis, non sine admiratione ejusmodi *Ægyptiaci* salis meminit, qui semper in forma parvæ pyramidis sub terra inveniatur, quem propterea Salem pyramidalem *Ægypti* vocat, cujus delineationem capitis hujus initium in *Musæo Museorum Germanico* representat, ipsum verò in naturâ meum quaecunque Museum exhibet. Num autem quid præcipui & plus quam sal gemmæ vulgaris, cujus esse species videtur, possit efficere, loco suo volo relinqui, in cujus defectu vulgari notoque possumus uti.

## §. 5.

Ab hoc Sale gemmæ, hætenus commemorato, secundum Doctorum quorundam opinionem, etiam

## SAL COMMUNE,

sive

## das gemeine Küchen-Saltz,

suam habere originem dicitur, cum nempe istud à fluxibus subterraneis aquave pluviali solutum, vel in mare, quò omnes aquæ refluunt, vel in salinas perfertur, unde Sal marinum, *das Meer-Saltz*, & Fontanum, *das Brunnen-Saltz*, existit.

## §. 6.

MARINUM SALEM salis gemmæ debere originem, Clarissimus Anglorum Philosophus, *Robertus Boyleus*, inde sumit probandum, quod sal marinus in fundo ripisque maris multo falsior, quam in medio sit, id quod multis experimentis in peculiari de *falsedine maris tractatu* S. II. c. 1. demonstrat; cui præterea accedit, quod acrimonia à sale gemmæ haud multum distet, quam filtratio per poros terræ in sale communi facit remittere; quæ ratio, quamobrem Chymica præparata rectius è sale gemmæ componantur. Alias plerumque ex Hispania & Gallia provenit, quorum iste habetur optimus. Quo autem modo ex aqua marina præparetur? (liquidem raro idque paucillum sponte sua litori crystallorum forma accrescit,) describit *Mons. l'Emery* in suo *Cursu Chymicò*, seu *Cours de Chymie* pag. 345. ex eoque *Pometus* in *Gallico suo Musæo* part. 3. libr. 2. pag. 70. Nempe Rupellæ, seu in oppido *Rochellæ*, locisque aliis certas salinas foveas, ipso mari aliquantum profundiores, limosoque fundo præditas, faciunt, quem sciunt melius retinere aquam salinam, quam terram arenosam. In istis salinis foveis per hyemem aquam marinam custodiunt, quam durante solis calore per aptos canales faciunt profluere, quò ipso purior redditur, posteaque solis calore coagulatur. Qui puriorem desiderat, salem solvit, istumque vel in exiles crystallos redigit, aut aquam prorsus evaporare finit, quod quo sæpius repetitur, eo sal fit candidior. Quamobrem duplicem salem marinum habemus, nempe nigrum crassum, & album. Iste *Volaterranæ* eleganter candidus, ille vero etiam alibi præparatur, quem tamen arti vitriariæ putant multo aptiorem albo, ut *Anthonium Neri* in *vitriariæ sua arte* (in *seiner Glasmacher-Kunst*) p. 4. refert.

## §. 7.

Quemadmodum

## SAL FONTANUM

è salinis proliciatur & præparetur, cuius notum est, nec æque describi potest, atque in officinis oculorum acie observari, quales *Luneburgi*, *Halæ Saxonum*, *Nauhemii* prope *Fridbergam*, *Niddæ*, *Wisselsheimiæ* *Wetteraviæ*, *Türkheimiæ* locisque aliis habentur, tanquam aurifodinæ æstimandæ, ex quibus salinarum Dominis insignis divitiarum fit accessio: quæ causa, quamobrem Rex Galliæ ex salis mercatura regium monopolium constituerit, annuatim multorum millionum afferens utilitatem. Qui certi aliquid de salis coctione legere desiderat, ad manus sumat *Beccheri Physicam subterraneam*, ubi pag. 92. bene informabitur.

## §. 8.

Sal marinus fontanusque maximam partem in culinis ad aspergendos cibos & condiendum usurpatur, & aroma est optimum, ciborumque



balsamum, quò deficiente facile putredines morbiq̃ue calidi oriuntur, quemadmodum sæpe in castris, cinctisque obsidione locis contingit. In Medicina sale decrepitato externè in sacculis calefacientibus fomentisque ad sopiendum dolorem ventriculi & colicum, firmilesque affectus utimur. Internè usurpamus spiritum  $\Theta$ is, quem viridiuscule flavum esse oportet, si bonus & ab omni phlegmate liber velit haberi. Quoniam verò nimis acris est, spiritum vini rectificatum illi addunt, ad infringendam ejus aciditatem, quo deinde  $\sim \Theta$ . dulcis possit vocari. In

prostratò appetitu & ad ventriculi tonum nimis flaccidum confortandum valdè conducit & in curandis herniis quoque utilis est, secundum *P. de Cabriers* methodum usurpatus, quam Gallorum Regis Ludovici XIV. jussu typis evulgatam in *Polychrestis meis exoticis* Disputatio de Herniis legendam exhibet. Dentes quoque à nigro flavoque tartaro purgat, & Circumforaneorum optimum arcanum est; caute verò isto utamur, quo nec gingivam, nec dentium radices exedat & erodat, sicque molestant odontalgiam procreet.

## CAPUT V.

DE

## ALUMINE.

## §. 1.

**A**LUMEN acidus valdeque acerbus mineralis sal est, qui ab acido terrestri spiritu, ab eoque corrosis lapidibus, generatus, pro istorum differentia diversas formas variosque colores sortitur, quemadmodum *Jungius* in *Doxoscopia sua Phys. Part. 2. Sect. 206. XI.* non sine fundamento ratiocinatur. Maximam partem ex Italia Angliaque affertur; quanquam etiam hodie in Germania, Leodii, Salfeldiæ, Ziegenhainiæ Hassorum & alibi magna ejus quantitas præparetur, ut *Vielbeurius* ipse vidit, & in *descriptione exoticorum materialium* p. 20. testatur, ut propterea vel eò minus Indiæ occidentalis alumine opus habeamus, cujus *Hernandezius* in *Histor. Nov. Hispan. pag. 342.* meminit.

## §. 2.

Quemadmodum verò hodiernum & vulgare alumen, ex certis lapidibus mineraque (ut mox ostendetur) artificiosè fieri solitum, antiquis scriptoribus incognitum fuit, utpote ejusmodi artis, quam nostræ ætatis Doctores callent, in Chymiâ ignaris: ita contra naturales aluminis species hinc inde ab istis descriptæ, hodieque prorsus incognitæ sunt, quum etiam solertissimi Materialistæ ROTUNDUM, LIQUIDUM, sive potius album, & nigrum alumen, quorum *Dioscorides* & *Galenus* mentionem faciunt, ne quidem unquam viderint, ut *Pometus* in suo *Materialium Museo Part. 3. lib. 2. pag. 80.* nulla coactus necessitate fatetur. Sunt tamen quidam curiosi naturæ speculatores, qui istas species exquisiverunt. Sic admodum doctus Italus *Bartholmaeus Maranta*, non tres solum prædictas, sed alumen etiam scissile in metallifodinis circa Neapolin invenit, quas *Aldrovandus* in *Museo metallico* p. 331. oculis curavit subjici; quibus Alumen Botryoides, cujus *Ferd. Imperatus* in *Histor. Nat. l. 13. c. 10. & 20.* meminit, posset addi.

## §. 3.

Has omnes doctoribus relinquimus: istarum saltem injicientes mentionem, quæ adhuc hodie apud Materialistas & Pharmacopolas reperiuntur, quas inter

## ALUMEN RUPEUM,

est notissimum, ab Italis quoque Alumen di Rocca, Germ. *Rotz-Alaun* dictum, quod ex certis lapidibus calcinatis elixiviat; & quamvis nonnulli, interque eos *Sam. Dale*, quod modo diximus nomen tantum rubicundo & ex lapide rubro confecto alumini, quod ALUMEN ROMANUM Latinis vocatur, velint imponi, videre tamen nequeo, quid obftet, quo minus vulgare & Anglicum eodem insigniri nomine queat, cum æque ex certis lapidibus eodemque modo conficiatur, quem *P. Kircherus* in *Mundo subterraneo Tom. 1. cap. de Alum. pag. 314.* uberius descripsit, qui anno millesimo sexcentesimo nono & trigesimo Tolfæ, ubi optimum alumen rupeum in Europa invenitur, commoratus, aluminis præparationem ipse vidit, ita fieri solitam: Primum excisi aluminosi lapides in fornace calcaria calcinantur: deinde acervatim in ampliora loca vecti, ad mensis fere spatium singulis diebus quater aqua asperguntur: hinc ahenis amplioribus inditis aqua superfunditur, quâ perpetua agitatione tamdiu coquuntur, donec acrimonia aluminosa fuerit extracta: postea clara aqua de facibus in vasa querna derivatur, quo in istis in crystallos abeat, octogonas plerumque decagonasque, ut è figura licet videre. Isto modo non Romanum solum alumen circa civitatem ecchiam, seu Palæopolin, in Italia, sed Anglicum quoque in Anglia, nostrumque Germanum Saalfeldiæ paratur. Quod vero rubicundum Romanum appareat, id causæ est, quoniam lapides, ex quibus extrahitur, rubent, qui proinde color non extrinsecus solum, sed etiam intrinsecus in istis apparet,



paret, quo ipso à rubro adulterino, & ad istius imitationem fabricato alumine, dignoscitur, quod nonnulli ex Anglico & vulgari conficere, ac rubefacere extrinsecus norunt, teste *Pometo Tr. Histoire Generale des Drogues Part. 3. Lib. 2. cap. 46. p. 87.*

## §. 4.

Insignis, qui ex alumine resultat, usus infectoribus potissimum notus est, quo lanam pannosque macerant, ut colores eo melius assumant, unde alumen quasi dans lumen vocatur. Alii adulterinas margaritas aliaque ornamenta exinde conficiunt: quo etiam monetarii, alutarii, bibliopegi alique artifices utuntur. In Medicina dysenteriam albam rubramque & similes hæmorrhagias sistit, quibus in casibus etiam externe, cum lacca in globulos redactum, conducit. Si quando gingivæ sanguinem stillant, cum nuce moschata contusa miscetur. Cui nonnulli alia salia fixa permiscunt, istoque febres erraticas curant. Non minus ad adstringenda laxata congressu genitalia (Sophisticationem virginum vocant) usurpatur, de quo *D. Hoffmannus & Ettmüllerus in Comment. ad Schræderum* possunt videri. Chirurgi isto in externis ulceribus ad exedendum utuntur, præsertim alumine usto, è vulgari & in cochleari tamdiu liquefacto servato alumine, donec in calcem albam concidat, conficiendo: putridam ulcerum carnem exedit, istaque emundat. Præcipui quidam homines istum contusum sub alis plantisque gestant, quando alæ pedesque hircum olent, quocum vero caute agendum, ne sufflaminata transpiratione insensibili & sudore majores creentur morbi. Alumen cum cerussa & aqua rosarum contusum, erysipelati & ophthalmiæ medetur.

## §. 5.

Ex alumine vulgari quoque

## ALUMEN SACCHARINUM

conficitur, quando istud cum aqua rosarum & albumine ovi ad debitam consistentiam coctum, in parvas pyramides, sacchari conis haud dissimiles, formatur, à qua forma ipsi inditum nomen est: fere nusquam usurpatur, præterquam quod Gynecæum illud ad infucandum adhibeat.

## §. 6.

Quid vero sit, quamobrem cinis infectorius, *die Weid-Asche*, alumen catinum, & cinis fæcum, *die Trusen-Asche*, alumen fæcum vocatus fuerit, animo concipere nequeo, quum nec forma nec qualitatibus vel aliquam affinitatem, quin mul-

to magis aliquid inimicitiarum foveant, quod vulgare alumen acidis, isti vero lixiviosis alcalicisque salibus annumerentur.

## §. 7.

Multo minus ita dictum ALUMEN SCAJOLÆ ejusmodi salibus venit annumerandum, quod omni penitus sapore destituitur, in aqua etiam solvi nescit, quin potius lapidis scissilis videtur species, quod nominis inde habere creditur, quoniam in scajas sive squamas potest dividi, ut *Aldrovandus in Mus. Metall. p. 680.* loquitur, qua in re forte unicam cum alumine scissili veterum affinitatem habet. Rectius alias lapis Schistus albus & pellucidus in *Wormii Museo pag. 57.* vocatur, qualis in Norvvegia in argenti fodinis invenitur. vid. loc. cit.

## §. 8.

Longe alia

## ALUMINIS PLUMOSI

(*Feder-veiß*) (dicti)

ratio est, quod hucusque modo inexcusabili cum Amiantho, *dem Flachs-Stein*, confuderunt; & quamvis *Ettmüllerus in Commentario suo Schræd. pag. 909.* inter ista duo differentiam statuatur, alumen plumosum tamen pro aluminis specie non vult haberi, sed ejus essentiam cum amiantho confert, id quod experientiæ est contrarium, quum de minerâ aluminis plumosi frustum habeam, quod cum progerminante plumoso albo (*Feder-veiß*) vere falsum, austerum & aluminosum saporem habens, in ore solvitur & diffuit. Quapropter in ea totus sum opinione, quod verè naturale alumen sit, nec concipere animo possum, quod in fila duci, & ut ex amiantho solet, textum aliquod exinde confici queat; & si fingamus id fieri posse, in igne tamen non est incombustibile, ut *Aldrovandus* alique jam pridem confessi sunt. Hinc credo, Materialistis pro vero alumine plumoso aliquam amianthi speciem fuisse oblatam & divenditam, quod confusione, qua plumosum album & amianthum pro una re, vel minimum pro corporibus haud dissimilibus fuerunt habita, magnam hucusque occasionem præbuit, causaque exitit, quamobrem verum alumen plumosum adhuc investigatum cognitumque non fuerit. Quapropter pauca de ejus usu & utenti modo legenda inveniuntur, qui tamen cum vulgari alumine in multis conveniet, quoniam fere eodem prædita sapore sunt, qualem in talco, cum quo à prædicto *Ettmüllero* confertur, prorsus non observabis.



## CAPUT VI.

DE

## SALE PETRÆ ET BORRACE.

## §. I.

**S**AL PETRÆ (*Salpeter*) albus crystallinus-que sal est, saporis acris & amaricantis, vulgo etiam latinis NITRUM vocatur, quod tamen nomen ipsi prorsus non convenit, quum verum nitrum, cuius Veteres faciunt mentionem, prorsus alius & ab Sale Petræ nostrate distinctus sal sit, cuius ne minimam quidem hodie micam possidemus, ut *Joachimus Jungius*, solertissimus suo tempore Naturæ Scrutator Hamburgensis, in *Doxoscopia Phys. Part. 2. Sect. 2. cap. 2.* è *Bellonio*, *Matthiolo* & aliis egregie demonstravit: Qui propterea inter Halinitrum (*Salpeter*) Nitrumque verum ratione locorum æque, unde veniunt, atque ratione qualitatum, insignem differentiam constituit. Illud apud nos ubique locorum è salsa pinguique terra coquitur, & saporem habet acidum: Istud vero ita in substantia in Ægypto effodiebatur, NATRUM ÆGYPTIACUM & ANATRUM propterea vocatum, & potius saporis erat lixiviosi, qualem & ia fixa vegetabilium habent, quique priori est contrarius, adeo ut loco saponis usurpetur, & haud ita pridem Parisiis loco cinerum clavellatorum divenditum fuerit, ut *Pometus* in suo *Materialium Museo* pag. 73. commemorat. Imo etiam è locis quibusdam S. Scripturæ v.g. *Proverb. cap. XXV. vers. 20.* id potest colligi, ubi in Lingua Sacra, imò & versione Anglica, nitrum tanquam sal aceto contrarius inducitur, & à *Luthero* cretæ exponitur nomine, de quo alibi pluribus egimus. Num vero Nilo acceptus referendus ejus ortus sit, quæ vulgaris est opinio, suo nunc loco relinquo; hoc saltem testari possum, quod, quum Clarissimus Æthiopicus *Historiographus*, Dominus *Ludolfi*, Sacræ Cæsareæ Majestatis Consiliarius, Francofurti aquam istam Niloticam, quam ex Ægypto sibi afferri curaverat, mihi in vitro degustandam porrigeret, nequicquam falsi observare potuerim, quoniam gustu aquæ dulci cōmuni erat similis.

## §. 2.

Quod verò ad nostrum SALEM PETRÆ attinet, in Germaniâ ubique è communi terrâ, in obsoletis ovilibus, inveteratis muris & cellis inveniendâ, elixiviatur & coquitur, quæ ante à nitri coctoribus ita probatur: paulum inde conficiunt lixivi, quod in scutellâ super candelâ evaporare & incoqui curant, quod si multum relinquit salis, minime crepitantis, sique isto combusto nullum remanet sedimentum, bona judicatur terra, nitrique dives: ex qua nitrum magnâ copiâ extracturi, in cupâ majori duobus fundis, qualem Saponarii habent, instructa, &

tam ampla, ut tantum terræ, quantum duobus pabonibus vehitur, possit ingeri, cum aquâ communi forte debiliusque lixivium conficiunt, quod ad certam mensuram incoqui, deinde per fagineos vel abiegnos cineres transfluere curant, quò cinis lixivio pinguedinem demat, istudque accrescendum stimulet. Quò factò lixivium deinde è cupâ in ahenum sensim sensimque derivatur, & tamdiu coquitur, quoad nitri præparator observet, quod sal rutro suo adhæreat, quem sic in suprapositam corbulam, ex asserculis constantem, infundit, omne, quicquid in cupâ, conficiendo lixivio destinatâ, continetur, sinit refrigerari, hinc limpidum defluere, inque profundis ahenis & alveis in terra defossis, accrescere, in quibus tum inveniendi crudi Salis Petræ copia datur, quem iisdem in vasis, repetitâ tum solutione tum coctione purificare & exaltare ipsi est integrum, ut in eleganti figurâ, ista omnia aliquo modo repræsentata, uberius à *Lazaro Erckero* in *seinem Prober-Buch* pag. 104. & seqq. describuntur. Pro diversa ejus, eaque nunc majori nunc minori, purificatione, diversæ existunt species, quas *Pometus* in *Histoire des Drogues Part. 3. L. 2. cap. 35. pag. 74.* præ aliis eleganter descripsit. Optimus censetur ruber, albus, in longis latisque crystallis, & verè siccus, omnique sale communi (quem *den Schalck* vocant,) destitutus, id quod crepitu observatur. Si Sal Petræ incensus totus comburitur, probatur esse bonus: sin vero magnum sedimentum relinquit, adulteratus est.

## §. 3.

Hic locorum etiam Sal Petræ naturalis habetur, qui inveteratis muris fornicibusque adhæret:

## APHRONITRUM

Uve Spumam nitri vocant, quo nomine sæpius spuma, in coctione Salis Petræ remota, insignitur, huc minime pertinens. Hoc Aphronitrum parvis exilibusque crystallis constat, instar florum concretescentibus, unde etiam flos & nominatur, imò genuino nitro paulo propius accedit, quam vulgaris Sal Petræ, in quo nonnulli quid occulti quærunt.

## §. 4.

Quod vires usumque nitri attinet, annuatim non facillè describenda ejus quantitas in pulverem pyrium insumitur, de quò alibi est agendum. Nec exiguum est, quod ad aquam fortem resque alias Laboratores consumunt, de quibus mox plura sequentur. Neque spernendus ejus in Medicinâ usus est, præsertim in morbis



bis calidis, in quibus nitrum non solum refrigerando reficit, & propterea ab Anglico Cellario *Bacone de Verulamio*, in *Hist. vit. & mortis* pag. 105. frigidum aroma vocatur: sed sanguinem quoque in fluore perpetuâque circulatione servando impedit, quò minus in coagulum abeat. Quamobrem in febribus continuis, Hungaricis, vulnerariis, Angina & Pleuritide ☉ depuratum, in potu ordinario solutum, nobile remedium est, modò ventriculi imbecillitas, dysenteria, & acris feri præsentia ejus usum non vetent. Flatus quoque dissipat in melancholia flatulenta, five malò hypochondriaco, ob quam rationem species diaspoliticon *Galen*i ingreditur. In immodicâ molestâque salacitate melius remedium datur nullum, ut *Timæus à Gildenklee* in *Buccinatore Lib. 3. consil. 52. pag. 197.* expertus est. Non minus ex candescentem, ab immodico spiritus vini potu, sanguinem refrigerat, experientia *D. Simonis Pauli*, in *Digress. de Febr. Malign. pag. 53.* Tandem etiam calculum urinamque pellit.

## §. 5.

Inter Præparata, quæ ex nitro conficiuntur, primum se sistit

## LAPIS PRUNELLÆ,

five

*Die præparirte Salpeter-Küchlein,*

qui propterea id nominis obtinuit, quoniam in Angina s. Prunella creber istius est usus; quanquam alii lixivio correctum nitrum cum *Keslero* præferant, quod in præparatione lapidis Prunellæ nitrum spiritu sulphuris acido corrumpatur magis, quam corrigatur. Ipsum eleganter album siccumque decet esse, & recens factum, præterea ex depurato non crudo nitro constare, quod ex albedine apparet. Quod verò cum alumine adulterari possit, prorsus falsum est, dum nitrum, ad modum sacchari, nequam cum alumine se potest unire, ut *Pometus loc. cit. pag. 76.* testatur. Internè instar nitri usurpatur, & externè in gargarismis. Quando nitrum sine sulphure carbone candente incenditur, idque toties repetitur, donec non amplius strideat,

## NITRUM FIXUM

acquirimus, ex quo *Glauber*us liquorem suum Alkahest conficit, qui nobile est menstruum. Species hujus ☉ fixi est Modernorum PANACEA SOLUTIVA, seu MAGNESIA ALBA, cujus descriptionem & usum vid. in *Præf. dispensatorii nostri domestici* Praxi Med. infallibili subjuncti: sin vero crudum nitrum cum sicca argillâ, five luto, è Retorta in amplius recipiens destillatur, rubicunda igneque nebula ascendit, quæ in limpidum & albescentem spiritum coagulatur,

## SPIRITUM NITRI

vocatum, quem clarum instar aquæ esse oportet, semperque fumantem, si bonus velit habere

ri; quò ipso etiam apparet, num ex aqua forti constet, qua ab impostoribus adulteratur. Aliàs valde corrosivus est, ut spiritus ☉ ad instar cum ☿ vini sit dulcificandus, qui tum denique urinam calculosque pellit, & flatus dissipat, præsertim super floribus chamomillæ Romanæ abstractus, & *D. Michaelis Spiritus Anticolicus* vocatus. Quem spiritum in Thuringia Laboratores in magnâ copiâ conficiunt. Quando ad partem unam nitri partes duas ☉li sumunt, destillatione ascendit vulgò sic vocata

## AQUA FORTIS,

five

*das Scheidwasser,*

quæ tamen nihil est aliud, quam spiritus ☉, dum à ☉lo parum vel omnino nihil ascendit, & spiritus ☉ tantum efficit, atque aqua fortis. Ad solutionem argenti & aliorum metallorum utilis est, quæ aris calatores, aurifabri aliique utuntur. Huic si ☉Xc. addimus, AQUAM REGIAM habemus, solvendo auro aptissimam. E capite mortuo aquæ fortis elixivando salem acquirimus,

## ARCANUM DUPLICATUM,

Nitrum ☉latum, Panacea Holfatica &c. dictum. Quoniam verò non semper habere licet cap. mort. *Daniel Ludovici* c. solut. ☉li conficere docet, ut ex ejus *Pharmacia Mod. seculo applic. pag. 427.* apparet. In febribus erraticis, scorbuto, morbisque aliis nobile digestivum aliquid anodynū in se fovet, ob sulphur ☉ anodynum admixtum.

## §. 6.

Ceterum inveniuntur, qui

## BORRACEM

Venetam pro nitri specie agnoscunt, sine dubiò, quod nitrum lingua Arabica *Baurach*, (unde vocabulum borra videtur derivari) vocatur. Albus pellucidusque sal est, glaciem & alumen representans, sapore acri & lixivioso præditus, qui maximam partem Venetiis afferitur, ubi primum fuit confectum. Ex Bataviâ quoque & Angliâ borracem advehunt, sed viribus priori inferiorem. Batavi ex Insula Ceilon istam afferre perhibentur, teste *Marxio* in *Germanico suo Materialium Museo* pag. 43.

## §. 7.

Quid vero propriè borra sit, & nativane an composita res sit? in eo docti Naturæ scrutatores nondum conveniunt. *D. Schræder* arte elaboratus sal videtur, qui Venetiis ex ☉Xco, ☉, ☉ comm. & tartaro ☿n. præparetur. Aliis ex ☉ & ☉a videtur constare, ut in prædicti Auctoris *Pharmacopœiâ* pag. 208. legere licet: Cujus tamen Interpretes, *D. Hoffmannus* & *D. Ettmüller*, in eo ab isto dissentiant, existimantque, borracem nativam esse mineram, quæ in Indiâ reperiatur. *Pometus* crudam



crudam borracem vocat, scribitque duas istius ex Indiâ afferri species, quarum una rubicundam pinguedinem circa se habeat, altera cæsia sit, quam Veneri in aquâ solutam, super funibus gossipinis, aut aliis baculis, in crystallos faciant coagulari. *Jungius* contra in *Doxoscopia sua loc. cit.* causatur, album insipidumque esse lapidem, in aqua solvi nescium, qui calcinatione saporem, fagineorum cinerum æmulum, adipiscatur, similemque odorem emittat gustatus. Quoquo modo autem se res habeat, id tamen est observandum, borracem crassam esse oportere, albam, eleganter claram, & pellucidam. Id quoque observemus, ut ne alumine sit

permista, quod in igne non ita ebullit, instar borracis. §. 8.

Borrax aurifabris, ad ferruminandum aurum argentumque, (ubi præsertim in adunando auro, instar nitri, virescit) est in usu crebriori. In optimæ notæ argentum agit sola: si verò cuprum sit permistum, fel vitri addunt, istaque tum manet alba. Metallorum quoque fusionem adjuvat. In Medicina ad promovendum partum nobilis est, quò in casu aliquoties ejus effectum felicem expertus sum, inprimis quando in nimia uteri hæmorrhagiâ pellendus abortus est, de quò, volente Deo, in *Praxi mea infallibili* agetur pluribus.

## CAPUT VII.

DE

# VITRIOLO, ATRAMENTO VULGARI ET SINITICO.

### §. I.

**VITRIOLUM** (*das Kupffer-Wasser*) nihil aliud est, quàm sal metallicus, ex crudis & à spiritu sulphuris exesis metallis minerisque proveniens, & vel subterrâ, vel extra illam in pellucidos crystallos coagulatus, saporis acidi, austeri & adstringentis, variique coloris, prout sulphur vel in ferrum, vel in cuprum destillat, quorum illud viridiusculum, hoc cœruleum vitriolum suppeditat, quemadmodum ab *Angelo Sala* in peculiari *Tract. de Vitriolo*, & à *Minderero* *Disp. de Chalcantbo* copiosius est demonstratum.

### §. 2.

Hæ saliformes crystallos vel ab ipsâ Naturâ ita præparatæ inveniuntur, id quod tamen rarò contingit, aut ex peculiaribus mineris & metallis artificiosè confectæ sunt. Modus operandi vulgaris in eo consistit: Sumuntur isti rei aptæ minere, (quæ plerumque marcasitæ, quis vel pyritæ species sunt) sive integræ sint, sive contusæ, eæque libero aëri tamdiu exponuntur, donec sponte sua in viridem vel cœruleam calcem concidant, aut aliquas crystallos emittant: quæ simul ac sustinendo labori facta idonea est, debita aquæ superfunditur quantitas, quò pars falsa extrahatur, hinc aquam evaporare, & in ligneis alveis sive cistis in crystallos accrescere curamus, eodem fere modò, quò alumen in Angliâ, & Sal Petræ hic locorum solent confici.

### §. 3.

Num autem vitriolum ferro aut cupro ortum suum debeat? sequenti experimento exploratur: Tere vitriolo cultri laminam, salivâ humectatam, quæ si nec roditur, nec rubescit, in-

dicium est vitriolum, ad exemplum Romani Anglicique, Veneris mineræ originem suam referre acceptam: sin vero ferrum rodit, rubigoque cultrum obducit, vitriale esse vitriolum judicatur, quale cœruleum Cyprium & Goslariense est, teste *Pometo* in *Gallicâ suâ Materialium Historia Part. 3. lib. 1. cap. 57. pag. 36.*

### §. 4.

Speciebus vitrioli plerumque regiones, ex quibus advchuntur, cognomen addunt, inter quas

#### VITRIOLUM ROMANUM

omnium rarissimum est, & ferè etiam carissimum. Ex Italia id affertur, & in solius Romæ honorem hoc gerit nominis, cum non istic, sed in aliis Italiæ locis sit confectum. In magnis aliàs frustis viridibusque crystallos est, quibus ab Anglicò, quocum sæpe commutatur & adulteratur, quove multo minores & viridiusculas crystallos habet, debet dignosci. Ad pulverem sympatheticum unguentumque armarium crebrò usurpatur, quæ ambo ex calcinatò Solis calore vitriolo Romano conficiuntur, ut *Anglus Digby* in quibusdam peculiaribus scriptis ostendit, quæ cum aliis in *Theatro Sympathetico* dicto reperiuntur: quamvis adhuc multa particularia in reliquis ipsius valde elegantibus manuscriptis, quæ Mercatoris *Ockfi* hæredibus Francofurti pignori data sunt, contineantur.

### §. 5.

Aliud prætereà vitriolum Pisâ ex Italia venit, nempe

#### VITRIOLUM PISANUM,

quod Romano colore fere simile est, præterquam quod viridius minusque sit, juxtaque & vilius;



vilius; quamobrem ab infectoribus, pileonibus aliisque magis quaritur & consumitur.

## §. 6.

Magna inter istud &

## VITRIOLUM ANGLICUM

intercedit similitudo, quod ex lutea minera in Anglia præparatur: ac eleganter clarum & pellucide viride, vereque siccum esse decet: parva albaque frustula habens nequicquam prodest; similiter tinctoribus inservit, à quibus Succico Saxonicoque ad tingendum habetur melius.

## §. 7.

Inter vitriola cœrulea

## VITRIOLUM CYPRIUM

optimum est carissimumque, ejus duo apud Materialistas habentur genera, unum in magnis frustis, Cyprium Vitriolum Societatis dictum, quoniam Indica Societas sive Collegium istud divendit; alterum incisum est, quod in parvis frustis, adamantum ad instar exacutis, venit. Utraque verè oportet esse cœrulea, præsertim confecta, quod extrinsecus facillime flava rubigine obducuntur, quam *Wormius* in *Museo* pag. 28. pro misy habet; facile tamen decedit, quando lingua istam humectamus & detergimus. Istud vitriolum vulgo à circumforaneis ad oculorum affectus commendatur, in quibus etiam, instar vitrioli albi, bene se gerit. Sunt, qui commemorant, talem exinde destillari posse spiritum, qui omnia vitra diffingat & penetret. Vulnera quoque sana præstat, & hæmorrhagiam sistit. In defectu vitrioli Romani pulvis sympatheticus ex illo potest confici.

## §. 8.

Valdè cum isto

## VITRIOLUM UNGARICUM

convenit, similiter cœruleo marinoque colore elegans: non minus VITRIOLUM SUEVICUM, NORWAGICUM, & SCANICUM, de quibus *Wormius* loco citato est videndus.

## §. 9.

Hic verò loci omnium usitatissimum est Saxonicum, sive

## VITRIOLUM GOSLARIENSE,

quod ex cœruleo viride, clarum & pellucidum est, & Goslariæ copiosè in crystallos redigitur. Ex crystalis constat eleganter magnis, claris & pellucidis, minimorum recrementorum paucillum habentibus, & quoad ejus fieri potest, siccis, si pro bono debeat haberi. Quò infectores & pileones apud nos præ aliis utuntur, utpote omnium vilissimo, plurimaque ex illo Chymici medicamenta præparant. In hæmorrhagiis locò Cyprii potest usurpari, quamquam ultimum priori isto in casu multo est melius.

## §. 10.

Ex isto

## VITRIOLUM ALBUM,

sive

*Galitzel - Stein*

conficitur, vulgò hucusque pro naturali vitriolo habitum. Verum teste *Pometo* in *libro supra citato* pag. 37. vitriolum album nihil est aliud, quam vulgare Goslariense, sed fortiter calcinatum, quod postea denuò in aqua solutum, coagulatum, & in magnas placentas, pondus XL. & L. librarum habentes, formatum, Materialistis & Aromatariis transmittitur. Hoc instar sacchari eleganter album esse decet, firmumque, & ab aère liberum, à quo extrinsecus flavescit. Non equis solum, sed etiam hominibus, in affectibus oculorum usurpatur, quibus valde conducit, præsertim si duæ depurati sacchari partes parti uni vitrioli permiscantur. Chymici ex isto ita dictam *GILLAM Paracelsi* conficiunt, quando illud in aqua dissolvi & denuò coagulari curant. Emeticum est, ad instar salis vitrioli vomitivi.

## §. II.

E vulgari Goslariensi vitriolo nostrates quoque

## ATRAMENTUM SCRIPTORIUM

conficiunt, sumendo ad partem unam bonarum Gallarum, dimidiam partem Gummi Arabici, partemque quartam Vitrioli, quæ omnia grossè contusa, octo cerevisiæ partibus infusa, per aliquot dies concutunt. Quem pulverem atramentarium antiquus aliquis Medicus sequenti disticho comprehendit:

Uncia sit Gallæ, semisque sit uncia Gummi,  
Vitrioli pars quarta: his addas octo Faler-  
lerni.

i. e.

*Wilt du zum Schreiben dir ein gute Dinte  
machen,*

*So nimm zu acht Loth Bier, vñe nöthig, diese  
Sachen:*

*Galläpfel bey zwvey Loth, ein Loth Arabici  
Gummi, thu noch darzu zwvey Quint Vi-  
trioli.*

Plures descriptiones habet *Caneparius Tract. de Atramentis*. Quando verò peregrè nobis est exeundum,

## ATRAMENTUM SINITICUM

(quod Pictores *Dusch* vocant)

vehementer usui est accomodatum, idq; Sinenses ex nigricante resinosa terra, vel secundum opinionem *Trigantii*, ex fuligine fumoq; olei olivarum præparant, & vel in oblongas & arctas, duos fere pollices longas, unumq; latas lamellas, vel in rotundos orbiculos formant, suisque characteribus insigniunt, ut ex figura *Mus. Germ.* appareat. Quo si scribere volunt, ejusmodi orbiculos saliva aut

C

aqua



aqua humectant, eoque parvos penicillos, quibus loco calami utuntur, inficiunt. Ad delinendum valde accommodatum est, de quo *Wormium* consule in *Museo* pag. 376. Quidam isto atramento in dysenteriâ & vulneribus utuntur, ut *Tavernierius* in *Tom. III. Itinerarii sui Germanici* commemorat: quod Batavi hodie amulari dicuntur, sed multo minori pulchritudine ac bonitate. Id inter utrumque interest discriminis, quod Batavorum coloris sit ex cæsio nigricantis, & in depressis frustis consistat, Siniticum contra eleganter nitideque nigrum, in frustis digitum crassis, veniat, vid. *Pometus* loc. cit. pag. 96.

## §. 12.

Ad reliqua præparata, è vitriolo confici solita, quod spectat, ejus phlegma, spiritus & oleum etiam apud Materialistas inveniuntur, quæ hic loci à Thuringis Laboratoribus (ut audiunt) abundantia emunt, & rursus divendunt. Aliàs ejusdem fere sunt essentia, prædictumque oleum nihil est aliud, quam ~ concentratus, dum aquæ non innatat, sed in ista dissolvitur. Spiritus instar aquæ eleganter clarus acidulusque sit, necesse est, sique chartæ albæ aspersus supra ignem nigrescit, bonus est. Reficiendi refrigerandique causa in Medicina usurpatur, magna tamen dosi corpori vitæque nocivus existit, cujus rei memorabilem casum, qui haud ita pridem Cellæ obvenit, *Novellæ nostræ Medico-legales* communicabunt. Spiritus Oli

volatilis, & ~ Oli epilepticus sunt meliores, & à *D. Ettmüllero* in *Commentario Schræd.* Chymia aliisque libris, fusius describuntur. Caput mortuum istius spiritus, quæ punicei coloris terra est,

## COLCOTHAR

nominatur, quod etiam in Medicina non parum commendatum & à multis loco chalcitis ad theriacam sumitur. Ex isto SAL VITRIOLI VOMITIVUM elixiviat, sique calcinatur, TERRAM VITRIOLI DULCEM acquirimus, quæ loco LAPIDIS MEDICAMENTOSI & LAPIDIS MIRABILIS, qui similiter è vitriolo conficiuntur, in externis ulceribus utilis est.

## §. 13.

Ut verò pauca adhuc de modo dicta CHALCITE commemoremus, plerumque pro vitriolo ab ipsa Natura per ignem subterraneum calcinato rubro habetur, & inprimis ad præparationem theriacæ quæritur; licet nonnulli, venenosam isti qualitatem adscribentes, istam ex theriacæ compositione malint exclusam, siquidem rara etiam sit, multisque ignota. Si inveteraverit, MISY, MELANTERIA & SORY quoque vocatur, quamvis alii ista pro distinctis mineris velint haberi, de quo *Pometus* loc. cit. pag. 35. videatur. Vera Chalcitis ex eleganter purpureis frustis constat, iisdemque saporem Olaceum habentibus, & facile in aqua solubilibus.

## CAPUT IIX.

## DE

## CINERE INFECTORIO ET CLAVELLATO, AC SODA.

## §. 1.

QUUM cinis infectorius, clavellatus ac soude five soda, propter similitudinem, sæpe confundantur, alterumque pro altero possit haberi, magnum tamen inter tria ista corpora falsa intercedat discrimen, operæ erit pretium, ut de eo etiam in specie perspicueque agamus; quamobrem observandum est, quod ita dictus

## CINIS INFECTORIUS

nihil sit aliud, quam fex vini calcinata, cui id inditum nominis sit, quoniam infectores isto crebrius utuntur, & eum in finem è Gallia locisque aliis magnis in doliis vasisque advehitur. Quem frustis lapidibusque adhuc elegantibus, ac recens confectum, ex viridi albescentem colorem, ac falso-amarum habere saporem oportet, si pro bono velit agnosci. Ex bona quoque siccaque vini fæce præparatus, neutiquam ab acetorum confectoribus emtus sit.

## §. 2.

Quod ad ejus usum spectat, Infectorum cupis valde necessarius est, ex quo lixivium præparetur, quoque mediante Indicum interdum acuatur, quoniam colorem citius adhærere facit, & à maculis defendit. Isto etiam Saponarii utuntur, præsertim viridè saponem conficientes. In Medicina istum non desideramus, præterquam quod exinde sal, ex istoque oleum per deliq. possit componi, quæ ~ Tartar. & oleo ~ per deliq. viribus respondent, quibus tamen aliquantum fortiora & corrosiviora sunt. Quæ causa est, quamobrem additæ calce viva ita dictus LAPIS INFERNALIS, ad excitandas fontanellas, exinde possit componi, quem etiam Materialistæ interdum divendunt, de quo *Pometus* in *Materialium Museo* Lib. VII. cap. 71. pag. 255. potest videri.

## §. 3.

Quod vero ad

CINE-



## CINERES CLAVELLATOS

attinet, ex albescente & aliquantum cœruleo calcinato sale consistunt, qui primum ex affusis s. clavellis istorum doliorum ac vasorum, quibus cinis infectorius advehitur, conficiebatur, unde cineres clavellati dicti fuerunt, auctore *Jungio* in *Doxoscop. Phys. Part. 2. Sect. 2. cap. 12. §. 3.* Et quoniam ejusmodi sal ex doliis, ustione in cineres redactis, elixiviat, posteaque in capacioribus ahenis decoquitur, eidem nonnulli cineri ahenario *Kessel-Asche* cognomen indiderunt. Quum verò tanta assularum s. clavellarum haberi copia nequeat, quæ eam cinerum clavellatorum quantitatem, annuatim consumi solitam, suppeditet, solum postea quernum lignum, è quo constat, eum in usum cœpit sumi, quod apud nos cinerum clavellatorum mercatores magna copia cines faciunt, ut salem inde elixivient, in amplis, istum in finem exstructis furnis, porro postea calcinandum, quales in incluto Hassorum cœnobio, seu Maniacodochio, cui Haina nomen est, videntur, ubi præparati magna copia cineres clavellati, in Germaniam, Bataviam locaque alia transportantur. E Polonia quoque Moscoviæque per Dantiscum, non spernenda ejus quantitas in Bataviam, Angliamque ac Galliam vehitur.

## §. 4.

Modum & rationem, qua omnia fiant, præ ceteris *Merretus* & *Kunckelius* sub fine annotationum in *Neri artem vitriariam* pag. 347. describunt, & omnia in elegantibus figuris sistunt contemplanda. Si quando sufficiens cinerum è quercubus vel arboribus aliis adfuerit quantitas, in cupam supra notatam, quæ vel duplici coque perforato fundo, vel condensato strato stramineo instructa sit, quali saponarii in præparatione lixivii utuntur, istam indi curant: Hinc compacte contusis cineribus tantum aquæ affunditur, quæ extra cineres emineat. Quæ si per noctem steterint, lixivium derivatur in subditum labrum, tanquam fortius seorsum asservandum. Tunc denuo aqua cineribus potest affundi, quo debilius inde lixivium eliciatur, loco aquæ simplicis recentibus cineribus postea affundendum. Quando nunc satis lixivii, tantumque, quantum desideratur, collectum fuit, in firmum ferreumque ac mure inclusum ahenum infunditur, (quod saltem tertiam partem decet esse plenum,) evaporare curatur, & quo perpetuo tantum de integro affluat, quantum evaporatione decedit, minor cupa supra ahenum ponitur, è cujus epistomio aqua culmum crassa, perpetuò in ahenum profluat, quoad omne lixivium evaporatione absumentum, tandem sal siccus evaserit. Quem refrigeratum ferreis cuneis ex aheno excutiunt, & quando ejusmodi salis obscure cassii tantum fuit collectum, quantum operæ putatur esse pretium, in furno huic negotio de-

stinato ita calcinatur, ne lique scat, sed ex omni parte candeat. Ut vero sciatur, salem istum secundum omnes partes bonum esse purumque, unum maximorum frustorum depromunt, quod, ubi refrixerit, diffringunt. Quod si frustum intrinsecus æque ac extrinsecus probe candeat, indicium est, verum bonumque esse salem; sin secus, diutius calcinandus, donec eleganter candescat, & partim à calore aliquantum cœruleus evadat, quippe quo alias cineres clavellati dignoscuntur.

## §. 5.

Hic cinis clavellatus præcedenti cinere infectorio multo fortior est, quocum cetera eundem habet usum, & ab serici æque ac rerum viliorum infectioibus, Saponariis, ac Vitriariis seu vitrorum artificibus copiose usurpatur & consumitur. Non minus in Chymiâ magnum usum præstat, ac plerumque intelligitur, quando salis alkali simpliciter fit mentio; Et quamquam ex omnibus herbis hæc ipsâ ratione sal ejusmodi lixiviosus potest elixivari, plerumque tamen ab herba, cui ortum suum ferunt acceptum, nomen obtinent, ut *Θ Absinthii*, *Centaurii* &c. Quamvis certum, quod omnibus aliis fixis urinosisque salibus cineres clavellati ac sal *¶ri* (pro quò sæpenumero usurpantur) potiores putandi, ac multo melius viliusque possint haberi.

## §. 6.

Interea bene est notandum genuinum proprieque ita dictum

## SAL ALCALI

aliud quid esse, atque cinerem clavellatum, dum non ex querno, neq. alio aliquo ligno, sed herba aliqua exotica marinâ, quam Veteres Kali geniculatum, hodierni herbarum periti Anthyllidam nominant, conficitur, & in officinis vitriariis vulgo

## SOUDE,

latine SODA, Solicornia, Salsol, Alumen catinum, Germanis *Soer-Saltz*, *Schmaltz-Saltz*, *Aschen-Saltz*, vocatur, quemadmodum in *Merreti Annotationibus* in *Neri artem vitriariam* pag. 246. & *Schurzii Materialium Museo* pag. 89. potest videri. Aliàs ex albo cinereus sal est, in lapidibus diversæ magnitudinis, ac in Hispaniâ, ubi planta juxta mare crescit, non per elixivationem, ad instar aliorum, sed per meram calcinationem præparatur, quanquam admodum cinerum clavellatorum in aquâ possit dissolvi, ut *D. Jungius* in *Doxoscopia Phys. l. c.* commemorat. Attamen ex soude s. soda sal quoque potest elixivari, cui quam soda rectius *Θ alkali* imponitur nomen.

## §. 7.

Modus istius præparandi est sequens: nempe abscinditur adultâ ætate planta, soleque exsiccata in acervum colligitur: deinde fasci-



culi successive super crate ferrea comburuntur, ut cinis in foveam decingat: postea operitur fovea, in qua si cinis aliquamdiu jacuerit, massa evadit, lapidem duritie æmulans, quam incolæ diffractam, sub isto nomine, varia in loca vehunt dividendam.

## §. 8.

In Europâ quatuor istius inveniuntur species, nempe prima SOUDE d'ALICAN; aliquas itidem admittens differentias. Optima eleganter sicca & tinniens, ex cœruleo cinerea, intrinsecus & extrinsecus multis foraminulis oculisque ornata sit, odoris etiam, quando saliva aspergitur, paludosi expers. Adulterata est, quæ viridem crustam habet, lapidibusque est permixta; quamobrem videndum, ut ne sarcinæ incidantur, bonisque frustis exemptis intrudantur pejora. Pluris etiam aestimatur, quæ ex frustis ad instar filicum parvis constat, proptereaque CALLOTI vocatur, quam quæ ex frustis majoribus coagmentatur. Deinde SOUDE DE LA CARTAGENE, quæ paulum vilior, minusque cœrulea est, ac minora foraminula habet, majoribus vero sarcinis venit. Tertia SOUDE DE BOURDE & quarta species SOUDE DE CHERBOURG humidæ sunt, lapidosæ, nec quicquam utiles; multo minus ista, quam saponarii divendunt, crebra elixivatione viribus prorsus privata, quâ super re plura scribit *Pometus* in

*Histoire des Drogues generale Lib. VI. cap. 21. pag. 169.* Alexandrina soda, cujus *Eichovius* in suis *itineribus* pag. 181. meminit, tanto locorum intervallo nostras in regiones non venit, sed à Venetis maximam partem consumitur.

## §. 9.

Ista soda magna in copia in officinis vitriariis divenditur, qua sine vere pellucidum eleganterque crystallinum vitrum fieri nequit, de quo *Kunckelius* in *Arte sua vitrariâ* videatur, qui etiam experimentum in emtione observandum pag. 249. cit. loc. communicat. Qua in Gallia quoque lotrices, quæque apricatione lintea candefaciunt foeminae, ad lixivium utuntur, quæ tamen à saponariis sæpe circumventæ totum loturæ opus interturbant, calce emaceratæ sodæ permixta.

## §. 10.

Huc etiam pertinet ita dicta

ROCHETTA,  
&

Orientalis pulvisculus

Vitriariorum, qui nihil est aliud, quam orientalis soda, è Syria oriunda, & in cæsiis saccis advehi solita, Tripolitana melior, cyaneis saccis advecta. Integra frustra *Roquette* nominantur, contusa pulvisculus orientalis, de quo *Pometus* pag. 171. & *Neri* in *arte vitriariâ* videantur.

## CAPUT IX.

DE

## FELLE VITRI ET VITRO VENETO.

## §. 1.

Vulgo ita dictum

FEL VITRI

albidè-cæsius sal est, sapore nitro haud dissimilis, qui ab aëre humido facile solvitur, ut liquecat. Ex officinis vitriariis venit, ubi materiae five mineræ, è qua vitra parantur, pinguedinis five spumæ ad instar innatat, sub istaque facie despumatur; quæ causa est, quamobrem ab nonnullis AXUNGIA & SAL VITRI, à Gallis SUIN DE VERRE vocetur. Et quoniam salis hujus origo proprie ab soda vel aliis oibus alkalibus est derivanda, quibuscum vehementer etiam convenit, alii etiam istum salem alkali, & *anatron* &c. vocant. Plurimumque in orbes funditur, unumque vas 200. libras optimæ vitri mineræ continens, forte 80. libras alkalici hujus salis suppeditat, sicut *Merretus* in *Annotationibus suis super Neri artem vitrificam* pag. 262. supputatione collegit.

## §. 2.

Istius tres apud Materialistas inveniuntur

species, primum Itala, quæ eleganter alba, eaque optima est. Deinde indigena, Norimbergæ fundi solita. Tandem Batavorum, omnium vilissima, ut *Schurzius* in suo *Materialium Museo* pag. 35. *Marxius* pag. 95. & *Vielheurius* in *historia exoticorum materialium* pag. 29. unanimiter affirmant. Omnes vero sicco in loco asservandæ sunt, magnis nigrisque frustis, intrinsecus ac extrinsecus quasi marmor representantibus: Nigra contra humidaque frustra abjicienda, teste *Pometo* in *Histoire des Drogues Lib. VI. cap. 21. pag. 169.*

## §. 3.

Quod ad usum hujus salis attinet, Galliarum incolæ non ad condiendos solum cibos eò utuntur, sed etiam tanquam medicina adversus hydropem & calculum usurpatur, auctore *Hoffmanno* in *Clav. Schræderiana* pag. 92. Externè dentibus depurgandis, omnis generis scabiei, externisque ulceribus curandis conducit, ut apud *Sam. Dale* in *Pharmacol.* pag.



pag. 140. videre licet. Mulo-Medici quoque ad oculos equorum utuntur. In Chymia metallorum fluorem adjuvat, aurifabri vero ad ferrurationem, figuli ad porcellina aliaque vasa incrustanda adhibent.

## §. 4.

Quoniam utilis ejusmodi sal à vitrorum materie despumatur, & alias quoque in Pharmacopoliis vitrum Venetum ad mœdendum asservatur, non inconsultum judicavi, pauca de ipso vitro commemorare, quod sequenti modo in officinis vitriariis conficitur. Primum vitriarii ante omnia ex purissima probeque depurgata alba arena sive silice cum soda, cinere clavellato, rochetta aut ejus sale misturam conficiunt, quanquam quilibet è cineribus plantarum præparatus sal isti intentioni satisfaciât, quod *Kunckelii* per experientiam didicit, omnium salium è plantis & terra nascentibus confectorum, eandem esse rationem, ut in Annotationibus super Librum primum *Anthoni Neri de arte vitrifica*, pag. 50. docet. Quæ res omnes (quælibet tamen seorsim) valde subtiliter contusæ, per subtile sive angustum cribrum concutuntur, antequam calcinationem fusionemque subeant, dum vitriariorum verbo, in angusto cribro aridoque ligno artis nitor consistit omnis, vid. *Neri cap. VIII. artis sue vitrifica* pag. 19. Hæc ita præparata arena, cum aliqua priorum salium in debita proportionem mista, in massam funditur, quæ in Germaniæ officinis vitriariis mistura (*das Gemeng*) in Gallia ac Italia *Fritta*, ab Italicorum vocabulo fritta, quod glaciare significat, solent vocari.

## §. 5.

Istius mixturæ in officinis vitriariis varias habent species, pro quarum bonitate vitrum vel pellucidum fit, vel obscurum, dum ad crystallinum confectæ ex optima arena Orientalique pulvere crystalli requiruntur. Deinde datur Fritta ordinaria, ex soda, vel cinere Orientalis seu levantici pulveris depurgata arena constans; tertio Fritta vulgaris, quæ ex varii generis cinere ac duriuscula arena præparata, in viride vitrum infumitur, ut in *Merreti Annotationibus* pag. 261. videmus.

## §. 6.

Prout nunc intentio est vel eleganter crystallinum, aut saltem vulgare vitrum conficiendi, præmemoratarum aliqua misturarum fumitur, eaque in parvis catinis s. vasis (quorum aliquod singuli vitriarii seorsim habeant) in furno fusorio fundi permittitur, & quando satis excocta minera est, cavum opifex ferrum sive tubum in ejusmodi vas immittit, aliquan-

tispervolvendum, tantumque fumit fusi vitri, quantum ad conficiendum vas satis est; fustum enim crudum vitrum sive metallum ferro adhæret, haud secus, atque tenax vel viscosus succus, aut paulo firmitus, quam terebinthina. Adhærens autem tubo vitri forma rotunda est. Quem tenens opifex super marmore circumvolvitur, quo se rectè uniat. Post flatum sensim in ferreum tubum immittit, quo factò vitrum ab halitu instar vesicæ intumet, ut in Figura Neriana, Lit. c. repræsentatur. Quoties vero Opifex spiritum inflat in ferrum, toties tubum ab ore continuo remotum, malæ applicat, ut ne ullam inspirando flammam attrahat. Tunc removet tubum, istumque circa caput agitatur, vitrum elongat, refrigerat, istique formam imprimit. Tandem tradit illud vitriario, qui instrumentis suis perficit istud & format, furca tandem in furnum refrigeratorium sive superiorem furni partem, quo calore foveatur, nec à frigore rumpatur, reponendum, quæ omnia fusius locis supra dictis leguntur.

## §. 7.

Quod nunc in specie ad  
VITRUM VENETUM

attinet, secundum *Eichovii Itinerarium* pag. 183. in Murano modo prædicto conficitur, præterquam quod loco arenæ vel silicis, crystallus montana vel alii puriores lapides è Pado, optimaque soda (cujus Alexandria multum istuc vehitur) ad istud fumantur, quæ etiam non tam facile ab eo abscedit, proptereaque causa esse creditur, quamobrem sponte sua in aëre rimosum evadat. Num vero eam ob causam præ alio vitro peculiari aliqua virtute præditum sit, in medio volo relinqui. Interea notum est, quod vulgo tanquam specificum ad enecandum vermem umbilicalem, in pulverem redactum, cum melle permixtum, infantum umbilico applicetur.

## §. 8.

Tandem *Pometus* in *Appendice Historiæ Simplicium* commemorat, quod Parisiis quoque orbium fragmentorumque vitreorum mercaturam agant, istaque hinc inde colligant, ac denuo in officinas vitriarias sub nomine *Groesin* deportent divendenda, quò cum metallo liquata in nova vasa formentur. Apud nos in Germania Materialistæ fragmentorum vitreorum mercaturam despiciunt, istamque fenestris relinquunt, qui fracta vel abscissa frustra vitrea interdum colligunt, istaque mercatoribus, à quibus orbes emunt, dant in solutum; alias necquicquam utilia, nisi quod murium foramina istis obturentur.



## CAPUT X.

DE

## SULPHURE VIVO, CITRINO ET CABALLINO.

## §. 1.

**S**ULPHUR terrestris pinguisque resina est, Scum tantillô vitrioli permista, diversi coloris, prout vel ex terrâ effoditur, vel arte præparatur; unde Sulphur in nativum & factitium distinguitur.

## §. 2.

Nativum, aliâs quoque

## SULPHUR VIVUM

nuncupatum, plerumque instar cæsiæ terræ apparet, quæ tamen ignem facile suscipit, flammamque emittit cœruleam: Illud vero tenerum facileque friabile, intrinsecus & extrinsecus splendidum, multisque exiguis frustulis ac arena destitutum esse oportet. Ex quo & aliis præterea speciebus, nempe sandalo rubro, coriandro, nucista similibusque sulphuratum, quo dolia vini imprægnantur, conficiunt. Quidam Pharmacopolæ nequam istud contusum scammonio sive diagrydio permiscere perhibentur, ut *Pometus* in *Histoire de Drogues* P. 3. L. 3. pag. 88. manifestat. Aliâs in Medicina rarò præscribitur, nisi optimum sit purgatumque; quemadmodum ex India interdum Angliâque & Helvetiâ nativum ejusmodi sulphur provenit, quod prorsus pellucidum ac viridè flavum est, instar succini, cujus frustum aliquod mihi transmissum est, de quo *Wormius* in *Mus.* pag. 27. *Hoffmannus* in *Clav. Schræd.* pag. 368. & imprimis *Wagnerus* in *Histor. Nat. Helvet.* videantur. Sunt, qui istud SPIRITUM SULPHURIS COAGULATUM vocant, in eoque magnum ad curandam vulgarem vagamque arthriditem positum mysterium esse existimant; haud secus atque clarissimus *Burrhus*, modò chymicò sulphuris coagulatum præparavit, quem albæ calci similem hucusque ejus saltim Agnati Romæ divendunt. Ceterum nullum est dubium, quin hoc aliâs perrarum, sicut & vulgare sulphur vivum, istis ipsis præditum virtutibus sit, quæ sulphuri vulgari flavo mercatorum adscribuntur.

## §. 3.

Istud vero vulgare mercatorum Sulphur, sive

## SULPHUR CITRINUM

in sulphurariis vel ex certis sulphureis pyritæ speciebus, (qui flavi splendidique sunt & facile liquabiles,) vi ignis uritur, vel etiam ex sulphureis aquis coquitur, quod tum in longam figuram, sive magdaleones, fustum re-

frigeratumque, dividendum asservatur, ut *Vielheurius* in *Descriptione Exoticorum Materialium* pag. 56. ostendit. Multorum opinione ex sulphure vivo præparatur, quam *Pometus* l. c. vel propterea deridendam existimat, quod sulphur vivum flavo mercatorum multo carius est. Maximam partem ex Islandiâ, Bohemiâ, Turciâ Goslariâque venit; quanquam Neapoli quoque præparetur. E Persiâ multum sulphuris in Indiam Orientalem venit, quod inde nonnunquam in Europam transportatur, commemorante *Schurzio* in suo *Materialium Museo* pag. 90.

## §. 4.

Duæ istius inveniuntur species, vulgare primum in longis magdaleonibus, qui eleganter flavi, leves, frangibilesque, intrinsecus splendidi & quasi crystallisati sint, quique in manus sumti, fragorem & tantum non percussione edant, si boni selectique velint haberi, ut *Pometus* & *Vielheurius* l. c. docent. Deinde gilvum, & perpulchrum, quod in rotundis placentis ab nonnullis SULPHUR VIRGINEUM vocatur, quod isto Italiæ sceminæ uti, istiusque fumo flavum capillis conciliare colorem perhibentur, ut *Wormius* in *Museo* pag. 28. meminit. Quamvis etiam sulphur commune à lanificis tibialiumque textoribus, ad suffumigandam albam lanam, eandemque candidiorem reddendam, adhibeatur. Sulphur rubrum, cujus *Jungius* in *Doxoscopia* Part. 2. Sect. 2. cap. 13. meminit, suum à marte colorem nanciscitur, dum pyrites, si quando in ferrea retorta pellitur, rubellum sulphur, coloremque aureum suppeditat, quo pictores utuntur.

## §. 5.

Relictæ post præparationem Sulphuris flavi feces, quæ vel per se vel admixtis ferri squamis, in certos urceos sive formas transfunduntur, flavo sulphure inducendæ, dant

## SULPHUR CABALLINUM,

quod nominis vel propterea ipsi inditum est, quod isto mediante equorum scabiei medentur: quod integris frustis est emendum, vid. *Schurzii* l. c.

## §. 6.

Communis flavi sulphuris usus est, ut intrinsecus thoracis ac pulmonum, extrinsecus cutis omniumque artuum balsamum audiat, dum acido suo spiritu omnem thoracis mucum resolvere, pulmonum læsioni balsamico suo oleo mederi, atque ita tussim, asthma & phthisin tollere; hic vero alcalica sua terra, erodens cutis acidum



dum enervando, scabiem, lepramque ac similia vitia curare, aptum natum est. Sulphur quoque adrepentem pestilentiam luemque contagiosam antevertit, tam accensum, quam theriacæ mistum quotidie assumptum, id quod *D. Gendronii* arcanum fuit apud *Dn. du Hamel de corp. affect. L. 2. pag. 188.* Si quis vero infectus morbo fuerit, potus sulphurati insigniter curam adjuvant, quod ex *Hippocr. Helm. & Cnæselio D. Ettmüllerus in Schræd. Diluc. pag. 928.* ostendit. Mercatores sita lignaque sulphurata inde conficiunt, quemadmodum & alii isto utuntur mechanici.

## §. 7.

Inter præparata, quæ ex communi sulphure confecta, à Materialistis more adhuc solito, invitis licet Pharmacopolis, circumvehuntur, primum tenent locum

## FLORES SULPHURIS,

qui è vulgari sulphure in multa sibi invicem imposita vasa sublimantur, nihilque sunt aliud, quam Chymico modo subtilisatum pulverarumque sulphur: in Batavia copiosius præparantur, parvis in placentis avehendi. Istos tamen etiam Massiliæ, Rodomagi, (vulgo Rouanne) atque Parisiis conficiunt, vid. *Pometus.* Circumforanei pro istis saltem subtiliter pulveratum, trajectumque per tenuem peplum sulphur dividunt, quo non æstimando pretio possit emi. Boni verique flores magis candidi & pallidi sunt, quam flavi, leves recteque teneri, ac boni odoris. Quibusdam in locis natura sponte sulphur sublimat, ope ignis subterranei, unde SULPHUR SCISSILE, *Zrieb-Schwefel* existit, quod juxta Cracoviam æque in Polonia, atque in regno Neapolitano, juxta Puzzoli oppidum, se dat inveniendum, ut *Marxius* in suo *Materialium Museo pag. 57.* commemorat. Non minus ignivomi montes Ætna, Vesuvius &c. ejusmodi sulphur ejiciunt. Quæ genera omnia easdem cum sulphure communi vires habent.

## §. 8.

E floribus sulphuris, cum sale tartari in aqua coctis, fit magisterium, sive vulgo dictum

## LAC SULPHURIS,

aceto præcipitandum; quod tamen bonitate ipsis floribus longe postponendum, demtis sul-

phuri per acetum viribus optimis, ut *Zwvelferus in Mantiss. pag. 401.* demonstravit; quoniam viribus sulphuri paulum accedit, in pectoris affectibus usurpatur.

## §. 9.

Quemadmodum

## SPIRITUS SULPHURIS PER CAMPANAM

præparetur, ex figura, quam *Dn. le Febure* in *Chymia, Tom. 2. pag. 1176.* habet, licet videre. Istum instar aquæ eleganter clarum gratique acotis esse oportet. Magna in copia in Thuringia confectum Laboratores efferunt, qui nonnunquam ~⊙ l. aquæ infundunt, dividuntque pro ~ sulphuris, monente *Pometo l. c.* Si tamen istum phlegmate liberare studemus, donec flavescat, ita dictum ⊙ sulphuris acquiritur, quod tamen concentratus spiritus verius, quam oleum est.

## §. 10.

Quando porrò sulphur aut ejus flores in certis destillatis oleis solvitur, acquirimus

## BALSAMUM SULPHURIS,

quod ab oleis cognomina sumit mutua, ita ut confectum cum oleo anisi, *Balsamum Sulphuris anisatum*, cum ⊙ Tereb. *Balsamum Sulphuris terebinthinatum* vocetur. Bina Schmalkaldia magna in copia composita alias in regiones cum descriptione mittuntur. Internis externisque ulceribus, vulneribus, ac putredini conducunt, aliqua tamen cum cautione usurpanda.

## §. II.

Tandem etiam

## PULVIS PYRIUS

ex sulphure, cum sale petra carbonibusque misto, componitur, cujus distinctæ habentur species, nempe grandior ac tenuior pulvis, quorum ille tormentorum magnitudine insignium, ac scloporum graviorum, iste scloporum leviorum, ac manuariorum equitum usui est accommodatus. Apud nos Argentinenfis, eleganter granulatus, censetur optimus. Pulveris tamen probas subeat, oportet, quæ variæ sunt, alibi describendæ.

## CAPUT XI.

DE

## ASPHALTO, PETROLEO ET OLEO TERRÆ.

## §. I.

**A**SPHALTUM nigra, duraque ac sicca resina est, è Babyloniâ advecta: reperitur ac sese super lacus effundit in Judæa, ubi Sodoma

& Gomorra creduntur extitisse, unde BITUMINIS JUDÆICI venit nomine. Copiosius isthæc collectum tantum in aëre excitare foetorem perhibetur, qui volucres supervolantes



tes mortuos faciat decidere : quamobrem incolæ ( qui haud diutino temporis spatio vitam metiuntur ) necessitate adacti, resinam istam piscando colligunt, in litoreque exponunt, cujus teter odor sine dubio causa existit, quamobrem lacus nec pisces ullos, nec animalia alat, mareque mortuum vocetur. Ista tamen resina etiam alibi, ut in India occidentali & cumprimis in Hispaniâ novâ, dicitur inveniri, teste *Hernandezio* in *ejus Descriptione* pag. 336.

## §. 2.

Quoniam verò hæc resina, si bona & genuina est, valde rara est caraque, bene videndum, ut ne cum Pissasphalto, aut Suecica pice nigra adulteretur, cui vehementer similis est, præterquam quod durior sit, nec tam tetre oleat: quanquam odoris non penitus expers sit, quem etiam aliis terris lapidibusque communicat; quemadmodum doctissimus Italus *Boccone* lapidis cujusdam meminit, qui istius odorem teneat, quem propterea in suo Gallicè conscripto *Scrutamine Naturæ* pag. 219. bitumen fossile vocat. Verè genuinum purpureo-nigrum sit, ac eleganter splendidum, *vid. loc. cit.* Eas vero res, quæ istò glutinantur, nulla re alia, præterquam imbuta menstruò mulierum filo, dissolvi posse, fabulæ haud dissimile est.

## §. 3.

Usus asphalti quod concernit, Orientales istò loco picis navalis utuntur, creduntque Babyloniarum turrim murosque exinde fuisse extructa. In Sina & Japonia verò incolæ lecticas, naves, domosque ac utensilia isto bitumine illinire, eaque è re magnam capere voluptatem dicuntur, ut *Marxius* in *suo Materialium Museo* pag. 22. ex aliis recenset. In medicina balsamo apoplectico ac nonnullis unguentis dat nigrorem, quamvis Ebur ustum isti rei videatur aprius. *Plinius* aliquo in loco memorat accensum bitumen fugare serpentes, cui propterea habenda fides est, quod multa animalia insectaque vulgaris sulphuris ferre odorem nequeant, ita ut apes eò occidantur & enecentur.

## §. 4.

Præter istud aliud adhuc habetur bitumen, non adeò rarum, & hinc inde in Europâ sub terra reperiundum. Mistum habet odorem, partim picem vulgarem, partim bitumen judaicum redolentem, ac propterea

## PISSASPHALTUM

vocatum; quæ causa est, quamobrem multi in eam opinionem venerint, ex asphalto & pice communi arte esse compositum, prout *Plinius* primus existimavit; quod tamen minus ita se habere *Dalechampi* in *Aldrovandi Mus. Metall.* pag. 369. vel inde ostendit, quod pix vulgaris cum bitumine non potest uniri. Veritati itaque convenientius est, nativum esse bitumen, quod id nominis sustineat, quoniam, ut supra

dictum, mixtum odorem habet, ac partim nigrum instar asphalti, partim ex flavo-album est, instar picis, & quasi mistas venas ostendit. Quod asphalti adinstar aquæ innatare, ac parum terræ arenæque continere decet, si bonum velit judicari. Haud secus atque prius usurpatur, cui etiam sæpius substituunt.

## §. 5.

Quamdiu Pissasphaltum molle est ac fluidum,

## MALTHA

nominatur, ac quibusdam in locis tam copiosè scaturit è terra, ut peregrinantes tantum non agglutinentur, nec ex votò possint progredi; vehementer fortem tetræque odorem habet, *lafer* propterea à nonnullis dictum. Ante aliquot annos in Westphalia magna ejus quantitas è monte scaturiebat, quâ repletum vasculum mihi obvenit, & ab aurigis loco axungiarum rotarum usurpabatur. In Medicina ignota est, quam nullus dubitem, quin extrinsecus idem, quod petroleum, præstet, cujus esse species videtur. *Pometius* in *Historiâ Simplicium Part. 3. Lib. 3. pag. 94.* recenset, esse quosdam Circumforaneos, qui istud aliàs tenax molleque bitumen exsiccent, & loco asphalti divendant. Quem tamen dolum prudentes Materialistæ & Pharmacopolæ ex forti tetroque odore, qualis in asphalto non observatur, facile detegunt.

## §. 6.

Optimum rarissimumque inter fluida bitumina est ita dicta

## NAPHTHA,

quæ valdè subtile è mineralibus oleum est, & præ aliis id sibi proprium habet, quod paulò remotam flammam quasi attrahat, seque ipsa sponte sua accendat, quacum propterea cautè agendum est. Primum etiam Babyloniam venit, nunc verò quoque in Italia, præsertim in Ducatu Modenensi reperitur, ubi è petra emanat, quò per certos subterraneos ductus fluit, indeque per æneos canales in ejusdem generis ahenum derivatur, ut *Pometius l. c. pag. 96.* commemoravit; quemadmodum hodieque circa Babyloniam sive Baghdaad ex ejusmodi subterraneis rivis, mediantibus fontibus valde profundis excipitur, & quotidie fere ad centies mille libras exhausta, ad alendam candelæ flammam usurpatur, ut *Dn. D. Kampferus* in *Dec. Observ. exot. §. 2.* tanquam testis oculatus refert. Diversi Naphtha coloris est, albi scilicet, quæ est optima, & Persarum vernicem ingreditur: deinde rubri, flavi, viridis, tandemque nigri, quæ ultima species vilissima est, ac plerumque petroleo permiscetur. Prima optimaque perrara est, raròque in officinis videtur: viribus cum asphalto ac petroleo convenit, quæ omnia eandem essentiam, & saltem distinctam consistentiam habent, adeo, ut subtilissima species Bituminis Naphtha, mediæ & Petræ & Terræ: crassissima vero Asphaltum



tum vocetur, quæ quasi sedimentum & remanentia est reliquarum, auctore *Wormio* in *Mus.* pag. 30.

## §. 7.

## PETROLEUM

simili modo scaturit è montibus & petris, indeque in scaturigines fontesque fluit, quales non in Italiâ solum ac Sicilia, sed in *Bavaria* quoque à *D. Welsch* in *Hec.* 1. pag. 78. ac in *Alsatia* à membro quodam *Soc. Reg. Londin.* Vol. 1. pag. 101. fuerunt observati. Maxima ejus copia è Gallica provincia *Languedoc*, ubi prope pagum, cui *Gabian* nomen est, singulis cujusque hebdomadis lunæ diebus colligitur. Mediæ consistentiæ est, validique odoris, ac coloris nigri, teste *Pometo* in *Histoire des Drogues* l. c. pag. 95. Ex quo discimus, quod nostris in officinis verum petroleum vix habeamus, dum vulgare OLEUM PETRÆ RUBRUM de sententia jam dicti auctoris plerumque non probum, sed permistum: OLEUM PETRÆ ALBUM vero naphthæ species est, quoniam similiter ignem attrahit, ceterisque qualitatibus cum ista convenit.

## §. 8.

Alias vulgare petroleum *Circumforaneorum* panacæa est, in omnibus internis externisque morbis credulæ simplicique plebi commendata, quod vilissimo pretio à Materialistis emtum, post mille titulis ornatum, maximum divendunt. Ingenui contra Medici ob calorem penetrantem istud internè inviti propinant, quamvis nonnulli X. vel XV. guttas in obstructione mensium, & in odontalgia cum gossypio applicatum, pro certò remedio habeant. Extrinsecus verò album æque bonum

est atque oleum succini, ac vulgare etiam in omnibus renum artuumque morbis, tremore scilicet, paralyfi, apoplexia similibusque bonum est remedium. Membra quoque à perniciionibus s. frigore hyberno tuta præstat; extrinsecus illud urinam calculumque pellit, præsertim oleo scorpionum admixto.

## §. 9.

Ultimò nec

## OLEUM TERRÆ

prætereundum est, à petroleo in eo distinctum, quod hoc è saxis, illud verò è terra scaturiat, indeque in rivose effundat, præterea etiam gratum habeat odorem. Duplex est, rubrum ac nigrum. Prius in India Orientali invenendum, à barbaris tanti æstimatur, ut sine periculo vitæ avehi nequeat; propterea Angli Bata-vique clam interdum aliquid subducunt, ut *Jacobus Bontius* in *Not. ad Garc. ab Ort.* pag. 22. ex istoque *Hoffmannus* in *Clav. Schræd.* pag. 388. refert. Nigrum PISSELÆON vocatur, & ex Indiâ Occidentali venit, vid. *Sam. Dale Mineral.* pag. 55.

## §. 10.

Viribus cum petroleo convenit, sed penetrantius est, ac in membrorum paralyfi mira præstare, in vaga quoque arthritide non inutile esse perhibetur, teste *Schrædero*. Tunc verò potissimum ejus usus probatur, quando omnis generis humores tendines nervosque obsident, istosque justo laxiores reddiderunt: quo in casu *Barbette* in *Anat. sua Pract.* pag. 31. peculiare emplastrum habet, quod oleum terræ quoque ingreditur. Num verò genuinum verumque oleum terræ in officinis nostris reperiatur, loco suo relictum volo.

## CAPUT XII.

DE

## SUCCINO, GAGATE ET ANTHRACIBUS.

## §. 1.

SUCCINUM s. CARABE bene olens & in Smari indurata resina est, diversi coloris: alias quoque *Agstein* dicitur, & maximam partem è *Borussia* venit, ubi Rex monopolium, ex quo annui redditus valde magni sunt, inde constituit, quod tamen certis plerumque legibus ac conditionibus elocatur utendum.

## §. 2.

Quæ vero succini ratio, & unde ejus origo sit derivanda? diversæ Doctorum sunt sententiæ. Multi existimant, resinam esse ex abietibus ac piceis in mare effusam, & ab hujus aqua falsa coagulata. De aliorum, & quidem plu-

rimorum sententiâ, bitumen esse creditur, in mare Baltico ita induratum. Interim binæ hæ sententiæ conciliari possunt, dum bitumen etiam plerumque iis in locis reperitur, ubi multi abietes sunt, à quibus suum quasi nutrimentum nanciscitur. Quamobrem *Boëtius de Boot* in suo de gemmis libro pag. 323. duas, imò tres, succini species ponit, quarum una à succis arborum, altera à bitumine, tertia à pinguedine animalium facile miscibili, proficiscatur; qua de discrepantia *Gæbelius*, *Hartmannus*, & *Wigandus* in peculiaribus de succino conscriptis libris possunt legi.

Curiosa autem sunt, quæ *Dn. Bartholomæus Crassellius*, Verbi Divini Minister *Düsseldorfensis*,



piensis, per Amicum mecum hac in re dividere non dubitavit, cujus verba ita se habent: De generatione & origine succini diversæ & ex parte sibi invicem contrariæ conjecturæ & sententiæ circumferuntur, tam inter eruditos, quàm plebejos; quapropter in itineribus meis, cum primis iis in locis, ubi nobile hoc Dei donum majori in copia ab aquis marinis ejicitur & circa litora colligitur, multo cum labore & indagatione easdem examinavi, cum plurimis eruditis & curiosis Viris contuli & cum primis ex hominibus rei nauticæ & maritimæ, ut & artis tornatoriæ è succino peritis percontatus sum: donec post omnes illas inquisitiones & deliberationes illorum sententia & derivatio tutior & credibilior apparuit, quæ succinum è succo quodam lapidescente concrefcere statuunt, ita ut è certis venis aut scaturiginibus, ceu petroleum aut resina petrosa, effluat & vel in fundo maris, vel rupe quadam marina erumpat, abhinc post effluxum suum in aqua marina falsa liquiditatem suam amittat & coaguletur, ita ut in vernaculâ jure & valdè propriè *Bornstein* appelletur, cùm reverà è tali fonte scaturiat. Unde hoc concludatur, inter alia sequentia ostendunt: quod scilicet. 1. tot heterogenea in eò reperiuntur, quæ illic se ingerere & insinuare non potuissent, nisi ipsum succinum primò fluidum fuisset eaque in se recepisset; quemadmodum plura notatu & admiratione dignissima fragmenta seu frustra non tantùm vidi, sed & ob oculos ponere valeo, è quibus clarè elucescit heterogenea illic occurrentia à succino liquido adhuc & aquis innatante obvoluta & abhinc sub ejus coagulatione illi incorporata fuisse. 2. Idem species & colores diversi, quos post effluxum in Oceano nanciscitur, demonstrant. Hos enim eò, quo adhuc fluiditate quadam gaudet, tempore, illi affricari, pro certo asseritur, ita ut vi sua magnetica, pro diversitate fundi marini, ubi primas quædam radices agit, in hoc loco hanc, in alio aliam qualitatem secundariam aut colorem adsumat & abhinc retineat. Licet inventores & artifices hunc eidem per artificia singularia quadantenus demere & ad proprium splendorem, quo sub effluxu gaudebat, redigere valeant. Ad hæc 3. à quibusdam hominibus quandoquæ succinum adhuc fluidum juxta maris litora repertum fuit, quod instar gummati soluti aut ceræ liquidæ apparuit; id quod præcipuè sequenti eoque certissimo exemplo demonstrari poterit, dum Celeberrimus Mathematicus Dn. *Hevelius*, Dantiscanus, aliquando in litore marino, Dantiscum inter & Regiomontum sito, succinum ejusmodi liquidum & nondum penitus coagulatum inveniens & colligens detracto digitis annulo sigillatorio, insignibus suis profundè tanquam in ceram impressis, notavit & abhinc pro argumento plusquam syllogistico, ad convincendos alios, adhibuit. Insignia enim, una cum literis nominis initialibus, adeò

perfectè illi impressa & simul indurata erant, ut unusquisque, cui id ostenderat, in admirationem quæ raptus sententiæ huic subscribere coactus fuerit. Hujus me unus è cognatis ejus & relictis, queis cum diu familiariter conversatus sum, certiore reddidit, simul contestando, frustum hoc succini, insignibus Hevelianis impressis conspicuum, in Angliam transmissum fuisse, ubi maximæ raritatis instar, ad probandam genuinam succini originem, conservetur & curiosis subinde monstretur.

Aliàs octo vel decem succini colores dantur, quorum pretium admodum variat. Rarissimus & simul pretiosissimus color unionibus respondet & in vernacula *die Korns-Farbe* (quem perlatum rectius dixeris) vocatur. Hoc gaudentia grana, frustum mediocrem grossulariæ magnitudine æquantia & in monile filo mediante conjuncta (eine Schnur voll) LX. thaleris Imperialibus veneunt. Huic affinis & proximus est color citrinus, qui pariter haud inelegans est. Vilissimum à posteriori Germanicè *die Arsch-Farbe* s. h. nominant, qui obscurè flavus & quodammodò fuscus apparet. Hactenus laudatus *Crassellius*.

## §. 3.

Ceterum duas plerumque succini species in officinis habemus, nempe succinum album, & flavum, quorum utrorumque Materialistæ diversa genera dividunt, nempe in totis selectisque frustis, in mediocribus ac elegantibus coralliiis s. globulis, in fragmentis, rasura ad præparandum, præparatum, tostum, & sic porro. Enimvero albumne, an flavum & pellucidum magis æstimandum, quæritur? communiter album putant esse optimum: Verùm *Ettmüllerus* suo in *Schræderum Collegio* pag. 934. docet, album colorem succino minus esse nativum, sed à sale marino proficisci; prout *Schræderus* jamdum ostendit, quod flavum facile reddi possit album, si in aqua falsa coquatur, ut propterea in Medicina & alias quoque flavum & pellucidum albo præferendum sit. Alii è contra aquâ falsâ vel marinâ succinum flavum non fieri album, sed magis pellucidum reddi dicunt, indeque succinum album jam in ipsâ terra hunc colorem obtinere, sicut magnum ejus frustum aliquot ante annos in Marchiâ è terrâ erutum fuisse Dn. D. *Spenerus* ad me scripsit. Quicquid sit, hoc saltem observetur, ne adulteratum sit, quod istud æmulatione ex gummi Arabico, cobaltho, & vitello ovi componere laborant. Qui dolus ex eo dignoscitur, quod verum succinum in magnis frustis veniat, & minutim incisum stramen, haud secus atque magnes ferrum, attrahat, quod æmulatione ex gummi compositum neutiquam præstat: ex parvis etiam, iis quidem rotundis, frustis constat, ut in *Pometi Histoire des Drogues Part. 3. Lib. 3. cap. 1. pag. 84.* licet videre.



## §. 4.

Plurimum ceteroquin succini in Austriam, Poloniam ac Venerias transvehitur divendendum, ubi magnò in pretiò habetur, præsertim in Lombardia, juxta Padum fluvium, ubi nulla ferè sexilis muliebris persona erit, quæ non unum aut plures funiculos, majoribus vel minoribus succini granis indutos, collo gerat, quoniam ob peioris notæ aquam catarrhis strumisque valde obnoxia sunt, quibus adversari succinum existimant. Alia quoque ornamenta, v.g. cultorum manubria, pocula similiaque inde conficiunt, quæ pro suâ magnitudine emuntur; inprimis frusta, quæ Naturæ lusu certas aliquas figuras exprimunt, pretiosa valdeque rara habentur, propterea nisi majori pretio non comparanda, de quo *Boëtius de Boot lib. cit. pag. 333.* videatur. In faciendâ Medicinâ succinum, ratione salis sui volatilil & olei balsamici, vi peculiari valet ad dissolvendam demulcendamque acerni balsamque lympham, ac propterea ad catarrhos indeque oriundos affectus curandos, quales sunt apoplexia universalis & hemiplegia, lethargus, vertigo, spasmus & convulsio interna, in quibus non crudum solum in externis suffumigiis, sed interne etiam istius præparata, nempe pilulæ de succino Cratonis, succinum præparatum, acidiusculum sal volatile, tinctura & oleum valde conferunt. Adstringentem quoque vim exerit in diabete, diarrhœis, hæmoptoë, & profluvio seminis, in quibus ita dicti trochisci de carabe multum utilitatis præstant, præsertim, quod aliqua narcotica istos ingrediuntur. *Kerckringius* partus abortivos isto mediante obduxit & condivit, ut per translucidum succinum eleganter videri potuerint.

## §. 5.

SUCCINI NIGRI s. FOSSILIS hic quoque faciemus mentionem, quod plerumque

GAGATES, sive *Bergwachs*

vocatur, nihilque aliud est, quam ex nigro splendens, valdeque durum bitumen, quod ita è terra effossum, & olim juxta fluvium istius nominis in Thracia fuit inventum, unde etiam LAPIS THRACIUS vocabatur. Hodie in Germania, Suecia, Hiberniâ atque Galliâ invenitur, ac de sententia quorundam pro specie carbonum fossilium habetur, quoniam multum ei bituminosi inest, unde etiam instar picis urit, crassumque fumum emittit. Eleganter niger,

splendens ac durus sit necesse est, si bonus vult haberi. Pauperes isto loco succini utuntur. In Medicinâ adeo non usurpatur, quanquam oleum exinde possit cogi, fere adeo bonum, atque succini oleum. *Boëtius* isto mediante ostendere sibi sumit, Virgine an deflorata muliebris persona sit? quæ si assumto cum vino pulvere, urinam continet, cum nemine concubavit: sin vero stuprum passa est, reddet urinam. Quod num infallibile sit, propria experientia confirmare nequeo: relata saltem refero.

## §. 6.

Aliud adhuc non dissimile arenosum bitumen habetur, quod

AMPELITIS (*Erd-Hartz*)

sive terra Ampelitis nominatur. Priori valdè simile est, præterquam quod non tam facile urat, nec adeo picem sedoleat, multo etiam facilius in assulas se dividi patiatur. In aliquibus locis in vineis circa juniores vites dispergitur, quoniam vermiculos, oculos exedentes, enecat. In Medicina istud simplex non adeo innotuit. Interim *Libavius* in *Tract. de Succino & Gagate* de hoc illoque pluribus potest legi.

## §. 7.

ANTHRACES (*Stein-Kohlen*)

ultimò etiam huc referendi, qui duram ex bitumine lapideque scissili substantiam habent, quæ nonnullorum opinione sedimentum vel matrix olei petræ est, ope ignis subterranei, fusione ab eo separata & depulsa. Id quod inde ferè videtur probabile, quoniam ejusmodi oleum exinde potest cogi, vulgari petroleo in omnibus simile, iisdemque præditum virtutibus. Maximam partem ex Angliâ proveniunt, quibus & coquant & hypocaustra calefaciunt, ast valdè noxium ac corrodentem fumum spirant, thoraci pulmonibusque vehementer infestum, qui procul dubio causa existit, quamobrem, auctore clarissimo Anglo *Williso* certo aliquò loco, Londini tertia pars hominum ex phthisi moriatur. Germani igitur per hyemem raro ibidem commorantur, præsertim qui imbecilli sunt thorace. In Saxonia inferiori circa Hildesheimium quoque interdum inveniuntur, ut *Lachmundus* in *Georgyaphia Hildesh.* testatur. Alias claustrariis fabrisque ferrariis ad conglutinandum ferrum conducunt, quoniam fortem calorem edunt, istumque diutius, quam carbones nostrates vulgares, conservant.

## CAPUT XIII.

DE

## COBALTHO, ARSENICO, AURIPIGMENTO ET RUSMATE.

## §. 1.

COBALTHUM officinarum nihil est aliud, quam cæsius vel fuscus pulvis, usque eò

venenosus & corrosivus, ut in nulla charta possit contineri: & quoniam muscas aliasque bestiolas enecat, à plebe muscarum & culicum pulvis



pulvis nominatur. E Saxonia venit, ubi in civitate metallicorum Johann Georgen Stadt, h. e. Johannis Georgii oppido copiosèustum, in amyllum cœruleum sive smaltam infumitur, vid. *Marxii Materialium Museum pag. 77.*

## §. 2.

Minera, è quâ Cobalthum uritur, metallorum fossoribus eodem venit nomine, & ab aliis quoque Zincum, ab antiquis Latinis CADMIA NATIVA, FOSSILIS & METALLICA nuncupatur. Cæsius albo sabulo interstinctus lapis est, argento rudi cinereo, (vulgò *Gülden Ertz*.) haud dissimilis, à Thuringis Mercatoribus sæpe advectus, & ad necandas muscas divendi solitus. Effoditur Cuprimontii, haud procul Goslariâ, vid. *Frid. Hoffmannus in Clavi Schræd. pag. 328.* Aliis videtur esse marcasita, ac minerale argenti particeps, quoniam interdum aliquid argenti inde cogitur, in aqua forti solvitur, calcemque cœruleam suppeditat, ut *Dn. D. Bohnius in collegio experim. Phys.* colligit; quapropter *Schmuckius in Secretis suis Chym.* mercurium, tandemque argentum exinde prolicere studet: qui tamen processus à *D. Ettmüllero* pro falso habetur, quod cobalthum ob volatilitatem paucillum relinquit, ut in ejus *Comment. in Schræderum pag. 894.* licet videre: ubi etiam processum, quâ ratione cobalthum è minera sua uratur, ita describit: Sumitur supradicta cobalthi minera pulverisata, quam lotam iterato terunt. Post calcinatur in furno pulvis, quo arsenicum, cujus etiam minera audit, fumo evolet; quod post calcinationem remanet, de integro contunditur, cobalthum nominandum. Ejus usus est, ut ad smaltam sive colorem cœruleum sumatur, ac vulgò cum lacte permixtum museis edendum exponatur, quæ simul ac quid suxere, moriuntur. In Medicina necquicquam prodest, quanquam nonnulli remedium adversus epilepsiam inde componere sibi sumant, quo tamen neutiquam indigemus, tutioribus medicamentis instructi.

## §. 3.

Quod verò supra memoratum & à cobaltho sub forma fumi abscedens

## ARSENICUM

attinet, in NATIVUM & FACTITIUM distinguitur, quorum illud ita in metallifodinis reperitur, istud vero certa arte sublimatur. Cujusque in materialium museis tres habentur species, nempe arsenicum album, flavum & rubrum, de quibus nunc in specie agendum.

## §. 4.

Arsenicum album plerumque murium gliumque virus audit, & in albis habetur frustis, iis quidem extrinsecus obscurè albis, instar calcis, intrinsecus vero vitri albi adiunctis apparentibus, simul acri ac exedente sapore præditis, quæ vel ab igne subterraneo naturaliter è cobaltho

ita sublimantur, prout interdum, sed perrarò, ex fodinis æris eruuntur, vel arte ita præparantur. Nativum perrarum est; omne contra quod in officinis ac materialium museis invenitur arsenicum album, factitium est, adeo, ut eam in opinionem *Schræderus* venerit, non dari nativum, quo ipso tamen à vero discessit.

## §. 5.

Unde verò & qua ratione præparetur, multis præsertim extraneis adhuc ignotum est, id quod Gallia: Aromatarius *Pometus* in *Histoire des Drogues Part. 3. Lib. 2. cap. 27. pag. 67.* ingenuè confitetur. Quidam existimant, ex auripigmento cum sale communi sublimari, quod etiam *Sam. Dale* in sua *Mineralog. pag. 53.* statuit. Hic verò proverbium obtinet: verte & fiet calceus, quoniam auripigmentum ex arsenico, nec verò hoc ex illo constat, quod *Pometus* ex pretio potuisset judicare, quod arsenicum quàm auripigmentum multo vilius est: mirorque *Dn. D. Hoffmannum* in *Clavi Schræd.* id ipsum quoque statuisset, qui cæteroquin notitiam mineralium ac metallorum scriptis suis vehementer auxit. Quamobrem *Kunkelius*, inclytus Saxonum Chymicus, temperare sibi diutius non potuit, quin veram præparandi arsenici rationem detegeret, quando in elegantibus suis *annotationibus in Neri artem vitrariam pag. 59.* ostendit, istum fumum, qui sub primâ cobalthi calcinatione evolaverat adhæseratque, de novò in peculiari furnò, è catinis esse sublimandum, ubi demum arsenicum ferreis ac operculo tectis canalibus adhæret, de quibus verum arsenicum in ejusmodi crassis frustis, qualia apud Materialistas habentur, decutitur, quæ quo majora, eo censentur meliora.

## §. 6.

Istud arsenicum unum venenorum periculosissimum est, quod quantitate perexiguâ ad enecandum hominem valet, proptereaque semper pro lethifero habetur, ut in *Pandectis nostris Medico legalibus Part. 2.* videre est. Quamobrem in omnibus fere Medicinalibus legibus Germaniæ cautum est, ut ne indiscriminatim vendatur, & ut emtores testimonium à magistratu habeant, aut personæ suæ relinquant certitudinem, adeò, ut ob istam rationem, vi regii edicti in Gallia, solus Pharmacopola vel ipse Materialista ejusmodi venena (quæ semper inclusa servanda) non verò famuli & discipuli vendere teneantur, ut *Pometus* in *Histoire des Drogues Part. 3. Lib. 1. pag. 18.* commemorat. Plurimam istius partem infectores ac rustici consumunt, ad glires muresque enecandos, quod tamen non semper adeò tutum aut consultum est, dum ejusmodi bestiolæ istud per vomitum in frugum acervos exspuere, & hoc modò magnum inferre periculum possunt. Chymicis quoque in usu est, qui isto mediante cuprum, tanquam argentum, dealbare solent. Sunt, qui arsenicum, tanquam medicinam, internè adversus asthma



asthma & phthisin usurpare sibi sumunt; verum quam periculose, quam inutiliter, docet *Ettmüllerus loc. cit. pag. 926*. Pessimò etiam consilio loco antifebrilis à Medico quodam Saxónico Magnatibus datum fuisse, alibi ostendimus. Nec obstat Circumforaneos illud impune devorare: cum ante ejus assumptionem prius Lac aut Oleum copiosum deglutire & mox Vomitorio ad illud ocyus rejiciendum uti soleant, ut stupidæ plebeculæ fucum faciant; quamvis illud morte subinde luant. Quidam tempore pestifero amuletum inde conficiunt, quod venenum attrahat; verum nec hoc adeò tutum consultumque esse, Medicus Gallus, *Guibertus*, multis rationibus ostendit, creditque, ex intelligentia vitiosa & ignorantia Arabicæ linguæ, in quâ per vocabulum Sandarach (quo Græci arsenicum rubrum indigitant) cinamomum significetur, ortam opinionem esse, ut in ejus *Medico Charitat. disc. de Peste pag. 563*. legere licet. Quapropter loco arsenici rubri ita dictus Magnes Arsenicalis *A. Sala*, & aliquod inde compositum emplastrum in bubonibus pestilentialibus debet usurpari, quæ utraque in *Zwelferi & Moysis Charas* scriptis describuntur. De Butyro Arsenicali, Regulo ○○ & similibus videatur *Ettmüllerus l. c.*

## §. 7.

Flavum arsenicum nihil aliud est, quam  
AURIPIGMENTUM,

similiter vel ex Saxonice metallifodinis erutum, vel arte præparatum, prout vel ab Natura sub terra è cobaltho & sulphure, aut ex priori arsenico cum sulphure flavo artificiosè sublimatur, quorum prius quoque REALGAR, & ab Italis RISIGALLO vocatum fuit. Varium est, ac nonnunquam perpulchrum, purum, flavumque ac splendens instar auri invenitur, quod si magnis in frustis & friabile est, habetur pro optimo. Plerumque ex Austriâ, Viennâ & Veneriis venit, ut *Marxius* in suo *Materialium Museo pag. 30*. meminit. Interdum durum est, lapidosum ac arenosum, rubris vel viridibus lineis interstinctum, id quod rejiciendum, auctore *Pometo*

*loc. cit. pag. 66*. Quamobrem Materialistæ plerumque duo genera, commune & purum, utraque verò vel integra vel pulverisata circumvehunt. A pictoribus ac parietum incrustatoribus in flavum viridemque colorem insumitur, quorum ultimus ex Indico & auripigmento constat. In Galliâ, teste *Pometo*, ligneos pectines isto mediante flavos tingunt, quò buxer appareant. Pro Medicina Mulo-Medici uruntur, quidam etiam Medicorum psilothron medicamentum inde præparant, similiter periculosum, essetque optandum, ut illius mineræ, quam Turcæ istum in finem usurpant, & ab iis

## RUSMA

vocatur, nobis daretur copia, quæ in Galatia inventa, ferri-scoriis perhibetur haud dissimilis, de quo sæpè memoratus *Pometus Lib. cit. pag. 65*. legendus.

## §. 8.

Rubrum adhuc arsenicum,

## SANDARACHA

Græcis Medicis dictum, restat, quod nominis Arabes interdum cinamomo, plerumque vero gummi juniperi imposuerunt. Quapropter *Simon Paulli* in *Quadripartito Botanico pag. 53*. fideliter hortatur, ut ad evitandum quemcunque errorem periculosum, in pharmacopolis id nomen soli arsenico rubro relinquatur, gummi juniperi vero simpliciter gummi juniperinum vocetur. Mineralis autem sandaracha in obscurè flavis rubellisque frustis, iis quidem acribus & corrosivis, affertur; quæ vel ita in terra inveniuntur, vel ex arsenico, aut aliqua alia minera, cobaltho haud dissimili, *Kupffernickel* dicta, cum sulphure vulgari sublimantur; quapropter arsenicum rubrum etiam sulphur rubrum, sulphur igneum, & rubrum auripigmentum vocatur, vid. *Ettmüllerus loc. cit. pag. 925*. Alii existimant id ex arsenico flavo, diutius in igne detento, generari, quod tamen sæpe laudato *Pometo*, omni opera id probanti, non successit. Ejus usus pictoribus notus est, quibus ad præparandum certum aliquem colorem conducit.

## CAPUT XIV.

## DE

## SAFFRA, SMALTA, MAGNESIA ET PERIGUEUR.

## §. I.

SAFFRA, ZAFFERA, sive secundum Metallicolas *Zosloer*, subcœruleus mineralis lapis est, quò vitro & vulgo vocatis murrhinis seu porcellanis vasis cœruleus color conciliatur; quem propterea Batavi valde conquirunt, quò

istum porro in Galliam, Angliam, locosque alios mittant divendendum. Ab sapphiro, cœrulea gemma, ob coloris similitudinem id nominis obtinet.

## §. 2.

Qualis hæc saffra lapis sit, & unde proveniat, scire Extranei magno studio cupiunt, ut ex *Arthuri*



*thonii Neri Itali arte vitraria*, & ex appositis annotationibus doctissimi Angli *D. Merreti* pag. 265. videmus, ubi etiam *Cardani*, *Cesalpini*, *Al-drovandi* & *Ferd. Imperati* opiniones recensentur, qui tamen omnes rem minime tetigerunt. Multo minus sapius allegato *Pometo* est assentiendum, Saffram Indiæ Orientalis esse mine-ram, Suratô advectam, existimanti, ut ex *Ejus Hist. Simpl. Part. 3. Libr. 2. pag. 65.* apparet. Omnium minimè veritati accedit *Sam. Dale*, cui in *Mineralogia* pag. 70. saffra flos esse vide-tur sublimatus. Qui omnes ut è somniô qua-si excitentur, *Kunckelius*, clarissimus iste Ger-manix Laborator, in *arte vitraria exper. pag. 57.* nullo absterri se tædio passus est ab re ista fi-deliter clareque describendâ. *Schneebergæ* sc. Misniæ oppido mineralis quidam lapis è terra eruitur, cobalthum Metallurgis dictus, quoniam nequicquam laudabilis metalli suppeditat, præterquam quod centenarium pondus sapius det semunciam, plerumque ve-rò nihil contineat. Istud cobalthum primum in furnum huic rei accommodatum, (cujus delineatio illic sub lit. B. apparet,) abjicitur, qui pistorum furno similis & ita exstructus est, ut lignum vel flammans ignis super cobaltho se unire possit. Simulac nunc ignescere inci-pit, albus fumus inde prodit, qui in edificio ligneo, ei rei aptato, cui ubique adhæret, ex-ceptus, porrò in arsenicum præparatur, ut ali-bi fuit ostensum: relictum, ad fumandum in-eptum, & tostum cobalthum, in accommo-data molâ trusatili teritur, tunc denuò calci-natur iterumque teritur minutissimè, per an-gustum cribrum (quod de loco suspensum fluctuat, & alias satis munitum est, ne pulvis exeat) trajectum, asservatur. Cobalthi fari-næ partem unam, cum duabus aut pluribus partibus subtiliter tritorum silicum (quos Me-tallurgi *Quartz* vocant) permiscet, mista humectant, vasisque intrudunt, quæ massa tam dure firmiterque insidet, ut lapis videatur, adeo, ut, postquam diu fuit impacta, fer-reis cuneis sit discutienda. Arena in Misniâ propterea saltem additur, ut ne in aliis regio-nibus smaltam cœruleam æmulando confi-ciant.

## §. 3.

Hæc ita præparata materia Batavis aliisque nationibus transmittitur, ZAFFERA vocata, cujus duæ apud Materialistas inveniuntur species, integra nempe, & in pulverem reda-cta, quarum illa optima, hæc vulgaris habetur, sine dubiô, quoniam majori arcæ copiâ vitiat, proptereaque redditur gravior, quam integra, ut *Pometus l. c.* conqueritur. Utraque eleganter cœrulea sit, & quoniam pulverata alia ratione probari nequit, Materialistæ prius opificibus istam probandam tradere coguntur, quam illam emant, vid. *l. c.*

## §. 4.

Usum Zafferæ statim initio commemora-vimus, quod scilicet in officinis vitrariis, ubi magna ejus copia consumitur, ad concilian-dum vitris cœruleum colorem usurpetur. Ba-tavi isto mediante porcellina vasa pingunt, quorum multa etiam Hanoviæ conficiuntur & ubique venduntur locorum.

## §. 5.

De colore cœruleo supra memoratô ut pauca adhuc dicamus, à pictoribus

## SMALTA,

& à lotricibus Cœruleum (*die Blæbe*) dicitur; cujus præparatio non minus extraneis ignota est. Supradictus *D. Merretus* in *annotat. suis* pag. 294. scribit, ex relatione Vitriarii, qui istius præparationi ipse adfuerit, sibi constare, quod ex zafferæ & cineribus saponariorum, iteratâ calcinatione, componatur. *Pometo* videtur esse vitrificatio, ex saffra, arena, soude d'alican & cinere clavellato constans, ut ex ejus *Histoire des Drogues Part. 1. Lib. 5. pag. 170.* apparet. Sed uterque à veritate alieni sunt, dum smalta non ex saffra, sed hujus matre, to-sto sive calcinato cobaltho præparatur, quod admista certa arenæ & cineris clavellati parte in obscurum & cyaneum vitrum funditur, valde subtiliter pulverandum, certaque in mola inter duos valde duos lapides in fari-nam terendum, quo deinde lavetur, ac in distinctas species, quarum una altera semper melior sit, dividatur ac ponatur. Hujus in-signis mercatura est, Misniæ Saxonixque mul-tum profutura; quamobrem Præfectis, seu, ut audiunt, Factoribus rudis cobalthi vendi-tio seriô prohibita est, ut ne cœruleum alibi componere discant, magno redituum regionis detrimento. Ceterum qui purum cobalthum desiderat, (cujus una pars plus, quam tres aut quatuor zafferæ, præstat) ex Misnia ma-gnô pretiô redimendum petat necesse est. vid. *Kunckelius l. c.*

## §. 6.

Hæc smalta, quando primùm in vitrum redigitur, ut plurimum regulum deponit, quem operarii pastam, *die Speise*, vocant, qui iterum cœruleum vitrum, & fortasse smaltam dat vilissimam. Vulgaris in sortis vel mista vocatur, præterquam media habetur & ele-cta, ea quidem valdè tenera verèque cœru-lea; quanquam Batavi aliquam optimarum habeant, eamque pallidam, sed valde puram & Ultramarino fere similem, unde etiam Gal-li eandem *Ultramarin commun*, ou d'Hollande vocant. vid. *Pometus pag. 170.*

## §. 7.

Smaltæ usus omnibus sæminis notus est, quâ alba lintea subcœrulea reddunt, & amyli alborem alterant. Pictoribus quoque ac pa-rietum



vietum dealbatoribus in usu est; certo porro colori, quo oves signantur, miscetur, & in tabulis venditur, vulgaris Indici titulo, de quo legatur caput de Indico.

## §. 8.

Quoniam nonnulli hactenus descriptam Zafferam cum

## MAGNESIA

confundunt, hæcque cum priori eundem fere usum in arte vitraria præstat, paucis illius faciemus mentionem. Nihil est aliud, quam nigricans minera, §io haud dissimilis, sed magis friabilis, exiguisque lineis donata. E Pedemontio in diversæ magnitudinis frustis venit, & quidem duplicis conditionis, quarum una cæsia valdeque rara, altera nigricans instar magnetis, unde etiam nomen obtinet, observatur; quæ tunc bonitatis meretur laudem, quando eleganter splendens teneraque est, ac parum lapidosi continet, de quo vid. *Pometus cit. loc. pag. 64.*

## §. 9.

Magnesia usus depurgando vitro dicatus est, cui viridem cæruleumque colorem detergit, ut summo jure sapo depurgandi vitri vocetur. Quando enim vel tantillum magnesiæ fuso vitro miscetur, ab omni peregrino co-

lore istud liberat, vitrumque præstat clarum; sin vero nimis multum sumitur magnesiæ, vitrum purpuram induit, de quo *Merreti annotationes in Libr. I. Artis vitrariæ Neriana pag. 208.* merentur legi.

## §. 10.

In Misniæ mineris crescit quoque magnesiæ, quæ idem illud est, quod vitrarii fuscum lapidem (*Braunstein*) vocant, ac similiter vitri sapis est. Alia quoque è Bohemia venit. Utræque valde æquo habentur pretio, ac Pedemontanæ virtute non sunt deteriores, ut propterea Germani Pedemontana possint carere, uti *Kunckelius in Notis suis in Artem vitrariam Neri pag. 55.* fusius ostendit. MAGNESIA ALBA, è lixivio nitri paranda, huc non spectat, de quâ alibi.

## §. II.

Tandem in Galliâ aliud adhuc haud dissimile minerale habetur,

## PERIGUEUR

dictum, quod ex nigrô gravique lapide constans se non facile pulverisari patitur; ex Delphinatu Angliâque venit, & à figulis atque gemmariis usurpatur, ut *Pometus* istum l. c. describit.

## CAPUT XV.

## DE

## GEMMIS.

## §. I.

GEMMÆ vehementer duri ac partim pelucidi, partim opaci, sed tamen eleganter tincti lapides sunt, quorum illi ex clarâ aquâ, hi vero simul ex terrestribus vel metallicis corpusculis, à spiritu lapidifico generantur, quemadmodum Anglorum decus, *Boyleus*, in suo de *Gemmarum origine* specimine, accurate demonstravit. Utrique maximam partem ex Orientali & Occidentali India veniunt, ut & Bohemia aliisque regionibus, è quibus priores semper meliores carioresque sunt, sicut de istorum dignotione ac pretio *Boëtius de Boot* (qui ad indagandam hanc materiam olim omnium Cæsarum Regumque aulas & thesauros perlustravit) in *Tract. suo de Gemmis*, & *Kunckelius* in *Epistola de natura, distinctione & bonitate Gemmarum*, merentur laudari. Quemadmodum verò rudes Orientales Gemmæ effodiantur ac vendantur, in *Appendice libri post Indiam nostram literatam* docebitur.

## §. 2.

Commodè in genuinas & spurias dividuntur, quarum ultimæ vel natura ita crescunt,

utpote fluores metallici, in metalli-fodinis reperiundi, à veris (quibus alias diaphaneitate & colore sæpe usque eo similes sunt, ut etiam prudentissimi in iisdem distinguendis possint errare) in eo facile distinguuntur, quod in igne fluant: Vel per artem è crystallo & vitro componuntur, qua de re supra allegatus *Kunckelius* præ ceteris accurate agit.

## §. 3.

In usu verarum gemmarum, præter ceteros, *Helmontius Tract. in verbis, herbis & lapidibus magna latet vis*, multum ponit fiduciæ; verum si secundum veritatis lucem expendamus omnia, plurima superstitioni videntur innixa, id quod non solum *D. Ammanus* in suo de *Mat. Med. libello*, sed etiam junior Dominus *Spenerus*, olim Professor Halensis, in *disp. inaug. de usibus Gemmarum superstitiosis*, publice demonstravit. Sed Mundus vult decipi, qui nullam fere medicinam pro efficaci habet, quæ non auro gemmisque superbiat; quanquam pro istis sæpe lapides cancerorum conchæque deglutiantur, siquidem minimi saltè lapides & fragmenta gemmarum ad medicinam sumun-



sumuntur, electis ad ornamenta summè elegantibus.

## §. 4.

Quamvis quinque saltem ita dicti lapides pretiosi, Granatus, Hyacinthus, Sapphirus, Carneolus & Smaragdus in Pharmacopoliis plerumque usitati sint; consultum tamen judicavimus, ceterorum quoque paucis facere mentionem, inter quos

## ADAMAS

durissimus, ponderosissimus ac clarissimus est, cujus immane pretium partim apud supra dictum *Boëtium* reperitur, partim etiam inde colligitur, quod anno 1697. d. 17. Febr. Venetiis in *novellis ordinariis* sequentibus verbis scribebatur: Adamas, quem Armenianus hic loci 36000. ducatis vendidit, ab artificibus nostris politus, ferè dimidium imperialem latus est; & quoniam talis in omnibus Europæ aulis non habetur, iste adamantum monarcha (qui 80. Karat pondus habet) 200000. ducatis æstimatur: Id quod tamen de vere Orientalibus saltem est intelligendum. In Bohemia quoque multi, sed viliores adamantes, alique lapides pretiosi inveniuntur: quamobrem Itali, Galli ac Judæi istuc concedunt, quo istos conquirant, quoniam bubulci sæpe lapide vaccam petunt, ipsa vaccâ cariorem, ut *Balbinus* in *Histor. Nat. Bohemia Lib. I. cap. 29.* commemorat. Num verò in Medicina aliquem usum præstet, Medici in utramque partem disputant. Nonnulli nocivum, si non venenosum, esse credunt, qui intestina lædat, ac dysentericæ existat causa, interne assumtus, auctore *Sennerto* in *Paralip. pag. 130.* Alii contra, inter quos *Wormius* est in *Museo pag. 103.* pulverisatum adamantem isto in morbo pro medicina habent. Quos *Ettmüllerus* inter se componit, verè lævigatum minutissimeque pulvetisatum adamantem utilem, asperum verò ejus pulverem nocivum existimans, ut in *Comment. ad Schræd. pag. 787.* videndum. Isto tamen commodè carere possumus, quod lapides cancerorum idem illud, imo plus præstant. E quibus innotescit, fabulam esse, quod adamas non diffingi aut contundi, sed saltem in sanguine hircino emolliri possit.

## §. 5.

Multa quoque de

## CARBUNCULO,

quem nocte splendore, rubellosque radios emitte perhibent, dicuntur. Enimvero nec quisquam ejusmodi lapidem vidisse se profitetur, ut *Boëtius* de *Boot l. c.* ingenue notavit. Quamobrem nonnulli vel Rubinum, vel Granatum, alii vero quascunque rutilantes gemmas ita vocant. Adversus carbunculos pestilenciales commendatur, circa istos dispergendus.

## §. 6.

Sequitur itaque

## RUBINUS,

lapis pellucidus, coloris eleganter coccinei, eoque melior, quo est rubicundior. Aliquid vero flavi repræsentans, granatus vel hyacinthus esse judicatur. Ex Insula Zeilon venit, pro cuius magnitudine majus etiam est pretium; ego sanè certam summæ conditionis stirpisque Personam novi, Rubinum nudè firmatum (*frey gefast*) albi vel grossi magnitudine, in fronte gerentem, pro quo alia similis stirpis Persona quinquagies mille imperiales obtulit. In morbis sive febribus venenatis pro confortante medicina habetur, ingrediturque electuarium de gemmis, in ejusmodi morbis utile judicatum.

## §. 7.

## GRANATUS

similiter pellucidus, & instar succi pomi granati rubens lapis est; majores granat, ex Oriente & Æthiopia, minores, sed duriores & elegantiores, è Bohemiâ veniunt, imò & Friburgi inveniuntur. Quinque medicinalibus gemmis annumerantur, & pro confortante remedio, quod tristitiam ab homine arceat, habentur. Sunt, qui tincturam exinde præparant, in dysenteria laudatam. Magisterium nequicquam profutura calx est.

## §. 8.

Ruborem aliquantum clariorem habet

## HYACINTHUS,

diaphanus, colore ex aureo rubens lapis, ignisque flammam imitans; quanquam quidam coccinei sint coloris, quos Galli Hyacinthes les Belles vocant, ac pro optimis habent. In India ac Æthiopia reperitur, quamvis etiam in Bohemiâ crescat, colore vitro & ii haud dissimilis. Internè externeque contra pestilentiam aliosque morbos contagiosos commendatur, quapropter etiam confortans electuarium, confectio de Hyacintho vocatum, admistis simul aliis pretiosis simplicibus, exinde componitur, quod ex flavedine rubens recensque, ac legitimæ esse consistentiæ oportet, si pro bono vult æstimari. Et quoniam magno cum dolo sæpe præparatur, id demus operæ, quo ab ingenuis Materialistis ac Pharmacopolis, neutiquam vero à Circumforaneis ematur; melle, bolo ac metallo istud imitantibus, ut *Pometius* in *Hist. des Drogues Part. 3. Lib. 4. pag. 99.* manifestat. Habetur cum moscho & ambra confectio completa, ac sine istis incompleta, quoniam foeminæ priorem non semper possunt perferre.

## §. 9.

Porrò ad rubentes lapides pertinet

## AMETHYSTUS,

quæ diaphana est, & colorem florum persicorum repræsentat: cui ex India Arabiaque venienti, Bohemica neutiquam similis est. Præter usus supersticiosos ad arcendam ebrietatem ac melancholiam adhibetur, cæteroquin Medicina nulum



lum ejus usum agnoscit, & n̄ magnis è frustis  
constet, non magni penditur, juxta Gemma-  
riorum & Judæorum proverbium: *Amethist,  
läst den Mann wie er ist.*

## §. 10.

Rubentes gemmas sequitur cœrulea,  
nempe

## SAPPHIRUS,

pellucidus, cœruleus visuque jucundus lapis,  
insigni, eaque adamanti valdè prope acceden-  
te duritie; unde est, quamobrem albidæ sapphi-  
ri pro adamantibus habeantur ac vendantur.  
Optimæ ex Oriente, viliores è Bohemia Sile-  
siæque veniunt, imò & in Hassiâ nostrâ repe-  
riuntur, prout plures in *Museo meo* servo; in cu-  
randis carbunculis pestilentialibus usurpan-  
tur, in circulum circa istos ductæ: quo etiam  
modo in ophthalmia & defendendis à variolis  
morbillisque oculis usurpantur, de quo *Ett-  
müllerus in Comment. Schrad. pag. 789.* videndus.

## §. 11.

## SMARAGDUS

contra pellucidus viridisque lapis est, qui ruti-  
lantibus & splendidis radiis, frigore in ore per-  
petuò durante, gravitate ac duritie dignoscit-  
tur. Scythicus semper pro optimo habitus  
est, quanquam Bohemico sit minor; istum  
quoque arte imitari student. Instar rerum  
quarumcunque viridium oculos recreare, pa-  
voribus ac epilepsiæ mederi dicitur, quam-  
obrem lapides ad pavores infantum exinde  
conficiuntur. Alii in dysenteria quoque aliis-  
que morbis commendant, de quo *Boetius l. c.*

## §. 12.

Omnes priorum colores

## OPALUS

continet; rubini ad instar subtilem igneam-  
que flammam evibrans, simulque eleganter  
purpureo marinoque colore, in modum ame-  
thysti ac smaragdi, interstinctus, propterea-  
que à nonnullis lapidum pretiosorum habitus  
pulcherrimus, ac per artem præparari nescius.  
Indiæ Hungariæque soboles est; in lypothymia  
ac melancholia laudatur, sed raro usur-  
patur.

## §. 13.

## TOPASIUS

similem in modum varios permixtos colores  
habet, quæ pellucidus lapis est, colore pallide  
viridi, eam de se excitans opinionem, quasi  
admistum aliquem flavum colorem habeat.  
Quando verò ex flavo viridis est, chrysopra-  
sius vocatur. In Arabia inveniuntur, summe-  
que elegantes dimidio adamantis pretio ve-  
neunt, ac nonnullis adversus melancholiam  
& fascinum laudantur.

## §. 14.

Nonnunquam cum

## CHRY SOLITHO

confunditur, quod nominis Veteres topasiò  
imposuerunt, hodiè verò chrysolithus longè  
alius, clarus nempe ac pellucidus lapis est, au-  
reò colore tanquam splendore solis superbiens,  
prætereaque valdè durus. In Æthiopiâ inve-  
nitur melior, cum reliquis viribus conveniens.

## §. 15.

Inter opacos & aliquantulum pellucidos  
lapides

## JASPIS

valdè celebris est, hinc inde rubellis viridibus-  
que maculis insignitus; in hæmorrhagiâ ti-  
mendoque abortu laudatur: quanquam alia  
istius species, dicta

## LAPIS NEPHRITICUS,

crebriori in usu sit, qui ex cœruleo viridis &  
instar talci vel pinguedinis tactu pinguis lapis  
est. Ex Indiâ allatus id gerit nominis, quoniam  
pro certo remedio contra dolores nephriticos  
divenditur, quos etiam saltem extrinsecus ap-  
plicatus, si bonus est rectusque, certo curare  
perhibetur; id quod haud ita pridem *Dn. Pe-  
tersen*, celebris Materialista, Francofurti ex-  
pertus est, apud quem valdè magnum rarum-  
que lapidem Nephriticum, prætereaque alios  
quamplurimos ejusmodi lapides politos im-  
politosque vidi. De collò suspensus, aut loco  
armillæ applicatus, vel femori alligatus, con-  
tinuo sedare dolores dicitur, vid. *Wormius in  
Museo*, & *Casp. Bartholinus in peculiari Tract. de  
lapide Nephrit.* Probè tamen videndum, ut ne  
vitiatus sit, dum quidam impostores viride  
marmor, MALAQUITTE vocatum, pro isto  
divendunt. Internam quoque medicinam,  
nempe liquorem & magist. nephriticum in-  
greditur, de quo *Hoffmannus in Clavi Schrad.  
pag. 154.* videatur.

## §. 16.

È gemmis prorsus opacis ac saltem tinctis  
TURCOIS, CARNEOLUS, SARDA &  
SARDUS adhuc restant, quorum prior lu-  
cide cœruleum colorem habet, & externe con-  
tra casum, posterior carneum, & contra quas-  
cunque hæmorrhagias commendatur: quan-  
quam hodiè maxima pars ad conficiendâ sigil-  
la usurpetur,

## §. 17.

Unus adhuc opacorum minusque pellu-  
cidorum lapidum meretur commemorari,  
nempe Gallorum lapis ocularis, juxta Gratia-  
nopolim repériundus, proptereaque

LA PIERRE PRETIEUSE DE GRÉ-  
NOBLE

vocatus. Parvus valdeque lævis ac depressus  
lapillus est, figura ac colore lenti haud dissimi-  
lis, qui, ut apud nos perlæ, isthic oculis inge-  
ritur; si forte ex improvise pulvisculus vel  
festuca inciderit. Aliquot ejusmodi lapillos  
ab amico communicatos Museum nostrum  
asservat.

E

CAPUT



CRYSTALLO, LAPIDE SPECULARI ET  
GLACIE MARIÆ.

## §. 1.

**C**RYSTALLUS candidè clarus, pellucidus, necadeò durus lapis est, instar glaciei ( unde in lingua Græca nomen habet ) apparens. Hinc & inde in Europa, in Alpibus, Bohemiâ, Hungariâ, plurimisque locis aliis reperitur, ac sine dubio è clara aqua lapidifica generatur, quod in medio nonnunquam aquæ guttam exhibet, ut *Dn. D. Bohnius* in *Collegio Physico Experimentalis*, Lipsiæ habito, testatur.

## §. 2.

Equidem omnes pellucidæ mollioresque gemmæ id commune nomen habent, quarum tamen præcipue species hucusque fuerunt observatæ, nempe 1. prorsus clara crystallus, glaciei similis, **CRYSTALLUS MONTANA** vocata. 2. Hexagona, *Iris* dicta, quoniam iridis adinstar distinctos colores repræsentat, oculis visuique obtenta, haud secus atque vitra triangularia, prismata Opticis nominata. 3. Flavesceus, & 4. semiorunda, quæ subtus depressa, superius fornicata, proptereaque ut vitrum causticum usurpanda, ob duritiem, qua ceteras antecellit, pro optima crystallo habetur, **PSEUDO-ADAMAS** vocata, quod *Boëtius Lib. de Lap. pag. 179.* ex istoque *Wormius in Mus. pag. 100.* fufius demonstrat; præter quos ea de re etiam *Erasmus Bartholinus* in peculiari, quem ista super re scripsit libro potest consuli.

## §. 3.

Quod ad ejus attinet usum, non multa solum vasa pretiosa, ut scutellæ, vitra, falsæ gemmæ similiaque exinde conficiuntur, sed in Medicina aliquo etiam in usu est, quæ refrigerantem adstringentemque ei virtutem adscribit. Quamobrem non tantem in febribus continuis integra crystallus sub lingua ad sedandam sitim, & in manu adversus calorem continetur, sed in dysenteria quoque ceterisque alvi ac uteri fluxibus pulverata prodesse, ac lactantibus lac augere perhibetur. Porro tanquam alexipharmacum commendatur adversus  $\text{ῤ}\text{ῥ}\text{ῶ}\text{ῖ}\text{ς}$ , quanquam ei soli non habenda fides sit, sed alia oleosa, lac similiaque sint jungenda. Quoniam vero maxima ejus vis in eo sita est, ut acidos humores stomachi ac intestinorum temperet absorbeatque, in pulverem trita meo judicio melior est quam cetera inde præparata salia, magisteria, olea, tincturæ, quæ apud *Schræderum* ejusque interpretes *D. Hoffmannum* ac *D. Ettmüllerum* reperies.

## §. 4.

A Crystallo colore ac diaphaneitate ita dictum vitrum Moscoviticum & glacies Mariæ non multum differunt, quæ bina à plurimis Physicis confusa pro eadem re habentur, primo tamen intuitu valde diversa apparentia, quoniam glacies Mariæ in multas laminas facillime dividitur, tactuque talcum imitatur, quæ utraque in vitro Moscovitico, sive lapide speculari, non observabis. De utrisque igitur agemus in specie.

## §. 5.

## LAPIS SPECULARIS

albus, extrinsecus crassus & inæqualis, intrinsecus coloribus interstinctus ac splendidus lapis est, qui luci obtentus paulum perlucet, copiose è Moscoviâ venit, unde etiam *Ryschglas*, quasi Russorum vitrum, vocatur; quamvis in Hispania quoque & alibi reperiatur. In Medicina nullum præcipuum usum habet, nisi quod ex eodem calcinato pulvis ad dealbandam foeminarum faciem possit præparari.

## §. 6.

## GLACIES MARIÆ

contra depressus, simulque albus, & instar glaciei pellucidus lapis est, in multas tenues bractæas & folia divisibilis, quæ loco vitri ad fenestras possunt usurpari, ut in quibusdam templis videntur. Recepta superstitio est, Divam Matrem ejusmodi vitrum habuisse, ut propterea Mariæ vitrum vocetur: & quoniam luna aliæque res in hoc lapide se repræsentant, **SELENITES** quoque olim dicebatur, indeque vulgaris, sed falsa profecta crediur suspicio, quod pro lunæ motu accrescat decreseatque. Plerumque in oblonga & quadrangulâ crescit figura, tanquam rhombus, ut ex ejus delineatione in *Museo Mus. German.* apparet, ubi simul Achates selenites sistitur.

## §. 7.

Quorundam opinione Alumen Scajolæ nihil esse aliud videtur, quam glacies Mariæ: Inter quæ tamen id intercedit discriminis, quod licet utraque in tenues lamellas facile dividatur, prius tamen multo durius sit posteriori, nec adeo pellucidum, antequam divisum fuerit. Præterea solo tactu notatur discrimen, dum glacies Mariæ multo tenerior, & fere instar talci deprehenditur, quæ causa est, quamobrem à multis pro glacie Mariæ veneat.

## §. 8.



## §. 8.

De ejus qualitatibus id notandum, quod in Medicinâ internè in difficili partu, & expellendo foetu mortuo usurpetur, quem in finem cum borrace, myrrha similibusque præscribitur; ob quam vim vehementer pellentem fluxum mulierum menstruum maturare aptum natum. Externè similiter ad infucandam faciei cutem adhibetur. E lamellis Moniales varia ornamenta componunt, ac plerumque imaginibus inster-

nunt, rebusque sanctis. Certum quendam curiosum mihiq; notum amicum magnum speculum causticum exinde præparare voluisse scio, dum cavum confecti è gypso orbis latus ejusmodi glaciæ voluit replere. Quod opus nun perfectum sit, de eo hucusque non sum certior factus. Ad minimum credendum est, ejusmodi speculum pari radios Solares vehementia reflectere posse, quam metallicum aliquod speculum causticum.

## CAPUT XVII.

## DE

## MAGNETE, HÆMATITE ET SMIRIDE.

## §. 1.

MAGNES ex nigro cassius, durus, nec tamen adeo gravis lapis est, vulgari loquendi modo ferrum ad se trahens, ac constanter polos respiciens. Copiosè in Joachimi valle, ac Schneebergæ Misniæ, circa ferri fodinas, reperitur, quamobrem etiam Græcorum lingua SIDERITIS vocatur; quanquam in Galliâ in cacumine turris magnes quoque repertus fuerit, de quo *Dn. Vallemontius* curiosum tractatum conscripsit, vid. *Pometus in Hist. Simpl. P. 3. l. 2. pag. 6.*

## §. 2.

Differentia hujus lapidis partim ab Regionibus, è quibus venit, desumitur, quem tamen etiam color distinguit, dum optimus ex Æthiopia advectus, niger, sed perrarus est. Chinæ Bengalæque Indiæ Orientalis erutus, hepatici sive cervini coloris: Arabicus rubellus: vulgaris Sueciæ, Daniæ, Germaniæque foetus colore ferreus est; albus etiam dicitur inveniri, ab Italis CALAMITA BIANCA dictus. Non minus effectus viresque non spernendam differentiam constituunt, quorum respectu vulgaris ferrum trahit, simulque ad stellam polarem se vertit: altera species solum stellam polarem respicit, ferrum contra respuit, istaque in S. Georgii monte in Bohemia effoditur, ut ex *Balbini Hist. Boh. Lib. 1. pag. 82.* apparet: tertia species trahit alium magnetem: quibus nonnulli quartam speciem addunt, quæ tantum abest ut ferrum trahat, uti potius istud ab se arceat, quæ THEAMEDES; Germanice Bleßer vocatur, cujus nominis auctor existit *Boëtius de Boot, Tr. de Lap. ac Gemm. Lib. 2. cap. 249. pag. 441.*

## §. 3.

Vires magnetis non in magnitudine ac quantitate consistunt, sed certis in venis, quoniam interdum minor reperitur magnes, qui ad rem sustinendam majorem plus valet, quam magnus, id quod in isto magnetico globo, qui Londini in Collegio Greshamensi ostenditur,

licet videre, quem ferunt rem non adeò ponderosam sustinere, licet LX. libras pondere suo æquet, acusque novem pedes distantes moveat, ut *Dn. Lipsienses in Actis A. 82. Mens. Febr. ex Grevio* bene observarunt. Quamobrem etiam pretium ipse sibi lapis non magnitudine, sed qualitate constituit, prout magnes 20. lb. trahens nuper in Batavia 1000. florenis emptus est, ut celebris Mechanicus Leidensis *Dn. Muschenbræckius* ad Nos perscripsit. Unde vero admirandæ magnetis virtutes oriuntur, hodie adhuc Physici inquirunt, quæ de re *Gilbertus* peculiarem *Tractatum* edidit, quæ tamen subtilitates cathedræ magis, quam Materialium Museo accommodatæ sunt. Hoc saltem ad ejus conservationem scitu necessarium est, quò crudum magnetem semper in limatura martis custodiamus, incluso & armato verò suum semper pondus linquamus, nî velimus istum brevi emori. Purus quoque & à pinguedine aliisque sordibus vacuus servandus, alias si non corrumpitur, saltem in trahendo, quo ante pollebat, obtunditur; id vero etiam ab alio succo fieri, quæ vulgaris est opinio, à *Borello in Hist. & Obs. cent. 2. obs. 88.* pro fabula habetur. Doctus quidam, cui *Fortio Ringelbergio* nomen est, in *Experim. suis pag. 609.* scribit, amissas magneti redire vires, si sanguini arietis imponatur, id quod periclitari meretur. Hoc certum est, quod ad augendas vires multum conferat, si inclusi magnetis pondus exiguo quotidie additamento augeatur.

## §. 4.

Usus magnetis major est, quam ut scribi possit, si saltem vulgarem nauticamque pyxidem contemplemur, istam omnium navigationum quasi animam, & communionem superioris inferiorisque partis Orbis terrarum. Quæ artis periti curiosique Physici admiratione stuporeq; dignissima experimenta cum isto faciant, in *P. Kircheri*, viri hominum sermone celebratissimi, hujusque successoris *P. Schotti* scriptis potest videri; è quibus doctus quidam Gallus in



peculiari libro, *Traite de l'Aiman*, multa in elegantibus figuris ob oculos posuit. In Medicina, æque atque hæmatites, astringentem exsiccantemque vim habet, externè verò tantum usurpatur, quod internè sumtus periculosus ac venenosus à nonnullis habetur, teste *Wormio in Mus. pag. 63.* Qui vero Doctorum ac Chirurgorum pulveratum Emplastra, magnetica dicta, faciunt ingredi, quibus ferreæ cuspides, devorati cultri similiaque è corpore extrahantur, vehementer aberrant, quoniam contusus ceraque oblinitus magnes ad trahendum ferrum neutiquam valet. Quamobrem si quid apud famulos cultrivoros effectum fuit, integrum usurpatum magnetem fuisse, necesse est. Quæ cum albo magnete, plerumque vitiato, instituantur superstitiones, hic transcant, vid. *Wormius l. c.*

## §. 5.

Explicatum hæcenus magnetem summa cognatione attingit

## LAPIS HÆMATITES,

similiter non solum in ferri fodinis reperiendus, sed interdum etiam ferrum attrahens, ut *B. D. Bauschius*, Primus Curiosorum Germaniæ Præses, in peculiari libro de *Lap. Hæmat.* notavit, cujus contenta in *Histor. mea liter. Acad. Leopold. oont. II.* paucis recensui. Alias fulvus, durusque ac ponderosus lapis est, è longis striis quasi coagmentatus: circa Hildesiam in Joachimi valle locisque aliis Germaniæ reperitur. Optimus Compostellis, Hispaniæ oppidò, venit; quem in pulchris striisque exornatis frustis saturate rubrum esse oportet. Istum quoque ars imitatur, ut in *Miscellan. Acad. Germ. Cur. Dec. I.* videre licet.

## §. 6.

Præter rectum verumque lapidem hæmatiten, dantur quoque spurii, istius loco oblatis, quos inter

## SCHISTUS

est præcipuus, hæmatiten vehementer æquans, nisi quod in eo ab isto distinguatur, quod hæmatites plerumque in obtusis frustis, schistus contra acutus instar cunei appareat. Ille in æquales habens strias, in frustra inæqualia dividitur: hic discedit in æquales lamellas, æqualibusque striis apparet divisus, lapis scissilis propterea dictus, non quod facile diffindatur, sed quia secundum strias apparet diffissus.

## §. 7.

Alia insuper species apud Materialistas reperitur, quam

FUSCUM LAPIDEM (*Braunstein*)

vocant, qui non adeò durus est, atque priores; ad tingenda fictilia figulis nonnullis in locis est in usu, de quo videatur *Boëtius Tract. de Lapidibus pag. 390.* Num verò hic lapis ejusdem

naturæ sit cum fusco illo lapide, cujus supra in vitrificatione fecimus mentionem, certo affirmare nequeo.

## §. 8.

In Medicina omnes hæmatitæ adstringentem constipantemque vim habent, præsertim in hæmorrhagiis ac fluxibus alvi sanguineis, tam internè in subtilem pulverem redacti, & cum nuce moschata, vel ejusdem oleo propinati, quam externè, siue pulvis vulneribus inspergatur, siue solus lapis teneatur manibus, quod in nimia hæmorrhagia narium quidem proficit; videndum tamen, ne cuspidibus lapidum lædamur, quippe periculosa vulnera inducentibus, ut *Pometus* in suo *Material. Museo Part. 3. L. 2. pag. 62.* admonet. Ex hæmatite quoque cum sale ammoniaco flores rubri sublimantur, Aroma Philosophorum nonnullis vocati, ex quibus cum spiritu vini R lap. hæmat. præparatur, ad hæmoptoën, phthisin, mictum cruentum, hæmorrhagiam narium similesque morbos valde laudata. Aurifabris hæmatites ad inaurandum in usu est.

## §. 9.

Non prætereundus Smiris est, quem supra laudatus *Boëtius c. l.* pro specie hæmatitæ, alii vero pro lapidosa marcasita habent. Latinitis autem

## SMIRIS

vocatur valdè durus ferreique coloris lapis, partim ex Hispaniâ, partim ex Sueciâ, Angliæque advectus. Prior hinc & inde auri venis superbit, quod etiam exinde prolici posse existimant, quamobrem ab Hispaniarum Rege serio prohibitum est, ut ne Regno evehatur. Suecicus è cupri mineris veniens, paulum rubet & auri venis destitutus facile dignoscitur, si pro Hispanico offertur vendendus. Ultimus vulgaris usitatusque est, qui in Anglia certis in molis in pulverem redactus, vel totus apud Materialistas invenitur.

## §. 10.

Quod ad ejus attinet usum, Hispanicus Smiris, ab Alchymistis magni æstimatus, ad præparandum aurum ac lapidem Philosophorum infumitur, quamobrem etiam auro æquiparatur, nec tamen facile ejus datur copia. Vulgaris in integris adhuc iisdemque politis frustis consistens, à vitriariis ad incidenda vitra usurpatur, quæ adamantis adinstar rimis signat. Isto quoque mediante in marmore aliisque lapidibus fiunt figuræ. Renovatoribus, hoplopæis macharopæisque smiritis pulvis in usu est, quo cataphractus, loricas, gladios, cultros, metallica vitra caustica, resque similes expoliant. In Medicina nullum præcipuum usum habet, præterquam quod pulvis à nonnullis pulveri dentifricio permisceatur.



## CAPUT XVIII.

DE

LAPIDE AMIANTHO, TALCO ET  
OLEO TALCI.

## §. I.

## LAPIS AMIANTHUS s. ASBESTUS

fibrosus, obscure viridiusculus scissilisque lapis est, qui instar pennarum se discerpi patitur, *Federweiss* propterea nonnullis dictus, & in igne ustione non consumitur. sed candidior fit puriorque; maximam partem ex India Turciaque venit, & quanquam etiam in Italia aliquid dicatur inveniri, nimis tamen breve est frangibileque, ex quo, ut ex rubro amiantho (*Stein-flachs*), fila duci nequeunt, teste *Boëtio Tract. de Lap. pag. 383.* multo minus alumen plumosum pro specie hujus lapidis habendum, ab igne æque ac certis menstruis destruendum, quibus utrisque amianthus resistit, cutem etiam pungens, quod tamen illud non præstat, ut alibi ostendimus.

## §. 2.

Hic ille lapis est, ex quo Veteres Romani INCOMBUSTIBILE s. LINTEUM confecerunt, in quo Regum aliorumque magnatum corpora, quo genuini cineres acquirerentur, comburebantur. Is siquidem ita præparari potest, ut exinde fila ducantur, & tanquam ex nostrate lino texantur lintea, quæ tantum abest ut igne consumantur, ut potius candidiora fiant & ab omni sorde depurgentur, id quod alibi in figura ostenditur. Qui vero præparandi modus sit, hodie perpaucis innotuit, & pro magno arcano habetur, adeo quidem, ut licet Illustris *Dn. Lanii*, Eques Neosolanus, alicui hujus artis gnaro 20000. Imperiales obtulerit, eandem tamen aliis concedere noluerit. Et quanquam *Job. Baptista Porta Lib. IV. cap. 35.* & *Wormius in Museo pag. 55.* modum & rationem ducendi ex amiantho fili descripserint, ille tamen difficulter intelligitur, hic vero insufficiens est. Ipsa tamen res certa est, dum ejusmodi filum ostendere possumus, ac *B. D. Ettmüllerus in Comment. Schræd. pag. 797.* recenset, quod Mediolani in Museo *Septaliano* marsupium ex eo confectum, ab ipsoque possessore textum viderit: insuper testans, quod inditi marsupio nummi, ignique impositi, liquefacti fuerint, ipso marsupio manente illaeso. Non minus CHARTA INCOMBUSTIBILIS inde paratur, quam magna copiâ, haud procul à Neosolo, è fodina sibi propria parari curat Eques Ungaricus supra laudatus, *Dn. Lanii*: cujus plures phyliras Orphanotropheo Hallensi inseruit Filius Ejus Generosissimus, à quo & frustum per alium

obtinui. Similiter olim ellychnia pro candelis perpetuis exinde fuerunt composita. Num vero ex certis quibusdam herbis ejusmodi ellychnia linteaque incombustilia præparari possint, affirmante *Pometo in Mater. Museo Part. 3. lib. 2. cap. 48. pag. 81.* inquirere hic prætereo. Magis credibile est, quod *Vielheuerius in Descriptione exoticorum materialium pag. 21.* de *Dn. Ristio* narrat, qui ellychnium excogitaverit ex tenuibus filis, è purissimo sed peculiari modo liquato auro ductis: cui oleum ex  $\Phi$ , naphtha, nec adeo ignota planta præparatum superfuderit, quod quidem multum præstitit, sed spatio quatuor hebdomadum culmum latum in vase fuit imminutum.

## §. 3.

Ejus usus quoque in Medicina obtinet, dum internè ad fluorem album mulierum cum vino aut ejus spiritu commendatur. Externè in paralyfi & aridura partium loco urticarum potest adhiberi, quoniam similiter pungit uritque, ac propterea à petulantibus, tanquam pruriens vexansque pulvis Circumforaneorum, aliorum indusiis inspergitur. In officinis habetur Linimentum de amiantho contra tineam, à *Boëtio* miraculosum *loc. cit.* dictum, & à *D. Schrædero Lib. 2. cap. ult. pag. 306.* descriptum. Aliud quoque unguentum in *Aldrovandi Museo metallico pag. 646.* habetur, quo inunctæ manus ad tangendum sine noxa ignem dicuntur muniri, quod *Ettmüllerus in Commentario Schræd. p. 797.* ex isto transcripsit.

## §. 4.

Non multo aliâ

## TALCI

ratio est, quod similiter ex viridiusculo splendidus ac scissilis lapis est, extrinsecus tactu pinguedinem imitans, quanquam prorsus siccus & gravis sit, & instar amianthi igni vehementer resistat. Plurimam partem è Venetiis, tanquam solo natali, venit, quanquam etiam in Anglia Germaniaeque ejus multum inveniantur. *Pometus* quoque in *Hist. des Drogues Part. 3. lib. 4. c. 14. pag. 108.* rubri talci meminit, quod è Moscovia Persiaque advectum, in magna ac pellucida folia possit dividi, à Monialibus imaginibus & Agnis Dei insternenda, quod tamen potius pro lapide selenite habendum, ut *Wormius in Mus. pag. 57.* conjicit.

## §. 5.

Interim à vero non abhorret, diversa reperiri



riri genera, quoniam jam suo tempore *Paracelsus Tract. de Min.* quatuor recensuit, rubrum, album, flavumque ac nigrum. Apud Materialistas plerumque duplex invenitur, Talcum aureum & argenteum. Optimum ex viridiusculo album est, in magnis frustis, & læve, quod diffractum instar argenti splendet, inque folia divisum, clarum est ac pellucidum.

## §. 6.

Ratione qualitatatum talcum saltem ad dealbandam faciem externe judicatur utile, ac foeminae præsertim adeo decantatum talci oleum desiderant, quod quasi angelicam reddere faciem, & ad unam guttam naso instillatum, claritatem & splendorem conciliare perhibent. Quamobrem nullum est dubium, quin multæ istud decies auro carius emturæ sint, modo verum possit haberi. Quæstio igitur inter doctos & Laboratores orta est, num etiam adeo desideratum.

## OLEUM TALCI

præparari exinde queat, nec ne? Plurimi id esse

impossibile existimant, quoniam talcum nec contundi, nec igne vel menstruis aquosis potest resolvi, ut *Ettmüllerus l.c. pag. 810.* ostendit. Alii contrariam amplectentes sententiam omni opera in id incumbunt; quem in finem magnum apud *Schræderum* aliosque scriptores invenies descriptionum acervum, balatu quam lana tumidorum, & si quod inde eliciatur oleum, aliarum potius, quæ adduntur, rerum, quam talci foetus erit, aut alia quædam fraus subest; quemadmodum clarissimus atque ingenuus *Zwelferus* de *Tackenio*, similiter celeberrimo, ingeniosum dolum recenset in *Refut. Tacken. Part. 1. c. 1. pag. 33.* qui ita dictam terram foliatam tri diu pro talco vendidit, ejusque liquorem pro oleo talci; quum vero prædictus *Zwelferus*, continuis laboribus modo dictam terram foliatam similiter inventam, *Tackenio* ostendisset, negare hic dolum non poterat, dicens *Zwelfero*: si scis, bene, tacebis. Si hæc in viridi fiunt ligno, quid continget arido? Si fallere docti amant, quid facient indocti, circumforanei, laboratores & impostores? Summa, Mundus vult decipi.

## CAPUT XIX.

## DE

## LAPIDE VARIOLATO ET BONONIENSI.

## §. I.

**L**APIS VARIOLATUS (*Pockenstein*) obscure viridis valdeque durus lapis est, in uno latere paulum elatas clareque virides maculas habens, infantum variolis haud dissimiles, quales etiam in altero latere & intrinsecus paululum, sed non adeo elatæ, apparent, unde in Europâ nomen obtinuit. Primum à PP. Jesuitis ex India allatus est, ubi proprie

## GAMAICU

nominatur, sub quo nomine frustum, nucis castaneæ magnitudine, mihi dono datum est, in quò descripta facies & qualitates se accurate representant. Rarus alias carusque habetur, ut *Pometius* in *appendice de l'Histoire des Drogues pag. 15.* testatur, cui hic lapis non temerè silicis videtur species. In Scotia quoque reperitur, teste *Sibbald* in *Hist. Scot. Nat. Lib. 4. Part. 2. pag. 149.*

## §. 2.

Quemadmodum verò duplices in infantibus observantur variolæ, distinctæ & confluentes, sicut *Sydenhamius* præ ceteris Medicis in suo *Tract. de morbis acutis* eruditè docuit: ita istam quoque differentiam cum admiratione in istis ipsis lapidibus videmus, in quibus maculæ partim etiam confluent, ut in prima figura *Musei Germanici* apparet: partim ab se invicem distinctæ sunt, teste figura secunda. Ratione coloris quoque discrimen est, dum nonnulli lapides

virides, quidam flavi, alii alio tincti colore esse perhibentur, ut *Ulysses Aldrovandus* in *Museo metallico Lib. IV. cap. LXVII. pag. 883.* testatur.

## §. 3.

Quod ad usum istius attinet, Pastores in India lapidem jumentis dicuntur appendere quò à pustulis, quibus exposita sunt, defendantur: quamobrem etiam contra variolas infantum proficere perhibetur, adeò, ut de collo suspensus, & ad scrobiculum cordis protentus, acrem venenosam materiam continuo è corpore evocecet, infantesque à periculo tutos præstet. Quod licet quadantenus superstitiosum videatur, supra memoratus tamen *Ulysses Aldrovandus l.c.* id vero esse conveniens existimat, quoniam Arabes, propter signaturam externam, lentes hoc in morbo non sine fructu commendarunt, quæ his in lapidibus clarius apparet. Et quoniam plerumque Medici, imminentibus variolis, oculos infantum ab istis autò aliisque rebus curant defendendos, consultius existimat, ut hunc lapidem, si ejus datur copia, terendo circa oculos ducamus, aut ejus infusum, cum aqua aliqua destillata factum, circa oculos applicemus. Porro hic lapis infantes à foveis & cicatricibus præstare tutos creditur, ut in Gallica descriptione, quæ cum frusto supra memorato mihi transmissa est, recensetur, cujus verba ita sonant:



## L'USAGE DU GAMAICU.

Faites tiedir de l'eau & trempez le dite pierre dans l'eau tiede. Alors frottez tout le visage de l'enfant, ou grande Personne, & personne ne sera gasté de la dite maladie. Mais il faut trois fois le jour frotter la personne. Des autres font boüillir de l'orge & tremper la pierre dans la dite decoction.

Quæ ita reddemus Latinè: Usus lapidis variolati: Tepida fit aqua, eique imponitur lapis. Illa postmodum tota infantum, aut etiam adultorum hominum facies lavatur, sic nec illius peribit nitor. Ista vero frictio sive lotio ter quotidie fiat. Alii decoctum hordei præparant, cui imponunt lapidem.

## §. 4.

Præter hunc alius adhuc habetur exoticus silex, qui in collibus & montibus circa Bononiam in Italia inventus

## LAPIS BONONIENSIS

vocatur: gravis, cæsiusque ac splendidus lapis est, figura lapidi nephritico haud multum dissimilis, qui præter ceteros hoc proprium habet, quod certo modo calcinatus, ac in sole aut juxta ignem positus, postmodum noctu niteat, splendoremque de se emittat; quamobrem etiam à P. Kircherò PHOSPHORUS, ab aliis vero SPONGIA SOLIS & LUNÆ vocatur, cujus iconem habent *Miscell. Acad. Nat. cur. Dec. II. A. VII. pag. 3.*

## §. 5.

Istius fere quinque habentur species, una instar glaciei Mariæ dividi se in cortices lamellasque patitur: alii lapides albescentes splendidasque strias habent, ut antimonium: aspera

alii crusta muniuntur: tandem nonnulli nigri sunt & friabiles, quemadmodum à *Wormio in Museo pag. 46.* recensentur, & à curioso Comite *Ferdinando Marsigli, in Italico Tract. Del Fosforo Minerale*, in elegantibus figuris ob oculos ponuntur.

## §. 6.

Modum quò calcinandus & ad lucendum præparandus est, bini jam laudati Auctores l. c. describunt, & *Hoffmannus in Clav. Schrad. pag. 19.* Nempe hic lapis vel totus, si purus est bonusque, in fornace accommodata calcinatur, aut in pulverem redactus ab impuritatibus depurgatus, ac cum albumine ovi vel oleo lini denuo conglobatus. Qui si primâ calcinatione externam lucem non assumit, istamque in tenebris non emittit, calcinatio iteranda, quoad aptus factus fuerit; quod ex granulis, extrinsecus instar roris se præsentantibus, ac solis radios præcipue excipientibus, est colligendum. Rectè præparatus pyxidi, adversus solem vel ignem collocandæ, noctuque in obscuro angulo ponendæ, inditus, instar carbonum candentium splendidus apparebit, in cujus causam locis supra citatis pluribus etiam inquiritur.

## §. 7.

In Medicina casum erinium promovere perhibetur, si modo locus isto fricetur; id quod etiam lixivium, ex calcinato lapide præparatum, ferunt præstare. Pulvis quoque ac lixivium memoratum vomitum excitant, ut l. c. videndum, de quo *Licetus in Tractatu peculiari* legendus.

## CAPUT XX.

DE

## LAPIDE JUDAICO, LYNCURIO ET FULMINARI.

## §. I.

AD istos lapides, quibus Natura certam constantemque figuram ac faciem dedit, pertinet quoque judaicus lyncisque lapis.

## LAPIS JUDAICUS

in officinis vocatur, quoniam primum ex Judæa venit; hodie vero etiam in Silesia, circa Hildesiam & alibi invenitur. Oblongè rotundus lapis est, olivam imitans, multis iisque secundum longitudinem descendentibus lineis striisque circumcirca ornatus, æqualem distantiam habentibus, ac si circulo essent dispositæ. Cæsius, nonnunquam rubellus, apparet, nec præcipuam habet duritiem, in frustra divisus, intrinsecus ex albo cæsius splendidusque apparet, instar silicis, cujus esse species perhibetur. Quamquam Sa-

muel Dale in sua *Mineralog. pag. 90.* in eam veniat opinionem, esse fortasse lapidefactos radios erinacei marini, cui hic lapis extrinsecus non sit dissimilis.

## §. 2.

Hic verò sciendum est, lapidem judaicum non semper eandem habere longitudinem ac magnitudinem, sed præter vulgarem dari quoque longum & minus latum, quem nonnulli marem, alterum contra foeminam vocant. Illum putant magis renum calculo expellendo, hunc calculo vesicæ conducere, ut *Boëtius de Boot de Lap. pag. 409.* existimat; siquidem usus hujus lapidis præsertim ureteribus proficit: quamobrem non solum pulveratus candoque saccharo mistus,



mistus, tenellis infantibus contra calculum & obstructionem urinæ cum fructu exhibetur, teste *Hoffmanno* in *Comment. Schræd.* pag. 180. sed liquorem quoque nephriticum *D. Michaelis* notissimum, ejusque magisterium nephriticum ingreditur.

## §. 3.

Huic plerumque

LYNCURIUS, seu

LAPIS LYNCEIS (*Luchsenstein*) sociatur, cui à lyncibus nomen est inditum, quoniam ex istorum urina generari olim existimarunt. Qui error inde fortasse ortus est, quia nonnulli l. v. felium urinam redolent. Rectius vero ob figuram BELEMNITES (*Schossstein, Alpschos*) vocatur, quoniam longiusculus, teres, non latus, & tanquam sagitta acuminatus est, ut ex figura apparet. Ceterum varii est coloris, albus, flavus, niger, nunc totus, nunc dimidiatus pellucidus, & plerumque linea aliqua quasi distinctus, ubi facile se findi patitur, qui ultimus, si parvus est, habetur pro optimo; partim tanquam argento, partim auro videtur obductus, de quo supra citatus *Boëtius loc. cit.* pag. 478. fusius agit. Multis in locis Germaniæ, præsertim circa Hildesiam, Regiomontium Borussia, in Helvetia, circa Parisios, inque Sicilia reperitur, ut *Boccone* in *Recherches & obs. natur.* testatur.

## §. 4.

Vires ejus in pellendo calculo atque lotio eadem sunt, atque prioris, quas tamen *Ammannus de Mat. Med.* sumit exhibendas, dubitans, num reverâ lithonriptica dentur medicamenta? quam controversiam cathedræ nunc relinquimus. Majori jure istam in dubium vocare vim possemus, qua incubum terroresque nocturnos putant fugare, propter quam *Alpschos* vocatur, nisi quis putet, istum suspensum solo tactu, homines à nimio profundoque somno exciere, aut tutos præstare. Ceterum *Hoffmannus* in *Clavi Schræder.* p. 182. illum contra icterum, febres erraticas & pleuritidem commendat, ad semidrachmam assumptum.

## §. 5.

Prædicto Lynceis lapidi externa figura & exacutione fere similis est

LAPIS FULMINARIS, s.  
CERAUNIA,

niger, durus valdeque gravis lapis, qui plerumque eo in loco, ubi ejus æquilibrium est, foramen habet, & vel acuminatus est, vel infra, instar securis exacutus, unde sæpius securis fulminaris (*Donner-axt*) vocatur, quoniam non vulgus modo, verum etiam doctissimi viri sibi persuadent, ac defendere præsumunt, in nubibus istum generari lapidem, ac sub forti fulmine eminens præcipitari in terram. Inde est, quamobrem multi iis in locis, quæ emissio fulmine percussa sunt, multas ulnas

profunde terram effodiant, spe inveniendi lapidis fulminaris illecti. Certum equidem est, agricolas sæpe ejusmodi lapides, aratro è terra erutos, invenire: num vero in aëre generati, fulmineque demissi fuerint, de eo nec apud Veteres Physicos, nec in ipsa Natura sufficientes invenimus ac convincentes rationes. Inter illos notissimus Arabum Medicus ac Philosophus *Avicenna* primus hanc sententiam protulit, qui permultas superstitiosas fabulosasque res docens ita simpliciter non est defendendus. Natura longè aliud ostendit, dum omnes fulmen concomitantes effectus multo subtiliorem ortus sui materiam oculis subjiciunt, qui neutiquam à tam crasso magnoque lapide possunt provenire. Neminem latet, quam admirandas, perplexas ac subtiles rimas & lineas fulmen arbori, quam tangit, imprimat, quam serpentino motu lineis subtilibus discurrat, vix videndis: quam gladium in vagina faciat liquari, ista illata & quæ sunt alia quam plura, quæ à tam crasso magnoque provenire lapide impossibile est. Neque vero multo convenientius est, dictos lapides fulminares ad modum aliorum in terra generatos, lusu Naturæ istam sortiri formam, cum obstant foramina artificio illic tornata; & ut dudum cogitaverim, annon antiquissimis temporibus Pagani securibus hisce, è lapidibus paratis, in sacrificiis & idololatriis usi sint, sicut non tantum in sacris hujus rei vestigia occurrunt, sed & idem de antiquissimis Septentrionis incolis nuper se audisse testatus mihi est *Dn. D. Spenerus, Consil. & Arch. Reg. Prussiac.* attamen certiorum illorum originem ex Historicis antiquissimis, occasione urnarum sepulchralium & in iis cuneorum fulminarium, prope Vicum Hassiæ Maden, in agro sterili, ante aliquot annos inventorum, eruit *Dn. J. H. Schminckius, Hist. Civ. Prof. Marburgensis*, qui non sine causa illos pro armis habuit paganorum & cum primis Veterum Cattorum, cum 1.) illic fuerint inventi, ubi, secundum alios, Catti olim Saxones fuderunt. 2.) *Tacitus* testetur Germanos antiquissimos, in crematione mortuorum, sua cuique arma adjecisse urnis. 3.) In Museo Regio Hafniensi inter alios ejusmodi lapides unus instar cunei formatus conspiciatur, in cujus foramine manubrium ligneum, X. pollices longum, habetur. Vid. *Dissert. ejus de Urnis Sepulchralibus & armis lapideis Veterum Cattorum*, Marburgi A. 1714. habita, ubi simul omnia figuris æneis illustrantur.

## §. 6.

Differentia istorum lapidum vel à materia, è quâ constant, desumitur, cum etiam in India Orientali metallici lapides ceraunii inveniuntur, quorum *Dn. Rumphius* in India literata, in *Appendice hujus Musei annexa*, ac in *Miscell. Cur. German.* aliquò in locò meminit, id quod



quod eo magis credendum, quoniam in Germania quoque similes interdum reperiuntur, ut *Crügerus* in *Miscell. Germ. Cur. Dec. 3. A.S.* demonstravit mihi que similis heic Gissæ repertus obtigit: vel etiam ab externa figura petitur, secundum quam nonnulli cuneum, alii securim, vomerem alii, quidem malleum, fulminantes malleis *Straalhämmer* dicti, tandem alii tudem representant, qui omnes usque eo duri sunt, ut etiam limari nequeant.

## §. 7.

Omnes isti lapides plebi materia existunt, quâ magnas in hominibus & pecoribus tentent superstitiones. Illos à tonitru fulmineque præstare tutos creditur, sive in vestibus gestatus, sive domi asservatus. His lac amissum revocare perhibetur, si ubera isto fricantur, &

quod præterea est superstitionum, quas me tædet adducere. In Medicina verò hic lapis non prorsus abjiciendus est, quando pulveratus ad semidrachmam assumitur, quo *D. Michaël*, famigeratissimus Practicus Lipsiensis, suo tempore icterum curavit; quæ vis contento sulphuri venit adscribenda, quo æque ac omnes pyrita, quorum esse species videtur, refertus est, de quo *D. Ettmüllerus* in *Comment. ad Schræderum* pag. 802. legatur. Hinc & *Arnkielius* Veteres ideo lapides hosce reliquiis adposuisse putat, quod ut remedio contra varia pericula in vita & morte iis usi fuerint, vel quod omnes populi septentrionales lapides maximi fecerint, ob ignem quem continent, quò nihil magis sacrum apud illos habebatur, *vid. supra cit. disp. de urnis §. 25.*

## CAPUT XXI.

## DE

## MARMORE, ALABASTRO, OPHITE, COERULEO MONTANO, ET LAPIDE LAZULI.

## §. 1.

**M**ARMOR durus lævisque lapis est, diversi coloris, pro cuius diversitate distinctis insignitur nominibus, dum albus ac mollior alabastrites, niger lapis lydius, ruber porphyrites, viridis malakit, viridibus maculis notatus ophites nominatur. Hinc inde in Europâ effoditur, ac in magnâ copiâ in Comitatu Idsteinensi ac Wisbadensi, imò & prope Wezlariam in viciniâ reperitur, unde in Bataviam & aliorum transvehitur.

## §. 2.

Quod ad album marmor attinet, distinctæ istius inveniuntur species, quarum nonnullæ duræ, ut

## LAPIS PARIUS,

ab antiquo artifice, qui primus Veneris formam ei insculpsit, ita nominatus: aliæ valde teneræ mollesque sunt, ut

## ALABASTRUM,

ex quo non solum varia utensilia tornantur, sed etiam aliqua medicamenta v. g. notum Unguentum Alabastrinum, præparantur; calcinatum vulgo dictum

## GYPSUM

suppeditat, ut in *Wormii Museo* pag. 64. & ex isto apud *Dale* pag. 87. potest videri. Alii ipsum quoque vilius alabastrum SPATUM sive GYPSUM vocant, ut apud *Agriolam* & *Christophorum Entzelium* in *Corpore Jur. Metall.* pag. 55. legimus. Comes *Marsigli* in *Epist. del Fossero Minerale* insuper diversos gypsi lapides recensuit. Gypsum præsertim fingendis fi-

mulacris, quibus Principum aliorumque Magnatum conclavia exornantur, inservit, & à vulgò quoque internè contra dysenteriam ceterosque alvi fluxus cum fructu sumitur, dum acidum vitiosum temperat, exsiccat, & adstringit, ut *Ettmüllerus* in *Comment. Schræd.* pag. 797. testatur. Sanguinis sputo quoque proficit, nimisque sudoribus ac aliis malis, auctore supra laudato *Marsigli l. c.*

## §. 3.

Ad nigrum marmor pertinet notissimus  
LAPIS LYDIUS,

propterea ita vocatus, quod primum ex Lydia fuit advectus: istius est usus, ut argentum aurumque contra acum probatoriam probemus. Præter quem alium adhuc ferrei coloris & duritiei lapidem, marmor congenere habent, in longiusculis frustis baculisque crescentem, qui

## BASALTES

nominatur, cujus figura in *Boëtii de Boot Tr. de Lapid.* pag. 497. apparet. Itali loco nostratis lapidis Lydii, viridi marmore, VERDELLO dicto, utuntur, de quo *Wormius* in *Museo* pag. 43. potest consuli.

## §. 4.

Rubrum Marmor s.

## PORPHYRITES

valde durus lapis est, cui tritu nequicquam aut perexiguum decedit; quamobrem ad mortaria lapidesque tritui aptos, super quibus pictores suos colores, & pharmacopolæ præpara-



rata minutissime terunt, usurpatur, ex quo in Italia multæ pretiosæ statuæ ostenduntur, vid. *Boëtius de Boot, l. c. pag. 506.*

## §. 5.

Ad viride marmor spectat  
**MALACHITES, MOLOCHITES, LAPIS PAVONIUS** s. **MALACUITTE**,  
cujus *Pometus* in *Histoire des Drogues Part. 3. L. 3. pag. 100. & seq. 104.* meminit, apud Materialistas in diversis speciebus reperiendi. Quamquam sint, qui hunc lapidem pro jaspidis specie velint haberi. Ex obscuro viridis est, ut malva, unde nomen habet, & secundum venas, quibus ornatus est, distinguitur. Contra fulmen, stomachi ulcus, partum difficilem, spasmodum & epilepsiam commendatur, pretioque achaten æquat, vid. *Boëtium pag. 265. Ettmüller. c. l. pag. 807.*

## §. 6.

Inter marmora coloribus varia, & ab Natura picta,

**LAPIDES FLORENTINI**

ferè elegantissimi sunt, quibus Natura permultas ingeniosas figuras, utpote arbores, domos, urbesq; ac similia impressit, ut ex figuris principio capitis in *Museo Germanico* appositis, apparet. Ejusmodi lapides etiam in monte Sinai dicuntur reperiri, ut *Wormius* in *Mus. p. 44.* nos informat: ad diversas easque pulchras tabulas, cistas, camerasque usurpantur. Isti tamen minerales lapides, qui in diversis fodinis Germaniæ reperiuntur, & vel figuram certarum plantarum, ut in Thuringiæ provincia, Schwartzwald dicta, vel piscium ut Islebici, repræsentant, curiosiores sunt, de quibus agemus alibi.

## §. 7.

Huc etiam pertinet

**OPHITES, (Serpentinstein) rectius MARMOR ZEIBLICIUM** dicendus,

à maculis, istis similibus, quæ in cute serpentum apparent, ita nominatus. Viridiusculus est, similis coloris maculis, sed paulum obscurioribus exornatus, in Misniaque copiosè inveniens, ubi urceos, lagenas, pocula, scutellas, lapides contra terrorem, aliaque exinde conficiunt, quæ inde cum sequenti descriptione varia in loca transportant divendenda:

*Vera Relatio de virtute & qualitate nobilis Ophite.*

Ejus qualitas ac virtus in eo sita est, ut calefaciat absumatque humores, resolvat ac demulceat dolores ventris omniumque articulorum. Quam istius virtutem doctissimi clarissimique Naturæ Scrutatores describunt, *Plinius Lib. 36. cap. 7. Galenus Lib. 9. cap. 7. Dioscorid. Lib. 5. c. 119.* Iste Ophites nec ullum venenosum vermiculum patitur, ut adeoque in lapicidinis ne quidem unquam venenosum aliquod animalculum vel insectum repertum vel visum

fuerit. Jam memorandis quoque affectibus proficit: Primum colicæ atque uteri suffocationi. 2. Dolori lateris punctorio. 3. Torminibus ventris. 4. Torpentem frigidumque stomachum calefacit. 5. Inductum à malo potu crudisque cibis vitium corrigit. 6. Dolorem calculi tensivum mitigat. 7. Podagricos arthricosque lenit dolores. In ejusmodi affectibus ægri ex Ophite bibant, istumque calefactum thoraci, lateri, abdomini & ubicunque dolor est, imponant. Num verò ista ex peculiari propriæque virtute, vel non potius calore externo præstet, prudentibus judicandum, unicuique autem suas laudandas merces relinquo. Facti exinde lapides ad tormina (*Grimmen-stein*) sunt optimi, in cardialgia, colicis uterique doloribus & morbis similibus perutiles.

## §. 8.

Quò verò variegatos lapides simul absolvamus, hoc in capite etiam de lapide Armenio & lapide Lazuli agemus, præsertim cum *Ettmüllerus l. c. pag. 797.* istos marmoris esse species existimet.

**LAPIS ARMENIUS,**

quod ipsi nominis, unde primum venit, imposuit, hodie in Tirolensi Comitatu locisque aliis invenitur. Ex viridi cæruleus lapis est, (quamobrem etiam Germanicè *Berg-blau*, Gallicè *Verdazur* vocatur,) plumbeum globulum magnus, hinc inde exiguis splendidisque arenæ granulis, tanquam adamantibus interstinctus, ut à *Pometo loc. cit. pag. 102.* describitur. Sapius juxta Chrysocollam crescere *Boëtius pag. 293.* observat, qui frustum habet, in quo bini lapides simul creverunt. Vis ejus purgans est, & ab Arabibus contra melancholiam, maniam & epilepsiam laudatur, unde in multis officinis habentur Pilulæ de Lapide Armeno. *Ettmüllerus* contra istud remedium non immerito suspectum habet *loc. cit.* præsertim cum in ejusmodi morbis alia eaque multo meliora habeamus. Magis igitur picturæ conducit, dum ex isto in farinam trito, lotoque & ab omni arena depurgato

**COERULEUM MONTANUM**

*Berg-blau,*

præparatur: cujus quatuor inveniuntur species apud Materialistas, quarum semper una altera elegantior est. Optimam, quæ primum aufertur, colore decet esse saturatam, elegantem, vereque siccam. Cum reliquis Chrysocolla sæpe adulteratur, quem tamen dolum vel solus tactus statim detegit, ut *Pometus l. c.* ostendit.

## §. 9.

Cum isto

**LAPIS LAZULI (der Lasurstein)**

magnam habet similitudinem & cognationem, qui cæruleus quoque, sed multo durior pluribusque aureis maculis striisque ornatus lapis est,



est, in auri cuprique fodinis reperiendus. Partim ex Germaniæ fodinis provenit, unde in duas species Orientalem & Occidentalem dividitur. Prior colorem suum etiam in ignis tortura retinet, unde fixus audit: posterior vero in igne sibi non constat, deposito cœruleo colore, viridem acquirit, non fixus propterea dictus, vid. *Boëtius de Boot pag. 275. & Ettmüll. in Comment. Schræd. pag. 805.* Ceterum gravissimus, colore Indicum vere imitans, pro optimo habetur, præsertim intrinsecus & extrinsecus ita coloratus, siquidem extrinsecus isti sæpe oleo obscurus color conciliatur. Multi istum putant esse meliorem, qui multis elegantibus venis aureis superbit; enimvero *Pometus in libro suo pag. 101.* ostendit, hunc minus esse optimum, quoniam multo minus suppeditare ultramarini, quam vere cœruleum, venisque destitutum, observarunt. Isti enim colori plurimum inservit, hodie in Medicina raro desideratus, præterquam quod confectioni al-kermes admisceatur, ac ceterum tanquam lapis Armenius usurpetur.

## §. IO.

Quod ad modò memoratum

## ULTRAMARINUM

attinet, elegans & propter valde laboriosam præparationem vehementer carus cœruleus color est, qui è lapide Lazuli præparatus itaque nominatus esse dicitur, quoniam primum vel ultra mare in Cypro Insula, aut Anglia reperiébatur, vel magis cœruleus quam mare apparet. Nihil aliud est, quam tenerrimus pulvisculus, qui è calcinato Orientali lapide Lazuli præparari dicitur, certo emplastro despumando & ab hoc postea iterum abluendo, quod *Boëtius de Boot loc. cit. pag. 280. & seqq.* fusius descripsit. Distincta ejus habentur genera, quoniam, quod prius separatur, semper melius est, quam sequentes pulveres; quamobrem in emtione probe observetur, quo colore saturatum, bene tritum ac præparatum accipiamus, id quod ex eo facile judicatur, si paulum dentibus subditur gustandum, arenæ num aliquid, an nihil subsit? Num vero sine vitio sit, igne, ut supra dictum, probatur, in quo bonus colorem retinet. Ad colores oleo præparandos picturamque Miniatoriam, quam vocant, usurpatur. Notam meretur, quod *Dn. D. Kämpferus* Ultramarinum faculam quandam, è flore Aëbanna, in *Amœnit. Exot. Fasc. V. p. 890.* descripto & depicto, paratam testetur, ita ut petala cum furfure oryza mixta humectentur, massa paulò post expressa charta pura & humectata exsicceatur, quod toties iteretur, usque dum ipsa charta pro colore valeat. *vid. cit. loc.* Cum vero longè carissimum sit hoc Ultramarinum, hinc illi substitui poterit COERULEUM BEROLINENSE nuper inventum, quod *seqq.* describunt *Miscellanea Berolinensia pag. 377:*

## NOTITIA COERULEI BEROLINENSIS

## NUPER INVENTI.

Pictores, qui coloribus suis oleum admiscent, paucos illorum habent, quibus cœrulea expriment: eosque tales, ut jure commodiores desiderant. Ex vulgaribus enim alius mixturam cum oleo non respuit quidem, sed non diu in opere durat, subviridis, subpallidus, ferrugineus, aut planè sordidus fit: Alius constans quidem & satis pulcher, sed arenosus est, & hoc vitium, quoad subtiliorem artificis laborem est incommodus, & si vel anni spatium in eo terendo consumeretur, non tolli potest. Optimus omnium, quem vulgo Ultramarinum sive Azurinum vocant, qui ex lapide Lazuli conficitur, non modo pretio suo multos deterret, sed & aliorum colorum mixturam non libenter admittit; & hinc tantum in eminentiis pulchritudinem suam monstrare potest: ad umbras inutilis est. Hoc justum artificum desiderium cœruleus color, qui ante aliquot annos hic Berolini inventus est, & nunc, post varia variorum accuratissima examina, audacter in scenam prodit, si non explere, certè lenire potest. Nihil enim harum incommoditatum habet: in oleo splendorem suum potissimum ostendit. Ubique verò, in aqua, in oleo, & aliis liquoribus, quibus pingi potest, tam durabilis reperitur, quam qui maxime. Aqua illa fortis, ut à Chymicis appellatur, quæ omnia arrodit aut dissolvit, eum adeò non mutat, multo minus exstinguit, ut potius lucidiorem reddat. Et ut quædam cœrulei coloris genera in encaustica pictura (*Schmeltz Werck, émail,*) adhiberi possunt, & igne, ut ita dicam, sicco non delentur: sic novus hic color igni humido (quod nomen aquæ illi forti & omnia destruenti meritò dari potest) fortius resistit, quem vix alius ex omnibus colorum generibus perferre potest. Hinc multo minus leviores & communiores pictorum explorationes timet, ut: succum ex malis citreis expressum &c. Non mutatur in loci, aut aëris, sive tempestatis mutatione. Vivit in calce viva, ejusque album, ut gemma aurum, distinguit. Sicut ex materia subtilissima concrevit, ita & in pulverem subtilissimum conteri potest. Et quod prima vice non satis comminutum est, secunda ac tertia perficitur, ita tamen, ut singulis vicibus, siccus factus, aqua pura rursus irrigetur. Quem vero laborem ab iis tantum exigere solet, qui eo in minima illa pictura, quam miniaturam vocant, commodius uti volunt. Ceteri pictores vel cultello, quibus colores in tabella miscant, facili negotio cum comminuere possunt. Propter hanc subtilitatem loca, quibus penicillo illinitur, mirifice tegit, & præ aliis coloribus extendi potest. Præterea non modo ignobilioribus sui generibus coloribus superinduci, & extantiora illuminare; sed & rugas, sinus, & profundiora picturæ loca adumbrare potest. Hinc duplicis generis



generis est: Alterum obscurius & ad exprimendam umbram accommodatius: alterum lucidius, non cerussa aut alio albo mixtum, sed statim in primo artis partu hoc habitu comparens. Ita ut obscurius hujus coloris genus ex lucidiori factum, & quasi contractum, sive, ut quidam loquuntur, concentratum sit. Pictores minorum gentium, qui hunc colorem communi miscendi consuetudine metiuntur, lucidius genus ejus raro desiderant, obscurius modo quærunt, & illi album admiscentes, lucem per gradus addunt. Quibus vero oculi eruditiores sunt, statim vident, colori, qui ex obscuro suo per admisionem albi ad clariorem gradum ascendit, non tantum luminis & venustatis inesse, ac illi, quem natura dilutiorem protulit. Ceterum innocuus est, nihil hic arsenici est, nihil sanitati contrarium, sed potius medicina. Sine periculo ea, quæ ex saccharo fiunt, hoc colore pingi, & comedi possunt. Tirones pictorum securius penicilla, quibus cum tabulæ illinunt, per labia trahere possunt: quod aliis coloribus pingentes non sine vitæ periculo facerent. Pretium denique, quo parabilis est, vix decimam partem carissimi Ultramarini attingit; & copia ejus, quæ Berolini,

apud Regiæ Societatis Scientiarum Bibliopolam haberi potest, tanta est, quantum vel prodiga artificum manus ad opera sua exornanda desiderare potest.

## §. II.

Ex Germanico, Occidentali ac non fixo lapide Lazuli, simili modo alium adhuc colorem haud dissimilem præparant,

## ASUR-BLAU s. ASSURUM

vulgò dictum, qui tamen non persistit, sed instar cærulei montani cum tempore virescit. Cum priore sapius à pictoribus permiscetur. vid. *Boëtius loc. cit.*

## §. 12.

Alius præterea ejusmodi color habetur, vulgo

ASSURUM CINEREUM (*Esch-blau*)

vocatus, ex certo etiam lapide præparatus, cujus *Schurzius* in *Materialium Museo* pag. 71. & *Pometius loc. cit. pag. 103.* faciunt mentionem. Quem decet esse eleganter tenerum, colore saturatum, vereque siccum, qui similiter picturæ conducit.

## CAPUT XXII.

DE

## LAPIDE CALAMINARI, OSTEOCOLLA, PUMICE ET LAPIDE SPONGIÆ.

## §. I.

**I**nter foraminosos ac porosos lapides primò faciemus mentionem

## LAPIDIS CALAMINARIS,

qui mineralis lapis est, coloris ex albo flavescens vel rubelli, saporisque terrestris; rectius CADMIA NATIVA METALLI EXPERS, ad differentiam cadmiæ metallicæ sive cobalthi, vocatur, quoniam vocabulum calaminaris nullius in puro Latine auctoritatis, ut *D. Stablius* è *Casalpino in Disput. de Metallurg. pag. 72.* monuit.

## §. 2.

Duæ aliæ apud Materialistas inveniuntur species, quarum una albidè cassia, cassio bolo haud dissimilis, sed durior: altera vero rubella aut flavescens & albis venis conspersa est, cui subgravia, rotunda ac dura granula instar piperis adherent. Hinc inde in Germania invenitur, quanquam optimas Aquisgrano & Colonia Agrippina ad nos veniat, splendore plumbeo destitutus; quum è contrario Goslaria vel è Westphalia allatus ejusmodi colorem plumbeum præ se ferat, ut *Marxius* in suo *Material. Museo* pag. 77. observavit. Aliæ quoque in ustrinis aliqua cadmia invenitur, in quibus multum spauteri

plumbique funditur, à quo ejusmodi materia adhæret, quæ, quoniam cadmiæ videtur similis, non solum cadmia factitia & lapis calaminaris factitius nominatur, sed etiam cupri in orichalcum mutationem adjuvat. vid. *l. c.*

## §. 3.

Ob vim exsiccantem, adstringentem ac vulnerariam, in tenuissimum pollinem redactus præparatusque lapis calaminaris, non solum pulveres exsiccentes ingreditur, qui tenellis infantibus, si quando excoriati sunt, ac adultis quoque à longa equitatione interrigne affectis, insperguntur, sed antiqua quoque ulcera vulneraque sanant, quamobrem non modo notum unguentum è lapide calaminari, aceto vini & oleo olivarum, sed emplastra quoque nonnulla v. g. Emplastrum è lap. calamin. exinde componuntur, ut apud *Schræderum* ac *Zuvelferum* potest videri. Id vero meretur notari, ex usu solius lapidis calaminaris vulnerum cicatrices rubescere, istas contra, ut reliqua cutis, albescere, si cum oleo vel pinguedine mistus applicetur, id quod *Ettmüllerus* in *Comment. Schræd. pag. 801.* observavit. Ceterum permultum in orichalcum infunditur, de quo agetur alibi.



## §. 4.

Quemadmodum jam memoratus lapis extrinsecus præstantem sanandi vim habet, ita isti

OSTEOCOLLA (*Beinbruch*)

internè parum cedit, albus vel cinereus ac mollis lapis, figura ossi, unde nomen habet, similis. In Thuringia, Silesia, Hassia, præsertim in Darmstadiño agro, in via montana, ad Heidelbergam Spiramque usque, in Wetteravia quoque; circa Butisbacum ac Fridbergam magnâ in copiâ invenitur, ubi in cavis viis quasi acervatim ex altis limosisque clivis profluit, & in lapidem concrevit, ut sæpius ipse vidi: hæc tamen cum distinctione, ut in arenosis locis porosa magis & cava, in argillosis verò solida minusque cava, radicibus Zingiberis haud dissimilis sit, cujus intuitu à plebejis quoque ZINGIBER SYLVESTRE, *wilde Ingver-Zehen* vocatur, referente *Wolffarthio* in *Inventis Hanoicis* p. 24. Quamobrem *Wormius* in *Mus.* pag. 53. non sine causa existimat, speciem esse margæ, è terra profluentis, & in lapidem indurata.

## §. 5.

Hic lapis valdè miram sanantemque vim habet, in ossis, costæ partisque similis fractura, adeo, ut *Clarissimus Tackenius* aliquando *D. Ettmüllero* natraverit, se Venetiis nautam, qui antenna excidens duas costas fregerat, hoc uno lapide curasse. *Hildanus* in *Chir. Obs.* c. 1. obs. 91. existimat, istum ab juniore homine copiose assumptum hoc inferre incommodi, quod callus in fracturæ partium extremitatibus in nimis crassam deformemque molem accrescat. Alii, inter quos est *Timæus à Guldengklee*, ipsum quoque in albo fluxu mulierum commendant. In febribus erraticis similibusque zi. vel etiam semidrachma datur pro dosi. Quidam nostræ provinciæ rusticus pecoribus ingerit, contra luxationem, fracturam ossium, aliaque vitia.

## §. 6.

Inter porosos simulque leves lapides

PUMEX (*Bymstein*)

valdè vulgaris est, qui spongiosus, perforatus, & quasi à Natura calcinatus est lapis; quamobrem vel ab ignivomis montibus *Ætna* ac *Vesuvio* ejicitur, ut *Boccone aux Recherches Nat.* pag. 34. commemorat: aut iis in locis, ubi thermæ sunt, utpote circa *Confluentiam*, haud procul thermis *Embsensibus*, generatur, dum ignis subterraneus istum calcinat, levemque urit; ut, inundatione modoque alio in mare latus, natans pellatur, in litusque, ubi etiam invenitur, ejiciatur; à quo falsum saporem assumit, qualis etiam sæpius in istoprehenditur.

## §. 7.

Duplex habetur in Materialium Museis, vulgaris nempe, isque cinereus, & albus *Venerus*, intrinsecus splendens, multoque priori tenerior.

Bini diversæ figuræ sunt, rotundi vel depressi, parvi vel magni, quorum magni iidemque leves judicantur optimi, præsertim à *Membranariis*, sive membranarum Præparatoribus, qui magnam istius copiam consumunt. *Stannarii* contra parvos quærunt, in pulverem sibi necessario redigendos; & quoniam alutarii ac coriarii deglubitam, balneatores vivam cutem isto fricare solent, nullus fere lapis aut simplex est, quod tanta in copia divendatur, atque pumex, ut *Pometius* in *Hist. des Drogues Part. 3. Lib. 4. pag. 108.* confiteretur.

## §. 8.

In Medicina pumex contra strumas, decretescente luna, interne usurpatur. *Heluones* istum ad arcendam ebrietatem assumunt, quod tamen ridiculum est & superstitiosum. Maximam partem externe pulveres dentifricios ingreditur,ustus primum, hinc in lacte vel vino aliquoties extinctus: in quem finem pharmacopolia pumicemustum asservant. Non minus sine ejusmodi præparationibus vel solus, vel cum coralliis similibusque in pulverem redigi, & ad detergendum dentium calculum corrigendumque acidum potest usurpari.

## §. 9.

Similis lapis, isque levis, in spongiis invenitur,

## LAPIS SPONGIÆ

propterea dictus, porosus est ac friabilis, amygdalum representans, & vel cinereus, vel albus; similiter interne contra strumas ac calculum usurpatur, quem propterea nonnulli CYSTEO-LITHUM vocant, ut apud *Boëtium de Boot Tr. de Lapid. ac Gemm.* pag. 408. licet videre; hinc liquores nephriticos ingreditur. Sunt etiam, qui ad abigendos lumbricos infantum istum præscribunt, teste *Pometio l. c. Part. 1. Lib. V. pag. 165.*

## §. 10.

Hæc occasione non possum quin in gratiam docti curiosique Lectoris lapidem apud nos adhuc ignotum, sed tamen perutilem, describam, qui non minus lapidis spongiæ species, inque India Occidentali in aliquibus sinus Mexicani locis dicitur inventi; per quem quum aqua communis quasi filtrari, & ab omni impuritate liberari possit, in Gallia atque alibi

## FILTRUM

& LAPIS MEXICANUS nominatur, cujus naturam & usum ex sequenti descriptione Lector intelliget, quam *Dr. Schatzius*, eruditus ac curiosus Advocatus, cujus in ista quoque fit mentio, Argentorato Gallicè mecum communicavit, quaque de re peculiari *Disp. de Filtro Lapide* commentatus sum; istam vero descriptionem in gratiam eorum, qui Gallicæ linguæ ignari sunt, reddemus Latine:



## MEMOIRE

*Sur le filtre, ou Pierre de Mexique, curieuse & extraordinaire pour sa grosseur.*

**I**L croît naturellement dans quelques endroits du Golfe de Mexique une espèce de Champignon medicinal, à environ cent brasses de profondeur sous l'eau, sur la roche vive, lequel se petrifie par lui-même à l'air, dont les Espagnols d'Amérique transportent à grands frais les plus grosses pièces jusqu'à la mer du Sud, d'où ils les embarquent pour le Japon, ou ces sortes de pierres, sur tout lors qu'elles sont grosses, sont très estimées & se vendent au poids de l'or, parce qu'ils estiment, que l'impression de ce Champignon petrifié sert à la longue vie.

Les Japonois le font creuser en forme des pots, ou des mortiers, pour pouvoir contenir les liqueurs & particulièrement l'eau pour boire, dont ils sont grands amateurs.

L'eau commune se filtre & passe au travers de cette pierre poreuse & quelque claire qu'elle paroisse, lors qu'on la met dans ce filtre, elle y dépose toujours une quantité de faibles imperceptibles, au point qu'elle devient sensiblement plus légère & par conséquent plus pure, meilleure & plus propre à la santé, puisque l'eau, n'étant de soy qu'un air condensé, de même que l'air étant une eau rarifiée, il est de bon sens de conclure, que la bonne eau, qu'on boit à l'ordinaire, fait le même effet, que le bon air, qu'on respire.

C'est pour cela, que ces Insulaires, (qui ne savent ce que c'est que gravelle, ny maux des reins dans leur pays & qui préfèrent leur santé à tous les autres biens de la vie) principalement les Princes, les Mandarins & les autres Gens de qualité ont dans leurs maisons des armoires ou buffets, faits exprès, dans lesquels ils tiennent enfermés ces filtres sur tripieds propres, ou passent continuellement l'eau pour leur usage personnel, dont ils ne confient la clef à personne, pas même à leurs femmes, ny à leurs enfants. Ils disent vulgairement, que c'est leur trésor. Ce qu'il y a de certain, est que cette eau, ainsi dépurée, conserve sans la glace beaucoup plus long temps sa fraîcheur naturelle & quelle ne se corrompt plus quelque long temps, qu'on la puisse garder.

Il est à remarquer, que les Grands Seigneurs Espagnols ne reviennent presque sans rapporter avec eux en Europe, ou pour leurs usages particuliers, ou pour donner à leurs amis (qui est selon eux un présent magnifique,) quelquesunes de ces pierres de Mexique, dont le plus grosses ne contiennent guère, que cinq ou six pintes d'eau, tout au plus, parce qu'en effet les plus grandes pièces sont, comme il est marqué cy-dessus, pour

## HISTORIA

*Filtri, Lapidis Mexicani, magnitudine curiosi ac rarissimi.*

**I**N aliquibus sinus Mexicani locis, centum circiter ulnas sub aqua, Natura duce, aliqua rupibus accrescit species fungi, medicinæ non inepti, qui sponte suâ in aëre induratur & lapidescit: cujus maxima frusta ab Hispanis, non sine magnis impensis, ex Americâ ad mare meridionale transportantur, inde in Japoniam navibus onerariis avehenda, ubi hæc lapidum, præsertim majorum crassiorumque, species plurimi æstimata, pari cum auro venditur pretio, quoniam in ea sunt opinione, istis in lapides conversis fungis vim prologandæ vitæ esse impressam.

Japonenses istis ollæ aut mortarii conciliant formam, recipiendis variis liquoribus, inprimis aquæ bibendæ accommodatam, cujus desiderio tenentur quam qui maxime.

Filtrata & transiens per poros hujus lapidis aqua communis, quanquam filtro infusa fuerit limpidissima, semper aliquam sæcum imperceptorum quantitatem deponit, ac tandem sensuum judicio levior, & quod sequitur, multo purior, melior, multoque ad tuendam valetudinem aptior redditur. Quoniam enim aqua in se nihil est aliud, quam condensatus aër, quemadmodum aër rarefacta dispersaque aqua est, hinc bene concludere licet, bonam, quam quotidie bibimus, aquam eodem præstare effectus, atque bonum aërem, respirando admissum.

Quæ causa est, quamobrem incolæ hujus insulæ (qui nec de calculo, nec alio quocunque renum vitio quicquam sciunt, ac suam quoque valetudinem ceteris fortunæ bonis longe præferunt) præcipuè Principes, Mandarini, ac quicunque Magnates peculiaria, eique rei solum accommodata scrinia ac repositoria domi suæ habeant exstructa, quibus hæc filtra aptis tripodibus imposita custodiant, quo aqua, quam usurpant, per ista perpetuo coletur; illorum vero claves ne suis quidem Conjugibus ac liberis committunt, nedum aliis. Vulgatus istorum sermo est, hæc optimum suum esse thesaurum. Hoc certum est, aquam istam colando ita depurgatam, multo diutius sine glacie, vegetam ac naturaliter frigidam, sine corruptione per longum temporis spatium posse conservari.

Id notabile est, Magnates Hispaniæ ferè nunquam revertere in Europam, quin aliquos lapides Mexicanos, vel suum in usum, vel amicis condonandos (quos pro magnifico habent dono) secum ferant domum, quorum majores ad summum ultra V. vel VI. aquæ quartarios non recipiunt, quum omnium maximi, ut jam supra memoratum est, in Japoniam Chinamque transpor-



pour le commerce du Japon & de la Chine, qui leur est tres avantageux, par le grand profit, qu'ils font sur ces pierres, lors qu'elles sont fort grosses.

A Cadix, à Seville & à Madrid il y a des Seigneurs, qui ont chez Soy deux ou trois de ces filtres proprement agencées l'un sur l'autre : Mais ils conviennent tous, qu'une seule de ces plus grosses pierres de Mexique seroit de beaucoup preferable en sa qualité naturelle, en ce, quelle fait sensiblement un tout autre effet pour la santé; ce qui se peut aisément verifier par le moyen du Peseli-queurs.

Une personne, qui vouloit se menager de la faveur auprès de Feu Monsieur de Louvois (qui aymoît passionnement la bonne eau,) ayant cru, ne pouvoir rien présenter à ce Ministre, qui luy fut plus considerable, ny pust mieux convenir à un Surintendant General des Bastiments du Roy, qu'une pierre ainsi pretieuse pour la santé, a fait la depense d'en faire achepter une d'une grosseur enorme en ce genre, puis qu'elle contient environ quatre seaux; mais comme ce Ministre s'est trouvé mort à arrivée de cette pierre, la personne la voudroit bien faire passer à quelque Grand Seigneur d'Allemagne, qui eut assez de soin de sa santé, pour en faire la depence; pour cela elle offre de la faire venir à Strasbourg, pour la mettre à Mons. Schaz, son particulier Amy, lequel en pourra disposer ainsi, qu'il jugera à propos, soit pour la présenter à quelque Prince, ou pour en faire tel autre usage, qu'il luy plaira, étant certain, qu'il n'en est pas encor venue en Europe de la grosseur de celle, dont il s'agit & par consequent de plus considerable & si pretieuse.

Le Pere de Martel, Jesuite, fameux Auteur, a fait imprimer à Blois une Dissertation sur la qualité de cette pierre de Mexique & sur les vertus, qu'il dit avoir soigneusement examinées sur une de mediocre grandeur, qu'il avoit recouvrée.

transportentur mutuo commercio, quod eo magis augetur, & ad lucrum convertitur, quo lapides crassiores sunt & majores.

In Portu Gaderanô, Sevilix Madritique sunt Magnates, qui duo vel tria ejusmodi filtra possident, se mutuo exacte excipientia. Interea in co cuncti conveniunt, vel unum Mexicanorum lapidum, eumque crassiores, existimatione præ aliis omnibus eminere, quoniam qualitatibus natura præditus melioribus plus sensuum judicio valet ad tuendam valetudinem; cujus veritas mediante hydrometro facile posset demonstrari.

Certa quædam persona, quæ in Domini de Louvois (quem sciebat bonæ notæ aqua vehementer delectari) favorem ac benevolentiam se insinuare vel maxime optabat, sibi que persuadebat, necquicquam huic Ministro posse offerri, quod aut melius consideratum sit, aut dignitati Edilis Regii Generalis magis conveniat, quam ejusmodi pretiosum, sanitatique conservandæ utilissimum lapidem, magnas impensas insumit, quo lapidem perrara isto in genere magnitudine enormem sibi compararet: quatuor enim circiter sitularum capax erat. Quoniam vero hic Minister ante lapidis adventum vita excesserat, facile patiebatur prædicta persona, ut ad Magnatem Germaniæ istius veniret commodum, qui in curam valetudinis multa conferre impendia non dubitaret. Istum igitur Argentoratum Dn. Schazio, amico suo intimo, transmitti curavit, quocum suo arbitrio, ut consultum visum fuerit, ageret, illumque vel Principi cuidam offerret submitte, aut in alium converteret usum. Simul quoque fidem fecit amico, nec ullum unquam tantæ magnitudinis lapidem venisse in Europam, istumque consequenter præcipue esse considerandum ac pretiosissimum.

Ceterum Jesuita quidam fama que conspicuus auctor, P. de Martel, peculiarem Dissertationem de qualitate & virtutibus lapidis Mexicani, quas in mediocris magnitudinis lapide, qualis haberi potuit, examinaverat, Bloisii curavit imprimi.

## CAPUT XXIII.

DE

## HYSTEROLITHO, AETITE, ET LAPIDE BUFONINO.

## §. I.

Inter alia naturalia corpora, quæ in Hassiâ nostrâ tantum inveniuntur, paucis adhuc notus HYSTEROLITHUS

non est nullius momenti, niger, nonnunquam etiam albus & quasi æruginosus lapis, magnitudine nucis juglandis, in unô latere fornicatus, in alterô externa mulierum genitalia repræsentans, à Cardanô Hysteropetra s. Lapis Hystericus

propterea vocatus; & quoniam interdum in priori figura etiam membrum virile apparet, (quemadmodum Wormius in Mus. pag. 84. in lapidibus à Dn. Horstio sibi transmissis ostendit,) non immeritò quoque pro DIPHYE potest haberi, cujus Plinius Lib. 37. c. 10. meminit. Circa arcem Hasso-Darmstadinam Braubacensem & castellum Ehrenbreitstein, Confluentiamque reperitur, ut Gesnerus aliquò in locò commemorat.



## §. 2.

De istius usu pauca adhuc habentur apud Scriptores, præterquam quod prædictus *Horstius*, olim Archiater Hassio-Darmstadinus, è figura externa colligat, in affectibus uteri, præsertim ejus suffocatione, non minus in impotentia virili & sterilitate foeminarum à fascinò esse utilem, haud secus ac olim ethnici Priapum loco amuleti gestarunt. Imo existimat quoque, lapidem istum de manibus suspensum, Veneris in utroque sexu excitare appetitum, de quo vid. *Worm. c. l. pag. 84.*

## §. 3.

Qui lapis, aut ejus potius antitypus, si quam forte virtutem exeruit, æquum est, ut alium insuper optimis foeminis offeramus lapidem, quo labores partus faciliores præstent:

## LAPIS AETITES

est, cui istam virtutem vulgò adscribunt. Is vero fuscus vel cinereus lapis est, extrinsecus scaber, plerumque oblongè rotundus, ac diversæ magnitudinis, intrinsecus concavus, alium adhuc lapidem in se continens, qui percussus sonitum edit, proptereaque à nonnullis *der Klapper-Stein*, lapis crepans, vocatus. Hinc inde in agris, montibus ac fluminibus, ubi etiam crescit, invenitur, neutiquam vero in aquilarum nidis, quæ vulgi fuit opinio, id nominis isti imponentis, quod aquila istius ope facilius parere creditur.

## §. 4.

Lapidis hujus multæ & diversæ inveniuntur species, dum quidam valde magni, alii mediocres, minores alii, ut Orientalis: nonnulli albi, quidam purpurei, alii cinerei, scabri quidam & arenosi sunt. Præcipua vero differentia ab rebus contentis petitur, quorum intuitu aëtites est triplex: primo qui alium lapidem, Callimum dictum, continet, cui præ aliis nomen aëtites convenit. Deinde qui loco lapidis arenam vel terram habet reconditam, GEODES dicitur. Qui tertio in ventre suo fert aquam, HYDROTITES nominatur, de quo vid. *Boëtius de Boot Tract. de Gemm. & Lapid. pag. 380. & seqq.* Præter istos *Ettmüllerus* in *Comm. Schrad. pag. 796.* aliis quoque meminit, qui odorem violarum spirans, LAPIS VIOLACEUS nuncupetur, quamvis hoc nomine alius mihi oblatus sit, qui ad aëtiten non spectat.

## §. 5.

Usus ejus in eo vulgò consistere perhibetur, quod brachio gravidæ alligatus abortum præcaveat, femori contra applicatus promoveat partum, istumque tam fortiter attrahat, ut, nisi statim removeatur, uterum descendere faciat & expelli. Quàm verò hoc ultimum omnibus anatomes gnaris, ac iis, qui unquam viderunt, quam firmiter uterus ligamenti suis adhæreat, prorsus videatur impossibile, tota res hinc red-

ditur suspecta, ut alii fere omnia habeant superstitiosa, ut *Sam. Dale* ex *Ammanno pag. 89. Mineralog.* ostendit; nisi forte solo attractu & pressione aliquid contribuere posse putetur. Multo minus credendum, istum sub orbe positum impedire, ut ne ullum cum cibis venenum assumatur. Omnium maxime vero à veritate abhorret, istum pani mistum detegere fures, quos illum non deglutire posse ferunt, quemadmodum de aëtitico pane Græcorumque superstitionibus *Hoffmannus* in *Clav. Schrad. pag. 172.* fuse egit. Consultius est, ut in pulverem redactus lapis interne æque ac externe contra epilepsiam usurpetur: quo etiam modo partum promovere & lac augere aptior est. Sic quoque contenta terra febribus pestilentialibus proficit, haud secus atque terra sigillata, eique etiam dysenterix conducit, quam febris contagiosa comitatur, de quibus aliisque præterea virtutibus hujus lapidis *B. D. Bauschius*, Præses olim Curiosorum Germaniæ, in peculiari *Tract. de Lap. Hemat. & Aetite* verbosius egit, cujus contenta in Gallico diario (*journal des Scavans*) Anno 1666. *Eph. XXXVI.* & in *Historia nostra Liter. S. R. I. Acad. Nat. Curios.* reperiuntur.

## §. 6.

Quæ porrò superstitiosæ opiniones de  
BATRACHITE, s.  
LAPIDE BUFONINO

foveantur, quemadmodum nempe vel in cerebro bufonum senilium generetur, vel super Regem bufonum ab aliis exsputus, postea vero ab illo, rubro panno imposito, rejiciatur, cuius notum est, quæ omnia ex antiquis Physicis per-eleganter præ cæteris *Hoffmannus* in *Clav. Schrad. pag. 646.* recenset; id verò falsum & sine ratione dici, *Boëtius l. c. pag. 301.* ostendit, qui ipse bufonem coccino imposuit, nihilque minus invenit quam ejusmodi lapidem; quamobrem cum hodiernis Physicis existimat, hosce lapides, ad modum gemmarum, provenire è terra, ac instar fungorum aliis lapidibus rupibusque accrescere, ut *Wormius* in *Mus. Lib. 2. c. 18. pag. 107.* scribit: quanquam *Merretus* clarissimus Anglus in *Act. Soc. Angl. Vol. I. pag. 301.* velit defendere, istos nihil esse aliud, quam dentes molares lupi marini, vide sis verba ipsius in *Sam. Dale Zoolog. pag. 513.*

## §. 7.

Duplex istius species habetur, una rotunda, oblonge rotunda sive ovalis alia. Utrique lapides ex flavo spadicei sunt coloris, instar coloris crinium, superius fornicati & læves, inferius vel quadantenus cavi, aut depressi, ut ex figuris licet videre. Gemmarum ad instar auro annuloque includuntur, & prout in amatorem incidunt, diverso emuntur pretio, dum in se spectati non adeo cari sunt. vid. cit. *Boëtius.*

## §. 8.



## §. 8.

Respectu qualitarum præsertim ad apum vesparumque idem commendantur lapilli, quo in casu omnem inflammationem dicuntur præcavere, vel externe saltem admoti, id quod fortasse etiam culter aut aliud quoddam durum si-

militer præstabit. Istos vero sudare & quasi lacrymari nimis appropinquante veneno, & superstitiosum est, & falsæ de istorum ortu opinionis innititur. Alii ad dolores nephriticos ac hydropem commendant, qua de re legendus est *Ettmüllerus in Comm. Schræd. pag. 772.*

## CAPUT XXIV.

## DE

GLOSSOPETRIS ALIISQUE FIGURATIS  
LAPIDIBUS.

## §. 1.

GLOSSOPETRÆ (*Natter-Zünglein*)

tricuspidales, exacuti, cinericei lapides sunt, superius læves, inferius aspera basi muniti, plurimam partem in Melita Insula reperiendi, proptereaque à doctis Linguae Melitenses (sive *Maltheische Otter-Zungen*,) à Germanis *Stein Zungen*) vocati, picarum tamen quam viperarum linguis similiores, quoniam notum, viperas serpentesque non, ut illæ, latas ac simplices, sed valde exacutas divisasque habere linguas. Similes quoque alibi in Germania, circa Luneburgum, Hildesiamque, in Hungaria & Helvetia inveniuntur, ut non solum *Lachmundus in Οργανογραφία Hildesheimensi*, sed etiam *Reiskius* in peculiari *Tract. de Glossopetr. Luneburg. Geierus de Glossopetris Alzeiensibus & Misc. Germ. Cur. Dec. II. A. VIII. p. 303.* testantur.

## §. 2.

Utraque statim initio receptam adhuc opinionem valdè reddunt suspectam, cui isti sunt addicti, qui dictas Melitenses linguas pro veris in lapidesque versis viperarum linguis habent, id quod isti miraculo, quum Paulus Apostolus inhærentem manui suæ viperam, sine ulla noxa, rejecisset, adscribi simulque credi volunt, omnibus tum viperis in hac insula ademtum venenum esse, quasi lapides evaserint, quemadmodum non incolæ solum Italicis Gallicisque schedulis ac descriptionibus, (quas *Dn. Niederstetius* in veteri sua novaque *Melita*, ex istoque *Reiskius Dissert. de Glossopetris Luneburg.* reperit) sed nonnulli etiam celeberrimi Theologi, ut *Cornelius à Lapide* in *Comm. ad Acta, Sam. Bochartus* in *Hieroz.* aliisque fere existimant. Sed quum S. Scriptura de eo nihil testetur, nec consequentia hæc valeat: Paulus viperam de manu sua rejecit, ergò viperas omnes execratus est, ergo in lapides fuerunt versæ &c. ut *Dn. D. Major* in *Historia Artificialium ac Naturalium Museorum in Africa orisque Europæ Cap. IX.* ostendit, non adeò facile istis conjecturis habenda est fides.

## §. 3.

Aliorum, *Gesneri* sc. *Boëtii, Königii* in re-

gno animali &c. opinio est, istas glossopetras, unicornu fossilis ad instar, lusu naturæ è pingui bolarique terra generari & vel linguarum, vel oculorum serpentum prodire forma, similem vim alexipharmacam cum terra sigillata Melitenfi habentes. Imo sunt nonnulli, qui hosce lapides cum lapide fulminari confundunt, existimantes, tandem aliquando posterioris adipisci formam, teste *Boëtio de Boot* in *Tract. de Lapid. pag. 341.* Id quod non temerè videtur affirmari, quum ejusmodi Glossopetræ, tanquam alii quicunque lapides, sæpe suæ matrici & terræ firmiter sint impactæ, quas non solum *Thom. Bartholinus* in *Melitea Insula* ita se invenisse *Centur. IV. suæ Histor.* testatur, sed quoque *D. Major* loco supra cit. depingit. Cui tamen opinioni adversatur, quod glossopetræ igne probatæ, instar aliorum ossium, prius in carbonem mutantur, quam in calcem vel cinerem concidant: omnes contra lapides, ne quidem unquam in carbones, sed statim in calcem abeant, ut *Fabius Columna* in *Libr. suo de Purpurâ*, & supra laudatus *D. Major* in *Comment. in prædictum librum* observant.

## §. 4.

Quæ causa est, quamobrem alii curiosi doctissimi que Physici, sc. *Andr. Casalpini* *Lib. I. de Metall. c. 44.* *Fabius Columna* in *Appendice libri sui de Purpura*, *Steno* in *Anat. piscis carch.* alique multas ob causas existiment, istas ita dictas linguas nihil esse aliud, quam certos & in lapides mutatos dentes, ab aliquo pisce vel cane marino, *Carcharia* vocato, ortos, & vel tempore diluvii, aut alia quacunque auxiliante inundatione in continentem delatos. Primò enim statim intuitu hujus piscis, cujus os quadringentis fere dentibus septum est, ut à clarissimo ac curioso Siciliæ nobili, *Boccone, aux Recherches & Observ. Naturelles pag. 314.* repræsentatur, magna inter ejus dentes & glossopetras observatur similitudo, adeo, ut *Wormius* in *Mus. pag. 67.* id quidem negare nolit, sed tamen propterea priorem opinionem non abjiciat, aliquas glossopetras è terra, nonnullas ab ejusmodi dentibus deducens. Et quam-



vis huic opinioni quædam contravenire difficultates videantur, istas tamen omnes prædictus *Columna* & secundum illum *Dn. Bocconius* l.c. removit, & ejusmodi rationibus refutavit, quibus *Dn. Reiskius* in *Appendice Dissert. de Glossopetris Luneb.* omni etiam adhibitâ diligentia non potuit satisfacere.

## §. 5.

Qui lapides licet non adeò cari sint, sed teste *Boëtio* pag. 342. l. c. æquo comparentur pretio, id tamen demus operæ, ut sinceri accipiantur. Melitenses, iidemque cinerei, optimi sunt, ut *Joh. Frid. Abela*, à *Dn. D. Hoffmanno* in *Clavi Schræd.* pag. 131. citatus, docet. Istos quoque læves decet esse & friabiles, ne utique quam duros, quo, tanquam Ebur ustum, dentibus possint conteri. Cetera bonitatis indicia jam supra memoravimus.

## §. 6.

Istorum usus viresque innotescunt ex supra dictis Italicis Gallicisque schedulis, quas emtoribus communicandas sæpe memoratus *Wormius* in *Mus.* pag. 7. Latine reddidit, ut sequitur:

**Vires lapidis S. Pauli, linguarum, item oculorum serpentum pretiosorum, qui in Insula Melita reperiuntur:**

Terra quæ S. Pauli vocatur, in Insula Melita reperta, in ipsa specu D. Pauli, colore albo est, exque ea fiunt imagines, tabellæ, vasa &c.

Linguarum coloris sunt fusci, oculi serpentum lutei, atque per totam Insulam inveniuntur ea, qua venduntur, forma.

Miræ sunt virtutes tam terræ, quam linguarum & oculorum, dum omni veneno resistunt, à morsibus venenatis non solum defendunt, sed etiam curant, aliisque morbis medentur.

Usus hic est: annulis includuntur oculi dicti, ita ut gestantis tangant carnem, & instar aliarum gemmarum digitis sint ornamento.

Linguas collo aut brachiis appendunt.

Parum dictæ terræ vino aut aquæ miscent, ut bibatur.

Linguas & oculos itidem aquæ aut vino infundunt, ut ebibatur liquor.

Vasis ex hac terra fabricatis si vinum vel aqua infundatur, ac, ubi vim eorum absorpserunt, ebibantur, multis affectibus medebuntur.

Sed ante omnia attendendum, ut dictæ

linguarum & oculi sint veri, ex Melita per fide dignos transportati, ne fraus aliqua contingat.

## §. 7.

Ultimò in curiosorum Museis alii adhuc perrari mireque figurati lapides inveniuntur, ad quos pertinent

**CORNUA AMMONIS**, s. *Ammons Hörnlein*,  
**CONCHITES**, s. *Schnecken-stein*,  
**STALACTITES**, *Rogen-stein*,  
**ENCARDIA**, *Hertz-stein*,  
**ASTROITES**, *Stern-stein*,  
**LAPIDES SABULOSI**, *Pfältzische Sand-Pfeiffen*,

de quibus ultimis *Thom. Erastus* curiosam scripsit epistolam. Quoniam vero isti pluresque alii nec à Materialistis venduntur, nec Medicinæ in usu sunt, in iisdem non commorabimur, in *Tom. II. Mus. Mus.* fusius, Deo volente, pertractandis. Interea curiosus lector aliquam informationem hauriet ex *Aldrovandi Museo Metallico* & *Bootii Tract. de Gemmis & Lapidibus*, in specie ii, qui in Bavaria ac Helvetia reperiuntur, à *D. Welschio* in *Hecatost. Observ.* *D. Wagnero* & *D. Scheuchzero* in *Histor. Helvet. Naturali*: Misnici ab *Joh. Kentmanno* in *Nomenclatura rerum fossil.* in *Misnia*: Saxoniarum inferioris à *Frid. Lachmundo* in *ἐμπροσφά Hildesheimensi*: Silesii à *Casp. Schrvvenckfeldio* in *Catal. Fossil. Silesia*: Bohemici à *P. Balbino* in *Hist. Bohem.* in Scotia reperiundi à *Sibbald* *Hist. Nat. Scotia* describuntur. Horum tamen lapidum æstimationem sola curiositas metitur, dum eæ virtutes & qualitates, quæ à *Gaffarello* in *curiositatibus inauditis* cap. 5. pag. 138, istis adscribuntur, maximam partem superstitiosæ sunt, ut Regius Præpositus Flensburgensis *Michaëlis*, in *Notis suis in Gaffarellinas curiositates*, ingenuè confiteretur. *J. C. Vaninus*, antequam in Atheismi incidit phantasma, non sine causa quoque scripsit, vel unicum pulicem plus habere virtutis, quam omnes pretiosos lapides cum raris quibus insigniuntur figuris, vid. ejus *Amphitheatri aternæ providentiæ Divino-Magica Exercit. VI.* pag. 46. multo minus Hebraicis characteribus, dictisque Figuris Talismanicis insignitis lapidibus adscribendum efficaciam est, in quibus certus quidam isque magnus amicus tantam posuit fiduciam, ut, istis se quasi immortalem reddere non dubitaret: quæ tamen opinio usque eo eum fefellit, ut, licet ferre omnibus membris imposuerit lapides, nihilominus vita excedere, istosque magno pretio emtos, (quibus post mortem liberi in domo dicuntur luisse,) aliaque plura curiosa latis relinquare hæredibus necesse habuerit.



## CAPUT XXV.

DE

## AURO COMMUNI ET FOLIATO.

## §. 1.

**A**urum nobilitate omnia antecellit metalla, in se omnium purissimum, maxime durable, solidissimum, gravissimumque: plerumque flavum habet colorem, quanquam interdum quoque album reperiatur, facile pro argento à quocunque habendum, nisi gravitate, ductilitate aliisque qualitatibus auri propriis dignosceretur. Tale in Bohemia circa Pragam reperitur, quod doctus quidam Jesuita, *Balbinus*, in *Historia Bohemiae Part. 1. cap. 14. pag. 40.* descripsit; quemadmodum etiam Chymica arte auro communi flavus color adimi potest, illique de integro reddi.

## §. 2.

Aurum autem vel vere purum & apyron invenitur, quale non solum in Guinea & alibi è terra interdum effoditur, sed copiose etiam in auriferis fluviis: Tago, Pactolo, Rhenoque sub arena invenitur, quod eum in finem constituti auri lotores quærunt, ac mediante mercurio sciunt eruere; qua de re vid. *Münsterus* in *Cosmographia*, *Georgius Agricola de Re Metallic. Erckerus* in *Libr. de arte probatoria pag. 101.* præsertim *Marquardus Freherus P. 2. Originum Palatinarum cap. 17.* & *J. F. Spicilegium Antiquit. Palatinarum cis Rhenum*: Vel in mineris adhuc latet, quæ plerumque cæsæ aut cineracæ existunt, ut *Agricola Libr. V. de Re Metallic. pag. 26.* testatur, & quales à *Beslero* in *Gazophylacio fol. 1.* delineatæ sunt. Nonnunquam etiam alterius sunt coloris, prout multum vel parum alterius cujusdam metalli, argenti, cuprique ac similis est admixtum, à quibus mercuriali amalgamatione, aqua forti, cæmentatione artisque modis aliis separatur, ut ex *Agricola, Cæsalpini* aliorumque scriptis apparet.

## §. 3.

Aurum vere purum minusque vitiatum esse, vel lapide Lydio experimur, aut igne, & libra aquaria. Primus probandi modus aurifabris in usu est, qui aurum super lapide Lydio ad acus probatorias examinant, quarum præparatio in *Erckeri arte probatoria pag. 123.* docetur. Tantum vero aurifabri non sumunt operæ, sed frustum à ducato, coronato, florenoque Rhenano abscindunt, ac ferruminatione quodque cupreo clavo adjungunt, ad cujus tenorem aurum solent probare. Altero utuntur monetarii, qui aurum vel per saturnum in catino, vel per & depurgant, vel etiam per quartationem solent examinare, de quibus *Ettmüllerus* in *Colleg. Chym. & Comment. in Schræd.* nec non *Borrichius & Erckerus* in libris de arte probatoria fusius agunt. Ter-

tium vero per libram aquariam experimentum valde curiosum est, quod ab Archimede inventum in eo consistit: duo sumuntur auri frusta scilicet duæ monetæ aureæ, extra aquam idem pondus habentes, quibus in communibus lancibus, vel cum vitreo hydrometro, salinatum Factoribus usitato, sub aqua libratis, minus adulteratum frustum notabiliter præponderabit alterum, vi-  
liora metalla continens.

## §. 4.

Verè purum minusque vitiatum inprimis auri textores & bractearii quærunt, quorum illi ex tertia grani parte, mediantibus formis suis, filum ducunt 134. pedum longitudine: isti vero ex auri uncia 1600. folia, quorum quodque 37. lineas quadratas contineat, cudere norunt, unde

## AURUM FOLIATUM

quod Materialistæ quoque ac Pharmacopolæ divendunt, proficiscitur; à bracteariis inter membranas & intestina bovina, *Baudruche* Gallis vocata, latis malleis cusum, partim in majoribus, partim minoribus libellis venditur; unum Materialistæ AURUM FOLIATUM IN LIBRIS, alterum AURUM FOLIATUM IN LIBELLIS vocant, quale Sinenses in multo minoribus & sericis papyraceis libellis habent. Duas cujusque pharmacopolia habent species, AURUM scilicet FOLIATUM FINUM, & AURUM FOLIATUM MISTUM, *Zwisch-Gold*, quod in altero latere albescens vix dimidiam caritatis alterutrius partem attingit, quoniam minus purum aurum est. Interea bractearii finum quoque in distinctas sortes dividunt, quatum tres vel quatuor habent: prima, eaque optima, politoribus inservit, qua ad gladios Damascenos utuntur: secunda veteris hoplopœis est in usu, ad cataphractas aliaque arma inauranda: tertia bibliopegi libros inaurant: quartam Chymici & Pharmacopolæ medicamentis miscunt, ut *Pometus* in *Histoire des Drogues Part. III. Lib. I. cap. 3. p. 3.* commemorat.

## §. 5.

Ex deciduis parvis auri foliati frustulis AURUM IN MUSCULIS (*Muschel-Gold*) præparatur, quando cum melle virgineo minutim tritum in parvas conchas distribuitur, quod aqua gummosa humectatum, vel ad inaurandam scripturam, vel ad picturam, potest usurpari, de quo vid. *Thom. Garzoni Theatrum omnium artium & opificiorum pag. 1051.*

## §. 6.

Præterea in Materialium Muscis habetur quoque

## AURUM MUSICUM

G 2

quod



quod præter nomen necquicquam cum auro commune habens, non tam ex isto metallo, quam ex stanno, bismutho, sulphure flavo similibusque præparatum, uti *Kunckelius* in *Appendice secundæ partis artis vitrariæ* pag. 95. descripsit. Ad vitrum aliasque res illuminandas, picturas, ad chartam quoque Turcicam multasque res aliâs usurpatur.

## §. 7.

Similiter nulla re, præterquam solo colore, cum auro convenit

## AURUM SOPHISTICUM,

ex viridis æris libra dimidia, tutiæ unciis quatuor, borracis & o unciis duabus, & drachmis duabus  $\frac{3}{4}$  cum oleo olivarum impastatis, in fervente crucibulo, forti auxiliante igne, fundi solitum, quemadmodum *A. C. V. H.* in *Arte Chymica Natura Æmulâ* fol. 17. descripsit.

## §. 8.

Quod ad qualitatem usumque auri attinet, ad vacuum crumenam verius panacæa est, quam varios corporis humani affectus, meaque sententia utilius aurum ex medicamentis, quam

medicina ex auro comparatur. Et quamvis hucusque aurum foliatum non compositis solum permixtum, sed ad pilulas quoque aliasque res inaurandas usurpatum fuerit, non tamen æque ægrotantis cor, ac divitum magnatumque superstitione inde roboratur, quum in hodiernum usque diem Medici non convenient, num aurum foliatum in corpore nostro recludi, & ad vim aliquam exercendam trahi queat, qua de controversia *D. Hoffmannus* in *Clavi Schræder.* p. 200. præter ceteros videatur. Multo minus in auro potabili, tincturis auri, panacæis solaribus similibusque multum ponendum fiducia est, quorum effectus menstruo quam auro adscribes rectius. Inter omnia verò præparata quid præcipui habet

## AURUM FULMINANS,

quod ex auro  $\text{V}$  solutio per salem Tartar.  $\text{+}$   $\text{O}$  sive  $\text{OX}$  præcipitatur, & præter vim fulminantem, ab auri sulphure nitroque aquæ Regiæ dependentem, à flatibus oriunda tormina & epilepsiam infantum discutit, partim etiam alvum movet, partim sudorem pellit, de quo *Schræderus* aliique legantur.

## CAPUT XXVI.

## DE

## ARGENTO MINERISQUE ARGENTEIS.

## §. 1.

**A**uro Argentum ductilitate ac pulchritudine proximè succedit, pondere licet ac colore cum isto minime conferendum, quum non flavum, sed albescens appareat. In omnibus ferè regionibus, præsertim etiam in Germaniâ, in Saxoniâ & alibi è fodinis eruitur, in majori vero copiâ ab Hispanis cum classe argentifera è Peru, & à Batavis ex aliis quoque Orbis terrarum partibus, Orientali æque ac Occidentali India affertur.

## §. 2.

Argentum autem vel purum & apyron in argentifodinis deprehenditur, sive in forma capillorum argenteorum, fruticum & arbuscularum appareat, sive in magnis frustis, qualia olim Annæbergæ tanta inventa sunt magnitudine, ut Dux Albertus aliquo loco mensæ usus fuerit, ut *Münsterus* in *Cosmogr. Lib. I. c. 9.* perhibet. Vel etiam ex argenti mineris, postquam à Præfectis Docimasticis (*Wardeyne*) κατ' ἀγυρον (*auff Silber*) probatæ sunt, & cum pondere centenario (quod in capsulis secum vehunt) istarum quantitas fuit explorata, fusione prolicitur, quæ propterea discretæ in operasque redactæ funduntur, modòque diversò separantur, ut apud *Agricolam*, *Erckerum* aliosque videmus, à quibus etiam quædam minerarum argenti species,

in specie dicta argentum rude plumbei coloris, *Glas-Ertz*, & argentum rude rubrum, *roth gülden Ertz*, describuntur, quarum illa multum sulphuris, hæc vero aliquid arsenici continet; quemadmodum ex commistione magnetis arsenicalis & lunæ vera minera argenti rubra, ex sulphure & luna vero naturalis minera vitrea per artem potest præparari, ut *Ettmüllerus* in *Comment. Schræder.* pag. 832. demonstravit.

## §. 3.

Quum verò fusum è mineris argentum plerumque alia adhuc metalla, inprimis cuprum, contineat, (id quod ope acus probatoriæ in lapide Lydio sistitur videndum) proptereaque ad medicinam operasque alias sit ineptum, in catinò per hnum sunt separanda, quem scimus omnia alia metalla devorare, aurum vero & argentum intacta relinquere: hocque

## CUPELLATUM ARGENTUM

vocatum, ad trahenda fila, argentum foliatum, similiaque opera usurpatur, inprimis si post cupellationem o ulterius depuretur, tamdiu fusionem cum o continuando, donec hoc prorsus album & non amplius tinctum appareat.

## §. 4.

## ARGENTUM FOLIATUM

eodem prorsus modò atque aurum foliatum præ-



præparatur, dum bractea argentea, igni sæpe indita, inter duo coria, in ejusmodi tenuia folia cuditur, in libellis postmodum dividenda; & quoniam hæc quoque multum scobis decedit, cum gummi ista teritur & impastatur, unde

ARGENTUM IN MUSCULIS,  
(*Muschel-Silber*,)

scripturæ picturæque idoneum, oritur.

§. 5.

Vulgò ita dicto ARGENTO MUSICO nulla cum hoc metallo intercedit amicitia, quum ex stanno, bismutho & mercurio conficiatur, cujus descriptionem juxta ac usum, quem pictoribus præstat, vide sis in *Joh. Kunckelii Arte vitraria*, inprimis in *Appendice Libr. 2. Part. 2. pag. 96.*

§. 6.

Ceterum ex cupellato beneque depurgato argento præstantia quædam efficacique medicamenta componuntur, inter quæ

CRYSTALLI LUNARES

non postremum tenent locum, ex soluto in  $\infty$  vel  $\nabla$ , postmodum facta abstractione ad debitam consistentiam redacto argento, exsurgentes, ex quibus aliquoties calcinatis, solutis, ac denuo coagulatis Clarissimus *Robertus à Boyle* Pilulas suas Lunares confecit, quas in *Appendice Tract. de Utilitate Philos. Experim. pag. 361.* ex istoque *Du Hamel Lib. de Affect. Corp. pag. 395.* descripsit. Ad purgandos hydropicos egregiè præstant, quod etiam crystallorum gr. ij. cum micâ panis, aut alio quocunque assumpta, aquas p. n. fortissime evacuant, ut *Ettmüllerus* in *Comment. Schrad. pag. 833.* testatur.

§. 7.

Simili ferè modò notissimum istud corrosivum, Gallis *La Pierre infernale*, aliàs

LAPIS INFERNALIS

dici solitum, ex argento præparatur, quando sc. solutum in  $\infty$ , inque crystallos redactum argentum in igne tamdiu liquari permittitur, donec in crucibulo instar olei fluat, quod deinde in calefactum ac intrinsecus illitum sebo conum fusorium infunditur, quo in isto materia instar lapidis indurescat. Bonus esse probatur, quando flavo & quasi ferreo præditus est colore, nec digitos nec chartam adurit, quando ficeus est, nec facile in aëre fluens concidit, è contrario verò adurit, simul atque vel parumper humectatur. Qui viridiusculus est, chartamque, cui involvitur, viridi maculâ inquinatam relinquit, meretur rejici, quoniam ex permistò argento vel cuprò præparatus, qui facile aëri liberiori expositus fluit. Sunt, qui istum ex argento

in fila ducto & è texturis argenteis exusto conficiunt, qui tamen non adeò durabilis est, quam qui ex argento cupellato præparatur. Parva frustra, fortè digitum longa, quæ statim sicca fiunt solidaque, habentur optima. Nigrum colorem requirit *Pometus* in *Hist. Simpl. Part. 3. L. 1. cap. 10. pag. 7.* Ceterum quantitate pili cuti impositus, ad parandos fonticulos perutilis est; non minus putrem ac luxuriantem carnem in vulneribus exedit; ubi tamen cavendum, ut ne pars sana tangatur, hocque modo agrotanti non necessarij dolores excitentur. Variæ quoque isto mediante figuræ marmori sive scribendo, sive pingendo possunt imprimi, ita ad interiora profundè penetrantes, ut extrinsecus apparent.

§. 8.

Ultimò etiam habetur

TINCTURA LUNÆ,

coerulea plerumque vel viridiuscula, qui tamen color vel spiritui solventi sive menstruo, utpote  $\infty$  X, vel aliis adhuc permistis metallis, præsertim cupro, venit adscribendus, quo si prædita colore est, pro genuina minime habeatur, quum vere depurgatum, & ab omnibus aliis metallis intime liberatum argentum nullam tincturam, sed solutionem limpidam, instar aquæ suppeditet, ut *D. D. Bohnius* in *Dissert. Chymico-Phys. XIV. §. 34.* ostendit. In epilepsia, apoplexia universali & particulari, ceterisque capitis morbis ad XV. vel XVI. guttas usurpatur.

§. 9.

Additamenti locò, & ad delectandos curiosorum animos, paucis adhuc erit commemoranda

ARBOR PHILOSOPHICA,

ex argento quoque modò sequenti præparanda:

R̄. Lunæ cupellatæ 3℔.

$\nabla$  3j.

Solve, posteaque R̄.  $\nabla$  3ij. ʒviv. 3j.

Solve similiter, quò factò binæ solutiones misceantur, & adde ʒviv. 3ij.

$\nabla$  fontan. 3vi℔.

quæ omnia vitro oblongo indita, reponantur in locum moderatæ temperiei, sic arbuscula accrescet, de qua certò aliquò additamento etiam aurea poma possunt suspendi, id quod visu perjucundum est. *Dn. Peikenkampius*, qui aliquot ante annos decessit, valdè curiosus Philosophus Experimentalis, *Marburgi Cattorum* integrum ista saper re *Tractatum*, typis dignissimum, conscripsit: olim vero *Fabricius Bartholetus*, doctus Italus, in *Encyclopad. Medica* per rara, istius etiam meminit: tandem verò *Dn. Kirchmayerus* integrum de ista *Tractatum* edidit.



## CAPUT XXVII.

DE

CUPRO, ORICHALCO, VIRIDI ÆRIS  
ET SIMILIBUS.

## §. 1.

**I**nter metalla ignobiliora CUPRUM maxime ductile est, in igne diu candet, antequam in fluorem redigatur, ac post aurum argentumque valde se extendi & malleari patitur. In Europa, præsertim vero in Sueciâ Daniâque, copiose invenitur, non minus in Germaniâ, ac imprimis in Hassia nostra prope Kleebergam, Braubacum & Franckenbergam non spernenda ejus effoditur quantitas.

## §. 2.

Parum hujus metalli purum apyrone invenitur, nisi quod in quibusdam fodinis aliquid ejusdem eruatur, sed plerumque saltem in parvis guttulis, vel foliis, mineræ adhærentibus, ut *Agricola Lib. VIII. de Fossil. p. 603. & Wormius in Mus. pag. 125.* testantur. Ut plurimum è propriis suis mineris eruitur, in ductiles & facile liquabiles (qualis est æs rude *Kupffer-Glas-Ertz*) & duriores sive difficulter fusiles cupri mineras distinguendis. Binæ virides plerumque vel etiam cœruleas maculas & venas habent, excepto nigro scissili lapide, qui in montibus Mansfeldensibus & circa Islebiam inveniendus, flavas aureasque maculas, & à Natura eleganter impressas halecum aliorumve piscium figuras repræsentat, cujus adumbratio in *Ulyss. Aldrovandi Mus. Metall.* & quam maxime *Scheuchzeri Querela Piscium* sistitur videnda. Unde verò hæ piscium imagines oriantur, & quæ vera istarum sit origo? æque adhuc disquiritur atque plantarum figura in scissilibus istis lapidibus, qui in S. Andreæ valle, in Fodinis herbariis recens exstructis Saxo-Gothanis, in Thuringiæ sylvâ, & Præfecturâ Schwartzwald, reperiuntur, in quibus filix, polypodium, equisetum ac similia verè & affabre sunt delineata, id quod in Anonymi interceptis literis *Part. 2. Fascic. V. pag. 431.* & antea laudati *Dn. Scheuchzeri Herbario diluviano* sistitur videndum. Num verò *Dn. Frider. Haynius* in *Museo Subterraneo*, quod dicitur meditari, istum expediturus sit nodum, quemadmodum *Dn. D. Grimmus* in *Historicis ac Medicinalibus suis Relationibus cap. IV.* & *Dn. Kirchmayerus* in *Tract. de Arb. Philosophica Ramoque Aureo Virgin. c. 1. §. 3.* de ipso sperant, dies docebit.

## §. 3.

Quamprimùm istæ mineræ è terrâ eruuntur, antequam fusione cuprum exinde præparetur, ab omnibus sordibus depurgandæ, & ab superfluo foetenteque sulphure tostione li-

berandæ sunt: quò factò funduntur, & cuprum formis infunditur. Hoc deinde iterum liquatum aliis in arena factis formis infunditur, in placentas & adhuc inæquales crassas laminas redigendum. Quo verò reddatur malleabile, tertium liquatur, in alias placentas formandum, quæ XV. circiter digitos in diametro, & tres in crassitie habent. Sub quibus fusionibus Regulus in fundum secedit, è quò sæpe auri quid lucrantur, ut è Mechanicorum, huic negotio destinatorum, ore hausi. Ex istis vel integris, vel in quatuor partes dissectis, in molis ærariis (cujusmodi duas Hassiæ oppidum Alsfeldia habet) laminæ cupreæ cuduntur, ex quibus Ahenarii pedibus suis, pelle ovina munitis, ahenæ formant: Ærarii autem multa insuper vasa utensiliaque inde componunt.

## §. 4.

Aliàs cuprum à nonnullis in nigrum, rubrum flavumque dividitur. Duæ priores species haud aliter ab se invicem distinctæ sunt, quàm quod nigrum rubro sit impurius: alias utraque ductilia sunt, & mallei ferunt verbera, quorum habitâ râtione vel *Æs Caldarium*, vel *Orichalcum* dicitur.

## §. 5.

**ÆS CALDARIUM** (*Glocken-Speis*) nihil est aliud quam metallorum mixtura, in quâ cuprum & stannum primas tenent, sive à Natura in terra ita misceatur, sive arte præparetur. Galli *la Bronze* vocant, ex istoque non solum, ut nostrates, campanas mortariaque componunt, sed statuas quoque ac monumenta fundunt, utpote Regios equos & similia. Parisiis *les Sols marqués* exinde cuduntur. Inde etiam oritur, quod

**DIPHRYGES**

vocant, quo nomine fex quasi & recrementum æris caldarii venit. Olim pro medicina usurpabatur, hodiè fere obsolevit, nullusque isti in officinis relictus locus est. Quando clara aqua liquato æri caldario affunditur, ferreaque lamina canalibus quos transit, infertur, à fumo parva, rubellaque ac splendida accrescunt granula,

**FLORES ÆRIS**

dicta, quorum *Hippocrates* aliique antiqui Medici sæpe fecere mentionem. Si quando verò plus stanni permiscetur cupro, nempe 12. circiter vel 25. libræ libris centum, mixtura simpliciter

**METALLUM**

vocatur, ex quò gladiatorum manubria, cochlearia



## LIB. I. DE MINERALIBUS ET METALLIS.

learia similiaque componunt, ob elegantiam argenti faciem præ se ferentia.

### §. 6.

Quod ad

#### ORICHALCUM (*Messing*)

attinet, quæritur, num naturaliter etiam in terra inveniatur? Clarissimus Jesuita *Kircherus* in *Mundo subterraneo* pag. 218. nonnunquam istud reperiri existimat, cujus possibilitatem nemo forte negabit; interim tamen certum est rarissimè id contingere, istudque plerumque artificiosa cupri lapidisque calaminaris mistione constitui, quando nempe cum quatuor partibus veteris cupri una pars dicti lapidis funditur, modo haud dissimili, atque ex sex partibus cupri, unaque *Zinethi* (*Zinck*) vulgo dictum flavum cuprum, s. *Principis metallum*, *Printz-Metall*, conficitur, cujus *D. Stablius* in *Disput. de Metallurgia* pag. 73. meminit. Ex illo postmodum ita vocatum

#### CLINCANT (*Rausch-Gold*)

præparatur, quando nempe orichalcum in folia instar papyri cuditur, ac ita compingitur, quo in crassiori charta avehatur. Si quando vero tenuius cusum, in subtiliora tenuioraque foliola, auri foliati ad instar, redigitur, in libellos distribuenda, aurea metalli folia (*Metall-Gold-Blätter*) exinde resultant, *Or d'Allemagne* Gallis vocata, quoniam metallum Augustæ Vindelicorum magna copia præparatur, proptereaque à nonnullis Augustana dicitur, ut *Pometus* in *Histoire des Drogues* p. 29. commemorat. Quod inter malleandum decedit, in pulverem teritur, vel ita vendendum, vel in vilius aurum in musculis redigendum: pictoribus, rebusque aliis superinducendis conducit. Ex Orichalco quoque PURPURINA à Venetis præparatur, ad inauranda carpenta olim usurpatum. Similiter AVANTURINA Gemmariorum & Vitriariorum ex Orichalco constat, de quo *vid. prædictum Pometum loc. cit.* Non minus filum aureum dictum, fila s. fides instrumentorum, cavum laminatumque aurum & similia, ex Orichalco, dicuntur, quemadmodum ex ipso cupro cupreum filum trahitur, quæ iis, qui auro nere, acque pingere solent, sunt in usu.

### §. 7.

Sub præparatione fusioneque Orichalci quadrangulis ferreis perticis, crucibulum operientibus, ac forcipibus operariorum levis albidusque pulvis adhærescit, qui nihil est aliud quam officinarum.

#### POMPHOLIX, (*vveisser Galmey*.)

alias quoque NIHIL ALBUM vocatus, quod *Schraederus* ejusque Interpretes *Hoffmannus* & *Ettmüllerus* pro tutia genuinâ veterum s. cadmia capnite habent, quæ causa est, quamobrem ista duo simplicia sæpe confundantur. Hodie inter istud medicamentum tutiamque officinarum multum est discriminis, dum hæc nihil aliud est, quam cadmia factitia, à metallo & are caldario proveniens: illud vero Orichalci progenies. Ceterum Pompholix eleganter alba sit, levis, pura teneraque, qualis è Batavia venit, ubi præparatur purissima. In cancro aliisque ulceribus externis, variis quoque oculorum affectibus utilis est. Fusor quidam ærarius Gallico Materialistæ *M. Pometo* narravit, istam à se tanquam medicamentum antefebtifugum peti, ac cum vino assumi: quum vero valde violenta istius operatio sit, non immerito monet, ut in ejus usu simus cauti. *vid. ejus Histor. Simplicium Lib. III. Part. I. cap. 49. pag. 29.*

### §. 8.

Aliud adhuc & priori valdè simile simplex habetur,

SPODIUM GRÆCORUM (*Grauer-Nicht*) vocatum, ab isto in eo saltem distinctum, quod antecedens superius, hoc vero propter gravitatem suam fundo crucibuli dicatur adhærere; pro varietate colorum in cinereum, flavum, nigrum & viride dividitur ab *Agricola*, ut in *Dn. D. Hoffmanni Clav. Schræd. pag. 331.* licet videre. Cum priori easdem habet vires.

### §. 9.

#### TUTIA ALEXANDRINA OFFICINARUM

nulla ratione ab Orichalco ducit originem, quæ nonnullorum est opinio, sed à metallo areque caldario, dum istorum durante fluxu ac fusione, ut priora ab orichalco, vapor s. fumus supra ligneo axi, quem eum in finem fusores ærarii crucibulo insternunt, adhæret, istumque corticis ad instar circumdat, intrinsecus lævis, extrinsecus asperi ad instar chagrina, vel segreini corii apparentis, id quod in omnibus tutiæ frustis videtur. Alias quoque CADMIA FACTITIA dicitur, & prout extrinsecus vel uvæ, vel conchæ, aut alii cuidam rei similis est, CADMIA BOTRITIS, OSTRACITIS, vel PLACITIS nominatur, quarum prima optimaque in medio, altera inferius, tertia in suprema fornacis parte perhibetur colligi. Cæterum ea tutia habetur optima, quæ ex elegantibus crassisque crustis constat, quæ intrinsecus pallide flavescit, extrinsecus murino colore præditis granulis ornatur, nec facile friabilis est, nec multis exiguis frustulis, multo minus aliis sordibus est intermixta. Quæ Aurelia venit, celeberrima est. In externis saltem ulceribus, præsertim oculorum morbis usurpatur, quo in casu tamen ipsam decet esse optime præparatam.

### §. 10.

Inter ista vero, quæ ex ipso cupro præparantur, primo

#### ÆS USTUM

commemorandum, ope sulphuris ita præparandum



randum: nempe ex cupri parvis frustulis sulphureque (cui tantillum salis marini addendum) in pyramide fit stratum super stratum, forti carbonum igni imponendum, combusto omni sulphure, eximitur cuprum, quod extrinsecus casium instar ferri, intrinsecus vero rubicunde splendens, totumque friabile apparebit. Si probatum bonumque velit haberi, mediocris opottet esse crassitie, & præter colorem modo dictum, rubrum apparere instar cinnabaris, si frustum frusto affricatur; quod tamen non adeo observatur, nisi addatur aliquid salis. Quod hucusque Batavorum arcanum fuit, qui longo temporis spatio melius æs ustum vendiderunt, quam Galli. Ad mundanda vulnera externe laudatur; nonnulli istud nonies ignescere, totiesque in oleo lini curant extinguere, quod postea pulveratum putridam ulcerum carnem creditur exedere. Hoc ita præparatum æs ustum etiam *Croci* ♀ venit nomine.

## §. II.

Deinde etiam

VIRIDE ÆRIS (*der Grünspahn*)

f. ÆRUGO suum à cupro habet ortum, sive à Natura in terra generetur, sive certis artis legibus præparetur. Ærugo naturalis per quidem rara est, nonnunquam tamen in cupri mineris invenitur, estque viridiuscula marcasita, iis scoriis haud dissimilis, quæ similiter in cupri fodinis se dant inveniendas. Ærugo autem factitia ex metallicis massis è cœruleo viridibus constat, quæ è Gallia & speciatim è Monte Pessulano locisque aliis, in vesicis ac cutibus advectæ, vel sub forma pulveris crassioris, vel in placentis, XXV. circiter librarum pondere, divenduntur. Periculosa & aromatariis sæpe nociva merx est, quam non humidam solum & cum aliis rebus permistam, sed cutes quoque, quibus involvitur, eodem atque æruginem pretio emere necesse habent, nam tertia fere partis faciunt naufragium, dum placenta, quæ humida mollisque XXV. librarum pondus habuit, & XX. circiter albis constitit, sicca levisque facta, XXVIII. albis est æstimanda. Consultius igitur foret, si optima siccaque curetur advehenda, licet pluris emenda sit.

## §. 12.

De ejus præparatione diversæ Doctorum sunt opiniones, sicut istam ob rem olim magna *Tackenium* inter & *Zwelferum* lis viguit. Ille cum *Boyleo* existimabat, è cupri laminis & vinaceis fieri S.S.S. harumque salsas partes erodere cuprum, rodendoque in ejusmodi transmutare substantiam: quamobrem ~ æruginis ipsi nihil esse aliud videbatur, quam acetum dest. fortissimum. Iste contra defendere non dubitavit, isti S.S.S. aliquid aceti, ☐æ, imo & ☉ ac ☉ superaddi, istumque ~ ⊕ plus habe-

re reconditum, qua de controversia lege, sis, *Zwelf. Apolog. contra Tackenium* pag. 203. E contrario *Pometus*, oculatus æruginis præparata testis, affirmat, non acetum, sed optimum Provinciæ Languedoci vinum sumi, simulque narrat, istius præparationem difficilem esse valdeque intricatam, cujus descriptionem editione secunda de *l'Histoire des Drogues Part. 3. Lib. 1. cap. 52. p. 31.* promisit communicandam.

## §. 13.

Bona probaque habetur dura, sicca, verèque viridis, paucis albis maculis frustisque notata. A nobis (verba sunt Norimbergensis Materialistæ, *Joh. Jac. Marxii, in Mater. Museo Germanico* pag. 31.) sæpe quidem probata, nunquam ingenua inventa est. Magna ejus copia ab insectoribus, pellionibus pileonibusque, fabris & pictoribus infumitur, nonnunquam etiam in Chymia ac Medicina ejus obtinet usus, quoniam ~ ⊕, ~ asthmatis. *D. Mich. Ens* ♀ *Helmontii* aliaque exinde præparantur, de quibus *Ettmüllerus*, *Boyleus* alique pluribus agunt. Quamobrem vero

CRYSTALLI ÆRIS (*Grünspahn-Blumen*)

à fabris ac pictoribus ærugo destillata vocentur, non video, dum nulla destillatione, sed vulgari modo à Pharmacopolis crystallifantur, quando nempe ærugo in ✕ soluta filtratur, & abstractione in cella in crystallos accrescit. Interea illæ crystallos, quæ ex Batavia & Lugduno veniunt, multum elegantiores sunt, quod eo modo, ut saccharum candum, certis baculis accrescunt, istique etiam, excepto colore, prorsus similes apparent. Crystallos magnas, clarasque ac pellucas, bene exsiccatas ac nullo ligno decet esse permistas. Alii cuprum in ~ ☉ solvi, evaporare ac in crystallos ire curant, unde nihil aliud quam ☉. ♀ existit. Priores crystallos à pictoribus ad picturam Miniatoriam, & in Medicina ad ulceram, à putrida carne defendenda, usurpantur.

## §. 14.

## Num VIRIDE MONTANUM,

(*Berg-grün, Stein-grün, Schieffer-grün*)

Chrylocolla alias vocatum, huc quoque referri debeat, & quæ nonnullorum est opinio, ex cupro componatur, incertum est. Plurimi Materialistarum pro naturali lapidosaque terra habent, unde etiam ab aliis TERRA VIRIDIS vocatur. Viridiusculus, ex parvis, arenæ similibus granulis constans pulvis est, in Hungariæ montibus, à Presburgo usque in Poloniam protensis, reperiendus. Pretiosa merx est, cujus distinctæ sortes: fina, media & vulgaris habentur. Optimum viride montanum siccum sit, eleganter viride & granulatum, quo naturale ab artificioso, ex æruginis & cerussa facti, potest distingui. In pictura ad colorem herbidum usurpatur.



## CAPUT XXVIII.

DE

## STANNO ANGLICO, FOLIATO ET SIMILIBUS.

## §. 1.

**S**TANNUM molle, facile fusile, & album metallum, præter copiosas sulphureas partes, aliquid etiam in se continere & ii videtur, dum instar Mercurii vermes aliaque insecta enecat, ac pelles quoque à tineis blattisque defendit. Maximam partem ex Angliâ advehitur, quanquam etiam in Germaniâ locisque aliis, sed minori bonitate, quantitateque reperiatur.

## §. 2.

In fodinis duplex invenitur, vel perfectum sive apyron, vel in  $\mathbb{Z}$ is mineris. Illud in canalibus aquarum, quibus arenæ adinstar adhæret, reperitur, quod *Boyleus* in *Transf. Phil. Angl.* 29.  $\mathbb{Z}$  granulatum vocat: vel in integris frustis & massis, cujus *Matthesius Sarept. conc.* 9. meminit, & ex figurâ *Besleri* in *Gazophylac.* apparet. Hoc vel ex albis metallicis fluoribus fusione præparatur, vel ex lapidibus Jovialibus, quos mineras  $\mathbb{Z}$ is (*Zwitter und Zinngrauen*) vocant, prolicitur, de quibus *Agricola*, *Matthesius*, & *Corpus Juris Metallicum* pag. 25. possunt legi.

## §. 3.

Omni alii stanno bonitate præfertur Anglicum, cujus tamen iterum diversa habentur genera, inter quæ purum purum, ut ex stanni fodinis fertur, à Gallis *l'etain plane*, sive stannum planum, vocatum æstimatur optimum. Post illud stannum tinniens ponendum, cui tamen bismuthum, zinethum (*Zinck*,) cuprum ac similia sunt permixta, sonum isti conciliantia. Tandem vulgare viliusque stannum restat, cui aliquid plumbi permiscetur, de quo *Pometus* in *Histor. Simpl.* videndus; ubi etiam explorandæ bonitatis experimenta habentur, inter quæ vulgarius est, ut diversa stanni genera in tot distinctos redigantur globos, quorum levissimus optimum stannum detegat. Stannarii dentibus probant, aliquemne fragorem edat, an nullum. Germaniæ stannum plerumque ex eo dicitur constare, quod ad superinducendas bracteas est ineptum. v. l. c.

## §. 4.

Ex primis optimisque speciebus

STANNUM FOLIATUM, s.

STANNIOLUM,

cuditur, in parvis capsulis vendendum, quarum quævis Grossum, sive duodecim foliorum dodecades, continet. Non album solum habetur, sed etiam coloratum, *stannum foliatum coloratum* dictum: quod vel rubri, vel flavi, nigrique aut alterius est coloris. Optimum stanniolum est,

quod compressa, glabra beneque convoluta habet folia. Ad faces cereas in Promotionibus Doctorum, insignia funerum illustrium, exornanda ædificia & testæ, resque alias usurpatur.

## §. 5.

Huc etiam pertinent

CINERES  $\mathbb{Z}$ , s. JOVIS,

qui nihil aliud sunt, quam cinereus ex calcinato stanno constans pulvis, quo Porcellanarii figuli, atque vitrorum Samiatores ad poliendum utuntur. Inprimis ad metallica vitra caustica depurganda poliendaque sunt idonei. Diutius calcinati, donec albescant, in pulverem abeunt, quem nonnulli Cerussam  $\mathbb{Z}$ , alii Bezoardicum  $\mathbb{Z}$ ale vocant: qui tamen nihil aliud est, quam Gallorum *Blanc d'Espagne*, sive Hispanicum Album, quo ad dealbandam faciem abutuntur.

## §. 6.

Quod metallum cum subtili arena & Soude d'Alican ustione in vitrum redactum, diversisque metallis tinctum, varium opus encaustum, Gallis

EMAIL,

German. *Schmeltz-Glas, Schmelzverck*,

suppeditat, nonnullis Materialistis temere SMECTIS vocatum, quod in parvis variisque characteribus notatis placentis Venetiis Bataviaque venit, quas inter album reliquorum coloratorum quasi mater est, & non solum à Porcellanariis, sed à Gemmariis quoque & Aurifabris, qui omnium optime id probare norunt, ad incrustationes & opera encausta (*zum veramuliren*) emitur. Coeruleum vitrum encaustum cupro & vitriolo cyprio tingitur: Carneum per *Periguer*: Flavum limaturæ pulvere coloratur. Viridi acuum limatura & orichalco dant colorem. Allis alia colorem inducunt metalla, qua de re vid. *Pometus loc. cit. pag. 27.* & *Kunckelius in Arte vitr. P. 2. Lib. 2. pag. 93.*

## §. 7.

Inter medicamenta ex Jove præparata

ANTIHECTICUM POTERII

est usitatissimum, quod vel ex Regulo  $\mathbb{J}$  Jovialium tribus nitri partibus detonando, vel ex nudo  $\mathbb{J}$  & stanno Anglico, igne in scorias redigendis, postmodum similiter cum  $\odot$  flagratione strepituque calcinandis, præparatur, de quo vid. *Dan. Ludovici in Pharm. Mod. Sec. applicanda pag. 355.* Non in hæctica solum, sed in aliis quoque febribus ardentibus, variolis similibusque usurpatur.

H

§. 8. Qui-



## §. 8.

Quidam stannum cum) ☉ vel ☽ sublimant, quo saltem

## FLORES ☿

acquirunt, ex quibus postmodum

## MAGISTERIUM ☿

præcipitant, ad colorem mendacem usur-

pandum; cui intentioni ultimo etiam

## SAL JOVIS

famulatur, ex ipso stanno, ante ad summum gradum calcinato, ope acerrimi aceti destillati extractus, qui eleganter albus, siccus, levis & in parvis aculeis existens, censetur ingenuus. Pomata aliaque unguenta ingreditur, & ad impetiginem est utilis.

## CAPUT XXIX.

## DE

# MINERIS SATURNI, PLUMBAGINE ET PLUMBO VULGARI, MINIO, CERUSSA, LITHARGYRO ET SIMILIBUS.

## §. 1.

**P**LUMBUM omnium metallorum mollesimum est, & maxime fusile, secundum aurum quoque gravissimum. Quas proprietates multitudini partium ☿ialium, quibus præ cæteris præditum est, refert acceptas. Hinc inde purum putum s. apyron æque ac suis in mineris invenitur; illud vel durum esse solet, ut plumbum Polonicum, vel paulo mollius, ut Germanicum.

## §. 2.

Non minus etiam plumbi mineræ in molliores durioresque distinguuntur. Illæ colore iterum distinctæ sunt, cujus respectu in albam, rubram flavamque dividuntur, quarum ultimam nonnulli *Bley-Schweif* vocant. Optima istarum est splendens minera, Latinis Galena & lapis plumbarius, Germanis autem *Glantz-Ertz* dicta, qua figuli ad incrustanda fictilia utuntur, ab antiquis Latinis GALENA, & PLUMBUM MINERALE, à Gallis ALQUIFOUX nominatur. Valde ponderosa minera est, quæ teri se facile, difficulter vero se fundi patitur. In diversæ magnitudinis frustis illam è fodinis eruunt, quæ partim pura putaque, partim etiam sabulo lapidibusque sunt permixta, quæque diffracta antimonii ad instar splendent, ac colore etiam sunt pallide nigra. Non quidem tanto periculo vendenda merx est, in ejus tamen venditione Materialistæ hac se cautione muniunt, ut omnia frusta à figulis diffringi, posteaque schedulam, animi istis contenti testem, sibi dari curent, quo omnem vocandi in jus occasionem præcidant, quam figuli alias facile arriperent, si forte ejusmodi invenirent frusta permixta, quæ fictilia, incrustandaque vasa possent corrumpere. Cæterum frusta majora, eaque ponderosa & tactu pingua quasi teneraque deprehensa, squamas etiam pulchre splendentes habentia, quæve similitudine bismuthum fere exprimunt, censentur optima. Quæ contra frusta multum sabuli lapidosique continent, ac multa dura-

que plumbi minera sunt permixta, nec quicquam profunt. Dura vero & sabulosa plumbi minera plerumque non adeo gravis est, atque priores, sed multo durior, diffracta quoque murina apparet, & valde dure granulata. Bonitate igitur longe inferior est reliquis, quam figuli instar incendii vitant, tanquam rem operis suis nocivam.

## §. 3.

His plumbi mineris etiam annumeranda venit

PLUMBAGO (*Wasser-Bley*)

vocata, & CERUSSA NIGRA, ab Exteris CRAYON & POTELOT: nihil aliud est, quam lapis Molybdites, à *Casalpino* optime descriptus. Veteres PLUMBUM MARI- NUM nominarunt, quod ex fundo maris putarunt erui. Enimvero quotidiana experientia testatur aliud, dum hinc inde in fodinis reperiunda rectius pro plumbi habetur minera, quam exteri, præsertim Itali, crudam à Germanis emunt, nobisque iterum divendunt in cerussam delineantem aptatam. Utraque duplex est, fina & vulgaris. Fina s. electa levis, nigra & quasi inargentata, splendens, compressa, non granulata, in mediocribus frustis, sed tamen longa, tenera, facileque scissilis, ac propterea nec dura neque nimis mollis sit; ista enim plumbago, ex qua longissimus stylus delineans potest scindi, omnium maximi æstimatur, ejusque pretium pro mercatoris intenditur beneplacito, quoniam ab architecturæ militaris civilisque magistris ac pictoribus valde quæritur: plerumque ex Anglia venit. Vulgarem contra Batavi in alias regiones transmittunt, quam Norimbergenses omni studio per artem imitantur, quanquam, ingenue confitente Norimbergensium Materialista *Marxio* pag. 78. *Mater. Musei*, fundamentum istos adhuc destituat, & saltem ad terendas pulchras tabulas usurpetur. Athenarii terendo antiqua ferramenta expoliunt, quo pro novis possint diven-



divendi; quem tamen dolum digiti facile detegunt, qui illorum tactu tinguntur; vel etiam aqua super illa fluere permittitur, quæ plumbaginem continuo detergit; dum nihil fere hoc metallo citius aquam recipit. Optima est, quæ in integris adhuc frustis consistit, nec ullas scorias, nec lapides, nec alias quas-cunque sordes continet, quando diffringitur.

Ceterum nulla refert, durane an tenera sit, granaque crassa habeat an parva. Ejus etiam pulvis habetur, qui tamen ab indigenis honestisque hominibus emendus, aliarum quippe admistione rerum facile adulterandus. In Medicina, ut reliqua Saturnina, in externis saltem manantibus ulceribus, erysipellate & gangræna usurpatur, de quo vid. *Hoffmannus in Clav. Schræd. pag. 243.*

## §. 4.

Ex his supra descriptis plumbi mineris, præsertim prioribus, ipsum plumbum fusione præparatur, quod vel repetita despumatione, vel sapone aliaque pinguedine depurgatum, certis formis infunditur, in plumbi massas & canalibus aptum plumbum diversæ magnitudinis gravitatis redigendum, quod tunc plurius æstimatur, quando scissile, eleganter album ac splendens est. Spuma vero, ab illis, qui plumbum præparant ac depurgant, vel sclopetorum globulos aliaque exinde conficiunt, Materialistis transmissa, sub nomine cinerum Saturni, vel spumæ plumbi figulis divenditur.

## §. 5.

Supra dicta plumbi minera *Glantz* pulverata, fortique igne calcinata, primum evadit **OCHRA PLUMBARIA FACTITIA**, s. *Bley-gelb*, qui pictorum color est; deinde vero continuata ustione exsurgit

**MINIUM** (*Menning*.)

quod alii hucusque ex ipso plumbo peculiari methodo putarunt confectum, quum tamen exiguum & facile ferendum pretium aliud potuisset docere, id quod potius fidem facit, minium non æque ex fusso plumbo, quam ejus minera esse exustum, præsertim quum plumbum etiam in fortissimo igne non æque rubescat, ac plumbi minera, ut *Pometus in Hist. Simplic. Gen. Part. I. cap. 71. pag. 43.* pluribus ostendit. Nullo in loco Germaniæ pulchrius teneriusque quam Norimbergæ præparatur, ac duæ tantum in S. Romano Imperio perhibentur esse officinæ, ut *Marxius in Mat. Musæo pag. 130.* memorat. Equidem in Anglia quoque copiosè præparatur, in Galliâ aliasque Regiones avehendum, sed valde crassum est. Optimum Minium colore est saturatum, & quoad ejus fieri potest, purum, maximam partem pulveratum. Probe etiam attendendum, ne lotum sit, id quod ex albescente colore, minoribusque massis apparet. Sortes igitur accuratè dignoscendæ ac distinguendæ sunt, quarum finam Materialistæ habent, mediocrem

ac interdum vilissimam. Omnes à pictoribus figulisque ad incrustationem rubram usurpantur. In Medicinâ verò aliquot unguenta & emplastra exinde præparantur, inprimis Emplastrum de Minio & magni habitum emplastrum Norimbergense, ex Minio, oleo rosarum & camphora constans.

## §. 6.

Ex ipso plumbo primum fit pulvis plumbi, non vulgari officinarum modo præparandus, in quibus plumbum minutim limatum mortario inditur minutissime contundendum: quin potius in fictili aut ferreo vase solvi & liquari, istique minutim confusos carbonem misceri, ac postmodum denuo ablui curandum. Hoc modo vel centenarium plumbi pondus citius in pulverem redigitur, quam una uncia in mortario. Non adeo in usu est, præterquam quod figulorum incrustationi conducatur. vid. *Pometus l. c.*

## §. 7.

Facilius vero plumbum ustum pulveratur, qui pulvis

**PLUMBUM USTUM**

in officinis dicitur. Quem in finem tenues plumbi laminas sumunt, ex quibus cum sulphure communi in olla faciunt S. S. S. quod exustum puniceus evadit pulvis, sæpe abluendus probeque siccandus. Exsiccantia unguenta & emplastra interdum ingreditur.

## §. 8.

Deinde etiam

**PLUMBUM FOLIATUM ALBUM**

(*Schiefer-vveis*)

ex fusso plumbo præparatur, quod scilicet in tenuia cuditur folia, ita deinde, ut ne unum alterum attingat, convolvenda, ac in olla, in qua bonum acetum sit, parvis baculis imponenda, quæ tandem cum repleta ac bene operta olla, in fimi acervo condita, triginta dierum spatio custodiuntur, quo elapso tempore olla eximitur, in qua ab aceto ita exesum corrosusque apparebit plumbum, ut prorsus sit friabile, totumque albescat. Simul ac exemta hoc modo præparata folia sunt, in frustra discerpuntur in aëre siccanda. Ista decet esse eleganter tenera, externe interneque candida, ac frustis constare selectis: dedecet contra nigris segmentis, præsertim quibus-cunque exiguis sordibus, defœdari. Usus vero pictoribus ac parietum dealbatoribus, qui cum oleo vel aqua ex ejusmodi plumbo faciunt colorem, præcipue notus est.

## §. 9.

Quod modo jam dicto præparatum plumbum foliatum s. scissile, si vel in mortario, vel aptata mola confusum, cum aqua in massam, & certis in formis in parvas placentas vel conos redactum, exsiccat.

**CERUSSA** sive *Bleyvveiß*

dicitur. Plerumque quidem in cœrulea char-



ta è Batavia Angliaque venit, optima tamen ingenuaque Venetiis fertur, Veneta propterea vocata, dum Veneti fere primi fuerunt istius mercaturæ auctores. Interea tamen, quoniam hæc ultima ob insigne pretium perrara est, nec facile habetur, Materialistæ communiter Batavorum cerussam divendunt, quam pictores æque fere amant atque Venetorum, licet cum oleo vel aqua subacta albedinis non adeo tenax sit, quoniam permultum cretæ continet. E contrario Veneta cerussa, alterius cujuscunque rei prorsus expers, colorem suppeditat durantem. Qui igitur aliquod ex cerussa medicamentum, ut saccharum & aut simile præparaturi sunt, nullam, præterquam Venetam, sumant, aut loco præparatæ cerussæ crudam molaque tritam, eamque à conscientiosis & nobis notis hominibus emant, quum & ista multifariam possit adulterari. Batavi saltem id, quod è cerussa in frustra diffringenda sub pulveris farinæque facie decedit, ad conficiendam suam cerussam recipiunt, quod cum non sufficiat aut valeat ad eam præparandam quantitatem, quæ hinc inde consumitur, aliquam cretæ albescentis speciem illi perhibentur miscere. Anglica vilior aestimatur, quoniam plus admistum cretæ est, id quod *Pometi*, Gallici Materialistæ, de utraque judicium est, in *Histoire des Drogues Part. 3. Lib. 1. cap. 73. pag. 45.* Bonæ esse notæ judicatur, quando intense alba, tenera, dura tamen vereque sicca nec scissilis est; quæ enim facile discedit, aut aliis inquinata sordibus est, abjiciatur, quoniam non sufficienter exsiccata fuit, antequam convasaretur. Nunc in Gallia quoque ac Norimbergæ præparatur, teste *Marxio in Mater. Mus. pag. 78.* Caterum non pictoribus solum ac parietum dealbatoribus, sed Medicis quoque, Pharmacopolis ac Chirurgis ad varia exsiccantia sanantiaque unguenta & emplastra v. g. ungu. camph. alb. empl. album coctum, de ranis c. & sine & c. valde conducit atque usitata est.

## §. 10.

Ex hac cerussa existit

## SANDIX,

qui ruber pulvis nihilque aliud est, quam calcinata cerussa, & colore usuque cum minio valde convenit; quæ fortasse causa est, quamobrem quidam existimaverint minium per calcinationem è cerussa præparari, qui tamen à verò multum absunt, dum cerussa è Batavia, minium verò ex Anglia venit, hocque illa semper est vilius; quamobrem etiam sandix rari usus est, quia minium, minoris emendum, idem præstat, quod ab illo speratur.

## §. 11.

Quando verò cerussa minus fortiter in igne calcinatur, sed blande saltem torretur, aliqui alii ab illa proficiuntur colores, vulgò

## MASSICOTS s. MASTICHOTS

vocati, ut *Pometus l. c.* narrat; quanquam *Kun-*

*ckelius Part. 2. Artis vitriariae pag. 53.* alias descriptiones è cineribus 7, Soda similibusque constantes, in lucem ediderit. Baravi tres vel quatuor fere sortes transmittunt, vulgarem, mediam & finam, easque colore distinctas, prout parum vel multum ignis sustinuerunt. Si quando cerussa vel stanni calx parumper saltem in igne relinquitur, aliquantum flavescit, albumque Massicot vocatur: quæ diutius in isto relicta, vere flava, flavumque Massicot evadit: Sin augeatur ignis gradus, aureum acquirit colorem, unde etiam nomen obtinet. Hac methodo quarta Massicoti species posset haberi, si cerussa tamdiu in igne torqueretur, donec rubescat, qui tamen color nihil esset aliud, quam supradictus sandix, sive vulgare vermillon. Caterum omnes Massicotos colores oportet esse graves, ex tenero tamen pulvere constantes, colore saturatos, prout species aut sors requirit; picturæ famulantur.

## §. 12.

Ultimò ex Saturno quoque originem habet  
LITHARGYRIUM, (*Silberglette*.)

quod nihil aliud est, quam plumbum in scorias calcinatum, ex similibus frustis foliisque, instar plumbi scissilis albi, constans, iisdemque rubellis & friabilibus. Vel à natura præparatum è terra eruitur, quod tamen perrarum & fere ignotum est: vel igne præparatur, quando aurum aut argentum plumbo solet depurgari. Dantisco, è Sueciaque & Dania venit, & fortasse etiam in Germania conficitur; unde *Pometus in Histoire des Drogues Part. 3. Lib. 1. cap. 77. pag. 47.* colligit Lithargyrium, à Materialistis vendi solitum, potius à plumbo in depuratione cupri usitato oriri, quum aurifabri generatum in purificatione auri argentique lithargyrium raro aut nunquam divendant, sed de integro fusione in plumbum redigant, quo posthac denuo in ejusmodi laboribus utuntur, atque hac etiam ratione illud, quod fortè ex auro argentoque relictum fuit, recuperant. Quamobrem duæ istæ species LITHARGYRIUM AUREUM & ARGENTEUM non eam denominationis sustinent rationem, quasi hoc in purificatione argenti, illud in purificando auro fuerit usurpatum, quæ multorum adhuc opinio fuit, sed quoniam prius flavum, posterius albenscens apparet: qui colores ab igne proficiuntur, dum istud ipsum lithargyrium, quod primum albenscens est, aut pallide flavescit, diuturniore fortioreque ignis examine aureum redditur, aut rubellum. Inde est, quamobrem alii istud ex solo plumbo sciant præparare, quocum easdem habet qualitates. Optimum colore saturatum est, ac Dantiscanum Anglico plerumque habetur melius. Parva tenuiaque frusta crassioribus sunt meliora, quod magis calcinata vivaciorem habent colorem, faciliusque solvi se patiuntur. Alias multis rebus, non Medicorum solum exsiccantibus ac refrigerantibus unguentis emplastrisque, sed figulo-



figulorum quoque incrustationi, pictorumque vernici conducit, & ab insectoribus, pellionibus similibusque usurpatur. Quando vero œnopolæ istud ad edulcorandum vinum acidum adhibent, valde perniciosus est abusus, quoniam aliquid corrosivi ac virulenti fovet, quemadmodum non solum *Samuel Stockhusius* in *Tract. de Lithargyrii fumo noxio*, huiusque *Appendice de Cato montano, von der Berg-Katz*, egregie ostendit, sed etiam paucos ante annos flebilis experientia in Ducatu Württembergensi comprobavit, in quem edulcorata lithargyrio vina arthriticam colicam aliosque periculosos morbos induxerunt, ut in diversis tum in lucem editis Germanicis scriptis, in specie autem in *Dissert. nostra de Novellarum publicarum usu in rebus Physico-Medicis*, ac in *Miscell. Acad. Germ. Cur. Dec. 3. Ann. 4. Obs. 30. pag. 77. seqq.* pluribus potest legi.

## §. 13.

Quod tandem ad alia è Saturno Chymicè præparata medicamenta attinet, (quorum aliqua nonnunquam etiam Materialistæ divendunt,) SACCHARUM SATURNI maxime notum est, quod vel ex minio, vel ex plumbo scissili & cerussa per repetitam solutionem coa-

gulationemque cum aceto destillato præparatur. Num verò falsæ istæ crysalli à saturno, an ab aceto oriantur, de eo contentiones serra inter Doctores reciprocatur, ut apud *Hoffmannum in Clav. Schræd. pag. 245.* fusius legitur. Optimum vere dulce, eleganter album, leveque ac in minoribus crysallis est, aquam plantaginis prorsus albam reddentibus. Interne externeque egregie refrigerat. Materialistæ & crysallifatum habent & pulveratum, quod ultimum vilius est. In cella vel sponte sua, vel etiam in oleo terebinthinæ solutum, evadit BALSAMUM SATURNI, calida ulcera vulneraque tuto sanans. In aquæ & acetî vini destillati partibus æqualibus solutum, loco lactis virginis & ad curandos faciei varos potest usufari, si istius solutionis aliquot guttæ instillantur aquæ, lavandæ faciei destinatæ. Ex illo quoque MAGISTERIUM SATURNI potest præcipitari, quando ☉ & ☿ per deliq. instillatur, id quod eundem præstat effectum. Notandum tamen, istud magisterium, licet albo præditum colore sit, instar aliorum metallicæ prosapiæ pulverum alborum, cutem non albam, sed nigram reddere, siccumque propterea non esse usurpandum. De reliquis vid. *Schræderum* atque *Ettmüllerum*.

## CAPUT XXX.

## DE

## FERRO, CHALYBE, LAMINA ET MEDICAMENTIS MARTIALIBUS.

## §. I.

FERRUM valde durum, crudumque ac difficulter liquabile metallum est, quod tamen tractari se patitur. In diversis regionibus præsertim verò in Suecia & Germania copiose invenitur, & non solum è minera excoquitur, sed sua etiam spontè nonnunquam in terra fluit, atque è ferri fodinis purum vel granulorum excoctorum forma, vel instar massæ aut integrorum frustorum eruitur, cujus mihi transmissa particula est. In Norvegia præsertim purum ejusmodi æpyrumque ferrum sæpe dicitur inveniri, ut *Wormius* in *Museo suo pag. 123.* narrat. Imo teste *Rulando* in *Lex. Alchym. pag. 266.* ejusmodi ferrea grana in nonnullis Styriæ fluviis inveniuntur.

## §. 2.

Maximam partem verò è lapidibus & effossis ferri mineris excoquitur, qui plerumque fuscii sunt, ferrumque æruginosum repræsentant; quanquam optimus ac perdives ferri lapis etiam cœruleus sit, puroque ferro prope accedat, vid. *Erckerus* in *Arte probatoria pag. 83.* Utraque in fluvio ab adhærentibus sordibus purgantur, deinde in ustrinis, in fornacibus accommodatis, sub quibus ignis, mediantibus duobus foliis

ab rotâ molari agitatis, sufflatur, funduntur, donec fusio instar liquefacti plumbi appareat: tum verò scorix despumantur, sufflaminatisque foliis fornax infra ferreâ perticâ pertunditur: hinc fustum ferrum, ignei fluminis adinstar, in subtus facta longa foramina formasque fusorias è foramine profluit, hocque modo in vulgò sic dictas

## MAGDALEONES,

Germ. *Gæsen*,

formatur, plerumque 6. vel 7. pedes longas, unumque vel dimidium crassas. Si verò globos pro tormentis majoribus, fornaces, mortaria, pondera, ferraque tessellata quasi & cælata pro coquendis crustulis ac striblitis fundere animus est, peculiare aptæque rebus formæ in arenâ aut ferrò fiunt, in quas fustum fluere ferrum, aut majoribus cochlearibus ingeri curatur. Ubi sciendum, eò elegantiora purioraque fieri fundenda vasa, quò diutius ferrum in fluxu servatur; quando enim pro magdaleonibus rebusque aliis crassioribus saltem XII horarum spatio in igne relinquitur, pro tenerioribus, quò elegantiora fiant vasa, XV. vel XVIII. horas in fluxu sit, necesse est.



## §. 3.

Tales magdaleones postmodum in molas ferrarias s. malleatorias (vulgò die Eisen-Hämmer) vehuntur, ubi in ustrinâ sufflato à magnis foliis (ab aquâ agitat) igne, porrò excoquuntur, quæ crebriori motu tractabiliores factæ, postmodum super magna incude, mediante magno, ab aqua similiter agitato, malleo in

PERTICAS FERREAS, *Eisen-stäb* dictas, cuduntur, quò ipsò labore omnis terrea impuritas decidit, ipsum adeò ferrum limæ cæterisque laboribus aptatur. Si autem dentalia, vomeres ac lupulariorum perticas; quibus foramina in terram tunduntur, statim desideraveris, fabricæ ministri aderunt, istis rebus conficiendis apti.

## §. 4.

Ex ejusmodi ferreis perticis postmodum ferrea virgæ, atque ex his

FERREA FILA (*eiserner Draht*) à filorum ductoribus, in officinis ductoriis, componuntur, dum illæ primùm per majora foramina, deinde per minora sunt trahendæ, prout filum vel crassius, vel tenuius desideratur, quod postea in magnos circulos convolutum divenditur.

## §. 5.

Non minus è perticis ferreis, sæpius ignescendis, variæ laminæ cuduntur, in magnis duplicatisque, aut minoribus simplicibusque bracteis consistentes, ex quibus postea minoribus malleis tenues stannoque obductæ lamellæ, in Germaniâ (ubi insignis illarum mercatura viget,) præsertim bonæ habendæ, cuduntur, à Laternariis usurpandæ. In Galliâ confectæ lamellæ, quod facile rubiginem contrahunt, minoris æstimantur, quam Germanorum.

## §. 6.

## CHALYBS

quoque multò melior in Germaniâ, quam alibi præparatur, ut etiam Galli novaculas, lancettas aliaque instrumenta Chirurgica è Germaniæ chalybe, eò præsertim, quem *l'acier de carne* vocant, conficere soleant: à quò etiam Damasceni gladii oriuntur. Nullo autem alio modo quam crebriori ferri ignitione, ejusdemque in peculiaribus herbarum volatilium succis extinctione ac refrigeratione præparatur; quamobrem etiam fabri ferrum ignitum equorum ungulis crebrius admovent, quò istarum recondito sale volatili illius duritiem intendunt. Alibi in Brabantia terram specialem ad id negotium adhibere dicuntur, cujus portio mihi oblata fuit. Lugduni Batavorum machæropæum fuisse scio, quem dicebant indurandi artem à Cartesiò didicisse, propterea vulgo Cartesianum Cultrarium vocatum; bonæ quidem notæ novaculas aliaque instrumenta componebat, sed magnò pretiò emenda. Te-

ste tamen *Rulando* in *Lex.* in Metania juxta montem Fustelberg naturalis è terra chalybs eruitur, quem *Paracelsus* ♂ marem, ferrum contra ♂ fœminam vocat.

## §. 7.

Inter medicamenta à ferrò & chalybe oriunda, LIMATURA ♂ (*Feil-Staub*)

primò memoranda, quæ omnium optimè ab iis opificibus, qui chalybem tractant, præsertim acuum confectoribus habenda, cujus bonitas hòc experimentò probatur: quæ candelæ admota ad medium usque saltem ignescit, candelamque extinguit, pro inutili, tanquam ferrum habeat permixtum, habetur, ut *Pometus* in *Histoire general des Drogues Part. 3. Lib. 1. cap. 17. pag. 10.* ostendit. Subtilissimè pulverata & in pollinem qs. impalpabilem redacta omnibus inde præparatis anteponenda est.

## §. 8.

Ex hac limatura ♂ autem facile præparatur

## CROCUS ♂ APERITIVUS CUM SULPHURE,

quando æqualis pars sulphuris addita igne bene deflagrare permittitur. Quem alii quoque ita præparant: Sumunt chalybis frustum, in officinâ bene ignitum, cui sulphuris magdaleones admovent, unde chalybs instar butyri liquefit, inque suppositam aquam decidit, quem Δ reverberii tamdiu faciunt ignescere, donec ruber pulvis evadat. Alii limaturam auræ roriferæ exponunt, vel aqua pluviali humectant, quo rubigine consumatur, crocusque ♂ aperitivus acquiratur; quod tamen multum requirit temporis.

## §. 9.

## CROCUS ♂ ADSTRIGENS

sola ♂ calcinatione præparatur, & in officinis ferrariis, quibus magnâ copiâ adhærescit, gratis potest haberi. Chalybi quoque ac ferramenti, quæ fœminæ nostrates ad complandam linthea sæpe ignescere curant, vulgò Biegel-eisen dictis, observatur adhærere.

## §. 10.

E Tincturis Essentiisque ♂ialibus hodie valde usitata est

## TINCTURA ♂ CUM SUCCO POMORUM,

tunc demum vera habenda, quando primò limatura ♂ cum succo pomorum Borsdorffianorum in loco calido infunditur, donec omnia instar atramenti nigrescant: deinde succus coctione in extractum redigitur, quod cum spiritu vini vel ~ cochleariæ solutum Tinctura s. Essentia evadit. Cætera ♂ialia nempe Bl. ♂, sanguinem ♂ s. R cum terra foliata gri, martem diaphoreticum ac similia vide apud *Schraederum*, ejusque interpretes *Hoffmannum*, *Ettmüllerum*, & alios.



## §. II.

Ufus ōialium in morbis chronicis, vulgò ab obstructione hepatis ac lienis deductis, hydrope, ictero, melancholia ventosa, puerorum, virginum ac mulierum cachexia, &c. val-

de comprobatus est, quamvis certus quidam Angelus, *Gedeon Harveus*, Libro de *Arte curandi morbos expectatione Cap. V.* ista vehementer exagitaverit, quem alii Doctissimi Medici ipsaque experientia sufficienter refutant.

## CAPUT XXXI.

## DE

## FLORE FERRI.

## §. I.

**FLOS FERRI** (*die Eisen-Blum*) apud paucos adhuc Materialistas & Pharmacopolas reperitur, sed in quorundam saltem curiosorum Museis sistitur videndus; quanquam optandum esset, ut nobis redderetur notior, quem speramus diversis in morbis medicinam fore præstantem. Nihil aliud est, quam mineralis, nivei & nonnunquam argentei coloris lapis, in fodinis è quibusdam mineris, præsertim ferri lapidibus in altum excrescens, & vel teneros ramusculos, coralliorum fruticem, decerptas crystallos, vel alias figuras repræsentans, quemadmodum à *Beslero* in *Gazophylacio* fol. 8. & à *Cæsarea Curiosorum Societate* in *Miscell. Acad. Nat. Cur. Dec. 2. Ann. 6. pag. 297.* depingitur.

## §. 2.

Iste prædictus flos inprimis in Styriâ, superiori Austriæ finitima, crescit, & quidem juxta pagum, propter ubertatem ferrariorum, *Ferri Mineram* dictum, in cujus fodinis hic ferri flos copiosè invenitur, indeque curiosis transmittitur, qui eo est jucundior meliorque, quo magis albescit & pellucidus est: opacus contra aliisque mineralibus rebus permixtus, est ingratus visui.

## §. 3.

Quâ verò ratione generetur ac progerminet, & ex qua materiâ constet, de eo discrepant auctores. Loci incolæ testantur ferri florem è peculiari aquâ, è terra ac parietibus ferrariarum exstillante, atque continuo lapidescente generari. Unde verò aqua istam vim habeat, ab aliis rem accuratius introspectantibus postmodum manifestatum est, qui animadverterunt, omnes ferri venas isto in tractu à duro lapide calcario tegi, qui aquam pluvialem niveamque, se quasi restinguentem ac recludentem, absorbeat, istique tantam acrimoniam communicet, quo postmodum ad penetrandos ferri lapides valeat, è quibus deinde à terræ vaporibus vique aëris elastica protruditur, in ejusmodi florem figuranda. Et quoniam ista aqua per angustos terræ porulos prius quasi percolata est, flos inde resultat crystalli gemmarumque ad instar pellucidus, non

tamen adeo durus, sed ut lapis calcarius, nonnunquam friabilis ac molliculus.

## §. 4.

Ex quibus apparet, ferri floris originem prædicto calcario, quam ferri mineræ, verius adscribi, præsertim quum clarissimum supra laudatæ *Societatis Naturæ Curiosorum* membrum, *D. Oehmbius*, multis experimentis, in memorata aqua lapidescente æque atque in ipso ferri flore institutis, omnia ea observaverit, quæ clarissimus *Gothanus Archiater D. Ludovici*, per varia experimenta Chymica, è calce deduxit, in *Miscell. Acad. Nat. Cur. Dec. 1. Ann. VI. & VII. obs. 244.* descripta. Interim haud diffidendum est, aliquid quoque ferri in isto esse reconditum, id quod mediante magnete facile ostenditur, ipsiusque vi adstringente confirmatur.

## §. 5.

Nec tamen propterea est, quamobrem internum ferri floris usum detestemur, quum notum sit, ipsum quoque calcis vivæ decoctum à Clarissimo *Willisio* aliisque in desperatis morbis interne feliciter fuisse usurpatum: ob quam causam etiam *Hæferus* in *Hercule Med. Lib. 3. cap. 5. pag. 169.* ferri florem in omnibus hæmorrhagiis, præsertim vero in dysenteria internè usurpandum, vehementer commendavit. Imo celeberrimus Augustanorum Medicus *Dn. D. Welschius* in *Obs. Phys. Med. Hecat. 1. obs. 37.* testatur, quoties semidrachmam aut scrupulos duos pulverati aut etiam calcinati ferri floris in dysenteria dederit, curam semper felicem habuisse eventum.

## §. 6.

Multò tutior externus ejus est usus, in omnis generis scabie, malignis ulceribus, aliisque læsionibus cutis, quod valdè exsiccantem sanantemque vim habet, ac propterea in omnibus istis casibus, in quibus alias aqua calcis vivæ commendatur, potest præscribi. Nec dubito, quin propter colorem eleganter albescentem gratum fœminis colorem fucatum suppetet, quum flos ferri multum elegantior & fere etiam tenerior sit, quam Magisterium *Marcafitæ*, ad dealbandam faciem alias decantatum.



## CAPUT XXXII.

DE

## MARCASITA, BISMUTHO ET ZINCKO.

## §. 1.

**M**ARCASITA nihil est aliud, quam immaturum, mercuriale & valde fusile metallum, diversi quidem coloris, ut plurimum tamen flavi. Ab aliis vulgo *Bismuthum* vocatur, quod tamen nominis à quibusdam saltem marcasitæ è stanni fodinis erutæ imponitur, ut ex *Pometi Histoire des Drogues Part. 3. Lib. 1. cap. 6. & 25.* apparet.

## §. 2.

Quemadmodum quodvis metallum propriam habet marcasitam, ita facile conjicere licet varia istius dari genera, idque eo magis, quoniam quodvis fere ignotum metallum pro marcasita vult haberi. Apud Materialistas nonnunquam varia invenitur, cæsia, nigra, flavæ, vel in rotundis, quadrangulis ac depressis frustis. Plerumque duas vel tres species habent: 1. MARCASITAM AUREAM (*Gold-Kies*,) ex parvis, rotundis, valde ponderosis, nec facile friabilibus globulis constantem: 2. MARCASITAM ARGENTeam, simili fere modò figuratam, sed tamen minus tinctam, & 3. ex ♀ minera proveniente, ex magnis globis, instar pilæ, plerumque tamen inæqualibus, nonnunquam etiam oblongis frustis constantem. Quæ ultima marcasita valde quidem dura est, facile tamen humido in loco posita dilabitur, ab eaque humiditate, qua penetratur, solvitur in vitriolum

## §. 3.

Præterea alia adhuc ♀æ marcasitæ habentur species, Latinis

## PYRITES,

Gallis MONDIQUE vocata. Panderosus cæsiusque lapis est, flavis ac splendentibus maculis venisque ornatus, ex quo similiter vitriolum præparatur.

## §. 4.

Omnium notissima est

Jovis marcasita, sive

BISMUTHUM,

quod alias quoque *stannum cinereum*, à Gallis *L'étain de glace*, Germanis *Wismuth*, & *weißes Zinn* præ aliis marcasita in officinis vocatur, quod cæteris omnibus pulchritudine bonitateque præstat. Num verò ita naturaliter in jovis mineris inveniat, prædicto Gallico Materialistæ *Pometo l. c.* valde videtur dubium, quod omnes ac singuli Materialistæ, quibuscum vel per literas, vel coram ea de re communicavit, confitentur, Bismuthum, ut hodieque solet divendi, artificiosam esse mi-

sturam ex stanno, tartaro ac sale petræ. Angli aliquid ♀ris dicuntur addere, unde aliquantum rubrius aut flavius evadit, quod propterea prædictus Auctor pro Regulo Jovis vult haberi. Alii contra affirmant bismuthum in terra generari, atque è minera sua vel vento sufflato igne certis in patinis liquari, ut *Erckerus in Arte probat. Part. 4. pag. 74.* in figura æneâ ostendit, atque *Ettmüllerus in Comment. Schræd. pag. 895.* confirmat. Liquati igitur figura eam in opinionem deduxisse *Pometum* videtur, ut Regulum esse existimaverit. Cæterum frustis eleganter magnis, albescentibus ac facile fragilibus constet, Reguloque ðii sit similitum.

## §. 5.

Quod ad usum marcasitarum attinet, à Chymicis præsertim & Alchymistis quæruntur, imprimis verò aurea, quæ auri quasi semen est, ut cæteræ marcasitæ reliquorum metallorum: unde pro certo latentis metalli signo habentur. Communis marcasita sive bismuthum crebrius quoque à stannariis loco Reguli ðii usurpatur, & in Medicina quædam externa medicamenta, ut cosmeticum ad dealbandem faciem, exinde præparantur, quod nihil aliud est, quam

## MAGISTERIUM MARCASITÆ,

quod nonnulli etiam *Blanc de Perles* & *Blanc d'Espagne* vocant. Modus parandi hic est: Solvunt bismuthum in  $\sim$  o rectificato, præcipitantque postea aqua fluviali, non fontana, quæ solutionem reddit turbidam. Alii solutionem  $\oslash$  ♀ per deliq. præcipitant, indeque accipiunt COSMETICUM CLUVII, ad dealendas quascunque faciei maculas, istamque dealbandam utile. Utrumque ita usurpatur, ut pro pinguioribus personis cum aqua fabarum, pro macilentis cum oleo jasmini vel pomada subigatur. Qui crines supposititios consuunt, rubris crinibus isto mediante colorem album vel cæruleum conciliant, in pluviam tamen non durantem. Magna igitur copia non præparandum magisterium, quod veterascens facile flavescit. Qui vero emunt, venditores quærant ingenuos notosque, quia ingens subesse fraus potest. Nonnulli ex

## FLORIBUS MARCASITÆ

è calcinato, & cum sale armoniaco sublimato bismutho præparatis, componunt. Qui flores aqua soluti, & cum  $\sim$  o x vel  $\oslash$  ♀ per deliq. præcipitati, similiter album pulverem & magisterium suppeditant, instar prioris usurpandum.

## §. 6.



## §. 6.

Ultimo adhuc restat

## ZINCUM seu ZINETUM,

alias quoque *Speanter* dictum, in quadrangulis crassisque placentis, in quas depurgatum formatur, advectum. Copiose circa Goslariam, unde vitriolum venit, invenitur, mineræque saturni species est; sed multò durior, candidior, splendidiorque quam vulgaris. Quidam (inter quos *M. Charas* est) existimant, zincum è plumbò & arsenicò cum sale petræ ac tartarò præparari. Enimvero *Pometius*, ejus popularis, publice ejus impossibilitatem ostendit, idque naturale sed imperfectum esse metallum. Optimum eleganter album est, ac frustis constat magnis, non facile fragilibus. Quò diutius in igne fluit, eo pulchrius fit, quod ex minoribus stellulis in isto videndis apparet, quando denuo fusum in minora frustula formatur.

## §. 7.

Hujus metalli magna copia ab stannariis

insumitur, postquam stannum isto mediante, quàm limaturâ acuum, melius à sordibus depurgari observarunt. Quidam existimant, ad augendum stanni pondus istud addi: quod tamen minus ita esse exinde apparet, dum centenario stanni ponderi vix libram unam zinci addunt. Mirum verò adeo zincum purgare stannum, atque saturnus aurum, argentumque ac cuprum solet. *Ærariis* quoque conducit ac ferruminationi, præsertim bonum, quum pejoris notæ zincum totam ferruminationem impediat. Cupro aureum colorem conciliat, præsertim si aliquid curcumæ additur; cuprum quoque, haud secus atque arsenicum, cogit, si album cuprum est præparandum: aut sicut lapis calaminaris cuprum in orichalcum mutat, ac vitriolum Hungaricum ferrum in cuprum tingit, quod *Pometius* ex *Act. Soc. Regiæ London. l. c.* bene observavit. De Præparatis ejus v. g. floribus zinci, vid. *Ettmüllerus l. c. pag. 896.*

## CAPUT XXXIII.

DE

## ANTIMONIO EJUSQUE PRÆPARATIS.

## §. 1.

**A**NTIMONIUM, ut apud Materialistas invenitur, durum, ponderosum ac fragile metallum est, instar plumbi nigricans, longis ac splendentibus striis, rubellisque (si optimum est,) punctulis ornatum. Vulgò, sed temerè, Antimonium crudum vocatur, quod neutiquam crudum è fodinis, sed in massis & ita fuis placentis, è minera Æii ignis ope coactis, advehitur. Maximam partem è Gallia Germanique venit, postquam Hungaricum, quod optimum est, desiit haberi.

## §. 2.

Illa minera varia in forma reperitur, & plerumque ex nigris & aliquantum splendentibus mineralibus constat lapidibus; vel certæ arenæ aliisque lapidibus accrescit, nonnunquam etiam pellucidos fluvios supra se habet metallicasque crystallos, ut *Ulysses Aldrovandus in Musco Metallico pag. 188.* in figuris ostendit. Et quamvis *Plinius Lib. 33. cap. 6.* hanc mineram in marem ac scæminam dividat, ac posteriorem credat esse optimam, *Pometius* tamen isti differentiæ parum tribuit, tanquam à se nunquam visæ, licet multum Æii per vitam tractaverit, ut ejus *Histoire generale des Drogues Part. 3. Lib. 2. pag. 54.* testatur. Id saltem observetur, ut grayis, dives, puraque sit à fabulo, quam etiam *Marxius in Material. Musco pag. 27.* putat esse optimam. Maximè verò eminet Hungarica, quæ auri dives, hodieque per-

rara est; habetur etiam in Germania Æii minera, non contemnenda.

## §. 3.

Ex ejusmodi mineris commune antimonii vitrum ita præparatur: Duo sumuntur vasa fictilia, quorum unum terræ infodi, ferreaque lamina, cochlearis despumantis ad instar perforata, curatur operiri, cui deinde alterum, contusa Æii minera adimpletum, inversum, ut pars inferior sit superius, imponitur, cincto utroque vase forti igne stillat antimonium in vas inferius, ibidemque in ejusmodi placentas conosque, ut affertur, concrevit: interjecta vero lamina impedit, quo minus aliquid fabuli aut lapidosi transeat.

## §. 4.

Ufus antimonii, vulgò crudi vocati, varius est, dum non solum in officinis fusoriis, quò alia metalla ad puriorem fluxum redigantur, adhibetur, sed ad typos quoque Typographorum fundendos valde utile est. Non minus in veterinaria medicina, præsertim pro equis, pabulo mistum usurpatur, quo prolecto sudore morbo levantur, ut in *Actis Soc. Reg. London.* commemoratur. Num verò etiam hominibus propinari possit ac liceat, de eo magnum semper inter Doctores fuit dissidium. Certum est ante seculum XII. internè non fuisse usurpatum. Postquam vero *Basilius Valentini* (Monachus creditus) exploratas

ejus



eius virtutes in *curru triumphali* §ii adeò commendavit, usque eo innotuit, ut quidam Medici exinde pharmacopolium contra quoscunque morbos componere sibi sumant. In Gallia, præsertim Parisiis, adversis mirisque agitatum fatis est, ubi anno 1566. Parlamentum §ii usum publicè prohibuit, Medicumque, cui *Besniero* nomen fuit, anno 1609. Facultate exclusit, quod spreto interdicto istud usurpaverat, donec anno 1637. re judicata rescissa, solis Medicis §alium usus concessus fuit. Hodie non multa solum præparata sunt in usu, sed crudum etiam §ium ad decocta lignorum nonnunquam præscribitur; quod etiam quidam in substantia ad aliquot grana, adversus epilepsiam, pruritus cutis, luemque &eam præscribunt, ubi tamen majori cautione opus est.

## §. 5.

Inter præparata §alia, quorum plurima quoque in Materialium Museis habentur, primum se sistit

## VITRUM ANTIMONII,

quod nihil aliud est, quam calcinatum & à venenosò sulphure liberatum antimonium. Nonnunquam è terrâ eruitur, ab ipsa natura præparatum, mihiq; ipsi *minera* § ad manus est, in quâ vitrum §ii purpureum apparet. Quùm verò istud perrarum sit, artificiosa fortique calcinatione sub magno camino præparatur, ubi à venenoso fumò sibi diligenter caveant. Plerumque è Batavia venit, ubi magno istud apparatu præparant, vulgarisque opinio est, commune vitrum à Batavis fuso misceri §io, quo nigrior §ii mutetur. Commune fuscum est, in crassis & tenuibus frustis: præter quod Chymici quoque purpureum, flavum aliterque coloratum sciunt componere. In emtione eligantur depressa, ex rubro clara & pellucida frusta, quibus nihil aut parum nigri, cassi parvique interjectum segmenti est. Vomitus sedesque promovet, noctu vino infusum. Pocula quoque purgantia exinde conficiuntur, idque vel fusione, aut quando crasse contusum recenti resinâ inspergitur, qua facti eum in finem lignei calices obducuntur. Belli tempore venenosi inde globuli dicuntur confici, quorum unum, in Galli cujusdam sclopeto inventum, in rarioribus meis custodio.

## §. 6.

Sunt, qui contusum antimonium in Sole, mediante metallico, aut etiam vulgari, vitro caustico lentè calcinandum sumunt, quò ipsò non venenosum solum sulphur separatur, sed per concentratos etiam unitosque solis radios quid præterea ipsi additur, ut ex pondere aucto colligendum. Hoc igitur modo § figitur, ut magis diaphoreticum ac confortativum medicamentum evadat, quam emeticum, de quo *le Febure* in *Tract. de la Chymie* Tom. 2. p. 996. & seqq. fusius agens, totam operationem in eleganti

figura repræsentat. Quantum verò *Bartholetus* arcanum exinde faciat, apud *Ettmüllerum* in *Comm. Schræd. ad b. l.* potest videri.

## §. 7.

Quando porro § cum tartaro ac nitro calcinatum inque fluxum redactum, in calicem fusorium, sevo illitum, funditur, isque malleo tamdiu pulsatur, donec gravis metallica pars subsideat,

## REGULUS § COMMUNIS

acquiritur, rectè beneque præparatus judicandus, si ex eleganter splendentibus frustis, instar bismuthi, constat. Sin verò in isto elegantiam desideraveris, de integrò cum nitro fundendus est, ac depurgandus. Vomitus sedesque indiscriminatim ciet, vino per noctem infusus. Calices quoque exinde possunt confici, quibus per noctem infusum vini vitrum, manequè potum, purgat. Alii in fabrica ferraria argenteos globulos, angulosque ac similia exinde componunt, vino per noctem infundenda; non minus pilulas perpetuas habent ex isto factas. Angli olim stanno permiscuerunt, cujus loco nunc temporis bismutho utuntur. Quando nitri loco sal calinaris cum tartaro sumitur, REGULUS §ii MEDICINALIS inde resultat, cujus veram descriptionem in *Vigani Medulla Chym.* pag. 20. invenies. Sin vero limatura, aut clavi ungulares & §io adduntur, REGULUS MARTIS STELLATUS prodit, qui eò elegantiores stellæ splendorem acquirit, quo diutius in igne detinetur, istoque mediante splendentes §ii striæ magis protruduntur ad marginem. Quemadmodum cum aliis metallis reguli sint præparandi, in *Schrædero ejusque Interpretibus* invenies.

## §. 8.

Istis regulis in pyramide sive calice fusorio insident scorix, ex quibus

## SULPHUR AURATUM ANTIMONII

præcipitatur, si quando scorix in aqua bullitæ, aceto præcipitantur, ubi post vehementem fœtorem pulvis ruber subsidet, ratione coloris *sulphur antimonii auratum* vocatus, eoque melior habendus, quò crebrius est præcipitatus. Sudorem pellit, & quando ad summum evehitur, epilepsiæ, à grano uno ad tria, medetur, de quo vid. *Ettmüllerum* in *Valetudinar. infantili* Tit. de *Epil.* Ex scoriis quoque TINCTURA §ii præparatur.

## §. 9.

Quando verò cum æquali nitri quantitate permistum §ium statim inflammatur, ac detonatur,

## HEPAR ANTIMONII

acquirimus, sive pulverem colori hepatis haud dissimilem, qui sæpius aquâ tepidâ ablutus, à nitroque liberatus, & ita edulcoratus, instar croci flavescit, proptereaque

## CROCUS METALLORUM

vocatur. Ex cujus infusione vina emetica, Aqua Bene-



benedicta Rulandi, Tartarus emet. M. similia-  
que Medicis haud ignota emetica præparantur,  
de quibus vid. *Ludovici Pharm. Mod. Sec.* ap-  
plicanda, *Tit. de Vomit. Min.* Ad semiunciam  
equis infunditur, basisque est Pulveris Imperia-  
lis dicti, pro equis, de quo *Soleyselius* agit in *Tract.*  
*le Parfait Marechal, sive de cura equorum.*

## §. 10.

Tres nitri partes pulvere §ii mistæ, & vel  
semel, vel successive detonatæ, provenire fa-  
ciunt

ANTIMONIUM DIAPHORETICUM,  
medicamentum sudoriferum præstantissimum,  
eo melius adhuc habendum, si loco antimonii  
vulgaris Regulus recipitur; tunc vero vocatur  
CERUSSA §ii. Utrumque bene edulcore-  
tur, tum verò ex aqua ad edulcorandum usur-  
pata o §atum habemus gratis, id quod etiam  
in præparatione croci metallorum est obser-  
vandum.

## §. 11.

Quando §ium sine additamento è cucur-  
bita vel olla in superimpositum alembicum  
sublimatur,

## FLORES ANTIMONII

acquiruntur, quibus histriones ad ciendos vo-  
mitus non sine summo vitæ periculo utuntur,

novique empiricum, qui istis mediantibus epile-  
psiam perfectè curat, multis etiam mortem ac-  
celerat. Ordinariè ad gr. iij. datur.

## §. 12.

Tandem §ium cum §io sublimatum pri-  
mum BUTYRUM ANTIMONII præmittit,  
ad excitandos fonticulos utile: deinde

## CINNABARIM ANTIMONII

sistit, in eleganter magnis rubrisque (minime  
nigrescentibus) frustis, ac splendentibus striis  
exornatis: illam vero aliquoties decet subli-  
mari. Elegans medicamentum est diaphoreti-  
cum & nervinum. Aliquid etiam mercurii sub-  
limati hac operatione acquiritur, de quo alibi  
dictum fuit. Butyrum §ii, in aqua solutum,  
præcipitatione evadit MERCURIUS VITÆ;  
affuso autem ~ o, eoque ab se abstracto, di-  
mittit BEZOARDICUM MINERALE adeò  
desideratum, vel dimidia saltem dosi æque bo-  
num ac §ium diaphoreticum. Remanens aqua  
evaporata dat ~ Ol. Philosophicum. Quæ præ-  
parata in Pharmacopolarum taxis tam magni  
æstimata sunt, ut unus Imperialis in emtio-  
nem §ii insuitus ferè centum Imperiales lu-  
cretur, ut *Dan. Ludovici Tract. de Moderatione*  
*Taxarum* factâ suppuratione ostendit.

## CAPUT XXXIV.

DE

## MERCURIO ET CINNABARI.

## §. 1.

ARGENTUM VIVUM valde ponderosus,  
fluidus ac volatilis metallicus succus est,  
instar nitentis argentei fluvii apparens, unde  
Græcè Hydrargyrum, ob inconstantiam vero in  
igne Mercurius vocatur. Hodie maximam par-  
tem ex Austria & Hungaria per Bataviam venit,  
in utribus coriaceis, ex pellibus ovillis constan-  
tibus, iisque ligneis vasis munitis, ita ut relictum  
spatium scobe aut stramine, minutim inciso, im-  
pleatur. Prorsus igitur à verò alienum est, quod  
nonnulli existimant, argentum vivum, quò com-  
modius alias in regiones vehatur, ferè omne in  
cinnabarim mutari, atque ex hac postmodum  
resuscitari, ac fusione pristinam recuperare fa-  
ciem. Siquidem 1000. lb. argenti vivi totidem-  
que præparatæ cinnabaris fere citius aliorum  
vehuntur, quam 50. lb. cinnabaris crudæ, ac Ba-  
tavi & facilius coagulare, quam in cinnabarim  
mutare poterunt, si, ut est Natura, non posset  
transportari.

## §. 2.

Mercurius vel ita purus ac fluidus in fodi-  
nis invenitur, & VIRGINEUS dictus, purissi-  
musque habitus; quanquam is quoque Mer-

curius, qui è cinnabari artificiali, aut aliis præpa-  
ratis Chymicis resuscitatur, & RESUSCITA-  
TUS vocatus, bonitate isti proxime accedat:  
Vel etiam è propriis suis minis eruitur, ut plu-  
rimum rubescentibus, qualem ego possideo,  
aut aliquantum cæsiis, striis splendentibus præ-  
ditis, §io haud dissimilibus. Talis in duabus  
saltem totius Europæ regionibus, Hispaniâ nem-  
pe ac Hungaria dicitur inveniri. In Hispaniâ  
quidem optimum argentum vivum eruitur,  
quod argentum perhibetur inaurare, magni pro-  
pterea ab Alchymistis æstimatum: sed valdè ra-  
rum est & difficulter habendum, quoniam Regis  
mandato cautum est, ut ne alia in regna veha-  
tur, præterquam in Indiam, ubi ad separatio-  
nem ac purgationem auri argentique usurpatur.  
Quamobrem ferè omne ex Hungaria & Transil-  
vaniâ venit, ubi in Histriâ, quæ quinque milliari-  
bus abest Labaco, in confinio Venetorum, adeò  
dives habetur minera, cujus quatuor pondera  
centenaria tria centenaria §ii ac cinnabaris sup-  
peditant, ut *Marxius* in *Mater. Museo* pag. 28.  
commemorat. Hujus fodinæ redditus, ad sacram  
Cæsaream Majestatem pertinentes, annuatim  
ad aliquot milliones accrescunt, & quoniam Ba-



tavi illam conductam possident, sibi que monopolium constituerunt, pretium istius sentimus auctum.

## §. 3.

Inter signa quibus ☿iales venæ deteguntur, præcipuè crassus vapor observandus est, in Aprilij Majoque mensibus, summo mane, brevi super terram spatium videndus, ac propter gravitatem suam neutiquam altum petens. Istis in locis tum inquirunt montani, vaporibus maxime Aquiloni obviam euntibus, multumque circa se habentibus aquæ. Effossam mineram magnis ferreis retortis indunt, indeque ☿ium in alia, aqua repleta, excipientia destillant, aut in duas sibi impositas ollas per descensum. Exceptus ☿ius per corium cogitur, hac ratione à sordibus suis depurgandus.

## §. 4.

Hoc modo præparatum ☿ium pulchrum, album, purum, recteque vivum ac instar aquæ limpidæ fluidum esse oportet. Qui verò in scutella cuprea instar plumbi & opacus apparet, & quasi pinguis esset, trahitur, aut manibus adhæret, in iisque in rotundos globulos formatur, abjiciendus est, quoniam vel dolo, vel sponte cum plumbo mistus, speculariis, aurifabris aliisque, qui istum ad inaurandum similiaque maxime adhibent, magnum potest afferre damnum. Ejus bonitas destillatione, aut evaporatione in cochleari argenteo super igne detento probatur; si illie omnis ascendit, hicque flavescens relinquit maculam, habetur bonus: sin vero post destillationem sedimentum, post evaporationem nigram maculam relinquit, adulteratus est. Nonnulli ☿ii bonitatem pondere explorant, quo secundum aurum omnia alia metalla antecedit, adeo, ut ferrum 50. lb. pondere, isti ☿ii quantitati, ex Batavia advehi solitæ, & forte 160. vel 125. libras pendenti, impositum, non subsidat, sed tanquam lignum aquæ innatet. Quorundam Mathematicorum supputatione pes ☿ii quadratus pendet 947. lb. pes contra aquæ saltem 62. lb. id quod æneo cavoque cubo, quo Philosophi Experimentales in pendenda aqua utuntur, unicuique perspicue potest demonstrari. Eruditi qui uberius ea in re volunt informari, clarissimi Batavi Philosophi *Burch. de Volder Disput. de Aëris Gravitate pag. 55. & seqq.* evolvant, sub cuius finem proportionem ☿ii, & aquæ gravitatis invenient.

## §. 5.

Præter usum modò memoratum, quem ☿ius speculariis, aurifabris aliisque præstat, multum quoque utilitatis affert medicinam facientibus, dum non multa solum præparata, infra pluribus memoranda, exinde conficiunt, sed crudum quoque ☿ium internè æque ac externè adversus quosdam valde pertinaces morbos usurpant, nullis fere aliis mediis levandos. — Quanquam inter auctores non conveniat, frigidæne an calidæ naturæ ☿ius sit, quorum tamen prius verò

similius est, quod ☿ius etiam extrinsecus adeo refrigerat, ut manus in isto per horæ quadrantem teneri nequeat. Interne quidem magna in quantitate sæpe in passione iliaca s. miserere mei assumitur, ut etiam *D. Erbenius*, olim Regis Poloniæ Archiater & Medicus Castrensis, postea Physicus Spirensis, aliquando 3. libras propinaverit, ut *Ettmüllerus* in *Comment. Schræd.* commemorat. Ager vero in hypocausto hinc inde volvendus est, quo ☿ius descendat & egeratur, detentus enim varii mali existit occasio. Cum saccharo vulgari quoque in mortario ligneo tamdiu teritur, donec saccharum nigrescat: aut aqua communis vel hyperici affunditur, sine ☿io infantibus ad enecandos lumbricos propinanda, quibus æque atque omnibus ejusmodi bestiis, utpote pediculis, tam communibus quam iis, qui loca secreta crinita amant, cimicibus &c. existit venenum; cujus etiam in unguento pediculorum maxima vis est. Externè crudus ☿ius in Luis Gallicæ cura per salivationem usurpatur, cum pinguedine porcina subactus, inque loco calido artubus tritu applicandus, quam methodum à clarissimo Anglorum Practico *D. Sydenhamio*, in peculiari epistola de *Cur. Luis Venereæ*, præ ceteris breviter, ingenue & perspicue descriptam, ipse Argentorati in Nosocomio bene feliciterque vidi evenisse. Similiter omni scabiei conducit, sed in minori quantitate, & in cingulum ex panno molitorum albo teritur, CINGULUM MERCURIALE vocatum, circa corpus gestandum. Utrobique tamen magna cautione opus est, de qua lege sis *Hoffmannum* in *Clavi Schræd. pag. 263.* Naturæ scrutatores istum quoque Barometris induunt, ad aëris gravitatem tempestatemque bonam vel malam explorandam, quæ Anonymus Gallico *Tract. & in Disput. de Barometris Dn. Profess. Hambergerus* eleganter descripta depinxit.

## §. 6.

Quæ vires omnes etiam ☿io ex cinnabari resuscitato veniunt adscribendæ; & quoniam multo purior meliorque est communi, à Chymicis ad præparationem ☿alis panaceæ, *χρυσόποιον* resque alias præfertur. Cinnabaris autem duplex est, nativa & factitia.

## CINNABARIS NATIVA

species mercurialis mineræ est, ex rubro, ponderoso ac splendente lapide constans, quem ipsa quasi Natura è mercurialibus sulphureisque vaporibus, per ignem subterraneum sublimatis, & cum semine lapidifico unitis, generavit. Copiose in Hispania invenitur, diversisque Galliæ & Germaniæ locis, ut Alzejæ in Palatinatu, Marburgi Cattorum, in Hungaria & alibi, ubi tempore hyberno nix rubescit. Prout plus minusque lapidosi durique ac indigesti circa se habet, melior habetur vel deterior; quamobrem apud Materialistas diversa invenitur, vel lapidosa, vel pura in granis, quæ ultima ita per se run-



di terique potest, cum prior multa purgatione indigeat.

## §. 7.

Optima est genuina Hispanica nativa, colore saturata, ac eleganter splendens, lapidumque expers. In cuius defectu alia pura, inprimis Hungarica, quæ auri habet naturam, potest usurpari.

## §. 8.

Ex ista quibusdam in locis, mediantibus duabus ollis, mercurium solent per descensum destillare. Num etiam internè tutò possit usurpari, de eò nonnulli, ut *Hoffmannus* in *Clav. Schrad.* pag. 291. dubitant, quod tamen dubium alii jamdum solverunt, ipsaque Praxis testatur, in convulsionibus aliisque nervosi generis morbis, artuum uterique doloribus istius non contemnendum esse usum, præsertim bene lotæ ac depurgatæ. Istam verò per crebriorem sublimationem præsumere depurgandam, rem esse magis noxiam quam utilem, *Schulzius* in *Triga Cinnabar.* pulchre ostendit. Id saltem demus operæ, ut ne in formulis salia isti permisceamus, quæ mercurium latentem acuendo, quasi ☿ efficiunt, id quod atrocia tormina aliaque incommoda inducere aptum natum est. Externè nonnunquam unguenta & emplastra ingreditur. Quæ vero alias ex ista præparentur medicamenta, & in quibus hæc conveniant morbis, *Clauderus* in suo *Invento Cinnab.* ex eoque *Tillingius* in *Scrutin. Cinnab. min.* fusius ostendit.

## §. 9.

## CINNABARIS FACTITIA

per artem ex mercurio & sulphure conficitur, quando nempe duæ partes ☿ ii bene depurgati cum una parte pulchri, compacti flavique sulphuris, in ollâ incrustatâ leniter fusi, incorporantur, & gradatim sublimantur: vel quando ☿ aqua forti ante solutus, cum sulphure miscetur, postea aqua destillando abstrahitur, & quod reliquum est sublimatur, qui duo modi à *Lazaro Erckerô* in *Arte probat. Lib. IV. pag. 93.* describuntur. Plerumque sublimando una vice è Mistura XXV. lib. accipiunt, quo factò tantundem de integro, donec vas sit adimpletum. Quæ causa est, quamobrem placentæ, sive frustra, quibus cinnabaris factitia è Bataviâ advehitur, sibi sint contigua, ac postmodum ter ac quater pondus centenarium habeant, ut *Pometus* in *Hist. Simpl. Gen. Part. 3. Lib. 1. c. 28. pag. 17.* observavit. Rubore eleganter saturata striisque jucundis ornata sit.

## §. 10.

Post totam cinnabarim à Batavis, ut dictum, magnis frustis advectam, venit etiam contusa, & vel cum ☐, vel ~ vini præparata, Gallis

## VERMILLON

dicta, cujus Batavi duas constituunt sortes, rubram & pallidam. Quod discriminis à meliori

ac peiori tritu vel pulverisatione cinnabaris dependet. Quo enim melius conteritur, eo pallidior meliorque est, præsertim iis, qui ceram sigillatoriam s. Hispanicam ista mediante tingunt. Alias præparata cinnabaris pro optima habetur, quæ vete subtilis siccaque, non terrea, quam Batavi præter ceteros præparare norunt, peculiari methodo instructi, aut certa aliqua re addita, quoniam istorum Vermillon cito exsiccatur, è contrario cruda cinnabaris, contusa & humectata valde sero ac difficulter se siccare paritur.

## §. 11.

Cinnabaris factitia, sive tota sit, sive præparata, præsertim Pictoribus iisque conducit, qui ceræ Hispanicæ, oblati similibusque ista mediante dant colorem. Fœminæ interdum ad genas tingendas utuntur, quod tamen cosmeticum ratione ☿ ii valde periculosum est, tutiusque usurpabunt *Vermillon d'Espagne*, ex Safrano s. Croco Orientali compositum. In Medicina cinnabaris factitiæ usus internus est nullus, præterquam quod pilulas pro equis exinde conficiant. Externè ad suffiendum in cura salivatoria usurpatur. Chymici cum limatura ☿ & calce ☿ ium exinde resuscitant, quem decet esse eleganter album & fluidum.

## §. 12.

Inter reliqua præparata ☿ alia, à Materialistis vendi solita, primum se sistit

## MERCURIUS SUBLIMATUS,

ex mercurio, aqua forti aliisque falsis corporibus, nempe ☉, ☿ comm. & similibus acuatò, ac sublimato, præparatus. Ut plurimum è Batavia Venetiisque venit, ubi officinæ eum in finem instructæ sunt, ipseque magna in copia præparatur. Ex Smirna quoque sublimatum afferunt, sed minime laudandum. Omnium vero tutissimum, ut ☿ atum ipsi præparemus, quoniam Exterorum fabrica sæpe adulteratur arsenico; modis igitur sequentibus istum probemus: nempe pauxillum ☉ ☿ per deliq. affunditur, aut ☿ tri teritur, quo factò si flavescit, certum est indicium ex ☿ io confectum & bonum esse: sin contra nigrescit, necquicquam prodesse indicatur. *Alexius Pedemontanus* in *Secret. Part. 3. pag. 21.* hoc habet experimentum: affunde ☿ carbonibus candentibus, si bonus est, flammam suscipiet cœruleam, sin vero flamma aliter fuerit colorata, non est de optimo. Summa, elegantes crystalli, quæ non solum claræ, sed etiam nivæ, splendentes, non graves, nec compressæ sunt, istum commendant: Ponderosus, multaque frustra specularia habens, est rejiciendus. Istò Aurifabri, Fabri Ferrarii ac Chirurgi saltem externè utuntur. Interne non sine vitæ periculo assumitur, utpote maxime nocivis fortissimisque venenis adscribendus: quanquam nebulones ad promovendam salivationem eò utantur, sæpeque hominibus mortis horam accelerent, id quod haud ita pridem Giesæ contigit.



## §. 13.

Ex hoc sublimato ita dictus

## § DULCIS

iterata sublimatione ☿ cum mercurio communi præparatur, qui rotundis suis globulis sublimati aculeos abscondit, istorumque nocendi vim invertit. Ter minimum sublimatus sit, nisi malas, mercurioque sublimato similes, operationes isto velimus induci, cujus rei exempla in *Pandectis nostris Medico-Legalibus* inveniuntur. Ex eleganter albis, splendentibus, parvis, durisque crystallis constat, in lingua insipidis, post contusionem aliquantum flaventibus. Quod si verò post olei ☿ affusionem flavescet, minus rectè præparatus est. Præstans remedium est in lue ☿ ea, scabie, lumbricis infantum, morbisque aliis, siue interne, siue externe usurpetur. Ex mercurio resuscitato præparatus, octiesque sublimatus evadit

## PANACEA MERCURIALIS,

cujus in cura Luis Gallicæ usum Gallica descriptio, Parisiis impressa, docet, quam in *Polychrestis nostris Exoticis* invenies communicatam.

## §. 14.

Tandem nec

## MERCURIUS PRÆCIPITATUS

in Materialium Museis ignotus est, & quidem primo albus, ex ☿ ii solutione cum ~ o cum ~ e culinari communi præcipitandus, edulcorandus postea & exsiccandus. Quando vero menstruum sine præcipitatione curamus evapora-

re, secundo rubrum ☿ accipimus, siue mercurium ☿ rubrum, qui usitatissimus est, & ex Batavia, ubi optime præparatur, in alias transportatur regiones. Quemadmodum probari debeat, *Schurzius* in *Mater. Museo* pag. 60. verbis docet sequentibus: Si prunis impositus devoratur & consumitur, bonus est: quod vero remanet, ipsi est superadditum. *Pometus* auro affricat, quo albo factò, ☿ censet esse bonum: illo autem nigrore obducto, minio putat permistum. Chirurgis in cura ulcerum externorum, quæ à putrida carne liberat, valde usitatus est. Interne autem non usurpatur, nisi ante sæpius & ad minimum sexies cum optimo spiritu vini deflagret, unde

## ARCANUM CORALLINUM

exsurgit, interne quoque à nonnullis dari solitum. Similiter etiam tertio ☿ ☿ LUTEUS, siue

## TURBITH MINERALÆ

ad promovendam salivationem sæpe internè datur, ex resuscitato & in ☿ ☿ soluto mercurio, cum aqua tepida præcipitari, instar aliorum ablui & exsiccari solitum. Vehemens vomitorium est purgansque, in luis ☿ ea cura valde usitatum, ut *Sartorii Morbi Gallici Medicus*, Linguâ Germanicâ editus, pluribus docet. Alii quoque ☿ conciliari possunt colores, quando mercurius cum variis metallis solvitur ac præcipitatur: quæ & reliqua quoque mercurialia præparata apud *Schræderum* ejusque Interpretes, *Ettmüllerum*, *Hoffmannum* aliosque Chymicos, videantur.

## CAPUT XXXV.

DE

## ACIDULIS FONTIBUSQUE MEDICINALIBUS.

## §. I.

**A**CIDULÆ (*Sauer-Brunnen, Sauer-Wasser*) eleganter claræ limpidaque minerales aquæ sunt, diversi contenti & saporis, plerumque tamen aciduli, in locis maxime à nobis diversis aque, atque in Germania, interne externeque, adversus varios morbos, cum fructu usurpandæ.

## §. 2.

Quùm vero acidularum virtutes maximam partem à contentis mineralibus dependant, & hæc ipsa valde diversa sint, hinc magnum quoque inter illas intercedit discrimen, dum illæ quæ de marte ac vitriolo participant, multum aperiunt, & in morbis chronicis sunt profuturæ: quæ nitro divites, calculo proficiunt dolorique nephritico: sulphure imprægnatæ pectoris quoque salutem prospiciunt. Id

quod non ii solum, qui de acidulis in genere scripserunt, ut *Theodorus Tabernamontanus* in *Thesauro aquatico*, *Rulandus* in *Hydriatice* &c. sed alii quoque, qui de istis in specie egerunt, quorum permulti sunt, jam pridem demonstrant. Ubi tamen observandum, spiritum mundi universalem multum quoque conferre, & in FONTIBUS SOTERIIS (*Gesund- und Heil-Brunnen*) admirandas sæpe exerere vires, ab his illisve mineralibus neutiquam dependentes, ut *Dn. D. Tackius*, olim Archiater Hassio-Darmstadinus, in *Descriptione Fontis Soterii inter Griesheimiam & Godelaviam exorti*, pereleganter ostendit. Quemadmodum enim spiritus mundi invisibilis est, ita mineralia in acidulis contenta non facile possunt oculis subjici, quoniam nimis volatilia, & quasi interna mineralium essentia sunt, variis tamen experimentis indaganda, de quibus



bus vid. *Diethericus* in *Descript. Acidul. Schwalbac.* & *Henricus ab Heer de Fontibus Spadan.*

## §. 3.

Utendi modus à permultis Medicis descriptus est, novique quotidie, plerumque tamen exscripti, libelli, quibus quicunque peregrinis se commendare intendit, in lucem prodeunt. Quæ omnia principaliter in tribus consistunt, (ut in *Tractatulo* meo de *vero usu acidularum superioris & inferioris Hassiæ*, jamdum ante V. lustrum ostendi,) quos scilicet nos 1. ante curam, 2. in acidularum usu, 3. absoluta cura præstare debeamus. Quod ad primum attinet, ante curam summe necessarium est, ut in diuturnis morbis ex ingenuo doctoque Medico quæramus, num isti fontium usu levare possint aut saltem imminui? quæ in specie acidulæ morbis proficiant, quum, ut jam supra dictum, multum intersit discriminis, nec omnes singulis convenient. Certum namque est, acidulas Schwalbacenses phthisi laborantibus, aut saltem ad istam inclinantibus, esse exitiales, ac statim initio excitare sputum cruentum, quibus Selterenses contra conducunt magis quam nocent. Plebi quoque Wildungeni non ignotum est, Fontem Urbicum dictum phthificis nec quicquam afferre damni; è contrario Vallis Fontem, horæ spatio ab oppido disjunctum, acidulis Schwalbacensibus sapore, aliisque qualitatibus nec quicquam cedentem, istis haberi perniciosum, quam differentiam ipse ibidem observavi. Non minus certum est, certis ex causis fœminas non semper fontem perferre Schwalbacensem, bene verò Dönnesteinensem, majore licet quantitate bibendum. Hic etiam in obstructionibus viscerum primas tenet, Schwalbacensis contra in morbis scorbuticis, arthritide vaga & paralyti primatum sibi vindicat: cui tamen in phlogosis Selterensis longe præferendus. Id porro meretur considerari, num Patiens ad perferendam absolvendamque curam valeat? Quando enim pulmones, hepar, cæteraque viscera male sunt constituta, manum de tabula, manum à vitro abstineant, consultiusque foret ægris, si loco acidularum cum plantarum aut betulæ succis curam annuatim instituerent, qua olim Cæsareus Generalis, Comes Staremburgius, cujus custodia Philipsburgum erat traditum, magno cum fructu utebatur. Qui vero medice bibere acidulas sibi proponit, corpus ante præparet purgetque: à fortionibus tamen purgantibus omni cura sibi caveat, nihil aliud præstantibus, quam ut spiritus vitales, jamdum imbecilles, magis prosternant, totumque ventriculi usque eo destruant, quo ad perferendam aquam reddatur ineptus. Nihil jam dicam, quod auctoribus *Helmontio*, *Holterhofio* aliisque, qui de *longa sanaque vita* scripserunt, humanam vitam abbrevient, & ab *Gebena* in peculiari *Tract.* crudelibus medic-

nalibus mortis mediis annumerentur. Ego sanè potionibus sennatis multum tribuo, quæ, teste experientia, eos quoque laxant, qui fortissimis purgantibus non possunt moveri. Quem in finem etiam ∇ Laxativa Viennensis in officinis bene constitutis semper habetur præparata: quibus omnibus tamen nostris temporibus Panacea solutiva, Magnesia alba vulgò dicta, palmam eripere videtur, de qua vid. *Epist. nostram ad DN. Leibnizium de Magnesia alba.*

## §. 4.

Ad rem ipsam hinc progrediendum, duranteque cura tempus, quantitas, modusque bibendæ aquæ bene attendantur. Optimum tempus est in tribus æstivis mensibus, Junio, Julio, atque Augusto, quibus fontes præsertim viribus imprægnantur, ac minerales æque tempestates, atque prædictus spiritus mundi universalis, occultusque vitæ cibus in istis copiosius concentrati sunt: quanquam tempore necessitatis circa Maji finem principiumque Septembris prudenti Medico dispensare sit integrum. In ceteris mensibus Batavorum obtinet rhythmus: *Mensibus in quibus R. non debes bibere Water.* Deinde ratione quantitatis suum quisque ventriculum consulat, tantumque principio bibat, quantum iste sine incommodo & inflatione perferre aptus natus est. Una aut duabus mensuræ quadrantibus plerumque fit initium, & pro diversitate fontium ac personarum, ad unam, duas aut tres mensuras ascenditur, quam etiam descensus faciunt regulam. Et quoniam aqua sua sæpe frigidity stomacho nocet, hodiernorum Medicorum methodo vel tepida bibenda est, vel morsuli citrati & stomachales, confectio cumini, fœniculi, anisi, calamus aromaticus conditus similiaque usurpentur, aut etiam ∇ carmin. ∇ physog. zedoariæ &c. fumantur. Tertiò aqua non una vice ingurgitetur omnis, sed sensim sensimque, interposita motione, quæ curæ quasi anima est, Naturamque adjuvat, quo non aquam solum per omnes corporis venas distribuere, sed facta etiam operatione iterum eliminare queat: quemadmodum prima plerumque hebdomade per alvum, secunda per urinam, tertia per sudorem operationem exerit, quod tamen non apud omnes observatur. Istius igitur operatio semper respicienda, quoque tendit, adjuvanda est. Quod si tardum esse alvum contingat, cremor gri, & solubilis, aut etiam folia sennæ acidulis possunt infundi, aut Francofurtenses, Moguntinorum Jesuitarum, vel *D. Beccheri* pilulæ in usum vocari. A crebriori tamen istorum usu, nulla urgente necessitate, præsertim fortioribus purgantibus, abstineamus, istud iterum invertentibus, quod forte aquæ potus correxit: quod *Sydenhamius* etiam in martialium usu vult observari. Longe majori usu verò aquæ addunturea, quæ istam ad vias urinarias cutisque excernicula dedu-



deducant, v. g.  $\text{R} \text{ } \text{f}$ ,  $\text{~} \text{ } \text{OX}$ . Divitibus commendatur  $\text{R} \text{ } \text{O}$  *Bas. Valentini*. Tandem omnium Medicorum querela est, è centum hominibus vix esse decem, qui Diætæ vere sint studiosi, cujus tamen vel maxima habenda cura est, si curam bene feliciterque nobis velimus evenire. Baccho igitur neutiquam litandum: heluætionem inauratam existima pilulam, quæ amarorem suum occulte gerat, mox vero, cum maxime securi sumus, perniciosè noceat.

## §. 5.

Quæ diætæ etiam tertio post absolutam curam tres fere menses est continuanda, quo longo post tempore insequens aquæ operatio promoveatur. Quod tandem ad varia symptomata, aquæ potatoribus obvenire solita, attinet, de iis auctores alii, qui de acidulis modoque

utendi scripserunt, *Theodorus Tabernæmontanus, Rochas, Langius, Rhumelius, Camerarius, Horstius, Geilfusius, Mogius, Wolffius, Ellenbergerus, Tilemannus, Ramlovius, Melchior, Gladbachius, Hensing*, aliique plures possunt consuli.

## §. 6.

Tandem cum non in cujusque positum facultate sit, ut fontium scaturiginem adeat, aquæ etiam aliorum transvectæ, cura que qua possunt maxima clausæ, virtutibus multam partem orbentur, alii propterea

## ACIDULAS ARTIFICIALES

præparant, eumque in finem probatam aliquam Tincturam martis,  $\text{R} \text{ } \text{O} \text{ } \text{O}$ , aut similia eodem prorsus modo utenda, commendant, de quo *Ettmüllerus* in *Comment. Schræd.* pag. 778. potest consuli.

## CAPUT XXXVI.

## DE

## THERMIS.

## §. 1.

**T**HERMÆ ex minerali aquâ, naturaliter vel tepida vel calida, constant, & quoniam varios succos minerales particulasque secum ferunt, variis corporis humani affectibus proficiunt. Non in Germania solum, ut Aquisgrani, Embsæ, Wisbadæ &c. sed etiam in Hungaria, nempe Budæ, in Turciâ, Angliâ & alibi copiose inveniuntur.

## §. 2.

Quæ verò caloris aquarum causa sit, quaeritur? qua de re inter Doctores non convenit. Multi calorem igni subterraneo ferunt acceptum, cui tamen sententiæ alii contradicunt, quod sine aëris accessu non facile vel ignis vel flamma subsistit. Quamobrem alii thermarum calorem à subterranea mineralium effervescencia motionequè putant derivandum, quæ vel à diversis contrariisque succis metallicis, & quando acidum terrestre sulphur metalla arrodit, exoritur, ut *Helmontius de Febr. cap. 9. §. 25.* existimat, vel quando calciformis marcasita in aquâ solvitur, & calcis communis ad instar ebullit, qualem Doctissimus Anglus *Etmundus Meara* circa Angliæ thermas reperit, ut ex ejus epistola ad D. Brugam data, in *Chil-draji Histor. singul. Natur. Angl.* apparet. Ut adeoque mirandum haud sit, quod sæpe in medio frigidi fluvii calidæ scaturigines deprehendantur, quales juxta thermas Embsenses in Lano fluvio observant, quoniam in quibusdam saltem locis effervescencia exoritur. Non minus alia mineralia, utpote alumen, nitrum, sulphur, vitriolum, sal, mars similiaque subtili modo rationequè suum conferunt, auctore

*Horstio* in *Descriptione Thermarum Embsensium* pag. 1.

## §. 3.

Ex quibus nunc facile colligendum, ob varia ista diversa ingredientia multum quoque inter thermas interesse discriminis, non modo à minori fortiorique calore, sed præsertim etiam à prædictis mineralibus petendi, quorum quædam in his, quædam in aliis thermis dominantur. Quoniam igitur v. g. in thermis Carolinis præter calcis sulphurisquè venam aliquid quoque martis continetur, ut *Langius de Thermis Carol. cap. 3.* confirmat: aliæ verò, nempe Teplicenses, Embsenses & Wisbadenses, etiam de alumine ac nitro participant, ut *D. Geilfusius* certis quibusdam experimentis in *Dilucida Descriptione Therm. Wisbad. pag. 9.* demonstravit: hinc esse aliter nequit, quin diversos quoque effectus exerant. Cæterum sulphur in omnibus fere dominatur, cujus respectu resolvente, purificante sananteque, attrahente & calefaciente virtute pollent, humidisque ac melancholicis calidis naturis sunt utiliores.

## §. 4.

Omnibus affectibus & exanthematis cutis, scabiei, lepræ similibusque medentur: refrigeratos trementesque artus roborant, unaque paralyfi ac contracturæ, maxime à colica exortæ, ac huic quoque ipsi opem ferunt non contemnendam; dolores nephriticos, scorbuticos artuumque communes, arthritidem & podagram nondum inveteratam nec nimis radicatam, demulcent, aliàs enim plus inferre possunt damni, nodosque adaugere. Quædam vi simul vehementer adstringente pollentes uteri



uteri alvique procidentiam inveteratam, & ab aliis medicamentis curari nesciam, tollunt, id quod paucos ante annos Archiater Hassio-Darmstadtinus, *Dn. D. Hertius*, in summæ conditionis persona, è Norvegia adveniente, observavit, quæ, postquam contra alvi prolapsum omnia, quæcunque excogitari possunt, remedia frustra usurpaverat, thermis Embsensibus fuit restituta. Ubi valdè memorabile est, quod, cum prædicta persona prima vice uteretur balneo, ab aqua intestinum rectum spithamæ longitudine fuerit extractum, ejus vero continuo usu sensim retractum, tandemque suo fere loco detentum, ut postmodum sensibilibus curata & ab isto affectu liberata abierit.

## §. 5.

Modus utendarum thermarum in harum illarumque descriptione, à prudentibus experientissimisque Medicis *Horstio*, *Geilfusio*, *Langio*, *Melchiore* aliisque fufius describitur, qui in eo conveniunt omnes, ante curam corpus leniter purgantibus, resolventibus ac diaphoreticis esse præparandum, quo thermæ deinde operationem suam melius exerant, nec febris ulla, scabie, aut simile quid insequatur. Quæ ratio est, quamobrem thermæ post acidularum usum longe melius, quam aliàs, operentur, ut *Ettmüllerus* in *Comment. Schræd. pag. 780.* docet. Corpore ita præparato, ægroque quiete refocillato, per horæ quadrantem prima vice, & pro differentia aquarum, utendum balneo, postmodum, secundum modum utendi balnei præscriptum, diutius insidendum, tandem brevius. Embsæ, Wisbadæque hic plerumque ordo observatur, ut teneriores personæ paucioribus & diebus & horis absolvere curam jubcantur, fortioribus contra plures dies concedantur, & insidendi tempus magis protractum.

## TENERIORES PERSONÆ.

## FORTIORES PERSONÆ.

Dies.	Hora.	Dies.	Hora.
1. - - -	$\frac{1}{4}$ .	1. - - -	$\frac{1}{2}$ .
2. - - -	$\frac{2}{4}$ .	2. - - -	$\frac{3}{4}$ .
3. - - -	$\frac{3}{4}$ .	3. - - -	1.
4. - - -	1.	4. - - -	$1\frac{1}{2}$ .
5. - - -	1.	5. - - -	2.
6. 7. 8. ad 15. inclus.	1.	6. 7. 8. ad 20. inclus.	$1\frac{1}{2}$ .
17. - - -	$\frac{3}{4}$ .	21. 22. - - -	1.
18. - - -	$\frac{2}{4}$ .	23. - - -	$\frac{3}{4}$ .
19. - - -	$\frac{2}{4}$ .	24. - - -	$\frac{3}{4}$ .
20. - - -	$\frac{1}{4}$ .	25. 26. - - -	$\frac{1}{2}$ .
21. - - -	$\frac{1}{4}$ .		

Simulac vero thermis egressus æger est, forte semihoram in lecto quiescat, sudorem, modo perferri potest, expectet, ac post horam ad prandium accedat, ciboque utatur *ἐν χίμῳ*: hinc nisi elapsis tribus ad minimum horis non ingrediatur balneum, jejuno semper stomacho utendum, nec ante decedendum, quam serena tempestas faveat, de quibus, omnibusque simul symptomatibus prudenter depellendis, prædicti Auctores pluribus consulantur.

## §. 6.

Internus quoque thermarum conceditur usus, quæ modo haud dissimili, atque acidulæ, adversus prædictos multosque alios morbos bibuntur, prout hodie præsertim Embsensis fonticulus, *das Embser Brûngen*, notus est clarusque, sub balnei quoque usu ut plurimum bibi solitus. A mensuræ quadrante bibendi faciunt initium, ascendunt ad mensuram, aut etiam plus minusque bibunt, prout vel natura videtur perferre, aut morbus requirere, de qua re supra laudatæ descriptiones possunt evolvi.

## §. 7.

In thermarum naturalium defectu ex variis mineralibus compositæ

## THERMÆ ARTIFICIALES

cum fructu possunt usurpari, quarum aliquas descriptiones in *Fuchsi*, *Capivaccii*, *D. Michaëlis* aliorumque celeberrimorum Practicorum Scriptis videmus communicatas, quas *D. Job. Horatius Molitor* in *Tract. suo de Thermis artificialibus VII. Mineralium Planetarum cap. 1. p. 1.* collegit, suisque auxit. Istæ tamen mihi omnium maxime placent, quæ è paucis, sufficientibus tamen, constant ingredientibus qualia Medicus Cæsareus, *D. Paulus Sorbaitius*, in *Operibus Med. pag. 312.* recenset, dum sulphuris vivi vivæque calcis ana libram unam in aquæ tb octo ebullire, altero die præparari ex aqua calida balneum, hocque priori lixivio refrigerari, ac isti deinde insidere ægrum jubet. Quod balneum quam vile etiam appareat, prædictus *D. Sorbaitius* diu in secretis habuit, atque in pluribus articulorum morbis, calculi uterique doloribus, paralyti aliisque symptomatis, quibus alias thermæ naturales proficiunt, feliciter usurpavit. Pro cuiusque vero voluntate appropriatæ morbis herbæ possunt addi, quo balneum fiat magis accommodatum.

## CAPUT XXXVII.

DE

## PILIS AC SPONGIIS MARINIS.

## §. 1.

**P**ILÆ MARINÆ (*Meer-Ballen*) ex flavo fusca, rotundæ vel oblongæ, prorsus ta-

men hirsutæ asperæque pilæ sunt, ut plurimum è mari mediterraneo Venetiis diversa magnitudine advehendæ; quanquam etiam in Oceano,  
K  
imo



imo & in stagnis inveniantur, *Wormio* propterea in *Museo* pag. 139. pilæ stagnales vocatæ.

## §. 2.

Quæ nunc vera istarum pilarum habitudo, quæque fiendi ratio sit, hodierno adhuc die ignotum est. *Marxius*, Materialista Norimbergensis, in suo *Mater. Museo* pag. 162. existimat istas nihil esse aliud, quam marinam spumam, multis canis marini pilis, arena conchisque ac similibus permistam, ab incolis in pilarem formam redactam. Enimvero quum id minimum certum sit, has ita formatas pilas in mari inveniri, ab ejusque fluctibus ad litus appellari, rem quandam naturalem esse docti existimant, quamvis nondum constet, quæ ejus propria sit ratio. *Tabernaemontanus* alique spongiam esse credunt, quacum tamen nullam habet similitudinem. Aliis Hippopotami videntur esse excrementa: sed nec hæc opinio apud alios aditum invenit, quum nullum sit dubium, quin animal istud saltem in Nilo inveniat, ut suo loco docehimus, pilæ contra marinæ in omni fere mari habeantur. Nonnulli igitur accrementum esse existimant, perpetua fluctuatione ac verberatione fluctuum è junco, pilis similibusque ita compactum, & in ejusmodi rotundas pilas formatum, haud secus atque pileones manibus pedibusque cogunt lanas. Verum & hæc opinio suis involvitur difficultatibus, quod pilarum materia semper eadem est, rotundaque forma ab inæquali maris agitatione non videtur ita simpliciter posse derivari. Quamobrem Dn. D. *Faber*, Medicus Wirtembergicus, & Acad. Nat. Curios. Collega, vero similitimum esse existimat, istas in ventriculo certi cujusdam piscis aut alterius animalis marini generari, quod fortasse juncum aliasque plantas minutim mandat, ex quibus postea hæ pilæ, instar pilarum cervi aut damarum, in ventriculo coagulentur, & ab succo gastrico conglutinentur. Post diligentem enim pilarum inquisitionem reperit, omnes istas ex ejusmodi fibris, fortasse arundinis aut junci partibus, esse compactas, atque intrinsecus continere arenam, exiguas conchas, similiaque simul deglutita, id quod in peculiari *Traët. de Pila Marina Anatome* pereleganter ac curiose descripsit, quem etiam in *Appendice Miscell. Acad. Nat. Cur. Dec. II. Ann. X. pag. 197. seqq.* videmus annexum.

## §. 3.

Quamvis, ut supra memoravimus, pilæ marinæ non eandem figuram aut formam habeant, dum quædam prorsus rotundæ, aliæ paulum depressæ, aliæ quoque oblongæ sunt; id tamen discriminis parum habet momenti, modo ceterum vere leves ac siccæ sint.

## §. 4.

Hodiè non adeò æstimantur, istarumque usus fere obsolevit; istis tamen vis calefaciens in *Appendice Schræderi*, ab aliis vero exsiccans adscribitur, unde ad strumas aliosque cutis affectus dicuntur proficere. *Galenus* illis vim firmandi capillos adscribit, testaturque *L. I. cap. 2. de compos. Med.* scire se arborum amputatorem, cui ex arbore præcipitato fere omnia ossa fuerint confracta, cuique hoc remedio sanitas fuerit restituta; id quod iisdem verbis *Wormius* in *Mus.* pag. 139. de se pronunciat.

## §. 5.

Quo verò discrimen inter pilas ac spongas marinas melius appareat, unicuique innotescit, quod

SPONGIÆ MARINÆ (*Bad-Schwämme*) ex mollibus, porosisque ac levibus frustis constent, iisdemque vel flavis, vel albescentibus, ac peculiaris saporis odorisque expertibus. Quæ forma accrescunt rupibus, in Mediterraneo aliisque maribus, ac Venetiis ad nos veniunt.

## §. 6.

Distinctæ istarum apud Materialistas habentur sortes, nempe permagnæ, mediocriter magnæ, mediæ, parvæ, minores, minimæ, ut *Schurzins* in *Mater. Museo* pag. 100. distinxit. Alii, utpote *Pometus*, in finas & vulgares dividunt. Illæ eleganter flavæ, læves, teneræque ac mediocriter magnæ sint, parva propiusque disseminata foraminula, ac paucos lapillos habeant, vid. ejus *Histoire des Drogues* pag. 165. & *Marxii Material. Mus.* pag. 193. De ultimis magnæ ad balneandum lavandumque usurpantur, parva autem frustula calcinantur ac ustione rediguntur in pulverem.

## §. 7.

Finæ in Medicina quoque ac Chirurgia habent usum, sed saltem externum, cum adeo solvi in ventriculo nequeunt, ut potius intumescant, vel *αρω* vel *ναλω* iterum ejiciendæ, ut propterea à *Samuele Dale* in *Part. II. Mat. Med.* pag. 109. rebus venenatis annumeratæ fuerint. Externè sanguinem sistunt, suasque Chirurgi turundas inde conficiunt, quibus angusta vulnera dilatent; quamobrem etiam in frusta incisa, albaque cera macerata spongia, apud quosdam Materialistas, haberi potest præparata. In officinis quoque spongiæ calcinatæ habentur, non ineptæ, quæ pulveres dentifricios ingrediantur; qua de re *Achigenis* Fragmenta de usu Spongiæ pluribus legantur.

## §. 8.

De LAPIDE SPONGIÆ, sive lapide in spongiis reperiundo, jamdum alibi sufficienter egimus, ut nobis hic nunc liceat esse otiosis.



## CAPUT XXXVIII.

DE

## CORALLIIS ET CORALLINA.

## §. I.

**C**ORALLIA lapidei durique furculi sunt, diversi coloris, qui in fundo maris, instar parvarum arbuscularum, sæpe pedis altitudine excrescunt. Num vero tanta sint magnitudine, ut cerasi nostratis, tantaque altitudine, ut furculi extra mare emineant, quemadmodum *Vielheurius Descriptione Material. Exoticorum pag. 28.* P. *Kircherum* imitans existimat, fabulæ quam veritati est similis. Maximam partem è mari Mediterraneo proveniunt, quanquam in India quoque Orientali circa Bantam, præsertim alba nigraque dicantur erui, de quibus in *Appendice hujus libri*, post Indiam literatam, accurata descriptio dabitur legenda. Imo teste *Balbino in Historia Bohemæ Lib. I. cap. 29. pag. 77.* in Bohemia, infra collem Scheberle, aliquo in fluvio inveniuntur corallia, colore cæteris non cedentia, ut adeoque corallia non in mari solum, sed in fluviis quoque crescant.

## §. 2.

Nunc quæstio exoritur, num corallia vegetabilibus sint annumeranda, & an sub aqua, quæ vulgaris est opinio, prorsus mollia sint, extra mare autem indurescant? qua de controversia *D. Hoffmannus in Clavi Schræd. pag. 158. & seqq.* fusius agit, atque cum clarissimo *Boyleo* ad minimum non impossibile existimat corallia sub aqua esse mollia. Verum ex propria experientia utrumque negat curiosus Italus *Bocconius*, qui Siciliam habens patriam coralliorum piscaturæ sive collectioni circa Messinam ipse adfuit, atque aux *Recherches & observations Naturelles Ep. 1. & 2.* ingenuè confessus est; se corallia sub aqua æque duras invenisse, atque extra illam, exceptis superioribus extremitatibus rotundis, in quibus albus humor, instar succi esulæ, animadvertatur. Et quamvis lac istud, acidiusculum & adstringentem habens saporem, & in corallia, quo cadit, accrescens, à quibusdam, utpote *Gassendo in vita Peireskii* coralliorum semen, & prædictæ rotundæ extremitates in certas cellulas divisæ, Flores Coralliorum dicantur, pro vegetabilibus tamen non vult haberi, quod radicibus foliisque destituuntur, quibus, ad modum plantarum, possint nutriri. Extrinsecus quidem mucosa cuticula (quæ communi errori, quo corallia sub aqua mollia fuerunt habita, occasionem præbuit) apparent circumdata, ista tamen pro naturali cuticula, qualis plantarum est, minime habenda, sed pro impuritate maris, coralliis adhærescente, de qua re clarissimus *Svammmerdamius in Epistola ad supra laudatum Bocconem c. l. pag. 177.* perelegantè agit. Quod

vero *Plinius* de rubris baccis commemorat, à vero prorsus esse alienum, *Wormius in Museo pag. 231.* demonstravit.

## §. 3.

Coralliorum piscatus s. collectio à principio Aprilis ad finem usque Julii peragitur, quem in finem sæpe 200. levis vecturæ naves requiruntur, magnis velis instructæ, quo navibus piraticis Turcarumque triremibus subducere se fuga possint. Quò vero corallia, quæ in profundis hiatibus rupibusque in profundo maris accrescunt, possint erui, piscatores duo ligna ascia- ta decussatim uniunt, inditoque istorum medio magno plumbi frusto, lignorum promovent descensum: tum cannabim alligant, aut longum linum, istudque instar villorum digitum crassorum faciunt dependere: ligna vero, decussatim juncta, duobus longis funibus proræ puppique alligant, atque ita circa rupes circumvehunt. Simul ac nunc linum vel cannabis coralliorum frutici appropinquat, isti se obvolvunt, istumque trahit secum. Quando nunc levandum lignum est, XV. vel XX. in auxilium vocantur naves, quæ istud coralliis eruant: sub quo labore multa decutiuntur, ac in mare decidunt, id quod *Tavernierus in suo Itinerario*, ex eoque *Pometus pag. 163. & Marxius in Mater. Mus. pag. 82.* describunt. In Barbaria vero tam experti ac temerarii dicuntur esse urinatores, qui corallia manibus avellunt, oculis specillo- rum vitris munitis, quo sub aqua etiam possint videre, ut *Malletus in Cosmograph. sua Part. 1. pag. 159.* ostendit, & figura aliqua demonstrat.

## §. 4.

Cæterum corallia respectu coloris in rubra & alba distinguuntur. Ad illas quoque referuntur pallidiores, instar rosarum; quo tamen magis rubent, eo habentur meliores. Sunt, qui tertiam addunt speciem, nempe corallia nigra, quæ tamen aliud quid esse videntur, dum multo tenaciora & instar cornu apparent, longèque ac erectè crescunt, ut loco baculi possint usurpari; cujusmodi frustum nuper à *Dn. Vito*, qui istud ex India orientali attulerat, mihi condonatum fuit. Hæc species aliàs vocatur *Antipathes*, quam alibi in figura delineavi. *Pometus* tamen in figura etiam vere nigram exprimit, à me nunquam visam. Interea de utrisque certo nos informat *Dn. Rumphii Descriptio Calbaharii*, in *appendice hujus operis* communicanda. Priorum Materialista diversas habent sortes, prout ex coralliorum furculis aliquantum elegantibus, vel mediocribus, vel etiam fragmentis constant, quæ furculis multo



multo viliora sunt, quanquam easdem vires habeant. Ponder autem quo corallia Genuæ & alibi magnis acervis venduntur, XV. libris centenarium nostrum ordinarium excedit, nempe CXV. Genuenses coralliorum libræ faciunt C. libras Norimbergenses. Similiter Antwerpia, Brugis & Montibus coralliorum pondus 5. libris majus est Centenario Colonienfi, ut *Schurzins in Mater. Mus. pag. 25.* commemorat. Magna rariora carioraque habentur, à Japonensibus magni æstimata. vid. *Franc. Calceolarius in Mus. Sect. 1. pag. 3.*

## §. 5.

Quod ad istorum virtutes attinet, vim edulcandi habent, qua omne corporis acidum temperant inque saporem dulcem vertunt, atque ita omnem effervescentiam in intestinis ac sanguine impediunt: paulum etiam adstringunt constipantque in dysenteria, hæmorrhagiis ac similibus. Quæ causa est, quamobrem in per-multis corporis affectibus usurpentur, ut *Gansius* in peculiari *Tract. de Coralliis* fusius ostendit, cujus compendium *Historia nostra literaria in Append. Miscell. Acad. Nat. Cur. Dec. 2. Ann. 2.* exhibet. Nonnulli etiam contra fascinum, morbosque inde ortos commendant, Clarissimorum Scriptorum *Zoroastri, Metrodori, Orphei, Alberti Magni, Paracelsi, Libavii* aliorumque auctoritate, ac quotidiana quoque experientia muniti. Sic supra laudatus *Gansius* certum aliquem scit Medicum, qui plures ejusmodi morbos sequenti formula, in qua rubra albaque corallia primas tenent, perhibetur curasse:

℞. Corall. rubr.  
alb.

Dent. hom. demort. ā. ʒj.

Herb. & sem. anthirrin. ʒij.

M. F. Pulvis, quo tacta affectaque fascino membra tamdiu fumigentur, donec morbus ista destituat. Quod vero corallia à tonitru fulminisque ictu, ac aliis quoque tempestatibus tutos nos præsent, pediculos arceant, ac peregrinantes ab illis defendant, mera superstitio est. Non minus à vero videtur abesse, ista collo aut brachiis gestata incitare fœminas ad voluptatem Venerisque cupidinem. Quo non timendo periculo torques armillæque ex istis constantes tuto possunt gestari, si modo ab iis homines sibi caveant coralliis, quæ in mari microcosmico inveniuntur, ad quæ Veteres, qui primi hujus opinionis extitere auctores, forte respexerunt. Aliàs optimum est, si in subtilem pulverem trita usurpantur, quo-

niam & coralliorum nuda solutio, magisterium nullius calx efficaciam, aliæque præparationes viribus orbata sunt, inprimis adeo decantata coralliorum Tinctura, cujus plus quam 300. descriptiones certa quædam persona numerat, quarum plurimæ, spiritibus acidis innixæ, vim coralliorum enervant ac destruunt, ut *D. Ettmüllerus* in peculiari *Disputat. de Tinctura Corall. & in Comment. Schræd.* docet; conf. quoque *Hoffmannus in Clavi.*

## §. 6.

Huc etiam pertinet

CORALLINA (f. *Corallen-Moos*.)

quæ modo haud multum dissimili, atque corallia sub mari, marinis rupibus, conchis ipsisque coralliis, musci ad instar, adhæret & accrescit, unde etiam muscus marinus vocatur. Ex tenuibus, capillaribus, & ex multis exiguis sibi invicem adhærentibus squamulis quasi compositis bacillis constat, qui nonnunquam candidi, interdum rubicundi, sæpius herbacei apparent. Ejus propterea diversæ habentur species, è quibus illa, quæ à *C. Baubino in Pin. pag. 364.* Muscus coralloides squamulis lorica-tis vocatur, pro medicina eligitur. Istam eleganter viridem esse oportet, multis exiguis frustis multoque pulverulento destitutam, bona si vult haberi, auctore *Pometo in Mater. Museo pag. 165.* Melior habetur, quæ coralliis increvit, atque in istius defectu, quæ à rupibus est detracta, vid. *Hoffmannus in Clavi Schræd. pag. 452.* Alius quoque ex Italia Galliaque venit è Mari Mediterraneo.

## §. 7.

Ejus effectus in eo consistit, ut adstringat, ac peculiari virtute necandi interaneorum lumbricos, præsertim infantum, polleat, adeo, ut *D. Ettmüllerus* in *Comment. Schræder. pag. 553.* edit. noviss. corallinam notissimo cinæ semini putet esse præferendam, recentem maxime, nec vetustate corruptam. Scrupulus unus, semidrachma, drachmaque integra datur pro dosi.

## §. 8.

Omnes istæ marina arbuscula, ut supra memoravimus, vel rupibus accrescunt, aut ita dictis

## CORALLIORUM PETRIS,

de quibus cupidus lector in *Appendice hujus Operis*, post Indiam Literatam, fusius informabitur, ubi de ipsis quoque coralliis aliisque plantis marinis agemus pluribus.





# HISTORIÆ SIMPLICIUM REFORMATÆ LIBER SECUNDUS,

DE

## SEMINIBUS, RADICIBUS, HERBIS, FLORIBUS, ARBORIBUSQUE AC FRUCTIBUS.

### SECTIO PRIMA

DE

### SEMINIBUS MEDICINALIBUS.

#### CAPUT I.

DE

#### ABEL-MOSCHO.

##### §. 1.



BEL-MOSCI semina (*Biesam-Körner*,) parva, ex fusco cæsia & extrinsecus aspera grana sunt, parvorum instar renum formata, odore quasi ex moscho & ambra misto, quamobrem hoc semen etiam Galilis *Ambrette* vocatur.

##### §. 2.

Planta, quæ fragrantia hæc grana profert, in India Orientali, Ægypto, America, in Antillis Insulis Insulaque Martini, quæ optimâ grana progenerat, invenitur. Species alcea est, ac propterea etiam à Botanicis Alcea Indica villosa, ab aliis vero Althæa Ægyptiaca vocata. Recta in altum excrescit, foliaque lata, magna ac viridia habet, instar panni holoserici tangenda. Campanæ in modum istius formati flores sunt, iidemque lutei, sub quibus triquetri, extrinsecus fusci, & intrinsecus albi latent folliculi, digitum longi, in quibus semina continentur, quæ omnia perpulchrè in *Parte 2. Horti Malab. Fig. 38.* representantur.

##### §. 3.

Quoniam verò tractu temporis granorum

disperit odor, bene videndum, ut ne vetustate corrupta cariosaque accipiamus; recens potius inquirendum semen, quod tamen rectè exsiccatum sit, perfectâ etiam crassaque grana bene adhuc olentia habeat.

##### §. 4.

Quod ad usum istorum granorum attinet, non adeo frequenter in Medicina præscribuntur, utpote de quorum virtutibus ac qualitatibus parum vel nihil legimus apud auctores, præterquam quod *Ettmüllerus* paucissimis in *Comment. Schræd.* commemorat infusum spiritui vini semen moschi illi conciliare odorem. Interea monet *Pometus in Histor. Simpl. pag. 29.* ut, nisi rectè tractare grana sciamus, aliis illâ rebus ne permisceamus, quoniam moschi conciliaturi odorem omnia facile corrumpimus. Caterum Itali ad fumigandas res isto semine utuntur, quod etiam funiculo colligitur, & ad torques, quibus secundum numerum granorum Deo precationem Dominicam admetiuntur, collaria armillasque à summæ conditionis fœminis, boni odoris gratiâ, adeo desiderata, præparatum à Circumforaneis Italisque hinc inde divenditur.



## CAPUT II.

DE

## AMOMO ET ROSA HIEROCHUNTINA.

## §. I.

**S**I quod est materialium, in quod Medici Naturæque scrutatores inquirunt, & de quo diversas foveant sententias, veterum AMOMUM est, species feminis aromatici, theriacam ingredientis. *Maroneus* integrum de illo *Tractatum* conscripsit, è quò *Samuel Daleus*, *Anglus*, XII. opiniones in *Pharmac. sua pag. 327.* recenset. Quâ in re etiam *Pharmacopola* incerti sunt, id nominis nunc granis Paradisi, nunc magnis cardamomis, nunc majoribus rotundisque granis, à cassia caryophyllata exorientibus, Piper de Jamaica & Amomum Plinii vocatis, imponentes. Hinc est, quamobrem alii, loco amomi veri, vel calamum aromaticum, vel caryophyllos ad theriacam usurpaverint, ut apud *Schræderum*, *Schurtzium*, *Vielheurius* aliosque licet videre. *Charasius* contra, *Pharmacopola Gallus*, in *Tract. de Theriaca ingredientibus pag. 180.* omni rem carere difficultate existimat, sua judicandi fiducia fretus, quod amomum verum à suis adhuc uvis dependens sibi oblatum sit, atque apud alios quoque Materialistas prudentes Gallia magna in copia habeatur. Amomum igitur Racemosum pro vero amomo *Dioscoridis* habet. Cujus sententiæ etiam *Pometus in Mater. Mus. pag. 39.* accedit, qui propterea ejus figuras communicavit. Amomum ex purpureis & tantum non quadrangulis seminalibus granis constat, tam arcte in globum coactis, ut aliquot rotunda capitula forment, quæ rotundo & albescente folliculo cincta uvæ granis similia sunt. Ista capitula ac folliculi, instar uvarum, racematim de uno pendent petiolo; cui tanquam piper firmiter quasi agglutinantur. Ex India vehuntur in Bata-viam, inde in Europam transvehenda.

## §. 2.

In coemtionem in id omni cura incumbamus, ut, quoad ejus fieri potest, Amomum recens adhuc non inveteratum viribusque exanatum accipiamus, quod rotundos, luteolos, graves, granisque bene repletos folliculos habeat, magnum perfectumque semen, idque acre & aromaticum cardamomo haud dissimile, continentes. Leves contra, hiantes ac nigris granis repleti folliculi s. uvæ abjiciantur.

## §. 3.

Hæc grana electa ad theriacam sumuntur, quamobrem apertis folliculis, nigra rugosaque abjicienda: gravia, vivaciora saporeque aromatico prædicta eligenda, & quò tenues cuticulæ,

quibus determinantur, separari possint, manibus teruntur, & super charta bene ventilantur.

## §. 4.

Quod vero ad

ROSAM HIERICHUNTINAM,

(Rose von Jericho,)

ubi hoc aroma de quorundam sententia perhibetur crescere, attinet, ab otioso indoctoque Monacho id ipsi inditum nominis est, dum, ut *Bellonius* aliquo in loco ostendit, non circa Hierichontem, sed in desertis Arabiæ, in ripis maris rubri ex arena crescit. In Italia quoque Rosa Sanctæ Mariæ, Rosa Hierici, plerumque autem Rosa Hierichuntina vocatur.

## §. 5.

Fruticulus est fere palmam latus, multos invicem implicatos habens ligneos ramusculos, parvis, oblongis minimeque latis foliis ornatus, gerens in medio rotunda grana loco fructus, ipsaque ut plurimum rotunda rosa est, antequam se aperit, quod in aqua contingit calida.

## §. 6.

De istius virtutibus *Joh. Sturm*, Prof. Lovaniensis, integrum *Tractatum* conscripsit, sed multis superstitionibus refertum. Vulgus, quæ ducitur simplicitate, putat, istam in nocte natali Christi hiare, etiam si siccissima sit. Sed fabula est; si enim hiat, ab hyemis id proficiscitur humiditate, id quod in aliis quoque contingere potest noctibus, ut *Wormius in Mus. pag. 153.* experientia edoctus ostendit. vid. *Dn. Nebelius in Not. ad Amm. Charact. Plantar. pag. 546.* Cæteræ virtutes in schedula, quam circumforanei distribuunt, ita describuntur:

## VIRTUTES ROSÆ DE HIERICHO.

1. Si quando Rosa vitro aqua fontana repleto cum tota radice imponitur, dimidiæ vel integræ horæ spatio hiat seque dilatat: quæ exempta, paucis post horis, ad pristinam formam redit & clauditur. Quem effectum quotidie præstat, quamcunque etiam attigerit ætatem.

2. Orientales foeminae in Judæa totaque Asia Rosa ista potui aut aquæ infusa, in partu difficili utuntur, quod infusum potum multum ferre opis creditur.

3. Parturientis capiti aut ventri cum tota radice applicata, aut istius ipsius manu detenta, aut, ut supra dictum, vitro aqua impleto indita, si brevi hiat, signum esse volunt enixûs; sin vero non aperitur, illam non eniti, vitæque intendi periculum perhibent.



## CAPUT III.

DE

## SEMINI AMMEOS CRETICI.

## §. I.

**S**EMEN AMMEOS fere ab omnibus scriptoribus tanquam per-parvum, rotundum ac striatum semen describitur, arenæ haud dissimile, unde etiam isti nomen inditum est: multo itaque minus esse creditur quam semen petroselinii. Enimvero, si, quod in officinis ac Materialium Museis habetur, accuratius inspicimus, ab ista descriptione prorsus abest, quoniam longiusculum, cuminoque fere haud dissimile, ac propterea non adeo parvum est; quam ob causam etiam in Æthiopia reperiundum Ammeos semen Cuminum Æthiopicum vocatur. Non temere igitur Clarissimus *Ettmüllerus* in *Comment. Schræd.* pag. 512. dubitat, num verum ingenuumque Ammeos semen hodie apud nos inveniat, cui *Hermannus*, *Daleus* alique assentiuntur.

## §. 2.

Interea in eo conveniunt ferè omnes, ipsam plantam in modum foeniculi, anethi aliarumque umbelliferarum crescere, ac post albos parvosque flosculos proferre semen. In diversis regionibus diversæ habentur species, diversæque in hortis Procerum aluntur, utpote Vulgaris, Alexandrina & Cretica, quarum posteriores ad usum servantur; in istarum autem defectu sunt qui vulgare cuminum suadent utendum, præ-

sertim quum istud semen in Ægypto, ut apud nos cuminum, panis massæ permiscetur, id quod ex *Marxii Materialium Mus. Vielheurius* in *Descriptione Material. Exoticor.* pag. 72. annotavit.

## §. 3.

Seminis bonitas ex acri & aromatico sapore fortique odore, qui partim origanum, partim thymum refert, colligitur, quique præ cæteris in Cretico potest observari. Istud similiter maturum ac perfectum, recens purumque esse oportet. vid. *Charaf. l. c.* pag. 228.

## §. 4.

Ejus virtutes ususque ex eo facile intelliguntur, quod theriacam ingreditur, atque seminibus calidis minoribus Amomi, Apii, Dauci annumeratur. Calidæ enim siccæque est naturæ, flatusque colicos, uteri renum aliosque dolores dissipat. Quidam in curando fluore albo mulierum, tollendaque sterilitate multum in isto ponunt spei: quo in affectu ipse quoque *D. Freytagius* in *Aurora Med. cap. 49. pag. 846.* cum vino vel juscule carnis, ad drachmam altero semper die sumendum, commendat, & quidem ea conditione, ut tunc maritus cum uxore concumbere non desideret: *Simon Paulli* vero clysterem uterinum ex isto semine aliisque ingredientibus simul vult usurpari, in *Quadripartito* pag. 195. descriptum.

## CAPUT IV.

DE

## SEMINI DAUCI CRETICI.

## §. I.

**S**EMEN DAUCI CRETICI oblongum, sacuminatum & incanum semen est, hispido cortice cinctum, boni saporis odorisque fortis. Ex Insula Candia Veneriis in Germaniam vehitur, & quamvis etiam in Alpibus, in Helvetia & alibi reperiatur, qualitatibus tamen virtutibusque Cretico non accedit, multo minus hortensis ac pratensis daucus, ubique apud nos in copia inveniendus; solus igitur Creticus ad theriacam sumitur.

## §. 2.

Planta inter rupes, in locis lapidosis, unius atque dimidii pedis altitudine, è radice digitum crassa, excrescit. Ratione foliorum foeniculo aliquantum similis est, & in summitatibus caulium distinctas, albisque flosculis exornatas umbellas gerit, sub quibus ipsum semen instar cumini

progerminat, ut ex *Pometi* figura apparet, foliis Botanicorum, inprimis *Paullini* descriptioni non prorsus simili, propterea *Plukenetus* eam sumit emendandam.

## §. 3.

Ratione usus ac virtutis magnam cum cumino & angelica habet affinitatem, ut *D. Ettmüllerus* in *Comment. Schræd.* pag. 562. docet. Vi enim, qua pollet, valde calefaciente flatus dissipat, uteri doloribus medetur, calculumque pellit & urinam; unde *Helmontius senior* in *Tract. de calculo cap. 1. §. 19. cap. 7. §. 14.* & *Charleton*, Medicus Anglus, *Libr. de Spiritu lapidifico* pag. 177. multum in isto ponunt fiducia. Quamobrem Angli hodiernò adhuc die certam cum illo faciunt cerevisiam contra calculum; quemadmodum similem ex cochlearia ad scorbutum, ex radice Chinæ adversus luem & eam, ex corti-



cibus citri contra colicam præparant, qua de re *D. Ettmüllerus* pluribus consulatur. Clarissimus Daniæ Botanicus, *D. Simon Paulli*, semen istud contra assumptum venenum quoque commendat, alii adversus araneorum ictum: quæ fortasse causa est, quamobrem veteres istud theriacæ voluerint insertum.

## §. 4.

Quoniam vero semen ante sæpius veteraseit, quam ex Candia per Italiam ad nos vehatur, id dandum est operæ, ut emendum recens adhuc sit, perfectum ac virtutibus integrum, ab omni etiam pulvere & corticibus bene depurgatum. Quod si bonæ notæ haberi nequit semen, *Daucus Italicus* istius loco sumendus, ut

*Schræderus* in *Pharmacop. Medico-Chymicâ* jam suo tempore consulit.

## §. 5.

His similibusque plantis umbelliferis nota hodie

## VISNAGA

aliquantum similis est, quam speciem *Gingidii* pronunciat *Ammannus* in *Char. Plant. Nov. pag. 615*. Folia habet fœniculacea, semenque longiusculum striatum, longis caulibus & cuspidibus innixum. Ex Turcia venit, quanquam Parisiis quoque in horto Regio atque alibi planta alatur. Istic cuspides loco dentiscalpii usurpantur, bonumque in ore saporem relinquunt; istos vero magnos luteosque esse oportet & prorsus integros, v. *Pometus* in *Histoire des Drogues* p. 188.

## CAPUT V.

## DE

## SEMINI SESELEOS MASSILIENSIS.

## §. 1.

SEMIEN SESELEOS MASSILIENSIS longiusculum, planum & angulosum est, quod in Gallia, præsertim in Provincia Languedoc circa Massiliam istumque tractum, sponte in copia crescit, ac fœniculo sylvestri videtur haud dissimile. Quam ob causam ejus etiam planta pro specie fœniculi habetur, quam Latini fœniculum tortuosum vocant, quoniam caules quasi intorti crescunt. Alias ubique juxta vias inque locis incultis, in campis planis æque ac in montibus invenitur; in æstate floret, floresque albos ac parvos profert, adinstar cæterarum umbelliferarum, cum semine simul umbellam formantes, ut ex figura, quam Gallicus Materialista *Pometus* habet, apparet.

## §. 2.

Equidem plures alibi istius plantæ deprehenduntur species, utpote Cretica, Æthiopica & Pratenfis, quod *D. Hoffmannus* in *Clavi Schræd.* fusius exponit. Nulla tamen præterquam Massiliensis est in usu, & quidem ejus solum semen materialibus annumeratur; quanquam, teste *Charasio*, radix & folia non minus valde aromatica sint, atque semen ipsum. Quodsi vero Creti-

cum bonum & æquo etiam pretio posset haberi, Gallico si non præferendum, saltem æquiparandum, quoniam omnes ex Candia advectæ plantæ, ob regionis indolem, aliis sunt efficaciores, ut *Ettmüllerus* in *Comment. Schræd. pag. 663*. testatur.

## §. 3.

Id interea dandum est operæ, ut semen maturum bona siccaque tempestate colligatur, & ad emendum oblatum, perfectum viridiusculum pallidum, acris & aromatici saporis sit. Pallidum contra abjiciendum, quod nimis diu cauli insedit viribusque destitutum est, sicut parvum, leve & imperfectum ad maturitatem nondum pervenit, ut prædictus *Charasius* in *Hist. des Simples qui entrent la composition de la Theriaque* pag. 219. docet.

## §. 4.

Ad theriacam potissimum usurpatur, & iisdem fere qualitatibus pollet, atque petroselinum Macedonicum; præterea vero in omnibus quoque pectoris affectibus perutile est, ac pro specifica antidoto adversus cicutam habetur, id quod ex *Schræderi Pharmacopœia* Anglus Medicus *Samuel Daleus* in *Pharmacologia sua* pag. 182. bene observavit.

## CAPUT VI.

## DE

## SEMINI PETROSELINI MACEDONICI.

## §. 1.

SEMIEN PETROSELINI MACEDONICI secundum formam externam Ammeos se-

mini haud dissimile, petroselini vulgaris semine longius est, sed tamen tenuius, parvum, striatum & villosum, coloris obscure viridis, saporis acris



acris & aromatici, odorisque fragrantis. A Macedoniæ Regno id nominis obtinet, ubi copiosè progerminat, & unde in Europam vehitur; solum quippe semen apud nos in medicinam infumitur.

## §. 2.

Ipsa planta apio nostrati similis est, pro quo istam *Samuel Daleus* vult haberi in *Pharmacol.* pag. 198. quam etiam cum reliquis nostri temporis Botanicis plantis umbelliferis annumerat, quoniam instar foeniculi florem ac semen in umbellæ modum profert. Auctore *Marxio* in Gallia locis umbrosis humidisque vici altitudine perhibetur excrecere, vid. *Ejus Mater. Mus.* pag. 152. Ipū interea Galli, utpote *Pometius*, *Charasius* alique istud ignorant, quin potius auctores nobis existunt, ut ejusmodi semen ex solo natali curemus advehendum, cujus consilii nullam haberent rationem, si in Gallia posset haberi. Nostras igitur apium pro vero Petroselino Macedonico vix habendum, eique neutiquam substituendum est.

## §. 3.

Multo minus semen petroselini vulgaris illi volunt æquiparari, quod aliàs Clarissimus Damiæ Medicus, *Simon Paulli*, in *Quadripartito Botanico* pag. 428. & *Dan. Ludovici in Pharm. Moderno Sec. appl.* pag. 408. intendunt, dum Macedonicum vi diaphoretica & alexipharmaca vulgari multum præstat; id quod non doctissimus solum *Ettmüllerus Oper. Tom. I.* pag. 626. confirmat, sed odor etiam saporque ac ceteræ qualitates clare ostendunt. Quamobrem *Moy-*

*ses Charasius*, Pharmacopola Parisiensis, in certo aliquo *Tractatu*, quem de ingredientibus theriacæ conscripsit, pag. 161. conscientiosis honorisque cupidis Materialistis ac Pharmacopolis hoc impertitur consilii, facere se melius, si tantum in unciam unam seminis Petroselini Macedonici infumerent, quanto alias libra vulgaris potest comparari.

## §. 4.

Nec quodcunque istius nominis semen indiscriminatum ad theriacam sumendum, sed, ut cum reliquis ingredientibus solet fieri, optimum eligendum. A Materialistis igitur non inveteratum emamus, sed recens, viribus polens, aromaticum odoreque bonum; pulverulentum super charta ventilando depurgandum.

## §. 5.

Præcipuus vulgarissimusque ejus est usus, ut ad Theriacam, Antidotum Marthioli ac quorundam Medicorum Tincturam Bezoard. sumatur, quod ei vim adscribunt alexipharmacam; quanquam ipse *Galenus Lib. I. de Antidot. cap. 30. pag. 304.* semen istud non tam ob prædictam virtutem, quam quod ventriculum roboraret ac hydropicis ferat opem, commendet, quoniam petroselini vulgaris adinstar urinam fortiter ciet, vid. *Schraederus in Pharm. Med. Chymica* pag. 119. Cæterum etiam credendum, enervatam viri potentiam isto posse excitari, ac Batavorum hic quoque valere proverbium:

*Petersely helfft the Man tho Paerd,  
Ende the Vrouwen onder the Aerdt.*

## CAPUT VII.

DE

## ANISO.

## §. 1.

**A**NISUM oblonge rotundum, parvum & striatum semen est, coloris viridiuscule flavi, saporis dulcis & aromatici, odorisque grati. Bambergæ in Franconia copiosè colitur, in multa Germaniæ loca transvehendum. Aliqua etiam ejus species ex Italia Venetiis alias in regiones transportatur, multa minora tamen grana habens, quam anisum Germanicum, de quò videatur *Schurzius in Mater. Museo* pag. 82.

## §. 2.

Planta, ad umbelliferas referenda, ut foeniculam, cuminum, angelica similesque floret, quibuscum ratione qualitatum & operationum multum etiam convenit. Rotunde divisa folia habet, quæ eo sunt tenuiora, quo altius crescunt. Ipsa planta usum in Medicina habet nullum, utpote quæ solo semine est contenta.

## §. 3.

In ejus collectione emitioneque ad id attendamus animum, ut cineraceum sit, non inveteratum, vere siccatum, non humidum, quod facile nigrescit & corrumpitur. Magna crassaque grana acri & aromatico, dulci tamen & non amaro sapore prædita, habens, pro optimo habetur, nec ulteriori præparatione indiget, præterquam quod à caulibus aliisque quisquiliis ventilando bene depurgeretur, quibus alias Venetum ac Melitense anisum defædaturum est. Quam vero perniciosâ anisi præparatio sit, quando torretur ante, quam ad theriacam sumitur, *Charasius* suo jam tempore *Libr. de Theriacæ Ingredientibus* pag. 207. clare ostendit, dum inutili istâ ridiculaque præparatione optimæ volatilesque particule evolant, reliquæ verò temere comburuntur.

## §. 4.

Hoc autem semen sive per se relinquatur, sive saccharo obducatur, propter plurimas oleo-

L

las



fas particulas vi vehementer calefaciente pollet, proptereaque quatuor seminibus calidis majoribus annumeratur. Omnia capitis, thoracis atque abdominis membra confortat & calefacit, flatus dissipat, infantes à torminibus defendit, istaque demulcet, sive à lactantibus (quibus lac simul auget) crebrò sumatur, aut tenellis infantibus lapidibus cancerorum permixtum, cum pulte aut lacte ingeratur. Id verò memorabile est anisi pulverem, scrupuli pondere, infantum ciere alvum, ob eam procul dubio rationem, quod flatus ac convulsivas intestinorum extensiones demulcet.

## §. 5.

Ejusdem etiam efficaciam est oleum anisi destillatum; quanquam inficias eundem non sit, semen ipsum decoctum multo citius dissipare flatus, quam oleum artis legibus praparatum. Quo ipso cum celeberrimo Batavorum Medico *D. Heurnio Simon Pauli* in *Quadrupartito Botanico* pag. 103. demonstravit, simplicia multò efficaciora certioraque esse in medendo, quam nescio quæ Pharmacopolarum confarcinata composita. Quum Numen Divinum plantas aliasque creaturas creavit, omne, quodcunque intuebatur, bonum erat: miseri vero homines, in melius res creatas transferre sibi fumentes, miserabiles spiritus, essentias, tincturas similiaque creatoris mixturis præferunt; quæ causa est, quamobrem plures adhuc insanabiles morbi numerentur, de quibus *Seidelius* integrum *Tract.* conscripsit, ut in præfatione hujus operis jamdum memoravimus. In viam verò redeunt, oleum anisi non prorsus abjiciendum, sed digno æstimandum pretio esse existimamus, quippe quod omnino præstans penetransque album oleum sit, quod parvo frigore congelatum, exiguo calore iterum tenue fit & fluidum; guttatim purgantibus ad evitanda tormina permiscetur. Smalkaldia in Thuringia balsamum sulphuris anisatum, in officinis vero ☉☿ anisatum exinde praparari, ob præclaras in anhelatione & asthmate virtutes, ante eruptionem morbillorum sæpe infestante, spiritum pectoralem vocatum, constat. Laudatus Gallia Pharmacopola *Charasius* in *Pharmacopol. Regio* ostendit, viridiusculum quoque oleum ex aniso posse exprimi, fere adeo bonum, atque destillatum, à nonnullis Quinta Essentia anisi habitum. Utrumque oleum multis in casibus etiam externe à Medicis æque atque iis, qui corio, facculis similibusque rebus gratum odorem conciliant, usurpatur; quemadmodum *B. D. Ettmüllerus* certum aliquod artificium manifestavit, quod chirothecis aut corpori inunctum bonum largitur odorem. Ejus compositio hæc est: *Rx.* Zibethi, Mosch. aa. gr. j. solve & misce cum oleo anisi, usurpetur, ut dictum; vid. *Ejus Comment. in Schræd.* pag. 515.

## §. 6.

Cæterum paucos ante annos certum aliquod semen ex India cœpit afferri, sapore ac virtute aniso fere simile, proptereaque

ANISUM STELLATUM (*Stern-Anis*) dictum, quod simul externa forma stellam representat, dum ex 6. 7. aut etiam pluribus radiis constat, iisdemque omnibus ex eodem centro ortis, qui hiantes tot proferunt grana, quot sunt radii. Extrinsecus coloris est ex flavo fusci, intrinsecus splendet, semenque continet oblongum ac splendens, instar seminis lini, quo tamen quater majus est. Saporem habet ex aniso fœniculoque mixtum, odoremque valde bonum, & à quibusdam fœniculum Sinense, Zinghi, Badian; à *D. Leonhardo Ursino* Anisum Canadense vocatur. Ex Philippinis Siberisque Insulis venit, ut *Barthol. Belli* in *Descriptione Anisi stellati* ostendit.

## §. 7.

Planta in Sina ac Tartaria crescit, quæ cum nullum cum aniso habeat similitudinem, à *Simone Pauli* pag. 102. ejus semen pro aniso nequitiam habetur; quanquam jam pridem sub hoc nomine à *Clusio* in *Histor. rariorum plantarum* cap. 25. fuerit descriptum, hodieque ita vendatur. Multo minus pro fœniculi haberi potest specie, quod umbella destituitur, diversumque profert semen, de quo *Nebelius* in *Not. ad Amman. Char. Plant.* pag. 284. pluribus legatur. Peculiaris itaque nec adeò nota planta est, & ab solo sapore id sortitur nominis.

## §. 8.

Quod ad virtutes ejus attinet, *Franciscus Redi* in *Exper. Nat. ad P. Kircherum scriptis* pag. 172. non plures quidem vires quam vulgari fœniculo & aniso isti vult adscribi; à quo tamen *Pometius* multum dissentit, quando in *Appendice Material.* pag. 10. libram unam anisi Sinensis libris X. vulgaris censet præferendam. Hinc *Hermannus* quoque clarissimus ob saporem odoremque gratissimum prius præstare posteriori existimat, licet qualitatibus reliquis conveniant, & ex utroque æqualiter destillari oleum queat. Maxima vis in radiis sive angulis externoque cortice consistit; nucleus Seminis sapore fere destituitur. Chineses isto fructu penes Coffe Theæque potum ac post pastum utuntur, quo anhelitus sibi concilient suavitatem. Istud quoque cum radice Ninzin calidæ aquæ infundunt, quam in modum Theæ bibunt, ad se confortandum, siquidem semen istud ventriculum ceteraque viscera valde calefacere ac roborare, vique sua balsamica defendere ab renum calculo huncque pellere perhibetur. Hodie spiritum vini anisatum inde præparant, ANIS ARAK Batavis dictum, qui certum fructus hujus pondus, Picol vocatum, 120. libras continens in Batavia 20. vel 30. Imperialibus divendunt.



## CAPUT VIII.

DE

## SEMINI CARUI.

## §. I.

**SEMEN CARUI** parvum, oblongum, striatum, quadantenus falcatum ac fuscum semen est, saporis acris & aromatici, odorisque fragrantis. Ubique in Germania crescit, unde multa librarum millia in marina aliaque loca transmittuntur: præsertim Norimbergenses magna istud copia curant avehendum, ut *Marxius* in suo *Mater. Museo* pag. 46. commemorat.

## §. 2.

In pratis, unde etiam nomen habet, planta copiosè crescit, cujus folia profunde dissecta s. laciniata, caules, quos emittit, angulares & pedem alti sunt, è quorum fastigiò albi flores in modum umbellarum prodeunt, semen istud, Junio Julioque mensibus maturescens, proferentes; quod crassiusculum, recens, viridiusculum, saporisque aromatici esse oportet, si pro bono debet haberi.

## §. 3.

Ejus virtutes *Hieronymus Tragus* in *Herbario suo* pag. 169. hisce verbis commendat: Hoc carvum nunc ubique & jam usitatum, suaque æstimatione dignius est, quam aliqua Arabia radix. *Helmontius* istud, secundum sceniculum

& cuminum sativum, pauperum vocat solatium, quibus multis in morbis opem ferat. Inprimis ventriculum, caput & memoriam confortat: colicam flatulentam dissipat, uterique & abdominis demulcet dolores, præsertim à cerevisia faculenta maleque cocta, acido vino similibusque ortos, quibus in casibus semen contusum & ad semidrachmam datum citam præstat opem, vid. *Ettmülleri Comment. Schræd.* pag. 535. Non minus suppressam urinam promovet, doloresque sedat nephriticos, maxime colicæ, ut plerumque fieri solet, junctos.

## §. 4.

Diversis autem modis semen internè & externè usurpatur, dum vel integrum cum massa panis, caseis aliisque cibis apud nos subigitur, & ita etiam cum saccharo obducitur, quo sapius acidularum potatores utuntur: vel aqua & oleum inde destillantur, quod ultimum ad aliquot guttas sumtum in prædictis morbis, præsertim colica, certum & indubitatum affert levamen. Externè clysteribus addunt; cum pane subactum coctumque, & ita calide abdomini impositum, colicam sedare, vaporem vero auditum restituere perhibent, autore *D. Simone Pauli* in *Herbario* pag. 40.

## CAPUT IX.

DE

## SEMINI CUMINI.

## §. I.

**SEMEN CYMINI** s. **CUMINI** bis fere habet magnitudinem seminis carui & ex flavo spadiceum est, oblongum & striatum, saporis acris & aromatici, odoris fortis & adversi. In Apulia copiosè crescit, in planta fœniculo haud dissimili, & ex Italia in Germaniam fertur. Colitur quoque in Negroponto, quod tamen nec tam magnum, nec tam purum est, atque prius. Dux præterea in Máltha Insula perhibentur species inveniri, quarum una acrem cinamomi, altera dulcem anisi referat saporem, ut *Schurzius* & *Marxius* in suis *Material. Museis* sibi persuadent. Imo *Samuel Daleus* in *Pharmacol.* pag. 178. atque *Pometus* in *Historia Materialium* pag. 11. non dubitant affirmare prædictum cumini semen etiam in Máltha coli, ibidemque, ut apud nos fructus, totis in campis feri.

## §. 2.

Ratione virtutum cum semine carui, fœniculi & anisi conspirat, dum ipsum semen pariter atque oleum ejus destillatum ad flatum in colica, tympanitè similibusque morbis potenter dissipandos, vi etiam aromatica ad nervos visceraque roboranda aptum natum est. Interea tamen in uteri affectibus cuminum caruò longe præfertur, utpote quod menses lochiaque post partum magis promovet, ad nothos etiam parturientium dolores, in cerevisia coctum potumque, valet sedandos, vid. *Ettmüllerus* in *Comment. Schræder.* pag. 557. In eò autem ab aniso discedit, quod illud lactis generationi prospiciat, hoc contra internè externeque usurpatum lac imminuat, in ablactatione infantum propterea commendandum. Propter vim istam penetrantem & calefacientem equis etiam bobusque utiliter



ingeritur, si quando forte intumescunt aut inflantur; & quoniam columbarum captatores cumino escae permisto vehementer retinere s. attrahere columbas perhibentur, aliquibus in locis ejus venditio mercatoribus interdicta est, quemadmodum *Pometus l. c.* memorat.

## §. 3.

In emtione seminis videndum, ut ne cariosum sit: id quod ex eo facile cognoscitur, quando inter digitos detentum sublatumque in altum grana ostendit sibi invicem adhaerentia. Optimum cuminum crassum est, viridiuscule flavens, durum, fortis ac fere foetentis odoris, purum, nec pulvere permixtum.

## CAPUT X.

DE

## SEMINE NIGELLÆ.

## §. 1.

**S**EMEN NIGELLÆ nigrum, angulosum rugosumque semen est, saporis acris, odorisque valde fortis. Alias quoque nigrum & Romanum coriandrum vocatur, partim ob fortem odorem, partim quod ex Italia primum venit, prout hodie adhuc nonnulli Italum indigenæ Bambergensi ac Norimbergensi volunt præferri, ut ex *Pometo Material. Museo pag. 42.* apparet.

## §. 2.

Planta Botanicis Melanthium audit & altitudine duorum forte pedum excrescit, tenuibus incisisque viridibus foliis, floribus magnis cœruleis, vel etiam pallentibus, iisdemque vel simplo foliorum ordine constantibus, vel aggregatis & plenis, ornata, ut ex figura apparet. Istis magnus, in quinque capsulas distinctus, totidemque apicibus corniculatis præditus succedit folliculus, semina continens non lutea vel cineracea, ut *Pometus* scribit, sed statim nigra: quæ etiam inditi nominis est ratio.

## §. 3.

Semen eligatur recens, crasse granulatum beneque maturum, fortis & quasi aromatici odoris. Id etiam observandum, ut ne loco coriandri nigri semen Nigellæstri offeratur vendendum, prioribus qualitatibus destitutum, inque usum medicum non adhiberi solitum, id quod *Simon Paulli* adversus *D. Schræderum* in *Quadrip. Botanico fol. 391.* asseruit. Conf.

etiam *Hoffmannus in Clavi Schræd. pag. 514.*

## §. 4.

Vis ejus calefaciens est, exsiccans ac resolvens, qua sanguinis aliorumque humorum circulum promovere, proptereaque interne menses ac lochia ciere aptum natum est: id quod non solum *Forestus in Observ. L. XXVIII. obs. 4.* in hominibus, sed vulgus etiam in vaccis, quibus post vitulorum enixum coriandrum eundem ob finem ingerunt, confirmant. Quidam etiam semen istud ad lac mulierum augendum enecandosque lumbricos valere existimant. Externè verò quotidie in affectibus catarrhalibus & coryza nodulis inditum, à probatissimis Medicis feliciter usurpatur; vide, *sis Hartmannum, Tabernæmontanum, Ettmüllerum, & alios.* Externè quoque quartanam aliasque febres dicitur curare.

## §. 5.

Num vero aliquid virulenti malignique secum ferat, quæ quorundam est opinio, de eo *Hermannus* non immeritò dubitat in *MSS. suis*, quum ab aliis potius tanquam antidotum commendetur. Cujus opinionis ea fortasse est origo, quod recens semen os afficit, & quasi inflammat, à quo adultiori facto non est quàm obrem timeamus; ut adeoque correctione cum aceto, quod istud potius viribus castrat, non indigeat. Aqua & oleum, quæ exinde possunt destillari, raro præscribuntur, ac propterea non in omnibus habentur officinis.

## CAPUT XI.

DE

## SEMINE FOENICULI.

## §. 1.

**F**OENICULUM notissimum, oblongum & striatum semen est, in altero latere paulum depressum, saporis dulcis & aliquantum acris, odorisque fragrantis. Ad semina IV. calida

majora pertinet, viribusque ac qualitatibus cum aniso plurimum convenit.

## §. 2.

In omnibus Germaniæ locis fœniculum in hortis colitur; quod verò in Italia, circa Florentiam,



tiam, & in Gallia in provincia Languedoco copiose feritur, multo gratiorem ac prorsus aromaticum habet saporem, proptereaque præ aliis à Gallico Pharmacopolâ *Moyse Charasso* ad theriacam sumitur, ut in ejus *Tractatu de Theriaca Ingredientibus* pag. 209. legitur: in cujus defectu nostras etiam bonum est.

## §. 3.

Quod ad usum fœniculi attinet, non semen solum, sed ipsa quoque planta cum radice multifariam ad medendum usurpatur, utpote quæ, cum aqua vel vino cocta, potum lactantibus suppediat, ad lac valde augendum istique balsamicum saporem communicandum, præstantem, eamque ob causam ab *Amato Lusitano*, *Hartmanno*, *Ettmüllero* aliisque præclarissimis Medicis valde commendatum: quod decoctum urinam quoque & catamenia suppressa dicitur promovere. Cæterum aqua ex isto destillatur, quæ debilem visum exacuit, oculorum quoque unguem similesque affectus dissolvit. Id quod insidens floribus sive umbellæ ros similiter præstat, præsertim si aliquid sacchari cavo fœniculi cauli inditur, in istoque per noctem relinquitur, donec ab rore & fœniculi humiditate in tenuem aquam fuerit solutum. Hoc tanquam præcipuum aliquod ophthalmicum *Bartholetus* commendat, vulgoque credunt, istum ophthalmicum fœniculi usum à serpentibus esse detectum, de quo *D. Strobelbergerus* in peculiari *Tract. de Fœniculo* potest evolvi.

## §. 4.

Quàm vero præstans seminis hujus vis calefaciens sit, balsamica & carminativa, unicuique notum est, ob quam etiam stomachica medicamenta crebro ingreditur. Nec sine fructu in torminibus ventris præscribunt, dum non flatus solum dissipat, sed convulsivas quoque intestinorum contractiones demulcet, proptereaque purgantibus miscendum, & contra artuum tremorem, à & vivi usu vel tractatione ortum, à *Dn. D. Hoffmanno* in *Notis ad Schræderum* p. 476. commendatur. Inprimis in omnibus pectoris affectibus nobile remedium est, pituitam pulmones incrustantem resolvendo, anhelosis & asthmaticis fert opem: tussim præsertim gravidarum sistit, quibus fœniculum vel eo

magis commendandum, quo magis credibile est, ab istius esu infantum oculos in utero fieri clariores, de quo *Ettmüllerus* in *Comment. Schræd.* agit uberius.

## §. 5.

Quæ omnia etiam oleum fœniculi destillatum præstat, si aliquot ejus guttæ cum saccharo permixtæ sumuntur. In istius destillatione aqua habetur gratis, ad aquas ophthalmicas sæpius præscribi solita. Nonnulli saccharo condiunt flores, quos pro concilianda anhelitus odorisque gratia divendunt; sicut cum olivis quoque cucumeribus similibusque condiuntur. Dulciarii & confecturarum magistri saccharo obducunt semen, quod pro quantitate majore minoreque incrustantis sacchari in sortes distinctas, distinctis numeris signandas, dividunt. Adinstar confectiois cumini ab acidularum potatoribus usurpatur.

## §. 6.

Quæ præparationes omnes recens, crasse granulatum, oblongum ac viridiusculum requirunt semen, quod boni ac saccharati sit saporis, ab omnibus apicibus sordibusque bene depuratum.

## §. 7.

Præter fœniculum vulgare habetur etiam  
FOENICULUM MARINUM,

cujus delineatio in *Mus. German.* juxta vulgare, sistitur contemplanda. Crithmum à Doctoribus vocatur, quod in rupibus maris & alibi, unde nomen recepit, libenter crescit. Quæ planta quanquam raro in officinis usurpetur, & ad solum syrupum nephro-catharticum requiratur, conditi tamen aceto flores multis in locis, præsertim in Gallia, à Magnatibus inter cœnam, loco capparum, adhibentur, ex Hispania advecti, quos Galli *Fenoüil marin* vocant. Galli istos una cum cucumeribus aceto condiunt, quibus saporem conciliant vehementer gratum.

## §. 8.

Vires fœniculi marini in promovenda urina similiter celebres sunt, atque vulgaris. Non minus idero dicitur proficere, de quo *D. Simon Paulli* in *Quadripart. Botan.* pag. 278. pluribus legendus.

## CAPUT XII.

DE

## SEMINI CORIANDRI.

## §. I.

SEMEN CORIANDRI rotundum, obscure flavum & striatum est, cujus interior medulla sub tenui cortice in duas partes dividitur. Saporem habet subdulcem, acrem tamen & aro-

maticum, odoremque, si non nimis recens est, fragrantem. Græcis scriptoribus *Κόριον* dicitur, quoniam recens adhuc cimicem redolet, de quo lege, sis, *Scapulam* in *Lex. Græco-Latin.* pag. 849.



## §. 2.

Planta quæ semen istud profert, in hortis crescit, ac primum foliis sceniculo, ultimo autem floribus chamomillæ similis est, atque chamomillam vulgarem valde forti aduersoque odore imitatur, florem umbellatum album, purpureo colore interstinctum, gerit, cui folliculi semen continentes succedunt. Et quanquam similis aliqua planta sponte crescat, coriandrum sylvestre vocata, prioris tamen solum semen in officinis usurpatum quæritur. Venetiis & Magdeburgo magna in copia transfertur: ultimum tamen priori minus est, ut *Schurzius in Material. Museo* ostendit.

## §. 3.

Recens collectum non statim consarcinandum aut includendum, sed in solario prius dispergendum est exsicccandumque, quum verendum sit, ne, si pauxillum non recte exsicccatum fuerit, reliquum omne humidum recipiat, ac prorsus corrumpatur. Deinde à gliribus muribusque bene defendendum semen, quippe cuius desiderio vel maxime tenentur, quod utrumque *Pometus in Histor. Material. pag. 18.* bene observat, simulque docet, quodnam præ alio eligendum sit, recens scilicet, perfectum, crasse granulatum & ab omnibus quisquiliis depuratum.

## §. 4.

Cæterum in officinis plerumque tamdiu in

aceto maceratur, donec crepât, quo ipso virus extrahi existimant, quoniam multorum opinione mali quid capitique nocivi creditur fovere; quam superfluum præcautionem non quidem nocere, ac propterea permitti posse *Simon Pauli l.c. pag. 277.* existimat, quum tamen ipse alique clarissimi Medici vini coriandri virulentam negent, præterquam quod ob superfluum humiditatem recens adhuc planta odorem habeat aduersum, exsicccatione tamen sponte evanidum, acerrum etiam nobile hoc ac balsamicum semen viribus castret, jam pridem in officinis clarissimus *Zuvelferus in Animadversionibus suis in Dispensatorium August. pag. 410.* jure in Pharmacopoiis animadvertit: quem etiam ab aliis defendit *Hoffmannus in Clavi Schræd. pag. 433.* ubi hæc de controversia invenies plurâ.

## §. 5.

Multifarius coriandri usus est, dum in œconomia cerevisiæ, pani ac lucanicis valde gratum conciliat saporem, in Medicina vero stomachum ac caput confortat, ac propterea vel saccharo obductum sub confecturis, vel in traqueis stomachalibus utiliter usurpatur, ut *Schræderus pag. 50.* docet. Quidam confectionem purgantem inde conficiunt, cuius descriptionem invenies in *Ettmülleri Commentar. in Schræderum pag. 553.*

## CAPUT XIII.

## DE

## CARDAMOMO.

## §. I.

CARDAMOMUM in officinis duplex est, majus & minus.

## CARDAMOMUM MAJUS

ex angulosis, parvis incanisque granis constat, aromatico & odore & sapore, sed cardamomo minore debilioribus præditis. Perraro in officinis habentur, quæ istorum loco grana Paradisi offerunt, ut capite præcedente memoravimus. Ex Indiæ Orientalis locis Cananor, Java Insulaque Ceilon veniunt.

## §. 2.

Planta Indis vocari *Ehazal* perhibetur, quod Clarissimus *Hermannus in Colleg. MSC.* recenset. Quo autem modo crescat, inter Scriptores Indiæ non convenit. *Garcias ab Ortis* scribit grana ista, pisorum adinstar, seri similique modo crescere: alii plantam instar ocymi apparere in agris referunt. *Jacobus Bontius* pluresque alii, ex externa facie, speciem esse arundinis existimant, qua de re *Hoffmannus* ex illius *Commentario* seu *Clavi Schræderiana pag. 429.* agit fusius. Omnes tamen consentiunt grana ista in trique-

tris siliquis contineri, ter longioribus, quam cardamomi minoris sunt capsulæ, unde etiam majora dicuntur. Grana Paradisi autem, ob crassissimas siliquas, vocantur maxima.

## §. 3.

## CARDAMOMUM MINUS,

sive cardamomi minoris grana plerumque in parvis, triquetris & aliquantum oblongis siliquis ex India per Bataviam ad nos veniunt, quæ extrinsecus incanæ sunt, striatæ, & exiguo aliquo petiolo præditæ. Sacco inditæ baculo rotundo tamdiu verberantur, donec siliquæ aperiantur & decidant, quibus ventilando separatis grana per cribrum depurgantur, ut *Schurzius in Material. Museo pag. 85.* ostendit. Quæ grana ita depurata parva, angulosa & cæsia sunt, acris & aromatici saporis, odorisque fragrantioris, quadantenus camphoram imitantis.

## §. 4.

Planta, ex qua depromuntur, valde adhuc ignota est, præterquam quod *Pometus* à se præpositam figuram, quam tamen pro vera non vult vendi-



venditari, communicaverit: tempus certiora docebit; nobis interea fructus, quem quoad ejus fieri potest, recentem, perfectum, gravem minime cariosum esse oportet, satisfaciat.

## §. 5.

Istud semen vulgo intelligitur, quando sine additione cardamomi fit mentio, præsertim quum prior species perrara sit, nec facile habeatur; idque causæ est, quamobrem minus in Medicina & alibi fere solum usurpatur, quum utrumque iisdem viribus polleat, præterquam quod minus paulò fortius sit ac pe-

netrantius. Sicut cetera aromata, vim habent calefacientem, magis tamen temperatam; dum enim omnia fere aromata masticata os faucesque vehementer afficiunt, & tantum non inflammant, à cardamomi granis id non est metuendum incommodi. Ventreulum confortant, intestinorum flatus resolvunt, ideoque colicæ uterique morbis proficiunt. Non minus in vertigine aliisque capitis morbis ortis, & ad confortandam memoriam se commendant, de quibus *Ettmüllerus* in *Schrædero Dilucidato* pag. 532. pluribus est legendus.

## CAPUT XIV.

DE

## GRANIS PARADISI.

## §. 1.

GRANA PARADISI triquetra & parva sunt, extrinsecus ex rubro fusca, intrinsecus prorsus alba, saporis acris & fervidi & tantum non piperati. A quibusdam cardamomum maximum vocantur, quæ sine dubio erroris causa extitit, quod pro cardamomo majori, quod proprie media species est, habeantur, inter quæ tamen multum interest discriminis. Interea tamen Gallicus Myropola *Moyse Charas* in *Tract. de Theriaca Ingredientibus* pag. 215. affirmare non dubitat, ejusmodi fructum cardamomo esse annumerandum, habitoque ad magnos folliculos respectu, in quibus crescit, pro maximo cardamomo posse haberi.

## §. 2.

Planta, ex qua grana Paradisi progerminant, vocatur Malaguetta, unde Galli ipsum quoque fructum Maniguette s. Melligette nominant. Folia habet eleganter viridia, folliculosque profert mediocriter magnos, jucunde rubros crassosque, ac figura ficus repræsen-

tantes. In istis continentur grana, vel propter pulchritudinem, aut odorem valde gratum, quem recentia spargunt, grana Paradisi vocata. Exteri vero Melaquette nominant, quoniam ex Melega, Africæ oppido, primum dicuntur venisse; quanquam hodie è diversis locis S. Malo ad Nos perferantur; quorundam opinione in Gallia quoque inveniri planta dicitur, de qua tamen Gallicus Materialista *Dn. Pometus* prorsus tacet.

## §. 3.

Grana Paradisi qualitatibus suis piperi valde prope accedunt, præterquam quod aliquantum debiliora nec adeo fervida sint. In omni paralyti ad confortandos nervos commendata, raro alias in Medicina usurpantur. Aromatarum circumvagi lucroque inhiantes Pharmacopolæ contuso piperi miscent, tanquam multo viliora, dum libra una piperis XV. vel XIX. albis, libra vero granorum Paradisi VI. albis nunc potest emi, ut adeoque Oeconomix consultum sit, si aromata emanantur integra.

## CAPUT XV.

DE

## SEMINE SAXIFRAGIÆ.

## §. 1.

SEMEN SAXIFRAGIÆ ex rotundis ac rubicundis nodulis constat, exiguum pisum magnis, è radice plantæ excrecentibus, proptereaque à *Schrædero* radicibus annumeratis. Seminis tamen apud Materialistas & in officinis huc usque sibi vindicarunt nomen, quoniam in rubris corticibus exigua navique simi-

lia concava granula reperiuntur, quæ istis fortasse seminis compararunt nomen.

## §. 2.

Quamvis permultæ plantæ saxifragiæ veniant nomine, quæ vel inter saxa excrescunt, vel renum ac vesicæ calculum imminuere ac propellere perhibentur; vulgo tamen saxifragia



gia alba foliis rotundis intelligitur, cujus in officinis aqua prostat crebriusque præscribitur. In pratis illa copiose crescit.

## §. 3.

Ipsum feminis nomen vires usumque indicat; quoniam enim renum ac vesicæ calculos, juxta plantam delineatos, imminuere, istosque una cum materia pituitosa, renes obsidente, educere, ac per urinam, quam promoveret, ejicere perhibetur, id sibi inditum nominis est; quem in finem etiam aqua ex planta destillata quotidie præscribitur. Enimvero *Ettmüllerus* parum in istis ponit fiduciæ, quin potius utrumque parum istis in affectibus præstare exi-

stimat, haud secus atque cætera lithontriptica medicamenta spem de se concitatum non tueritur, adeo, ut doctissimi Medici in utramque partem disputent, num in toto terrarum orbe medicamenta calculum atterentia, Lithontriptica istis vocata, reperiantur?

## §. 4.

Quando tamen semen conquirendum inque officinis asservandum est, id detur operæ, quo recens accipiat, aliquam in lingua relinquens acrimoniam, de quo vid. *Pometus* in *Historia Simpl.* pag. 10. qui tamen veram plantam nec delineatione nec descriptione subjecit oculis.

## CAPUT XVI.

## DE

## SEMINE AGNI CASTI.

## §. 1.

**SEMEN AGNI CASTI** ex rotundis granulis constat, piper fere imitantibus, sed tamen minoribus, ultra medium cinereo capitello, instar glandium, infidentibus, istis vero per se obscure fuscis, acris & aliquantum adstringentis saporis. Ex Italia maximam partem feruntur, quanquam planta quoque in quibusdam Germaniæ hortis colatur.

## §. 2.

Frutex s. arbuscula, in qua hoc reperitur semen, juxta aquas & in hortis crescere amat; tenues tenacesque ac macilentos furculos habet atque folia instar salicis, unde etiam vitex nominatur. Et quoniam referunt pias quasdam Virgines Athenienses, in perpetua castitate vivere volentes, super foliis hujus arbusculæ dormivisse, eamque ob causam etiam Monachos in monasteriis illam ipsam alere, Agnus Castus huc usque vocari meruit: hæcque fortasse causa fuit, quamobrem semen istud postea in feminis profluvio aliisque morbis veneris fuerit usurpatum. Alias duplicis speciei est, quarum una divisa, integra alia habet folia.

## §. 3.

Quod qui emere semen volunt, id dent operæ, quo recens crasseque granulatum, ex

calidis regionibus Italia Siciliaque advectum, accipiant, quum in frigidis regionibus difficulter maturitatis debitæque virtutis adipiscatur gradum.

## §. 4.

Tantum abest ut Medici easdem isti qualitates uno ore adscribant, uti potius longe diversissimas eidem tribuant operationes. *Schræderus* menses ciere existimat, cui virtuti *D. Hoffmannus*, Ejus interpres, vim augendi lac superaddit, plurimi vero istud ad imminuendum virile semen & compescendam ejus ebullitionem valere perhibent. Quæstio igitur inter doctos exorta est, calidane an frigida natura semen istud polleat? Quam facile acris & aromaticus sapor, piperi aliquo modo similis, decedit: unde etiam piper Monachorum fuit vocatum. Quemadmodum enim omnes herbæ ac semina acri prædita sapore calidæ putantur esse natura, ita idem hoc de semine erit judicium: ut adeoque ad excitandum impotentiam virilem, augendamque Veneris cupidinem aptum esse judicari possit, cujus rei certum aliquod exemplum habet *D. Simon Paulli* in *Quadripart. Botan.* pag. 189. Quando igitur contrarium operari, castitatemque farram tectam servare creditur, fieri id alio modo nequit, quam nimis exficcare humiditatem, qua de re *l. s.* pluribus agitur.

## CAPUT XVII.

## DE

## SEMINE THLASPIOS.

## §. 1.

**SEMEN THLASPIOS** parvum, oblonge rotundum, ex nigro fuscum est, quod ore

detentum mansumque, præter lentorem, acrem saporem instar seminis nasturtii relinquit. Primum rubellum apparet, quod emturis observandum



vandum est, qui recens, rubicundum, acre, beneque depurgatum eligant, istudque non apud nundinatores olitorios quærant, illius loco sæpe nasturtii, aut aliud semen, aut minimum inveteratum dividentibus. Ob quàm causam alia quoque semina de fidelibus ingenuisque hominibus potius, quàm de circumforaneis & erroneis sunt emenda.

## §. 2.

Planta, de qua semen istud colligitur, Thlaspi vocantur, quo nomine fere omnes plantæ, quæ semen in parvis perulis generant, insigniuntur, teste *Ettmüllero in Comment. Schræd. pag. 673.* Ubique & in omnibus regionibus crescit, imo in locis quoque incultis, &, ut *Moyser Charasius in Tract. de Theriaca Ingredientibus pag. 123.* observavit, plerumque in margine incilium, pedis forte altitudine & folia habet oblonga, inferius lata, superius acuminata. In multos ramusculos se dividit, qui primum parvos albescentes flosculos, deinde vero multas perulas ferunt, quarum quælibet bina seminum granula continet, principio ex flavo rubentia, deinde fusca; inveterata autem, ex opaco fusca apparentia, fere sola ad medicinam utilia, quum planta ad tingendum quam mendendum magis usurpetur, ut *Ettmüllerus l. c.* testatur: quanquam sint, qui acetariis illam addant.

## §. 3.

Quum vero variæ istius plantæ sint species, non temere quaritur, de qua potissimum

colligendum sit semen, maxime ad theriacam sumendum? Quibus exoticæ res, quam indigenæ, magis placent, Creticam eligunt. Enimverò, quia planta ista exotica multis nihilo melius quam cani gramen proficit, ut *D. Sim. Paulli* aliqua ab *Adriano Spigelio* descripta historia in *Quadripart. Botan. pag. 503.* demonstravit, in eo ferè hodie omnes Doctores conveniunt, semen indigenum esse præferendum, utpote quod cum *Dioscoridis* descriptione prorsus conveniat, vid. *loc. cit.*

## §. 4.

Ejus virtutes in subtili ac volatili sale consistunt, quo calefacit & exsiccat. Interne contra malum ischiadicum valde commendatur, atque ob vim, qua pollet, diureticam, calculum atterere, sanguinemque coagulatum resolvere creditur, ut *Pometus in Materialium Histor. pag. 7.* commemorat. Memorabile verò est, eandem etiam ob causam dysenteriae ac hydropi mederi, id quod supra laudatus *D. Simon Paulli*, ex eoque *D. Hoffmannus in Clavi Schræd. pag. 559.* testantur. Menses quoque ciere perhibetur, adeo, ut *Schræderus in Pharmac. Galeno-Chym. pag. 160.* scribat, istud quoque ad enecandum in utero fœtum valere, proptereaque gravidis neutiquam esse usurpandum. Externe ejus etiam usum in ulceribus manantibus commendant, quæ dicitur exsiccare; nares educenda omni humiditate expurgat, ut cætera ptarmica plantæque acres, radix pyrethri similiaque solent.

## CAPUT XVIII.

DE

## SEMINE STAPHIDISAGRIÆ.

## §. 1.

SEMEN STAPHISAGRIÆ ex asperis & ex nigro castiis granis constat, instar corii granulati Indorum, Segrein dicti, apparentibus, iisdemque prope triangularibus, saporis acris & urentis, odoris nauseosi. Ex Italia Galliaque in Germaniam transportatur; quanquam herba apud nos quoque à nonnullis hortorum cultoribus interdum alatur.

## §. 2.

Ipsa staphisagria herba, pedicularis aliàs vocata, in litoribus maris frequenter crescit. Magna viridiaque habet folia, profunde divisa, & quasi incisa, foliorum adinstar vitigineorum sylvestrium. Florem è peculiari stilo profert cœruleum, quo deciduo virides siliquæ prodeunt, grana ita accurate compressa continentes, ut, quemadmodum ab se invicem distincta sint, vix summo studio possit animadverti. Ista vero intrinsecus alba, ex-

trinsecus ex fusco castia plenaque punctulis sunt, ut inferius in figurâ *Pom.* apparet.

## §. 3.

Quod semen recens, quoad ejus fieri potest, comparandum, & quidem bene maturum crasseque granulatum, à sordibus etiam probe depurgatum; quæ omnia superiores qualitates quoque comprobant.

## §. 4.

Quod etsi olim etiam internè, etanquam laxans sive evacuans medicamentum, usurpatum fuerit, ut *Ettmüllerus in Comment. Schræd. pag. 668.* testatur; hodie tamen propter nimiam acrimoniam iste obsolevit usus, adeo, ut quidam permitti nolint saltem ut ore teneatur, cum aliàs ejusmodi grana in aceto ebulliantur, istorumque decoctum ore possit teneri, quo educenda multa pituita dentium dolorem leniat, ut *Sim. Paulli, Schræderus, Daleus* aliique testantur. Ista igitur grana nunc

M

saltem



saltem ad enecandos infantum pediculos usurpantur, quando scilicet matres semen vel cum lixivio coquunt, istoque decocto lavari capita curant, vel pulveratum cum butyro recenti non salito in formam linimenti redigunt, capitibus inungendi, quo applicito pediculi vel

in fugam se recipiunt, vel remorantes enecantur. Et hoc causæ est, quamobrem grana ista basin constituant unguenti pediculorum notissimi. Alii pulvere in antiquis ulceribus utuntur, quæ mundificare & à putrida carne defendere creditur.

## CAPUT XIX.

DE

## SEMINE SANTONICI.

## §. I.

**SEMEN SANTONICI**, aliàs quoque Semen contra vermes, sive simpliciter semen contra, vocatum, parvum, oblongum & ex flavo viridiusculum, amarumque & acre semen est, fortis odoris, quod apud Materialistas & in officinis usque eo commune ac vendibile est, ut clarissimus *Pometus in Histoire des Drogues* istud primo posuerit loco. Alii Sementinam, vel etiam Semen Cinæ, seu Sinæ vocant, ea ducti opinione, quasi ex Sina Regno extremisque India locis tantum veniat, ut *Christophorus Vielheurius*, Pharmacopola, in *Descriptione Exotic. Material.* pag. 151. loquitur. Cui tamen inclutus doctusque Magnarius *Herbertus de Jager* minime assentitur, fictum id esse existimans, quod semen istud multo habetur propius, vid. *Miscell. Acad. Nat. Cur. Dec. II. A. III. Obs. 1.* pag. 206. An verò eadem vocabuli Santonici s. seminis sancti ratio sit, & num istud non aque à Terra Sancta, ubi *Rauvvolfius* aliique id se vidisse existimant, atque à Xantonge Galliarum regione, ubi in copia crescere dicitur, Xantonicum vocari debeat? quæ *Hoffmanni* in *Clavi Schræd. in voc. Santon.* p. 541. & *Elscholtzii* in *Misc. A. N. C. D. I. Ann. 6. 7. Obs. 227.* p. 169. opinio est, ego quidem dubito, quoniam supra laudatus Gallicus Materialista, omni etiam adhibito studio, necquicquam de eo rescire potuit, sed ingenue confitetur, omne semen contra vermes, quod divendant, ex Persia, ubi in sylvis crescit, Moscoviaque ad se deportari, dum Persæ istud in solemnibus peregrinationibus religiosis, quibus negotiatores se associant, Aleppum, Alexandriam Smirnamque ferunt, inde porro in Bataviam Angliamque ac Galliam transvehendum; ut propterea discrimen, quod Celeberrimus Medicus *D. Ettmüllerus* in *Oper. Tom. I.* pag. 653. inter Alexandrinum ac Gallicum constituit, mihi valde videatur dubium, siquidem *Joh. Jacobus Marxius* in suo *Mater. Museo* pag. 54. solius Alexandrini facit mentionem.

## §. 2.

Majorem difficultatem facit planta, quæ semen istud profert. Antiquissimus omnium Botanicus *Dioscorides* suo tempore pro specie

absinthii habuit, cui etiam *D. Febrinus* in *Tract. de Absinthio* pag. 14. istam annumerat, & quoniam ex istius aliorumque experientia nostris in regionibus satum semen contra vermes nullam absinthii speciem, sed aliam quandam herbam progenerat, in eam venit opinionem, nos hodie vero veterum Alexandrino semine contra vermes destitui, atque aliud, & saltem Gallicum, de sententia *Ettmülleri l. c.* nobis divendi. Quæ causa est, quamobrem florens per Germaniam Cæsarea Societas Naturæ Curiosorum è refore existimaverit, ut per Germanum Medicum, in India degentem, *Dn. D. Cleyerum* veram istius plantæ rationem inquireret, qui tamen nihil certi explorare potuit, datis licet eam ob rem ad supradictum *Dn. Jagerum* literis, quoniam hic virentem adhuc florentemque plantam non recte inspexit: interim tamen existimat eam ipsam esse herbam, ab *Rauvvolfio* circa Bethlechemum repertam, posteaque ab hoc in *Orientali Itinerario Part. 3. cap. 22.* typis publice delineatam, à prædicto quoque *Marxio* pro genuina habitam. Hodierni contra, iidemque præcipui Botanici, utpote *Hermannus*, *Daleus* & alii, cum *Dn. Jagero*, speciem esse abrotani existimant, ut ex commercio literario *Indiæ Orientalis Num. 3.* elucescit. Et istius quidem duæ habentur species, quas *epistola IX. Indiæ literatæ* describit.

## §. 3.

Quæ ratione semen à Persis colligatur, *Tavernierius* in *Itinerario suo* pag. 384. describit. Quoniam sc. facile decedit, manibus etiam colligendum impurum redditur, cochleari istud colligunt, quod in caulibus relinquitur, duabus vannis excipiunt, istudque in pratis discurrentes ex una manu in alteram rejiciunt, postmodum ulterius depurgandum.

## §. 4.

Quoniam vero genuinum semen contra vermes sæpe aliis haud dissimilibus amaris seminibus, inprimis semine abrotani ac tanacetii, adulteratur, id quod sæpe laudatus *Pometus* bene monuit, id detur curæ, ut probe depurgatum, crasse granulatum, oblongum, viridiusculum ac recens, boni etiam fortisque odoris eligatur. Falsum enim, sive quod substituitur, multo levius est magisque flaver, ac minutim inciso stramini



mini quam semini apparet similis. Pharmacopolæ igitur pro officii sui conscientia optimum semper selectumque sibi comparant, deterius autem ac obsoletum, quod Materialistæ plerumque vilius, quam recens, divendunt, quo saltem emtores inveniant, circumforaneis relinquunt emendum, plebi istud fraude nefanda divendentibus.

## §. 5.

Ufus ejus adeo vulgatus est, ut de eo quid commemorare fere supervacaneum sit, propterea enim id ipsi inditum est nominis, quod apud nos infantibus ad enecandos lumbricos cum successu exhibetur, ut etiam *D. Ludovici*, Archiater olim Saxo-Gothanus, in egregio suo *Tract. de Pharmac. Mod. Sec. applicanda* (in quo potissimum minus necessaria exoticæque medicamenta vult abrogari) Santonico primas concedat, aceto aliisque macerationibus non exhausto. Persæ Batavique & Angli saccharo obductum, instar anisi, trageis addunt, quod stomachum confortare putredinique resistere credunt. Animum igitur subit admiratio, quod doctissimus aliàs Gallus, *Dn. Rochasius*, in *Tract. de Rebus Min. s. Metall.* eam in opinionem venerit, Santonici usu tantum abesse ut interficiantur lumbrici, uti potius generentur, quod ex semine isto putrefacto aliquod insectum observavit exoriri. Simili enim modò ex quacun-

que herba, ac ipso quoque absinthio, vermes possunt generari, quod tamen, uno omnium ore, cujuscunque generis vermibus videmus adversari. Fortasse Circumforaneorum dolus, quem *Theod. Tabernamontanus* in *Herbario suo* detexit, eo adduxit prædictum *Rochasium*, quippe quos scimus expurgatos inque pulverem redactos lumbricos infantibus propinare, quo ex istis insignis vermium copia brevi generetur, aliis deinde medicamentis cum plebis admiratione, educenda, siquidem vermium putrefactionem generationem esse novorum non impossibile est.

## §. 6.

Ad quod præcavendum damnum summè necessarium est, ut semen santonici non per se, verum stimulantibus, rhabbaro, spec. diaturb. c. rhab. similibusque permistum demus, quo, simul ac enecati sunt, educantur. Quò neglectò timendum est, ne ex istorum putrefactione foetens halitus, febris verminosa similiaque mala in infantibus excitentur, id quod sæpe sum expertus. Additione quoque aliorum pulverum ingratus seminis sapor minuitur, atque propterea non adeo necessarium est, ut cum saccharo condiatur, morsulis ac placentulis saccharatis addatur, aut alio quocunque modo occultatur; id quod similiter, si apud teneriores infantes necessarium est, additis laxantibus potest obtineri.

## CAPUT XX.

DE

## SEMINE FLORECAULIS.

## §. I.

**Q**UONIAM SEMEN FLORECAULIS (*Blumenkohl. Saamen*) nullibi fere præterquam in Cypro Insula maturitatis attingit gradum, proptereaque ab hortulanis aliisque apud Materialistas quæri solet, silentio istud nolumus præteriri, quanquam usum in medicina habeat ne quidem ullum. Parvum rotundum semen est, brassicæ semini haud dissimile, sed paulo minus, nec adeo fuscum, sed cæsum. Per Massiliam in Galliam, indeque in Germaniam vehitur. Istius culturam in Italia quoque Genuenses instituunt, quod tamen ad Cyprium non accedit, quippe quo multo est vilius.

## §. 2.

Id verò videndum, ut recens, non suppositum, & veræ etiam speciei sit. Quem in finem Materialistæ attestatum ab iis locis, unde mittitur, & à mercatoribus, de quibus emunt, sibi ostendi curant, quo certiores fiant genuinum, recens ac ejus esse anni. Hòc ipsò enim apud hortulanos aliosque suam tuentur fidem, quos nonnullis in locis, utpote in Galliâ, indemnes

præstare, & non solum pretium, sed omnes etiam sumtus à tempore emtionis ad tempus usque germinationis in se recipere tenentur, ut Materialista Parisiensis, *Dn. Pometus*, in *Histoire Generale des Drogues* pag. 17. confitetur. Ne igitur decipiamur, apud Materialistas potius semen, majori licet pretio, emamus, quam de circumitoribus.

## §. 3.

Ipsa planta, Brassica Cypria & Flore-Caulis, ab Italis Caulifiori dicta, hanc requirit culturam: Semen tempore verno, quando sol capricornum ingreditur, luna existente plena, in arcam fimò plenam seritur, planta deinde satis magna, iterum in prædictò capricornò, in pinguem terram translocatur: post autumnum integri caules perfectos flores in hortis non adepti, in cellis arenæ vel terræ immittuntur, ubi media etiam hyemè perfecti flores progerminant.

## §. 4.

Ufus istius coquis notus est, qui florecaullem probe lotum, & ad modum brassicæ vulgaris cum aqua calida maceratum, cum jusculo



carnis aut gallinæ, aromate, faleque ac butyro præparare, & vel per se, vel junioribus gallinis ac columbis instratum offerre edendum norunt. Artocreatibus quoque & embammatis, variis esculentis refertis, addunt, tanquam cibum ægrotis æque ac sanis pergratum.

## §. 5.

Ceterum *Hermannus in MSC.* Brassicæ cu-

jusdam seminis, ad medicinam non inepti, meminit, quod Latini *semen oleris atri* vocant. Rotundum nigricansque semen est, acris & amari saporis, cujus plantam Brassicam fimbriatam nominant. In doloribus nephriticis & scorbuticis peculiare habetur remedium, cum aqua cichorei in emulsionem redactum. In ejus defectu napi semen substituitur.

## CAPUT XXI.

DE

## SEMINI FOENUGRÆCI.

## §. 1.

SEMEN FOENUGRÆCI agricolis, propter Sequos, notus desideratusque fructus est, parva, flaventia, angulosa, & supra quasi intorta habens granula. In Gallia æque ac in Germania inter Bambergam Norimbergamque copiose colitur, & utrobique pondere centenario in Bata-viam aliasque regiones vehitur divendenda, ut *Pometus in Histoire des Drogues pag. 20.* & *Marxius in Mater. Museo Germanico pag. 93.* testantur. Ut *Benzo in descriptione itineris Indici* auctor est, in Perù Insula tanta in copia crescit, ut incolæ exinde vinum, vel spiritum fortasse, s. aquam vitæ conficiant.

## §. 2.

Planta dupla habet folia, instar trifolii, oblongatamen & aliquantum incisa, parvis albisque floribus deciduis, longas curteque acuminatas profert siliquas, corniculo haud dissimiles, unde Græcis Bucera vel Ægoceras, Germanis vero *Bockshorn* vocatur.

## §. 3.

Semen magnum, durum vereque siccatum esse oportet, colore flavescens, si adhuc recens est; quod contra rubescit aut fuscum apparet, inveteratum est & inutile. Fortem fereque adversum habet odorem, ad enervandas lassasque reddendas bestias, juxta equos, qui semen istud

cum pabulo suo comederunt, locatas aut ductas, aptum natum; quamobrem agricolæ sociis suis non permittunt, ut equis Foenugracum ingerant devorandum.

## §. 4.

Usus ejus inprimis externus est, præterquam quod mangones equorum & agricolæ istud equis dent devorandum, quo eo fortiores pinguiioresque ac visu gratiores fiant; quod tamen alii, experientia edocti, denegant, quod minus bonum suppeditat nutrimentum. In topicis verò medicamentis ipsum semen æque ac ejus farina s. pulvis emollientibus ac resolventibus epithematis cum fructu additur. Clysteres quoque non raro ingreditur, quod flatus dissipat omnemque duritiem emollit, in clysteribus autem pro foeminis omittendum, quippe cujus odore dolores uterinos excitatos fuisse *Simon Paulli in Quadrip. Botan. pag. 306.* observavit.

## §. 5.

Ceterum cum aquâ vulgari, aut destillatâ, mucilago ex isto extrahitur, quam supra laudatus *D. Simon Paulli* ad oculorum catarrhos satis commendare nescit, quippe qua etiam sugillationem oculi, ab epilepsia profectam, curaverit felicissime, quo in affectu istud *Schraederus* quoque ejusque Commentatores, *D. Hoffmannus*, *D. Ettmüllerus*, alique commendant.

## CAPUT XXII.

DE

## SEMINI MEDICÆ ET SCORPIOIDE.

## §. 1.

PRÆTER SEMEN TRIFOLII vulgaris, cujus mercaturam quidam faciunt magnam sibi-que perutilem, duo apud Materialistas interdum quærentur trifolii semina, apud nos adhuc ignota, quorum unum Medica, alterum Scorpioides vocatur. Eandem fere figuram habent, & ab hortulanis plerumque una seruntur, quan-

quam istorum plantæ similitudinem & communionem inter se habeant nullam.

## §. 2.

Trifolium cochleoides (*Schnecken-klee*) vocatur, quoniam folia trifolium, siliquæ cochleam repræsentant: aliàs Latine Medica dicitur, quoniam Græci Dario, Persarum Regi, bellum inten-



intendentes, semenque ex Media in Græciam ferentes, id ipsi à solo natali imposuere nomen. Galli *Lucerne* vocant, atque in Provincia Languedoc Normandiaque magna colunt copia, modo haud dissimili, atque penes nostrum trifolium colitur, quod herbam annuatim quinquies vel sexies demetunt, istaque equos, mulos & jumenta, (quippe cujus vescendi desiderio vel maxime teneri dicuntur,) alunt atque saginant, teste Gallico Materialista *Pometo* in *Histoire des Drogues* pag. 21. Folia trifoliata habet, purpureosque flores, malvæ floribus haud dissimiles.

## §. 3.

Semen in cochleariformibus siliquis, in Medica Anglica præsertim per jucunde figuratis, generatur instar falcatae lunæ, parvum tamen pallideque flavens, si recens adhuc existit: inveteratum contra rubescit, & aliquantum fuscum est; sapor ipsi acris inest, remissior tamen quam nasturtio. In bonam terram, quæ etiam irrigari potest, ferendum; herba enim tunc pinguis fit, sæpiusque potest demeti, quoniam magnam & fere ulnam longam radicem habet, qua copiosius nutrimentum attrahat, quæ quoniam per hyemem remanet, ipsa quoque planta semel culta diutius durat, modo terra interdum stercoretur & aqua perfundatur. Raro maturitatis attingit gradum, siquidem herba cauleque induratis pecora non vescuntur. Idque causæ est, quod semen eo & carius, & à Materialistis

sit emendum; cui tamen rei facile inveniri posset consilium, si semen peculiari loco vel terræ mandatum, ad maturitatem pervenire permittatur.

## §. 4.

Supra jamdum commemoravimus, nec herbam nec semen aliquem in Medicina habere usum, sed tantum ad saginanda pecora valere. Ubi tamen id dandum est curæ, ut ne nimium istis concedatur devorandum, herbæ inprimis adhuc virentis minimeque exsiccatæ, quod intestina possunt disrumpi, idque eo magis, quo majori istius tenentur desiderio.

## §. 5.

Altera planta, nonnullis hortulanis *Raupen-Klee* dicta, proprie non est trifolium, quippe quæ non triplex, sed simplum habet folium, ad modum fere spinachiae junioris angustum & oblongum. Flos ejus, haud secus atque genistæ, flavet, quo deciduo nigras cæsiusque, incurvatas, crinitas, vel aculeatas profert crucas, unde Botanice Scorpioides (*Raupen-Kraut*) vocatur. In istis continetur semen, semini Medicæ haud dissimile, paulo tamen minus, & eodem etiam modo feritur, atque à Proceribus curiosis tanquam rara planta ad delectationem in hortis colitur, quam in conviviiis pulmentis vel permiscet, quo convivas, veras ac naturales instillas crucas esse existimantes, exhalarent. Cæterum usum habent nullum. Ejus figuram tradit *Theod. Tabernemontanus Part. 2. herbarii p. 575.*

## CAPUT XXIII.

## DE

## SEMINI MAGALEPPÆ.

## §. 1.

SEMIN MAGALEPPÆ exigui fructus grænum est, nucleo cerasi haud dissimile, è viridi ac pertenui cortice eruendum, quod maximam partem ex Anglia, Gallia, è Germania quoque advectum, à Materialistis divenditur.

## §. 2.

Qui fructus è frutice progeneratur, quem nonnulli phillyream, alii speciem cerasi petreæ esse existimant. Magna, ampla & superius exacuminata habet folia instar cerasi vulgaris, ita ut inter duo folia semper fructus è caule progerminet, ut ex figurâ *Pometi* apparet.

## §. 3.

Ista vero grana adhuc recentia crassaque sint, & ab exteriori cortice probe depurgata, sapo-

ris etiam fragrantis, alias enim usum præstant nullum.

## §. 4.

Usus ejus iis maxime notus est, qui gratum rebus odorem concilians Magaleppæ semen ad pretiosum fragrantemque saponem Florentiæ, alias nimis care emendum, usurpant, sive istud in aqua vulgari vel rosarum macerent, indeque fragrantem aquam, quacum saponem lavent, destillatione proliciant, ut *Dn. Pometus* in *Material. Histor. pag. 24.* narrat, sive istius pulverem cum sapone permisceant, ut ex sequenti eaque vera prædicti saponis odoriferi descriptione, quam doctus quidam Italus Paravinus, *Bonelli* dictus, *Dn. D. Schellhasio*, Camera Imperialis Wetzlarensis quondam Archiatro Jurato, in epistola Italica transmisit, quamve cum Lectore Curioso benevole communicamus, dare innotescit.



## Saponetto Odorifero.

## Sapo Odoratus.

**S**I pigli lissivio, fatto con due parti di calce viva & una di cenere di quercia, con acqua sufficiente, lib. XX. grasso ô sevo vaccino liquefatto e colato per panno lib. X. si metta a bollire detto lissivio in vaso di rame capace, e bollendo si aggiunge tutte le lib. X. de sevo, e si vada dimenando con un bastone ronde, continuandole fin tanto, che mettendone un poco sopra un matmo resti in forma rappresa e ben conglutinata. Si ripone in vasi di terra vetriati, amplii e larghi, (ove si cuoce la carne in casa di Signori) e si mette al Sole per tutta l'està, voltandole spesso, & ogni volta, che diverrà asciutto bene e duro, si aggiunge tante acqua commune, che torni liquido: e così si vada ripetendo per un'anno, acciò si separi la mala qualita nauseosa del sevo e resti ben purgato.

Dopo, che sarà di nuovo asciutto bene e duro, si aggiunge altra quantità sufficiente d'acqua stillata di fiori di Triboli, seu Trifoglio odoroso, e si liquefacci come prima, e si vada dimenando al Sole del secondo anno, e dopo fatto un'altra volta duro al Sole, si aggiunge altra quantità d'acqua di fiori di mortella, e si faccia liquido come prima, e resti al Sole, semper dimenandolo, e quando sarà indurito, si aggiunge altra quantità d'acqua di rose, di quelle di centofoglie solutive, che in Toscana chiamano incarnate & in Napoli Damascene. Asciutto che sarà e che odori bene, e che non si senta più quel sito cattivo del sevo, ma odori bene dell'acque suddette, allora se aggiunga quattro oncie di un certo seme, che usano profumieri, rotondetto, conforme questo, che viene incluso, chiamato **MAGALEPO**. Questo sia ben pistato con un poco d'Ireos Fiorentino, acciò più facilmente si polverizzi, e non venghi oliginoso, e si mescoli bene nel sapone. Dopo faccisi tre in quattro libbre a Acqua d'Angeli, nella quali si strempino Div di Muschio perfettissimo, e Div Zibetto ottimo, in questo modo: Si mettino il Muschio e Zibetto in un mortajo piccolino di bronzo netto, e con esse circa un'oncia di zucchero bianco asciutto, e si spolverizzino assieme, e poi si meschino con la detta Acqua d'Angeli dentro un vaso di rame, a forma di cucurbita alta con bocca stretta, di terra invetriato & il mortajo se lavi con detta acqua, e si meschi nell'istesso vaso, quale si cuopre bene la bocca e si mette in calore moderato, per cinque o sei hore, che sia in modo, che non bolla, acciò la parte suave non suoi, e questa compositione così calda si deve meschiare in tutta la quantità del sapone, quale deve stare unito in un solo vaso vetriato di terra, e ben coperto si lasci stare ad sole per molti giorni, e si vada da quando in quando dimenando, e sarà fatto. Poi si lasci così, e quando più si riposa, tanto più si fermenta e perfeziona nella fraganza.

**R**ECIPE lixivii ex partibus duabus calcis viva & parte una cineris querni, cum aqua quantitate sufficiente, facti lib. XX. sevi vaccini liquati & per pannum colati lb X. fac lixivium in vase majori incalescere, cui calefacto & bullienti adde sevi libras decem, hinc ligno rotundo tamdiu agita perpetuo, donec istius mistura tantillum lapidi aut marmoris instillatum coeat, & quasi conglutinatum appareat. Repone in vasis terreis, magnis amplisque (in quibus in Magnatum domibus caro solet coqui) iisque porro intrinsecus vitreatis, ac per totam astatem expone Soli, saepiusque agita: quoties induratur ac coit, tantum affunde aqua, donec de integro lique scat, quocum integri spatii anni continuandum sive repetendum, quo sebum malum ac nauseosum saporem amittat, probeque depurgetur.

Si de novo duritiem asciscit, iterum, quantum necesse videbitur, aqua destillata trifolii odorati, adde, eaque ipsi, ut ante, mollitiem redde, ac secundo anno repone sub Sole. Quo facto, simul atque ad duritiem redit, tantundem aqua destillata florum myrti adde, quo massa, ut ante, mollescat: expone Soli, saepiusque move & agita, si quando denuo ad duritiem inclinatur aut congelascit, tantum aqua rosarum, ex centifoliis Italici incarnatis, Neapolitanis Damascenis vocatis, destillata affunde. Si quando probe coiverit, beneque oleat, ut nec ullus sevi animadverti odor queat, sed predictas aquas odore prodatur, certi cujusdam seminis, quod, qui rebus gratum odorem conciliant, **MAGALEP** vocant, & ut inclusum ostendit, rotundum est, uncias octo adde, quod cum paucis pulveribus ireos Florentina, quo facilius in pulverem redigatur, nec oleosum fiat, terendum, atque sic probe permiscendum saponi est. Quo facto, recipe Aquae angel. libras tres vel quatuor, Moschi optimi Div. Zibethi optimi Div. modo sequenti miscenda: cum moscho zibethum parvo ac eleganti mortario, ex orichalco facto, inditur, quae simul cum uncia una circiter duris albique sacchari in pulverem confusa, cum aqua angelica in ejusmodi vase miscentur, quod ad modum alta cucurbita formatum, ac supra angusto orificio ex terra, incrustatione vitrum referente, praeclatum sit, ipsum quoque mortarium ista ipsa aqua abluendum, istaque vasi priori infundendum; quod deinde bene obturatum quinque vel sex horas in calore moderato ponatur, modo ne ebulliat, parsque optima ac suavissima evolet. Tandem calida adhuc compositio cum tota quantitate saponis miscetur, alique vasi terreo ac incrustato inditur, beneque defensa & operata multos dies Soli exponitur, nonnunquam commovetur, tuncque res confecta est. Quae massa asservanda quo diutius stare ac fermentare permittitur, eo magis exaltatur fragrantia.



## Avertimento.

La bonta de lissivio si conozze, che si vo-  
vo fresco resti coverto dal lissivio, ma non al  
mezzo, ò al fondo, ma alla parte di sopra, e  
vadi natando.

## Hortatio.

*Ex eò cognoscitur lixivii bonitas, quando re-  
cens ovum injectum à lixivio quidem tegitur, nec  
tamen vel in medio vel in fundo volvitur, sed supe-  
rius agitetur & quasi natat.*

## CAPUT XXIV.

DE

## ORYZA.

## §. I.

SEMEN ORYZÆ notissimus fructus est, in  
India Orientali, Tartariâ totaque Europa,  
in una tamen regione copiosius quam in alia,  
reperiundus. In Germania potissimum in Hel-  
vetiâ & Franconiâ, circa Bambergam aliaque  
loca colitur. In Italiâ, præsertim in tractu Me-  
diolanensi ac Pedemontano, provenit, quo ibi-  
dem equi loco avenæ vescuntur. Gallia ory-  
zæ sterilis est, quod terra nimis sicca est, quum  
oryza contra humidum requirat solum, propte-  
reaque apud nos in locis udis largius crescat.

## §. 2.

Culmus, ex quò progeneratur oryza, ul-  
nam longus est, nodulis articulisque interstin-  
ctus: folia ut porrum habet, ac in summitate  
rubris floribus, adinstar milii, superbit, quibus  
succedunt oblongi folliculi, parvis sacculis  
haud dissimiles, ac oryzam continentes. Quæ  
planta id peculiare habet, quod, simul ac flo-  
rescit, grana progeneret.

## §. 3.

Optimam & maximè durabilem oryzam  
pulchram, depurgatam, recentem, crassam, al-  
bamque ac puram esse oportet, nullo etiam  
odore rancido ingratam. Quæ ex rubro fla-  
vescit, & ex parvis granis constat, indigna mer-  
catore merx est, proptereaque semper minoris  
venditur. Italica & imprimis Pedemontana  
quam Hispanica candidior est pulchriorque: po-  
sterior enim rubescit, atque sapore deprehendi-  
tur ingrata.

## §. 4.

Oryza alimento quam medicinæ convenien-  
tior, multisque in locis extraneis homines ea  
fere sola vitam sustentant, utpote in Turcia ac  
Tartaria, ubi etiam Principum Legatis, ac ipso

Turcarum Imperatori, nunc albo, nunc flavo,  
mox fusco, & quidem cum vel sine saccharo  
cocta colore, aut consistentia nunc spissiori  
nunc tenuiori elixa, atque adeo quadruplici  
aut quintuplici modo una vice præparata, offer-  
tur edenda, ut *Schvveiggerus* in *Itinerario Con-  
stantinop.* pag. 148. commemorat. Apud nos  
vel cum bono carnis jusculo in jus coquitur, vel  
cum lacte dulci in pultem. Quæ utraque diar-  
rhœa aut dysenteria laborantibus valde condu-  
cunt; multum etiam opis ferunt infantibus, si  
acus, annulos, globulosque ac similia deglutie-  
runt, quippe quæ oryza quasi involvuntur, sine  
noxa per alvum iterum excernenda.

## §. 5.

Quidam destillatione aquam exinde volunt  
prolici, quam tamen, ut cetera destillata nutrien-  
tia, viribus destitutam esse, *Zvvelferus* jam pri-  
dem ostendit. Nec spiritus in Oriente ex ista  
destillari solitus nostrati vulgari frumenti spi-  
ritui præferendus; ut taceam spiritus ejusmodi  
præparationem apud nos fore nimis pretiosam.

## §. 6.

Præter oryzam quidam Materialistæ etiam  
miliun, diversas hordei perlati species, se-  
men Mannæ (*Schvvaden*) ac similia divendunt.  
Quoniam vero priora hic loci nimis nota sunt,  
proptereaque istorum descriptio minus videtur  
necessaria, saltem de posteriori venit comme-  
morandum, quod parvum sit, gramini, Man-  
na dicto, & à *Th. Tabernamontano* pag. 544. *Lib. I.*  
delineato, increseat, atque in Polonia oppidis-  
que marinis inveniatur. In folliculis primum  
nigrescit, excoriatum vero evadit eleganter  
album. Usu cum milio atque oryza convenit,  
sanitati tamen est magis accommodatum, quod  
aliquantum refrigerat.

## CAPUT XXV.

DE

## AMYLO, OBLATIS ET VERMICELLIS.

## §. I.

Quid AMYDUM s. AMYLUM sit, omni-  
bus lotricibus vetulisque notum est. Qui

vero ejus præparandi modus sit, & quod opti-  
mum habendum? pluribus credo non adeo  
esse notum. Ejus igitur paucis faciemus men-  
tionem,



tionem, quæve ex isto in officinis præparentur, commemorabimus.

## §. 2.

Amylum ex certo quodam fructu, Germanis *Amelkorn*, Botanicis Frumentum Amyleum & Far candidum vocato, primum præparabatur, quod partim cum zea, partim cum tritico convenit. Quum vero istud non ubique colatur, amyllum hodie ex zea quoque & bonæ notæ tritico sequenti modo conficitur: Dictorum modo fructuum optima perfectissimæque sumuntur grana, quibus probe lotis aqua fluvialis pura affunditur, qua quotidie defusa abjectaque, affunditur recens: quo quinque aut sex dies continuato si mollis redditus fructus fuerit, ultima aqua in vas mundatum curatur derivari, ac per pannum exprimi, quod relinquitur; quo vero medulla omnis exprimatur, de ultima aqua semper aliquid affunditur, omneque postea relinquitur subsidere: quæ vero superius infidet aqua, sensim defunditur, & quod remanet exsiccat sub Sole, idque exsiccatum & in integris massis asservatum bonum evadit amyllum.

## §. 3.

Quæ merx olim copiose in Misnia ac Thuringia, unde hodieque adhuc fertur, præparabatur, inde in Bataviam, Galliam aliaque loco transvehenda. Nunc ejus præparationem extranei quoque suscipiunt, optimumque hodie Parisiis præparatur amyllum, ut *Pometus* in *Hist. Material. pag. 19.* testatur. Non minus etiam Norimbergæ eleganter præparatur, cuius tres habentur sortes, pro diversitate gravitatis ac fructuum, ex quibus constat, auctore *Marxio* in *Mater. Museo pag. 17.* Optimum censetur, quod ex magnis, levibus tamen, prorsusque albis massis constat, iisque probe exsiccatis, crispis & sapore minus acidis, post divisionem non rancidis, sed intrinsecus æque ac extrinsecus eleganter albis. Frustra porro tenera sint, non nimis dura; quod ultimum contingit, quando farina non sub Sole, sed super fornace, ubi incana fit, exsiccat.

## §. 4.

Quod ad usum ejus attinet, non variæ solum, eaque confortantes & in fluxibus alvi utiles, pultes exinde præparantur, sed isto quoque dulciarii multis modis ad confectiones viliores inflatumque saccharum utuntur, cujus præparationem *Theod. Tabernamontani Herbarium pag. 638.* exhibet, ubi etiam de Amyli interno externoque usu multis agitur. Nunc duorum saltem præparatorum, vermicellorum sc. & oblatarum, ad obsignandas epistolas usurpandarum, faciemus mentionem.

## §. 5.

VERMICELLI aut ex amylo, aut farinæ primitiis, cum aqua depensdis, & per siphonem

multis foraminulis perforatum transjiciendis, præparantur, variis cibis circumponendi. Ab Italis plerumque afferuntur, qui tamen æque facile in Germania possent confici.

## §. 6.

HOSTIÆ & OBLATÆ similiter ex amylo præparantur, quando ex isto cum aqua tenuis fit massa, eaque vel ita alba in cupreis Hostiarum formis, aut minio vel cinnabari prius rubra facta, vel cum atramento tectorio è fuligine tedæ denigrata, in oblatarum aut crustulorum formis coquitur, postmodum magno, mediocri, aut parvo, rotundo cavoque ferro separanda, & in oblatas, obsignandis epistolis aptas, formanda. Quæ sane scenerationis plena merx est, novique amicum, qui ex ergastulo nautico Turcarum liberatus, pauperimusque in Hassiam veniens, oblatarum mercatura magnas sibi divitias comparavit.

## Epilogus.

Tantum de istis feminibus, quæ Materialistæ nostri maximam partem ab extraneis advehi emique curant. Præterea multa quoque indigena habent, quorum herbæ, cultura, viresque ac usus quum in herbariis describantur, ac vulgo innotescant, uberiores commentationem putamus esse supervacaneam. Interim tamen ipsa semina brevibus ordine alphabetico recensebimus:

SEMEN *Acetosæ* parvum, triangulare ac puniceum semen est.

- - *Althææ* semicirculare est, coloris ex flavo fusci, saporis viscosi, odoris vero expers.
- - *Anethi* compressum, tenue ac membranaceum semen est, tribus sulcis sc. striis notatum, saporis acris & aromatici, odorisque somnum conciliantis.
- - *Angelicæ* album est latumque, ac similiter forti & sapore & odore pollet.
- - *Apii* exiguum est ac striatum, petroselinii semini haud dissimile, saporis subacris & calefacientis, fragrantisque odoris.
- - *Aquilegiæ* parvum & oblongè rotundum, sed tamen quadantenus angulare, nigrescens ac splendens semen est, ingrato sapore rancidum oleum æmulans, inodorum.
- - *Artischocki*, seu *Cardui esculenti*, majusculum est, fere instar pineæ apparens, longiusculum cæsumque ac maculosum; Polonicum habetur optimum.
- - *Asparagi* ex fulvis baccis, pisum magnis, constat, quæ sub exteriori cortice tres parvos, eosque nigros ac valde dueros, nucleos, acri sapore præditos, intrinsecus insidentes continent.

*Semen*



SEMEN *Atriplicis* ex tenuibus & membranaceis laminis constat; in quibus compressum semen, notabili sapore odoreque destitutum, continetur.

- - *Bardane* oblongum & quadantenus rotundum fuscum semen est, nigris striis interstinctum, & sapore paulum amaro præditum.
- - *Basiliconis* parvum, nigrum ac rubris granulis permixtum semen est, saporis mucilaginosi.
- - *Brusci* ex magnis granis constat, jujubis non adeo dissimilibus, quæ sub cortice exteriori arido duos albos, firmiter compactos, nucleos continent, quorum quivis altero latere depressus magnitudine pisum æquat.
- - *Cannabis* parvum, rotundumque ac cineraceum est, saporis subdulcis.
- - *Cardui benedicti* ex oblonge rotundis, striatis, scopulaque hispida exornatis granulis, iis quidem sapore amaris, constat.
- - *Cardui Mariæ* sunt oblonga & aliquantum compressa fusca grana, paulo majora quam cardui benedicti semen, saporis amari.
- - *Chæresolii* longum, nigrum, tenue & acuminatum semen est, saporis subacris.
- - *Ciceris albi* alba ac rotunda grana sunt, piso paulo majora, sed non adeo rotunda, cæterorum leguminum habentia saporem.
- - *Ciceris rubri* sunt grana ex fusco rubentia, albis minora, sed magis angulosa.
- - *Cichorei* parvum nigrumque & oblongum, endiviæ haud dissimile, quod cortice contentum nigrum est & album.
- - *Citrulli* nigrum planumque est, ut cucurbitæ semen, sed aliquanto crispum, & in margine linea elatiori notatum, plerumque ex India per Italia ferri solitum. Recens, non amarum, nec oleosum sit.
- - *Coccognidii* sunt fusca, aut ex nigro casia rotunda grana, pipere nigro paulo majora, valde acris urentisque saporis.
- - *Cucumeris* oblongum, planumque ac album est, notabili sapore odoreque destitutum.
- - *Cucurbitæ* magni sunt, oblongi & plani albi nuclei, cum semine citrulli valde convenientes, facileque rancescunt; semper igitur recentes sumantur, locoque calido asserventur, vid. Marxius pag. 48.
- - *Cydoniorum* nuclei sunt fulvo colore pomorum nucleos imitantes, sapore valde mucilaginoso præditi. Optimi, ex Gallia advecti, eleganter rubent: qui vero nigrore situque notantur, nec quicquam profunt.

SEMEN *Dauci* vulgaris compressum semen est, semine dauci Cretici paulo minus, in margine villosum, odoris fragrantis, sapore non tam aromaticum atque exoticum.

- - *Ebuli* ex rubro nigra bacca sunt, baccis sambuci similes, alias etiam Grana Actes vocata, ex quibus nota Tinctura granorum actes præparatur.
- - *Endivia*, ut cichorii semen, aliquantum albescit ac nigrescit.
- - *Eruce* constat ex perparvis, rotundis ac flaventibus granulis, sapore vehementer acri præditi.
- - *Fraxini* ex longis, planis & admodum linguæ acuminatis laminis s. foliis constat, in quibus ex flavo fuscum & fere similiter ita formatum, sed multo minus semen latet, subacri & amaro sapore præditum.
- - *Fumariæ* parvum, rotundum ac viridiusculum est, sapore amarum.
- - *Genistæ* ex parvis, aliquantum planis, & instar corculi formatis granulis constat, saporis principio subdulcis, ultimo amari.
- - *Graminis* Mannæ perexiguum & album semen est, de aliqua graminis specie collectum, & ex urbibus marinis ad nos allatum, ex quo juscula pultesque fiunt.
- - *Hyoscyami* albi ex flavo fuscum parvum planumque ac crispum semen est, forma minimos fere renes æmulans, oleosi & subamari saporis.
- - *Hyperici* parvum est, ex opaco fuscum, oblongum & instar cylindri formatum, saporis amari, & odoris resinosi.
- - *Hyssopi* exiguum nigrumque semen est, in capsulis generatum.
- - *Lactucæ* parvum, oblongum & depressum album semen est, utrinque acuminatum, saporis aquei.
- - *Lapathi* acuti fuscum & triangulare semen est, saporis adstringentis.
- - *Lavendulæ* s. spicanardi rotundum, exiguum ac nigrum semen est, odoris fragrantis, quo ipso per tritum observato, num recens sit, dignoscitur.
- - *Levistici* oblongum planumque ac striatum est, anethi semini non adeo dissimile, sed istius longitudinem bis æquans, saporis acris & aromatici, odoris fragrantis.
- - *Lini* oblongum, planum, laxe ac lucidum semen est, saporis oleosi, odoris expers.
- - *Lupinorum* magna albaque grana sunt, instar ciceris, sed non tam angulosa, adeoque magis rotunda & utrinque convexa, ut tamen quilibet venter paulum depressus sit.



SEMEN *Majoranæ* parvum, ex rubro fuscum & fragrans semen est, sapore aromaticum.

- - *Malvæ* ex incanis, rotundis ac margine crenato notatis placentulis s. caseolis constat, in quibus fuscum semen, instar althææ seminis, at multo minus, se sistit videndum.
- - *Melonum* ad semen cucumeris accedit, crassius tamen est ac pulposius, quod nec inveteratum sit, nec rancidum.
- - *Milii Solis* exiguum, rotundum valdeque glabrum semen est, quod splendide album & paulo minus est, quam cannabis semen.
- - *Napi* s. *Buniadis* parvum, rotundum & ex rubro nigrum est, saporis acriter amari.
- - *Nasturtii* parvum, oblonge rotundum, & ex flavo fuscum semen est, saporis acris juxta atque valde viscosi, odoris fortis.
- - *Orobi* sunt grana spadicea & aliquantum rotunda, pisum sapore imitantia.
- - *Papaveris albi* minutum valdeque album semen est, saporis subdulcis, oleosi & odoris acrioris.
- - *Nigri* cum priore convenit, præterquam quod cineraceum sit.
- - *Perfoliatæ* ex nigro fuscum & oblongum semen est, in uno latere convexum, in altero aliquanto planum & crena notatum, saporis subacris.
- - *Petroselini* vulgaris parvum, oblonge rotundum, ac paululum compressum striatum semen est, saporis acris & aromatici.
- - *Plantaginis* minutissimum semen est, longiusculum, fulvum ac puliciforme, saporis viscosi, ut semen Psyllii.
- - *Pæoniæ* sunt nigra, rotunda ac splendentia grana, intrinsecus album habentia nucleum.
- - *Portulacæ* exiguum est & nigrum.
- - *Psyllii* oblongum, fuscum & puliciforme semen est, saporis primum valde mucilaginosi, postmodum vero subacris & nauseosi.

SEMEN *Rosarum* minutulum & ex rubro fuscum sive purpureum est.

- - *Rusci* constat baccis ex rubello fulcis ac rotundis, femine asparagi paulo majoribus, saporis subdulcis.
- - *Rutæ* parvum, nigrum, ac recurvum & quasi semilunatum semen est, saporis acriter amari, odoris gravis.
- - *Scariolæ* lactucæ semini haud dissimile est, præterquam quod maximam partem nigrum, paucoque albo interstinctum sit, quum lactucæ semen prorsus appareat album. Alias quoque endiviæ semen vocatur.
- - *Sesami* (Canarien-Saat) parvum oblonge rotundum semen est, aliqua stria notatum, saporis mucilaginosi & allium æmulantis. Duplex datur, longum & rotundum, quorum prius saltem avibus datur, vid. Schurzius pag. 84. Plerumque ex Alexandria Venetiis ad nos venit, vid. Marxius pag. 174.
- - *Sinapi* minutum, rotundum ac fuscum semen est, sapore cum sinapi albo convenit.
- - *Sophiæ Chirurgorum* minutulum, flavum & oblonge rotundum est, saporis mucilaginosi & subacris, ad nasturtium accedentis.
- - *Sumach* sunt baccae parvæ, ex rubro fuscæ, extrinsecus pilosæ paulum, intrinsecus fuscum, compressumque nucleum, superius rotundum, inferius convexum continentes.
- - *Thymi* minutulum, ex opaco fuscum ac rotundum semen est, saporis mucilaginosi.
- - *Trifolii* pallide flavum est & oblonge rotundum, extrinsecus prorsus glabrum, saporis subadstringentis.
- - *Violarum* parvum, album ac rotundum semen est, instar milii, uno in loco quadrantenus acuminatum.
- - *Urticæ* obscure fuscum, splendensque, ac planum semen est, saporis subacris.

FINIS LIBRI SECUNDI, SECTIONIS PRIMÆ,  
DE SEMINIBUS.





# LIBRI SECUNDI

## SECTIO II.

DE

## VARIIS RADICIBUS.

### CAPUT I.

DE

## IPECACUANHA.

#### §. 1.

**I**PECACUANHA parvi digiti longitudinem adæquans radix est, extrinsecus fusca, & quasi geniculatim flexuosa, quæ paucos ante annos innotuit, & contra dysenteriam in Galliâ crebrius adhibetur. In Occidentali India, præsertim Brasilia, (unde à Lusitanis Batavisque in Europam transfertur) Ipecacuanha, Hypoacanna & Cagofanna: ab Hispabexugillo, Beguquello, Beculo Beloculo: Lusitanis Cipo de cameras: Gallis Becouquille, ou Mine d'or, quod circa auri mineras dicitur inveniri, nominatur. Ejus collectio injungitur iis, qui ad metalla sunt damnati, quorum tamen solertissimum ultra XII. libras integri anni spatio non colligere posse perhibent; id quod causæ est, quamobrem pretium istius tantoperè accrescat, unaque libra in Batavia XXX. florenis veneat, tantoque pretio non posset comparari, nisi commutatione mercium istius accipiendæ ab Indis daretur copia.

#### §. 2.

Quod ad radicis hujus plantam attinet, à Clarissimo Botanico, D. Hermann, repentibus annumeratur, & ab Rajo in *Hist. Plant. Tom. I. Lib. 13. cap. 17. p. 669.* Herba Paris Brasiliiana vocatur. Pometius contra in *Hist. Material.* ex qua figura *Musci Muscorum Germ.* est desumpta, istam partim repentem, partim erectam esse existimat, oblonge acuminatis foliis, parietariæ haud dissimilibus, præditam, quæ flores albicantes flaventesque baccas, maturitate fulvas evadentes, proferat. In quo autem Indiæ loco proveniat, inter mercatores & scriptores Indiæ non convenit. Grenerius, Parisiensis negotiator, in *Animadvrs. in Helvetii Descriptionem* ipecacuanham ex Peru advehi existimat: Piso contra, Marggravius alique istam in quodam Brasiliæ tractu, Rio de Genecyro dicto, inveniri affirmant. Pometius tandem fuscam albamque e Brasilia, flavam vero e Peruvia ad nos putat transferri. Interim possibile est, istam ipsam plantam utraque in provincia reperiri, aut radicem ex una in alteram transportari dividendam, quemadmodum Clariss. Dn. Leibnizius in *Epistola de Novo Remed.*

*Antidysent. ad Curiosos Germania exarata, utramque vult componere opinionem.*

#### §. 3.

Cæterum diversæ dantur hujus radicis species, quemadmodum Piso suo jam tempore in *Hist. Nat. & Med. Brasiliæ Lib. 4. cap. 53. pag. 131.* duplicem asseruit, nigram scilicet atque albam. Illa communior est, ad nos transferri solita: ista vero, à Lusitanis Ipecacuanha Blanca, h. e. alba, vocata, multo est rarior, & Europæis non adeò usitata, Been album sive Dictamum album colore dicitur repræsentare. Istis supra memoratus Pometius in *Appendice Hist. Mater.* tertiam addit, flavam nempe, in cacumine montium auriferorum inveniri creditam, eamque optimam æque ac rarissimam.

#### §. 4.

In emtione usque radicis id demus operæ, ut laves fibræ separatae sint, eaque saltem pars eligatur, quæ aspera est multisque annulis notata: fibræ enim omni virtute destitutæ sunt, pondus contra pretiumque adaugent. Radicem non inveteratam, sed tenacem, compactam, pulposamque ac resinofam esse oportet; quamobrem ea censetur optima, quæ crasso cortice est circumdata; si rubra est, præter acrem amarumque saporem, masticata quid mucilaginosi relinquit, per cujus medium fibra quædam, crassitie fili duplicati, traducta sive extensa est, isto ipso prædita sapore.

#### §. 5.

Quod ad ejus vires usumque attinet, ævus & per vomitum quidem educere humores solet, ita tamen, ut adstringentem simul virtutem relinquat, & per poros cutis etiam vitiosum expellat: quæ omnia à particulis salinis vol. & sulphureis oriuntur, quas in analysi ipecacuanhæ albæ & nigræ, sed inæquali proportionem invenit Dn. Boulduc, in *Hist. Acad. Scient. Reg. Parisiensis A. 1699. p. 287.* Unde præsertim in dysenteriâ cruentâ albaque, etiam summe maligna & contagiosa, egregiam fert opem, quippe qua ultimo bello, in exercitu Gallico, ab inclyto Medico Batavo, D. Helvetio, in nosocomiis Parisiensibus maxima pars



militum fuit conservata; quanquam ei, inventionem remedii hujus sibi vindicaturus, mercator quidam Parisiensis magnam intenderit littem, Parlamenti sententia tandem finitam, qua de re in *Polychrestis Exoticis*, & præsertim in *Disp. de Ipecacuanha* c. 1. §. 2. fusius egimus. Dn. D. Hermannus, olim Profess. Botan. Lugdunensis, istam radicem in febribus intermittentibus quoque perutilem observavit, ut in *Collegio de Mat. Med. Msc.* testatur, egoque ipse aliis in morbis, in quibus emeticum videtur necessarium, istam vel solam, vel aliis medicamentis mistam, soleo usurpare, quoniam valde leniter operatur, hominesque post usum illius ex voto fiunt quieti, id quod suo jam tempore *Piso* observavit.

## §. 6.

Ante verò quam Ipecacuanha dysentericis detur, bene judicandum, num ventriculus, intestina cæteraque viscera inflammata, aut aliqua vel putredine vel gangræna sint corrupta, id quod cadaverosus horrendusque fœtor manifestat. Iis enim in casibus medicamentum hoc locum invenit nullum, ut *D. Helvetius* bene observavit: qui tamen in eo videtur aberasse, quando assumpta radice vi vomitum vult cohiberi, quippe quem promoveri quam inhiberi melius est. Nec quem nausea, anxietas similiaque statim insequentia incom-

moda, terrore perfundant, istis enim emanentibus, nulla nec vomitione nec dejectione alvi insequentibus, ægri plerumque perclitatur vita, siquidem omnis jam sensus in intestinis evanuit, teste *D. D. Hermann* loc. cit.

## §. 7.

Pulvis radice mane ad scrupulum unum, aut personis robustioribus ad semidrachmam, cum aqua tormentillæ, aut cerevisia calida, propinatur, quo factò si cessare dysenteria nolit, semel vel bis iteranda medicina, sicque certo desinet morbus. Si potionis arriserit forma, drachmæ duæ vino rubro infusæ stare per noctem in loco calido permittuntur, manequè datur ægro colatura. Alii in clysteribus quoque utuntur.

## §. 8.

Tandem bene notandum, ante & post medicamenti usum Diætæ studium vel maxime esse necessarium, cibosque facili digestionis esse sumendos, dum multi militum, quod diætæ nullam habuere curam, sumpta licet ipecacuanha, abiire ad plures, quemadmodum *Clarissimus Obrechtus* Argentoratensis, brevi ante mortem, magno cuidam viro professus est, beneque admonuit. Plura videantur in egregiâ *Disp. Celeberrimi Wedelii de ipecacuanhâ*, qui radicem hanc dignam censet, quæ in omnes Europæ Officinas Pharmaceuticas recipiatur.

## CAPUT II.

## DE

## RHABARBARO ET RHAPONTICO.

## §. 1.

**R**HABARBARUM, in omnibus linguis ita vocatum, prægrandia, oblonga & tuberosa radix est, nonnihil fungosa, simul tamen ponderosa, extrinsecus flava, intrinsecus vero nucem moschatam repræsentans, saporis acriter amari & nauseabundi, adstringentem amatorem post se relinquentis, odoris acris & fere aromatici. In magnis frustis, in medio perforatis, ac de funiculo suspensis, è China Venetias, indeque in alias regiones defertur.

## §. 2.

Quò autem notior in officinis radix est, eo obscurior incertiorque est planta, cujus pars existit, dum ad hodiernum usque diem nulla certa indubique ejus figura ac descriptio habetur, quum, quod alii rhabarbarum volunt haberi, aliis dicatur rhaponticum. Id quod inde fortasse provenit, quod nullus unquam prudens Medicus plantam in loco natali vidit, sed hoc in puncto omnia à peregrinantium ac mercatorum dependent relationibus, qui plerumque suum in commodum, quam in perscrutandam naturam sunt intentiores. In eo tamen omnes pru-

dentiores Botanici conspirant, plantam istam lapathi esse speciem, quod *Neubosius* in *Itinerario ad Chinam* confirmat. *Morisonius*, celebris Anglus, Lapathum per excellentiam vocat in *Horto Bles.* pag. 340. Econtra *Muntingius* Lapathum Chinense longifolium. Vulgò magna habere folia perhibetur, inferius angusta, superius latiora, margine lanuginoso prædita, flores magnitudine violarum, radicem brachium crassam, & aliquot spithamas longam, parvis etiam fibris exornatam, de quo *D. Hoffmannus* in *Clavi Schræder.* pag. 615. fusius agit.

## §. 3.

Optimum colligendi tempus est veris initium, antequam viridia folia erumpunt, succusque in radice quasi concentratus est; constat enim, radicem æstate effossam, rubris carneisque striis, quæ in bono rhabarbaro se videndas sistunt, destitui, multoque etiam esse leviolem. Effossa resectione fibrarum depurgatur, inque magna frustra dividitur, super assere in loco umbroso per quatrimum, ter vel quater quotidie vertenda, ne succus effluat, sed quasi accrescat, ut *Wormius*, *Hoffmannus* alique loc. cit. scribunt.

Cæterum



Cæterum in milio, vel semine lini, omnium optimè asservatur.

## §. 4.

Genuini rhabarbari diversæ habentur species atque Materialistas, quæ vel à regionibus, ubi proveniunt, vocantur, vel ætate distinguuntur. Sic habetur Sinenfis s. Orientalis, quæ est optima, Turcica, & Moscovitica, ab una quidem placita profectæ, variis tamen multum distinguuntur, auctore *Wormio l. c.* *Pometius* quoque Americanæ meminit in *Histoire des Drogues* pag. 51. quæ tamen nihil aliud est, præterquam rhabarbarum Monachorum, de quo *Hernandezius* pag. 27. agit. Moscovitica olim fuit incognita, parvique hodie æstimata, propterea Levanticæ miscetur. Ratione ætatis quidam Materialistæ rhabarbarum in electum, medium & commune distinguunt, parvis sæpe frustis existens, ac propterea ab ingenuis Pharmacopolis rejiciendum, quippe qui electum emere tenentur.

## §. 5.

In quo autem istæ species omnes distinguantur, quæve in emtione rhabarbari facienda experimenta sint, multa eaque in re experti Materialistæ: *Marxius*, *Schurzius*, *Pometius* & alii bene jamdum monuerunt. Moscoviz rhabarbarum Orientali s. Levantico permixtum facile dignoscitur, quippe quod non tam eleganter rubris flavisque stris notatur, sed plerumque ex nigris, ponderosis inconditisque frustis, constat, in paucas partes dividitur, ac friabile est. Quod pro bono ut divendi possit, flavo extrinsecus colore inficiunt, qui digitis adhærens subditum dolum facile detegit. Verè Levanticum (loquar cum Aromatariis) electumque rhabarbarum, carneo: contra viridi, flavo aut eleganti quodam crinium colore, aut diverso alio exornatum, mediocriter decet esse ponderis. Nimis ponderosum multum habet ligni: leve parum prodest; adeoque ex solo pondere, etiam si non distinguatur, potest dignosci, præsertim quum Materialistæ non semper ejus distinguendi dent facultatem, quod æque facile atque alii possunt decipi. Quidam igitur in loco contuso, aut ubi funiculus tractus est, acum vel cultrum intrudunt, quo expleant, num tenax & recens adhuc sit? In veteratam enim læpus, ut Moscoviticum, extrinsecus colore incrustatur. Quod si vero vel unicum ad minimum fractum distinguere permittatur, bonitatis notæ erunt sequentes: optimum est quod vere siccum, mediocriter ponderosum, inque ita divisum stris, una aurea, altera crocea, tertia alba notatur. Ore sumtum ac masticatum amarum appareat & adstringens, bene quoque oleat, chartæque illitum croceum colorem imprimat: inveteratam contra & cariosam abiciatur. Illas præter si non duplicetur, emtione satis fortunata. Alteratam jam excoctum est, optimaque virtutum destitutum, ac propterea leve; quanquam sint, qui eidem præteritum pondus de integro reddere queant.

Colore immaturo croco vel ochræ haud dissimile est, nullasque nec albas nec flavas habet strias, oreque masticatum colorem dat ingratum, ex nigro flavum.

## §. 6.

Quod ad vires usumque rhabarbari attinet, fufius de iis & ferè per omnes morbos agit *D. Tillingius*, Professor Rintelienfis, in *Rhabarbarologia Curiosa*. Ejus præcipua vis est, quod bilem & alios quoque vitiosos humores leniter purgando expellat, & quando omnia fere purgantia medicamenta quid secum nocivi ducunt, secundum aloën solum rhabarbarum necquiquam habere virulenti perhibent. Præterea vim quoque adstringentem continet absconditam, cujus respectu in dysenteria initio hucusque fuit usurpatum, præsertim tostum, *rhabarbarum tostum* propterea vocatum. Istius loco *Pometius* in *Histoire des Drogues* pag. 51. nigram rhabarbari partem, circa foramina, per quæ funiculi trahuntur, reperiundam, in diarrhoeâ ac dysenteria potius commendat, quam aliàs tanquam inutilem habitam abjiciunt. Porro bilem nimis crassam oleosamque alterat & corrigit, anima hepatis propterea vocatum, atque in ictero similibusque morbis tantopere commendatum. Istud quoque *Paracelsus*, licet vis purgans ab eo ablata sit, calculo mederi existimat, ipseque *D. Ettmüllerus* certam novit personam, quæ summa singulis hebdomadibus rhabarbari drachma præstitit, quo minus imposterum tam magni calculi ab se rejicerentur, vid. *Comment. in Schræd.* pag. 752. Qui effectus etiam ab educatione vitiosorum humorum iterata, quam & alia laxantia, aloë similiaque præstare apta nata sunt, potuit proficisci. Lumbricos quoque enecat simulque expellit.

## §. 7.

Quot ex ista radice præparentur inque officinis extant medicamenta, utpote Syrupi, Trochisci. Pil. Extr. &c. *D. Schræderus* in *Pharmacop. Medico-Chym.* describit. Hodie Tinctura, Anima Rhabarbari dicta, atque Syrupus de Cichor. cum Rhab. adhuc sunt in usu, hic in specie ad expellendum meconium recens natorum, quos ab omni terrore atque epilepsia defendit. Tincturam *Dn. D. Wedelius* in *Misc. Acad. Nat. Cur.* in *App. & ad Ann.* 4. 5. describit. Plerumque Rhabarbarum cum foliis Sennæ in aqua aut jussculo prunorum, &c. tri acuat, per noctem maceratur, maneque bibitur calide: qua ratione etiam, qui fortissimis aliis purgantibus vix moventur, certissime laxantur, id quod sæpe sum expertus. Quam vero præter omnem rationem emplastris addatur, *Ludovici* ostendit in *Pharmac.* pag. 143.

## §. 8.

Quoniam autem verum Levanticumque rhabarbarum nonnunquam nimis carum est, quidam

RHABARBARUM MONACHORUM  
in usum trahunt, quod longa crassaque radix  
est,



est, fibrosa, instar angelicæ, sed ponderosior ac compactior, extrinsecus nigra instar Segreinii Corii apparens, intrinsecus flava, nullis tamen nec rubris nec albis striis notata. Aliàs quoque Radix Patientum (*Patienten. Kraut. Wurtzel*) vocatur, vid. *Sam. Daleus in Manud. ad Mat. Med. pag. 131.*

## §. 9.

Planta lapathi species est, ac propterea Botanicis Lapathum hortense latifolium dicitur, magna longaque & acuta habet folia. Sunt qui plantam istam Patientiam vocant, quæ quidem non in omnibus, in quibusdam tamen Germaniæ hortis provenit; quanquam in India Occidentali magna in copia inveniat, teste *Hernandezio in Hist. Plantar. Mexican. pag. 217.* Quid verò causæ sit, quamobrem Monachorum vocetur rhabarbarum, diversæ Aa. sunt opiniones. Quidam existimant, quum multis ante annis Turcis invehendi in portum Massiliensem daretur copia, ab istis semen rubri Alexandrini rhabbarbari Gallicis Monachis esse condonatum, ex quo postea hoc Monachorum rhabarbarum provenerit. Quam tamen relationem supra laudatus *Hernandezius* non temere fabulosam credit; vero igitur similis est, id nominis ab iis profectum esse Monachis, qui in *Mesuem* commentati sunt, inque defectu veri rhabbarbari hac radice utebantur, quæ *Ettmülleri in Comment. Schræd. pag. m. 752.* opinio est.

## §. 10.

Viribus hæc radix cum Levantico s. Orientali rhabbarbaro convenit: similiter enim lente purgat, vique sua adstringente, quam relinquit, ventriculum ceteraque viscera, ipsum quoque hepar iners, confortat. Istam igitur *Hernandezius* vero rhabbarbaro non solum viribus comparat, sed ipse quoque Clarissimus *Dan. Ludovici loc. cit.* nullus dubitat, quin idem prorsus ista mediante possit præstari, libere insuper confitens, se vix unciam veri carissimique rhabbarbari unquam præscripsisse, nihilo tamen minus ægros suos curasse feliciter. Interea uno omnes ore admonent, rhabbarbarum Monachorum dupla esse dosi sumendum; quæ causa est, quamobrem ferè solum in decoctis infusisque sumatur, quum aliquot pulveris drachmæ, pro dosi sumendæ, & horrorem & nauseam excitent.

## §. 11.

## RHAPONTICO

tanta cum rhabbarbaro intercedit similitudo, ut quidam existiment, ab una utramque radicem provenire planta, atque discrimen ab utroque saltem loco soloque dependere, in quo colatur, ut *Paulus Hermannus in MSC. de Mat. Med.* ipse

opinatur. Alii diversas esse plantas credunt: quanquam in istis describendis magnæ adhuc supersint difficultates.

## §. 12.

Quibus ut occurramus, scire interest, duplex apud Materialistas inveniri Rhaponticum, Vulgare & Thracicum, sive Rhaponticum verum Thracicum vocatum, quoniam in quodam Thraciæ monte crescit, de quo *Prosper Alpinus* proprium Tractatum conscripsit, cujus etiam planta, quæ in *Mus. Germ.* figura locum tenet medium, vero rhabbarbaro adeo est æqualis, ut *Tournefortius* istam pro Levantico rhabbarbaro habuerit, teste *Pometo l. c. pag. 52.* Unde fortasse est, quod verum ingenuumque Thracicum rhaponticum raro in officinis inveniat: quod si maxime desideratur, citius inter veri rhabbarbari invenies frustra, quibus ob summam, quæ utramque radicem intercedit, similitudinem permistum divenditur. Quemadmodum verò distinguere debeant? præter cæteros *Pometus c. l.* perspicue ostendit: Levantico rhabbarbarum, inquiens, plerumque in magnis & late rotundis venire frustis, striis obliquis intrinsecus notatis, Thracicum contra rhaponticum ex longis frustis constare, quæ intrinsecus longas rubrasque habent strias. Præterea ex sapore melius desumitur discrimen, dum verum rhabbarbarum nullam in ore viscositatem relinquit, quam tamen rhaponticum habet comitem. Cæterum colore extrinsecus flavum, intrinsecus variegatum est.

## §. 13.

Rhaponticum vulgare oblonga radix est, extrinsecus fusca, intrinsecus flavens, saporis amari & adstringentis. Ex Sabaudia atque Italia, Lituania similiter Russiaque ad nos transfertur, diuque durabilis est, modo sicco asservetur loco. Planta Botanicis Rhaponticum folio helenii incano audit, & quoniam flos deciduus pappum pilosamque scopulam relinquit, ab hodiernis Botanicis cyanis annumeratur, de quo vid. *Ammanni Charact. Plantarum Nov. p. 544.*

## §. 14.

Cæteroquin binæ species viribus multum conveniunt, quatum respectu plus adstringunt, quam rhabbarbarum, proptereaque olim non in hæmorrhagiis solum, sed in vulneribus quoque casibusque ab alto, ad resolvendos grumos sanguinis, interne externeque fuerunt usurpatæ. Hodie raro & fere nunquam adhibentur, præterquam quod rhaponticum verum theriacam ingrediatur, ac propterea fusius à *Moyse Charassio* pertractetur in *Gallico Tract. de Theriaca Ingredientibus.*



## CAPUT III.

DE

## MECHOACANNA.

## §. I.

**M**ECCHOACANNA magna levisque radix est, rotundis, multisque circulis exornatis orbiculis, ex India occidentali allata, iisdemque primum interne externeque prorsus albicantibus, cum tempore vero cinereis factis. Aliàs quoque Indica Bryonia & Gallice *Rhamindique* vocatur, quod hujus ad instar lente purgat. Per nonnullos Monachos, ab Hispaniarum Rege, ædificandi in Provincia cœnobii ergo, in novam Hispanicam missos, innotuit, postquam istorum Pater Provincialis à quodam Indiæ Medico feliciter ista curatus fuit: quam radicem deinde ab regione, in qua crescit, Mechoacannam vocarunt, ut Auctores Gallicæ Oeconomix, cujus titulus: *La Maison Rustique*, in peculiari hac de radice discursu pag. 129. fusius commemorant.

## §. 2.

Quæ radix licet valde prope ad bryoniam accedat, planta interim nulla bryoniæ est species, sed convolvulus, quam non memorati solum auctores in celeberrimis hortis sæpe viderunt, sed *Hernandezius* etiam ita depingit in *Thesauro Rerum Med. Nov. Hisp. pag. 164. Ammannus* in *Charact. Plant. ex Pisonis Hist. Brasiliana* convolvulum Americanum, Jeticu dictum, nominat. Folia profert figuram cordis habentia, parvasque baccas.

## §. 3.

*Schraëderus* duplam esse commemorat, quarum una ex Mechoaca Insula, altera ex continenti Nicaragua proveniat, quam posteriorem perhibet longe præstantiorem. Ejus etiam pulvis nonnunquam ex America in Hispaniam fertur, qui tamen vi purgante longe inferior ipsa radice est, ut in prædicto libro *la Maison Rustique Lib. 2. fol. 129.* monetur.

## §. 4.

Optima est, quæ interne externeque albicat, & ex elegantibus, magnis vereque exfic-

catis orbiculis constat, qui quo sunt graviores magisque gummosi, eo censentur meliores. Saporis fere omnis expers sit: quo ipso facile dignoscitur, num radice bryoniæ sit adulterata, sapore amaro lapidosoque præditâ, cum mechoacanna contra tenera linguæ appareat, & sapore destituta. Hæc ultima plures etiam propioresque habet circulos, quam illa; cariota facile dignoscitur ac vitatur. Milio addita asservatur melius.

## §. 5.

Qua pollet virtute, omnes ferosos ac pituitosos humores valde leniter ex intestinis totoque corpore educit, quamobrem olim radix purgans vocabatur. Magno pridem emebatur pretio, quod tamen hodie valde imminutum, ut *Marxius* in *Mater. Museo pag. 116.* commemorat. Cujus sine ullo dubio causa est, quod jalappa postea innotuit, ista multo fortior ac minore quantitate assumi solita. Hinc est, quamobrem mechoacanna fere non amplius hodie præscribatur, nisi quod sceminis, calcis aut cretæ desiderio captis, velimus imponi, id quod *Dn. D. Febrio* feliciter successit, vid. ejus *Tract. de Absinthio pag. 98.* Ad laxandos infantes usus ejus est crebrior, quod pulvis insipidus & instar farinæ est, proptereaque pultibus aliisque cibis potest permisceri. Tenuellis infantibus X. ad XX. grana, natu majoribus ʒj, adultis ʒij præscribuntur.

## §. 6.

In officinis Extractum exinde præparatur, ab *Schraëdero* aliisque cum spiritu vini extrahendum, ac supputante Pharmacola *Vielheuerio* ex libra una radicis uncia ʒj l. iß. potest haberi extracti. Enimvero *Ettmüllerus* in *Comment. Schraëd. pag. 750.* ostendit, præparatum cum spiritu vini Extractum necquicquam prodesse, quum mechoacanna gummosa aqueo debeat resolvi menstruo, ut apud Auctorem modò laudatum fusius potest videri, qui præterea alia exinde præparanda medicamenta annotavit.

## CAPUT IV.

DE

## JALAPPA.

## §. I.

**J**ALAPPA, GIALAPA s. JALAPIUM Joblonga, crassa ac resinosa radix est, quæ

orbiculatim incisa ad nos fertur. Mechoacanna non adeò dissimilis est, quâ tamen nigrior est graviorque, sapore acuto ac nauseoso prædita



data. Ex India Occidentali, præsertim Insula Madera, ubi copiose crescit, in Europam transfertur, crebrius ad medendum usurpanda.

## §. 2.

De planta ad hodiernum usque diem diversæ sunt sententiæ. Quum primum innotuit, quod non adeo diu factum, exotica bryonia credebatur species, siquidem sæpius etiam mechoacanna nigra vocata, pro specie mechoacannæ habetur, quippe quam alias quoque Americanam bryoniam volunt haberi. Alii ad solanum referunt, quod Gallicus Botanicus, Dn. *Tournefort*, Solanum Mexicanum, magnò flore, semine rugoso, jalapium existimatum vocat, flori mirabili Peruviano affine, unde etiam *Ettmüllerus* hanc radicem deducit in *Comment. Schræd. pag. 748. Plukenetus*, Anglus, convolvulum vocat Americanum, sub jalapæ nomine receptum, cujus figuram sistit videndam in Tab. XXV. N. 1. quæ cum *Hernandezii* figura, quam in *Thesauro Rerum Med. Nov. Hisp. pag. 164. Mechoacannam* fœminam vocat, aliquam habere affinitatem optimaque esse videtur. *Pometus* aliam habet delineationem, ex utraque quasi constantem, sed tamen flori mirabili convenientem, cujus radix apud nos culta similiter, sed lenius purgat, quam jalapa Americana. *vid. Ettmüll. c. l.*

## §. 3.

Bonitas radicis exinde potissimum dignoscitur, quando prunæ aut candelæ admota statim accenditur, præsertim maxima frustra, quæ manibus non facile infringi, malleo tamen mox comminui possunt, quæque extrinsecus nigricant, intrinsecus verò splendentia ac resinosa apparent, saporis quoque acuti ac nauseosi sunt, merentur eligi. Id quoque videndum, ut ne aliæ radices, utpote bryonia similesque permixtæ sint. Præterea in integris frustis, non pulverata, quæ plerumque inveterata corruptaque est, ematur.

## §. 4.

Ufus radicis unicuique notus est, dum nul-

la fere præscribitur purgatio in pulvere, quam non jalapa tanquam basis ingrediatur. Serum simulque bilem, pituitam, aliosque vitiosos humores expurgat, quemadmodum usum ejus *D. Paullini* fere per omnes morbos deduxit in peculiari libello de Jalapa. In decernenda dosi ætas cum personæ, tum radicis venit respicienda. Infantibus pro numero annorum numerantur grana, adultis vero XX. grana præscribuntur, si recens adhuc & resinosa radix fuerit: inveterata ad semidrachmam & ultra datur, quoniam refina cum tempore enervatur. Extrinsecus applicata serum è naso prolicet, de quo *vid. Paullini l. c.*

## §. 5.

Variis modis usurpatur, plerumque verò in pulverem redigitur, qui eo est melior & cum paucioribus doloribus operatur, quo est subtilior. Plerumque tamen propria sua refina, s. magisterio, cum spiritu vini rectif. extracto, & vel cum aqua præcipitato, vel per abstractionem spiritus vini præparato, acuitur. Ex albo eleganter flavescit ac splendet; quando instar colophonis apparet, necquicquam prodest, multumque continet extracti, quod ex residuo adhuc potest educi. Supputante *Vielheuerio* in *Descriptione exotic. Mater.* ex libra una jalappæ ʒiʒ l. ʒij refina potest haberi. Grana X. istius refina in spiritus vini vel ~ carmin. soluta, gratam purgationem suppeditant, quæ pro lubitu edulcoranda, tenerioribus virginibus *Uratislaviæ, Halæ, Lipsiæ &c.* crebriori esse in usu perhibetur, ut *D. Major* in *obs. Anat. de Calcul. Sperling.* testatur. Nec tamen statim jusculum sumendum, quippe quo refina præcipitatur, atque consequenter tormina excitat. *Boyleus* cum tragacantho pilulas exinde conficit, nullo labore assumendas, *vid. Ejus Tract. de Utilit. Philos. Experim.* Multi quoque misturis, sed nullo insequente effectu, addunt, nisi aliquis addatur spiritus: quemadmodum nec ipsa radix infusis commode additur, quod resinosa nisi spiritu solvi nesciant, ut Chymicis notum est.

## CAPUT V.

## DE

## TURPETHO.

## §. 1.

**TURPETHUM VEGETABILE** parse est exterior oblongæ cujusdam, crassæ ac resinosa radicis, extrinsecus cinerea, intrinsecus albescens, saporis subacris & nauseosi. Vegetabile appellatur, quo à turpetho minerali, à Chymicis ex ʒio præparari solito, distinguatur.

## §. 2.

Cujus plantæ radix sit, inter auctores non non convenit, quorum diversas opiniones *Hernandezius de Rebus Med. Nov. Hisp. pag. 178.* ex istoque *Frid. Hoffmannus* in *Clav. Schræd. pag. 636.* fusius recenset. Quam tamen controversiam *D. Paulus Hermannus*, olim Prof. & Inspector Horti Medici Lugdunensis, qui antea



antea plantam in India Orientali ipse viderat, decidit, atque in *Catalog. Horti Lugd. pag. 78.* ostendit, esse convolvulum Indicum, quem alatum maximum folio Ibis vocat, quoniam in Orientali Occidentaliue India crescit, foliaque, ibisco similia, alas repræsentant, ut è figura apparet. Nascitur in locis udosis prope mare, floremque carneum & lævem habet, instar convolvuli: quo evanido in folliculis suis quatuor nigra profert grana, secundum dimidium rotunda, ac magnitudine piper æquantia.

## §. 3.

Materialistæ duplex vendendum expouunt turpethum, finum sc. & medium, vel etiam cineraceum, ut in *Dn. Bansa Catalogo Simplicium* potest videri. Prius ista radix est, quam supra descripsimus. Alterum nihil aliud est, quam thapsi radix, ex Sicilia advecta, & ab impostoribus turpetho permisceri solita, vid. *Schurzii Mater. Mus. pag. 77.*

## §. 4.

Quemadmodum verò detegenda fraus sit, atque utræque radices ab se invicem distinguantur, *Pometus* ostendit in *Hist. des Drogues Lib. 1. pag. 59.* Genuinum turpethum extrinsecus ex rubro cinereum, intrinsecus vero cæsum, ponderosum ac tenax est, ut non facile possit diffringi. Thapsi radix contra est levis, rugosa, & externe coloris argentei, tam acris ardentisque saporis, ut, recens præsertim,

vesicas in ore excitet. Quò verò turpethum verum electum acquiratur, videndum, num ex bene diffisso cor ligneum exemptum sit. Caries istud reddit inidoneum; quæ autem prorsus resinosa est, commendatur: quæ saltem in extremitatibus resinosa apparet, vel secundum istam partem resinæ immersa est, vel ab Indis tosta, tostioneque resinofum in extremitates actum, quam præsertim albescentem, levemque ac friabilem redditam, tanquam inutilem, rejiciunt. Mediocria etiam frustra quam maxima sunt meliora.

## §. 5.

Quibus pollet viribus, pituitam aliosque vitiosos humores ex intestinis, thorace & partibus aliis potenter expurgat, adeo, ut Medicis in proverbium abierit: quicquid Agaricus non attingit, Turpethum promovet, & quod Turpethum negligit, Colocynthis attingit. Lumbricos quoque potenter enecat, ut post Mercurium nihil fortius exturbare vermiculos credant, quam inde præparatæ species diaturbith cum rhabarbaro, ut apud *D. Ettmüllerum* in *Comment. Schræd. p. 755.* fusius legimus.

## §. 6.

Sunt qui etiam Extractum s. Resinam cum spiritu vini exinde conficiunt, sed pauca quantitate, dum ex integra libra vix una uncia prolicitur. Quæ vero alia ex ista radice præparentur composita, apud *Schræderum* in *Pharmacop. Med. Chym. pag. 256.* commemorantur.

## CAPUT VI.

## DE

## HELLEBORO NIGRO.

## §. 1.

**R**ADIX HELLEBORI NIGRI ex multis, tenuibus, fibrosis & ex uno capite proponentibus radicibus, externè nigris, & internè albicantibus constat, saporis amari, acris, atque pungitivi, odoris ingrati ac nauseosi. Purgantium est antiquissimum, *Hippocrati* aliisque veteribus Medicis valde usitatum. Aliàs *Christvurtz* vocatur, quoniam circa diem Christi natalem solet florescere. Veratrum quoque nominant, à vertendo, quod intellectum depravatum iterum vertit ac restituit.

## §. 2.

Diversæ plantæ habentur species, quæ non solum in Herbariis, sed etiam in *Ettmüllerii Commento Schræd.* possunt videri. Vera, unde Materialistarum radix hellebori provenit, habet elegantes rosas, primum albas, & tandem pallide rubras, ac incisa folia. In Helveticis ac Tirolensibus montibus crescit, copiosius ve-

ro in Stiria, Helleborus niger Stiriacus propterea vocatus.

## §. 3.

Materialistæ vel ita nudam divendunt, vel in sacculis Norimbergâ advectis, ubi 144. radices, sive duodecim dodecades, in unum fasciculum compactæ, sacculo induntur, ut *Schurzii* in *Mater. Museo pag. 74.* commemorat. Minores etiam radices à majoribus distinguunt, utpote melioribus, præsertim si simul oblongæ, probe exsiccatæ ac depurgatæ sunt, quò diutius possint asservari. Id quoque bene cavendum, ut ne istarum loco radices aconiti, eodem plerumque loco crescentes, ac helleboro haud dissimiles, colligantur, atque sic pro medicina venenum agris offeratur, qua de re *Hildanus* in *Præfat. Oper.* potest legi.

## §. 4.

Quæ radix ad educendum è corpore humorem acidum & melancholicum, à quo ita dicti lienis affectus, melancholia, mania similes-



milesque proficiscuntur, valere creditur. In omnibus quoque capitis morbis, scabie & aliis affectibus cutaneis convenit. Vel vinis purgantibus in sacculis infunditur, vel extractum inde præparatur, cum aliis rebus in pilulas redigendum, de quo *Schræderus* Ejusque *Commentatores*, *D. Hoffmannus*, *Ettmüllerus* & alii agunt uberius. A fabris ad curanda equorum ulcera, maligna usurpatur; quemadmodum etiam

## HELLEBORUS ALBUS

equis scabiosisque ovibus, quam hominibus, est convenientior; quanquam nonnulli Medicorum isto quoque in Mania, ad excitandum fortio-rem vomitum, interne utantur; quem in finem cla-

rrissimus olim Saxonum Medicus *D. Michaëlis* exinde essentiam præparavit. Cautus minimum ejus sit usus, quum ad excitandam hypercatharsin vel maxime valeat. Quid *Dn. D. Ettmüllerus* contigerit, cum quidam officinæ famulus loco præscripti hellebori nigri album sumeret, in ejus *Comment. Schræd. pag. 745.* potest videri. Externè pulverem ptarmicum ingreditur.

## §. 5.

Optimus habetur helleborus albus, qui crassus constat radicibus, multis albisque fibris stipatis, qui extrinsecus flavet, intrinsecus albicat, simulque acris est & amarus, odoris etiam nauseosi.

## CAPUT VII.

## DE

## RADICE THYMELÆÆ ET PAREIRA BRAVA.

## §. 1.

**R**ADIX THYMELÆÆ lignea fibrosa-que radix est, diversæ magnitudinis, extrinsecus rubescens, intrinsecus alba; gustu primum dulcis est, deinde vero acrimoniam in lingua post se relinquit, instar ignis urentem, præsertim recens effossa. Raro in officinis habetur tota, sed saltem exterior cortex, prout cum radice esulæ similiter contingit; quæ causa est, quamobrem sub nomine corticum Mezerei corticibus annumeretur.

## §. 2.

Ex ista radice fruticulus progerminat, eleganter viridibus splendidisque foliis, lauri foliis haud dissimilibus, ornatus, Laureola etiam propterea vocatus. Rubentes profert flosculos, ex quibus apes mel veneni æmulum exsugunt, & post illos baccas, virides primum, deinde rubentes, quas officinæ Granum Gnidium, & sem. coccognidii nominant. Apud nos quoque in sylvis hortisque crescit: optimæ tamen radices ex Italia, Pisa, Roma atque Neapoli veniunt, teste *Marxio in Mater. Mus. pag. 49.*

## §. 3.

Utraque, radix nempe atque semen, iisdem prædita viribus, promovent potenter atque expurgant aquas hydropicorum; quem in finem quoque Pilulæ de Mezereo in officinis præparatæ prostant, in quarum tamen, ut & radicis ac ipsorum granorum usu, summa adhibenda cura est, quippe quod bona correctione indigeant, certamque requirant dosin: de quibus vid. *D. Ettmüllerus in Comment. Schræd. D. Hoffmannus* ab istorum prorsus vult abstineri usu, in *Clav.*

*Schræd. pag. 624.* Radix externè oculorum catarrhis valde proficit, si quando auri perforatæ frustum inditur, quo vitiosi humores emanent.

## §. 4.

Huic radici Thymelææ fere similis aliqua radix haud ita pridem ex India coepit afferri, Lusitanis

## PAREIRA BRAVA

vocata, quod vitem sylvestrem notat, quoniam ex ista radice ejusmodi vitis, muris arboribusque adhærens, progerminare dicitur, ut *Pometus in Hist. des Drogues pag. 69.* ex aliorum relatione recenset. *Hermannus* herbam simul atque radicem BOTNAM vocat, istamque in *MSC. de Mat. Med.* scribit esse radicem longam, pollicem crassam, paulum intortam & quasi tornatam, extrinsecus nigram, multisque elatis annulis nodulisque ornaram, intrinsecus cineraceam sive griseam & circulis interstinctam, saporis acris & dulcis, fere instar liquiritiæ. In Brasilia crescit, ac libra tribus circiter florenis constat.

## §. 5.

Viribus multum cum glycyrrhiza convenit, tutos à calculo præstat, istumq; potenter propellit; quam ob causam in Lusitania etiam in omnibus fere officinis habetur, multoque dicitur usitatior, quam Ipecacuanha. Ab semidrachma ad totam, pulverata, mane cum vinò sumitur ab jejunis. Alii aquæ calidæ infundunt, quam, extractis viribus, ad modum Theæ vel Coffe bibunt. Vid. *Dn. D. Lochneri Schediasma de Pareira brava*, in fine hujus Tomi adjecta.



## CAPUT VIII.

DE

## RADICE CYCLAMINIS ET HERMODACTYLIS.

## §. 1.

**R**ADIX CYCLAMINIS crassa, rotunda & valde pulposa radix est, extrinsecus nigricans, intrinsecus alba, saporis acris, & quando adhuc recens est, vere pungitivi, urentisque, sed inodora. In præcipuis Germaniæ hortis propter flores colitur; aliàs vero sine cultura in altis montibus crescit.

## §. 2.

Planta à Græcis & in officinis

## ARTHANITA

vocatur, quæ lata ac rotunda habet folia, subtus aliquantum purpurea. Septembri floret, floresque profert gratos, bene olentes & purpureos, quorum foliola recurva sunt, & intrinsecus quasi conglutinata, quæ omnia ex Botanicorum figura optime apparent.

## §. 3.

Radix, quæ sola in usu est, ratione virium cum radice asari valde convenit, cui etiam planta haud multum est dissimilis. Quamobrem vehementioribus purgantibus annumeratur, ut etiam internè suibus, unde nomen obtinet, quam hominibus sit convenientior; hinc plerumque externè ad promovendum sanguinem menstruum foetumque mortuum usurpatur, quem in finem in officinis UNGUENTUM de ARTHANITA inde præparatur, quod etiam externe alvum dejicit, atque cum aloë, felle bubulo similibusque permistum vermes infantum ejicit, saltem abdomini inunctum. Alii emplastrum spleneticum exinde conficiunt, quod duritiem aliosque similes scirrhus perhibent dissolvere, vid. *Ettmüllerus* in *Comment. Schræd.* pag. 557. Alias quoque succus radice ad ulcera & purulentas aures nariumque obstructions usurpatur, in cujus defectu decoctum radice substituitur, quod etiam sæpius ad prædictum Unguentum de Arthanita sumitur, ut *Sim. Pauli* in *Quadripartito Botan.* pag. 527. testatur. De utroque oleo, quod *Petræus* & *D. Hoffmannus* ex planta proliciunt, supra laudatus *Ettmüllerus* l. c. pluribus potest consuli.

## §. 4.

Quoniam verò, ut supra memoratum, radix ista non facile internè usurpatur, istius in locum hermodactylos licet surrogare. Qui

## HERMODACTYLI

sunt radices oblongè rotundæ, latæ & quasi compressæ, cordis referentes figuram, extrinsecus ex rubello albidæ, intrinsecus vero prorsus albæ, saporis dulcescentis & acris, odoris nullius. Ex

Syria, Smirna & Aleppo ad nos veniunt. Et quanquam *Schurzius* in *Mater. Mus.* pag. 20. existimet istas quoque in sylvis circa Norimbergam atque alibi crescere, ei tamen *Marxius*, similiter Materialista Norimbergensis, intercedit, in *Mater. Mus.* p. 102. adeo ut istam opinionem imprudentia non carere pronunciet.

## §. 5.

Quæ vera Hermodactylorum origo sit, & quid proprie sint, hodierno adhuc die inquirunt eruditi. Gallicus Materialista *Pometus* in *Histor. des Drogues* pag. 210. omnibus contradicere Botanicis non dubitat, & quando uno omnes ore Hermodactylos certas esse radices existimant, iste contra fructus exoticæ cujusdam arboris esse affirmat: quanquam, quæ florum ac foliorum habitudo sit, ne quidem experiri unquam potuerit, qua in re ipsi ego fidem habeo. Aliis apparent radices, qui tamen iterum inter se discrepant. Multi colchici esse radicem credunt, alii cyclaminis. Quemadmodum vero quilibet ex ipso intuitu statim judicare potest, binas has opiniones à verò esse alienas: ita *Ammanni* sententia mihi videtur vero similima, qui in *Char. Plantar. Nov.* pag. 420. cum aliis existimat, veros hermodactylos nihil esse aliud, quam radicem ireos exoticæ, iris tuberosa folio anguloso, flore obscure viridi *Svertii* vocatæ, quæ in *Horto Oxoniensi* p. 348. describitur, ab *Eman. Svertio* in *Florilegio* depingitur, atque *Museo Museorum Germanico* in principio capitis cum in finem à nobis præposita est, quo appareat, quemadmodum hermodactyli è radice medio desumpti sint, ac propterea supra infraque appareant defracti.

## §. 6.

Optimi magni sunt, perfecti, crassique ac ponderosi, extrinsecus rubelli, intrinsecus albi, recentes, sed tamen, quoad ejus fieri potest, bene exsiccati. Intrinsecus farinam contineant nullam, & quoniam facile fiunt carioli, Materialistæ & Pharmacopolæ sibi caveant, ne magnam istorum copiam cœmant.

## §. 7.

Virtutes istorum sunt purgantes, quibus tenacem pituitam & acres humores ex artibus educunt, ab Antecessoribus propterea Anima articulorum vocati. Inde est, quamobrem contra arthritidem, chiragram & podagram à *Schrædero* ejusque Commentatoribus *Ettmüllerro*, *Hoffmanno*, ac *Daleo* quoque aliisque fuerint commendati, quibus in affectibus à Veteribus quoque Pilulæ de Hermodact. fuerunt usurpatæ.



Non minus *Paracelsi* pulverem antiarthriticum, à *D. Hartmanno* in *Praxi Chym. cap. 230. §. 17.* descriptum, ingrediuntur. Porro ad Electuarium Marocostinum *Minder.* sumuntur. Caterum pilulæ ad fontanellas exinde constant, quas clarissimus quidam Comitatus

Oldenburgensis Medicus ex Turpetho, Agarico, Iva arth. Hermodact. atque cera praparatur, quasque scimus multis in locis crebrius usurpari, teste *Vielheurio* in *Descriptione Mater. Exot. pag. 114.* ubi istarum quoque habetur descriptio.

## CAPUT IX.

DE

RADICE SINENSIUM NINSING, SIVE  
GIN-SEM.

## §. 1.

**N**INSING est radix longiuscula, crassitie auricularis digiti, instar radicis petroselinæ, aut pastinacæ, qua tamen minor est, apparet, plerumque duobus, sæpius etiam pluribus prædita ramis, intrinsecus extrinsecusque pallide lutea, & in cortice exteriori exiguis nigris striis, circulisque ac venis ornata, atque haud secus ac Mandragora quasi in pedes divisa, intrinsecus vero resinoso circulo notata. Saporem habet aliquantum acrem, dulcem tamen, eundemque cum amarore haud ingrato permixtum, ut liquiritia, odorem quoque pergratum. Ab Japonensibus Nisi, à Barbaris Canna, ab Sinensibus Ninsing aut melius Gin-Sem (quæ vox ultima hominis exprimit similitudinem, interprete *D. Menzelio* in *Misc. Acad. Germ. Cur. Dec. II. A. V. pag. 74.* ex *Pisonis Mantissa Spagyrica*) vocatur, propterea quod ista radix nonnunquam quasi brachia habet pedesque tanquam homo. Tantum vero abest, ut ejusmodi radix in plebis versetur manibus, ut potius in ipsa etiam China à præcipuis personis, propter raritatem, perhibeatur custodiri; id quod *Dn. Rumphius* ex India Orientali, in *Epistola* quadam ad prædictum *D. Menzelium* commemorat, loco modo memorato *pag. 74.* legenda.

## §. 2.

Hæc radix copiosè invenitur in extrema Septentrionali parte Sinæ, in Provincia Leautung & in Insula Corea; & quanquam etiam in Japonia in hortis urbis Miaco (quod è Corea translata est) dicatur crescere, Coreanam tamen quam Japonicam multo censent meliorem, à priori in eò distinguendam, quod extrinsecus in cortice nullis circulis ac lineis notata, intrinsecus alba duraque sit, nec tam penetrantem saporem virtutemque habeat, ut Coreana. Quæ verò herbæ ejusdem nominis ratio sit, diversæ auctororum sunt sententiæ. *Wormio* erysimi videbatur species, quoniam radices forma ac sapore conveniunt: quanquam in *Museo suo pag. 157.* se nunquam vidisse folia ipse contestetur. *P. Martin.* Martini radicis similitudine in eam similiter ducèbatur opi-

nionem, ut plantam istam esse mandragoram existimaret, faceretque, uti *Kircherus*, *Blumentrostius* aliique sibi haberent fidem. Verum nec isti planta unquam contemplanda obvenit, ut ex *Atlante Ejus Sinico* apparet. *D. Hermannus*, clarissimus quondam Professor Botan. Lugdunensis, in *Collegio Mat. Med.* Sisarum Montanum esse putat, propterea quod ex semine è Japonia allato similem plantam observavit prognerari: quamvis confiteatur, radicem viribus esse inferiorem radice Ninsing, id quod regionis vult adscribi naturæ. Interea certum est, figuram in Japonensium Sinensiumque herbariis repertam, & à *Dn. D. Menzelio Misc. Cur. Dec. 2. A. V. Obs. XXXIX.* insertam, cum Sisaro Montano magnam habere similitudinem; unde & *Dn. Kampferus* (qui eandem in Japonia excoluit) vocat Sisarum montanum Coræense, radice non tuberosa: addens plantam hanc recens natam radiculam unicam & simplicem, pastinacæ similem, infernè nonnunquam bifurcatam (unde nomen *Nin sin*, i. e. homini similis) trudere, quæ majori in pretio habetur: Proveciorem autem plantam radicem unam atque alteram sibi associare, ut Sisarum nostrat. Utriusque figuram vid. in ejusdem *Amenitat. Exot. Fasc. V. p. 820.* Ubi etiam *D. Rumphius* plantam istam, quemadmodum sibi à cive Chinesis fuit communicata, ita describit: exiguum esse plantam, in angusto caule utrinque folia blitiformia proferentem, eaque digitum lata, per quorum medium rectilinea vena transeat, in utrumque latus exiguas fibrillas dispergens, id quod etiam ex figura, quam ex Anglico Botanico, *Dn. Plukeneto, Tab. Cl. n. 7.* primùm in *Mus. Mus. Germanicò* mutuam sumimus, apparet, ab juniore *Dn. Breynio* in *Disput. de Rad. Nise* præ aliis æstimata: quanquam istius figura magis acuminata habeat folia, ut illic videre est.

## §. 3.

Collectio radicis, quæ valde curiosa & memorabilis est, à supra laudato *Dn. Rumphio l.c.* describitur. Quoniam radix Novembri Decembrique ac Januario, tanquam mensibus hyema-



hyemalibus, quibus planta disperiit, est effodienda, incolæ tempore nocturno id dant operæ, quò super terra splendorem observent, utpote ab radice è terra paulum prominente, emissum, & vel ab rore, vel propriâ radicis humiditate, vel ab Sole, ut Phosphoro accidit, provenientem. Isti splendori calcem vel cinerem inspergunt, alteroque mane, ubi istud signum inveniunt, radices majores effodiunt, minores de integro tegunt terrâ. Effossas Dominis suis afferunt, qui elegantissimas hominemque figurâ repræsentantes pro se asservare, reliquas vero amicis suis condonare, nullas exteris solent divendere. Quamobrem omnes, quæcunque in Europam transportantur, clam & effodiuntur & divenduntur. Quæ potissima causa est, quamobrem in Bataviâ tam rara caraque habeatur, adeò, ut clarissimus Materialista *Pometus* Amstelodami unciam unam XXV. libris Gall. redemerit, illamq; apud unicum saltem Materialistam invenire potuerit, ut in *Appendice suæ Historiæ p. 5.* commemorat. Hodie uncia XX. florenis Hollandicis constat, quæ olim L. Imperialibus erat emenda, ut *Dn. D. Spenerus* Amstelodamò haud ita pridem ad me scripsit. Imo in ipsa Japonia optimæ radicis unum Catti (i. e. quinque quadrantes libræ Belgicæ) Teilis sive Joachimis plus minus centum vendi Autor est *Kämpferus l. c.*

## §. 4.

Quod ad virtutes ejus attinet, à Sinensibus pro vera Panacæa habetur, quoniam non modò figura externa homini similis est, sed peculiarem etiam cum istius sanguine ac spiritibus vitalibus habere communionem dicitur, ut *Hermannus* in suo *Msc.* loquitur. Hinc est, quamobrem à *Pisone in Mantiss. Arom.* calidum innatum temperato suo calore usque eo confortare ac conservare dicatur, ut *P. Martini* in *Atlante Sinico* existimet, prorsus viribus destitutos & jam animam agentes tamdiu ista mediante posse conservari, donec tempus alia usurpandi remedia nanciscantur. Pro peculiari igitur confortante in lipothymia similibusque habita, ab Sinensibus ac Japonensibus æque atque quibusdam Europæ Magnatibus ad comparandas peculiare vires usurpatur, ab iis inprimis, qui in Veneris usu volunt videri heroës. Medici præsertim in colicâ convulsivâ, indeque sæpe oriunda con-

tractura, in vertigine, debilitate memoriæ aliisque capitis morbis valde commendant, & tum etiam, quando parturientes, magno exantlato labore, viribus prorsus exhaustæ sunt: spiritus enim vitales continuo demulcet, proptereaque à *D. Blumentrostio* quietem somnumque conciliantibus medicamentis in *Misc. Acad. Germ. Cur. Ann. VIII. Dec. II. pag. 487.* annumeratur.

## §. 5.

Utendi modus ferè cum Thea convenit, dum radix, minutim incisa, in aqua calida maccatur, quæ deinde mane bibitur jejune. Iis etiam vasis utuntur, quæ aliis ad potandam Theam sunt accommodata, quæque *P. Martini* per Balneum Mariæ (quod subire deberet,) voluit intellecta, ut supra laudatus *Dn. Rumphius l. c. Dn. D. Menzelio*, verborum sensum exploranti, explicuit. Interea bene observandum, radicem Nisi diutius, quam folia Théæ, in aqua esse macerandam, eandemque iterum exsiccari posse, & altera vice usurpari. Alii radicem cum jusculo nidorum hirundinum Indicarum, vel cum oryza cocta assument. Si quando verò à Medicis præscribitur, alia plerumque morbo accommodata remedia adduntur, quoniam ob pretium valde magnum magnam præscribere dosin non est integrum, quæ pro diversitate ætatis est varianda, ut ex *Journal de Siam Pometus l. c. pag. 4.* ostendit. Indi plerumque drachmam j. vel ij. ad duos cyathos aquæ, ebullitione ad dimidium consumendæ, addunt.

## §. 6.

Non minus pulverisata vel per se propinatur, vel cum electuario permiscetur. Paucos ante annos Senator quidam Lugdunensis, periculosis convulsionibus infestatus, istius ad grana XX. assumptæ usu levatus, & quum redeuntibus convulsionibus sexta quaque hora medicamentum assumeret, idque de consilio *Dn. D. Deckeri*, inclyti Practici Lugdunensis, prorsus curatus est. Is insuper Tincturam, Extractumque cum spiritu vini exinde præparat, vid. Eiusdem *Exercit. Pract. pag. 669. 670.* atque prædicta sub istius Præsidio Anno 1700. Lugduni Batavorum ab *Joh. Phil. Breynio* habita *Disputatio de Rad. Ginssem s. Nisi p. 9. & seqq.* Notetur tamen, Extractum cautè esse usurpandum, quum auctore *Dn. D. Cleyero* in *Epist. ad D. Schefferum*, quidam ex istius ad stimulantem Quæm usu decesserit.

## CAPUT X.

DE

## SERPENTARIA VIRGINIANA.

## §. I.

SERPENTARIA VIRGINIANA tenuis fibrosa que radix est, cujus fibræ uno de frutice propendent omnes, atque extrinsecus ex cæ-

sio fuscæ, intrinsecus autem flavæ apparent, saporis acris, odoris boni & aromatici. Alias quoque Viperina Virginiana audit, quoniam contra quoscunque serpentum morsus, præsertim con-



ua certum quendam sonantem serpentem, in Virginiana Boicininga dictum, utpote viperarum speciem, probatum est remedium, ut propterea ab aliis contrayerva Virginiana vocetur.

## §. 2.

Planta, unde proficiscitur, à quibusdam Diptamni, vel etiam pulegii, habetur species, cui *Pometi* figura in ipsius *Hist. general. des Drogues Lib. 2. cap. 3. pag. 49.* videnda, prope accedit. Enimvero hunc curiosum alias Materialistam, ut in quibusdam aliis, ita hic nimium habuisse fidei videtur qualibuscunque relationibus, dum doctus quidam Anglus, *Leonhardus Plukenetus*; in pereleganti pretiosaque sua *Phytographia*, veram ac genuinam plantam in tribus distinctis speciebus multa aliter proponit, quæ tamen omnes Aristolochiæ sunt affines, proptereaque Aristolochiæ s. Pistolochiæ Virginianæ in Eiusdem *Tab. XV. LXXVIII. & CXLVIII.* vocatæ. Cui sententiæ clarissimus Batavorum Botanicus *P. Hermannus* in *Parad. Bot. pag. 219.* atque *Sam. Daleus* in *Pharmacol. pag. 260.* accedit. In Jamaica crescit, repentibusque herbis annumeratur & ante XL. fere annos innotuit; quanquam radix paucis ante annis apud nos in usum venerit, quam quidam Materialistæ ex ignorantia pro Ipecacuanha divenderunt ante, quam hæc ultima recte innotuit.

## §. 3.

Quando conceditur electio, eligatur ea, quæ crassas perfectasque habet fibras, nec inveterata aut cariota est, sed sapore pollet acriter pungitivo & paulum amaro, odore vero aromatico, Valerianæ, vel etiam vincetoxico simili, at multo gratiore. Id quoque detur operæ, ut ne aliæ permixtæ impuritates sint, quod radix jamdum cara est, libraque quinque vel sex florenis constat Hollandicis.

## §. 4.

Ob vires medicamentis alexipharmacis annumeratur, hodieque in omnibus febribus valde usitata est; in intermittentibus quidem cum China Chinæ, in continuis & petechialibus cum radice contrayervæ & sibusque volatilibus præscribitur, certumque in variolis morbillisque fortiter expellendis, ut ipse vidi, remedium est. In scorbuto quoque, apoplexiâ ac paralyfi, cum aliis medicamentis permixta, usus istius non est contemnendus. Inprimis ad serpentum canumque rabidorum morsus vehementer commendatur, indeque oriundam hydrophobiam dicitur impedire. Pro dosi X. vel XX. grana cum absinthite propinantur. Alii ʒj. l. ij vino infundunt, quod extractis viribus, in morbis prædictis, dant bibendum. Non minus oleum exinde potest destillari, quod tamen hucusque ignotum, ac fortasse nimis foret pretiosum.

## CAPUT XI.

## DE

## CONTRAYERVA.

## §. I.

CONTRAYERVA oblonga, nodosa multisque fibrillis circumdata radix est, extrinsecus albescens, saporis adstringentis & aromatici. Alias quoque à *Fr. Drackeo*, Gallo, qui primus istam in Europam portavit, Drackena, ab aliis cyperus longus inodorus vocatur, quoniam aliquam cum radice cyperi longi habere similitudinem videtur. De utrisque tamen ultimis nominibus multum disputant docti, ut apud *Hoffmannum* in *Clav. Schræd. pag. 450.* & *Wormium* in *Mus. pag. 154.* licet videre. Ex Peru per Bataviam in Germaniam locaque alia fertur.

## §. 2.

Planta primum Caryophyllatæ videbatur species, vid. *Sim. Pauli* in *Quadrip. Botan. pag. 41.* alii radicibus cyperi annumerabant, ut *Ettmüllerus* in *Comment. Schræd.* Nonnullis videtur species Anthoræ Ind. vid. *Ammanni charact. Pl. pag. 348.* Enimvero *Franciscus Hernandezius*, qui omnes fere Indiæ Occidentalis plantas magna industria descripsit, in pretioso suo *Thesouro Rerum Med. Nova Hisp. pag. 301.* ostendit, multo di-

versam esse plantam, Granadillæ haud dissimilem, quam *P. Hermannus* Clematitem Peruanam vocat. Folia habet ad instar solearum ferrearum, cauleque aliis rebus adhærens ascendit, ut ex Figura, quam *Pometi* delineatio quinta, verosimiliore, clare apparet.

## §. 3.

Optima censetur radix recens adhuc, ponderosa crassaque, multis fibris cincta, saporeque prædita acri & aromatico. Si fortasse talis haberi nequit, aut alii, quod plantæ folia putant esse venenata, ab istius abhorrent usu, vel zedoariæ substitui radix potest, fere iisdem prædicta virtutibus, auctore *Ludovici* in *Pharmac. pag. 253.* vel radix vincetoxici, copiose apud nos reperiunda.

## §. 4.

Præsertim omni veneno, unde nomen obtinet, adversatur. *Wormius* tamen l. c. ʒ sublimitum, utpote prorsus corrosivum, excipit; contra cætera æque atque philtrea ʒβ. l. j. pulveris assumitur, expectaturque sudor. Non minus in omnibus morbis contagiosis, febribus petechialibus,



libus, pestilentia ac similibus usurpatur, proptereaque notissimam ingreditur tincturam bezoardicam. Sunt, qui cum China Chinæ permistam in febribus erraticis, Ipecacuanhæ autem additam in dysenteria contagiosa præscribunt. Et quoniam porro adversus pleuritidem, artuum dolorē, omnesque morbos alios, in quibus sudore opus est, ab *Joh. Terrentio* in *Not. ad Hernandez.* l.c. valdè commendatur, digna judicata radix est, quæ non solum notissimum hodie Pulverem Bezoard. Anglicum ingrediatur, sed ex qua etiam inaurati globuli, LAPIDES CONTRAYERVÆ dicti, præparentur, quorum in *Phar-*

*macopæia Bateana* pag. 86. hæc traditur compositio:

℞. Magist. CC. corall. alb. rubr. Margarit. succin. alb. ocul. ʒ. ʒ. ʒ. Rad. contrayer. ʒ. ʒ. Apic. nigr. chel. ʒ. ʒ. ʒ. puiv. & commist. adde Gelatin. vip. q. l. f. Globuli fol. ʒ. obducendi & siccandi. Addunt alii Ambr. ʒ. ʒ.

Pulveris semiscrupulum & semidrachmam in ∇ fumarizæ vel carduiben. magno cum fructu exhibent in omnibus morbis contagiosis, variolis, morbillis ac similibus.

## CAPUT XII.

DE

## RADICE SARSAPARILLÆ.

## §. I.

**SARSAPARILLA** è multis longis & vitigenis radicibus constat, crassitie calamum æquantibus, omnibusque ex uno nodo pendentibus, iis quidem extrinsecus plicis rugisque notatis, ac colore pallidè fusco præditis, intrinsecus vero albicantibus. Nullum præcipuè memorabilem saporem aut odorem habet; ex America per Hispaniam ad nos transferritur.

## §. 2.

Planta Smilacis Asperæ Peruvianæ species est & folia habet longa lataque ac superius acuminata, flosculos stellatos albos, baccasque rubras & acidulas: fibris suis arboribus ac muris adhærescit, in Indiâ Occidentali crescit, & quidem in locis humidis, similisque in Italia invenitur, cujus radix fere iisdem pollet viribus.

## §. 3.

Diversæ apud Materialistas inveniuntur species, dum præter Hispanicam aliqua etiam è Batavia in parvis scatulis affertur, in utraque extremitate incisa, sed à prudentioribus parvi æstimata. Aliam quoque è Gallia in longis capsulis afferunt, extrinsecus rubellam, quæ tanquam paulo melior ad Hispanicam valde prope accedit. Pro ratione ætatis quoque sortes constituunt, istamque in finam, mediocrem & vulgarem distinguunt, quarum semper optima, utut carior, eligenda, si aliquid istius præstare usu velimus.

## §. 4.

Hispanica habetur optima, quæ longas habet fibras, extrinsecus ex cæsis fusca, intrinsecus alba, duabus rubellis striis notata est, ac facile finditur, in pulverem tamen findendo non solubilis, quod aliàs cariei signum est. Ebullita aquæ rubrum colorem conciliat. Non humida sit: crassitiem contra mediocrem calami scriptorii habeat, quum nimis tenuis necquicquam profit.

Multo minus falsa Sarsaparilla usurpanda, quam nonnulli, sed temere, Sarsaparillam Moscoviticam vocant, quæ Marignano potius venit; consultius etiam est, ut dissoluta, quam in fasciculis ligata, ematur, quoniam in his plerumq; multæ quicquiliæ & impuritates continentur, ut *Marxius* in *Mater. Mus.* pag. 175. admonuit.

## §. 5.

Vires hujus radiceis penetrantes sunt & subtiles, ac propterea *D. Simoni Paulli* non temerè videtur absonum, quando *Hernandezius* eidem frigidam adscribit naturam. Non sudorem solum promovet, sed alvum quoque ciet, quod præter *Fallopium* apud nullum fere auctorem legimus, sed à me quoque fuit observatum. Quæ radix propterea nobile adversus corpulentiam nimiam remedium est. Inprimis omnia periculosa & inveterata ulcera sanat, imo ipsum quoque incipientem occultumque càncrum, propterea à nonnullis radix salubris vocata. In Lue Venerea multo certius est quam lignum Guajacum, quemadmodum *Fallopius* in *Libr. de Morbo Gallico* pag. 723. ingenuè confiteatur, exemplisque confirmat, relicta post lignorum decocta, ulcera, rhagadesani, tumores, ac similia, hujus radiceis usu prorsus fuisse curata. Ipse quoque certum aliquem valdeque expertum novi Chirurgum, (qui simul Principali cuidam domui à cameræ servitio est,) qui peculiarem curandæ Lûis Gallicæ, ab aliis non debellandæ, habere medicinam gloriabatur, quam tanquam secretum nullo volebat pretio manifestari. Quum verò certæ cuidam, eique illustri personæ, communibus assisteremus consiliis, solam sarsaparillam ipsius esse medicinam observavi, ejusque arcenum consistere in coctione, quam tamen etiam expiscatus sum, partim *Fallopius* quoque l.c. clarius vero *Cardanus* in *Tr. de Rad. China* p. m. 1619. exhibet. Cæterum optima semper eligatur sarsaparilla, viliori enim parum præstabimus.

CAPUT



## CAPUT XIII.

DE

## RADICE CHINÆ.

## §. I.

**R**ADIX CHINÆ crassa, tuberosa, glabra. que ac lignosa radix est, colore extrinsecus è flavo fusco, intrinsecus ex albedine rubescente, sapore odoreque nullo; quanquam recens glutinosum & acrem exerat saporem. Ex India Orientali, Persiâ, & præsertim China, unde etiam nomen obtinet, venit, partimque cruda, ut è terra eruitur, partim ab exteriori cortice liberata affertur.

## §. 2.

Respectu plantæ, unde oritur, una cum sarsaparilla ad idem refertur genus, quæ utraque propterea easdem habent vires; similiter enim smilacis species est, quæ à *Dn. D. Hermann* aliisque Botanicis Smilax aspera Chinensis, LAMPATAM dicta, vocatur, vid. *Sam. Dalei Pharmacol. pag. 293. inprimis Epist. 3. India Literata in Appendice hujus Libri*, ubi planta ejusque usus pereleganter describuntur. Sic etiam Mexicana Chinæ radix, ex India Occidentali allata, ab *Hernandezio* æque atque *Plukeneto* pro specie Smilacis asperæ habita, ab illo *Lib. 6. cap. 55. pag. 212. Thes. Rer. Med. Nov. Hisp.* ab hoc autem *Tab. CX. n. 4.* descripta depictaque est. Consentit *D. Kämpferus Amœn. Exot. Fasc. V. p. 781.* cui smilax spinosa fructu rubicundo, radice virtuosa, China dicta, audit: cujus iconem elegantem tradit, ubi folia rotundiora sunt, quàm *Hernandezii*. Non minus veteres Indiæ scriptores, utpote *Garcias ab Horto, Acosta, Monardes* aliique istius jamdum fecere mentionem. Ista planta in hortis partim colitur, partim sponte in campis crescit, atque hujus saltem radix in Europam transportari, hortensis vero, tanquam optima, ab Sinenfibus dicitur retineri.

## §. 3.

Ita Chinæ radix Indiæ cum Orientalis tum Occidentalis est progenies: præter quod discrimen Materialistæ radicem porro in finam, mediocrem & vulgarem distinguunt, quarum hæc plerumque vetustate ac tere dine consumta & necquicquam prodest, media parum præstat, prima vero est optima. Atque hæc dignoscitur, quando ponderosa resinosaque est, nec facile potest discindi, quæ intrinsecus non adeo ru-

bra apparet, ut Mexicana & sylvestris, sed rubella ex modica albedine. Id quoque attendatur, ut nec cariosa, nec foraminula obturata ac incrustata sint, quam pulchram artem Rationarius *Georgius Nicolaus Schurzius*, in recens exstructo *Mater. Museo Germanico*, tanquam peculiare artificium, typis evulgare nullus erubuit, *pag. 73.* ita scribens: China cariosa, minutim incisa, contundatur: tum Gummi Tragacantho inficiatur crassitie glutinis lapidarii: deinde China cariosa aqua mergatur, gummi foraminibus ingesto, China iterum fiat incidendo æqualis, denique umbra teratur, saponeque Veneto inundatur. Sed quis, amabo, hoc te docuit? an hoc officiorum putas convenire conscientiæ? Conscientiosus sane atque ingenuus Materialista ejusmodi atque similibus dolis, à *D. Ludovico ab Hornick & in Pandect. Medico-Legalibus Part. I. Sect. VI. cas. 6.* maximam partem detectis, nunquam dabit operam, ac propterea fortunæ suæ erit certior.

## §. 4.

Usus radicis Chinæ primum Anno 1535. Carolo V. dicitur innotuisse, postmodum à plurimis Medicis in peculiaribus Tractatibus, *Cardano* inprimis *Tr. de Rad. China*, atque *Vesalio* in quadam epistola descriptus. Proliciendo sudore valde exsiccat, curat hydropem, ulcera maligna, scabiem, Luemque Veneream, qua in parte Sarsaparillæ prope accedit, nisi quod magis sit temperata. Emaciatissimæ quoque phthisicis medicina est, morbo ab acerbis ac vitiosis humoribus proveniente: quo in casu cum passulis minoribus utiliter coquitur, ut apud *D. Ettmüllerum* in *Comm. Schræd. de Rad. China* videre est. Non minus omnibus artuum doloribus, podagræ & similibus conducit. Decoctum exinde præparatur, ut cum sarsaparilla fieri solet, ejusque ʒj. ad ʒiij. sumunt ad Libr. XV. aquæ, primum vero quatuor & viginti horas dant macerationi, postmodum in vase clauso tamdiu coquant, donec tertia pars ebullitione fuerit consumta, quæ *Cardani l. c.* præparatio est. *Schræderus* unciam unam novem aquæ libris impertire virtutem sufficientem existimat, in *Pharm. Med. Chym. Lib. IV. p. 44.*



## CAPUT XIV.

DE

## RADICE PULSATILLÆ.

## §. I.

**I**Nter alia præstantia medicamenta, copiosè apud nos reperiunda, sed negligi, aut prorsus non indagari solita, RADIX PULSATILLÆ (*Küchen-Schell-Wurtzel*.) usque eo ignota est, ut Circumforaneo quodam illam aliquando hic loci pro Orvietanâ sua desiderante Pharmacopœlæ ne quidem istius nomen scirent, utpote ultra *Augustanum* & *Schræderum* non sapientes. Ejus igitur hic faciendam duxi mentionem, siquidem magnitudo æque atque figura externa singulare quid in ista latere indicant, dum pedem longitudine fere æquat, instar radicis cardopatii incisa, saporis subdulcis juxta ac subacris est, ut adeoque vere medicinalem præ se ferat saporem.

## §. 2.

Hæc radix primò vere parva, aspera & incisa folia profert, quæ grandiora facta, tanquam fœniculum, sed paulo latius, se dispergunt. Inter ista caulis spithamæ longitudine ascendit, ex quo Martio mense elegantes purpurei flores (ex unoquoque caule unus) progerminant, in medio flaventibus fibris ornati. Qui flores Majo mense hirsuti globuli, erinaceo similes, evadunt, in quibus semen est reconditum, quo mediante se multiplicat, locaque inculta & sicca occupat, ut in sylva Francofurtana ad Mœnum videmus.

## §. 3.

Vires Pulsatilla cum ranunculis habet communes, (istis propterea à nonnullis annumerari solita,) dum ita calefacit uritque, ut continuo vesicas excitet. Quam ob causam planta saltem externe in malo ischiatico, podagra, chiragra & similibus, ad instar aliorum vesicatoriorum, ad complanandos quoque inæqua-

les ungues, verrucas maculasque cutis explendas usurpatur. Qua acrimonia, sed paulum mitiori, flores quoque pollent, quibus aliàs in Palatinatu Ova Paschalia colore eleganter viridi inficiuntur, quanquam flores longe diversum habeant colorem.

## §. 4.

Enimverò radicis longe alia ratio est, utpote tanta calefaciendi vi destitutæ, ac propterea multo temperatioris: quanquam ceterum calefacientem, exsiccantemque, imo bezoardicam ac diaphoreticam vim habeat. Quamobrem interne prorsus tuto ac utiliter adversus pestilentiam omneque venenum usurpatur, & à clarissimo *Theodoro Tabernamontano* ad Electuarium de ovo sumitur, vid. *Ejus Herbarium magnum pag. 28. Part. I.* Alii Orvietanæ addunt, quanquam in quatuor descriptionibus, cum à *Thoma Bartholino*, tum aliis seniori *Simoni Paulli* communicatis, hujusque *Quadrip. Botanico pag. 124. & seq.* insertis, non reperiatur.

## §. 5.

Cui vero alia sub forma assumere radicem volupe est, is vel semidrachmam in una parte vini & una parte aceti, grassante pestilentia, assumat, sudoremque expectet: vel radicem vino infundat, ac infuso utatur ad præservandum: vel recentem radicem, cum saccharo contusam, redigat in conservam, magnitudine castaneæ sumendam. Sunt, qui ex planta aquam destillant, contra febrem quartanam usurpandam, quam curare atque facile insequentem hydropem impedire dicitur. Spiritus etiam abstractius mea sententia exinde potest præparari, in scorbuto aliisque sanguinis impuritatibus non spernendi usus.

## CAPUT XV.

DE

## RADICE CARDOPATII.

## §. I.

**R**ADIX CARDOPATII (*Eber-Wurtzel*) pollicem crassa & longa radix est, extrinsecus fusca longisque rhagadibus plena, intrinsecus alba, odoris fortis, saporis pergrati, sed subacris. Aliàs quoque *Carlina* audit, quoniam olim Carolo Magno ab Angelo dicitur ostensa, quo ista mediante exercitum suum à

pestilentia defenderet. Ex Helvetia sylvaque Hercynia affertur.

## §. 2.

Planta cardui species est, qui chamæleon albus dicitur, magna, profundè & fluctuatim incisa folia habens, aculeis instructa, quæ super terra dispersa circulum formant. E medio foliorum magnus & forte 5. digitos latus flos

P

exfur-



exurgit, sine caule radici firmiter infidens, quæ planta propterea à Botanicis chamæleon acantos, magno flore, C.B. vocatur, & quoniam flos albescit, vulgaris cardopatii radix, quam in officinis habemus, carlina alba dicitur. Præter illam & carlina nigra habetur, altum caulem cœruleumque florem proferens, chamæleon niger flore cœruleo dicta.

## §. 3.

Optima habetur recens, perfecta, beneque exsiccata, saporis dulcis, odoris etiam boni & aromatici. Bene quoque observandum, ut ne aliis permixta radicibus sit: qui dolus, radice existente cara, non adeo rarusest.

## §. 4.

Ratione virium inter nigram albamque non adeo notabile discrimen est, præterquam quod nigra ad dimidium usque plerumque hiet, & quasi diffusa sit, nec æque ponderosa, atque alba. Binæ adversus contagiosos ac pestilenciales morbos commendantur, sudorem

proliciunt, urinam promovent sanguinemque menstruum, lumbricos etiam enecant. Porro hæc radix stomachum confortat, flatu torminaque dissipat. Num vero magnetica simul & attrahente virtute polleat, ita, ut vel masticata, vel de collo hominis aut alterius cujusdam animalis suspensa, aliis in vicinia positis vires adimat, istasque alteri communicet, quæ *Paracelsi, Helmontii, Tenzelii, Staricii* aliorumque est opinio, suo jam loco relinquo. Interea *Dn. D. Ettmüllerus* potest consuli, priorum Scriptorum sententiam paucis referens in *Comment. Schræd. pag. 530.* Si qui fortasse exinde fuerunt debilitati, odori id potius adscribendum, quem non potuerunt perferre. Qui radicem mandunt, virtute ejus aromatica, spiritus animales exsuscitante, refici se sentiunt. Aliàs Helvetiæ montiumque Pyrenæorum incolæ, non radice solum, quæ copiose istic habetur, sed flore quoque in cibus utuntur, quippe qui cinaram sapore æmulatur, eodemque modo potest preparari.

## CAPUT XVI.

## DE

## RADICE MEU.

## §. 1.

**R**ADIX MEU longa radix est, supernè racervum tenuium fibrillarum, ad instar barbæ sibi implicitarum, ostendens, extrinsecus fusca, ad modum macularum ferri, intrinsecus albicans apparens, sapore radici angelicæ haud dissimilis, sed non adeo acri, odore penetranti, qui levistici odore paulo est gravior. Ab Alpibus Pyrenæisque montibus similiter affertur, & Germanis *Bär-Wurtzel* audit, quoniam fibræ urforum pilis similes apparent, vel quoniam in uteri ascensu usurpatur, unde etiam *Mutter-Wurtz* & *Hertz-Wurtz* vocatur.

## §. 2.

Planta ad anethum vel fœniculum valde prope accedit, proptereaque etiam anethum urfinum, s. *Baren-Dill* & *Baren-Fenchel*, à Botanicis vero Meum foliis anethi vocatur, quod Myrrhis est, auctore *Ammanno* in *Char. Plant. pag. 475.* Caulem protrudit pedis altitudine, qui exigua incisa folia, floremque umbellatum profert, ut anethum, quem sequitur semen, fœniculo paulo crassius. Interdum in nostris quoque viridariis colitur.

## §. 3.

In usum medicum præter radicem cedit nihil, ante plantæ eruptionem effodiendam, bene lavandam & exsiccandam. Quo crassior quove perfectior est, eo est melior, modo recens adhuc sit, sapore acri & aromatico polens.

## §. 4.

Viribus cum radicibus angelicæ & levistici convenit, ventriculum cæteraque viscera, imprimis etiam uterum, calefacit: ac propterea non solum adversus ructus, à debili ventriculo exortos, probatum est remedium, sed omnes etiam ventris dolores ac tormina, præsertim insignes hystericas passiones, sedat, adeo, ut hystericæ detenta saltem sub lingua radice, aut mansa, levare se atrocissimis uteri doloribus sentiant, auctore *Trago* in *Herbario suo Tom. I. cap. 148. pag. 165.* Præterea etiam diaphoretica ac bezoardica virtute pollet, ob quam Theriacæ ingreditur compositionem. Calculum etiam urinamque dicitur promovere: unde jam olim speciebus *Lithonript. Nicol.* addita, & à Mesue Diacroco fuit permixta, quoniam pulmones ab omni adhærente pituita creditur liberare, de quo vid. *Hoffmannus* in *Clav. Schræd. pag. 503.*



## CAPUT XVII.

DE

## COSTO ARABICO.

## §. I.

**C**OSTUS ARABICUS longa crassaque radix est, buxei coloris, saporis acris, subamari & aromatici, odoris fragrantis, ad iridem Florentinam accedentis. Cava & incurvata ex Syria, Arabia aliisque regionibus orientalibus in Europam fertur, ad Theriacam sumenda.

## §. 2.

Planta valde adhuc ignota est, ut propterea *Theod. Tabernamontanus* solam radicem sine frutice exhibeat. Figuram *Pometus* in *Historia Simplicium* l. 2. c. 8. proponit, quæ ratione surculorum ac foliorum magnam cum H. Christophoriana habet convenientiam, quippe cujus radicem nonnulli costum. nigrum vocant, vid. prædicti *Theod. Tabernamont. P. 2. Herbarii* p. 483. Ut adeoque non constet, num pro vero frutice haberi debeat, à quo prior costus proficilcatur?

## §. 3.

Caterum triplex habetur costus, 1. Arabicus, 2. Dulcis, 3. Amarus, qui tamen omnes ab uno vegetabili proveniunt: ut adeoque inter Arabicum ac Dulcem nihil prorsus interfit discriminis, ut Dominus *Commelinus*, Horti Medici Amstelodamensis Inspector, in *Comment. ad Tom. XI. Horti Malab.* ostendit. Imo de sententia Scriptorum Indicorum, utpote *Garcia ab Horto*, *Acostæ*, *Bontii*, *Clusii* aliorumque, nec costus amarus à prioribus distinguendus, quoniam Arabicus, recens dulcis, vetustate amaritudinem contrahit. Prioribus duobus raris apud nos existentibus, *Charasius* tertium ad

Theriacam sumit, quippe in quo debitas qualitates deprehendit omnes, vid. *Ejus Historia*, Gallice scripta, de *Theriaca Ingredientibus* pag. 125. Fuerunt quidam, qui canellam albam pro vero costo Arabico voluerunt haberi, quem costum corticosum s. ventricosum vocant, ut in *Wormii Mus.* pag. 166. videre est. Enimvero nullam costi esse speciem, sed ex ignorantia ab Hamburgensibus & Lipsiensibus Materialistis ita vocatam, *Paulus Hermann* in *Collegio Msc.* ostendit, quæ propterea in Theriaca compositione minime substituenda.

## §. 4.

Ex supra dictis quisque facile conjiciet, costum eo meliorem esse habendum, quo est recentior. Densa quoque compactaque sit, fragrans & aromatica. Si quando sapor ex dulcedine amaritieque quasi temperatus est, iis qualitatibus convenit propius, quas *Dioscorides* describit, de qua re vid. *Samuel. Dalei Pharmacol.* pag. 330.

## §. 5.

Ex sapore facile æstimantur virtutes. Calefacit, exsiccat, aperitque & dissolvit, inque ventriculi, hepatis, uteri renumque morbis usurpatur. vid. l. c.

## §. 6.

Quæ exinde præparentur composita, utpote oleum costinum, pilulæ, elect. &c. una cum istorum usu, apud *Schræderum* hujusque Interpretes, *D. Frid. Hoffmannum* in *Clav. Pharmacol.* pag. 498. & *D. Ettmüllerum* in *Comment. Schræd.* pag. 554. Part. II. Op. possunt videri.

## CAPUT XVIII.

DE

## RADICE DORONICI ET ANTHORA.

## §. I.

**R**ADIX DORONICI oblonga, rotundaque & geniculata radix est, extrinsecus flavens, intrinsecus candicans, saporis subdulcis & paulum adstringentis, exiguum amarorem aromaticum viscosumque relinquentis. Ab externis fibris depurgata ex Italia, Pedemontio, & Helvetia affertur, & in Galliam, Germaniam locaque alia vehitur divendenda.

## §. 2.

Planta Doronicum Romanum (*Schvvindel-Kraut*) vocata, in Alpibus crescit, rotun-

da, lataque folia, ac flores stellatos flaventes proferens. Circa herbæ hujus radicem, sub terra scorpionis caudam representantem, semper aliquot argenti vivi globuli, perlarum ad instar, dicuntur reperiri; ipseque expressus succus, nocte aëri expositus, partim evadere Mercurius creditur, tempestate in primis serena existente: Id quod tanquam valde memorabile à *Marxio* in *Mater. Mus.* pag. 85. annotatur, jam vero suo loco relinquitur.

## §. 3.

In emtione id detur operæ, ut ne gypso aliis-



aliisque rebus alba reddita, inveterata & corrupta, aut cariota sit. Maxima frustra optima sunt, intrinsecus eleganter albicantia, saporeque subacri aromatico prædita.

## §. 4.

In constituendis radicis hujus virtutibus auctores vehementer inter se discrepant, quoniam experientia comprobatum est, canes aliasque bestias ex istius esu sibi maturasse mortem. Quæ causa est, quamobrem *Simon Paulli* in *Quadrip. Botanico* pag. 84. ex notissimis compositionibus, speciebus diambri, diamoschi, elect. de gemm. velit exclusam. Aliis contra bezoardicum videtur remedium: quam controversiam *D. Wormius* in *Mus.* pag. 145. fusius exponit. Istam vero *D. Hoffmannus* in *Clavi Schræd.* pag. 468. ita sumit decidendam, facile fieri posse, ut quæ mortifera bestiis radix sit, homini existat salutaris, quum insignis naturarum sit differentia. Porro tanquam peculiare medicamentum contra vertiginem commendatur; hinc funambulæ peculiaris exinde constans pulvis in usu esse perhibetur, quem *Ettmüllerus* in *Comment. Schræd.* pag. 563. describit. Hinc est,

quamobrem *Ægagropila*, ex hac radice in rupicapris generata, similiter contra vertiginem laudentur, de quibus *Welschius* peculiarem *Tract.* conscripsit, nos vero agemus alibi.

## §. 5.

Alia insuper in Alpibus crescit radix alexipharmaca,

ANTHORA (*Gifft-heil*)

vocata: duabus partibus rapunculo similis est, oblonge rotunda, extrinsecus fusca, aliquot fibrillis prædita, intrinsecus alba, amari & acris saporis, odoris nauseosi.

## §. 6.

Planta Napello haud dissimilis est, cui etiam tanquam Alexipharmacum adversatur. Inprimis alii cuidam venenatæ plantæ, THORRA dictæ, contraria est, cujus succo sagittæ, quibus lupi, vulpes & similes bestię peruntur, inficiuntur. *Schræderus* anthoram contra quoscunque morsus venenosos commendat, cui tamen *Samuel Dale* in *Pharmacol.* pag. 252. non adeo magnam habet fidem.

## CAPUT XIX.

## DE

## RADICE GLYCYRRHIZÆ.

## §. 1.

**R**ADIX LIQUIRITIÆ s. GLYCYRRHIZÆ valde longa, vitiginea s. sarmentosa radix est, digitum crassa, intrinsecus flava, saporem habens dulcem. In Candia & in Germania circa Bambergam magna in copia colitur, alias in regiones vehenda. In magnos plerumque circulos s. coronas intorquetur, quo etiam modo tutius, quam incisione in fasciculos redacta, emitur, quoniam in his multum quisquiliarum reconditur, ut *Marxius* in *Material. Mus.* pag. 98. bene observavit. *Wormius* in *Museo* suo & *Brasilianæ* liquiritiæ mentionem facit; cum verò de planta nil certi referre possit & hic illa transeat. Fortè *Pareira* brava est, quæ liquiritiæ saporem habet, ut suo loco est ostensum.

## §. 2.

Nostri liquiritia à frutice quodam provenit, è rotundis lignosisque virgis duas vel tres ulnas altis, iisdemque ex opaco viridibus viscosisque foliis ornatis, constante. Flores, lentium, viciæque floribus fere similes, russei sunt, Julioque mense florent, quibus breviores & longiusculæ filiquæ succedunt, in quibus tria vel quatuor, lentes æmulantia, reperiuntur. Vagæ terram perreptat, ubi semel coli cœpit, fimumque nec vaccinum nec equinum potest per-

ferre, ut *Theod. Tabernamontanus* Libro 2. de *Herb. c. XXXIV.* docet; ubi duæ species delineatæ sunt, echinata & filiquosa, quarum prior Veteribus, posterior hodieque est usitata, vid. *Simon Paulli* *Quadrip. Botan.* pag. 324.

## §. 3.

Si quando emitur liquiritia, detur opera, quo conquiratur densa & lævis, crassitie digiti, extrinsecus ex rubello fusca, intrinsecus vero coloris aurei, saporis verè dulcis & gratioris, quæve facile possit discindi. Interea bene custodiatur, ne corrumpatur, facile siquidem incenditur quasi & uredinem suscipit, quæ uno in loco suscepta mox totam radicem corrumpit: Id quod facile contingit, quando tempestate pluviosa aut tonitruosa vehitur, atque in cellis asservatur. Quamobrem *Pometus* in *Hist. des Drogues* L. 1. c. 35. pag. 90. nemini suadet, ut hujus radicis mercaturam faciat, nisi omnia optime intelligat, quum in ista conservanda ac dividenda magna impendenda cura sit. In emtione siccæ radicis videndum, ut ne abjecta radix sit, plerumque nigra apparens & corrupta. Optima eleganter lutea vè sicca est, quæ duos fere annos potest conservari.

## §. 4.

Usus radicis unicuique notus est, dum in omni-



omnibus pectoris affectibus, tussi, anhelitu ac similibus universale est remedium, istiusque dulcedo omnibus lienosis ac scorbuticis, ob occultum acidum saccharata minime perferentibus, innocua est, ut *Ettmüllerus* in *Comment. Schræd.* pag. 577. bene admonet. Ob vim suam balsamicam ad renum quoque calculum proficit, & vel cum lapidibus ☿ assumi, vel cum terebinthina Veneta in pilulas potest redigi, teste *Simone Pauli l. c.* Veterinarii pulveris huius ℥iij. l. iv. cum æquali sulphuris aut florum sulphuris parte pabulo permiscant, qua dosi per octo dies quotidie bis repetita equos anhelosos curant. Assumptus etiam pulvis præstare dicitur, ut aliquot dies non observetur anhelitus, id quod mangonibus equorum est observandum.

## §. 5.

Ex hac radice

## SUCCUS LIQUIRITIÆ

præparatur, quando vel radix coquitur, aut saltem aliquamdiu in aqua maceratur, succus exprimitur, super fornace, vel sub Sole, exhalandus. Partim ex Hispaniâ & Candiâ Venetiis, partim ex districtu Bambergensi in regiones alias transportatur; ut adeoque exotico non indigeamus, quod Bambergæ tanta in copia præpara-

tur, ut inde tantum Bambergensis succi Norimberga Venetias feratur, quantum istius Candia Venetias venit, ubi istum in magnas placentas ℔ j. pondere redigunt: Bambergensis contra in parvis rotundis orbiculis venit, aliquot tamen unciarum pondere.

## §. 6.

Optimus extrinsecus verè niger, intrinsecus autem ex nigrore vere splendens sit, facile etiam frangibilis, saporeque gratus. Qui mollis est & rubescit, nec quicquam prodest, maxime si intrinsecus fibrosus & arenosus est, atque empyreuma sapore prodit. In iisdem cum ipsa liquiritia usurpatur affectibus: majoris tamen securitatis gratia à quibusdam in aqua hyssopi solvitur, quo omnes impuritates secedant, de quo videatur *Ettmüllerus l. c.*

## §. 7.

Tandem ex pulvere liquiritiæ, saccharo, amylo, ac pulvere iridis Florentinæ permixto LIQUIRITIAM COCTAM præparant, in prioribus affectibus similiter utilem, ac sæpe floribus sulphuris additam; quamvis alii Extractum liquiritiæ ejusmodi saccharatis non temere velint præferri.

## CAPUT XX.

## DE

## IRIDE FLORENTINA.

## §. 1.

**R**ADIX IRIDIS FLORENTINÆ oblonga, nodosa paulumque compressa radix est, forte digitum crassa, colore alba, sapore acris, odore violas Martias æmulante, fragrans. Ex Italia, Rhodo Insula, Cypro, Dalmatiaque & aliunde advehitur.

## §. 2.

Planta iridis sylvestris species est, in Italia sponte crescentis. Longa, viridia & gladiolos æmulantia folia, floremque album habet. Regio, in qua reperitur, distincta isti cognomina indidit, hinc Italorum, circa Florentiam reperiunda, Florentina, Vandalorum Illyrica vocatur, quanquam una ubique & planta & radix sit.

## §. 3.

Quum verò plantæ fere omnes in caldioribus regionibus provenientes, semper habeantur optimæ, hinc iris quoque Florentina, præsertim è Dalmatia advecta, Illyricæ, Venetiis ad nos venienti, hinc Veneræ dictæ, longe præfertur, maxime frustis majoribus, iis quidem crassis densisque ad nos advecta, eaque bene exsiccata, nec tamen friabilis. Tenuis contra rugisque notata, macilenta & mollis ac fere inodora, indigna emtore merx est. Quo candi-

dior puriorque est, eo censetur melior. Hæc enim nulla ulteriori præparatione indiget, quoniam jamdum in Italia excorticata & depurgata est. Quæ si aliquibus in locis rubescit aut pallet, cultro facile abradetur corruptum.

## §. 4.

Ufus ejus præcipuè in omnibus pectoris affectibus, à tenaci pituita oriundis, valde est decantatus, quippe quem resolvit, & ad faciliorem ejectionem idoneum præstat. Id quod in tenellorum infantum tussi, torminibus aliisque affectibus cum emolumento sit eo majori, quoniam pulvis, ad aliquot grana datus, interdum etiam levissimum vomitum excitat. Cum sulphure subtiliter pulverata, ac liquiritia cocta mistus, pulverem pectoralem constituit nobilem, multis in morbis utiliter usurpandum. Externè radix pulverem de Cypro dictum, crinibus inspergi solitum, ingreditur, & ad res alios grato odore imbuendas usurpatur. Quamobrem non solum iis, qui fumigando rebus fragrantiam conciliant, sed insectoribus quoque in usu est, quo infestum oleorum odorem è pannis deleant. Ad minimam etiam confectio-nem sumitur, quam Galli *Nompareille* vocant.



## §. 5.

In officinis quoque Extractum exinde præparatur, & quidem ex libra una radicis ꝑijj possunt haberi extracti: id quod Pharmacopola *Vielheurius* in *Descriptione Exot. Mater.* pag. 115. observavit. In Italia quoque radix habetur condita, apud nos inusitata adhuc & incognita. Species dia-ireos contra in Medicina in usu sunt crebriori, quarum præparationem habent dispensatoria.

## §. 6.

Quidam Materialistæ Iridem Florentinam cum Irīde Nostrate confundunt, ut ex *Schurzii & Pometi Mater. Musæis* apparet, quorum posterior in *Appendice* libri sui, alias elegantis, palinodiam canit, istumque insignem errorem, qualis revera est, agnoscit, quum flores ostendant, quod

## IRIS NOSTRAS

ab irīde Florentina distincta sit, quod hæc albos, illa vero cœruleos, aut interstinctos aliis coloribus, flores profert. Radices etiam iridis Nostratis tam fragrantem odorem neutiquam habent, & recentes saltem usurpantur: iris contra Florentina in usu est exsiccata.

## §. 7.

Radix ireos nostratis propter succum à Medicis expetitur, aquas hydropicorum fortiter pellentem, cuius aliquot cochlearia cum vino Hispanico permiscant ac propinant. Ex isto etiam pulverem farinaceum præcipitant, sæculam ireos dictum, paucæ efficacæ. Nec syrupus multum prodest, quod cōstione vis purgans exhalat. Externè ad Empl. diachylon sumitur. Non minus ex floribus cœruleis pictiores pretiosum colorem s. Laccam extrahunt, Gallis VERD d' IRIS vocatum, & ad Miniaturam, seu picturam subtiliorem usurpari solitum,

cujus præparationem habet *Gallicus libellus de Miniatura* conscriptus: cæterum cum Carmino aliisque laccis convenit. Oleum linum similiter ex hac radice, non vero ex irīde Florentina, præparatur. Vid. *Dispens. August. Zuvelf.* pag. 319. In obstructione narium, coryza & similibus conducit, teste *Ettmüllero* in *Comment. Schræd.* pag. 588.

## §. 8.

Huc etiam pertinet iris lutea, cuius radix vulgo

## ACORUS ADULTERINUS

vocatur. Forte digitum crassa & oblonga radix est, extrinsecus fusca & intrinsecus rubra. In rotundos orbiculos discinditur & ita asservatur, saporemque habet adstringentem & amarum.

## §. 9.

Hæc iris lutea in locis paludosis fossisque crescit, Iris lutea palustris propterea, ab aliis Pseudo-Iris, vocata: Quam nec *Ettmüllerus* pro vera irīde vult haberi, sed gladiolum luteum vocari, quod explicari & prolixum foret & minus necessarium.

## §. 10.

Hanc radicem quidam adversus dysenteriam valde commendant, quemadmodum ex ipso conicere sapore licet in ista, cæterisque alvi fluxibus, non fore inutilem. Num vero in certis constellationibus signisve cœli collecta externe tanquam amuletum suspenso idem in prædictis morbis præstet, quod *Paracelsi* aliorumque somnium est, nunc non sumo inquirendum. Hodie recens inventa radix antidysenterica Ipecacuanha magis probata est, quæ nec Medicum nec ægrotum facile destituet, ut supra fusius docuimus.

## CAPUT XXI.

## DE

## CALAMO AROMATICO VULGARI ET FRAGRANTE.

## §. 1.

**C**ALAMUS AROMATICUS VULGARIS oblonga, aliquantum depressa radix est, quæ in exteriori cortice in genicula divisa, & ex cæsis rubella, intrinsecus vero alba & spongiosa est, saporis acris & amari, odoris aromatici. Rectius RADIX ACORI vocatur, quod verus non est veterum calamus, quippe qui nobis fere ignota junci species est. Ille vero apud nos ubique crescit: quanquam multa millia librarum è Bohemia, Poloniaque & Thuringia tam viridis & excorticati, quam exsiccati afferantur, quem Norimbergæ & alibi saccharo con-

diunt, iterum divendendum; imo album excorticatum aliorum quoque transmittunt, de quo vid. *Marxius* pag. 54.

## §. 2.

Hæc radix in locis paludosis crebrius crescens, longa viridiaque folia, instar iridis, & post hæc nigras holosericas clavas emittit, longum piper æmulantes; tres fere transversos digitos longa est.

## §. 3.

Optima radix censetur, quæ recens adhuc est, perfecta, tenax, & à fibris probe depurgata. Coloris sit recentis, odoris fragrantis & aromatici,



tici, saporis acris & amari, nec tamen nauseosi; providam etiam asservationem requirit, cum facile reddatur cariosa: id quod *Moses Charasius* in *Histor. Ingredientium Theriacalium* pag. 183. docet.

## §. 4.

Ejus vires plebi etiam innotescunt, dum non ipsa solum radix, sed Calamus quoque Conditus, Extractum, Elect. Diacorum, & dest. aliaque præparata stomachum egregiè confortant, de quibus *Ettmüllerus* in *Comment. Schræd.* sub hoc titulo agit fusius. Qui fumigando odorem rebus conciliant, ad ornamenta sua quoque utuntur.

## §. 5.

Quod autem ad verum calamum aromaticum attinet, magna quidem olim inter doctos mota lis est, à nostrate num differat calamo, necne? radixne, an arundo sit? qua de re nunc solliciti non erimus: interea *Wormius* in *Mus.* pag. 144. & *Frid. Hoffmannus* in *Clav. Schræd.* pag. 426. possunt legi. Hodierni iidemque præcipui Botanici & Materialistæ, *Hermannus*, *Charasius*, *Pometus* alique in eo conveniunt, non esse radicem, sed tenues inque genicula distinctos cauliculos, extrinsecus albicantes, levem spongiosamque in se medullam continentes, convolutis aranæ telis haud dissimilem, acris cum grata amaritie permisti saporis, odorisque egregiè aromatici. Valde quidem rarus est, interdum tamen in Batavia & alibi apud curiosos Materialistas invenitur; quemadmodum etiam *Theod. Tabernemonta-*

*nus Libro I. de Herbis cap. 40. p. 598.* commemorat, istum se Metis apud Caroli V. Pharmacopolam aulicum vidisse, *Pometus*que etiam testatur, calamum istum nonnunquam Massilia parvis in ci-  
stis venire, ab eò in figurâ delineatis.

## §. 6.

Hæc planta in Ægypto Syriaque crescit, quam *Alpinus* in *Exot.* suis Cassabel Darrira vocat, quamve *Ettmüllerus* speciem Gladioli esse existimat; quanquam *Dn. Herbertus de Jager* in *Epist. 3. India Literata* dubitat, num vera hæc planta sit, quam potius *l. c.* credit esse arundinem. Longum erectumque habet caulem, crassitie calami scriptorii, duobus semper ex adverso positis foliis ornatum, superius in parvos ramusculos divisum; semen profert exiguum & nigrum.

## §. 7.

Optimus censetur, qui crassos recentesque caules habet, & à parvis furculis s. stolonibus probe est depurgatus. Melior etiam est, qui extrinsecus est rubicundus, & intrinsecus albam medullam habet, quæ si inveterascit, flava evadit & farinacea, haud secus ac si vermibus esset arrosa. vid. *Pometus* in *Histoire des Drogues Lib. I. cap. 37. pag. 92.*

## §. 8.

Uusus ejus est, ut Theriacam ingrediatur: quanquam in istius defectu vulgaris possit substitui, quocum viribus convenit.

## CAPUT XXII.

## DE

## ZINGIBERE.

## §. 1.

ZINGIBER valdè notum aroma est, ex nodosa ramosaque & aliquantum compressa radice constans, zedoariæ radici haud dissimili, sed ramosiori, pluribusque fibris intertexta. Extrinsecus casium vel albicans est, intrinsecus verò luteum & fuscum, saporis acris aromatici & urentis, odoris fragrantis. Olim ex India Orientali, præsertim Malabar, Bengala, Sina &c. à Persis afferebatur; postquam verò in Antillis Insulis & S. Dominicò in America etiam colicæpit, maxima ejus copia inde in Europam venit, vide *Ximenem* & *San-sonem d'Albeville* in *Descr. Amer.* pag. 169.

## §. 2.

Planta variè à doctis describitur ac delineatur. A nonnullis tanquam arundinis species describitur, Americanis Chilli vocata, ut *Hernandezius* in *Descript. rerum Novæ Hispaniæ* pag. 169. commemorat; cujus ad figuram Dni

*Pometi* delineatio accedit, quam quidam Botanici Arundinem humilem clavatam radice acri vocant, alii verò cum zedoaria peculiari classi inferunt. *Hermannus* contra *Morisonii* amplectitur sententiam, existimatque esse iridem latifoliam flore albo. Utrique fortasse à verò non sunt alieni, dum vulgare cinereum zingiber à priori, album vero à posteriori videtur provenire, id quod tamen tanquam certum non sumo defendendum.

## §. 3.

In effodienda radice Indi partem superiorem, ut apud nos in effusione raphani solent, decerpunt, istam terræ iterum condunt, quæ sequenti anno novum zingiber evadat. Alteram partem sub Sole exsiccant, & in luto asservant, ne humiditatem suam naturalem deperdat, nec cariosa fiat, id quod zingiberi perfacile accidit. Interdum etiam super fornace exsiccant, unde zingiber nimis siccum durumque evadit, quale nonnunquam invenitur.

## §. 4.



## §. 4.

Materialistæ diversas habent species, seu (ut loquuntur) sortes, vel ab regione, unde veniunt, vocatas, ut Brasiliensem, Bengalsensem, & Sinensem, quarum ultima habetur optima, auctore *Vielheuerio* pag. 566. Alii species istas vocant Puli, Portoriche, Domingo, ut ex *Schurzii Mater. Museo* pag. 112. apparet. Vel etiam zingiber ratione coloris album, nigrum aut rubrum vocatur; siquidem olim zingiber ad meliorem conservationem creta partim album, partim rubrum reddebatur, quod tum magni faciebant, quemadmodum prædictus *Schurzii l.c.* colores quoque describit. Postquam vero nigrum hodie æstimari zingiber cœpit, rubro tinctum colore atque intrinsecus valde albicans in desuetudinem abiit, quod illud elegantissimam flavissimamque farinam suppeditat, nec tam facile cariosum redditur.

## §. 5.

Optimum zingiber est, quod recens siccatum est perfectumque, nec facile frangitur: quod extrinsecus ex rubello cæsum, intrinsecus resinofum apparet, saporemque acrem habet ac mordentem. Album fibrosumque Angliæ zingiber non multum prodest, ac plerumque cariei citius est obnoxium, quæ verò istud circumstant fibræ, difficulter pulverantur, ut *Pometus* pag. 61. ostendit. Aliquot tamen annos durat, in sicco loco asservatum. Pulvis zingiberis multo minus prodest, utpote

arena repletus: in cuius, ut in omnium pulveratorum materialium emtione, magna circumspeditione opus est, ut *Schurzii loco cit.* benè monuit.

## §. 6.

Virtutes zingiberis in eo potissimum posita sunt, ut frigidum stomachum intestinaque valdè calefaciendo digestionem promoveat, omnes cruditates absumat, & in omnibus quoque capitis morbis, ex ventriculo obortis, utpote vertigine, gravitate capitis, & quando nebulæ obversari oculis videntur, multum opis præstat, quemadmodum zingiber externè quoque in oculorum morbis utile est, ut apud *D. Ettmüllerum* in *Comment. Schræd.* pag. 173. videre est.

## §. 7.

In ejusmodi affectibus Zingiber in India conditū egregiè conducit, quod in Bengala Chinaque omnium optimè præparatur, ubi recentes maximasque radices cum melle vel saccharo condiunt, excorticatas primum & in aceto maceratas, ut *Hoffmannus* in *Clav. Schræd.* pag. 570. ostendit. Optimum censetur minus fibrosum, molle, magnis & aurei coloris frustis constans, saporis grati, nec adeo acris, cujusque brodium album est beneque coctum. Aliam insuper sortem habent, in Germania præparatam, cum priori non conferendam, nec tamen prorsus abjiciendam. Reliqua composita vid. in *Schræderi Pharmacop.* pag. 173. & seqq.

## CAPUT XXIII.

## DE

## ZEDOARIA ROTUNDA ET LONGA.

## §. 1.

**Z**EDOARIA nodosa & quadantenus compressa radix est, extrinsecus ex albo cinerea, intrinsecus magis fusca, saporis acris, subamari & aromatici, odoris fragrantis. Ex India Orientali, præsertim Bengala & Malabar, ubi sine cultura crescit, in Europam fertur.

## §. 2.

De planta diversæ auctorum sunt opiniones. De sententia Norimbergensis Materialistæ *Georgii Nicolai Schurzii* Sandanici absinthii creditur progenies, quæ in Ceilon Insula copiose invenitur, vid. *Ejus Mater. Museum* pag. 78. Alii vegetabilium peritiores plantam zingiberi similem crescere scribunt, ejusque aliquam speciem zingiber latifolium sylvestre vocant, teste *Paulo Hermann* in *Cat. Hort. Lugd.* qui etiam in *Colleg. Msc.* veram plantam zedoariam Chinesem vocat. Hæc ex una radice duplicem caulem protrudit, quorum unus præ foliis, alter præ floribus eminet, bini eidem cannæ oblongæ, ut can-

næ Indicæ germina, sed minores crescunt, deciduis quinque foliis semen diversæ figuræ in anguloso folliculo suppeditantes. Hinc est, quamobrem Botanici hanc radicem nec radici cyperi, nec cannis annumerent, sed ad peculiarem classem, sub qua zingiber quoque, curcuma, galanga similesque continentur, referant, hodierna methodo pentapetalam coniferam tri-capsularem vocatam.

## §. 3.

Quamquam in officinis unius saltem generis zedoaria eademque longa ut plurimum reperitur, ab eruditis tamen distinctæ istius notantur species, de quibus *D. Samuel Gottlieb Manilius* in peculiari valdeque ingenioso *Tract. de Ætati-bus Zedoaria* omnium optimè agit. Communissimæ sunt 1. Zedoaria longa. 2. Zedoaria rotunda. 3. Zedoaria tuberosa: quas tamen prædictus auctor non aliter vult distingui, quam distinctas unius radice partes, quippe quod pars rotunda superior abscissa, zedoaria rotunda, reliquum longum



longum frustum, cui prior insedit, zedoaria longa vocetur, in quo etiam *Pometus* pag. 62. cum isto consentit. Alii 4. Arabum zerumbeth addunt, quæ tamen de sententia *Schræderi*. *Manitii* & *Pometi* nihil aliud est quam zedoaria rotunda, atque interdum in orbiculis, ritu jalappæ, affertur; quamvis *Hoffmannus* in *Clavi Schræd.* pag. 569. isti opinioni intercedat. Geidwar Avicennæ vero alia species est, in ipsaque India per rara. Tandem supra laudatus *Dn. Maniti* apud *D. Hermann* & *D. Ruyschen* aliquam ejus speciem vidit, camphoram odore referentem, proptereaque zedoariam Ceylanicam camphoram redolentem vocatam.

## §. 4.

Zedoariam verò probè duram, ponderosam, siccam, minusque cariosam esse oportet, in- & extrinsecus cineream, tenacem, nec friabilem, saporis ardentis & aromatici. Quo pauciores habet fibras, eo est intrinsecus delicatior. Interea non est consultum, ut Materialistæ & Pharmacopolæ magnam istius copiam cœmant, quoniam

non adeò copiosè consumitur, facile verò evadit cariosa.

## §. 5.

Vires ejus calefacientes sunt & exsiccantes: ratione amaroris stomacho, ob partes vero volatiles & oleosas referando utero proficit, vimque habet alexipharmacam. Quam ob causam in febribus intermittentibus continuisque contagiosis (in quibus *Maniti* elegantem tincturam bezoardicam ex ista præparat) in appetitu prostrato, colica, intemperie uteri frigida, & obstructione mensium, in refrigeratione partium nervosarum similibusque usurpatur.

## §. 6.

Præparatum exinde Extractum cum ꝑ dulci usurpatum, lumbricos infantum enecat. *Maniti* quoque teste Indi massam exinde conficiunt, panem zedoariæ dictam, in impotentia virili maxime commendatam. Quæ verò aliæ ab ista proficiantur compositiones, cum modo utendi, partim in *Schrædero*, partim ejus interprete *Ettmüllero* possunt legi.

## CAPUT XXIV.

DE

## GALANGA MAJORE ET MINORE.

## §. 1.

Quamquam in officinis nostris plerumque una GALANGÆ species invenitur, Materialistæ tamen duas istius dividunt species, Galangam scil. Majorem & Galangam Minorem: quæ utræque ex India Orientali, Syriaque & Alexandria feruntur in Europam.

## §. 2.

## GALANGA MAJOR

tuberosa radix est, unum duosve pollices crassa, nodosa, extrinsecus fusca, & circularibus zonis quasi in genicula distincta, intrinsecus pallens, saporis acris, aromatici & subamari, odoris fragrantis. Ex Java & Malabara affertur, ubi spontaneo proventu luxuriat, foliaque ad modum iridis emittit, ut ex figurâ Musei Germanici, à *D. Frid. Hoffmanno* in *Clav. Schræd.* pag. 478. descripta, apparet.

## §. 3.

## GALANGA MINOR

à frutice, *Paulo Hermann* in *Colleg. Msc.* Ragoni dicto, provenit, cujus folia Myrthum similitudine repræsentant, Hæc radix externa facie ad priorem accedit, præterquam quod minor, foris intusque rubescens, saporisque acrioris & urentis sit. In China sponte progerminat.

## §. 4.

Utræque ponderosæ, fragrantæ, saporeque

acres sint, neutiquam cariosæ, nec sub fractione emittentes pulverem; & quoniam Galanga minor plerumque præscribitur, ac propterea majori sæpe permiscetur, fraus æque facile ex sapore quam colore dignoscitur, dum minor multo acrius linguam pungit, & quasi unctionem post se relinquit, rubella etiam apparet, quod utrumque in Galanga majore non invenitur. Porro frustra Minoris, ut ad nos portari solent, raro auriculari digito majora sunt, aliis crassitiem pollicis habentibus.

## §. 5.

Utriusque radiceis vires cum zedoariæ calami que aromatici virtutibus conveniunt, ob sal volatile oleumque aromaticum vi calefaciendi pollent, ac propterea ab Indis loco zingiberis recentis in acetariis, locoque capparum in embammatis usurpantur, quæ secundum *Bontii* relationem Alhar vocant. Inprimis in omnibus affectibus stomachi conducunt, appetitum acuunt, cruditates incidunt, quæ per consensum aliàs caput petentes vertiginem excitant, visumque obtundunt, quo in casu species diagalangæ remedium sunt non contemnendum. Quam ob causam *Paracelsus* Radicem Galangæ ventriculum externum vocat, quoniam in externis quoque fotibus confortare stomachum perhibetur. Alias vero hæ radices ad conficiendum acetum usurpari dicuntur à mercatoribus, teste *Pometo* in *Hist. Simpl. Gen.* pag. 65. Lib. 2.

Q

CAPUT



## CAPUT XXV.

DE

## CYPERO LONGO ET ROTUNDO.

## §. I.

**Q**Uoniam binæ CYPERI RADICES à quibusdam galangæ sylvestres vocantur, illas his merito subjungimus. CYPERUS LONGUS è longis, tenuibus, nodosisque & in genicula divisus nigricantibus radicibus constat, saporis grati, sed subacris & aromatici, odoris fragrantis. Una cum rotundo ex Italia, præsertim Verona, venit, quanquam in Asia Indiaque Orientali inveniatur melior.

## §. 2.

Plantæ aquaticæ canniformis progenies est, quæ gladiolorum audit species, arque in fossis paludosis & juxta rivos, ut calamus similesque acres aromaticæ & volatiles radices, crescit, ut *Ettwüllerus* in *Comment. Schræd. pag. 560.* annoravit.

## §. 3.

CYPERUS ROTUNDUS è multis crassisque nodis compacta radix est, quæ terra modo effossa sphaerulas precatorias repræsentat. In Materialium Museis nodi separati sunt, qui quod parvas pixides æmulantur, radix à Græcis *κύπερος* vocatur, vid. *Wormius in Mus. pag. 154.* Foris fusca, intus cinerea est, saporeque pollet aromatico & subadstringente, odore fragrant. Batavia Angliaque ex Syria & Ægypto affertur, ubi similiter juxta fluvios nascitur, atque triangulares & duros caules emittit, qui è foliorum medio pro-

germinantes, rubescentes junceos flores ferunt, ut ex figura apparet.

## §. 4.

Frusta utriusque cyperi longa, ponderosa, duraque & perfecta eademque mucosi odoris expertia, nec cariota, qualia facile evadunt, habentur optima; ne vero decipiamur, monente *Pometo* in *Hist. Simpl. pag. 66.* non superiores saltem manipuli contemplandi sunt, sed etiam quæ ex imo sacci desumuntur frusta examinanda: id quod in aliarum rerum emtione quoque observandum. In scatulis probe asservanda, ut ne odorem deperdant.

## §. 5.

Viribus rotundus quam longus temperatior est, cujus propterea in Medicina usus est crebrior. Longus contra ad conciliandam Romanis chirotecis suaveolentiam usurpatur. Bini ventriculum confortant, intestinorum flatus discutunt, in vino cocti & poti, colicam sedant, urinam & menstrua cient, proptereaque à *Schrædero* ad impediendum hydropem incipientem commendantur. Vertigini quoque medicina sunt, & à *Palmario Tr. de morb. contag. p. 485.* alexipharmacis annumerantur. Ore mansi dentes firmant, ac spiritui gratiam largiuntur, vid. *Hermannus* in *Coll. Msc. de Mat. Med.* & ex eo *Dale pag. 355.*

## CAPUT XXVI.

DE

## RADICE CURCUMÆ.

## §. I.

**C**URCUMA oblongè rotunda & nodosa radix est, Zingiberis referens faciem, intus florisque crocea, saporis subacris & amaricantis, odoris haut ingrati. Partim ab Arabibus, Persisque ac Turcis per Babyloniam, partim ab Indiæ Orientalis Societate ex India affertur: unde etiam Cyperus Indicus & Crocus Indicus audit. Aliàs quoque in officinis Terra Merita vocatur, quod nominis forte propterea ei impositum est, quoniam pulverata flavæ terræ seu ochræ non apparet dissimilis.

## §. 2.

Planta Indis vocatur Cacha s. Kua, crocum significans. Eleganter ampla virentiaque habet folia, in caule è regione crescentia, floremque profert spicæ haud dissimilem, ut omnium optimè ex figura, quam *D. Hermannus*

in *Catalogo Horti Lugdun.* communicat, in *Horto Malabarico* autem in naturali magnitudine sistitur, apparet.

## §. 3.

Quidam, utpote *Samuel Dale*, duas istius recensent species, longam & rotundam, ut in ejus *Pharmacologia p. 324.* legitur. Enimvero quàm nusquam fere, aut certe paucis in locis binæ reperiantur, eadem fortasse ac Zedoariæ ratio est, ita ut longa atque rotunda diversæ ejusdem radices partes sint, ut suo loco commemoravimus. Ad minimum clarissimus Materialista Gallus, *Pometus*, duas species non vult admittere, insignique istos duci errore existimat, qui rubram curcumam, qualis non datur, inquirunt, præterquam quod vulgaris flavæque curcuma temporis decursu & inveteratione evadat punicea, quæ trita pulverem rubicun-



rubicundiores relinquant, quam recens, ut ex ejus *Historia Generali Simplicium Lib. 2. c. 12. pag. 66.* apparet.

## §. 4.

Optima est recens, resinosa, in magnis ponderosisque frustis allata, nec facile friabilis. Carie defædata, multoque pulvere oppleta, ad faciendam medicinam necquicquam prodest, quamvis ab infectioribus non prorsus abjiciatur.

## §. 5.

Curcux usus in ictero creberrimus est, radix anti-icterica propterea vocata. Quo in affectu eo magis meretur commendari, quoniam etiam icterum calculosum, doloremque lumborum, à parvis calculis in vesica fel-

lea restituantibus, profectum tollit, ipsosque lapillos promovet, cujus rei valde memorabile exemplum habet *D. Frid. Hoffmannus pag. 463. Clav. Schræd.* Porro in hydrope, lienis affectibus aliisque obstructionibus chronicis fert opem, præsertim quando species diacurcumæ cum pulveribus chalybeatis, & diaph. orali & similibus miscentur. In India curcumam loco croci adhibent, istaque oryza, piscium carnisque jusculis & cibis aliis colorem conciliant. Nostri in regionibus tingendis variis mercibus inservit, utpote qua non solum pannifices, sed marsupiarum etiam, quique fumigando odoris gratiam conciliant, fusores aramentarii, & confectores globulorum, qui globulos ligneos filo aureo neto obducendos, ista illinunt, ne lignum transpareat.

## CAPUT XXVII.

## DE

## BEEN ALBO ET RUBRO.

## §. 1.

Istis medicamentis exoticis, quæ, quod plantæ adhuc ignotæ sunt, varias inter doctos excitarunt opiniones, binæ BEEN RADICES quoque annumerantur. De quibus quidem veteres Arabici Scriptores multis egerunt verbis, hodie vero vix meretur operæ pretium, si de istis adeo velimus esse solliciti, quod fere in desuetudinem abierunt, ab nemine usurpandæ. Quoniam tamen apud Materialistas & Pharmacopolas adhuc inveniuntur, paucis istarum trademus descriptionem.

## §. 2.

Quod igitur ad BEEN ALBUM attinet, magnitudine ad veram pyrethri radicem valde prope accedit, foris subcinereum est, intus magis album: primum nullo fere pollere odore videtur, tandem vero amarorem relinquit non contemnendum. Olim ex Syria Americæque dicitur allatum: quanquam nostri ævi Botanici *Hermannus, Ammannus* alique existiment *Lychnidis sylvestris* s. *papaveris spumei* esse radicem, cujus *Theod. Tabernæmontanus p. 12. L. 2.* meliorem tradit delineationem, atque in *Pometi* figura deprehenditur.

## §. 3.

Majores radices, minus cariosæ, sed tena-

ces & adhuc recentes, censentur optimæ, sapore inprimis prædicto pollentes. Frustra oblonga sunt, teste figura allegata.

## §. 4.

BEEN RUBRUM contra in orbiculis, ad modum Jalappæ, ex iisdem regionibus apportatur; extrinsecus fuscum est, intus subrubrum, saporem habens terreum & subadstringentem. Integra modo è terra effossa radix magnum raphanum perhibetur representare, quæ emittendis longis & amplis foliis *Limonium* imitatur, cujus etiam dicitur species.

## §. 5.

Optimæ sunt radices colore saturatæ, bene ficcata, sed tamen adhuc recentes, sapore adstringente & subaromatico præditæ: facile evadunt cariosæ.

## §. 6.

Quod ad qualitates attinet, Been albo vis cordialis & alexipharmaca adscribitur. Rubrum vero in omnibus alvi fluxibus, præsertim in Dysenteria, omnibus etiam hæmorrhagiis, & fluore albo mulierum usurparunt veteres, de quibus *Avicenna* pluribus potest legi. Hodie perrarò in Medicorum formulis invenies, quum alia suppetant medicamenta, quorum ut notitia melior est, ita vis certior.



## CAPUT XXVIII.

DE

## RADICE PYRETHRI.

## §. 1.

**R**ADIX PYRETHRI longa crassaque radix est, extrinsecus ferruginea, intus candida, saporis admodum fervidi, & quasi instar ignis urentis, unde etiam denominationis dependet ratio. Aliàs quoque radix salivatoria vocatur, quoniam ore manfa salivam copiose prolicit.

## §. 2.

Duplex habetur apud Materialistas, primum vera, è Regno Tunis per Italiam advecta, Italica propterea dicta: deinde Germanica, quod in Bohemia & Germania circa Magdeburgum perhibetur crescere. Illa digitalem habet crassitudinem, hæc contra dimidiam crassitudinem vix adæquat, supraque simul abscissis exiguis fibris, quasi barbam, vel scopulam setaceam habet, instar radicis Meui, atque crebrius in nostris officinis, quam vera Italica invenitur.

## §. 3.

Planta utriusque radicis chamomillæ haud multum dissimilis est: quanquam flores valde diversi sint, quod prioris flores fere primulam veris, vel potius chrysanthemum imitantur, posterior vero umbellifera sit. Quæ etiam ratio est, quamobrem illa, pyrethrum flore bellidis vocata, ab *Ammanno* in *Char. Plant.* chrysanthemis annumeretur: hæc verò pyrethrum umbelliferum vocetur, vid. *l.c.* pag. 534.

## §. 4.

Optima pyrethri radix est, quæ recentes adhuc, perfectas, crassasque & bene ficcatas radices habet, non facile friabilis est, quæve præterea colore saporeque talis est, qualis supra fuit descripta.

## §. 5.

Binæ radices admodum calidæ sunt, natura subtili ac penetrante præditæ, tenuior tamen fere acrior est quam crassa seu Italica. Ob acredinem rarò internè usurpantur, nisi quod nonnulli medicamentis venereis addant. Externè vero radix in paralyfi linguæ egregie prodest. In aphonîa igitur ab apoplexia profecta valde utiliter manditur, vel sub lingua detinetur. Dentium dolori quoque medetur, proliciendaque saliva acres vitiosos humores potenter educit. Non minus clysteribus acrioribus & excitantibus additur, in lethargo, epilepsia, suffocatione uterina, & apoplexia applicari solitis, quales *Ettmüllerus* in *Comment. Schræd.* in historia pyrethri descripsit.

## §. 6.

Habetur præterea pyrethrum sylvestre, cujus planta, PTARMICA vocata, ubique in pratis nostris luxuriat, sed in officinis non est usitata: quanquam viribus vero pyrethro accedat, in hujusque defectu posset usurpari.

## CAPUT XXIX.

DE

## ARISTOLOCHIA ROTUNDA.

## §. 1.

**A**RISTOLOCHIÆ ROTUNDÆ tres apud Materialistas habentur species, quarum prior ac præcipua ARISTOLOCHIA ROTUNDA VERA vocatur. Crassa, rotunda, nodosaque & rugosa radix est, foris casia, intus flava, saporis vehementer amari, & odoris subaromatici. Ex Italia altisque Helvetia montibus affertur, ubi planta multis tenacibus flexibilibusque caulibus, ulnæ altitudine concavis fistulis exornata, crescit, partim super terra agitat. Folia hederam imitantur, sed tamen minora sunt. Flores ex nigro fusci sunt, iidemque longi, ut pilei acuminati: fructus pyrum forma representat, in quo semen cordis habens figuram reconditur,

quod tunc se sistit videndum, quando fructus maturitate sponte hiat.

## §. 2.

Cujus quum non semper detur facultas, ejus loco sæpe ARISTOLOCHIA ROTUNDA VULGARIS usurpatur, quæ nihil est aliud, quam Radix fumaricæ bulbosæ, cujus planta fumaricæ est species, quam foliis floribusque exprimit. Atque hæc apud nos copiosè reperitur, intus forisque casia est, prorsus cava, arena etiam terraque referta, vere & auctumno, quibus temporibus effoditur, eluenda. Amaritie cum priore convenit.

## §. 3.

Præterea alia adhuc habetur species, ARISTOLOCHIA FABACEA dicta, quoniam



niam fabæ accedit magnitudine, infra etiam supraque depressa apparet. Non minus fumarix bulbosæ progenies est, & à priori in eo distinguitur, quod tanta cavitate destituitur. Raro officinis in usu est, quanquam iisdem fere qualitatibus polleat.

## §. 4.

Quod ad delectum aristolochiæ rotundæ attinget, optima censetur ponderosa, dura, firmaque & nodosa, intus vere lutea. Quo magis est amara, eo censetur melior. Omnes vero probe siccatæ sint.

## §. 5.

Viribus quidem omnes inter se conveniunt, inter quas tamen Italica eminet. Calefaciunt discutiuntque impactum thoraci, ac præsertim utero, sanguinem, menses lochiaque cient, unde etiam hæc radix Aristolochia qs. ἀρίστη τοῖς λοχοῖς vocatur. Quamobrem quotidie in obstructione mensium aliisque mulierum affectibus, ad vina medicata & medicamenta alia non sine successu sumitur. Foetum quoque mortuum & molas ejicit. Externè pessis potest addi, & acrioribus clysteribus, apoplecticis & epilepticis præscribi solitis, quibus in casibus opem præstat non contemnendam.

## CAPUT XXX.

## DE

## ARISTOLOCHIA LONGA.

## §. 1.

QUANquam ARISTOLOCHIA ROTUNDA à quamplurimis etiam *Osterlucey* vocetur, id tamen nominis quidam, utpote *Daleus* in *Pharmacol. pag. 259.* & *Marxius* in *Mater. Museo pag. 25.* inprimis aristolochiæ longæ volunt tribui. Hæc verò oblonga, solida & rugosa radix est, foris ex cæsis fusca, intrinsecus subflava, saporis amari & acris, odoris non prorsus ingrati. Similiter Italia istam ad nos transmittit, quamvis planta nostratium quoque cultura crescat.

## §. 2.

Planta aristolochiæ rotundæ veræ s. Italicæ non adeo dissimilis est, præterquam quod folia non tam rotunda, flores vero ex viridi flaveant, quibus fructus instar pyrorum minorum succedunt. Duæ præterea inveniuntur plantæ, quarum radices similiter aristolochiæ longæ annumerantur, una ARISTOLOCHIA CLEMATITIS, altera ARISTOLOCHIA TENUIS s. PISTOLOCHIA vocata. Binæ angustas tenuesque habent radices, minùs tamen usuales, præsertim quod Serpentina Virginiana hodie innotuit, aliqua Pistolochiæ species, majori fortasse jure usuque ad theriacam sumenda, quam aristolochia tenuis, ab *Charasso* electa, ut in ejus *Tract. de Theriac. Incred. pag. 232.* videre est.

## §. 3.

Si quando compacta radix est, dura, minime cariola, existimatur bona. Quò crassior per-

fectiorque est, eo est melior; rugosa contra, quod fere nihil quam merus cortex est, nec quicquam prodest, de quo *Jacobus Sylvius Lib. I. de delectu Medic.* videatur.

## §. 4.

Præter radicem aristolochiæ longæ ejus etiam folia Medicinæ inserviunt. Utraque vim sanandi habent, ac propterea non in externis solum, sed internis quoque affectibus & ulceribus usurpantur. In externis radices valde probatas expertasque deprehendit antiquus Practicus *Simon Pauli*, quippe quarum ope valde inveterata pedum ulcera prorsus curavit, ut ex *Quadrup. Botan. pag. 22.* apparet. In læsionibus internis *Hoffmannus* in *Clavi Schrad. pag. 414.* peculiarem curam tradit, in phthisi pulmonumque exulceratione valde convenientem, ex cujus præscriptione quotidie infusum aristolochiæ bibitur, in ejusque dosi, ut in acidularum usu solet, nunc ascendimus, tunc descendimus. Ejus etiam decoctum in scabie celebre est. De nova Podagræ cura *Episcopi Monasteriensis* per aristolochiam longam instituenda, vid. *Praxin nostram Infallib. Cap. de arthritid.* Quin & partum lochiaque ciere perhibetur, adeo, ut *Valleriola Lib. I. obs. 1. pag. 8.* istam aristolochiæ rotundæ longe præferat. Cujus opinionis hæc fortasse ratio est, quoniam vi sua sanante læsiones partium genitalium, non adeo infrequentes, simul sanat. Radicem aristolochiæ tenuis theriacam ingredi, jam supra memoravimus.



## CAPUT XXXI.

DE

## RADICE ANCHUSÆ.

## §. 1.

**R**ADIX ANCHUSÆ, rothe Ochsen-Zung-Wurtzel (Gallis Orcanette dicta) longa, solida lignosaque radix est, foris sanguinea, intus alba, saporis amari & adstringentis, odoris nullius. ALCANNA quoque audit, quod loco quorundam pretiosorum foliorum, olim ex India Orientali hoc sub nomine allatorum, ad tingendum usurpatur. In Gallia circa Montem Pessulanum copiose crescit, quanquam ex Italia advehatur optima.

## §. 2.

Planta apud Germanos *rothe Ochsen-Zung* vocatur, in locis etiam siccis crescit, & præsertim circa Moguntiam ejus invenitur copia. Folia veræ buglossæ habet, nullos vero cœruleos flores; interea radix nostrâs ad inficiendum fere inepta est, tantamque rubedinem non exerit, atque exotica, ut *Marxius* in *Mater. Mus. Germanico* pag. 13. ostendit.

## §. 3.

Optima est recens & tenax, sed tamen probe siccata, extrinsecus vere sanguinea, intus autem candida, quæque vel sicca vel humectata trita, in ungue aut manu colorem eleganter rubrum relinquit. Quoniam vero tinctura saltem in exteriori cortice posita est, parvas tenuesque radices majoribus præferunt.

## §. 4.

Ad usum radice quod attinet, istum in Medicina scimus non adeo receptum, quamvis interne adversus dysenteriam, diarrhoeam, & hæmorrhagias non sit inutilis. Externe autem cum oleo communi vel petræ extrahitur, quo recentia vulnera curant. Maximam partem in officinis ad alia medicamenta tingendamque aquam vitæ usurpatur; quemadmodum etiam unguentum rubrum potabile ingreditur. Externe hoc

colore ad infucandam faciem abutuntur, atque de sententia *Simonis Paulli* Charta Hispanica exinde præparari non temere judicatur, vid. *Quadrupartitum Botan.* pag. 198. Cæterum qui in cera lineamenta fingunt, istam valde conquirunt, quippe qua ceræ ruborem conciliant, quemadmodum infectores panno, pictores ligno rebusque aliis.

## §. 5.

*Pomētus*, Gallicus iste Materialista, alius insuper anchusæ mentionem injicit, per Constantinopolin advectæ, quæ

## ORCANETTA ORIENTALIS

vocatur. Crassa & quasi ex plurimis foliis, tabaciritu, compacta rubra radix est, quæ quidem raro in usu est, multo tamen vulgari censetur melior, quippe quam elegantiorē melioremque suppeditare rubedinem perhibent, vid. *Histoire generale des Drogues Lib. I.* pag. 84.

## §. 6.

Alia adhuc sylvestris anchusæ species invenitur, quam *Matthiolus* in Herbario, & post eum *Theod. Tabernamontanus*

## ONOSMA

vocat; multa aspera, sed tamen mollia, folia habet, instar buglossi, quatuor transversos digitos longa, unumque lata, super terra in circum dispersa; nullum nec caulem nec florem profert. Radix longa juxta atque tenuis succum sanguineum emittit, in exteriori saltem cortice contentum. Quam radicem civium filia suum in usum vertere norunt, utpote quam per noctem aquæ rosarum vel spiritui frumenti indunt, maneque infusio se lavant, quippe cujus usu claræ rosæque apparent, id quod haud ita pridem aliqua ex illis mihi confessæ est. Figuram ejus in D. *Jacobi Theodori Tabernamontani Libr. 2. de Herbis* pag. 551. invenies.

## CAPUT XXXII.

DE

RADICE RUBIÆ TINCTORUM, GRAPPA  
ET COLORE RUBRO TINCTORUM.

## §. 1.

**R**ADIX RUBIÆ TINCTORUM tenuis, longa & succosa radix est, aliquibus geniculis interstincta, foris intusque rubra, inodora, saporis primum subdulcis, tandem amari & subacerbi.

## §. 2.

Ipsa planta, à Botanicis plantarum baccifarum stellatarum catalogo inserta, in Flandria Selandiaque copiose colitur: quamobrem Batavi magnam utilemque radicis, quam propter colorem tinctorum rubrum & GRAPPAM, quam vocant,



vocant, in farinam redigunt, mercaturam faciunt, quam olim à Bohemis possessam, celebre triginta annorum bellum inde in Silesiam transtulit, auctore Doctissimo Jesuita *Balbino* in *Histor. Bohem. Lib. I. cap. 45.* Certum namque est hanc radicem in Silesia, circa Uratislaviam, copiosè crescere, tanta vero cura, atque in Selandia, non coli; quæ etiam ratio est, quam obrem Silesia Grappa bonitate Selandicæ sit posthabenda, qua de re *Appendix Pharmacop. Schræderi* potest legi.

## §. 3.

Quamquam verò hac radix maximam partem ad inficiendos pannos usurpetur, unde etiam nomen obtinet, sæpius tamen in Medicina quoque ejus obvenit usus, quam scimus quinque radicibus aperientibus annumeratam. Hepar, splenem renesque ac uterum expurgat, ictero spleneticisque morbis medetur, pituitam & in primis sanguinem menstruum prolicit, sanguinis grumos resolvit, à lapsu & contusionibus exortos. Quam ob causam pulvis radicis in subluxatione vertebrarum dorsi commendatur, de quo *Ettmüllerus* in *Comm. Schræd. p. 645.* videatur. Sunt etiam, qui vino gratiam coloris conciliant. De insigni & nocivo ejus abusu in pellendis menstruis & chlorosi casum notabilem vid. in *Novellis nostris Medico Legalibus.*

## §. 4.

GRAPPA in Selandia & Flandria præparatur, optimæque ejus sortes annuatim circa Pentecostes festum diem, in nundinis Kaumarck dictis, secundum pondus centenarium, venduntur, in pilis insignibus 900. fl. pendentibus, singulis peculiari signo, loci, ubi præparatur, teste notatis, ut *Georg. Nic. Schurzius & Marxius* in *Mater. Mus. pag. 90.* docent. Istius igitur non spernenda copia singulis annis in Germaniam, Galliam locaque alia vehitur.

## §. 5.

Id verò meretur notari, duplicem apud quosdam Materialistas inveniri Grappam,

unamque simpliciter colorem rubrum tinctorum, alteram autem proprie Grappam vocari, atque à plurimis confundi.

PINGUENTUM RUBRUM TINCTORUM, vulgo *Färber-Röthe*,

è tota radice, prout effoditur, præparatur, proptereaque à Gallis vocatur Garance non robé.

## GRAPPA

contra non ex tota radice conficitur, quum primum exterior cortex internusque ligneus nucleus abjiciantur, quod deinde reliquum est, in mola in grossiorem pulverem redigitur, aliorum transvehendum. Quam Grappam solam Galli Grappe, vel etiam Garance robé vocant, teste *Pomato* in *Mater. Museo Lib. I. pag. 85.*

## §. 6.

Hæc ergò posterior genuina & optima Grappa est, præsertim Brabantica & post illam Selandica. Primum colorem ex eleganti flavo saturatè rubrum, bonumque saporem habet, temporis vero successu, & quando inveterascit, rubor magis opacus fit. In saccis, sicca tamen probeque compacta, asservatur.

## §. 7.

Quod ad usum attinet, binæ iisdem in Medicina viribus pollent, atque radix ipsa. Ut plurimum tamen ab insectoribus petuntur, qui libram duodecim albis emunt. Interea radicis nomine eo nos deduci non sinamus, ut colorem rubrum ex Grappa putemus expectandum, quum saltem colorem ex opaco flavum reddat, quando scilicet in aqua coquitur, tuncque lanam, pannum, tibialia similiaque (alumine prius saleque tartari macerata) in ista bullire, aliquoties refrigerari iterumque immergi curamus. Quando verò ruber desideratur color, res infecta vel lixivio immergantur, vel lignum Brasilense, aut Fernambucum addatur, tunc color exsurgit eleganter ruber, ut *libelli de arte insectoriâ* docent, quibus tamen non semper habenda fides.

## CAPUT XXXIII.

## DE

## MANDRAGORA EJUSQUE CORTICE.

## §. I.

UT plurimum in officinis & Materialium Museis solus MANDRAGORÆ CORTEX habetur, cujus potior usus est. Cæsius, rotundus crassusque cortex est, intus pallidus, saporis amari odorisque virosi. E Galliâ atque Italia advehitur, interdum etiam radix in orbiculos incisa, instar jalappæ, isti permista est, quæ tamen rarius quam cortex usur-

patur, cujus quippe media pars, cor radicis dicta, parum habet virium.

## §. 2.

Duo Mandragoræ genera sunt, mas & foemina. Mas magna laraque folia habet, instar betæ, sed tenera, pallide virentia, glabra, multis venulis interstincta, sine caule super terra se dispergentia. Flores pallidè flaventes profert, quibus mediocriter magna crocea poma, cum albo



albo latoque semine, fortiter olentia succedunt, Dudaim quibusdam habita, quorum Genes. XXX. fit mentio. Enimverò clarissimus *Ludolfus* in *Hist. Æthiopica* certius quid ostendit. Fœmina angustiora minoraque folia & poma habet, brachii crassitie, partem hominis inferiorem cum duobus pedibus sæpe referentem. In Gallia circa Montem Pessulanum, inque Italiæ montibus Pyrenais copiose crescit.

## §. 3.

Cortex mandragoræ semper recens ematur, quoad ejus fieri potest, & quidem optimus, foris ex rubello cæsius, tenuique cortice, eoque crispulo, corium granulatum, Indorum Segreindictum, referente, instructus, intus vero ex cinereo albus, qualem *Pometus* in *Hist. Generale des Drogues Lib. IV. Cap. 7. pag. 135.* præ aliis eligit. *Marxius* contra vere album beneque siccatum suadet eligendum, ut in ejus *Mater. Museo pag. 120.* videre est.

## §. 4.

Ufus ejus est, quod olim cortex vino indut aut cum illo coqui sueverit, quo ob vim suam narcoticam somniferamque iis daretur, quibus vel brachium, vel pes debuit refecari, ut ne dolorem sentirent. Quod cum periculo non careat, hodie non amplius usurpatur, vid. *Ettmüllerus* in *Comm. Schræd. pag. 600.* Ejus saltem oleum, de quo vid. *Schræderus*, hodie in usu est, quod duros tumores emollire atque ad maturitatem deducere aptum natum est. Dolorem quoque lenit, & extrinsecus illitum somnum conciliat; quam ob causam etiam folia Unguentum Populeonis ingrediuntur: quibus ta-

men in *Notis Dispens. Augustani* radices Hyoscyami substituuntur, maxime ubi mandragora deficit. *Pometus* contra l. c. conscientiosis Pharmacopolis dissuasor existit, quippe de cujus sententia prædictum Unguentum singulis annis recens Monte Pessulano ad se perferri curent, quod ultra annum vim suam refrigerandi non retinere perhibent, ut *Bauderon* in *Pharmacop. pag. 136.* ostendit. Enimvero Materialistarum tueri voluisse commodum videtur; facilius enim officinæ isto unguento prorsus carent, quam ut tanto locorum intervallo, haud secus atque confectioem alkermes, advehi curent, præsertim cum fere centum medicamenta suppetant, à quibus eundem sperare habeamus effectum. Quæ alias Circuitores ejusdemque farinæ homines alii, superstitiosa fascinaque ex radice faciant, utpote ex qua æque atque ex bryonia spiritus familiares (vulgò *Heintzel-Mäncher*) efformant, satis innotescit: ista vero partim à *Deusingio* in peculiari *Discursu de Mandragora*, partim in *Miscell. Acad. Germ. Cur. Dec. I. A. I. Obs. 48. pag. 123.* videbis descripta. Quæ superstitio ab Ethnicis videtur profecta, quorum CIRCE hanc ipsam plantam habuisse in usu perhibetur, cui propterea CIRCÆÆ inditum nomen est, ut *D. Hoffmannus* in *Clavi Schræd. pag. 499.* commemorat. Paucos ante annos videnti ejusmodi efficti laris (*Heintzel-Männleins*) copiam mihi dedit *Dn. Peikenkampius*, Physicus Marburgensis, valdè curiosus, quem vir quidam suspectus, cui pecuniam dicebatur attulisse, in Dicastèrio reliquerat, ingenuo autem *Dn. Peikenkampio* necquicquam erogabat, quod cum paupere diabolo fœdus inierat nullum.

## CAPUT XXXIV.

DE

## SCILLA.

## §. 1.

SCILLA, (*Meer - seu Maus - Zuvibel*), Sexotica magnaue cepa est, crassitie pugni, saporis valde acris & amari, sed tamen viscosi, odoris nullius. Ex Hispania advehitur, ubi juxta mare inque locis vicinis, unde nomen obtinuit, crescere perhibetur.

## §. 2.

Duæ tresve istius dantur species, alba nempe & rubra, quæ ejusdem sunt magnitudinis, & alia insuper major, PANCRATIUM dicta. Posterior lata quidem folia profert, nullum vero nec florem nec semen. Priores decore longum, rotundum glabrumque caulem, pulchris ex albo flaventibus floribus utrinque exornatum, emittunt, quibus exsiccatis deciduisque post paucos dies lata crassaue folia succedunt, periolis destituta, haud secus atque in liliis albis apparet.

## §. 3.

Optimæ sunt recentes, ponderosæ, duræ, beneque concretæ, in lateribus non contusæ, nec putredine affectæ, ad quam dicuntur proclives, bene monente *Pometo* in *Histoire des Drogues pag. 179.* Siccæ quoque sint, ac caute stramine operiantur, ut ne una alteram atterat, alias enim excrescunt, viresque dispereunt, teste *Marxio* in *Mater. Mus. p. 176.*

## §. 4.

Scilla vehementer calidæ exsiccantisque naturæ est, tantæque acrimoniæ, ut manibus se crudam recentemque tractare volentibus vesiculas inurat. Quæ causa est, quamobrem recens à quibusdam virosa habeatur, proptereaque in frusta incisa & in aëre siccanda putetur, quo aliquid acrimoniæ deperdat ante, quam trahatur in usum. Pharmacopolæ etiam scillam massa panis investitam, in furno instar panis



nis coquunt: massam deinde cultro ligneo remouent, scillam vero in laminas dissectam exsiccant, ut non solum Pharmacopola *Vielheuerius* in *Descript. Exot. Mater.* pag. 145. commemorat, sed *Dispensatorium* quoque *Augustanum* jubet. Enimvero, quoniam hac ratione sal ejus volatilis, in quo vires potissimum resident, avolat, scillaque magis destruitur quam melioratur, istam correctionem non *Zuvelserus* solum rejicit in *Pharm. Reg.* pag. 146. sed alii quoque praeclarissimi Medici, *Hoffmannus* & *Ettmüller.* in *Comment. Schræd.* pag. 547. 659. Cæterum vi valde discutiendi resolvendique pollet, tenacem impactamque pituitam, præcordiorum angustiam & trahendi spiritus difficultatem inducentem, è thorace ejicit; quibus in affectibus adeò decantatum OXYMEL SCILLITICUM & LOCH de SCILLA multum levaminis afferunt, nec non ACETUM SCILLITICUM, quod etiam pituitam in ventriculo & intestinis stabulantem resolvit educitque; à Pythagora, istius inventore, pro panacea atque ejusmodi medicamento, quod ad prologandam vitam faciat, habitum, ut in *Theod. Tabernamontani Lib. II. de Plantis* pag. 342. legimus. Imo jam dictus Pythagoras hanc de scilla fovisse opinionem perhibetur, suspensam super januam scillam arcere à domo medicamentum nocivum. Præparati exinde trochisci theriacam ingrediuntur. Ad quædam externa quoque medicamenta sumitur, utpote Emplastrum de alth. & diachyl. magnum.

### Epilogus.

Tantum de rarioribus & maximam partem exoticis radicibus, apud solos Materialistas reperiundis, & ad emendum conquirendis. Quum verò in officinis multæ quoque radices indigenæ habeantur & istarum descriptio s. delineatio uberior hic loci videatur nimis prolixa, brevem saltem succinctamque illarum faciemus mentionem, quas scimus in omnibus herbariis reperiri, radicumque collectoribus ac hortulanis innotescere; istas E. ordine alphabetico persequemur:

RADIX *Althææ* oblonga, ad albedinem rasa & incisa radix est, sapore mucilaginoso.

- - - *Angelicæ* fusca, acris & subamara radix est, odore fragrans, in Alsatia, Brisgovia ac Lotharingia luxurians. Recentem absinthium à carie tutam præstat, vid. *Schurzius* in *Mater. Mus.* pag. 71.

- - - *Apii* pollicis crassitiem habens, superius capite, inferius fibris parvis numerosis exornata. Helvetiorum barbam refert. Plerumque in tenues lamellas incisa in officinis asservatur. Saporis est subacris.

RADIX *Aronis* alba rotundaque radix est, dimidiam hermodactylorum habens magnitudinem, saporemque vehementer acrem: quam in scatulis oportet asservari.

- - - *Asari* parva, fibrosa & implicata est, sapore nauseabundo & acri, odoris fragrantis, nardini.

- - - *Asparagi* longa albaque ac fibrosa radix est, ex uno capite progerminans, saporis subdulcis & viscosi. In fasciculos collecta, loco sicco, in superioribus ædium partibus, ubi transitus aëris liber est, exponitur. Istius quidem Germania quoque ferax est, maximam tamen partem ex Hispania Galliaque venit.

- - - *Asphodeli* ex flavis corticibus vel frustis cepæ cognominis constat, saporeque est mucilaginoso.

- - - *Barbæ caprinæ* crassa est, foris nigricans, intus rubra, numerosis fibris cincta, odore fragrans.

- - - *Bardanæ* oblonga crassaque radix est, extrinsecus nigra, intrinsecus albida, saporis subdulcis juxta ac subacris, odoris non adeo notabilis.

- - - *Bistortæ* oblonga est, pollicem crassa, foris nigricans s. ex fusco nigra, intus pallide rubra, saporis adstringentis.

- - - *Borraginis* longa, superius recta, inferius fibrosa radix est, extrinsecus fusca, intus alba, sapore subdulci.

- - - *Brusci* perexigua tenax radix est, integris fasciculis, foris intusque ex albo cinerea, quam in superioribus domuum partibus oportet asservari.

- - - *Bryoniæ* permagna crassaque, intrinsecus forisque albicans radix est, multis circulis exornata, saporis acriter amari, odoris nauseabundi. In frusta lamellasque incisa asservatur.

- - - *Buglossæ* cum radice borraginis cum externa facie, tum viribus convenit, quanquam paulo crassiores habeat fibras.

- - - *Caryophyllatæ* valde fragrans est, superius capite, è quo multæ fibræ prodeunt, instructa; saporem habet subacrem, atque caryophyllos aromaticos, unde nomen accepit, redolet.

- - - *Cervicariæ* longa, alba nodosaque radix est, paucis fibris prædita, sapore grata & dulcis.

- - - *Chelidonii* ex flavo fusca, superius crassa, inferius tenuis & amara est.

- - - *Cichorii* crassa, longaque ac numerosis furculis circumdata radix est, foris fusca, intus alba, subacris & adstringente sapore prædita.



**RADIX** *Consolidæ* majoris longa digitumque crassa furculosa radix est, extrinsecus nigra, intus alba, saporis subdulcis & viscidus.

- - - *Cucumeris Asinini* alba & acris radix est, quæ ob latitudinem in lamellas incisa exsiccat, atque ita Materialistis offertur vendenda. Libentius calidis in regionibus crescit, præsertim in Italia; nihilo vero minus etiam in Germania colitur.
- - - *Cynoglossæ* longa radix est, digiti habens crassitiem saporemque adstringentem.
- - - *Dictamni albi* ex corticibus radicum constat in officinis, canaliculosis prorsusque albis, saporis subamari.
- - - *Ebuli* longa radix est, saporis amari, subacris & nauseosi.
- - - *Enulæ* non spernendæ crassitie radix est, fuscaque & fragrans, subamara & acris. In lamellas incisa exsiccat & de funiculo suspenditur. In locis udosis ac pratis libentius crescit, vereque aromatica radix est, adeo, ut sint, qui salem volatilem, camphoræ haud dissimilem, exinde destillant.
- - - *Eryngii* ex flavo fusca est, saporis subacris ac primum amari, postea dulcis.
- - - *Esulæ* duplex est, minor & major, quarum hæc pollicem crassa, acris ac nauseosi est saporis: illa minor licet, vires tamen habet easdem. In Thuringia effodiuntur, excisioque interiore nucleo, quod remanet, siccat & dividitur.
- - - *Farsaræ* parva tenuisque radix est, acris viscidoque sapore prædita.
- - - *Filicis* ex nigro fusca solidaque radix, crassitie mediocris, saporem habens adstringentem, & quando recens est, viscidum.
- - - *Filipendulæ* nodosa radix est, foris fusca, intus ex rubro flavens, saporis adstringentis. Tubera de longis tenuibusque fibris pendent; unde Latini id ei indiderunt nominis.
- - - *Feniculi* longa nec adeo crassa alba radix est, odorem dulcem saporemque viscosum & subaromaticum exrens.
- - - *Gentianæ* longa crassaque & glabra est, extrinsecus lucide fusca, intrinsecus flava, saporis vehementer amari.
- - - *alba peucedanum* Italicum est, prorsus inulitatum.
- - - *Graminis* longa tenuisque est, geniculata, saporis subacris.
- - - *Hyoscyami* crassa, foris intusque flavescens radix est, sapore valde amaro & acris prædita.

**RADIX** *Hirundinariæ* parva, numerosis albis fibris cincta tuberosa radix est, subdulcis & subacris saporis, odoris fragrantis.

- - - *Imperatorie* non spernendæ crassitie & aspera radix est, foris obscure fusca, intus alba, saporis acris & valde aromatici, odoris fragrantis. Plerumque ex Helvetia, præsertim Valesia, in fasciculis venit, teste Schurzio in Mater Mus. pag. 73.
- - - *Lapathi acuti* recta & fusca radix est, saporis adstringentis.
- - - *Levistici* longa radix est, pollicis crassitie, in crassas fibras divisa, foris fusca, intus pallida, sapore acris & aromatico, odore fragrantis: cariei facile obnoxia.
- - - *Liliorum alborum* ex squamosis cepis constat, saporem habentibus mucilaginosum. Ubique in hortis colitur.
- - - *Malvæ* longa, albaque & viscosa est.
- - - *Morsus Diaboli* fibrosa radix est, superius crassiusculo capite s. tubere prædita, infra retuso apparente, haud secus ac si quid demorsum sit, quæ denominationis ratio est.
- - - *Nymphææ* crassa spongiosaque radix est, sapore adstringente acerboque prædita.
- - - *Ononidis* longa ramosaque ac lignosa est, principio subamara, deinde vero subdulcis.
- - - *Petasitis* valde resinosa radix est, quæ propterea saporem aromaticum & subamarum habet, odorem etiam fragrantem. Juxta rivos litora que feliciter crescit.
- - - *Pentaphylli* longè protenta radix, extrinsecus cinnamomi referens rubedinem, intus pallida, in frustra incisa stellata apparet. Plerumque vero nucleus eximitur, solusque cortex crassus, qui in canalescoit, in officinis reperitur, sapore primum adstringente, postmodum aliquantum penetrante conspicuus.
- - - *Peucedani* longa crassaque est radix, intus forisque alba, odoris resinosi, saporis acris, subamari & viscosi.
- - - *Phu Pontici* fibrosa, superius capitata radix est, foris lucide fusca, intus pallida, saporis aromatici & subacris odoris fragrantis. A catis defendenda est, quod scimus super istam se volvere.
- - - *Pimpinellæ* longa est, calami scriptorii habens crassitiem, saporemque acrem.
- - - *Pæoniæ* mediocriter crassa manumque longa radix est, extrinsecus fusca, quæ rarsa foris intusque alba apparet, saporem subdulcem habet, sed simul subacrem, modiceque adstringentem.



RADIX *Polypodii* aspera & longa est, crassitie auricularis digiti, saporis valde dulcis, & tamen subacris. Fusca post exsiccationem: infracta intus flava, foris non nigra apparens, habetur bona.

- - - *Rhodia* tuberosa friabilis radix est, extrinsecus fusca, intus alba, rosas, unde nomen habet, redolens, ad modum ligni rhodini, quocum tamen non confundenda.

- - - *Satyrii* ex oblonge rotundis tuberibus constat, sapore subdulcibus, sudorem redolentibus.

- - - *Saxifragia* longa radix est, crassitie auricularis, saporis acris.

- - - *Scabiosa* morsui diaboli externa facie similis apparet, nisi quod magis fusca sit.

- - - *Scorzonera* digitalis crassitieci radix est, exteriore cortice ex rubro albicans, intus prorsus alba apparens, sapore dulci pollent. Circa Jenam crescit.

RADIX *Scrophularie* crassa, inæqualis & verrucosa radix est, extrinsecus ex opaco fusca, intus pallida, sapore acris, amaro & subadstringente.

- - - *Sigilli Salomonis* non spernendæ crassitieci & longa radix est, foris intusque albicans, saporis subdulcis & subacidiusculi.

- - - *Tormentilla* brevis ac tuberosa radix extrinsecus ex opaco fusca, intrinsecus subrubra est, sapore adstringente.

- - - *Victorialis* duplex est, rotunda & longa. Binæ è Tyrolensibus & Salisburgensibus montibus veniunt, a Circuitoribus in superstitiones non unas trahendæ: à Medicis autem perraro usurpantur. Viribus cum allio conveniunt.

- - - *Urtica* valde longa & geniculata radix est, stramen referens, sapore subacris prædita.

## LIBRI SECUNDI SECTIO III.

DE

### PLANTIS FLORIBUSQUE EXOTICIS.

#### CAPUT I.

DE

#### FOLIIS ACMELLÆ.

##### §. I.

**F**OLIA ACMELLÆ tenera & crenata folia sunt, magnitudine figuræque urticæ mortuæ non multum dissimilia, paucis abhinc annis, scilicet 1690. ab Indicâ Mercatorum Societate primùm ex India Orientali in Bataviam transportari coepta, in Germaniâ non adeò nota; quanquam dubitandum haud sit, quin propter celebres, quibus pollent, virtutes, apud nos quoque in usum veniant. Saporem paulò subtilem & calefacientem habent, nec tamen acrem.

##### §. 2.

Acmella planta potissimùm in Ceylan Insula crescit, & à Botanicis Chrysanthemum bidens, s. Bidens Zeylanicum vocatur. Ex albâ fibrosaue radice caulem propè quadrangularem progenerat, pedis forrè altitudine, multosque ramusculos, oblongis, acuminatisque & crenatis foliis stipatos, ut ex utraque figurâ apparet, quarum unam Dn. D. Spenerus in *Epistola de muribus marinis* typis vulgata & *Amstelodamò* Anno 1700. ad me transmissa mecum communi-

cavit, quippe qui primus fuit, qui de ejusmodi foliis publicè scriberet: cujus figura licet ab aliis atrofa fuerit correctaque, facile tamen venit excusanda, quoniam principio non quæcunque rerum exoticarum minutissima experiri integrum est, nosque aliorum relationibus sæpe oportet esse contentos. Altera figura haud diu post, istò ipsò annò, ab juniore Dn. Breynio, (quippe quam à D. Ruyschiò Amstelodami acceperat,) in peculiari Lugduni habita *Disputatione* adumbrata, & à Dn. Lipsensibus *Actis Eruditorum* Anno 1701. *Mens. Jan. pag. 31.* inserta est, in qua figuræ minores sub Lit. A. solum flosculum, Lit. B. annexa squamulam & Lit. C. semen repræsentant.

##### §. 3.

Quoad ejus fieri potest, recentia minusque inveterata conquirantur folia, quod istorum vires maximam partem in subtilibus volatilibusque particulis constant, quibus urinam, etiam valde suppressam, potenter cient, atque adeò iis, qui longo annorum spatio calculò renum similibusque morbis fuerunt affecti, multum ferunt



opis, siquidem à præcipuis Insulæ Ceilon hominibus pro peculiari remedio adversus renum atque vesicæ calculum, suppressionem urinæ similesque affectus, habentur: quam etiam ob causam sanguinem promovere menstruum perhibentur.

## §. 4.

Quæ acmellæ folia ut figura vulgari theæ haud multum dissimilia sunt, atque similiter in pyxidibus ex bractea confectis asservantur: ita ratione virium ususque medicinali theæ, ab aliquibus *Thee-Boeye* dictæ, valde prope accedunt, quippe ab Indis simili modo aquæ calidæ infundi solita, quod deinde infusum, extractis viribus, calidè usurpant.

## §. 5.

Præterea ex istis foliis spiritus quidam destillatur, si quando liquor Arack affunditur, iterum abstrahendus. Hunc verò spiritum Indi vel ex oryza, secundum *Pometum* in *Appendice Mater. Mus.* vel secundum relationem aliorum, ex saccharo & vino palmarum destillant.

Meo autem iudicio vel spiritus vini, vel alius quidam accommodatus spiritus foliis posset affundi, qui ad istorum proliciendum spiritum valeat, quippe quem rectè præparatum ad XII. vel XV. guttas sumtum, fortiter promovere urinam supra memoratus *D. Spenerus* suo exemplo comprobatur.

## §. 6.

Id tamen demus operæ, ut ne majores fabulisque similiores istis virtutes adscribamus. Folia cum silice mansa hunc prorsus emollire friabilemque reddere quorundam somnium est. Prædictus siquidem *Dn. Breynius* ingenuè confitetur, se hujus rei experimentum facturum sua in opinione fuisse deceptum. Cæterum rariorum quarundam curationum mentionem facit, à clarissimo *Dn. D. Dekkero* in nephritide, suppressione urinæ & similibus observatarum, sub cujus præsidio memoratam per-elegantem *Disputationem de Radice Ginseng, & Chrysanthemo Bidente Zeylanico*, *Acmella* dicto, habuit, quæ hac de re agit pluribus.

## CAPUT II.

## DE

## THEA VULGARI ET CÆSAREÆ.

## §. I.

**T**Heæ folia usque eò hodie nota sunt, ut fusi ista describere fere supervacaneum videatur. Quò verò & isti debitum jus præstemus, sciendum, Theam, ut Europæis obtingit, ex nigris seu obscurè viridibus convolutis foliolis constare, saporis subamari, aromatici & leviter adstringentis, fragrantisque ac recens fœnum imitantis odoris. Ex India Orientali in magnis metallicis capsulis & vasis (quæ ex calino, certo aliquo metallo, bonitate stanno viliori, plumbo verò multum præferendo, componuntur, atque, ne vis ulla avolet, circumcirca Indica papyro muniuntur) pondere centenario, vel integro, vel dimidio, aut parte saltem quarta istius, ab Societate Mercatorum in Bataviam Angliamque transportatur, apud nos vero in pyxidibus è lamina confectis pondere semilibræ aut quartæ libræ partis divenditur.

## §. 2.

Vix innotuerant folia, & cupido incessit naturæ curiosorum Botanicorumque animos investigandæ originis. Qui primum de ista commentati sunt, utpote *Bontius*, *Varenius*, *Olearius*, *Mandelslo*, alique, plantam esse existimabant. Enimverò, quum quidam PP. Jesuitæ *Trigautius*, *Rhodius*, *Martini* &c. tanquam Missionarii in Chinam Japoniamque venirent, non plantam, sed parvam arbusculam s. fruticem esse observarunt, id quod foliorum quoque tenacitas poterat indicare. In quo tamen Doctores non

conquiescebant, sed inquirebant ulterius, num ejusmodi frutex etiam in Europa & fortasse Germaniâ ipsa reperitur, ut theam, tum temporis nimis adhuc caram, ex India sibi afferri non necesse haberent. Quamobrem clarissimus *Daniae Medicus, D. Simon Pauli*, eam in cogitationem venit, ut existimaret ejusmodi arbusculam nihil esse aliud, quam chamæleagnum, Germanis *Post* dictum: quam sententiam in peculiari *Tractatu, de Abusu Tabaci & Herb. Thee*, fusius deductam, Facultati Medicæ Parisiensi transmissit dijudicandam. Cui haud multo post per filium suum *Dn. Joannem Joachimum Pauli*, tum in Indiam Orientalem proficiscentem, in naturam veramque rationem inquirenti, *Dn. Lic. Cleyerus*, Proto-Medicus in Neo-Batavia, Vir in referendo verè ingenuus amicusque noster integer, rogatus respondit, aliquam quidem inter Theæ & Chamæleagni folia, ratione externæ figuræ, esse similitudinem, nimis tamen magnum inter utraque intercedere discrimen, ut ex præposita in *Mus. Germanicò* figura (quam laudatus *Dn. Cleyerus* in Japan de virente frutice desumi curavit, quamve etiam *Acta Med. Hafnien-sia Vol. IV. pag. 2.* exhibent) videre licet, simul etiam referens, qua ratione is colatur, theæque folia colligantur. Qui in China Japoniaque habitant, factæ in terra foveæ 40. vel 50. semina seu baccas imponunt, foveamque terra obrutam tegunt stramine. Ex istis 6. 8. 10. vel 14. frutices progerminant, quos una omnes sinunt crescere,



土  
瓦  
之  
器






















Fig. II.

CACAO









crescere, quod sibi vicini esse amant. Quos triennium crescere ac quiescere permittunt, priusquam Théa folia decerpant, quo tempore elapso, mense Aprili recens progerminantia folia, à veteribus non deciduis factis, proptereaue flaventibus, facile distinguenda, cœlo sereno colligunt, è quibus tenuia angustaque, ante tres saltem aut quatuor dies emissâ, æstimantur optima; quam & lata pingui in solo, isto temporis spatio, possint crescere.

## §. 3.

Valdè verò memorabile est, Thea recentis narcoticam, stupefaciendi, inebrandique inesse virtutem, à nullo Scriptorum, quantum recordor, observatam. Interea quidam paucis ante annis ex India Orientali redux factus, istarumque rerum expertissimus vir, *Dn. D. Kämpfferus*, Westphalus; (qui longo tempore apud *Dn. Cleyerum* in India commoratus fuit, istiusque nomine ante sedecim annos epistolam aliquam in duplo, cum rebus quibusdam curiosis, ad me transcripsit, quæ tamen naufragio intercidit) istius rei coram me certior fecit, ex ipsaque partim præparatione, quæ tostione peragitur, partim virtute, qua ad modum cæterorum opiatorum, parva dosi sumtorum, somnum impedit, facile colligi potest & affirmari. Quâ virtute quo liberentur recentia folia, atque ad usum quotidianum præparentur, indita capaciori ferreo vel cupreo cacabo folia manu super igne volvunt & agitant, donec succus paulum effluat. Deinde alia super scamno volutando in globulos redigunt, similiter, ut priora, aliquoties torrenda & volvenda: pro minori enim vel majori præparatione viliora sunt ac cariora; id quod supra laudatus *Dn. D. Kämpfferus* non solum præsens mihi retulit, sed *Dn. Cleyerus* quoque in *Epistola ad D. Simonem Paulli* exarata, *Actis*que *Hafniensibus* l. c. inserta, commemorat.

## §. 4.

Alias variæ Thea species sunt, foliorum tum magnitudine, tum colore distinguendæ. Optima eleganter viridis est, grati & saporis & odoris, qualis plerumque Japonensis esse solet, non rarior solum ac melior, sed carior quoque. Ea fortasse est, quam apud nos Theam Cæsaream, vulgò *Kâyser-Thee* vocant: quo tamen nomine in India saltem florem, quo Cæsar plerumque utitur, indignant, teste *Georgio Meistero*, in *India Orientalis Viridario* pag. 176. Ipsum quoque infusum Thea differentiam ostendit, dum recens bonaque thea viridiusculum, vilior vero flaventem colorem relinquit: quamquam pro diverso tempore nunc plus minusque extrahat. *Pometus* porrò nec

## THEÆ FLORES

putat prætereundos, floribus quam foliis similiores, qui coloris ex nigro fusci à Batavis auro dicuntur æquiparari, vid. Gallicum ejus

*Mater. Mus.* pag. 144. Ipsi Catiena, ponderis genere in India, 100. Imperialibus dicitur venire, teste *Georgio Meistero*. Quibus haud absimilis est *Thée Boye*, vulgò *Thée de Bu*, quam balsamo quodam imprægnari Frater *Dn. D. Hoffmanni*, Advocati Camera Imperialis Wetzlarensis, ex India per literas asseruit: unde & sapore & colore à foliis Thea nativis multum differre videtur.

## §. 5.

Quum verò Thea folia adeò pretiosa sint, hodieque libra rarò minus quinque Imperialibus haberi queat: plurimi Medicorum existimarunt alias apud nos istius in locum surrogari posse plantas, à quibus eundem expectare habeamus effectum. Hinc est, quamobrem quidam Betonicam, Theam similitudine ferè referentem: alii Veronicam, à *Francô* atque *Pechlino* propterea Veronicam Theizantem in *peculiaribus libellis* vocatam: Roremmarinum alii, ut *Ettmüllerus* in *Comment. Schrad.* pag. 673. tandem alii Salviam istius loco commendunt, quippe cujus infusum ultimo in bello Officiales non solum cum fructu biberunt, sed istam quoque Indi Thea commutant, Societati Mercatorum Indicæ pro libra una salviæ libras duas, imo plures, Thea concedentes. Quæ fortasse causa est, quamobrem Thea apud nos vilior, quam ipsa in India, haberi queat. Quod si verò prorsus carere Thea nolimus, ductu clarissimi *Olai Borrichii* alias insuper, morboque accommodatas, eidem addere plantas, Theamque appropriatam conficere licitum erit, qualis in *Ejus Tract. de Usu Plantarum* reperitur.

## §. 6.

Utriusque, simplicis & permixtæ Thea, usus est, ut drachmam unam, aut duas vel quantum placet, in aqua fervida extrahi sinamus, donec viridiusculum colorem acquirat, quam in scutellas porcellinas effusam sorbillando hauriunt. Ahena aliaque bibendæ thea aptata vasa non in India solum, sed Germanis quoque, in domibus parandi potus Coffe gratia exstructis, in *Tr.* supra citato de *abusu Tab. & herb. Thée D. Simonis Paulli* figuris eleganter apparent delineata. Ad conciliandam dulcedinem sacchari Canariensis pulverati additur quantum placet: pro quo Indi anisum stellatum addunt, cujus in locum nostris in regionibus anisum vulgare vel liquiritiam licet surrogare.

## §. 7.

Vires ejus qualitatesque tribus in partibus valde nervosè describit *Atlantis Sinici* auctor *P. Martinus Martini*, pag. 106. scribens: Theam 1. caput alleviare, 2. stomachum confortare, 3. renes à sabulo calculoque liberare. Reliquas istius virtutes *Amicus* quidam sequentibus rhythmis Germanicis complexus est, quos in gratiam Extraneorum totidem syllabis reddemus Latine:



I.

*W*ilt du der Gesundheit pflegen  
Und von Kranckheit mancher Art,  
Biß ins Alter seyn verwahrt,  
Laß dir diß seyn angelegen:

Recipe

Edlen Thee;

Der verschafft durch seine Tugend,  
Daß vvir vverden vwie die Jugend.

2.

Wo der Magen ist geschwächet,  
Wo dein Blut entzündet ist,  
Und du kranck im Haupte bist,  
Wann du auch zu viel gezechet,

Recipe

Edlen Thee,

Der befreyet Haupt und Magen  
Gar geschwvind von allen Plagen.

3.

Hastu noth von vielen Winden,  
Ist der Darm so voll gepfropft,  
Die Passage ist verstopft,  
Daß der Ausgang nicht zu finden,

Recipe

Edlen Thee,

Der vvird besser als clystieren  
Auff den rechten Weg es führen.

4.

Will dich Gicht und Scharbock quälen,  
Greiffst das Zipperlein dich an,  
Das kein Artzt dir helfen kan,  
Dieses Mittel vvird nicht fehlen:

Recipe

Edlen Thee,

Der vvird deinen lahmen Füßen  
Ihre Schmetzen bald versüßen.

5.

Flecken, Finnen, Eyterbeulen,  
Kupffer-Nasen, und Gesicht  
Da der Wein mit Macht ausbricht,  
Wilstu aus dem Grunde heylen,

Recipe

Edlen Thee,

Der vvird von Gesicht und Nasen  
Solchen Unflat bald vvegblasen.

6.

Macht die Colic dir viel Schmetzen,  
Zeucht der Krampff die Sennen an,  
Das dir niemand rathen kan,  
Und betrübet dich von Hertenzen,

Recipe

Edlen Thee,

Der vvird alles bald curiren,  
Und das Hertz zur Freude führen.

7.

Ist der Vater dir gestorben,  
Wolte gerne seine Pflicht  
Legen ab und kan doch nicht,  
Und die Mutter auch verdorben,

Recipe

Edlen Thee,

Der vvird ihn zu Liebes-Wercken  
Kräfttig auch die Mutter stärken.

I.

*S*Anitati si consultum,  
Et à morbis variis  
Tutus senex esse vis,  
Tibi semper esto dictum:

Recipe

Potum Thée,

Qui per nobilem virtutem  
Tibi reddet juventutem.

2.

Stomacho debilitato,  
Fermentante sanguine  
Dolenteque capite,  
Damno crapulis parato,

Recipe

Potum Thée,

Caput, stomachum curari  
Senties mox liberari.

3.

Flatus quoque si affligit,  
Transitus si pristinus  
Est infarctus, crastinus  
Obicem si dies figit,

Recipe

Potum Thée

Melius clystere dabit  
Viam, exitum parabit.

4.

Si te afficit scorbutus,  
Et arthritidis despicit  
Artem, opem rejicit,  
Ab hac uno sis adjutus:

Recipe

Potum Thée,

Hic dolore te levabit,  
Pedibus & gressum dabit.

5.

Pustularum tu foetorem,  
Foedam varis faciem,  
Vini & progeniem  
Pellere si vis colorem,

Recipe

Potum Thée,

Maculis deletis, vultum  
Faciet nitore cultum.

6.

Dolor si quis colon tangit,  
Partes trahit nerveas,  
Nec quicquam solatur eas,  
Id quod mentem valde angit,

Recipe

Potum Thée,

Hic dolore te levabit,  
Gaudiumque cordi dabit.

7.

Si amoris conjugalis  
Deficit jucunditas,  
Uterique bonitas  
Non est major, sed æqualis,

Recipe

Potum Thée

Ad amandum inflammabit,  
Uterumque confortabit.



8.

Hat der Ehstand dir versaget  
Einen Erben anzusehn,  
Und thust traurig einhergehn,  
Ey nur nicht zu bald verzaget,

Recipe

Edlen Thee,

Der vird in die Nieren lauffen,  
Daß du bald virst lassen tauffen.

9.

Summa, alles vvas da kräncket,  
Unser Leib und Glieder all,  
Deren beyden ohne Zahl,  
Und vvas nur zur Kranckheit lencket,

Nimmt ohn Weh

Weg der Thee;

Drum so preise seine Kräfte  
Höher als die Lebens-Säfte.

10.

Diß nur hab ich vvaabgenommen,  
Daß, vver Noth an Würmen spürt,  
Und davon vwill seyn curirt,  
Nicht mus an diß Mittel kommen,  
Weil ich seh,  
Daß der Thee  
Mehrt die Würme fast mit Hauffen  
Denen die ihn täglich sauffen.

8.

Nullus si succedit hæres,  
Sterile conjugium  
Demit omne gaudium,  
Nolim ideò desperes,

Recipe

Potum Thee,

Renes tibi stimulat,  
Et hæredem brevè dabit.

9.

Omne quicquid corpus angit,  
Quicquid artus cruciat,  
Quo id caro sentiat,  
Thea potus tollit, tangit

Sine fraude

Summa laude.

Ergò comparate notum  
Succis vitæ Thea potum.

10.

Sibi sentient nocere,  
Qui vermiculosi sunt  
Et curari cupiunt,  
Thea sese abstinere

Est consultum,

Quia multum,

Vermes apta adaugere  
Per creberrimum sorbere.

Plura habet Experientiff. Dn. D. Kämpferus, in  
Amarit. Exot. Fasciculo III. cujus sequens est

## THEÆ JAPONENSIS HISTORIA.

§. 8.

**T**Hea historiam daturus fortasse actum agere  
videar, cum Clarissimus Dn. D. ten Rbyn  
(meus in Japonicâ statione quondam antecessor & amicus honoratissimus) prolixam & satis accuratam publicaverit, per Cl. Breynium, in appendice Centuriæ exoticarum. Verum, cum eidem attentissimo Viro brevior in regno moram & strictiorem quodammodo vitam agere contigerit, destitutus occasione quædam omisit scitu digna & ad historiæ integritatem spectantia, quæ hîc addere, adeoque brevem totius historiæ repetitionem instituere, operæ duxi pretium:

TSJA,

*Thea, frutex foliò Cerasi, flore rosæ  
sylvestris, fructu unicocco, bicocco & utplurimum tricocco.*

**T**HEA ultra Orgyæ altitudinem tardò incremento fruticans, radicem habet inconditè brachiatam, lignosam, superficie nigricante: Caudicem ab imo ramosum, brachiis surculisque plurimis, inordinatè extensis. Cortice tegitur infirmo, exsucco, tenui, coloris badii, in caudice canescentis, in cymis tantulum herbei. Lignum ei duriusculum & fibratum est, medulla

exigua, firmiter adnata. Folia pediculis carnosissimis brevissimis nixa, surculos perenni, nisi decerpas, vigore inordinatè occupant singula, foliis Cerasi hortensis fructu acido, substantiâ, figurâ, colore & magnitudine, paria: utut recens nata, qualia pro interno usu carpuntur, magis fortasse folia Evonymi vulg. gran. rub. excepto colore, referant. Flores autumnò singuli geminive ex foliorum axillis prodeunt, Rosæ sylvestris facie, in diametrum pollicarem & amplius (vix integrè) expansi, remisse fragrantés, albi, hexapetali, petalis rotundis, concavis. Pediculis insunt semiuncialibus, ex tenui principio crassioribus, qui in squamas incerto numero (quinas & senas utplurimum) parvulas, orbiculatas, caliculi vicem præstantes, desinunt. Fructus florem numerosus excipit, monococcus, bicoccus, & utplurimum, ad instar seminis Ricini, tricoccus, concretus ex tribus globosis capitulis, pruni sylvestris magnitudine, ad centrum communis pediculi coëuntibus, & pulvinatâ depressione (quâ diffringi possunt) distinctis. Constat idem ex pericarpio & nukulâ, singulis capitulis strictè inclusâ. Pericarpium herbei coloris est, per maturitatem nigricans, superficie opacâ, substantiâ pingui membranaceâ & quodammodo lignosâ, summa facie per siccitatem (post annuam in plantâ moram) dehiscente, ut per singulas fissuras promineat nucula. Nucula ferè globosa est, tantum aliquâ sui parte, ex accubitu, compressa; corticalâ tegitur tenui, duriusculâ, micante, spadiceâ & Castaneæ nucis similimâ, quâ detractâ nucleus prodit, externâ superficie rufens, substantiam obtinens nucis avella-



avellanæ solidam & oleosam, sapore primum vapido & subdulci, mox seminis *Cheiri* instar amaro & valde tetrico; sed qui salivam acriter provocat, & ad fauces dilapsus nauseoso sensu, citò tamen disparente, gustantium guttura offendit.

## §. 9.

*Thea*, Japonibus *Tsjaa*, Sinensibus *Theb* dicta, caractere proprio & ab Academiis probato receptoque (quales rerum definitiones insinuant) nondum donata est. Variis interim insignitur supposititiis: aliis, qui saltem vocis *Theæ* sonum exprimunt, aliis, qui plantæ virtutes & descriptionem. Ex posteriori censu ille est, qui palpebras delineat, inclyti inter gentiles Sancti alicujus, cui *Darma* nomen est. Notionis lepida est & haud insuper habenda ratio, ex eo, quod chronologiam primi *Theæ* usus ostendat, quam, si cum veniâ lectoris licet, brevi digressionem adnotabimus. *Darma*, Indorum Regis *Kosjuvvo* filius natu tertius, sanctus, religiosus & religiosorum Papa fuit, à *Sjaka*, Indo pariter nigrîtâ, Orientalis Gentilismi auctore, ante Christum annis 1028. nato, vigesimus octavus in religionis præsidio successor. Hic in Sinam, anno post Christum natum 519., appulsus, omnem impendit curam, ut Dei notitiâ & vera (quod dicebat) religione, quæ ad beatitudinem duceret, populares imbueret. At doctrinâ non modò, sed exemplò etiam profuturus, sub dio exigendo vitam, affligendo corpus, & affectus variè domando, satagebat sibi Divinam conciliare gratiam; foliorum visitabat esu, & quod caput sanctitatis est, in perpetuo *satori*, i.e. contemplatione summi Numinis, noctes ducebat pervigil & insomnis: Hoc palmarium arbitratu poenitentis vitæ & perfectionis humanæ metrum, si corpori otium & requiem negans Deo indefinenter vacaret. Accidit post vigilias plurimum annorum, ut insolatione & longa inedia fatigatus somno corripereetur. Violati voti, cum expergisceret, ductus poenitentia, & ne idem in posterum accideret cauturus, utriusque oculi palpebras, velut criminis instrumenta, resecat, ac in terram iratus projicit. Postridie in locum supplicii reversus, videt ex singulis palpebris admiranda transformatione natam arbusculam, *Theam* videlicet: quam stirpem antea Orbis vel non habebat, vel rectè ejus virtutem ignoraverat. Hujus ille foliolis vescens (an crudis, nescio, an aquâ præparatis) miram sentit lætitiâ animi & vigorem vacandi Divinis contemplationibus. Quam igitur virtutem in *Theæ* foliis absconditam & vescendi modum cum discipulorum multitudini commendasset, facile increbuit & in vulgus receptum est nobilissimæ stirpis usus nunquam satis dilaudandus. Planta interim, dum caractere proprio careret, notari *Darma* palpebris consuevit. Placet inspicendam hîc apponere inclyti Viri imaginem, qualis inter gentiles magna veneratione co-

litur, arundine pedibus suppositâ, quâ mare & flumina superasse traditur. Hæc de nomine.

## §. 10.

Plantæ descriptionem dedi breviorē, quò ejus ideam Lector facilius conciperet. Addam nunc quæ ad pleniorē historiam considerari videntur: *Caudex* ab imò sæpe magis ramosus apparet, quàm revera est. Nam cum uni scrobi plura committantur semina, plures sæpe frutices eodem loco succrescunt, quos ignari unam reputant arbusculam. Addo quod annosi frutices, ad imum stipitem, quod solet, abscissi, plurimis furculis ramosi ac densiores resurgant, velut unius radicis proles. Primi ex semine furculi annotini, tum qui præcisa stirpe progerminant (qualem in Tab. sub num. 2. exhibeo) rariores semper, ac posterioribus multò pinguiorē ac liberalius extensi sunt. Ramosi fiunt successu temporis. *Cortex* firmus & arcuè adnatus est. Cuticula ei tenuis, per siccitatem aliquando abscedens; liber viridans, odore foliorum *Coryli*, sed graviusculo ingrato, sapore aliquantum nauseoso, amaro, sylvestri & adstringente. Lignum est durum, fibris crassis donatum, nonnihil ex herbeò candicans, odoris, dum viret, ingrati. *Surculi* densi sunt, nullo ordine confiti, tenues, breves, inæquales, nullis incrementi annulis signati: foliis singulis dense ac inordinatè stipati, ex quorum axillis gemma parva angusta prominet. *Pediculo* pingui, per brevi, herbaceo (cujus dorsum teres, antica facies compressa & quodammodo carinata est) insistit *Folium* ex membranaceo carnosum, longitudine maximâ geminâ uncia, latitudine pollicari vel minori, figuram obtinens ex angustiori principio languidè arcuatam, mucrone obtuso, sæpe etiam ovatam, in longitudinem repandam & inordinatè undulatam, medio depresso, ambitu aliquantillum reflexo; facies utraque lævis est, & ex depresso nervulis lacunosa, saturò & ingrato virore micans, in dorso magis dilutò; ora denticulis nonnihil repandis, duriusculis, obtusis dense & inæqualiter est crenata. Nervus medius per anticam faciem ingenti lacunâ depriimitur, in dorso insigniter prominens; ab eo utrinque quinque, sex, septemve tenuiores inæqualiter deviant, ante ambitum in se invicem recurvati: quos aliquando venulæ breviores vagæ intercurrent. Odorem recens habet nullum, saporem, quàm in cortice, remissiorē, id est, ex sylvestri subamarum adstringentem, sine tetricitate. Folium ratione solis natalis, situs, ætatis, haud parum in substantiâ, magnitudine & figurâ variat; unde ex novellis foliis, qualiâ in Europam tosta perferuntur, perfectiorum forma perperam judicatur. Folis maligna quædam vis & inimica cerebro qualitas inest, quâ, spiritus animales turbando, mentem inebriat, & tremulum inducit



nervorum motum: quæ verò assidue frigendo egregie corrigitur, ita ut, eliminatâ narcosis, blanda remaneat animales spiritus refocillandi efficacia. *Flores* copiosi furculos exoriant, per menses autumnales in proVectam hyemem continuâ successione nascentes, sex dotati petalis, quorum sæpè externorum unum vel duo, quasi sphacelo tacta, magnitudinem ceterorum non assequuntur. Sapor eis ingratulus & aliquantulum amarus est, linguæ basin protinus occupans. Floris cavum implet densum agmen staminum alborum, velut in rosâ minutissimorum, apiculis cordatis luteis. Numeravi stamina in unico flore 230. Fructuum *nuclei* valde sunt oleosi, & rancidinem citò contrahunt, unde plantati ex decem vix duo progerminant. Nullus vel florum, vel nucleorum indigenis usus est; eximiam tamen nucleis inesse virtutem, nullum mihi est dubium.

## §. II.

Culturam inchoamus à plantatione seminum: quibus conferendis Japonia non singulares hortos aut agros concedit, sed agrorum saltem margines, cujuscunque glebæ fuerint. Semina autem non plantantur in seriem continuam, qualiter in sepem excrescerent, sed per modica intervalla, ne succrescentes arbusculæ umbrâ suâ agris noceant, aut remoras nectant folia carpentibus. Immittuntur semina (vasculis adhuc inclusa) uni sesquipalmaris profunditatis scrobiculo, ad minimum sex, ad maximum duodecim. Pluralitas requiritur, quia vix quartum vel quintum progerminaverit, quòd pleraque vel cassa sint, vel corrupta rancore, quem citissime concipiunt. Hæc seminum tam facilis corruptio in causâ est, quòd in Germaniam delata, si plantentur, nunquam progerminant. Si salva transportare animus sit, plantanda in Siciliâ, Hispaniâ vel Italiâ; moneo, ut sub cælo natali condantur in cupam terrâ plenam: ita ex iis prognata germina divelli & plantari possunt pro lubitu. Eadem cum plantis translatis propagatio non succedit, quandoquidem per æstuosam Indiam vectæ tabem concipiunt, vitam acturæ reliquam sine vigore, ne expectari ex iis proles & propagatio possit. Prognatus frutex, si industrium dominum nactus est, circumposito & cum terrâ subacto fimo equino fovebitur, quòd curiosiores quotannis faciunt, alii negligunt. Triennis factus, haud junior, lectionem patitur foliorum, quæ tum & præstantissima & satis copiosa exhibet. Septennis, qualis humanam refert altitudinem, quòd parcius germinet, adeoque folia pauciora ferat, post absolutam lectionem ad imum usque caudicem amputandus est: sic stolones è radice consurgunt novi & copiosi, qui majorem foliorum suppeditando copiam prioris arbusculæ locum cum sænore suppleant. Alii excisionem illam ad decennium differunt.

## §. 12.

Collectionem auspicaturi patresfamilias, si vim fructuum possideant, in auxilium vocant mercenarios, illi operæ adsueto. Folia enim cum sigillatim capienda, non captim rapienda sint; domesticus per diem continuum vix tria *Catti* congeret, dum in labore à teneris versatus novem vel decem legerit. Collectio autem non eodem tempore peragitur, nec unâ absolvitur vice, sed ut plurimum diversis. Qui tertium colligunt, illi auspiciam tentant circa finem mensis *Songuat*, qui Japonum primus est, exordiens cum novilunio illo, quod æquinoctio verno est propius, sive id in Februarii exitum, sive Martii initium inciderit. At hic mensis folia pauca tantum suppeditat, eaque perquam tenella & nondum integrè explicata duorum & trium dierum: quæ verò nobilissima sunt omnium, & ob pretiosam raritatem palatiis Principum ac divitibus dicanda, unde *Thea Casarea*, nec non *flos thea* appellari suevit. (Florum petala nemo colligit, aut loco foliorum usurpat, quod falsò persuasi sunt nostrates; errorem, credo, genuisse floris nomen plausibile, vel induxisse ignorantiam viatorum.) Ex hoc censu est thea *Buu* Sinensium, vera illa atque optima, quæ & sub ipso cælo patrio benè cara est. *Secunda* collectio (quæ prima est aliis) mense secundo instituitur, i. e. circa Martii finem, vel Aprilis initium, hæc, folia jam integrè explicata, unâ, si placet, cum semiexplicatis decerpuntur, ante præparationem, secundum bonitatem & magnitudinem, in classes seligenda. Ex his, quæ nondum explicata sunt, bonitatem prædictorum quodammodo assequuntur, unde eodem nomine veniunt, à ceteris ob præstantiam separanda. *Postrema* atque omnium uberrima collectio (aliis altera) fit mense Japonum tertiò, quò explicata folia multitudine luxuriant. Sunt, qui neglectis prioribus, unicâ hujus mensis collectione omnem theæ claudunt absolvuntque messem, cum sedulâ disjunctione foliorum in diversas *Itziban*, *niban* & *sanban*, seu primæ, secundæ & tertiæ bonitatis classes: quarum ultima exhibet folia bimestria & rigidiora, pro usu plebeiorum.

## §. 13.

Ex his in genere triplex foliorum distinctio oritur: *Prima* est foliorum tenerrimæ ætatis, quæ præparata vulgo vocantur *Ficki tsjaa*, i. e. molenda thea, quia molendo in pollinem redigitur, cum aquâ fervente forbillanda. Vocatur etiam *Udsi tsjaa* & *Tackesacki tsjaa*, ex locis, in quibus potissimum colligitur, ceteris ob fundi bonitatem nobilior, præsertim carpta ex trienni frutice, velut omnium ætatum præstantissimo: Plurimum enim fundus & ætas ad bonitatem æquæ ac foliorum incrementum vel magnitudinem tribuunt; Magnitudo tamen non perpetuò bonitatis, nisi summâ cum temeritate juncta, sed aliquando antiquitatis



nota est. Huic Theæ respondet Sinensium, quod dixi, *Tèb Buu*. Secunda est adultiorum, quæ præparata appellatur *Zootsjaa*, id est, Thea Sinensis, ita dicta, quòd Sinensium more præparari soleat. Hæc in Japoniâ dividitur à tractoribus & theæ venditoribus, ut plurimum in quatuor classes, bonitate & pretio differentes. Prima est foliorum recens natorum, quorū collectio saltem ineunte vere celebrabatur, dum singuli novelli furculi non amplius duo vel tria folia, sive integrè, sive minùs explicata ferebant. Horum præparatorum unum *Kin* (extranei *Catti* vocant) i. e. libra Belgica una cum quadrante, in Japoniâ constat (modò peregrinus rectè informatus fui) *sju mome* & amplius: vel ut extranei loquuntur, uno vel amplius *theil*, sive decem ad duodecim *maas* argenti, id est, Styfris Belgicis 70. ad 84. quia uni *maas* respondent Styfri septem. Secunda est paulò adultiorum, quolibet mense collectorum, quorum *Catti* unum, prostat *masis* argenti sex aut septem. Tertia classis folia non nihil crassiora exhibet, quorum *Catti* unum venditur *masis* quatuor, aut quinque. Hujus ordinis est thea, quæ majori copiâ ex Sinâ ad Europæos dimittitur, & in Belgio hodie venit pretiò quinque, sex & septem florenorum. Quarta est foliorum, quæ promiscuè & sine discretionem collecta sunt, dum singuli novelli furculi, conjecturali computu, folia decem, & ad maximum quindecim legulis suis exhiberent. Constat horum *Catti* unum tribus argenti *masis*, quo pretio per plateas à circumforaneis indies venundatur. Nam hujus familiaris & quotidianus civium multitudini usus est. Possunt autem folia in stirpe hos magnitudinis & bonitatis suæ gradus citissimè mutare, ut, neglectâ collectione, à præstantiori in sequiorem vel una nocte transeant. Tertia *Ban tsjaa*. Hæc foliorum ultimæ collectionis farraginem exhibet: nimirum rigidiorum ad præparationem Sinicam (id est, ad crispandum) ineptorum; unde utcunque saltem præparata usui villicorum & numerosæ plebis dicata sunt. Vires hæc obtinere dicuntur maxime fixas, quæ nec longiori aëris contactu, nec coctione pereant: secus ac thea priorum ordinum, cujus admodum volatilis, quanquam subtilior nobiliorque, virtus, nec foliorum in aëre expositionem, nec coctionem patitur, sine insigni dispendio.

*Udsi tsjaa* nominavi: de qua, ne quid in historia omittatur, pauca addimus. *Udsi* oppidulum est ad limites maris situm, non procul à Metropoli & Pontificali sede *Meaco*, in provinciâ ejusdem nominis. Ejus clima mirâ benignitate favet culturæ fruticis; ex quo inde transvecta thea ceteris habetur præstantior. In hoc situs est celebris ejusdem nominis mons, dicatus culturæ theæ, quæ pro Domo Cæsareâ annonam præbeat. Curam ejus gerit supremus in aulâ Præfectus theæ, qui tum fruticum culturæ, tum

collectionis ac præparationis negotio per suppositos prospicit. Montis jucunda facies est, fossa ambiente arcens quadrupedes & hospites: stirpes ordine dispositæ ambulacrorum speciem exhibent: viæ ac frutices quotidie verruntur ac repurgantur, & ne conspurcentur folia, custodes sedulò cavere debent; pro majori tutamine multi frutices etiam sepimentis cincti sunt. Colligendi cum appropinquat tempus, leguli præviis duabus vel tribus hebdomadibus à piscium & immundi cibi esu abstinere, ne quâ impuro halitu folia contaminentur. Ipso collectionis tempore, indies bis vel ter corpus lavant, perinde in balneo, vel flumine: nec tamen decerpenda folia nudis contrectare digitis audent, sed chirothecâ munitis. Præparata lege artis folia, & crumenis chartaceis indita, urnis seu ollis myrrhinis immittuntur, ac vulgari theâ, circumcirca arctè compactâ, muniuntur; ita debite recondita horti director illico ad Regiam mittit, in Majestatis reverentiam multis satellitibus stipanda. Ex quo evenit ut appulsa gloriosam fessant incredibilis pretii famam: subductis enim rationibus unum *Kin*, seu *Catti*, argenti haud minus triginta vel quadraginta *sju mome* sive *theilis* venit, id est, uncialibus 42. vel 56: nec veretur Inspector in ratione Cameræ reddenda aliqujus theæ pretium ad unum *Obani* (moneta est aurea, valens unciales centum) quin aliquando ad *theilos* centum, sive unciales 140. extendere, dum unica interdum urnula, non amplius tria vel quatuor *Catti* continens, ducentis penè viris comitata appulit. In Cæsaris Aulâ sorbillandam eandem theam administer hæc emphasi mihi offerebat: *Vescere avidè & cum appetitu: constat una patella uno Itzibo*. Est hæc moneta quadrata aurea, valens aurum nostratem cum quarta parte.

#### §. 14.

Præparatio in eo consistit, ut folia recens decerpta torreantur supra laminam ferream: tota verò, dum fervent, volvantur volis manuum supra stoream, donec crispa reddantur. Torrendo enim non modò folia exsiccantur, verum etiam castrantur malignâ suâ & inimicâ cerebro qualitate, ut in usum humanum mitigantur: rotatione verò rediguntur in compendium, sive molem parvam, quâ commodè asservari possunt. Perficitur opus in *Tsjasi*, seu officinis urbium publicis, eam in rem adornatis, ut quisque folia sua iis inferre torrenda possit: siquidem paucioribus Oeconomis ritè præparandi vel notitia, vel instrumentorum apparatus suppetit. Instruuntur officinæ, (1) furnis aliquot (5, 10, 20.) tripedalis altitudinis, quorum summitates claudit sartago ferrea, ampla, plana, quadrata vel rotunda, ita aptata, ut latus, quod præfurnio imminet, paulò sit acclive, quò antelatus oppositum is, qui torrefacit, stare tutus ab igne, & folia assanda ritè versare valeat, nullâ circa marginem patente rimulâ, per quam fumus adspirer. (2) Humili & prælongâ tabulâ, sive potius in ejus formam



formam ex camento lignove aptata machinâ unâ, & in officinâ ampliore plures, storeis ex subtili junco tectis, in quibus foliorum rotatio celebratur. (3) Iphis operatoribus, tum iis qui furnis adstantes exustionem dirigunt, tum qui tabulæ inflexis cruribus assidentes volutationis negotium perficiunt. Torreri autem folia debent recentissima, quia servata in diem sequentem nigrescunt, dum friguntur, & de virtute plurimum remittunt. Eodem igitur, quo carpta sunt, die, vel vespere, perferenda sunt in officinam, ut continuò præparentur. Carpta in cumulo jacere diu non debent, ne intestinum concipiant calorem, qui vires destruit: si id fortè contigerit, dispergenda sunt, & flabellò refrigeranda assiduò, ut refrigescant.

Ipsa præparatio sic peragitur: Immittit, qui tostionem dirigit, foliorum libras aliquot in prædictam sartaginem, quæ ex supposito igne usque adeo fervere debet, ut immissa folia, velut succo nativo humentia, ad laminæ contactum crepent. Eadem ille huc atque illuc utraque manu versat strenuè, ne aliquo loco immota quiescant & impariter torreantur. *Nota:* morem obtinere, in Sina potissimum, ut folia primæ collectionis ante ustionem bullienti aquæ immergantur, per dimidiam temporis minutam, vel quoad quis numeros recitet triginta; quò facultas narcotica, quâ maximè scatent folia, magis succosa recens nata, duplici correctione eliciatur. Ignis in furno ad illum gradum moderari debet, ut à manibus tractantis agrè perferri possit; versatio autem eo usque continuanda est, dum invalescens foliorum calor tolerantiam manuum penè excedat: quo ipso actutum, ope rutabuli lignei, in flabelli formam expansi, eximuntur, ac in stoream effusa traduntur collegio rotantium. Ex his illico, dum fervent, volvendis, raptim quisque modicam ante se capit partem. Volvuntur autem utraque, quod dixi, palmâ, non quidem motu promiscuo, sed uniformi, quò eodem tenore pariter contorqueantur. Hâc volutatione compressa succum exerunt ex luteo virentem, qui fervorem manibus infert pene intolerabilem: sed quo non obstante volutatio continuanda est, donec folia refrigererint. Nam sicut crispandi actus non succedit, nisi in fervore: ita gyri non perdurant, nisi sub manibus refrigerant. Refrigeratio autem, quò citior, eò laudabilior est; cum sic gyros folia arctius retineant: quæ proinde sedula ventilatione ope flabelli promoveri debet. Frigefacta redduntur ustori, velut directori operis, (interea occupato in assandis aliis, quæ crispanda restituat) frigenda vicissim, dum omnis humor exspiraverit. Hic ea, secus ac antea, non tumultuariè, sed lenta manu huc illuc commovet, eo consilio, ne gyri evolvantur; quamvis caveri nulla arte possit, ne multa rursus dehiscant. Exempta ex sartagine secundo

traduntur in manus volutantium, priori modo cautè rotanda; tum, si satis exsiccata sint, asservanda: sin minus, ustioni ac rotationi denuo subjienda. In iterandis ustionibus cautio est, ut subinde, cum decremento humoris, gradus quoque ignis imminuantur: quò insuper habitò, folia aduruntur & nigrescunt. Qui curiosi sunt, quinquies, imo, si otium suppetit, septies ustionem cum volutatione iterant, brevius semper & leniori igne theam in frixorio versantes, ut sensim & lentis gradibus arescat: quo ipso viror vividus & unicolor ex voto conservatur, qui citiore, nimia & inæquali ustione faceffit. Ad virorem conservandum requiritur etiam, ut post singulas ustiones sartago aqua fervente repurgetur ab inquinamentis humorum, qui foliis elicitis adherere parietibus, & theam immixtam contaminare solent. Tosta sufficienter folia deponuntur in pavementum storea contentum, ut, sicut antè præparationem cruda folia in classes dividebantur, ita nunc à præparatione recondenda censuram subeant, qua crassiora, inconditè volutata & nimis adusta separantur, & ad sequiorem referuntur classem. Folia theæ *Ficki* ad ariditatem paulò majorem assari debent, ut molitori obediant, & in pollinem minori opera se redigi patiantur. Eadem, si perquam tenerrima ac recentissimè nata sint, tunc, extracta è ferventi, cui immergebantur, aquâ, frigi vel saltem exsiccare solent in crassiori chartâ, super prunas expansa, omissa, ob parvitatem, omni volutatione. Rustici folia sua torrent in lebetè fictili, paucis vicibus & rudi manu: nec tamen sic postremæ notæ theam obtinent, quam illi nulla artis tractatione elaboratam plebi vendunt, parvo admodum pretio. Thea mensibus aliquot asservata, securitatis gratiâ rursus conditoriis suis eximenda, &, de novo, igne lenissimò, frigenda est, ut, si quæ humiditas relicta, vel per menses pluviosos contracta fuerit, penitus absumatur; ita citra corruptionis periculum vicissim recondenda. Conqueruntur magistri de infelici artis suæ professione, quòd, cum nihil in regno minoris constet quàm thea, nullus tamen labor magis fatiget; quippe qui contra naturæ legem concubiis noctibus perferendus sit.

## §. 15.

Thea tosta, quamprimùm refrigererit, recondenda, & ab aëre cautè munienda est. Nimirum conservationis omne momentum reponitur in arcendo aëre, qui sub calidiori climate virtutem theæ subtiliorem magis faciliusque dissipat, quàm in frigidiori nostro. Credo, quod in Europam nobis delata jam subtilissimi salis passa sit jacturam, nam in eâ nec illam saporis gratiam, nec recreandi facilitatem hîc invenio, quàm hausta in natali solo mihi exhibuit. Sina conditoriis utitur ex la-



minis stanni ignobilioris, quæ si majora fuerint, abiegnis vasis circumducenda ac roboranda sunt, rimis omnibus chartâ intus & extrinsecus obducendis. His asservata trans mare in alias regiones dimittitur. Japonenses annonam vulgaris theæ reservant conditam in ollis magnis fictilibus, orificii angustioris. Præstantiorem, quam sibi Cæsar & Principes vendicant, asservare amant in vasis myrrhinis, sive porcelanis, præsertim, si haberi possunt, pretiosis illis & antiquitatis famâ insignibus urceolis, quos vocant *Maats ubo*. Creduntur illi non modò conservare, sed exaltare etiam virtutem theæ immixtæ, ut, quò diutius in eis delituerit, eò habenda sit carior & nobilior. In his etiam in pollinem redacta *ficki tsja* per aliquot menses integris viribus asservatur. Iisdem indita, quæ ex aurâ viribus defecit, virtutem dicitur recuperare in integrum. Quapropter Magnates ex hoc genere vasorum unum & alterum, quantovis etiam pretio comparanda, possidere gestiunt: quibus inter supellectilia, quæ ad theæ symposium luxuriose inventa sunt, primum locum venditant. Meretur eorum præstantia uberiores historias, quam à nemine proditam hîc subjungo. *Maats ubo* significat legitimam ollam, quasi diceret: Vasorum omnium genus præstantissimum. Sunt ejus nominis vasa antiquitus ex luto subtilissimo ficta in Insulâ *Mauri ga sima*, id est, Insulâ *Mauri*, quæ ob perditos civium mœurs à Diis, quod narrant, funditus olim submersa est, ne hodie loci appareat vestigium, præter scopulos quosdam, subsidente mari conspicuos. Sita fuit prope *Teyovaan*, sive *Formosam* insulam, cujus locus in tabulis hydrographicis designatur punctis & asteriscis, qui fundum notant, brevis & scopulis instructum. De Insulæ fati ita narrant Sineses: *Mauri ga sima* Insula fuit apud priscos mortales, ex pingui solo inclita, quæ, præter cetera, argillam præstantissimam figulis cedebat pro conficiendis vasis myrrhinis, hodie *porcelanis* dictis, & ex his lucrum ingens, unde ad luxuriam incolæ ditescebant. Ille luxu vitia ac religionis contemptus orta sic superos offendere, ut irrevocabili decreto insulam statuerent inundatione perdendam. Decretum Rectori Insulæ, cui nomen erat *Peiruun*, viro pio & iunocentis vitæ, cœlitus fuit in somno revelatum, hîc monito: ut ad salvandam vitam, conscensis celocibus, fugam caperet, quam primùm vidisset duo idola ante templi introitum reposita colorem faciei mutasse in rubidum. Finguntur hæc ex ligno simulacra Deorum, magnitudine gigantea, *In-jo*, item *Ni-vvo* & *A-vvun* dicta; quorum unus Generationi, alter Corruptioni præsidere: unus cœlum & principium agens, alter terram & principium patiens denotare: unus aperire & largiri, alter claudere & accipere, creditur. Utriusque simulacrum vultu spectatur leoni-

no, fronte coronatâ, Imperatoriæ auctoritatis baculum tenens brevem, angue circumvolutum, illud (*In*) dextrâ erectum, hoc (*Jo*) sinistrâ appressum femori; clunes teguntur superparo, fluctuante circa corpus fascia vento agitata, pectore artubusque nudis: illud os ingenti rictu pandit, hoc comprimit. Nomen gerere ex officio & gestu perhibent illud, doctis *In, Ni* & *A*, vulgo *Rikkisi vvo*: hoc doctis *Jo, vvo* & *vun*, vulgo *Kongo vvo* nuncupatum. Hæc inquam idola erant, quæ pro ornatu in templi primarii vestibulo posita (ubi solent & hodie locari) signum proditura erant exitii. Rex, pœnis imminentibus & everfionis prælagio publicatis, non aliud apud subditos, quam risum creavit, & suimet, tanquam superstitiosi hominis, contemptum. Nec multo post tempore subsannandi animo scurra aliquis idola noctu aggreditur, &, advertente nemine, utramque faciem rubricâ oblinat. De mutato colore Rex monitus, haud scelere humano, sed fatali miraculo id accidisse opinatus, fugam ex insula cum suis anxius capessit, ad proximam Sinae meridionalis provinciam *Foktsju* remis velisque contendens. A cujus discessu sannio cum conscis, ex hac petulantia nihil sinistri metuentibus, atque omnis incredulorum turba, cum subsidente insula, plenâ figulis ac splendido vasorum myrrhinorum apparatu submersa est. Memoriam annuo festo celebrant Sineses australes, eo die per frera & sinûs maris, cymbis cursim remigantes, aufugientibus similes, dum subinde Rectoris, quasi amissi, nomen *Peiruun* inclamitant: eandemque illi solennitatem Occidentali Japoniæ induxerunt. Petuntur vasa ista, recedente undâ, ex fundo maris, à scopulis, quibus concreta sunt, caute, ne frangantur, dissolvenda, deformata undique agglutinatiis conchyliis, quæ à polionibus abraduntur, relictâ portione aliquâ, quæ veritatem doceat. Sunt autem pellucida, tenuissima, coloris albidî, ex virore diluti, dotata ut plurimum figurâ capulæ, seu dolio-li, & collo angusto brevi, quasi jam tum ad conservandam theam fabricata fuerint. Inferuntur Japoniæ (admodum rarò) à Mercatoribus Provinciæ *Foktsju*, qui ea ab urinatoribus recepta hîc venundant: viliora *theilis* circiter viginti, mediocria *theilis* centum & ducentis, majora, quæ sine labe sunt, ter, quater & quinquies mille *theilis*: sed illa, quæ tanti pretii & bonitatis habentur, à nemine emi audent, quam à Cæsare. Is ab atavis & antecessoribus hæreditate accepta dicitur possidere, nullo auri pretio æstimanda, ac proinde in gazophylacio principi locò habita. Rarò fracturis vel fissuris vacant: quas verò palliare mangonio ita affabrè norunt poliones, ne ullâ oculi acie, vel aliâ arte, labes possit detegi, quàm per biduanam vel triduanam coctionem in aquâ fervente, quâ tandem materia glutinis resolvitur. At-



que hæc de *Maats ubo*, præstantissimis foliorum theæ conditoriis.

*Ban tſſja* abaurâ liberâ non æquè facîle dettumentum patitur, quòd virtutem obtineat firmiorem, quàm thea reliqua, utut multis gradibus inferiore. Haud igitur asservationem requirit æquè curiosam. Ruricolæ eam, nec minùs theam omnem reliquam, servant in cupis stramineis, formam doliorum habentibus, quas sub ædium lacunaribus reponunt, ut à fumo leviter ambientur: fumus enim virtutem figere & conservare creditur. Conciliari theæ gratiam perhibent, si recondendæ addantur flores *Artemisiæ* vulgaris, vel novella folia herbæ *Sasangua*; cetera odorifera non æquè ei congruunt.

## §. 16.

Servit thea interno usui, duplici præparatione. *Prima* est Sinensibus usitata, quæ fit infusione, dum integris foliis superfundimus aquam ferventem, quæ foliorum virtute imbuta protinus sorbilletur. Hic modus ex Sina in Occidentem nostrum translatus jam lippis & tonsoribus innotuit, & explicatione nostra non indiget. *Alter*a est, quæ fit attritu: quomodo folia, cum mola manuali, ex atro lapide, quem vocant, serpentino, fabricata, in subtilissimum pulverem pridie vel eodem die rediguntur, ut aquæ ferventi mixta, pulpæ ad instar tenuioris, pitissando pariter hauriatur. Vocatur hæc *Koi tſſja*, i. e. spissa thea, respectu tenuioris per infusionem paratæ. Usus hujus inter divites, Magnates & Principes per solam & pene omnem Japoniam obtinet. Administratio ita celebratur: Pyxidi inclusus pollen, cum reliquo vasorum apparatu, in triclinium apponitur theæ bibulæ societatis. Tum, aperto conditorio, singulis patellis, aqua fervente repletis, portio, quantam cultri majoris cuspide excipias, ope cochlearis parvuli nitidissimi ingeritur, & mox, donec spumer, rutabulo affabrè dentato in orbem agitur & conquassatur, sic hospiti oblata, dum fervet, sorbillanda. *Tertia* est, quæ fit coctione. Hæc à civium & rusticorum vulgo recepta est, qui toto die propinandi modum tenet sequentem: ex domesticis unus, ante diluculum surgens, ahenum ferreum in foco suspendit aqua plenum: coquendæ aquæ, vel si placet, percoctæ, immittit foliorum *Ban tſſja* manipulos duos, tres, vel pro numero domesticorum plures, tum desuper imprimit corbulam, ejus figuræ & magnitudinis, quæ aheni cavum arctè expleat & folia ingesta ad fundum supprimat, ne possint impedimentum haurienti facessere. Hoc ahenum domesticis potum suppeditat restinguendæ siti: advolat quicumque vult; præpendet haustum cum patellâ: adstat etiam aqua frigida, ut, cum pitissare otium non permittat, dilui eadem ac temperari possit, ad sitim valido haustu & sine temporis dispendio restinguendam. Alii, omisso corbe, theam sacculo inclusam coquunt, quod in idem recidit. Coctioni sola destinatur

*Ban-tſſja*, quandoquidem ejus virtus resinosis particulis magis involuta est, quæ non potest, nisi sufficiente coctione extricari, unde receptam aqua haud facîle dimittit.

Theæ, tum parandæ, tum in corona hospitum prælibandæ, singularis est cognitio & habitus, in morum congruentiâ magis, quàm in ipsâ coctionis vel præparationis arte repositus. Vocant autem *Sado* & *Tſſjanoi*, cujus dantur Professores, qui utriusque sexûs liberos erudiunt, ut discant *tō Tſſjanosſj*, i. e. symposio theæ amatorum interesse, & ministrare etiam decenter & cum laude: velut in Europa scindendi & distribuendi fercula, luctandi & similis farinæ notitias addiscimus. Aquâ per infusionem aut coctionem theæ paratâ, opifices pauperculi, præsertim in provinciâ *Narâ*, coquunt quandoque oryzam, τὸ πᾶν gentis: quæ sic melius nutrit vel saturare dicitur, ita ut una portio pro tribus sufficiat. Externum præstat usum thea postremæ notæ, tum quæ aliquot annorum spatio effœta est, pro tingendis telis sericeis, quas badio colore imbut: quem in finem magna ejus copia ex Sinâ in *Gusarattam* ferè quotannis transcribitur.

## §. 17.

Diximus theæ folia habere inebriandi, sive spiritus animales turbandi, facultatem. Hæc vis ustione lentâ & assiduâ expelli debet; non potest autem ita sufficienter, ne quædam remaneat cerebro inimica qualitas, sed quæ suâ mitescit sponte, videlicet morâ decem pluriumve mensium. His elapsis tantum abest ut spiritus turbet, ut potius blandè excitet, & eorum organa demulceat, adeoque exhilarandi præstet efficaciam. Intra annum sorbillata delicatissima sapit quidem, sed turbat copiosè assumptâ mentem, & tremorem inducit articulis. Optima, delicatissima & maximè exhilarans est, quæ unius anni ætatem habet: recentior nemo Japonum bibit, nisi mitigatam admixta æquali portione theæ vetustioris. Virtutes paucis complectemur, si dicamus theæ liquorem obstructions viscerum reserare, defæcare sanguinem, præsertim verò eluere tartaream calculi materiam: quod posterius adeo præstat insigniter, ut calculosos & podagricos inter theæ bibulos hîc cœlo nunquam invenerim. Europæis idem commodum à theæ potu sperandum esset, nisi jam adhæreret genitale mali principium & pertinax dispositio, quæ subinde vino acido, cerevisiâ ac lixiviiis carnibus fovetur. Amatores cerevisiæ vernaculæ, ex oryzâ coctæ, quam Sinenses *Sampsu*, Japones *Sâkki* vocant, theæ parum virtutis tribuunt, insigniorem inesse negantes aliam, quàm quod aquæ cruditatem corrigat, & confabulantes amicos in coronâ retineat, in hîc hominum genere invenire, qui vagâ arthritide & stranguriâ laborant, insolens non est. Qui pro usu theæ *Veronicam* & *Myrtum* *Brabanticam* substituunt, magnopere falluntur. Non est ulla planta mortalibus hætenus cognita,



cujus infusum vel decoctum tantâ assumptum copiâ ventriculum minus gravet, æque facile secedat, & consopitos spiritus tam celeriter excitare ac recreare valeat. Minus fortasse operam luserit, qui in plantis, ob malignas qualitates male nobis audientibus, simile quid quæsi-verit, sed ritè prius corrigendis castigandisque: cuius verò modum nesciunt Europæi, quibus ejus genii stirpes adeo sunt invisæ, ut, audito saltem nomine, manum de tabulâ! infamem honori suo parituri notam veneficii, si ad abstrusas talium vires curam impenderint. Norunt modum ingeniosi Brahmenes, qui Daturam, qui Papaver (cujus prænobilem succum JCrī inter venena numerant *Gothofr. ad L. 3. ff. ad L. Corn. de Sic.*) & consimiles sui cœli plantas, earumque partes narcoticas præparare, corrigere, ad inducendam oblivionem, discutiendam tristitiam, exhilarandum & quaslibet ideas in homine excitandas aptare, longâ experientiâ edocti sunt. Prælibari plerumque solent in formâ Electuarii.

Vitia theæ à Japonensibus recensentur sequentia: Omnis theæ potus suppressit medicamentorum efficaciam: in colicâ (endemiâ) nocet & maximè vitandus est. Recentioris theæ potus, uti in genere totam cerebri compagem turbat & offendit, ita certo experimento quàm maximè nocet ophthalmiâ laborantibus. De vitiis Medicos Sinenses percontatus, à grandævo accepi: Theæ potum, qui toto die biberet fortiter extractum, eum vitæ suæ, quæ in calido humidoque resideat, radicale fomentum destruere; quemadmodum idem faciat, sed ex ratione contrariâ, qui se esu pinguium & carnis suillæ (frequentissimæ in mensis Sinensium) quotidie & in omni pastu exsatiaret: Nihil autem noxæ laturum, quin plurimum vitæ & salutis suæ profuturum esse, qui utrumque jungeret. Hoc sibi innotuisse, dicebant, exemplò foeminæ: quæ, pertæsa mariti strigosi & impotentis, Medicum pellexerat, ut extinguendi daret consilium: is, saturare jussit maritum carnibus porcinis & quovis genere pinguium, quibus hærentem in illo umbraculo quantulam vitæ lucem intra annum extinctura sit. Perjura, consilio unico haud contenta, alium quoque consuluit: ille, theam suasit sceleto propinare fortiter extractam & frequentem: sic futuram sui voti compotem intra annum. Mulier, ut certius citiusque se expediret, utroque utitur remedio: quo verò combinato, tantum abest ut ad sandapilam damnatus diem suum acceleraverit, ut potius recuperatis viribus saginam contraxerit & convalesceret pancreaticè. Subvenit hæc scribenti consimile exemplum mœchæ apud *Auson.* quæ maritum peremptura, ut vires duplicaret, Mercurio post toxicum dato conservaverat. Historiam Poëta *Ausonius* Gallus (sit venia transgressioni!) eleganti exposuit epigrammate:

*TOXICA Zelotypo dedit uxor mœcha marito,  
Nec satis ad mortem credidit esse datum.  
Miscuit ARGENTI lethalia pondera VIVI,  
Cogeret ut celerem vis geminata necem.  
Dividat hæc si quis: faciunt discreta venenum,  
Antidotum sumet qui sociata bibet.  
Ergo inter sese dum noxia pocula certant,  
Cessit lethalis noxa salutifera.  
Protinus & vacuos alvi petiere recessus,  
Lubrica dejectis, qua via nota cibis.  
Quam pia cura Divum! prodest crudelior uxor;  
Et cum fata volunt, bina venena juvant!*

## §. 18.

Ut omnem exhaustiamus theæ historiam, lubet hîc delineare compendium portatile vasorum atque omnis apparatus, ad theam coquendam sorbillandamque necessariorum, quale recreationis causa deambulantes Japonenses circumvehunt, sine hîc societatis condimento nunquam prodituri:

*A. B.* Machina portatilis, unâ cum æneis suis ansis, cardinibus, fibulis & bullis angularibus, ab utrâque parte spectabilis: tota, præter valvas lignea, vernice obducta. *A.* frontem, *B.* dorsum exhibet.

*cc.* Valvæ geminæ cupreæ, in fastigio coeuntes, clausæ duobus longis capreolis.

*d.* Foramen, machinæ fastigium pervadens, cui, in dependente ansa, sursum vertenda, utrinque respondet appendix *ee.* ut immittâ palangâ portari machina possit ex humero.

*fg. fg.* Machinæ contignatio superior, continens duo vasa cuprea *P.* & *T.* intus stannò obducta, aquæ tum asservandæ, tum coquendæ dicata. Eximuntur infernè, apertis valvis cupreis *cc.* quibus desuper teguntur.

*gh. gh.* Contignatio inferior, continens triplicem ordinem capsarum lignearum *V. W. X.* vernice intus & foris elegantissimè obductarum, pro asservandis ad symposium rebus necessariis.

*i.* Foramen, excipiens pessulum valvæ pensilis *L.*

*k.* Uncus æneus longus, ex oculo pendens, valvæ pensilis aperiendæ retinaculum.

*L.* Valva pensilis lignea, suis cardinibus exempta, quæ lateris & inferiorem contignationem claudit, ne capsæ excidant. In hæc spectatur fera, sive pessulus *m*, prædicto foramini *i* adæquatus: & ocellus *n*, respondens prædicto unco *k*, quo aperta valva attinetur, dum eximantur capsæ.

*o.* Foramen in adverso latere *B.* conspicuum, per quod, immittô digito, protruduntur capsæ, ita commodius eximendæ.

*P.* Vas cupreum majus, in quo aqua coquitur. Tria in summitate exhibet orificia, operculis singulis donata: Unum (1) pro frigida recipienda: alterum (2) parvum, pro fervescenda



vefacta effundenda. Tertium (3) ad inclusum furnum ventosum spectans, per quod ingeruntur carbones. Operculum propendere volui inversum, ut ejus duplex margo, pro arctiore clausura factus, videri possit.

q. Furnus ventosus cylindraceæ figuræ, cupreus, aquæ coquendæ immerfus, vasi continenti agglutinatus orificio & præfurniō suō.

r. Præfurnii ductus, per quem aura carbones sufflammat.

s. s. s. Operculi spiracula, ad permittendum fumum & fuligines.

T. Vas cupreum minus; sive receptaculum aquæ frigidæ, dotatum operculo, similis, quam dixi, structuræ.

V. Capsa lignea, continens ad præparationem theæ forbillandæ instrumenta & vascula varia, signata numeris 1. 2. 3. 4. 5. & 6.

W. Capsa majuscula altera, duobus loculamentis distincta, quorum exterior prunas ac materiam ignis, interior apparatus patellarum pro pitissandâ theâ, atque alia pro lubitu imponenda recipit.

X. Capsulæ minusculæ uno exemplo tres, invicem claudentes, cum adjacente superio-

ri operculo inverso. Continent edulia diversa, in pitissantium conviviiis apponi solita.

(1) Haustrum pervadente tubulo instructum;  
(2) Ejusdem stylus s. manubrium, eximendum cum reponitur.

(3) Capsella theæ plena, aut in pollinem redacta.

(4) Spathula, seu cochlear, pro polline excipiendo.

(5) Rutabulum, quo *Fickitsja* agitanda est, antequam forbilletur.

(6) Vas cupreum ad theam infundendam serviens: cujus pars inferior, quæ & stanno obducta est, orificio vasis P. immergitur, ut attactu vaporis vel aquæ ferventis foveatur, ne infusa frigescat. Operculo arctè clauditur, ejusdem, quam indigitati, clausuræ.

Z. Bacillum Geometricum, iconibus adæquandum, quo partium & vasorum singulorum magnitudo & proportio indagari potest, si cui volupe sit ad hunc typum similem machinam construere. Refert autem unum *Saksf*, sive 10. *Sun*, quæ conjunctim respondent circiter uni pedi Geometrico nostrati.

## CAPUT III.

DE

## FOLIO INDO, MUSA ET DUDAIM.

### §. I.

**FOLIUM INDUM**, *das Indianische Blat*,  
five

#### MALABATHRUM,

non spernendæ magnitudinis, oblongum, crassum, læve ac latum, superius tamen acuminatum folium est, per cujus longitudinem tres fortiores fibræ excurrunt, odoris fragrantis, saporisque subaromatici. Isti cum foliis cinnamomi magna intercedit similitudo, nisi quod folium Indum in medio paululum latius, atque infra prope petiolum non adeò aromaticum sit, atque cinnamomi folium; quod discriminis præter cæteros à *Fabio Columna* in *notis in Hernandezii Histor. Med. Nov. Hisp. pag. 864.* bene observatum ostensumque est. Enimvero *Dn. Herbertus de Jager* in fine *Epistolæ VI. Indiæ Orientalis* pro cinnamomi folio vult haberi, illudque se certò scire affirmat.

### §. 2.

In constituenda folii hujus origine auctores inter se discrepant, dum veteres, *Dioscorides* & *Avicenna*, existimarunt, in stagnis ad modum Nymphææ, crescere atque natæ: quæ ratio est, quam obrem *Ettmüllerus* in *Comment. Schrad.*

*pag. 599.* fere dubitare velit, num hodieque veterum malabathrum habeatur, quum certum sit, hodiernum folium Indum à certâ aliqua Indiæ arbore proficisci, quæ, de sententia quorundam Scriptorum, circa Cambajam juxta aquas crescere, Citroque magnitudine haud dissimilis esse, aliquas etiam baccas, ut canellæ arbor, sed minores proferre perhibetur. Inter folia quoque parvæ interdum vesiculæ dicuntur prognerari, quæ omnia ex figura, à *Pometto* in *Mater. Museo pag. 142.* delineata, apparent. Tandem de sententia recentissimorum quorundam Botanicorum folium hoc à canella Malabarica, quæ cassiam ligneam suppeditat, proficiscitur, id quod *D. Dextkach* in *Disp. Inaug. de Cassia & Malabathro pag. 7. 16.* sumit defendendum: quæ opinio penè vero videtur similima.

### §. 3.

Folia eligantur decenter magna & lata, & quoad ejus fieri potest, recentia & viridia apparentia. Integra etiam, minusque lacerata aut contusa sint, utpote vires magis retinentia. E contrario inveterata, corruptaque & contusa saporem æque atque fragrantiam odoris perdunt; id quod causæ est, quam obrem in istis sæpe



sæpe nec succus, nec vis ulla deprehendatur, ut prædictus Materialista *Pometus* miretur, quod olim & hodie quoque ad theriacam sumantur.

## §. 4.

Folii hujus vires cum nardo conveniunt. Halitus gratiam conciliat, calculum utrinamque ciet, stomachum confortat, externe etiam in vino coctum & impositum adversus oculorum inflammationem & lippitudinem commendatur. Vestes quoque à tinea defendere creditur, quod *Wormius* in *Mus.* pag. 162. habet. Tandem destillatione oleum exinde potest prolici, oleo cinnamomi haud dissimile, sed paulo gravius: stomachum aliaque membra confortat.

## §. 5.

Occasione folii Indi non possum quin omnium maximi folii, quod in orbe terrarum invenitur, paucis commemorem, à valde admiranda plantâ, in Syria & Abyssina reperiunda, ac vulgo *Mautz*, sive

## MUSA

vocata, oriundi, quod plerumque tam longum latumque est, ut proceram personam cum totò corpore æquet, ut *D. Rauvvolfius*, qui istud circa Tripolim vidit, in *Itinerario suo* commemorat, ipseque testari possum, me apud *Dn. D. Sebastianum Schefferum* olim Francofurti ejusmodi folium vidisse, quod altam januam magni ferinii librarii prorsus regeret. Id verò dolendum, istud post ejus mortem, una cum selectis rarisque ac curiosis libris, pretio perexiguo, Judæis esse divenditum.

## §. 6.

Eò magis verò foliorum horum admiranda magnitudo est, quod non arboris, sed planta cujusdam sunt progenies: id quod celeberrimus *Jobus Ludolfi* in *Hist. Æthiopica Lib. I. cap. 9.* ex *Horto Malabarico* figura aliqua oculis subjecit, atque in *Commentario suo* valde curioso pag. 141. 142. ex Principis *Radzivili*, *Rauvvolfii* aliorumque itinerariis accurate & perspicue descripsit, istorum simul detegens errorem, qui vegetabile istud arborem esse existimarunt, quum vix frutex possit vocari, utpote ligno prorsus desti-

tutum, & quotannis vel abscindi solitum, vel penitus exsiccandum. Externa figura fasciculum plumeum repræsentat, & interdum in altitudinem unius ac dimidii, aut duorum virorum excrescit, foris læve, eleganter viride & fere instar arundinis foliis suis cinctæ apparet, quæ à vento sæpe ita lacerata laniataque sunt, ut præter nudos caules fibrasque nihil relinquatur; id quod *Wormius* ex *Clusii Not. ad Garc.* pag. 163. *Mus.* fufius descripsit.

## §. 7.

Fructus, quos planta per ætatem semel profert, in *Radzivili Itinerario* ita describuntur: Fructus, qui ex uno caule progerminant, fere numero quinquagenerario uno in fasciculo compinguntur, qui ob magnitudinem instar melonum super terra se extendentes, ibidemque diu relictî, putrescunt. Cucumeribus nostris haud dissimiles apparent, nisi quod paulò crassiores, magis incurvati & longiores sint. *D. Rauvvolfius* autem addit, istos extrinsecus esse læves, crassoque cortice obductos, principio flaventes, post aliquot dies ex nigro putrescentes, qui ad modum recentium ficuum facile se patiantur excorticari, istorumque adinstar dulces & esui grati sint. Prædictus *Dn. Ludolfi* ejusmodi fructum aliquot ante annos ex Oriente sibi afferri curavit, quem apud istum fortuna mihi dedit degustandum: boni adhuc saporis erat, quamvis jam pridem sale esset conditus.

## §. 8.

Ob summam raritatem usus istius apud nos prorsus ignotus est. Quæ vero nostra conjectura est, cum ficubus valde convenit; queadmodum etiam planta ab *Acosta* *FICUS INDICA* vocatur. Et quoniam hic fructus virorum foeminarumque naturam ob bonum, quo pollet, nutrimentum vehementer confortat, valde probabile est, nihil aliud esse quam

## DUDAIM,

quorum *Genes. XXX. v. 14. 15. & seqq.* fit mentio, ut non solum *Dn. Ludolfi l.c.* egregiè ostendit, sed jamdum quoque à *Guilandino* aliisque hoc plantæ propterea inditum nominis fuit.

## CAPUT IV.

## DE

## DICTAMNO CRETICO, POLIO MONTANO, ET MARO VERO.

## §. I.

Quoniam modò memoratæ tres plantæ theriacam ingrediuntur, atque ex regionibus disjunctissimis veniunt, istas quoque Materialistæ conquirant necesse est. Solam vero plan-

tam seu folia usurpamus, & quamvis in officinis etiam radices Dictamni vulgaris reperiantur, radix tamen prorsus non est in usu

## DICTAMNI CRETICI,

quippe quem scimus in officinis constare ex crassis,



crassis, albis & quasi lanuginosis foliis, saporis acris & aromatici, odorisque fortis.

## §. 2.

Quæ planta in Candia s. Creta, unde nomen habet, duorum vel trium pedum altitudine copiose crescit, rotunda & utrinque lanuginosa folia, fragrantia purpureos flosculos, instar lupuli convolutos, cum caulibus nigris proferens, in Germania prorsus non, in Italia autem, præsertim in horto Medico Patavino, saltem interdum invenitur, utpote ex prædicta Insula Candia idcirco afferenda.

## §. 3.

Id vero detur operæ, quò folia recentia latæque & lanuginosa, sapore grata, una cum flore acquirantur. Caveamus quoque, ut ne cum spurio Dictamno Cretico adulterata sint, utpote qui vero foliorum similitudine propius accedit, aliter vero coloratum florem albosque caules habet, cum verus contra petiolis nigris accrescat: à quibus tamen istum decet esse depurgatum, præsertim in theriacæ præparatione, quæ optima semper simplicia requirit.

## §. 4.

Vi calefaciendi pollet, proptereaquæ à clarissimo *Casp. Hoffmanno de Med. Offic. pag. 269.* ad tria potissimum commendatur, quod 1. omnes spinas aculeosque ex corpore trahat, vel potius expellat, 2. ad promovendum partum valeat, 3. veneno resistat, proptereaquæ ad theriacam sumatur. Cui deficienti *Simon Paulli in Quadr. Botan. pag. 286.* polium vulgare, *Pharmac. Augustana* vero scordium vult substitui.

## §. 5.

Eadem POLII MONTANI (*Berg-Poley*) dicuntur esse virtutes, cujus superna folia, una cum flore, in officinis reperiuntur: quorum illa parva, crassa & crenata, superius etiam infraque flava cincta lana sunt: hic vero aureus exiguisque stellulis apparet. Bina saporis subacris & aromatici sunt, odorisque fortis. Monte-Pessulano venit.

## §. 6.

Hæc planta in Languedoco, Galliæ provincia, copiosè crescit, & quidem in altis montibus, pedis fere altitudine. Floret æstate, quæ etiam colligitur, & in parvis scatulis, cum alia quadam specie, in planitie juxta vias, in arena aliisque locis siccis crescente, ad nos fertur, à qua tamen genuina veraque facile distinguitur, quod illa multo minora folia habet, nec adeo lanuginosa, sapore autem multo amarior est, & prorsus alba, ut *Pometus in Hist. des Drogues Part. 1. Lib. V. c. 2. pag. 140.* ostendit.

## §. 7.

Similiter recens adhuc floreque præditum polium montanum eligendum, amaro & tantum non nauseoso sapore præditum. In theriacæ præparatione à caulibus, albisque supra

memoratis foliis, utpote vi debilioribus, probe depurgetur.

## §. 8.

Vires ejus volatiles, penetrantes & calefacientes sunt, quarum ratione planta urinam menstruaque potenter promovet, inque omnibus uteri, hepatis splenisque affectibus opem præstat. In ictero quoque & hydrope commendatur. Veteres adversus epilepsiam usque eo laudarunt, ut *Apulejus de Virtut. Herb. c. 7. pag. 182.* ejus etiam externo usui ejusmodi vim adscribat. Inter Criticos tamen magna adhuc contentiōnis serra reciprocatur, quodnam verum *Theophrasti & Galeni* polium sit, qua de controversia *Salmasius in Exerc. ad Solin. Polyhist. pag. 1067.* potest legi. Quoniam contra morsus animalium rabidorum commendatur, olim quoque theriacæ ingredientibus annumerarunt.

## §. 9.

Non minor sciendi cupido Botanicos detinet, quodnam sit

MARUM VERUM s. *das rechte Amber-Kraut?*

cujus quatuor fere species in *Tabernamontani Herbario Part. 2. pag. 56.* reperiuntur. In quibus inquirendis nolumus esse verbosiores, eo saltem contenti, quod in Mater. Museis hucusque repertum fuit, cujus folia usitata perexigua, viridia & instar cuspidum ferreorum hastarum militarium figurata sunt, sapore valde amaro & nauseoso prædita, cujus respectu Marum, quasi amarum, vocatum fuit.

## §. 10.

Hæc planta vulgo pro specie aliqua majorana habetur. Enimvero primus intuitus ostendit, quod magis cum thymo conveniat, pro cujus etiam specie fere habetur ab *Ammanno in Char. Plant. Nat. pag. 470.* In Gallia circa Toulon crescit, purpureos ac fragrantia proferens flores, parvarum spicarum ritu, instar florum lavendulæ progerminantes, vid. *Pometus l. c. pag. 141.*

## §. 11.

Optima censentur folia minus inveterata, eleganter viridia suosque flores adhuc habentia, fortem etiam odorem emittentia. Si quando ad theriacam sumuntur, à petiolis depurgata electaque sint.

## §. 12.

Viribus cum majorana & thymo convenit, atque ob saporem aromaticum & calefacientem in apoplexia similibusque morbis valde commendatur, adeò, ut judicio *Ettmülleri in Comment. Schræd. pag. 601.* ad spiritus essentiasque caput confortantes merito debeat sumi. Quum verò apud nos valde rara planta sit, rarò etiam præscribitur, nisi quod ad pilulas, ab ista Marocostinas Mindereri vocatas, & Trochiscos Hedychroi, aliàs theriacam ingredientiæ, sumatur.



## CAPUT V.

DE

## CAPILLO VENERIS ET ADIANTHO ALBO.

## §. 1.

Quæ vulgò in officinis

## CAPILLI VENERIS

nomine indigitatur planta, è parvis ac profundè crenatis foliis constat, juniori coriandro vel rutæ foliis haud dissimilibus. Ista toto hyeme viridia manentia, terreum & adstringentem, aliquali dulcedine terminandum, saporem habent, odorem vero nullum. Partim invenitur in Germania, partim ex Hispania Galliâque affertur.

## §. 2.

Planta fibrosas capillaresque radices habet, è quibus tenues brevesque caules, iidemque splendentes & rigidi, pedis fere altitudine, interdum saltem digiti longitudinè progerminant, qui numerosi erumpentes crenatis suis foliis ornantur. Quùm verò diversæ reperiantur species, distinctis quidem nominibus insignitæ, ob similitudinem autem sæpe confundi solitæ, de singulis paucis agemus.

## §. 3.

Recti verique capilli & à Botanicis

## ADIANTHUM VERUM ET VULGARE

vocantur, quod valde tenues & prorsus nigros habens caules hic loci non crescit, sed vel ex India, ut ADIANTHUM BRASILIANUM & CANADENSE, vel ex Italia & Gallia, ut ADIANTHUM MONSPELIENSE affertur, quorum delineationes *Pometus* sistit contemplandas. Quando igitur in formulis Medicorum capilli Veneris ita simpliciter præscribuntur, Pharmacopolæ præ aliis Adiantum album sumant, quod tamen nominis ab aliis rutæ murariæ rectius imponitur, ut *Samuel Dale in Phytolog. p. 119.* ostendit.

## §. 4.

Quod

## ADIANTHUM ALBUM

*l. Maurer-Rauthen,*

apud nos in inveteratis muris turribusque copiose invenitur, priori humilior crescit, foliaque aliquantum latiora magisque obtusa habet, aliàs quoque SALVIA VITÆ audit. Hæc itaque intelligi & à Pharmacopolis sumi debet, quando Medici adiantum album præscribunt.

## §. 5.

Tertia species,

## ADIANTHUM NIGRUM

vocatum, nigrum habet petiolum, crassiora etiam & longiora folia quam præcedens, plerumque flavente pulvere altero in latere aspersa.

Ut plurimum in umbrosis montibus & circa radices arborum, filicis ad instar, crescit, proptereaque à quibusdam Onopteris mas, *l. Esels-Fabren,* vocatur; & quanquam à Pharmacopolis etiam capillus & nuncupetur, istud tamen solum recipiatur, quoties adiantum nigrum simpliciter est præscriptum.

## §. 6.

Cæterum Pharmacopolæ videant, ut ne capillus & indigena pro exotico sibi offeratur divendendus, cui rei diligens superius allegatarum figurarum contemplatio inserviet. Omnes autem species recentes, jucundè virides, integrisque foliis præditæ emantur. Probe tamen siccata sint, mucidique saporis prorsus expertes, ut *Marxius in Germanico Mater. Museo pag. 44.* bene admonet.

## §. 7.

Ratione virium & qualitatum ferè omnes conveniunt: valde temperata & sicca sunt, proptereaque vi siccandi ac resolvendi pollent. Non temere igitur *Ettmüllerus in Comm. Schrad. pag. 506.* admiratur, ex libra una plantæ tantundem fere succi, quibusdam ita opinantibus, posse exprimi, qua in re appendix *Miscell. Acad. N. Cur. Ann. 4. & 5. Dec. I.* aliquam informationem suppeditat. Ad decocta pectoralia plerumque præscribuntur, dum crassam pituitam incidunt, & ex pectore expurgant: quam ob causam etiam in asthma & spirandi difficultate, tussi chronica ac phthisi utiles sunt. Porro adversus morbos alios chronicos, malum hypochondriacum, hydropem similesque à veteribus commendantur; quemadmodum & ad mirum cruentum, præsertim coagulatum stagnantemque sanguinem proficiunt. Quando autem calculi & arenæ adest suspicio, alkekengi & milium solis possunt addi. Quibus in casibus etiam

## SYRUPUS CAPILLORUM VENERIS

valde usitatus est, propterea sæpe è Monte Pessulano, Galliæ oppido, imo Canada expectandus; quemadmodum Francofurti apud *Danilem Bruffonem & Johannem Rey* tres vel quinque species inveniuntur, ut syrupus capillorum & cum cort. Or. fragrans, vulgaris & alii. Enimverò in Germania æque bene præparatur, ut extraneò adeò non indigeamus. Quod si verò illustres curiosasque personas vel maxime peregrinus delectaret, hicque de istarum voluntate è Gallia esset præscribendus, id demus curæ, quò verum ac genuinum accipiamus, subflavo eleganti-



gantique colore decorum, clarumque ac pel-  
lucidum, grato sapore debitaque consistentia  
præditum. Acidiusculus contra ac mucidus,  
prorsus etiam albus, tanquam suspectus abji-  
ciendus. Quidam lucro inhiantes Pharmacopœ  
Nemausienses & Montispeffulani istum  
ex plantis jamdum coctis ac denuo exsiccatis  
æmulari dicuntur, quem dolum *Pometus* in *Hi-*

*stoire des Drogues Gen. pag. 149.* detegit. Cate-  
rum officinæ quoque syrupum capillorum Ve-  
neris compositum habent, cujus præparatio-  
nem *Dispensatorium August.* communicat. Con-  
serva, quam nonnulli Monte-Pessulano afferri  
curant, rarius datur, de qua tamen prædictus  
Materialista *c. l.* videatur.

## CAPUT VI.

DE

## CUSCUTA ET EPITHYMO.

## §. 1.

**CUSCUTA** *f. Filz-Kraut* è tenuibus lon-  
gisque fibris constat, vicinas quasque her-  
bas serpentino nexu complectentibus, à quibus  
semper aliter nominatur, verbi gratia: Epistœba,  
quando stœbæ & Epipolion, quando polio incre-  
scit, ut *Simon Paulli* in *Quadrip. Botan. pag. 281.*  
fusius ostendit. Ubi tamen notandum, præscri-  
ptâ simpliciter & sine cognomine cuscutâ, istam  
intelligi cuscutam, quæ urticæ, lupulo aut lino  
inveniat implicata, unde etiam Germanis  
*Flachs-Seiden* vocatur.

## §. 2.

Quæ fibræ licet ex aliis herbis exerescant, ab  
istisque nutriantur, suo tamen ipsius semine val-  
de exiguo, instar seminis papaveris, & in parvis  
rotundis folliculis crescente, hæc se planta mul-  
tiplicat. Nulla folia profert, sed parvos carnei-  
que coloris flosculos, articulatim, secundum  
fibrarum longitudinem, progerminantes: id  
quod *Dn. Tournefort* in *Pometi Histoire des Dro-*  
*gues pag. 181.* pluribus descripsit.

## §. 3.

Botanici **CUSCUTAM MAJOREM &**  
**MINOREM** statuunt, prout majoribus vel mi-  
noribus herbis accrescit, ac propterea commu-  
niter Cassutham pro majore, Epithymum pro  
minore habent specie.

## §. 4.

Quæ species plerumque nitrosæ naturæ sunt,  
ob quam etiam aperiendi, resolvendi & purifi-  
candi virtute pollent, ut *Ettmüllerus* in *Comm.*  
*Schrad. pag. 556.* ex *Hoffmanno* bene annotavit:  
Quæ quum non solum tartaream saburram ac  
pituiam ex intestinis & visceribus, hepate, splene  
ac mesenterio per alvum educant, sed sabulum  
quoque è renibus ac ureteribus pellant, cre-  
brius a Medicis ad infusa laxantia præscribun-  
tur, atque ad icterum, cum flavum, tum nigrum,  
laudantur, contra quem *Crato* nullum fere me-  
lius remedium reperit, ut in *Epistola CX.* testatur.  
Alii cuscutâ in hydropo incipiente, febrilius diu-

turnis & similibus utuntur. Quidam etiam sy-  
rupum exinde conficiunt, minus tamen usita-  
tum, quam est syrupus de epithymo, quod simi-  
liter cuscutæ species est.

## §. 5.

Quod in specie ad cuscutam thymo incre-  
scentem attinet,

**EPITHYMUM, f. Thym-Seide,**

propterea vocatam, ex valde tenuibus, fuscis-  
que ac hirsutis fibrillis constat, odore fragrante  
& aromatico præditis; è calidis regionibus, Can-  
dia & Italia affertur, dum thymo nostrati non  
invenitur accrescere.

## §. 6.

Duæ istius species Materialistis notæ sunt,  
Epithymum sc. Creticum & Venetum. Illud  
multo minores tenuioresque fibrillas habet, eas-  
demque colore fuscas, odore valde fragrantis.  
Istud quidem longioribus ac fortioribus fibril-  
lis constat, minime tamen adeo aromaticis.  
Utraque autem recentia, fragrantia, minimeque  
trita sint, si bona velint haberi, quod *Pometus*  
*l. c.* præ aliis hortatur.

## §. 7.

Ob vires laxantibus leniterque purganti-  
bus, duram acidamque pituitam visceribus ac  
venis mesenterii impactam, leniter abstergenti-  
bus, annumeratur. Quam ob causam foliis  
senæ additum contra melancholiam flatulen-  
tam, scorbutum, vertiginem, aliosque capitis  
affectus, per consensum ex stomacho exortos,  
non sine fructu præscribitur. Ubi tamen ob-  
servandum, ut ne tenera ac volatilis hæc  
planta coquatur, sed per noctem saltem in-  
fundatur ac maceretur: alias enim verendum,  
ne vis optima coctione avolet, id quod *Fore-*  
*stus Libro 3. Curat. Observ. 32.* annotavit. Ne  
verò hoc medicamentum calida sua atque  
aromatica natura sitim caloremque excitet,  
de consilio *Fernelii* non solum, sed passulis  
minoribus, vel succo violarum permistum,



usurpetur. Syrupus de Epithymo laboriosius & ex multis partibus constans compositum est, cujus virtus ceteris purgantibus, agarico, tamarindis similibusque, quam epithymo, ejus vis coctione expirat, rectius adscribuntur, in iisdem melancholicis morbis, ad quos supra planta commendata fuit, interdum præscribitur.

## CAPUT VII.

DE

## TABACO.

## §. I.

**T**ABACUM è longis, latis, superius plerumque acuminatis, mollibusque ac pinguibus foliis constat, saporis fortis, odoris herbaceo narcotici. Propriè PETUM audit: ab Insulâ verò cognomine, in qua copiosissime colitur, TABACUM, & à Lusitano Legato, Johanne Nicotio, NICOTIANA vocatur, quippe qui salutarem istius virtutem in famulis suis prius in Indiâ expertus est, postquam ejus usum ante CC. annos circiter primus in Europam transtulit, cujus rei historiam verbosius sciteque describunt Galli, *Charle Estienne & Jean Liebault Lib. II. de la maison rustique pag. 123.*

## §. 2.

Hæc planta usque omnibus nota, ut fusior istius descriptio prorsus videatur supervacanea. Hic Giesæ, Butisbaci, & præsertim Hanoviæ, magna in abundantia, ex perexiguo semine, sequenti modo colitur: Semen circa diem divi Petri memoriæ sacrum, tempore verno, aliquot dies in cerevisia maceratum, in vase aliquo bonæ, nigræ ac pingui terræ miscetur, & tamdiu in calido hypocausto relinquitur, quoad semen crepare incipiat. Hinc cum ista terra in pulvinum, ex fimo caballino magis quam vaccino confectum, seritur, quo plantæ eo citius progerminant & excrescant: quem in finem quidam etiam fimum gallinaceum & columbinum insternunt, & aquam aspergunt crebrius. Simulac verò plantulæ progerminant, runcatio diligens instituat, quâ herbæ inutiles evellantur, ne sub istis suffocentur. Quæ si satis magnæ evaserunt, bene cultæ probeque stercoratae terræ inferuntur, quo una ab altera pedis longitudine distet, atque sic foliis sufficiens ad crescendum spatium relinquatur. Id quod tamen tempestate humida peragendum, quo plantulæ statim solo adhæreant, nec tam crebro debeant irrigari, aliâs enim exsiccantur, quod teneriores junioresque caloris prorsus impatientes sunt, adeò, ut tempestate nimis sicca sæpe magno labore musco tegendæ sint. Quibus majoribus factis, utrinque terrâ parvis latisque sacculis aggregatur, quem laborem pastinationem (*das Reuschen*) vocant. Qua peracta operatione, evidentius excrescunt, & quotidie augeri observantur. Quò autem folia longiora latioraque

fiant, parvi angustique stolones, (vulgò *Geitz* vocant) crebrius decerpantur, planta etiam superius in stolones exeunte & florescente, caules incidantur, aliquibus saltem ad concipiendum semen relictis, cuius summa habenda cura est, quod ob ingruens frigus non quotannis feliciter provenit, sæpiusque pretio vix comparari potest redimendum. Folia vere crassa & coriacea facta, graviter redolentia, extremitatibus suis flaventia, atque sic maturitatem nacta, decerpuntur domumque feruntur, inferioribus terræ vicinis & incumbentibus (*Sand-Blätter* vocatis) speciatim colligendis & multo viliori pretio dividendis. Quæ si aliquot dies sibi invicem apposita exsudarunt, flavaque & lenta evaserunt, bono, forti ac crassiori filo s. funiculo (*Bind-Garn*,) ope adaptatae acus trajiciuntur, de testis (ubi scopis subinde concutienda, ne uredine corrumpantur) suspendenda, quoad vere siccantur. Tandem humida tempestate & ante Martium removeantur, in magnos acervos aggreganda. Hæc quoque methodo folia succedanea, sive quæ primis decerptis excrescunt, vulgò *Geitz*, tractantur.

## §. 3.

Hoc modò collectum siccatumque tabacum vel ita per se minusque præparatum pondere centenario exteris divenditur, hincque Bremam, Hamburgum, imò in Bataviam transvehitur, & quidem pro pondere centenario 3. 4. 5. 6. imo decem Imperiales, prout decenter magna, ex flavo fusca lentaque folia, torquendo trahendoque apta (vulgò *Spinn-Gut* vocant) aut vulgaria saltem, viridiuscula & parva folia sunt, solve re solent: Vel in rotundas aut depressas perticas, quibus aqua ferrariorum aut syrupo nigredinem conciliant, vinciendo premendoque redigitur, quæ totæ, aut in frustra incisæ, à tabaci præparatoribus venduntur: Vel in officinis tabaceis (quas Francofurti *Flammerdingius*, Hanoviæ *Grajus* aliique crexerunt) in trochleas torquentur sive trahuntur, quod vero decidit tritumque fuit, ad tabacum incisum, chartæ obli gnatae indi solitum, recipitur. Atque hoc ultimum in peculiaribus conclavibus, ut ne quis arcanam hanc artem, (sic enim hunc laborem vocant,) videat discatque, solent præparare. Maxime verò Germanorum tabacophilorum admira-

randa



tanda simplicitas est, dum trochleas tabaceas chartasque inciso tabaco refertas, magnis in doliis, Hanovia primum in Bataviam missas, iterum à Batavis carius emunt, magnoque sumtu ac solvendo gravi naulo afferri curant, pro peculiari, rariori meliorique tabaco fumigando consumendæ. O insignem Germanorum simplicitatem, quam non possunt quin Batavi irrideant!

## §. 4.

Præterea Materialistæ quoque Indiæ Orientalis & Occidentalis tabacum habent. Illud, & quidem Japonense, optimum suavissimumque, simul vero etiam rarissimum est, quoniam ob longum viarum intervallum moramque trium dierum, quibus sub Sole navigare necesse habent, dicitur corrumpi, auctore *Vielheurio* in *Descriptione Mater. Exot. pag. 133.* Inter species tabaci Indiæ Occidentalis Virginianum, idque crassum & siccum, est optimum: cui succedit Brasiliense nigrum, & digitum crassum, teste *Pometo* in *Mater. Mus. p. 157.* Porro Canasterum Tabacum (ut *Marxius* in *Mater. Mus. pag. 136.* vocat) atque Tabacum medicatum, vulgò *Species-Tabac*, ex tabaco & suavicolentibus fumigantibus præparatum, in officinis notum est; quemadmodum & *Marxius* memoratus *p. 198.* tabaci catarrhalis meminit, cui theam addit, cujusque libram unam vendit quindecim albis. Indi præcipue quatuor species habent, Viride nempe & Amazonense Tabacum, quæ rotunda habent folia, porro Verinense & Linguiforme, longis acuminatisque foliis prædita, de quibus *Malletus Lib. VIII. Cosmogr. p. 178.* pluribus legatur.

## §. 5.

Non pauciores species notissimi

## PULVERIS STERNUTATORII

apud Materialistas & Pharmacopolas inveniuntur, prout vel ex simpliciter contuso, aut granulato tabaco, aut aliis herbis ac floribus constat, multifariam coloratur, vel etiam moscho ac ambra conficitur: cujus varias sortes, utpote ambratum & moschatum Tabacum de Pogibonci, ambratum moschatumque de Franchipane, utrumque cum floribus, ambratum ac moschatum Melitæum, Hispanicum, Tabacum de Neroli &c. habent ac divendunt.

## §. 6.

Modus trahendi fumi tabaci pro diversitate Nationum varius est. Indiæ Orientalis incolæ folium instar chartæ mercatorum complicatæ, ut superius amplum, infra angustum sit, convolvere, istudque superius incendere, & quamdiu fumat oreque teneri potest, suctione attrahere fumum dicuntur, sine ullo tubulorum fumiducteriorum usu. Imo sugentibus infantibus, post suctionem, intrudere in os folium perhibentur, quo istos trahendo fumo assuefaciant, ut ex *Georgio Nicolao Schurtzio Vielheurius* in *Descript.*

*Exot. Mater. pag. 133.* recenset. In India Occidentali, in Florida Insula præsertim, parvos canales arundinaceos, aut palmates de collo suspendunt, qui fumum ducant, ut in peculiari *discursu de Tabaco*, in *Libaulti Libr. 2. de la Maison Rustique pag. 125.* contento, ostenditur. Turcæ & Chineses valde longis tubulis, è multis se mutuo subeuntibus canaliculis capiteque argilla-co constantibus, utuntur: vel loco ligni canalibus longo coriaceo, filo ferreo circumvoluto, qui manibus possit circumvolvi. Europæi contra albos eosque vel lævigatos, aut vulgares habent canales fumiductorios, de quibus egimus alibi. Hac autem occasione non possum non simul in gratiam Dnn. Antiquariorum hîc referre, quod Civis quidam Gissenus, *Anastases Schneiderus* mihi retulerit, quod, cum puteum sibi effodi curaverit, in profundis terræ visceribus, una cum urna antiquissima, fistulam, iis quibus Tabacum sugitur, similitudinem invenerint, quæ in superiori parte angustior erat, quàm in inferiori: qualem & Filius meus natus secundus una cum Moneta antiquissima prope Gissam invenit. Quùm verò Tabacum Antecessoribus nostris cognitum non fuerit, disquisitionem mereretur, in quem usum fistulæ hæ ab Ethnicis adhibitæ fuerint?

## §. 7.

Vi tabacum pollet exsiccante, resolvente & narcotica: illa à sale volatili, hæc à sedante & narcotico oleo proficiscitur. Mediante sale suo lentam thoraci impactam piritam dissolvit: quem in finem confectus exinde syrupus, in asthmate, tussi ac similibus commendatus, in quibusdam officinis habetur. Acres quoque catarrhos resolvit, proptereaque iis, qui humidi temperamenti sunt, præ aliis utile est, sive ejus fumus hauiatur, sive, ut alii solent, mandatur. Oleo suo ac sulphure narcotico inebriat, ejusque usu Indiæ Vates ante se vertiginosos reddere perhibent, quam futura prædicant, ut prædicti auctores *pag. 187. de l'Agriculture* commemorant. Quo ipso sulphure omnes quoque dolores, præsertim suffocationem uterinam sedat, ut non solum *l.c.* videre est, sed ipse quoque testari possum, certam quandam Palatinatus foeminam nulla ferè alia re, quam tabaci fumo, potuisse curari. Plures alias istius virtutes *Everhardus, Magnenus, Neander* alique in peculiari- bus libris fufius descripserunt. Econtrariò etiam alii ejus abusum sufficienter ostenderunt, utpote *Jacobus Rex Angliæ* in peculiari libro, & *D. Sim. Paulli Tr. de Abusu Tabaci.* Memorabile est, Magnum Florentinæ Ducem habuisse Essentiam Tabaci, qua extemplò columba potuerit enecari, simulac filum, ista humectatum, per unam alam trajectum fuit. Alia Præparata: ∇. 80, Ungu. cæteraque composita videantur apud *D. Ettmüllerum* in *Comm. Schrad. pag. 616.* & *Hoffmannum* in *Clavi Schrad. pag. 514.*



## §. 8.

Angli fumum quoque in clysteribus utiliter usurparunt, excogitato pro istius applicatione peculiari aliquo instrumento, quod à *Bartholino* in *Epist. & Obs. Anatom.* ac *Stiffero* in *Disput. de Machinis fumiductoriis* delineatum, etiam in *Polychrestis nostris Exoticis*, Disc. de

*Clystere Tabacino*, datur inveniendum. Ad omnes ventris uterique dolores vehementer conducit, ut & renum ac vesicæ calculum, quando magni dolores ac fere intolerabiles sunt. Fumus in nares sufflatus epilepticos excitat.

## CAPUT IIX.

## DE

## FOLIIS SENÆ ET SOLDANELLA.

## §. 1.

**F**OLIA SENÆ oblonga, acuminata & à caulibus suis decerpta folia sunt, saporis amari, subacris & nauseosi, coloris ex flavo viridis. Ex Oriente veniunt, propterea a quibusdam Medicis FOLIA ORIENTALIA dicta.

## §. 2.

Planta genuina, Senæ folia proferens, æstiva est, frigoris prorsus impatiens, quæ propterea in calidioribus Europæ locis ante Majum nequit coli, foliaque primo auctumno ob frigus jubet colligi, ut *Th. Tabernæmontanus Libr. 2. Herbarii pag. 230.* ex *Lobelio* aliisque memorat. Insigniter igitur errant, qui vera senæ folia instar coluteæ ferunt crescere, quippe quæ arbor est, multosque annos nostris in hortis durat, id quod *Guibertus* in peculiari *Gallico Tr. de Sena p. 272.* multis ostendit. Interea distinctæ istius inveniuntur species, quarum prior, Sena sc. Orientalis s. Ægyptiaca & Alexandrina, habetur optima. Atque hæc tenues rotundosque caules habet, ut melilotus, pedem atque dimidium altos, oblongis, angustis acutisque ac viridiusculis foliis, utrinque, ad modum liquiritiæ arboris, stipatos, qui pallide flaventes flores, rubicundis venulis interstinctos, & post illos depressos (non ut colutea vesicaria inflatos) folliculos proferunt, in quibus subfuscum ac casium semen includitur. Altera species Sena Italica est, priori fere similis, nisi quod breviora, latioraque ac rotundiora folia, nigrumque semen habeat, ac priori viribus non accedat.

## §. 3.

Hic vero notandum, Orientalem s. Alexandrinam Senam iterum esse duplicem, unamque & eam quidem optimam habitam, MECHINENSEM vocari, quippe Mechâ per Marfiliam allatam. Longiuscula, arcta, subacuta & crassiuscula habet folia, colore viridiusculo flavedine interstincto, Gallis *Sene de la Palte*, h. e. SENA DE PALTA vocata, quoniam non sine magno vectigali (quod

Turcæ Palte vocant) Sultano solvendo afferuntur, id quod ista quoque rara caraque facit: nisi fors ab Insula Ripalta, Alexandrinæ vicina, ita dicatur, quod fere conjicit *Guido Patini Ep. select. p. 243.* Altera à loco natali SAETTO nominatur, viridibus foliis constans, ad priora bonitate non accedentibus, melioribus tamen, quam Italica, commemorante *Marxio* in *Germanico Mater. Mus. pag. 271.* *Guid. Patini l. c.* eandem vocat Sennam de Seyda, ab antiquo oppido de Sidon, cujus in Sacra Scriptura mentio occurrit. Interim *Pometus* in *Histoire des Drogues p. 147.* ista in Italia crescere sibi persuaderi non patitur, sed Tripoli ex Oriente similiter venire: hancque opinionem inde profectam existimat, quod colutea vesicaria copiosè in Italia reperitur.

## §. 4.

Ex prædicta differentia facile nunc judicatur, quamnam Senæ folia optima & præ aliis eligenda sint? Quidam magna lataque ac vere viridia folia pro optimis habent, istaque in visitationibus officinarum requirunt. Enimverò prædictus *Pometus* hos omnes, tanquam verâ notitiâ destitutos, cordatè reprehendit, simulque testatur, integrum sibi fruticulum (cujus delineatio, illic habetur) veræ Orientalis Senæ ex Alepo esse transmissum, ex quò apparuerit, folia esse mediocria, subacuminata, ad modum cuspidis hastæ oblongæ militaris formata, subflava, fortiter olentia, tactuque mollia, quorum etiam magnam quantitatem consumserit ac divenderit, maxime à stiptibus aliisque quisquiliis probe depurgatorum, id quod in alia specie, optima deficiente, similiter observandum. Contra ea fragmenta ac pulvis (quem Circumforanei speciatim dividunt) prorsus abjiciantur.

## §. 5.

Quamobrem vero

## FOLLICULI SENÆ

prorsus negligantur, quàm tamen multo lenius quam folia purgent, multo etiam melius,



lius, quippe sapore odoreque destituti, assumentur, proptereaque à quibusdam clarissimis Medicis *Fernelio, Fallopio, Jac. Sylvio, Guiberto* aliisque Senæ foliis præferantur, non temerè admiramur. Merentur itaque præscribi, modo vere matura perfectæque habeant semina, ipsique non nigri & contriti, sed integri virentes ac recentes sint.

## §. 6.

Quod ad usum foliorum senæ attinet, id certum est, rectè usurpata præstanti valdeque leni purgandi virtute pollere, qua omnes acres, falsos, acidosque & pituitosos humores educunt, in morbis præsertim chronicis valde etiam conducunt. Memorabile est, eos, quos nec fortissima purgantia movent, infuso senato, ut ipse aliquoties vidi, felicius moveri. Interea non nimis istis fidendum, dum miras interdum tragædias excitant, quemadmodum certus aliquis amicus, is quidem non Medicus, Medicinam tamen temere interdum faciens, in se ipse expertus est, dum non solum macerata per noctem folia fortiter expressit, sed aliquid etiam pulveris superingessit, unde stomachum usque eo sensit debilitatum, ut quatuor integras hebdomades diarrhœa cum vitæ periculo laboraverit. Eundem ferè effectum Illustris quædam Virgo in se experta est, cui Chirurgus senæ pulverem dederat. Omnium ergo tutissimum est, ut folia senæ saltem infundantur, nec fortiter exprimantur, propterea quod tormina cæteræque molestiæ ab lentore, quem continent, oriuntur, ut *D. Ettmüllerus* in *Comment. Schræd. pag. 753*: post alios ostendit. Pulvis perrarò præscribitur; & quamvis cer-

tus aliquis exinde constans pulvis, pulvis Senæ Montagnanæ dictus, in officinis habeatur, à nemine tamen adeò frequenter præscribitur. Similiter ejusdem Extractum parvi æstimatur, cujus ℥ij fere ex libra una acquiruntur, secundum supputationem *Vielheueri* in *Descript. Mater. Exot. pag. 157*.

## §. 7.

Præter folia Senæ alia adhuc purgantium foliorum species in officinis habetur,

SOLDANELLA (*Meer-Kohl, Meer-Winde*)

vocata, quam paucis quoque exponemus. Rotunda folia sunt, acri, falso, simulque sub-amaro, adeoque nauseoso sapore. Ab exigua planta proveniunt, folia aristolochiæ similia habente, præterquam quod minora crassioraque sint. Purpureos campanæ in modum formatos flores profert, ut convolvulus. In Alpibus crescit, circa Oenipontium & Ravensburgum, non minus ac in Austria, Styriaque: folia autem maximam partem ex Italia atque Gallia transportantur, quoniam planta copiose quoque juxta mare crescit, unde nomen obtinet. Folia recentia & neutiquam lacerata sint, si bona volunt æstimari.

## §. 8.

Viribus suis omnes crudos serososque humores per alvum educit, adeo, ut de *Eraſti* consilio plantula hæc ne quidem unquam omitterenda, quoties hydropicis purgans aliquod præscribitur. In substantia æque atque in infuso usurpatur, de quo *Ettmüllerus l. c. pag. 754*. videndus.

## CAPUT IX.

DE

ISATE, LACCA MUSICA, TORNA  
SOLIS ET SUMACH.

## §. I.

**ISATIS**, vulgò *Weid* dicta, cœruleus color est, tanquam Indicum, sed multo impurior, terrestrior, valde duris frustis, nucis juglandis magnitudine, allatus, & ut plurimum in Thuringia (ubi insignis ejusdem semper mercatura fuit) magno labore præparatus. In Geldria quoque, tractu Juliacensi atque Gallia, circa Tolosam conficitur, sed non tam bonæ notæ ac in Thuringia.

## §. 2.

Herba, ex quâ hæc merx conficitur, Germanis similiter *Weid*, Botanicis ISATIS aut GLASTUM, Gallis *Guesde* & *Pastel* vocatur. Longa habet folia, inferius lata, & superius acuminata, flores flavos, latos compres-

fosque ac curtos folliculos, in quibus flavum feminis granulum, grano hordei haud dissimile, sed non adeò crassum ac perfectum crescit, è quo sequenti modo colitur: Ager nigrum, pingue ac fecundum solum habeat, quod ante hyemem, aut minimum tempore Bacchanalium, ulnæ profunditate, arare & occare decet, aut effodere. Hinc semen recens erutæ terræ mandatur, quod noctibus existentibus calidis, inter diem festum Paschatis & Pentecostes, tria aut quatuor folia, ritu trifolii, emittit, donec decem aut plura progeneret. Quæ juniora germina ab herbis inutilibus sæpius depurganda, donec vere excreverint, atque sic eximi possint.

## §. 3.

Quâ verò ratione herba colligatur, postea-  
que



que color exinde præparetur, *Colerus* verbosius describit in *Oeconomia Rurali & Domest. Lib. VI. cap. 86. pag. 155. seqq.* Scilicet ter quotannis ab radice, auricularem crassa, & pedis magnitudine sub terra infixâ, acuto ferro, manus circiter latitudine, præsecatur, id quod post festum diem S. Trinitatis primum fieri solet. Deinde ad rivum deportatur probe abluenda, & super viridicespite, splendente Sole, per crebriorem subversionem sine ulla morâ exsiccat, ut tamen aliquid succosi retineat. Hinc in molis pneumaticis aut aliis minutissime molitur, humideque manibus in pilas redigitur, quæ super cratibus in Sole exsiccatæ postmodum publicè in foro, sueta hujus coloris mensurâ, ut plurimum decies sexaginta pilas continente, divenduntur. Chartæ attritæ ex nigro viridem maculam plerumque relinquunt, qua obscurè cœrulea existente, pilæ meliores carioresque habentur. Istæ pilæ postmodum in domibus huic præparando colori adaptatis, super lacunari asseribus strato, ulnæ altitudine in acervum aggregantur, ubi ita sibi impositæ incallescunt, ac fumant, donec tandem teneræ & extrinsecus albicantes fiant, duritiemque lapidis nanciscantur, & ad dimidium in se coeant. Post Michaëlis diem robusti mercenarii conducuntur, qui magnos pilarum acervos ligneis malleis contundunt diffringuntque, quo frustra nucis juglandis magnitudine fiant, quæ de integro in acervum congestæ aqua irrigantur, tantoque temporis spatio ibidem relinquuntur, quoad iterum incalescant, aquave fumigando fuerit absumpta. Quo facto acervi magnis ligonibus diffringuntur ac minutim teruntur, id quod tertia vice repetendum, antequam color vere præparatus videri, & à Mercatoribus, in Lipsiensibus aliisque magnis nundinis, divendi possit. Istum vero in magnis doliis, quorum unum sex fere orcas s. *Tonnen* vulgo, continet, in peregrina transmittunt loca. Unum quodque autem 36. vel 40. florenis Misnicis dicitur aestimari, prout color chartæ attritus bonus fuit inventus.

## §. 4.

Ab Insectoribus s. Tinctoriis maximam partem usurpatur, quippe quo lanam, laneosque pannos, tibialia & similia tingunt. Est enim fundamentum nigri coloris, adeo, ut nigri panni non tam faciliè maculas admittant, aut colorem evanescere sinant, hoc si prius imbuti colore fuerint. Si quando in situla vel cupa infectoria ad inficiendum præparatur, spuma eidem infidet, quam despumatam Insectoribus exsiccant, sub nomine *Florum Weid-Blumen*, Gallicè *Florée d Inde* asservandam. Isti verò colore eleganter cœruleo Indicum referunt, pro quo etiam sæpe ab imprudentibus emuntur. Quamobrem *Pometus* in *Mater. Mus. pag. 155.* non sine ratione existimat, quod, si color hic ex Isate confectus, similiter atque Indicum,

ex herba extrahatur, prorsus similis Indico color exinde præparari posset. Quidam ex præparato hoc colore cum aqua fontana gargarisma faciunt adversus anginam, in principio statim usurpandum.

## §. 5.

Præterea alius adhuc cœruleus color in officinis nostris & *Materialium Museis* habetur,

## LACMUS, seu LACCA MUSICA

vocatus, plerumque in quadrangularibus & subviolaceis frustis allatus, Pictoribus alias Turnis dictus, sine dubio, quod ex herba, Gallis Tornesol nominatâ, conficitur: quæ causa est, quamobrem etiam Galli istum ipsum colorem TORNESOL EN PATE, ou en pierre vocent. Ut plurimum ex Batavia & Flandria, ubi præparatur, venit, proptereaque ab Italis PERS DE FLANDRE dicitur, ut *Vielheurnius* in *Descriptione Exot. Mater. pag. 31.* scribit.

## §. 6.

Herba aliàs Heliotropium Tricoccum (*Sonnen-Wende*) vocata, uni cauli increscit, fere pedis altitudine, dispersis ramulis, è quibus nigra mollesque bacca, ad modum solani, proveniunt. Aureos profert flores, & triquetros asperosque subnigros folliculos, in quibus semen cinereo colore reconditum est, quo mediante herba se ipsam quotannis multiplicat. In Gallia Italiaque crescit. Ex qua Batavi cum urina, calce & subcinerea terra, Perelle vocata, certo modo massam præparare, istamque in parva vascula, librarum 30. forte pondere, cogere perhibentur, quam Galli TORNESOL EN PATE nominant. Quæ quum raro ad nos veniat species, sed in quadrangula frustra s. placentas formata exsiccataque transmittatur, TORNESOL EN PIERRE vocant, ut *Pometus* in *Histoire des Drogues pag. 157.* commemorat. Nobis vulgo LACMUS audit.

## §. 7.

Quoniam Lacmus ficcus multò vilior est quam præmemoratus mollis, indeque facile conjicitur istum arena aliisque quisquiliis esse adulteratum: id demus curæ, quo bonus acquiratur, vere ficcus, subviolaceus, qui chartæ affricus magis cœruleam, quam subrubram maculam relinquat.

## §. 8.

Ufus ejus Dulciariis Pictoribusque ad pingendas chartas lusorias resque alias satis innotescit, quod vel sola aqua potest præparari. Impositores Pharmacopolæ, deficientibus violis martiis, coctum pro syrupo saccharum isto ipso tingunt, quem deinde pro vero syrupo violarum divendunt, id quod Pharmacopola quidam Giessensis mihi ipse confessus est. Ante sedecim annos in Palatinatu, in officina Grünstadiensis, magnum vas syrupo violarum repletum frangebatur, quem Pharmacopola corra-



debat, additâque non spernenda Sacchari quantitate, elegantem syrupum violarum excuscitabat. En machinarum fraudisque artifices!

## §. 9.

Acido huic colori affuso ruber evadit. Quamobrem etiam Lugduni Galliae non ruber solum color (orfeille de Lyon) exinde conficitur, de quo vid. *Pometus l. c. pag. 157.* sed & vulgò ita vocata

## TORNA SOLIS

isti originem suam fert acceptam, quam sciimus ex longis, angustis, obscure rubris & convolutis linteorum fragmentis constare, iisdemque fructu heliotropii tricocci tinctis. Ex Batavia Galliaque venit, quam verè siccam, non mucidam, succo etiam refertam esse oportet, si bona vult haberi. Frustulum ad faciendum experimentum aquae inditum isti violaceum, non rubrum, conciliet colorem.

## §. 10.

Hac torna solis eum in finem plerumque usurpatur, ut vino, aquae vitae aliisque liquoribus colorem eleganter rubrum conciliemus: Cujus tamen rei *Simon Paulli* aliquem horrorem excitat, quando in *Quadrip. Botan. pag. 329.*

scribit, istam saepe ex laciniis pediculosis foetidisque constare. Quamobrem vehementer in pincernas ac cellarios invehitur, qui ista mediante potus pro Magnatibus sumunt tingendos, quum ex aliis succis rubris idem habeamus expectare. Id quod flores papav. err. cerasa similiaque similiter possunt praestare.

## §. II.

Tandem infectores ac coriarii alio adhuc pigmento exotico utuntur, quod

SUMACH f. *Schmack*

vocatur, & ab exoticâ arbore RHUS, SUMAC, Germanice *Färber-Baum* dicta, proficiscitur. Vel ex contusis caulibus ac foliis constat, vel rubris strobilis sive fructibus, quorum figura in principio capitis *Mus. Germ.* sistitur delineata. Duplex est, Portoportensis & Malgensis. Ille color optimus est, odore fragrans & subruber, paucos habens caules, sed multa grana. Hic multos caules habens albus est, proptereaque non adeo bonus, ut *Schurtzius* in *Mater. Mus. p. 101.* docet. Optimus est recens & viridiusculus, nigro colori inserviens, vid. *Pomet. l. c.* In Medicina ad sistendam diarrhoeam aliosque affectus usurpatur. Strobili autem ipsius arboris conficiendo aceto inserviunt, unde in Palatinatu Germanicè *Esfig-Zapffen* dicuntur.

## CAPUT X.

## DE

## HERBIS MUSCOSIS, LYCOPODIO, LICHENE ET PULMONARIA ARBOREA.

## §. I.

SI quid in libro Mundi ac Naturae reliquum est, quod Botanicis facessere potest negotium, profectò excrecentiae sunt, utpote fungi variique musci, arboribus, lapidibus rebusque aliis adhaerentes. De fungis doctus quidam Belga, isque Pastor, cui *Sterrebeekio* nomen est, valde curiosum libellum, *Theatrum Fungorum* vocatum, lingua sua vernacula conscripsit, in quo tamen rariores quidam fungi deficiunt. De herbis autem muscosis nemo adhuc dedit opera commentatus est: quae forte materiam scribendo peculiari tractatui praebere possent sufficientem, si quis id sibi sumere laboris velit. Interea *Zaluzanii* nobis sufficiat divisio, muscum praesertim duplicem affirmantis, angustifolium & latifolium, de quo liber ejus adhuc perrarus, sc. *Methodus Herbaria Lib. 2. cap. 3.* legatur.

## §. 2.

Prioris ordinis fortasse praecipuus & utilissimus est, quem in Materialium Museis & officinis

## LYCOPODIUM,

aliàs verò MUSCUM TERRESTREM CLAVATUM, Germanicè *Beerlapp, Gurtel-Kraut, Sau-Tannen, Schlangen-Moos* &c. vocant, de quo Clarissimus Saxonicus Medicus & Professor, *Dn. D. Wedelius*, haud ita pridem, Respondente *Hannekenio* juniore, perelegantem disputationem Jenae habuit. Hic muscus multis vitibus super terram serpit, squamosis foliis, abietem referentibus; similes quoque conos squamigeros profert, inter quos non solum reniformes folliculi, semen valde subtile continentes, exsurgunt, ab *Tournefortio Tab. 326. Inst. Rer. Herb.* valdè ingeniosè delineati; sed muscus hic similiter semini proprium florem praemittit, à clarissimo Anglorum Botanico, *Morisonio*, propterea muscus perfectus vocatus.

## §. 3.

## SEMEN LYCOPODII

unum illud est, quod muscum hunc adeo facit celebrari; ex valde subtili levique ac flavente pulvere, flores sulphuris referente, constat,



stat, sulphuris etiam naturam imitatur, dum per candelam flatus fulgurat, magnamque flammam excitat: quamvis carbonibus impostum non, sulphuris adinstar, urit. Spiritum quoque acidum nigrumque oleum suppeditat, si quando muscus per retortam cogitur, secundum experientiam *D. Wedelii*. Hinc balsamicam naturam habens valde durabile est, & ultra 30. annos potest conservari. Principio ut plurimum è Polonia Moscoviaque, ubi *Plaum* vocatur, solebat describi: hodie vero ubique in Germania invenitur, ut tempore pacis tota libra uno floreno possit haberi.

## §. 4.

Ex præmemoratis sulphureis particulis decantatæ pulveris hujus virtutes oriuntur, quippe qui non solum sudorem atque urinam, interdum etiam alvum, ciere aptus natus est, sed demulcente quoque ac leniente virtute pollet, ob quam contra epilepsiam aliosque capitis morbos, inprimis contra incubum, valde commendatur. Nec dubium est, quin in scorbuticis nervorum morbis, arthritide vaga, renum ac lumborum doloribus opem præstet, quâ in re *Wedelius* nobis vult facere fidem, quoniam à clarissimo *Ludovici* contra ipsum calculum cum fructu fuit usurpatum. Inprimis hoc semen balsamicum, ob vim suam sanantem, in omnibus pectoris morbis, phthisi, hæmoptoë similibusque conducit, quod *Ettmüllerus* quoque contra hæcticam commendat. In Polonia contra plicam Polonicam tanquam specificum usurpatur, de quo *Miscell. Germ. Cur. Dec. I. Ann. 2. Obs. 52.* legantur. Quid vero externè in sistendis vulnerum hæmorrhagiis præstet, *D. Februs Tr. de Scorzonera p. 12.* testatur. Omnem quoque scabiem curat, exulcerationes, erysipelas, pruritum in locis obscænis, præsertim excoriationes infantium. Non minus pulveri pro crinibus potest addi, quoniam admodum leve est, crinesque à tineis defendit. Ad ignes quoque artificiales usurpatur, ubi saltem fulgurat, nec ullum

crepitum edit, nisi contusa betulæ folia permisceantur, ut *Olearius Itinerario Persico*, vernacula scripto, *Lib. IV. cap. 25.* testatur. Isto mediante & bombardæ possunt exonerari, cujus rei experimentum olim *Ernestus Pius* dictus, Dux Saxo-Gothanus, præsentè *Dn. D. Wedelio*, quadam ductus curiositate, fieri curavit. Alia composita, quæ ex hoc pulvere fieri possunt, in prælaudata disputatione describuntur.

## §. 5.

Ad herbas muscosas latifolias spectant lichen & pulmonaria arborea, quæ exsiccata in officinis asservantur.

LICHEN (*Stein-Leber-Kraut*)

propterea ita nominatur, quoniam instar lepræ extrinsecus rupibus in profundis fontibus insidet; ex latis, profunde crenatis & pinguibus foliis constat, inter quæ successu temporis exigui caules, stellatis flosculis ornati, progerminant, ut ex vulgari figura apparet. Interne ad chronicos quosdam morbos, ab obstructione hepatis olim deductos, icterum scilicet, scabiem similesque à Veteribus laudatur: quam hodierni Medici, ut *Ettmüllerus* & alii non multum in eo ponant fiduciæ. Externè vulnerum hæmorrhagias compescere dicitur, teste *Hoffmanno* in *Clavi Schræd. pag. 496.*

## §. 6.

Quod tandem ad

## PULMONARIAM ARBOREAM,

f. *Lungen-Kraut*,

alias quoque Muscum Arboreum vocatam, attinet, ex latis & coriaceis frustis constat, in annosis quercubus aliisque arboribus repereundis. Exsiccantem & subadstringentem vim habet, cujus intuitu in phthisi, à superflua humiditate & catarrhis orta, ac in decoctis pectoralibus internè potest usurpari. Externè similiter sanguinem sistit, in pulverem tritus & inspersus.

## CAPUT XI.

DE

## MOXA.

## §. 1.

**M**OXÀ variè cæsum lanuginosumque medicamentum est, ante XX. circiter annos ex India Orientali, unâ cum longiusculis & nigris bacillis, exilisculmi crassitie, in Germaniam allatum, & apud Materialistas inveniendum. Hodie rarò inquiritur, quod partim speratum effectum non præstitit, partim etiam nostris in regionibus per artem effingitur.

## §. 2.

Primus qui ejusmodi simplex Europæis detexit, fuit *Buschoofius*, Ecclesiastes Indo-Batavus, qui Moxam, tanquam certum comprobatumque remedium adversus podagram, in peculiari & Batavorum lingua conscripto libello, commendavit, varia etiam exempla recensens eorum, qui istius ope à mania & epilepsia feliciter fuerint curati. Qui libellus quum *Dn. Erico Mauritio*, olim Camera Imperialis



rialis Spirensis Affectori meritiſſimo, transmittetur, istum continuo cum intimo suo amico, *Dn. D. Scheffero*, Medico Francofurtensi celeberrimò, communicavit, quem hic deinde toti Curioſorum Germaniæ Societati in *Miscell. Germ. Cur. Dec. I. An. VI. obs. 218.* notum faciebat, quibus brevî post *D. Elsholzius* prædicti libelli contenta curabat inferri. Quùm verò postea lis inter Doctores exoriretur, num hoc medicamentum etiam veteribus, in primis *Hippocrati*, notum fuerit, elegantem de Moxa disputationem Marburgi habuit *Dn. D. Geilfusius*, post Archiater Ducis Friſiæ Orientalis & Professor Franekeranus, qua occasione magis magisque innotuit.

## §. 3.

Nunc saltem restabat, ut qualis planta sit, inquireretur, quoniam *Dn. Buschoofius* in libello suo ea de re necquicquam commemoraverat, aut certe recte scripserat & obscure. Quibusdam aliqua fungi species, cujus ritu cresceret, videbatur, id quod etiam *D. Geilfusius* expresse existimabat. Quùm verò aliis rem accuratius & oculis armatis, s. microscopiis, intuentibus, quædam exigua folia artemisiæ, nostrati haud dissimilia, apparerent, Moxam nihil aliud esse existimabant, quam albam, lanuginosam & araneam haud dissimilem cuticulam, foris in artemisia repertiundam, ab ipsa etiam exsiccata herba, caulibus intus extricatis, præparandam: quemadmodum ejus præparatio à *Dn. Cleyero*, in *Misc. Dec. 2. An. 4. obs. 1.* ejusque *Æmulo, ten Rhyne*, in *Disput. de Arthrit. pag. 108.* manifestabatur. Quò autem ejus rei acquiratur certitudo, prædictus *Dn. D. Schepferus* eum in finem ad *Dn. Cleyerum*, tum in India Orientali Societatis Indiæ Medicum, mittebat literas, num hæc Moxæ ratio sit: qui eam ingenuè confitebatur, ut ex ejus responsione in *Miscell. Germ. Dec. II. Ann. IV.* apparet. Hinc & ego motus, ut peculiarem de Moxa & Podagra epistolam ad prædictum *Cleyerum* in Bataviam Novam, & quidem in Insulam Bantam scriberem, quam tum etiam Lugduni Batavorum vivens typis imprimi curabam; in eò autem fortuna mihi fuit adversa, quod duplex ejus responsio, quam per *Dn. D. Kampferum*, tum temporis domesticum suum, ad me exarari curavit, unà cum raris conchis, rebusque aliis curiosis, naufragio interierit, ut prædictus *D. Kampferus* ex India redux, coram testatus est. Quum nunc rei haberetur certitudo, *Dn. D. Wedelius* Jenæ ostendit Indorum Moxa nos bene carere, contraque Moxa Germanorum idem præstari posse, quod hucusque ab exotica speraverant, dum alii vulgari lana, gossypio, rasa fomite s. fune igniario militum, similique istius loco uterentur; qua de re vid. *Miscell. Germ. l. c.*

## §. 4.

Quod ad usum fructumque Moxæ attinet, acuminati oblongique pastilli, candelis fumalibus similes inde præparantur, qui in mania & epi-

lepsia capiti, in chiragra & podagra manibus pedibusque applicantur, (ut figura in *Polychrest. nostris Exoticis & Diff. Epistol. Lit. A. B. C. D.* ostendit) fragranti bacillo Lit. C. accendendi, quò factò, sine notabili dolore, crusta inuritur, hincque dolor aut morbus continuo remittit. Interea omnes circumstantiæ, in vulgaribus cauteriis (præ quibus Moxa, judicio *Sydenhamii Tr. de Podagra*, nihil peculiare habet) observari solitæ, & hic debent attendi. Moxa vero in arthritide frigida, ab aquosis ac pituitosis humiditatibus exorta, magis locum invenit, quam ubi inflammatio aut rubor in articulis deprehenditur: quo sane in casu periculum excitare posset non parvum; id quod à celeb. Medico *Dn. D. Job. Daniele Horstio* in quibusdam præcipuis personis fuit observatum. Qui vero caute usurpare norunt, remedium hoc sentient minime rejiciendum, quippe quod *Dn. Temple*, Illustris quidam Nobilis, in se ipse bonum expertus est, ac propterea in peculiari *Tract. Essay du Moxa contre la goutte* vehementer commendavit, vid. ejus libellum: *les Oeuvres mêlées de Mons. le Chevalier de Temple Tom. I.* Reliquos Moxæ usus eleganter ex Indorum doctrinâ enarrat *Dn. D. Kampferus* in *Amœnitat. Exot. Fascic. III.* cujus verba ita se habent:

*Moxa*, præstantissima Cauteriorum materia, Sinensibus Japonibusque multum usitata.

## §. 5.

Asia, quousque ad nostros antipodes extremumve Orbis terminum extenditur, tribus dorata est Heliconibus, Arabum, Brahmenum & Sinensium: ex quibus scientiarum artiumque promanavit, quicquid est inter vasti Orientis populos. Hi verò cœlo, linguis, moribus, religione distincti populi, licet pro diverso, ex quo erudiuntur, Helicone, alia atque diversa foveant Artis Medicæ (ceteras non attingo) principia, præcepta, materiam & medendi methodos, nihilo minus tamen, cum in morborum causas inquiritur, uno ore singuli ad tribunal subindè flatus & vapores provocant, ut tantum non videantur cum Cœo nostro *Lib. de flat.* dolores & affectus quoscunque flatibus acceptos referre, quos afferunt nunquam tolli posse felicius, quam cauteriis, igne actuali, ut loquimur, inurendis. Igne verò, an ferri candentis? Equidem junctam Vulcani Martisque vim experiri in humana machinâ sævitiam reputant, uti supervacaneam & inutilem, ita verò indignam rationali Medico, cui urendo non alia debeat esse intentio, quam ut impactam doloris materiam resolvat, vel in flatus jam resolutam excludat & in auras evocet. Malunt igitur tardè gliscentem, remissè ustulantem, atque, ut verbo dicam, ejus indolis ignem adhibere, qui inclusam morbi causam, mediante salis aperientis virtute, lentè tutòque evocet,



quàm qui stringente ac rodente armatus vitriolo, eutem carnemque crudeli impetu exedat. Iisdem nixi rationibus prisci Arabum, Ægyptiorum & Græcorum Medici, à quibus medendi artem Europæi accepimus, ferro rubenti, fungos accensos & ignitas præferre struthii & aristologiæ radices visum est: aliis eorum sulphure candente placuit, fusisque buxeis oleo fervente tinctis, corporis vitia domari. *Mercatum* videant, *Pr. L. 4. c. 1. pag. 162.* & ex recentioribus *M. A. Severinum*, qui varietatem materiæ causticæ & modos urendi apud antiquos scire desiderant. Ego hic Asiaticorum tantùm cauteria referam, nostro tempore usitata.

## §. 6.

Arabes, & qui horum scientiis imbuti sunt, Persas & Mogoles Indos Mahammedanos, ignis fomitem in urendo non alium expetiisse vidi, quàm pannum gossypinum, Isatide seu glasto tinctum, Gallicè *Cotton bleu*: hunc in cylindri figuram, ad sesqui pollicaris diametri crassitiem, & longitudinem geminæ uncix quàm arctissimè obvolutum, in locum amburendum dirigunt, & incensâ summitate gliscere sensimque depasci sinunt, donec in favillam totus cylindrus deflagraverit. Ustio hæc, longâ & penè intolerabili morâ absolvitur: durat enim horæ quadrantem, interdum longiùs, antequam deflagret intensi ardoris fomes: qui altè adeo subjectam carnem depascit, ut aliquando insanabile ulcus inde remaneat: quale mihi sanandum iis regionibus oblatum est aliquoties, sordidum & mali moris. Ustione factâ, ampliùs nihil negotii incumbit Chirurgo, quàm ut stigma inungat quotidie, & separatâ escharâ ad suppurationem promoveat. Credo ustionum cruciatus & longa incommoda obstare, quo minùs populares re ipsâ res æquè instituant frequenter, atque earum usum in scholis scriptisque suis prædicant & inculcant. *Glastum* nominavi: ejus liquore Arabs materiam cauterii inurendi imbutam postulat, hunc ignis virtuti momentum conferre persuasus, opinione non ex vano haustâ, sed ex populari, ut sibi videretur, & longâ seculorum experientiâ. Si credimus, quod vulgus Europæum spondet, fumante & naribus admoto linteo illo, quod succô glasti tingitur, Epilepticorum, quos Dæmoniacos vocamus, feliciùs discutiuntur paroxysmi, quàm lintei albi, vel cujusvis alius rei suffitu. Certè in Indiis Chirurgi neutiquam perdidisse operam experti sumus, quando tincta Isatide lintheamina in foru (sic in Chirurgiâ loquimur) & obligatione partis inflammata, ceteris pannis anteposuimus.

Brahmenes, quos Græcia Gymnosophistas vocat, Indorum gentiliū Sapientes, Theologi & Medici, tūm qui ex eorum institutis sapiunt, gentiles ceteri, non unius, sed varii generis cauteria pro morborum diversitate parant. Latitantes enim causas, ajunt, & morbi cujusque indolem non unius esse generis; proinde unam

eandemque ignis materiam affectibus promiscuè omnibus nequaquam congruere: eligendam esse, quàm genio morbi cujusque aptam naturam experientia docuerit. Varietatem verò illam explorasse peregrino mihi datum non fuit. Clavum quis Herculi prius excusserit, quàm à zelotypis istis Doctoribus secreta artium exploraverit. Vulgatissimum illorum cauterium est (cetera rarioris usûs sunt) medulla *Junci*, ibidem in paludibus germinantis, cujuscunque varietatis sit, perinde est, modò scirpo crescat crassiore. Hâc oleô Sefami, quô agri abundant, leviter imbutâ, ustionem cutis humanæ vulgari modo instituunt. Vidi Malajos, Javanos, Siamenses, nî fallor & alias his vicinas Nationes eandem hanc medullam in cremando adhibuisse.

Trans Gangem progrediens nobilissimum sanè omnium & usitatissimum ignis fomitem invenio apud Sinenſes & Japonios. Hôc fomitem, referunt, ante ipsius Medicinæ inventionem & omnem aliam Chirurgiæ notitiā, temporibus admodum priscis, celebratam cauterisationem fuisse, atque inde usum ejus per longam seculorum seriem ad se demum dimanasse. Stupam hanc virtute ac vetustate præstantissimam, sub communi appellatione *Moxa*, non modo Sina domesticam habet, sed omnes Sinenſium literis & doctrinâ eruditæ nationes, Japonii, Coræenses, Quinamenses, Luconenses, Formosani, Coccincinenses, Tunkinenses, jam olim pro cauteriis sub eodem nomine adoptarunt. Ejus historiam cum hôc loco proponere sit institutum, ignoscet Benevolus Lector, quòd pro Sinicis vocabulis, magis Illi fortassè desideratis, Japonica infero. Hæc enim Sinicis faciliora sunt, & mihi notiora, qui hâc gente familiaritèr diutiusque usus sum.

## §. 7.

*Moxa* lanugo est, sive stupa mollicula, coloris cinerei, concipiendo igni aptissima, eoque admissio moderatè gliscens, scintillâ minùs conspicuâ, ardore temperato, progressu lento, donec in favillam tota depasta sit. Conficitur ex artemisiæ vulgaris (latifoliæ) adhucdum novellæ foliis exsiccatis, longo tempore in aëre suspensis & obsoletis; colligitur verò ad Moxam eliciendam artemisia non omni promiscuè tempore, sed iis tantùm diebus, quibus, ex Astrologorum ratiocinio, cœli benignitas eandem astrorum virtute quàm maximè foecundavit. Sunt illi 18 mensis quinti dies primores quinque, *Conguat z goo nitz* Japoniis dicti, incidentes in Calendarium Gregoriani mensem Junium, rarò in exitum Maji. Ducunt enim anni auspiciū ab eo novilunio, quod proximum est medio tempore inter brumam & æquinoctium vernale. Exscindenda est multo mane, rore nocturno madens, & ad faciem domus occidentalem libero aëre suspendenda diu, dum satis exsiccata fuerit; sic servanda est in summo pavimento & lanugo



ex illâ eò nobilior & tenerior speranda, quò magis obsoleverit; unde non desunt, qui herbam ad decennium usque reservandam curant. Novellam hanc Artemisiam Japones *Futz*, Plantam adultam atque perfectam *Jamoggi* appellant. Nam, quod obiter infero, sicut solenne est in utrâque natione, ut masculus quisque nomen suum mutet, tum provectior ætate, tum novam consecutus dignitatem; ita quoque plantarum appellationes, (ut res ceteras raceam) secundum perfectionis gradum & usûs diversitatem, persæpe variant: quod ipsum rebus quidem distinctionem & lucem egregiam parit, memoriam verò maximè obruit. Præparatio Moxæ nullo artificio absolvitur: Tunduntur primùm impigro pistillo folia, ad mollitiem rudioris stupæ: deinde utrâque manu agitantur & fricantur assidue, ut priori contusione jam attritis decedant duriores fibræ & recrementa membranacea: quibus excussis, remanet desiderata illa insignis teneritatis homogenea & purissima lanugo, quâ renellam Regii nominis Artemisiam præ ceteris herbis ditare natura studuit.

## §. 8.

Non est hujus lanuginis exustio ullâ ex parte homini terribilis: nulla enim oculos incurrit ardentis elementi species, sed gratiosus stupæ tantùm gliscentis halitus nares laceffit; nec dolor valde molestat, sicut ex caeteris auteriis evenit, nisi fortè à conis illis, quos Japones *Kavva kiri*, seu cutis scissores vocant, id est, à turundis primis tribus, eodem loco alternè deflagrantibus: à quorum similitudine imposita sibi à novis Rectoribus onera obsequiosum vulgus per patientiam *Kavva kiri* nuncupat, eò quòd principio dura sint, assuetis deinde vix molesta. Centies vidi ipsos pueros ustionem promiscuo corporis loco admisisse; citra ullum doloris gestum. Urunt enim indiscriminatim infantes & senes, divites & plebejos, mares & foeminas: parcunt tantùm gravidis illis, quæ ustioni non admodum assuetæ sunt. Ustio autem artemisialis vel ad morborum præservationem, vel ad curationem instituitur. Ad præservationem cum primis eam commendatam volunt Medici, & sanos potius quàm ægrotos ustulandos jubent: sicut enim, ajunt, materiam medicam morbi præsentis, ita futuri pharmacum esse cauterium. Qui igitur in extimo Oriente suæ valetudini prospiciunt, ii uri se singulis curant semestribus. Ea consuetudo adeo religiosè viget, ut etiam hominibus æviterno carcere damnatis prodire permissum sit ad moxiburii fruendi beneficium. Præservativa ustio turundis in eodem loco absolvitur parvulis & paucioribus: curativa verò plures requirit, easque grandiculas, si vapores ex ptofundo latice evocandi sint.

In quibus verò morbis Ustio locum habeat, si quæris? respondebit tibi Sina cum Japoniâ: in omnibus promiscuè, in quibus vapor deten-

tus continui solutionem, dolores & actionis læsionem pariet; quo ipso pene omnem morborum syllabum ad moxiburii rogam provocat, qui eos ardore suo, ipso Sole successum indies spectante, brevi morâ exurit. A vicinis edoctum clima Nigritarum, quod Tropiciis includitur, ejusdem Moxæ virtutem prædicat, cujus incendium celebrare non ita pridem coepit: stupis etiam majoribus, ac ipsi solent auctores, vitia corporis oppugnans, siquidem id contumacior affectus, & ratio reclusæ arctius materiæ postulaverit. Adversus Arthridem & ejus progeniem Podagram Schiaticamque quid valeat Moxa, id non ita pridem Coloni Batavi in Indiis exploraverunt. Frangit hic ignis impacta periosteo Rhenani tarrari spicula, ac in Schiaticâ ceterisque defluxionibus arthriticis stabulantem circa ossium cava lympham acrem dissipat, sed largiore stupâ & maturè satis illatus, priusquam flatu nimium expansas membranas ac musculos divulgaverit; hóc enim discidiò lacerata vasa capillaria replent interstitia effusis humoribus & tragicos abscessus pariunt, nequaquam nisi ferri acie solvendo. Verùm enim verò in calente coelo, non æquè feliciter in nostro, succedit caustica curatio. In illo corpus est magis permeabile, fluidior est materia, pori sunt patentiores, laxiores muscoli ac membranæ. Adde, moxiburio dolores sedari quidem, minimè verò eradicari: sedari autem eo loco, quò, flagrante stupâ, spicula evocata sunt, vel ipsum periosteum crematum est, ne sentiat amplius, cum aliis partibus dolores deinde redeant. Nunquam redituros promittunt Brahmenes, si post ustionem, ex præscripto eorum, omnis potus, fermentationis beneficio productus, (quales sunt vinum, cerevisia & inebrantes spiritus) simul atque omnis generis carnes, ex mensa ad Anticyras relegentur. Hæc enim novas suppeditare ajunt cruditates, quæ cum sanguinis motu ad crura prolapsæ in periosteo hospitium repetant. *Buschofius* igitur, Rev. Bataviensium Pastor, nimium quantum Moxam popularibus Europæis commendavit, velut Podagræ infallibilem domitricem; vereor enim, ne in Germaniâ plerorumque hæc fiduciam fefellerit, de quo non injuriâ conquestus nuper est inclytus Giffensium Professor, *D. Valentini*, Collegii Curiosorum in Germania Adjunctus, in Epistola typis impressâ ad Cl. Cleyerum, (me huic Cleyero præsentem redditâ) doctissimâ illâ, ut sunt Clarissimi Viri omnia. In Epilepsiâ & chronicis quibusvis affectibus capitis, vicini Nigritæ magis, quàm ipsi Sinenses à moxâ solatium reperiunt, totam futuram coronalem longâ & largâ stupâ exurentes, unde sanitas aliquando reparatur à Medicis desperata.

## §. 9.

De loco autem proprio, qui singulis in morbis, sive curandis, sive præcavendis, inuri debeat, multum inter pyrosophicæ chirurgiæ



Doctores controversitur: superstitiosè sæpe & in vanum! Nam cum unusquisque experienciâ, quod ait, suâ vel Magistri fretus, loca alia atque alia indicet, exigua pars corporis remanet, quæ non in eodem sæpe affectu, collectis singulorum sententiis, unctioni pateat. A receptoribus tamen locis, quæ ab antiquitate tradita novit, ac ipsis in tabellâ expressa possidet, rarenter vulgus digreditur. Major occurrit vanitas in electione temporis, quò hanc vel illam corporis partem inurere ab astris permissum, vel vetitum esse creditur. Omnem enim Doctores, ab unctione diem & horam respuunt, quâ partem alioqui salutariter in præsentis aliquo affectu inurendam siderum spiritus, ut illi philosophantur, imprægnaverit: adeo, ut si quis singulorum interdictis morem gesserit, urendi tempus rarò inveniat. Cynosura in locali electione ea est, ut loca illa urantur, per quæ commodissimè vel evocari vapores, vel revelli materia peccans ab affectâ parte valeat: illa verò utores sibi ad unguem nota ajunt ex antecessorum traditis, dum suæ insuper experientiæ fulcris gloriosè incedunt. Nul- lam ego corporis partem vidi Moxiburiis magis affligi quàm dorsum, utrinque prope spinam, ad lumbos usque. A carnifice excoriata jura- res terga antipodum, & maximè Japonica, tot illa in utroque sexu stigmata referunt & profundas ulcerum cicatrices: sed quæ, opinione gentis, nihil derogant pulchritudini. In proclivi namque est, præsertim Japonibus, nudare thora- cem, etiam leve opus aggredientibus, demissis scilicet tunicis, quousque femori colligantur, ne eas, exfors indusiorum natio, sudore conta- minet: sic in utroque sexu publicum in con- spectum cicatrices veniunt.

## §. IO.

Ipsa unctio citra artificiosam ἐγχεῖσις hōc modo instituitur: Stupæ artemisialis portio exigua primoribus digitis rotatur in conum, cu- jus altitudo solet esse pene uncialis, latitudo ba- seos paulò minor. Conus loco amburendo imponitur, salivâ, si placet, sub basi illitus, quò adhæreat. Tum fastigio scintilla infertur, ope bacilli sive virgulæ cujusdam ardentis tenuissi- mæ, quam Japones *Senko* vocant. Illatus igni- culus turundam brevi morâ depascit, subinde instaurandus incendio novæ turundæ, in eodem loco reponendæ, donec intentioni suæ vel ar- tis præscriptio satisfactum judicaverit is, qui unctionem dirigit, vel ipse perficit. Vocatur hoc genus Chirurgorum *Tensassj*, i. e. tangentes, seu καὶ ὀνομα, tactu penetrantes, quia locum stupæ damnandum digitò investigant. Virgu- læ ardentes sunt illæ ipsæ, quibus accensis pagani Monachi idolis litant, simul ac in templis horas devotionis suæ metiuntur, perinde, ut in castris moras excubiarum dividimus stupâ militari; parcè enim gliscunt & tardè depascuntur, sed odore, quem exspirant, fragrantissimo. Con- ficiuntur ex mucoso admodum cortice arboris

*Taab* seu *Taab no ki*, i. e. Lauri Japonicæ sylve- stris, arborum, quas fert regio, vastissimæ: huic cortici in pulverem contuso permiscetur li- gnum Agallochi, vel ejus resinosa & multò ca- rissima particula *Calambak*, & pro elaboratoris cujusque placito, fragrantia quævis alia, in pul- verem pariter redacta. Mistura hæc, additâ aquâ, in pulpam spissam redigitur, & manibus diu satis subacta, vasi inditur multis forami- bus rotundis perforato, & superposito pondere valido aggravatur: sic per foramina subtus per- vadunt bacilla, culmo avenaceo tenuiora, quæ asserculo subinde excipiuntur, in umbrâ exsic- canda. Hæc bacilla deinde pro candelis fuman- tibus officinæ recipiunt, quorum chartæ invo- luti fasciculi in prædictum usum prostant ven- ales. Verùm, hæc ignipotentis Chirurgiæ su- pervacanea sunt supplementa, & saltem ad ope- rationis splendorem, nihil ad rem ipsam fa- ciunt. Sufficit, quod vulgus facit, accensa festucâ vel virgulâ quadam ignem intulisse. Ipsum artis negotium repositum est in notitiâ urendi loci, cuius morbo convenienti. Ille verò, etiam si ad evocationem vaporum, (nam hæc sola utoris intentio est) Europæo judicio, aptissimus videatur, qui parti affectæ proximus est, plerumque tamen ab utoribus eligitur alie- nus, & sæpe nullo nexu, in Anatomia cognito, laboranti parti consentiens, nisi communi in- volucro universi corporis. Certe, uti nobili cuidam Lithuano res videbatur absurda clysmâ immitti podici, cum laboraret capite: ita non minùs præstigiæ videntur advenis extemporanei succellus ex artemisiali cauterio, patti & loco alieno & neutiquam dolenti imposito. Uruntur cum successu scapulæ in stomachi cruditatibus, pro excitando appetitu: Uruntur spinales vertebrae, pro sopiendis in pleurâ laterum com- punctionibus: Uruntur pollicum adductores muscoli, pro levandâ ejusdem lateris odontal- giâ; ut cetera taceam. Ecquis tam Lynceus sit Anatomicus, qui hîc demonstrare specialem possit vasorum conspirationem?

## §. II.

Uctionis regulæ sunt & requisita varia, cum de loco corporis & urendi tempore, tum de nu- mero stuparum, situ corporis, diætâ patientis, atque aliis circumstantiis. Inter prima & gene- ralia præcepta sunt, quæ sequuntur: Tendines cum arteriis & venis, quantum possibile est, in urendo vitandi sunt, securitatis causâ non visu solum, sed tactu prius ab Ustore explorandi. Quem quisque situm corporis tenet, dum uren- dus locus indigitatur, eum, dum uritur, servare debet, seu sederit antea, seu steterit. Ustulan- dus humi consideat, reflexis in crucem pedibus admotisque palmis ad utriusque lateris malam; nam hic positus musculos & interstitia explicat, & nativo situi embryonis maximè responder. Cruribus urendus sedeat in subsellio, pedibus demissis & aquæ calidæ immerlis; quoniam ex- halatio-



halationes, partibus à caloris fonte remotioribus arte promovendæ sunt. Illi, qui sunt imbecillis naturæ, singulis in locis tantum tribus cauteriis urendi sunt: robustiores verò stupis decem, viginti & pluribus, pro conditione mali. An turundas plures diversis locis simul, an alternè oporteat incendere, id nullâ artis regulâ, sed solâ tolerantia patientis, & ustoris otio definitur. Postridiè à celebratâ uestione ac diebus proximis Operator stigmata inspiciat, quæ nî suppuraverint, sed sicca appareant, malum id iudicet, & debilis naturæ indicium: Hoc casu impositis cæpis contusis suppurationem promoveat. Hæc passim ex orali communicatione artis pyrotechnicæ Chirurgorum.

Regulas urendi speciales exhibent Tabulæ Sinico-Japonicæ, typis impressæ, (quarum hic unam subjungo, à me, quantum in doles rhythmorum & Philosophiæ Sinicæ patitur, Latine redditam (quæ adjunctis Iconibus, in quibus uestulanda singulis in morbis loca indigitantur & propriis designantur nominibus prostant venales, cum apud Librarios, tum apud circumforaneos Medicos, qui eas in viis publicis & nundinis decantant, ut Chirurgiæ hujus ignaros invitent ad emendam parvo pretio chartam, quæ prolixæ artis præcepta compendiò doceat. Typo cursorio textus proponitur, communi & in parenthesi qualiscunque explicatio mea:

### *Kju sju Kagami*, i. e. Urendorum locorum Speculum

*Methodum urendi sistens, certis propositionibus (rhythmis) inclusum, ex quibus totum urendi negotium unicuique pateat:*

I. In Cephalalgia, Vertigine, Lipothymia, Dsœoki, (Dsœoki est Phlegmone faciei, & vernacula scorbuti proles, quam qui foveant, ex levi causâ, velut ex balneo, crapulâ, motu nimio, faciei & sæpe totius capitis tumescentiâ & ardore corripuntur. Non rarò Ophthalmiam habet pedisequam) & ex ejus frequenti insultu contractâ oculorum caligine: in doloribus scapularum cephalalgia pedisequis: in asthmate & difficili pectoris ejectione bonum est inurere corporis humani locum illum, quem KOKO nominant.

2. In morbis infantium, præsertim ventris tumiditate, diarrhæa, appetitu prostrato, scabie & excoriatione narium: Item in Nyctalopia adultorum hominum, locus SJUITZ seu undecima (scil. vertebræ) ab utroque (15 vertebræ) latere uritor, 15. vel 16 stupis, servatâ distantia inter duo hæc inurenda loca unius & dimidii SUN (i. e. unciarum, sive transversorum digitorum circiter duorum vel trium.) Nota 1. Locus Sjuitz, i. e. undecima, nomen habet à numero vertebræ, ad cujus utrumque latus urendum est, incipiendo numerare à colli vertebrâ quartâ, videlicet illâ, quæ ex ceteris protuberat, dum caput ad

pectus decurvat. Sic in reliquâ vertebrarum designatione ab eadem similiter incipiendum est numerare. Nota 2. Sun mensura longitudinis est, quâ in regno utimur: alia longior, quâ Mercatores, alia paulo brevior, quâ fabri & artifices utuntur. In urendo autem neutrius ratio habetur, sed mensura unius Sun petenda est à longitudine secundi articuli, in medio digito cujusque personæ, in quâ uestio celebranda venit, utpote quæ ejusdem corpori proportionem respondet.

3. In Sakf (i. e. in dolore abdominis chronico, per intervalla suboriente) in Senki (i. e. in dolore colico endemio) in Subakf, (i. e. in torminibus intestinorum à lumbricis) utrinque ab umbilico urito, spatio duorum Sun; vocatur ille locus uestionis, TENSU.

4. In mensium tum suppressione, tum immodico fluxu, pariter in fluore albo, in hæmorrhoidibus ac hæmorrhoidalium ficuum ulceratione, in Tekagami (i. e. in dolorificâ gravedine, sive coryzâ chronicâ & per intervalla redeunte) urendus est locus KISO no KITZ, ab utràque parte, rotulis artemisialis quinque. Ut locum invenias, ab umbilico per rectam lineam descende quatuor Sun, inde utrobique recede ad latera quatuor Sun, ita ut inurenda puncta intercedant octo Sun.

5. In difficultate pariendi, tribus stupis urito extremum apicem minimi digiti in pede sinistro. Extemporale est promovendi partus remedium.

6. In defectu lactis, nutricibus in pectore medius inter mammas locus urendus, pilulis quinque.

7. In Arthritide ac Schiaticâ, tum in dolore crurum, pariter in stranguriâ, inter femora urito, spatio trium Sun supra genua (in loco fonticulis dicto) stupis circiter undecim.

8. In inflato ventre, in ejusdem dolore, in cardialgiâ ex Diariâ febris ortâ, in cruciatibus ventriculi & appetitu prostrato, supra umbilicum sex turundis urito. Locus ambustionis distantiam quatuor Sun ab umbilico habeat in rectâ lineâ.

9. In coxarum genuumque dolore, in lassitudine & debilitate crurum, imò verò, in omni artuum & totius corporis languore, FUSI inurendus est. (Fus locus est in utroque femore, quem medii digiti apex attingit, dum brachia extensis manibus in naturali situ dependent.)

10. Qui dura habent hypochondria; tum qui frigido horrore & febrium putridarum recidivis infestantur, SEOMON locum inuri sibi curabunt. (Seomon locus est proximus sub ultimâ costâ spuriâ utriusque lateris, cujus inustio dolorem infert tantum non tolerabilem. Scriberem Schomon vel Sjomon, nisi in pronuntiatione Japonicâ brevissimum subaudiretur.)

11. Gonorrhæa medebitur, qui in medio JOKOMON artemisiam exusserit. (Jokomon locus supra pubem proximus est, & inter umbilicum & pudenda medius.)

12. Qui catarrhis, hæmorrhagiâ narium, aut vertigini obnoxius est, is auxilium expectabit ex loco



loco *FUUMON* 50. ad 100. usque turundis (eodem loco successivè) inusto. (*Fuumon* est regio ossis sacri.)

13. Qui ex ano propendulos, vel dolentes habet ficos, is unicâ stupâ uritor, trium *Sun* distantia ab ossis coccygis extremitate. (Dolet acerbissimè!)

14. In procidentia ani, ipsum os coccygis ustulato.

15. *NINDSIN* (Siderum spiritus) verno tempore circa nonam vertebra habitat; idem astate vertebra quintam, autumnô tertiam, hyeme decimam quartam & utramque coxam occupat, unde prædictis temporibus hæc loca neutiquam urenda sunt.

16. Quatuor anni vertentis temporibus, nec in *SËOMON*, nec circa decimam quartam vertebra ustio celebranda est: tantum enim abest ut illo tempore instituta prosit, ut potius morbos augendo vel concitando maximè noceat.

17. Pluviosâ, humidâ vel aestuosâ tempestate, etiam die gelido, ab omni in universum ustione abstinendum est.

18. Triduo ante ustionem, & septem diebus ab eâ celebratâ, à concubitu abstinendum est.

19. Ira exasperatus ne uritor prius, quàm sedato spiritu. Fessus, aut à gravi labore cessans, non illico urendus est. Idem iudicium esto de homine esuriente, & cibo nimium oppleto.

20. *Sâki* (potus est vernaculus, pinguis, spirituosus, ex oryzâ coctus) ante ustionem bibere

malum, celebratâ, bonum & salutarum, quia spirituum & sanguinis circulationem promovet (sciunt enim ab antiquis temporibus circulari humores: vias modumque ignorant.)

21. Sciendum omnino ac probè cavendum est, ut intra triduum ab instituta inustione balneum aquæ dulcis ingrediariis (hujus, & præsertim balnei vaporis dicti, Japonibus quotidianus usus est, quo virus Venereum credo indies expelli, alioquin totam nationem perditurum.)

22. *Pharmaca* morborum curationibus, ustiones præservationi dicata sunt. Proinde etiam pancreatice sanus Mense secundo, (Martio) & octavo (Septembri) ustionem in corpore suo admittat. (Dies ustionum & felicitatis siderum influxus notantur in Calendariis.)

23. Ustulaturus explorato pulsum: qui si debito celerior fuerit, consultè agendum est, quoniam catarrho laborat.

24. Qui urere vult, is ustionis loca, secundum *SAKV* & *SUN* mensurata, signabit. Mensuram *SUN* petet à medio articulo medii digiti: viro quidem in manu sinistra, femina in dextrâ.

25. Quacunque (femina) sese immunem à conceptione præstare cupit, illa umbilicum tribus ustulabit artemisialis turundis.

26. Quacunque (femina) prolis cupida sterilitatem arcere amat, illa ad latus vertebrae vigesima prima undecim turundas utrinque exurito.

## CAPUT XII.

DE

## FLORIBUS BALAUSTIORUM ET MALO PUNICO.

### §. 1.

Quamquam Materialistæ flores æque ac fructus Mali Punica habeant, bini tamen non ab eadem veniunt arbore, sed mala s. fructus ab hortensi, flores vero à sylvestri malo punica, dum hortensis, flores *CYTINI* alias dicti, non æque atque sylvestris durant, teste *Pometo* in *Histoire des Drogues* pag. 180. Sylvestris flores in officinis vulgo

### FLORES BALAUSTIORUM

audiunt, ex eleganter flammeis probeque ficcatis rosis constantes, à malo punica sylvestri (quam *BALAUSTIUM* vocant) orientes, qui partim ex Oriente, Carthagine scil. partim ex Italiâ, Hispaniâ aliisque calidis regionibus afferuntur.

### §. 2.

Qui flores duum generum sunt, electi & vulgares. Illi ex integris floribus constant, hi verò ex inferiori parte s. folliculo, cui flos quasi inclusus est. Atque hi posteriores parum profunt, proptereaque raro quaruntur. Pleni igitur optimique eligantur, recentes adhuc, sed

probè ficcati, decenter lati, rubore holoserico saturati, ab omni pulvere omnibusque fragmentis minoribus depurgati.

### §. 3.

Non ad tingendum solum usurpatur, ut *Schurzius* in *Mater. Med.* pag. 30. commemorat, sed in Medicina quoque insignem vim adstringentem & exsiccantem habent, eam ob causam interne æque in omni diarrhœa, dysenteria, atque externè in hæmorrhagiis similibusque crebrius adhiberi soliti. Adstringentes quoque & repellentes gargarismos ingrediuntur, vid. *Ettmüllerus* in *Comment. Schræd.* pag. 578. Alii dentifriciis addunt, præsertim in hæmorrhagia & scorbuto gingivæ, quo in casu præcipue à *Theodoro Tabernamontano* pag. 760. commendantur.

### §. 4.

Præter flores quoque in usu sunt

*MALA PUNICA*, (*Granat-Aepffel*.)

quæ magna & rotunda, foris rubicunde fusca, intus flava, multis rubris, angularibus succosis-  
que



que ac duris granulis referta sunt, quorum intuitu à Gallis Migraine seu Millegraine vocantur. Ex Hispania, Italia & Provincia Languedoco veniunt.

## §. 5.

Mala malo puniceæ hortensi saltem increseunt, cujus folia, foliis myrti fere similia, arcta, crassa & splendentia sunt, colore viridi segetem imitante, rubris venulis interstincto. Arbor est, tanquam citrus & aurantia, frigoris impatiens, ob quam causam in Germania (ubi in Magnarum hortis colitur & custoditur) nullos fructus profert; quanquam interdum florescat, ut *Vielheurius* in *Descript. Exot. Material.* p. 123. observavit.

## §. 6.

Mala punica sapor in tria genera distinguit, ut alia dulcia, acida alia, alia etiam vinosa dicantur, quæ postrema, mixto sapore prædita, medii sunt habenda generis. Dulcia cor confortant pectorique simul proficiunt. Acida refrigerant & adstringunt, roborando stomacho appetitum resuscitant, ritu pomorum citri & limonum. Vinosa præ aliis refrigerant in febribus continuis, atque cor confortant, ex quibus notum vulgo

## VINUM GRANATORUM

maximam partem exprimitur, eundem in usum asservandum. Equidem ex aliis quoque

## SUCCUS GRANATORUM

ita expressus ad nos transfertur, cujus virtutes cum fructu ipso conveniunt.

## §. 7.

## SYRUPUS GRANATORUM

eadem ratio est, cujus præparationem *Theod. Ta-*

*bernamentanus* *Libr. 3. de Herbis* pag. 761. præ cæteris bene descripsit, Fœminis in sistenda hæmorrhagia uterina magni æstimata est, quamvis saccharo non semper sit fidendum.

## §. 8.

## CORTICES GRANATORUM

tandem succedunt, ex obscure fuscis durisque corticibus constantes, qui foris asperi & tanquam corium inveteratum (Malicorium propterea vocant) apparent, intus vero pallide flaventes acerbum & adstringentem saporem habent. Bene siccati, neutiquam mucidi sint; hinc integra siccata granata non facile assumentur, utpote intus plerumque mucida, tamque tetro sapore prædita, ut ægro nocere magis quam opitulari possint, ut *Pometius* in *Gallico suo Mater. Museo* l. c. bene monuit.

## §. 9.

Viribus cortices cum gallis prorsus conveniunt, adeo, ut ex istis (sicut etiam ex floribus Balaustiorum) cum vitriolo atramentum possit confici. Vehementer adstringentem virtutem habent, qua floribus præstant, ac propterea in omnibus diarrhœis ac hæmorrhagiis cum fructu usurpantur. Istos vero simul promoveri menses, quod *Clarissimus Thomas Bartholinus* in *Hist. Anat. Cent. IV. Obs. 39.* observavit, inde oritur, quod vitiosum acidum, sanguinis fluxum impediens, edulcorat & absumit. Quanquam id non sit prætereundum, tum non tam corticem in substantia, quam potius jusculum seu decoctum esse sumendum, quod etiam externè ad defendendos in variolis oculos commendant. Non minus vacillantes dentes roborat, cruentæque ac putridæ gingivæ medetur.

## CAPUT XIII.

## DE

## NARDO INDICA ET CELTICA.

## §. I.

**V**ariæ quidem spicæ nardi in herbariis inveniuntur species, quarum tamen duæ, tanquam præcipuæ, Indica sc. atque Celtica, à Materialistis & Pharmacopolis divenduntur. Illa,

## NARDUS INDICA

sive SPICA INDICA, haud aliud atque superior & lanuginosa pars radicis Cyperi Gangetici est, tanquam ex fibris multorum foliorum contritorum convoluta esset, apparens, ut *Clariss. Hermannus* in *Msc. de Mat. Med.* describit. Digiti fere cum longitudinem tum crassitiem habet, quæ ex rubro fusca, saporis acris, amari & aromatici est, odore radicis cyperi haud multum dissimilis. Sicca Alexandria Ægypti, una cum

aliis speciebus, quotannis Venetias transportandis, venit, vid. *Marxius* in *Mat. Mus. Germanico* pag. 172. *Vielheurius* in *Descriptione Mater. Exot.* pag. 158.

## §. 2.

Et hujus duæ sunt species, minor & major, quarum priorem *Pometius* præ aliis in *Histoire Gener. des Drogues* pag. 187. pulchrè descriptam & in æneâ figurâ dedit contemplandam, non inficias iens, hanc ipsam perraram pretiosamque non raro desiderari. Et quanquam hæc rursus duplex sit, fina & mediocris, utramque tamen, ad theriacam sumendam, à mediis & pallidis fibris sc. costis omnique pulvere probe decet esse depurgatam, quo optima aromatica pars saltem



eligatur, iudicio *Moyſis Charaſii* in *Tract. de Theriaca Ingredientibus* pag. 138.

## §. 3.

Optima curta, levis, lanugine luxurians, ex flavo fusca, recens, firmaque & fragrans sit, sapore radici cyperi accedens, vid. *Marxius l. c.* Et quoniam sæpe cum spica Gallica s. montana & adulterina miscetur, bene notetur, spicam Gallicam, Nard de Montagne (*Berg Nard*) vocatam, in medio spicarum duras lignosasque habere fibras, quibus facile dignoscitur, teste Pharmacopola Gallico *Charaſio l. c.* Altera nardus adulterina, similiter è Gallia veniens, & Nardus Narbonensis dicta, odore aromatico prorsus destituta, muscum redolet, secundum *Theod. Tabernamontanum L. II. de Herbis* pag. 272.

## §. 4.

Vis ejus calefaciens, resolvens & subadstringens est. Stomachum confortat flatusque disjicit: urinam mensesque ciet; sola vero raro præscribitur, sed plerumque theriacam ingreditur. Officinæ tamen duplex ejus oleum habent, Nardinum simplex & compositum, ad convulsionem & paralyſin valdè commendatum, & ab *Schrædero* aliisque descriptum.

## §. 5.

**NARDUS CELTICA** s. *Welsche Spic*, è longis, squamosis, multisque fibrillis circumdatis radicibus, cum foliis superioribus & subflavis constat, saporis acris, amari & aromatici, odoris graviusculi. In fasciculos ligata partim ex Italia, unde nomen habet, partim Teriolo, Carinthia Styriaque affertur, ubi in summis montibus crescit.

## §. 6.

Planta ab hodiernis Botanicis pro specie Va-

lerianæ habetur, oblonga, pallide flaventia folia habet, tenuemque caulem progenerat, flaventibus flosculis ornatum, ut ex figura *Pometi* apparet, cui cum Valeriana magna intercedit similitudo, quas proinde Clariss. *Hermannus in Msc. & Sam. Dale in Pharmacol.* pag. 172. in una classe pertractarunt.

## §. 7.

Quum verò Nardus Celtica cum alia quadam planta, quacum externa figura convenit, adulteretur: sciendum est hanc ipsam plantam, quam Botanici Hirculum (*Geis Böcklein*) vocant, candidiora folia sine caule habere, radicem vero minime esse amaram, sapore ingrato & fere foetente præditam, Hirculum propterea dictam. Vera & ingenua Nardus Celtica odore est fragrante & aromatico, sapore subamaro, haud secus atque Indica. Optimam eleganter flavam rubramque esse oportet, recentique odore præditam, & ut supra memoravimus, in fasciculis ligatam, vid. *Norimbergensis Materialistæ Marxii Mater. Med.* pag. 172.

## §. 8.

Quemadmodum Nardus Celtica externa facie cum valeriana convenit, ita iisdem quoque virtutibus pollet, auctore *Rajo in Hist. Plant.* pag. 391. Quamobrem non solum calefacit, & Indicæ adinstar flatus vitiososque humores dissolvit, sed ad morsus venenosos animalium febresque malignas pestilenciales commendatur, proptereaque ad theriacam sumitur. Antè vero quam ad dispensandum exponitur, ab omnibus insipidis fibris & impuritatibus bene depurgata, chartæque imposita humido loco exponatur, quo aliquid humiditatis attrahat, nec sub præparatione multa in frustula concidatur, id quod Gallicus Pharmacopola, *Charaſius, cap. 40. Tract. de Theriaca Ingredientibus* pag. 185. docet.

## CAPUT XIV.

## DE

## CROCO.

## §. I.

**G**enuinus bonusque Crocus ex interioribus staminibus floris hujus cognominis constat, quæ colorem flammeum, saporem subacrem, subamarum & oleosum, odorem autem valde penetrantem habent. Partim ex Oriente, maxime vero ex Hispania, Gallia, Angliaque & Austria faccis impactus affertur, tam integer, quam pulveratus, varie usurpandus.

## §. 2.

Flos ex radice, instar cæſii cujusdam bulbi, & quidem sine foliis, ad modum colchici protuberat, cui etiam similis apparet, nisi quod va-

riegatus sit. In medio flore crocus apparet sanguineus, instar angustæ & parvæ linguæ, tribus staminibus, inter sex alia stamina s. flavos turiones, ut in liliis albis solet, progerminantibus. Floribus deciduis valde arcta longaue folia succedunt, per totam hyemem virentia, quæ adventante æstate elanguent. Quarto anno, & quidem veris tempore, radix effoditur, juxta quam quinque vel sex juniores bulbi reperiuntur, in aëre, non in Sole, siccandi. Qui tum verno tempore per ordines, ut vites, terræ mandantur, primo anno nihil præter sola folia proferentes. Altera anno flores staminaque proveniunt, quæ Septembri vel Octobri ante Solis ortum



ortum colliguntur, probeque depurgata super igne siccantur. Sequenti die, atque sic porro, quæ nocte progerminant, simili modo inciduntur, quoad cepæ nihil amplius prodire finunt, quæ alias non sine admiratione, quatuor & viginti horarum spatio, novos semper flores emittebant, quibuscum magna mercatura agitur.

## §. 3.

Si quæ verò resest, cujus multæ variæque sunt species, certe crocus est, prout vel è Turcia aliisque Orientalibus regionibus, utpote Persia, ex Insula Madagascar & aliis affertur, vel ex Hispania, Gallia, Angliaque & Austria venit, quarum quæque species in peculiare iterum sortes distinguitur. Turcico quidem croco hodie parum tribuunt, quippe quem omnium haberi volunt vilissimum: quem, per se quidem non contemnendum, Turcas Christianis non integrum transmittere, sed extrahenda ad tingendum optima essentia enervare, posteaque melle oblinere perhibent, ut ad molendum terendumque fiat inidoneus. Venetiis moneta vulgari emitur, cujus centum florenos, bonitatis æstimatione, viginti florenis viliores existimant, quam centum florenos monetæ collyborum; in coriaceis faccis, qui Puti vocantur, venit, quorum quisque pondus 30. librarum Norimbergensium habet, ut partim *Schurtzius*, partim *Marxius* in *Mater. Mus. Germanic. pag. 72.* commemorat. Hispanici croci multæ sortes sunt, ut Zima de Aquila (Adler Saffran) Maglianensis, Arragonicus, Puglianensis, Ruschavoca, Cataloniensis &c. quarum specierum priores sunt optimæ. Arragonicus crocus iterum in finum, mediocrem s. medium, & communem distinguitur. Omnes à plebe certis in nundinis ad Aquilam, Albigeisæ & alibi in Hispania, vel publica æstimatione, vel privato convento venduntur, id quod *Schurtzius* in *Mater. Mus. pag. 17. & seqq.* valde verbosè recenset. Nec Hispanicum crocum *Pometus* in *Histoire des Drogues pag. 178.* magni vult æstimari, quod animo istius conservandi oleum addunt, hocque ipso istum reddunt ineptum. Gallicum igitur, præsertim SAFRAN du GATINOIS, omni alii præfert, quem propterea etiam *Charasius* dignum judicavit, qui præ aliis theriacam ingrederetur, cui tamen Araniensem putat conferendum, vid. ejus *Histoire Nat. des Animaux, des Plantes, & des Mineraux, qui entrent dans la composition de la Theriaque, pag. 129.* Ceteræ autem species: Safran de Toulouse, d'Angoulême &c. bonitate sunt inferiores. Anglicus crocus instar magni rotundi orbis compressus est, inque Anglia in quatuor nundinis, à vendendo croco nominatis *Safran-Märckt*, inter Michaëlis & omnium Sanctorum diem venditur, qui si probe siccus rubicundusque est, bonus æstimatur. Hodie optimus crescit in Austria, infra Anisum fluvium, **CROCUS AUSTRIACUS** propterea voca-

tus, qui clarissimus est, & non Europæos solum omnes, sed Orientalem quoque antecedit, ut præter Materialistas memoratos, *Georg. Nicol. Schurtzius* (qui hujus rei mercaturam ipse fecit optimeque intellexit) in *Mater. Mus. pag. 17.* testatur, cui etiam *Vielheuerius* in *Descriptione Mater. Exot. pag. 99.* consentit. Nonnulli, ut *Theod. Tabernamontanus*, circa Landaviû, Wormatiam aliaque Rheni loca similem quodque crescere existimant; id quod fortasse de falso croco s. carthamo intelligendum, qui ab his locis in Galliam & aliorum vehitur, vid. *Pometus l. c. pag. 179.*

## §. 4.

Bonus crocus 1. latum longumque & completum florem habeat, 2. colore flammeum, 3. odore fragrantem & fortem, qui 4. paucas albas aut luteas extremitates ostendat, ipse 5. non glomerosus nec fibrosus, 6. non viscosus, unguinosus nec niger sit, nec 7. humidus. Omnis inveteratus crocus plus farina suppeditat, quam recens, coloris vero elegantia est exigua. In linteo laneoque sacco vult comprimi, & in cista vel dolio asservari, ne quid aëris accedat, quod loco sicco duos vel tres annos manet incorruptus. Sunt quidem impostores, qui corruptum resuscitare didicerunt crocum, quam tamen fraudem superiora experimenta facile detegunt. conf. *Schræderus pag. 54.*

## §. 5.

Virtutes ejus tam præstantes ac multiplices sunt, ut prudentum aroma, Rex vegetabilium, imo Panacea velit haberi, vid. *Hoffmanni Clavis Schræd. pag. 459.* Inprimis ob naturam partim solventem partim sedantem & balsamicam pulmonibus valde conducit, ut Anima Pulmonum propterea audiat. Cor spiritusque vitales simul confortat, cujus intuitu multis in morbis utiliter usurpatur: id quod *D. Hertodtus* in *Crocologia sua* fusius ostendit, cujus contenta in *Historia nostra literaria, in App. Misc. Acad. Nat. Cur. Dec. II. An. III. pag. 582.* possunt legi. Videndum tamen, ne quid nimis! Immodicè enim sumtus, sale suo valde volatili, menses nimium promovere & hæmorrhagias excitare, parte vero oleosa & quadantenus narcotica inebriare prorsusque stultum reddere aptus est, quemadmodum *Döringius* in *Tr. de Usu opii pag. 108.* ex *Amato Lusitano* refert, mercatorem quendam nimio croci esu in præternaturalena incidisse risum, mortem prope maturantem. Alius noctu super faccis croco refertis dormiens mortuus est: id quod avaro cuidam mercatori quoque contigit, qui aliquot saccos ad evitandum vectigal vestibis suis recondidit, ut Cancellarius *Baco de Verulamio* in *Histor. Vit. & Mort. pag. 211.* commemorat. Imò & equi, vehendo croco destinati, fieri imbecilles dicuntur. Multa exinde præparata conficiunt, Extractum scilicet, cujus semilibra ex libra una



croci cum spiritu vini, secundum *Vielheuri*um potest acquiri: quod tamen *D. Ettmüllerus* tantoperè non vult æstimari, cum evaporatione vis optima evolet. Tinctura autem croci multum ei præferenda, cujus etiam præparatio ibidem invenitur. Veteres Electuarium de Ovo inde confecerunt. Externè in epithematis ad emolliendum & suppurandum usurpatur, quo in casu Emplastrum Oxycroceum valdè celebre est, Norimbergæ crucifix vocatum. vid. *Simon Pauli* de Croco.

## §. 6.

Cæterum, quoniam verus seu genuinus crocus cum vulgo ita dicto

SAFFLOR f. *Wilden Saffran*

sæpe adulteratur, ejus quoque, ad fraudem melius detegendam, paucis fieri mentionem volumus, præsertim cum ab Insectoribus crebrius usurpetur. CARTHAMI f. CNICI flos est, qui aliqua est cardui species, duorum fere pedum altitudine crescendo assurgens, longa, viridia & aculeata folia, & in cujusque ramusculi extremitate parvum rotundum globulum f. capitellum proferens, in parvas rubrasque ac flavas fibrillas aperiundum, quæ safflori f. croci sylvestris nactæ nomen, quod similiter cibos resque alias tingunt: quamquam minus aromaticæ sint, quam crocus verus. In Alsatiâ & circa Rhenum aliisque in locis Imperii copiose colitur, aliorum vehendus, quem propterea Galli Germanicum crocum vocant. Ad cosmeticum seu rubrum Hispanicum (*Spanisch-Roth*) usurpatur, & à fa-

sciculorum plumeorum expolitoribus, insectoribus aliisque ad tingendum quæritur. Optimus Argentoratô & Francofurtô venit. In Medicina SEMEN CARTHAMI crebrius quam flos usurpatur, quod ex albis, longiusculis & angularibus granis constat, sub duriore cortice albam medullam, sapore dulcem, includens. Pulchra, crassa & maturitate perfectâ grana habeat necesse est, quæ recentia sed probe sicca sint, si bonus velit haberi. Quum verò quidam impostores semen melonum & cucumeris ita refecare sciant, ut semini carthami excorticato similitudine accedat, pro istoque vendatur, sciendum est, verum semen una extremitate rotundum, altera vero acutum esse, nec adeo apparere candidum, atque melonum & cucumeris semen. Vim purgantem habet, proptereaque emulsionem purgantes ingreditur. Exinde quoque species diacarthami constant, quarum basis est.

## §. 7.

Tandem *Pometus* in *Histoire des Drogues* pag. 179. aliûs adhuc croci sylvestris speciei meminit, quæ ex Oriente & Alexandria venit, &

## SAFRANUM

vocatur. E valdè exiguis crispisque & subrubris fibrillis constare, & à certa minorique carthami specie dicitur proficisci. Lugduni aliisque Galliæ locis ab Insectoribus magna in copia ad intensos, f. eleganter & saturatos colores, scil. ad Incarnadin d'Espagne usurpatur.

## CAPUT XV.

DE

## SCHOENANTHO ET STOECHADE ARABICA.

## §. 1.

SCHOENANTHUM (*Kameel-Stroh*) ex flavis durisque caulibus & foliis constans, stramen refert, saporis acris & subamari, sed tamen grate aromatici, & odoris valde fragrantis. Partim ex Ægypto, partim Arabia & quidem Alexandria per Massiliam parvis in scattulis venit, ut *Pometus* in *Histoire des Drogues* pag. 173. commemorat.

## §. 2.

Planta, unde provenit, aliqua junci species est, quamobrem etiam JUNCUS ODO-RATUS vocatur. Parvam fibrosamque radicem habet, ex qua longa, rigida & acuminata juncea folia progerminant, inferius crassa, juncorum aquaticorum ad instar, quæ ficcata helva f. ex rubro flava evadunt. Inter

ejusmodi folia rotundi caules exsurgunt, ferè pedis altitudine, è quorum summitate parvi spicati lanuginosi flores, parvis foliolis stipati, excrescunt, rufi & perpulchri apparentes, qui tamen rarò ad nos veniunt, quod cameli istos cum summitatibus dicuntur devorare, teste *Theod. Tabernamontano* in *Libr. I. de Herbis* p. 583. Dominus *Herbertus de Jager* in Persiæ portu, cui Choromandel nomen est, totos campos ista repletos vidit, ejusque veram figuram usumque eleganter descripsit, de quibus *Epistola* 3. *India literata* legatur.

## §. 3.

In Materialium Museis binæ istius reperiuntur sortes, electum & vulgare seu medium. Illud flammeum est, multis floribus stipatum, qui tamen sæpe etiam seorsim veniunt: istis igitur



igitur medium fere prorsus destituitur, utpote ex folis caulibus foliisque constans. Utrumque, quoad ejus fieri potest, integrum adhuc sit & recens: id quod partim ex rubicundo colore, partim ex sapore aromatico gratoque conjicitur, qui floribus perhibetur æqualis. Flores vero anni spatio viribus privantur, quippe quorum vis in sale admodum volatili consistit, unde post duos annos necquicquam dicuntur prodesse; quanquam *Charasius* in *Tract. de Theriaca Ingredientibus* pag. 140. contrarium velit affirmare. Interdum impuri afferuntur, atque tunc à Pharmacopolis panonò aliquò magnò impigroque labore volunt depurgari, præsertim qui ad theriacam sumuntur, vid. *Pometus & Charasius l. c.* Id quoque detur operæ, ut genuina schœnantho necquicquam de **SCHÖENANTHO ADULTERINO**, uti sapius solet, additum sit, id quod ex longis, caudas vulpinas æmulantibus floribus, (tales enim profert) deficienteque sapore vere aromatico dignoscitur, uti ambo ex supra laudati *Theod. Tabernemontani* descriptione & figura *l. c.* pag. 586. apparent.

## §. 4.

Ob saporem odoremque aromaticum schœnanthum vi calefaciente & subadstringente pollet, caput stomachumque confortat, urinam ac menses ciet, appetitum acuit, olimque medicamentis purgantibus tanquam corrigens fuit additum, ut *Ettmüllerus* in *Comment. Schræd.* pag. 657. observavit. Præcipuè verò ad theriacam sumitur, quem in finem optimum electumque, & quoad ejus fieri potest, flores ipsos sumamus, id quod *Charasius l. c.* urget. Qui si haberi nequeunt, optima schœnanthi species quæratur. In Arabia non camelis solum pro pabulo inservire, sed istis quoque subterni perhibetur, unde nomen obtinuit.

## §. 5.

Isti quoque intentioni ac præparationi theriacæ inserviunt

**FLORES STOECHADIS ARABICÆ**, ex oblongè rotundis, squamosis & superius flosculis galeatis exornatis capitellis constantes, saporis subacris & subamari, odoris fortis. Hodie ex Languedoco, Galliæ provincia, veniunt, ac propterea pro vegetabili Arabico, ut olim, haberi nequeunt, ut *Pometus l. c.* pag. 187. testatur. Sunt tamen, qui hodieque istum florem ex Oriente interdum afferri existimant.

## §. 6.

Herba quibusdam in Insulis (quæ Stœcha-

des vocatæ bidui itinere à Massilia distant) tanta perhibetur copia crescere, qua ficcata incolæ hypocausta calefacient, ut *Hoffmannus* in *Clavi Schræd.* pag. 553. ex aliis Scriptoribus commemorat. Alias radicibus caulibusque ac foliis lavendulæ haud multum dissimilis est; lignosam habet radicem, similesque ac multos ramusculos, oblonga, crassa, cæsia & cinerea foliola, ac superius in caule spicatum clavam, è multis parvis cœruleis flosculis compositam, ut ex figura apparet. Exiguum profert semen, melissæ ad instar, ex quò apud nos quoque progerminant: sed rarò flores aut semen profert, teste *Theod. Tabernemontano Lib. II. de Herbis* p. 91.

## §. 7.

Isti verò flores, inprimis ad theriacam sumendi, ex integris spicis globulisque constent, cœruleo colore, facile evanido, adhuc præditi. Cui tamen rei Galliæ Pharmacopolæ remedium invenerunt, dum ficcata primum folia certis in libris custodiunt, hocque modo istorum tuentur colorem, vid. *Pometus* in *Histoire des Drogues* pag. 181. Quamobrem saporem quoque odoremque examinari, sicque recentesne an inveterati flores sint, jubent judicari.

## §. 8.

Quod ad vires florum attinet, ratione salis sui valde volatilis, oleique aromatici, virtute valde calefaciente resolventeque pollent, ac propterea in omnibus capitis & nervorum affectibus vehementer commendantur. Et hoc causæ est, quamobrem à veteribus multis medicamentis cephalicis, in apoplexia, vertigine, cephalalgia similibusque commendatis, (ad quæ etiam syrupus de stœchade simplex & compositus refertur) fuerint additi. Olim etiam in affectibus pectoris & uteri &c. in usu fuerunt, de quo vid. *Ettmüllerus* in *Comment. Schræd.* pag. 669. Alii bombycēs huic plantæ libenter adhærere, istiusque odore vehementer teneri observarunt, ut *Charasius* in *Tract. de Theriac. Incred.* pag. 159. testatur.

## §. 9.

**STOECHAS CITRINA (Rhein-Blum)** nostris in regionibus crescens, adeò nota vulgataque est, ut supervacaneum esse existimem, si istam una cum virtutibus fusius velim describere, præsertim cum raro interne, magis autem externe ad fovendum fricandumque ac fumigandum, ad catarrhos, *Streich-Blum* propterea dicta, usurpetur. Diu alias durat, coloremque suum ad splendorem, ritu flosculorum perpetuorum, multos annos conservat.



## CAPUT XVI.

DE

## CALAMO SACCHARIFERO.

## §. 1.

**C**ALAMUS SACCHARIFERUS crassa & in multa genicula distincta arundo est, septem vel octo pedes longa, ac plerumque duos pollices crassa, foris viridiusculè flavens, intus alba, ac dulci medulla, sambuci medullam referente, adimpleta. Ex Orientali & Occidentali India, præsertim Brasilia & Antillis Insulis, venit, ubi quidem sponte etiam crescit, crebrius vero ab incolis, ob succum s. saccharum, colitur. Et quanquam *D. Olaus Borrichius* in *Actis Hafniensibus* vol. 1. pag. 119. Algæ saccharifera faciat mentionem, quam mare Islandicum in Septentrione interdum ejiciat, cuiusque succo incolæ sacchari loco utantur, saccharum tamen, quod exinde confectum sit, visum fuit nullum.

## §. 2.

Ad ejus plantationem præcipue bona, pinguis ac humida requiritur terra, quæ bene culta in parvos colliculos aggregatur & distinguitur, quibus calami sacchariferi secundum ordines interponuntur, terra contegendi. Haud ita pridem post ex quolibet capitello s. geniculo novæ progerminant arundines, longis, viridibus secantibusque foliis stipatæ, tertio quoque mense, instar tabaci, præcidendis, ut ne arundinibus succum & alimentum subtrahant. Id quod aliquoties repetendum, quoad arundo ad debitam altitudinem ascenderit, suamque nacta fuerit maturitatem, quæ foris ex flavo istius colore cognoscitur, ac plerumque post octavum vel XII. mensem contingit, quæ omnia clarissimus Anglus *Joh. Rajus* in *Historia Plantarum* Tom. 2. Lib. 22. pag. 1278. seqq. & *Malletus* Part. V. *Cosmogr.* pag. 175. ex alijs Indiæ Scriptoribus fusiùs commemorant.

## §. 3.

Ad istum accretionis statum perductæ arundines plerumque unius aut duorum pollicum crassitiem habent; quæ contra brachii crassitie

progerminant, quo magis crassescunt, eo magis decrescunt bonitate. Ante verò quam ad maturitatem perveniant, superius fere è medio supremorum foliorum valde longum caulem emittunt, cujus cacumini longus argenteus flos, fasciculum plumeum repræsentans, insidet.

## §. 4.

Simul verò arundines sacchariferae maturæ factæ sunt, ab Americanis resecantur, à foliis liberantur, inque fasciculos ligatæ, istas in domos s. casas (*Trapetti* vocantur) in quibus exprimitur saccharum, deferuntur, ut capite sequenti ostendemus. Superiores caules & cannas barbari ad arcus sagittasque usurpant, quorum in venationibus bellisque usus est.

## §. 5.

Antequam modus exprimendi sacchari innotuit, Veteres succo saltem, sponte ex arundinibus exsudante, Solisque calore indurato, ab aliquibus Saccharum de Mambu, Tabaxir vocato, usi fuerunt. Equidem *Wormius* in *Mus.* pag. 141. istud à canna saccharifera arborecente, Indis *Hakra* dicta, deduci, succum vero vulgaris calami sacchariferi, cum *Avicennâ*, Mel Cannæ vult vocari. Lis igitur inter Doctores exorta, num hodiernum saccharum idem sit atque veterum? facile potest decidi, de qua *Salmasius* in *Exerc. Plin. in C. Jul. Solin.* pag. 926. pluribus agit.

## §. 6.

Tandem ultimò notandum est, ne Cannam sacchariferam confundamus cum arundine Indica, cujus radices, *ROTANG* dictæ, è Japonia allatæ, pro scipionibus, quos manibus gestamus, inserviunt, quando scil. geniculi à fibrarum verticillis liberati sunt. Arundo illa *Tsiku*, vulgò *Tacke* & *Fatsku*, Belgis per excell. *Bambus* audit, cujus radices circa pagum *Kusatsu*, Provinciæ *Omi*, ob fundi limosi singulare ingenium, mirâ pulchritudine luxuriant, docente Dn. D. *Engelberto Kämpfero* in *Amœn. Exot. Fasc. V. seu Herb. Japonicò* pag. 898.

## CAPUT XVII.

DE

## SACCHARO ET EJUS PRÆPARATIONE.

## §. 1.

**E**X præcedenti capite jamdum sufficienter innotescit, SACCHARUM nihil esse aliud quam dulcem succum, è calamis sacchariferis expressum, & artificiosè in debitam consisten-

tiam coctum & depurgatum. Quò verò breviter sciamus, qua omnia ratione fiant, ejus præparationem paulo accuratius describere necessarium duximus, quo deinde varias sacchari species eo possimus distinguere facilius.

## §. 2.



## §. 2.

Quod primò ad succi expressionem attinet, ea in peculiaribus, istum in finem extructis, molendinis peragitur, quorum Batavi multis in locis X. aut XII. extruxerunt. Ista verò molendina è tribus ligneis, extrinsecus ferreis laminis munitis, volgiolis constant, quorum medium bis fere cæterorum longitudinem habet, quod superius duæ longæ arbores penetrant, quæ à binis bobus tractæ, totum opus agitant, ut ex figura omnium oprime apparet. Quando nunc isti volgioli se circumagunt, ab adstantibus Æthiopibus calami sacchariferi illis copiose subduntur, quos volgioli conquassant, simulque ad latus alterum ejiciunt. Interea succus in vas aliquod per amplum subditum fluit, ex quo per parvum canalem in primum majusque ahenum derivatur.

## §. 3.

Cui aheno valde lenis subditur ignis, quo saltem paululum incalescat, ac sine coctione possit despumari; spumam Indi jumentis dant devorandam. Sic maxima crassissimaque impuritate separata, in paulo minus ahenum inditur, in quo mediante igne multo fortiori vehementissime ebulliat, quo eo melius possit purificari. Hoc peracto, aliquot cochlearia certi alicujus lixivii, ex carduis præparari, vel, secundum alios, aquæ calcis vivæ, in qua albumen ovi concussum fuerit, affundunt, & aliquot olei guttas instillant, quo ebullitionis vis præcipitetur, succiq; effluxus impediatur. Qui si spissescere observatur, per pannum transire permittitur, inque minora distribuitur ahena, plerumque è mixto metallo, Gallis *Bronce* dicto constantia, in quibus de integro ebulliens perpetuò agitur, quoad prorsus excoctus sit: id quod ex eo cognoscitur, quando in altum tractus, decidendo sibi mutuo fere adhæret. Hinc in alia iterum ahena infunditur, quo refrigerescat, ita tamen, ut semper adhuc tamdiu agitetur, donec in istius syrupo parva granula, instar arenæ, certissime observentur, quippe quæ infallibile perfecte præparati sacchari indicium suppeditant.

## §. 4.

In tantum perfectum saccharum, calidum adhuc, certas in formas infunditur, inferius obturato foramine præditas, in quibus si induruerit, quod plerumque quatuor & viginti horarum spatio contingit, Nigrita una cum formis suas in casas domosque portant, aperto inferiori foramine, perfossoque saccharo, formas parvis vasis imponunt, quo SYRUPUS defluens excipiat.

## §. 5.

Qui

SYRUPUS, vulgò *Syrop*,

in orcis ad nos in Europam fertur, & quoniam perpetuo mollis manet, instar mellis, à Materialistis Remel, mel saccharinum, Germanicè *Zu-*

*cker-Honig*, Gallicè *Doucette & Mellage* vocatur. Amstelodami, Hamburgi inque Emporiis aliis minoris venditur, & quoniam minoris est pretii atque mel, multis in occasionibus istius loco utiliter posset usurpari, nisi multum subesset fraudis. Homines frugi istum in culina usurpant, qui etiam quibusdam in locis à libariis commodè in usum trahitur. Quosdam Materialistas & Pharmacopolas syrupos medicinales & electuaria isto mediante ferunt præparare, quæ tamen nefanda fraus est, neutiquam toleranda. Isto quoque ealibi tabacum humectatur, indeque spiritus destillari posse perhibetur. Interim pro varietate depurationis, seu (ut loquuntur) refinationis, variæ syrupi species dantur, rubicundus scil. flavus & albus, qui ultimus, *Candis-Syrup* dictus, omnium optimus est, ex relatione Dulciarii Hamburgensis *Becmanni*.

## §. 6.

Si quando syrupus omnis defluxit, conos sacchari (qui primum permagni, & fere viginti librarum pondere sunt, teste *Vielheurio* in *Descriptione Mater. Exotic. pag. 148.*) in magna frustra incidunt, quod saccharum, tum cæsum, MOSCOVADE, Gallicè Moscovade grise, ou *Sucre des Isles* non atteré vocatur, & quasi fundamentum eaque materia est, ex qua cætera sacchari species præparantur omnes. Ex albo cæsum, siccum, non pingue aut unguinosum sit, & quoad ejus fieri potest, nullum sapore empyreuma prodat, si bonum velit haberi. Ita crudum non adeo crebro usurpatur, quamvis ad syrupos & rubras confectiones quoque sit idoneum.

## §. 7.

Ex isto Moscovade postea ita dictum  
CASSONADUM SACCHARUM,  
s. *Cassonad-Zucker*,

aliàs quoque CASTONADA & *Cassaun-Zucker* vocatum, præparatur, quod nominis quidam inde derivant, quod hoc saccharum plerumque in cistis affertur; id quod tamen non semper contingit, dum æqualis ferè quantitas in parvis orcis venit, secundum *Pometum* in *Histoire des Drogues Lib. 2. p. 96.* Alii *Farin-Zucker*, quasi incisum saccharum vocant, quippe quod non in conis, sed magnis parvisque frustis venit. Galli ad differentiam prioris quoque *Sucre des Isles* atteré nuncupant. Sequenti modo istud præparant: Moscovadum saccharum denuò liquant, probeque purgatum per pannum colant, quod iterum in fluorem coctum, in formas infundunt, atque sic porro, ut cum priori, agunt. Si quando syrupus defluxit, candidam terram, aut aqua humectatam cretam pollicis crassitie imponunt, quo aqua saccharum transitura, si quid invenit impuritatis, secum vehat. Simulac aqua transiit ac defluxit, exemptum formis saccharum in tres partes dividitur, ab Americanis ita locari solitas, nempe imam, mediam,



diam, ac supremam partem. Unamquamq; seorsim ponunt, quarum ultima est vilissima. Quo factò magnis super pannis dispergitur, quod in aëre siccatur, posteaque cistis & orcis inditum, ad nos vehitur dividendum. Optimum cassonadum ex Brasilia venit, quod eleganter album, siccum gratique saporis esse, violasque oportet redolere, quemadmodum pars ima esse solet. A Conditoribus crebrius usurpatur, quoniam non tam facile candisatur, confectionesque eleganter albas reddit, ac melius facit aservari.

## §. 8.

Sciendum verò magnam etiam Moscovadi partem clarificari, inque pileos fundi, quo in papyro cœrulea transvehatur. Galli sucre de sept livres (*sieben Pfund-Zucker*) vocant, quod tamen nominis non adeo recte isti convenit, dum coni plerumque 12. librarum pondus habent, ut *Pometus l.c.* ipse fatetur. Magnos ejusmodi conos Batavi, loco chartæ, foliis palmæ involvunt, quos propterea sucre de palme (*Palm-Zucker*) nominant. Et hujus variæ inveniuntur sortes, prout vel verè album, aut maculis notatum est. Pauperibus hæc merx inservit, quoniam non tam pretiosum est hoc saccharum, & tamen majorem dulcedinem relinquit, quam pretiosius, cum fere unicuique notum sit, saccharum quo magis refinetur, eo magis perdere dulcedinis.

## §. 9.

Ex prædictis sacchari speciebus per iteratam refinationem postea minores sacchari coni præparantur, atque in bilibres, trilibres, imo ad sex libras pendentes dividuntur. Quo minores coni sunt, eo melius est saccharum, optimumque Gallis *Sucre Royal* vocatur: cui succedit *Demy-Royal*, quæ species apud nos optimum sunt saccharum Canariense. Cæteris speciebus Refinati inditum nomen est, quæ tamen iterum distinctæ sunt. Hodie in Batavia, Hamburgi & alibi multum quoque sacchari refinetur: & quidem Hamburgense & Amstelodamense multo durius est, multo etiam candidius Italico, pluris propterea æstimandum. Quò enim durius candidiusque saccharum est, eo censetur melius, præsertim si simul compactum, splendensque est, ac digito pulsatum, instar vitri, quasi sonat.

## §. 10.

Cæterum etiam loca, unde saccharum venit, isti dant differentiam & nomen:

I. SACCHARUM MADERIENSE,  
(*Madery-Zucker*)

ab Insula Madera advectum nominatumque, præ aliis eminet. Optimum purissimumque est, Canariensi præferendum, sed rarò ad nos veniens. Huic valdè prope accedit

II. SACCHARUM CANARIENSE,  
cujus tamen Aromatarii diversas habent sortes.

A Canariis nomen Insulis obtinet, quanquam nullum sit dubium, quin & alia sacchara ita possint præparari.

III. SACCHARUM MELITENSE,  
(*Melis-Zucker*),

ex Insula Maltha afferri creditum, duritie sæpe Canariensi valde prope accedens, quanquam non adeò album, sed magis cæsum sit, ac propterea à *Th. Tabernamontano Libr. I. de Herbis p. 600.* post illud statim ponatur, Refinatoque præferatur. Plerumque in esculentis usurpatur, bonumque Melitense in officinis non abjiciendum, quippe cujus distinctæ inveniuntur species.

IV. SACCHARUM THOMÆUM,  
ex Thomæ Insula num omne veniat, quæ vulgaris est opinio, ego quidem dubito, quod teste *Pometo l.c. pag. 97.* ex syrupo magnorum conorum sacchari præparatur, atque adeò Cassonadi videtur species. Ut plurimum rubrum est, propteraque saccharum rubrum vocatum. Optimum est probe siccatur, nullumque sapore empyreuma prodens. Externè saltem in clysteribus usurpatur. Qui vero Pharmacopolæ istud quoque syrupis medicinalibus addunt, istamque esse materiam existimant, ex quâ omne saccharum præparetur, nimium vehementer errant.

## §. 11.

Omne saccharum, internè sumtum, quæ pollet vi, malos acresque falsos humores, guttur pulmonesque infestantes ac lædentes, demulcet, ac propterea in omnibus pectoris affectibus vehementer convenit. In stomachi quoque ac intestinorum læsionibus, in renum & vesicæ calculo, similibusque saccharum, & quæ exinde præparantur, conducunt. Quæ tamen saccharo ineest aciditas, quamve scimus corrodingo dentes reddere nigros, crebriorem saccharatorum usum prohibent, vid. *Ettmüllerus in Comm. Schræd.* ad hunc loc. Externè vulnera ulceraque sanat, inque oculis purulentisque auribus ac similibus bonum est remedium. vid. *l.c.*

## §. 12.

Quoniam verò omne saccharum, in conos redactum, multum adhuc lentoris relinquit, hinc quo magis purificetur,

## SACCHARUM CANDUM

exinde præparari consultum visum est, quod duplex, album scilicet ac fuscum, in Materialium Museis ac officinis inveniendum.

## SACCHARUM CANDUM ALBUM

ex optimo Maderiensi aut Canariensi præparatur, quod festinanter aqua super igne solutum & syrupisatum, in vas aliquod, cui multa parva ligna decussatim imposita sunt, infunditur, in eoque XV. vel XX. dies in hypocausto calido, bene coopertum, servatur, quo temporis spatio saccharum adhæret, atque eleganter candisatur; quod



quod reliquum est succi, porro coquitur, & ut prius, infunditur, secundum accuratam *Theod. Tabernamontani Lib. I. p. 604.* descriptionem, inque Germaniâ, ubi purior ac limpidiôr est aqua, ibi clarius etiam præparari potest saccharum. Quam ob causam Hollandicum semper carius est Gallico, ipso confitente *Pometo*, quippe cujus bonitas in eo sita est, ut eleganter album ac pellucidum sit. Ab ultimo, quod nimis sæpe diutiusque coquitur,

**SACCHARUM CANDUM RUBRUM** proficiscitur, quod tamen eodem prorsus modo etiam ex saccharo *Thomæo* præparatur. Utrumque superioribus morbis proficit.

## §. 13.

Quum verò saccharum candum infantibus nimis durum sit, pro istis tractabilius saccharum præparant,

**SACCHARUM PENIDIUM** vocatum. Quod è vulgaris sacchari conis, imo etiam *Cassonado* saccharo, præparabile est, quod cum aqua fontana super igne mediante albumine ovi clarificatum, tamdiu, donec friabile sit, nec dentibus porro adhæret, coquitur, posteaque super marmore, oleo amygdalarum d. humectato, in massam redactum, unco celeri manu imponitur, mediante amylo in longos funes torquendū, auctore *Theod. Tabernamontano l.c.* Infantibus tussientibus & anhelosis exhibetur. Saccharum hordeaceum haud multò aliter præparatur.

## §. 14.

Cæterum Confectores varias è saccharo confectiones præparant, easdemque vel glabras, aut crispas. In pelvi cuprea, super fornace ventoso suspensa, omnes sequenti modò præparantur: Inde fœniculum, anisum, cubebas, amygdalas, cortices citri incisas, caryophyllos &c. aheno confectorio, superaffunde saccharum syrupisatum, ahenumque s. pelvim cupream hinc inde agita, quoad saccharum adhæreat. Hoc sæpius repetas necesse est, prout crassius aut parcius rem conficiendam vis incrustari. Interdum tantillum amyli additur, & quando confectiones crispæ desiderantur, syrupus ex alto instilletur, ut sibilum edat, nullosque grumos largiatur. Prout res nunc crassiori aut tenuiori crusta sunt obductæ, parum aut multum farinæ additum est, diversæ multæque inde species resultant, à Confectores distinctis cum nominibus, tum numeris notandæ, vid. *Pomet. Histoire des Drogues p. 100.* Amygdalæ cinamomisandæ, nondum prorsus ficcata, in scatula, in pulvere cinamomi volvuntur. Confectiones inflatæ cum tragacantho eleganter albescente præparantur, & in artocrearum formis diducuntur. Quemadmodum Rotulæ berberum, manus Christi, saccharum rosatum &c. præparentur, in omnibus Dispensatoriis invenies. Cauliculi Lusitanici moschati, globuli moschati &c. ambra moschoque inficiuntur, & vel in pelvi cuprea, vel cum tragacantho forman-

tur, quæ tamen omnia apud Dulciarios videri discique possunt accuratius.

## EPILOGUS HERBARUM AC FLORUM.

Inter vulgares indigenasque herbas ac flores, quæ non semper apud Materialistas inveniuntur, sed à Pharmacopolis, aut radicum herbarumque Collectoribus quærentur, atque in herbariis sistuntur delineata descriptaque, potissimum in usu sunt seqq:

HERBA *Abrotani.*  
*Absinthii.*  
*Acetosa.*  
*Acetosella.*  
*Agrimonia.*  
*Alcee.*  
*Alchimilla.*  
*Alsine.*  
*Althæa.*  
*Anagallis.*  
*Anethi.*  
*Anserina.*  
*Antirrhini.*  
*Apii.*  
*Aquilegia.*  
*Ari.*  
*Aristolochia longa.*  
*Artemisia.*  
*Atriplicis.*  
*Auricula muris.*  
*Barba caprina.*  
*Beccabunga.*  
*Bellidis prat.*  
*Beta alba.*  
*rubra.*  
*Betonica.*  
*Bifolii.*  
*Boni Henrici.*  
*Borraginis.*  
*Branca ursina.*  
*Brassica.*  
*Bryonia.*  
*Buglossa.*  
*Bursa Pastoris.*  
*Calamintha.*  
*Calendula.*  
*Cardiaca.*  
*Cardui benedicti.*  
*Centaurii min.*  
*Cerefolii.*  
*Chamædrios.*  
*Chamæmeli.*  
*Chelidonii maj.*  
*min.*  
*Cochlearia.*  
*Consolida Regalis.*  
*Saracenica.*  
*Cynoglossa.*  
*Dentis Leonis.*  
*Draconis hortens.*



## HERBA

*Ebuli.*  
*Endiviæ.*  
*Epaticæ nob.*  
*Ericæ.*  
*Eryngii.*  
*Eruca sativa.*  
*Erysimi.*  
*Esulæ.*  
*Eupatorii.*  
*Euphrasie.*  
*Farfaræ.*  
*Filicis.*  
*Filipendulæ.*  
*Feniculi.*  
*Fragariæ.*  
*Fraxinellæ.*  
*Fumariæ.*  
*Galegæ.*  
*Gallii.*  
*Gallitrichi.*  
*Geranii.*  
*Hederæ arb.*  
     *terr.*  
*Herniariæ.*  
*Hirundinariæ.*  
*Hyperici.*  
*Hyssopi.*  
*Jacæ.*  
*Intybi.*  
*Ivæ arthet.*  
*Juniperi.*  
*Lactucæ.*  
*Lapathi acuti.*  
*Lappæ maj.*  
*Lavendulæ.*  
*Lepidii.*  
*Levistici.*  
*Ligustri.*  
*Linariæ.*  
*Lingua cervinæ.*  
*Lupuli.*  
*Lysimachia.*  
*Majoranæ.*  
*Malvæ.*  
*Marrubii.*  
*Matricariæ.*  
*Matrisylvæ.*  
*Meliloti.*  
*Melissæ.*  
*Menthæ.*  
     *Saracenica.*  
*Menthastri.*  
*Mercur.*  
*Millesfolii.*  
*Milii solis.*  
*Mororum.*  
*Morsus Diaboli.*  
*Nasturtii aquat.*  
     *hortens.*  
*Nepetæ.*  
*Noli me tangere.*

## HERBA

*Nummularia.*  
*Nymphææ.*  
*Ononidis.*  
*Ophioglossi.*  
*Origani.*  
*Papav. errat.*  
*Paralyseos.*  
*Parietariæ.*  
*Pentaphylli.*  
*Perfoliatæ.*  
*Persicariæ.*  
*Petasitidis.*  
*Petroselini.*  
*Pimpinellæ.*  
*Plantaginis.*  
*Polygoni.*  
*Polygonati.*  
*Polytrichi aurei.*  
*Portulacæ.*  
*Prunellæ.*  
*Ptarmicæ.*  
*Pulegii.*  
*Pulmonariæ.*  
     *maculosa.*  
*Pyrolæ.*  
*Rorismarini hort.*  
     *sylv.*  
*Roris solis.*  
*Rubi vulg.*  
*Rutæ hortens.*  
     *murar.*  
*Sabinæ.*  
*Salicis fol.*  
*Salviæ.*  
*Sambuci folia.*  
*Saniculæ.*  
*Saponariæ.*  
*Saturejæ.*  
*Saxifragiæ.*  
*Scabiosæ.*  
*Scariolæ.*  
*Sclareæ.*  
*Scordii.*  
*Scrophulariæ.*  
*Sedi maj.*  
     *min.*  
*Senecionis.*  
*Sigilli Salom.*  
*Solani.*  
*Sonchi.*  
*Spinachia.*  
*Talictri.*  
*Tanaceti.*  
*Taraxaci.*  
*Thymi.*  
*Tilia.*  
*Tithymali.*  
*Tormentillæ.*  
*Tussilaginis.*  
*Valeriana vera.*  
     *vulg.*



HERBA *Verbasci.*  
*Vermicularis.*  
*Veronica.*  
*Vesicaria.*  
*Vinca pervinca.*  
*Vincetoxici.*  
*Violaria.*  
*Virga aurea.*  
*Vitis.*  
*Volubilis.*  
*Umbilici Veneris.*  
*Urtica maj.*  
*min.*  
*Rom.*  
*Uvularia.*

FLORES *Acacia.*  
*Anethi.*  
*Anthos.*  
*Aquilegia.*  
*Bellidis.*  
*Betonica.*  
*Borraginis.*  
*Buglossa.*  
*Calendula.*  
*Centaurii min.*  
*Chamom. Rom.*  
*vulg.*  
*Cheiri.*  
*Cichorei.*  
*Consol. regal.*  
*Cyani.*  
*Enula.*  
*Epatica nob.*  
*stellata.*  
*Fabarum.*

FLORES *Farfara.*  
*Genista.*  
*Hyperici.*  
*Jacea.*  
*Lavendula.*  
*Lilior. alb.*  
*convall.*  
*Lupuli.*  
*Malva arbor.*  
*vulg.*  
*Matricaria.*  
*Meliloti.*  
*Melissa Ital.*  
*Nymphaea.*  
*Ononidis.*  
*Papav. err.*  
*hortens.*  
*Paralyseos.*  
*Persicorum.*  
*Paeonia.*  
*Primula veris.*  
*Pruni sylvestris.*  
*Rosar. albar.*  
*rubrar.*  
*sylvestr.*  
*Salvia.*  
*Sambuci.*  
*Saxifragia.*  
*Scabiosa.*  
*Tanaceti.*  
*Tilia.*  
*Tunica hort.*  
*sylv.*  
*Tussilaginis.*  
*Verbasci.*  
*Violarum.*

## LIBRI SECUNDI SECTIO IV.

DE

### CORTICIBUS ET LIGNIS.

#### CAPUT I.

DE

### CASSIA LIGNEA ET CASSIA CARYOPHYLLATA.

## §. I.

**C**ASSIA LIGNEA convolutus cortex est, cinamomo paulo crassior, sapore tamen odoreque multum debilius, sed subviscosus, cinamomo etiam multo rubicundior, similiterque ab exteriori cortice liberatus. Ex India Orientali in Ger-

maniam locaque alia transfertur, & à nonnullis *Mutter-Zimmet* vocatur, quod tamen nominis cinamomo crassiori tribuitur rectius.

## §. 2.

Cujus arboris cortex sit? auctores inter se discrepant: sententias vide, sis, apud *Schræde-*



rum in *Pharm. Medico-Chym.* pag. 45. Multi istius arboris corticem esse existimant, de qua Cinamomum sumatur, cujus exterior crassiorque cortex Cassia Lignea, medius vero Cinamomum vocetur, quæ *Hernandezii* in *Thesaur. Rerum Med. Nov. Hisp.* pag. 35. opinio est. Alii contra verosimilius credunt utrumque corticem prorsus diversarum arborum esse progeniem, facie tamen sibi similiam. *Pometus* Materialista istam fortasse à canella sylvestri putat proficisci, quam caput sequens sistit descriptam, quamve inter veras canellæ arbores ferunt crescere. Enimvero *Sam. Daleus* in *Pharmacol.* pag. 386. contrarium ostendit, majori jure existimans, ab alia istam oriri canella, quam Arborem canelliferam Malabaricam vocat, utpote in Insula Malabara, Java &c. crescentem, barbaris Garyam dictam, cujus figura in pretioso *Horto Malabarico T. I. fig. 107.* sistitur contemplanda.

## §. 3.

Pro diversitate arborum prædictus *Daleus* duas quoque cassiæ lignæ, constituit species, unam ex tenuibus, sed valde glabris, corticibus ac canalibus constantem, alteram crassiores cortices fistulasque habentem. Hæc plerumque nostris in officinis reperitur: prior contra cinamomo sæpe miscetur, ab isto tamen facile distinguenda, utpote multo debiliori sapore odoreque prædita, in ore prorsus viscosa apparens, in istoque fere tota solubilis. Cinamomum contra omnis saporis viscosi expers est, ac de ejus quoque cortice semper aliquid manet residuum.

## §. 4.

Optima est recens coloreque saturata, sapore etiam ac odore aromatica, cinamomo accedens, inque ore solubilis, secundum *Charasium* in *Tract. de Theriaca Ingredientibus* pag. 134. Lata crassaque saporis nullius quam lignei, necquicquam prodest, ac propterea abjicienda.

## §. 5.

Vires ejus cum cinamomo conveniunt, idque eo magis, quo est melior: cujus etiam intuitu ad theriacam sumitur. Iste verò abusus, quo cinamomo permixta divenditur, vehementer culpandus, dum una libra boni cinamomi libras IV. cassiæ lignæ pretio æquat.

## §. 6.

Similem fraudem cum

## CASSIA CARYOPHYLLATA

(*Nelcken-Zimmet*)

committunt, quâ pulverem caryophyllorum sæpe adulterant. Prorsus ignotus majoribus nostris cortex fuit, qui ante 60. vel 70. annos primum à Lusitanis, ut hodie ab Anglis, ex America cœpit afferri. Ex tenui, fulvoque & ab exteriori putamine depurgato cortice

constat, cinamomi adinstar in oblonge rotundos canales convoluto. Saporis est acris, pungentis & aromatici; odoris caryophyllacei. Ex Brasilia & Madagascara in corbibus junceis venit, magnis foliis primum involuta, quæ nihil aliud sunt, quam Arum hederaceum foliis bisectis, rigidis & scutatis, quibus diu asservatur, vid. *Pometus* pag. 131. Num vero CORTEX CARYOPHYLLODES, à Clarissimo Indiæ Orientalis Botanico, *Dn. Georgio Everhardo Rumpffio*, in *Herbariô Ambonicô Lib. 2. cap. 22.* descriptus & CULILAWAN ab isto vocatus, idem cum cassia caryophyllata sit, & ab eadem arbore similiter *l. c.* descripta, oriatur, vel propterea dubito, quoniam hic ultimus priori multo est crassior. Interea prædicti libri compendium seu extractum, inter *Herberti de Jager Msc.* repertum, sub fine hujus tractatus, post epistolâs *Indiæ literatæ*, adjungi curavi.

## §. 7.

Arbor cassiæ caryophyllatæ aliqua caryophylli arboris species est, & à *Plukeneto* in *Phytograph. Tab. CLV. fig. 3.* Caryophyllus Aromaticus Ind. Occid. fruct. rot. vocatur, ubi duas communicat figuras, quarum altera cum nostra convenit. *Hernandezius* p. 30. Americanorum lingua Xocoxochitl, Caninga, Piper Tavaſci vocat: *Franciscus Redi* Pipet chiapæ, alii Pimenta. Folia lauri habet, sed instar myrti acuminata, quam ob causam etiam ab *Herrmanno* in *Msc. M. Med.* Myrtus arborea Americana nominatur, locoque fructus nigras aromaticas baccas, pipere paulo majores, profert, sapore odoreque caryophyllos imitantes, quæ intus duo grana, moschardina referentia, continent, à prædicto *Plukeneto* juxta figuram delineata.

## §. 8.

Optima ex tenuioribus corticibus, ab exteriori putamine, plerumque cæsis asperoque, probe depurgatis constat, ex rubello fusca est, saporis acris & vere aromatici, una cum odore caryophyllis accedentis. Id quoque dandum operæ est, ut ne rancida sit, nec fascēs crassiore exteriori cortice, inodoro insipidoque, ut sæpe solet, sint repleti.

## §. 9.

Viribus usuque cum caryophyllis convenit, caput, stomachum, nervos partesque nerveas omnes, præsertim uterum, confortat, ac propterea ad difficilem partum atque hydropem valde commendatur. Sunt, qui cum spiritu vini tincturam extrahunt, pro essentia caryophyllorum divendendam, à qua fraude benedictio abest quam longissime. Confectores & Dulciarii istam quoque saccharo incrustant, aut pro caryophyllis Tragæis grossis permiscunt. Quando vero aromatarii istam pulveratam pulveri caryophyllorum addunt, nefanda fraus est, dum caryophylli quater aut quinquies hoc cortice



tice sunt cariores. Quæ causa est, quamobrem Norimbergæ hæc merx prorsus non permittatur divendi, sed in expositione abjiciatur, ut *Marxius* in *Mat. Museo* p. 68. commemorat.

## §. IO.

Fructus arboris à nemine adhuc vere descriptus est, præterquam quod *Franciscus Rhedi*, doctus Italus isque nobilis, in *Experimentis natur.* p. 168. istius faciat mentionem, istumque PIMENTA de CHIAPA s. PIPER TAVASCI nominet. Alii

## AMOMUM PLINII

vocant, istudque esse aroma videtur, quod *Po-*

*metus* in *Histoire des Drogues* pag. 120. in arbore Campeschana crescens, alio in loco pag. 195. sub nomine Piperis Jamaicensis describit. Quæ bina facie viribusque cum cassiæ caryophyllatæ fructu prorsus conveniunt, saporque cum odore magnam excitat opinionem bina ista ab arbore hætenus descripta, non vero ab ligno Campeschano proficisci, quippe quod ejusmodi sapore odoreque destituitur.

## §. II.

Grana hæc easdem habent vires, quibus cassiam ligneam pollere diximus, in iisdemque cum ista usurpari possunt affectibus.

## CAPUT II.

## DE

## CINAMOMO.

## §. I.

CINAMOMUM, CASSIA CINAMOMEA s. CANELLA est tenuis & ab exterioribus pelliculis liberatus, inque longas cannulas contortus cortex, ex flavo rubicundus, saporis acriter pungentis, subdulcis & aromatici, odore fragrantissimo. Ex India Orientali, inprimis Insula Ceylon, per Bataviam in Romanum Imperium aliasque regiones transportatur: cæterum vero nusquam, nec in Africa, Sina aut Persiâ, neque in locis Septentrionalibus, nec in Finnia, ut quidam existimant, crescit, id quod *Olaus Rudbeckius* Part. 3. *Atlantica* cap. 12. pag. 506. confitetur, & contra *Diodorum* affirmat.

## §. 2.

Arborem *Hermannus* (qui ipse diu in Ceylon commoratus fuit) primum Laurum Zeylanicum baccis calyculatis vocabat, ipse verò postea in *Catalogo Horti Lugd. B.* se correxit, istam pro peculiari arboris specie existimans, de qua in *Msc. Mat. Med.* scribit caudicem tiliæ crassitiem juxta ac magnitudinem habere, latis, magnis semperque virentibus foliis, citri foliis similibus, ac caryophyllos redolentibus, esse ornatum, quæ secundum longitudinem tres nervi, quorum bini sibi semper sint oppositi, transcurrunt: quanquam *Plukenetus* aliam speciem sistat delineatam, quæ fere quadrangula habet folia, Parvos, albos, hexapetalos & stellatos flores profert, ac post istos parvos glandes, instar olivæ, atque è radice camphoram redolente crescit, adeò, ut mediante aqua etiam camphora inde possit destillari, id quod *Tavernierus* in *Itiner. Acta Soc. Angl.* Vol. 1. pag. 724. & *Acta Hafniensium* Vol. 3. pag. 37. confirmant, fusiusque à *Dn. Dextbachio* in *Disp. Inaugurali* Anno 1690. Marburgi, de

*Cassia Cinamomea & Malabathro* habita, ostenditur.

## §. 3.

Nec verò omnes arbores idoneum cinamomum suppeditant, sed juniores saltem, trimæ scilicet quadrimæque. Quamobrem Indi vetulas, recentibus furculis juxta istas progerminantibus, evellunt, quo junioribus crescendi faciant spatium. Si quando antiquarum arborum cortices aliis permiscetur, istos tamen postea separant, indeque oleum destillando proliciunt. Lignum vero juniorum & antiquarum juxta ejusmodi sapore odoreque destituitur, qui in corticibus saltem vehementer observantur.

## §. 4.

Quemadmodum cortices separentur ab arboribus & colligantur, à *Dn. Herberto de Jager* in peculiari Tract. in appendice hujus libri reperiundo, pluribus describitur. Bis annuatim fit decortitatio, Februario nempe & Augusto, quo tempore caulem inter & corticem certa quædam humiditas reperitur, decorticationem reddens faciliorem. Quò appropinquante tempore Nigritæ ac Cinamomi decorticatores, quorum aliquot centum sunt, primum mediumque corticem separent, tertium relinquentes intactum: hoc enim si fieret, arbor periclitaretur. Arbor deinde post sesquiannum novos semper cortices progenerat, prioribus, iisque qui raro separentur, teneriores & efficaciores. Separatio autem non alio fit modo, atque apud nos cortices deglubuntur, non obstante, quod in cannulas intorti sint: id quod inde oritur, quoniam primum adhuc virides, postea autem ab Sole ita intorquentur, qui non suo solum calore vires saporemque exaltat & prolicit, sed calorem quo-



que eleganter rubicundum istis conciliat, qui ab arbore fusci asperique veniunt. Quidam cinamomum post mensem demum, imo post annum, veras nancisci vires existimant: quibus tamen vix habenda fides est, quod omnia terra nascentia fortissima sint recentia.

## §. 5.

Num verò ita collectum ficcaturque cinamomum pretio tam vili extraneis divendatur, ut *Schurzius in Mater. Mus. pag. 26.* existimat, adeo, ut libræ 128. optimæ canellæ in Ceilon duobus florenis Hollandicis possint emi, vel propterea non videtur credibile, quod Batavi, magnos eam in rem facientes sumtus, non solum destinatos labori homines plerumque sesquimille aut pluribus militibus tegunt, sed parem quoque mercenariorum numerum totum per annum alunt; ut adeoque non possit non fieri, quin cinamomi pretium valde intendatur, de quo *Tavernierus* legendus est pluribus.

## §. 6.

Præter vulgare supraque descriptum cinamomum interdum alia ex Batavia venit species, ex latis valdeque crassis corticibus constans, quam veteres cum Arabibus Darcheni, Galli Canelle Matte vocant, ut *Pometus in Histoire des Drogues pag. 126.* commemorat. A Canella sylvestri, Katon Karva dicta, profiscitur, cujus *Rajus in Hist. Plantar. Tom. 2. fol. 1562.* meminit. Hoc cinamomum, Zeylanico oppositum, cinamomum sylvestre, *Pusch Zimmet* apparet, ut *G. Meisterus in Ost-Indianischen Lust-Garten p. 78.* loquitur. *D. Ammannus in Tract. de Mat. Med.* cinamomum uterinum vocat, quo nomine aliàs quoque cassia lignea indigitatur. Cæterum omnibus habetur vulgari debilius, quippe cujus sapor in interiore saltem tenui pellicula consistit, qua abrafa reliquum succo atque virtute, sapore odoreque juxta destituitur.

## §. 7.

Commendant cinamomum corticis tenuitas & teneritudo, sapor acris, adstringente dulcedine moderatus, odor fragrans, colorque saturatus. Cortices crassiores, quique albi aut nigricantis coloris sunt, rejiciuntur. Cinamomum longis fistulis s. cannulis veniens magis æstimatur, quam curtum, *Spolett & Galles Escavisson* vocatum, cujus libras duas pro libra una longioris in emitione permutant, teste *Schurzio l. c.* Qui magna istud quantitate emunt, diligenter respiciant, ut ne cortices, ex quibus oleum jam destillatum est, sint permisti, id quod difficulter dignoscitur, nisi una post alteram degustetur cannula. Cui tamen rei impostores invenerunt remedium, quo tanquam maceratione corticibus saporem acrem reddere didicerunt. Ab notis igitur

ingenuisque hominibus emendum, neutiquam vero à Circumforaneis & sarcinarum portatoribus, prorsus fugiendis. Sunt qui cinamomum piperi indunt, quo istud melius putant asservari. Cassia lignea sapore facile cognoscitur, qui unguinosus multumque ab acrimonia cinamomi est distinctus.

## §. 8.

Quod ad vires usumque attinet, cinamomum particulis suis volatilibus aromaticis spiritus vitales reficit, cæteraque virtute calefaciente modiceque adstringente stomachum, uterum aliaque membra confortat, proptereaque in lipothymia, palpitatione cordis, dolore ventriculi s. cardialgia & angore, præsertim vero in passione hysterica morbisque gravidarum utiliter usurpatur. Quibus tamen prudenter dandum, quoniam simul pellit, atque adeo facile hæmorrhagiam uteri, abortumque inducere potest, nimis ac crebrius sumtum. Quam ob causam cinamomum, quæve exinde præparantur, partum, secundinas lochiaque promovent, ac parturientibus, præsertim ingruente lipothymia ac imbecillitate, propterea præscribuntur. Non minus in affectibus capitis, apoplexia, catarrhis similibusque, inprimis ex vitio stomachi ortis, cinamomum perutile est.

## §. 9.

Istos in usus non solum in pulverem redactum cinamomum est, sed saccharo quoque habetur obductum, Canella de Milano quibusdam dictum. Quemadmodum etiam Batavi recens adhuc cinamomum in India condire & obducere norunt, quo tamen magis in mari degentes ad scorbutum, quam apud nos utuntur. Quibusdam in locis Materialistæ aquam cinamomi, syrupum, rubram albamque essentiam, ad vinum Hippocraticum, similiaque, quæ Monte Pessulano afferri curant, divendunt, quamvis etiam apud nos in Germania præparentur. Sic etiam

## OLEUM CINAMOMI

apud nos potest destillari, & omnium quidem optimè super lampadis igne, qua operatione, præter vulgare, rubrum ac crassiusculum oleum, quod ultimo habetur, primum vehementer subtile, penetrans leveque acquiri potest, aquæ destillatæ innatans, quum vulgare contra statim fundum petat, de quo *D. Ettmüllerus in Comm. Schræd. pag. 548.* est verbosior. Quoniam vero destillatio hic locorum peragenda nimis pretiosa est, dum ex libra una vix drachma olei potest acquiri, secundum *Lemery in lib. cui Titulus: Cours de Chymie, & Vielheuri in Descriptione Mater. Exotic. pag. 94.* supputationem: Batavi contra certum aliquod scire artificium perhibentur, de quo *Pometus l. c. pag. 128.* præcipue scripsit, hinc

Mate-



Materialistæ majori suo commodo ab istis oleum emunt. In ejus tamen emtione sumus circumspicendi, ut ne decipiamur, propterea, quod impostores hocce oleum cum spiritu vini rectificatissimo maritare ac permiscere dicuntur, adeò ut, si olei haberi uncia putatur, istius vix dimidia pars eidem intersit. Quæ tamen fraus ita detegitur: vitrum, cui oleum inest, probe agitur, & num parvæ vesiculæ sive perlæ appareant, aquosæ spirituosæ humiditatis testes, observetur: aut cuspis cultri immergatur ignique admoveatur; si quando oleum statim flammam suscipit, suspicio permisti spiritus vini rectificati non est vana: sin vero non statim inflammatur, sed saltem fumum spirat,

oleum judicatur purum. Hoc oleum vera cinamomi Quinta Essentia est, cum saccharo Canariensi facillime in Elæosaccharum redigendum, inque morbis supra memoratis utiliter usurpandum. Turinense Rossoli quoque ingreditur, secundum *D. Spleissenium* in *Annot. ad Zapat. Mirabil. pag. 39.* ita præparandum: *R. ʒ. Cinam. Caryoph. Lign. rhod. ana ʒʒ. Mosch. Ambr. ana gr. iij. Sacch. ʒ. rosar. spiritus vini ana ʒʒ. M. S. A. filtrentur.* Descriptiones cæterorum compositorum specierum, sc. Diacinam. Balsam. &c. in Dispensatoriis, *Schrædero* hujusque Interpretibus, *Hoffmanno & Ettmüllero*, & Doctoribus aliis reperiuntur.

## CAPUT III.

DE

## CORTICE WINTERANO ET CANELLA ALBA.

## §. I.

Corticibus aromaticis, hætenus enumeratis, non immeritò annumeratur CORTEX WINTERANUS, qui crassus solidusque convolutus cortex est, foris tegumento cinereo, muscoso, ac multis rimis hiantæ & inæquali obductus, intus subfuscus apparens, sapore acri aromatico, odore fragrantissimo. Ex India Occidentali, ubi primum à Nobili Anglo, *Wilhelmo Wintero*, inventus, itaque appellatus est, in Angliam fuit translatus. A quibusdam etiam CHAQUERILLE s. SCHACHARILLA vocatur, quod nominis Hispanorum lingua corticem significat, quo etiam nomine Chinæ cascarillam de la Oja (*Fieber-Rinde*) volunt indigitari, ut *Stifferus* in *Febr. Intermitt. Consult. Nova cap. 16. pag. 95.* scribit.

## §. 2.

Arborem quidam Botanici canellam Laurifoliam Magellanicam, cortice acri, vocant, quæ *Samueli Daleo pag. 373. Phytol.* Periclymenon odoratum videtur. Folia profert instar lauri, fragrantæ albæ flosculos, quibus viridiusculæ bacæ succedunt, ut figura, à *Pometo* in *Histoire des Drogues pag. 125.* exhibita, ostendit.

## §. 3.

De multorum sententia cortex Winteranus nihil aliud esse perhibetur, quam canella alba, quam alias quoque costum ventricosum nominant, quam etiam opinionem ipse *Pometus* amplectitur, sed à verò prorsus alienam. Duo enim isti cortices, prorsus ab se invicem distincti, à duabus diversis arboribus oriuntur, nullamque externa faciè similitudinem exprimunt, quan-

quam ratione virium convenient, quas tamen in costo ventricoso multo deprehendimus penetrantiores. Quamobrem Clarissimus *D. Paulus Hermannus* in *Msc. suo* id inter utrumque constituit discriminis, ut corticem hætenus descriptum CORTICEM WINTERANUM VERUM, canellam albam vero CORTICEM WINTERANUM SPURIUM vocaret, quem Pharmacopolæ sæpe substituunt, si quando verus istos destituit.

## §. 4.

Cortex Winteranus vi calefaciendi discutiendique poller, qua ad confortandum stomachum, ad attenuandum crassum & scorbuticum sanguinem, tuendamque sanguinis circulationem valet. Hinc in affectibus è sale marino ortis, scorbuto similibusque valde utilis est: quem proinde *Willisus* in Paralyti artuumque impotentia vehementer commendat, ad quos volatili sua acrimonia partibusque oleosis penetrantibus confortandos aptus natus est. A decem granis ad XV. pulverisatus exhibetur, in infuso vero aut decocto ad drachmam aut duas sumitur. Exinde quoque aqua destillata, cui oleum innatat, ex quo cum saccharo trito facile Elæosaccharum in prædictis morbis potest confici. Extrinsecus ad clysteres sumitur, in apoplexia, lethargo ac similibus applicandos. Tabacophyli pauxillum tabaco addunt, quod fragrantem odorem spirat, meros caryophyllos æmulantem. *D. Apinus* pro China Chinæ substituit, istoque mediante non febres solum erraticas, sed petechiales quoque curavit, ut ex ejus *Historica Relatione Febris Epidem. A. 94. & 95.* innotescit.



## §. 5.

Gallus Materialista *Pometus* resinæ quoque ex arbore exsudentis meminit, quam Gummi ALOUCHI vocant; nondum nobis innotuit. Americani suffumigiis addere perhibentur.

## §. 6.

Quod verò ad CORTICEM WINTERANUM SPURIUM s. CANELLAM ALBAM attinet, ab cortice Winterano vero facile distinguitur: ille siquidem fere bis crassior est hoc posteriore, plerumque etiam ab exteriori putamine depurgatus venit. Cortices foris juxta intusque candidi sunt, multo etiam solidiores & tenaciores, sapore valde acri aromatico, odoreque fragrantissimo pollent. Interdum externum putamen vel totum, vel secundum partem, adhæret, multo spongiosius interiore cortice, rugosum, asperum & tam secundum longitudinem quam latitudinem rimosum, atque adeò externa facie sambucum referens, teste *D. Olao Wormio* in *Musf.* pag. 176. Cum aliis aromatis in fasciculis inque putaminibus ex India venit, atque in officinis nostris plerumque COSTUS VERUS, COSTUS CORTICOSUS ALBUS vocatur, licet cum costo vero, præter vires, nihil habeat commune, quippe qui Arabica radix est, ut alibi fuit ostensum. Quam ob causam etiam *Charasius* corticem istum theriaca vult exclusum, vid. ejus *Tract. Gallicus de Theriac. Incred.* pag. 125.

## §. 7.

A quâ verò arbore hic cortex oriatur, auctores inter se discrepant, quorum opinionem vide, sis, apud *Wormium l. c.* Præcipui Botanici in eo hodie conveniunt, à quadam cassiæ arbore, quam cassiam ligneam Jamaicensem vocant, provenire, similiter folia instar lauri, purpureos

flosculos frustumque, minoribus glandibus similem, proferente, quam a *Samuele Daleo* pag. 383. descriptam, *Plukenetus* in pretiosa sua *Phytographia Tab. LXXXI. fig. 1.* delineavit, atque in figura dedit contemplantam.

## §. 8.

In emtione canellæ hujus albi glabrique tubuli eligantur, ab exteriori asperioreque putamine probe depurgati, vere acri & ex omni aromate quasi composito sapore præditi, qui acrimonia piper, odore & fragrantia nucistam superet, vel auctore *Hermanno*, ex caryophyllis, cochlearia & cinamomo quasi permistus & congregatus sit. Hinc est, quamobrem *Marxius* prædictum costum bonum, quodque aroma in se continere solum scribat in *Musf.* suo *Germanico*.

## §. 9.

Ratione qualitatatum in multis cum cinamomo convenit, quanquam tantum in se non habeat olei. Interea multo majorem valdeque penetrantem acrimoniam habet, ac propterea antiscorbuticis annumeratur, ipsique cortici Winterano, ubi deficit, potest substitui. Cæterum, aromatum ritu, stomachum, caput ac nervos confortat, in apoplexia præsertim, in qua præstans est medicina. In passionibus quoque colicis ac hysteriis proficit, in primis recenti theriaca castoreoque permistus. Isto manso quidam Medici à morbis contagiosis se defendunt.

## §. 10.

Ejus pulvis, essentia, electuarium, & dest. s. & comp. pilulæ & quæ porro evinde præparari possunt, in iisdem casibus usurpantur, quæ partim in *Schrædero*, partim in *Ettmülleri Comment.* pag. 554. inveniuntur.

## CAPUT IV.

## DE

## CHINA CHINÆ.

## §. 1.

CHINA CHINÆ, s. KINKINA, amarus & adstringens arboris cujusdam cortex est, foris ex cano flavens & paulum muscosus, intus cinamomum referens: idque nominis obtrinet, non quod in China crescat, dum non ex Orientali, sed Occidentali India affertur, sed quoniam Comitibus del Cinchon, in Regno Peru Vice-Regis, uxor ista mediante febre levata, primumque in Europa coepit innotescere. Qui cortex, quod Anno 1650. à Cardinale de Lugo, Ordinis Jesuitarum, primum in Europam delatus est, ejusque pulvis à P. P. Soc. Jesu ad febrem in peculiari *Tract.* fuit commendatus, pulvis

Jesuiticus vocabatur. Latine rectius CORTEX PERUVIANUS & cortex febrifugus (*Peruvianische Fieber-Rinde*) vocatur, ejus usu quod febris quartana abigatur, *Ammannus* in peculiari *Tr. Antiquarium Peruvianum* nominat.

## §. 2.

Arbori, de qua cortex deglubitur, Gannaperide nomen est, inque America crescit, præsertim in Regno Peru, in Quitto Provincia, in vicinia urbis Loxæ, & quidem in montibus. Magnitudine fere cerasum æquat, rotunda folia profert, instar pruni, simul tamen fibrosa, una cum longo rotundo flore, more florum balaustrorum.



stiorum. Quem nūm fructus aliquis sequatur, diversæ Doctorum sunt opiniones. Multi hanc arborem sterilibus volunt annumerari, quam præter florem credunt proferre nihil. *Pometus* Materialista contra affirmat se ex certo aliquo Doctore Medicinæ, qui sæpius in India Occidentali fuerit, audivisse, ejusmodi arborem aliquem omnino progenerare fructum, in quo amygdalum, tenui putamine obductum, sit reperiundum. Quicquid sit, celebris tamen valdeq; utilis cortex omne rependit, cujus intuitu quidam hanc arborem Arborem Vitæ solent vocare. Ejus lignum Hispani Palo de Calenturas (*Fieber-Holtz*) nominant, quali etiam nomine ipsum corticem insigniunt.

## §. 3.

Indi corticem ita sortiuntur, ut circa radicem montium, aut in vallibus, crescentem, pro vilissimo, in cacumine montium provenientem pro mediocri, è montium medio progerminantem pro optimo habeant. Prior siquidem nimium nutrimenti & humiditatis assumpt, ac propterea crassior evasit, intusque pallidior apparet. Medius parum habet nutrimenti, proptereaque multo est tenerior, colore etiam saturatior. Ultimus est optimus, quippe qui nec minimum, nec nimium attraxit humiditatis, eamque etiam ob causam amarissimus & maxime fuscus, simul tamen omnium rarissimus existit, vid. *Pometus* in *Histoire des Drogues* pag. 133.

## §. 4.

Præter has tres sortes alia adhuc apud quosdam Materialistas invenitur species, CHINA SPURIA (*Bastard-China*) vocata, extrinsecus incana, scabra & muscosa, intus nigra, quæ vel ex aliis corticibus, aloë cum infectis, tum amaris redditis, constat, quem dolum quidam Pharmacopola Romæ detexit: vel antiqua corruptaque China china est, propterea multo vilior, viribus vero longe inferior, quam vera & genuina. Ne quis igitur tam facile circumveniat, observandum verum corticem Peruvianum durum esse oportere, ponderosumque ac siccum, nec aqua corruptum aut aliis impuritatibus permixtum, quemadmodum ea interdum frustra apparent, quæ inferius in fasciculis sive sarcinis inveniuntur. Foris instar corii granulati Indorum, Segrein dicti, appareat, subfuscas & albicantes musci maculas sparsim habeat, intus non prorsus rubra, corruptæ modo, sed instar canellæ rubicunda sit: qui tamen color, extrinsecus existens, illum non commendat, ab aliis licet rerum imperitis præ aliis æstimatus. Parva etiam finaque frustula sunt optima, facile quidem friabilia, nullam tamen farinam aut pulverem deponentia, nec intus fibrosa. Veri sapor amarus est & subaromaticus: Odor fragrans, sed tamen quasi submucidus, nec vero adversus: quem odorem clarissimus Anglorum Medicus,

*D. Morton*, certum putat esse veræ Chinæ indicium. Si forte aliqua aloë infecta frusta fuerint permixta, ista ex nauseoso amore tenaci-que visciditate, quam in ore post se relinquunt, facile dignosces. Cassiam caryophyllatam vero pro genuina China chinæ non posse haberi jamdum *D. Hoffmannus* in *Comm. Schræd.* p. 443. ostendit.

## §. 5.

Quod vires hujus corticis attinet, solus fere hucusque ad omnes febres intermittentes, præsertim quartanam, fuit usurpatus, nisi quod quidam Societatis Cæsareæ Germaniæ haud ita pridem observarint istius non minus, quam aliorum amarorum, usu lumbricos necari & expelli, quæ de re vid. *Miscell. Cur. Dec. II. A. VII.* Hodie nonnulli, utpote *Hermannus & Apinus*, in febribus continuis & petechialibus eò utuntur, plus tamen præstat opis, si febris periodica fuerit permixta. Admirandum verò tam excellens medicamentum, simulac inventum est, à quibusdam, nescio qua suspicione, in odium adductum, ut fere XXX. imo XL. annorum spatio in contemptum venerit, donec tandem *Talbotius*, Anglus, istud à contemptu vindicavit, postquam Delphinum Parisiis isto mediante à febre liberavit, magnoque pretio redimi à Rege passus fuit, de quo in *Polychrestis nostr. Exot. Disp. de China* China fusius egimus. Præcipuum mysterium consistit in methodo, qua assumi usurparique debeat: quam jussu Ludovici XIV. Galliarum Regis evulgatam, postmodum è Gallico in Italicum Latinumque sermonem versam, imprimendo repetierunt.

## §. 6.

Variâ hic cortex formâ usurpatur, dum ejus pulvis vel vino infunditur, cum isto simul assumendus, sicut prædicto *Talbotio* in more positum erat: vel syrupo, melli aut conservæ rosarum additur, ad constituendum aliquod electuarium. Exinde quoque pilulæ possunt formari, quæ si non arrideant, tincturam, essentiam & extractum inde præparare integrum erit, de quibus lege, sis, *Thom. Barthol. Cent. V. Hist. 50.* Aliquot etiam abhinc annis observatum est, in delicatis quibusdam tenerioribusque hominibus, qui medicinam assumere nequeant aut nolint, Chinam Chinæ clysteribus additam febres perfecte curasse: id quod junior *Dn. Helvetius*, Practicus Parisiensis celebris, in peculiari *Tr.* haud ita pridem detexit, & cum eruditis communicavit. Clysteres verò sæpius iterandi, cortexque non parce addendus, voti si velimus fieri compotes. Quod in usu ejus interno probe quoque observandum, sedata licet febre, usum medicamenti aliquamdiu continuandum, vel brevî post repetendum, quo ipso præstamus, ne febris de integro redeat, quam sæpe post curam scimus fieri recidivam. Pauperibus simili modo radix Gentianæ, Europæorum Kinkinna dicta,



commendatur, ut *Pometus l. c. pag. 74.* mement.

## §. 7.

Tandem aliis recentissimæ CHINÆ CHINÆ EUROPÆÆ mentionem hîc facere liceat, quæ tamen ARTIFICIALIS magis, quam naturalis esse videtur, cujus hoc ipso, quô in edendo libro hoc occupatus sum, tempore me participem fecit Archiater Campidonensis, Dn. *D. Otto Philippus Praunius.* in Lit. die 20. Nov. ad me datis, cujus verba sunt seqq. Æstate præterita febres tertianæ præter consuetudinem hîc grassatæ sunt, contra quas Chymicus, in vicinis montibus habitans, novam CHINAM CHINÆ (quam vocat) EUROPÆAM mihi communicavit, καὶω purgando agentem, utut maxima

pars febricitantium quoque αὖω purgetur. Dosis est ʒj. ad gr. XXV. in adultis, in robustioribus à gr. XXVI. ad 28. in robustissimis ad ʒʒ. adscendendo. Datur 2. hor. circiter ante paroxysmum, in ∇. vel brodio. Si dosis legitima fuerit, febris statim emanet. Sin minus, dosis eadem una saltem vice repetitur. Blandissimè operatur, superne & inferne. Sub ejus usu à cerevisia abstineat æger, ut sub usu Chinæ Chinæ, & vomituriens abdomini incumbat. Repetitæ doses etiam Quartanam curant. Pulvis de cætero est fusci coloris, instar Chinæ Chinæ. Unde autem paretur, nondum constat. Venditur ʒj. duobus florenis, libra autem pond. civ. XXVI. flor. Hactenus amicus ante laudatus.

## CAPUT V.

DE

## SUBERE.

## §. 1.

SUBER, *Korck*, (ferè unicuique notum,) nihil aliud est, quàm exterior cortex exoticæ cujusdam arboris, in Hispaniâ & quibusdam Galliæ provinciis copiosè reperiundæ, unde in magnis frustis tabulisque affertur.

## §. 2.

Suber (*Korck* - s. *Pantoffel-Baum*,) crassitie ac magnitudine quercubus nostris parum cedens, duplex est, unum lata & circumcirca crenata folia habens, suber latifolium vocatum: alterum angustis minusque crenatis foliis præditum, quod suber angustifolium audit. Bina glandes proferunt, quæ in angustifolio sunt minores, valdeque crasso circumdata cortice sunt, quem *Matthiolus* ulnam vidit æquare, qui sine ullo arboris damno deglubitur, alias in regiones transvehendus, vid. *Theod. Tabernæmontanus Part. 3. Herbar. pag. 695.*

## §. 3.

Incolæ, suber collecturi, corticem secundum totam arboris longitudinem diffidunt, istumque deglubunt, & ad certam altitudinem in certis emissariis huic rei adaptatis sibi imponunt, additoque lapidibus pondere cortices aliquamdiu sinunt jacere. Hinc exemptos tribus aliis fossis successivè imponunt, quos deinde siccatos in sarcinis aliorum mittunt dividendos.

## §. 4.

Sciendum vero duplex esse suber, album & Gallicum (*vveisser Korck*,) atque nigrum seu Hispanicum (*schvartzer Korck*,) quod propterea foris creditur nigrescere, quoniam aqua marina maceratur. Prius in pulchris tabulis esse oportet, nodis tuberibusque destitutum, foris intusque ex cano flavum, incisum, solidum & æquale apparens. Alterum extrinsecus nigricans, acsi adustum sit, appareat, intus solidum sed tamen leve sit. Quò crassius est, eo censetur melius, tenue enim parum æstimatur.

## §. 5.

Quod ad usum suberis attinet, in Medicinâ rarò vel nunquam usurpatur, præterquam quod quidam vulgaris, aut usui suberis, pulverem ad hæmorrhagiam nimiam interne commendunt. Externe vero adustum suber, cum saccharo recentique butyro mistum, hæmorrhoides creditur sedare. Mulieres etiam infantes ab uberibus depellentes de collo suspendunt, quo lactis copiam imminuant. Cæterum sutoribus, piscatoribus aliisque opificibus inservit. Pharmacopolæ isto mediante vitra obturant & muniunt. Hispani ustione suber in colorem prorsus nigrum valdeque levem redigunt, instar atramenti tectorii, quem Galli

## NOIR D'ESPAGNE

vocant: diversis artibus & laboribus inservit. Vere niger levisque sit, minime arenosus, vid. *Pomet. Hist. Gen. des Drogues pag. 137.*



## CAPUT VI.

DE

## AGALLOCHO SEU LIGNO ALOES.

## §. 1.

**A** GALLOCHUM s. LIGNUM ALOES (*Paradies-Holtz*) ex certis lignosis fragmentis arboris cujusdam Sinensis, vel de sententiâ *Hermanni in Msc.* radicis arboris *Calambac* vel *Kissinà* vocatæ. Hæc fragmenta solida, durâ ponderosaque ac resinosa sunt, magnitudine varia, spadicea, nigris resinosisque striis, saporis acris, aromatici, amari aloëtici, unde nomen habet, accensa, odoris valde fragrantis. Hoc lignum aliàs etiam *Creutz- & Augen Holtz* vocatur.

## §. 2.

Num verò ista fragmenta, quibus in officinis id inditum nominis est, verum ac genuinum lignum aloës sint, & num hoc apud nos minus adulteratum haberi queat, quidam vehementer dubitant, partim quod in paradiso, aut certè in altissimis desertis locis, ob crudeles leones, tigrides, pantherasque invisi, perhibetur crescere: partim quod in India Orientali multò, quam apud nos, carius est, & sub vitæ jactura cautum, ne evehatur, id quod *D. Velschius in Misc. Acad. Germ. Cur. Dec. I. A. 1. pag. 293.* testatur, ac *Dn. Rumphius ex India ad Dn. D. Menzelium ibid. Dec. 2. Annot. 3. Obs. 22. pag. 74.* transcripsit; quod tamen facile solvitur dubium, postquam compertum est hanc ipsam arborem, olivæ alias haud dissimilem, rubrumque fructum, instar ceraforum, proferentem, triplex caudice ac radice habere lignum: Unum, quod immediate sub cortice apparet, prorsus nigrum, solidum ac valde ponderosum, nigrum ebeni lignum æmulatur, ob quem colorem Lusitanis etiam *Pao d'Aquila, Adler-Holtz*, vocatur. Alterum paulò est levius, multis venis ornatum, instar corrupti ustique ligni appatens, colore fuscum, aliàs lignum de *Calambouc* s. lignum aloës rubrum dictum. Tertium medius nucleus est, sive lignum pretiosum de *Tambac* s. *Calambac*. Horum prius interdum sub nomine *Asphalati* reperitur, ut capite sequenti dicetur. Alterum *Agallochum* nostrum est, sive *Xylaloës*. Tertium verò usque eò rarum est, ut auro æquiparetur, ac nusquam, nisi apud Magnates reperitur, quibus ab Indiæ Orientalis Regibus tanquam insigne munus mittitur; quemadmodum Legati Regis Siam (meo tempore ante XXVI. annos Parisios venientes) inter alia dona Galliarum Regi magnum malluvium (*Lavoir* vulgò) ex ejusmodi ligno, cum cantharo ex isto ipso quoque constante ac inspergendæ aquæ aptato, (quæ omnia modo Sinensibus solenni confecta erant,) obrulerunt, ex quibus postea *Pometus*

arboris naturam exploravit, ut in ejus *Histoire Gen. des Drogues Lib. 3. cap. 1. pag. 104.* videre est. Curiosissimus *Dn. Kämpferus in Amœnit. Exot. Fasc. V. p. 904.* refert se furculum arboris ex Aula Siamensi obtentum in Japonia plantasse, cujus folia (ibi depicta) conveniunt cum *Figurâ* capiti huic in *Mus. G.* præfixa. Narrarunt illi Sinenses arborem nonnisi per vetustatem acquirere fragrantem odorem, residentem in succo resinoso, qui putrescente arbore interiores quasdam ligni partes occupet: cujus fragmenta auro contra cara sint, singulari *Calamba* vel *Calambac* donata nomine, cum fragmenta cetera nomine ipsius arboris appellantur *Kissinà*: Vid. plura *c. l.*

## §. 3.

*Calambocum* igitur, s. medium, ad medendum satis bonum sit, quod sapor amarus probat, præsertim si aliquamdiu in ore teneatur, color nigricans cano paulum permixtus, & venarum copia. Non cariosum sit, sed probe resinofum; ubi tamen videndum, num resina studio indita, aut aliud forte lignum, cui Sinenses aliqua maceratione veri agallochi odorem saporemque conciliare norunt, sit permixtum. Vid. *Miscell. Acad. Germ. Cur. Dec. 2. Annot. 3. Obs. 22.* Super igne non statim urat, citius verò aliquibus in locis fluat, ac gummi faciat emanare, odorem etiam fragrantem, ambram imitantem, spiret, cujus attractus fumus attrahentis os aqua faciat repleri. Non minus ponderosum sit, ut, sive vino sive aquæ immittatur, fundum petat. Quando vero lignum aloës jam ante coctum, vique optima privatum est, valde leve evadit, innatat, caloreque est lucidius, vid. *Schurtzii, Marxii* aliorumque *Materialium Musea*. Omne igitur lignum quicquid prædictis qualitatibus destituitur, & tamen pro isto divenditur, est abjiciendum & neutiquam assumendum. vid. *Pometus l. c.*

## §. 4.

Pro diversitate qualitatum, & prout lignum aloës in magnis frustis, aut saltem minoribus fragmentis venit, distinctas Materialistæ constituunt sortes, finum lignum, medium & fragmenta, ut ex istorum catalogis apparet. Finum bis carius est medio, fragmenta vero multo viliora sunt, vid. *Pharmacopolarum Taxationes*.

## §. 5.

Quod ad ligni hujus attinet usum, vi sua aromatica in lipothymia similibusque morbis



spiritus vitales confortat, quanquam recens arboris succus venenosus habeatur, ut *Act. Angl. Vol. I. pag. 724.* docent. Stomachum quoque, imprimis senio confectorum, instar ambræ roborat, quibus non minus memoriam restituit, vid. *Ettmüllerus in Comm. Schræd. p. 566.* Quam ob causam species Diaxyloës, cucuphas plerumque ingredientes, in ejusmodi morbis proficiunt, de quibus *Zwelferus in Diss. Aug.* agit. Extractum & essentia in *Schrædero* ejusque Interpretis *D. Hoffmanni Clavi* habentur. Libra una

ligni aloës resinæ uncias duas, plus minusve, suppeditat, prout nunc magis nunc minus resinosum est, ut *Vielheurius in Descript. Mater. Exot. pag. 71.* observavit. Externè pulveres fumales ingreditur, eumque in finem ab Indiæ sacerdotibus coëmitur, qui istud cum humanis cadaveribus comburunt, quo demortuorum animas præsumtis Diis suis eo præstent faciantque accipiores. Plura, sîs, vid. in *Diss. Inaugurali de Agallocho* à *D. Reinbôth*, sub præsidio *Dn. Prof. Eyselii*, Erfurti 1712. ventilata.

## CAPUT VII.

DE

## ASPHALATO ET LIGNO RHODINO.

## §. 1.

**L**IGNUM ASPHALATI (*Rhodifer-Dorn*) ligneum & ex multis venis quasi contortum fragmentum est interioris radice, quam diversi colores quibusdam in locis rubicundam reddunt. Aliàs instar buxi apparet, similiterque dura, ponderosa & unctiosa radix est, crasso canoque cortice cincta, qui tamen raro adhærere permittitur. Sapore subamaro & oleoso pollet. Vid. *Sam. Daleus in Pharmacol. p. 467.*

## §. 2.

Arbor multo ignotior est quam Agallochi, ac propterea sæpius cum Ligno Rhodino, quod fere refert, confunditur, præsertim cum in Insula Rhodo quoque perhibeatur crescere. Alii in Syria & Ægypto crescere existimant, vid. *Marxii Mater. Mus. pag. 22.* *Alpinus* fruticem esse affirmat, crebrioribus ramis & albis spinis ornatum, tres ulnas longum, elegantes & fragranter flores proferentem, quemadmodum ex ipsius libro de *Plant. Ægypt. in Appendice Pharm. Schræderi pag. 2.* describitur.

## §. 3.

Nonnunquam etiam prorsus nigrum valdeque ponderosum lignum, sub nomine asphalati, apud Materialistas reperitur, cujus frustum mihi oblatum est, quale *Pometus in Histoire des Drogues pag. 105.* verum lignum aquilæ esse existimat, de quo capite præcedenti egimus.

## §. 4.

Vires fere easdem habet cum agallocho, quocum etiam sæpius adulteratur: quanquam in eo dignoscatur, quod lignum asphalati nullam in se resinam contineat, ut lignum aloës, sed tamen longe facilius urat. Ad Trochiscos Hedyctoi potissimum requiritur, sub quibus etiam sumitur ad theriacam, de quibus in appendice cit. *Schræderi* agitur fusius. *Charasius* ejusmodi trochiscis agallochum addi posse exi-

stimat, quando verum asphalatum deficit, vid. *Tract. ejus de Theriac. Incred. pag. 65.* In regionibus exteris vasa, mensæ ac sellæ exinde conficiuntur.

## §. 5.

Cum isto multum convenit

## LIGNUM RHODINUM

(*Rosen-Holz.*)

quod potius lignosa arboris seu fruticis cujusdam radix est, sed tamen ligni adinstar dura, solida oleique plena. Exteriore margine albi, in medio ex obscuro flavi coloris est, saporis amari, odoris fragrantissimi rosasque imitantis. Ex India Orientali venit, imprimis Regno Sina; quanquam etiam in Rhodo Cypæroque Insulis, à quibus etiam nomen habet, perhibeatur crescere.

## §. 6.

A quò verò vegetabili lignum Rhodinum oriatur, nondum adeò certum est, dum hodierni expertissimique Botanici in eo non conveniunt. De sententia *D. Hermannii* Cytisi Canariensis lignosa creditur esse radix, cui tamen *D. Ammannus* vel propterea contradicit, quod cytisus nullum oleum seu resinam, tanquam lignum Rhodinum, suppeditat. Alii istud ab arbore quadam, castanæ quodammodo simili, derivant, ut *Pometus in Histoire des Drogues pag. 105.* ex *P. du Terre Itinerario* in Fig. æneâ sistit contemplandum. A *Plukeneto* contra Arbor Lucens vocatur, aliterque in pereleganti ejus *Phytographia Tab. CCl. fig. 3.* delineatur. Tempus igitur aliquando dabit certitudinem.

## §. 7.

Maxima frustra sunt optima, modo adhuc recentia, ponderosa & obscure flaventia sint, rosas bene redolentia, glabra etiam minusque intorta apparentia.

## §. 8. Vim



## §. 8.

Vim adstringendi ei volunt adscribi, ob nimiam vero caritatem raro usurpatur, nisi quod nonnulli in nephritide exinde decoctum præparent. Externe plerumque ad pulverem pro crinibus, & suffumigia fumitur, sicut etiam Chirurgi ejus rasuram in aqua coquunt, qua ad tondendam Magnatum barbam utuntur. Sunt, qui isto mediante aquam rosarum imitantur, quam eo minoris possunt divendere secundum *Pometum l. c.*

## §. 9.

Batavi album fragransque oleum exinde proliciunt, sub nomine OLEI LIGNI RHOD-

DINI ad nos transferendum, quanquam etiam hic loci posset destillari: quoniam libra una ligni unciam unam olei dimittit, *Vielheurius* ita supputante. *Glauberus pag. 34. Part. 1. Op.* cum spiritu vini plus exinde cogi posse olei docet. Hoc oleum principio instar olei olivarum tenue est, temporis tamen successu crassescit & obscure rubrum evadit. Iis, qui fumigando odoris fragrantiam conciliant, unguentisque grato odore imbuendis inservit. Notabile est, quando *Ludovici pag. 707. Pharmac.* ligni hujus mediante saccharo instituere fermentationem docet, quo spiritus per ferment. ex eo destilletur.

## CAPUT VIII.

## DE

## LIGNO GUAJACO.

## §. 1.

**GUAJACUM** Officinarum (*Frantzosen-Holtz*) valde durum, solidum ac ponderosum lignum est, extrinsecus ex albo flavum; instar buxi, secundum medullam obscure fuscum & resinofum apparens, sapore acriter amaro odoreque aromatico præditum. In magnis longisque frustis, 400. vel 500. librarum pondere, affertur ex India per Venetias, ac vulgo etiam LIGNUM SANCTUM appellatur, quod multi, utpote *Schæderus* ejusque Interpretes *D. Hoffmannus* & *D. Ettmüllerus*, unum esse lignum existimant. Enimvero hodierni Botanici Guajacum & lignum sanctum à distinctis arborum speciebus proficisci testantur, ut *Terrentius* jamdum in *Notis ad Hernandezium pag. 63.* ostendit, ac infra pluribus commemorabimus.

## §. 2.

Arbor copiosissime in Novâ Hispaniâ, in Insula S. Domingo crescit, magnitudine juglandis, elegantibus crassis ac rotundis foliis, in ramis è regione positis, ut ex fig. *Plukenetii Tab. XXXV.* apparet, quæ venas formamque multo elegantius, quam *Pometi* figura, exhibet. Profert flores coronatos, pallide flaventes, ac longis petiolis propendentes, & siliquam tanquam bursa pastoris, in qua ibidem delineatus nucleus reperitur, à *Terrentio* memorato *l. c.* seorsim oculis subjectus, duobus sibi impositis lupinis similis.

## §. 3.

Optimum est, quod à mediâ ætatis arbore oritur, quippe quam censent efficacissimam; dum juniores adhuc imperfectæ, Veteres vero debiles viribusque destitutæ sunt. Media ætas in ramis dignoscitur; mediocres enim sunt optimi. In emtione etiam videndum, ut æquale sit, minime nodosum. Quo plus habet ni-

gricantis nuclei s. medullæ, eo est melius, quippe cui plus inest resinæ. Tenuia frusta citius crebriusque venduntur; ii igitur quorum non adeo ampla est mercatura, frusta magna in parva incidant. Habetur etiam rasum, Rasura ligni sancti dictum; qui vero effectum sperat exoptatum, ipsi sibi radi lignum curet, quod vulgaris rasura à tornionibus, seriniariis similibusque opificibus emta, multis aliis fragmentis quisquiliisque sæpe fit referta. Multi lignum aqua probant, cujus etiam minima frusta, ob pondus suum, fundum petunt, omni alio ligno aquæ innatante. vid. *Terrentius l. c. Marxius* & alii.

## §. 4.

Ufus ligni fere unicuique vel ex solò nomine innotescit, in curando morbo Gallico celebris. Hispanus quidam, cui *Consalvo* nomen erat, hoc remedium primus invenisse, istoque plus quam trecenties mille florenos liberis suis acquisivisse dicitur, teste *Vielheurius* in *Descriptione Mater. Exot. pag. 109.* cujus inventiendi occasionem describit *Hoffmannus* in *Clav. Schæd. pag. 473.* Sudorem urinamque potenter promovet, quem ob finem etiam postmodum multis in aliis morbis, arthritide, catarrhis, hydropse, scabie ac similibus ad purificandum sanguinem fuit usurpatum. Plerumque aqua maceratur, posteaque ad medietatem aut tertiæ partis remanentiam incoquitur: quod tamen decoctum æstivo tempore ultra diem tertium non durat, ut *Terrentius l. c.* monet. *Mayovvius* Anglus, in *Tract. de Nitro pag. 37.* ejusmodi decoctum à spiritu Æ agitari existimat, quod curiosum est, quippe alkaline istius vires ita possent demonstrari. Quod remanet, pro potu ordinario de integro coquitur, de quo lege, si *Sartorius* in *Frantzosen- Artz.* In officinis extractum inde præparatur, atque ex libra una ligni extracti



tracti 3v. methodo *Vielheuri* l.c. possunt acquiri. Alii spiritum oleumque ex eo destillant, quæ una cum *Ö* apud *Schræderum* pag. 77. reperies. Quæ Artifices varii, torniones, scrinarii &c. ex isto conficiant, nota sunt, atque huc non pertinent, nisi quod nonnulli confectos exinde globulos ad indurata corpora, seu impenetrabilitatem armorum, (*gegen die Festigkeit*) commendent, id quod suô locô volumus relictum.

## §. 5.

Porro etiam

## CORTEX LIGNI GUAJACI

apud Materialistas habetur, qui similiter valde durus, lignosus, resinosusque & quasi è multis laminellis compositus est. Foris canescit viridiusculis maculis aspersus, intus verò subpallidus & rubicundus est, sapore acri & amaro, odore fragrante. Arbori adhuc recenti tam firmiter adhæret, ut vix instrumentis ferreis possit deglubi, temporis vero successu libenter separatur, vid. *Terrentius* in *Notis ad Hernandezium* pag. 63. In omnibus supra memoratis affectibus usurpatur, cujus tamen minor dosis sit, quam ligni, cui plerumque additur, utpote multo efficacior, vid. *Ettmüllerum* l. c. quanquam *Daleus* aliam videtur opinionem amplexus in *Pharmacol.* pag. 448.

## §. 6.

Habetur quoque

## RESINA GUAJACI;

subnigrum, sed pellucidum ac friabile gummi, saporis acris & odoris fragrantis. In non spernendæ quantitatis massis affertur, apud nos vero quodammodo rarum est. Hoc gummi sudorem potenter ciet, ac præsertim ad gonorrhœam malignam commendatur, maxime si Luis Gallicæ est prodromus, quo in casu grana 6. vel 7. in aqua plantaginis possunt dari. Ad ipsam quoque scabiem luemque &eam proficit, vid. *Ettmüllerus* in *Comm. Schræd.* p. 579.

## §. 7.

Quod ad

## LIGNUM SANCTUM

attinet, viribus quidem cum priori convenit, in multis tamen ab isto distinguitur, dum multo flavior candidiorque est, quam Guajacum, nec

tam magnum habet meditullium, quod in ramis est nullum, in caule autem saltem exiguum, parum nigrescens & viridiusculum, cœruleo permistum, unde etiam Indis Hoaxacan dicitur. Sapor ejus acrior est quam Guajaci, cui propterea ab incolis præfertur.

## §. 8.

Arbor Guajaco fere similis, sed tamen minor est, instar populi, caudice ramisque spinosis. Minora habet folia, petiolis secundum longitudinem utrinque posita, flores proferens colore saporeque vincæ pervincæ similes, ut ex *Hernandezii* delineatione apparet, cujus tamen folia multo elegantius à *Plukeneto* Anglo Tab. XCV. sunt delineata.

## §. 9.

Ratione qualitatum non priores solum morbos curat, sed alios quoque depellit, ad quos levandos Guajacum minime valet. Valde enim penetrans est, ut ex ipso decocto judicatur, quod sapore acrius est, odore fortius, ac colore magis flavens. Ob vires, quibus pollet, Lignum Sanctum vocatur, quanquam nec nimium nec immodice sumendum, vid. *Terrentius* l.c. Sunt qui peculiare libros de isto scripserunt, quorum nomina in *Lindenii* & *Lipenii Bibliothecis* reperiuntur.

## §. 10.

Tandem Materialista *Pometus*

## GUAJACI SPURII

meminit, quod Guajac de France vocat in *Histoire des Drogues* p. 115. nihilque aliud esse existimat quam buxi lignum, ex Hispania & Campania ut plurimum advectum. Hoc mediante quidam Galliæ Chirurgi luem veneream æque atque cum Guajaco sumere curandam perhibentur. Id quod inde videtur oriri, quod sine dubio rasuræ ligni sancti, quam, ut dictum, à tornionibus emunt, buxi, quem sæpe ad labores suos insumunt, fragmenta ac frustula sunt permista. Quanquam verò buxus non in omnibus Guajaco præstantia virium accedat, non tamen prorsus meretur rejici, præsertim cum buxi oleum præstans ad odontalgiam remedium sit, ad quam etiam ligni guajaci oleum à *D. Ettmüllero* aliisque commendatur.

## CAPUT IX.

DE

## LIGNO SASSAFRAS.

## §. I.

**L**IGNUM SASSAFRAS. (*Fenchel-Holtz*) prout hodie in officinis habetur, Indicæ cujusdam arboris, Sassafras dictæ, radix est, ha-

bens mediocrem corticem, foris cinereum, intus fuscum ferrugineum, sub quo levis, porosa, lignosaque substantia continetur, immediate sub cortice cana, in medio autem rubicunde albicans



bicans apparens. Sapore pollet acri aromatico, sed simul dulci, (unde vulgo Lignum fœniculatum, h. e. Fenchel-Holtz vocatur) odore fragrante. Ex India Occidentali affertur, à nonnullis, sed temere, lignum Pavanum dictum, de quo agemus infra. Ut taceam, hoc lignum sassafras, ut supra dictum, esse radicem, non vero lignum ipsum, quippe quod multo solidius est ac ponderosius; id quod *D. Welschius* jam dudum in *Miscell. Acad. Germ. Cur. Dec. I. An. I. obs. 52.* ostendit.

## §. 2.

Quod ita dictum lignum ab arbore per-elegante proficiscitur, procerum, pulchrum glabrumque caudicem habente, quam in Florida ita perhibent luxuriare, ut integræ sylvæ ibidem reperiantur. Diversimode & describitur & delineatur. *Manardus* folium ad modum foliorum ficuum depingit, cujus figuram *Wormius* æque in Museo atque *Pometus* in *Histoire des Drogues* pag. 113. imitatur. *Hernandezius* contra, qui Indiæ Occidentalis germina sola, & quidem magna industria, descripsit, aliter istam exprimit. Omnium verò optime folia contemplanda sistit in icone, ex Herbario vivo desumpto, *Plukenetus*, Anglus, *Tab. 222. fig. 6.* qui aliàs in ejusmodi delineationibus valdè accuratus & elegans est.

## §. 3.

In emtione videndum, quo sassafras, unâ cum crasso rubicundoque & aspero cortice, acquiratur, tanquam optima totius arboris parte. Hæc siquidem sapore acri valdeque aromatico odore usque eo pollet, ut Hispani, cum primum ad Insulam Floridam appellerent, duorum milliarium spatio istius odorem perceperint, ac canellam arborem esse principio existimaverint. Quæ opinio licet istos fefellerit, ex odore tamen non prætereundam esse arborem conjiciebant. Ad morbum Gallicum utebantur, quod cum feliciter eveniret, non spernendam istius copiam annuatim in Europam deferébant. Quemadmodum cor-

tex melior radice, ita radix melior ligno videbatur, quæ secundum *Schurzium* à Materialistis majoris æstimantur, si quando paryis frustis veniunt, & in findendo ex flavo albescere observantur, quoniam non melioribus solum viribus pollent, sed diutius etiam asservantur, id quod *Marxius* quoque in *Mater. Mus. pag. 185.* bene monuit. Quum sassafras adhuc pretiosum esset, impostores istud arte imitati sunt, lignumque abiegnum in juscule fœniculi decoctum pro isto venditarunt: quem dolum Gallicus Materialista *Pometus Histoire des Drogues Lib. 3. cap. 10. pag. 115.* detexit.

## §. 4.

Habetur etiam rasura ligni sassafras, quam semper oportet esse recentem, cum odore facile in auras abeunte non ita multum proficit. Observatum etiam eos, qui istud radunt vel incidunt, ex istius odore magnos percepisse dolores, quibus non minus post ejus usum observatis multum concitata de se spei perdidit.

## §. 5.

Quod ad usum ligni sassafras attinet, primum, ut supra memoratum, ad modum cæterorum Decoctorum ex lignis præparatorum, ad liem & eam fuit usurpatum, cujus semiuncia ℥ XII. aquæ per noctem infunditur, & ad tertiæ partis remanentiam incoquitur, id quod tamen in vase cooperto peragendum, ne vis optima avolet, ut *Joh. Terrentius, Lynceus*, in *Not. ad Hernandezii pag. 62.* bene monuit. Postmodum sassafras in aliis quoque morbis, utpote imbecillitate stomachi, colica, renum calculo & similibus bonum observatum fuit, quod primum *Hernandezius l. c.* & post eum *Neander* in *Sassafralogia* fusius ostendit. Præsertim vero in variis catarrhis valde commendatur, adeo, ut à *Brunnero in Consil.* Panacea catarrhorum vocetur, ac propterea etiam clariss. Saxo-ni Medicus *D. Michael* tincturam exinde confecerit, in istius scriptis reperiundam. Alii essentiam, oleum destillatum ac similia ex eo præparant, quæ lege, sis, in *Ettmülleri Comment. Schræd. pag. 655.*

## CAPUT X.

## DE

## LIGNO TAMARISCI.

## §. 1.

**L**IGNUM TAMARISCI (*Tamariskenholtz*) intus forisque album lignum est, saporis odorisque non adeo notabilis, flavente putamine, in quo maxima vis posita est, adhuc circumdatum, ab exteriori autem fuscoque putamine depurgatum. Ut plurimum è Languedoco Gallia, Provincia, venit, ubi co-

piose crescit; quanquam etiam juxta Rhenum fluvium, prope Argentoratum, & ultra Sueviam circa Lindavium dicitur inveniri, ut *Marxius* in *Mater. Mus. German. pag. 203.* commemorat.

## §. 2.

Tamariscus arbor raro viri crescendo superat magnitudinem, parvis angustisque foliis, sabinæ



fabinae five arbori vitæ haud multum dissimilibus ornatur, nigros, uvas æmulantes, fructus & corticem profert, multaque etiam semina lanugine tecta.

## §. 3.

Hoc lignum tanquam singulare aliquod remedium ad omnes splenis effectus commendatur, cujus obstructions aperire, stagnantemque nigrum sanguinem s. atram bilem creditur discutere. Quam ob causam pro ejusmodi agris doliola, pocula similiaque ex isto tornantur, quibus potum ordinarium infundant ac bibant. Alii etiam cochlearia aliaque utensilia pro istis conficiunt. Scabiei quoque, ictero nigro, ac similibus morbis proficit.

## §. 4.

Multi plus spei ponunt in

## CORTICIBUS TAMARISCI,

qui loco ligni multis in officinis reperiundi, partim de ligno, partim radice deglubuntur, vid. *Hoffmanni Clar. Schræd. pag. 558.* Hi cortices mediocriter crassitie sunt, extrinsecus ex cano fusci, intus rubicundi, sapore acri, subamaro & adstringente. Non in memoratis solum splenis morbis commendantur, sed urinam quoque & calculum cient, renes sanguinemque purificant, viribus cum fraxini corti-

cibus vehementer convenientes, qui propterea ad decocta aliasque formulas sæpe simul præscribuntur, ut apud *Ettmüllerum in Comment. Schræd. pag. 670.* videmus, qui hoc ipso libro pag. 655. hos cortices etiam ad catarrhos commendat, æque bonos habitos, atque lignum sassafras. Extrinsecus favo conducunt, vid. *Schræderus in Pharm. pag. 159.*

## §. 5.

Grana fructusque hujus arboris ab insectoribus loco gallarum usurpantur. Frondibus vero olim Ægypti Sacerdotes Jovis die se coronari passi sunt, istisque postea multa fecerunt superstitiosa, ut in *Hieron. Bockii Herbario* videmus.

## §. 6.

Non ex corticibus solum, sed ex ligno etiam, in officinis

## ◉ TAMARISCI

conficiunt, quod elegantibus siccisque crystal-  
lis, non minutim tritis constet, quod tamen ei facile accidit, teste *Pometo in Histoire des Drogues p. 113.* Similiter in morbis spleneticis usurpatur: ad quos sæpe etiam pilulæ spleneticæ, quibus plerumque aliquid tamarisci additum est, à multis præscribuntur.

## CAPUT XI.

## DE

## LIGNO NEPHRITICO.

## §. 1.

**L**IGNUM NEPHRITICUM (*Gries-Holtz*) pallide flavum, solidum, crassumque ac ponderosum lignum est, ab exteriori nigro cortice depurgatum, frustis, brachii sæpe crassitie, advectum, saporem habens acriusculum & subamarum. Ex America, imprimis ex Hispania Nova, venit, à nonnullis SANDALUM COERULEUM vocatum, quod aquam reddit coeruleam, ut infra videbimus.

## §. 2.

Frutex, unde oritur, in regione Mexicana crescens, non spernendæ est magnitudinis, glabrum crassumque habens caudicem instar pyri, & folia ciceris, sed non tam magna; flores progenerat flaventes & oblongos, auctore *Hernandezio*, istum in *Hist. rerum Med. Nov. Hisp. p. 119.* sub nomine COATLI describente. Ab hodiernis Botanicis fruticibus siliquosis annumeratur, vid. *Sam. Dalei Pharmacol. p. 465.*

## §. 3.

*Wormius in Mus. suo p. 171.* alius ligni nephritici, è Brasilia advehendi, viribusque cum

priori iisdem præditi, sed colore ab isto discrepantis, meminit. Et quoniam etiam *Pometus* in *Histoire des Drogues Lib. 3. c. 6. pag. 110.* recenset pro verò ligno nephritico interdum aliquam Ebeni speciem, Grenadille, aut simile divendi, emendi ligni aliquot frustula aquæ frigida imponenda, quæ post paucas horas evadet coerulea, si lignum nephriticum fuerit genuinum. Alia è contrario ligna aquam vel prorsus non tingunt, aut exiguam saltem flavedinem eidem communicant. Equidem *Simon Pauli* in *Quadrip. Bot. pag. 310.* eundem colorem à fraxino se vidisse scribit, proptereaque credit, lignum nephriticum istius esse speciem: ipse tamen confitetur, non fraxini lignum, sed interiorem istius corticem hanc largiri tincturam. Ubi etiam id notandum, vitrum cum infusione luci non esse obvertendum, sic enim aqua non coerulea, sed aurea apparebit. Nec quid acidi addendum, colorem coeruleum similiter immutantis; sicut pro diverso vitri situ, addendisque variis salibus tinctura hæc diversimode miroque lusu potest immutari: id quod non tantum *Clar. Angelus, Robert. à Boyle, in Tr. de Coloribus p. 203.* sed etiam *Dn. D. Camerarius, Prof. Tubingensis, in dua-*  
bus



bus *Disputationibus de Infuso Ligni nephritici*, omnia eleganter ac perspicuè ostenderunt.

## §. 4.

Lignum hoc ad calefaciendos condiendosque renes valet, ut ne in istis, nec in vesica, calculi generentur, aut, qui in istis concreti sunt, expellantur. Quem in finem ejus infusum usurpatur, dum aliquot frustula recenti aquæ infunduntur, donec cœrulea evadat, quæ ita bibenda

& aliquamdiu continuanda. Hunc ob scopum in *Miscell. Acad. Germ. Cur. Dec. I. Ann. 3. p. 74.* cum ~ ☉ exinde essentia extrahitur. *D. Cnefelius* lignum non aquæ simplici, sed succo betulæ infudit, cui etiam *Helmontius* plus adscribit virtutis. Cæterum *Hernandezius l.c.* gummi ex hoc ligno fluere recenset, quod inflammatis oculis medeatur, & excrecentem in istis carnem absumat.

## CAPUT XII.

## DE

## LIGNO LENTISCINO.

## §. 1.

**LIGNUM LENTISCINUM** (*Mastix-Holtz*) in officinis è nodosis ramulis constat, digitum crassis, intus albis, foris cinereo cortice tectis, odoris resinosi saporisque adstringentis. Recens acquiratur necesse est, quod facile evadit cariosum, quanquam ponderosum durumque sit. Sæpe cum visco corylino adulteratur, quamobrem sciendum, ramulos lentisci multo incomtiores crassioresque esse, quam viscum, vid. *Pometi Histoire des Drogues pag. III.*

## §. 2.

Arbor Lentiscus audit, atque in diversis Orientalibus regionibus, utpote Ægypto, India &c. crescit, omnium verò curiosissimè in Scio s. Chio Insula colitur, ibidemque in tantò habetur pretiò, ut qui bonam adhuc, nondum emeritam, arborem inciderit, manus amputatione multetur. In eò enim incolarum consistunt divitiæ, ut collectam exinde mastichen in mundi plagas transmittant, ex qua mercatura annuatim vices mille florenos acquirunt, ut *Eichovius in Itinerar. Germ. p. 95.* recenset. Quæ etiam causa erat, quamobrem in ultimo Turcico bello, quum Veneti occupassent istam Insulam, Turcæ non desisterent, quoad illam armis recuperassent. Cæterum non adeò altè crescendo assurgit arbor, folia habens myrtiformia; floret Martio & Aprili mensibus & nigras progenerat baccas, ex quibus Itali, qui istam quoque colunt, oleum æque atque ex baccis lauri exprimunt.

## §. 3.

Lignum interdum in decoctis ad diarrhœas, dysenterias & præsertim fluorem hepaticum dictum (quem facile hydrops excipit) usurpatur, pro quo, utpote raro caroque, *D. Ettmüllerus* mali cotoneæ lignum in *Comment. Schræd. pag. 593.* commendat, quod etiam in hæmorrhagiis & fluore albo mulierum præstet opem. In Anglia Galliaque ex eo fiunt den-

tiscalpia, quoniam valde durum & usque co-  
durabile est, ut Turcæ lancearum manubria  
exinde credantur conficere.

## §. 4.

Quò rarius verò in medicina lignum lentiscinum usurpatur, eo crebrius ejus gummi seu

## MASTICHE

præscribitur, quæ eleganter pellucidum, ex flavo albicans, & quasi in rotundas guttas concretum gummi est, saporis resinosi & adstringentis, odoris fragrantis. Ut plurimum ex Scio Insula venit, quanquam multum quoque ex India Orientali à Batavis & Lusitanis afferatur.

## §. 5.

Hoc gummi sponte sua tempestate calida è crassis ramis & caudice stillat, ut apud nos gummi è cerasis. Anni spatio incolæ caudicem duodecies incidunt, profluensque gummi, facta sub arbore eum in finem foveola, colligunt, ut ex figura apparet. Et quoniam præter optimam mastichen eleganter candidam, lucidam, claram, siccamque & guttatim destillantem, id quoque, quod adhæret, aut in locum depurgatum decidit, permiscetur, atque ita in sortitum, seu minus electum, ad nos venit, hoc à Materialistis MASTIX IN SORTIS, electa verò & pulchra grana MASTIX ELECTA s. in granis vocantur. Orientales plerumque ipsi sortiuntur, vilissimamque inferiorem dolii partem, mediocrem mediam faciunt occupare, optimam superius imponunt, nullam verò sortem seorsim divendunt, sed omnes simul, vid. *Pomet. Hist. des Drogues Libr. 3. c. 8. pag. 112.*

## §. 6.

Optima mastiche ex elegantibus, puris, lucidis & sonantibus granis constat, decenter magnis, facile friabilibus. Corticibus, quisquiliis, pulvere, lignoque ac fragmentis aliis



nigris destituatur, & odoris se commendet fragrantia. Quò candidior, eò melior. Equidem *Marxius*, *Schurtzius* alique Materialistæ rubræ cujusdam mastichis mentionem faciunt, alii secundum grana similis, quæ vero hîc locorum prorsus ignota est.

## §. 7.

Quod ad usum hujus mastiches attinet, siccat & mediocriter adstringit. Quamobrem interne laxum stomachum confortat, ejusque tonum vi sua adstringente roborat, & in omni vomitu, alvi & aliis fluxibus, præsertim infantum, usurpatur, sive duo aut quatuor grana integra deglutiantur, sive ejusdem pulvis sumatur.

Coquitur etiam in vino vel aqua, ipsumque jusculum bibitur. Destillata exinde Aqua Mastichina dicta & spiritus in iisdem affectibus conducunt, de quibus præter ceteros *D. Ettmüllerus* videatur. Manditur etiam mastiche ad odontalgiam, vacillantes dentes, catarrhos &c. quem in finem similiter emplastra ad tempora, suffumigia aliaque medicamenta exinde præparantur, quæ *Strobelbergerus* in *Mastichologia*, tanquam peculiari Tractatu, fusius descripta proponit. Pictores elegantem inde vernicem præparant, cujus descriptionem *Kunckelius Part. 2. artis vitrariæ pag. 26.* communicavit.

## CAPUT XIII.

## DE

## SANDALO ALBO, CITRINO ET RUBRO.

## §. I.

Quamvis eam nonnulli foveant opinionem, tria illa sandalorum genera ab una provenire arbore, colorumque differentiam diversis, in quibus crescunt, regionibus deberi, hodierni tamen Botanici, *Hermannus*, *Daleus* & alii ostendunt, in sandalum rubrum hanc non convenire præsumtionem, quippe cujus arbor ad aliud, & à prioribus duobus prorsus distinctum genus arborum siliquosarum pertineat, cum ligno Brasiliensi magis conveniens. Vid. *Daleus in Pharmac. p. 464.*

## §. 2.

Quod verò ad duo altera, album citrinumque sandala attinet, ab uno caudice arboris cujusdam Indiæ Orientalis, Sarcanda dictæ, proficiscuntur, quæ in Timora Insula totas sylvas replet. Fraxino perhibetur haud dissimilis, fructusque proferre instar ceraforum, rubros primum, postmodum vero maturitatem nactos nigrescentes, insipidos tamen inutilesque. Quæ arbor exteriore parte sub cortice album, in medio citrinum lignum habet, quorum illud SANDALUM, sive secundum alios originem respicientes, SANDALUM ALBUM, istud SANDALUM CITRINUM vocatur.

## §. 3.

## SANDALUM ALBUM

(*f. das vveisse Sandel-Holtz.*)

durum, ponderosum ac pallidum lignum est, ex Timora Insula in frustis à cortice liberis depurgatisque afferri solitum, quod bonæ notæ, sapore amariuscule & aromatico fragrantique odore, ut citrinum pollet, nisi quod carbonibus impositum tam fragrantem odorem,

nullumque gummi, ut citrinum, dimittat, ut *Marxius* in *Mater. Museo Germanico p. 152.* tradit. In finum & mediocre distinguitur, prout inveteratum & fragrans fuerit.

## §. 4.

## SANDALUM CITRINUM

(*f. gelbe Sandel-Holtz.*)

soliditate juxta viribusque album quodammodo præstat, flavum est, sapore subamaro & aromatico odoreque fragrantissimo præditum. Similiter in magnis frustis affertur, quorum ponderosiora tanquam optima eligenda. Observetur quoque ne sandalo spurio, quod ob odorem aliàs lignum citri (*Citronen-Holtz.*) dictum, sandalo citrino dicitur simile, permixtum & adulteratum sit, quippe quod ad medicinam ineptum, scrinariis saltem ac tornionibus inservit. Lavigatum cocum nucem politam refert; nonnulli etiam Jasmini lignum vocant, quippe cujus flores jasminum redolent. Fraus vero ex eo cognoscitur, quod verum sandalum, bono gratoque sapore & odore præditum, simul etiam resinosum est; lignum citrinum contra sapore forti citrinoque pollet, simulque oleosum apparet. Frusta quoque citri multo majora sunt quam sandali citrini, dum hæc plerumque pondus centenarium habent, illa vero mille libras æquant. Vid. *Pomet. in Histoire des Drogues Lib. III. c. IV. pag. 108.* Aliàs ratione bonitatis in finum & mediocre dividitur.

## §. 5.

## SANDALUM RUBRUM

(*f. rothe Sandel.*)

lignosum caudicis cujusdam meditullium est, valde durum, solidum & ponderosum, colore fulvo,



fulvo, sapore adstringente, odore nullo. A Batavis quoque Caliatum Lignum (*Caliatum-Holtz*) vocatur, de quo tamen magna inter *Rumphium* & *Herbertum de Jager* olim exortalis est, ut ex istorum Epistolis sibi mutuò missis, in *Appendice hujus Tract.* annexis, fusius potest videri. Quod lignum licet omnium minime respiciatur & vilissimum sit, maximè tamen plurimumque divenditur, quum 50. fere libræ rubri pulveratque sandali divenduntur ante, quam quis album vel citrinum desideret. Magnis longisque frustis ex *Tanaflarim Insula*, & quidem ab ea parte, cui *Coromandel* nomen est, advehitur, ejus magna copia *Hamburgi* pulveratur, *Norimbergæ* & alibi in molis contunditur, in Imperium aliasque Regiones divendendum, vid. *Schurtzii Mat. Mus.* p. 81.

## §. 6.

Materialistæ diversas habent species, seu, ut loquuntur, sortes, finum & vulgare. Optimum fissu durum est, nec facile in partes discedit, foris nigrescens, intus obscurè vel rubicundè sanguineum. Quo ipso à ligno *Corallino* (*Corallen-Holtz*), quo sandalum rubrum sæpius adulteratur, potest distingui; istud siquidem lucidiore s. flammeo colore præditum, leve simul & intus striatum est: rubrum contra sandalum ponderosum est, & ejusmodi filis seu longis striis destituitur, de quo iterum *Pometus loc. cit. cap. V. pag. 109.* pluribus legendus.

## §. 7.

Idem iste Materialista

## SANDALINI HOLOSERICI

(*Sandel-Zaffet*)

meminit, è *Constantinopoli* advehi soliti, quod nihil aliud sit, quam infectum cum pulverato sandalo rubro holosericum, cujus præ-

paratio in eò consistat, ut sandalum cum quibusdam acidis coquatur, ac holosericum postmodum immergatur; quod eo melius est, quo est rubicundius. Usus ejus est, ut in curatione oculorum pro holoserico viridi oculis obtendatur.

## §. 8.

Quod ad usum sandalorum attinet, in Medicina olim ad confortandum & refrigerandum hepar fuerunt commendata, ubi species diatrion sandalon laudabantur: quanquam istorum effectus in sanguine potius, cujus ebullitionem compescunt, quam in hepate observetur: cui tamen etiam, ut cæteris corporis partibus, existit salutaris. Alii Practici ista in phthisi commendant, iisque in morbis, in quibus lignorum decocta, quibus & hæc addi possunt, præscribuntur. Sandalum rubrum, ob vim suam subadstringentem, in fluxibus alvi similibusque præ aliis usurpandum; quemadmodum in catarrhis indeque ortis capitis affectibus nec sandalum citrinum in suffimigiis negligendum, cum quò album minime conferendum, propterea in Medicina raro usurpandum. Rubro quoque infectores utuntur, istoque aquæ vitæ conciliatur color: Tinctura item, emplastrum sandalinum rubrum aliaque in officinis exinde præparantur, de quibus vide *Joh. Placotomum* in *Discurso suo de Sandalis*, *Zwelferum*, *Schræderum*, ejusque Interpretes *D. Hoffmannum* & *D. Ettmüllerum* in *Commentariis*. Indos ex sandalo rubro idola sua componere ferunt, quo fiant præstantiora. Isti quoque alique populi, ibidem degentes, ex albo & citrino sandalo pulverisato pultem præparant, qua corpus ad refrigerandum inungunt, id quod ex *Linschotti Itinerario Pharmacopola Vielheurius pag. 151. Descript. Mater. Exot.* recenset.

## CAPUT XIV.

DE

## LIGNO CEDRI.

## §. 1.

LIGNUM CEDRI valde firmum fragransque lignum est, usque eo durable, ut corruptionis credatur expers. Ex India Orientali transfertur.

## §. 2.

Cedrus arbor, valde magna arbor est, proceritate omnes alias præstare credita, tamque crasso prædita caudice, quem quatuor virorum brachia non possunt complecti. Instar pyramidis in altitudinem crescit, ita ut inferiores rami singuli supra se positos sint majores. Folia habet piniformia, sed breviora,

nec adeo aculeata. Strobilos etiam profert instar abietis, sed paulo crassiores mollibusque squamis cinctos.

## §. 3.

Hoc lignum equidem in Medicina parum usurpatur, nisi quod istius fragmentis serpentes abigi dicuntur, teste *Ursino* in *Arboreto Biblico pag. 297.* Magnam tamen istius mercaturam agunt, dum ob duritiem suam ad artificiosa scriniariorum opera, testudines, citharas similiaque quaritur, ex quò etiam Ethnici sua idola finxisse, ejusque succo humana cadavera condidisse dicuntur.

Aa 2

§. 4. Tem-



## §. 4.

Tempestate calida ex istius caudice eleganter alba resina profluit,

## CEDRI RESINA,

aliis MANNA MASTICHINA dicta, vid. *Pometus* in *Histoire des Drogues* pag. 116. quod gummi etiam incisione arboris acquiritur. Ex flavo eleganter albicat, pellucet, odore fragrantissimo, seque facile conteri patitur. Per apud nos rara est, ac propterea minus usitata.

## §. 5.

Præter hanc proceram cedrum aliàs quoque cedrum Libani vocatam, alia adhuc species datur

OXICEDRUS (*Klein Cedern-Baum*)

dicta, multis ramis, tanquam alis, instructa, rubicundo ligno prædita, & cypressum redolens. Folia angusta & peracuta sunt, è quorum medio fructus exit baccis myrti similis, magnitudine nu-

cis avellanæ, rubicundus, odore fragrans, sapore dulcis, ac propterea ab incolis cum pane edi solitus.

## §. 6.

Ex qua arbore similiter clarum pellucidumque gummi fluit, quod rubra veraque SANDARACHA est, sed usque eo rara, ut in istius locum vulgare gummi juniperinum surrogare necesse habeamus.

## §. 7.

Ex ligno hujus arboris nigrum quoque oleum destillatur, quod rectificatum CEDRIA & in Gallia oleum de Cade vocatur. Similiter perrarum est, & hic loci prorsus incognitum, cui propterea alia ejusmodi resinosa substituantur, inprimis succus juniperi magni, sive oleum picis. Alias impetigini mederi, omnemque scabiem & exanthemata equorum, boum oviumque curare perhibent. vid. *Materialista Gallicus* supra citatus.

## CAPUT XV.

## DE

## LIGNO JUNIPERI.

## §. 1.

**L**IGNUM JUNIPERI albicans, firmum & fragrantissimum lignum est, à magna junipero, & interdum radix minoris. Hoc apud nos copiosè habetur: illud vero, una cum gummi juniperi, ex Suecia per Hamburgum & Angliam in alias regiones copiose transfertur.

## §. 2.

Juniperus unde proficiscitur, ut jam dictum, duplex est, major, eaque procera arbor, in regionibus Septentrionalibus ubertim proveniens: & minor, quæ potius frutex est, in omnibus fere Germaniæ sylvis reperiendus. In Italia perrara est, adeo ut Itali Germanis illam invident. Binæ rimosum laniatumque corticem habent, CORTICEM BUGIÆ quibusdam vocatum, extrinsecus cæsum, intus rubicundum, acutis & angustis foliis stipatum. Ubique notas baccas proferunt, principio virescentes, postmodum nigrescentes: quæ sanè in arbore multo majores sunt quam in frutice, ac propterea multo pulchriores è Norwegia veniunt, quam in Germania inveniuntur.

## §. 3.

Lignum calefacit ac vehementer exsiccat, sudorem urinamque pellit, eamque ob causam ad decocta lignorum in curanda lue Fœa, ab *Ettmüllero* in *Comment. Schræd.* pag. 591. valdè commendatum, in Guajaci & Sassafras locum surrogatur. Extrinsecus vulgus istud loco pulveris fumalis incendit, utpote gratum fragrantemque odorem suggerens. Pocula quo-

que & pyxides ad præservativa medicamenta aliaque ex eo conficiunt. Rustici ustione in fictilibus aquosum oleum inde proliciunt, externe non contemnendum, hocque *Theod. Tabernmontanus* Gallorum oleum de Cade esse existimat.

## §. 4.

A magnâ junipero cognitum juniperi gummi oritur, vulgo

## SANDARACHA

vocatum, tempestate calida vel sponte profluens, vel ex arboris vulneribus s. rimis prorumpens. Ad mastichen fere accedit, ex eleganter albis globulis constans, quam ab omni pulvere decet esse liberam, bona si haberi velit. Alias etiam sicca vernix, s. vernix vitraria vocatur, quoniam ex ista preparatur. Quoniam verò Græci auripigmentum quoque sandaracham vocant, ad istius differentiam hoc gummi sandaracha Arabum dicitur; quamquam *Simon Paulli* in *Quadrip. Botan.* pag. 536. fideliter moneat, ut semper gummi juniperi vocetur, ne errore quodam istius loco venenum s. auripigmentum detur. Usus ejus est, ut in suffimigiis ad catarrhos, nervorum, artuumque dolores adhibeatur. Bibliopegi ad glutinandam chartam, scriniarii ad vernicem utuntur, quam ex isto in oleo terebinthinæ solvendo præparant.

## §. 5.

## BACCÆ JUNIPERI

quam præstantes utilesque sint, unicuique innotescit, multi etiam Doctores, utpote *Michael Bapstius*,



*Bapstius, Beckerus & Scharffius*, in peculiaribus de *junipero* conscriptis libris, ostenderunt. Ut plurimum internè, ob vim suam balsamicam, ad renum & vesicæ calculum, cum præcavendum tum curandum, usurpantur. Colicam, stranguriam similiaque sedant. Externè vulgo ad fumigandum & alterandum aërem, grassante pestilentia aliisque temporibus, inserviunt.

## §. 6.

Ex istis præparatur 1. SPIRITUS (f. *Wacholder-Wasser*,) per fermentationem, quocum simul oleum juniperi dest. ascendit. 2. EXTRACTUM

f. ROB JUNIPERI, quod ex coctis baccis expressum in justam consistentiam coquitur, nonnullis Germanorum Theriaca vocatum. Quod cum propriò spiritu solutum 3. MALVATICUM JUNIPERI suppeditat, Lipsiæ ad calculum valde usitatum. 4. SAL JUNIPERI vel è siccatis baccis, sive expressi sint, sive non, vel etiam è ligno & frutice potest præparari. Quæ medicamenta ut plurimum omnia iisdem, imo penè majoribus, virtutibus pollent, quam baccæ ipsæ, qua de re supra laudatus *D. Scharffius* in *Curiosa Juniperi Descriptione* pluribus meretur legi.

## CAPUT XVI.

DE

## FERNAMBUCO, BRASILIO ET SAPANO LIGNO.

## §. 1.

**B**RASILIUM (f. *Brasilien-Holtz*) fulvum & partim ex flavo fuscum lignum est, satis durum, sapore dulci. E Brasilia per Lisbonam, Angliam Bataviamque venit, & vel in magnis frustis, vel rasum, affertur. Equidem Antillis Indiæ Occidentalis, simile ejusmodi rubrum lignum affertur: Brasiliense tamen Ulyssiponte advectum melius est.

## §. 2.

Arbor 10. vel 12. milliarium spatio à mari, in diversis Brasiliæ provinciis, crescit, & quidem non in plenis sylvis, sed sparsim inter alias arbores. Valde crassum habet caudicem, longos ramos, virentibus splendentibusque foliis plenos, qui rubros fragrantisque flores profert, & post istos folliculum cum duobus compressis granis. Equidem caudex hominis, sive viri, est crassitie, solum tamen interius meditullium, pedis fere crassitie, ad nos mittitur, quoniam Indi exteriorem valde crassum librum ac corticem, minus rubrum, sed cæsum, & ad tingendum ineptum separant.

## §. 3.

Loca verò diversa, in quibus hæc arbor crescit ac colitur, diversimode & lignum sortiuntur, & distinctis istud insigniunt nominibus. Primum optimumque est FERNAMBUCUM, à Brasiliæ oppido Fernambuco ita vocatum, majorisque præ aliis æstimatum, quippe cujus pondus centenarium 29. vel 30. florenis venditur, cæterorum vero æquale pondus vix XI. vel duodecim. Post hoc Brasiliium de Japon habetur, Anglis Batavisque Sapan lignum dictum, quod similiter duplex est, magnum & parvum. Sequitur Brasiliium de Lamon & Brasiliium S. Marthæ: quibus tandem Brasiliium Antillarum Insularum jungitur, quod vilissimum est, ut jam supra memoravi-

mus. Sæpius permiscetur & sub communi Brasili nomina venduntur.

## §. 4.

In coemtionem probe videndum, ne lignum aliquod aqua salsa jam extractum acquiratur, nec corruptum meditullium f. inveteratum lignum obtrudatur emendum. Fernambucum lignum elegantibus & mediocribus constet caudicibus, mansum rubicundum colorem saporemque dulcem prodat, atque sic à Brasilio de Lamon, multo majores habente caudices, distinguitur. Hoc ultimum aliàs etiam lignum omnium sanctorum (*Allerheiligen-Holtz*) vocatur, quoniam è regione omnium sanctorum dicta venit. Brasiliium Japonense plerumque subhumidum est, cætera contra siccitas commendat, qua illud ab his distinguitur. Multò etiam tutius integra Brasili frusta emuntur, quam rasa fragmenta, quoniam optima pessimis sæpe permiscetur, uti jam supra memoratum. Si quis verò & hæc velit emere, in proborum honestorumque virorum, quos fraudis scit osores, se insinuet mercataram. vid. *Pometius, Marxius* & alii in *Mater. Med.*

## §. 5.

Quod ad usum Brasiliorum attinet, in Medicina rarò vel nunquam usurpantur, quanquam viribus sandalo rubro parum putentur cedere, similiterque ad febres continuas morbosque alios calidos à *Sam. Daleo* in *Pharmacol. pag. 464.* commendentur. Maximam partem ad inficiendum usurpantur, quod (præ aliis vero Fernambucum) colorem eleganter rubrum conciliant. Cætera Brasiliæ ligna indigena, quæ flavum, cæruleum &c. dant colorem, suis quæque nominibus veniunt & distinguuntur. Alii mediantibus acidis menstruis è Brasilio tincturam, ex istoque haud secus atque è coccionellis Carminum præ-



parari, posse existimant. Laccam alii fluidam, ad picturam Miniatoriam, quam vocant, exinde conficiunt, cretamque rubram, Gallis ROSETTE dictam. Vid. *Pometus l. c. pag. 120.*

## §. 6.

Similem usum exspectare habemus è  
SCHAPPAN s. SAPANO LIGNO,  
in India Orientali a Sapano arbore oriundo. Hæc arbor potissimum in Siam crescit, ubi optimum dat colorem, atque in Insula Mauritiæ. Altitu-

dinem tilia atringit, folia habet, ut Arbor siliquosa Brasiliæ *Breyne cent. pag. 14.* sed paulò majora. Post florem prognerat siliquas spinosissimas longas, ejusque rami sunt spinosi, quam *Georgius Meisterus* (qui ejusmodi arborem in Batavia Novâ in Chinesium cœmeterio vidit) in *Ost-Indianischen Lust-Gärtner pag. 90.* descripsit. Ejus lignum instar Brasiliæ (cujus species est) in Germania ad tingendum usurpatur, nec adeo carum est, atque verum Fernambucum.

## CAPUT XVII.

DE

## CAMPESCHANO LIGNO.

## §. 1.

CAMPESCHANUM LIGNUM (*Campe-schen-Holtz*) lignum est Brasiliæ extrinsecus prorsus simile & apud nos vulgò *Blau-Holtz* vocatur, quoniam tingendo colorem dat cœruleum. Ex Americâ venit, ubi integræ sylvæ isto repletæ inveniuntur. Interius saltem medullium in Europam transportatur, postquam Americani corticem & lignum exterius, ut cum Brasiliæ solet, degluberunt. Alias simpliciter quoque lignum Indicum nominatur.

## §. 2.

Arbor secundum *Pometi* descriptionem crassum procerumque caudicem habet, tenui, lævi, argenteo & partim flavente cortice, superius elegantibus ramis præditum, longa, viridia, instar corii granulati, Indorum *Segrein* dicti, crispata, ferè lauriformia folia habentibus, quæ cum aromatica sint, saporeque caryophyllos imitentur, arborem quidam Laurum Aromaticum Indorum vocant. Porro etiam perelegantes flores, & post istos, rotundos fulvosque fructus, tenui petiolo instar cubearum pendentes, proferre dicitur, superius parva corona, saporeque peracri & aromatico, ad modum caryophyllorum, præditos, eam ob causam grana caryophyllorum vocatos. Secundum *Pometi* opinionem rectius *Campe-schen Körner*, vel etiam piper de Jamaica, vocantur, vid. istius *Hist. Gen. des Drogues Lib. III. Cap. XV. pag. 120.*

## §. 3.

Hic locorum lignum maxime notum est, quod nec corruptum sit, nec humidum. Vel integrum, vel in mola tritum è Batavia affertur; quanquam Hamburgi locisque aliis etiam in pistinis contundatur, cui subinde aliquid aquæ aspergunt, quo magis evadat coloratum, ut quidam Materialista mihi detexit. Hujus insignis copia annuatim ab insectoribus, pileonibus, coriariis, marsupiaris aliisque ad res cœruleo nigroque colore imbuendas consumitur.

## §. 4.

Folia quoque ad medendum dicuntur peridonea, dum in omnibus fere Folio Indo viribus accedunt, quæ in istis deprehenduntur majores, ut propterea illi secundum *Pometum* possint substitui. Americani paralytica refrigerataque membra istis non sine fructu fovant.

## §. 5.

Maxima verò fructus pollere virtute creditur, qui de sententia *Pometi* Indis MALAQUETTE dictus Chocolatæ additur. Batavis verum Amomum, Anglis piper de Jamaïque videtur, quo tanquam egregio aromate diu dicuntur usi, donec tandem piratæ de S. Malo aliquot istis naves sumserunt, sicque fructus iste Gallia aromataris, sub nomine granorum caryophyllorum, innotuit, quoniam, ut supra dictum, sapore caryophyllis prorsus est similis: quamvis ex variis aromatis mistum habeat saporem, adeo, ut pulvere ejus embammati indito homines existiment istud non caryophyllis solum, sed nuce moschata quoque, cinamomo ac similibus esse conditum. Quoniam vero ita dicto Piperi Chiapæ s. Tavares, quod Hispani in descriptione chocolatæ habent, à *Clariss. Francisco Redi* in *Experim. Nat. pag. 170.* eadem tribuuntur virtutes, ejusque figura & delineatio cum creditis Campeschæ granis prorsus convenit, eosdem esse fructus ferè apparet, sive è Campescheni ligno, aut alia quadam arbore excrescant, quam *Pomet. L. VII. Hist. des Drogues pag. 191.* Piper de Thevet, *Plukenet Tab. CLV. fig. 3.* Caryophyllum Aromat. India Occid. vocat, à qua arbore etiam cassia caryophyllata oritur, ut apud *Sam. Daleum* in *Pharmacol. p. 378.* videre est. Materialistam igitur *Pometum* has confundere arbores, ac Campescheni lignum ab arbore quadam aromatica derivare fere apparet, quæ potius Brasiliæ videtur species, ejusmodi aromaticis cum foliis tum fructibus forte destituta, quæ Eruditis adhuc inquirenda sunt.



## CAPUT XVIII.

DE

## FUSTELO ALIISQUE LIGNIS.

## §. 1.

**L**IGNUM FLAVUM, Lignum FUSTET s. FUSTEL nonnullis dictum, caudex radixque est cujusdam fruticis, quem Botanici Coggyriam *Theophrasti* & Cotinum *Plinii* vocant, flavi coloris, quod vere siccum sit, si bonum ac vendibile velit haberi. Partim in Italia crescit, partim in Languedoco, Galliae provincia, quod Italico est melius.

## §. 2.

Frutex hujus ligni subrotunda & eleganter viridia folia habet, florem profert primum instar uvæ apparentem, postmodum ritu umbellæ se extendentem, in quo nigra, cordis formam referentia, grana generantur. Caudex & radices à Gallis Italisque primum decorticantur, mirumque hoc in Gallia crescens lignum Parisiis vilius haberi posse ex Anglia & Batavia advectum, quam si è provincia ipsa curetur afferri, ut *Pometus in Hist. Gen. des Drogues pag. 122.* commemorat.

## §. 3.

Usus ejus infectoribus innotuit, quippe quo obscure flavum Caffeeumque colorem præparant, unde & in vernacula (*braun Presilien-Holtz*) appellatur. Scriniarii quoque ad emblemata vermiculata utuntur.

## §. 4.

Præterea aliud adhuc flavum lignum, *Gelb Presilien-Holtz* dictum, è Batavia Angliaque venit, quo similiter infectores ad colorem flavum utuntur. In magnis frustis habetur, quanquam à qua arbore oriatur, nondum vere innotescat.

## §. 5.

Plura porro exotica ligna alius coloris ex Orientali & Occidentali India per Bataviam veniunt, utpote LIGNUM S. LUCÆ, quod rubicundum, CALAMBOURGUM, quod viride & fragrantissimum, adeo, ut barbitonfores istud tanquam lignum Rhodinum ad aquam pro tundendis barbis usurpent: POLIXANDRUM LIGNUM, violaceum, LIGNUM LITERATUM (*Letterhout*) quod ex violaceo rubrum apparet: nigrum, rubrum & viride EBENUM lignum: ANISUM lignum, in quo anisum stellatum, cujus odorem saporemque habet, dicitur deprehendi: Quæ tamen omnia in Medicina non usurpantur, sed a scriniariis saltem ad emblemata vermiculata quærentur, de quibus partim *Wormius in Mus. pag. 171.* partim *Pometus loc. cit. pag. 123.* legatur.

## §. 6.

Ut paucorum adhuc medicinalium faciamus mentionem, quosdam scimus multum ponere fiduciæ in

## LIGNO COLUBRINO,

quod tamen verius lignosa radix est, istius Indiarum Orientalis vegetabilis, quod nuces Vomicas Moluccanas proferens ab aliis Solanum arborefcens Moluccanum vocatur. Lævi, flavescente cinereisque maculis asperso cortice, acris amarique saporis cingitur, qui tamen in ipso caudice adeo non percipitur. Indi ad colubrorum morsus, unde nomen habet, dicuntur usurpare. *P. Hermannus* ad febres commendat tertianas & quartanas, quas creditur curare, si ejus semi-uncia vino infunditur, hocque bibitur, quod etiam vermes expellit. Mercatores ditiores calices exinde præparari curant, quibus vinum infundunt; ejus generis aliquem olim apud *D. Wincklerum*, Electoris Palatini Archiatrum vidi, quem *Helvetius* ex India Occidentali allatum ipsi dederat. Alii pulveris semidrachmam, aut Extracti ℥j. assument, quod tamen cuidam tornioni apud *Daleum in Pharmac. pag. 44.* non adeo bene profuit, propterea quod lignum aliquid habere venenosi creditur; id quod alii saltem de recenti, non sicco, intelligunt. Vide *Bontium in Tract. de Med. Ind. Hort. Malabar. Tom. 7.* & *Hermanni Colleg. Mat. Med. Msc.*

## §. 7.

Porro nonnulli commendant

## LIGNUM PANAVA,

aliis PAVANA & LIGNUM MOLUCCENSE vocatum, quoniam in Molucca Indiarum Insula crescit; in Malabara potissimum colitur. Leve, spongiosum pallidumque lignum est, cinereo cortice præditum, saporis acriter pungentis urentisque & nauseosi, odoris nullius, ut *Sam. Daleus in Pharmacol. pag. 129.* *D. Hermannus* verbis descripsit. Ab Ricino arborefcen- te, qui Grana Tilli suppeditat, oritur, quam arborem *Hortus Malabaricus* sistit eleganter descriptam. Cujus propterea lignum, aque ac fructus, fortiter *άρω ηγι νάτω* expurgat, & hydropicorum aquas expellit, recens præsertim, sed, ut grana Tilli, magnum urendi mordendique sensum in ano relinquit. Vires tamen vetustate siccitateque perdit; tunc enim lenius purgat simulque sudorem ciēt, ut pulvis ad semidrachmam, lignum ad semiunciam, si quando saltem infunditur, possit sumi. Recentis contra vix scrupulus in substantia sumatur, macerati



cerati vero dosis ultra drachmas tres non ascendat. Quidam cum spiritu vini extractum conficiunt, cujus X. vel XV. grana propinant. Hic loci ignotum est, inque usu adhuc est nullo.

## §. 8.

Ante aliquot annos quidam Materialista ignotum adhuc lignum ex India Orientali afferebat, camphoram redolens sapiensque, quod

## LIGNUM CAMPHORATUM

vocabat. Rubicundè fuscum s. fulvum, leve & striatum lignum est. Quod utrum ab ea arbore, è qua camphora exstillat, proveniat, id quòd ferè apparet, an ejus saltem odore polleat, quibus etiam præditum qualitatibus sit, ulterius relinquitur inquirendum.

## §. 9.

Aliud exoticum idque ambram redolens lignum eodem prope tempore *D. Petersen*, celebris Materialista, Francofurti ad Mœnum, mecum communicavit, quod LIGNUM AMBRATUM vocatum, sandali videtur species. Foris cæsum est, intus ex albo flavens, odoris fragrantissimi. Speciebus procucupha, tanquam Agallochum, fortasse non temere additur, quocum LIGNUM CA-

RABACCIUM, cujus *Baglivius* meminit in *Tract. de Salivæ Natura*, quodve tanquam nobile stomachicum commendat, viribus convenire videtur.

## §. 10.

Aliud adhuc tribus abhinc annis *D. Spenerus* è Bataviâ mihi trans mittebat,

## ANCILLARUM LIGNUM

(*Mâgden-Holtz*)

vocatum, quò ancillæ, meretrices verius, Dinæ in peregrinatione comites, perditam virginitatem sibi restituendam sumunt. Externâ facie cortex magis quàm lignum videtur, externe cæsius, intus fuscus, saporis adstringentis, quo omnia ad sophisticationem virginum usurpanda remedia pollent.

## §. 11.

*Pometus* etiam SAMBARAM, ACA-JOUX, ACOMAT & ferrugineum lignum (*Eisen-Holtz*) introducit, quorum nomina, (ut de usu taceam) plurimis nostratibus Materialistis & Pharmacopolis ignota sunt, ut propterea in istis nobis non liceat esse verbosus. De ultimò tamen, sis, vide *D. Cleyeri* Relationem in *Miscell. Acad. Nat. Cur. Dec. 2. Ann. 7. Obs. LXX. pag. 132.*

## LIBRI SECUNDI

## SECTIO V.

DE

## VARIIS FRUCTIBUS.

## CAPUT I.

DE

## FRUCTU INDICO ANANAS.

## §. 1.

**A**NANAS perpulcher gratissimusque fructus est, ferè tanquam strobilus formatus, sed mollibus succosisque squamis præditus, melonum habens magnitudinem, & superius (ubi principio flammeus, instar cinnabaris, postea verò pallidior est) foliorum minorum fasciculum, sapore ad fraga prope accedente, odore grato. Ex Americanis fertur Insulis, & exsiccat in *D. Jacobi Voorn Museo Indico*, in circuitu horti Academici Lugdunensis, spectatur. Nostro autem tempore in hortis Curiosorum etiam recens & vegetans spectari potest, cum & in Hassia nostra, in prædio

Nobilis *Dn. de Münchhausen*, haud procul à Pyrmontanis acidulis, in horto Exoticis jamdum instructissimo alatur, unde nuper fructum obtinui.

## §. 2.

Qui valdè præstans fructus, haud aliter atque cinara, è medio herbæ cujusdam pomiferæ excrescit, sub nomine MATZATLI s. PINEÆ INDICÆ, ab *Hernandezio* in *Hist. Rerum Med. Nov. Hisp. pag. 311.* optime descriptæ ac delineatæ; quanquam *Piso* & *Garzias* jamdum istius fecerint mentionem. Longis latisque foliis iridis nostratis ad instar stipatur, utrinque etiam multis aculeis, quorum plures supra terram prope fibrosam radicem, pauci in mediò è caule exoriantur.



exoriuntur, qui duorum pollicum crassitiem & sesquipedis longitudinem habet. Huic incre-  
scit fructus, circumcirca multis candidè flaven-  
tibus succosisque vesiculis, tanquam squamis,  
septus, in quibus pulchri & cœrulei flosculi cum  
tribus foliis progerminant, postmodum fructu  
majore maturioreque evadente iterum deci-  
dentes. Et quanquam herbam etiam stolones  
comitentur, qui fructus proferre possint, ne-  
quaquam tamen adeo elegantes bonique sunt,  
atque is, qui è superiore corona è fructu ac-  
quiritur, qui defractus atque ita sine radice  
terræ inditus anno sequenti fructus progene-  
rare dicitur, ut in *Museo Wormiano pag. 185.* me-  
moratur.

## §. 3.

Cæterum tres hujus fructus dicuntur in-  
veniri species, quas *Pometus* in *Histoire des Dro-  
gues pag. 236.* secundum omnes circumstantias  
præ aliis descripsit, quarum prima Ananas al-  
ba & magna vocatur, 8. vel 10. pollices habens  
in diametro, 15. vel 16. pollices alta, alba fibro-  
saq; medulla sub aureo cortice repleta, quæ ve-  
re matura facta cydonia, imo fragrantius quid  
redolere creditur. Quæ utut magna pulchraq;  
sit, tam grato tamen sapore non pollet, atque  
reliquæ, dentibus etiam multo periculosior ef-  
se, gingivamque cruentam reddere perhibe-  
tur. Altera species pain de sucre (vulgo Zu-  
cker-Hut) dicitur, quoniam hic fructus ita a-  
cuminatus est, longiora etiam magisque recta  
folia habet. Non adeò flavet ut prior, sapore  
verò pollet meliore, quanquam similiter gin-  
givam reddat cruentam. In hac prædictus au-  
ctor aliquot grana & semina vidit, hocque ipso  
opinionem, qua Ananas dicitur grans destitu-  
ta, falsitatis arguit. Tertia species est Ananas  
minor, omnium gratiosissima, dentibus non  
adeo nociva, ut priores. nisi immodice usur-  
petur.

## §. 4.

Quas inter tres species, omnes alias com-  
plectentes, licet aliquid intercedat discriminis,  
in eò tamen conveniunt, quod eòdem omnes  
modò crescant, superius foliorum fasciculum,  
intus fibrosam medullam habeant, in ore in  
succum prorsus solubilem, gratum & ex acido  
dulcique temperatum saporem, partim Cydo-  
nia & Persica mala, partim Nucistam imitantem,  
spargant. Vi refrigerandi confortandique pol-  
lent, ac propterea in febribus ardentibus ad  
confortandum sedandamque sitim juxta ab  
Americanis usurpantur, ut *Hernandezius l. c.*  
commemorat. Quod verò *Wormius* febricitan-  
tibus vulneratisque istis interdicit, de imma-  
turis ac corrosivis est intelligendum, os ple-

rumque afficientibus ac gingivam cruentam  
reddentibus, quæ *Pometi* est opinio: cujus in-  
tuitu *Bartholomæus Leonhardus de Argenfola*, Hi-  
spanus, in Descriptione Insularum Molucca-  
rum, alicubi fructum hunc recentem & imma-  
turum pro veneno habet, qui ad maturita-  
tem evectus egregium est medicamentum, ad  
complures affectus utilissimum. Inprimis autè  
calculum usque eò potenter pellere creditur,  
ut ægri calculo existente nimis magno, fructu-  
que operationem exerente, de vita pericliten-  
tur, ut *Cleyerus* in *Epistola* quadam ad *D. Schef-  
ferum*, ante XXX. annos circiter, ex India Orien-  
tali missa, testatur, quam in *Tract. hujus appendi-  
ce* reperies.

## §. 5.

Eum in finem Indi fructum decorticatum  
inque lamellas incisum, in incrustata beneque  
munita Anglicâ lagenâ, in ahenum aqua ple-  
num suspendunt, cui ignis subditur, quo suc-  
cus sponte sua profluat, coctioneque omnes  
cruditates absumuntur. De hoc succo sumunt  
pro lubitu; interdum tamen etiam fructum  
cum sale edunt; si quando vero metuunt, ne  
acrimoniam adhuc habeat, in lamellas, ut di-  
ctum, incidunt, vinoque imponunt Hispani-  
co, quod vim præcipuam extrahit, os tamen  
non prorsus finit esse illæsum, ut apud supra-  
dictum *Wormium* videre est.

## §. 6.

Porro Americani prelò ex hoc fructu vi-  
num exprimunt, quod Malvaticum sapere,  
prorsusque inebriare perhibent. Hoc vinum  
trium hebdomadam spatio ita immutari dici-  
tur, ut pro vappa possit haberi: brevî autem  
post ita se colligere, viresque suas recuperare, ut  
multo fortius postmodum & præstantius eva-  
dat, quam ante fuit, ut *Pometus l. c.* existimat.  
Confortat spiritus vitales animumque exhila-  
rat, ab ejus tamen usu gravida se abstineant,  
quod foetum expellit.

## §. 7.

Recens quoque Ananas in India in frustra  
inciditur, sale condienda, quo id, quod in bilem  
facile abire putant, sumitur corrigendum, se-  
cundum relationem *Hernandezii loc. cit.* Hodie  
quoque Parisiis & alibi fructus hic saccharo  
conditus habetur, isque ex India allatus. Præ-  
stans dicitur cibus, præsertim si bene fuerit  
conditus. Stomachum naturamque confor-  
tat, senibus & annis confectis naturalem calo-  
rem restituit, quibus fortasse fructus hujus vi-  
num non foret inutile.



## CAPUT II.

DE

## CAFFE EJUSQUE ABUSU.

## §. I.

Q Uod hodiè adeò vulgare est CAFFE, s. COFFI,

nihil aliud est, quam nucleus minorum quarundam nucum, baccarum lauri adinstar apparentium, qui ritu fabarum ex duabus partibus constant, iisdemque superius fornicatis, inferius, ubi quasi fulcatæ sunt, depressis s. planis. Hi nuclei colore fusco & sapore farinaceo sunt, & adustas fabas redolent. E Persiâ Turciaque per Massiliam & loca alia in integris sarcinis ad nos feruntur.

## §. 2.

Hic fructus ab exotica quadam arbore oritur, quæ tiliæ habens magnitudinem semper viret, floreque deciduo ejusmodi nuculas profert. A docto Italiæ Comite, *Luigi Ferdin. Marsigli*, in *Notitiâ di Constantinopoli Sopra la pianta del Caffè*, omnium optimè describitur, in quo libro distinctæ species delineantur, quarum præcipua hic in figurâ æneâ sistitur videnda. A verò igitur alieni sunt, qui hos nucleos à planta aliqua oriri, fabæque esse speciem existimant. Quod erroris inde fortasse duxit originem, quod Arabes hunc fructum Bun, Buna, Bon seu Ban vocarunt, isteque etiam fabis figura odoreque haud dissimilis est, licet effectus prorsus sit diversus.

## §. 3.

Optimi Caffè nuclei viridiusculi sint, recentes & magnitudine mediocres, odoris mucosi expertes, à duris etiam cavisque corticibus, sæpe permixtis, bene separati & depurgati. Qui totis sarcinis illos emunt, videant, ut ne quis angulus madidus aut humidus sit, quoniam fructus humidum facile attrahit & corrumpitur. Coffi mola tritum ustumque qui emit, hominibus conscientiosis utatur, quod facile possumus circumveniri, dum nonnulli

*Caffè, du schwarztes Angesicht,  
Daß man dich doch mag leiden!  
Wo du hinkommst, muß man da nicht  
Die Lust und Beyschlaff meiden.*

## §. 5.

Modus bibendi Coffi notus est. Nempe coffi nuclei in certis perforatis patellis torrentur, atque molis portatilibus (*mit den Caffè-Mühlen*) instar praxidis oblongæ tornatis & conformatis in pulverem rediguntur, cujus tantum,

fabas seu frumentum ita torrere sciunt, ut à Coffi non facile possit distingui.

## §. 4.

Vires usumque Caffè *D. Laurentius Strauß*, in hac Academia Gissena Antecessor meus, in peculiari *Disput.* ex aliis descripsit, quam postea Dn. Socer ejus *B. D. Joh. Dan. Horstius Schræderi Pharmacopœia* curavit annecti, Anonymus vero Anglicus sub Titulo: *The manner of making of Coffè, Thea and Chocolate* lingua Anglicâ imprimi. Prædictus vero auctor ante annos fere innumeros ab veteribus Arabibus, *Rhase*, *Avicennâ* aliisq; hunc descriptum fuisse fructum ostendit, quemadmodum hodieque adhuc apud istos Turcasque in crebriori est usu, vid. *Olearius Libr. V. der Persianischen Reis-Beschreibung* pag. 399. Stomachum confortat ejusque coctionem promovet, ciet urinam & somnum impedit, dum viscidas omnes particulas in sanguine disjicit, spiritus vitales extricat & commovet, ut *Willisus* in *Pharm. Rat.* pag. 202. exponit. Quam verò multum *Bontekoë* in suo *kort Tractaat van de Kragten en't Gebruyk van de Coffi* ei tribuat, unicuique notum est. Interea usus ejus non sit nimis, cum ex abusu facile alii nasci possint morbi, id quod *Sim. Paulli* in *Quatrip. Bot. & Commentario de Usu & Abusu Herb. Thee* fusius ostendit. Memorabile est, non solum *Willisum* l. c. aliquem maciem, paralytin &c. ex ejus observasse usu, sed supra memoratum quoque *Olearium* recensere, aliquem Persarum Regem, *Sulthan Mahmud Casuin* nominatum, ejus abusu potentiam virilem perdidisse, hocque ipso Conjugi suæ causam dedisse adulterii, quam equum ad castrandum prosterni videntem fert dixisse: minus hoc esse necessarium, si equo nefandum Caffè potum darent propinandum, fore, ut Regi evaderet similis. Qua occasione Persa quidam certos sua lingua versus composuit, sensum habentes sequentem:

*Te Caffè, atra facies!  
Quid est cur delectemur?  
A Venere, quo ventes,  
Facis ut feriemur.*

quantum placet, in aquam ferventem projicitur, quam in scutellas seu ollulas, bibendo Theæ potui aptatas, fusam, cum, vel sine saccharo bibunt. Illa vero tostio secundum *D. Hermannii*, in *Colleg. Ms. de Mat. Med.* detectam, opinionem vel propterea videtur requiri, quo oleosæ particulae




Ad: lib 2, sect. v C. 2



دلا نيمز  
Coffi

تجريتو







ticulæ extricentur, acrioresque temperentur. Quosdam etiam ejusmodi fabas coquere & ad modum pisorum edere perhibent, ut *Pometus* in *Histoire des Drogues* pag. 205. memo-

rat. Dulciarii hodie quoque fuscam confectiōnem inde præparant, *Caffe-Zucker* dictam.

## CAPUT III.

DE

## CACAO ET CHOCOLATA.

## §. I.

**C**ACAO, sive, ut Americanis dicitur, CACAVI exotici cujusdam fructus nucleus est, diversæ magnitudinis, plerumque tamen amygdalam æquantis, cui etiam forma facieque externa prorsus similis est, præterquam quod Cacao paulo crassior turgidiorque sit, & foris rubicundior. Saporis oleosi est & subamari, odoris nullius, & ex India Occidentali, præsertim Nova Hispania, affertur.

## §. 2.

Hic fructus in arbore à quibusdam crescere dicitur, quæ propterea ARBOR CACAVIFERA dicta & ab *Hernandezio Lib. 3. Cap. XLVI. Rerum Medicar. Nov. Hisp. pag. 79.* fusius descripta est, ubi quatuor istius species recensentur, quas etiam *Wormius in Mus. pag. 191.* ex illo descripsit. Magnitudine foliisque citro non multum dissimiles sunt, fructumque instar melonum proferunt, in quo nuclei Cacao dicti, ut in malo Granata, coarctati jacent, quorum interdum plus quam sexaginta uno in fructu reperiuntur, ut *Pometus in Hist. Gener. des Drogues pag. 206.* commemorat, qui se istorum figuram ad *Tournefortii* originale mutuo desumpsisse dicit, quæ tamen longe aliter depingitur in *Tournefortii Instit. rei herb.* qui cum *Cl. Plumerio* fructum hunc cucumiformem & striatum vocat: cujus iconem vid. TAB. fol. Thee, *Lib. 2. Sect. 3. Cap. 2. Fig. II.* Maximè verò à tramite hîc aberrat *Dn. Ettmüllerus* (modò ejus sint verba) quando fructum cacao pro nucibus palmæ Indicæ (cocos *Nüsse*) habet, vid. ejus *Comment. Schræd. pag. 721.*

## §. 3.

Pro diversitate quatuor arborum totidem quoque dantur cacao species, quarum binæ majores minoresque CARAQUÆ (quoniam è Nicaragua provincia veniunt) nominantur: tertia & quarta majores minoresque CACAO AB INSULIS audiunt, quod ex Insulis Americanis, præsertim S. Domingo, afferuntur. Quarum omnium prima, crassa Caraquæ dicta, ad chocolatam habetur optima, quemadmodum prædictus *Pometus l. c.* præ aliis meminit. Interdum in massam redactæ, præsertim ultimæ, afferuntur, quibus tamen non fidendum.

## §. 4.

Cacao nucleos adhuc recentes graves ac ponderosos esse oportet, soboles Caraquæ dictæ maximæ, quoad ejus fieri potest, si boni volunt haberi: extrinsecus nigricantes, intus fulvos, instar amygdalarum ustarum. Teste enim *Hernandezio l. c.* ob nimiam oleositatem in America ante usum torrentur & fortasse ita ad nos veniunt, id quod tamen certò affirmare nequeo. Porro nec cariosi sint, nec mucidi, sed e contra bene sapidi & integri.

## §. 5.

Quod ad istorum usum attinet, olim in America hoc Barbari dictum cacavi semen loco monetæ usurparunt, haut aliter atque aliæ Indiæ Orientalis Gentes conchas, folia similiaque pro pecunia usurpant. In Medicinâ verò basin constituit hodie adeo notæ Chocolatæ, ex ejusmodi nucleis aliisque aromatis compositæ, uti mox dicetur. Fructus per se naturæ est subfrigida, sed tamen valde nutritivæ, ritu amygdalarum, adeo, ut nobilis quidam Anglus, *Stubble* nominatus, in *Tract. de Chocolata* affirmare non dubitet, in uncia una cacao plus latere nutrimenti, quam in tota libra bubulæ. Memorabile est, ex hoc fructu è retorta destillato, prodire phlegma carnis jusculum sapiens: postea spiritum & oleum pinguedinem assatam redolentia, quod *Ettmüllerus* è *Dn. Febure Chymicæ* in *Comm. Schræder. pag. 721.* monuit. Quam ob causam hic fructus phthisicis valde creditur utilis, quando vel solus, vel cum frumento Turcico in aqua coctus bibitur, atque hoc ipso cum nostratibus pinæ nucibus convenit. Americani ad dysenteriam utuntur, ad quam etiam gummi hujus arboris commendant, cujus *Hernandezius l. c.* meminit. In russi ad suffumigium dicitur sumi. Expressura inde oleum infucandæ faciei inservit.

## §. 6.

Quoniam verò, ut memoratum, cacao nuclei frigida sunt naturæ, Americani additis variis aromatibus & saccharo sumserunt corrigendos, unde notissimum Compositum, Chocolata s. Succolata dictum, resultavit. Hæc

## CHOCOLATA

massa est, ex cacao, saccharo variisque aroma-



tibus composita, cujus descriptionem *Anton. Colmenus de Ledesma*, Chirurgus Hispanus, in parvo de *Chocolata Tract.* ita communicavit:

Rx. Nucl. Cacao N. 100.  
Sacch. albiss. lbss.  
Pip. de Tavaſc. gr. XIV.  
Caryophyll. ʒss.  
Vanill. N. iij.  
Sem. Anis. ʒiij.  
Achiotl. qf. ad tingendum M.

Nonnulli etiam frumentum Sarracenicum, piper Hispanicum, & florem quendam Americanum, Florem Auriculæ dictum, quod folia aures repræsentant, addunt. Alii loco cacao ſumunt amygdalas, & quod multa memoratorum ingredientium prorsus fere haberi nequeunt, alia aromata, atque cum bono saccharo misturam efficiunt, chocolatæ forma viribusque prorsus similem, ut *Grevvius in Mus. Soc. Reg. Angl.* memorat, cujus in *Act. Erud. Lips. An. 82. Mens. Jan. pag. 1.* fit mentio. Ego sanè in Batavia hospitem novi, qui nullam nisi ejusmodi chocolatam vendebat.

## §. 7.

Quando igitur variæ adhuc chocolatæ inveniuntur descriptiones, facile judicare licet, varias istius haberi species. Optima olim ex America, posteaque ex Hispania, vel in scatulis modo panis cydoniorum, vel in crassiss bacillis affertur, vid. *Marxius in Mat. Mus. pag. 195.* & *Vielheurius in Descript. Mater. Exot. pag. 160.* Quemadmodum hodieque Chocolata apud Materialistas in scatulis, tabulis & pastillis invenitur. Postquam vero Parisiis, Londini, in Batavia atque Germania (modo ingredientia vera atque genuina possint haberi) æque bene potest præparari, non tanta amplius copia ex India & Hispania describitur, quippe cui *Pometus* Parisiensem vult præferri. Imò in Europa melioratur, additaque ambra chocolata inventa est ambrata, quæ plerumque in minoribus rotundisque pastillis advecta, valde grata, simul etiam carissima est.

## §. 8.

Quemadmodum verò quævis composita valde difficulter dijudicantur, ita etiam valde dubium de chocolatæ bonitate judicium est, præsertim quando absolute debet determinari, num omnia insint ingredientia? idque eo magis, quod Clarissimus *Bontekoe* in *Tract. van de Kragten en't Gebruyk van de Chocolate pag. 269.* publicè conqueritur, nec inter vivos, nec inter scriptores quenquam posse reperiri, qui vel odore saporeque, vel aliis signis chocolatam genuinam à falsa distinguere doceat. Tot igitur de ista judicia sunt, quot inveniuntur capita, dum quidam rotundos, quadrangulos pastillos alii censent optimos. Optima nec nimis dulcis, nec amara sit, neque nimium piper aut caryophyllos sapiat, fragrante etiam polleat odore, dura sit & sicca, in frustra diffracta albas quasdam maculas striasque percurrentes ostendens, reliquum vero fusci sit coloris.

## §. 9.

Usus viresque chocolatæ à multis auctoribus in peculiaribus libris describuntur, quos *Bravo* in *Consultat. CXIV.* recenset, quos inter *Francisc. Maria Cardin. Brancatii* in *Diatrib. de Usu Chocol.* in dubium vocat, num chocolatam, ob vim nutrientem insignem, etiam in feriis esurialibus bibere licitum sit? qua de re in *Journal des Scavans Ann. 66. Mens. Jan. 18.* pluribus legitur. Imbecilli frigidoque stomacho, hæc etiam ac phthisicis proficit, si febris non adeo fuerit intensa. Pectori quoque utilis existit ad alleviandam tussim pituitosam: confortando capite vertiginem abigit, simul verò vis concitat cupidinem, quippe quem in finem etiam Confect. Pacif. de Succolata *Inda Myns.* præscribitur. Quos pluresque usus alios supra memoratus *Bontekoe* fusius descriptos commendat, simul utendi modum communicans, in eò consistentem, ut Chocolata vel in sola calida aqua, cum ramoso ligno in spumam concussa, bibatur, vel etiam cum lacte præparetur, cui alii insuper ova addunt.

## CAPUT IV.

## DE

## VAINIGLIIS ET FLORE AURICULÆ.

## §. I.

Simul ac Chocolata in Europa innotuit, Vainiglias, vulgo *Vanillen* s. *Banillen*, tanquam præcipuum istius ingrediens, advehi curarunt, quæ propterea in Batavia vulgares sunt, beneque possunt acquiri. Hæ

## VANILIÆ

constant è longis & quasi compressis folliculis

feu siliquis, sex pluresve pollices longis, unum vero pollicem latis, & cultri vaginam quasi repræsentantibus. Foris coloris sunt ex nigro fusci & splendentis, intus coloris ejusdem, exiguum granorum pleni, sicut ficus, saporis subacris, pinguis & aromatici, odoris moschum æmulantis. Ex India Occidentali & quidem *Gatimalo* & *S. Dominico* veniunt.

## §. 2. Her-



## §. 2.

Herba, ex qua ejusmodi fructus excreſcunt, *Hernandezio*, qui iſtam præ aliis pulchre deſcripſit, vocatur

## ARACUS AROMATICUS.

Convolvuli ſpecies eſt, arbores aſcendens; lata habet folia, ut plantago major, ſed longiora pinguioraque: nigros floſculos proferens, (unde etiam FLOS NIGER vocatur,) & poſt iſtos prædictas ſiliquas, è quibus, ob nimiam maturitatem crepantibus, niger fragransque profluere perhibetur baſſamus, quem Hiſpani proſe retinent, nec facile ad nos ſinunt perſmitti.

## §. 3.

Simul ac ſiliquæ maturuerunt, ab Americanis decerpuntur, alteraque extremitate ligatæ, quo exſiccantur, in loco umbroſo ſuspenduntur. Decenter exſiccatas, ut aſſervari poſſint, foris oleo aliquo inungunt, ut ne nimium rigeſcant & frangantur: hinc 50. vel 100. aut plures in faſciculòs redigunt, quo in alias regiones mittantur. Quum verò odor moſcharius facile evaneſcat, fructus hi ſæpius Chinenſi ſtanno, calin vulgo dicto, tenuiſſime malleato muniuntur, papyroque Inda ineruſtantur, quo fragrans ejusmodi odor poſſit conſervari: cujus aliquod fruſtum è Batavia mihi tranſmiſſum eſt, quale ibidem ſolido Hollandico emitur.

## §. 4.

Optimæ cenſentur, quæ è magnis, perfectis, gracilibus & recentibus ſiliquis conſtant, quæ læves, non rugoſæ, non tamen unctæ, medulla grumisque refertæ, ac boni odoris ſunt. Id etiam detur curæ, num in medio faſciculorum parvæ inutiles quæ condantur. Multo minus eæ probantur ſiliquæ, è quibus prædictus baſſamus profluxit, quæve tenuibus lignis ab Indis adimpletæ ſunt, quam fraudem *Pometus* in *Hiſt. Gen. des Drogues* pag. 208. detegit.

## §. 5.

Virtutes iſtarum conſiſtunt in ÷ volatili & oleo penetrante, quæ bina illis vim valde calefacientem & reſolventem, ſimul etiam confortantem conciliant, qua ſtomachum confortant, flatus diſſipant, atque cerebro, uteroque & partibus nervoſis aliis vehementer proficiunt. Cient urinam, promovent menſes, partum naturalem & difficilem: ſecundinas quoque ac foetum mortuum pellunt, atque adeo in pluribus morbis ſexui muliebri conducunt; ſimiliter ad morſus venenoſos ſtupefacientes, reſque ſimiles venenoſas uſurpantur, quæ omnia ſupra laudatus *Hernandezius* in *Deſcript. Rerum Med. Nov. Hiſp. Lib. 2. cap. XVI. pag. 38.* deſcripſit. Plerumque vainigliæ ad chocolatam ſumuntur, quam gratiorem effica-

cioſioremque reddunt, Tabacophili iſtis quoque tabaco fragrantiam conciliant.

## §. 6.

Præter Vainiglias Americani ad chocolatam fragrantem aliquem florem ſumunt, ſex foliis, intus purpureis, foris viridibus, figura parvos aures repræſentantibus, conſtantem, qui propterea vulgo

## FLOS AURICULÆ,

ab Hiſpanis Flor dela Oreja, aliis d' Oreje valla vocatur. Gallicus Materialiſta *Pometus* in contrarium ſuum, Dominum *Blegny*, valdè acerbè invenitur, quando hunc in *Hiſtoire des Drogues* pag. 207. verbis contumelioſis ſumit exhibendum, quod in deſcriptione chocolatæ floris huius fecerat mentionem, quem tamen nuſquam, omni licet adhibita induſtria, potuerit inquirere, iſtum igitur effectum vult haberi. Enim verò non ſequitur, ab hoc illo ve rem aliquam non potuiſſe inquiri, iſtam ergò eſſe fabuloſam, cum hæc ſimilesque ſpecies non illicò ex India ad nos venerint. Sufficiat iſtum à viris clariſſimis fide dignis fuiſſe depiſtum deſcriptumque, quemadmodum etiam ab *Hernandezio* in eleganti raroque libro ſupra citato pag. 30. ſufficienter oculis ſubjicitur.

## §. 7.

Hunc verò florem peculiaris quædam arbor profert, longis, anguſtis & obſcure viridibus foliis prædita. Flos longo & quaſi marcido petiolo deorſum pendet, ab Indis magno in pretio habitus, & ob fragrantem odorem æſtimatus. Quæ forte cauſa eſt, quamobrem in Europa rarus ſit & nunquam viſus. Poſt flores ſiliquæ prodeunt, ſexies pollicem longæ, ſemel vero pollicem craſſæ, in quibus ſanguinei coloris ſemen invenitur, ex aliqua compreſſione quodammodo angulare, quod omne ſupra memoratus ſcriptor *Lib. 2. cap. 4. pag. 30.* figura ſiſtit contemplandum.

## §. 8.

Similiter vi calefaciente pollet inſigni, flatus diſſipat, ſive per ſe, ſive in aqua ſumatur: tenacem pectori ſtomachoque impactam pituitam reſolvit, ſimulque ventriculum confortat & calefacit. Cor non minus atque ſpiritus vitales reſicit. Inprimis chocolatæ odore ſuo fragantiſſimo ſaporeque præſtanti gratiam addit: quam ob cauſam vera ac genuina Americanorum chocolata, ut ſupra memoratum, cæteris compoſitionibus non temere præferenda. Quodſi iſtius inveniendi daretur copia, nullum eſſet dubium, quin præſtantem ſpiritum, oleum ſimiliaque exinde poſſemus præparare, quæ omnia ſucceſſive dies docebit.



## CAPUT V.

DE

## FABIS S. IGNATII.

## §. 1.

**P**Aucis abhinc annis hos adhuc ignotos fructus parvam nucem moschatā magnitudine æquantes, sed rarò rotundos, potius longiusculos, cordis gallinacei adinstar, foris lævi cuticula argentei coloris circumdatos, intus ex flavo fuscis & pellucidos, tanquam cornu, apparentes, in Europam transportarunt, qui ab Indis Igasur & Mananavus, hoc est victoriosus, ab Hispanis pepitas de Bysayas & Cathaloyan vocantur. Quamobrem verò fabæ S. Ignatii vocentur, nondum innotescit: fortasse ab Jesuitis, quorum auctor S. Ignatius extitit, inventi & ad nos transportati sunt. Hoc certum est, minime esse fabas, dum non ex binis partibus, ut fabæ, constant, nec substantiam farinaceam in se continent, sed instar cornu duri sunt: qui fructus propterea rasi quam contusi sumi possunt melius.

## §. 2.

Hæ ita dictæ fabæ S. Ignatii in Philippicis Insulis ut plurimum inveniuntur, unde ab Lusitanis in Europam transportantur. Non utrinque è caule excresecunt instar piperis, ut olim ab amico mihi renunciatum, de quo in *Polychr. Exot. Disp. 1.* memini, sed in certò aliquo Indiæ fructu, melone paulum majore, inveniuntur, in cujus medio, haud secus atque in malo punica, XX. imò XXIV. grana reconduntur, molli flaventeque pulpa ab invicem distincta. Ipse fructus foris perlævem, splendentem & ex flavo viridiusculam pelliculam habet, sub qua cortex duritie lapidea latet, coci nucis instar grana continens. Iste fructus è planta progeneratur, Indis Catalougay & Cantara dicta, altissimas arbores scandente, cujus folia & flores, una cum fructu & aliquibus fabis *P. Camelli* in *Epistola ad Clariss. Anglorum Botanicum, Job. Rajum*, delineavit, ex qua istas primum Regia Societas Londinensis in *Actis Angl. Ann. 1669. pag. 87.* & ex his postmodum *Eruditi Lipsienses in Actis suis Ann. 1700. Mens. Decemb. p. 553.* nobiscum communicarunt.

## §. 3.

Quæ S. Ignatii fabæ, quanquam exsiccataè valdè indurescant & instar ungulæ seu cornu appareant, simul etiam aliquam habeant amaritiam, centaurio minori accedentem, granaque citri superantem, neutrum tamen impedit, quo minus cariosa evadant & perforentur: id quod tamen istis non tam facile atque aliis seminibus nocivum est, quoniam etiam cariosæ (primum enim nullæ aliæ afferebantur) satis adhuc effi-

caces deprehensæ sunt. Interea quando electio libera est, integræ minusque cariosæ sumantur, quamvis duplo carius sint emendæ, quam cariosæ, quarum singulas Materialistæ in Batavia duobus solidis divendunt, ut *D. D. Spenerus*, nuper Medicus Regius Berolini, Amstelodamò mihi retulit.

## §. 4.

Virtute pollent calefaciente, bezoardica & carminativa, simul etiam subadstringente, qua stomachum, intestina nervosque roborant. Istas vero *ἀνω καὶ κατω* purgare, ut in epistolâ supra memorata memoratur, nunquam observavi, qui istas etiam infantibus sugentibus præscripsi. Id habeo compertum, istis assumtis continuo murmura in abdomine excitari, adeo ut aliquando puellus, post aliquot granorum usum, dixerit: audite, quæso, vermium in ventre turbam. Fortasse etiam in nimia dosi purgant, quum in Hispanis spasmodum & convulsionem perhibeantur excitare, qui tamen Indis non est metus. Quid certo cuidam Domino in Batavia evenit, qui essentiam loco spiritus vini bibit, vide in *Polychr. Exoticis Disp. 1. pag. 9.* ubi primus de ejusmodi granis egi. Id sanè certum est: omne nimium esse noxium.

## §. 5.

Cæterum nullum est dubium, quin Fabæ S. Ignatii, rectè usurpatæ, nobile sint remedium adversus multos & alios contumaces morbos, ipseque testari possum, istis mediantibus febres intermittentes, præsertim in tenellis infantibus, perfectè fuisse curatas. Sic etiam Clariss. Medicus & Professor Jenensis, *Dn. D. Wedelius*, in quadam epistolâ testatur, istas quoque in febribus continuis se invenisse utiles. Non minus Indi ipsi ad morbos venenosos, pestilentiam, fascinum, philtum similesque utuntur: de sententia vero nostræ ætatis Medicorum, fabæ S. Ignatii veræ creduntur esse nuces vomicæ, à *Serapione* descriptæ, & ad theriacam sumendæ, in quarum defectu vulgares & venenosæ nuces vomicæ non sine periculo hucusque fuerunt usurpatæ. Num verò externè, tanquam amuletum suspensæ, venenatisque moribus ac vulneribus impositæ venenum attrahant, quæ vulgaris est opinio, ulteriori relinquo experientiæ. Quam egregiam opem in convulsionibus præstent, in tenello infante, epilepsia quotidie fere septies detento, nuper observavi, quam aliquot fabarum granis curavi. Similiter in maculis infantum volaticis, epilepsiâ comitatis, & maculis volaticis vulgaribus (*gemeinem Flug*) valde utiles depre-



Fig. 2



Fig. 1.





Fig. 3.



Fig. 4.









deprehendi. Conf. *Nosocomium nostrum Academicum*. Quamobrem etiam in convulsionibus internis doloreque stomachi & intestinorum, cardiaca scil. præcordiorum angustia, colica, spasmo intestinorum, dysenteria, tenesmo, doloribus uterinis similibusque egregiam opem præstant, dum stomachum simul confortant, appetitum acuunt, omnesque cruditates absumunt. In specie etiam capiti conducunt, præsertim ex imbecilli stomacho debilitato, in apoplexia, catarrhis, paralyfi, odontalgia & similibus, siue assumantur, siue sub lingua saltem detineantur, cum salivam ciere, & jam in extremo vitæ periculo constitutos credantur excuscare. Porro utiles sunt in pectoris morbis, anhelitu, tussi convulsiva & suffocationis periculo, præsertim à spasmodicâ pulmonum contractione exortis. Urinam, menses & secundinas promovent, lumbricos enecant, & externe quoque hæmorrhagias sedant.

## §. 6.

Istarum pulvis in minori dosi à granis duo-

bus ad sex datur, semisrupulus enim purgare dicitur. Unam alteramve horam etiam infunduntur in aquam aliquam destillatam, quoad amarescat, quemadmodum aliàs pedra porco solet, cujus existimationem hæc faba fortasse reddent dubiam, ut *D. Goris in Medicina contempta* pag. 185. prædixit, eoque facilius, quod unius anni spatium dimidium, quo constabant, pretii cecidit, ita ut faba principio anni 1699. quinque florenis aut ducato emi solita, nunc Imperiali possit haberi. Caterum dictâ maceratione exterior pellicula, Indorum sericam papyrus referens, decedit, tumque nucleus fuscis striis apparet notatus. Exinde quoque cum spiritu vini, aut alio quodam appropriato, essentia extrahitur, cujus ℥j. ʒss. vel ʒj dari potest pro dosi. Quidam oleum præparant, coctione granorum in oleo olivarum, vel solo, vel cum oleo nucum aut simili permisto, quod in scabie & artuum dolore utile est. vid. *Polychresta nostra Exotica*.

## CAPUT VI.

## DE

## NUCE MOSCHATA ET MACERE.

## §. 1.

## NUCES MYRISTICÆ s. NUCES MOSCHATÆ

rotundi, durique ac crassi nuclei sunt exoticæ nucis, foris subcani ac rugosi, intus rubicundi & venosi, sapore subamaro, adstringente & aromatico præditi, odoreque fragrante. A Mercatorum Societate ex India Orientali Amstelodamum transportantur, in alias regiones vehendæ, testibus *Christoph. Frickio in der Ost-Indianischen Reise* pag. 138. *Linschottano, Mercklino, Mandelslo in Itinerariis, & Hülsio in Navig. in Ind. Orient. p. 2. c. 19.*

## §. 2.

Hæ nuces Moschatæ in Insula Bandam vicinisque locis copiose crescunt, & quidem in arbore, quæ secundum *Joh. Nieuhoffii* descriptionem in cap. 15. *Itinerarii Sinitici*, pyri magnitudinem, corticem cinereum, porrosum lignum purpureumque nucleum habentis. Folia ejus dicuntur fragrantia, quorum forma à *Pluketo & Rumphio* præsentis Tab. Fig. 2. delineata est. Instar cerasi floret, nisi quod flosculus flavescat, tantamque fructuum profert copiam, ut arbores se inclinent. Fructus immaturus pyra moschatellina, maturi verò mala persica æquant, ut in Fig. 3. & 4. Tab. antedictæ videre licet. Tribus autem præditi sunt corticibus, antequam nucleus sistitur videntur, quorum primus mollis est succosusque, ut viride nucis juglandis tegumentum, matu-

ritatis tempore sponte sua hians, ut alter, qui ruber est, non tamen integer seu continuus, sed quasi diffusus, appareat, Foliis, macis vulgo vocatus, & in arbore sanguineus apparens, vid. genuinam descriptionem in *Appendice hujus Tract. post India Orientalis epistolas*. Sub his tertius isque tenuis, sed durus lignosusque latet cortex, cui nucleus s. ipsa nux moschata includitur. Fructus hujus desiderio certæ quadam aves, psittaco paulo majores, dicuntur teneri, quæ simulac exterior cortex discessit, nucem moschatam una cum floribus eximunt eduntque, à Batavis propterea Nuciphagæ (*Nuß-Eßer*) vocatæ, quas incolæ ob saporem pergratum prorsusque aromaticum cum interaneis edere perhibentur. Si quando nuces cum excrementis egerunt, arbores moschatæ sponte excrescunt, ut *H. I. Saar, in dem Ost-Indianischen Kriegs-Dienst, c. 3. Nieuhoffius l. c.* aliique memorant. Quamquam ex excrementis progeneratæ arbores non adeo perdurent, vilioresque fructus, quam reliquæ, proferant, parum propterea æstimatos, nisi quod maceris gratia, quacum optima miscetur, colligant. Optimæ arbores è nucibus generantur, facile radices agentibus germenque emittentibus, præsertim si cum toto & seminifero fructu terræ mandantur, quæ de re supra laudata descriptio agit pluribus.

## §. 3.

Maturæ nuces ab Insulæ Bandam incolis Aprili, Majo Augustoque mensibus colliguntur,



tur, quoniam arbor ter annuatim fructificat. Fœminæ nuces corticibus eximunt, macerem separant, nuces in Sole exsiccatas aqua calcis, è conchis coralliisque calcinatæ, eluunt, quò à putredine defendantur, & trans mare vehi possint. Enimverò *Marxius* in *Mater. Mus.* pag. 38. non sine causa metuit, hac ratione pondus istarum augeri, hocque ipsum intendi. Harum nucum certum pondus, *catia* vulgo dictum, sive  $\frac{1}{4}$  lb, quinque stüferis vel albis Batavicis, atque ita libram præter propter drachma Minica, æquale verò maceris pondus sive catia novem stüferis, hujusque libram  $3\frac{1}{2}$  drachmis Indi Batavis dividunt; pro annorum tamen diversitate pretium nunc decrescit nunc intenditur, vid. *Schurzius Mater. Mus.* pag. 62.

## §. 4.

In Bataviam transportatæ, Amstelodami in Domo Societ. Indicæ Orient. (vulgò im *Ost-Indianischen Haus*) eliguntur, in sortes seu species distribuendæ, quarum pulcherrimæ selectæque Finæ, permixtæ Mediæ seu in Sortis, vilissimæ Rumpi (vulgò *Rümpff*) vocantur. De ultimis variæ Materialistarum sunt opiniones, dum nonnulli, utpote *Schurzius* l. c. istas à sylvestribus, vel etiam immaturis, à nucum esoribus ut dictum, plantatis, proficisci existimant. *Marxius* contra negat, Rumposque immaturas, inveteratas, aut cariosas nuces esse credit, ex quibus tamen quidam Pharmacopolæ magnum quarere commodum sciunt, dum ex istis, magna copia vilius emtis, oleum nucistæ exprimunt, sive destillant, ut quidam haud ita pridem Francofurti mihi ingenuè confessus est.

## §. 5.

Cæterum non docti solum, sed Materialistæ quoque nuces moschatas in duplicem sexum, masculinum ac fœmininum distinguunt. Nux Moschata Mas oblonga, maribusque bona, Nux Moschata Fœmina rotunda fœminisque utilis esse perhibetur; quanquam alii contrarium statuunt, longamque moschatam Uterinam solent vocare: Quorum opinionem *Ettmüllerus* in *Comment. Schræd.* pag. 609. erroneam vult agnosci, rotundam potius ita vocandam existimans; id quod etiam *Georgius Meisterus* im *Ost-Indianischen Lust-Garten* pag. 74. confirmat. Quoniam verò hic auctor confitetur, Indiæ scriptores, *Neubosium* aliosque hanc parum æstimare differentiam, ac B. Dn. Licent. *Dietzius*, in *Disput. Inaug.* Anno 1680. hic *Gieslæ* de *Nuce Moschata* habita, postmodum verò auctiori edita pag. 16. refert, sibi, cum esset Roterodami, nautam, ex India Orientali reducem factum, certo asseverasse, in India unam saltem speciem, scil. rotundam inveniri, ac præterea etiam certum est, longas rarò videri, affirmare quidam non dubitant, istas non peculiarem constituere speciem, à peculiaribus distinctisque arboribus provenientem, sed in-

terdum, ut in cæteris fructibus solet, inter alias forte per lusum Naturæ crescere. Quæ tamen opinio prorsus falsa est, dum haud ita pridem Materialista quidam, *Job. Gottfried. Vitus*, qui diu in India Orientali commoratus est, me fecit certiore, revera peculiarem esse speciem, ejusque duas arbores in Batavia Nova, in horto juxta diversorium ante portam novam videri, de quibus etiam virentium foliorum, florum fructuumque delineationem, cum genuinis coloribus, desumserat, simul cum vulgari à Dn. *Basilio Beslero* in *continuat. rariorum æri incisorum* oculis subiectam. Vid. *Fig. I. Tab.* hic appositæ, cum primis autem *Tab. III. Indiæ Literat.* Imò & aliæ Malabaricæ nuces moschatæ inveniuntur, nullo prorsus sapore odoreque præditæ, nihili propterea æstimatæ, & apud nos raro vel nunquam visæ, quarum delineationes descriptionesque in *Horto Malab.* reperiuntur.

## §. 6.

NUCES MOSCHATÆ REGIÆ  
(*Königs-Nüsse*)

adhuc rariores sunt, quarum fere nemo, præterquam *Wormius* in *Mus.* pag. 210. meminit; figura cæteris quidem sunt similes, majori verò piso non majores perhibentur. Hinc est, quamobrem prælaudatus *Wormius* primùm existimaverit, istam ab juniore quodam homine, modo ex India Orientali reduce facto, donatam, immaturam corruptamque esse: quam cum dissecuerit ostenderitque solito colore, sapore & odore pollere, isti relationi fere habere fidem videtur, quanquam istius mentionem hucusque fecerit nemo. Quamobrem alii existimant, interdum inter veras ita crescere, dum fieri solet, ut extra suctum naturæ cursum una aliam magnitudine superet, quæ *Schurzii* est ratio. Enimverò & hæc ratio ex supra adducta nucum moschatarum descriptione facile tollitur, ubi aliqua ejusmodi species recensetur, vid. *Appendix hujus Tractatus.*

## §. 7.

Optimæ nuces cineracæ sunt & quasi marmoratæ, intus rubicundæ, graves, solidæque & oleosæ, rasæ odore fragrantæ, inque ore acrem aromaticum relinquentes saporem. Mediæ sive in Sortis legantur: videamus etiam, ut ne Rumpi & cariosæ permisceantur. Parvum tamen foramen, in omni nuce moschata reperiendum, nos minime turbet, quippe quod non caries est, ut nonnulli existimant, sed ab tenui pellicula, una cum cortice avulsa, oritur, secundum *Pometum* in *Histoire des Drogues.* pag. 203.

## §. 8.

Ratione virium nuces moschatæ calidæ exsiccantis & subadstringentis naturæ sunt, quoniam non modo nervos ac cerebrum, sed etiam & præsertim uterum, viscera stomachumque confor-



tant. Quæ quod oleo suo succum ventriculi nimis edulcant mitigantque, Indi recentes nuces vereque maturas sale & aceto macerare, atque ita ante pastum acuire appetitum perhibentur, quippe qua ratione oleum superfluum quodammodo mitigatur. Sæpius vero nuces moschata vel super pane tosto teruntur, vel in pulverem redactæ ad omnes diarrhœas, dysenterias &c. ab junioribus senibusque usurpantur: quo in casu quidam integræ nucem moschatam super candela incendunt & comburunt, postmodum vero propinant, quod aliis probatum antifebrile habetur. Hæc nux gravidis etiam ad confortandum conservandumque partum perutilis est; in colica flatus dissipat, & aliàs quoque in variis corporis affectibus vario modo usurpatur, id quod per plurimos morbos Medicorumque formulas à supra citato *Dn. Dietzio*, in *Tract. de Nuce Moschata*, fusiùs ostensum fuit. *D. Hoffmannus* è *Jac. Bontio* observat nuces moschatas etiam vi somnifera pollere, propterea que non esse abutendas, vid. *Clav. Ejus* pag. 507. Externè, una cum aliis speciebus, gravidarum umbilicis applicatæ, foetum confortant: si vero ab admissio exteriori aëre uterius infletur, fumigandus, ut *Ettmüllerus l. c.* ex aliis Practicis ostendit. Nonnulli ex pulvere nucis moschata & alumine cum melle elegans pro gingivis electuarium conficiunt, ad istarum hæmorrhagiam compescendam, quod etiam dentes roborat.

## §. 9.

Supra dictos effectus etiam nuces moschata exerunt, quæ prorsus recentes & immaturæ, in Bandam Insula, cum putaminibus, ut nuces juglandes apud nos, circa Johannis diem, cum melle aut saccharo condiuntur, ac postmodum ab Indis numero millenario venduntur: quarum maximæ & cum saccharo conditæ habentur optimæ, præsertim si adhuc recentes sint, non acidæ, nec mucidæ sapore appareant, ut *Marxius l. c.* docet. Et hæc sunt in officinis dictæ

## NUCES INDICÆ CONDITÆ,

per quas non coci nuces intelliguntur, aliàs proprie Nuces Indicæ dictæ. E Batavia interdum cum syrupo s. brodio, nonnunquam sicca veniunt, stomacho admodum utiles, ac propterea à Septentrionalibus ad scorbutum vehementer æstimatæ.

## §. 10.

Istarum locò in Galliâ ficcum de nuce moschata pulverem habent, quem

## POUDRE DUC,

s. pulverem Ducis (*Hertzogen-Pulver*) vocant. Ex libra una sacchari, & nucis moschatae uncis duabus constat, cui nonnulli aliquid cinnamomi addunt. In vino calido ad raucedinem,

à refrigeratione ortam, usurpatur, de quo vid. *Pometus loc. cit.*

## §. 11.

Porro duplex habetur oleum, expressum & destillatum. Illud vulgò in officinis

## OLEUM NUCISTÆ EXPRESSUM

dicitur, quod partim ex India Orientali in vas Porcellanis affertur, crassum, pingue, colore macerem æmulante, odore fragrante: partim à Batavis præparatur, placentis quadrangulis afferri solitum, priori durius, pallidius, nec adeo fragrans; propterea que multo vilius. Quum verò verum & Indicum apud nos perrarum sit, ut *Dale* in *Pharmacol. pag. 395.* meminit, Hollandicum contra vehementer sit adulteratum, ac de sententia *Pometi* maximam ferè partem è recenti butyro constet, ab istoq; propterea rejiciatur; hinc melius sibi consulunt Pharmacopola, id si ipsi præparant. Facile verò succedit labor, quando grosse contusæ nuces moschata, in panno hirsuto, super aqua fervente tenentur, postmodum inter duplicatum pannum hirsutum & laminam, similiter vapore aquæ ferventis calefactam, quoad ejus fieri potest, citissime exprimuntur. Oleum eleganter aureum, sapore & odore gratum sit. Alterum destillatur, unaque nucum libra olei destillati unciam suppeditat, secundum observationem *Vielheuri* pag. 130. Ex hujus capite mortuo *D. Hermann* aliud adhuc oleum extorsit, vi somnifera, opii adinstar, præditum, vid. *ejus Msc.*

## §. 12.

Quæ bina olea vi stomachum cætera que viscera roborandi ac calefaciendi pollent eximia. Ut plurimum verò oleum expressum internè externeque infantibus præscribitur, si quando ex stomacho debilitato diarrhœa afficiuntur. Loco corporis pro blasamis etiam inservit, ut ex isto omnia externa balsama conficiantur; quemadmodum & *Scherzeri* balsamum, in Saxoniâ adeò celebre, ex isto maximam partem constat.

## §. 13.

Eosdem usus præstat quoque

MACIS, vulgò *Muscaten Blumen*.

Proprie non flos est, sed medius cortex, nucem moschatam instar retis ambiens. Genuinum flosculum in arbore, luteo colore præditum, vid. in *Fig. 2. Tab.* hic appositæ. Principio Macis prorsus rubere, postmodum vero aureum acquirere colorem perhibetur & sapore multum acriori magisque aromatico pollet, quam nuces; quæ causa est, quamobrem Indi macerem ad medicinam, nuces ad cibos fumant.

## §. 14.

Optima seu fina macis colore eleganter saturata sit, è magnisque frustis constet. Mi-



nora Mellana seu mediocria sunt, ut *Schurtzius* pag. 62. loquitur, quæ negligenda, præsertim, si simul pallida fuerint, id quod indicium est ista esse inveterata ac viribus destituta. Ab ignivomo monte interdum corrumpuntur, ut præter opinionem pretium sæpe crescat, sicuti quidam in Indiam Orientalem navigans mihi retulit.

## §. 15.

Similiter exinde oleum exprimi potest ac destillari. Quoniam vero tantum non habet

olei atque nuces, ac propterea parum suppetat, operæ non erit pretium. Quod si vero pulchrum, fluidum, rubrumque ac fragrans OLEUM MACIS EXPRESSUM, ex India in vitreis lagenis, teste *Sam. Daleo*, offerri creditum, posset haberi, istius omnino utilis esset usus. Id vero cum rarum sit, vulgare contra, quibusdam UNGUENTUM MACIS dictum, magis ex sevo & oleo nucis moschata constans, priori neutiquam accedat, bonæ notæ oleo nucis moschatae simus contenti.

## CAPUT VII.

DE

## CARYOPHYLLIS AROMATICIS ET REGIIS.

## §. 1.

CARYOPHYLLI AROMATICI ab Hispanis primitus GIROFFE & GIROFLE, & postmodum CLAVI dicti, nihil aliud sunt, quam longiusculum principium fructus cujusdam arboris, clavi formam referens, superius quatuor aculeos seu apices, inque istorum medio rotundum globum sive occlusum habens florem, inferne vero acuminatum sive turbinatum, compressum & quadrantenus rugosum. Coloris ex opaco fusci sunt, saporis acris aromatici, odorisque fragrantissimi. A Societate Indica ex India Orientali Amstelodamum, in domum mercibus Indicis dividendis dicatam, transportantur, in qua præter alia aromata seliguntur, in Imperium aliasque regiones transmittendi, secundum testimonium *Max. Transylvani* in *Epist. de Moluccis Insulis & Schiesai im Persianischen Rosenthal* pag. 117.

## §. 2.

Caryophyllus arbor (quam Insularum Moluccarum Incolæ *Siger*, folia *Varagna*, fructum verò *Chamque* vocant) hodie plerumque in Amboina, in India Orientali, sponte sua crescit, quamvis & ab hominibus plantari possit & à certis columbis, fructus devorantibus, propagetur. Ratione figuræ externæ instar lauri apparet, sed major, cujus lignum ad buxum, folia vero ad folia lauri similitudine accedunt. Quando florere incipit, fragrantiam spirat longe gratissimam. Flos principio albus existens, deinde viridis & tandem ruber evadit, quo à pluvia sæpe corrupto, arbor tamen insequente Solis calore se colligit, novumque florem profert, quo fructus suos progeneret, quorum in cacuminibus 10. & 20. juxta se invicem & tam prope insident, ut anno fructi-

fero, qualis fere tertius quique existit, multæ arbores certa duo pondera, *Baren*, à Græco *Βάρος* dicta, quorum quodque 625. libras continet, proferre possint. Decutiuntur fructus bacillis, ut in Europa nuces, scopis prius loco sub arboribus depurato: quamvis jamdum satis plana sint loca illa, cum arbor hæc neque herbas, neque frutices juxta se patiatur, omne sibi vindicans è terra alimentum, teste *Bartholomæo Leonhardo d' Argenfola*, Hispano, in *Descript. Insul. Moluccarum* p. 156. Hinc in Insulis Moluccis tanta caryophyllorum copia olim succrescebat, ut singulis annis 4000. Bari colligerentur, relictis adhuc Incolis 2000. baris pro labore: qui conjunctim 6000. efficiebant, quovis baro V. Centenarios Ternatenses continente. Vid. *modò cit. Aut.* Qua mercatura cum Batavi multum acquirant lucri, nullam aliam Nationem in istius admittunt societatem. Quæ causa est, quamobrem in Moluccis Insulis, inprimis Ternata, ubi aliàs caryophylli copiose & sponte luxuriant, omnes arbores eradicari, & in Insulam Amboinam transplantari curaverint, quod isthic loci ad cogendas Nationes alias maximè valent. In Malabaria crescentes odore ferè destituti sunt, teste *Commelino* in *Not. ad Hort. Malab. lib. 2. p. 96.*

## §. 3.

Ipsi caryophylli principio ex albedo virent, postmodum evadunt rubicundi, qui ante, quam maturescunt & fusci fiunt, ab Insularibus, ut jam ante dictum, mediantibus baculis decutiuntur, in Sole exsiccandi, quoniam ob sal volatile vires ad maturitatem relictæ deperdunt, & neutiquam adeo acres fiunt & efficaces, ut vulgares caryophylli Aromatici. A principio vel medio Septembris usque ad Februarium colliguntur. Ad conciliandum colorem



colorem nigrum dicuntur fumigari, ut *Rumphius in Epist. ad D. Menzelium Misc. A. N. C. Dec. 2. Anno 1. inserta*, & *Georgius Meisterus in Ost-Indischem Lust-Gärtner pag. 75. referunt.*

## §. 4.

Optimi saturatè nigri, non rubri s. inertes, nec sine oleo esse perhibentur, qui ultimi isti sunt, qui nondum ad debitam perfectionem accreverunt, & cum aliis fuerunt decussi, ut *Georg. Nic. Schurtzius in Mater. Mus. pag. 36. commemorat.* Præterea vere ficci, facile friabiles, ac superioribus capitellis adhuc instructi sint, unguibus etiam interpressi, aut calida acu transfossi aliquid suppeditent olei. Id etiam videndum, ne humidi sint, succo limonum, aqua marina aliaque macetati, quippe qua multum depidunt virium, teste *Ettmüllero in Comment. Schræd. pag. 536.* quod tamen facile apparet, si quando observatur, num ex istis, unguibus compressis, oleum aut aqua effluat. Magis verò rejiciendi, ex quibus jam extractum oleum est, quales sæpe cæteris permiscuntur, ut *Pometus in Hist. des Drogues pag. 199. refert.* Tandem nec pulvere defœdati, nec capelettis permisti sint, vid. *Marxius in Mat. Mus. Germanico pag. 68.* Per Capelettos, alias quoque Fusti dictos, festucæ s. petioli caryophyllorum intelliguntur, à quibus caryophyllos selectos decet esse depurgatos. Caryophyllos contusos emituri videant, ut ne cassia caryoph. vel Fustis, à Materialistis seorsim viliusque divendi solitis, adulterati sint.

## §. 5.

Caryophylli vi vehementer calefaciente, penetrante ac resolvente, qua pollent, caput, cor, stomachumque ac nervos confortant, atque propterea in lipothymia, frigido stomacho, vertigine & præsertim in odontalgia, à frigidis catarrhis orta, usurpantur: quo in casu etiam

## OLEUM CARYOPHYLLORUM

crebrius adhibetur, quod Batavi magna copia inde destillatum ad nos transferunt; valde acre sit, ac caryophyllos sapore prodar, aquæ etiam supernatet. Si quando cum ☉ Cassiæ caryoph. metuitur adulteratum, aqua infundatur, cui supernabit, oleum cassiæ autem petet fundum. Recens aureum colorem præ se ferat, inveteratum enim evadit rubrum. Ex libra una caryophyllorum ziss aut ziss olei possunt acquiri, secundum supputationem Pharmacopœ *Vielheuri*, in *Descript. Mat. Exotic. pag. 87.* Ex ligno arboris quoque destillari potest, quippe quæ prorsus aromatica est, ut *D. Hermann* in *Misc.* commemorat. *Lemery Gallus* peculiari quodam artificio è caryophyllis album prolicere oleum docet, sumptibus impendendis tamen indignum. Qui fumigando odoris conciliare gratiam solent, magna in copia istud consumunt: in Medicina vero ad rigorem febrium usurpatur, scrobiculo cordis illinendum. In dispensatione Theriacæ opobalsamo substitui-

tur. Plura præparata in *D. Fridelii Disp. Inaug. de Caryophyllis Aromat.* reperiuntur.

## §. 6.

Iidem isti caryophylli, tamdiu in arbore relictæ, donec veram maturitatem nanciscantur debitamque perfectionem accipiant, postmodum

ANTOPHYLLI (*Mutter-Näglein*)

vocantur, cæteris quidem similes, sed multo crassiores, perfectiores & aliquantum nigriores, sub duriusculo cortice oblongum & fuscum nucleum habentes, saporis pergrati aromatici, non quidem adeo fortis, atque in prioribus, gratioris tamen. Veri antophylli duram nigramque resinam, valde grati cum odoris tum saporis, in se continere dicuntur. Ex *Pometi* relatione pollice interdum haud multum minores sunt, quanquam ipse nullos extremo auricularis articulo majores viderit: qui propterea etiam dubitat, num vere magni ad nos veniant, quippe qui magnopere non desiderantur. Ex qua ratione sibi in *Disput. laudata de Caryophyllis Aromat.* Halæ habita, tributum errorem dubium reddere posset, quippe quæ reperiendam in istis resinam negat. Pharmacopœ istorum loco sæpe è caryophyllis aromaticis vulgaribus majora frustra eligunt istaque sub hoc nomine divendunt: quæ tamen fraus vel propterea non admittenda, quod veri Antophylli multo temperatiores sunt, atque ita proprietatem habent à vulgaribus diversam.

## §. 7.

Hiscæ mediantibus arbores propagantur, qui in terram decedentes sponte radicem agunt & progerminant, id quod *Dn. Tournefort* Icone in *Pometi Hist. des Drogues pag. 198.* sistit contemplandum. Mulieribus in doloribus uterinis similibusque morbis, unde etiam nomen habent, præscribuntur; quem in finem ex istis quoque syrupus præparatur, ad inflationem uteri, fluxum album mulierum harumque sterilitatem à *D. Ettmüllero l. c.* commendatus.

## §. 8.

Præter memoratos perexigui reperiuntur caryophylli,

CARYOPHYLLI REGII (*Königs-Näglein*)

vocati, à paucis adhuc, aut fere nemine præter clariss. *Wormium* in *Mus. pag. 203.* descripti. Vix crassitie hordei granum æquant, suisque spiculis, quorum utrinque sex vel octo apparent, coronam repræsentant; flori quam fructui similiores sunt, ut ex *Mus. Germ.* figura (cui similem fructum Francofurti ad Mœnum apud *Dn. Vitum*, cum modò ex India Orientali venisset, ipse vidi) à *Plukeneto Tab. 155.* delineati sunt: cæterum colore saporeque ac odore reliquis sunt similes.

## §. 9.

Caryophyllus Regius arbor, ab incolis Insulæ Macciam magno in honore haberi, atque



THINCA, RADOL i. e. Caryophyllus Regius vocari, imò ab Rege hujus Insulæ excubiis custodiri dicitur, ut ne violetur, nec fructus facile auferri possit, difficulter propterea rarissimeque comparandus. Recepta simul opinio est, unicam saltem in Orbe terrarum reperiri arborem, arboresque reliquas inclinando istam venerari, istaque florente, flores de cæteris decidere. Quæ tamen omnia fabulæ quam historiæ similia sunt, ( quanquam certa quædam persona, quæ arborem ipsa vidit, memorato Wormio ista tanquam certa narravit, ) dum Dn. Rumphius in epistolis suis ad Dn. Herbertum de Jager certio-

res nos reddit, genuinū Caryophyllum Regium prorsus esse eradicatum, quæ causa sit, quamobrem fructus adeo rari facti sint, ut infra in *Appendice ex Epist. India Orientalis* apparebit.

## §. 10.

Quanquam hos caryophyllos iisdem polere virtutibus, atque priores, nullum sit dubium, rariores tamen sunt pretiosioresque, quam ut in cibis ac medicamentis possint adhiberi. Quamobrem in Artificium Naturaliumque Museis saltem raritatis causa asservantur, ab Indis vero filo trajecti loco monilis & armillæ, gestantur.

## CAPUT VIII.

## DE

PIPERE NIGRO, ALBO, LONGO ET  
HISPANICO, UT ET CUBEBS.

## §. 1.

Inter varias piperis species  
PIPER NIGRUM

communissimum & usitatissimum, quod, ut jamdum unicuique innotescit, è rotundis, nigrisque ac rugosis granis, pisum magnis, constat, saporis valdè acris, urentis & tantum non igniti, odoris boni aromatici. Ab Societate Mercatorum ex India Orientali affertur, in magnis faccis hinc inde transmittendum. Sine appposito s. cognomine à Medicis præscriptum nigrum sumendum postulat.

## §. 2.

Herba, è qua piper excrefcit, in Java majori copiosè invenitur & species convolvuli est, lata multisque crassis venis ornata folia habens, Betelo (speciei longi piperis in *Horto Malab. Tom. 7. Fig. 13.* eleganter delineatæ) haud multum dissimilis, quarum differentiam *Fabius Columna* in *Annot. ad Anton. Recchi Rer. Nov. Hispan. pag. 876.* clarè ostendit. Si quando nunc piper modò in *Appendice hujus Tract.* post *Epistolas India Orientalis* commemorando latum s. plantatum est, herba, ad modum hederæ, capreolis suis aliis arboribus adhæret, circumnascendo ascendit, multosque emittit turiones, duas vel tres spithamas longos; singulo capreolo adhærent sex circiter piperis uvæ, pedis fere longitudine, in quibus multa grana, colore uvæ baccas æmulante, maturitatis instante tempore apparent. Postmodum mense Octobri, quando adhuc viridia sunt, super tegete ex palmæ foliis constante, seliguntur, tridui tempore Soli exponuntur, ubi tum sicca nigraque ac rugosa fiunt, id quod *Marxius* in *Mater. Mus. Germanico pag. 144.* & *Vielheurius* in *Descript. Mater. Exotic. pag. 142.* ex

aliis descripserunt, atque in *Horto Malab. Tom. 7. Tab. 12.* confirmatur.

## §. 3.

Piper nigrum ferè triplex est, secundum *Schurzium* in *Mater. Mus. pag. 68.* magnum, medium & parvum. Præterea etiã multum in carina ab aqua marina corruptum ad nos fertur, multoque vilius quam reliquum divenditur. Multò vero clarius piper pro diversitate regionum, unde venit, à Materialista Gallo, Dn. *Pometo*, in *Histoire Generale des Drogues Part. I. Lib. 7. pag. 139.* ita distinguitur, ut primum & pulcherrimum sit Malabaricum: secundum *Jamby*: tertium Bilipatham veniat. Quod ultimum licet prorsus siccum, macrum ac minutim granulatum sit, à Turcis tamen maximi æstimatur, & quoniam non nimis calidum est, plerumque quæritur: Cujus perpaucam Batavi quantitatem afferunt, utpote Turcas studio sua abundare opinione finentes, contra vero grosse granulatum idque ponderosum piper eligunt, quod à Barbaris plerumque pro aliis mercibus, utpote mercurio, cinnabari, opio ac similibus permutant. Quod causæ est, quamobrem istud multo vilius quam Angli vendere possint, quod hi præsentī pecunia emunt, Batavi contra permutandis suis mercibus sæpe centum florenis centum lucrantur, qui istud tanta afferunt copia, quæ in navibus loco saburræ esse possit, teste *Georgio Meistero* in *Ost-Indianischen Lust-Gärtner p. 114.*

## §. 4.

Commendatur piper, si quando grana decenter crassa habet, ponderosum, subfuscum, læve, nec nimis rugosum est, multa etiã alba grana continet, quæ cæterorum omnium ad in-

star,



star, non facile friabilia sunt, sed integra manent. Videndum quoque, ne maxima optimaque grana electa exempta sint, ex quibus dolosi quidam Materialistæ ac Pharmacopolæ piper album præparant. Quem dolum granorum in aquam abjectio detegit: quæ enim jam aqua calida macerata, sicque alba facta sunt, supernant, facileque manu fricantur. Quod piper multum admistum habet pulveris, indignum est, quod offeratur vendendum. Quoniam etiam aromatarii capsularumque vectores piper plerumque tritum ac pulveratum offerunt vendendum, granis Paradisi prius adulteratum, aut pane tosto rebusque aliis permistum, prudens paterfamilias istis non facile fidem habeat, sed piper, sicut & cætera aromata, potius integrum quam contusum emat.

## §. 5.

Virtus piperis in valde calefaciente solventeque & exsiccante volatili sale, igneoque oleo consistit, quo ad calefaciendum frigidum stomachum, & consumendam omnem pituitam in isto reperiundam valet. Quamobrem piper non solum omnibus frigidis lentisque cibis additur, sed in Medicina quoque crebrius usurpatur, dum aliquot grana saltem grosse comminuta & ita deglutita imbecillum stomachum confortant, appetitum acuunt, flatusque dissipant. Vulgus ad Febrim crebrius usurpat, dum septem vel decem grana grosse contusa, cum cochleari spiritus vini ante paroxysmum assumit, sudoremque expectat; quod tamen non semper tutum, & saltem frigidis robustisque naturis conducit. Tutius est, ut oleum piperis destillatum scrobiculo cordis vel spinæ dorsæ, ad temperandum nimium febris rigorem, illinatur. In officinis habentur species diatrion pipereon, ad morsulos cephalicos stomachicosque, pulveres stomachicos & similia sumi solitæ.

## §. 6.

Num vero ex prædicto pipere nigro

## PIPER ALBUM

sola & artificiosa maceratione excorticetur ac præparetur, aut ita naturaliter crescat, inter Naturæ Scrutatores ac Materialistas nondum convenit. Multi priorem sententiam amplectuntur, dum non modo *Erasmus Francisci* in *Ost-Indianischen Lust-Garten* pag. 399. sed etiam Societas Anglica Londinensis in *Actis* Vol. I. pag. 879. atque Auctor *Horti Malabarici* Tom. 7. Tab. 12. pag. 23. confirmant, à nigro album proficisci piper: quibus etiam *Ettmüllerus*, *Charasius*, *Marxius*, *Schurzius* alique assentiunt, adeò, ut prædictus *Charasius* in *Hist. de Theriac. Ingredientibus* pag. 146. majores aliosque, piper album ita crescere existimantes, variis argumentis sumat refutandos. Alii contra, utpote *Gerhardus Parkinsonius* cum iis, qui notitiam herbarum

exoticarum maxime sectati sunt, defendunt contrarium, peculiarem describentes convolvulum, qui ex albo cineraceum piper progeneret, quique in figura à *Pometò* sistitur contemplandus. Id quod nec clarissimus inque hac scientia valdè expertus *D. Hermann* in *Msc.* nec *Daleus* in *Pharmacologia* pag. 446. prorsus voluerunt negari, simul vero contestantes, nullum naturaliter album piper ex India in Europam venire, sed nostras arte ex nigro præparari.

## §. 7.

Modum præparandi *Moses Charasius* libro cit. pag. 148. describit. Nempe maxima gravissimaque piperis nigri grana aqua marina macerantur, donec exterior cortex infletur, & separari incipiat, quo facto si Soli exponuntur, exterior rugosaque pellicula mox secedit, ipsaque grana ex albo cineracea relinquuntur. Quamobrem quod non solum optimum piper eligitur, sed aliquid etiam requiritur laboris, album piper multo evadit carius, quam nigrum. Vide, sis, post *epistolas Indiæ Orientalis* commemorandam piperis plantationem, ubi ultimo etiam de pipere albo agetur.

## §. 8.

Optimum est Hollandicum, grosse pondroseque granulatum, quod nec ulla nigra grana, multo minus fragmenta pulverum ac simile quid continet. Nec fucatus sit color albus, nec insolatione præparatus, id quod facile apparet, quoniam manibus frictum statim flavum evadit, modo leviter aut parum tinctum sit. Verum etiam piper album in lateribus strias, tanquam costas, ostendit, contusum vero farinam ex albo cineraceam suppeditat.

## §. 9.

Istius atque nigri idem est usus, unaque cum hoc ad Theriacam sumitur. In Gallia piper album ambratum faciunt, dum grosse contuso aliquid essentiae ambrae aspergunt, cui *BERGERAC* nomen indunt. Primates isto in cibis juxta atque in Medicina, ad pulveres stomachicos & trageas utuntur, vid. *Pometus* l. c. pag. 192.

## §. 10.

Quod ad piper rotundum Indiæ Occidentalis attinet, cujus *Hernandezius* in *Hist. Mexicana* & *Francisc. Redi* in *Exper. Nat.* pag. 168. sub nomine

## PIPERIS TAVASCI

faciunt mentionem, quodve ab aliis *PIMENTA*, *PIPER de JAMAICA*, de *THEVET* &c. vocatur, jam alio loco, ubi de Cassia egimus, de isto fuimus locuti.

## §. 11.

Meliori autem jure hic etiam

## PIPERIS LONGI

meminimus, cui id inditum nominis est, quod



ē longis, cineraceis & ē multis granulis concretis bacillis, parvum infantis digitum æquantibus, constat, & sapore juxta atque odore rotundo simile est, simili etiam ratione in convulvulo crescit, in *Horto Malabar. Tom. 7. Tab. 14. 15. 16.* delineato. Non minus ex India Orientali plerumque affertur, quanquam in India Occidentali reperiatur simile, uti mox commemorabimus.

## §. 12.

Quod piper longum herbæ multum diversæ increfcit, quam rotundum, dum non adhæret, nec tam alte circumserpit, sed instar fruticis erecta est, & prope terram dispergitur, de qua piper longum ad modum vermiculorum dependet; ex quô innotescit, istorum opinionem prorsus non invenire locum, qui piper longum nihil esse aliud existimant, quam piper rotundum immaturum, cujus uvulæ, antequam grana maturuere, ita appareant; id quod *Moyse Charasius* in *Hist. Theriacæ ingredientium* pag. 72. præ aliis diversis rationibus refutavit.

## §. 13.

Istius etiam tres inveniuntur species, i. Vulgare Orientale, quod in Bengala copiose coli solitum, vere recens, solidum durumque, nec cariosum sit, ad quod aliâs, licet acrius sit amariusque rotundo, valde proclive est: quamobrem in dispensatione Theriacæ petioli removendi sunt, omnisque cum pulvis tum farina debet abstergi. Alia. 2. species in India Occidentali crescit, ex valde longis bacillis constans, incolis MECAXUCHITL vocata, sub quo nomine chocolitam ingreditur, aliâs vero raro videtur. Succedit 3. Piper Nigrum Æthiopicum, quod in Abyssina & Æthiopia cauli repenti, sed sine foliis ac floribus, increfcit, & ex longis siliquis ac folliculis, longitudine parvi digiti, crassitudine calami scriptorii, constat, foris fuscum, intus flavesceus. Folliculi certis distracti nodis sunt, in quorum quolibet exigua faba est, foris nigra, intus rubicunda, sed inodora insipidaque, folliculo contra valde acri & aromatico existente, quo propterea Nigri ad odontalgiam, ut nos radice pyrethri, utuntur. Ceterum prorsus rarum ignotumque est.

## §. 14.

Longo pipere Indi in Medicina utuntur, ut rotundo in cibis. Apud nos raro & fere solum ad Theriacam sumitur.

## §. 15.

Ultimò etiam habetur piper Occidentale, quod in America, præsertim in Brasilia, ubertim crescit, ibidemque CHILLI, apud nos verò SILIQUASTRUM,

CAPSICUM (*Spanischer Pfeffer*)

vocatur. Ex oblongis & pollicem magnis siliquis constat, iisdemque rubris vel flavis apparentibus, valde acri urenteque sapore præditis. Primum è Goâ & Calicut afferebatur, hodiè verò

ubique è semine in viridariis hortisque aliis colitur.

## §. 16.

Herba crescendo ulnæ circiter altitudine asurgit, foliaque habet ex nigro viridia, lævia & oblonga, modo solani. Juxta ramusculos albi flosculi progerminant, in medio viridem umbilicum habentes, quibus deciduis siliquæ digiti longitudine succedunt, quæ primum virides, postmodum, ubi maturuerunt, vel saturate rubræ, flavæ aut fuscæ apparent, in quibus parvum & subflavum semen reconditur.

## §. 17.

Varia istius dantur genera, prout siliquæ longæ vel rotundæ, rectæ vel incurvæ, læves vel asperæ sunt, quorum quatuor apud *Theod. Tabernamontanum Lib. II. de Herbis* pag. 559. delineantur: melius tamen ab *Hernandezio Libro de Rebus Nat. & Med. Nova Hispan.* valdeque verbosè à *Gregorio de Regio in Tract. de Capsicis* descripta. Optimum adhuc recens sit, & ex integris, magnis vereque rubris siliquis constet.

## §. 18.

Viribus vero piperi valde prope accedit, stomachumque confortat, quo propterea non modo Americani, sed etiam Siamenses crudo, ut nos raphano, vescuntur. Cum saccharo quoque vel aceto ac fœniculo conditur, apud affaturas loco embammatis usurpandum. Indi Chocolatæ addunt, ad Veneris cupidinem augendam. *D. Ettmüllerus* in *Comm. Schræd.* pag. 628. ad febrim commendat, ante paroxysmum sumendum, ex istoque essentiam stomachicam præparat. Alias maximam partem ab acetorum confectoribus consumitur; quemadmodum & ii, qui spiritum frumenti præparant, hunc maxime debilem illo norunt confortare.

## §. 19.

Tandem etiam cubebarum hic fieri mentionem volumus, utpote specie æque ac viribus magnam cum pipere similitudinem habentium, quæ propterea Gallis Poivre à queue, sive caudatum piper, vocatæ sunt, quod exiguo petiolo sunt instructæ. Quæ

## CUBEBAE

rotunda siccaq; grana sunt, piper æmulantia, sæpe tamen aliquantum majora, nec adeo nigra, sed cineracea, foris rugoso cortice & exiguo petiolo prædita, intus vero quodammodò cava, & parvum rotundum nucleum in se continentia, qui extrinsecus niger est, intrinsecus albus, odoris fragrantis, saporis acriter aromatici ac subamari. Ex India Orientali, haud secus atque piper, ad nos feruntur, ubi in Java Insula copiose crescunt.

## §. 20.

Utrum verò cubebæ ab arbore, an ab herba proficiantur? ab hodiernum usque diem non prorsus



prorsus liquet, cum utraque sententia suos inveniat patronos, ut in *Sam. Dalei Pharmacolog. pag. 420.* potest videri. Quidam arbori incrementum existimant, quam *Plukenetus Tab. 140. Fig. 1.* sistit delineatam. Alii è contrariò rentur istas, piperis adinstar, è convolvulo crescere, ut in figura apparet, quorum opinionem Clariss. *Hermanxi in Msc. de Mat. Med. & Pometus l.c. pag. 195.* amplectuntur. Binæ vero partes istas è Java Insula venire confitentur, cujus incolæ, ut credibile est, illas aqua prius macerare dicuntur, quam ad nos transmittantur, ut ne in Europa plantari queant ac coli, teste *Hoffmanno in Clavi Schræd. pag. 461.* Decenter magnæ beneque cretæ sint, neutiquam rugosæ.

## §. 21.

Viribus pipere temperatiores sunt, calefaciunt stomachum ac viscera, confortant nervos, capitique conducunt. Inprimis ad vertiginem, plerumque è stomacho oriri solitam, valde commendantur, in qua istas in me ipso observavi præstantes. Memoriam quoque confortant, mansæque anhelitui conciliant gratiam: quem in finem non per se solum mandi possunt, sed confectio quoque potest usurpari. Ex istis quoque pulvis compositus habetur, sub nomine Specierum Diacubearum in officinis notus, & ad morsulos cephalicos stomachicosque perutilis. Ex oleo cum saccharo cando præparatur Elæosaccharum, iisdem in casibus valde bonum.

## CAPUT IX.

## DE

## ANACARDIO ORIENTALI ET OCCIDENTALI.

## §. 1.

**C**orda renesque jam secabimus, dum explicandorum fructuum unus cordis, alter renum repræsentat figuram. Ille à formâ

## ANACARDIUM,

Germanis *Elephanten-Laus* vocatur. Niger, splendens & quodammodo compressus fructus est, cor avis repræsentans, qui suo duplici cortice album ac subdulcem nucleum, inter ipsos vero cortices obscure rubram, oleosam, & acrem mucilaginem melligenam continet. Canonorâ, Cambajâ & Malabarâ ex India Orientali fertur.

## §. 2.

Variae de germine huius fructus sunt opiniones. *Pometus*, Parisiensis Materialista, in *Hist. des Drogues pag. 210.* fabæ speciem esse existimat, ad modum similium plantarum arbores ascendentes, qualem etiam in figura repræsentavit. Docti & Botanici contra istum in arbore feribunt crescere, quæ duplicata & lævia folia, parvos flaventes flosculos, hosq; fructus profert, & in *Horto Malabarico Tom. IV.* OEPATA vocatur. Quæ opinio priori eo magis præferenda, quoniam hic fructus superius aliquid de petiolo, de quo pependit, sistit videndum, quale quid in nulla faba apparet.

## §. 3.

Optima anacardia satis magna, recentia beneque creta sint, intus etiam nucleum eleganter candidum, amygdalæ similem, contineant. Parva rugosaque necquicquam profunt.

## §. 4.

Quod ad vires & qualitates horum fructuum attinet, valde calefacientis & quasi urentis naturæ sunt, adeo, ut recentia & adhuc viridia anacardia habeantur venenosa. Exsiccata vero tam acria ac corrosiva non sunt. Ob salem valde volatilem oleumque spiritus vitales reficiunt, morbisque senum cephalicis conducunt, apoplexiæ, paralyfi, memoriæ debili similibusque: quibus in casibus majores nostri CONFECTIONEM ANACARDINAM sæpe præscripserunt, quæ hodiè, ob varia acriaque ad istam sumenda aromata, nimis calida ac propterea non præcipue censetur usurpanda. Succum, inter duos cortices reconditum, Indos ad tingendum pannum xylinum, cui CATTUN nomen est, ferunt usurpare, quem adeo penetrat, ut prorsus elui nequeat. *Dn. D. Kampferus*, aliquot ante annos ex India Orientali redux factus, me quoque voluit fieri certiore, Chinenfes Japonensesque ex isto elegantem suum præparare Vernicem, neutiquam verò, ut alii opinantur, ex gummi laccâ. In Malavara isto ad corrodendum utuntur, cujus unicam guttulam denti cavo instillatam istum corrodere, casumque promovere perhibent, teste *Wormio in Mus. pag. 182.* *Christophorus à Costa* quosdam Indorum esse commemorat, qui fructum hunc cultri cuspidi intrusum accensæ candelæ admoveant, unde succus tam mire crepare, rarasque ignis scintillas discolores emittere perhibeatur, ut visui quasi fulgur appareat. Quò ipso fidem facere simplicibus volunt, sub isto fulgure sibi apparere Spiritus, manifestantes arcana. Tandem etiam



etiam in officinis habetur MEL ANACARDINUM vulgo dictum, quod nihil aliud est, quam prædictus succus, aqua exinde excoctus & præparatus, olim similiter in memoratis morbis capitis usitatus; hodie vero, haud secus atque OLEUM ANACARDII, raro præscribitur, vid. *Ettmüllerus in Comment. Schræd. pag. 512.*

## §. 5.

Occidentalia anacardia, ab Indis

## CAJOUS

& A CAJOU, à Batavis CASUBEN f. KAETTSHU, auctore *Meistero*, vocantur, ex oblongis cineraceisque granis constant, fabam Italicam magnitudine æquantibus & reniformibus. Ad modum priorum duplicem habent corticem, interque cortices rubicundum, urens ac corrosivum oleum, intus verò pulchrum niveumque nucleum, sapore amygdalas dulces referentem. Ex Brasilia aliisque locis Americanis veniunt; quanquam etiam in India Orientali reperiantur, à *Georgio Meistero* in *Ost-Indianischen Lust-Gärtner pag. 95.* descripta & eleganter delineata.

## §. 6.

Arbor, grana hæcce progenerans, sex pedes circiter alta est, sed valde lata & umbrifera. Valdè durum habet lignum, ex flavo virentia, folia, roseosque flosculos, instar uvarum compactos. Post istos ex rubro flaventem profert fructum, instar pomorum aurantiolorum, aut mali Persici, cui superius hæc grana f. Cajous insident, ut è figura apparet, quæ in

*Horto Malabarico Tom. 3. & Museo nostro Germanico* reperitur, ubi hæc arbor Kapamara nominatur.

## §. 7.

Hæc verò grana Cajous dicta, crassa, perfecta ac recentia sint, formaque externa olivas referant. Si quando interiores nuclei eleganter albicant, veræ maturitatis bonitatisque est indicium.

## §. 8.

Quod ad usum horum fructuum attinet, Americani flaventem fructum dissecare, saccharoque, ut nos poma citri, assumere dicuntur, & quoniam gratissimi sunt saporis, ipsumque cor reficiunt, Brasiliensibus hæc arbor sæpe belli existit causa, ut *Wormius pag. 192. Mus. ex Scriptoribus Indicis* recenset. Dura grana, f. Cajous, superius insidentia, torrentur, castaneasque sapore exprimunt. Stomachica vis illis adscribitur, nauseamque ac vomitum putantur sedare, ut *Rajus in Hist. Plantar. pag. 1649.* commemorat. Quod inter duos cortices reperitur oleum, vehementer acre ac corrosivum est, quo cancer aliaque ulcera curari, quo etiam clavi pedum absumi possunt. Rubras quoque faciei maculas nævosque faciei creditur curare, ut *Pometus in Histoire des Drogues pag. 209.* commemorat. De sententia quorundam terra Japonica exinde putatur oriri, propterea etiam Catzu à Cajou vocata: quam tamen opinionem *Samuel Daleus in Pharmacolog. pag. 340.* sufficienter refutavit; qua de re etiam jamdum alibi egimus.

## CAPUT X.

## DE

## GRANIS CHERMES ET GRANIS D'AVIGNON.

## §. 1.





GRANA CHERMES (*Karmasin - Beeren*) Grubra, levia & quasi squamosa grana, vel potius vermiculorum receptacula & matrices sunt, pisum magna, sapore subacria & amara; odore mediocriter fragrantia. Aliàs quoque grana tinctorum vocantur, quoniam, ut infra memorabitur, tinctoribus etiam inserviunt.

## §. 2.

Frutex f. arbuscula, cui adnascuntur, ilicis aculeatæ species est, quæ ilex coccifera vocatur, ex viridi splendentia aculeataque folia habens, copiose in Hispania crescens ac Lusitania, præsertim in quibusdam Galliarum locis, in Provinciâ Gallorum & circa Languedocum, unde grana succusque juxta in Germaniam transportantur. In ejusmodi frutice, præter naturales soli-

tosque fructus, inferius inter caudiculum & ramos nonnulli parvi globuli, pisa referentes, progerminant, caterorum è foliis supra infraque, ritu gallarum, provenientium, matres vocati, qui primum omnes incani sunt, postmodum vero rubescunt; & quoniam in istis, ut in omnibus ejusmodi fructibus excrementitiis, peculiares generantur vermiculi, medullam interiorem exedentes, aspersione fortis aceti incolæ istos arcent, quippe quorum divitiarumque conservatio fere in ejusmodi granis consistunt, pauperum inprimis, qui præter solum laborem nihil istorum collectioni impendunt, de quo vid. *Quinquernus Tract. de Laudibus Gallo-Provinciae* & omnino Comes Eruditus & Curiosus, *Ludovicus Ferdinandus Marsigli*, in peculiari Tr. A. 1711. Venetiis edito, cui Titulus: *Observationi naturali intorno al Mare ed alla grana*











*grana dicta kermes* : quæ in TAB. hæc apposita omnia eleganter ob oculos ponit, ubi

- Num.* 1. Ramus ilicis *Coccigeræ*, Grana *Kermes* subministrantis, exhibetur.
2. Grana *Kermes* ramis adhærentes & nudo oculo observandi, ut reliqua omnia numeris signata.
3. Frustulum ligni ilicis cum adhærente grano.
4. Idem granulum inversum, ut conspiciatur pellicula albicans, quæ in parte inferiore cingitur.
5. Idem granum pelliculâ illa spoliatum, ut vascula sive fibræ illæ observentur.
6. Granum verticaliter per medium divisum.
- Lit.* a. Frustulum ligni ex ilice *coccigerâ*, cum adhærente grano, oculo nudo observatum.
- A. Idem lignum & granum microscopiô inspecta : quæ duplex inspectio in omnibus seqq. recurrit.
- b. Granum inversum, pelliculam albicantem inferiorem ostendens.
- B. Idem granum microscopio inspectum.
- c. Granum pellicula illa spoliatum.
- C. Idem microscopiô observatum.
- d. Granum verticaliter discissum, succo rubro plenum cum ovis, qui longe aliter & elegantior est in vertice, quam in fundo.
- e. Granum, in quo videntur cavernulæ ovorum, postquam insectum est egressum, per foraminula illæ expressa.
- E. Illud ipsum per microscopium visum.
- F. Ovum à grano separatum, ejus figura minor illud, prout nudo oculo cernitur, exprimit, figura major autem prout microscopium illud exhibet.
- G. Ovum, è quô insectum prodire tentat.
- H. Insectum magis se exserens ex ovô.
- I. Insectum jam prorsus egressum, quod nihilominus mediante fibrilla seu filo (adinstar funiculi umbilicalis) ventri ovi adhæret.
- K. Insectum completum, secundum superiorem æque ac inferiorem partem observandum.

Ex America quoque venire grana *chermes* dicuntur, quibus tinctorum plerumque utuntur, ut *Ettmüllerus in Comm. Schræd. pag. 534.* commemorat. Ejusmodi grana similiter in Polonia è *Polygono coccigero* dicto colliguntur, de quibus *Curiosi in Misc. A. N. C. Dec. 1. A. 1. pag. 27.* & *Wilh. Robertson in Lexico Concord.* agunt pluribus.

## §. 3.

Quando collecta grana sunt, vel ita, ut creverunt, exsiccantur, in alias regiones transmittenda : vel succus aut medulla exprimitur, quem *Pharmacopolæ* saccharo miscent, inque alias regiones vehunt divendendum, ubi exinde confectio *alkermes* præparatur. Quæ remanent pelliculæ, depurgantur ac tinctoribus venduntur, à quibus *Pharmacopolæ* sæpius omnem expensam pecuniam recipiunt.

## §. 4.

In emtione grana *chermes* eligantur magna ac prorsus recentia, ultimo anno collecta, quæ vere ex obscuro rubra medullosaque sunt. *Cariosa* levique sunt inveterata, quoniam generati in istis vermiculi farinam interiorem, vulgò *Scharlach-Weid* dictam, absumunt, nihilque præter pelliculam seu receptaculum relinquunt, id quod granorum virtutem vehementer immittit. Quæ è *Languedoco* *Galliæ* provincia veniunt, plerumque sunt optima, quoniam & magna & intensè rubra : *Lusitana* tanti non æstimantur, utpote parva, macra, & ex atro rubicunda. Vid. *Pometi Lib. 1. Cap. 26. pag. 36.* præsertim vero *Joh. Stephanus Strobelbergerus in Tract. de Coccobaphiis.*

## §. 5.

Qualitas istis adscribitur subadstringens & confortans; illâ nervorum medentur vitiis, hæc spiritus animales in *lypothymia*, palpitatione cordis similibusque affectibus putantur confortare. Pulverata gravidis post casum, & parturientibus cum ovo commendantur sumenda. Alias maximam partem ad colorem coccineum pretiosorem, & in Medicina ad succum *alkermes* indeque oriundam confectioem sumuntur.

## §. 6.

Quod ad colorem coccineum attinet, non integra solum grana ad istum usurpantur, sed ex istis quoque tenera puraque farina extrahitur, vulgò *Scharlach-Weid*, *Gallis Pastel d'Ecarlatte* vocata. Optima istorum pars est, nisi ex recentibus valdeque rubris granis non extrahenda. Ista tinctorum ad pretiosos coccineos pannos utuntur : quæ merx cum ab impostoribus sæpe aceto aspergatur, istoque mediante & rubedo intendatur, & pondus augeatur, probe emtores videant, ut ne humida sit, nec odorem ingratum spiraret, quippe quo fraus detegitur. Deinde

## SUCCUS s. SYRUPUS ALKERMES

in Monte-Pessulano oppido, cum saccharo cassonado præparatur, in parvis ex albicante ligno confectis doliis in Germaniam locaque alia transmittendus, quem verè intensèque rubrum ac recentem debitaque consistentia ornatum, minime candisatum esse oportet. Si nimium habet sacchari, pallidior sit nimisque dulcis,



sine ulla amaritie, quæ in genuino, sine ullo tamen rædio, degustatur. Tempore necessitatis ususque huic syrupo alia cor confortantia, Margaritæ præparatæ, cinamomum similiaque possunt permisceri, ut adeoque loco

#### CONFECTIONIS ALKERMES

possit usurpari, præsertim, quùm docti quidam Medici quædam ob ingredientia vel nauseosa, ut est sericum crudum, vel interdum periculosa, ut est lapis Lazuli, istam malè commendent, ejusque loco aliam aliquam misturam è rosarum extracto cum *Dan. Ludovici* usurpent, ut in ejus *Pharmac. p. 708.* videre est. Quod si vero vulgo de sententia Veterum arrideat, secundum notas *Zuelferi* in præsentia Medicorum & Senatûs præparanda, neutrquam à Circumforaneis, illam pro vera Monspeliensi circumferentibus, emenda, quippe qui meras rejeçticias Materialistarum merces coëmunt iterum dividendas. Quam ob causam *Dn. Pometus l. c.* dolum istum detegi, omnesque homines admoneri voluit, ab ejusmodi impostoribus ut sibi caveant. Usus confectionis hujus notus est: vulgare confortans audit, & ultimum moribundorum asylum, ita tamen, ut completa viris, incompleta foeminis soleat præscribi. Vis autem hæc confortans copioso sali volatili, ab insectis oriundo & experimentis citati supra *Marsilii* adstructo, non secus ac in margaritis, concharum ovulis, tribuenda venit. Externè etiam scrobiculo cordis affricatur, infantumque ventri, imminenti-bus morbillis, inungitur: quo in casu Danorum Medicus, *D. Simon Pauli*, istam vehementer commendat. vid. *Quatrip. Bot. pag. 69.* De cæteris virtutibus aliisque Præparatis vid. *Ettmüllerum l. c. Strobelbergerum & Eichstadium*, in peculiaribus de ista libris.

#### §. 7.

Porrò & alia exotica grana tinctoria ex Italia Galliaque afferuntur, GRANA AVENIONENSIA s. GRANA d'AVIGNON vocata. Nobis adhuc prorsus ignota sunt, in Galliâ vero crebrò usurpantur, & à Materialistis conquiruntur, cum ob finem à *Pometo* in *Hist. des Drogues pag. 25.* descripta, & in figura oculis subjecta. Ex viridi flavescent, granaque siliginis æquant, nunc tribus nunc quatuor angulis ornata, cordis etiam referentia formam, saporis austeri & amari.

#### §. 8.

Crebrius circa Avenionem, Galliæ oppidum, sed Pontifici Romano subjectum, crescunt, unde etiam nomen obtinent; quanquam in Provincia Languedoco similiter reperiantur: quæ quoniam in Lycia quoque habentur, frutex Lycium, respectu vero acanthorum à quibusdam Pixacantha vocatur. Longos habet ramos, cineraceum corticem, flavas lignosasque radices, parva, crassa & myrtiformia folia, magnitudine buxi folia æquantia.

#### §. 9.

Ad conciliandum colorem flavum grana ista similiter à tinctoribus coquiruntur. In Batavia cum Romano aut Anglico alumine in aqua coquuntur, ex istisque cum alba ista materia, quacum alias cerussa adulteratur, massam conficiunt, in parvos tornatosque orbiculos formandam, quam exsiccatam sub nomine STIL DE GRAIN in Galliam & aliorum mittunt.

#### §. 10.

Quod stil de grain eleganter aureum tene-rumque ac friabile sit, non arenosum aut lutrum. Ad picturam vulgo miniatoriam dictam coloresque oleosos usurpatur.

## CAPUT XI.

### DE

## MALIS CITRIIS, AURANTIIS ET SINENSIBUS.

#### §. 1.

**M**ALA CITRIA usque eò ubique nota sunt, ut istorum verbosior descriptio putetur supervacanea. Foris citrinum s. pallidè flaventem corticem habent, multis punctulis interstinctum, intus album, saporis acris, subamari & aromatici, odoris fragrantissimi. Ex Media primum allata, MALA MEDICA etiam vocantur, hodie vero in Italia Hispaniaque magna copia aluntur, plurimaque à S. Remmes, Nissa, Manton, parvo Sabaudia oppido, veniunt, ubi certis saltem temporibus annuatim bis terve circiter consensu Se-

natus venduntur, tumque terra marique per Massiliam ac Lyciam in regiones alias transportantur, teste *Pometo* in *Hist. des Drogues Lib. 7. pag. 231.*

#### §. 2.

Citrus arbor s. malus citria non adeò magna est, sed magnitudinis mediocris; perpetuo viret, fructusque totum annum gestat, citius ad maturitatem non pervenientes. Folia foliis lauri & aurantiæ accedunt, perpetuo virent, multumque ac minutim perforata sunt. Flos subpurpureus est ac crassus, intus multis fibrillis præditus. Ramos parvæ spinæ interstin-



ferstinguunt, semenque in malis citriis fere lignosum est, instar grani hordei apparens. Totam vero arborem *Virgilius Lib. 2. Georg.* ita describit:

Media fert tristes succos, tardumque soporem

Felicis mali, quo non praesentius ullum:  
(Pocula si quando saxa infecere noverca,  
Miscueruntque herbas, & non innoxia verba)

Auxilium venit, ac membris agit atra venena.

Ipsa ingens arbor, faciemque simillima lauro,

Et si non alium lactans jactaret odorem,  
Laurus erat: folia haud ullis labentia ventis:

Flos apprime tenax, animas, & olentia Medi  
Ora foveant illo, & senibus medicantur anhelis.

## §. 3.

Interea magna malorum citriorum est differentia, partim à magnitudine, partim à sapore desumenda. Duplex verò saepius à maturitate aut diversitate regionum oritur, dum matura immaturis multo & majora & dulciora sunt. Certum est, quæ ad nos veniunt mala, plerumque decerpi immatura, quod matura non adeò facile asservantur, ut *Dn. D. Nebel in Diss. sua Inaug. de Malo Citreo pag. 19.* confirmat. Quamobrem majora maturioraque plerumque in magna frustra inciduntur, saccharo condienda, vocanturque Citronatum. Immatura magnam etiam partem sale condiuntur, tumque Limonia vocantur: quod nominis Wallenses istis perhibentur imposuisse, ut ex *Hieron. Bockii Herbario Pharmacopola Vielheurius in Descript. Exotic. Material. pag. 95.* commemorat: quamvis & proprium sibi genus vindicent MALA LIMONIA, varias species continens, quas inter rarissima sunt minima, BERGAMOTTO dicta, quæ exsiccata odorem gratissimum spirant. Vid. I. C. V. *Hesperides Norimbergenses A. 1708.* in fol. maj. edit. Maxima Mala Citrea sunt POMADAMI, propterea sine dubio ita vocata, quod profundas in cortice cicatrices, hominis moribus similes, ostendunt; de quibus vid. supra laudatus *D. Nebel. l. c. & Theod. Tabernaemontanus Lib. 3. pag. 684.* sui herbarii.

## §. 4.

In publica istorum emtione proxeneta in Italia ferreum adhibent annulum, quæ istum transeunt, rejiciuntur, & vel tinctoribus relinquuntur, aut ad succum adhibentur exprimendum, teste *Pometo l. c.* Apud nos quæ tenui cinguntur cortice, eliguntur, utpote eo majori medulla succoque prædita, id quod tactu compressione indagatur. Qui isto-

rum copiam emit, ista acere aut semine milii custodiat, in siccisque cellis asservet, ac crebrius visiter, quod facile corrumpuntur, secundum experientiam *Marxii, in Mater. Mus. pag. 47.*

## §. 5.

Quod ad usum attinet, mala citria majora ab Judæis valde conquiruntur, quod ex istorum superstitione quælibet familia quotannis unum aliquod habere domi suæ debet, si etiam carissime sit emendum: quam ob causam etiam poma Judæorum vocantur. Cætera in culina Medicinæque juxta insignem præstant usum; & quanquam omnes citriorum partes veneno, putredini, scorbuto similibusque adversentur, non tamen iisdem singulæ præditæ qualitatibus sunt, quum exterior cortex calidus prorsusque aromaticus, pulpa contra sive succus refrigerans saporisque acidi, nuclei vero amari, proptereaque vermibus inimici sint. Quæ tamen partes stomacho cordique proficiunt omnes, quippe quæ confortant; & quoniam, ut modo dictum, omni putredini resistunt, scorbutici in navigationibus istis interne externeque utuntur, vid. *Simon Paulli in Quadrip. Botan. pag. 383.* Quam mala citria in pestilentia ultima Viennensi Basiliensiq; utilitatem præstiterint, ex aliis *Dn. D. Nebel in Dissut. cit. pag. 32.* testatur. Quæ causa est, quamobrem in aliis quoque febribus calidis, lipothymiis ac similibus variis modis feliciter usurpentur, qua de re doctus Italus *Johann Baptistæ Ferrarius S. I. in Tr. de Malorum aureorum cultura & usu* pluribus potest legi. Quod autem *D. Hoffmannus in Clav. Schræd. pag. 444.* de quodam Studio, Parisiis in *Charassi* officina à vipera morso, ac mediante malo citrio curato, recenset, caute legendum, de istoque ipse *Charassius* potest consuli.

## §. 6.

Eundem etiam effectum præstant omnia condita indeque præparata, utpote I. integra MALA CITRIA CONDITA, è Madera allata, gustuque gratissima, præsertim si bene condita, tenera, viridiaque ac recentia sint. Quæ si hic loci condire velimus, nuclei ante eximendi, quam cum saccharo coquantur condienda, aqua non abjicienda, sed cum saccharo in syrupum coquenda, auctore *Zurvelsero in Pharm. Aug. Ref. Cap. XIV. pag. 472.* II. CORTICES SACCHARO OBDUCTI seu sicci & molliter conditi, similiter è Madera ad nos vecti, quos recentes, clarosque ac pellucidos, superius vitides, inferius quasi glacie obductos, facile secibiles, vere tamen siccos, nec ullis nigricantibus maculis foraminibusque oportet esse defœdatis, quippe quæ vetustatis admixtæque humiditatis perhibent indicium, teste *Pometo in Hist. des Drogues pag. 232.* III. De CARNE MALI MEDICI, h. e. Citri, (quæ etiam Condita habetur in officinis) ridiculum



casum habet *Dioscorides lib. 1. c. 136.* & ex eô *Bonetus in Sepulchreto p. m. 572.* Agyrta nimirum cuidam Asthmatico medicinam facere intendens ingreditur Officinam Pharmaceuticam, & ibidem aliûs Medici formulam:

*R. Carnis mali Medici &c.*

legens, perterritus hîc mali Medici nomine se notâri putans, aufugit ægrumque dereliquit. Qui locus seq. epigrammati à D. *Ambros. Stegmannô*, in *Miscell. Curios. Ann. 2. Dec. 3.* inclusus est:

Curans anhelum planus & Chiron senem  
Agyrta planus, arte Chiron maximus:

Chiron jubet de carne mali medici

Seplasiarum parare pharmacon.

Lectâ schedâ illicò in pedes se conjicit

Agyrta, se peti ratus Medicum malum.

Sic arguit sua quemque conscientia!

Sic ipsa sese prodit ignorantia!

IV. OLEUM CITRI corticum, vulgo ab Italis essentia citri s. CEDRO dictum, quod duplex est, finum, ex flavedine corticum ab rasa cum aqua destillatum, eleganter album, odoris fortiter aromatici: deinde vulgare, è fecibus, in fundo doliorum, in quibus succus citri seponitur depurandus, reperiundum destillatum, clarum quidem fragransque, sed viridiusculum. Teste prædicto Materialista Gallo, ex 50. libris fecum libræ tres puri olei possunt acquiri, plus tamen minusque pro diversitate malorum. Bina ab iis, qui fumigando rebus suavem odorem conciliant, magna copia consumuntur. V. Ex flavedine oleum potest exprimi, non tamen adeo durabile, atque prius; ambra in isto facile solubilis est, varios in usus adhibenda. VI. Habetur etiam SUCCUS CITRI acidus, s. Acidum citri, alias quoque VINUM CITRI dictum, quod similiter ex Italia venit, ex immaturis minimisque malis præparatum. In Germania quoque conficitur, sed plerumque è malis corruptioni proximis, quod si bonum habere velimus, id ipsum præparemus ipsi. Turcæ potum exinde præparant, SORBEC dictum, per Alexandriam tran(s)portandum & è saccharo succoque citri constantem. Batavi Anglique similem misturam è succo citri, saccharo, nucibus moschatis & spiritu vini præparant, POLEPONZE vocatum, quæ in mari nautiliâ affectos confortant, seque ab eâ se tutos præstant. In officinis syrupus acetositatis citri inde conficitur, egregie reficiens confortansque ac refrigerans. VII. ELIXIR CITRI officinæ habent, idque duplex, unum, quod in Medicina guttatim sumitur, alterum loco spiritus vini s. aquæ vitæ bibendum, infusum rectius vocandum. VIII. Dulciarii tandem varias è corticibus citri confectiões componunt, quos vel in coronas parvas torfos saccharo Canariensi in candifatos cortices citri redigunt, vel in parva frustula incisos, laves aut crispas in

pelvi cupreâ, vulgo Conficir-Kessel, saccharo obducunt, ex quibus bacilli saccharati, confectiões addi soliti, plerumque constant. Aptæ quoque matresfamilias biscoctum, acetaria aliasque cupedias exinde præparare norunt, de quibus nobis non licet esse verbosus.

## §. 7.

Quamobrem ad

### MALA AURANTIA

progredimur, quod plerumque in plantariis, Orangerie dictis, juxta mala citria crescunt, & una circumferuntur divendenda. Ab istis partim figura externa, quæ non ovalis, sed rotunda & quodammodo compressa, partim colore, qui rubicundus sive aureus est, distinguitur. Similiter crassum & coriaceum corticem, multis exiguis foraminulis ornatum habent, saporeque acri, amaro & aromatico mala citria superant. Non minus ex Italia, Lusitania & Languedoco, Galliæ Provincia veniunt, ubi liberè & sine ulla lege aut conditione venduntur.

## §. 8.

Malus aurantia, magnitudine citro accedens, duas forte aut tres ulnas longa est, multis curtis frondibus ornata: semper viret, ac per totum annum fert fructus, postquam Aprili aut Majo album fragrantemque florem habuit. Folia quoque crassa laurique foliis similia satis bonum spirant odorem. Arbores fructiferas ex India dicunt afferri, quod ex semine fructiferæ progenerentur nullæ. Inoculatione in alias arbores fructificatio promovetur, auctore *Hermanni in Msc.* Et inde fortasse est, quamobrem existimaverint mala aurantia à malo citro, malo granatæ inserta, proficisci, Quod tamen non credibile est, cum nullum sit dubium, quin ad modum aliarum arborum in prima creatione sit producta.

## §. 9.

Differentia vel ab regionibus, ubi crescunt, petitur: nam præter vulgaria etiam poma aurantia Sinensi adantur, malis aurantiis annumeranda: vel à sapore, cujus intuitu dulcia, acida vel etiam vinosa habentur, quæ ultima in primis usitata sunt. De omnibus vero ex pereleganti raroque libro, quem *Ferrarius Anno 1646. Romæ* in folio sub titulo *Hort. Hesperidum* edicavit, plura possunt haberi, cujus in historia citri jamdum fecimus mentionem. Huic tamen palmam dubiam reddit pretiosum & elegans Dn. *Volckameri*, Mercatoris Norimbergensis, opus ejusdem tituli, quod propediem è Vernaculâ in Latinam, ut audio, vertetur. *Pometus* quoque minimorum immaturorumque aurantium meminit, ad sphæulas præcatorias conquirendorum: quæ istum ob finem Materialistæ quoque curant afferri, ut in *Tract. suo pag. 234.* ostendit. Dantur & minora matura, quæ BERGAMOTTA vocantur.

Hæc



Hæc exsiccata & trita fragrantiam gratissimam spirant. Adferuntur quandoque ab Italis, sed rarò & in parcissimâ quantitate.

## §. 10.

Quam vero utiles hi fructus sint, Indorum testatur proverbium, quos ferunt dicere: istorum limina non transgressurum Medicum, quorum in domibus cortices aurantiorum inveniantur, ut *Piso* de Brasiliensibus in *Histor. Brasl. Lib. I. pag. 10.* commemorat. Quoniam autem inter fructus tanta differentia est, quanta inter ipsas regiones, cautè in Europa cum illis agendum, præsertim Germanis, quorum multi in Gallia Italiaque aurantiorum esu maturarunt sibi mortem, teste *Simone Pauli* in *Quadrip. Botan. pag. 385.* Cæterum multis in partibus cum malis citriis ratione virium conveniunt, ita tamen, ut cortices corticibus citri multo efficaciores, magisque aromatici ac calidiores sint: quo respectu in omnibus ventris uterique doloribus, tympanite, cardialgia ac similibus ferunt opem. Succo contra succus citri potior est, quamvis etiam refrigeret ac confortet. Bina scorbuti putredinem impediunt, ut *Ettmüllerus* in *Comment. Schræd. pag. 520.* comprobat.

## §. II.

Istam ob causam varia in officinis ex aurantiis habentur Præparata, utpote Essentia, Tinctura, Syrupus &c. in *Schræderi Pharm. ac Dispensatoriis* videnda. Nunc eorum saltem faciemus mentionem, quæ Materialistæ à locis exteris eurant afferri. I. FLORUM aurantiorum insignem agunt mercaturam, quos conditos ex Italia & Provincia in Galliam faciunt transportari. Inde II. AQUA NAPHÆ oritur, qua non solum ad conciliandam rebus fragrantiam, sed ad medendum quoque utuntur, dum cor fœtumque in utero confortat, & ad pestilentiam quoque commendatur. Quoniam verò rarò præscribitur, ut plurimum in officinis corrupta invenitur, sapore aquam simplicem æmulans, quæ contra saporem amarum habere debet, odoremque fragrantissimum ac fortem, annum ætate quoque non superet: diutius enim non durat. Similiter III. fragrans istud oleum, quod NEROLI vocant, ab ejusmodi floribus oritur, nihilque est aliud, quam oleum destillatum florum aurantiorum, eleganter clarum & quam fragrantissimum, omnium optime Romæ & in Gallo-Provincia destillandum. Interea videndum, ne istius loco IV. oleum infusum, quod ex nucis Been, ut oleum jasmini, præparari potest, accipiatur, quocum verum Neroli sæpe adulteratur. Non minus incolæ Provinciæ V. duplex oleum mittunt è corticibus aurantiorum destillatum, unum è flavedine corticum aliquot dies in aqua macerata, per alembicum pellitur, quod odoris est fragrantissimi: alterum è minoribus immaturisque aurantiis

quinque vel sex dies aqua maceratis destillatur, aureum apparens. Quæ olea flatus dissipant lumbricosque infantum pellunt. Quem effectum etiam aqua simul destillata præstat, eum ob finem à fucorum artificibus integris doliis ad nos allata: plurima Canetta, Nizza aliisque circumjacentibus locis venit. VI. AURANTIA CONDITA quoque & saccharo obducta afferuntur, eaque vel integra & ab interioribus nucleis liberata, vel in magna frustra incisa, quæ eleganter clara & quasi pel lucida coloreque saturata esse oportet. Turino veniunt optima. ORANGEATUM crassius est, Lugduno auctum.

## §. 12.

Aurantia dulcia plerumque  
POMA AURANTIA SINENSIA  
(vulgò *Aepffel-Sina*)

vocantur, quanquam Chinam viderint nunquam, sed maximam partem è Goa vicinisque Insulis à Lusitanis afferantur, quum *Alvarus Semedus* Jesuita, diu in China degens, contestetur, ejusmodi fructus se ibidem vidisse nunquam, ut *Ferrarius l. c.* commemorat.

## §. 13.

Quemadmodum aurantia priora magnitudine diversa sunt, ita poma aurantia Sinensia non unius omnia sunt magnitudinis, sed parva dantur & majora. In his ultimis Serenissimus Princeps Hasso-Darmstadinus, DN. ERNESTUS LUDOVICUS, Landgravius Hassia, Princeps Hersfeldia, Comes in Cattimeliboco, Decia, Ziegenhaina, Nidda, Schaumburgo, Ysenburga & Bidinga &c. Dominus meus Clementissimus, observavit olim quid valde curiosum, in inciso à se pomò aliud ejusmodi pomum prorsus perfectum fuisse reconditum, qui gravidus incisusque fructus in eleganti pretiosaque Principis Bibliotheca Darmstadii representatur depictus; ubi etiam B. *Arndtii Hortus Paradisi (Paradis-Gärtlein)* in igne spectatus, è mediisque flammis illæsus extractus, una cum multorum Theologorum responsis asservatur, quem in meis aliquoties habui manibus. Omnium maxima in India Orientali ante Bataviam crescunt, à Batavis *Pumpelmus*, alias verò Mazchan (*Tieger-Limonen*) vocata, de quibus *Georgius Meisterus* in *Ost-Indianischen Lust-Gärtner p. 84.* videatur, ubi sistuntur delineata.

## §. 14.

Viribus respectu corticum cum cæteris aurantiis conveniunt, ut dolendum sit, tanta in copia istos à delicatis, medullam saltem exsugentibus, abjici, quum plus in se habeant virtutis, quam pars media. Pulpa contra multo diversam habet proprietatem, quam aliorum medulla, quippe quæ ob dulcedinem suam magis laxat, quam adstringit. Interim



tamen naturam spiritusque vitales confortat, simul etiam putredini, scorbuto ac similibus adversatur, ut partim in *D. Ettmülleri Comment. Schræd. pag. 520.* partim in *D. Burggraffii Disp. Graduali de Malo Sinensi Aureo* pluribus potest

legi. E prædicta maxima specie (quam Alexander Magnus ultra Ganges fluvium inventam, dicitur admiratus) Indi vinum conficiunt, maxime nobile teste *Meistero loc. cit.*

## CAPUT XII.

DE

## SEBESTEN ET JUJUBIS.

## §. 1.

**SEBESTEN** (*Schvartze Brust-Beeren*) parvi Snigrique fructus sunt, pruna nostratia referentes, supernè plerumque albo pileolo s. calice ornati, ad modum glandium, intus vero sub pulpa melligena dulci ossiculum continentes. E Syria Ægyptoque per Alexandriam, Venetias & Massiliam transportantur, indeque in Germaniam, ut *Vielheurius in Descript. Exot. Mater. pag. 155.* ex *Schrædero* annotavit.

## §. 2.

Qui fructus à certis arboribus pruniferis proficiscuntur, quarum duplicem speciem apud accuratum valdeque recentem Botanicum *Leonardum Plukenetum Tab. CCXVII. Phytographia* invenimus describi: una *Prunus Sebestena* Domestica foliis subrotundis, altera *Prunus Sebestena* sylv. Malabarica foliis longiusculis vocatur. Binæ vere florent, & autumnò fructus ferunt, omnes pileolis s. calicibus ornatos.

## §. 3.

Optimi sunt recentes, perfecti ac pulposi, foris ex nigro fusci, suisque calicibus adhuc muniti, ex quo dignoscitur istos adhuc esse recentes, non lotos, nec aliqua re infucatos. Pulpa dulcis, mucilaginosa, ex fusco rubra mollisque sit. Qui contra ex nigro splendentes inflatique apparent, calicibus etiam destituti, non probantur, sicut nec prorsus parvi, rubicundi durique quicquam profunt, ut *Pometus in Histoire des Drogues pag. 212.* docet.

## §. 4.

Qualitatibus pollent temperatis, molliunt tenacem pituitam, humoresque acres, salfos mordacesque temperant, catarrhos aliosque pectoris affectus prognerantes. Quamobrem ad tussim, raucedinem, pectoris angustiam, phthisin, pleuritidem & affectus similes plures proficiunt. In febribus biliosis calidis quoque utiles sunt, atque in nephritide, ab urina acri exorta, quam similiter obliniunt & mitigant. Nostri antecessores exinde quoque electuarium præpararunt, *Electuarium Diasebesten Montagnanæ* vocatum, quod ad unciam datum pituitam acrem eduxit. Quod cum haud

diu possit asservari, raroque præscribatur, hodie prorsus in desuetudinem abiit: quo tamen si uti velimus, minori præparari copia debet, ut *Simon Paulli* monet in *Quadrip. Botan. p. 44.* Cæterum *Tragus* in *Herbario* suo meminit, in Oriente ex hisce fructibus præparari gluten, pro capiendis avibus (ut apud ex visco solet) quod Alexandrinum viscum vocatum, eleganter viride, minus aquosum, nec foetidum esse oportet, de quo vid. *Pometus l. c.*

## §. 5.

## JUJUBÆ

s. ziziphæ (*rothe Brust-Beerlein, vvelsche Hagenbotten*) rubræ baccæ sunt, magnitudine olivas, & sapore passulas majores fere æmulantes, includentes ossiculum s. nucleum oblongum & utrinque acuminatum. Ex Italia Galliaque afferuntur, ubi in copia crescunt.

## §. 6.

Fructuum horum arbor, ad magnitudinem non contemnendam accrescens, intortum habet caudicem, cortice ex nigro rubescente vestitum. Lignum cynosbato accedit; rami ejus magni sunt, è quibus alii parvi & incurvi furculi oriuntur, in quibus folia sed inæqualiter sibi opposita sunt, quæ oblonga, crassa, circumcirca crenata & robusta apparent. Flores pallide flavent & muscosi sunt, quibus baccæ succedunt, olivæ similitudine, primum virides, postmodum, ubi maturuerunt, saturate rubri. Arbor etiam ubique acutis spiculis cincta est, quæ omnia *Theodorus Tabernaemontanus Lib. III. de Herbis pag. 758.* descripsit.

## §. 7.

Ubi libera est electio, recentes, crassas, perfectas, pulposasque, eas tamen probe exsiccatas eligamus, quæ aliquot minimum annos possint asservari. Id quod ii probe observent, qui totas scatulas afferri curant, quod nimis cito vasis inditæ facile incalescunt, postmodum corrumpuntur & nigrescunt. Id etiam curandum, ne humidæ veniant, aut loco humido reponantur, præsertim si nec debite siccata, aut nimis matura fuerint collectæ vasisque inditæ, qua ex re magnum accrescit damnum. Simulac nunc inalescere incipiunt, exponendæ, super albo



albo linteo aliquot dies dispergendæ, & quoad ejus fieri potest, distrahendæ, præsertim si uberior istarum speratur messis. Interdum tamen, quando recentes raræ sunt, pretium istarum intenditur. Alias vero, quando probe siccatas convasatasque scimus, nulla urgente necessitate vasa non aperiantur, dum reconditæ multo melius asservantur, quam libero aëri expositæ, ut *Pometus libr. sæpe citato pag. 212.* bene monet.

## §. 8.

Ufus istarum cum Sebesten valde convenit, propterea quod similiter modice refrigerant humectantque; raucedinem leniunt, acres humores demulcent, à quibus tussis, phthisis similesque morbi oriuntur. Hæmoptysi quoque medentur, ab ejusmodi falsis humoribus profectæ. Quam ob causâ decoctis pectoralibus addendæ, postmodum syrupo jujubino edulcorandis, utpote in prædictis affectibus quotidie ordinari solito.

## CAPUT XIII.

DE

## DACTYLIS ET SILIQUIS.

## §. I.

**D**ACTYLI oblongè rotundi fructus sunt, magnitudine formaque externa glandibus haud dissimiles, sed paulò majores, extrinsecus tenui rubicunde flavente cuticula cincti, sub qua dulcem & quasi mucilaginosam medullam habent reconditam, in hujusque medio valde durum & oblonge rotundum nucleum, secundum longitudinem sulco notatum. Ex Syriâ & Persiâ, Tunis, Sale locisque aliis per Hispaniam & Italiam veniunt, teste *Schurzio in Mater. Mus. Germanico pag. 19.*

## §. 2.

Qui fructus palmis increscunt, palmulæ propterea vocati. Quum verò harum arborum variae sint species, quarum *Plinius* fere quinquaginta recenset, ut clarissimus *Wormius pag. 164. Musci sui* ex isto adducit: sciendum, dactylos saltem palmæ majoris esse fructus, *Dattel-Baum* propterea dictæ, quam *D. Kampferus* ex propria experientia in suo *Phænice Persico* ex professò descripsit, quem propterea *India Literata* nunc simul prodeunti subjecimus. Arbor hæc, Antiquissimis Autoribus Phoenix dicta, longum crassumque ac squamosum habet caudicem, in cujus altitudine multi rami, magnis longisque foliis, iridi nostrati similibus, ornati progerminant, sub quibus flores tanquam in aliquo domiciolo jacent reconditi, quo hiantè primum candidi flores apparent, postmodum verò copiosè dactyli, instar uvarum sibi proxime adherentes, ut ex *Pometi* figura aliquo modò potest videri; & quanquam multorum sit opinio, ejusmodi arbores post centum annorum decursum demum proferre fructus, eam tamen *Radzevilus Princeps Epistola 3. Germanica* verbis sequentibus vult refutatam: Palmam de quo, rundam sententia nullum proferre fructum, nisi post centum ab inoculatione annos, prorsus fictum est, siquidem ad modum aliarum arborum tertio vel quarto fructum fert anno, præsertim si fuerit humilis. Num verò eorum etiam

sententia, qui palmam foeminam ante non proferre fructum existimant, quam à pulvere seu semine maris quasi imprægnata fuerit, ficta fabulæque similis haberi debeat, cum *Pometo* non sumo affirmandum, quoniam id non solum cum ante laudato *Kempfero, Mich. Boym in Flora Sinica, Prosper Alpinus, Veslingius* aliique ab *Simone Paulli in Quadrip. Bot. pag. 544.* allegati scriptores certo affirmant, sed in cæteris quoque herbis & arboribus solito Naturæ cursui neutiquam adversatur, id quod *D. Camerarius in Epistola de sexu plantarum* valde curiosa, & ad me olim scripta egregiè ostendit, quam in *Dissert. Epistolice* dedimus legendam.

## §. 3.

Cæterum dactylos oportet esse decenter magnos & perfectos, minus rugosos, extrinsecus rubicunde flaventes, intus albos, præcipue verò adhuc recentes, integros, neutiquam contusos, multo minus cariosos, sapore etiam bono & saccharato dulci præditos. Qui Tunis veniunt, à *Pometo* in *Hist. des Drogues pag. 213.* habentur meliores è Sale advectis, utpote qui multo sunt prioribus macriores.

## §. 4.

Quod ad usum dactylorum attinet, crebrior iste est apud Orientales, quam apud nos, quorum multa millia exinde victum quærunt. Iste fructus in Ægypto, Syria, præsertim Jericho, usque eò dicitur communis, ut sues illis alant, ut apud nos glandibus fagique fructibus, quemadmodum *Hieron. Bockius* ex istoque *Vielleichtius in Descript. Exot. Mater. pag. 102.* commemorat. In Europâ propter lenientem lentumque saporem ad catarrhos acres usurpantur, quos demulcent, proptereaque ad raucedinem, tussim, phthisin & affectus similes in decoctis pectoralibus & ptisanis, ad modum sebesten & jujubarum, adhibentur. Simili ratione renum ac vesicæ vitiis, ab urina acris ortis, medentur. Ventris dolores quoque sedant ac diarrhœam; foetum



tum in utero confortant, quos tamen gravidæ in copia non edant, quod difficilis sunt digestionis. Purgans etiam electuarius ingrediuntur, Electuarius Diaphœnicum ab istis vocatum, cujus tamen vires turbetho, Diagridio aliisque adscribuntur rectius; melius vero Looh de Pino ingrediuntur. Num in emplastro Diapalmæ multum præstent, suo loco volo relictum.

## §. 5.

Quidam Materialistæ, utpote *Marxius* & *Schurzius*, vini palmæ quoque faciunt mentionem, quod ab Indis Terri, à nostris autem Doctoribus

## PALMITES

vocetur. Enimverò ab alia palmæ oritur specie, nempe palma minore, & sequenti modo colligitur: Indi certis quibusdam cultis & instrumentis inferiores crassos arboris ramos incidunt, succumque emanantem appensis utribus ac vitris excipiunt, ut hic loci succus betulæ solet; id quod ante sedecim fere annos *Clariff. Hermannii* in palma minore, in horto Medico Lugdunensi, nobis ostendit. Valdè gratus confortansque dicitur esse potus.

## §. 6.

## OLEUM PALMÆ

similiter ab alia palma præparatur, certos fructus ovi magnitudine ferente, è quorum nucleis oleum, ritu olei laurini è baccis lauri, exprimitur. Instar butyri crassiusculum est, aureum, recensque adhuc existens violas redolet. Verè recens dulcis sit saporis odorisque fragrantis, colore etiam eleganter aureo præditum, ex quò dignoscitur, num recens sit, necne, dum inveteratum evadit album. Interea probe videndum, ne cera, oleo olivarum, iride florentina & farina curcumæ per artem effictum sit: qui dolus tamen facile manifestatur, si quando libero exponi permittitur aëri, in quo genuinum mutabit colorem, falsum vero ac supposititium neutiquam. Verum quoque candidum factum, si quando super igne solvitur, pristinum colorem recipit, quod in supposititio minime succedit. In Gallia dolores artuum, à frigidis humoribus, podagra & similibus ortos, mediante isto oleo demulcent, de quo Materialista Gallus, *Pometus*, in *Hist. des Drogues* pag. 214. pluribus potest legi.

## §. 7.

Dactylis jujubisque cum in affectibus pectoris sæpe jungantur.

## SILIQUE

istas hic loci non censemus prorsus prætereundas. Elongis & obscure fuscis siliquis sive folli-

culis constant, digiti longitudine, latitudine pollicis, iisdemque interdum rectis, interdum incurvis, cornu adinstar, quamobrem etiam hirci cornua & ceratonia vocantur. Dulcis sunt saporis, odoris non adeo notabilis. Vulgò *S. Johannes Brod* dicuntur, quod nominis, ex conjecturâ clariss. *Dn. Ludolfi* in *Comm. ad Histor. Æthiop.* pag. 181. quidam Circumforaneus istis videtur imposuisse, dum S. Johannes illarum esu nunquam vixit. Alii rectius *Sooden-Brod* nominant, quod in Soda, i. e. ardore stomachi, certum sunt remedium. Ex Syria, India hodieque ex Hispania veniunt.

## §. 8.

Arbor, cui incresecunt, magna est, inque Germania potest coli, ubi tamen fructus ad maturitatem non perveniunt. Sic *Vielheurius* in *Descript. Exot. Mater.* p. 157. narrat, vidisse se olim Lipsiæ in horto Weidmanniano ejusmodi arborem, in domo custodiendis aurantiis dicata, quæ flores, persicorum flores colore eleganter æmulantes, tandem etiam magnas siliquas protulerit, maturitatis vero gradum non attingentes.

## §. 9.

Siliquæ recentes viridesque adversum habere saporem dicuntur, quæ simulac exsiccata fuerint, dulces gratæque evadunt. Istas bene cretas recentesque ac succosas esse oportet, cum in succo, crassoque in illis latente melle, maxima vis lateat. Quam ob causam Indi succum exprimunt, quo isto Zingiber, Tamarindos Myrobalanos & similia condiant. Teste *Ettmüllero* in *Comm. Schræd.* pag. 663. in Germaniâ non integri solum fructus, sed folliculi sine succo quoque usurpantur.

## §. 10.

Quod ad usum attinet, integer fructus, suo adhuc succo turgidus, peculiari vi falsos & acres humores demulcendi pollet, pectorique propterea proficit, ex qua intentione etiam syrupum Diacod. Montani ingrediuntur. Folliculus vero ad sodam ardoremque ventriculi utilis est, utpote acre acidum absorbens; modice tamen usurpetur, quod ritu omnium rerum lignosarum difficulter digeritur, monente *Sim. Paulli* in *Quadrip. Bot.* pag. 43. Fructuum horum esu Æthiopes vehementer tenentur, & quoniam in Oriente copiose crescunt, sues vel integro fructu, vel folliculis dicuntur ali & saginari. Quæ causa est, quamobrem S. Scripturæ interpretes existiment, per suum escam, qua perditum filium oportuit esse contentum, has intelligendas esse siliquas, qua de re præ aliis lege *Ursinum* in *Arboreto Biblico* pag. 558. & supra laudatum *Ludolfum* loc. cit.



## CAPUT XIV.

DE

## ZIBEBIS, PASSULIS MAJORIBUS MINORIBUSQUE, VINO HISPANICO, SECCO, TARTARO HUIUSQUE PRÆPARATIS.

## §. 1.

Omnes UVÆ PASSÆ nihil aliud sunt, quam artificiosè arefactæ s. exsiccatae uvæ, diversæ magnitudinis ac coloris, ut plurimum tamen fuscæ, sapore dulces, odoreque fragrantēs. Ex Syria, Hispaniaque & Italia, partim in doliis pondus centenarium continentibus, partim corbis allatæ, ab Aromatariis emuntur.

## §. 2.

Vitis, unde oriuntur, viridesque uvæ usque eo unicuique innotescunt, ut verbosior istarum descriptio multis ridicula posset videri. Hoc saltem sciendum, istas vites uvæque, à quibus maximæ passulæ proficiunt, arborum crescendo attingant altitudinem, quemadmodum clariss. *Olearius Lib. VI. der Persianischen Reiß-Beschreibung cap. 4. pag. 699.* 704. tales in Persia se vidisse testatur, quæ caudicis crassitie virum æquaverint. Quales etiam Damasco crescunt, & in Sabaudia possunt videri. Id quod inde fortasse oritur, quoniam ibidem vites longo ab se invicem spatio plantantur, quod trahendo inter istas carro minimum sufficiat, quæ non temera *Eichovii* opinio est in *der Reiß-Beschreibung pag. 203.* Non igitur est, quamobrem admiremur tam magnas in illis crescere uvæ, quarum quædam 20. librarum pondus superant, teste *Pometo in Hist. des Drogues pag. 247.* Istarum tamen non nimis augenda magnitudo, ut à *Strabone*, duarum ulnarum longitudinem illis tribuente, fatum, propterea à supra memorato *Oleario l. c.* castigato, quod veritatis fines transferit.

## §. 3.

Hæ uvæ, in passulas præparandæ, in Sole exsiccari colligique debent, quo succosæ carnosæque maneant, aliàs enim nihil præter folliculos acquireretur, referente *Marxio in Mater. Med. German. pag. 154.* Methodum autem describit *Samuel Dale in Pharmacol. pag. 426.* Scilicet petiolum ad medium usque transversim accidunt, quo uvæ notabilis pars nutrimenti ematur: quæ semiabscissæ uvæ tamdiu in vitæ relinquantur pendere, donec à Sole defectuque nutrimenti fuerint exsiccatae: post colliguntur & convasantur. Haud multo alia reliquarum passularum majorum ratio est, de qua *Marxius in Itinerario* videndus; quanquam de omnium sententia, antequam exsiccantur, lixivio cinerum clavellatorum soleant im-

mergi. Minores primum decerpuntur, super terra exsiccandæ in Sole, ex relatione *Pometi l. c. pag. 248.* uti mox pluribus ostendemus.

## §. 4.

Quod ad tres passularum species attinet, maximarum nempe, majorum minorumque, posteriores à Materialistis *Weinbeerlein*, passulæ vinosæ & Corinthiæ, duæ priores autem *Meer-Trauben*, uvæ marinæ & passulæ majores, vocantur, quarum maximæ dicuntur

## ZIBEBÆ,

quæ in semitondis vasis Damasco, Syriæ Metropoli, veniunt, UVÆ DAMASCENÆ propterea vocatæ; quanquam *Eichovius l. c. pag. 123.* velit affirmare, istarum etiam copiam è Cypro Insula afferri. Optimæ recentes adhuc, decenter magnæ perfectæque sint; videndum ut ne Hispaniæ, Massiliensæ & Calabriensæ passulæ istis sint permixtæ, id quod sæpe ab inique questus cupidis Aromatariis fieri dicitur. Qui dolus ex eo intelligitur, quod veræ zibebæ crassæ, magnæ, pingues, siccæque ac duræ sunt, duos saltem nucleos continent, & quodammodo adversi sunt saporis: aliæ contra passulæ majores molles nimisque dulces existunt, saporeque quasi saccharatæ. Facile quoque videri potest, num vasa aperta, & zibebæ commotæ aut disiectæ fuerint, de quo præ aliis videatur *Pometus l. c.*

## §. 5.

## PASSULÆ MAJORES

vulgares iterum diversæ sunt speciei, prout vel ex Hispania, vel Italia, & quidem in albis ligneis cistis, aut corbis veniunt, ex nigro cœruleæ vel claræ apparentes. Ex nigro fuscæ ut plurimum sunt Genuenses: cœruleæ (*die blaue Rosinen*) ex Hispania per Massiliam veniunt, Massiliensæ propterea ab *Schrædero pag. 169.* vocatæ. Corbis convasatæ, vulgo *Korb-Rosinen*, eæque vilissimæ, Hamburgo in Imperium transportantur. Omnes decenter perfectæ, siccæ simul, verè etiam succosæ, firmæ duræque sint, quippe quæ omnium optime asservantur, docente *Marxio l. c. pag. 156.*

## §. 6.

## PASSULÆ MINORES

valde exiguae uvæ sunt, magnitudine rubrarum ribium, colore diverso, nigro scilicet rubroque & albo, partim è Corintho (UVÆ CORINTHIACÆ inde vocatæ) partim ex Insula Zante afferuntur, ubi tanta crescere perhibentur copia,



ut Turcæ annuatim 150000. nummos seu flores aureos pro vino, passulis minoribus oleoque accipere possint, uti supra laudatus *Eichovius* in *Itiner. suis* pag. 61. memorat. Ob quam mercaturam Angli Batavique ibidem suos Consules, Gallia autem suum Commissarium habent.

## §. 7.

Qua ratione præparentur & accomodentur, *Pometus* describit *l. c.* pag. 248. Uvis maturis existentibus, id quod Augusto contingit, Zanthenses istas decerpunt, quas à petiolis liberatas super strato in Sole exsiccant. SuffICIENTER exsiccatæ in urbem feruntur dividendæ, ubi per foramen in magna conclavia, istis asservandis apta, sive fornices, (Seraglio incolis vocantur,) infundunt, quæ suo ipsius pondere adeo firmiter sibi insident, ut postmodum magnis ferreis pastinis sint separandæ. Postmodum in dolia aut sarcinas, magnitudine ac pondere diversas, convasantur, & à certis personis mediantibus pedibus calcantur, eum in finem primum oleo illinendis. Ita præparatas Batavi Anglique vili admodum pretio, plerumque pondus centenarium  $1\frac{1}{2}$ . florenis emunt, quantum fere Venetis etiam pro vectigali solvere coguntur, adeò ut jam Massilia: pondus centenarium quinque florenis veneat. Venetiis certo aliquo pondere, *ster* dicto, venduntur, quod 160. libras levioris ponderis, Norimbergæ 154. libras continet, ut *Schurtzius* in *Mater. Mus. Germanico* pag. 109. recenset. Quæ cum ab Europæis tanta in copia emantur, Zanthenses ad tingendum ab istis adhiberi existimant. Probe recentes, parvæ, in

magnis globulis seu massis, minime ab se invicem discerptæ, multo minus melle affictæ sint. Id etiam videndum, ne ab exteriori sarcinas aut dolia attingente parte sint, quæ plerumque albicant & ab tineis arrosæ sunt. Nec parvæ Hispanicæ passulæ sint istis permixtæ, paulo Corinthiacis majores. Biennium trienniumque possunt asservari, modo apertione nullus admittatur aër: qua de re supra memoratus Gallus, isque Materialista, pluribus potest consuli.

## §. 8.

Cæterum omnes fere passulæ, minores juxta ac majores, viribus conveniunt, suaque verè temperata natura acres humores leniunt, simulque bonum suppeditant nutrimentum. Quam ob causam hæcicis phthificisque multum proficiunt; quemadmodum & ad cæteros pectoris affectus in decoctis pectoralibus dictis crebrius usurpantur. Refrigerant etiam sedantque sitim in febribus calidis, & alvum emolliunt. Ubi tamen notetur, passulas tum esse enucleandas, quod interiores lapilli s. acini obstruunt, secundum sententiam *Ettmülleri* in *Comment. Schræder.* pag. 303.

## §. 9.

Quoniam ab istis uvis, à quibus majores minoresque passulæ deducunt originem, vinum Hispanicum, & à saccis & utribus, quibus divehitur, ita dictum Sec, seu VIN SECCO magnam partem oritur, Materialistæ etiam & Aromatarii magna usura ista divendunt; hinc paucis istorum faciemus mentionem, dum ejusdem fere virtutis sunt, ac plerumq; calida & fortia vina existunt, Præter vulgare vinum Hispanicum habent

Vinum { CORINTHIACUM  
ALCONENSE  
de THIN, de TINTÉ  
CANARIENSE  
XERANUM  
MALACENSE

sive

Corinthen-Wein,  
Alicanten-Wein,  
Tint-Wein,  
Canarien-Seck,  
Serinischen-Seck,  
Mallagas-Seck,

Quæ ultima acida dulciaque veniunt, quorum ista carissima sunt. Huc etiam pertinet Peter Simonis, s. *Pietersemin*, in Castilia cultum, ibidemque è Germania primum plantatum creditum, ut *Schurtzius* in *Mat. Mus.* pag. 109. existimat. Item, de monte Fiascon, propter est est: *Prosecker Reinfall*, Rosatzer: item vulgo ita dictum *Frotignac*, de *Coste-Rotie* &c. quæ plerumque in doliis, fistulis dictis, ut Italicum vulgo in lagenis vitreis (Gallis *Bouteilles* vocatis) afferuntur, quorum tamen plura Brixis è Tirolensi comitatu veniunt, ubi maxime nobile & rubrum vinum crescit, quod multos Principes Magnates delectat, ex observatione *Eichovii* in *den Reis-Beschreibungen* pag. 28. Inter Vina Gallica pallide rubrum Campaniense, vulgò *Champagner-Wein*, valde celebre est. Album & rubrum, quod Claretum, seu Vin Clairet, nominant, ubique notum. Nescio tamen, annon illis pal-

mam eripiat Vinum Toccaviense Ungariæ, in Aula Cæsarea æstimatum.

## §. 10.

Differentiam & virtutes aliorum indigenarum Germaniæ vinorum *Jacobus Horstius Tr. de vite vinif. & Sachsus à Levenheimb* in *Ampelographia cur.* fusius descripserunt, quorum ultimum *Sim. Paulli* in *Quadrip. Bot.* pag. 557. alterum *Plinium* vocat; quanquam de utrisque *Ettmüllerus* valdè frigide judicet *l. c.* pag. 681. Optimè *Andreas Baccius Tr. de Vini Generibus*, & haud ita pridem *D. Joh. Valentin Kaupers Disp. Inaug. de Natura & præstantia Vini Rhenani in Medicina*, Halæ habita, de eo scripserunt. Vulgus vulgari proverbio breviter omnia complectitur:

Necker-Wein, Lecker-Wein,  
Rheine-Wein, Feine-Wein.



Nec tamen bonum Mosellanum est rejiciendum, à podagricis potissimum præ aliis desideratum. Quemadmodum verò vina medicata præparanda sint, in peculiari Tract. docet Mons. *Guybert aux Oeuvres charitables*, ut & *Colerus* in sua *Oeconomia*.

## §. II.

Huc etiam pertinet SPIRITUS VINI, hic loci ad differentiam — frumenti

## SPIRITUS VINI RHENANI

vocatus, vel è vino ipso, aut è fecibus vini destillatus, qui ultimus multo altero fortior est, sed odore quodammodo ingrator. Copiose Colmaria & Argentorato affertur, hic locorum maxime desideratus: qui è Franconia venit, bonitate est inferior. In Batavia Angliaque habent spiritus vini Gallici, inter quos ii, qui ex uribus Conjac, Nantes & Bourdeaux veniunt, sunt notissimi, & in mari magna copia bibuntur. Optimus spiritus vini eleganter albus, limpidus clarusque est, saporis boni, perlas, ut loquuntur, retinens, hoc est, qui bullulas sistit easdemque diu retinet in vitro commotus. Alii incendunt, qui si deflagrat, nec multum relinquit, bonus putandus. Videndum, ne spiritu frumenti sit adulteratus, quem hic loci non è frumento solum, sed etiam è deciduis cariosisque prunis Damascenis copiosè destillant, sceniculo etiam, aniso, baccis juniperi similibusque interdum, quando depuratur, inficiendum. In officinis habetur quoque

## SPIRITUS VINI RECTIFICATUS,

qui vel per repetitam destillationem, vel per alembicum usque eo pellitur, ut exaltatur, ut pulverem pyrium accendat, quique accensus nullam prorsus humiditatem relinquit, & ad aliquot guttas effusus, in aëre avolat, ad terramque non pervenit, quibus tribus indiciis istius colligitur bonitas. Multò tamen compendiosiori via potest acquiri, quando spiritus vini Rhenani cum  $\Theta$  tri, cinere clavellato, soude & similibus in vase quodam permistus commoveretur, quæ omne absorbent ac imbibunt: quemadmodum olim Parisiis in Laboratorio Regio spiritum vini quasi in momento vidi rectificari. Nobilis excellensque res est, non solum ad solvenda alia corpora & præparandas varias essentias, tincturas & res similes, sed ipse quoque nervos artusque usque eo confortat, ut amicum quendam Cognatumque sciam, qui istum pro panacea habet, & solo externo affricu in hominibus pecoribusque juxta felices curas præstat.

## §. 12.

## ACETI VINI

similiter insignis est mercatura, adeò ut certæ sint personæ, qui aceto præparando unice dant operam. Quò melius est vinum, eo fortius est acetum ex isto præparatum; & quoniam etiam ex fructibus arborum, cerevisia hordeacea & triticea ac similibus præparari aceta possunt, videndum, ut ne pro aceto vini emanent. Argento-

rato in doliis venit optimum. Refrigerante adstringenteque virtute pollet, sudorem tamen pellit ac putredinem arcet; quam ob causam contra pestilentiam quoque commendatur, ex quo varia aceta bezoardica in officinis præparantur.

## §. 13.

Similis quoque acidus succus ex uvis agrestis exprimitur, quem officinæ

## OMPHACIUM

Galli & Batavi du VERJUS vocant. Adstringentem refrigerantemque juxta virtutem habet, stomachum confortat, appetitum excitat, eosque reficit, calore insigni qui afficiuntur, in cibis & alibi sumtum: ex quò etiam syrupus de agresta constat. Ad depurgandam ceram dicitur usurpari. Non confundi cum oleo omphacino debet, monente *Sim. Pauli l. c. pag. 413*.

## §. 14.

Ultimò nec vini transeamus feces, à quibus doliarii optimum destillant spiritum, quo solo sæpe ditescunt. Vinarii qui magna copia vinum emunt, & FÆCES VINI post transvasationem in copia accipiunt, istas non facile doliariis divendunt, sed prelo ante exprimunt, indeque sæpe vinum accipiunt non contemnendum: post unctione ex illis nigrum colorem præparant, quem Galli Francosurto, Moguntia & Argentorato Parisios afferti curant &

## NOIR D'ALLEMAGNE

vocant. Optimus est, quando subhumidus, nec tamen aqua humectatus, eleganter nigredine splendens, tener & levis est, nullaque in se granula continet, præsertim quando loco communis ossis ebur cum isto simul est combustum: certis in molis machinisque minutim molitur. Figurarum impressoribus (*den Kupffer-Drucker*) inservit, qui istum in incisas figurarum laminas æneas terunt, tumque in prelo isto mediante icones & figuras exprimunt.

## §. 15.

A reliquis fæcibus, doliorum parietibus adherentibus & cum tempore induratis, oritur

## TARTARUS VINI

quem *Glauberus* magno fœnore etiam è fæcibus artificiose præparare novit, de quo in istius libro, *Deutschlands Wohlfahrt* nominato, agitur pluribus. Qui tartarus sal est, instar lapidis doliis culearibus, unius aut duorum digitorum crassitie adhærens, acidiusculi & subacris saporis. Rheno plerumque Franconiaque venit, interdum etiam Languedoco, Lugduno locisque aliis Galliæ.

## §. 16.

Variis datur, albus & ruber, pro diversitate vini, à quo oritur. Albus rubro semper præfertur, præsertim debite grossus, facile friabilis, foris albus, intus splendens, nec terræ nec pulveris multum permistum habens, qualis ut plurimum in parvis fragmentis divenditur. Regio-



nes quoque dant differentiam, dum Germaniæ tartarus ipsis Gallis habetur optimus, teste Materialista Gallo *Pometo l. c. pag. 251.* Plerumque extero crassior est, excepto Hungarico, qui semper observatur tenuis, & tamen à *Marxio l. c. pag. 295.* pro optimo videtur haberi. *Schurzius* contra Francum, alii Rhenanum, præsertim Argentoratensem & Palatinum (qui enim per Scaphusiam Lindaviamque venit, albus juxta ac rubicundus existit) eligunt. Istis succedit Provincialis & tandem Lugdunensis, quorum bonitas æstimatur ex Germanico.

## §. 17.

Quod ad usum ejus attinet, ruber tartarus magna copia à tinctoribus, monetariis & aurifabris consumitur, quippe quo ignitum ante argentum coctione album reddunt. In Medicina vero ejus præparata, quæ Chymici & Pharmacopola exinde conficiunt, crebrius usurpantur. Crudus etiam tartarus resolvente leniterque laxante vi pollet, pituitam acidam è ventriculo & intestinis educit, sive in cibis loco salis communis, sive in potu cum limatura ☿, pellendis mensibus utili, sumatur.

## §. 18.

Quemadmodum Clariss. *Helmontius* generationem tartari omnium optime explicuit, ita præparata ejus à quibusdam Chymicis, præsertim *Angelo Sala, Zobelio & c.* in peculiaribus Tractatibus & *Tartarologiis* fusius subjiciuntur oculis: quibuscum Materialista magnam etiam faciunt mercaturam, inprimis cum

**CREMORE & CRYSTALLIS TARTARI,** quos Franci pondere centenario Francofurtum ferunt Materialistis divendendos, à quibus ignavi & pigri Pharmacopola, laborem ipsi detrectantes, librari pondere emunt. Montpelienfes magnam etiam quantitatem hinc inde vehi curant, præsertim crystallorum, siquidem cum cremore tartari tardius procedit labor; parum enim interest, quodnam istorum usurpetur, cum iisdem polleant virtutibus, eademque ratione præparentur, siquidem dum crudus tartarus in aqua coquitur, vel superior falsaque despumatur cuticula, vel reliquum in crystallos accrescere permittitur. Optimæ sunt magnæ, candidæ & pellucidæ, quibus haud multum, minutarum nigrarumque inutilium particularum est permixtum. Id tamen videndum, ut ne sale petrae sint adulterata, quem impostores, ad exaltandam istarum albedinem augendumque pondus, simul accrescere faciunt. Cæterum iterata & solutione & crystallisatione satis acquiri candidæ possunt, quem tamen laborem prudentiores Medici censent supervacaneum, quoniam priores crystalli magis meliusque operantur, quam sæpius depurata, quamvis non adeo albæ sint. Resolvente laxanteque virtute prædita, tena-

cem pituitam in intestinis dissolvunt, purgantibus propterea præmittendæ ac jungendæ; & quoniam etiam phlogoses temperant, de quorundam sententia à calido hepate exortas, Medici Saxonici pulverem hepaticum rubrum exinde præpararunt. Nec tamen nimium ejusmodi res per se bonæ usurpandæ, aut pro panacea habenda, quod multi acidum cremoris tartari ferre nequeunt; ut jam alias rationes taceamus, quas *Heilbronneses* Medici in peculiari *Tractatu de cremore tartari*, Pastori pagano opposito, adduxerunt.

## §. 19.

Quo verò crystallis tartari memorata aciditas dematur, istaque non in calido solum, sed frigido quoque vehiculo possint sumi,

## TARTARUS SOLUBILIS

**f. SAL VEGETABILIS** inventus est, è prædictis crystallis saleque tartari præparandus, cujus inventionem *Pometus loc. cit.* Capucino cuidam, cui *F. Angelo* nomen fuit, vult adscriptam, quippe qui istum Parisiis primum notum fecit, inibique ejus quantitatem incredibilem vendidit, dum à solo prædicto Materialista annuatim plus quam XII. pondera centenaria crudi tartari, & fere mille libras crystallorum emit. Quem tamen prædictus Capucinus fortasse à Germanis præparare didicit, quippe quibus jam pridem innotuit, præparatione principio occulta servata, quæ hodie omnibus fere Pharmacopolis nota est. Eleganter album, siccumque ac probe saturatum esse oportet. Ad augendum splendorem istum solvunt, & in crystallos accrescere sinunt. Viribus cum crystallis convenit, nisi quod magis sit correctus, & in usu acidularum ad laxandum usurpetur.

## §. 20.

Similiter etiam coctus è tartaro cum limatura ☿ **TARTARUS CHALYBEATUS** in elegantes crystallos potest accrescere, ex Tartaro Solubili autem & Tinctura ☿ **TARTARUS MARTIALIS SOLUBILIS** præparari. Quæ bina in morbis diuturnis spleneticis dictis, ictero & hydropo, multum præstant opis.

## §. 21.

Non minus notissimus & ad ciendum vomitum usitatissimus

## TARTARUS EMETICUS,

è crystallis tartari præparatur, cum æquali croci metallorum quantitate, in duodecim aquæ partibus coquendis, aut tres dies loco calido sæpius movendis, & post filtrationem vel evaporandis, vel ad crystallifandum transfereendis. Quale medicamentum alii è nitro, sale ammoniaco & tartaro solubili, cum prædicto croco, solent conficere: de ejus vero usu

Myn-



*Mynsichtius* tanquam primus inventor, in *Arment. Medico Chymico* potest legi. Hic loci ad duo vel tria grana datur, cum duabus facchari partibus in febrium principio, effusione bilis ac similibus morbis.

## §. 22.

Si quando tartarus per retortam pellitur ac destillatur,

## SPIRITUS TARTARI

acquiritur primum, probe diaphoreticus ac diureticus: quocum

## OLEUM TARTARI FOETIDUM

simul ascendit, extrinsecus probe discutiens, & tumidis mammis aliisque tumoribus utile; cujus caput mortuum penitus calcinatum ustioneque album factum, genuinum

## SALEM TARTARI

elixiviatione suppeditat, idque gratis; quando enim Pharmacopolæ tartarum in figulorum fornacibus comburunt, nobilis spiritus cum oleo perit. Eleganter albus, ficcus, subacris & parum amarus fit, nitro neutiquam adulteratus, quod ex eo facile cognoscitur, quando carbonibus impositus instar nitri flagrat. Loco sicco vult custodiri ab aëreque defendi, alias enim facile solvitur ac in limpida aquam mutatur,

## OLEUM TARTARI PER DELIQUIUM

vocatam. Ubi valdè memorabile est, ex libra una  $\Theta$  tartari fere decem libras ejusmo-

di olei posse acquiri, quod aërem spiritumque mundi attrahit, ut *Digbeus* in *Oratione de Pulv. Sympathet.* observavit. Vehementer exsiccat, scabiem, impetiginem ac faciei pustulas sanat, cutisque restituit pulchritudinem. Interne quoque à nonnullis ad acre stomachi acidum corrigendum, datur.

## §. 23.

Si quando  $\Theta$ i tartari, aliquot dies igne calcinato ignitoque, spiritus vini tartarisatus affunditur, in momento habetur

## TINCTURA TARTARI,

eleganter rubra, qua tamen vetustate evadit flava. Sanguinem purificat urinamque pellit.

## §. 24.

Præ omnibus

## SAL TARTARI VOLATILIS,

tam ad Chymix secreta, quam ad Medicinam laudatur, de quo *Dan. Ludovici Tr. de Volatilisatione Salis Tartari* eleganter scripsit, etiam *Charasius* in *Pharmacopolio Regio Gallico* potest consuli, qui istum è fecibus præparat.

## §. 25.

Quod ad Tartarum  $\Theta$ latum attinet, de eo omnes repleti libri sunt. Similiter diligenter custodiendus est, ne solvatur. Bonum digestivum est, obstructions referans.

## CAPUT XV.

DE

BACCIS LAURI, CARICIS, PRUNELLIS  
ET CASTANEIS.

## §. 1.

**B**ACCÆ LAURI oblongè rotunda nigraeque grana sunt, sub tenui pellicula fuscum nucleum continentia, in duas partes divisibilem. Saporis acris, amari, oleosique & aromatici sunt, odorisque fragrantis, unaque cum foliis ex Italia in Germaniam feruntur.

## §. 2.

Laurus arbor, à qua oriuntur, valde diversa est, hortensis & sylvestris. Illa iterum vel latifolia est, vel angustifolia, quarum foemina saltem fructum ferunt, de quibus *Theod. Tabernamontani Herbarium Lib. 3. pag. 676. seq.* videndum. Omnes oblonga, dura, viridia fragrantiaque folia habent, sapore amara, quibus in foeminis virentes flosculi, his vero fructus succedunt, principio virentes, maturescendo fusci evadentes. In Germania quoque coluntur, ubi fructus nucleatos proferunt.

## §. 3.

Optimæ baccae perfecte beneque cretæ sint, vere tamen exsiccatæ, itaque nigrae, quantum possibile est. Videndum ne cariosæ & perforatæ seu exesæ sint, ad quod sunt proclives, haud bene custoditæ.

## §. 4.

Aromaticæ sunt, proptereaque calidæ ac penetrantis naturæ: artus roborant, flatu in ventriculo ac intestinis dissipant, urinam mensesque ac foetum mortuum pellunt, quam ob causam *Sim. Pauli* pauperibus parturientibus 6. vel 7. baccas lauri dat deglutiendas, ad partum facilitandum, vid. *Quadrip. Bot. pag. 73.* Cui etiam

## OLEUM LAURINUM

extrinsecus opitulatur, ex Mediolano ad nos vectum, ibidem è recentibus baccis lauri expressum, referente *Vielheurio* in *Descript. Exot.*



*Mater. Germanica* pag. 119. cujus etiam non spernenda quantitas Languedoco in Galliam transfertur, præsertim è Calviffon prope montem Pessulanum, ubi baccas recentes aqua ebulliunt, exprimunt, oleumque refrigeratum doliolis indunt, aliorum vehendum. Recens fit, fragrans, quodammodo granulatum, spissum tamen durumque, colore ex flavo viridiulculo præditum. Prorsus viride molleque, laurum non redolens, abjiciendum, docente *Pometo* in *Hist. des Drogues* pag. 246. In quo oleo, quod quidam impostores ex sebo & terebinthina, colore viridi, Safft-grün dicto, imbuendis, imitantur, magnus sæpe dolus latet, ut in emendo magna providentia opus sit. Alias ad omnes dolores à frigiditate ortos, catarrhos similesque affectus in hominibus pecoribusque crebrius usurpatur & imprimis à mulomedicis valde consumitur. Emplastrum de Baccis Lauri similem operationem præstat, cujus descriptionem, una cum electuario, & aliis vide, sis, in *Dispensatorio Augustano*.

## §. 5.

**FOLIA LAURI** in culinis ad artocreata carnis ferinæ aliasque escas crebrius sumuntur, ictibusque apum & vesparum imponuntur: cæteris viribus cum baccis lauri conveniunt.

## §. 6.

Ad hos similesque arborum fructus pertinent etiam

**CARICÆ** (*Feigen*.)

fructus medullosi granosique, colore diversi, pyriformes, sapore dulces, odoreque fragrant, ex Hispania, Gallia locisque aliis in corbibus vel cistis allati.

## §. 7.

**Ficus** arbor forte ad viri accrescit altitudinem, magnis, latis & crenatis foliis ornato. Ligno fere destituitur, rectiusque cortex s. arundo vocatur, caudice spithamæ habens crassitiem. Surculus unus ferè 200. ficus habet, quæ una cum caule semimaturæ, nempe partim virides, partim flaventes, decerpuntur, & de de trabe suspenduntur, ubi 4. aut quinque dierum spatio prorsus maturescunt & flavescunt, secundum *Schurzium* in *Mater. Mus. Germanico* pag. 35. Recte exsiccata vel corbibus juncinis & è foliis palmæ constantibus, vel cistis ac scatulis ab exteris induntur, quo ipso foris jam differentia potest cognosci.

## §. 8.

**Ficum** permulta sunt species seu sortes, quæ partim roremarino (*Rosmarin-Feigen* propterea dictæ) partim foliis lauri aut viridis anisi umbellis interstinguuntur. Hispanicæ in doliolis Hamburgo veniunt; Caricæ de Cypro similiter in doliolis, Venetiis; Provinciales in corbibus (*Korb-Feigen*) Massilia è Gallia, ut *Vielheurius* è prædicto *Schurzio* in *Descript. Exot.*

*Mat. pag. 85.* scribit. *Pometus* vero, Materialista Gallus, Provinciales iterum in tres sortes distinguit, nempe 1. in cæruleas, quæ magnæ, sicæque ac recentes sint, 2. in Massilienses, parvas, albas, recentes & siccas, coriacea cuticula destitutas, facileque è discoloribus parvis corbibus cognoscendas, 3. in caricæ nimis magnas pinguesque, in magnis corbibus, ut Hispanicæ, advectas; quæ tamen bonitate longe inferiores sunt iis, quæ in parvis corbibus veniunt, vid. *Istius Hist. des Drogues* pag. 257. *Baubin*us, notissimus Botanicus, tres quoque sortes recenset *Pinnac. l. II. Sect. 1.* pag. 457. quarum prima in magnis juncis corbibus, altera in cistis aut similibus corbibus foliis lauri interstincta, tertia in parvis oblonge intortis corbibus juncinis veniat, Massilienses caricæ continens, multo dulciores melioresque cæteris, quippe tenui pellicula cinctas, reliquis licet minores. In India quatuor insuper species reperiuntur, à *Schurzio l. c.* recensitæ, nobis vero incognitæ. In Italia caricæ pondere *Ster* dicto, non centenariis venduntur, quod 220. libras continet, ut *Marxius* in *Mater. Mus. Germanico* pag. 58. ostendit.

## §. 9.

Quod ad usum attinet, virtute caricæ pollet calefaciente, eaque acres catarrhos demulcent, ad decoctâ pectoralia propterea usurpandæ. Urinam foetumque juxta promovent, à *Sim. Paulli* in *Quadrip. Botan.* pag. 300. gravidis propterea commendatæ, quod nutrimentum simul suppeditant, præsertim cum amygdalis sumtæ. Exinde Hamburgenses caseos suos (*Feigen-Käs* dictos) diversæ conficiunt magnitudinis, esu non ingratos. Variolas quoque & morbillos infantum pellunt. Externè affatæ tumidæ gingivæ imponuntur, ex qua vitiosam pituitam copiose extrahunt.

## §. 10.

Præter caricæ è Gallia, præsertim parvo Provinciæ oppido, cui Brignole inditum nomen est, rubicundè-flaventia, enucleata & exsiccata pruna afferunt, in cistis oblongis, artificiose incisa papyro tectis, quæ **PRUNA** de **BRIGNOLES** & Germanice

**PRUNELLEN**

vocant. Eleganter flava, carnosâ, vereque sicca sint, saccharum vero sub papyro non humidum sit, aut solutum, ex quo ista bona ac genuina esse cognoscitur. Saporem acidovinofum habent gratumque. Arbor in hortis & vineis Francofurtensibus quoque læte succrescit, ubi Pruna hæc Myrobalanorum (*myrabelle*) nomine donantur. In Germania ex prunis Damascenis excorticatis, nec prorsus maturis similia præparantur, quæ tamen non adeo bona sunt.

## §. 11.

Similiter Galli Lugduno aliisque aliis castaneas majores

**MARONEN**

dictas,



dictas, afferunt, nostratibus, in Alsatia ac Palatinatu crescentibus, crassiores, quamvis saporis sint ejusdem. Non putridæ ac corruptæ, sed recentes adhuc & duræ esse debent. Saccharo

quoque obducuntur, Marons glaces tunc vocatæ, qua de re *Pometus l.c. pag. 258.* legendus pluribus.

## CAPUT XVI.

DE

## COCO SEU NUCE INDICA.

## §. I.

**C**Ocus Indicus magnus s. magna nux Indica (*Indianische Cocos-Nuß*,) certus arboris cujusdam fructus est, magnitudine infantilis capitis, foris crasso libro fibrosoque putamine cinctus, permagnam ovalis figuræ nucem, celeri striâ præditam, & in tres partes quasi divisam, sinu suo continens, constantem ex valde duro, lignoso, crassitie dimidium digitum æquante, ac superius tribus foraminibus, (quorum quædam cæca sunt) notato cortice, atque albo dulcique nucleo, eoque magnitudine mediocris ovi prædito, intus cavo, foris tenui pellicula tecto. In ejusmodi nucleis semper sapore grata dulcis aqua colligitur, quæ tandem evanescit; quamobrem omnes, quicunque ad nos veniunt, nucleis cavi vacuique sunt. Ut plurimum ex India Orientali veniunt: quamquam etiam in America aliqua reperiunda species sit.

## §. 2.

Arbor, in qua hæ nuces crescunt, in Indiæ Orientalis Insulis CLAPPUS s. CLAPPA (*Klapper-Baum*) vocatur, similitudine palmis accedens, in magnamque excrescens altitudinem, cujus caudex valde duro & quasi geniculato ligno constat. Folia, ut in palmis, magna sunt, paulò tamen latiora: flos flori castaneæ similis, ramique similiter, ut palmarum, deorsum propendent, quæ *Malletus* in *Cosmographia* & *Georgius Meissnerus* in *Ost-Indianischen Lust-Gärtner* pag. 49. qui ipse aliquot centum plantavit, in peculiari figura repræsentavit. Ex inferioribus ramis, prope caudicem, quinque, sex & plures nuces excrescunt, è quibus etiam arbores possunt plantari, pingui, stercoreatoque solo mandatis.

## §. 3.

Quod num in Europa quoque procedat, aliquot ante annos in recens exstructo horto Medico Amstelodami feliciter tentatum, quemadmodum *Dumbsdorffius*, istius loci Pharmacopola Germanus, ad juniorem *Dn. D. Volckamerum* Norimbergam scripsit. Plantatio hóc fiebat modo: Cocum magnum autumno mandabant terræ, ut superior magna gemma s. oculus sursum respiceret: hinc ex aliquo minorum oculorum, infra positorum, exoriebatur germen, s. caudiculus, biennii tempore ad quinque ulnæ quadran-

tes crescendo exsurgens. Folia quoque progerminabant, longitudine trium ulnæ quadrantium, quibus deciduis striæ oriebantur instar globulorum: quod fortasse causæ est, quamobrem arbor ejusmodi circulos & genicula habeat, quæ omnia è figura, in *Miscell. Germ. Cur. Dec. 2. An. 7. obs. 250. pag. 467.* contentâ, clarius perspiciuntur.

## §. 4.

Differentia fructuum vel ab istorum petitur magnitudine, vel ab exteriori figurâ. Sic nuces quædam magnæ sunt, ut vulgares; quædam minores, quæ è peculiaribus arboribus progeneratæ à *Theod. Tabernamontano Libr. 3. de Herbis* pag. 649. nuculæ Indicæ vocantur, quamvis non adeò parvæ sint. Ratione figuræ pleræque sunt ovales: interdum tamen etiam oblongæ reperiuntur, ut è figura *Pometi* omnia cognoscas.

## §. 5.

Quæ nuces, non minus atque tota arbor, valde insignem præstant usum, dum non modo bonum nutrimentum suppeditant, plus centies mille homines alunt, phthisicosque conservant, sed naturale etiam semen augent, suæque pinguedine & oleositate dolores nephriticos leniunt. Quamobrem è nucleis duplex Indi oleum exprimunt, unum è recentibus, leniter laxans, alvumque induratum emolliens: alterum è siccis & quodammodo tostis, ad lampades insumendum, membraque contracta & dolentia usurpandum, commemorante *Wormio in Mus.* pag. 209. E supremo quoque cortice similis oleosus liquor exprimi, & ad prædictos nervorum affectus usurpari, vermes etiam necare perhibetur, ut *Theod. Tabernamontanus* pag. 649. herbarii sui ex *Avicennâ* meminit. Ex his nucleis, cum aqua contusis, etiam emulsiõ, haud secus atque ex amygdalis, potest preparari, in qua Indi oryzam aliosque cibos coquunt, atque delicates redunt. Non minus dulcis in nucleis contenra aqua perutilis est, dum non gratus solum potus existit, diuque durat, sed nobilis quoque spiritus, sive aqua vitæ, inde potest destillari, qui clarissimi *D. Hermannii* liquor balsamicus est, quo non varia solum terra nascentia insectaque conservabat, quæ suo tempore Lugduni in Museo Ceylanico sistebat videnda, ut *D. Kampferus*, qui



ex India Orientali istum *Hermannus* afferebat, mihi retulit.

## §. 6.

E duro lignosoque putamine hujus nucis varia conficiuntur utensilia elegantiora, pocula scilicet, cochlearia &c. foris bene polienda; quem in finem nuces apud Materialistas crebrius conquiruntur, teste *Pometo* in *Hist. des Dregues* pag. 214. Quod decidit, vel ad pulverem sumitur pro atramento, aut in carbonem ustione redigitur, aurifabri perutiles.

## §. 7.

Exterior liber, seu cortex, ab Indis ad funes

navales, quinquaginta orgyas longos, dimidii vini fere habentes crassum, inque aqua non facile corrumpendos, usurpatur, quippe quo etiam sumas foraminaque navium obturant. Caudicis lignum ad extruendas naves domosque perutile est: ramis vero ac foliis Indi casas suas navesque tegunt, ex istisque corbes & res alias conficiunt; ut adeoque utilior in Orbe terrarum arbor inveniat nulla, iudicio laudam *Wormii* in elegante suo *Musæo* pag. 209. Id quod etiam memoratus *Georg. Meisnerus* (qui multos annos in India Orientali Consiliario ac Medico, *D. Cleyero*, tanquam hortulanus, à servitio fuit) *loc. cit.* p. 49. confirmat, pluribus id pertractans.

## CAPUT XVII.

## DE

## COCO MALDIVIENSI, COCCULIS ORIENTALIBUS ET NUCIBUS VOMICIS.

## §. 1.

**P**RÆTER vulgarem rotundamque nucem Indicam, seu cocum, cujus historia traditur capite præcedente, alia adhuc, sed rara, datur species, quæ

## COCUS MALDIVIENSIS

(*Maldiver Cocus-Nuß.*)

solet vocari. Priori in omnibus fere similis est, præterquam quod externa figura sit diversa, quæ isthic rotunda, hic vero cor repræsentat; alias quoque Tavarate dicitur. Difficulus comparatur, quod Sinenses istum, tanquam idolum, domibus suis custodiunt, istumque ubique conquirunt, teste *Rumphio* in *Epist. XII. India Orient.* in *Appendice hujus Tract.* legenda.

## §. 2.

Huic fructui præ aliis vis alexipharmaca adscribitur, à Clarissimo *Bauhino* propterea Nux Indica ad venena celebrata vocata. Inprimis ita dicta GEMMA NUCIS MALDIVIENSIS, cujus *Wormius* in *Musæo* pag. 203. meminit, eam ob causam in India magni æstimata, non solum, ut totus nucleus, ad omnia venena, febres petechiales &c. commendatur, sed pro panacea etiam habetur. In medio nuclei invenitur, tanquam oculus, ex quo iterum progerminat. Rotunda est, magnitudine parvi columbini ovi, lævis, dura & instar perlarum splendens. Plerumque flavescit, præterquam quod in aliqua parte subalba sit. In altera extremitate parvus petiolus apparet, quo mediante reliquo nucleo juncta fuit: zib pondere fere æquat, inque aqua fundum petit. Indi istam aureis argenteisque annulis ita munire perhibentur, ut nudam digitorum cutem attingat, quos annulos ad arcenda veneficia venenaque peculiare censent amule-

tum. Interim multum subesse potest superstitionis, id quod ista historia confirmat, cujus *Franciscus Redi* in *Experimentis suis Naturalibus* pag. 35. meminit. Scilicet cum peregrina quædam etque Africana persona, inter alia rara, hunc Cocum Maldiviensem in quadam Italæ aulâ ostendens, præter alias virtutes commemoraret, istum omne à se trudere ferrum, sicut è contrario magnes illud attrahat, prædictus verò Scriptor de eo dubitaret, gladio istud probari confirmarique voluit, sed irritò conatu, circumstantiis licet requirendis observatis omnibus, ut *loc. cit.* pluribus legatur. De reliquis virtutibus Naturæ Scrutatores Scriptoresque Indici, utpote *Hernandezius*, *Garzias ab Herto*, *Acosta*, *Piso* aliique possunt evolvi.

## §. 3.

Quoniam noti Cocculi Indi (*Coccol Körner*) sive

## COCCULÆ ORIENTALES

etiam Nuculæ Indicæ vocantur, istis hac occasione hic quoque dabimus locum. Obscure fuscis granis constant, parvas baccas, lauri magnitudine æquantes, sed paulo rotundiores formantes. Rugosa cute, ut nuces moschatæ, cinctæ sunt, altero latere, ubi petiolus fuit, parvos rennes repræsentant, saporemque habent amarum. Ex Malabara Ægyptoque feruntur.

## §. 4.

De istarum origine variz sunt opiniones. Quidam solani esse speciem ex stimant, alii esulæ. Hodierni contra Botanici *Breynius* aliique testantur, easdem in certo quodam intorreo frutice crescere, in *Herto Malab. Tom. 7. Tab. 1.* Natiatam, Batavorum lingua *Waterquaad* dicto. Enim-



Enimverò clariss. *Rumphius* confirmat, in sylvestri aspera eruca, TUBA BACCIFERA dicta inveniri, quam in dem *Ambonischen Kräuter-Buch* cap. 16. L. 7. eleganter descripsit, ut ex ejus *Msc.* in *Epistolis Indiarum Orientalis* ostendimus. De uno petiolo multa pendent grana, ut è figura apparet. Primum albæ, tum rubicundæ, tandem fuscæ apparent, ut prædictus petiolus. Nucleum inclusum tenent, multas in partes divisibilem, qui quod facile cariosus sit, cocculæ plerumque cavæ vacuæque veniunt, præsertim inveteratæ.

## §. 5.

Optimæ sunt recentes, ponderosæ, colore saturatæ, tam magnæ atque haberi possunt, nullisque quisquiliis permixtæ, docente *Pometo* in *Hist. des Drogues* pag. 216.

## §. 6.

Usum horum fructuum *Codronchius* in peculiari *Tract.* descripsit. Quid virulenti continent, proptereaque in Medicina interne non usurpantur. *Riverius*, celebris Gallorum Medicus, suo tempore externè in podagra adhibuit, ut in *Append. Schræderi* videre est. Cum semine staphilagræ unguentum pediculorum ingrediuntur. Pueri quoque istis ad capiendos pisces utuntur, dum grana ista cum antiquo caseo, camphora aliisque, in *Wormii Mus.* pag. 197. recensitis, mediis in pilulas formant, in aquam abjiciendas, unde pisces adeo fiunt temulentæ, ut manibus possint prehendi. Quæ tamen piscatio Medica in jure minus approbatur, docente *Zacchius* in *Quæst. Medico-Legalibus* pag. 473.

## §. 7.

Quemadmodum hæ cocculæ (vulgo *Fischkörner*) piscibus sunt veneno, ita

NUCES VOMICÆ, (*Krähen-Augen*) canes, felæ aliæque quadrupeda animalia, exca nasei solita, enecant. Rotundis compressisque & orbicularis nucleis constant, magnitudine duplicatum Grossum s. Duodenarium æquantibus, extrinsecus cinereis & lanuginosis, holotericum

tactu mentientibus: intus duritie cornea, sapore amaro. Ex Indiarum Orientalis Insula, Ceilon dicta, proveniunt.

## §. 8.

A quò vegetabili proficiscantur, hucusque prorsus ignotum fuit, donec tandem Clariss. *Hermanni* aliique Boranici in rei venere veritatem, quod exorica cujusdam arboris, in *Horto Malabarico Tom. I. p. 67.* sub nomine Cairam descriptæ, fructus sint. In certis fructibus, aurantiorum magnitudine, pulpa mucilaginosa includuntur, ut *loc. cit.* & in *Dn. Matth. Seutteri Disp. Grad. de Nuce Vomica* pluribus legitur.

## §. 9.

Interea *D. Hermanni* suis in scriptis testatur istarum duplicem esse speciem, majores scil. & vulgares ex Ceilon, & minores ex Insula Timorensi, prioribus magnitudine multo inferiores, sed tribus partibus minores, quod totus fructus vix nucem moschatam æquat, qui una cum arbore (cujus radix lignum colubrinum audit) in *Horto Malab. Tom. 7. Tab. 2. & seq.* variè sistitur delineatus.

## §. 10.

Hic locorum priores, tanquam majores, magis innotescunt, quæ adhuc recentes, decenter magnæ, cinereæ & subflavæ sint, minus cariosæ, nec partibus inutilibus permixtæ, docente *Pometo* in *Hist. des Drogues* pag. 216.

## §. 11.

Similiter virulentæ sunt, adeò, ut ad drachmas duas sumtæ hominem credantur necare, auctore *Theod. Tabernemontano Lib. 3. de Herbis p. 650.* Parva dos stomachum subvertunt. Merito autem mirandum, quid causæ sit, quamobrem alexipharmacis annumeratæ & ad electuarium de ovo sumtæ fuerint. Istarum nomine veteres aliud fortasse intellexerunt, in specie Fabas S. Ignarii. Fures istis ad necandos canes abutuntur, olimque ab Hassiacis Ministris ac Prætoribus apud illos inventæ sunt, ut in *Pandectis meis Medico-Legalibus* commemoravi.

## CAPUT XVIII.

## DE

## AMYGDALIS DULCIBUS ET AMARIS, NUCIBUS PINEIS ATQUE PISTACHIIS.

## §. I.

AMYGDALÆ fructus cujusdam ossei, oblongi, quodammodò compressi & utrinque convexi nuclei sunt, foris rubicundè flavente cuticula cincti, sub qua niveæ albedinis nucleus s. medulla, è duabus partibus constans, continetur. Partim è Gallia Italiaque

transportantur, partim in Germania, præsertim in Palatinatu circa Turckhemium, Landavium & alibi copiosè coluntur.

## §. 2.

Amygdalæ arbores, ut constat, malis Persicis valdè similes sunt, similiterque florem carneum,



neum, cui fructus succedit, longiusculo vi-  
rente putamine, ritu nucum juglandium, cin-  
ctus, qui tandem maturus factus dehiscit, &  
amygdalas in valde duro, multis profundis  
scrobiculis notato, ossiculo decidere finit, ex  
quo postea aperiendo nuclei eximendi. Da-  
tur tamen aliqua species, cujus cortex lignosus  
adeo tener est, ut dentibus possit confringi,  
*Beis-Mandeln* propterea dictæ, & ita integræ  
secundis mensis apponi solitæ: quas etiam Ma-  
terialistæ integras curant afferri, ut *Pometus* in  
*Hist. des Drogues* pag. 225. meminit.

## §. 3.

Duplices verò sunt amygdalæ, dulces &  
amaræ;

## AMYGDALÆ DULCES

iterum diversas in sortes dividuntur, Ambro-  
sinas scil. & Communes. Illæ majores sunt co-  
lorequem magis saturatæ, Baviæ, Pugli, ut & in  
Calabriâ pondere Cantar dicto (quod Vene-  
tiis alla grossa 187. lb. alla subtila 294. lb., Norim-  
bergæ vero 172. libras continet) emendæ, ut  
*Schurzius* in *Mater. Mus. Germanico* pag. 13. re-  
fert. Hæ contra è minoribus, nec adeo pul-  
chris, nucleis constant. Alias quoque ab re-  
gionibus, unde veniunt, sortiuntur nomen;  
hinc quædam Provinciales, nonnullæ Vallen-  
ses, aliæ Barbaricæ vocantur. Provinciales è  
Languedoco, Galliæ Provincia, afferuntur, qui-  
bus prædictus Materialistæ eas, quæ Genève  
veniunt, judicat præferendas. Vallenses per  
Italiam ad nos transferuntur, quæ si magnæ  
fuerint, secundum *Marxium* in *Mater. Mus.*  
*Germanico* pag. 16. Provincialibus longe ante-  
ponendæ. Barbaricæ vero, ex Oriente Indiaque  
expectandæ, fere vilissimæ sunt, quod parvæ  
sunt, & magnam partem semiotundæ, secun-  
dum relationem *Pometi l. c.* Quum verò  
amygdalæ dulces optimæ sint recentes, hinc  
*Vielheurius* in *Descript. Exot. Mater.* p. 72. omni-  
bus exteris Germanicas nostras, quæ semper  
recentes bonæque haberi possunt, non temerè  
longe anteposit.

## §. 4.

Undecunque venerint, optimæ sunt recen-  
tes, decenter magnæ, latæ, colore saturatæ, non  
nimis pallidæ, intus eleganter candidæ, vere-  
que dulci ac grato sapore. Nullo cortice, nul-  
lis frustis, multo minus pulvere aliquo defæda-  
tæ sint, sic enim prius eligendæ. Per pulverem  
autem non flos intelligatur, qui amygdalas  
conservat. Qui tota dolia aut sarcinas emunt,  
bene caveant, quò bonæ, nec cariosis permixtæ  
sint, quippe quas Mercatores Lugduni ac Pa-  
risiis ita disponere & convasare norunt, ut fa-  
cile paretur damnum, uti *Pometus l. c.* de suis  
conterraneis ingenuè confitetur, ab iisque ut  
nobis caveamus, monet.

## §. 5.

Ad istarum usum quod attinet, minime diffi-  
cendum, amygdalas non solum magnum suppe-

ditare nutrimentum, ac propterea in culinis ad  
multos delicatos cibos, martium panem, macro-  
nas, emulsiones &c. usurpari, imprimis foetum  
in utero confortare, semenque virile augere, sed  
etiam ob oleum suum temperatum omnes acres  
humiditates temperare, atque ob hanc rationem  
phthisicis, hecticis &c. proficere. Quem in fi-  
nem etiam OLEUM AMYGDALARUM  
DULCIUM exinde exprimitur, quod, quum  
non externè solum, sed internè quoque usurpe-  
tur, bene præparatum sit, non ex inveteratis,  
rugosis ac corruptis, (à quibus *Schurzius* in *Ma-  
ter. Mus. Germanico* pag. 65. vulgare deducit,) sed  
vere recentibus bonisque nucleis, & quidem fri-  
gide sine igne expressum, alias enim empyreu-  
ma odore saporeque facile prodit. Recens natis  
infantibus, cum vel sine syrupo laxante, datur,  
quo collectæ tempore gestationis sordes nigri-  
cantes (à quibus alias tormina, epilepsia &c. o-  
riuntur) maturius expurgentur. In adultis dolo-  
res nephriticos lenit, renumque ac vesicæ calcu-  
lum promovet, cæterisque urinæ vitiis medetur:  
Laxat sedatque colicam, sputum & pleuriticorum  
tussim &c. promovet. Externè ab obstetricibus  
in partu multisque aliis in casibus adhibetur; si-  
cuti & relictæ massa cuticularum à foeminis ad  
ad saponem amygdalinum usurpatur, quippe  
quo teneram cutem pulchrasque manus confi-  
cere opinantur: quod tamen amygdalæ amaræ  
præstant melius. Supputante *Vielheurius l. c.* libra  
una amygdalarum 3vj olei suppeditat.

## §. 6.

## AMYGDALÆ AMARÆ

figura externa cum prioribus prorsus conveni-  
unt, quibus etiam annonæ tempore permiscen-  
tur: quanquam sapore facile distinguantur, qui  
in his prorsus amarus est & subacris. Cujus re-  
spectu calefaciendi, resolvendi aperiendique vir-  
tute pollent, stomachum confortant, urinam  
ciant, ut adeoque duplici ratione ebrietatem im-  
pediant. Quem in finem ii, qui in bibendo He-  
roës videri volunt, amygdalas æque atque  
biscoctum ex istis præparari solitum, ante, quam  
bibant, comedunt. Oleum exinde præparatum  
in affectibus aurium perutile est, cutique gratiam  
conciliat, id quod farina similiter præstat, ob pe-  
netrantem solventemque virtutem multo ef-  
ficacior, quam farina amygdalarum dulcium  
habita. Memorabile verò, fructus hos homini  
adeo utiles, gallinis aliisque alitibus valde exi-  
stere nocivos mortiferumque venenum, adeo ut  
etiam à residuo, ex quo oleum expressum est,  
eoque deglutito moriantur, teste *D. Lysero, Da-  
no, in obs.* 14. pag. 239. cult. Anat.

## §. 7.

Cum amygdalis dulcibus quod nuces pineæ  
ac pistachiæ viribus multum conveniunt, istarum  
hic paucis faciemus mentionem.

NUCES PINEÆ (*Zirbel-Nuß, Pinelen*)

ex oblonge rotundis parvis nucleis constant,  
foris



foris intusque prorsus albescentibus, saporis oleosi dulcis. Partim ex India, partim Italia veniunt, ubi circa Ravennam, haud procul à litore Veneti maris locisque aliis copiose crescunt, testibus *Schurzio & Marxio, locis citatis*. Equidem hic locorum quoque pini cum suis strobilibus crescunt, nullas tamen nuces proferunt, quales in PINO DOMESTICA inveniuntur, quæ saltem in Italia ac regionibus calidis cultura crevit. Acuminata folia habet, ut equisetum, magnosque è multis duris lignosisque squamis coagmentatos strobilos profert, sub quibus duræ lignosæ nuculæ, & quidem sub qualibet squama binæ sunt reconditæ, ut *Wormius in Mus. p. 210.* refert. Quibus in fornaces projectis, aut super igne detentis, squamæ ab se invicem discedunt, duræque nuces excidunt, ex quibus aperiendis nuclei rubra tenuique cuticula circumdati eximuntur. Eleganter candidi, recentes, magni dulcesque sint, non rancidi. An cuticula removenda, an relinquenda sit, Materialistæ inter se dissentiunt, dum quidam nucleos in ista melius asservari, alii illos cuticula fœdari existimant. Quæ tamen lis cum valde levis sit pondereque minime æstimando, cujusque ista relinquatur arbitrio. Probè excorticatæ nuces in culina æque ad artocreata cibosque alios, atque in medicina crebrius usurpantur, præsertim ab hæcticis phthificisque, quibus laudabile nutrimentum suppeditant; simul etiam omnem acrimoniam doloresque nephriticos leniunt. Augendo semen naturale potentiam virilem acuunt: quem ob finem aliquod ex illis oleum exprimitur, quod ex relatione *Ettmülleri in Comm. Schræd. pag. 627.* quidam Imperii Princeps perpetuo secum ferre perhibetur. Quod

post expressum oleum reliquum est, candorem manibus conciliat, ut farina amygdalarum.

## §. 8.

Iisdem etiam viribus pollent

PISTACHIÆ, s. *Pimper-Nüsse*,

ex oblongis angularibusque nucleis nucis cujusdam constantes, una parte elatiores quam in altera, foris purpurea cuticula cinctæ, intus viridiusculæ. E Persia, ab Alexandria & Damasco, per Italiam veniunt, Java quoque, Neapoli & Sicilia, referente *Marxio in Mater. Mus. pag. 156.* Arbor procera est, instar junioris arboris juglandis, de qua fructus racematim pendent, foris virides, rubro permixti, magnitudine virentis amygdalæ. Sub viridi putamine nux ipsa latet, albo, sed non adeò duro cortice, nucleum, nucem sanguinea pellicula præditam, referentem, continente. Quæ nuces vel totæ afferuntur, aut istarum saltem nuclei: quæ simul in Materialium Museis reperiunda. Illæ recentes adhuc sint, ponderosæ ac perfectæ, quarum tres libræ unam minimum nucleorum libram suppeditant, docente *Pometo in Hist. des Drogues pag. 228.* Ipsi vero nuclei foris eleganter rubri, intus virides sint, ac prorsus recentes, sapore dulci, subadstringente, non rancido, seu oleoso. Materialistæ magnas, dulciarii parvas amant, laboris in istis ad conficiendum conscindendis tædiofi. Omnes vero modice sicci asserventur, nisi illos mox rancidos fieri velimus. Maceratione in aqua calida rubra pellicula decedit, pistaciæque apparent colore herbeo. Ratione usus cum pineis prorsus conveniunt, quibuscum plerumque præscribuntur; oleum similiter modo supra dicto potest usurpari.

## CAPUT XIX.

DE

ARECA, BALANO MYREPSICA, NUCIBUS  
LAMPERTIANIS ET CELLENSIBUS.

## §. 1.

**A**RECA exoticæ cognominis arboris, *Pinang-Baum* aliàs etiam dictæ, fructus est, extrinsecus nuci moschatae haud multum dissimilis; nisi quod non adeo rotundus, sed inferius depressus seu planus, superius acuminatus sit. Infra, ubi insidet, ex albo cinereus, supra fuscus est, intus vero purpureo-rubris & albis striis, saponis variegati adinstar, notatus; sapore pollet subadstringente, odore nullo. Aliàs quoque

FAUFEL

dicitur, ex Indiaque Orientali venit.

## §. 2.

Arbor palmæ, præsertim majori, valde similis est, sicut istam *Garcias ab Horto Hist. Lib. 1. c. 25.* & *Georg. Meisterus im Ost-Indianischen Lust-Gärtner pag. 71.* descriperunt, & in Museo Germanico inter piperis figuras stitimus contemplandam, ubi piper album isti adhæret. Fructus sub foliis crescit, prope caudicem, in magnis longisque folliculis, quatuor spithamas longis, quibus flores fructusque suis petiolis adjacent, istis vero dehiscentibus fructus racematim apparet, in lanuginoso cortice quasi aureis fibrillis interstincto jacens, teste *Wormio in Mus. pag. 199.* Quamdiu vero nux in viridi putami-



ne reposita est, multo existit mollior, quam si exenta fuerit. Arbor, folliculi cum fructibus, ipsæque nuces in *Horto Malabar. Tom. 1. Tab. 5. 6. 7. 8.* sub nomine Caunga pereleganter describuntur ac delineantur.

## §. 3.

Secundum externam figuram variæ habentur species, quarum *Bauhinus in Pin. Lib. 12. f. 6.* tres, *Pometus* saltem duas, utpote semirondam & longam pyramidalem adducunt, à *Theod. Tabernamontano Lib. 3. de Herbis pag. 646.* cum & sine exteriori putamine delineatas, oculisque subjectas.

## §. 4.

Natura, qua pollet, exsiccante adstringenteque stomachum confortat, hypercatharses, diarrhoeam, dysenteriam & hæmoptysin sistit, dentes roborat, & hæmorrhagiæ gingivæ medetur. Quem in finem Indi istum fructum, cum foliis betel mistum, quotidie mandunt. Spiritum quoque arecæ præparare norunt, spiritui frumenti nostrati valde prope accedentem. Immaturus crudusque fructus inebriare dicitur, quem propterea Barbari, castigandi torquendique, comedunt, ut ne dolorum sentiant vehementiam, ut supra memoratus *Wormius l. c.* ex aliis memorat.

## §. 5.

Ad fructus nuciformes prorsus absolvendos, sequitur officinis vocata

BALANUS MYREPSICA (*Ben-Nuslein*.)

seu GLANS UNGUENTARIA; triangula nux est, nucis avellanæ magnitudine, sub lignoso cortice similiter triangulum album nucleum continens, alba & spongiosa pellicula vestitum, saporis valde oleosi, amari & subacris. Ex India Ægyptoque fertur.

## §. 6.

Hæc nucula ab arbore, Tamariscum similitudine æquante, proficiscitur, ut è ramo in *Mus. Germanico* delineato, apparet. Fructus vero in siliquis s. folliculis simul delineatis, & ab ramis propendentibus, & quidem, ut memoratum, trianguli crescunt, ut fagi fructus, Græcis *βάλανοι* propterea, i. e. glandes vocati.

## §. 7.

Duplices esse perhibentur, magnæ & parvæ, ut *Hoffmannus in Clav. Schræd. pag. 418.* memorat: quarum tamen illæ saltem ad nos veniunt, siquidem parvæ, pisa referentes, valde putantur nocivæ. Quo majores ponderosioresque sunt, eo censentur meliores, nucleo præsertim eleganter albo recenteque existente, docente *Pometo in Hist. des Drogues pag. 226.* Non igitur video, quamobrem *Theod. Tabernamontanus Lib. 3. de Herbis pag. 644.* inveteratas putet opti-

mas, nisi quando solum oleum est exprimendum.

## §. 8.

Calida virtute præditæ *ἀνὰ καὶ καλῶ* creduntur purgare, extrinsecus vero scabiem aliaque cutis vitia tollere, qua de re *Schræderus* alique possunt videri. Potissimum vero ob oleum inde exprimendum desiderantur, oleum de Been

## OLEUM BALANINUM

(*Been-Nus. Oel*)

vocatum, & sicut nuces ipsæ, ex Arabia, Æthiopia Indiaque per Italiam advectum, quippe quod diu durat, & non ad modum ceterorum oleorum expressorum rancidum fit aut foetidum. Quod licet valdè emolliente ac resolvente virtute polleat, proptereaque ad duros furunculos, nervorum artuumque dolores similesque affectus percredatur utile, ut in *Dispens. August. Zuvelferi pag. 328.* docetur: plerumque tamen ad res fragrantè odore imbuendas usurpatur, dum præ aliis aptum idoneumque est, quo mediante oleum jasmini aliaque olea è tuberosis, flore aurantiorum & similibus, alias sub nomine essentia ab Italis divendi solita, per macerationem seu infusionem præparentur, quoniam diu durat, nullumque alium saporem habet. Quoniam vero Circumforanei istius loco nudum & super igne expressum oleum amygdalarum, aut etiam olivarum sumunt, consultius est, ut id ipsi præparemus, aut ab hominibus conscientiosis bonisque emamus.

## §. 9.

Ultimò etiam paucis nucum avellanarum faciemus mentionem, earum inprimis, quæ à Materialistis interdum venduntur, quarum *Schurzius in Mater. Museo pag. 63.* tres recenset sortes, nempe 1. NUCES PONTICAS, (*vvelsche Hasel-Nüsse*.) ex Italia venientes, quæ crassæ & magnæ sunt, ac fere cordis habent figuram. 2. LAMPERTI NUCES (*Lamperts- seu Blut-Nüsse*.) quæ oblongæ & intus circa nucleum sanguinea pellicula cinguntur. Nominis ratio inde est desumpta, quod de sententia vulgi circa Lamperti diem, seu paulo ante, aut post illum, luna crescente plantatæ, multas magnasque proferre nuces credantur. 3. CELLENSES NUCES (*Zeller-Nüsse*.) quæ Cella, prope Würtzburgum, è Franconiâ veniunt, & magnitudine, figura bonitateque Lampertianis nucibus accedunt, nisi quod loco rubræ pelliculæ ex albo flaventem habeant.

## §. 10.

Quæ nuces non solum nutriunt & ad epididymidas sumuntur, sed etiam loco amygdalarum aut cum istis ad emulsiones possunt adhiberi. Oleum quoque ex illis posset exprimi; quoniam vero communes ad id satis utiles sunt, illæque non semper in copia suppetunt, non facile eum in finem adhibentur.



## CAPUT XX.

DE

OLIVIS, OLEO OLIVARUM ET CAP-  
PARIBUS.

## §. I.

**O**LIVÆ ex flavo virentes fructus sunt olivæ arboris, ovi columbini circiter magnitudine, sub lævi pellicula oleosæque pulpa valde durum asperumque nucleum continentes, saporis subamari & adstringentis acerbi. Ex Hispania Italiaque & Provincia Languedoc conditæ afferuntur.

## §. 2.

Olivæ arboris diversæ sunt species, alia sylvestris, hortensis alia vocatur, hæcque iterum varia est. Quæ olivas profert, non adeo magna est, longa angustaque habet folia, flosculosque fert albos, & post hos ipsas olivas, principio prorsus virides, in Decembri, quando maturuerunt, rubicunde virides apparentes. Quo si pervenerunt perfectionis, ut ad condiendum sint idoneæ, (quod plerumque Junio Julioque contingit) leguntur, & ab rusticis in oppida feruntur dividendæ, à quibus ii istas emunt, qui istas condiunt. Quas qui condire volunt, aquæ recenti aliquamdiu infundunt, easque exemptas lixivio cinerum clavellatorum s. soude macerant, in quo debito quoque tempore si jacuerint, in vasa & doliola diversæ magnitudinis ponuntur, aqua salsa prorsus replenda, hinc mistam è caryophyllis, cinamomô, coriandro, fœniculo aliisque aromatis essentiam affundunt: in qua cum maxima posita ars sit, istam tanquam arcanum sibi servant, ut *Pometus* in *Hist. des Drogues* pag. 241. refert.

## §. 3.

Conditarum olivarum, pro diversitate magnitudinis ac regionum, ubi creverunt, variæ veniunt species, seu, ut loquuntur, sortes, quarum tres potissimum notæ sunt: nempe 1. Hispanicæ ovi columbini magnitudine (cujus intuitu fortasse superbæ *Hoffmanno* in *Clav. Schræd.* pag. 527. dicuntur) pallidè virides, sapore amaro, proptereaque non cuique gratæ. 2. Provinciales, Lucenses alias quoque vocatæ, mediocris magnitudinis. 3. Italicæ, quæ minimæ sunt, & interdum cappares referunt, sed sapore valde grato bonoque præditæ. Optimæ sunt adhuc recentes, duræ beneque conditæ, non nimis amaræ. Videndum vero, ne brodio s. embammate privata sint, quo deficiente molles nigræque evadunt, & pro bonis nequeunt divendi, id quod magnum Mercaturæ parere damnum potest, fructibus istis caris existentibus. Inter Provinciales Picholines dictæ plurimum æstimantur, quod nominis a certis quibusdam personis,

quæ Picholini nominantur, olivasque optime condire norunt, acceperunt. Hæ plerumque viridiores dulcioresque sunt aliis, aliunde advectis.

## §. 4.

Quod ad usum olivarum attinet, refrigerante & adstringente virtute pollent, ut iis existant utiles, quorum os aqua salivaque perpetuo repletur, quorumve stomachus ex fibrarum laxitate imbecillis est, quippe quibus adstringendis roborandisque appetitum excitant & nauseam tollunt. Quamobrem non maturæ solum, sed ante etiam, quam prorsus maturuerunt, condiuntur, quo eo magis adstringant. Hic locorum asaturis apponuntur. Simulac rancidæ fiunt, stomacho nocent quam prosunt magis, ut *Vielheurius* in *Descript. Exot. Mater.* pag. 131. non temerè admonet.

## §. 5.

Similem operationem externè præstat  
OLEUM OMPHACINUM

dictum, ex immaturis olivis expressum, pariter refrigerante & adstringente virtute præditum, ut *Schræderus* tradit. Qua occasione *Simon Paullæ* in *Quadrip. Botanico* pag. 413. bene monet, ne juniores Practici succum, ex immaturis uvis expressum, inque officinis Omphacium dictum, cum oleo Omphacino confundant, unumque pro alio habeant aut præscribant.

## §. 6.

Ex olivis verè maturis

OLEUM OLIVARUM (*gemein Baum-Oehl*)

exprimitur, id quod *Rajus* in *Hist. Plantar.* clarè & perspicuè descripsit. Hoc vero valdè diversum est, pro diversitate præparationis & locorum. Optimum est, quod sine mora ex maturis recentibusque olivis, in molis oleariis ei rei adaptatis, exprimi dicitur, quod eleganter flavum, dulce fragransque existit, ac propterea ab *Hoffmanno* l.c. FLOS OLEI, it. oleum Virgineum, Jungfern-Oehl, à Materialistis verò à Laco di Garda oleum Gardzense, vulgò *Gartzer* - s. *Garten-Seer-Oehl* vocatur, ac pro pretiosissimo habetur, teste *Marxio* in *Mater. Mus.* pag. 148. Quoniam autem recentes olivæ perpaucum olei suppeditant, alii in porticu aliquamdiu istas exponunt, aut etiam torrent, quo plus accipiant: quod tamen prodit oleum, odore saporeque adversum est. Imo etiam calidam aquam affundunt, quò id melius exprimant. Atque hoc vulgare olivarum oleum est, quod, si Italicum est & Provinciale melius habetur, & Cardzenfi oleo accedit



propius, quàm Hispanicum & Lusitanicum, quæ viliores constituunt sortes, teste *Pometo l.c.* Pui-  
senſe Hispanico, Sevillense Provinciali simile  
exiſtit. Omnia ſapore quam colore cognoscun-  
tur melius, quippe qui facile iſtis conciliatur, ut  
*Schurzium in Mat. Muſ. pag. 65.* refert: ubi etiam  
fuſius legimus, quemadmodum Pugliæ, Sevilæ,  
& præſertim Boceni, in tribus mercandis oleis  
dicatis nundinis, iſisque oleariis dictis, oleum ma-  
gna copiâ (*ins Groſſe* vulgò) emendum, in na-  
ves portandum iterumque eximendum ſit. Vul-  
gus oleum olivarum viridiuſculum amat & pro  
optimo habet: quod præjudiciuſ falſe ridebat  
Italus Aromatarius, Wormatii habitans, qui An.  
1705. mihi ſanctè aſſeverabat, ſe expreſſioni olei  
huius ſapiffimè interfuiſſe, quæ ita fieret: Oli-  
vas ſacco anguſto inſertas & ∇. calida perſuſas  
pedibus hinc inde circumvolvunt & concul-  
cant, unde & in ſubjectam foſſam effluat, omni-  
nò flavum. Cum autem integer modius (*ein  
Simmern*) vix 3. libras olei ſic fundat, hinc re-  
liquum in aheno cum aqua coquunt, ſic plus olei  
obtinent, quod ſupernat & ab aheno cupreo  
colorem viridem acquirit, ſed non adeo lau-  
dabile, ut prius.

## §. 7.

Uſus olei olivarum in culina & œconomiâ  
æque ac in officinis (in quibus fere nullum un-  
guentum, emplaſtrum, aut ſimile ſine iſto poteſt  
præparari) tam proluxus eſt, ut hic recenſeri  
omnis nequeat. Valde temperatum eſt, inter-  
neque emollit & ſanat, qua de re *Schræderus*  
ejuſque interpres *Ettmüllerus* agit pluribus.

## §. 8.

Quoniam cappares fere inſtar olivarum aſ-  
ſaturis apponuntur & ex iſſidem veniunt regioni-  
bus, iſtorum hic quoque trademus hitoriam.

## CAPPARES

non fructus ſunt, quæ nonnullorum eſt ſenten-  
tia, ſed oculi ſeu immaturæ florum gemmæ cu-  
juſdam fruticis, (cujus figura à *Pometo* ſiſtitur  
contemplanda,) quæ conditæ in parvis doliolis  
ex Hiſpania, Italiaque & Gallia afferuntur.

## §. 9.

Modum condiendi *Samuel Dale* in *Pharma-  
col. pag. 430.* ſequenti modo deſcribit: Reci-

piunt excretos perfectosque oculos ſ. gemmas,  
antequam flos dehiſcat, quos tres aut quatuor  
horas in umbra ſinunt jacere, quo ſubſtaccidi  
ſiant, non verò dehiſcant: poſtmodum in olla  
acetum aſſundunt, iſtamque regunt, & octo dies  
ſtare permittunt, quibus elapſis, cappares expri-  
munt, novoque ac recenti aceto iſtos iterum  
octo dies macerant, id quod tertia vice repeten-  
dum. Tum cum recenti aceto doliolis indun-  
tur, in alias Regiones transmittendi.

## §. 10.

Referente *Pometo l.c. pag. 245.* Exteri cap-  
pares mediantibus quibuſdam cribris, diverſæ  
magnitudinis foraminibus inſtructis, in diverſas  
ſpecies diſtribuunt, in magnos nempe & parvos,  
ab uno tamen frutice ortos. Quo minores du-  
rioresque ſunt, eo habentur meliores, præſertim  
ſuis adhuc præditi petiolis. Quamobrem Hi-  
ſpanici magni, caulibusque ſ. petiolis deſtituti,  
minoris æſtimantur, quam iſti, qui ex Italia Ge-  
nua, Candia & Cypero veniunt, ſecundum  
*Schurzium in Mat. Muſ. pag. 27.* Alexandrini  
cum Hiſpanicis, Majorcenſes (qui tempore pa-  
cis omnium copioſiſſimè venduntur,) cum Ita-  
licis conveniunt. In Gallia plerumque Provin-  
cialibus utuntur.

## §. 11.

Habentur etiam in officinis

## CORTICES CAPPARUM,

è craſſis, cinereis, rugoſisque ac perforatis cor-  
tibus, de radice huius fruticis deglubitis, & ritu  
cinamomi convolutis, conſtantes, ſaporis acris  
& ſubamari. Ex Alexandria, Ægypto & Apa-  
lia veniunt, teſte *Marxio l.c. pag. 65.*

## §. 12.

Cappares magis in culina ad artocreata iſto-  
rumque ſpecies uſurpantur, aſſaturisque appo-  
nuntur, ad excitandum appetitum commendati.  
Cortices vero in Medicina aliquem præſtant  
uſum, utpote aperiente, penetrante & ſubadſtrin-  
gente virtute præditi, proptereaque ad affectus  
ſpleneticos laudati. Quem in finem etiam oleum  
capparum, ſimplex & compoſitum, Trochiſci de  
Capparibus, Extractum &c. in officinis aſſervan-  
tur, quorum deſcriptiones & qualitates in *Phar-  
mac. Auguſtana Zuvelferi* aliisque poſſunt videri.

## CAPUT XXI.

## DE

## GALLIS, VISCO QUERNO ET AGARICO.

## §. I.

Q Uamvis noſtrates æque ac exteræ quercus,  
ſecundum omnes partes, multis uſibus, ut-  
pote exſtruendis ædibus, alendo igni & ſagina-

tionem ſuum inſerviant, valdeque utiles ſint, iſta-  
rumque lignum, cineres & fructus ad Medicinam  
ſumantur: præ aliis tamen videtur neceſſarium,  
ut iſtarum ſaltem rerum nunc maxime faciamus  
mentio-



mentionem, quas Materialistæ ad mercaturam trahunt, & è locis exteris curant afferri, inter quas notissimæ

#### GALLÆ, *Galläpfel*

præcipuè describendæ sunt. Hæ verò nihil aliud sunt, quam fructus excrementitius, instar verrucarum foliis quercus insidens, & ex impuris humiditatibus, exinde exsulantibus, progeneratus. Rotundæ sunt, majoris nucis mochatae circiter magnitudine, foris asperæ, inæqualibus tuberibus notatæ, intus spongiosæ & lignosæ, aliquo foramine præditæ, saporis acerbi & valde adstringentis. Partim è Turcia, partim è Gallia & Germania veniunt, istarumque mercatura est insignis.

#### §. 2.

Varia quidem gallarum sunt species, utpote minores & magnæ, nigræ & albæ, læves ac tuberosæ, ponderosæ levesque, Sorianenses, Aleppenses, Smirnenses, Tripolenses & Pusienses: ultra duas tamen nunquam fere venduntur, Turcicas scil. sub quibus fere omnes exteræ continentur, & Pusienses (*Puisch-Gallus* vulgò) ut *Marxius* in *Mater. Mus.* pag. 99. refert. Turcicæ Aleppo, Tripoli & Smirna veniunt: Materialistæ vero prudentiores sarcinarum respiciunt habitudinem, dum Aleppenses, quæ censentur optimæ, in oblongis rectisque sarcinis, Smirnenses & Tripolenses (sed viliores) in crassis curtisque veniunt, panno, cui involvuntur, plerumque striato existente. Materialistæ deinde omnes miscent, easque Gallas in Sortis vocant, quas qui emunt, videant, ne minimæ ac gravissimæ sint exemptæ. In Aquilia & Romana similiter laudabiles crescere gallæ dicuntur, Venetiis magna copia (*ins grose*) vendi solitæ, ubi pondus quod netto vocant, 370. libras continet, vid. *Schurzius* in *Mat. Mus.* pag. 36. Pusienses Gallæ (*Puisch-Gallus*) tanquam vilissimæ è Gallia & Germania veniunt: plerumque magnæ, læves, rubicundæ minusque ponderosæ sunt. Turcicæ contra inæquales sunt, & quasi aculeatæ (quas Galli propterea Galles à l'épinée vocant) ex nigro coeruleæ, parvæ, sed valde ponderosæ. Binæ nullum pulverem, nec alias impuritates de quercubus permistas habeant.

#### §. 3.

Hic etiam memorandum, certis quibusdam Turcicæ quercubus alium insuper rubicundum, sed irregularem, nec adeo rotundum fructum, Gallis haud multum dissimilem, increfcere, Turcis

#### BAZGENDGE

dictum, & qua in *Mus. Germ.* contemplandus sistitur figura, inter Aleppenses gallas sæpe reperiundum. Hoc Turcæ crebrius utuntur, quo exinde additis coccionellis & ʒri elegantem coccineum colorem præparent, de quo *Pometus* in *Hist. des Drogues* pag. 261. fusius legendus.

#### §. 4.

Usus gallarum unicuique innotescit, dum

maxime ad res colore nigro imbuendas atramentumque scriptorium usurpantur; quanquam ad multos alios præterea colores, utpote fuscum, cæsiū &c. sumantur, ut è libris de præparatione colorum apparet. Turcicæ nigræque gallæ magis ad tingendos laneos pannos valent, Pusienses verò ad sericas telas. In Medicina, ob vim adstringentem, in diarrhoea & hæmorrhagiis profunt, rarò tamen æque atque glandes harumque pileola (liquidem æquali virtute polent) præscribuntur.

#### §. 5.

#### VISCUS QUERNUS

verò, quercubus increfcens, crebrius in Medicina usurpatur, qui forma fruticis è ramis quercus progerminans, è parvis sibi mutuo intortis ramusculis, iisdemque duris ac ponderosis, foris subfuscis, intus ex albo flaventibus, tanquam Sole ornatis, constans, oblongè rotunda, crassa, pallide viridia & perpetua folia, parvasque albas baccas, magnitudine albicantium ribium, profert, mucilaginosam humiditatem includentes; quæ omnia è figurâ in *Museo Mus. Germ.* apparent.

#### §. 6.

Qui ramusculi sunt crassiores, è rariores melioresque habentur, si ponderosi simul perfectique fuerint. Videndum verò, num genuinus quernus viscus sit? vero igitur in emtione juxta apponendus, & ex isto æstimandus, cui si frustum quercus adhuc adhæreat, eo major habenda est fides. In Italiâ juxta Fulginium s. Fo. ligni, Romam inter & Lauretum, magna elegantissimi visci dicitur inveniri copia, cujus *Pometus* l. c. meminit.

#### §. 7.

In hoc viscò peculiaris quædam demulcens leniensque reposita vis est, qua furentes spiritus vitales possunt demulceri, atque adeo ipsa epilepsia domari. Sed magna dosi à semidrachma ad totam sumendus, novique Giesæ Empiricum, qui diuturnas & verè radicas epilepsias isto mediante curavit, præmissis tamen fortibus vomitoriis. Alii ad apoplexiam, pleuritidem, hæmorrhagiam & prolapsum uteri morbosque alios commendant. Equidem *Ettmüllerus* in *Comment. Schræd.* pag. 638. visco tiliaceo & corylino plus vult adscribi: *Simon Paulli* tamen in *Quadrip. Botan.* pag. 548. è contrario quernum cæteris censet præferendum, quem etiam, tanquam amuletum, de collo suspensum ferre opem perhibent, quæ pluresque qualitates ab Italo in *Tract. de Ligno S. Crucis* fusius describuntur.

#### §. 8.

VISCUM AUCUPARIUM (*Vogel-Leym*) aucupes nostri è visco querno præparant, dum baccas tamdiu in aqua coquunt, donec dehiscant, postmodum in mortario contusas tamdiu aqua fontana lavant, quoad furfures & festucae



festuæ prorsus separentur, ut *Sam. Dale* pag. 433. *Pharm.* refert. Ejusmodi viscum Ægyptii è Sebesten parant, quibusdam viscum Alexandrinum vocatum, cujus *Pometus l. c. pag. 212.* meminit. Optimus est, qui viridiusculus, minime aquosus, nec foetidus apparet. Diu in cellis potest asservari, modò recens semper affundatur aqua. Usus notus est, externeque in Medicina ad emolliendum potest usurpari.

## §. 9.

Tandem querebus etiam increfcit spongia, quam nonnulli, utpote *Pometus*, AGARICUM QUERCUS vocant, sine dubio, quod eadem ratione atque verus agaricus nascitur. Quùm verò in Medicina nec usitatus sit, nec ad fomentum aptus, istius loco nunc verum contemplabimur

## AGARICUM,

caudici laricis (abieti quadantenus similis) in Oriente æque atque Teriolo & in sylva Hercynia innatum, è rotundis, sed salebrosis & angulosis spongiis, pugni fere crassitie, constantem. Extrinsecus cortice rubicunde cæsis cingitur, sub quo prorsus alba, valde levis ac friabilis medulla, multis fibris prædita, continetur, saporem principio subdulcem, ultimo amarum, subacrem & adstringentem, sed nauseosum emittens, ut *Marxius in Mat. Mus. pag. 16.* præ aliis observavit. E Batavia Italiaque venit.

## §. 10.

Quæ spongia non tam cito, atque aliæ, crescit, sed totum requirit annum, donec debitam acquirat magnitudinem. Hinc de arboris cortice deglubitur, si quando siccati rimasque accipere incipit. Postmodum omnium primo exterior pellicula subtiliter beneque separanda, alteraque vice præcidenda. Quo factò, Soli exponitur, duas tresve hebdomades, pro diversitate temporis, dealbandus; porro ligneis malleis, aut fustibus vapulat, teritur ac pulsatur, ne aliquæ in istis appareant incisio-

nes. Interdum amylo aut subtiliter trito agarico externe affricatur, id quod tamen multis videtur suspectum.

## §. II.

Quidam Doctorum duplicem esse existimant, marem & fœminam. Ille ponderosus, flavus & lignosus est, & ob malignitatem minus usitatus: posterior vero à Materialistis pro diversitate præparationis distinguitur. *Schurtzius in Mater. Mus. pag. 11.* duas aut tres constituit sortes, nempe agaricum Messanum, eumque vilem, & Finum. Rasuram agarici seu segmenta, altera vice decisa, Pharmacopolæ libenter emunt, quod & vilia sunt, & ad agaricum trochiscatum, de istorum sententia, satis bona. Francofurti & alibi Materialistæ agaricum crudum, agaricum albißimum seu finum & rasuram agarici habent. Optimus levis sit, tener & amarus, secundum regulam:

Res frangi præstò pretiosus Agaricus esto,  
Candidus & splendens, bonus in libra levis  
pendens.

Ceterum sicco loco asservetur, & quando vermiculi in eo observantur, scopulis setaceis depurgetur. Multos alias annos incorruptus manet, modo probe asservetur.

## §. 12.

È ventriculo, intestinis, nervis partibusque aliis omnes lentas ac pituitosas humiditates expurgat, lumbricos necat, mensesque promovet, ut *Wormius in Mus. pag. 138.* fusius docet. Quoniam verò paulum incommodè operatur, torminaque excitat, Pharmacopolæ istum Zingibere sumunt corrigendum, inque trochiscos redigunt, qui AGARICUS TROCHISCATUS vocantur. Exinde etiam cum spiritu vini præparatur extractum, cujus ℥v. vel ℥viij. ex libra una possunt haberi, ex observatione *Vielheuri in Descript. Exot. Mat. pag. 65.* Rasura agarici tinctoribus inservit. De cæteris virtutibus agit *Bellonius in Tract. peculiari de Agarico.*

## CAPUT XXII.

## DE

## MYROBALANIS.

## §. I.

Quæquam apud Materialistas & Pharmacopolas quintuplices inveniantur Myrobalani, scilicet Citrinæ; Chebulæ, Bellericæ, Emblicæ, Indæ, juxta Distichon vulgatum:

Myrobalanorum Species sunt quinque bonorum

Citrinus, Chebulus, Bellericus, Emblicus, Indus.

*Cordus*, antiquus scriptor, tamen affirmat, fructuum istorum tantum tres ab invicem distinctos crescere, cum niger, flavus & fuscus ab una proficiscantur arbore, & prout nunc citius nunc tardius decerpuntur, maturiores aut immaturores sunt, parvi nunc, aut magni, nigri aut flavi appareant. *Garzias ab Horto* contra affirmat prædictas quinque species prorsus esse distinctas, cum istarum arbores sexaginta



sexaginta aut centum milliaribus inter se ab-  
sint: Quocum plurimi Doctorum faciunt,  
adeo, ut *Jacobus Bontius* sextam adhuc memo-  
ret, in rotundam & sine striis crescere credi-  
tam. Apud nos etiam quædam habetur spe-  
cies minorum, flavescentium & rubore asper-  
forum prunorum, quæ myrobalanos s. *mira-  
belles* Francofurti vocant: quæ tamen cum  
alium quam myrobalani effectum exerant,  
prædictas saltem quinque species ordine per-  
lustrabimus, omnes ex India locis, Bengala,  
Goa &c. allatis, *Marxio*, *Schurtzio* aliisque  
testibus.

## §. 2.

## MYROBALANI CITRINÆ,

(gelbe Myrobalanen,)

oblonge rotundæ sunt, ponderosæ & perfectæ,  
foris profundis fulcis notatæ & flaventes, intus  
sub cute carnosæ durum includentes nucleum.  
A Batavis & Lusitanis plerumque siccæ, inter-  
dum etiam saccharo conditæ, ac doliolis indi-  
tæ ex India feruntur. Quæ si decenter ma-  
gnæ, ponderosæ, non facile friabiles, foris ru-  
bicunde flaventes, inque certas partes distri-  
butæ fuerint, bonæ censentur, videndumque,  
ut ne fuscis & cineraceis permixtæ sint.

## §. 3.

## MYROBALANI CHEBULÆ,

(grosse schwarzbraune Myrobalanen,)

duplicem priorum habent longitudinem, fo-  
ris obscure fuscæ, ponderosæ & paulum rugo-  
sæ; longum & foraminosum includentes ossi-  
culum. In Bengala arbori Sylvestri incre-  
scunt, magnitudine malum æquanti, cujus fi-  
gura in *Mus. Germ.* sistitur videnda. Optimæ  
magnæ sunt, graves & perfectæ; quò paucio-  
res habent rugas, eò habentur meliores, præ-  
sertim si fuscæ magis quam nigræ, & quasi re-  
sinosæ intus videntur, sapore adstringentes &  
subamaræ deprehenduntur.

## §. 4.

## MYROBALANI BELLERICÆ,

(Bellerische Myrobalanen,)

rotundi, interdum etiam angulosi fructus  
sunt, foris ex flammeo fusci, intus flaventes,  
duro nucleo præditi, acriusculum & subad-  
stringentem habentes saporem, quorum arbor  
folia profert lauriformia. Perfecti, bene cre-  
ti & adhuc recentes sint, quoniam ad cariem  
propendent.

## §. 5.

## MYROBALANI EMBLICÆ,

(Asch-farbighe Myrobalanen,)

è parvis cineraceis segmentis, foris prorsus cri-  
spis, instar corii granulati Indorum, Segrein  
dicti, apparentibus, constant, iisdemque satis  
acido sapore præditis. Magnis arboribus in-

nascuntur, longa & rotunde incisa folia habentibus, in quibus myrobalani magnitudine gallarum, rotundæ lavesque inveniuntur. Quoniam maturitatis tempore sponte sua in quatuor vel sex partes discedunt seu dehiscunt, id quod *Theod. Tabernamontanus* L. 3. pag. 641. pereleganter ostendit, plerumque parvis contractis partibus sine nucleo afferuntur, quas tamen pulposas, ponderosas & magnas, nullisque quisquiliis fœdatas esse oportet, si bonæ volunt haberi.

## §. 6.

## MYROBALANI INDÆ,

(Indianische s. schwarzartze Myrobalanen,)

adhuc restant, è parvis & oblongè rotundis constantes fructibus, dactyli circiter magnitudine, iisdemque externè nigris & rugosis, intus vero lavibus, ex nigredine splendentibus, instar ebeni, cavitatem nucleo destitutam habentibus: quo ipso ab aliis facile distinguuntur, quanquam sapore acidiusculo & adstringente reliquis valde prope accedant. In India Orientali, unde nomen habent, in magna arbore crescunt, cujus folia salicem referunt, cujusque figura una cum reliquis, in *Mus. Germ.* sistitur incisa. Crassæ & perfectæ, verè nigræ, ponderosæ, probeque siccatæ, sapore acidæ & adstringentes sunt optimæ.

## §. 7.

Quod ad vires usumque horum fructuum attinet, purgantibus plerumque annumerantur remediis, ita quidem, ut citrinas myrobalanos bilem; Indas melancholiam; Emblicas & Bellericas pituitam expurgare credant, ut apud *Schroederum* aliosque videre est. Alii contra obstruentem illis virtutem tribuunt, adeo, ut *Marxius* in *Mat. Mus.* pag. 117. perspicue scribat, istas instar gallarum obstruente pollere virtute, quæ ex sapore acerbo acidoque possit probari. Quam litem *Ettmüllerus* in *Comm. Schræd.* pag. 750. ita sumit componendam, ut statuatur Myrobalanos quidem ratione mucilaginosæ pulpæ quodammodo emolli-re posse & laxare, per noctem maceratas, parumque coctas, præsertim quadantenus resinosas, quales sunt Chebulæ: istas vero per se in substantiâ, aut nimis excoctas, magis adstringere & obstruere. Interea uno omnes ore confitentur, lente istas laxare, simulque paulum adstringere. Quod causæ est, quamobrem saltem in diarrhœa & dysenteria, tanquam rhabarbarum, aut ubi à fermentante ebullienteque bile calor volatilis exortus fuit, præscribantur, ad quem suo acido sedandum valent. Hinc *Sennertus*, *Mysichius* alii que syrupos exinde coqui curarunt, in ejusmodi casibus præscribi solitos. Indi quoque Myrobalanos Emblicas, ut nos hic locorum Sumach, ad tingendum corium dicuntur usurpare.



## CAPUT XXIII.

DE

## CASSIA FISTULA.

## §. I.

**CASSIA FISTULA** ex oblonge rotundis & cylindraceis filiquis, diversa magnitudine, constat, foris nigro duroque ac lignoso cortice præditis, intus nigricante, subacri, sed tamen dulci pulpa, in diversis loculamentis disposita, in quibus etiam nitidum semen, instar cordis depressi formatum, jacet reconditum. Partim ex Orientali, partim ex Occidentali India venit.

## §. 2.

Orientalis cassia iterum duplex est, dum una species è Cambaja, Cananor aliisque Indiæ locis, altera ex Ægypto venit. Illa simpliciter **CASSIA ORIENTALIS** s. Levantica vocata, multo majores crassioresque filiquas habet, quam alia, (quarum minimæ pedis longitudinem æquant, ut ex magna figura ænea apparet,) quæ simul ponderosæ totæque sint, non vacillantes. Pulpam quoque saccharinæ dulcedinis contineant, sapore nec acidam nec mucidam apparentem. Æstate in cellis locisque frigidis, ne exsiccentur, hyeme vero in fornace asservantur, quæ si mucescunt, probe abstergendæ, parumque, sed non nimis, oleo olivarum fricandæ, ut *Schurzius* in *Mater. Mus.* pag. 27. docet. Alia species Orientalis, quæ ex Ægypto per Alexandriam venit, ac propterea **CASSIA ÆGYPTIACA** vocatur, multo tenuiores, angustioresque ac teneriores habet filiquas, ceteris qualitatibus priori similes. Binæ in valdè proceris arboribus crescunt, quæ à *Wormio* in *Mus.* pag. 194. ex aliis aliquo modo descriptæ, & à Parisiensi Materialista *Pometo* per figuram, in ejus *Hist. des Drogues* pag. 217. expressam, oculis subjectæ, elegantius verò in *Horto Malab. Part. I. Tab. XXII.* delineata sunt, vid. TAB. hîc appositam.

## §. 3.

Non minus Occidentalis Cassiæ duæ habentur species, quarum una è Brasilia, altera ex Antillis Insulis affertur. **CASSIA BRASILIENSIS** è valde magnis, longis, crassisque fistulis, aliquot fere pedes longis, pugnumque crassis constat, qualem prædictus *Pometus* apud *Dn. Tournefort* (qui haud ita pridem sola adductus curiositate ipse in Orientem profectus est) se vidisse testatur. Quæ cassia quum ejusmodi vim purgantem non habere credatur, ut *Thomas Bartholinus* suo tempore è Batavia ad *D. Wormium* Ep. 3. cent. I. pag. 8. scripsit, ac *D. Ettmüllerus* contra *D. Schræderum* notavit: hinc rarò aut nunquam à Materialistis venditur, quin potius **CASSIA INSULA-**

**RUM** ad mercandum trahitur, utpote forma, figura, colore cæterisque qualitatibus Orientali fere accedens, quæ quo propior isti est, eo habetur melior, vid. *Pometum* l. c. Interea videndum, ut puræ, non descædatæ sint, dum à classariis sæpe in naves abjiciuntur, & quod gratis possunt haberi, nihilo æstimantur. Si quidem cassiæ arbores in Antillis Insulis tanta crescere copia dicuntur, ut fistulæ vento inter se collisæ, pro diversitate istarum, & prout plus minusque cavernosæ sunt, tantum excitent sibilum strepitumque, ac si mille anates anseresque garrirent, ut *Wormius* refert in *Mus.* pag. 194. In istis igitur colligendis præter laborem nihil impendendum, quippe quibus tanquam cum lapidibus, naves sæpe aggravantur, aliaque merces custodiuntur & interponuntur.

## §. 4.

Quod ad usum cassiæ fistulæ attinet, corpus à superflua bile aliisque acribus fluidis humiditatibus liberare solet, id quod de interiore pulpa saltem intelligendum, non verò de lignoso cortice ac semine, magis quippe obstructuentibus, ex observatione *Boyle de Orig. Form.* pag. 199. Interiora tamen rotunda frustula, fistularum loculamenta parietis intergerini ad instar distinguuntur, pulpæ modo simul purgare creduntur, id quod in simia ista deglutiente observatum fuit, quod *D. Pechlinus* Holstatiæ Ducis Archiater in eleganti *de Purgantibus Libro* pag. 216. adduxit. Quum verò hoc medicamentum fermentando operationem exerat, atque adeò flatus excitet, non omnes, utpote splenetici, scorbutici ac suffocationi uterinæ obnoxii id perferre queunt, in quibus commota veteri saburra plus inducere damni posset, quam commodi. Ex quo fundamento temerè cassia purgans febricitantibus datur, quippe in quibus jamdum ebullitiones metuendæ sunt.

## §. 5.

Quum verò, ut supra memoratum, istum in finem interior saltem adhiberi pulpa possit, eo ista in officinis modo extrahitur, quem *Schræderus* in *Pharm. L. IV. Class. 3.* descripsit, atque tum

## FLOS CASSIÆ

vocatur: quæ tamen recens semper extracta sit, quippe non diu durabilis, sed facile accensens, eamque tum acquirens acredinem, quæ interne stomachum ac intestina facile arrodatur. Id quod *Quercetanus* commovit, ut cassiam, tanquam medium corrosivum prorsus rejecerit.



*Cassia Fistula*









rit. Et quanquam nonnulli Pharmacopolæ Pulpam saccharo coctam diutius conservare sperent, malum tamen intenditur, dum loco laxantis remedii ægri inutile electuarius tumque saccharo venenum ingerunt, ut *Pometus l. c. pag. 219.* bene monuit.

## §. 6.

Hodie cassia plerumque externe in clysteribus usurpatur, dum è medulla, simulque ex aliis emollientibus laxantibusque herbis, melle certum in officinis præparatur electuarius,

## CASSIA PRO CLYSTERIBUS EXTRACTA

vocatum, cujus aliquot uncia clysteribus permiscetur. Præterea aliquot etiam interna habentur electuaria v. g. Elect. diacass. cum man-

na, cassia extracta cum & sine foliis fennæ &c. de quibus *Schræderus l. c.* videndus.

## §. 7.

Ægyptii etiam virentes adhuc & immaturas cassiæ fistulas saccharo condire, Venetiasque transferre solent, ut *Theod. Tabernamontanus* jamdum *L. 3. pag. 474.* memoravit. Recentes adhuc sint, non acidæ aut mucidæ, atque brodio s. syrupo debitæ consistentiæ adhuc impositæ. Ab hominibus præcipuis ad apertam servandam alvum conquiruntur ac usurpantur.

## §. 8.

Tandem observandum, cortices fistularum contusos & aquæ impositos, crinium, si ista sæpe peccinantur, promovere proventum, ut *Monardus*, ex istoque *Vielheurius* in *Descript. Exot. Mater. pag. 88.* observavit.

## CAPUT XXIV.

## DE

## TAMARINDIS ET COLOCYNTHIDE.

## §. 1.

**TAMARINDI**, (*sauere Datteln*), ut ad nos feruntur, nihil aliud sunt, quam interior fructus arborei pulpa, multis pelliculis, nucleis ac filamentis permixta, foris ex fusco nigricans, saporis grati acidiusculi, sed tamen subacris. Natale eorum solum est Africa, præcipue verò Regio Senegal. Interim & ex India Orientali veniunt, ex Insula Madagascar & Ceilon; quamvis in India Occidentali etiam inveniantur, vid. *Hernandezii Rerum Med. Nov. Hisp. The-saurus L. 3. cap. 50.* Primam tamen Tamarindorum notitiam Arabibus debemus, cum antiquis Græcis, etiam iis, qui post *Galenum* floruerunt, id nominis incognitum fuerit. Primi igitur illorum mentionem fecerunt *Serapion*, *Avicenna* & *Mesue*, quorum hic, sed præter rationem, fructum hunc palmæ sylvestris esse statuit. vid. *obs. Acad. Reg. Scient. pag. 126.*

## §. 2.

Arborem, à nemine hætenus solide descriptam, *αυτόπλις* nobis communicavit *Dn. Tournefort* lib. modò citato, verbis ibi: cùm anno 1689. denuò in Hispaniam profectus essem, tamarindum arborem non sine jucunditate vidi Granatæ, in unò hortorum Alhambræ, celeberrimi istius palatii, à Mauris quondam omnibus iis, quæcunque modò usui & deliciis vitæ inservire possunt, affatim exornati atque instructi. Afferunt auctores plurimi fructus istos per totam Africam, atque etiam in Indiis Orientalibus à peregrinantibus secum vehi, ad fallendam sitim in maximò Solis æstu, saccharo etiam conditi, ut palato gratiores evadant & longius ætatem ferant. Tamarindus autem

arbor est magnitudine & crassitie nucem juglandem exæquans, ramorum extensione etiam superans. Radix in multos dividitur ramos, admodum latè excurrentes multaque comâ stipatos & cortice subruffo, striptico & aliquantum, me Judice, amaro tectos. Truncus ejus pulchrè in altum porrectus est, tantæque crassitie, ut vix amplexu duorum hominum includi possit. Cortex ejus densissimus, fuscus & fissuris refertus, lignum durum, colore fere spadiceo. Rami ejus undique regulariter satis extenduntur & dividuntur in ramusculos alternatim positos, quos liber tenuis ex viridi fuscus circumdat & folia plurima densa alternatim & ipsa posita stipant. Unumquodque folium constat è 9. aut 10. ad 15. paribus foliorum parvorum, in hærentibus pediculis 4. vel 5. digitos longis, quorum extremitatibus constanter 2. in hærent foliola, quanquam unicum tantum exhibeant figuræ *Prosperi Albini* & *Horti Malabari-ci*. Longitudo horum foliorum 8. ad 9. lineas habet, latitudo 3. aut 4. Apices eorum obtusi, sunt & basi multo rotundiores. Folia tenera sunt & acidula instar turionum vitis, jucundo aspectu, latè virentiâ infernâ parte & circa marginem leviter hirsuta, excurrente secundum eorum longitudinem exiguâ venâ, cujus ramuli tenerrimi sunt: de die separatim propendent, ad morem acaciæ nostratis, noctu verò invicem sibi applicantur. Flores in alis & extremitate ramorum noveni aut deni conjunctim nascuntur, dispositique sunt per fasciculos semipedem circiter longos. Odore ferè carent & singuli pediculo 4. aut 5. lineas longo appendent. Tripetali sunt; colore roseo & striis sanguineis distincti. Fructus nihil aliud est, quàm pistillum floris à



succo nutritio ampliatur & inflatur, primò viridis, sed ubi profectè maturuit subruffus, longitudine circiter 4. dig. latitudine unum digitum exæquans. Exhibet autem siliquam geminam, quarum altera alteri includitur. Nigricans est viscosa & acris adeò, ut dentes stupore afficiat. Semina 3. vel 4. siliquæ includuntur, quæ dura & plana sunt, crassitie 2. circiter linearum, longitudine 4. aut 5. linearum, figuræ irregularis. Pulpa tantum eorum seminibus permixta apud Sepasiarios venditur, ab Arabibus & Africæ incolis mundata, i. e. ab exteriori siliqua separata & in massam talem redacta; plura sis, vid. *cit. loc.*

## §. 3.

Fructus maturos factos incolæ colligunt, inque Sole paulum siccari curant, antequam alia in loca istos transmittant. Sibi instrati ritu mespilorum nostratium fracidi fiunt, ut adeoque foliis ficus involuti in forum velint portari, teste *Meistero im Ost-Indianischem Lust-Gärtner pag. 94.* Non in integris siliquis ad nos veniunt, sed ut plurimum conquassati, contusi, in dolia coacti, cum caulibus, nucleis ac pulpa. Duùm generum tamarindos accipimus, subfuscis, multis caulibus parvisque nucleis mistos: deinde prorsus nigros, paucos caules, sed multos continentes nucleos. Qui posteriores multo prioribus acidiores sunt, ut *Marxius in Mat. Mus.* observavit. In Senega Æthiopes istos in placentas redigunt, caulibus nucleisque ante exemptis, qui tamen non afferuntur.

## §. 4.

Ex omnibus ii censentur optimi, qui prorsus nigri, nucleis, parvisque ac longis filamentis per texti & pellucidi sunt, quive pauxillo de-raso quasi subpingues apparent, uti *Schurzius in Mater. Mus. Germanico pag. 106.* ostendit. Videndum vero, ne nimis humidi, ac fortasse in cellis asservati fuerint, id quod partim ex odore, partim nucleis, tum quasi inflatis, dignoscitur. Multo minus probandi syrupo, melle & aceto affricati & adulterati, quem dolum *Pometus in Hist. des Drogues pag. 220.* detexit.

## §. 5.

Virtute sua, qua pollent, refrigerant, alvumque juxta aperiunt. Quæ causa est, quamobrem Arabes non immaturas solum siliquas decerptas saccharo condiant, secumque profecturi sumant, quibus & sitim restinguant & à scorbuto se defendant, teste *Wormio in Mus. pag. 215.* sed Javani quoque valde gratum limonatum exinde conficiunt, Zythi loco usurpandum, cujus compositionem *Bontius Hist. Ind. Or. Lib. VI. cap. 4.* & *Vielheurius in Descript. Exot. Mat. pag. 162.* communicant. Hic locorum saltem laxandi gratia usurpantur, maximeque iis in casibus commendantur, si quando à superflua aut fermentante bile calor, à vulgo plerumque calido hepatis adscriptus,

oritur, aut in febribus erraticis ac calidis alvus est adstricta: quo in casu tamarindi vel foli, vel cum passulis minoribus potui imponuntur, aut ex istis decoctum præparatur, quare *Ettmüllerus in Comment. Schræd.* agit fusius. Quod si verò agro electuarium arrideat, vel pulpa tamarindorum poterit usurpari, aut Electuarium de Tamarind. c. fol. sennæ.

## §. 6.

Ita leniter tamarindi operantur; fortius autem & majori cum impetu purgant

## COLOCYNTHIDES,

quæ crassi & rotundi fructus sunt, pugni magnitudine, sub alba coriacea cute valde levem spongiosam medullam, & parvos planos nucleos, instar seminis cucumerum, includentes, sapore præditi vehementer amaro, nauseoso ac detestando. Ex Oriente, præsertim Alexandtia ex Ægypto, per Massiliam aliaque loca maritima, in Europam veniunt, ab exteriori ex viridi flavente cortice prius purgata. Ab nonnullis etiam *poma Paridis* vocantur, quæ tamen cum baccis herbæ Paridis confundenda non sunt.

## §. 7.

Herba colocynthis sylvestris cucurbitæ est species, rotundis asperisque vitibus suis super terram mobilis. Folia aspera sunt, cineracea seu cæsia, circumcirca incisa. Pallidè flaventes fert flores, eosque non adeo magnos, & post illos rotundum fructum, principio virentem, post citrinum, sero & tandem auctumno maturescenrem. Quamobrem in Europa nunquam perfectionem adipiscitur, quanquam planta in hortis nostris possit coli, teste *Marxio l. c. p. 52.*

## §. 8.

Hæ colocynthides pomis adhuc integris veniant necesse est, si bonæ velint haberi; paucos nucleos habeant, magnæ etiam sint, eleganter candidæ, spongiosæ ac pulposæ. Quo majores, candidiores levioresque sunt, eo habentur meliores, docente *Schurzio l. c. p. 224.* qui omnibus Materialistis, colocynthides magna copia coëmentibus, auctor est, ut istas à Commissariis suis, & quibuscum per literas communicant, bene convasari disponique curent, quàm aliàs è centenis vix quadraginta bonas electasque colocynthides, sed nucleos corticesque reperturi sint, necquicquam profuturos, proptereaque abjiciendos.

## §. 9.

Quod ad vires istarum attinet, non temere unum omnium vegetabilium fortissimum censentur purgans, quæ, quod crassa sua resina (cui ista inest qualitas) intestinorum parietibus adhærent, horrendaque tormina inducunt, à plerisque Medicorum raro præscribuntur, aut nunquam. Quàm verò certum ac minime diffidentum



dum sit, quod omnem tenacem pituitam, profunde artubus impactam, infestent & expurgent, Cordatiores Medici, ac in primis antiquus Danorum Practicus, *D. Sim. Paulli*, in *Quadr. Bot.* pag. 323. existimant, istas in inveteratis pertinacibusque morbis, utpote diuturna cephalalgia, vertigine, epilepsia, anhelatione, artuum doloribus similibusque optime posse usurpari; quemadmodum etiam *Helmontius*, purgantibus aliàs infensus, colocynrhides quibusdam in locis ad affectus chronicos valde commendat, confirmatque se usu colocynthidum, bene prius correctarum, citius certiusque curare velle luem *Œam*, quam decoctis lignorum, dum colocynthides una die plus exsiccando faciunt, quam decoctum sarsaparillæ aut lignorum tribus hebdomatibus, de quo *Ettmüllerus* in *Comm. Schræd.* pag. 740. pluribus potest legi, qui *Œia* urinosa, in primis *Œi* pro verò certissimoque colocynthidum corrigente habet, de cuius certitudine aliàs *Hoffmannus* in *Clav. Schræder.* fere dubitat.

## §. 10.

In officinis præter ipsum fructum tria exin-

de præparata inveniuntur medicamenta, 1. Extractum, cuius *Œj. ʒi.* ex libra colocynthidum potest acquiri, ex supputatione *Vielheuri* in *Descript. Exot. Mat.* pag. 96. 2. Oleum diacolocynth. Quercet. quod cum aloë ac felle bovis permistum, & infantum umbilico inunctum, lumbricos necat & expellit. 3. Trochisci Alhandal (à voce Arabica Handal, colocynthidem significante) vehementer purgantes, ac propterea ad aliquot grana purgantibus loco stimuli addendi. Ubi Pharmacopolas volo admonitos, ut probe videant, ne pyxis, in qua hi trochisci asservantur, pro pyxide trochiscos alkekengi continente, quippe cui in officinis ad latus posita est, sumatur, præsertim vocibus omnibus literis non exscriptis: id quod haud ita pridem hic Gissæ, cum in custodiis detento Monetario *ʒj.* trochiscorum alkekengi præscriberem, & verò Myropolæ famulus tantum trochisci alhandal sumeret, non sine vitæ periculo ægrotantis factum. Ultimò in Gallia ex amaris nucleis confectioem vexantem præparant, istis scilicet saccharo obductis, aliique confectioi mistis, vid. *Pometus l.c.*

## CAPUT XXV.

DE

SEMINE RICINI, GRANIS TIGLII, SEMINE  
NIGRO RICINI AMERICANI MAJORIS ET FABIS  
D. THOMÆ.

## §. 1.

**SEMEN RICINI** (*Zecken-Körner*) sunt oblonga, & ovalis figuræ, sed quodammodo compressa grana, fabis paulo majora, sub cineraceo nigrisque striis eleganter pertexto cortice album, oleosum & è duabus partibus compositum nucleum, adverso, subdulci, sed acii sapore præditum, continentia: ita vocata, quod externa figurâ insectis hujus nominis sunt similia.

## §. 2.

Vegetabile, cui innascuntur, Ricinus, Germanicè *der Wunder-Baum*, palma Christi aliàs etiam vocatur. Exoticum quidem est, in nostris tamen hortis è nucleis colitur. Rotunda lata folia habet, quæ inter rotundus, cavatus, rubicundus, altus tenerque caulis progerminat, cujus folia in alto posita, eaque circumcirca profundè incisa, maxima latissimaque fiunt. Surculis seu stolonibus racemosæ aculeatæque clavæ innascuntur, in quibus duplex flos apparet, flavus ac ruber. Ille infra progerminat, ac sine fructu decidit: iste floribus croci similis est, cui angulosa grana triangularia succedunt, è quibus maturis factis, semen ricini excidit, parvum magnumque reperiundum.

## §. 3.

Quæ grana virtute vehementer purgante tenacem pituitam, bilem, aliasque impuritates *ἀνω καὶ κατω* expurgant. Quum verò in magna dosi ad 8. aut 15. sint sumenda, vehementerque purgent, fere nunquam usurpantur, præsertim, postquam Granatilli & semina ricini Americani purgantia innotuerunt, quorum dimidia pars ad purgationem sufficientem valet. Ægyptii oleum exinde exprimunt, sustinendæ lampadum flammæ, imo & cibus idoneum, vid. *Theod. Tabernamont. L. II. pag. 481.* & *Olearius in der Persianschen Reis-Beschreibung pag. 566.*

## §. 4.

Quod ad memorata

## GRANA TIGLIA

attinet, è parvis, pisi magnitudine præditis granis, sed oblongè rotundis, principio ex flavo albicantibus, sed maturescendo ex nigro cineraceis, adversum & peracrem saporem habentibus, constant. Ex India Occidentali veniunt, & à Circumforaneis ut plurimum Italica pilulæ vocantur.

## §. 5.

Quæ grana ab eodem ricino arborecente  
G g 3 dicun-



dicuntur proficisci, de quo purgans Pavanum lignum, cujus alibi meminimus, desumitur; quanquam *Part. 2. Hort. Malabar. figur. 33.* alia delineetur planta, quæ exceptis floribus cum *Dn. Breynii figura cent. I. Exot. c. 54.* multum convenit. In folliculo tricapsulari crescunt, & quoniam figura externa nucibus pineis haud dissimilia sunt, atque germen à quibusdam Pinus Indica vocatur, Galli ista Pignons d'Inde sive pineas Indicas nominant, quamvis longe diversam naturam vimque habeant.

## §. 6.

Recentia ac ponderosa sint, nullis corticum frustis ac quisquiliis permixta. Videndum etiam, ne semen palmæ Christi permixtum habeant, id quod ex exteriori, variegatò, & quasi marmoreis striis interstincto cortice, quale semen ultimum habet, dignoscitur, ut *Pometus in Hist. des Drogues pag. 225.* bene monuit.

## §. 7.

Similiter *ἀνὰ καὶ κατὰ* vim suam purgandi exerunt, quorum tamen usus, quod nimis fortiter purgant, cautus sit. Robustis personis ultra unum aut duo grana non demus, quæ integra dicuntur egeri, quanquam operationem suam egregiè præstiterint. Certus quidam Circumforaneus fidem facere *Ettmüllero* voluit, istis assumptis expelli lumbricos, adeò, ut etiam magnum latumque vermem viderit ejectum. Intus oleosa sunt, ut oleum exinde possit exprimi, cujus una aut duæ guttæ, cum jusculo carnis aut saccharo assumptæ, sufficienter purgant.

## §. 8.

Præterea major habetur species, quam *Simon Paulli* in *Quadrip. Botan.* (ubi optimè delineata descripraque sistitur) semen nigrum Ricini Americani majoris, vulgus verò

Nuces emeticas ac purgantes,  
*Brech-und Purgier-Nüsse*

vocare solet. Quæ grana granorum Tilli ter quaterve excedunt magnitudinem, foris nigra, uno latere plana, altero fornicata s. convexa: intus nucleo è duabus partibus coagmentato, eoque albo, amygdalæ simili, prædita, in cujus medio duo summe alba tenera folia reperiuntur, una cum fructu à modo laudatò *Sim. Paulli l. c. pag. 270.* in eleganti figura oculis subjecta.

## §. 9.

RICINUS AMERICANUS, cui innascun-

tur, sicum arborem magnitudine æquat, similiterque lata folia, sed valde molle ac friabile lignum habet, ex quo hexagonus crassius folliculus progerminat, qui sponte in tres partes dehiscens tria saltem grana offert videnda, id quod partim *Marggravius* in *Hist. Rer. Nat. Brasiliæ pag. 96.* partim *Petrus Lutzen* Minister Danicus apud *D. Sim. Paulli l. c. pag. 553.* fufius descripsit.

## §. 10.

Ratione virium cum prioribus conveniunt, dum similiter fortiter purgant; quæ vis in tenuibus saltem pelliculis, binas inter granorum partes reperiundis, dicitur reposita, quæ è tribus nucleis depromptæ cum aliqua conserva possunt sumi; quippe quibus prædictus *Lutzenius* multos à febre liberavit. Certus quidam miles navalis, istas ex America in Daniam secum allatas, clam ministrorum Aulicorum cibis permiscuit, unde omnes diarrhoea corripiebantur, loco sosti verò bovis degustandum priapum accepit, vid. *Sim. Paulli l. c.* Nonnulli ex internis nucleis cum aqua vel aliis liquoribus purgantem emulsionem conficiunt, quo ipso istorum acrimonia quodammodo temperatur, ut *Ettmüllerus* in *Comment. Schræd. pag. 752.* existimat. Quæ tamen omnia hodie, cum leniora tutioraque suppetant media, rarò aut nunquam præscribuntur.

## §. 11.

*Pometus*, Materialista Gallus, alius adhuc speciei meminit in *Histoire des Drogues pag. 225.* nempe Barbaricæ, magnitudine grana Tiglia æquantis, tum etiam prorsus parvorum Ricini seminum, fortasse ab Ricino Indico aromatico, quam clariss. *Ammannus* in *Char. Plantar. Nat. pag. 545.* memorat, oriundorum. Quæ tamen cum perrara ac prorsus inusitata sint, ut prædictus auctor ipse confitetur, in istis exponendis nolumus esse verbosiores.

## §. 12.

Non minus

FABÆ DIVI THOMÆ, *Purgier-Bohnen*

ut fufius tractentur, supervacaneum est, quippe partim à *Theod. Tabernamontano*, partim à *Wormio* ex *Clusii Exoticis* sufficienter descriptæ, ac similiter inusitatæ. Quamobrem in *Museo Museorum Germanicò* delineationem saltem externamque figuram, qua cordi similes sunt, una cum herba ipsa figuræ voluimus inferi, quæ utraque *Pluckenetus* in *Phytographia Tab. CCXI. Fig. 6.* optimè delineavit.

## CAPUT XXVI.

DE

## BACCIS MYRTI ITALICÆ.

## §. I.

Baccæ Myrti Italicæ (*Welsche Heydel-Beern*) nigra & oblonga baccæ sunt, bis ferè habentes

magnitudinem baccarum vitis Idææ, superius corollæ, ut aliæ baccæ, ornata, albis, duris & quasi compressis granis referta, iis quidem semi-



femilunaribus, cujus cuspides introrsum torta sunt, saporeque valde acerbo & adstringente præditis. Plerumque in officinis, ut baccæ vitis idææ nostratis, myrtilli vocantur; id quod quibusdam doctis alias Medicis & Materialistis causa extitit, quamobrem vel dubii fuerint, aut omnino voluerint affirmare, baccas myrti in officinis nihil esse aliud, quam myrtillos nostros vulgares, quod *Pometus*, Materialista alias valdè curiosus, suo ipse exemplo testatur, qui in *Hist. des Drogues Part. I. cap. 22. pag. 26.* verè recteque ostenderat, baccas myrti à myrto Italica, ut ex *Moyse Charasio* audiverat, oriri: postmodum verò in *Appendice* se ipse temere corrigens suasu *Dn. Tourneforti* defendit, baccas myrti officinarum esse baccas vitis Idææ. In quò tamen nimium aberravit, dum myrtilli nostrates non dimidiam habent magnitudinem, superius corolla destituuntur, rotundi, non oblongi, sunt, valdeque parvos rotundos includunt nucleos &c. Quamobrem melius fecisset, si *Charasio*, tanquam Pharmacopolæ potius, quàm *Tourneforto* habuisset fidem, dum cuique artificii sua in arte credendum.

## §. 2.

Id quod inde quoque ostenditur, quod veræ Myrti baccæ ex Italia Galliaque ad nos veniunt, testibus *Marxio*, *Schurzio*, *Vielheurio* aliisque Materialistis, ubi in Myrto majore (qualem prædictum *Charasium* in suo in Hispaniam itinere, viri crassitie vidisse, *Pometus l. c.* ex isto audisse refert) juxta mare crescunt. Fragrantissimum fert florem, ex quo ii, qui rebus gratum odorem conciliant, destillando aquam extrahunt, ad saponem moschatos aliaque ornamenta utendam, prout alibi hoc in dixi-

mus. Cujus tamen, ut & baccarum ipsarum, in Germania non adeò magna est mercatura, postquam nostrates vulgares myrtillos ficcare & pro baccis myrti Italicae coeperunt usurpare, quos & Clariss. *Simon Paulli* in *Quadrip. Botan. pag. 405.* recentes ad syrupum myrthinum, è baccis Italicis alias præparandum, commendat: quod tamen cogitandi facit materiem, quoniam myrtilli nostrates, præsertim recentes, malam acrem humiditatem inclusam habent, cum eo plerumque tempore, quando maturescunt, dysenteria grassetur, commemorante *Ettmiüllero* in *Comment. Schræd.* id quod ipsi quoque observavimus.

## §. 3.

Baccæ myrti Italicae nostrates quoque virtute refrigerante adstringenteque longè superant, quippe qua omnes alvi aliosque fluxus, hæmorrhagias, procidentiam alvi & uteri, sudorem præternaturalem, luxationem aliosque affectus curant, id quod ex *Schrædero* & aliis *Sam. Daleus* in *Pharmacol. pag. 376.* fulius adducit.

## §. 4.

Quibustamen in morbis etiam  
MYRTILLI NOSTRATES s. Baccæ  
vitis Idææ

possunt sumi, quas quoque ad colorem cæruleum usurpant. Nempe recipitur vas succo istarum repletum, calix aceti, aluminis contusi ꝑj. recrementi æris ꝑij. quibus simul ebullitis pannus imbitur, qui ablutus evadit cæruleus; si quando lucide cæruleus desideratur, nihil recrementi æris additur. Sin veto obscurior expetitur, ꝑj. gallarum contusarum debet addi, vid. *Theod. Tabernamontanus pag. 803. P. II.*

## CAPUT XXVII.

DE

## BACCIS ALKEKENGII.

## §. 1.

BACCÆ ALKEKENGII s. Halicacabi obscurè flaventes rugosique fructus sunt, cerasi magnitudine, plano, rotundo & reniformi semine repleti, saporis subacris & amariusculi, odoris ferè nullius. Ad varia medicamenta sumuntur, ut infra pluribus ostendemus.

## §. 2.

Planta in vineis locisque umbrosis libenter crescit, floret Julio, ac postmodum magnas inflatas virentes vesicas profert, Solanum Vesicarium propterea vocata. Vesicis flavescentibus & tandem dehiscantibus, rotundum ac rubicunde flavens cerasum apparet, ut figura ostendit, ubi etiam Occidentalis Indiæ Halicacabus, de qua *Hernandezius* meminit, communicatur.

## §. 3.

Videndum, quò recentes & minus cariosæ accipiantur, succo viribusque destitutæ; quoniam interdum recentes desiderantur, melius esset, si istas ipsi coleremus.

## §. 4.

Viribus una cum herba in eo cum solano conveniunt, quod dolorem modicè sedant, & eoque ooso & essentiali pollent, quo mediante omnem pituitam abstergunt & exsiccant. Quæ causa est, quamobrem in omnibus renum ac vesicæ morbis egregiam opem præstent, urinam calculumque juxta cieant, in stranguria propterea, gonorrhœa simplici, dolore lumborum ac similibus valde utiles. Suis enim particulis tartareis ac narcoticis dolorificam utereturum contrahitio.



tractionem demuicent, sale vero nitroso stabulantes in istis impuritates detergant.

## §. 5.

Diversimodè usurpantur, infusæ, & cum liquoritia in aqua coctæ, aut etiam ex istis aqua & spiritus destillatur, quocum variæ essentia ex extracto baccarum præparantur, quarum aliquot descriptiones apud *Ettmüllerum* in *Comment. Schræd. pag. 509.* reperiuntur. Ad alias quoque compositiones sumuntur, utpote syrupum de Cich. c. rhab. & inprimis ad veteres trochi-

scos de alkekengi: ubi id in officinis bene observandum, quo, cum Trochisci de alkekengi juxta Trochiscos Alhandal vulgo soleant poni, inscriptiones in pyxidibus non abbrevientur, sed omnibus literis exscribantur, ne Pharmacopolæ hos pro istis ex considerantia sumant, (quod mihi aliquando, ut supra cap. XXIV. §. 10. monui, contigit,) ac Medicus in terrorem, æger verò in dolorem ac vitæ periculum præcipitetur, vid. *Miscell. Germ. Cur. Dec. III. Ann. III. Obs. 78. pag. 111.*

## CAPUT XXVIII.

### DE MOMORDICA.

## §. 1.

**A**D ea, quæ hucusque in paucis aut fere nullis Materialium Museis ac officinis inveniuntur, & vero sæpe ab hortulanis aliisque curiosis quærentur, atque egregiam in Medicina virtutem exerunt, merito MOMORDICA pertinet, & quidem istius fructus seu rubicunda poma, oblonge rotunda sive ovalia, sed non ita magna, foris salebrosa & aculeata, maturescendo sponte dehiscencia, & rubrum similiter latumque semen continentia, idque siccatum obscure fuscum apparens. Quod semen cum quasi rhagadibus plenum sit, fructus verò aculeatus & spinosus, ipsa natura quasi per signaturam voluit significare, salubrem balsamicam isti inditam esse virtutem, cujus intuitu Momordica etiam Balsamina vocatur.

## §. 2.

Planta, quæ ex hoc semine in altum excresecit, parvam habet radicem, ex qua tenues surculi convolutis fibrillis progerminant, quibus cum appositis baculis adhæret, inque altum exsurgit. Folia habet ut bryonia, floresque satis magnos ac pallide flavescentes profert, quibus supra descriptus fructus succedit. Quæ planta, cum tenera & exotica sit, frigorisque impatiens, æstivo ac hyemali tempore bene vult curari. Quamobrem nucleus primo vere pingui terræ ac tali loco debet mandari, quo Sol semper perveniat, qui si aqua, qua caro abluta est, crebrius

irrigatur, fructus in Augusto vel Septembri citius maturescit.

## §. 3.

Planta, una cum fructu, valde balsamica ac salutaris est, cujus propterea pulvis in intestinorum vulneribus valde commendatur, ad ista curanda valere creditus, etiam si utrinque essent perforata, cujus tamen certitudinem nolim asfirmare. Herbae alias fructusque usus internus est nullus, externe vero in vulneribus medium suppeditat certissimum, quando scilicet fructus enucleatus vel solus, vel cum meliloti semine oleo olivarum aut amygdalarum infunditur, hocque modo oleum momordicæ inde præparatur, in nonnullis etiam officinis reperiundum. Hoc oleum omnia recentia vulnera paucis diebus sanat, nulla metuenda inflammatione. Ad rhagades oris, mammarum, manuumque ac locorum obscenorum egregium est. Imo nonnulli prorsus abscissa de corpore membra isto ipso oleo de integro agglutinari posse existimant: quod licet incredibile videatur, miræ tamen hoc mediante oleo peractæ curationes sunt, quas ex *Wittichii consiliis* propriaque experientia ab *Ettmüllero* legimus descripras, in *Comm. Schræd. pag. 608.* *D. Michaël*, Lipsiensis, olim etiam hæmorrhoides furentes hoc ipso sedavit. Quidam illud clysteribus antidysentericis addunt, ut & uterinis, quando uterus læsus aut vulneratus est, & quando partus existit difficilis, quæ à prælaudatis Medicis fusius describuntur.

## CAPUT XXIX.

### DE GOSSIPIO ET EJUS SPECIEBUS.

## §. 1.

**G**OSSIPIUM s. BOMBAX (*Baumwolle, Catun*) tenera niveaque lana est, in parvis fru-

ctibus, nucibus haud multum dissimilibus, in certa quadam herba cognomine crescens, quæ, quod de quorundam Indicorum Scriptorum sententia



rentia similis in arboribus reperitur, Germanis *Baumwolle* vocatur. Partim ex India Orientali, partim ex America, ubi herba ista copiose colitur, provenit: quamvis etiam in Maltha, Candia ac vicinis Insulis reperiatur, teste *Schurzio* in *Mater. Mus.* pag. 15.

## §. 2.

Herba, à qua gossypium proficiscitur, magna cura à Barbaris plantatur: folia fert rubo vulgari haud dissimilia, multosque flaventes flores, inferius paulum purpureos ac striatos, quorum in medio globulus ovalis reconditur, tandem ad ovi columbini accrescens magnitudinem, foris ex nigro fuscus, qui maturus factus, posteaquam sponte suâ in tres partes dehiscens, ad ovi gallinacci intumescit magnitudinem, quo facto, nivei coloris lana apparet, ut ex figura in *Mus. Germ.* videtur; bona itaque tempestate decerpantur. Quo in Gossypio septem circiter ex nigro cineracea semina latent, lupinorum minorum magnitudine, intus alba, oleosa, sapore grato, quæ incolis ad plantationem herbæ inserviunt, ab *Hernandezio* L. VIII. *Rerum Med. Nov. Hisp.* pag. 308. in figura optimè oculis subjectæ. *Neuhofius* quoque in *Itiner. ad Chinam* pag. 125. gossypium arborecens, quod in Sina vult vidisse, delineavit, simul confitens, hujus gossypium longe vilius esse eo, quod ab herba ducit originem, de quo *Simon Paulli* in *Quadrip. Botan.* pag. 528. pluribus videatur; & quoniam *Dn. Joh. Gottfried Vitus* mihi confirmavit ejusmodi arbores, CAPAS KIZIL vocatas, viri magnitudine & cotoneam malum referentes, quoque in India Orientali in copia inveniri, istasque se ipsum vidisse, credibile omnino est in unica provincia Nanking ultra 200000. habitare lanificos, ac ex gossypio Cæsari Sinensium accrescere redditus 250000. ducatorum, ut in *Atlante Sinico* pag. 94. videre est.

## §. 3.

Cæterum varia sunt gossypii genera, Cyprium, quod eleganter album, tenerum, purumque ac longum est: Corosanense, melius, longius, ac tenerius, sed nodosum: Barbaricum, villosum, flavesceus ac purum existens: tum Smirnense, omnium vilissimum, cui tamen sæpius valde finum est permixtum. Quod Maltha Brodaque venit, inter longa est optimum, secundum *Marxium* in *Mater. Mus.* pag. 33. Quò candidius, dulcius longiusque est, eo magis æstimatur. Qui totas sarcinas emunt, videant, ne humidum, corruptum mucidumque sit. Emto-ribus *Schurzius* l. c. observandum docet, naves primum Veneriis Soriam ad emendam lanam mitti: deinde Julio in Barbariam: Aprili Aquam mortam: Martio Peregrinorum naves, vulgo *Pilgram-Schiff*: Majo in S. Terram versus Barutti: Augusto triremes Alexandriam usque ad dimidium Septembrem. Quemadmodum vero gossypium ab Indis in fila ducatur, ex istisque gossypinæ telæ, Cattun vulgo dictæ, confi-

ciantur, *Georg. Meisterus* in *Ost-Indianischen Lust-Gärtner* pag. 90. describit, ubi etiam arboris habetur descriptio.

## §. 4.

Quod ad usum gossypii attinet, non solum ab exteris in fila trahitur, horumque fasciculi in Europam feruntur, (de quorum mercaturâ, el-lychnio, cannabi & funiculis ligatoriis *Pometus* in *Hist. des Drogues* pag. 239. fusius agit) & ad telas quoque gossypinas aliasque merces insumitur, verum ad Medicinam interdum, v. g. hæmorrhagiam externè usurpatur, quam in pulverem ustione redactum dicitur compescere, teste *Theod. Tabernamontano* L. II. pag. 476. Cum ambra quoque in difficili auditu auribus inditur.

## §. 5.

Internè reconditum in lana semen,

## SEMEN BOMBACIS

in officinis vocatum, interdum ad spiritus difficultatem tussimque usurpatur, ob oleum, quo pollet, ad dolores nephriticos quoque à *Simone Paulli* l. c. commendatum. Expressum exinde oleum, curando cutis maculas, faciei conciliare nitorem creditur. Indos eò sues saginare perhibent, quod hæc grana glandes sapore æmulantur.

## §. 6.

Præter hoc vulgare gossypium *Pometus* l. c. aliûs adhuc meminit, quod similiter in quadam herba, in oblongis fructibus, perhibetur crescere, & ab isto HOUATTE vocatur. Quod cum nulli alii rei inserviat, quam ut cubiculariis aliisque vestibus subsuatur, ea esse materia videtur, è qua vulgare subdititium s. utrisque pannis interponendum textum, vulgo *Watten* s. *seidene Watten*, præparatur, quod vulgus alias pexum sericum esse existimat. Herba Apocynum Cynocrambe vocata, circa Alexandriam Ægypti, in locis humidis & paludosis copiosè crescere dicitur, cujus figura, una cum gossypio, in *Museo Museorum Germanico* apparet.

## §. 7.

De aliò insuper gossypio meminit *Wormius* in *Mus.* pag. 205. in India Orientali

## CAPOCK s. CAPAS PUSSAR

vocato, eoque permolli, lævi ac tenero, instar serici, cui quam gossypio vulgari similis est. Quoniam similiter in fila nequit trahi, sed vestibus saltem subsuitur, ratione usus vel idem est cum Houatte, vel isti simillimum, ut ex isto fructu, quod mihi transmissum est, apparet, cui etiam exterior cineracea cutis, instar corii granulati apparens, adhuc adhæret, unde apparet, istud instar gossypii in folliculo crescere. Quam obrem prædictus auctor existimat ab ea lanifera arbore oriri, quam *Clusius Exot. Lib. I. cap. 14.* ita describit, quod procera arbor sit, ramis plena, de quibus oblongi folliculi pendeant, qui foris viridi & paulum rugosa cute cincti, posteaque in quinque partes sponte dehiscences, pul-



chram, candidam valdeque teneram lanam, ut nux gossipii solet, sistant videndam, ita tamen, ut semen non in lana, sed circa istam reperiat. Hanc arborem *Bauhinus* Gossipium Javanense foliis salicis vocat. Lana vero vel prorsus non, aut peculiari quodam modo in fila se duci patitur: ut adeoque magis ad pulvinos, strata vestesque cubicularias Japonenses usurpetur.

§. 8.

Capoc arbor ubique fere in India crescit, instar tiliæ, sine cultura, seque excidentibus sponte seminibus seu granis, semen bombacis referentibus, multiplicat. Ad nucis accrescit altitudinem, folia proferens agno casto similia, sed quodammodo longiora latioraque. Rami ex crescendo coronam formant, & spatio, viri lon-

gitudinem æquante, super se invicem progerminant, ferè tanquam lignum circumcirca ramusculis cinctum, & conquassandis jusculis ac ovis aptatum, vulgò *Querl-Holtz* dictum. Multos fructus s. siliquas profert, digiti imo manus sæpe longitudine, ac pollicis crassitie, qui Sole exsiccati ex albo fusci apparent, & ad modum nucum gossipii dehiscentes Capoc ostendunt. Fructus decedentes excorticantur ab Indis, & Capoc lana ab nigris nucleis removetur: quam saccis corticosis inditam Bataviam vehunt, ubi pro grosso s. duodenario fere XVI. libræ emuntur, teste *Georgio Meistero im Ost-Indianischem Lust-Gärtner pag. 59.* id quod *Dn. Vitus* mihi quoque confirmavit: atque hi duo testes, sunt oculati.

## LIBRI SECUNDI

### SECTIO VI.

DE

## VARIIS SUCCIS ET RESINIS.

### CAPUT I.

DE

## ASA FOETIDA ET DULCI.

§. I.

**A**SA FOETIDA, vulgò *Teuffels-Dreck*, *Affand*, est resinofum gummi, partim ex albis, partim flavis, partim carneis grumis, quas inter nitentia punctula emicant, permixtum, sapore mordaci, lentò & abominando, odore vehementiore, allium redolente. Ex Libya, Syria Mediaque & Persiâ palmæ foliis, aut in magnis fistilibus, ut terebinthina, Londinum in Angliam transportatur, unde parvis ferreis circulis munitis doliolis indita in Imperium aliasque regiones mittitur: cujus tanta interdum copia Londini invenitur, ut magnæ cellæ istâ repletæ videantur, teste *Pometo in Hist. des Drogues pag. 255.*

§. 2.

Vegetabile, unde hoc gummi oritur, hucusque à nemine verè descriptum est: quod *Dn. D. Kampfero*, Medico Westphalo, causa extitit, ut, cum in Persia & India Orientali esset, indagandæ hujus herbæ cupidine 40. vel 50. milliarium iter emetiretur, donec istam suis ipse oculis viderit, ut aliquot ante annis coram mihi aperuit, Interea & *Dn. Vitus* (peritus Materialista) qui tum etiam in India Orientali fuit, istamque plantam, ut ipse refert, prælaudato *D. Kampfero* è Batavia in Africam, ad oppidum Capo de bonne

Esperance transmisit) mihi affirmavit, crassam longamque habere radicem, instar pastinacæ luteæ, quæ superius quid capilloso, ut mandragoræ radix, proferat, folia autem instar levistici, super terra alarum adinstar extensa, partim circa caulem, eumque similiter crassiusculum, prope spicas posita, & ad altitudinem Nicotianæ nostratis accrescat. Quando nunc mancipia asam foetidam colligunt, caulem superius præcidunt, emanantemque succum excipiunt, quo deficiente caulem profundius abscindunt, quo de integro seaturiat: quod tamdiu continuant, quoad emanaverit omnis. Alii laser herbam esse existimant, quod circa Utard in Persia perhibetur copiose crescere: quam opinionem etiam *Jacobus Sponius*, curiosus Antiquarius, in *Aphor. suis Nov. pag. 368.* amplexus est, simul testans, esse plantam ferulaceam, incolis Magudarine vocatam. Econtrario *Acosta* scribit, se certioresse factum, plantam habere folia corylum æmulantia, è quibus succus extrahatur, ab incolis curibus bubulis colligendus, qui, quo melius asservetur, cum farina triticea misceatur. Hinc est, quamobrem furfures, in isto sæpe reperiundi, certum habeantur indicium succum genuinum esse bonumque, ut *Wormius* in *Mus. pag. 223.* observavit. Alii verò, utpote *Pometus l. c.* existimant, succum calida existente tempestate spon-



Hingisch.

feu

Planta Asæ felida









re exsudare, quemadmodum in figura ænea delineavit: quam tamen minus veram esse prædictus *Dominus Vitus* affirmat.

## §. 3.

Duæ istius species sunt, fina & vulgaris. Illa multas elegantes albas lacrymas s. grumos habet, interdum etiam electa & Asæ foetida in granis, Gallice en larmes vocata, simul eleganter carnea rubra apparens. Hæc vel ex majoribus nec adeo granulatis frustis constat, aut inveterata est, id quod colore detegitur: recens enim asa foetida rubra, mollis carneaque apparet, cineraceo permixta, quæ si inveteraverit, nigra evadit, foetoremque deperdit, qui in recenti abominandus est, ex observatione *Marxii* in *Mat. Mus.* pag. 21. *Wormius* sortes constituit, prout vel è caulibus, vel radice profluxit, illam Scapariam, istam Radicaceam appellans. Optima recens sit, non nimis pinguis, granis sive lacrymis referta, carnei coloris, pellucida ac foetida; vetus unctuosâ, nigra, opaca, impuraque arena, corticibus similibusque adulterata abjicienda est, vid. *Pometus l.c.*

## §. 4.

Quæ asa foetida licet nimis vehementer foetet, ab Indis tamen, qui istam colligunt, omnibus fere cibis additur, quippe quibus nullus cibus vere sapidus aromaticusque videtur sine asa; qua propterea omnia fictilia patinasque curant obliniri, testibus *Erasmo Francisci* in *Ost-Indi-nischem Lust-Garten*, *Oleario* in *der Persianschen Reis-Beschreibung*, atque aliis. In Europa ad Medicinam saltem usurpatur, quoniam sale volatili & oleo, quo pollet, valde resolvit. Plerumque in doloribus uterinis, suffocatione uterina, colica & similibus interne externæque adhibetur, ex qua propterea aliqua in officinis composita, utpote pilulæ foetidæ, prostant. Ista quoque mulomedici magna quantitate utuntur, egoque cancerorum captatorem in Palatinatu novi, qui certa quadam mixturâ canculos è longinquo convocare, & quasi in unum cogere didicerat, quam mihi dicebat ex asa foetida, camphora & castoreo constare.

## §. 5.

Quò verò captam è memorata materia foetente molestiam meliore odore temperemus, fragrantis etiam resinæ, nempe

## BENZOINI

faciemus mentionem; præsertim cum idem fere cum priori nomen habeat, & ASA DULCIS vocetur. Dura, creberrimisque globulis, partim flaventibus, partim candicantibus permixta resina est, sapore resinoso ac pingui, odore valde bono ac fragrante. Ex India Orientali, ac præsertim Siam, venit, unde ministri Legatorum Siamensium Anno 1697. magnam istius quantitatem Parisios tulerunt, teste *Pometo* in *Hist. des Drogues* pag. 248.

## §. 6.

Hæc resina ex valde crassa magna que arbore fluit, cujus folia citrum malum æmulantur, nisi quod non adeo viridia sint, sed in altero latere albicent, fructus vero nucem moschatam referant; quam arborem à *Grimmio* in *Miscell. Acad. Germ. Cur. Dec. II. A. I. pag. 370.* optimè videmus descriptam: cujus etiam ramum *Plukenetus* in *Phytograph. T. 139. Fig. 3. 4.* leganter delineatum sistit. Qua autem methodo plantetur juxta ac colatur, curiosius Lector in *Appendice* hujus *Tract.* post epistolas *India Orientalis* curiosorum, pluribus discet. Ista ab incolis in Ceilon, Malme & Virginia in caudice de industria inciditur seu vulneratur, quo succuseo melius profluat, ut *Wormius* in *Mus.* pag. 222. ex aliis recenset. Juniores arbores plurimum benzoini largiuntur & optimum, quas propterea que Indi ultra sex annos non colunt, sed tanquam inutiles abscindunt.

## §. 7.

Diversæ etiam in *Mat. Museis* species inveniuntur, quarum *Sam. Dale* in *Pharmacol. pag. 296.* sicut & *Wormius l.c.* tres memorat. I. Benzoinum AMYGALOIDES, quod pulchris candidis maculis, instar amygdalarum, constat. II. NIGRIUS & III. NIGRUM. Primum in Siam, reliqua in Java & Sumatra crescunt: quanquam de sententia *Grimmii*, ex uno omnia caudice proveniant. Optimum est, quod grana decenter magna habet, ex albo flavoque permixtum est & durum, secundum *Marxium* in *Mat. Mus.* pag. 21. quod propterea nostris Materialistis finum & Gallis Benjoin en larmes vocatur. Alterum commune in Sortis vocant, quod tamen etiam purum, nullo pulvere, ligno aut simili oportet esse mixtum; id quo candidius est, ac priori propius accedit, eo est melius, de quo sapelaudatus *Pometus* omnium curiosissimè agit.

## §. 8.

Quod ad usum benzoini attinet, sale suo balsamico ad edulcorandos acres catarrhos, sanandasque omnes inde profectas pulmonum & asperæ arteriæ læsiones peculiariter valet, ut adeoque interne ad tussim, anhelationem, hæticam & phthisin, externe ad catarrhos, coryzam &c. usurpetur. Internè quidem istius FLORES commendantur, quorum ʒiʒ vel ʒij. ex una libra per sublimationem, per coctionem vero ʒi. & olei rectific. ʒiʒ. acquirimus, secundum supputationem *Vielheuri* in *Descript. Exot. Mat.* pag. 77. Externè vel pulveres fumales, candelas fumales & similia ingreditur, vel in oleo nucistæ solutum cum moscho & ambra in balsamum redigitur. Nota etiam Tinctura virginum, ab Italis tanta copia circumvehi solita, sceminisque ad dealbandam cutim adeo desiderata, exinde preparatur, quæ nihil aliud est, quam TINCTURA BENZOINI.



ZOINI, five ex solo benzoino, five ex isto atque styrace sequenti modo præparata:

R̄. Benzoini  
styrac. āā.

affunde quatuor vel sex partes spiritus vini rectif. pone in loco calido, agita sæpius, quoad tinctura evadat sanguinea, decantanda sensim vel filtranda. Aliquot hujus guttæ, aquæ rosarum vel sigilli Salomonis instillatæ, dant emulsionem, quam facies manusque abluendæ.

#### CORONIDIS LOCO

Capiti huic subnectere liceat Historiam Asæ foetidæ, à laudato *Kämpfero* aliquot annos in salivam publicam emissam, quæ ita se habet:

#### HISTORIA

#### ASÆ FOETIDÆ DISGUNENSIS,

EX

*Amœnitat. Exot. D. Engelberti Kämpferi*  
*Fasc. III. obs. V.*

#### §. I.

*Hingisêh umbellifera Levistico affinis, foliis instar Pœoniæ ramosis, caule pleno maximo, semine foliaceo, nudo, solitario, branca ursinæ vel pastinacæ simili: radice ASAM FOETIDAM fundente.*

*Hingisêh* radicem habet ad plures annos restibilem, magnam, ponderosam, nudam, exteriori vultu nigram, in solo limoso lævem, in sabuloso scabram ac quadantenus rugosam: ut plurimum, Pastinacæ instar, simplicem, sæpe paulò à capite duabus vel pluribus divaricationibus brachiatam, aliis perpendiculariter demissis, aliis inconditè & in obliquum extensis, prout ab objectis flectuntur.

Fastigium, è tellure prominens, fibris, setarum instar, surrectis, ex fusco rufis & rigidis confertim stipatur, velut in Peucedanò. Cortex ei pinguis est, succosus, facilè, dum radicem solo extrahis, abscedens, concavitate glabrâ & humidâ; substantiam obtinet ponderosam, instar rapæ, solidam candidissimamque, plenam succi pinguis, albissimi, foetidissimi, porraceo odore nares horridè ferientis: qui ex eâ collectus Persis Indisque *Hingh*, Europæis Asa foetida appellatur. Folia sero autumno ex vertice progerminant, sex, septem, & pro radice magnitudine plura vel pauciora: quæ per brumam luxuriosè vigent, adultoque vere exarescunt. Folium autem est ramosum, planum, longitudinis cubitalis, folii Pœoniæ ut plurimum figuram, Levistici substantiam, colorem & lavitatem exhibens; odorem obtinet succi odore remissiore, saporem cum amaritie & aromaticâ acredine hircosum. Structura constat ex scapo & ramo: Scapus spithamalis & amplioris longitudinis est, humano digito tenuior, quadantenus striatus, nervosus, coloris herbacei,

circa basim ex mutuo complexu canaliculatus, cetera teres; ramus alas refert impariter adversas quinque, rarius septem, palmaris & amplius longitudinis, obliquè surrectas, imas superioribus longiores. Alæ utrinque in lobos dividuntur incerto numero plures, inæqualis magnitudinis, oblongos & quadantenus ovatos: in aliis plantis perangustos, longiores, ad costam usque & largiori intervallo distinctos, adeoque pauciores & solitarios, quasi singula folia referant: in aliis verò latiores, breviores, & ob parciorem divisionem continuos, finibus five incisuris, plerumque ovatis vel orbiculatis, pro vario naturæ ludentis genio: qui sæpe in foliis numero differentis plantæ adeo discrepat, ut ejusdem speciei folia esse vix appareat. Lobi autem obliquè surrecti sunt, subtus angusto ductu per costæ latera demissi, coloris ex glauco virentis, læves, exsuccii, rigidi, fragiles, pronâ facie subconcavo, nervo donati unico tenui, qui à costâ per longitudinem inæqualiter decurrit, rarò lateralibus aliis sociatus. Magnitudo incerta est, quam reducere ad longitudinem triuncialem, latitudinem plus minus pollicarem liceat. Ante radice interitum, qui ut plurimum serâ ætate evenit, unâ cum foliorum fasciculo emergit Caulis simplex, rectus, teres, quodammodo striatus, glaber, herbaceus, in orgyæ, sesqui-orgyæ vel majorem longitudinem luxuriosè exurgens, crassitie in imo quanta manûs complexum superat: ex quâ paulatim factus tenuior, in ramos paucos, hi verò in umbellas, Ferulacearum lege, divelluntur. Foliorum vestitur rudimentis per intervalla palmaria alternatim confitis, quorum bases latæ, membranosæ, turgidæ, caulem inæqualiter & utcunque decussatim amplexantur, dilapsæque impressis signant vestigiis, genicula mentientibus. Medullâ farcitur geniculis haud interceptâ, copiosissimâ, candidissimâ, fungosâ, paucis permixtâ fibris brevibus, vagis, in longum exportectis. Umbella, pedali, aliæ spithamali vel breviori stylo nixi, in radios explicantur plusculos (10, 15, 20.) in orbem dispersos: qui singuli, quasi subalternas umbellas reddituri, in radiolos paucos alios (5, 6.) biuncialis longitudinis terminant, axillis brevibus tenuissimisque sustentantes semina nuda ac surrecta. Semen est planum, foliaceum, ex fusco rufum, figurâ ovatâ, Sphondylii, vel Pastinacæ hortensis semini non absimile, hoc tamen paulò majus & nigrius, quadantenus pilosum five asperum, tribus notatum striis, unâ per mediam longitudinem, reliquis per fimbriam arcuato ductu ad apices utrinque productis; odore maritatur exiguo porraceo, sapore gravi, acutè amarescente; medullam, ceu verum semen, in medio fovet atram, compressam, figurâ ex ovato mucronatâ. Flores non vidi; perparvos dicunt & in albidum pallentes: pentapetalos esse non dubitaverim.



## §. 2.

Planta *Asæ* foetidae ab *Avicenna* vocatur *Andsjudaan* & *Haltiit*, quod vocabulum *Dioscorides* σιλφίον, *Matthiolus* *Laserpitium* interpretatur. In patriâ ejus, cum ipsa stirps, tum ex eâ collectum gummi *Hingiseh*, & per Indiam *Hiing* salatur: usitatus tamen est, vocabulo *Hingiseh* Plantam, *Hiing* ipsam exprimere lacrymam, quod & mihi in præsentī descriptione receptum est. Unde *Asæ* nomen ortum vel detortum sit, non inquirō. Germani ob atrocem foetorem appellant *Teuffels-Dreck*, id est, sterco diabolī. Hujus plantæ, conjecturis Botanicorum ad varias species distractæ, à clarissimis verò literatoribus *Scaligero* ac *Salmasio* notis ac nominibus illustratæ, genuinam hic trado historiam, diligentī inspectione à me observatam, institutâ eum in finem ex *Gamrono* urbe ad solum ejus natale laboriosâ profectioe. Patria ejus sola est Persia, non Media, Lybia, Syria aut Cyreniaca regio; unde ex hoc capite facta succi apud auctores distinctio est inanis. In Sinâ prope muros plantam crescere, lacrymamque impertiri collectoribus, accepi ex duobus ejus terræ Aromatariis: sed, quod plantam in Herbario Sinensi non inveniam, incertus de veritate hæreo, quia per muri viam inductum gummi apud ignaros genuisse errorem potuit. In Persiâ plantam hodie alunt saltem duo locorum tractus, videlicet (1.) campi montesque circa *Heraat*, emporium provinciæ *Chorasæan*; & (2.) jugum montium in provinciâ *Laar*, quod à flumine *Cuur* ad usque urbem *Congo* secundum Persici Sinûs tractum extenditur, duobus, alibi tribus pluribusve, parasangis à litore. Utrobique autem succi ferax quocunque loco planta non est, sed circa *Heraatum* ea saltem, quæ campestre desertum occupat: intra-ctu verò Larense tantum illa, quæ crescit in montibus, vicinis territorio & oppido *Dusguun*, vel, ut vulgò pronunciant, *Disguun*; quæ in his ultra citraque germinat, vel succi inops est, non redditura colligenti operæ pretium, vel si redditura fuerit, legulum non habet. Quandoquidem citra *Disgunum* accolæ Arabes (ex transmarino littore coloni) collectionem nunquam tentarunt, supini ad novum opus, nec alii quàm vitæ pastoritiæ suæ, quam ducunt sub tentoriis inertem atque tenuem. Ultra verò herba dulcescere dicitur & foetorem pene in tantum exuisse, ut caprarum greges foliis vescantur avidè & eorum esu mirè pinguescant: quod ut succedat, pridie ante admissionem sale montano (nec aliud hîc suppetit) semel cibandi, admissi verò, primis quatuordecim diebus ab omni potu ar-cendi sunt. Crescit promiscuè in tesquis & crepidinibus, ubicunque avulsa semina ventus protulerit: uberius verò & sæpè ex pedali intervallo in locis, qui quodammodo premuntur in planitiem, quippe semini retinendo & ob meliorem fundi conditionem fovendo aptioribus. Solum habet rarò udum aut puriori terrâ foecun-

dum, frequentius intersperso limo sabulosum, saxosum & aridum, & quem in superficie non invenit, altius actâ radice, ex profundo humorem allicit. Plantæ duplicem Heratenses constituunt speciem, unam *Hingiseh* dictam, quam affirmant esse montanam, & sylvestrem *Disgunensem*: alteram *Husjeh*, sive campestem suam. Illam ajunt lacrymam stillare parcam, macrorem & virtutis debilioris: hanc verò Heratensem largâ manu profundere pinguiorem & foetidiorē, adeoque præstantiorem. Ad rei veritatem & differentiæ notas evolvendas, plantam Heratensem (quam effœtam, *Gamroni* degens, ex *Chorasmiâ* obtinueram) cum *Disgunensi* diligenter contuli, sed mentiar si ullum in figurâ discrimen viderim. Cum etiam vectoribus Heratensis *Asæ* (quam *Gamronum* ferè annuatim deferunt) plantam *Disgunensem* quamprimum monstrarem, nesciis unde acceperim, suam esse illico affirmarunt plantam *Husjeh*, veram & legitimæ *Asæ* genitricem. Ex quo infero: non differre Heratensem plantam à *Disgunensi*, nisi ratione soli natalis, quod in campis *Chorasæan*sibus fortasse pinguius est, adeoque radicem majori succi apparatu instruit: id quod sterile jugum Larense tantâ ubertate non potest. Ut nihil hic dicam de ipsis utriusque Provinciæ lacrymis, quæ, inter se collatæ, nulla præbent vestigia diversæ speciei, nec differentias, nisi quas ex adulterio, vel diversitate temporis & ordinis, quo collectæ sunt, obrinent, prout latius patebit in sequentibus. Duplicem sexum *Disgunensem* vulgus constituit: mares appellans plantas succi expertes, quæ caulem & in eo semen gignant, à cujus productione radicitus moriantur: foeminas verò succo dotatas, sed sine caule. Verum erronea est distinctio & sine attentione inducta. Nulla enim non radix invenitur, quæ ante ferulæ productionem læsa succum non fundat, aut quæ suo relicta fato in caulem seritis ocyus non exsurgat: quo producto, exhausto vitali liquore, arescit atque interit: quod ei cum umbelliferis plerisque aliis commune est. Longævitate, ajunt, radici miram esse, & æmulam vitæ humanæ: ex quo monstruosam aliquando magnitudinem consequi non est peregrinum. Si loci conditio ferat, nec in ferulam (quod aliquando evenit) primâ ætate efferatur, longitudinem orgyæ, ac peræ humanæ crassitiem assequi affirmant: cum mediæ ætatis est, suræ vel brachii: annuam verò pollicis crassitiem exhibere, cui longitudo proportionem semper respondeat. Hirsutum fibris caput ætatis quandoque index est: credo eas esse reliquias ex scapis foliorum dissolutis, quas nescit edax tempus ob nervosam firmitatem destruere.

## §. 3.

Omnis *Asa* foetida ex radice manat sauciata, nulla ex caulibus vel sponte fluit, vel arte exprimitur: unde facessit *Asæ* in scapariam & radicariam



riam distinctio, quam induxit Cl. *Wormius*. Radix quadrienniō minor parum lactescit, & nunquam secatur: quò autem vetustior & major est, eò majorem impertitur lacrymæ copiam. Exemta tellure, si vel postridiē secerur, lacte tamen stillabit: adeo nimirum succo diffluit, à quo insolens pondus obtinet. In transversum dissecta summum discum perfundit lacteo suo succo, qui in continuas spiras argutè circumductus pululat: prout videre est in Iconē. Inspecta attentius duplicem prodit substantiam: aliam firmiorem & fibratam, fibris per longitudinem vago positu discutientibus: aliam magis spongiosam, congenerem & molliorem. Hæc ad liquorem retinendum, & in utriculis suis excoquendum nata esse videtur: illa ad fundendum, & pro nutriendâ stirpe transferendum: addo & symbolam conferre ad firmitatem quandam radici fragilitæ conciliandam. Exsiccatæ radici perit omniis mollior substantia, fibrata remanet, & in stupeam quasi medullam contrahitur, dum rugosa cortex de amplitudine suâ parum amittit. Succus ex utriculis suis recens emanans, candidissimus, liquidus & pinguis est, flori lactis dulcis exactè similis, adeoque omnis exfors lentoris: ad aëris verò Solisve contactum colorem subfuscum induit, & coalescens lentorem quoque. Fœtor, virtutis index, quò major est, eò meliorem Asam testatur. At ille in recenti lacrymâ vehementissimus est, cum eo, quem concreta & antiquior redolet, qualem Europa recipit, nullo modo comparandus. Affirmare ausim, unam drachmam recens effusam majorem spargere fœtorem, quàm centum libras vetustioris, quem siccum venundant aromatarii nostrates. Ex monte redux, cum radicum copiam asportarem domum, (in amplum palatium impluvio distentum) adeo cubilia fœtore repleta sunt, ut eas actutum eliminare debuerim. Ex Chorasano cum Asâ appellens *Casila* (ita vocatur armentorum onusta multitudo, ductoribus comitata) in campum longè extra portam hoc mercium genus exonerat: quod ipsum vento illinc spirante, omnem civitatis auram halitu suo inquinat. Devehenda est in Indiam singulari navigio, mercibus corruptioni obnoxiiis vacuo: cùm eas inficere, & liquores, præsertim potulentos, corrumpere experientia docuerit. Navis mea, quâ transfretavi in Arabiam, unicum ex puppi pendentem ferebat saccum Heratensis Asæ, quæ per corium transmeans naribus nostris magnam facebat molestiam, metuente nautâ, ne aqua rosarum, Sjirasense vinum, mercesque edules, etiam tam brevi viâ, noxam caperent.

Virtutem Asæ medicam longo catalogo recenset *Dioscorides* L. 3. c. 78. nec minus in laudandâ effusus est *Garzias*, *Arom. Hist.* L. 1. c. 3. Perfici Medici, ob delicatum nationis genium, ab usu ejus ferè abstinent: rusticis saltem Larenſibus in colicis torminibus & hydrope, præ-

sertim in tympanitide curandâ usus innotuit, ex consilio Benjanorum. Retulit mihi civis Disgunensis, se hoc morbo tumidum omni mane per sex hebdomades devorasse asæ bolum, s. pilulam majusculam, donec convaluerit: addens ex eo subinde sibi flatus sursum & deorsum secessisse, adeo fœtentes, ut ab hominum consortio toto tempore jussus sit exulare. Semen idem, sed minus validè præstat, proinde ab Indis in usum medicum hinc avehitur. Vulnere ex imposito recenti succo coalescere dicuntur ad miraculum. Planta imposita sulcis, per quos aqua ad hortos & palmeta defluit, vermiculos stirpium quarumcunque enecat. Indis, præsertim Benjanis, creber asæ usus est, etiam in cibis pro condimento. Hoc referenti *Garzia* agrè credidit Cl. *Renodæus*: nam si hoc, ait, fabula non est, ex duabus alterum conjecto, aut asam fœtidam in Indiâ non fœtere, aut Indos aneum habere guttur. *Mat. Med.* L. 1. S. VIII c. 8. Degustavi hóc succo imbuta crustula, quæ mihi non adeo sapiebat teterrimè, ac putaveram. Familiare est Benjanis oras craterum eadem lacrymâ perfricare, pro appetitu excitando malè habentium. Magna est inter Heratanos & Disgunenses de bonitate Asæ dissensio, dum quique suam præferunt, obtristant alienam: Heratani macram, exsuccam & spuriam vocant Disgunensium montanam, & campestem suam prædicant multò esse pinguiorem, molliorem & fœtidiorem. Reponunt Disgunenses: quicquid Heratensis asæ pinguedinis obtineat, id omne esse adscititium, quippe cui recens collectæ admisceant (faciunt id, ne indurescat!) florem camelini, alii caprini lactis, haud suâmet virtute duraturæ, nisi fotu hujus mangonii: hóc illos nequiter fallere emptorem, qui adulterii ignarus peregrinam pinguedinem pro genuinâ habeat. Rixam invidia & æmula lucri cupiditas peperit, non tantopere attendendam, ut inde differentes specie plantas & lacrymas conjiciamus: ex quo lituram inducentes huic & ceteris aromatariorum distinctionibus, omnem nostri temporis tum Plantam, tum Asam fœtidam, ratione saltem loci distinguimus in Campestem & Montanam, sive in Heratanam & Disgunensem, vel si nomen provincie placet, in Chorasansensem & Larensem: illa, ut plurimum pinguior & mollior, pelli- bus caprinis & ovinis involuta: hæc aridior, faccis ex folliis sylvestris palmæ textis, transmittitur. De posteriori, uti facta est à me observatio, ita hoc loco de ejus collectione disseram, nihil differente à collectione Asæ Heratensis, nisi paucis circumstantiis.

## S. 4.

Instituatur (sit verbo venia) Hingifera hæc messis, cùm ab accolis quibusdam paganis, tum imprimis à majori parte civium Disgunensium, quos



quos habet oppidum fere trecentos : & absolvi-  
tur quatuor actibus, sive quod idem est, quatuor  
excursionibus ad jugum Hingiferorum mon-  
tium, qui inde distant duabus, aliis tribus vel qua-  
tuor parasangis. Collectionis actus tradam, prout  
illi ab oppidanis celebrabantur anno, quo mon-  
tes invisi, 1687. Quandoquidem ab illo tenore  
nunquam receditur, nisi fortè laborum auspi-  
ciis alium designando diem, aut collectionibus  
breviores interponendo ferias.

### Actus I.

Colligentes, antequam opus auspicarentur,  
de asâ, utrum ab exteris desiderata sit, pro more  
percunctati fuerant, ne gratis profectiones suas  
& laborum impendia facerent. De caritate igitur  
satis eruditi ad montes confluebant medio  
Aprilis, quandoquidem circa illud tempus ra-  
dix ad fundendam lacrymam se præparari pati-  
tur: cujus signum præbet facies tristior folio-  
rum pallescentium & à vigore suo in marcorem  
declinantium. Si paganis vicinis colligere quo-  
que statutum sit, eodem hōc mense ad hoc  
actum compareant, necesse est. Appulsi cives  
per vasta montium spatia secedebant, procul  
se se dissociantes, ita ut qui ex compacto  
in communem censum colligere proposue-  
rant, seu singulæ domus, seu familiæ cogna-  
tæ, seu ycatim & à pluribus initæ societates,  
aliud atque aliud occuparent montis tractum,  
quem ad messem inibi instituendam sibi assigna-  
bant. In hōc plantas quisque amulâ alacritate  
adortus primo terram, quæ radicem in circui-  
tu proximè ambiebat, compactam videlicet, sa-  
bulosam vel lapidosam, ope ligonis, quo arma-  
batur, ad palmi spithamæve profunditatem erue-  
bat, ita ut modica longitudine radix nudam se  
proderet. *Secundò* scapos foliorum, transver-  
sâ manu apprehensos, intorquendo, à radice  
avellebat, nullo negotio hâc tempestate abscen-  
dentes: ab impedimento quoque fibrarum, quæ  
hirsutam mitram referunt, fastigium repurgabat,  
quo remoto, rugosam calvariam exhibet. *Ter-  
tiò* terram, manu vel ligone rarefactam, radici  
rursus ad usque verticem circumponebat; tum  
avulsa folia, & si quod aliud herbæ genus ades-  
set, in fasciculos aptata imponebat, superaddi-  
to lapide, ne à vento, hîc sæpe vehementissimo,  
diffuerent, eodem signo locum, cum redie-  
rit, agnitus. *Nota:* Tegumento hoc opus  
esse, quò à radiis Solaribus radix nuda tueatur,  
quia ab iis semel percussa intra diem naturalem  
putrescit, nullum legulo collatura beneficium.  
Postquam hoc modo cives radicum myriades  
aliquot præparassent, futuræ collectioni subji-  
ciendas, (solet societas quatuor vel quinque ho-  
minum sibi vindicare circiter bis mille) relictis  
montibus lares repetebant, absoluto ferè intra  
triduum messis suæ actu primo, quem *Kusjten*,  
id est, occidere, quasi *actum occisionis*, nuncu-  
pant: quia in eodem plantæ internecioni da-

mnantur, in posterum, donec percant, vitali suc-  
co emulgendæ.

### Actus II.

Ab intervallo quadraginta dierum, (hōc  
anno, quàm par erat, longiori) turba, colligen-  
tium ad montes reditura, vesperi iter inibat, &  
primâ luce diei 25. *Maji* st. v. appulsa, socialiter  
secedebat in loca quæque sua, ut è radicibus,  
priori actu præparatis, tributum exigeret liquo-  
ris: qui admissus pro foliis nutriendis nunc  
omnis stagnabat in fastigio. Instrumenta collig-  
entibus erant *culter* acutissimus, pro radice de-  
currendâ, *spathula* pugillaris, ferrea, lato fronte,  
ad abradendam lacrymam, *patella* seu caliculus  
femori affixus, qui ablatam portionem subinde  
reciperet, & *geminus corbis*, ex humero baju-  
landus, pro deportandâ succi collecti annonâ.  
Sciri autem in limine debet, societatem unam-  
quàmque loci illius tractum, quem messi suæ  
deligit, atque ad eò omnem in eò radicum co-  
piam, in duas classes dividere, circa quas, missa  
alterutrâ, alternis diebus occupetur: quando-  
quidem ablato succo radix intercalare tempus  
requirit, pro effusi necessariâ quadam spif-  
satione. Quod ut ad oculum pateat, Tabula  
Lectori inspicienda est appositâ, quæ exhibet  
Hingiferi montis tractum, quantus pro messe  
celebrandâ uni Societati sufficit. In eâ litera *A.*  
locum & classem priorem, *B.* posteriorem notat,  
radice utrobique expressâ saltem unicâ, quæ in-  
star omnium demonstrationi serviat. Hoc  
præsuppositò pergo in historiâ. Appulsi in lo-  
cum *A.* colligentes singuli singulas involabant  
radices, remotisque umbraculis egerebant ma-  
nu aliquam portionem terræ ambientis, quanta  
operationi suæ obstar: quò factò radicis ver-  
ticem, quousque ille hirsutus fuerat, per trans-  
versum abscindebant, ita ut truncus discum ex-  
hiberet planum, in quo exsudans liquor, post  
biduum excipiendus, sine defluvii periculo sub-  
sistere posset. Tum, prout in nuperò actu, sa-  
uiciatam radicem à Sole rursus defendebant, eâ  
cautione, ne fasciculus impositum discum attingeret,  
hoc fine cogendus quodammodò in ar-  
cum, emanantem succum alioqui pressione di-  
fussurus. Pensò absoluto, die postero 26. cum  
diluculo pergebatur in locum *B.* atque eodem  
modo radix truncabatur omnique studio rur-  
sus operiebatur. Die 27. in locum *A.* regressi,  
remotis umbraculis, liquorem in superficie de-  
positum spathâ extergebant & subinde depone-  
bant in receptaculum, quod femori inhærebat:  
tum, remotâ terræ accumbentis portione, quan-  
ta sectioni obesset, arefcentem disci superficiem  
præsecabant, ablatò saltem orbiculo tenuissimo,  
vix culmum avenaceum crassò; satis enim est,  
si vel extima, quæ poros clauderat, superficies  
auferatur, quò possint oclusi ductus succum  
dimittere: quandoquidem pro comperto ha-  
bent, quò tenuior tessera abscissa sit, eò suc-  
cum



cum prodire promptius & copiosius. Idem persuasi sunt de modo sectionis, quam omnino fieri tundendo postulant, non vulgari tractu, cum ille fluxum magis promoveat, hic minùs. Sit fides penes credentes. *Nota:* legulos subinde femorum patellas deplere & in receptacula majora, vel in folia humi strata lacrymam deponere, ut Soli exposita magis indurescat: quo ipso verò peregrinum à nativo candore colorem induit, pro partium mollitie & situ diverso, qui torrentes radios inæqualiter admittit; addo etiam ex subiecto accumbente recentem massam facilimè alieno colore imbui. Radice coopertâ labor finitus est. Die 28. eadem collectionis opera, cum omnibus requisitis, peracta est in loco *B*. Die 29. revertum est in locum *A*; & secundâ vice radix emulsa, remoto terræ obstaculo, rescissa, rursumque contacta est. Die 30. secundus liquor etiam in loco *B* collectus, novaque sectio cum aliis necessariis celebrata est. Atqui hic labor est actûs secundi, in quo singulæ radices, ter fauciata, bis succo suo exuta sunt. Quò præstito, annona omnis in corbes congesta & humeris incumbente perticâ deportata est, singulis quatuor vel quinque hominum societatibus spoliis referentibus decem vel duodecim *Mann* Disgunensium, id est, librarum Belgicarum circiter quinquaginta. *Nota:* quod hæc primæ collectionis lacryma non habeatur pro Asâ optimâ, sed inferioris notæ.

### Actus III.

Postquam radicibus mora decem dierum (sufficiebat octiduum) pro recuperando succo indulta esset, ad redauspicandam messem cum luce diei 10. Junii accedebatur in locum *A*. remotis umbraculis & impedimentis terræ, nova colligebatur lacryma, abscissioque summo orbiculo vulnus operiebatur. Die 11. idem agitabatur circa radices in loco *B*. *Nota:* hunc succum, qui ex morâ plurium dierum copiosior effluxerat, & ad debitam spissitatem exaruerat, proprio gaudere nomine *Pispaas*, cum alter commune nomen *Sjiir*, i. e. lactis, ex candore & tenuitate, perferat; at hic *Pispaas* ex communi opinione præstantior dicitur ac multò habetur carior, quàm ille *Sjiir* dictus. Utrum ob paucitatem, an solidiorem consistentiam, non dixerim. Certè lacteus ille deterioris substantiæ non est, quamvis humidior, nam aëri diutius expositus æquè indurescit, & ab illo *Pispaas* nullo signo differt. Credo igitur ex eo genitum esse errorem, quòd Disgunenses lacrymam *Sjiir* nunquam antea, prout nata erat, genuinam vendiderint, sed auctam atque adulteratam vili quadam materiâ, quam recens & liquida facillè admittebat: secus ac *Pispaas*, quæ ob ficitatem adulteria respuens, non nisi pura vendi potuit. Asa enim omnis per se est purissima, & quicquid alieni continet, id omne habet ab adulterio. Ipsi colli-

gentes id mihi facti sunt, his verbis: quòd recenti *Sjiir* soliti fuerint admiscere, non quidem farinam, aut Gummi Sagapenum, velut à scriptoribus proditum est, sed puram terram limosam, quæ in monte fortè ad manus fuerat: ple-rosque autem parem limi quantitatem, alios deinde duplam, vel pro cujusque avaritia majorem immiscuisse, quantam succi tenuitas admiserit. Quo ipso verò vile pretium, &, detectâ fraude, omnimodum contemptum Asæ hujus nominis pepererint, suo quidem damno, quòd nemo Disgunensem amplius desideraverit: in posterum igitur cautius mercari doctos, omnem se repudiasse adulterii speciem, hodieque omnem cujuscunque collectionis & consistentiæ lacrymam in unam massam cogere, & iisdem voluminibus conditam in portus deferre, Congensem & Ormusiensem: si quæ impuritas adhuc subest, eam deberi negligentia legulorum, qui vulneratam radicem minùs cautè contexerint; quanquam caveri vix possit, ne à foliis, quibus operitur, & à vento, paleas & pulveres adspirante, tenax ille liquor conspurcetur. Die 12. classis *A*. & postero die 13. classis *B*. succo *Sjiir* exuta, resecta pariter & resecta est. Die 14. eadem operatio in loco *A*. & die 15. in loco *B*. iterata fuit. Ita radices, postquam semel Asam sicciorem *Pispaas*, bis liquidiorem *Sjiir* impertita fuissent, sub operculis relictæ sunt.

### Actus IV.

Exacto domi triduo, die 3. Julii radices; haud longo otio gavisas, revivabant leguli, experientiâ edocti, tot exactionibus infirmatas & ad interitum dispositas facillè tabescere: tributum amplius haud collaturas, si collectio longius differatur. Primo accessu Asa *Pispaas* ac cetera requisita solito more agitata sunt in loco *A*. Die 4. idem omnino factitatum est in loco *B*. Die 5. collectio Asæ *Sjiir* & cetera in loco *A*; die vero 6. in loco *B* celebrata sunt. Die demum 7. ultima manus admota est classi *A*: in quâ, abaso succo, sectio intermissa, adeoque radices non operatæ relictæ sunt, à libero aëre & Solaribus radiis brevi intermoritura. Die 8. parem sortem experta & exitio damnata fuit classis *B*; & hóc ipso finita fuit messis Hingifera.

Habes, Lector, communem colligendi modum, quò scilicet tribus excursionibus ab unaquaque radice octies liquor *Sjiir*, & ter *Pispaas* exigitur, in his montibus Disguno vicinis hætenus observatam. *Sciendum* verò radices grandiores, i. e. majores vicenariis, quales dantur in jugi parte distantiori & cum difficultate conscendenda, tam citò non dimitti, sed pluribus mulctari posse exactionibus, donec quater vel quinquies *Pispaas*, tantòque sæpius *Sjiir* effuderint, extenso collectionis termino in Septembrem. Verum, hóc montium tractu paucas decennio, nullas amplius vicenniò majores



jores inveniunt: per annos enim bene multos, quibus Asæ continua caritas fuerat, à colligentibus extirpatæ sunt, nullo iisdem, ut grandescerent, concessio otio. Radices, exsolutis

tributis, insepultæ relictæ, ad unum omnes putrescere dicuntur. Terrâ obrutas aliquando reviviscere experientiâ suâ testabatur unus legulorum, negabant ceteri.

## CAPUT II. DE CAPHURA.

### §. 1.

**CAPHURA**, s. **CAMPHORA**, candidum & instar nitri pellucidū resinosum gummi est, sapore acri, amariuscule, aromatico & penetrantissimo, odore vehementi & quodammodo adverso. Ex India Orientali affertur & refinata magnis latisque, sed planis, orbibus, specie magnorum operculorum fictilium, à Materialistis & Pharmacopolis emitur.

### §. 2.

Originem ab arbore ducit, quæ propterea ab hodiernis primariis Botanicis, Scriptoribusque Indicis, utpote *Breynio*, *Hermann*o, *Grimm*io &c. Arbor camphorifera, ab Indis vero **CUS-NOKY** vocatur, partim in Insula Borneo, partim in Japonia in locis incultis copiose reperiunda, ibidemque tam crassum habens caudicem, quem duo viri vix possint circumplecti. Equidem quæ in Borneo inveniuntur arbores camphoriferae multo sunt minores, multo tamen meliorem pretiosioreque progenerant camphoram. Binæ vero solidissimum habent lignum, ex quo Indi pulchra scrinia conficiunt, totasque ædes exstruunt, ut *D. Grimm*ius in *Miscell. Germ. Cur. Dec. 2. An. 1. obs. 15.* commemorat, ubi etiam tota arbor sistitur delineata. Folia fert ut caryophyllus, verum rotunda magisque acuminata, semper virentia, & si effloruerunt, proveniunt parvæ rotundæ nucleæ, ut glandes in suis calycibus, in quibus diffusissus nucleus reperitur: id quod *Dn. Jacobus Breynius* in scriptis suis Botanicis accuratè descripsit, qui olim arbotis hujus ramusculum, foliis adhuc stipatum, *D. Sebast. Scheffero* dono dedit, qui postea in meas pervenit manus. Interea memorabile est etiam è corticibus radicis arboris cinamomi camphoram posse destillari, ut ex *Act. Soc. Lond. Vol. 1. pag. 724.* apparet.

### §. 3.

Pro diversitate arborum, præsertim verò regionum, è quibus camphora venit, duæ istius sunt species, Borneana & Japonensis, Materialistis etiam Sinensis vocata, vid. *Schræd. Pharm. Medico-Chym. pag. 182.* Borneana vel spontè ex arbore exstillat, ut *Ettmüller*us in *Comment. Schræd. p. m. 696.* existimat, vel alia ratione ex ista eruitur, quæ in *Bocconis Recherch. & obs. naturelles pag. 268.* & clarius in *Arent. Syl-*

*vii Relatione*, in Appendice hujus Tract. post *Epistolas Indiae Orientalis* reperiunda, describitur, modo sequenti: Si quando arbores camphora solent esse refertæ, incolæ Oriente Sole aures ad arbores applicant, quas observato strepitu abscindunt, diffissasque in Sole sinunt siccare; postea in parva frusta omnia diffringunt, ac camphoram parvis frustis eruunt, quæ cribro ab omnibus impuritatibus depurgata, in distinctas sortes distinguitur, à *Garzia ab Horto* recensitas *Lib. 4.* Atque hæc optima camphora est, quam Indi ipsi retinent, usque eo rara, ut in Europâ vix videatur. Pellucidior clariorque dicitur esse communi, nec ad modum hujus in aëre dissipabilis. Quò autem modò Japonensis colligatur ac præparetur, *Dn. D. Cleyer*us, Proto-Medicus in India Orientali, in *Misc. Acad. Germ. Cur. Dec. 2. A. 20. pag. 74.* per-eleganter descripsit: Japonenses sc. radicem ac juniores ramusculos de arboribus decerpunt, in minutissima frustula incidunt, eaque coquant in ahenò destillatorio aqua repleto, 48. horarum spatio, unde camphora sublimatur, ac superius capitello adhæret, quæ omnia in principio hujus capituli *Musei Muscorum Germanici*, ex *Dn. Cleyeri* figura, apparent. Non minus & Constantinopoli ita dicitur præparari, quæ tamen Indica bonitate est inferior, ut *Schurz*ius in *Mater. Mus. Germ. pag. 22.* testatur.

### §. 4.

Quum verò camphora, ex India Orientali allata, magnam partem impura sit, utpote vel ex arboribus in terram profluens, vel debita cura non præparata, in Europa de integro sublimatur, sive, Mercatorum termino, refinatur, cui labori certi in Batavia Venetiisque homines præstituti sunt, Refinatores vocati. Quem tamen processum nemo adhuc Chymicorum descripsit, id quod *Pometus* Materialista Gallus non temerè admiratur, qui propterea omnia in *Hist. des Drogues pag. 247.* accuratè sistit descripta. Nempe impura camphora (quam prædictus Materialista camphre brute, *Schræder*us verò rudem vocat, utpote ex impuris grumis diversa magnitudine & instar salis apparentibus constantem) ex India allata certis in vasis super parvo igne sublimatur, atque sic camphora superius capitello, placentarum specie,



specie, adhæret, in qua etiam multa granula apparent, quæ non tam cito poterant incorporari. In fundo remanet caput mortuum, maxime è fæcibus constans, alii cuidam rei necquicquam utile.

## §. 5.

Optima eleganter candida, claraque ac pel-lucida sit, maculis coloreque flavo destituta, forti vero odore prædita, elegantibus frustis constans, digitis facile friabilibus, quæque incensa non possunt extinguere, secundum *Schræderum l.c.* Alii in calido pane istam probant, in quo prorsus liquatur, quoque citius liquatur, eo putatur melior. Num verò camphora resinata sevo, mastiche similibusque possit adulterari, ut *Scaliger* suo tempore putavit, *Pometus* valdè dubitat, quod hæc materia tam clara puraque existit, cui non facile quid possit permisceri, nisi externus etiam splendor periclitetur. Ab aëre vult defendi, & vel in vesicis asservari, in quibus annum & diutius sine detrimento servatur, modo istæ non aperiantur, ut *Schurzius* testatur *l.c.* vel in semine lini, granis piperis aliisque rebus oleosis custodiri, ne consumatur & avolet.

## §. 6.

De viribus & qualitatibus camphoræ, à multis abhinc annis ad hunc usque diem, magna inter Doctores lis est, calidæne, an frigidæ naturæ sit? *Ludovicus* ab *Horning* in peculiari, de *Qualitatibus Camphoræ*, ad *D. Georgium Horstium* scriptâ epistola, cum aliis vult affirmare frigidæ camphoram esse naturæ, quod ad modum aliorum frigidorum lasciviam compescit, mares viribus privat, & exercendæ ♀ s arma obtundit, veterum proverbio:

Camphora per nares castrat odore mares.  
*Der Campher ist, der Wunder kan,  
Sein Riechen nur entmannt den Mann.*

Alii melioribus rationibus contrarium defendunt, quoniam sapor, odor aliæque operationes de calida istius natura testantur, quippe cum nihil aliud sit, quam valdè volatilis & oleosus sal, qui ad modum aliorum salium volatilium necessario calefaciat. Quæ verò de castratione virorum dicuntur, vel falsa sunt, quod *Resinatos Venetiis* satis sunt lascivi, multosque liberos generant, ut *Tachenius* in *Hippocr. Chymico* pag. 183. observavit: vel ex alia proficiunt ratione, quoniam gonorrhoeam curat, ut *Ettmüllerus* in *Comm. Schræd.* pag. 697. præ aliis pluribus ostendit. Nec obstat, quod inflammationes oculorum aliorumque partium impediat ac resolvat, inque febribus ardentibus refrigeret: Utrumque enim vi sua diaphoretica & alexipharmaca præstat, quippe qua febres petechiales, pestilentiam & similes affectus curat, adeò, ut etiam de collo saltem suspensa febres erraticas soleat curare. Particulis suis oleosis narcoticam & somniferam vim habet, qua capitis aliosque dolores, hæmorrhagiam narium, gonorrhoeam &c. sedare, ac deliria febricitantium compescere valet, sive internè, cum nitro depurato temperata, detur, sive externe in epithematis usurpetur. Sic etiam spiritus vini camphoratus, ♂. camph. aliaque præparata multis intentionibus satisfaciunt, quæ in *Schrædero* huiusque Interpretibus reperiuntur. Quâ verò ratione hæc camphorata multis in morbis præscribenda sint, vel à Clariss. Medicis fuerint usurpata, *D. Gothofredus Mæbius* in *Anatomia Camphoræ*, & *D. Wedelius* in *Disput. de Camphora* fusius ex professo docuerunt. Hodie quoque magna istius copia ad ignes artificiales globulosque sub aqua urendos insumitur, quoniam camphora sub aqua urit, dum etiam incensum frustum pilæ nivæ intrusum, nivem fundit, ipsum vero non deletur, vid. *Vielheurius* in *Descript. Exot. Mater.* pag. 82.

## CAPUT III.

## DE

## GALBANO, SAGAPENO ET OPOPANACE.

## §. I.

**G**ALBANUM lignosum gummi est, perpetuò molle & ceræ instar ductile, quod, quoniam candelæ admotum urit, ritu resinæ, sed tamen in sola aqua solvitur, medii generis est inter resinas & gummata. Foris plerumque flavum vel rubicundum, recens & albicans apparet, sapore amaro & acri, odore vehementi & adverso: Ex Syria per Massiliam affertur.

## §. 2.

Herba, ex qua emanat, *Ferula Galbanifera* audit, quam *Pometus* in *Hist. des Drogues* p. 255.

ad originale *D. Tourneforti* effingi curavit. Istius caules, semen & folia sæpe galbano inveniuntur permista.

## §. 3.

Ejus duæ afferuntur sortes, nempe 1. granulatum seu in granis, ( quod *Schræderus* pag. 187. cartilagosum vocat, quoniam eleganter albicans, instar cartilaginum, apparet ) & 2. in placentis s. in pane, quod eo est melius, quo magis est granulatum, eleganter clarum, flavescent, molle, nec tamen glutinosum, nec putaminibus seu corticibus plantæ permistum. Lignum, lapides



pides arenaque permista necquicquam profunt, vid. *Marxius* in *Mater. Mus.* pag. 100. Prius parvis frustis veniat, thuri simile, pulchrum, purumque ac pellucidum fit, ut in *Weckeri Antidot.* I. Spec. 17. videre est.

## §. 4.

Dissolvit emollitque tenacem pituitam, menses promovet, foetum ac secundinas pellit, cosque forti suo odore exsuscitat, qui epilepsia, suffocatione uterina ac similibus afficiuntur, & externe quoque artus confortat. Quamobrem adeo decantatum Galbanetum Paracelsi (quod aliquod exinde destillatum, sed mistum oleum est,) in paralyfi & doloribus intestinorum spasmodicis, à quibus illa saepe oritur, valde commendatur, vid. *Ettmüllerus* in *Comment. Schræd.* pag. 702. Emplastra quoque attractoria Chirurgorum, Cerota matricularia, ad quæ etiam emplastrum de Galbano pertinet, in officinis usuale, ingreditur.

## §. 5.

Eadem Gummi Serapini ratio est, cum fere ejusdem sit originis, odoris ac virtutis, quod alias vulgo

## SAGAPENUM

vocatur. Pellucidum gummi est, foris plerumque rubicunde flavens, intus albicans, sapore acri, odore gravi & viroso, allium æmulante, cujus intuitu ad asam foetidam fere accedit. Maximam partem è Persia & India Orientali Venetias fertur.

## §. 6.

Similiter à planta ferulacea oritur, priori haud multum dissimili, præterquam quod folia seminaque juxta minora sint. In Persia copiose dicitur inveniri: gummi verò è fauciatò caule profuit, ut è figurâ *Pometi* apparet.

## §. 7.

Istius duæ quoque sunt sortes in Materialium Museis, nempe in granis & in pane, quæ ab omnibus fere Medicis ac Materialistis probantur, quando extrinsecus flava, subrubra ac pellucida sunt, vid. *Schræd.* pag. 204. & *Marxius* pag. 180. His tamen omnibus Pharmacopola Parisiensis *Charasius* adversatur, in *Histoire de la Theriaque* pag. 230. affirmans, cum anno 1650. à Beaucaire quodam Provinciæ Languedoci loco, in nundinis, vendendis speciebus ex Oriente venientibus potissimum dicatis, fuerit, vidisse se extraneum quendam Aromatarium s. Materialistam, qui inter alia cistam sagapeno repletam, 20. vel 30. libras circiter continentem, ex Oriente secum tulerat, illudque prorsus recens affirmaverat, quòd tamen intus forisque lactea fuerit albedine, alias verò vehementiorem habuerit odorem. Quamobrem prædictus *Charasius* vulgò probatam flavedinem rejicit, contraque ea existimat istam in inveterato saltem sagapeno videri, cum recens

prorsus album esse oporteat. Hinc etiam *Pometus* l. c. pag. 256. album censet esse optimum, præsertim purum, & odore ad pinum accedens.

## §. 8.

Ratione usus, ut jam dictum, cum priori, convenit, dum non solum tenacem pituitam interne externeque resolvit, sed etiam educit; quamobrem in asthma, tussi aliisque morbis pilulæ de Sagapeno adeò commendatæ sunt. Ob odorem gravem ad epilepsiam morbosque uterinos proficit, menstruaque fortiter pellit. Externè sagittas similiaque è corpore extrahit, quod propterea *Hoffmannus* pro basi magnetici sui emplastri ad hernias constituit, ut ex ejus *Comment. in Schræd.* pag. 599. apparet. Videntum tamen, num teneræ personæ istud fortiter olens perferre possint, quo minimum à durioribus judiciis nos possimus defendere, dum nuper Medicus quidam alteri tribui causam voluit, quasi per- Illustris Virgo de R. (quæ altera vel tertia vice vix scrupulum sumserat) ex isto mortua fuerit: qui casus diversis Facultatibus ad dijudicandum transmissus est, ut è *Novellis* nostris *Medico-Legalibus* hauriri poterit. Sunt excusationes excusationum in peccatis, ut *Helmontius* aliculi loquitur.

## §. 9.

Quo vero ejusmodi foetentibus succis colophonem imponamus, paucis adhuc.

## OPOPANAX s. PONAX-GUMMI

sistetur contemplandum, quod pingue, leve ac friabile gummi est, foris rubicunde flavum, intus albicans, sapore amaro & ingrato, odore gravi. Ex Oriente per Massiliam in cistis venit, quæ propter odorem, cum impetu erumpentem, caute aperiendæ, ut *Pometus* l. c. Materialistas, ipse damnum expertus, hortatur.

## §. 10.

Planta, quæ istud progenerat, Panax Heracleum audit, folia habens instar pastinacæ, albos umbelliferos flosculos, caulemque lanuginosum, albam etiam radicem, circa quam incolæ spatium faciunt purum, ibidemque ponunt magna folia, super quæ emanantem è fauciatis radicibus succum fluere atque ficcari sinunt, principio album apparentem, cum tempore vero flavescens, de quo *Marxius* l. c. pag. 144. plura docet.

## §. 11.

Duæ minimum species in Materialium Museis inveniuntur, nempe in granis & in pane. Quibus *Pometus* l. c. pag. 257. tertiam addit & opopanax planum vocat, longitudine crassitieque pollicis venire perhibitum. Sic etiam *Hoffmannus Tract. de Med. Officin.* tres species numerat, Opopanax Heracleum, Chironium & Æsculapium. Optimum in granis priora signa habeat, intusque albis granis refertum sit, tamque ficcum, atque possibile est. In Opo-



panace in pane haud multum est boni, cum plerumque adulteratum sit, & fere lateat, unde in pane bonum venire debeat, teste *Schurzio* in *Mater. Musi* pag. 39. Deficiente priore videamus quinam panis plurima grana habeat. Tertia species adhuc minoris æstimatur *Pometo*, quam Circumforanei ex vilissima quadam resina æmulantur, & sub nomine Societatis pro opopanace granulato divendunt: quem dolum

exterior statim forma prodit, dum verum granulatum in parvis rotundis grumis, adulteratum & planum frustis pollicis crassitie venit.

## §. 12.

Ratione usus cum priori in omnibus fere qualitatibus convenit, raro autem interne, plerumque externe ad emplastra vulneraria præscribitur, ac propterea ingreditur Emplastrum Divinum.

## CAPUT IV.

## DE

## MYRRHA ET SARCOCOLLA.

## §. 1.

**M**YRRHA durum & siccum resinofum gummi est, ex flavo fuscis seu rubicundis frustulis, iisdemque cæsis vel albis striis interstinctis, constans, præter saporem amarum, acrem & aromaticum, odorem habens satis vehementem. Ex Ægypto & Æthiopia per Massiliam venit, in sortes distincta, in magnis coriaceis sarcinis, quatuor aut quinque centenaria pendentibus, ut *Pometus* in *Hist. des Drogues* pag. 253. refert.

## §. 2.

Arbor, unde exsillat, nondum sufficienter indagata est: quamobrem auctores in eo non conveniunt, frutexne an arbor sit? Plurimi Scriptorum *Plinii* amplectuntur descriptionem, secundum quam quinque circiter ulnas longa, spinosa, duraque & intorta esse dicitur, ut in *Sam. Polifii Myrrhologia* cap. 4. pag. 10. pluribus agitur. Ab hodiernis Botanicis ad arbores bacciferas refertur, secundum relationem *Dalei* in *Pharmacol.* pag. 434. Ex hisce arboribus, junioribus adhuc existentibus, sponte balsamicus quidam liquor profluit,

## STACTE

vocatus, qui tamen nunquam in Europam transportatur, ac propterea artificiosè interdum è vulgari myrrha, per solutionem & expressionem, effingitur. Inde est, quamobrem *Dioscorides* suo jam tempore duplicem stactem, naturalem & arte productam descripserit, ut *Schraederus* in *Pharm. Medico-Chym.* pag. 196. observavit.

## §. 3.

Nonnulli etiam, utpote *Fuchsius*, *Charasius* aliique dubitant, num nota nobis myrrha vere genuina sit, cum signis & proprietatibus, à *Dioscoride* isti attributis, destituatur: ac propterea id, quod hoc sub nomine hodie venditur, pro bdellio aut alio quodam gummi volunt haberi. Enimvero prædictus *Pometus* id de se suisque Collegis non vult dici, quin potius affirmat, ve-

ram hodie vendi myrrham, cui etiam *Baubinus* & *Parkinsonus* assentiuntur. Et quamquam quibusdam indiciis, in recenti, ex viridiusculo rubente, pingui mordacique (qualem *Charasius* ad suam theriacam curavit accersiri) saltem reperiundis destituatur, non tamen statim pro suspecta inutilique habenda, quod hoc simplex valde diu durat, ut *Charasius* ipse in *Tract. de Ingredient. Theriaca* pag. 122. confitetur.

## §. 4.

Quoniam verò myrrha ex sauciata arbore quasi vi excogitur, non potest, quin aliquid de corticibus aut aliis quisquiliis isti permisceatur, quando in sortis venit. Quamobrem per cribrum purgari, minimaque separari oportet, unde ita dicta MYRRHA PARVA oritur. Reliquum in tres sortes (quarum *Dioscorides*, ex istoque *Polifius l. c.* fere septem recensent) distinguitur, inter quas aspera, puraque ac gummosa MYRRHA ELECTA: lævis, pura & clara FINA: nigra, subcava, ex impuris constans frustis, COMMUNIS s. MESSANA vocatur, ut *Schurzius* in *Mater. Musi Germanico* pag. 39. ostendit. Quamobrem non in electione solum circumspeditione opus est, sed in emtione myrrhæ in Sortis quoque videndum, num multum Myrrhæ electæ contineat, quæ emissio expiratione spiritu statim rubescit, & quod pulchris, claris ac pellucidis lacrymis constat, Gallis stacte en larmes vocatur: Fina vero albis notata striis, tanquam unguium maculis, Myrrhe onglée. Quæ binæ optimæ sunt, quando simul leves & friabiles, amaræ gratæque juxta palato apparent, ut *Marxius* in *Mat. Mus. German.* pag. 119. scripsit.

## §. 5.

Virtute pollet calefaciendi, resolvendi & alexipharmaca, uterum ab omni impuritate liberat, & parturientibus valdè desiderata est, quod vivum mortuumque fœtum, secundinas



dinas aliaque promovet. Variolas morbillosque expellit, putredinem ac morbos contagiosos arcet, à prudentioribus propterea Medicis hominibusque aliis, ægros invisentibus, in ore detenta & mansa. Eum in finem multa istius præparata & composita, utpote Essentia, essentia salutis vocata, Extractum, & per deliq. Trochisci de myrrha & similia in officinis prostant, atque in multis probatis Medicorum formulis, multis in morbis utilibus, quotidie usurpantur, quæ in supra memorata *Myrrhologia D. Polissi in Append. Miscell. Acad. Germ. Cur. Dec. 2. A. VI.* reperiunda, fufius descripta invenies. Externè quoque sanante & balsamica vi pollet, atque cadavera a putredine diu defendit. Sic *Ettmüllerus in Comment. Schræd. pag. 706.* recenset multos se vidisse tenellos partus, multos annos in spiritu vini myrrhato à putredine defensos: quod Anatomicis in Batavia, præsertim clariff. *D. Ruifchen* Amstelodami non infrequens est, nec dubito, quin istius materia ceracea, quam vocat, qua viscera partesque corporis condire solet, multum myrrhæ acceptum referat.

## §. 6.

Quemadmodum myrrha ad omnes carneas corporis humani partes à putredine defendendas valet, ita easdem violenter incisas lacerasque aliud quoddam gummi,

SARCOCOLLA, *Fleisch-Leim*

vocatum, sanat: quod ex granulis diversa magnitudine constat, ac thuri electo simile est, nisi quod multa subrubra granula habeat permista. Sapore est amaro & viscido, ultimo dulcedinem, liquiritiam imitantem, relinquentem. Quando pulverisatur, ad Sumac pulv. accedit similitudine, secundum *Marxium l. c. pag. 40.* Ex Persia per Massiliam aliosque portus in Europam venit.

## §. 7.

Vegetabile, à quò oritur, hodieque similiter dubium est, dum alii istam ab arbore quadam filiquosa, alii à frutice, ab herba alii

quam multi speciem putant esse tithymali, alii argemonem, derivant, ut *Sam. Dale in Phytogr. pag. 465.* commemorat. Sed tempus fortasse ac indefessum hodiernorum Botanicorum studium certius quid docebunt. Interea certiore quodam non suppetente, in principio capituli *Musei nostri Germanici, Pometi* figuram voluimus præfigi, quippe quem duo amici voluerunt certiore fieri, parvam ac spinosam esse arborem, in Arabia felici copiose crescentem, ut ex istius libro pag. 267. apparet.

## §. 8.

Idem iste Materialista, præter usitatam & ubique notam sarcocollam, aliùs adhuc meminit, in massa fusca venientis, quæ vel per artem efficta est, vel, ut opinatur, aqua marina est liquata, ac propterea rejicienda. Sic nec ea, in qua exigua granula fusca apparent, quæve alia minuta & pulverem permista habet, quicquam prodest. Optima autem sarcocolla est, quæ ex albis granis, flavis aut rubicundis evadentibus, constat, facile friabilis est, principio amara, ultimo subdulcis: quæ enim amarore destituitur, certissimè adulterata est, ut *Marxius l. c. pag. 181.* judicat.

## §. 9.

Virtute hoc gummi pollet adstringente & valdè sanante, ut etiam internè ad dysenteriam & hæmoptysin præscribatur, adversus quam antiquus Medicus *Oribasius* aliquod Electuarium pilulasque exinde præparavit, *vid. Disp. Aug.* Externè carnis vulnera cito curat, sarcocolla propterea s. carnis gluten vocata: ex qua etiam Chirurgi emplastra agglutinantia (*Hefft. Pflaster*) conficiunt, teste *Ettmüllero in Comment. Schræd. pag. 721.* Et quoniam ob succum glutinosum acres corrosivas humiditates valde temperat, ad acrimoniam ruboremque oculorum etiam commendatur, in aqua rosarum vel lacte muliebri soluta, oculisque instillata. *vid. Schræd. in Pharm. pag. 200.* ejusque Interpres *Frid. Hoffmannus in Clav. pag. 600.*

## CAPUT V.

## DE

## THURE, GUMMI ANIME, CANCAMO ET COPAL.

## §. I.

**T**HUS s. OLIBANUM pallidè flavens, dura & pellucida resina est, partim ex minoribus granis, instar mastichis, partim majoribus diversæ magnitudinis constans, sapore subamaro & resinoso, odore fragrante. Ut plurimum ex India Orientali ac Turcia ad nos transfertur: hodie tamen Societas Mercatorum s. Materialistarum in Gallia aliquam istius speciem etiam

ex India Occidentali affert, uti infra ostendetur.

## §. 2.

De arbore nihil adhuc certi innotuit, & licet nonnulli istius folia pyri, alii fraxini, lauri vel salicis foliis compararint, alii pini esse speciem voluerint, ejus tamen figura adhuc incerta est, ac propterea ab *Rajo & Sam. Daleo in Phytol.* incognitis arboribus annumeratur. Quæ causa est,



quamobrem *Pometi* figuram, in qua folia ex pulchris fasciculis constant, noluerim imitari, præsertim cum non meminerit, ex cujus communicatione istam habeat. Interea id ferè inter Scriptores convenit, in Arabia juxta Libanum montem istam crescere, ubi ex relatione *Schurzii* in *Mater. Mus.* pag. 39. magna sylva triginta miliarium spatio circumscripta coli & à peculiari- bus ibidem sanctis habitis personis (præter quas nemini speciem arborum contemplari integrum est) ita perhibetur colligi: incidunt arboris corticem, substratisque pannis s. linteis decidens thus excipiunt, ne impurum fiat. Multum tamen thuris arbori manet impactum, quod optimum est, & mas vocatur, præsertim si æstate fluxerit, quippe quod multo candidius est eo, quod vere colligitur & rubrum apparet, ut *Schurzius* l.c. *Marxius* verò in *Mater. Mus.* pag. 143. testatur.

## §. 3.

Inde potissimum est, quamobrem diversæ Olibani sint species, quarum *Wormius* in *Mus.* pag. 229. quinque recenset, 1. Masculum, ex eleganter rotundis, magnis, ex albo flaventibus grumis, iisdemque interdum duplis, testiculo- rum ad instar, plerumque autem simplicis constans. 2. Mammosum s. oblongum, papillarum modo, quod proprie foemina videtur vocandum: quan- quam de sententia *Schraederi* molle prorsusque flavum ita vocetur. 3. Orobæum, vulgò *Erbfen- Weyrauch*, ex parvis granulis, instar mastichis, con- stans, & cum masculo cetera conveniens. 4. Man- nam Thuris, quam minima farinaria granula, à crebra saccorum motione & contusione orta, dicuntur constituere; quanquam multi etiam præcedens ita vocent, teste *Daleo* l.c. pag. 473. 5. Indicum, quod Galli vel in granis exiguis, vel in massa magna & molli habent, quæ tamen mul- tum impuri continet, atque OLIBANUM de Moca à *Pometo* in *Hist. des Drogues* pag. 270. vo- catur.

## §. 4.

Optimum Olibanum decenter magnis, albis purisque granis constat, quod propterea à Mate- rialistis finum vocatum plerumque ad theria- cam eligitur. Equidem minora grana virtutibus non sunt inferiora, nisi quod illa eminentium ma- gis in se vertant oculos, ut *Charastius* in *Tract. de Theriaca Incred.* pag. 143. ipse confitetur. Quod pauca adhuc grana permista habet, Olibanum in sortis nominatur. Mansum salivam reddit prorsus albam, saporemque prodit amarum. Ulti- mum sive, uti quidam volunt, Gallicum oliba- num interdum pro bdellio venditur, quod ta- men temerarium est, monente *Pometo* l.c. Mul- to minus digna se munire excusatione possunt, qui istud, destillato prius exinde oleo, pro vero olibano divendunt, ut haud ita pridem apud quendam Pharmacopolam vidi, qui Anno 1701. olibanum, quod tum in Batavia valde vile erat, magna afferri curabat quantitate, ex istoque

oleum olibani destillabat, quod cum magni so- leat taxari, pluris sine dubio hoc vendidit, quam ipsum olibanum emerat, quod tamen pul- veribus fumalibus potuit permiscere. Omnium vero pessimum est, si quando resina pini adulte- ratur, quod tamen, carbonibus injectum, tere- binthinam redolet, hocque ipso cognoscitur.

## §. 5.

Virtute olibanum pollet calefaciente, ex- siccante & subadstringente: quamobrem non ex- terne solum, sed interne quoque ad acres humo- res capitis, pectoris affectus, dolores ventriculi, diarrhoeam &c. usurpatur, maxime vero exter- ne in suffumigiis ad ejusmodi catarrhos, odon- talgiam, sanandaque vulnera insumitur. Oleum olibani in phthisi dicitur perutile, teste *Ettmülle- ro* in *Comment. Schrad.* pag. 279.

## §. 6.

Quoniam thuri in fragrantibus suffumigiis, ut plurimum

## GUMMI ANIME

vulgò dictum additur, istius etiam statim facie- mus mentionem, præsertim cum priori ratione coloris haud dissimilis, & dura, foris alba, intus ex albo flava, quodammodo pellucida & fria- bilis gummosa resina sit, diversa magnitudine, sapore resinoso, incensa odore fragrantissimo. Ex Brasilia Indiæ Occidentalis, per Hispaniam & Lusitaniam venit.

## §. 7.

Arborem, ex qua profluit, *Plukenetus* Tab. 82. *Phytographia* pulcherrimè delineavit, quæ in quolibet caule bina sibi è regione opposita folia, myrti foliis fere similia, ostendit, magnas crassas- que siliquas, esui aptas, profert, duros nucleos, magnis Ricini granis similes, includentes, id quod à *Wormio* in *Mus.* pag. 224. uberius descri- bitur.

## §. 8.

Hujus resinæ *Schraederus* in *Pharmac. Medi- co-Chym.* pag. 176. tres sortes recenset, nempe 1. gummi anime fulvum & pellucidum, 2. ni- grum, colophonio simile, 3. durum & pallidum: quartum vero, idque optimum, quod album est, omittit, quod *Pometus* l.c. pag. 272. addit, simul certo affirmans, quatuor ista genera ab una omnia provenire arbore, sæpeque uno in frusto observari, quale ipse pugni crassitie possideat, sibi à *D. Brisoto*, Medico Parisiensi, ex India Occi- dentali allato, in quo prima species instar am- bræ, altera nigredine colophonii, tertia instar cornu, quarta eleganter alba siccaque appareat: quam ultimam pro vero sinoque gummi anime habet. Ceteræ vel viliores, vel mediam sortem constituunt, apud Materialistas reperiundam, vel nihil sunt aliud, quam quod alii

## CANCAMUM

vocant, quemadmodum præmemoratus *Wor- mius* l.c. pag. 225. etiam opinatur, dum alias nullum



nullum ejusmodi gummi apud Materialistas reperitur, ac quidam gummi laccae, alii asam dulcem, alii aliud quid istius nomine volunt intellectum, ut in *Sam. Dalei Phytol. pag. 475.* videre est.

## §. 9.

Quoniam verò in officinis plerumque nobis notum gummi anime invenitur, notandum est, album, ficcum & facile friabile quod de reliquis parum aut nihil permistum habet, potissimum pro optimo haberi, praesertim si fragrantia istud commendet. Quae tamen electio ab externa saltem facie & vulgari opinione dependet, qualitates vero non respicit, quippe quibus cum ceteris convenit, secundum *Pometum l. c.*

## §. 10.

Quae qualitates in vi resolvente, exsiccante & balsamica positae sunt, cujus intuitu *Wormius l. c.* hoc gummi etiam balsamum vocat. Maximè externè in suffimigiis ad catarrhos, inque emplastris sanantibus ad capitis ac nervorum vulnera usurpatur, in paralyti propterea & contracturis vehementer commendatum, ut *Vielheurius in Descript. Exot. Mater. pag. 110.* annotavit.

## §. 11.

Quando vero ante dictus *Vielheurius l. c.* vulgò ita dictam

RESINAM COPAL, (*Copal-Hartz*.)

pro gummi anime vult haberi, *Pometus* etiam *Wormii* figuram, quam de arbore gummi anime dedit, Copal resinae tribuit, uterque vehementer errant, dum longe diversa, dura scilicet, flava seu ex albo flavens, pellucida, & gum-

mi Arabico haud multum dissimilis resina est, sed odore fragrante, ad olibanum accedente. Similiter ex Nova Hispania, seu India Occidentali, in fortis transportatur.

## §. 12.

Quamvis in India Occidentali, si non omnes, sed tamen bene multae arbores, gummi suppeditantes, Copalliferae vocentur, quarum *Hernandezius Lib. 3. Rer. Med. Nov. Hispan.* fere octo recenset & partim delineavit, haec tamen resina potissimum ex ea profluit, quam *Num. II. & Plukenetus Tab. 56. Fig. 1.* aliter quodammodo & sine crenatis foliis dedit intuendam. Rubros habet ramos, ex flavo rubras baccas, foliaque sifit ut fraxinus, qua de re etiam *Raji Hist. Plant. pag. 1797.* potest videri.

## §. 13.

Quemadmodum nunc ante laudatus *Plukenetus* testatur seipsum claram resinam Copal de hac arbore legisse, ita videndum, quo istam vel in fortis, ut venit, antequam eligitur, accipiamus, aut finam emamus, pulchribus magnis frustis, albis, minime rubicundis, vere pellucidis purisque, & in igne statim liquescentibus constantem.

## §. 14.

Ufus ejus similiter potissimum externus est: magis tamen preparando vernici intervit, qui secundum *Marxium* laneis linteisque pannis permiscetur, ne pluvia ista penetret. Istam quoque impostores succino miscent, quem tamen dolum odor manifestat, qui in oppositione succini quasi foetens est, sicuti *Pometus* commemorat.

## CAPUT VI.

## DE

STORACE VULGARI ET LIQUIDA,  
UT ET LIQUIDAMBRA.

## §. 1.

**STORAX** seu **STYRAX** resinosum gummi est, foris rufum & solidum, ex micis diversae magnitudinis concretum, sapore resinoso & subacti, ac odore fragrantissimo praeditum. Ex Syria aliisque Indiae Orientalis locis per Massiliam venit.

## §. 2.

Ex arbore cognomine dicitur profluere, mediocris magnitudinis, cujus folia foliis mali cotoneae similia sunt, sed paulo minora. Parvas & rotundas nuces profert, ac propterea a recentiori & incluto Botanico, *Joh. Rajo*, in *Meth. Plant. Nov. Tab. 4. pag. 36.* arboribus nuciferis

annumeratur. Et quoniam nucum putamina storaci interdum inveniuntur permista, occasio haec quibusdam fuit, quamobrem storacem ab ejusmodi nucibus voluerint derivari, uti *Pometus* in *Hist. des Drogues pag. 249.* meminit.

## §. 3.

Si quando haec arbor ab incolis fauciatur, storax vel elegantibus puris granis, vel etiam paulo impurius prodit: quod tamen omne incolae permiscunt, inque magna frustra cogunt, nisi quod forte praedicta elegantia grana prius eligant, seorsim custodienda, quae etiam olim sola in canaliculis & calamis afferebantur, **STORAX CALAMITA** propterea vocata. Quae cum



cum vel prorsus haberi nequeat, vel nimis cara sit, dum uncia una Calamitæ finæ tam magni venditur, quam tota libra vulgaris, ut *Charasius* in *Tract. de Theriaca Incred.* pag. 175. memorat, vel etiam per artem potest præparari, quod idem iste Pharmacopola in Gallica sua *Pharmacop.* p. 250. sua experientia confirmat; hinc alii storacem ordinariam malunt eligi, iterum in duas sortes distinguendam: quarum una eleganter pura, pinguis & numerosa grana habet, propterea a quibusdam Materialistis STORAX CALAMITA MEDIA vocata, secundum *Daleum* in *Phytol.* pag. 302. altera villior, levior impurioreque existens STORAX EXPRESSA audit, quoniam incolæ optimum succum, tanquam pretiosum sanansque balsamum, exinde exprimunt, ac postea viribus privatam storacem, eamque prorsus lignosam & siccam, nobis transmittunt, sicuti *Marxius* in *Mater. Mus. German.* pag. 182. testatur.

## §. 4.

Optima pulchris & fere meris clarisque granis constet, tenax, rufa, subpinguis, nec tamen glutinosa, paucis albo interstincta, inque ore neutiquam amara sit, odorem durantem & suavem habeat, qualis vera calamita est. Huic quo propius accedit ordinaria, eo est melior: quam tamen Veteres ab illa distinxerunt, & quoniam magis rubescit, Rubram vocarunt. Observatum etiam fuit storacem calamitam simul cum storace rubra fuisse præscriptam, ut *Sam. Daleus* l.c. ostendit. Lignosa expressaque storax prorsus abjicienda est.

## §. 5.

Storax calefaciendi, exsiccandi discutiendique virtute pollens, caput nervosque confortat, & acres humores seu catarrhos resolvit. Hinc est, quamobrem Pilulæ de styrace à nonnullis Medicis ad tussim, raucedinem &c. non sine fructu usurpentur. Alii etiam Emplastrum stomachicum exinde conficiunt, in *Ettmülleri Comm. Schrad.* pag. 712. descriptum. Ut plurimum in suffumigiis, pulveribus ac candelis fumalibus, massa seu mastiche ad fornacem &c. consumitur, & tincturæ benzoini additur, cujus descriptionem supra in capite de Asa dedimus.

## §. 6.

## STORAX LIQUIDA

quid proprie sit, inter Auctores non convenit. De nonnullorum sententia balsamicus creditur esse succus, ab Orientalibus, ut supra dictum, ex storace calamita expressus: quod tamen non credibile apparet, cum alias multo carior esse debeat. Aliis stacte esse videtur, de qua, ubi de myrrha egimus, fecimus mentionem. Sed hoc quoque temere affirmatur, quod stacte, myrrhæ ipsius ritu, in aqua solvitur, storax liquida contra, ad modum aliarum resinarum, nisi in oleoso menstruo nequit solvi. Multi hunc suc-

cum vel è nucibus vel corticibus styracis arboris (à quibus postea Cortices Thymiamatis dicuntur proficisci) putant expressum, quam opinionem *Schurzius* in *Mater. Mus. Germanico* pag. 40. amplectitur, cum crassa tamen consistentia styracis liquidæ non bene componendam. Quamobrem vero similis est, hoc sub nomine, quod in officinis prostat, potius artificiosè compositam esse misturam, multis ex rebus, in specie storace, terebinthina, vino & oleo liquatam, quod *Sam. Dale* l.c. Londini ex Pharmacopolis se audivisse testatur, *Pometus* etiam l.c. confirmat.

## §. 7.

Quæ storax liquida pinguis, tenax, ex flavo vel rubro fusca resina est, instar mellis semper mollis permanens, (*Schurzio* propterea l.c. *Storax-Honig* & *Falber-Safft* vocata) odore valido, sed non adverso prædita. In doliolis affertur, optimeque durat, si aqua superius semper affunditur, ut *Marxius* l.c. p. 183. annotat.

## §. 8.

Optima ferruginea seu ex rubro fusca est, odore storaci similis, bona consistentia prædita, impuritatibus expers, ex Batavia allata, quæ optimam transmittit, sicut *Pometus*, Materialista Parisiensis l.c. recenset.

## §. 9.

Qualitatibus cum priori multum convenit, utpote virtute valde salubri & balsamica pollens. Quamobrem non præstans solum unguentum exinde præparatur, quo Parisiis in valde celebri Nosocomio, l'hôtel Dieu dicto, varia vulnera, ulcera &c. curantur, sed alias quoque compositiones Galenicæ ingreditur; ut taceam istius etiam usum ad res fragrantis odore imbuendas esse commendatum. Ubi tamen notandum, teneris quibusdam personis eâ dolorem capitis torporemque posse excitare, id quod *Schræderus* in *Pharmac. Medico-Chymica* ex *Dioscoride* observavit.

## §. 10.

Similis ratio est

## LIQUIDAMBRÆ,

quæ Germanis etiam styrax liquida vocatur, quoniam pariter ex flavo rufescens liquidum oleum est, instar terebinthinæ Venetæ, odore saporeque juxta priori accedens. In parvis doliolis ex Nova Hispania fertur, hodie verò perrara est, & à multis Scriptoribus pro vera storace liquida habetur, teste *Daleo* in *Phytol.* pag. 364. præsertim cum arbor, ex qua profluit, à Botanicis, utpote *Rajo* in *Hist. Pl.* pag. 1681. styrax aceris folio vocetur, cujus delineationem apud *Hernandezium*, melius verò apud *Plukenetum* in *Phytogr. Tab.* 42. reperies, quam alibi una cum flore ac semine dedimus contemplandam. Calefacit, discutit & sanat, ad modum prioris.



## CAPUT VII.

DE

## GUMMI CARANNA ET BDELLIO.

## §. 1.

**C**ARANNA tenax duraque est resina, quæ recens existens picis ritu ducitur, inveterata vero dura est & friabilis. Foris cineracea vel etiam ex flavo nigricans est, intus vero colore, piceo, sapore viscido & amaro, odoreque, dum accenditur, fragrante. Ex America & præsertim Nova Hispania magnis s. latis frustis, in junceis foliis affertur, ut ex *Marxii Mat. Mus. pag. 62.* apparet.

## §. 2.

Ex arbore circa Cartagenam, in Nova Hispania, copiose reperiunda, profluit, quæ palmarum haud multum dissimilis, ab incolis Quahuil & Caragna vocata, ab *Hernandezio Lib. 3. Rer. Med. Nov. Hisp.* ita describitur, quod subflavum, levem & fragrantem caudicem & folia oleosa, decussatim juncta, habeat, cujus delineationem *Pometus* in figura stitit intuendam.

## §. 3.

Num verò præter vulgare notumque gummi caragnam alia & quidem distincta detur species, quæ quibusdam Caranna alba dicitur, ante dictus Materialista dubitat, nisi forte Carannam, prout recens ex arbore profluit, per istam velint intellectam, quæ primum fortasse albicans, cum tempore cineracea s. nigricans evadit. Quò candidior igitur caragna est, eò censetur melior, præsertim si mollis est, instar emplastri, nec tamen viscida, odorem etiam fragrantem & aromaticum habet, ut *Schurzii in Mater. Mus. pag. 37. & Pometus Hist. des Drogues pag. 265.* ostendunt. Multis quisquiliis durisque aliorum gummatum fragmentis, tempore annonæ, permista debet rejici.

## §. 4.

Ratione usus Caranna cum tacamahaca in omnibus convenit, nisi quod fortior sit, adeo, ut ulcera, quæ tacamahaca non potuit sanare, per Carannam curentur, teste *Hernandezio l. c.* Quamobrem in dolore ventriculi s. cardialgia febrium continuarum perutilis est, quando in calido mortario, cum balsamo peruviano malaxata, in emplastrum redigitur; quemadmodum etiam *Schræderus* peculiare exinde emplastrum, in podagra artuumque doloribus commendatum, describit. Similiter emplastris ad tempora inservit, pro sedanda odontalgia; cum terebinthina tamen aut alio quodam oleo debet malaxari, quo eo facilius in emplastrum ducatur, secundum doctrinam *Vielheuri* in *Descript. Exot. Mater. pag. 111.* Cæterum Americani ea tenentur opinione, Satanam hanc reformidare arborem, istamque propterea ad

fascina esse commendatam, ut prædictus *Hernandezius l. c.* recenset. Nobilis balsamus vulnerarius exinde quoque præparatur, à *Pometo l. c.* descriptus.

## §. 5.

Quemadmodum modo dicta resina saltem externe usurpatur, ita in principio capitis illi appositum

## BDELLIUM

interne magis sumitur, quod pinguis & tenax resina est, tactu ceram mentiens. Foris ferruginea rubedine, ad myrrham accedente, pollet, cujus infracta frusta quodammodo pellucida apparent. Sapore subacre & amarum est, odore fragrans, præsertim cum accenditur, ubi simul fortem & non facile extinguibilem flammam, crepitu, pulverem pyrium æmulante, comitatum suscipit: id quod *Hermannus* in *Coll. Msc. de Mater. Med.* observavit. Maximam partem ex Asia, frustis varie figuratis, affertur: quanquam vulgo finissimum grumis ovalibus, inauri similibus, constet, teste Materialista Parisiensi *Pometo l. c. pag. 267.*

## §. 6.

De arbore variæ habentur opiniones, dum nonnulli istam robori, alii myrtho conferunt, vid. *Sam. Dale in Phytol. pag. 475.* Hodierni vero iidemque clarissimi Botanici in eo fere conveniunt spinosam esse arborem, cujus folia foliis quercus non multum dissimilia appareant, præterquam quod longiora angustioraque sint, quemadmodum à recentissimo Anglorum Botanico *Leonhardo Plukeneto* in *Phytographia Tab. 145. Figur. 2.* delineata, & sub nomine Arboris Lactescentis acut. fol. quernis Bdelliferæ oculis subjecta sunt: ejus vero lignum *Wormius* in *Mus. pag. 166.* descripsit.

## §. 7.

Cæterum præter vulgare, hætenus descriptum, alia adhuc à Guinea provenire species dicitur, duris, nigrisque granis constans, sapore priori accedens, secundum relationem *Dalei l. c.* Hoc tamen bonitate priori inferius est, quod olim gummi Senica, vel hodierno gummi Arabico permistum, à tinctoribus in eo cognitum fuit, quoniam gummi Arabici ad instar solvitur & fluit. Postquam vero ejus pretium innotuit, hodie in toto centenario gummi Arabici vix tres vel quatuor uncia bdellii inveniuntur, uti *Pometus l. c.* memorat.

## §. 8.

Optimum ex claris & pellucidis frustis constat, foris flavis, s. ex cineraceo rubris, intus vero



lurum Anglicum imitantibus, quæ, dum lambuntur, flavescent, facile urunt, sapore amara, odoreque fragrantia sunt. Parum curamus unde veniat, relinquentes veteribus regionum electionem, dum *Galenus* Scyticum, *Plinius* Bactrianense, *Dioscorides* Saracenicum elegit, sicuti *Marxius* l. c. pag. 38. transcripsit. Id etiam per nos Materialistis integrum est, ut in finem & vulgare istud distinguant. Quando verò in ejus defectu fuscam myrrham quidam pro isto divendunt, ut *Schurzius* l. c. pag. 37. libere confitetur, ne utique permittendum; sapore is facile detegitur dolus, dum bdellium multum circa se ligni ha-

bet, multumque amaritie myrrha sit debilius.

## §. 9.

Emolliente & subadstringente virtute pol-  
lens interne in affectibus pectoris, tussi, anhelatione & similibus usurpatur, inde etiam præparata pilulæ de Bdellio dictæ ad hæmorrhoides nimis fluentes commendantur, ut *Ettmüllerus* in *Comment. Schræd.* pag. 695. & alijs annotavit. Mithridatum quoque & nonnullas alias compositiones Galenicæ ingreditur. Externè recentia vulnera sanat, induratos nervos, articulorum fungos & ganglia emollit, ut *Wormius* in *Mus.* pag. 219. refert.

## CAPUT IIX.

## DE

## GUMMI ELEMI ET TACAMAHACA.

## §. I.

## GUMMI ELEMI

das *Æthiopische Oel-Baums-Hartz*, candide flavens & viridiusculum, pingue & pellucidum gummi est, dum accenditur odore suavissimum. Magnis rotundis frustis & panibus tri-vel quadrilibribus, iisdemque foliis cannæ Indicæ munitis, ex Æthiopia venit, uti *Schurzius* pag. 37. & *Pometus* pag. 261. in suis *Mater. Mus.* commemorant.

## §. 2.

Ex arbore, eum in finem sauciata, profluit, quæ magnitudine mediocris ex albo viridia, & utrinque quasi argento obducta & acuminata folia, rubros flosculos, & fructus olivas æmulantes dicitur proferre, quam propterea nonnulli feram & Æthiopicam olivam nominant, cujus fructus & folia *Plukenetus* Tab. CCXVII. Fig. 4. pulcherrimè delineavit, conf. *Museum Mus. Germanicum* h. l.

## §. 3.

Præter vulgare, quod in foliis venit, alia quædam genera, quorum unum, resinæ communis simile, in cassia caryophyllata, alterum cineraceum vel fuscum apparens, dicuntur afferri, de quibus *Pometus* l. c. pag. 262. uberius meminit: quorum tamen in Germania raro participes reddimur. Optimum siccum sit, sed tamen molleculum, viridiusculum album, ac bene odoratum. Videndum vero, ne resinam pini, oleo spicæ malaxatam, pro gummi Elemi emamus, quippe qua quidam impostores illud æmulantur, & sub nomine Gummi Elemi Americani divendunt. Quæ tamen fraus ex colore prorsus albo juxta, atque molesto, terebinthinam redolente, odore dignoscitur, quemadmodum ante laudatus Materialista ostendit.

## §. 4.

Virtute sua, qua pollet emolliendi, discutiendi sanandique, verum balsamū vulnerarium existit, præsertim in vulneribus capitis aliisque ictibus perutile, proptereaque in balsamo Arcæi basin constituens, de quo *Sennertus* Lib. V. *Prax.* pag. 399. posset videri. Sic etiam *Hoffmannus* probatum emplastrum ad dolores humeri exinde præparat, cujus descriptio in *Clav. Schræd.* pag. 183. sistitur legenda. Oleum quoque valde præstans ex isto destillatur, contractis ac paralyticis commendandum, vid. *Ettmüllerus* in *Comment. Schræd.* pag. 700.

## §. 5.

## TACAMAHACA

similem quoque effectum præstat, discolor & maculis notata resina, partim rubicunda, partim rufa & fere pellucida apparens, sapore resinoso aromatico, odore fragrantè. Ex India Occidentali ab Hispanis, frustis forma rotundis, iisdemque foliis involutis, affertur, teste *Schurzio* in *Mater. Mus.* pag. 39.

## §. 6.

Nomine æque ac essentia ab arbore Tecamahaca oritur, eaque valde procera & populo haud dissimili, folia oblonge rotunda, acuminata & circumcirca crenata proferente, ut ex *Pometi* figura apparet. In extremitate ramusculorum longiusculum flavumque fructū profert, nucleum, nucleo persicorum similem, includentem, quemadmodum *Hernandezius* Lib. 3. *Rerum Med. Nov. Hispan.* pag. 55. istum descripsit ac delineavit.

## §. 7.

Ex quâ arbore gummi vel sponte emanat, idque album, pellucidum, odore suave, principio prorsus molle, postmodum crassiusculum evadens, ac propterea ab incolis corticibus vel ca-



vis truncis excipiendum. Atque hæc sine dubio mollis est tacamahaca, quæ in *Misc. Germ. Cur. Dec. I. A. 3. Obs.* 296. memoratur, & à Materialista Parisiensi, *Pometo*, l. c. pag. 263. Tacamahacque sublime, ou en coque, h. e. Tacamahaca in corticibus vocatur, quam lavendulam redolere perhibent. Quæ tamen species cum valde rara sit, & fere nunquam hîc loci videatur, vulgaris ex arboribus, de industria sauciatis, profluens nobis sufficiat, quæ tamen etiam duplex est, fina & mediocris: illa habetur in granis, hæc in magnis frustis, quorum optima multa alba grana habet, quæ eleganter pura flavaque sunt, ipsa verò odore ad priorem valde prope accedit, testibus *Marxio* in *Mat. Mus.* pag. 201. & *Pometo* l. c.

## §. 8.

Istius operationes in virtute calefaciendi discutiendique consistunt, qua omnes catarrhos, flatus & inflammationes, omnesque inde oriundos dolores compescere usque eo apta nata est, ut, teste *Monarde*, Americani ista ad omnes dolores utiliter utantur, præsertim à

flatibus sylvestribus (à quibus multos morbos deducunt) frigidisque catarrhis profectos. Apud nos in Europa plerumque ad catarrhos capitis, indeque ortam odontalgiam usurpatur, ex qua parva emplastra ad tempora componunt, quibus, de vulgi sententia, catarrhi retrahantur ac suspendantur: quam calefaciendo resolvendoque lympham, ac demulcendo ferociiores spiritus animales operationem suam exerant. Miram etiam tacamahaca opem præstat in cardialgia, si quando in emplastrum redigitur, hocque scrobiculo cordis imponitur, superimposito calido lapide muniendum, quocum *Poterius* mira in medendo dicitur præstitisse, ut *Lib. 3. cap. 32.* videmus. Quem in finem Emplastrum de tacamahaca in officinis semper prostat. Non minorem fert opem in colica & doloribus uterinis, si modo jam dicto umbilico vel abdomini applicetur: qua ratione etiam uteri impediri prolapsus poterit, ut *Hernandezius* l. c. testatur.

## CAPUT IX.

DE

ALOE SOCOTERINA, HEPATICA  
ET CABALLINA.

## §. 1.

**A**LOE valde amarus, durus, sed tamen friabilis succus est, partim resinofus, partim gummosus, odore myrrhæ valde similis, colore vario, plerumque tamen rubicundo seu rufo. Vel in pellibus ovillis, vel in magnis cucurbitis ex India Orientali, partim etiam ex America venit.

## §. 2.

Vegetabile hujus nominis herbis quidem annumerandum, ob caulem tamen, quem una cum floribus emittit, arboribus proceritate parum cedit. Habet folia sedi majoris, sed valde longa, crassa & usque eo acuta, quibus homo possit dissecari. Tardius floret, caulemque valde altum emittit, floribus mira pulchritudine ornatum, quem vulgo ferunt de repente magnoque strepitu extrudif, sicut *Marxius* in *Mat. Mus. German.* pag. 19. scribit. Enimvero hortulanorum hæc fabula est, experientia vulgarem opinionem non confirmante, ut *Hortus Regius* Parisiensis (in quo aloë aliquoties floruit) pag. 8. de Aloë testatur. Floribus succedunt capsulæ seminales, tribus loculamentis præditæ, quas *D. Tournefort* in aloë Americana in Hispania ipse observavit, ut *Pometus Hist. des Drogues* p. 297. refert, & in figura oculis subjecit. Ultima hæc aloë bene

& uberius ab *Hernandezio* *Lib. VIII. Rerum Med. Nov. Hisp.* pag. 271. descripta est.

## §. 3.

Quæ quidem vegetabilia etsi in Germania in Magnatum hortis colantur, succum tamen acquirere non possumus, quippe quem ex Asia & Arabia afferre cogimur. Ex crassiss foliis, secundum *Schurzium*, aut, de aliorum opinione, ex radice exprimitur, qui postquam per subsidentiam clarus factus & decantatus est, super lento igne in spissum succum coquitur & exhalatur, abhinc tenuibus pelliculis excipitur, aliorum transmittendus, de quo *Rajus* in *Hist. Plant.* pag. 1196. legatur pluribus.

## §. 4.

Hic succus, prout plus minusve depurgatus est, in tres vel quatuor distinguitur sortes, inter quas vilissima impuraque ALOE CABALLINA vocatur, quæ prorsus sicca, impura, arenosa ponderosaque & nigra est, equis & bestiis, quam agris hominibus, potius dicata, utpote odore virtuteque destituta, secundum *Schræderum* hujusque Interpretes. Enimvero prædictus *Pometus* in eo adhuc sincerior est, quod istam nec bestiis dandam suadet, quoniam nihil aliud sit, quam fax & adustum sedimentum, in præparatione aloës veræ reli-



ctum, succoque ac virtute privatum, quam propterea abjici ac mercatura exulare optat. In corbibus, ex palmæ foliis ac juncis constantibus, affertur. Aliquanto melior magisque depurgata aloë ALOE HEPATICA audit, quod colore hepar refert, multaue foramina, tanquam apertas venas, repræsentat, ut *Schurzius* in *Mat. Mus. German.* pag. 11. observavit. Probè sicca, nec male olens sit, qualis nonnunquam venit, & de sententia *Pometi* ex foliis exprimitur, quæ, dum inciditur aut frangitur, magnum fœtorem spargit. In medio plerumque nigricat, circa extremitates vero rufescens est, instar hepatis: quod inde fortasse oritur, quoniam interius calidior jacet, ac propterea etiam est mollior, quam extrinsecus, quamvis hoc de viribus parum imminuat. Potissimum ex Insulis Americanis venit, quæ, quoniam bonitate Socoterinæ longe postponenda, Caballinæ loco, bestiis danda, servata Medicinæ vera optimaque ALOE SOCOTERINA, maxime ex Insula Socatra seu Socatera Indiæ Orientalis allata, & vel integra vel in fragmentis à Materialistis solita divendi. Atque hæc pulchra, pura, nitida, rara, levis, amara, & facile friabilis sit, odore minime nauseoso, cujus abrasus pulvis fere aureus & instar croci appareat, ut prædicti Materialistæ uno omnes ore scribunt. Ex hac tandem ALOE LUCIDA oritur, quando prior usque eo depurgata est, ut prorsus clara ac pellicula, tanquam vitrum ðii, appareat: quæ ut usui interno magis aptata est, ita etiam carissima est & rarissima.

## §. 5.

Quum verò bona seu optima aloë cum gummi Arabico, succo acaciæ similibusque sæpe adulteretur, fraudem istam attendamus ex eo dignoscendam: adulteratam aloë suam perdere amaritiem, odore fieri debiliorem, non tam facile diffringi, aut digitis siccari posse, secundum *Schurzium* l. c.

## §. 6.

Quo virtutes aloës magis indagentur, ad resinosas partes, gummosasque juxta respiciendum. Illæ calefaciunt, subadstringunt, & ob balsamicam naturam corpora à putredine tuta servant, ventriculum roborant, lumbricis venenum existunt: quarum intuitu ipsa multa composita ingreditur, cum spiritu vini extrahenda, utpote Elixir Proprietatis ac similia, multis in morbis commendata, ut *Mindererus* in suo *Aloëdario*, & *Ettmüllerus* in *Comm. Schrad.* pag. 756. uberius demonstrarunt. Respectu partium gummosarum aloë vi laxandi pollet, omnesque biliosas ac viscidas humiditates è ventriculo ac intestinis expurgat. Hinc est, quamobrem omnium

laxantium pilularum basin constituat, quas *Schræderus* alique in Dispensatoriis suis verbosius recensuerunt. In specie

## PILULÆ ANGELICÆ FRANCOFURTENSES

ex ista præparantur, quas Materialistæ & Pharmacopolæ Francofurti ad Moenum magno cum fœnore hæctenus vendiderunt, inter quos tamen an. 1703. magna exorta lis est, quoniam posteriores pro se Cæsareum privilegium impetrarunt, de quo etiam tum temporis novellæ hebdomadales nos fecerunt certiores. Ambo descriptionem valde secretam habuerunt, quam Capitaneus Generalis Tilli 300. imperialibus ab aliquo dicitur redemisse, sicuti *Sim. Pauli* in *Append. Quadr. Bot.* p. 577. ex *Grünlingio* refert. Ego interea, boni publici amore, genuinam descriptionem benevole ac curioso Lectori gratis communicabo, quemadmodum istam è Manuali cujusdam Pharmacopolæ, cui ab Auctore ipso, *Dn. D. Beyero*, sub fide juramenti concedita erat, excipsi: R. Aloës succotrinæ optimæ q. v. tere minutim, & affunde aq. violar. ad eminentiam quatuor digitorum, expone loco calido, ibidemque infusum bene munitum triduum relinque, tum tinctam aquam per inclinationem, quoad fieri potest, quiete effunde: toties recentem aquam viol. affunde, quoad tinctura omnis, modo jam dicto, fuerit extracta. Has tincturas omnes simul lenta exhalatione in Extractum redige, quoad mellis crassitiem habeat: cui succi violariæ partes duas adde, & l. a. inspissa, ut fiat massa pilularis, ex qua pilulæ debita magnitudine formentur. Quoniam verò nobilis quidam Gallus coram *Dn. D. Bohnio* Lipsiæ affirmavit aliquod Extractum Colocynth. istis addi, *Hæferus* contra opinatur Diagrydium istas ingredi, *Pometus* quoque multa alia insuper purgantia permisceri scribit, contrarium tamen ex Auctoris atque *D. Schræderi* verbis demonstrabo. Ille, nempe *D. Beyerus*, in schedula his de pilulis Anno 1647. typis vulgata ita scribit: Pilulæ meæ Angelicæ nihil aliud sunt, quam peculiare & artificiosum Extractum Aloës &c. quæ tamen verba in hodiernis schedulis, varia lingua editis, vulgo cum pilulis divendi solitis, cætera cum antiqua convenientibus, studio omissa sunt. *Schræderus* verò circa finem *cap. 73. Lib. II.* scribit: Sibi quidem non esse integrum, ut descriptionem evulget, hoc tamen se confiteri, pilulas istas esse Extractum proprie dictum, extracto improprie dicto commixtum. Illud est Extractum aloës cum aqua viol. Istud succus violariæ. Sapienti satis. *Dn. Guido Patini* aliquoties in *Epist.* suis v. g. *Ep. 63. & 76.* descriptionem à *Carolo Sponio* desiderabat, quamvis ibidem aloë pessimum remedium, ob nimiam vim siccandi & hæmorrhoides ciendi, dixerit.



## CAPUT X.

DE

## MANNA.

## §. 1.

**M**ANNA laxativa ex parvis albisque grumis constat, instar sacchari, mollior vero est, & quodammodo viscida, saporis subdulcis & pinguis. Maximam partem è Sicilia & Calabria in scatulis affertur, Manna Calabrina propterea, Germanis vulgo *Himmel-Brod*, *Himmel-Thau*, vocata.

## §. 2.

De verâ mannae origine multum varieque inter Doctores adhuc disputatum fuit. Veteres, quibus *Schræderus* etiam consentit, rorem cœlestem esse existimarunt, certas in arbores noctu decidentem, haud secus, atque manna, qua Israëlita in deserto cœlitus alebantur, unde etiam nomen sustinuit. Quin imo quidam credebant hunc rorem in has saltem demitti arbores, alias juxta istas positas præterire. Enim verò hoc ipsum satis erat idoneum, quod Veteres in aliam invitare potuisset opinionem, quoniam rationi adversatur, ac postmodum etiam observatum fuit, Mannam superius foliis non solum, roris ad instar, sed inferius etiam adhærere, arbore licet noctu panno contacta, quemadmodum *Thomas Cornelius Consentinus*, qui haud ita longo intervallo ab istis vixit, ipsum probasse se *D. Rajo* narravit. Imò etiam ex abscissis inque cella positis ramis exsudat, quod *Lobelius* observavit: ut taceam hanc ab Sole indurari materiam, rorem contra ab illo consumi, ut *Sam. Dale. in Pharmacol. pag. 449.* pluribus indicat. Quamobrem etiam *Donatus ab Altomari*, antiquus Medicus, suo jam tempore existimavit mannâ non esse rorem, sed ex arboribus exsudare, id quod postea experientia comprobavit; qui propterea in Siciliam & Calabriam profecti sunt, ipsi viderunt mannâ ex sauciatis fraxinis & ornis, succi instar, exsudare, statimque ab Sole quasi in gummi exficari: id quod *Thomas Bartholinus* suis ipse oculis vidit, ut in *Cent. I. Epist. 54. pag. 231.* recenset, & succum quoque corticibus arboris adhuc adhærentem è suo in Daniam itinere secum tulit, teste *Wormio in Mus. pag. 227.* Hoc ipsum alii quoque clarissimi Viri, utpote *Salmasius, Magnenus, Deusingius &c.* in peculiaribus de Mannâ Tract. confirmarunt. Et quamvis hic loci, ob regionum diversitatem, manna è fraxinò emanet nulla, nullus tamen dubito, quin & in aliis arboribus reperiat, dum MANNA DE BRIANCON dicta è larice exsudat, & ipse quoque ex antiqua quercu similem materiam exsudare olim vidi, ad mannâ sapore prorsus accedentem. Sic etiam in Asia, circa Ormum,

è quercu manna liquida dicitur exsudare, quam incolæ pellibus hircinis inditam Goam transportant dividendam, sicut *Pometus* in *Hist. des Drogues pag. 239.* refert.

## §. 3.

Qua ratione Manna in Calabria colligatur, modo laudatus *Thomas Bartholinus l. c.* bene describit: Scilicet incolæ certis calidis temporibus fraxinos vulnerant, præsertim circa dies caniculares, sereno cœlo, cultris ligneis: hinc sequenti die succus prodit, quem similiter ligneis cultris (ut ne manna nigrescat) abradunt, super mensa in Sole dispergunt, quo aquosa humiditas exhalet, succusque mediam inter gummi & resinam consistentiam acquirit. Quæ cum vi eliciatur, Manna Sforsata, aliis Manna corporis vocatur: præter quam alia adhuc ex foliis exsudat, quæ propterea Foliata vocata & ut plurimum parva & rotunde granulata est. Prior majora grana habet, instar mastichis, Mastichina propterea nominata; quoniam vero altera pretiosior est, impostores istam per angusta cribra solent trahere, quo priori similis formetur. Interea *D. Robinson* in suo itinere observavit, dum cicadæ fraxinum arrodunt, mannâ etiam sponte profluere, secundum relationem *Sam. Dalei l. c.*

## §. 4.

Differentia mannæ à Regionibus, unde venit, desumitur, quo respectu tres vel quatuor habentur sortes, dum 1. in Oriente, in Syria, Persia & India Orientali, præsertim in Ceylon aliqua species invenitur, cujus *Miscell. Ac. Germ. Cur. Dec. I. Ann. 9. & 10. pag. 459.* fit mentio, quæ tamen perrara est, nobisque incognita. Quo etiam MANNA MONTIS refertur, quæ in Gargano, monte Apuliæ, dicitur nasci, quemadmodum *Baglivius* in *Disput. de Tarantula pag. 11.* recenset. 2. Calabrina, in monte S. Ange perpulchre scaturiens, sed quodammodo pinguis & unctuosâ, à quibusdam Materialistis, rerum ignaris, propterea neglecta, cum tamen optima sit. 3. Quæ ex Sicilia venit siccior est, simul etiam eleganter alba & granulata, sed sæpius adulterata. 4. Gallica, Manna de Briançon, vilissima impurissimaque, de qua *Pometus* in *Hist. des Drogues pag. 237.* pluribus agit. Hanc succo Tihymali permisceri & adulterari *Guido Patini* in *Epist. select. 66. pag. 184.* testatur. Nostri Materialistæ ut plurimum duas habent sortes, finam & mediam, vel ab externâ forma, vel ætate constitutas. Optima est recens siccata, levis, eleganter alba, sapore dulcis, nullis magnis grumis, aut etiam parvis quis-



quisquiliis defœdata, sed quoad ejus fieri potest, in granula concreta. Ubi tamen observari velimus, majora grana & grumos non prorsus debere abjici, cum ita etiam in arboribus generentur, ut *Pometus l.c.* ostendit: qui simul id bonitatis censet indicium, si quando in mediis grumis aliquis succus, instar syrupi, continetur, quoniam manna tunc prorsus recens esse putatur; quando vero nonnulli Materialistæ, utpote *Marxius & Schurzius*, cuilibet libræ vilioris mannæ semilibram granorum addi, istique hac ratione conciliari gratiam suadent, judaicum seu dolosum esse existimat, cum Judæi Calabriæ isti quoque arti studeant, mannamque arte imitentur, quæ tamen ponderosa, nec tam clare alba sit, atque genuina. Omnis autem manna sicco conclavi vult asservari, quoniam assumpta humiditate facile corrumpitur & flavescit, monente *Schurzio* in *Mat. Mus.* pag. 59.

## §. 5.

Caterum etiam habetur

## MANNA LIQUIDA,

à *Bellonio L. 2. Obs. cap. 65.* TERENIABIN vocata, quæ albus & quodammodo tenax succus est, uti mel virgineum, in Persia, circa Alkair & Aleppo, è spinosa planta, in Asia verò e certis quercubus profluere perhibitus. Quæ tamen manna cum ad nos non perveniat, nobisque

ignota sit, in officinis similis aliqua mistura è vulgari manna, tartaro & aqua præparatur, cujus descriptio in *Hoffmanni Clavi Schræd.* p. 637. communicatur.

## §. 6.

Quod virtutes mannæ attinet, vi leniter laxante pollet, qua bilem educit, atque hanc operationem statim recens exerit. Certe risum meretur, quod quidam Materialistæ nequam Pharmacopoliis aliisque hominibus fidem facere præsumunt, mannam inveteratam melius operari, modo ut flavæ corruptæ mannæ concilient amatores, quemadmodum ingenuus Materialista *Pometus l.c.* istam fraudem ipse detestatur. Quum verò manna adultis hominibus magna dosi præscribenda sit, raro istis commendatur, maximè verò infantibus, quibus in pulticulis, jusculis similibusque facile propinatur. Composita tamen, utpote Manna Tartarisata, Elect. lenit. de Manna, Aqua laxat. Viennensis & similia magnis etiam adultisque personis inserviunt. Quando vero nonnulli Chymici è manna ejusmodi destillare spiritum sibi sumunt, qui ad aurum radicaliter solvendum valeat, ex erronea Veterum opinione videtur proficisci, qua manna ros cœlestis habita fuit, cui spiritus mundi magna quantitate inclusus ac concentratus insit, de quo *Tackius* in *Tripl. Phas. Sophicâ* pluribus legendus.

## CAPUT XI.

DE -

## EUPHORBIO ET GUMMI HEDERÆ.

## §. 1.

**EUPHORBIVM** flavescens & resinosum gummi est, ex longiusculis & quasi cavernosis frustulis, diversa magnitudine figuraque præditis constans, sapore acerrime fervido & nauseoso, odore non adeo notabili. Ex India Orientali & Africa affertur.

## §. 2.

De origine hujus resinæ varix Auctorum sunt opiniones. Nonnulli existimant istam ab arbore proficisci, Ferulæ haud dissimili, quam incolæ Libyæ pellibus ovillis circumdare, posteaque istam è longinquo stantes transfodere, ac profluentem succum illis excipere perhibent, id quod *D. Hoffmannus* in *Clav. Schræd.* pag. 636. ex *Dioscoride* aliisque descripsit. Alii euphorbium fructus cujusdam exsiccatum succum esse existimant, qui cucumeri similis sit. Alii contra, & quidem plurimi antiquorum recentiorumque Botanicorum, Euphorbii originem à peculiari & fere mirâ herbâ cognomine derivant, quam nonnulli, utpote *Hermannus & Plukene-*

*us* Tithymalum Mauritanicum vocant. Longa, valde crassa & spinosa folia habet, ex quibus hoc gummi emanat. *Pometus* siquidem in *Hist. des Drogues* pag. 268. certò vult affirmari, ejusmodi se possidere folium, in quo euphorbium profluxisse certo videri possit, quod etiam *l.c.* delineavit ac descripsit. Alii fortasse plantam illam arborem vocarunt, quod ejus inveniuntur species, quæ ad arborum proceritatem accrescant: quo etiam *Cereus Peruvianus*, Lugduni Batavorum in horto Academico videndus, pertinet. Quanquam *Commelinus* in *Not. ad part. 2. Horti Mal.* pag. 82. omnia illa vegetabilia minus genuina existimet, sed id, quod cæteris simile, & ibidem *Fig. 42.* delineatum est, pro verò euphorbiò velit haberi.

## §. 3.

Quæ diversæ opiniones causa fuerunt, quamobrem senior *Casp. Hoffmannus* in *Tr. de Medicam. Officinalibus* pag. 35. Euphorbium Veterum aliud quid fuisse existimaverit ab eo, quod hodie sub isto nomine accipimus, id quod nunc suo loco



loco relinquimus. Noti euphorbii indagasse originem sufficiat, cujus duas sortes *Schræderus* recenset, nempe in guttas concretum, parvis granis constans, pisi magnitudine, quodammodo cavernosum, & sarcocollæ modò pellucidum: alterum in utriculis, quibus excipitur, in massam candicantem redactum.

## §. 4.

Optimum est, elegantibus granis constans, ex albo flavescens, vere siccum purumque, nulum pulverem, nec multum minutarum arundinearum partium continens, ut *Marxius Mat. Mus. Germ. p. 90.* scribit. Quod verò multi annum experant, recenti contra non fidant, non adeò necessarium requisitum est, dum forte ante annum ad nos perfertur, & antiquum quam recens offertur crebrius. In quartum usque annum servatur, quo præterlapso dicitur imminui, nisi in milio aut lentibus asservetur, quemadmodum *Theod. Tabernæmontanus Lib. II. pag. 406.* commemorat. Emtores vero videant, num sarcocolla gummi & lacte esulæ, id quod interdum fit, adulteratum sit.

## §. 5.

Gummi hoc, respectu qualitaturn, unum omnium calidissimum acerrimumque est, quod licet purgantibus etiam annumeretur, ejus tamen internus usus non adeo tutus est, quoniam nimis impetuose fortiterque operationem exerit, bonum malumque juxta expurgans. Quamobrem à fabris ferrariis ac mulomedicis crebrius usurpatur. Sunt tamen, qui robustissimis rusticis, aliis præsertim frustra usurpatis, vel etiam in morbis contumacioribus, utpote lethargo, apoplexia &c. id concedunt, præsertim si inveteratum acidisque succis correctum fuerit, vid. *Ettmüllerus in Comm. Schræd. pag. 759.* Externè autem in atrophia seu tabe membrorum multum præstat opis, quando præter crebriorem motum ista vel ipso euphorbio, vel ejusdem oleo (quod *Schræderus* una cum extracto aliisque descripsit) diligenter fricantur, qua ratione amicum quendam, cui brachium aridurâ prorsus consummum erat, sanari curavi. Sic etiam cariem ossium tollit, quando acres & corrosivæ humiditates in antiquis ulceribus ipsa ossa arrodunt, quæ caries ossium nisi vel subtilibus instrumentis, vel ejusmodi acribus exsiccantibusque pulveribus remota fuerit, perfecte curari nequeunt. Interdum etiam ad pulveres sternutatorios sumitur, quod tamen caute faciendum,

dum forti operatione sæpe hæmorrhagiam excitat. Quamobrem consultum est, ut Pharmacopola, istud pulverisantes, mortarium, jamdum rectum, superius illinant oleo, quo subtilem pulverem sufflamment, imò nares etiam gossipio defendant, quo periculosam hæmorrhagiam, aut simile quid, declinent.

## §. 6.

Quid vero sit, quamobrem vulgari

## GUMMI HEDERÆ

similis acrimonia (qua crines exedat) attribuitur, ego quidem non reperio, cum ejusmodi vis psilotra in isto nequeat deprehendi, quod *Theod. Tabernæmontanus Lib. II. pag. 595.* observavit. Ex viridi nigrum, acidum, durum, & intus instar fusci vitti apparens gummi est, saporis subacris & subastringentis, odoris fragrantis. In frustis venit magnas fabas æquantibus, partim ex India, partim Languedoco, Provincia Galliæ, ubi in horto Regio Monspeliensi *Pometus* aliquando magnum in hedera frustum invenit, ut in *Hist. des Drogues pag. 264.* recenset, quod etiam modo laudatus *Theod. Tabernæmontanus* in Germania observavit.

## §. 7.

Ab nota hedera arborecente sine ulla lite proficiscitur, præsertim majore, muros & arbores ascendente, quæ parvas uvulas, principio virescentes, postmodum nigricantes progenerat. Hoc gummi tanquam omnium nigerrimum ab *Schurzio in Mat. Mus. pag. 38.* descriptum est.

## §. 8.

Optimum gummi hederæ vere siccum, pellucidum odoreque quodammodo balsamicum sit, ut *Pometus l. c.* requirit, qui simul monet, ut ne istius loco GUMMI ALUCHI (quod è costo corticoso, aut etiam cortice Wintherano profluere nigrumque etiam esse dicitur) ematur.

## §. 9.

Balsamicâ suâ naturâ sanandi vulnera aliaque ulcera vim habet. Quod verò crines extirpet, ac pediculos enecet, ut *Galenus & Dioscorides* scripserunt, experientia non comprobatur; ut adeoque vel error subesse, vel aliud quid intellectum à veteribus videatur, de quo *Sim. Paulli in Quadrip. Botan. pag. 327.* potest videri.



## CAPUT XII.

DE

## SCAMMONIO ET GUMMI GUTTÆ.

## §. 1.

SCAMMONIUM ex cineraceo nigricans, durum resinofum gummi est, saporis acris & nauseosi, odoris valde adversi. Alexandria Ægypti & Syria Venetias venit, coriaceis marsupiiis, indeque ad nos transportatur, secundum *Vielheurium* in *Descript. Exot. Mat.* pag. 152.

## §. 2.

Planta, ex cuius radice profluit, unanimi Materialistarum consensu, volubilis seu convolutus est, in Oriente circa Aleppo copiose crescens, ubi succum è radice expressum, non in Sole, sed super igne exsiccant, cui propterea carbones interdum inveniuntur permisti, quos *Pometus* in *Hist. des Drogues* pag. 292. se deprehendisse testatur. Interea quidam Doctorum, utpote *Ettmüllerus* in *Comm. Schræd.* pag. 761. *Morison* alique fere dubitant, num genuinum Veteribusque adeo commendatum scammonium nobis cognitum sit, dum vulgare officinarum multo acrius mordaciusque est, quam Veterum, ad aliquot etiam grana sumtum purgat, cum Veteres de suo drachmam fere dederint. Quæ causa est, quamobrem *Fallopianus de Purg.* pag. 129. invenire rationem non potuerit, quod istud ad unciam unam aliquando datum alvum non moverit, cuius aliquot grana alios laxent: quod tamen à diversa bonitate potuit provenire. Quicquid sit, hoc minimum exinde discimus, scammonium ab impostoribus ex esula aliisque virulentis herbis (cujus rei *Pometus* notabile aliquod exemplum l.c. recenset,) artificioso dolo præparari, proptereaque Materialistis hoc dandum esse operæ, quo verum ac genuinum accipiant iterumque divendant.

## §. 3.

Similiter Pharmacopolæ semper finum, nequam mediocre emant, quæ bina tamen apud Materialistas ubique inveniuntur. Ultimum siquidem vel vetustate corruptum, aut nigrum est, ponderosum, arenosum, molle impurumque, quale Smyrnense solet esse. Aleppicum contra magis cineraceum est, quam nigrum, leve, tenerum, non nimis durum, & dum frangitur, pellucidum apparens, & instar picis friabile, ut *Schurzianus* in *Mat. Mus.* pag. 80. commemorat. Quod verò *Marxianus* in *Mat. Mus.* pag. 181. ac ipse quoque *D. Schræderus* verum scammonium linguâ tactum aut mansum lactescere existimet, valde periculosa nota est, dum inde potius colligitur tithymalo istud esse adulteratum, ut *Simon Pauli* in *Quadr. Bot.* pag. 470.

docet, præsertim quando simul linguam adurit. Finum potius, si vel superficialiter lambitur, coeruleum evadit, secundum *Schurzianum* l.c. quod bonum est indicium, præsertim si in manum exsputum pulverem ostendit subcineraceum & amarum, de quo *Pometus* l.c. agit pluribus. Hic simul istos vult admonitos, qui tota marsupia emunt, quo videant, num inferius superiori sit simile, quoniam Orientales sæpe, motione compacto scammonio, prunas, lapides ac similia addunt. Alii istud adulterant colophonio: ut adeoque vendendum scammonium peritum prudentemque emtorem requirat, ut *Marxianus* l.c. pag. 182. benè admonet.

## §. 4.

Omnes aquosas, biliosas pituitosasque humiditates expurgat, magnam simul turbam excitans. Quamobrem etiam non facile solitarium à conscientiosis Medicis præscribitur, sed aliis saltem purgantibus pro stimulo additur. Imò nec ita crudum, sed ante correctum usurpatur, quod vel mediantibus quibusdam acidis succis, v. g. cydoniorum & citri (unde *DIAGRYDIUM* oritur) vel vapore sulphuris, ut in SCAMMONIO SULPHURATO apparet, peragitur, quæ bina paucis granis aliis sociantur. Extractum quoque mediante spiritu vini rectificato inde acquiritur, & quidem ℥x. circiter ex libra una, supputante *Vielheurio* l.c. pag. 152.

## §. 5.

Quoniam ab eodem tithymalo, quo scammonium sæpe adulterari diximus, quidam simile aliquod medicamentum,

## GUMMI GUTTÆ

dictum, deducunt, paucis quoque istius faciemus mentionem. Durum, læve tamen & quasi aureum resinofum gummi est, sapore acris & valde ingrato, ex India Orientali, in excavatis arundinibus, instar farciminum, vel magnis, ut Turcica vitta, dicta Turban, circumvolutis, frustis allatum.

## §. 6.

A quo vero vegetabili istius repetenda sit origo, longo tempore diverse disputatum fuit. *Jacobus Bontius*, Indiæ Medicus, in *Not. ad Garo.* inque sua *Methodo Med. Ind.* cap. 9. ab Javanensi esula seu tithymalo istud oriri existimat, cui præter alios *Merretus* in *Not. Germanicis in Neri artem vitriariam* pag. 307. & *Wormius* in *Mus. assentiuntur. Casp. Hoffmannus* in *Tr. de Med. Officin.* pag. 27. à semine Ricini derivat. *Ettmüllerus* in *Comm. Schræd.* pag. 759. ex ipso Ricino Indico



Indico id provenire credit. *Pometus* contra l. c. pag. 240. aliam rarissimam herbam nominat, foliis floribusque destitutam, ex qua de istius sententia (in quam Siamensis Legatio, cujus Ministri gummi guttæ quantitatem secum sumserant, istum videtur induxisse) profuat. Enimverò res melius nunc innotuit, dum istius origo ab arbore deducitur, quæ fructus aurantiis similes proferens, sub nomine cuddampulli *Tomo I. Horto Malab. Fig. 24. pag. 41.* delineata, & ab *Rajo in Hist. Plant. pag. 1661.* descripta est. *D. Syen* tamen in *Not. ad Hort. Malab.* istud pro peculiari, & à vulgari, ex tithymalo exotico profecto, vult distingui, ut *Sam. Daleus* in *Pharmacologia pag. 438.* observavit.

## §. 7.

Optimum eleganter clarum, læve, flavumque, non maculosum, fit; secundum *Marxium* in *Mat. Med. pag. 100.* Nonnunquam in totis frustis rubra, clara ac pellucida resina, aloë socoterinæ similis, deprehenditur, quæ visu licet elegans necquicquam prodest, ac propter eam quod tam elegantem colorem, ut genui-

num, non suppeditat, abjicienda, uti *Pometus* l. c. p. 240. docet. *Hoffmannus* in *Clav. Schræd. pag. 636.* aliud adhuc habet experimentum, dicens: verum gummi guttæ accensum flammam ostendere subfuscam, nigrumque relinquere cinerem.

## §. 8.

Istius vires ferè cum vitro 8.ii conveniunt, dum *ayw nçj nçlw* purgat, omneque superfluum ac vitiosum serum è corpore educit; ut adeoque in hydrope, scabie ac similibus morbis caute possit usurpari. Quando verò Circumforanei, Chirurgi, Balneatores & ejusdem farinae homines ita indiscriminatim commendant, periculosus abusus est, quo multis formus æternus conciliatur. Pictores maxime usurpant, quoniam colorem flavum, vitellum amulantem, suppeditat, & picturæ Miniatorie dictæ inservit. Qui plura scire desiderat, *Castelli Tractatum de Gutta Cambodia* sibi comparet, & quæ *Reudenius* atque *Höchstetterus*, Doctores, (qui multum olim de isto disputarunt) in peculiari aliquo librò scripserint, legat.

## CAPUT XIII.

DE

## SANGUINE DRACONIS.

## §. 1.

**S**ANGUIS DRACONIS obscure rubra resina est, quæ igni admota statim solvitur ac flammam concipit, attrituque sanguineum colorem reddit, sapore resinoso & adstringente. Ut plurimum ex India Occidentali, & quidem Insula Socotera, Madagascar aliisque Insulis Canariensibus venit; quanquam etiam in India Orientali multum reperiatur.

## §. 2.

Ex sententia vulgari hic succus ex Dracone arbore profluit, cui id nominis est impositum, quod in fructu ab ipsa natura draconis figura dicitur delineata, ut *Manardus* ipse scripsit: quanquam *Clusius* in suis in prædictum Scriptorem *notis* affirmat, id in fructu se nunquam potuisse invenire, vid. *Ejus Descript. Rariorum Plantar. Lib. I. cap. 1.* Id etiam *Flacourt* in *Descriptione Insule Madagascar* pro superstitione habet, ut in *Append. hujus Tract. in Epist. VI.* Indiæ Orientalis ostendetur. Meliore jure à *Dn. Commelino* in *Horto Amstel.* palmis annumeratur, & quoniam longa & acuta folia habet, instar gladioli seu juccæ gloriosæ, ab isto Palma prunifera foliis juccæ vocatur. Crassum habet caudicem, ex quo octo vel novem rami, longitudine duarum forte ulnarum,

sine foliis prorsusque nudi prodeunt, qui superius iterum in tres vel quatuor ramos seu furculos, ulnæ altitudine, & brachii crassitie dividuntur, ex quibus acuta longa folia in altum assurgunt, quæ itidem longitudine ulnam, crassitie pollicem æquant, excurrente per medium linea notata, & in latere rubicunda sunt, semperque virent. Infra de ramis fructus racematim pendet, flavus, cerasi magnitudine, sapore acidus, tenui pellicula cinctus, intus ossiculo, ritu cerasorum, præditus, quemadmodum *Theod. Tabernemontanus* ex prædicto *Clusio Lib. 3. de Plantis pag. 687.* omnia valde perspicue descripsit. Num vero in Canariensibus Insulis aliæ etiam inveniantur arbores, simile gummi generantes, atque ita, ut à *Pometo* in figura delineatæ sunt, apparentes, ego quidem non ibo inficias, cum etiam in India Orientali ejusmodi resina à diversis arboribus colligatur.

## §. 3.

Et caudice hujus arboris, valde salebroso atque hiulco, in diebus canicularibus prædictum profluere gummi dicitur, Sanguis Draconis vocatum, quod incolæ olim, foliis Draconis arboris involutum, ovi columbini magnitudine aliorum transmisisse perhibent, secundum relationem modo dicti *Pometi*



in *Hist. des Drogues* pag. 260. Hodie oblongis & parvis frustis, magnitudine auricularis venit, (quorum quodlibet forte drachmam & dimidiam pondere æquat,) foliis munitis, teste, præter Materialistam jam citatum, *Wormio in Mus.* pag. 229. Quoniam verò profluente gummi aliquæ interdum permiscuntur impuritates, incolæ finum purumque sanguinem draconis exinde conficiunt, in utriculis seu canaliculis afferri solitum, qui tamen etiam è massis seu panibus magnis, ex America venientibus, in Germania potest præparari, teste *Marxio* (qui istum præparare iuvit) in *Mater. Mus.* pag. 180. 181. *Hoffmannus* in *Clav. Schræd.* p. 599. istum ita præparari existimat: peregrè adjectum spiritu vini solvi, iterumque inspissari, quoniam sanguis draconis spiritum vini statim colore sanguineo imbuat.

## §. 4.

Hinc apud Materialistas duæ vel tres habentur species, nempe sanguis draconis granulatus, seu in granis, & finus: ex quibus vilior præparata species in panes formatur, quam sanguinem draconis in pane vocant, qui raro purus est, sed gummi Arabico (ut supra dictus *Marxius l. c.* scribit) aliisque similibus permixtus,

## SANGUIS DRACONIS FACTITIUS

vocatur, obscure quoque ruber, extrinsecus intrinsecusque instar resinæ nitidus. Quin imò *Pometus* nos facere vult certiores, ex Batavia afferri sanguinem draconis, qui nihil aliud, quam solum gummi Arabicum sit, mediante ligno Brasiliensi colore rubro imbutum; quod isti relinquimus excusandum. *Joh. van Beverwyck* credit sanguinem draconis nostratem nihil aliud esse, quam sanguinem hirci, bolo succoque florum fraxini permixtum, ut *Vielheurius* in *Descript. Exot. Mater.* pag. 150. observavit.

## §. 5.

Optimus est in granis foliisque involutus veniens, clarus, pellucidus, friabilis & eleganter ruber. Qui tamen cum perrarus sit, alter in istius locum succedat, priori prope accedens, eleganter clarus, rubore saturatus subterendo apparens, ac facile friabilis. Binæ ultimæ species colore, sapore cæterisque sanguinis draconis veri virtutibus omnino destituuntur, propteraque non à Medicis solum, nempe *Ettmüllerô* in *Comm. Schræd.* pag. 720. sed à Materialistis quoque, utpote *Pometo l. c.* pag. 261. prorsus rejiciuntur.

## §. 6.

Tantum de origine ac differentia sanguinis draconis in Medicorum æque ac Materialistarum scriptis reperitur; quibus tamen omnibus *Joh. Gottfried Vitus*, Materialista Wormatiensis (qui, quoniam jam aliquot annos

ante suum in Indiam Orientalem institutum iter mercaturæ simplicium operam dederat, majori istius inquirendi tenebatur desiderio) contradicit, contraque affirmat, sanguinem à nulla arbore, sed à crassiori arundine proficisci: cui non tam facile habuissim fidem, nisi id ipsum in *Dn. Rumphii*, doctissimi Botanici, *Epistola ex India Orientali* ad Magnarium *Dn. Herbertum de Jager* de dato Amboina Victoria d. 15. Septembr. 1689. missa, reperissem, qui arundinem in alia quadam epistola Palmi-juncum vocat, quoniam, instar palmæ, longa & angusta habet folia. Hic PALMI-JUNCUS circa portum Occidentalem in Sumatra crescit, suisque geniculis non solum junio-rem arundinem, sed prædicta quoque folia habet, ut & malignas spinas, parvis globulis seu capitellis, tanquam fructibus, globulos luforios referentibus, instructas, qui squamosi prodeuntes occlusi sunt, intusque nucleum includunt. Foris insidet sanguis draconis, à quo rubræ maculæ in baculis, s. vulgò dictis Hispanicis arundinibus, ab illo junco abscissis, interdum apparentes, proveniunt. Et quoniam prædicti fructus strobilis quodammodo sunt similes, vegetabile istud ab aliis PALMA-PINUS, & PALMA CONIFERA SPINOSA vocatur, cuius accuratam descriptionem *Dn. D. Kämpferus* in *Dec. Obs. Exot. g. 5.* & abhinc in *Amoenitatibus suis Exoticis* communicavit. Quatuor sanguinis draconis in India Orientali habent sortes, quarum prima eaque optima frustulis digiti longitudine, foliis prorsus viridibus, iisque sempervivis, circumvolutis venit, quæ quinquies longitudine pollicis crassitiem æquant & 3ij. pendent: hæc species optimum largitur colorem. Altera in fasciculis gramine circumdatis, funiculisque ligatis, & de funiculis aliquot ulnarum longitudine pendentibus affertur: unus fasciculus semiuncialis est. Tertia in tabulis est, unius circiter libræ pondere, interdum etiam in frustis majoribus, quorum bonitas seu præstantia ab oculorum pendet iudicio. Quarta in magnis frustis sive massis affertur, semi- aut centenario pondere, quæ tamen impura, opaca & grumosa est. Hactenus prædictus *Dn. Vitus*, quem aliquot dies domi meæ retinui, quo ex ipso rem melius intelligerem.

## §. 7.

Quamquam nullum sit dubium, quin res ita se habeat, haud tamen negandum, sanguinem draconis ex aliis quoque arboribus, sanguineum succum continentibus, profluere, dum *Flacour* in *Histoire de Madagascar* pag. 135. & seq. tres ferè ejusmodi arbores recenset, cujus verba in *Appendice hujus Tract.* in *Epist. 17. India Orientalis* reperiuntur. Ubi etiam *Dn. Herbertus de Jager* ostendit, similem sanguinem draconis è ligno Caliaturo seu Sandalo rubro exsudare, suumque adversarium *Dn. Rumphium* eo redegit, ut tandem



dem epistola seq. septima concedat, ex aliis quoque vegetabilibus ejusmodi sanguinem draconis posse esse emanare, de quo etiam supra laudatus *D. Kämpferus* in *Descriptione Dsjerenang* statim in principio meminit: ut adeoque res bene conciliari posse videatur. Juvabit propria ejus legere verba, quæ ita se habent:

### DSJERENANG,

id est,

#### SANGUIS DRACONIS,

ex fructibus Palmæ coniferæ spinosæ elicitus.

**U**T lapidem bezoardico similem ex diversis specie animalibus, simiâ, caprâ, cervo: sic nonnullas quoque resinas & gummata ex specie distinctis plantis depromi certius est, quàm verisimilius. Terebinthinam, Bdellium, Tragacanthum & Vernicem nativam hoc loco tacebimus. Duplicem nobis exhibent sanguinem draconis Pharmacopolia, haud quaquam solâ paritate, quod creditur, sed ipso genere arborum, ex quibus colligitur, differente: unum nimirum in *glebis*, cujus ex Occidente quoque: alterum in *guttis*, ut loquimur, cujus ex solo Oriente nobis sit copia. Ille in Canariensi Insulâ manat ex dehiscente caudice arboris pruniferæ cujusdam, *Dracon* dictæ, si Chusiano fides est; si Arabibus Persisque credimus, idem ex arbore *Santalina rubra* pollicetur. Hos ita sentire persuasit communis lacrymæ cum Santalo color, bonitatis nota, virtus, & demum patria, videlicet *Cholomandela*, ( vulgo *Cormandèl* ) *Madagascar* & *Æthiopia*, sive potius *Æthiopiæ* ora illa, quæ *Sangibara* vel *Zanguebara* inscribitur. Suffulcit opinionem etymi inter diversas gentes cognatio & consensus: quandoquidem vocabulo, quo Persæ Draconis succum *Chuni Sengijoon*, id est, Sanguinem Sangibarensem nuncupant, eodem gentiles quoque Gægetici Santali rubri lignum indignant, id appellantes, vel linguâ suâ populari Decanicâ: *Reket Tsjandan*, i. e. Sanguineum Santalum: vel doctâ Brahmenum Samscreticâ: *Rakta Tsjandoonam*, quod idem sonat: vel, *Rakta Tsjandoonam Sangghi*, id est, Sanguineum Santalum Sangibarense sive *Æthiopium*. Ex aliâ rursus arbore eundem succum derivari contendunt alii. Nec mirum sic dissentiri de illius natalibus: Varium enim adulterium, quin supposititium hujus nominis genus, quod arte componitur & pro encaustis & pictoribus venale prostat, variam conjecturæ & erroris occasionem ignaris rimatoribus suppeditant. De hoc verò posteriori, quem sanguinem in guttis appellant, inter nigritas Orientis, Malajos Javanosque, exploravi, quod artificio eliciatur ex fructu parvulo, strobili figurâ, arboris *μονοβλάστη* spinosissimæ. Eliciendi hic modus est: Reponuntur fructus in craticulâ supra vas amplum fictile, quod aquam ad sui dimidium continet. Quo factò, vas leviter operculatum supra pru-

nas collocatur, eo fine, ut elevatus aquæ bullientis vapor fructus emolliat atque emaciet; ita fit, ut tinctura sanguinea, quæ in dissecto fructu ad oculum mihi non comparuit, calente halitu extricatus, exsudet, & in superficie fructuum sistatur. Hæc bacillo abrafa, in folliculos reconditur, ex folio arundinaceo complicatos, mox filo nectendos in seriem, & in aëre tamdiu suspendendos, donec inclusus sanguis exaruerit. Ab aliis simplici coctione opus perficitur: nimirum usque eò strobili excoquuntur, donec rubedinem in aquâ deposuerint; hæc, rejectò fructu, coctione ulteriori in spissum succum redigitur, folliculis pariter involvendum.

Ad ipsius arboris descriptionem, ut proferamur, prænotamus: Indiam multas ferre Arundinum species, cum earum, quas *Rotang*, seu *Rottanj*, id est, arundines caule factò, tum quas *Bambuu*, id est, arundines cavas vocant. Utriusque in censum referuntur varix Palmæ sylvestres, inter vastissima vepreta patriæ (inaccessa hominibus latibula tigridum) crescentes. Ex his nobiliores tres potissimum species, spinis armatas, mihi obvias fecit Botanica deambulatio, cum indigenis instituta: nimirum *Rotanj Salag*, *Rotanj Gelag* & *Rotanj Dsjerenang*; cujus postremæ, Draconis sanguine illustris, (siquidem ductor meus trium nominum confusione non erraverit) hîc genuinam repono, sed pro viatoris Minervâ deproperatam descriptionem.

*Rottanj Dsjerenang* Palma-pinus est, trium ad summum orgyjarum altitudinis, undiquaque spinis horrida atro spadiceis, rectis, uncialis pene longitudinis, compressis, tenuibus. Caudex ad tertiam exsurgit orgyjam, humani brachii crassitie, simplex, rectus, ex luteo pallescens, aculeis versùs horizontem extensis, & in imo caudice densissimis armatus, per spithamarum intervalla geniculatus, geniculis, ob frondium bases, quibus involvuntur, non apparentibus. Bases frondium tubulatæ sunt, singulæ ex singulis geniculis orræ, ita ut inferior superioris exortum perpetuò complectatur: quò ipso fit, ut articuli non appareant, nisi involucris liberati. Hæc involucria sive tubi, ut caudicis exteriorem superficiem, ita & majorem ejus partem constituunt: nam iisdem remotis, ipsa prodit in conspectum pars intima *medullaris*, superficie nitidâ, coloris spadicei, substantiam obtinens laxam & fibratam, in vertice solidiorem, carnosam, edulem, saporis expertem, candidissimam. Frondibus gaudet in caudice, pro articulorum numero, raris & inordinatis, in vertice densioribus, haud numerosis tamen: quorum exteriores, lege Palmarum, longiores sunt: interiores, velut successu temporis nascentes, breviores & imperfecti. *Frondes*, in orgyjæ longitudinem extensæ, utrinque pinnato foliorum ordine decorantur, imâ earum parte, quam scapum vocant, nudâ. *Costa* earum levis est, ex crassiori principio sensim tenuior, quadantenus com-



pressa, summa facie herbaceâ, aversâ pallidâ lateſcente: utroque latere, ex quo folia prodeunt, carinato; spinis armatur brevibus, raris, in dorſo uncis, & inſtar cornuum per paria junctis. *Folia* (quæ vulgò pinnas appellant Botanici, cùm frondes illis foliorum nomine veniant) ſunt arundinacea, coloris herbacei, cubitum longa, ſemiunciam lata, in longum apicem producta, tenuia, pendula, pronâ facie raris aculeis aſpera: nervis donata tribus, in longitudinem decurrentibus, uno inſigniori medio, ceteris tenuioribus, unde in plicas totidem inclinant, & marceſcendo quodammodo coeunt. Fructus ſingulari naturæ indiſtriâ producuntur: racemis conſiti in comâ, ex frondium axillis, in caudice verò palmari à frondibus intervallo enatis. *Racemi* duobus loricantur adverſis folliculis foliaceis, tenuibus, ſtriatibus, fufcis, in longiſſimum apicem acutè lanceatis: uno inferiori & magis externo, qui geminam ſpithamam longitudine, ſeſquiunciam latitudine excedit, & in convexo ſpinis pollicaribus, compreſſis, ad rectum angulum exporrectis, aſperatur: alterò verò ſuperiori, ſive caudicem ſpectante, qui nudus eſt & brevior. Ipſe *Racemus* dodrantalem obtinet longitudinem, ex paucis (4, 5, 6) racemis minoribus, ſtylum medium in longitudinem ſtipantibus, compoſitus: quos ſingulos ſinguli intercipiunt folliculi alii, prædictis ſimiles, ſenſim breviores & anguſtiores, ita ut ſubinde priorum complexu poſteriores imbricentur. Divaricantur racemi in bacillos ſive pediculos, pingues, firmos, ex breviffimis intervallis ad alterna latera reſortos, tuberculisque conſpicuos exiguis, ſquamofis, non deciduis, quibus inſiſtunt Fructus: qui baſi ſuæ ſubnexas exhibent (reliquias perianthii) ſex lacinias tenues, membranofas, fuſci coloris, quarum tres exteriores ſunt breviffimi, lati & frontati: reliqui, ex illorum interſitiis prominuli, ſunt longiores, anguſtiores, acuminati. Ipſe *Fructus* ovatæ rotunditatis eſt, nuce avellanâ major, ſquamulis nitidiſſimis deſuper loricatus, adeoque inverſum ſtrobilum referens, dum mucrones ſuperiores ſubinde claudunt interſitia inferiorum, accuratâ quincuncialis ordinis venuſtate. Verticem ornant tres ſtyli tenues, arefacti, duriuſculi, in averſos gyros eleganter reflexi. Squamulæ ſunt parvulæ, duriuſculæ, tenues, arcuè adnatæ, coloris

Phoeniceæ, oris fuſcis, in angulum rectum mucronatæ: quibus remotis conſpicitur membrana carnoſa, albicans, laxè involvens globulum carnoſum, per immaturitatem ex herbaceo palentem, pulpoſum, ſuccoſum, ſaporis leguminoſi & inſigniter adſtringentis, qui ad linguæ contactum per gingivas & oris parietes protinus ſe diffundit, & citiſſimè diſparer.

Mutilam hujus racemi iconem, ſub generis nomine Malaico *Rotang*, exprimere niſus eſt *Bontius*, peneque ſimilem proponit *Bauhinus*, ſub Palma-pini titulo, uſus verò hujus uterque eſt neſcius. Pariles quoque ſquamofos fructus, ſed arundinis minoris, non ſpinofæ, exhibet *Hort. Malab. Tom. ult.* Poſſideo in pinacothecâ meâ geminum fructum, ex Oceanô in Ambonenſe littus depoſitum, incluſo globulo prægnantem ac ſonorum: marinum aliis, mihi genuinum deſcriptæ arboris fructum, in mari petreſactum.

## §. 8.

Quod ad uſum ſanguinis draconis attinet, is apud veteres crebrior erat, quibus pro vera cinnabari *Dioſcoridis* habebatur. Verus ac genuinus vi pollet refrigerante, exſiccante adſtringenteque, qua in dysſenteria, hæmorrhagiis ac vehementioribus fluxibus interne, in omnibus vero vulneribus externè utilis eſt, ut *Schræderus* aliique teſtantur. Quæ tamen qualitates cum in ſanguine draconis noſtrate rarò inveniantur, atque adeo iſte ſuſpectus videatur, iſtius loco *Ettmüllerus l. c.* extracto tormentillæ utitur, quod ejusdem cum illo coloris ac conſiſtentię eſt. Interea pulveres dentiſſicij iſto interdum tinguntur; quemadmodum etiam rubra tenuia ligna, loco dentiſcalpiorum uſurpari, & ab Societate ex India, ſub nomine Bois de Palile advehi ſolita, in hoc gummi immerguntur, ſicut *Pometius l. c.* recenſet. Cæterum iſte ſanguis Picturæ inſervit, cujus propterea Norimbergæ, ubi per-elegantes & fere incomparabiles artes coloresque cum iſto inſtituuntur, annuatim magna copia conſumitur, teſte *Marxio*, Materialiſta Norimbergenſi. In ſpecie ad res lacca pingendas & condecorandas (vulgo *Lack-Kunſt*) uſurpatur, cujus artis deſcriptionem infra *Cap. XVII.* in hiſtoria Laccæ trademus. Similiter etiam pictores vitriarii eò utuntur, quo vitro elegantem & ſanguineum colorem concilient.

## CAPUT XIV.

DE

## SUCCO ACACIÆ ET GUMMI ARABICO.

## §. I.

SUCCUS ACACIÆ, *Acacien-Safft*; aliàs etiam *Ægyptiſcher Schotten-Dorn-Safft*, ſub-ruber, fuſcus & inſpiſſatus ſuccus eſt, ſaporis

acerbi & adſtringentis, qui tenuibus veſicis exceptus, inque pilas rotundas redactus; quarum quælibet 4. interdum 6. 7. 8. uncias pendet, ex Ægypto per Maſſiliam aliaque loca transporta-



portatur, ut *Charasius* in *Tr. de Theriaca Ingrid.* pag. 221. cap. 69. commemorat.

## §. 2.

Vegetabile, à quò hic succus proficiscitur, plerumque *Acacia Ægyptiaca* vocatur, à multis pro arbore, ab aliis vero rectius pro spinoso frutice habita, cujus delineatio à *Dn. Herberto de Jager* Clarissimo *Cleyero* in India Orientali communicata, ab istoque *Misc. Ac. Germ. Cur. Dec. I. A. III. pag. 11.* inserta est. Quæ cum æque cum *Acacia vera*, quam *Cardinalis Farnesius* olim Romæ suo in horto coluit, quamve *Aldinus* in *Horto Farnesiano* descripsit, conveniat, atque *Hernandezii* figuris in *Hist. Rerum Med. Nov. Hisp. pag. 59. 453. 866.* reperiundis, valde similis sit, eo minus de rei veritate dubitandum.

## §. 3.

Qui succus è fructu, lupinis simili, & à *Wormio* in *Mus. pag. 178.* descripto, an ex corticibus ac foliis extrahatur, adhuc quodammodo incertum est. Nec Materialistæ de colore externo conveniunt, dum de quorundam sententia succus acaciæ requiritur esse eleganter ruber, eoque putatur melior, quo magis colore est saturatus, secundum *Charasium l. c.* Alii contra, utpote *Pometus* in *Hist. des Drogues pag. 308.* fusco primas tribuunt, utpote magis cocto, & è fructibus maturis expresso, cum ruber ab immaturis proveniat. Bini vero eum censent optimum, qui solidus, durus, ponderosusque est, & quando malleis cuduntur pilæ, facile in frusta concidit, & foris purus, intus nitidus apparet.

## §. 4.

Virtute refrigerante & adstringente pollens rarò præscribitur, ad dispensationem theriacæ saltem conquirendus, ubi à circumposita vesica depurgandus, aqua solvendus, transcolatusque evaporandus est, docente *Charasio l. c.* Quando verò varias in formas redigitur, & in dispensatione theriacæ ostenditur, *Pometo l. c.* supervacaneum, partim etiam dolosum, videtur.

## §. 5.

Quemadmodum hic succus semper intelligendus, quando acaciæ simpliciter & sine appposito sit mentio, ut *D. Sim. Paulli* in *Quadr. Bot. pag. 13.* monet: ita in istius defectu

## SUCCUS ACACIÆ GERMANICÆ

substituendus, concedente *Schrædero* in *Pharm. Medico-Chym. Lib. IV. Class. I. No. VI.* Quod tamen *Charasius* alii que dissuadent, dum acaciæ veræ hodie nullus est defectus. Hic succus acaciæ nostratis similiter atque ille vesicis excipitur, & avehitur, niget tamen est, tanquam extractum liquiritiæ, ac vehementer adstringit.

## §. 6.

## GUMMI ARABICUM

cum ab eodem vegetabili credatur proficisci,

hic loci minime prætereundum. Ex albo flavum, clarum & pellucidum gummi est, saporis aquosi & visci, atque interdum minutum incisum magnis in doliis affertur, quod rarò purum & genuinum est, ut *Marxius* in *Mat. Mus. pag. 20.* meminit.

## §. 7.

Istud gummi Arabicum hodieque verum ac minus adulteratum in officinis inveniri, non solum Medici dubitant, ut ex *Append. Schræd.* apparet, sed ingenui quoque Materialistæ ipsi consentiunt istud adeò rarum factum esse, ut in magnis etiam doliis nullum inveniat, vid. *Pometus* in *Hist. des Drogues pag. 241.* Quod verò hoc sub nomine venditur, vel mistum aliquod est, ex variis gummatibus de persico, ceraso prunoque arboribus desumptis, ut *Wormius* in *Mus. pag. 219.* & *Ettmüllerus* in *Comm. Schræd. pag. 692.* existimant: vel ad summum

## GUMMI SENICA s. GUMMI DE SENEGA

est, ex Guineâ, juxta Senegam fluvium, collectum, veniens, quod licet multo majoribus, foris asperis & magis flavis, frustis constat, quam verum Arabicum, tamen non Parisiis solum, sed in Anglia quoque & alibi pro Arabico venditur, quemadmodum *Sam. Dale* in *Pharmacol. p. 463.* refert. Quod vel eo facilius ferendum esset, modo candidissimum saltem pulcherrimumque pro isto haberetur, gummi Arabico similitum: & propterea è vulgari seu in sortis sæpe eligitur, secundum *Pometum l. c.* ubi simul fusius recenset, quemadmodum Gallica Materialistarum Societas id emat, & quæ sibi à barbaris perferenda sint, qua de re porrò in *Append. libri citati pag. 15.* agit.

## §. 8.

Hinc non potuit non fieri, quin diversæ gummi Arabici constituerentur sortes, quarum apud Materialistas nostros minimum duæ, nempe GUMMI ARABICUM ALBUM, & ARABICUM IN SORTIS reperiuntur. *Pometus l. c.* quatuor species recenset: 1. GUMMI VERMICULATUM, instar vermis intortum ex vegetabili profluens, ac vulgo eleganter clarum albumque apparens. 2. TURIS, quod verum Arabicum est, tempestate humida ex acacia emanans, quod certis vasis exceptum magnis frustis Massiliam feratur, &, quoniam clarum pulchrumque est, à sericariis tinctoribus Lugduni in copia consumatur. 3. GUMMI ANGLICUM, quod ex Arabico seu Senicanico (id quod aqua solutum in massam formatur, inque frusta inciditur) constat, & instar glutinis Hollandici apparet, quo ii, qui crines suppositivos seu galericula consuunt, crinium crispaturam adjuvant, unde Frisic-Gummi vocatur. 4. GUMMI de SENEGA, de quo supra meminimus.

## §. 9.

Optimum eleganter album, clarum, instar vitri



tri pellucidum, purum, in ore glutinosum viscidumque, solidum, nitidum ac fere insipidum est. Melius verò pulchriusque est, quando incurvatos vermiculos refert, quod *Charasius* præ cæteris ad theriacam eligit, ut in ejus *Tract. de Theriaca Incred. pag. 214.* videre est.

## §. 10.

Virtute qua pollet, acres humores emollit ac demulcet, impactamque thoraci saburram resol-

vit: proptereaque interdum ad tussim, raucedinem, ruborem oculorum, acrimoniam urinæ, dysenteriam &c. usurpatur. Crebrius ad atramentum sumitur, quoniam impedit, ne charta istud transmittat. Alii quoque artifices ad crispandum & solidandum adhibent: cui intentione, etiam

GUMMI NOSTRAS, *Land-Gummi*,

ceraforum ac prunorum satisfacit, quod easdem fere habet virtutes, gummi Arabico tributas.

## CAPUT XV.

## DE

## HYPOCISTIDE ET GUMMI LADANO.

## §. 1.

**H**YPOCISTIS spissus, niger & paulum resinofus succus est, saporis acerbi, acidi & adstringentis. Ut plurimum è Languedoco, Provincia Galliæ, in Germaniam fertur.

## §. 2.

Vegetabile, cui suam debet originem, ex parvis furculis, è radice parvi fruticis, CISTUS vocati, prodeuntibus constat, ut ex *Pometi* figura apparet. Cistus alba aspera que folia, & purpureos flosculos habens, copiose in Provincia & circa Languedocum, in montibus quoque circa Patavium, in Italia crescit, ex cujus radice, in Majo circiter, ejusmodi furculi prodeunt, flavescentes, & opacis intergerinis parietibus quasi in squamas & globulos distincti, & instar squamarum apparentes. Qui unius, duorum vel trium pollicum latitudine, inferius tenuiores sunt quam superius, succo referti, qui exinde expressus postea in incrustatis fistilibus coquendo inspissatur, sicut *Charasius* in *Descript. Theriaca Incred. pag. 211.* pulchrè omnia descripsit.

## §. 3.

Optimus succus spissus, densus, ex nigro nitidus, succi liquiritiæ modo, vereque adstringens sit, non adustus. Qui licet facile haberi queat, nec adeo ejus timenda sit adulteratio, tamen purificari, solvendoque ac filtrando, aut modis aliis ab impuritatibus suis debet depurgari ante, quam ad theriacam sumatur. Qui enim in Gallia istum præparant, de istius accurata purificatione non adeo solliciti sunt, ut præter *Charasium* ejus popularis *Pometus* in *Hist. des Drogues pag. 301.* confitetur.

## §. 4.

Qualitatibus suis cum Acacia vera, isti etiam interdum substitui solita, valde convenit, vique sua adstringente omnes ventris, uterique ac sanguineos fluxus, nimium vomitum, hæmoptysin &c. compescit; non theriacam solum in-

greditur, sed alias quoque compositiones, internas æque, v. g. Diacydonium, Troch. de Carabe, Diacorallium &c. ac externas, nempe Unguentum Comitissæ &c. Sic etiam ad Emplastrum ad hernias sumitur, quod in Prioris de Cabriere cura usurpatum, jussu Galliarum Regis editum, & à nobis alibi descriptum est.

## §. 5.

Cæterum alia adhuc exteraque Cisti species, Botanicis Cistus Ledon foliis laurinis dicta, invenitur, in Insula Cypero, Lybia, & Arabia crescere perhibita & in Insula Creta quoque copiose in montibus reperiunda, teste *Cypriano Eichovio* in *Itinerario suo pag. 511.* qui simul refert

## GUMMI LADANUM

magno impigroque labore ex isto Cisto colligi, quod inde potissimum allatum, ex nigro cineraceus, asper fragransque succus est, diversa forma figuraque videndus.

## §. 6.

Quâ verò ratione Ladanum colligatur & accommodetur, diversæ Auctorum sunt opiniones. Cum *Dioscoride* multi existimant istud de barbis pilisque hircorum & caprarum, resinosa folia prædicti cisti edentium, depecti: quod tamen aliis, utpote *Ettmüllero* in *Comm. Schrad. pag. 704.* fabulosum videtur, dum ladanum parvis grumis ex foliis exsudat, & ab rore circumambiente quasi extrahitur, postea decutiendum & exsiccandum; & quoniam facile contingit, ut hæc lenta materia oribus hircorum & caprarum adhæreat, summo mane istis fruticibus se approximantium, procul dubiò in eam venerunt opinionem, hoc gummi quasi pinguedinem esse pilorum hircinorum. Cui opinioni non suffragantur pilosæ concreciones in ladano interdum reperiundæ, quippe quæ è foliorum fibris facilius oriuntur. Quando enim incolæ sine dubio succum vi aliqua exprimunt, facile fieri potest, ut ejusmodi fibræ isti permisceantur, præsertim cum



cum prædictus *Eichovius* referat, ladanum intolerabili labore colligi. Niger etiam color testatur hunc succum, ad modum aliorum, fortasse igne inspissari.

## §. 7.

Hinc facile judicare licet, quid de ista differentia, quam Materialistæ inter LADANUM DE BARBA, & LADANUM DE CYPERO (quod alii etiam Ladanum in Sortis vocant) constituunt, sit censendum? Bina bonitate puritateque differunt & ab eodem proficiscuntur frutice, neutiquam à barbis. Parum etiam refert, qualem ladanum formam aut figuram habeat, intortisne spiris, ut Cyprium, an crassis frustis, ut Ladanum de barba veniat: in quibus eligendis Materialistas inter se dissentire video. Id saltem operæ datur, ut purum, arena aliisque impuritatibus non permixtum, molle, fragrans, leve, pingue, ex nigro viridiusculum acquiratur, uti *Marxius* in *Mat. Mus.* pag. 110. scribit.

## §. 8.

Vires istius sunt calefacientes & resolven-

tes, hinc acres catarrhos temperat, utpote vi anodyna simul præditum: ex quo propterea *Hoffmannus* pilulas catarrhales præparavit, in *Clavi Schræd.* pag. 586. reperiundas. Nec tamen *Sim. Pauli* admonitio negligenda, ut ne Laudanum opiatum pro Ladano sumatur, ut in *Ejus Quadrip. Bot.* pag. 50. videre est. Externè pulveres catarrhales aliaque suffimigia ingreditur, adeo, ut etiam ad balsamum apoplecticum sumatur, quippe quod ladano colorem suum fert acceptum. Vi sanandi, quæ pollet, ad externa vulnera utile est. Ladanum qui colligunt, istud etiam solvunt, colatumque in spissum balsamum redigunt, balsamum nigrum, seu

## LADANUM LIQUIDUM

vocatum, atque interdum pertenuibus vesicis seu pelliculis transmittendum: quo in Gallia Italiaque ii utuntur, qui fumigando rebus gratiam odoris conciliant, sicut *Pometus l.c.* pag. 36. L. 1. commemorat. Quanquam ipse confiteatur istud paucis Materialistis innotescere, atque ob magnum pretium in mercaturam non trahi, nisi quod istud nonnulli pro nigra ambra dicantur divendere.

## CAPUT XVI.

## DE

## OPIO THEBAICO.

## §. 1.

**O**PIUM THEBAICUM, *Ægyptischer Mohn-Safft*, ponderosus, densusque ac spissus succus est, partim resinosa, partim gummosa naturæ, colore obscure fusco, sapore acri & amaro, odoreque molesto & narcotico. E Turcia, in frustis pugni circiter magnitudine, foliis papaveris involutum, parvisque cistis seu doliolis inditum, affertur.

## §. 2.

Capita papaveris, unde oritur, unicuique nota sunt, & quoniam papaver nigrum æque efficax succosumque est, atque album, non anxie inquiremus, opium huicne an isti originem suam tribuat; quanquam plurimi Scriptorum existiment ab albo papavere proficisci, præsertim permagnis capitibus, quæ in Turcia colantur. Quâ verò ratione generentur, ac succus ex istis colligatur, *Bellonius Lib. 3. Obs. cap. 15.* describit, cujus verba, ob libri pretiositatem raritatemque *Simon Pauli Quadrip. Botanico* p. 419. verbosius inseruit. Scilicet Turcæ integros agros papavere albo repletos habent, semenque ferunt, ut nos triticum, tantum tamen, quantum quisque sua familia colere potest. Formata deinde papaveris capita incidunt, quo succus lacteus apparens exsudat, quem paulum inspissari

curant. Hujus nonnulli duas, alii sex vel plures libras colligunt, cujus tanta accrescit copia, ut, secundum relationem Magnarii cujusdam, annuatim 50. Cameli, isto onusti, alias in regiones mittantur. Ubi tamen notandum, verum hoc atque genuinum Opium vel sponte sua, vel facta incisione prædicta, è capitibus profluens, raro vel nunquam in Europam ferri, sed à Turcis ac Persis suos in usus retineri, ac istius loci album quendam succum è capitibus ac foliis exprimi ac coqui, alias proprie MECONIUM dictum, ac vulgo nostris in officinis pro opio divendi solitum, ut non solum Doctores, utpote *Schræderus* ejusque Interpretes, sed Materialistæ ipsi quoque consentiant, vid. *Pometus in Hist. des Drogues* pag. 245. Imò alium quendam succum ex herba, cui Glaucium nomen est, expressum isti permiscere dicuntur.

## §. 3.

Inde est, quamobrem plerumque tres opii sortes numerentur, nempe OPIUM ALBUM, NIGRUM & FLAVUM. Primum idque optimum dicitur esse Thebaicum, ex India Orientali per Cairo advectum: Secundum ex Syria, Alexandria & Athenis: Tertium ex Cambaja & Decaniâ venire, *Schræderus in Pharm. Medico-*



*Medico-Cyrmica Lib. IV. Class. 2. No. CCCXIV.* ex aliis commemorat. Enimvero *Pometus l. c.* opium album ignorat, de ejusque existentia dubitat, quoniam lac album, simulac è capitis profluxit, colore mutato, flavum aut fuscum evadit, quem etiam colorem in Turcia habere sibi dicit Alkairo scriptum. Quamobrem in eos fere invehitur, quæ talia de Materialibus scribunt, quorum nullam habeant cognitionem, Materialistis potius convenientem; quanquam Norimbergensis Materialista, *Marxius*, in *Mater. Mus. pag. 144.* istius quoque expresse meminit, ut adeoque ipsi Materialista in arte sua non semper certi sint. Interdum autem una in cista opium flavum nigrumque simul reperiri & afferri non inficiatur, cum notum sit, ejusmodi succos vetustate nigriores siccioreque evadere, ab una licet herba unoque loco provenientes.

## §. 4.

In eligendo probandoque opio iterum auctores inter se discrepant, dum nonnulli, utpote *Wormius* in *Mus. pag. 228.* album s. flavum, instar pilorum leonis, pro optimo habent: alii contra flavo, utpote non satis cocto, nigrum & prorsus ex opaco flavum præferunt. In eo autem conveniunt omnes, istud, quoad ejus fieri potest, purum putumque, non arenosum, vere siccum ac solidum esse, non una massa pendere, sed ut supra dictum, parvis pilis, foliis circumdatis, venire debere, id quod pulcherrimum est, præsertim si intus nitet, gravemque habet odorem. Quando vero nonnulli existimant istud aqua prorsus dissolvi debere, Parisiensis Pharmacopola, *Charasius*, erroneum esse credit, cum unicuique notum sit multum in isto resinæ esse reconditum. Quam ob causam opium ad theriacam sumendum, duobus prius mensuris aqua partim, partim spiritu vini solvit, posteaque simul iterum inspissat: de qua opii purificatione verbosius juxta atque ingeniose *Tr. de Theriac. Incred. pag. 79. & seq.* locutus est.

## §. 5.

Major de qualitatibus opii lis est, calidumne an frigidum sit? & num calefaciendo, vel conservando spiritus vitales, homini conciliare somnum possit? Quæ de lite *Döringius* in *Tr. de Usu & Qual. Opii pag. 21. seqq.* valde uberius agit, eorum defendens opinionem, qui opio vim calefaciendi adscribunt, quæ vini ritu somnum possit conciliare: siquidem hodie indubium est istud magnam partem ex narcotico sulphure & particulis valde volatilibus constare, ut *Clariss. Wedelius* in *Opiologia* ostendit, cujus compendium in *Historia nostra Lit. Cur. Specim. I.* reperitur. *D. Samuel Schraër* in *Inquisitione in naturam Opii*, mediâ incedens viâ, operationes opii volatili acidoque spiritui adscribit, spiritus vitales quodammodo figente;

& quoniam hic succus narcotico suo oleo seu acido spiritu, furibundos spiritus animales compescit ac demulcet, atque hac ratione omnes dolores mitigat, sanguinem etiam ceterosque circulandos humores quodammodo spissiores reddit, non mirum quod simul omnes diarrhœas, vomitus, hæmorrhagias &c. sedet, id quod multis, ex aliis conquisitis exemplis, ab *Tillingio* in peculiari *de Opio Tract.* ostenditur. Quod verò simul laxet, ut *Borrichius* in *Disc. de Somno & Somniferis* observavit, inod & sudorem pellat & promoveat, ut *D. Ettmüllerus* in *Disp. de vi opii diaphoreticâ* ostendit, partim ex paralyti alvi, in ejusmodi morbis jamdum laxatæ, partim relaxatione fibrillarum cutis, alias contractarum, proficiscitur, uti pramemorati doctissimi Scriptores suis in scriptis ostendunt.

## §. 6.

Tandem quaeritur, num bonâ conscientia trahi in Medicinam opium possit, quippe quod multos constat ad plures missos, cujus rei exempla *Simon Paulli l. c.* & *Vielheurius* in *Descript. Exot. Mat. pag. 138.* adducunt. Nonnulli, ut *Theod. Tabernemontanus Lib. 2. pag. 290.* cum *Fernelio* istud pro venenô habent, quod homini mortem maturet intus assumptum, externè verò usurpatum cæcos, surdos claudosque reddat, ac propterea nunquam nisi necessitate summâ sumi debeat. Quod tamen judicium nimis durum minimè probandum, nisi improvidum abusum tangat, cujus noxam *D. Waldschmidius* olim in peculiari *Disput.* demonstravit. Quando verò debita dosi debitoque tempore datur, incomparabilis medicina est, adeo, ut *Platerus* dixisse perhibeatur, isto mediante se eum, cujus membra rota semifracta sint, vivum conservaturum. *Sylvium* verò, felicissimum illum Batavorum Practicum, edixisse referunt, malle se carere Praxi, quam opiatis: id quod in omnibus fere istius receptis reperitur, ut propterea à quibusdam cavillatoribus Opiarius vocatus fuerit. Quamobrem *Ettmüllerus*, istorum amplectens doctrinam, in *Comment. Schraër. pag. 711.* fusius demonstravit, istud gravidis quoque tenellisque infantibus posse dari, magna tamen cautione providaque cura, quoniam ex observatione *Panarolli* infantes ex istius usu stupidi fieri perhibentur. Nec ita crudum, sed bene præparatum correctumque præscribendum, quod tamen non tostione nociva, nec mensuris acidioribus, opium virtutibus defraudantibus, sed vel  $\Theta$  gri, aut aliis alcalibus, secundum *Boyleum*, aut instituta cum succo cydonium fermentatione, *Langelotti* ductu, peragendum: quæ de re *Ettmüllerus* & *Charasius* locis citatis pulchrè & accuratè agunt, ubi etiam de Laudano Opiato memoratur. De aliis Opii abusibus variisque Indorum inebriantibus consimilibus curiosissima habet *Dr.*



*Dn. D. Kampferus in Amoenit. Exoticarum Fasc.*  
 III. cujus verba sunt sequentia: Alterum atque interni usus *Kheif* ex Papavere sumitur: quo Indi Persæque hortos & agros conferunt, ut lactescentem succum ex latis capitibus proliant. Hunc succum Europa *Opium*: Asia cum *Agypto Afiun* & *Osiun* vocat. Persia idem præparatum, ex reverentia, appellat *Theriakè*, id est, Theriacam; nam hæc illis est Poëtarum illa Galene, Hilare & Eudios, id est, medicina animo serenitatem, hilaritatem & tranquillitatem conferens: quò olim tergemino elogio theriacale antidotum Andromachi appellatum legimus. In Perside collectio ejus celebratur per ineuntem æstatem, propinqua maturitati capita decussatim sauciando per superficiem. Culter negotio servit quintuplici acie instructus, qui unâ sectione quinque infligit vulnera longa parallela. Ex vulnusculis promanans succus postridie scalpro abstergitur, & in vasculum, abdomini præligatum, colligitur. Tum altera capitum facies eodem modo vulneratur, ad liquorem pariter proliciendum. At, hæc collectio, ob capitum impar incrementum & magnitudinem, aliquoties in eodem arvo instituenda est. Solent in plantis nimium ramosis superflua capita prius amputari: sic reliqua magis grandescunt, & succo implentur majoris efficaciam. Primæ collectionis lacryma *Gobaar* dicta, præstantior est, & graviori pollet cerebrum demulcendi virtute, colorem exhibens albidum, vel ex luteo pallentem; sed qui color ex longiori insolatione & ariditate infusari solet. Altera collectio succum promit, priori, ut virtute, ita pretio inferiorem, coloris plerumque obscuri, vel ex rufo nigricantis. Sunt, qui & tertiam instituunt, quâ obtinetur lacryma nigerrima & exiguæ virtutis.

Præparatio Opii potissimum in eo consistit, ut, aqua paulillo humectatum, spathâ crassâ ligneâ continuo & fortiter ducatur & reducat in patina ligneâ & planâ, donec elaboratissimæ picis consistentiam, tenacitatem & nitorem induat. Ita diu multumque subactum, ad ultimum manu non nihil pertractatur nudâ, & demum, in cylindros breves rotatum, venale exponitur; forcipe dividendum, cum particulas emptores petunt. Hæc serie pertractatum opium appellatur *Theriaak malidèh*, id est, theriaca molendo præparata, vel etiam *Theriaak afiun*, id est, theriaca opiata, ad differentiam theriacæ Andromachi, quam illi vocant *Theriaak Faruuk*. Præparandi hic labor perpetuus est propolarum, quos vocant *Kheifruus*, quasi Germanicè diceres *Trunken Krämere*, quò illi, in foris & quadriis sedentes, brachia sua strenue exercent. Massa hæc sæpe numero, non aquâ, sed melle subigitur, eâ copiâ admissa, quæ non siccitatem modò, sed & amaritiem temperet: & hæc specialiter appellatur *Bahrs*. Insignior præparatio est, quâ inter agendum adduntur nux Myristica, cardamomum, cinamomum & macis, in pulverem subtilissimum redacta; qualiter præpa-

ratum opium cordi & cerebro insigniter prodesse creditur. Vocatur in specie *Poloniâ*, vel, ut alii pronunciant, *Foloniâ*, puta *Philonium Persicum*, seu *Mesue*. Alii omissis aromatibus, tantum croco & ambrâ massam infarciunt. Multi præparationem in usum proprium ipsi perficiunt domi suæ, ne à propolis admiscendorum paucitare vel multitudine decipiantur. Præter hoc triplicis præparationis opium, quod solâ pillularum formâ deglutitur, prostat, vel etiam à domesticis conficitur, liquor celebris nominis, *Coconâr* dictus, Græcorum quod puto *Μηκώνειον* ac Homerianum *Nepenthes*, quod à bibacibus propinari affatim per horarum intervalla solet. Parant hujus liquorem alii ex foliis, aquâ simplici per brevem moram coquendis; alii ex capitibus contusis infusione macerandis, vel iisdem supra filtrum repositis, aquam eandem septies octiesve superfundendo: admixtis pro cuiusque placito, quæ saporis gratiam concilient. Tertium addo opiati genus, *Electuarium* lætificans & lætificando inebrians; Hujus electuarii, cujus basin idem opium etiam constituit, à seplasiis & Medicis, prout quisque ingenio pollet, variè elaboratur, ac diversis ingredientibus ad roborandos & exhilarandos spiritus dirigitur; unde varii ejus extant descriptiones; quarum primaria & famosissima est, quæ debetur inventori *Hassjèm begi*, quandoquidem comedentis animum miris perfundere gaudiis, & magicis cerebrum demulcere ideis & voluptatibus dicitur.

Opium quod Europæis, si grani unius vel paucorum dosin excesseris, lethiferum nefas audit, à prænominatis populis longâ adsuetudine ita familiare redditum est, ut drachmam multi sine noxâ deglutiant. Multa hõc abusu, vel longiori ejus usu, acciuntur mala; emaciatur enim corpus, laxantur vires, contristatur animus, stupefcit ingenium: unde videas instar stipitum somnolentos & quasi elingues sedere in conviviis opii liguritores. Sæpe oblatis mihi sunt, quos à canino appetitu opii percurarem, sistro centum aureorum promisso, si hoc citra damnum & vitæ dispendium præstitero. Exempla opii voracium non est, quod adducam, cum eorum pleni sint Medicorum libri. Capita papaveris teneriora acetò condita nonnulli in mensa secundâ appetunt; alii alia ex iisdem sotibilla conficiunt, pro suo quique placito. Pergo ad Cannabin.

Qui inebriantium gaudent varietate, vel opii sapore non admodum capiuntur, illi ab hæc plantâ ecstasin petunt temulentiam. An hæc vera sit Cannabis nostras, an ejus quædam species, *Banguè* dicta, (ab Authorib. Horri Malab. T. X. p. 119. descripta) hic non disquisivero. Mihi ut ovum ovo in omnibus nostrati similis apparuit, cum mas, tum foemina: adeoque crederem coelo soloque acceptam debere virtutem suam. Benjani Gamronenses semen Isphahano transcripserant, ut plantam colerent; ex quo



verò progerminavit merè Cannabina, satis graveolens, sed exsors expectatæ facultatis. Nec in Persiâ genuinæ virtutis est, nisi quæ collitur in *Komarêb*, seu *Luristanâ*, in *Kutelli Pyresen* apud *Caseruun* & in agro urbis *Isphabaan*. Partes suppeditat latificantes: Semen quod *Sjadonêb*, Pollen flosculorum quod *Tsjers*, & Folia quæ *Bang* vocant. Semen virtutem obtinet debiliorem; Incoquitur cibus, & ingreditur emulsiones, ordinandas ad lætitiæ crapulam inducendam. Alii semen saccharo saleve condunt, vescendum ad gaudia etiam conjugibus excitanda. Pultes, dum Cracoviâ studebam, ex farina seminis Cannabini per jejunia sæpè comedimus, ex quibus verò crapulosum me, vel in gaudia effusum fuisse non memini. Pollen flosculis excussum protinus per subtile linteum cribratur, cribratumque statim in trochiscos redigitur. Illud, quod primò & leviori motu transit, vocatur *Tsjers* *Gobaar*, estque præstantissimum, & interno usui sacrum; prostat ejus libra una quinque argenti unciiis. Cognoscitur præstantia ex micantibus punctis argenteis, quæ in trochiscorum fracturis apparent. Quod secundo loco, cribro concitato, permeat, vocatur *Tsjers* *Kamêr*, usu externo serviens ad exaltandum vires tabaci; cui accenso, imponitur particula pisi magnitudinis deflagranda. Quod postremò & arduâ concussione pervadit, vilior est, colore viridans, odoris gravioris, eidem usui dicatum. Redigitur pollen in trochiscos, seu pastillos, cum sputo humano, admoto carbone, cujus calore mollescit & in massam facilius convertitur. Bonitatis nota est, si carbonibus inspersum citò parumque fumet, deterioris verò, si multum & diu. Foliorum usus est in infusione cum aquâ frigidâ, quæ pota gaudiis perfundit bibentes, non citra gravem temulentiam. Modum præparandi describam, prout vidi institutum à quatuor *Dervissis* (viris ex devotione mendicantibus) mihi obviis in xenodochio ad fines Indiæ. Hi, & folia quodammodo contrita, & vasa ad præparationem necessaria, levidensia, in femoralibus gestabant. Recipiebant foliorum prædictorum manipulos circiter duos, quos affusa aquâ agitabant; aquam imbutam virulentâ cruditate, expressis leniter foliis, abjiciebant; affusâ aquâ recenti aliâ, quam cum pulvere aliquoties agitatum, denuo abjiciebant. Pulverem geminâ vice elutum expressumque subjiciebant pistillo, obeso, ligneo, & in vase fictili non incrustato acerrimè terebant, dum redactus esset in pultem. Huic paulatim affundebant aquam recentem, rotabant continuo, & demum per linteum trajiciebant, omni, præter recrementa, permeante substantiâ; ex quâ ipse colatus liquor virescebat. Ex liquore, is qui præparaverat, scyphum, capacitatis dimidiæ libræ, singulis admetiebatur sociis, affatim evacuandum, rotato subinde vase, ne farina

subfideret. Hoc liquore, velut mero, delibuti & ad lætitiâ conformati se reddebant itineri. Sunt, qui pulverem cum syrupo subigunt, pro efformandis placentis & bolis, in eundem usum deglutiendis. A foliis Cannabinis, velut à potiori inebriantium specie, homines medicamentis inebriantibus dediti, in Persiâ Indiâque vulgo appellantur *Bengi*. Theombrotion magicum, quod, à Regibus Persarum comedi & bibi solitum, prodit *Plinius* L. XXIV. c. 17; Herbamque, cujus fumo Scythæ abstemii; & Semen, cujus in ignem injecti nidore Thraces se olim inebriaverant, referente *Alex. ab Alex.* D. G. L. III. cap. 9. *Tsjers*, *Bang* & *Sjadonêb* fuisse, non alienum est suspicari.

Ulteriori Asiæ, quæ India dicitur & ad Sinam usque extenditur, varia serviunt ad exhilarandum, inebriandum, vel efferandum animos, remedia. Ex numero externorum, præter Tabacum, communissimum est & in ore omnium versatur apophlegmatismi quoddam genus, Indis *Pinang* & *Bétel* ab admissis speciebus dictum. Componitur ex folio, fructu & calce. *Folium*, quod nomine totius plantæ Malabaribus *Bétel*, Malajis *Siri* vocatur, saporem habet ex Menthâ aromaticum, odorem Malabathri, five folii Canellæ sylvestris, figuram verò folii Piperis & Cubebæ: quarum plantarum ipsa stirps scandendi genium faciemque exhibet; fructu excepto, quem fert rarum, piperi longo similem, saporis perquam aromatici, & ad ipsam compositionem, si haberi potest, expectitum. *Fructus* Nux est, vel potius nucleus, Indis *Areek* & *Pinang*, Persis Arabibusque *Fusel* & *Fausel* dictus, nuci myristicæ magnitudine & colore variegato similis, substantiam obtinens ligneam, facultatem cerebrum turbantem & summè adstringentem. Crescit in quadam Palmâ, cujus descriptio extat apud Botanicos. *Calx* non ex lapide minerali coquitur, sed ex adustis ostrearum & concharum testis, ab Oceano in littus depositis. Ex his tribus buccella, quam Medici *Masticatorium* vocant, hoc modo conficitur: Folio *Bétel* in trochi formam convolutum (prius enervato) inditur nucis *arecæ*, in lamellas vel frustula dissectæ, pars circiter tertia; tum momento calcis, fere dimidium scrupulum pendente, interior superficies inungitur: quo facto, ne contenta excidant, trochus clauditur, ut fiat bolus tantæ magnitudinis, qui buccam quodammodo impleat. Hic dentibus volutus ac confectus salivam copiosam prolicit, prolectamque rubore tingit sanguineo; dum & gingivis robur, labiis colorem purpureum, & gratissimum orihalitum conciliat, & quod palmarium est, cerebrum leviter inebriando spiritus demulcet & exhilarat. Usui ejus omnes Indi, præsertim Nigritæ intra Tropicos, non exceptis extraneis ibi demorantibus, mirè sunt adsueta atque dediti. Sunt, qui domo haud exeunt, nisi velo ventris, vel vestimenti marsupio, trochis probè instructo,



Etô, nec à mandendo cessant, nisi quando comedunt, vel dormiunt. In componendis igitur Betelis mulierculæ, in otio & mollitie educatæ, toto die, plebejæ omni mane occupantur, ut in promptu habeant, quod tum ipsæ mansirent, tum hospitibus & familiaribus pro more gentis offerant. Magnates masticationibus (sit verbo venia) præ cæteris luxuriosè vacant: unde ora continuo rubore diffuunt, foedissimo aspectu! dum & difficile est, linguâ alieno motu occupatâ, sermones eorum intelligere. In aulis Malabaricis vidi non procul à Principe stare, qui subinde novam Betelem porrigeret, non digitis, sed furcâ tenui, argento obducta, & trochorum apparatu in longam seriem adornatâ; exhibendi hic ritus ad aulæ magnificentiam spectabat. In Siamensi curiâ obtinet, ut illis, qui Regi à consilio sunt (*Opra* eos vocant) Betelum receptaculum præferatur, quô à Majestate donari solent, artificiosè ex auro, argento, vel metallo sequiori, pro cujusque dignitate, fabricato. Sine hóc adepto nobilitatis insigni comparere in Regiâ, vel illustrium convivio, non audent. Theca illa adornatur capsellâ, plena calcis, ad unguenti consistentiam præparatæ: spatulâ, ad tractandam calcem factâ: forfice singularis structuræ, quâ *areca* durior sine difficultate findi potest: & oculis, ad recipiendum folia, nuces, & ex his composita volumina sive trochulos. Folia regio hæc aliunde repetit, flaccida quidem cum appellant, virtute tamen integra, & diu servari apta. His ex penuriâ alii folia Menthæ substituunt, quæ illorum saporem quamproximè referunt. Ex tribus his simplicibus folium composito gratiam saporis & odoris tribuit: fructus cerebrum cum voluptate turbat & inebriat: calx addita vires extricat, vehementiamque castigat: ipsius verò calcis acrimonia obtunditur adstrictoriâ nucis virtute, sine hâc linguam palatumque miserè corrosura. Nux parcius addita impedire non potest quin continuo mandentium linguæ tandem occallescant, & gustûs reddantur impotes, tum & ipsi dentes, quos alioquin firmare solet, erodantur. *Areca* plures dantur varietates, & inter has mitioris genii, quæ teneriores ac recens additæ cerebrum minus turbare perhibentur. Ego, quamcunque speciem reciperem, mandere betelem nunquam potui, quin continuo mihi anxietates, sudorem frigidum & vertigines, æque ac tabaci fumus, commoveret.

De Opio, ejusque Persis & Indis communi usu, diximus. Addo abusum execrabilem, qui viget inter Indos nigras, ad efferendum animos ad homicidiorum patratorum audaciam: dum vel vitæ suæ, vel injuriarum pertæsi, se devovent morti, per ultionem & mortes aliorum oppetendæ. Eo fine Opium deglutiunt bolum: ex quo intentionis idea exasperatur, turbatur ratio, & infrænus redditur animus, adeo, ut stricto pugione, instar tigridum rabidarum, excurrant in pu-

blicum, obvios quosvis, sive amicos, sive inimicos, trucidaturi, donec ipsi, ab alio perforati, prosternantur. Actus hic vocatur *Hamuk*, apud incolas Javæ & ulterioris Orientis crebrò spectabilis. Vocabuli sonum ibi horret, quicumque audit; nam qui vident homicidam, illi vocem *Hamuk* summopere exclamant: monituri inermes, ut fugiant, & vitæ suæ prospiciant: dum ad extinguendam beluam accurrere debet quisquis armatus & cordatus est. Opium etiam externus usus est apud nigras: nam eodem aquâ diluto Nicotianam inficiunt, ut accensa caput vehementius turbet. Vidi in Javâ tabernas levitenses ex arundine, in quibus id genus tabaci hauriendum exponebatur prætereuntibus. Nulla per Indiam merx majori lucro divenditur à Batavis, quam *Afiun*, quô carere aduerti non possunt, nec potiri, nisi navibus Batavorum ex Bengalâ & Choromandelâ advecto.

Ex inebriantibus, apud Indos ditiores, utramque replent paginam quædam prorsus magicæ operationis Electuaria, quorum descriptiones recipiunt semen *Dutr* seu Daturæ, succum papaverinum, sive *afiuun*, pollinem Cannabinum *Tsjers*, aliaque ex phytologiâ venenatâ, pro vario affectu, quem concitare Pharmacopœus desiderat, selecta: additis aromatibus, quæ ferociam corrigant, & vitales manducantis spiritus roborant. De directione pharmaci, ad diversa pro lubitu inducendum phantasmata, multa referuntur admiranda, sed partim incredibilia & fabulosa: quorum ex numero est quod propinato pharmaco excæcare adulter maritum possit, ut præsentis torum inultus conscendat, referente Nobilissimo *Mandelsloo* & *Linschoto*. Mihi in variis Indiæ regnis versanti veritatem ejusdem effectûs explorare non contigit: saltem hoc edoctus sum, quod stupenda in manducantis cerebro excitari possint phænomena & phantasmata, quæ ignari homines magicè & genii ope fieri facile crediderint; & credunt revera, de dato pharmaco ejusque effectû haud eruditi. Cujus rei hic annexere placet exempla, quæ propriâ experienciâ didici. Festum celebratur in Malabariâ mediterraneâ, in quo tempestatum & annonæ caritatis auctori, Idolo suo, ejusque Geniis obsidendæ offeruntur Virgines Vestales, (Deo *Wisthnu* sacræ) ut hâc voluptate conciliatus parcat frugibus & armentis. Obsessio in campo publico spectanda exhibetur hóc annuo ritu ac serie: Virgines, ex templo Brahmenum comitatu eductæ, primum populo sistuntur contuendæ, pulchræ, bene compræ, vultibus ad modestiam compositis & nihil præ se ferentibus insaniæ. Nec morâ, dum ex *Wedam* (Bibliis gentilibus) verborum formulam Sacerdos prælegit, puellæ leviter moveri, mox tripudiare, demum subsilientibus crebris & inconditis motibus fatigare corpus, torquere artus & oculos, spumare, & horrendas actiones edere: opinante populo, ita illas agitari ab inductis dæmonibus. Hæc



dum aguntur, cymbala tympanaque latum resonant, populo etiam voce & suspiriis applaudente. Lassatas Brahmanæ reducant in templum & cubare jubent, elapsaque horulâ mentis restitutas denuo educunt in publicum, ut turba gentilis liberatas à geniis videat, & idolum credat conciliatum. Sed ô lepidam fraudem! Illi Sacerdotes ante primum processum propinaverant opiatum quoddam furiosum, cujus virtute ad hos præconceptæ intentionis actus efferebantur, eò quidem citius, quò forriori motu fermentatio & facultas medicamenti exagitabatur. Alterum pharmacum reductis propinabant, prioris antidotum, quod fermentationem compesceret: neutrum suspicante turbâ, quia hæc mysteria peraguntur in adyto tenebrioso, unicâ lampade illuminato, quod templorum tertiam ac postremam partem constituit, ut est tripartita eorum structura. Hæc propinasse mihi referebat probatæ fidei Indo-Batavus, idiomatis bene gnarus, qui ostiolo propior caput adyto ingesserat, fraudis intrò actæ attentissimus spectator. Aliud sub eodem cœlo vidi: In præaltâ machinâ curuli, ex duabus ferreis uncis, per dorsum musculos adactis, suspendebantur alternè septem nobiles athletæ, unâ manu instructi gladio, alterâ ingenti clypeo, ut in honorem Deæ *Rhauni* armis luderent: quia hæc victrix heroina maximè cruore & ludis palæstricis delectari creditur. Sic illi, à bajulis spectatoribus Deæ illius templum tribus continuis vicibus circumvecti, arma sua, lanistarum more, fortiter vibrabant: tum etiam caput, axillas, crura histrico lepore, velut per aërem natantes, motabant, ne minimum, ex actionibus & cruenta suspensione, præbentes doloris indicium. In circum, qui suspendendos stringebat, me continuo intrudens, video à Brahmenæ propinari ex nucis Cocos putamine haustum aliquem, procul dubio narcoticum, qui dolores sopiret, quos à Deo, templi præside, aboleri credebatur populus. Interroganti mihi respondebat sacerdos: succum esse *Lansjes*, quem adversus sitim & deliquium propinarent. *Lansjes* est nux Cocos immatura, liquorem dulcem continens, qui successu temporis coagulatur in nucleum. Aliud in me ipso & sociis expertus sum. Sex Euro-

pæi, cum Directore Domino *Lycobthone*, à Benjanis convivio excepti fuimus, in viridario, unâ extra Gamronum leucâ. Inter epulandum, singulorum dum bibimus in sanitatem, Benjan abstemii, in compensationem, capiunt bolum inebrians electuarii, recens sibi missi ex patriâ. Gustandi avidus obtineo buccellam non contemnendæ magnitudinis, & laudante me ambrosiam, ipse capit quoque Dominus *Lycobthon*, ceteris exemplum Directoris nostri imitantibus, præter Dominum *Verdunkium*, qui olim virtutem expertus solus repudiavit. Quid sit? Perfusi & repleti sumus, quotquot Nepenthe lactati, gaudio quodam inexplicabili, quali me nunquam in virâ affectum memini. Nec aliud toxico illo delibutis licuit, quàm amplexus miscere, loqui parcissimè, arridere alloquentibus, & cachinnis se invicem laceffere. Soluti sub noctem convivio, ubi equos conscenderamus, virtus pharmaci, quasi mutata scenâ, alia cerebris nostris creavit phantasmata. Haud enim aliter nobis visi fuimus, quàm cum Pegaso volatu per nubes & irides ferri, lucidâ elegantissimorum colorum specie undique obversante oculis nostris. Appulsi domum, & cœnæ, quæ nos exspectaverat, accumbere jussi, quicquid quisque ante se invenit, capimus appetitu lupino, & ciborum qualiumcunque sapore ita oblectamur, ut cum Diis ipsis cœnare nobis videremur. Postridie grævedo, qualiter solet post crapulam, (Russi vocant *Pochméli*) nulla cerebrum infestavit: sed discussis somno vaporibus in statum suum restituta est ratio, & optime habuimus. Obliteratâ pridie gestorum memoriâ, (quam refricabat *Verdunckius*) minimè gaudiorum & incomparabilis, quæ nos foverat, lætitiæ immemores fuimus, recordati etiam (quod singulare noto!) metûs ruendi versus latus dextrum, quo equitantes & euntes continuoangebamur, cujus idea tam fortiter impressa non poterat etiam mente excidisse. Habes, Lector, crapulam magicam, à pharmaco inductam: quale sub noctem si propinaveris Melancholico, credet expergefactus, & tortus fatebitur per aërem se voluisse in Bructrum, feralem Jctorum vix elapsurus sententiam.

## CAPUT XVII.

DE

## GUMMI LACCÆ, CERA HISPANICA ET ARTE INCRUSTANDI LACCA.

§. I.

GUMMI LACCÆ dura, sed friabilis ac rubicunda, resina est, paulum pellucida, saporis resinosi, & odoris, dum accenditur, fra-

grante. Partim ex Japan Indiæ Orientalis, partim ex America venit.

§. 2.

De verâ istius origine variæ notantur opinioniones,



niones, dum bene multi Scriptores, & quidem non solum Materialistæ & Pharmacopola: *Schurzium*, *Pometus*, *Vielheurius*, sed etiam Doctores: *Aldrovandus*, *Schraederus*, *Wormius*, *Hoffmannus*, cum *Garzia*, *Bontio* aliisque credunt, istud à certis quibusdam bestiolis, formicis aut muscis similibus, ex rore colligi, ramusculisque quarundam arborum, in quibus observetur, applicari. Quod tamen *Hernandezio*, *Baubino*, *Rajo*, *Daleo* aliisque videtur fabulosum, istud ex arboribus sui generis profluere existimantibus: qui tamen iterum in arborum descriptione inter se discrepant. *Hernandezius* laccam, arborem Americanam, ita describit: istam mediocrém & implicatam esse arborem, ramis purpureis, foliis valde exiguis, curtis ac tenuibus, instar Acaciæ veræ, quibus sponte exsudans gummi adhæreat, ut ex Ejus figurâ apparet, in *Thesaur. Rerum Med. Nov. Hisp. Lib. 3. pag. 58.* reperiunda. Ista contra arbor, quæ in India Orientali, præsertim in Malabara & Japonia Laccam progenerat, à Botanicis multo aliter describitur, quod sc. magna folia & fructus olivis vel jujubis similes proferat; quamobrem etiam *Baubino* & *Jacobo Breynio* jujuba Indica, Japonensibus autem Namra vocatur, quam *D. Cleyerus* in *Misc. Acad. Germ. Cur. Dec. 2. A. 4. pag. 81.* delineavit. Interea quæque vera esse potest opinio, dum variæ possunt dari arborum species, ex quibus istud gummi exsudet, simili modo, atque ex cerasis, prunis, aliisque arboribus profluit gummi, sibi prorsus simile, qua ratione antedictos Scriptores Clarissimus Augustanorum Medicus & inclutus Præses Academiae Cæsareæ Nat. Cur. Germ. *Dn. D. Lucas Schraeckius*, in *notis suis* in prædictam *Cleyeri* descriptionem, conciliavit.

## §. 3.

Ceterum hoc gummi Laccæ diversis fortibus affertur, quarum *Marxius* in *Mater. Mus. pag. 109.* saltem duas recenset, nempe granulata seu in Granis, parvis ex flavo rubicundis granulis constantem, & Laccam in Ramulis, *Holtz-Lac*, ramusculis digiti magnitudine adhærentem. Alii, utpote *Daleus* in *Phytol. pag. 402.* tertiam adhuc addunt, nempe Laccam in massis seu Tabulatam, *Platt-Lac* vulgo, latis tabulis venientem, & ex lacca in ramulis ita fusam, pro cujus differentia ejusmodi tabulæ vel rubræ, pellucidæ, flavæ aut nigræ sunt, è quibus ultimis optima tinctura extracta est, ut *Pometus* in *Hist. des Drogues pag. 274.* recenset: qui quartæ insuper speciei meminit, olim ex Angliâ figura aurium in Galliam transportatæ, & Gomme en Oreilles (*Ohr-Lac*) vocatæ.

## §. 4.

Quæ harum specierum tanquam optima eligenda, quæritur? *D. Ettmüllerus* Laccam

in Granis censet esse optimam: cui tamen Materialista *Pometus* exiguam laudem tribuit, l. c. scribens; Anglos Batavosque, postquam laccam in ramulis mola triverunt, ex optimaque extraxerunt tincturam, residuum cum vilissima permiscere, posteaque in magnis sarcinis aliorum mittere, quam Laccam granulata vocent. Quamobrem lacca in ramulis plus tribuit, istamque tantum assumendam suadet, quæ illi propius accedat, clara ac pellucida sit, bene fluat, nec multum lignosi, nihil nigri, aut aliarum impuritatum permixtum habeat, quæque mansa colorem rubrum relinquit, & aquam, in qua cum aliquo acido coquitur, rubore imbuat. Lacca tabulata eleganter clara, pellucida, non granulata aut grumosa sit, tamque rubra, quantum fieri potest, appareat ac tingat.

## §. 5.

Valdè bona multisque rebus apta res est lacca, cujus in Medicina æque ac aliis artibus varius est usus. In Medicina quidem interne ad referendam hepatis venarumque spleneticarum obstructionem, aliosque inde deducendos morbos, hydropem, ac similes commendatur, quem in finem Veteres Trochiscos de Lacca invenerunt. Hodie verò ad hæmorrhagiam & scorbutum gingivæ ut plurimum usurpatur, cui intentioni Tinctura Laccæ Mynsichti satisfacit, de qua *Ettmüllerus* l. c. fusius agit. Multum etiam à tinctoribus infumitur, dum ista non solum Japonenses, Turcæ, aliique ad colorem rubrum, quo telam gossipinam Catun, aliasque res imbuunt, ne lavando perdat, utuntur, & rubrum, vulgo vocatum Saffianum corium, seu Maroquin tingunt, sed Angli quoque Batavique istam ad coccineum colorem usurpant, uti *Pometus* l. c. commemorat; in Germania quoque ista mediante fuscus corio conciliatur color, secundum *Schurzium* l. c.

## §. 6.

Præsertim vero ad

CERAM SIGILLATORIAM,  
vulgò Siegel-Lack,

usurpatur, quæ plerumque Cera Hispanica vocatur, quam tamen Hispani ignorare & epistolas saltem oblati obsignare dicuntur, teste *Pometo* l. c. qui simul refert, Gallicum Mercatorem Rousseau, incendio ad incitas redactum, perexiguò temporis spatio, ultra vicies mille florenos ista conficienda lucratum fuisse, quam, à Lusitana distinguendam, Hispanicam vocaverit. Maxima ars in malaxatione posita est, multæque habentur sortes, fina, mediocris & communis, nigræ, flavæ, rubræ ac variegatæ apparentes. Ejusmodi cera etiam ex China affertur, ex incurvatis crenatisque bacillis constans. Optima colore jucunda, frangendo pura, pondere levis sit, candelâ incensa non



nimis cito defluat, iudicio *Marxii* in *Mater. Mus.* p. 75. Videndum quoque, ne ex viliori lacca cum aliis gummatibus mista, foris vero bona incrustata constet, quod ex frangendo potest observari, cum intus cineracea visuque ingrata appareat.

## §. 7.

Tandem ista mediante Indorum artem incrustandi imitari, ac non solum librorum involucris, sed etiam baculis, scatulis, arculis & repositoriis secretioribus coloris conciliare gratiam possumus, quam artem vulgò

## ARTEM INCRUSTANDI LACCA

f. *Lack-Kunst*

vocant, adhuc secretam habitam, quam tamen cum Benevolo Lectore, quemadmodum istam administrari vidi, hic communicabo: Primum ex cineribus clavellatis forte conficitur lixivium: hinc optima lacca parum contusa sumitur, cum tantillo prædicti lixivii agitanda. Ita infusa lacca in alterum diem relinquitur, tum puro lixivio aliquoties abluenda, donec subalbescere incipiat: hinc lixivium pura aqua eluendum, quoad grana alba maneant. Hæc in Sole exsiccentur, donec lacca sicca, ab omni humilitate libera evadat. Hujus ita præparatæ lacca  $\frac{1}{4}$  libr. inditur semilibra spiritus vini rectificati: vitrum vero obturatum tres aut quatuor dies Soli exponitur, donec crassum subsideat: quo facto clarum per inclinationem effunditur, &

ad incrustandum asservatur. Crassum vero præparandis coloribus, rubro per cinnabarim, flavo, per farinam curcumæ finæ, nigro per atramentum tectorium instituendis, inservit. Quibus dictis coloribus oblinitur lignum tertia aut quarta vice, in Sole probe exsicccandum: quod deinde pumice bene trito & oleo olivarum probe poliendū. Postmodum sanguine draconis picturæ in isto sunt pro lubitu, atramento tectorio maculandæ; ut testudinem repræsentent. Quibus omnibus peractis lignum claro gummi lacca quater aut quinquies incrustatur, per tres aut quatuor dies continuos: quod debite siccatum de integro bis aut ter politur, siccatur, atque sic artis opus erit perfectum. Ad acquirendum colorem nigrum lignum atramento tectorio statim supersternitur ac politur, ut memoratum. Si arcula desideratur flava, pulvere curcumæ: sin fusca, sanguine draconis oblinenda. Aurum argentumque imponitur seu insternitur pro cuiusque beneplacito. Vitra semper bene cooperta sint: lignum vero sit probe lævigatum, cuius rimæ gummi occluduntur. Hæc ars tota requirit spiritus vini  $\mathfrak{ss}$ . gummi lacca  $\mathfrak{ss}$ . sanguinis draconis pulverisari  $\mathfrak{ss}$ . farinæ curcumæ  $\mathfrak{ss}$ . cinnab. præpar.  $\mathfrak{ss}$ . septem vitra colorum, pumicis  $\mathfrak{ss}$ . magnumque vitrum pro spiritu vini. Cæterum *Kircherus* etiam vernicem ex gummi lacca describit in *China sua illustrata*, sed non tam perspicuè, ut modò à nobis factum.

## CAPUT XIIX.

DE

## TRAGACANTHO ALBO ET NIGRO, ATQUE GUMMI AMMONIACO.

## §. 1.

**T**RAGACANTHUM album ac diversimode intortum gummi est, exiguos vermes referens, saporis mucilaginosi & subdulcis. Ex Turcia, præsertim Creta, Achaja, Apuliaque affertur, ut *Marxius* in *Mat. Mus.* pag. 203. refert. *Pometus* verò maximam partem Aleppo venire credit, quod mastiche gallæque isti reperiantur permixtæ, vid. ejus *Hist. des Drogues* pag. 245.

## §. 2.

Frutici sui nominis debet originem, qui Germanis *Bocks-Dorn* dictus à *Dioscoride* describitur, quod latam lignosamque radicem habeat, potissimum extra terram nascentem, ex qua humiles solidique ramusculi progerminant, se dilatantes, multis parvis, tenuibus angustisque foliis, binis semper sibi oppositis, ornat, sub quibus albæ duræque spinæ lateant. In Hispaniâ quoque & Galliâ crescere dicitur, qui tamen tantum gummi non suppeditat, atque ille, qui

in Asia circa Peloponnesum nascitur, ubi tragacanthum vel sponte, vel ex radice sauciata profluit, ut *Theod. Tabernamontanus Lib. 3. de Herbis* pag. 245. retulit.

## §. 3.

Quoniam verò tragacanthum ut plurimum è prima manu in Sortis venit, à Materialistis postea cribrò depurgandum, & à pulvere & Parva, ut loquuntur, secernendum est. Reliquum in tres sortes distinguunt, unde tragacanthum electum, finum & commune oritur. Tragacanthum Electum è pulcherrimis & candidissimis longis fibris constat: Finum seu Medicum incanum est: Commune vero rubicundè nigrum existit, Tragacanthum Nigrum propterea, & à Materialistis Messana vocatum, vid. *Schurz. Mat. Mus.* p. 37. Optimum clarum, pellucidum, læve, angustum, tenerum, purumque ac dulce est. Decem annos bonum manet: quo verò fit antiquius, eo magis tingitur, ac primum pallidum, postea flavum



vum tum denique rubrum evadit, quod parvi æstimatur. Materialistæ istud in sortis ementes, videant, ne candidissimum optimumque jam electum sit.

## §. 4.

Quod ad usum tragacanthi attinet, optimum electumque à Pharmacopolis ac dulciariis ad confectiones infumitur: Finum à mulieribus ad flores tragacanthinos, ex solutō sericō glutinādos: Nigrum vero ab aliis artificibus, præsertim etiam ad istud gluten, quo studiosi Medicinæ exsiccatas plantas suis in Herbariis agglutinant, quod *Simon Paulli* in *Quadrip. Bot. Append. de Methodo conficiendi Herbaria* pag. 659. descripsit. Non minus interne tanquam medicina sumitur, & quoniam particulis suis mucilaginosus ad demulcendos acres catarrhos valet, facileque aqua solvitur, tussi, raucedini, phthisi ac hæcticæ bonum probatumque existit remedium, quibus in morbis species Diatragacanthi à Veteribus juxta atque Recentioribus Medicis crebrius præscribuntur.

## §. 5.

Ita Tragacanthum affectibus pectoralibus, à tenuibus falsisque humoribus oriundis, proficit; qui vero à spissa tenacique pituita oriuntur,

## GUMMI AMMONIACO

possunt tolli. Id vero ex flavescentibus, partim etiam albis densis granis constat, sapore acri, amaro & resinoso, odore gravi, allium æmulante. Magnis frustis multa alba grana includentibus, ex India Orientali in Europam fertur.

## §. 6.

Planta, è qua profluit, ab omnibus fere Scriptoribus plantis ferulaceis annumerata, ab *Schrædero* Metopia, à *Wormio* ex *Dioscoride* Agasyllis vocatur. In Lybia Regione circa Cyrenum, & juxta delubrum Jovis Ammonis, unde nomen habet, dicitur nasci, cujus figuram à *Pometo* in *Hist. des Drogues* pag. 258. delineatam, tamdiu valere putamus, donec de ipsa plantâ fiamus certiores.

## §. 7.

Quum verò hoc gummi è planta in arenam emanet, communiter arena, parvis lapillis lignoque permistum est, uti *Schurzius* in *Mat. Mus. German.* pag. 37. scribit. Quamobrem postmodum depurgatur, in variasque sortes distribuitur, quarum tres apud Materialistas inveniuntur, nempe Gummi Ammoniacum Finum, in Granis & in Pane. *Plinius* & *Dioscorides* duas saltem recensent, eleganter purum, Thrausma, & vulgare impurum, Phyrama vocatum, de quibus *Theod. Tabernamontanus Lib. I. pag. 221.* fusius potest legi.

## §. 8.

Optimum decenter magnum, album & flavum & instar olibani granulatum sit, odore molesto castoreum æmulante, nullis corticibus, ligno & arena fœdatum, secundum *Marxium* in *Mat. Mus.* pag. 20. Placentæ vero multa pura grana permista habeant, docente *Pometo l. c. pag. 259.* si quando sub digitis mollescit, bonum quoque est indicium, secundum *Sam. Daleum* in *Pharmacol.* pag. 184.

## §. 9.

Quod gummi præstans remedium est, ad tenacem duram pituitam & saburrā in stomacho, intestinis pulmonibus ac liene stabulantem incidendam leniterque educendam, propterea in diuturnis morbis, vulgò spleneticis dictis, anhelitu & difficultate spiritus crebrius usurpari solitum. Quem in finem quædam præparata & composita in officinis prostant, inter quæ PILULÆ de AMMONIACO Quercetani tenacem pituitam ex intestinis & mesenterio educentes, ac spiritus exinde destillatus impactam pectori pituitam resolvens, maximè innotescunt. Hic verò spiritus eo fit penetrantior, si quando gummi Ammoniacum cum  $\oplus$  destillatur, unde celebris ille SPIRITUS ASTHMATICUS *D. Mich.* duxit originem, cujus veram descriptionem *D. Ettmüllerus* in *Comm. Schræd.* pag. 692. tradit. Externè quoque hoc gummi ad nodos colli, spongiarum articulorum similiaque emollienda & resolvenda commendatur, de quo *Schræderus* in *Pharmac.* videatur.

## CAPUT XIX.

## DE

## OPOBALSAMO, CARPO-BALSAMO, ET XYLO-BALSAMO.

## §. I.

**BALSAMUM VERUM** seu OPOBALSAMUM (*der rechte Orientalische Balsam*) est limpidus oleosus liquor, principio mollis, postmodum durus evadens, vel prorsus albus

vel subflavus, saporis acris & aromatici, odoris vehementis, sed tamen fragrantis. Interdum, sed rarò in parvis plumbeis lagenulis è Turcia ab Alcair per Massiliam aliaque loca transfertur, uti *Pometus* in *Hist. des Drogues* p. 275. commemorat.

§. 2. Par-



## §. 2.

Parvus creditur esse frutex, è quò hoc balsamum profluit, duarum circiter ulnarum altitudine excreescens, longis, angustis rubicundisque ac nodosis ramusculis præditus, qui instar vitium abscissi, inque fasciculos ligati à Turcis mittuntur, & Materialistis Xylobalsamum vocantur. Ex hisce bacillis seu ramulis pauca folia rutæ haud multum dissimilia, sed candidiora semperque virentia progerminant. Flosculi vero exigui sunt, albi ac teneri, fere instar florum acaciæ, quibus oblonge rotundæ, rubicundæ & fragrantæ baccæ pisus paulo minores succedunt, quæ in officinis CARPOBALSAMUM dicuntur, quæ omnia à *Prospero Alpino*, qui ipse in Ægypto fuit, atque ejusmodi fruticem ipse coluit in *Tract. de Plant. Ægypti & Dialogo de hoc Balsamo*, descripta sunt. Hodie verò nemini istius potiundæ datur facultas, dum jussu Turcarum Imperatoris, cum sancta terra istius potentie subiceretur, omnes balsami frutices transplantati, inque peculiarem exstructum hortum balsamiferum, vulgo *Balsam-Garten*, Mataræ, quæ duobus à Cairo miliaribus abest, translati sunt, quem semper oclusum Janitschari custodiunt, quemadmodum ex quibusdam itinerariis in *Malleti Cosmographia Part. 3. pag. 32.* in eleganti figurâ contemplandus sistitur, ubi Lit. D. frutices balsamigeros, Lit. A. Introitum una cum Turcarum cubiculo, & appposito alveo pro asservanda aqua B. ex fonte mirabili C. scaturiente indicant, de quibus omnibus Coptæ varias habent traditiones, loco cit. legendas.

## §. 3.

Balsamum Junio, Julio Augustoque mensibus æstivis calidis colligitur, estque triplex, dum vel sponte sua ex frutice profluit, quod principio album existens, postmodum subviride ac tum flavum evadere dicitur: vel ex sauciatis prius fruticibus nigricans emanat, in appensa vasa instillans. Præterea ejusmodi balsamum ex abscissis corticisque surculis artificiosè præparatur, quocum priora permiscantur, uti *Marxius* in *Mat. Mus. pag. 38.* recenset. Cujus recentis balsamici olei licet tam fortis perhibeatur odor, qui hæmorrhagiam natium excitare valeat, multum tamen cum tempore imminuitur, teste *Wormio* in *Mus. pag. 223.* Cæterum sequentia bonitatis indicia habeat à *Schrædero* recensita *Lib. IV. Class. II. No. CCCLXXIII.* nempe 1. aquæ tepidæ infusum, totam istius superficiem tegat, refrigerata vero aqua, sese rursus contrahat. 2. Lacti instillatum coaguletur & inspissetur. 3. In vestem laneam effusum, nullam linquat maculam. Num verò integrum per manum transudet, quod experimentum *Schurzius* in *Mat. Med. German. pag. 16.* addit, nunc inquirere nolo. Fructus seu Carpobalsamum recens, aromaticus fragransque sit, aspero & quatuor striis interstincto cortice cinctus. Xylobalsa-

num nodosum, extrinsecus rubicundum, intus album, resinofum & fragrantis odoris sit. Bina plerumque sunt inveterata. Alias *D. Joh. Frid. Weismann* in *Disp. Inaug. de Bals. vero seu Opobalsamo* sub Præsid. *Dn. D. Slevogti* A. 1705 Jenæ habita balsamum hoc dividit in liquidum (quod hætenus descriptum) & solidum, quod instar gummi cerasini siccum coloris rufi, friabile, fragrans & instar mastichis, si masticeatur lentescens, ad Nos sæpe in corticibus cucurbitarum & nucum cocorum adfertur.

## §. 4.

Quod balsamum num hodiè integrum verumque haberi possit, quaeritur? qua super quaestione olim inter Materialistas & Pharmacopolas insignis orta lis est: Nempe *Cardinalis Barberini* mandaverat, ut in officina pauperum Theriaca conficeretur, cujus præparationem *Antonius Manfredus*, Medicus Romanus in se suscipiens, balsami veri thib. Venetiis afferri curabat, quod à multis Medicis ac Pharmacopolis bonum & genuinum habitum ad Theriacamsumeret. Quod cum alii Materialistæ & Pharmacopolæ Romani audirent & vererentur, ne sibi hoc ipso accresceret damnum, non approbandam esse theriacam dicebant, quoniam verum balsami veri succedaneum, quod prorsus haberi nequeat, non sumissent, sed falsum aliquod balsamum miscuissent. Res ad ipsum Papam delata, quam iste Camera Apostolicæ suisque Archiatris dabat dijudicandam, quò factò, nunc verè ludi comœdia cœpit, dum quæque pars doctissimos Medicos habebat, opinionis suæ patronos. Cum verò res examinaretur, adversarii hocce balsamum non stare experimentis dicebant, quoniam 1. hæmorrhagiam non exciret, 2. lac non coagulet, 3. nec maculam in vestibus relinquat; quibus alii respondebant, 1. de recenti saltem dici, 2. non esse necessarium, sed sufficere, modo balsamum in lacte coaguletur, 3. guttam saltem vesti instillandam, non vero magnam quantitatem, ut Pharmacop. soleant, quæ non possit, quin vestem maculet. Quo ipso etiam obtinuerunt locum, quæ omnia à Doct. *Joh. Georgio Volkamero* quondam Medico Norimbergensi, & Academia Cæsareæ Nat. Cur. Germ. Præside, in peculiari *Tractatu*, cujus titulus est: *Opobalsami Orientalis in Theriaca confectioem Romæ revocati Examen Veritasque redita*: quem in *Historia mea Lit. Cont. IV. in App. Dec. 3. A. 1. Misc. Ac. Nat. Cur.* recensui, secundum omnes circumstantias descripta sunt. Quamobrem non prorsus impossibile videtur, istud apud Magnates horumque Legatos, quibus à Turcarum Imperatore condonatur, inveniri posse; quoniam vero difficulter aut nunquam haberi potest, plerumque bona idemque præstantia succedanea usurpantur, utpote & Caryophyll. vel & expr. nucistæ, cum in finem ab ipsis Pharmacopolis probè præparandum, docente



cente *Charasio* in *Tract. de Theriac. Ingredientibus* pag. 109. Alii Terebinthinam Cypriam aut liquorem ossum è rad. petasit. incis. scaturiens substituunt. Sic etiam pro Carpobalsamo cubebas, & pro Xylobalsamo lignum aloës veteres compositiones sumunt, ut loco modo citato legimus.

## §. 5.

Quod tandem ad Vires veri Orientalis balsami attinet, miræ & incomparabiles isti adscribuntur virtutes, ut pro oleo in Gilead, cuius Sacra Scriptura meminit, merito habendum sit. Naturam spiritusque vitales confortat, sensus excitat, corpus ejusque membra à putredine defendit, quam ob causam ad condienda seu balsamanda Regum cadavera, & ad mumias præsertim usurpatum, & ad theriacam sumtum fuit. Vi sua balsamica in phthisi & hæctica prodest, asthmatis aliisque molestiis fert opem, ac vulnera sanat, qua de re *Schræderus*, *Lobelius* aliique pluribus legendi.

## §. 6.

Carpobalsamum seu fructus arboris, vi sua aromatica stomachum calefacit, appetitum excitat, digestionem promovet, atque theriacæ ingrediens est, rarò nostris in officinis reperiundum.

## §. 7.

Arboris lignum seu Xylo-balsamum similiter ob vim suam balsamicam non negligendum, iisdemque cum fructu virtutibus pollet, modo non inveteratum fuerit. Trochiscos Hedychroi ingreditur, de quibus *Charasius l. c.* pluribus agit.

## §. 8.

Tandem & Balsamum quoddam minerale in Oriente, & cum primis in Persia, invenendum, hic addi meretur, de quo Nobiliss. Dn. *Kampferus* in *Amanit. Exotic. Fasc. 2. pag. 408.* sequentia refert:

## KODRETI BENNA seu BALSAMUM NATIVUM

montis Benna seu Bonna, anticolicam Buchonenfium medicinam cum venum aliquoties obtulisset Venator, depromptum, quod dicebat ex arcano deserti montis loco, fociis cognito saltem duobus; qui, ne concivibus indicarent, sacramento se obstrinxerant. Ego non tam possidendæ rei quam videndi natalis loci cupidus virum pecuniâ (quâ omnia hoc cælo sunt venalia) facile conciliavi, ut revelaret & mercede etiam conduxit, ut nos eò perduceret. Primò igitur, diluculo asinos conscendimus & per saxorum impedimenta, viâ quidem toties calcatâ, luctamur in planitiem prædicti montis Bonna. Planitiem hanc qualemcunque editiores utrinque limitabant rupes abruptæ: inde à pago nostrò continuâ se-

de productæ, intervallo dissidentes quadrantis leucæ. Harum, quæ sinistram respicit, ab antro balsamino vocabatur *Kubi arak*, id est, mons sudoris, sc. balsaminei, quæ dextram *Kubi berf*, vel ut per metathesin hic loquuntur, *Kubi befr*, i. e. mons nivis, videlicet à congelatâ nive, quæ ibi in scrobibus, sub præsidio eminentis petra, perennis jacet, cælo à rigido polo quidem remotissimo. Aëris hic ea temperies est, quæ dormienti umbram arboris ingratam reddiderit ipso meridie; cum in aprico tamen radii solares molestiam parent. Montium totus hic inhospitalis tractus est, qui leopardis, ursis, hyænis, lupis aureis, hystricibus (capricervas & feras vulgatiores taceo) ubique indulget lustra & luculentum vivendi pabulum: de quâ alibi prolixius. Plantis solum dotatur passim fragrantibus, saporis aromatici & eximie virtutis: in quas verò, ne relatio nimium protrahatur, calamum hoc loco non stringemus. Sufficiat monuisse, præter Cedro-Sabinam utriusque sexûs, quæ hic copiosissima & ad Cerasi altitudinem latissimè frontescit, nullam magis luxuriare quàm arborem *Ben* sive *Wen*, id est, Terebinthum, sive Pistaceam sylvestrem; ex quâ mons ipse, voce depravatâ, *Kubi Benna* vel *Bonna*, id est, mons Pistacearum sylvestrium nomen sortitus est. Ad speluncam igitur. Eam qui adire volunt, notant partem culminis depressiorem, in quam crepido utrinque deficit, (*vid. in Tab. num. 5.*) per eandem etiam transitus est in ulteriorem plagam, prout semitæ testantur vestigia. Inde sinistrorsum, secus rupem, octingentis circiter passibus regressi, Sabinam observant in summo culmine, & loco aliquot orgyis depressiori, fruticem quodammodo pendulum, sub quò ipse patet obscurus & angustus antri aditus; (*vid. in Tab. num. 6.*) cum inde, ad teli jactum, paludosa vireat areola, inibi scaturientem exhibens aquam limpidissimam. His non apprimè observatis, ob sinuosam rupis conditionem & soli salebras, locum non inveniunt. Ipsa spelunca obliquè rupem dividit, angusta, sesquiorgyjam alta, duas supra dimidiam longa. Petra ejus, ex albido in flavum pallens, solida & dura est, sine conspicuis poris & sulphure. Cavitas interior est sinuosa, aspera, intranti cautibus hinc inde protuberantibus infesta. Unum insigne tuber implebat mediam cavitatem, ne ad finem nisi cum difficultate & offensione proriperem. Omnem pene superficiem, præsertim ad dextram, succus noster obsidebat: sub introitu paucus, ficcus & firmiter adhærens; in processu modicus & humidior; in fine copiosus & liquidus, paulò tamen quàm rob Sambuci spissior. Accedenti densum occurfabat examen muscarum pusillarum, quæ fauces, oculos, nares improvisò opplebant, suffocaturæ, credo, nisi recessissem; ingressum tentare non ausus, priusquam eas iterato



strepitu penitus evocassem. Antro dimidiam horam, invito licet ductore, immoratus, cochleari meo & ligno cuspidato libram paulò minùs integram, ob loci tenebras & angustiam molestè corrafi, spoliūque, pyxide reconditum, mecum reportavi ex spelæo. Balsami hujus color niger est, substantia quasi mucosa, aquâ facilè solubilis, inodora & pene insipida; usus est ruricolis districtus *Farchonad* hætenus non alius, quàm ut bolum drachmæ unius, vel duarum, deglutiant, ad discutiendam colicam & ventris qualiacunque tormina. Virtutem ut igne explorarem, particulam balsami prunis injeci, quæ foetorem spiravit urentis cornu similem. Retortæ commissâ trium unciarum portio, primò modicum phlegmatis, deinde spiri-

rum sub nebularum formâ, ac postremo olei spissi, atrii coloris, inodori, acerrimi drachmas mihi reddidit quatuor. Ex capite mortuo elixato sal fixum copiosum, nitrosi saporis, obtinui, ut petram oculatus examinarem, avulsi etiam librarum aliquot fragmentum, quod spelæo laxius adhærebat. Id, cum inter curiosa scruta depositum, extra meum conspectum lateret, inspectio neglecta est. Biennio post, reclusâ thecâ, lapidem, quem detersum & probè siccatum recondideram, nunc atro succo oblitum humentemque invenio: quò iterum studiosè abluto & repurgato, observavi partes quasdam porosas, quodammodo sulphurei coloris; intra quas materia post primam abstersionem effusa, latuisse potuit.

## CAPUT XX.

DE

## BALSAMIS AMERICANIS, UTPOTE BALSAMO DE TOLU, PERU ET COPAIBA.

## §. I.

Quum verum opobalsamum præcedenti capite descriptum, adeò rarum sit, ac fere haberi nequeat, in istius locum alia ex India Occidentali venientia, possunt suffici, inter quæ

## BALSAMUM DE TOLU

Orientali omnium proxime accedit, dum omnia istius signa sustinet, quæ *Thomas Bartholinus* experimentis in isto demonstravit, atque in *Actis Hassniensibus Vol. I. pag. 5.* descripsit. Vel Album balsamum est, aut aureum valdeque limosum ac tenax, consistentia mediocri, sapore bono ac dulci, odore grato, limonia vel jasminum æmulante, secundum descriptionem *Schræderi* in *Pharm. Medico-Chymica Lib. IV. Class. 2. No. CCCLXXIV.* Ex Hispania Nova in Lusitaniam Angliamque, ubi etiam magis quam aliis in locis reperitur, transportatur, uti *Pometus* in *Hist. des Drogues pag. 231.* refert.

## §. 2.

Arbor, ex qua profluit, secundum relationem *Hernandezii* in *Hist. Rerum Med. Nov. Hisp. Lib. 3. pag. 53.* Pini dicitur species, ac propterea etiam inter pinus in *Dalei Phytol. pag. 357.* describitur, quanquam folia ceratiæ sint similia. Quando nunc incolæ certa parva vasa ex cera nigra, caudibus applicant, istosque sauciarunt, balsamum profluit statimque coit, ut tanquam recens confectum gluten possit trahi. Recens eligendum & conquirendum est.

## §. 3.

Vires istius eadem sunt atque veri Orientalis balsami, ad omniaque utile est, ad quæ istud

commendatur, testibus *Schrædero* & *Bartholinò l.c.* Hujus igitur esse succedaneum posset, modo integri, minus adulterati daretur copia. Resolvit, calefacit sanatque internè & externè, nec adeò nauseabundum est, atque alia, id quod in eo *Pometus l.c.* commendat.

## §. 4.

Quum verò nec hoc balsamum semper haberi queat, eo in casu

## BALSAMO PERUVIANO,

quod alii simpliciter Balsamum Indicum vocant, simus contenti, quod ponderosum, resinum & instar mellis apparens balsamum est, album aut rubicunde nigrum, sapore acri, odore fragrante. Similiter ex Americâ affertur.

## §. 5.

Arbuscula, cui hoc balsamum debet originem, magnitudine malo aurantiæ similis est, cujus folia paulò majora sunt, quam in amygdala, latiora etiam, oblonge rotunda, magisque acuminata. Flos similiter est atque in digitali, ac tandem in longum folliculum mutatur, in quibus unum saltem, & quidem incurvum semen est reconditum, id quod *Rajus* partim ex *Pisoni* in *Hist. Plant. pag. 1757.* partim etiam *Pometi* Figura demonstrat, quæ tamen collectionem magis quam arboris figuram sistit contemplandam.

## §. 6.

Qui modò citatus Auctor, licet Medicamenta Americana aliàs ex professò summoque studio descripserit, de vulgari saltem ac nigro balsamo Indico meminit, *Schræderus* tamen duas,



duas, *Pometus* verò tres vel quatuor recenset sortes, nempe 1. balsamum album, spontè ex arboribus ante sauciatis profluens, ac Balsamum Incisionis vocatum. 2. Durius, ex abscissis ramis emanans, quibus certi cortices, in quibus etiam venit, applicantur, vocatur Balsamum Siccum. 3. Nigrum, ab incolis, è ligno ramisque arboris coctum, Balsamum Lotionis vocatum, quod nihil aliud est, quam notissimum Balsamum Peruvianum nigrum, quod alii 4. ex aliis resinis atque aromatibus imitantur, cujus descriptio in *Pometi Hist. des Drogues* pag. 278. reperitur.

## §. 7.

Interea Balsamum Peruvianum Nigrum vulgò crebriori in usu est, quod prædictus Materialista in *Appendice sui libri* pag. 3. pro efficacissimò fortissimòque vult haberi, imprimis spissum, vere nigrum & odore fragrans, Quod cum aliis sæpe rebus adulteretur, ad dolum manifestandum, pauxillum papyro instillandum; si rubicundum est, promptèque defluit, adulteratum judicatur; sin nigrum contra & unitum manet, purum est. Non tamen tam facile atque alia, expressis oleis se adulterari patitur. Hinc est, quamobrem *D. Hoffmannus* in *Disp. nuper Halæ de Balsamo Peruviano* habita, hoc balsamum præ aliis æstimet, prorsusque falsum esse demonstrat, istud de quorundam opinione oleo amygdalarum adulterari.

## §. 8.

Ratione qualitaturn verè mirabilis res est, quod neque oleo, neque aquæ nec alii cuidam potest permisceri, nisi Soli oleo betulæ. Calido spiritu vini solutum, statim tamen superius iterum innatat, quando refrigeratur; quemadmodum etiam à saccharo in aqua statim discedit, cujus rei experimentum fecit *Thomas Bartholinus* in *Act. Hassn. Vol. 1. pag. 3.* In ovo forbili igitur, in quo solvitur, sumendum, aut cum saccharo siccum permistum. Externe etiam vitello ovi subigendum, alias enim ob glutinositatem non facile à cute separatur, ut *Ettmüllerus* in *Comm. Schræd. pag. 694.* ostendit; ubi de viribus quoque hujus balsami Orientalis qua-

litatibus similibus copiosius agitur. Externe omnia recentia vulnera sanat, istaque à putredine defendit. Cancrum aliaque ulcera mundificat, quæ omnia fusius in Descriptione Arabici cujusdam Medici, in *Pometi Appendice* reperienda, exposita sunt. Quæ exinde conficiuntur præparata, apud *Dn. D. Hoffmannum l. c.* possunt videri.

## §. 9.

Quemadmodum Balsamum Peruvianum Nigrum plerumque externe usitatum ac utile est; ita contra

## BALSAMUM DE COPAIBA

vulgò *vveisse Americanische Balsam* magis interne præscribitur. Album vel aurcum, limpium & resinofum balsamum est, instar terebinthinæ, sapore acri & amaro, odore fragrante. Similiter ex America per Lusitaniam in fictilibus acuminatis lagenis affertur, in quibus plerumque aliqua humiditas reperitur, balsamum serosum sæpe visuque injucundum reddens.

## §. 10.

Arbores, unde oritur, in diversis Brasiliæ locis nascuntur, scilicet Rio de Janeiro, Fernambourg, S. Vincent &c. ac propterea à Clariss. *Rajo* in *Hist. Plant. pag. 1759.* Arbor Balsamifera Brasiliensis fructu monospermo vocatur, quoniam, ut superior, unum saltem in fructu semen generat. Balsamum ex ejus cortice emanat, postquam tempore æstivo prius sauciatus est.

## §. 11.

Hujus inventio apris adscribitur, quos sauciatos arborem dente incidere, exstillansque balsamum naturæ impulsu vulneribus excipere perhibent, quod deinde Feri seu Barbari imitati sunt, ut *Pometus l. c.* recenset. Postmodum in internis quoque læsionibus, utpote phthisi, nephritide similibusque fuit usurpatum. Hodie ad gonorrhœam, ardorem urinæ, luemque & eam commendatur, de quibus *Ettmüllerus l. c.* cum primis autem & ex professo, quod dicitur; egit *Dn. D. Nebelius* in *Disp. Grad. à D. Hoppio A. M DCCX. Heidelbergæ de Balsamò hoc Copayba* ventilatâ.

## CAPUT XXI.

## DE

## TEREBINTHINA CYPRIA, VENETA ET COMMUNI, RESINA PINA, NIGRA, LIQUIDA, TARCO COLOPHONIO &amp;c.

## §. 1.

**T**EREBINTHINA clarus & pellucidus resinofus succus est, ex arbore hujus nominis profluens. Quod nominis tamen hodie aliis

quoque oleosis fluidisque resinis imponitur, ex multis pini & abietis generibus exstillantibus, iisdemque partim albis, partim flavis, partim crassis ac turbidis, partim claris ac limpidis. Qua-



rum tres sortes potissimum notæ sunt; Cypria scilicet, Veneta, & communis terebinthina, de quibus nunc in specie agemus.

## §. 2.

## TEREBINTHINA CYPRIA

dura, pallide flava & fere instar subcœrulei vitri apparens ac pellucida resina est, parvis fructis constans, saporis resinosi, acris & subamari, odoris fragrantis. Ut plurimum ex Insula Chio, unde etiam interdum nominatur, provenit, ubi ex parvis arboribus ejusdem nominis profluit, quas longos cineraceos ramos, foliis, lauri foliis similibus, præditos, ac partim magnas nuces, partim baccas baccis juniperi accedentes, proferri perhibent, in quibus resinosi ac mucilaginosi nuclei reperiuntur, sicut istæ partim ab *Rajoin Histor. Plant. pag. 1577.* partim *Pometo in Hist. des Drogues pag. 283.* descriptæ ac delineatæ sunt. Et quanquam interdum etiam in Hispania Italiaque & Gallia reperiantur, nullam tamen, dicuntur generare terebinthinam, ut Clarissimus Halensium Professor, *D. Hoffmannus*, in *Disp. de Terebinth. pag. 4.* ex aliis recenset. Vera igitur & genuina terebinthina ex Chio Cyproque Insulis per Venetias venit, ac propterea olim terebinthina Veneta vocata fuit. Quæ tamen, quum perrara caraque sit, in nostris officinis fere nunquam reperitur, nisi quod curiosi ingenuique Materialistæ magnis istam sumtibus ad confectionem Theriacæ afferri curent, quam etiam *Pometus l. c.* & *Charasius in Tr. de Theriaca Incred. pag. 164.* requirunt. Crassa sit, nec dentibus aut digitis glutinositate adhæreat, ac viridiuscule album appareat. Videntum verò, ne ex terebinthina laricis, ab impostoribus colore viridiusculo imbuta, artificiose composita sit, quod tamen partim ex gravi odore, & quoniam dentibus adhæret, facile cognoscitur, præsertim si vilis simul existit; dum contra veræ terebinthinæ ex Chio advectæ libra quinque vel sex florenis vilius haberi nequit.

## §. 3.

Ex quibus nunc facile colligere licet, quid de hodierna

## THEREBINTHINA VENETA

ut apud nos divenditur, judicandum sit, nempe istam pro vera therebinthina olim super Venetias ex Oriente transportata, neutiquam posse haberi, quin potius è larice aut pino oriri, ac propterea majori jure Leonensem, s. Lugdunensem aut cum Gallis Terebinthine du bois de Pilatre vocandam esse, quoniam partim ex his locis, secundum *Pometum*, partim è Tyrolensibus montibus in caprarum hircorumque pellibus affertur, teste *Marxio in Mat. Mus. pag. 202.* Cæterum si bonæ est, valde limpida citrinaque mollis resina est, instar crassioris olei seu balsami, quam propterea qui-

dam maleferiati homines pro balsamo Peruviano albo dicuntur divendere, recentem imprimis, ac sponte ex arboribus profluentem, quam Galli ad differentiam crassiusculæ Bijou vocant. Hæc terebinthina vere autumnoque à pauperibus è larice collecta, orcisque vel pellibus hircinis indita Lugdunum fertur. Memorabile vero, larices multum spongiarum seu agarici progenerantes, nullam plorare terebinthinam, quippe in nutrimentum agarici insumendam, uti *Hermannus* suis in scriptis prodidit. Optima vere clara & quoad ejus fieri potest, alba appareat, videndumque, ne arte composita, nec oleo terebinthinæ adulterata sit, quod colore partim, partim etiam odore manifestatur, dum adulterata in papyrum stillata, & incensa, nigram flammam suscipit ac foetet: genuina contra resinam redolet, nec tam cito deflagrat. In Ungue etiam probatur, in quo adulterata coit seu unita manet; genuina vero defluit, ut *D. Hoffmannus* & *Pometus pag. 6.* ostendunt.

## §. 4.

Quod tertio ad

## TEREBINTHINAM COMMUNEM

attinet, crassa & albicans est, à pino & abiete trahens originem; ita tamen ex arboribus non profluit, sed ex resina pini, Gallis Gallipot vocata, præparatur, quæ liquata, in magnas orcas sive dolia pondere vel centenariorum infunditur, è sylva Hercynia, Thuringia aliisque regionibus, ubi magnæ pinus & abietes crescunt, allata. Eleganter clara nec sordibus inquinata sit, atque ista est, quæ è strobilis excoquitur.

## §. 5.

Ratione virium hæc sortes omnes valde conveniunt, vique calefaciente, emolliente, purificanteque ac sanante pollent, qua ad sanandos laesos in phthisi pulmones, ad sananda vulnera interna externaque valent, renes ac vesicam à calculo defendunt, istumque una cum urina promovent, & aliis quam plurimis morbis medentur, sive per se in ovo leviter cocto fumantur, sive præparata, utpote pilulæ de Terebinth. spiritus aut oleum usurpentur, de quibus *Hoffmannus*, *Ettmüllerus* aliique pluribus agunt. Equidem

## OLEUM TEREBINTHINÆ

(quod copiose super Hamburgum venit, ac OLEUM TEMPLINUM vocatur, teste *Marxio l. c.*) magis ex resina Pini, quam ipsa terebinthina destillatur, ut sæpe dictus *Pometus l. c. pag. 287.* ostendit. Quam vero crebrius hoc oleum æque ac terebinthina ipsa Chirurgis inserviat, ac istorum maturantia sanantiaque unguenta & emplastra ingrediantur, satis innotescit. Nec in Chymia carere ista possumus, dum terebinthina quasi communis clavis est, qua oleosa resinosaque corpora



pura solvantur, ut in resina copal apparet, quæ aliis non facile permiscetur, nisi terebinthina prius soluta fuerit. Tandem ab aliis quoque artificibus, ac iis præsertim, qui ignes artificiosos præparant, crebro usurpatur, mercibus vetitis propterea annumerata, ut adeoque belli tempore alias in regiones non debeat transportari.

## §. 6.

Similis resinæ piceæ ratio est, quæ etiam diversa est. Pulcherrima purissimaque est supra dicta

RESINA PINA, *das vveisse Hartz,*

quæ vel sponte, vel facta incisione ac perforatione pinuum & abietum, profluens, mox in eleganter clarum gummi induratur, & quoniam thus refert, THUS ALBUM seu commune vocatur. Eleganter alba, pura verique sicca sit; quando vero cortices, segmenta arborum ac similia suo ex arboribus effluxu recipit, benzoini (pro quo impostores sæpe dividunt) ad instar quasi marmorea fit, quæ alias *Schell-Hartz* vocata, à cerevisiariis cerevisiæ imponitur, ut rusticos inebriet.

## §. 7.

Prior postea cum terebinthina communi huiusque oleo permiscetur, ac tum

PIX LIQUIDA, *das Spiegel-Hartz*

vocatur, quæ plerumque Argentorato & è Batavia venit, quam ob causam etiam Terebinthina Argentoratensis dicitur nominari, secundum *Daleum* in *Phytolog.* pag. 354. Eleganter ex albo flaveat, pinguis non fluida nimis sit, nec nimium habeat aquositatis; ad multa opificia ignesque artificiales usurpatur, & à nonnullis externe loco emplastri attractorii applicatur, quod tamen nimis molestum evadit emplastrum, difficula cute decedens, ac calido oleo removendum.

## §. 8.

Quando resina Pini sine additamento in crassiorem consistentiam coquitur, & vel in frustra majora s. placentas pondere 50. vel 100. lb. vel in situlas infunditur, dura resina exinde resultat sive

RESINA

alias vulgò *Schuster-Pech* & *Kübel-Hartz* vocata. Decenter sicca, flavaque sit, omnis arenæ, aquositatis aliarumque ffordium expers. A bracteariis & ahenariis ad res stanno obducendas, ab futoribus, viatoribus aliisque ad sua opificia à Chirurgis ad multa emplastrâ usurpatur.

## §. 9.

Simili ratione olim diuturniore coctione è Galipoto seu resina Pini notum

COLOPHONIUM (*Geigen-Hartz*)

præparabatur, quæ propterea olim resinâ liquata & Pix Græca vocata fuit, quoniam prin-

cipio è Græcia, ubi è Mari dicitur ejici, venit, ut *Schurzius* in *Mat. Mus. German.* pag. 22. scribit. Hodie vero potissimum è terebinthina conficitur, nihil aliud est, quam id, quod post destillationem olei terebinthinæ residuum est. Quando autem ex ipsa terebinthina coquitur, vocatur TEREBINTHINA COCTA, ex qua pilulæ de Terebinthina constant. Finum, subflavum ac pellucidum sit, magnisque frustis constet. Parva frustra non possunt usurpari, quæ propterea sensim fundi, in aliquod vas infusione unum in frustum redigi possunt, quod exemptum alii potest addi, similiter à multis artificibus usurpatur.

## §. 10.

Huic pici Græcæ, quam Galli Arcançon vocant, Septentrionales *Tarc* seu *Teer* addunt, ut nigrescat, ac tum

PIX NIGRA

dicitur, cujus duas sortes habent, haud tamen aliter distinctas, nisi quod una altera paulum sit durior. Optima è Norwegia Sueciaque venit, inprimis Stockholmia, quæ vere nigra nitidâque sit, ac bitumini Judaico valde prope accedat. Maximam partem ad naves pice muniendas usurpatur, ex istaque oleum destillatur ob vim balsamicam balsamum picis vocatum.

## §. 11.

Ex ista una cum resina vulgari, sapone & Tarc seu Teer,

PIX NAVALIS

(quæ alias ZOPISSA & Gallice *Goudran* vocatur) conficitur, qua non solum nautæ ad naves, sed Pharmacopolæ quoque ad antiqua quædam composita utuntur, qui ultimi istam à navibus abradunt, ut *Schræderus* *Lib. IV. Class. II. No. CCCXCVII.* memorat.

## §. 12.

RESINA LIQUIDA (seu *Teer*)

quam Galli TARC vocant, pingue, clarum ac resinofum oleum est, in Norwegia Sueciaque ab antiquis pinibus magna copia præparatum. Istæ scilicet abscissæ, certis fornacibus quatuor canalibus instructis, induntur, quibus si ignis subditur, hæc resina liquida è canalibus profluit, uti *J. C. Axtius* in *Tr. de Arboribus Coniferis* scripsit. Quanquam *Pometius* l. c. existimet, istam ex arboribus quoque exstillare. Ad picem pro signandis ovibus sumitur, quæ vera & Stockholmienfis sit, non adulterata, quam nonnulli ex pice nigra turbidoque oleo præparant.

## §. 13.

Coronidis loco hîc addo, quæ *Dn. D. Kampferus* in *Amæn. Exot. Fasc. 2. p. 413.* de Terebintho & Terebinthina Persica tradit, verbis ibi: De Terebintho seu Pistacea sylvestri, unde mons denominatus, pauca adjiciemus. Ea Pistacæ hortensi,



quam *Theophrastus* Terebinthum Indicam vocat, tum magnitudine, tum totius ac partium figurâ persimilis est, nisi quod flosculos ferat fragrantiores, nuces verò præparvas, insipidas; unde à descriptione botanica abstinemus. Copiosa crescit in recessibus montium brumalis genii, petrosis ac desertis, circa Schamachiam Mediæ, Schirasum Persidis, in Luristano & Larenfi territoriis. Mihi nullibi conspecta est copiosior quàm in petroso monte circa *Majin*, pagum celebrem, unâ diætâ diffitum *Sjirasô*: in quo mihi duplicis varietatis indicarunt arborem; unam vulgariorem, quæ generis sui retineat appellationem *Diracht Ben* seu *Wen*; alteram rariorem, in specie *Kasudaan*, vel, ut rustici pronunciant, *Kasudên* dictam, quæ à priori fructuum rubedine differat. Ego, mense Decembri transvectus, differentiam non observavi, quod præter folia alata (hoc coelo vix perennia) saltem in paucissimis fructus invenerim, eosque marcentes & rarissimos, pericarpio donatos vinosi saporis, nucibus verò cassis. Observavi in quibusdam arboribus notabilem extuberationem, extremis ferè surculis sine pediculo adhærentem, magnitudine quæ pugnum implebat figurâ rotundam, ex pluribus tuberculorum spiris, ad instar cristæ galli gallinacæi concretam, carmesino colore gratiosè nitentem, & aspectu elegantissimam. Substantia erat duriuscula, quodammodo fungosa & fragilis, intus albicans, succo dotata lento fragrantissimi odoris, planè qualis est Opobalsami veri, quod ex Meccâ obtinui. Utrum hæc pila saltem habenda sit pro *ἀπόφυσι*, quæ promiscuè terebinthis, sive omnibus, sive hóc saltem loco crescentibus, ex fundi genio adnascatur, an verò pro varietatis caractere, à monticolis meis nomine fructuum designato, reputanda sit, idiomaticis tunc parum gnarus, nec nisi in Turcico versatus, explorare haud potui. Usus præstat Majinensis Pistacea non contemnendum: quandoquidem accolæ liquorem terebinthinofum, qui, vel ex arbore sauciata prolicetur, vel ex rimis nodisque stirpium putrescentibus, æstuante Syrio, sponte promanat, copiosum excipiunt: coriò & pellibus subligatis alii, alii luto subducto in forma nidi hirundinini. Exceptum hunc liquorem in ipso monte, vel qui prope habitant, domi suæ, sine adfusa aquâ, parum lenteque coquunt, antequam ebullire incipiat effundendum; ita refrigeratus colorem & consistentiam referet picis albæ sutoriæ. Coctione inquam brevi opus est, ad spissationem: nam ut ipsa Terebinthus cum Lentisco mastichifera valde cognata est; ita verò ipsa, quam fundit, terebinthina ex loci huius genio de mastichinâ indole plurimum participat; quod præter consistentiam & candor pelluciditatis expers, & ipse quoque suffitus testatur, dum prunis injicitur. Spissationem quin crederet *Renodæus*, clarissimus sui temporis de re phar-

maceuticâ Scriptor, persuaderi haud potuit: *Vix*, inquit, *suspicio*; nonnullos adeo esse mentis inopes, ut terebinthinam coquendo deteriorem reddant, & à longinquis regionibus adferant; terebinthina enim qualiscunque fuerit, semper plurius emitur, quàm ea ipsa resina, industriâ qualibet concreta. *Mat. Med. L. 1. §. 8. c. 3.* Nesciebat auctor, usum terebinthinæ liquidæ illic, quò inspissata adfertur, ignorari, & per cautes & montium recessus difficilimè & vix sine jacturâ transportari posse, & in urbes tandem delatam, emptores non invenire, secus ac si inspissata fuerit. Usus, quod scio, inspissatæ non est alius, quàm ut pro masticatorio serviat, quo mulierculæ citra Indum maxillas sine intermissione exercent, ut aggrè, si ei adsueverint, carere hâc resinâ possint. Dicitur lympham proliciendo catarrhos tollere, albedinem & firmitatem dentibus conferre, appetitum sufflaminare, ac gratum ori conciliare halitum. Prostat ubique in officinis & myropoliis Turcorum, Persarum & Arabum, sub *Sakkis* Turcico, & *Konderuun* Persico nominibus; vel etiam sub appellatione *Sekkis Sjiriin*, i. e. *Sekkis* dulcis, ad differentiam *Lubaan* Arabis, seu *Kondûr*, Persis sic dicti *Thuris* sive *Olibani*, quod ex *Mochâ* huc delatum vulgò appellatur *Sekkis talch*, i. e. *Sekkis* amarum. Majinenses rustici referebant, se unum resinæ *man* (libras Belgicas novem) petentibus vendere unico *Sjabî* (grossis Marianis quatuor,) liquidam minori pretio daturi. Accolæ montis *Bennâ*, ex stipite vulnerato terebinthinam prolicere nesciunt: ipsa verò ligna comburendo, resinam extorquent, quoad nigredinem plusquam spadiceam acquisiverit tostam, quæ pro coloris specie servit pictoribus. Est enim dura, friabilis & splendida, quæ instar gummi *Guttæ*, vel *Sanguinis draconis*, aquâ dilui ac temperari patitur. Prostat in officinis sub nomine *Sijah Bennâ*, i. e. nigredo montis, vel arboris, *Benna*; vel sub dubiæ appellationis vocabulo *rengi sulab*, i. e. coloris *sulab*. Fructuum quoque usus est: Hos immaturos unâ cum racemulis, quibus inhærent, aceto saleque condunt, ut fiat *Atsjaar*, sive salsamenti genus, mensa secundâ inter bellaria apponendum. Familiare ferculum est Armenis, in observatione sui *paris*, sive jejunii, quo se hi Christiani crebro macerant. In Caucasii circa Caspium conditi, quòd nucleis dotentur pinguioribus, in mediterraneo crescentibus præferuntur. Alia extat in deserto *Tsjaask* (capo de Jaques) Pistacearum sylvestris species, Persis *Bergjès Pissâi* dicta, cujus nuces ad assem hortensibus similes, interdum majores sunt; nuclei verò ob amaritudinem mandi respuunt, nisi coctione cum aquâ dulci elixentur. Ex his nucleis venale in officinis prostat oleum expressum, quod tumoribus duris, articulisque dolentibus inductum, illos emolli-  
lire, his insigne præstare levamen  
dicitur.





# HISTORIÆ SIMPLICIUM REFORMATÆ LIBER TERTIUS,

DE

VARIIS, ANIMALIBUS, AVIBUS,  
PISCIBUS, VERMIBUS, HORUMQUE  
PRÆPARATIS.

## CAPUT I.

DE

MUMIIS, PINGUEDINE HUMANA, CRA-  
NIO, VESICÆ FELLEÆ ET URINARIÆ CALCULIS.

§. I.



MUMIA est nigra, dura & resino-  
sa substantia, ab hominum,  
aromatibus conditorum, cor-  
poribus proveniens, sapore sub-  
acri & amariusculo, odore fra-  
grante. Ex Ægypto advehitur, ubi in foveis  
admodum profundis, incisisque albo in lapide  
sepulchralibus cameris, penes celebres pyrami-  
des sui inveniendi dat copiam, quæ utraque in  
*Malleti Cosmogr. Part. 3. pag. 36. & 37.* descri-  
ptæ depinguntur.

§. 2.

Quâ ratione verò modoque Ægyptii ca-  
davera condiderint, in *Kircheri Oedipo Ægy-  
ptiaco*, ac *D. Andrea Tr. de Bals. veterum* ube-  
rius explicatur. Tres scilicet balsamationis  
habebant gradus, quorum primus isque pre-  
tiosissimus Talento, i. e. amplius quadringen-  
tis florenis, hodie verò quater mille florenis  
forte constaret, dum exenterata corpora pri-  
mum palmæ vino, deinde 30. dies pretiosissi-  
mis balsamisterebantur, denique etiam opti-  
mis speciebus, utpote myrrha, nardo Indica  
& similibus implebantur, id quod saltem sum-  
mæ conditionis hominibus contingebat. Hinc  
vera Ægyptiorum exsurgit mumia, Benzoi-  
num ac Opobalsamum redolens, sed usque eo

rara, ut nusquam, nisi in Magnatum thesauris  
reperiatur, teste *Dn. D. Kampfero de Mumia  
Nat.* Alter modus saltem dimidio ipsis stabat,  
quoniam non adeo magno labore, nec tam  
pretiosis balsamicis rebus conficiebatur, myr-  
rha saltem asphaltoque & similibus in istum  
insumtis; ad eos pertinebat, qui vivi mediæ  
erant conditionis. Tertius balsamandi mo-  
dus in pice & bitumine Judaico consistebat,  
maceratis prius calce, sale, similibusque cada-  
veribus, quinimo in oleo frictis, quo omne  
humidum exhalaret, ac balsamica penetrare  
melius possent. Quæ forte causa est, quam-  
obrem etiam ossæ partes à balsamo penetren-  
tur, ut ex nigro istarum colore videre est, quem  
*Nehem. Greuv.* in iis Mumiiis, quæ in *Museo Re-  
giæ Societatis Londini* in Greshamensi Collegio  
conspiciuntur, & ab ipso in istius *Historia* de-  
scribuntur, observavit, quâ de re etiam *A. L.  
Lipsiens. A. 82. Mens. Jan. Num. 1.* possunt legi.  
Tandem peracta conditura seu balsamatione,  
mumiæ multis linteis fasciisque involveban-  
tur, & characteribus signatæ juxta Deos suos  
in foveas reponebantur; de quo prædictus  
*Kircherus* agit pluribus.

§. 3.

Præter has veras nigrasque mumias, qui-  
dam Scriptorum etiam albarum mumiarum  
faciunt



faciunt mentionem, quæ ex iis humanis corporibus consistant, quæ mare ejecerit, arenaque marina Libyæ contegerit, sub qua à Sole ita arefacta sint, ut nihil præter cutem & ossa, super quæ cutis instar membranæ extensa sit, relinquatur. Quamobrem etiam tota mumia supra 30. libras non pendet, qualis Parisiis olim in *Dn. Budeti* Museo videbatur. Et quoniam sic nihil balsamici in istis invenire licet, nec in usum medicum trahuntur, nec jure mumiarum venire nomine possunt, quod Arabum vel Persarum lingua proprie balsamum corpus ex antiquis sepulchris significat, ut *Frid. Hoffmannus* in *Clav. Schræd.* pag. 673. docet.

## §. 4.

Quoniam autem veræ Ægyptiorum mumia in istorum Regionibus nimis magni æstimata, ab incolis publice non divenduntur, sed furtivè temporeque nocturno ab remigibus in naves transportandæ sunt, ut *Vielheurius* in *Descript. Exot. Mat.* p. 181. ex aliis Materialistis ostendit, hinc artis legibus istas ex carne humana imitari sibi sumserunt; nec tamen eo modo, qui perduto cuidam Judæo Alexandria Ægypti, mumiarum mercaturam facienti, positus in more fuit, qui mortua corpora humana, minime curans, contagiosane lue, an alio morbo extincta fuerint, præparata & illinita pro veris mumiis vendidit, eoque ipso insuper Christianis ejusmodi merces quærentibus, illudit, ut certus quidam Gallus, qui omnia ipse apud Judæum viderat, Materialista Gallo, *Dn. Pometo*, narravit, hicque in *Hist. des Drogues Lib. I.* pag. 6. recensuit: sed ea methodo, quam *Schræderus* ejusque Interpres, *D. Ettmüllerus*, in *Comm.* pag. 790. nec non *le Febure* in prima parte *Chym.* pag. 231. communicarunt.

## §. 5.

Sunt interim quidam Doctorum, qui per mumias non conditam carnem humanam seu corpora ipsa, ut apportantur, & in ipsorum Materialium Museis representantur, sed illud saltem bitumen seu asphaltum, quod cum sanguine unitum, à conditorum corporum sepulchris emanat, volunt intelligi, uti in *Wormii Museo* pag. 30. videmus. Imo inveniuntur, qui etiam loco mumiarum solo asphalto utuntur, quum contra Materialistæ ipsam quoque conditam carnem pro istis sibi dari patiantur, & in emendo in id saltem intenti sint, ne pulveris minorumque partium s. quisquiliarum adeo multum assumant, nec etiam si magna frustra emant, saltem arefacta ossa sint, sed ut ossa extrinsecus pinguedinem carnemque, intus vero medullam adhuc habeant, quemadmodum *Schurzius* pag. 59. & ex eo *Marxius* pag. 126. in suis *Mat. Museis* Germanicis observant. Optimam decenter nigram, aut minimum glaucam, simulque levem ac

nitidam, boni etiam odoris esse oportet, picæ vero expertem, auctore *Pometo l.c.* Minores partes ab arena, quacum permixtæ sunt, depurgentur.

## §. 6.

Quod ad vires operationemque attinet, mumia calefaciente, resolvente ac balsamica prædita qualitate est, qua abdominis flatus dissipat, & grumofum coagulatumque ac resistantem à casu & contusionibus sanguinem dissolvit. Utilis est adversus phthisin, lienis laterisque dolorem, suffocationem uterinam, & externa vulnera. Quamobrem etiam per multas veteres compositiones, nempe pulv. contra casum, Empl. Apostolorum & similes ingreditur, & in officinis variis modis præparatur, in quibus ex ista essentia, elixir, oleum similiaque conficiuntur, de quo *Schræderus* in *Pharmacop. Medico-Chym. L.V. Class. I. Num. XXIII.* potest videri. Quam verò insignem minimeque vulgarem vim habeat MUMIA NATIVA seu MUMINAHÎ in Persia repertiunda, doctus curiosusque Lector perspicere poterit ex istius descriptione, quam *Dn. D. Kampferus* in *Disp. sua Inaug. s. Decad. Obs. Exot.* §. 3. cum eruditis communicavit, & nos in *Appendice* hujus Tract. sc. *Indiæ Orientalis Epistolæ* olim tradidimus, quæ tamen Auctor Eruditus aliquot ante annos in *Amœnitat. Exot. Fasc.* fusius prosecutus est verbis sequentibus:

## MUMINAHÎ

seu

## MUMIA NATIVA PERSICA.

Vernaculis Margaritarum & Turchesarum opibus, quæ Persarum superbiunt Gazæ, multis regio hæc parasangis anteposit nativum quendam mirandæ virtutis liquorem, quem propriò nomine *Muminahî*, id est, Mumiam appellant: vel in eminenti significato, vocabulo generali *Belessoon*. i.e. Balsamum: vel appellatione laudativâ *Kodretî*, quod ultroneum à Deo & naturâ munus, i.e. Mumiam naturalem insinuat.

Historiam ejus dignam judico, quæ Latio nostro, me relatore, innotescat, cum à Viatorum paucis cognita, à nemine descripta sit, tantum abest, ut ipsum nobilissimum medicamentum ad officinas nostras unquam penetraverit, quippe quod ex durâ rupe parcissimum emanans Soli sacratum possessioni Regiæ & intra serenissimæ familiæ orbitam consumitur, rarò saltem particulæ ex Regis clementiâ dimanant ad Magnates, si quem resciat præcipientem cum equo actum (prout contingit in venationibus) cum vitæ discrimine decumbere. Hæc est illa, ex opinione popularium, vera & genuina Mumia antiquorum, quâ apud præscos Ægyptios corpora Principum condita, atque inde apud Nostrates Mumiarum appellatio-



lationem sortita fuerunt. Quod ipsam deinde nomen in balsamo artificiali ex aromatibus facto veræque Mumia in conservandis cadaveribus supposito, retentum est. Eapropter Persæ Ægyptiam sic dictam Mumiam, ceu indignam nobilissimò nomine, vocarunt *Ensaani*, vocabulo Arabicæ originis, Humani quippiam designante; sive substantivum respiciant *muum*, quod ceram, sive *Muminabi*, quod liquorem balsamicum nostrum, veramque Mumiam significat, ut nimirum ab hac genuinâ suâ, adulterinam Mumiam Ægyptiorum distinguerent. Et nostra, quam inducimus, Mumia, succus bituminosus, ex petrosâ montis superficie exsudans; fœdâ sutoria picis facie, colore, densitate, & quodammodo quasi lentore; recens dum rupi adhæret eâ liquidior: ad calorem tractabilis est, olei gaudens consortio, aquæ misturam respuens, inodorus prorsus, & Ægyptiacæ Mumia substantiâ persimilis. Carboni injectus sulphuris spirat graveolentiam, ex Naphthâ nonnihil attenuatam, naribus non omnino molestam; odore affini, quem vel Naphtha arida, vel Asphaltus, vel veterum Mumia Ægyptiaca, addo vel Ambra nigra suffumigando spirant: Nam omnia hæc non omnino dissimilis substantiæ bitumina sunt, majoris graveolentiæ aut suavitatis gradibus à se invicem recedentia, ob diversam sulphuris, vel si mavis, salis sui dispositionem & copiam.

Duplicis Mumia differentia est; Una primaria, quam eximia virtus, & paucitas nobilitant, ea, quam hic potissimum laudamus: Altera secundaria, quam largiori manu imperitiens natura, minori efficaciam instruit, supponi in illius locum & pro virtuosa venundari ab impostoribus solita. Natalis locus Mumia primariæ, ab hominum aditu, pagis, fontibus est remotissimus, & maximè desertus, situs in provinciâ *Daraab*, unius diætæ intervallo, ab urbe *Darâ*, ita à Dario conditore nuncupatâ, Persarum Monarchâ ultimo, ex victoris sui laudibus satis inclyto. Incunabula ei hic præbet caverna quædam angusta, geminam orgyjam instar putei demissa in petram sub radice montis prærupti Caucasii. Nam hic (Caucasus) ex Iberiâ surgens, Asiam, ut *Curtii* verbis utar, perpetuo jugo dividit, sparsis ubique ramis Persidem pererrans, locis plerisque sterilis, at hoc potissimum incultus & asperimus.

Ejus collectio aliquot retro seculis intermissa dicitur, vel quod proventus cessaverit, vel quod locus bellorum turbis amissus & oblivione oblitteratus fuerit. Inventus iterum, & collectio redauspicata est, in principio seculi à Christo sexcentesimo supra millesimum; à quo tempore magnâ pompa & splendore Mumia inde quotannis petitur. Et ne pretiolori legitimæ originis fides deficiat, quippe inter cariora Domûs Regiæ adoptando, ab ipsis

ibidem supremis Provinciarum Directoribus excipiendus est, eâ quidem ætatis parte, quâ ex intensis Syrii caloribus maximè mollescit, ac laterum asperitatibus faciliori opere abscedit. Ritus & colligendi modus hic est: Supremus provinciarum *Laar* & *Daraab* præfectus, cum ceteris ex utroque territorio Regiis ministris, indicto tempore ad montis radicem conveniunt, lustrant & referant sigilla, quibus cavernam superiori anno obsignaverant. Tum saxo ingentis molis, quod ingressum claudebat, viginti bajulorum lacertis devoluto, unus ad extergendum bitumen intro mittitur, instructus cochleari ferreo, ad rimanda latera, probè rostrato. Ne verò colligenti, in obscurâ solitudine, latebræ ac vestimenta furandi occasionem suppeditent, his totus exuitur, & præter pudenda nudus dimittitur: datâ prius, quâ ingluviem claudat, aquâ limpida, plenis buccis continendâ, donec redeat. Speluncam ingressus, abradit quicquid superioris anni decursu petra eliminavit, circiter horam unam in illo opere conficiens; Dum interim deputati, id tempus epulando daturi, repetunt tentorium, quod eum in finem è regione cavernæ magnificè expandebatur. E puteo redux, & Mumiam deponit Inspectoribus, & retentam ore aquam in patellam argenteam egerit, ab omnibus censendam, an pro acceptâ lotium suum substituerit: quin papilione eductus, in ano ipso immisissis digitis visitatur, si vel inter sterquilinia gemmeum rorem condiderit. Tum verò Mumia igni illico liquatur, ut lapidosa excrementa unâ cum bitumine abrafa subsideant, limpida ejus substantia in pyxidem argenteam, eam in rem noviter fabricatam, inclinatione effunditur, quantitatem plerumque referens viginti quinque *Mescalium*, id est, unciarum paulò plus quatuor; nam *Mescaal* drachmam unam cum granis paucis continet. Obsignata pyxis, à præsentis coronæ primoribus quinque, hemerodromo porrigitur, sine morâ in Regiam Isphahanensem exportanda. Quæ impura remanet portio, eam inter se, connivente Rege, curatores dividunt. Dehinc, clauso rursus signatoque aditu, concio dimittitur.

*Secundaria Mumia* sparsim ex rupibus desertorum in eodem montium tractu, *Laram* inter *Darabum*que urbes, exsudat. Hæc, ut pari naturæ studio non est elaborata, sic multis passibus ignobilior & virtute inferior est, adeoque hæc, si inveniatur, cuivis promi permessa est, modò ob præcipitii difficultatem possit. Celeberrima ex his est, & pro pretiosa supponi frequentius solita, quam loci sui nomine colligentes agricolæ *Sehebbenaad* vocant: Adhæret prærupto cacuminis dorso, quò fune, qui abra dat, horrendo spectaculo demittitur; sagittarii etiam telis infernè missis particulas disjungunt. Redolet suffitu sulphur crudum ex Naphtha, gravius quàm pretiosa; venum no-



bis oblata à possessore suo, tanto argenti pondere, quantum ipsa in lance librabat. Alia ab ignobili loco, nomine agresti *Tsjenpèb*, aliis *Tsjampèb*, dicebatur, quæ quadruplo argenti pondere constabat; expers crudæ illius graveolentiæ; fumigata Ambram nigram ex Asphalto referebat, proximâ suavitate, vel majori penè, ac spirat Mumia nobilissima Ægyptiaca veterum, cujus quoque exhibebat friabilem consistentiam. Per Mumiam veterum, non intelligo dubiam illam foedamque hujus nominis misturam, quam officinæ exhibent; aut à vulgo ita appellata humana cadavera, in arenis desertorum exsiccata, sed veterum illud Balsamum, quo nobiliorum corpora replebant Arabes atque Ægyptii. Hujus duplex genus reperio: *Unum* pretiosissimum & multò rarissimum, è Principum cadaveribus depromptum; cujus particulas in citeriore Asiâ inter rariora Magnatum invenire nonnunquam licuit: hoc, & substantiæ similitudine, & pretio, & vel solâ nominis parilitate se genuinam Mumiam Darabensem testabatur; suffitu verò (quo Mumiam Tsjampensem magis redolet) cum Benzoino, Styrace, vel Opobalsamo se permixtam prodit: à quo & illud fortasse obtinet, (nisi id debeat antiquitati) quòd comminutum in colorem rufum nonnihil inclinet. *Alterum*, quod pro verâ veterum mumia passim & copiosè in Europâ asservamus, ut exuvias ignobiliorum corporum infarcivit, sic & viliorum, ex quâ conflata fuit, materiam exhibet. Asphal- tum esse crederem, nam ejus suffitum spirat satis genuinum.

Nativæ mumiaè persimilem liquorem fundi vidimus in Naphthiferæ Caspii maris peninsulae monte quodam, sito tribus milliaribus ab urbe Mediæ *Backuu*. Emanat ex summitate, liquidiori primùm substantiâ, sensimque defluendo congelascit, ignaris rusticis solum pro igne balneario serviens. Sed quæ inde ab uno circiter milliari puteis extrahitur Naphtha nigra, ea negligenti tractatione perpetim in terram profusa, in consimilem resinam indurescit. Hæc ab illâ secundariâ Mumia, per graviores sulphuris sui & Naphtham nigram spirantis foetorem dignoscitur, quem recens redolet, etiam non accensa; sed facta antiquior deponit. Eiusdem notæ ac fatinæ est Bitumen congelascens aridum *Strabonis Lib. XVI. de Sit. Orb.* cujus fontem esse in agro Babylonio prope bitumen liquidum, seu Naphtham, ex Eratosthene adducit. Ego locum non vidi; suspicor ibidem & nunc reperiri, quia liquidum inde petitur. Prædictarum Mumiarum cum Naphthâ aridâ, Asphalto, Ambrâ & Mumia veterum tanta est in substantiâ, colore & consistentiâ parilitas, tanta in odore & virtute affinitas, ut vix non audeam prædicta omnia ejusdem generis bitumina affirmare: quarum, quæ intercedit, major vel minor odoris suavitas & virtutis præstantia, partim ex loci natalis diverso colo, partim ex subterranei ignis diver-

so gradu & ustione dependeat; ita, ut in illâ seu percolatione, seu sublimatione, paulò aliam sui sulphuris depurationem, & particularum dispositionem nanciscantur.

Ad Mumiam primariam ut redeamus; hæc omni illâ pollet virtute, quâ scribitur veterum, seu Arabica, seu Ægyptiaca, olim excelluisse: Offibus verò glutinandis tantâ claret efficaciam, ut fracturas crurum in animantibus paucis diebus, in pueris quidem triduo, in pullis gallinaceis intra diem vertentem, modò ritè reducta sint, firmare & ad usum stabilire credatur. Quæ medicamenti efficacia in vulgus Persarum innotuit adeo, tantâque fide creditur, ut vel quicquam de eâ dubitare ipsis religio sit. Usus ejus internus & externus est. *Internè* balsamum præstat vulnerarium eximiæ virtutis, in viscerum apostematibus & ulceribus sanandis, resolvendo sanguine coagulato, rupturis & ceteris malis, quibus à casu ab alto præcipitantium viscera violentantur, si ejus particula, cum modico butyri liquata, propinetur; cavendo, ne dentes medicamento imbuantur, quos offendere ac vacillantes reddere perhibent: crediturque hæc nobiliori Mumia non admissi adulterii nota esse. *Externè* valet in luxatis articulis, qui post reductionem, artis lege institutam, loco emplastri, prædicto liquamine semel tantum inunguntur: quæ verò inunctio, si ante restitutionem fiat, tendines, interpositâ unius noctis morâ, sic arctari ajunt, ne reduci postea transmota pars ullâ arte valeat. Utrovis verò interno & externo usu potissimum, quod dixi, in fracturis ossium gravissimis locum obtinet, si Mumia portione liquetur in sufficiente quantitate butyri, pars liquata plus minus granis Mumia quinque imprægnata, deglutienda detur, reliquum linteo illitum fracturæ probè reductæ applicetur; sic factâ semel deligatione, non solvuntur fasciæ ante usum membri. In pullis gallinaceis, si crus frangitur, duo vel tria grana pro utroque usu sufficiunt. Hanc stupendam in fracturis efficaciam non dubitavi ego (ut soleo miracula naturæ) inter ea referre, quorum veritas constare debet ex tribunali *ἀποδείξεις* & experientiæ. Experimentum igitur in Gallinis instituo, non semel, sed quoties Mumia particulam pretio vel dono obtinere contigit, & in applicatione omnia ad præscriptum exequor. De Mumia autem primariâ consequendâ, cum frustra laborassem; Secundariam substituo, vel eam, quæ pro primariâ falso venditabatur. Pollere enim eadem virtute dicitur, sed segniori saltem. Quid tum? successit aliquis semper effectus non illaudabilis, verum longè infra desiderium nostrum & sponсорum jactantiam, ut vel sine bitumine obligata pullorum crura solidari non multò tardius, comperiverimus. Accidit postea, ut cum forte fortuna in nobilium coronâ exprobrarem ultra vires jactatam Mumiam; diffidentia extemplo vindex me adoriretur quidam domesticus Gubernator.



bernatoris Larenfis: virtutem Regiæ Mumix, cujus particulâ gaudebat, in consolidando osse probaturus, antequam me, ut ajebat, dimissurus sit. Rem magnâ fiduciâ aggreditur, turbâ hominum spectante, cujus hic integram rem sistam Lectoris censuræ. Recipiebat Dara-bensis Mumix pretiosæ quantitatem cicerculæ, id est, gtana duo vel tria; cui de secundariâ pro majori corpore addebat quantitatem triplam; junctas liquari jubet cum butyri modico (circiter drachmâ unâ) in cochleari argenteo, quod illi negotio exhibui utensile meum. Hoc dum fieret, producit in scenam pullus gallinaceus semestris, cui frangi crus alterum mihi committitur. Fregi penitus, ita ut festuca è cute pertusâ promineret; reduxi, & ligulam balsamo nostro inunctam fracturæ calidam circumposui, spleniolisque firmatam obligavi: quod balsami liquefacti supererat, gulæ ejusdem infudi deglutiendum; sic servavi gallinam loco angusto tenebricoso: omnia sic jubente, qui Mumix susceperat patrocini-um. Postero die convocatis in idem tempus, qui pridie sponsores & spectatores adfue- rant, gallina è tenebris producit, solvitur ligulis & dimittitur. Quæ tunc expansis alis quatiens, suæ applaudit libertati, & expeditè discurret, ut escam quærat; tantillâ cum clau- dicatione tamen, quantula vel in sano pede in- ferri offensa potuisset ex spleniorum pressurâ. Mox sparsis granis affiliens, doloris se amplius expertem, vel hîc ipso testata est, quod cete- ras gallinas audacter impetiverit, & ab escâ depellere conata sit. Mirabundi stetimus, qui- cunque de Mumix dotibus dubitabamus. Po- stulatus ego, sponso- rum sententiis ut subscri- berem: nisi, ajo, scriniariorum arte fracturas quis conglutina- verit, naturali certè nondum combinari: quippe licet Mumix eximiam vir- tutem videam & prædicem, neutiquam tamen me credere, naturam quocunque etiam for- tissimo remedio jutam, uno vertente die tan- tum præstitisse opus in exsangui crure, secre- visse calli materiam, glutinasse, indurasse. Nec moror, crure, dissecto, fracturam oculato exa- mini subicere: in quo offendimus externam cutem, sub balsami liturâ, plus solito crassio- rem, ossis fracturas firmè stringentem: quâ ipsâ scalpello remotâ, periosteum prodit mi- rè quoque conspissatum, quod fracturam fasciæ instar obvolvens, festucas loco suo retinebat & firmabat: abra- sâ verò eâ membranulâ, tan- tum abest, ut intermedio callo, quod crede- bant, fracturæ cohaerint, ut potius levi at- tactu disjungerentur: comparente in oris fra- cturarum cruore exiguo, pro ferramenti pri- mordio: Ex quo constabat, naturam opus suum laudabiliter inchoasse quidem, neuti- quam perfecisse. Hujus experimenti fiduciâ cum deinde virtutem Secundariæ in subje- cto humano explorarem, (nam ejus copiam per natalem locum peregrinatus coëmeram)

callum quoque celerius, quàm quovis medi- camento porotico obtinui, excre- scentem ple- rumque ultra desiderium.

## §. 7.

Cæterum etiam

## AXUNGIA HUMANA

Materialistarum & Pharmacopolarum merca- turam subit, quæ optima in publicis sectioni- bus manuque carnificis interemptorum ho- minum colligitur. Quam propterea plebs apud carnifices quærit, magna tamen subesse fraus potest, quod certa nos indicia deslituunt, quibus axungia rectè discernantur. Interea humana pinguedo quid præcipui præ aliis ha- bere videtur, dum vini anodynæ secum ve- hit, & non contracta solum membra emollit ac mitigat, sed nervos quoque ac tendines, si spina aliave re puncti læsique fuerint, ac ma- gno propterea dolore se contrahunt, in pristinum restituit, luxatoque pedi admodum pro- ficua est. Sic commendatur quoque adversus partium ariduram, cui & oleum, quod destil- latione quidam inde proliciunt, valde con- ducit.

## §. 8.

Porrò

CRANIUM HUMANUM in Materialium Museis asservatur, ex morte mulctatis reis, aut bello interemtis desumendum; quamobrem in ultimo Turcico bello integri sacci, Turca- rum capitibus pleni, Lipsiam apportati sunt. Sunt tamen Materialistæ & Pharmacopolæ, qui cranium morbo oppressorum divendunt, sicut meis ipse auribus percipi, aliquando cer- tum quendam Materialistam, aliqua sibi pro- curanda ex ossuaria humana crania petiisse. Quæ turpis fraus est, minime toleranda, quod ejusmodi defunctis corporibus nec succus, nec vis ulla inest, è contrario in iis, quæ violenta occumbunt morte, vitales spiritus quasi in- tercepti, & in corporis partibus concentrati sunt, à quibus vis maximam partem depen- det, quæ manifeste melior in craniis reorum quam mortuorum observatur, quemadmo- dum haud ita pridem Anno 1701. hic Gieslæ quum tenello infanti epilepsia tentato (ad quam cranium præcipue commendatur) cra- nium humanum præp. ex officina præscribe- rem, effectû insequente nullo, expertus sum: quum verò aliquid de collapsæ vetustate scèle- to parentibus darem, feliciter infans convaleuit. Quod si vero frustuli nobis daretur copia de homine, capite læso, & adhuc vivente, sine comparatione erit efficacius, id quod *D. Hoffmannus* in *Comment. Schræd. pag. 675.* sua expe- rientia testatur. Quidam præsertim os trique- trum s. triangulare magnifice jactant, quod in- terdum, sed perrarò inter futuram Sagittalem & Lambdoideam inventum, pro certissimo Antiepileptico habent; in iis de *Paracelsi* sen- tentia invenitur, qui morbo caduco ipsi affici- untur



untur. Equidem ipse testari possum, id ipsum in quodam parricida, qui Ao 1677. securi cervicem subijciebat, & postea publicam subibat anatomen, quique epilepsia nimis crebro graviterque erat afflicto, verum fuisse deprehensum, super cujus cranio triangulare istud ossiculum pulchre reperiatur, & usque adhuc in sceleto, quod *Dn. D. Straussius*, Medicus Rotenburgerensis asservat, videre est: num vero in omnibus subjectis inveniat, in medio nunc relinquo, & ipsa rerum magistra certi quid docebit. Cæterum valet etiam cranium ad curandos alios morbos, strumas, nodos colli, in quibus pro salutari remedio à *Clariss. Hartmanno* habitum, & à *D. Michaële* usu comprobatum fuit. Sic *Dn. D. Widtius* olim Camera Imperialis Spirensis Medicus, & tandem Electoris Mogunt. Archiater, cranium humanum pro experto adversus icterum remedio habuit. Quod autem quidam milites sibi persuasum habeant, hausto ex cranio potu corpora fieri impenetrabilia, ut *Ettmüllerus* in *Comment. Schræd. pag. 791.* memorat, ea vero ridicula superstitio est; sic enim omnes Medicinæ studiosi, quando peracta cadaveris sectione, expoliendo sceleto intenti, plerumque è cranio potum hauriunt, fierent impenetrabiles, id quod experientiæ minime respondet. Quæ ex cranio præparentur, vide apud *Schræderum l.c.*

## §. 9.

Quæ etiam de

## USNEA CRANII HUMANI

concitetur opinio, similiter notum est, raro tamen vera & sincera habetur, cum nonnulli muscum à craniis in ossuariis ac cœmiteriis deradant, eumque pro vera usnea divendant, quæ potius ex capitibus humanis in stipitem adactis, patibulo affixis, aut rotæ impositis desumenda esset. Præcipuam quandam vim in hæmorrhagiis quibuscunque habere perferitur, quas non interne solum, sed etiam extrinsecus manibus detenta, compescere perhibetur. Eaque ipsa usnea quoque basis est unguenti sympathetici, & celebrati lapidis *Buttleri*, de quo *Helmontius* integrum *Tractatum* conscripsit, cujus descriptionem à Sene quodam Chymico, cui *Kriegsmanno* nomen erat, olim accepi.

## §. 10.

Ultimò in quibusdam Materialium Museis

## CALCULUM HUMANUM

præsertim vesicæ invenimus, qui præter cæteros (quamvis in omnibus corporis humani partibus generari possit, annotante variis ex Scriptoribus *Clariss. Daniæ Regis Archiatro Dn. D. Franco* in *Lapidina Microcosmi*) ad medendum conquiruntur. Qui, quoniam lapidis adinstar bezoardici, è variis sibi invicem incumbentibus lamellis constat, eandemque

etiam in contagiosis febribus pestilentiaque ipsa vim bezoardicam exerit; non immerito à *Christiano Hieblino*, in *Tract. Germano de Lapide Bezoar*, lapidibus bezoardicis annumeratur, indito ipsi Bezoar Microcosmici nomine. Multum is & quidem prorsus volatilis salis in se continet, sicut *D. Maezius*, Professor Lugdunensis, dum viveret, quam sapissimè, in istius loci Laboratorio Chymico me inspiciente, ostendit; cujus consideratione etiam ad renem ac vesicæ calculum commendatur.

## §. 11.

Quum interea multi ea teneantur opinione, *Paracelsum* atque *Helmontium* per vulgò ita dictum LUDUM, intellexisse humanum vesicæ lapidem, sciendum est, verum

## LUDUM HELMONTII

prorsus diversum esse lapidem, qui juxta Scaldecem non procul Antwerpia effodiatur. Infra cineraceam basin habet, instar lapidis calcarii, supra pellucida crusta tanquam succinum, conspicitur, de quo haud ita pridem quædam clara stirpe orta matrona, eademque hominum sermone celebratissimi diuque defuncti copiarum Ducis Rabenhaupti, Chymix amantissimi, olim uxor, *Dn. D. Schleyermacherum*, Serenissimi Principis Hasso-Darmstadini Archiatrum, certiore fecit, ipsumque sapius tractasse se manibus commemoravit; cujus pariter *Miscellanea Germ. Cur. Dec. I. Ann. 7. & Ettmüllerus* in *Comment. Schræd. p. 802. & 806.* mentionem injiciunt, & pro lapide calcario habent. Hicce Ludus valde volatilis esse lapis perhibetur, qui per se intra biduum mediante igne in aërem evolet, id quod multo citius contingit, si quid de nitro ipsi addatur. Et quoniam acidulum amarumque inde haberi sal potest, à *Paracelso* fel terræ vocatur, de quo in istius *Tr. de Morb. Tart. cap. 20.* consulatur, ubi obscura scriptione de eo agitur. Quam vehementer verò *Clariss. Helmontius* istum extollat, & quam infallibilem ex illo medicinam adversus calculum aliosque affectus conficere intendat, in ipsius *de Lithiasi libro* potest evolvi.

## §. 12.

Inveniuntur etiam interdum aliqui lapilli in vesica fellea corporum humanorum, qui ut plurimum flavi, amari & leves sunt, quales olim in vesica fellea cujusdam carnificis filix, quæ amputato ob varia delicta capite, publicè anatomicum subibat cultrum, videbantur, & usque adhuc meo in museo custodiuntur. Sic etiam *D. Beckerus*, Medicus Alsfeldensis & hujus operis Interpres, aliquando hic Gießæ in vesicula fellea cujusdam scemina, ex morte chronico defunctæ, centum quinque & quadraginta calculos invenit, foris subflavos & tactu pingues apparentes, intus dentem cariosum referentes, decagonæ partim, partim octagonæ figuræ, eosque singulos suo in ordine ita sibi simi-



similes, ac si de industria, manuque opificis quam aptissima, tornati fuerint, ut in *Dodecade Observ.* quam suo de *Submersorum morte sine pota aqua*, *Tractatui* subjunxit, pag. 137. ipse testatur. Ad eum præcipue iſterum valent, qui ab ejusmodi lapillis oritur, & in cæteris qualitatibus cum iis conveniunt calculis, qui in vesica fellea adultorum boum inveniuntur, de quibus agetur proxime.

## §. 13.

Id verò unum omnium est rarissimum, totos etiam fœtus in utero materno posse lapidescere, cujus rei curiosum exemplum in *Museo Regio Hafniensi Sect. I. pag. 1.* annotatum invenimus, ubi fœtus humanus lapidifactus, quem sartoris cujusdam uxor Senonii in Gallia octo & viginti annos gestaverat, legitur, qui primum à Parisiensi mercatore Gemmario Veneto, ab

istoque Anno 1653. Potentissimo Daniæ Regi, Friderico III. venditus est, cujus figura è memorato Museo Regio in Germanicâ Musei hujus editione exprimitur. Peculiares de eò Tr. scripsere Mons. d' *Aliboux*, *Roussetus* & *Bauhinus*, teste *Guidone Patino* in *Epist. select. n. IX. pag. 34.* cui LITHOPÆDIUM SENONENSE audit.

## §. 14.

## CUTIS HUMANA

partum difficilem faciliorem reddere dicitur, de qua *D. J. P. Bruno* de *Medicam. ex homine* desumptis eleganter scripsit. Videtur tamen multum superstitionis latere, cum fortè ipsa stritura aut ligatura tonum fibrarum & partium nervosarum quodammodo irritans & ad labores in partu necessarios excitans, aliquid contri-  
buit; quod ab omnibus aliis vinculis & fasciis expectari poterit.

## CAPUT II.

## DE

DENTIBUS ELEPHANTI, EBORE CRUDO  
ET SPODIO.

## §. 1.

**D**ENTES ELEPHANTI permagni, longi crassique dentes sunt, extinsecus flavi, intus albi, quorum singuli interdum duorum centenariorum pondus habent, qualis à *Pharmacopola Vielheuri* in *Descript. Exot. Mater. pag. 189.* delineatus visuique propositus est. Magna quantitate ex India Orientali veniunt, & integri æque atque in fragmentis à Materialistis divenduntur.

## §. 2.

Quemadmodum nunc leo ex unguibus dignoscitur, ita vel ex solis hisce dentibus miranda magnitudo hujus bestię, quæ

## ELEPHAS

vocatur, facile potest æstimari, ex cujus superioribus maxillis hi dentes in utroque proboscidis latere, octo ad decem pedes foras prominent, ut sine ulla bestię molestia insidere singulis homo queat, uti *Ettmüllerus* in *Comment. Schræd. pag. 782.* commemorat. Quam tamen longitudinem tantum mares habere, eaque à foeminis dignosci dicuntur. Bini verò octo, decem & plures alti pedes sunt, tantoque pondere, ut Elephas plus carnis, quam quinque nostrates boves habere dicatur; ut prægrandia ponderosaque ossa nunc silentio præteream, quæ partim in integro sceletto, quod Parisiis juxta Theatrum Anatomicum in Horto Regio videtur, cujusque ante XIV. annos à *Dn. du Verney* una cum ossiculis auditus, videndi mihi facta copia est: partim solo in capite, quod in mola

ferraria Lugduni Batavorum suspensum est, cum admiratione videntur, vivoque adhuc capite aures sex pedes latæ sunt. Alias valde prudens docilisque bestia est, quæ variis artibus, agitando vexillis, exhibendæ reverentiæ, displodendis tormentis aliisque exercitiis militaribus potest assuescere, qualis elephante Anno 95. hic ostensus fuit, de quo *Clariss. Sturm* Aldorfinus Anno 1696. elegantem *Disputationem* habuit, in qua de omnibus reliquis Elephantum qualitatibus uberius agitur, de quibus *Gesneri*, *Aldrovandi* & aliorum egregii de *Animalibus libri* consulantur.

## §. 3.

Id saltem prorsus intactum præterire nolui, quo scilicet modo fera ista ac immanis bestia capiatur, & mansueta fiat, id quod Eques de *Chaumont*, olim Galliæ Regis Legatus, in Regno Siam ipse vidit, & in *Ambassade de Siam Lib. I. pag. 98.* secundum circumstantias ita commemoravit: Regem istum elephantum foeminarum mansuetarum aliquem in sylvam mittere numerum, quibus feri se associant, qui tricies aut quadragies mille militibus, multisque elephantis bellatoribus circumdati, ingenti igne displodisque tormentis perterriti, alius post alium capiuntur, posteaque in peculiari fovea, injectis vinculis, cicutur, donec post XV. dies procuratorem seu promum suum agnoscant, eique in omnibus pareant. Quod de iis saltem, qui ex India Orientali veniunt, intelligendum est, dum, qui in Æthiopia & Abessina sunt, minime mite-



scere dicuntur, ut Clariss. *Dn. Ludolffus* in *Hist. sua Æthiopica* testatur, sub eleganti tamen figura videndum sistit, quemadmodum fructus agrorum custodiant.

## §. 4.

Quam magnum ipsi elephantum usum in Oriente militaribus aliisque officiis præstant, magnas sufficiente militum copia munitas turre portando: eo majus ex istorum dentibus in Europæos proficiscitur commodum, quod non solum ita dictum

EBUR, *Helffenbein*

suppeditant, sed ad Medicinam quoque adhibentur. Hoc vel in integris dentibus est, & Ebur integrum vocatur, vel in frustis & fragmentis affertur; è quo artis periti torniones res perpulchras, vulgò *Galanterien*, præsertim majores minoresq; clysteribus inservientes fistulas, quarum etiam Materialistæ faciunt mercaturam, tornant, sculptores quoque, pectinarij alique artifices opera sua conficiunt. Unde tantum Norimbergæ multa millia librarum opificio consumuntur, ut Materialista Norimbergensis, *Marxius*, in *Mater. Mus. German.* pag. 92. confirmat. Optimum ex Ceylon venit.

## §. 5.

In Medicina primum habemus

## RASURAM EBORIS,

quæ haud secus atque rasura CC. ad pituitas utilis est, & ob sal suum volatile in omnibus febribus, ictero, jecoris ac lienis molestiis conducit: quibus in morbis etiam pulvis prædicatur. Interdum quoque ebur adinstar CC. evaporatione friabile redditur, ac philosophice calcinatur, quod

## EBUR SINE IGNE

vocatur, cujus usus cum priore convenit.

## §. 6.

Quando vero ebur recte calcinatum ustumque est, EBUR USTUM dicitur, quod rursus duplex est, unum in aperto igne tamdiu uritur, donec albescit & alias

## SPODIUM ex EBORE

vocatur, quod foris intusque eleganter album, grave, friabile esse, pulchrasque lamellas easque non parvas oportet habere. Vi adstringente præditum, ut Trochisci de Spodio, ad fluxum alvi quemcunque, hæmorrhagiam ac fluorem album mulierum prædicatur. Si quando vero

in cooperto calcinatur lebate, instar carbonis nigrescit, ut *D. Hoffmannus* in *Clav. Schræd.* pag. 660. ostendit; è quo cum aqua parvæ rotulæ conficiuntur, quas pictoribus inservientes Galli Noir de Velour vocant. Ante tamen quam ebur hoc illo modo calcinatur, sal volatilis spiritusque inde prolici possunt, posteaque, quod reliquum est s. @ calcinari, quo nihil pereat.

## §. 7.

Interdum etiam magni ejusmodi dentes ac ossa sub terra reperiuntur, quæ quod eboris similitudinem expriment,

## EBUR FOSSILE

vocantur. Similiter extrinsecus flavum, intus album est, in lingua tamen flavum. Utrum verò ejusmodi fragmenta à sepulto in terraque calcinato ebore proveniant, an è pingui aliqua terra seu marga Naturæ lusu ita formentur, Naturæ indagatoribus decidendum relinquimus. In lingua friabile, immodice trahens & eleganter album sit, commemorante *Marxio l. c. pag. 93.* Aliàs sua & substantia & virtute cum unicornu fossili valde convenit, quo de alio in loco agetur.

## §. 8.

Ad extremum Simia, quam in figura edit. German. se in elephantum nostrum recepisse vidimus, non omnino negligenda, sed ejus quoque paucis facienda mentio est, siquidem in ista valde præstans pretiosusque lapis seu bezoar, qui

## BEZOAR SIMIARUM

vocari posset, invenitur, cujus grana sex semidrachmam veri bezoar præstant, adeo, ut unus centenarius pretiosior sit, ut *Tavernierus Lib. II. Itinerarii sui pag. 319.* commemorat. Hi lapides plerumque vere rotundi sunt, cum bezoar Orientalis sæpe longiusculus aliusque figuræ sit. Ut plurimum in Insula Macassar reperiuntur, quorum duos *Pometus*, Materialista Parisiensis, possidet, quos simul cum Pedra Porco pro aliqua maximarum curiositatum ac divitiarum Europæ habet, ut ex *Appendice ipsius Libri p. 2.* apparet. Aliæ simiæ valde noxiæ bestię sunt, quæ fructus campi valde perdunt, auctore prædicto *Dn. Ludolffo l. c. Lib. I. cap. 10. num. 52.* Quæ causa est, quamobrem istius loci incolæ de industria istis insidias struant, variisque insidiis capere soleant, quam materiam *Malletus Lib. III. Cosmograph. pag. 77.* pereleganter descripsit, aliqua in figura sistit contemplandam.



## CAPUT III.

DE

## CORNU RHINOCEROTIS.

## §. I.

CORNU RHINOCEROTIS,  
*Nasē-Horn*

crassum, densumque sine cavitate cornu est, extrinsecus nigrum vel cæsum, intus albidum & fissile, ulnam forte longum, sed admodum firmum ac grave, & instar dimidiæ lunæ incurvatum, infra crassum, supra acutum, ut magnum bovis cornu repræsentet. Per Bataviam Angliamque ad nos venit, & sicut olim singulare quid rarumque erat, ut ex *Schræd. Pharmac. Lib. V. Class. I. Tit. XXXII.* colligitur, ita hodie nihil amplius rari est, quum apud omnes Materialistas istius habeatur copia, uti *Marxius in Mater. Mus. pag. 169.* scribit.

## §. 2.

Hoc cornu è naso exotici cujusdam animalis crescit, quod ipsum

## RHINOCEROS

propterea vocatum fuit. In India Occidentali reperiundum, magnitudine sua elephanto parum cedere perhibetur, quanquam breviores dentes habeat, proptereaque non tam altum sit, cum elephanto tamen dimicat, quem mediante suo cornu, quo isti abdomen incidit, vincere aptum natum est, unde etiam elephanti magister vocatur, quamvis & hic suum habere magistrum dicitur, cujus cornu in *Dn. Nicolai Mus. Witteberg.* videndum est, & cum ipso animali à *Pareo pag. 79. f. f. Majolo, Camerar. Æliano, Schrædero, Gesnero* aliisque describitur. Ejus forma vere singularis & miranda est, dum capite apris assimilatur, & præter descriptum cornu, quod in proboscide gerit, aliud in dorso habet, idque multo brevius & saltem spithamam longum, quemadmodum *Gesnerus in Historia sua animalium* ea in figura, quæ à vivo rhinocrote, Regi Lusitaniæ ex India Lisbonam misso, desumpta ac descripta fuit, videndum sistit. Istius vero corpus multis durisque testis instratum, & tanquam cataphracta esse armatum, ut non solum quidam Materialistæ & Pharmacopolæ v. g. *Pometus in Hist. des Drogues Lib. 1. cap. 8. pag. 26. & Vielheurius in Descriptione Exot. Mater. pag. 175.* sed quidam etiam Doctorum scribere non dubitant, merum commentum est, quod inde existisse putatur, quod cutis animalis instar elephanti obscure cæsia ac sine pilis est, in lateribus dorsoque multas profundas rugas habet, quas pictores sculptoresque ærarii ejusmodi conchiformi adumbratione volunt effingi. Unde alii existimarunt duras esse testas & cataphractas, qualis error jam pridem à curioso *Wormio pag. 336. Musei sui*

è *Jacobo Bontio, Naturalium Historiarumque Scriptore* Indo est detectus.

## §. 3.

Eadem istorum opinionis ratio est, qui cum *Æliano* credunt, omnes rhinoceroes masculini esse generis, nec ad modum aliorum animalium utriusque sexus congressu propagari. Licet enim nusquam recte descriptum legamus, quomodo coeant, suosque pullos educent; communi tamen Naturæ cursui adversatur, secundum quem etiam minimum insectum nonnisi per utrumque sexum propagatur, id quod *Franciscus Redi*, doctus Italus, jam pridem in eleganti *Tract. de Generatione Insectorum* ostendit. Quis igitur aliam tam immanis bestię generationem sibi finget? Ut jam non dicam, istam S. Scripturæ adversari opinionem, ac *Plinium* quoque *Lib. 10. cap. 36.* de generatione rhinocerotis fecisse mentionem, ut *Ulysses Aldrovandus in Historia Quadrupedum Bisulcorum Lib. 1. pag. 366.* observavit, diversas simul hujus bestię species narrans, vel à diversa regione aut diversitate duorum cornuum desumptas, siquidem cornua ista vel simul in naso conspiciuntur, vel unum saltem è naso prominet, alterum dorsum armat, ut *l. c.* pluribus legitur.

## §. 4.

Vires hujus cornu cum unicornu conveniunt, in cujus etiam locum nonnunquam sufficitur, teste *Zacuto Lusitano Lib. 4. Med. Princip. Histor. 51.* Sicuti vero nullum est dubium, quin cornu cervi ad instar multum salis volatilis contineat; ita credibile est, istius intuitu promovere sudorem, omnique veneno ut ferunt, ac contagiosis febribus adversari, istasque curare, sive ejus rasura pulverata detur, aut alio modo usurpetur. Pretiosa quoque aqua, ut & essentia exinde potest destillari, ut ex *Fabri & Bartholeti scriptis Ettmüllerus in Comment. Schræd. pag. 796.* refert. Non minus calices & pateræ ex illo torrantur, vid. *Wormius in Mus. pag. 381.* è quibus nonnulli vel propterea bibunt, quo se ab omni veneno defendant; ubi tamen fides plurimum præstat.

## §. 5.

Cæterum magna datur avis cornifera, s. naso cornu gerens, propterea

## AVIS RHINOCEROS

vocata. Quam *Mich. Rup. Beslerus in Gazophylacio* eleganter descripsit, ibidemque etiam rostrum una cum cornu delineavit, quæ bina *Francofurti ad Mœnum in Dn. Banse Materialistæ Officinâ in Naturâ* sistuntur videnda.

## §. 6.



## §. 6.

Tandem similis aliquis piscis  
RHINOCEROS PISCIS  
vocatus, dicitur inveniri, à *Casparo Ensen* clarissi-

mo Lusitano *Lib. 2. Hist. Ind. Occid.* descriptus.  
In Medicina, similiter atque avis rhinoceros,  
non usurpatur.

## CAPUT IV.

## DE

## CAMELO ET SALE AMMONIACO.

## §. 1.

Quam magnum CAMELUS domino suo usum œconomicum præstat, dum & pariori victu sustentatur, & sub graviore labore necessitate urgente, esurie sitisque patiens est; tam parum Materialistis Medicisque prodest, quippe quibus nihil suppeditat, nisi quod quibusdam in locis Camelorum capilli à Materialistis vehantur, ad pretiosos pannos pileosque conquirendi, qui de dorso bestię sumti, albosque pilos hinc inde admistos habentes, censentur optimi, uti *Pometus* in *Hist. des Drogues Part. II. Lib. I. pag. 28.* recenset. Qui tamen quum hic loci ab aliis mercaturam facientibus vendantur, non opus, ut iisdem immoremur, aut camelum ipsum verbosius describamus, quippe qui partim non adeo rarus est, partim à *Gesnero, Aldrovando, Bocharto* aliisque sufficienter est descriptus.

## §. 2.

Unum saltem hic memorandum, ex Veterum innotescere scriptis, vulgatam fuisse opinionem, quemadmodum SAL AMMONIACUM NATIVUM in Libya vel Arabia ex urina camelorum calida in arena solis radiis coquatur & generetur, quando sc. peregrinatores ac mercatores ibidem quiescunt, uti *Marxius* in *Mat. Mus. Germ. pag. 188.* scribit, atque *Pometus* figura æneâ oculis subjicit, qui etiam gloriatur, ejusmodi sal ammoniacum se à *Tournefortio* accepisse. Equidem diffitendum non est, *Plinium Lib. 12. c. 3.* ΘΧ nativi fecisse mentionem, atque ejusmodi sal olim inde fortasse provenisse; Num verò ab urina camelorum generetur, nondum sufficienter probatum est, videturque sal istud majorem cum sale gemmæ habuisse affinitatem, quam cum ΘΧ eo nostrate, id quod ex proxime præcedentibus sequentibusque verbis *Plinii* non temerè ab juniore *D. Wedelio* in *Disp. Inaug. de Sale Ammoniaco pag. 7.* colligitur. Quod si verò urina camelorum quid contribuisse videatur, nitrum potius uti apud nos, exinde potuisset oriri. Minimum certum est, Arabicum ac nativum ΘΧ. hodie ignorari, ejusque ne festucam quidem in officinis ac Materialium Museis inveniri, secundum confessionem *Schræderi* in *Pharm. Med. Chym.* ac omnium Materialistarum.

## §. 3.

Interea non prorsus inficiandum, hodieque aliis quoque in locis nativum ΘΧ. reperiri, dum non solum Ætna mons in Sicilia sal nunc album mox flavum exspuit, teste *Boconio aux Recherches & Observ. Naturell. pag. 47. 247.* sed simile quoque juxta Puozzolo, haud procul Vesuvio, in Italia copiosè invenitur, de quo *Fracassatus Dissert. de Ling. Epist. Anatom. ad Malpigh. pag. 145.* meminit, cujusque particula primum à *Dn. D. Schellhassio* Camera Imperialis Medico, communicata est. Quod sal in omnibus cum ΘΧ vulgari convenit, atque multo fortiore urinosum suppeditat, quam istud, quod nonnulli propterea flores ΘΧ nativos vocant, alii verò flores sulph. nat. quoniam aliquid sulphuris continet, ac propterea flavescit florum sulphuris modo. Optandum esset, ut ad nos afferri curaretur, istique in officinis ac materialium museis concederetur locus.

## §. 4.

Quum verò haberi nequeat, ubique SAL AMMONIACUM FACTITIUM usurpatur, quod striatum, amarumque & acre sal est, ex □, fuligine ΘΧ culinari factum, rotundis orbibus ollarum opercula referentibus, fustum seu sublimatum, hinc inde transvehendum. Ut plurimum Venetiis & Antverpia venit, illud tamen habetur melius, ut *Schræderus* jamdum monuit.

## §. 5.

Quemadmodum præparetur, *Hoffmannus* in *Clav. Schræd. pag. 349.* docet. Recipiunt □ partes quinque, Θ communis part. j. fuliginis part dimidiam, coq. in massam, postmodum in ΘΧ sublimandam. Quidam equidem existimant, urinam è publicis canalibus Venetiis, aut etiam ab ægris in nosocomiis sumi; prædictus tamen Auctor id falsum esse ostendit, dum recens saltem sanaque urina sumitur, quod putrida foetensque cum cæteris partibus incoqui nequit, Θ volatili in quo plurimum positum est, continuo avolante, quo recens urina nondum destituitur.

## §. 6.

Optimum vere siccum esse decet, eleganter candi-



candidum, intus & in medio eleganter clarum, nitidum, non nigrum, nec multum sedimenti habens, uti *Schurzius* in *Mat. Mus.* pag. 81. loquitur. Quod contra extrinsecus pingue est, supra infraque nigrum, intus vero casium, nigricans & ita pellucidum atque murus sex pedes latus, necquicquam prodest, ut *Pometius* ostendit. Sal ammoniacum in orbibus melius est, atque id in campanis, vid. *Marxius* l. c. pag. 188. Quo fortioris ac penetrantioris odoris est, cum calce viva aut cinere clavellato in manu tritum, eo est melius.

## §. 7.

Valde utile sal ammoniacum sal est, quod non solum tinctorum, aurifabri, ararii, acicularii alique artifices ad sua opera, sed Medici quoque utuntur, quod aperiendi resolvendique virtute pollet, ac propterea in omnibus a pituitoso ventriculo ac mesenterio profectis morbis, utpote febribus erraticis, macie, hectica ac similibus perutile est, atque externe quoque in angina, ungue oculorum opem praestat, quo in casu Oculistae ac Chirurghi aquam sapphirinam exinde preparant. Sudorem quoque ciet, praesertim si alio quodam alkali solutum, sal ejus volat. vel in flores sublimatur, vel destillatione

## SPIRITUM ☉ AMMONIACI

suppeditat, qui nihil aliud est, quam ☿ ☿, vi valde penetrante praeditus, quam mediante sanguinem coagulatum stagnantemque efficaciter resolvere, nervos spiritusque vitales con-

fortare, sudoremque pellere valet, atque adeo nobile ad apoplexiam, arthritidem ac paralyfin, scorbutum, febres, ipsamque pestilentiam remedium est. Externe quoque naso admotus, apoplecticos, epilepticos, ac mulieres suffocatione uterina affectas exsuscitat, cum instrumento *Glauberi* pudendis muliebribus applicatus, menses promovet. Ex ejus ☉ SAL HYPOCHONDRIACUM elixiviando potest preparari, de quo aliisque preparatis *Ettmüllerus* in *Comment. Schræd.* in *Chymia Experim. Collegio in Ludov.* aliisque locis copiose accurateque agit. Conf. *Laboratorium Parisiense* cum Annot. nostris propediem typis imprimendum.

## §. 8.

Quam miram hoc sal virtutem in Chymia & Alchymia praestet, iis quoque notum est, qui vel digitis extremis carbones attigerunt, dum vel ipsum aurum potest solvere, si quando cum ☿ ☿ aut ☿ miscetur, indeque ☿ REGIA preparatur. Imo tam efficax ac volatilis est ut etiam tinturas à lapidibus & metallis secum in altum trahat, ac propterea à *Basilio Valentino* aliisque Aquila coelestis vocetur. Ejus igitur flores vere sublimantur, si quando vel corallia rubra, lapis hamatites, aut ☿ associantur; sublimatum vero ☿ ☿ cum terra ☿ li dulc. indutum SULPHUR ☿ ANODYNUM suppeditat; cum aere viridi permistum ac sublimatum, ENS ☿ Helmontii acquiritur, à *Boyleo* tam vehementer ad rhachitidem commendatum. Alios labores secretiores jam praterimus.

## CAPUT V.

## DE

## UNGULA ET CORIO ALCIS.

## §. I.

UNGULÆ ALCIS, *Elends-Klauen*

fulcae ungulae sunt, de posterioribus alcis pedibus desumptae, ungulis cervinis haud multum dissimiles, una cum pedibus à Lappia, Suecia & Norwegia, ubi haec bestia potissimum invenitur, afferri solitae. Olim etiam in sylva Hercynia vixisse creditur, unde fortasse permagnum illud cornu alcis, aliquando prope Durlacum in Rheno antiquo repertum, provenit, uti clariss. Theologus *Dn. D. Majus* olim Concionator Aulicus Durlacensis nunc Professor Giessensis, in *Historia sua animalium* testatur.

## §. 2.

ALCE non eodem ab omnibus modò describitur, utpote *Julio Cesare* ratione magnitudinis caprae; ab aliis vero scil. *Plinio* asinis comparatur; qui utrique tamen ex aliorum fortasse relatione, quam ex ipso animalis intui-

tu id scripserunt. Iis igitur major habenda fides est, qui in locis Septentrionalibus vixerunt, bestiamque ipsi viderunt, quibus *Olaus Magnus*, *Gæbelius* *D. Leopoldus Junior* (qui *Disput. Inaug.* de eâ habuit) alique annumerandi, utpote fidem nobis facientes, alcem non parum cervo majorem esse, & fere equum lato cornu praeditum referre. Quae causa est, quamobrem à quibusdam CAVICERVUS, ab aliis vero ANIMAL MAGNUM vocetur, & hoc sub nomine ab *Andrea Baccio* Medico Romano, in peculiari *Tr. de Bestia Magna* fusius describatur.

## §. 3.

Caterum permulta de mira natura & proprietate hujus bestiae leguntur, quod in terram prolapsa, erigere se nequeat, quoniam artubus pedum destituatur. Item epilepsia crebrius affici, à qua intruso s. immisso in aures sinistro posteriore pede, continuo liberetur, qui



propterea tanta virtute curandæ epilepsiæ valeat, & quæ sunt alia ejusdem farinae. Quæ tamen relationes omnes fabulosæ sunt, dum supra citatus *Olaus Magnus*, in *Hist. Septentrionalium*, testatur, alcem valde velocem esse bestiam, quæ spatio XXIV. horarum centum milliaria Italica aliquoties emetiri possit. Quis vero credet, pedibus minus articulatis id fieri posse? quales olim etiam elephanto adscripserunt, quem tamen genubus se inclinare posse, Anno 1695. hic Giesæ ipse vidi. Et qua ratione misera bestia, si de vulgari sententia tam crebro epilepsia afficeretur, inque terram prolapsa se erigere nequireret, sibi ferre opem sponteque surgere posset? siccine semper in terra prostrata jaceat? quæ sinistrum pedem auri posset applicare? Quanquam hoc ipsum & omne quicquid de istius epilepsia dicitur, falsum, purumque ac putum commentum sit, dum ii, qui naturam hujus morbi intelligunt, facile judicare possunt, tanta in paroxysmo bestiam nec vi nec prudentia pollere, qua sibi opem ferat, quippe qua hominem epilepticum scimus prorsus destitutum. *Gæbelius* quoque qui bestiam ipse vidit, de istaque integrum librum conscripsit, valens sanumque animal esse testatur. Quamobrem satis mirari nequeo, quod non plebs solum, sed clarissimi quoque doctissimi que Scriptores, qui de animalibus commentati sunt, *Gesnerus*, *Aldrovandus*, *Jonstonus*, imò & curiosus *Wormius* (qui tamen Hafniæ loco Septentrionali docuit) avitæ huic superstitioni, à veritate ac quotidiana experientia prorsus alienæ, in pretiosis suis tractatibus habuerint fidem, quicquid etiam *Baccius* ad istorum excusationem proferat. Qua occasione Theologos junioresque Pastores volo admonitos, ut in posterum in suggestu ab ejusmodi fabulis ac mendaciis se abstineant, nec, ut *Franzius* in *Hist. Anim.* fecit, militantem & angustatam Ecclesiam cum hac bestia comparent, neque alia mysteria utpote passionem Christi, mortemque ac resurrectionem cum Pelicano, Phœnice aliisque fabulosis avibus explicent. Hi siquidem articuli fidei è verbo Divino sufficien-

ter probati, ut mendaciis illustrentur, non opus habent.

## §. 4.

Ex quibus facile colligere licet, nulla interesse, dextrine ejusdemque posterioris pedis ungula sumenda, ut *Schræderus* ejusque interpres *D. Hoffmannus* volunt, an de sinistro posteriore decidenda, ut *Pometus* & *Marxius* in *Mat. Museis* & *Vielheurius* in *Descript. Exot. Mater.* existimant, dum utraq; *Ettmüllero* probantur. Num verò pedes posteriores anterioribus præferendi sint, in illosque solos virtus redundet, ut prædictus auctor vult colligere, suo loco relinquo, mihi certe ejusdem videntur virtutis, modo veri sint atque ingentii, nec ungulæ cervi, quas circumforanei pro istis divendunt, substituantur, quæ tamen ex pilis pedum dignoscuntur, qui propterea cum istis simul veniunt. Non cariosæ sint, sed integræ, solidæ, ex fusco nigricantes ac nitidæ, secundum *Pometum* in *Hist. des Drogues Lib. I. pag. 24.*

## §. 5.

Virtus ejus ab sale volatili pendet, cujus intuitu omnino in epilepsia utilis est, sive ejusdem rasura, ~, ⊙, essentia sumantur, sive annuli vel amuleta externe usurpentur, quem in finem ab annulariis ac matris perlarum incisioribus Norimbergæ conquiritur, uti *Marxius* in *Mater. Mus. Germ. pag. 217.* commemorat.

## §. 6.

Eadem quoque vires

## CORNU ALCIS

adscribuntur, quod ad modum CC. & Unicornu ad variolas ac morbillos, aliosque morbos venenosos utile est, teste *Hoffmanno* in *Clav. Schræd. pag. 641.*

## §. 7.

CORIUM ALCIS, *Elends-Leder*

num eandem opem atque annuli solent, in convulsionibus præstet, ulterius relinquo experendum; alias ob soliditatem & crassitiem ad loricas & chirothecas Magnatum sumitur, magnique venditur.

## CAPUT VI.

## DE

## CORNU CERVI CRUDO, USTO, PHILOSOPHICO, OSSE DE CORDE CERVI, AC SIMILIBUS.

## §. I.

EX cervo tam multa in officinis ac Museis habentur medicamenta, ut *Pometus* istum mundum medicamentorum ac commoditatum humanarum (un monde de remèdes, de commoditez & d'avantages pour l'homme) vocaverit; id quod artificialium Museum, quod *Dresdæ* est, re ipsa oculis subjicit, in cujus ultimo con-

clavi integrum ex cornu cervi ustò confectum scrinium (vulgo cabinet) sistitur videndum, in quò tam multa præparata cornu cervi asservantur, ut Pharmacopolium peculiare constituere possint. Quod *D. Joh. Adolpho Torckenio* causa extitit, quamobrem *Disput. Inauguralem de Cervo* ejusque partibus in Medicina usualibus conscribere-



scriberet, in qua hoc cæteroquin notissimum animal ita descriptum, ut verbosior istius descriptio sit supervacanea, præsertim cum *D. Graba* Acad. Germ. Cur. Collega, in *Elaphographia* sua pluribus verbis de isto jam ante egerit. Quamobrem de quibusdam vulgaribus cervi partibus, utpotè axungia, medulla & priapo nihil commemorabo.

## §. 2.

Quo istarum saltem partium plerumque in Materialium Museis reperiundarum faciam mentionem, primum crudum

CORNU CERVI s. *Hirsch Gervueyhe*

multis rebus perutile est, quod pro diversa cervorum specie vel latum, vel simplex vel ramosum observatur, ipsisque in ramis tam varie Natura ludit, ut totum museum istis possit adimpleri; quemadmodum arcis Hasso Darmstadienæ Merlau, prope Grunbergam omnia conclavia ejusmodi raris mirisque cornubus cervinis usque eo referta & exornata sunt, ut arx pro artificialium Naturaliumque Museo possit haberi. Similiter etiam in vicino Dillenburgico theriotropheo vivis in animalibus videri queunt. In Medicina ea censentur optima, quæ cervi sponte deponunt, utpote multo sale volatili prædita, cujus intuitu vim sudoriferam & alexipharmacam nobilem in se continent, & ad morbos contagiosos, febres petechiales, variolas & morbillos conducunt. Quem in finem etiam

## RASURA CORNU CERVI

apud Materialistas invenitur; quanquam consultius sit, ut nobis præsentibus limetur, quoniam cum rasura cornu bovilli potest adulterari, id quod prælaudatus *Pometus* in *Hist. des Drogues Part. 2. Lib. 1. pag. 35.* non diffitetur.

## §. 3.

Inter Præparata ejus

## CORNU CERVI PHILOSOPHICE CALCINATUM

valde celebre est, duplici modo confici solitum; 1. extremitates cornuum perforatæ filoque tractæ, si quando aquæ destillantur, supra in alembico suspenduntur; incredibiliter melius evadit, si cornu in destillatione herbarum antiscorbuticarum, utpote nasturtii, cochlear. &c. suspenditur, ut istarum sal volatilis CC. se associet. 2. Quando CC. tamdiu in aqua coquitur, quoad friabile fiat; qua occasione simul

## GELATINA CORNU CERVI

ex aqua potest acquiri, sæpius præscribi solita. Utrumque ita calcinatum CC. s.  $\Delta$ . aliquid salis volatilis adhuc continet, proptereaque multo efficacius est, quam

## CC. USTUM,

ubi nobilis sal volatilis in auras abit, nisi

## SAL VOLAT. CC.

prius ex isto sublimetur, posteaque caput mor-

tuum ustione prorsus album evadat; super quod sal vol. cum tantillo spiritus vini altera vice potest sublimari, quo penitus candescat. Quo labore

SPIRITUS &  $\phi$  CC.

simul sublimantur, ex quibus cum sale vol. CC. & sal vol. succini LIQUOR CC. SUCCINATUS præparatur.

 $\nabla$  è TYPHIS CERVI

destillatione è typhis cervinis teneris, mollibusque ac pilosis acquiritur, quam cordialibus medicamentis annumeratam, ad modum aliorum præparatorum ad venenosos contagiososque morbos putant conducere.

## §. 4.

Præter CC. apud Materialistas etiam reperiuntur

## LACHRYMÆ CERVI,

quæ in oculorum angulis, ritu parvorum bezoar lapidum nascuntur & indureseunt, quibus cum eadem vires adscribantur, à nonnullis pro vero bezoar habitæ snat, quarum figura in edit. Germ. sistitur contemplanda. Quum vero *Ludovicus, Ettmüllerus* alique istas tanquam excrementitias æstiment, consultius est, ut in morbis contagiosis

BEZOAR CERVINUM (*Hirsch-Kugel*)

ad modum bezoar Occidentalis, in ventriculo & intestinis cervorum nasci solitum, usurpetur, cujusmodi lapidem pugni magnitudine haud ita pridem apud amicum quendam vidi, qui foris ex albo pallidus apparebat, & ex multis sibi invicem impositis lamellis, tanquam bezoar, erat coagmentatus.

## §. 5.

Porro ad materialia pertinent

OSSA DE CORDE CERVI,  
(*Hirsch-Kreutzlein*,)

quæ in cordibus annosorum cervorum reperiunda, ex induratis fibris circa aortam positæ constant; hæ siquidem cartilagineæ aut etiam osseæ factæ, cruciformes apparent, quemadmodum ab *Ulyssæ Aldrovando* in *Hist. Quadrup. & Paralipom.* delineantur ac describuntur. Utplurimum ex Italia veniunt, atque numero millenario venduntur, uti *Schurzius* in *Mater. Mus. German. pag. 67.* refert. Eleganter candida, non nimis magna sint, alias enim suspicio est, ab annosis bobus illa provenisse, in quibus ejusmodi ossa similiter inveniuntur, quibuscum ossa cordis cervi adulterantur. Hinc est, quamobrem in Materialium Museis duæ sortes inveniantur, ossa de corde cervi vera, & ossa de corde cervi spuria. Pro cordiali ac bezoardico remedio habentur, id quod olim hac in Academia à *D. Adami* in *Disp. Inaugur. de Osse cordis cervi* uberius demonstratum est.



## §. 6.

Num tandem fungi isti, qui vulgo

BOLETI CERVINI s. *Hirsch-Brunst*

vocantur, huc referendi sint, non temerè quidam Physicorum dubitant, dum ejusmodi terræ nascentia iis in locis etiam inveniuntur, quo cervi nunquam venerunt, & propterea prorsus à vero alienum est, ex cervorum semine æstu Qeo in terram lapso, istos pronasci, id quod *Jordanus* apud *Ulyssim Aldrovandum Lib. 1. de Quadrup.* pag. 346. & *Cordus* in *Wormii Museo* pag. 138. alii-

que à *D. Hoffmanno* in *Clav. Schræd. L. 4. Sect. 11.* citati Doctores demonstrarunt. Cæterum rotundi, nigri, durique fungi sunt, foris coriacei apparentes, intus nigro pulvere adimpleri, quo mediante quidam balsamum apoplecticum tingunt. Istos vero Qis excitare cupidinem, falsæ ac præsumptæ opinioni supra memoratæ innititur, istisque salva veritate nihil aliud adscribi potest, quam quod ad modum omnium fungorum paulum insilent, flatus excitent, hocque modo membra genitalia interdum erigere faciant.

## CAPUT VII.

DE

## FELLE ET LAPIDE BOVINO, SAPONE VENETO ET COMMUNI.

## §. 1.

Quoniam in officinis etiam nonnulla medicamenta à bobus orta, imprimis fel tauri exsiccatum, ejusque lapis, in vesica fellea interdum reperiendus, usui necessario asservantur, istorum mentio hic loci non sit omnino nulla. Qui tamen cum ad modum omnium pecorum domesticorum, usque eo noti sint, ut fortasse ridiculum videatur, istorum si fusius describere formam naturamque velimus; pro istis cum curioso doctoquo Lectore figuram

BUBALI INDICI,

prout à *Dn. Vito*, Materialista Wormatiensi, qui istam ex India Orientali secum sumserat, mihi data est, in *Museo Museorum Germanicò* communicare volui. Præsertim quum in veterum Zoologiis hæ cæteroquin feri boves non adeo perspicue fuerint descripti, ac propterea à quibusdam recentium Scriptorum sæpe cum uris aliisque confundantur, ut *Job. Faber* in Collegio Lynceorum Romæ in *Notis* suis in *Nardi Hist. Animal. Nov. Hist.* pag. 894. observavit. Potior differentia, qua à domesticis nostris aliisque feris bobus distinguuntur, à cornubus desumitur, quæ prorsus retrorsum reflexa seu reclivia sunt, & quasi cervici incumbunt, ut ex figura apparet; quibus propterea tantum nocere nequeunt, atque boves nostrates, quos scimus erectis suis cornubus iisdemque acutis, sæpe hominibus lædere abdomen, ut omentum ac intestina procidant, id quod aliquando in Palatinatu foemina quacum mihi cognatio est, accidit. Istis tamen etiam bubali se defensuri dicuntur, potissimum vero pedibus tundendoque nocere, è quorum ungula quidam annulos ad spasmus sibi confici curant, testibus *Schrædero* & *Hoffmanno* in *Clav. Schræd.* pag. 644. Foeminarum vero vulvam moschum redolere, ab exteris propterea unguentis fragrantibus permisceri scribunt,

uti *Thom. Bartholinus Cent. 1. Epist. Med. 49.* recenset.

## §. 2.

Quod ad boves nostrates attinet, nolo jam pluribus verbis de cartilaginibus, in annosorum corde potissimum reperiendis, commemorare, quoniam jamdum Pharmacopolæ nequam istas pro vero osse de corde cervi divendunt, sicut ipse *Pometus* in *Hist. des Drogues Lib. 1. pag. 32.* confitetur. Sic quoque opera, quæ describendo

FELLI TAURI INSPISSATO

&

PRIAPO TAURI

datur, supervacanea est, cum omnibus lanionibus innotescant, ab istisque copiose possint haberi. Id saltem non inutile, nec benevolo Lectori ingratum erit, si lapidis vesicæ felleæ in bobus sæpe reperiendi, & à quibusdam

BEZOAR BOVINUM,

Lusitanis *Massang de Vaca*

dicti, paucis adhuc facimus mentionem. Valde levis & spongiosus lapis est, foris intusque obscure flavens, amarus, diversa magnitudine, dum non solum magnitudine ciceris, ut *D. Major* in *Anat. Chilon. fol. 9.* scribit, sed etiam multo major atque ovum columbinum aut gallinaceum reperitur, & sæpe pondere 3 ij. observatur, qualem haud ita pridem *D. D. Spenerus*, Medicus Berolinensis celeberrimus, mihi ostendit, atque in meo Museo asservo. Verè siccus, coloreque saturatus sit.

## §. 3.

Vis horum lapidum in curando ictero, præsertim à lapidibus orto, nobilis est. Et quoniam multum salis volatilis continent, nullum est dubium, quin veri bezoar adinstar ad febres conducant, & magni æstimato pedra porcas substitui



tui queant, id quod in *Polychrestis Exot. Disp.* 3. pag. 44. pluribus ostendi. Qui cum externè etiam sternutationem excitent, & epilepticos expergisci faciant, non adèò mirandum, Turcas ac Judæos summo studio hunc inquirere lapidem, nullumque mactare bovem, in quo istum non quærant. Quanto autem apud Persas in pretio sit vid. apud *Dn. Kempferum in Amœnit. Exot. Fasc.* 2. pag. 393. Quamobrem oprandum, ut lanii Germaniæ, ubi non spernenda bouum Hungarorum copia mensam lanioniam subit, diligentius inquirerent, præsertim cum ejusmodi lapides etiam picturæ miniatoriæ tanquam gummi guttæ, usurpari posse perhibentur, secundum *Pometum l.c. pag. 32.*

## §. 4.

Ex SEBO BOVINO, sapo conficitur, quam etiam ex oleo simplici cum lixivio forti & cinere clavellato possit coqui, utpote sapo niger unctuosus, vulgò *Schvartzze Schmeer-Seiffen*, qui tamen ob foetorem pro pauperibus saltem avarisque præparatur. Durus contra probatusque sapo partim apud nos conficitur, partim ex Hispania & Venetiis affertur.

## SAPO VENETUS

iterum diversas sortes habet, distinctis signis notatas, quarum hic loci lunaris (vulgò *Mond-Seiffen*) alibi ungula ursi notatus habetur optimus, ut *Schurzius pag. 105. & Marxius pag. 185.* suorum Museorum scribunt. Optimus verè durus, siccus & eleganter variegatus est, de quò *Pometus Lib. 7. pag. 244.* pluribus agit.

## §. 5.

Modum, quò sapo præparatur, saponarii nolunt evulgari. Quoniam verò perutilis & usuraria scientia est, istam in usum matrum familias hic loci volo communicari. Recipe primum septē mensuras (vulgò *mesten*) boni & per cribrum trajecti cineris, in quo in acervum redactò effice profundam foveam. Sume deinde duas mensuras bonæ & recentis calcis vivæ, quam pala in

foveam inde & asperge, & quoties pala calcis una cum aqua inditur, probe ista cinere curetur operiri, eo potissimum in loco, ubi vapor videtur erumpere. Calce prorsus soluta, omnia continuo misce, ac 3. cupæ inde, vel duplici perforato fundo præditæ, qualis cupa ad zythopceiam requiritur, vel sarmenta prius imponantur, hisque internè scœnum, aut stramen, crasso panno tegendum, quod stratum superimposito circulo muniendum ac deprimendum est. Sume 4. permistum cinerem, cumque in cupam ingestum probe contrunde, ut aqua, quæ semihoræ spatio repide affusa relinquatur, penetrare necesse habeat. Primum lixivium, quod optimum est, seorsim pone, alterum similiter seorsim linque. 5. Ad viginti libras sebi sume quatuor situlas lixivii, inque aheno fac incallescere; sebum vero minutim incisum solvatur & tamdiu ebulliat, donec gluten accipiat. Tum 6. sale separa, qui manipulatim injiciatur s. inpergatur, ante vero semper aliquid infundatur aquæ; ad 100. libras sebi mentura salis circiter requiritur. Quando nunc sapo se separavit, ac lixivium clarum de rudicula defluit, vel cum aheno ab igne removetur, ac refrigerari permittitur, vel 8. in cistam quadrangulam, multis foraminibus præditam, intusque panno vestitam funditur, qui refrigeratus sapo mediante filo ferreo in tabulas aut frusta scinditur. Si instar marmoris variegatus desideratur, sub effusione ex aheno aliquid soluti Indici aspergitur, cum illo permiscendi, quo instar papyri Turcicæ striatus evadat. Plura de sapone reperiuntur in *Tachenii Hippocr. Chymicò*, quem hoc in puncto *Zwelferus* temerè ludibrio læsit.

## §. 6.

E VACCIS præter butyrum majale haud ita pridem SACCHARUM LACTIS contra podagram & alios morbos innotuit, cujus descriptionem & usum, cum Tractatulo *Ludovici Testi* de eò impresso vid. in *Medicina nostra Nov. Antiqua in Append.*

## CAPUT VIII.

## DE

## PELLIBUS VITULINIS ANGLICIS, CORIO GALLICO, ANGLICO, HOLLANDICO ET VULGARI GLUTINE.

## §. I.

POSTquam capite præcedenti de bove egimus, vaccarum quoque ac vitulorum facienda est mentio, qui Materialistis ac officinis suum quoque communicant. Quùm verò vituli hic locorum nimis citò, & ante 3. hebdomadam ætatem laniantur, ac propterea multis nauseam excitant; non erit operæ pretium, istos si delineare

ac describere velimus. Istorum igitur locò vituli Hollandici, ante aliquot annos in Relationibus memorati, qui biennium lac sugerat, delineationem, quam persona aliqua Illustris mecum communicavit, in Museo meo Germanico dedi contemplandam, præsertim cum frusta, ad assandum sumi solita, pondere 50. vel 60. librarum, multis fortasse appetitum excitârint.



## §. 2.

Quoniam verò in Angliâ plerumque magni vituli, secus atque in Germania, ubi vituli iusto juniores, felibus haud dissimiles, maectantur, adeò mirandum non est, pelles vitulinas Anglicas præ aliis quæri, pro optimisque haberi, quorum etiam quibusdam in locis mercatura Materialistis licita est, teste Materialista Parisiensi *Pometo* in *Hist. des Drogues Lib. I. pag. 32.*

## §. 3.

Exinde postmodum bibliopegi alique artifices vulgò ita dictum corium Gallicum (*Frantzöfische Leder*) solent præparare, quando nempe ejusmodi pelles aceto, in quo ferrum vel limatura ferri infusa est, calamò aspergunt, aut alias maculas imprimunt, ac postmodum vernice lacæ oblinunt, quo corium testudinem referat.

## §. 4.

Non minus Pergamentarii magnas ejusmodi pelles amant, ad istam imprimis pergamenam, qua tympana obducuntur; ad reliquam enim, quâ bibliopegi utuntur, vulgares etiam tenuioresque pelles sufficiunt. Ex pergamena incisuris apta feminarum turba elegantes albos flores, cynosbato pleniori similes apparentes, conficere norunt, quam artem cum valde secretam habeant, hic quoque cum curiosis communicabo. Primum igitur ex filo cupreo circuli formantur, ea quidem magnitudine, qua expectantur folia, in istis verò relinquuntur hamuli, quibus glutini immergi ac postmodum suspendi possint. Hinc pergamena rasuræ vel incisuræ, quæ eleganter albæ sint, in aqua macerata coquantur, donec gluten ostendant, cui levis candidus pulvis miscetur, (qui neutiquam cerussa est, uti quidam impostores volunt, dum suscepta materia glutine tegitur, ac continuo excidit,) quo folia ex nubilo candida fiant. Tum prædictos annulos immitte, quo glutinosa materia instar vitri adhæreat: quos de fune suspende, donec foliola fiant sicca; hæc effringe, eaque saliva viridi globulo, ex holoserico aut alio aliquo agglutina, ut rosa sylvestris repræ-

sentetur, quæ & comprimi & explicari se patitur, nisi pluviae injurias experiatur, quæ istam instar panni lotricum prorsus concidere facit. Gluten mediante ligno Brasiliensi evadit rubrum, flores vero tum centifolia referunt. Si flavi expetuntur flores, pulvis curcumæ addatur, atque tum flavas rosas sylvestres repræsentant, cæteris multo rariores.

## §. 5.

E modo dictis pergamena fragmentis elegans, album purumque gluten ore humectandum (vulgò *Mund-Leim*) potest coqui, si quando glutinosum jusculum coctione inspissatur, ac pro lubitu aliquid sacchari additur; quamvis maxima pars è vulgari glutine quoque soleat confici.

## §. 6.

Quod ad gluten vulgare attinet, ex ejusmodi pelliculis, quas coriarii & alutarii de variis pellibus deradunt, si & è cartilaginibus, tendinibus ac similibus pedum partibus coquitur, certis in formis quasi in longos asseres fundendum, & super expansis retibus in Sole exsiccandum. Ejus variæ habentur species, inter quas Anglicum & Hollandicum gluten censetur optimum: quanquam etiam Polonicum hic loci valde æstimetur, quod scriniarii, si probè quid glutinare volunt, potissimum conquirunt. Omne gluten bene coctum ex sicco vere clarum, pellucidum, ex fusco rubrum, solidumque sit, neutiquam impurum, grumosum, nec facile friabile. Prorsus rubrum & flavum foris quidem pulchrè apparent, plerumque verò non satis cocta sunt, secundum *Pometum l.c. pag. 32.*

## §. 7.

Cæterum in officinis habetur MEDULLA CRURUM VITULI, iisdem fere virtutibus cum sevo cervinò pollere credita, dum non solum emollit, sed vi etiam leniente & anodyna pollet; quam ob causam in febribus calidis sæpe temporibus inungitur, vid. *Ettmüllerus* in *Comment. Schrad. p. m. 802.*

## CAPUT IX.

## DE

## HIPPOLITHO ET AXUNGIA COLLI EQUINI.

## §. 1.

Quemadmodum equi in itinere, bello & Agricultura perutilem operam præstant, ita in Medicina quoque aliquem habent usum, ut propterea aliquis locus istis sit concedendus. Quoniam verò figura naturaque juxta unicuique innotescunt, ac propterea verbo-

sior tractatio superflua videtur; curioso lectori equum Persicum, artis equestris peritum, in Museo nostro Germanico dedi intuendum, ex qua apparet, quemadmodum in Persia equi aptari soleant. Scilicet simiam aut alacrem canem saltare ac præcurrere faciunt, quo equi istorum gestus æmulentur, ut Arabicus quidam, qui



qui hancce figuram in charta bombycina è Persia attulerat, mihi narravit.

## §. 2.

De differentia equorum jamdum alii, utpote *Gesnerus*, *Ulysses Aldrovandus*, *Absyrtus* &c. verbosius scripserunt, ut hoc superfedere labore possimus. Unum monere necesse est, quod non olim solum, sed hodie quoque existimari, quin imo literis mandari voluit, Equas Lusitanas sine admisione equi à vento imprægnari, quod non solum *Columella*, *Varro*, *Plinius*, *Socinus* & *Homerus* &c. de Lusitanis, sed *Augustinus* quoque de Cappadociæ equis narrat. Enimvero meritò admirandum, ejusmodi præclaros doctissimosque viros tam apertis fabulis habuisse fidem, utpote sanæ rationi æque ac quotidianæ experientiæ è diametro adversis. Percontemur Lusitanos, aut eos, qui aliquando ibi fuerunt & audiemus rem pronunciari istis inauditam. Imo duo nobiles, (quorum alter Inquisitionis Fiscalis erat) Londino Parisios mecum proficiscentes, temperare sibi à risu non potuerunt, cum id ex istis quærerem, id quod etiam Clarissimo *Le Grand Hist. Nat. pag. 356.* accidit. Fabulæ hujus origo fortasse à Poëtis provenit, Neptuni equo ob velocitatem ventorum nomina imponentibus, secundum *Statii* versum:

- - - - stupuere relict  
Nubila certantes Eurique Notique sequuntur.

## §. 3.

Similis vulgatæ fabulæ ratio est, pullos modo in lucem editos, lienem linguæ habere impositum, quo celeri manu demto, antequam istum deglutiant, equum evadere cursu celerimum. Quod purum commentum est, uti cuilibet, qui lienis situm naturamque novit, facile est judicare. Quæ opinio inde fortasse oritur, quod equæ statim post partum secundinas devorant, quarum frustum interdum pulli fronti adhærere observatur, quod nonnullis Hippomanes vocatum, ad induranda corpora aliasque illicitas artes perverse usurpatur. Quanquam hoc sub nomine apud *Virgilium* aliud quid intelligatur, quando aliquo in loco ita scribit:

Hinc demum Hippomanes vero quod nomine dicunt

Pastores, lentum destillat ab inguine virus Hippomanes, quod sæpe malæ legere No-

Miscueruntque herbas & non innoxia verba.

## §. 4.

Quod ad usum in Medicina attinet, multa quidem de stercore & verrucis equinis possent dici, quorum istud à vulgo ad colicam, hæ ad suffocationem uterinam, epilepsiam &c. non sine fructu usurpantur; cum vero omnes libri Medici vernacula scripti istis pleni sint, & pharmacopolia stercorea typis evulgata, de certis saltem partibus memorabimus, quæ vel in museis aut in officinis ab equis desumptæ asservantur. Ex istis

## HIPPOLITHI s. Roß-Stein

meritò primum locum occupant, utpote lapidibus bezoar forma virtuteque juxta valde similes, ac propterea Bezoar Equinum vocati. In stomâcho & intestinis equorum generantur, ita quidem, ut lamella lamellæ semper instrata sit, uti in vero bezoar apparet. In stercore equino interdum inveniuntur, sicuti haud ita pridem Illustrissimus Comes Leininga-Hartenburgensis, gloriosissimè Regens, mihi retulit, aluisse se equum, qui sæpius lapides bezoar excreverit: id quod in aula Laubacensi quoque sæpius observatum Collega meus, *Dn. Liebknecht*, Prof. Matheseos Ord. Gissensis, mihi aliquoties testatus est. Istos etiam carnifices in demortuis equis sæpe inveniunt, qualis mihi oblatus est, bezoar Orientali prorsus similis. Alias forma ad Occidentalem magis accedunt, qualem *D. Horstius* apud Comitem Stollbergensem se vidisse in *Notis ad Schræd. Pharmac. Lib. I c. 1. pag. 317.* recenset. In Museo quoque Brackenhoferiano quod Argentorati est, duo asservantur, de equo desumpti, quorum major 45. uncias, alter 12½. & ¾. uncias pondere æquat.

## §. 5.

Cæterum in officinis habetur

AXUNGIA EQUI ex Juba,

s. *Kamm-Fett*, *Kamm-Schmaltz*,

quæ hæctenus à nonnullis pro equorum sudore in jubis relicto, habitus fuit, quam sententiam in Germanicò nostro Museo quoque secuti fuimus. Nunc verò Amicus literis ad me datis asseverat, anxungiam hanc è tumore illo steatomico, quo Equi nonnulli in collo corripiuntur (quem vulgus *den Kamm* & *Speck-Hals* vocat) proficisci, ita ut post mortem Carnifices anxungiam hanc inde eliquare soleant. Laudatur aliàs in luxatione artuum, cum primis autem pedum subluxatione. vid. *Schræderus c. l.*



## CAPUT X.

DE

## TORNA SANGUINIS ASININI, BEZOAR

MULINO, CORIO GRANULATO INDORUM SEGREIN ET EJUS PRÆPARATIONE.

## §. I.

MUltis fortasse videbitur iniquum, si quando in hoc Amphitheatro Societatis frugiferæ, nempe asinorum domesticorum, nullam omnino facere mentionem velimus, siquidem nec in Principum aulis, in quibus istorum lac ad phthisin & hecticam bibitur, despiciuntur, sanguis etiam asininus in officinis asservatur, qui longis, tenuibus & convolutis fragmentis linteis tornæ solis adinstar, exceptus, propterea etiam

## TORNA SANGUINIS ASININI

dicitur. Quem in finem tamen probe depurgata nec aliàs usurpata linteum sumenda, quibus pone aures asini extractus sanguis, excipendus exsiccandusque est, qui ultra annum non durat, uti *Hartmannus* in *Praxi Chymiatrica* pag. 30. commemorat.

## §. 2.

Huic sanguini, præter vim diaphoreticam, peculiaris certaue virtus furorem maniamque curandi adscribitur, quando post vomitum, V.S. &c. hocce linteum duorum digitorum latitudine, pollicis verò longitudine aquæ fontanæ vel anagall. infunditur, istaque aqua tres dies continuos agro ad expectandum sudorem exhibetur. Quò remediò prædictus *Hartmannus* fabrum lignarium, *D. Michael* Lipsiensis Maniacum in aula Altenburgensi curavit, teste *Hoffmanno* in *Clav. Schræd.* pag. 642. De ungulis asini cæterisque partibus *Dn. D. Paullini* in curioso *Tract. de Asino* potest legi, ubi istarum descriptio & usus uberius reperitur.

## §. 3.

De mulo tanquam illius spurio, parum aut nihil officinas & materialium musea ingreditur, nisi quod in quibusdam museis magnus lapis, in istius stomacho interdum reperiendus, appareat, qui quod è multis sibi invicem impositis lamellis lapidis bezoar adinstar, constat, iisdemque fortasse virtutibus præditus est,

## BEZOAR MULINUM

posset vocari. Talis mihi aliquando oblatus est, qui foris quasi aliquo rerum ex albis fibrillis obductus, intus vero glaucus appareret, de quo jamdum in *Disp. de Pedra Porcas* memini.

## §. 4.

Huc etiam pertinent

ASINI SYLVESTRES (*Wald-Esel*)

quorum diversæ sunt species. Pulcherrimus in Æthiopiâ inveniendus ZECORA vocatur, quem *Dn. Ludolff* in *Hist. Æth.* eleganter descriptum delineavit, cujus caput Francofurti in Materialistæ *Banza* domo videre est. In Arabia quoque aliqua datur asini species, duobus longis nigris cornubus, fere instar unicornu formati, è fronte prominentibus; PIRASSOIPI vocant. Cornua similiter à curiosis asservantur. Alius adhuc speciei asini in Persiâ & Indiâ reperiuntur, ex quibus

## CORIUM GRANULATUM INDORUM, vulgò SEGREIN,

Schagren & chagrin præparatur, quod tamen non ab uno, sed diversis animalibus, utpote equinis, mulinis & asininis pellibus, sive onerariis, sive sylvestres sive montani asini sint, JURAGAR dicti, conficiuntur, uti ex *Clariss. Herberti de Jager*, Societatis Hollandicæ in India Orientali Inspectoris s. Præsidis Msc. qui hujus rei prorsus peritus erat, intellexi. Unde apparet Parisiensem Materialistam Petrum *Pometum* id nominis certo cuidam asino sylvestri temerè adscripsisse, quem in *Hist. des Drogues P. 2. Lib. I. pag. 39.* sistit delineatum. Certum tamen est, præter equos & asinos, aliorum animalium pelles minus esse idoneas, quæ debito modo præparati, impressionemque seminis recipere & retinere possint.

## §. 5.

Quâ vero ratione hæ pretiosæ pelles præparentur, hucusque à nemine quod scio, accuratè descriptum est; cum curioso igitur Lectore totum Processum una cum necessariis instrumentis, in Persia ab amico quodam notatis hic communicabo, quem *Dn. Kampferus* prædicto *Dn. Jagero* è Persia attulit, verbis Germanicis à nobis nunc Latine redditus, comprehensum:

1. Pellis super scabello coriario, mediante scalpello coriariorum, more solito depurgatur, & ab reliquiis carnosissimis panniculi sparsim adhuc adhærentibus, à cauda etiam & pedibus liberatur. Quæ incisuræ in hac prima & sequenti præparatione decedentes, à coriariis parietibus agglutinantur, & exsiccatæ linteonibus dividuntur, qui istis ad defricanda fila linteae ipsamque telam utuntur, si ex istis coctione prius aquam glutinosam confecerint.

2. Pellis una aut pluribus noctibus in aqua maceratur. Id quod in magnis lapideis ollis, cum in finem terræ impositis peragitur. Quando



do sufficienter macerata est, pili modo vulgari abraduntur.

3. Hinc de integro maceratur, ac postea super scabello coriario per partes iterum raditur, & in latere cicatricoso (*Narbe-Seiten* vulgo) tam profundè, ut fere dimidia pars & usque ad fundum tenax membranosum abscedat.

4. Quando nunc pure & æqualiter rasa, & ab omni heterogeneitate depurgata est, sine ulla mora, & dum adhuc humida existit, super terra in Sole expanditur, & mediantibus sudibus ligneis, per foramina sub fine prædictæ operationis jamdum incisa, eademque spithamæ longitudine ab se invicem distantia, attrahitur affigiturque, ita quidem, ut latus cicatricosum, ubi cicatrix s. inæquale fuit, supra respiciat. Quoniam autem pellis in medio sæpe cavernosa s. declivis fit, globulus è terra vel pulvere infra conceditur, quo pellis secundum omnes partes bene sit expansa.

5. Tum pauca aqua aspergitur, ferroque dentato vellamina (arré vocant) de novo scalpitur, quo glutinosa reliquia, firmiter adhuc adhærentes, penitus abscedant. Ne vero dentium impressiones s. vestigia relinquantur, ultimo iterum aqua aspergitur, & æquali prædicti instrumenti dorso fricatur.

6. Quando fundum ita album & æquale evasit, continuo, dum adhuc humet, aliquot manipuli *Isperecki* seminis, ex *Kermann* advecti, medio pellis imponuntur, ac scopulis setaceis celeriter & tarde distribuuntur & disperguntur, ita ut semen super ista nec coacervatum sit, nec ullum relinquatur punctum, quod semine non sit tectum. In margines tamen abdominis, quoniam vel nimis tenues sunt, aut nulla impressione queunt notari, nullum dispergitur semen. Rotundus igitur margo relinquitur, à semine vacuum cordisque formam representans, uti ex figura in *Mus. Germ.* apparet. Scopulæ vero setaceæ, quibus semen dividitur, pars sunt cutis de cauda equina vel mulina desumptæ, cujus pili sibi instrati tam curte abscissi sunt, ut inferiores longissimique pili digiti longitudinem non excedant. Distributo semine, quod reliquum & superfluum est, & non adhæret, scopulis & ferro dentato caute removetur. Tum pelli duplicatæ coactæ lanæ insternuntur, semenque nudatis pedibus firmiter attruditur, sed tamen caute, ne coactæ lanæ discedant, removendoque semine pellis defœdetur. Quæ tamen calcatio non in omnibus pellibus necessaria est, sed in iis saltem, quæ nimis crassæ sunt, sibi que imprimi à semine vestigia, aut impressa retinere recusant.

7. Exsiccata in Sole pellis, quod dimidium æstivum, totum vero hiemalem diem requirit, laxatur ab expansione, semen decutitur, quod cribro à pulvere depurgatum in futurum usum asservatur. Quæ firmiter insident grana, arido baculo decutiuntur. Cum verò semi-

horæ spatio pellem verberare soleant, propterea id fieri existimo, quo ista evadat tractabilior.

8. Hæc pellis ita siccata eo in latere, in quo semen inspersum erat, super scabello coriario, quam tenuiter fieri potest, iterum abraditur, ut fere pellucida fiat. Quem in finem aliud instrumentum adhibent, ansa præditum, quod *Tischti* vocant; sub ulu circa aciem sapius cote atteritur, sicuti straminisecæ nostrates perpetuo falces suas solent acuere.

9. Deinde convolvitur & complicatur, atque utraque manu ita per se, qua potest laboris vehementia super genibus terendo tractatur, haud secus atque caligæ coriaceæ post lotionem solent conteri, quo fiant complicabiles & tractabiliores. Molestus & fortasse radiosissimus labor est, qualis in toto processu non datur.

10. Quò factò, aqua immergitur s. humectatur, quo prorsus mollescat, atque tum *Schuræ* s. ut alius vocat, *Schurakat* (album nitrosus minerale est, quod haud procul *Ispahan* aliisque locis multis Persiæ hunc in finem effoditur) in latere carnosum, in latere autem cicatricoso *Masû* aspergitur, aqua humectatur & teritur. Nulla tamen refert, si quando aliquid prædictæ materiæ in alterum latus decidit. Tum pellis complicata, tanquam linteum in lotura, super depurgato pavimento utraque manu volvitur, agitur, quo materia eo melius penetret. Prædictum *Masû* albus vel potius cineraceus pulvis est, de quo nihil certi mihi cognitum est, nisi quod tritus quidam fructus sit, à certa quadam arbore in *Meistan* & circa *Hamadan* reperiunda. Gallæ esse videntur, vel nuces cupressi, *Faufel*, vel similes fructus adstringentes.

11. Hæc pellis ejusmodi materiâ macerata super exiguo flammæ igne à duabus personis tenetur, & per partes trahitur, quo mediante mediocri calore se contrahat, & signaturæ se elevent. Qui labor cito absolvitur, ita ut vix tanto temporis spatio, quo *Oratio Dominica* potest recitari, super flamma teneatur.

12. Tunc tertio adjicitur, qui istam ita calide complicatam super terra utraque manu, ut ante, volvit & tractat. Ubi notandum, processum à numero 10. ad finem magnam requirere pellium copiam, unoque die absolvi. Hinc duæ personæ radunt, binæ infossas pelles super igne trahunt, easque tertiæ adjiciunt, quæ pelles volvit.

13. Post hæc iterum in latere carnosum probe deraditur, quoniam se contrahit, & in prædicto latere inæqualis facta est. Tum de integro *Masû* & aqua (non verò cum *Schuræ*) aspergitur, quo signatura mediante hac adstringente materia magis elevetur; quibus factis de novo super igne extensa tenetur, removetur, & ut Num. 12. porro super pavimento volvitur.



14. In latere carnosio iterum scalpello coriariorum raditur.

15. Soli exponitur, & ficcatur.

16. Scalpello coriariorum sicca hinc inde inciditur, præsertim in extremitatibus, ubi rugæ se elevarunt, verbo: ubi pellis se nimium contraxit, & inæqualis facta est.

17. Quæ rugæ porro super alabastro alio quodam lævigato lapide cuduntur & æquales redduntur.

18. Postmodum frusto fractæ ollæ tinctorum (ejusmodi enim fragmenta convexa sunt isti operationi apta) teritur, utrinque per partes volvitur, coloresque (qui plerumque Kermasch-herbæ sunt, ac pinguedinem in momento tingunt) simul illinuntur, atque iterum testa agitur, non tamen adeo vehementer, ne cicatrix foveoformis lædatur. Involvendo simplici, sed commodo, artificio utuntur, interponendo coriaceum rotundum lorum, ut ex figura apparet.

19. Tinctura pellis denuo paulisper Soli exponitur.

20. Tandem suprema manus pro complemento ultimam cocco dat unctionem, istique splendorem conciliat. Adeoque in hoc processu artificium leve, instrumenta simplicia, laboratorium vulgare, operatores inferioris conditionis, labor sordidus, productum purum præstansque est.

## §. 6.

Aliàs duplex è Turcia venit corium granulatum, unum prorsus glaucum est, & melius habetur, alterum album, quod vilius. Optimum Constantinopoli venit, magis æstimatum præ illo, quod Alkairo & Tripoli mittitur. Aliquod etiam è Poloniâ affertur, quod tamen necquicquam prodest, quoniam ob nimiam siccitatem alumen non recipit, si quando colore debet imbui, eoque nigro, viridi vel rubro, qui ultimus carissimus est, utpote è Vermillon & Carmino oriundus. Quo majores planioresque sunt pelles, eo magis æstimandæ, præsertim quando pulchra, pura ac rotunda grana, nulla specula, i. e. glabras maculas, habent. Videndum etiam, ne Corduanum, corii granulati in modum præparatum, pro isto ematur, quod inde cognoscitur, si quando cutis separatur ac decedit, id quod in corio granulato non contingit, uti *Pometus c. l. pag. 40.* docet.

## §. 7.

Usus satis innotescit, dum pretiosi libri & pugillares isto mediante compinguntur, varia integumenta (vulgo *Federalen*) pro horologiis itinerariis, cochlearibus & similibus vaginæ gladiatorum cultrorumque, aliaque pretiosa ornamenta inde conficiuntur, quæ Londini in loco conveniendis Mercatoribus destinato, (Exchange dicitur) Parisiis au Palais, & alibi copiosè inveniuntur.

## CAPUT XI.

## DE

## MOSCHO.

## §. 1.

**M**OSCHUS (*Bisam*) ex nigrò glauca s. subfusca grumosa materia est, instar sanguinis grumosi apparens, saporis subacris & subamari, odoris fortis & fragrantissimi. In fuscis & pilosis marsupiiis (in quibus vel nascitur, vel insuitur) è Chinâ, Persiâ & India Orientali affertur.

## §. 2.

Quanquam quidem certum & jam satis notum est moschum exotico cuidam animali debere originem, de indole tamen formaque animalis juxta atque origine moschi in isto valde diversæ foveantur opiniones. Quidam istud feli comparant, prout *Zeilerus* in *Itinerario Italico* illud catum moschiferum vocat. *Amatus Lusitanus*, habitâ ratione magnitudinis, illud lepori assimilât, ab aliis tamen propterea valde irridetur. Plurimi ad capreolum accedere existimant, illudque propterea **CAPREOLUM & GAZELLUM MOSCHIFERUM** vocant: quanquam nec ad capras,

nec cervos pertineat, quin potius peculiaris animalis species appareat, secundum judicium *Sam. Dalei* in *Zoologia* pag. 570. Variæ interea istius habentur delineationes, è quibus à Clarissimò *Dn. D. Schrackio*, Præsidi Societatis Cæsareæ Nat. Cur. in *Hist. Moschi* p. 45. communicata, optima & maxime accurata est, quam de pelle Gazelli moschiferi, (qualem etiam *Dn. Ludolfi* Francofurti possidebat) Augustam Vindelicorum delata, desumfit. Ex figurâ verò Ejus apparet hanc bestiam acuto capite, curtis auribus, ac duobus longis dentibus ornato, qui haud secus atque apris ex ore prominent, præditam, corpus habere angustum, obscure fusca pelle, ea quidem maculosa, circumdatum, valdeque longos macilentos pedes, ut adeoque vehementer celere ac fugitivum esse animal videatur. Quæ causa est, quamobrem prædictus *Schræckius* istorum amplecti nolit opinionem, qui huic animali pigrum tardumque cursum volunt adscribi: quæ sententia inde fortasse oritur, quoniam in hyeme, deficiente ob



ob altam nivem nutrimento, valde macilentum ac debile evadit, ut facilius possit capi. Frustribus, utpote oryza ac similibus, partim etiam peculiari ac fragrante radice, qualis mihi oblata est, se sustentat, quam prominentibus suis dentibus è terra excidit, uti in supra citata *Historia Moschi Schræckiana* pag. 43. fufius docetur.

## §. 3.

Quod ad ipsum moschum attinet, variae de istius generatione sunt opiniones, dum multi existimarunt istum in ulcere seu folliculo purulento inferius in abdomine animalis generari. Alii ex testiculis putant consistere, quibus marsupia, in quibus venit, quodammodo similia sunt. De quorundam sententia ex sanguine coagulato, aliisque Gazelli moschiferi partibus, artificiose creditur componi. Quae tamen sententiae omnes ita simpliciter non admittendae, dum certum indubiumque est verum moschum à Natura in rotundo isto folliculo, quem animal naturaliter & ordinarie infra in abdomine pone posteriores pedes gestat, mediantibus glandulis, in isto reperiundis, à sanguine separari generarique, ac per certas venulas in cavitatem folliculi distribui, in quam moschus tum ita confluat, ac fuscae pelliculae intergerinae adhæreat, id quod supra laudatus *Dn. Schræckius l. c.* eleganter examinavit. Folliculus plerumque foris pulchris, obscure fuscis ac splendentibus pilis cingitur, qualem, eumque integrum, possideo. Interea credibile, est Indos testimonio plurium fide dignorum Scriptorum, verum moschum vel cum sanguine coagulato, aut aliis animalis partibus miscere, formaque verorum moschi folliculorum istius animalis curi insuere, atque adeo pro veris folliculis ad nos transmittere, praesertim quum Pharmacopolae varias fibras carnosasque partes in istis inveniant, moschum diversis aquis soluturi, uti *Job. Faber in Annotat. in Hist. Animal. Nov. Hispan. Recchi p. 561.* ex relatione recenset. Ejusmodi fragrantissimum moschum, sola bestiae verberatione, ex sanguine, sine additione veri moschi, oriri posse, nondum demonstratum est.

## §. 4.

Num verò præter moschum Orientalem, hætenus descriptum, etiam Occidentalis ex India Occidentali ferendus existat, de sententia *Schurzii in Mat. Mus. Germ. pag. 65.* & *Catelani Pharmacopolæ*, vel propterea prorsus incertum est, quod ne ullus quidem Americae Historicus ejus facit mentionem. Lusitani autem, qui istum transmittere dicuntur, æque facile genuinum moschum ex Oriente possunt habere. Si quis vero istum postea Occidentalem vocare velit, cuique integrum est. Tres igitur sortes, quas Materialistae constituunt, possunt admitti, nempe Moschus de Levanti, carissimus: Moschus Alexandrinus, mediocris, & Moschus de Ponenti, vilissimus ac permixtus creditus, teste

*Schurzii l. c.* Omnes, quanquam in suis adhuc sint folliculis, probè custodiantur, ac de quorundam Materialistarum opinione in plumbeis pixidibus asserventur: cui tamen intentioni etiam stannæ ac vitreæ satisfaciunt, uti *Dn. D. Schræckius pag. 91.* ostendit.

## §. 5.

Quoniam autem moschus saepe etiam in Europâ ab Judæis aliisque adulterari, ac cum muscerda, sanguine hirci, pane usto, ladano similibusque solet permisceri, id quod in *Pharm. Aug. Proleg. c. 17.* fuit observatum, diversa fieri solent experimenta, quibus fraus possit detegi, quae tamen tantæ fidei non sunt, quibus omnino fides sit habenda. Vulgarissimum est, ut moschus super igne teneatur, qui si omnis avolat, bonus, sin aliquid relinquit, adulteratus creditur. Quod tamen tunc solum procedit, quando terra permixta est: quodsi vero sanguis aut aliud quid additum fuerit, paucillum remanet. Eadem aliorum experimentorum est ratio. Quamobrem *Pometus*, Materialista Parisiensis, in *Hist. des Drogues Lib. I. pag. 17.* melius dare consilium nescit, quam ut moschus ab ingenuis probisque hominibus ematur, neutiquam à Circumforaneis, Nautas ac similes homines se profitentibus, qui ex India Orientali modò veniant; hi enim non æstimando pretio moschum divendunt, ex quo tamen, utpote adulterato, satis habent lucri. Interea curemus, ut ne in emendis integris folliculis pellis nimis crassa sit, nec nimium habeat pilorum, hi autem vere fusci sint: albi enim folliculi minus probantur. Id vero observetur, num tenuis fusca pellicula, cujus supra facta est mentio, per medium moschi extensa sit, quod indicium est moschum ita natum esse. Qui extra folliculos ex nigro glaucus existit, non humidus & tenuis est, præterea fortissimo odore (in multis hæmorrhagiarum narium excitante) pollet, habetur optimus, uti *Marxius in Mat. Mus. pag. 125.* scribit; qui vero nimis suaveolens est, non probatur, quoniam aliis rebus permixtus & debilitatus est, secundum *Pometum l. c.*

## §. 6.

Virtutes moschi maximam partem in valde volatilibus salinis oleosisque particulis consistunt, iisdemque valde calefacientibus, solventibus, spiritus vitales confortantibus, istosque ac sanguinem in motu progressivo perpetim conservantibus: quo nomine moschus ad lethargum, apoplexiam, melancholiam similesque capitis affectus egregiè proficere creditur. In multis etiam pectoris morbis, utpote asthmate, syncope, palpitatione cordis utilis est, quippe cui nullum fere medicamentum præferendum, quod ad roborandum cor magis valeat; nota quoque confectio alkermes virtutes suas potissimum moscho & ambræ refert acceptas. Num vero etiam in pestilentia conveniat,



uti quidam existimant, aliis videtur dubium, adeo, ut *Guibertus* in *Medico Officioso* pag. 212. moschum in pestilentia magis noxium esse credat, cui *D. Ettmüllerus* in *Comm. Schræd.* p. 795. assentitur. Non minus stomachum confortat, flatum dissolvit, colicam sedat, aliosque abdominis dolores. Membra quoque genitalia viro- rum mulierumque, nisi naturâ ab rebus fragran- tibus abhorreant, calefacit; quæ causa est, quam- obrem multa pretiosa medicamenta, ad varios morbos, in officinis ex isto præparentur, à *D. Schræckio* sæpius laudato fusi- us l. c. adducta

& descripta. Quam præstantia vero pretiosa- que ornamenta & suffumigia exinde conficiantur, unicuique notum est, dum isto mediante non solum diversarum specierum corio, linteo aliisque similibus mercibus odoris conciliatur gratia, sed etiam libri rudes, si aqua glutinosa unico saltem moschi grano imprægnata fuerit, odore grato imbuuntur; ubi tamen notandum, ne in prædictos usus nimium sumatur moschi, alias enim odor evadet nimis fortis & adversus, uti *Pometus* l. c. bene monuit.

## CAPUT XII.

DE

### BEZOAR ORIENTALI.

#### §. I.

**L**APIS BEZOAR ORIENTALIS valde tener, friabilis ac lævissimus lapis est, diversæ magnitudinis & figuræ, foris viridiusculus, vel ex viridi nigricans, intus ex multis tenuibus tenerisque lamellis, sibi invicem incumben- tibus, ut cepa, constans. Non adeo notabilis odoris est, atque ex Persia & India Orientali affertur, teste *Philippo Baldeo*, in *Beschreibung der Küsten Malabar & Coromandel.* c. 16.

#### §. 2.

De origine horum lapidum olim diversæ fuerunt opiniones: Nonnullis videbantur lacrymæ cervorum, quæ in canthis oculorum tanquam gummi indurescant, & ejusmodi lapides evadant. Enimverò quanquam diffitendum non sit inveniri ejusmodi lacrymas, quæ alibi una cum cornu cervi sistuntur delineatæ: hodie tamen extra controversiam positum est, lapides bezoar longe aliam rem esse & ab exoticis quibusdam animalibus provenire, in Persia India- que Orientali reperiundis, iisdemque partim capræ, partim cervo similibus, quæ propterea vocantur

#### CAPRI-CERVÆ.

Hæc animalia valde fera fugitivaque esse, ab una rupe in aliam prosilire, capite corporeque instar hirci, sed parvis pilis ornata, curta & versus extremitatem quasi crispula cauda prædita, pedibus capram referre, ac binâ nigra eaque crispa cornua gestare perhibentur, quæ una cum pedibus *Dn. Pometus* Parisiis suis ipse manibus tractavit, istaque juxta ac totum animal, ex itin- nerariis fide dignis, in *Hist. des Drogues Lib. I.* p. 10. delineavit ac descripsit.

#### §. 3.

Quoniam autem hæ Capri-cervæ ad rumi- nantia animalia referuntur, horumque ritu 4.

habent ventriculos, fieri solet, ut in primo ven- triculo nodulis caulibusque herbarum aromati- carum, quibus vescuntur, mucilaginosæ pellicu- læ sensim adhæreant, & lamellatim sibi invicem increcant: unde est, quod pro varia nodulorum cauliumque figura lapides Bezoar nunc rotun- di tum oblongi fiant. Qui lapilli magnine an parvi sint, & quot istorum uno in animali inve- niantur, incolæ, qui ista capiunt, ex externo in- tuitu judicare, istorumque respectu æstimare animalia dicuntur. Clarissimo *Taverniero* ali- quando 6. animalia ab incolis clam fuerunt ad- ducta, in quibus 17. lapides reperti sunt, id quod in *Itinerario suo* p. 318. part. 2. fusi- us descripsit.

#### §. 4.

Hic verò adhuc notandum, ejusmodi lapi- des (juxta nonnullos) non ita nudos in ventri- culo aut excrementis inveniri, sed in piloso quo- dam sacculo seu pellicula, foris asperis curtis- que ac fuscis pilis confita, magnitudine ovi an- serini. Præterea cum alia tenui, albo duroque putamine crescunt, quod *Pometus*, qui istud ipse vidit manibusque tractavit, in figura æneâ sistit intuendum, ubi Lit. A. exteriorem asperamque cutem, Lit. B. album durum putamen, Lit. C. inclusum lapidem significat. Hinc est, quam- obrem prædictus Materialista conjiciat in quo- cunque animali unicum saltem inveniri lapi- dem, huncque tam rarum carumque esse, præ- fertim cum nec omnia animalia lapides conti- neant: cui tamen opinioni supra laudatus *Ta- vernierus*, quoad sacculum autem pilosum *D. Kampferus* contradicunt.

#### §. 5.

Quum interea hi lapides bezoar in Europa majori copia & minori pretio haberi possint, atque in ipso Oriente, teste *Ettmüllero* in *Comm. Schræd.* pag. 775. non potest non fieri, quin ab impostoribus per artem conficiantur, vel adulte- rentur



rentur, qui vel bezoar equinum, ad Orientale similitudine prorsus accedens, istius loco dividendum, aut ex certis gummatibus, radice contrayervæ permistis & lamellatim agglutinatis, artificiose, sed fraudulenter parant, uti *Ulysses Aldrovandus* in *Mus. Metallico* pag. 808. & *Wormius* in *Museo* pag. 112. testantur, qualis in *Museo Calceolarii* sistitur videndus.

## §. 6.

Ad quam evitandam fraudem varia excogitata experimenta sunt, quibus genuinus & naturalis lapis bezoar ab adulterato & artificiali dignosci debeat, quæ partim ab *Sarazeno* in peculiaris epistola de *Notis Bezoar*, partim etiam à notis Materialistis: *Schurzio*, *Marxio* & *Pometo* in suis Materialium *Museis* fufius adducuntur. Verus & genuinus quasi lævigatus & viridiusculus apparens, tritus & pulveratus plerumque ex nigro viridis manet. Chartæ, creta aut cerussa signatæ, affectus viridiuscule flavet. Aquæ injectus istam quasi ebullire facit & sudorem ciet. Lapidem contra si calida in manu vel calida aqua graviores aut leviores fiunt, adulterati putantur & artificiosi; sicuti supra memorati auctores atque *Hoffmannus* in *Clav. Schræd.* p. 651. pluribus ostendunt.

## §. 7.

Cæterum in officinis & Materialium *Museis* duæ habentur sortes s. species, nempe integrum bezoar, & ejus fragmenta, isto paulum viliora; quanquam Materialistæ saepe etiam ex frustis integros conficere lapides possint, dum quidam mihi confessus est, se, cum *Pharmacopola* quidam sibi cognatus, emendo officinam aliquam, multum bezoar Orientalis pulverisati assumsisset, ex isto integrum bezoar formasse, & ita dividendisse. Tanta hominum ditescere volentium fraus est! Mundus vero vult decipi.

## §. 8.

Qui similisque dolus causa extitit, quam obrem multi clarissimi Medici parum in Bezoar ponant fiduciæ, istud sua in praxi prorsus postponant, adeo, ut *Zwelferus* in *Append. ad Disp. Aug.* pag. 65. ingenuè confiteatur, in praxi sua quadragenaria se ne unciam istius usurpasse; id quod etiam *Simon Paulli* in *Quadrip. Botan.* pag. 16. de aliis clarissimis Practicis commemorat. Quin imò nonnulli, utpote *Guibertus* au *Discours de la Peste* pag. 478. ex multis aliis affirmandum sumit, istum ipsum lapidem in pestilentialibus aliisque contagiosis morbis non solum inefficacem esse, sed etiam prorsus nocivum.

## §. 9.

Nihilò tamen minus plebs, ac ii potissimum, qui nisi earum non æstimant, bezoar tanquam idolum venerantur, cujus gratia Medici fortasse omnia alexipharmaca, sumto ab isto nomine, beoardica vocarunt, licet ne unicum quidem granum sit permistum. Quam ob causam plures Doctissimi viri inducti sunt,

ut integros *Tractatus de Bezoar* scripserint, è quibus *Baubinus*, *Deusingius*, *Hyeble*, *Monardes* Latine, *Catelanus* verò, *Pharmacopola*, Germanice scripserunt, qui ultimus supra meritum mercem suam commendat. Multò verò prudentius priores judicant scriptores, qui ad unum omnes huic lapidi vim sudoriferam & alexipharmacam adscribunt, quam, si genuinus est, intuitu herbarum aromaticarum salisque sui volatilis, nemo prorsus illi denegabit, modo vera dosi, non vero ad aliquot grana, sumatur, quæ mira non præstabunt. Num vero etiam externe alligatus aut suspensus venenum attrahat, hominemque à peste ac similibus tutum præstare possit, uti *Boëtius* à *Boet* pag. 368. *Lib. de Gemm. & Lap.* scribit, nunc non sumo inquirendum.

## §. 10.

Cæterum cum uni testi oculato plus tribuendum sit, quam auritis decem, addo hic ea, quæ *Kampferus* meus (qui venationi horum animalium interfuit) in *Amæn. Exot. Fasc. 2. de Lap. Bezoar* Orientali habet, cujus verba ita sonant: *Lapis Bezoar Orientalis* verus & pretiosus *Pasabr* Persis dicitur, ex quo nobis vox *Bezoar* enata est. Sceptici nostri Philosophi nomen petunt ab Hebræo *byz babal*, quod dominum, & Persico *Sabr*, quod venenum significat, & lapidem veneni domitorem vocant. Sed hæc ex similitudine vocabulorum efficta derivatio est. Patria ejus præcipua est Persidis provincia *Lar*, & in eâ montium illud jugum, in quo nunc versamur: dehinc vicini montes urbis *Daraab* & vici *Sjavarum*. Ferrax præterea *Chorasmit* esse dicitur, us præsertim in montibus, qui occupant districtum urbis *Sabsavvar*. Genitrix est fera quædam montana caprini generis, quam incolæ *Pasen*, nostratès capricervam nominant, destituti voce, quæ utrumque sexum exprimat. (Iconem vide in *Tab. ad Lib. 3. cap. 18. num. 1.*) Animal pilis brevibus ex cinereo rufis vestitur, magnitudinem capræ domesticæ, ejusdemque barbatum caput obtinens. Cornua foeminæ nullâ sunt, vel exigua; hircus longiora & liberalius extensa gerit, annulisque distincta insignioribus, quorum numeri annos ætatis referunt. Annum undecimum vel duodecimum rarò exhibere dicuntur, adeoque illum ætatis annum haud excedere: reliquum corpus, à cervinâ formâ, colore & agilitate nihil differt. Timidissimum & maximè fugitivum est, inhospita asperrimorum montium tesqua incolens, & ex solitudine montanâ in campos rarissimè descendens. Et quamvis plures regni regiones inhabitet, lapides tamen bezoarticos non gignit. *Casbini* (emporium est regionis *Irak*) pro coquinâ nobis capricervam, vel ut rectius dicam, hircocervum prægrandem, vendebat venator, qui à me quæsitus: non audivisse se, respondebat, bestiam illic lapidem unquam fovisse, quod & civium, quotquot per-



cunctatus sum, testimonia confirmabant. Vidi illic in Magnarum manibus bezoarticos eximiae magnitudinis, nec minus probatissimi coloris & figurae, quos se obtinuisse affirmabant ex *Cora-saan*, sive Chorasmiâ. Præsens jugum, in quo feras insidiati sumus, longè in Austro Occidentem, longius in Orientem protenditur: ibi in partes distinctum, *Kuhi Bonnâ*, *Dehrestò* & *Murkumeb*, dictas, hîc in *Kuhi Sjaaskèn* (cui ad austrum jungitur *Kuhi baas*) *Gellestaan* & *Baarsî*, sive *Tenguun*, velut jugi Orientalem, ab una vel amplius diatrâ, terminum. Quæ verò partes, tametsi capricervas alant promiscuè, non omnes tamen herbas ferunt, ex quibus depastis lapides generari, atque si quidem æquè nobiles possint: sed solus ex earum numero est mons *Baarsî*, qui ut pluribus aliis, ita quàm maximè abundare dicebatur herbis resinosis alexipharmacis, generando lapidi materiam fœventibus, quarum esu caprarum sylvestre genus maximè delectatur: nimirum *Serringiâ* succo glutinoso referta, qui apprehensam paleam illico tenacissimè involvat: *Tsjirachû*, specie quadam nobilior ejus plantæ, quæ resinam tribuit Persicæ compositioni laccæ obsignatoriæ, & *Derminâ Turkî*, i. e. Sementina Turcica, alterâ illâ, quam Persicam appellant, multò præstantiore. Hinc nulla ibi ex prædictis bestiis datur ætate provecta, quæ lapidem non contineat, cum in ceteris hujus jugi partibus (Ductorum verba refero) ex denis, in montium distantioribus ex quinquagenis, in ceteris, extra Larensensem provinciam, ex centenis vix una sit, quæ lapide dotetur, eoque ut plurimum exigui valoris. In hircis lapides majores & frequentius inveniuntur, quàm in fœminis. Lapidem ferre judicantur annosi, valde macilentis, colla habentes longiora, qui gregem præire gestiunt, circumspiciunt incedunt, & insidias, magis atque sodales, metuunt: quod idem de fœminis affirmabant. Addebat alius, incertæ auctoritatis, etiam supercilia ac lineamenta frontis observanda esse, quæ si insigniter nigricent, præsentiam lapidis confirmare. Bestiæ ut primum perfossæ linguam inspiciunt, quæ si solito deprehendatur asperior, de præsentem lapide nihil amplius dubitant. Locus natalis est pylorus, sive productior quarti, quem vocant, ventriculi fundus, cujus ad latus plica quædam, sive scrobiculus, mucoso humore oblitus, lapillum suggerit. In aliâ ventriculi classe, (prout in ruminantibus distinguuntur) quàm ultimâ hæc, inveniri negabant. Utrum casu hîc sibi hospitium paret, jam alibi formatus, an in eo loco generetur, sive illapsus retineatur & augmentetur, non habeo, quod ex Venatorum observatione referam. Credunt, quos plicarum alveoli non satis amplectuntur, elabi pyloro posse & cum excrementis excerni: quin formatos interdum dissolvi rursus, præsertim longiori animalis mediâ. De dissolutione non possum, quin observationem hîc inferam Cl. Domini Jageri,

Viri ob insignes in linguis & rebus Asiaticis notitias nunquam sine veneratione nominandi. Is mihi testatus est, se, dum in regno *Gólkonda* degeret, gazellas vivas recenter capras manu suâ perquisivisse, & contrectato abdomine lapillos palpasse, in unâ geminos, in alterâ quinos, vel senos. Has ille bestias pro contemplatione suâ alere decreverat, camerâ hospitii sui inclusas. Verùm quòd ab omni pabulo abstinerent & quasi perire quàm saginari captivæ mallerent, martari eas jussit, inediâ aliquot dierum marcentes. Tum verò, lapillos ubi exemturus erat, eorum ne vestigium amplius invenit; ex quo illos à jejuno viscere, vel alio quocunque modo, dissolutos credebat, cum nec excrementa diligenter perquisita eos redderent. Dissolutionem nullo posse negotio fieri persuadeor, siquidem certum est, lapides, in loco natali viventis bruti dum latent, nondum gaudere petrosa, quam nobis exhibent, duritie, sed molliores esse & quodammodo friabiles, ferè instar vitelli ovi, fervente aquâ ad duritiem longius excocti. Hoc propter recentem exsecutis, ne improvidè frangatur, vel attactus nitorem perdat, ab inventoribus consuevit ore recipi & in eo foveri aliquandiu, dum induruerit, mox gossypio involvi & asservari. Asservatio nî primis diebus cautè fiat, periculum est; ne, adhucdum infirmior, importunâ contrectatione rumpatur, aut labem recipiat. Generationem fieri conjiciunt, cum resinosa quædam ex herbis depastis concoctisque substantia ventriculorum latera occupat, quæ, egestis cibis jejunoque viscere in pylorum confluentis, circa arreptum calculum, lanam paleamve consistat & coaguletur. Ex primo circa materiam contentam stamine efformandi lapidis figura pendet, cujus anguli blanda compressione, quam à cavitate hospitii patitur, in pulvinatam cogitur lævitatem: nisi etiam rotunditatem obtineat ex motu, tum fermentantis alimentis, tum visceris peristaltico, qui eum continuè agitabat, dum interim, accessione novi glutinis, lamellis aliis atque aliis per intervalla temporum augetur, & in aliqualem molem accrescit. Rarò hic plures uno uni innasce bestiæ dicebant: si contingat parvos esse, quales mihi à ductore datos dixi, geminos repertos à se in uno ventriculo. Bezoarticum tunicatum Cl. Domini Pomet. *Hist. des Drogues Lib. 1.* rarioris exempli esse judico, qualia etiam de calculis extant, repertis in vesica humanâ. De virtutibus lapidum quid tenendum sit, ex dictis quodammodo patescit: nimirum eximias, Persarum judicio, possident illi, qui originem debent plantis alexipharmacis montium: exiguas, qui herbis inodoris & campestribus. Signum ex colore ducunt, & viridantes, cœruleos, vel in alterutrum colorem nigricantes, ex præstantissimis herbis genitos & virtute efficacissimos prædicant: pretiosissimos etiam, si forma accesserit æqualis & rarior, qualis est rotunda, post



post eam ovata, denique cylindracea. Qui lutei, rufi & discolores sunt, aut qui tuberculis lanam produnt inclusam, eos natura ex viliori luto finxit, haud magnam præstituros efficaciam. Cessat proinde *Ambrosii Parai* observatio, quâ, ad explorandam virtutem lapidis alexipharmacam, reo mortis arsenicum primò, mox pro antidoto lapidis pulverem propinabat, deteriori, quam quisque expectaverat, eventu. Non enim omnes bezoartici lapides æquè sunt virtuosi & alexipharmaci, & qui sunt, facultatem non tam adversus venenum minerale, quàm animale & vegetabile exserunt, quale misero non fuerat propinatum. Notam legitimi lapidis profitentur, si volæ manus cinere aspersæ, vel cretâ oblitæ affrictus lineam inducat luteam, vel ex luteo viridantem: Hæc illis *Lydius* est, quò veritatem simul ac bonitatem explorant. Acus candentis admissio, quæ *Cl. Joh. Schrædero* placet, fallax bonitatis testis est, quia, si adulterini ex resinosa construuntur massa, acum utique admittent: legitimi verò plerique ita indurati sunt, ut acum candentem respuant. Mei ceterè, quos in natali monte comparavi & genuinos scio, vix candentis acus vestigium recipiunt, sed attractu ignis dissiliunt. Non est nota factitii lapidis, si interiores laminæ deterioris substantiæ & coloris fuerint: ea enim ex diversitate alimenti disparitas provenit, dum genitrix bestia locum pastûs mutat. Pro genuinis ego habeo eos, qui inter resinæ & lapidis substantiam ita ambigunt, ut contusi, in acido nitri vel salis spiritu dissolvantur, ac menstruum colore satis rubente simul ac virtute suâ imbuant; quâ ratione ex iis paro liquorem bezoarticum, cujus paucas guttulas cum aquâ Cinnamon, Julapio, aliove vehiculo commodissimè exhibeo. Virtutes lapidi easdem Persæ, quas nostri tribuunt; quin facultatem etiam declinandi morbos, & prolongandi vitam, si à bene sanis sub auspicio faventis astri assumatur. Multis hinc solenne est, ut sub ipso anni ingressu (quo cælum creditur pronissimò vultu mortales aspicere) modicam pulveris dosin confidenter assument, persuasi, hoc remedio radicale vitæ humidum, quod dicunt, foveri in annum posse. Ceterum usus in curationibus apud hujates Medicos non æquè creber est, quàm apud nostrates: margaritas substituunt, ubi nos lapidem præscribimus. Nec enim in Pharmacopœiâ *Musaffr ibn Mahammed el Hossein*, quæ illis, prout Germanis *Augustana*, in usum recepta est, ullam invenio compositionem, quam bezoarticus lapis nobilitet. Interim tamen digniori in loco est apud ipsos, quàm apud Euro-

pæos. Vix incidi in hominem alicujus nominis, qui rariorem lapidem inter cariora sua non asservaverit. Pretio lapides hîc constant admodum caro, siquidem selectiori forma & colore gaudeant. Ex his, qui unius *Mescaal*, seu drachmæ, pondus obtinent, à gemmariis *tumano*, sive quindecim uncialibus veneunt: quod verò pretium, exemplo unionum, dispari assurgit proportionem ponderis, ita ut omnem aliquando æstimationem exsuperet. Ex lapidis raritate & pretio facile colligimus, bezoarticos, quibus in pharmacopœiis Europæi utimur, non esse Persicos, vel ex eorum numero, qui à capris bezoarticis *Pasæn* nomen sortiuntur, sed vel ex aliis animalibus, vel sub alio coelo degentibus depromptos & suppositos.

Ad hanc classem refero illos, qui in capris *Abû*, quanquam rarius, inveniuntur: plerumque lutei, rufi & discolores, sæpe tubere uno vel gemino bullati, inæquales & informes sunt, minoris adeoque virtutis & pretii. Ipsum animal (*vid. in Tab. 2. & num. 2.*) à cervis nihil habet dissimile, præter barbam & cornua non ramosa, quibus se caprino generi adlociat. Cornua sunt simplicia, atra, rotundis annulis ultra mediam usque longitudinem distincta, lævia & quasi ad modulum tornata, in mare quidem surrecta, pedalis longitudinis, in medio levi arcu disjuncta, fastigiis rectis, mutuò utcunque imminentibus: in fœminâ verò perparva vel nulla.

Inter supposititios etiam numero exemptos ex variis brutis sylvestribus Indiæ Orientalis: quale ex caprina classe est animal, quod bezoarticum vocat *Bontius*, à se visum in arce Bataviæ. Ego simile vidi in arce præliminari ejusdem arcis, quod verò ab *Abû* Persico nihil differebat, nisi quòd maculæ candidissimæ, more tigris, totum corpus pingerent: qualis etiam decor venustabat duas capreolas, totidemque platycerotes, eidem arce, velut vivario, inclusos. Ex his & similibus cornigeris montium Indicorum, præsertim eorum, qui versus septentrionem Malabariam claudunt, & ad promontorium *Come-rein* protenduntur, sequioris conditionis lapides, vulgo *bezoar* dicti, copiosi eximuntur, & in manus Europæorum, illic viventium, non rarò confluunt. Chirurgus, in illo littore diu moratus, lapidum, quos successivè coëmerat, integram libram venalem mihi offerebat, sed quos inter nullum reperi, qui genuini Persici bonitatem colore simul ac figurâ exprimeret. Huc spectat Lapis omni Indico ac vulgari Persico præstantior, recepto à Lusitanis nomine *Pedra bugia*, i. e. lapis Simiæ dictus, de quo *alibi*.



## CAPUT XIII.

DE

## BEZOAR OCCIDENTALI.

## §. 1.

**L**APIS BEZOAR OCCIDENTALIS scaber & plerumque cineraceus lapis est, diversa magnitudine & figura, ex multis sibi invicem impositis lamellis, multo crassioribus quam in Orientali, concretus, intus vel cavus, vel semina, aciculas ac similia continens. Ex India Occidentali, præsertim Peru, ab Hispanis ac Lusitanis affertur.

## §. 2.

Hi lapides in diversis animalibus inveniuntur, quos *Fonseca* septuplices describit, ex isto. que *Barth. Ambrosinus* in *Mus. Metallico Ulyss. Aldrovandi* pag. 806. Ut plurimum vero in aliqua rupicapra specie invenitur, ab *Hernandezio*, huiusque interpretibus, in *Hist. Rerum Med. Nov. Hisp.* pag. 325. in figura oculis subiecta, optimeque descripta. Istæ vero rupicaprae superius ex flavo fusca sunt, inferius albæ, parvis iisdemque acutis cornubus præditæ, uti ex figura apparet omnium optime; & quanquam *Boëtius de Boot Tract. de Lap.* pag. 365. huic bestia nullam vellet adscribere cornua, *Hernandezio* tamen, rem accuratissime describenti, potior habenda fides est.

## §. 3.

Hic autem notetur Bezoar lapidem non in omnibus reperiri animalibus, sed in annosis saltem rupicapris, dum stomacho adhærens suas sibi invicem instratas lamellas successive multorum annorum spatio acquirit & nanciscitur, à bonis efficacibus herbis, quibus animal vescitur, oriundas. Quæ causa est, quamobrem hic lapis non ubique, sed iis saltem in regionibus, in quibus ejusmodi herbae crescunt, his in bestiis reperiantur, aut certe non ejusdem omnes lapides sint efficaciam, uti *Hernandezius l. c.* fusius scribit.

## §. 4.

Lapidum differentia partim à colore, partim ab externa figura, à magnitudine partim desumitur. Ratione coloris plerumque incani sunt, interdum nigricant, coloreque albo permixti sunt, aut ex viridiusculo variegati, teste *Schrædero* in *Pharmac. Medico-Chym. Lib. VI.* Externa figura variat, propterea, quod nonnulli rotundi s. ovals, quidam quadranguli, qualis supra dicta in figura delineatus est, plures autem apud Aa. citatos sistuntur contemplandi. Non minus magnitudo variat, qua fere omnes lapidem Bezoar Orientalem superant, ovum columbinum, interdum gallinaceum æquant: qualem in Tabernis Gemmariorum Persiæ & Ara-

biæ se vidisse testatur *D. Kämpferus* in *Amœnit. Exot. Fasc. 2. pag. 397.* Imo *Georgius Segerus* in *Epistol. Bartholin. Cent. 2. Ep. 79.* commemorat se vidisse Hamburgi Bezoar Occidentale magnitudine capitis humani, 23. digitorum latitudinem transmissum continens, pondusque 6 $\frac{1}{4}$ . lb. adæquans: quod adeoque majus est isto, cujus, utpote ovum struthionis æquantis, *Wormius* in *Mus. pag. 110.* meminit.

## §. 5.

Hic verò quæritur, adulterari Bezoar Occidentale & per artem præparari possit? Sunt, qui negant, quoniam intus forisque variegatum, & ex variis coloribus permixtum est, uti in *Mus. Metall. Ulyss. Aldrov. l. c.* commemoratur. Enimvero *Hernandezius* contrarium affirmat, perspicuis verbis pronuncians lapidem Bezoar Occidentalem æque ac Orientalem artificiosè præparari: de quo tamen non æque atque de Orientali timendum, dum hi lapides copiosius inveniuntur, nec tanti veneunt, atque Orientales, nisi insigniter magni sint, qui Magnatibus Principibusque raritatis causa divendendi pretio affectionis æstimantur, sicuti *Boëtius à Boot* in *Hist. Gemmarum* pag. 371. scribit; hinc insignis iste lapis bezoar, supra memoratus, primum Hamburgi 6000. Imperialibus, postmodum verò dimidio fuit æstimatus.

## §. 6.

Experimenta hujus bezoar cum istis, quæ Orientali sustinenda sunt, maximam partem conveniunt, excepto colore, qui in hoc diversus est. Qui subviridiusculus Orientalis ad instar apparet, pro optimo vult haberi, uti *Schræderus l. c.* meminit, præsertim splendentibus striis intus ornatus, more sacchari saturni, quod *Pometo* in *Hist. des Drogues l. 1. c. 14.* bonum apparet signum. Qui ex Peru Insula veniunt, multo habentur meliores iis, qui ex Hispania Nova afferuntur. In defectu vero Bezoar Occidentalis genuini bezoar cervinum, vel lapis in cervis reperiendus, ac similiter fere formatus secure in usum trahitur, utpote iisdem virtutibus præditus, secundum *Ettmüllerum* in *Comment. Schræd. p. 776.*

## §. 7.

Virtutes hujus lapidis cum Orientalis qualitatibus valde conveniunt, dum hujus ad modum omnibus venenosis ac pestilentialibus morbis adversatur, epilepsiam juvenum senumque curare, vires roborare, calculum partumque eiere, etiam in digito gestatus, ac somnum procurare dici-



dicatur, adeo, ut à nonnullis tanquam panacea s. medicina universalis ad omnes morbos commendetur, existimantibus, optimi Medici se defungi posse partibus, hunc si possideant lapidem, teste *Hernandezio l.c.* Num vero hic Occidentalis etiam laxet, uti *Schræderus l.c.* putat, jam in-

quirere nolo, dum ejusmodi virtus fortasse ab artificio & cum gummatibus adulterato fuit observata, neutiquam veris & genuinis aliis lapidibus, qui intuitu salis sui volatilis diaphoretica magis ac nervina virtute pollent, ex qua prædictæ operationes omnes derivantur.

## CAPUT XIV.

DE

## ÆGAGROPILIS, LAPIDE DAMARUM ET SANGUINE HIRCINO.

## §. I.

**P**ILÆ DAMARUM s. ÆGAGROPILÆ, *Gemsen-Kugeln*, oblonge rotundæ sunt, & interdum quodammodo compressæ pilæ carneæ, magnitudine fortasse nucis avellanæ, foris glauca seu fusca coriacea pellicula cinctæ, intus autem è multis fibrillis constantes, odore valde grato aromatico, sapore subamaro. Ex Tyrolensibus Helvetiisque montibus afferuntur.

## §. 2.

Damæ, in quibus inveniuntur, vehementer feræ naturæ sunt, valdeque altos montes rupesque ascendunt, Rupicapra propterea vocatæ. Magnitudine capram nostratem æquant, nigra, exigua, extremitatibus hami adinstar incurva cornua habent, usque eò acuta, ut istis se sculpturæ, ista ipsa interdum ita podici immittant, ut exinde mori dicantur. Alias rupibus, istis mediantibus, se adherent, quas acutis pedibus currendo ascendunt. Vescuntur aromaticis herbis & radicibus, præsertim doronico, ex quo ægagropilæ dicuntur nasci, uti *Clariss. Welschius* in peculiari *Tract. de Ægagropilis* docet.

## §. 3.

Istæ Ægagropilæ ex relictis herbarum ac radicum fibris nascuntur, & quidem in primo & secundo ventriculo, dum damæ ad modum omnium ruminantium animalium quatuor ventriculos habent, à supra laudato *Welschio l.c.* æri incisos & oculis subjectos. Interea notandum ejusmodi pilas non in omnibus animalibus, sed in iis saltem inveniri, in quibus ad istarum generationem necessarium acidum, pilas constringens, & quasi coagulare faciens, invenitur, uti Auctor citatus in *Appendice ad Schræderi Pharmacop.* pag. 5. explicat.

## §. 4.

Ejusmodi pilæ ex India quoque afferuntur, in rupicapris Indicis reperiundæ, qualem perelegantem magnamque *Marxius* Windheimæ apud Kornefferum Pharmacopolam

vidit, magnitudine infantilis capitis, rotundam, levem, pondere aliquot unciarum, splendenti lapidi bezoar, quam pilæ damarum ordinariæ similiorem, uti in *Mater. Mus.* pag. 160. refert. Inter vulgares tamen ægagropilas etiam interdum quædam inveniuntur lapidea crusta quasi circumdata, more bezoar lapidum, nunquam fere pugno majores. Qua in re *Welschium Schrædero* videmus contrarium, has pilas nunquam nuce juglande majores esse existimanti.

## §. 5.

Vis harum pilarum calefaciens est ac resolvens, qua stomachum, caput ac nervos confortant: ut adeoque iis, qui vertigine per essentiam & per consensum stomachi orta afficiuntur, optime conveniant, cum etiam doronicum, ex quo constant, in ejusmodi morbis commendetur. Simul etiam convulsionibus nervorumque contractionibus medentur, partumque promovent, teste *Ammanno Tr. de Mat. Med.* Inprimis sudorem ac venenum pellunt, ad modum lapidum bezoar, ac propterea etiam BEZOAR GERMANICUM vocantur. Optandum esset, ut, quoniam melius viliusque possunt haberi, ac multo efficaciori odore pollent, pro lapide bezoar usurparentur, utpote iisdem, imo melioribus, virtutibus prædita, in febribus continuis & contagiosis perutiles, in dysenteria quoque aliisque alvi fluxibus non contemnendæ, quoniam simul paulum adstringunt. Ad X. vel XII. grana assumuntur. Num de collo suspensæ à fame sitique defendant, imo corpora impenetrabilia præstent, uti quidam, nescio qua superstitione ducti, existimant, risum magis quam fidem excitat. Qui vero de usu harum pilarum plura scire desiderat, is relationem legat ab amico quodam Saltzburgensi cum *Dn. de Hochberg* communicatam, & ab hoc *Lib. XII. dem Adelichen Land- und Feld-Leben* pag. 731. insertum.

## §. 6.

Cæterum aliquem damarum lapidem; sed raro, dari existimant, qui in peculiari pellicula



la prope hepar reperitur, foris albicet, intus verò prorsus albescat, quoniam, de istorum sententia, ex albo chylo ibidem coaguletur & induretur. Inprimis in partu difficili & epilepsia commendatur, uti *Ettmüllerus* in *Comment. Schræd. pag. 774.* scribit. Cum verò apud Materialistas & in officinis nondum inveniatur, in isto explicando non morabimur.

## §. 7.

Caprarum nostratium domesticarum lac interne ad podagram, phthisin & morbos similes ut plurimum usurpatur, de quò in capite de lacte asinino jam actum fuit. Externè stercus caprillum ad tumores hydropicos & similes adhibetur, in officinis tamen neutrum extat.

## §. 8.

## SANGUIS HIRCINUS

adhuc memorandus est, qui siccatus in officinis extans non à vulgò solum, sed à multis etiam doctis Medicis ad sanguinem coagulatum, pleuritidem, calculum &c. valde commendatur, id quod *Dn. D. Ettmüllerus l. c. pag. 773.* fusius explicuit.

## §. 9.

Qui sanguis ut vere efficax acquiratur, Clarissimus *Helmontius* hircum pedibus posterioribus suspendit, & ex inciso ejus patrimonio sanguinem colligit, in Sole postmodum vel in va-

poris balneo ficcandum, vid. Ejus *Tr. Septuag. Digest. alim. §. 75.* Alii etiam sanguinem sumunt ex collo, si quando hirci laniantur, qui aque bonus est. Nulla quoque refert, istene sanguis qui primum profluit sero stipatus, an medius, aut ultimus sumatur, modo lente & sine unctione exsiccet, uti *Dan. Ludovici* in *Pharm. pag. 167.* Tenax sit, tritus autem fuscus appareat.

## §. 10.

Quò verò hic sanguis præstantiorem vim antinephriticam acquirat, hircos quidam plantis calculum pellentibus, utpote ruta muraria & similibus, aliquamdiu alunt, quod *D. Osvaldi*, Medici Oenipontensis, arcanum ad vesicæ renumque calculum fuisse, *Hoffmannus* in *Clav. Schræd. pag. 748.* refert. Quamobrem etiam *Pometus* in *Hist. des Drogues Part. 2. Lib. 1. cap. 13. pag. 35.* sanguinem hircinum Julio Menfè suadet colligendum. Hunc sanguinem tantæ esse efficacæ, ut adamantem molliat, secundum traditionem veterum, ego sane ne quidem ulli persuadere queo. Stagnantem contra coagulatumque sanguinem sale suo volatili dissolvere, proptereaque adversus omnes contusiones, casus, dolores lateris, inflammationem pulmonum morbosque similes conducere experientia confirmat. Melior habetur spiritus & sal volatilis inde destillatus, quocum etiam oleum transit, externe in arthritide & contracturis commendatum.

## CAPUT XV.

## DE

## ZIBETHO ORIENTALI ET OCCIDENTALI.

## §. 1.

**Z**IBETHUM pinguis & unctiosa materia est, instar mellis vel butyri apparens, colore ex albo flavescente, odore penetrantissimo. Ut plurimum ex India Orientali Occidentalique affertur, postmodum in parvis ollis, quæ scriptura aut typis ornatis chartulis notatæ sunt, à Batavis in Imperium transmittendum, secundum *Pometi* in *Hist. des Drogues cap. 6. Lib. 1. pag. 18.*

## §. 2.

Animalia, à quibus Zibethum oritur, vulgò CATI ZIBETHICI, (*Zibeth-Katzen*) vocantur, vulpibus aut martibus quam catis figura similioribus, uti ex figuris apparet, quarum altera à *Fabio Columna* in *Hernandezii & Ant. Reerii Hist. Anim. Nov. Hisp. pag. 580.* altera verò à *Dn. Vito*, Materialista, (qui istam de vivo animali desumi curavit) mihi com-

municata est, quæ cum *Klobii* figura juxta in *Hist. Ambr. pag. 71.* atque cum isto cato zibethico, quem prædictus *Pometus*, à Siamicis Legatis Anno 1688. acceptum, totum annum servavit vivum, valde conveniunt. Et quamquam pro regionum diversitate Orientales ab Occidentalibus facie externa paulum differant, in eo tamen binæ conveniunt, quod cunctem cineracei coloris, nigris maculis striisque, in fœmellis tamen magis notandis, interstinctam, acutum caput, brevesque pedes habeant, quemadmodum à prædicto *Columna l. c.* fusius describuntur.

## §. 3.

Quomodò & in quibus animalis partibus zibethum generetur ac inveniatur, quæstio est? Quæ de re diversæ fuerunt opiniones, dum nonnulli zibethum pro sudore, alii pro pure, pro alio quodam alii habuerunt, uti apud



apud *Sam. Daleum Part. 3. Pharmacol. pag. 583.* & in *Castelli Tr. de Hyena Odorifera* videre est. Id tamen inter eos convenit, in maribus penem inter & testiculos, in foeminis vero in interioribus genitalibus inveniri, uti *Vielheurius* in *Descript. Exot. Mater. pag. 199.* ex aliis refert. Enimvero & in hoc valde erratum fuit: testibus enim supra citatis experientia constat, zibethum neutiquam ejusmodi excrementum sive seminis esse profluvium, sicuti quidam opinantur, sed in peculiaribus folliculis s. cavitatibus, podicem inter & genitalia sitis, & quidem in multis, in praedictis folliculis reperiundis, glandulis generari, iisdemque in maribus duplo majoribus atque in femellis; ut adeoque in illis plus etiam inveniatur zibethi, quam in istis.

## §. 4.

Qua verò methodo zibethum colligatur? *Joh. Faber Lynceus* in supra memorati *Hernandezii Tr. pag. 539.* pereleganter descripsit. Scilicet hac materia vel domi ex mansuefactis cati zibethicis colligitur, parvisque, formam auriscalpiorum habentibus, cochlearibus ex supra descriptis loculis depromitur, vel in campo ab arboribus fruticibusque, quibus animal se attrivit, detergitur. Illud scil. exhaustum aestivo tempore alternis semper diebus, hybernò vero, quo materia non adeò fluxa est, qualibet hebdomade bis peragendum. Quod colligendi tempus si negligitur, animal muris postibusque clathrorum, quibus asservatur, se atterit, materia aliquot dierum spatio subacri evadente, animalque titillante ac pungente, terendo igitur movendoque liberare se pruriente materia quarit, nisi praedicto modo depromatur, id quod tamen nec sine doloris perceptione peragitur, uti *Pomet.* suo in animali observavit. Quum verò hac operatio in cati zibethicis sylvestribus celebrari nequeat, isti que zibethum suum in antiquos arborum ramos terendo deponant, Nigritæ ramos aridos probe inspiciunt, oleosasque maculas grumosque defumunt, in aquâ coquunt, quo impurum separetur, ac postmodum fundum petat, vero zibetho contra aquæ innatante & pro optimo habito, uti laudatus *Faber l. c.* judicat.

## §. 5.

Caterum non omne zibethum eundem habet colorem, ac propterea quidam distinctas volunt constitui species, dum *Sam. Daleus l. c.* præter vulgare nigri cujusdam zibethi, ex India Orientali venire crediti, meminit, quod prorsus rejicit. *Pometus* contra fusci facit mentionem, quod Civette de Guinée, ou du Brésil s. Brasiliense zibethum vocat: Hollandicum autem prorsus album apparet, quoniam catos lacte ovisque dicuntur alere. Interea praedictus Materialista non adeò multum colori tribuit, odore potissimum ceterisque qualitatibus bonis existentibus, dum istud, quod

ex cato ipse collegit, fuscum etiam apparuit, albumque apparens cum tempore flavum ac tandem fuscum evadit. Nihilo tamen minus zibethum album, si quando simul pingue fragrantiaque summa sive fortis quidem, sed quodammodo nauseosa, saporis amari ac consistentia rubra fuerit, pro optimo habetur, uti *Marxius* in *Mater. Mus. pag. 219.* scribit.

## §. 6.

Quum verò, vel ipso *Schurzio* non diffidente in suo *Mat. Mus. pag. 23.* butyro ac pinguedine adulterari possit, quæritur, quomodo fraus ista cognoscatur? Quidam existimant zibethum tum esse genuinum, quando isto chartæ affricto nihilominus chartæ inscribi literæ possint: quod tamen experimentum valdè dubium est ineptumque, dum vel ratione teste nullæ pingi literæ possunt, ubi zibethum, tanquam pinguedo, fuit affricum, quanquam optimum verumque fuerit zibethum, experimentum faciente ipso *Pometo l. c.* Qui propterea melius dare consilium nequit, quam ut cum probis notisque Mercatoribus faciamus mercaturam, nec semper testimoniis scriptis habeamus fidem; præcipue vero odoris rationem habeamus, quadantenus rancidi apparentis, quando butyrum aut aliud quoddam pingue est admistum, nisi mistura adhuc recentissima sit, ubi perdifficilis, imo fere impossibilis est butyri à zibetho separatio. Quando verò aliis impuritatibus est adulteratum, aquæ bullienti injectum sine ulla mora impurum demittit, bonum contra innatat, uti praedictus *Faber l. c.* bene annotavit.

## §. 7.

Quod tandem ad usum zibethi attinet, ratione partium suarum volatilium & oleosarum virtute valde resolvente, emollienteque ac confortante pollet, torminibus infantum, colicæ, suffocationi uterinæ ac doloribus uteri umbilico applicatum medetur, modo patientes (dum multæ foeminae istius impatientes sunt) illius ferre usum possint. Maritos impotentes confortat, atque in sterilitate mulierum utile est. Maximam partem ad balsama & unguenta odorifera s. fragrantia usurpatur, multoque fragrantius est, si quando moscho ambraque permistum est, præsertim cum non adeo multum sumitur. Zibethum indusiis affricum pediculos fugare creditur: quod tamen unguentum pediculorum pro pauperibus nimis esset pretiosum. Zibethum cum oleo anisi mistum, & chirothecis illitum, fragrantissimum odorem excitat, præsertim si tantillum moschi additum fuerit. Quidam etiam pellem zibethicam ad calefaciendum ventriculum aliosque plures morbos utilem commendant, teste *Hoffmanno* in *Clav. Schrad. pag. 655.* Nigritæ & Barbari etiam carne pro cibo vesci dicuntur, de quo aliisque usibus *Castellus* in *Tr. de Hyena Odorifera* agit fufius.



## CAPUT XVI.

DE

HEPATE LUPI, PULMONIBUS VULPIS,  
AXUNGIA TAXI, URSI ET MURIS MONTANI.

## §. I.

## PULMONES VULPIS

quanquam ubique à Venatoribus sufficienter haberi possint, ac propterea non opus sit, ut eosdem modo aliorum ex regionibus exoticis afferri curemus, istos tamen non penitus prætereundos duximus, utpote à Materialistis etiam vehi solitos. Ut hepar lupi calido aceto macerandi, inque eò tamdiu relinquendi sunt, quoad refrigerint. Postmodum exsiccantur, & vel in pulverem piperis, vel absinthii ponuntur, quippe quò à carie præstantur tuti, ut *Schurzius* in *Mater. Mus.* tradit.

## §. 2.

Ipsos Lupos (quorum hepar officinas ingreditur) & Vulpes ut describamus, prorsus censeo supervacaneum, utpote unicuique notos. Istorum igitur loco Vulpem, s. potius Lupum Orientalem, quem Persæ *Sjechaal*, Belgæ autem *Jak-Hals* vocant, in *Mus. German.* delineatum & ab amico mecum communicatum sisto. *Dn. Kämpferus* eundem vocat *Lupum aureum*. More nostratum vulpium valde astuta dicitur bestia, cujus tamen motiones neutiquam ab rationali anima, sed artificiosa machina naturalique motu membrorum ac spirituum vitalium deducendæ, ut *le Grand* in peculiari *Tr. de Carentia sensus & Cognit. in brutis* omnia eleganter explicuit. Interdum circa montes latet, noctu pervigil & vagus est, & catervatim prædatum excurrit in rura & pagos. Ex ipsis papilionibus, quos circa littus Caspium expanderamus (inquit laudatus *Kämpferus* in *Amœn. Exot. Fasc. 2. pag. 413.*) ocream, calceos & alia ex corio facta nobis abstulit, quorum quæ graviora erant, non longè à dormitorio abducta recepimus. Ululatum noctu edit execrabilem, ejulatu humano similem. *vid. cit. loc.*

## §. 3.

Pulmones Vulpis, à veteribus præsertim, ad dolores pectoris, tussim, phthisin aliosque thoracis affectus commendantur, ex quibus propterea varia in officinis habentur composita, utpote looch de pulm. vulpis, aqua asthmatica &c. quæ tamen *Helmontius* in *Tr. de Tussi & asthmate* sumit irridenda, miraturque in scholis (ita loqui solitus est) talos leporis ad arthritidem non præscribi, quippe quibus lepores celerem cursum promoveant. Ita etiam

AXUNGIA VULPIS, *Fuchs-Schmaltz*,

in usu est, quæ tremori artuum, indurationi nervorum tendinumque, ac horum quoque tremulo pulsui dicitur mederi.

## §. 4.

Non minus in Materialium Museis & aliarum bestiarum habentur axungia, utpote AXUNGIA URSI, *Baeren-Schmaltz*, partim ex Polonia, partim ex Canada allata. Recens, glauca glutinosaque fit, forti & adverso odore, consistentia mediocri. Quæ nimis dura & alba est, haud multum prodest, ac sebo est permixta, ut *Pometus* in *Hist. des Drogues Part. 2. Lib. I. pag. 41.* ostendit. In dolore aurium harumque tumore commendatur, in umbilicali etiam aliisque herniis præscribitur. Lumbis inuncta prolapsum uterum anumque dicitur retrahere, quâ ratione *D. Sultzbergerum* in scrotum prolapsa intestina retraxisse certoque sustinuisse *Ettmüllerus* perhibet in *Comment. Schræd. pag. 802.*

## §. 5.

AXUNGIA TAXI, *Dachs-Fett*, etiam materialibus annumerari solita, ad renum ac lumborum dolores, calculum &c. commendatur, & à Venatoribus refrigeratis membris affricatur, quo in casu ipse istam bonam expertus sum. Hinc antiquus carminifex Medicus *Serenus* non temere inquit:

Nec spernendus adeps dederit quæ bestia melis.

## §. 6.

Quantum tandem

AXUNGIAE MURIS MONTANI

*(Murmeltier-Schmaltz)*

tribuatur, sufficienter notum est: ista quippe Circumforaneorum universale unguentum ac medicamentum existit. Ex Italia Helvetiaque venit, ubi Mus Montanus s. Murmetum (magnus mus est, parvum cuniculum referens) in Alpibus reperitur. Virtute pollet vehementer resolvente, ac propterea à *Paracelso* tanquam peculiare medium ad dolorem lateralem commendatur; sicuti etiam *Mynsichtus* unguentum habet antipleuriticum, in quò hæc axungia prævalet, *vid. Ejus Armament. Medico-Chym. pag. 188.* Non minus ad contracta membra aliosque nervorum affectus usurpatur, qua de re vide, sis, *Schræderum, Daleum*, & alios.



## CAPUT XVII.

DE

## DENTIBUS APRI ET MORTADELLIS.

## §. I.

Quamquam SUS, s. PORCUS, valde sordidum foedumque animal sit, sine ullò dubio propterea impuris animalibus in Veteri Testamento annumeratum: mira tamen potentia Divina in isto etiam voluit praelucere, quippe qua non in nostratibus seu domesticis solum, sed etiam sylvestribus suis quid peculiare scimus reconditum, in alijs pulchrioribus purisque animalibus fortasse non reperiundum. Praesertim vehementer admirandum, in sordidis lippisque Suum oculis certam inveniri glandulam, quae in ore mansa vero moscho sapore odoreque parum vel nihil cedat, id quod in porcellis assatis juxta ac magnis suis ipse aliquoties vidi & expertus sum, ut in *Polychr. meis Exoticis Diss. de Lapide Porcinò* jam pridem memini.

## §. 2.

Multo magis Aper Americanus, JAVARIS dictus, qui umbilicum in dorso habere dicitur, admirandus est, praesertim si istius intestina examinantur, quae omnia inversa sunt, ita ut inferiora superius locata sint, sicuti non solum *F. Gregor. de Bolivar in Recchi Delic. Anim. Nov. Hisp. pag. 648.* refert, verum etiam *D. Henricus Fuiren* in istius Lugduni Batavorum celebrata anatome ipse vidit, idque Hafniam *D. Wormio* transcripsit, uti ex hujus *Museo p. 340.* videre est. Num verò è dorso prominens ductus, intestinum mentiens, uti in Figura *Recchi* apparet, pro umbilico, quemadmodum vulgò vocatur, aut alio quodam haberi debeat? inter Doctores nondum convenit, quorum quidam istum papillam esse existimant, ex qua lactentes à matribus alantur, dum sub ista quasi mamilla & vena appareat, in abdomine vero, uti in alijs suis, nullae reperiantur mammae, secundum relationem *Wormii*. *Dn. Rochefortius* in *Descriptione Insularum Antillarum p. 197.* animal per hunc ductum respirare dicit pulmonesque continuo refocillare, ejusque intuitu à canibus venaticis capi non posse. De omnium verò testimonio constat per supra dictum vulgoque habitum umbilicum semper foetentes expelli vapores, qui nisi continuo post bestiae mortem excidatur, totum suum foetore inficiat, ut usui sit inidoneus, quae super re *Joh. Faber Lync.* valde curiose fuseque in suis notis super antedictum *Recchum* in *Hernandezii Tr. de Reb. Med. Nov. Hisp. pag. 636.* disputat. Cæterum hic porcus forma externa quodammodo minor est suis nostratibus, cauda destituitur, setas habet variegatas, lana interdum comitatas: qualem paucis ante annis

in sue indigena Francofurti macerato observant, cujusque particula mihi transmissa. Alitur etiam cum præcedente Jagkal & alijs animalibus Exoticis Stereuntii ab Illustriss. Hassiae Landgravio, teste *Winckelmanno* in *Topograph. Hass. Cap. de Cassellis.*

## §. 3.

Quoniam interea præmemoratus Aper Mexicanus valde rarus est, & tantum in aulis Magnatum Germaniae reperitur, nostratibus apris dabimus operam, utpote respectu dentium, in Mat. Museis & officinis notioribus istis, in quibus ejusmodi longi magnique dentes non inveniuntur. Equidem in India Orientali quoque dantur apri, qui dentes immensum magnos habent, ut naturaliter, neutiquam monstrosè, uti *D. Jacobaus* in *Mus. Hassn.* existimat, ex ore protensi, instar cornuum supra caput incurventur: quales ante aliquot annos *Dn. Joh. Gothofredus Vitus* ex India allatos Clarissimo *Dn. Ludolfo* Francofurti ad tuendam sui memoriam reliquit. Sceletum, in *Museo Reg. Hassnien. Tab. II. Fig. V.* reperiundum, in Museo nostro Germanicò sistitur contemplandum. Equidem

## DENTES APRI

indigenae tam magni non observantur, quadantenus tamen supra incurvati. Tanquam peculiare remedium ad anginam, pleuritidem aliasque inflammationes internas, à stagnante coagulatoque sanguine ortas, quem sale suo volatili resolvunt, prædicantur, & vel solitarie, vel cum mandibulis lucii piscis similibusque utiliter præscribuntur, sive RASURA DENTIS APRI, sive DENS APRI sine IGNE usurpetur, dum ejusmodi dentes eodem modò atque cornu cervi tractari, indeque SAL VOLATILE, GELATINA aliaque possunt præparari, vid. *Ettmülleri Comment. in Schræderum pag. 766.*

## §. 4.

Sunt etiam, qui multum

## URINÆ APRI

volunt tribui: quem in finem vesicam urinariam, in qua aliquid adhuc urinæ, tantillo olei miscendæ, continetur, in camino siccare & tandem suspendi curant, quoad urina mellis nata crassitiem fuerit. Ista siquidem certum ad calculum renum perhibetur remedium, umbilico etiam afflicta lumbricos infantum necare affirmatur, sicuti istam bini auctores Gallici libri, cui *Tit. Maisson Rustique*, tanquam probatam medicinam commendant. *Henricus ab Heer,*



in *Spadacrene* pag. 276. ita exsiccatam vesicam etiam ad epilepsiam valde commendat.

## §. 5.

Sues nostrates parum aut nihil materialium museis suppeditant, dum axungia suilla, lardum stercusque ac similia ubique reperuntur. Unum tamen dignum est, quod in ista recipiatur, hucusque valde arcanum, certumque remedium adversus epilepsiam habitum, id quod boni publici causa hic volo manifestari. In utroque capitis suilli latere quadam prorsus alba & friabilia ossicula reperuntur, quæ nihil aliud sunt, quam superior pars meatus auditorii, quæ laniones rei expertes clam decerpunt, ac desiderantibus divendunt. Ista ossicula quid peculiare continent, in quæ, ex incumbente cerebro sine ullo dubio, sal quidam volatilis se insinuat, quo mediante in epilepsia sane multum præstant, ac propterea hucusque inter secreta fuerunt habita.

## §. 6.

Cæterum Materialistæ ac Pharmacopolæ interdum farcimina Bononiensia, vulgò

## MORTADELLE

vocata divendunt, ex parte à suis quoque proficisci solita, quæ & hic loci ita possunt confici: *R.* carnis bubulæ è lumbis lb vi. macera unius ac dimidiæ horæ spatio in recente aqua, deinde modice incide, nec tamen nimis minutim, carnis suillæ lbij. lardi lbj. minutim eade, piperis grossè contusi ʒij. salis minutissimè contusi ʒss. omnia probe misce: post intestinum bovis medium probe expurgari cura, quod fortiter infartum, baculisque secundum longitudinem confectum, in aëre tridui tempore suspende, quo exsicceetur paulum, postmodum 9. dies in camino, tum ultra annum farcimina durant. Quod si vero ab Italis farcimina hæc, qui ista è Gallia, vel etiam Italia venire curant, emuntur, videndum, ne rancida insipidaque sint.

## CAPUT XVIII.

## DE

## PEDRA DEL PORCO.

## §. 1.

**P**EDRA DEL PORCO, s. LAPIS PORCINUS, valde pretiosus lapis est, paucis ante annos à Lusitanis ex India Orientali Lisbonam & Amstelodamum allatus, magnitudine nucis avellanæ, varie formatus coloratusque; plerumque tamen colore est hepatico, vel ex albo nigricante, lævis, saponis adinstar, cicatricibus nihilominus notatus, foveas à variolis relictas referentibus. Ab Indis Mestica de Soho, è Lusitanis Piedra del Puerco, item Pedra de Vassar, ab Hispanis Pedra de Porcas, & ab Italis Pedra del Porco, vocatur. Multi istum Lapidem Malacensem vocant, quoniam in Malaca Regno colligitur, de quo *Aldrovandus* in *Mus. Metallico Lib. IV. pag. 798.* videatur.

## §. 2.

Equidem sunt Materialistæ, interque eos *Pometus* in *App. Hist. des Drogues pag. 2.* qui existimant, quod Pedra del Porco aliud quid sit, quam Lapis Malacensis, credentes priorem in porcis Indicis, posteriorem in histrice inveniri. Quæ tamen differentia Doctoribus incognita est, cum Societate Indiæ Orientalis unanimiter existimantibus, quod Pedra del Porco ex Pam Regni Malacæ de histricibus proficiscatur; iste verò error inde fortasse venisse creditur, quòd nonnullis histricem etiam porcum spinosum & porcum marinum vocare cum vulgò in usu sit, quæ *Gesneri* in *Hist. Animal. Lib. 1. pag. 633.* conjectura est.

## §. 3.

Animal Histrix German. *das Stachel-Schwein* vocatur: ut adeoque lapis iste rectius LAPIS HISTRICINUS dici mereatur. Aliis animal *Parcapy* nominatur. Erinacei species est, inque India Orientali invenitur, magnitudine bimestris porcelli, capite cuniculum, pedibus anterioribus taxum, posterioribus ursum, fronte longum sertum representans, cæterum toto corpore longos & acutos aculeos habens, articulatum nunc fuscis, nunc albis, à pictoribus ad penicillorum manubria adhibendos; & quoniam isti aculei calamo scriptorio haud dissimiles sunt, Circumforanei bestiam istam Taran s. Seydan avem vocant. Ad iram commotum animal aculeos tanquam hastas exerit: unde fortasse est, quamobrem in bello hastæ aculeatæ (vulgò *Spanische Reuter*) pennæ suillæ (*Schweinens-Federn*) vocentur.

## §. 4.


Iste verò lapis in perpaucis, & quidem agris saltem, histricibus invenitur, qui propterea tam rarus carusque est, dum rarò plures, quàm duo, aut tres, inter merces, quas Societates Indiæ Orientalis Lisbonæ & Amstelodami in copia (*ins grosse* quod dicitur) divendere solent, inveniuntur, unus etiam 135. ad 275. florenis Hollandicis divenditus postmodum à Materialistis quadringentis vel sexcentis florenis redimitur, qui istum quoque in Hollandia mutuum dare, ac pro XXIV. horarum usu ducatum sumere solent.



*No. 2 3 4*  
*Petra de porco Spuria Ceylanica*

*Fig. 1.*

*Ad Lib. 3. Cap. XVIII.*  
*No. 1.*  
*Pedra de porco pretiosa Malaccensis*



*Fig. 2.*



*Pedra de Cobra*

*Pedra Bugia.*









lent. Plerumque verò ditissimi Mercatores istum sibi asservant, vel Magnatibus præsentandum, aut hæredibus amicisque suis usurpandum; quem in finem aureis iisque perforatis pixidibus, aurea catenula præditis, lapidem muniunt.

## §. 5.

Interea bene videndum, quò verus & genuinus lapis acquiratur, dum spurius quidam ejusdem nominis invenitur, quem olim apud *Dn. Vitum*, Materialistam WORMATIENSIS, modo ex India Orientali reducem, vidi, qui rotundus, niger, ponderosus, nec multum amarus erat, & *Rumphio* teste è porcellis sylvestribus in Sucutana proficiscitur. Verus contra usque eo amarus existit, ut à Chinensibus ejus amarities in dorso manus observetur, aliquamdiu in manu si tractetur teneaturque: quod ipsum tamen Belgis in Indiâ (obtusius forte sapore præditis) non successisse cit. modò *Rumphius* in *Mus. Ambon.* pag. 298. testatur. Hanc amaritiem à bile, utpote in vesicâ felleâ genitus, nanciscitur. Cæterum ex tenuibus corticibus pelliculisque constat, sibi invicem instratis, admodum veri bezoar lapidis; nondum usurpatus tenui s. tenera lamella, quasi agglutinata, cinctus apparet, quæ maceratione decedit.

## §. 6.

Qualitatum virtutumque præcipua est alexipharmaca & diaphoretica, quam *Dimas Bosque* *Valentinus* primum in India in isto observavit, annotante *Boëtio de Boot* in *Hist. Lapidum* t. 2. c. 8. pag. 356. à multo sale volatili, (quem *Levvénhæck* Batavus in *Arcanis Nat. detectis* pag. 115. curioso quodam microscopio in isto vidisse se gloriatur) commodè derivandam. Porro in colica prodest bilisque exundatione, indeque oriunda cholera, ab Indis Mordexin vocata, & pro pestilentia habita: quo in casu lapidis hujus usus istis est crebrior. Interdum etiam leniter laxare perhibetur, in obesitate nimia propterea commendatus. Ab apoplexia & epilepsia defendit, calculum conterit, & arthritidi medetur, auctoribus *Jac. Bontio*, *Fragosâ*, ac *Tulpio*. Præsertim ad icterum ex calculis vesicæ felleæ ortum, à *Dn. D. Albrechto* in *Disp. de Ictero ex calc.* valdè commendatur. Memorabile verò est, gravidas in Malaja ab isto tangendo arceri, quod menses vehementer ciere perhibetur, secundum observationem *Hoffmanni*, in *Clav. Schræd.* In Hollandiâ potissimum in febribus intermittentibus desideratur, quas certo curat, sive quotidie, sive altero, aut tertio die redeant, licet febris acuta fuerit complicata, ad quam ipsam curandam *Dn. D. Deckerus* istum sæpe feliciter usurpavit, uti in *Exercit. suis Pract.* pag. 262. testatur. Imò & in febribus petechialibus non solum à prædicto celeberrimo Practico, sed quoque à *Dn. D. Raygero*, Archiatro Casareo, probatus reper-

tus fuit, uti in *Misc. A.N.C. Dec. 1. An. 3. obs.* 283. legimus. Id verò memorandum, maculas ab istius usu statim evanescere. Tandem & variolis existit medicina.

## §. 7.

Ejus infusum plerumque usurpatur; nempe in 3ij liij vini Hispanici vel aquæ cardui bened. aliquot horas infunditur, quoad liquor amarescat, quem postea æger exhaurit. Qualibet infusione pondus grani unius aut dimidii lapidi decedit, secundum observationem *Deckeri*, per *Dn. D. Spenerum* id mihi referentis. Divitibus quinque vel sex grana ipsius lapidis, una cum aliis diaphoreticis, possunt propinari. Alii loco amuleti utuntur, Indique tantum isto in lapide ponere spei dicuntur, ut vel ex ipsius attractu se convalescere putent. vid. *Disp. nostram de Lap. Porcino* in *Polychr. Exoticis*. Plures ejus virtutes è MS. quodam Indico hausit *Rumphius* lib. III. *Mus. Ambonici* pag. 299. seqq. descriptas:

1. Valet contra calculum indeque aliquot P. Franciscan. Min. convaluere.
2. Contra dysenteriam, de quâ plures eò liberati sunt.
3. Curat colicam, ut sæpius expertus sum.
4. Inservit etiam contra omnes affectus à flatibus ortos.
5. Veneno fortius resistit, quàm lapis bezoar.
6. Pleuritidem fugat, etiam vehementissimam.
7. Varios dolores stomachi alleviat.
8. Contra febres validum est remedium.
9. Contra palpitationes cordis varias militat.
10. Epilepsiam obtundit.
11. Omnes flatus in corpore humano dissipat.
12. Lumbricos pellit & enecat.
13. Apostemata interna sanat.

## §. 8.

Cum prioribus concordant quæ curiosissimus *Dn. Kämpferus* in *Amœn. Exot. Fasc. 2. pag.* 393. habet, cujus seqq. sunt verba:

## PEDRA de PORCO

sive lapis hystricinus coagulum est biliosum, rotundum, ut plurimum nucis myristicæ vel juglandis magnitudine, leve, coloris rufi, substantiæ quodammodò unguinosæ, saporis subtilissimè amaricantis. Reperitur in vesicula biliaria hystricum, terræ Malaicæ; unde à *Garcia ab Horto* sub titulo lapidis Malacensis describitur in *op. Clus. l. 1. c. 46.* Tales à *Sylvatico* Masatios, ab aliis Acherones vocari testatur *Aldrovandus*. Hoc coagulum bovino longè sui pretio ac virtutibus antecellit, prout Bezoar Orientalis Occidentali dicto, vel aurum cupro præstat. Rarius enim generari accidit: quod ipsum imprimis præter eximias & præsentissimas facultates pretium ejus extollit, ut in ditiorum duntaxat & Principum Nigritarum manibus versetur, qui illud sphaeris aureis argenteisve armari curant, adnexa ex eodem



dem metallo catenula, cujus adminiculô tractari valeat. Usus ejus est, ut suspendatur per horas aliquot, vel unâ alteraque vice agitetur in haustu aquæ communis, quem vix grani pondere immixtus amarore imbuit. Haustus ita præparatus habetur summe cordialis & alexipharmacus, tum in ictero, febribus putridis malignisque, & in quibuscunque viscerum obstructionibus medicamentum efficacissimum. Novi Bataviæ, qui posthabitis Medicis quicquid sibi ægritudinis acciderit hâc solo eliminare remedio satagebant. Hystricem hanc, utut in multis Asiæ regionibus, in Africâ etiam & in his Caucasii montibus invenerim, in ipsa tamen reperiri lapidem nunquam cognovi. Rusticus Bugunô à me venatum dimissus, cum ab hystrice surâ vulneratus rediret, pinnum, quem in ipsum bestia exploserat, mihi offerens, à præsentem quidem Patre edentulo ac grandævo monebatur nullam imposterum negligeret hystricem, quin sectione prius exploraverit an lapidem ferret, quem nosset aliquandô hâc inventum fuisse incredibilis pretii. Adjecta tabula exhibet lapidem Malacensem, qui cinctu liberatus pender aureos quinque cum dimidio, emptus à Possessore (Ill. Dn. Generali de *Camphuy*) trecentis Joachimicis.

Datur etiam *Pedra de Porco spuria*, in quale coagulum, priori quodammodò simile, sed nigrius, informe & pilis permixtum, in Ceylanâ incidi. Easdem, sed debiliores virtutes il-

li tribuunt, utut in majori dosi detur. Dicebatur inveniri in hystricum suæ terræ ventriculis prodereque bestiam ructu & vomitu crebro. Forte è bile in ventriculum effusa c. pilis ibi generatur. Icones quorundam vid. in TAB. adjecta. Non confundendus autem hic lapis est cum alio ex India allato, qui PEDRA BUGIA, id est, Lapis Simiæ dicitur & non tam in capite, quam ventriculo simiarum majorum, uti alii lapides bezoartici generari putatur. Asservari autem solet in vasculis doliola repræsentantibus & ex materia quadam levissima paratis, quæ cum ipso lapide depicta vide in *Tabula* lapidibus porcinis dicata & *Capiti XVIII.* annexa.

#### Tandem nec PEDRA CORDIAL, seu LAPIS CORDIALIS,

vel & Lapis de Goâ cum lapide porcinô est confundendus, qui plane artificialis est & à Rev. P. Soc. *Cassaro Antonio* Goæ, ex speciebus cordialibus & alexitericis, quas & lapis bezoar ingreditur, componitur. Figura ejus ovalis vel rotunda est, color intus cinereus, extus nigricans, splendens aureisque maculis distinctus: nonnunquam totus deauratus. Usus frequens est & probatissimus inter Europæos Orientis. Venditur ad libellam. Inde pro variâ magnitudine variat pretium. Eundem hodiè componit R. P. *Nicolaus Momitius*, quem à priori dignoscimus literis N. M. in superficie impressis & in opposito latere signo capræ vel alius quadrupedis.

### CAPUT XIX.

DE

## AGNO SCYTHICO BOROMEZ, OVIBUS VULGARIBUS ET ORIENTALIBUS, LANA, OESY- PO ET SIMILIBUS.

#### §. I.

Quoniam oves istarumque usus varii unicuique innotescunt, ac propterea in omnibus cum Theologicis, tum Physicis Zoologiis, ac in specie etiam à *Colero* in *Oeconomia* describuntur, in istis explicandis erimus brevissimi: quin potius istorum saltem faciemus mentionem, quæ tanquam rariora & materialia in officinis reperiuntur. Præsertim vero in id, quod de AGNO SCYTHICO (vulgò *Frucht-Thier*)

#### f. BOROMEZ

dicitur, accuratius inquiremus, quo tandem curiosus Lector certo sciat, quid de isto sentiendum.

#### §. 2.

Iste verò agnus, *Boromez* dictus, vulgò pro Zoophyto seu animali vegetabili, Germ. *Frucht-Thier*, (ut *Harsdörfferus* in *Deliciis Math. & Phys.*

*Z. 3. p. 10. qu. 40. vocat,*) quod supra in caule herbæ cujusdam in forma junioris agni crescat, habetur, quem ob finem etiam à *Deusingio* in peculiari Tractatu AGNUS VEGETABILIS alias verò AGNUS SCYTHICUS vocatur, quoniam in Tartaria, in regione Zanotha, dicitur nasci, ubi ex nucleo semini melonum haud dissimili coli perhibent. Caulis trium fere pedum altitudine loco umbilici est, uti ex figura, à *Kircherô* in *Magnetismo Plantarum* & *Dn. à Hochberg* in *Tr. vom Adelichen Feld-Leben Part. 1. p. 760.* communicata, apparet, in quo agnum se vertere, gramenque in isto latere, quò se inclinat, consumi ac disperire credunt, haud secus ac si isto nutriatur. Fructu maturo factò caulis exsiccari, fructus vero agni adinstar asperam accipere pellem dicitur, quæ postmodum more corii perficiatur, & ad usum præparetur. Teneram crispamque habere reputant lanam. Per-



Perdulcem etiam habere carnem referunt, caneros sapore amulantem; ex fructu inciso ruber quoque profluere succus dicitur, quæ omnia *Erasmus Francisci, im Ost- und West-Indianischem Lust-Garten*, fufius descripsit.

## §. 3.

Quæ relatio non apud vulgum solum, sed Doctores quoque vel eò majorem invenit fidem, quoniam ista omnia omnium primò à Clariss. ac cæterum fide dignissimo *Jul. Cas. Scaligero Exerc. 181. Sect. 29.* contra *Cardanum* fuerunt descripta: adeò ut famigeratissimus Botanicus, *Joh. Bauhinus*, primæ inventionis gloriam *Scaligero* aliquo in loco fere invideat, quasi omnia solus scire, nihilque aliis relinquere voluerit indagandum. Imo prudentissimus & alias oculatissimus Angliæ Cancellarius, *Franciscus Bacon de Verulamio*, in *Hist. Natur. Cent. 7. p. m. 147. num. 609.* hæc in re decipi se passus est, qui aliàs Naturæ Scrutatores ab simili credulitate dehortatur; & quanquam hoc ipsi videatur fabulosum agnum istum vegetabilem positum juxta se gramen consumere, ipsi tamen rei non prorsus videtur contrarius, existimans gramen in istam agni formam posse mutari. Quemadmodum etiam postea multi Doctorum inter se disputarunt, disquirentes, num ejusmodi fructus herba sit, & qualis existat? an verò animal, aut forte ex utroque quid compositum sit? quâ de re vide, sis, *Wormium* in *Mus. pag. 190.* & *P. Sturmium* in *App. Curiosit. Nat. Calend. de anno 1687. N. 5.* ubi etiam figura sistitur intuenda & *Dn. Verulamii* opinio defenditur.

## §. 4.

Quanquam verò in quibusdam Artificialium Naturaliumque Museis pellis, tanquam de ejusmodi agno desumpta, ostendatur, qualis in *Dn. Joh. Schrivammerdammi*, Pharmacopolæ, Museo videtur, & præter superiorem relationem in Moscovia *Dn. Olcario* ostensa fuerit, uti in *Itinerario suo Persico* memorat, meritò tamen dubitavit, num isti rei fidem habere debeat, quod pelli immaturi, vel recens nati agni videtur similior, id quod supra laudatus *Wormius* ex prædicto *Itinerario* annotavit. Atque hoc re ipsa ita se habere paucos ante annos *Dn. D. Engelbertus Kämpferus*, tum ex Persia Indiaque Orientali redux factus, in *Decad. Observ. Exot.* sufficienter ostendit, idque partim ex voce *Borannets*, Russis pusillam juniorem oviculam significante, à Slavonica voce *Baran* (ovis) cujus diminutivum est, derivata, vitioque sermonis in *Boromez* mutata: partim etiam ex *Scythorum Persarumque* consuetudine, qua magnis Orientalibus ovibus foetus utero excidunt, quo istorum valde teneræ pellis, vehementer caræ habitæ, & vestibus Magnatum subsui solitæ, fiant compotes. Atque hæc pelles in materialium museis asservatæ pro *Boromez* divenduntur. Istæ igitur pelles non à planta quadam, aut alio vegetabili (quæ

opinio ex inscitia interpretis, aut falsa relatione vulgi fortasse nota est) sed reverà à magnis ovibus proficiscuntur, uti modo laudatus Auctor in citata Anno 1694. Lugduni Batavorum pro gradu Doctor. habita *Observ. pluribus ostendit, & in Amanit. Exoticarum Fasc. III. Observatio. ne I.* repetiit, quæ ita se habet:

## AGNUS SCYTHICUS,

seu

## FRUCTUS BOROMEZ.

Sicut ex dactyliferæ arboris historiâ Phœnicem formavit prisca credulitas, ita curiositas avi recentioris, pari nomenclaturâ decepta, contrariâ transformatione ex animali vegetabilem foetum, plantamve *Borometz*, seu *Barannetz*, in exoticarum rerum historias intulit: plausibilem sanè adeo, ut magnus in Plantarum Regno Princeps, *Joh. Bauhinus*, magno *Scaligero* primæ relationis gloriam invidibile videatur, cum recitatis, qui Plantæ ante ipsum meminerant: Sanè, inquit, merebatur tanti miraculi recitatio auctoris honore maculari; sed adeò nimis omnia voluit scire, aut scisse putari vir ille sine amulo maximus, ut vel in eo se ipso fretus, noluerit alieni nominis subsidio gradum sibi facere ad gloriam suam. Plantam, idem scribit, crescere in Tartariâ, (*Baro de Herberstein*, apud *Zevolhenies*; circa mare Caspium alii) agni figurâ, ad pedum ferè trium altitudinem, corio tenuissimo obduci, cujus detracti usum incolis esse ad caput tegmina: depascere gramina, devorari à lupis, & plura alia, quæ transcribere nihil attinet: quippe vera factis, & legenti primâ fronte notissima, si, ut patet, de ejusdem patriæ, *Usbeciæ* scilicet, seu *Tartariæ* mari Caspio finitimæ, verissimo animali, puta *Agno* & *agnino* foetu, neuiquam de vegetabili specie intelligantur. Hujus rei fecit fidem, non obiter inquirenti, mihi magistra rerum experientia, quam hic Lectoris candori evolvam.

*Baran* vox Slavonicæ originis est, Polonis Russicque ovem significans, cujus diminutivum Polonicè sonat *barannek* Moscoviticè *borannetz*, corruptè *borometz*. Ab eâ non abiit *Persicum Barreh*, prædictæ significationis vocabulum & cum *Scythis* finitissimis commune. Ovium autem *Scythicarum* duplex genus est, unum vulgare & in Germanorum patria familiare: alterum singulare quoddam, in Provinciis quibusdam circa Caspium frequens, velut in *Chorasmiâ*, *Bocharâ* & *Nagajâ*, atque his potissimum nominibus notabile: (1) quòd mole suâ regularem aliarum ovium magnitudinem ita excedat, ut non raræ sint, quæ asinorum altitudinem referant, tripedalem omnes longè superent. (2) quòd caudâ donetur à nostrarium absimili: enormem enim pinguedinis massam, cui caudæ adhæret vestigium, clunibus suis gerunt, tanti ponderis, cujus circumductioni ipsæ aliquando deficiunt. Fidem, non veritatem, superavero,

Sc

si qua.



si quadraginta libras interdum assequi dixerō. (3.) Quòd donetur carne, præ omni ceterarum bestiarum exquisitâ: pinguedine verò, præsertim quam caudæ massa exhibet, longè dulcissimâ, quæ in oryzæ & qualiumcunque ciborum coctione butyri locum bonitate suâ supplet, suavitatem longè superat. (4.) Quòd pelle regatur prorsus eximiâ, quæ pilorum teneritate & cirrato decore singulariter se commendat. Harum pellium, ut ad rem veniamus, utrisque gentibus, Scythis Persisque, usus est trivialis: quoniam, ex lege religionis Mahammedanæ ab aliarum pellium indumentis abstinent, tanquam ab exuviis impurarum, vel impuritatis suspicione non carentium, bestiarum. Magnatum verò divitumque fastus, supra vulgi sortem amicitia cupiens, pullorum pelliculas expetit, qui annos multò teneriores sunt, & eò quidem cariores, quò juniores fuerunt agnellæ, quibus detractæ sunt; horum enim pili à pellionibus cogi patiuntur in subtiliores densiores cirros, qui toti pelliculæ pretium & venustatem tribuunt. Inde fit, ut teneritatis & lucri insidiatores non vereantur ipsam anticipare, crudeli lanienâ, nativitatem, & matribus uterum gerentibus, dissecto ventre, partum ante partum eximere, solius gratiâ pelliculæ obtinendæ. Hæc, ritè elaborata, tam dubiam prorsus & prorsus delicatissimam teneritatem exhibet, ut, resectis extremitatibus, vix agnoscere cutis retineat similitudinem, sed ignaram credulitatem specie quâdam membranæ cucurbitinæ lanuginosæ possit decipere. Elaboratio in eo posita est, ut interior facies vulgari artis modo liberetur ab impuritate & exteriori cuticulâ, pilosa verò magis atque magis incrispetur; posterius non succedit, nisi sub radiis Solaribus, & hòc modò perficitur: pellicula manibus à duobus hominibus vehementer expanditur, lanugo pectitur, ut dissolvantur flocci, tum peniculo (*Bürste*) laccitur & in gyros assiduò agitur; interim director operis aquam ore retentam subinde aspergit: quo ipso pili agitati, reciproce perfusionis & inducæ siccitatis ope, in cincinnos densos ac minutissimos abeunt, quibus mox firmitas & planities leni prelo concilianda est. Pretium pelliculæ, pro bonitatis opinione, exsurgit ad aureos tres, vel amplius; servit ea pro duplicatione mitrarum, nec rarò, ornatûs gratiâ, togarum & amiculorum limbum constituit. *Kalema* vocant pelliculam, quæ exenteratis, *mimraas*, quæ in lucem editis detracta est, vocabulis in pellionum officinis saltem usitatis, ignotis in foro publico, unde eadem charactere Persico notare nolui. Idem ovium, & Scythicis par magnitudine genus est, quod alit Arabia deserta versus *Basram*: pellium tamen minor illic dignitas & usus est, foetus verò exscindendi saxitia omnino insolens & ignota. Quin ad Palæstinam usque tota inferior Asia hoc ovium genus alit, sed quod pelle diversæ indolis tegitur, & corpore giganteam illam molem neutiquam assequitur;

æquè tamen dulce præbet sebum. Hoc Oriens, uti fercula cetera, ita frequentius oryzam, inungit, quæ inde sapore imbuitur longè gratiori, quàm qui expectari possit ex butyro, vel quavis aliâ pinguedine.

His præmissis asserimus: quia de existentia Zoophyti, gramina pascentis, nullibi Tartariæ apud vulgum vel Botanicæ peritos extat notitia & memoria, prout ipse ad risum & nauseam exploravi, neque ulla res *Borometz* dicta, præterquam ovium pecus, ibidem potest reperiri, meram esse, quicquid de hac plantâ proditur, fictionem & fabulam: sive hæc natales debeat conjecturæ alicujus contemplatoris Philosophi, sive inscitæ tribuenda sit primi relatoris, qui per linguæ ignorantiam, vel incuriam in parergo, rem auditam perperam intellexisse potuit: sive cuicumque acceptam referamus occasione alii, quâ per longè distitas regiones passim proventa ambiguae teneritatis pellicula integritatem historiæ ac nominis sui amiserit: donec tandem appulsa nobis cum prodigii lepore, in virum illustrem, curiosum & hujus peregrinæ lanuginis admiratorem incidens, vegetabili vultu suo fidem prodigii, ut solent mirabilia omnia, nullo negotio fecerit. Sic auctoritate illustratus error, mox scriptis quoque firmatus, sapientissimorum ingenia & vulgi opinionem ita occupavit, ut hodie pro Zoophyti specie inter rariora Museorum ostentari soleat, quæ verissima cæsarei foetus pellicula est. Scitè *Barclajus*: prodigia cum narrantur, excipi solent favore mirantium, & quanquam non ad verum exacta sint, postquam semel scriptorem invenerunt, pluribus placent, veneratione crescunt, vetustate commendantur.

### §. 5.

Præmemoratæ magnæ oves sunt

#### OVES ORIENTALES,

quas clariss. *Dn. Ludolfi* in *Hist. Æthiopica & Comment. Lib. I. cap. 10.* descripsit, quod nempe verveces tam magnas pingues caudas habeant, quæ solæ sæpe 40. libras æquent, ac propterea in peculiaribus istis subditis alligatisque rotis portentur, ut ex figurâ ejus omnium optime apparet. Prælaudatus auctor aliam præterea figuram ovis foeminæ exhibet.

### §. 6.

De ovibus Europæis & indigenis Materialistæ vehunt

#### OESYPUM s. HYSSOPUM HUMIDAM,

quæ nihil aliud est, quam adeps s. pinguedo, post lotionem aut coctionem lanæ in aquâ, aquæ innatans, despumata, per pannum trajecta, & parvis doliolis indita. Interdum è Gallia fertur, quam oportet esse recentem, non foetidam, ex cinereo albicantem. Ad membra paralytica morbosque nervorum commendatur, variaque ingreditur composita.

### §. 7.



## §. 7.

Quibusdam in locis Materialistæ diversatum exoticarum lanarum quoque faciunt mercaturam insignem, quas ex Hispania, Anglia, Polonia & ex locis aliis afferri curant, de qua-

rum discrimine *Pometus* in *Hist. des Drogues* potest legi. Lanifici dulcem, i. e. teneram lanam eligunt: Pharmacopolæ unctuosam seu *Lanam succidam*, ad Oesypum viribus accedentem.

## CAPUT XX.

## DE

## OVIS STRUTHIONUM ET CASUARI.

## §. 1.

**O**VA STRUTHIONUM valde magna, crassitie caput infantis æquantia, ova sunt, percrassa testâ, foris pallidè flavente, intus albâ, muniuntur, tantamque habent cavitatem, qua vel 36. ova gallinacea possunt contineri, commemorante, cum *Erasmo Francisci*, Dno *Vielheuerio* in *Descript. Exot. Mater. pag. 182.* In Africa, præsertim in Capo de bon Esperance, seu capite bonæ spei, copiosè inveniuntur, indeque afferuntur, uti *Marxius* in *Mat. Mus. pag. 187.* recenset.

## §. 2.

Ex magnitudine ovorum, quam insigniter magnæ aves sint struthiones, facile colligitur, quorum quidam virum equo insidentem altitudine superant, & 7½. pedum habentes altitudinem inveniuntur, qualis olim Parisiis in Regia Academia des Sciences cultro anatomico fuit subiectus, uti *Pometus* in *Hist. des Drogues Part. 2. Lib. I. cap. 17. pag. 43.* commemorat. Et quamvis ritu aliarum volucrium alis præditi sint, istis tamen ad volandum non utuntur, sed ad accelerandum cursum citatiorem, dum fugati istas exporrigunt & explicant, istisque mediantibus tanquam velis à vento pelluntur. Unde etiam passibus ordinariis gressus suos ita accelerant, atque equus ad cursum incitatus, id quod *Malletus* in *Cosmographia Part. 3. de Africa pag. 84.* describit, atque in eleganti figura sistit contemplandum. Ova quidem arena tegere dicuntur, sub qua milites in Africa sæpe 40. vel 50. inveniunt: ista tamen etiam incubando excludunt, quò in labore ac officio mas foeminaque alternant. Quo verò pulli paratum ac sufficiens inveniant nutrimentum, parentes quædam ova, mox foetum emittentia, diffringunt, quo in istis vermes nascantur, pullis loco nutrimenti inservientes. Parentes hordeo, fabis, fœnoque & herbis vescuntur, in istorum ventre, quinque septis transversis distincto & in quinque partes diviso, reperiundis, auctore *Pometo l.c.* Quando vero *Scaliger* alique olim affirmarunt struthiones posse ferrum concoquere, prorsus falsum est, & jamdum antiquo *Alexandro Aphrodisæo* suspectum visum. Fieri equidem facile potest, ut ejusmodi aves una cum arena & lapillis ferreos clavos similiaque deglu-

tiant, ista vero neutiquam concoqui, sed indigesta iterum excerni testatur *Ulysses Aldrovandus Lib. 9. Ornithol. c. 2.* Quin imò ex deglutito ferro interdum agrotasse observati sunt, adeo ut *Zb. Jordanus* propterea à struthionum custodibus fere magnam verberum vim acceperit, cum Tridenti Romæque olim struthionibus anti- quas monetas objiceret devorandas, uti *Frid. Hoffmannus* in *Clav. Schræd. pag. 696.* fusius commemorat.

## §. 3.

Quod ad usum istorum ovorum attinet, in Africa non solum tanquam cibus usurpantur, ut uno ejusmodi ovo sæpe septem personæ sedent famem, sed hic etiam loci Medicinam ingrediuntur, dum istorum testas, ut plurimum crassitie culmum æquantes, ad renum & vesicæ calculum commendatas, ad liquores pulveresque nephriticos adhibent; quanquam *Ettmüllerus* in *Comment. Schræd. p. 809.* dubitet, num testis ovorum nostratum multum sint præferendæ? Alii, utpote *Forestus Observ. 20. Lib. 20.* adversus arthritidem vagam quoque commendant. Integra ova raritatis causa in Artificialium Naturaliumque Museis asservantur, quæ etiam Mahometanos in moscheis suis suspendere perhibent, teste *Malleto l.c.*

## §. 4.

Ad memorata struthionum ova magnitudine accedunt

## OVA CASUARI,

quanquam non adeò crassas testas, nec albas, sed viridiusculas habeant; quæ causa est quam obrem *Rumphius* in *Musæo Ambonico* (*Amboinschen Rariteyten-Kamer* dicto) virides conchas ova Casuarii vocet. Vera autem casuarii ova, ad modum struthionum, argento muniuntur, & tanquam pocula usurpantur, inque Medicina eundem cum præcedentibus habent usum.

## §. 5.

Avis, quæ ista ponit, ab Indis EME, à D. Wormio CASEARIUS, ab aliis

## CASUARIUS

vocatur, quæ Anno 1548. primum à Batavis in Europam advecta, in *Journal van de Reyse der Hollandschen Schepen in Ost-Indien*, folio ultimo ita depicta descriptaque fuit:



*Icon & descriptio exotica avis Emé, ab his Hollandicis navibus ob magnam raritatem ex Insula Java advecta.*

**T**Anquam magnam raritatem hic avem sisto, ad vivum depictam, duplo fere majorem cygno, colore nigram, dum ejus venter nigris pennis obsitus est, uni stipulæ insidentibus, duosque apices habentibus, qui, ut in struthione, apparent plumosi. Hæc avis alis linguaque juxta destituitur. In capitis vertice scutum habet, duritie scutum testudinis referens. Robustis suis ungulis dimicat, quibus equi adinstar recalcitrant. Rarissimum est, quod lingua destituitur; quamobrem omne, quicquid comedit, integrum deglutit, adeò, ut pomum pugni magnitudine deglutire, & quod rarius est, prunas candentes innoxie devorare valeat. Ferri frustra ad refrigerandum ventrem libenter deglutit. Ibidem vocatur *Emé*, capiturque in Insulâ Banda, ubi hæc præsens ab Rege regni Cidayo inter alia dona *Joh. Schellinghero* nautæ, in nave Amsterdæm insignita, condonata est. Hactenus prædicta relatio. Qui plura cupit scire, *Aldrovandi*,

*Clusii, Nierembergii & Bontii* scripta evolvat, ex quibus *Wormius* in *Mus.* pag. 292. & *Willughby* *Ornitholog. Lib. 2.* pag. 105. istam verbosius descripsere.

## §. 6.

Quoniam autem struthionum & Casuariorum ova majora sunt, quam ut delineari possint, istorum locò in *Museo* nostro *Germanicò*

OVUM COMETICUM,  
(Cometen-Ey)

quod priori sæculo, cum magnus cometa cœlo sistebatur, Romæ à gallina, aspectu cometae territa, positum, posteaque non solum in ære, una cum cometa, typis in lucem editum, sed etiam à Dn. *du Blegny* *Zodiaco Medico-Gallico A. III.* p. 30. insertum est, voluimus depingere, Ex quo apparet, non humano embryoni solum, à terrore aliisque affectibus, varios imprimi posse nervos, sed irrationalia quoque animalia ejusmodi affectibus esse subjecta: cujus causam *D. D. Brandius*, Prof. Marburg. in peculiari *Disp. de Ovo Cometico* explicuit.

## CAPUT XXI.

## DE

## SPECULIS PAVONUM, AVIBUS PARADISIACIS ET MANUCODIATIS REGIIS.

## §. I.

**S**PECULA PAVONUM (*Pfauen-Spiegel*) sunt extremitates pennarum pavonum, rotundis, eleganter formatis, & relucen-  
tibus cœruleo-viridibus maculis ornata. Maximam partem à pavonibus maribus oriuntur, qui unà cum foeminis usque eò noti sunt, ut fusior istorum descriptio videatur supervacanea, præsertim cum etiam *Colerus* in *Oeconom. Lib. XIII. c. 48. p. 312.* de istis sufficienter egerit.

## §. 2.

Ista verò pavonum specula à nonnullis ad epilepsiam commendantur; sic in *D. D. Zuckii*, Archiatri olim Hassio-Darmstadini, manuali, tanquam peculiare adversus ejusmodi morbum remedium inveni, tria ejusmodi specula ustione in pulverem redigenda esse, huncque pulverem ægro propinandum, idque omni novilunio juxta ac plenilunio esse iterandum. Ad erysipelas mammasque male habentes, quod istarum habent signaturam, ab aliis commendantur, secundum *Hartmannum* in *Praxi* pag. 157. Sic etiam, ut alia pen-  
næ accensæ, ad suffocationem uterinam laudantur, vid. *Schraëderus*.

## §. 3.

Præterea in Medicina

## STERCUS PAVONUM

vehementer commendatur, album præsertim, in quo *Willisus* in *Tract. de Anima brutorum* multum ponit fiduciæ, dum pag. 212. istud tanquam expertum remedium ad vertiginem præscribit; id quod etiam *Borellus*, *Quercetanus*, *Henricus à Brabe* alique exemplis confirmant, ad epilepsiam similiter commendantes, à novilunio ad lunam plenam potissimum usurpatum, de quo vide, sis, *Ettmüller.* in *Comment. Schræd.* pag. 809.

## §. 4.

Quanquam pavo pennarum intuitu valde elegans avis sit, in hoc tamen tertio ab

## AVIBUS PARADISIACIS

longe superatur, id nominis sustinentibus, quod vulgus istas ex terrestri Turcarum paradiso venire existimat. Enimverò quum indubium sit istas non è Turciâ, sed ex India Orientali, & quidem Insula Moluccensi provenire, quidam Latinorum istas MANUCODIATAS malunt vocari, quæ corrupta Moluccen-



luccensis vox est, & MANOTTO TIWATTA, i. e. avem Dei dicitur significare, quem admodum Moluccenses incolæ solent vocare. Visu alias jucundæ sunt, dum superiores capitis pennæ valdè teneræ, molles & ex cœruleo virides sunt, inferiores in mento, sibi invicem proximiores, eleganter flavent splendentque, rostrum parvum, totumque corpus pennis ex flavo rubentibus ornatur, quæ tamen in pectore & abdomine valde latæ sunt ac splendide flavescentes. Alæ ex nigro cum rubro permixto splendent, præterea in dorso duo pennata fila ex nigro splendentia, tres spithamas longa, nec vera rotunda, nec tamen angularia, instar filorum sutorum, apparent, prout in *Besleri Gazophylaciô* delineata descriptaque sunt.

## §. 5.

Quum verò modò dictus auctor cum *Cardano*, *Aldrovando* vulgòque existimet ejusmodi aves pedibus destitui, quaritur, quid hac de sententia sit statuendum? ubi quidem negandum non est, olim plurimas, imo ferè omnes, ex Indiâ advectas aves Paradisiacas pedibus caruisse, sed illud hodieque certum est, istos ab Indis esse abscissos, quod vel sine pedibus melius in fasciculum plumæ compinguntur, pileisque affiguntur. Postquam verò Insulæ Moluccenses Regimini Bantam fuerunt subjectæ, de instituto Batavorum pedes avibus reliquuntur, prout non solum à *D. Wormio* in *Mus.* pag. 294. delineantur ac describuntur, sed sæpius etiam à me ipso in multis Naturalium Museis visæ sunt, & in illustri Dresdensium Museo quotidie possunt videri.

## §. 6.

Gaudent verò aves Paradisiacæ diversâ magnitudine; unde quidam Physicorum, utpote *Aldrovandus*, *Jonstonus* alique istarum quinque, aut minimum duas recensent species, magnas scilicet & parvas. Quanquam alii diversam istam magnitudinem ætati tribuant, ac propterea distinctas nolint constitui species, quoniam cæteroqui figurâ prorsus conveniunt; nisi quis aves Regiæ (vulgo *die Königs-Vögel*) pro altera specie velit habere, quæ propterea à quibusdam Latinis

## MANUCODIATÆ REGIÆ

vocantur, quarum delineatio hîc occurrens à Manucodiata Regiâ, quam B. Theologus *Dn. D. Joh. Ernestus Gerhardus*, Prof. Jenensis, in Museo habuit, quamve *M. Dan. Grützmaunus* in *Disp. de Avibus Paradisiacis harumque Rege* ibidem Anno 1667. habita, fusè descripsit, desumpta est.

## §. 7.

Equidem quæ in prædicta Disputatione habetur relatio, non est omnino nulla, benevolo tamen Lectori magis iatisfactorum me existimo, si accuratiorem harum avium descriptionem

cum isto communicavero, quam inter *Dn. Herberti de Jager*, in Batavia Nova olim Societatis Indiæ Orientalis Inspectoris, Manuscripta reperitam, ex lingua, qua conscripta erat, Belgicâ primum in Germanicam à me versam, nunc tibi verbis Latinis dabo intelligendam: Altera avium Paradisiacarum species (inquit) vulgò aves Regiæ vocantur, quoniam non solum nostra plebs, sed Indi quoque ipsi existimant istas prædictarum avium esse Reges, id quod tamen à quibusdam Arovanis non admittitur; certum autem est istas una cum cæteris avibus Paradisiacis volare, atque circa istud tempus, quo magnæ veniunt, volare in Aru. Interea hæc avis multo rarior elegantiorque est vulgaribus, dum tantò non venit comitatu atque magnæ, difficilius quoque sagitta peritur, unde pauciores ad nos feruntur.

## §. 8.

Hæc itaque avis, multo minor vulgari magnaue avi Paradisiaca, longitudinem habet 7. transversorum circiter digitorum, non verò ejusmodi prolixam plumaceam appendicem seu caudam, qualis in magnis apparet, dum hæc avicula parva curraque cauda, rigidis pennis constante, prædita est. Nihilominus tamen minus etiam duo longa rigida fila habet, ex cauda protensa, forte totius aviculæ longitudinem æquantia, quorum extremitates in duos rotundos circulos curvantur, albi vel grossi magnitudine, qui è subtilibus pennulis constantes instar umbilici intortisunt, superius smaragdina viriditate murinoque colore superbientes: quæ duo fila hac in ave sunt rarissima. Capitellum ejus perexiguum superius minii rubedine, in collo & cervice sanguinea notatur, idque dilatatur. Ocelli sunt perexigui, sub quibus nigra macula observatur. Collum inferius cum pectore colore est puniceo, cui tantillum glauci interspergitur. Inferius in pectore apparet area, lunam falcatam referens, ex ejusmodi subtilibus pennis congregata, ut nigrum sericum appareat. Quæ luna falcata quibusdam in locis saturate & splendide nigra est, in aliis smaragdina viriditate permixta & resplendens, uti quatuorundam anatum colla apparent. Habito ad aviculam respectu alæ magnæ sunt, totoque corpore multo majores: constant rigidis pennis, superius obscurè puniceis, quas tamen rubræ ac splendentes pennulæ interstinguunt. Totum dorsum una cum cauda colore est eleganter sanguineo: abdomen album glauco permixtum: in lateribus longas habet plumas, superius murino colore, secundum longitudinem smaragdina viriditate inclusas. Pedes longi sunt angustique, & in quatuor longos digitos divisi, acutis ungulis armati. Corpus parvum est, & perparum habet carnis, fere tanquam regulus.

## §. 9.

Cæterum hæc avis, una cum avibus Paradisiacis, plerumque in Insula Arov nascitur,



quæ 17. vel 20. milliaribus Nova Guinea abest, atque hæc pro vera illius habetur patria, dum Arovanensium nemo unquam nec Paradisiacarum nec Regiarum avium nidos vidit. Unò omnes ore profitentur, utrasque aves annuatim in calidis mensibus inde in patriam suam advolare, magnasque aves paradisiacas in maximis altissimisque arboribus, Regias contra aves in humilibus fruticibus observari, de quibus parvas rubras baccas & ipsæ edant.

## §. 10.

Aves Regiæ vel glandibus feriuntur, aut laqueis capiuntur. Illud post Solis fit occasum: sed rarò petitur hæc avis, partim quòd parvo comitatu volat, partim quod parva est & celer. Quæ causa est, quamobrem, ut supra dictum, tam exiguâ ad nos copiâ venit. Hæc nigris hirsutis peragitur laqueis, quos de arbore Gomotbaum s. saguer dicta conficiunt. Simulac captae aves sunt, statim, ut magnæ, inciduntur, ac interanea sine mora eximuntur, parum enim cæteroqui habent carnis. Quo factò exsiccantur, quod vel in Sole, vel fumo peragitur, ac tum cavis canalibus induntur, in quibus avicula rotunda & longiuscula evadit, prout in Banda vendendæ feruntur. Consultius verò est, si diffinduntur, ac duobus angustis coriis interponuntur, quoniam hac ratione tota avicula infra supraque melius videtur. Quæ canalibus induntur ante, quam in fumò suspenduntur, obturatis in utraque extremitate canalibus probe custodiuntur, ne fumus penetret. Nec rectâ super ignem suspenduntur, ne incalescant, sed ita, quo fumus istas saltem attingat. Diffusæ camphora inficiendæ & papyro interponendæ sunt, abdomen etiam oleo spicæ oblinendum. Quocunque modò præparatae sint, sapius aperiantur, in aëre expurgentur, iterumque custodiantur, quoniam in India facile corrumpuntur, præsertim pedibus adhuc præditæ.

## §. 11.

Quod ut anteverrant incommodum, Aro-

vanenses olim de Paradisiacis Regiisque Avibus non solum interanea, sed pedes quoque solebant abjicere, quò & melius præparari, & à putredine defendi possint. Postquam verò compererunt Batavos in erroneam incidisse opinionem, quasi ejusmodi aves ne quidem unquam habuerint pedes, sed perpetuo in aëre volitarent, nostrò nunc periculò istis pedes relinquunt, præsertim, quum Aroenses Insulæ hodie Regimini Bantam sint subjectæ. Hactenus *Herbertus de Jager*. Ex quibus apparet, nec clarissimum aliàs *Olearium* acu rem tetigisse, quando *Lib. 3. Itiner. Ind. Mandel.* dicit: habemus in Museo Gottorfensi aliquot aves paradisiacas, perfecta crura pedesque habentes. *Regulus* vero istarum avium pedibus natura destituitur, in cauda autem duas longas habet strias, pilos equinos æmulantes, in quarum extremitatibus pennæ virides eleganter incurvatæ s. intortæ videntur, quibus median- tibus adhærere arboribus possit. Quam bene hæc cum rei veritate conveniant, ex figura allegatâ apparet, Regiæ avi, ab *Dn. Vito* paucis ante annis ex India Orientali allatæ, prorsus conformi.

## §. 12.

Multo adhuc rarior est avis, quæ inter prælaudati valdeque curiosi *Dn. de Jager* scripta reperta, in medio æris modò allegati sistitur intuenda. A nemine auctorum adhuc, quantum scio, descripta est, quam tamen modo laudati *Jageri* verbis faciemus notam: incurvum rostrum in hac avicula paulo longius est, quam in ave paradisiaca, superius paulum nigricans, subtus flammeum: crista subflammea est, pennisque constat: pedes rubri & aliquantum longiores, atque in avibus paradisiacis, tribus ungulis ornati. In dorso gerit pennas obscure virentes, in pectore quodammodò glaucas, easque de abdomine longiuscule propendentes. Cauda est ut in ave paradisiaca, præterquam, quod tam multæ pennæ non prodeant. Oculi opaci sunt, pupilla rubra. Præterea nihil amplius potui indagare ac percipere.

## CAPUT XXII.

## DE

## ANSERIBUS SCOTICIS.

## §. I.

**V**ulgarium domesticarum juxta ac sylvestrium anserum verbosior descriptio videtur supervacanea, præsertim cum ex posterioribus necquicquam, è prioribus vero aliqua saltem partes, pinguedo nempe & calami scriptorii materialibus annumerentur, de qui-

bus in fine hujus capituli agetur paucis. Nunc celebratos

## ANSERES SCOTICOS,

aliàs Germ. *Baum-Gänse* vocatos considerabimus, de quorum origine admirandâ magna inter Doctores est disputatio. Speciem anserum sylvestrium constituunt, & potissimum in Sco-



Scotia, unde nomen habent, inveniuntur, Scotiaeque & Anglis vocantur The BERNACLES s. CLARIS: Gallis autem MACQUEROLLES & MACREUSES. Paulum minores sunt quam anseres nostrates domestici, nigrum habent rostrum, uti anseres sylvestres, sed multò curtius minusque. Collum & pectus ex glauco & nigro scutata sunt, abdomen album, alae & dorsum glauco nigro interstinguuntur. Pennae caudae prorsus nigrae sunt, istius vero extremitas candida est, id quod *Fr. Willugby Lib. III. Ornitholog. cap. 2. §. 3. pag. 274.* omnium optime descripsit, & in figura dedit contemplandum.

## §. 2.

Isti autem anseres nec in Scotia semper & per totum annum observantur, sed auctumno saltem & hyeme, quo tempore, uti anseres sylvestres (vulgò *vilde Schnee- und Hagel-Gänse*), magnis acervis veniunt, ibidemque hybernant: ut adeoque ibi nesciant unde proficiantur & ubi generentur, quemadmodum nobis fidem facit *Robertus Sibbaldus* in peculiari *Tr. de Anseribus Scotiis*, quem *Scotia illustrata* s. *Prodromo Hist. Nat. Scot. Part. 2. Lib. 3. pag. 38.* voluit annexi; Et quoniam plerumque littori maris Britannici, praesertim in Regione Lancaster, iis in locis, ubi ita dictae CONCHAE ANATIFERAE inveniuntur, assidere observati sunt, orta opinio est, istos vel ex conchis, vel arboribus, quibus forte adherent, generari, uti praeaudatus *Sibbaldus l. c.* non temere conjicit.

## §. 3.

Quò autem veram hujus rei indagemus rationem, hac occasione etiam modo dictas & ita vocatas

## CONCHAS ANATIFERAS

breviter considerabimus, à quibusdam similiter Bernacles, ab aliis, praesertim in *Mus. Societ. Reg. Anglia*, rectius Barnaclen Schels s. Bernakel-Muscheln dictas, quas non in Scotia solum, sed Norwegia quoque, testibus *D. Wormio* in *Mus. pag. 257.* & *Jacobaeo* in *Mus. Hafniensi pag. 21.* invenire licet. Istae autem conchae nihil aliud sunt, quam balanorum marinorum species, constantque ex triangulis conclusis scutellis, foris laevibus ac subcaeruleis, subtus rugosum mollem petiolum habentibus, quo mediante arboribus, navibus & aliis rebus se adherent, & per quem inclusa bestiola s. vermis, forte digiti crassitiem, 5. vel 6. digitorum transversorum longitudinem aequans & albicans, capit nutrimentum & propterea etiam vermis ad instar se movet. Id verò praeterea adhuc notandum, hoc in verme quasdam incurvas fibras inveniri, pennas quodammodo referentes, praesertim ubi explicatae & ex conchis exemptae fuerint.

## §. 4.

Quae modò dictae fibrae, pro pennis habitae, supra memoratam opinionem, anseres ar-

boreos s. Bernacles ex conchis generari, magis videbantur confirmare, ut eam etiam multi Doctorum fuerint amplexi, quam potissimum *Michaël Meyerus* in peculiari *Tr. de Volucris arboreis* sumsit defendendam. Imo propterea Parisiis in Sorbona communi sententia judicatum fuit ejusmodi anseres non avibus, sed piscibus esse annumerandos, ac istorum propterea esum diebus *ἀσάφους*, memoriae passionis Christi dicatis, esse licitum, id quod Gallus quidam fide dignus *D. Wormio* narravit, vid. *Mus. ejus pag. 25.* Quae etiam causa est, quamobrem isti anseres memoratò tempore ex Scotia Angliaque Parisios ferantur, teste *Sibbaldus Prodrom. Hist. Nat. Scot. Part. 2. Lib. 3. cap. 6. pag. 21.* ubi loco piscium venduntur & eduntur, auctore *Wormio l. c.* qui ab ista opinione, unà cum *Scaligero*, *Aldrovando* aliisque, non videtur alienus.

## §. 5.

Postquam verò hodiernis Physicis certissima habetur opinio, unumquodque animal proprio suo semine se multiplicare, atque adeo generationem aequivocam nec in abjectissimorum insectorum multiplicatione habere locum, non temerè inde clariss. *Willugbejus l. c.* concludit, istam multo minus tam magnis volucris posse convenire, priorem autem opinionem meritò esse fabulosam, praesertim cum saepius laudatus *Sibbaldus*, qui omnia in Scotia ipse vidit ac descripsit, hunc errorem refutaverit juxta ac ostenderit falso ita vocatos anseres arboreos ibidem non generari, sed aliunde advolare: simul etiam experientia testetur, ad modum aliarum avium & hos ex ovis fovendo excludi anseres: siquidem non solum *Senguerdus* in sectione foeminarum ova observavit, sed Batavi quoque in navigationibus Septentrionalibus reperierunt, anseresque ex istis excludi testantur, auctore *Levino Hulstio* in *den Hollandischen Schiffarten de Anno 1595. 1596. 1597.* Cui ultimae opinioni, utpote S. Scripturae conformiori, secundum *Franzium* in *Histor. Anim. pag. 400.* & nos meritò accedimus. Qui plura de hisce anseribus legere desiderat, *Densingii Diss. de Anseribus Scotiis* evolvat, ubi haec fabula fusius pertractatur.

## §. 6.

Quod tandem ad simplicia à domesticis anseribus profecta attinet, in officinis axungia anserina & calami scriptorii preparati habentur, quibuscum pennarum Mercatores magnam faciunt mercaturam: praeterquam quod ex pennis ad lectos plumisque multum quoque lucrentur.

## AXUNGIA ANSERINA

vi vehementer calefaciente, penetrante ac resolvente pollet, & non solum internè duram alvum emollit, sed renellis quoque infantibus sedesciet, externè saltem umbilico applicata. Membra à pernione defendit, rhagadesque curat. Non minus ad convulsionem, paralyin, & con-



& contracturam à scorbuto ortam commendatur, de quo vid. *Ettmüllerus* in *Comment. Schrad.* p. m. 803.

## §. 7.

Calami scriptorii numero millenario crudi emuntur, posteaque modo sequenti præparandi: Calami in aquam ferventem, arenam calidam seu cinerem immittuntur, quoad mollescant, cultro deinde exterior pellicula detrahitur, ponendis super genu calamis, quo cultro liberentur à pellicula; Et quoniam hoc ipso labore calami concidunt & subsident, utrinque duæ pellucidæ oriuntur lineæ, quibus præparati à crudis distinguuntur. Quo facto, optimi maximique ac durissimi à mediocribus & villioribus separantur, quorum 25. 50. vel 100. in fasciculum rediguntur.

## §. 8.

Reliquæ minores pennæ ad lectos pulvinosque sumuntur: quibus tamen plumas Septentrionales, vulgò

## EIDERDUNEN,

seu Steendunen & Otterdunen, longè præferunt, quæ valde leves teneræque, partim candidæ, partim glaucæ plumæ sunt, ex Islandia super Daniæ ad nos transmitti solitæ. A specie sylvestris anatis, Eider vocatæ, oriuntur, quæ in Ferroensibus Insulis reperitur.

## §. 9.

Istæ anates in scopulis marinis dicuntur nidulari, & quoniam certo statoque tempore pennas abjiciunt, incolæ non sine vitæ periculo restibus se demittunt, cupidine colligendarum pennularum allecti: id quod *D. Wormius* in *Mus.* pag. 302. ipsasque anates optimè descripsit, cum Scotica Calca, cujus *Buchananus rerum Scotic. Lib. I.* meminit, ferè convenientes, quippe quæ similiter ejusmodi molles pennas calamis destitutas habet, quas etiam sponte abjicit, uti *Robertus Sibbaldus* in *Hist. anim. Scot. Part. 2. Lib. 3. p. 21.* recenset, istamque Tab. XVIII. in figurâ aeneâ sistit intuendam.

## §. 10.

Quam verò teneræ mollesque hæ plumæ sint, inde colligitur, quod tres libræ in globum vix pugni magnitudine possunt cogi, quæ postmodum ita se dilatant, ut plumæ primum disceptæ, & in aheno super carbonibus cudentibus cautè detentæ, stratum superius seu lectum superiorem quinque pedum longitudine latitudineque juxta adimpleant, id quod à *Thoma Bartholino Cent. 2. Epist. 5. & Reybero Diss. de Aëre* annotatum est: cujus causam *D. Ettmüllerus* in *Diss. de Respiratione cap. 7. §. 3.* sumit indagandam. Quam ob causam istæ Eiderdunæ à Magnatibus ad lectos itinerarios & campestres conquiruntur, ac propterea longè lateque diverunt.

## CAPUT XXIII.

## DE

## NIDIS INDICIS.

## §. 1.

Postquam voluptas hominum hodie usque cō venit, ut ferè nihil tam absurdum vel nauseosum sit, quod non ad gratiam appetitus possit præparari, aliquot abhinc annis certi avium nidi raritatis & cupediæ gratia in Magnatum mensam ferri cœperunt, de quibus cum parum adhuc scriptum sit, nunc paucis memorabimus.

## §. 2.

Id quidem apud antiquos etiam Medicos invenimus, interdum etiam avium nidos pro Medicinâ fuisse usurpatos, uti non *Andromachus* solum, sed alii quoque apud *Galenum* recensent. Hodie quoque sufficienter notum hirundinum nidos in angina ac similibus inflammationibus externè cum successu applicari. Istos verò unquam tanquam escam usurpatos fuisse nusquam legitur, donec tandem in præcedenti seculo hi avium nidi primum in Europam allati, certoque modo præparati, inter alias cupedias edendi oblari sunt, cō delicatescunt astimati, quo

sunt rariores carioresque; quod enim minoris constat, nihil etiam sapit.

## §. 3.

Istos verò adeò caros esse, non mirum, cum non solum in Indiâ Orientali jam cari sint, sed longò etiam iterum intervallò ad nos veniant. In scopulis marinis inveniuntur, quorum multi in ea Indiæ parte, quæ Coromandel vocatur, perhibentur inveniri, ubi multa certarum avium millia illos exstruunt. Quæ verò avium sit species, nondum penitus innotescit: quanquam Clarissimus Danorum Medicus, *D. Wormius*, suo tempore multum in istis explorandis posuit operæ, proptereaque ad *Dominum de Laet*, Clarissimum Indiæ Scriptorem, exaravit literas, nihil tamen ab isto potuit experiri, præterquam quod parvæ sint aviculæ, hirundinibus haud dissimiles, vid. prædicti *Wormii Mus. pag. 311.* *Pometus* istas Alegones vocat: ex quò vero id nominis audiverit, non recenset. Teneræ dicuntur aviculæ, spatium vitæ metientes parvum.

## §. 4. Col-



## §. 4.

Collectos nidos incolæ quingentenos vasi indunt, tanquam thee, inque India mensura, dicta Catien, quinque circiter libræ quadrantes explens, Imperiali æstimatur, cujus rei *Dn. Vitus*, isthinc redux factus, & qui istos sæpe collegerat, mihi existit auctor. Per se magnitudine sua dimidium ovum anserinum æquant, albicant & natura sua ichthyocollæ haud dissimiles sunt, ex multis fibrillis congesti, quoniam ex meris algæ aquatilis fibris ipsæ aviculæ istos componunt, uti *Dn. D. Kämpferus*, qui diu in India Orientali commoratus est, coram mihi retulit; quāquam alii, qui similiter in India Orientali fuerunt, affirmare velint istos ex alba & mucilaginosâ materiâ, ex qua ambra grysea generatur, oriri, quam in mari aviculæ decerpant: & hinc vis eorum confortans dicitur dependere. In istis interdum etiam penulæ testarumque ovorum fragmenta inveniuntur, quæ majorem nobis faciunt fidem, ut veros esse nidos credamus.

## §. 5.

Quod ad istorum usum viresque attinet, ab Indis pro stomachico habentur: quod Legati Siamenses Anno 1687. Parisiis sumebant affirmandum, ac propterea Ministris quibus-

dam Regiis Primariis sibi obviam missis tales offerebant, id quod in *Itinerariò Legatorum Siamensium*, tum temporis Francofurti in lucem edito, pag. 45. Part. 3. commemoratur.

## §. 6.

Præterea isti nidi ad coitum valdè commendantur, prout plerumque omnia stomachica istum etiam promovent. Interea tamen, si res verè consideretur, ejusmodi vis ab aliis potius additis, quibuscum præparantur, fortè oritur. Quæ causa est, quamobrem Clarissimus Italorum Scriptor, *Franciscus Redi*, in *Experimentis suis* p. 167. id sibilo magis explodit, quam approbat, cum Veneris exercenda vires, ex officinis desumptæ, facile exhalent.

## §. 7.

Præparatio fit sequenti modo: Nidi in gallinæ aut carnis vitulinæ juscule coquuntur, quoad mollescant, hinc butyrò variisque pretiosis aromatibus ita inficiuntur, quò saporem gratum accipiant: post furcillâ distrahuntur edunturque. De præparatione & usu vid. *Adamus Olearius* in *der Gottorpischen Kunst-Kammer* pag. 24. & *Dominus de Hochberg* in *fine des Adelichen Land- und Feld-Lebens*, in peculiari capite.

## CAPUT XXIV.

## DE

## HIPPOPOTAMO ET EJUS DENTIBUS.

## §. 1.

**D**ENTES HIPPOPOTAMI, *Wall-Roß-Zähne*, magni crassiq; dentes sunt, duorum fere pedum longitudine, superius semipedali crassitie, foris subglaucci, intus eleganter candidi, & usque eo duri, ut ex iisdem collisis ignis profiliat. Ex Æthiopia afferuntur, ubi hæc bestia juxta Nilum fluvium ut plurimum reperitur, teste præter alios *Everh. Wilh. Happelio* in *Theatr. Exot.* p. 84.

## §. 2.

HIPPOPOTAMUS amphibiorum est maximum, & à *Thom. Bartholino Cent. 3. Epist. Med.* p. 291. non immeritò phocis annumeratur. Quod verò à Græcis *ἵπποπόταμος* (*See-Roß*) dictus fuerit, inde fortasse venit, quoniam capite aliquo modo caput equinum æmulatur, præsertim quando istud ex aqua exporrigit, id quod Illustris *Ludolfi* figurâ æneâ in *Hist. Æthiopica, Lib. I. c. 11. num. 2.* ostendit: ubi simul totius bestię repræsentatur delineatio, quæ hippopotamo in circuitu Horti Medici Lugdunensis erecto infarctoque & à me ipso olim viso multum conformis est.

## §. 3.

*Theuenoti* quoque delineatio cum priori figura bene convenit, quando *cap. 72. part. 2. Itinerarii* istum colore puniceum (quamvis prædicta cutis paulo nigrior sit) altitudine camelum æquare, & bovis magnitudinem bis continere pronunciat. Caput dicit æmulari equinum, quo tamen sit crassius, parvos oculos, nares verò magnos, patentes: crassos & pene rotundos, sed curtos habere pedes, quatuor ungulis, ut crocodilus, præditos: valde brevem caudam, ut elephante, nullos aut perpaucos pilos in tota cute, quæ usque eo dura crassaque sit, ut non facile possit glandibus plumbeis transfodi, nisi in maxillis petatur, è quibus, præter cæteros, duo magni dentes oculares, quadantenus sursum torti, forte pedis longitudine, cornu bovilli crassitie ex ore prominent, quibus noctu piscibus, interdum vero fructibus, magnum infert damnum.

## §. 4.

Quoniam autè *Job. c. XL. v. 10.* ejusmodi proprietates Behemotho adscribit, hinc sunt quidam Doctorum, in primis *Clar. Bochartus* in suo *Hie-*



*rozoico Lib. V. c. 15.* qui existimant per Behemoth non tam elephantum, secundum vulgatum interpretem, sed potius hippopotamum debere intelligi, dum non solum fœnum, bovis adinstar, pascitur, sed in arundine quoque lutoque se recondit, quæ similesque proprietates, ab Jobo isti tributæ, de elephanto neutiquam intelliguntur: quam controversiam supra laudatus *Dn. Ludolfi* fusius accurateque juxta composuit in *Comment. in Hist. Æthiop. pag. 157.*

## §. 5.

Quod ad usum hujus bestię attinet, incolis Æthiopię non solum in cibum cedit, quippe qui istius carne, ut nos bubula, vescuntur, sed in Medicinâ quoque ejus obvenit usus, in qua non modò dentibus, sed & priapo, tantum non osseo factò, magna vis pellendi fœtum vivum mortuumque juxta, ac secundinas & calculum adscribitur. Maximè verò dentes ad nos vehuntur & conquiruntur, quippe qui ob salem suum volatilem & vim absorbentem interne ad hæmorrhagias quasunque, & præsertim ad alterationem à terrore inductam commendantur, & externe ad convulsionem manuum pedumque prædicantur utiles; quem

in finem vel annuli digitales, vel toti circuli cateniformes inde conficiuntur, qualem *Wormius* in *Mus. pag. 290.* descripsit. Illi etiam, qui à resarciendis dentibus vocari Medici optant; istis crebro utuntur, dum dentes supposititios, filo aureo reliquis connectendos, exinde tornant, quod non tam cito flavescunt, more eorum, qui alioqui ex ebore tornati sunt.

## §. 6.

Tandem cujusdam bestiolæ facienda mentio, quæ similiter à quibusdam Scriptoribus

EQUUS MARINUS, rectius autem  
HIPPOCAMPUS

vocatur, utpote capite equum quadante-nus æmulans, præsertim in aperto mari natans, capiteque prospiciens: Sic enim sapius ab iis, qui in Indiam Orientalem navigant, dicitur videri. Cæterum parva, squamosaque & quodammodò aculeata bestia est, nec adeò notabilem in Medicinâ usum habet, præterquam quod cinis pinguedine aut molli resina subactus alopecię dicatur mederi, uti *Pometus* in *Hist. des Drogues Lib. I. pag. 87.* ex *Matthiolo* recenset.

## CAPUT XXV.

## DE

STINCIS MARINIS, LAPIDE CAYMANUM,  
ET CROCODILASTRO CRISTATO.

## §. 1.

SCINCI MARINI (*Erd-Crocodillen*) sunt Squadrupedes bestiolæ, parvam viperam referentes, fortè semipedali longitudine, & pollicis latitudine, foris cineracæ & squamosæ, oblongè rotundo capite & acuminato ore, longa rotundaque cauda, à qua ad caput usque fusca linea excurrit, prædita. Olim ex Ægypto super Massiliam veniebant, ubi prope Nilum reperiuntur. Hodie ex Italia super Venetias exenterati exsiccatique feruntur, testibus *Pometo*, in *Hist. des Drogues P. 2. Lib. 1. cap. 29.* & *Marxio* in *Mat. Mus. Germanico pag. 186.*

## §. 2.

Optimi sunt magni, crassi longique, albi, ponderosi, sed tamen sicci & adhuc integri, odoris mucidi expertes & recentes, propterea quod veteres facile cariosi evadunt caudasque amittunt; quem in finem in absinthio volunt asservari, secundum monitum *Schurzii* in *Mater. Mus. Germanico pag. 91.*

## §. 3.

Quod ad vires istorum attinet, alexipharmacæ ac bezoardicæ habentur: quo intuitu ad

Mithridatium sumuntur. Istæ vero virtutes sine dubio à eæ volatili proficiscuntur, quo mediante potentiam virilem acuere coitumque promovere dicuntur. Hinc à Veteribus ad Elect. Diasatyrionis, à *Mynsichto* autem & *Langio* ad confect. Pacif. & Morulos Aphrodisiacos fuerunt recepti. Nec dubium est, quin genuini Scinci marini ejusmodi virtute præditi fuerint, qui cum raro aut nunquam ad nos veniant, uti *Forestus* sumit defendendum *Lib. 26. obs. 26.* Scinci vero marini ab Judæis Venetiis transmissi, inque officinis nostris reperiundi, ejusmodi virtute destituantur, secundum *Gesnerum* in *Hist. Animal.* & *Ettmüllerum* in *Comment. Schræd. pag. 876.* non tantum in istis ponendum fiduciæ, nec adeo necessaria curiosa disputatio, num ad Mithridatium solus venter, ad aphrodisiaca medicamenta vero simul cauda sit sumenda: qua de re vide *Ammannum*, *Hoffmannum* & *Daleum*. Multo minus *Plinii* fidentum est experimento, existimantis cutem ustione in cinerem redactam membrum à Chirurgo abscindendis inspersam patientem à dolore præstare liberum, vid. *Wormius* in *Mus. pag. 315.*

## §. 4.



## §. 4.

Quâ occasione non possum, quin etiam  
LAPIDIS CAYMANUM

injiciam mentionem, quem *Nicolaus Monardes* olim primus, & post istum *Wittichius* in *Descriptione quorundam simplicium Germanicorum* p. 26. *Boëtius de Boot* in *Hist. Gemm.* pag. 353. & *Malletus* in *Cosmogr. P. 3.* pag. 34. ita descripserunt, quod in ventriculô crocodilorum, in Africa Caimanes dictorum, reperiatur, lapidibusque in aqua fluviatili reperiundis haud dissimilis sit. Cum verò plures unô in animali inveniantur, colligi fortasse posset eos ante fuisse deglutitos. Interea Indi Hispanique ejusmodi lapides summô studio solent colligere, quippe quos putant in curanda febre quartana præstans remedium, si istorum duo in paroxysmo, cuilibet tempori unus, alligentur. Sic enim febrim vel prorsus depelli existimant, aut certe æstum efficaciter deprimi: cujus rei *Monardes* aliquod adducit exemplum.

## §. 5.

Alias Crocodili detestandæ bestię sunt, maximaque lacertorum species, quæ interdum 18. vel 20. pedum habent longitudinem, quoniam per totam vitam in magnitudinem accrescunt, ac propterea apud *Jobum* cap. XL. v. 20. per Leviathan intelliguntur, id quod *Dn. Ludolfi* in *Hist. Æthiopica Lib. I. cap. XI.* ejusque *Commentario* pag. 189. ostendit. In Nilo potissimum, Æthiopię fluvio, soventur, terram tamen simul petunt pabulatum, ubi etiam homines, si istorum compotes fieri possunt, devorant. Interdum tamen ita mansuefieri posse perhibent, ut hominum humeris insidentes cum istis ludant, de quo amicus quidam ex Oriente redux me fecit certior; quæ verò arte capiantur, *Malletus Part. 3. Cosmograph.*

de *Africa* pag. 34. in figura sistit contemplandum. Hæc nempe arte utuntur Venatores: sumunt uncum seu hamum, eundemque sui, verveci, vel capræ alligant, quod animal deinde ad crocodilum decurrere curant, quo ab hoc famelico factò, una cum unco, avide ingurgitetur, ex istoque intestinis adhærente moriatur, & isto mediante postmodum extrahatur. Albam lapidamque carnem, caponem æmulantem, habere dicitur, quam propterea in diebus passionis Christi edunt. Cæterum crocodili quadraginta dies à cibis se abstinere & tamen vivere posse creduntur; istos verò maxillam superiorem, non verò inferiorem, in mandendo movere posse, prorsus fictum est, dum hæc, ut in omnibus aliis animalibus, pariter mobilis cranio annectitur, id quod in scelecto ejus Londini Britannorum in Museo Greshamensi ipse vidi, aliique præterea exsiccati & in Museis asservati crocodili idem comprobant.

## §. 6.

Quancquam crocodilus per totum corpus, superius præsertim, valde crassis squamis usque eo munitus est, ut nec bombardæ glandes plumbeæ possint penetrare, aliis tamen istis mediantibus non adeò nocet, atque similis lacertus

CROCODILASTER CRISTATUS,  
(vulgò KEMPHAANE)

cujus vera & à vivo animali desumpta delineatio, uti in *Mus. Mus. Germanicò* sistitur, mihi haud ita pridem ab amico quodam ex India allata est; qui fortasse magnus ille lacertus aquaticus est, qui acuta sua cauda hominibus pedem præcidit, ac propterea ab Italis Caudiverbera vocatur, de quo supra laudatus *Ludolfi l. c.* pluribus potest legi.

## CAPUT XXVI.

## DE

CASTOREO, AXUNGIA ET PELLE  
CASTORIS.

## §. I.

SEquitur jam CASTOREUM, *Bibergeil* vulgo dictum, constans ex oblongè rotundis glandulis s. folliculis, fere ovi magnitudine, foris fuscis apparentibus, intus partim materia cinamomei coloris, partim pinguedine refertis, saporis acris & subamari, odoris fortis & gravis. Ut plurimum ex Lithuania per Dantiscum venit, quamvis etiam in Germaniâ, Galliâ, locisque aliis reperiatur.

## §. 2.

Hoc nominis ab ipsò animali, CASTOR s. *Biber* dicto, proficiscitur, quod mirum satis

animal est, antèrius animali quadrupedi, à partibus posterioribus pisci simile, & quòd in terra aquave juxta vivit ac nutrimentum quaerit, amphibiiis annumerandum. Ratione formæ partibus anterioribus taxum, capite autem murem montanum æmulatur, in ore antèrius multos longosque habens dentes, foris aurei coloris, intus candidis, quibus non solum corticem de arboribus detrahit, sed ad infringendas quoque arbores valet, nec ante à mordendo homine remittere dicitur, quam ossa audit crepitare. Mediocriter corpulentus est castor, forte ut porcellus dimidii anni, pedes habens curtos, tanquam taxus, quorum an-



teriores ungulæ pedes caninos, posteriores antefrinos aut cygneos amulantur. Pellis per totum corpus obscure fuscis valdeque teneris habet pilos, cauda vero inflata est cutis, squamis quasi interstincta, & foris cineracea apparens, quam semper in aqua dicitur retinere, dum cavernam suam valde artificiosè & cum aliquot contignationibus in ripa construere, indeque piscibus cancrisque struere insidias didicit, quò istis se nutriet, prout *Johannes Marius*, Medicus Augustanus, in *Castorologia* sua posthuma, à *D. Job. Franco* in lucem edita, fusius pertractat.

## §. 3.

Quà verò in parte animalis adeò commendatum castoreum crescat & inveniatur, hic meritò quæritur? Veteres unò omnes consensu id castoris esse testiculos existimabant, unde etiam istis Germanicè *Bibergeil* dicebatur. Quidam porro fingeant animal optimè sibi conscium se propter testiculos à Venatoribus peti, istos ipsos sibi in fugâ evellere, eosdemque abjicere, quò à Venatorum insidiis sit tutum. Enimverò figmentum hoc esse ab omnibus Doctoribus recentioribus statuitur, præterquam quod *Schræderus* in *Pharmac. Med. Chym. Lib. 5.* de Castoreo, & *Vielheurius* in *Descriptione Mat. Exotic. Germanica* p. 172. veterum adhuc tueantur opinionem. Ut enim raceam castorem semper prope aquam circumvagari, visisque insidiis se continuò aquæ submergere, certum primo est testiculos, atque iis vocatum castoreum, tam profundè latitare in castore atque in suis, ut animal istos evellere nequeat. Id quod *Dioscorides* jam suo tempore suboluit, & de vulgari dubitare coepit opinione, quam postmodum *Rondeletius* aliquo studio sumsit rescindendam, quoniam castoreum in foeminis maribusque juxta invenitur, nullam cum partibus genitalibus habet communionem, ac præter istud veri testiculæ in castore inveniuntur, haud secus atque in aliis animalibus è multis funiculis & fibrillis constantes, cum in folliculo contra, castoreum dicto, fusca saltem & aliquot pelliculis permixta materia, pinguedo ac ejus generis reperiatur, id quod *Wormius* in *Mus.* pag. 321. *Thom. Bartholinus Cent. 1. ep. 9.* *Hoffmannus* in *Clav. Schræd.* p. 653. alique quamplurimi Medicorum, præter *Gesnerum*, *Aldrovandum* aliosque, jam pridem ostenderunt. De quò eo minus dubitandum, quo clarius ista omnia Parisiis in publica anatomie ac sectione castoris reperta sunt, ubi præter genuinos testiculos, vix testiculos gallinacos magnitudine æquant, quatuor folliculi prope os pubis fuerunt observati. Bini superiores fuerunt paulo minores, pinguedine repleti, inferiores majores, referti materia cineracea, omnes verò carnosa cute cincti: quæ omnia postmodum in Gallicâ Descriptione exposita sunt, cujus titulus est: *Description Anatomique d'un Cameleon, d'un Castor, d'un Dromedaire, d'un Ours &*

*d'une Gazelle*, quæ in summam contracta legenda sistitur in *Journal des Savans Tom. V. Ann. 79. Mens. Decemb.*

## §. 4.

Isti hætenus descripti folliculi, receptum Germanis nomen retinentes, simulac excisi sunt, colliguntur, aliquamdiu in camino suspendendi, quoad exsiccati fuerint, contenta materia induerit, ipsique folliculi foris evaserint fusci, teste *Pometo* in *Hist. des Drogues Lib. 1. pag. 21.* Videndum verò, ut ne folliculi exsiccando nimis nigrescant, dum de quorundam Materialistarum opinione castoreum nigrum continere venenum putatur: quod licet non adeò verosimile sit, nigrum tamen non probatur, utpote sine dubio ad putredinem proclive, uti *Schurzius* in *Mater. Mus. Germanico* pag. 21. commemorat. Folliculi etiam non nimis pingues sint, aut pinguedine repleti, sed bene exsiccati purique: dissecti etiam ex flavo fusci appareant, neutiquam nigri. Qui in altero latere subalbicante pinguedine notantur, ac nondum aperti sunt, potissimum probantur, secundum *Marxium* in *Mat. Mus. German.* pag. 74. pondere uncias quatuor ad sedecim æquant, pro animalis magnitudine, uti *Pometus l. c.* ostendit, qui Dantiscanum castoreum castoreo de Canada, utpote nimis sicco & fere inodorò, multum censet præferendum.

## §. 5.

Quoniam verò castoreum pretiosum est, ac propterea non solum è quibusdam gummatibus, utpote gummi ammoniaco, opopanace, sagapeno & similibus cum castoreo permixtis arte componitur, & ejusmodi pinguibus pelliculis insuitur, sed etiam quidam impostorum frustra plumbi, glandium, arenam & id genus alia ejusmodi folliculis indunt, de quo supra citati Materialistæ ad unum omnes conqueruntur, bene videndum, num verum castoreum intus fibris parvisque pelliculis, crescendo insertis, distinctum sit, cum adulterinum contra ex unius generis materia constet, & ejusmodi fibras pelliculasque non contineat: id quod *Moyse Charas* in *Histoire Nat. des animaux & des Plantes, qui entrent la Composition de la Theriaque* pag. 253. pro infallibili signo habet, quo fraus possit detegi. Quod tamen in fragmentis castorei, quæ Materialistæ separatim à folliculis integris, & quidem paulo vilius divendunt, tantum videre licet: quanquam sæpe ex meris pelliculis constent, nec multum prosint. Pondus etiam differentiam quodammodo indicat, dum veri folliculi ponderosi durique sunt, arte facti inflati, glabri ac splendentes, qui pressi flavescientem materiam dimittunt, teste *Pometo l. c.*

## §. 6.

Cæterum castorei odor salestem istius volatilem oleosumque indicat, quo calefacit, resolvit ac nervos confortat, ac propterea in morbis capitis ac nervorum, utpote apoplexia universali



fali & hemiplegia, epilepsia, amisso auditu, vertigine &c. non minus & in omnibus ventris torminibus, præsertim vero colica & suffocatione uterina nobile existit remedium; menstrua quoque omnesque impuritates post partum promovet, uti omnes feliciores Præctici consentiunt, excepto *Zuvelfero*, receptæ opinioni in *Pharm. Reg. p. 65.* intercedente, qui unus solusque est, cui castoreum in morbis uterinis videtur minime laudandum: sed sine omni ratione, uti *D. Ettmüllerus* in *Comm. Schræd. pag. 776.* jam ostendit, omnesque uteri suffocationem passæ mulieres testantur, quippe quæ vel nudo castorei odore dolorem sentiunt mitigari. Internè potissimum istius essentia usurpatur, una cum  $\phi$  dest. & infuso, in *Schrædero & Dispens. Aug.* descripta.

## §. 7.

Tandem & aliæ castoris partes, utpote

DENTES ANTERIORES usurpantur, non minus in pleuritide atque dentes apri utiles. Item AXUNGIA CASTORIS ab AXUNGIA CASTOREI distinguenda, quæ binæ externè in prædictis morbis conducunt: quanquam posterior multò sit penetrantior, sed simul etiam carior. Quàm verò grata & delectabilis sit PELLIS CASTORIS, ob teneros puerosque pilos, sufficienter notum est. Pinguis castoris pellis melior est ac pretiosior, quam quæ à macilentò desumpta est, quove est nigrior, eo æstimatur majoris. PILI CASTORIS à pileonibus conquiruntur, unde pilei castorini, vulgò *Castor-Hüte*, confici solent: potissimum verò eliguntur breviores; à longioribus etiam texuntur tibialia (*Castor-Striumpffe.*) Combusti hæmorrhagiam sistunt.

## CAPUT XXVII.

DE

## MANATI EJUSQUE LAPIDE.

## §. 1.

**L**APIS MANATI (*See-Kub-Stein*) oblongè rotundus lapis est, instar eboris apparens, magnitudine parvæ pilæ, inodorus insipidusque juxta. Ut plurimum ex India Occidentali venit, atque in capite Manati invenitur.

## §. 2.

Ipsam animal MANATI (Germ. *die See-Kub*) ita vocatur, quia duo anteriores pedes manus referunt. Valdè deformis bestia est, foris fusca; capite caprillum imitatur, quod tamen magnitudine superat. Os vituli habet, nares magnas, parvos oculos, auribus caret, corpus ei est amplum, tanquam bovi, cauda ampla & rotunde curta seu obtusa, ut in *Hernandezii Hist. Rerum Med. Nov. Hisp. pag. 323.* describitur ac delineatur. Propriè amphibiiis annumeratur, & quamvis à nonnullis inter cetos referatur, non tamen rapax piscis est, sed gramine marino se alit. XVI. pedes forte longus, 7. vel 8. pedes latus est, adeò ut secundum *Jonstonum* hæc bestia vix à duobus bovis possit trahi.

## §. 3.

Quâ arte hoc animal capiatur, *Pometus* in *Histoire des Drogues Lib. I. pag. 83.* ex aliis fusius descripsit, inque parva figurâ ostendit. Scilicet tres vel quatuor viri navem petunt, ac versus animal caute & sine ullo strepitu remigant, quod accuratiori auditu præditum est. Cui si appropinquaverint, qui in anteriori navis parte stat, omni conatu hastam in istius corpus intrudit, quo factò animal abit, alligatamque ha-

stam sumit secum, istaque ipsa semicaptum est. Postquam natando lassum factum, & magnam in mari concitavit spumam, sensim retrahitur, altera vice hasta petitur, ac tandem vincitur, eodem fere modo, quo balænæ capiuntur, de quo alio in loco agemus pluribus.

## §. 4.

In quo sic capto animali ut plurimum duo magni lapides in capiteveniuntur, qui non tam in cerebro (ubi venas nervosque nimis premerent, ac sensus vitamque animali adimerent) quam sub isto, cranio adhærent, ac procul dubio nihil aliud sunt, quam superior pars meatus auditorii, in quo quippe *Oviedus* istos deprehendit, teste *Wormio* in *Mus. pag. 58.* Simile quid etiam in capitibus suillis, uti alibi memoravimus, videtur, ubi ejusmodi friabilia & alba ossiculaveniuntur, ab externis internisque vaporibus quadantenus emollita, & quasi à Natura philosophicè calcinata.

## §. 5.

Quùm verò etiam lapides, s. ejusmodi ossicula, è veris cetis, prope Spitzbergam capi solitis, desumuntur, atque sub nomine lapidis Manati venduntur, teste *Wormio l.c.* hinc bene observandum Pseudomanatos plerumque multo majores esse veris, nec tam candidos, sed subflavos. Simul ceti pinguedinem redolent: genuinus contra Manati lapis prorsus inodorus est, sive teratur, aut tundatur, cum etiam pinguedo hujus animalis tosta non adeò ingratum habeat odorem, uti pinguedo ceti. Durities etiam vulgo



ita habiti lapidis differentiam indicat, quæ in Pseudomano, quam in vero & genuino, multo major est: hic siquidem è multis parvis frustulis coagmentatus, percutiendo in ejusmodi parva frustula recidit, id quod in eo, quem vidi, apparet, & aliquam partem è figuris intelligitur, ab *Ulyssæ Aldrovando* in *Museo Metallico* pag. 798. communicatis.

## §. 6.

Quod ad usum animalis lapidisque attinet, caro barbaris Indis in cibum cedit, utpote grato sapore prædita, sive recens sit, sive sale conditur, uti *Hernandezius l. c.* refert. Lapis præsertim ad calculum renum ac lumborum dolorem valde commendatur, sive ustus, aut saltem pulveratus propinetur, auctore *Boëtio de Boot* in *Hist. Gemm. & Lap.* pag. 359. ex quo etiam in nobili Pharmacopœia Bateana peculiaris valdeque probatus pulvis adversus calculum (quem minuere pellereque creditur) componitur. Ad convulsionem quoque, epilepsiam, colicam &c. internè externeque commendatur, annulo inclusus, aut tanquam amuletum suspensus.

## §. 7.

Id verò quæri posset, istudne medicamentum tutò & sine ullò periculò possit usurpari?

dum Materialista Gallus *Pometus l. c.* existimat vomitus fortiores excitare, stomacho nocere, ejusque propterea usum internum non esse tutum. Cujus tamen rei rationem video nullam, dum qui hoc super lapide scripserunt, ejusmodi effectum observarunt nunquam, iste etiam ritu aliorum ossium, præter copiosum salem volatilem, gelatinam continet, quæ potius de vi demulcendi, quam vomitum eiendi, testatur.

## §. 8.

Num verò supra laudatæ lapidis virtutes à modo dictis particulis tantum dependeant, meritò dubitamus, cum & alius sal volatilis eundem præstare effectum posset. Quamobrem non potest quin aliud quid reconditum sit, istaque operatio magis à peculiari textura, à Deo Naturaque lapidi communicata, dependeat, quædere *Dn. D. Stablius*, clarissimus Medicus & Prof. Halensis, in peculiari *Disp. de Lapide Manati-Membr. 2. §. 6. & seqq.* eleganter & ingeniosè judicat, ubi curiosus lector plura de hoc nobis adhuc satis incognito medicamento inveniet. *Lopezius* etiam in *Hist. gener. 31. Petrus Martyr. Fr. Gemara, Petr. Cieca P. I. Chronic. Peruan. c. 31. & Ferdinand. Oviedo L. 13. Hist. Nat. Ind. c. 7. & 10.* possunt evolvi.

## CAPUT XXVIII.

## DE

## SPERMATE CETI, AXUNGIA CETI, ET COSTA SARTORIA.

## §. 1.

**S**PERMA CETI (*Walrath, Wollram, Welsat*) est substantia prorsus alba, mollis, tenera, pinguis, quasi è multis parvis squamis constans, saporis pinguis & mucilaginosi, odoris oleacei. Societati Grönlandicæ è Grönlandiâ à piscatoribus cetorum plerumque crudum affertur, in Hollandiâ postmodum depurandum & recte præparandum.

## §. 2.

Qualis verò proprie materia sit, & unde oriatur, hic quæritur? cum diversæ Doctorum sint opiniones. Plurimis olim videbatur semen ceti, unde etiam nomen cepit, & huc usque retinuit: quæ opinio ab antiquo Medico, cui *Cor-do* nomen fuit, in peculiari Tract. fuit ventilata. Alii, utpote *Gesnerus*, lac putant esse ceti. Alii ambram ab aqua marina maceratam albamque factam, propterea quod sperma ceti æque mari innatat ac ambra, hæcque sæpe in cetis invenitur, uti alibi ostenditur. Quæ tamen opiniones omnes non subsistunt, postquam *Dn. D. Elsnerus* jam multos ante annos, statim in principio Academiæ Nat. Curiosorum, in *Misc. Dec.*


*1. An. I. obs. 136. pag. 266.* ostendit, sperma ceti vulgò dictum nihil aliud esse, quam cerebrum Orcæ, in quo sæpe meninges invenerit: quam opinionem etiam *Thom. Bartholinus* in *Epist. & Ol. Wormius in Mus.* confirmarunt, qui in Regionibus Septentrionalibus, Hafniæ scilicet, vixerunt, proptereaque melius ea de re potuerunt testari. Hinc Clariss. *Ettmüllerus* istam tandem opinionem in peculiari *Disp. de Spermate Ceti* fusè accurateque defendit, quam videmus Istius operibus annexam.

## §. 3.

Ubi notandum, istam materiam, sive vulgò dictum sperma ceti, à maribus saltem proficisci, dum cerebrum cetorum foeminarum fluidius ad suppeditandum oleum alendæ flammæ destinandum utilius est. Duùm tamen generum pisces nimis magni vastique sunt, siquidem Anno 1672. die 30. Julii Amstelodamo scimus scriptum, prope Bristolum in Anglia captum esse cetum, qui longitudine 24. ulnas Anglicas, & oris amplitudine 12. ulnas æquaverit. *Pometus* etiam in *Histoire des Drogues Part. 2. Lib. 1. pag. 31.* recenset, Anno 1658. ceti sceleton Pariliis visum, cujus



AMBRA  
GRYSEA.



Das Ansehen eines Stück's Ambrae Grysea wie es von der Seite anzusehen gewesen und hatte des ganze gewicht  
— 182 Pfund.







cujus craniū solum 16. l. 17. pedes longum fuerit, cujusque mandibulæ 4600. libras habuerint: & quoniam caput in maribus tertiam animalis partem constituit, facile colligere licet, quam insignis cerebri quantitas in eo reperienda sit, de quo plures urnæ una vice possunt desumi, quando cetus captus necatusque est. Modus capiendi est sequens: Simulac piscatores Grönlandici in majoribus navibus cetum observant, quidam in naves minores (vulgò *Chalouppen*) continuo descendunt, (quarum tres quamque majorem comitantur,) ubi quidem sex homines requiruntur, unus naucerus, unus jaculator (vulgò *Harpænier*) unus funis gubernator (vulgò *Leinen-schießer*) & 3. remiges. Isti decem remis & diversis armis instructi remigando cetum appropinquant, cui si ita proximi facti sunt, ut istum petere non dubitent, Harpænier dictus ferreum jaculum (Harpun vocatur & sagitta est duobus uncis duos aut tres pedes longis prædita) in mare descendit, & ducentarum aut trecentarum emetitur profunditatem: quamobrem funis (*Lyne* vulgo) cui jaculum alligatum est, à funis gubernatore, eodem fere modo, quo dolia in cellas demittuntur, sed multo celerius evoluitur. Haud multo post prodit iterum piscis, ac per superiorem tracheam tantum emittit sonum, qui ultra dimidium vel totum milliare potest audiri. Tum tres naves minores iterum ad istum accelerant, fune, quo retinetur piscis, monstrante viam. Qui primus accessit iterum jaculum immittit, ex quo bestia denuo fundum petit; tertiā vice prodeuntem jaculo non petunt, sed lancea tanquam venabulo sæpe transverberant, quæ tamen, utpote uncis destituta, in isto non immissa relinquitur. Multis vulneribus si defatigatus est, lanceam profundius immittunt, donec nobile aliquod viscus perierint, quod ex eo intelligitur, quando sanguis ex venis æriferis fluvii adinstar profluit, ac piscis mirum agitando sibi mortem accelerat, cauda etiam pinisq; ita aquam percutit, ut ad dimidium milliare audiri, & tanquam tormentum majus bellicum pulvere incenso tonitruare perhibeatur. Quæ omnia tam visu jucunda curiosaque esse dicuntur, ut istorum aspectus nullum pariat fastidium, quæ *Schurzium* in *Mater. Mus. Germanico* fusius pag. 98. memorat. Videri etiam potest *Frider. Martens Itinerarium Spitzbergicum*, Anno 1675. Hamburgi in vernacula editum.

## §. 4.

Quoniam itaque cetus non in captura pugnaque solum, sed aliàs quoque à pisce ensifero, tanquam perpetuo hoste, in capite vulneratur, ut cerebrum excidat, sperma ceti mari quoque innatare observatur, uti *Olaus Wormius* in *Mus.* pag. 34. rectè scripsit, quod alias quoque ex cratio desumitur. Prius illud nautis notius est, cui tamen posterius puritate pretioque antecedit, secundum *Th. Bartholinum* cent. 3. Ep. 70. Utrumque sperma ceti crudum vocatur, quod prorsus

impurum, flavescentque est, ac oleum redolet, & propterea artificiose est præparandum ac depurandum: quod non solum perforando dolio & detrahendo liquore oleoso absolvitur, secundum *Schurzium* l. c. nec iterata fusione, secundum opinionem *Elfneri* ac *Pometi*, sed modo sequenti, quem *Danus* quidam cum *Dn. D. Ettmüllero* communicavit, quemque in istius modo laudata *Disp. de Spermate Ceti* cap. 1. §. 11. ita legimus descriptum: Conficitur lixivium acre ex cineribus & calce viva, ita tamen, ut hujus minor sit quantitas, quam illorum; diutius vero lixivium filtrandum, quo clarum purumve evadat. Ubi præparatum fuerit, recipienda est massa, ex cranio balænarum supra dictarum exempta, eaque si pinguis, flava & liquamine oleoso superfluo perfusa fuerit, per saccum ex pilis confectum mediocriter exprimenda, ut omne liquamen pingue superfluum per saccum transudet: quo facto restitans in sacco materia lixivio supra præparato immittenda, manibus in lixivio probe subigenda, & cum eodem permiscenda, perque diem & noctem ita relinquenda est. Altero die mane per saccum pilosum lixivium denuo exprimendum & separandum, quodque restiterit, super linteum explicandum & digitis blande diducendum, & in aëre libero, vel tepidioribus Solis radiis (ne scilicet lique scat) exsiccandum, atque ita præparatum erit, quod vulgo spermatis ceti venit nomine. Ejusmodi præparatio haud ita pridem Pharmacopœlæ cuidam nostrati, una cum spermate crudo, ex Hollandia transmissa est. Rectè & legitimè præparatum sperma ceti probe candidum, pingue, recens, neutiquam rancidum sit, nec flavum, auctore *Daleo* in *Zoolog.* p. 524. Et quoniam in aëre facile alteratur, in vitris probe asservetur.

## §. 5.

Istud sperma ceti præparatum vi resolvente anodynaque juxta præditum est, ac propterea in affectibus pectoris infantum horumque torminibus crebro usurpatur; adultis quoque datur post casum & contusiones, ad sanguinem coagulatam resolvendum, doloremque leniendum. Multi ei quoque vim aphrodisiacam adscribunt, adeo, ut *Ettmüllerus* l. c. de quibusdam Francofurtensibus scribat, istos cum in finem etiam sperma ceti crudum cum pane, haud secus atque butyrum pani illitum, edere, quibus nolim esse conviva, cum vel solus aspectus appetitum posset turbare. Externè in Empl. de Sperm. ceti adversus induratas mammas & lac coagulatum lactantium, à foeminis quoque ad infucandam faciem usurpatur, de quibus loco citato agitur pluribus.

## §. 6.

Præterea etiam

## PRIAPUS CETI

in officinis & Materialium Muscis invenitur, qui longitudine fere humilis hypocausti æquat altitudinem, cujusque pars super-  
rilis



rilis habet crassitiem, qualem *Vielheurius* in *Descript. Mater. Exot.* pag. 188. apud Chirur- gum quendam, qui capturæ balænarum inter- fuerat, se vidisse memorat. Vi demulcendi pollet, & ad dysenteriam commendatur.

## §. 7.

## COSTA SARTORIA

(vulgò *Fisch-Bein*)

similiter à balæna proficiscitur, quam propter- ea Batavi *Balainen*, & quidem rectius, vocant, dum proprie nec os animalis est, nec costa, sed ejus mandibula, quæ isti pro dentibus, qua prorsus destituitur, inservit, teste *Joh. Schreye- ro*, in *der neuen Ost-Indianischen Reis-Beschrei- bung* p. 75. Ista vero mandibula non extra cor- pus sunt, sed intra illud in palato continentur, numero fere 800. parvæ magnæque, longitudi- ne 3. ad 16. pedum. In extremitate habent fe- tas, instar pilorum equinorum, in quibus lin-

gua conquiescit, quæ barba ceti vocantur, qualis eaque magna in *D. Bäckleri* Museo, à *Dn. D. Petersen* Francofurtensi coemto, po- test videri. Costa sartoria aliàs triplex est, longa, mediocris & curta, uti ex schedula pre- tium currens designante apparet.

## §. 8.

Tandem AXUNGIA CETI (*Traan*)

ex lardo cetorum conficitur; ista vel statim in Grœnlandia excoquitur, vel in Hollandia locisque aliis ex lardo doliis allato assatur. Illa alba est, Spitzberga venit & pro optima habetur, secundum *Marxium* in *Mat. Mus. German.* pag. 192. & quoniam Galli istam axungiam in Grœnlandia præparant, Bata- vi vero domi, Gallica Hollandicæ ac Bergen- si præfertur, uti ex *Pometi Hist. des Drogues* pag. 74. videre est.

## CAPUT XXIX.

## DE

## PISCE AMBROPHAGO, AMBRA GRYSEA ET NIGRA.

## §. I.

**A**MBRA GRYSEA (*graue Amber*), qui- busdam Orientale succinum dicta, ex al- bo grysea, sæpius maculis aspersa, & nigris venis interstincta & levis resina est, summæ fragrantia. Ut plurimum ex India Orientali affertur, ubi massis diversa magnitudine in mari agitata invenitur, & apud nos majori quam aurum venditur pretio, dum una istius uncia 30. vel 40. Imperialibus æstimatur, uti *Vielheurius* in *Descript. Mat. Exot. Germanica* pag. 23. commemo- rat. Nigra vero bituminosa materia, qua in mari plerumque circumdata est, pro nigra ambra potest haberi, secundum *Rumphium* in *Epist. VIII. India literata*, in *Appendice hujus li- bri* annexæ.

## §. 2.

Quæ autem vera pretiosi hujus simplicis origo sit, hodie adhuc dubium est, inter- que Doctores multæ diversæ foveantur opinio- nes, quarum *Justus Fidus Klobius* in *Historia Ambra* minimum 18. recenset, de quibus po- tiores, quæ hodie adhuc defenduntur, hic ad- ducemus: Ubi multi inveniuntur, qui am- bram gryseam certarum avium putant esse ex- crementum, in scopulis maris nidulantium, quam etiam opinionem memoratus *Klobius* amplectitur, simul pag. 40. istarum avium tra- dens delineationem: quæ opinio vel pro- pterea non pror. contemnenda videtur,

quoniam isti sæpe rostra psittacorum aliarum- que avium permixta observantur, uti *Olearius* aliquo in loco testatur Hamburgensem Mate- rialistam, *Paulum Langermannum*, sibi aliquan- do ambra frustum obtulisse, cui tota avis cu- jusdam ungula fuerit impacta. Nihilò tamen minus hæc opinio *Frider. Hoffmanno* in *Clav. Schræd.* pag. 380. videtur fabulosa, propterea, quod resinosa ambra substantia longe aliud quid testetur, & ejusmodi avium partes ideo in ista inveniantur, quoniam aves illa dele- ctentur, eamque deglutiant. Quo ipso & isto- rum cadit opinio, qui ambram balænarum esse excrementum sibi persuasum habent, cui opi- nioni etiam *Fallopium* in *Tr. de Comp. Medic.* p. 180. legimus addictum, quoniam in balænis sæpe invenitur: quod ut non sine ratione dicitur, in eo tamen certiores facti sumus, pi- sces quoque, præsertim certam cetorum spe- ciem, istam resinam magis in mari conquirere ac deglutire, quos *Cleyerus* in *Misc. Germ. Cur.* Dec. 2. Ann. 8. p. 69. descripsit, & delineatos exhibuit: de quibus piscibus quoque *Joh. Faber Lynceus* Romæ in *Descr. Animal. Nov. Hisp. N. A.* Recchi p. 570. & seqq. fusius agit, isti tamen opinioni adversus existens, utpote quam Cla- riss. Medicus & Præses Collegii Med. Imperia- lis, *D. Schræckius*, in *Not. ad Cleyerum* similiter fictam pronunciat; quanquam nec impossibi- le nec incredibile sit istam materiam in ventre cetorum aliquo modo maturari mutarique, uti amicus quidam ex India refert. Et quam- vis



vis hodie quidam Galli, utpote *Monconisius Part. 2. Itinerarii pag. 71. Le Febure & Pometus pag. 57. in Histoire des Drogues*, gloriantur multo verisimiliorem ambrae originem se invenisse, dum istam induratum in mari mel vel ceram esse existimant, apud paucos tamen hucusque invenerunt consensum, postquam à *Dn. D. Lentilio in Notis ad D. Mezgeri Ambrologiam pag. 295.* sufficientibus argumentis fuerunt refutati. Quamobrem plurimi iidemque clarissimi Scriptores, sc. *Ulysses Aldrovandus, Faber, Mezgerus, Schræderus* hujusque interpretes uno omnes animo credunt ambra, utpote ritu aliarum resinarum solo spiritu vini solubilem, potius pro bitumine, à certis Naphthæ fontibus subterrestribus in mare profluo, ibidemque ab aqua marina coagulato, esse habendam: quam opinionem etiam *Rumphius in Epist. quadam ad D. ten Rhyne, ut & Musæo suo Ambonico* sequitur, cujus epitome inter epistolas Indiae Orientalis apparet. Nec etiam impossibile est resinosas quasdam arbores suas in mare extendere radices, harumque resinam cum aqua marina misceri, uti curiosus *Boyle in Transf. Philos. Angl. 97.* ex relatione Socii cujusdam de Societate Indiae Orientalis commemorat. Unde & *Philosophus in Cunis*, uti se vocat, in *Epist. ad Nat. Cur. de Ambra Meteoro*, ambra dicit effluvium sulphureum ex arboribus & plantis, sicque ad regnum vegetabile referre conatur. Vid. *Nova liter. Hamburgensia 1707. Mens. Jan. p. 10.* Id ad minimum certum est, ambra gryseam fluidam primum ac resinofam esse humiditatem, è terra exstillantem, & guttarum sub facie ripæ adhaerentem, quæ vero sensim longius accrescat: cujusmodi indicia in magno isto ambrae frusto 185. librarum pondere, quod Indica Mercatorum Societas Amstelodami Anno 1694. ex India Orientali accepit, adhuc apparent, quod *Nicolaus Chevalier, in Descriptione de la piece d' Ambre Gryse, que la chambre d' Amsterdam à receue des Indes Orientales*, una cum Societatis figuris, subjecit oculis.

## §. 3.

Caterum duæ recensentur species, nempe prorsus alba & grysea; quoniam verò alba vel prorsus haberi nequit, imo adhuc immatura est, dum omnis ambra primum alba, & tanquam progerminantes seu incipientes lapides apparere dicitur, sæpe etiam præterea gypso adulterata est, hinc sola grysea apud nos in usu est, quæ præter nigram saltem in officinis & materialium museis reperitur. Binæ in loco ab aëre libero volunt asservari, uti *Schurzius in Mater. Mus. Germanico pag. 9.* memorat.

## §. 4.

Optima ambra grysea in finis frustis, intus numerosis punctis iisdemque flavis nigrisque juxta notatis, non mollis, sed dura, le-

vis tamen & suaveolens sit. Quum verò sæpe adulteretur, Materialistæ hoc plerumque utuntur experimento: nempe subulam calidam trajiciunt, quo facto, si oleum exsudet, bona habetur; præsertim si odor simul gratus existit, quod *Schræderus* quoque annotavit. Enimvero *Marxius*, Materialista Norimbergensis, adulteratam id similiter præstare observavit, uti in *Mater. Mus. Germanico pag. 8.* confitetur. Hinc majore cautela aliisque experimentis opus est, quæ *Wormius in Mus. pag. 34.* communicavit juxta ac retulit, genuinam ambra non tam facile in aqua emolliri atque adulteratam seu artificiosam, nec tam cito mollescere digitis tractatam, falsa contra ceræ adinstar liquecente.

## §. 5.

## AMBRA NIGRA

naturane ita crescat, an artificiosè ex moscho, zibetho, styrace, ladano ac similibus, quæ multorum est opinio, præparetur, inter Doctores ac Materialistas nondum convenit. *Schurzius* Compositum pronunciare non erubescit, testaturque *Dale pag. 57. in Pharmacol.* istam in Anglia à Pharmacopolis ita componi, simul tamen etiam ex India Orientali afferri. Id quod quidem *Marxius* ita simpliciter non vult affirmari, existimat tamen istam plerumque ex modo dictis rebus adulterari, simul testans parum istius apud Materialistas inveniri, quoniam rarò vendatur quæraturve, quanquam priore multum sit vilior. Mihi frustum aliquod ostensum fuit, in India in mari repertum, quod pro immatura ambra grysea vult haberi.

## §. 6.

Quod ad usum ambrae gryseæ attinet, ob volatiles sulphureasque particulas, vi valde calefaciente confortanteque pollet, qua ad motum spirituum vitalium reficiendum valet, adeò ut Angliæ Cancellarius, *Baco de Verulamio*, istam aliquo in loco ad vitam sanam longamque tuendam commendat. Quamobrem in multis capitis affectibus, ut & aliis totius corporis, præsertim cordis morbis, senibus commendatur, id quod *D. Mezgerus*, olim hic Giesæ, postmodum Tubingæ Professor, in *Tract. de Ambra*, quem ejus Gener *Dn. D. Lentilius* post mortem illius edidit, uberius ostendit, ac supra laudatus *Chevalier l. c.* tradidit. Quum verò ob nimium pretium per se & in substantia (ita alias cum saccharo sumta senibus perutilis est) non facile potest præscribi, cum spiritu vini rectificato essentia aurea exinde paratur, vulgo præscribi solita. Aliàs etiam multas compositiones, interno externoque usui dicatas, ingreditur, & præsertim ad odoris fragrantiam pulvinis, chirothecis, marsupiiis, pulveribus pro crinibus, suffumigiis &c. conciliandâ consumitur. Ad quos usus nigra ambra magis utilis est, quæ internè fere nunquam præscribitur, quanquam externè in balsamis gry-



seæ subire vices poterit, ad cuius quippe virtutes fere accedit. *Joh. Limberg.* in *Itiner. suo* pag. 531. candelabri ex ambra constantis & auro inclusi memorat, quod 12000. coronis æstimeretur. *Talander* quoque in *Itinerario* pag. 390. recenset in templo Loretti crucem, candelabrum, pelvim & gutturnium ex ambra inveniri, maximi æstimanda.

Ad majorem superiorum confirmationem & illustrationem subjungere hîc placet ea, quæ Curiosissimus *D. Kämpferus* in *Amœnit. Exot. Fasciculo III.* de Ambra habet, cuius verba sunt seqq:

### AMBRA VINDICATA.

Observationis cancellos transgressam superioris materiæ prolixitatem breviori nunc exhibitione pretiosi & desideratissimi bituminis compensabimus. Quid enim *Ambra* suavius? Eam humano generi parcâ manu ex abdito suo sinu largitur Oceanus; nam solenne est naturæ, ut quæ maximè nobilia sunt, ea valde recondat & parcius impertiat. Est verò de nativitate & materiâ ambra non levis autorum inter se dissensio, quorum alii eam genus bituminis: alii terræ credunt: alii spongiam marinam: excrementum balænae: stercus avium, vel quid non aliud esse, persuasi sunt. Ex omnibus sententiis, experientiâ nostrâ, nulla minus fundata est, quàm quæ nuper ex sola materiæ vel odoris similitudine conclusit: *Ambra esse mixturam mellis & cerae, circa maris littora ab apibus congestam, quæ à Sole excocta marique illapsa in hanc nobilem substantiam ab agitatione fluctuum spirituque salino elaborata & conversa sit.* Vid. *Journal des Sçavans de l'An. 1672. conference 2. présentée par Jean Baptiste Denis.* Conjecturam mediis fidius inanem! quippe quæ sola sui novitate placere cupit & magni Principis freta præsidio exaudivit sententiam ab interioris historiæ Inspectoribus probatam, quæ dudum ostendit Ambra bitumineum terræ genus esse, vel, quod idem est, pinguedinem subterraneam in bitumen excoctam, ex venis alveisque terræ in imum mare depositam & à sale ac Sole condensatam. Ab erroris igitur novitate Ambra hîc vindicabimus positionibus quibusdam circa hanc materiam, quas ab hujus coaguli colligentibus, ex curiosis Sinenſium observatis, à Cetariis Japonicis, & ab ipsâ demum inspectione provinciarum littorumque, ambra ferentium, petimus.

1. Pluribus in locis ambra colligitur, ubi nec circa littora, nec intus in regione melliferæ volucres nidificant; at plurimæ regiones apibus abundant, quarum littora ambra nunquam recipiunt.

2. Piscatores, qui ex rupibus littorum, circa Sinam & Javam, halcyonum nidos edules colligunt, (sunt nidi illi hirundinum marinorum, quos ex particulis holothuriorum construunt) alvearia inibi latentia, quæ à fluctibus deturbari putat *Denisius*, nunquam se vidisse

testantur. Apes quippe evitare ripas & tempestuosa loca provida mater natura docuit.

3. Mel, cera, favi, cum liquore humido agitata, non coeunt in unum corpus, sed secedunt & dissolvuntur.

4. Favi cum melle suo, ustionis ope, ubicunque inspissati, ejusdem substantiæ coagulum referunt. Ambra verò, ex venarum subterranearum diversitate, multa varietas est, & suis quæque regionibus propria, adeo, ut ex ejus inspectione etiam natale littus, quo recepta sit, à gnaris cognosci possit, perinde ut exercitiores Oenopolæ vini degustati provinciam indicant. Alia enim bitumini crudiori, asphalto, vel naphthæ atræ exsiccata similior est, adeoque nigrior, densior, gravior, vel minus: alia, ex nobiliorum particularum admixtione, candidior, carior, levior, vel minus; alia sæpè fungosa admodum, ut acutissimus *Scaliger*, Serapionem amplexus, ambra non ineptè pro fungo maris habuerit.

5. Ambra, ex Oceani antris recentissimè appulsa, mollis est, vaccino stercore aspectu similis. Atqui tunc nidorosum halitum exhibet, qualis à mellificii naturâ omnino alienus est.

6. Non rarò conchas nitentes atras & alia submarini generis fragmenta in ambra deprehendimus, nonnunquam & earum rerum particulas, quas mollior, in littus projecta, involvisse potuit: apes verò mel & favos nunquam. Falsus est *Cl. Denisius*, qui favos cum cerâ & melle (ecce non cum apibus etiam?) illatuisset relatori suo credidit, fallunturque Scriptores Galli recentiores, qui idem credunt *Denisio*.

7. Magnæ molis ambra nonnunquam invenitur, longè ultra alvearis capacitatem. Taceo fragmenta monstrosæ magnitudinis, quæ citavit *Garzias* ab Orta A. H. L. I. c. I. Pro meâ sententiâ massæ sufficient minores & propriæ observationis. Cum apud Indos versarer, inveniebatur in littore Japonico provinciæ *Kinokuni* massa ambra gryseæ, *Catti* amplius centum, vel libras Belgicas circiter centum & triginta pendens, quæ cum tota emptorem non inveniret, in partes quatuor, formâ crucis, divisa & distracta est: mihi quoque advenæ venum reliqua ejus quarta pars oblata fuit, ex quâ integram ejus magnitudinem facillè conjiciebam. Superabat hanc magnitudinem quæ Anno 1693. Ill. Societati Belgicæ à Rege *Tidori* vendebatur Joachimicis 11000. missa anno sequente ad Amstelodamensem Cameram: moles inquam 185. librarum Belgicarum accuratè pensiculata, modicè grysea, non postremæ dignitatis, figuram referens testudinis, truncatâ caudâ & capite: eo pacto emptâ, ut pecunia restituatur, si quicquam adulterii in eâ comperiretur. Iconem ejus massæ proposuit Excellentissimus Giesſensium Professor *Valentinus in Mus. Mus. Lib. 3. cap. 28.*



De Ambra adulterio, bonitatis notâ, ac virtute sequentia accepimus:

Recens cum in littus deponitur, massæ farinaceæ instar mollis, & adulterio recipiendo aptissima est. Nihil verò eidem felicius ingeritur, (prout ipsi adulteratores mihi fassi sunt) quàm gluma oryzæ in pollinem redacta; nam hæc & levitatem & colorem glaucum ei conciliat: sed quam fraudem teredines, illatâ carie, possessori detegunt. Ambra ex storace, benzoino aliisque odoriferis augmentata, tum pseudo-ambra, ex pice, cerâ, resinâ, storace & similibus composita non rarò venales mihi oblata sunt: illa paulò difficilius, hæc nullo negotio tactu, oculis & vel solo suffitu cognoscitur. Inventores particulas ambra recentis in unam massam majorem, expansas nimium & informes in figuram aptiorem cogunt: unde ambra sæpe rotunditas, semper gravitas conciliatur, quæ bonitati nihil detrahit. Non est melior bonitatis & constantior nota, quam si candenti laminæ ejus granula aliquot imponantur: quo ipso suffitus prodit adulterium, & cineris paucitas bonitatem. Faciunt id Orientales Trans-Gangetici in aurea ovatae magnitudinis & figuræ monetâ tenui, *Koobang* dictâ, quàm cum rasurâ ambra imponunt carbonibus, nam hic nummus ipsis ad manus est. Ex ambris bonis optimam reputant Sineses, cujus rasura aquæ calidæ immissa & operculata exactius disjungitur & liquefcit. Vidi infervire huic operi patellas murrhinas, ex quibus infusum theæ sorbillant, & in symposiis discretiones illas per otium institutas. Postremæ notæ ea censetur ambra quæ in intestinis balænarum invenitur, virtute quippe suâ plurimum ibidem imminutâ. *Mokos*, ceti genus, trium & ad summum quatuor orgyiarum longitudinis, circa Japoniam capitur, cujus intestina frequentissimè ambram exhibent: estque latentis notâ; si intestinum solventibus illico occurrat grumosa calcique similis materia. Frequens est in Japoniâ quæ in balæna extis inventa, vel cum excrementis, dum viveret, in mare egesta fuit; unde vulgari linguâ Japones ambram appellant *Kusura no fuu*, i. e. stercus balænarum. Oceanus meridionalis frustra peregrinæ pinguedinis nonnunquam evomit; quæ externâ facie ambram referentia inventoribus imponunt. Mihi ejusmodi massa, in Luconia littus deposita, pro recentissimâ ambra grysea obtrudebatur: Albida erat, fungosa, fragilis, instar lardi rancidi, nidorosa & unguinosa, quam ego, ex balæna lardum judicans, longâ in salo morâ sic mutatum, repudiavi. Ex Bandensi littore massam informem possideo, trium circiter librarum, ejusdem tituli donum: sed quod ego sebum reor ejus generis, quod *Schröderus* dignatur nomine *Ambra subalbide*, vulgo *Sperma Ceti* dictum, à fluctibus, dum mari innataret, alicubi (fortè ad rupem) congestum & à Sole in unam

massam colliquefactum. Spermatiss ita dicti triplex mihi innotuit sive genus, sive collectio: unum, quod in mari Septentrionali natans vimineis corbibus hauritur, prout ex oculatis relatoribus dudum innotuit: alterum, quod ex cranio alicujus balænae, Latinis Orca, Belgis *Potvis* dictæ, copiosum depromitur, teste *Bartholino*, *Wormio* & ipsis qui Gronlandiam ad capturas navigant: tertium, quod in Insulis *Ferre*, seu *Fero*, ultra Scotiae fines boreales positiss, colligitur ab incolis piscatoribus, hominum pauperrimis, ex superficie longum caput habentium piscium, quos linguâ suâ *Buskoppe* nominant, à quorum copiâ insula, inter multas extima, idem nomen adepta est. De postremo hóc nullius scriptoris auctoritate quicquam mihi constat, sed ex relatione viri fide digni, qui ad insulas naufragium passus, ei labori oculos & manus per semestre commendasse mihi testatus est. Piscem ajebat humanâ magnitudine grandiore, cujus monstruosum caput mucosâ hujus pinguedinis copiâ, præsertim circa maxillas, circumfusum sit, quæ abrafa lixivio forti & insolatione à rancore repurgetur. Ex capite piscis *Haye* (latronis marini post crocodilum perniciosissimi) depromunt epibatae maris Indici materiam candidissimam, quam Spermatiss Ceti nomine venditant, neglecto cerebro, quod in medio capite invenitur parvulum. Hæc materia virtutem Spermatiss Ceti diureticam egregiè præstat: verum, quod pulverulenta sit, & sevoia pinguedinis exfors, à nomine & ex censu Spermatum meritò rejicienda est. Coagulum verò meum, quod Spermatiss Ceti, sed depurati, notas omnes & requisita habeat, ex allegatâ primâ classe esse videtur, modò in fursuream substantiam, qualem Sperma Ceti refert, rursus disjungatur: unde idem aliquando hujus usus feliciter supposui. *Succinum* Phisici minùs ineptè sub Ambra censum recipiunt: est enim parilis, sed limpidior pinguedo terræ, à salo & aëre indurata. Vidi illud in littore Prussico non modo colligi appulsum fluctibus, sed in eodem ex terræ venis & visceribus etiam effodi; at hoc, cùm sæpe molle ac friabile sit, marinæ aquæ injicitur, ut ab eâ durtiem acquirat. De quo si clarissimo *Denisio* constitisset, Succinum loco supra citato non tam operosa viâ ex Sueciæ sylvis in hæc deduxisset littora. Extremi Orbis nationes Succinum longè præferunt ambra verâ, imò longè etiam anteponunt (si corallia rubra excipias) lapidibus pretiosis nostris, quorum illis nec usus, nec existimatio est; præsertim verò Succinum pellucidum illud flavum, quod Europæis in dignitate ferè postremum est, illis ob antiquitatem, quam ei tribuunt, & summam perfectionem, multò habetur carius atque præstantius: ceteræ Succini varietates ipsis exiguo loco sunt. Ego id aliter illis demonstrare nifus risui me exposui, & tantum profeci, quantum faceret, qui nobis persuadere vellet,



argentum ut credamus aurô præstantius esse. Ambra nullus est nigritis inventoribus usus: major Europæis in medicinâ: maximus regno Mogolis, Persiæ Arabiæque, in confectionibus saccharo conditis & dulcidulis quibusque. Sinenfes, Japones, Tunkinenses pene alium in finem ambram non expetunt, quàm ut odoriferis compositionibus admisceant, pro figendâ & exaltandâ odoris suavitate, sine illius conjugio fugax ac debilior futurâ: nam utrumque eximiè præstat, cum sola exiguum habeat o-

dorem. Virtutes, utpote satis cognitæ, omitto. Unum ex ambra secretum magnanimitatis placet apponere, quod ab experientissimo Medico Japonensi edoctus sum. *Rec.* Opii crudi q. l. involve linteo, & in vapore bullientis aquæ suspende: id quod circa nodulum post horam unam aut alteram exsudavit, opium præstat correctissimum: cui admisce duplum ambra optimæ, ut fiat massa, ex quâ formentur pilulæ minutissimæ, in remedium virilitatis exiguâ dosi ante noctem concubitûs assumendæ.

## CAPUT XXX.

DE

## UNICORNU VERO ET FOSSILI.

## §. 1.

**UNICORNU MARINUM,**  
Sive unicornu crudum & verum vocatum, valde longus, striatus & quasi intortus dens est certi cujusdam Grönlandici ceti, foris flavus, intus albus apparens. A Grönlandicis Vectoribus, una cum cutibus canis marini, axungia ceti & id genus aliis ex Grönlandia advehitur, ubi istud cultris, forficibus, speculis similibusque reddunt, sæpe etiam ipsi capiunt, uti *Olearius in Itin. Pers. Lib. III. pag. 175.* pluribus recensuit.

## §. 2.

Piscis, unde oritur, NARHUAL vocatus, quoniam cadaveribus, ibidem Nar dictis, se alit, à *Thom. Bartholino* in *peculiari Tr. delineatus* describitur, quod ceteris cetis haud multum dissimilis, & 30. ulnarum forte longitudine sit, duas in lateribus pinnas, tria tubera in dorso, inferius in ventre saltem unum habeat, ex cujus sinistra superiore mandibula longus dens recta promineat, quo glaciem dicitur perfringere, ut propterea ita dictum cornu in principio sæpe infractum sit. Hic igitur dens non ex naso prominet, ut *Olearius l. c.* loquitur, isto enim piscis caret, & ad modum aliorum cetorum per duo foramina, in nucha apparentia, non per nasum, respirat, per istaque aquam alte projicit: sed superiori maxillæ insidet, uti dentes in aliis animalibus; id quod jam pridem à *Tulpio* in *Observ.* & ab *Olao Wormio* fusius in *Mus. pag. 282. & seqq.* descriptum, & aliquot figuris oculis subjectum fuit, quæ cum cranio, quod olim Amstelodami vidi, valde conveniunt. Num verò quilibet piscis duos ejusmodi dentes habeat, quæ *D. Jacobæus* in *Mus. Reg. Hafn.* conjectura est, qualemque vidit, tempus docebit. Id vero certum est, inferius in magno cornu s. dente sæpe parvulum adhuc latere, quod *D. Reiselius* in *Mus. Stuttgardiensis visum in Misc. Nat. Cur. Dec. 3. An. 8. pag. 351.* sistit intuendum. Quamobrem *Simon Uries Lib. I. Grönlandia Antiq. fol. 285.* non sine

causa concludit huic ceto, haud secus atque hominibus, excidere dentes, hisque succrescere novos.

## §. 3.

Num verò præter modò descriptum unicornu aliud adhuc UNICORNU VERUM reperiat, quod è fronte quadrupedis & equo haud dissimilis animalis, (ut multi hucusque crediderunt) excreseat, à prudentioribus Naturæ Scrutatoribus non immeritò dubitatur, licet *Catelanus* in *Tract. de Unicornu* in adducendis pro istius existentia rationibus valde operosus sit. Et quanquam in S. Scriptura unicornu sæpe memoretur, per istud tamen non ejusmodi fictum animal, sed rhinoceros intelligitur, uti *Andreas Baccius* in *Tract. de Unicornu* defendit. Non enim video, quomodò componi possint hocce animal adeò rarum ferumque & in locis desertis saltem reperiendum in gremio castæ virginis, quæ tamen istuc nunquam veniet, capi. Et si tam rarum est, unde ista centena multa venient, quæ ubiq. reperiunda ac quotidie usurpantur cornua? dum præter unicornua in Regio thesauro à S. Denys prope Parisios, Hafniæ in templo aulico, Dresdæ in Pinacotheca s. Museo & alibi in thecis & catenis aureis suspensa, quilibet Materialista & Pharmacopola aliquod possidet: ut adeoque unicornu nunc tam vulgare factum sit, uti unum olim mille imperialibus æstimatum nunc duabus dodecadibus imperialium, quod nuper factum, possit divendi. Prorsus igitur à veritate alienum est istud à tam rarò animali provenire, quod mere fictum est, ac propterea à doctis indoctisque juxta tam diversimode descriptum delineatumque sistitur, ut tota plagula possit repleri: quemadmodum in *Pometi Histoire des Drogues Part. 2. Lib. I. p. 9.* videmus, ubi hæc in cerebro nata animalia quasi concentrata lustrantur. Tutius itaq; est, ut isti opinioni nos neutiquam præbeamus patronos, utpote quæ jam multos ante annos à *Deusungio* *Tract.*



*Tract. de Monocerote* egregiè est refutata, præsertim cum etiam hodierni Materialistæ, utpote *Schurzius, Marxius, Pometus* aliique ipsi confiteantur istud unicornu, quod divendunt, à prædicto pisce proficisci. Equum igitur est re-ctumque, ut in officinarum taxis nimis magnum pretium mutetur, cum uti dictum, unicornu hodie minoris ematur. Hinc non est, quamobrem Pharmacopolæ istud adulterent, & loco minorum frustorum ebur addant, à quò in eo distinguitur, quod subtiliores habeat strias & fibras, densius etiam sit ac ponderosius, id quod *Schræderus* in *Pharm. Medico-Chym. in h. l.* jam ostendit.

## §. 4.

Virtutes isti olim & hodieque iusto majores adscriptæ sunt, dum tanquam certum antidotum adversus fortissimum venenum, utpote arsenicum & similia usque commendatum fuit, ut Medici Augustani, facto in infante experimento, anno 1593. Manifestum eum in finem extruxerint, cui omnes subscripserunt, quod in *Wermii Mus. pag. 286.* invenitur, qui in junioribus cati & columbis idem tentavit, attamen tantum ei non tribuit fiduciæ. Ego sane tantum in unicornu poni fidei istiusque rei in homine facere experimentum nolim, dum notum acidum ventriculi in bestiis veneno magis adversari, hocque istis non tam facile atque hominibus nocere posse. Ut dicam quod res est, plurimum salii unicornu volatili tribuitur, cujus intuitu istius vires cum CC. & ebore conveniunt, uti Anglorum Cancellarius, *Verulamius*, in *Hist. Vita & Mortis pag. 85.* rectè scripsit. Interim tamen ad epilepsiam infantum, variolas morbillosque, febres acutas, dolores ventris, aliosque morbos, sed largiori quam hætenus dosi, potest usurpari, de quo *D. Sachsus* in *Monocero-logia* agit uberius. Exinde etiam gelatina, spiritus & sal vol. uti ex aliis dentibus, possunt cogi, nisi nimirum obstarer pretium, etsi plus præstarent, quam gelatina, spiritus & sal vol. CC.

## §. 5.

Alias ejusmodi dentes & cornua etiam in terra inveniuntur, quæ

## UNICORNU FOSSILE

vocant, vel ossa hominum ac bestiarum, vel dentes & cornua representans. Foris vel flavum, gryseum aut fuscum est, diversa magnitudine, friabile, leve, porosum, sapore terreo, linguæ facile adhaerens: Intus interdum cavum, interdum aliam aliquam molliorem pinguem terram continens. In cavernâ Bumannianâ (vulgò *Baumanns-Höhle*) in Comitatu Stolbergeni, in Silesia, Hassia, Palatinatu, tractuque Würtenbergeni & alibi copiosè invenitur & Materialistis divenditur.

## §. 6.

Hic verò quæritur, à verisne animalibus, utpote monocerote, elephanto & similibus oriatur, an ex terra crescat? qua de re insignis inter

Doctores ad hodiernum usque diem exorta lis est, de quâ in *Tenzelii Monatlichen Unterredungen, Act. Erud. Lips. An. 82. pag. 150.* & in *Kircheri Mundo subterr.* multa invenies & paucos ante annos in Ducatu Würtenbergico multum à curiosis privatim publiceque de ea disputatū fuit. Quid quod ante laudatus *Tenzelius* à Sereniss. Saxonix Duce FRIDERICO humilimè petierit, ut in Concilio Medicorum, Gothæ institundo, hæc inter illum & *D. Schnetterum* fervens disceptatio examinaretur & decideretur, licet adhuc sub iudice lis sit. Multi enim unicornu cognominis animalis, aut gigantum putant esse ossa, tempore diluvii aliorum translata, inque terra lapidifacata, præsertim cum omnes partes appareant, uti in scelecto, olim in monte Seibichenberg, prope Quedlinburgum, ita reperto, posteaque ab *Johanne Muxero*, Astronomo & Camerario Quedlinburgensi descripto, videre est. Aliquando etiam prope Marburgum, Hassiæ oppidum, aliquo in specu frustum elephantis capiti haud dissimile, sed supernaturali ferè magnitudine, repertum fuit. Aliis contra, utpote *Boëtio & Wormio* in *Mus. p. 54.* videtur marga, aut lapis ex ista induratus, quæ Naturæ lusu ejusmodi figuram acceperit, haud secus, atque haleces aliique pisces in lapidibus scissilibus Islebicis delineantur: cui etiam sententiæ *D. Bauschius* in peculiari *Tr. de Unicornu Fossili* accedit. Quam utramque opinionem *D. Ettmüllerus* in *Comm. Schræd. pag. 810.* sumit componendam, existimans ista frustra, quæ magnitudine formaque animalium ossa referant, ab his provenisse lapideamque duritiem accepisse putari posse, comprobantibus id *D. Job. Sam. Carl*, Amici nostri & Collegæ integerrimi, experimentis, quibus ossa hæc, ut alia viventium ossa, igni commissa aperta flammâ alba, aperta verò nigra redduntur, imò spiritum quoque urinosum volatilem, sal. vol. cum oleo foetido subministrant: quæ omnia è Margâ obtineri non possunt. Unde & hæc inter reliquias diluvii numerantur à *Scheuchzero, Woodwardo* & aliis, vid. *J. S. Carlii Lapis Lydius Philosophico Pyrotechnicus, ad Ossium Fossilium Docimastiam analyticè demonstrandam*: Quæ verò nimis magna sunt, per lulum Naturæ è marga esse generata credit. Nos interea in his recensendis non erimus verbosiores, quin potius rem officinarum lance expendi nesciam Academiæ relinquimus cathedræ. Id nobis sufficiat, bonum ac vendibile id esse materiale, quod hodie ad multa medicamenta sumitur.

## §. 7.

Præter qualitatem adstringentem etiam vi diaphoretica pollet, proptereaque, ut terra sigillata, in acutis & contagiosis febribus, diarrhœa comitatis, nobile est remedium. Omne præternaturale acidum edulcorat, omnesque alvi fluxus, dysenteriam &c. sistit, a ðj. ad semidrachmam in aqua appropriata propinatum. Sunt,



qui spiritum exinde volunt cogere, qui tamen aliud nihil est, quam acidiusculus liquor, cum spiritu terræ sigillatæ conveniens, iisdemque virtutibus præditus. Quidam etiam monent ut unicornu fossile ante in canibus aliisque ani-

malibus experiamur, quam hominibus proprietur, quoniam interdum aliquid venenosi contineat, uti *Frid. Hoffmannus* in *Clav. Schræd.* pag. 191. pro conscientia admonet.

## CAPUT XXXI.

DE

## OSSE SEPIÆ, TESTUDINIBUS ET CANE MARINO.

## §. I.

**O**S SEPIÆ (*das vveisse Fisch-Bein*) candida lævisque crusta est, utrinque tumida & convexa, in uno latere duriuscula & glabra, in altero aspera, instar pumicis tamen friabilis, sapore subacri. Ubique locorum in litoribus maris invenitur, uti in Hollandia haud procul Lugdunô, juxta Cadvvic op See, apparet, ubi Batavi illud *Zee-Schuym*, i. e. spumam maris vocant. Tyrolenses etiam elegantissimum ex Italia dorso suo afferunt, numeroque millenario istud divendunt, quod *Marxius* è *Schurzio* pag. 146. sui *Mat. Mus. Germanici* commemorat.

## §. 2.

Sepia, Germanicè *Black-Fisch* seu *Black-Küttel*, huic pisci, cui originem debet, nomen est, qui licet ob detestandam suam figuram & aranea marina vocetur, cedit tamen etiam in cibum. Hic piscis dorso suo prædictum os sepia circumfert, cujus frusta majora putantur optima, quoniam ut plurimum ab aurifabris ad formas imaginum usurpantur, quippe quibus frusta minora parum conducunt: ista vero ceroplastæ & comarum fictitiarum artifices pulveri procrinibus addunt. Omnium maxima frusta nunquam semipedalem longitudinem excedunt, uti *Pometus* in *Hist. des Drogues* pag. 92. Part. 2. annotavit.

## §. 3.

Præter usum modò dictum aliquem quoque in Medicinâ usum præstat, dum ad modum omnium marinorum & concharum quodcunque acidum è dulcorare & quadantenus adstringere dicitur; quam ob causam tanquam appropriarum remedium in fluore albo mulierum usurpatur, secundum *Ettmüllerum* in *Comment. Schræd.* p. 816. Externè pulveres ophthalmicos & dentifricios ingreditur, in scorbuto oris, præsertim quando succo cochleariæ aut hujus spiritu maceratur. Hinc etiam Lacca Florentina dentibus conducit, quippe quam os sepia ingreditur, quoniam coloribus vernicique splendorem conciliare creditur, id quod *Vielheurius*

in *Descr. Mat. Exot. Germanica* pag. 182. observavit.

## §. 4.

Quemadmodum autem sepia tenerum os dorso suo gestat, ita

TESTUDINES (*die Schild-Kröten*)

contra valde dura testa & scuto in dorso armantur, sub quo se prorsus abscondere possunt: quæ ita bestiolæ hujus formam exprimit, ut ulterior istius descriptio putetur supervacanea. Respectu partium internarum perparvum habent cerebrum, vix fabæ magnitudine, licet majorum capita vitulorum æquare capita perhibeantur. Prorsus igitur obtusæ simplicesque existunt, nisi quod oculorum valeant acie. Cor figura sua tria corda mentitur, quod quoniam tria lilia representat, *Pometus* l. c. p. 85. popularibus suis Gallis magnam in Insulis Americanis, ubi copiosè inveniuntur, fortunam promittit, quasi vero totus terrarum Orbis Galli venerari lilia debeat. Sed defunctis vatibus antiquis novos necquicquam valere constat.

## §. 5.

Varia dantur species, dum quædam aquas amant, *See Schild-Kröten*, h. e.

## TESTUDINES MARINÆ

vocatæ, aliæ terram, TESTUDINES TERRESTRES nominatæ: quanquam marinæ etiam terram petant, amphibii propterea annumerandæ. In Germaniâ plerumque in locis paludosis, v. g. circa Philippiburgum inveniuntur. Maxima in Africa, in Insula Mauritii, habentur, ubi tanta sunt magnitudine, ut duos sessores homines ferre possint, inque una testa septem vel octo personæ, una juxta aliam, sedere posse dicatur, uti *Malletus* in *Cosmographia* Part. 3. de Africa pag. 55. recenset, atque in figura sistit contemplandum. Id quod eo est verisimilius, quoniam *D. Wormius* aliquod testudinum scutum habuit, quod longitudine 4. pedes, latitudine duos cum dimidiò, crassitie unum pollicem æquavit, quod una cum minoribus in *Mus.* pag. 316. descripsit.

## §. 6.





*Leguaan Ind: Orient.*


*Arane Incorum.*



*Lacerta volans contractis alis.*



*Lacerta volans expansis alis.*



*Salamandra  
seu  
Tecco*

*Lacertus Domestice Ind.  
Bali dictus*




*Chamaleon*



*Chamaleon Ambonicus*







## §. 6.

Quâ ratione magna illa animalia in India capiuntur, ex *R. T. du Tertre* relatione prædictus *Pometus l. c. pag. 86.* ostendit. Nempe 1. eo tempore quô coeunt Venerisque stimulo cohærent, vel mas & foemina simul capiuntur, vel mas solum, quod foemina plerumque aufugere dicitur. 2. Hastis quoque, ut Manati, per testam infixis, læduntur. 3. Eo tempore, quo ova interram ponunt, iis struuntur insidiæ, licet ea dicantur esse providentia, ut aliquot dies ante, nocturno tempore lunaque lucente, in terram è mari ascendant, securum sibi spatium electuræ, quod aliquo ibidem animadverso continuo relinquunt. Altera nocte de integro sibi locum quærunt, pedibusque anterioribus foveam pedis latitudine, duorum ac dimidii profunditate conficiunt, in quam unâ vice 200. ad 300. ova ponunt, quæ terra tecta post quadraginta dies dicuntur aperiri s. excludere juniores.

## §. 7.

Quod ad usum testudinum attinet, iis in locis, ubi inveniuntur, cedunt in cibum, & quidem majorum caro bubulæ adeò perhibetur similis, ut ab ista, nisi pinguedine ex viridiusculo flavente, distingui nequeat: una vero testudo carne sua, capite colloque & ovis exceptis, quippe quibus 30. homines sedare sitim possunt, dimidium dolium replet. Imò XV. vel XX. mensu-

ra olei, ejusdemque aurei coloris, exinde præparari valent, in quo adhuc recenti alii cibi possunt coqui; inveteratum lampadibus inservit. Ista

## AXUNGIA TESTUDINUM

ab Indis habetur peculiare probatumque remedium adversus omnes artuum, præsertim coxendicum genuumque, dolores & catarrhos, convulsionem morbosque nervorum. Caro ejusque jusculum hæcicis phthificisque conducunt. Ex scutô & inferiore testa varia ornamenta, utpote cistulæ, thecæ, tabellæ scriptoriæ, pectines, manubria gladiatorum, forficum, cultorum &c. conficiuntur, magno omnia pretio.

## §. 8.

Ad ejuscemodi ornamenta usurpatur quoque cutis piscis cujusdam,

CANIS MARINI (*See-Hund*)

vocati, quæ valde aspera duraque, prorsus etiam crispa, instar corii granulati Anglorum, apparet, quo etiam multis venit nomine: ac propterea etiam à scriniariis artificiosis ad poliendum lignum potest usurpari. Optima lata magna que sit, gryseo-fusca, aspera & eleganter granulata, auribus pinnisque adhuc prædita. Variis rebus inservit, libris compingendis, thecis, potissimum vero manubriis cultrorum; quem in usum quoque alius cujusdam piscis, ROUSSETTE vocati, cutis solet usurpari, de quo sæpe memoratus *Pometus l. c.* potest legi.

## CAPUT XXXII.

## DE

## ICHTHYOCOLLA, CAVIARIO, BOTARGO, ANCHOVIIS ET SARDELLIS.

## §. 1.

**ICHTHYOCOLLA**, *Haussen-Blasen*, lex albis & in coronam convolutis vesiculis constans, saporis est glutinosi ac limosi, odoris nullius. In Moscoviâ è magno pisce, HUSO (*Haussen*) vocato, præparatur, indeque per Archangelum civitatem in Hollandiam locaque alia transvehitur, secundum *Pometum in Hist. des Drogues Part. 2. Lib. 1. cap. 32 pag. 75.*

## §. 2.

Ex quâ verò piscis hujus parte Ichthyocolla præparetur, nunc quæritur? qua de re diversæ sunt opiniones. Multis videtur piscis vesica, à capite per totum corpus extensa credita, uti *Vielheurius in Descript. Mater. Exot. Germanica pag. 173.* narrat, à quâ opinione nec *D. Willugby* doctus Anglus, & novissimus de piscibus scriptor, alienus est. Alii utpote *Schræderus*, *Ettmüllerus* & *Pometus* existimant istam non ex vesica solum, sed aliis quoque membranaceis nervosisque partibus, imo & cartilaginibus ossi-

busque (quippe quibus etiam constat) præparari, dum omnes illæ partes incisæ & aqua maccrata postmodum leni igne in pulvem & gluten coquuntur, abhinc primum in tenues pelliculas, deinde in rotundos circulos & coronas formantur. Fieri tamen etiam potest, ut eadem ratione ex aliis piscibus ejusmodi materia præparetur, quæ *Raji* apud *Daleum in Zoologia pag. 517.* non temeraria est opinio.

## §. 3.

Optima Ichthyocolla alba, pellucida & minime flava sit, secundum *Schurzium in Mat. Mus. Germ. pag. 27.* *Marxius* itidem in *Germanico Mat. Mus. pag. 26.* etiam friabilitatem requirit. Id verò detur curæ, ut ne flavo glutine aliisque ponderosis ac foetentibus rebus repleta infarctaque sit. Qui igitur tota vasa illa repleta emunt, non solum unam & alteram dodecadem, sed totam quantitatem sumant visitandam. Et quoniam sub maximis coronis s. circulis maxima fraus latet, alii minores angustioresque coronas, unius uncix, aut 3/8 pon-



pondere eligunt emendas, quæ tam multum infarciri nequeunt. Enimverò nec his semper habenda fides est: tutius autem censetur, ut coronæ explicentur, & quemadmodum intus comparatæ sint, & num male oleant, videamus. Quùm verò hæc merx ab aëre facile corrumpatur, bene custodiri vult & claudi, uti *Pometus l.c.* fusius docet.

## §. 4.

Ufus Ichthyocollæ in Mediçina non adeò notabilis est, nisi quod istam nonnulli internè ad hæmoptoën, & externè in emplastris consolidantibus usurpent. Aliàs ab Oenopolis in Gallia ad clarificandum vinum crebrius usurpatur, dum omne impurum isti adhæret, ac cum ista simul fundum petit, secundum *Pometum l.c.* Cæterum bonum gluten pro testudinibus aliisque instrumentis musicis, atque fractis vasis murrhinis exinde conficitur. Coqui ad gelatinas quoque usurpant, & fœminæ ad flores & corollas, dum istam dissolutam ligni agitatione s. concussione in spumam redigunt, & vel albam vel ante tinctam, per filum argenteum in florū figuras jam intortum, & ab ichthyocolla pelliculam natum, ingerunt. Alii perlas exinde per attem fingunt, textisque vinculis splendorem ista mediante firmitatemque conciliant.

## §. 5.

In Hollandia Angliaque alia insuper ichthyocollæ species foliis parvis in libris reperitur, quā nonnulli ex reliquiis ichthyocollæ in corollis putant confectam: alii verò ab aliò quodam eoque magno pisce, quem STURIONEM, SILURUM s. Stör vocant, volunt derivari. Quoniam verò modo dicta ichthyocolla in libellis minus libenter fluit, raroque verè candida habetur, apud nos nihili æstimatur. In ista igitur recensenda non erimus verbosi, sed paucis saltem cuiusdam cibi delicati, à prædicto Siluro oriundi, faciemus mentionem, quod vulgò Caviaro s.

## CAVIARIUM

vocatum in frustis tanquam sapo viridis Hamburgensis apparet, atque è Moscoviâ in Italiam transportatur, ubi pro cibo delicato habetur.

## §. 6.

Hoc Caviarium ex ovario seu ovis Silurorum componitur, ac Germanis propterea Stör-Rögen vocatur, ut *Olearius in Itinerario Persico pag. 204.* ostendit, ubi istius præparatio ita describitur: ova ab adhærente pellicula separant, sale condiunt, istaque sex vel octo dies ita relictæ cum pipere & minutim incisus cepollis miscent. Quidam acetum & oleum olivarum affundunt, & ad edendum proponunt. Non spernendus est cibus, præsertim si loco aceti succus citri additur, qui & appetitum acuire & naturam stimulare dicitur. Ista ova in Wolga, plerumque juxta Astrachan, sale macerantur, partim in Sole siccantur, istisque centenæ orcæ replentur, in

alias regiones, præsertim Italiam, transvehendæ, ubi pro delicato cibo, cui Caviario inditur nomen, habentur. Sunt etiam certæ personæ, quæ istam mercaturam certa pecuniæ summa à Principibus sibi redimunt propriam. Hactenus *Olearius*, qui ipse omnia vidit. Plures tamen circumstantiæ præparationis habentur apud *Gesnerum*, ex quo illas *Sam. Dale l.c. pag. 515.* adduxit. *Bellonius* etiam meminit

## CAVIARII RUBRI,

ex ovis Cyprini pro Judæis præparandi, quod tamen non æque notum est atque prius.

## §. 7.

Eadem methodo vulgò dictum Boutarque s. BOTARGUM

ex ovis alius cuiusdam piscis, qui Latinis MUGIL vel CEPHALUS dicitur, præparatur, quod Tunisi in Barbaria & in Martegne, 8. miliaribus à Massilia distante, compositum, in Italiam mittitur, auctore *Pometo l.c. pag. 96.* Modum præparandi tradit *Sam. Dale pag. 521. Zoologia suæ*: totum sumunt ovarium, istique inspergunt grossum salem, sicque 4. vel 5. horas tegunt. Postmodum per diem & noctem duobus asseribus interpositum premunt, lotum 13. vel 14. dierum spatio in Sole siccant, ac singulis noctibus recipiunt sub tectum: aut etiam in fumum suspendunt, sed paulo remotius à flamma, ne incalescat. Edendi bibendique excitare desiderium, vino etiam gratiorem dare saporem perhibetur. Optimum est rubellum, temporeque passionem Christi in memoriam revocante, cum oleo olivarum ac succo citri, editur.

## §. 8.

Ita Caviarium Botargumque Italia æstimat: nos contra parvi Italiæ pisciculi, *Anchovii* & *Sardella* dicti, magis delectant, qui utrique in Mari Mediterraneo & Provincia Languedoc Hispaniaque, & quidem nocturno tempore, Majo, Junio & Julio mensibus capiuntur, quo quippe tempore è magno apertoque mari in mare Mediterraneum ascendunt & versus Levantem properant. De quorundam opinione acervatim, ductu Regis sui, uti apes, dicuntur natæ. In captura plerumque ignis accenditur, crucebulo imponi solitus, quo excæcantur. Qui sine igne capiuntur habentur meliores, cum igne enim capti minus bene durant. Finita captura

## ANCHOVIIIS

capita præciduntur, quo facilius exenterentur, simulque à Sardellis, quibus capita non amputantur, possint distingui; quamvis etiam ab his distinguantur rotundo dorso, & quod minores sunt,

## SARDELLÆ

contra crassiores magisque depressæ. Utrique pisciculi parvi, recentes, duri, foris albi, intus rubicundi sint, vasisque apertis non male oleant,



oleant, sed sapido jusculo jaceant. Plerumque in doliis 25. vel 26. libras continentibus veniunt, binique grata suppeditant acētaria, cum corticibus citri, aromatibus & oleo olivarum præparati: ante vero pellicula à capite deorsum trahenda

liberentur, beneque purgentur, uti *Schurzius l. c. pag. 82.* In Germaniâ multæ minutim incisæ haleces pro Sardellis eduntur. Indurata sardellæ necquicquam profunt, sed haleces infumatas imitantur, vid. *Pometus l. c. pag. 90.*

## CAPUT XXXIII.

DE

## TORPEDINE, REMORA, GLADIO ET SERRA.

## §. 1.

**O**Mnes quidem modò nominati pisces non adeò notabilem in Medicina usum præstant, nihilque de istis in simplicium habetur catalogo; quoniam verò in quibusdam Naturalium Museis inveniuntur, nec satis accurate adhuc descripti sunt, aliquem istis concedere locum volumus, quo videamus, quid de uno alterove credendum, quid dubitandum sit?

## §. 2.

Quod ad TORPEDINEM, *Zitter Fisch* vulgo dictum, attinet, id in utraq; lingua sustinet nominis, quoniam non artus solum tremantes, sed aliquamdiu etiam quasi torpedine affectos & insensibiles præstat, uti omnes ex India Orientali Persiaque reduces, ubi potissimum reperiebatur, testantur, mihiq; *Job. Gottfried Vitus* paucis abhinc annis retulit, vidisse se, cum adhuc in India Orientali esset, cum recens advenientibus Europæis institutum sæpe fuisse pecuniæ certamen, num huncce piscem sine tremore stuporeque membrorum tractare manibus possint, hocque illos semper privatos.

## §. 3.

Piscis hujus formam *Dn. D. Engelbertus Kampf* ex oculari intuitu in *Decad. Observ. Exotic. §. 4.* ita descripsit, quod externò intuitu Rajis haud absimilis sit, caudam si exceperis, nisi quod corpus ipsum magè rotundum sit, dorsumque plurimis maculis distinguatur. Adhæc piscis hic duplici gaudet palpebrâ, quarum interior è pellicula translucidâ constat, quâ sub aqua nictis sæpe oculis respicere observatur. Cauda, dorsum quodammodò ascendens, carnosâ est, & dum binos circiter pollices à corpore protenditur, in transversum, ut in aliis piscibus observatur, in duas pinnas abit, quæ circa finem decussatim sibi incumbunt. Mas duram, cartilaginosa & acuminatam virgam habet, pollicis transversæ longitudine, cujus apex binis foraminulis perforatus est, è quibus pinguem, albicantem & viscidum semen exprimi potest. Foemella in utroque ventris latere plurima ovu-

la pallescentia recondit, vitello ovi gallinacci similia aquæque pellucidæ innitantia. De aliis piscis hujus partibus *Matthiolus* & cum primis *Rhedus* poterunt consuli; quapropter de ulteriori ejus Anatomia non erimus prolixiores, qualitates ejus paulò attentius adhuc consideraturi.

## §. 4.

Ante omnia vis tremefaciendi stupefaciendique hoc in pisce notanda, quæ non ita simpliciter comparata est, ac si pes aut aliud membrum stupet, aut vulgari loquendi more dormit, sed torpedine tacti repentinum simul frigus sentiunt, quod totum corpus penetrans omnes spiritus vitales afficit, & non solum omnia membra externa, sed cor quoque tremere ac palpitare facit; & hoc quidem eò vehementius perhibetur palpitare, quando pes à pisce tangitur, minus verò, si percutitur manus. Quod præ aliis tangitur membrum, quasi luxatum apparet, crepat & tremit, ut qui manu prehendit piscem, hunc continuo excidere cogatur. Id quod non ita simpliciter à nudo vapore, quem piscis emittit, proficiscitur, dum non quocunque tempore, nec tam validè sub aqua, quam extra istam, vim tremefaciendi exerit, ac mortuus ejusmodi vi privatus privatur: sed omnia illa operatur valde celeri, improvisa & tantum non fulgurante percussione s. contorsione, qua uno motu conatur evadere, eumque in finem tanquam fulgur se movet, ut Indorum histrix, quando aculeos exporrigit, aut tanquam petulantes simiæ, quando ad injiciendum terrorem de repente & ex improvise tremunt. Hinc Eruditus quidam Italus, *D. Stephanus Lorenzini*, in Anatomia Torpedinis sub *Tit. Observationi intorno alle torpedini Florentiæ A. 1678.* edita, non incongrue torpedinè vim stupefacientem non in toto, sed binis musculis falcatis habere scribit. Vid. *Miscellan. Acad. Germ. Cur. Dec. I. An. IX. & X. Obs. 173. pag. 400.* ubi contenta illius libri habentur. Quò nunc piscis vivacior est fortiorque, eo majorem excitat tremorem, quoniam fortius fulgurat, atque adeo vapores



suos stupefacientes fortius imprimit, quibus non solum homines se comprehendentes ac irritantes facit trementes, sed & ab aliis piscibus se defendit, quos eodem prorsus modo reddit stupidos. Similem autem tremorem injicere piscatoribus, istum mediantibus funibus, baculis aut remis attingentibus, quæ *Plinii* fuit opinio, prorsus falsum fictumque est. Quanquam diffidendum haud sit, eos, qui semel atque iterum ab isto fuerunt tacti, admotis prope ad istum manibus, citra quod ipsum attingant, frigore stupefaciente affici, quod à terrore sine dubio proficiscitur.

## §. 5.

Hic verò quæri posset, nonne aliquod invenire liceat remedium, quo nos ab ejusmodi pisce præstare tutos queamus? & quo excitatus ab isto tremor possit curari? ubi sciendum, quod ad primam quæstionem attinet, operationibus piscis posse resisti, quando spiritus fortiter diuque retinetur, quod certus quidam Africanus, qui piscem sine ullo damno tenere poterat, laudato *D. Kampfero* manifestavit, qui ipse postea id probatum esse judicavit, existimans inhibita aliquamdiu expiratione halitus è corpore suo emissos nocivos piscis vapores disjecisse ac repulisse. Ad alteram quæstionem respondemus, nos de curatione non adeo debere esse sollicitos, eo quod artuum tremor cæteraque symptomata sponte & mox sine ullo damno abeunt ac recedunt, uti omnes & singuli tactum piscis experti testantur.

## §. 6.

Quam verò hæc de torpedine relatio vera est, tam incertum falsumque est, quod de ECHENEI seu

REMORA (*Hemm-Fisch*),

vulgò scribitur, quod navem, inflatis velis medio in mari actam, è pleno cursu revocare unaque vice impedire ac sistere possit, isti infra si adhæreat: id quod *Plinius*, *Scaliger*, *Aldrovandus*, *Olearius* aliique plures credunt, atque exemplis sumunt demonstrandum. Quî verò tam parvus piscis (cujus figuram *Olearius* in *Pinacotheca* s. *Museo Gottorpiensi* Tab. 25. N. 2. eleganter delineavit) vehementissimum tam magnæ navis cursum posset remorari, cum ipse in motu sit, nec habeat ubi firmiter subsistat? Quod iis videbitur impossibile, qui vel paulisper Mechanicam intropexerunt. Id quidem possibile est, corpora minora majora peculiari artificio posse movere, atque in motu etiam impedire: utrobique tamen firmum requiritur fundamentum; unde Archimedes aliquando fertur dixisse: Da mihi ubi subsistam, & totam movebo terram! hic tamen id non succedit, dum piscis æque in mari fluctuat, atque navis, quemadmodum *Franciscus Boyle* in *Problematis* suis *Physicis* pag. 95. *Probl.* 62. bene monuit. Et quanquam *Hugo Lindschot*

in der *Orientalischen Schifffart* cap. 48. memoret, quod, cum aliquando è Lusitania versus Mosambique navigare voluerit, ventumque habuerit secundum, navis tamen substiterit, hoc à pisce detenta, utpotè quem cauda nauclerus puppi, capite arundini firmiter insidentem viderit: citius tamen arundo evelli, aut frustum de navi potuisset decerpi, quam navis secundo vento agitata sisteretur. Quamobrem ab alia prorsus causa id sine dubio provenit, præsertim cum prædictus auctor addat navem non solum sufflaminatam, sed paulisper retractam fuisse, quod è fundo maris ascendentibus vaporibus, hujus fluctibus, æstuationi, aut aliis causis adscribendum postmodum huic pisci superstitiosè fuit attributum; ut taceam, quod nullus fere Scriptor id se vidisse assermet, sed omnes se id audivisse scribant, adeo, ut *Aristoteles* Lib. 2. *Hist. Animal.* postquam de remorandi virtute dixerat, addat, uti nonnulli volunt: *Plinius* etiam Lib. 9. expressè ponat: id credi: unde *le Grand* in *Hist. Nat. Art.* 7. pag. 389. non temerè conjicit omne, quicquid hucusque de hoc pisce dictum fuit, purum putum esse figmentum.

## §. 7.

Multo facilius autem quæ de Gladio Serræque piscibus scribuntur inveniunt fidem, quippe quorum arma, quibus natura donantur, unicuique in oculos incidunt, quanquam etiam plura dicantur, quam experientia confirmat: quando v.g. *Oppianus*, antiquus Græcus Poëta, gladium prioris piscis adamante putat durior, à *D. Hannæo* in *Miscell. Acad. Nat. Cur. Dec.* 2. *Ann.* 8. obs. 107. pag. 243. meritò refutatus. Ne igitur in excessu peccemus, ambos breviter considerabimus pisces.

## §. 8.

Prior piscis propterea

## XIPHIAS &amp; GLADIUS,

der *Schvverd-Fisch*, vocatur, quoniam istius superior maxilla in longū latumque os ensiforme exporrigitur s. excrescit, sæpe quinque spithamarum longitudine, inferius circa radicem latitudine quinque pollicum, superius in cuspidem verò latitudine unguis; atque istum gladium unius ac dimidiæ manus latitudine in navem perhibetur imprimere posse, ut *Olearius* l. c. pag. 37. recenset. Qui piscis suum si applicare sciret robur, magnum fortasse ceto, quem alias reformidat, parare posset damnum. Aliàs piscis valde tenuem habet cutem, ut istum propterea parvi pisces pellant, cæteraque hirudo ipsi periculosa existens istius latus petat, quam una cum pisce *Bocco* aux *Recherches & observ. Naturelles* pag. 287. eleganter descriptam delineavit. Cæterum non spernendæ magnitudinis piscis est, plerumque 4. ulnarum habens longitudinem, gladio neutiquam ad longitudinis mensuram sumto. Partes istius internas externasque; juxta su-



ta supra memoratus *Hanneus l. c.* ex oculati contemplatione valdè accuratè ac perspicue descripsit. In nullum alium cedit usum, nisi quod vel totus piscis, vel ejus gladius hinc inde in Pinacothecis seu Museis ostendatur.

## §. 9.

Eadem alterius piscis ratio est, loco gladii ferram gestantis,

## SERRA,

PRISTIS, Germanis *Säge-Fisch*, propterea vocati. Similiter permagnus & exoticus piscis est, qui maxime in mari Occidentali invenitur, celerique cursu, instar ferræ, rostro suo utrinque serrato scindit. Hoc rostrum serratum diversa habetur magnitudine: majora duas fere ulnas longitudine æquant, supra, ubi capiti insident, semiulnari latitudine, quale in *Museo Gottorpiensi*

reperiendum ab *Oleario* in illius *Descriptione Tab. XXV. Num. 1. p. 28.* commemoratur. *Wormius* in *Mus. pag. 288.* aliud rostrum describit, quod trium pedum ac dimidii habet longitudinem, pondus vero  $4\frac{1}{2}$ . librarum: quod cum eo, quod *Jacobæus* in *Museo Regio Dan. pag. 15.* describit, convenit, in quo prædictus auctor duos canaliculos, per longitudinem extensos, observavit. Fusca sunt rostra, & multis in locis inveniuntur. Ipse etiam piscis apud quosdam Materialistas inflatus & infarctus videtur, prout *Dn. D. Hermannii*, olim Prof. Lugdunensis celeberrimus, in domus suæ introitu aliquot suspenderat. Quædam etiam non spernendæ magnitudinis Serræ Francofurti ad Moenum, in Domini de *Resæ & Heusii*, Materialistarum, domibus suspensæ observantur.

## CAPUT XXXIV.

## DE

## OVIS RAJARUM.

## §. 1.

AD ea medicamenta, quæ in Germania nondum prorsus innotescunt, pertinent etiam ova, vel rectius secundinæ Rajarum, vulgò *die See-Mäuse*, in Hollandia apud quosdam Materialistas reperiunda: quæ nihil aliud sunt, quam duplicatæ, & intrus cavæ, ex nigro fusca pelliculæ, latitudine circiter unius ac dimidii pollicis, glabræ, striatæ & quadrangulæ, instar pulvinaris: quamobrem etiam illa ab *Rondeletio* pulvinaria vocantur. In quatuor angulis oblongas angustasque caudas habent, uti in figura 1. *Musei Museorum Germ.* sub literis a. b. c. d. apparet; in parte breviori aperturam lit. e. notat: cæterum ubique clausa sunt, licet facile possint separari, uti in fig. 2. videre est.

## §. 2.

In Seelandia Hollandiaque potissimum inveniuntur, ac propriè non mures sunt, sed à vulgò ita vocantur, quia cum nudo, exporrecto aut compresso mure aliquam habent similitudinem, quanquam non murini sint coloris, sed ex nigro fusci. Meliore jure eruditius ova Rajæ piscis (*Rochen-Eyer*) vocantur, quoniam in istis, tanquam secundinis, juniores rajæ nascuntur, interdum adhuc in illis reperiundæ, quæ si per anteriorem aperturam exierunt, mare vulgo dictos mures marinos, rectius ova Rajarum, tanquam illarum domicilium & tegumentum, ad litus projicit, quam ob causam sæpius luto paululum oblinuntur. Hinc fortasse est, quamobrem à Physicis æque atque Medicis ipsis nihili æstimata, silentioque usque eo præterita fuerint, ut in Ger-

mania ne istorum quidem nomen fere sit auditum: quanquam Aristoteles jam suo tempore illorum fecerit mentionem, *Gesnerus* quoque in *Tr. de Piscibus pag. 74.* *Aldrovandus Tr. de Piscibus Lib. XIII. p. 380.* & *Rondeletius, Jonstonius, Cerutus* aliique perspicuè illa descripserint juxta & partim delineaverint, quorum tamen figura cum re ipsa non æque convenit, ac nostra. Omnium clarissime curiosus ac celeberrimus Senator Argentoratensis, *Dn. Brackenhoferus*, in *Msc. de suo Natur. & Artificialium Museo* ista ita describit: Ova piscis Rajæ sunt quadrangula, longitudine latitudinem paulum superante. Longitudo unum & dimidium pollicem æquat, latitudo existit pollicaris. Depressa sunt, in medio tamen convexa, instar pulvinaris, & ex tenui pellicula paululum spumosa utrinque constant, quæ circumcirca simpla eaque tenui membrana, qua totum pulvinar secundum quatuor latera cingitur, videtur munita: hæc verò membrana prominet s. propendet, tanquam in vestibus holosericum subsutile, aut cui denticulatum palagium insuitur; color est ex nigro fuscus, in angulis apparent quasi cornua, longitudine forte sesquidigitali. Ista cornua ejusdem coloris, substantiæ & materiæ sunt atque pulvinar: nempe tenui membrana constant, non simpla, qualis est circumcingens pellicula, sed dupla vel cava, ea tamen depressa, & in extremitate paulum acuminata. In pulvinari antè semper apparet apertura, per quam animal egreditur. Multi hanc rem raritatis causa asservant, quid vero sit ignorant. Hactenus *Dn. Brackenhoferus*, cujus multa curiosaque scripta, quibus omnia &



singula suo in Museo reperta naturalia accuratè descripsit, digna sunt, quæ ab hæredibus in usum publicum emittantur.

## §. 3.

Sunt equidem nonnulli Doctores, qui supra laudatos Scriptores non tam ova Raje, quam istius uterum, in quo illa generentur, descripsisse defendunt, qui tamen jam pridem à Clariss. Danorum Anatomico, *Nicolao Stenone*, in *Epist. ad Pisonem de Raje Anatome* refutati, & non tantum idoneis argumentis, sed & *D. Simon. Paulli* autoritate convicti sunt, ejusmodi pelliculas non Raje uterum esse posse, sed aliud quid esse debere, quibus Clariss. Daniæ Medicus *D. Oliger Jacobæus* in *Mus. Reg. Dan. p. 17.* assentitur. Nec obstat, testam aut vitellum, ut in aliis ovis, in istis non inveniri: dum notum animal quadrupes

ipsumque hominem ex membranaceis vesiculis generati, hodiernis Anatomicis ovula vocatis, quamvis in istis neque vitellum, nec testa dura inveniat.

## §. 4.

Quod tandem ad istorum usum attinet, à vulgò in Batavia optimò cum successu ad hæmorrhoides cæcas furentes usurpantur, quippe quibus locum dolentem fumigant, ex quo dolor continuò dicitur remittere; id quod *D. Christianus Maximilianus Spenerus* in peculiari epistola, Amstelodamo de *Muribus Marinis* anno 1700. ad me data, testatur, istam operationem sali volatili sulphurique narcotico, in illis pelliculis recondito, incensione vero exhalanti, non temere adscribens, ejus epistolam in *Polychrestis* nostris *Exoticis* curiosus Lector inveniet.

## CAPUT XXXV.

## DE

# OCULIS CANCRORUM, ASTACIS MARINIS, SQUILLIS ARENARIIS ET CORONIS SERPENTUM VULGO ITA DICTIS.

## §. 1.

**L**APIDES CANCRI (*Krebs-Augen*) albicantes, duri ac rotundi lapilli sunt, superius convexi, subtus plani, parva foveola notati, saporis terrestres, odoris nullius. Secundum relationem *Marxii* potissimum ex Marchionatu Brandenburgico veniunt, ubi cancri & lapides cancrorum in tantâ inveniuntur copiâ, ut ex illis ærarium Regium annuatim redditus multorum milliarium Imperialium habere dicatur, de quo Regius quidam Borussiae Minister me fecit certiores.

## §. 2.

In ASTACIS FLUVIATILIBUS potissimum reperiuntur, & quidem circa illud tempus, quo veteres testæ volunt decedere, in Majo circiter, Junio & Julio mensibus, dum albescent iste liquor, quo replentur, in istis indurens in hujusmodi lapillos abit, qui ita in ventriculo marium, vel prope istum generati, pro oculis nequiquam possunt haberi. Si quando verò novæ succedunt testæ, lapilli isti non amplius inveniuntur, quoniam ex eodem isto liquore seu lacte, aut ex pellicula istorum lapillorum creduntur generari, uti *Helmontius de Lith. c. 7. §. 32.* & *Ettmüllerus in Comm. Schræd. p. 811.* ex illo docet.

## §. 3.

Istos verò lapillos vel sponte cancri projiciunt, qui sub-cœrulei sunt, & à Materialistis *Schurzio*, *Marxio* aliisque habentur meliores iis, qui ex cancris coctis sumuntur, & candidiores existunt, quoniam ab injecto sale paulum alte-

rantur, auctore *Hoffmanno* in *Clav. Schræd. pag. 698.* Et inde est, quamobrem duæ plerumque apud Materialistas oculorum cancrorum habeantur species, nempe OCULI CANCRO-  
RUM ALBI & COERULEI. Quos posteriores sub nomine *lapid. cancri è vivis* in quotidianâ Praxi præscribere solet Nobiliss. *Brunnerus*, Archiater Electoris Palatini. Interea cautione opus est, ne adulterati & arte facti emanent, propter quos certus quidam Pharmacopola Hanovien-  
sis in jus vocatus, & ferè in paupertatem redactus est, quamvis eum nominare Materialistam potuerit, à quò istos acceperat. Qui sine dubio suam excusare sortem novit, dum quidam Pharmacopolæ plerumque non tam optimam materialium speciem, quàm mediam, aut vilissimam, quæ ut plurimum necquicquam prodest, coëmunt. Oculos verò cancrorum in Hollandia ex alba terra, aut contusis tubulis, hauriendo Nicotiana fumo aptatis, artificiosè præparari, atque certo instrumento aut typo formari, non solum experientia testatur, sed certus etiam Medicus, qui apud Legatum Polonicum Parisiis commoratus est, Materialistæ *Pometo* fidem fecit, nosse se Amstelodami duas personas, quæ nihil aliud quam oculos cancrorum conficerent: id quod *Pometum*, hoc ex omnibus audientem, usque eò dubium fecit, ut nesciret, artificiosinè omnes oculi cancrorum an naturales habendi, præsertim quod in *Charassii* officina viderat salem volatilem exinde posse acquiri, quem terra dare nequeat, vid. ejus *Histoire des Drogues Part. 2. Lib. 1. p. 95.* Enimverò hoc









Urinator Piscaturæ Unionum destinatus



hoc dubio facile expedire se Materialista potuisset, modò inter veros ac naturales & inter adulteratos artificiales fecisset discrimen, quod partim experimento Chymico, partim etiam per spiritum acidum, oculis cancerorum confusis affundendum, dignoscitur, qui veris affusus fermentationem excitat, non item affusus artificiosis, nisi ex conchis sint præparati. Curiosissimum verò est, quod de ocul. ☉. figuratis refertur in *Actis Hafniensibus Vol. III. & IV. pag. 107.* ubi in quodam nomen Regis Christiani V. & in alio Fortuna expansis velis à natura depicta cernitur.

## §. 4.

Genuini ac naturales oculi cancerorum vi dulcificandi pollent, qua omne p. n. acidum in corpore humano infringunt, absorbent præcipitant, ac propterea ad ardorem stomachi, colicam, pleuritidem, calculum vesicæ & renum, febres continuas & erraticas, internas externasque læsiones quotidie in Medicina præscribuntur. Sic & ipsi cancri sanis ægrisque juxta in cibum cedunt: his præsertim juscula, ex confusis cancriis testisque confecta, valde conveniunt. In usu quoque sunt

## CINERES CANCRORUM,

apud Materialistas reperiendi, variasque compositiones ingredientibus; de quibus omnibus D. *Sachsus* in *Gammalogia Lib. II.* agit uberius

## §. 5.

Huc etiam pertinent

ASTACI MARINI (*die See-Krebse*)

sæpe tam magni fortesque existentes, ut chelis suis arreptum hominem interficere valeant. Tam dura cinguntur testâ, ut securi istos discindere necesse sit. Nigri, nec dum cocti vehementer de-

formes apparent, meminique unum Londini sterlingiò s. capitato esse divenditum. Valde duram ac difficulter digerendam carnem habent, quam propterea cum succo citri ac pipere edunt. In Medicina

## APICES NIGRI CHELARUM CANCRORUM

in febribus calidis & contagiosis peculiarem vim habere creduntur, quò respectu in PULVERE BEZOARDICO Anglorum, valde celebri, s. pulvere Cantiano fere basin constituunt ac ingrediens præcipuum: cujus variae sunt descriptiones, quarum ferè optima est, quam *Charas* in *officina Reg. cap. 19.* tradit, utpote cum Anglorum descriptione valde convenientem, quæ habetur in *Pharmacopœia Bateanâ pag. 126.*

## §. 6.

Loco istarum chelarum magnæ Indorum SQUILLÆ, *Rumphio* ARENARIÆ, *Rondeletio* Mantis vocatæ, alba ramosaque ossicula habent, palmæ ramos referentia, admodum lævigata & elegantissimum ebur mentientia, quorum duo, cum accurata animalis delineatione B. L. in *Mus. Germ.* communicata, mihi ad manus venerunt. Ista ossicula

CORONÆ SERPENTUM (*Schlangen-Cronen*)

à quibusdam Circumforaneis vocantur multumque commendantur, quamvis nullam similitudinem cum coronis habeant. Quamobrem alii ejusmodi coronas serpentum mendaces ex dentibus lacteis porcellorum ablactatorum conficiunt, de quibus utrisque Dn. *Schraëckius* in *Not. super 106. observat. Ann. V. Dec. 2. Misc. Acad. Nat. Cur. pag. 212.* potest videri.

## CAPUT XXXVI.

DE

## MARGARITIS ET MATRE PERLARUM.

## §. I.

UNIONES, seu MARGARITÆ parvi & granulati lapilli sunt, aut prorsus rotundi vel angulares, albicantes & quodammodo pellucidi, sapore terreò, ut conchæ, in quibus generantur. Dicuntur Margaritæ, quia in conchulis marinis hoc genus lapidum invenitur, judice *Isidoro* Hispalensi in *Origin. L. 16. c. 10.* An autem ab eodem rectè uniones dicantur, quod unus & nunquam plures in una concha reperiantur, experientiæ non respondet. Ut plurimum è Persia Indiaque Orientali & Occidentali veniunt, quanquam etiam in Livonia Bohemiaque dicantur inveniri, teste *Balbino* in *Hist. Bohem. Part. I. pag. 74.* Cui eò magis habenda fides est, quoniam etiam Dn. *Weberus*, Profess. Juris &

Histor. Gieffensis, olim in Comitatu Schwartzburgensi, & Dn. *Waldschmidius*, Bibliothecarius Francofurtensis, in istius loci fossa urbana, in vulgaribus conchis perlas invenerunt, id quod ambo mihi retulerunt, partimque ostenderunt.

## §. 2.

De origine & accretione perlarum variae notantur Doctorum opiniones, dum multi cum antiquo *Plinio* existimant istas ex rore, in apertas conchas stillante, generari. Quæ tamen opinio prorsus à veritate aliena est, dum certius est quam quod certissimum, matrem perlarum ex imo maris aliorumque fluviorum, quo ros nunquam pervenit, evolvi. Quamobrem alii, utpote *Petrus Joh. Faber*, perlas pro lepra ostrearum



volunt haberi, quod similiter haud verisimile est. Paulò melius judicat *Anshelmus Boëtius Lib. 2.* de perlis pag. 167. scribens, animalculum in conchis contentum certo tempore tenacem humiditatem evomere, ex qua testa, propterea lamellata apparens, oriatur, si quando autem animalculum viribus privetur, ad evomendam humiditatem necessariis, istam saltem adhærere, quo exinde generentur perlæ, atque adeo ejusdem cum conchis esse naturæ: cui etiam opinioni *Wormius in Mus. pag. 109.* subscripsit. Omnium vero optimè acu rem tetigisse videntur, qui perlas concharum ovula esse existimant: de quo *Dn. Barthol. Crassellius*, Pastor olim Niddanus, nunc Vefaliensis, valde curiosam relationem ad *Dn. Schillingium*, Pastorem Giesenum fidelissimum, transcripsit, quam hic cum curioso lectore integram volo communicari:

Quæ de perlis, & imprimis istarum generatione & origine, ex speciali certa que relatione, secundum circumstantias mihi cognita sunt, & in meliorem certiore que istius tam vehementer hominibus commendatæ creaturæ cognitionem meritò libenter que, præsertim rogatus, nunc manifesto, sequentibus comprehenduntur: Quùm Anno 1700. tanquam peregrinator in Livonia essem, & aliquamdiu Rigæ commorarer, fortè in hospitium meum Regius Suecicus Minister veniebat, piscaturæ perlarum in Livonia & Ingermanlandiâ, tanquam Inspector præfectus, cui Krey nomen erat, qui mihi in convivio accubabat. Multum iste de perlarum piscatura varia que istarum habitudine disputabat, species simul varias ostendens, ac imprimis perlarum originem probabiliter docens, cum summa testificatione, istas nihil aliud esse quam ova concharum, à quibus proveniant, & è quibus vicissim conchæ generentur. Quâ de re etiam submisissimam officiosam que relationem, cum circumstantiarum commemoratione, ad Regiam Majestatem Sueciæ conscripserat, quam mihi legendam describendam que dabat. Ex quâ præcipuè sequentia & ad rem facientia momenta annotavi, & quidem, quod istius loci perlarum piscatus non in mari, sed in parvis fluviis rivisque peragatur, ac olim rusticis saltem innotuerit, qui istum clam peregerint, perlasque expiscatas omnes in Moscoviam vexerint divendendas. Quod cum postmodum Regiæ Majestati innotuit, mandato ab Ipsa sancitum est, ut ne quis in posterum perlas in Moscoviam vehat vendendas, quin potius istas Regi per deputatos Ministros transmitti curet, dato pro istis certo aliquo pretio. Hinc quidem parior factus perlarum piscatus, ac consequenter pauciores in Moscoviam fuerunt deportatæ, parum tamen etiam aut nihil Regiis Commissariis fuit exhibiturum, piscandi labore magis decrescen- te, quam auctò, aut promotò. Magna igitur Regiis Commissariis impendenda cura erat, quoad ante omnia explorarent loca, ubi conchæ marga-

ritifera inveniantur, postea que homines piscaturæ perlarum gnaros conquirerent. Cui rei pauperes simplices que agrestes maxime idonei aptissimique fuerunt, quippe qui istius rei præ aliis gnari sequentia manifestarunt, experientia postmodum comprobata. Nempe

1. Conchæ margaritifera in nullis inveniuntur rivis, nisi in iis, in quibus pura recens que aqua scaturit, & in quibus cobites barbatulæ trutta que aluntur.

2. Ibi verò locum, ubi conquiescunt, in profundis cavernis valde abscondunt, maximè arenosum sabulosum que fundum, in quò se profundè tegunt & juxta se invicem proxime jacent, sequuntur.

3. Inde, si perlas acquirere animus est, non citius debent disturbari, quàm à mediò Julii usque ad medium Augusti: ante id tempus enim nullæ adhuc perlæ adsunt, post illud verò ex istis, tanquam ovulis, juniores conchæ generatæ sunt; per totum siquidem annum hoc tempus istarum generationi destinatum est.

4. Istis in locis utriusque sexus conchæ reperiuntur juxta se invicem, tanta que inter istas visu tactu que observatur differentia formæ externæ, ut perlarum piscatores certò sciant, masne an fœmina sit, antequam istas aperiant.

5. Mares nullas apud se continent perlas, sed saltem fœminæ; hæ in dorso gerunt intestinulum, ponendis seu excludendis ovis dicatum, quod ab eo loco, ubi concha testæ s. matri perlarum adnata est, ex corpore prominet, & ad caudam usque protenditur. In isto tres aut quatuor perlæ, diversa magnitudine, successivè continentur, quarum anterior maxima, altera paulo minor, tertia ista similiter minor, quarta omnium minima est; haud secus atque in aviculæ aut gallinæ ovario ova ante vas excretorium gradatimveniuntur accreta.

6. Istis fœminis perlarum piscatores celeriter scite que se approximare sciunt, antequam se firmiter claudant, quo sine vehementi apertione ex istarum intestinulo oviparo perlas leniter exprimant, ipsas que conchas illas aquæ reddant, in qua non solum superstites manent, sed sequenti etiam anno iterum perlas generant. Istud siquidem non magis istarum vitæ ac fœcunditati obest, quam cancro, si remotis sub istius cauda ovis ipse aquæ redditur.

7. Mares, qui, ut supra dictum, certo cognoscuntur perlisque destituuntur, non aperiant, sed in aqua relinquunt. Quædam fœminarum interdum etiam ovis carent, quoniam vel steriles sunt, aut ova jamdum posuerunt. In istis, quæ jam ponere ova cœperunt, tres saltem aut duasveniunt perlas, imo interdum unam.

8. Simulac posita à conchis perla est, repente crescit, aperitur, vivescit, ex istaque junior con-



concha generatur. Quamobrem extra concham vix una, imo nulla dicitur inveniri, quæ adhuc usurpari possit.

9. Quibus probandis inservit certa veraque historia, quando perlarum piscator Nobili cuidam Livono eique præcipuo, & Regis Sueciæ Summo Vigiliarum Præfecto exclusam elegantem perlam obtulit, quam hic in mensa ante se positam magna delectatione admirationeque animi diu contemplatus est, ac tandem, se non opinante, istam sponte se aperire iterumque claudere, ac speciem junioris conchæ repræsentare observavit. Id quod sanctè testificatum affirmatumque est. Quod etiam ex concharum testis seu matre perlarum, intus perlis prorsus similibus apparentibus, perlæ formari queant, quæ pro veris bonisque margaritis possint haberi, ex superioribus facile colligitur, quæ istius rei sit ratio.

10. Præterea nullus unquam modus inventus est, nec excogitari poterit, per quem generatio concharum fieri possit, nisi per margaritas. Quæ etiam causa est, quamobrem perlarum piscatores certa quædam loca, concharum margaritiferarum domicilia, in rivis intacta relinquunt, quibus perlas non sumunt, quo generentur juniores, speciesque conservetur. Hinc postmodum in ejusmodi intactis locis plurimas juniores conchas inveniunt, principio foris colorem perlarum egregie referentes.

Hæc sunt, quæ in adjumentum veritatis de verâ perlarum origine in lucem proferre debui, quæ, ut spero, sufficienter demonstrabunt perlas concharum esse ova, illasque neutiquam, ut temere alias affirmatur, è rore, sed ex ordinariò congressu conchæ maris cum fœmina generari. Sic enim & hic loci in conchis vulgaribus similiter ova reperiuntur, perlis aquaticis dictis similia, quæ tamen, ut ova concharum margaritiferarum, non statim, simulac ex istis exempta sunt, eam nanciscuntur duritiem, ut, quæ ad trajiciendum satis magna sunt, à perlarum tornionibus trajici seu perforari, ac rotunde possint tornari. Si quæ fortasse contra hanc opinionem objici possint dubia, plures ad ista tollenda proferre possem circumstantias. Interea spero adducta hic momenta pluribus videri sufficientia. Hactenus relatio amici.

### §. 3.

Quâ verò ratione perlarum piscatus in India Orientali & Occidentali peragatur, *Tavernier* in *Itiner.* fusius descripsit, cujus etiam verba *Pometus* in *Hist. des Drogues Part. 2. c. 46. p. 97.* adduxit; quæ dum omnia cum jurejurando confirmatâ relatione ac delineatione, quam *Isaac Baardt* A. 1681. d. 30. Decembr. è Tutucoryn, ubi optimæ inveniuntur perlæ Orientales, ad *Herbertum de Jager*, Superiorem Mercatorem transcripsit, quamve in hujus

Manuscriptis inveni, convenient, atque in *Malleti Cosmogr. Part. 1. p. 113.* communicata sint, hinc breviter istam relationem hic repetam: Quando iis in regionibus, in quibus margaritæ crescunt, Costa de Pescaria dictis, perlarum piscatio notificatur, Indi ac Mahumetani copiosè veniunt, qui soluto Batavis certo tributo (qui illos propterea durante perlarum piscatione quatuor navibus bellicis à Corsaris & Piratis defendunt) navi minori se committunt, & quidem istorum saltem aliquot, quorum unus mare intrat, conchas conquisturus. Cujus urinatoris thoraci primum robustus funis A. A. uti in præsentē figurâ aeneâ videre est, circumjicitur, cui superius excavatus lapis annexus est, in navī relinquendus. Pedibus alius isque ponderosus alligatus lapis est C, fune D. quo urinator in mare demittitur, firmatus, ille vero coriaceis chirothecis B. instructus est, ne ab acutis conchis, (ibidem adeo copiosè reperiundis, ut sibi instratæ montes repræsentent, ac facile colligantur,) possint lædi. Qui si reticulum F. superius ferreo annulo apertum detentum, conchis adimplevit, ac respirandi necessitate urgetur, fune BB. sociis suis significat, quo istum sine mora extrahant, cui ob impeditam respirationem sæpe sanguis ex naso auribusque dicitur prorumpere, ut adeoque difficilis sit horum hominum conditio. Quamobrem alibi perlarum piscatores caput densa vitta, longo canali, per quem inspirare possunt, instructa, munire dicuntur, uti *Vielheurius* in *Descr. Mat. Exot. Germanica p. 176.* commemorat. In Bohemia conchas margaritiferas retibus extrahere aqua perhibent, ubi etiam perlarum fontes habentur, teste supra dicto Jesuita *Balbino* in *Hist. Bohem. l. c.*

### §. 4.

Simulac perlarum piscatores concharum quantitatem conquifiverunt, pauperes pecuniaque indigi istas divendunt: alii expectant, quoad perlarum piscatio prorsus fuerit finita, nec conchas aperiunt, ne perlas lædant, sed tamdiu jacere sinunt, donec sponte dehiscant; quanquam istâ morâ perlæ sæpe flavescant. Quæ perlæ deinde in Sicilia, Hollandia & alibi aliquo instrumento, à *Bootio l. c. p. 181.* delineato, perforantur, atque in Europa pondere Carat dicto, & quatuor grana æquante, quo etiam adamantes divendi solent, venduntur, vid. *Pometo l. c.*

### §. 5.

Quod ad pretium attinet, perla perfecte elegans semper numero granorum, quot pendet, multiplicatur, & quot per multiplicationem grana numerantur, tot coronis æstimatur, uti memoratus *Bootius de Lap. & Gemm. p. 177.* & *Kunckelius* in *Epist. de Natura, Cognitione ac Bonitate Gemm. pag. 114.* docent. E. g. Granum unum taxatur una corona, 2. grana cum



cum duobus multiplicata faciunt 4. unde tot coronarum oritur æstimatio. Unum Carat continet quatuor grana, quæ cum 4. multiplicata 16. grana, atque ita tot coronas significant, uti ex sequenti tabella innotescit:

Gran.	Coronat.
1.	1.
2.	4.
3.	9.
Carat.	
1.	16.
$1\frac{1}{4}$ .	25.
$1\frac{1}{2}$ .	36.
$1\frac{3}{4}$ .	49.
2.	64.
$2\frac{1}{4}$ .	81.
$2\frac{1}{2}$ .	100.
$2\frac{3}{4}$ .	121.
3.	144.
4.	256.
5.	400.
6.	576.
7.	784.

## §. 6.

Ubi notandum, præpositum pretium saltem Orientalibus perlis constitui, dum Occidentales seu

## MARGARITÆ OCCIDENTALES

vix decimam istius pretii partem æquant, & quoniam non tam claræ, albæ ac pellucidæ sunt atque priores, ac propterea parum æstimantur, hinc 1. carat vix quarta thaleri parte emitur, sicut *Boetius l. c. p. 179.* ostendit; quamquam in Medicina Orientalibus parum cedant, de quò infra agemus pluribus.

## §. 7.

## MARGARITÆ ORIENTALES

alias vulgò in *rotundas (Zahl-Perlen)* quæ decenter magnæ ac rotundæ sunt, & *seminales (Saat-Perlen)* quæ parvæ & angulares sunt, dividuntur, quarum minimæ, oculos non adeò delectantes & imperforabiles, *Stos-Perlen* vocantur, Materialistis dividendæ. Hi verò istas rursus in 3. sortes dividunt, Electas prorsus candidas, Finas paululum nigriores, & Medias seu Messanas, vulgares, nigras, contritas variisque quisquiliis inquinatas, teste *Schurzio in Mat. Mus. Germanico p. 58.* Optimæ vere candidæ, claræ ac pellucidæ, & Orientales genuinæ sint, uti *Pometus l. c.* ex Materialistarum opinione scribit.

## §. 8.

Quidam ex parvis magnas conficere sibi sumunt, qua de re elegantem probatumque processum in *Dn. D. Tackii Msc.* inveni, sequentibus comprehensum; R̄. acet. vini, destilla & pone ad purificandum in MB. 20. ̄. ̄.

tunc præcipitabitur alba materia, de qua acetum decantetur nunc essentificatum. Hanc essentiam aceti affunde perlis contritis, inque cucurbitula alembico caco munita expone Soli, & sic solventur perlæ, oleum vero essentia innabit. Istud oleum cochleari argenteo removendum, inque aqua frigida bene asservandandum. Hac ratione tot solvere tibi licebit perlas, quot placet, & quod ✱ non amplius solvit, ei recens affundere tibi est integrum. Tandem abstrahe à perlis & massa acetum, indeque perlas forma, qua optas magnitudine, & postquam tibi formam & forficulam comparasti, pertunde seu trajice acum auratam, & fige in auratam thecam foraminibus multis præditam, omnia simul in amplo cooperto vitro ☉ 4. ̄. ̄. expone, quo à radiis ☉ibus bene feriantur, perlæque exsiccantur, manibus adhuc non tangendæ. Si quando exsiccata sunt, sume istas, & quamque seorsim proprio oleo immerge, illamque seorsim in peculiari loco fige: quod toties repete, quoad tibi colore commendentur vereque Orientales appareant; nam post quamcunque immersionem ab anima sua, s. oleo, cuticulam induunt. NB. Hic processus inter Pentecostes ac D. Jacobi festos dies est instituendus. Instrumenta quibus oleum desumitur, una cum spatula cultelloque, argentea sint, forficula etiam aurata, ut & acus. Antequam massa formatur, calx perlarum ☉ lil. alb. est imbibenda.

## §. 9.

Interdum etiam margaritæ flavæ visuque injucundæ evadunt, quæ ☉. iterum albescent, quippe quo exterior cuticula exeditur. Quoniam verò hac ratione minores, levioresque ac pretio viliores fiunt, alii alabastro istas terunt, coralliis albis, vitriolo albo, tartaro & similibus. Alii oryza saleque istas depurgant. Quidam columbis dant deglutendas. Maculatae saltem per ̄. rore majali macerantur, in lactuca collecto, vid. *Wormii Mus. pag. 110.*

## §. 10.

Quod tandem ad perlarum usum attinet, Orientales non solum divitibus Magnatibusque ad ornamentum inserviunt, sed istis quoque egregiam virtutem naturam, cor, spiritusque vitales confortandi, imo & hæcticam, phthisin pulmonum, aliosque periculosos ac contagiosos morbos curandi volunt adscribi. Quod parim credi posset, modò in lac proprium, ex quo natae, possint resolvi, auctoribus *Helmontio in Tr. de Febr. cap. 8. §. 7.* & *Tachenio in Clar. Hippocr. pag. 121.* Quem in finem cum peculiaris & nondum cognita clavis requiratur, ut adeoque margaritæ, prout hodie usurpantur, fortasse saltem acre acidum in corpore edulcorent absumentque, istis supra memoratae vires non nisi cum temperamento quodam adscribantur. Interea divites



divites pauperesque juxta multum in istis ponunt spei, ac propterea non solum multa exinde preparata praescribuntur, quae in *Schrædero* hujusque Interpretibus *Hoffmanno* & *Ettmülle* releguntur, sed multa etiam ingrediuntur vetera novaque composita, in Dispensatoriis ac Practicis invenienda.

## §. II.

**MATER PERLARUM**, s. *Perl-Mutter* cum ex eadem materia constet, ut supra dictum, ac sine dubio iisdem polleat virtutibus, optandum esset, ut, praesertim pro pauperibus, notissima aqua perlarum, aliaque ejusmodi pretiosa medicamenta, non ex ipsis margaritis, sed ex matre perlarum conficerentur, hujusque intuitu taxarentur, cum etiam dubitandum sit, num veræ perlæ ad ista sumantur, quarum praesumptione tamen magni venduntur. Nec multum refert, verane conchæ margaritifera, in quibus crescunt, eligantur, an magnæ ita dictæ matres perlarum, è magnis, latis, foris

gryseis & inæqualibus, intus candide splendentibus testis constantes, in quibus nunquam aliqua perla fuit, quæque saltem ob splendorem ita vocantur, auctore *Pometo* in *Hist. des Drogues* pag. 73. cap. 48. pag. 104. In istis interim magnitudinem, crassitiemque & levitatem respicimus, uti *Marxius* in *Mater. Mus. German.* pag. 124. scribit.

## §. 12.

Virtutibus ad perlas valde accedit, notumque specificum antifebrile exinde preparatur. Externè ad Unguentum Nihili sumitur. Quæ ornamenta matrum perlarum incisores inde conficiant, non ignotum est, prout Amstelodami in tophaceâ mensa, (*Zupffsteiner-nen Tafel*) corona, ex matre perlarum vermiculata, quæ in artificiosi Magistri *Dieterici de Reif-vv*ig domo videre est, ejus rei egregium exemplum apparet, id quod *Vielheurius* in *Descript. Exot. Mater. Germanica* pag. 179. fusius descripsit.

## CAPUT XXXVII.

DE

# UMBILICIS MARINIS, BLATTA BIZANTINA, SOLEN, ENTALIIS, DENTALIIS, ET CONCHIS VENEREIS.

## §. I.

**UMBILICI MARINI** (vulgò *Meer-Bohnen*.)

rotundæ & depressæ conchæ sunt, superius æquales & fuscæ, rotundis striis, subtus albæ, colore aureo distinctæ, & quodammodo concavæ, ritu umbilici humani, unde etiam id habent nominis. Ut plurimum ab Italis ad nos feruntur, qui eleganter puri existentes, ac coloribus ornati, magni aestimantur, secundum relationem *Marxii* in *Mater. Mus.* pag. 95.

## §. 2.

De istarum origine auctorum varia est opinio. *Augustino Scilla* Tr. de Corpor. Petrificatis videbantur immaturæ & collapsæ conchæ, recensente *Sam. Dale* in *Zoolog.* pag. 49. Enimvero hodiè extra dubitationis ponitur aleam istos umbilicos marinos nihil esse aliud, quam certa opercula, quæ foramen conchæ cujusdam marinæ, cui cochleæ cælata inditum nomen sit, cujusque in Mari Mediterraneo detur invenienda copia, claudant. Hoc operculum inferius, ubi foveola s. umbilicus apparet, pisci s. cochleæ, in concha habitanti, firmiter adnatum est, ut à cochlea attractum tam accurate concham operire valeat, ut ne quidem aquæ gutta istam possit subire, quamvis prorsus fundum petat: prout *Rajus* ejusmodi conchas, una cum coch-

lea, in Italia ipse invenit, egoque illas, cum operculo s. faba marina, accurate claudente, apud Dn. Bibliothecarium *Waldschmidium* Francofurti vidi, eo prorsus modo, quemadmodum alias à curioso *Buonanni* in *Recreatione dell' occhio è della mente Part. 2. pag. 178. num. 14.* describitur ac delineatur.

## §. 3.

Ad modum omnium marinorum vi edulcorandi pollent, morbosisque oculis conducunt, si minutissime contusi purique aquis ophthalmicis adduntur. Num verò etiam extrinsecus, tanquam amuletum (prout argento inclusi tenellis infantibus appenduntur) istis opem ferant, suo loco relinquo. Mihi sane parum spei excitant, multoque minus istæ conchæ, quæ

## NERITÆ

vocantur, atque pro umbilico marino usurpantur, uti *Pometus* in *Hist. des Drogues Lib. I. c. 52. pag. 106.* recenset.

## §. 4.

Eadem ratio est  
**BLATTÆ BIZANTINÆ**, (*der Indianischen Moschet-Schale*.)

quæ similiter conchæ cujusdam operculum est. Longa angustaque est & fusca, ungulam s. unguem referens. Unde fortasse est, quod vulgus sibi persuasum habet, quasi Materialistæ

Y y

majo-



maiores rusticorum ungues coëmant, quippe quibus hæ testæ fere similes sunt, candela etiam accensæ fœtore istos æmulantur, ad suffocationem uteri propterea commendatæ.

## §. 5.

Quum verò Blatta Bizantina plerumque etiam

## UNGUIS ODORATUS

vocetur, magna inter eruditos exorta lis est, num duo ista pro uno possint haberi? Qua de re diversæ inveniuntur opiniones, à memorato Daleo l.c. pag. 500. pluribus adductæ. Enimverò quia Antiquorum unguis odoratus vel nimis fragrans fuit, aut minimum castoreum redoluit, Blatta Bizantina autem cornu ad instar valdè fœtet, hæc pro illa haberi nequit: præsertim cum ex antiquis innotescat, unguem odoratum oblongam & bivalvem concham fuisse, uti ejusmodi in rebus probè versatus Listerus l.c. in epistola quadam ad D. Daleum uberius demonstravit.

## §. 6.

Majori jure alia quædam concha, Scripto-ribus

## SOLEN

dicta, cum antiquorum ungue odorato potest comparari, utpote similiter formata, & è duabus longis valvis s. testis constans, prout istam supra laudatus Buonanni l.c. pag. 164. sistit contemplandam. Quanquam odor istam fortasse destituit, cujus intuitu multi opinantur verum Unguem Odoratum hodieque in Europa non reperiri: quamobrem Solen nunc simpliciter Unguis & Onyx vocatur. Ad calculum & urinam suppressam commendatur, uti in Wormii Mus. pag. 216. scribitur.

## §. 7.

Ad has medicinales conchas pertinent et-

iam ENTALIA & DENTALIA, vulgò *Purpur* & *Zahn-Schnecken*, inter quæ tamen non levis observatur confusio. Illa longiusculi, striati & in utraque extremitate obtusi canaliculi sunt: hæc autem paulum longiores & in altera extremitate acuminati tubuli, quibusdam certorum piscium dentes habiti, quibus propterea id inditum nominis est: quæ tamen opinio minime consistit, quoniam neutiquam dentes sunt, sed tubuli seu conchæ, in quibus plerumque vermis ejusdem magnitudinis reperitur, ut laudatus Buonanni l.c. Part. 7. p. 141. num. 9. ostendit. Istorum loco hodie vel alius ejusmodi canaliculus, BUCCINUM vocatus, vel aliæ parvæ Conchæ Venereæ sub isto nomine venduntur, alias capitella serpentum, *Schlangen-und Otter-Köpfflein*, vocatæ. Ad reddendum dentibus rebusque aliis nitorem magis usurpantur, quam ad medendum: quanquam minimæ, Porcellanum referentes, ac propterea Gallis Porcellaines en Coquillage dictæ, forte pro matre perlarum & margaritis ipsis possent usurpari. In quo etiam Entalia cum istis conveniunt, ad emplastrum attractivum citrinum sumta: unde Itali omnia ejusmodi striata ligna & ornamenta Entaglie vocant; de quibus in *Act. Angl. N. 197.* agitur pluribus.

## §. 8.

Quod ad cæteras conchas & marina attinet, solent

in conchilia	{	Univalvia	<i>Einschüßel-und</i>
		Bivalvia	<i>Zweyschüßelichte</i>
		Turbinata	<i>Gewundene</i>

dispesci, in quibus Natura, tam mirabiliter pulchris coloribus, quam variis figuris ludit, ut tota Artificialium Naturaliumque Musea istis repleta, ac integri Tractatus de istis scripti inveniantur, quos inter *Aldrovandi*, *Buonanni*, *Listeri* & *Rumphii* scripta palmam tenent.

## CAPUT XXXVIII.

## DE

## OLEO CUMANI, SCORPIONUM ET LACERTORUM, UT ET DE SALAMANDRA ET CHAMÆLEONTE.

## §. I.

OLEUM CUMANI ex flavo rubra pinguedo est, s. balsamum, à mirabili bestiola cognomine, cujus forma ad cancrum, posterius ad scorpionem accedit, quæ concharum marinarum incola est. In India Orientali invenitur, unde oleum interdum in Europam fertur.

## §. 2.

Hoc animalculum 3. aut 4. pollicum latitu-

dinem circiter æquat, anteriore corporis parte testa, uti squillæ, sed duriore paulum præditum, duas etiam chelas habens, quarum una major latiorque est alterâ, quibus conchas se includentes accurate occludit. Altera pars corporis mollis est & cutanea, in quâ, uti in cancris, materia prorsus rubra est, juxta ignem carbonum, aut Solem, in oleum liquabilis, ab Insularibus magni æstimatum. Quanquam vero Cuman in saxis arboribusque, ubi putridis foliis fructibus-

que



que se sustentat, hospitetur, annuatim tamen semel litus maris ascendit, sive ut ova ponat, aut se lavet; si quando prior concha minor facta est, quàm ut istud amplius complectatur, aliam circumspicit, quam tanta celeritate occupat, ut posterior istius pars fere videri nequeat. Quando plura ejusmodi animalcula congregantur, morsu de conchis dimicant, quas ea occupant, quæ victoriam deportant. Ad defensionem se etiam præparat adversus eos, qui isti insidias struunt, dum non solum gré, gré, gré clamat, sed majorem quoque chelam vibrat, qua si quemprehendit, citius se necari patietur, quam ut chelam aperiat: cujus intuitu Gallicis Scriptoribus *P. du Tetre*, *P. du Plumier* aliisque le SOL-DAT vocatur.

## §. 3.

Simulac Indi ista animalcula ceperunt, capitibus filum trajiciunt, quo in Sole possint suspendi, inque memoratum oleum, butyri crassitie, resolvi, quod tamen male olet. Quod oleum valde præstans ac prorsus infallibile esse perhibetur ad omnes catarrhos, artubus impactos, resolvendos, recentiaque vulnera, ritu optimi balsami vulnerarii sananda: magni propterea à barbaris æstimatum, uti ex supra citato Jesuita *Pometus in Hist. des Drogues Part. 2. pag. 94.* recenset. Carnem Cumani cum cocculis s. baccis levanticiis Indi permiscunt, ad stupefaciendos capiendosque pisces, teste *Rumphio in Ambonischen Kräuter-Buch Cap. de Tuba Baccifera*, uti ex *Appendice hujus libri* apparet.

## §. 4.

Quemadmodum verò prædictum oleum hic loci adhuc prorsus incognitum est, ita

## OLEUM SCORPIONUM

est notius, ex oleo olivarum, in quo vivi scorpiones suffocati sunt, constans. In officinis duplex habetur oleum scorpionum, simplex & compositum. Utrumque ad calculum renum & vesicæ, pellendam urinam, & sanandam scorpionum puncturam commendatur, qua de re vid. *Schræderus*.

## §. 5.

Eodem modò præparatur etiam

## OLEUM LACERTORUM

(*Eydexen-Oel*,)

quando nempe vivi lacerti in oleo olivarum suffocantur, qui tamen in isto non, ut scorpiones, relinquuntur, sed mox iterum eximuntur, quoniam istorum vis potissimum in terrefaciente mumiali spiritu consistit, quæ cogendis in unum in corpore humano spiritibus vitalibus efficit, quo hi à præternaturali motu desistant, judicante *Zwelfero in Pharmacop. Regia p. 267.* ubi hoc oleum tanquam peculiare mysterium, Principibus Magnatibusque hucusque usitatum & secretum habitum, ad hernias commendatur.

Extrinsecus affricatur, uti *Eumüllerus in Praxi de Hern. p. 206.* ostendit.

## §. 6.

Quum verò vulgares virides lacerti, è quibus constat, usque eo noti sint, ut istorum descriptio hic sit supervacanea, quosdam Indiæ Orientalis lacertos curioso Lectori delineatos sistit *Vir doctus, Herbertus de Jager, in Misc.* quorum primus isque maximus Batavis in India Leguaan dictus, semper diffusa & dupliciter acuminata lingua ludit, ritu serpentum, id quod in aliis non observatur.

## §. 7.

Proxime sub isto sistuntur

## LACERTI VOLANTES,

*fliegende Eydexen*,

partim ut in terra serpunt, partim ut alis explicatis se in altum agunt, de quibus posterioribus jamdum in *Misc. Acad. Germ. Cur. Dec. 2. Anno 2. p. 488.* icon invenitur, à *D. Grimmio* ex India Orientali allata.

## §. 8.

## SALAMANDRA

etiam huc pertinet, quam Veteres in igne certissime incombustilem esse referunt, id quod tamen purum putum figmentum est, experientia quippe testante salamandram quidem in igne se aliquamdiu defendere, istumque emisso è suo corpore lactiformi succo parum extinguere, tandem tamen comburi, quod *D. D. Wurffbain* Norimbergæ in indigenis sæpe observavit, Batavi etiam in India eaq; magna Salamandra, JECKO dicta, videntur. Hæc salamandra longitudine spithamam æquat & subcoerulea cute cingitur, latis subrubicundis maculis conspersa, in quarum singularum medio luteum punctulum apparet.

## JECKO

vocatur, quoniam talem vocem sonumque edit. Unde *Adamus Osiander in der Orientalischen Reise-Beschreibung Jürgen Andersen Lib. 1. c. 7.* recenset aliquando juniorem Concionatorem in Batavia Nova, auditò sub concione sonò, Jecko, Jecko, quem insidens muro salamandra ediderat, præ terrore obmutuisse, existimantem hanc Satanæ esse vocem, aut se, (ut alius ex India redux *Dn. Ludolfi* pro vera historia narravit,) vocari à quodam *Gek oh! Gek oh!* i. e. ô stulte, quod in istius *Comment. ad Histor. Æthiop. p. 167.* legere est. Num verò adeò venenosa sit, uti alii scribunt, laudatus *D. Wurffbain* in *Salamandrologia curiosa* ferè in dubium vocat, dum nec serpentes nec lacerti aliquod venenum habent, nisi ad iram irritentur, prout alibi de serpentibus memoratum fuit.

## §. 9.

CHAMÆLEON (*der Ratten-Eydex*)

tandem silentio non prætereundus, qui omnium rerum, quibus appropinquat, repræsentare co-



lores dicitur, rubro alboque exceptis. Id quod inde forrasse venit, quod valde macilentus est, & fere ex puris ossibus & cute constat, ut ex ejus delineatione apparet; ut adeoque colores facile per istum transluceant; quanquam *Monconissus* in suo *Itinerar.* testetur, id suo in chamæleonte se vidisse nunquam. Quando verò Majores

nostri scripserunt istum nihil edere, sed solo se sustentare aëre, prorsus à veritate est alienum, cum *Vossius Libr. de Ortu & Progr. Idololatriæ* testetur, istum muscas & erucas comedere, quæ etiam in illius anatome Parisiis in stomacho inventæ sunt, uti in *Tr. Description Anatomique d'un Cameleon &c.* legitur.

## CAPUT XXXIX.

DE

### TROCHISCIS VIPERINIS, HEPATE ET AXUNGIA VIPERARUM.

§. I.

**T**ROCHISCI DE VIPERIS (*Natter-Küchlein*)

rotundi, tenues valdeque leves trochisci sunt, capitati magnitudine, panem bis coctum sapore æmulantes, quocum cocta viperarum caro permista in ejusmodi trochiscos formatur. Plurimumque ex Italia super Paduam Venetiasque, verbosiore testimonio comitari, veniunt, quo in præparatione theriacæ fidem mereantur, nemoque de genuina sui præparatione dubitet, teste *Vielheurio* in *Descript. Mat. Exot. Germanica* p. 193.

§. 2.

Ad quos trochiscos præ aliis Italica viperæ, in locis calidis captæ, conquiruntur, in quarum tamen defectu etiam serpentes & viperæ nostrates, prope ædificia antiqua, ichthyotrophia, molas ferrarias & dumos reperiundæ, non inutiles sunt, uti *Marxius* in *Mat. Mus.* pag. 214. post alios scribit. Secundum *D. Hoffmanni* opinionem in *Clavi Schrad.* pag. 689. nulla interest, mares ne an foeminæ sumantur, quæ posteriores aliàs à plurimis habentur optimæ, ob eam sine dubio causam, quoniam ex depresso latoque capite & fulminantibus oculis melius à cæteris serpentibus distinguuntur, à quibus mares ob parvum rectumque caput non tam facile possunt distingui, uti *Charasius* in *Hist. Ingredient. Theriac.* pag. 30. opinatur. Omnes tamen vere, vel auctumno, & quidem, exponente *Marxio l. c.* ante & post Georgii diem, ante Solis ortum capiendæ sunt: tum enim pingues existunt, post illud tempus autem pinguedo disperit, quippe quæ omnis ad generationem ovorum consumitur. Ova ritu aliorum serpentum arena tegunt, istaque à Sole sinunt excludi, nisi ista forte nimis diu in corpore retineant, quoad juniores excludantur; unde opinio profecta est, juniores viperas matrum perforare corpora, sive solas viperas esse viviperas, cum tamen & alii serpentes interdum foetus vivos excludant, uti *Frid. Hoffmannus l. c. p. 688.* ex *Redi Observ. de Viperis* adduxit. Quam erronea vero ridiculaque istorum sit opinio, qui viperas oribus coire, ac per ora

imprægnari affirmant, in *Wormii Mus.* p. 263. legere est, ubi ostenditur istas ritu aliorum animalium se multiplicare, exercendoque Venerem se saltem lambere & quasi osculari.

§. 3.

Viperæ (*Welsche Nattern*) postquam captæ sunt, vel vivæ desiderantur transmitti, vel statim necantur, exsiccantur & diversimode præparandæ. Illæ vivaces, pingues crassæque & recens captæ sint, & simulac transmittuntur, aperienda vasa sunt, ac demortuæ abjiciendæ, viventes autem cum musco cupis indantur, locoque temperato asserventur, utpote frigoris calorisque juxta impatientes, sic enim sex mensium spatio sine cibo manent superstites. Id tamen detur operæ, ut ne exitum inveniant, hinc inde serpant, magnam forte noxam illaturæ. Si quando eximuntur, leniter cauda prehendantur, quod fortiter pressæ & ad iram irritatæ mordent: quas propterea alii forcipe eximunt, uti *Pometus* in *Hist. des Drogues Part. 2. Lib. 1. c. 27. p. 61.* fideliter monet.

§. 4.

VIPERÆ EXSICCATÆ olim & hodie quoque quibusdam in locis ita præparatæ sunt, ut vivas viperas ante flagellent, quam caput caudamque istis præcidant, quo ad iram commotæ suum venenum evomant, quoniam existimatum fuit venenum hac ratione ex toto corpore in caput se retrahere, hocque propterea tum cum cauda tutius incidi. Quàm verò absurda ac irrationalis hæc opinio sit, supra memoratus *Gallus Moyses Charas* non solum *l. c.* sed in peculiari quoque Gallico *Tract. de Viperis* egregiè ostendit, docens istarum morsus haud aliter evadere venenosos, atque nimis malorum iraque excandescantium hominum, præsertim cum jam olim *Helmontius* docuerit, *Ettmüllerus* etiam in peculiari *Diss. de Morsu Viperæ* fusius ostenderit viperas, à Magnatibus innoxie edi solitas, in se non esse venenatas, sed saltem per accidens, quando ad iram irritentur. Et quamquam




Exorcista Indiae Orientalis qui Serpentibus  
inhianso fistula dulce canit

f. 1



Pasjiri-pamu Serpens viridis Indiae  
Orientalis in arboribus latitans



f. 3

Amphisbena




Fig. 4.



Serpens Indiae Orientalis Bovem sugendo deglutiens.







quam clariss. Italus *Franciscus Redi*, in *Obs. de Viperis*, certis experimentis voluerit probare in saliva istarum reconditum esse venenum, illamque puncturis ac vulneribus haustam necare hominem, laudatus tamen *Charasius* aliis istum refutavit observationibus. Cum igitur dicta præparatio falso innitatur principio, modo nominatus Pharmacopola memoratam flagellationem prorsus intermittit, quin potius Viperis caput, collumque ac caudam abscindit, non quod veneni sint receptacula, sed quod carne destituantur, & volatili tamen ac non carentia. Postmodum excoriat istas, & exenterat, corde, hepate ac pinguedine in alios usus seorsim positis: reliquam carnem & corpus deinde in aëre, & quidem in umbra, exsiccant. Ita exsiccata vipera in fasciculos, quorum quilibet XII. dodecades continet, colligantur, aliorum transmittendæ. Vere siccæ, magnæ, longæ, gravesque ac ponderosæ, simul etiam recentes, sint, neutiquam cariosæ, secundum *Pometum l.c.*

## §. 5.

Non minore correctione indigent TROCHISCI DE VIPERIS, in Italia ita præparari soliti: Primum flagellatas excoriatasque vipers in aqua coquunt, cui manipulum salis & tantundem seminis anethi injiciunt, & quidem ramdiu, quoad caro à spinis decedat, quam deinde vetulæ digitis deglubunt, in iusculo atterunt, & ex tribus istius partibus unaque parte panis biscocti massam depsunt, ut ex ista formentur trochisci, id quod *Zwelferus* ipse sæpius vidit, atque in *Animadv. in Pharmac. Aug. p. 210.* uberius descripsit. Enimverò quilibet, qui parum officinas intropexit, judicabit facile, quæ in hisce trochiscis recondita vis sit, dum operatio carnis viperinæ & omnium ab hac ortorum à volatili oleoque balsamico dependet: utrumque autem in iusculo, in quo vipera coctæ sunt, quodve abjicitur, relinquitur, adeo, ut ex hoc citius volatilis oleumque, quam ex enervata carne possit acquiri. Ut taceam carnem quoque sale communi & anetho, ad reliquum venenum corrigendum additis, corrumpi ac figi, ut proinde ita præparati trochisci nihil aliud, quam panis biscoctus, isque inutilis viribusque exhaustus, sint, id quod prælaudatus *Zwelfer-*

*rus l.c.* & in *Pharmac. Regia pag. 133.* jam pridem ostendit: cui *Charasius l.c.* in omnibus assentitur, qui propterea ex supra descriptis exsiccatis viperis, iisdemque pulveratis, vel cum tragacantho in vino Hispanico soluto, vel cum gummi Azor ejusmodi trochiscos format, quibus cor ac hepar permiscet. Atque hi rectius ad Theriacam sumuntur quam vulgares, qui vel ex Italia, aut Monte Pessulano in Galliam portantur, quorum illi ex albo flavent, hi verò nigricant, quoniam in Gallia balsamo Peruviano nigriusculo, in Italia oleo nucistæ dicuntur aspergi, uti *Pometus l.c.* refert. Bene debent asservari, neutiquam aëri liberiori exponi, in quo quippe facile evadunt cariosi, teste *Marxio l.c.* Id quod etiam in asservatione exsiccatarum viperarum, cordisque ac hepatis est observandum, quibus *Pometus* etiam absinthium & Mercurium, ad arcendos vermes, addit.

## §. 6.

Vires viperarum ac serpentum alexipharmacæ ac sudoriferæ sunt, in volatili fundatæ: quamobrem non solum caro ad scabiem, lepram, luem &c. commendatur, sed etiam

## SPINÆ VIPERARUM

ad istos aliosque calidos morbos, febrem petechialem, pestem & similes usurpantur. Quo respectu præmemorati Trochisci de viperis præcipuam Theriacæ partem constituunt, quorum virtutes *Fabius Paulinus* in peculiari *Tr. de Viperis in Trochisc. preparatis* descripsit; qua de re etiam *Abbatius de Admir. Vit. Nat. & mirif. Facult.* potest videri. Et quoniam lapidis Bezoar virtutem æmulantur, caro pulverata in officinis BEZOARDICUM ANIMALE vocatur, de quibus, aliisque præparatis, utpote de vol. ol. vin. &c. *Schraederus* ejusque Interpretes, *Charasius* aliique videantur. Externè non solum

## AXUNGIA VIPERINA

ad omnes oculorum affectus, tanquam probatum remedium, commendatur, sed in Italia quoque certæ habentur viperarum cavernæ, in quibus leprosi solo viperarum tactu ad sudorem disponuntur, atque ita sanantur, quas *Kircherus* in *Art. Magn. Lib. 3. pag. 7.* & *Caspar Ens Tr. de Singularibus in Italia inveniendis* eleganter descripserunt.

## CAPUT XL.

## DE

## PIEDRA DELLA COBRA.

## §. I.

PIEDRA DELLA COBRA s. *Indianischer Schlangen-Stein*, niger, lævis ac splendens lapis est, diversa magnitudine, attamen grossi s. duodenarii magnitudinem attingens, lenti figu-

ra haud dissimilis, in medio quippe paulum crassior s. elatior existens quam in margine, jam in uno, jam in utroque latere albicante macula inquinatus, sæpe etiam prorsus niger, tanquam lapis lydius observatus, cujus figura diversâ magni-



magnitudine è *Museo Museorum Germanico* in principio hujus capituli apparet. Latini Lapidem Serpentinum Magneticum vocant, quod venenum, tanquam magnes ferrum, attrahere creditur: quam ob causam istum *D. Ettmüllerus* in *Comment. Schræd.* pag. 797. Magnetem venenorum cum aliis vocat.

## §. 2.

Serpens, in quo hic lapis dicitur inveniri, jam pridem à *Garcia ab Horto* descriptus, à Lusitanis COBRA DE CAPELOS vocatur, non quod pilis tegatur, nec quod capite operculum, tanquam depressum pileum, gerat, hinc inde mobile, sub quo prædictus lapis invenitur: sed quoniam caput nimium inflat, contra sui insidiatores captoresque se defensurus. Propterea à Lusitanis Cobra Capello (*Haupt-Schlang,*) ab Indis Naga-pamu vocatur. Cæterum quando se non inflat, ab alio serpente figura non differt. In India Orientali in Magni Mogolis Regno hinc inde invenitur, quamquam in certo aliquo tractu lapides in isto generentur, uti ex *Flora Sinensi* *D. Frid. Hoffmannus* in *Clav. Schræd.* p. 681. recenset. Nullos etiam, relationis fide, lapides generant, nisi duos minimum pedes longitudine æquent; interdum vero 25. pedum habere longitudinem dicuntur, uti in cute, in Batavia Nova asservata, videre est, cujus serpens puellam XVIII. annos natam dicitur deglutivisse, *Pometo* in *Append.* p. 8. ex aliis testante.

## §. 3.

Num verò hæc vera lapidis habitudo sit, non sumo disceptandum. Non enim prætereundum, præcipuos quosdam Scriptores dubitare, num naturalis inque serpentibus supra descriptis natus lapis sit? dum *Dn. Tavernier* in *Itiner.* suo ipse existimat ejusmodi lapides ab Indicis Sacerdotibus, istorum mercaturam facientibus, artificiosè præparari, credulæque ac superstitiosæ plebi pro lapidibus serpentinis divendi: qua re audita, navales Portugalliæ milites cum transportato in Europam lapide ipsam quoque superstitionem disseminarunt. *Tavernierio* subscribit *D. Kampferus* in *Amœnit. Exot. Fascic. 2. p. 396.* Delinationem vid. in *Tab. Pedra del Porco.* Id minimum certum est, inventis licet in serpentibus ejusmodi lapidibus, multos tamen etiam per artem præparari & sub isto nomine divendi, quorum descriptionem *Pometus l. c.* modo sequenti detexit:

℞. Bezoard. animal. Gallorum ʒi.

Pulv. bufon. } mens. Jun. præp. ana ʒß.  
cancr. }

▽ sigill. in Decoct. rad. Scorz. & Contrayerv. præp. ʒi.

Unicorn. fossil. ʒi.

Ex his speciebus, minutissime pulveratis, cum gelatina viperarum, ad modum pulv. Anglici,

quocum magnam habent affinitatem, sicut lapides, eundem atque naturales effectum præstantes. Quales magnetici & alexipharmaci serpentini lapides etiam à Clariss. Medico *D. D. Cnöselio* præparati in *Misc. Acad. Curios. Germ. Dec. 1. Ann. VI. pag. 29.* describuntur.

## §. 4.

Quod ad vires usumque hujus lapidis attinet, tanquam universale remedium ad omnes venenosos serpentum aliosque morsus & vulnera commendatur, quibus adhærere, nec citius decidere dicitur, quam omne venenum extraxerit: prout *P. Kircherus* Jesuita non solum in *Regno Nat. Magnetico cap. 5. p. 58.* sed etiam in *illustrata China pag. 80.* recenset, id se non potuisse credere, nisi experimentum in cane, à vipera læso, ipse fecerit; id quod postmodum etiam *Tachenius* in epistola quadam ad *Serenissimum Ducem Johannem Fridericum*, Ducem Brunsv. & Luneb. pro certo retulit, quæ in *Journal des Sçavans Eph. VII. Ann. 68. die 17. Septembr.* sistitur legenda. Similem gloriam isti tribuebant tres Franciscani Monachi, quorum *Franciscus Redi*, doctus Italiæ Eques, in *Experim. suis Phys. p. 4.* multis meminit. Isti siquidem ex India Orientali ejusmodi lapides secum allatos in magnorum Principum aulis vehementer commendabant, quorum efficaciam cum prædictus *Redi* in diversis animalibus, in præsentia multorum curiosorum Doctorumque hominum, experiri vellet, Domini Patres ut butyrum sub Sole sibi constabant, dum applicatis licet venenosis vulneribus ejusmodi lapidibus omnia fere animalia moriebantur, pauca verò, Naturæ potius beneficio quam lapidis efficacia, servabantur, id quod supra laudatus ac cæterum fide dignissimus scriptor fusiùs recenset. Plus fortasse præstabit, si, ut globuli pulveris Anglici, internè usurparetur, prout usum ejus internum adversus haustum venenum, ex *Tavernierii Itinerario*, alii ad pestilentiam commendant.

## §. 5.

Alias hic lapis ab iis, qui in istius vi magnetica aliquid adhuc fiduciæ ponunt, sequenti modo applicatur: vulnus nimis angustum facta incisione ampliant, quo aliquid sanguinis effluat: deinde lapidem suspendunt aut vulneri applicant, qui tamdiu perhibetur adhærere, quoad venenum fuerit extractum: tandem lapidem lacti humano, aut, hoc deficiente, vaccino imponunt, in quo 10. vel 12. horarum spatio relictus omne in istud venenum demittere dicitur, ut lac apostematis materiam repræsentet, lapis verò à veneno liberetur, pristinamque virtutem adipiscatur. Pro dextro autem & felici usu oportet adesse geminos, ut, cum primus veneno saturatus decidit, alter surrogari possit. Hinc Indi semper duos, in capsula gossypio involutos, asservant, vid. *D. Kampferus c. l.*

## §. 6.



## §. 6.

Experimentum, quo lapidis veritatem bonitatemque probant, duplex est, 1. lapidem ore excipiunt, qui, si verus est, palato statim adhæret firmiter. 2. Vitro aquæ inditus ebullit, & à fundo ad summitatem usque vesiculas excitat, nisi fuerit adulteratus, de quo vid. *Pometus in Append. ad Hist. des Drogues pag. 8.* Alium lapidem, instar filicis durum, uncialis longitudinis, figuræ quodammodo tornatilis & annulosæ (quem in capite maximorum serpentum generari putat vulgus) depingit laudatus sæpe *Kampferus*, in Tab. modò dicta, qui eundem pro apophysi alius petræ habet.

## §. 7.

Cæterum varii insuper in India Orientali

dantur serpentes, utpote *Amphisbæna biceps*, quæ cum *Pasjiri pamu, der grünen Baum-Schlange* fig. 3. & 4. Tab. maj. sistitur contemplanda. Imo tantæ magnitudinis serpens ibidem inveniri perhibetur, qui totum bovem forti suctione comminuat deglutiatque, ut ex fig. 4. apparet, & in *Miscell. Germ. Cur.* pluribus legitur: quod ipsum tamen pro vulgi nugis habet *Dn. D. Kampferus, Amœnit. Exot. Fasc. III. obs. IX. pag. 573.* qui serpentes ejusmodi **CONSTRINGENTES** vocat, quia constringendo bestias suffocant. Quemadmodum verò serpentum captatores in India serpentes certis fistulis, ex ampullariis cucurbitis confectis, alliciant, prima allegatæ Tabulæ figura ostendit.

## CAPUT XLI.

## DE

## MELLE COMMUNI, CERA ET CANTHARIDIBUS.

## §. I.

**Q**uemadmodum vulgare & cuique notum **MEL COMMUNE** (*Bien-Honig*), duplex est, album, in Sole ex favis sponte profluens, mel virgineum dictum, quod optimum: & flavum, super igne detentum & per saccum acutum s. manicam Hippocratis duobus baculis, aut torculari expressum: ita duæ etiam habentur residuæ ceræ species,

## CERA FLAVA,

plerumque ex antiquis alveariis desumenda, quæ similiter atque mel in magna quantitate è *Moscovia* ac *Polonia* super *Dantiscanum*, & è *Provincia Languedoc* in *Galliam* venit: &

## CERA ALBA,

quæ vel naturaliter è recentioribus alveariis seu junioribus apibus proficiscitur, **CERA VIRGINEA** tum vocata, vel à ceræ apicatoribus artificiosè dealbatur: qualis non solum in *Hollandia*, in *Italia Venetiis*, sed hinc inde quoque in *Germania*, *Hamburgi*, *Ratisbonæ*, *Augustæ Vindelicorum*, *Norimbergæ*, *Stuttgardii* & alibi copiose præparatur. Est tamen aliqua istius differentia, dum *Venetica* ceram suam in magnos orbis, reliqui in parvas partes redigunt, teste *Marxio* in *Mater. Mus. Germanico pag. 75.* Optima in *Italia* conficitur, quam decet esse eleganter albam ac duram, prorsus simplici odore præditam, sebo destitutam, quocum sæpe adulteratur, testibus *Schurzio* in *Mater. Mus. pag. 24.* & *Vielheurio* in *Descript. Mater. Exot. Germanica pag. 172.*

## §. 2.

Apes, quæ ceram juxta ac mel verno æstivoque tempore in alvearia sua congerunt, pro-

prio semine, ritu aliorum insectorum, se multiplicant, ex quo quippe primum albus vermiculus, post alba musca oritur, quæ deinde flava & fusca apis evadit. Prorsus igitur falsum est, quando *Virgilius* alique existimarunt apes ex putrescente boum ac leonum carne generari, cum generatio, æquivoca dicta, jam pridem à Doctioribus explorata fuerit, ac certus quidam *Gallus* eum in finem bovem fustibus interfici, ac putrescere curans, nullum apum examen acceperit, quin potius magnum detestandorum vermium acervum, insigni foetore comitatum, adeptus fuerit, uti *Pometus* in *Hist. des Drogues Part. 2. Lib. I. pag. 48.* fusius descripsit. Quando nunc juniores apes in alveariis veterum sufficiens spatium non inveniunt, instituendo examine proprium domicilium sibi quærunt, quo tempore tum istarum habenda cura est, ne juniorum examen avolet. Quod incommodum alii ampliandis alveariis prævertere student: qua de re peculiare secretum, plus 200. imperialibus æstimatum, in *D. Joachimi Jungii Historia Vermium pag. 43.* in vernacula describitur. Qui apum labor sit, quæve ratione tractari debeant, non solum quidam curiosi in diversis linguis, præsertim *Buttlerus Tr. de Apibus* descripserunt, sed apud veteres quoque integri ista de re inveniuntur libri, à *Colero Lib. XIII. Oeconomiae pag. 328.* uberius adducti.

## §. 3.

Vis mellis calefaciens est, exsicicans ac purificans, cujus intuitu tam interne, in omnibus peccatoris affectibus internisque læsionibus, quam externe in clysteribus & epithematis usurpatur, siye mel commune sit, siye anthosatum, aut mercuria-



curiale, aut simile. Ad affectus oculorum destil-  
latur quoque aqua mellis; spiritus mellis à qui-  
busdam ad tincturam coralliorum, tincturam &  
ol. mellis aliaq; usurpatur, de quo *Schræderus* hu-  
jusque interpretes videantur. Quem in Oecono-  
mia, ac potissimum dulciariis, usum præstet, suffi-  
cienter notum est; præ aliis vero

#### NORIMBERGENSES PLACENTÆ

multum æstimantur, sequenti modo præparandæ:  
*R.* Mellis lbj. syrupi  $\frac{1}{4}$  lb. coque, donec mistu-  
ra evadat fusca; tunc recipe corticem citri mi-  
nutim incisum, cardamom. macer. ā. 3j. pipe-  
ris 3b. farinæ siliginæ ac triticeæ ana, donec bo-  
na fiat massa, quæ deinde in frusta incidatur,  
pendatur, quo æquale sit frustorum pondus, quæ  
tandem impressa forma leniter coquantur, &  
sic placentæ erunt præparatæ.

#### §. 4.

In usu ceræ hæc observetur differentia, ut  
ad resolvendum flava, ad refrigerandum alba  
sumatur: unde illa in affectibus pectoris, hæc in  
renum morbis præferenda, uti *Ulysses Aldrovandus*  
*Lib. I. de Insect. pag. 186.* bene monet. Cu-  
jus causa *Hoffmanno* in *Clav. Schræd. p. 702.* vi-  
detur esse apicatio, qua volatiles & calefacientes  
particulæ è cera flava evolant, quarum respectu  
cera flava ac propolis albâ sunt calidiores. Hinc  
est, quamobrem flava magis ad emplastra & un-  
guenta sumatur, quam alba, nisi quod hæc, præ-  
sertim granulata, Gallis Cire Grenee dicta, etiam  
ad Unguentum Pomatum soleat sumi, de quo  
*Pometus l. c.* potest videri. Sic etiam cera si-  
gillaris ex flava conficitur, ac CERA SIGIL-  
LATA RUBRA cinnabari vel orcanetta:  
CERA SIGILLATA VIRIDIS viridi aris:  
CERA SIGILLATA CITRINA orleana:  
CERA SIGILLATA NIGRA atramento fa-  
brorum tingitur, varie formanda. Quando au-  
tem terebinthina additur, cera pro lectis inde  
oritur, qua Præfecti aulæorum (vulgò *Tapisserer*)  
pannos, matresfamiliâs autem tegumenta lecto-  
rum, ne plumæ aut pennæ transeant, solent ince-  
rare; ad ceram arborum quoque potest usurpari.  
Tandem etiam cereæ faces, ac candelæ, cum re-  
ctæ, tum in globum intortæ, exinde conficiuntur;  
candelæ vero cereæ, ad calculum vesicæ usurpa-  
ri solitæ, magis ex cera alba præparantur.

#### §. 5.

Apes in catalogo insectorum sequuntur  
CANTHARIDES, die Spanische Fliegen,

quæ parvi & oblongi canthari sunt, foris virides  
& pulchre splendentes, haud aliter ac si aurati  
essent. Odore sunt valde fœtente, sapore acri-  
ter urente, atque non solum in Hispania, unde  
nomen obtinent, sed interdum etiam Germaniâ,  
in rosariis, quercubus, sambuco & similibus, sed  
non singulis annis, inveniuntur, quoniam uno  
aut alteto anno non apparent, ut *Schurzius* in  
*Mat. Mus. Germanico pag. 24.* observavit. Quam-  
obrem *D. Geierus* in peculiari *Tr. de Cantharidi-  
bus cap. 2.* vult existimari cantharides hic loco-  
rum se non multiplicare, quoniam nunquam  
istarum inventa sunt ovula: quin potius existi-  
mat istas ex aliis regionibus advolare, præfer-  
tim quod mox iterum disparent. Arborum  
succo se sustentant, interdiu circumvolant & no-  
ctu iterum se congregant. Tum cantharides  
colligi, vaporeque aceti solent necari, uti *Phar-  
macopola Vielheurius l. c. pag. 171.* recenset, qua-  
rum ingratus odor, in exsiccando observari soli-  
tus, arceretur, si aliquamdiu sub Sole relinquuntur,  
teste *Marxio* in *Mat. Mus. pag. 73.* Recentes  
adhuc vereque siccæ & totæ sint: duorum enim  
aut trium annorum spatiò sponte consumun-  
tur, inque vermiculos abeunt, vid. *Pometus* in  
*Hist. des Drogues Part. 2. Lib. I. pag. 46.*

#### §. 6.

Ex hisce cantharidibus omnia ferè vesicato-  
ria conficiuntur, abscissis nempe exterioribus  
alis, capite ac pedibus, utpote inefficacioribus,  
reliquo autem cum fermento aut emplastro  
citrico aut Basilico permisto; quæ deinde ma-  
gnitudine capitati nuchæ, pulsibus aut lo-  
cis fomiculorum imposita cutem rubefaciunt  
ac vésicas excitant: quæ operatio acri sa-  
li vol. acutisque particulis accepta ferenda,  
quas *Borrichius* in *Act. Hafniens. Vol. 4. Observ.*  
*18. pag. 186.* microscopiis in istis vidit. Quæ ve-  
sicatoria in omnibus oculorum affectibus, con-  
vulsionibus, febribus contagiosis, podagra ac  
similibus egregiam opem præstant, quod *Geie-  
rus l. c.* fusius ostendit. Nonnulli, utpote *Thom.*  
*Bartholinus Cent. IV. Epist. 54. p. 346.* canthari-  
des etiam internè ad gonorrhœam &c. commen-  
dant, quo in casu *Ettmüllerus* in *Comm. Schræd.*  
*p. 820.* integras cantharides præfert. Quam ve-  
rò periculosa symptomata exinde induci pos-  
sint, senex illæ amator apud *Henricum ab Heer*  
expertus est, qui loco confortatæ virilitatis in-  
mictum cruentum incidit; unde *Langius Lib. I.*  
*Epist. 47.* pomorum hororumque expilatores  
istis docet detegi.



## CAPUT XLII.

DE

## SERICO HUIUSQUE PRÆPARATIONE.

## §. 1.

**S**ERICUM CRUDUM oblonge rotundi tenerique folliculi sunt, ovi columbini forte magnitudine, colore albi, flavi vel viridiusculi, in quibus sæpe bombyx, tanquam filis constrictus, includitur. Plerumque ex Hispania & Italia venit, quanquam etiam in Germania reperiatur.

## §. 2.

Ipsam bombycem, & quemadmodum se multiplicet, neque aliatque, Francofurtensis Pictoris uxor, *Maria Sibylla Græfia*, nata *Meriana*, in curioso libro de *Erucarum mira transmutatione* pag. 1. & seqq. scite admodum descripsit ac depinxit, quem librum *D. D. Hennike* olim Latine reddidit. Quia verò prædicta fœmina haud multò post cum familia sua in Indiam Occidentalem (ubi plura quoque notatu dignissima observavit & depinxit) profecta est, memorata versio nondum lucem aspexit publicam. Res verò ipsa ita comparata est: Bombyx primum alba eruca est, quæ natura flava, flaccida & parum pellucida evadit. Tunc caput, hinc inde motitat, sericumque ex ore emittit: hinc papyro complicatæ inditur, quo labor ei facilioretur. Qui verò bombyces magna copia alunt, arborum ramos in peculiari conclavi exponunt, in quibus fila ducant. Si quando appropinquante nendi tempore bombyx locum nendo minus idoneum invenit, aut cibo obruitur, nere prorsus desistit, sed in se redit sive flaccescit, & citra quod neverit, evadit dactylus. Aliàs nec sedulo, ac nendi laborem protrahit, quoad ovum suum perfecerit, quod longiusculum, vel album, flavum aut viridiusculum est. Si album existit, rotundi istius petioli ejusdem etiam fuerunt coloris: sin flavum, pedes similiter ita apparuerunt. Perfecto seu elaborato folliculo evadit Chrysalis, vulgò dactylus audiens, qui motus strepit, atque tum sericum separandum, antequam bombyces, mordendo exitum parantes, sericum ad devolvendum reddant ineptum. Iste dactylus deinde in papilionem se transmutat, id quod in omnibus aliis erucis libro citato observatum ac depictum est. Et quemadmodum qualibet eruca peculiarem aviculæ speciem constituit, ita bombyces evadunt albi papiliones, qui dimidium diem requirunt, donec distinctas ficas alas seu perfectam formam acquirant, quæ sex petiolos, duo fusca cornua, duos similiter fuscis ocellos, atque quatuor albas alas habet, subfuscis striis notatas. Indici multo sunt majores ac prorsus

variegati, quorum iconem haud ita pridem depictam vivis coloribus accepi. Mas subtilior minorque est fœmina, hæcque crassius, ille tenuius habet corpus. Simulac robur nacti sunt, coeunt, istoque ipso die, aut sequenti, atque sic aliquot diebus pariunt flava & rotunda ovula, instar granorum milii, tumque aviculæ moriuntur. In quocunque ovulo parvum punctulum est, idque subfuscum. Facile etiam dignoscitur, quid ex istis expectandum: si enim collapsa, depressa aut tanquam inanità glumæ apparent, nihil ex istis provenit, quoniam corrupta sunt. Quum verò juniores bombyces nullam edere lactucam optemus, loco frigido asservantur, aliàs autem calido; adeoque aut in Sole ponuntur, aut hypocausto calefacto, & tum vermiculi è prædictis punctulis egrediuntur, utpote ipsi sibi mordendo exitum parantes. Tempus verò in quem mensem incidat, ex modo dicta relatione determinandum, dum pro calore citius tardiusque accepto vel in Aprili, vel Majo egrediuntur. Simulac exclusi, lactuca istis apponitur, inque istis expurgandis, novo cibo alendis adhibenda cura est, quod ob teneritudinem subtiliter volunt tractari; hinc alii pennas columbinas, quidam penicilla adhibent. Nec humida folia istis præbenda: simulac enim putridum quid aut humidum edunt, ægrotare incipiunt ac moriuntur. Vermiculi quatuor dies nati cutem mutant, quo sub conatu multi morte defunguntur. Appropinquante tempore, quo mororum folia ipsis præbentur, diversis vicibus iterum cutem alterant. Suborta fulgurum tempestate regendi, alias enim ictero afficiuntur lethifero. Consultius est ne folia mori albæ & rubræ permisceantur, sic enim, ut perhibent, folliculos faciunt perfectiores. Folia etiam mori albæ quam rubræ magis appetunt, quod illa subtiliora sunt ac dulciora. Quando nunc nova esca mori foliorum diligenter ei prospicitur, sensim major evadit, tandemque eam acquirit magnitudinem, quæ octo artubus constat, in quibus singulis utrinque nigri circuli, & ultimo duo adhuc vascula apparent. Tantum non pellucidi clarique facti nere incipiunt, posteaque evadunt dactyli, ac, ut supra memoratum, mutationi suæ fiunt proximi, qua se multiplicant.

## §. 3.

Ceterum certus quidam Gallus *Isnerus* in peculiari valdeque curioso libro de *Bombycibus* (des vers à Soye) scribit, magnam bombycum



cum copiam per artem posse comparari, si quando vaccæ gravidæ, vitulum mox enixuræ, tempore verno nihil præter mori folia præbeatur edendum, isteque cibus octo post partum dies continuetur, ac postmodum vaccæ vituloque juxta folia aliquot dies dentur edenda, tumque vitulus in frusta cadatur, in domus porticu sibi tamdiu imponenda, donec putrescant. Inde enim parvi vermiculi generantur, qui mori foliis alti similiter sericum conficere dicuntur; & quoniam in majore istud nere quantitate perhibent, de istius testimonio sericarii singulis decem aut XII. annis istum processum reiterant, id quod *Pometus* è prædicto auctore in *Hist. des Drogues Part. II. Lib. I. cap. 30. pag. 71.* adduxit, inque figura ostendit. Quæ num vera sint, experientiæ relinquo indagandum. Sine semine aut ovulis minimum ista fieri generatio nequit, quæ papiliones in mori foliis posuerunt, quæve à vacca & vitulo comesta postmodum mediante putrefactione possunt excludi.

## §. 4.

Confecti à bombycibus folliculi à foeminis deinde devolvuntur, dum serico exteriori s. superiore separato prius plures postea in pelvi imponuntur aquæ, qui unum omnes filum constituunt, uti ex figura *Pometi* apparet. Hocque crudum ac naturale sericum album tantum aut flavum est. Omnes alii colores sunt artificiales. Utriusque in Hispania Italiaque & alibi magna

est mercatura, uberius à *Schurzio* in *Mater. Mus. pag. 101. & seqq.* descripta. Qua tamen ad Materialistas non spectante crudum sericum nobis sufficiat, in folliculis adhuc contentum, quorum ii optime in Medicina possent usurpari, ex quibus papiliones mordendo se liberarunt, utpote morfu ad devolvendum inepti redditi. Integris in Medicina non habenda fides, nisi innexus s. innetus dactylus fuerit exemptus. Quoniam difficulter pulverantur, *Pometus l.c.* istos minutissimè incidit, quoad per peplum aut tenue linum possint cribrari.

## §. 5.

Crudo serico vis cordialis adscribitur, quam ob causam etiam species liberantes, diamoschi dulc. & plerisarchontic. ingreditur, ut *Pharmacopola Vielheurius* in *Descript. Exot. Mater. pag. 186.* observavit; quem in finem etiam sericum coccineum commendatur, ad Confectionem Alkerm. propterea sumendum, cujus tamen loco *Hoffmannus* in *Clav. Schræd. pag. 703.* succum gran. cherm. quippe quo sericum alias tingitur, commendat, de quo *Eichstadius* in *Tr. de Conf. Alkerm.* potest legi. Sericea vero & duplicata fila ad omnis generis hæmorrhagiam valere, à constrictione potius artuum provenit, quam ipso serico. Ex eò c. Θ & CC. parantur Guttæ Anglicæ, quarum occasione analysin serici tradit *Dn. Tournefort* in *Histor. Acad. Scientiarum Reg. Paris. A. 1699. p. m. 293.*

## CAPUT XLIII.

## DE

## ARANEIS, ET IN SPECIE TARANTULA.

## §. 1.

**A**RANEÆ vulgo notum insectum sunt, cujus variæ inveniuntur species: *Plinius* octo, *Avicenna* XII, alii plures paucioresve numerant, de quibus vide, sis, *Aldrovandum* & præsertim *Listerum Tract. de Aran.* quorum posterior etiam erucas, muscas, scarabæos aliaque insecta in certa genera ac classes distinxit. Plerumque araneæ in duo præcipua genera possunt dividi, araneas scilicet bioculares & octoculares, quarum illæ nullam telam, hæ vero araneam texunt, pluribus propterea oculis forte indigentibus. Singuli generis iterum magna notatur differentia, quæ vel ab istarum magnitudine, colore, numero formaque pedum, & aliis circumstantiis desumitur. Omnes tamen suis se ovulis multiplicant, quæ foeminæ, in parvis globulis innexa, aliquamdiu gestant, postmodum in angulis abscondunt, quo tempore æstivo à calore externo penitus foveantur & excludantur, atque sic minimæ juniores araneæ magno numero prodeant.

## §. 2.

Ad octoculares spectat famosa TARANTULA, etiam in Magnatum Museis raritatis causa asservari solita, uti ex *Jacobi Mus. Reg. Hafniensis pag. 24.* apparet. Huic araneæ à Taranto, Græciæ oppido in Apulia, inditum nomen est, quod non solum ibidem plerumque invenitur, sed isthic etiam maxime nociva & venenosa est, cum in aliis contra Regionibus, utpote Persia, ejusmodi tragoediam non ludat, auctore *Kampfero* in *Observ. Exoticis §. 4.* Quanquam etiam circa oppidum Kashan & alibi inveniatur, teste *Oleario* in *Itiner. cap. 35. pag. 496.* ubi istius quoque habetur icon.

## §. 3.

Quamvis verò nonnulli de mira hujus araneæ operatione raraque cura dubitari velint, haud ita pridem tamen clariss. quidam Medicus Romanus, *D. Georgius Baglivius*, ex Parentis, diu in Apulia Medicinam facientis, suaque juxta experientia omnia confirmavit, atque ipsam simul



simul araneam cum accidentibus, quæ excitat, curaque in peculiari *Discursu de anatome, morfu & effectibus Tarantula* eleganter descripsit, quæque *Kircherus Lib. 3. de Arte Magnet. p. 8. c. 2.* uberius recensuit, maximam partem affirmavit, ex quo utilissima & maxime necessaria hic notabimus.

## §. 4.

Quod primò ad araneæ hujus figuram attinet, glandis forte magnitudinem habet, per totum corpus pilosa, uti ex figura apparet. Ritu aliarum aranearum textentium octo oculis, & antèrius in ore duobus curvatis aculeis prædita est, qui è regione positi forcipem æmulantur & ab curioso Jesuita Philippo *Buonanni* in *Micrographia* pereleganter delineantur: istis verò mediantribus mordet, ac venenum communicat. Ratione faciei externæ vel grysea est, vel albicans, nigriusculæ instar pulicis, interdum etiam maculis ac stellulis notatâ. Quemadmodum vero intus in corpore constituta sit, ob teneram mollemque texturam non adèò accurate licuit observare; cum cæteris tamen araneis fortasse conveniet, quarum partes internæ cancrorum viscera dicuntur imitari, uti *Hooekius* in *Micrographia Obs. 47.* microscopiis suis observavit. Præsertim filorum, quæ texunt, domicilia valde curiosa sunt, à *Fr. Redi Tr. de Generat. Insect.* ingeniosè descripta.

## §. 5.

Quod deinde ad morsum tarantulæ attinet, sciendum istum non quovis anni tempore esse venenosum ac periculosum, sed æstivo saltem coque calido, utpote diebus canicularibus ac messis tempore, ubi messores ac viatores indifferenter, sive dormiant, sive vigilent, etiam non læcessita invadit, & ut cætera animalia morder: quamobrem messores curtas ocreas induunt, quibus se ab ista defendunt. Morsus eum sentit dolorem, quem apis pungendo relinquit; vulnus flavus aut niger annulus cingit, quem deinde cætera sequuntur symptomata, quæ pro diversitate tarantulæ, prout magna aut parva, hujus aut illius coloris fuit, varia sunt. Ut plurimum in parte vulnerata primum insignis dolor percipitur, donec illa prorsus insensibilis evadat: deinde magna cordis sequitur anxietas & tristitia, ut semper gemant: interrogati, ubi doleant, vel prorsus non respondent, vel pectus feriunt. Multi hunc vel illum ferre colorem nequeunt, quippe quo afficiuntur. Aliis tumet abdomen, & cum ructibus vomituritio est molesta. Aliis frigidus sudor erumpit; luto se volutant, vapulare amant, loca deserta petunt, aut sepulchris insident &c. quæ omnia à sanguine tardiore, à veneno isto tantum non coagulato, uti in febribus venenatis, proficiscuntur. Quæ causa est, quamobrem etiam ejusmodi medicamenta, quæ sanguinis ac spirituum vitalium pristinum motum redintegrant, ac venenum expellant, usur-

pantur, uti supra laudatus *D. Baglivius* fufius ostendit.

## §. 6.

Si quando verò omnia medicamenta frustra applicantur, eum in finem instructi Musici accersuntur, quo varias melodias fingant, quoad in verum sonum incidant, dum non quilibet sonus patientem afficit & ad saltandum invitat, quem siquidem magnitudini colorique tarantulæ decet esse proportionatum. Quamobrem non uno omnes ægri instrumento moventur: alii siquidem ad buccinū, ad chelyn alii, alii ad aliud instrumentum Musicum saltant, quamvis illud unquam nec viderint, nec audiverint. Plerumque celeriter brevibusque intervallis ludere amant, quam melodiam Tarantellam vocant. Ejusmodi enim sono ipsa tarantula ad saliendum invitatur, prolestaque capitur. Invento vero sono semi-animes ægri se sensim movere incipiunt, ex profundo gemunt, prosiliunt, mirisque corporis gestibus saltant, duarum aut trium horarum spatio, deinde vero in lecto quiescunt, ac sudorem abstergunt. Post parvam quietem saltationem de integro reperunt, adèò, ut quotidie fere XII. horas saltando consumant, quo ipso non defatigantur, sed robustiores evadunt. Quæ saltatio fere quattriduum continuanda & singulo mane sub exoriente Sole inchoanda, quoad revalescant. Et quoniam annis sequentibus circa id tempus, quo ægri mordebantur, morbus recrudescit, aliquot iterum dies ad Tarantellæ sonum reassumenda est saltatio, donec morbus prorsus desinat.

## §. 7.

Quò autem ad araneas indigenas revertamur, paucis usum istarum commemorabimus, in febribus erraticis à nonnullis commendatum, dum araneas in nuce avellana decollo suspendunt, aut pulsibus applicant, atque sic etiam quartanas ferunt curari. Simili ratione araneam s. telam ejus cum albumine ovi & fuligine pulsibus imponunt, quod remedium in febre tertiana non omnino nullum observavi. Aranearum telæ etiam ad hæmorrhagiam commendantur, quam brevi sedant. Vulgus quoque multum de aranearum lapide loquitur, istum tanquam peculiare antidotum s. alexipharmacum commendans, certumque scio hortulanum, qui magnas araneas cruce notatas in scatulis asservavit, quo ejusmodi lapidem adipisceretur. Quum verò *Boëtius* aliique Doctores, qui de variis lapidibus commentati sunt, istius nullam faciant mentionem, de rei veritate dubito; & quanquam haud ita pridem apud amicum quendam lapidem aranea notatum viderim, dubium tamen est, ab aranea ne profectus, an in terra ita formatus fuerit.



## CAPUT XLIV.

DE

COCCIONELLA, CARMINO, LACCA  
FLORENTINA &c.

## §. 1.

COCCIONELLÆ, ut apud Materialistas inveniuntur, parva, plana & partim quadrangularia, partim triangula grana sunt, foris argentei coloris, & aspera instar corii granulati, intus rubedine sanguinem bubulum æmulantia. Alias Cochinillie & Gallice Cochenille, Germanis *Kutzenellen* vocantur, solentque ex India Occidentali, super portum Cadix dictum, Massiliam, Angliamque ac Hollandiam, & inde in alias regiones transvehi, & magno pretio divendi.

## §. 2.

Secundum relationem Indicorum Scriptorum ac Materialistarum in Indicis ficubus inveniuntur, notissimo Germanis vegetabili, quod folia digiti forte crassitie & aculeata, flavos rotundosque flores, ac primum virides tandemque rubras ficus profert, de quibus Mexicani & incolæ in Peru has coccionellas magna cura desumtas Hispanis vendunt, cum navibus argentiferis in Europam vehendas.

## §. 3.

Quæ coccionellæ utrum pro semine aut alia quadam re habendæ, non una hodieque auctorum est opinio. Quibusdam videntur esse semen, unde etiam plurimi Pharmacopollæ coccionellas suis in catalogis tanquam semen coccionellæ adducunt: quod licet à doctis quibusdam Medicis hucusque pro errore habitum fuerit, *Pometus* tamen, Materialista Gallus, in *Hist. des Drogues Lib. 1. cap. 25. p. 30.* semen istud sumit defendendum, partim quoniam coccionella à cocco descendit, ac Hispanis parvum granum significat, uti in *Append. pag. 13.* videre est, partim quod non solum *Wilhelmus Piso* in *Hist. Brasiliens. vegetab.* aliquam Indicarum ficuum speciem, cujus germen seu vegetabile Jacamaru significat, & à *Pometo* delineatur, fusius describit, in qua coccionellæ dicantur crescere, sed etiam, quod à noto quodam Gallo, *Rousseau* nominato, & in India Occidentali diu commorante, certior factus coccionellas nihil esse aliud quam semen & grana Indicarum ficuum, cujus *epistola loc. cit.* invenitur legenda. Enimverò cum iste ipse Materialista valde verbosam relationem à Theologo quodam, similiter longo temporis spatio in Hispania Nova degente, acceperit, in qua coccionella pro certo animalculo, hoc in vegetabili reperiundo, habetur, uti

*l.c.* legimus, sua in opinione prorsus videtur dubius, dum etiam omnes istius rei certo gnaros in *Appendice pag. 13.* vult rogatos, ut se accuratius erudiant, quo sibi tandem certo constet, pro quo hæc pretiosa merx proprie habenda.

## §. 4.

Alii iidemque plurimi Scriptorum rerum cum medicinalium tum Indicarum coccionellam certum aliquod putant esse animalculum, prout *Erasmus Francisci* hanc opinionem ex omnibus ita collegit: Vermiculi sunt, foliis arboris ficus speciei adhærentes, tenui pellicula tecti. Istos Indi celeriter desumere norunt, qui exsiccati in Hispaniam vehuntur, ibidem magni vendendi &c. Id quod mihi vero videtur similis, quoniam non solum *Clariss. Hernandezius*, omnia vegetabilia ac naturalia in Hispania Nova crescentia proponens, in peculiari eodemque pretioso ac perraro libro, *Romæ multis cum figuris typo evulgato, Lib. 3. c. 45. p. 75.* testatur coccionellam nihil esse aliud quam in Indicis ficubus reperiundos rotundos vermiculos, foris albos, intus rubros, qui in istis vel sponte, prout apud nostales in gallis generantur, crescant, vel ab incolis data opera istis imponantur ac ita alantur: sed etiam incluta inque indaganda Natura quotidie occupata Regia Angliæ Societas istam opinionem in tantum amplectitur, coccionellam pro animalculo quam semine quodam rectius habendam, uti *Sam. Dale* in *Pharmacologia pag. 491.* ostendit. Quam sententiam etiam comprobatur Regia Societas Parisiensis, utpote edocta coccionellas ab Indica ficu *Opuntia* proficisci, in Guatemala fructus ferente, qui maturi facti & discerpti magnam istorum animalculorum copiam effundant, quæ incolæ super linteis exsiccent, prout ex *Dn. du Hamel Hist. Reg. Scient. Acad.* istud in *Act. Erud. Lips. A. 1703. Mens. Maj. pag. 219.* describitur.

## §. 5.

Quod verò animalculi genus sit, inter auctores non convenit. *Marxius*, Materialista Norimbergensis, in *Mus. suo Germanico* commemorat coccionellas muscas esse, quæ in Hispania in extenso melleque illito panno, cui agglutinatae maneant, capiantur. Alii hexipedalem cimicem esse existimant, alii vermis nidum: quæ tamen opiniones omnes admitti nequeunt, postquam doctus quidam Anglus

D. Ed-



*D. Edvardus Tyson* expertus est aliquam esse Scarabæi speciem, quam delineatam in *Actis* supra laudatæ *Regiæ Societatis Num. 176.* sistit intuendam: id quod vero videtur similis, quod alæ scarabæorum coccionellis interdum observantur permixtæ. Quin imo *Ammannus* in *Libello de Mat. Med.* scribit, quod si putatitia ista coccionellæ grana in aqua fervente macerentur, istorum pedes etiam appareant, quos tamen ego neque in aqua calida, neque microscopiis videre potui; ut adeoque olim crediderim, caput alasque ac pedes juxta istis animalculis esse detritas: Donec tandem in *Georgii Friderici Richteri Dissputat. de Coccionella*, in Vernaculam etiam translata, inciderim, qui plurimis, iisque plausibilibus satis, argumentis ostendit Coccionellam non tam perfectum animalculum, sed chrysalidem ejus esse, quod & figura Comitæ *Marsigli*, microscopio detecta, adstuit, quam in *Tab. I. Fig. 2. Observat. natur. circa mare & grana Kermes* ob oculos ponit; vid. *Tab. ad Lib. 2. Sect. 5. cap. 10. hujus Musei* sub signo \*.

## §. 6.

Qua ratione aliàs ista animalcula generentur, & ab incolis collecta depurgentur, in Relatione antiqui cujusdam Hispani, qui multos annos isthic locorum vixit, in *Actis Angl.* citatis reperiunda, legimus. Primum in foliis ficus Indiæ parva vesicula apparet, in qua, haud secus atque in recentibus gallis contingit, exiguus vermiculus, sine dubio ex proprio seminio aut ovulo, adjuvante Solis calore, generatur, qui ad modum aliorum vermium & erucarum primū in chrysalidem & successivè in ejusmodi scarabæum mutatur. Quos scarabæos ad perfectionem evectos olim crassiusculō fumō (ut apes sulphure) enecari, substratis lodicibus excipi, deinde in Sole exsiccari, manibus, quoad alæ pedes & similia detrita fuerint, teri dicebant: quæ omnia tamen stante de chrysalide sententiâ *Richteri* minus necessaria sunt.

## §. 7.

Intereâ sciendum, tres vel quatuor Coccionellæ apud Materialistas inveniri species, quarum prima Gallis dicitur la Cochenille Mesteque, hætenus à nobis descripta: Secunda Coccionella Campeschana vocata, ex puris præcedentis speciei frustulis constat, quibus tamen alia grana, folliculi & rubra animalcula, infantibus nostratibus *Herr-Gotts-Kälber* vocata, aliæque quisquiliæ miscentur. Prior quoque, semel licet ad tingendum usurpata & iterum siccata, sub hoc nomine venditur. Tertia Coccionella Terechalla nihil aliud est quam mera terra, Campeschana permixta. Tandem quarta est coccionella sylvestris, constans ex granis, radicibus pimpinellæ sanguisorbæ adhærentibus, de qua legimus alibi.

## §. 8.

Istarum prima est optima, quam crassa, pon-

derosa, puraque & bene siccata oportet habere grana: foris argentei, & quasi ex gryseo splendentis coloris, quæ ore conficta salivam rubram efficiunt. Coccionella levis, macra & minutim granulata neutiquam assumenda; id quoque videndum, ut ne lapilli eidem sint permixti, quod sæpius, merce existente cara, solet contingere.

## §. 9.

Quod ad usum Coccionellarum attinet, hucusque adè in Medicina non fuerunt usurpatæ: quanquam *Sam. Dale l. 6.* vim cordialem, alexipharmacam & diaphoreticam istis adscribat, qua ad febrem petechialem ipsamque pestilentiam depellendam apta nata sint. Id quod eo magis credendum, quo notius est ejusmodi animalcula permultum salis volatilis continere, cujus intuitu etiam urinam suppressam in dysuria cient, auctore *Ettmüllero* in *Comm. Schræd. pag. 543.* Istis contra Pharmacopolæ nostri crebrius utuntur, quippe quibus aquam vitæ dictam rubedine imbuunt, granulaque pro pane Martio inficiunt, dum nempe saccharum cum cremore tartari, aut aliis acidis, permixtum, mediantibus coccionellis tingunt. Ut plurimum vero à tinctoribus ad colorem coccineum conquiruntur, qui ad libram unam filorum, tibialium, aut panni coccionellarum semiunciam, XV. albis constantem, sumunt, resque alumine & tartaro prius maceratas coccionellis, in aqua surfurum triticeorum solutis, tingere norunt. In Oriente Turcæ sumunt coccionellarum part. ij. Bazgendge (exoticus fructus est, in aliqua quercus specie natus) & tartari aa. part. j. ex quibus confusis colorem faciunt cocceum perelegantem.

## §. 10.

Aliæ insuper pretiosæ merces ex coccionellis præparantur, utpote Carminium, Lacca Florentina, Pezetta &c.

## CARMINIUM

- optima coccionellæ pars est, constans ex valde tenera subtilique farina seu pulvere, colore saturatè rubro & quasi holoserico. Quæ sæcula peculiari aqua, acidiusculo salso semine, semini cinæ haud dissimili, Chouan vocato, infecta & exotico quodam, cinamomum representante, cortice, Autour dicto, præparatur, secundum *Pometum* in *Hist. des Drog. Lib. I. pag. 34.* Nec verò mihi est dubium, quin hæc sæcula etiam apud nos sine ejusmodi exoticis vegetabilibus possit præparari, quando coccionellæ vel aqua communi, cinere clavellato acuata, extrahuntur ac postea præcipitantur, prout clariss. ac curiosus Anglus *Rob. à Boyle* non solum ex curcuma, sed ex aliis quoque herbis, quin imo ipsis coccionellis tales subtiles pulveres, pictoribus Lacæ vocatos, acquisivit, ut in *Ejus Tr. de Coloribus Exper. XLIX. p. 464.* videmus: quales similiter notissimus Italus *Neri* aliis modis docet præparandos, in *Arte vitriaria pag. 160.* ubi *Merreti*



ac *Kunckelii* notæ plura ostendunt. Alii Carminio aliquid orleanæ addunt, quæ mediante tamen nimis lucidum aureumque evadit. Ad picturam miniatoriam dictam, ad pannos rubros pretiosissimos, aulaeque magno pretio æstimanda usurpatur.

## §. II.

## LACCA FLORENTINA

id propterea sustinet nominis, quod primum Florentiâ, Italiæ loco, per Venetias in Galliam & Germaniam fuit transportata: hodie verò Parisiis locisque aliis æque bona, imo melior, præparatur. Distinctæ istius habentur species, pro lubitu diverso pretio emendæ. Optima seu finissima levis est, tenera, facile friabilis, colore saturate rubro. Cæteræ species multo gummi aliisque rebus permixtæ sunt, ac colore existunt ex nigro purpureo. Omnes autem ex unâ massa constant, ex osse sepiæ ac rubra quadam tinctura, quæ ex coccionellis, Fernambucô, ligno Brasiliensi, alumine & arsenico, mediante forti quodam lixivio extrahitur, Indici instar confecta, & in parvos rotundos orbiculos formata. Ad picturam, colores oleosos aliosque desiderantur.

## §. 12.

Si quando Lacca Florentinæ præparatio ex voto minus succedit, creta gummi que additis

LACCA IN GLOBULIS, *Kugellac*, exinde formatur, ex rotundis globulis pallide purpureis constans. Et hic tamen magna fraus subest, dum quidam plus justo cretæ addunt, globulosque foris ita infucare didicerunt, ut genuina esse lacca videri possit: videndum igitur, num interna facies externæ conveniat. Similiter picturæ inservit.

## §. 13.

Habetur etiam lacca plana (*platt Lac*.) nonnullis

## LACCA COLUMBINA

vocata, sequenti modo præparari solita: recipitur id quod panni tonsores de pannis coccis detondent, hoc in forti lixivio coquitur, tinctura deinde cretæ albæ & alumini Anglico affunditur, ex quibus massa præparatur, in quadrangula & digitum crassa frusta, aut pro

lubitu majora, formanda, quæ exsiccata similiter pro pictoribus asservatur. Veneta Hollandicæ Gallicæque præfertur, quoniam creta, in Italia tenerior existens, tincturam citius, quam alibi assumit. Colore saturata sabuloque prorsus destituta laudatur.

## §. 14.

Præterea etiam habetur

## LACCA FLUIDA,

de qua ex ligno Brasiliensi parata egimus alibi.

## §. 15.

Tandem huc pertinet

## PEZETTA RUBRA,

quæ vel ex optima crepona, vulgò *Crespon*, vel purissima sindone Hollandica, coccionellis bene tinctis, constat, nostratibus propterea vulgò *Läpgens-Farb* vocata. Optima notæ pannosa fragmenta Constantinopoli veniunt, colore saturata, quæ, si bona sunt, rubedinem impertiunt. A gynæceo ad infucandam faciem adhibentur, alias verò etiam ad tingendas confecturas & aquam vitæ inserviunt. *Pezetta cærulea* aliorum spectat.

## §. 16.

Loco pezettæ alii utuntur

## LANA RUBRA LUSITANICA,

è Lusitania advecta, quæ nihil aliud est, quam gossypium coccionellis infectum, in orbiculos magnitudine crassitieque imperialis formatum, s. redactum, & ita divendi solitum. Non tamen adeo innotescit atque pezetta. Eleganter rubra, vere sicca puraque sit, quoniam ad colorem fructibus & gelatinis impertiendum usurpatur. De CARTA DI SPAGNA, vulgò *Spanisch roth auf Blättern*, quacum Hispanicum rubrum in porcellanis vel in conchis convenit, alibi jam actum est: bina vero apud fucatores, qui rebus odoris fragrantiam conciliant (vulgò *Parfumierer*) inveniuntur, quos scimus istas merces peculiari exhibere catalogo, cujus Benevolum & Curiosum Lectorem hic pro coronide similiter participem reddere volumus, adjectis aliis pretium simplicium concernentibus.







# APPENDIX I.

## D. JOH. GOTHOFREDI GEILFUSII,

### *Archiatři Hassiaci,*

## DESCRIPŦIO

# TERRÆ SIGILLATÆ

# LAUBACENSIS.

I. N. D. T. O. M.



Nimus non est in præſenti hac tractatione omnes terræ ſigillatæ in Wetteravia crescentis, prope Laubacum, unde & nomen habet, virtutes bezoardicas & cordiales apponere: multo minus, ut

ſymptomata, quæ morbis ſubinde ſe comitum inſtar in via proficiſcentibus adſociant, & non uno ſemper æqualique æſtimari poſſunt ac debent modo, multis phaleratiſque recenſeamus verbis, inſtituti permittit ratio: præſertim labascente hoc ævo, ubi morbi ſæpius novas, vix antea cognitās, larvas induunt, & ita probant, ut etiam probatas olim curandi vias invertere, &, quod inde eſt, experientiſſimos non minus at prudentiſſimos in Arte Medica viros illudere poſſe & circumvenire, adpareant. Libet itaque in præſentiarum dictæ modo terræ ſigillatæ egregias & per triginta abhinc annos utiliſſime expertas virtutes, præſertim in morbis epidemicis, omni omnino laude digniſſimas, humilibus verbis, at vero argumentis firmiſſimis exponere, adnexo ſubinde uſu neceſſario: & id quidem quam maxime ob communes uſus, & egenos, qui à Pharmacopoliis remotiores degunt. Sit itaque ſermo

I. De Globo Terraqueo ipſo, tanquam matrice omnium, quæ ad vitæ caducæ conſtitutionem, iſtius conſervationem, ſanitatiſque deperditæ reſtitutionem ſpectant.

II. Hanc conſiderationem excipiat ſolida celebratiſſimæ hujus Terræ Sigillatæ deſcriptio, & quidem juxta quasvis proprietates, natales præſertim, ut & diverſos colores, ac conjecturalem, inde ex aſſurgentibus metallorum, profunde in terra latitantium, exhalationibus, ſolaribus, lunaribus, cæterisque metallicis ve-

nientem imprægnationem inſtituta. Mox

III. Sermo erit de provida terræ iſtius præparatione, ut & medicamentiſ inde, ubi neceſſitas urget, compoſitiſ. Ne autem quis heic à vera aberret via, dicendum erit

IV. De vero uſu in morbis contagioſis, peſtilentioſis, ceu ſunt Pandemii, Endemii, Epidemii, Sporadici, Febres Petechiales, Cephalalgia, Variola, Morbilli, Dyſenteria, Epilepſia, Lypothymia ſ. Eclyſis, nec non Hæmorrhagia quæ per nares, os, urinam, Hæmorrhoides, Exulcerationes pulmonum, hepatis, renum, &c. ut & Faſcina, Philtra, imo externa & patentia mala. Denique

V. De Utilitatibus aquarum, Terræ Sigillatæ montes transmeantium, atque fontium, quorum ſcatebras Illuſtriſſimus COMES effodi & recens parari juſſit. Quam intentionem optimam atque metam utut non ex omni parte attigiffe videar, nihilominus B. Lector non iniquo illam æſtimabit animo; ſed potius ſummi Statoris inæſtimabile dignabitur artificio, & hæc talia, ubi etiam neceſſitas poſtulat, inde compoſita medicamenta, grato ſemper accipiet animo, illaque in recenſitiſ atque aliis corporis humani imbecillitatibus ad divinum mandatum abſque omni contemptu adhibebit, probe cogitans, ſummum cælorum pariter ac terrarum Monarcham, ob peccata varia, homines, mediantibus terribilibus morbis, ferrere ita, ut vel ſuas eo creaturas armet, vel permittat, ut innumeri & imperſcrutabiles morbi illos invadant: adverſus quos tamen ſimul ex infinita & conſolante ſua gratia fortiſſima eſt terra remedia prodire jubet, quorum ſubſidio, & non amplius miraculoſo modo, ſicuti Hiſkiam per ficum emplaſtrum, Tobiam per incenſi jecoris piſcis illius fumum, & ligare & ſanare amat.

PARS



## PARS I.

*De Terra ipsa.*

**D**EUS non solum globum terrestrem, cujus peripheria 5400. & spissitudo 1720. ferme milliarium Germanicorum est, ex infinita sua sapientia creavit, atque illum in medio, absque ullo fulcro, immobilem fundavit, sed & aëre, non sterili & effœto corpore, atque igne, libere pendentem circumdedit & ita miscuit, ut una istarum rerum alteri cedere, spatiumque permittere queat. Hunc insuper globum, aqua permixtum atque aëre circumdatum, Deus ex immerita bonitate hominibus, ceu ditissimum penarium, pandit, & in hoc agros pro futuris pecuariis, aquas, ut ichthyotrophia, continentem terram, ut habitacula dent, sylvas & ligna, sub libero suo imperio concessit. Et, quod magis est, terra isthæc irrequietis astralibus spiritibus, illo maximè universali macrocosmico & igne æthereo, sic efficacissime imprægnata est, ut percepto modo non solum ad caducæ vitæ constitutionem & durationem, sed etiam ejusdem refectionem, sanitatisque conservationem, veluti fertilissima & ditissima mater, per communem summi Statoris legem, saluberrima germina, innumeras herbas, tot ac diversis fragrantissimas, coloribus non minus, quam virtutibus calefacientibus, refrigerantibus, & ad singulos casus & complexiones adcommodatis, imbecillitatesque hominum mulcentibus, uberrime proferat. Præterea cuilibet addictus Planeta, veluti patronus, olim observabatur, cujus ope nonnullæ progenies Saturninam, aliæ Jovialem, Martialem, Solarem, Mercurialem &c. nasci proprietatem & secundum ipsos planetas, quam maxime in his certis, si colligerentur signis, efficaciores operationes non absque Sympathiæ & Antipathiæ suspitione habere videbantur & sic, in ipsis coloribus & odoribus notabiliter distinctæ, prodesse. Dat etiam terra mineralia valde necessaria, uti sal, nitrum, sulphur, vitriolum, alumen, antimonium, (verum Solis balsamum) &c. ex quorum inexhausta commixtione hinc inde in Europa egregiæ oriuntur scaturigines, subterraneis virtutibus varie tinctæ, quas acidulas vocant, majorique securitate, (si modo non ulcerosæ in visceribus suspicantur dispositiones,) quam illæ aquæ ex limatura Martis, spiritu vitrioli & salis paratæ, aliique minerales clyssi, si curativa indicatione adplicantur. Siquidem acidulæ istæ omnes ac singulas sub diaphragmate, jecore, splene & pancreate latentes obstructions ipso facto solvunt, & à molestiis, quæ inde proveniunt, variis, non quidem per opinatum illarum calorem & refrigerationem, sed potius per alias virtutes innatas minerales liberant, rigidosque gypseos, quin & tartareos humores efficacissimè dissolvunt, salia sylvestria domitant, & tandem per spiritum vitrioli. martialem non tam stomachum, quam re-

liqua, minus temperata, perque atoniam infirmata viscera ad convenientem crasin redeunt. Ejusmodi passim in Germania adhibentur aquæ, nuncupatim egregiæ Hassiacæ illæ in vicinia temperatæ, & non minus efficaces in Nassoviæ tractu thermæ balsamicæ & quæ ad quodvis temperamentum & malum accommodatæ Embsam nobilitant, cum acidula è muro profiliante calidiori, quæ vel sola per se, vel junctim cum thermis intra istarum usum & tempus non aliter, & minori periculo, quam acidula alia ab illis, qui frigidas & molliores complexiones habent, imbibitur; & id quidem quod primò ob calorem hæc acidula non adeo rigida est, sicuti illa Schvvalbacensis & Pyrmontana, nec secundò stomacho gravitatem, attamen majora tertio anteriori thoracis parti frigidiori adfert commoda, nec minus denique spleneticas, diaphragmatis, & huic conterminas, partes aperit, indeque peccantes humores, pro cujusvis complexione & ratione, per alvum, urinam, maxime vero sudorem ejicit. Insuper huc spectant longe illæ thermæ lateque celebres in tractus Moguntini Rheni confinio sitæ, variæ, prout magis nitrosæ, sulphureæ, aluminosæ &c. Wisbadenses, quæ suum calorem non ex subterraneo sulphure, sed repugnante habent, sicuti in spiritu vitrioli, salis tartari infuso, effervescentia, distentione, flammis, adustione, abunde videre est. Verum in genere (1. ex balsamica virtute, quam habent, focillant, 2. consumunt magis ex congestione, quam transmissione, in habitu corporis collectos humores, & 3. corroborant quævis ad motum destinata instrumenta, nisi ex ebrietate existant rigida, aut calor actualis potentialem insitum exsuperet, qui tunc facile consumitur; denique 4. istæ thermæ, partem majorem sulphureæ, aperiendo educunt biliosos & salsuginosos humores, & sic illam ex salsuginosis humoribus, non vero ex interiori calore ac inflammatione ortam, extinguunt, si quando intra curationis dies aliquot mane in ipsis thermis ad 1. 2. imo & 3. mens. imbibuntur. Oportet autem curationem ipsam, debita præparatione institui, & finire constantia, nec ullo modo illam negligi decet diætæ rationem, in aëre, cibo & potu, motu & quiete, somno & vigiliis, excretis & retentis animi passionibus consistentem, quemadmodum in mea & aliorum Medicorum institutione pluribus videre est. Nec tamen in hisce suppeditandis quiescit terra imprægnata, sed ex ditissima sua amplius matrice unam post alteram abundantiam promit, & quidem ex metallis aurum cordi appropriatum, capiti argentum, jecori, lien, ferrum &c. quorum ope tincturæ martiales, Ores & Dres parantur, ut & meus sic dictus SANGUIS MARTIS, idemque Bezoardicum Solare, Lunare, Martiale &c. quæ singula cor, caput, jecur & lienem efficacius multo, quam reliqua vegetabilia medicamenta corroborant, contra



contra symptomata periculosa defendunt, & quæ bona cunque existunt, conservant, quæ mala, arcent, nec viscera dirumpi sinunt. Profert ulterius terra pretiosissimas gemmas & cimelia, uti Sapphirum, Granatum, Adamantem &c. ex quibus & aliis lapidibus in Veteri Testamento pectorale illud, secundum duodecim Israëlitarum tribus paratum, legitur non sine mysterio, quod scilicet Deus omnium Dominus Israëlitas æstimare tanquam peculium suum & monile pretiosissimum servare, multoque minus velit, quam quis pretiosiores gemmas soleat, abicere. Denique ditissima ista matrix nobis exhibet Terram, multum unicornu minerali affinem, quam usus vocat Sigillatam, qua de etiam in subsequentiis partibus tractare breviter libet.

## PARS II

*Quæ descriptionem Terræ Sigillatæ exhibet.*

**M**ultæ ac variæ Axungia, Medulla, Margæ, sive Bolares, Terræ Sigillatæ ab impresso sigillo sic dictæ, varia à solo natali, pro diversitate matricum, sua nomina habent, vixque comprehensibiles operationes & virtutes. Veluti Japonica, quæ catarrhos & urinæ profluvium sanat, quo præsertim tympanites, *die Windsucht*, spectat. II. Aceldema, quæ intra 24. horas demortua corpora destruit & calcinat. Tertio Damascena in vulneribus, sclopëtis inflictiis, salutaris habetur. Quarto Chia ex Asia, quæ admodum pura & candida externam cutem efficit lævem, candidam & valde gratam. Quinto Norvegica, haud procul à Berga, regni illius oppido, obvia, alias antiscorbutica audit, quia præ aliis in scorbuticis morbis prodest. Sexto Terra Martialis, quæ maxime obstructos menses, vel retentiones menstrui sanguinis, sive quod idem omnino est, amissa Catamenia sequiori sexui reddit & è sanguine salia sylvestria eximit, præcipue tinctura rubini coloris exinde per irrorationem solaris spiritus parata. Septimo terra Orleana ex Italia, quæ tantum pro succo expresso habetur & pro succulata adhibetur. Octavo Melitenis ex Insula Malta. Nono Turcica à caracteribus Turcicis; Decimo Strigenis, à Striga Silesiæ urbe sic dicta, & plures aliæ, quas in præsentì præterire & tantummodo Laubacensem, ad Wetteravia tractum obviam, breviter considerare placet. Ist hæc terra magna in copia invenitur ad Laubacum, Illustrissimi Comitæ ac Domini CAROLI OTTONIS, Comitæ Solmensis, Domini in Münzenberg, Wildenfels & Sonnenwald &c. Comitæ mei ac Domini Gratiostissimi, sedem: estque oppidum hocce sex milliaribus à Francofurto, & duobus à Gießa, quinque à Marburgo & Hannoveria, totidem horis à Butisbaco distans, in peramœno tractu gratis-

simis montibus, agris, collibus ac sylvis fructiferis cincto, situm, ubi effoditur, & divenditur. In hanc, quæ humanis oculis exilis videtur, Terram Sigillatam Laubacensem Deus per naturam singulares virtutes bezoardicas ita abscondidit & circumclausit, ut in supra memoratis & adhuc compluribus morbis verum existat antidotum; id quod non tam ex Vitriolato, Nitroso, Aluminoso, aut Sale alio, quorum nulum nempe per destillationem aut probationem aliam reperitur: quam potius ex halitibus seu spiritibus volatilibus, penetrabilibus admodum & excitatissimis ortum trahit, partim Solaribus, Lunaribus partim, quin & Martialibus, è metallis immaturis, auro, argento, ferro &c. in imo, ut suspicor, terrarum fundo ebullientibus; qui ab ejusmodi axungia quasi irretiuntur, figuntur, alterantur & exaltantur, ut mox ab auri sulphure calorem rubrum, fuscum, mox à sulphure argenti glaucum, albidum & ab aliis alios colores, & hoc modo virtutes Cephalicas, Cordiales itemque valde penetrabiles, resolventes, obstruentes, nanciscantur. Quarum deinceps, vere cardinalium virtutum, subsidio resolvuntur (1.) omnes ac singula tartarica, sulphurea, salina in genere venoso scoria, contrectabiliter, (2.) efficacius, quam supra adductæ (quibus suum tamen relinquimus pretium) terræ sigillatæ humores peccantes per urinam & sudorem, ubi non ad spectabili modo, attamen inad spectabili, eximunt. (3.) Balsamicam falsedinem intemperate conservant, nec non (4.) ob attrahentem paulisper, terreum, dulciculum, adstringentemque saporem, exoticas consocias omnes in sistendis sputis sanguinis, hamorrhagiis per nares & alias partes, ab interna præsertim ulcerosa dispositione venientibus, si modo debita ratione adhibeatur, exsuperat: quandoquidem nullus vernaculus morbus est, cui materna tellus non pariat aptum remedium. Parili sane modo Deus summus, optimus, sicuti nobis loco penari & Pharmacopoli regiones istas clementissime concessit & simul ditavit, varii generis fructibus, plantis, musto, oleo, &c. ex abundanti ornavit: ita cuicunque climati vernaculis medicamentis efficacissimis benedixit: quemadmodum scripta authentica & tam bene fundata, quam infallibilis experientia ipso facto confirmat, vernaculas nostræque adsueta climati herbas, succos terrestres (*Erdsaftte*) & sic alia, longe majores, quam quidem exotica medicamenta pretiosa præstare effectus. Quid? quod exoticis seminibus & medicamentis tutius atque magis fidere licebit, si quando in nostri climatis obtinente agrorum aërisque temperie procreata illique prius, quam adhibeantur, adsueta fuerint, experientia teste; ubi contra qui solis exoticis fidunt, sæpius corpora causaria, morbida & valetudinaria inter illos, qui domesticis uti solent, corporaque robusta atque vegeta habent, circum-



ferunt: variant enim regiones, variant incolæ, variant potulenta & esculenta.

### PARS III.

#### *De genuina Terræ Sigillatæ Laubacensis preparatione & inde rite compositis medicamentis.*

POSTeaquam, commonstrata ratione, ista omnino probata Terra Sigillata Laubacensis post destillationem, præcipationem, & porro alium, huic non absimilem, laborem Chymicum, ne minimum vitriolati, nitrosi, aluminosi salis (*Saltzart.*) sed tantum bolarem terram relinquit solam, & consequenter ab adsumtis & irretitis spiritibus volatilibus virtutes suas penetrantes, igne mediante, ad modum fumi, non solum evolantes, sed & cum tempore avolantes, habet ac possidet: necesse est, ut debita cura, leniter, absque adsumptorum istorum spirituum iactura, tractetur, & non ultra modum, sed pluviali aqua, tempore tonitruali, vel rore Majali, ob Sal centrale, quod in aëre est, vel decocto quodam ex scordio, angelica, bistorta, (*Natter-Wurtzel*) viperina, tantum leniter, abluatur, & ad pulpam redigatur, quæ dein, non vero ad Solis radios, sed saltem ad aërem, qui neutiquam sterile & effœtum corpus est, exsicceatur sicque quoad vires ex astris adaugeatur. Ex terra ista cum aqua pluviali, vel etiam decocto alexipharmaco per Retortâ spiritus, aut potius phlegma, leniter elicitur & postea capiri mortuo rectificatus vini spiritus adfunditur, denuo abstrahitur, (*abgezogen*) sicque à sale volatili fixum illud corripitur & cohibetur; porro ex capite mortuo sal aliquod ex terra sigillata, Spiritu Vitrioli, vel Nitri, vel Salis, singularis liquor s. tinctura cordialis paratur, quæ in morbis Epidemiis, cum Diarrhœa, s. Dysenteria conjunctis, egregios effectus præstat, atque illud vilissimum Magisterium longe superat. Utut vero Terra Sigillata omni se tentamine probet, inque se ipsa egregias monstret virtutes, nec minus in malignis atque suspectis morbis verum existat antidotum, nihilominus ob symptomata sibi invicem repugnantia (*um der neben wieder einander lauffenden Kranckheiten willen*), quæ etiam experientissimis Medicis imponunt subdole & fallunt, necesse est, ut hi sibi ingenua medicamenta composita omni comparent studio, seque, necessitate urgente, contra occurrentes mutationes præmuniant. Et inter ista composita est clyssus terræ sigillatæ, qui non raro laudabiles exhibet effectus: veluti est illa ante annos aliquot inventa percelebrata tinctura bezoardica, quæ cum spiritu vini præparata, in nimia ebullitione sanguinis & cum tartari spiritu, in malignitatibus prodect. Debet itaque non absque omni discrimine adhiberi; vel etiam alia, exinde composita, prostant medicamenta, quorum nonnulla jamjam

vel ideo nominare libet, quia natura, unicâ medicinâ, cui cum tempore affluescit, se vinciri haud patitur. Sic

℞. Unicorn. mineral.  
Terræ Sigill. Laubac.  
Cornu cerv. sine igne  
calcin.

Pulveris è chelis an. ʒʒ.  
Antimonii Diaphor. ʒij.

cum decocto alexipharmaco viperino fiant globuli

S.

*Globuli Bezoardici.*

℞. Unicorn. mineral.  
C. C. Solaris.  
Lapid. Bezoard. Orient.  
Alcool Margaritarum Orientalium.  
Antimon. Diaphoretici ana ʒj.  
Terræ Sigill. Laubacensis.  
Confect. alkerm. compl.

de hyacintho an. ʒʒ.

cum gelatina viperarum Italicarum fiant globuli,

S.

*Bezoardici globuli confortantes, qui & præser-*  
*vationi & curationi inserviunt.*

℞. Pulv. è chelis cancerorum.  
Terræ Sigill. an. ʒj.  
Confect. alkerm. compl.  
Theriacæ And. an. ʒʒ.

Misc.

Cum syrupo acetositis citri & contrajervæ composito.

S.

Commixta Theriaca in epidemiis s. grassantibus morbis, maneat *eine Messer-Spitze voll*, & in curatione 2. quint. in Chylostagmate Diaphoretico adhibenda.

℞. Ois margaritarum.  
Corall. rubr. an. ʒij.  
Theriacæ incitrata ʒij.  
Conf. scordii,  
calendulæ,  
Flor. bugloss. an. ʒj.  
Extr. Contrajerv. Torment. an. ʒj.  
Terræ Sigill. Laubacensis ʒj.  
Off. de corde cerv.  
Flor. sulphuris an. ʒij.  
Solei destillat. Citri  
Camphoræ,  
Macis an. gr. VII. M.

S.

Bezoardica Mixtura confortans.

℞. Spir. terræ sigill. ʒiij.  
Tinctura Bezoard. Vitriolata ʒiij.  
Electuarii Alkermes compl.  
de hyacinth an. ʒiij. Misc.

Digere triduum, & tandem ex vitreo organo æquali ignis gradu destilla. S. Bezoardicus terræ sigillatæ Spiritus, ad ʒj. cum aqua sudorifera post 8. horas in febribus ardentibus adhibendus.

PARS



## PARS IV.

*De Terræ Sigillatæ usu rationali in singulis supra dictis morbis.*

**Q**uia in peste, tenèbras perambulante, petechialibus, aliisque ardentibus ac malignis febribus nulla peculiaria prostant remedia, & ideo, ut analogice loquar, ad arsenicale, autipimentale & antimoniale venenum recurrendum, oportet insimul cum antea adductis ex terra sigillata compositis, clyffo, spiritu, globulis diaphoreticis & adhuc pluribus, sine mora, instante periculo, fideles ægrotis manus præberi, ipsisque, post. 8. semper horas in vitibus oppressis, non vero languidis, ejusmodi liberaliter porrigi medicamenta, utut etiam ægrotantes sudore manare (*heftig schvvitzen*) appareant: nihilominus ut continetur, istaque malignitate adorta natura, intellige robusta, stimulis quasi excitetur, medicamenta efficacia in majori quantitate propinentur, sicque malo efficacius resistatur oportet. Cum enim anno 1486. in Anglia febris ardens sudorifera (*das Schvvitze-Fieber*) admodum, tempore præsertim autumnali, grassaretur, ut vix centesimus inde convalesceret, mox Belgium, Brabantiam, Frisiam, Daniam, Norvvegiam perambulavit, tunc paucissimi ex morbo isto surrexerunt, qui Orientale Bezoar in exigua dosi sumebant: contra plures evaserunt sani, qui dictum Bezoar ad 40. imo 60. gran. convenientibus hauriebant vehiculis. In naturis vero mollioribus viribusque facile resolubilibus infantibus, qui facile exhauriuntur, it. senibus, in quibus balsamum naturale deficit, adducta sudorifera medicamenta cum discretione debita adhiberi, hisque perpetuo confortantia & restaurantia admisceri, magisque convenientia sudorifera, secundum tempora, initium, augmentum, vigorem & declinationem adsumi condecet. Siquidem alia medicamenta in morborum initio eligenda sunt, alia in declinatione: quandoquidem nonnulla paulisper contrahunt, ut terra sigillata, hiacynthus, ejusque species, *roth Giff-Pulver*: alia penetrant ceu bezoar, acetum: alia refocillantem habent proprietatem, uti petasitis, (*Pestilenz-Wurtzel*) angelica, & similia, quæ tantum in declinatione permittuntur. In quibus omnibus & sibi & aliis male consulunt, qui Academica scientia destituti sic misere in præparatione medica & applicatione versantur, vel falsis medicamentis nocent, etiam sine discrimine salia volatilia non minus temerarie applicant, quam certo certius est hæc talia in fluida sanguinis compage nimios calores, salibus causticis errores, imo in augmento & statu exitialem ac tristem habent exitum: sic atrocissimum facinus, temerare corpus humanum, perpetuæ

animæ demicilium. Est itaque ante omnia, dictis grassantibus morbis pestilentialibus, in fontem eorum ac causam inquirendum, probeque distinguendum. Etenim Endemii morbi ex malis humoribus, è terra surgentibus, proveniunt: Epidemii ex inordinatis aëris mutationibus: Sporadici ex putri apparatu proprio, diu collecto, invadunt & delatiunt; hinc omnino quam maxima urget necessitas, ut diversa instituantur curationes. Præ omnibus vero debita observantia in sporadicis morbis cacochymiam, ut causam respicere, & illum humorum apparatus, in prima forsan corporis regione existentem, expellere lenioribus emeticis (*mit einer gelinden Spey- Artzney*) ubi vomendi desiderium adst: aut, si de intestinis certior quis est, per proximioram viam emittere oportet; contra autem, quotiescunque humores pravi per corpus & sanguinem dispersi observantur, necesse est, ut isti sufficientibus, eoque maxime respicientibus, purgantibus ejiciantur, quod si vero contumaces, aut nimis putridi sentiuntur humores, tunc aqua mea gentiana, itemque mea essentia catholica exporrigi, & ulterius putredo abarcei potest: in reliquis vero epidemiis & morbis acutis malignis hæc subscripta tinctura applicata juvabit:

**R.** Extract. l. a. croci. rutæ  
elenii an. ʒʒ.

diascord. ʒj.

elect. de ovo ʒʒ.

spec. diamb. ʒij.

spirit. terræ sigill. ʒiij.

CC. ana.

mixt. simplic. ʒiijʒ.

extrahatur tinctura.

S.

tinctura.

In morbillis & variolis omnes dogmatici Medici quoad hancce percelebrem terram, præsertim in nimio fervore & humorum tenuitate, nimium nimiam sanguinis acrioris & subtilioris ebullitione, consentiunt, quod illa non in exigua dosi, & quidem in jusculeo lenticulato (*Linsen-Brühe*) porrigi debeat & repeti; nec heic cum præcipitantibus, corallus, cancerorum oculis præfestinare liceat, priusquam vernaculis remediis (*Einheimische Mitteln*, ubi tamen sæpius committuntur errores) instituta sit expulsio. Præter ista expellentia media sequentes terræ sigillatæ species renoventur crebrius, & quocunque triduo, inque ordinario potu suspensæ, adhibeantur:

**R.** Rad. scorz.

acerosæ an. ʒj.

Rasur. C. cervi

alcis an. ʒij.

Flor. aquilegiæ

Trinitatis an. m. j.

Terræ sigill. Laibac. ʒj.

Aaa 2

Incide



incide S.

Terræ sigillatæ species.

In epilepticis & spasmodicis symptomatibus, (variolarum & morbillorum non raro prodromis,) itemque in magna sanguinis ebullitione, ex probata hac terra, circumspecta venæsectione præmissa, non minus egregium peti potest solamen; quare & illa à ℥ss. ad ℥j. cum aqua florum tilia, primulae veris, fumarie & similium sæpius adhibenda & appropriatæ terræ sigillatæ species in potu ordinario infundendæ sunt, ex radice primulae veris, graminis, taraxaci, visc. quern. coryl. flor. tilia, aquilegia, terr. sigillat. &c.

Serosas destillationes seu catarrhos, ex quibus per fauces labor & ulcerosa dispositio pulmonum, quid? quod ipsa peripneumonia expectanda venit, isthæc terra, cum hordei decocti cremore aut jujubarum succo instillata, solet in-crassare. Acidæ vero destillationes terra hæc, sumpta cum oculis cancri, matre perlarum &c. efficaciter edulcorat, & sic quoq; contra omnem hæmoptoicam passionem, narium, urinæ, nec minus hæmorrhoides, cum essentia millefolii & traumatica sumpta, sistit, ut & grumescentiam & coagulationem sanguinis, adhibita cum sequenti tinctura:

℞. Rad. tormentill.  
rubia tinctorum aa. ℥j.  
Flor. bellid. minor.  
hyperic. aa. ℥ij.  
Aceti q. s. extrahe tincturam,  
addatur  
Spiritus terræ sigillat. ℥ij.  
Syrupi cerefolii ℥j.

in tempore dissolvit & consequenter apostemata & abscessus præcavet, etiam in orgasmo sanguinis acrioris & fervidioris, præmissa in statu plethorico, ubi opus est, venæsectione, in brachio evacuandi, in pedum uno refellendi fine, sic prodest.

In languore, lipothymia, modo non ex humorum crudorum copia, aut flatibus hystericeis proveniant, imo quoque in melancholia, angustis præcordialibus, ex obstructionibus lienis sæpe oriundis, terra isthæc singulare remedium præbet, sumpta cum aqua è typhis cervorum, aut sequenti, quotiesque opus est:

℞. Aq. cordial. temp. sax. ℥iij.  
Tinct. hyperici compos. ℥j.  
Spir. terræ sigill. ℥ij.  
Man. chr. perlat. q. s.

In dysentericiis, præponderata prius illarum causa & origine, si malignæ sint, tunc absque purgatione præmissa ad terram hanc, & præsertim ad sequentes species, recurrendum:

℞. Terræ sigill. ℥j.  
Cornu cervi solar.  
Spec. de hiacynth. an. ℥j.

Ubi vero putres, acuti & arrodentes humores præsentis mali autores existunt, tunc cum aliquo commodiori Rhabarbarino præcaute ordiendum est, eductis hisce sine exagitatione humoribus, mox pededentim adstringentia ad manus sumenda: qui humores alias incaute suppressi & retenti apostemata, arthriticos dolores, quin & gangrænam & varia in partibus nobilibus luctuosa dramata ludere possunt. Quem in finem majori cum præcautione & promotione ejusmodi species pro potu ordinario, per integrum curationis tempus, cum moderamine continuandæ, vel aqua bene chalybeata, quæ habet vim attenuandi & detergendi, tam ex splene, quam ex venis mesaraicis humores adustos, vi adstrictoria ventriculum roborandi, alteratrice in hypochondriis ex obstructione introductam emendandi. Species in potu sunt sequ: Rasur. corn. cerv. corn. cerv. ustum, lignum santal. rubr. Brasiliense, rad. filipendula, plantag. sanguisorb. bistort. flor. granat. galeops. lysimachia, bacc. myrt. exsiccat. Terra sigillata Laubac. Hisce interne cum debita præcautione adhibitis externa remedia succurrere debent, nec minus cataplasmata ex Terra sigillata rob. sambuci, theriaca, unguento lunaria, ol. myrtillor. mastichino, vel empl. diaphoenic. adplicata juvant.

In morbis à fascino & philtis &c. parili ratione ex ista omni laude dignissima terra multum solaminis levaminisque expectandum est, quando scilicet in illis, cum herbis saturninis, si-ve essentia hyperici, essentia baccarum paradisi, si-ve decocto pyrolæ Myns. &c. porrigitur, & insuper loca dolorifica cum unguento Carrichteri, vel etiam balsamo hyperici Rabensteinii illiniuntur: in hisce autem cum nasturtio aquatico, & aqua castitatis adhibetur.

Denique externum Terræ sigillatæ usum quod attinet, prodest omnino illa in quibusvis inflammationibus, erysipelate, exanthematibus cutis & pruritu &c. exsiccat etiam sordida & fluentia longo tempore ulcera admodum; ubi isthæc ulcera verbi gratia cum Terra Sigillata, sequenti modo præparata, lavantur, linteolis probe tinctis superimpositis: quo etiam modo in oculos, inflammatione & lippitudine laborantes, instillatur:

℞. Vitrioli albi ℥j.  
Salis Armoniaci ℥ij.  
Terræ Sigillatæ ℥iiss.  
Cretæ albæ ℥j.

infundatur in aq. communis mensuris duabus, in vase bene munito, agitentur & addatur camphoræ uncia una; vel in sequentem modum:

℞. Lithargyri Solaris ℥iss.  
Olibani ℥ij.  
Acet. lb. ℥ix.  
Aqua plantag. ℥vij.  
Persicariae ℥ss.

Coq.



Coq. ad tertiæ partis consumpt. Colat.

adde Onis

Cerussæ

Terræ sigillatæ

Sulphuris aa. ʒiʒ.

Mumiæ transmarinæ ʒj.

Olei tartari per deliquium ʒiʒ.

iterum coque & cola.

Præcipue si commoda emplastra, (quorum unicum modo nominare libet,) heic in subsidium vocantur, & sic prius balsamica sanguinis salsedo & viscera per atoniam turbata, ad convenientem & meliorem statum redacta fuerunt :

R. Ol. olivarum ʒxii.

Terebint. ʒvi.

Ceræ ʒiiij.

Cerussæ, lithargyrii aa. ʒij.

Terræ sigillat. ʒj.

Virid. æris.

Camphoræ.

Olei petræ aa. ʒʒ.

F.

Emplastrum.

## PARS V.

### *De virtute & effectu nuperrime effossi & instaurati terræ sigillatæ fontis.*

**N**ON solum celebratæ isti, sic brevi ac simplici ratione descriptæ, Terræ medicæ, sed etiam aquis inde promanantibus, fontibusque prope Laubacum scaturientibus, similes omnino, utut non æque magnæ, virtutes & operationes adscribi possunt, & ante omnia gratiosa mente agnosci debent, quod etiam communes aquæ miranda existant Dei opera, quibus remotis nulla creatura consistere, vivere ac commoveri queat. Siquidem aquæ non solum quotidiano usui inserviunt, sed etiam in nimio æstu sitim & languorem extinguunt, itemque in ardentibus febribus, cum moderamine haustæ, refocillant, & calori præternaturali resistunt, quousque nulla in visceribus & vasis mesaraicis obstructio, nec ipsum genus nervosum debile est: nam alias in ejusmodi obstructionibus retentiones aquæ, largius haustæ, tumores aliæque difficiliore, seta morte expiandæ, subsequuntur molestiæ. Porro solent ejusmodi communes aquæ, ut opera omnium creaturarum Domini, ex singulari decreto, ob certas nobisque occultas causas, tam efficaces reddi, ut illæ, non tamen sine omni omnibus discrimine, saluberrimas virtutes & operationes, modo ad salutarem finem adhibeantur, suppedient. Veluti tale exemplum II. Regum caput V. monstrat, ubi simplici aquarum illarum usu sanus recessit,

nempe simplicissima Jordanis aqua, illius Naëmanni lepram, id quod nec ante illum, nec post ullibi factum legimus, sanavit; & similiter Carolus V. Imperator Heilbrunnæ quondam à simplici aquarum illarum usu sanus recessit, quemadmodum in lapide Teutonicæ ibidem domus legitur. Breviter: Deus, quibus bene vult, illis omnia, etiam minima, debent esse salutaria: è contrario quos ob peccata, quancumque dehiscentia benedictionem, odit, illis & vel saluberrima medicamina debent esse nocifera. Secundo etiam ex naturalibus causis accedunt mirabiles quibusdam fontibus virtutes, & quidem ob mineralia & metalla in prima adhuc existentia generatione, quæ permanere solent scaturiginum aquæ. Tertio à nonnullis sat clare probatur, quod aquæ medicæ è vero sale centrali (anima terræ, ut vocatur, sale Hermetico, inæqualiter tantummodo salis culinaris bonitatem superante,) utilitates suas ac virtutes, quasi è terrarum abyssu, deducant, quæ dein in agris nigricantibus, atris, pinguioribus & pratis abundantius infixæ ac retentæ, quiescunt: quo insuper fit, ut ejusmodi agri majorem fertilitatem habeant, quam quidem alii, in quibus centralia ista salia vel deficiunt, vel etiam certo modo extracta observantur. Quæ à veritate haud alienæ sententiæ, nec minus probabiles, nullo modo negari, sed potius infallibilibus confirmari possunt argumentis; ita quoque constat Laubacensem Gratosissimi Domini, Domini Caroli Ottonis, Comitis Solmensis, Domini in Münden, Wildenfels ac Sonnenwald &c. Comitum ac Domini mei Gratosissimi, indultu gratioso reparatum & claris aquis scatentem fonticulum, qui ab immemorabilibus inde annis desolatus, inque vili & exili pretio habitus, jacuit, ejusmodi habere vias ac vires, ut permanendo terras sigillatas, quæ per integrum istum montem in maxima copia glebatim dispersæ jacent, earum etiam proprietates ac virtutes secum trahat, sibi que adpropriet: sicque his mediantibus virtutibus penetrabilibus ad conservandam sanitatem magis faciat atque proffit, quam aliæ aquæ, quæ nihil de istiusmodi virtutibus participant. Nec minus exinde cocta, vel per ebullitionem in vinorum doliis depravata cerevisia, ubi non, ut aquæ ipse, inconuenienti tempore, nimia abundantia, nec in æstu nimia hauriatur subito, sed ad necessitatem imbibatur, virtutes istas habebit, ut tartareas scorias ejiciat, coagulationes ac concrectiones calculorum impediât, morbos contagiosos febresque ardentes majori securitate arceat. Multa & magnifica, quæ fecit sapientissime omnia: impleta terra bonis tuis, imo miranda opera Naturæ in terræ visceribus, speciosissime ludentis!



## APPENDIX II.

Marchandises curieuses & parfumées, que vend Jean Rey,  
Marchand Parfumeur de Montpellier, de present à Francfort.

*Ouvrages en broderie parfumés.*

Toillettes en broderie, or & argent parfumées.

Carreaux piqués, appelés Sultans grands, en broderie parfumés, pour mettre la Chemise.

Carreaux piqués, appelés Sultans petits, en broderie parfumés, pour mettre le mouchoir.

Carreaux de liêt parfumés.

Carreaux de poche en broderie parfumés.

Carreaux de poche de satin unis.

Poches de taffetas piquées & parfumées.

Cassettes à la Romaine en broderie parfumées.

Cassettes ordinaires en broderie parfumées.

Cassettes pour mettre les peruques parfumées.

Toilles parfumées servant à mettre les habits.

*Gands parfumés.*

Gands de Chien parfumés.

Gands de Rome parfumés.

Gands de Chamois parfumés.

Gands d'Espagne parfumés.

Gands d'ambrette.

Gands de toute sorte de fleurs.

*Peaux parfumées.*

Peaux d'Espagne à l'ambre.

Peaux petit d'Espagne à l'ambre.

Peaux pour les Esvantails à l'ambre.

*Poudre de Chypre parfumée.*

Poudre de Chypre grise ambrée.

Poudre de Chypre blanche ambrée.

Poudre de Franchispane ambrée.

Corps de Chypre gris préparé.

Vazes dorés pour mettre les poudres de Chypre.

*Poudres pour les cheveux parfumées, & paste pour les mains.*

Poudre d'ambrette.

Poudre demy ambrette.

Poudre à desécher les cheveux.

Poudre de Jasmin.

Poudre d'Orange.

Poudre de Jonquille.

Poudre de Tuberuse.

Poudre de mille fleurs.

Poudre de Violette, servant à mettre parmi le linge pour se parfumer.

Paste pour blanchir les mains.

*Essences pour parfumer.*

Essence d'ambre gris.

Essence de Nerolly.

Essence de Cedrac.

Essence de Bergamotte.

Essence de Mulque.

*Essences & Pomades de fleurs.*

Boêtes assorties de toute sorte d'essences, pomades, & eaux de senteur.

Essence de Jasmin.

Essence d'Orange.

Essence de Tuberuse.

Essence de Jonquille.

Essence de la Cassie.

Essence de Violette.

Essence de mille fleurs.

Essence de Rosmarin.

Pomade de Jasmin.

Pomade d'Orange.

Pomade de Tuberuse.

Pomade de Jonquille.

*Pastilles de bouche parfumées.*

Pastilles à l'ambre de toute sorte.

Muscadins ambrés, servant aussi à parfumer.

Pastilles de Citron.

Pastilles de Violette.

Muscadins de Violette.

Pastilles de Rosé.

Muscadins de Rosé.

Pastilles de Girofle.

Muscadins de Girofle.

Suc de Reglisse blanc ambré.

Suc de Reglisse jaune de Violette.

*Parfums des chambres.*

Cassolettes de cuivre, à mettre sur un rechaud, pour parfumer la chambre.

Pastes pour mettre dans les cassolettes.

Pastilles à brûler.

Oysellets de Chypre à brûler.

*Parfums des poches.*

Cassolettes d'argent à 4. estages garnies.

Beaume apoplectique.

Beaume de Girofle.

Beaume de Canelle.

Beaume de Thin.

Mistions d'ambre.

Carreaux de poche.

*Bourses parfumées & sans parfume.*

Bourses peaux d'Espagne en broderie garnies.

Bourses peaux d'Espagne en broderie.

Bourses peaux d'Espagne unies.

Bourses peaux d'Espagne en broderie à la Cardinale.

Bour-



Bourfes peaux d'Espagne à la Cardinale unies.

Bourfes à fonds d'or avec perles.

Toute sorte de bourfes ordinaires.

*Bijoux ou toute sorte de Galanterie.*

Esvantails parfumés.

Esvantails en mignature parfumés.

Esvantails peaux d'Espagne.

*Pour l'embellissement & conservation du  
taint des Femmes.*

Pomade de beaume blanc, qui unit & conserve  
taint, bonne encore pour les enfans gâtes de  
la petire verole.

Pomade de blanc de perles.

Pomade de porcellaines.

Pomade de blanc d'Espagne.

Pomade pour les leures.

Pomade pour les dents

Eau de beaume blanc.

Eau de blanc de perle.

Eau de porcellaines.

Eau de blanc d'Espagne.

Lai& virginal blanc.

Eau de la Reyne d'Hongrie blanche pour le vi-  
sage.

Lai& virginal ordinaire.

Eau de Citterée.

Verjus préparé.

Fiel de bœuf préparé.

Eau de mirrhe.

Rouge d'Espagne en porcellaine.

Rouge d'Espagne en feuille.

Mouches fines & communes.

Gomme d'Angleterre.

Loups de Velours avec une peau préparée pour  
le visage.

Toilles des masques préparée pour le visage.

Blanc de perle.

Blanc de porcellaines préparées.

Blanc d'Espagne.

*Pour blanchir les dents.*

Oppiatte pour blanchir les dents.

Oppiatte en bâtons.

Poudre de Corail préparée.

Bâtons de Gimauve.

Esponges pour les dents.

*Eaux pour faire sentir bon.*

Eau d'ange musquée.

Corps d'au d'Ange.

Eau de la chartreuse.

Eau de mille fleurs.

Eau de fleur d'Orange.

*Eaux pour la santé.*

Eau de la Reyne d'Hongrie.

Fioles de Crystal.

Eau de Thin.

Esprit de Vin.

Eaux de vie.

*Sirops pour rafraichir.*

Sirop de capillaire parfumé.

Sirop de capillaire à la fleur d'Orange.

Sirop de capillaire ordinaire.

Sirop de Grenade.

Sirop de Viollete.

Aigre du Cedro.

*Savonnettes parfumées.*

Savonnettes grosses à l'ambre.

Savonnettes ordinaires à l'ambre.

Savonnettes grosses de Nerolli.

Savonnettes ordinaires de Nerolli.

Savonnettes communes.

Esponges pour le visage.

*Boissons & Liqueurs.*

Rossoli de Turin de toute sorte.

Rossoli d'eau de fleurs & ambré.

Angelique ambré.

Eau de mille fleurs.

Eau de Certe rouge ambré.

Eau de Certe blanche ambrée.

Eau de Canelle rouge parfumée.

Eau de Canelle blanche parfumée.

Chocolat, Cophé & The préparé & parfumé.

*Tabac en poudre parfumé.*

Tabac de pogibonci à l'ambre.

Tabac de pogibonci musqué.

Tabac de pogibonci aux fleurs.

Tabac de Franchispane ambré.

Tabac de Franchispane musqué.

Tabac de Franchispane aux fleurs.

Tabac de Maltthe ambré.

Tabac de Maltthe musqué.

Tabac de Maltthe aux fleurs.

Tabac d'Espagne ambré.

Tabac d'Espagne musqué.

Tabac d'Espagne aux fleurs.

Tabac de Nerolli.

*Parfumes d'herbes fortes.*

Toillettes en broderie d'herbes fortes.

Carreaux piqués appelle Sultans grands d'her-  
bes fortes.

Carreaux piqués appelle Sultans petits d'herbes  
fortes.

Carreaux de lits d'herbes fortes.

Carreaux de poches d'herbes fortes.

## APPENDIX III.

### Pretium Exoticorum in Belgio.

BAlc. d. Rakaer ʒj. Floren. 1. - 4. Stuver.

Vulnerar. Ind. rubr. ʒj. Fl. 12.

Quint. Ess. de benillia ʒj. Fl. 3.

Herb. acmella ʒj. Fl. 12.

Spir. acmellæ ʒj. Fl. 1. - 4. Stuver.

Herb. paragrai Ind. ʒj. Fl. 2.

Herb.



Herb. Origan. Cret.  $\text{lbj}$ . Fl. 1. - 10. Stuver.

puleg. Cretic.  $\text{lbj}$ . Fl. 1. - 10. Stuv.

Rad. Pareira brava  $\text{zj}$ . Flor. 5.

Hypocacuann.  $\text{lbj}$ . Fl. 8.

Serpentar. Virg.  $\text{lbj}$ . Fl. 8.

Sinica virtuosa  $\text{lbj}$ . Fl. 24.

Ninzi  $\text{lbj}$ . Fl. 38.

Cort. Culilaban.  $\text{lbj}$ . Fl. 4.

canell. d. Malt.  $\text{lbj}$ . Fl. 1. - 8. Stuv.

jubeba  $\text{lbj}$ . Fl. 12.

massaji  $\text{lbj}$ . Fl. 4.

scacarill.  $\text{lbj}$ . Fl. 1.

Winteran. ver.  $\text{lbj}$ . Fl. 1.

timiana  $\text{lbj}$ . Fl. 1.

Lign. Carabaccin.  $\text{lbj}$ . Fl. 3.

Sem. anisi stellat.  $\text{lbj}$ . Fl. 10.

daturæ Ind.  $\text{lbj}$ . Fl. 6.

amomi  $\text{lbj}$ . Fl. 1.

carpobals. veri  $\text{lbj}$ . Fl. 6.

caryophyll. pleni Fl. 2.

anthophyll. Fl. 3.

Nuc. moschat. mas Nr. j. 3. Stuv.

Faba S. Ignatii N. j. - 18. Stuv.

Placenta Catagambir. N. j. Fl. 1.

Lap. de Pedr. Porc. verus, van na d. propor-  
tie 200. 300. 500. à 1000. Flor.

Bezoar Orient. elect.  $\text{zj}$ . Fl. 36. à 40.

dito Occid. 40. 50. à 60. Stuv.

Cormandele verus Fl. 5.

Lap. de Goa vel Cordial. Fl. 6.

Lap. Comitiss. de Kent c. ambr. Fl. 4.

dito s. ambr. Fl. 3.

Lap. Cobera d. Capell. N. j. - 12. à 20. Stuv.

Ægagropilæ  $\text{zj}$ . Fl. 6.

Linum Catharticum  $\text{lbj}$ . Fl. 5.

Sal Cathartic. Epsom.  $\text{lbj}$ . Fl. 1. 16. St.

Gumm. Kiekekamalo  $\text{lbj}$ . Fl. 2.

Galix  $\text{lbj}$ . Fl. 1.

Ol. macis expr. liquid. Ind.  $\text{zj}$ . Fl. 3.

N. Moschat. expr.  $\text{lbj}$ . Fl. 12.

dito Ind.  $\text{lbj}$ . Fl. 12.

$\text{zj}$ . Ol. anodyn. Ind. Fl. 2.

arboris vitæ Fl. 2.

$\text{zj}$ . Ol. aromat. Ind. Fl. 14.

aurant. expr. Fl. 3.

caphur. ex rad. Cinam. Fl. 1.

Cardamom. Ind. Fl. 4.

Canang Ind. Fl. 12.

Casaminar. Ind. Fl. 4.

Cinamom. Ind. Fl. 18.

dito nostr. Fl. 14.

Citr. Italic. Fl. 3.

cochlear. Fl. 10.

cubegar. Fl. 3.

Culilaban Ind. Fl.  $3\frac{1}{2}$ .

dracunculi Fl. 3.

Embryon. Fl. 3.

Galangæ Fl. 4.

Gratiæ albæ Ind. Fl. 2.

Kiekekamalo Ind. Fl. 2.

Lign. Rhod. opt. Fl. 6. à 7.

macis Ind. destill. Fl. 5.

Cedro Ind. Fl.  $3\frac{1}{2}$ .

nuc. moschat. Ind. Fl.  $3\frac{1}{4}$ .

Neroli Italic. Fl. 4.

Origan. Cretic. Fl. 2.

melissæ ver. Fl. 8.

malabatr. Fl. 3.

piperis Ind. Fl. 4.

pomor. Ind. Fl. 3.

pulegii Cret. Fl. 4.

podagric. Ind. vel anod. Fl. 2.

Puirat ex flor. Ind. Fl. 6.

santal. citr. Fl. 6.

sassafr. Ind. Fl.  $1\frac{1}{2}$ .

squinanth. Ind. Fl. 5.

Vini ver. Fl. 4.

Zedoariæ Fl. 4.

Zerrex Ind. Fl. 4.

Zinziber. Fl. 5.

Bals. d. Mecca vel Opobals. Ver. Fl.  $2\frac{1}{2}$ .

Tolutan. liquid. Fl.  $1\frac{1}{2}$ .

dito siccum  $\text{lbj}$ . Fl. 10.

Copaivæ  $\text{lbj}$ . Fl.  $1\frac{1}{2}$ .

Peruvian. nigr.  $\text{lbj}$ . Fl. 8.

Indic. alb.  $\text{lbj}$ . Fl. 3.





MICHAELIS BERNHARDI  
VALENTINI  
INDIA LITERATA;

SEU  
DISSERTATIONES EPI-  
STOLICÆ


DE  
PLANTIS, ARBORIBUS, GEMMIS  
ALIISQUE RARIORIBUS, AD SCRUTI-  
NIUM NATURÆ ARTEMQUE MEDICAM  
SPECTANTIBUS,

AB  
EUROPÆIS CURIOSIS ET  
ERUDITIS,

CLEYERO, RUMPHIO, HERBERTO *de*  
JAGER, *ten* RHYNE, KÆMPFERO  
ALIISQUE IN INDIA RECIPROCATÆ

ET  
EX AUTOGRAPHIS ILLORUM BELGICIS  
antehac in linguam Germanicam translatae, nunc verò  
Exteriorum gratia Latinitate donatae

à  
CHRISTOPHORO BERNHARDO VALENTINI  
M. B. Fil.



FRANCOFURTI ad MOENVM  
Prostat apud HÆREDES ZUNNERIANOS.

---

MDCCXVI.



MICHAEL B. RYAN

MAINTAIN

INDIA LITERARY

DISSEMINATION

OF

THE EASTERN

AND WESTERN

RELIGIONS

EUROPEAN CULTURES

AND

THE EASTERN

RELIGIONS

AN

AND


CHRISTOPHER COLUMBUS

OF



THE UNIVERSITY OF CHICAGO  
LIBRARY





MICHAELIS BERNHARDI  
VALENTINI  
INDIÆ LITERATÆ  
PROOEMIUM.



*I*Nter alia subsidia & adminicula, quibus tam in perscrutatione rerum naturalium, quàm inventione pharmacorum probatorum utimur, haud minimum est indefessum commercium literarium, cum Amicis inter Exteros viventibus instituendum, utpote quod non tantum Mercatoribus & Negotiatoribus, cumprimis autem Aromatariis, summè proficuum & necessarium est, sed & Eruditis ad quamplura, antea prorsus incognita, obtinenda viam sternit. Quemadmodum verò illi, qui mercaturam exercent, commercium suum literarium (correspondentiam vulgò dictam) ut plurimum clam aliis recipiunt & in arcanis habent: sic è contra Eruditi non tantum alios Amicos literarum aliunde obtentorum participes reddunt, sed & typis publicis haud rarò committunt, ut tot Epistolarum Scriptores attestantur, quorum integrum & prolixum catalogum in Prefatione Epistolarum, à Thoma Bartholino in itinere conscriptarum & abhinc III. Centuriis editarum conspiciere licet: quibus Illustris Cartesii Epistolas, ad principia sua Philosophica contra Gassendi aliorumque objectiones defendenda conscriptas, Bocconi Inquisitiones naturales & Leuvenhæckii epistolas ad Societatem Regiam Londinensem, Timæi item à Gùldenkleë, Dolei & VValdschmidii Epistolas Amœbeas, Dissertationes nostras Epistolicas & (si & fictas in speciem literas addidisse licet) nuper admodum in Saxoniâ editas & sub Tit. Epistolarum interceptarum (aufgefangene Briefe) in vernaculâ conscriptas literas quis addere posset. Quam maximè autem commercio hòc epistolicò intuitu rerum naturalium in disitis longè regionibus, India v. g. Orientali & Occidentali, provenientium, indigemus admodum, dum illi, qui aliorum negotiorum & mercatura causâ eò proficiscuntur & abhinc in suis Itinerariis illorum mentionem faciunt, parcam vel omninò nullam eorum informationem habent, sed tanquam auriti solùm testes omnia referunt, & si falsiloquia è longinquò spargant, intus & in cute sape gaudent. Quæ fortè causa est, cur Illustris Societas Indiæ Orientalis Belgica, non sine laudabili cautelâ, Legatos illos, aut (ut vulgò audiunt) Commissarios, ad plantationes suas aliosque locos transmittendos, primum sacro iurisjurandi vinculo adstringat, ut in Relationibus suis nil nisi veritatem illibatam proferant, quibus



ea de causâ major semper fides adhibenda est. Quandoquidem verò & hi tales sapissime rerum naturalium prorsus sint ignari, atque de iis, quæ ad res mercatorias magis faciunt, solliciti tantum sint: hinc tutius ab Eruditis & Curiosis, in locis India viventibus, ea, quæ Studium Naturæ Artisque Medicæ concernunt, & ab iis curatius & perfectius explorari possunt, expetere aequè ac expectare possumus. Quem in finem tot Membra Celeberrima S. R. I. Academia Naturæ Curiosorum in Germaniâ, Volckamerus sc. Schræckius, Menzelius (à Potentissimo Borussia Rege hunc in finem lautissimo stipendio donatus) Schefferus, ut & Inclytus Ludolphus aliique, cum Eruditis in Orientali India, Cleyero, Jagero, Rumphio, ten Rhyne similibusque commercium literarium aluerunt, quorum observationes & epistola jam ex parte in Miscellaneis Curiosis occurrunt. Majorem verò lucem illæ nobis literæ atque scripta fœnerari possunt, quæ posteriores in ipsa Indiâ Orientali inter se reciprocârunt, quibus se mutuò emulando & in multis contradicendo se ad uberiores & curatiores inquisitionem excitârunt & stimulum non inutilem addiderunt: quò fieri non potuit, quin ea, quæ alioquin in abscondito mansissent, in aprium deducta fuerint. Exemplum hujus rei, notatu dignissimum, in hac ipsâ nostra Indiâ Orientali Literata se trudit, & quidem in Sandalo rubrò, cujus origo atque patria nunquam tam exactè & dilucidè detecta fuisset, nisi Doctissimus Dn. Herbertus de Jager cum sedulo & curiosissimo Rumphio contentionis ferram toties & tam fervidè de eo reciprocasset. Quoniam verò in illorum literis adhuc alia, eaque curiosissima & hætenus ferè inaudita, continentur, non destiti, nec prius arquescere potui, quàm manuscripta utriusque & autographa, ex hereditate B. Dn. de Jager in Germaniam allata, à Dn. Johanne Godofredo Vito, Aromatario VVormatiensi & ex Indiâ Orientali reduce, utut non sine prece pretioque, obtinuerim, ut eadem, cum aliis juratis Relationibus, è linguâ, quâ conscripta erant, Belgicâ, in Vernaculam Germanicam primum, nunc verò simul in Latinam transferre & cum Eruditis per typum publicum dividere possem, eoque magis, quòd ob analogiam argumenti Museo nostro Museorum haud ineptè combinari possent. Quemadmodum ergò nullus dubito, haud paucis harum rerum aestimatoribus, & Curiosis Naturæ Scrutatoribus non ingratum hoc ipsò officium fuisse præstitum, ita simul operam daturus sum, ut quamprimum aliis, consimilibus monumentis, cum primis accuratissimâ Descriptione Concharum Ambonensium, quam sæpius laudatus Rumphius (à perpetuâ illarum inspectione tandem oculorum lumine privatus) in-scriptis reliquit, iisdem complacere valeam. Hæc vice autem pro coronide adjicio curiosissimam non minus, quàm accuratissimam PALMÆ DACTYLIFERÆ, seu PHOENICIS PERSICI, Descriptionem, ab Anonymo erudito (quem Excellentiss. Dn. Engelbert. Kempferum, in Persiâ & India Oriental. diu versatum, esse, binæ literæ initiales nominis me credere jubebant) ad Illustrem Dominum van Reedem in India Orientali (unde eandem per amicum obtinui) olim Latine sic perscripsit: quam nuper admodum cum Figuris aeneis ipse Dn. Autor in Amœnitatibus suis Exoticis in lucem edidit. Accesserunt etiam APPENDICES aliquot, ad Historiam Simplicium fundamentalem & reformatam apprimè facientes. Omnia in honorem Creatoris commodumque Proximi!





# INDIÆ LITERATÆ EPISTOLA

I.

DN. GEORGII EBERHARDI RUMPHII

Ad

DN. HERBERTUM DE JAGER.



**O**ccasio hætenus mihi tantum non favit, ut Tibi, Vir Honoratissime literis quibusdam infervire potuerim: quod ipsum diutius differre nequeo, quum in diversis Amicorum, Bataviæ novæ viventium, literis Tuo nomine salutatus fuerim, simulque relationes & descriptiones aliquot plantarum, in australi Indiæ parte provenientium, & erudito Tuo calamo descriptarum, obtinuerim, è quibus pace Tuâ nonnulla opusculo meo de Plantis Ambonicis (utut Tuò sub nomine) sparsim inserui & quantum ad illarum explanationem necessarium videbatur, applicavi: quem conatum meum haud iniquè feret Dominus Honoratissimus.

Inter alia à Dn. Cleyero descriptio feminis contra vermes, vel, si mavis, *feminis sancti*, communicata fuit, quod Nob. Tua pro Abrotoni specie, vulgares autem Botanici pro Absinthio Seriphio venditant. Nonnulla item de *Catsio*, vel *Lycio Indico*, aliaque ad considerandum transmissa, quæ tamen parum aut nihil ad meum propositum facient, siquidem de nullis ego plantis sollicitus ero, nisi quarum species aut genera quædam in Amboina propullulant. Magis autem Descriptio *Palmeira bravæ*, popularibus nostris *Palmeer*, aut *Jagar-boom*, hic locorum autem *Lontar* dictæ, inservit. Relationes de arboribus *Camphoram Benzoinumque* fundentibus etiam desideraveram, quò videre possem, an illarum species quædam hæc in Amboina reperiantur: quæ omnia superiori anno à Dn. Jacob de Vicq mihi tradita sunt, qui simul descriptiones plantarum quarundam Ambonensium pro Nobilitate Tua desiderabat. Summoperè tunc, ut denuò repeto, me excusari petii, quod mutuo, prout decet, officio defungi non potuerim, cum prolixa admodum descriptiones illæ sint & nonnisi unicò Amanuensi gaudeam, qui nullis aliis laboribus, quàm manuscriptis meis in ordinem redigendis mundandisque dicatis, vacare potest, quibus ob ingruentem ætatem meam decre-

pitam non multum temporis superest, dum interim necessarium, utut concisum, literarum commercium satis mihi negotii facessit. Caterum hisce testari volui, me, si unquam fieri poterit, brevibus subindè relationibus & responsionibus Tibi *ὁλοκαρδῶς* gratificaturum esse. Interea temporis Domino meo Honoratissimo ea, quæ Dn. de Vicq à me obtinuit, in quam plurimis argumentis servire poterunt; quò etiam genuina & naturalis descriptio arborum *nuces moschatas & caryophyllos* ferentium, quam præsentium exhibitor, Fitcalis Noster, Dn. Abraham Boudens (prout ipse, ut asserit, consignavit) offeret, numerari poterit. Huic ipsi quoque aliquid de *Caryophyllis Regiis* Ambonensibus tradidi, qui à decem jam annis hæc in Amboina in duabus vel tribus arboribus observati sunt: attamen notabiliter à veris Ternatensibus *Caryophyllis Regiis* differre videntur, de quibus post generalem illorum eradicationem ne ulla quidem arbuscula per universum Orbem amplius reperitur. Harum tamen tres illi simul insinuavi, Tibi quidem adferendos, & per XXVI. annos à me asservatos, qui utique mererentur, ut ad speciem externam salvandam depingerentur, aut delinearentur. Nos hæc vice Pictore destituti sumus, & nì futurò annò aliquem hìc obtinuerimus, opus meum, intuitu figurarum ænearum, mancum & mutilum manebit.

Aliquoties hætenus fragmenta quædam *ligni sandali rubri*, una cum descriptione, è quâ regione proveniat, quæsi vi, ast nihil certi usquedum obtinere potui, cum illud, quod è Bataviâ Novâ mihi transmissum fuit & antea hinc inde vidi, ut plurimum à ligno Caleaturico non differat. Quoniam igitur Dominatio Tua superiores Indiæ Antiquæ tractus trajecit, speciatim autem partem Coromandel & Orixam, (cui Lusitani Tanassarim, unde Garzias aliique Sandalum rubrum derivare conantur, quod illic circa urbem Caleaturum succrescere dicitur, adjiciunt;) hinc Eandem etiam atque etiam rogare cogor, ut aliquid certi solidi-



que de eò mihi communicare & si fieri posset, frustulo sandali veri mihi prospicere haud gravetur. Meam quod attinet tenuitatem, lignum Caleaturicum pro sandalo rubro agnoscere non possum, utut D. Cleyerus mihi testatus fuerit ab omnibus Medicis & Physicis Batavia pro eò venditari. In eam potius sententiam inclinarem, verum sandalum rubrum in universa Orientali Indiâ non reperiri, quod Veteres Arabes è tractibus Africa Orientalibus illisque vicinis Insulis, cum primis Insula Madagascar attulerunt; quapropter usque dum adhuc à Malaijanis cognomine Arabico, *Tsiendana Zangi* vel *Zingi*, h. e. Sandalum Æthiopicum vocatur, cui qualitates refrigerandi, validè adstringendi venenoque resistendi adscribuntur, de quibus virtutibus in ligno Caleaturico ne quid quidem propriâ observare licuit experientiâ, verius autem contrarium. Ad hæc à Domino meò Honoratissimo informari desiderarem, an in Veteri India alius *Calamus Aromaticus* inveniat, quam is, qui Malaicè *Deringo*, Malabaricè autem *Vasomba* dicitur & nihil aliud quam *Acorus* verus est. Apud Garziam ab Horto adeò confusè & obscurè describitur, ut nihil certi inde concludere possim: quemadmodum & in duobus, qui hætenus lucem viderunt, Tomis Horti Malabarici nequicquam de eò reperire licuit: quod Opus vastissimum mihi aliisque Malabaricorum vocabulorum ignaris obscurum minusque intelligibile videtur. Alias ipse mihi Clavim aliquam in Opus isthoc formavi, cum primis quoad illas plantas, quas ex descriptione & figura æneâ dignoscere licet, quâ ratione sc. in hisce Insulis & Malaijanâ Linguâ vocentur.

Per supradictum Dn. Boudens Dominationi Tuae fasciculus seu corbis minor Lit. H. D. I.

signatus tradetur, in quo *Tuber Regium*, seu *Ubi Radzja*, una cum Fungis infundibuli-formibus & apertis reperitur, & à Dn. de Vicq proficiscitur. Constat id è tuberibus crassis, è terrâ pinguiori spontè, magnitudine unius vel alterius pugni, provenientibus, extus atrogryseis, ita quidem, ut sub effossione pro lapidibus habeantur & propterea non facile obtineantur, antequam fungos infundibulo-formes habeant, quod tamen rarò & tantum Mense Novembri, sicco admodum tempore accidit. Intus cretæ instar albicant, prorsus exsucca, nullius saporis aut odoris notabilis. Ab Incolis hujus Regionis pro medicamentis contra diarrhœam habentur, cum validè adstringant. Comeduntur vel è manibus, vel in rasurâ cum oryzâ, aut farinâ arboris Sagum miscentur. Ut plurimum similitudinem aliquam habent cum radice Sinicâ *Hochin*, quam P. Martinius in Atlante suo Sinico tanquam genuinam radicem Chinæ describit & *Folin* nominat. De supradicta *Ubi Radzja* duo specimina cum fungis, & duo sine fungis obtinebis, quæ in horto terræ imponenda sunt, ubi suo tempore, calido sc. & pluvioso, Fungi se trudent, qui teneri adhuc & recentes culinæ & cibo inserviunt. Quod si Honoratissimus Dominus meus, ut Amici nonnulli fama que communis ferebant, hanc Provinciam ipsemet invisere potuisset, sub diversis conventibus stomachum iisdem implere potuissemus, quod nunc alia negotia vetârunt. Malaijanum aut Javanense nomen illius *Cynosbati*, qua Batavia obsepta est, scire quoque averem, cum mediante semine, ex Java nobis transmissò, etiam hic in Amboinâ nostrâ illam vegetari vidimus. Quibus, præmissa prius salute cordiali, Divinæ Nos protectioni, Tuo autem favori me commendans æternum persevero

T. T.

Amboina die 20. Maji  
1683.

RUMPHIUS mpr.

## EPISTOLA II.

DN. HERBERTI de JAGER

AD

DN. GEORGIUM EBERHARDUM RUMPHIUM.

*Honoratissime Dn. Rumph!*

*Scrutator Naturæ penetrantissime æquè ac Æstimatissime!*

IN votis habuissem, ut navi hâc altum maris conscendente tantis Nobiliss. Societatis negotiis (contra omnem expectationem) obrutus non fuisset, vel potius (ne me ipsum ex-

cusare videar) tamdiu non distulisset, quò me fusius & dilucidius explicare Tibique magis satisfacere potuissem, quàm juxta modulû scientiæ & cognitionis (quam exiguam in me esse novi)



vi) rerum Botanicarum lubentissimè iis, quæ Nobilitas Tua in literis suis partim Mercatori, Dn. de Vicq, Amico meo intimo, partim Dn. Cleyero commendârat, quoad omnia gratificaturus sim.

Quod jam ea, quæ me concernebant, attinet, Dn. de Vicq materias mihi commissas è literis suis prælegit; Dn. Cleyeri Commissarius autem puncta me concernentia legenda dedit: è quibus magnâ cum voluptate percepi, ea, quæ Nobilitati Tuæ per supradictos Dominos & Amicos transmiseram, haud ingrata fuisse. Nil ergo magis in votis haberem, quàm ut impostertum aliis quampluribus desiderio Tuo satisfacere possem, dum me obstrictissimum esse sentio omnia ea spontè conferendi, quæ ad nobilissimum, quod meditâris, opus aliquid contribuere valeant. Interim doleo eò præcisè tempore per Amicos illos Te meo nomine compellatum fuisse, quò tot negotiis obruebaris, dum ipse fateri cogor, quod tempus & assistentia Amanuensis majori cum emolumento in Boni Publici usum, quàm propositarum à me quæstionum resolutionem, elocari possint, sanctè promittens me posthâc libertate Te interpellandi non abusurum, neque tot molestiis obruturum esse; quemadmodum Tuo simul arbitrio benevolo relinquo, petitis meis neutiquam diutius, quàm res ipsa requirere videtur, inhærendi, ne *egyptiorum* illud quovis modò impediatur aut sufflaminetur.

Interea gratias, quas mente concipere possum, ago maximas, quod Domino de Vicq indulseris, ut Descriptionem Tuam *Nucis Myristicæ & Arboris Sagu* (cujus copia mihi jamdum facta est) mecum communicaret, quæ me summè recreavit, ita ut ex hoc fragmento, tanquam ex ungue leonem dignoscendo, prævidere potuerim, quàm egregium & proficuum opus id omnibus Eruditis in Europa futurum sit. Vehementer autem doleo, quod ob asthma aliquod & molestissimum pectoris affectum, cui indies magis magisque obnoxius reddor, tantum mihi vitæ residuæ promittere non possim, ut Opus hoc typis expressum etiam videre liceat, providentiæ & necessitati naturæ me hâc in parte patienti æquove animò submittere. Quod si verò DEUS T. O. M. me in vivis superstitem clementissimè voluerit, certus & omninò securus sis, obsecro, me ne ullo quidem apice literarum, nisi qui me Autorem agnoscat, in publicò compariturum esse; quemadmodum observo Tuam pariter Nobilitatem hanc sibi legem posuisse & in reliquis omnibus candidum & sincerum se præbere. De nullo quoque argumentò sum acturus, nisi cujus exactissimam notitiam & experientiam habuero, & plenariam informationem ipsemet obtinuero. Quod si autem aliorum quoque laboribus usus sim, non tamen aliò, quàm Ejus fiet nomine, cujus benivolæ communicationi eos in acceptis fero, modò pace quoque Ejus

fieri possit: quemadmodum & Nobilitas Tua iis, quæ de Palmeira arbore conscripsi, in quantum ad scopum suum videbitur inservire, tutò & audacter uti poterit, dum me felicissimum æstimavero, si Dn. meo honoratissimo iis servire potero.

Ut verò rem ipsam aggrediamur, inter nomen ad Dn. de Rheede positum atque nostrum tanta differentia neutiquam intercedit, quanta sub primo intuitu iis, qui linguarum sunt ignari, videri posset, cum arbor hæc in lingua Malabarica proprie *panè* & non *pana*, ut Dn. de Rheede scribit, vocetur, quod ipsum tamen parum importat. Vox *metem* verò, in tractatulo meò addita, in eadem notat arborem, non secus ac vocabulum *Wruksjam*, quod in Sanskritica, h. e. docta Brachmanum linguâ, voci *Talâba* vel *tala* jungitur, eandem significationem habet; quapropter illud prius ut plurimum voci Malabaricæ *panè*, & posterius in altera lingua verbo *tala* conjungitur; quod Brachmanum vocabulum ubique pariter in Macassar usitatum est, ubi arbores hæc *tala*, sicut in Insulâ Java *Tal* vocantur, ut Nobilitati Tuæ satis superque cognitum erit: haud aliter ac nomen *Lavvang'am* aut *Lavvang*, quod in eadem eruditorum linguâ caryophyllos aromaticos denotat, similiter in Insulas Molucas & ipsam Amboinam translatum fuit, prout Paganismus è tractu Coromandel olim tam in Javam, Baly &c. quam in Malajam haud exiguum linguæ suæ partem derivavit. Cæterum ut sine ulterioribus ambagibus negotio huic insistamus, vox *carim*, quam Dn. de Rheede voci *panà* jungit, in linguâ Malabaricâ mixtum notat, ad differentiam alius speciei *panà*, cujus folia quodammodò candidiora sunt, quàm prioris sortis.

Quod autem vocabulum *Tamado*, priori *Talâ* subjunctum, attinet, ejus significatio me latet, & sine dubiò vocabulum Canariense, aut aliud in Kaukan usitatum, nec eruditæ Brachmanum linguæ proprium est, in qua ex parte & in tantum ad minimum versatus sum, ut idem neutiquam Sanskriticum esse dignoscere valeam: utut Dn. de Rheede in toto suo opere hanc ipsam generaliter pro ipsâ Brachmanum linguâ venditet. Interim in quamplurimis vocabulis illi congruit, aut interdum parum inde deflectit, imò & iisdem literis utitur & in scribendo insignem similitudinem habet, qua lingua Sanskritica & Indostanorum exprimitur. Huic ergò arbori in lingua Indostanorum nomen *Taar*, cum additione vocabuli *dzjaar* (quod in eadem linguâ arborem notat) tribuitur. Quando jam particula *hi*, quod genitivi signum est, nominativo præfigitur, combinando *Faar hi dzjaar*, h. e. Palmam, sonat. Ab hoc vocabulo *Taar* vulgatum *Tari* derivatur, potum ab hac arbore petatum denotans, & non tantum succo huius arboris, sed & palmæ sylvestri, dactylos ferenti, imò & aliis arboribus, succum aliquem fundentibus, commune est, quem-



quemadmodum in Suratta vocabulum hoc eandem ubique significationem habet. Lingua Telingasica, cujus in tractatulo meo pariter mentionem feci, à Malabarica quoque differt & tantum in tractu bozeali regionis Coromandel, versus Bengalam, obtinet & longis aliis literis utitur quam priores linguæ. Alias arbor hæc linguâ Javanica & Malaijanâ quoque *Lontar* dicitur, ejusque maxima copia in Bataviâ nova, cum primis in urbe Bantam, observatur, ubi & foliis ejus utuntur pro literis insculpendis; quâ de causâ denominationem hujusque derivationem, quoad ultimam linguam, acu tetigisti. Licet autem fieri potuerit, ut arborem hanc Lariquæ quoque videris, attamen scemina à mare, antequam fructibus suis superbiant, difficulter admodum distinguitur, adeoque adhuc in dubio manet, an illic *Carim-panè* vel *Am-panè* h. e. marem aut sceminam palmam reperieris, quod ipsum fructus, Javanis *Sibalon* dictus, docere debet. Quoniam verò descriptio & depictio utriusque arboris Lib. 2. Horti Malabarici à Dn. de Rheede prolixè fuseque ob oculos ponitur, hinc ulteriore deductione superfedere poterimus. Hoc tantum adhuc mone-re volui, quod, ut mihi quidem videtur, Lusitani arbori huic nomen *Palmeira bravva* dederint, quoniam absque ullâ cultura atque plantatione propullulat & in densissimas sylvas succrescit: quemadmodum & in tractu Coromandel talia arboreta ad aliquot milliarium longitudinem inveni. Similiter silentio (antequam argumentum hoc prorsus derelinquamus) involvere nequeo, vocem *Jagra*, aut *Saccharum Jagar* non tantum saccharo ab arbore hæc proficiscenti unice & propriè attribui, ut opinari videris, sed & saccharo ab arboribus Nuces Cocos ferentibus parato, imò & aliis speciebus sacchari nigri, in massis conservati & ex ipsâ cannâ sacchariferâ expressi, communem esse: utut majori jure saccharo ab arboribus provenientei competat. Quibus jam diversis nominibus hujus arboris me satisfecisse puto, prout in literis ad Dominum de Vicq à me desideraveras.

Species *Caldeira*, seu magis propriè *Cardoeira*, in his Insulis quoque satis frequens est, quam lingua Malaijana *Bangkuvvan* & illam speciem, quæ muscum floridum & fragrantem præbet, *Pandam* eadem linguâ vocant, quò nomine quoque flos insignitur. Duæ autem ejus species reperiuntur, quarum altera folia spinosa, altera verò non spinosa habet, quæ posterior hic ut plurimum reperitur, ita ut Javæ Incolæ è foliis *Bankovvan* hic & in Palimbang notissimum *Kudzjang* (quod species mattæ junceæ, in usum tegminum cedentis, est) ut Nob. Tuæ non minus, quam mihi constabit.

*Ubi radzia* potius solani tuberosi, seu tuberum terræ, species videri posset, quam species

Oebi, ita ut radix sit species tuberis esculenti, Italis Tartofoli & Gallis Truffles dicti, capitulum superius autem fungus appareat, quantum ex eò, quod apud Dn. de Vicq videre licuit, concludere potui. Interim examen hujus meæ opinionis Tuo, Vir Honoratissime, judicio committo tuamque de hæc re sententiam expecto.

Quandoquidem & vocem *Culit Lavvang* in epistolâ ad Dn. de Vicq adductam viderim, intuitu vocis Lavvang, quæ juxta Brachmanum & Indostanorum linguam caryophyllos aromaticos denotat, in eas cogitationes incidi, annon cortex hic potius cortex arboris caryophylliferæ sit, ut vis hujus vocis inferre videtur, aut à spuria quadam arboris hujus specie proficiscatur, cujus alia, quam veræ forma sit? quemadmodum Golkondæ, in Pharmacopolio aliquò sub caryophyllorum sylvestrium nomine similes fructus vidisse mihi videor, unde specimina quadam conservavi & nescio in quem locum reposui. Quoniam verò tempus jam non patitur, ut in eosdem inquiram, non desinam imposte-rum eosdem quærere, & sicubi invenero Nob. Tuæ transmittere, ejus desuper judicium expectando, an opinio me fefellerit nec ne? si & ipsemet instructus esses de sylvestri quadam caryophyllorum specie, obnixè peterem, ut quosdam mihi communicares, quò cum illis, quos è Golkonda obtinui, conferri & quousque à se invicem differant, observari possint.

Ex eadem quoque epistolâ Tua certior sum redditus, lignum *Ringò* ab arbore Angsana proficisci, quam optimè novi, utut nupiam (in quantum recordari possum) eandem viderim, quam in Bataviâ. Fundit is aliquam *Sanguinis Draconis* speciem; quamvis optimum gummi hujus nominis in arbore Ligni Calcaturici reperierim, coloris intense rubicundi & quovis etiam Rubinò de Pegu clarioris; quemadmodum & Golkondæ in glossariò quodam, in quò medicamenta Arabica linguâ Indostanorum (quot sc. in horum regione proveniebant) literis Persicis expressa & descripta erant, observavi, sanguinem Draconis pro gummi aut succo coagulato arboris sandali haberi, quod è tractu Coromandel, per Indostan, & secundum nostram opinionem ab arbore ligni Calcaturici obtinetur, quam arborem sandali rubri vocant, ut sapius sum expertus & in regionibus illis satis constat, ipsaque probatio & odor, si lignum lapidi impingitur, attestatur, cum primis, si vetustum insimul & intense rubrum est. Quod si fortè arbor hæc etiam in Madagascar proveniret & è numero trium illarum esset, quas Dn. Flacourt in Descriptione hujus Insulæ enumerat & perhibet, quòd Sanguis Draconis inde exsudat, non tam facile adduci possem, ut crederem, illud, quod in Palimbang



limbang è certo cannæ fructu, illuc obviò, vi ignis supra aquam ferventem elicitur, genuinum & sincerum Sanguinem Draconis esse, utpote qui ab omnibus omnino Medicis, quantum mihi constat, pro gummi aliquo habetur; ut taceam hoc *Dzjerenang*, quod è fructu illius cannæ paratur & Malaijana linguâ ita vocatur, quoad externam quoque formam ab illo Sanguine Draconis, quem in Pharmacopoliis Persicis Golkondæ vidi, immane quantum differre, optimè autem cum illa gummatis specie, quam ex arbore sandali rubri obtinui, convenire. Ad minimum Tibi, Vir Honoratissime, dare non possum, lignum sandalum rubrum è regionibus Africanis, circa Sofalam, in quâdam Indiæ loca, & exinde in Arabiam transportari, dum notatio hujus ligni, quæ in Malaijana Lingua *Tsiendana Zeng'gi* sonat & Nobilitati Tuæ ad hanc sententiam amplexandam ansam dedit, sufficiens fundamentum non suppeditat, cum primis si originem hujus vocis & qua ratione in linguam Malaijanam irrepserit, consideraverimus. Derivatur nempe, quantum mihi constat, exinde, quod sinus Æthiopici, ad latera maris rubri, ubi Sinus Arabicus est, Arabum linguâ *Zendzi* vel *Zenri*, & juxta Gallicum scribendi modum *Zengi* nominatur, ubi litera j, ceu consonans, vim & expressionem g, aut i cui d præfixum, habet, quod vocabulum à Zingis derivatur, in Geographiâ Ptolomæi jamdum obviis, qui extremam ejus partem ad Sinum Barbaricum ponit, sicut Arabes in descriptionibus suarum regionum Geographi hujus denominationibus quoque uti consueverunt. Ab hac voce *Zendzi* jam nomen gentile *Zendzi*, Personam ex eâ regione, & talem Æthiopem denotans, derivatur, quod & Persæ in linguam suam adoptârunt, solitâ tamen iis mutatione lit. z. dziem aut dzi in Ga vel g, quod facere assolent, si voces quasdam Arabicas, literâ z vel dziem gaudentes, in propriam linguam suscipiunt, quemadmodum idem Linguarum Orientalium Amatoribus in Europâ, qui vel eviter in linguâ Persicâ versati sunt, sufficiens constat: ut adeoque non opus sit pluribus exemplis declarare & demonstrare. Vi molò dictorum supradictum vocabulum Persis *Zengi* dicitur, quò omnes Nigritas, qui crispis & lanuginosis crinibus instructi & Æthiopes quos Lusitani & nos ipsi Cafares appellamus) vident, nullos autem alios infideles denominare solent: à quibus tamen illos, qui ex Abyssina veniunt, nomine *Hhabassi*, vel juxta Gallorum stylium, *Hhabachi* distinguunt, omnibus verò illis, capillis lanuginosis, ut dictum, instructis nomen *Zengi* tribuunt, ut in Persiâ satis superque observavi. Licet verò Persæ vocem hanc, cum pluribus aliis, in Malaijanam Linguam transplantaverint, attamen in hac, per opum Rhetoricum satis notum, aliam significationem est naçta, ita ut à nigro colore in

illorum corpore conspicuò in linguâ Malaijanâ nigri quid significet: quò sensu quoque in Historiâ Malaijanâ Hhamrah reperitur; quemadmodum & optimi quivis Malaijani, hunc in finem à me consulti, in eò concordant, quod vocabulum hoc *Zengi*, illorum stylo *Zeng'gi* depicto, tantum nigri quid denotet, nulli verò regioni aut nationi applicetur, aut applicari possit. Quid quod & regiones aut Insulæ illæ, quæ linguâ Malaijanâ gaudent, ne minimum quidem de tractu Africanò norunt, nec unquam (in quantum constat & credibile est,) navigationem aliquam versus illum instituerunt, siquidem in historiis illarum nihil de eò occurrat, quæ tantum attestantur, quòd olim regionem Coromandel frequentaverint, & tantum aut 10. dierum itinere inde distantes. Imò & reliquæ Religionis & insignis vocabulorum numerus, in Malaijana & Javanorum Lingua occurrens, idem confirmare videtur; ut adeoque vox *Tsiandana Zengi* Malaijanis nihil aliud, quàm nigrum seu potius intensè rubrum Sandalum (quod optimum & selectissimum) denotet, prout doctissimi quidam Malaijani me docuerunt, adeoque à quadam regione ita vocari nequeat, de qua in universo hòc nequicquam constat. Adhæc incertum quoque est, an in regione illâ Sandalum rubrum inveniat? cum, si illuc inveniretur, oræ Arabicæ profectò nullo modò illud ex Indiâ peterent, regione Zengianâ (si quæ daretur) illis vicinâ & adjacente: imò accuratius, quam Malaijani, nossent, quanam in iis tractibus, quos Coloniz, ab illis oræ inhabitarent eorumque linguam maximam ad partem adhuc retinuisent, provenirent, cum Malaijani in tantum ab inde distarent & per mare adeò proficuum à Zengianis separati & remoti essent; & quî, amabo! nescivissent, dum aromata & simplicia ut plurimum nomen suum ab iis locis, ubi prima illorum venditio & distractio instituitur, obtinent: haud aliter ac Lusitani Noces Myristicas à primò venditionis locò, in Malaccâ quondam celebri, Nozes de Malacca vocârunt. Imò iidem Malaijani nomen Sandali Zengitici neutrquam à Persis mutuâssent, quod, ut supra demonstratum fuit, inde cognomen suum obtinuit, nec Arabes ipsi nomen Indicum retinuisent, quòd radicaliter è docta Brachmanum (*Braminer*) Lingua derivatur, quibus *Tsjandanam*, correptâ mediâ syllabâ, aut abscissâ ultimâ an (ut in Indiâ haud insolitum est) *Tsjandam* sonat & iò genere quodvis lignum odoratum, succum quendam depingendis aut inungendis corporibus idoneum fundens, denotar. Inde enim nomen Malaijanum *Tsiandana* provenit, quod Arabes (alia quoque Indorum nomina, ut Myrobolanam, exiguâ mutatione intercedente, ad posteros traduxere) ut plurimum retinuerunt, nisi quod ultimam literam n in l, primasque literas Tsi, aut Gallorum Ch in Tl mutârunt: Ut adeoque lignum hocce fragrans penes Arabes



nomen *Tsandat*, obtinuerit, ab Europæis usque dum retentum; & quoniam Sandalum rubrum eò melius & charius est, quò intensiorem rubedinem habet, hinc Malaijani quoque optimam ejus speciem cognomine *Tsjandana Zeng'gi* donârunt, haud aliter ac Indostani *myrobalanos nigros* Zengi harareh, h. e. Zengianos harare, vel nigros myrobalanos, à colore, neutiquam à natione, vocarunt, cum ex eadem regione proveniant. Hinc Nigritæ & Malaijani hæc in Bataviâ novatantum non omnes in eò conveniunt, quod lignum Caleaturicum nihil aliud quàm Sandalum rubrum sit, quod alioquin Sanskriticè Rakka Tsiandanam & Indostanis Rahat Tsiandan, h. e. Sandalum sanguineum, à colore sanguini simili, aliis autem Sandalum rubrum dicitur. Quid quod Sandalum hoc rubrum, non secus ac Sandalum flavum & album (ab unâ eademque arbore provenientia) pars interior & qs. cor est arboris ejusdem, ipsumque lignum primò album, abhinc pallidè rubrum est, eoque intensiorem colorem & efficaciorè vim acquirens, quò plures annos nanciscitur. Inde enim est, quò Sandalum Rubrum in Golkonda & aliis Indiæ locis occurrens & in Pharmacopoliis venum proflans longè intensius tinctum multoque efficacius sit, ac commune Caleaturicum, sicut portio ejus, (quæ mihi adhuc ad manus erit, & quam primùm invenietur, Nobilitati Tuæ pro specimine inserviet) ad oculum ostendit. Quò autem Sandalum rubrum in uno loco elegantius & efficacius habeatur, id non illi tantum peculiare, sed aliis ut plurimum simplicibus commune est, eoque solum & externus aër quamplurimum contribuere videntur, ut in *caryophyllis aromaticis* videre licet, quæ nusquam tam efficaces & elegantes succrescunt ac in Moluccis Insulis & Amboina, licet & his in locis plantati & majori ferè diligentia exculti fuerint. Similiter *Sandalum Album* ac *Citrinum* Timorense omnibus aliis, ubicunque demum provenerint, virtute, odore & efficaciâ palmam eripit, cui ordinarium Coromandelicum longis parasangis cedere cogitur, licet hoc species sit earum arborum, quæ in Insula Timor crescere solent: ita quidem, ut in Coromandelicò ingratus quidam & sylvestris odor inveniatur, qui ferè testatur idem in excelsis & apertis montibus tantâ in copiâ reperiri, ut eò pro focò instruendò utantur, quòd his oculis meis observavi. Interim & in eò quandoque frustula quædam reperiuntur, quæ sic satis bona & Timorensi quam similima sunt, ita ut huic quoque intermisceantur, cum primis in illò, quòd in montibus inter Meisuranas & Tzjinsianas ditiones situatis, ut & in decantatò Monte de Gattam, vel, ut Lusitanis audit, de Gatto propulluratur; ut adeoque Sandalum Rubrum non tam juxta maris litora, ad radices montium, ut Garzias ab Orto perhibere satagit, quàm potius in terris interioribus & tantum in excelsis montibus, ad minimum 25. ad 30. milliaria ab Oceano distanti-

bus, succrescat. Quapropter Nobilitas Tua per denominationem ligni Caleaturici, à loco Caleaturo, mari adjacente, desumptam, eò se minimè deduci patiatur, ut credat lignum hoc circa eum locum provenire & succrescere, minimè genti! sed notatio hæc inde provenit, quòd pristinis temporibus Lusitani lignum hoc è montibus ad locum hunc maritimum, ob commoditatem illam, quâ hîc navibus suis onerariis imponi & alioquin versus evehi potuit, deportaverint: quòd ipsum tamen à plurimis jam annis in desuetudinem abiit, nec locus ille hoc nomine amplius est cognitus, sed à pluribus jam annis ab Incolis Kristnampatan aut Histnampatan dicitur, nisi quòd prius ejus nomen ab Europæis adhuc in mappis nostris conservetur. Tam crudè etiam concedere non possum, quòd lignum hoc, ut Garzias ab Horto & Matthiolus docent, inodorum protus sit, in quò posterior eò quoque devenit, ut asserere non dubitet odorem, in eò quandoque observabilem, albo citrinoque Sandalo, cui forte appositum esset, deberi, cum tamen lignum hoc suâ natura sat fragrans & odorum sit, reliquæ econtrâ binæ species, ut ipsemet observavi, odore sæpe careant: quòd inde fortè evenit, si arbores nimis vetustæ fuerint, de quò tamen certi quid asserere non audeo, quum nullam ejus rationem habuerim. Ad minimum eas, in quas incidi, cogitationes usquedum deferere non possum, quòd scil. Sandalum rubrum etiam in Timor Insulisque circumjacentibus inveniatur, quicquid etiam Garzias ab Horto in contrarium attulerit, dum Uxor cujusdam Mestica, à Lusitano progenitæ & Centurioni maritata, herbarum in his, ubi nata erat, tractibus provenientium scientissima, me docuit & propria experientia certiorè reddidit Sandalum hoc illîc reperiri; quemadmodum & è Magnatibus quibusdam Macassarensibus percepi, hunc vel priorem Regem frustum ejus habuisse, quòd in Timor succreverit illîcque magnò in pretiò habeatur: id quòd non sine fabulosis traditionibus, de virtute ejus & quòd modò prorsus extraordinariò, per miraculum, & quidem noctu, per lumen aliquod ab arbore editum sparsumque, detectum fuerit, enarrare solebant: prout Orientales Nationes his rebus, quas in pretiò haberi volunt, similes circumstantias viresque insolitas adscribere solent. Quin & in regione hæc de aliâ quadam Sandali specie, inæstimabili fere nec ullo ære solvenda, fabulari solent, *Sri Gandam* h. e. *Sandalum Sanctum* dicta, quocum vox *Sercanda*, quâ Garzias utitur, coincidit, Timorensi Sandalo peculiaris & qs. propria; ubi simul perhibent, pretiosissimum illud Sandalum pristinis temporibus Cæsari in Carnaticâ ab Europæo aliquo dono datum fuisse: quibus omnibus eò minorem fidem tribuo, quòd alioquin, si veritatis quid subesset, major ejus rumor spargeretur. Ut verò ad priorem, unde quodam modò delapsus sumus, discursum redeamus, illud quoque in-

sufficiens



sufficiens argumentum est, lignum Caleaturicum non esse Sandalum, quod in Medicinâ oculis, cum primis in ophthalmia, seu inflammatione eorum; incommodet: cum in quamplurimis simplicibus longè alias, quàm pristinis temporibus, communietiam consensu, illis adscriptæ erant, vires invenerimus; quemadmodum communissimè statuitur V. rosarum contra ophthalmiam militare potius quam ut illam inferat: qua ipsa tamen in simili morbo in locis his æquè infelix fuit ac Nobilitas Tua Sandalo rubro, vel si mavis ita vocare, ligno Caleaturico: ita ut certò credam, quod etsi tunc sandalum illud sanctum habuisses, non tam levamen aliquod, quam damnum inde sensisses, dum spirituosâ huiusmodi & fragrantia simplicia, qualia sunt sandalum, aqua rosarum &c. per motum internum particularum minutissimarum operationem suam exferentia, oculis nociva videntur, utpote quibus adstringentia potius & exsiccantia applicari debent, quæ in me ipsò non minus ac aliis felicissima compertus sum: quale remedium contra ophthalmiam plus quam centies probatum & à Pagano quodam hic locorum obtentum Nob. Tuæ communicare valerem, si tantum mihi otii superesset, ut istud inquirere possem. Constat autem è limaturâ *or.* myrobal. citr. pompholyge, cacho vel *Catsio* &c. quæ principaliora ejus ingredientia, pro basi habenda, sunt, in quantum ejus recordari possum. Ad finiendum verò negotium, sustinere quidem nolo in Madagascar & circa regionem Caffarum nullum sandalum rubrum inveniri (quod Europæis tamen & Arabibus, multò minus Malaijanis usquedum incognitum est) sed è contra admitterem, si regio illa tantâ altitudine gaudet ac regio Indiæ Coromandel &c. quum omnes ferè Indiæ nostratis tractus, ne quidem Brasiliâ & Mexicò exceptis, maximam plantarum partem communem habeant, ut indies magis magisque observo, cum primis heic in Insula Javâ, quam plantis abundantior existimo, quàm omnes Indiæ oras, Coromandel & Ceilon: utut quælibet regio propriis sibi herbis gaudere possit, quæ in aliis ejusdem climatis tractibus nuspiam inveniri possunt; & quis novarit, annon & in Amboinâ, vel ad minimum in Herbariò Nobilitatis Tuæ arbor sandali rubri reperiat? cum percipiam lignum ebeni illic quoque reperiri, juxta quod sandalum rubrum late succrescere solet. Quapropter à Te ab omnibus illis arboribus, quæ præter *Angsaan* succum quendam sanguineum conguassatâ fundunt, ramusculum suis foliis instructum, una cum floribus & fructibus, gummatibus, additis nominibus, expeterem, ut observare valeam, an fortè arborem hanc odoram inter illas invenire possim, utpote quam ad unguem nosco. Omnes enim illæ

speciem aliquam *Sanguinis Draconis* fundent, quæ succum ejusmodi adstringentem aut coagulum sudant. Ad minimum existimarem crederemque in Insula Timor, quæ arborem sandali albi continet, arborem sandali rubri etiam reperiri, cum binas hasce arbores in eodem monte propullulasse viderim: quod ipsum tamen non aliter ac conjecturam aliquam judicari velim; & tantum de arbore lignoque *sandali rubri*, in quantum de illis comperi. Quæ omnia, nullò prorsus ordine, ut è crena fluxerunt, Nobil. Tuæ ulteriori speculationi & disquisitioni, pro informatione mea (si fortè majorem & dilucidiorum explicationem suppeditare poteris) committere volui, pro qua æternum obstrictus ero.

De *Catsio* aut *Catto* sententiam meam in Epistola ad Dn. Cleyerum scripta & ab hoc Tibi communicata expressi &, quantum de eò mihi constat, explicui: quamvis observem, me Tibi minus Garcia ab Hortò, à cujus partibus stare videris, satisfecisse, quoniam in descriptione arboris ab illò deflectam, quum tamen ex miserrima hujus descriptione arbor hæc ab aliis, quibuscum incidit, distinguere nequeat, ejusque descriptio duabus distinctis arboribus, unde *Lycium* paretur, congruat, è quibus tamen una genuina esse debebat, quàm æque ac alias nonnullas ignoravit, cum primis Myrobala nos prope ipsissimam Goam succrescentes & nihiloscus tam frivole ab Illo descriptas: quemadmodum alias plerasque Indiæ herbas cum Europæis satis crudè comparavit, ut in quamplurimis, in Herbario Tuo contentis, observaveris. Quapropter de hoc simplici certius quid, ex Autoribus Indicis & testibus oculatis, dedisse mihi videor, quàm Garzias & alii, qui de illo scripserunt; quod ipsum tamen non eum in finem dictum volo, ac si persuasoriis quibusdam uti velim, ut sententia mea præ aliis arriperetur; quin obligatissimum me profitebor, si adhuc propiorem de eò relationem mihi impertire valebis. Imò, si me solidis & fundatis in re ipsa argumentis taxare aut refutare poteris, me adeò indifferentem in opinionibus meis invenies, ut potius lubentissime easdem deferendi & prævia meliore informatione aliam recipiendi paratissimus sim. Liberè ergo judica, citra tamen fugillationem meorum momentorum, & Tuis ego rationibus, modò pondus habeant, libenter sum cessurus: sin minus, eadem libertate Tuis respondere meaque in contrarium argumenta proferre licebit. Interea certa me spes tenet, Dn. Cleyerum in hoc de *Catsio* argumento Tibi magis, quam potui, satisfacturum esse. Attamen vereor, ut demonstrari possit *Catsio* aliquod sub terra, Tuberum instar, reperiri, prout nonnulli Tibi persuadere sunt conati, dum pilæ illius



*Catſio*, quod cineribus & calce viva permixtum erat, indicio sunt, verum & genuinum sic adulterari, quia species hæc ut plurimum terra man-  
gonifata fuit. Adhæc non credo hîc Bataviæ novæ Peguanos quosdam reperiri, quum compu-  
tatorium, quod Nobil. Societas illîc aluit, jam à duobus vel tribus annis sublatum sit. Fieri ta-  
men potest, ut brevî rursus Commissarii qui-  
dam ad Nos ablegentur: ast Dn. Cleyerus hoc  
tempore in Japonia constitutus est, ut eò fortè  
tempore gratificari non possit. Quapropter &  
hæc de *Catſio* materia tantisper differenda erit.

Ut verò duobus aut tribus verbis etiam ali-  
quam *Sementinæ* mentionem faciamus, video  
Tibi non multum interesse, an ad absinthia, an  
ad abrotana referatur: quum tamen genera sint  
diversissima, ita ut unaquævis ex herbis his pe-  
culiarem sibi characterem habeat essentialem,  
meò quidem iudicio neutiquam confunden-  
dum: in quò, ad omnem plantarum confusio-  
nem evitandam, quamplurimum situm est, no-  
strisque temporibus in Europâ valdè & operosè  
desudatur. Celeberrimus sanè Angliæ Botani-  
cus Morisonius summoperè occupatus est in eò,  
ut quamlibet herbam ad propriam classẽ aut  
characterem generalem reducat, ubi cujusvis  
generis & speciei essentia probè prius considere-  
tur, oportet. Hæc quidem mea est sententia, suam  
Honoratissimo meo Domino æqua libertate re-  
linquens, quâ meam sustineo. Interim mirum  
mihi visum fuit Chirurgum illum eò audaciæ  
processisse, ut Tibi persuaderet *Sementinam* in  
Suratta aliam figuram, foliis fœniculi haud ab-  
similem, habere: quin de iis, quæ oculis meis  
hausi probequè perpendi, eâdem mihi confi-  
dentia dicere posse videor, ac Chirurgus aliquis,  
nullam sc. aliam *Sementinæ* speciem in Suratta  
mihi occurrissè, quàm in Persia, hîcque non a-  
liam, quàm in Europa, sicque ubivis eandem:  
certò persuasus, si specimen ejus inde Tibi pro-  
curaveris, de ea Te ipsum haud aliter iudicatu-  
rum fore. Nôsti plures in India Chirurgos in-  
veniri, qui vix ullum è vulgarissimis medica-  
mentis dignoscere valent, quod in Rabaço In-  
dico observaveris, non tantum ab Ignorantibus  
hisce Chirurgorum, sed & Doctoribus quibus-  
dam Medicinæ, à tot annorum decursu, pro  
specie cochleariæ habito: quæ tamen herba in  
nostra Patria tam vulgata est, ut vel à Rustico quo-  
vis stupidissimo agnoscat. *Hederæ* terrestri  
illud haud ita diu accensui, in quo Te, ut video,  
consentientem habeo. Multo minus ergo Raba-  
cũ hocce cum herba *Sio* aut *Lavere* coincidit:  
neque rectè à Lusitanis in Dictionario pro Car-  
doso venditur. Non enim ignotum Tibi erit,  
quantum Lusitani in comparatione plantarũ  
Europæarum cum Indicis aberrant, quod ad o-  
culum in Pisang seu Musa, quam pro Ficu arbo-  
re, & in Malis Cydoneis Bengalensibus Bontii,  
pro cydoneis habitis, videre licet. Ut taceam  
eosdem lotum pro specie pomorum nostrorum

habere, quæ totò genere & specie differunt.

Cæterum è Literis Tuis ad Dn. Cleyerum,  
suprà jamdum allegatis, observavi pariter, Te  
nondum contentum esse surculo *Nucis Vomicae*  
*Officinarum*, eaque de causa quosdam adhuc fru-  
ctus desiderare, ut pro re nata melius de iis judi-  
care possis. Si taberna Institoris mihi pateret,  
quamplures inde portiones Tibi suppeditarem  
& offerrem, tantisper securus, non alias, quàm  
ordinarias nuces vomicas fore. Credas, quæso,  
infinitas nuces vomicas me nosse & vidisse, è Co-  
romandel proficiscentes omnes, integris adhuc  
ramis adhærentes, quæ omnes figuram illam  
habent, qua Tibi transmissæ sunt, ad supplenda  
ea, quæ in effigie Dn. de Rheede deficere viden-  
tur, cujus descriptio alias quoad omnia cum  
ipsa planta coincidit, & à mea figura quoad es-  
sentialia non differt: quod Nob. Tua optimè  
distinguere posset, nisi propriò oculorum usu,  
cum deplorando profecto boni publici damno,  
destituta esset. Quòd autem nonnulli Tibi per-  
suadere sustinuerint, non esse communes & vul-  
gares, inde forte oritur, quod observarint fru-  
ctum in Fig. & Herbariò Dnn. de Rheede in su-  
prema parte non adeò depressum & instar mali  
aurantii supra æque ac infra (ut in mea fig. appa-  
ret) formatum esse, quod boni illi homines pro  
differentia quadam essentiali explicant, cum ta-  
men fibræ & figura foliorum prorsus coincidunt.  
Aliàs verò de hac arbore Tibi hoc adhuc retice-  
re nequeo, quod speciem *Ligni Colubri* præ-  
beat, cum lignum pariter amarum & multi usus  
in Medicina sit: utut à *Ligno Colubrino Timorensi*,  
in quantum è foliis exsiccatis dignoscere licet,  
omnino discrepet. Attamen fibrarum in foliis  
intuitu arborem Timorensẽ pro specie *Nu-  
cis Vomicae* habere cogor, mihiq; videor vege-  
tabile hoc illîc observasse. Quantum è foliis  
sustinere audeo, fructus atro-purpurei sunt, den-  
sa & compressa, utut exigua margine instructi,  
ex altera parte concavi, ex altera verò convexi,  
substantia vulgares nuces vomicas æmulantes.  
Hæc si concordaverint (nullus enim dubiro Te  
fructus illos, quorum communicationem simul  
peto, vidisse,) hæc species *Ligni Colubri* co-  
piose quoque in Coromandel succrescit. Alte-  
ra species *Ligni Colubri*, cujus Garzias ab  
Hortò mentionem facit, herba tantum, vel ad  
summum suffrutex est, qualem heic in sylva quo-  
que reperi, utut descriptionem ejus ad manus jam  
non habeam, posthac tamen Nob. Tuæ trans-  
mittendam. Quodsi & plura à me desideraveris,  
omnia, quæ potero, sum procuraturus, de quo  
nullus, quæso, dubita: neque intermittam tunc  
aliam *Nucum Vomicarum* speciem offerre,  
quæ vulgaribus minor & adhæc fusca & nigri-  
cans est. Hanc in Golkonda mihi comparavi, à  
nemine, quantum mihi constat, adhuc descriptam  
& juxta Incolarum linguam *Nux Vomica nigra*  
dictam.

Exsiccatas chartæque impositas plantas à  
Nob.



Nob. Tuâ ad Dn. Cleyerum transmissas, pace hujus quoque vidi, & observavi Lit. A. signatam esse *Marrubium album odoratum Indicum*, quod in tractu illo & hîc locorum, imò & Moluccis Insulis (quibus neutiquam propria est) reperi: sicut & quoad genus mecum convenis.

Lit. B. *Ocymum caryophyllatum nigrum* mihi videtur esse, in Europâ domesticum, in Indiâ verò sylvestre: neque hîc genus à Te positum à meo differre videtur.

C. ad *Trichomanes* referendum esse videtur, quantum ex herbâ exsiccata colligere licet, quæ *Filix calamaria* Tua erit.

D. Magnâ copiâ in sylvâ nostra occurrit, quantum ex transmissis surculo dignosco, cujus & figuram delineari curavi. Folium habet trinervium, capreolos etiam & spinas, à Javæ Incolis *Tsjanar* dictum, neque cum genuina sarsaparillâ, quam Lugduni Batavorum in Horto Academicô vidi, concordat, multo minus Radici Chinæ, cujus folia è Chinâ obtinui, similis est. Unde judicare teneor Radicem Chinæ speciem Ubi Hoctanas esse, ut figura foliorum, oblonga & ovalia, ipsique nervi & fibræ indicant.

E. Heûc etiam abundat, cujus folia Mestice Folgas Cheirosas, h. e. Folia fragrantia nomi-

nant, quibus corpora sua fricant & inungunt, si semetipsas lavant. An verò planta hæc flores aut fructus quosdam proferat, usquedum experiri non potui; quemadmodum & me latet, cur eandem pro Melissa habeas, & unde denominatio hujus herbæ sumenda, quæ Malaijensibus *Davven dilam* audit.

Et hæc ferè sunt, quæ ad puncta Nob. Tuæ respondenda duxi, prolixius quidem, quam à fronte mihi proposueram. Quod si & aliis nonnullis gratificari potero, non deero omnia illa conferendi quæcunque à me proficisci poterunt. Si & catalogum omnium illarum plantarum, quæ in oris vestris propullulant, obtinere possem, viderem an adhuc aliquid pro augmento Operis Tui communicare valerem. Cum primis autem scire averem, quænam ex illis plantis, quas Dn. de Rhee de Parti I. & II. Horti Malabarici inseruit, illîc inveniantur, it. quot species sint plantarum *Pandans* aut *Caldeiras*? quales flores aut fructus ferant? It. quænam folia spinosa habeant? cum specificatione omnium congenerum & assignatione differentiarum specificarum uniuscujusque &c. Quibus cum salute officiosâ & appreciatione cujusque desiderabilis æternum persevero

Nob. Tuæ

Bat. Nov. d. 20. Maji  
1683.

Cultor & Amicus

HERBERT de JAGER.

P. S.

Quoniam adhuc aliquid temporis & spatii superesse video, non possum non merces meas quodammodò augere & exiguum portionem Ligni Sandali, Golkondæ in Pharmacopolio coëmptæ, una cum Sementinâ Persicâ, Nucibus Vomiceis nigris & supraddicto Ligno Colubrinò, superaddere. Accedit & planta à Bauhino *Clematis Indica foliis Persicæ, fructu perich-*

*meni* dicta, quæ illîc, ut persuasus sum, non ignota erit. Addo & *Caryophyllos* quosdam *Sylvestres*, ut appareat, an ab arbore Coelit Lavvan, an à specie arb. caryophyllorum proveniant? Tandem & fragmentum *Sanguinis Draconis*, quod in Golkondâ obtinui, adjectum est. Quibus promissis supra datis satis me fecisse puto & ea desuper, repetita salute, informationem Tuam, una cum specimine de Cocculis Indis, & Fagara expecto.

III.

DN. HERBERTI de JAGER  
EPISTOLA

Ad

DN. GEORGIUM EBERHARDUM RUMPHIUM.

P. P.

Postquam jamdudum literas quasdam ad Nobilitatem Tuam exararam, hasque nave onerariâ, versus Ternatam velificante, curaturus eram, me omninò prævenisti, dum ab aliâ,

ex Amboinâ redeunte nave, præter omnem spem Literis Tuis æstimatissimis dignatus sum, & quidem eodem, quò meas transmisseram, die, qui XX. Maji erat, conscriptis. Ea, quæ adje-

Ccc 3

cta



ita erant, Dn. Boudens optime mihi tradidit: quapropter pro liberali & benevola Tuberis Regii omniumque specierum caryophyllorum aromaticorum (quæ omnia pro rarissimis æque ac curiosissimis rebus habeo & æstimo) communicatione gratias Tibi ago maximas, eoque magis me obligatum sentio, quo major illarum raritas & singularitas est; quemadmodum & honorem per literas adeò honorificas pro singulari quoque beneficiò reputo, vel eam quamaximè ob causam, quòd Te paratissimum testeris ad commercium literarium in Studiò Botanicò mecum continuandum: quod tam gratum & acceptum mihi erit, ut quæcunque media & adminicula procuraturus sim, quò in omnibus Tibi satisfieri possit, ut in priori jamdum Epistolâ stipulatus sum. A fronte verò statim rogitò, ne liberum, quò uti soleo, scribendi genus, sinistrè explices, libenter ab illò abstracturus, si vel minimum displicentiæ Tibi pariat. Persuasus enim fui Te pariter hujus sententiæ fore, quàm è literis, ad Amicos Tuos datis, observarim & Tuam Nob. judicium suum liberrimum interponere, si opinio aliqua taxanda esset. Interim Tuæ me voluntari, si quæ placeant audivero, lubentissimè accommodaturus sum, cum reservatione liberæ sententiæ in ventilatione opinionis Tuæ, eorumque argumentorum, quæ ad illam statuminandam videbuntur apta, si fors à Nob. Tua discrepavero; quemadmodum, ut eadem libertate contra me similiter utaris, rogo, quod, ut in prioribus jamdum asserui, mihi haud ingratum erit: in quibus jam subsisto.

Quod regulas illas attinet, quas, ut video, in eruditissimo Tuo opere observasti, exiguas scilicet illas relationes, quas per alios Amicos communicari & contribui curavi, sub auctoris, unde profectæ erant, denominatione allegando, & in hoc punctò me obstrictissimum profiteor, certò asseverans & promittens, quod non tantum omnia, quæ unquam vidi & probavi Tuæque Nobilitati grata futura cognovero, absque ullâ reservatione, candidè contribuere & simul ea, quæ mihi indulgebis, sub nomine Tuo celeberrimo sincerè & fideliter decantare velim. Eaque de causâ, ut in prioribus literis jamdum obtuli, omne id, quod à mea tenuitate proficisci & è re suâ esse videbitur, absque ulla hæsitazione liberrime sibi sumere & appropriare poterit.

Ratio, cur *Sementinam* pro Abrotani magis, quàm Absinthii, specie habeam, in formâ & figurâ hujus plantæ radicatur, quam sæpissimè vidi. Id quod in causa quoque est, quòd Arabicum nomen *Sjehh*, vel *Sehehâ*, ut Rauwolfius expressit, maluerim per Abrotanum explicare, quàm per Absinthium, sive vulgare, sive Seriphium, quoniam, ut alibi jam dictum, non tantum notabilis differentia in figurâ intercedit, sed & in Persiâ & in Golkondâ observavi utramque speciem absinthii in officinis non tam no-

men Seche aut Seheha, quàm nomen Asfintien gerere, quod à Græco ἀψίνθιον vi qs. tractum & deductum est, quo nomine quoque venum prostat, sicque ab ipso Avicennâ vocatur, penes quem Absinthium Seriphium magis usuale, quod ferè unicè illic in officinis reperitur.

De *Catsio* & *Palmeira Brava* pariter in priori mea epistolâ egi, & quoad hujus nomenclaturam tantum aperui, quantum per Dominum de Vicq à me desiderâras. Quapropter solummodo quoad nomen Telinganense Tati-thitoe, ut tractatulo Tibi noto etiam allegatur, aut Tati-manoe hoc adhuc addo, quod vox Tsittoe aut manoe in hac lingua proprie arborem denotet voxque Tati genitivus vocis Tadu sit, quo Palmeira in hac lingua specialiter exprimitur. Ubi hoc adhuc notari velim tria hæc puncta: sub d aut t locata, hunc tantum in finem à me addita esse, ut eò ipsò innuatur, utramque illam literam sibilante modò, apicem linguæ admovendo dentibus, exprimenda esse.

De *Camphorâ*, vel potius *Caphura Baros*, pauca folia ab ora Occidentali accepi, de quibus dimidia portio, pro ulteriori speculatione & meliori dijudicatione, Nob. Tuæ hisce inclusa est, quòd è figura foliorum ipsam arborem eò melius dignoscere valeas, quæ & per foliorum odorem se manifestat, dummodo parum conterantur, cum primis si adhuc recentia & viridia sint. Additus simul est surculus de arbore Camphoræ Japonicæ, quæ inde ad nos delata & in hortò Nobiliss. Dn. Outshoorn, Consilarii Indici plantata: trunco ramisque 2. circiter virorum longitudinem exæquat. Hujus arboris descriptionem formaturus sum, quamprimum flores & fructus feret, dummodò adhuc victurus & in Bataviâ novâ permansurus ero: neque desistam eandem Tecum communicare.

De *Arbore Benzoini* pariter folium aliquod obtinebis, & quidem eâ bonitate & simplicitate, qua illud inveniri potui, simileque nec melius mihi reservo. Similiter nux ejusdem arboris adjecta est, cujus pariter unicum adhuc specimen possideo, externe cortice nuci agrestis simili præditum, cujus flos, ut mihi relatum est, albicat: id quod pro ulteriori arboris hujus enodatione simul annectere volui.

Non minus Tibi simul fructus quosdam Thée his offero, quos Jesuita haud ignotus, P. Couplet, dono mihi dedit, quibus similiter curiositati Tuæ satisfacere &, nisi jam possideas, Musco Tuo curioso inferre volui.

E prioribus meis literis jamdum Tibi elucescet, quod Nob. Tuam libentissime excusatam velim & nunquam non excusaturus sim, si ad nobilissimum & pretiosissimum, quod meditâris, opus urgendum & brevî absolvendum, desiderio meo non statim & extemplo satisfacere possit, cujus nullam prorsus rationem habeat, nisi absque ulla temporis jactura fieri poterit. Interim contentus sum valdè, quòd data occasione



sione descriptionibus aliquot & responsis me dignari velis, quod ipsum beneplacito & arbitrio Tuo relinquo, summoperè dolens valetudinem Tuam infirmam, quæ ipsa tamen, ut spero & opto, tamdiu duratura erit, ut tam decantatum opus suam perfectionem nanciscatur, per cujus omissionem bonum publicum immane quantum amitteret, damnumque ex jactura tot rarissimarum & insolitarum rerum vix unquam reparari posset; quapropter optimè faceres, si ab eò Te nequicquam abstrahere patereris, sed tantò ardore maturares, quò undique desideratur.

Vi ostensæ mihi permissionis, Dn. de Vieq, Mercatori & Amico meo Intimo traditæ, haud difficilem quoque Te præbuiti descriptiones *Arboris Nucis Moschata Saguque* mihi concedendi, quibus me obstrinxisti admodum. Interim consulerem, ut quoad ultimam paulò fusius Te explicares, cum primis, quinam ejus sint usus? quot species eduliorum inde parentur? & similia historiam ejus concernentia, quæ Curiosus in Germaniâ & universâ Europâ maximè grata & jucunda erunt, eoque magis, si omnia figuris æneis illustrarentur & exornarentur, quæ Nob. Tuæ non deerunt. *Speciem Arboris Sagu absque spinis*, cujus mentionem facis, in urbe Bantam quoque vidi, & ut mihi refertur, arbor hæc in regionibus montanis quoque excolitur & pro tectis domuum instruendis adhibetur.

Alioquin laudatus modò Dn. de Vieq mihi plura non aperuit, quæ per communicationem Nob. T. posthac obtinere potero.

Descriptiones Arboris caryophyllorum & nucum moschatarum, quas Dn. Boudens formasse dicitur, nondum videre licuit. Forte in secretis illas habet, quapropter earum quoque nullam mentionem feci.

Pro communicatione Caryophyllorum Regionum, quos una cum Tuberibus fungosis, aut Fungotuberibus Dn. Boudens bene mihi tradidit, tantas ago gratias, quantas meretur raritas illorum. In perpetuam Nob. T. memoriam illa conservabo, & quamprimum occasio se trudet & Pictorem accuratum mihi subministrabit, qui omnia clarè & distinctè exprimere poterit, depingi curabo. Aliquot abhinc annis talem in famulatio meò alebam, sed ob brutalem, cui deditus erat, ebriositatem vix tolerabilem: cujus intuitu jam ante annum in Patriam rediit ut adeoque non minus, ac Tua Claritas eò jam destitutus sim. Interim inaudio hæc occasione Te aliquem recuperaturum esse, quo factò in delineatione reliquarum adhuc herbarum, sine remorâ, pergere poteris.

Tres species *Caryophyllorum Regionum* Majoedæ cuidam noto (qui è numero Magnatum Ternatanensium est) hîc ostendi, qui sustinet tres hæc species in unâ eademque arbore succrescere, cum pro ratione ætatis in dies mutantur, ita, ut arbor Ambonenlis tandem genuinos

surculos transplantatorios, imò Caryophyllos Mandarsjanensium figuram habentes truderet: addens avem aliquam Caryophyllos Ambonenses plantasse, qui successivè immutati in veras transmutentur.

De *Sandalo Rubro* in prioribus meis literis longe lateque pariter differui, inibi ad omnia, quæ à me desideraras, tam aperte & prolixè respondi, quàm per meam q. experientiam fieri potuit, adjectò frustulo illius ligni, quod Golkondæ in Officinâ Pharmaceuticâ obtinui; quapropter brevitatis ergò me in memoratas modò priores literas jam rejicio, nisi quod in transitu hîc notare cogar, me summa teneri admiratione, Te in epistolâ Tua adhuc sustinere, Vetustiores Arabes sandalum rubrum ab Orientali Africæ orâ circumjacentibusque Insulis, cum primis Madagascar, reportasse: cum tamen Arabum æque ac Persarum Scriptores simplicium, quotquot ad manus meas pervenerunt, unanimiter fateantur Sandalum rubrum ex Indiâ in Arabiam adferri. Quòd verò refrigerantem ejus qualitatem attinet, tanta, ut perhibetur, esse non potest, ut Fr. Redi, Celebris Ducis Florentini Experimentator, nuper admodum, in certo Tr. de plurimis simplicibus ex Indiâ provenientiibus & qualitatibus intuitu famosis, ostendit, ut è novissima quadam parte Diarii Gallici, Journal des Sçavans dicti, videre licuit; quemadmodum & illud, quod de certo Sandali rubri fragmento, à Rege de Macassar obtento & ut in prioribus meis literis adduxi, in Timor generato, perhibetur, mihi prorsus fabulosam esse videtur, quòd sc. ollæ, aqua fervente plenæ & jamjam ab igne remotæ, injectum, eandem in momento & unò quasi ictu oculi, ut sæpe probatū, ad ebullitionem naturalem deducere valeat. Tantæ & tam admirandæ vires, quàm plausibiliter etiam extollantur, penes me ad minimum non tam facilem applausum merentur, nisi ipsum illorum effectum videam, aut indubiam de eò relationem obtineam. Fortè descriptionem aliquam è meis adversariis collecturus eamque cum figurâ ramusculi Tibi oblaturus ero, quamprimum, ut jam ante petii, relationem quarumcunque arborum, Sanguinem Draconis fundentium, abs Te obtinuerò. Hâc vice enim, quâ Contractus inter Societatem & Regem de Bantam & Ternatam, à me vertendus, sat negotii mihi facessit, impossibile videtur. Hic enim operosum admodum & diuturnum laborem exigit, quò omnia, juxta dialectum linguæ Malaijanæ, in fluidum & Batavorum linguæ convenientem & consonantem loquendi modum redigantur. Adhæc aliquem adhuc Sandali rubri ramusculum è Coromandel procuraturus sum, hujusque Te quoque participem reddam, ut primum obtinuerò.

Nomen *Calami Aromatici*, cannam fragrantem propriè significans, sponte sua testatur, quòd  
Diringo,



*Diringo*, vera acori species, pro illo haberi non possit, dum acorus exiguum aut omninò nullam cum arundine aut canna similitudinem habet. Unde & genuinus Calamus Aromaticus Arabicè, penes Avicennam & alios, Kasab Ezzarirah, h. e. arundo aromatica, & Acorus apud Eosdem Wadzi, vel Gallorum expressione Wagi, (quod ab Indorum Wedzi oritur) vocatur. Garzias ab Horto igitur in causâ est, quod Acorus pro calamo aromatico habitus fuerit, ut nomina ab illo posita testantur, quæ ad unum omnia Acoro propriè conveniunt, nisi quod nomen Arabicum Cassab Ezzarira, ex omnibus illis calamo aromatico etiam applicari possit. Ut taceam Illum genuinum nomen Arabicum acori prorsus omittere, ut tum suæ opinioni colorem addere, tum alios eò ipso confundere posset. Meam tenuitatem quod attinet, in Persia, Suratta & Golkondâ, in officinis Seplasiarum, sub nomine Hasab Ezzarira nonnisi unicum simplex inveni, radicem scilicet cum portiunculâ caulis, unde satis superque apparet verum calamum aromaticum arundinem quandam esse. Idem scilicet vegetabile est, quod Paludanus ad Clusium misit, in Annotationibus ad Garziam ab Horto & pag. 201. Exoticorum depictum. Lubentissimè Tibi specimen ejus transmitterem, nisi meum aut perdidissem, aut in locum jam incognitum abscondidissem. Interea aliud è Suratta fragmentum mihi procurabo Tibique portionem aliquam communicabo. Ipsum aliàs vegetabile neque virescentem, neque omnibus suis partibus adhuc præditam videre licuit, quoniam in celebri monte Gato, in meditullio regionis Indostan, (quò iter meum non vergebat) propullulat. Hæc autem planta in lingua Indostanicâ & Decanica Tsjirajakahh aut tsjirajakah, Canarynaica Tsjirant, Sanskriticè vel Brachmanicè, ut & in regione Coromandel Tsjilafatam vocatur & in binis prioribus Partibus Horti Malabarici (quas tantum videre legereque mihi licuit) non habetur; quemadmodum & descriptio figuraque Cassab Ezzarira, h. e. Calami Aromatici, quam Veslingius in Annotationibus ad Prosp. Alpinum de Plantis Ægyptiacis pag. 63. ex Exoticis dicti Alpini ob oculos posuit, parum etiam cum arundine coincidit: ut adeoque plantam illam neutiquam pro genuinò calamo aromatico habere possim, nisi fors species ejus vilior sit, cujus Scriptor quidam Persicus, in cognitione simplicium sic satis versatus, meminit, cujus verba, secundum meam interpretationem, ita „sonant: Hasab Ezzarirah, h. e. calamus „aromaticus est arundo elegans, crassitie jun- „cum scriptorium præterpropter æmulans, „quandoque etiam tenerior. Duplicis autem „generis est, cujus una species, ut herba vel „caulis sesami, attamen brevis, spithamam circiter longa, vel paulò altior est: Altera vero lævis & plana, ulnam ferè superans, sapo-

„ris amari & acris, coloris grysei aut subfusci, „intus telæ aranei instar apparens, si diffringitur: quæ de montibus Kilub & è regionibus „Indiæ adfertur & Berkinah vocatur. Altera „species herbæ sesami non abfimilis, in apicibus ramusculorum semen habet instar cicerum, folliculo inclusum: sed hæc nec acris, nec amara est, similiterque ex India profiscitur, sed non tam valida, uti prior &c.

Ex hisce tantum usualement & genuinum calamum mihi videre licuit, altera verò species mihi nunquam visa est; adeoque parvum læveque semen, quod Alpinus herbæ suæ tribuit, ciceri neutiquam simile est, cui Persa genuini semen assimilavit. Ut taceam alias disconvenientias, illuc observandas. Quò verò accuratorem cognitionem hujus plantæ obtineamus, literas Surattam dabo & ferente sic occasione omnem curam & diligentiam adhibebo, ut utramque speciem, cum omnibus suis partibus, expiscari valeam: quarum si compos factus ero, veram illarum descriptionem & delineationem Tibi transmittam.

Similiter completam *Spica Nardi* plantulam indagabo, quæ pariter in vicinia nostra non succrescit, nec unquam à me visa fuit, utut Bontius eandem in Java quoque reperiri tradat. Tam firmò enim talo Eundem inniti puto, ac cum *Schœnantho*, quod pro Sire, aut Gramine Melissæ odore habet; quemadmodum & observò plures è Nostratibus ejusdem esse fidei, sed absque ullo fundamento, dum solum in Persia genuinum Schœnanthum innotuit, cum primis in regione Coromandel, ubi integros campos trajeci, gramine hòc obfatos, quod una cum pedunculo aut caule suo duos circiter cum dimidio pedes altum est, odoremque suum longè lateque spargit, cum primis noctu, cadente rore, imò & de die, sed tempore pluvioso, cum tempore sereno Soleque lucente nullum fere odorem edat. In Golkonda Schœnantho hoc, in pulverem comminuto, ad lavandas manus utuntur, ob odorem gratissimum, quem aqua promptè suscipit: utut hic diutius non duret, quàm exsiccentur. Interim & pulvis hic, ob exsiccantem qualitatem, pinguis quævis & unctuosus à manibus abstergit.

Deplorandum sanè in pretiosò nobilique opere Dn. de Rheede neminem, rerum Botanicarum expertem, manus auxiliatrices mutuas, quod alioquin aliis plumis superbiret. Pater Matthæus enim, quem in Persia familiariter novi, ne minimam quidem herbarum cognitionem habet, utut primum in hoc opere fundamentum jecerit. Nec D. Cassearius unquam studium hoc in Europa ex professò excoluit. Ut taceam totum opus, prout mihi quidem videtur, nimis præcipitatum fuisse, exorbitantibus sæpe figuris, & historica herbarum descriptione jam penitus omissa, alia vice autem parcissimè delibata. Alias verò Icones quam-



quamplurimæ satis accuratè se habent ipsæque descriptiones adeò completæ sunt, ut & minutissimas quasvis particulas clarissimè expédiant: quapropter præstantissimum hoc opus magni æstimo totusque eruditus Orbis Illustri Dn. de Rheede summopere obstrictus est. Non possum tamen non fateri, haud paucas, notatu dignissimas, illius jam nomine celebrari, quas tamen sub aliis nominibus, penes nostrates à me auditis, aut in aliis Autoribus observatis, jamdiu novimus. Hinc Botanico cuidam experto aliqua adhuc opera superstes est relicta, qua omnia è tenebris producta luci publicæ exponere omniaque à se invicem discernere valeat: id quod illi, qui per *αὐτοψίαν* herbarum indigenarum cognitionem sibi comparavit, haud difficile foret, sicut in hoc Te præ aliis expertum & exercitatum esse novi, utpote qui, ut certò mihi persuasus sum, in quamplurimis denominationibus adhuc Criticum agere posses. Interim id spei adhuc superest fore, ut Celeberrimus Botanicus, Paulus Hermann, Munere Professoriò in Academiâ Lugdunensi gloriosè fungens & in oris Malabaricis Versatissimus, id, quod in Opere Dn. de Rheede adhuc desiderari posset, ad omnium satisfactionem suppleturus sit. Tertius allegati Horti Malabarici Tomus jamdudum sub prelo fervet, neque dubito brevè eundem proditum esse, utut de eò heic nihil quicquam innotuerit. Plurimas autem herbas, in primò & secundò Tomò contentas, hic in Javâ quoque reperi, quarum adhuc plures quis in hac Insula reperire posset, si tempus & otium hoc studium ex condicito excolendi suppetrent, simulque unus aut alter Javanensium ad manus esset, qui hæc talia è sylvis apportaret. Ast ad hæc & similia homines illi non tam facile moveri possunt, nisi à superiori quadam autoritate imperetur, non obstante honesti, quod sæpius tentavi, redhostimenti oblatione. Quid quod & tigridum oberrationes insigne impedimentum adferant, ne sylvæ campique longè lateque perlustrari possint. Unde adhuc dubius sum, an & quanam de plantis in I. & II. Tomo nominatis hic reperiri possint, quales sunt: Aroatu, Marotti, Mail-ansclu, Cumelu, Canſchu, Curatu-pala, Codaga-pala, Tinda-parva, Appel, Schageri-Cottam, Panel, Nedum-Schetti, Schemnan-Cottam, Modera-canni, Peragu & Cudi-avanam, quas hic locorum nondum vidi, nec quòd hic succrescant audivi, utut de eò nullus dubitem, dum Javam plantarum adeò divitem invenì, ut illas omnes heic indagare liceret? quemadmodum & figuras aliquas illarum arborum & fruticum, quarum Dn. de Rheede meminit, una cum indigenis & Malaijanis denominationibus, ostendere possum: in quas peculiarem quoque Clavem effecisti, ut ex æstimatissimis Tuis literis observavi.

Ex iisdem magnâ cum satisfactione quoque vidi Te sic vocatum *Ubi-Radzia* pro Tubere, & superterraneam excreſcentiam ejus pro Fungo habere, prout utrumque in priori meâ Epistolâ admisi, ut adeoque in genere & specie hujus plantæ conveniamus ambo: quamvis vox Ubi his in oris, Java, Malaija &c. in tantum non extendatur, ut & Tuberi huic applicaretur, quod, juxta Indigenarum nostrorum relationem, hic etiam reperiri dicitur, à Javanensibus dzjamur taxis dictum, dubio procul fungi tritorio-formis intuitu, qui cuidam Taxis, h. e. Calapas, similis est, dum humiditates nonnullæ emicant, quæ ob gravitatem in cavitatem conicam, apice deorsum vergente, extenduntur. Aliàs verò Malaijani plantæ huic Tsiandawam karang, h. e. Fungi lapidei nomen dederunt (unde Latine quoque *Fungus lapideus infundibuliformis* vocari posset) idque vel ob nodos lapidiformes, vel quòd inter fissuras lapideas in radice arborum succrescat. Sic & Magister quidam Bandanensis eundem suo idiomate Kulat rararu, h. e. profundum & cavum fungum nominabat, asseverando tales in arboribus annosis reperiri & singulare medicamentum præbere. Quid quod Balierii & Javanenses hic de alio adhuc Fungo-Tubere referunt, qui Dzjamor radzia, vel dzjamor aorsi, h. e. Fungus Regius vocetur, qui fungus albus & in formâ coni esse dicitur, in parte superiori ollam, instar campanæ igneæ, aut mali cotonei, gerens, latitudine clypeum communem exaquans. Hic pro delicatissimo cibo habetur & non tantum hujus intuitu, sed & ob magnitudinem pro Regio genere inter omnes fungos habetur: de quò fortè pluribus acturus sum, quamprimùm propriis illi oculis usurpare licuerit. Interea summas ago gratias, non tantum pro transmissis tuberibus fungosis, aut Fungo-Tuberibus, sed & pro communicatione descriptionis literis Tuis insertæ. Cum tuberibus nudis rem aliquando periclitabor, terræque, ut jubebas, inseram, ut appareat, an eadem & hic locorum fungos hujusmodi infundibuliformes trusura sint, cujus eventum Te neutiquam celaturus sum.

Interim existimarem inter terræ tubera simplicia, aut terræ tubera frugifera, & inter radices tuberosas, caules, pampinos & folia ferentes, insigne discrimen formandum esse, sicque *Tuber Regium*, à Te Ubi Radzia dictum & propriè pro Tubere frugiferò habendum, à radice China, alius prorsus generis, multum differre. Hæc enim in genuinâ Sinensium lingua *Hok-lin*, & in Mandarinicâ linguâ *Folim* audit, cujus Sinenses in Herbariis suis aliisque de simplicibus agentibus libris duas species habent, sc. rubram *Tu-fo-lim* & albam *Pa-fo-lim* dictas, quæ posterior longè melior, quàm rubra habetur, eaque de causa majori pretiò venit. Antehac mediante Dn. Theodorò Sas, Verbi Divini Ministro hujus loci (Viri libera-



libus Artibus faventissimi, admodum Curiosi & commercium literarium in Maca alentis) plantam hanc mihi procuravi, quam in tantum eriam obtinui, ut non tantum partem rami aut pampini, cum rudi quâdam delineatione & brevi descriptione, sed & ollâ ipsam plantam vivam continente donatus fuerim, quæ posterior Dn. Cleyero concessa, mihi econtra ramus, fili longitudinem habens, relictus fuit, quem tamen prorsus insuper habebam, sperans, quod si plantam hîc vegetantem haberemus, nunquam non folia recentia ramosque obtinere queamus. Ast in calculo meo valde erravi, cum brevi post, præter omnem spem, ego Bantam vocatus, Dn. Cleyerus autem profectus fuerit, intercâ verò planta, antequam perfectionem suam nacta fuisset, perierit, ut sub reditu magnâ cum displicentiâ expertus sum. Hôc ipsô igitur omnis me spes destituit loco neglecti ramusculi alium obtinendi, sed & in plenariam hætenus plantæ hujus cognitionem penetrare non potui, ut ejus sive designationem sive descriptionem aliquam formare Tibique transmittere potuerim. Quò vero Nob. Tuæ plantæ hujus usualis, talem, qualem potero, notitiam impertiam, hisce supradictam Macausiacam Figuram in originali, quod dicitur, transmitto, una cum ramusculi parte, quæ ruditer satis delineata, dum folia econtra optime cum ipsa planta (quantum recordari possum) conveniunt: unde satis adhuc concludi potest, radicem Chinæ speciem *Ubi* esse, quum folia & pampini cum illis maximè convenient, quæ à certa specie *Ubi hutan*, quam in sylvâ quandoque vidi, scaturiunt, id quod ante allegata concisa descriptio quoque docet, quæ Latinis verbis, quibus R. Pater, qui eandem huc transmisit, usus erat, ita sonat: Radix Sinica, aut, ut dicunt alii, Lignum Sinicum, non est arbor, sed quidam ramus, qui longe lateque serpit per terram, hæbetque quasdam manus (a) seu fila, quibusteram apprehendit illique intimè adhæret (sicut ferè habet vitis, quibus serpit per sustentacula) qui ramus quamvis tenuis, durus est & flexibilis, sicque serpens per terram projicit frequentes & exiguas radices, in quibus nascitur radix, de quâ loquimur, quæ crescit magis minusve, pro ratione soli, magis aut minus proprii, aut temporis, quò in eò fuit. Iste modus excurrendi per terram ferè posset comparari plantæ, quam Indi vocant Batata. Folium (b) mitto prætium ad vivum, simulque ramum siccum. Præcipua ejus virtus, quantum potui cognoscere ex Medicis Sinicis, servit iis, qui laborant morbo Gallico. Ponunt pondus unius uncie, aut risaldæ, aut aliquid amplius, in duobus poculis aut curadis aquæ, fervereque illam sinunt, usquedum redigatur ad unum poculum & bibunt illam calidam, præsertim ma-

nè, ut melius sudorem provocent & per diem, uti possint eadem aquâ, aut calidâ, aut subcalidâ, aut etiam frigidâ, nec utuntur aliò potu, & ita continuant ad 15. 20. aut 25. dies. Illam radicem faciunt in frustula, antequam ponant in aquam. Habet etiam vim in iis, qui habent membra malè affecta à frigore, quæ non bene moveri possunt, quem morbum Hispani vocant Corrimento. Aliqui podagrâ affecti repererunt in isto potu singulare levamen. Putant Sinæ magis notam virtutem istius radicis nostris Europæis, quàm sibi; qui istum potum bibunt, comedunt carnem assatam & panem bis coctum: vult enim sicca & absumitur ab eduliis & fructibus. Quando ista radix est viridis, ponunt duplex pondus in quantitate aquæ suprâ assignatâ, quia non est efficax viridis, ut sicca. Planta est sylvestris, & nascitur in solò siccò & durò; fortè cura & cultus circa illam eam faceret vegetiorem. Vas fictile, quod mitto, habet istam plantam, quam post duos aut tres digitos terræ reperies, cum suis radicibus. Quod mihi placuit in eâ, fuit, aliquas radices teneras & novas incipere pullulare: istudque me movit ad abscindendum ramum, qui fortè excurrebat ad decem passus, putans fore, ut, antequam Bataviam perveniret, det novum. Non facile credit Vestra Dominatio, quâ diligentia opus fuerit ad id inquirendum. Hætenus Pater ille; & hæc ferè sunt, quæ ad elucidationem hujus plantæ Tecum communicare potui. Quodsi posthac plura eaque certiora de illa sim experturus, non desinam & illa Tecum dividere, quòd eò firmitus credere poteris, quò constantius mihi proposui imposterum Te nequicquam celandi. Alias de hac Radice P. Martinium quoque evolvi, & in eò reperi, sub nomine *fo-lim*, usitatori & radici Chinæ propriò, certam quoque Tuberis speciem venire, quæ ante allegata *Pæ-folim* est & cum *Ubi radzia* Tua insignem affinitatem habet, nisi quod fungis careat, in quantum experiri potui: ut adeoque non ineptam hîc comparisonem institueris; quamvis alioquin simplex aliquod Tuber ab alia planta, foliis, floribus & fructibus instructa, magis differat, quàm ut sub eodem genere, tanquam species, locari possint, ut antehac jamdum annotavi. Vulgaris & usitata magis Radix Chinæ penes Sinenses Tu-fo-lim, h. e. folim rubra, audit, quoniam caro seu interior substantia subrutila est, cum altera, è Tuberum familia, è contra Pæ-fo-lim, h. e. folim alba dicatur, quoniam caro interior, instar argillæ, fistulis tabaci destinatæ, candicat, quam Natio hæc pro nobili & pretiosò medicamento venditat, magnique facit, dum eandem nonnisi pro dupla quantitate argenti divendit, ita ut vix magna industria portiunculam, hîc adjectam, obtinere potuerim, cui

(a) Intelligit Autor capreolos, quos claviren vocant, ut pictura monstrat.

(b) Hoc illud est, quod hîc adjicitur.



cui de cortice parum adhæret colore intense fusco prædito & rugoso, qui lignosior & radicofior videtur ac Ubi Radzia Tuæ Claritatis, utpote quæ grysea magis ac lapidea apparet. Caro Tuberis Sinensis densa & compacta est, neutiquam fungosa, ut P. Martinius erroneè perhibet, candicans simul & quandoque grysea, absque notabili & sensibili sapore, nonnihil tamen viscosa sub masticatione, neque tam sicca ut caro Ambonica, ita ut interior substantia Sinensis terræ Hispanicæ saponiformi (qua fœminæ Persarum capillos suos lavant eamque propterea Gil ser Sjuwi, h. e. Terram capitis lotoriam, vocant) haud absimilis videatur. Tubera autem hæc non certam quandam & regularem, sed variam habent formam & figuram, rotundam sc. aut oblongam, attamen nodosam & interdum capitis humani magnitudinem præ se ferentem, ut è frusto, mihi ostenso, concludere potui. Interim in aliam adhuc Tuberum speciem incidi, cujus folia atque caulis cum vulgari radice Chinæ conveniunt; & quoniam carnem, colorem, saporem & alias qualitates sibi communes habent, utrumque vegetabile facile sub idem genus redigi posset, eoque magis, quod & vires in Medicinâ utrobique sint eadem aut similes. Quin & inter Tubera Sinensia, mihi oblata, unum reperi, in cujus meditullio, ceu corde, festuca lignea hærebat, in quâ supradicta materia viscosa magis observari poterat: quemadmodum & in reliquorum tuberum carne similes festucas reperi, in quibus, non secus ac in Ubi radzia, oculi quidam seu foramina apparent, si diffringantur: quod eò facilius contingit, quod tubera à Te mihi transmissa & sub arbore locata in frusta quædam spontè collapsa sint, nondum apparente fungo aut cortice lapidiformi, quibus suum adhuc tempus relinquam.

His ergo exoptatissimis Tuis literis quoad omnia ferè puncta satisfeci, nec quid amplius restat, quàm quod in votis esset, ut iter meum versus plagas Orientales, sub qualitate secundæ Personæ, in Commissione Illustris Dn. Commissarii & Gubernatoris Padbrugge, suum progressum habuisset, quò summi illius honoris particeps fieri potuerim, ut eruditis Tuis sermonibus & multo rerum usu firmata, mihi que tam proficua conversatione uti licuisset. Ast mutatio consilii Potentissimorum Statuum & permutatio meæ tenuitatis cum Secunda Persona, in Commissione versus Macassar, effectum hujus tantoperè exoptatæ felicitatis impedivit, ut res cum ultima Legatione adhuc frigide succedat, ita ut persuasus sim me in Batavia nostra aliquantulum adhuc commoraturum esse, adeò, ut dubiis his temporibus nil certò statuere, sed ubique ferè ambigui hære cogamur. Licet autem conventus noster, ut apparet, tam citò contingere aut sperari non possit, non tamen in eò peni-

tus despero, cum juxta commune proverbium montes & valles quidem nunquam, homines autem toto die convenire soleant. Certa ergò spe detineor tempus & occasionem in tantum Nobis arrisura esse, ut tandem aliquando Nos coram exosculari, mihi que tam felici esse liceat familiaritate Tua feliciter utendi. Interea verò amicitia nostræ vinculum literis firmabimus, quibus mea ex parte nunquam deero, modò dispositio, negotia, tempus & occasio nobis faveant!

Unius ferè oblitus essem, sc. Cynosbati hinc inde in oris hujus urbis plantatæ. In hoc frutice observatur, quod justo major non aptus natus sit ad formanda sepimenta, quàm trunci nimis crassi & alti evadant, sicque cum aliis non bene combinari possint. Alias arbor hæc magna in copia in hisce Insulis progerminat, quam voce combinata *Rhamnomorum* vel *Rhamno-rubum* nomino, quàm virgæ ejus cum spinis & foliis Rhamno, & fructus baccis mori vel rubi similes sint, & ad minimum speciem arbori Tatai-iba affinem constituent, quem Piso p. 163. & Marggravius p. 119. quodammodò describunt & depingunt, quæ tantum in eò à Rhamno in Batavia crescente differt, quod folia non subtiliter serrata, ut Piso loquitur, neque simpliciter serrata sint, ut Marggravius, habet, sed nec incisa, nec serrata, fructus autem non tam albi vel pallidi, sed flavi appareant, siquidem nec Pisonis nec Marggravii figuræ & picturæ incisuras aliquas aut ferraturas in foliis, cum primis ea quæ dextram tenet, præ se ferunt, altera sinistri lateris ex descriptione fortè coagmentata. Quod si jam laudati modò auctores in foliorum horum incisionibus serratis & colore pallido baccarum quodammodò erraverint (quod ab aliis in quibusdam plantis quoque observatur) nullus dubitarem, Brasilianum & hunc ipsum rhamnum ejusdem speciei arbores esse, quam Malajani & Javani hic locorum *Kadrans* vocant, & non tantum hic, verum & illic ad tingendum adhibent, si flavus desideratur color. Ad hunc autem lignum & radix annosa expetuntur, è quibus fragmentum ad hoc negotium idoneum limando aut conscindendo usus tempore comminuitur, & tamdiu in aqua coquitur, donec tinctura extravertatur: quò factò decoctum per pannum trajiciunt, colaturam alumine acuunt, baculisque tamdiu exercent, usquedum color sat intensus est & sufficienter adhæret. Hic ergò usus hujus plantæ est, cujus plenior descriptionem addidissim, nisi securus essem ipseque crederes illic aquè reperiri.

Cæterum sub hac occasione etiam atque etiam exoptarem, ut cura Tua exacta & quoad omnes circumstantias perfecta descriptione mihi provideretur, qua ratione Tinctura è femine *Galuga*, quæ alioquin hic locorum *Casamba Ambonica* vocatur, extrahatur, quomo-



do ad tingendum adhibeatur, cum omnibus & singulis circumstantiis particularibus hîc observandis, cum his in oris neminem hætenus invenire potuerim, qui accuratam hujus rei notitiam haberet. Aliàs verò è Pisone pag. 133. apparet arborem illam etiam in Brasiliâ, nomine *Urucu*, famosam esse. Quod si eorum particeps fieri possem, redhostimenti loco accuratam Descriptionem, quâ ratione *Indicum* vegetetur & tinctura inde extrahatur, quave ratione in Arte tinctoria adhibeatur & tractetur? ex propriâ observatione conceptam, Nob. Tux communicaturus essem, quam Dn. Cleyerus, cui spontè illam concessi, secum in Japoniam transportavit, me tunc in Bantam constitutô. Quamprimum verò manuscriptum illud recuperavero, ejus Tibi copiam faciam, quam Nob. Tux ulteriori speculationi ansam daturam credo, annon & planta

*Fraxinus Indica.*

*Sambucus Indica.*

*Tangoma* 2. species

*Beccabunga*

*Champidaca*, quam ignorat, sed pro arbore habet.

*Veronica Javana*

*Frutex Indic. incognitus.*

quæ omnes, aut ad minimum quamplures obscure & quodammodò dubiè descriptæ & indicatæ, indistinctè etiam in figuris æneis depictæ sunt.

Inter transmissa hæcce frustum ligni illius fragrantissimi quoque reperies, quod Indostanicè, Brachmanicè, Malaijanicè & Javanicè *Devvadarne*, h. e. *Lignum Deorum* vocatur, & procul dubio *Divvadaar* Avicennæ erit, utut illud nec figurâ, nec foliis aut fructibus cum pino aut sabinâ conveniat. Interim error hic ab hoc æquè ac aliis Scriptoribus Arabicis, de simplicibus agentibus, in descriptione simplicium ex Indiâ proficiscentum, sæpissimè committitur. Interim lignum hoc, ob vires singulares Medicas, admodum decantatum est, quò Persæ æque ac Arabes frequentissimè utuntur. E fragmentò hoc videre poteris, an & illuc cognitum sit?

Addo simul fructus quosdam *Spharularum Saponariarum*, quæ in plaga Javæ Orientali & fortassis in ipsis Regionibus Orientalibus succrescent, & ad lotionem capitis non tantum, sed & hic & alibi Saponis loco adhibentur, pro Sarassis aliisque crispatis vestimentis, saponem album communem non ferentibus, sed eò ipsò colorem amittentibus, illis purgandis. Hæ ipsæ *Spharula Saponariæ* in regione Coromandel quidem etiam proveniunt, sed vix tam magnæ, quàm Javanenses, magis quoque nigricantes & rugosæ. Utrobique autem nunquam non tres baccæ sunt conjunctæ, fibris pilosis sibi coherentes. De Coromandelenribus jam nihil est ad manus, alioquin & iisdem Tibi servissem.

Indici, seu Indigo, non secus ac hîc circa Bataviâ in Amboinâ quoque succrescat? quæ lingua genuina Malaijana *Sarap*, Macassarica, *Taru*, Balica, *Tahum*, Javanica *Tom*: Tinctura verò seu color inde extractus Malaijanis *Nila* & Manangvabosicè *Tarom* dicitur.

Quoniam de cæterò aliquid temporis mihi adhuc indulgetur, epistolam hanc aliquot adhuc quæstionibus & materiis ampliandam puto, nullò ordine habito, ut mentem subibunt, recensendas. Primò quidem scire desiderarem, ad quas species referas plantas à Bontio adductas? aut quas de illis conjecturas vel speculationes formes? de singulis simul ramusculum suis floribus, fructibus & foliis instructum expetens, ut eò melius illas distinguere valeam, quales sunt

*Planta spinosa incognita*, cujus fructus manibus triti foetidum edunt odorem.

*Nasturtium aquaticum*

*Mangam*, fructus apud Indos sacer.

*Mangianam* arbor

*Cardamomum majus*, hyacinthi flore

*Guananabanus*

#### *Lysimachium Indicum:*

Parum abest, quin statuam, Monardem, fructuum horum mentionem quoque facientem, in figurâ hujus plantæ (ut in aliis quoque) cespitasse, dum humilem arbusculam esse dicit, cujus folia filici sint similia: cum tamen arbor hæc in Coromandel satis sit procera, gravi trunco foliisque longis dimidiam palmam circiter longitudine & sesqui digitum latitudine æquantibus, prædita. Alioquin descriptio fructuum cum Javanensi sic satis coincidit, dum pariter 3. conjungit, quod ex aliorum fortè relatione habet. Oviedus altas quidem arbores esse dicit, attamen similiter folia cum „filice comparat, hisce verbis: Folia filicis non, nihil referunt, licet minora sint. Interim hîc in dubiò manet, an vox minora de foliis filicis, aut de foliis arboris sit intelligenda? altera autem vox, non nihil, innuit, similitudinem utrobique tam magnam non esse, sed claudicare admodum; quemadmodum communiter Hispani & Lusitani in comparatione plantarum Indicarum cum Europæis infelices admodum & rarò accurati sunt. Sic Clusius quoque proximius adhuc ad notitiam hujus rei sibi accessisse videtur, quando de fructu pag. 42. 43. Lib. 2. Exot. perhibet, se binos in eodem pedunculo invenisse. Jam bene quidem recordor, me antehac in dictâ modò regione in tota quadam arbore fructum unum aut alterum è duabus baccis in duplici pedunculo observare potuisse: attamen, ut supradictum, ordinariè & communissime tres, ut dictum, uni eique crasso pedunculo adhærent, quemadmodum & Bauhinus tres è regione sitas esse scribit



scribit. Videtur autem non tantum Bauhini fructus, à Platerò obtentos, è nigrorum & rugosorum numero, sed & Clusii fuscis fuisse; cum magnitudinis intuitu Coromandensibus magis, quàm aliis, affines sint. Adhuc Bauhini descriptio quoad folia majorem convenientiam habet cum Coromandensibus, dum foliis mali Persicæ eadem assimilat, in quibus notabilius ferè discrimen radicatur, cum folia reliquarum baccarum saponariarum arborum acuminata non sint, sed ubique obtusa videantur, nisi quod pedunculum versus in acumen oblongum desinant, ut è figura ramusculi videre est, quem, ob penuriam Pictoris, hac vice delineare non possum, ut Tibi eundem communicare valeam, quod tamen alio tempore fiet: ut ut hoc superfluum foret, si arbor & penes Vos inveniretur. Fructus hujus arboris alias communissimè heic in Batavia Nova *Bovval lang'* it audiunt, quoniam nempe Incolæ capita sua iisdem lavant. It. *Sabon dzjaxan*, h. e. Sapo vestiarius, quia vestes iis lavant. Malabares in regione Coromandel baccas hæc *Ponnan-ga-ja* & Telinganenses *Kunkudu-kaja*, vulgò *Konkre-kaja*, juxta vulgi pronunciationem, vocant: Malaijani de Patani eademque vicinia easdem *Bovvaz Perkam*, Javani *Bovvaz Lanak*, & Siamenses *Dikovve* nominant. In lingua Indostanica & Decanica *Uten* audiunt; id quod ansam mihi suppeditat, ut conjiciam nucleum seu nucem interiorem, quam continent, esse *Retab*, vel potius, *Ritab* Avicennæ, per *avellanam Indicam* commodè explicandam: ut ut fructus conditio, quæ, juxta Plempii versionem, formam papaveris, quemadmodum Indica nux, habet, non benè concordat (quod in vegetabilibus Indicis illi non rarum est) dum nucula, excepto nigrò colore, ut & nucleus,

pariter oleosus, ad nucem avellanam quamproximè accedunt: horumque intuitu denominatio Avellanæ Indicæ tam insigniter non abludit. Interim nec in hoc certi quid prius concludam, quàm *ritab* Avicennæ è Persiâ aut Arabiâ obtinero.

Quandoquidem & certior redditus sum *Massoy* pariter in Siram, & juxta relationem de Macassar in Selebes quoque reperiri, hæc autem famosa satis arbor aromatica est, quam inter alias Insula hæc fovet: hinc curiositate meâ coactus exoptarem, ut Tuo auxiliò & favore intercedente ejus descriptionem curiosam, una cum ramis quibusdam, foliis, floribus & fructibus instructis, exsiccatis tamen & inter chartam, more consueto, compressis, ut & folia quædam, fructus & semina separatim obtinere queam, quibus me valdoperè obstringes, cum hæc talia magni faciam.

Non minori gaudiò perfundar, si parilem descriptionem ejus plantæ, unde *Rasamala* aut *Styrax liquida* erumpit, cum foliis, floribus, fructibus & semine, curâ Tuâ & provisione nancisci potero.

Dn. Hollenius, Ecclesiastes Malaijanus hujus loci, aliquando mihi narravit, quòd, cum retro ædes suas, in quadam Insulâ, aliquot grana de *Cardamomo Minore triangulari* in terram projecta essent, planta quædam propullulârit, quæ sub ejus habitu altitudinem 3. pedum habuerit, apparente jam in summitate nodò, ceu floris vestigiò. Hujus similiter accuratiorem notitiam, tam quoad formam, folia, flores &c. quàm alias circumstantias desiderarem, si plenaria ejus disquisitio Tibi ad manus esset.

Interea cum salute officiosissima & appreciatione felicitatis perpetuæ nunquam non permanens sum

Nobiliss. Tui Nominis

Batavia d. 6. Jul.  
1683.

Cultor Servusque perpetuus  
HERBERT de JAGER.

EPISTOLA IV.

DN. HERBERTI de JAGER

Ad

DN. GEORGIUM EBERHARD. RUMPHIUM.

P. P.

Tertiò hujus mensis die exoptatissimæ Tuæ, die 27. Septembris hujus anni ad me datæ, literæ, cum simplicibus eò pertinentibus, non sine gaudiò ad manus meas pervenêrunt, è quibus libentissimè percepi, Tibi meas quoque literas, Mensibus Majo & Junio exaratas, unâ cum

adjectis naturalibus, benè traditas fuisse. De cætero autem Te utique excusandum censeo, quòd non ad omnia & singula, à me proposita, formaliter respondere potueris, quàm facile supputare valeam, tam angustò & vix 6. vel 7. dierum intervallo. quò ob cumulum negotiorum

Ddd 3

vix



vix tantillum temporis superesse solet, & quod maximum erat, cum summò profectò boni publici damno, proprio oculorum usu atque beneficio proh dolor! cares, sicque tantum non omnia per aliorum manus, noctu diuque non semper paratas, expedire cogeris. Ut adeoque sufficientes adhuc causas habeam Tuæ Nob. summas agendi gratias, quòd tantum temporis sibi sumere voluerit amandissimis suis literis me dignandi; quemadmodum & obstrictus sum, quòd non tantum transmissa curiosa jungere, sed & spem simul facere volueris, quòd & in reliquis desiderio meo satisfieri debeat, cujus effectum, pro meritis suis, imposterum magni æstimavero, simulque non deero Tuis quoque desideriis, in quantum possibilitas & occasio permittent, gratificari, deque rebus Botanicis tantum communicare, quantum modulus capacitatis, notitiæ & experientiæ, tenuissimus licet, admittet. Quamvis Nob. T. magis forte satisfacerem, si his tantum rebus vacare & sine ulla distractione procuraciones horum simplicium, quas instituere possem, versus Indiæ oras ubicunque locorum observare liceret, cum intuitu Illustris Societatis, hujusque commendatione, ad amissim omnia & quoad minima expediri soleant: ast non obstante spe de hóc concepta, promissione quoque Tuæ Nob. de omnibus illis procurandis & blandiente fortuna præsentia Tua exoptatissima fruendi, (si exitus acta probasset) summæ illæ, quæ in Indiis frequentes sunt, rerum vicissitudines & variationes tamen omnia rursus irrita reddiderunt meque in opinione concepta fefellêrunt, dum iter versus Occidentem destinatum cum alio versus Orientem permutatum fuit. Quùm enim Illustri Dn. Casember, Directori Persico, sub charactere Commissarii certum negotium in Persia & Suratâ obeundum collatum fuerit, ab expeditione hac nulla etiam diligentia & deprecatione me liberare potui, dum pro responso obtinebam, exiguam illam, quam fortè mihi comparavi, linguæ Persicæ notitiam hæc non tantum proficuum, sed & ita necessariam esse, ut ea carere nequeant, siquidem hac ipsa præcaveri posset, ne talibus fortè contractibus nobis imponatur, qui verbis ambiguis, nocivis clausulis & formalibus suspectis contra intentionem nostram innitantur, ut olim Dn. Crinæo aliisque accidit; & quùm experientia mea qualiscunque his in terris ad id negotii quoque requiri videbatur, non potui tandem iter hoc declinare, eoque minus, quod hac occasione simul dignitatem Mercatoris Primarii obtinuerim, cum asseveratione securissima, me, post reditum in Bataviam, abhinc in pace & quiete victurum esse, ad studium Botanicum & cultum linguæ Malaijanæ, per Grammaticam, Nomenclaturam & Lexicon è scriptis illorum & recentibus linguæ hujus observationibus (propriis illi characteribus typis imprimendis) tandem unicè tractandum: ad quæ omnia jamdu-

dum talentum meum (quod novi quàm sit exiguum) obtuli, dummodò media & requisita, illis necessaria, mihi suppeditentur, in quo Illustris Societatis Viri se neutiquam difficiles præbuerunt.

Interim intuitu ætatis provectioris, asthmatis & exiguæ sympathiæ cum aëre marino, squalloris navium, deficientium herbarum & olerum recentium, tanquam cibi mihi soliti, cum primis autem aëris pestilentialis in Gamron & horrendi Oceani fœtoris, illis tunc grassantis & dum eò pervenimus nobis incommodi, præter alias ibi devorandas molestias, nihil favorabilis aut conducibilis mihi promittere possum, ut sub tanta corporis infirmitate omnes illos impetus sustinere valeam. Attamen DEI T. O. M. gratiosissimæ dispositioni me libenter submittam, vocatione mea fretus, neque adsuetus ob tot tantaque infortunia, miserrimæ huic vitæ conjuncta, aut tristandi, aut ab illa, quæ in fatis sunt, animum in angustias conjiciendi, quem contra illa dudum præparavi atque obduravi. Interim accuratam observo diætam, abstinentiam & usum eorum quæ pectus calefaciunt, bronchiâ pulmonum à pituita liberant & expectorant, idque non tantum de consilio Medicorum, sed & diutinâ experientia propria, quam per operationem diversorum pharmacorum hóc in morbo mihi comparavi & ex parte ipsemet inveni. Alias nisi hic me affectus detineret, adeò molestum id mihi non ducerem, ut potius rem exoptatam reputarem, ut regiones illas, in quibus tot notabilia occurrunt, de novò frequentare & de hóc vel illò naturali curationem, quàm antea vel occasio, vel meditatio permisit, instructionem mihi comparare liceret: de qua in tantum semper Te certior reddidurus sum, quantum desiderio Tuo & speculationi proficuum erit, certâ detentus confidentia, Nob. Tuam sibi necquicquam, ab alio sibi communicatum, nec à se ipsa observatum, arrogaturam esse, cujus sinceræ & rotundo-candidæ rationis modique agendi, à me pariter observandæ, nunquam non securus esto.

Ne verò his profundius justo immergamur & nimis extra oleas vagemur, paulò propius ad ipsum nos negotium accingamus, atque responsa ad Honoratissimas Tuas literas urgeamus, oportet, quæ tam citò impertiri non poterant, quoniam navigium priori Commissioni destinatum jamdum oneratum & præmissis epulis valedictoriis ad vela pandenda paratum erat, cum Nob. Tuæ literæ mihi exhiberentur. Interim non destiti literis Bantam, ad Amicos quosdam, missis procurare, ut *Gitta Gambir*, quàm expressè petisti, unâ cum aliis in literis Tuis memoratis, inquireretur & quantocyus transmitteretur. Equidem apparere posset illis rem segnius justò fuisse actam, cum veriti forte sint, ne serius omnia adventura sint, cum indies rumor spargeretur, iter nostrum quamprimū maturandum esse. Attamen



men id excusationis loco adferunt, quod istic admodum solliciti & occupati fuerint in præparatoriis ad circumcissionem Filii Regii necessariis apparandis, ipsique Javani non tam facile adduci possint, neque tam officiosi sint, ut ad primum statim nutum se ablegari patiantur, licet ut primum illud expediri potuerit, satis illis temporis suppetierit, cum ob literarum præstolationem dies 29. Novemb. adhuc illuxerit, priusquam de portu solverimus: quod ipsum tamen præter omnium opinionem accidit, alioquin Bataviæ majorem diligentiam adhibere potuissem ad plantas illas acquirendas. Ex votò sane accessissent, nisi 2. aut 3. ante abitum diebus suprâ memoratus affectus me corripuisset, meque inhabilem reddidisset, quò minus Præfecto Pit valedicere potuerim, quem summâ, quâ fieri poterat, humanitate rogâram dictas modò plantas per Javanos procurandi, quas, ut per Mercatorem de Horn (qui priori Commissioni Nob. Dn. de Padbrugge interfuit & Tibi haud ignotus crit) sum certior factus, etiam obtinuit; & licet optimus vir omnes hæc plantas in curam suam susceperit, & donec redierim in ædibus suis asservari jusserit, ut Dn. Lycochton, Mercator Primarius & hujus Commissionis Membrum, refert, attamen is postmodum, non sine maxima displicentiâ meâ, peregrè abiit, quò ipsò cognitione & formâ harû plantarum omnino privatus fui, ut adeoque nullum illic experimentum facere, multo minus Tibi meam desuper sententiam aperire valuerim. Quoniam igitur nullum hîc remedium supererat, quàm ut penes supra laudatum Dn. de Horn seriò instarem, ut tria illa simplicia, sc. *Gitta Gambir*, *Bidaram-pute* seu *Bidaram* albam (quæ nihil aliud quam lotus, Bataviæ pro verò ligno colubrino habita, est) & *cannam Dzierenang* (à nostratibus pro vegetabili Sanguinis Draconis habitam) aut ipsemet Tibi transmitteret, aut Dn. de Vicq, Amico meo intimo & curatori meorum simplicium in Batavia Novâ, commendaret, ut ab hoc ad Te promoverentur. Quùm ergò laudatus Dn. de Horn ad hoc se paratissimum diceret, nullus dubito eundem promissis suis satisfacturum & desiderium Tuum impleturum esse. Quòd verò descriptionem *Gitta Gambir* concipere nequiverim, ob defectum antopsiæ factum est, adeoque eandem, usque ad adventum nostrum in Malaijam differendam duxi, quam die 9. Jan. hujus anni attigimus, ubi novò, eoque atroci paroxysmo asthmatis mei correptus fui, qui & post abitum per aliquot adhuc dies durabat: ut & tunc ad calamum ducendum prorsus inhabilis & impotens fuero: Interim tribus, quos illîc consumimus, diebus tantum obtinui, ut ramusculum de genuinâ arbore *Gitta Gambir* ferente nactus fuero, quem versus Insulam Dinding, in tractu Malaijano sitam, & spatio 7. dierum à nobis transfretatam mecum deportavi, unde ramusculum foliis, floribus &

fructibus tenellis præditum, in chartâ duplicatâ (quæ binis iterum asseribus interposita est) sublit. A., per Malaijam, Bataviam novam ad Dn. de Vicq transmissi, ut eundem Tibi, quamprimum fieri posset, offerret, nullus dubitans Te convenienti tempore eundem obtenturum esse, quod auditu mihi gratissimum erit. Quodsi placuerit me literis quibusdam dignari, eò, quò Bataviæ non dego, tempore, modò laudato Dn. de Vicq commendari poterunt, de cujus dexterritate curaque jam securus sum, nec is deerit intentioni & desiderio Tuo quoad omnia assurgendi. Reliquas binas plantas, quarum mentio est facta, libenter etiam inquisivissem, ast quoniam in Malaijâ nullas moras necesse habuimus, nec illæ tam vicinæ crescebant ut arbor *Gitta Gambir*, adhæc quoque pluviosa tempestas urgebat, tum temporis fieri non poterat. Si pace commodoque Societatis Illustris fieri potuisset, ut tres aut quatuor menses in Malaijâ permanere & peculiarem herbarum inquisitionem instituere potuissemus, quamplures usquedum incognitæ plantæ potuissent detegi, cum regio hæc vegetabilium feracissima sit, ut non tantum in Bataviâ novâ, sed & hic haud pauci illîc nati Malaijani retulerunt. Quandoquidem verò id ultra vires & dispositionem nostram erat positum, hinc ab ulterioribus de eò cogitationibus abstrahendo ad *Arborem Gitta Gambir* me converto, ad accuratiorem, quàm quæ è ramusculo, cum foliis, floribus & fructibus exsiccatò hauriri poterat, notitiam Tibi impertiendam.

Arbor ergò, quæ ramusculum hunc ferebat, truncum 7. vel 8. pedes altum, sed vix ultra brachii crassitinem habentem, ramosque suos longè lateque, absque nemorosâ densitate, projicientem habebat. Cortex in ramis minoribus, foliis copiosissimis instructis, rubiginis fere colorem habebat, de cujus forma & figurâ non est ut multa faciamus verba, utpote quæ ex inspectione oculari elucescit. Hoc tantum præterire non debebam, in ramusculis, ob exsiccationem & compressionem præcedentem, forte minus observandum, colorem sc. in foliis conspicuum, tam in superiori, quàm inferiori parte cum foliis *Cheramellæ* convenire, quibus formâ etiam respondent, nisi quòd longiores quodammodò & corpulentiores sunt. Flosculi ejus parvi sunt & albicantes, constantes ex unico petalo, instar coronæ formato, quinque punctulis, & totidem fibris, sed exiguis & curtis, instructo, è quibus pederentim nodulus rotundus protruberat, unde fructus rotundus, piperis aut coriandri grani magnitudinem habens, enascitur, Hic, ubi ad maturitatem pervenerit, albus & in parte superiori quodammodò compressus est, gerens in medio spinam minorem, quam stellula incisa quinque radiorum ambit. Medulla, granulum ambiens & præterpropter grossi crassitiem æquans, tenuem & ex albo-gryseam pelliculam continet, in qua granulum nigricans abscon-



absconditur, in quô nullum sensibilem saporem dignoscere potui. Hæc modò sufficiant de formâ hujus vegetabilis, quam ramusculus exsiccat, cum annexis foliis, magis magisque explanabit, ut arbor hæc ab aliis discerni possit.

Trochiscos, inde parandos, quod attinet, ad hos tantum folia, & interdum aliquid de cortice recipiunt, sive jam in porphyrite eadem, cum pauca quantitate aquæ, comminuant & in pulv. subtilissimum redigant, sive integros fasciculos macerent, aut integra fragmenta coquant: quæ ultima præparatio Malaijanis, secunda verò Javanis de Palimbang, Jamby &c. ut plurimum familiaris est, ita ut posteriorum trochisci flavi magis sint, quàm Malaijanorum, quorum placentulæ externè ex atro-fusco ad ochræ rubedinem vergunt, & prout mihi videtur, masticando majorem gummositatem, quàm aliæ, præ se ferunt. Hoc credere me jubet succum ob sui viscositatem tantum nomen *Gitta Gambir*, h. e. Gummi, obtinuisse, dum Malaijani omnes succos arborum, qui viscosi, mucilaginosi & coagulati sunt, ita nominare solent. De Trochiscis illis Malaijanis hîc quosdam addo, ulteriori Tuæ speculationi servituros, cum aliis nonnullis minoribus, intensiore flavedine præditis, & Malaijæ me intuentem paratis, ita, ut è foliis comminutis, cum pauxillo corticis, massam quandam formarint & in trochiscos illos redegerint, quæ per exsiccationem debitam abhinc consistentiam nanciscuntur; quæ omnia me certiore reddiderunt, plantam hanc genuinam esse arborem, unde *Gitta Gambir* proficiscitur. Quid quod folia idem adstruant, quæ cum *Betel* usurpata eundem saporem habent & salivam eadem ratione tingunt ac Trochisci.

Repentem fruticem quod spectat, cujus folia Amboinæ, loco Pinang, una cum Siri & calce sumi scribis, de hoc certi quid experiri non potui, ut adeoque Tibi solidi quid de eô communicare jam non valeam. Interim percepi in plaga Occidentali de Sumatra, ut & Oris Malaijanis plantam quandam repentem inveniri, tenuibus, oblongis & extus colore cinereo gaudentibus foliis instructam, quæ loco *Gittæ Gambir* cum *Betel* & Pinang masticata eundem saporem & effectum habere, & linguâ Malaijanâ *Gitta Gambir akra* dicuntur. Per nomen *akra* autem Malaijani non tantum radicem, sed & repentem & errabundam humi plantam expriment, ut procul dubiô observaveris.

Quamprimùm è regione Coromandel Bataviam redii, multa de plantâ quadam, *Gambir* dicta, audiebam, cujus elegantes & fragrantiores flores laudabantur admodum: quod ansam mihi subministrabat in eas deveniendi cogitationes, an forte genuina *Gitta Gambir* esset? Maximam ergo solertiam adhibens ut ejus compos redderet, redditus tandem vidi illam genuinum *Jasminum Catalonicum*, in Horto Eystattenli de-

pietum, esse, cujus arbuscula à genuinis Malaijanis *Pohon Pakan* dicitur: quod hîc locorum ut observarem & monerem, è re esse duxi, ne quis nomine hoc Javanico *Gambir* seducatur, ut pro genuina arbore aliam minus genuinam eligat & venditet.

Quod porrò *Lingò Ambonensium* concernit, è comparatione foliorum, fructuum & granorum, à Tuâ Nob. mihi transmissorum, cum illis, quæ ab *Angsanâ* arbore scaturiunt, tutò concludere licet, utrumque hoc nomen uni eademque arbori attributum esse: utut de aliâ adhuc specie audiverim, quæ in Sillebar, ad oras Occidentales Sumatranas, reperiri & *Angsana Killing* vocari dicitur, quam tamen nondum videre licuit. Hujus posterioris lignum multò elegantius flammatum dicitur vulgari, rariusque habetur, è quô Javanicæque ac alii tubulos acubus recondendis destinatos efficiunt, quales à Primiceriis tantum gestantur.

Quod si omnes illæ arbores, quæ succum sanguineum fundunt, eumque coagulabilem & adstringentem qualitatem habentem, pro arboribus Draconis (ut ipsemet ad minimum existimo, præcipuique Botanici non abludunt) habendæ sunt, crassiusculum & sanguineum *Angsanæ* succum profectò excludere nemo poterit: utut tam efficax, & quoad reliquas bonitatis notas, in sanguine Draconis obvias & probandas, adeo bonus non sit ac sanguis aliarum arborum, lignum scil. Sandalum rubrum, sive *Caliaturicum* (quam pro optimâ specie habeo) præbentium, ut rationes in prioribus meis literis fusè allegavi. Interim præcisè sustinere nollem succum sanguineum *Angsanæ* pro illô sanguine Draconis habendum esse, qui in regione Coromandel, Golkonda, Suratta, in Persia & Arabia apud Pharmacopolas venum prostat, indeque per Turciam in Europam transportatur. Multò minus induci possum, ut credam *Dzjerenang*, quod è specie quadam fructuum, in arundinibus obviorum, in Palimbang paratur, speciem usualem illorum locorum esse, sive jam in placentis compressis, sive in panibus adferatur, ut illud de Palimbang, sive in lachrymis foliis viridibus involutis, ut sanguis Draconis in Bornéo aut aliis locis obviis: quæ ultima species ut plurimum melior est, quàm prior, colorem etiam intensiorem & lucidiorem præbet, ad Icones commodiorem, in quem usum Javanici aliique populi eundem adhibent; quamvis & Palimbanicus inveniatur ejusdem bonitatis ac prior erat. Interim ultima species tam vulgaris non est ac prior, quæ valdè adulterari solet, una tamen magis, quàm altera. Quænam autem species pro genuino *Rotang* s. junco *Dzjerenang* habenda sit, è supradictis & in Bataviâ collectis plantis, à Dnn. de Horn & Vicq bene transmittendis, observare & colligere poteris, (nî jam ante id detexeris) dum à diversis Incolis, tam Europæis, quàm Inquilinis, qui in Palimbang & Jamby



Jamby olim vixerunt, pro certô mihi relat-  
tum est plantam hanc nihil aliud esse quam  
scipiones illas Jambynenſes, quæ copioſè olim  
diſtrahebantur, nunc autem ob deſuetudi-  
nem & aliarum introductionem ferè inſuper  
habentur. Si de Gummate aut Succo hoc ac-  
curatiorem deſcriptionem, in exoptatiſſimis  
Tuis literis mihi promiſſam, obtinere poſſem,  
gratiſſima mihi foret; quemadmodum & ipſe  
ſub reditu meo ex hoc itinere, poſt ulteriorem  
inquiſitionem, fuſior in communicando ero,  
ut Nob. Tuæ magis ſatiſfacere poſſim. Inte-  
rim ad contenta prioris epiſtolæ me rejicio,  
quæ de hâc quidem materiâ fuſius agit.  
Quodſi eandem æquè ac adjecta ſimplicia  
probè ponderaveris, procul dubiô obſervave-  
ris, placentulas tranſmiſſas, Nucum Vomica-  
rum officinalium figuram habentes, quibus in  
Regione Coromandel aquas turbidas clario-  
res magiſque limpidas reddere nôrunt, neque  
ratione magnitudinis, formæ, aut figuræ, ne-  
que aliarum proprietatum intuitu ab iis diſ-  
ferre, quas Tibi in acceptis fero; quemadmo-  
dum & magnitudo, figura atque color illius  
carnis, in quâ placentula illa continetur, cum  
illâ, quæ è Coromandel adfertur, inſigniter  
convenit, quùm ex omnibus, à me viſis, in-  
ſignis ſimilitudo eluceſcat, adeò quidem, ut è  
foliis, ex Inſulâ Timor allatis & ſub primo in  
Bataviam adventu penes Dn. ten Rhyne ex-  
ſiccatis à me viſis, ut & ex fructibus obtentis,  
Te ferè aſſecurare audeam, unam æque ac alte-  
ram ab una eademque proficiſci arbore: quem-  
admodû & conformitas foliorum, tam figuræ,  
quàm coloris intuitu, inſignem convenienti-  
am inter Coromandelicum & Timorenſe Li-  
gnum Colubrinum confirmat, quam inſpectio  
ocularis fructuum penes me firmiorem adhuc  
reddit. Nec dubito inter tranſmiſſa ſimplicia  
Te *nucis vomicas officinarum* etiam inveniſſe, ut-  
pote quæ meæ tenuitati non minus ac Veſtro  
Chirurgo Primario (qui anno præcedente

easdem ex Inſulâ Ceilôn attulerat) cognitæ  
erunt.

Ratione Deſcriptionis ipſius arboris Te ad  
Hortum Malabaricum Dnn. de Rheede able-  
gaveram, in quò ſatis accuratè, quoad omnes  
circumſtantias, unâ cum figurâ fructuum &  
Nucum Vomicarum, reperitur, quam tamen  
elegantiorē, cum ſufficiente declaratione,  
tranſmiſi. Adhæc ſpecimen de Nucibus Vo-  
micis Nigris (quas penes nullum hætenus Bo-  
tanicum videre licuit) inveneris; ut adeoque  
exiſtimem me de his perfectam Tibi relatio-  
nem impertiſſe. Non minus allegavi, quod ex  
comparatione nucleorum, inſtar placentarum  
formatorum, poſiturâ item & venarum rami-  
ficatione in foliis, ſapore, & eodem ligni colore  
arborem Nucis Vomicae pro ſpecie ligni Colu-  
brini habeam: prout è primo fructuum intui-  
tu ipſe quoque judicaſti, in quò prorsus una-  
nimes ſumus. An verò ſupra memoratum  
vegetabile, ſc. Bidara puteh, vel Bidara alba, ſi-  
militer cum ligno Colubrino Timorenſi con-  
veniat, ut Bataviæ communiter perhibetur,  
inſpectio ocularis Te docebit, ſi, uti ſpero,  
ejusdem particeps redditus eris: de quò judi-  
cium Tuum, ſi eò me dignatus fueris, mihi  
gratiſſimum erit.

De *Cardamomo triangulari Malabarico* nil  
amplius habeo dicere, dum aliter hic, quam  
Dn. Hollenius de ſemine è terrâ erumpentē af-  
firmabat, à Nob. Tua informatus ſum, cui eò  
majorem fidem adhibeo, quòd è familiariori  
converſatione hujus Doctōris haud ita pri-  
dem obſervavi narrata illa cum ejusdem me-  
moriâ neutiquam concordare, ut illis tutò fi-  
dere queamus.

Ne E. figmentis tempus & verba perdan-  
tur, abrumpo hic, ſatis me feciſſe putans, quòd  
ad puncta in literis Tuis contenta quodam-  
modò reſponderim, dum alia addere tem-  
pus non patitur. Quare cum ſalute officioſa  
& commendatione Divina permaneo

D. in Inſula Dinding  
die 25. Jan. 1684.

Servus Tuus Perpetuus

HERBERTUS de JAGER.

## EPISTOLA V.

DN. GEORGII EBERHARDI RUMPHII

Ad

DN. HERBERTUM de JAGER.

P. P.

POſteaquam è literis Dn. de Vicq percepi  
Nob. Tuam de novô ad Commiſſionem  
aliquam in Perſiam deſtinatam eſſe, quæ pro-

cul dubio per 2. aut 3. annos duratura ſit, hinc  
ſpes & intentio mea me iterum ſeſellit, dum  
ramuſculos quosdam illarum plantarum,  
Ecc  
quas



quas à me desideraveras, procuraveram, ut ad Te mitterentur: quod ipsum nunc frustraneum esset, quum modò dictus Dn. de Vicq mihi retulerit, se in commissis habere, ut literas meas promovere Tibique transmittere debeat; quapropter ad minimum duplices Tuas literas sine responso relinquere non potui, sed quæ sequuntur chartæ mandare volui.

A frontè verò me statim obstrictissimum profiteor, gratiasque refundo maximas pro tot prolixis Descriptionibus vegetabilium mihi usquedum maximâ ex parte adhuc incognitorum, è quibus me ulterius informavi & perspexi *Sandalum rubrum vulgare* à ligno Caleaturico planè non differre, id quod aliquò modò etiam è Cap. XVII. Lib. I. quem Garzias ab Horto de Arom. & simplicibus conscripsit, elucescit, qui Sandalum rubrum in Indiâ, circa Provinciam Tanassarim in locis Coromandel succrescere scribit: quam Tanassarim tamen in nulla mappa Geographicâ repetire licet.

Hâc de causâ à sententiâ meâ nondum abire possum, illud scil. non minus in plagâ Africa Orientali (cuius Incolæ penes maximam partem Scriptorum Antiquorum *Zangis* vel *Zingis* vocati sunt) cum primis in Madagascariâ reperiri, licet jam non recordar, in quonam itinerariò illud legerim. Adhæc mea sententia eò non vergebat, ut (quod è literis meis coniecisse videris) statuam Malaijanos & Indos Orientales navibus suis pusillis & debilibus Africam olim petiisse illudque exinde deportasse. Hoc tamen me legisse memini, ipsique veritati verisimile videtur, Veteres Arabum Mercatores circa mare rubrum idem illuc coemisse & à loco fortè sic denominasse. Neque enim per somnium mihi imprimi posset, vocem *Zingi* Malaijanis aliisque Indis nigrum colorem denotare, quòd nuspiam audivi, sed in Lexicis potius, tantum non omnibus, vidi idem carottam nigram significare, sive jam Africana sit, sive Indica. Quapropter pace Tuâ ea me spes tenet posthâc adhuc aliquem detecturum, unde genuinum Sandalum rubrum, à Lusitanis tantò in pretiò habitum & in minimis fragmentis hætenus divenditum, originem suam trahat: dum inter illos usquedum neminem invenire possum, qui lignum Caleaturicum pro Sandalo rubro acceptare velit, cum tamen Chineses non minorem ejus notitiam habeant illudque *Tzidji* vel *Tzidoc* (è quò bacillos cibarios, Tibi non ingnotos, parant) vocent, perhibentes illud in Siam & Gambodiâ quidem succrescere, sed à Sandalo Rubro distingui.

Imò, si nullum inter ligna hæc discrimen intercederet, inhumaniter profecto Amboinæ egissemus, quòd Amicis nostris è Bataviâ Sandali rubri intuitu tantas molestias creaverimus, ut parcè illud, in fragmentis minoribus, obtinuerint. Facilmè sanè quis tudites aut fellas veteres, è ligno Caleaturico constantes, in frustra comminuere potuisset, quales in omnibus ferè

ædificiis inveniuntur, sicque Sandalum rubrum magnâ in copiâ nobis ad manus fuisset, dummodò quis illud à nobis acceptasset. Interim ambabus etiam manibus largior ex arbore sæpius jam adducti ligni Caleaturici succum rubicundum obtineri posse, qui pro Sanguine Draconis haberi posset, dum utique videtur gummi hoc è diversis specie arboribus obtineri; quoniam verò illud nondum vidi, tantisper illi inhæreo, quod vulgus hîc pro Sanguine Draconis venditat & lingua Malaijana *Dzjerenang* vocat. Apporatur autem è Sumatra & quamplurimum è Palimbang, ita ut species vilior & communis in placentulis, optima verò in lachrymis appareat. Utraque, juxta relationem eorum, qui suis id oculis viderunt, à quadam specie arundinum crassiorum proficiscitur, quales hîc in Amboina quidem reperiuntur, sed rubrum ejusmodi succum non suppeditant. Si Nob. Tua diutius in Batavia permansisset, dubio procul non tantum ipsius ligni, sed & gummatiss, imò juxta relationem, ramusculi alicujus particeps fieri potuisset, quod nunc differendum erit.

*Schœnanthum genuinum* & sincerum, à Te in Coromandel observatum, à gramine odorato Sirce distinctum esse libenter etiam concedo. Interim mea opinione Sirce nostras pro quadam ejus specie haberi posset, dum radix ejus tam fragrans & aromatica est, ut crederem eandem genuino Schœnantho neutiquam cessuram esse, eoque minus, quod roseus illi odor junctus est. Unde & penes Scriptores quosdam observo radicem Schœnanthi ab illis pro Galanga minore haberi.

Ramusculum transmissum è *Rhamno rubro*, qui juxta tenorem literarum Tuarum à Cynosbato circa Bataviâ frequenti proficiscitur, primò statim intuitu pro illa ligni specie agnovi, quam Malaijani *Cudrang* vocant, licet ab Amboinica quodammodò differat, cujus ramum Tibi transmissurus eram. Miror autem valdè è tot Incolis Batavis, huc annuatim venientibus, cum primis foeminis illis quæ lignum Cudrang roties ad colorem flavum adhibent, nemo mihi dicere potuisse, illud nihil aliud, quàm Cynosbatum Batavicum esse, imò ejus loco aliam, toto genere diversam, spinam paucos ante annos è Batavia huc attulisse, quæ baccas rubras proferret & Cynosbato communi, in Patria nostra frequenti, haud dissimilis est.

*Divadaroc* hæc in Amboina ignoratur, eoque magis, quòd specimen primum mihi transmissum tam exiguum erat, ut nullam inde traducem petere licuerit. Dubito an hoc Divadaroc non conveniat cum *Djudar* Bylbaridis, quod Golius in Lexico suo Arabicò per *Arborem Demonum* interpretatur & pro *Sabina Indica* habet. Alii arborem tympanistriam vocant, quoniam ramis suis, vento flante, tantum sonum edit, ac si tympana pulsantur; quapropter nostrates de simili arbore mentionem faciunt, quam pariter pro specie Sabinae habemus & arborem



Casuariam dicimus: de quâ ramusculum his inclusi, Tibi transmittendum, quò cum Persarum Djudar, si forte occurrat, conferri & comparari possit.

Tres Species *Caryophyllorum Regionum* (quæ Tibi à Dn. Abraham Boudens ostensæ sunt & inter quas binæ rarissimæ species ante XXX. annos in Ternata succrescebant, tertia, vilior autem, hîc in Amboinâ reperitur) à certis arboribus proficiscuntur, quæ vegetatione & figura ligustro ferè similes sunt, nequicquam ferentes aliud quam fructus illos, utut Ternatenses blaterones Tibi aliud persuadere conati sint. Certissimus sum neminem ex illis genuinam caryophyllorum regionum arborem, in Macquiam tantum crescentem, vidisse unquam, quàm ante XXX. annos eradicata fuerit. Hi autem fructus à Seniori nostro Governatore, Jacobo Huftaart, pro insigni donò concessi sunt, utpote quorum nulli amplius in hoc Universò reperiuntur.

*Corticem & radicem vulgaris Caryophyllorum Arboris* jamdum mihi procuraveram, ut Nob. T. transmitterentur, unde hautire potuisset nec in cortice, nec in ligno vim aliquam aromaticam aut oleositatem latere, unde gummi quoddam coagulari posset, ut in Europâ, quod inaudio, fabulantur. Ad minimum Tibi asseverare possum nondum gummi quoddam genuinum, aut resinam inde ortam, me vidisse, quæ & Incolis hisce prorsus incognita sunt.

Fortassis illud, quod pro gummi caryophyllorum in Europâ venditur, arbori cinamomi Ambonicæ debetur, quam sub exsiccatione caryophyllorum fortè adhibuerunt, quùm olim caryophyllos aliâ, quàm hodie fieri solet, ratione depuraverint.

Reliquis in Epistolâ Tua contentis simili ratione respondere hâc quidem vice iusto prolixius foret, quapropter idem ad reditum Tuum in Bataviam differendum duxi.

Interim confido Te, ut jamdum sollicitavi, fasciculum *Schœnanthi genuini* allaturum, aut potius præmissurum, quod in oris superioribus affatim proveniet. Interim pars radicis adhuc cohæreat, oportet, ut cum nostra Siree conferri possit. Quemadmodum & *Calamum Aromaticum* fide dignum expecto. Ramusculorum

ligni Caleaturici verò transmissionem nec iter, nec conditio Tua admittent.

Gemmæ, quas *Oculos Cati* vocant, Tibi fortè haud ignotæ erunt, dum plurimæ in Insulâ Ceilon inveniuntur. Persuadere mihi sustinent easdem è Conchis, Matri Perlarum haud dissimilibus, obtineri, cum tamen omnes Gemmarum Scriptores easdem hætenus pro lapidibus fossilibus habeant. Quodsi certiozem earum habeas notitiam, fac, quæso, ut & ejusdem particeps reddar.

Similiter in Regionibus à Te peragratis lapilli quidam, *Mesticas* dicti, reperiri dicuntur: quò nomine illi quidem lapides donantur, qui in certis fructibus, lignis, aut animalibus inveniuntur. Quemadmodum in quibusdam *Nucibus*, *Calappis*, dictis lapillum candidum inveniunt, quem *Mestica Calappa* nominant.

Scire item desiderarem, annon in aliis quoque Regionibus *Lapides fulminares metallici* inveniuntur, ex auro, cupro, ferro, partim unius tenoris, partim mixti (metallico-lapidei) conflati? quales hîc ostenduntur. Binos ipse in Patriam misi, rubrum q. cuprum præ se ferentes, attamen mixta substantiâ gaudentes.

Non minus ab aliis certior sum redditus Nob. Tuam in Regione Coromandel certam arenam invenisse, è quâ tantum orichalci extractum fuerit, ut integram cistam eò muniri curaverit: quod prorsus insolitum mihi visum, cum nunquam de arena tali cuprifera quid audiverim.

Suprà allegata *Arbor Casuarina* alta satis & procera est, tam in litoribus maris, quam montibus succrescens, fructus ferens squamosos, instar Nucum Cupressi, qui in campestribus arboribus rotundi, in montanis autem oblongi sunt, instar cylindri, Truncum habens durum, nigricante ligno præditum nullamque resinam fundens.

Scribas, quæso, an *Arbor Capoc* adinstar aliarum arborum lanam teneram subministret, ut Gossypium, cujus magna copia in Insula Tilos invenitur, differens tamen ab eò, quod in herbis invenitur.

His cum appreciatione felicissimi itineris & salute officiosâ DEI T. O. M. tutelæ Te commendo, restitans

Nob. Tuæ

Amboina, in Castello Victoriâ,  
die 6. Maji 1684.

Servus & Amicus

RUMPHIUS, Mercat. Senior & Consul  
Ambonensis.



## P. P.

Quandoquidem Commmercium Tuum literarium, cum primis in rebus ad Botanice spectantibus (de quarum insigni notitiâ, experienciâ & observatione meritò gloriari vales) longè acceptissimum sit; hinc ad ejusdem continuationem, pro meâ tenuitate, præsentibus literis primam occasionem rursus subministrare volui, certò confidens Nob. Tuam pariter eò inclinaturam, ut ad renovandum illud & alendum omnia rursus in pristinum statum restituantur, simulque illis quæstionibus & petitionibus, quas jamdum in prioribus meis literis commendavi & nondum resolutas novi, commodâ Tibi occasione, satisfiat, & pro insignis Scientiæ Tuæ modulo lux aliqua affundatur; quemadmodum & meâ ex parte non deero pro virili & absque ulla reservatione, quoad omnia à me desideranda, sincerè inservire, de quo nullus, quæso, dubitare velis.

Ut ergò, quoad priores res Botanicas, ad illos, ubi substitimus, terminos redeamus, literas antehac inter Nos reciprocatas eum in finem non tantum percurri, sed & omnia illa, quæ non tantum Dn. de Vicq, sed & Dn. Cleyero, amicis meis integerrimis, ut à me inquirerent, commendasti, denuò quæsi & reperi, quòd inter Nos sequentia adhuc decidenda sint, quæ ut recenti memoriâ reserventur, breviter subjungenda duxi.

Primum, quod per B. Dn. de Vicq expetiti, descriptionem aliquam & jungendum ramusculum cum foliis, fructibus & floribus certæ speciei *Ganitri Ambonici*, de quo jam ante fructus quosdam transieram, nullam tamen Responsionem aut informationem receperam, concernebat.

Adhac observo Te per Dn. de Vicq desiderasse, ut ratione *Semberani*, seu, ut Amanuensis Tuus expressit, *Samberana*, percontarer, quale suffimigii genus sit? & de quam arbore illud profluat? Quoniam ergò me illud explicasse non memini, hinc me obstrictum esse sentio Nob. Tuam certiore reddendi, quòd in Regione Coromandel hoc nomine *Benzoinum* veniat, quò idola sua suffire solent, ut certâ mihi experienciâ constat.

Porrò in Epistola meâ die V. Maji 1683. exaratâ & appendice die 20. annexâ Nob. Tuæ specimen *Caryophyllorum Spuriarum*, ut & *Sylvestre Maceris* genus (quæ utraque in Golkonda reperi) transieram Tuumque ea desuper ju-

dicium, cum succincta manu ductione ad dignotionem arboris, cujus cortex *Culit Lawang* dicitur, quæ & qualia sint folia ejus & fructus? petieram. Verum neque de his, neque de aliis nonnullis fructibus *Fagara*, seu, ut Avicenna loquitur, *Fagabari*, quicquam obtinui; quos ultimos fructus eam ob causam addebam, ut experirer, an eosdem penes Vos jamdum inveneris? an verò posthac inventurus sis? dum in prima Parte Itinerarii Indiæ Orientalis (quod in quartò majori editum est) statim post descriptionem urbis Bantam, ubi simplicia Insularum Indicarum recensentur, habetur illos in Javâ reperiri, in quâ eosdem usque in hunc diem indagare non potui, licet definire nollem, eosdem hic planè non succrescere, quum hâc vice tantum exiguam Plantarum Javanicarum quantitatem possideam, in quas ipsemet incidi. Interim è relatione Avicennæ patet hunc ipsum fructum è Sofalah, loco plagæ Orientalis Africa, proficisci, quem Lusitani hodie inhabitant. Interim uberiores informationes de Caryophyllis supradictis sylvestribus, Macere sylv. *Culit-Lawang* & *Fagarâ* (à Brachmanibus pro *Cubebis* habitâ) à Tuâ Nob. expeto & expecto.

Videris etiam instrui velle de primâ specie Ligni Colubri, quam Garzias ab Horto habet, & à Bauhino Clematis Indica foliis Persicæ & fructu periclymeni vocatur, Lusitanis autem *Rayz de Moncus*, h. e. *Radix Monci* eam ob causam audit, quod species quædam Mustelæ, *Moncus* dicta & Tibi haud ignota, radicem hanc, si inter luctam cum serpentibus morfu vulneratur, inquirere, & quò contra virus ejus se præservet, masticare dicitur. Unde & virtutes hujus radice detectæ & ad usus Medicos adhibitæ fuerunt. Hanc ergò plantam primus ego, quantum mihi constat, hic locorum in apricum protuli, idque non sine admiratione summâ, quum Javani, Malaijani aliique Indigenæ adeò nullam ejus notitiam habuerint, ut & nomen hoc ignorarint, multò minus insignes virtutes contra venena experti sint. E paucis audivi, eosdem radicem hanc, ob summum ejus amarorem, *Hampaddu Tannah*, h. e. fel Terræ, nominasse: quod nomen tamen aliæ herbæ tribuimus, quæ cum hâc ipsâ nullam planè similitudinem habet. Antehac Nob. Tuæ radiculam de verâ & genuinâ ejus specie transmissi, qualem & hâc



hâc vice de novô adderem, dummodo ejusdem particeps essem; quin imò plantam adhuc virescentem in fictili, cum floribus & fructibus, adjecissem, ut perfectam ejus ideam quoad omnes partes Tibi formare, & an illâ (ut nullus dubito) redundet, dijudicare potuisses; postquam verò navis hæc Ternatam abiens (quâ præsentes literas transmittito) jam in procinctu erat anchoram solvendi, hinc impossibile mihi erat hæc omnia procurare, propediem tamen, si Deus vitam & occasionem indulserit, certe & indubitato secutura.

Interim in transitu notari adhuc velim duas hujus plantæ species reperiri, alteram rubicundis, alteram albis floribus instructam, quæ posterior genuina & magis usualis est, dum pagani in regione Coromandel inter plantas congeneres tantum præcipuas, è colore florum distinguendas, in usum adhibere solent, ita ut illas quæ floribus albis sunt præditæ pro efficacioribus habeant, ut in quampluribus observavi.

In Epistolâ mea die 6. Julii 1683. perscripta indicavi, quænam plantæ ex illis, quæ in I. & II. Tomo Horti Malabarici depictæ & descriptæ sunt, hæc in Bataviâ nondum à me visæ sunt, sc.

<i>Aroalu</i>	<i>Appel</i>
<i>Murotti</i>	<i>Schageri cottam</i>
<i>Mail-anschi</i>	<i>Panel</i>
<i>Cumbulu</i>	<i>Nodum-Schotti</i>
<i>Canschi</i>	<i>Schorunam Cottam.</i>
<i>Curatu-pala</i>	<i>Moderac-canni</i>
<i>Codaga-pala</i>	<i>Peragu &amp;</i>
<i>Tinda parva.</i>	<i>Codiavanacu.</i>

simul rogans, ut reciprocè mihi aperire velis, quænam ex his illâ reperiantur & quomodo in lingua Malaijanâ, aut Vernaculâ illâ recepta, denominentur: quas inter & illas intelligo, quæ in III. IV. V. & VI. Tomo hujus Horti continentur, in quantum scilicet opus hoc jam Typis est expressum, cujus ultimus Tomus arbores tantum & elatiores plantas comprehendit, minorum & propriè sic dictarum verò nullam mentionem facit, cum Nobiliss. Dn. de Rheede illi nondum colophonem impositurus esse videatur, eadem methodo omnes frutices & arbores forte subjuncturus. Quodsi autem tandem aliquando accessuræ sint, non intermittam speculationes meas de iis, quæ hîc crescunt, annotare, Tibique (ut reciprocè expeto) communicare.

In eadem Epistolâ (ut adhuc) in votis habebam, ut conjecturas Tuas de sequentibus plantis, quarum Bontius meminit, rescire valeam, quæ ita vocantur:

<i>Nimbo 1. &amp; 2.</i>
<i>Planta spinosa &amp; incognita, cujus fructus manibus triti foetidum odorem spirant.</i>
<i>Acacia</i>
<i>Dua species Jangomæ.</i>
<i>Beccabunga.</i>
<i>Nasturtium aquaticum.</i>
<i>Mangam, fructus apud Javanos sacer</i>

*Champidacea*, quam ignorat, sed pro arbore habet.

*Cardamomum majus*, hyacinthi flore.

*Veronica Javaña.*

*Frutex Indicus incognitus.*

*Gentianella Indica.*

*Guananabanus.*

*Lysimachium Indicum:*

quæ partim obscure, partim ambigüe descriptæ sunt, partim simplicissimè, sine delineatione nominatæ, vel ad minimum pessimè depictæ & descriptæ sunt. Quemadmodum igitur non dubito Te magnam illarum partem dilucidare posse, sic cogitationum tuarum me participem fore spero.

His expeditis effluxo nuper anno 1683. contra omnem intentionem & expectationem meam haud ignotæ Tibi Commissioni Perficæ irretitus fui, quæ cursum filumque studii mei Botanici denuò interrupit, ita quidem, ut ad præsentem horam in pristinum & consuetum antea stylum redire nequiverim; & quamvis illâ locorum optima quoque occasio se traserit aliquid notabilis in hæc scientiâ lucrandi, attamen cum summò meo cordoliò tædioque eandem derelinquere coactus fui, dum sub imperiò eotum vivere cogebar, qui speculationes ejusmodi non tantum summò prosequuntur odio, sed & pro vitiis & criminibus habent, imò illarum intuitu me variis injuriis persecuti sunt.

Missâ interim tædiosâ & adversâ hæc materiâ nostrum jam urgeo negotium, Teque celare non possum Dn. Laurentium Pitth, t. t. Præfectum Supremum, nunc aurem Governatorem regionis Coromandel, precibus meis adductum, eodem, quò navim conscendebam, die (qui 29. Novembris erat) ramusculos arboris Gitta Gambir, de Bidara potu (pro ligno Colubrino habita) & de Rotan Dzjerenang (unde gummosum succum elicere nōrunt, quem pro genuino Sanguine Draconis habes) cum foliis, floribus & fructibus, curâ suâ ex sylvâ obtinuisse, nullò mihi tempore relictò, ut eosdem inspicere & considerare potuerim. Quapropter omnia Dn. Petro van den Hoorn, è Comitatu & Commissionem Illustr. Dn. Padbrugge versus plagas Orientales destinata, me tunc ad Navim comitanti, commendavi, ut eadem aut Tibi immediatè, aut hunc in finem Dn. de Vicq, beatæ memoriæ, transmitteret. An ita factum, necne? & an plantas modò dictas obtinueris? usquedum rescire non potui; quemadmodum nec constat an ramusculum de Gitta Gambir, cum floribus & fructibus novellis, primò inter chartam duplicatam & abhinc denuò inter duos asseres compressam, sub lit. A. cum duplici specie rotularum de Gitta Gambir, alteram quidem Malaijanam communem, alteram in præsentia meâ elaboratam, de dato Dinding, die 25. Jan. 1684. sub commendatione ad supradictum Dominum de Vicq, una cum literis meis, acceperis.



Ab eò tempore in Spahan, Regis Persiæ Sede, humanissimas Tuas, die 6. Maji A. 1684. ad me datas literas, effluxis jam 5. anni quadrantibus, præterea verò nullas amplius accepi, quibus sub reditu meò ex Persiâ statim respondissem, nisi interea & responsorias ad Epistolam meam, die 25. Jan. A. 1684. ad Te perscriptam, expectassem, quò ambabus simul satisfacere possem. Quandoquidem verò responsio Tua prorsus emanat, dubito fere, an epistola mea, cum annexis, Tibi tradita sit? quapropter è re esse duxi, ut tùm ultimis Tuis satisficeret, tum & copia prioris epistolæ, de novò descriptæ, adderetur, ne in omnem eventum illâ prorsus careres, simulque ea, quæ desideraveram, adhuc complere valeas. Addidissem simul priores plantas, sed usquedum easdem recuperare non potui, licet summam illic diligentiam adhibuerim. Postquam Nobiliss. Dn. Isaac S. Martin, Consiliarius Indiæ, Ord. Major &c. (Vir non tantum nostris, sed & omnibus honestis studiis faventissimus & ob merita quamplurima alibi laudandus) tam benignus fuit, ut pro insigni, quâ penes Incolas hujus loci pollet, autoritate, quamplures easque rarissimas plantas, in Sylvis Javanorum succrescentes, mihi procuraverit, aliâs nunquam fortè obtinendas: hinc certa me spes tenet, fore, ut durante hoc favore & benevolentia supra dictarum herbarum rursus particeps fieri possim, quò casu certò illas obtinebis.

His pro introitu necessariò præmissis, ad restaurandum commercium nostrum literarium illudq; in priori serie conservandum, responsionem jam molior ad exoptatissimas Tuas literas, die 6. Maji 1684. ad me datas, è quibus perspicio Nob. Tuam jamdum ramusculos nonnullos eorum vegetabilium, quæ desideraveram, in promptu habuisse mihiq; destinasse, absque tamen effectu, cùm iter meum Persicum intervenerit; quapropter nullus dubito Te iis me aliâ vice, data tamen commodâ occasione, dignaturum esse, cùm Bataviam meam repetierim.

Quòd verò tam prolixas pro communicatione & descriptione tot plantarum ante incognitarum gratias mihi agas, Tuæ potius civilitati & favori, quam rerum meritis adscribendum duco, quùm me felicem æstimare soleam, si quocunque Tibi negotio gratificari possim.

De cætero video Nob. Tuam jam plenius informatam certò credere Lignum *Sandalum rubrum vulgare* à ligno *Caleauricò* distinguendum non esse, ad ejus confirmationem allegando Garziam ab Horto Lib. I. Arôm. cap. 17. utpote qui expressè habet illud inter alia in locis maritimis regionis Coromandel succrescere; quamvis paulò post sententiam hanc ironicâ quâdam objectione & irrisione rursus evertere studeat.

Ut ergò totum hoc de *Sandalo rubro* nego-

tium (quò tantum chartæ jam ante replevi) brevibus & dilucidis terminis expediam & resolvam, *Sandalum lignum* in 3. Species distinguam, scil. 1. *Citrinum*, sub quo & album comprehendendo, ab una eademque arbore proveniens, ut abundè Tibi constabit. 2. *Sandalum Rubrum commune*, in Arte Medica usuale, in Persiâ, Arabiâ, Turciâ & Europâ ubivis obvium & 3. *Speciem* illam *rariorem & pretiosissimam*, cui tam mirandas & insolitas virtutes adscribunt, ut haud pauca ingenium fidemque humanam ferè superent: de quò multa quidem audiivi, licet tam felici mihi esse non licuerit, ut vel unquam illud videre, vel, ubi proftet, experiri potuerim. Quod jam primum attinet, citrinum scil. & flavum, de eò nulla nobis lis intercedit, idque hâc de causâ prorsus seponemus; ad secundum potius, seu Rubrum me convertens, repeto illud cum ligno *Caleauricò* prorsus convenire & ab hoc nequicquam differre, utpote quod tum demum pro Sandalo rubro divenditur, si plures annos habeat, cùm arbores fragrantés Indiæ, tantum non omnes, ultimis ætatis annis tam odorem quàm virtutem efficaciorē habeant, ut in Sandalo flavo satis superque constat. Illud autem genuinum *Sandalum* esse ipsum testatur nomen, dum Brachmanes aliique Pagani in regione Coromandel, plantarum cognitionem aliquam habentes, in eò prorsus concordant, quòd lignum hoc *Caleauricum* lingua Sanscriticâ *Rakha-Tsjandanam*, h. e. *Sandalum Sanguineum* seu rubrum: Decanicâ autem, h. e. ordinariâ Indorum linguâ, ab originali quodammodò deflectendo *Reket-Tsjandam*, eadem significatione dicitur. His sane in denominatione & cognitione simplicium, Regioni suæ propriorum & usualium, tutò fidere possumus, eoque magis, quod vox *Tsjandam* per Arabes in *Tsandal* mutata sit, sicque ab iis ortum suum habeat, quæ cum ipsò ligno, per frequentationem Indiarum, primum in Persiam, Bafram & Arabiam traducta, & abhinc in Europam, pro usu & comodo Artis Medicæ, delata fuit, de qua ab Antecessoribus nostris ne ullum quidem vestigium nobis est relictum.

Ratio autem, cur illud Sandalis annumeratum sit, hæc fuit, quoniam annosum exsiccum & calidum redditum odorem sandalinum de se edit, qui eò fortior & penetrantior est, si circa id tempus festucam subtilem inde rescindimus & extemplò naribus admovemus: utut lignum ipsum, si arbor cæditur, eò tempore sensibilem Sandali odorem spargat, eoque penetrantiorē quò vetustior est arbor, quem tamen odorem diu non servat. Quoniam igitur ligni hujus odor volatilis nimis & superficialis est, hinc Paganis nuspiam tanto in pretio, quo flavum venit, habetur, sed parvum constat. Inde quoque est, quod idem raro, aut nunquam, ad inunctionem corporum suorum, ut alia Sandala, adhibeant, pereunte facile



facile & fatifcente ejus odore, cujus intuitu Sandalo huic rubro quoque nomen *Hoë-Tjandana* dederunt, quod eruditâ Brachmanum linguâ Sandalum vile notat. Hoc fortassis movit Matthiolum, ut scripserit lignum Sandalum rubrum in se & suâ naturâ nullum habere odorem, cumque, quem fortè spiret, Sandalo flavo alboque, quôcum fors involutum erat, in acceptis ferre. Quùm verò arbor Sandali rubri nullâ ex parte, sicque nec foliorum, nec florum aut fructuum intuitu, cum Sandali albi aut flavi arbore conveniat, adhuc nullum quoque odorem spirare dicatur, quærerem ex optimo hâc Botanicô, cur & quô fundamento lignum ejus arboris (quæ lignum Caleaturicum suppeditat) nomine ligni Sandali doneatur? quemadmodum è contra comprehendere non valeo, quâ ratione lignum hujus arboris, quæ & odorem & denominationem ligni Sandali (& quidem in illa regione, ubi crescit & nomen suum obtinuit, ac ad Persas, Arabes & abhinc ad Europæos transplantatum fuit) habet, pro ligno Sandalo agnoscere renuere aut dubitare debeamus? quò & Tua Nobilitas ægrè se perducere passa est. Licet enim in ultimis suis literis concesserit Lignum Caleaturicum cum Sandalo coincidere idemque verbis expressis scripserit, attamen verba insequentia, de mercatura hujus ligni adhibita & ironicè expressa, clarè adstruunt hanc Nob. Tuæ declarationem seriam non fuisse, sed in contrarium potius inclinare; quem in finem & adjecisti Lusitanos ipsosque Indos, quos consulueris, Lignum Caleaturicum pro Ligno Sandalo rubro acceptare noluisse, Chincensesque inter utrumque differentiam quandam constituere. Jam q. Personas has pro Viris expertis habere non detrecto: interim quæri posset, an quidam ex illis dictam arborem Caleaturicam, ut & alteram, quam pro verâ arbore Sandali rubri habent, propriis hauserit oculis? & licet hæc omnia adstruere andeant, non tamen omnia statim in vado erunt, sed quilibet exactissimè de figurâ & partibus utriusque arboris, una cum vegetatione & transplantatione hinc inde distinctissimè examinandus esset, cum primis autem, an Lignum Caleaturicum annosum odorem sandalinum spiret, nec ne? Quod si hoc negaverit, certissimum est ne utquam certam illum arboris cognitionem habere, sed sententiam ejus nullam esse. Sin odorem aliquem illi tribuat, porro inquirendum esset, cur igitur Sandali arboribus eandem non accenseat? cur alteram arborem (quam tantisper dari suppono) illis accenseat, priorem verò excludat? imò intuitu arboris Caleaturicæ porro tentari posset, an ipsi constet partem exteriolem hujus arboris, cum primis si nondum annosa est, albescat, conquassata tamen pressaque succum rubicundum instar sanguinis ploret, qui colore rubinum Peguanum cum splendore virreo q. referat & pro optimâ qua-

vis Sanguinis Draconis specie venditari possit, ut postmodum fufius dicetur. Quod si jam homunciones illi de duobus lignis his (quorum alterum certum, alterum tantum imaginarium est) ex omni parte, pro & contra, mox clarè & distinctè, mox per *ὑπερὸν πρότερον* examinaverimus, nullus dubito assertiones illarum valdè dubias & discrepantes fore, ita ut difformitate suâ haud obscure se ipsos confutaturi sint.

Sed quid pluribus huic de Sandalo tali, penes me adhuc prorsus imaginariô & putatitio, negotio immisceo, cum genuinum jamjam ostenderit & detexerim? & cur meræ traditionis rationem adhuc habeo, quæ aut omnino non, aut paucis tantum, iis in locis, ubi Sandalum rubrum reperitur, sine omni tamen fundamento aut demonstratione, innotuit? dum ex adverso auctoritatem tot Nigritarum Indigenarum (quos Chiolias vocant) qui aut Incolæ sunt regionis Coromandel lignum Caleaturicum fundentis, aut ab illis oriuntur, illic etiam fuerunt hicque Malaijanis aliisque sub communi Chadzias nomine notissimi sunt, à mea parte stare video. Omnes enim illi, quotquot hac in re consului, unanimiter fatentur lignum Caleaturicum idem esse cum eò quod ab arbore Sandali Rubri proveniat, nec præter hoc aliud ostendere possunt: quibus, ceu Versatissimis Mercatoribus, necessariò fidem adhibere cogor, utpote qui in omnibus mercium suarum speciebus expertissimi & de simplicibus regionum suarum (è quibus nullum præterea commodum aut lucrum expectare possunt) optimè testari possunt; nisi dicere velimus nihil certi de his & similibus posse statui, quod tamen absurdissimum foret & tot inventis fideique Nob. Tuæ, huic fundamento tantum innitentibus, valde præjudicare posset. Quemadmodum igitur concorde & unanime testimonium illarum Incolarum de aliqua re, cujus illi gnari & experti sunt, non tantum penes Studii Botanici Cultores, sed & alios rerum quarumcunque Scrutatores plurimum valet: hinc illorum allegatione in hac lignum Caleaturicum & Sandalum rubrum concernente causâ meritò pro argumentò quodam uti possum, ut sententiam meam stabilirem; quamvis argumento hoc, ab auctoritate desumpto, ad id persuadendum non indigeam, cum propriâ id. experienciâ & autopsia ejus certitudinem mihi jamdum procuraverim. Quid quod eadem sententia per supra allegatum & ex Garziâ ab Horto petitum locum valdè confirmetur, quò claris & apertis verbis docetur arborem Sandali Rubri in Regione Coromandel succrescere? Quùm ergo non aliud lignum rubrum, odore Sandalino imprægnatum, illic inveniatur, præter lignum Caleaturicum, hocque iis in locis nomine Sandali rubri penes Botánicos venire soleat, ut jam ante demonstravi, evidentissimum sane & in apicò est, intimam ligni Caleaturici medullam seu substantiam



tiam nihil aliud, quàm Sandalum rubrum, esse, ita ut reputatio & fama hujus Scriptoris (cui tantam fidem habes) Te paulò ante epistolæ hujus ultimæ expeditionem ad condescensionem & consensum (utut intus & in cute aliud recondere videaris) intuitu ligni Calcuturici pertrahere valuerit: cum tamen in Literis meis, die 5. Maji 1683. exaratis, jamdum observaverim, hunc Simplicium Indicorum Scriptorum oram hanc illis quoque regionibus accensuisse, à quibus Lignum Sandalum proficiscatur, quod scil. in Indiâ adhuc, intra fluvium Ganges (quò Provinciam Tanassarim rejicit) inveniatur. Quoniam verò ultimum hunc locum in Mappis Geographicis invenire nequis, pace Tua Hodegi loco ero. Tanassarim ergò non tam in Regione Coromandel, ubi quæsiisse videris, quàm potius in Tractu Orientali Sinus Bengalæ, ad latus urbis Martavan, in Pegu sitæ, inquiras, oportet, ubi locum hunc maritimum, Regi de Siam subjectum, invenies. Ex hac enim urbe plures etiam iter terrestre versus Zoddiam, Regis sedem, suscipiunt & ut plurimum quatuor aut sex menses, per meras ferè sylvas, consumere tenentur. Hæc urbs Tanassarim, intuitu situationis commodæ (ad evitandas ambages per viam Malaijanam sumendas & jus transitus lucrandum) communissimè à Nigritis & Pagânis Coromandelenibus, & juxta illos ab Anglis & Lusitanis, rarò vel nunquam verò à Societate Hollandica, frequentatur, utpote qui omnes illic merces & simplicia, è Regione & Regno hoc obtinenda, magna in copia illic inveniunt, & quæ nostra fert terra rursus distrahere valent. Lignum Calcuturicum quidem, idque firmissimum & compactissimum satisque durum, maxima ex parte ad illorum colores in Arte Tinctoriâ, ad spondas, sellas & scamna &c. efficienda consumitur, tantillum etiam ad rem Medicam adhibetur, cum omne id, quod in postremum usum petitur & per universum Orbem distrahitur, intuitu & proportionem vastissimi & latissimi circuitus harum Regionum, vix notabilem & consideratione dignam quantitatem constituat. Inde enim est, quod hîc ut plurimum illas portiones ligni eligant, quæ & vetustiores sunt & colore saturato magis gaudent, consequenter etiam odorem fortio-rem quàm ordinarium & vulgare, quod ut supradictum, ad tingendum & Armeniani in Sjitanz & Spahan ad aquam vitæ rubedine inficiendam adhibent, præ se feret. Interim, quod incidenter moneo, sapor ligneus sandalinus, aquæ vitæ insimul hac ratione communicatus, ad minimum mihi non arridet, quam puram potius, quàm hoc simplici permistam expeterem.

Quemadmodum verò jamdudum ante detectionem Indiarum per Græcos, & abhinc quoque per Romanos (liberos quidem, sed civiles simul) ita & postmodum à longis retroseculis inter regiones Orientales & Persiam Arabesque

mutua commercia rerum Medicarum aliarumque instituta sunt, Africæque ora cum Insulis adjacentibus longè post demùm innouit; utut ob barbariem Incolarum nil præter quosdam portus de Zangibar & de tractu Caffarsium (ut Lusitani eum vocant) & nonnullas urbes, quales sunt Melindo, Magadoxo, Sofala & successivè Insulas quasdam illîc obvias frequentarint, reliquas verò regionum harum partes crassæ ignorantiae nebulæ involutæ permanferint. Simili ratione quoque Sandalum rubrum, utut longè post, ex Indiâ in Persiam & Arabiam delatum fuit; quemadmodum eam ob causam Avicenna aliique Medici Arabes, quos videre mihi licuit, non alius Sandali rubri mentionem faciunt, nec aliud unquam nôrunt, quàm illud, quod ex Indiâ adfertur illicque succrescit, ipsò etiam Garziâ ab Hortò aliud nesciente, qui tamen in similium inquisitione satis curiosus est. Interim, quoniam India cum Insulis suis in viciniâ sita est, aut ad minimum easdem plantas trudit, quæ in tractibus Orientalibus Africæ, Madagascar &c. propullulant: hinc existimavi, testibus literis ad Te datis, haud incredibile esse arborem Sandali rubri etiam in Africâ aut vicinis locis reperiri, prout hætenus quoque illîc reperta est, dum in Gamron constitutus percepi his temporibus Sandalum rubrum ut plurimum ex oris Arabicis apportari, & in Arabiam, Persiam & simul Surattam abduci, idque ob compendium itineris, brevî admodum conficiendi: ut taceam illud tolerabili hîc pretiò venire. Fieri etiam potest, ut, quemadmodum aliàs solum & aëris diversitas vires & efficaciam herbarum insigniter promovere valent, lignum hoc ibidem efficacius & melius sit, quam in India hujusque Insulis: de quò tamen usquedum certi quid determinare, multò minus differentiam aliquam inter hoc vel illud constituere non audeo.

Quandoquidem verò, juxta regulam Doctorum, judicium quisque suum & opinionem, h.e. prædicatum, ulterius & amplius extendere non valet, quam juxta modulum cognitionis & notitiæ, quam eo tempore de re ipsa seu subjecto habet, abhinc verò latius dilatare potest, si temporis successu plures circumstantias de ipso subjecto detexerit, juxta quas uniuscujusque sententia dirigenda est, ut veritas salva factaque maneat, nec quicquam affirmetur & sustineatur, de quò certò non constiterit: hinc eò, quò formam & debilitatem navicularum, Javanis & Malaijanis hodie familiarium, consideraram, tempore Nationi huic longiores & remotiores navigationes adscribere non potui, quàm eas, quæ conditioni talium scapharum marisque superandi, imò & ventis & tempestati his in oris regentibus, proportionem quadam habita conveniunt: vî quorum ambitus navigationum illarum ab integro, imò duobus aut tribus seculis, ultra potentiam seu capacitatem navicularum suarum extendi non potuit, quamdiu scil. illis majores in





in usu non fuerunt. Indè ergò est, quòd navigationes propriis illarum naviculis peragendas tam angustis terminis incluserim, ne per somnium quidem de Nationis hujus transfretatione cogitando. Postquam verò in illorum Historiis observavi naves Dzjongs dictas, aliaque navigia capaciora Oceano sulcando idonea, ad navigationes illorum adhibita fuisse, sicque Eosdem insignia commercia in regione Coromandel exercuisse: adhuc mutuatio religionis & linguæ Paganis propriæ (dum Archi-Javanica tribus ferè partibus Brachmanum & Malabaricæ linguæ permixta est) literarumque acceptatio clarè satis ob oculos ponit navigationum & commerciorum communionem inter utramque nationem olim floruisse: porrò in Historia de Madagascar, à Dn. de Flacourt A. 1661. edita, annotavi linguam in magna hac Insula familiarem haud exigua vocabulorum Javanorum & Malaijanorum spuriorum quantitate permixtam esse, eaque majori ac in alia, quæ peculiarem & ab omnibus aliis distinctam dialectum habet, non potui non firmiter insimul statuere & concludere, Javanos non solum Arabiam & Africæ oras, sed & ipsam Insulam Madagascar propriis suis naviculis frequentasse, quòd non tantum merces suas, in solo eorum patriò occurrentes, transportare, sed & reciprocè alias inde obtinere potuerunt; quemadmodum navigationes Javanorum eò tempore non tantum versus Orientem, sed & versus Occidentem se extendebant, ut necessarium non fuerit, ut Arabes alique Mercatores maris rubri merces suas ab oris Africæ demum petere debuissent, ut Nobilitati Tuæ haud improbabile videbatur. Interim Scriptor & Historiographus Insulæ de tali Javanorum expeditione nautica (quàm certa etiam sit) ne verbo quidem mentionem injicit, cum de ea vix per somnium cogitare potuerit, quum & Javanicæ & Malaijanæ linguæ prorsus sit ignarus, itineraque horum populorum, usquedum adhuc levissimis navigiis utentium, non probabilia fuerint. Econtra Johannes de Barros, Scriptor Lusitanus prorsus authenticus, relationem verissimam, ante seculum conscriptam, obtinuit suisque Decadibus inseruit, quòd Javanorum navigationes pristinis temporibus versus omnes plagas, usque ad Madagascar (quam Insulam expressè nominat) se extenderint: sive jam id ipsum ex traditione aut narratione Javanorum, aut populorum hanc Insulam incolentium habuerit, aut è consideratione insignis illius influxus, qui è linguâ Javanorum in linguam Madagascaticam derivatur, concluderit, perinde est. Quò ævò verò hæc illorum commercia in distitas regiones floruerint, ob certitudinis defectum, determinare non audeo. Quod si tamen conjecturæ locus esset, concludere quis posset, navigationes hæc & commercia versus regionem Coromandel, Ceilon, Malabar aliaque Indiæ, Arabiæ & Africæ oras tum primum cœpisse aut floruisse, postquam universam Sumatram, ut & Malaijam, sub-

egerunt & possessione Malaijanæ æque ac Sondaſianæ viæ clavim mercaturæ versus Orientem ac Occidentem obtinuerunt. Enimverò tempore Marci Poli Veneri, Peregrinatoris celeberrimi & inter terræ marique versatissimi, annis circiter 1280. 1290. oras Insulæ Sumatræ Javani adhuc possidebant, idque non tam sub Monarcha quodam aut Rege, quàm in certos Principatus distinctas: quemadmodum idem Autor hanc Insulam pro Gjáva, h. e. Javâ, habet & nominat, aut sub hac comprehendit. Ut adeoque vox *Java* pristinis temporibus, intuitu conquistorum plurimorum à Natione hac factorum, ad longe plures tractus terræ, quam hodiè fieri solet, extensa fuerit. Aliàs videri posset Ptolomæum aliosque Geographos vetustiores eandem nomine *Jabadij* aut *Jabadiu*, Græcè *ιαβαδης*, expressisse, quod (ut Interpretes optimè notant) *Hordei Insulam* significat; unde & nostris temporibus adhuc vox *Javva*, eruditâ Brachmanum linguâ, hordeum & *diu* Indicè Insulam denotat. Quoniam verò frumentum hoc nuspiam in omnibus Indiæ Insulis alitur aut succrescit, hinc videtur Scriptores illos vocis significationem magis, quàm etymologiæ causam indicasse, utut nomen *Jabadiu* eo non obstante in id, quod Insulam Jaba sive Jawa denotat, transferri potuit.

Rationes quæ me ad hanc sententiam, quod scil. Javani post subactam Sumatram aliorumque locorum in viciniâ, navigationes suas in Arabiam, oras Africæ & Insulam Madagascar &c. primum instituisse videantur, deducunt, sequentes ferè sunt, quoniam scil. 1. Voces Javanorum, quæ linguæ Madagascaticæ permixtæ sunt, diversis iisque abruptis nominibus Malaijanis scærent iisque pluribus, ac in linguâ Javanorum ordinariâ occurrunt. 2. Hanc sententiam maximè stabilire valet, quod Arabes in hodiernum adhuc diem linguam Malaijanam *Lisaan Dzjawi* h. e. Javanorum linguam vocant: quemadmodum hæc ipsa penes Malaijanos quoque nomine *Bahasa dzjawi*, parallelâ cum Arabica significatione, venire solet, notabili indiciò, Javanos gentem Malaijanam sub sua jurisdictione habuisse. 3. Porrò sententiam hanc confirmari posset, si merces, quas Javani inter alia in Arabiam deferrebant & vendebant, intueamur, quæ, aromatibus & lignò aloës exceptis, potissimum ex Camphorâ finâ & Benzoino consistebant, quæ duo posteriora consideratu dignissimam, imò & pretiosissimam, mercem constituunt, de quibus tunc temporis, ut nostris adhuc annis, Insula Sumatra optimam nobis speciem subministrabat, dum camphora hæc pretiosa eò tempore è tractu de Batas, aut, si mâvis, Batahs, ubi arbor hæc copiosè succrescit, petebatur & in emporiò quodam maritimò *Pantsur* sive *Pansur* dicto venum exponebatur, qui Sumatræ latus boreale, Atsiæ, quam Nostri Atsin vel Achin vocant, partem attingit, & pristinis temporibus commerciis & populis ditissimus, hoc verò ævò vix ulli cognitus est. In hoc quoque



quoque loco vivebat quidem *Hhamzah Pansuri*, h. e. *Hhamzah de Pansur*, qui Malaijanis ob Malaijana *Sjanir* (quæ carmina quædam sunt) magni æstimatur & tam profapiæ, quàm habitationis intuitu locum hunc valdè celebrem reddebat: quapropter & à Marco Polo Veneto frequentabatur, qui eundem *Fausur* vocasse dicitur, pro quo vocabulo typi *Fansur* abusivè ponunt: quales abusus, per vitiosam lectionem & ineptam scriptionem originalium in nominibus propriis personarum & locorum exoticorum totò die frequenter occurrunt. Quid quod locus hic Sedes erat Radziæ, qui tractus hos & vicinos gubernabat, quos Scriptor hic Regnum de Fausur vocat & sextæ Javæ minoris ditioni Regiæ annumerat, & de illo, juxta meam è Linguâ Italica versionem, ita loquitur: Fausur Regnum „ est Regi subiectum, cujus subditi Idololatræ „ sunt & Magnum Can sive Chaan Tartari „ pro summo Imperatore agnoscunt. Illic „ Camphora finissima reperitur, quæ *camphora de Fausur* dicitur, omnes alias species „ bonitate superans, quapropter æquali cum „ auro pondere permutatur & divenditur. Tantum è descriptione modò laudati Marci. Interim Scribarum incitiam primam literam in voce Fantsur, Arabicum sc. F, puncto quodam auxit, hac forma:  qua ratione K cum aspiratione sive Kh præ se fert; ut vox illa in *Khantsur* mutata fuerit: unde ab eò tempore Camphora nobilior, per corruptionem nominis ab urbe desumpti, Kafur Khantsuri, h. e. *Camphora de Kantsur* aut *Khantsur* dicitur; quemadmodum adhuc nuper admodum in Persiâ expertus sum, Mercatores illius loci Camphoram finam, quæ in Baros hujusque viciniâ, aut in regione Batakhs seu Batas, sive in Insulâ Borneo colligitur, *Kafur Khantsuri* nominare. Sic Avicenna non minus hujus Kafur Khantsuri l. Khantsuri eadem ratione in Exemplari Arabico meminit, quod Romæ impressum similibus literis utitur & à Plempio in versione Latinâ Caphura Cansurensis dicitur; ubi Bellunensis notat, quòd in quibusdam descriptionibus Arabicis hujus Autoris Fantsur legatur, quod idem ac Camphora de Fantsur, seu, ut ille loquitur, Camphora de Fantsor significat, id quod cum pronunciatione ipsius emporii magis coincidit, quod propriè Pansur vel Pansor, juxta linguam Malaijanam & Javanicam, dicitur, dum Arabes nullo P nec aliò consonante gaudent, quàm  vel F, quod cum sono illius mage convenit. Omnium verò optimè Vetustissimus Arabs Serapio rem tetigit, dum pretiosi hujus simplicis nomen per Caphuram de Pansor expressit.

Altera merces, quam Sumatra ut plurimum subministrabat, erat *Benzoinum*, dum illic elegantissimum & candidissimum, ut ullibi terrarum haberi potest, à Javanis colligeba-

tur & in Arabiam transportabatur, quamdiù sc. dominium in hanc Insulam exercebant. Quapropter Arabes hoc Sumatranum suffimigium quoque *Lubaan dzjaabi*, h. e. Javanicum suffimigium appellarunt, unde per apocopen prioris syllabæ Lu & pronunciationem alteræ syllabæ *baan*, utrinque à primâ voce *Lubaan*, juxta Arabum consuetudinem, quâ sonus aa, seu duplicis a in ee, seu duplicatum e, vel & in Græcum *η* mutatur, & juxta pronunciationem hujus literæ Europæis familiarem nomen copulativum *Been-dzjavvi* exoritur; & quoniam Lusitani ut plurimum sonum ee per e simplex exprimunt, adhuc quoque lit. dz. w. in alphabeto illorum non contentis, binas vocales ao surrogare solent: porro & expressio dzi cum Z hujus nationis fere coincidit; hinc nomen *Been-dzjavvi* juxta Linguam Lusitanicam in *Benzaoi* mutatur, quod tandem per omissionem literæ a & additionem literæ finalis n, tractu temporis in *Benzoin* mutatum fuit & in hodiernum usque diem perduravit.

Porro, ut ex prioribus rationibus non verbar asserere navigationes Javanorum & Malaijanorum se ad oras Africae hujusque Insulas extendisse, penes illos quoque observare non potui, quod vel minimam cognitionem Regionis de Zengis aut Zengibar habeant, vocabulum *Zang'gi* voci Tzjandana, ad Sandalum Rubrum exprimendum, subnexum, significationis intuitu vix amplius extenderem, quàm ut eò ipsò color tantum niger aut fuscus exprimeretur, qui à cute nigricante Nationis Zengicæ sic dictus fuit, cum in Golkonda certior sim redditus, plura, illic reperiunda, coloris atri exprimendi causâ ita vocari, non autem ipsam rem Nationi illi adscribendi. Sic Myrobalanos nigros illic *Zengi harareh*, i. e. *Myrobalanos Zengiticos* vocant, non ob solum peregrinum, cum fructus hic circumcirca in Golkonda ipsa succrescat ibidemque conquiritur, sed tantum intuitu coloris, ad quem significationem vocis *Zang'gi* tantum referebam, cum primis, quòd Linguam Indostanicam & Decanicam simul ingressum aliquem in Malaijanam habere observarem. Quamprimum verò ab eò tempore in Historiâ de Hhamzah, è Linguâ Persicâ in Malaijanam translata, hoc ipsum vocabulum *Zang'gi* sub denotatione Nationis Africanæ nigricantis & crispipilæ observare licuit, paulò post etiam vestigia quædam plenariæ demonstrationis reperi, Incolas hos Indiæ plagas de Zangibar Insulamque Madagascar frequentasse, mihi quoque haud ita pridem in Persiâ narratum fuit, non tantum in Oris his Sandalum Rubrum reperiri, sed & inde transportari, sententiam eousque etiam extendere licebit, ut cognomen *Zang'gi* intuitu Nationis Æthiopicae huic ligno datum esse asseram, utut in nullis Persarum, Arabum aut Indorum libris aut scriptis nomen *Sandal Zendji*, vel, ut Galli exprimunt



primunt *Zengi vel Sandal Zengi*, ultimam vocem juxta nostram pronunciationem legendo, reperire potuerim. Equidem Marcus Polus Venetus Lib. 3. cap. 35. scribit in Insulâ Madagascar magnas vastasque sylvas ex arboribus Sandali rubri constantes reperiri, quod intuitu communionis, quam plantæ illius loci cum Indicis habent, haud ægrè concessero; utut Dn. Flacourt in Descriptione hujus Insulæ hujus rei non meminerit, quum nullam forte arborum cognitionem tunc habuerit. Quoniam tamen duarum arborum mentionem facit, harumque unam Endrachendrach, alteram autem Siramanghits vocat, quæ utraque ligni Sandali odorem spirat, & sub illis arbor Sandali citrini quoque comprehendi potest, jam adhuc tutius concludere liceret Sandalum rubrum illuc quoque succrescere, quum in regione illâ audiverim utramque arborem in altis & montosis locis juxta se invicem lætè provenire. Quapropter & iis, quæ Capitanei cujusdam Conjux, seu Mestica, ex Insula Timor oriunda & à Lusitanô prognata, in cognitione herbarum versatissima, narravit, ut & Centurioni Juncker, qui, ut ipse perhibet, tempore Dn. Vlamingii sylvam sandalinam illic frequentavit, plurimum fidei tribuo, dum in hoc concordant, quod Sandalum rubrum usuale illic non desideretur, quod & alii mihi confirmarunt, & Veneto illi Peregrinatori Marco quoque innotuit, Indiam sc. rubrum quoque Sandalum producere, dum cap. 17. lib. 3. Insulæ cujusdam meminit, quæ in editione Italica, à Ramusio editâ, Nocueran audit, quâ, ut è circumstantiis concludo, Nicubares forte exprimitur: juxta quam in eodem exemplari aliam adhuc allegat, Anagamân dictam, quæ procul dubio Andamans erit, dum æqualem distantiam, 150. milliaria Italica habentem, à Metropoli quinti sui Javæ minoris regni, Lambri sc., aliâs Lamni, circa Atsich fiti, obtinent. De priori Insula re, fert, quod omnes sylvæ, illic obviæ, arbor, res nobilissimas insignis pretii trudent & inter alia Lignum Sandalum, tam rubrum, quam album illic inveniatur, certissimo indicio utramque speciem eandem amare regionem. Non minus Hieronymus de Sancto Stephanô de Genouâ, in Epistolâ die 14. Septembr. 1499. in Tripoli de Soriâ perscriptâ, refert, in certô quodam locô, Sogomentil dictô, genuinum Sandalum tantâ in copiâ succrescere, ut ædificia sua exinde struere soleant, quem ex Insula Ceilon abiens die duodecimô attigit & paulo post inde versus Pegu abiit, tandem sesquiennio adhuc in regno hoc consumptô ad Malaijam est delatus. Hac ergo regio, quæ tot dierum itinere ab Insula Ceilon præter propter ac inter hanc & Pegu sita est, ob tantam Sandali rubri abundantiam alia esse non potest, quam Regio Coromandel, unde nomen Sogomentil, per deprava-

vationem aliquam forte ortum est, dum per totius oræ tractum ad Pegu usque non aliud (quantum mihi constat) nomen occurrit, quod ad hoc propius accederet. Impossibile quoque non est nomen hujus Regionis, ab hac persona, metropoli cuidam, illic sitæ, attributum esse, prout in Persiâ plura hujus rei exempla occurrunt, ubi Nagapatan, Metropolis maritima Regionis Tandzjawur, ad Coromandelam spectantis, in Diariis negotiatorum Soc. Belgicæ, Coromandela (quæ ipsa Regio Coromandel erat) audit. Attamen, quum tota provincia Tandzjiawura plana & aperta regio sit, omnibus montibus destituta, & illic æquè ac in Principatu Madurè hujusque vicina nullum adhuc lignum Caleaturicum, h. e. Sandalum rubrum, inveniatur: hinc crederem potius sub generali totius Coromandelæ nomine urbem potius Meilaxuram, ubi S. Thomas Apostolus inhumatus esse dicitur, eò propriè intelligi, cum illic æquè ac in Paliacolto, Caliaturo aliisque locis maritimis illis, versus Occidentem ad Regionem illam tendendo, adjacentibus lignum Caleaturicum tantum, non verò aliis regionis illius locis, inveniatur. Inter illos autem primò nominatus locus, intuitu navigationum & commerciorum, cum primis autem ob procurationem variegatorum illorum & artificiosè contextorum tegminum, eò quidem tempore frequentatissimus & celeberrimus erat inter omnes reliquos circumjacentes; quò pariter fluvius, qui eundem lambit, amœnissimus, solum fertilissimum atque jucundissimum, portus & vadum anchoræ jaciendæ aptissimum, ad sclopeti ictum tantum ab urbe distans, sanctitas ejus, apud Paganos famosa, multum contributebant, ut insignis Idolorum seu Pagodum numerus, illic obviis, testari possunt. Ut taceam communem illam traditionem de Martyrio & tumulo S. Thomæ urbem hanc valdè claram reddidisse, cujus intuitu tot Christiani, cum primis Nestoriani & Armeniani, eò se contulêrunt, adeò, ut tempore Marci Poli Veneti templum Apostoli hujus à Christianis custoditum & possessum fuerit, & Nicolaus Venetus, qui anno 1400. locum hunc frequentavit, eundemque, ut Conterraneus, ejus, ad regionem Malabar refert, attestetur, urbem Maliapor, ut eandem vocat, tunc temporis à 20000. hominibus inhabitatam fuisse, corpusque Apostoli S. Thomæ in quodam ejus templo inhumatum esse, incolis maximâ ex parte Nestorianis Christianis, mixtis tamen Armenianis, existentibus, utpote qui eò tempore per totam Indiam, ut penes Nos Judæi, dispersi fuerunt. Armeniani hi templum hoc suasque ades illic tamdiu in possessione habuerunt, donec Lusitani advenêrunt, qui eosdem expulserunt ac urbem non minus, quam inspectionem tumuli, ob commoditatem commerciorum aliorumque



rumque proventuum, sibi vindicârunt, cæterasque commoditates, supra attactas, arripuerunt, ædificiis saxeis, templis & cœnobiis, modo Europæis consuetô, locum exornando & abhinc operibus è lapidibus, tam montanis, quàm cœtilibus, fortificando. Interim eô, quo Galli urbem nobis cedeabant, tempore Biblia Sacra Armeniana in foliô, curiosissimè scripta, mihi sunt ostensa, regmine inauratô compacta, quæ è templô Divi Thomæ, à Lusitanis Christianis Asiaticis, cum plurimis aliis ornamentis, crepra fuerant.

Quemadmodum jam porrò supra laudatus Hieronymus de Genouâ Gemmarius & Mercator aliorum bonorum erat, huncque in finem, lucri spe lactatus, iter hoc solus susceperat, dum literæ ejus attestantur eum plures Mercatores Asiaticos huc & illuc misisse, ut sibi gemmas, margaritas aliasque merces illorum ope conquereret, cum Armenianis etiam sapissimè familiariter conversatus est, utpote qui tum temporis Mercatorum Præcipui Venetiis erant: ita valdè credibile est, illum non alium locum, quam Meilaxurium seu S. Thomæ urbem elegisse, quùm inter Insulam Ceilon & Pegu nuspiam, quam illuc aut ejus confiniis, optimæ magisque proficue merces tolerabili adeò pretiô vendebantur, cum primis Peguanæ, quibus ipse commercium exercebat & in Europam transvehebat. Inter illas autem quammaximè eminebant elegantissimè contexta depictaque vestimenta, Peguano more confecta, quæ nuspiam terrarum tam eleganti serico nitent, quam in loco hoc S. Thomæ. Quâ de causa quoque Lusitanis, dum eundem adhuc tenebant, navigatio versus Pegu consideratione dignissima & ex omnibus utilissima erat; ut adeoque utilitas & commodum hujus Peregrinatoris cursusque commerciorum ad Pegu eundem quàm facilimè ad regionem Coromandel & S. Thomæ deferre potuerint, unde navigatio versus Pegu tunc temporis magis paruit; adeoque ad obtinenda tegmina illa variegata tempus illud 7. mensium dubio procul impendit, quæ ipsa, ut è sequenti ejus narratione elucescit, ob bellum inter Regem Peguanum & Avam, priori Regi divendere coactus fuit, dum quosdam merces suas Avam, (ubi Rubini aliæque gemmæ, uti refert, proveniunt) transportare neglexerat. E quibus elucescit, quod, cum Gemmarius esset, lucrum suum (procedido vocant) in Rubinis & similibus quæsiverit, quod optimum mercis genus, inde sperandum, erat. Nam & nostris adhuc diebus Armeniani in & circa Avam, ubi Rubini eruuntur, ut plurimum potiores Negotiatores & Gemmarum harum (quarum gnarissimi sunt) Mercatores existunt. Haud alia ratione nuspiam terrarum, quàm in regione Coromandel, circa S. Thomæ, Paliacatto & Caliaturium, in locis montanis, versus Occidentem intuitu ipsius regionis, *Sandalum rubrum* tanta in copia invenitur, ubi, cum mon-

tes illos XVI. milliaria ab Oceano distantes transirem, observavi fulcra vastioraque ligna in ædificiis, quæ Pandel & Kamadæ vocantur, è ligno Caliaturico (quod & ad alia ordinaria utensilia adhibent) confecta fuisse passimque illuc arbores quamplures in promontoriis existisse. Quoniam verò arbores majores & graviores (quarum cor seu interior substantia præstat) in promontoriis exciduntur, hinc nostris diebus lignum hoc ad distantiam 50. vel 60. milliarium à mari apportare coguntur, quod imposterum semper difficilius obtinebitur. Interim inter tres supra nominatas urbes maritimas, montibus hisce propiores, nulla commodior & aptior ad lignum per tantam intercapedinem adferendum & ad portum promovendum est, quam Caliaturum, idque eò magis, quod hic statim navigia eò onerandi occasio suppetat: quæ commoditates effecere, ut pristinis temporibus, imò hodiernò adhuc tempore, Lusitani lignum hoc ad locum illud deportarint & navibus intulerint. Quid mirum ergò, quòd sustineamus inde cognomen ejus, *ligni Caliaturici* scil. obortum fuisse. Sanè ipse Garzias ab Horto hanc ob causam in scriptis reliquit arborem Sandali rubri circa loca quædam maritima regionis Coromandel succrescere, quibus hic unice tractus insinuat, quùm nuspiam, ut sæpius dictum, quàm hic inveniat: ut adeoque minus necessarium sit ea quæ in priori mea epistola fuscè adduxi hic recoquere. Hoc saltem addere jam liceat, locum hunc præsentis tempore non amplius sub nomine Calituri venire, sed potius *Kristnapatanam*, vel *Kistina-patan* vocari, ita ut prioris nominis memoria tantùm penes Europæos conservetur. Superest etiam, ut indicem, quâ ratione vox & nomen Sopomantil altero Choromandel, seu, ut Lusitani loquuntur, Coromandel, & juxta nostram pronunciationem Siolomandel (ut vera notatio sonat) per transmutationem literarum ortum sit? quod facilimè, naturaliter minusque coactè invenimus, si tantùm perpendamus, Genuenses nomen hoc ab Armenianis, quibuscum frequenter conversantur, & qui tunc temporis in illis oris, cum primis in Mellapur, tam numerosi occurrebant, mutasse, quibus in familiari usu est consonantem L in G transmutandi, sicut inter alia nomen proprium Salomon, Paulus &c. evincit, quod juxta illorum pronunciationem in Sogomon, Bogos &c. mutatur: unde vox Sogomentil loco Salomontil oritur; quoniam autem T cum Deundem ferè sonum habet, simul etiam a & e, ut e & i, si breves fiant, penes maximam Orientalium populorum partem indiscriminatim ferè usurpentur & una pro alterâ sumatur, hinc nomen hoc levi negotio in Solomandel abiit, quod cum verò nomine Coromandel vel Siolomandel propius coincidit, quam vox Coromandel more Lusitanico legenda, cum discrimen in-



ter S & Schi pronunciando tam exiguum sit, ut nonnulli ex Hebræis ambobus tonum prioris literæ, sc. S. concefferint, prout S. Scriptura id in pronunciatione binorum vocabulorum שִׁבְבוֹלֶת & שִׁבְבוֹלֶת ob oculos ponit. Ex quo fundamento etiam hæc vox Solomandel pro Sjolomandel sumitur, ubi vox mandalam, sive mandel (quæ in Linguâ Brachmanicâ provinciam, 40. Pagodium (pagody) proveniunt habentem, notat) prænomen suum à quodam Sjola-radziâ (qui Magnus & Illustris Rex, ejus Dominus, fuit) obtinuit.

Jam ad maximam & durissimam Clar. Tuæ difficultatem & objectionem, contra Caliaturicum lignum Sandalum allatam, devolvor, quæ ratione quasi ironicâ per argumentum aliquod ab absurdo & impossibilitate ob oculos ponitur, & reapse eò tendit, quod si hoc genuinum Sandalum rubrum esset, in Amboinâ iniquè prorsus egissent, si Amicis è Bataviâ Sandali rubri intuitu tot negotia facessissent, ut tam parcè, in frustulis minoribus, id conquirendum esset: cum tamen facilimè ruditem aut sellam obsoletam è ligno Caliaturico constantem in frustra confringere potuissent, quod tantum non in omnibus casulis & domibus reperitur, adeò, ut eâ quidem ratione Sandalum rubrum maximâ in copia obtinere valuissent, dummodo quis istud hoc titulò acceptasset. Huic satisfacere & responsionis loco servire poterunt ea, quæ jam supra stabilivimus, lignum sc. Caliaturicum esse reverâ sandalum, ut ipsemet haud obscure agnoscis: adeoque mea nequicquam refert, si nonnulli illud pro tali habeant aut recusent: dum partim ignorantia, partim vana persuasio in causa sunt, quod Lignum Caliaturicum sub alio, eoque insolentiori titulo, Sandali rubri pretio prorsus iniquò distractum fuerit. Interim tamen non est ut existimes fragmentum aliquod à sellâ aut truncò antiquo decussum tam facile & simpliciter pro selecto & usu recepto Sandalo rubro, ut in Pharmacopoliis habetur, acceptari posse: sed hoc ab antiquiori & maturiori arbore, & quidem hujus intimâ substantiâ & qf. corde profisciscatur, oportet, quod de altero, nullo habito selecto in usus œconomicos arrepto, dici nequit, quò prius etiam rarius est. Ut taceam eos, quorum interest, solum natale etiam distinguere posse, ubi magis efficax cædatur, quod multum etiam ad discrimen hoc contribuit; quemadmodum nec Sandalum flavum tam carum esset, si ex arboribus juvenculis (quæ volatilem tantum odorem spirant) idem obtineri posset. Quod tertiam supra suppositam Sandali speciem (quæ Tibi secunda dicebatur) attinet, de quâ perhibent Lusitani, nos ipsosque Indos eandem tantò in pretio habere & non nisi in fragmentis minoribus divendere: ambabus quidem manibus largiar hoc frustum præ alio melius & utilius esse, quamvis singulares adeò & tantas virtutes in

Sandalo rubro, ex Æthiopiâ (ubi juxta Tuam opinionem pretiosa illa species succrescere dicitur) allatò non observaverim. Quantacunque verò utriusque differentia sit, exinde tamen concludere non possumus duas easque diversas species arboris Sandali rubri inveniri, dum experientia me docuit, solum, aërem &c. plantæ hujus virtutem, odorem & similia notabiliter exaltare posse: quod insigne discrimen etiam in Sandalo flavo, cum primis inter illud, quod in Timor, & alterum, quod in Coromandel succrevit, occurrit, cum tamen utrumque ab unâ specie arborum proveniat. Quemadmodum igitur Eruditi pro regulâ quadam habent, quod entia non sint multiplicanda præter necessitatem: sic ob fundamentum adeò fidei, ne novam quandam arboris Sandali rubri speciem, de cujus existentia ne minimum quidem constat, impunè in numerum plantarum aut Studium Botanicum invehere non licet. Mihi sufficere videtur, quod Sandalum rubrum usuale expediverim ejusque originem detexerim, adeoque secundi Tui Sandali ulteriorem indagationem Tuo ingenio, ad altiora nato, tantisper relinquo.

Quamprimum occasio se traserit, inquiram, à quam arbore lignum, pro bacillis esui destinatis parandis, petant Chineses, & quale lignum per nomina Tzidii aut Tzidjoe intelligant. Interim Natio hæc in Bataviâ, ab aliis abstrahens, adeò inhumana & singularis est omniaque in arcanis habet, ut exigua spes mihi supersit hoc ab illis obtinendi, licet etiam plenariam ejus cognitionem habeant & sufficientem relationem dare possint.

Quibus tandem colophonem impono huic de Sandalo materiæ, quam primò quidem brevissimis expedire animus erat: quoniam verò subiectum hoc me in hanc vel illam digressionem, ad rem ipsam eò dilucidius explicandum, quasi vi quadam abduxit, hinc discursus hic tam prolixus evasit: quod Nob. Tuæ, uti spero, eò minus tædiosum erit, quò curiosiora in transitu semper attingenda erant.

Antequam verò ulterius progrediar, celare Te nequeo, me summopere mirari, quod tam ineptam opinionem de me foveas, ac si arbores quascunque sanguineum succum fundentes tam crudè & simpliciter pro arboribus Sandali rubri habeam: cum tamen in epistolis meis, ad Te datis, ne minimum occurrat, unde id concludere quis posset. Supra allegatam sanguinis sudationem, quæ arbori Caliaturico familiaris est, neutiquam pro argumento quodam allegabam, quò eadem pro arbore Sandali haberi debeat, sed eandem applicabam nomini, quod incolæ Regionis Coromandel illi tribuunt, ut & odori Sandalino, quo arborem Sandalinam ab omnibus aliis distinguo & dignosco: neque omnes arbores sic comparatas ad classem hanc referre subvereor, quæcunque odo-



rem aliquem sandalinum de se spirant. Spero igitur Nob. Tuam sententiam meam qualemcunque tandem penetraturam esse, obnixè rogans, ne posthac ullam mihi opinionem affricet, quæ non expressis verbis è literis meis elucescat, nec ullius relationi aut literis de opinione, quam in hâc vel illâ re foveam, aliquam fidem tribuat, priusquam me ipsum ea desuper explicaverim: quod ita fore confido.

Ut verò ad ulteriorem responsionem, literis Tuis debitam, revertar, eò tandem devenisti, ut & ea, quæ tam validè antea oppugnabas, indulgeas, sanguinem scil. arboris Caliaturici pro *Sanguine Draconis* haberi posse: in quò punctò omnium illorum autoritatem sequeris, qui eundem pro lachrymâ alicujus arboris habebant. Succus enim sanguineus arboris Sandalini coagulatus optima & elegantissima criteria habet virium & virtutum, in ulla sanguinis Draconis specie observandarum. Equidem Dn. Flacourt in Historia Insulæ Madagascar pag. 135. & 136. tres plantas sanguinem fundentes recenset, annexendo earum descriptiones, quas cum in finem hîc infero, ut, quemadmodum in hîc Scriptore omnia facilimè reperire poteris, de iis in Amboina Te informari patiaris. Verba descriptionis succinctæ in vernacula ejus, linguâ scil. Gallicâ, ita sonant:

89. „*Varaucoco* c'est une rampe, qui s'entortille aux grands arbres. Il apporte un fruit violet, qui est gros comme une pêche, dans lequel il y a quatre gros grains, ou noyaux: Sa poulpe est douce & bonne à manger, mais il se pourrit; au bout d'un année de l'écorce de la plante en sort une gomme rouge, comme du sang, qui est un peu résineuse. Sa moyenne écorce est épaisse, comme une demy quart d'écu, de couleur de nacarat: & quand elle est brûlée à la chandelle, elle se fond, ainsi, que de la gomme lacque, & en a l'odeur, je l'ay expérimenté.

90. „*Rhaà* c'est l'arbre, qui apporte le Sang de Dragon. Ce mot *Rhaà* signifie sang; il y en a un autre sorte, que l'on nomme *Mafoutra*, qui jette du sang, ainsi que celui-cy, dont ce parleray cy-après. Il jette le sang de son écorce de ses branches & de son tronc, lors qu'il est ou piqué, ou coupé, ou blessé, ne plus, ny moins, qu'une homme. Le sang distille de sa playe ainsi rouge, que le sang d'un animal. Son bois est blanc & bientôt sujet à la pourriture. Sa feuille est comme la feuille d'un poirier, un peu plus languette. Sa fleur est rouge, de couleur de feu, longue, comme un ferret d'esquillette & de même forme. Son écorce en décoration arrête le flux de sang.

91. „*Mafoutra* ou *Voa foutra*, fruit provenant de l'arbre, qui produit le sang de Dragon, de la grosseur d'un petite poire & de la même forme, horsmi que le gros du fruit est du coulé de la queue & qu'il a cinq cornes. Dedans

„est enfermé un noyau, qui n'a qu'une simple peau, un peu ferme & dedans ce noyau est contenue une amande de la même forme d'une noix Muscade, de la même couleur & en approche de l'odeur. De cette amande ils en font une huyle crasse & l'épaisse, qui est un tres souverain remède aux inflammations à la brûlure, érisipelles & de mangeaisons de cuir. Elle est tres anodine. Au reste c'est un abus de croire, quæ ce fruit représente sous son écorce un Dragon: car j'ai plusieurs fois ouvert de ces fruits & n'ay rien reconnu de tant cela. Il y a trois sortes de ces arbres, qu'ont le fruit différent, je n'en ay remarqué encores que celui-cy.

Tantum Autor hic de arboribus Sanguinis Draconis, de quibus unam vel alteram forte illic indagare posses; quemadmodum hâc occasione priorem meam petitionem hîc repeto, ut de omnibus illis vegetabilibus, quæ succum quendam rubicundum fundunt, specimen aliquod foliorum, florum & fructuum, cum brevî informatione quoad omnes illorum partes, è quibus fortè dignosci possunt, haud gravatim mihi transmittas. Ego vicissim omnem movebo lapidem, ut quamprimum arundinem genuinum *Dzjerenang* fundentem Tibi transmittere valeam, quam certò expectare poteris, cum de gummositate hujus *Dzjerenang* jam dudum fusius agendi animus fuerit. Interim Te celare nequeo, quòd certior redditus sim plures, qui sanguinem Draconis pro lachryma aut gummi cujusdam plantæ habent, *Dzjerenang* h. e. Tuum Sanguinem Draconis pro eò acceptare nolle, quàm illis innotuerit *Dzjerenang* propriè succum sanguineum non esse, sed tantum Tincturam è flore aut fructu hujus arundinis (quæ per conquassationem ne minimum succi rubicundi fundit) extractam & abhinc super vapore aquæ ferventis in massam quandam redactam: quod ipsum paulò latius hîc deducere possem, nisi certus essem, Te exactissimam hujus rei cognitionem habere. Interim simul specimen aliquod ejus arundinis, quæ priori similis est, cum floribus & fructibus, expeterem, cum brevi quadam descriptione, quâ ab omnibus aliis speciebus distingui possit, ut unam cum alterâ conferre & ultiores speculationes circa utramque instituire valeam.

Postquam jam sub ultimò itinere in Persiam in Couchin decantatum *Sirei* vel *Sire* in caule cum floribus in transitu observavi, in Batavia autem & aliis locis non inveni, hinc ob similitudinem generis sustinere non dubitarem *Sirè* speciem genuini *Schoenanthi* esse, de quò optimam speciem, h. e. *Schoenanthum Arabicum*, pro Nob. Tuâ ex Persiâ expecto & quamprimum ejus particeps ero, transmittam, ut notabile, quod inter utrumque intercedit, discrimen ex odore radicis observare possis.

Cæterum gratissimum mihi est, quòd  
*Rhamna-*



*Rhamno-rubum*, quem pro cynosbato, terminos hujus urbis cingente, habui Tibique transmissi, similiter pro Kudrang agnoveris. Mirari satis nequeo, tam paucis viridem hunc fruticem esse cognitum, cum tamen lignum, quô ad colorem flavum utuntur, quamplurimis notissimum sit, unde & Tua nobilitas tam serò in veram ejus cognitionem pervenire potuit. Dum verò addis, Ambonicum à meò nonnihil differre, etiam atque etiam rogarem, ut me certiozem redderes, in quonam discrimen illud radicetur. Interim sepes ex hâc spinâ, quùm elapsis aliquot annis in truncum crassiorē abeat, nec in inferiore parte se claudat, penitus eradicatus fuit. Alius etiam spinæ mentionem facis, quæ Tibi pro Batavicâ obtrusa, baccis instructæ, quæ esui aptæ sint nec Cynosbato in Patria nostra occurrenti multum absimilis sit. Hujus quæso specimen, cum brevi descriptione, mihi mitte, ut videam, an & illa mihi cognita sit, nec ne?

Periculosum æquè ac fraudulentum reperi, si plantas Indicas tantum juxta descriptionem & manuuctionem Antiquorum, cum primis Arabum & Græcorum, quoad formam & figuram, indagare & metiri velimus, ut inter quamplura id clarissimè è *Malabathro*, quod, ut certissimè mihi constat, nihil aliud, quàm folium Cinamomi est, elucescit, de quô expressis olim verbis perhibebant, folium hoc nuspiam quam supra aquam crescere & vigere, utut nulla ejus fibrilla ipsi fundo cohareat. Sic quoque cum *Djudar* accidit, quæ in Lingua Persicâ idem significat ac *Dæmonum arbor*, aut *Dæmonum lignum*, Indis Dawadaro, Malaijanis autem Deorum Arbor dicta. Lignum est Græcis & Romanis incognitum, ex India verò in Persiam & Arabiam, pro usu medicinali deportatum, cujus Arbor, in Regione Coromandel aliquando mihi ostensa, nullam prorsus cum Pino aut Cupresso convenientiam habebat, multò minus autem cum Sabinâ, utut à Persis & Arabibus illis & annumerata & sub eadem ab iis formâ descripta fuerit. Sententiam hanc, dubiò procul, à constitutione ipsius ligni hauserunt, quod unctuosum quodammodò & qf. oleo quodam oblitum videtur, & sub accensione odorem haud ingratum spirat. Malaijanis sanè, cum specimen ejus ostenderem, haud ignotum erat, qui idem & in Javâ reperiri adstruunt. Ejus si compos ero factus, Tecum id comunicaturus ero, ut & plenariam ejus notitiam obtineas. Quodsi tamen Dewadaro aut Djudar inter Cupressos aut Pinos esset quærenda, nullum huc usque arborem in totâ vidi Indiâ, quæ ad eandem propius accedat, quam arborem *Cassuaris* dictam, quæ hîc desuper Morondâ in orâ magnâ succrescit copiâ, fructibus in montibus obviis mihi nondum visis. Aliàs in Insulâ Malaija *Ru-ru*, rami verò ejus hîc in Bata-

viâ *Davvon Tsamara* audiunt, quô nomine Javanis ipsis quoque innotuit.

De *Calamo Aromatico* genuinò specimen aliquod è regione Coromandel huc accersere non intermittam, operam finit daturus, ut ramusculum de ligno Caleaturico inde obtineas, quamprimum illorum particeps factus ero.

Quandoquidem iter seu potius reditus meus è Persiâ Insulam Ceilon non attigit, in oculos catti, gemmas hujus nominis, ut desiderabas, inquirere non potui. Interim Capitaneus quidam hujus loci, Dn. van der Poel (qui diu in Ceilon vixit, hujus Insulæ insignem sibi notitiam comparavit, imò adstruit se aliquamdiu Inspectorem fuisse fodinarum gemmariarum omniaque propriis hausisse oculis) mihi retulit gemmas illas ex hâc Insulâ obtineri, sed neutiquam species quasdam illarum, quæ *Musticas* audiunt & ab animali quodam marinò vel conchis proficisci putantur, esse, ut nonnulli Tibi persuadere voluerunt. Me quod attinet, nullam harum gemmarum, Musticas dictarum, cognitionem habeo, multo minus cuneorum fulminarium metallicorum, quùm inquisitiones & speculationes meæ tantum circa ejusmodi res naturales occupatæ sint, quas reapse vidi & cuilibet ob oculos ponere possum. Interim crederem sub nomine Musticas multas gemmas adulterinas & arte effictas venditari, dum iis in regionibus, quas peragravi, nequicquam de iis audivi, ut propterea Tibi certiozem de iis relationem impertire non valeam. Informari potius à Te desiderarem, in quibus fructibus aut lignis easdem inveneris, utpote qui in iis acceptandis aliàs satis scrupulosus sum, quoniam de præsentī Rege in Palimbang, ab Amicò, fide dignò, relatum fuit, quod ante annos aliquot omnes acervos arenæ navalis (vulgò Ballast dicta) præ ædibus Societatis collectos, perquisiverit, & fragmenta duriora aut nitentia, illuc intermixta, poliri, accommodari & annulis inseri curaverit, quæ ab hinc pro Mesticis & Panawar lapidibus, sub oblatione donorum aut aliis occasionibus, venditaverit; hinc parum abest, quin inter 400. illas Musticarum species, quas Centurio hujus loci in Meronda, Dn. Joncker, per conflagrationem ædium suarum, ut mihi quidem retulit, perdidit, quamplures adulterinas fuisse credam.

Porro omnem meam admirationem superat, quod talia de me perhibeantur, quorum ferè nullum fundamentum in re ipsa habet. Ita se res habet cum eò, quod Tibi ab Amita dictum fuit, quòd sc. in Regione Coromandel certam arenæ speciem invenerim, unde tantum Orichalci, seu Cupri flavescantis, extraxerim, ut integram cistam laminis inde paratis munire potuerim. Quâ occasione mihi



mihi indulgebis, ut majori, quam antea feci, instantiâ Te exorem, ne aliorum narrationibus de meis sive reculis sive opinionibus plus fidei tribuas, quam à me ipsò percipias. Negotium hoc ita se habet: Postquam mihi relatum est in mediò regionis illius aliquid cupri genuini reperiri, curiositate rei ductus nonneminem eò ablegavi, ut aliquid pro specimine mihi procuraret, qui fragmentum aliquod inde mihi retulit, quò tamen nil quicquam efficere, multò minus utensilia quædam cuprea inde parare mihi licuit. Bina ejus frustula, cum radícula *Rayz de Moncus*, Clemat. Indicæ foliis Persicæ & fructu periclymeni, per Dn. Petrum de Worm, Amicum meum integerrimum, ea bonitate obtuli, qua nuperrimè obtinui, quæ ulteriori Tuæ considerationi relinquo.

Insulam Tylos, cujus Plinius & alii mentionem faciunt, Tecum pro Bahhwin habeo. Quoniam verò istic neque *Capoc*, neque alia arbor lanifera, excepta lignosa plantâ bombaciferâ, succrescit: hinc nihil aliud quam Gossypium arboreum (de quò Prosper Alpinus & Veslingius egere) pro eodem agnoscere possum, quum Gossypium hoc iis in locis abundantissimè succrescat.

Hac ratione tandem ad finem responsoriæ meæ ad Epistolam Tuam exactissimam perveni-

mus, quæ ab initiò proluxa satis, in subsequenti-  
bus verò rursus concisa nimis & impolita fuit, id quod nimis utrobique festinationi aliisque defectibus adscribas quæso.

Si tempus indulisset, adhuc alias quasdam materias subungere potuissem, simulque à Tua Nob. relationes aliarum nonnullarum herbarum petissem. Ne verò unâ vice justo plura cumulemus, aliis jamdum profundius nos immergentes, hinc reliqua aliæ occasione & tempori reservo: hoc saltem addendo petendoque, ut herbam exsiccatam cum floribus & fructibus illius plantæ, cujus bacca ad pisces inebriandos adhibentur, particeps reddar. Equidem unum è vehementissimis Toebusiis, seu venenis piscatoriis, quæ ullibi occurrunt, id est, quod, ut audivi, in Ternatan *Boti* dicitur & inter alia copiosissime in altissimis Bandæ locis succrescit, ut & in Sallayer, ad Macassar spectante.

Adhuc desiderarem etiam duas plantas juniores de *Globa Kuse*, ollæ tetrâ repletæ insertas, cum succinctâ descriptione florum, fructuum &c. quæ hîc terræ mandabo & ad ulteriorem meditationem adhibebo. Ego vicissim omne studium adhibebo, quò plantarum desideratarum compos fiam suoque tempore Tibi iisdem gratificari valeam, qui interea cum votò omnigenæ prosperitatis permaneo.

Nob. Tuæ

Batavia die 25. Febr.

1689.

Officiosissimus

HERBERTUS de JAGER.

## EPISTOLA VII.

DN. GEORGII EBERHARDI RUMPHII

Ad

DN. HERBERTUM de JAGER.

P. P.

**B**Inos hîc annò fasciculos literarum à Te obtinui, qui ejusdem sunt tenoris & ambo die 25. Februarii expediti. Ultimus ex illis die 13. Julii mihi oblatus est, cui aliûs adhuc epistolæ, Anno 1684. Malacca ad me datæ, copia seu descriptio, una cum portiunculâ ligni Colubrini Ceilonici binisque fragmentis mineræ Coromandelensis, quam pro cupro habeo, combinata erant.

Ex iisdem literis magno cum gaudeo percepi Te ex Itinere Persico reducem Bataviam rursus attigisse: quò ipso dudum exoptata occasio se de novò iruit, pristinum, quod in studio Botanico reciprocavimus, commercium literarium renovandi, utpote quod tantisper intermissum

fuit. Quæ autem mearum illîc sint partium, è Nob. Tuæ literis eruenda sunt, cum non sine maximò dolore statim à primâ fronte hîc monere tener primos literarum mearum, ad unam omnium, conceptus, una cum eruditissimis Tuis Epistolis, successivè obtentis, flammâ infelici & damnosa periisse, quæ post antecedens & consimile fere incendium alteram, quæ supererat, urbis dimidietatem, die XI. Jan. 1687. in cineres convertit, sicque ædes, quas inhabitabam, cum omnibus utensilibus, maximam Bibliothecæ meæ partem, Manuscripta, omnes Figuras Herbario meo Ambonico inserendas, aliasque eaque rarissimas curiositates penitus devoravit. Literæ Nob. Tuæ Malaccâ ad me conscriptæ



scripta, ut & ramusculus de Gitta Gambir, cum placentulis inde paratis, de quibus ne figuram delineasse licuit, idem fatum sunt experta, unde omnis illic locatus labor quoque irritus fuit.

Juxta tenorem autem literarum Tuarum necessarium esse duco descriptionem Culit-Lawan, aut corticis Caryophyllodis, in Batavia nunc cortex aromaticus dicti, de Ganitris item, & Tuba baccifera, vulgo Bori Bidji dicta, una cum ramusculis quibusdam & fructibus plantarum modò dictarum, transmittendi.

Ultimo ex his ut satisfacere valeam nulum non lapidem movebo: eaque de causâ Nob. Tux his offero descriptiones trium ante laudatarum plantarum, cum pleniori relatione aliarum quarundam, in Horto Malabarico contentarum, quæ maximâ ex parte mihi sunt incognitæ.

Explicationem Tractatus Bontii ante 4. annos jam expediveram, sub reditu Tibi mittendam, quæ ob incendium antea allegatum nunc in nihilum redacta est, ut eâ Tibi servire nequeam, eoque minus, quod & ipso Bontio nunc caream, dum Præfectum nostrum Senioreni, Dn. Padbrugge, permovere non potui, ut sub habitu ejus hunc mihi Autorem pro debito pretio concefferit, quem valdè desidero, ut & librum de herbis Brasiliensis à Pisone conscriptum.

Fructus recentes trium supradictarum plantarum hæc vice communicare non possum, anni tempore ad id minus opportunò existente. Interim fructus Tubæ Bacciferae exsiccati his adjecti sunt, qui præcedente anno in hortò meò succrevérunt, in totâ hac Insulâ aliâ rarissimi. Pampinie ejus, è radice protuberantes, bina horti mei latera cingunt, flores steriles papposos ferentes, cum fructus non tam pampinis, quam pedunculis & caudici adhæreant, unde prætereuntes maximam illorum partem decerpando mihi abstulerunt.

Sub primò illorum intuitu statim observabis illos nihil aliud quàm grana esse, in Pharmacopoliis & herbariis nostris *Cucculi* seu *Cocculi Indi* dicta, quæ juxta meam sententiam in Insulâ Javâ, sub Balico & Javanico nomine *Bo-prong* quoque cognita sunt. Nullus etiam dubito Ganitros Tibi melius quàm mihi ipsi cognitos esse, si binas illorum species, his additas, inspexeris & consideraveris, dum ab Incolis æquè ac Mercatoribus Europæis certior redditus sum, speciem minorem, quâ hîc destituimur, inter Benjanos & Codjas, qui cingulis ventris eam applicant, mercem insignem ac proficuum constituere, cujus tamen plenior relationem à Tuâ Nobilitate expecto. Certum equidem artificium mihi detectum est, quò arbores ad minora tantum grana producenda possint adfuesieri: ast voluptate non capior multum temporis & laboris illuc impendendi, quum arbores sint in promontoriò vi-

rescentes, pluriumque annorum decursum requirunt ut in hortis alantur & succrescant.

Rami fructusque supra allegati cistæ sunt inserti, quàm hæc ipsâ navî sub signò H. D. I. Tibi mitto.

In eâ simul ramusculum de *Cudrang Ambonico* invenies, qui in hortò meo succrevit, cujus truncus tamen, quàm crassus etiam videatur, decantatum lignum tinctorium non suppeditat, instar ejus, quæ in Javâ reperitur. Notandum folia in Ambonico majora esse quam in Javanico, de cætero sibi similia. Quin spinæ in Ambonico retrorsum magis prominent, fructusque magni non evadunt, è squamis albicantibus, esui minus aptis, maximâ ex parte constantes. Desiderarem ergò plenior speciei Javanicæ descriptionem, Tuò sub nomine inclyto Ambonicæ maritandam.

Alter frutex spinosus, qui pro cynosbati specie habetur, sicque à Tua Nobilitate allegatur, copiosè in Javâ, sub nomine *Ruccam* & in *Balis Cam* reperibilis, à me nomine *Spina Spinarum* describitur, quum, in quantum mihi constet, nullam unquam plantam viderim, in quâ spinæ conjunctim, instar fasciculorum succrescant, solâ hac exceptâ; quapropter ramusculum quendam, pro ulteriori informatione, ex hortò meò transmissi.

Adhæc alium invenies fructum, haud ita pridem è *Macassar*, sub titulo *Udani* mihi transmissum, incompto & hinc inde se volventi fructici innatum, unde grana è fructibus desumpta saporem instar *Catappan* præ se ferunt, magnique usus sunt ad lumbricos ex adultis æque ac infantibus expellendos; & quoniam percipio hæc talia *Malaijanis* & *Javanis* quoque cognita esse, plenior de iis informationem, cum primis autem nomen illorum *Malaijanum* expecto, si *Chinenses* quoque ejus gnari sint. Interim tam proluxa descriptione opus non erit, ut omnes mutationes, quas *Proteus* hic vegetando subit, mihi que sufficienter cognitæ sunt, enarrentur chartaque tantum repleatur.

Fragmentum radicis *Colubrina Ceylonensis*, quæ in Java, ut opinor crescit, ibidemque *Hambadutana* vocatur, optime agnovi, cujus amaritatem statim animadverti, idque cum alia ferè radice, quam *Cives Sinenses* huc attulerunt & à *Javanis*, hîc habitantibus, *Pudra wali* vocatur, convenit. Hæc *pudra wali* volubilis serpensque planta sive *tali* esse dicitur, tam notabilis amaritiei, ut *Javani* eandem attingere detrectent, quum amarities per iteratam etiam lotionem à manibus separari nequeat; unde & exigui in Medicinâ usus est, quamvis in latore ejus observare potuerim, quod eandem non sine spe curationis alicujus attulerit.

Aliâs hîc in *Amboinâ*, in *Insulis Moluccis* & *Timor*, arbusculam aliquam finitimam habemus, quæ in omnibus suis partibus tam amara est, ut in scriptis meis *Rex amaroris* nomine-



minetur, quæ tamen linguâ Ternatanica *Soulamu*, h. e. Centurio medicamentorum, dicitur, Ambonicô & Malaijano ejus nomine usque dum incertô. Mihi portio radicis est ad manus, una cum fructibus, qui figuram viridium & compressorum cordium habent, cujus Te in cista supradictâ participem feci, cum in finem, ut huic nostro Regi amaroris concedatur cum Javanorum Hampa dutana aut Pudrâ wali in arenam descendere, ut appareat, cujus amarities prævaleat, Si victas dare manus cogatur, nihil interest, cum vilis Ambonicus sit, attamen Capitaneus, penes Moluccanos satis celebris contra morbos plurimos, cum primis autem contra venenum animalium venenosorum. Quod si penes Vos sit cognitus, nomen ejus Malaijanum à Te exorarem. Rarò reperitur, & quidem in lapidosissimis locis & oris, magnis & oblongis foliis, flori Gulong tsjutsju similibus, quæ jam ad manus non sunt.

Nomen *Globba Kuse* mihi non constat, ut ut tres ejus species, esui aptæ, cum aliâ sylvestri in sylvis proveniant, è quibus communissimam, in culinis magis usitatam, hîc transmitto, de qua tantum recenter effossa radix Galangæ majori sive Lanquas haud absimilis est, quæ, uti spero, penes Vos germen aliquod trudet, si terræ mandata probeque curata fuerit. Fructus esui inservientes rarò è radice proveniunt, & non unâ vice hætenus ex Amboina à Curiosis requisitæ fuerunt, ut in Bataviâ plantarentur.

Porrò fructus quoque maximæ speciei *Pal-mijunci* seu *Rotang Calappæ* his obtinebis, quæ in hac Insulâ propullulat, ut ut citra commodum aliquod inde scenerandum, cujus folia jam ad manus non sunt. Conveniunt illi quodammodò cum iis (ut ut nonnihil majora sint) quæ ante 4. vel 5. annos, præviâ Tuâ sine dubiò commendatione, è Javâ mihi transmissa sunt, & quidem per Dn. de Vicq b. m. unde, juxta relationem Tuam, *Dzjerenang* in Palimbang paratur, cujus & cives quidam Sinenses, hîc degentes, me certiore reddiderunt, qui præparationi ejus sæpius interfuerunt. Præparationem ejus scire desiderarem & à Te expectarem, dum Sinenses modò allegati eandem dilucidè satis impertire nequeunt. Quod verò pace Tuâ *Dzjerenang*, seu ut Macassarès nominant, *Dsjerenne*, pro sanguine Draconis habeam (quò titulo in Orientalibus Indiæ partibus venire solet) neutiquam eò fit sine, ut statuam nullam aliam Sanguinis Draconis speciem reperiri, aut aliis Orbis partibus innotuisse, cum non ignorem in Pharmacopoliis Europæ alteram adhuc speciem Sanguinis Draconis, in guttis dictam, reperiri. Interim trochiscos inde paratos omnibus illis præsentibus Pharmacopœis, si placuerit, ostendere poteris, ut experiaris, an eosdem pro sanguine Draconis acceptent, nec ne?

Ut omnes arbores & plantas, his in oris

succum sanguineum fundentes, hac vice enumerem, supervacaneum esse duco, cum vix aliæ mihi cognitæ sint, quàm *Lingôo* arbor, Malaijanis *Ankana* dicta, Vobisque non incognita, cujus succum intense rubicundum exsiccare, & in gummi, rubini instar pellucidum, indurare norunt. Non minus similem succum rubicundum obtinent è quâdam arbore nucis moschatæ & tertiâ specie *Metrosidereos Moluccæ*, Ambonicè Samar dictæ, qui tamen non colligitur. In vetustis & excavatis truncis vulgaris ligni ferrei, hîc *Caju beffi*, penes genuinos Malaijanos autem *Caju Carbu* dicti, siccum quoque gummi, sed rarissimè, inveni, substantiâ, colore & sapore gummi acaciæ haud absimile. De aliis succis rubris hujus regionis nequicquam mihi constat.

Circa disputatiunculam jamdudum inter Nos de *Ligno Sandalo rubrô* agitatum tandem eadem oberrare chordâ poterimus. Interim aliquoties hætenus repetita civilisque exprobratio, quòd sc. in literis meis informationem Tuam, toties à me desideratam, ironiâ aliquâ & scopicâ responsione remuneraverim, in epistola Tuâ omitti potuisset. Neque enim animus & intentio mea fuit, Domine & Amice Doctissime, ullius unquam relationem irridendi: verum eâ libertate uti volui, quæ inter infanos, vel potius canos, Disputatores est concessa, ut sc. una vel altera objectio in medium adferatur, quæ ad majorem rei dilucidationem facere poterat, quamdiu difficultas aut obscuritas aliqua remansisse videretur. Interim nulla usquedum eorum, quæ scripseram, poenitentiâ ducor, eoque minus, quod objectioni à me propositæ nondum satisfactum sit, cur sc. Sandalum rubrum tam difficulter obtineri possit? cum tamen certus sim & à Nautis quibusdam audiverim Lignô Caleaturicô naves in oris illis ad dimidietatem ferè impleri. Quâ objectione Tibi solum calcar addere volui, ut plures adhuc easque curiosissimas res mihi communicares, quas nunquam aliâs obtinuissim, debitaque gratiarum actione semper prosecuturus ero. Maximò sanè gaudiò perfusus sum, quamprimùm audivi Te multa in Itinere Persicò de novò expertum esse, quæ lignum rubrum concernunt & hætenus inter nos ventilata sunt. Unde Veteres Malaijani & Javani nomen Tsjendana Dzingi vel Zingi desumpserint, antea mihi prorsus incognitum & ceu mera conjectura relatum erat: nunc autem è literis Tuis prorsus certus sum redditus illud ex Africa oriri. An verò pristini Javani cum Africanis, cum primis Incolis Madagascar, aut hi reciprocè cum illis commercium quoddam aluerint? suò in locò jam relinquo. Interim non potui non in additamenti meditationi tuæ convenientiam linguæ usitatæ Ambonicæ, Javanicæ & Madagascariæ, in quantum numeros attinet, offerre, prout ab Indigenâ harum terrarum mihi tradita fuit,



fuit, cum primis inter Amboinam & Madagascarem obtinentem. Nihilominus tamen vix credo ultimò nominatas has Nationes se unquam reciproce visitasse, citiusque fieri potuit ut Javani genti huic aliquid de Lingua sua cesserint. De Amboinâ quam certissimus sum, ubi integræ familiæ, imò pagi, reperiuntur, qui ex Antecessorum traditione norunt se à Javanis originem duxisse; quemadmodum & sub priori Belgarum regimine incolæ Ditu, cum displicentiâ nostratium, cum incolis Chiri, retrò Griffek sitis, commercium literarium aluerunt, à quibus, ut perhibent, originem suam habent.

Impatienti cum desiderio expecto certiorum Tuam relationem, cum specimine & foliis, decantati ligni *Devvadarne* sive *Djudaar*, cum primis quod audiam id in Javâ reperiri. Nudum sanè nomen Dæmonis arboris in animum mihi revocat ea, quæ in Herbario meo, cap. de Arbore Casuwaris ex Lexico Arabico Golii scripsi & ulteriori Tuæ meditationi hisce Tibi communicare volui. Verba sunt sequentia: Penes Arabes Betharides mentio quædam fit arboris *Dejudar*, quod Persicum nomen est, tantumque significat ac Dæmonum arbor, species Sabinæ Indicæ. Hanc nostram Casuwaris arborem esse conjicio, quæ *Zympanites* arbor dicitur, quoniam flante vento sibilus & sonitus auditur, qualis & in Abiete nostrâ observatur, & à vulgò, veram ejus causam nesciente, volucris illi, insidentibus tribuitur. Mihi hoc A. 1662. accidit; quòd ab honesta quadam Personâ ex Ternata ramus inde transmissus fuerit, quæ, cum me ejus rei ignarum putaret, cum admiratione quadam addidit, arborem esse, in quâ Orpheus cum omni suâ Musicâ audiri posset. Tantum de hoc extracto.

Multa de *Musticas* seu *Mesticas* lapillis hæc verba perdere eò minus necessarium esse duco, quòd magis apparet & Tuam Nobilit. ejus opinionis esse, tantum non omnes eandem obtinere naturam, quâ Rex de Palimbang illos arte effecit. Mihi nequicquam inde compertum est, nec ullos in loco suo natali inveni: quemadmodum nec in omnibus, sed certis regionibus reperiri dicuntur. Nihilominus tamen minus non statim pro fabulis reputabo, quæ ab aliis, fide dignis, de iis mihi relata sunt, cum neutiquam ex eorum sectâ sim, qui omnia Naturæ opera statim negant & rejiciunt, quæ intellectu nostro comprehendere non possumus. Quemadmodum enim cuivis constat *Lapides Bezoardicos* vel millenis adulterari modis, nihilominus tamen certum est genuinos etiam reperiri, qui non tantum in quadam genere caprarum, Nationi nostræ perspectarum, sed & in quadam simiarum specie in Insula Borneo inveniuntur: ita similiter cum aliis naturalibus comparatum est. Non unâ vice, per Sinensem aliquem, diversos lapides Bezoardicos in Bantham pro me coëmi, qui nomine Sinensi *Gantscho* & Malaijano spurio *Cuhgakees*

appellantur, qui mea opinione aliorumque judicio genuini quoque erant. Quid quod Dn. Melchior Hurt, Frater Directoris Senioris Anthonii Hurt, Archi-Præfecti quondam oræ Occidentalis, A. 1672. lapidem mihi dono dedit, magnitudine pruni rotundi, maculis elegantissimè depicti cotisque duritiem habentis, quæ ex intestinis Tygridis, magno labore illuc capti & interemti, extraxerant, ut propriis se oculis videret restatur. Hujus lapidis si jam adhuc compos essem, multum æris eò penes Javanos lucrari possem: verum ante 7. jam annos, cum aliis rarioribus meis, in Italiam missus fuit. Non ignoro pariter à pluribus Recentiorum Doctoribus pro fabulis haberi quæcunque de auro, è solo lapide fulminari habendo, traduntur: quàm jam fidem penes illos mererer, si dicerem tale quid me ipsum possidere, quod Cives & Officiales hujus loci, fide dignissimi, in medullis arboris Isnoacki (vulgò *Eiserholtz*,) hæsisse aut optæ testantur, utpote quæ paulò ante ictu fulminis tacta fuerat: imò, quod majus erat, si dicerem me aurum & cuprum obtinere, quod cum & à fulmine desuper explosum fuit &c.

Talia & adhuc longe rariora exempla à Javanis, Malaijanis & cum primis Macassarensis sine dubio perceperis, quibus unusquisque tantum fidei attribuere poterit, quantum capere valet. Ad minimum hoc assero, quod, si iis, quæ Veteres tradiderunt, fides adhibenda non esset, nisi propriis omnia oculis viderimus, aut comprehendere statim possumus, magna pars scientiarum & artium liberalium, è libris hauriendarum, vana esset minusque necessaria. Me quod attinet, reapse testari possum plures mihi ad manus esse lapides, in India repertos, quorum à Plinio & aliis mentio est facta, utut ab hodiernis Gemmariis pro fictis & fabulosis, vel ad minimum pro incognitis, habeantur.

Per Dn. Latil, Civem hujus loci & Collegam meum in Senatu Minori, cistam quadrangularem ex asseribus, lit. H. D. I. notatam, obtinebis, in quâ primò loco 6. rami continentur, scil. N. 1. *Cudrang* Ambonensium, utut sine fructibus. N. 2. *Ganiter* majus Ambonicum, plenis, sed semimaturis, fructibus & foliis. N. 3. *Spina spinarum*, Malaijanis Ruccam dicta, à Javâ in has regiones allata & eapropter rarò fructifera, baccas alias rotundas, glabras & rubicundas ferens, esui aptas & fructui Cynosbati nostratis in Europa haud ab similes. N. 4. *Anticholerica*, in vulgari Malaijanorum lingua Oepas bidji dicta, una cum foliis & fructibus. Arbuscula est in arenosis oris proveniens & cum in finem Tibi transmissa, ut eandem Malaijanis ostendere ejusque nomen Malaijanum indagare valeas, quoniam insigne est antidotum contra varios cibos nocivos, è mari provenientes, quos per vomitum ejicit: contra quos bacca flavescentes & amaræ, ut & radices ut plurimum adhibentur. N. 5. bini sunt ramusculi arboris *Culit-Lavvan*, è quibus alteruter,



minoribus foliis instructus ab arbore annosâ proficiscitur, cujus fructus inveterati & decidi, exsiccati tamen, seorsim sunt involuti: Alter autem, foliis majoribus gaudens, ab arbore juniore decerptus est. E fibris crassioribus foliorum facile conjicere poteris eadem cum foliis Cinamomi & Lauro Japonensium quodammodo convenire. Fructus nostratis Culit-lawan primum baccæ sunt oblongæ, sub maturatione diffilientes, flavam & pinguem, attamen siccam, medullam exhibentes, qualem & arbor cinamomi continet. N. 6. Pampinus *Tuba Baccifera* est, communissimè *Bori Bidji* dictæ & in Officinis Pharmaceuticis *Cucculi Indi* vocatæ, qui fructus ejus sunt, hic exsiccati adjecti. Additus est fasciculus fructuum viridiorum & semimaturorum, ut hoc tempore in horto meo succrescant. N. 7. Radix est arboris, *Rex Amaroris* dictæ, mediocris magnitudinis, quæ in oris lapidosus propullulat, communi Malaijanorum linguâ Bon hati, Ternatensi verò Soulamu vocata. N. 8. Grana depurata *Ganitri* sunt, trium specierum & magnitudinum, inter quas tamen ne unica quidem genuina est. N. 9. Fructus sunt *Regis Amaroris*, seu Boa-hali arboris, qui cum supra allegatâ radice alexipharmacum egregium constituunt. N. 10. Fructus sunt exsiccati *Tubæ Bacciferae*, seu *Cucculi Indi*. N. 11. Fructus *Udani*, anthelmintici Malaijanis usitati. Ex his quatuor postrema cucullis piperinis involuta sunt.

Porro ab Eodem Dn. Latil quadrangularem & apertam cistam, è Gabba Gabba forma-

ram & exiguâ quantitate terræ repletam obtinebis, cui tres species Globbæ implantatæ sunt. Hic autem notari velim maximum Globbæ communis esse fragmentum, reliquas 11. species autem, radicibus tenuibus instructas & Globba Durion l. Globba Papœa dictas, eas esse, quas sub nomine Globba Kuse desiderasti. Duplices autem fructus ferunt, altera radice mediocri instructa fructus unô fasciculô collectos habet, ad instar cardamomi, prope terram, cujus fasciculus exsiccat N. 12. in cistulâ occurret: altera rotundis, spinosis & viridescentibus fructibus est instructa, pariter prope terram, quos hâc vice non è tenuissima radice, d. mediocri transmitto. Omnes tres hâc ratione integræ solo duriusculo implantandæ sunt, in quô, uti spero, latè succrescant. In summitate hujus cistæ corona adhuc è *Melckouw* parata habetur, foliis gaudente farinaceis striisque crassioribus, quæ hîc in Amboinâ *Susu-ela*, h. e. Melckouw major, dicitur & à me pro Apocyno Indico habetur, coronam habens è floribus albis collectam, quæ Cravos, quos Mixstys in auriculis gerunt, æmulantur. Hos siliquæ oblongæ insequuntur, substantia lanuginosa, serico secundario (v. Plockseiden) haud absimili, refertæ, quæ à ventis diffilatur. Eum autem in finem hæc addidi, ut experiamur an folia adhuc viridia Bataviam deferri possint & Javanis quoque cognita sint. Quibus hâc vice concludo & cum salute humanissima Te Protectioni Divinæ commendans æternum persevero

Nob. Tuæ

Amboina Victoria d. 14.  
Sept. 1689.

Servus & Amicus Offi-  
ciosissimus

RUMPHIUS mp.

## EPISTOLA IIX.

DN. GEORGII EBERHARDI RUMPHII

Ad

DN. D. CHRISTIANUM MENZELIUM.

P. P.

**E** Literis Tuis humanissimis, Berolini die 2. Octobr. anni 1678. ad me datis, nihil aliud conjicere possum, quàm aut famam quandam fallacem, aut Amici cujusdam (Dn. Cleyeri fortè) nimis favorabilem relationem meam tenuitatem majorem, quàm meretur, depinxisse; quapropter haud ægrè feres, quæso, si me his detexero, cum benignitate Tuâ

excitatus diutius me abscondere non valeam. Sincerus sum Germanus, nec Illustri Rumphio, Hagienfi, Archiatro Principis Arausiorum, ullâ cognatione, quantum mihi constat, addictus, dum in Comitatu Solmensi natus, Hanoviæ verò educatus sum, ubi Pater, Augustus Rumphius, Ædilis fuit, idque anno 1666. Quandoquidem verò rerum exoticarum



earum cognoscendarum cupidissimus semper fui, juvenili statim ætate patriam meam reliqui, in Lusitaniam primò abiens. Inde trienniò elapso redii, & ante XXVIII. annos in Indiam Orientalem contendi, fatoque sic volente in ultimas versus Orientem Insulas delatus hîc in Amboina, ubi nunc seniò confectus sum, fixam mihi sedem paravi. Quamprimum in Indiam perveni, historico, sed brevi scribendi genere, rariora vegetabilia, animalia, marina & mineralia harum insularum, quotquot videre licuit, annotare & quoad per Incolarum communicationem experiri potui, illorum vires observare, imò pro virili figurarum omnium designare, omnia q. linguâ Latinâ, cœpi. E rhapsodia hâc haud mediocris talium copia oriebatur, donec DEO (qui sine dubio majorem curam adhibuit pro salute mea quàm ipsemet) ita volente, universus hic terrarum Orbis, cum omnibus illis contentis creaturis, oculis meis subtractus fuerit, ita ut guttâ serenâ oculos meos corripiente in decimum jam annum vitam in tristissimis tenebris ducere cogar. Interim tamen Superiores nostri, schedas meas neutiquam perire passi, unum vel alterum Amanuensum quandoque mihi concesserunt, quorum adminiculo chaos supradictum in ordinem redigere & certis de causis è linguâ Latinâ in Belgicam transferre licuit, quamvis id non sine notabili decremento prioris nitoris & dignitatis, ut plerumque cum iis fieri solet scriptis, quæ oculis manibusque mutuatis formanda sunt. Herbis equidem X. libros destinavi, quorum VII. jam absolvi. Quod si DEUS vitam mihi indulserit, alios V. libros de Animalibus præcipuis, tam aquatilibus, quàm terrestribus, de Conchis, Lithodendris & Mineralibus quibusdam subjuncturus ero. Hac ratione ideam quandam & delineationem, Vir Honoratissime, vides Rumphii Indici, quisquis etiam & qualiacunque ejus sint studia. Jam Benevolentia Tua adeo me obstrinxit, ut desiderio Tuo toto ex corde satisfacturus essem, si tantum, quantum fama Inclyti Tui Nominis meretur, præstare valeam. A fronte verò me quæso excusatum habeas, si non prolixus ero in describendis *Caryophyllis*, quâ ratione sc. plantentur & alantur, quùm à Superioribus id interdictum sit. Pauca hæc sufficere poterunt: *Arbores Caryophyllorum* per maturos jam fructus seminantur & plantantur, quibus neutiquam caryophylla aromatica, penes Aromaticos occurrentia, intelligo, utpote quæ tantum rudimenta & principium sunt fructuum genuinorum, qui triplò, imò quadruplo majores sunt, & communissimè *Anthophylla* audiunt, internè duriusculo, ut bacca lauri, nucleò instructa. His de arboribus cadentibus novæ inde arbusculæ exsurgunt, quæ effodi, & quocunque libuerit, transplantari possunt. *Anthophylla* ipsa ultra octiduum recentia &

viridia domi conservari non possunt, dum mox exsiccantur & abhinc nullum de se germen emittunt. Quid quod nullâ hætenus arte aut culturâ effici potuerit, ut fructus hi extra Moluccas Insulas in arbores succrescerent & fructus ferrent. Hi autem, dum ex viridi aut albicante colore quodammodò ruborem induunt, ad usum aromaticum apti censentur. Circa illud tempus capitulum rotundum in summitate se aperit & in florem se induit, petalis, ut in flore ceraforum, albicantibus existentibus. Eò jam tempore colligenda sunt; quò facto mappis junceis imponuntur, latioribus ari foliis obteguntur, per integrum diem fumò exponuntur & abhinc ulterius in Sole exsiccantur, unde color ille nigricans, in iis conspicuus, oboritur. Reliqui fructus, qui in arboribus (quales reverâ sunt, non frutices, Lauro majores) relinquuntur, paucas intra septimanas crassescunt & *Anthophylla*, ad aromatizandum inepta, præbent.

*Caryophylla* ipsa nullam ferè differentiam inter se habent, sed ejusdem sunt naturæ. Interim duas, easque rarissimas, adhuc species transmitto, quæ in cistâ adjectâ continentur. De prima eorum specie num. 6. tantum obtinebis, quæ rarissima & à communi caryophyllorum figurâ valdè abludunt & in totò orbe non amplius occurrunt. Vocantur illa *Caryophylla Regia*, & è meris fere cuspidibus, 4. serièbus dispositis, constant. Hæc unicæ tantum arbori, quæ sola in Universo hoc reperta fuit, innata sunt, & quidem in Machian, (unâ è Moluccis Insulis) quæ tamen jamdudum emortua est, nec post illam alia succrevit. Paucos adhuc fructus inde mihi servo, quùm reliquos cum Magnatibus quibusdam & Amicis dividerim, ut inter alios Naturæ thesauros & rariora asservari possint. De altera specie plura offero, quæ prioribus quodammodò similia, licet in quamplurimis à figura illorum abeant, hacque ad caryophylla aromatica propius accedant, cum ferè nil nisi communia sint caryophylla, in acumina quædam se terminantia & dividantia. Hæc pariter in unicâ tantum insulæ hujus arbore inveniuntur, quæ in hunc adhuc diem superstes est. Hæc *Caryophylla Regia* nunquam in *Anthophylla* mutantur, eamque ob causam neque recentia, neque inveterata transplantari possunt. Folia communibus affinia sunt. Tantum hæc vice de *Caryophyllis*. Reliqua de iis Orbi erudito innotescant, si per DEI gratiam Herbarium meum in apicum veniet, in cujus lib. II. prolixè admodum de *Caryophyllis* agitur.

Caterum non possum non simul referre, proximè Nos, versus Orientem, attingere Novam Guineam, cujus partem septentrionalem (Onim dictam) vicini nostri crebrò frequentant, indeque corticem quendam aromaticum,



maticum, quem *Massoy* vocant, apportant. Hic Cortex in India nostrâ indies divenditur, quum Incolæ sub frigida humidâque aeris constitutione eundem contendant, cum aqua coquendo in pulvem redigant eoque corpus inungant, siquidem calefaciendo tormina abdominis curat & jucundum odorem spirat. Indi sapissimè alium calefacientem & aromaticum corticem, quem *Culit-lavvan* appellant, admiscunt. Utriusque fragmentum in cistulâ reperies & masticando de viribus haud difficulter judicare poteris.

Literis Tuis adjunctus erat *de Magnete Luminari liber*, aliaque nonnulla folia, è quibus tanquam ex ungue leonem dignoscere & prævidere poteram, quàm splendidum & amplum opus *Pandectæ Brandenburgicæ* constituturæ sint, quod omnibus Eruditis, cum primis autem mihi in ultima & extremâ hâc barbarie, ubi tanta librorum annona est, summè proficuum erit.

Accedunt his bina *Pyrite* cujusdam fragmenta, qui ubique *pentagonus* est, & in meditullio alius lapis reperitur. Pro *Androdaman-ta* Plinii eundem habeo. Javani politum annulis cupreis includunt & ad victoriam inter pugnandum sibi conciliandam portant. Magnates in Indiâ sollicitè admodum quærunt *gemmas* quasdam *noctu lucentes*, quas in capite veterum Serpentum & nescio quorum Basilisco-

rum & Draconum indagant. Vidi & adhuc possideo quosdam, *Dracontis* Plinii annumerandos, ast noctu minus lucent, sed Alabastriferè sunt, instar silicum aut crystallorum obscuriorum.

Occasione harum Noctilucarum Te celare nequeo, Oceanum nostrum Insulas Bandanenses (per 30. milliaria versus Orientem abeuntes) cingentem, bis annuatim, sc. mense Julio & Augusto noctu sic candescere, ut tempore nocturno instar nivis splendeat, diurno verò aquæ similis appareat. Credo humorem malignum eò tempore aquis misceri, quum illa pars, quæ interdum eò infecta fuit, noctu à reliquis aquis distingui possit. Oro Te etiam atque etiam, ut efficias, quo Nobiliss. Collegium Vestrum me certiores reddat, annon secreta quâdam Operatione Chymicâ similis Aqua Noctiluca, è sulphureo cum alumine permixto spiritu possit confici? quod fieri posse inde mihi persuadeo, quoniam quamplures fodinæ sulphureæ in hâc Insulâ reperiuntur, quæ semper aliquid de alumine plumoso continent: qualia effluvia tempore Novilunii supradictorum mensium aquæ marinæ misceri credo. Reliqua in cistulâ contenta catalogus exhibebit. Quibus Nob. Tuam Protectioni Divinæ, Tuo verò favori me ipsum commendo. Dab. Amboinæ, die 20. Sept. 1680.

## IX.

## EXTRACTA

è

DN. GEORGII EBERHARDI RUMPHII  
EPISTOLA

Ad

D. WILHELMUM ten RHYNE.

P. P.

**A**lioquin X. Libros de Herbis Ambonensibus, aliumque de Conchiliis Marinis sub manibus habeo.

*Cortex Ovinus*, seu *Massoy*, fervidus & aromaticus cortex, hîc æquè ac in Bataviâ est exoticus & è Novâ Guineâ apportatur; quapropter usum ejus facilius è quodam Malaijanò aut Baliario, quam hinc experiri poteris.

*Lagondy* ubivis duplex est, 1. Mas quinque foliis instructa, arborecens & circa oram maris succrescens. 2. Fœmina, tribus tantum & quidem minoribus foliis instructa, fruticis formam, his quidem in insulis, retinens, in Bataviâ autem arborecens, quæ in Medicinâ tantum

usualis est, cujus folia, ut existimo, ante annos aliquot Nobilitati Tux obtuli.

*Herba Moluccana*, apud Christophorum à Costa, cap. V. IX. descripta, in Ternata Tschingâ-tschinge, vulgò autem Malaijanis Sajor songa dicitur, & ubique sylvestris in locis aquis, prolixis pampinis, inter alias asperas & serpentes plantas, succrescit. A Costa folia sambuco similia illi tribuit, ast latiora longè & rotundiora sunt, tactui quodammodò aspera, odoris penetrantis, menthæ Saracenicæ odorem cum aniso qs. mixtum referentis. Herba quidem vulneraria est, sed neutiquam adeo valida, ut, prout à Costa scribit, Chirurgorum destructi-

vum



vum sic. Viginti abhinc annis per Chirurgum meum mediante cerâ & ☉ calappas recenti unguentum viride exinde parari curavi, quod in defectu alius utilissimum nobis fuit. Non minus tamen certâ ratione præparatur & oleris esculenti locô in culinis adhibetur; urinam, quæ odorem terebinthinatum inde acquirit, movens.

*Lignum Moluccanum* hodie non amplius sub nomine *Panave* venit, quô supra allegatus à Costa cap. 34. illud donavit & obscure admodum descripsit: sed probè novi Eundem arbusculam *Bory* eô intelligere, quæ tam calida, urens & carhartica est, ut ipsum Euphorbium etiam quodcunque esse potest. Radices ejus anno præterpropter 1632. ex Amboina petiæ & in Europam æquè ac Chinam, ad curandum eô hydropem, quem, ut in Nosocomiô hujus loci sæpe expertus sum, egregiè curant, transmissæ sunt. Fructus ejus, *nucula sudorifera*, in Herbariis *Grana de Molucco* & nuces pineæ de Molucco nominantur, quibus aves & pisces intoxicantur. In fasciculô hoc radicem, quæ tutior est, invenies. Addidi 6. nucas, quodammodò triangulares, pro specimine. De radice minutissimè tritâ plus non est sumendum, quam digitale capere potest, cum paucis carnis aut alio juscule arack permixto. Medicamentum valdè Diureticum est, nullam verò sive in gulâ, sive in ano inflammationem causatur.

*Ganiter* lignosa quædam grana sunt, curiosè, ut videntur, excavata, ac si arte sic effossa sint, grano piperis paulo majora, quæ Pagani colla cingunt, trajecto prius filo & permixtis quandoque coralliis. Optima in parte Orientali Javæ & Maduræ occurrunt. Hic autem in Amboinâ species majorum, instar globulorum sclopetariorum, succrescit, nullius usus, & plerumque in excelsis iisque sylvestribus arboribus in montibus inveniuntur, quorum granum in folio mediocris magnitudinis transmitto, cum minorum & duriorum species hic incognita sit.

Ramusculos, Flores & Fructus *Ligni Colubrini Sandalique* hinc Tibi mittere nequeo, dum in his locis tantum spuriam utriusque sortem obtinemus, genuini autem ex Insula Timor accersenda sunt, unde certorum Amicorum adminiculô, qui in Bataviâ habitant, eadem obtinui, quàm nostrates nullum enim Timorensibus commercium, à Superioribus certis de causis interdictum, habeant.

*Caju Rasamala* crassæ sunt radices Arboris alicujus in Nova Guineâ, cujus folia mihi ipsi incognita sunt. Lignum densum admodum, grave, extus gryseum & coloris mellei, optimum verò album, instar eboris, Styracem liquidam quodammodò redolens, Malaijanis Rasamula dictum, quorum Uxores id ad suffimigia adhibent. Audio Dn. Herbertum de Jager lignum ejusmodi in Indostanorum terris vidisse, ligno Sandalo albo haud absimile, sub nomine *Sembarana*, de

quô uberiores informationem desiderarem.

*Mare Lactæum* sive Aquæ Candidæ phenomenon est in mari, dignissimum admiratione & usquedum inexplicabile, circa Bataviâ versus Amboinam annuatim bis contingens, ita tamen, ut nonnisi tempore nocturno observetur. Interdum mare instar aquæ, noctu autem ignis & nivis instar candidum & splendescens est, ut vix lumen ab aquâ distingui possit. Prima ejus apparitio *Aqua Candida Minor* dicitur, & tempore Novilunii circa finem Junii accidit. Altera, scil. *Aqua Candida Major*, similiter circa Novilunium, in fine Augusti observatur, magis tamen in unô, quàm alio anno, interdum etiam omnino non occurrit. Latis admodum striis Amboinam præterfluit, usque ad Beuton, nec reliquæ aquæ sal se miscet, donec in strias minores dividatur. Non immerito quis putaret per certas cœli influentias maris fundum eô tempore qs. aperiri, ut materiam quandam sulphureo-aluminosam de se edat (dum Insulæ hæ multis montibus sulphureis scatent) quæ aquæ maris salis commixta colorem illum induat: id quod Alchymistis inquirendum relinquo, ad aquam aliquam Noctilucam è tali materia præparandam. Evanescente priori in Bandâ quandoque sanguinea & foetidissima materia in ripâ maris observatur, quæ nihil aliud est, quàm fæces sulphuræ, vel sulphureo-aluminosæ, unde pisces emoriuntur, qualem aquam hic in portu Amboinæ hoc ipso anno habuimus.

Ut Catalogum Plantarum à me descriptarum transmitterem, nec practicabile nec utile existimo, dum opus adhuc imperfectum est, & in ipsis nominibus adeo firmi non sumus, quin hic vel illic quandoque aliquid immutandum sit, quamdiu sub nostris manibus versatur. Quod enim semel in publicum evulgatum est, tam facilè abhinc emendari nequit. Interim non sine tædiô meo res tardè admodum procedit, idque ob defectum Amanuensium versatorum, quàm parùm mihi, ad id consummandum, temporis superfit.

De *Origine Ambra* plura hac vice, quàm antehac sum professus, addere non possum, quod scil. pinguis terræ succus sit, è fundo maris scaturiens, primò quidem liquidus & tenax, postmodum verò fædine maris pedetentim induratus. Interim non majores tantum pisces, sed & minores, imò & volucres & porcelli sylvestres omnis generis Ambra deglutiant, sicubi invenerint, odore subpingui allekti, quam abhinc revomere solent. Inde sine dubiô est, quod tot penes vulgum æque ac Scriptores sententiæ de eâ sint exortæ, ita quidem, ut nonnulli (quos inter maxime Incolarum Orientalium horum tractuum pars reperitur) illam in peculiari cetorum specie generari existiment, Lamiis accensita: quemadmodum talis ad partem Orientalem de Timor, ad vallum usque, ejectus fuit, qui in parte anteriori

ambra



ambra grysea, in posteriori verò nigrâ repletus erat. Alii verò perhibent Aves majores marinos Maldiviarum Insularum ambram generare, utpote quæ in rupibus inter excrementa illorum reperitur. Haud ita pridem homo quidam loquax persuadere nobis conabatur porcellum sylvestrem Indicum, in Insulâ Mauritiî frequentem, Ambram in abdomine continere: id quod impossibile non est, si sc. in ripa eandem invenerit & devoraverit: quemadmodum his in Insulis cum Ambra albicante, Spemare ceti & Lardo marino (quæ omnes sylvestres ambrae flavescens species sunt) fieri solet. Interim hîc de Ambrâ discursus prolixior, quàm ut epistolâ quadam absolvi posset, evaderet, si adhuc deducere vellem Ambram gryseam veram ut plurimum materia quadam resinosa nigricante cinctam esse, quæ pro ambrâ nigrâ haberi poterit, putrido tamen & adversò odore gaudente, cujus frustum, paucos ante annos mihi allatum, hic ex improvisò in mari repertum fuit & non tantum ungues, sed & rostra avium in se continebat.

Arbor, unde genuina *Nux Vomica* proficiscitur, mihi usquedum incognita est. Audivi tamen aliquando nonneminem sustinuisse elegantem hunc fructum ab arbore ligni Sandali peti, quod fidem non meretur.

*Sanguis Draconis*, in quantum à Malaijanis audire potui, neutiquam à ligno Caliaturico, sed à quadam specie majoris crassiorisque arundinis, in Malaija & Sumatra, circa urbem Palimbang succrescente, profluit. Talis arundo etiam hîc in Amboinâ reperitur, succum rubicundum & pellucidum fundens, qui tamen minus induratur. Meâ sententiâ genuinus Sanguis Draconis optimusque Europæis adhuc incognitus est, utpote qui ex meris minoribusque lachrymis constat, quæ foliis exsiccatis involutæ

in Bataviâ veneunt, & quidem sub nomine Dzjerenang.

*Lignum Caliaturicum* Sandalum rubrum non esse jamdudum meò damnò sum expertus, cum primum è Bataviâ pro Sandalo rubro mihi transmissum mihiq; nondum visum id contra Ophthalmiam, quâ praterlapso mense Novembre corripiebar, adhiberem. Statim enim observabam, quòd loco alicujus refrigerationis oculos valdè mordicet & deglutitum gulam irriter: unde post curatiorem inquisitionem observavi id lignum Caliaturicum fuisse. Quapropter etiam atque etiam rogo, velis Dn. de Jager, qui regiones Indostanicas probè peragravit & plura de his, ut audivi, expertus est, præviâ salute eò disponere, ut haut gravatim me plenius instruat, quid propriè sit Sandalum rubrum? dum, juxta Lusitanorum relationem, in regionibus illis obtineri dicitur. Mihi ea sententia hæret, non certius & facilius hoc resciri posse, quàm è Madagascar, aut tractibus Orientalibus Africa, quorum Incolæ olim Trygloditæ, hodiè verò communiter apud Arabes Zingî vel Zangi dicuntur, unde & Sandalum rubrum penes Malaijanos *Tsjendana zangi* vocatur; quemadmodum & *Zingiber* suam inde denominationem habet. Quodsi fragmentum ejus in Bataviâ mihi procurare valeres, Plenipotentarius meus, Dn. de Ghein, idem pro me solvet.

Abhinc à supra laudatò Dominò uberiores etiam instructionem peterem, quid sit genuinus *Calamus Aromaticus*? & quænam ejus inquilina sint nomina? quum probe sciam, eundem nec *acorum*, nec *Schænanthum* esse, quorum prior à Malaijanis Dizingo, posterius autem *Sirec* dicitur, quæ utrobique in Bataviâ succrescunt &c. D. Amboina die 20. August. Anno 1687.

Nob. Tuæ

Addictissimus

RUMPHIUS mp.

X.

EXTRACTA

è

DN. GEORGII EBERHARDI RUMPHII

EPISTOLA

Ad

D. ANDREAM CLEYERUM.

P. P.

Primò omnium me de *Melissa Batavica* judicium certum ferre non posse scias, antequam folium exsiccatum aut ramusculum inde obtinuerim. *Ocimum* tamen sylvestre esse credo,



credo, quod Malaijani Comangi Utan & rocku rocka vocant, quod & hîc locorum, sed parçè admodum, in desertis succrescit.

Descriptio *Catzio*, à Dn. de Jager concepta, mihi admodum dubiâ videtur, adeò, ut in iis, quæ Garzias ab Otto de eò scripsit, acquiescere mallem, qui arborem ejus satis dilucidè descripsit. Quoniam verò nuper audiui, in Pegu, ubi optima ejus species reperitur, duplex *Catzio* haberi & utrumque quidem in globulis rotundis, quorum prima species è ramis arboris coquatur & è nigricantibus durisque nodis conflata sit, ut communis & optima species apparet: altera autem è majoribus constet massis, quæ extus rubræ & fragiles, intus autem albicantes & calciformes, viliores simul & tuberum instar sub terrâ crescentes, Tibi hornô tempore *Terra Japonica* nomine venientes: hinc ulteriori Tuæ inquisitioni hæc committo, quùm occasio Tibi suppetat literas quasdam ad Residentem nostrum in Pegu transmittendi, aut per homines quosdam linguarum gnaros è Peguanis, in Bataviâ dubio procul commorantibus, percontandi, an res ita se habeat: quò factô uberius informatus ab opinione mea, quod non alia *Catzio* species quam à Garziâ descripta detur, libentissime recedam.

Rotulæ compressæ, seu *Catzio* spurium, proprie *Gitta Gambir* audiunt, & è Palimban, ut rectè sentis, proveniunt, ab alio tamen, quam *Catzii*, frutice. Si concisam descriptionem aut delineationem foliorum obtinerem, eandem arbusculam hîc in Amboina me inventurum crederem.

An *Semen Sina*, juxta omnium ferè Herbariorum nostrorum sententiam, species absinthii, vel juxta Dn. Herberti de Jager opinionem abrotani species sit? parum refert, dum plures herbæ ab Europæis nostris mox ad hoc mox ad illud plantarum genus referuntur. Impossibile quoque non est herbam hanc in diversis regionibus diversam figuram habere, prout ex narratione Chirurghi Surattensis elucescit, qui folia fœniculi similia illi tribuit, odoris fragrantissimi. Quid quod è proluxa Dn. de Jager descriptione elucescat binas ejus species esse, ambas lumbricis inimicas, cui, tanquam autoptæ, subscribere cogor.

Antequam admittam non aliud *Sandalum rubrum* à Scriptoribus Arabicis, ejus primam mentionem facientibus, intelligi, quàm lignum Caliatonicum commune, pace amborum Dominorum aliquamdiu adhuc credere liceat genuinum *Sandalum rubrum* in universâ India Orientali non reperiri, prout jam ante, quantum recordor, Tibi fassus sum, cum nomen Malaijanum *Tsjendana Zangi* indigitet illud è Regione Zangiorum, vel Zangisiorum, h. e. Æthiopum, tractum Africæ Orientalem incolentium, conquirendum esse. Quapropter Tuo me judicio submitto, si propugno hodiernum lignum San-

dalum rubrum, Europæis usuale & à Garcziâ descriptum, nihil aliud quàm Lignum Caliatonicum esse: posthâc quoque cavebo ne unquam illud ad refrigerandum adhibeam, utut idem ab Amicis, quibus illud distribui, ut plurimum assumptum sit, qui antiquorum chordâ oberrantes id ad refrigerationem in hæmorrhagiis adhibuerunt. Interea ab Incolis omnia curatius me expiscaturum spero, utut difficulter admodum, cum primis in loco hoc remotissimo, quem pauci Exteri frequentant.

Non minus valdè adhuc dubito, an Amboensis *Resina Damar Canari Utan* pro Gummi Elemi habenda sit, cujus prægnantes omninò causas habeo, quamdiu descriptione arborum Africanarum destituimur, quæ Gummi Elemi & Anime fundunt, cum ex solâ resinarum inspectione faciliè quis falli possit. Interim crederem, quod, si Amboensium *Damar Canari* vires per Chirurgos Tuos ope suorum emplastrorum periclitatus fueris, emollientem æquè ac adstringentem qualitatem, qualem gummi Elemi habet, quoque observaturus sis. Sciendum verò Gummi Elemi & *Damar Canari* non tam gummata, quàm resinas esse, quùm priora in  $\nabla$  solvantur, in igne verò aut planè non, aut difficulter admodum ardent.

Porrò indulgere non possum herbam illam in Bataviâ notissimam, quæ pro *cochlearia* habetur, inter species Sii vel Apii aquatici numerandam esse, dum reverà ad plantas aquaticas non pertinet, sed ubique in locis aridis, in desertis, in sylvis prope radices arborum, ut & hortis montanis harum Insularum invenitur. Nulli melius, quam hederæ terrestri assimilari potest. Quoniam verò peculiare sibi vires habet, hinc pro peculiari Indiæ herba habere & opusculo meo sub nomine *Pedis equini* & Malaijanâ voce *Pancugu* inferere volui. Quid Lusitani per *Rabaco* intelligant, nescio, quoniam vocabulariô hujus linguæ destituor. Hoc autem pro certô scio, genuinum Sium me in Lusitaniâ observasse, idque nunquam non in locis uliginosis & aquosis, ita ut ipse radiculæ aquæ inhæserint. Illîc *Petroxil de Agoa*, h. e. *Petroselinum aquaticum*, vocabatur, tantoque in pretio habebatur, ut quivis locus, ubi succrescit, peculiarem suum possessorem habeat, nec cuivis integrum sit idem decerpere; quamvis nos, ceu milites, illud interdum ad acetaria & olera paranda decerpserimus, non obstantibus lapidibus fundâ capitibus nostris injectis.

*Corallium Nigrum* plus semper, quam alia corallia, de lignæ quadam substantiâ participare, haud difficulter in hoc vel illô Gemmatiô invenies, ubi corallia descripta sunt. Quod verò in Europâ adhuc incognitum sit, atque pro illo lapides ostendantur, optimè novi, utpote cui genuinum corallium nigrum in Europa vix unquam videre licuit. Imò si quis mihi Indicum Orientale ostendisset, pro ligno habuissem. Quan-



tō autem in pretiō & quam utile hoc genuinum *Calbahar Itan* Indiæ Orientalis habeatur, haud difficulter ab Incolis Bataviæ experiri poteris. Cum primis autem armillas nigricantes aliaque ornamenta inde parant. *Candidum* aut nodis atro-candidis interstinctum *Calbahar*, quod Tibi, nō fallor, pariter transmissi, penes Eosdem non minori in pretio habetur. Si in Batavia forem, multo plures ejus species in Insulis illis me reperturum esse crederem. *Rubrum & fistulosum Halcyonium* verò, hīc frequentissimum, Batru Swangi, seu Maltacu, h.e. lapis Magicus, dictū, pro corallio rubro nec habendum; nec adhibendum esse experientia Te docebit & pristinam sententiam mutare jubebit. Alia adhuc species datur, crassis ramusculis propullulans, qui fragiles sunt & facilimè decidunt, de quibus Tibi specimen aliquod transmittō, idque nomine *rubrorum coralliorum nothorum*, quæ in insulis Bataviæ quoque inveniuntur. Hæc cum veris coralliis propius conveniunt, quamvis iis æquè ac cum *Alcyoniō* cautè & parce agendum sit. Ut plurimum contra mictum cruentum, & si toxicum propinatum per urinam educere velimus, inservit, cum pellendi vim habeat, qua à coralliis rubris quodammodò abludit.

Disputatiuncula de *Ubi Utan* vel *Batata sylvestri* quodammodò intricata est, quapropter eandem brevī dilucidabo. *Ubi Utan* nomen est generale, quod 4. aut 5. radicibus esui aptis, sylvestribus quidem & à se invicem maximopere distinctis, familiare est; quemadmodum transmissum & conditum *ubium polypoides* vulgò pariter ita dicitur, quod hīc locorum, quantum mihi constat, non comeditur: quamvis audiam, Javanis id in cibum cedere. Ejus loco hīc locorum alio utuntur *Ubi Utan*, tuberibus crassis, instar capitum præditi, in sylvis desolatis proveniente, unde prævia laboriosa præparatione alba & sapidissima farina paratur, farinæ Indiæ Occidentalis, sive *Cassavy*, similis, qua plurimæ Incolæ, tam hīc, quam in Insulis Moluccis vitare coguntur, si *Oryza* aut *Sagu* destituuntur. Apud Malaijanos *Ondo* aut *Gadong* & in scriptis meis *Ubiū sylvestre* dicitur. Cur autem primam speciem Batatis accensere velint, planè non video, iique qui plantam curiosius inspexerint discrimen facilè invenient. Non etiam video, cur penes vulgum *Caladi* vocetur (nisi inter Bataviæ incolas maxima inscitia regnet) dum herba hæc longe aliū est generis, scil. *Arum* *Ægyptium* vel *Colocasia Neotericorum*, quam omnes incolæ harum Insularum, etiam Javani ipsi, utut non sine insigni labore, annuatim plantant, tanta q. in copia, ut integros hortos illa repleant, ad obtinendas inde radices esculentas, quas non tam crudas, quam, ob vim irritantem, aut coctas, aut affatas edere solent, exque ad Batavias pasar quoque divenduntur.

Quod *Ophioglossum laciniatum* antehac pro

specie filicis habita fuerit, adeò absurdum non est, quum & ipse hoc fecerim; & quandoquidem genuinum & minus ophioglossum, quod in officinis *Lancea Christi* vocatur, in ericetis combustis succrescit, & æque ac major species oculus aliquod suppeditat, reperi, statim observare potui binas has herbas ab eodem genere profluere.

*Flos Susannæ* annuatim emoritur, postea verò repullulat, è bulbis quidem testiculoformibus, qui non tam fracidum quam ficcum locum requirunt, quoniam hīc locorum nullibi quam in excelsis & nudis montibus succrescit.

Delineatio *Nucis Vomica* transmissa cum illa nuce vomica, quæ in officinis Pharmaceuticæ patriæ nostræ habetur, coincidere videtur. Ast Figura, quæ Tom. I. Horti Malabarici Fig. 37. de Caniram spectatur, & à Dn. de Jager pro genuina habetur, cum illa neutiquam convenire videtur, ubi in descriptione ne verbum etiam de usu ejus noxiō habetur. Ne verò judicium præcipitemus, meum tantisper suspendam, donec manipulum fructuum *Coromandensium* à Te obtinero.

Interea supra laudato Domino de Jager obstrictissimus sum, quod sua mihi scripta indulgere & delineationes quasdam communicare voluerit: pudore tamen suffusus, quod petitioni ejus assurgere & descriptionem *Nucum Moschatarum* aliarumque schedarum, quas per alios Amicos à me desiderat, ob supradictam causam, transmittere non possim, quod imposterum tamen fiet, si & ipse me literis suis dignatus fuerit.

Fasciculum adhuc obtinebis, in quò duo fragmenta de *Coralliis rubris spuris* continentur, scil. ramusculum, *Pseudo-corallium* dictum, cujus supra mentio est facta, & adhuc aliud, *Halcyonium rubrum fistulosum* dictum & literis D. A. C. signatum, quòd, ut opinor, pro coralliis habes, ut appareat, an ambo unum eundemque lapidem intelligamus.

In libello è charta grysea constante & inter 2. asseres ligato folia quædam exsiccata inveniuntur, quæ etiam demonstrabunt, an in literis nostris eandem herbam intelligamus. Eam enim sub lit. A. appello *Marrubium Album Moluccum*, à Malaccensibus, quantum mihi constat, *Sucan* & *Daun Hari Hati* dictum, à nostræ nationis hominibus autem mox *Nepeta*, mox *Melissa* vocatum, cum nova *Ortulano* (odore tantum excepto) ferè concordans. Lit. B. hīc *Comange Utan*, vel *Zuccuzuccu* dictam, *Basilicum sylvestre* appello. Lit. C. Filix est calamaria pampinis longis rurius propullulans, è cujus pedunculis *Nigritæ* calamos suos scriptorios parant, eum in finem hic addita, ne cum ophioglossò supradictò confundatur. Lit. D. folium est fibræ oblongæ spinosæ, quæ volubilis quædam pungens est, quam pro *Sarsaparillâ* habent, à me verò



verò *Pseudo-China* dicta, quoniam Sinenſes ſuſtinent genuinam *Radicem China* ſuarum regionum ſimilem plantam eſſe, huiusque radicem veræ permilceant, utut rubicunda nimis & plus juſto lignoſa ſit. Interim ſtupidi Ambonenſes & Moluccani ita deſiderant, qui

fragmenta rubra pro mare habent. Dubio procul apud Vos etiam occurret. Lit. E. herba eſt Meliſſæ affinis, & à me *Meliſſa Lotoria* dicta, quoniam à Javanis & Balienſibus ad ablutionem corporis adhibetur &c.

Amboina Viſtoria d. 18.

Aug. 1682.

RUMPHIUS.



XI.

EXTRACTA

è

DN. GEORGII EBERHARDI RUMPHII

EPISTOLA

Ad

DN. JACOBUM de VICQ.

P. P.

*Palmeriam arborem* tam promptè non agnoviſſem, niſi me ad Lariquam ablegaffes & ex ejusdem uſu demonſtraſſes eandem neceſſario arborem eſſe quæ hic locorum *Lontar* appellatur, & prout ex iis qui verſus Inſulam Ceilon navigare ſolent audivi, Noſtratibus arbor *Jagar* audit eò, quòd ſaccharum nigrum arboreum, *Jagara* dictum, inde paretur. Si Amanuenſis meus in lectione non aberrat, ne ullum quidem à Dn. de Jager è diverſis dialectis Malabaricis petitum nomen coincidit cum iis, quæ Dn. de Rheede eandem in Horto ſuo Malabarico donavit, ubi *Carini pana* & *Talla tamado* dicitur. Quinam ex illis rem acu tetigerit, hâc vice non dirimo, cùm linguæ Malabaricæ ignarus ſim. In votis tamen eſſet, ut illa nomina mihi quodammodò explicentur, paceque Dn. de Jager fieri poſſet, ut opusculo meo deſcriptionem huius arboris, ab illo formatam, capiti de arbore *Lontar* immediatè ſubungere liceret, quod ſine ſpeciali ejus conſeſſione non audeo, utut maximâ ex parte cum iis conveniat, quæ Nautæ Ceilonici mihi jamdum de illâ retulerunt, opusque modo dictum triplo majus evaderet, ſi omnia tam prolixâ curioſitate deſcribere vellem. Cur verò Luſitani arborem hanc *Palmeira brava*, h. e. Cocom ſylveſtrem, vocent, ignoro, cùm iis in regionibuſtam uſualis & tam utilis ſit, æ genuina Palmeria ſeu *Cocus* arbor unquam eſſe poteſt. Valdè miror in ſupra laudato Horto Malabarico, in cujus elaboratione tot Eruditi deſudarunt, ne verbo quidem innui ex arbore hâc ſaccha-

rum *Jagara* vel *Jagu ura*, h. e. ſaccharum arboreum, parari: interim ſimiles defectus paſſim in hoc opere occurrunt.

Deſcriptiones *Arborum Benzoini* atque *Camphora* ita acceptabo, prout mihi ſunt tranſmiſſæ. Interim magis mihi in votis erat, ut ramuſculum aut folia nonnulla ex arboribus hiſ decerpta obtinerem, ut obſervare poſſem, an cum nonnullis Inſularum harum arboribus convenirent. Aliâs verò Sinenſes, qui regiones hæc frequentarunt, multa mihi de arbore hâc narrarunt, quæ cum deſcriptione Tua coincidunt, addentes in China lignum haberi, à Noſtratibus *lignum camphoratum* dictum, camphoram redolens admodum, nullam tamen fundens.

Cæterum pudet me, quòd deſiderio Dn. de Jager ſatiſfacere nequeam, ut (quod debebam) plures ejusmodi deſcriptiones prolixas plantarum & animalium ipſi tranſmitterentur, quod impoſſibile mihi fuit, cùm unicò tantum Amanuenſi gaudeam, cui ſcripta mea diſjecta & nunc in ordinem redigenda ſat negotii faceſſunt, quibus maturandis eò magis occupatus ſum, quò magis vires meæ indies decreſcunt. Ad quæſtiones ſuccinctas autem reſpondere mihi grave non erit, dum nihil jucundius mihi eſt quàm diſcuſſum quendam de nobiliſſimo ſtudio Botanico inſtituere. Saluta quaſo modò laudatum Dn. de Jager meò nomine humaniſſimè, & quoniam audivi Amicum hunc ultimam meam epiſtolam aliaque ſcripta, quæ Tibi eâ conditione ne inſcio me ulli communicentur indulſi, viderit,



rit, hinc pace mea idem Dn. de Jager particeps reddi potest eorum, quæ de Arboribus Sagu & Nucum Moschatarum earumque usu desiderat, quam ultimam etiam in Dn. Cleyeri literis desideravit: omnia tamen hâc conditione, (quam supra jamdum posui) ne quæcunque sub aliô quam veri Autoris nomine publicentur: quâ ratione & ejus scriptis, ubi è revisum fuerit, utar, liberâ aliâs manente quæcunque scribendi methodo.

*Cocoya*, unde funes nautici minores (vulgò *die Fockels*) parantur, ingens & late se expandens humique serpens frutex est, figurâ Malaijanorum *Pandany*, flores illos fragrantissimos suppeditantem, refert & cuti piscinæ similis est, in Horto Malabarico Tom. 2. Cap. 1. *Caida* & à Lusitanis *caldere* dicta: utut folia in *Cocoya* multò longiora sint, quam in Pandanico, scil. 12. ad 14. pedum, manusque latitudine gaudentia, in margine spinis rigidis & acutis munita, sine flore & fructibus, quantum mihi constat.

Qualis sit arbor, quam Ligni Caliaturici arbori similem esse ad Dn. Cleyerum perscripserim, non incidit, nisi forte *Lingo* arbor sit, cujus lignum rubicundum sine dubio obtinebis, cum in Java succrescat & à Malaijanis *Ampa-na* dicatur.

*Culit-Lavvan*, Ooby vel *Ubi Radzia* & *Avis* Paradisiacæ descriptiones quodammodò prolixæ sunt, quapropter aut differendæ erunt tamdiu, donec supra laudatus Dominus Ipse me literis suis dignetur & sententiam suam ea desuper clarius mihi exprimat, aut ejus rei intuitu excusandus ero.

*Explorationem Pulsuum Sinensium* jamdum habui, literis quidem Sinicis & Latinis conscriptam, quam, cum ad scopum meum nequicquam contribuat, ante aliquot annos Dn. Cleyero reliqui.

Ex Insula Ceilon fragmenta aut radices nonnullas desidero, quas illic pro *Ligno Colubrinô* habent & contra serpentem *Cobra Capello* adhibent, cum informatione aliqua, an ab arboribus, fruticibus aut herbis proveniant, cum appositione nominum Ceilonicorum. Quodsi Dn. Jagero accuratiorẽ ejus descriptionem mihi impertire placeret, acceptissimum mihi erit. Existimo speroque me & hîc idem inventurum esse.

Descriptionem *Arbustularum marinarum*, aut *coralliorum*, aliquantisper suppressas velim, nec ulli copiam ejus facias, cum multa illic corrigenda restent, si ultimum Herbarii mei librum, in quò hæc talia fusè descripturus sum, ad manus sumfero &c. &c.

Amboina d. 18. Aug. 1682.

## XII.

## EXTRACTA

è

DN. GEORGII EBERHARDI RUMPHII

EPISTOLA

Ad

DN. ten RHYNE.

P. P.

**I**mpatienti desiderio Dn. de Jager adventum in provinciâ hâc expectavi, postquam Tua æquè Nobilitas ac alii Amici ejus mihi spem fecerunt: ast videre cogor, ob alia fortè negotia intervenientia, eandem prorsus decollare; quò ipsò Relationibus necessariis, quas dubio procul mihi impertire potuisset, carere cogor, cum primis de genuino Sandalo rubrò, utpote quod, juxta Dn. Cleyeri literas, ab omnibus ferè Medicis & Phycis in Batavia pro Ligno Caliaturicò habetur. Interim in hanc sententiam usquedum me trahi non patior, cum in binis hisce lignis diversum odorem & virtutem observaverim: nisi fors lignum Caliaturicum du-

plex sit, de quò uberiores informationem à Dn. de Jager, qui regiones illas peragravit, expecto.

Postquam ad desiderium Nob. Tuæ sententiam meam de origine *Ambra* aperui, Tuæ abhinc opinionis circa eandem quoque certior sum redditus, & quantum utrobique differamus. Credo novam esse sententiam, quam Nostræ nationis homines, Insulam Mauritii mercaturæ gratiâ frequentantes, disseminârunt, *Ambra* scil. Gummi aut Resinam esse certæ arboris, quæ in Insulâ illâ succrescat, cujus radices in mare se extendant, è quibus *Ambra* exsudare dicitur. Hæc si ita se haberent, mi-

rum



rum sanè esset arbores tales, in sola Insula Mauriti, quod ajunt, reperibiles, omnem omninò Ambram exsudare, quæ in tot tantumque distantibus Mundi locis, imò in Indiâ Occidentali, & quidem ejusdem semper substantiæ & qualitatis reperitur: quòd, inquam, Gummi hoc ex Insula Mauriti contra ventorum marisque occursum (cùm sub Zonâ torridâ & in Oceano aperto fluctus ventique Orientales sint perpetui) ultra 1000. milliaria versus Insulas Maldivienses & Orientales propellantur. Sin verò dicamus Arbores ejusmodi in vicinis Insulis, sc. Madagascar, Majotte & tractu Orientali Africæ reperiri, ut copia & redundantia ambra gryseæ requirere videtur, rursus mirum esset, Arabes curiosissimos, qui oras & Insulas illas ultra 1000. annos frequentârunt, pretiosissimas arbores has non agnovisse. Brevi, fides sit penes Autores. Si omnibus Nationis nostræ narratiunculis fides adhibenda esset, gloriari sanè possem, me de Ambra singulare quid à Persona quâdam, quæ ejus scientissima haberi volebat & in Insula Mauriti habitârat, audivi. Hæc asseverabat Ambram Gryseam in porcellis sylvestribus in hac Insulâ reperiri, quam *αυτόπτης* ex illorum ventriculo exsecatam esse testabatur. Radzia Salomo, Rex expulsus ex Arimantuttu mihi narravit, quòd ipsemet viderit quandam Cetorum speciem illic versus vallum delatam fuisse, è cujus ventre concives ejus ambram magnâ in copiâ extraxerint, quâ ex incitiâ naviculas suas inunxerint,

quam Macassares è contra satis dextre conquerere careque satis divendere norunt. Jam tres hæc relationes veras esse posse credo, nihilominus tamen ab antiquâ meâ opinione non deflecto, quod sc. originis intuitu bitumen sit, è fundò maris scaturiens. Quid obstat, quò minus Arbores inveniantur resinam quandam, ambram redolentem, fundentes? quales in Buru quoque reperi, qui simile quid exhibent. Imo Bourolenses jam ante 17. annos talem resinam mihi pro ambrâ montanâ vendiderunt. Et quis nescit Pisces, Aves, aliaque animalia, cum primis porcellos, ambram in mari fluctuantem avidè deglutire, cujus sufficientem experientiam habeo. Fieri ergò potuit porcellum Mauritianum Ambram antea devorasse & abhinc à stupido Venatore pro fodinâ ambra habitum fuisse. Interim optima Ambra suum retinet valorem, qui indies augetur, ita ut eandem cum ebrio Hemelbergæ in Daniâ depicto de omnibus illis narratiunculis dicere posset: NIHIL MORROR NUGAS! Amboinæ die 20. Maji, 1683.

P. S.

Aliquot abhinc annis Collegium Naturæ Curiosorum in Germaniâ bullam invitatoriam mihi transmisit, quâ me Collegii sui Membrum constituit, & quidem, pro more illorum, sub PLINII INDICI nomine. Do no etiam misit Ephemerides suas, in quibus nomen meum diversis plantis præmissum erat.

## XIII.

DN. GEORGII EBERHARDI RUMPHII

## EPISTOLA

Ad

DN. ANDREAM CLEYERUM.

Honoratissime Dn. Collega.

Gratissimas Tuas die 20. Jan. ad me datas, cum adjunctis vasis tribus catts Théc repletis, 2. Ephemeridibus uni fasciculo involutis, bilance ferrea, manipulo *Bara de Costa* & inclusis D. Menzelii literis, suo tempore bene recepi, pro quarum curatione & benevolâ transmissione obstrictissimus sum.

Bina Ephemerides, juxta tenorem literarum Menzelianarum, mihi destinatae fuerunt, in quibus omnes illæ, ad quas aliquid contribui, mihi sunt promissæ, quò jure Tibi commendabuntur, à quò & reliquas expecto, in quibus descriptio radiceis est, quantum à Sinen-sibus experiri potui.

Miror præsentem nostrum Præsidentem Dick de Haas dubitare, an Europæus aliquis plantam Japonici *Nisig*, aut Sinen-sis *Som* unquam viderit, cùm tamen à Te binæ & à me, ex delineatione Chinen-sis alicujus una, ob oculos poni possit.

Quandoquidem denuò memoraveris, quòd nunquam Tibi *Carinam Nautili* videre licuerit, prout haud difficulter credo, quòd non tantum in Bataviâ, sed & hic locorum difficilimè obtineri possint: hinc in quadrangularibus capsis hic adjectis duas, quarum jamdudum patticeps factus sum, transmittere volui, alteram *Majorem* & κατ' ἔξοχην sic dictam

Hhh 3



dictam Carinam, alteram *Minorem*, lato orificio instructam, coloris obscurioris, quæ peculiarem speciem, vix ad maiorem magnitudinem crescentem, constituit. Utramque cujusdam Polypi species, Nautilus dicta, inhabitat. Mirabilis hic pisciculus est, qui duobus pedibus longioribus, retro se extendentibus, naviculam suam propellit, anterioribus autem iisque brevioribus eandem quodammodo erigendo (*vid. 2. Tab. 1.*) sicque remigando aquas marinas ita sulcare novit, ut navis velis expansis agitata cursum æmuletur: quod ipsum tamen spectaculum vix unquam, nisi post sedatam tempestatem cælum serenum, h. e. post nubila Phœbus, appareat. Difficilimè quoque capitur, cum statim se ad fundum præcipitet, quamprimum adversi quid in ripâ sibi insidiari sentit. In fundò maris caneros pro hostibus habet, qui pisciculum inermem extrahunt, quò concha evacuatâ versus litora ejicitur. Miraculosi & fatalis quid cum eâ contigit Carina, quam Argonautæ nostro transmissi, hicque S. C. Majestati postmodum dono dedit, utpote quæ ab Aquila Marinâ à mari extracta erat, ut pisciculi compos fieret, ubi inter volandum concha (cui pisciculus minus firmiter adhæret) elapsa & inter 2. rupes in areolam arenâ repletam decidens nullam prorsus jacturam tulit, nisi quod exiguum interioris laminæ fragmentum illuc observatum fuerit, ipsâ Carinâ à Nautâ eò tempore inventa & allatâ. Omen hoc erat eandem ad Aquilam Romanam perventuram esse. Delineationem ejus vid. sis *Fig. I. Tab. I.*

Reliquæ cistulæ cavitates conchis rarioribus variisque marinis sunt repletæ, inter quæ duo iique rarissimi sunt *lapides Corallini*, qui ubi vis instar nucularum in formâ rosæ aut floris conjunctarum apparent. *Reticulum marinum* vocant.

Inter Semina, quæ transmiseram, tria corrupta esse, mirum non est, dum hæc in fine tempestatis pluviosæ colligenda erant, quò tempore omnia humida sunt & tumida; quapropter repeto, quæ olim dixi, talium transmissiones in Patriam commodius è Bataviâ institui aut posse, aut deberi. Interim tria illa, quæ corrupta sunt, in Bataviâ abunde recuperari possunt.

Alias autem resinas atque gummata, depeditorum loco, hæc vice remittere non possum, quum per incendium illis omninò privatus sim, hæc talia quoque tempus aliquod exigant ut recuperentur.

Non minus impossibile mihi est hóc annò Pinang in majori quantitate transmittendi, quoniam hoc tempore tam carè divenditur, ut ad esum quotidianum adhiberi non possit.

Miles maritimus hîc appulit, quem pro Delineatore & Pictore mihi transmisisti, ut conflagratas per incendium figuras pro Herba-

riò meò relarcire valeam. Ast vereor, ne tardè admodum negotium hoc processurum sit, cum rei mercatoriæ primum incumbere teneatur, nullumque à Filio meo subsidium expectare possim, qui Secretariatûs officiò, à Dn. Præside & Directore oblatò, se ita detineri dicit, ut operâ ejus planè carere cogar, quæ eò magis necessaria mihi erat, quò plures in eum sumtus consumsi. Deplorandum est, animumque generosum prorsus dejicit ad scribendum aliquid Literato Orbe dignum, quòd hîc locorum tam pauca ad id adminicula suppetant ipsaque *φιλαργυρία* studia tantoperè contemtum rejiciat: cui malo in tantum est obvian- dum, quantum possibile est.

Epistolam aliquam à Dn. Herberto de Jager præstolabar, ut mihi promittebat eò, quò iter Persicum aggrediebatur, tempore:; ast me oblivioni dedisse videtur.

Methodum illam, quâ tot plantas, sibi quodammodò similes, ad unum genus referre conantur, nunquam non fallacem admodum & incertam reputavi, quum non possit non confusionem parere. Quapropter & indulgere nequeo pro Sandalò rubrò omnigena ligna rubicunda, & pro sanguine draconis omnigenos succos rubicundos venditare aut habere; & quoniam hoc admittere nolo, jam plures à Dn. hoc exprobrationes audire coactus fui.

Eandem infelicitatem incidebant Scriptores nostri Europæi, qui plantas Indiæ Orientalis & Occidentalis, quas non aliter ac è figurâ & descriptione noscebant, ad hoc vel illud vegetabilium, in Patriâ obvium genus referre sustinebant, quales defectus in Hortò Malabari- cò ostendere valerem. Bauhinus certè ex eadem ratione arborem nostram *Pinang* in Pinace Plantarum Palmis annumerat, & cum quibusdam Palmam Cypriam Theophrasti esse statuit. Sic in Herbario meo Lib. XII. arbores Toley ad Palmam Indicam referre cogebar, quum tamen certus sim & indicia non obscura suppetant, quasdam ex illis peculiare genus constituere.

An aliquid de *Ligno Calambac* à Te obtinere possim, patienti animo expectare cogor. Eò ipse non indigeo, nisi quod fragmentum aliquod ad D. Menzelium transmittere vellem, quod in Aulâ Berolinensi speciminis vicem geret. Mihi optimum *Lignum Agul* facillè sufficit, quod copiosè ex Insula Beliton adfertur. In votis haberem, ut per mercatorem aliquem ramusculum hujus arboris Tibi procurare valerem, ut eundem delineari curares.

*Cocus de Maldivia* seu *Calapa Larvat* difficulter satis obtinebitur, quum audiam Sinenses ubique cavere, ne unguibus illorum subtrahatur: idque non tam in usus Medicos, sed ut tanquam Idolum in ædibus suis venerentur: quapropter ex Occidentali orâ, ubi recens advehitur & ex adjacentibus Insulis obtinetur, inquiratur oportet. *Minor* quoque ejus species habetur, magnitudine



Carina

Nautili Major

fig. 1



Nautilus vulgaris cum figuris in cistis

fig. 3



Nautilus Minor. B. cum sua  
concha C. prout in mari velificat et  
remigat pedas

fig. 2



A







tudine, *Coquingo* vel *Cockinjo* dicta, quam Lusitani Nobis procurare possent.

*Tacca Litorea* revera planta est elegantissima, quam optime descripsisti. Interim rarissimam ejus partem non vidisse mihi videris, scil. caulem fructiferum, viri longitudinem æquantem & Centurionis lanceam mentientem; caveas quæso, ne quicquam è tota plantâ ori inferas, quàm aluminis instar mordeat, & dracuntium quoddam videatur: utut è radice farinam esui aptam parare soleant.

*Tulipam Japonicam*, vulgò sic dictam, neutiquam è Japoniâ proficisci sufficienter per Dn. Directorem & Tuam Nobilitatem sum certior redditus. Habes hîc cepam aliquam, quæ, si in florem se induerit, figuram suam spectandam præbebit. Flos lilio magis quam Tulipæ similis est, nisi quod colorem floris persicorum, aut violaceum, interjectis striis, præ se ferat.

*Lilium Japonicum*, quod vocant, in fluminibus Javanensibus haud infrequens, heûc in hortis quoque alimus, sub nomine Baliensi *Casse Selan*, à priori distinctum.

Descriptio *Arundinis Japonensis* scopo meo apprimè servit, cujus in Herbario convenienti loco, sub Tuo quidè nomine, mentionem facturus sum. Cum Sinensibus tamen prius consultaturus sum, ad quam speciem arundines illæ optimè referendæ sint? quàm hîc in Amboinâ earum 6. vel octo invenerim.

In scatulis supradictis 110. circiter species sunt Concharum, cum rarioribus quibusdam Echiniis marinis, & in superiore earum parte *Stella marina* compressa, sriblitam referens. Sub extractione harum rerum circumspicere est procedendum, ne quid ex illis diffingatur. *Reticulum marinum* Carinæ est immisum, quæ una cum scatulâ & cepâ Tulipæ à Dn. Brouwer è Navi *Pylsweert* offeretur.

Quibus cum salute officiosissima divinæ Te protectioni commendo & æternum perduro

Amboin. Victor.  
15. Maji 1688.

T. T.

RUMPHIUS.

In

SCATULA HAC

seqq. habentur

DN. CLEYERO exhibenda:

NUM. I. *Carina Nautili Majoris* est, quæ concha seu navicula est pisciculi, *Nautilus* dicti. Species est Polypi. Malaijanis *Ruma Goritta*, h. e. Domus Gorittæ, seu Polypi, dicitur. Ger-

mani nostri vocant das Bootgen oder Schifflein.

NUM. II. *Nautilus Minor*, qui minorem magnitudinem retinet, sed ore magis patulo gaudet.

N. III. *Reticulum Marinum*, in duplò. Marinum est elegans, florem aut rosam præ se ferens. Utrumque in Carina Nautili reconditum est, glutine lapideo rupi applicandum.

N. IV. *Echinus Marinus Digitatus*, longus & cortice crasso præditus.

N. V. Octo sunt *Digit. lapidei* (Stein-finger) h. e. spinæ supradicti Echini Marini, è quibus nonnulli aquæ injecti in erecto situ natant, postea verò submerguntur: easdem cum oculis cancri vires habere dicuntur.

N. VI. Alius *Echinus Marinus*, *Vitta Persica*, vulgo *Persianischer Tulband*, dictus.

N. VII. Spinæ seu pedes nonnulli dicti modo Echini, instar acuum majorum, quibus funiculi trahuntur, apparentes, qui successivè incrassescunt.

N. VIII. *Dentes Elephantini*, X. circiter, qui parvi & subvirides Solenes sunt, quodammodo incurvati, ad instar cornuum hircinorum.

N. IX. *Murex Ramosus* (vulgò gezackter Sturmhut) cujus operculum est *Unguis odoratus*, in Officinis *Blatta Byzantina* dictus, basis omnium suffumigiorum, Malaijanis *Unam* audiens.

N. X. *Bija kris*, vulgò Metzkrämer. Raræ sunt ostreae hujus figuræ, quarum paucæ inveniuntur.

N. XI. *Avicula* duæ, altera major, altera minor, raræ etiam conchæ sunt, à figura sic dictæ.

N. XII. *Cardisi*, seu *Corcula*, albicantes sunt conchæ, in medio dehiscences.

N. XIII. *Tellina Virgata*, vulgò Sonnen-Schalen.

N. XIV. *Strombi minores*, vulgò kleine Nüßlein.

N. XV. *Patella* (Sec. Ohr) aliàs *Telinga Maloli* dicta, cujus una eaque oblonga species auri, altera rotunda patinæ inversæ similis est. Alias *Lopas*, Germ. *Klip-Kleber*, dicuntur, quoniam rupibus marinis adhærent.

N. XVI. Raræ adhuc Echini Marini species, *capitula mortua* (Todten-Köpffer) dictæ, cortice admodum tenui præditæ.

N. XVII. *Stella Marina Solida*, *Compressa*, seu *Plana*, Germ. *Pfannkuchen*, in parte inferiori 1000. pedibus instructa, quibus sub aqua in arena progreditur.



DN. ANDREÆ CLEYERI

ad

DN. D. SEBASTIANUM SCHEFFERUM,

Medicum Mœno - Francofurtensem.

P. P.

## Quæstiones propositas,

*An Moxa, à Buschofio Lingua Belgicâ descripta, nihil aliud sit quam Artemisia?  
vel an hac illi falsò substituatur? quod concernit,*

**R**espondeo *Moxam* utique nihil aliud esse quàm *Artemisiam*, quam Japonenses propriè *Moxam* vocant: utut inficiari non possim plures adhuc reperiri herbas eandem virtutem habentes. Artificium in præparatione consistit, quæ huic magis quam alteri cognita est. Communissimè tamen ita paratur: Recipiunt *artemisiam* in umbrâ exsiccatam, cum primis ejus summitates, tundunt, & inter ambas manus conterunt tamdiu, donec nihil quàm fibræ internæ lanuginosæ remaneant, cortice externò decidente. Abhinc carminantur pectine, ita ut qui negotium non conspexit *artemisiam* id esse vix credere possit. Quod si jam de eâ quid scripseris publicè, id me sapius recreabit, siquidem nullus dubito multis in morbis eadem plura præstari posse. Quòd autem Medicus quidam hîc in India Orientali vivens de hîc cauteriò nonnulla quoque, & quidem ea, quæ è meis ad illum transmissis literis desumpsit, in publicum evulgâri, & pro suis ex itinere Japonicò haustis observationibus venditare non dubitaverit, ægrè sanè fero, cum primis quòd haud pauca ab illò efficta illîc contineantur, quæ eandem veritatem præ se ferunt, ac observationes Botanicæ D. Jacobi Breynii Cent. I. Exot. annexæ. Quales quæso observationes in Japonicò itinere possunt colligi, ubi omnes & singuli ceu captivi tractantur, nec unquam è domo egredi possunt? Quòd autem Magni Cæsaris Archiatrum se vocet, risum meretur, cum Eundem nunquam oculis usurpârît, imò contra Leges Imperiî sit Christiani medicamenti uti.

Brevi Tractatum quendam de Methodo Sinenfium, quâ omnes morbos eorumque causas è Pulsu, mediante sanguinis circulatione (quæ ultra 1000. annos illis fundamenti loco fuit) eruere & dignoscere satagunt, edicturus sum,

qui hætenus à D. ten Rhyne ejusque mancipiis Amstelredami suppressus fuit, unde eundem Acad. Nat. Cur. transmittere volebam.

Addo his aliquem Concharum numerum, quas tanti non facio, cum magis recreationi & delectationi quam bono publico inserviant. Interim Natura tot illîc coloribus ludit, quot in floribus unquam observari possunt. Aliàs singularis quædam species mihi cognita est, quæ ab hujus rei ignaris alioquin vilipenditur & hanc virtutem obtinet, ut, si mari extrahatur & animalculo, quod continet, parum moschi addatur, id statim emoriatur & hoc ipsum umbilico mulieris ischuria laborantis applicatum ægram extemplò in integrum restituat. De hoc autem argumentò D. Georg. Eberhardus Rumphius, Hanoviensis, & in Amboinâ, ubi sedem fixam habet, à continuâ concharum inspectione in ripâ maris excœcatus, prolixam Historiam evulgabit, qui alium adhuc librum 400. capitibus absolvendum sub manu habet, quem Principi Arausionensi dedicaturus est.

Non exiguâ admiratione me perfudit, quod Celeberrimus D. Simon Pauli in Tr. suo de usu & abusu Tabaci & herbæ Thée posterioris folia cum Myrtho Brabanticâ contulerit & assimilaverit, cum non tam herba, quàm frutex sit, spinis accensendus, cujus in Japonia tantam inveniri copiam, ut integri campi agrique, certo tamen ordine dispositi, eò fuerint obfiti. Equidem non diffiteor me antehâc ipsum in ea fuisse opinione plantam hanc in Europâ quoque reperiri: ast alia nunc sententia mihi hæret, quàm suas cuilibet regioni proprias esse plantas observem. Sanctè testari possum in Japoniâ Rosas Provinciales, seu Centifolia, tam coloris intensè rubicundi, quam albicantes, in excelsis arboribus, etiam medio Januarii, urgente adhuc frigore, obser-



observavi, utut odore prorsus destitutæ sint. Sic & lilia varia in fruticibus lignosis florere vidi, prout Pœonia flore pleno arbores quoque exornat. Nil dicam de cerasis media sub hyeme florentibus, sed fructus non ferentibus, quæ Europæi prorsus incognita sunt. Videas hîc lacertos catosque sylvestres volantes, vespertilio-nes monocerotes elegantissimè coloratos: pisces elegantium colorum pictura superbos, quæ alibi nunquam observantur.

Quod de cæterò discrimen inter *Cinamomum* & *Cassiam Ligneam*, à Dn. Præside desideratum, attinet, certum est Cinamomum nuspiam quàm in Insula Ceylon inveniri: Cassia lignea verò pluribus Insulis, eaque diversæ speciei, familiaris est; quamvis aliqua hîc species occurrat, quæ Cinamomo bonitate minus cedit, simulque oleum quoddam destillatum subministrat, cum oleo Cinamomi destill. tamen nec quoad odorem, nec quoad saporem comparandum. Hæc ab Incolis pro Cinamomo sylvestri habetur. Aliàs & è radice arboris Cinamomi genuini fragrantissimam quandam *Camphora* speciem elicere valent, vulgari quidem meliorem, sed cum illa quæ ex Insulâ Borneo adfertur non comparandam. Nî fallor Dn. Paulus Hermannus aroma hoc mox fusiùs describet, qui omnia propriis hausit oculis, dum in Ceylon diu vixit idemque furnis suis Chymicis satis superque examinavit: quapropter & à Principe Arausionensi Professor in Acad. Lugdunenfi Batavorum designatus fuit. Quæcunque verò in Laboratorio Ceylonico de Cinamomo leguntur, infida manus partim Dn. Hermannò exscripsit, partim è Glaubero addidit, illique juncta farrago observationum ejusdem ponderis & valoris est: cui fortè Joh. Otto Helwigius (meus, si Diis placet, Laborator Chymicus) Latinitatem suam, pro mercede debitor, mutuò dedit, cum Autor in illa pauca didicerit. Interim homunciones ejusmodi pro Luminibus Medicorum habentur & à Comitibus Palatinis in Doctores creantur, quod illorum conscientia relinquendum est.

*Liquorem Lithonripticum*, cujus meministi, rem optimam esse duco. An autem nephritici & calculosi inde plenariè convalescant, valde adhuc dubito. Posito in Galliâ, præsentibus etiam Magnatibus, experimentum eò institutum fuisse, dubium tamen, an calculos æque in corpore vivo, ac extra illud aggrediatur, cum variis alterationibus sit obnoxius, antequam

ad partem affectam deferatur. Quòd autem solvens hoc è ludô Helmontii in liquore & dissoluto paratus sit, ut multi suspicantur, negare pariter non auserim, cum descriptioni Autoris adeò similis sit, ut ovum ovo; utut *Ludum* nunquam viderim, nec ad hunc Brabantia locum devenerim. *Borracem* equidem in Regno Magni Mogol, ut & φ. in Bengalâ reperibile illi assimilari posse judico: certum tamen est, omnia illa, quæ à calculo præservare debent, ex herbis & animalibus desumenda esse. Unde ~ è vitulo aut capro, nondum in lucem edito, destillatum laudat, cui tamen ~ □ non cedit.

Præviâ curiosâ inquisitione relationi Japonensium de fructu *Ananas*, à Garziâ & Pisonè descripto, adversari non possum, quòd scilicet calculum validè pellat, adeò, ut, nî cautè adhibeatur, calculo majore existente, vita periclitetur. Usus ejus ita se habet: Fructus bene maturus decorticatur, in taleolas secatur & in vitro Anglico ahenò aquâ pleno immittitur, ut à substratò igne succus sponte sua exsudet, sicque per coctionem magis matureseat, cum succus hic aliquid corrosivi in se habeat, quod per calorem corrigitur. Succus hic, qui dulcis admodum gratique saporis est, sæpius usurpatur; quemadmodum fructus ipse in taleolas concisus, cum sale & vino Hispanico comeditur, qui fragorum saporem habet. Aliàs me in Cardano legisse recordor, virum quendam calculum renum & vesicæ perfectè curare valuisse, sed artem hanc cum illo tumultatam fuisse.

De *Alchymia* hoc assero: metalla per menstrua convenientia solvi & debito Δ gradu ita maturari posse, ut sulphur vilius in nobilius exaltetur, & consequenter nullum è vilioribus metallum in nobilius transmutari posse, nisi dispositionem quandam & aptitudinem habeat, ut cum sulphure illò combinetur. Ast hîc Rhodus, hîc saltus. Interim speculationem hanc nunquam ad praxin deduxi, quia totum hominem requirit & tandem nil nisi paupertatem & mille phantasmata relinquit.

Globulorum vitreorum, quibus Consul V. Hudde loco Microscopiorum utitur, inventionem quandam expecto. In Japonia nulla ejus rei vestigia occurrunt, quùm Incolis ejus Ars vitraria incognita sit. *Specula* interim *Metallica* illis haud incognita sunt, quoniam vix aliis utuntur. Plana autem & adeò lævia sunt ut vitrea. Carbonibus Europæos imitati sunt &c. &c. Vale

T. T.

ANDREAS CLEYER.



## EXTRACTA

è literis DN. CORNELII SPIELMANNI,

Præluſtris &amp; Bellicoſi Ducis Belgarum in India Orientali,

ad

DN. CHRISTIANUM MENZELIUM  
Archiatrum Brandeb.

DE

*Telis deleterio veneno infectis in Macassar & aliis regionibus Insula Celebes.*

P. P.

DE Regulis in Macassar victis notatu dignum est, quod referunt de ligno, ex quo eorum fiunt tela, & de veneno deleterio, quod tela inficiunt. Illud venit ipsis ex Passir, hoc verò ex Kute, remotiore à littore maris terrâ. Reguli in Macassar ob avitam consanguinitatem sese vel juramento obstrinxerant nemini de telis aut venenis aliquid exhibituros, nisi solis in Macassar Primatibus. Venenum istud inter se multum differt ratione virium, vel remissionum, vel intensiorum, vel maximarum. Selectissimum venenum multo præsentius est quam id, quod Macassarii in Insulâ Celebes à monticulis Loradiæ accipiunt: non ideò, quod apud Macassarios id tantarum virium, non reperiatur, sed quod juxta multorum opinionem Loradienses selectissimum secum retineant. Præterea pauci inter Macassarios & Bugios sunt, qui veram seligendi veneni cognitionem habent, ut vilius à præstantiore distinguere possint. Ex nostris Regulis in hac cognitione excellentiores percepi esse Regulum ex Soping, Regulum ex Lometa inter Macassarios, Cruron, Crain, Pospo & Dayenriolo, & duos Regulos ex Goa, qui id administrant.

Conservatur venenum plurimum calore mediocri, cum nimius calor noceat, nimium verò frigus multò damnosius sit, propterea ut conservetur decies velamine circumligatur, ac die quolibet rursus linteamina auferuntur, capsula mundificantur, renovantur, & venenum, ut prius, velaminibus circumdatis optimè custoditur. Ex Regulis intellexi, quod terra, in quâ arbores crescunt, ex quibus venenum extrahitur, magnò circumcirca spatio nec gramen nec quodvis vegetabile ferat, & quod venenum propriè sit aqua, sive liquor, qui promanat ex latione vel sectione, quæ fit in cortice illarum arborum, quemadmodum lac emanat, collectum ex vegetabilibus vel arboribus lactescentibus: verum liquor hic est

fusci, sive obscurè rubri coloris. Liqueor cum subsidet, obrigescit in lapideam quandam duritiem, servato eodem colore. Cum liqueor cortice arboris sauciato excipitur, neminem facile appropinquare oportet ad arborem, quod manibus liquorem attingat, quoniam tactu liqueoris omnes artus rigidi redduntur & contrahuntur; propterea collectores longiores arundines ex Bambusiis habent, quibus præfigunt ex ferrò cuspides acutissimos: his summâ vi cortices vulnerant, dissolvunt, & ita liquorem in arundines emanare permittunt, in quibus is collectus simul indureſcit. Collectum ita ab incolis venenum defertur ad Regulos formâ granorum, vel globulorum, nunc minorum, nunc majorum. In Macassar, cum particula ista separantur & eliguntur, omnes unius valoris, vel earundem virium, colliguntur & in unam massam conduntur. In hac massâ solò visu excellentiam veneni non possunt distinguere, sed cum massas induratas radunt & rasuras aquâ subigunt, possunt, id secernere. Experientiores hujus rei mittunt saltem massas istas in aquam & ex aquæ ebullitione vel altiore, vel remissione, vires veneni statim videre & distinguere possunt. Cum id ad usum præparatur, & cuspidibus telorum, quæ ut plurimum parantur ex dentibus Lamiarum piscium, illinitur, tunc abradunt aliquid ex massis, quod aquâ subactum in glutinosam abit consistentiam, ut telis illiniri possit; verum isti aquæ prius admiscetur herba quædam, Malajis dicta Lampogang, Macassariis Laypaya, quod idem sonat ac zingiber amarum, eò quod planta formam externam zingiberis, sed locò acrimoniæ zingiberinæ amaritiem obtineat. Aqua igitur ista, cum ab hac plantâ fuit reddita amara, atque aliquam glutinositatem acquisivit, per linteum colatur, ac hac mixturâ telum quodvis illinitur, & in pharetris suis & arundinibus è Bambusiis exactè clausis ab



sis ab injuriâ aëris custoditur. Tela ita toxicô preparata per biennium durare possunt viribus suis integris. Sunt quæ saltem per unum aut alterum mensem vires servant. Aliquando tota massa venenosa, nisi optimè servetur, corrumpi & viribus orbari potest.

Cùm venenum subigitur, aqua validissimè commovetur, præsertim cum venenum est præstans. Etsi autem hæc operatio manibus fieri possit, tanquam res innoxia, nihilominus cum toxicum summum sic tractatur, sentitur calor aliquis in corpore. Nam licet à Macassarîis & Bougiis multa alexipharmaca contra hoc venenum adhibeantur, sicuti pluries vidimus, etiam vulgatum remedium ab excrementis humanis sumptum: tamen ea omnia nihil efficiunt contra validissimum veneni genus, quod sine mora operatur mor-

tem, simulac in corpus humanum pertingit; & (ut multi referunt) licet aliquis quodam alexipharmacô toxicam veneni vim & subitanam mortem effugerit, tamen post unum, duos, aut tres annos eum, qui telô istô fauciatu fuit, ex eo mori oportet. Insuper periculum maximum subeunt qui cum mulieribus sese miscent ac conversantur, fungosque & tubera terræ comedunt, antea læsi hoc veneno: his enim certa inde mors. Tantum de his venenis & venenatis telis.

## SCHOLIUM.

Idem enarrat Dominus *Johann Jacob Saar* Norimbergensis, in suo *hodaporico militari Anno 46. p. m. 38.*

[ARGONAUTA]

Vid. *Miscellanea S. R. I. Acad. Nat. Cur. Dec. 2. A. 3. Obs. 48. pag. 230.*

# DESCRIPTIONES ET RELATIONES JURATÆ

DE

## VARIIS REBUS NATURALIBUS INDIÆ ORIENTALI FAMILIARIBUS.

## XVI.

## DESCRIPTIO

## ARBORIS ARTOPHORÆ, seu SAGU-FERÆ.

**A**Rbor hæc fruticis formam & magnitudinem primum habet, diuque retinet, adinstar plantæ, quæ excelsos & rectâ superiora versus erectos ramos, in parte inferiore junctos & 20. pedes longos, emittit. Rami hi virides sunt & herbosæ substantiæ, intus, ut Cinamomum, excavati & extus læves ac rotundi, nisi quòd in parte inferiore longis, gracilibus & pungentibus spinis armati sint, qui per quasdam series juxta se invicem dispositi ad instar acum apparent, ita ut spina in medietate locata nunquam non longissima sit. Folia, ut in Calappa arbore, ad utrumque ramorum latus sunt disposita, parumper quoque complicata, longiora tamen, latiora & tenuiora, in margine multis, sed mollibus, spinulis cincta. Folia hæc nunquam sursum versus in ramis se inflectunt, sicut econtra folia in adultâ Calappa arbore deorsum semper pendula spectantur, quò binæ hæ arbores etiam minus distingui possunt. Infra hic frutex truncum constituit, tantâ ut plurimum crassitie, quâ

erumpere solet, idque citò, ac si moram antecedentem celeritate compensare vellet: ubi simul priores ramos dejicit, à quibus in superiore trunci parte vestigia quædam formantur & relinquuntur.

Caudex hic & truncus communissime 25. ad 30. pedes altus & tam crassus est, ut à viro quodam vix integer comprehendi possit. Cortex lævior & magis glaber est, quam in arbore Calappa, articulis carens. Trunco ad 2. hominum longitudinem delato nullis amplius spinis est prædita arbor, nisi in superiori ambitu, circa basin ramorum, quæ successivè pariter decidunt. Quin & ipsi rami, ex arbore jam adultâ erumpentes, spinis sunt destituti, sed in radice seu inferiore parte tantum vestigia quædam spinosarum serierum observantur, quæ senescentia seu inveterata subfusco colore gaudent & ob lævitiem splendent: intus ubique sicca, levi & fungosâ substantiâ repletis ramis. Caudex, quamdiu adhuc crescit, circa radicem plures surculos



spinosos habet, qui eandem ita muniunt undique & cingunt, ut nusquam sine damno ad eandem pervenire liceat, idque tamdiu, donec truncus ad illam proceritatem & duritiem evehatur, ut nullum amplius detrimentum ab apris illi inferatur, qui arborem hanc aliàs prorsus comminuere & corrumpere valerent, ut medullæ interioris participes redderentur, nî ab externis hisce spinis defenderentur. Inde est, quod sylvæ nonnisi ægerrimè & maximâ cum cautelâ permeari possint, cum spinæ hæ prolixæ facilimè pedibus infixæ abtumpantur & non sine maximò dolore per suppurationem præviam extrahantur: quamvis Indorum cutes asperæ & duræ easdem sæpius eludant. Lignum extimum, seu potius cortex, duorum digitorum crassitiem habet, nec duritiem nec colorem arboris Sagueriæ habens, sed albicans & ut plurimum è fibris crassioribus conflatum, cujus anterior cavitas intus candicante, humida & fungosâ medullâ repleta est, quæ sapientissimi Creatoris providentiâ incolis his loco oryzae aliorumque frumentorum, pinsendo inde pani destinatum, inservit, ut infra pluribus dicetur.

Quamdiu arbor hæc crescit, tamdiu nullos fructus fert, qui tum demum se trudent, si adolevit & consenuit. Interim tempus hoc non expectant incolæ, quum arbor jam fructus ferens omnium optimam proprietatem, scil. aptitudinem ad farinam inde parandam, amittat, quia medulla interior tum maximâ ex parte in fibras crassiores immutatur. Quod si verò ad plenariam senectutem pervenerit, in parte ramorum superiori, & q. exactè in medietate, crassum prorsus caulem seu cornu, strobilo palmarum fere simile, longius tamen, prodire videmus, quod in 8. vel 10. surculos laterales & hi rursus in ramusculos transversales se dividunt. Quilibet è ramis majoribus cornu acuminato similis est, totaque corona ad instar lapidis corallini, unde calx paratur, aut instar candelæ plurimis fistulis instructæ, apparet.

Caulibus antedictis fructus arboris adherent, qui nodi sunt eleganter squamati, fructibus arundinis similes, magnitudine ovi mediocris, in ambobus tamen apicibus compressi, eboris instar splendescentes, coloris pallido-flavescentis aut fusci, quorum cortex exterior è simplicibus & qs. tessellatis squamis, minus tamen sejunctis, sed penitus conjunctis & unum corticem absolventibus, constat, qui faciliè in frusta comminuitur. Tessellæ eleganti ordine sunt dispositæ & κατὰ χiasmὸν qs. permixtæ. Hoc in cortice nucleus rotundus, instar globuli sclopetarii, continetur, qui in semi-maturis fructibus mollis est & jamjam esui aptus, utut adstringentis adhuc saporis. Fructu verò ad maturitatem delato omnino nigrescit & sic induratur, ut dentibus confringi nequeat, utut in terrâ radices agat & si decidat propullulet: quod ipsum tamen rarum est, cum porcelli sylve-

stres, antequam radices agat, eundem auferant.

Radix è fibris tenuibus conflatur, ut in arbore Calappa, quodammodo tamen crassioribus, quæ sub ipsâ terrâ rependò hinc inde novas plantas trudent.

Hæc arbor *Sagu* (in tractibus his Orientalibus eò plerumque nomine veniens, in Ternata autem *Hudo*, in Amboinâ *Lappia*, & panis inde paratus *Sagu-marucca*, farina *Sagu-manta* dicta) in omnibus Insulis Moluccis, in Celebes, Javâ, Borneò, usque ad Zohor reperitur, non tamen ubivis ad pinsendum panem adhibetur, sive quod nesciant modum præparandi, sive quòd illò non indigeant. Maxima ejus copia in Insulâ Coram reperitur, ubi sylvæ integræ vastaque deserta illis repleta inveniuntur, unde annuatim maxima quantitas panis *Sagu* in alias regiones transmittitur.

Fundum amat humidum & aquosum, ubi sæpissimè ultra gœnia in uliginem incidunt. Interim & in arenosis locis reperitur, dummodo humiditate quadam gaudeant. Hæc de causâ nulla sylvula Saguferæ tam exigua est, quæ non unâ aut alterâ scaturigine gaudeat. In summitate montium lætè non succrescit, nisi loca quædam uliginosa illuc occurrant, aliis simul fruticibus aut arbutis cincta. Quò altior autem locus est, eò purior & siccior arbor servari potest, quæ farinam tum meliorem suppediat, quàm alia minus pura.

Transplantatur arbor hæc non tantum per fructus, sed etiam sæpissimè per radicis surculos juniores, qui in aliorum haud rarò fundum & patrimonium serpunt, quorum intuitu sylvæ illæ difficulter eradicari possunt, quamdiu veterum arborum radices in solo relinquuntur. Recentes etiam surculi effodi & transplantari possunt, qui recentes & pallido-fusca folia habent. Sylvæ aut campi, arboribus his repleti, *Lontar* audiunt, obscuro admodum & ob plurimas spinas difficulter permeabiles. Ingruentibus verò inundationibus integri tractus, cum arboribus & omnibus illis contentis, diffluunt, quoniam fundum spongiosum habent: talesque soli alluviones quandoque instar parvarum Insularum mari innatant.

Quatuor vulgò Species, seu potius totidem mutationes Arboris Saguferæ enumerantur, quæ juxta externum intuitum sibi quam similes sunt, & tantum spinis distinguuntur.

Prima Species linguâ Ambonicâ *Lappia Tunni*, h. e. sincera *Sagu*, dicitur, quæ optima non minus quam communissima ad parandam farinam est: spinas habens mediocres, sed medullâ statim ad corruptionem inclinante, si fructus imminet. Hæc species majori frequentia plantatur & alitur. Fructus ejus maximus est, oblongus, pallidè-fuscus, nec gravis, cujus nucleum interiorem crudè comedere licet, quamvis adstringentem admodum qualitatem habeat.

Secun-



Secunda Species *Lappia Ybur* vel *Ybul* dicitur. Hæc altissimum truncum habet, compactior & pluribus reliquis spinis obsita est, quæ tamen quodammodò breviores sunt quam antecedentes. Medulla interior durior est & hinc majore ad farinam eliciendam labore indiget. Hi fructus quoque rotundiores, minores & duriores sunt, magisque ad flavum, quam fuscum colorem tendunt. Nucleum habet durum, dentibus non confringendum, si inveterascit, cavitatem quadam gaudentem, quâ filis traductis in series formari valet. Hæc species ut plurimum in Coram reperitur, cujus medulla tam faciliè non corrumpitur, si fructus erumpunt.

Tertia Species, *Lappia Maccanan* seu *Maccanalo* dicta, paucas sed prolixas admodum spinas habet, cujus folia eandem cum priori longitudinem habent, utut tenuiora, angustiora & corrugatoria sint magisque fragilia, unde ad *Ala* parandum tam apta nata non sunt; hujus enim medulla tantum farinæ non suppeditat quam sincera, non tamen æquè faciliè corrumpitur erumpente fructu, qui longè minor est, quam in prioribus, globulum sc. sclopetarium gregariorum æquans, ante & retrò quodammodò compressus, coloris fusci pallidioris, quàm priores.

Quarta Species *Lappia-molat* seu *Molo* spinis caret, foliis in rigidum longumque acumen desinentibus: farinam mollissimam & humidissimam suppeditans, quæ maximam ad partem celebribus pulmentis, *Pappeda* dictis, inde parandis inservit, pani durabili pinfendo minus apta.

Uusus hujus arboris omnibus Insularum harum Orientalium adeò necessarius, proficuum & familiaris est, ut Calappa arbor & Lontar Occidentalibus Indiæ tractibus, non tantum ad panem, sed & alia in re œconomica necessaria inde paranda.

Panis ut inde parari possit, ante omnia notæ quædam & indicia maturitatis in arbore observanda sunt, ad tempus legitimum, quò cædi debet, distinguendum. Indiciis illis apparentibus, (quæ inde elucescunt, si summitates ramorum, quasi farinâ conspersæ, albicant) arbori diutius parcendum non est, sed prope radicem statim cædenda, dividendo truncum in diversas portiones, 5. vel 6. pedes longas, hæcque rursus in duo fragmenta separando; quamvis nonnulli truncum, si non adeò longus est, integrum relinquant, aut in duas tantum partes dividant, secundum longitudinem findendo. Abhinc Indi divaricatis per transversum pedibus, ut equites solent, fragmento insidentes tuditem (nani dictum) ex arundine, aut aliâ compacta materia confectum, illi sæpius impingendo, albicantem & fibrosam arboris medullam tam minutim incidere norunt, ut primæ farinæ, in molendinis per setacum seu bursam trajectæ, si-

milis appareat. Ex hac incisurâ genuina farina abhinc ita paratur: Macstram, 4. aut 6. pedibus seu fulcris insidentem & ex cortice crassiore arboris Saguferæ, Corurong dicto, paratam, aquæ superimponunt, cujus latiori partibursam, Runuk dictam & è Calappa arbore paratam, ita applicant, ut pars superior colligata tenaci & inflexo baculo, quali Torniones in machina tornatoriâ utuntur, firmiter alligetur. Quòd si jam medulla incisa macstræ huic immittitur aquave affunditur, eandem manibus fortiter agitant & pinsunt, unde farina tandem per sacculum seu bursam insutumque canaliculum in suppositum receptaculum seu amphoram, aquâ plenam, illabitur, inibique fundum petit, quâ si amphora semiplena est, aqua decantatur & farina eximitur. Agitatio hæc tamdiu continuatur, usquedum nulla amplius farina cum aquâ prodeat. Desuper regurgitans rubicunda farina Sagu crassiori grossiorique farinæ similagineæ similis, quam *Elia* vocant, in acervum conjicitur & vel apris, vel iis, qui eandem domum deportare voluerint, ad saginandos porcos relinquitur. Farina autem, *Sagu-manta* dicta, in corbis aut ollis figulinis per integrum mensem incorrupta servari potest.

Ad formandos panes certæ formæ è terrâ coctæ adhibentur, Malaijanis *Battu-Papondi*, h. e. lapides tetracapsulares, dicti, quadrangulares, manus longitudinem habentes, vel quodammodò breviores, utrinque in 4. vel 6. cavitates s. capsulas distincti, è quibus unaquævis digitum longa est. His in formis, primum calefactis, ex infusâ farina Sagu statim panes exsurgunt, qui abhinc eximuntur aliaque farina immittitur. Panes hi diversæ sunt magnitudinis & figuræ, omnes tamen quadrangulares: quamvis unaquævis Insula fere propriam sibi figuram habeat. Placentæ hæc vulgares in Amboinâ dimidium circiter pedem longæ, 3. l. 4. digitos latæ, albicantes & friabiles sunt. In Coram nonnullæ oblongæ, nonnullæ quadratæ & ita duræ sunt, ut lapides coctiles, angulis & extremitatibus micantibus & qf. vitriatis. Optimæ in Insulis Uliassenensibus parantur, quæ manus latitudinem habent & quadratæ sunt, teneræ & rubicundæ, sed majori, quam vulgares, labore parandæ. Sagu-manta sc. omninò recens requiritur, quæ per 3. aut 4. dies in aëre siccatur & cum foliis Pisang obtegatur. Abhinc farina ter vel 4. per saccum trajicienda & deinde coquenda est. Per hanc exsiccationem Sagu-manta rutilascentem colorem nanciscitur, panesque egregii fiunt, nostro pani recenti, quamdiu recentes, molliusculi & bene parati sunt, plus minus similes; quamprimum verò per aliquot dies asservantur, lapidis duritiem acquirunt & qf. vitrescunt, cum primis si per coctionem nimiam indurescant, utut jusculo immissi denuo molliores reddantur. Quod si



verò panes hi, Sagu-marucca dicti, ex antiqua Sagu-mantâ parentur, aut hæc in aqua palustri pinsetur, nec antea legitimè exsiccata, cribrata aut per setaceum trajecta fuerit, panes albi & pallefcentes, sapore acidi, odore rancidi & mucilaginosi remanent. Decem horum panum, mediocris magnitudinis, si colliguntur, *Sa-Tacko* vocantur, quum plerumque decem cavitates ejusdem magnitudinis in unâ habeantur formâ. De Sagu minoribus 20. ad 50. plus minus Tacko constituunt. Coramenses eosdem, dum adhuc recentes sunt, filo ex arundine facto pertundunt, quemvis fasciculum s. Tacko conjungunt venumque exponunt.

Alias si curatè inquirere velimus an Arbor Sagu-fera matura sit nec ne ad farinam suppeditandam? terebrâ majori ad intimum medullium s. cor foramen efficitur, & aliquantum medullæ extrahitur, quæ si aquæ injecta multum farinæ demittit, pro signo maturitatis habetur. Alii crenam & vulnus profundum infligunt, ut aliquid medullæ obtineant, quod tenacitamen terrâ statim est obturandum, aliâs massa quædam viscida effluet, instar Pappedæ, quo facto arbor mox emoritur.

Quod si propterea arborem quandam Sagu-feram corrumpere velimus, profunda in trunco incisura fiat, unde intra 3. & 4. dies omnis, ut modò dictum est, arboris succus, instar viscosæ Pappedæ, effluit ipsaque medulla exsiccatur. Interim incolæ tale vulnus arboris manipulo tenacis & argillaceæ terræ curare nôrunt, si ejus tempestivè certiores reddantur. Hinc postmodum mos obtinuit, quo arborem circumcirca incidunt & secundum longitudinem divi-

dunt, ut interior medulla per radios Solares & pluviam cò facilius corrumpatur. Hic unus è laboriosissimis & durissimis fuit laboribus, quos milites nostri Batavi tempore belli Ambonici sustinere coacti sunt, dum sylvas has uliginosas & Sagu-feras perpendo à spinis in pedibus vulnerati aut paralyfi affecti fuerunt.

In scripto quodam Ambonico-Malaijano legi, quod, antequam arbores hæc contundant, Antecessoribus suis demortuis sacrificare teneantur, ut plantationes eorum custodiant & adaugeant. Si enim probam illarum curam habeant, in tertiam & quartam generationem durant.

Alioquin *Iß*, & quod post farinam excussam remanet, in Medicina contra vulnera, cultro seu Parang inflicta, adhibetur.

*Pappeda* è farina hæc parata nihil aliud quam puls est, ægris & infantibus, cum primis autem decrepitis & edentulis, dicata. Hanc deglutientes dicere feruntur: ô saporem nectarinum, lactis ex uberibus maternis fluentis dulcori similè!

Cortex arboris foco in culinis: spinæ pectinibus conficiendis aptæ sunt. Quid quod & arma sagittasque è cortice conficiant, quarum extremitati spinas accommodant.

E foliis fila & linteamina pro viris & mulieribus conficiunt, ut & funes. Folia inveterata pro Atap. seu rectis domuum adhibentur.

*Gabba Gabba*, seu rami decidui, ad conficienda sedilia, scamna, tabulas aliaque utensilia paranda inserviunt.

Paucis: omnes circa Amboinam, usque ad Seran Insulam, arborem hanc, totam Amboinam cibantem, præ omnibus aliis arboribus extollunt.

\*\*\*\*\*

## XVII.

DE

# ARBORE GOMONTO

seu

## SAGUWERIFERA.

**A**rbor hæc optima est pro incolis Amboniæ usque ad regionem Seram, dum eandem haud aliter ac alii arborem saguiferam tractant, tundunt & contundunt, nec tantum panem seu Sagu inde obtinent, sed & potum, scil. *Saguvveer* & *Arak*, imò & *Saccharum*.

Antequam verò potum hunc inde colligant, plures prius arundines potu Saguveer repletas de arbore suspendunt, nec prius inde auferunt, quam Gous-cous, h. e. aprum, perfosserint, quocum plura adhuc ciborum genera adferunt omniaque sub arbore coquunt. Abhinc potum Saguveer depromunt, diabolum illuc adorant, petentes ab eò, ut arbores abundanter & copio-

sè fluant, quò non tantum potum suum, sed & *Arak* & *Saccharum* inde obtinere valeant.

Fibræ hujus arboris funibus inde torquendis inserviunt, pro retibus restibusque ancoris alligandis, aliisque, quæ longè durabiliora sunt, quàm alia ex arundine seu rottang parata.

E spinis sapius tela & pectines conficiunt, imò easdem, ceu murices & tribulos, terræ inferunt, ut hostes sic arceant.

Ramis & foliis pisces capiunt.

Alioquin multos admodum fructus plurimaque semina fert, aliquot granorum myriadibus in Mahang illorum latitantibus.

XVIII.







*Rainus Arboris Caryophyllorum*



*Fructus vel semen Caryophylli officinis Antophyllum, integrum & excorticatum*



*Caryophylla Regia in Machian Regno olim nata jam nullibi existentia coloris ruffi.*



*Caryophylla Regia Ambonica hodie supersticia*





XVIII.

DE

ARBORE CALAPA.

**A**Rbor *Calapa* nullo non tempore plantari potest, tempestate non minus sicca, quam humidâ, sive prope aquas, sive in fundo saxoso, cum succus & aqua ex illa non aliter emanet, acsi lac ex uberibus præbeatur.

Elapsô decenniô aut duodecenniô fructus ferre incipit, & dum Majang projicit, potum inde eliciunt, è quo saccharum & Arak coquere valent; quemadmodum & acetum inde parant; imò & fructus ejus aquam dulcem in se continent.

In arbore *Calapa* juniore Boubier habetur, cibus pro infantibus egregius.

E fructu oleum coctione parant contra ambusta, quod & aptum est, in quô pisces coquantur, loco butyri. Quodsi autem fructus inveteratus sit, medullam ejus comedunt.

E cortice funes: è trunco sellas aliaque utensilia parant, ut adeoque & hæc arbor pluribus usibus inserviat.

XIX.

DE

ARBORE CANARIA.

**A**Rbor *Canarys* dicta decimo post plantationem suam anno fructus edit, & quidem semel in annô.

Nucleus in Fructu esui aptus diuque durabilis est. Interim & oleum inde parant. Cortex

nucleum ambiens ad carbones, Aurificibus destinatos, cremandos inservit.

Ex lignô congios, amphoras aliaque parant, & pro alendo igne idem adhibent.

XX.

RELATIO

DE

MESSE CINAMOMI

CAPUT I.

DE

COLLECTORIBUS, ET GLUBITORIBUS  
CINAMOMI, EORUMQUE  
GENERIBUS.

**G**lubitores Cinamomi, Batavis *Caneel-Schillers* dicti, communia cum aliis naturalistis in Ceilon jura non habent, ut prædia sua pro lubitu divendere valeant, sed hæc tantum bona colonaria, aut qs. emphyteutica sunt, ejus

generis & naturæ, ut usus seu dominium utile iis & posteris illorum tantum concedatur, nec aliter cum iisdem agere & disponere liceat, quum emptio & venditio illorum invalida & sub poenâ gravissima prohibita sit.

Diver-



Diversa illorum Genera & Familiæ reperiuntur, è vilibus tamen & contemptui ferè habitis hominibus, ut Paireri in ipsa regione sunt, constantia. Interim adhuc discrimen, tam ratione gradus, quam aliarum circumstantiarum, inter illos observatur, & in præsentem usque horam adhuc incertum est, quot genera Glubitorum horum reperiantur, unde oriantur & in quibus à se invicem distinguantur.

Hoc asserere possum, Glubitorum genus, quod generali nomine *Tsiálias*, vel ut nostrates scribunt, *Chialias* venit, peculiarem, ut nonnulli adstruunt, nationem constituere.

Illi, qui circa Negombo degunt, habitacula sua sub castro ejus loci stabiliunt & ad unum omnes Præfecto (*Modeliaar* dicto) de Negombo, qui Indigena est, multumque valet, adeò ut ab hominibus hisce timeatur & honoretur admodum, subjecti sunt.

Vestitus illorum, tam virorum, quam mulierum, vilis & abjectus est, cum omnes, quæ caput, thoracem & pedes, nudi incedant & tantum abdomini leve quoddam amiculum circumvolvant, nisi quod viri aliud adhuc palliolum, quò virilia tegunt, induant, quod ad instar piscatorum in Paliacatto resti ex bombace parato, crassitie vix calamum scriptorium æquante, applicant, eoque abdomen ita cingunt, ut nodus in parte anteriori observetur. Alii in superiori parte instar suppari aut præcinctorii oram formant & funiculum per hunc trajiciunt, ut pro lubitu mox largius, mox angustius reddere valeant.

Amiculum non tam texendo, quam acutum factum est, qualia in Colombo publicè in foro venum exponuntur, coloris cœruleo-fusci vel albi, pro differentia eorum, quibus illa induere integrum est.

Induendo illud in parte corporis anteriori, ad instar præcinctorii, funiculo annexo colligant, aut vinculo subingerendo firmant, ne delabatur: abhinc per utrumque crus reflectendo ligamento denuò inferunt.

Huic postmodum viri aliud amiculum è bassâ cœrulea aut simili panno, Præcipuis ex illis tantum dicato, superingerunt: vilioribus è contra vestimenta è scabro dongrys parantibus.

Sequioris sexus personæ capillis partim de capite pendentibus incedunt, quos neutiquam colligare solent. Thoracem mammillas-

que, communissime largè dependentes, ut & pedes nudando, cum vestitus illarum à thorace ad genua simpliciter propendat, absque alio tegumento. Sedendo autem illum inter crura recondendo & circumvolvendo muliebria abscondunt.

Infantes ad 4. vel quintum annum prorsus nudi oberrant: abhinc vinculo exiguo medieta-tem corporis cingentes, addito folio latiori, ad regenda reliqua membra.

Quamvis autem Glubitores illi domicilia sub castris habeant, hoc tamen non obstante hinc inde in sylvâ *Jambos*, *Jaacas*, imò & *Nathianos*, lingua Cingalensi *Krakan* vocatos, plantare solent, quorum cura à foeminis agitur, quæ arbores crassissimas conscendunt, ne ab elephantis corripiantur, si hos conspexerint. Quid quod hæc de causâ domunculos, ex asseribus Pinang, arboribus inaedificent, in quibus secure dormiunt, tecto contra rorem & pluviam muniti: licet homines hi ut plurimum prope castrum permaneant facileque parvulorum tympanorum, sonò colligi & convocari possint.

E bulbis *Nathiani* quandam panis speciem efformant, quam comedunt, utentes simul alio edulii genere, è nucleis *Jaacarum* parato, quos è sylvis adferunt, in quibus arbores hæ quoque sponte proveniunt omnibusque communes sunt.

Tractus, quem Chialias inhabitant, Mahbades dicitur, ambiens maximâ ex parte seqq. pagos: Billitot, Cosgure, Acanelo, Madampe, Raygamme, Lanedemundere, Magale & Dadalo: quibus IV. Vidanes (homines Centurioni deglubitorum secundi & ita subordinati, ut jussa hujus exequantur ejusque sub absentia Chialias dirigant) sunt præfecti.

Primus & Præcipuus Vidane (communiter Vidane-Mahbade dictus) subjectos sibi habet Chialias de Billitot, Cosgure, Madanipe, Lanedemundere, Magale & Dadalo.

Secundus dirigit Chialias circa Colombo sitas, in pagis Tottebadde, Morregalle, Calnamodere, Calemodde, Oudure, Pottopitti, Pinwatte, Wascadre: cum aliò circa Negombo, quem Hecelembada-Vidane nominant.

Tertio parent Rhonne-Chialias, qui tractum Mature inhabitant.

Quarto subsunt Raygamme Incolæ, qui ejus pagi Chialias dirigit ibique habitat.

Eo tempore in Pago Billitot erant



IV. Majores 20. Minores Duriasii, reducendi in 2. Majores &amp; 6. Minores.

*Cosgure*

III. - - 9. - - - 1. - 4. -

*Madampe.*

III. - - 5. - - - 1. - 2. -

*Dadale.*

II. - - 1. - - - 1. - 1. -

*Nagale.*

- - - 1. - - - 1. - -

manet

*Lanemundere.*

II. - - - 1. - - 1. -

*Raygamme.*

II. - - 3. - - - 1. - 2. -

*circa Colombo.*

- - - 1. - - - 1. - -

*supra Rhune - Chialias,*

III. - - 6. - - - 2. - 3. -

*Negombo.*

I. - - - 1. - - - 1. - -

*Oudevvare.*

I. - - - 1. - - - 1. - -

*VWasquadre.*

- - - 1. - - - - - 1. -

*Pottepitti.*

- - - 1. - - - - - 1. -

*Pirebatte.*

- - - 1. - - - - - 1. -

*Calvamodere.*

I. - - 1. - - - 1. - 1. -

*Calamule.*

I. - - 1. - - - 1. - 1. -

*Morgelle.*

- - - 1. - - - - - 1. -

*Accurle & Tottebadda.*

- - - 1. - - - - - 2. -

Conjunctim XXIV. Maj. 54. Minores, reducendi in 13. Maj. &amp; 29. Minores.

## CAPUT II.

DE

MODO COLLIGENDI SEU DECORTICAN-  
DI CINAMOMUM ALIISQUE HUC  
PERTINENTIBUS.

**M**Essis Cinamomi duplex est, major & minor. Prior mense Julio inchoatur & ad Septembrem circiter inclusive durat, dum arbores cinamomi se in flores induunt & ipse cortex à ligno facile separabilis est. Minor durante pluvia, mensibus Januario & Febuario, dum quodammodo sicum est, institui & per 3. tantum septimanas plus minus continuari, ast tunc solum inchoari debet, si corticibus cinamomi Illustris Societas indigeat.

Ante decorticationis actum Modeljaarius de Colombo XX. vel XXX. Singelazis & paucis Chialis in sylvam se confert, ut eandem inspicat & exploret, ubi plures, in uno districtu sibi vicinæ repertiantur & ubi decorticatio melioris cinamomi commodius institui possit? loco

hòc inventò eundem Gubernatori in Negombo, aut alii huic negotio destinato, aperit. Quodsi jam locus placuerit, omnia ad eundem visitandum præparari solent. Ad hanc expeditionem autem caput aliquod reliquis imperans (quod à nostratibus Capitaneus Glubitorum cinamomi, à Lusitanis autem Centurio Mahbade dicitur, utut interdum vix Officialis minoris qualitate gaudeat) eligitur, quod cum L. plus minus gregariis, interdum tantum XXX. una cum C. circiter aut CL. Lascariorum (*Lascaryns*), prout plures aut pauciores requiruntur & tempori conveniens est, ad locum destinatum se confert. Lascariini autem (quod in transitu notari velim) sunt liberi militum gregariorum, qui castra cum Parentibus sequun-



tur & tabellionum instar literas hinc inde deferunt.

Antequam verò hinc abeam, monere debebam sylvam cinamomiferam in regione Negombo  $3\frac{1}{2}$ .  $4\frac{1}{2}$ . ad 5. horas longam decorticationi destinata esse.

Milites gregarii 2. vel 3. decuriis distinguuntur, prout numerus illorum aut major aut minor est. Horum quilibet manticam in tergò gerit oryzâ, 40. sc. librarum pondere, (quantum sc. ad vitam per integrum mensem conservandam necessum erat) repletam, de sclopeto simul ollam catiniformem, angustiori orificio præditam, una cum & pipere suspendens, quò, si bubalos inveniant, condimentis gaudeant: licet & in sylvis aliquid piperis hinc inde crescat.

Glubitores viritim amiculum, si laborem ordiantur, obinent, tantumque oryzæ ac milites, quam de sudibus Hazegay, è Pinang paratis & 10. ad 11. pedes longis, in fine acuminatis & declivibus, in marsupio sibili suspendunt, cui aliam adhuc oryzam coctam, quantum 6. vel 7. diebus consumere valent, addunt, quæ ferè panis durtiem nanciscitur. Non minus ollulis suis & patinâ cupreâ, cum sale & pipere, sunt instructi, quæ omnia cum 6. schellingiis pecuniæ ad emendum Betel, areck &c. illis dispensantur; quibus abhinc iter ingrediuntur, dura sæpè & exsiccata carne bubalinâ sibi insimul prospiciendo.

Adhæc alia adhuc utensilia secum ferunt, vaginam scil. areckæ recipiendæ destinata, thecam, harpaginem, cultrum concisorium, alium item cultrum incurvatum, coriculam, cum bacillò, arundinis crassitiem, juxta modulum & magnitudinem, quam cinamomi cannæ habere debent, habentem. Thecam ex his retro ad dorsum, mediante funiculò, quò corpus cingunt, firmiter alligant.

Culter hic incisorius longe politior, imò & culter incurvatus penetrantior est phlebotomo, falci arboreæ, aut securi, quâ fissores lignorum in patriâ utuntur, aut & cultro incisorio lanionum, quò carnes dissecant, ferè similis.

Manubrium in cultro incurvato eandem ferè longitudinem habet, qua cultelli manubriis nigris instructi gaudent, toto cultro digitorum  $1\frac{1}{2}$  in latitudine, plus minus, spithamam longitudine emetiente, rectâ scil. extenso, juxta curvaturam verò 2. ferè spithamas æquante, ipsoque apice (qui extrorsum vergit) 5. digitis tantum à manubriò distante, ut adeoque culter insignem satis longitudinem habeat.

Omnes illi homines duobus è suo genere obtemperant, quos *Hikkedees* vocant, quorum unusquisque 50. 60. 100. plus minus, prout numerus aut parvus aut magnus est, subiectos habet & cum nostris Decurionibus quodammodo comparari possunt. Officium illorum in eò consistit, ut perpetuò circumeant, dum alii decorticationi student, ut observent, an quilibet

suo munere legitime fungatur, ad quod alios adhortari tenetur.

His duobus Præfectis, ut & reliquis sub ambo his militantibus, *Aratelu* seu *Aratsie* præest, qui ordinariè bis de die circumit, ut, quæ negotium procedat, inspiciat, quod simul, ut decet, urget, unumquemvis officii sui admonendo, Centurioni Glubitorum omnia referendo & ab hoc jussa recipiendo. Huic Aratsio Glubitores cinamomi summum honorem exhibent & coram illo se profundissimè inclinant venerabundi, quorum tamen ædes ingredi illi non licet, quum vilioris sint & habeantur conditionis.

Lascaryni pro sua quisque conditione & consuetudine sibi non minus prospiciunt variis necessariis, cum & inter illos discrimen aliquod occurrat, ita ut præcipui ex illis vittas erectas, alii autem vittas in capite reclinatas gestent.

Quod si omnia parata habeant, abitus ad sylvas maturatur, ubi in latere versus Kandiam cameram quandam, Corps du Garde dictam, pro militibus efformant, ad tractû illum ab hostibus seu potius latronibus defendendum: Lascaryni verò ad distantiam  $\frac{1}{4}$ . milliariis sedem suam figunt, qui adversi quid sentientes certò explosionum sclopetariorum numero signum præbent, quò omnes se præparare & aciem instruere possint; quemadmodum & milites se paratos sistunt, si Glubitores infestentur, quod ut plurimum ab elephantis accidit, qui flammâ, tympanis, sclopetorum ictibus aliisque strepitibus abiguntur; quem in finem quoque milites per integram noctem excubias agunt, cum interdiu è contra unicus tantum ad excubias locetur, qui, an aliquid se trumat, observare tenetur.

Camera hæc ubique patula est, eò tantum latere excepto, quod à pluvia feritur: fulcris insidens, desuper foliis palmæ contexta, ut in illa sicco corpore decumbere valeant. Per integrum etiam noctis decursum ignem illic alunt, non tantum corporis calefaciendi gratia, sed & ad elephantos abigendos.

Præterea in mediò circiter illius tractûs, quò decorticationi cinamomi peragitur (quem observata circumferentia circulari sesquihorâ metiuntur) receptaculum efformant, navis longitudinem & XIII. plus minus pedum latitudinem habens, ubique pariter apertum, eò tantum latere excepto, ad quod pluvia delabitur, ubi desuper tecto ferè planò tegitur, quod in medietate quodammodo elevatum & acuminatum est, ut aqua pluvialis ad utrumque latus defluere possit. In hoc Cinamomum projiciunt, & quamdiu hoc inibi continetur, excubias illic aguntur.

Circumferentia loci, decorticationi cinamomi destinati, in ambitu suo major non est, nec amplius distat, quàm ut sibi invicem acclamare



mare possint, qui, ut jamdum dictum est, vix 1½. milliare superat.

Deglubitores hinc inde quoque casulas è ramis arborum exstruunt & de cætero parcissime & tenuissime vivunt, binas semper personas in casulis suis relinquentes, quæ easdem custodiant, oryzam tundant aut coquant, & in sylvâ interdum decorticantes adjuvent.

Deficientibus illis saxis pro foro igniario exstruendo, huic palos infigunt, quibus ollas imponant, coquendæ oryzæ destinatas. Tamen enim ligna hæc in igne durant, donec oryza cocta sit.

Hic autem notari velim, quod, antequam in integrum hoc corpus ad locum designatum, melioribus sc. & genuinis arboribus obsitum, pervenerit, in viâ, ubi pernoctandum est, alias, sed levissimas casulas erigant, in quibus nocturnas suas domesticas curant, insequenti die, quò iter suum prosequuntur, subruendas.

Quod si jam in loco genuinò, more supradicto, se demiserint, decortico suum capit initium, ad quam mane, circa mediam præterpropter septimam, pulsatis *Tabalinchis* (parvulis sc. tympanis, quæ a peculiari quodam hominum genere, *Borreuveys* dictis, pulsanter) vel auditu cornuum incurvatorum sonitu, quem in fine æque ac initio laboris sequuntur, se accingunt.

Sciendum tamen est, quod antequam ipsum opus aggrediantur, sua sibi edulia prius coquant & præparent; quemadmodum & à meridie, horâ circiter undecimâ, otiantur & prandent, donec circa horam, primam vel medium secundæ, ad laborem redeant & adhuc hora V. aut mediâ sexta pensum absolvendo ad coenam se conferant. Hæc à nostratibus, cum primis militibus, quoque observantur, è quibus 4.5. vel 6. cuilibet Glubitorum catervæ nunquam non adesse tenentur, nec ulli, nisi Centurioni Glubitorum, integrum est sive initium sive finem hujus negotii determinare, quod utrumque pulsus tympanorum, aut sono cornuum intimari jubet.

Circa meridiem in sylva calet admodum, non obstante tot arborum, radios Solares averrentium, umbrâ, quum nec ab aere, nec à ventis frigidis ventiletur.

*Modeljaarius* quandoque spectatum venit, quæ cuncta succedant? quâ occasione tamen, non tantum hic, sed & alibi venationi elephantorum aliarumque ferarum indulget: siquidem hic cum primis obstrictus est prospicere ubique, ut Illustris Societas Cinamomum laudabile obtineat, insimulque indicare, ubi Cinamomum optimum inveniat?

Deglubitores versatissimi quoque sunt in discriminando Cinamomo viliori à mediocri & selectissimò, & si plus justo fuerit collectum, illud quod exuperat, aut non desideratur, comburunt: id quod milites, excubias agentes,

somnolentos reddit: quamobrem se variis confabulationibus aliisque excitare solent.

Deglubitores illi è meris subiectis masculinis constant, iisque adultis, exclusis pueris & mulieribus, & conjunctim 200. aut 400. capita constituunt, è quibus haud raro unus aut alter veniam obtinet domum revertendi, quod à Capitano suo impetrare tenentur.

Inter milites cuilibet Deglubitorum cohorti adjunctos (exceptis illis, qui excubias agunt) nonnulli fumum tabaci hauriunt, nonnulli verò somnum capiunt. Illi verò qui ad excubias ordinati sunt reliquos per explosionem faxorum adhortantur, si adversi quid imminet, quò casu non tantum commilitones arma, quæ deposuerant, recipiunt, sed & alii circumcirca se ad defensionem parant.

*Aratse* casulam suam in meditullio Deglubitorum figit, ut ubique circumspicere & opus urgere valeat.

Deglubitores per integram noctem ignem alunt, contra elephantorum insultum, à terminis illis arcendum. Quem in finem ligna interdum colligunt, ut in camera præsidiaria, Corps de Garde dicta, quoque observatur.

Idem Lascaryni, noctu diuque excubantes aliosque bombardarum ictu monentes, faciunt, si quid audiant aut percipiant; utur illorum vigilantia tantopere fidere non liceat, nec multum adjutorii ab illis, si quid acciderit, expectari possit, cum stationem suam nunquam derelinquant, nec ulli etiam Glubitoribus adjungantur.

Sub ipso itinere 100. vel 200. securibus, quas incisores Singalenses vocant, vias dilatare tenentur: quo ipso tractus superandi à ramis, obicem viis figentibus, liberantur & transitus liberrimus paratur.

Quod verò ipsam *Cinamomi* decorticacionem cum pertinentiis suis attinet, hæc in ipso trunco inchoatur & ramis arboris finitur. Illic, in trunco sc. inferiori in parte sectionem & incisuram in corticem infigunt, quam dexteritate & celeritate summa instituunt, una saltem sectione apice ipsius cultri manum contorquendo, adeò quidem affabrè, ut lignum interius ne quidem attingant: quem in finem eum locum, ubi cortex aut disruptus, aut nodosus & inæqualis fuerit, datâ opera vitare solent. Abhinc aliam, secundum longitudinem desideratam, 4½. circiter pedum, incisuram, in parte superiore, eodem eum priore modò subjungunt, ut cortex inter superiorem & inferiorem sectionem abhinc in lorum, manus latitudine gaudens, rescindi possit, quod in parte superiori ejusque corticis separare & abhinc opè manus prorsus detrahare solent.

Hoc facto arborem totam refecant, ejusque ramos, eadem ut ante ratione, decorticant, si sc. eadem inter utramque incisuram longitudo occurrat.

Cuilibet arbori 20. circiter aut 30. plus minus,



minus, destinantur, qui, si pluribus auxiliatoribus indigeant, alios adhuc advocant: quamvis & arbores inveniantur, quibus decorticandis tres aut quatuor viri pares sunt; & licet in arboribus & ramusculis juveniculis optimum cinamomum adorianur, inde tamen corticem violenter non detrahunt, sed si superiorem & inferiorem incisuram circularem cum perpendiculari instituerint, corticem paulatim pulsant, quô factô sponte suâ cedit & facillè separatur.

Detrahis jam corticibus eosdem humi projiciunt, ut exsiccantur, ubi postmodum in fistulas qs. & canales se convolvunt, minoresque suam unica semihorulâ cavitatem nanciscuntur, majoribus plus ad eandem temporis requirementibus. Juniores autem arbores sibi relictæ, nec rescissæ, ut pro certo mihi relatum est, novo ab hinc cortice, recens generato, investiri solent.

Cortices hos in sylva tamdiu exsiccationi relinquunt, donec sufficiens ipsis quantitas collecta videatur, quam abhinc auferunt & in receptaculum supradictum recondunt.

Hic expediet notare, corticem aut inæqualem, aut quodammodo corrugatum, eumque recentem adhuc & viridem, cultro peculiari, utrobique manubriis instructo, scalpendo complanari: quem in finem duos palos,  $1\frac{1}{2}$ . vel 2. pedes circiter à se invicem distantes & in summitate quasi furcatos terræ infigunt, quibus cortices imponunt, si scabritiem inæqualem abradunt. Imò, si hoc adhuc minus commodè facere possint, furcas palorum, quibus cortices incumbunt, assere quodam aggravant, ut res expeditius succedat: quem in finem corticem asseri uncis quibusdam applicant & firmant. Deraso satis cortice uncas detrahunt, corticem eximunt, & si Cinamomum ita derasum probeque exsiccatum fuerit, in peculiarem dicti receptaculi locum reponunt: licet & reliquum Cinamomum ita radant, si eundem selectissimum & limatissimum desiderent.

Quod si tandem ea, quæ desiderabatur, quantitas decorticata fuerit, Cinamomum collectum in fasciculos certos redigunt, ut eò melius transportari & ad receptaculum deferri possit, in quo illi cortices, qui unò eodemque tempore collecti fuerunt, conjunctim locantur & signis peculiaribus notantur, ut una species ab alterâ dignoscatur. Quid quod aliqua sæpe portio Cinamomi versus Colombo ablegatur, quæ scilicet ad onerandas naves adaptata erat; licet interdum adhuc corbis bene contegatur, antequam aliorum mittatur.

Sciendum quoque est, fasciculis, quos in promptuarium deportant, adhuc laxioribus & minus firmiter colligatis, tubulos aut cannulos quosdam interseri, usque dum vinculum seu ligamentum legitime stringatur.

Interea Centurio Glubitorum omnem, quam collegerant, cinamomi quantitatem probe annotat, & tot specificationes, quot requiri vi-

debantur, aut illi in usu sunt, consignat, Aratso committendo, ut Quotæ Taxæque (ut loquuntur) completæ exhibeantur.

Quod si Societas Illustris aliquam Cinamomi quantitatem desideret, eandem à *Kulis* (quod certum Glubitorum genus est) fasciculis supradictis distinctam cum Pingas deportari jubent, fascies autem tribus ligamentis combinantur, quorum bina utramque extremitatem, tertium autem medietatem cingit. Hos interdum Scriba comitatur, qui omnia annotat eosdemque cum quadam commendatione aut (ut Mercatores loquuntur) facturâ ad illa, quò destinantur, loca ablegat.

Hi fasciculos primum in aliud exterius promptuarium, cujus inspectio Cellario cuidam est commissâ, deferunt, ubi fascies librantur, & ad certum illisque determinatum pondus rediguntur, demptis aut additis quibusdam tubulis, si pondus non concordat cum eò, quò sub Num. 1. 2. 3. pro variâ diversitate signantur, numero: ubi milites servique nautici (*die Madrosen*) illis adjuncti ad ponderandum, deportandum & transmittendum adhibentur. Sæpè fascies nonnulli, in patriam ablegandi, cutibus vaccinis cinguntur & abhinc in aliud promptuarium interius deferuntur, unde postmodum navibus inferuntur, si navis actuaria parata jaceat.

Cæterum Sylva hæc Cinamomifera hiru-  
dinibus abundat, à quibus nostrates quamplurima incommoda patiuntur, Nigritæ verò & Glubitores cinamomi tantopere non incommodantur, qui pedes & corpora sua nescio qua materiâ inungere norunt. quâ sanguisugas arcent; & licet nostrates eodem pariter se muniant remedio, nequicquam tamen exinde juvantur, cum idem linimentum in aqua humidoque dispereat, sicque nullum illis levamen adferat. Ægros autem & invalidos, ut ut è nostrâ quoque natione sint, neutiquam attingunt, sed illis tantum, qui sanguine laudabili gaudent, insensæ sunt. Hunc enim quibuscunque in locis & partibus avidè venantur, ita ut in aures, nares & loca obscena se insinuent, de arboribus in corpora decedendo, ut vix ac ne vix quidem easdem subterfugere valeant; & quum tenues admodum, instar acuum, & quod excurrit, magnitudine gaudeant, hinc ubique se ingerere valent: unde factum, ut ebria quædam persona sylvam trajiciens & somno obruta per sanguinis exsuctionem ab iisdem occisa & in tali statu post 2. aut 3. dies inventa fuerit.

Contra hos milites nostrates sequentia adhibent remedia: Eum, cui hirudines se applicaverunt, locum comprimunt, illarumque corporibus aliquid de succo limonum imponunt, unde statim delabuntur: vel & herbam madidam bacillo sesquidigitum longo alligant, illique, quem hirudo occupavit, loco imprimunt, quò factô statim decedit. Quem in finem ejusmodi bacillis



bacillis in expeditione hac nunquam non se instruunt.

Si fortè hirudinem extracturi portionem ejus in carne reliquerint, multum illis negotii facessit; quapropter & Chirurgus illis additur,

ut non tantum ab hoc, sed & aliis incommodis & morbis liberari possint.

Milites stationem sibi assignatam, ut & locum excubiarum publicarum, Corps de Garde dictum, cineribus conspergunt, quibus à sanguisugis his se immunes reddunt.

## CAPUT III.

INSTRUCTIONEM CAPITANEI  
DE GLUBITORUM  
CONTINENS.

**H**ic vir honestus, prudens & candidus sit, oportet, ut Deglubitores, pro more & consuetudine regionis, in servitiis suis legitimè tractare & gubernare, & simul officia, quæ unusquisque pro genere & modulo suo præstare tenetur, ab iis exigere valeat, si expectationi Societatis Nobilissimæ, juxta taxam ordinariam, absque gravaminibus aut onere satisfieri debeat.

Non minus arte quadam & notitiâ instructus sit, quâ *Durias* & *Vidanes* ita dirigere & flectere possit, ne autoritas sua per neglectum imperii aut poenarum infligendarum periclitetur, aut amorem & confidentiam illorum erga seipsum per nimium rigorem amittat.

Operam etiam navare debet, ut *Durias*, quantum fieri poterit, imminuat eorumque numerum reducat, dum sufficientes jamdum adesse putantur, si opus peragendum minori illorum numero absolvi potest: contra redundantia illorum atque copia, intuitu privilegiorum & immunitatum, quæ *Durias* quoscunque manent, nunquam non damnosa habetur.

Interim reductio hæc non subito & uno impetu, ob metum seditionis, in actum deducenda est, sed antiquus illorum numerus tamdiu intemeratus est servandus, donec capita ad numerum reductum emoriantur, cui tunc inhærendum, nec alii prius admittendi sunt, quam vacante de novò loco aliquo, imò ne hoc quidem absque Dn. Gubernatoris expressâ permissione.

Antehac in designatione catalogi generalis nemo præter viros talesque advenas, quos Centurio ad servitia quædam præstanda habiles judicabat, annotabantur. Quoniam verò hoc ipsò effectum fuit, ut nonnulli respectu particularis lucelli per *Durias* celati fuerint: hinc ad præcautionem posthac in designationibus mulieres, liberi totaque cujusvis familia, nemine exceptò, annotari debent, addendo simul, quos agros & hortos possideant, cujus dignitatis sint & quanam eorum sint privilegia, ut perfectam sic notitiam habeamus, quanam cujusvis sint officia, quanam illi destinata sint, quanam servitiorum meritis aut proprio are redempta obtineant?

Quodsi nonnulli abhinc reperiantur, qui eò ipsò in pauperiem inciderint, Societas Illustris optimò jure divendita fortè prædia de novò æstimare & offerre valet.

Caveat etiam, ne per *llandarias* & *Putabennes*, *Aratsies* & *Lascarynos* *Chialiarum* juratorum infantes aut celetur aut alantur, qui ad plura servitia obligati labores quòvis modò subterfugere conantur.

Hinc & non minorem *Lascarynorum* (qui ad *Chalias* pertinent) quam aliarum familiarum notitiam habere debet, cum accuratâ designatione, quò ire jussi sint, utpote qui, juxta antiquam consuetudinem, sub *Dessave* militant, qui iisdem nunquam non, sine contradictione Capitanei, jussa dare & ad id, quod è re esse videtur, applicare valet, adeò quidem, ut Centurio seu Capitaneus absque speciali consensu *Dessavii* nullum eorum ab excubiis revocare possit, nisi fors temporis, occasionis, aut aliis circumstantiis intuitu Gubernatori ita placeat.

Illi qui aliorum ablegati non sunt, sed in loco suo permanent, imperio Centurionis subsumunt, & si fieri potest ad minimum X. à parte *Gaeliana* & totidem à parte *Colombonense* cum *Aratsio* quodam ad communia decorticationis officia parati esse debent.

*Coronde-Halys*, servitiis magis obnoxii, magis quoque observandi sunt, cum primis autem ne quis ex illis, quacunque ratione, protegatur, prætereatur, aut celetur, nec ex autoritate & respectu lucri privati aliis, qui officio suo fideliter funguntur, præponatur.

In taxatione placidè & cum discrimine quodam, & pro ætatis dispositionisque ratione, procedet.

Differentia inter pondus *Mahbade* *Chalias* & eorum de *Rhuwe* molestam admodum dissimilitudinem parit; quapropter è re esset, si Capitaneus omnem operam daret, ut negotium hoc, ea, ut cum *Mahbadiis* factum, ratione componeretur, dummodò absque alteratione communium *Chialiarum* fieri posset.

Curabit etiam, ne aliquis, præter *Mahbades*, *Kulifios* inter *Glubitores* *cinamomi* ad



alia servitia cogat, à quibus officii sui intuitu eximantur, nisi Dn. Gubernurator aut summus Magistratus eosdem ad labores quosdam extraordinarios requisiverit.

Judicare simul & publicare debet in commo- dum & majorem Glubitorum quietem cessurum esse, si tantum majorem messem probe observarent & ita urgerent, ut à mense Julio, ad Octobrem, adeoque per 6. mensium spatium negotio illi adhærent, sicque reliquum anni tempus ad agriculturam & œconomiam propriam applicarent, utramque mense Januario & Februario non interrompendo. Quantum audivimus optimè hoc fieri posset, si cautè id & providè tentaretur. Interim id nondum absolute mandamus, sed id Dn. Gubernuratoris dispositioni relinquimus, ut commodum Nobiliss. Societatis, datâ occasione, percurare possit.

Porro Capiteaneo incumbit, ut præcaveat, ne quis cum Cinamomò mercaturam instituat & si quem expiscatus fuerit, Magistratui indicet. Nullas etiam vesicas destillando oleo Cinamomoni aptas toleret, sed omnes extirpet, & possessores accuset: qua in parte conniventia pro collusionem & ipso actu haberi debet.

Nemini indulgebit ut Chialiam aliquem è suò genere eximat, quod summi tantum Magistratus opus est, in quo non minori cautelâ opus est ac in eò, ne Deglubitores liberos suos inter Durias, Ilandarias aut Culisios abscondant, ut ab his educantur: quâ in parte Corondehalys summè astuti sunt, ut liberos suos à Cinamomi decorticatione liberent; quapropter eosdem quandoque aut oppignorant, aut liberis hominibus vendiderunt, tum ut oneri huic eximantur, tum ob sui generis contemptum ab illis, quod putant, declinandum. Ne ergo quispiam in primâ herbâ s. nativitate sive plus justo evehatur, sive deterioretur, liberos à Durias prognatos inter Durias, Culisiorum filios inter Culisios, & Glubitorum natos inter Deglubitores relinquat, oportet.

Si quis Deglubitorum è pago suo aut potestate patriâ auferat, & ad alium Modeljaarium, Apohantum aut Aratsium se contulerit, ut Lascarynus evadat, Officiales eundem non suscipiant, sed repudiant. Sin eundem non remiserint, Capitaneus superiori Magistratui indicet, ut Chialiam suam recuperet, detentores verò puniantur, idque ad evitandam totius Mahbade ruinam, quæ per desertionem hominum illorum oriri posset.

Quod si Chialias è messe evasisse observaverit, Capiti totius expeditionis indicabit, qui debitum illi auxilium non denegabit.

Quò & numerus Glubitorum, uti necessum est, magis magisque crescat, spurii per Durias, Lascarynos, Ilandarias & Potabennes (jamjam numerum quendam formantes) progeniti Glubitores Cinamomi fiant, siquidem id Lege nunc cavetur, ut is, qui nothos ejus-

modi liberos genuerit, eosdem ad decorticationem Cinamomi educari & adsuferi curet. Hoc ipsum enim medium quoddam erit, quo Durias, tanquam primicerios, Ilandarias & Potabennes ad ineundum matrimonium permovere poterimus, ut infantes suos ab hac servitute liberent. Aliud quid hîc suscipi nequit, nisi prævio jussu specialiori Dn. Gubernuratoris, qui pro subactò, quò gaudet, judicio de reliquis disponere noverit.

Ad stabiliationem Mahbadarum multum quoque faciet, si Chialias depauperatos, qui necessitate coacti aliisque incommodis permoti hortos suos vendiderunt & domicilia forte sua plane deseruerunt, suasque familias in alios pagos transtulerunt, de novò adjuvaverimus; quem in finem Centurio omnes familias in pauperiem redactas indagare & ad illa, unde venerunt, loca, per authoritatem Dessavi, in quolibet districtu ubi inveniuntur imperantis, reducere debet, ut in pristinum, cujuslibet generi & conditioni conveniens, officium restituantur. Ubi Dessavus Centurioni consilium suppeditare debet, quò miseris illis succurrere possit: quibus si agri deficient, illis alii suppeditentur, ut miseriæ consulatur.

Centurio in exigendis annuis tributis, decimis & capitationibus sollicitus & diligens sit, omniaque Publicanis, cum designatione sufficienti nominum, annorum adscendentium & descendendum, qualitatum, occasionum, facultatum & domiciliorum eorum qui solverunt, insinuet, observando methodum in generali descriptione antehac ipsi præscriptam & annis insequentibus pro meliori directione inservientem, cavendo simul, ne quis aut ob benevolentiam privatam, aut ob intercessionem Vidanorum & Duriarum, multo minus conniventia in catalogo omittatur. Interim simul illi catalogo sunt inferendi, qui per Vidanes & Durias libertate sunt donati, ut appareat, quæ privilegia competant Illustri Societati, & quæ beneficia dispensare valeat.

Si Vidanes, Duriasii & alii, à minimò ad maximum, ad multas quasdam damnantur, Centurius solus easdem accipiat, rationibus inferat, nec sibi vindicet, sed sub primâ occasione adventus sui in Colombo aut Gale, quò reus pertinet, Quæstori aut Secretario indicabit, ut abhinc, sub emendatione & melioratione servitiorum, juxta observantiam regionis antiquam, illis aut restituatur, aut pro egenis indigenis confiscetur, prout Dn. Gubernuratori in Gale visum fuerit & in quantum multa & correctio illa valere debeat statuerit.

Capitaneus etiam sollicitus sit, ut Arecka debito tempore colligatur, eaque de causâ Administratori Areckæ, cujus id negotium est, pro virili suppetias ferat, ut ante Maji initium in Gale compareat, cum fructus aliâs, pereunte herbâ,



herbâ, mare superare nequeat, simulque regioni plus negotii faceſſat,

Et quoniam à paucis retro annis ad caſtra in Colombo & Gale munienda calx, lapides corallini, ligna & ſimilia deſiderata fuerunt, hinc & Centurio eorum curam habeat, Chialias ſuos jubendo, ut lapides illi, cum lignis, tempeſtively ad furnos calcarios adferantur, ut annuatim, poſt tempora turbini obnoxia, debita quantitas in futurum uſum calcinetur, quam Gubernator in Gale determinabit.

Interim ad calcis præparationem & fornacum exſtructionem nec arbores Calappæ, nec

aliæ fructiferæ reſecari ſed lignis circumcirca deciduis contenti eſſe debent, niſi forte Calappa arbor illique ſimiles annosæ nimis & ſteriles obſerventur, quas calcis præparationi quoque deſtinare poterunt.

Non minus è nucibus in hortis Societatis Cocciferis arbuſculas juniores plantare debet, ut damnum, per ſuffoſſionem hortorum illatum, reſarciatur.

Tandem in cædendis lignis, & foco & ædificiis deſtinatis, juxta ſpecificationem, annuatim, ut viſum fuerit, ipſi exhibendam, actiones ſuas dirigat.

XXI.

STATUTA CIRCA CARYOPHYLLORUM  
MERCATURAM OBSERVANDA.

è

*Legibus Ambonensibus à Dn. H. de Jager  
extracta.*

**Q**uod commercium Caryophyllorum Aromaticorum attinet, quod Illuſtris Societas, vi antiquorum pactorum, cum incolis (ut ſc. pro 550. libris Hollandicis LXX. Reales h. e. 56. Imperiales ſolverent) inſtituit, ſancimus, ut receptio illorum & acceptatio ſtatim poſt finitam meſſem, vel ſi ſufficiens illorum, & quidem legitimè exſiccatorum, quantitas obtineri poteſt, fiat; hoc ipſo enim mediò impediri poteſt, ne Incolæ, ſive ad ſolvenda debita, ſi aliâ de cauſa minus licita, eadem alienare aut deperdere valeant, ad quod ſive neceſſitate ducti, ſive morâ protractiori impediti ſeduci poſſent.

Caryophylla autem modò dicta benè exſiccata probeque depurata eſſe debent, ſi recipiantur. Probatio ſiccatis in eò conſiſtit, quod, ſi unguibus digitorum vix penetrari poſſint, vel digitis preſſa confringantur, & in acervum conſecta ſtrepitum edant, bona cenſeantur. Puritas autem requirit, ut neque pedunculis inſtructa, nec arenâ aut putridis quibusdam fragmentis permixta ſint. Ubi tamen capitula rotunda (vulgò Capelletti dicta) quamplurimis adhuc firmiter inſidentia repudiari nequeunt, utpote quæ ſtatim ſeparari non poſſunt, ſucceſſive autem jacendo quoque decidunt & in pulverem abeunt, nec cæteroquin aut ponderis augmentum aut aliud conſideratione dignum important. Anthophylla & Caryophylla ſylveſtria ad tradenda (Leverantie Belgis dicta) non pertinent, quoniam utrobique ſapor aromaticus deſideratur, poſteri-

ora etiam minora & pallidiora genuinis ſunt, adeoque ab aliis facile dignoſci poſſunt.

Uſus in ſe quidem laudabilis, quò ſub acceptance caryophyllorum aromaticorum manuſaccis immiſſa tanguntur & an quidpiam in illis deſideretur, inquiritur, antehac peſſimam conſuetudinem introduxit, ut Zygoſtata ſeu ponderatores, qui pondera imponunt & auferunt, ac plerunque ſaltuarii ſunt, manipulum caryophyllorum, antedictum in finem ſanis extractum, illis non denuò inferuerint, ſed ad pavementum projecerint, paulò poſt illuc recolligendo ſicque pro accidente, ut loquuntur, habendo. Hoc ipſum incommodum, ab eò tempore per Illuſtrem Dn. Cornelium Speelmannum, Superintendentem & Commiſſarium anno 1667. abrogatum, heic & ſub pœna graviffimâ interdictum fuit, quod ſuo in vigore relinquimus. Licet enim ſub hoc noſtro regimine id neutiquam obſervatum fuerit, è re tamen viſum fuit eandem hic cautelam repetere, ne poſthac abuſus ejusmodi & exorbitantiæ de novò ſe ingerant.

Taram (Tarre dictam) intuitu ſaccorum, è linteis duplicatis Bengalenſibus conſectorum, detrahendam quod attinet, antelaudatus Dn. Commiſſarius anno 1667. ſimul annotavit quemlibet ex illis vix dimidiam libram ponderaſſe, quod ſub proviſione obſervandum. Ne autem quis de laſione poſſit conqueri, juxta morem antiquitus receptum integram libram pro quolibet ex illis detrahere conceditur, ita tamen, ut ejus intuitu pretium



pretium abhinc nullo modo augeatur; & quoniam hætenus uberior restrictio è Batavia non appulit, hinc unusquisque curare debet, ne à Statuto hoc civili imposterum ullò modo deflectatur.

Nobilissimus Dn. Superintendens Arnold de Vlaming ab Oosthoorn L.M. in Legibus pro mercatoribus in longè diffitis computatoriis viventibus, die 10. Nov. 1648. scriptis, ut & summum Tribunal Indicum Bataviæ, in suâ ad nos, tanquam Legatos seu (ut vulgò loquuntur) Commissarios suos die 15. Febr. a. 1672. datâ instructione expressè jussit, ut ubivis locorum, traditioni caryophyllorum destinatorum, Administratores obligati sint & manere debeant ad accuratam receptorum specificationem & annotationem faciendam, & peculiari libello inferendam, quemadmodum unumquemvis eorum hujus certiore fecimus, addendo jam, ut librum illum originaliter, absque ullâ cancellatione aut immutatione, ut penes Receptorem conscribitur, annuatim toties quoties à Gubernatore desideratur, transmittant.

Specificatio hæc in eò consistet, ut 1. exprimatur, à quam Nigritarum familia (*Negrye*) traditio facta sit. 2. Cujuslibet exhibitoris nomen apponatur. 3. Quantum ponderaverit & quanta 4. pecuniæ solvendæ summa fuerit? juxta ordinem catalogi (qui tersus semper & accuratus ad manus sit) designetur.

Ne minima quoque acceptatio caryophyllorum suscipiatur, nisi in præsentia Orang-kai Negryæ (qui Libripens esse omniaque ponderare debet) & Scribæ Inquilini, quem inter se ipsos eligere poterunt, ita tamen, ut hic, factâ traditione, suam non minus specificationem, æquè ac Mercatorum Scriba facere tenetur, Dn. Gubernatori exhibeat.

Zygostates potestatem non habeat pondera è balance tollendi, nisi quantitas prius clarâ & elatâ voce linguâ Malaijanâ proclamata fuerit, quam Libripens aliique adstantes modestè prius inspiciant & annotent; quemadmodum & nulla pariter solutio traditoribus fieri debet, nisi supradictus Libripens, cum scribâ quodam, interfuerit; idque eum in finem, ut plebeji quieti & securi esse possint suum cuique tribui: in quò tranquillitati publicæ quam plurimum situm est, & consequenter transgressores simili gradu, i. e. gravissimè, puniri debeat.

Acceptata jam caryophylla in non aliùm quàm ficcum & depuratum effundantur locum, quò ne minima quidem humiditas pervenire possit. Hinc pro meliori cautela & circumspeditione pavimenta & parietes asseribus aliisque mediis muniri debent.

Traditione instante Officialibus navium, cum primis Navarchæ & Scribæ, Ærario seu Vice-Mercatori sub ponderatione injungi debet, ut illic ante & sub ponderatione omnia inspi-

cient & tangendo explorent, an sicca sint & pura? ne ullus postmodum exceptionem quandam adferat, si intra traditionem, quæ Bataviæ contingit, error aliquis se trumat, ut antehac accidit.

*Barott* seu donarium Magistratui inquilino debitum, scil. V. Imperiales pro singulis 550. lb. caryophyllorum, imposterum non tam per Orang-kaium primarium solum, quàm per Mercatores ipsos dispensari debet: cum primis autem Monincho  $\frac{1}{18}$  partem totius summæ, quùm is in laboribus consuetis præ aliis desudet, reliquum in 3. partes dividendo, quarum duæ Orang-kaii principali, & ultima pars Kapalascis, conjunctim sumtis, debetur.

Quoniam & plantatio arborum juniorum, quæ ante aliquot annos instituta fuit, jam magis magisque incrementa sua capit, & successive major illarum quantitas sperari potest, quam Societas Illustris distrahere valebit: Amboniciæ interea in tantum succrescere possent, ut nimis maturæ messis tempore in polongos abeant, visitatio ordinaria, culturæ intuitu institui solita, posthac intermitteri, sicque merces ea propter menstruatim solvenda retineri posset. Interim Mercatores durante messe pro virili allaborent, & per Officiales aliasque personas curent, ne caryophylla in polongos excrecant. Hoc si neglectum & detectum fuerit, illi, qui detexerit & invenerit, tertia pars cedat.

Quod si contingat, ut pauca nonnulla caryophylla extimis ramorum apicibus inhærentia non possint attingi, sicque ad maturitatem perveniant & delabantur, id neutiquam pro negligentia quadam sumi aut haberi debet.

Inter alias causas, cur tot aggeres in extimis oris exstruantur ibique excubiæ continuentur, haud minima est, ut omni modo, quò pretiosum hoc aroma subtrahi solet, occurratur. Quapropter cuivis Residenti in districtu suo, in quantum fieri potest, prospicere incumbit, ut tanquam Fiscalis caveat & cavere jubeat, ne Inquilini quicquam de caryophyllis suffurentur: eaque de causa navibus vectoriis, anchoram illic projicientibus, omnino non fidentum est, si sub prætextu necessitatis & aquæ dulcis, potui aptæ, caryophyllis inhiant. Multò minus incolis permittendum, ut diplomatibus liberi transitus & licentiis instructi ad computatoria dissita profiscantur, iisque mercaturam exercent, dum experientia plus quàm expedit compertum est, quosdam non vereri, non tantum caryophylla aromatica, sed & anthophylla, in propriam ruinam, alibi deportare, ut sub furcæ rotæque periculo fiat. Quapropter supradictæ naves vectoriæ, soluta anchorâ, sub abitu visitari debent; ut verò eò curatius hîc vigiletur, hinc publicò quodam edicto, sub dato die 9. Novembr. hujus anni, Belgicâ æquè ac Malaijanâ linguâ, ubivis locorum redhostimentum generale iis, qui clancula-



cularios & furtivos ejusmodi Institores detexerit, stipulati sumus, ut scil. multa totius dimidium illis cedendum & offerendum sit: cui jam hoc adhuc superaddimus, quod talem Exploratore[m] datâ occasione ad majora officia promovere velimus, si quantitas ablatorum caryophyllorum aliquid importaverit.

Quodsi ergo naves quædam vectoriæ, sive jam Cymbæ sint, sive Siampan, aut Creubay, familia caryophylla, vel & Nuces Moschatas, aut macerem contineant, illudque detegatur, Mahodas cum aliis 3. vel quatuor personis decebit illas detinere, aromata omniaque bona, cum inventariô inde paratô, custodire, naves ad vallum devehere, omniaque citissime huic vel proximo computatorio

denunciare, & ulteriorem dispositionem ea de super. expectare.

## OBSERVANDA ULTERIORA.

In descriptione Arborum Caryophyllorum distinguantur 1. Fructiferæ, 2. Semi-adultæ. 3. Minores species.

Primis non tantum antiquæ, sed & arbores juniores, quæ non tam incipiunt quam semel jam tulerunt fructus, annumerari debent, licet vix X. pedum longitudinem à solo ad ramos habeant.

2. Semi-adultorum longitudo inter V. & X. pedes versatur.

3. Species 1½. 3. ad 5. pedes longa est. Frutices minores in computum non veniunt, neque periculum ullum est, ut, si emoriantur, ratio de illis danda sit.

## XXII.

DE

## ARBORE CARYOPHYLLORUM.

**A**Rbor caryophyllorum de Malkokov primum est profecta, saporis jucundi rebusque Medicis inserviens.

Hæc arbor, ut & Moschocaryophora pingui fertilique solo est implantanda, quoniam sic ad L. & quod excurrit annos durant: cum è contra in loco macriori vix 30. annum superent.

Mense Octobri ejusdem fructus decerpere incipiunt, antequam maturescant & prout Tab. II. ob oculos ponit appareant. Messis autem usque in Novembrem, Decembrem & Januarium durat, & quamprimum fructus exsiccati sunt, incolæ præcedente ponderatione solutionem suam capiunt.

Arbor hæc singulari cuidam morbo est obnoxia, qui à verme exiguo, in arborem se abscondente & inter corticem delitescente, oritur. Dum scilicet vermiculus hic corticis circumferentiam rodit & perforat, tristatur arbor & emoritur. Neque enim vermis hic fursum deorsumque repere, sed tantum in circuitum ire & corrodere solet, haud aliter ac si annulum à fine ad principium peragret.

Signum quo detegitur vermiculum arborem circumcirca rosisse, hancque necessariò perituram esse, hoc est, si scilicet folia quædam pendula & flaccida hæreant.

## XXIII.

## RELATIO

DE

## CARYOPHYLLO SYLVESTRI.

**A**Rbor Caryophyllorum à Dn. van Rhee de Kadeli & Brachm. Naqueri dicta, lingua Malaijanâ Sangani vocatur. Folia ejus venulis distincta & instar foliorum Cinanomomi tribus fibris s. venis, in parte folii inferiori à se invicem distinctis in apice verò sursum connexis, gaudent.

In summitate ramusculorum alæ nodos quosdam & flores pediculo insidentes habent,

quorum tres semper junguntur, ita ut maximus in medio, & minores utrinque in lateribus spectentur.

Pedunculi florum tactu asperi & duri sunt, haud aliter ac caules ramusculorum & foliorum, floribus supra in formam crucis aut coronæ dispositis, quatuor semper conjunctis.

Præter fibras tres supradictas alia eaque subtri-



subtilior & elegans per longitudinem marginis seu oræ folii decurrit.

Flores odore carentes è quinque petalis constant, instar rosæ simplicis, coloris incarnati, aut floribus persicorum similis: è quorum centro filamentum rubrum recta sursum versus erumpit, calyxque instar unguis formatus, è quinque pyramidibus, colore incarnato & quodammodo purpureo præditis, exsurgit, intus materiam duriorum complectens, è cuius centro filamentum erumpit. Hic calyx s. unguis in parte inferiore pariter asperitate gaudet.

Nodi glandis figuram habent.

In calyce fructulus continetur, rotundus & coronulâ aperta, è quinque cuspidibus formatâ, ornatus, è cuius centrô supradictum filamentum emergit.

In parte floris interiori quinque filamenta cœrulea, quodammodo conglobata, continentur, aliis adhuc similibus flavis, numerum decenarium ferè æquantibus, cincta.

Pes filamentum longum, gracile & elegans est foliolum, marginibus ad se invicem contractis gaudens, ad quod filamentum extremitate sua aliud (coloris intuitu) filamentum tangens tendit, ita ut cœruleum flavum hocque cœruleum attingat, primumque filamentum in fine eleganter dilatetur, ibique globulum in medietate habeat, supra instar pedis vaccini ungulatum, è cuius medio filamentum flavum emergit.

Apices calycis rigidi sunt, in lateribus quodammodo pilati, in medio binorum spinis quasi minoribus emergentibus, quæ apices sunt

foliorum inferiorum, alia suffalcientium.

Filamentum in medio, quod minus conglobatum est, sed erectum situm habet, digiti Geometrici longitudinem habet.

Basis ramorum quadrangularis est, rubris pilis obsita.

Planta hæc aliàs ad hominis longitudinem, imò sæpe altius, succrescit, amans aquas, per integrum anni cursum floribus & fructibus superbiens. Ramusculi tantum non omnes lignosi sunt, grysei, & coloris intuitu corio ex fusco-cinereo haud absimiles, magis tamen rufescentes, plurimis punctis acutis, aciem spinosam præ se ferentibus si manu desuper tangantur, obsiti, licet infra asperitas hæc dispareat.

Lignum albicans & filosofum est, & medullam recentem in sinu & corde suo fovet.

Fructus tantum in summitate, quaterni semper aut quini, in alis superiorum foliorum, noduli diversam magnitudinem obtinent.

Pedunculus & operculum nodi, post delapsum floris, in parte inferiori rotundæ ollæ ad instar crassæ fiunt, & abhinc rursus tenuiora reddita, instar colli alicujus, se rursus in V. apices triangulares expandunt. In his fructus absconditur, qui post decidentiam florum colore rubicundo & quasi sanguineo se prodit, coronulâ quinquecuspidali ornatus.

Hic fructulus paulo post obscure rubescit, quem comedunt, cum dulcis & grati saporis sit, ut succus ejus.

Javani fructum hunc dentibus affricant, ad nigredinem illis conciliandam, quam pro decore & pulchritudine habent &c.

è Mss. DN. HERB. de JAGER.

## XXIV.

### DESCRIPTIO

# CORTICIS CARYOPHYLLODIS, CULI-LAWAN DICTI,

è

DN. GEORGII EBERHARDI RUMPHII

*Herbarii Ambonici Lib. 2. cap. 22. extracta.*

**C**ortex hic valdè aromaticus est, à me Latine *Cortex Caryophyllodes*, à Malajis *Culi-lavvan*, vel *Culit-Lavvan*, (quod corruptum est vocabulum ex Culit Begulawan, h. e. cortex caryophyllorum, ob odorem, quò gaudet) Ambonice *Salackal* & *Salackar* nominatus. Quidam in Java eundem *Sindoc* vocant, quem peculiarem tamen ab eo distinctum esse puto & alibi de-

scribo. Aliis *Tedjo*, Ceramlouweriensibus *Eyck* in Aru verò *Haumo* audit.

Proficiscitur is ex arbore procerâ admodum & sylvestri, erecto rectoque trunco, quem ut plurimum vir ulnis suis amplecti valet, instructâ, cujus ramificatio superior non adeo diffusateque expansa, sed densa foliisque repleta est, quoad externam faciem Lauwe non absimilis, paucos



paucos habens ramos, sursum ut plurimum vergentes. Virgulta ejus viridia & rigida sunt, binis semper virgulis è diametro sibi oppositis, qualem situm & folia habent, eorumque tria aut quatuor paria, uni virgulæ in hærentia, ita ut pedunculi eorum retrorsum quodammodo reflexa sint.

Folia hæcce formam & figuram illarum cuspidum ferrearum referunt, quæ sarissas muniunt & foliis Cinamomi quodammodo similia sunt, vel, ut propius accedamus, cassiæ lignæ, quibus cum arboribus Culilawan utrinque insignem affinitatem habet. Unumquodvis folium in arboribus antiquis manus longitudinem & trium digitorum latitudinem habet. In junioribus arboribus spithamam longum & 4. vel 5. digitos latum est, ad radicem seu originem, à qua successive in acumen definit, rigidum, siccum, & si frangatur in parte superiori intense viride & glabrum, infra autem cinereum aut obscure viride. Tribus folia hæc nervis gaudent, in longum, ut in foliis plantaginis, decurrentibus & tribus ab origine digitis concurrentibus, cum in superiore latere se extendant. Illis autem elegantissimæ venulæ intertextæ sunt. Sapor illorum viscidus est, quodammodo aromaticus & Caryophylla mentiens.

Fructus hujus arboris raro spectantur, quoniam arbores excelsæ sunt & plerumque imperfecti decidunt. Illæ tantum, quæ Soli è diametro oppositæ sunt, nec multum quatiuntur, fructus suos optimè omnium conservant & ostentant, sine notabili flore provenientes, cum statim nodi quidam virides & acuminati se trudant, è quibus baccæ oblongæ, glandibus, utut minores longè, similes, glabræ & virore marino præditæ exsurgunt. Sub putamine viridi crassiore nucleus oblongus, baccis lauri haud absimilis, reconditur, purpureo-rubicundus & in duas partes divisibilis. Cupula, cui insident, profundior est, quàm in glandibus, in sex cuspides divisa & fructui immediate annexa. Quodsi verò fructus hic magnitudinem olivæ semi-maturæ nactus est, in alterutro latere dehiscit, inibique substantia quadam sicca & flava, ochræ aut butyri majalis flavescentis instar, copiosè & quantitate nucis juglandis excrefcit. Hæc excrefcencia putamen viride tandem ita obtegit, ut vix particula ejus è cavitate emineat. Nucleus purpureo-rubicundus tunc temporis quoque omnino inversus est, substantia autem cartilaginosa, quæ sapore & odore Caryophyllis similis odorem suum aromaticum diu adhuc retinet, si aperta est. Interim non omnes nuclei excrefcencia supradictâ gaudent, sed maxima illorum pars decidit, è quibus maturiores in terrâ radices agendo alias arbusculas producant. Pauciores caulibus adhærentes dehiscunt & supradictâ excrefcencia obruuntur, quæ fructus admodum deformes reddit, ut massæ seu glebæ terræ similes appareant,

quæ ad contactum tam mollis ut axungia apparet, qualem substantiam arbor Cinamomi etiam suppeditat. Si digitis tractatur, hos colore flavo inficit: Intus autem durior est & instar nuclei apparet, qui tamen sterilis & ad plantationem ineptus est. Fructus mense Aprili erumpunt, & in Augusto decidunt.

Cortex Arboris (qui omne id absolvit, quod ex arbore hæc petitur) extus albicans & subcinereus est, ubique tamen minutis venulis obsitus: intus ex ruffo flavescent, ut lapis coctilis semi-calcinatus: in parte trunci inferiori digiti crassitiem habens, versus superiora tenuior. Ille qui calami crassitiem non habet, non recipitur. Crassissimus & infimus cortex tener & siccus est, saporis & odoris acris, Caryophyllorum saporem ita referens, ut pro cortice arboris Caryophyllorum ab ignaris haberipossit. Interim cortex Culilawan hoc peculiare habet, ut penetrantiâ suâ caput gravet, si ingens ejusdem cumulus ad manus sit. Superior tenuior & durior est, saporis tamen jucundioris & odoris gratioris, sub masticatione visciditatem aliquam, cum levi adstrictione, relinquens, ut cassia lignea adhuc recens, utut in cortice exsiccat minor adstrictio observetur, sed è contra aliqualis amarities. Ab initio quidem major caliditas ac acrimonia, quam in cortice *Massoy*, sentitur, sed caliditas in *Massoy* diutius durat: unde elucescit Culilawan è particulis volatilibus constare. Masticata in ore linguam mordet admodum, cum primis inferior & crassior cortex: quapropter medius & à superiori trunci parte desumptus pro meliori habetur, ut in ore masticetur, qui digiti longitudinem vix superat & ad minimum calami aut culmi crassitiem habet. Interim longe gratiorem saporem habet quam *Massoy*, buccamque jucundo odore caryophyllato, se longè lateque expandente, replet. Cortex recentior per aliquot dies Soli exponendus est, ut exsiccecur, antequam recondatur, tum enim odorem vinosum & jucundum nanciscitur, quem alioquin rancidum obtineret. Adhæc non tam in cistis occlusis, quam in locis apertis ac ab aëre ventilatis, in superioribus contignationibus, v. g. sub tectis, asservandus est, ubi ad XII. annum eundem bonum & efficacem conservavi. Cortex à tota arbore, usque ad ramorum exordium, detrahendus est. Abhinc in fragmenta oblonga conscindatur & exsiccecur, nec quicquam abjiciatur, ut cum cinamomo fieri solet, nisi quod extimæ venulæ, sub usu, abradendæ sint. Contuli aliquando folia Cinamomi, Cassiæ lignæ & Culilawan inter se & inveni omnia & singula tres notabiles nervos in longitudine habere, omnia quoque lævia, rigida, saporis & odoris aromatici esse. Ea quæ ab arbore cinamomi decepta erant, brevissima & rotundiora erant: quæ verò à Cassiâ Lignæ profecta erant, longiora, tenuiora



feu angustiora videbantur, in & cum foliis Culilawan magis conveniebant, utrobique tamen cinamomi saporem habentia. Omnium longissima & rigidissima erant folia Culi-lawan, peculiarem sibi que proprium saporem habentia. Si probè attendamus, duplicem in corticibus differentiam observabimus, dum quædam illorum pars intensiorem rubedinem & duriorē substantiam, altera autem rubedinem pallidiorem & substantiam fungosiorē habet. Utrobique tamen bonitate sua gaudent, ut non opus habeamus diversas illic species distinguere. Genuinam corticis hujus figuram, cum supradictō cort. Masfloy, vid. in *Museo Museorum*, Tit. de *Cassia Caryophyllatā*.

Lignum hujus arboris albicans est & quodammodò flavescens, alicubi quoque pallidè-rubrum, ad colorem corticis ante depicti accedens.

Radices aliè se in profunditatem terræ insinuant, densiori & firmiori ligno præditæ, tenui cinctæ cortice, cujus sapor à corticis sapore quodammodò discrepat, cum in radice subdulcem & anisatum qs. saporem & odorem percipiamus, utut acriusculum & sapore caryophyllorum imprægnatum. Breviter: colore, substantiâ & sapore cum ligno Sassafras (vulgò sic dictō) Indiæ Occidentalis adeò coincidit, ut Chirurgi nostri in Bataviâ ab anno 1680. eandem huic substituerint. Meò tamen iudicio sapor ille anisatus in Indica Occidentali radice notabilior &

gratior est, cum econtra radix Culi-lawan acrior sit & saporem caryophyllorum magis æmuletur. Sic & utraque arbor differt admodum, dummodò descriptioni Sassafras, quæ in *Historia Simplicium Nicolai Manardi* reperitur, fidem adhibere velimus.

Quod tandem Usus ejus attinet, cortex Culi-lawan Ambonicus, qui pro optimo habetur & tanquam merx bonæ notæ in Javam & Bali devehitur, licet non in tantâ, ac cortex Masfloy, quantitate, ob nimium caloris excessum. Communissimè tamen ambo teruntur & in unam massam compinguntur, quâ corpora sua diebus frigidioribus inungunt, quum placidè calefaciant, ac si penes ignem carbonum incalescant. In torminibus abdominis, colica & cephalalgia à causâ frigidâ, partes cum massâ ex Culi-lawan & Masfloy facta inunguntur & fricantur, quod extemplò titillationem quandam, in cute sensibilem, causatur. Quin & in ore, cum ciri pinang, masticatur, ad obtinendum gratum anhelitum. Jam ab anno 1682. & quod excurrit, nostrates Chirurgi in Bataviâ radices has Sassafrasio Indiæ Occidentalis substituere cœperunt, ut jam supra dictum est. Arte Pharmaceuticâ quoque oleum inde destillatur, utut in exiguâ quantitate, clarum & flavum, odoris è caryophyllis & nuce moschata qs. mixti, confortans admodum. Hoc ipsum elapsis aliquot annis rufescit & facilè evaporando diffilatur, haud aliter ac oleum cinamomi.

## XXV.

## SOLIDA DESCRIPTIO

NUCUM MOSCHATARUM, CUM  
PLANTATIONE ILLARUM ET NEGOTIATIONE.

**Q**uemadmodum Creator summus, DEUS T. O. M. ad hominem in continuò labore & occupatione detinendum, secundum beneplacitum suum, gemmas nitentes, metallum rubicundum aliasque clinodias in abyssum terræ abscondidit: ita simul bina illa aromata pretiosissima, caryophylla scil. & nuces moschatas, in paucas easque exiguas Insulas plantavit, eaque in extimos Oceani Orientalis angulos qs. abscondidit.

Quâ ratione caryophylla aromatica antehac tantum in Insulis Moluccis, nunc autem in regione Ambonensi unicè reperiantur, alibi diximus. Hæc vice pergemus & descriptionem arboris, alteram aromatis speciem, scil. Nuces Moschatas suppeditantem, describemus, quæ ita se habet:

Arbor, cui genuinæ Nuces Moschatae, quas fœminas appellant, inhaerent, formâ & magni-


tudine pyro haud absimilis est, utut quodammodò humilior sit. Apex ejus rotundior est quàm in arbore caryophyllorum, nihilominus tamen elegans & pyramidale opus frondarium, idque latius quàm in caryophyllo expansum, format. In rectum ut plurimum & robustum truncum assurgit, interdum duobus aut quatuor ramificationibus, quæ ad latera magis declinant, nec rectâ, ut caryophyllus, altum petunt. Quandoque è ramis transversalibus alios, recta sursum tendentes, instar scipionum erumpere videmus, qui sæpissime ad instar arborum juniorum succrescunt. Cortex trunci glaber & obscurè gryseus est, colore viridi permixtò, intus rubicundus & succi plenus. Arbor ipsa ramos crassiores paucos habet, qui tamen rudes & in quamplures tenues & prolificas virgulas divisi sunt, quæ confusi sibi invicem cohærent, à quorum gravitate fructus depri-








*Nux Myristica Mas*




f. 2



f. 3



f. 4



f. 6




*Nux Myristica Fœmina*


f. 5




f. 7




f. 8



f. 9



f. 10





deprimuntur. Folia iis, quæ pyrus habet, similia sunt, acutiora tamen, longiora & in margine non incisa, in apicem prolixum desinentia, supernè intense viridia & infra quodammodo grysea: quod signum haud obscurum omnium Nucum Moschatarum generum est, quod scilicet superficies inferior grysea magis & cinerea sit quàm superior. Aliàs verò glabra sunt, ut folia caryophylli, molliora tamen & planiora, supernè quodammodo splendentia, infra autem non aequè, paucas in lateribus costas habentia. Ut plurimum binis in ramis seriebus disponuntur, ut ut non exactè è diametro oppositis. Masticata in ore saporem aromaticum statim produnt. Arbore incisa, aut ramo decerptò, succus viscidus, pallidè rubicundus, instar sanguinis dilutioris, effluit, qui statim intense rubet & in lintheaminibus tales maculas relinquit, quæ vix elui possunt. Ast hœc arbor maximè exfugitur & emaciatur.

*Fructus* primicerii & *tenelli* sunt exigui & albicantes, aut ex albo-grysei, noduli, instar flosculorum aut calycum, angusto ore & in 3. apices q̄s. diviso gaudentium, floribus liliorum convallium fere similibus, *vid. Fig. 7. TAB. III.* Intus parvulus & oblongus ac rubicundus globulus apparet, unde fructus succrescit. Foliola odore destituta sunt, incurvatis pedunculis insidentia, ut plurimum deorsum inflexa, binis aut ternis junctis, quæ alii adhuc cauliculo inhaerent, ex origine foliorum, prope ramusculos, oborto. Communissimè tamen unicuique tantum fructus emergit, reliquis flosculis decidentibus. Rarissimè bini aut terni sibi juncti observantur, aliàs arbor omnes & singulos fructus sustinere non posset. Interiore capitulo in majorem magnitudinem incrementum flosculus dissilit & dehiscit, postquam nucum castanearum colorem nactus erat. Nono post florentiam mense fructus maturescit, eoque non obstante ter annuatim decerpitur, ut paulò post dicetur: quod exinde accidit, quoniam flores successivè & non unâ vice proveniunt & virescunt.

**FRUCTUS** pedunculis longis insidet, qui propendendo omnes ramusculos suâ gravitate deorsum versus deprimit. Figuram is & magnitudinem Mali Persici nanciscitur, retrò quodammodo acuminati, instar pyri, à principio pedunculi circumcirca sulco quodam in duas partes distincti (qualem Mala Persica in latere habent) in parte anteriori apice minore exornati. *Vid. Fig. 9. Tab. III.* Pellicula exterior primum pallidè-viridis, & quando maturus est fructus, quodammodo rubicunda est, instar Mali Persici maturi. Abhinc rima vel sulcus intermedius dehiscit & nucleum inclusum ostentat, elegantissimò colore rubro & q̄s. kermesino, ut in *Fig. 5. Tab. III.* observare licet. Quod si hac sub constitutione fructus per duos adhuc aut tres dies arbori inhaereat, nu-

cleus sponte suâ excedit, & si in terrâ relinquitur, facile à vermibus corroditur & corrumpitur, ob copiosam pinguedinem & oleaginositatem in nuce contentam: id quod frequentius tempore pluviosò accidit. Quid quod in fructibus arbori adhuc inhaerentibus in cortice exteriori curti sed crassi vermiculi generentur, qui macerem exedunt.

**CORTEX** seu **PELLICULA EXTERIOR** crassitie eadem gaudet ac Malum Persicum, substantiâ tamen duriore prædita, succo seroso scattens, & ob saporem austerum & adstringentem esui minus inserviens. Sub hac pelliculâ s. cortice nucleus reconditur, unde primum macis, rubedine kermesina superbiens, obtinetur, quæ corticem duriores instar retis aut fasciæ cingit, ita tamen ut hinc inde dictus modò cortex elucescat, ut omnia è *Fig. 4. 6. 8. 10. Tab. III.* ad oculum apparent. Macis hæc in summitate prope pedunculum amplior & latior est, ubi diutius quoque albescit, in parte anteriore autem quodammodo acuminatur, ubi fasciola sibi mutuo intertextæ sunt.

**MACIS** cortici nigro tam firmiter adhæret, ut quædam illi vestigia efformet.

**CORTEX NIGRICANS** crassitie nuces avellanas æmulatur, duritie tamen illis cedens, cum faciliè confringi & in frusta comprimi possit.

Sub hoc demum nucleus genuinus, quem Nucem Moschatam dicimus, reconditur, ita tamen, ut interiori corticis superficiæ non adhæreat, sed circumcirca ab eò separatus sit, & quum exsiccatus quodammodo corrugascat, hinc concussa & commotâ nuce strepitum & crepitum edit.

Ipsa **NUX**, quæ satis cognita est, in alterâ extremitate (quæ posterior ejus pars est) quodammodo compressa & sessilis, circumcirca quoque aliquantulum rugosa, duplicis formæ est, ita ut quædam oblongæ, aliæ autem rotundæ, utraq̄ue tamen bonæ sint. Acu pertusæ oleum plorant, quò non apparente, indicio nobis est nucem, seu obsoletam, invalidam esse.

Antiquis hoc aromatis genus prorsus incognitum fuit & quantum constat, Medicus Arabs, Avicenna (qui anno 1160. præterpropter vixit) ejus primam mentionem fecit, ut adeoque longè post caryophyllorum aromaticorum inventionem australi mundo innotuerit. Arabicè illi *Gianz band*, quod alii per *Ghausialband* expriment, dicitur, quasi nuces de Banda diceret. It. *Gjenzo hibi*, h. e. nuces aromaticæ. Vocatur & *Gjanz Bovva*, vel ut alii scribere audent, *Gianz boova*, cujus vocis origo Persica est & nucem fragrantem denotat. Latine hodie *Nux Myristica*, *Moschata*, *Moschocarion*, *Moschondion* à musco dicitur, non quod hunc redolent, sed juxta vulgarem loquendi modum, quò plebs omnes fragrantis fructus moschatos vocat, ut uvæ & pyra moschatellina testari possunt. Non aliam ob causam recentiores Græci eandem



nucem Myristicam, h. e. Unguentariam, vocant, non, quod unguentum inde conficiatur, sed quoniam odorem unguentorum fragrantium, seu balsamorum spirat. In Decaniâ seu Indiâ Veteri *Japatri* vocatur: Lusitanis *Noce de specia*, Belgis *note-muscaten*, aut simpliciter *note* audiens. In Banda & ab omnibus Malaijanis *Pala*, in Ternata *Gehora* & Sinice *Laubau* nominatur. Reticulum rubicundum, cortici ligneo incumbens, Latine *Macis* audit, quæ à Græcorum *Macere* (quæ arbor est distinctissima & in Veteri Indiâ sub nomine *Major* satis cognita, à Lusitanis verò arbore de las-camas, h. e. arbor Mellissæ rubræ dicta est) probè distinguenda est: Vox hæc *Macis* à vocabulo Javanicò *Massa* derivari videtur, quò nomine Lusitanis in hodiernum diem adhuc venit. Nostro tempore linguâ Malaijanâ *bonga pala*, Sinicè *Lahau hoæ*, Belgicè *fuly* & Germanicè *Muscaten Blumen* dicitur. Arabes *Besbase* & corruptâ voce *Besbase Bisbele*, *Besbona* &c. vocant. In Decania nomine *Iaisol* venit, quod florem è Javâ notat, quoniam astutissimi Javani simplicioribus persuadere satagunt fructus quosdam esse in regione illorum provenientes.

GENUINA NUX MOSCHATA unius tantum generis est, sed, uti dictum, duplicem figuram habet, quum altera arbor species oblongas, altera autem rotundas nuces ferat, quam differentiam etiam in foliis arboris discernere possumus, dum una folia oblonga, altera autem breviora & rotundiora habeat. Utraque aromatica sunt & iisdem viribus gaudent, è quibus FOEMELLA pro genuina arbore nucis moschatæ habetur: præter quam adhuc genus peculiare datur, quod MAREM vocant & trunco breviori, sed complexu foliorum rotundiori gaudet, de cætero verò communi simile est. Hoc pluribus foliis, sed paucis, utut majoribus, fructibus exornatur, qui ut plurimum duplicati seu gemini apparent. Raro inveniuntur & nil aliud, quam monstra arborum vulgarium esse videatur. In Bandâ *Bala Boy* & paulò intimius *Nova* vocantur.

Præter duas hæc species Nux aromatica adhuc alia quædam MONSTRA exhibet, quæ tamen peculiarem speciem non constituunt, v. g.

I. PALA BACAMBER seu NUCEM GEMELLAM, in Bandâ *Pala-kene-kene* dictam, cujus fructus externè duplici sulco donati sunt, decussatim posito, alioquin verò communibus similes, aut paulò majores sunt, in cujus medietate Pala Bacamber reconditur. Intus duo nuclei sibi juncti sunt quorum unusquisque sua macerâ instructus & peculiari quoque cortice seu pellecinctus est. Altero, quò se mutuo tangunt, latere compressi sunt & inter utrumque crassior adhuc macis latitat sicque consequenter nuces internè semi-rotundæ sunt. Nullam præ aliis virtutem aut prærogativam obtinent,

indeque aut nucibus vulgaribus permiscentur, aut raritatis causâ asservantur. Magna hic suspectio subest, dum gemellos generare putantur, si mulier imprægnata iis in cibis utatur.

II. PALA PENTSJURI, h. e. Nuces furtivæ. Hæ cortice lignoso destitutæ sunt, aut eodem in parte quadam tantum cinguntur, macisque nudis nucibus, figurâ non exactè rotunda, sed quodammodo declivi & callosâ incumbit. Monstra sunt valde nociva, siquidem omnes omnino nuces, quibus junguntur & miscentur comminuere & corrumpere valent, cum prima corrumpantur & reliqua inficiant; quapropter sollicitè eligenda sunt, ne aliis misceantur. Sunt qui ob usus Medicos nuces has curiosè asservant, perhibentes easdem calculos in corpore humano comminuere, cujus rei nullum adhuc periculum feci.

III. PALA ZADZJA, h. e. *Nucula Macifera*, fructus intuitu reliquis similes sunt, sed loco nuclei interioris nukulam minimam habent, mace crassissimâ cinctam, ita ut quandoque nucula illic inveniatur vix grano piperis major, cujus tamen macis ingentem massam efficit, quæ dura, ponderosa & durabilis est. Hæc ipsa macis, non exempto nucleo, aliæ miscetur. Quoniam verò macis hæc elegantior & durabilior est alia vulgari, hinc curiosi aliquid de eâ sibi asservare solent, idque non tam raritatis quam usus Medici gratiâ.

IV. PALA HOLANDA aut PALA PUTI à vulgari nequicquam differt, nisi quod pallidiori aut candidiori macere gaudeat, quæ tamen exsiccata flavescit & aromatica est. Quoniam verò alias maceris species viliores reddit, hinc rejicitur & speciatim ponderatur. Paucae quoque arbores, reperiuntur, quarum macis pallido flavè punctata se trudit, eaque de causâ *Kackerlack* dicitur. Reliquæ arbores macere pallido rubrò cortice gaudente sunt ornatae, quam *Pala Cassomba* vocant.

V. PALA DOMINE illæ sunt nuces, quarum medietas tantum macere est cincta sicque vitram Prædicatorum seu Ministrorum verbi divini referunt, quos Batavi *Domine* vocant. Hæc parum æstimantur, quum macis integra inde separari non possit & quoniam pauci nunc flores observantur.

Præter genuinam & hætenus descriptam nucem moschatam quinque vel sex etiam NUCEM SYLVESTRIMUM species, cum primis hîc in Amboinâ, reperiuntur, quæ omnes PALALA vocantur, inter quas Nuces moschatæ mares magis cognitæ sunt, de quibus infra.

De NUCIBUS MOSCHATIS MALABARICIS (quæ sapore aromatico destitutæ & in TAB. IV. depictæ sunt) vid. Hortus Malabaricus.

Genuina Arbor Nucum Moschatarum per integrum annum fructibus minus destituitur, sive jam juvenculi, sive semimaturi, sive perfecti sint,



*Nuces Moschata*  
*Malabarica*



*Nuxdissecta*







sint, perinde est: quamvis id non in omnibus arboribus conspiciatur. Interim quilibet annus tribus distinguitur temporibus, quibus nuces maturæ colliguntur.

MAXIMA illarum MESSIS mediâ tempestate pluviosâ, scil. in fine Julii, aut & mense Augusto, quô arbores fructibus abundant, instituitur, sed macis tunc tenuior, quàm in minori, mensis scil. Novembris, conspicitur, quam *Muson Mette-key aru* vocant & tantum appendiculam præcedentis messis vocare solent. Tertia messis s. Muson in mensem Martium incidit, vel & in principium Aprilis, quam *Muson ule*, à quibusdam vermiculis viridibus, in Amboina Wauwo & Mullatto dictis & in Oceano fluctitantibus, vocare solent, unde bonum Asiaar formatur. Hoc anni tempus optimas nuces & crassiores macerem suppeditat, quoniam arbores tunc tantâ fructuum quantitate non gravantur, nec pluvix adeò copiosæ depluunt: cum e contra mense Julio & Augusto pluvix majores sint ventrique vehementiores observentur, quibus haud pauci fructus ab arboribus decutiuntur & præmaturè decidunt, qui tamen nihilo secius colliguntur & datâ operâ conservantur. Hi enim sunt, quos nostrates *Rapen* vocant, quorum macis, pariter collecta, communi vilior est. Nuces sunt minores, callosæ & rugosæ, quas rompos (*Rompen oder Riimpffe*) nominant.

Genuina MESSIS ita instituitur: Nucibus ad maturitatem (cujus indicium est, si pellis exterior, tunica maturorum pomorum persicorum instar, colorem rufescentem nanciscitur & ipse fructus in arboribus hinc inde dehiscit) pervenientibus Incolæ arbores conscendunt, nucesque, hamulis longioribus ramulos attrahendo, decerpunt; id quod minori cum periculo contingit, quàm in arboribus caryophylliferis Ambonensibus, dum arbor nucum moschatarum ramos longè densiores habet, quibus tutius insistant, plurimisque ramis obsita est, qui commodè attrahi possunt.

Decerptæ aut detrusæ nuces moschatæ sub arbore in terrâ relinquuntur, quæ tam sollicitè tantaque puritate non colliguntur, ac caryophylli sub arbore caryophyllifera. Interim coronâ, ex terrâ in formâ aggeris elevatâ, cingendæ sunt, cum primis in eo arborum latere, quô montibus declivibus inhaerent, ne præcipites inde nuces deperdantur. Nuces hæ decerptæ à mancipiis statim cultro aperiuntur & ab extimâ tunica liberantur, quam in sylvis in acervos conjiciunt & putrescere sinunt: ubi novitii minusque experti, qui nuces maturas ab immaturis nondum distinguere possunt, sub apertione nucum se facillè lacerare solent, si cultrum per nuces adhuc immaturas, quas pro maturis habent, figendo in proprias manus urgent.

NUCES ita DEPURATAS domum ferunt, & cultello macerem statim deglubunt, quæ, si possibile, integra relinquenda est. Huic negotio

mancipia destinata sunt, in eoque sic exercitata, ut cunctissimè id efficere valeant. Macis hæc, instar sanguinis rubicunda, per aliquot dies in Sole exsiccat, postquam areis quibusdam & muris quadratis, altarium instar, efformatis, imposita fuerat, ubi colorem suum kermesinum exuit, primum obscurè-rubicunda & ultimò in saccis colorem intensè flavum, aut aurantiis similem, quô nobis offertur, nanciscitur. Nuces autem cortice suo duro lignosò adhuc cinctas, antehac per aliquot septimanas pavimento, asseribus, ex arundinibus fissis constantibus, munito & parra-parre dicto, commissas in Sole exsiccabant, quod succedentibus temporibus, tanquam minus commodum, omissum fuit, dum, si nuces calore Solis dissilire incipiunt & in pavementis his relinquuntur, ros nocturnus per fissuras penetrat easque quamfacillimè corrumpit; quapropter alii cautius agunt, qui nuces suas, quamprimum macis separata est, ultra tres dies exsiccationi Solis non committunt, sed noctu domi recondunt, vel primum in Parra-parre quodammodo ☉ siccitas noctu in certis domunculis, sub tecto, per substratum ignem, cujus fumus nuces penetrare debet, ulterius exsiccant. Quodsi jam per 4. hebdomadas fumum sint expertæ, remonentur, fustibus tunduntur, aut saxo graviori obvolvuntur, ut cortex lignosus in frusta dissiliat. Sin autem nuces quædam per verbera hæc & agitationem simul confringantur, per similes fustigationes & circumvolutiones ulterius comminuuntur, ut eò facilius à bonis distingui possint: quemadmodum & ipsi rompi tunc primum deteguntur, utpote qui antea dignosci non poterant.

Depuratæ sic nuces moschatæ abhinc manibus seliguntur & in tres acervos dispescuntur, quod GARBULARE (*Garbuleeren*) vocant. Ad primum acervum majores & elegantiores, quas in Europam devehunt, seponuntur. Media species è secundo acervò ut plurimum hinc in Indiâ manet. Tertius denique acervus supradictos rompos capit, qui minus elegantes, attamen duri, oleaginosi & durabiles sunt. Maximâ ex parte ad oleum inde exprimendum adhibentur, pauci verò aut nulli aliorum ablegantur. Ab aliquot jam annis tantâ in copiâ succrevêrunt, ut Illustr. Societas vel dimidio illos pretio cœmere, in insanos acervos conjicere & cremare jusserit: aliàs verò possessores ipsimet ad eos combutendos & excitato inde igne (qui luculentus admodum est & summe calefacit) cibos coquendos tenentur.

SELECTÆ sic NUCES Moschatæ statim librari, nec à Mercatore, qui easdem suscipit, ultra 8. dies in promptuario mercium absque calce relinqui debent, cum sine hac facillè corrumpantur, cum primis, si in humidis & obscuris locis asserventur, aut in nudo pavimento relinquuntur.

CALCE autem sic INFICIUNTUR & qs. condiuntur: è calce depuratâ & per cribrum  
trajectâ



trajectâ aqua calcis vivæ spissiuscula conficitur, quâ ad dealbandos parietes utuntur, idque in mastrâ majori, in quam nuges corbibus minoribus bis vel ter infunduntur, ut aqua calcis vivæ omnes attingat, quas abhinc in domo calcariâ in cumulum conjiciunt. Calx adhærens enim nuges â putredine & mucore conservat, nec his ullam qualitatem noxiam affricat, quoniam è mollibus & candicantibus lapidibus corallinis Oceani, qui exiguâ acrimoniâ scatent, calcinatur, unde & quotidie illam sub comestione Pinang adhibent. Quandoque evenit, ut, si nuges calce infectæ in loco angusto & occluso jacentes inter se exardescant, & si vel minime ignis scintillula in easdem cadat, vehementer fument & penetrantem odorem spirent: quapropter in navigiis illis, quibus avehuntur, opercula non omninò comprimenda & plus justo occludenda sunt, ut ab aere ventilati possint; licet in navibus tantum periculum non immineat, quum sub illarum separatione & distributione maxima pars calcis decidat, quæ ob pulverem inde ortum tamen oculis & respiratori incommodat, adeò, uti ii, qui nuges auferunt & aliorum deportant, haud rarò periculum suffocationis incidant.

**MACIS EXSICCATA** diu quoque in pavimento reliquenda non est, sed quamprimum libram superavit, saccis ingentibus stramineis, quos Sokkels nominant, immittitur, qui longitudinem V. pedum & latitudinem sesqui pedis habent & è certis oblongisque foliis, Kokojo dictis, contexuntur, cum folia hæc in montibus Bandanensibus, (utur non sine curâ hominum, ramusculos plantarum, post foliorum messem, pedibus in terram conculcantium & quasi implantantium) copiosissimè inveniantur. Antequam verò macis dictis modò saccis immittatur, aquæ salinæ modicò prius conspergenda est, sumendo ad unumquemvis saccum 2. cantharos aquæ, quod impedit, ne macis comminuat & oleaginositatem retineat. Macis hæc arctè inculcatur &, quam fieri potuerit, compactissimè comprimitur, priusquam Sokkels sive sacculus futurâ claudatur, in quo margo quidam relinquitur, cui pondus in sacco contentum assignatur, quod plerunque netto 28. Catienos Bandaficos (qui 161. lb. Belgicas æquant) habet: in quibus sacculis seu Sokkels in Europam usque deportari solet.

Alias arbor nucis moscharæ latius se extendit, quam arbor caryophyllorum, per universam scilicet regionem Moluccanam. Interim genuina ejus SEDES est provincia Banda, quæ è VI. Insulis minoribus constat, scilicet Nera, Lontar, Gunongapi, Pulo-ay, Puloron & Rossingeyn: e quibus tres tantum, scilicet Nera, Lontar (alias superior tractus dicta) & Puloay dictis arboribus superbiunt. Nonnullæ quidem arbores in Amboniâ quoque & Insulis circumfisis Uliasterensibus inveniuntur, ast illæ neuti-

quam excoluntur, sed incolæ civesque paucos inde proficiscentes fructus loco medicamenti, aut interdum quoque condimenti in cibis adhibent; quod ipsum ferè conjecturæ locum dat, inter Incolas Bandæ & hanc provinciam dudum pactum quoddam intercedere, ne sc. Bandanenses caryophyllorum, nec Ambonenses Nucum Moschatarum mercaturæ se miscerent, non sine causâ perhibentes Deum T. O. M. cuilibet Insulæ redditus suos & pecuniaria dona tribuisse, quibus contenta sit, oportet. In Kelan, Ceram & 2. Insulis Orientalibus Nila, Damne, Seru, Kouwer & Kusuwuny antehac nonnullæ quoque arbores observatæ fuerunt, sed maximâ ex parte, partim jure belli, partim & per voluntarios contractus, cum incolis eradicatæ sunt. In sylvis Seranii Minoris aliquot ante annos arbores inventæ fuerunt, quæ magnas ponderosasque nuges tulerunt, ast notabile discrimen inter illas & Bandanenses observari poterat, dum nuges Seranenses æque ac macis illarum saporem longè sylvestriorem habebant, ita quidem, ut credibile sit arbores illas tractu temporis sylvestres, prorsus evasuras esse, quod clarissimo è foliis, hortensibus longè majoribus, elucescit. Quò longius igitur è Bandanensi tractu abit arbor hæc, eò paucioribus & vilioribus nucibus gaudet. In Ceilon quoque species quædam Nucum Moschatarum reperitur, sed illæ nunquam non parvæ remanent, nec unquam ad perfectam maturitatem perveniunt, sylvestris potius, quam genuini arboris nucum moschatarum generis.

Nuges Nerasienses maximæ & elegantissimæ sunt. Pulcherrimæ verò nucum moschatarum in Pulo-ay occurrunt, quæ Insula ultra 2000. passus non complectitur, plana tamen & ubivis arboribus nucum moschatarum confita, quibus hinc inde alias quoque arbores interpositæ sunt, quod & visu jucundum & per meatu haud ingratum est, omnibus arboribus ita cultis, ut universa Insula unicus hortus videatur esse, qui ad ripas maris collibus exiguis & fruticibus sylvestribus circundatur, qui utrobique ventis marinis rigidioribus, ab arboribus nucum moschatarum avertendis, opponuntur. Insula hæc magno quidem aquæ dulcis defectu laborat, attamen plures illi cives & hortorum possessores habitant, qui tantum, quantum us necessarium est, è cisternis hauriunt; ut adeoque Insula Pulo-ay tertiam ferè partem ejus, quò Mundus indiget, suppeditare valeat: unde & nostro tempore rompi optimi è Banda evehuntur.

In Lontar plurima quidem pomera sunt: ast quoniam hæc Insula montosa admodum & altissima est, hinc arbores illi difficilimè conscenduntur, nugesque agrè colliguntur, quum arbores præcipitiis montium adhæreant & nuges magno cum labore colligendæ sint, ob plantarum scilicet paucitatem; & licet arbores nonnullæ in summitate montium succrescant, paucos



paucos tamen, ob intensum frigus, edunt fructus.

Sylvæ hæ nucum moschatarum nostris diebus à veteribus colonis & incolis non amplius possidentur, quoniam illi ipsi, ob multiplicia homicidia in nationem Belgicam commissa, & cum primis in Summo navium Præfecto (vulgò Admiral) Rietero Willemssen perpetratam crudelitatem, inde depulsi, totaque regio anno 1621. à Capitano Generali Jano Peterseno Cod armis subacta & provinciis Belgii foederati adjecta fuit, quo tempore pometa & arborera inter Belgas & Mestisicos cives distributa fuerunt, qui insignem mancipiorum numerum, 40. v. g. aut 50. illis alere tenentur. Horti majores 80. ad 100. eorum exigunt. Illi qui nullos hortos possident, nullum quoque mancipium antehac ad sylvas ablegare poterant, ut nuces delapsas colligerent. Quoniam verò arbores hæ per totius anni cursum fructus ferunt, qui non simul & unâ vice, ut caryophylli, sed successivè maturescunt, & cum hortorum possessores indies illorum curam habere non possint, facile contingeret, ut maturi & sponte suâ decidentes in terrâ corrumperentur; hinc ejus evitandi gratiâ permissum fuit, ut unicuique fructus deciduos colligere liceret, quum nuces ob maturitatem decidentes elegantissimæ & majores sint, maximaque cingantur mace. Quid quod venti pluvixque vehementiores plures etiam nuces decutiant, unde rompi oriuntur, quorum macis etiam laudabilis est, cujus intuitu illorum collectio olim cuilibet quoque permissa erat, nostris verò temporibus non item, quoniam hortorum possessores conquesti fuerunt, romporum collectores (quos Belgæ Rapers vocant) extra circulum suum divagatos in raptos abiisse, sicque unusquisque hortum suum propriis mancipiis custodire teneretur. Quamvis autem Insulæ Bandanenses, suâ Naturâ insalubres, aquarum penuriâ teneantur, aliis quoque defectibus subjecti sint, & collectione nucum, cum primis in illis arboretis, quæ in excelsis & præcipitibus Insulæ Lontar improbos non tantum labores subire cogantur, sed & frigoris aliorumque incommodorum intuitu mancipiorum suorum jacturam ferant: at tamen Possessores & Proprietarii iisdem optimè se sustentant, non obstantibus præcis quibusdam & exactè requisitis in depuratione hujus aromatis observandis, fixoque pretio, quò Illustri Societati nuces sunt cedendæ, ita ut Catti Banda ( $\frac{1}{4}$  lb. Hollandicas habens) pro Schellin- gio, & tantum macis pro Reali seu thalero veneat.

Antehac credebatur nuces moschatas curâ & sedulitate humanâ non facilè transplantari aut propagari posse, idque nonnisi adminiculo columbarum quarundam coerulearum sylvestrium (quæ Bandanensibus Talor, Malaijanis Bodrong Pala, Nostratibus Noor-eters, & Germanis Nuss-Fresser, h. e. Nucivoræ s. Caryophagæ dicuntur)

fieri, utpote quæ nuces tunicæ exteriori exemptas & integras deglutiunt, earumque macim tantum consumunt, nucem verò integram & cortici lignoso adhuc involutam per alvum rejiciunt, quæ in sylvas & fruticeta decidens novis arbusculis generandis occasionem suppeditant: cum econtra nuces moschatæ maturæ, ab hominibus in sylvas, hortos aut optimum & pinguis- simum solum plantatæ, nullas plantas truderent, quum nux ad maturitatem deducta & in solò aliquamdiu relicta facilè à vermibus corrodatetur & omninò corrumpatur. Successivis autem temporibus, circa annum 1662. nuces semi-maturas plantare incipiebant, multa puti dictas, in quibus macis nondum rubra apparebat: id quod optimè successit, dum arbusculæ elegantissimæ inde propullulabant, quæ pro lubitu transplan- tari poterant. Hæ arbusculæ 5. vel 6. anno jam fructiferæ sunt, sed nunquam non in densis fruti- cetis aut umbra aliarum arborum plantari de- bent, cum ☉ non perferant, ita quidem, ut si locus illarum circumcirca complanetur & denu- detur, quamfacilimè emoriantur. Quid quod arbores vetustæ inter alias arbores lætius succre- scant, quas & sylvestres quædam arbores non tantum in eò, quò mare respiciunt, latere, sed & in summitate montium quoad totam periphe- riam cingere debent, ne à ventis asperioribus incommodentur, qui illis valdè nocent. Hæc de causâ in Bandâ non facilè succidere solent ar- bores sylvestres, nisi densæ & confertæ nimis arbores nuciferas operiant, quò casu quædam cædi possunt, ut arbores nucum moschatarum eò melius ventilentur, quæ sibi invicem tam proximè jungi non debent, ut se mutuò tangere valeant, cum sic paucos fructus ferant & feri- bus rarioribus, instar sudium, proveni- ant, ut in hortis Lontarensibus observare li- cet. Excisio verò & eradicatio arborum Sal- tuario sylvatumque custodi relinquitur, sine cu- jus arbitrio & permissione ne unica quidem ar- bos tutò & impunè cædi potest. In Amboinâ hinc inde juxta domicilia quoque arbusculam unam vel alteram plantarunt, à quibus tamen pauci fructus sperari possunt facileque emoriun- tur, quum à radiis Solaribus nimis feriantur, nec lætè succrescant, si extra fruticeta densiora pro- pullulent.

Usum quod concernit, idem hîc, quod de caryophyllis diximus, obtinet, quòd scil. Euro- pæis aliisque regionibus frigidioribus, cum pri- mis Germanicæ nationis, magis inserviant, quàm Indis. Quapropter de viribus & qualitatibus il- larum hîc prolixè & verbosè non agemus, sed tantum usus magis famosos atque cognitos e- numerabimus. Sunt equidem qui Nuces Mo- schatas Mares efficaciores & à Javanis pluris æsti- matas esse censent, quam foemellas, quod ipsum, si per Mares oblongas & majores nuces intelle- xerint, facilè indulgere possumus. Interim jam supra diximus, quod omnes Nuces Myristicæ



pro foemellis habeantur: undè necessariò id de Nucibus Maribus Sylvestribus statuent, in quò ipsò tamen fallunt & falluntur admodum. Quando enim Javani & Malaijani antehàc à Bandanensibus manipulos aliquot nucum moschatarum marium desiderabant, id neutiquam expetebant, ac si easdem meliores & efficaciores putarent, sed ut medicamentum aliquod, cui vulgares minus commodæ erant, inde efficerent.

Genuinæ Nuces Moschatæ intus assumptæ omnes dolores & tormina abdominis sopiunt, quæ à frigore & flatibus in ventriculo, intestinis & utero generantur: confortant & calefaciunt ventriculum frigidum, ejusque digestionem promovent, sistunt vomitum & singultum & si Nuces Moschatæ in pulverem comminuantur, cum *Bakelale* misceantur & in vino assumantur, urinam pellunt, stranguriam curant & anhelitum gratum procurare valent. Colicam quoque & cardialgiam refrænant, deobstruunt hepar & lienem, si modò supraddictò assumantur. Nux prope ignem quoque assatur & torretur, ac cum potu ordinariò assumitur, quò diarrhoea & dysenteria curari potest. Medici Arabes hoc in casu aliquid amphii admiscent. Ex amici cujusdam relatione habeo, quod hoc, tanquam insigne secretum, contra dysenteriam à Nigrita Persico obtinuerit, quod scilicet Nux Moschata tosta, cum paucò amphio, quantitate cadiang, in haustu vini rubri, vel, in hujus defectu, in ovò sorbili assumpta, hîc infallibile sit remedium. Apprimè etiam contra passionem hystericam, dolores renum & vesicæ facit. Imò sunt, qui eandem oleo amygdalarum prius maceratam calculum expellere asserunt.

Econtra omnes illi ab usu aromatis hujus abstineant, qui durioris sunt alvi, hæmorrhoidibus obnoxii sunt, aut crassum, sæculentum & adustum sanguinem obtinent. Adjecto zingibere acuitur & confortatur. Quotidianus nucis hujus usus, ob oleositatem, inviscat stomachum caputque vaporibus densis, unde lethargus oritur, aggravat. De muliere gravidâ referunt, quod ab esu X. aut XII. Nucum fatua & mente cassâ reddita fuerit. Pro majori hujus confirmatione binas hîc historias annectam, quæ nostris temporibus se truserunt. Anno 1655. Germani quidam intinctum è cerevisia tenuiori & vinò paratum comedebant, cui nihil aliud, ut ipsi referebant, quam saccharum & 6. vel 8. nuces moschatas, in rasurâ, injecerant, qui subsequenti die in tantam pectoris difficultatem incidebant, ut suffocatio immineret: os simul exsuccum, labia intumescencia sibi que agglutinata quasi apparebant. Adhæc nonnisi summò cum labore respirabant, in capite tanta gravitate & tenebrositate correpti, ut memoriâ omninò privati viderentur: alvus dura erat & contumax, ita quidem, ut nonnisi multis laboribus & julepis homines illos salvare poterint, quibus simul V.S. purgantia & similia ap-

plicata sunt. Aliò tempore duo milites gregarii sub arbore Nucis Moschatæ in Manipâ per totius noctis decursum dormiebant, quibus die insequente caput adeò gravabatur, ut ebrii & semiagroti viderentur. Similia exempla in Bandâ quoque observata sunt, dum a. 1650. 2. Milites illi 5. ad 6. nuces statim è manu devorant, qui exinde pariter infatuati & semidelirantes redditi fuerunt. Anno verò 1657. aliq. persona in strato suò mortua inveniebatur, cui præposita erat corbis nucibus moschatis repleta, unde præsumebatur eandem quasdem fortè comedisse & exinde in somnum perpetuum incidisse. Quanta damna & incommoda illi homines, qui aut domus inhabitant, aut navibus vehuntur, in quibus nuces calce imprægnatæ delitescunt, experiri cogantur, jam superius dictum fuit. Unde jam elucet arbores Nucum Moschatarum in Indiâ plus detrimenti, quam commodi inferre; ut adeoque Creator Sapientissimus easdem potius pro Orbis parte Septentrionali creasse videatur, ubi oleositas illarum per frigoris adstrictionem ita immutatur & corrigitur, ut non tantum durabiliores, sed sanitati convenientiores, imò & fragrantiores reddantur; quod itidem de caryophyllis potest asseri.

NUCES VIRIDES quoque CONDIUNTUR, & non tantum per universam Indiam, sed & in Europam vehuntur. Hoc ita fieri solet: Nucibus jam fermè maturescentibus, sed nondum dehiscentibus, condiendæ cautè ab arbore decerpuntur, ne in frustra concidant & conquassentur. Abhinc decoquuntur in aquâ & subulâ perforantur, per 8. aut 10. dies in aquâ macerantur, donec austerum & acerbum saporem exuant. Hoc factò in julepo, ex sacchari & aquæ partibus æqualibus parato, plus minus coquuntur, prout aut molliores, aut duriores desiderantur. Duras si desideres, aliquid calcis injicitur. Hæc aqua saccharata indies decantanda, calefacienda & rursus affundenda est, idque denuò per octiduum. Tandem adhuc unicâ vice coquendo syrupo spissiusculo ex aqua infundendâ & in ollâ lapideâ probè obturatâ asservendæ sunt. Hæc ratione incorruptæ in Europam usque deportari possunt. Coctionibus his tunica nucis colorem obscurè rubescentem nanciscitur, semipellucida & sic tenera redditur, ut extimam pelliculam demere non opus habeamus, quin in 4. aut 6. partes divisæ sic comedi possunt. In conviviiis plerumque cum aliis conditis & confectionibus pro ultimâ mensâ apponuntur & cum potu Thée cum primis assumuntur. Si ad condiendum nuces moschatæ antiquæ recipiuntur, pellicula exterior justo durior est, quæ, si easdem comedere velimus, detrahenda est. Nucleus interior cum mace non comeditur, nisi quod nonnulli macem simul mastigent, reliquum autem abjiciant. Conditum hoc indies assumptum caput densis vaporibus



bus replet & affectus soporosos, ut supradictum, causatur, unde homines somnolenti, pigri & obliviosi redduntur. Non minus ventriculi cruditates & putredines causantur & appetitum prosternunt. Quoniam verò negotium hoc multum sacchari requirit, quò illi, qui Bandam & Molucas Insulas inhabitant, minus abundant: hinc Nuces Moschatas integras & recentes in dolio-  
lis muriâ condiunt & in Bataviam novam transmittunt, ubi saccharum majori copiâ obtineri potest. Sinenses, qui in Bataviâ habitant, compendiosiori & commodiori viâ procedunt. Recipiunt scil. Nuces salitas, aquæ recentî mace-  
rant, donec saporem salsum amittant: abhinc easdem simpliciter elixant in syrupo, sæpissimè è nigro saccharo arboreo magis, quàm albò parato. Hæ usui quotidiano inserviunt, diu verò conservari non possunt. Nuces autem muriâ  
conditæ in Europam usque deportantur incolumes. Porro è corticibus, modo antedictò præparatis, Marmelada conficitur, quam scâulis quadratis infundunt, & in conviviiis æque ac foro Medicò propinant. Cortices virides adhuc in Bandâ primum in aquâ decoquuntur, abhinc cum  $\nabla$ . & vino condiuntur, qua ratione saporem penetrantem, instar malorum cotoneorum, habent. Idem cortices virides parum  
per conquassati & muriâ permixti tenuioris conditionis hominibus condimenti, cum aliis cibis sumendi, loco ad acuendum appetitum inserviunt & cum potu Théæ apponuntur. Hujus intuitu extra Bandam quoque arbores  
quædam tolerantur, & pro usu quotidiano incolis indulgentur, hæc tamen conditione, ne quis iisdem negotietur, cum edictò Magistratûs severissimo prohibitum sit, sive conditas, sive salitas nuces è regione illa deportare iisque  
mercaturam exercere; utut interdictione hujus condituræ superfedere possent, cum ob caritatem sacchari nullum inde lucrum sperare possint.

E corticibus Nucum Moschatarum, quæ in sylvis relinquuntur & putrescunt, certa fungorum species subnascitur, quos BOLETOS MOSCHOCARYNOS vocant, Malaijanis *Kulat Pala* dicta. Hi fungi coloris intuitu obscure grysei & nigricantes sunt, ipsumque capitulum pedunculo crassiori innititur, quod tamen se neutiquam dilatat, ut alii fungi, sed ut plurimum semi-clausum manet. Capitulò  
hòc nondum penitus emergente optimi sunt ad coquendum, & si cum jure laudabili præparentur, alimentum boni saporis suppeditant, quod in Bandâ magni penditur, cum omnibus aliis fungorum generibus antepo-  
nantur.

Aliàs in eadem Bandâ Columbas cœruleas Caryophagâs affare solent, non exemtis interaneis, perhibendo, hæc, ob macim, quam digerunt, fragrantissima esse, cum primis, si integras adhuc nuces cum mace in ventriculo

habeant. Has, quantum me attinet, cupedias illis relinquo lubentissimè, pro ridicula superstitione habens macim semiconsumtam omnes alias putrilagines in ventriculo earum  
ayium in aromata convertere, cum in maximâ columbarum sylvestrium parte ventriculum & intestina vermibus scatentia reperierim.

Quandoquidem Nuces Moschata viliores, seu rumpi, ut dictum, ad negotiationem inhabiles sint, hinc ut plurimum ad EXPRESSI-  
NEM OLEI adhibentur. Tostæ scil. in catino contunduntur, abhinc de novò calefiunt faccisque è Rumi (quæ textura qs. naturalis pilosa est, in summitate arboris calappa inter ramos genita) factis insertæ inter 2. asseres den-  
siores exprimuntur, sicque *oleum* crassius, instar butyri liquati, obtinent, quod in formas tetragonas immittunt, in quibus statim grumescendo indurefcit, colorem flavescentem, instar  
butyri majalis, quandoque & paulò pallidior-rem, nanciscens. Placentæ hæ manus longitudinem & 5. digitorum latitudinem habent, pollicem crassitie æquantes, & pro usu medicò tam  
per universam Indiam quàm Europam transportantur. Antehac maximi æstimaba-  
tur & nomine *Balsami Nucis Moschata* veniebat: nostris verò temporibus, ob insignem ejus copiam, tanti amplius fieri non solet, utut pri-  
vatis idem nec præparare nec divendere liceat, sed quicquid inde paratur Illustri Societati offerri debeat.

Modo haud absimili è contusâ & calefactâ *Mace* quoque *Oleum* exprimitur, quod nunquam non colore sanguineo gaudet & semper liquidum vel molliusculum permanet. Manui  
instillatum sanguini flavescenti simile apparet, saporem habens pinguem & quodammodò amarum, ut ipsa Macis, absque insigni caliditate. Nec tanta Macis quantitas in hoc oleum  
infumenda est, cum è 3. Cattis Bandæ Macis integer olei cantharus parari possit.

E *Mace* eodem quoque modo & iisdem instrumentis, quò Arak paratur, *oleum* clarissimum *destillatur*, cujus prima pars, aquam statim  
insequens, pellucida, instar aquæ, apparet: media quodammodò flavior, instar vini Rhenani generosi: ultima, si fortiter urgeatur, quodammodò rufescens. Quoniam ve-  
rò oleum hoc ob colorem albicantem ægrè ab aqua distinguitur & nonnisi cum summo labore separatur, hinc interdum aliquid ma-  
cis comminutæ recipienti immittitur, à qua colorem vini nanciscitur, sicque ab aqua facilius distingui & separari potest. Utraque  
ejusdem qualitatis & virtutis sunt, subtilis scil. & penetrantis, ita quidem, ut si urcei vel vitra, in quibus asservantur, non sollici-  
tè obturentur, magna inde quantitas exhalare possit. Sub hac autem destillatione ad unicum olei cantharum 10. Cattis Bandæ de  
*Mace* indigemus. Quodsi oleum hoc per  
Mmm 2 vas



vas serpentinum intus stanno obductum destilletur, nobilissimum & ad usum internum laudatissimum evadit. Quando autem per serpentes cupreos sublimatur, empyreuma sapit & caput gravat, cujus intuitu prius magis salubre & acceptum est. Oleum nucistæ expressum, quod balsamum vocant, Arabibus *Gienzi-semen* dictum, hæc vires habere dicitur: Valet scilicet ad omnes affectus frigidos nervorum & articulationum: Pectus & pulmones evacuat & ab impuritatibus liberat: Vocem claram efficit: aliis commixtum conceptionem promover, semen virile adauget & hominem impingat: Ventriculo & abdomini illitum sistit vomitum & tormina à frigore oriunda: Maculas faciei extinguit & stranguriam sedat. Ad eosdem affectus curandos inservit quoque oleum macis, tam expressum, quam destillatum. Ii tamen, quid internè sumere saragunt, à cephalalgia sint immunes, quam alioquin exacerbat. Sedimentum seu retrementum olei in nosocomium mittunt, ut agroti membra eò inungant.

Inter Nuces Moschatas sylvestres, quarum V. fere species innotuerunt, hac vice tantum

**NUCES MOSCHATAS MARES,** quas Belgæ *Mannekes-Noten* vocant, considerabimus. Arbor earum externè quamexiguam cum genuinâ nucum moschatarum arbore similitudinem habet, trunco instructa excelsiori, foliorum complexu angustiori, paucis ramis inhærenti, quod visui minus gratum est. Ipsa folia longè majora sunt, ita ut quædam spithamam, quædam sesquipedem longa sint & ceu folia arboris Canariæ appareant, in parte anteriori tamen in latiore seu rotundiorum formam exeuntia, curtò apice & quamplurimis fibris parallelis distincta, supra atro-viridia, in inferiore superficie ex rubro grysea sine splendore, costis viridibus ita dispositis, ut binæ semper è diametro sibi sint oppositæ. Masticata saporem sylvestrem nucum moschatarum haud obscurè produnt.

Fructus hujus arboris non tam extimis ramusculorum apicibus, ut genuinæ Nuces Moschatæ, quam potius origini foliorum, in aversa ramorum parte, adhærent, bini semper aut terni, brevibus & rotundis pedunculis gaudentes, rotundi, instar nucis communis, vid. *Tab. ad Lib. 2. Sect. V. Cap. 6. Fig. 1.* Quidam sunt oblongi, quidam rotundi aut paululum impressi, extra tunicam exteriorem rubescentes & turgentem lanuginosi apparentes, in lateribus crassiores quam infra, in superiori parte tenaciores & duriores, quam genuini. Nucleus interior seu ipsa nux duplicis est figuræ, utrobique tamen major quam genuina nux moschata. Una ex illis oblonga, instar trunci, in utràque extremitate quodammodò obtusa est, altera rotunda, utraque verò rugosa. Hæ nuces pariter in cortice lignosò continentur, qui crassior est, quam in

communibus, nigricans aut obscure gryseus, extus mace aurei coloris circumdatus, è qua cortex emicat, qui illic parvis quasi variolis obsitus & instar limæ asper est. Macis hæc arida & exsiccata omninò pallescit & saporem ingratum magis, quam aromaticum nanciscitur. Nucleus intimus similem cum genuinâ nuce moschatâ substantiam habet, magis tamen sylvestrem, neque tam pinguem, elegantibus venulis nigricantibus perfusam, aromaticam nonnihil, ast sapore ingrato infectam. Nux hæc facile à vermibus corroditur, & si aliis nucibus misceatur easdem corrumpit, unde interdictum fuit ne iisdem misceatur. Interim aliarum nucum moschatarum vulgarium instar in fumò exsiccata durabilior est. Foliorum pauca integra in arboribus reperiuntur, quoniam maximè ex parte à vermibus, etiam in arbore, corroduuntur. Fructus immaturus incisus lac candicans fundit, calcis instar exsiccans. Arbor inter nuces hortenses non toleratur, cum easdem macrores reddere credatur. Hanc ob causam loca solitaria amat, in finibus sylvarum & in montibus, ubi intemerata manet, non tam utilitatis gratiâ, sed ut fructus exteris raritatis ergò donentur.

Nuces hæc Latinè *Nuces Myristice Mares* & *Montana* audiunt, à Clusio pro duplicibus habitæ, cum tamen simplices sunt. In Bandâ *Pala Tubir*, h. e. Nuces Montanæ, & Malaijanis *Pala luh-labi* h. e. Nuces Masculæ dicuntur. In Amboinâ *Pala Utan* & *Palala* dicituntur, q. s. Noces avium annuarum, quum Aves hæc in Amboinâ ala nominentur, quibus Nuces Moschatæ in deliciis sunt. Incolis, ut dictum, nux nullius est usus, nisi quod lignum arboris interdum ad extruenda domicilia adhibeant & fructus Exteris donarii loco offerant, cum non tantum Javani, sed & Europæi illos inquirant. Javani quidem & Malaijani easdem pro medicamento contra cephalalgiam aliosque morbos, maximè verò ad confortandam virilitatem adhibent, de quâ Nigritæ admodum solliciti sunt. Europæi in his magis superstitiosi sunt, & philtrea inde parant, quibus admiranda se præstare posse existimant: quæ omnia, risu digna, operæ pretium non merentur.

Indi nonnulli experti sunt Nuces Moschatas Mares quoque contra dysenteriam militare, si cum pisang semimaturis & tostis assumantur, cum primis si amphii granum addatur. Mulieres Bandanenses contra syncopen & epilepsiam puerorum adhibent, quem in finem nuces has asservare solent. In Europâ de collo suspenduntur, ad præcavendos varos.

De reliquis IV. speciebus ne verbum hîc addemus, quoniam in Banda sunt incognitæ & à figurâ genuinarum nucum moschatarum valdè abluunt; hinc in Amboinâ trunci arborum ad fulcimenta tectorum & ligna ædilia leviora solum adhibentur.



## FRAGMENTA

EX

RELATIONE JURATA  
ABRAHAMI BOUDENII

ET

GOERICKII HAUPTII, Commissariorum,

desuper

ARBORIBUS NUCUM MOSCHATARUM

earumque Viridariis in Bandâ,

de dato d. 20. Dec. A. 1682.

DN. PADBRUGGE exhibita.

*An Horti Aromatarii ea, quâ decet, ratione con-*  
*stituti sint?*

**H**ortos aromatarios eò, quo debebant, statu non gaudere sub illorum visitatione invenimus. Ratio est, quod plurimæ arborum reperiantur, quæ exarescunt & pessum eunt; & quoniam de novarum plantatione non cogitatur, horti non possunt eò, quo debebant, modo constituti esse.

*Nota.* Arbores emortuæ & corruptæ è nudis & arefactis ramis cognosci possunt, dum in summitate primò omnium exarescunt, & ab hinc pedetentim deorsum versus corrumpuntur, donec penitus emortuæ sint: in quarum locum aliæ plantari debebant. Quoniam verò tantum à X. vel XII. annis innotuit easdem plantari posse, & antehac putabatur arbores nucum moschatarum sponte sua naturaliter propagari: adhuc existimabatur Bandam plura aromata, quam universus Orbis absumere posset, suppeditare posse, hinc omnis illarum plantatio intermissa fuit.

*Qua ratione horti aromatarii in integrum possint restitui?*

Ad hortos hos in pristinum statum vindicandos plantatio & transplantatio arborum summè necessaria est; id quod à decem circiter annis tentatum & visum fuit, an eadem plantari & transplantari possint? & quoniam illud possibile observatum fuit, & simul apparuit Mundum plura, quam Illustri Societas hoc tempore colligit, aromata consumere posse: hinc Hortulani nunc tenentur, ut in loca desolata, in quibus arbores brevi periturae sunt locatae, novas arbusculas plantent, easque, quæ in locis minus commodis succrescunt, transplantent, sicque hortos in meliorem statum redigant: quò adminiculò nonnullæ ita virescunt, ut jamdum fructus proferre incipiant.

Unde sequetur intra paucos annos Bandam aromatum copiam ultra tertiam partem aucturam & exhibituram esse.

An autem Societati hoc intersit? dubitari quis posset, cum ex nostra opinione Banda jam plura suppeditet aromata, quam universus Orbis consumere valet, & distractio aromatum non tam per illorum consumptionem, quam monopolium fieri soleat, idque hac de causâ, quòd auri nummorumque abundantia in causa sit, ut homines fere nesciant, quid iisdem efficere debeant. Ne igitur absque scenore illos in arcâ recondant, aromatibus coemendis impenderunt, quæ nulli aut exiguæ corruptioni subjecta paratæ pecuniæ æquipollent, & si pecunia indigentes parcam illorum quantitatem venum exponunt, nummos suos statim recuperare possunt. Hoc in causa est, quòd aromata illa coemantur, & tamdiu afferventur, donec nummos elocatos, una cum honesto licitoque lucro, inde rursus haurire possint. Quam mercaturam ejusmodi personæ (pecuniam suam aliis mutuo dando minus periclitaturæ) eò libentius exercent, quoniam pecuniarum suarum certi semper possessores & arbitri manent. Quod si verò aromatum abundantia nimiaque copia sequi debeat, hæc omnia postmodum cessarent.

*Quale solum aut fundus sit, in quo arbores nucum moschatarum latius succrescunt?*

Solum arboribus his appropriatum & commodum in Banda universaliter & indiscriminatim se habet, dummodò idem per arbores umbriferas à nimio fervore defendatur & in naturali suo madore & temperie conservetur; similiter si minus naturali sua humiditate, per interpositionem sinapi, tabaci aut patatarum



orbetur : siquidem arbores nuciferae his appo-  
litæ tantum non omnes exarescunt, dum ipsa  
terra tunc omni pinguedine & virtute orbata  
nullum iis nutrimentum ministrat ; quod idem  
accidit, si ingentes & desolatæ aræ à radiis  
Solaribus diu ita feriantur, ut terra viribus suis  
exhauriatur sicque ad plantationem arborum  
nucis moschatae ineptæ reddatur, priusquam 1.  
ab arbore Pisang huiusque foliis ingentibus um-  
briferis magis humida & subfrigida reddatur :  
2. hoc adminiculo quidem aptior reddatur, non  
tamen æquè conservetur : sed 3. loca illa prius  
arboribus Lingoo, Catappa- cajo, Titi Cajuvvam  
ita distinguantur, ut hæc 40. pedum distantia  
plantentur & quamprimum succrescant, & latè  
vegetentur, arbores nucum moschatarum ad 20.  
pedum intervallum interponantur, ne rami se  
mutuo tangant, & premanur : & cuilibet ar-  
bori nuciferae arbuscula pisang præponatur, ut  
priorem à radiis Solaribus defendat & in tempe-  
rie sua conservet.

*Quale tempus in plantatione & trans-  
plantatione arborum nucis moschata  
observari debeat ?*

Tempus plantandi atque transplantandi est  
tempestas pluviosa, quæ ordinariè mense De-  
cembris suum capit initium & mense Martio  
finitur ; licet nonnulli arbusculas nucum myri-  
sticarum diversis aliis temporibus transplantari  
posse existiment, ita scilicet : Arbusculas 2. 3.  
aut 4. pedes altas tempore quoque fervidiori  
transplantari posse, dummodo circumcirca fo-  
vea relinquatur, quò aquæ ad radicis refrige-  
rium necessaria illuc stagnare & dum pluit, sem-  
per putredinosi quid influat, quod fertilitatem  
& alimentum arbuscularum confortet, suaque  
unctuositate impediatur ne humiditas tam cito  
evanescat & absorbeatnr. Arbusculas verò 6.  
7. aut 8. pedum altitudinem habentes nonnisi  
tempore pluvioso, adeoque ab initio mensis  
Decembris ad principium Martii, transplantari  
possunt, neutrquam verò tardius, cum alioquin  
ramis suis investiri & consequenter oborto  
fervori siccisque & acris ventis resistere ne-  
queant, sed necessariò vegetando exarescant &  
emorianur ; ut adeoque optimum tempus ad  
illarum plantationem sit pluviosum ; quamvis  
non desinat, qui arbores nucum moschatarum  
uno vel altero mense ante tempus pluviosum  
plantandas esse censent, hanc ejus causam &  
rationem dando, quod nux tempore pluvioso  
terræ commissa nimium aquæ attrahat & abhinc  
ad corruptionem tendat, cum ex adversò tem-  
pore calidiore facilius radices in terram agat &  
subsequente tempore pluvioso eò promptius è  
terra pullulare possit.

*Locus, cui arbores nuciferae implantari,  
aut per transplantationem inseri debent ?*

Locus, cui arbores hæc committi debent,

ubivis æque commodus est, dummodo venti  
nimium exsiccantes & fervor radiorum Solari-  
um, per interpositionem arborum umbrosa-  
rum (v. g. Calappa, Cajo Titi, Caja Wara aut  
Lingoo, ut supra dictum) arceantur ; quapro-  
pter, ad loca commoda efficienda, venti illi  
& radii Solares, humiditatem absumentes, probè  
respiciendi sunt. Nonnulli hinc ulterius pro-  
gredientes dicere sustinent vallum circa littora  
maris excelsis foliisque refertissimis arboribus,  
tribus seriebus 49. pedibus distantibus, cingen-  
dum esse, quales sunt arbores Catappas, Guritia,  
Gajam, Lovver, Hambal, Panno, Burga, Tanjong,  
Dava Dirckboubu, Patahia & Capoc. Imo ul-  
terius jubent, ut inter ingentes hæc arbores  
aliæ adhuc humili caudice gaudentes planten-  
tur, quæ instar cataractæ ventos permeantes in-  
elementiores, cum ardore Solari, disjiciant &  
declinent : quales sunt arbores Perac Sinenses,  
Cannæ quatiles, Indangboubu, Cimoni Nixis  
& Bidara Laut, quarum unaquævis 20. pedes ab  
aliis distare debet : quibus arbores nucum  
moschatarum adhuc magis defendi & ab incom-  
modis quibusve liberari possunt. Quales horti  
depressiores à litore maris versus montes ad 15.  
perticarum distantiam extenduntur. Hoc in  
loco Mangas & Klappa arboribus nucis mo-  
schatae interponuntur : & si locus hic illis est  
repletus, ulterius versus montes ad 15. pertica-  
rum intervallum progrediuntur, qui locus ar-  
boribus nuciferis (quibus, ut supradictum, arbo-  
res pinang alternatim interferuntur) penitus re-  
pleri debet. Hoc facto pergitur ad ipsius mon-  
tis altitudinem, ad apicem usque, qui ubivis arbo-  
ribus nuciferis repletur, hinc inde ad 12. perti-  
carum distantiam interponendo Canarios, Du-  
riones, Torpattios, Cajo Lingoo, Cajo Titi alias-  
que ingentes gravioresque fructus ferentes ar-  
bores. In summitate tandem montisque apice  
seruntur cannæ Indicæ majores (Bambusen,) quæ  
è radice, quam pedem vocant, in diversos cau-  
dices crassiusculos propullulando se expandunt,  
quæ aptæ natæ sunt ad ventos exsiccantes ar-  
cendos, sicque arbores nuciferas ab afflatibus  
nocivis & ardore Solari vehementiori defen-  
dendas.

*Modus procedendi in plantatione &  
transplantatione solennis, & quam speciem præ  
se ferat arbor succrescens ?*

Ratio modusque plantandi atque transplan-  
tandi consistit in eò, ut iis in locis, quibus ar-  
bores nucum moschatarum implantaturi sunt,  
bacillos quosdam terræ infigant, ut exinde di-  
gnoscant, quò nucs plantatæ & ad arbores gi-  
gnendas defossæ fuerint, ne sub graminis ab-  
scissione, qua arboreta atque horti depurantur,  
arbusculæ recenter propullulantis caudiculus  
simul cum ipso gramine demetatur. Adhæc  
iis in locis pariter fasciculus graminis relinqui  
debet, ut eò mediante radix arbusculæ obtega-  
tur



tur & refrigeretur. Abhinc ad latitudinem pedis in hoc, & rursus ad pedis latitudinem in altero caudicis latere apertura fit in terrâ, ut nux desuper cooperta jaceat. Alii profunditatem unius articuli in digito eligunt, ast nentiquam depressiorem, dum, si profundius ageretur, Sol & aër calidior nucem illâ absconditam, à Solis humiditate (quæ ab initio exitium illi minatur) defendere non possent. Huic aperturae partem crassiorem superiora versus, vel, ut alii volunt, nucem moschatam maturam absque mace transversim immittunt, terram effossam postmodum superimponendo. Nuces autem moschatae maturae è cortice lignoso, sub mace contento, dignoscuntur. Hic enim si nigricat, durus & minus cariosus est, nec etiam albicat, pro signo maturitatis habetur. Cavendum hic simul est, ne folia adjacentia locum illum, sub quo nux recondita est, tegant, quæ furculus arbusculæ è terra progerminans perforare teneretur, idque non sine detrimento aut jactura arbusculæ. Econtra videas alios, qui locum illum foliis deciduis, à proximis arboribus defluentibus, obtegere sicque à vehementia radiorum Solarium defendere malunt.

Nuce hac ratione sub ipsa terrâ defossâ & jam progerminaturâ è caudice ejus aut capite nucis germen erumpit, quod radicem & truncum arboris constituit.

Radix duplex est, scilicet fundamentalis & cardiaca quam vocant, & surculi collaterales. Prior satis est depressa, ut tantum humiditatis nanciscatur, quantum ad nutrimentum & humectationem arboris requiritur. Interim quo major & procerior evasura est arbor, eò liberius radix illa fundamentalis se diffundit, ad nutrimentum sufficiens imbibendum. Hæc radix quodammodo fibrosa est, & ne minimam quidem compressionem aut conquassationem perferre valet, alioquin arbor tristatur q̄s. & emoritur.

Surculi collaterales hujus arboris haud longe à trunco proveniunt, unde per terram erumpunt, pluresque ramusculos, qui pariter fibrosi sunt, de se spargunt, & ad 3. 4. & 5. pedum distantiam in transversum ab arbore se extendunt. Hos surculos nunquam sub tali crassitie (si arbor procera & annosa est) profundius sub arbore, quam 1. vel 2. pedibus à fundo è radice primaria propullulare videmus; & licet ii omnes conquassentur, nil sinistri exinde pertimescendum, cum arbores suum exinde nutrimentum non oboneant.

Truncus, cum radice statim incrementum capiens, gracili admodum turione è solo prorumpit, ad dimidii pedis longitudinem, postquam se in parte superiore prius in 3. foliola, exilem admodum fibrillam in medio habentia, se explicuerat & aperuerat; ut adeoque foliola, ramusculi laterales & fibrillæ in medio truncum

efficiant, qui successivè succrescit & in altum assurgens ramusculos suos in forma coronarum ejicit, usque ad perfectum incrementum. Ramusculi inferiores resecantur, quò sub ipsa arbore tantum spatii relinquatur, ut sub illa obambulare possint ramique terram minus attingant, Arbori enim crescenti & viridescenti aër quoque apertus & Solis irradiatio quadantenus necessaria sunt.

Cor s. interior medulla hujus arboris nuciferæ è fungosa & porosa substantia est conflata, exigua tamen & coloris intuitu rubescente.

Pars arboris lignosa, sub cortice hærens, albicat, dura simul est & fibris longis gaudet, quarum intuitu facile admodum finditur.

Cortex exterior colore cinamomeo splendet, crassus satis & succulentus, adeò quidem, ut si cultro vulneretur, succus confertim effluat, qui obscure rubro terreò colore præditus est & saporem acrem, amarum & adstringentem habet. Gummi verò inde scatūriens ex fusco nigrescit, versus rubedinem q̄s. tendens, saporis itidem acris & adstringentis, sed absque odore. Igni si committatur, non fluit, sed corrugatur, durum quidem semper permanens, ita tamen ut nunquam accendi possit, nec ullum odorem de se spiret. Quin & aquæ injectum non dissolvitur, sed duritiem suam retinet.

Folia hujus arboris ovali figura gaudent, apice in fine acuto prædita. Margo æqualis, sine crenis aut incisuris apparet. Costa seu fibra, per longitudinem folii decurrens, in pedunculo incipiens finitur in apice folii. Costa hæc tam intra quam extra folium elevata est, in superficie interiori sæpe quodammodo cuspidata, è qua ipsum folium succrescit.

Fibræ s. costæ collaterales partim recto partim obliquo tramite decurrunt, & sub figura ovali è media costa per totum folium ad marginem se extendunt: numero quidem incerto, cum in hoc folio plures, in alio pauciores numerentur. Folium hoc in superficie interiore ad instar graminis viride, in exteriori pallido virore gaudet. Adhæc glabrum & æquale est, rigidum, inter crassitiem & tenuitatem q̄s. medium obtinens.

Hæc omnia verò de genuina & optima nucum moschatarum arbore intelligenda sunt: præter quam adhuc duplex ejus genus reperitur, *Palabug* scil. & *Quen* dictum, quod latius quidem succrescit, in folia etiam & flores se induit, nullos fere aut perpaucos fructus profert. Hæc arbor è folio, utpote omnium minimo, dignoscitur: præter quod nullum inter has postremas & genuinas arbores nucum moschatarum discrimen observatur.

Tertii generis arbor nuces moschatas mares producit, quæ nullum, nisi in Medicina, usum habent. Distinguitur ab aliis per folia, quæ triplo ferè longiora & latiora sunt, quam  
in



in arbore N. M. fructifera, & quadruplo longiora quam folia Palebug & arboris nucum moschatarum minus feracis : quapropter ab Eruditis Botanicis quoque palmis accensetur. Adhæc folium arboris nucum moschatarum marium extus cinereo colore, versus ruffum quodammodo tendente, gaudet : fructus cortex exterior subviridis & fibrosus intuitu coloris cinamomo quodammodo respondet : Nux autem interior, si ad maturitatem pervenit, tenui admodum mace, coloris aurei, cingitur. Nux ipsa oblonga est, & in alterutro latere rima quadam aut sulco insignitur. Cortex autem lignosus sub mace hepatico colore gaudet. Alioquin substantia s. corpus nucis cum reliquis coincidit.

Rami Noces Moschatas ferentes communiter numero ternario comprehenduntur, & in in forma coronæ locati sunt : Sin quatuor aut plures frondes protuberent (quod tamen rarissimè contingit) unus reliquis excelsior & altior est, neque in formâ coronæ disponuntur. Quum verò arbor hæc spissa ac eleganti foliorum aggregatione gaudeat, neque excindi debeat : hinc speciem egregiam præ se fert, ac ob spissitudinem foliorum radios visivos vix transmittit, dum frondes superiores unumquodvis spatium coronæ inferioris replent.

Tranplantatio arborum nucum moschatarum juniorum (incommodo scil. loco insitatum & in meliorem translocandarum) insequenti modo fieri solet : Eo in loco, cui arbor implantari debet, foramen efficitur, ad 3. aut 4. ad minimum pedum profunditatem, & pro re nata debitam latitudinem. Hoc factò arbor 6. 7. 8. pedes alta eligitur, quæ circumcirca terra effodienda privatur, ne radix primaria & cardiaca conquassetur, alioquin arbor non succresceret, sed necessariò emoriretur : quod neutiquam pertimescendum erit, etsi surculi collaterales ferirentur & læderentur, quoniam, ut supra dictum est, arbores hæc nullum inde nutrimentum capiunt : arbor autem ipsa ad 3. vel 4. pedum profunditatem circumfodi debet, quum ordinario radix primaria arbuscularum profundiores radices non egerit. Quo excelsior autem ipsa arbor redditur, eò profundius radix se sub terram defodit, ad humiditatem, pro arboris incrementò necessariam, lucrandam ; quapropter radix centralis & cardiaca profundius sita non est, quam ipsa aqua ad nutritionem ejus & debitam proceritatem necessaria. Denudatâ sic radice, terra illi adhuc adhærens musco gramineque obvolvenda, & arundine vel alio vimine obliganda est, ne decidat, dum arbusculam è foramine lente & sine allisione extrahere volumus. Hanc postea tam lentè cauteque, quoad fieri potest, transferunt & in foveolam ad negotium hoc paratam immittunt, cespitem, post ablationem viminis, illuc relinquendo ipsamque foveam terra, antea erutâ, denuò implendo. Inter-

rim desuper circa arbusculam foveola quadam relinquenda erat, & tandem fovea repleta foliis arborum circumjacentium obtegenda erit, cætera tempori & naturæ relinquendo.

*An arbor nucum moschatarum etiam putari & excindi debeat, nec ne?*

Sciendum pariter est, in arboribus nucum moschatarum non multum amputationis aut excisionis exercendum esse, alioquin per folia sua spissiora frondes justo plures ejicerent, qui (cum ligno gaudeant teneriori) ne minimum quidem ventum, gravitatis intuitu, sustinere possent, ipsique rami facillime decuterentur. Conquassatæ autem arbores succum (unde gummi concrefeit) fundunt, cujus effluxus non sistendus est, nî arboris corruptionem experiri velis. Similiter observatur, quod, dum aperitur in arbore factâ humiditas erumpit, formicæ illuc confluant sedemque fixam stabiliant, sicque corticem adhuc uberius aperiant.

Hoc si fiat, locus ille excindendus & pice navali illinendus, vel urinâ abluendus, terra oblinendus & muscò obligandus est. Nisi enim hoc fiat, arbor vita sua privatur, nec alio adminiculo salvari potest.

Quodsi posthæc arbor, absque sufficiente ramorum & foliorum projectione, altum petat, sunt nonnulli, qui surculum primarium (das Herzsichslein) quem apicem vocant, abscindunt, idque sectione transversali, quæ terrâ fortiter & firmiter alliganda munitur : quo facto illic de novo tres ramuli erumpunt, quorum unusquisque caudicem format, ita ut arbor è tribus qs. aliis arboribus constare videatur & insignem foliorum quantitatem suppeditet.

Quandoque etiam arbor juxta folia refecatur, idque simili sectione transversali : sectio terrâ operitur & omnia musco vel simili materia obligantur : dumque abhinc novos ramos de se projicit caudex, haud absimili ratione magna foliorum caterva subnascitur. Alii econtra hoc tanquam nocivum improbant, quoniam collaterales rami in nimiam copiâ & spissitudine erumpunt arboremque ad ferendos fructus inhabilem reddunt : quem in finem illis plus aëris aperti concedendum, ne tam spisso agmine erumpant & nihilominus elegantem foliorum apparatus nanciscantur.

*Quali distantia arbores nucum moschatarum à se invicem plantari debeant, ut plures & egregios fructus ferant?*

Haud difficulter observatur, quod, si arbores nuciferæ justo propius sibi invicem conjungantur, se mutuo comprimant, sicque eò in latere, ubi se tangunt, nullos ramos de se spargant ; quamobrem necessum est, ut illis spatium quoddam concedatur, indeque pauciores fructus ferentes eradicentur. Interim tantisper id differre omnesque simul succrescere sinamus,



finamus, oportet, donec observare possimus, quinam pauciores fructus subministrant.

*Quo tempore arbores nuciferae in florem se induant fructusque maturos ferant?*

Quamprimum arbores nucum moschatarum adoleverunt, intra 5. 6. 7. 8. ad 10. vel 12. ætatis annum florere & nuces moschatas supeditare solent; & si cum iisdem eo deventum est, ut fructus maturos ferant, non tantum simul continuo fructus immaturos præbent, sed & nunquam non florere solent.

*Quali flore gaudeant?*

Flos ad campaniformes globosos pertinet, qui clausus quidem, sed in apice tricuspido margine præditus est, Tulipæ haud absimili, magnitudine nuclei cerasi minoris, coloris pallide flavescentis. Erumpit autem flosculus hic superiori in parte, juxta foliola furculorum juniorum, interdum 1. 2. 3. aut 4. campanulis, quæ internè corculum recondunt, quod 14. dierum intervallò in nodulum s. capitulum convolvitur, & principium nucis futurae efformat; quamprimum autem flosculus, capitulum hocce includens, in posteriori parte hiat & decidit, reliqua intra 9. menses in maturam & completam nucem abeunt.

*Quâ ratione nuces constitutæ sint?*

Nux myristica, ad maturitatem evecta, in cortice suo magnitudinem nucis juglandis habet, extus primò cortice viridiusculo, & si maturus est albescente cincla, qui secundum longitudinem decurrentem rimulam seu sulcum fovet, carnosus admodum, succulentus, & saporis intuitu quodammodo acidus & acerbus est: sub quo macis (fuli Belgis dicta) cortici duriori, nucem continenti, incumbit, corticemque posteriorem retis instar ambit.

*Unde concludatur nucem in arboribus satis maturam esse?*

Quò dignoscatur an nux in arboribus jamdum matura sit, si cortex externus sua sponte non dehiscat, observandum est, an hic quodammodo candicet & pedunculus flavescat, non verò viridescat? Quùm verò signum hoc infallibile non sit ad maturitatem certo dijudicandam, hinc mense Aprili, Augusto & Decembri (qui messis tempus, *die Klim-zeit*, absolvent) 6. vel 8. nuces extus ita comparatas recipiendo inquirendum, an cortex interior, nucem immediatè fovens, fuscus aut nigricans, & an macis colore rubro intenso præditus appareant? quæ si ita se habeant, omnes & singulas nuces, tali modo constitutas, tanquam satis maturas decerpere licet.

*Qua ratione modoque nucum decussio & collectio instituatur?*

Decussio aut decerptio nucum moschatarum

(sive in arboribus conscensis, sive sub iisdem) canna seu arundine peragitur, in cujus apice uncus ligneus, hamuli loco serviens, alligatur, in cujus locum alii ferramentum latum substituunt, in cujus extremitate inferiore foramen (cui arundo firmiter inseratur) efformandum, superius obtusum & inferius acie præditum, quo nuces sive tundendo, sive scindendo ab arbore decutiunt. Figura ejus spectatur in Musei Mus. German. Tomo II. pag. 109.

Quamprimum jam nuces deciderunt, corradendo colliguntur, atque macis de nucibus sponte sua decidens MACIS COLLECTITIA seu MESSORIA, Belg. *Klim-fuli*, dicitur.

Sæpius extimus cortex nucis moschatae sponte dehiscit & se aperit, dum ipsi arbori adhuc inhæret, adeo quidem, ut ipsa nux cum mace in terram prolabatur: sic autem in solo jacens (tempestate cum primis humida existente) diu perdurare nequit, quin macis computrescat & nux per humiditatem imbibitam corrumpatur. Hæc MACIS CORRASSORIA, Belgis *Raapfoeli*, dicitur, quoniam ipsa per casum spontaneum aliquamdiu, antequam illud observetur, in solo jacet & abhinc corraditur. Quamdiu autem siccior tempestas regnat, tantum quidem detrimentum non capit, utut per madorem imbibitum in virtute sua & efficaciam quadantenus castretur.

Non rarò quoque accidit, ut nux moschata arbori adhuc inhærens corticem suum exteriorem diffingat, quo ipso per siccitates vehementiores quodammodo corrugatur & simul ita firmiter adhæret, ut excidere nequeat, in uno latere exsiccata, in altero verò, quo cortici adhæret, humida existens; unde certi vermiculi illic generantur, qui macem absumendo devorant, cujus tunc jacturam patiuntur, utut nux incorrupta maneat. Hoc si observetur, nil melius est, quam ut nuces instrumento supra depicto decerpantur aut decutiantur, & postmodum ulterius aperiantur.

*Quâ viâ nux cum mace è cortice eximatur?*

Tempore messis seu collectionis, vel & sub decidentia nucum moschatarum, occurrunt sæpe fructus, quorum cortex exterior nondum apertus est. Quò igitur is à nuce separetur, cultello minori, sed robusto, opus est, quem una manu arripimus, dum altera manu nucem transversim, sulcum ejus sursum verso tenendo, cultelli aciem directam foveolæ corticis, aciem verò transversam cavernulæ corticis communi comprimendo applicemus & dissecemus, quò altera medietas removeri & quod restat facile aperiri potest, ut ipsa nux cum mace eximi possit: qui modus extrahendi *Bia Pala* dicitur.



*Quâ enchirefi macis à nuce moschata  
separetur?*

Quamprimum nux moschata à cortice exte-  
riore liberata est, eundem cultellum, quô cor-  
ticem separarunt, parti nucis obtusiori applicant,  
ejusque apice, (quem usque ad corticem ligno-  
sum sub mace insigunt) macem à nuce separant:  
quô facto haud difficulter à nuce abstrahitur,  
quæ in peculiari loco asservatur. Hæc autem  
operatio *Cupas*, h. e. macis à nuce liberatio,  
vocatur.

*Qua methodo hortulani macem ex-  
siccent & aptam reddant, ut Illustri So-  
cietati offeratur?*

Mace à nuce moschata separata eadem  
(dum vesperascit) in pavimento quodam spar-  
sim relinquitur, ne humida fiat, sed exsicce-  
tur. Interdum autem illa ipsa alii strato ex arundine aut  
junco contexto & 2. vel 3. pedes à pavimento  
elevato alioque adhuc integumento obtecto im-  
ponitur: Vesperi autem, tempore cum primis  
humido instante, sub tecto reconditur, quod sic  
continuatur & ad minimum octiduum hac ma-  
cis exsiccatione consumitur. Hoc factô apta  
satis est, quæ Illustri Societati offerri possit, nul-  
lumque illic detrimentum pertimescendum sit.  
Interim contingit subinde, ut per incuriam ali-  
quam macis humectetur, & abhinc vermiculi,  
aranei & similia insecta istic generentur, à qui-  
bus ut liberetur, multum negotii & molestiæ  
exigit. Hoc ut præcaveatur putredoque omnis  
arceatur, aut, si jam dum adsit, eliminetur, ma-  
cis aqua salita conspergi, abhinc radiis Solaribus  
exponi & exsiccata probæque notæ macis seligi  
debet. Ubi autem vel minima adhuc putri-  
lago observatur, ea omnia separatim & seorsim  
sunt ponenda, donec omnia exsiccata & egregia  
appareant.

*Quomodo ab hortulanis nuces moscha-  
ta exsiccentur & quò Illustri Societati offerri  
possint, adaptentur?*

Postquam macis à nucibus moschatis separata  
est, ipsa nux, una cum cortice tenui fusco & in-  
gricante, remanet, quæ defertur ad locum, quem  
*Parrepar* h. e. Fumarium vocant: in quo pa-  
vimentum ad 3. vel 4. pedes supra solum exal-  
tatum & ita paratum est, ut trabes 2. pedibus à  
se invicem distantes in superficie per alias tra-  
beculas ex arundinibus contignatæ & coagmen-  
tatæ sint, cui nuces insternuntur. Nucibus  
supra hoc tenuiter & vix ultra pedis altitudi-  
nem expansis ignis fumans subjicitur, idque di-  
versis in locis, ut exinde incalescant & exsiccen-  
tur. Ubi alternis vel tertio quovis die nuces  
superiores invertuntur & inferioribus immiscen-  
tur, & si nuces omnes & singulæ incaluerunt,  
ignis fumans quodammodo imminuendus est,  
ut humiditas eò melius pedetentim evaporare

possit: dum econtra nuces per ignem vehe-  
mentiorempyreuropa sapere & corrumpi  
possent. Exsiccatio hæc per ignem hunc blan-  
diorem per 12. ad 14. hebdomadas continuatur.  
An verò nux moschata sufficienter exsiccata sit,  
inde dignoscitur, si in cortice suo, globulorum  
lusiorum instar, crepirat: cum econtra mi-  
nus rectè exsiccata obtusum sonum edat. Nu-  
cibus ita siccatis & legitimè, ut dictum, præpa-  
ratis, cortex nigricans aut fuscus confringitur  
(quod pulsationem vocant) ad nucem integram  
& minus contractam eximendam. Nux hæc  
extracta denuo ad pavementum fumigatorium  
deportatur, ne humida reddatur, sed sicca rema-  
neat, & ad nucem eò melius conservandam à  
fumo penetrari possit: quæ tandem à pavimen-  
to hoc s. Parrepar aufertur & Illustri Societati,  
ut calce imprægnetur, offertur; & quoniam  
non omnes nuces simul & conjunctim decer-  
puntur, sed per agmina minora colliguntur:  
hinc pariter non omnes simul fumigari possunt.  
Ad hoc alterum adhuc & minus pavementum  
s. Parrepar inservit, in distincta receptacula di-  
stinctum, quò unaquævis species separatim lo-  
cari & ultimò vel novissimè collectæ in peculiari  
cellula asservari possint, in qua ad minimum  
per 2. aut 3. septimanas relinqui debent, ut pro-  
bè exsiccentur, antequam ad alterum acervum,  
in Parrepar majori contentum, deferantur, ne  
humiditas illarum in nuces exsiccatas se infi-  
nuer easque corrumpat: dum recentissimæ &  
ultimò allatæ nuces humiditatem suam non  
tam cito amittunt quam aliæ, sed, si eandem  
quodammodò retineant, per eandem non tan-  
tum situm contrahunt, sed & aliis nocere pos-  
sunt.

*Unde macis dignosci possit, an apta nata  
sit, quæ ab Illustri Societate acceptetur?*

Quando macis, Belgis *Fuly* dicta, per unum  
tantum diem Soli fervidiori exposita fuit, de-  
bitam siccitatem acquisivit. Hoc factô igitur  
aliquamdiu (per 6. aut 8. dies circiter) in locum  
alium, radiis Solaribus minus expositum, trans-  
ferenda est, ut quodammodò rursus emollia-  
tur. Abhinc rursus paululum Soli exponitur,  
probè cavendo, ne per nimiam exsiccationem  
in fragmenta dissiliat. Quapropter blandè ad-  
modum tractanda est, dum, si nimis sicca eva-  
serit, facile diffingi posset, quo ipso Societas  
Illustris insignem jacturam ferre cogeretur.

*Quæ Societas Nobilissima in consarcina-  
tione Macis procedat?*

Macis per octiduum ad minimum exsiccata  
semper adhuc aliquid humiditatis in se conti-  
nere & eapropter tenacior reddi solet: quô ca-  
su vermiculi nonnulli, aranei & alia insecta illic  
generantur, quæ (ut alibi dictum) difficulter in-  
de deturbantur. Quamobrem probè exsiccata  
Macis, utprimùm ab Illustri Societate accepta-  
tur,



tur, loco cuidam humido minus imponenda est, alioquin humiditatem majorem attrahere si-  
tutque obnoxia reddi posset, ut in superioribus  
jamdum dictum fuit. Melius ergo agitur, si in  
thomo confarcinatoria in acervum ponatur, ut  
ventus exsiccans eandem perflare possit. Abhinc  
XXVIII. Cartis Banda (quæ 161. libras Belgicas  
continent) inde ponderantur, quæ sacculum  
(Belg. *Sokkel* dictum) efficiunt. Hunc sacculum  
(seu potius macim illic includendam) per  
gutturium (in cujus globo anteriori foramina  
insigniora observantur) binis aquæ salitæ men-  
suris conspergunt, immittunt sacculo è juncis  
parato (quem *Sokkel* vocant,) fortiter intrudunt  
& omnia arundinibus & viminibus circumdant.  
Ut autem discrimen aliquod certaue differen-  
tia observari possit, hinc Macis Collectitia,  
*Klimfoeli* dicta, in una tantum aure, Corrasa au-  
tem, *die Raapfaly*, in binis auribus in capite sac-  
culi signantur: quibus expeditis omnes sacculi  
in locum sicciorum deponuntur ibidemque as-  
servantur.

*Unde bonitas aut vilitas nucum dijudi-  
cari debeat, ne Soc. Illustr. sub acceptatione  
iliarum defraudetur & jacturam  
ferat?*

Nuces Myristicæ selectæ atque bonæ corpore  
duro, tenaci, nec adeò rugoso gaudere debent.  
Adhæc simul integræ & graves esse debent, so-  
nantes & globulorum lufiorum instar crepi-  
tantes, si concutiuntur.

Quando nukes malæ quidem notæ non sunt,  
intus autem cavæ fiunt, tunc extus glabro cor-  
pore gaudent, cum levitate magnitudini illa-  
rum non respondente, cum primis, si ad debi-  
tam maturitatem deductæ non sunt.

Quandocunque verò Nukes intus omninò  
corruptæ sunt (quod sapissimè per incutiam,  
qua non tempestivè ad Parrepar transferun-  
tur, aut si immaturæ & juniores justo sint, ut à  
propria humiditate corrumpantur, fieri solet)  
dignosci possunt, si intra rugas qs. cineribus con-  
spersæ apparent, exiguo pondere gaudent, nul-  
lumque sonum aut crepitum edunt.

Nuces vermiculos foventes hos nanciscun-  
tur, si maturæ ad terram decedentes ibidem diu  
relinquantur, nec contradantur: quoniam tunc  
humiditatem terræ attrahunt, quæ humidita-  
tem internam ad putredinem disponit, unde ver-  
miculi excluduntur. Dignoscuntur autem hi,  
si foraminula quadam in nucibus se trudent.

*Quâ ratione Nukes Moschata per a-  
quam falsam, in quam projiciuntur, distingui  
possint, an bonæ an malæ sint?*

Hoc ita fieri solet: si nukes aquæ falsæ inji-  
ciuntur, illæ, quæ fundum petunt, bonæ se-  
lectæque sunt omnes. Illæ autem, quæ difficul-  
ter & parte acutiore sursum spectantes natando  
fundum tandem petunt, non quidem malæ &  
rejiciendæ sunt, attamen intus cavitatem habent,

cujus intuitu natate solent. Natantes verò in  
summitate intus corruptæ sunt, nec quicquam  
valent.

Triplikes autem sunt nukes, pingues, medio-  
cres & rumpi. Pingues illæ sunt quæ ad perfe-  
ctam maturitatem devenērunt, legitimè etiam  
collectæ & exsiccatae sunt: hæ enim postmodum  
sunt graviore, plenariæ, glabræ nec rugosæ ad-  
modum, cujus intuitu pingues vocantur & ante  
reditum in Patriam mittuntur.

Mediocrates illæ sunt, quæ quamproximè ad  
maturitatem perfectam devenērunt, & si exsic-  
cantur, quodammodo corrugantur, hujusque  
intuitu Nukes Mediocrates audiunt. Hæ quidem  
pinguibus bonitate & sunt, attamen dignæ ad-  
huc sunt, quæ in defectu pinguium in Patriam  
mittantur. Alias autem hic in Mercaturâ Indica  
cum Rumpis distrahuntur.

Rumpi tandem illæ sunt Nukes, quæ im-  
maturæ decidunt aut decerpuntur, multumque  
humiditatis in se fovēt & corpus compactum  
nunquam obtinent; hinc si ad Parrepar fu-  
migatorium deferuntur, macræ admodum &  
summè corrugatae deprehenduntur. Tales illæ  
quoque sunt, quæ aliquantum quidem maturæ  
deciderunt, sed justo diutius in solo jacuerunt,  
sicque terræ humiditatem attraxerunt: id quod  
nucibus qualitatem malignam conciliat cariem-  
que causatur. Præterea aliæ adhuc nukes dan-  
tur, quæ sub infelici vegetatione vermiculos  
minores (qui in corpore candicant, sed in ca-  
pite nigricant) fovēt. Omnes hæ nukes Rum-  
porum nomine veniunt; ut adeoque Medio-  
cres à semi-maturis, Rumpi autem ab immatu-  
rioribus proficiscantur.

Immaturæ Nukes Moschatae ex interiore  
cortice tenui (qui sub mace latens nucem im-  
mediatè ambit) dignoscuntur, si scil. in capite,  
seu extremitate crassiore nucis, in loco pedun-  
culi, neque fuscus, neque nigricans, sed albi-  
dus, & si juniores fuerint, non tantum albi-  
cans, sed & quodammodo mollis fuerit.

*Quâ ratione Societas Illustris nukes  
moschatas calcè inficiat, seponat &  
conserve?*

Ad Nukes calcè imbuendas recipiunt aquam  
falsam & corbícula quadam vel cribro calcem  
concutiendo inspergunt aquæ, donec satis spif-  
sa appareat. *Δουλωσία* hæc est, si arundinem  
Japonicam illi immittendo calx striatim huic  
inhæreat, vel si nukes aliquot calci sic prapa-  
ratae immittant & abhinc in Sole exsiccant.  
Quando enim calx iis nullibi quam rimis ad-  
hærescit, si aliquantisper in manibus tenean-  
tur, aut terantur, calx legitimè se habet, ipsa-  
que nux probè calcè imbuitur, si calx ita præ-  
parata est.

Quamprimum jam calx satis aptè præpa-  
rata est, nukes corbicula inferuntur, & hac  
mediate per calcem traducuntur, aut ibidem



volutantur: quò factò nuces in domo confarcinatoriâ in acervum locantur (quo densior acervus est, eò melior) inibique exsudare permittuntur. Quodsi jam probè sudaverint, aptæ satis sunt & legitimè præparatæ, quoniam humiditas noxia hoc adminiculo exterminata fuit. Ubi notandum, quod, si nuces sudarint, in summitate acervi crusta

eò minor est, quo major erat acervus, sicque minor quoque jactura oboritur: hinc acervi majores eliguntur & præstant.

Nuces malæ notæ calci injectæ flavum aut nigricantem sudorem emittunt: quod signum infallibile est aliquam adhuc humiditatem illic remansisse, quæ à fumo expulsa non fuerat.

## UBERIOR DESCRIPTIO SEU RELATIO

DE

# STATU INSULÆ BANDA.

## PARS I.

### *An Banda aromatum incrementum, an decrementum ceperit?*

**S**Tatum BANDÆ modernum quod conscrnit, aromata illic adeò imminuta non sunt, ut potius 33 $\frac{6}{8}$ . Sacculis macis (Sacculum ad 28. Cattis-Banda & quemvis Cattis-Banda ad 5 $\frac{3}{4}$ . lb. Belgicas supputando) & simul 282 $\frac{1}{2}$ . librationibus (unaquavis libratione *Weegsel* Batavis dicta 40. Cattis Banda continente) quas annuatim ultra priorum annorum redditus subministrant, succreverit: id quod è Specificatione Solutionis & Exhibitionis per XX. annorum decursum elucescit, si decem annos posteriores à decennio priori decurtemus. Hoc ut ostendatur, notandum est Provinciam Bandasensem in V. Cameras Calculatorias, aromatum receptrices, (quas Com-

ptoirs vocant) dividi, scilicet Principalem & Primariam in *Noira*: *Revengie* in *P. Ay. Lonthoir* in costa Septentrionali circa tractum Occasionalem Insulæ majoris Bandæ: *Wayr* in costa Maris versus tractum Orientalem Insulæ *Lonthoir*: & *Ourién* in ejusdem costa Meridionali, inter *Wayr* & *Lonthoir*: quod *Ourién* quoque sub *Lonthoir* militat: Ipsaque aromata in Calculatorio Principali *Nassau*, in Insula *Noira*, cum aliqua parte tractus superioris Insulæ Banda (qui in loco *Cayortoire* incipit & *Commer*, *Rana* totamque *Seamme* prætereundo ad *Donner* extenditur) ad scutellam seu bilancem deferenda sunt.

Prius decennium sumimus ab anno 1663. ad 1673. sc. ab anno

1663. ad 1664. exhibebantur  
Cattis-Banda

*Foly seu Macis.*

*Nuc. Moschat.*

3920.

15530.

3276.

13410.

4452.

18910.

5348.

21688.

4200.

11860.

4060.

27500.

4060.

16218.

3192.

10650.

A. 1671. ad 1672.

3234.

12600.

1988.

8311.

Summ. Cattis

37730.

156685.



Ultimo decennio, scil. ab anno 1672. ad A. 1682.  
& quidem

|                     | <i>Mac. int.</i> | <i>Mac. in<br/>fragm.</i> | <i>Nuc.</i> | <i>Fragment.</i> |
|---------------------|------------------|---------------------------|-------------|------------------|
| Anno 1672. ad       |                  |                           |             |                  |
| ann. 1673. - - -    | 6524.            | 6.                        | 36739.      | 1809.            |
| offerebantur        | 3220.            | - - -                     | 8033.       | - - -            |
| Cattis Banda        | 3976.            | 36.                       | 16592.      | 3152.            |
|                     | 4774.            | 70.                       | 16967.      | 626.             |
|                     | 3106.            | 70.                       | 18500.      | 1155.            |
|                     | 4228.            | 70.                       | 6925.       | 494.             |
|                     | 2800.            | 36.                       | 19563.      | 332.             |
|                     | 4340.            | 98.                       | 15905.      | 1093.            |
|                     | 4564.            | 70.                       | 22333.      | 1692.            |
| A. 1681. ad 1682.   | 4674.            | 70.                       | 18326.      | 1331.            |
|                     | <hr/>            | <hr/>                     | <hr/>       | <hr/>            |
| Conjunctim cum      | 42208.           | 366.                      | 179883.     | 11684.           |
| fragmentis mac.     | 366.             |                           | 11684.      |                  |
| & N. M. Catt. - - - | 42774.           |                           | 191567.     |                  |

Sicque in priori decennio ab A. 1662. ad Ann. 1672. receptæ fuerunt *Cattis Band. Mac. Nuc.*  
37730. 156685.

& ultimo decennio ab Anno 1672. ad 1682. - - - 42774. 191567.

Hæc si à reliquis detracta fuerint, remanent *Cattis Band.* - - - 3044. 34882.  
quæ in ultimo decennio superabant priorum exhibitionem & sic consequenter *Camera Cal-*  
*culatoria Nassau* in tantum succrevit & meliorata fuit.

CAMERA REVENGIE in P. AY.

Primo decennio sequentia aromata recepit:

| scil. ab Anno                  | <i>Mac.</i> | <i>Nuc. Mosch.</i> |
|--------------------------------|-------------|--------------------|
| 1662. ad 1663. Catt. Band. - - | 4937.       | 19910.             |
|                                | 4424.       | 19720.             |
|                                | 7532.       | 28920.             |
|                                | 1960.       | 32600.             |
|                                | 7084.       | 31080.             |
|                                | 3180.       | 24890.             |
|                                | 5132.       | 22810.             |
|                                | 5712.       | 20120.             |
|                                | 7006.       | 22810.             |
|                                | 1492.       | 30037.             |
| A. 1671. ad 1672.              |             | 12292.             |

Summ. Catt. 37479. 242379.

Ultimo decennio, scil. ab Anno 1672. ad 1682. & quidem

|                   | <i>Mac. integr.</i> | <i>Fragm.</i> | <i>Nuc.</i> | <i>Fragment.</i> |
|-------------------|---------------------|---------------|-------------|------------------|
| ab A. 1672.       |                     |               |             |                  |
| ad 1673.          | 8204.               | - - -         | 43414.      | 1101.            |
| ded. C. B.        | 5600.               | - - -         | 13083.      | 610.             |
|                   | 6468.               | - - -         | 20891.      | 1379.            |
|                   | 6320.               | - - -         | 29753.      | 1841.            |
|                   | 3108.               | - - -         | 22523.      | 1773.            |
|                   | 4928.               | - - -         | 7160.       | 687.             |
|                   | 4788.               | - - -         | 25010.      | 1665.            |
|                   | 4480.               | - - -         | 20325.      | 1372.            |
|                   | 4920.               | - - -         | 26741.      | 1342.            |
| A. 1681. ad 1682. | 4284.               | 14.           | 16009.      | 854.             |
|                   | <hr/>               | <hr/>         | <hr/>       | <hr/>            |
|                   | 53116.              | 14.           | 224909.     | 12630.           |
|                   | 14.                 |               | 12630.      |                  |

Summ. C. B. 53130.

237539.

Vel Saccul. 15 $\frac{1}{2}$ . Mac. & Sacc. 12 $\frac{1}{2}$  libræ Nuc. quæ annuatim in ultimo decennio deficiebant;  
quapropter hæc Camera, ni plantationi & transplantationi studeatur, brevi dissolvetur.

Nnn 3

CAME-



## CAMERA HOLLANDIA in LONTHOIR

primo decennio seqq. aromata recepit: scil.

| An. 1662. ad 1663. | Mac.    | Nuc. Mosch. |
|--------------------|---------|-------------|
| Cattis Banda - - - | 5477.   | 18000.      |
|                    | 6412.   | 27880.      |
|                    | 111116. | 34930.      |
|                    | 13720.  | 37400.      |
|                    | 10164.  | 21740.      |
|                    | 6524.   | 46120.      |
|                    | 8484.   | 32270.      |
|                    | 7504.   | 23455.      |
|                    | 6858.   | 24660.      |
| A. 1671. ad 1672.  | 3304.   | 12265.      |
| Summa Catt.        | 79563.  | 278720.     |

Posteriori decennio, scil. ab An. 1672. ad 1682.

| & quidem A. 1672. ad 1673. | Mac. integr. | Fragm. | Nuc.    | Fragment. |
|----------------------------|--------------|--------|---------|-----------|
| By. Cattis Banda - - -     | 13580.       | 42.    | 58478.  | 2647.     |
|                            | 6580.        | 70.    | 14122.  | 1290.     |
|                            | 7364.        | 100.   | 27030.  | 1946.     |
|                            | 7196.        | 98.    | 29595.  | 1850.     |
|                            | 5236.        | 80.    | 27975.  | 2246.     |
|                            | 6720.        | 84.    | 11207.  | 741.      |
|                            | 5572.        | 42.    | 28769.  | 1637.     |
|                            | 7896.        | 98.    | 36332.  | 2815.     |
|                            | 7028.        | 98.    | 28070.  | 2724.     |
| A. 1681. ad 1682.          | 6300.        | 70.    | 20340.  | 1657.     |
|                            | 73472.       | 782.   | 281918. | 19553.    |
|                            | 782.         |        | 19553.  |           |
| Summ.                      | 74254.       |        | 301471. |           |

Adcoque ultimo decennio minorem macis, nucum autem majorem quantitatem obtinuit. Unde elucescit Camera hanc, intuitu macis, decrementum, intuitu autem nucum incrementum cepisse: ita ut nec incrementum, nec decrementum Camera huic tribui possit, quæ inter utrumque qs. medium tenet.

## In CAMERA WAYR

primo decennio seqq. aromata recipiebantur:

| sc. Anno 1662. ad 1663. | Mac.   | Nuc. Mosch. |
|-------------------------|--------|-------------|
| By. Cattis Banda - - -  | 2374.  | 9769.       |
|                         | 2436.  | 10410.      |
|                         | 2940.  | 9142.       |
|                         | 4032.  | 15225.      |
|                         | 2408.  | 800.        |
|                         | 2800.  | 20280.      |
|                         | 2744.  | 10672.      |
|                         | 2156.  | 8160.       |
|                         | 2334.  | 8985.       |
| An. 1671. ad 1672.      | 860.   | 3720.       |
| Summ.                   | 25092. | 97145.      |

Ultimo decennio, scil. ab A. 1672. ad 1682. in specie

| By. Catt. Banda   | Mac. Int. | Fragmenta. | Nuc.    | Fragment. |
|-------------------|-----------|------------|---------|-----------|
| A. 1672. ad 1673. | 5432.     | - - -      | 23900.  | - - -     |
|                   | 3018.     | - - -      | 6720.   | - - -     |
|                   | 3920.     | - - -      | 14680.  | 426.      |
|                   | 2548.     | 28.        | 13509.  | 1260.     |
|                   | 2716.     | 28.        | 16384.  | 1925.     |
|                   | 4004.     | 14.        | 3062.   | 334.      |
|                   | 2156.     | - - -      | 18193.  | 1734.     |
|                   | 3472.     | - - -      | 13790.  | 1126.     |
|                   | 2828.     | 28.        | 12764.  | 973.      |
| A. 1681. ad 1682. | 2912.     | 14.        | 9660.   | 345.      |
|                   | 33006.    | 112.       | 132662. | 8122.     |
|                   | 112.      |            | 8122.   |           |
| Summ.             | 33118.    |            | 140784. |           |



## CAMERA CALCULATORIA OURIEN

primo decennio seqq. aromata obtinuit, scil.

| A. 1662. ad 1663. | Mac.  | Nuc. Moschat. |
|-------------------|-------|---------------|
| B. Catt. Banda    | 1185½ | 4520.         |
|                   | 1280. | 5630.         |
|                   | ---   | ---           |
|                   | ---   | ---           |
|                   | ---   | ---           |
|                   | 1540. | 3760.         |
|                   | ---   | 6120.         |
|                   | ---   | ---           |
|                   | ---   | ---           |
| A. 1671. ad 1672. | ---   | 3216.         |
|                   | ---   | ---           |
| Summ. Catt.       | 4013½ | 23246.        |

Posteriori decennio, ab A. 1672. ad 1682. scil.

| Anno 1672.           | Mac.   | Fragm. | Nuc.   | Fragmenta. |
|----------------------|--------|--------|--------|------------|
| ad 1673. Catt. Banda | 392.   | ---    | 2183.  | ---        |
|                      | 1036.  | ---    | 6280.  | 624.       |
|                      | 1092.  | 14.    | ---    | ---        |
|                      | 812.   | ---    | 5920.  | ---        |
|                      | 1504.  | 14.    | 1456.  | ---        |
|                      | 952.   | 14.    | 6849.  | ---        |
|                      | 1568.  | 28.    | 6951.  | ---        |
|                      | 1316.  | ---    | 4953.  | ---        |
| A. 1681. ad 1682.    | 1344.  | ---    | 4597.  | ---        |
|                      | 10016. | 70.    | 39189. | 624.       |
|                      | 70.    | ---    | 624.   | ---        |
| Summ.                | 10086. | ---    | 39813. | ---        |

Primo decennio ab Anno 1662. ad 1672. in tota Banda seqq.  
aromata allata sunt:

| juxta specif. supra- | Mac.    | Nuc. Moschat. |
|----------------------|---------|---------------|
| dictas, Catt.        | 203877½ | 798175.       |

Et in ultimo decennio

| ab A. 1672. ad 1682. | Mac.    | Nuc.    |
|----------------------|---------|---------|
|                      | 213362. | 911174. |
|                      | 9484½   | 112999. |

Ut adeoque Banda per ultimum decennium plura subministrarit. Unde Provincia quoad aromatum proventum ita succrevit & meliorata fuit, ut dici non possit illam decrementum aliquod passam fuisse.

## PARS II.

de

## IIS QUÆ INTER HORTULANOS AROMATARIOS AGENDA ET ORDINANDA SUNT.

**H**orti in Banda ichnographiâ generali depingendi & delineandi sunt, & quilibet simul Hortulanus partis sibi dicatæ mappam quandam Geographicam & delineationem specialem habere debet.

E mappa seu ichnographiâ generali hortorum aromatariorum in Bandâ videre & dignoscere licet, qualem figuram & magnitudi-

nem quivis hortus obtinuerit, & quantum possessori alicujus horti concreditum fuerit: cum vix ullus ibi hortus sit, cujus termini exactè definiti sint.

Hunc in finem omnes horti, juxta documenta & instrumenta hortulanis data, mensurandi essent; quod ut fiat, dimensio illorum à tractu, secundum maris litora se extendente, inchoan-



inchoanda esset & quidem in cuiusque horti medietate: illudque, quod inter binos possessores reliquum manet, aut & deficere videtur, ab alio horto detrahendum & donec magnitudinis intuitu omnia legitimè se habeant, alteri adjicendum esset. Postquam divisionem cuilibet Hortulano, una cum delineatione, instrumentum aliquod seu documentum de magnitudine situmque horti illi concediti exhibendum esset, ne alter alteri nocere aut detrimentum aliquod adferre posset.

*Qua ratione horti in flore & vigore suo conservari debeant?*

Horti in cultura & melioratione suâ conservantur, si ab omnibus impuritatibus liberentur, gramen excelsum debito tempore modoque demetatur, arbores nucum moschatarum abradantur, in locis nudis, ubi nullæ succrescunt, sed succrescere possent, novæ plantentur & annosarum moxque deficientium loco aliæ surrogentur, tandem & arbusculæ, in locis inconvenientibus succrescentes, aliò transplantentur. Huc pertinet similiter plantatio arborum aliarum fructiferarum, ad alimentationem Mancipiorum & œconomiam necessariorum, cum ligno ad ædificandum & arandum seu calefaciendum: procuratio arborum Cociferarum & Sagu: Arundinum majorum, aquarum & paludum junciferarum (ad parandos sacculos & lectisternia): Mancipiorum ad culturam hortorum aptorum sufficientium: Instrumentorum ad quotidianum necessariumque usum: Aggerum & contignationum, Parrepar dictarum, pro macce & nucibus moschatis exsiccandis: Habitaculorum pro Mancipiis & Possessoribus hortorum, quæ non tantum ad personarum, sed aromatum conservationem quoque requiruntur.

*De Saltuario & Custode Hortorum, quid observare teneatur?*

Expedit, ut Saltuarius seu Inspector hortorum vel pometorum, quem Societas Illustris illic alere solet, continuo & indefesse suo defungatur officio, & non tantum pometa, sed & integram sylvam pererret, ut, quæ illic agantur, observet. Saltuarius hic (si muneri suo legitimè præesse debet) ad id adstringendus aut applicandus non est, ut extra Bandæ Insulas aliorum, sive versus Z. aut O. Z. W. sitas Insulas ablegetur & alia Societatis negotia peragat. Tenetur etiam munere hoc tamdiu, ut stipulatus est, defungi, ut per crebriores pometorum visitationes & oberrationes in sylva huius situm & figuram addiscat sciatque quid in pometa agatur? an in illis arbores legitimè purgentur? nuces plantentur? arbores nuciferae transplantentur? arbores emortuæ eradicentur? aliæ meliores in earum locum inferantur? An & aromata debito modo col-

ligantur, Macis probe ventiletur & ad debitam siccitatem exsiccetur, eumque in finem sub humida aëris constitutione in superiori contignatione sparsim extendatur & sub radiis Solaribus melius siccetur? adhuc nuces non negligantur, sed ut decet, ad contignationem fumigatorem s. Parrepar transferantur, & primò igne blandiori suffumigatorio calefiant & abhinc imminuto igne fumo penetrante rectè exsiccentur & ita præparentur, ut intra 12. vel 14. septimanarum spatium offerri possint? Rationem etiam habeat macis, antequam Illustri Societati offeratur, videatque an probæ notæ sit, nec ne? ubi minus bona reponenda est. Curam etiam Mancipiorum habeat, observetque an pometa debito tempore purgatum sit? & ne nuces deciduæ negligantur: quæ omnia ejus sunt officii.

*De Commissariis, qui omni semestri ad visitanda promœria ablegantur?*

Quo verò innotescat, an Saltuarius officium suum dextrè peragat & administret: an & Hortulani apti satis & versati sint ad aromata in pometa suis colligenda? è re erit, ut quolibet semestri certi Commissarii eò ablegantur, qui (mense cum primis Januario & Junio) generalem hortorum visitationem instituire possunt. Hi Commissarii commodissime è IV. Personis constare possent, quæ è seqq. eligi deberent, scil. 1. Duo è collegio Politico Senatorum. 2. Duo præcipui Hortulani, 3. Fiscalis & 4. Gubernator illorum locorum, in cujus præfectura visitatio instituitur. Hi omnes & singuli inspicere & observare deberent, an arbores nuciferae probè depuratae, ipseque hortus suo tempore mundatus fuerit? Quo facto illis monstrandum & ostendendum esset, quales arbores plantatae, quales transplantatae: quanam succreverint & quanam emortuæ fuerint?

Similiter observandum esset, an aliæ arbores pomiferae, ad necessarium usum & œconomiam Mancipiorum requisitæ, in horto contineantur? & si minus, ut adhuc plantentur.

An item quivis ex hominibus propriis seu Mancipiis arundinem majorem aut cucurbitam habeat, quâ aquam apportare & conservare possit? ubi omnia Mancipia uniuscujusque pomœrii citanda essent, ut numerentur, inspicerentur & omnium nomina, cum ætate, & an apta, vel inepta sint, annotarentur.

Quibus porro debitis irretiti sint Possessores hortorum? an pensiones annuas & in summa concredita, seu capitali, aliquid solverint? ut Illustris Societas (prout Possessores sollicitaverint) scire possit, cui & quâ illis succurri debeat & possit? quapropter omnibus Possessoribus pometorum incumplit iisque sine discrimine habito injunctum est, ut de villicatione sua



sua rationem reddant quò innotescat, quam laboriosus, aut socors vel negligens sit? nî Illustris Societas (pro benevolâ suâ commiseratione) in sublevatione hortulanorum defraudari velit; sed pro re nata sciat, quo modò salvari possint?

Similiter inde elucescet, an Saltuarius munere suo, prout decet, legitimè fungatur? quod nisi fiat, ad multam pecuniariam aut aliam poenam condemnandus erit: quo ipso ad officium ipsi concreditum melius peragendum excitabitur.

*Pometa sapius justo carius emuntur.*

Postquam etiam horti aromatarii ut plurimum ab hominibus tenuioris fortunæ, horto-

rum, horumque pretii genuini ignaris coemuntur, necessario sequitur, ut, si carius justo emantur, emtores abhinc æri alieno inextricabili, à quo se liberare nequeunt, intricentur; unde valdè expedit, ut sciatur, quantum hortus aliquis valeat?

*Qui sciri possit cujusque horti pretium genuinum?*

Hoc ut innotescat, seq. proportionem è collectione diversorum annorum consideremus, oportet, unde apparet, quantum pecuniæ sub oblatione aromatum cujusvis anni lucrati fuerint: quæ summa genuinum horti pretium est. Hoc ut sciamus, seq. ratione ob oculos poni poterit.

### SUB CAMERA PRINCIPALI NASSAU.

| <i>Nomina Possessorum, ubi sita sint.</i>                       | <i>Nomina Possessorum horti.</i>                                 | <i>Mancipiorum numerus requisitus.</i> | <i>Reditus annuus.</i> | <i>Quot mancipia alant?</i> | <i>Pretium.</i> | <i>Debita.</i> |
|---|--|--|------------------------|-----------------------------|-----------------|----------------|
|   | IN NOIRA.  |  | Rhhr.                  |                             | Rhhr.           | Rhhr.          |
|   | Thennis Claasgen hortum à Petro Zespersen obtinet jure emtionis. | 24.                                    | 162.                   | 26.                         | 1532.           | Nihil.         |
|   | Caspar Thomas Carper   | 7.                                     | 40.                    | 30.                         | 210.            | Nihil.         |
|   | Vidua Hof. Valentin  | 10.                                    | Rapeus                 | 30.                         | - - -           | Nihil.         |
|   | Conrad Dyckman   | 25.                                    | 255.                   | 34.                         | 5000.           | 5462.          |
|   | Vidua Jac. Isaaci hortum habet                                   |  |                        |                             |                 |                |
|   | Nic. Schwan.   | 5.                                     | 56.                    | 22.                         | 500.            | 400.           |
|   | Tobias Hardkopff   | 58.                                    | 590.                   | 50.                         | 8400.           | Nihil.         |
|   | IN INSULA Maj. BANDA.  |  |                        |                             |                 |                |
| Calia Bua-<br>Cay Tor-<br>torran.<br>Spantia<br>Commer<br>Rana. | Tres hi horti sunt   |  |                        |                             |                 |                |
|   | Jacob. de Cordaan.   | 100.                                   | 1295.                  | 118.                        | 20045.          | 18950.         |
|   | Georg Prutsher   | 80.                                    | 608.                   | 70.                         | 10150.          | 13450.         |
|   | Aart Antonisen   | 79.                                    | 497.                   | 33.                         | 4600.           | 6828.          |
|   | IN SELAM.  |  |                        |                             |                 |                |
|   | Hend. Cornel.  |  |                        |                             |                 |                |
|   | Wilhelm Polet & Zurian Zuriansen                                 | 7.                                     | 88.                    | 9.                          | Hæredit.        | 400.           |
|   | Jacob Lucassen   | 5.                                     | 114.                   | 6.                          | 240.            | 340.           |
|   | Cornelius Zoasten  | 8.                                     | 46.                    | 3.                          | Hæredit.        | Nihil.         |
|   | Herman Thomsen   | 21.                                    | 80.                    | 11.                         | 650.            | 950.           |
|   | Bara Moor  | 5.                                     | 46.                    | 7.                          | 100.            | 150.           |
|   | Marcus Bordel  | 17.                                    | 70.                    | 7.                          | Hæredit.        | 450.           |
|   | Thomas Creyn   | 23.                                    | 239.                   | 31.                         | Hæredit.        | 1800.          |
|   | Peter Thyssen  | 76.                                    | 420.                   | 33.                         | 3200.           | 3300.          |
|   | Barent Jansen, vel May Catharina                                 | 24.                                    | 302.                   | 36.                         | 3200.           | 2400.          |



*INDIÆ LITERATÆ*  
SUB CAMERA PRINCIPALI NASSAU.

| <i>Nomina<br/>hortorum<br/>eorumque<br/>sitūs.</i> | <i>Nomina Possessorum</i>   | <i>Numerus<br/>mancip.<br/>requisitus</i> | <i>Reditus<br/>annui</i> | <i>Quot man-<br/>cipia alant?</i> | <i>Pretium</i> | <i>Debita.</i> |
|--|---|---|--------------------------|-----------------------------------|----------------|----------------|
|  | IN<br>DONDER<br>sub calculatorio WAYR   |   | Imperiali<br>f.<br>Rhhr. |                                   | Rhhr.          | Rhhr.          |
|  | Isaac Jacobsen Bambergensis   | 50.                                       | 660.                     | 44.                               | 8000.          | 8831.          |
|  | Jacob Albert Ecling.  | 40.                                       | 655.                     | 58.                               | 7000.          | 3500.          |
|  | SUB CAMERALA<br>WAYER.  |   |                          |                                   |                |                |
|  | Hend. Marenfen  | 25.                                       | 330.                     | 29.                               | 4809.          | 3000.          |
|  | Bendjamin Hendrichsen   | 10.                                       | 108.                     | 4.                                | 400.           | 450.           |
|  | Jerem. Delmond  | 11.                                       | 67.                      | 3.                                | 400.           | 520.           |
|  | Vid. Laurentii Gregorii<br>& Joh. Reiniegen   | 17.                                       | 315.                     | 18.                               | 300.           | 3525.          |
|  | Jan Robbertsen Holma  | 54.                                       | 742.                     | 43.                               | 7500.          | 7557.          |
|  | Vidua Brongersii horcum<br>Hondr. Marcasseni  |   |                          |                                   |                |                |
|  | Vidua emit, distinctum nunc<br>in 2. partes, quarum supe-<br>riorem affini suo Joh. Hol-<br>mæ reliquit: alteram par-<br>tem ipsa possidet. | 30.                                       | 272.                     | 17.                               | 4000.          | 4000.          |

IN CAMERA PRINCIPALI NASSAU.

| <i>Nomina<br/>hortorum<br/>cum sitū.</i> | <i>Possessores</i>   | <i>Quot<br/>mancipia<br/>requirant?</i> | <i>Reditus<br/>annui</i> | <i>Quot man-<br/>cipia alant?</i> | <i>Pretium<br/>valoris</i> | <i>Debita.</i>   |
|--|--|---|--------------------------|-----------------------------------|----------------------------|------------------|
|  | IN<br>LAUTANG,<br>SUB CAMERA WAYR<br>MILITANTIS,<br>Hond Bruin | 60.                                     | Thaleris<br>582.         | 48.                               | Thaleris<br>7050.          | Thaler.<br>8853. |
|  | IN<br>OURIEN,<br>SUB CAMERA LON-<br>THOIR.                     |   |                          |                                   |                            |                  |
|  | Crispin Cornelius, cum Fra-<br>tre & Sorore                    | 9.                                      | 72.                      | 6.                                | Hared.                     | Nihil.           |
|  | Diego de Goor  | 4.                                      | 33.                      | 3.                                | Hared.                     | 150.             |
|  | Franc. Poulo   | 4.                                      | 52.                      | 2.                                | - - -                      | Nihil.           |
|  | Isac Colet   | 9.                                      | 88.                      | 2.                                | 450.                       | 443.             |
|  | Joh. Tounisen  | 57.                                     | 554.                     | 44.                               | 5000.                      | 4799½.           |
|  | Jac. Joh. Broers   | 12.                                     | 190.                     | 13.                               | 400.                       | 420.             |
|  | Vidua Joh. Drageri.  | 54.                                     | 475.                     | 33.                               | Hared.                     | Nihil.           |
|  | SUB CAMERA LON-<br>THOIR.                                      |   |                          |                                   |                            |                  |
|  | Fascatte Moor  | 5.                                      | 41.                      | 2.                                | Hared.                     | Nihil.           |
|  | Paul Brugman   | 7.                                      | 34.                      | 5.                                | 350.                       | 300.             |
|  | Elias Jansen   | 6.                                      | 95.                      | 4.                                | Hared.                     | Nihil.           |
|  | Casp. Peterfen   | 26.                                     | 132.                     | 9.                                | 1240.                      | Nihil.           |
|  | Joh. Peterfen  | 98.                                     | -                        | 4.                                | 740.                       | 800.             |
|  | Joh. Casparfen   |   |                          |                                   |                            |                  |
|  | David Samuel & Franc.<br>Hendorfe                              | 7.                                      | 152.                     | 4.                                | Hared.                     | Nihil.           |



EPISTOLA XXV.  
IN CAMERA PRINCIPALI NASSAU.

475

| <i>Nomina<br/>horto-<br/>rum cum<br/>situ.</i> | <i>Possessores.</i>  | <i>Quot<br/>mancipia<br/>requirant?</i> | <i>Reditus<br/>annuus.<br/>Rhlr.</i> | <i>Quot<br/>mancipia<br/>alant?</i> | <i>Pretium.<br/>Rhlr.</i> | <i>Debita.<br/>Rhlr.</i> |
|--|--|---|--------------------------------------|-------------------------------------|---------------------------|--------------------------|
|  | Joh. Pignola   | 12.                                     | 158.                                 | 20.                                 | 184.                      | Nihil.                   |
|  | Benedictus Lambroy   | 4.                                      | 55.                                  | 3.                                  | 170.                      | Nihil.                   |
|  | Cornel. Ferdinand  | 4.                                      | 101.                                 | 28.                                 | 200.                      | 1322.                    |
|  | Hond van Vos & Maur.<br>Jansen   | 8.                                      | 422.                                 | 7.                                  | 8500.                     | 4400.                    |
|  | Hester Christophelsen  | 10.                                     | - -                                  | 1.                                  | - - -                     | 150.                     |
|  | Anton Mouffum  | 24.                                     | 197.                                 | 10.                                 | 1450.                     | 1320.                    |
|  | Bakker Moor  | 13.                                     | 45.                                  | 3.                                  | 250.                      | 250.                     |
|  | May Java   | 9.                                      | - -                                  | 4.                                  | 500.                      | 330.                     |
|  | Vidua Wilh. Mauriti  | 34.                                     | 63.                                  | 7.                                  | 1800.                     | 2891.                    |
|  | Joh. Peterfen Stoltzman  | 20.                                     | 120.                                 | 25.                                 | 4400.                     | 2050.                    |
|  | Moyfes Cornelius & Bento<br>Symonsen   | 9.                                      | 179.                                 | 15.                                 | Hared.                    | 100.                     |
|  | Vidua Loef Henrichsen  | 16.                                     | 22.                                  | 18.                                 | 1400.                     | 2050.                    |
|  | Joh. Dias  | 15.                                     | 150.                                 | 8.                                  | Hared.                    | 590.                     |
| Oren-<br>totte                                 | Barent Antonisen   | 60.                                     | 821.                                 | 25.                                 | 7000.                     | 7000.                    |
| Waling<br>maj.                                 | Vidua Samuelis de Leit   | 69.                                     | 993.                                 | 60.                                 | 8500.                     | 10060.                   |
|  | David Bartelsen hortum<br>suum non sine jactura in-<br>signi vendidit Barentio<br>Cops | 55.                                     | 674.                                 | 40.                                 | 6600.                     | 6600.                    |

\*\*\*\*\*

IN CAMERA PRINCIPALI NASSAU.

| <i>Nomina<br/>hortorum<br/>cum situ.</i> | <i>Nomina Possessorum</i>   | <i>Quot man-<br/>cipia exi-<br/>gant?</i> | <i>Reditus<br/>annuus</i> | <i>Quot man-<br/>cipia alant?</i> | <i>Valor</i> | <i>Debita.</i> |
|--|---|---|---------------------------|-----------------------------------|--------------|----------------|
| Waling-<br>maj.                          | Vidua Conradi Braayii   | 29.                                       | 719.                      | 47.                               | 5000.        | 5300.          |
|  | Thomas Brand.   |   |                           |                                   |              |                |
|  | Joh. Ludov. Aurein Vidua  |   |                           |                                   |              |                |
|  | Lucas Crafenius, qui duxit<br>in uxorem Cornel. Wil-<br>helmi Hammefferi Vidu-<br>am. - - - | 76.                                       | 684.                      | 66.                               | 6500.        | 4800.          |
|  | Wilhelm Barentsen Grand   | 70.                                       | 440.                      | 69.                               | 10000.       | 10776.         |
|  | Ferdinandus Dias - -  | 33.                                       | 301.                      | 15.                               | 3000.        | 5180.          |
|  | Jan Hellebout - - -   | 18.                                       | 496.                      | 34.                               | 4000.        | 1880.          |
|  | SUB CAMERA RE-<br>VENGI IN PAU-<br>LO AY.   |   |                           |                                   |              |                |
|  | Paulus de Broeck  | 325 $\frac{1}{2}$ .                       | 1942.                     | 132.                              | 1900.        | 19719.         |
|  | Direk Peterfen  | 67 $\frac{1}{2}$ .                        | 633.                      | 42.                               | 8400.        | 9379.          |
|  | Egbert Boudewins hortum à<br>Gonsalvo Bastiansen emit                                       | 48.                                       | 257.                      | 19.                               | 1500.        | 1425.          |
|  | Vidua Reimeri Bruquo  | 40.                                       | 143.                      | 5.                                | - -          | 1120.          |
|  | Ary Henrichsen  | 45.                                       | 220.                      | 19.                               | 1500.        | 1425.          |
|  | Valentin Benike   | 7.  | 164.                      | 8.                                | 600.         | Nihil.         |
|  | Adrian Bafin  | 4.  | 20.                       | - -                               | Hared.       | Nihil.         |
|  | Hend. Paul  | 13.                                       | 66.                       | 2.                                | 470.         | 593.           |
|  | Vidua Joh. Macassar   | 10.                                       | 103.                      | 6.                                | - -          | Nihil.         |
|  | Jacob Abramsen  | 13 $\frac{1}{2}$ .                        | 167.                      | 7.                                | 650.         | 704.           |
|  | Franz Kopis   | 7.  | 25.                       | - -                               | Hared.       | Nihil.         |
|  | Habacuc Danielsen   | 17.                                       | 38.                       | 4.                                | - -          | dito.          |
|  | Eliæ Jansen Vidua   | 8.  | 113.                      | 13.                               | - -          | dito.          |
|  | Joh. Bootgen  | 9.  | 71.                       | 1.                                | - -          | 297.           |

Ooo 2

UN



# INDIÆ LITERATÆ

## IN CAMERA PRINCIPALI NASSAU.

| <i>Nomina<br/>hortorum<br/>cum situ<br/>illorum.</i> | <i>Nomina Possessorum</i>                            | <i>Quot man-<br/>cipia requi-<br/>rant?</i> | <i>Reditus<br/>annui<br/>Rblr.</i> | <i>Quot man-<br/>cipia alant?</i> | <i>Valor<br/>Rblr.</i> | <i>Debita.<br/>Rblr.</i> |
|--|--|---|------------------------------------|-----------------------------------|------------------------|--------------------------|
|  | Johann Pieris  | 9½.   | 90.                                | - -                               | - -                    | 273.                     |
|  | Peter Kuhlman  | 9.  | 87.                                | 5.                                | 280.                   | 1023.                    |
|  | Andreas Michelsen                                    | 7.  | 32.                                | 3.                                | - -                    | 122.                     |
|  | Vidua Petri Cornelii                                 | 9.  | 97.                                | - -                               | - -                    | 218.                     |
|  | Christoph. Meindertsen                               | 12½.  | 119.                               | 6.                                | - -                    | 522.                     |
|  | Simon Petersen                                       | 3.  | 14.                                | - -                               | - -                    | 72.                      |
|  | Anna Gumaal  | 17.   | 34.                                | 6.                                | - -                    | 445.                     |
|  | Tobias Janfon  | 4.  | 30.                                | - -                               | - -                    | 97.                      |
|  | Mey Laurentii Vidua                                  | 3.  | 25.                                | 1.                                | - -                    | Nihil.                   |
|  | Christoph. Langern                                   | 7.  | 44.                                | - -                               | - -                    | Nihil.                   |
|  | Vidua Anthon. Janfon                                 | 27.   | 230.                               | 20.                               | - -                    | Nihil.                   |
|  | Bartholom. Cornelius                                 | 7.  | 133.                               | 4.                                | - -                    | Nihil.                   |
|  | Bastian Consalvo                                     | 16.   | 192.                               | 4.                                | - -                    | Nihil.                   |
|  | Johann Bastiansen                                    | 8.  | 34.                                | 3.                                | - -                    | 300.                     |
|  | Philippus Jacobsen                                   | 3.  | 5.                                 | - -                               | - -                    | Nihil.                   |
|  | Vidua Joh. Bottii                                    | 24.   | 52.                                | 4.                                | - -                    | 1082.                    |
|  | Pedro Rodrigo hortum à<br>Dn. dela Montaigne<br>emit | 8.  | 30.                                | 1.                                | - -                    | Nihil.                   |
|  | Joh. Botte   | 2.  | 9.                                 | - -                               | - -                    | dito.                    |
|  | Hæc in unam redacta sum-<br>mam faciunt              |   |                                    |                                   |                        |                          |
|  |  | 2550½.                                      | 22885.                             | 1835.                             | 218020.                | 227117.                  |

Quodsi jam ea, quæ ad sustentationem mancipiorum, apparatus instrumentorum ad conservandum hortum requisitorum, una cum restantibus usuris, ½. imperial. per mensem supputando, inde subtrahimus, idem ostendere poterit, quid constare debeat hortus & quò pretiò coëmendus sit?

Reliqua enim commoda, quæ ultra aromata ex horto fluunt, non aliter considerari & supputari possunt, quàm ut pro sustentatione hortulani & possessoris ipsius, una cum mercede & numero mancipiorum (qui sive per desertionem, sive per mortem imminui solet) per novorum emtionem conservando, impendantur.

Quò igitur sciatur & comprehendatur, quid ad sustentationem mancipiorum & apparatus hortorum necessarium sit, & per anni cursum insumatur, seqq. exempli loco inferire possunt:

XXX. personæ annuatim 3½. saccis (*last*) oryza indigent, si quævis menstruatim 30. lb. consumit: sacco jam 25. thaleris aestimato exsurgunt inde rhlr. - - - - - 91½.

Vestimenta, pro unoquoque mancipio 1. rhlr. per annum, requirunt - - - - - 30.

Obsonia ac donaria extraordinaria, circa novi anni primordia & tempore messis &c. illis dividenda, singulos pro singulis ½. thaler. cen-  
sendo omni die, fac. - - - - - 68½.

Apparatus ad hortum necessarius per annum - - - - - 20.

Prodit Summa - - 210. cum ½. thaler.  
Quæ necessariò ad hortum, XXX. personis colendum, requiruntur.

Ad genuinum igitur valorem horti XXX. animarum porrò nosse expedit, quantum aromatum annuatim proferat, & si inde sumtus inevitabiles detraxeris, reliquum juxta usuras inde expectandas supputando statim summam capitalem demonstrabit, quâ hortus coëmendus est. Exempli gratia:

Si hortus XXX. animarum singulis annis tantum aromatum ferat, quod nummis uncialibus - - - - - 419½  
vendi potest: ab hac summa impensæ inevitabiles, jam supra calculatæ, detrahantur scilicet - - - rhlr. - - - 210½  
sic pro usuris capitalis remanebunt - 209. imp

Hinc sequitur hortum talem XXX. animarum, pro 419½ Imperialibus aromata fundentem, usuris ad ½. pro cento menstruatim supputatis, una cum mancipiis, tantum 3500 imperialium pretio dignum, nec carius vendi majori pretio emendum esse, si possessor conservari & Societas Illustris omnibus, ut decet aromatibus frui debeat.

Quando jam hortus XXX. animarum 3500 (ut ante supputabatur) Imperialibus venit & unumquodvis Mancipium 40. Imperialibus red



redimitur, conjunctim autem -- 1200. Imper.  
 ipsius soli (cujus dominium directum penes  
 Soc. Illustrē manet) æstimatio in se valebit  
 numm. uncial. - - - - - 2300.

conjunctim - - - - - 3500.

Quodsi jam hortus XXX. personarum aromatum quantitatem 419 $\frac{1}{2}$ . imper. constantem præbet, habita in calculo proportionē haud difficulter inveniri poterit, quantum & alii horti (specificatis prius personis) subministrant.

Unde jam firmiter concludimus eundem necessariò periclitari, & in solvendis usuris pro capitali tot imperialium jacturam pati, qui hortum aromatarium justo carius emerit: dum hortulanus eosdem (si vitam & fidem suam salvare voluerit) vix aliunde quam è distractione aromatum lucrari potest, ad debitum interesse solvendum: alioquin vix subsisteret, sed brevè ad incitas redigeretur.

*Quomodo efficiatur, ne pomaria carius, quam merentur, emantur?*

Medium, quo cavetur, ne horti aromatarii, aut pomaria ultra pretium & valorem genuinum solvantur aut coemantur, hoc est, si v.g. ad coemendum hortum 4000. imperial. æstimatum, 1000. imperiales offerantur, ut sub exhibitione horti statim solvantur. Quoniam jam venditor (si juxta tenorem hujus pacti non solvitur) vi juris recepti (cum tanta sit oppignoratio) primus omnium ad horti venditionem (ut solvatur) admittitur, ac emtor, si velit, si nolit, venditionem ejus admittere & permittere tenetur; hinc sponte sua fuit emtorem omnia prius exactè pensitaturum & supputaturum esse, quid hortus valeat, quid ferre recuset, eumque justo carius emturum non esse, ni pecuniam suam datâ opera profundere, & si ab infortunio quodam obrutus hortum suum rursus vendere cogeretur, pecuniæ ejus, quam ultra pretium

genuinum & valorem internum antea solverat, jacturam ferre velit.

*Quâ ratione pomaria absque are alieno contrahendo emi possint?*

Hoc commodissime absque ullo siue venditoris, siue emtoris detrimento fieri potest, si hortus ita venditur, ut statim certa nummorum quantitas paratâ pecuniâ solvatur, aliaque summa singulis annis, una cum usuris consuetis, numeretur, donec in solidum omnia successivè soluta sint, & tamen interea omnia ad venditionem obligata maneat. v.g. Ponamus vi pacti mille thaleros sub oblatione horti paratâ pecuniâ solvi & abhinc emtorem annuatim 500. imperial. cum usuris stipulari, ipsa emtio (quæ paratam pecuniam solvendo 4000. imperiales requirit) 4883. dimidium pro cento singulis mensibus annumerando, supeditabit: hocque casu venditor terminos suos solutionis, una cum scenore, aliis pro pecuniâ paratâ relinquere poterit, dummodò sint, qui nummos in arca sine usuris reconditos habeant: ut in Patria toto die accidit.

1000. hos Joachimicos Emtor hortorum aromaticorum penes hunc aut illum, vel cum venditoris permissione, usuras illas stipulando, haud difficulter obtinere poterit: hoc tantum excepto, ne singulis mensibus plus quam  $\frac{1}{2}$ . thaler. solvatur aut acceptetur, alioquin sententia judicialis non sequeretur. Quo casu Exhibitor in novo Emtore periclitaretur, cum nesciat (infortunio cum primis interveniente & venditionem horti urgentē) an tantum, quantum emtor elocavit, refundere possit: In tantum igitur emtor hortorum non plus valet, quam persona particularis, nec pro possessore horti haberi potest, dum per pecuniam denique in talem evadit. Quapropter tamdiu, quamdiu pecuniâ caret, possessor hortorum fieri nequit, nec ut possessor, sed ut persona privata pecuniam acceptat.

\*\*\*\*\*

## PARS ULTIMA

### DE IIS

QUÆ ILLUSTRIS SOCIETAS PRÆSTARE  
 VALEAT, UT HORTULANI IN BANDA EO MELIUS  
 ALI ET SUBLEVARI POSSINT?

### DE ONERIBUS

*Quibus Hortulani ab Illustri Societate gravantur.*

**O**Nera ab hortulanis ferenda parvi sunt momenti, qualia sunt, quibus necessitate exigente, in recognitionem feudi, Domi-

nis territorii, pro facultate sua, officia prædam & servitia præstare tenentur, prout fidos subditos & vassallos decet.



Similiter annuatim Domino territorii decimas aromatum exsolvere tenentur, & ut hortorum, ut decet, legitimam curam agant, eos colant, novis plantationibus augeant, conservent & depurent, illis pariter incumbit, ut de omnibus rationem reddant.

Quia etiam pomaria aromataria nihil aliud sunt quam bona feudalia, hinc possessori eadem divendere & alienare non licet, nisi expressus Nobiliss. Dn. Gubernatoris consensus accedat.

Concessa igitur venditione, decimæ legitimæ (quæ respectu mancipiorum & reliquorum bonorum allodialium ad vigesimam tantum emtionis aut feudi partem adstringuntur) Do-

mino territorii solvendæ sunt, quoniam solum & aromata bona ejus propria sunt; adeoque Hortulani per contributionem voluntariam nihil aliud quam Conductores & Possessores ejus redduntur, ut aromata accurate colligant & offerant: pro quo labore non plus, quam 1. thalerum pro 1. Catti Banda macis & 4. thaleros pro 40. Cattis Banda nucum moschatarum sperare possunt, dummodo ita comparata sint, ut à corruptione immunes conservari possint: hac tamen conditione, quod hic decimæ decurtari nequeant; adeoque aromata nemini quam Domino territorii offerri vendique possunt, idque sub pœna gravissima.

## DE

## EMOLUMENTIS,

*Quæ hortulani onerum intuitu ab Illustri Societate hauriunt.*

**C**ommoda & beneficia, quibus Possessores hortorum fruuntur, quamplura & fere superflua sunt, v. g.

Pretium oryzæ, cujus saccum vel molem (ein Last) non pluris, quam XXV. thal. æstimarunt non tantum Domini Illustres, sed & curarunt, ut toti Insulæ Bandæ, quantum requirit, ea prospiciatur,

Similiter Illustres Domini ordinarunt, ut in Mancipiorum emtione pro unoquoque viro aut muliere, juniore adhuc & prudente, tantum 40. thaleri solverentur, nec carius emerentur. Ut adeoque par, vir scil. c. uxore, 80. thaleris veneant. Adhæc senior præ juniore pro re natâ æstimandus est.

Porro Nobiliss. Societas permittit, ut in Banda XX. circiter vesicæ furnique destillationi Araki seu spiritus vini erecta fuerint, quo possessores hortorum Sury suum & Arack LX. thalerorum pretio divendere possint, sive jam Illustri Societas, sive alii eò indigeant. Ubi insimul cautum est, ut Incolæ Amboinenses Arak suum è Banda, nequaquam è Batavia nova, petere & emere teneantur.

Adhæc Possessoribus hortorum indulgetur, ut loco  $\frac{2}{7}$ . pro cento, loco usurarum olim solvendarum, nunc dimidio creditoribus suis satisfacere possint.

An verò privilegium hoc, seu, si mavis indulgentia ad illos quoque Possessores, qui post ultimum diem Novembris A. 1682. hortos suos emerunt, extendendum sit, ita ut pariter menstruatim  $\frac{1}{2}$ . loco interesse solvere & satisfacere possint: aliquam adhuc considerationem meretur.

Equidem finis & intentio, cur hoc illis hortulanis, qui prædia sua ante ultimum No-

vembris diem A. 1682. jamdum possidebant, indultum fuerit, hæc fuit, quoniam absque hoc beneficio præsentaneæ ruinæ & perditioni obnoxii erant: quapropter summa necessitas exigebat, ut illis hoc modo succurreretur. Quum igitur certum sit, quod in iis, qui hortos suos post ultimum Novembris emerunt, tale periculum non sublit, cum optimè sciverint, quanti horti sint emendi & quâ ratione sibi met ipsis sufficienter prospicere & ab interitu se vindicare possint. Item quod nummos, quibus indigebant, talibus usuris, quibus possint ac vellent, obtinuerint, sicque hortos justo carius non emerint; hinc videri posset beneficium hoc illos non concernere vel manere.

Postquam autem Domini nostri in quibusdam articulis Instructionis de A. 1650. mandarunt & jusserunt, ut civibus Bandasiensibus (sub quibus & Possessores hortorum comprehenduntur) omnibus possibilibus officiis gratificaremur, quo Banda in statu florido conservetur & simul Hortulani instigarentur, ut omnes nervos viresque ad aromata bene colligenda & minus negligenda intenderent, sicque omnia aromata (quorum intuitu tam immensæ opes & expensæ insumtæ & tantum sanguinis humani profusum fuit) Illustri Societati Indiæ in commodum & usum cederent; hinc necessarium & proficuum erat, ut tam adventitii, quam antiqui Pomariorum Possessores beneficio hoc (quo  $\frac{1}{2}$ . pro cento loco usurarum menstrualium solvunt) fruerentur, quod ipsum tamen in causa esse nequit, ut horti majori, quam valent, pretio divendantur, dummodo modus ille, quem supra de emtione bonorum proposuimus & suavissimus, observetur. Hoc si fiet, universæ Insulæ Bandæ eo ipso consultum erit.



Hic autem de novô in deliberationem venit, an Collegia de Weesm. Diaconyo &c. quoque prærogativam illam habeant, quâ Societas Illustris absque ulla contradictione gaudet.

Ubi notandum, quod ratio præferentiæ seu prærogativæ, quam Illustris Societas jure prætendit, longè aliter se habeat, ac illa Collegiorum, dum Societas Nobilissima nemini pecuniam suam credere mutuoque dare solet, nisi cō in casu, ubi mutuo sumens in extrema miseriâ constitutus illâ ab interitu vindicari conservarique potest, nullam ferè usuratum rationem habens, ad quas Collegia sunt intenta. Adhæc Societas Nobil. suis Officialibus gaudet & famulis semper curam gerere tenetur eorum quæ possident, an ea fortè, quæ ipsis concedita sunt, negligant, dum ubique res agitur. Hi si acceptantur & conducuntur, ut Societatis Illustris bona observent, suo fruuntur salario, & consequenter obligati manent, ut, si fortè in iis quæ illis crediderant, jacturam patiantur, omnium rationem reddant. Quapropter Illustris Societas libertatem habet non tantum è facultatibus illorum, sed & existimatione atque sanguine solutionem petere, sicque in omnibus, quæ possident, indemnificationem quærere, idque nemine (sub prærogativæ alicujus prætextu) illud impediens aut recusante; & quid, quæso, Collegia, nummos suos in fœnore ponentia, illudque, quod paciscuntur, sperantia, aliud sunt, quam personæ privatæ idem præstantes? quapropter consequenter majore privatis jure non gaudent: nisi fors cō in casu, quo tam Collegia, quam particulares personæ pecuniam suam uno eodemque die aliis crediderint, eandemque hypothecam acceperint, ita ut nesciatur, quis illorum primus aut ultimus fuerit creditor: ubi procul dubio Collegia præferri debent.

Similiter si adhuc media ac subsidia, in hypotheca nominata & obærata, supersint, debitoresque adhuc solvendo sunt, Collegia pariter præferenda essent.

Quod si & persona aliqua ultra pecuniam à Collegiis acceptam adhuc facultatibus quibusdam gaudeat, in bonis adhuc liberis Collegia etiam præferuntur, in reliquis non item.

Respectu autem nummorum, à Collegiis iis personis, quæ jam ad incitas redactæ sunt, creditorum, Collegia nulla prærogativâ aut præferentiâ gaudent, sed ad concursum creditorum ablegari debent: alioquin res sane misera & iniqua foret, si is, cui persona quædam privata pecuniam suam eo, cum adhuc floreret tempore, crediderat, postmodum ad incitas redactus Collegium quoddam adeat, nummos ab hoc mutuoumat, hocque tandem priori personæ privatæ præferri deberet, quod meo quidem judicio prorsus irrationale & iniquum esset: quamvis omnia Saniorum judicio relinquam. Ecquis enim urget aut jubet Collegia ut facultas suas aliis mutuo dent & periclitentur? non-

ne omnia spe lucri & fœnoris agunt? Unde sequitur, quod, si pecuniam suam malè elocârint, id sibi imputare debeant, nec eas propter aliis præferri possint, sed ad concursum venire teneantur.

*Restant adhuc alia quædam beneficia, quibus Societas Illustris (si placeret) hortulanos mactare posset, ut hortorum & aromatum majorem curam agerent, omniaque ut decet, I. S. offerrent.*

Quamvis hortorum aromaticorum Possessores per gratiosa, quæ supra enumeravimus, adminicula Societati Nobilissimæ summoperè obstricti & ad æternam gratitudinem obligati sint, nec ullam causam habeant plura ab Illustri Societate desiderandi: attamen nobis quidem (sub correctione per meliorem opinionem) videtur, quod Possessores hortorum (qui sub oneribus durioribus q̃s succumbunt & vix salvari possunt) gratia & favore Societatis Illustris (ultra tot inmerita beneficia) haud difficulter liberari & portari possent, si his in locis annuatim 200. circiter Mancipia procurarentur, non tamen ex alia, quam Orientalium profapiâ, cum natio hæc ad clima id adsuesceta incommoda nonnulla facilius perferre valeat, nec tam facile emoriatur; quod non tantum hortulanos à miseriâ sua liberandos, sed & ipsam Societatem in obtinendis copiosis nucibus & mace probæ notæ juvare posset, cum ultimô octiduo maturitatis suæ fructus hi majorem, ac alio tempore, perfectionem & magnitudinem nanciscantur, & sicut hac ratione macis in viribus augetur, sic nuces quoque ratione quantitatis corporeæ completiores & pleniores redduntur. Jam verò illi, qui plura alunt mancipia, nuces suas ad majorem maturitatem deducere possunt, diutius illas in arboribus relinquendo, cum non habeant, quò vereantur, ne messis tempore, ob fructuum copiam, corrumpantur, dum per majorem mancipiorum numerum easdem salvare possunt: cum econtra alii paucis mancipiis gaudentes mire se torquere & movere teneantur, quo messis tempore aromata sua colligant & auferant; quamobrem & citius, quam alii, messem suam exordiri tenentur, sicque cum nucibus moschatis maturis plures etiam immaturas decutiunt: unde sequitur Hortulanos paucas corpulentas & pingues, sed econtra plures rompos, aut & mediocres nuces, cum mace viliori, nanciscantur, nec meliores offerre possint: cum econtrario illi Hortulani, qui legitimum maturitatis tempus expectant, maxima ex parte solidas, pingues, paucas aut mediocres, & simul macem crassiorē & rubicundiorē accipiant & offerant, quæ ut pondus, ita redditus quoque pomariorum augent.

Si pariter Nobiliss. Societas acquiesceret hunc Hortulani favorem exhibere, ut quævis libratio (*Weegsel*) seu 40. Catti Banda Nucum Moscha-



Mofchatarum pretio  $4\frac{1}{2}$ . Joachimicorum solveret, summam inde utilitatem hauſtura eſſet, cum poſſeſſores hortorum majorem ſic diligentiam & fervorem in nucum collectione adhibitori eſſent, quàm pro nunc obſervare licet, dum ipſas, intuitu pretii vilioris & temporis inſumendi, Societati Nobiliſſimæ (cum primis ſi mace privata ſunt) ferè gratis offerunt, cum Mancipia (quæ nuces ad oblationem præparare coguntur) toto illo tempore vix nudam oryzam lucrari poſſint. Quod ſi verò ultra pretium commune adhuc dimidium thalerum acciperent, majorem curam & ſollicitudinem adhibitori eſſent, ut nullam nucum jacturam facerent, ſed omnes conſervarent.

Quod ſi & Viris Illuſtribus Soc. placeret prudentiſſimâ ſua providentiâ curare, ut Banda nullo non tempore tali oryzæ copiâ gauderet, ut farina Sagu (quæ in defectu oryzæ diſpenſari ſolet & debet) carere poſſit, hoc ſane poſſeſſoribus hortorum in cibatione mancipiorum ſummè proficuum foret.

Magno etiam ſolatio, ut nonnulli opinantur, foret Hortulanis, ſi pace juffuque Soc. Ill. fieri poſſet, ut Ternatenſes & Macarienſes, ad inſtar Amboinenſium, tenerentur Arac ſuum è Banda petere & acquirere. Quandoquidem verò illi, qui veſica ad deſtillandum Arac ſunt inſtructi, ad hoc negotium XI. vel XII. Mancipiis indigent, quæ vix aliud operari poſſunt, quàm ut Tabaci inſimul curam gerant, aliâs autem veſicas obſervent, ſicque in nucum mo-

ſchatarum collectione nullum ſervitium præſtare valent &c. hinc dubitare quis poſſet, an non id ipſum ad detrimentum potius hortorum, quàm commodum Soc. Illuſtris vergat? quod maturiori Prudentum judicio relinquimus.

In omnem eventum Hortulanis etiam ſolatio eſſet, ſi Soc. Illuſtr. procuraret, ut aniſum & reliquos apparatus, in veſicis & ſerpentinis deſtillationi Arak deſtinatis neceſſarius, pretio tolerabili haberi poſſent.

Et quoniam Poſſeſſores hortorum ſe non tam ut mancipia, ſed ut viri honeſti tractari patiuntur, annuatim illis 6. dolia butyri, pro illorum proviſione, procurari poſſent, cum in Banda nulla officinæ mulctoriæ reperiuntur.

Tandem hoc beneficii & favoris genus poſſeſſoribus hortorum aromaticorū etiam ſummè proficuum eſſet, ſi Illuſtris Societas Creditoribus illorum aut dimidiam debitorum partem, aut tantum, quantum illi placuerit, perſolverent, & abhinc illis ſub oblatione aromaticum ſolutum eò forte modò decurtaret, ut iuſuræ æris alieni, & abhinc tota ejus ſumma ſucceſſivè detrahatur. Hac ratione à duro debitorum onere liberari poſſent, quod, noſtro quidem judicio, nulla alia ratione fieri poterit. Id ſane eoſdem non tantum ad æternam gratitudinem, ſed & ad officiorum ſuorum promptitudinem & continuationem obligare poſſet; quæ omnia tamen Prudentiorum judicio relinquimus.

## XXVI.

## RELATIO

DE

## PIPERE EJUSQUE PLANTATIONE

in Tractu Occidentali

**P**iper eodem ferè modò ac Betel excolitur, prout & plantæ utriusque magnam inter ſe ſimilitudinem alunt, niſi quod folia piperis quodammodò corpulentiora ſint foliis Betel, aliumque ſaporem habeant. Magnitudo & figura illorum ex TAB. V. apparet.

Loca, quò plantatur, è pinguiori terrâ, quodammodò tamen furfuraceâ, conſtat.

Hanc terram primò arant ſedulò, abſque ſtercoratione & irrigatione, niſi hortus piperinus haud procul à pagò ſitus ſit, quem aquâ quoque irrorare ſolent.

Talis hortus piperinus in plagâ Occidentali *Dziundziong Lada* nominatur, aliæque plantationes, poſt arborum exſciſſionem, in ſylvis ſepibus cingi non ſolent.

Plantæ piperinæ certis ſeriebus, *Dziadzian* dictis, ad radicem arborum *Tsingking* transplantantur, poſtquam jam ante è terra ſuccreverunt, 10. kaks, aut plantæ, præterpropter in unâ ſerie.

Hæc plantatio eò tempore inſtituitur, quò die quovis 5. aut 6. ſemel pluit, non verò aliâ nimis humidâ æris conſtitutione, aut pluviis conti-



*Piper Nigrum*













*Anil unde jndigo paratur*





continuis grassantibus alioquin plantæ corrumpentur : quemadmodum aliàs quoque nimix pluvix huic plantæ valdè nocivæ sunt.

Sub ipso plantationis actu surculum (quem Zowas vocant) tribus capitibus, Mara dictis, instructum, per 2. aut 3. dies in aqua fervida prius maceratum terræ committunt, cum non observatâ hac cautelâ agrè succrescat.

Locus ipse à zizanio, huic plantæ admodum nocivo, depurandus est : & si planta quodammodo propullulavit, terram quodammodo circa eandem coacervant, ut plures caules sursum versus tradat, plures insimul radices agat & efficacior reddatur.

Binis abhinc annis primus ramusculus fructus trudit, quos *Oovvalli Marania*, ramusculum verò *Marania* simpliciter nominant. Arboris ipsius truncus tandem brachii humani crassitiem nanciscitur.

Arborem hanc unoquoque anno bis fructibus suis privant : hos autem insequentes, seu ultimos fructus, *Mematsier* vocant.

Messis major, quarto quoque anno contingens, *Pung' ut besar* dicitur.

Tempus messis piperinæ dicatum *Musim Mamupir l'ada* vocatur : Florem autem *Membunsi* appellant, qui 3. circiter menses fructum antecedit.

Una eademque arbor ad decimum usque annum durat & fructus fert, interdum & ad annum XV. si benè excolitur. Annosam ejusmodi arborem *Baka* nominant. His effluxis arbores excindunt & in locum illarum alias plantant. Surculus ejus *Janghei* audit.

Pro PIPERE ALBO EFFICIENDO nigrum ad perfectam maturitatem deducunt, quod ubi decerpserint, in fossam dejiciunt, ibique macerare aut putrescere sinunt, donec post 3. dies cortices desiliant. Hòc facto aquæ infundunt, crebrius movent, & semper  $\nabla$ . reaffundendo cortices adhuc reliquos, aquæ tunc innatantes, separant. Abhinc cineres recipiunt albicantes, quibus si omnia incrustata sunt, Soli ad exsiccandum exponunt. Cineres autem ad albedinè piperi conciliandam faciunt. Tandem vannis, *Fampi* dictis, piper ulterius depuratur, si piper simile album desideratur & distrahi potest.

è Msc. HERB. de JAGER.

## XXVII.

## RELATIO

DE

PLANTATIONE, COLLECTIONE  
ET EXSICCATIONE INDICI,

vulgò INDIGO dicti, prout in regione Tsinie &  
vicinis locis exerceri solet.

Primum & aptissimum solum ad plantandum Indicum è  $\frac{2}{3}$ . arenæ, quæ  $\frac{1}{3}$ . part. furfurum permixta sit, constat; & licet planta hæc, circa Devenapatan in locis prorsus arenosis vegetetur, hoc ipsum tamen in defectu melioris soli tantum fieri solet : quapropter & his in locis tenuior quodammodo & mactior succrescit. Ad hæc loca ut plurimum excelsa & siccissima eliguntur, quæ neque à fluviò quodam, neque stagno humectari possint, quàm ad vegetationem hujus plantæ pluvix ordinariæ sufficiant; ut raceam terras humiliores, quæ irrigari & aquâ inundari possunt, ad alias potius magisque proficuas herbas, quam ad colendum Indicum destinari posse. Accedit & hoc, quod fundi nimis humidi plantam hanc suffocare, aut ad minimum causari possint, ne Indicum bonæ notæ propullulet.

Hoc ergò solum circa tempus pluviosum, mense præterpropter Septembri una vel alterâ

vice ad profunditatem unius pedis, plus minusve, aratur, sicque ad finem tempestatis pluviosæ, h. e. mensis Decembris, ut in se ipsò subigatur, relinquitur, donec secundâ vice aratro sulcari, semenque, tempore itidem pluvioso, immitti & subarari possit, vegetationem reliquis subsequituris pluviis committendo. Quod si jam herba, una cum suo caule, ad 4. circiter digitorum eminentiam è terrâ pullulaverit, à zizaniò circumstante depuranda & liberanda est : ubi probè cavendum, ne alia quædam herba, Indico quàm similima, illuc relinquatur, quæ alioquin simul succrescere & abhinc cum verò & genuino Indico, non sine damno, abscindi posset.

Indicum hoc interea ad Februarium præterpropter succrescit, eoque scilicet, donec in flores se induat & semen proferat, ubi cum foliis inferioribus simul flavescentibus abscindi debet. Figura totius plantæ ejusque partes in TAB. VI. depictæ sunt.

Pp8

Sub



Sub ipsâ messe cautè procedendum provideque agendum est, observando probè, ut de ramusculis, è caule communi surgentibus, aliquid, ad latitudinem manus circiter, illîc relinquatur, ne per nimiam amputationem repullulatio inhibeat aut impediatur, cum jamdum planta hæc faciliè emori soleat, nisi statim post rescissionem furculorum pluvîâ quadam refocilletur, aut aliàs per fluvium aliquem aut stagnum adjacens humectari possit.

Quodsi enim pluvîâ statim post messem irroretur, post tres menses elapsos de novô rescari potest, vel paulò serius, si pluvia quodammodo rarior cecidit: sub quâ secundâ messe eadem cautelâ, quæ in primâ allegatæ sunt, observentur.

Post hanc plantis nova vegetatio indulgetur, donec terra messis sequatur, quæ elapsis à præcedente tribus mensibus ordinariò sequi solet, quò tempore semen insimul colligi potest & exsiccare, ut eò genuino sementis tempore uti possint; licet non desint, qui semen in secundâ messe colligendum esse statuunt, quum eò tempore magis efficax sit: id quod probabilitate non caret.

Omnes hæ plantæ demetationis tempore serenò, Sole lucente, quartâ unius diei parte absolvi debent, eaque quæ collecta sunt in areâ planâ propinquâ & solo depurato, usque ad horam quartam pomeridianam, relinquuntur, ut intra tempus hoc quodammodo exsiccata rastro in acervum redigantur, & postquam baculis ad id negotium paratis tamdiu triturrata fuerunt, donec omnia folia à ramulis separata sint, hæc ipsa corradantur & in corbibus in locum sicciorum & oclusum, ne venti eò penetrent, deportentur. Alio, eoque proximè sequenti, die serenò folia decussa in alium locum sicciorum aëri aperto rursus exponuntur, & tamdiu ut antea præterpropter exsiccantur, tamdiu etiam

de novô fustigantur, donec major foliorum pars in frusta comminuta sit, quò factò eadem denuò colliguntur & in siccum ac ventis minus pervium locum (cujus pavementum stramine mappâ obducto munitum est) deportantur, cui, non attractis muris, rarò ordine inspergenda sunt; & quamprimum hi acervi, non tantum in circumferentia & lateribus, sed in summitate quoque alio de novô stramine & integumentis investiti & obrecti sunt, per 20. circiter aut 25. dies illîc relinquuntur, donec folia apta nata sint, è quibus Indicum eliciatur.

Hæc, quæ præmissa fuit, exsiccatio in Sole duplicem usum habet: 1. enim aquositate è foliis excutit & 2. folia aptiora reddit, ut per triturationem & fustigationem eò promptius in frusta comminui possint, cum, si folia exsiccata non fuissent, succus Indici simul excuteretur, eaque putredini & situi magis obnoxia essent.

Quod autem ipsa folia modò supradictò in locum oclusum deportentur & recondantur, eâ de causâ accidit, ut quodammodo resoluta atque præparata majori facilitate Indicum fundant. Quamvis, ut hariolor, & ad quantitatem ejus augendam inserviat, cum vapores continui & exhalationes in similibus locis obscuris multum eò contribuere valeant.

Quantum seminis ad aream sepimento cinctam requiratur & quales inde redditus sperari possint, certò determinare non possum, licet mihi relatum sit ad duo jugera XII. Mackal præterpropter requiri & sub quavis messe, unam pro altera sumendo, 40. circiter Parra (quorum unumquodvis  $1\frac{1}{2}$ . Mackal foliorum habet) obtineri. Sed, ut modò dixi, certò id sustinere nequeo, quum assertionibus harum incolarum, utut illorum nihil intersit, tuto fidere non possimus, nisi aliquot eorum in datis responsionibus conveniant & concordent.

## XXVIII.

### RELATIO

### QUA RATIONE OPTIMUM ET GENUINUM INDICUM IN ORIS SUPRADICTIS PARETUR?

**F**oliis eâ, quam in antecedentibus ostendimus, ratione, præparatis, ad fontem vel flumen aliquod, nullo hîc discrimine habito, sive aqua dulcis sive salsa, modò clara, pellucida nec turbida sit, deportantur, ut Indicum ex illis eliciatur. Ad hoc ipsum negotium loco instrumentorum ollæ quædam humiles, sed amplò orificiò præditæ, requiruntur, altitudinem unius pedis præterpropter & in superiori parte, circa

orificium,  $1\frac{1}{2}$ . pedis latitudinem habentes, quarum unaquævis 3. circiter Parra aquæ capiat. Hæ foliis macerandis inserviunt. Præter has totidem altæ & angustiori orificio instructæ ollæ requiruntur, 7. ad 8. Parrorum capaces, quæ ab infimo fundo ad  $\frac{3}{4}$ . altitudinis circiter se ampliant & tandem in orificium angustum (in diametro ferè pedem habens) desinunt & aquam Indico prægnantem recipere debent, ut illîc concu-



concutiatur & commoveatur inibique ab Indico separetur, quas in subsequentibus ollas collectorias vocabimus.

Prius memoratæ humiliores & latiori orificio præditæ ollæ, ad 2. circiter partes capacitatis suæ, aquâ repletæ sint, oportet, in quas folia ante præparata, 24. libras in singulas dispensando, injiciuntur, & postquam in aquâ probè concussa sunt, omnia ab horâ 10. matutinâ ad horam primam pomeridianam circiter summo Solis calori exponuntur, quâ de causâ clara & serena dies requiritur & eligitur. Intra 4. horas folia intumescere, & pedetentim substantiam quandam viscidam, instar fæcis fermentantis, ejicere incipiunt, quæ tandem purpurascit & indicio est folia debitum in maceratione tempus superasse.

Hoc factô lintheum densum orificio supradictarum ollarum collectoriarum superextendunt, firmiter illud alligando, aliâque ollâ figulinâ, orificio angustiori præditâ, è dictis ollis maceratoriis omnem aquositatem maceratis innatantem exhaustiunt, postquam omnia prius commota & concussa fuerant, exhaustam per lintheum in ollas collectorias infundunt, & abhinc folia macerata utraque manu supra lintheum exprimunt, folia de novô in ollas maceratorias rejiciunt, aquam reaffundunt, omnia probè concutiunt, aquam rursus in ollas collectorias exhaustiunt, & folia, ut ante, manibus exprimunt, quorum succus reliquis aquis Indico prægnantibus affunditur.

Finitô hoc labore folia sic exhausta & expressa ultima vice in ollas maceratorias immittunt, simul tamen ollas supradictas, exhaustioni dicatas, ad fundum ollarum maceratoriarum præcipitant, ut circumcirca à foliis expressis obtegantur & in illis quasi sepultæ sint. Abhinc tamdiu aquam recentem reaffundunt, donec ollæ exhaustoriæ emergant & qs. innatent, tandemque aquam, quæ folia penetrârat, de novo in ollas collectorias decantant, idque tamdiu continuant, donec in aquâ nil viridis amplius appareat: sicque folia prorsus exsucca & exhausta rejiciunt, quæ ad stercorendos campos, oryæ ferendæ destinatos, utilissima dicuntur.

Abhinc ollæ maceratoriæ ab ollis collectoriiis separantur, singulæ de singulis, lintheum ab orificio posteriorum removetur, ubi spuma omninò purpurea aquæ illîc contentæ innatare videtur, residuis viridem colorem obtinentibus. Hanc aquam & tincturam postmodum haud aliter conquassant & concutiunt, ac ipsum lac in vase butyraceo subigi & quassari solet, ubi spuma primum pallidè purpurea exsurgit, quæ successivè candidior evadit, donec tandem colorem coeruleum nanciscatur, Indicique aqua prorsus atra & nigricans appareat.

Omnibus jam conquassando permixtis totam mixturam per unam aut alteram horam sibi

relinquunt, iisque elapsis semel, bis, vel tertio seu fuste subigunt: quô factô ollam hanc de novo integumento quodam operiunt & tamdiu immotam relinquunt, donec pars turbida & terrestris (quæ Indicum propriè constituit) ab aquis secesserit & separata fuerit.

Tudes seu fustis conquassatorius modò dictus, ad aquam concutiendam & permiscendam destinatus, è frusto arundinis (Bambusen nominant) constat, crassitudine brachium infantis adæquante, quod in extremitate diffindunt, huicque fissuræ orbem rotundam, 2. ped. Geom. circiter in diametro habentem, inserunt, firmant & colligant omnia, sicque altera arundinis extremitas manubrii officio defungitur.

Insequente die, horâ circiter octavâ vel novâ, jus per canaliculum aut siphunculum (qui ad manus latitudinem à fundò ollarum collectoriarum insertus est) extrahunt & quicquid magis fluidum est è liquore promanare sinunt, quod colorem rubescentem habet, cùm econtra id, quod in olla aquæ innatat, spumæ purpurascens formâ ludat: quemadmodum & in summitate aquæ extractæ rubicundæ quædam & flavescens striæ flammiformes se trudent, cumprimis si aqua prius fortiter quatitur.

Hæc spuma, detractâ prius omni aquositate, manu detrahitur & cum reliqua materiâ turbidâ probè reunitur & incorporatur. Totum autem hoc sedimentum, effluxis omnibus particulis aqueis, in ipsâ ollâ bis vel ter pinsendo qs. permiscetur, ollæ manubriô, instructæ immittitur, quâ ad aream, ex arena aridâ constantem, deportatur, in qua aliquot ante horas, sub intensissimô calore Solis, ejusdem figuræ cavitas seu fossula (quæ medium locum occupare & altitudine manus latitudini respondere debet) efformata fuerat. Hæc cavea quoad interiorem superficiem lintheo seu pannô quodam investitur, eoque quadantenus madidô, ut ubivis æqualiter extendatur & omnes ejus partes arenam in fovea contingant. In hanc fossulam pars Indici turbida, supra allegata, ex ollâ, cui manus prætenditur, successivè & pedetentim immittitur, ut lintheum inundet, per cujus poros non nisi quod aquosum penetrare valet: pars verò resistans à calore & siccitate arene extemplo incassatur & quodammodo induratur, sicque ab ulteriori effluxu impeditur; quemadmodum & in summitate ejus cuticula concrevit, quæ splendorem qs. purpureum refert.

Hæc omnia per 2. circiter horas & tamdiu illîc relictâ, donec substantia hæc per calorem Solis rimas quasdam agat, consistentiam placentæ, in catino jam formatæ, nanciscuntur. Hoc factô arrepto cum omnibus extremitatibus lintheo placenta in hoc contenta in duas medietates concidere sinitur, quas manibus ulterius confringunt, ollæ immittunt, & quod lintheo adhuc adhæret deglubunt, hocque cum priori permiscunt & in novam massam compingunt, quô



ipsò cuncta molliora sunt. Tota autem massa aut in arcâ è cineribus compactâ, aut in saxo quodam complanatò & pannò quodam obductò, in placentulas & trochiscos  $2\frac{1}{2}$ . dig. circiter in diametro habentes & in summitate breviter & densè concurrentes manibus redigitur, qui usque ad horam 4. pomeridianam (qua calor ut plurimum remittit) radiis Solaribus exponuntur & abhinc domi reconduntur. Subsequentibus die, tempore sereno, repetita vice, ab horâ matutinâ nonâ usque ad  $\frac{1}{4}$ . diei partem Soli ad exsiccandum exponuntur, quod idem tertio quoque die, interdum & quarto, eadem ratione observatur, usque dum prorsus exsiccantur: sicque Indicum penitus completum & perfectum est.

Quod attinet quantitatem Indici, è foliis

supradictis expectandam, experientia me docuit, eadem præterpropter  $\frac{1}{10}$ . aut  $\frac{1}{7}$ . tantum Indici partem suppeditare, quæ, ut videtur, major quodammodò deberet & posset esse, si planta statim in principiò pluviis sufficientibus irrigetur foliaque crassiora & pinguiora evaderent, quam ea, quæ mihi videre licuit.

PROBA GENUINA INDICI tribus innititur membris: 1. Imponiatur aquæ, cui, si laudabile & genuinum est, innatare debet.

2. Idem in cineres comburatur, & an arena fortè permixta sit, exploretur.

3. Cultrò quodammodò incisum unguibus manus atteratur: quodsi cupreo qs. colore micet, genuinum & probatum erit.

## XXIX.

## DESCRIPTIO

## TUBÆ BACCIFERÆ ET COCCULORUM INDICORUM.

*Dn. Rumphii Herbario Ambonico Msc. Lib. 7. cap. 18.*

**T**uba baccifera pampinus est ingens & sylvestris, in officinas Cocculos Indos invehens, Malaijanis, *Tuba bidii*: Ambonenſibus autem *Tuba* vel *Tube*, hæcque species *Tuba Tuni* dicta, cum in lingua Malaijanâ Tuba variis simplicibus, seminibus scilicet fructibus & foliis, quibus aut pisces, aut aves capere solent, tribuatur. Ternatanis propriè *Bori* dicitur, quemadmodum altera in præced cap. 49. lib. 6. *Borriro* nominatur. Bori & Borriro enim incolis illis talia dicuntur quæ vomitum causantur. In Banda planta hæc pariter *Tube* vel *Tube*, & in Java *Boproon* & Calischicè *Bonproon* audit.

Pampinus hic ut plurimum brachii crassitiem habet, imò non raro pedem crassitie æquat, multis donatus ramusculis & cortice asperissimo. Ramusculi in fibras rigidas, aliis ramis arctè inhærentes, desinunt, quibus folia per certas series è regione disposita, utut alternatim & sigillatim juncta, inhærent, magna quidem & membranæ instar rigida, figuram cordis referentia, apice obtuso instructa, spithamam longa, 9. digitos lata, in parte superiori viridia, infra autem intensè flava & quodammodò lanuginosa. Pedunculis innituntur oblongis & rigidis, prope ortum quodammodò inflexis. In ramis crassioribus fasciculi oblongi succrescunt, longitudine sesquipedem habentes & in diversos furculos divisi, in quibus ab initio noduli albicantes, instar capitum acicularum, conspiciun-

tur, qui sub apertione flosculos, sex petalis albicantibus exornatos & retrorsum inflexos, trudent, in medietate capitulum gerentes, 3. aut 4. granulis, arenarum instar, donatum, unde fructus exsurgunt.

Flos, haud aliter ac Phallus Dæmonum, odorem putrilaginosum spirat. Hunc plurimi fructus, racematim sibi cohærentes, sed uvis minores, sequuntur, qui diu candidi, mox rubicundi & tandem purpurei ac quodammodò nigri apparent, quorum ut plurimum 2. 3. raro 4. simul pedunculo gryseo, crasso, pyramidali & rugoso insistant. Sub extimâ carne molliori nucleus reperitur, magnitudine nuclei ceraſorum, aut quodammodò majoris, qui rugosus & qs. vitratus est, constans ex putamine duro, sed fragili & uno in latere aperto, cui medulla albicans, in 2. partes divisibilis, includitur.

Lignum in vimine tenax & spongiosum est, quod in pampinis ferè infrangibile est, grana comminuta odore & sapore referens, adeoque nauseosum & adversum.

Planta hæc haud procul à ripa maris, ubi solum lapidosum, prægrandibus rupibus & excelsis arboribus cinctum est, succrescit. In Amboinâ non tam copiosè ac in Ceran, circa regionem Coimbello & veterem Luholiam, reperitur, ubi funes crura suâ crassitie æquantes arboresque scandentes observavi, de quibus fasciculi fructiferi secundum longitudinem de-

pende-



pendebant. Reperitur etiam in Insula Bandanensi Lontar, magis autem in Celebes, ceu matre rerum venenatarum, cum primis in provinciis ad tractum montium Bugissanarum sitis.

Usum quod concernit, grana hujus herbæ tantum ad pisces enecandos desiderantur. Recipiuntur autem grana, sive cum, sive sine carne circumstante, tam recentia, quam exsiccata, conteruntur cum cancellis minoribus, Cuman dictis & cochlearum testis aut conchas desertas inhabitantibus, (nonnulli & stercoreis humani grumos quosdam addunt) indeque pilulas, magnitudine nuclei ceraforum formatas, in aquas, sive dulces, sive salvas, magis tamen stagna ex aquâ marinâ constantia, injiciunt: quò factò pisces catervatim accedunt & sive emortui sive inebriati in summitate nant, ut haud difficulter manibus capi possint.

Pisces hi absque ullo periculo comedi possunt, cum omnes Tubæ species lethali veneno careant, sed tantum stupiditatem aut inebriationem quandam in teneriori systemate nervoso piscium & avium producant. Imò crederem, quod si ebrii hi & dementes hospites recenti statim aquâ injicerentur, eosdem mox restitui in integrum. Haud absimili ratione Incolæ Insularum Papusiensium aves Paradisia-

cas, *Soffu* dictas, capere solent, quæ minores quodammodò nec tam variegatæ sunt ac Aruanenses. Aves hæ turmatim volant, singulis annis certò tempore in Insulas Papusienses advolant, & in parte ejus Meridionali, Gilola Weda dicta, potum suum in cavitatibus arborum excelsarum, quò aliquam è numero suo speculatum mittunt, inquirunt. Revertens inde speculatrix reliquas omnes, si aliquid invenerit, permovet ut inde bibant. Interea Papusienses promptè arbores adscendunt & aquas granis comminutis inficiunt: has si aves hauserint, ebriæ redduntur, ita, ut in terram concidant ac facillimè capi possint.

Macassarii & Bugysii grana hæc, adhuc albicantia & immaturè decerpta, sed in fumò exsiccata, secum afferunt, si per mare in dissitas regiones vehantur, ut; si pisces comedere velint, eosdem promptè capere valeant.

Planta hæc in Ceilon & Malabar quoque reperitur, ubi capros & vaccas sylvestres eâ capere nòrunt, dum scil. grana confusa fructibus Jacas & Soorackas affricant, ita ut carnem illorum discindant illique grana comminuta impingant, quam vaccæ avidè devorantes inebriantur, ut sine magno labore sive capi, sive ictu bombardarum aut arcuum feriri possint.

## XXX.

## DESCRIPTIO GANITRI

ex

*Herbario Ambonico Dn. Rumphii Msc.**Lib. sc. V. Cap. 16.*

**G**anitus pariter est è numero arborum sylvestrium excelsissimarum, in lingua Malaijanâ, Javanâ & Baliericâ *Ganitri* aut *Ganiter* audiens. In Celebes penes Bugissanos *Boa Sinia*, & in Amboina *Aymanu* dicitur, quæ vox idem notat ac avium arbor, quum aves majores, annuæ scil. & vespertiones fructibus ejus vescantur. Alii eandem vocant *Annale*, h. e. arborem annorum, quoniam Ambonenses credunt canes annuatim, iis in domibus, in quibus lignum ejus comburitur, emori.

Crassities ejus variat admodum, nec truncus semper rectus, sed quandoque curvus & adeò crassus est, ut vix à binis viris comprehendendi possit, licet folia se minus latè diffundant, quum rami principaliores ut plurimum rectà altum petant & in longa teneraque virgulta dividantur. His folia simpliciter adhærent, nonnulla in series, alia confusè disposita & foliis cerasi fermè, aut præcedenti *Lehæ* similia, ut ut quodammodò longiora sint, 7. scilicet digitos

in longitudine & 2. in latitudine emetientia, in margine adeò obscurè & accuratè serrata, ut vix observari possit, de cætero verò glabra, subtilibus fibris & brevibus pedunculis, retrò tenuibus, instructa. Decidua folia instar cancri elixati rubicunda evadunt. Imò haud pauca arbori adhuc in hærentia eò fere, quò fructus maturescunt, tempore sic rubescunt: unde ipsa arbor eminus dignosci potest, maximè, quod foliorum compages se versus superiora extendat. Lignum pallidè candidum, porosum, aut durum & grave est: cortex desuper æquè ac si inciditur flavescit.

Flores sub foliis erumpunt, quæ tunc temporis breviora sunt & denso agmine extimarum parti insident. Florum fasciculi è simplicibus qs. staminibus constant, quorum 3. 4. & 5. retrò folia in ramusculis, ut in uvulis ursinis, Belgis aalbesien dictis, erumpunt. Quilibet flosculus proprio sibi pedunculo oblongo insidet, vix unguem in digito longitudine æquans,



è quinque candidis & acutis petalis, se minus versus illum aperiens, conflatus.

In illis quinque alii continentur, qui in summitate se in plures fibrillas dividunt, reliquis partibus, qs. penicillò è similibus fibrillis, interiora versus, repletis. Quamprimum petali hi vel per dimidiam dici partem decerpti sunt, rubicundi evadunt & totus flosculus decedit, nodulum in pedunculo relinquens, in quo fructus rudimenta, mox erumpentia, continentur: quò tempore folia, denso agmine, in extima ramusculorum parte coherant, oblongum apicem præmittentes, ut in Varinga videre est.

Fructus tenui & oblongo pedunculo levissimè adhærent, qui nihil aliud quam globuli sunt exactè rotundi, globulis sclopetariis paulò majores, in principio instar graminis virides, mox cœrulei, sed nonnihil purpurei: externè quidem læves, sed asperis maculis & hinc inde venulis minoribus distincti, in quorum medutullo granum rotundum ingens & qs. lapideum, pauca carne viridiuscula cinctum, continetur, quæ tamen succulenta & qs. arenosa esset stridens videtur, saporis quodammodò austeri, ut nonnihil vinosi, si ad debitam maturitatem evectus deciderit fructus, esui tunc non ingratus. Lapis seu nucleus hic durus quidem, attamen in 4. aut 5. partes divisibilis est, in medio sulcò quòdam, ferè penetrante, notatus & ubivis cavernulis minoribus perfusus, ac si à vermibus corrosus esset, quod ipsi tamen decori est, ut nescio quò artificiò sic cælatus appareat. Magnitudo fructuum seu nucleorum horum varia est, dum maximi instar globulorum sclopetariorum, musquetorum vulgò dictorum, crassi, ut plurimum rotundi, pauci instar pyri formati: Medioximi instar globulorum sclopetorum manualium, quæ Equites utuntur, & minimi instar pisi grysei apparent: qui omnes tamen in unâ eademque arbore succrescunt sibi que mixti reperiuntur. Interim tamen peculiaris adhuc species hujus arboris reperitur, quæ non alios quam minores globulos protrudit, cujus folia econtra majora sunt, quam communis & vulgaris, ita ut 9. ad 10. pollices longitudine & 3½. pollices latitudine exæquent. Quin & tertia adhuc species, utut rara admodum, in Amboinâ reperitur, quæ lapillos adhuc minores, quam species antecedens suppeditat, haud multo majores quam pisa sunt communia, in lateribus quodammodò compressos & cavernulis eleganter interstinctos, qui omnium quoque pretiosissimi

sunt & in veteri Indiâ mercem laudabilem constituunt. Aliàs supradictas 5. juncturas externè in hoc nucleò ferè planè non dignoscere licet; quamprimum verò easdem nonnihil perforare incipimus, facilimè concidunt & discriminantur. Minores autem longè duriores sunt & perforationem benè perferunt. Major species ubivis in sylvis sub arboribus reperitur, & si caro exterior separata est, grysei sunt globuli & parvi æstimantur: illi econtra qui à bovis prius aut avibus deglutiti fuerunt & abhinc per secessum abierunt, fusci sunt, & quo fusciores, eò meliores majorique pretio veneunt; quem colorem illis quodammodò conciliare possumus, si aquæ marinæ immergantur.

Fructus hi mense Juniò & Juliò matureseunt & circa Octobrem sub arboribus inveniuntur.

Maximi & Medioximi Ganitri in Amboinâ satis frequentes sunt, ast nuspiam, nisi in sylvis magnis & altioribus, inter quos interdum grana nonnulla minoris speciei, sed rari admodum, inveniuntur. Majori in copiâ in montibus Celebesinis reperiuntur. Minimi & optimi in parte Orientali Javæ, circa urbem Balamambangam in Madura, Bymam & adhuc paucas alias in ipsa Boli crescent.

Usum quod attinet, Ganitri Ambonici nullum fere habent, cum justo majores sint, sub perforatione concidunt & in partes abeant. Fructus integri, ut jam ante dictum fuit, arboribus adhuc adhærentes ab avibus majoribus devorantur: decidui verò à vaccis deglutuntur, in quarum excrementis elegantiores inveniuntur. Minores bonam & pretiosam mercem constituunt, quæ in veterem Indiam, ut Benjanis & Brachmanibus vendatur, evehitur, qui pro Insularum suarum consuetudine grana hæc filo traducunt & corpora sua iisdem exornant, ex altera scapulâ per alam lateris oppositi ducendo & suspendendo. In Javâ fasciculus seu moles integra è tribus speciebus commixta 60. Imperialibus emitur, & si inter omnes illos fundus unus aut alter manipulus de minoribus æqualibus & eleganter fuscis reperitur, hic solus integrum & solidum pretium, interdum quoque cum fœnore, refundit.

Ditiores corallia aurea iis jungunt & intermiscent, à quibus Sinenfes eos *Kimkung ds* h. e. grana cardiaca aurea nominant.



## XXXI.

## DESCRIPTIO

## ARBORIS BENZOINI.

E RELATIONE DE STATU TRACTUS BAROSIENSIS, QUAM  
DN. ARENT SYLVIVS,  
LEGATUS PERPETUUS ET PRINCIPALIS  
ILLIUS REGIONIS, IMPERTIVIT.

**A**Rbor Benzoini ut plurimum per fructus suos plantatur & transplantatur, quamvis per fructus suos deciduos se sponte quoque propagare soleat, hoc tamen cum discrimine, quod Gummi posterioris sylvestris & asperæ s. tenacis sit indolis. Incolæ Deirisiensium locorum eam ob causam 6. ad 7. talium arboretorum hortos alere solent, & si illi, vel potius arbores vetustiores gummi suum ploratunt & tantum non omne subministrarunt, excinduntur & in illarum locum aliæ plantantur: omnia tali ordine, ut inter arbores illa vetustiora à novissimis 6. vel 7. distinguantur, ne in gummatibus annuâ collectione & plantationum redditu defectus quidam occurrat, priusquam noviter plantatæ arbores ad eum statum & maturitatem deducantur, ut gummi suum suppeditare valeant.

Quamprimum jam arbor hæc plantata fuit, trunco recto, satis alto & simplici emergit, cortice & foliis arbusculam, quam Nob. T. obtuli, exactè referens, corticem scil. externum cinereum, intus viridiusculum & lignum flavescentis obtinens: utut senectute accedente color ejus viridis in rubrum aut purpureum mutari observetur.

Folia oblonga sunt, magnitudine vulgari gaudent & si exsiccantur friabilia observantur, intus pallido-viridia, extus exalbido cinerea & quodammodo aspera, adinstar foliorum salicis in Bataviâ patria, odore prorsus destituta.

Arbor modò dicta, quæ juxta Barosienfium relationem rarò vel nunquam, diutinâ licet accretione, hominis crassitiem nanciscitur, magnam quantitatem nucum minorum profert, quæ, ut nuces juglandes, cortice crassiore præditæ sunt, utut nec tam crassus nec rotundus, sed quodammodo compresso-rotundus appareat, asperus simul quodammodo, extus cinereus, intus viridis. Cortice hoc exteriori detracto nucula quodammodo compressa se trudit, quæ fructus est arboris, cujus putamen tenuius & tenerius est, quam nucis avellanæ, coloris cinerei & si adhuc recens est,

saporis amari & adversi nucleum in se recondit, qui rubicunda & rugosa tunica cinctus, intus verò candidus & ex pallido-viridis est.

Postquam arbor hæc ad quintum aut sextum durationis annum evecta est, in parte superiori, sub coronâ trunci, perpendiculares rimæ & incisiones cultro quodam instituuntur, è quibus natura desideratissimum hoc & fragrantissimum gummi, *Benzoinum* scil. derivat, haud aliter ac sub conquassatione aliarum arborum pariter observari potest. Hoc ipsum ab initio fluidum omnino, glutinosum & pellucidum est, successu temporis verò magis magisque congrumescit, quò factò à cortice & arbores separatur, hæcque arbor, juxta Incolarum assertionem, adeò dives est, ut integrum Catti suppeditare valeat. Quamprimum verò omnè, quod adhæserat, gummi derafum fuit, arbor succiditur, ut plantis junioribus locus detur, indeque nihil aliud, quam albicans, recens & ad ædificia, vel similes labores, planè ineptum lignum relinquitur.

Interim videtur speciem Benzoini Surkamsiensem & Korlangiensem, quæ diutius in arbore relinquitur & bis vel 3. colligitur, pellucetem suam tenuitatem, adeoque & splendorem suum, per aeris & Solis actionem magnam ad partem amittere, cum jamdum crassius, magis fuscum, nec tam elegans sit ac Deirisiænum.

Alias in regione hac creditur arbores auspam quam in hoc ipso territorio gummi quoddam fundere: quod ipsum etiam, intuitu soli specialis atque terræ in districtu hoc obviæ & plurimis arenulis albicantibus crystallinis similibus particulis permixtæ, de nihilo non esse putamus. Ubi ulterioris speculationis ergò adhuc considerandum est, arbores Benzoinum penes Nigritas Barosienses quidem succrescere, sed ne gry quidem gummatibus aut resinæ fundere. Quemadmodum e contra Cocos arbor in tractu Barosiensi sic satis etiam crescit, fructus autem suos prorsus immutat.



## XXXII.

DESCRPTIO  
ARBORIS CAMPHORIFERÆ

## RELATIONE ARENT SYLVII.

**A**RBOR CAMPHORIFERA in diversis succrescit sylvis, absque ulla quidem sive cultura sive curâ humanâ, suâ sponte, instar aliarum sylvestrium, in truncum assurgens excelsum atque gravem, cumque simplicem & rectum, qui optimum ad rem ædilem lignum suppeditat. Ramis illa gravioribus nullis aut paucissimis est prædita, sed levissimis in complexu foliorum, qui juxta proportionem trunci quoque exiguus est.

FOLIA oblonga & figuræ ovalis sunt, apice prolixè extenso prædita, coloris obscure viridis &, si exsiccata sunt, dura ac tenacia, odorem camphoræ spirantia : quæ omnia de arbore camphoriferâ Barosiensi intelligenda sunt, cum in Javanicâ folia longè aliter formata sint prioribusque majora, ut è Tab. VII. videre licet.

CORTEX proportionem & collationem cum ipsa arbore institutâ elegans satis & rubescens apparet, qui ob ætatem & crassitiem arboris, una cum interiori, sæpè maximis squamis inde delabitur : quò ipsò arbor hæc ab aliis, ex parte dignosci potest ; juxta quod etiam radicibus, sursum versus repentibus gaudet, quæ ut plurimum ad viri longitudinem supra solum in truncum solidum & densum colliguntur & abire videntur.

FRUCTUS, qui ob insuperabilem arboris altitudinem rarò obtinentur, flori magis quam fructui similes sunt, dum diversis oblongis & crassiusculis foliolis diversicoloribus, maximè tamen rubris, purpureis, flavis & viridescentibus, fructus ad instar nucum avellanarum Hollandicarum amplexantibus, decorè ornati sunt : ut ut fructus arboris camphoriferæ neutiquam, ut nunces avellanæ, corticibus duris muniti, multo minus foliolo superinducto, nec acutis, sed rotundis apicibus, in summitate fructuum instar tuliparum se aperientibus, instructi sint. Fructus hic (qui, ut ipsa folia, camphoram sapit) non tantum ad Medicinam utilis est, sed & esui inservit : prout eundem ante 2. vel 3. circiter annos tam viridem quam conditum palato non ingratum reperi. Quod verò eundem hæc vice Nobilitati Tuæ reipsâ ostendere & communicare non valeam, non tantum periculo sylvarum, sed & effluxui temporum adscribendum.

Arbor hæc, si crassa & magna est, resinam suam, instar arboris benzoini, non plorat. Intus autem circa medullium aut cor à parte inferiore ad superiorem rimæ naturales aguntur, in quibus succus arboris proprius & genuinus se colligere videtur, vel illuc particulae quædam subtiles adherent, quæ temporis successu coagulantur & in festucas abeunt, quæ ligno adherent & pedetentim plus minus in crassitie augentur, prout arbor pluribus edendis par est, aut ipsa apertura admittit.

Illi jam, quorum munus est curam agere Camphoræ, arbores illas, si per certa indicia externa easdem Camphoræ scatere existiment, excindere jubent, & easdem foliis, cortice & exteriori ligno, usque ad medullium seu cor, proximè ad aperturas & rimas, privari, contundi & comminui curant, ubi ipsa camphora tanquam in venis suis elegantissimè & mirabiliter apparet, quam parvulis suis instrumentis à ligno separare & abraderè nòrunt : quò ipsò tandem, præviâ depuratione camphoræ abrasæ, pro labore & operâ suâ 1. 1½. 2. 2½. usque ad 3. libras Camphoræ (quæ Catti Barosiense constituunt, ultra quod pondus, ut ipsi perhibent, rarò ascendunt) obtinent, de quibus ordinariè partem vigesimam exsolvunt, ejus autem quod residuum est plenarii possessores manent.

Hic verò notandum, quod, cum per contusionem ipsius ligni suffragium plurimum aëris in se susceperit, illud intra quinque vel sex septimanas penitus exhalet nihilque quam lignum, cum paucò odore, remaneat, prout idem per inquisitionem in similibus in Poulo Moaselaer succis & contusis frustis ligni camphorati observatum fuit. Quid quod & *oleum camphoræ*, quod essentialis arboris succus est, & ut nobis relatum fuit, per aperturas & cavitates arboris exstillat & colligitur, tam subtilium quoque partium est, ut chartula oleositate imbuta & accensa flammam celeritè & indicibiliter se propagantem præbeat, donec oleum penitus consumptum sit : quod omni tempore & locò probari poterit.

Poulo Chingo die 2. Octobr. 1680.



Kous noký  
Camphora Japonica altera  
sine baccis folio mala-  
bathro simili




prona



supina

Folii facies



Folia Arboris Camphorifera Barosiensis







XXXIII.  
EXTRACTA

è

Dn. D. Engelberti Kæmpferi Disp. Inaugurali

DE

DSJERENANG SEU SANGUINE  
DRACONIS.

Quemadmodum Lapides Bezoardici è diversis animalibus obtinentur: ita quoque resina quædam & gummata inveniuntur, quæ è diversis plantis scaturiunt, ut in Terebinthinâ, Bdelliô, Tragacantho, Vernice naturali & cumprimis in Sanguine Draconis videre licet, cujus binæ species penes Pharmacopœos inveniuntur: una in massis crassioribus, quæ ex America æque ac Oriente adportatur: altera in foliaceis folliculis, qui ex Indiâ Orientali in Europam deferuntur.

Prior Sanguinis Draconis species, juxta Clusii relationem, ab arbore Draco dictâ proficiscitur, quæ ipsa tamen, juxta Arabum plurimorumque Persarum sententiam constantem, ex arbore Sandali rubri fluere dicitur: cui sententiæ procul dubio occasionem dedit, quòd resina hæc non tantum colore, sed & viribus & probatione cum Sandalo rubro coincidat, imò ex eadem regione, scil. è Choromandel, Madagascar & Æthiopiâ proveniat. Quò & hoc adjicere poterimus, quod eadem vox *Chuni-Sengijoon*, vel Sanguis Sangibarenfis, ut ipse Sanguis Draconis, à tractu quodam Africa à Persis denominatur, ita eodem modo ab aliis Paganis Gangeticis etiam Sandalo rubro tribuatur, quod communi linguâ Decanica *Reket Tsjandam*: Erudita Sanscretica Brachmanum linguâ *Rakta Tsjandonam*, h. e. Sanguis Tsjandonam; vel, ut Latine effertur, Sandalum vel Santalum vocant; quemadmodum & penes illos interdum *Rakta Tsjandonam Sang-ghi*, h. e. sanguinis Sandalum Æthiopicum dicitur. Alii hanc ipsam speciem Sanguinis Draconis ab aliis arboribus derivare conantur.

De secundâ specie Sanguinis Draconis mihi constat, quòd à Malaijanis & Javanis è fructibus aut strobulis arboris cujusdam spinosæ ita paretur: Fructus modò dictos craticulæ imponunt, quam vasi ingenti terreo, ad dimidietatem aquâ repleto & quodammodo operto, imponunt. Abhinc vas carbonibus imponitur, ubi postea tinctura rubicunda, quæ in fructibus discissis aliàs non observatur, in-

terveniente vapore aquæ ferventis elicitur & squamosis strobilis adhæret, quæ postmodum abstergitur, seu separatur, & in folia arundinum includitur.

Notandum hic in Indiâ plurimas arundinum species reperiri, *Rotan* & *Bambu* dictas, quas inter Malaijani & Javani plures etiam Palmas sylvestres alunt, quæ in dumetis & sepibus, ubi Tigrides aliæque fera latitant, absconditæ sunt, quarum tres spinis munitæ observantur, scil. *Rotan Salag*, *Gelay* & *Dsjerenang*, quæ ultima species ob Sanguinem, quem fundit, Draconis celebris est, cujus vera & naturalis descriptio (nî Hodegus nomina confuderit) sequens est:

ROTANG DSIERENANG est Palma-pinus, tres circiter orgyias alta, undique horrendis spinis nigro-fuscis obsita, quæ unius ad minimum pollicis longitudinem habent. Truncus ejus plenarius, rectus, æqualis, angustus, ex albo-cinereus & 3. orgyias altus est, brachium hominis crassitie æmulans & articulationibus mediocris distantie ornatus spinisque horizontaliter se extendentibus in parte inferiori denso agmine obsitus. Exterior majorque pars ejus è fistulosis fulcris ramorum, ex articulationibus propullulantium, conflatur, quorum infimi semper initium superiorum formant, ut articulatio ipsa vix observari possit. Remotis ramorum tubis aut fistulis medulla interior in apicem venit, quæ extus splendet & fusco colore gaudet, aliàs verò ex levi & fibrosâ substantia constat, quæ versus summitatem carnosa, candida, insipida; attramen esui apta nata est. Rami in truncò latè se extendunt & spithamâ à se distantes confuso ordine junguntur, donec versus superiora densius & confertius, ut omnes palmarum, concurrant & comam efficiant. Dicti rami cubitum seu orgyiam longi, infra laves, supra autem, ut aliæ palmarum, foliis suis acutis, ordine dispositis, ornati sunt, simulque fibrosâ & fungosâ costâ, rotundâ quidem sed quodammodo compressâ, gaudent & in utroque latere, ubi folia erumpunt, cauliculis mu-



niuntur. Pars inferior colore pallide flavescente, superior autem viridescente gaudet, tot, ut in trunco spinis hinc non occurrentibus, quæ in dorso reduplicatæ & uncorum instar quodammodo reflexæ sunt. Folia sunt angusta & arundinacea, eleganter viridia, sequispithamam longa &  $\frac{1}{2}$  poll. lata, in apicem quendam desinentia, tenerè simul pendentia & in parte anteriori quodammodo spinosa. Tres illa fibras seu costas habent, majorem in medio, & in utroque latere minores, longè excurrentes, unde folia ad lapsum inclinant &, si flaccescunt, concidunt. Racemi è fulcris ramorum propullulantes & à Naturâ fructibus suis eleganter exornati è diversis conflati sunt thyrsis, quorum medius est maximus, 4. aut 5. minoribus circumdatus: qui omnes in duplici tunica, eaque tenui, fusca & fibrosa, imò & spinosâ, continentur. Fructus illis absque ullo pedunculo, mediante nodulo quodam squamoso, qui nunquam decedit, adhærent. Sunt autem oblongè rotundi, nuce avellanâ majores, splendentes, & ut strobuli pini qs. cataraëta muniti, hac ratione, ut apices su-

periorum squamarum inferiorum interstitia qs. claudant. Squamæ illæ occurrentes parvæ sunt, capitulo suo firmiter insidentes, attamen tenues, subfusca & in triangulum desinentes, cujus apices tantum in extimâ fructuum partē videri possunt. His remotis ad carnosam tunicam devenitur, quæ omninò candida nodum carnosum in se recondit, qui immaturus adhuc pallidè viridis, medullosus & succulentus est, saporis leguminosi & adeo adstringentis, ut extimò linguæ tactu totam oris cavitatem repleat, ita tamen, ut mox evanescat.

Figura Zallini, h. e. racemosi & albicantis fasciculi reperitur (utut tantum mutilè) in Bontio sub Malaijano nomine Rotan seu arundinis caule farctò (arundo enim excavato caule illi Bambu dicitur) & ferè similis apud Bauhinum, sub nomine Palmapinus, occurrit, utut ambo usum & commodum ejus nesciverint. Similes verò fructus squamosi, (qui tamen à minore tantum arundine, iis destituto, proficiscuntur) in ultimò Tomo Horti Malabarici ob oculos ponuntur.

## XXXIV.

## DESCRIPTIO

## MUMIÆ NATURALIS.

IN PERSIA MUMINAHİ DICTÆ,

*ex Dissert. Inaugurali Dn. Engelberti Kämpferi.*

**Q**Uam pretiosè etiam Persarum Thesauro-phylacium domesticis sibi Gemmis Turcoisis & Margaritis exornatum superbiat, interim tamen ab iisdem in hac ipsâ regione Balsamum, in summò gradu Belessoon dictum, ob virtutes inestimabiles, longis parasangis anteferi solet, ita quidem, ut communissimè quoque kodreti, h. e. donum Dei vocetur.

Balsamum autem hoc succus est bituminosus, aut Birumen, è rupibus erumpens, & Mumia Ægyptiacæ adeò similis, ut eodem fere aut omninò simili nomine MUMINAHİ vocetur: quam denominationem econtra Mumia Ægyptiacæ ferè denegant eandemque *Enfani* nominant: quod vocabulum Arabicum est, aliquid ex homine proficiscens significans & simul ceram & vulgarem Mumiam indigitans.

Quod autem descriptio hujus Mumiaë nativæ nusquam hætenus inventa aut visa fuerit, inde forte oritur, quod Muminahi in Regiò tantum Palatio, ceu ingens thesaurus, asservetur & tantum Magnatibus Aulicis, si in venationibus solennibus & majoribus ex equò præcipitantur, tanquam munus Regium impertitur, ubi reliquæ ejus, post usum, interdum, sed rarissime, Medicis indulgentur.

Pretiosissima hæc Mumia sordidæ sutorum pici, tam coloris quam consistentiæ intuitu, haud multum absimilis est: in loco calido tractabilis & tantum in oleo, neutiquam in aquâ, solubilis, utut tractu temporis, ut aloe, indurescit & fragilis redditur. Quodsi diffringatur, splendet intus, odore destituta, nisi fors accendatur, ubi ejus odor sulphur vulgare, naphthâ temperatum, imitatur nec injucundus est; ut adeoque odor ejus cum naphthâ exsiccata, asphaltò, aut vulgari Mumia Ægyptiacâ, vel & Ambra nigra maximè conveniat, quæ bitumina per odorem sive gratum, sive adversum distinguuntur.

Locus, ubi reperitur, à pagis, fontibus aliisque accessibus separatus est, in deserto quodam provinciæ Daraab, haud procul ab urbe Dara situs, ubi antehac sedes Regis Darii, qui eundem exædificavit, erat. Hæc à parietibus caveæ angustæ, quæ fontis instar ad 2. orgyjarum profunditatem in rupem penetrat, annuatim abraditur summâ quidem æstatè, & diebus tantum canicularibus, quibus Mumia molliuscula redditur & ab asperis rupibus facilius separari potest.

Ne autem sub collectione hujus Balsami Regii, pro diversitate personæ, quicquam in externâ specie aut aliis testimoniis desideretur, singulis



singulis annis hæ ceremoniæ observantur: Præfectus supremus provinciarum Laar & Daraab, cum reliquis Ministris Regiis utriusque provincie, tempore destinato ad locum supradictum se confert, explorat & resignat insignia quibus anno præcedente cavea obsignata erat. Abhinc XX. personæ robustiores saxum prægrande introitui obvolutum remove jubentur, è quibus postmodum unus, ad resinam abradendam, immittitur, qui hunc in finem cochleari ferro, rostro quodam seu exploratoriò instructo, sibi prospicit, & ne in obscurò hoc desertò ullam occasionem habeat aliquid sive surripienti, sive deglutiendi, præter genitalia omninò nudus incedit, & præterea os aquâ replere tenetur. Quamprimum jam collector hic intravit, omnia, quæ per annum ibi collecta sunt, abradit, quod per horam integram ferè durat: quò tempore reliqui in tentoriis suis epulis se recreant & cuticulam curant. E fonte prodiens Mumiam offert & simul aquam ori immissam expuit, & quidem in patinam argenteam, ut Ministri Regii agnoscant, an forte aquæ loco urinam ori immiserit. Quid quod & genitalia ejus contrectent, eoque factò è tentoriò educitur & absolvitur. Mumia autem penes ignem statim liquatur, ut lapilli & arenulæ fundum petere possint: quo factò pars clavior in capsulam argenteam, ad id paratam, infunditur, quæ ut plurimum 25. Mescal, paulò scil. plus quam uncias quatuor, continet. Pyxis hæ obsignata tandem, à 5. Officialibus primariis, qui collectioni interfuerunt, in sedem Regiam Sephahanum sine morâ deportatur, impurum autem, quod remanserat, Commissariis dividendum relinquitur: quo factò aditus occluditur, obsignatur sicque totus actus finitur.

Huic Mumie omnes illæ virtutes & vires, quæ Antecessores nostri Mumie vulgari tribuunt, conveniunt, sive jam Arabica, sive Ægyptia fuerit. Cum primis autem crurifragia tam validè conglutinare dicitur, ut & maximæ fracturæ pedum intra paucissimos dies, & quidem in pueris intra triduum, in pullis autem gallinaceis unius diei cursu (dummodo probè unitæ fuerint) reunire & ad pristinum usum redigere valeat. Præcipuus ergò ejus usus est externus in curandis fracturis & luxationibus, post restitutionem membrorum, loco emplastri impositæ: Internè autem loco balsami vulnerarii laudatissimi inservit, & contra abscessus ac apostemata interna, ulcera, sanguinem coagulatum, fracturas, hernias aliaque mala, quæ post casus ab alto graviores artubus variè incommodant, usurpari possunt. Quem in finem utrobique pauculum mumie in butyri quantitate exigua solvatur, ejusque pars linteo superinducatur & fracturæ jamdum benè collocatæ imponatur, reliquum autem ad grana V. præterpropter ægro internè propinetur, ita tamen, ne dentes contin-

gat, quos lacerare & ad elapsum disponere solet: id quod pro signò quodam habent nobilem hanc Mumiam adulteratam non fuisse. In pullis gallinaceis ad utrumque usum tantum 2. ad 3. grana requiruntur. Periculum sæpe feci in gallinis junioribus, & quidem viliori specie, seu Mumia secundariâ, quam loco rarioris & pretiosioris sumsi, semper tamen absque notabiliore & majori operatione, quam alioquin fractura ejusmodi benè restituta & deligata absque mumia conglutinari solet: donec tandem, cum Gubernatore in Laar præfente virtutes ejus, tantoperè hætenus deprædicatas, parvi facerem, is vim ejus, in præsentia plurimorum hominum, genuina Mumia Regiâ (cujus particulam possidebat) hæc ratione ob oculos posuerit, ut hæc viâ omnem, quam in eam conjeceramus, dissidentiam, refutaret. 8. Mumie prætióssimæ Darabificæ magnitudinem ciceris aut lentis, h. e. grana ij, vel paulò minus, cum triplo vilioris mumie, quâ priorem incorporabat, mihi que omnia in cochl. 8. butyri super carbonibus dissolvendam exhibebat: Hoc factò gallinæ juniore, dimidium annum habenti, crus penitus confregi, ut festucæ etiam per cutem emerent: mox præviâ extensione idem restitui & linteolum balsamò nostrò calidè imbutum imponendo deligavi, ferulisque munivi: quod autem de balsamo reliquum erat, gallinæ infundebatur, hæcque angusto & obscuro loco, ejus, qui Mumiam suppeditarat, jussu tantisper includebatur. Die insequente, cum spectatores priores ad unum omnes rursus convocati essent, deligatio solvebatur & gallinæ jam liberæ frumentum objiciebatur, quæ non tantum promptè & animosè qs. attamen (ob ferularum compressionem) quodammodò claudicans, discurrebat, sed acsi nullos omninò sentiret dolores, reliquas Gallinas adoriebatur & morsu à pabulo abigebat. Quum verò dubitarem, an tantulo temporis intervallò in crure aliquo, omni ferè sanguine destituto, tantum nutrimenti & materiæ, quantum ad formandum callum requiri videbatur, colligi possit; hinc ipsam fracturam, post vulnus detectum, inspiciendo reperi, cutem circa vulnus multo crassiorem & adstrictiorem solitò fuisse, eaque scalpello separatâ periostium valdè crassum erat, locumq; fracturæ fasciæ instar cingebat, quæ fragmenta colligata & firmata fuerunt. Interim loco calli, quem subesse putabant, festuca in extremitatibus tantum rubescebant & qs. sanguine perfusa erant, initium suæ cohesionis ostendentes. Experimento huic & documento innitens in subjectis humanis viliores speciem, mumiam scil. secundariam, eadem ratione explorando reperi eandem longè citius, quam osteocolam aut similia medicamenta, callum generasse.

*Mumia verò Secundaria*, quam speciem viliores dicimus, illa est, quæ circa regionem illam



illam, inter urbes Lāar & Darab, ex rupibus desertis, hinc inde quam minimā quantitate, exstillat, & quoniam à Naturā tam validè & efficaciter elaborata non est, genuinæ virtute suā & efficacīā longis paralangis cedit; eāque de causā cuilibet, qui eandem e summitatibus & precipitiis periculosisimis obtinere satagit, concessa est. Illam speciem, quam collectores *Schebbenand* nominant, facilius obtinent, ut genuinæ substituatur, quæ Naphtham & sulphur commune odore magis æmulatur, quam genuina & æquali sibi argenti pondere venum exponitur. Precipitii altissimi superficiei interiori adhæret, quò temerariā quadam audaciā nonnulli se conferunt & funibus ex apice dependentibus se demittunt, ut eandem abradant. Alia adhuc species, quæ à vili & incognitō locō *Tsiempeli* nominatur, triplo cārrior erat, nec tam adversum odorem uti prior habebat, sed odorem ambræ nigræ subasphaltinum spirabat, ad genuinam Mumiam Ægyptiacam propius accedens, aut eandem superans, quā tenerior quoque erat.

Aliās alius adhuc Mumia Nativæ haud absimilis succus in Sem-Insulā Maris Caspici reperitur, quæ Naphtham generat, & quidem in monte, quem fluvius salinus alluit, instar coni acuminato, nudo simul & solitariō, terrā gaudente obscurè-rubrá, sed variis fragmentis permistā, è quā materia Caucasus & alii colles famosi in Mediā constare dicuntur. Mumia omnino fluida exstillat & dum pedetentim è summitate defluit, postmodum condensatur & à rusticis ignaris & stupidis ad calefacienda balnea accenditur. Naphtha verò nigricans, quæ ad distantiam milliariis præterpropter, ibidem è fontibus extrahitur, in similem resinam induratur, si per negligentiam ad terram concidat, & à Mumia secundariā facilè per odorem adversum, sulphureum, & naphtham nigram redolentem fœtorem distinguitur, quem recens adhuc, non inflammata quoque, spirat, inveterata autem quodammodò perdit. Similis naturæ est durum & coagulatum bitumen judaicum, seu *bitumen congelatum aridum*, cujus Strabo Lib. 16. de Sit. O. meminit, & fontes ejus, una cum bitumine fluido seu Naphtha, ex Erasosthene allegat.

Omnes antedictæ Mumia Naturales cum Naphtha indurata, Asphalto, Ambrā nigrā & Mumia veteri antiquā, tam ratione substantiæ, coloris & consistentiæ, quam ratione odoris & virtutum tantam cognationem alunt, ut nullus dubitem easdem omnes pro speciebus bituminis habere, quarum gratior fragrantia aut à diversitate regionum, aut meliori coctione per ignes subterraneos dependet, prout vel per aliam filtrationem aut calcinationem sulphur purius, aut aliam particularum texturam obtinuerunt.

Quod *Mumiam Veterum*, cujus aliquoties mentionem feci, attinet, per eandem non tam incertam illam & sordidam mixturam, quæ titulo hōc in Officinis prostat, aut à vulgō ita dicta cadavera humana resiccata intelligo: sed Balsamum Antiquorum, quo Magnatum corpora demortua, penes Arabes & Ægyptios, replebant. Hujus autem 2. species inveniuntur, una quidem pretiosissima & rarissima, quæ è tumulis Principum eorumque cadaveribus hauritur & tantum in Magnatum thesaurophylaciis Asiæ frustillatim reperitur, quæ tum substantiæ, tum pretii & vulgaris denominationis intuitu sola pro genuina Mumia Darabsensi haberi debet, & odore suō (quod cum Tsiampeli convenit) manifestat Benzoinum, Styracem & Opobalsamum illuc commixta fuisse; unde fortè est, quod terendo rubedinem præ se ferat, nisi fors atati hoc tribuere velimus. Altera species, quam in Europā pro genuinā venditant & à cadaveribus plebejorum, vulgari resinā conditis, proficiscitur, meō quidem judiciō nil nisi merum Asphaltum est, cujus odorem haud obscurè edit.

Tandem in caverna montis cujusdam acuti, in Provincia Laarensi, & quidem in summitate & eō, ubi diversæ arbores, Terebinthus scil. Pistacia sylvestris &c. reperiuntur, alium adhuc succum diversæ naturæ & proprietatum inveni, cujus hīc aliquam adhuc mentionem faciendam esse duxi. Mons desertus prorsus est, & nonnisi à feris, Ursis, Tigrilibus & Capricervis illis, in quibus lapis bezoar invenitur, inhabitatur. Succus est niger & è rupe duriori fluit, cujus parietibus quodammodò crassior ac rob sambuci adhæret: viscosus, in aquā solubilis, insipidus ferè & odore destitutus. Homines ad radicem montis habitantes eundem contra tormina abdominis in formā boli adhibent. Pauculum verò ejus in carbones injectum fœtorem cornuum accensorum edit, & per retortam phlegma, spiritum ac oleum crassiusculum suppeditat, è cujus capite mortuo sal fixum levi negotio obtineri potest.

#### Nota.

Mumia naturali parallelum quid in vicinia nostra, scilicet in Comitatu Hanoviensi, reperitur, cujus mentio fit in *Uhsenii Lexico Geographico Historico Universali A. 1710.* cum *Prefat. Christophori Cellarii Lipsiæ* in vernaculā edito, cujus verba (Latine reddita) ita se habent.

Lampirsbacum ingens pagus Hanoicus est, ubi in prato quodam fons reperitur, qui mense Majo nigricantem oleosamque materiam, theriacæ haud absimilem, fundit, gravitate odoris Pétroleum imitans, quā pauperes & egeni ad curanda ulcera & vulnera utuntur. Haud procul à fonte illo rupes observatur, circa



circa quam saxa nigricantia effringuntur, quæ in aqua calidâ se instar cæræ comprimi patiuntur & eundem cum priori materia odorem referunt. Oleum hoc Medicus quidam destillatione depuravit & MUMIAM NATIVAM

VERAM vocavit, obtinens exinde subtilius & elegantius oleum, quô feliciter contra podagram usus est, cui tumores & dolores lumbares etiam cedere dicuntur. *vid. cit. loc.*

## XXXV.

## RELATIO

DE

## PRÆPARATIONE SACCHARI

IN INDIA ORIENTALI,

*è Msc. Dn. Herberti de Jager.*

**I**N regione Goeromkonda saccharum optimum reperitur, quod ex canna saccharifera albicante efficiunt, quam tellâ nasudaalli vocant, quæ longè dulcior & palato acceptior est quam canna saccharifera rubescens, quæ magnâ copiâ in tractu pennomilli colitur.

Pagi, in quibus supradicta canna albicans excolitur, sunt Gorentla, Wana, Wulu, Galividu, Mandom &c. It. Wanwilipada, Lippa Samcedram, Medallapalè &c.

Apparatus vasorum, ad coctionem sacchari necessarius, potissimum in aheni ferreo humili, duabus auribus seu annulis, vel si mavis ansis, in singulo latere singulâ, instructo consistit, quem sinapa penâlû vocant. Præter quem truncum s. stipitem, nesjumanû dictum, habent 1. circiter pedem crassum & 2. ped. latum, longitudine verò 2. ad 3. fila emetientem, plurimis cavitatibus instructû, in quas coctum jamdum saccharum infundunt, eò quô dicitur modo. Adhæc Ganiga illis est ad manus, quod nihil aliud est, quam prelum, illi haud absimile, quo oleorum expressores nostris in oris utuntur. Tandem & cochleare despumatorium ligneum cum olla ingenti & in parte superiori ampla, ad succum arundinis sacchariferum excipiendum, adhibent.

Dum verò ad sacchari præparationem se accingunt, Tsjorkuwaandu, h. e. sacchari confector, arundinem sacchariferam ad officinam defert, corticem inde deglubit, ejusque partem superiorem & inferiorem, ad sacchari coctionem ineptam, ad dzianæ longitudinem abscindit, mediam autem partem in frusta, dzianæ longitudinem habentia, incidit.

Frusta hæc prelo immittuntur, sub quo foramen est tubulô instructum, per quem succus in ollam defluit, quæ sub eo terræ firmiter implantata est, aliam substituendo, si illa impleta est.

Succi quantitate sufficiente gaudentes ahenum igni imponunt, illique Madzjiga cum

cineribus ex arbore jepi paratis immittunt: quibus sufficienter elixatis, coctis & in aliud vas effusis succum ex arundinibus expressum substituunt & similiter coquunt.

Area seu focus, cui ahenum hoc imponitur, rotunda est fovea, 2. ped. præterpropter depressa seu profunda, paululum angustior, ac aheni pars inferior in latitudine habet, in lateribus canalibus quibusdam gaudens ejusdem profunditatis ita, ut alteri lateri ligna inferere, per alterum autem latus, tanquam per spiraculum, fumum emittere possint, dum ignis intensè accenditur.

Postquam sic omnia per 2. horas in igne detenta fuerunt, pippi pengu, h. e. rotunda & minima frustula arundinis adscendunt, quæ cochleari despumatorio, ex arundinibus cavis, Bambusen dictis, confecto, remonentur. Quô factô saccharum elixando in parvas pustulas assurgit, quas chimala pengu vocant, quæ ad 1. fere horam durare solent. Abhinc bullas majores ejicit syrupus hic: quapropter & elixatio hæc Gadzula pengu vocatur. Hæc per 1. horam durante syrupus amplius non attollitur & inflatur.

Hoc ergò aliquantisper adhuc in igne detento, an sufficienti tempore ibi detentus fuerit? ita probant: Primò scil. digitum immittunt aquæ, hocque digito madefacto portunculam syrupi hujus ex ahenô extrahunt, indeque bullam seu globulum formant, quem aheni impingunt, qui si ita induruerit, ut sonum de se edat, saccharum sufficienter excoctum putatur, quod ollæ seu patinæ haud profundæ infundunt.

Quod si idem de novo elixare, & purius, seu, ut loquuntur, magis finum efficere velint, aheni de novo Madzjiga cum cineribus jepi immittunt, & quamprimum hæc aliquantisper cocta fuerunt, eadem in aliud vas effundunt, in illorum locum aheni infundentes saccharum primâ vice coctum, quod denuò, ut ante,



elixatum in aliud vas immittitur : & si hocce saccharum adhuc una vice coquere voluerint, ahenò nova Madziga cum cin. jepi injicienda, antequam saccharum immittatur, hoc toties observando, quoties saccharum de novo refinare velint. Saccharo hòc ultima vice cocto & in patinam effuso illíc aliquantum refrigerare sinunt, eoque facto syrupum hunc in foramina supradicti trunci nesjumanu infundunt, quò coagulato truncum invertendo saccharum è foraminibus seu foveis in cortices cannæ sacchariferæ effundunt, frustra ejus Geratfialus vocantes. Quodsi verò saccharum hoc in Geratfialus convertere nolunt, idem in trunco refrigerari penitus sinunt & in frustra dividunt, corticibus cannæ sacchariferæ involvendis, quæ ab illis Mudalû nominantur.

Quodsi tandem saccharum in Tsjekkua coquere animus sit, ahenò igni commisso pri-

us Madziga cum cineribus jepi injicienda & coquenda est : quibus in aliud vas effusis syrupus saccharinus, quem palu vocant, per linteum aut pannum in ahenum immittitur, ut, sicut aliàs fieri solebet, ebulliat : quamvis ad eundem coctionis gradum, ut in prioribus, non sit deveniendum, ocyus illam inhibendo, quamprimum bullas ejicere velit: id quod fit ahenum removendo & syrupum hunc in aliud vas immittendo. Abhinc furculis tenuioribus arundinis sacchariferæ insternunt pannum quendam, è capillis paratum, Rittu Santtfinlu dictum, huicque aliud linteum imponunt, saccharum jam ante coctum impingunt, tertium tandem pannum desuper explicando, in quem 3. vel 4. personæ se conferunt & substratum saccharum pedibus conterunt & exercent : quæ opera quarta vice continuatâ saccharum in Tsjekkua est conversum.

## XXXVI.

## RELATIO

DE

SALEBRARUM MARGARITIFERARUM  
MADURENSIUM STATU ET CON-  
DITIOE PRÆSENTI,

ad

*Illustrem DN. THOMAM de RHEEDE, Gubernatorem,  
& Nobil. DN. JOANNEM de VRIET, Præf. Secundum hujus  
oræ, per Assistentem Isaacum Bardt conscripta & exhibita.*

P. P.

QUâ ratione visitatio Salebrarum Magaritiferarum Madurensium instituta & quò in statu illæ repertæ fuerint, in Diariò meò prolixè annotatum fuit, & de novò jam ea, quâ fieri poterit, brevitate referam, ita quidem, ut hâc vice methodum in visitatione observatam prætereundo ea tantum, quæ statum præsentem concernunt, attingam. Ut igitur à plaga septentrionali hujus oræ incipiamus, tractus

*Chiuri muri pare**Taliare pare**Kilitsjar pare**Palia mâle**Baybare kepare**Partan mancay**Ferranda lemos**Tive calle culitsre pare*

hoc tempore fere omnes fructibus destituti

nulliusque valoris sunt ; ubi de primis tribus Capita iis præfecta narrant, flumina duriora & asperiora, impuritates quasdam inconditas & putrilagines ex aquæductibus in Insulas has propellentia, salebras corrumpere, indeque fructus necessariò emori. In reliquis nocentissimus ille Souranus in causâ est, quod in detectione specierum probabilissimum mihi visum fuit.

Has salebras insequitur tractus Tourajurmpare, qui solus consideratu dignus & abundantibus fructibus instructus est, in quibus ad minimum nulla accidentia incommoda, sed ostrea sanæ & incolumes inveniuntur, quarum 270. illíc in solò jacentes observavi, quæ licet duobus adhuc ætatis annis careant, attamen XIII. margaritas subministrârunt, alio autem collectionis tempore plus scœnoris ferentes, adeò quidem, ut juxta Præfectorum relationem ab 1½ Vally Urinatorum custodiatur. Juxta hunc tractum,



tractum, ab alto tamen mari quodammodo remotiores sitæ sunt Salebræ

*Curitsjan pare*  
*Arevvay pare*  
*Nagare pare*  
*Uty pare*  
*Claty pare*  
*Attavvay onpaddu*  
*Bara gombe*  
*Cutnia pare*

quæ totæ ferè à supradictò Souvranò intoxicatæ & molli foetenteque scabritie oblectatæ sunt.

Abhinc paulatim ad latera salebræ

*Nellargu uppadu*  
*Paackadeensie pare*  
*Pistje pare*  
*Chayetu Onpaddu*  
*Puly*  
*Cannaponde utte.*

In primò paucæ ostreæ seu conchæ juniores ab aliis remotæ & dispersæ jacent, reliquæ autem vacuæ sunt, nullis tamen accidentibus nocivis obnoxie; unde harum rerum experti spem haud exiguam conceperant, quod tandem fructus illi, DEO benedicente, succrescere & inveniri possint.

Versus anteriora, declinando paulatim ad latus Ponerail, occurrunt tractus

*Nilancalle patture*  
*Pandare tope Wallenare pare*  
*Regia Chippi pare*  
*Coilpuritsje pattare.*

Hi quatuor à perditissimò Souranò maximæ ex parte occupati sunt; & licet in binis prioribus fructus quidam juniores inventi fuerint, attamen rerum harum periti eosdem per Souranum infallibiliter perituros esse statuunt.

In salebris

*Couramonty*  
*Couravvay pare*

quadrinæ quædam ostreæ occurrebant, de quibus ab anno effluxo maxima pars occisa & tantum paucissimæ superstites remanserant. Equidem chiliades aliquot ostrearum juniorum denuò succrevérunt, sed *cancay* (conchu-

læ sc. minores) illas ita cinxerant & irretierant, ut Præfecti illorum accremento non fiderent, sed potius omnes cum ipsis *cancay* (qui diu vivere non possunt) emorituras dicerent.

*Cariampare* à Souranò corrupta jacebat.  
*Caruvvel, claty poar, Chinne Caruvvel*

fructibus quibusdam junioribus, sed à *cancay* comitatis, instructi erant, quamvis in posterioribus tractibus occurrentes prioribus puriores viderentur; quam ob causam Præfecti de incrementis illorum spem haud exiguam concipiebant.

*Purtotte male* paucis in locis vacuis conchis scatebat, ast tota salebra molli quadam visciditate obducta erat, quæ indicio erat conchas aut vacuas, aut emortuas esse. Hæc ultima nobis videbatur salebra, ast Mandarinus quidam Wirandepatnamensis aliam adhuc ostendebat prope *Manapaen*, cujus reditus in Diariis meis annotavi, eaque *Sarsie onpaddu* vocabatur. In hac haud paucæ quoque conchæ juniores inveniebantur, eaque puræ atque sanæ. Urinatores certò credunt brevi totam illas salebram occupaturas esse.

Ex his Nobiliss. V. Dominationes statum præsentem hujus oræ ipsarumque salebrarum margaritiferae breviter perspicere simulque credere acquiescant, me in hac expeditione omnem diligentiam & operam adhibuisse, omnes sui muneris admonuisse, variisque persuasionibus excitasse, eò semper annitendo, quò inter Præfectos Parruarum & Cailpatnamfes Nigritas perpetua æmulatio aleretur, ut reliquis rem aliquam gratam facerem, quibuscum fateri cogor fundos à Musieltiven usque ad Marapaen tam solícite perquisitos fuisse, ut unquam observatum fuit aut urinatoribus possibile erat. Interim fatale quid subesse videtur, Deo scil. T. O. M. in hunc usque diem nondum placuisse salebras hæcæ sufficienti fructuum copiâ, ad piscaturam exoptatam instituendam, replere: quapropter nihil aliud superest, quàm ut sanctissimo ejus arbitrio nos penitus submittamus, & posthac à bonitate ejus tempora meliora & felicitatem majorem expectemus: cujus providentiæ Nobil. Nob. V. V. cum salute observantissima commendans perservero

V. V. Nob. Nob.

Script. in Margire Tutocoryn  
die 30. Decembr. 1681.

Subjectissimus Servus

ISAAC BARDT.

XXXVII.



## XXXVII.

## INSTRUCTIO

DE

## PRETIO GEMMARUM ET SIMPLICIUM

INDIÆ ORIENTALIS,

è Msc. Dn. Herberti de Jager.

## PRETIUM ET ORDO

in venditione Adamantum crudorum heic in

Indiâ observanda.

|                    |                           |    |    |    |    |            |                          |
|--------------------|---------------------------|----|----|----|----|------------|--------------------------|
| Lapis<br>ponderans | 10. Caratia               | // | // | // | // | Flor. 180. | unumquodvis<br>Caratium. |
|                    | 9.                        | // | // | // | // | 160.       |                          |
|                    | 8.                        | // | // | // | // | 150.       |                          |
|                    | 7.                        | // | // | // | // | 130.       |                          |
|                    | 6.                        | // | // | // | // | 120.       |                          |
|                    | 5.                        | // | // | // | // | 110.       |                          |
|                    | valet.                    |    |    |    |    |            |                          |
|                    | 4.                        | // | // | // | // | 90.        |                          |
|                    | 3.                        | // | // | // | // | 70.        |                          |
|                    | 2.                        | // | // | // | // | 40.        |                          |
|                    | 1.                        | // | // | // | // | 30.        |                          |
|                    | $\frac{1}{2}$ .           | // | // | // | // | 16.        |                          |
|                    | $\frac{1}{4}$ .           | // | // | // | // | 10.        |                          |
|                    | 4. aut 5. pro uno caratio | -  | -  | -  | -  | 10.        |                          |

**A** Damantes autem puri & candidi esse debent. Si fusci aut straminei coloris fuerint, & simul grana arenæ aspera in se contineant, dimidiò tantum pretio veneunt. Attendi etiam meretur, an inconditam figuram habeant, plurimis uncis aut angulis gaudeant, sicque in poliando multum inde deperdatur, unde major jactura pertimescenda erat.

## XXXVIII.

DE

## RUBINIS.

|                  |                         |    |    |    |    |        |   |
|------------------|-------------------------|----|----|----|----|--------|---|
| Lapis<br>pendens | 3. Caratia              | // | // | // | // | ad 36. | Ducatos quodvis<br>caratium<br>se extendit. |
|                  | 2.                      | // | // | // | // | 20.    |   |
|                  | $1\frac{1}{2}$ .        | // | // | // | // | 19.    |   |
|                  | 4. 6. ad 9. pro caratio | // | // | // | // | 6.     |   |

## XXXIX.

DE

## MARGARITIS.

**P**otissima Margaritarum differentia & dignotio in accuratâ partim rotunditate, partim & colore albo & splendore radicatur. Pretium in Indiâ sequens observatur :

|                |          |    |    |    |    |       |               |
|----------------|----------|----|----|----|----|-------|---------------|
| Margari-<br>ta | 1. Gran. | // | // | // | // | Flor. | alb. s. fluv. |
|                | 2.       | // | // | // | // | —     | 12.           |
|                | 3.       | // | // | // | // | 1.    | 15.           |
|                | 4. valet | // | // | // | // | 2.    | 10.           |
|                | 6.       | // | // | // | // | 10.   | —             |
|                | 7.       | // | // | // | // | 36.   | —             |
|                | 8.       | // | // | // | // | 45.   | —             |
|                |          |    |    |    |    | 60.   | —             |



## XL.

## DESCRIPTIO

LAPIDIS CORDIALIS  
INDICI.

*è Museo Ambonico Georgii Eberhardi Rumphii  
desumpta, & è lingua Belgicâ in Lati-  
nam translata.*

**L**apis Cordialis arte à Lusitanis, Goæ degen-  
tibus, est factus, & nunc ob egregias virtu-  
tes per universam Indiam distractus. Unde  
verò & ex quibus constet, hætenus incogni-  
tum est, nisi quod ex intuitu externò & sapore  
aurum comminutum, lapis bezoar, ambra &  
moschus potiora ejus ingredientia videantur.  
Magnitudine & figurâ columbino, aut exiguo  
ovo gallinaceo respondet, extus inauratus ap-  
parens, intus obscurè gryseus, punctis aureis  
interspersis & emicantibus, tener & facilè fri-  
abilis moschi ambræque odorem manifestò re-  
ferens.

De virtutibus ejus usuque seqq. è Msc. quo-  
dam, Goa transmissio, hausi, quæ è Lusitanicâ  
in linguam Latinam translata ita se habent:

Lapis hic potissimum & efficacissimum est  
cardiacum quod hætenus inveniri potuit,  
huicque nullum aliud est simile. Lapis Be-  
zoar, aut aliud quoddam cordiale, cum eò com-  
parari nequit. Quisquis in id inquisiverit, ef-  
fectum ejus facilimè reperiet, sentiet & plus,  
quam effari aut indicare valeo, observabit.

1. Quantitas seu dosis hujus lapidis, pro  
unâ vice sumenda, gr. VI. pondus æquet, ita  
tamen ut in majori vel minori pondere non  
noceat.

2. In febribus ardentibus, siti intensissimâ  
morbo conjuncta, singulis horis lapis hic in  
aqua communi propinari poterit, siquidem  
non tantum nihil mali aut incommodi causa-  
tur, sed & æstus sitimque intensiorem extin-  
guat, simul impediendo, ne malum ipsius mor-  
bi cor infestet, cum refocillatione virium ad-  
mirandâ.

3. Si accidat ut Æger vini desiderio teneatur,  
aliquid de hoc lapide cum vinò simul dan-  
dum est.

4. Si quis absque febre tristis & anxietate  
correptus sit, pauxillum hujus lapidis in vino  
assumat, & extemplò se alleviatum sentiet.

5. Febrè cum angustiis cordis urgente la-  
pis in aqua sumendus, & si febris minus intensa  
sit ac anxietates increscant, idem in aqua vino  
permixta dari poterit.

6. Persona reconvalescens, sed adhuc an-  
xia & tristis, usum ejus continuare debet, si-  
quidem is exhilarat omniaque membra con-  
fortat.

7. Priori modò sumtus validum contra  
omnis generis venena est remedium, sive jam  
ore sit assumptus, sive aliò modò admissus,  
ita ut & morsus serpentum insensissimorum,  
*Cobra Capelo* dictorum, curet.

8. Similiter morsibus viperarum adver-  
satur.

9. Non minus ictibus scorpionum resistit,  
extemplò dolorem æquè ac venenum restin-  
guens. Expedit autem, ut postquam lapis in-  
tus assumptus est, pauxillum ejus in pulverem  
redigamus ictibusque imponamus.

10. Si quis indies jejunus lapidem hunc in  
vino vel aqua assumpserit, eò ipso die tutus  
erit ab omnis generis venenis, sive à venenatis  
animalibus, sive cibis & potibus intoxicatis  
oriundis.

11. Cum aquâ propinatus hæmoptysin &  
hæmorrhagiam narium retundit. Necessarium  
autem est pulverem hujus lapidis instar ster-  
nutatorii naribus attrahere, reliquumque ore  
tenuis imbibere.

12. Militat etiam contra inflammationes &  
tumores internos, cum aqua sumtus.

13. Similiter visum conservat, sumtus ut  
ante.

14. Pari modò ab aère impuro præservat,  
priori modò usurpatus.

15. Cum vino potus à quartanâ præservat.

16. Simili modò usurpatus memoriam con-  
fortat.

17. Eadem ratione sumptus tertianas curat.

18. Propinatus ut ante à leprâ hominem  
immunem præstat.

19. Cum aquâ variolis resistit.

20. In vino vel aqua assumtus exhilarat &  
confortat omnes à morbo debilitatos.

21. Cum aqua lumbricos enecat.

22. Priori modo sumptus contra parony-  
chiam & tumores serpentes militat.

23. Cum vinò calculum pellit.

Rrr

Simi-







## XLIII.

DE

## ZIBETHO.

**A**frica parum *Zibethi* chartæ tenuiori & superextende igni carbonario. Quodsi bene exsiccet, ut nulla macula in charta relinquatur, genuinum & probatum est: Sin

aliquid remanserit, pro adulterino habetur. Valet hoc tempore 3j. XX. XXV. ad XXVII. florenos.

## XLIV.

DE

## AMBRA GRYSEA.

**G**enuina *Ambra Grysea* probatio est, ut frustum vitæ aqua pleno injiciatur. Quodsi jam bonum & genuinum fuerit, natabit: Sin ad fundum delabatur, adulterinum. In Patriâ taxa sequentibus observatur:

|              |       |                  |       |
|--------------|-------|------------------|-------|
| Candidissima | - - - | flor. 50. ad 54. | } 3j. |
| Paulò grysea | - - - | 36. ad 40.       |       |
|              |       | valet.           |       |
| Magis grysea | - - - | 25. ad 30.       |       |
| Nigra ambra  |       | 12. ad 15.       |       |

Altera proba est, ut *Ambra* calci vivæ in manu aut inter digitos misceatur, quodsi jam aureum colorem, instar croci, habuerit, genuina erit.

## XLV.

DE

## CORNU RHINOCEROTIS.

**B**onitas *Rhinocerotis* consistit in magnitudine, lævitate & puritate, unde quoque vascula & scutellæ hauriendo potui dicata, eaque satis elegancia, à Sinensibus parantur, quæ in Belgio desiderantur & tolerabili pretio veniunt.

|  |                  |               |
|--|------------------|---------------|
| Maxima Cornua  | 82. ad 100.      | } flor. vene- |
| Minora - - -   | 50. ad 60.       |               |
| Scutellæ, pro majori vel minori magnitudine, singulæ | 12. ad 18. flor. | unt.          |

## XLVI.

DE

## LIGNO COLUBRINO.

**L**ignum *Colubrinum* in Insulâ Ceilon reperitur, ut & in Timor aliisque Indiæ tractibus. Colorem habet albescentem ad flavum tendentem, valde durum & saporis amaricanis. Magni & frequentis usus est in Indiâ, cum primis in Insula Ceilon & Timor, cum ad plures curas instituendas inserviat. Incolæ comminuunt & corpus eò fricant, ad scabiecm eò

ipsò curandam. Scrupuli ejus duo ad 3j. in vino sumpti contra febres omnes ardentes, venena, colicam aliosque morbos, cum primis etiam contra morsus quorundam serpentum aut aliorum animalium noxiorum (unde nomen obtinuit) egregie conducunt. Cingales attestantur & in scriptis suis perhibent primam Ligni Colubrini inventionem aut no-



ritiam animalculo cuidam, quod Lusitani Quel aut Cinpele vocant, in acceptis ferendam esse, quod magnitudine & figurâ Viverræ, Mustelæ sylvestris speciei (quâ cuniculos in Europâ è cavernis suis expellunt) simile esse dicitur: qualia in Indiâ passim, tum animi gratiâ, tum ad capiendos aut fugandos mures & glires, aluntur.

Animalculum hoc nunquam non serpenti-

bus admodum infensum est, quos ad primum statim intuitum aggreditur, & si vulneratur, se ligno Colubrinô curat, quod ab illo comeditur. Hoc incolæ Insulæ Ceilon observantes notarunt simul, quod ad dimidiæ horæ distantiam lignum hoc in sylva indaget & abhinc in pristinum locum redeat; quapropter Cingalenses illud magni faciunt, quum idem in forô Medico convenientissimum esse viderint.

## XLVII.

### DESCRIPTIO

# LITHODENDRORUM

## AMBONENSIUM

DN. RUMPHII.

### INTROITVS.

**Q**UOD Plinius olim Lib. 13. Hist. nat. c. 25. de Mari rubro & universo Oceano Indico-Orientali perhibebat, id meliori majorique jure de Moluccanô nostro Archipelago dicere possemus, ejus nempe fundum integris sylvis & arboretis instructum esse, cum Oceanus in Insulis his Orientalibus tot marina exhibeat, ut nondum omnia explorari, nec etiam pluris, quàm quod rarioribus adnumerentur, æstimari potuerint.

Inter illa verò agmen ducunt omnes CORALLIORUM, tam genuinorum, quàm spuriarum species, quæ in duo Genera Principaliora distingui possent.

PRIMUM GENUS PRINCIPALIUS ea continet, quæ Græcis & Latinis *Lithodendra*, Malaijanis autem nomine sem-Arabico *Acarbahar* & *Kalbahar*, quod lignum aut radicem marinam notat, vocantur. Hæc propriè formam plantæ habent & substantiâ è lignô & lapide qs. mixtâ gaudent, nonnullis plus hujus, aliis autem

plus alterius obtinentibus. Omnia tamen ex Oceano proveniunt, ab orâ ejus quadam magis, quadam verò minus remota, & tantum non omnia cortice terrestri atque fragili, qui extra aquam à ventis aut pluviis comminuitur, obdita sunt. Arbusculæ ipsæ sub aquis quodammodo molliores sunt, & quò diutius extra aquam detinentur, eò duriores fiunt. Interim nec in, nec sub aquis tam molliusculæ sunt, ut gramen, prout nonnulli abusivè crediderunt.

ALTERUM GENUS PRINCIPALE illud est, quod communiter *Lapides Corallini*, Germ. *Corallen-Steine*, Malaijanis *Carang* audit & plus substantiæ lapideæ in se continet, imò totum fere lapis est, nonnullis ex eò plantæ florumque, aliis autem fungorum specie & figura, quandoque & aliarum rerum formâ ludentibus: utrobique tamen ab initio fragilibus & teneris, instar concharum, in ripis verò jacendo lapidescentibus.

## CAPUT I.

DE

## LITHODENDRIS IN SPECIE.

**P**rimum Genus Lithodendrorum in quatuor species dividitur scil.

1. *Nigricantem.*
2. *Albam.*
3. *Gryseam.*
4. *Rubisundam.*

CAPUT







Fig. 1.




Fig. 2.



Fig. 3.  
Corall: album  
littoreum sive Hip-  
puris saxea.



Fig.

Corall  
pelag



Fig. 5.  
Tubularia Coralloides.




Fig. 6.



Amaranthus saxeus cum suo  
armato Saxo.

Fig. 7.



Pseudo Corallium  
rubrum fistulosum

Fig. 8.

Lithodendrum calca-  
rium sive Carana,  
Calx. Am-  
bonica.



Fig. 9.



Serpillum  
marinum.

Fig. 10.

Millepora d. Imperatus.




Fig. 11.



Erica Marina

Fig. 13.



Fig. 12.



Alfine Pelag  
genus Clusii.

Saxum abro-  
tonoides Clusii.



## CAPUT II.

DE

## LITHODENDRIS NIGRIS.

**H**orum sequentes species subalternæ dantur:

I. ACAR BAHAR POHON, seu *genuinum Calbahar nigricans*, quod nihil aliud est, quam corallium nigrum genuinum, Plinio & aliis ANTIPATES dictum, & in Europâ paucis cognitum. Hoc ex arbuscula 1. vel 2. pedes longâ plurimisque ramusculis præditâ constat, ut *Tab. VIII. Fig. I. Lit. a.* videre licet. Hi ramusculi substantiâ ex ligno & lapide commixtâ gaudent, ejusque tenerimi ramusculi etiam non facile diffringi, sed potius inflecti possunt. Crassiores verò instar cornu alicujus duri sunt, seque nonnisi artificio quodam interveniente flecti patiuntur. Corallium hoc in totum & solidum picis instar nigrum est, extus longis & obliquis striis, coralliorum more, præditum: intus autem è diversis volvolis, sibi invicem incumbentibus, contextum, compactum tamen & corneum apparet. Carbonibus injectum, haud aliter ac cornu aut unguis odoratus sibi invicem permixta ac incensa, foetet. Sub aqua densum pariter & cortice gryseò tenero & poroso est obductum, qui facile decidit, si per aliquot septimanas in arenosum humidumque locum defoditur & abhinc manu abraditur. In ramusculis tenuioribus hinc inde granula quædam solitaria & rotunda, instar granorum piperis, extus obscure flavæ, intus ut plurimum cava, observantur, quæ ejus fructus esse videntur. Inveterascens quoad truncum inferiorem & radicem cortice crasso investitur, qui è peculiari substantiâ, lapidis duntaxat habente grysea simul & instar coralliorum extus striatâ, intus autem compacta, ceu Marmor, obscure grysea & quodammodo viridi conflatum est, quem nigrum Calbahar, tanquam cor ejus pervadit. Circa radicem grysea hæc substantia nodos quosdam excrecentes format, quos ut plurimum furculus quidam Calbahar nigricantis percurrit. In fine crusta hæc lapidea brachii crassitiem nanciscitur, inæqualiter tamen & multis simul nodis comparentibus; hoc factò arbuscula tota Calbaharea, ad summum scilicet ætatis apicem delata, quinque pedes ferè longa est, ac à motu maris facile decutitur & ad oram aut ripam ejus rejicitur.

Lithodendra hæc si elegantia & formosa sunt, inter curiosa atque rariora asservantur. Eorum tamen pauca inveniuntur, quum plura ex iis oblique incurvata, nodosa & inæqualia sint, à raptu aquarum variè inflexa. Quod si

quis eadem è fundo maris extrahere velit, citissime & unò qs. raptu, aut paucissimis cultri acutioris ictibus, fieri debet, quod in frondibus & fruticibus annosioribus non facile succedit, utpote qui ut plurimum supradictâ crustâ lapideâ obducti sunt. Sin verò arbusculam contorquendo & volvendo separare satagas, duplò firmitus adhæret, haud aliter ac vim illam sentiret & decerptioni reluctaretur.

Incolæ rarioribus minus dediti nec curiosi Calbahar hoc in alium longè usum conquirunt, cujus intuitu penes illos majori in pretio habetur, quam inter nostrates. Recipiunt scilicet truncum annosiolem, cum densioribus & crassioribus ramis, quos singulari artificio flexiles reddunt, ut armillas & annulos brachia cingentes inde conficiant, quæ in superficie interna plana, exteriori verò superficie rotunda, interdum striis naturalibus ornata, interdum lævia & polita, instar ligni ebeni, videntur. Inflexio sic procedit: *℞.* Frustra detrasa, inungunt oleo Calapi, & supra ignem carbonum extendunt, quò ipsò mollia, sed tenacia simul redduntur, ut pro lubitu flecti, circumvolvi & in quamcunque formam & figuram possint redigi. Hæc ergò ratione supradictas armillas, Malaijanis *Glang* dictas, efficiunt, quas omnis generis incolæ, ram Mares, quam Fœminæ brachiis applicant, iisque magnas virtutes tribuunt, quibus incantamenta varia aliaque mala, à sagis dependentia, avertere & annihilare satagunt. Reliqua nodosa curvaque fragmenta, huic operi minus idonea, ad usum Medicum asservantur, ubi & multa iis, altiori indagini & experientiæ innitentia, tribuunt. Aquâ scilicet coarctata, & vel sola, vel cum albo Calbahar propinata, curant & enervant omnis generis venena, cum primis nociva, è mari provenientia, cancri, conchas &c. it. fungos venenosos similiaque edulia nociva, homines sæpe suffocantia, modò confestim & extemplò illis aqua saccharata, syrupi & consimilia, ad gulam apertam servandam, donec medicamentum preparari & offerri possit, infundantur. Quin & in variolis ac morbillis puerorum retrocedentibus, & cum insigni æstu ægrum suffocaturis, non sine fructu exhibentur. Porro & Calbahar hoc nigrum illos in integrum restituit, qui se aqua vitæ atque arak sic obruerunt, ut insignem ardorem & periculum suffocationis in gulâ eò sibi conciliarent sicque nullum fere cibum assumere valeant. Calbahar albo si misceatur, datur contra hyperemesin & hypercatharsin, etiam talem,



ubi merus & sincerus sanguis excernitur, qualem Dola sylvestris, quæ species quædam elaterii est, inferre & causari solet.

Cortex lapideus cinereus *Acarbabar coulit* dictus, pro usu Medico similiter asservatur, cum ambusta curet, si in pulvem tenuiorem redactus imponatur. Sedat etiam dolorem in furunculis & apostematibus ingentem. Interim caveatur ne summitatibus illorum tumorum illinatur, ne retrocedant. Pulticula hæc quoque ictui & morsui venenatorum animalium applicatur. Sunt, qui cortici huic omnes qualitates, Calbahar albo convenientes, tribuunt. Serrâ obtusâ dissecandus & aquâ conspergendus est, ut marmor etiam secari solet. Attamen medullium seu, si mavis, cor ipsius Calbahar lentè admodum secandum est, sic, labore licet magno, ingentes orbes hujus corticis obtinere possumus. Meretur hîc adduci Plinii aliorumque Antiquorum testimonium, qui testantur antipates olim contra incantationes quoque adhibitum fuisse. Quò & Jubæ, Regis Mauritaniæ testimonium referendum, qui adstruit ex hac planta (quam Isidos Plocamos h. e. Isidis capillos vocat & circa tractus Orientales Africæ in Mari rubrò & in loco Troglodytarum reperiri scribit) antehâc armillas pro fœminis, quas Spathalia nominat, paratas fuisse; vid. Plinium Lib. 13. cap. 25.

II. Species est *Acarbabar rotang*, vel *Saliamos*, Ternatis *Ban-mauhu*, Belgis *See-rottang* dicta, quæ secundam Acalbahari nigri speciem constituit & pro mare habetur. Hæc nullis ramis gaudet, sed è simplici, prælongo & tenui cauli, calamum scriptorium aut digitum annularem crassitie æmulante, constat, qui triplici figurâ ludit: Prima (in Tab. VIII. Fig. I. Lit. b. ob oculos posita) eaque communissima species valde incurvata, 8. 9. ad 10. pedes longa & digiti annularis, ad summum alius digiti crassitie donata, extus densa & punctulis asperis, quodammodò pungentibus, obsita est, cujus interior substantia dura & nigra, ut in præcedenti, attamen lapidosa se incurvari non patitur, sed diffringitur. Quò annosior & crassior, eò lævior evadit eoque tempore punctula acutiora evanescent, quæ etiam deradi possunt, ut glabra admodum & nigricans evadat. Quod pessimum in illa videtur, curvaturæ adeò ineptæ & indispositæ illi occurrit, ut difficilimè in situm rectum extendi possint, dum caules, licet oleo illiti & igni superinducti, ita ut præcedens Calbahar, inflecti non possunt. Interim tamen aliquod adhuc artificium restat, quò flexuræ illi quodammodò corrigi & in situm rectum reduci possunt, si scil. totus caulis arundini excavato & adhuc viridi inseratur, aquâ repleatur & supra ignem coquatur, quo ipso lapidosa substantia quodammodò mollescit, quæ abhinc adeo calidè eximenda, manibus extendenda & perticæ longiori, ut illi refrigescat, infigenda, & tandem fo-

liò quodam asperò polienda est. Tubi hi lapidei quandoque in summitate plurimis circellis & curvaturis tenuissimis finiuntur, ut in filis ferreis tenuissimis incurvatis fieri solet, qui circelli tenuissimi ut plurimum abjiciuntur, quum ineptiam & minus necessariam longitudinem causentur. Crescunt ut plurimum in illis Oceani locis, ubi cursus aquarum velocior est, unde quoque nomen suum in linguâ Malaijanâ & Ternatensi obtinuerunt. In forò Medicò usus illorum rarior est, sed ut plurimum inter curiosa asservantur, cum primis illi, qui ordine dispositas & elegantes curvaturas habent & aliquâ adhuc radicis parte donati sunt.

Tertia Species Nigri *Acarbabar* (quæ secunda est præcedentis Monocloni) longa pariter & nigra est arundo, calamum scriptorium crassitie æquans, & 5. ad 6. pedes longa, priori quodammodo robustior, paucis iisque planioribus curvaturis instructa, nec externè adeò aspera, sed lævis & polita, vel & elegantibus striis, obliquè in longitudinem decurrentibus, ornata, substantiam habens densiorem & duriorē. Hæc pro genuino *Acarbabar*, *Lack Lacky* seu mare dicto, habetur, & una cum primò, seu Calbahar genuino, in usum Medicum venire solet, ast rarò invenitur. Si Malaijani frustra digitum crassa obtinent, grana oblonga inde tornant, quæ perforata & filis traducta instar coralliorum portare solent.

Quarta Species Nigri *Acarbabar* (seu tertia Monocloni) *Acarbabar Oulan*, h. e. serpentiforme dicitur, quod tenuissimum manet, nec crassius culmo mediocri, aut calamo scriptoriò fieri solet, plurimis circinnis atque circulis succrescens, 4. ad 5. pedes longum, extus asperius reliquis, utnt, si probè exsiccatum fuerit, deradi possit. Circinni ordine sibi invicem impositi sunt & in circulum perfectum abeunt, desuper in filum tenue concurrentes. Arbusculæ annosiores tam rigidæ evadunt, ut pro filis ferreis haberi possint, in quibus nihil, sive tendendo, sive incurvando immutari debet, sed circuli naturales sibi relinquendi sunt. Quodsi verò aut longiores, aut tenuiores justò fiant, frustum arundinis cavæ illis infigi poterit. Haud rarò fila consimilia sibi invicem intertexta aut firmiter colligata inveniuntur, diversas extremitates relinquunt, quæ omnia rejicienda & tantum pars principalis retinenda est. Silicibus duris, non coralliis, fundamento seu pede latiore insistant, ac si iis agglutinata essent. Lapidibus consimilibus, pugnum circiter magnitudine æquantibus, imò & minoribus adhæsisse observata sunt, quos piscatores probè dignoscere, & illos ipsos, quos in aquas proiecerant, fuisse observare poterunt, cum iis hamos suos graviores redderent & ad fundum præcipitarent; quemadmodum & ab his lapidibus unò statim ictu removeri possunt. Credibile itaque est, illa ipsa nutrimentum suum è silicibus hisce sugere, eorumque naturam assume-



assumere, quum in nullis aliis inveniantur: quamvis & seminium aliquod in mari contentum ortum illorum promovere possit, quod in illis haud aliter radices agit, ac viscum aucuparium in quercubus germinare conspiciamus. Plinius l. c. speciem hanc juncos marinos & lapideos vocat.

Quinta species *Acarbahar nigri* frutex minor & planus est, instar flabelli, eaque de causâ *Acarbahar Kipas*, h. e. flabellum marinum (*die See-Foche*) dicitur. Hoc statim prope radicem in plurimos ramulos angulosos se dilatat, inter quos aliae minores, eaque innumeræ, instar retis, transversim implicantur fibrillæ. Tota plantula ut plurimum complanata, & instar flabelli seu ventilabri Solaris extensa esse debet, utut quandoque etiam duplex observetur, aut in partes divisa quodam qs. arcu combinata sit, quæ tamen minus elegans & asservatione indigna est. Extus illi cortex subinde gryseus adhæret, qui sub exsiccatione candidus, ad instar calcis madidæ, apparet ipsique tam firmiter insidet, ut difficulter separari possit, cum primis à caulibus elegantioribus, qui crispî & quodammodo spinosi sunt. Quandoque cortex rubicundus, fragilis & arenosus est, facileque tum abradî potest: interim hæc species compressior est, æqualibus & erectioribus ramusculis donata, qui nec tam crispî nec spinosi sunt. Substantia genuina rubicundo-nigra & lignosa est, utut in priori spinosa specie interdum truncus occurrat pollicem crassus, densus, durus & niger, instar genuini Calbahar, qui rigidos spinososque ramusculos habet: ast talis rarè invenitur & usus intuitu cum genuinò Calbahar coincidit; unde clucescit, Flabella hæc marina plures continere species, omnes tamen è lignosâ & qs. corneâ substantiâ conflatas, basi latiori saxis insistentes, quæ tenera & è pluribus qs. fragmentis combinata sunt; quapropter & Flabella hæc marina substantiam compactam non obtinent.

Sexta species *Acarbahar nigri* est *Abies Marina* Theophrasti, Germanicè *die See-Cypressen*, quæ omnium Lithodendrorum elegantissima species est, altitudine vix 1. aut 1½ pedem excedens, simplicibus & quodammodo nodosis caulibus prædita, quæ in parte superiori qs. rotunda in plurimos ramulos se dividit, quorum nonnulli quodammodo latiores sunt, quam in abiete: nonnulli autem tenuia admodum folia, ut cupressus arbor, habent. Quædam ex his arbusculis in truncò & ramusculis omninò nigricant, ramusculique elegantiores, (qui folia constituunt) illic rigidi

& acuti sunt, Genistæ aculeata instar. Quædam teneriora, molliora & magis rubicunda folia obtinent, quæ tamen adeò pulchræ non sunt ut priores. Arbuscularum harum paucissimæ inveniuntur, ut plurimum in Insulis Uliassericis & in Bandâ, ob elegantissimam figuram, inter optima & rariora Naturæ dona referendæ.

Septima species *Erica Marina* (vid. Fig. XI. Tab. VIII.) Malaijanis *Acarbahar ruti ruti* dicitur, & è latè se expandentibus arbusculis constat, quæ ut plurimum majori latitudine, quam longitudine aut altitudine gaudent, elegantibus cauliculis & foliolis, Ericæ nostræ haud dissimilibus, prædita, obscurè grysea, tenera & fragilis, ita tamen, ut benè adhuc contrectari possit. Binæ ejus species habentur: Prior unum tantum aut duplicem habet caulem principalem, rotundum quidem & obscurè viridem, extus quodammodo asperum, lignosum, ast tenerum & fragilem. Altera plures truncos & caules principales habet, qui è radice propullulant & simul obscurè grysei asperique sunt, post ramorum decussionem qs. spinosi. Foliola quodammodo longiora sunt & in fasciculos collecta & juncta, ut pro integris fruticibus haberi possent: ad contactum aspera sunt & qs. pilosa. Utraque non tam solidis saxis, quam tribulo coagulato innascitur, & in forò Medico minus usitata est. Erica hæc interdum laciniis qs. & foliis donata est, quæ incurvata & complicata chirothecam qs. referunt, & ad longitudinem spithamæ in lapidibus suis eminent.

Octava species *scænum marinum*, Malaijanis *Acarbahar Rumpot* dictum, proximè præcedenti prorsus similis est, grysea pariter & fragili substantiâ gaudens, utut extimi ramusculi & foliola prolixa admodum & filorum ferreorum aut caulium fœni instar tenuia, tactu aspera & pene scindentia sint, fasciculis flaccidis qs. sibi coherentia & figurâ fœnum fere exprimentia. Arbusculæ hæc è fundo maris recenter extractæ mucosâ quâdam substantia obductæ sunt, quæ punctiorem quandam & exiguam inflammationem in cute excitat, ad instar urticæ marinæ. Idem symptoma quoque binæ antecedentes ericæ marinæ inferunt, si recenter è mari extrahantur, non tamen adeò notabiliter, ut præsens arbuscula.

Nonò rarior adhuc species *Calbahar*, in Papusicis Insulis *Mas* dicta, reperitur, quæ ultra spithamam non succrescit, & tantum in 2. vel 3. ramos dividitur, duræ & corneæ substantiæ, quæ à natione illa ad usum Medicum desideratur admodum.



## CAPUT III.

DE

## CALBAHAR ALBO.

SECUNDA Species lithodendrorum Calbahar est albicans, è familia coralliorum alborum, quod in 3. alias species subordinatas distinguitur.

Ex his 1. occurrit ramosum & articulatum Calbahar album, à C. Clusio Lib. 6. Exot. aliquantulum obscure descriptum, à quò *Hippuris Saxea* vocatur, & rursus duplex est, quorum alterum in planis & saxosis littoribus, ubi maris aquæ vix 4. fila profunditate æquat: Alterum profundius in Oceanò succrescit.

Prima, scil. *Hippuris littorea*, humilis est arbuscula, 1 $\frac{1}{2}$ . ad 2. pedes alta, multis ramis incurvatis erumpens, infra digiti aut pollicis, desuper calami scriptorii aut culmi straminei crassitiem habens, multis ramis lateralibus, sibi invicem sæpe firmiter accrescentibus, instructa. Hæc trunco ferè caret, sed suos statim è radice furculos distinguit, eosque curvos ut plurimum. Omnes hi furculi in articulos divisi sunt (ut in Fig. 3. TAB. VIII. ob oculos ponitur) quorù nonnulli pollicem transversum dimidium, nonnulli integrum pollicem longi, albi, duri & qs. lapidei, extus profundè striati & simul lata & profundâ rimâ à se invicem distincti sunt, ubi nigricant & qs. cuticulâ obducti sunt externè, quæ lapillum pariter albicantem ambit, haud aliter ac in equiseti herba videre est. Articuli haud difficulter separantur, quò factò extremitates quoque striatæ apparent, ac si leviter sibi invicem impositæ fuissent. Superiores articuli, crassitie vix culmum æquantes, adeò flaccidè sibi coherent, ut facilè à se invicem decidant, si quis illos depurare velit, aut aliò quòvis modò tractaverit, caudæ scorpionum non absimiles. In trunco & inferioribus furculis articuli hi longiores sunt, nigricantes furculi minores & in vetustis fere adnati, ita tamen, ut articuli adhuc diffringi possint, ut plurimum adhuc cuticulam quandam seu rudimentum huius circa meditullium retinentes. Insident lapidibus corallinis, & sub aqua cortice crasso & gryseo cinguntur, qui friabilis & arenosus est, & facilè separatur, si aliquamdiu pluviis exponuntur. Genuina substantia in solidum dura, extus grysea, in ramis superioribus eleganter alba, ut marmor aut alabastrum, furculis junioribus nigricantibus. E ramis crassioribus nonnulli albo-grysei, nonnulli verò flavescences, instar eboris corrupti, apparent (qui meliores sunt, si in extremitatibus poliantur) corculò seu meditullio interiori albicante, quod bini circuli ambiunt. In ra-

mis superioribus striæ sæpe aut obliterantur, aut adeò notabiles non sunt.

Secunda & Fig. 4. TAB. VIII. depicta species est *Hippuris Pelagica*, in profundo maris, ad 80. vel 90. filorum longitudinem vel profunditatem, succrescens, unde integra ejus arbuscula adhuc incognita neminique visa est. E ramis tamen, sive abjectis, sive demissis, colligitur, hanc ejusdem cum prioribus figuræ aut naturæ esse, altiori tamen trunco instructam & ramis crassioribus præditam, nec tot striis incisam, articulis, absque furculis nigricantibus, sibi coherentibus, utpote qui tantum in truncis ramorum minorum comparent. Substantia ejus ut plurimum saxea & dura, æqualis & compacta est, extus obscuris striis, è gryseo in flavum vergentibus, magis tamen flavis, instar eboris corrupti, prædita. In litore aliquamdiu hinc inde jactata eboris instar albescit. Diffringi quoque & in articulos oblongos separari potest, quorum extremitates, ubi sibi invicem committuntur, striatæ sunt, & si poliuntur, cor albicans, virgultum scoparum crassitie ferè æmulans, continent.

De priori specie per urinatores integras arbusculas obtinere possumus, è quibus illæ tantum inter rariora asservantur, quæ elegantibus ramis donantur & 3. pedes altæ sunt. Alias verò omnes furculi elegantiores decerpuntur, è quibus crassiores pro usu Medico eliguntur.

De altera specie quandoque tantum fragmenta majora seu ramusculi haberi possunt, qui piscatorum hamis subinde extrahuntur, si in illos fortè incidant, aut arbusculæ per tempestates vehementiores, terræ motus, aut alios casus confringantur & ad litora maris expellantur. In his autem ultra 1. & 2. annos jacere non debent, cum per diuturnam volutationem glabra quidem, albicantia & saxea, verum, juxta incolarum narrata, simul debilia redduntur, ut multum de viribus amittant. Hinc & illi tantum rami in usum Medicum adhibentur, qui recenter è mari extracti, aut non diu in litore relictæ fuerunt.

Probatio, an integris adhuc viribus constet, hæc est: Extremitas altera in succum limoniorum acidum immergatur, & si circumcirca effervescat ac vesiculas ejiciat, sua adhuc bonitate gaudet, cum in emortuâ & corruptâ idem aut plane non, aut tarde admodum observetur. Quoniam verò proba hæc nimis generalis, mihi que suspecta satis est, hinc addo, genuinum Calbahar non tantum effervesce

&amp; ebul-



& ebullire, sed & sonum obtusiores, nec tam acutum, ut lapides duri, edere. Adhuc non tam stercorea & excrementa, sed panem ambulatum redolere debet, si duo fragmenta sibi invicem atterantur.

*Nota.* Sub probatione cum succo limoniorum omnes Acarbahar species ita se gerunt: de Calbahar nigro & ramoso fragmentum majus inferioris trunci, digitum forte crassum, extemplo & vehementer ebullit, rami vero parum aut omnino non; quâ ratione quoque Calbahar monoclonum nigrum omneque corneum se habet. De Calbahar albicante Ambonicum fortissimè, abhinc fragmenta alba & glabra hipp. Pelagica, debiliter verò Ternatensis, utut magis lignea, ebulliebant. Inter Pelagicam Ambonensem albicantia & sonantia fragmenta erant marmoris similia, quæ omnium validissimè ebulliebant, ut corallia rubra in patria solent. Unde concludo, quod opinio incolarum, sustinentium saxum & antiquum Calbahar vires suas amisisse, fundamento careat. E coralliis sanè rubris ea pro optimis habentur, quæ annosa, saxea & suâ sponte expulsa fuerunt. Cornua, ebur & piscium dentes planè non effervescent. Cortex seu crusta Calbahar nigri lapidea lente, sed parum ebullit. Idem quoque cortex crassus de *Bia Caru* præstat, si aliquamdiu in succo illo detineatur. Oculi *Matabou* majoris illic detentus tardè inchoat, at vehementer abhinc urget ebullitionem. Calbahar gryseum & lignosum quodlibet parum effervescit, ramosum tamen magis, quam monoclonum.

Calbahar album quodcunque, tam litoreum, quam pelagicum, ab omnibus Archipelagi hujus Orientalis incolis magni penditur, & tantopere ab iis æstimatur ac penes Nos corallia rubra: imò penes nonnullos, cum primis Ternatanos, magis extollitur, cujus sufficientes illis rationes suppeterent, si iisdem, quas illi tribuunt, viribus gauderet: sed à nostris nondum exploratæ, multo minus acceptatæ sunt, non obstantibus incolarum instantiis & confirmationibus. Communissimè vis cardiaca illi adscribitur & alexipharmaca, quod item æstum febrilem imminuat, ardoremque ventriculi, à bile obortum, sistat. Penes hanc nationem Orientalem certè nullum antidotum paratur, cui album Calbahar non basin seu fundamentum præbeat, licet & alias sapè species admisceant, cum primis nigram & gryseam, una cum aliis conchis turbinatis & ossibus animalium, ex Oceano ejectis, qualia sunt sponges, dentes elephantini, ebur, dentes pristis Indica, CC. corallia rubra &c. Calbahar album, aut solitarium, aut cum nigro permixtum propinari solet, si quis drasticum nimis & corrosivum purgans assumerit. Item contra exstimationem bilis, vomitum nimium & cibos nocivos, cum primis fungos, parca quantitate admiscendo aurum, argentum, margaritas,

smaragdos, granatos, aut reliquas Calbahar species: quæ omnia non tantum venenis, sed & aliis nequitias & tormentis, per philtia inductis, resistere putantur. Idem Calbahar album aut per se, aut gryseo permixtum & coralliis maritatum in febribus ardentibus, ad æstum infringendum & cor refocillandum, propinatur. Præviâ purgatione etiam contra gonorrhœam & fluxum album mulierum exhibetur. Imò & ad alios affectus domandos ab incolis adhibetur, quorum nullam usquedum, ut in prioribus, periculum fecimus.

Secunda Calbahar albi species ut plurimum cum Europæorum coralliis albis coincidit, dum æquè saxum & durum, ramusculis minoribus, brevibus & crassis, qui in parte anteriori cavi, tubulosi, & simul radiis, instar stellæ, ornati sunt, oblitum, reliquò truncò compacto, denso & durò existente. Rarò & ut plurimum in Oceano circa Bandam, in alta profunditate, reperitur, eaque de causâ in apicem non venit, nisi hamis piscatoriis extrahatur. Penes incolas nullius est usus, licet Nigritæ quidam mihi contestati sint, quod iisdem, quæ aliis Calbahar albi speciebus attribuuntur, viribus gaudeat. Conf. hîc Fig. 10. Tab. VIII.

Tertia species Calbahar albi est Monoclonum, figurâ nigro haud ab simile, parilibus ramis oblongis, 8. 10. ad 12. pedes habentibus, dig. minorem crassitie æquantibus, absque curvaturis, sed simpliciter quodammodo inflexis, gaudens. Externè ingenti teneraque crustâ obducitur, quæ sub exsiccatione facilimè abraditur. Sub hac genuina substantia nigra durior & gravior continetur, extus grysea, cum paucâ flavedine immixta, in longum striata paululum, sed obscurè admodum, in totum verò unico saltem aut duobus nodis, ramis erupturis qs. distincta. Internè colorem dilutiorem præ se fert, medullis duro prorsus & qs. osseo albo gaudens, & si digiti crassitiem nanciscitur, triangulare fere, ut Rajæ cauda, evadit. Frusta ejus collisa corneum & ingratum odorem spirant, ut omnes Calbahar species sibi peculiare habent. Rarò & tantum in saxis durioribus, iisque in locis reperitur, ubi raptus aquarum fortiores occurrunt, latâ basi seu pede lapidibus adnascens, ut jam ante de nigro etiam dictum fuit. Ratihæc inservit, & si aliis Acarbahar speciebus misceatur, contra venenata propinata militat. Cum primis à Nigritis, ad varias nequitias eludendas, quæ viros in exercenda Venere debilitare & emasculare solent, conquiruntur, cum virilitatem conforret, tam internè, quam externè adhibitum, & Calbahar albo primò enumerato junctum.

Huc IV. adhuc alia, eaque rarissima, species referri posset, quæ ex arbusculâ minutissimâ, instar Thymi foliis privatæ, tenuissimis & erectis cauliculis, quodammodo etiam stictatis instructâ, constat. Hæc ubi primum è mari extracta



est, eleganter flavescit, & ceu lignum vegetum splendet, successu autem temporis cinereum aut candidum evadit, ramusculis instar vitri fragilibus. Reperitur in regione Uliasseri-  
câ, mihiq; præter unum aut alterum videre non contigit.

## CAPUT IV.

DE

## CALBAHAR CINEREO seu GRYSEO.

**C**Albahar gryseum à præcedente monoclonon haud multum differt, quapropter & Indi omne gryseum Calbahar ad species albi referunt, sicque nominare solent. Quoniam verò coloris intuitu differentia haud parva intercedit, substantia ejus quoque lignosior est: hinc peculiare genus exinde constituimus, quod insequentes subdividi potest species:

I. est genuinum Calbahar gryseum, ab incolis *Calbahar Puty*, ut antecedens album, dictum, quapropter ad meliorem distinctionem *Calbahar Cajou Puti*, h. e. Calbahar album lignosum dici posset. Plurimis tenuibus ramusculis erumpit, in laterales ramusculos, haud pauciores, se dividens: extus cortice rubicundo-fusco investitum, qui crispus quodammodò illi fortiter adhæret, si exsiccatum est, ita quidem, ut pro coralliis rubris haberi posset. Interim haud difficulter cultro quodam abradi potest. Intus genuina substantia, ex ligno & lapide qs. mixta, reconditur, magis tamen lapidosa, quàm Calbahar nigrum, eaque de causâ fragilior, dum vitri instar comminui potest, exceptis ramis crassioribus, qui satis rigidi sunt. Detraçto rubro cortice supradictò glabrum & laeve redditur, absque nodis & articulis, externè quodammodò striatum, albo-gryseum & fermè flavum, internè corde s. meditullio albo præditum, quod cavum interdum & fistulosum est. Quædam ejus species obscure grysea & colore murino prædita est, meditullio tali destituta, & adeò levis, ut pro ligno haberi posset: extus profunde striata & quodammodò contorta, quæ radi potest. Hæc species pro optimâ habetur, ast rarò admodum & ferè nuspiam, quàm in Insulis Papasici, reperitur. Ultimum ex albo gryseum, laxius, durius & compactius est. Hoc si abscinditur aut raditur, in diversa fragmenta se aperit ejusque caulis ramusculis V. ad VI. pedes longis instructus est; succrescit in tractu Occidentali Coram & circa Boru, ut & in Insula Oubi. Utrumque ab incolis pluris æstimatur, quàm præcedens album Calbahar, ad

eosdem, quos supra enumeravimus, affectus commendatum. Tidokeseni & Papadyni aliud Calbahar album, quam hoc ipsum lignosum, agnoscere nolunt; illudque tam care dividendum, ut vix duplo argenti pondere obtineri possit, ut Ternatani cum præcedente albo procedere solent, si illud ex Oceanò jamjam extraxerunt. Frustra conterendo sibi commissa, donec calefiant, odorem ingratum corneum spirant, ut album monoclonum: quamvis posterius hoc magis adversum sit & pinguedinem accensam & adustam redoleat: quapropter & Monoclonum ad Calbahar gryseum referri posset. In succo limoniorum lentè admodum & parum ebullit.

II. Species *Rode Rade*, Malaijanis *Akarbahar Sasaspo* dicta, à priori plane non differt, nisi quod plurimis rectis & erectis cauliculis succrescat, pedem circiter longis, confertim sibi junctis, cum paucis lateralibus ramusculis, ut *Lit. C. Fig. 1. Tab. VIII.* viderè licet. Extus cortice crispo & rubicundo tegitur, qui firmiter adhæret, ut pro arbuscula corallii rubri haberi posset. Internè tenuis est furculus, ejusdem cum priori substantiæ. Hæc arbuscula depurari non debet, sed una cum cortice suo asservetur, oportet, cum alioquin elegantia careat & de rubro Calbahar parum admodum contineat.

III. Species exigua quoque plantula est, & multis ramusculis minoribus conflata, quæ sibi invicem irretiti & confusi unum qs. folium efformant, flabellorum minorum instar, quorum plura sibi juncta sunt, & minus apte licet fornicati apparent, ut pro *flabellis marinis gryseis* haberi possint. Externè rubri quid adhæret, quod facile decidit: internè gryseum & quodammodò flavum est, tenerum & fragile. Hoc vix asservari meretur, excepto eò quod planum quodammodò & flabelli instar ordine dispositum est. Rami tamen crassiores inter Calbahar asservantur. Saxi alioquin durioribus accrescere solet.



## CAPUT V.

DE

## CALBAHAR RUBRO.

**C**Albahar rubrum vilissimum omnium, adeoque meritò pro corallio spurio habendum est.

Prima ejus species truncum crassiorem trudit, duos circiter digitos aut brachium crassitie æquans, qui se in duos aut tres ramos principales dividit, ad 4. vel 5. pedum altitudinem, rubicundum instar sanguinis, durum & qs. lapideum, sed fragilem, tubulis & canaliculis, ac si à vermibus corrosus esset, plenum, asperum simul & acutis accrescentiis obsitum. Interstitia ramorum principalium à tenuibus & tenerimis ramusculis occupantur, qui instar retis se perreptant, extus flavis & particulis variis conspurcatis, intus rubicundis & sic fragilibus, ut vix attingi possint. Tota arbuscula magis quoque plana est, instar flabelli Solaris, vel in lateribus laciniis gaudet. Si firmiorem substantiam nata esset, ob colorem vivacem rubicundum inter potissima rariora referri posset: ita autem insuper habetur, quum rami elegantiores successivè decidant, & tantum asperi & spinosi rami principales relinquantur, de quibus crassiores ad usum Medicum asservari solent. Idem omnes Insulæ Ambonicæ circumcirca commune habent, & subinde retibus piscatoriis extrahitur. Una cum Acarbahar contra venenum adhibetur, iisque qui sanguinem aut pus mejun commendatur, quum putridos humores per urinam educat. Ad hunc scopum verò fragmenta vetustiora eliguntur, quæ densa ut plurimum & minus excavata sunt, lente in lapidibus ferenda, cum, ut dictum, fragilia admodum sint. In tractu Occidentali de Coram species ejus reperitur, quæ flavo-rubicunda, instar coralliorum rubrorum, dura & compacta, absque foraminulis succrescit, & pro coralliis rubris haberi posset: ast rarò occurrit, eaque de causâ magni penditur. Speciali illa nomine *Djinckga*, h. e. Calbahar aurantii coloris dicitur, tutiusque internè assumitur, quam vulgaris porosa & tubulosa.

II. Alia adhuc species *Acarbahar Meru* dicitur, priori omninò similis, nisi quod rami prin-

cipaliores in articulos divisi sint. Externè articuli sibi, ut in Calbahar albo, adhærent, similibus etiam striis gaudent, sed duriores & magis lapideam substantiam habens, quam præcedens, quæ candicans & intus rubescens apparet. Truncus ejus compactus est, colore mixto, partim albo, partim rubro insignis.

III. Acarbahar hujus species ramis destituitur, adeoque non tam arboris, quam lapidis figuram habet, cum massa & moles sit è plurimis tubulis conflata, qui vix calamo crassiores sunt & sibi proximè cohærent, ut Fig. 5. & 7. in Tab. VIII. ob oculos ponit. Coloris intuitu rubra aut purpurea est, intus tribus aut quatuor in locis cuticulis lapideis cohærens, ita, ut tota massa spongiam referat. *Datu Suvangi* dicitur, h. e. *Lapis Magicus (Zauberstein)*, hinc inde in litoribus reperibilis, quamvis & sub aqua crescat indeque per motum aquarum ab uncis lapidum corallinorum, quibus adhæret, decutitur. Incolæ lapidem hunc adeò abominantur, ut nullus eorum hortum ingredi, aut arborem adscendere audeat, in quâ lapis hic insensus hæret, verentes, ne corpus illorum vesicis ardentibus & qs. igneis corripiatur, quas *Mattacau* vocant. Quid quod iis obdormire piaculo sibi ducant, metuentes, ne stranguriâ afficiantur, quam eò facilius affligere credunt, si quis fragmentum ejus secum habeat. Interim Malaijani illos adeò non abhorrent, ut & internè, ut in concisâ dosi, propinare non dubitent.

IV. Species *Batla Laut* figuram ingentis lateque extensi panni refert, ac si tunica obsoleta ex cortice arborum parata esset, filis tamen crassioribus, per series quasdam contextis, subtus obscure rubescens & semipellucida. Quamprimum autem ex aquis extrahitur, extemplo nigrescit. Fragmenta ejus reperiuntur adeò lata, ut pallium exinde parari posset, quæ & inter rariora asservantur. Interim sub pluviosâ aëris constitutione nunquam non odorem marinum spirat, quo unguem odoratum amulatur.

## CAPUT VI.

DE

## LAPIDIBUS CORALLINIS.

**A**lterum Genus Principale lithodendrorum aut Plantarum Marinarum LAPIDES

CORALLINOS, Malaijanis *Carang* dictos, complectitur, binas sub se species comprehendens.



PRIMA LAPIDES CORALLINOS PLANTIFORMES, caulibus & ramis instructos, continet. Altera verò illos, qui eandem semper figuram tenent. Utraque lapideæ sunt naturæ, non ligneæ, nec inflecti possunt.

Priores, scil. plantiformes lapides corallini lithodendris quoque annumerari solent, quæ sequentes sub se species comprehendunt:

1. *Carang Bonga*, h. e. flores albi corallini, elegantissimam & communissimam speciem formant, duplici facie ludentem. Altera instar arbusculæ aut fruticis erumpit, 1½. ped. longa, multis crassisque ramulis, in obtusum apicem desinentibus, instructa, & in lateribus innumeris spinulis obsita, cujus folia Abrotonum herbam effingunt, quapropter & à Carolo Clusio Lib. 6. Exot. planta seu saxum abrotonoides vocatur, sed malè depingitur. Vera & genuina ejus effigies *Fig. 8. & 13. TAB. VIII.* occurrit. Ex Oceano primum educta mucosus obducitur, colore purpureo quidem gaudens, at si per aliquot septimanas pluviis exponitur, colorem illum in candidum mutans, striata simul & fragilis, instar sacchari albi. Fragmenta ejus in litoribus diu agitata lapidescunt & instar porcellanæ splendent. Altera species ejusdem est substantiæ, humilis tamen & plana remanens, in medio quodammodò depressior, quàm in extremitatibus, scutellam referens, quæ è plurimis curtissimis ramusculis, sibi continuis, & vix digitum longis constat & obtusis spinis seu cornubus obsita est, ut figuram serpilli aut sedi minoris fere referat, vid. *Fig. 9. TAB. VIII.* In parte inferiori truncum habet crassiusculum, basi alicujus patinæ fere similem, pluviamque exposita candida & fragilis instar sacchari evadit. Utraque aliis lapidibus corallinis adnascitur, quæ capita felina (*Katzen-Köpfe*) dicuntur & paulò post describentur; & hæ ambæ in tota Indiâ ad calcem inde parandam usitatissimæ sunt, tuncque ipsis capitibus felinis misceri solent, cum solitaria quidem elegantem & albicantem, sed paucissimam & macram calcem præbeant, eaque de causâ tantum pro dealbatione & ad Siri pinang comedendum adhibentur. Ramusculi ejus, in litore occurrentes, paucas aut nullas spinas habent, sed illarum locò pluribus rotundis tubulis gaudent, in quibus lapilli minores conspiciuntur, quales ramusculi ad parandam calcem inepti sunt. Sunt, qui abusivè credunt, certam plantam marinam molliusculam, quam Algam corallioidem, Malaijanis Agar Agar dictam (esui quidem aptam) vocant, rudimenta harum arbuscularum esse: at hoc minus probabile esse vel exinde elucescit, quòd arbusculæ hæ corallinæ parvæ admodum, imò Algâ modo dictâ minores inveniantur, quæ tamen lapidosa est. Ut taceam utriusque faciem longe diversam esse.

2. *Carang alea* simili substantiâ alba atque tenerâ gaudet, aut quodammodò durior, brevibus & crassis ramis, radici Galangæ majori similibus, prædita, extus lapillis, ceu totidem spinis obsita, utut obtusiores & curtiores sint. Hæc successive ad pedis altitudinem & dig. 3. crassitiem devenit & figuram palmæ aut chirothecæ mentitur, calcemque non contemnendam præbet.

3. *Carang Goula*, confectio candida (*das weisse Zuckervverck*) rara est planta, ut plurimum quodammodò duplicata, plurimisque ramis sibi intertextis gaudens: quandoque rotunda, quandoque plana & Conditorum specimini magistrali similis, durior est antecedentibus, at longe tenerior quàm corallia, eaque de causa difficulter asservatur.

4. *Confectio rubra* (*das rothe Zuckervverck*) ejusdem figuræ & substantiæ, nisi quòd brevior, ultra manus altitudinem non assurgens, plana simul, rubicunda, instar juniorum coralliorum, minus tamen striata & in extremitatibus albicans sit. Binæ hæ species rarò inveniuntur & adhuc rarius extrahuntur.

5. *Carang nigricans* brevibus & sursum tendentibus ramis gaudet, apertus instar lapilli apparens, extus nigricans, striatus & asper, intus candicans, ad instar aliorum lapidum corallinorum.

6. *Amaranthus Saxeus* est lapis corallinus quamplurimis crispis circinnis, sibi mutuò intertextis, gaudens, Amaranthi aut Poconia floribus similis, è simplicibus, duris & acutis fibris constans, quæ brevi trunco insistent, ut è *Fig. 6. TAB. VIII.* elucescit.

7. *Caryophylli Marini*, seu *Tzjenhe laut*, candidi sunt lapilli, coacervati, quorum unusquisque caryophyllum aromaticum, inferius acutum & superius latum refert, & in summitate stellulam obtinet.

8. *Anthophylli Marini*, seu *Polong laut* similes sunt lapilli, sed majores & magis grysei, interdum striis purpureis & rubris distincti, in parte anteriori quoque lati & stellati. Sibi non continui, sed nullo servatò ordine, hinc inde peculiari surculo infixi sunt, ita ut arbusculam fere referant.


9. *Reticulum Marinum* subtilis admodum & pretiosa est textura, instar retis subtilis, candicans aut flavescens, lapidosum, plicis variis sine ordine dispositis, figuram floris habens.

SECUNDA SPECIES CORALLINORUM LAPIDUM principalior, aliâ formâ præditotum, seqq. sub se continet:

1. Est *Fungus Saxeus*, qui rotundus est lapis, magnitudinem trunci in pileo habens, è plurimis tenuibus & acutis plicis, centrum ambientibus & fungi speciem efformantibus, constans, ut *Fig. 2. Tab. IX.* ob oculos ponit. In pluvia dealbatus & candidus redditur, in litore autem gryseus & obtusus existens.





Maria Carolina of Spain  
 1792-1805



Philip VI of Spain  
 1793-1808

Francisco de Paula  
 1793-1808






*Fig. 1.*  
 Massa Coralloides albicans porosa, maris fluctuatione  
 egregie representans.



*Fig. 2.*  
 Fungus Lapidosus



*Fig. 3.*  
 Placenta Coralloides  
 albicans, sinuosa





2. *Batu Parudan*, h. e. *Fluctus lapidei*, similes sunt lapides, sed oblongi & elegantibus plicis gaudentes, quarum unaquævis eleganter serrata est, ac si infitis arte factis exornatæ essent, ut in *Fig. I. Tab. IX.* videre licet. Hi tam albi non evadunt, ut priores. Ambo infra semi-cavi sunt, acuti & densi, spinis obrutis armati, ut ægrè attingi possint. In medio obtusum fundamentum habent, quo rupibus insident, utut illis firmiter non adhæreant. Sub aquâ mucoviscido, instar *Papedæ Indorum*, obducti & quandoque vesiculâ donati sunt, quæ statim evanesceat, quamprimum ex aquâ extrahitur, quamvis aliquid vitalis illuc observetur.

3. *Vitta Polonica* ejusdem sunt substantiæ, ast altiores, diversis tuberibus deformatæ, intus cavæ & asperæ, figurâ nomini suo conveniente præditæ. Quædam adeò excelsæ sunt, ut campanis similes sint, aliis tamen formis quandoque ludentes.

4. *Lapides aquarii* ingentes & albicantes sunt calculi, leves & simplicibus tubulis & canaliculis conflati, ac si fungi essent. Interdum adeò leves sunt, ut aquis innatent. Lentè admodum exsiccantur, & ad murorum constructionem minus apti sunt.

5. *Carang Capita felina* communia dicta, rotunda & gibbosa saxa sunt, extus aspera, viridia & ni-

gricantia, mucagine & putrilagine obducta, intus candida & striata, ut saccharum. Hi lapides ad calcem parandam & muros extruendos aptissimi sunt, modò probè prius exsiccati sint. Si recentes adhibeantur, muri per plures annos humidi manent & utensilia corrumpunt, si illis apponantur, imò & ipsa ligna.

6. *Tessellati Lapides* instar tuberum aut dimidiorum globorum uncis lapidum corallinorum insident, foraminibus quadratis vel quodammodo rotundis referti, quæ intus plurimis radiis, stellarum instar, succincta sunt. Hi in litoribus diu relictæ duri, candidi, aut grysei evadunt, plures & insignes meatus aut circulos exhibentes, in quibus radii illi observantur. Aliud quoque genus horum lapidum reperitur, quod profundius in Oceano radicatur, planum scil. & stellatum, in litoribus pariter indurescens, adeò candidum & læve, ut pro genuinis lapidibus corallinis haberi possit.

Omnes antedicti lapides generis principalis, licet emortui duri appareant, sub ipsa tamen aquâ, quamdiu loco suo natali insident, vegetabilis & crescentis sunt naturæ. Quin & plures illorum in summitate visciditate quadam gaudent, in quâ vitalis aliquid observatur, si curatius per aquam illos inspiciamus.

## XLVIII.

# HISTORIA PARREIRÆ BRAVÆ, Novi Americani contra Calculum remèdii;

ad

*Illustrem Academiæ Leopoldino-Imperialis*

*Natur. Curios. PRÆSIDEM*

DN. D. LUCAM SCHRÖCKIUM

scripta

à

MICHAELE FRIDERICO LOCHNERO, D.

**A**nni aliquot jam elapsi sunt, cum Chiliarcha ex Anglorum gente, colico dolore excruciat, meam sollicitasset opem, non sine doloris acutissimi promptissimo levamine, quem alias diro huic malo obnoxius per plurimos dies senserat. Pristinæ sanitati restitutus, cum in lumborum regione idea doloris haud adeò acuti superesset, illumque calculi judicarem sobolem, & huic quoque hosti bellendo destinarem remedia, ille ad nutum hæc-

nus obsequiosus sumere renuit, & remedium sic satis generosum ad omnia Calculi Renum & Vesicæ mala averruncanda in promptu sibi ipsi jam esse rege-

rit; me instante & urgente tandem inquit: Si latus aut renes morbo tentantur acuto, Quære fugam morbi, in hac, quam mihi simul exhibebat, radice, auribusque meis tunc temporis barbarum nomen adjiciens, Parreiram bravam vocabat. Omnibus, quotquot



novum hoc Pharmaci genus monstrabam, & nomen planè ignotum erat & radicis efficacia. Menti obversabatur illud Arati:

Πάντα γὰρ ἔπω  
ἐκ Διὸς ἀνθρώποι γινώσκουσιν, ἀλλ' ἔτι πολλὰ  
κέρυπται. Τῶν αἰὲν ἐθέλη καὶ ἐσσυμένα δάσει  
Ζεὺς.

Omnia nondum

Ex Jove mortales cognoscimus, occulit ille  
Plurima, dum lubitum fuerit, quæ tradet.

Domum redux excussi fere omnes, quos in meo librario penu habui, Historia naturalis loculos: sed opem omnem & operam perdidisse rebar, cum altum hac de radice ubique esset silentium. Mancam & mutilam materia medica notitiam sic expertus nullam judicavi Artis cognitionem jucundiolem, quam rerum naturalium ex Indiis aliisque orbis olim incogniti partibus allatarum ulteriorem disquisitionem, qua sine astu, sine sudore, sine mora venari licet tot abditissima miracula,

& ire per omnes

Terrasque tractusque maris cœlumque profundum,

& perspicue ex istis elicere, quod DEUS sit, & quam immensa ejus bonitas, tot ac tanta hominibus exhibendo naturæ bona ac dotes. Certè ut militis nomen non meretur, quem quid arma sint, aut quomodo tractanda, latet: sic nec Medici nomine dignum reor, exacta luxuriantis quotidie materia medica destitutum notitia.

Tandem cum pene desperarem, Dn. Pometius in Libr. Gallicè inscripto: l'Histoire generale des Drogues Libr. II. chap. XIV. p. 69. Radicis hujus descriptionem, Inventores, exhibendi modum, pretium, iconem, aliaque exhibuit: cui vero plantarum ordini hac Parreira brava foret accensenda, luculam accendit exiguam & planè fatuam. Cum enim Parreiram bravam vitem significare sylvestrem pronuntiaret, quicquid de vite sylvestri à Botanicis annotatum, examini subiectum est. Subiit mentem recordatio urvæ Tamineæ Plinii, quam in Brasilia quoque repertum dari Cl. Bontius in Histor. Medic. & Natur. Ind. Oriental. Libr. VI. cap. XVII. affirmat, quæ eadem esse videtur ac cevalchichitique Hernandis, vel vides de la Isla Espannola Lop. de Gomare; sed reperi hîc, quod pueri in faba. Sic quoque cum Labrusca virginiana Muntingii, vite vinifera fol. incano subtus, fructu variegato Commelini aliisque, quæ Classi vitium sylvestrium inferuntur, res cessit, ut nil planè solatii, pro radice Parreira, hisce ex fructibus obtinuerim.

Cum præterea laudatus jam Pometus Mexicani soli alumnam hanc plantam prodidisset, Mexicanam illam plantarum animalium & mineralium Historiam, à Francisco Hernandez in Indiis compilatam, dein à Nardo Antonio Reccho in volumen digestam, denique à Job. Terrentio, Job. Fabio, & Fabio Columna (proh! quantis in Historia naturali illustranda luminibus) notis & additionibus illustratam Romæque Ann. 1651. in Fol. impressam, oraculi loco futuram confisus, avide totam percurro. Invenio

quidem sylvestrem vitem ceval chicaltic Libr. IV. c. 39. p. m. 128. cujus tamen descriptio ad nil minus, quam Radicem Parreiram bravam quadrat; nec cocozmatl sive luteum Tamatli, urinaria mirabilis dicta, cum nostra radice quoad plantæ structuram & partes externas comparari poterit, licet quoad efficaciam, in affectibus quoque calculosis, renumque & vesicæ morbis laudem promereatur, cum urinam mire evocet, arenas & pituitosa excrementa pellat, atque quicquid urinariorum meatus obstruit, expurgat & trahat: quod exemplo Episcopi Cordubensis, quem Mantua Carpentaria gravissima urina suppressione affectum hoc remedio veluti per miraculum liberatum ajunt, illustratur. Sic irriti labore hac Mexicana Historia perlustrata, nec volam inveniri nec vestigium, quo animus sciendi hac in re cupidus satiari potuerit, quod in Job. Euseb. Nierenbergii quoque Historia naturali, Mexicanas plantas comprehendente, contigit.

Id quod Mexicana vero negaverat, Brasiliensis tamen naturalis Historia exhibuit. Consului primo Iter Brasiliense Neuhofii, in quo plurima naturæ curiosa reperiunda, quæ frustra alibi quaesiveris, ab aliis planè intacta & intermissa. Ex illo Illustris Rajus stupendis operibus Willugbejanis nonnulla intulit, sed maxime dolendum est, hunc naturæ thesaurum ob linguæ, in qua scriptus est, apud nos ignorantiam, & Bibliopolarum incuriam, linguæ hujus libros nobis invidentem, in librariis tabernis non prostare. Prodiit autem hoc sub titulo: Job. Neuhofs gedenkweerdige Zee en Land- Reize &c. benefens een bondige Beschryving von gantsch Neerlands Brasil, zo van Landschappen, Steden, Dieren, Gewassen, als draghten Zeden en Godsdiens der Inwoonders &c. verciert met verscheide Afbeldingen, na t'leven aldaar getekent, Amsterd. 1682. in Fol. Licet opulentum hoc quoque Brasiliensis Historiæ naturalis Promptuarium non ex voto illud, quod de Radice Parreira brava quaeseram, sed herbam de Cobra tantum pag. 205. suppeditarit; ad Pisonis tamen & Marggravii volumina ablegabat, & plantam Lusitanicè dictam Erva de nossa Senhora exhibens, digito quasi monstrabat viam ad Caapebam, radicis hujus veram nutriculum, ceu ex sequentibus lineolis, ulteriori & uberiori plantæ hujus & radicis examini destinatis, palam fiet. Molimur equidem in illustranda novi hujus Medicaminis Historia, opus partim invisum, cum auribus jam observetur illud, quod Alexis apud Athenæum suggerit:

Ἐρωμεν ἀποτρίων, παρορώμεν συγγενές.

Aliena atnamus, proximum contemnimus:

Partim haud quidem arduum, plurimis tamen difficultatibus, cum paucos praeuntes habeamus, involutum; nihilominus, uti spero, utile non solum, ob solatium in renum & vesicæ morbis affectos redundans, sed & jucundum, maxime cum necessitas urgeat, ut quo durius & ferius hoc morbi genus est mecum

acrius omnes  
incumbant generis lapsi sarcire ruinas

PAR



## PARREIRÆ BRAVÆ

## Patria &amp; Nomen.

**P**atriam Parreiræ si nosse cupis, terrarum partem illam nomino, quod

*Primus in ignotum penetravit Americus Orbem,  
Inventamque suo terram de nomine dixit,*

præcipue vero Provinciam occidui hujus orbis nobilissimam penè, ast simul crudelissimam, Brasiliam puto, ubi

*- - alios hominum mores miramur & urbes,  
Corporaque humanis fœde distenta medullis,  
Infamesque dapes, & qualia fercula fratri  
Coxit & immanes Atreus detrustit in artus.  
Hic belli laus summa viris, in viscera victos  
Condere, & invisos discerpere dentibus hostes,  
Ne toti noceant, vel ab ipsa morte resurgant.*

Radicis nostræ planta, secundum Pisonem & Marggravium, hujus regionis alumna, nec solo semper pingui fertilique gaudet, sed arenoso sæpius, inculto, imo frutetis, ut ex Plinii eloquio, *ne sylva quidem, horridiorque natura facies Medicina careat, sacra illa parente, rerum omnium nusquam non remedia disponente, homini ut Medicina etiam fieret solitudo ipsa.* Vocatur Lingua Brasiliensi vernacula CAAPEBA, de cujus vocis Etymo plura & certiora proferrem, si Pegnesii accola Brasiliensem fluvium Maranhaon degustassem. Terminationem *peba* huic linguae maximè familiarem esse, plurima probant verba, e. g. Accorapeba piscis, Boipeba serpens, Jajatapeba vipera, carapopeba lacertulus; in regno vegetabili adhuc plura occurrunt: Ivapeba frutex, Jurapeba, Mandupeba, Mandiipeba, Vrupeba, Vipeba aliaque. Noli frontem hinc corrugare Lector: extra Latium & Græciam sumus. Non solis veteris orbis populis concessum voces condere, etiam penes Americanos est vis & norma ad placitum sua efferendi; liceat Barlæi festiva verba, quæ in Histor. rer. gestar. Com. Mauritii in Brasilia habet, hac in re facere nostra.

An vero vocabulum Caapebà cum accentu in ultima, sive caapéba in penultima sit pronuntiandum, latet. Πολυμαθὲς αὖτ' ἔστιν Ἡδρ. Relandus in Dissert. Miscell. P. III. Diss. XII. de Ling. Americ. p. m. 179. ex Grammat. Ling. Brasilic. Joseph. de Auchieta notat, *verba Brasiliano- rum maximam partem accentum habere in ultima.* Addo ex Clar. Marggravii Histor. Brasilienf. Lib. VIII. c. 8. p. m. 275. *Quæ desinunt in a, partim habent in ultima, & notantur eodem accentu, partim in penultima, & notantur acuto.*

Regnum illud ditissimum Mexicanum

*(Cum nusquam terrarum opulentia tanta,  
Ut peregrinari reliquis videatur in oris,  
Heis fixisse statam Regina Pecunia sedem)*

inter reliquas naturæ gazas hanc quoque radicem Brasiliensi præstantiorem, promere, Pomeus testis est dans l'Histoire generale des Drogues l. c. Si vero ex me nomen verum quis

quærat, plane in ancipiti hærens nil determinare audeo. Plurima certe cum planta volubili diuretica, sive Itzac caonene pilli Nardi Anton. Recchi in rer. Medic. Nov. Hispan Hist. Lib. IV. c. 24. p. 119. habet communia, in plurimis discrepat; eandem planè scenam in Herba Tlalantlacoa cuit la pilli Lib. VIII. cap. 34. invenies, de quibus in sequentibus plura. Cum igitur tot difficultatibus res sit immersa, necesse est, ut veteri me, circa denominationem veræ Plantæ Mexicanæ, Radicis Parreiræ bravæ parentis, expediam formula, ἐκαταλαμβάνω, εἰς εἶδω.

Nec Virginia quoque, Anglicæ coloniae multitudinem, copia rerum naturalium, soli ubertate, omniumque ad victum & amicum necessariorum frequentia, felicissima Provincia, hac destitueretur radice, si convolvulus Mexicanus Cl. Banisteri & excell. Plukenetii cum Caapeba Brasiliensi in una eademque classe foret, & forte Cipo de Cobra radix erit, la Racine du serpent à sonnette dicta, quam ceu veram contra serpentis hujus morsus panaceam describit, & easdem, quas Cipo de Cobra, virtutes attribuit, novus Virginiae Encomiastes in Libello Gallicè inscripto: *l'Histoire de la Virgine &c. par un Auteur natif & habitant du Pais.* Amsterdam 1708.

Hispani & Lusitani, Mexicanæ & Brasiliensis Provinciæ Domini, jugum incolis, & rebus nova imponentes nomina, hanc radicem *Parreiram bravam* dixerunt. *Parra* enim in Hispanica Lingua *vitem* denotat, hinc *Parra de patio de casa*, vitis compluviata, secundum Ælium Nebrissensem, Interpretem Regium, in Dictionario Hispanico. Sic apud Botanicorum Coryphæum Hans Sloane in Catalog Plantar. Insul. Jamaicae. occurrunt *Parras salvajes Ovied.* Item *Parras sylvestres desta nueva Espanna, que llaman de hualchichtlico Totolcētli Xim:* Item *parras como los de Castilla de Juan Gorzales de Mendoza:* quæ denominationes omnes vocem *Parra* agnoscunt matrem, æque ac *Parreira brava*; quam terminatio *era* vel *eira* Lusitanicam prodit. Sic *Erva Cidreira* planta vocatur, quæ citri odorem æmulatur, vid. Piso Histor. natur. Brasil. Lib. IV. c. 57. p. m. 242. *Visqueira* herba, quæ viscositate manibus & vestibus adhæreat, Idem de Facult. simpl. Lib. IV. c. 72. p. m. 105. Causam & rationem, cur *vitem* sylvestrem dixerint & Hispani & Lusitani, ex Pometo sæpius laudato hauries: *Quelques Persones m'ont assuré, que cette racine, estant dans terre, poussoit des branches charges de feuilles tout à fait semblables à la vigne, qui rampent le long des murailles, ou des arbres. C'est pour ce sujet que les Pourtugais, qui ont apportée de Mexique, luy ont donné le nom de Parreira brava, qui signifie en Francois vigne sauvage ou batarde.* Latio danata hæc verba hunc sensum exhibent: Anonnullis certior factus sum, hanc radicem terræ commissam, & germina & folia protrudere, vitibus, muris & arboribus affixis, perquam similia. Hanc ob rationem



nem Lusitani, qui primitus eam Mexicano solo extulerunt, nomen Parreiræ bravæ imposuerunt, quod vitem sylvestrem vel spuriam denotat.

Ad vocem *Brava* devolvimur. Feroces in lingua Italica bravi nominantur, & quia effrenes cicuribus ferociores sunt, ideo Hispani animal indomitum & nondum mansuefactum, Taurum, Equum, Leonem, & id genus alia, bravo appellant, sec. Celeberr. Octav. Ferrar. Orig. lingu. Ital. p. 64. 65. Adjungit eruditiss. Menagius, nell' origini della lingua Italiana, in lingua Italica vocari vache brave istas vaccas, quæ licet sint domi natæ, semper tamen in sylvis diebus noctibusque permanent, nunquam ad stabula, priusquam hyems ingruit, redeunt, quod in Alpibus quoque Helveticis fieri solet. Hæc denominatio à brutis animantibus quoque ad plantas sponte nascentes sive sylvestres derivata; sic *Nana brava* dicitur Ananas sylvestris apud Marggrav. Hist. Plantar. Brasil. Libr. I. cap. 16. p. 33. *Tujoba brava* & *Mangara brava* Pison. Hist. Brasil. Edit. prim. p. 95.

Mr. Froger dans la Relation du Voyage aux cotes d'Afrique nostram radicem vocat *Parayra-brava*, sed nihil moror istam nominis deformationem, quàm fortè Etymologiæ produxit ignorantia.

Lucidissimum quondam Academia nostræ Leopoldinæ N. C. sydus Excellentiss. Menzelius, in eruditissimo opere, quod nomen gerit: Πίναξ βοτανώνυμος πολύγλωττος καθολικός, sive Index nominum Plantarum universalis, ad vocem Caapeba addit *Perexil do mar* Theatr. Brasil. insimulque Marggravium pag. 14. citat, qui Plantæ Perexil l.c. quidem sub imagine crythmi marini non spinosi mentionem iniecit, de Caapeba autem, quam pag. 25. Lib. I. c. 13. describit, ne gry quidem addit, id quod à Pison quoque factum pag. 243. Edit. sec. Hæret hic aqua, nec video, quomodo plantæ nimium quantum distantes conjungendæ, nisi nomen forte Caaponga, quæ Perexil do mar denotat, cum Caapeba confusum. Vid. Pison. Edit. 2. pag. 243. Posset tamen rem omnem de planta Caapeba & Caaponga sive Perexil do mar dirimere, & extra controversiam ponere absconditus hæctenus Naturæ Thesaurus in Bibliotheca Potentissimi Borussorum Regis ἀνέκδοτος delitescens: Theatrum rerum naturalium Brasiliæ, earum nempe, quas Cl. Piso & Marggravius nondum ediderunt. Jussu illa Principis Mauritii Nassovientis in Brasilia coloribus olæagineis in chart. maj. ad viva exemplaria sunt depicta, & ab Excell. Menzelio juxta ordinem Pisonis & Marggravii disposita, IV. Voluminibus inclusa, quorum I. continet imagines quadrupedum. II. Avium. III. Piscium. IV. Vegetabilium. Utinam exorare se pateretur Regum Sapientissimus, ut hunc Persicæ

Gazas longè superantem Thesaurum literato Orbi impertiretur.

Synonymum Caapebæ vocabulum est *Cipo di Cobras*. Vox *Cipo*, vel *çipo*, *Cepo* in lingua Lusitanica & Hispanica plantas scanfiles, repentes, clematites, convolvulos, maxime vero vitem designat. Sic *vitis brachiata* Hispanicè *Cipo con brachos* audit, sec. Ælium Nebrissensem, & à Gallis quoque *Cep. de Vigne*, vitis vocatur. Cum igitur Caapeba nunc vicinas arbores ornate conscendat, nunc humi instar colubri repat, ob similitudinem *Cipo de Cobras* à Lusitanis nomen obtinuit. Sicuti vice versa serpens çacaboa à Lusitanis *Cobra di Cipo* nominatur, quia colore & figura climaces illas chordarum instar humi repentes æmuletur. Vid. Pison. Hist. natur. Brasil. L. V. c. 1. pag. 279. Edit. secund. nam in prima editione nomen *Cobra di Cipo* serpenti Boitiapo imposuit, cum tamen in secunda editione nullam hujus nominis fecerit mentionem in descriptione serpentis Boitiapo.

Derivant nonnulli vocem *Cipo*, *Cepo* & *Cep* à *Capo*. Veteres enim Latini radices *Vitis* vocant caput Vineæ, uti ex Virgilio & Columella elucet. In Legibus XII. Tabularum occurrit: TIGNOM JUNCTOM ÆDIBUS VINEÆQUE CONCAPES NEI SOLVITO. Ubi concapes idem est ac si dicas depactum & defixum terræ ad vineam sustinendam. Concapes, primicapes, præcapes, deincapes, ancapes, omnia à capite descendunt: hodie princeps, præceps, deinceps, anceps. Vid. plura apud Scaligerum Nor. in Pompej. Fest. pag. 192. Ingeniosissimus Menagius autem originem vocis *Cipo*, *Cepo* & *Cep* à vocabulo *Cippus* deducit, quod antiqua glossaria κόρμος sive truncus interpretantur, dans les Origines de la Langue Française. Nonnullis vox *Cipo* *vinculorum speciem* designat, inde fortasse est, quod à Gallis Americanas Insulas inhabitantibus omnes scanfiles plantæ sepibus & arboribus adrepentes, & agglutinatæ quasi, *Lianes* vel *Lienes* appellentur, à voce Gallica *lier*, quod est ligare & vinculis constringere. Cum Botanicorum paucissimi harum plantarum, quæ nomine de *Lianes* & *Lienes* apud Gallos Americanos veniunt, meminerint, binos produco testes Historiæ Indicæ Naturalis Scriptores fulgidissimos, Rev. P. Plumier & Dn. Rochefort. Cum vero primus, cujus opus sub Titulo: *Description des Plantes de l'Amerique avec leur figures Chart. Aug. Fol. ex Typographia Regia A. 1693 Lutetia impressum*, ob raritatem exemplarium non in omnium manibus sit, consultum dux descriptionem ipsissimis inserere verbis, maxime cum Caapebam huic classi expressè insinuat:

*Les François des Isles de l'Amerique appellent indifferent Lianes toutes sortes des Plantes; qui rempent sur les hayes, ou sur les arbres; en les distinguant pourtant, ou par leur figures, ou par leur vertuë, comme la Liane à serpent, à cause qu'elle*



est fort efficace contre leur morsure, la Liane a dent de scie, parceque ses feuilles sont decoupées, comme les dents d'une scie : la Liane brûlante, à cause qu'elle est fort brûlante & caustique, & ainsi des plusieurs autres. Ils donnent ce nom de Liance à ce sorte de plantes, du verbe *lier*, parce qu'ils se servent de quelques-unes, comme de Cordages, tant pour la construction de leurs Maisons, qu'ils nomment vulgairement cases, que pour fortifier les barrières, & pour plusieurs autres usages. Il y en a pourtant, à qui donnent plus particulièrement le nom de Liane, qui sont celles, que les Caraïbes appellent *Meregovia*, les Brasiiliens *Murucuja*, les Espagnols *granadilla*, & nos François *Fleurs de Passions* &c. i. e. Galli, qui Insulas Americanas inhabitant, sine ullo discrimine Lianes vocant varias ad sepes & arbores repentis scandentesque plantas, eas tamen invicem vel à figura externa, vel ab efficacia & viribus distinguentes. Sic Liane de serpent, *Liana serpentum*, (ignoscite huic vocabulo Ciceroniani Manes) obtinuit nomen, ob virtutes, quas contra earum morsus exhibet: *Liana serræ* vocatur, quod folia acutos serræ dentes æmulentur: *Liana urens* audit, ob vim causticam, quam exferit, & sic de cæteris. Nomen hoc hisce plantis à verbo *lier*, Lat. *ligare* inditum, cum nonnullis funium loco inserviant, ab aliis ad construendas ædes, quas vulgo Casas appellant, ab aliis ad obices ponendos, ne quis irruat, aliosque usus destinantur. Reperiuntur tamen, qui potissimum *Lianæ* nomine illas designant plantas, quas Caraïbes, Antillarum Insularum nativi Incolæ, *Meregovia*, Brasiilienses *Murucuja*, Hispani *Granadilla*, & Galli *Florem Passionis Dominicæ* vocant. Posterior à nobis in rebus Indicis instar oraculi consulendus est vir multum terris jactatus & undis, Dn. Rochefort, dans l'Histoire naturelle & morale des Isles de l'Amerique Edit. second. 1665. Chap. XI. Articl. 3. p. m. 125. Il y a plusieurs especes de bois rampants par terres, & empeschent de courir facilement par les forests. Les habitans des Isles les nomment lienes. Les unes sont en forme de gros Cable de Navire. Les autres portent des fleurs de diverses couleurs. Et même il s'en voit, qui sont chargées de grosses siliques tannées, longues d'un bon pied, larges des quares ou cinq pouces & dures comme l'écorce du hêtre, dans lesquelles sont contenus ces fruits cuivres, qu'on appelle chastignes de mer, qu'ont la figure d'un cœur, & dont on se sert souvent, après qu'on les a vuidez de leur poulpe, pour conserver le Tabac pulverisé, ou quelque autre poudre de bonne senteur. Ce que les habitans des Isles appellent *Pommes de lienes*, est un fruit, qui croît sur une sorte de vime, qui s'attache aux gros arbres comme le lierre. Il est de la grosseur d'un bale de ou de päume, & convert d'une coque dure, d'une veu verte, qui contient au dedans une substance, laquelle estant meure a la figure & le goût des Croûtes, i. e. Dantur plures repentium plantarum

*lignosarum* species, quæ arboribus adherent, & cursum per sylvas impediunt. Incolæ Insularum *Lienes* vocant. Nonnullæ harum rudentibus navium non sunt dissimiles: nonnullæ flores varii producant coloris: nonnullæ quoque repertu dantur siliquis castanei coloris gravidæ, pedis longitudine, quatuor vel quinque pollicum latitudine, querni corticis duritie; quibus siliquis inclusi fructus illi elegantes, quos castaneas marinas nominant, qui figurâ cordis gaudent, & quibus pulpâ exemptâ utuntur ad tabaci in pulverem redacti errhini conservationem, vel pro receptaculo aliorum benè olentium pulverum. Illud, quod incolæ Pomorum de liene nomine indigitant, fructus est speciei *Viminis*, magnas arbores instar hederæ ascendentes & adrepentis. *Pilam* lusoriam adæquat, cortice præduro, viridique cuticulâ, medulla cum ad maturitatem pervenit, ratione saporis, grossularium æmulante. Hæc *Rupifortius*, qui sub nomine *Lienes*, ut verum fatear, plantas comprehendit, quæ ad *Caapeam* nostram planè non quadrant.

Excellentissimus Dn. Valentini in Museo Museorum meminit radicem *Parreiram* bravam *Botnam* vocari à B. Paulo Hefmanno, Leidenfis Academiæ quondam incomparabili Botanico, in Collegio Mat. Med. Manuscripto, quod literis humanissimis ad me datis confirmavit. Excellentissimus Dn. Bajerus in *Palæcome* nostra. Prof. Publ. Collega & Fautor æstumatissimus, qui lectiones illas *Hermannianas* quoque possidet, legit *Botuo* *Pariera*. Interfui huic Collegio, dum studiis Lugduni incumberem, & dictata excepi calamo, curasque posteriores, quas post abitum meum amici collegerant, obtinui, nulla hujus radicis mentione facta. Neque in Cl. Henningeri *Cynosura* *Materiæ Medicæ Hermannianæ*, quæ nuper in publicum prodit, de radice plantaque *Botna* vel *Botuo*, ac *Parreira* aliquid reperiundum. Quod si in vivis adhuc foret *Botanicorum* Vir,

Cujus ab ore jurat, iuravit o! meminisse pependi,  
& doctas voces sapius aure bibi,

lubens de planta hæc *Botnam*, vel *Botuo*, reliquo *Botanicorum* choro ignota, ipsum consulere.

Cl. Hans Sloane in Parte prima *Prodromi Histor. natural. Jamaicæ*, sive *Catalogo plantarum Insulæ Jamaicæ*, convolvulum *Brasibanum* flore octopetalo monococcum, quem eandem ac *Caapebam* plantam esse Excell. Rajus credidit, *Velvetleef* appellari, in frutetis circa urbem *St. Jago de la vega* Insulæ *Jamaicæ* reperiri asserit.

*Parreiræ* vel potius *Perreiræ* nomen in historia literaria quoque inclutum, cum plures viri eruditione fulgidissimi hoc nomine superbiunt. *Benedictus Perreira* *Valentinus*, Societ. Jes. Theologus, editis commentariis in *Genes. Exod. Daniele*, *Epist. ad Roman. & Apocalypsin*,



lypsin, uberrimis, Orbi literato notissimus. *Benedictus Perreira, Lusitanus*, S. J. Theologus & Philologus elegantissimus, cujus ingenii fœtus prostant: *Commentarius in Horatium* duobus Tomis: *Liber de Moribus gentium* omnium, tam veteribus quam recentibus: *Liber Problematum*, qui inscribitur *Pallas togata & armata*. *Bartholomeus Perreira*, itidem S. J. Theologus, decem libris de *Persecutione Japonica*, totidemque de *Morte Francisci Pacieci*, Provincialis in Japonia, adornatis, ut & *Comment. in Tobiam*, famam promeruit. *Gabriel Parreira de Castro, Lusitanus*, elegantissimo carmine, patria lingua conscripto, cui nomen præfixum: *Ulyssæa sive Lisboa edificata*, Lauream inter Lusitanos Poëtas obtinuit: cave tamen, ne carmen hoc ejusdem inscriptionis, quod Lusitanus alius Poëta, magni nominis & famæ, Antonius de Sousa Macedo in publicam emisit lucem, confundas. *Georgius Gomez Perreira, Methymnæ Duellensis Hispanus*, Philosophus acutissimus, Medicus expertissimus, Antoniana Margarita, elegantissimo certe opere edito, inter seculi sui viros principes conspicuus. His ex fontibus Illustrem Cartesium plurima hausisse & inprimis de Brutorum sensibus & anima hypothesein mutuatum esse, Cl. Borrichius hariolatur. Claudat agmen *Hieronymus Perreira, Lusitanus* quoque, cujus mentio apud Doctiss. Schott. in *Biblioth. Hispan. illis*, quæ de *Sacramentis & Christi resurrectione* edidit, celebris.

### *Parreiræ planta, ortus, structura.*

Nominum cortice diffracto, πρὸς τὴν ἐξορμήν, plantam ipsam intimius inspecturi. Cum Asia, Africa & America in nostram migraverint Europam, præsertim in polydædalos cultissimorum regnorum hortos, ut prioris seculi Botanicis opus esset filo Ariadneo, ne in diffusissimo hoc Floræ labyrintho hinc inde impingerent, & aberrarent, dolendum sanè, in nullo Europæ viridario hanc *Caapebæ* plantam hæcenus comparuisse, ut *Malpighiana* & *Grewiana* methodo in ejus natales & structuram examen institui posset. Erimus igitur *Marggraviana* & *Pisoniana* descriptione contenti, cum vix ac ne vix quidem desiderare amplius quid queamus.

Est ergo, secundum *Pisonem* Edit. I. Libr. IV. c. 54. p. 94. *Caapeba* planta *Clematiti* non absimilis, (Edit. II. Libr. V. c. 19. p. 312. *Clematitem* sarmentosam vocat) quæ tenaci ac prælongo sarmento nunc vicinas arbores late ascendit, nunc humi instar colubris reptat; addit in Edit. sec. Libr. IV. cap. 66. p. 261. & p. 312. ob similitudinem partim, partim ob insignem efficaciam antidotalem serpentibus inimicam, *Cipo di Cobras, sive convolvuli colubri* nomen indiderunt Lusitani. A *Marggra-*

vio *Histor. plantar. Brasil. Libr. I. c. 13. pag. 25.* nudè tantum vocatur *planta scanilis*.

Caulem *Marggravius* solus describit, nempe *caulibus teneris, rotundis, viridibus, admodum lentis*.

Quod ad *Folia* attinet, est, secundum *Pisonem*, folio tenuissimo rotundo, lateque semper virente, (addit in Edit. sec.) seorsim posito in caule nunc orbiculari, nunc cordis latioris figura, superius dilute virescente, inferius albescente. Cl. *Marggravius* rem fusius declarat: *Folium quodlibet*, iniquens, seorsim positum in caule, in suo pediculo rufescenti duos digitos longo, & in exortu paululum excurvato, orbiculare vel cordis latioris, ubi pingitur, figura, consistentia, folia perfoliata similis, superius dilute virens, inferius albescens, in quibusdam plantis folia omnia sunt rotunda.

Nunc ad *pediculum* procedimus. *Piso* foliorum pediculos rufescentes pronuntiat. *Marggravius* insuper addit: *pediculus folii cujusque non inseritur in simbriam seu extremitatem folii, sed plus dimidio digito ab ora versus medium, ut fit in Nasturtio Peruviano*.

*Florem* nunc exhibemus. In prima *Pisonis* editione altum plane de flore *Caapebæ* silentium. In editione autem secunda hæc de flore pronuntiat: *Ad pediculos foliorum rufescentes flores pallidi flavescetes proveniunt*. Si *Marggravium* inspicimus, dilucidiora circa florem promit: *Ad pediculos foliorum etiam pediculus provenit sesquidigitum longus, flosculum sustinens pallide flavescens, octo foliis constantem, hoc modo: quatuor superius apposita sunt parva, obrotunda, his substat amplum obrotundum, adhuc magis inferius tria parva alternatim posita*. Addunt denique ambo, plantam mense *Julio* florere. Provenit autem sponte & voluntarie absque ulla sollicita hominis cura, & tamen crescendi attingit terminum.

*Semen*, secundum *Pisonem*, in prima editione, fert magnum, coloris rosacei, è capsulis (lupulo similibus) prominens. In editione secunda hoc insuper annectit: in summitate pediculi granum profert magnitudine parvi pisi, figuræ ovalis, interius viride, hinc rubrum: quæ ex *Marggravii* descriptione sunt mutuata, qui insuper hoc attulit: in summitate pediculi inter quatuor superiora foliola granum provenit magnitudine parvi pisi &c.

Ad principem schediafmatis partem & præcipuum argumentum nunc ordo nos ducit, radicem nempe *Parreiram bravam* & *Rayæ de nossæ Senhora*, quæ cum una eademque sit *Caapebamque* plantam matrem utraque agnoscat, pro duabus tamen diversis jam tempore *Pisonis* habita, & nunc quoque ab aromataris, quos barbaro vocabulo *Droguista* vocant, (à Gallica voce *Drogues*, non autem ex Germanico vocabulo *Betrug* (quod *Nobilis* D. ab *Hörnigk* placuit) venditur, cum nullum planè



planè, nisi ratione ætatis & exinde dependentis magnitudinis, fibrarumque duritiei discrimen subfit. Cum igitur juvenula adhuc sit, & sarmentosa & tortuosa, coloris è cineritio nigricantis, digitalis crassitie, & ut Wormio in Museo placet, quinque unciarum longitudinis, strigosa tam interius quam exterius, Rayz de nossa Senhora, & Cipo de Cobra vocatur.

Cum autem jam planè adolevit, nigricantis coloris est & sapius brachium adæquat, quale frustum radicis hujus apud solertissimum nostrum Pharmacopœum, Dn. Dietericum, inspicere licuit, & tunc Parreiræ bravæ nomen gerit. Cutis radicis aspera est in utraque radice: quas tamen in radicis superficie externa eminentias Pometi icon exhibet, non in omnibus reperiuntur. Videtur autem cutis utrarumque radicum, ceu reliquæ plantarum cutes, constare è duobus generibus, parenchymatico altero ex cellulis & bullis, altero lignoso ex vasis tubulosis constructo, quæ omnia armato oculo intuenti optimè patent, ita ut, secundum Excell. Rajum, cuticula vel cutis nihil aliud esse videatur, quam vetus cortex exarescens & contractus, novo quotannis subnato, quemadmodum spoliū serpentis, quod quotannis exuit, ejusdem exarefacta cutis existit.

Cortex cuti agglutinatus ex duabus quoque partibus coagmentatus, parenchymatica nempe & lignosa. Immisi aquæ fontanæ radices, ut eò melius & intimius constructionem rimari possem, nec destituit successus spem, nempe corpus summe porosum, dilatabile, &, nisi omnia me fallunt, spongiæ per omnia simile, armato oculo intuens conspiciebam; pori pharicæ figuræ, & massa cellularum & bullularum minutissimarum spumam cerevisiæ vel albuminis conquassati ovi æmulabantur; viui se minus subdlexerunt hæ bullæ, aqua, cui immerse erant, turgidæ, in aridâ radice transversim secta, quod experimentum Excell. Grew placuit. Has cellulas bullasque quis receptacula liquoris & aëris esse neget? vel utriculos in e mutuo hiantes & pervios, secundum ingeniosissimum Malpighium. Per alteram corticis lignosi partem, vasis succiferis constantem, quor quoque circulatur & aër. An vero ad e invicem accedant, & iterum reflectantur, nullas tamen dent inter eas anastomoses, secundum Cl. Grew, sed unumquodque filamentum unum & simplex vas sit, ab imo ad summum continuum, non ramosum, cavitate ab imo ad summum æquali, in frustis radicum, jam longo tempore arefactis detegere aud licuit.

Ligneæ radicis pars iisdem quoque partibus constat, parenchymate nempe (1.) seu utriculis in radios diametrales, à circumferentia ad centrum tendentes, dispositis, ut in transversa sectione patet. (2.) Fibris ligneis seu vasis succiferis duum generum, (quod in corti-

cis quoque vasis notandum) nimirum vel lympham deferentibus, vel succum lacteū, aliumve plantis peculiarem, seu, ut vocant, specificum. (3.) Fistulis aëri excipiendi & derivando destinatis, sive tracheis, de quibus Cl. Malpighius annotat, quod in radicibus plerumque majores & magis patentes sint, quam in ramis & trunco.

Medulla, quæ secundum Excell. Rajum in nonnullis radicibus deest, nostra non caret, quæ ex utriculis quoque componitur, iisque magnitudine & figura diversis, quibus vasa aliquot succifera interdum admiscuntur: adeo ut medulla, ex mente Cl. Raji, aliud nil esse videatur, quam rete quoddam mirabile, seu infinitus fibrarum minutissimarum, mirabili ordine complicatarum, numerus. Sed secundum Euripidem ἐκ ἀκριβοῦς αὐτὰ ἤσομαι λίαν, non subtiliter ista tractabo nimis, cum jam in Anatome Radicum omnia summa cum laude exhauferint curiosissimi Malpighius, Grew & Rajus.

De sapore alius dicendi locus supererit, ubi de Parreiræ viribus & efficacia. Delectum radicis pretiumque Dn. Pomet nobis suggerit dans l'Histoire des Drogues: Pour ce qui est de son choix, Mr. Thevard m'a assuré, que celle de Mexique estoit beaucoup meilleur, que celle de Portugall. -- Ils le vendent en Portugall dix teston la livre, qui sont environ cinqs livres de nôtre monnoy, i. e. Ad delectum quod attinet, Dn. Thevard me certiores reddidit Mexicanam Lusitanicæ præferri. Lusitani libram decem testonis, sive quinque Francicis libris, vendunt.

### Parreiræ Character & Genus.

Jam vero cum plantarum certi sint ordines, earundemque una classis alteri subfit, adeo, ut velut ad cohortes revocari possint singulæ, cui ordini planta hætenus, quoad omnes partes illam constituentes, easdemque visui obvias, à nobis delineata inferenda sit, nunc edisseram. Vitis quidem sylvestris designatur nomine, cum tamen nil nisi nudum nomen possideat, ad arbores bacciferas tetrapyrenas (cui classi à Cl. Botanici studii Principibus Rajo & Hermannō vites inferuntur,) referri nequit.

Clematiti non absimilem pronuntiavit Piso Edit. II. Libr. IV. sed cum secundum Floræ illud delictum, amicissimum Collegam Helianthum II. notæ genericæ & spec. Clematidis sint femina ad singulum florem plura, compressa, rotunda, caudulis plumosis in extremitate notata, ac in capitulum congesta, flores perfecti uniformes, tetrapetali, vid. Flor. Noriberg. pag. 114. quomodo hæc ad Caapebam aptari possint, non video: quod fortè Pisoni suboluit; hinc Libr. V. edit. secunda nomen convolvuli colubriini imponendo huic plantarum ordini



Caapebam immittere gessit, sed quo successu & omine, illi indicent, quibus secundum mox laudatum *Cl. Volkamerum* notæ genericæ & speciales convolvulorum sunt semina vel angulosa, subrotunda, vel oblongiuscula, pericarpio membranaceo tricapsulari, ut plurimum rotundo, inclusa, ita ut in singulo loculo modo bina, modo terna foveantur. Flores perfecti uniformes monopetali margine ut plurimum integro, excepto convolvulo pennato, cujus flosculi in quinque lacinas divisi. Ad semina quod attinet, quam longè distent à convolvuli seminibus, pericarpio membranaceo tricapsulari ut plurimum rotundo inclusis, patet, cum ex Marggravii & Pisonis delineatione in summitate pediculi inter IV. superiora foliola granum proveniat magnitudine pisi parvi, figuræ ovalis, interius viride, hinc rubrum. Ad Flores quod attinet, ut plurimum in convolvulis uniformes, monopetali, & secundum *Cl. Rajum* campanulati, margine integro & plerumque reflexo; Caapebæ flos vero octo ex descriptione Marggraviana foliis constat, è quibus IV. superius apposita sunt parva subrotunda: his substat amplum subrotundum: adhuc magis inferius tria parva alternatim posita, quæ heteroclitæ florum in Caapeba figura ab omnibus planè convolvulorum speciebus abluunt. Plura & uberiora de convolvulorum differentiis & gytorum dextrorsum & sinistrorsum se torquentium structura nosse qui cupit, perlegat quæso eruditissimam & omni curiositate scatentem *Helmstadiensium Mathematici, Clar. Dn. Wagneri, Dissert. de Gyris convolvulorum An. 1705.* habitam.

Nihil igitur Caapeba cum convolvulis commune habebit, quippe floribus & semine ab hac classe desciscit, præterquam quod caulibus scandat & repat. Ab *Illustri Rajo* Caapeba inter plantas anomalas refertur, & tandem definitur, quod sit: *Convolvulus Brasiliensis flore octopetalo, monococco*, Oper. Botan. Tom. II. Libr. 28. l. c. 3. cap. 2. p. 1331.

Reverendus *P. Plumier, Ordinis Minimorum Provinciae & apud Insulas Americanas Botanicus Regius*, qui tribus diversis temporibus hanc olim Orbis incogniti partem Botanici studii amore adiit, in Tractat. de Novis Plantarum Generibus hanc plantam tanquam incertam peculiari classi novoque generi inserit, tres Caapebæ species recensendo. Sed cum hoc Caapebæ novum genus tantum distet à Pisoniana & Marggraviana hætenus recensita descriptione Caapebæ, quantum æra lupinis distat, non amplius animum subit admiratio, cur *Celeberrimus D. Hans Sloane, Botanicæ gloriæ nulli secundus, quondam Ducis Albemariæ, Insula Jamaica Gubernatoris Medicus*, in Catalogo Plantarum Insulae Jamaica, sive Prodromo historiae naturalis prædictæ Insulae Part. I. p. 85. anceps hæreat, an clematis baccifera glabra & villosa rotundo

& umbilicato folio Rev. *P. Plumier*, sit una eademque ac Caapeba Pisonis & Marggravi?

Ut res clarior evadat, lucis & litis gratia, si pote, decidendæ, consultum duxi *B. L. oculis & menti Plumerianam* Caapebæ descriptionem objicere. Sic autem ille dans la description des plantes de l'Amerique: Cette plante couvre toutes les bayes par ses sarment, qui sont menues, souples, ronds, unis, & qui poussent alternativement à chaque nœud, (qui sont assez proches les uns des autres) une feuille & rarement deux; ces feuilles sont presque ronds, & quelquefois de la figure d'un cœur émoussé: elles ne sont pas attachées à leurs pedicules immédiatement par le bord, mais un peu plus par dessous le dos; leur grandeur est indéterminée; il y en a qui sont grandes, comme la paume de la main, & d'autres beaucoup moindres: elles ont quelques nervures tant soit peu eslevées, qui sortant de l'insertion du pedicule s'étendent de la & de ça par la feuille: enfin elles ont beaucoup de rapport aux feuilles de l'Aristolochie ronde, tant par leur figure, que par leur consistance.

On en trouve de deux especes, l'une est tout à fait lisse, & c'est la plus fréquente, l'autre a ces feuilles cotoneuses & blanchâtres, mais elle est plus rare; on peut y ajouter une troisième especie, que j'ay souvent remarquée dans l'Isle St. Dominique, dont les feuilles sont attachées immédiatement à leurs pedicules par le bord. Les unes & les autres poussent des branches fort menues du même endroit d'où sortent les feuilles: elles ont environ demie pied de long, & sont couvertes des feuilles beaucoup plus petites, que les premiers, qui s'entrecouvrent souvent les uns les autres, & composent comme la Cheute d'un feston. Du fond de chacune des ses feuilles il en sort une petite grappe de fleurs blanches, fort menues & composées de quatre petites feuilles pointuës; après qu'elles sont passées, il y vient des bayes rouges comme du Corail, & grosse comme la semence de l'orobe; on le prendroit pour des bayes de nos Cheuresfeuilles, car elles en ont la grosseur, la couleur, & la consistance, & elles pendent en bas en façon des petites grappes. On appelle cette plante dans nos Antilles, & particulièrement dans la Martinique Liane de serpent, à cause de la grand vertu, qu'elle a pour guerir les morsures des serpents, & parceque le contour de ses feuilles représentent le plan de la teste ces animaux. C'est la Caapeba des Brasiliens l'Erva di nostra Senora, herbe de nôtre Dame, Cipode Cobras de Portugais de Marggrave livr. 1. chap. 18. Latine ferme sic efferrî posset: Planta hæc omnes „ penè sepes sarmentis suis tenuibus, flexilibus, „ rotundis, conjunctis tegit quasi & occultat: „ quæ sarmenta per alternas vices ad nodos sibi „ invicem satis cotiguos folium, raro duo „ protrudunt: hæc folia rotunda fermè, sæpius „ ad figuram cordis rerusi accedunt & pediculis „ proxime non per foliorum extremitates, sed „ paululum infra dorsum connectuntur. Magni- „ tudo



TAB. X










*Couolulus Monococcus Virginianus.*









„tudo foliorum non sibi semper respondet, cum  
„palmæ manus magnitudinem sæpe attingat,  
„longè minora alia. Nervulos paululum ele-  
„vatos habent, qui ex pediculi implicatione  
„prodeuntes hinc inde per folium sese exten-  
„dunt, ita ut ratione figuræ & consistentiæ pluri-  
„mum ad Aristolochiæ rotundæ folia acce-  
„dant.

„Binæ repertu dantur species, una planè gla-  
„bra, quæ frequentior occurrit, altera foliis la-  
„nuginosis & albicantibus gaudet, quæ rarior;  
„hisce duabus quoque tertia conjungenda,  
„quam sæpius in Insula St. Dominici reperi, cu-  
„jus folia per extremitatem & foliorum oram  
„proximè pediculis connexa. Utraque ramuseu-  
„los, ex eodem, quo folia progerminant, loco,  
„emittit, dimidii pedis longitudine, minoribus  
„foliis, quam priora coopertos, quæ foliola  
„se mutuo contegunt & pendentem encarpum  
„oculis exhibent: ad extremitates horum fo-  
„liorum parvulæ quasi uvæ, ex flosculis albican-  
„tibus, tetrapetalis, acutis constantes pro-  
„deunt: his deciduis baccæ rubræ corallium  
„æmulantes, magnitudine seminis orobi suc-  
„cedunt; pro caprifolii nostri baccis quis sume-  
„ret, cum crassitie, colore, & consistentiâ vix  
„discrepent, & parvarum uvarum instar pro-  
„pendeant.

„Infulis nostris Antillarum, præcipuè incolis  
„Insulæ Martinique, Liane de serpent audit, ob  
„eximias, quas in moribus serpentum suppedi-  
„tat, vires, & quod ambitus foliorum serpenti-  
„no haud dissimilis sit capiti. Hæc planta Caa-  
„peba est Brasiliensium Erva de nostra Senora,  
„herba divæ Virginis, Cipo de Cobras Lusita-  
„norum Marggravii Libr. I. c. 13.

In Tractatu de novis Plantarum Americana-  
rum generibus pag. 33. ulterius Rev. P. Plumier  
progreditur & distincte characterem generis ex  
florum & fructuum constitutione sequenti de-  
scriptione & schemate exhibet:

*Caapeba* (scribit) est *Planta* genus flore rosa-  
ceo, quatuor scil. petalis in orbem positis constante,  
sed sterili, è cujus medio surgit pistillum C. planum,  
orbiculare & umbilicatum. Embryones autem D. in  
eadem planta à floribus separati nascuntur, abeunt-  
que deinde in baccam E. mollem, sphericam, & se-  
mine factam F. rugoso D.

*Caapeba* species sunt (1.) *Caapeba* folio orbicula-  
ri, & umbilicato levi. (2.) *Caapeba* folio orbiculati  
umbilicato tomentoso. (3.) *Caapeba* folio orbiculati  
non umbilicato. Hactenus Plumerius. Hæc si  
probe cum Marggraviana & Pisoniana *Caapebæ*  
descriptione conciliare aliquis posset, certe  
μὲν αὖτις (ut cum Ascræo vate in Theogon. di-  
cam) ἐπισαμένως καταπύσει, magnam litem scien-  
ter sedabit.

Excellentissimus quoque Plukenetius, quem  
Indicas naturæ Gazas plenis calathis inferentem  
universa stupet Europa, in Almagest. Botanic.  
pag. 114. quaerit: *An convolvulus Americanus sub*

*Jalapie nomine receptus, non sit convolvulus Co-  
lubrinus Pisonis Caapeba? sive convolvulus Bra-  
siliensis flore octopetalo monococco Raji? Figuram,  
quam in Phytognom. Tab. 25. Fig. 1. exhibet,  
B. L. oculis hic subjicio, una cum convolvulo mo-  
nococco Virginiano D. Banisteri, quem haud dissi-  
mitem credit, ex Phytognom. Plukenet. Tab.  
166. Fig. 4.*

Quod si viri hoc in studio consummatissi-  
mi, & penes quos Dictatorum auctoritas, hic  
suspendant iudicium, neque certi quid circa has  
plantas determinare audeant, extremæ esset a-  
mentix & temeritatis, si ego iudicem hac in re  
abstrusissima agere vellem, ubi mera ἀνταγωγία  
regnat:

— — — *Quid enim contendat hirundo*

*Cycnis? aut quidnam tremulis facere artibus hadi  
Consimili in cursu possint, ac forti equis vis.*

Plumerianam *Caapebæ* descriptionem examini  
subjiciens Amicorum certissimus, Dn. D. Volka-  
mer, Botanici studii, si quis alius, scientissimus,  
Ariadnæum ex hoc labyrintho filum præbuit,  
eam *Bryonia* & *Smilaci asperæ* affinem pronuntian-  
do. Utraque enim herba scandens baccifera, se-  
mine incerti numeri, pericarpio carnosio rotun-  
do, seu baccæ incluso, flores in *Bryonia* per-  
fecti, monopetali quadrifariam vel quinquefa-  
riam divisi, in *Smilace* autem aspera hexapetali  
in racemulos congesti, radice in *Smilace* sar-  
mentosâ. Hæc omnia si cum delineatione Plu-  
meriana conferantur, manifesta sunt, omnium-  
que oculis exposita patent; latet autem illud,  
quod in Pisoniana & Marggraviana *Caapebæ*  
descriptione desideratur, ut certæ quoque classi  
possit inferri, & cum Plumeriana conciliari.

Ego, quod hic amplius addam, nil habeo,  
nisi illud Rev. Nierenbergii Histor. natur. pag. 16:  
Nunquam ita patuit natura ut hodie, tantum  
dimidius vultus antiquis est visus, & velut ex  
obliquo respectus, nunc ex integro & ex directo  
ostenditur. Cum novo Orbe nova spectacula ex-  
hibuit, & se aut alteram aut diversam. Nemo ta-  
men integram hæcenus contemplatus est. Hinc  
omnes Senecæ subscribimus: multum adhuc o-  
peris restat, multumque restabit, nec ulli nato  
post mille secula præcludetur occasio aliquid  
adjiciendi.

Restat, ut de *Inventore radice* hujus nostræ  
paucula annectamus. Equidem quis Europæ  
nostræ notitiam ejus primus dederit ἱππὸ ζέφου,  
norit Jupiter. Nullus dubito, quin Lusitani, Bra-  
siliæ Domini, hanc radicem una cum aliis naturæ  
Cimeliis primitus in patriam asportarint, id quod  
Pometus tamen Mexicanæ regioni vindicat. Gal-  
liam hac Brasiliæ alumna ditavit, à Lusitanica Le-  
gatione redux, Illustrissimus Amelotius, Christia-  
nissimi ad Lusitaniæ Regem Orator; discimus  
hoc ex Dn. Pometo, qui & hoc addit, quis  
agris in Gallia primus hanc radicem exhibu-  
erit: *Ce premier, qui a apporté cette racine à Pa-  
ris, à esté Mr. Amelot, Ambassadeur de Portugal,*



Et apres luy Mr. Tournefort, qui m'a donné un morçau, depuis que Mr. Amelot en a apporté à Paris, Mr. Thevard, Medecin de la Faculte, & quelque autres l'ont mise en usage, comme un remede spécifique pour la guerison de la pierre; les Portugais ont este les premier, qui l'ont apporté de Mexique, h. e. Primus, qui Lutetiam Parisiorum attulit, Dn. Amelotius erat, Legatus ad Regem Lusitaniæ, post illum Dn. Tournefortius, qui frustum radicis mihi dono dedit. Ab eo temporis tractu, quo radicem hanc Lutetiam detulit Dn. Amelotius, Dn. Thevardius, Facultatis Parisinæ Medicus, aliique in usum pharmaceuticum prodixerunt, instar remedii ad calculum profligandum specifici. Lusitani primi erant, qui ex Mexicano solo attulerunt. Cl. Helvetius, Aurelianensis Ducis Medicus, edito libello Gallice inscripto: *Traité de maladies, les plus fréquentes, & des Remedes spécifiques pour les guerir*, Parreiræ nostræ aliquoties cum laude meminit. Hinc factum est, ut ob hujus radicis & lapidis porcini (piedra del porco) datam notitiam Cl. Eugenius Eybenius in Belgicam transtulerit, Helvetique Parenti, Excell. Dn. D. Joh. Frieder. Helvetio, scriptis Chemicis & Philosophicis literato Orbi notissimo, hanc filii lucubrationem inscripserit. Laudatus hic Helvetius radicem Parreiram bravam à Dn. Pille obtinuit; testes produco seqq. lineolas: *Ce remede m'a este donné par Mr. de Pille, connu dans toute l'Europe pour un homme tres-curieux & tres-savant. Il en a la decouvert, pendant qu'il estoit à la suite de Mr. Amelot, Conseiller d'Etat, Ambassadeur de France in Portugal.* Hoc remedii genus mihi dono oblatum à Dn. de Pille, qui curiosissimi & doctissimi Viri nomen apud Europæos promeruit. Detexit & didicit ejus usum, cum Dn. Amelotium, Consiliarium Status, & Gallicum ad Lusitaniæ Regem Oratorem, sequeretur.

### *Parreiræ Examen & Vires.*

PRiusquam quomodo & qua dosi radix Parreira brava exhibenda, & ad quæ mala averruncanda & depellenda apta sit, inquiremus, necessitas exigit, ut quæ illius sint elementa, quæ principiorum textura, quæ particularum mixtio, quis agendi modus, accuratius indagemus. Et quidem, quæ primo in sensus incurrunt, mox quæ Chymia suppeditat, quæ denique ratio ministrat, exhibenda. Si armato inspiciatur oculo, ea se offerunt, quæ caput præcedens exhibet.

Ad Saporem quod attinet radicis nostræ, ex generalibus jam constat, quod corpuscula sapida gustus & saporis sensum producant, variis figurarum, ex quibus constant, particulis, quæ saliva solutæ linguæ papillas nerveas

pro varietate variæ figuræ pungant: maxime vero salinæ saporum videntur esse causæ. Ex diversitate nunc & modificatione figurarum salinarum diversorum saporum quoque diversitas. Salia omnia videntur angulosis constare particulis: cum tamen anguli sunt minus ac magis acuti, & prout plures anguli simul aut pauciores occurrunt, ita saporum quoque differentia resultant. Polygona enim corpora, multitudine angulorum minus ac magis obtusorum, conjunctione infinita fieri possunt, ceu egregiè Cl. Clericus philosophatur. In radice nostra planè singularem figurarum structuram esse, dulcamarus sive γλυκύπικρος sapor prodit, inter mixtos & compositos recensendus, qui hoc ipso vix determinari potest; licet enim particulæ salinæ sulphureis oleosisque immixtæ meridiana clarus luce se sistant, inque sensus incurrant, qualis tamen præcisè ex ista mixtione oriatur figurarum dispositio, qui dixerit, magnus mihi erit Apollo. Agonizantis in Galliis Cartesianæ Philosophiæ restaurator Pierre Sylvain Regis Libr. VIII. Phys. c. 4. facem ministrare vult & lucem, sed debilem nimis, cum idea, quam de corporibus amaris dulcibusque concipit, rem hanc non solvat, nedum absolvat. Εμοὶ ἐπιανδάνει οὕτως, mihi sic placet: Particulas salinas, sulphure volatili delinitas esse, oleosisque mollibus quasi inviscatas involutasque, ut papillas nerveas & fibrillas tangant quidem, non tamen angant. Quod si plausibilem modum hunc non existimes B. L. cedo mihi vel commodiorem, & viridi tibi caput lauro redimam. Gaudet certè hac facultate Parreira nostra, quam Cous noster desiderat Lib. II. de Diat. c. 31. t. 16. τῶν πικρῶν καὶ δριμύτων γλυκύοισι διακρινῶντα: *Vim amarorum & acrium, dulcium mixtura corrigere oportet.* Ut ita radix Parreira potius amariuscula sit, πικρότης, (quod vocabulum de vino veteri quoque usurpatur) non amara, ob admixtam dulcedinem. Quadrat in nostram radicem illud Claudiani de Nupt. Honor.

*Labuntur gemini fontes, hic dulcis, amarus  
Alter; & infusus corrumpit mella venenis.*

Saporem γλυκύπικρον radici Ginsen sive Ninzin quoque adjudicat nobiliss. Breynius in Dissert. de ead. radice Lugd. Batav. impressa, §. 4. dum scribit: *Sapore pradiata est dulci ad Glycyrrhizam vergente, quamquam longe suaviori, cum amaritie levi occulta, sive leviore vi aromatica linguam blandè excalefaciente conjuncto*

Sic planta Mexicana diuretica Tallantlacuam cuitlapilli, sive cauda parvi Tlacuazin saporem Parreiræ amulatur, ejusdem quoque in pellenda urina & calculis efficaciam, de qua hæc Nardus Antonius Recchus in Rer. Medicar. nov. Hispan. Hist. Libr. VII. cap. 34. habet: *Radix odore insigni caret, sed initio dulcedinem quandam præ se fert Glycyrrhizæ similem, postea vero*

amari-



amaritudinis nonnullum sensum præbet. Parreiræ igitur nostræ sapor non ex illis amaris, de quibus Plutarchus Libr. I. Sympos. quæst. 6. pronuntiat: τῇ γένει πάντων ἐστὶ τῶν χυλῶν ὁ πικρὸς ἀγέστατος. *Gustatu omnium saporum injucundissimus est amarus.* Quamvis & hæc Plutarchi regula insignem patiatur exceptionem; cui enim ignotum in communi usu & jejunorum delitiis esse vinum, quod absinthites nominant, quodque conficiunt immaceratione absinthii, cardui benedicti, centaurei minoris, similium in amaricando potentium. Tantum enim abest, ut hoc amarissimum potionis genus abhorreant, ut potius cum Lena illa vinosissima apud Poëtam exclament:

----- *Salve, anime mi,  
Liberi lepos, ut veteris vetusti cupida sum!  
Nam omnium unguentum odor præ tuo nausea est.  
Tu mihi stacte, tu cinamomum, tu rosa,  
Tu crocum & cassia es, tu bdellium: nam ubi  
Tu profusus, ibi ego me pervelim sepultam.  
Sed cum adhuc naso odos obsecutus es meo,  
Da vicissim meo gutturi gaudium.*

Certe Frisii in hoc potu usque adeo luxuriantur, ut, teste Clariss. Lindenio, in uno diversorio Leonardæ, provinciæ Metropoli, aliquot supra quinquagenos cados fuerint consumpti uno anno: vocat autem cados, quos vulgus Oxhoofden: æstimatur quisque amphoris octoginta. Et quis in absinthio γλυκύπικρον quærat? Testem producimus Cl. Carol. Avantium in elegantissimis in Fieræ Coenam notis pag. 137. seq. *Quamvis absinthium, scribit, vermes strenuè interficiat, & vestimenta à tinearum noxis vindicet: & ipsum tamen aliquando verminare observavi, quod non aliunde, quam ex medulla, quæ dulcis percipitur, provenire existimandum est.*

Succedit gustui radice nostræ Parreiræ bravæ odor. Qualis in recenti vigeat, haud equidem constat: in illis, quas India nobis mittit, nullus. Si Pergameni effato fides adhibenda foret, amara planè destituerentur odore; sed huic Galeni asserto opii teter odor, absinthii & aloës effluvia, & caput & nares ferientia, reclamant & contradicunt. Ut myrrham silentio transcam, quæ ob odoris fragrantiam aromatibus adscribitur. Vid. Plinium, Dionys. Perieg. aliosque, quos citat ævi sui Phoenix, Belgarum decus, in Select. Med. Diff. pag. 308. 309. seqq. Quod si plando calori admoveatur radix, exhalat odorem, non mephitim quidem empyreumaticam, sed naribus blandientem, liquiritiæ quoque æmulam.

Hæc sensibus externis obvia. Ad alia nunc progrediendum, & quæ ars illa, corporum naturarum partes, ignis plerumque auxilio, vel segregatas conjungens, vel conjunctas segregans, (ceu Chemiam definit ingeniosissimus Anglus, Joh. Freind in prælect. Chem. p. m. 8.) suppeditat, exhibenda. Optandum equidem, ut hæc per ignem analysis vera foret & genuina corporum in simplicissi-

ma, & principia primo-prima (sic in scholis loquuntur) resolutio; aut potius Vulcanio hoc adminiculo, accedente rapidissimo particularum motu, rerum formæ planè destruuntur, textura immutatur, partium situs & structura disgregatur, novumque quid emergit, plane à pristino abludens. Accedit insuper hoc, quod ad chymica illa principia reduci haud queant omnia phænomena, cum ipsissima illa principia nimium quantum inter se discrepent & pugnent, quippe utcunque inter acidum & alcali ferveat mortale odium, aliquanto tamen alterutrum, suo etiam generi non minus irascitur. Acida enim cum acidis, & alcalia cum alcalinis bellum intestinum gerunt; quodque cum uno corpore comparatum alcali audit, mox si ad alterum conferatur, acidi titulo insignitur. Ita frustra quærimus limites, quibus utralibet species contineri debeat, ut cum superius citato Cl. Freindio loquamur. Exemplis res evaderet clarior, nisi extra choreas nimium saltare videremur.

Quæ cum ita sint, nemo à nobis hoc exiger aut postulabit, ut in spiritu aliquo aut sale volatili, è radice nostra per ignem extorquendis, operam simul & multos sumptus temere perdamus. Fecit tamen solertissimus Pharmacopœorum nostrorum, Dn. Dietericus, successu sequenti. Rasuræ radice Parreiræ bravæ unciam semis igni commisit, per retortam destillando: obtinuit spiritus aciduli, empyreuma redolentis, ligni Quajaci & corticis Chinæ Chinæ æmuli, scrupulos quinque: olei empyreumatici foetidi, oleo Tartari non absimilis, ʒi. capitis mortui nigerissimi residui, instar eboris usti, scrupulos sex.

Fluunt ex hac radice Vulcania analysi sequentia notatu digna: 1. Spiritum acidiusculum plane novum ignis productum esse, succedens amaritiei & dulcedini sive mixto saporι γλυκύπικρον, indubium præbens indicium, naturam saporum in certa textura ac particularum mixtura positam esse, quæ per dissociationem ab igneis particulis factam, immutatur, & à priore abludens, aliam ideam saporis imprimit. Spiritus enim Parreiræ bravæ, conchis præparatis affusus, haud levem effervescentiam & motum particularum internum produxit, sulphure inde exhalante naresque feriente; cum tamen in pulvere & infuso exhibita radix sensilem aciditatem vix præ se ferat. Posito tamen non noviter productas per ignem esse has acidiusculas particulas, & radici occulte inexistere, innunt hæc certè temperiem hujus radice, ejusque in calculo debellando efficaciam, cum secundum Excell. D. Stahlum homines calculo obnoxii sint perpetuo habitus corporis sanguinei prædominantis.

2. Spiritus colore suo obscure rubicundo prodit resinosa particularum præpollentiam, quæ vitro quoque sese agglutinantes clare præsentiam latitantis resinæ indicant; quod insuper essentiæ Parreiræ bravæ variis mensuris extractæ, coloris intense rubentis, confirmant.

3. Olei



3. Olei fœtidi copiosa quantitas & Salis Volatil. & resina quoque index; quod si cum sale fixo digeratur loco calido & sua in phiola destilletur, obtinebis Sal Volatile, quod quasi veris; quippe olea destillata nihil aliud sunt quam salia volatilia concentrata, ope cujusdam acidi, secundum Chemicorum regulas.

4. Oleum fœtidum invisum licet naribus & ob exhalantem empyrevmaticam mephitim exosum, ex retorta prodiens crassecebat: firmiter collo, per quod prodibat, adhærens, enchiresi quadam leviuscula, deposito fœtore empyrevmatico, in balsamum vel resinam redigitur, egregie omni resistentem putredini, acrimoniamque falsam involventem.

5. Ex capite mortuo nigerrimo porosissimo, in quo radii lucis penitus suffocantur, haud difficile erit sal quoque fixum elicere. Hoc tamen probè notandum, neque salia, neque ol. fœtidum, neque spiritum, neque extractum vires tantas exserere, quantas radix porrigit, digito quasi monstrante viam radicem Parreiram agere tota substantia, uti in Scholis Galenicorum loqui amant, de quibus mox fusius.

Licet enim non affirmare auserim, cum Veteribus, dari remedia certæ cuidam parti vel visceri tantummodo dicata, cum id circulationi sanguinis repugnet: non tamen hoc negandum putarim, extare medicamenta, quæ huic vel illi parti corporis magis vel minus amica sint, cum hoc dependeat à variâ & diversa partium solidarum structurâ, tam quoad poros intro foras & foras intro spectantes, quam quoad stamina & fibrillas, ex quibus constant & contextæ sunt, itemque quoad fluida in illis circulantiâ & fluentia; & hinc quoque medicamenta diversos edere in partibus diversis effectus quis ambiget? Hanc vim specificam veteres temperiem dixere, recentiores crasin, texturam, à varia particularum modificatione dependentem, sive à figurarum varietate. Nemo hoc hodie ferme negat, nec Antiquitas negavit. Sic enim sentit Hippocrates,

- - - - à quo, seu fonte perenni,

*Cuncta Machaoniæ arva rigantur aquis*

Δὲν δὲ μοι δοκεῖ καὶ ταῦτ' εἰδέναι, ὅσα τῷ ἀνθρώπῳ παθήματα ἀπὸ δυνάμεων ἐρχεται, καὶ ὅσα ἀπὸ σχημάτων. Λέγω διὰ τὸ τοῦτο, δυνάμιν μὲν εἶναι, τῶν χυμῶν τὰς ἀκρότητας τε καὶ ἰσχύς. Σχήματα δὲ λέγω, ὅσα ἐνεσιν ἐν τῷ ἀνθρώπῳ. Oportere autem mihi videtur & hoc novisse, qui affectus hominis à facultatibus veniant, & qui à figuris. Quod dico, hoc est: Facultatem scilicet esse humorum summas vires. Figuras vero intelligo, quæ insunt in homine Libr. de vet. Med. XXXIX. 146. Exemplis deinde aliquot dilucidata hac propositione, tandem concludit t. XL. 157. f. ταῦτα δὲ πάσχει διὰ τὴν φύσιν τῆς γήματος. Hac vero patitur ob naturam figura.

Naturæ solertissimus Mystes Plinius Libr.

XXII. v. 24. sequentibus eandem rem exprimit verbis: *Est & ratio subtilitatis immensa à Platone descendens: corpusculis rerum levibus, scabris, angulosis, rotundis, magis aut minus ad aliorum naturam accedentibus: ideo non eadem omnibus amara aut dulcia esse.* Videmus sic quam blande Veteres conspirent cum recentioribus. Hoc vero opus, hic labor erit, particularum inter se coordinatarum minimarum dispositionem & nexum velle eruere, eorumque numerum, proportionemque inter se determinare ad amissim, quæ ob exilitatem suam nostrorum effugiunt qualemcunque sensuum aciem, hoc, inquam, artis opus, in quo tantum votis locus, labor omnis hucusque irritus, perscrutatio manca, mutilaque. Ad internum igitur principium, formam, vel ideam formalem, vel formam idealem recurrere si quis velit, libet licet. Οὐ κρινόμεναι τῶν δὲ σοιτὰ πλείονα: ut cum Euripide loquar in Medea. Simus contenti, quid sensiles facultates hac de specifica virtute & efficacia radice nostræ nobis manifestant, & per Chemicam analysin illustrent. Quicquid igitur in omnibus renum & vesicæ affectibus auxilii porrigit, quicquid in hydropre præstat, quicquid virium aliis in morbis leniendis ministrat, seu optimum diureticum, hoc peragit *partim particulis suis salinis, tam volatilibus quam fixis*, quibus (1) glandulas & siphunculos renales fistulososque tubulos, per quos tanquam minutissima filtra & spongiolas urina secerni debet, materia tenaci viscosaque infarctas & angustatas incidenti vi aperiunt, abstergunt, urinaque separationem promovent. (2) Fermentum renum fracidum, acrimonia volatili urinosa destitutum & plane iners, disponunt ad promovendam copiosior separationem, quod in cachecticis dispositionibus, imprimis vero illa hydropis specie, quæ teste Nobiliss. Dn. ab Helmont, renum vitio contingit, in quibus urina fuit pauca, licet ægroti multum potent, fieri solet, hoc in affectu particulæ salinæ radice nostræ ad urinæ exercitationem stimulant, & partes heterogeneas sanguinis evehunt. (3) Dum aquæ ductus illi, qui ad colligendum aquas, tota domo defluentes, & demittendum in vesicam, velut in cisternam, destinati sunt, (uteteres innuo,) vel ex una parte, materia tenaci viscidaque quoque turgidi infarctique sint, ut debito officio fungi haud queant, viscidam materiam fundendo, aperiendoque & ad vesicam præcipitando, has vias iterum permeabiles reddunt. Quis non in miram hanc particularum salinarum radice nostræ vim diureticam sequenti Epigrammate ludat, illamque loquentem quasi introducat?

*Sapius obstructis renum canalibus arctis*

*Ad fontes refluunt flumina salsa suos.*

*Prodigium infelix! vicinis undique membris*

*Turbatur totis & trepidatur agris,*

*Quæ*



*Quid vos ignave, (sic increpo) sistitis unda?  
Mecum ite, en vobis rumpere claustra paro.  
Rumpo, patent; notusque suas vehit alveus undas,  
Latantur magno membra levata manu.*

(4.) Spiritum porro dictum Gorgonium,  
qui saxea reddit

*Corpora, qui totis inducit marmora rebus,*  
in renibus stabulantem, arenulasque & sabu-  
lum cum muco viscido compingentem inque  
lapidem coagulantem & efformantem, salina  
quoque Parreiræ particulæ destruunt, & ulte-  
riori calculorum genesi obicem ponunt.

Vidimus efficaciam *salinarum*: nunc quid  
*sulphureis, oleosis, balsamicis, mollibus, dulcibus,*  
*resinosis, glutinosis particulis* agat & præstet, exa-  
mini subjiciemus. His (1.) salia acria, inprimis  
falsa, involvit & destruit; præsentem quippe cal-  
culo urina acrior evadit & falsior, hinc crista-  
tiones & dolorificos meatuum spasmos, eo-  
rumque angustias inde productas abigit, ut  
soluta cristatione ad debitam amplitudinem  
viæ antea arctatæ redeant: id quod veteres la-  
xare & lubricare vias calculoque viam parare  
dixerunt; inprimis (2.) particulæ dulces mol-  
lesque & resinosa, amaris immixta, aptæ na-  
tæ sunt ad falsedinem urinæ temperandam:  
quid enim salivæ quoque falsedinem magis  
corrigit, quam liquiritia, passulæ &c. Acce-  
dit, quod dulcia semper habeant quandam  
*γλυκύτητα* & viscedinem, ob intimiorum parti-  
cularum sulphurearum nexum & cohesionem,  
quibus simul abstergunt & lubricant, ac parti-  
culas salinas involvunt, inviscant, doloresque  
demulcent, anodynique vices supplent: non  
abfimili modo ac Gummi Arabicum, quod  
ceu præsentaneum in calculi doloribus reme-  
dium. Curiosiss. & Rever. P. Boccone com-  
mendat.

Ut taceam vi quadam specifica, quæ à  
nobis determinari nequit, hanc quoque Par-  
reiram nostram in comminuendo calculo effi-  
caciā suā exerere, cum & menstrua pro-  
stent omni corrosivo destituta sapore, imo  
plane insipida, quæ succis corporis nostri ad-  
mixta, & circulationis lege renibus ingesta  
promte in calculos renales irrumpere, eos ag-  
gredi, massamque coagmentatam, inque lapi-  
deam duritiem concretam diffringere & com-  
minuere possunt, haud aliter ac

*Gutta cavat lapidem, non vi, sed sæpe cadendo.*

Ubi tamen non negandum, optatum certè me-  
dicamentorum horum lithontripticorum in-  
sipidorum successum ut plurimum à lapidis  
qualitate dependere: quod si tophaceum re-  
pererint, feliciorē certe effectum expectabis,  
quam in siliceo. Congessit hanc circa mate-  
riam plurima, apud alios plane non reperiun-  
da & intacta, omnigenæ eruditionis abyssus  
Cl. Salmasius, seculi miraculum, in interpre-  
tat. Aphorism. Hippocrat. 79. sect. 4. de Cal-

culo. Inter remedia illa lithontriptica non cor-  
rosiva ac pene insipida choream ducit pulvis  
Nephriticus Magnifici quondam Præsidis Aca-  
demix nostræ, *ῥῶν ἐν ἀγίοις*, Volkameri. Timæa-  
num porro in calculo evporiston, & succus  
Betulæ, quorum virtutem in comminuendo  
calculo si quis negare velit, experientiam tot  
Excellentissimorum Practicorum habebit con-  
tradicentem. Meminisse quoque juvabit li-  
quoris illius (cujus Generosiss. Dn. Boyle Tract.  
de Specif. remed. cum corpuscul. philosoph.  
prop. i. mentionem injecit) adeo debilis, ut in-  
tegrum etiam ejus poculum absque noxa ebi-  
bi possit, & nihilo secius in durissima corpora,  
ut lapides, imo metalla quoque, fortiori modo  
agat, quam ipsa menstrua corrosiva. Eundem  
effectum expectes in calculo ex infuso lapidis  
Hispanicè dicti *Pedra quadrata*, à Nephritico la-  
pide planè diverso, effluviis haud sensibilibus  
imprægnato, cujus notitiam sequenti optata  
occasione obtinui.

Cum *Invictissimus noster Imperator, Hispaniarum & Indiarum Monarcha, Dominus noster omnium Clementissimus, CAROLUS* ordine  
*Cesarum SEXTUS, rebus gestis MAGNUS, Virtutibus Christiano Principe dignissimis MAXI-*  
*MUS, quem DEUS nobis servet, sospi-*  
*tet, tueatur, triumphisque cumulet!*  
post Coronam Francofurti Ipsius sacro Ca-  
piti impositam, factamque Imperii inaugura-  
tionem nuper Urbem nostram inter lætissimos  
applausus & ardentissima vota transfret, ac in-  
clytum Senatum civesque jurejurando in fi-  
dem reciperet, obtigit, ut Illius *Machaonem*  
*fidissimum* & in prosperis æque ac adversis  
per terræ marisque tractus individuum comi-  
tem adire, ejusque mihi favorem conciliare  
licuerit. Est is *Vir Excellentissimus Dn. D. VA-*  
*CKIUS, Sac. Cesar. Majest. Consiliarius & Per-*  
*sonæ Sac. Medicorum Princeps*, qui inter alia  
luculenta satis humanitatis & benevolentix  
erga me documenta retulit; sibi in Hispania  
calculi doloribus excruciato, aliis nihil profi-  
cientibus, hoc ex remedio, *Pedra nempe qua-*  
*drata*, paratum *insusum* profuisse, dolores se-  
dasse, calculumque eliminasse. In Ephemer-  
idibus Venetis *Galleria di Minerva inscriptis*  
Tom. V. part. X. p. m. 271. mentio etiam fit la-  
pidis, cui Excell. Hector à Valle nomen *Pie-*  
*tra Quadra* imposuit, vires ejus in partu diffi-  
cili, fœtūque mortuo expellendo his verbis re-  
censens: *Diedi in acqua d'Artemisia e Melissa la*  
*infusione della detta Pietra Sfregolata, ad un Gen-*  
*tildonna, che soleva stentare sino alle Agonie in par-*  
*torire, e partori felicemente. Ad altre due la diedi*  
*in acqua di Gigli bianchi, e di dittamo Cretico con*  
*, evento fortunato: i. e. Exhibui in infuso aquæ*  
*, Artemisix & Melissæ dictum lapidem com-*  
*, minutum (de pedra quadra illi sermo) fœmi-*  
*na cui-*



„næ cuidam nobili, partus doloribus agonizan-  
 „ti, quæ feliciter in dias luminis auras foetum  
 „protulit. Aliis duabus in aqua liliorum albo-  
 „rum & dictamni Cretici dedi, felici cum suc-  
 „cessu. Ut alia omni corrosiva vi destituta Li-  
 „thontriplica silentio præteream.

Posuimus his hætenus adductis, uti spero,  
 fundamentum, quod vera ratio & experientia  
 non refellet, cuique plurimi effectus radicis  
 nostræ laudatissimi, quos in Praxi promit & pro-  
 dit, possunt inædificari. Hæc enim specialissi-  
 ma vis diuretica in nostra latens radice tot ac  
 tantis aliis palmam præripit. Nihil enim apud  
 Practicos frequentius reperies, quam cautelas  
 & querelas de diureticis in omnibus renum &  
 vesicæ morbis sæpius infauiste exhibitis; dum  
 enim morbum tollere debent, potius ægrum  
 tollunt, dolores inflammationesque sæpius au-  
 gent & inducunt. Nil hujus à temperatissima  
 radicis nostræ crasi metuendum. Consentien-  
 tem habemus Dn. Helvetium: *On a jusqu'icy  
 emplié un grand nombr de remedes contre les  
 Maladies des Reins & de la Vessie; les diureti-  
 ques sont ceux que l'on a le plus mis en usage: mais  
 l'experience a fait voir, que dans beaucoup d'oc-  
 casions ils ont esté plus nuisibles qu'utiles.  
 Ils ont causé quelquefois des desordres assez fa-  
 cheux, pour faire apprehender, de s'en servir en  
 toutes rencontres, parce que chariant trop de ma-  
 tieres à la fois, & precipitant trop abondamment les  
 urines, il causoient des suppressions entieres & des  
 douleurs extrêmes & continuelles. Cependant on  
 estoit souvent obligé de tenter ce secours malgré,  
 qu'on n'en eût, parce qu'on n'en connoissoit pas de  
 meilleur: mais depuis peu d'années qu'on a décou-  
 vert l'usage de la Racine de Parera brava, on  
 n'est plus dans le même embarras. Ce remede n'est  
 point sujet a des pareils inconveniens, c'est un speci-  
 fique contre toutes les maladies des Reins & de la  
 Vessie qui sont curables. Il agit avec tant de dou-  
 ceur, qu'il n'y a point d'occasion où l'on ne puisse l'  
 employer sans en craindre de mauvaises suites; &  
 on peut comparer ses effets aux effets spécifiques du  
 Quinquina, de l'Hypecacuana, & de l'Alun. J'ai  
 vu de malades, qui apres en avoir usé, ont rendu de  
 pierres grosses comme des olives & se sont par là  
 garantis de la Taille; cependant cet effet n'est pas  
 toujours certain, il réussit aux uns & ne réussit pas  
 „aux autres. i. e. Varia hucusque ad debellan-  
 „dos renum & vesicæ morbos adhibita fuere  
 „remedia, ex quibus diuretica in frequentio-  
 „rem protracta usum: sed experientia rerum  
 „magistra docuit, in plurimis casibus plus no-  
 „cuisse illa, quam profuisse. Sæpius enim an-  
 „sam præbuere funestis symptomatibus, ut cau-  
 „tius mercari didicerint Practici, semper & ubi-  
 „que illa exhibere ægris, materiam quippe pec-  
 „cantem simul & semel eliminando, urinam  
 „que copiosius justò præcipitando omnigenam  
 „suppressionem, doloresque intensissimos con-  
 „tinuosque produxerunt. Interim defectu me-*

„liorum his auxiliis uti coacti fuerunt, usque  
 „dum ab annis non multis radicis Parreiræ  
 „bravæ introducto & patefacto usu huic ob-  
 „viam itum difficultari. Hoc enim remedium  
 „similibus & recensitis incommodis caret, speci-  
 „ficum quippe in omnibus renum & vesicæ mor-  
 „bis, qui curam admittunt, pharmacum. Tam  
 „blande, tam leniter virtutē & vires suas promit,  
 „ut nulla planè se offerat occasio morbi, cui sine  
 „ullo metu ac hæsitantia non exhiberi possit.  
 „Effectus, quos exerit laudatissimos, effectibus  
 „specificis Chinæ Chinæ, Hypecacuanhæ & Alu-  
 „minis per quam similes sunt. Visui sese ob-  
 „tulerunt ægroti, qui post usum hujus radicis,  
 „lapides magnitudine olivarum fructus æquan-  
 „tes, excreverunt, ab imminente sectione cal-  
 „culi immunes sic reddit. Non idem tamen  
 „semper effectus, cum huic individuo citius me-  
 „deatur, quam alteri. Eandem sententiam fo-  
 „vent Duumviri Brasiliensis Historiæ, Piso &  
 „Marggravius; ille Histor. Brasil. de Facult. simp-  
 „plic. Libr. IV. p. 95. *Renum, ureterum & vesicæ  
 obstructionibus medetur. Usque adeo calculi ex-  
 pellit materiam, ut Magnates Lusitani aliud nul-  
 lum medicamentum huic prætulerint. Addit edit.  
 secund. p. 312. Radices imprimis illæ, quæ jam  
 plane adoleverunt, humoribus serosis morvendis &  
 calculis frangendis dicata sunt: quæ vero primo na-  
 ta frondes & sarmenta, morsibus serpentum meden-  
 tur. Hic vero Histor. Plantat. Brasil. Libr. I. c. 13.  
 Radix contra calculum excellentissima, & est illa,  
 quam Lusitanus dabat Dn. van der Dussen optimo  
 successu.*

### *Parreiræ Usus, Præparata & Dosis.*

**P**ERlustratis Parreiræ bravæ viribus, indigitato-  
 que agendi modo, ac explicata facultate, su-  
 perest, ut qua medicamentorum forma, quo ap-  
 paratu, qua dosi, commode exhibeatur, aliisque  
 aggregetur medicamentis, nunc exhibeamus.  
 Modum, quo in Brasiliâ Lusitaniâque ægris  
 porrigunt, Dn. Helvetius, dans la *Traité des Ma-  
 lades les plus fréquentes, & des remedes specifi-  
 ques pour les guerir* &c. p. 96. sistit sequentibus  
 verbis: *La maniere de s'en servir dans le Bre-  
 sil & en Portugal, est de faire bouillir une once de  
 cette racine batue & effilée, avec un gros de Sel  
 Ammoniac, dans une Pinte d'eau. Lors qu'elle a  
 fait cinq ou six bouillons; on la retire du feu, &  
 on la laisse infuser jusqu'à ce qu'elle soit froide.  
 On passe la liqueur, & le malade en boit ensuite un  
 verre de quatre heures en quatre heures: on en  
 peut donner aussi en substance: h. e. Modus, qui  
 hoc remedio in Brasilia Lusitaniaque utuntur, hic  
 est. Radicis Parreira contusa unciam unam, cum  
 sale Armon. drachma, in mensura aqua decoquant  
 cum aliquoties ebullierit, ab igne remonent, & ul-  
 teriori extractioni, frigori que exponunt. Biba  
 de hoc filtrato liquore hanstum, singulis quatuor  
 horis repetendo. In substantia quoque exhibetu*  
 radia



*radix.* Subjungimus Helvetio Cl. Pisonem de Facult. simpl. Libr. IV. c. 54. p. 95. Edit. I. *Radix in taleblas secta, perque aliquot dies sub dio in liquido convenienti macerata, vim suam illi communicabat, nec ingrato adeo sapore aut cerevisiam, aut vinum, quo diluitur, imbuat, quin potus ordinarii loco agri illo utuntur, quod renum, ureterum & vesicæ obstructionibus medeatur. Usque adeo calculi expellit materiem, ut Magnates Lusitani aliud nullum medicamentum huic prætulerint.*

Cum hodie omnibus ferè *ἰσχυροπορία* familiaris, plurimique in Thée illo Sinensi & delicias & sanitatem venentur, radiosque fastidiant decocta, hanc radicem Parreiram, foliis Acmellæ maritatem, vel speciebus decocti Nephritici Foresti, à Zwelfero correctis, immixtam, summo exhibui emolumento: nec facti fere poenituit unquam, cum inexpugnabiles calculi dolores, evacuatis aliquot Thée hujus speciei calicibus, domitos sæpe viderim. Ratio in promptu: quippe particularum motum exagrans calor mediante aqua, devicta ejus cruditate, non tantum vires specierum, quibus superinfusa, mobiliore adque extractionem aptiores arripit sibi que associat, sed etiam corporis humoribus immixtas, lege circulationis, ad obstructiones defert, calore blando eo facilius feliciusque referat, viscidum resolvit, acrimoniam temperat, & per vias debitas eliminat. Velim tamen in delectu Acmellæ vel *Chrysanthemi Bidentis*, sive *Bidentis Zeilanici fl. lutei lamii folio*, (cujus figuram elegantissimamque descriptionem & vires Cl. Dn. Breynius in *Dissert. Botanico-Medica de Radice Gin-Sem & Acmella* exhibet) caute quis se gerat, cum & pretio & viribus nimium differant.

Cum dolores calculi sæpius adstrictam alvum comitem habeant, decantatissimum illud *Linum Catharticum*, quod nunc Curiosorum Practicorum animos allicit, huic radici admixtum, & instar Thée speciei, infusi æmuli exhibitum, indicationibus satisfacit omnibus.

Quod *Linum illud Catharticum* concernit, *ἡ ἐν τῷ ὄρει* vocatur ab Anglis Millemountain, esse Meretto in Pinace, & videtur esse Chamænum Clusii, vel linum pumilum Bauhini; & parvitate sua floribus albis exiguis, vasculis linianiculatis, & vi cathartica abunde ab aliis liliis distinguitur, scē. Excell. Rajum in *Synops. method. Stirp. Britann.* pag. 221. Sam. Dale *Supplem. Pharmacolog.* p. 211. seqq. & Chabræum, qui sub nomine lini minimi flosculis albis, sive alfinis vernæ glabræ, describit: *Stirp. Sciagraph.* m. 480.

Quod si ventriculus aquam simplicem aborreat, cerevisiæ incoquatur, vel sola, vel cum *mine Dauci*, quod remedii genus admodum officuum erit. Quod si cum *succo Betula* commentur, & in cerevisia fermententur, medicamentum exurget inde, quo in calculo debellando vix melius ullum. Vid. de *Cerevisia lepto-*

*mera*, ceu optimo calculi prophylactico Illustr. Charleon. diatrib. de Lithias. p. m. 176.

Exhibetur quoque Radix Parreira in substantia, ut loqui amant *ἡ ὑπερβολὴ*, in pulvere subtilissimo, de quo Dn. Helvetius l. c. On en peut donner aussi en substance. La dose est d'un demie gros & de quinze grains de sel Ammoniac, qu'on reitere de quatre heures en quatre heures, jusqu'à ce qu'on soit soulagé. h. e. Etiam in substantia ægris, exhibetur ad drachmam semis, cum quindecim Salis Ammoniaci granis, quod repetitis vicibus post 4. horarum spatium, usque dum æger levamen sentit, fieri solet.

Certè crebriori usu edoctus, Parreira brava hoc cum cortice Chinæ China, ligno Quajaco aliisque vegetabilibus commune habet, ut in simplici pulvere, vel in Infuso & Thée specifico exhibita felicius operetur, quam spiritus acidulus ac oleum empyreumaticum destillatione prodiens, Essentia cum spiritu appropriato alioque menstruo apto, aliaque ex cortice Chinæ Chinæ & Quajaco parata remedia: quod clare innuit, in textura specifica medicamentosam vim harum simplicium consistere: Vid. Excell. Lipsiensium Æsculapius ὁ πᾶν Bohnius, in aurea *Dissert. de Medicamentorum Chymicorum & Galenicorum præpollentia*, §. LXIV. p. 56. Dn. Pomet l' *Histoire generale des Drogues Livres 2. Chap. XIV. pag. 69. pulverem Parreira in vino* exhibet, mane ventriculo vacuo. Loco Salis Armon. quod Dn. Helvetius stimuli loco addit, in nonnullis casibus *Sal amarum catharticum Ebshamense* ex voto substituitur, de quo prolixè egit Clariss. Dn. Nehem. Grew in peculiari de hoc *Sale-amaro cathartico Tract Londin. 1685. impresso* & Dn. Helvetius in libr. sæpius citat. *Traite des Maladies* pag. 80. Si conjecturæ experimentisque locus, ac non ex aquis lacus Ceicensis in Moravia, tanto infectis amarore, quantus in gentiana & felle animalium vix repertu datur, sal hoc æmulum sali Angliæ Ebshamensi parari possit, curiosi regionis istius indagandum relinquo. Adeo enim nitro scatet, ut ex *ἡ βύβλ.* hujus aquæ aliquot nitri uncias extraxerit *ἡ διὰ τὴν ἰσχυρίαν* *Jordanus, in descript. Aqu. medicat. Moravia.* Meminit & hujus aquæ summe amaricantis Excell. Hertodt in *Tartaromastig. Morav.* Quod si *Tartarum nitratum* Parreiræ nostræ admiscueris, vix ulli pharmaco antinephritico palmam cedit. *Millepedes* quoque Parreiræ nostræ sociantur felici successu, quippe urinæ suppressiones aliquoties incantamenti instar hoc remedio sustuli; sed porrigendum in optato illo momento, quo natura se solvere gestit, qua oblucente & renitente *ἡ ἐν τῷ ὄρει*.

Optime Parreiræ nostræ, durantibus spasmodicis illis tensionibus dolorificis, cinnabarina junguntur, ceu tutissima anodyna: ab opiatibus enim cavendum in leniendis doloribus nephriticis & arthriticis, cum sæpius his in casibus narcotica vis opii in necroticam degeneret:



quod Excell. Stahlius, judiciosissimus cautelarum practicarum promus condus, annotavit, intra exiguum temporis spatium sex hoc malo laborantes ab opiatorum usu paucis horis aut diebus periisse. Certe opiata sic exhibentes faciunt egrotanti, quod eunachi Artaxerxis faciebant Hamani. Cujus quidem faciem tegebant tanquam subtrahuri oculis & ira Regis: interim Regem verbis inflammabant, & Humanem, mentione patibuli Mardochoeo erecti, in sublime perneciter agebant, Esther. 7. 8. 9. 10. ceu festive scribit Leydenfis gloria Pindi.

*Spiritus ex radice Parreira destillatus* aliquoties exhibitus sudorem potius movit, quam urinam; sed mirari desii, reflectendo, quod diaphoretica modaliter à diureticis differant: quippe à diaphoreticis M. S. movetur vehementius, & à centro ad peripheriam corporis largiori in quantitate pellitur, à diureticis vero non æque, quæ potius blande movendo sanguinem ad interiores partes, & consequenter etiam ad renes propellunt. Hinc diaphoreticis sæpius exhibitis, & sero jam imminuto, diuretica non conveniunt.

*De Sale volatili & fixo* jam in examine Chymico dictum; quod si illud Sal volatile anxie quoque desideres, obtinebis vel *methodo Excellentissimi Wedelii*, communis Germaniæ in studio Medico Præceptoris, vel *Helmontiana*, per longam olei scæpidi cum sale fixo in blandissimo calore circulationem & subsequentem sublimationem. Ego radicem ipsam tamen huic per ignis violentiam extorto remedio longè prætulerim: habebis hoc tamen modo, si exoptes.

*Dr. Helvetius ex hac radice Balsamum conficit*, ut eò melius in expeditionibus bellicis & suscipiendis itineribus secum vehi possit. En! Balsamum ipsissimis Auctoris verbis Libr. cit. pag. 99. *Prenez de l'Huile de Scorpion composée, suivant Matthiöle, une livre: la Baume de Copayvé cinq onces: du Baume de Soulfhre Therebentiné quatre onces: du Stirax liquides deux onces: de la Cire jaune six onces: de la Racine de Parreira brava, en poudre subtile, une demie livre: du sel Ammoniac deux onces: d'excellent vin d'Espagne deux livres. Faites bouillir le tout a petit feu, en le remuant toujours avec une spatule de bois, jusqu'à l'évaporation entiere du vin; ensuite ôtez le tout du feu, & passez le Baume chaud à travers une étamine, avec une forte expression; & quand il sera a demi refroidi, vous y ajouterez trois onces du Baume de Perou noir, que vous mêlerez bien avec la spatule. Lorsque tout sera froid, vous le mettrez dans un pot de Fayance bien bouché. La dose est d'un demi gros, & on peut retrancher la cire, si l'on veut. Balsamum Parreira Helvetii: ℞. Ol. Scorpion. compos. Matthiöl. ℥ij. Bals. Copayb. ʒv. Sulph. Thereb. iv. Styrac. liq. ʒij. Cer. flav. ʒvi. Rad. Parrer. brav. subtiliss. pulveris, ℥ss. Sal. Ammoniac. ʒij. Vin. Hispan. optim. ℥ij. lento igne omnia coquito, lignea spatula semper agitan-*

do, ad totalem Vini Hispanici evaporationem usque. Hoc facto ab igne removeto, per textum cilicinum expressione forti facta Balsamum traiecit; cum aliquantulum deferbuerit, addito Bals. Peruv. nigr. ʒij. spatulâ lignea probe miscendo & agitando. Cum omnia frigore condensata, vâsi fictili Faventino, probe obturato, immittito: Dosis hujus Balsami drachmæ pondus erit. Cera, si placuerit, omitti potest.

*Vires hujus Balsami* ferme hyperbolicæ; in hydropes nascente illud quoque commendat Helvetius, ob diureticam vim, præmissis tamen universalibus: quo facto dosis Balsami exhibetur, & singulis 4. horis repetitur, involvendo crustulæ saccharatæ, ut deglutiantur promptius. Assumpto hoc pharmaco, haustus vini albi, vel ptisanæ aperientis statim exhibendus. Quatuor diebus remedi hujus usus continuandus, quinto æger pulvere febrili purgandus: die post assumptum purgans, & quatuor diebus sequentibus Balsamum iterum exhibetur. Quodsi durante & continuato Balsami hujus usu nil æger levaminis sentiat, nec urina profluat largior, ab ulteriori usu abstinendum, indeque concludendum, malum vel difficulter vel planè non tolli posse. Hæc de Balsamo suo Helvetius; qui insuper addit, hoc pharmacum eandem in averruncandis calculi malis exserere vim specificam, ac China Chinæ in febribus, Ipecacuanha in dysenteria, & Alumen in Hæmoptysi.

Paravimus quoque ex hac Radice, more hætenus recepto, *Essentiam duplicem*, pro varietate causæ morbificæ; & quidem in causa vulgo frigida dicta, ubi malum ab acido viscido ut plurimum profiscitur, cum Spir. Tartar. verè volatili extrahitur haud cerè contemnendi usus, cujus dosis à gutt. 20. ad drachmam semis in Thee specifico, vel aqua ad calculum è nucleis, alioque vehiculo. Essentia quoque confieri posset eodem casu cum Spir. Acmellæ ex India allato, qui passim in officinis præstat; non tamen sponsor extiterim ulli, acmellæ folia, cum silice masticata, eundem emollire, præsertim cum sæpius jam laudati Cl. Breynii expectationem circa hoc experimentum eventus eluserit. Hæc autem erit *Essentia Parreira brava tartarisata volatilis*: ℞. Raf. Rad. Parreir. brav. ʒss. Spir. tart. sal. volat. imprægn. ʒiv. f. l. a. digestio & filtratur. Etiam *Essentia composita* sequenti modo parari poterit. ℞. Raf. Rad. Parreir. brav. ʒss. G. Lign. Quajac. ʒss. Tinct. Tart. compos. ʒiv. f. f. a. digestio & filtr. add. ol. lign. Sassa. destill. gutt. viij. M. Cum autem diuretica, calida præsertim, calidis & siccis affectibus laborantibus minime convenient, hinc essentiam Parreira bravæ præparate jussi cum menstruo meo nitroso castorisato, divino certe medicamine conducet quippe hæc essentia melius biliosis:

*Nam calidi plus est illis, quibus acria corda  
Iracundaque mens facile effervescebat in iram,*  
secun



secundum *Lucretium*. *Essent. Parreir. brav. Nitr.*  
*R. Raf. Rad. Parreir. brav. 3b. Spir. Nitr. dulc.*  
*Castoris. 3iv. f. f. a. digest. & filtr.*

Quod si quis *Extractum Parreira* desideret, illud quoque obtinere poterit, modo *Cl. Friendium* in *Prælect. Chemicis* non consulat; ex hujus enim mente & hypothefi, tanquam rigidi nimis *Censoris*, *Extracta*, ob partes subtiliores avolantes & in abstractione dissipatas, ad medicos usus nil conferunt. Si vero quis partium crassarum & magis inertium delectum facere velit, eas nulla alia apparatus ratio æque feliciter suppeditat. Ita ut ea, quæ à *Chymicis* tantopere venditantur *Extracta*, si vires medicas spectes, non tam pharmaci loco, quam vehiculi, si ita loqui liceat, habenda sint. Hæc *Friendiana* si non tangant quempiam, & extractum ex *Parreira* brava obnixè petat, en compositum & simplex *Extr. Parreir. brav. resinofum. R. Rad. Parreir. brav. 3ij. extrah. c. Spir. Vini Austriac. rectificatiss. 3xij. Tinct. abstrahatur f. a. ad consistenciam Extr. resinofi D. ad usum. Spir. abstractus signetur. Spir. Vin. Parreir. brav. Residuum radice coqu. in aqu. fontan. clarificetur & inspissetur ad consist. extr. aquos. pro pilulis & potionibus. Ex Spir. Vin. Parreir. brav. & extr. ejusd. radice parari poterit sequens *Essentia* composita *Parreir. R. Extr. rad. Parr. brav. Myrrh. balsam. nostr. an. 3j. Spir. Vin. Parr. brav. 3iv. f. solutio. D. ad usum.**

*Dosis radice nostræ*, uti jam supra annotatum, ad pondus drachmæ dimidiæ, scrupulorum duorum, imo drachmæ unius, si sola nullo admixto stimulo in pulvere subtilissimo exhibeatur. Exacte enim definiri dosi nequit, cum natura à natura, regio à regione differat. Satius est peccare in defectu quam excessu.

Et hoc quoque circa usum *Parreiræ* nostræ monendum duxi, quod de diureticorum abusu notavit gloria Germanorum Practicorum, *Beatus Ettmüllerus* noster: ubi nempe ad tempus, frustra adhibita fuerint medicamenta, subsistatur, & feriæ quasi permittantur naturæ, ne illo usu nimio, plus quam par est, ad renes moveantur cruditates, quod observatione *Epiphani* *Ferdinandi* illustrat. Non possum continere calanum, quin colophonem addendo verbis acutissimi *Antonidæ* de *Sapient. Med. §. 25. finiam*: Sæpe nulla res magis adjuvat laborantem, quam tempestitiva abstinencia, non jam dico à cibo, sed medicina. Audiant, qui interesse honoris sui arbitrantur, ne qua visitatio transeat sine *Recipe*. Aliquando sola dies, & quies ut graves morbos sanant, sic magnos motus sedant. In alimentis varietas delectat, in medicamentis paucitas. Sicuti in *Ethicis*, idem vagus & vanus est, ita in medicis prescrip-  
 „ptor immodicus fit proscrip-  
 „tor exitiosus.

## Usus Plantæ Caapebæ & Radicis Nossæ Senhora.

Hactenus *Parreiram* bravam examini subjecimus: restat, ut paucis *Caapebæ* Plantæ ejusque foliorum usum, radicisque nossæ *Senhora* dictæ specificam contra morsus serpentum vim admirandamque efficaciam sistamus.

Omnes equidem plantæ partes in id amicè conspirare videntur, ut deleterium à serpentibus aliisque veneno nocentibus rebus, corpori ingestum virus abigendo, pristinam restituant sanitatem: mutuemur in hanc alexiteriam plantæ hujus vim versus illos, quos nitidissimus *Poëtarum Anglorum Coulejus* fudit:

*Quid quod serpentum furialia pello venenâ;  
 Et mea serpentes dia venena necant.*

*Illos subtili ferit arcanâque sagitta;  
 Et perimit cæco vulnere tristis odor.*

*Sic Pater arcitenens! victum Pythonâ fuisse  
 Arbitror, & succis illita tela meis.*

*Folia Caapebæ* *Marggravius* *Histor. Plantar. Lib. I. c. 13. p. m. 26.* memorat, singulare esse remedium contra morsus venenatorum animalium, ut serpentum, tam in hominibus quam brutis, si morsui paulum contusa imponantur: curantur enim morsus sine ulla alio medicamento. *Succum foliorum Caapebæ & Cajatiæ* in morsu venenatissimo anguis *Ibobocæ*, à *Lusitanis* *Cobra de Corais* dictæ, laudat *Piso* de *Venen. eorumque antidotis L. III. pag. 43. edit. 1. nam edit. 2. pag. 278.* vocatur *Anguis Cobra de Coral*. Sanatur, inquit, morsus emplastro à capite serpentis concinnato, & efficaciter appposito. Pulvis plantæ *Nhambi* & succus foliorum *Caapebæ & Cajatiæ* vulneri instillatus extrahit virus. Bina hæ plantæ, *Cajatiæ & Caapebæ*, in eundem scopum alexiterium collineant, eodemque insigniuntur nomine, nempe *Erva des Cobras*, licet diversissimæ sint. *Caapeba* enim planta scansilis, *Cajatia* vero five *Caacica* humi depressa repens plantula, lactescens instar *Esculæ*, foliis *Menthæ* non dissimilibus, cauliculis ad rubedinem vergentibus, radicibus miniatis, ex *Pisonis* descriptione de *Facult. simplic. Lib. IV. pag. 102.* Cum igitur nomen hoc *Erva de Cobras* binas complectatur plantas, nescio, quam inter vulneraria nominet mox laudatus *Piso* de *Medic. Brasil. Lib. II. c. 20. de Vulner & Ulcerib.* Abutuntur tamen & pulv. *Herba Caapebæ & Nhambi* sceleratissimi homunciones in *Brasilia*, dum ex succo jam venenato Manipueræ studio asservato, ad totalem putredinem usque altiore corruptionis & toxicigradum, ex vermiculis inde pronascentibus, (qui *Taparu* ipsis dicuntur) quærunt, iisque in pulverem redactis, hominibus pro lubitu insidiantur, ita, ut exigua licet quantitate vitæ citissime & certissime adimat, si simplex adhibeatur: sin vero compositum & viribus im-



minutis (quod potissimum pulvere herbæ Caapebæ & Nhambi fieri solet) longo post tempore, ne nefanda scelera in publicum prodeant, misere & lenta tabe interimat, vid. Pison. Hist. Nat. & Med. Brasil. Libr. V. p. 305. Edit. II. & Edit. I. Libr. III. de Venen. p. 48.

Nunc radicem *Caapeba* in medium producamus, *Raiz de nossa Senhora*, sive radicem *Dominæ*, sive sanctæ *Illinæ* *Deiparæ Virginis Mariæ* dictam. Ubi tamen ante omnia monendum, *Erva de nossa Senhora*, & *Erva de Santa Maria*, licet unum idemque significant, differre tamen nimium, cum sub nomine *Erva de Santa Maria* serpentaria major, sive dracunculus major polyphyllus designetur. Efficaciam radicis de *nossa Senhora* optime ex Pisonē discimus, qui scribit: *Radix nossa Senhora, sive primo nata frondes & sarmenta, morsibus serpentum medentur, si semel atque iterum eorum succus recenter expressus indiscreta quantitate propinatur. Nulla interim subsequente manifesta evacuatione, neque per vomitum, neque per sudorem, neque per aliam viam, quantum assequi potui. Licet autem ab anguium aliorumque reptilium & insectorum venenatorum ictibus & morsibus tantum curandis videatur bene audire hujus convolvuli & radicis succus, qui amaro sapore caloris predominium præ se fert, quoad manifestas qualitates: venenis tamen frigidis contrariari comperi.* Edit. II. p. 312.

In specie Cl. Pisonē radicem *Caapeba* commendat in morfu serpentis *Ibicacoa* admodum venenoso, & pessima symptomata inferente, haud secus quam *Cucurucu*; quippe sanguis quanto citius à morfu ex auribus, naribus & oculis profluit, & nisi statim subventum fuerit, moritur vulneratus. Quod si virus nondum ad cor penetraverit, carne ipsius anguis cocta cum radice *Jurapeba*, *Jubarandi*, *Malva Isca*, *Caapeba*, *Capybuba*, additis summitatibus *Nhambi* ex vino internè exhibitis restituantur. Addatur externum remedium ex capite ipsius feræ contuso, & cum *Erva de Cobras* aliisque præparatum.

Eandem quoque efficaciam in morfu *Anguium Tareyboja* & *Cacaboya* de se promit, teste eod. Pisonē l. c. qui & hoc addit: *in succo Mandihoca Manipuera* dicto (qui si crudus assumatur, adeo venenosus est, ut statim enecet, coctus vero nutritivus evadit) miram sanandi vim aliis radicibus & herbis junctam *Caapebam* exhibere, quod & de fructu *Ananas* succo largiter & crebrius hausto expectandum: de quo deliciosissimo fructu, gustus suavitatem omnibus supereminente, inque domestico horto Cl. *Volkameri*, melitissimi *Amicorum*, latè crescente & luxuriante, ejusque speciebus, anatome, viribus & efficacia plura cum Deo & die dabimus.

Dubius hæreo, an non *Raiz de Juan Lopez Pigneira* (forte *Parreira*) sit una eademque, ac *Raiz de nossa Senhora*, cujus *Plinius Tuscus* *Excell. Fr. Redi* in *Experim. circa res naturales ex India allatas* meminit, seq. verbis: *Radix est co-*

*loris citrini & gustu amara, hanc super lapide aquâ tritam, & unius dimidia drachmæ pondere assumptam, nec non morsibus vel puncturis animalium venenosorum adplicatam, certo à venenis & febribus liberare volunt.*

### Circa *Parreiræ* usum medicum Observationes.

Restat adhuc, ut felices, quos fidissima rerum magistra experientia in Praxi clinica, circa *Parreiræ* bravæ usum, suppeditavit successus, memorem, inque medium producam. Tantas equidem, ut ingenuè fatear, quantas Dn. *Helvetius* in hanc radicem contulit laudes, & vim illam in omnibus renum & vesicæ calculi incommodis tollendis, sic dictam specificam, cort. *Chin. Chin.* in febribus, & aluminis in hæmoptysi æmulam, indistinctè deprehendere non potui, cum sæpissime spes in ea posita, ceu ab optimis remediis sæpius fieri consuevit, destituerit, & promissa *Helvetiana* deluserit. Huc certe optimè collineant, quæ *Excell. Dn. Stahlus*, felicissimus ad *Praxin medicam* *Daduehus*, de specificis his remediis tradidit: nempe specifica plane ad specialissimas affectuum & singulares circumstantias dirigenda & applicanda esse. Infringitur quippe sæpe specificorum remedium vis & efficacia, cum morbo jam altius exardescente exhibentur, cui tempestiva exhibitione præoccupando satisfacere potuissent. E contrario quando morbi impetus jam maximam partem deferbuit, ibi præstat frequentissime specifici hujus remedii tempestivus usus utilitatem maximam, ut affectus non solum tanto citius finiatur, sed etiam tanto certius, plenius atque solidius in universum tollatur.

His præsuppositis, aliquoties egregiam *Parreira* brava, aliis irritis, tulit opem, in causa nempe & casu appropriato. Exhibui autem sæpius solam in pulverem redactam, ad drachmam semis, imo ad drachmæ quoque pondus, idque repetitis vicibus, ne quis erroris *παρά τὸ μὴ αἴτιον ὡς αἴτιον*, sive fallaciæ non causæ ut causæ, uti in Scholis loqui amant, reum me declarare queat.

De ejus tandem efficacia convictus, aliis diureticis, aperientibus & abstergentibus immixtam, eo propinavi successu exoptato, quem ex plurimis observationibus aliquot selectiores exhibent, ne multitudo Lectori tedium pariat.

### OBSERVATIO I.

*Puerpera* 32. annorum, biliosa, aliquot liberorum mater, ultimis ferè puerperii, sic satis feliciter hucusque peracti, diebus, æstu obruitur vix tolerando, fitis ingruit intensissima, vomitus accedunt ingestorum omnium, alimentorum, potulentorum, medicamentorum. Vocatus ægram vix ac ne vix quidem sibi constantem reperio. Scintillant febrili calore truces oculi,



oculi, sicca & exsueca lingua, fauces aridissimæ, ex imo hausta suspiria, dicam *Sophoclis in Trachiniis* v. 783. verbis:

Καὶ διῶδυνος  
Σπαραγμὸς αὐτοῦ πνευμένων ἀνθήσαστο.  
ac per dolens

*Ejus prehendit cruciatus pulmones.*

Flatuum incareceratorum murmura & borborygmi huic sese malo associant, dumque in renum irruunt regionem molestissimi hospites, cumulando symptomata ægræ salutem dubiam reddunt, & quartum renum morbum producunt, de quo divus Cous noster L. de Aff. int. t. xviii. Cum alvus quoque aliquot jam diebus officio non responderit, omnibus sepositis clysmata injiciendum, dum vomituriens stomachus reliqua recusaret remedia. Clysmate injecto mox omnia in abdomine pacatiora, στρόφοι καὶ περί τὸν ὀμφαλὸν πόνοι evanescunt, &

*Sedatur torti tempestas turbida ventris,*

*Postico iratus murmure flatus abit.*

Succedit facum mephitim olentium copia, muciviscidi vitrea quasi congeries: cessat mox æstus, & exhibitis remediis debitis, siti orisque & faucium siccitati obviam itur. Placido hinc immersa somno post bihorium expergefacta & sibi quasi reddita de doloribus in lumbis adhuc niduantibus lancinantibusque conqueritur, & sicriste illud symptomatum choragium in calculum desinit. Usus continuatus decocti Nephritici à Zwelfero correcti suadeo, imo urgeo, & pulverem meum contra calculum adjungo, urinam calculi præfagâ. Ingruit magis magisque dolor, recrudescit malum, nec decocto, nec pulveri, nec inunctionibus, nec clysmati rursus injecto cedens. Irritis igitur omnibus radix Parreiræ brava prima vice mercur. cinnab. juncta & associata, dolores mitigat, tertia vice sola sumpta plane aufert, excreto post aliquot dies, cum sanguinis grumis, calculo ovum fere columbinum æquante, sine doloris notabili sensu, quod ob ætatis brevem, humidique inibi copiam, lumbi latiora & expeditiora sunt, in foeminis potius quam viris quandoque fieri solet.

## OBSERVATIO II.

Juvenis vigesimo ætatis annò conqueritur jam per aliquot menses de obtusiori & gravativo sensu doloris, lumbis in regione renum incuantis, nullo tamen tumore foris conspicuo; quem corporis motus concitiores & violentiores nimium exacerbant: fit successu temporis dolor acutior, unâ eademque sede defixus, et nervorum consensum testem quoque in doloris consortium rapiens, adeoque retrahens, t in scroto vix apparuerit: dorsi quoque difficillima inflexio. Urina longo tempore prodierat impida, tenuis, inque exigua quantitate, dolore ingravescente exhibat copiosa satis, arenulis ruoreque immixto. Licet hæc satis distincte in renibus latitantem detegerent hostem, addidit

tamen pondus conjecturæ decubitus in ægram partem semper dolorem demulcens, in adversam vero exasperans. Vacuandis è renibus heretogeneis intentus, & diureticis mitioribus, (quibus Parreiræ nostra semper comes erat,) exhibitis, septimestrem tandem, magnum & molestum hospitem, hospitio suo abscondito extrusit medicamentorum efficacia, inque vesicam deturbavit. Hic exitum quærens, collum vesicæ occludendo, urinæ liberum interceptit transitum. Omnibus viribus eò contendit, ut quantocyus ex hoc quoque latibulo ejiceretur hostis, emollientibus, pinguibus, viasque lubricantibus porrectis, blandioribus Lithontripticis pariter immixtis, sed sine levamine & evidenti emolumento, cum urinæ vix tantum excreverit, quantum cochlear capere potis est. Tandem infuso Ac mellæ exhibito largior quidem profluere coepit, mox calculo, in aquæductu foras à collo vesicæ protenso, urethram vocant, pertinaciter hærente. Tandem infusum Parreiræ bravæ rumpit claustra,

- - - molemque liquore resolvit

*Caucaseam, impulsu diffilit illa suo:*

*Obstructumque diu prono ruit impete flumen,  
Et secum adversa fragmina rupis agit.*

## OBSERVATIO III.

Quidam renum quoque calculo laboranti, & tot jam remediis incassum assumptis, omnia lithontriptica renuenti & fastidienti, radicis Parreiræ bravæ præconia canto; cumque novarum rerum mens humana semper sit cupidissima, tandem accedit, hocce pharmacum enixè efflagitans. Sumsit absque evidenti levamine aliquot doses, tandem ruptis ex tenaci pituita & viscido lentore repagulis urinæ stagnantis, arenularum stupenda prodit caterva, superstitie in urethra remora titillante, quæ tandem cum impetu profluit, & vermes sex exhibuit, millepedibus non dissimiles, si magnitudinem exceperis; alii dein his succedunt, materiæ, viscidæ, pultaceæ, ceu genitrici vel nido innatantes, tandem & doloris in renum regione & titillationis sensus in urethra cessavit, ægroto vires hujus remedii Americani ad coelum usque extollente. Subiit animum Medicorum regula: Anthelminthicis semper dulcia esse admiscenda, ut illorum blanditiis inescati vermiculi promptius hautiant internecionem ipsis struens pharmacum; jam cum Parreiræ brava sit dulcamara, quis non illam in vermibus exhibeat? Vere Manlius canit:

*Per varios casus artem experientia fecit,  
Exemp'lo monstrante viam.*

## OBSERVATIO IV.

Vir juvenis biliosus & arthritidi vagæ sapius obnoxius, circa pubis regionem ponderis incusat sensum, hostis inibi latentis feralem prodromum. Urinam fundit lacteam & turbidam, sedi-



sedimento mucoso, viscido, tenaci, gravidam, ut vix illam excernere possit, &, quod signum plane indubium hostis in insidiis se occultantis, urina facilius redditur corpore supinato, quam erecto. Sociat se his malis Priapismus ipsi molestissimus, symptoma calculosis familiare, quippe affectus libidinosi lumbis renibusque passim in Scriptura Sacra adscribuntur: fecisse id ideo Spiritum Sanctum vir doctissimus in Physiologia opinatur, quia calescunt renes: renibus calefactis affluit major sanguinis copia cum ad ipsos, tum ad partes genitales, unde his urgentibus prurientibusque subnascuntur cogitationes atque stimuli Venerei. Succedit pertinax alvi obstructio. In ædibus meis consilium perenti, calculum vesicæ symptomatum omnium causam esse dictito, & auxiliares spondeo manus, utinam Θεῶν χάρις. Enemate aliquoties injecto succedunt scybala, urina quoque citius & absque molestia profluente. Sumit singulis diebus Thée specificum, ex spec. decoct. Nephrit Forest. à Zwelfer. correct. Rad. Parreir. brav. Herb. Acmeli. sem. Nymph. &c. syrupo balsamico Conerdingii edulcoratum, cui infuso instillat semper aliquot essentia Parreiræ bravæ Nitr. castorisat. guttulas. Excrevit hinc arenularum copiam, calculi comminuti frustulis immixtis: tandem quoque hæc medicamina

*Lapidem durum silicis que obstacula rumpunt,*

*Vix penetret tales Hannibal ipse vias.*

Convaluit sic æger, sumens singulis hebdomadibus aliquoties & Essentiam & Infusum.

## OBSERVATIO V.

**V**ir annorum quinquaginta, qui Baccho & Veneri strenuè litaverat, viribus exhaustis, effœtis spiritibus & appetitu plane dejecto, œdematosis pedibus per aliquot temporis spatium jam obnoxius, Medicastrum opem efflagitat, qui applicatione repellentium medicamento- rum pedibus medendo id effecit, ut

*- - - suffusa venter ab unda,*

*Secernens miseriam proprio de viscere pellem.*

Hoc viso exhorruit æger, & dum venienti occurrere morbo cupit, Medicastrum rursus accersit, quæque mala infausto medendi molimine patraverit, ostendit. Aureos in agro restituendo Stimulorum seges pollicetur montes, nullumque plane subesse periculum spondet; illud Mimnermi scommata in Medicos rationales blaterando, & agro occinendo:

Ὅια δὴ φιλέειν οἱ ἰατροὶ λέγειν

τὰ φάρμακα μέζω καὶ τὰ δεινὰ ὑπὲρ φόβον

πυργύντες αὐτοὺς.

(Sicut Medici solent dicere leves affectus majores & graviores, quam timendum sit, ut se ipsos extollant.) Utinam linguis pendeat crumenimul- gum hoc medicastrorum genus, in opimam tantum Proserpinæ messem procreatum? Exhibet trifurcifer spiritum salis ad aquam in-

tercutem ejiciendam, ventriculumque robo- randum, spes & agrum & fumivendulum Thra- sonem fefellit. Crevit quippe indulgens sibi dirus hydrops, ventre utris in modum elato, parteque illa, qua virum se olim præbuerat, in triplum monstrose sic satis inflata, aqua sub cute ad candelæ lumen quasi limpida suffusa: accedit anhelatio, ut animam vix vertere, pul- monibusque spiritum recipere possit: ingruit intensissima sitis,

*Dumque sitim sedare cupit, sitis altera crescit.*

Succedunt anxietates circa præcordia, ut ipsi cum Plauti Cappadoce in Casinâ exclaman- dum sit:

*- - - Pro metu ubi sim, nescio,*

*Perii, cor lienosum opinor habeo, jamdudum salis.*

*De labore pectus tundit. - - -*

*Radices cordis pereunt, Hira omnes dolent.*

His angustiis exagitatus, per totum corpus sudore diffluens, adeo debilitatur, ut prope anima linqui videretur. In desperato hoc re- rum statu, & in Orci faucibus sic constituto ægro, (hæc enim pessima apud nostrates inva- luit consuetudo) de accersendo legitimo natu- ræ ministro lectulo ægri adstantes ineun- consilium, & quoniam nemini obtrudi pote- rat, tandem ad me itur. Vocatus omnium quæ jam gesta fuerant, ignarus compareo, & tristissimâ rerum facie probe perspecta, pessim- auguror, illud Senecæ recitando: Facilius est excludere perniciofa quam regere, & non ad- mittere, quam admissa moderari; nam cum se in possessione posuerunt, potentiora recto- re fiunt, nec recidi se minuere patiuntur. Ægri precibus tandem victus opem & ope- ram promitto, modo se obsequenter præbe- ret, de ejus enim intemperantia fama incre- buerat. Ut brevibus me expediam, optim- Senis consilio fretus: ἐρητικοῖσι καθαίρειν, λεωτῶν καὶ ἀναπλῆσαι: urinam cientibus purgare, atte- nuare & mollire oportet. Horum nihil omis- sum: hinc paucos intra dies exhibitis illis quæ quotidiano usû jugi experientia salu- tari fore judicaram, primo mentula, successu tem- poris abdomen quoque detumescere cœpi- spirandi difficultate sive suspirio adhuc super- stite; cui malo vinum scylla marina, mille pedibus & vincetoxici radice imprægnatum in solatium cessit. Sitis sola supererat no- tam ex morbi pertinacia, quam ægri mala li- bidine dicam an consuetudine? origines trahens. Hucusque illum multa invitum & facere & pati coëgeram, dum vero sedand- siti, me ad ravim usque reclamante & dispa- dente, largius indulget, rursus

*Lympha interius vitio gliscente turgescit.*

Verissima sic deprehendi Celsi nostri, Cicero- nis Medici, verba: *Facilius hydrops in serv- quam in liberis tollitur, quia cum desideret famen- sitim, mille alia tadia, longamque patientiam, prom- tius his succurritur, qui facile coguntur, quan- quib.*



quibus inutilis libertas est. Tam male in hunc agrum collati officii pertasus auxiliares ulterius manus denegassem, ni lacrymas inter & suspiria datis promissis de meliori quam adhuc obsequio, & consanguineorum precibus coactus & victus fuisset. Ne igitur in conclamatum inofficiosus viderer, iterum operi me accingo, nec tam feliciter, quam antea res cessit, incassum pluribus exhibitis, virium defectu medicamentorum exhibitorum vim eludente. Deposuit alvus quidem mucii viscidissimi, spermatis ranarum non abfimilis, copiam, sed absque evidenti levamine, urina vix ac ne vix quidem prodeunte. Frustratus igitur medicamentorum alias probatissimorum efficacia, alia agitavi consilia, & Essentiam Parreiræ bravæ cum spiritu Tartari Volatili paratam aliquoties exhibens,

*Hæc tulit instantem Numinis instar opem,*

ejusque continuato usu obtinui tandem, ut intra diei naturalis spatium ultra sex feri limpidissimi profluxerint mensuræ. Hinc moles aqualiculi imminui quotidie cæpit; ne autem identidem tumor rediret, ventremque nova colluvies rursus ampliaret, jussi, ut Essentiam Parreiræ bravæ repeteret, cui adjunxi Essentiam Absinthii compositam, Zwelferi extracto Trochiscorum Alhandali & Elaterii, ex consilio Excell. Listeri, imprægnatam; quorum medicamentorum frequentiori usu, & assumpta aliquoties radice Parreiræ in substantiâ ad drachmam semis, promota feri per urinam & alvum excretionem, brevi ex voto negotium confectum, mortique jam à pluribus adjudicatus æger ereptus est. Confirmat hanc observationem effatum Clar. Pisonis Libr. II. de Medecin. Brasilienf. c. 9. de Hydrope p. m. 26. Edit. I. *Non raro contigit, ut sola radice diuretica Caapeba, ex vino vel aqua Paraybensi subinde agro propinata, latex intercus eductus fuerit.* Sic Medici sæpius Martiali teste:

*- - - mitibus herbis*

*Parcarum exorant pensa, brevesque colores.*

## OBSERVATIO VI.

Virgo ætatis anno decimo septimo ardore ingenti corripitur posticè in eo, quod ab extremis costis ad coxendicem extenditur spatio, dolore ad primam lumborum vertebra accedente gravativo, mensibus simul cessantibus. Egræ mater fatidicam accersens anum, trivenenicam, hoc responsi fert, mensium interceptionem mali esse fomitem; hinc emmenagogis fortioribus, in quarum classe quoque Oleum Sabinæ destillatum erat, exhibitis, malum in tantum auctum, ut ardor & dolor gravativus illies creverit, accedente sæpius horrore febrique sub noctem redeunte. Malo sic indies ingravescente, respuunt triscurria ulteriora malecristatæ medicastræ moestissimi Parentes, saniora

expetentes consilia. Vocatus, phlegmonem renum subesse & hæctica febris proximam judicavi virginem: hinc calidissima illa medicamina emenagoga devorando, febrili calori expugnando intentus, id effeci, ut febris quidem remitteret, superstitè tamen ardore & dolore in lumbis gravativo, licet absque insigni molestia. Averruncandis his quoque malis aptissimum credidi remedium *infusum Parreiræ bravæ*, Balsamo saccharo Copaybæ imprægnatum. Nec spem felix destituit successus, cum continuato infusi hujus usu & ardor & gravativus dolor fuerit extinctus.

## OBSERVATIO VII.

Nobilis Fœmina ætatis & constitutionis vegetæ, mensibus vix ac ne vix quidem fluentibus, post longiorem nauseam, & ab omnibus assumptis excitatam cardialgiâ, ob humores crassos, viscidos, spiculis salinis acribus imprægnatos, in orificio ventriculi hærentes, fibillasque nerveas vellicantes, incidit tandem in Leucophlegmatiam. Roseus genarum color in pallidum vergit, livent labia, turgidula cutis ubique à piquita albescit, &, ut *Plauti* verbis loquar, in Menæchm.

*- - - viridis exoritur color*

*Ex temporibus atque fronte, oculi herbei.*

His malis se aliud associat malum: renales enim glandulæ, harumque canaliculi, à coagulo quodam viscido tenacique obstruuntur, hinc secundum Hippocratem *ἔρον μόλις προέρχεται ὑπὸ φλεγμῶν καὶ παχύτητος τῆς οὐρῆς*, *Urina vix procedit ob ardorem aut crassitiem feri*; sine tumore tamen in pubis regione, sine dolore tensivo, quæ omnia Ischuriam vesicalem comitari solent: hinc de renali certior, quam gravativus in lumbis dolor magis magisque prodidit, anticachecticis & blandioribus emmenagogis & diureticis, quæ quotidianus usus, magister rerum, his in morbis suppeditare solet, malo obviam itur. Nempe ex *Senecæ* consilio: *Medicus primo in morbis tentat non multum ex quotidiana consuetudine deflectere: si modus & ordo non proficit & frustra molliora cesserunt, dum dura videtur curatio nulla, cujus salutaris effectus.* Utilitatis igitur medicaminibus irritò conatu exhibitis, malo indies accrescente, pessimaque minitante, fortiora Lithontripica agræ exhibentur. Ex assumpta Tinctura nephritica Amelungi alias sæpius levamen senserat, hinc quoque iteratis nunc vicibus porrigitur, sine ulla tamen lotii secretionem. Quinto jam die durantis suppressionis urinæ Tinctura nephritica Dn. D. Hiarnæ, spiritui Ac mellæ maritata, movebat quidem, non tamen promovebat saburram, usque dum radix Parreiræ bravæ ad drachmæ pondus porrecta, fundendo materiam viscidam, glutinosam, renibus impactam, & per urinarias



vias reſeratas eliminando, hoſtem abegit; quippe

- - *fluminea labitur ille fuga,  
Et multos prono ſecum vehit agmina ſuccos,  
Horrida quæ ſalfis monſtra feruntur aquis.*

& ſic præcipuum morbi aufertur. Ut profici-entibus his medicamentis inſtarent per aliquot tempus ſuadeo, cum nihil æque reſurgentem ſanitatē impediāt, quam remediorum crebra mutatio. Detumuit cum debito urinæ proflu-  
vio cutis, ſuppreſſione menſium ſuperſtite, qui-  
bus promovendis *Extractum meum Myrrha bal-  
ſamicum, extr. Cort. Winteran.* mixtum, mita præ-  
ſtuit. Convaluit ſic ex hoc morbo, per ali-  
quot ſeptimanarum ſpatium tempora ſatis  
commodè tranſigendo,

& paulatim roſeum depinxit gratia vultum;  
ſed viruit ex inſidiis novus hoſtis Febris mali-  
gna, exanthematibus & virum proſtratione ſum-  
ma aliisque diris ſymptomatibus. Ab ægra  
vocatus triſtia ſtatim cano auguria, quip-  
pe ex Quintiliani effato: *gravius agrotant ii,  
qui cum levati morbo videntur, in alium de inte-  
gro inciderunt: viribus nempe ex priori morbo  
nimium exhaustis, humoribusque quaſi ex ſpiri-  
tuum def. ſtu vappescentibus.* Omnia debel-  
landæ malignitati porriguntur remedia, nullis  
ſparcitur ſumptibus, ſed vana conamina, cum  
Parca non decrevit parcere; eluſit enim me-  
dicaminum inclementia fati, hæc enim ſi ingruit,  
tunc teſte *Euripide in Alceſt.*

- - οὐδέ τι φάρμακον  
Θηſſαίς ἐν σάνιſι, τὰς  
Ορεΐα κατέγραψε  
Γῆρυς οὐδ' ὅσα φοῖβος  
Ἀσκληπιάδαιſιν παρέδωκε  
Φάρμακα πολυπόνοις  
Ἀντιτεμῶν βοτοῖſι.

quæ Grotius eleganter vertit:

*Nil contra medicamina  
Proſunt, quæ Rhodopæum  
Inſcripſit tabulis ſagax  
Facundi manus Orphei.  
Nil contra auxilii ferunt  
Herba, quas docuit ſuum  
Phæbi cura Machaonem,  
Germanumque Machaonũ,  
Humanum miſerans genus.*

## OBSERVATIO VIII.

Fœmina triginta annorum in cachexiam pro-  
na fluore albo defatigatur, menſibus per anni  
dimidium jam ſuppreſſis. Varia à variis, ante-  
quam accerſitus fuiſſem, exhibita, vel paulu-  
lum, vel planè nihil attulere ſolatii. Memor  
uxoris Boëthi, quam morbo hoc decumben-  
tem laborantemque per blandiora feliciffimus  
noſter reſtituit Pergamenus Libr. de Præcognit.  
ad Poſthum. c. 8. *Effentiã quoque Parreira  
brava Tartariſatam & Pilulas ex Extracto Myrr-  
hæ Baſamico noſtro & Extr. Cort. Winterani,* por-

rigo, quæ medicamenta acrimoniã demulcen-  
do, corrigendo, incidendo, aperiendo, attenuan-  
do ſuſtulerunt album fluorem, & menſtruum  
reſtituerunt, haud diſpari cum Boëthi Uxore  
eventu, impari licet ſoſtro, quippe ob valetu-  
dinem Uxori redditam Boëthius Galeno qua-  
dringentos miſit aureos, ego tot obolos vix  
obtinui, nec deſideravi etiam; ad auctoritatē  
enim Medici confert bona voluntate ad fideli-  
ter curandum ferri potius, quam obligari au-  
ctoramento ſervituris. Imo ſatius eſt debendi  
reos habere Reges, quam avaritiæ de ſe ſuſpi-  
cionem præbnre. Quin potius quam diffiden-  
do de ſanatorum gratitudine amittat opinio-  
nem virtutis, malit fidendo decipi, & opis o-  
pumque jaſturam facere. *Hinc Patroni Medi-  
corum St. Coſmus & Damianus, ſancti ἀνδράγυγοι.*

DN. D. MICH. FRID.  
LOCHNERI,

*Mantiſſa ad Schediaſma de  
Parreira brava.*

POſtquam in ultimo Ephemeridum tomo le-  
videnſe de Parreira brava exhibui ſchedia-  
ſma, totus in eo fui, quicquid ejus ulteriori di-  
lucidationi inſerviret, colligerem, firmandæ-  
qua ſententiæ meæ, Caapebæ ſcœtum eſſe, expo-  
nerem. Vana per longum temporis ſpatium  
ſpe deluſus, tandemque certior factus, Cl. Go-  
thofredum Parreiræ bravæ examen Academiæ  
Regiæ Pariſinæ juffu ſuſcepſiſſe, vix ſcribi po-  
reſt, quanto deſiderio flagrarim librum, in quo  
Hiſtoria Actaque hujus Academiæ continentur,  
inſpiciendi. Nec enim mihi intermortua Illu-  
ſtriſſimæ Societatis hujus memoriã, ad quam ante  
triginta, & quot excurrit annos, dum Luteriã  
degerem, cum amiciffimo tunc, nunc beatiffimo  
Eiſenſchmidio, Argentoratensium Archimede,  
mihi tam felici eſſe licuit, ut Excell. Homber-  
gio parario, quod grata ſemper mente recolo,  
facilis patuerit accēſſus aditusque: licet non  
tantam tunc gloriã, quantam nunc, Regia ſuf-  
fragante gratia munificentiaque, acquiſiverit  
Ereſta quippe jam Anno 1666. Regiæ quaſi An-  
glicanæ An. 1663. fundatæ æmula, maximum ta-  
men incrementum Anno 1699. poſt Riſwycen-  
ſem Pacem ſtabilitam cepit, quo Regio juffu  
ab Eminentiffimo Franciæ nunc Cancellario  
Dn. de Ponchartrain, cui curam hanc Gallorū  
demandavit Monarcha, aucta legibus, ſtipendii  
ditata, in meliorem ordinem redacta, noviter  
que quaſi reſtituta, operam præcipuam confe-  
rente ac commodante Illuſtriſſimo Academia  
Præſide Dn. Bignono, Abbate S. Quintini  
Conſiſtoriano Comite, cujus Avunculus Ma-  
gnus Franciæ Cancellarius, quæ ſoſius recens-  
ta leguntur in libro à Dn. Fontenelle Gall-  
cè inſcripto: *l'Histoire du Renouvellement*



de l'Academie Royale des Sciences ann. MDCXCIX.

Nec hic substitit favor Regius, sed eo devenit, ut conventus locum Academiae concederet in Regia Lupara, stupendo illo opere, quod

- - inceptum à Proavis imperfectumque relictum,  
Pacatis LUDOVICUS agens placida otia rebus,  
Tantum opus absolvet molemque equabit Olympo.

Academiae equidem hujus Regiae laudibus numerandisque imparem me esse profiteor: neque enim quisquam, si vel maxime omnes plagas lustraverit, à Gadibus usque Auroram & Gangem, juncta Anglicana Societate Regia, doctiores confessus inveniet, aut qui majori cum gloria dignitatem suam, innumeris variae eruditionis & naturalis scientiae documentis editis, tutati sint, ut non immerito inter Academiae recenseri possint

Præcipuas, quas Phæbus habet, quas præ omnibus ultro

Spreto Helicone novemque colunt sua cura Sorores.

In veneranda hujus Academiae Actis Ann. X. pag. 78. Edit. Belgicae, ut ad rem ipsam me convertam, Excell. Gothofredus, cujus Botanica varia observata, his in Actis hinc inde recensita, omne punctum ferunt, examen quoque Parreiræ bravæ ex Academiae edicto instituit, ex quo nonnulla ad supplendum de hac radice schediasma nostrum, pace Viri hujus doctissimi licebit depromere.

Inventionis gloriam cum Illustriss. Dn. Amelotio communem habere asserit Dn. Rouillard, ejus in Legatione Lusitana Successorem, qui primitus Galliae radicem hanc intulerunt, majori digniores laude Nicotio, qui Peto, pariter è Lusitania allato, Galliam ditavit, hancque plantam ab ejus nomine nobilitavit.

Quod ad cognomen radicis Botou sive Botouæ attinet, vel, ut ab aliis effertur, Botjam, nominis sonò delinitus Dn. Gothofredus, eandem quam Butua vel Brutua Jacobi Zanoni esse asserit. Cui pollicem premit Dn. Joh. Baptist. Chomel. dans l'Abrege de l'Histoire des Plantes usuelles, in 12mo Parisiis edit. p. 192. 193. qui Butuam sive Brutuam Zanoni in Istoriae Botanicæ. A. 1675. Bonon. Italic. edit. pag. 59. & Ambutua lignum, Tab. XXI. delineatum, & Parreiram bravam matrem agnoscere eandem credit.

Fateor equidem me, simulac nominis Botuæ vel Botjam notitia mihi facta, Zanoni probe inspexisse opus, cumque quoad omnia ab arbore, lignoque ac radice, illic descriptis, Parreiram nostram differre cernerem, nullam plane in schediasmate rei hujus injecisse mentionem. Perlecta autem Cl. Gothofredi Chomelique sententia, accuratius licet Zanoni

descriptionem Butua vel Brutua Ambutuaque perpendens, non tamen menti meae imperare potui, ut huic subscriberem hypothese. Ne vero mihi soli sapere videar, haud inconsultum duxi ipsissimam Zanoni delineationem B.L. exhibere, ejusque æque cognitioni iudicioque rem omnem relinquere. Audiamus quid

- - hic Mystes Natura arcana Parentis  
E latebris dias in luminis eruit oras.

Producam autem locum Latiali toga indutum: Butua sive Brutua in regione Monzambique India Orientalis nascitur, planta revera inter rarissimas recensenda, nec, quantum scio, apud alios recensita; & mihi quoque nulla ejus notitia suppetit, quamvis variis prædita virtutibus, quæ exponuntur in Manuscriptis Rev. P. Matthæi. Arbor est, quæ in divaricatis radicibus, facta transversim sectione, Solis exhibet imaginem, id quod figura expressa exhibet. Persuasus sum nemini hoc legenti incredibile fore, arborem hac gaudere qualitate, cum & in nostro climate, simili signatura, licet non tam accurate expressa, repertu detur, aliis innascens arboribus, viscus quernus dictus, è quo præter usum Medicum, in officinis Pharmaceuticis quotidie obvium, corona vulgo precaria dicta adornantur, nomine coronarum è ligno Solis factarum cognita.

In Museo meo lignum quoddam nomine Ambuta asservatur, nominis sono ab hætenus descripto parum vel nihil, uti judico, discrepans. Lignum forma rotunda, sed imperfecta est, cortice subtili, coloris castanei obscurioris, tectum, quo detracto lignum per longitudinem striatum apparet, carnei coloris & argentei, ob lineas quasdam interfecantes sibi conjunctas, facile tamen separabiles, visuique gratissimas. E variis componitur tunicis, totidem quasi cannas exhibentibus, quarum una alteri superimposita, initium è medulla sumentes, quam secunda ambit, hanc tertia & successive alia, secundum ligni crassitiem. Lignum dissectum in meditullio varios exhibet fibrarum flexus, sive elegantem texturam, telis aranearum, quæ in domibus & palatiis majoribus reperiuntur, non absimilibus, ut è figura æri incisa elucet. Et hoc forte lignum erit arboris superius descriptæ, quippe cum hæc in radice Solis figuram representet, haud difficulter quis colliget in arborum ramis alteram, non valde diversam figuram, reperiri, præcipue cum eodem ferme nomine gaudet. Hoc ligno, si fides, qui illud mihi attulit, Rev. nempe P. Johanni Antonio Montecuculi, è Capucinorum ordine, sæpius in hoc opere à nobis laudato, habenda, Indi utuntur ad resolvenda maturandaque apostemata interna, & temperandam sanguinis acrimoniam, quod in substantia in aquæ vehiculo exhibetur: impastatur pariter cum lacte & apostematibus externis applicatur. Masticatum saporis est amari, juncta quadam acrimonia.

Apud eundem Zanonum nel Pendice, sive Appendice, ex Schedis R. Patr. Matthæi supra allegatis pag. 209. hæc referuntur: Reperitur in



*Mosambick arbor vocata Brutua, cujus radix est magna estimationis, (corticem habens subnigro colore, intus vero subalbo) quibusdam circulis seu partibus veluti musculis compacta, & gravis est, non levis, cujus virtus mirabilis est ad apostemata resolvenda, si tantillum de ea in potu sumatur. Putant quod hæc radix sit illa, quæ vocatur RANGAIRE, vulgo MANIKAL, magni pretii & virtutis.*

Abfit, ut his à Zanonno relatis subscribam, & Parreiram bravam ac Butuam, Brutuam Ambutuamque unam pronuntiem eandemque. Quicumque rem sagaciter investigabit, & pressius comparisonem instituet, mecum reputabit toto celo differre. Nolo equidem de Pattia movere litem: Butuæ enim Zanonus Mosambique esse asserit, Africæ secundum R. P. Masfejum Hist. Indic. Libr. III. tractum, olim *Prasium Promontorium* nominatum, cum ad unum omnes, qui Parreiræ bravæ hætenus meminere, Americanæ originis pronuncient. Plurimum pro me militat maxima, quæ binas plantas intercedit, discrepantia structuræque diversitas, quæ causa est, ut Butuam sive Brutuam & Ambutæ lignum Lectoris oculis exponere decreverim, trisin illius expectaturus, an cum Parreira brava ullo modo conveniat. Arbor est Brutua sive Butua: Parreiræ autem nomen ipsum vitis vel scanilis plantæ progeniem facit. Nec cannulatæ Ambutuæ compagem in radice Parreiræ, nec Butuæ radicis Solis æmulam imaginem, nec araneorum telis simile textile unquam quis deprehendit. Certe vocis Buto vel Butuæ, Botjam & Butuam sono allecti Viri Clarissimi, ad Zanonni Butuam conversi sunt. An felici omine, penes Lectorem sit arbitrium.

Ad nominis Botnam vel Botjam aliam, & Parreiræ convenientiorem & propriorem originem, nos conjectura ducit, si illi locus superesset. Buto vel Budo in Sinensi, vel potius Japonica lingua, vitem viniferam denotat, jam vel jama autem sylvestrem, ut Budojama, & contracte Butjam, sit ejusdem plane significationis ac Parreira brava, à qua voce corrupte Butnam, Butua nata videtur, Sed hæc omnia exinde fluunt, quod non constiterit Parreiræ natales in Caapeba esse quærendas, quod à nobis in schediasmate fufius demonstratum.

Sed pertinent hæc ad illa, de quibus Historia Academiae Parisinæ: *Ces sortes des doutes savans sont plus propres à faire honneur à celui, qui les propose, qu'à instruire ceux, à qui sont proposés.* Ad utilia calamum convertimus. Quæ de duplici radicis Parreiræ specie habet, attentionem merentur. Sic enim Acta: *Vidit Dn. Gothofredus binas Parreira brave species, si modo colorum differentia sola ad duas species dispendendas sufficit. Prima & quidem maximi usus, externe bruni coloris est, interne autem bruni flavescentis. Secunda species externe albisat, interne*

*ad flavum citreum colorem accedit. Hæc ipsa adhuc recens carnei coloris est, & successu temporis pallet. Ambæ sunt substantiæ duræ, porosæ tamen & spongiosæ. Gustu gaudent amaro levidensi, immixta aliquali dulcedine, liquiritiæ æmula. Crassitiem sæpius pollicis habent.*

Si, quæ sentimus, nobis libere pronuntiare licet, in binis his speciebus Rayz de nossa Senhora & Parreira brava confunduntur, id quod è viribus in fine annexis pariter patet. Nec mirum: cum jam Pisonis tempore pro diversis habitæ, licet Caapebam unam matrem agnoscant, nec aliter quam ætate indeque dependente magnitudine fibrarumque duritiæ & colore discrepent.

Sed missis his, viribus medicis intentus, in supplementum schediasmatis nostri Cl. Gothofredo consentiens, Parreiram nostram plantis utilissimis accensendam reor, eamque in colica vulgo dicta nephritica vix fallere, id quod experientia edoctus confirmare possum, & ex tot clinicis observationibus unica hæc fulcio:

Vir mediæ ætatis, (quæ alias *tutissima* dicitur, utpote quæ neque senectutis frigore infestatur, secundum Celsum nostrum l. 2. c. 1.) corripitur doloribus supra renes acutissimis, hinc inde vagantibus & per omnem intestinorum circuitum aberrantibus, inque pectinem declinantibus. Renum quartum morbum judicavi, à divino Coo nostro descriptum. Associavit se huic malo Stranguria, stillans cum dolore urina, sive, ut Vegetius Libr. III. Art. Veterin. cap. XV. exprimit: Vesicæ indignatio, qua mingere quis non potest, crura flectuntur, & venter ad terram demittitur. Accusat æger Pepones aliquot immodice assumptas, alimentum *φυσώδες καὶ ἀνατάρχηνον σωμαχῶ, flatuosum & inconveniens ventriculo.* Alvus superveniens adstricta cumulavit malum; iteratis tamen clysteribus sollicitata scybala educit, tantumque flatuum clarisonorum per inferius guttur se præcipitantium numerum, ut illud Divi Hippo-nensium Anrstitis de Civit. D. in memoriam revocaverit, scribentis: *nonnulli ab imo sine pudore ita numerosos sonitus edunt, ut ex illa etiam parte cantare videantur.*

Alvo sic apertæ successit pariter Urinæ fluxus, superstitæ tamen in renibus dolore extorsum vergente, non amplius vago, sed fixo. Colicam hanc Nephriticam judicans, Parreiram bravam exhibui, tanquam hujus mali specificum, è Clar. Helverii mente, remedium, & quidem in Pulvere, Elæosaccharo Cort. O mixto: in Infuso Ac mellæ sumebat Essent. Parreir. brav. ꝑl. Continuato horum medicaminum usu profuit urina vulgo pultacea, sive urinæ crassæ cum contento albo viscido tenaci matulæ adhærente, excretio. Per alvum cum scybalis & flatibus secessit mucus gelatinosus, tremulus, bile tinctus, borborygmorum si non mater ac materia, certe retinaculum: quibus per osti-

duum



dum fluentibus, & causa illa morbifica sublata malum quoque cessavit.

Jungam huic flatulento affectui è Diario meo Clinico flatulentiorē: Quinquaginta annorum fœmina, paroxysmis hypochondriaco-hystericis sæpius excruciatā, tandem incurrente in sensus tumore abdominis duro, renitente, instarque tympani, cum percutitur, sonum edentē affligitur, illoque morbo afficitur, quī à Nicandro Alexipharm. *Ἰδρωδὲ τυμπανέεις* dicitur. Comitantur malum pectoris anxietates, ex diaphragmate ejus cavitatem coarctante, succedit tandem tensio cordis, lypothymia causa. Sicca & exsucca hinc lingua à ductibus salivalibus visciditate obstructis, insomnes ob inquietudinem noctes: appetitus prostratus & fere nullus, pulsus justo celerior, debilis tamen, calor depascens & pene marasmodes: crura neque tumida, nedum œdematosa. Urinæ parciore excretio, & eo ipso, dum emittitur, ob præclusam à viscida materia viam supprimitur ad momentum, mox tamen guttatim redditur. Alvus nonnisi sollicitata respondet, absque flatibus tamen, ideoque sine levamine. *Φαινόμενα* hæc *ὁδῶντα* *ἐν* *τῷ* *σπλάγχνῳ* Hippocratis ostendebant, curatu difficillimum affectum, Hecticā in hac ægra proximum. Vocatus ad hanc male affectam, tristitia auguria canens, dimissem illam Divi Coi nostri dictis obediens, qui vetat desperatis adhibere medicinam. Exhibui tamen, ut flatus intra abdomen incarceratos, illudque elatere suo renitente tympani instar distendentes, propellerem abigeremque, carminativa varia, sed temperata, cum volatilia sulphurea, plusquam Æolia rarefaciendi virtute, malum adaugeant potius, quam tollant, suffocationis metum inducendo. Sed per tres septimanas irritus labor, & ut in proverbio est, ventis loquor; ægraque succubisset, ni emollientibus clysteribus, & tandem è tabaci fumo per machinas illas fumiductorias, à Cl. Stiffro suppeditatas, immisissis, dolores ægre vix ferendos mitigassem. Nec mirum difficile hoc malum admittere curam, cum pituita illa, quam vitream quibusdam appellare libuit, ob ramosum particularum contextum & glutinositatem, difficulter eradicari queat, eo magis productæ ex ea vesiculæ, magis utpote condensatæ ac indurata & quasi membranosa indurata naturam, medicamentorum operationi resistunt, uti optime monuit Illustris Academiæ nostræ Nat. Curios. Præses Ephem. Dec. II. Ann. I. observ. I. Jam vero cum ad pituitam illam vitream lbuminique similem averruncandam speciem vim possideat Parreira nostra in Infuso & Pulvere aliquoties exhibita, perrupta tandem viscidæ glutinositatis porta ruit flatuum inclinata caterva, & pedit deciesque vicesque, ut um Martiali loquar. Succedit his non sine manifesto frigoris sensu congeries materie iuculentæ, conglutinatæ, viscidissimæ, tena-

citer coherentis, spermataranarum similis, mephitim exhalantis. His eliminatis è corpore redeunt halcyonia, ægraque restituta dictum confirmavit: ægrota dum anima, spes est.

Quale in Renum vesicæque morbis solamen impertiatur hæc radix, cum Cl. Gothofredo aliisque in Schediasmate uberrime demonstravimus. Remedium hoc eo exoptatius, quo crebrius nunc quam olim, nescio quo fato, calculi doloribus homines affecti afflicti que. Causam si non veram, Poeticam tamen & elegantem suggerit Vates:

*Deucalion post terga mares, ac Pyrrha puellas  
Jactavit, durum nos genus inde sumus.  
Nec mirum, scateant si viscera nostra lapillis,  
Plurimus & lateat ventre rigente silex.*

In Asthmate, ubi tenerrima pulmonum vesiculosaque substantia, partim quoad fistulas tracheales, partim quoad vesiculas aëre replendas, ab humore tenaci viscido glutinoso angustatur, pabulumque hinc nitro aëreum excluditur, & ut Poëta canit:

*- - - Corda occlusis pulmonibus occupat humor,  
Aëriosque aditus vis inimica tenet.*

Parreira nostra, dum coagulum illud tenax, vesiculas pulmonales fistulasque tracheales infarciens, resolvit, incidit, expectorationem promovet: hocque ipso liberiores aëri ad pulmones aditum parat, exoptatissimi certe ant-asthmatici remedii vices supplet; tunc enim

*Vitali zephyro mulcentur pectoris æstus,  
Mitescitque tuus, torrida Zona, calor.*

Singulares has in spirandi difficultate virtutes radice nostræ per literas humanissimas mihi prædicavit Illustr. Argentoratensium Archiater Dn. D. Henninger, id quod sequenti Cl. Gothofredi pariter firmabimus observatione:

Senex LXXII. annorum summe debilis & suffocationi ob pituitam tenaciter pulmonibus inhaerentem proximus, cum duo Infusi Parreiræ bravæ plena vascula post horæ dimidium successive exhausisset, tantam hinc mucī albuminosi pituitæque viscidissimæ copiam vomiturienti similis rejecit, à paroxysmo asthmatico sic feliciter liberatus.

Nec ab asthmate separabimus, quam Vir Clarissimus de morbo arquato Celsi junxit observationem. Fœmina violentis colicæ & acutissimis sub hepatis regione doloribus excruciatā, totius corporis icteritia obruitur, ut & lintea urinæ crassiori injecta croceo colore tincta fuerint. Clysterum ope educta pauca & albicantia excrementa. Post Venæsectiones in brachio & pede institutas, Cl. Gothofredus ægre imperat, ut tria infusi Parreiræ bravæ plena vascula successive intra dimidia horulæ spatium sumat. Brevi post tertium vasculum assumptum dolor remittit, alvus solvitur & materiem intense flavam fundit. Urina co-



piose minusque turbide fluit. Continuato per singulas quatuor horas Parreira bravæ doseos usu luteus corporis habitus penitus evanescit, & spatio viginti quatuor horarum in integrum agra restituitur. Aliquoties ab hinc colicis insultibus afflicta hoc iterum querens remedium, pristinum solamen iterum obtinet.

Sic morsus quoque venenatorum animalium huic obediunt radici, inprimis ejus usu

- - - serpentes poterant non esse nocentes,

*Et non esse nocens Africa Terra potest.*

Jungit Cl. Gothofredus huic alexiteriæ contra venenata animalia virtuti vires haud contemnendas Parreira bravæ in Angina, Dysenteria aliisque affectibus, quibus Febres junctæ, inprimis autem in febribus malignis. Sed cum hæc omnia potius ad Radicem vulgo Rayz de nossa Senhora, & ob specificam contra serpentes vim Cipo de Cobra vocatam, pertineant, de qua plura cum Deo & die supeditabimus, mantissæ loco hæc de Parreira brava scripsisse licebit.

## XLIX.

# MUNGOS ANIMALCULUM

ET

## RADIX,

DESCRIPTA

a

DN. MICH. FRID. LOCHNERO,

S. CÆS. MAJEST. ARCHIATRO EJUSQUE PERSONÆ IMPERIALIS MEDICO, S.R.I. NOBILI, AULÆ CÆSAREÆ PALATIIQUE LATERANENS. ET CONSISTORII IMPERIALIS COMITE, ACADEMIÆ LEOPOLDINO-CAROLINÆ NAT. CURIOS. EPHEMERIDUM DIRECTORE, REIPUBL. NO. RIBERG. MEDICO SENIORE.

**I**Nter myriades calamitatum, quarum gravitate rarditatem suppliciorum luxuriæ nostræ compensare solet, lento quidem gradu ad vindictam procedens, ira Divinæ Majestatis, (quippe, Seneca teste,

*Solet Ira certis Numinum ostendi notis;*)

Purpura quædam maligna in Urbe hac nostra patria hætenus grassari cœpit, ad eum tandem provecta malignitatis gradum, ut à Lue illa, quam πυρφόρον Θεὸν vocavit Sophocles in Oedipo, symptomatum diritate & truculentia vix differat.

Hoc malum non adeo sensere, nec adhuc sentiunt servitia & sine nomine vulgus, sed potius quibus largæ suppetunt facultates, & propitiore fortuna opes pro voto affluunt: non cadaverosi senes aut decrepitæ aniculæ, sed potissimum è sequiori sexu puerperæ, in florentissima ætate constitutæ, virginesque μένανδραι, ut eas Athenæus Dipnos. Libr. IV. nominat, nominisque rationem exponit ejusdem eruditissimus Commentator,

*Cui casa dat nomen bona, quæ casa continet omnes*

*Cum Phæbo Musas, totumque Helicon,*

Animadvers, in Ath. p. 194. scilicet, quæ sunt

annis plenæ maturitatis, & ad patiendum gestientes, ut facete nequitiarum disertus Arbiter Petronius in Satyra jocatur.

Cum ex parte contraria sexus virilis infrequentius hoc malo infestetur, aut succumbat succubuere tamen, quos inter Collega desideratissimus Wurfbeinius Junior, qui pro salute agrorum purpuræ amoliendæ vitæ ipsam mancipavit, & ante Parentem, nunciatibus pariter adscriptum, defloruit, a morte sua illud Ovidianum Met. l. 7. fab. 20 confirmavit, in

- - - ipsos sæva Medentes

*Erumpit clades, obsuntque auctoribus artes.*

Est tamen ut plurimum malum παλιμβόλον quod præ se sapius levamentum fert, sed iterius malignitatem occultat, ut Palladius Syphist. notat, in 6. Epidem. comm. 15. hoc quoque ipso lui non dissimilis Atticæ, cujus Thucydes meminit, & quam eruditissimo commentario illustravit Cl. Fab. Paulinus: κρείσσον λόγῳ τὸ εἶδος τῆς νόσου, τὰτ' ἄλλω χαλεπώτερον ἢ κατὰ τὴν θεωρίαν φύσιν, genus morbi majus, quam ratio comprehendit, & in aliis rebus acerbius, quam humana natura sustineri possit.

App



Apparet enim in principio quæta lues, ta-  
citoque progressu incrementa passim accipit, ra-  
ro symptomatibus validis statim affligit, ut ægro-  
tos sæpius, medentes, adstantesque decipiat. In  
insidiis quippe occulta latet, & è Medici si non  
incuria, mora tamen levidensi, novis actutum  
aucta viribus, vires acquirit, ut immania atque  
vitæ nostræ infensissima symptomata prodeant,

*Qualia non Capaneus, non audax Amphiaræus  
Sperneret, in verso nec Mænas torva corymbo:*

quæ curandi peritiæ obicem ponunt, eamque  
intervertunt, imo ægrum pro! dolor pessun-  
dant, inque censum Libitinæ referunt.

Abstineo ab ulteriori mali hujus delineatio-  
ne, in aliam differenda occasionem: nec disqui-  
rō anxie, an priscis plane ignotum fuerit, vel  
Patrum nostrorum memoria demum cognitum?  
cum Hippocratis nostri, è Celsi elogio, omnis  
Medicinæ Parentis, *τηχηματα*, aspretudines  
miliacæ, *αεξαντήματα οἷα τὰ τῶν κωνώπων δῆγμα-  
τα*, & rubra illa *παυδισματα*, ab illo descripta,  
tatis evincant, vetustioribus Medicis artisque  
nostræ Principibus innotuisse; sed &, quod in  
aliis morbis fieri assolet, aliquando desuisse se-  
que subduxisse, longa vero annorum peracta  
serie rursus productum fuisse, ut quod de Si-  
philide immortalis gloriæ Fracastorius canit,  
huic quoque Purpuræ applicare liceat:

*Non semel in terris visam, sed sæpe fuisse  
Dicendum est, quamvis nobis nec nomine nota  
Hactenus illa fuit. Quoniam longæva vetustas  
Cuncta situ involvens, & res & nomina delet,  
Nec monumenta Patrum seri videre nepotes.*

Hic Ebn. Sinæ tempore malum hoc recruidisse  
videtur, sub nomine *Bothor* expressum: nec  
*Tabardillo* Hispanorum, cujus Vallesius memi-  
nit, à purpura hac nostra multum differre credo.

Hoc certissime affirmare ausim, circa præ-  
teritos meæ initia ante triginta pæne annos, dile-  
ctissimæ nostræ patriæ hanc Purpuræ speciem  
plane fuisse incognitam, utpote quæ petechia-  
bus Hungaricis, olim malignitate quoque in-  
sensissimis, successerit. Lipsiensibus nomine  
Purpuræ Puerperarum, *des Friesels*, notissima,  
ab illisque peculiaribus dissertationibus de-  
scripta.

Quamprimum hic morbus nostris innotuit,  
des vix ullas præterit, sine omni malignitatis  
notâ, ut simulata lenitate expers gravioris mali  
videretur; sequentibus annis ratiore quidem,  
malignior tamen apparuit, ut quos nunc attri-  
bit, plerosque, non tamen omnes,

*Auferat atra dies & funere mergat acerbo.*

Hinc vana ut plurimum & irrita Medicorum in-  
hoc conamina, ut inefficacia deprehendamus  
remedia, quæ effectus alias suos (ut Soldurii  
milites apud Cæsar. Libr. III. Comment. de Bell.  
Gall.) nobis probarunt, adeoque

*== = musset tacito Medicina dolore.*

Visum nonnullis, hanc purpurarum tragicam  
malignitatem & lethaliorem à visceris, vel partis  
etiam solidæ, inflammatione ducere ortum, id  
quod Anatome practica confirmat; neque ab-  
solute id negandum: cum tamen sola sanguinis  
omnimoda corruptio & seri acrimonia quodam-  
modo corrosiva, ad homines è medio tollen-  
dendos, per purpuram hanc sufficiat, nil opus est,  
ad partium viscerumque inflammationes con-  
fugere, nisi luculentissimi testes hoc nos edo-  
ceant.

Interim Purpuræ hujus truculentia adeo ho-  
minum civiumque mentes invasit, ut crederent,  
morbum hunc omnis eludere remedii effica-  
ciam sylvamque cæduam alexiteriorum omni-  
um non sufficere huic debellando hosti; id quod  
jam olim Philosophus Poëta Libr. VI. de Rer.  
Natur. expressit:

*Ærumnabile erat, quod ubi se quisque videbat  
Implicitum morbo, morte damnatus ut esset,  
Deficiens animo mæsto cum corde jacebat  
Funera respectans, animam & mittebat ibidem,  
Idque vel inprimis cumulabat funere funus.*

At postquam nonnullæ hac lue correptæ, inque  
Orci faucibus constitutæ agræ restitutæ essent,  
gratiosissimæ arti debitus redire incipit honos,  
& cognoscunt divinitus quidem tanquam au-  
toramenta peccatorum nostrorum immitti hanc  
purpuram, sed coelesti auxilio quoque curati  
posse.

Inprimis tanquam *Θεῶν χεῖρας* in hoc morbo  
experti sumus nonnulla noviter in officinas no-  
stras introducta exotica, quæ inter serpentaria  
*Virginiana*, pulverem Bezoardicum Anglicum  
Comitissæ de Kent ingrediens, *Pedra Cordial*  
sive *Lapis Bezoar de Goa*, & pretiosa licet, effica-  
cissima tamen, *Radix Ninzin* sive *Genseng*, sissa-  
rum nempe montanum Coræense, radice non  
tuberosa: ut alia alexiteria præteream, quibus  
omnibus in averruncanda hac malignioris Pur-  
puræ specie illud inscribendum, quod M. Varro  
Libr. X. Rer. div. qui erat de diis selectis, agebat:  
**HOMINIS EST HOC OPINARI, DEI  
SCIRE.**

Interim dum Medicorum est, ut acrius omnes

*Incumbant generis lapsi sarcire ruinas;*

quæsitâ undique remedia ad expugnationem ho-  
stis vaferrimi, sollicitataque commercio litera-  
rio aliena experientia, de qua fama retulit, in  
Belgio ex Indiis allatam repertu dari radicem,  
quæ primo morbi maligni accessu, & priusquam  
vires acquirat cundo, exhibita, eum aliquando  
penitus auferat, crebrius tamen in intermitten-  
tem febrem minus periculosam convertat &  
terminet. Exposui hunc rumorem, agris nostris  
adeo salutarem, solertissimo Pharmacopœo-  
rum nostrorum Dn. Dieterico, qui de agris opti-  
me merendi studiosissimus,

*contraque minantia fata*

*Pervigil,*

nullis



nullis in conquirendis iis, quæ agris solatio possunt esse, parcat sumtibus: ambo tamen in expiscando hoc alexicaco remedio extitimus æque infelices, cum nemini tale equidem innotuerit, in votis potius & rumore, quam re ipsa reperiendum.

Non tamen plane inutile fuit scrutinium nostrum & remedii tam generosi conquisitio, cum Dn. D. Falckius, Tilsita Borussus, hanc transiens urbem, Dietericianamque invicens Pharmacopœam, radicis ex Indiis per Chirurgum allatæ meminerit, qua in debellandis malignis uteretur felicissime. Audito hoc statim ad amicos Amstelodamenses literis Dietericus inquit in hanc radicem, neque destitit priusquam laudatum adeo obtinisset alexterium; voti & remedii compos, alacritate consueta mihi Pharmacopolium visitanti ostendit, & si quid de radice hac, *Mongus* dicta, mihi constaret, ut secum communicarem, instantissime petiit.

Amici iustissimis obtemperaturus precibus, quicquid de hac radice collegeram, eruo, cumque altum apud omnes, qui de materia medica scripserunt, de novo hoc exotico silentium deprehendissem, in gloriam optimi Creatoris, & Proximi emolumentum, ut publici juris facerem, à viro amicissimo me exorare passus sum, spe firma fretus, fore alios, in amœnissimo naturali studio longe perspicaciores, imposterum altiore concepta consilio hac de radice manumissuros, defectumque hunc meum suppleturos.

Antequam vero oneri me accingam, radicem *Mungos* distinguimus ab Avicennæ *Meisce*, five Plempii *Masj* comment. in Canon. Medic. Abuali Ibn-Tsina Libr. II. Tract. II. p. 200. (vel uti ab Arabicæ linguæ peritissimis *Mex* vel *Max* effertur,) quod *Mungo* quoque ab Orientalibus vocari, testatur Garcias ab Orto, fortasse lingua sua Lusitanica, uti credit Cl. Plempius Lib. II. c. 21. licet & hoc averruncandis febribus destinatum: Sic enim modo laudatus Auctor: *Est MUNGO semen viride, quod per maturitatem fit nigrum, Coriandri sicci magnitudine, pabulum est equorum, interdum etiam ab hominibus editur. Guzurata & Decan incolæ in febribus hoc modo utuntur. Febricitans cibo abstinet per decem, nonnunquam per quindecim dies: post quos hujus fructus decoctum illi propinatur, in quo nonnihil pulpa remanserit: deinde cortice delibratum Mungo, & instar oryza coctum febricitanti exhibent, panem vero triticeum non nisi post multos dies. Nasci etiam ferunt hoc Mungo in Palestina.*

Post Garciam optime, uti solet, hujus seminis, (apud Orientales frequenter elixi & butyro conditi, cibi loco in delitiis habiti) & Plantæ sub nomine *Mungo*, five *Phaseoli orthocaulis*, descriptionem exhibuit, oculisque exposuit Fabius Columna Lynceus, spectata ge-

neris nobilitate & doctrina maxime conspicuus, qui è Jo. Fabri elogio, eo ingenii sui acumine processit, ut genuinæ Theophrasti ac Dioscoridis insistentes menti, innumeras ab aliis perperam nominatas plantas, speciei, loco, ac nitori suo restituerit, in Not. & Addit. ad Histor. rer. medicar. Nov. Hispan. Nard. Anton. Recchi p. m. 887. Cl. Plempius l. c. Pisi speciem esse contendit. Maximus Salmasius in Homonym. Hyl. Jatric. c. 78. plurima de *Bungo* & *Mungo* habet, operoseque probare nititur *Meisce* five *Mex* Avicennæ differre à *Mungos* Garcie ab Orto. Fructum quoque *Mangostam* hodieporicorum scriptores nonnulli corrupte *Mongos* nominant, de cujus fructus deliciis Cl. Bontius Hist. Nat. & Medic. Ind. Orient. Libr. VI. c. 28. canit:

*Cedant Hesperii longe hinc aurea fructus,  
Ambrosia pascit Mangostam & Nectare Divos.*

Nihil tamen vel Phaseolo orthocauli vel fructui *Mangostan* cum radice nostra *Mungos* commune, quæ nomen ab Animalculo ejusdem nominis obtinuit. Nec enim operam omnino lusero, nec me labor iste gravabit, si ab intimiori Animalculi hujus descriptione, de cujus nomine radicis nomen fluxit, quædam præmittam.

Vocatur autem à Lusitanis *Mungo*, Batavis *Muncos*; in Catal. Exoticor. in Ambulacro Horti Acad. Lugdun. Batav. conspicientorum. *Mungathia Zeylon* aliis *Mongutia*, hinc radix quoque *Mungos* & *Mongus* audit. Garcie ab Orto in Arom. & Simplic. Medicam Histor. Libr. IV. cap. 44. *Quil* vel *Quirpel* vocatur. Exhibet sciuri figuram, eo tamen paulo major & gestibus tardior, pilis ornatus glaucis in cauda longioribus, ex atro ad decorem interpunctis. Mus. Leid. Catal. modo ciatus n. 18. *Viverram Indicam gryseam*, mox n. 19. e *gryseo rufescentem* declarat, ut hoc ipse illam *Mongutiam* à *Quirpele* distinguere videatur Excell. Rajus in Synops. Method. Animal. quadruped. p. 197. seq. notatus ideo à Celeb. Kämpfero,

*Quem non lucri malefara cupido  
Compulit, aut fulva pretiosum litus arena,  
Ire per Aurora thalamos Solisque cubile;  
Humani sed amor generis, studiumque juvandi*

in elegantissimis & omni eruditione scatentibus Amœnit. Exotic. in peregrinationibus per universam Orientem collectis, Fascic. III. Observat. X. p. 574.

Domi alita hæc *Mongutia* facile mansuecit; hinc Cl. Kämpferus ipse *Mongutiam* nuntavit, quæ cum illo dormivit, & caniculæ instar domesticæ per urbem & campos ipsum secutæ est. Sicut & genus sylvestris mustelæ *Quatbenzo* prælonga cauda fusci pili mollissimæ, mitissimum animal, ad cognitos & domesticos accedit, illosque comitatur, cujus memini



meminit Hernandez Histór. Quadruped. nov. Hispan. Tom. I. cap. xxvii. p. 9. & Nieremberg. Histór. Natur. Libr. IX. c. 31. p. 171.

Ex hætenus allatis concluderem animalculum hoc idem vel certe simile esse *Sciuro Gtulo Caji*, Anglicè *de Barbary squirrel* dicto, quippe Mungos instar Sciuri cauda umbram facit: unde ex Græco *σκιά* umbra, & *ὄψα* cauda, nomen trahit vel mustelæ illi Libycæ, quam *γυλῆν λιβυκήν* nominat Clusius, & Exot. Lib. V. cap. 17. pag. 112. delineandam sculpendamque curavit, & modo citatus Nierembergius Histór. Natur. Libr. IX. cap. 32. ex Clusio intulit. Nul- lumque murum sciuro assimilari, cum Sciuri olim mustelarum accenserentur generi, & hodie adhuc Sciuri nostrates, Germanicè *Eych-bermelin*, sive *mustela quercuum* nomenclantur, quos postea corrupte *Eychbörnlein* dixere. Nam aliqua Germanæ provincie, teste Jo. Fabro Bambergensi, Academico Lynceo, mustelam domesticam *Hermelin* vocant, Italicè *Donnola*, Cremonensibus *Benola*, quod ex Arabico *Be-ula* detortum vult Sylvaticus, teste Cl. Laur. Legato in Museo Cospian. Libr. I. cap. 6. p. 23. Hinc *Armellini* mustelæ illæ omni nive candi- diores, excepta caudæ extremitate, quæ nigra semper reperitur. Vid. Fabri Exposit. in Ani- mal. Novæ Hispanicæ Nard. Ant. Recchi p. 885.

Videtur pariter Mongutia persimilis *Caca- nitzli* Hernandez Hist. quadr. Tom. I. cap. XL. p. 12. vel sciuro Indico *Surikatjes* dicto, à Neuho- jo in de Zee en Land-Reize door versheide Gewesten van Ost-Indien pag. 294. descripto. Nec dubium ullum, Animalculum *Mungs* sive *Mings* & *Minx*, à D. Lawson in Carolinæ de- scriptione, dictum, à vocabulo Mungos de- ortum & contractum esse, cum reliqua, quæ de hoc Animalculo viveriæ æmulo referuntur, pissime in Monguthiam quadrent; nec Sciur- us ille Indicus in serpentis caudifonæ nectum se præcipitans, ejus pag. 344. meminit, aliud quid, quam pugnam Monguthiæ cum serpente annuere videtur.

Nec abluat multum Animalculum Sinense domesticum *Sum-Xu*, ad felem minorem acce- ens, nigri & subinde crocei coloris pilos ha- ens, quod Sinenses cicurant, collumque au- eo circumdant cingulo, eoque delectantur maxime, cum murum sit avidissimus venator, teste Rev. Patr. Athanas. Kircher. Chin. Illustr. IV. cap. VII. pag. 194.

Sic *Quirpelen* sive *Monguthiam* in India quo- que alere solent ad glires muresque extirpan- tos, quos acerrime prosequuntur, è Garciae te- limonio loc. cit. indicio certè evidenti è muste- larum genere esse, quæ capitales murium ho- es, de quarum innato odio Plinius jam olim re- ulit, modico cerebri mustelini coagulo immix- to mures à caseis arceri, & mustelæ cinere spar- to eosdem fugari. Ut adeo majorem mustela utilitatem rusticis in frumentorum horreis,

quam cati, præstet, cum mures, glires, imo & talpas voret, quod nitidissimus Hortorum Scri- ptor Ferrarius in Flora sua retulit. Hinc Carolus Figulus ob id mustelæ nomen fecit ex *Mūs*, i. e. Mus, & *στέλα* surripio, quasi *mustela fur* sit mu- rium: quamvis Vossius vocem *tela*, voculæ mu- ris productionem credat, Vid. Excell. Charlton. Exercit. de Different. & Nominib. Animal. pag. 20. Si cuivis in re obscura conjectura licet uri, Goropiano more à Germanica lingua totam vo- cabuli essentiam & genuinam significationem derivari posse credit modo laudatus Jo. Faber. I. c. Mus enim Latinis, idem Germanis animal eadem voce *Maus* aliquibus signat, *stehlen* furari significat. Utramque si vocem in unam *mustela* contrahas, habebis murum furem, quæ huic essentialis proprietas. Hæc Faber.

Quod hætenus de muribus, gliribus, talpis, hoc de cuniculis monet Illustr. Willugbejus, quos è meatibus subterraneis & foraminibus expel- lunt mustelæ sylvestres, Angli *thes Ferrets*, Bel- gis *Frett* dictæ: his enim *Mongutias* sive *Quir- peles* æquiparat

*Eoium nobis qui dat Lipsotius Orbem*, Libr. IV. Itiner. cap. 31. cum Not. Cl. Paluda- ni, & Reverendus Dn. Phil. Baldæus, Verbo- div. Minist. in Regn. Jafnapatnam Insulæ Cei- lon, in accuratiori littoris Malabarici, Co- romandel & Ceylon descriptione. Utrumque mustelæ sylvestres in cuniculorum venatio- ne ad illorum foramina demissa, dum cu- niculos unguibus scalpunt, eos exire cogunt, sic & Mongutiæ, naturæ quasi instinctu & sponte, serpentes, ubicunque locorum inve- nerint, venantur cum illisque congregiuntur. Hinc in Catalog. Leydens. vocatur *animal omnium serpentum generibus inimicissimum*.

Nutrient igitur Quirpeles domi, ut cum serpentibus inibi obviis præliantur, quod à fe- libus quoque fieri Cl. Bontius testatur; in pri- mis cum illo serpentum genere, quod corona- tum seu diademate insignitum creditur, & hinc *Regulorum* nomen obtinuit. Vocantur & vi- pera *piléata*, Gallis, teste Tavernerio, *serpents au Chaperons*, Lusitanis *Cobras de los Capellos*, quos nonnulli quasi pilis capillisque instructos in- terpretantur, quod tamen absurdum, cum nominis obtinuerint, quod in superiori capi- tis parte veluti tegmen quoddam habeant, instar plani pilei, quod &, pro ut concitatur, surgit versatile, ex relatione R. P. Kircheri Chin. illustr. qui insuper annotavit, in inferio- ri maxilla SS. literam naturæ esse insculptam, licet incognitum, cui usui. In Act. Anglic. Phi- los. Mens. Jan. 1668. corrupte vocantur *capra capella*.

A Ceilanensibus hoc serpentum genu- *Noya* vocatur, teste Rob. Knox dans la R- tion ou Voyage de Ceilon P. I. chap. VII. p. 1. Lacesitum hoc serpentum genus peculiare habet, quod utroque cervicis latere eutem ita



re, ut in orbem planum sive compressum, instar alæ vel vittæ, extendere soleat. Vittæ illa in dorso exactissimam imaginem exhibet conspicilli albido colore delineati, cujus orbiculi, in expensa utrinque vitta, & quæ hos connectit arcus, in ipso capite expressi sunt. Cl. Bontius Not. in Garc. ab Otto scribit, similes esse bullis illis, quales Indicæ ranæ palustres coaxantes in temporibus attollunt, quæ bullæ coronæ speciem Auctoribus fecere.

Suppeditat hæc vipera celebres illos lapides, *Pedras de Cobras* dictos, quos tamen Generos. Thevenotius & Tavernier, terris multum jactati & undis, artificiales esse credunt, à Brachmanibus, illos plerumque vendentibus, compositos, non desumptos è serpentum capitibus. Consule post alios plurimos de his lapidibus Excell. Rajum Synops. Animal. quadruped. & serpent. Gener. p. 318. Kircher. Chin. illustr. Blancard. Collect. Med. Phys. Cent. I. n. 16. p. 26. & Cent. III. obs. 95. p. 288. Imprimis autem Excell. Menzelium, dignissimi qui Patris vestigia calcant, Dec. II. Ann. IX. observ. 76. qui rigorosum horum lapidum instituit examen.

Hos serpentes pileatos sive Regulos, *Noya Rodgerah* Ceilanice dictos, secundum Knoxium circumferre solent religiosi quidam gentilium, seu potius circumforanei, stipem horum serpentum gesticulationibus emendicantes: hinc *Vipera Indica gesticularia* nomen huic serpenti inditum in Catal. Mus. Leyd.

Religiosos hos ophiuchos *Jogves*, *Gagis*, *Gioghi* & *Sjoges* in India nominant, nec discrepant ab illis, qui apud Arabes *Fakir* audiunt, constituuntque Braminensium sectam viliores. Quatuor quippe Neuhofius recenset, vocanturque primi generis *Cenravvaghi*, secundi *Samaroth*, tertii *Bisnoth*, quarti *Jogves* vel *Sjoges*, quos Kircherus *Eremiculus Idololatriæ* interpretatur. Omnes religiosorum horum ordines sanctitatem affectant, precarium exercentes quæstum, dumque cineribus se aspergunt, vaccinoque stercore corpus jam sordidissimum uberius inquinant, tam pestilentis putoris effluvia exhalant, ut præ illis cloacæ omnes latrinæque balsamum spirare videantur.

Stupenda hac sorditie apud altissimam plebeculam venerationem sanctimoniam & venantur, & revera accipiunt. Mulierculæ imprimis sordidos hos mystas omni dignantur honore, usque adeo, ut eorum membra, mephitim certe exhalantia, & quæ pudor nominare prohibet, & osculentur & alia committant turpissima dictu, apud modo laudatum Neuhofium fusius recensita. Videantur quoque de his *Sjogis* Dn. Bernier Voyag. contenant la description des Etats du grand Mogul & Andersen è Si-versen Itiner. à Cl. Oleario edita Libr. IV. p. 205. seq. aliique, quos pagina vix capit.

Ex hac ultima Fanaticorum secta nonnulli omnes percurrunt regiones, & circulatorum

more has conspicillo insignitas vyperas secum gestant, quas demulcere, orique colloque aptare solent. Revocant hoc ipso nobis in memoriam matronas istas Romanas, quibus Dracones fuere in deliciis, & quarum meminit Martialis Libr. VIII. Epigr. 86:

*Si gelidam collo nectit Glacilla Draconem.*

Hinc statuæ passim obviæ matronarum, serpentes foventium, quas collegit margaritum illud Augustæ Vindelicorum & Germaniæ nostræ, solertissimus Welschius (quo elogio illustrem Welscherum Pignorius mactare solebat) in Tract. de Venâ Medinens. p. 447.

Has dum innoxie sic tractant Indici ophiuchi vyperas, plebeculæ persuadere conantur, eas se incantasse, ne nocere queant, radiculaeque portiuncula velamento femoris illigata cicures reddidisse; quamvis neget Knoxius pileatas has vyperas sive Noyas esse noxias, contrarium tamen experientia edoctas probat Cl. Bontius Not. in Garc. ab Otto cap. 45. Spectatoribus, qui ad gesticulationes & tripudia harum viperarum ab Jogys illis instituta concurrunt, radículas prædictas venales obtrudunt, nec quenquam facile salientem viperam accedere patiuntur, nisi emta particula munitum, quam tamen non integram exhibent, sed in particulas, ne noscatur, uncialis longitudinis divisas quas sapore & externa facie Sarsaparillæ similes, paulo tamen crassiores judicat Excell. Kamperus.

Postquam hanc radiculam dextra sua includit religiosus circulator, Viperam è vase in terram excutit, & bacillo, vel obverso, quem muniverat, pugno, leviter irritat. Hæc repente ad offendentem conversa, imæ innitens caudæ corpus procerum erigit, vittas iracundiæ indices in orbem expandit, & rutilantibus oculis sibilante sono vibrat subinde linguam, aperti faucibus caninorum dentium letiferam aciem monstrat, tremula tamen timidaque in magistri pugnum intenta. Tum ille cantilenam, & secundum Jo. Hug. Linschotanium & Neuhofium, musica quoque instrumenta modulari incipiens, pugnum nudum varie & ad mensuram quodammodo à dextra ad sinistram & viceversa, nonnumquam sursum deorsumque movet. Anguis in magistri pugnum oculis defixus motum illum, quocunque vergit, capite totaque corpore lepide imitatur, ita ut caput ad duarum spithamarum distantiam (immota cauda) huc atque illuc, à dextra ad sinistram vertat, & hoc ipso speciem quandam tripudii exhibeat, horæ octavam partem durantis. Tanto enim temporis spacio vipera exerceri potest antequam fatigetur, & erecti situs motusque pertæsa effugiat. Ejus igitur lassitudinem fingamque ut antevertat circulator, mature catum abruptit: quo ipso simul vipera humi demittit corpus & saltare desinit, stipem sive

mercedem



mercedem à circumstantibus petente, & in olam viperas recondente sacrificulo mendicante. Hæc post Linschotanium, Langhansium Neuhofumque multo fufius accuratiusque Excell. Kæmpferus, qui & affuefactionis & exercitationis viperarum, venenique privandi modum pariter descripsit: nec enim longiori esse, pluraque exscribere mihi animus: dignissima interim sunt, quæ legantur.

Hæc, quæ hætenus de Indicorum Circulatorum cum pileatis viperis gesticulatione & lusu recensuimus, Draconis refricant memoriam, quem *Cocconas* Byzantinus, & *Alexander* Abonoreichita, corradendis pro Æsculapio nummis circumducebant, aut etiam pro Apolline ipso, tanquam è tripode responsa quærentibus, daturum, apud Lucianum in Pseudomante: cujus vestigia in nummo Antonini Pii ΑΒΩΝΟΓΕΙΧΕΙΤΩΝ Paphlagoniæ adhuc supersunt, cum serpente peculiare caput habente, & sese erigente, adjuncto nomine ΓΑΥΚΩΝ, cujus nummi pariter mentio apud Excell. Valentium de Numm. Græcis pag. 40. Edit. in Fol.

Tripudiantes Indicas viperas, ex Acoftæ testimonio, cum Mongutiis, de quibus hætenus sermo, committere solent; quotiescunque autem animalcula hæc ex internecino & innato quasi odio cum serpentibus congregiuntur, radicem postea, ab illis *Mongus* & *Mungos* dictam, præmorderi referunt. Præmorfa radice pedibus anterioribus saliva conspersis caput primum, deinde corpus reliquum sibi demulcere, postea serpentem aggredi, nec illum, donec occiderit, dimittere. Hæc Garcias ab Otto. Addunt alii, si contingat morderi Mongutias serpentis astutia roboreve victum, relicto hoste pro alexipharmaco hanc quærere radicem, ejusque esu illico restitutam certamen redintegrare, id quod *αυτόπτης* Marcellus de Boschower, (qui ob fortia in India patrata facta, Principis de Migonnetitulum obtinuit,) Dn. Baldæo retulit.

Sed hætenus relata in dubium vocare videtur Cl. Kæmpferus, fidem rei indigenis relinquens; cum hoc tantum de Mongutia exploratum habuerit, à vipera morsam, vel lucta fatigatam, dimisso victore è palæstra in campum excurrere, & obvias depascere herbarum radicias, mox pastu, ut opinatur, refectam, rursus comparere ad certamen, cum hoste, si adhuc adsit, redintegrandum. Alunt enim Mongutia sive Muncos rura calentis Asiæ omnis, usque ad Gangem, etiam in iis regionibus, in quibus hæc radix, de qua nobis sermo, nunquam germinat.

Id quod animo lubentissimo accipimus: firmant enim viri hujus in hoc studiorum genere expertissimi opinionem Jo. Hugo Linschotanus, Garcias ab Otto, Baldæus & Herbertus de Jager, Cl. Kæmpferi elogio attentissimus in Oriente Botanicus, vir inter Philosophos & Gymnosophistas eximie auctoritatis, qui de radice ligni Colubriini illud memorant, quod de radice

Mungos vulgò narratur. Est autem illa ligni Colubriini officinarum amara radix, cujus modo citati Auctores meminere, non ex arbore *Caniram*, quæ in Hort. Malab. T. I. pag. 67. describitur, & nucem illam vomicam officinarum profert: sed ex alia arboris hujus minus tamen cognita specie, nempe, arboris cujusdam Tymorensis, Nucces vomicas quidem ferentis, triplo tamen minores vulgaribus, & fructu integro nucis moschatae magnitudinem vix excedentibus. In Prodr. Paradis. Batav. Cl. Dn. Pauli Hermanni vocatur hæc arbor *nux vomica minor Moluccana*, *lignum Colubrinum officinarum suppeditans*. Figuram ejus elegantissime æri incisam invenies in eruditissima Dn. D. Seuteri Dissert. de Nucc vomica Lugd. Batav. habita. Forte hujus quoque fructus semina sunt, quorum usus per biennium continuatus efficit, sumto scilicet unico singulis diebus, ne morsum inferant & ictus viperæ pileatæ, sive *Cobras de Capelos*, supra à nobis descriptæ; quamvis vini hanc alexiteriam vomicæ Nucis officinarum seminibus tribuant Illustr. Horti Malabar. Auctor loc. cit. & Neuhofius.

Interim hæc, quæ hætenus de Mongutia in conquirendo sibi contra serpentis morsus alexipharmaco retulimus, revocant in memoriam alia animalia, quæ plurimis plantis profusu Medico exoptatissima indagandis ansam dedere,

- - *suumque illis nomen tribuere, hominesque Usu naturæ nutu docuere, docentque.*

Sic de *mustelis* Peripatus Libr. 9. Hist. Anim. c. 6. testatur, illas acuto præditas ingenio inde colligendum esse, quoniam cum serpentibus præliaturæ ruta prius se muniant, deinde audacter pugnam aggredientes palmam reportent. Addit. Jacob. Vitriac. in Hist. Orientis, omnes quidem serpentes, & Basiliscum quoque à Mustela interimi, cum hoc tamen discrimine, ut Basilisco interemto ipsa etiam pereat. Vid. plurima huc facientia apud Guilielm. van den Bosche Hist. Medic. de Animal. Natur. Lib. II. cap. 47.

Quæ si vera forent, nemo certe miretur, Indicam hanc mustelam, Mongutiam, radice pater Mongus devorata vulnere per serpentes illatum abigere venenum virusque depellere, ad ductum & mentem Poëtæ:

*Parva loquor, quin bruta etiam rapit impetus artis*

*Phæbeæ ad sese ratione carentia, solo Natura motu & solo utilitatis amore.*

*Vis divina adeo id decus atque ea gloria in arte Spectatur, qua bruta etiam ad se pellicit ultro; Ut duce natura tantum cognoscere vires*

*Plantarum valeant, hominemque subinde docere.*

Asiatici igitur, ut ad Virtutem radicis Mongus pariter deflectat calamus, & inprimis, teste Excellent. Kämpfero, qui Sumatram Ja-



vamque incolunt, five usum à mustela edocti sint, five casu quodam invenerint, radicem pro explorato habent antidoto, five venenum extrinsecus illatum, five intrinsecus assumptum fuerit.

Vocatur Planta radicis Malaice *Hampaddu-Tanab* à Cl. Kämpfero, ab Herberto de Jager vero Epistol. ad Georg. Eberhard. Rumphium, Museo Mus. Excellent. Valentini annexis, & quidem Epistol. VI. *Hampaddæ-Tanab*, pauco discrimine. Si Malaicam hanc vocem Latine interpretari animus, *Fel terra* significat, à sapore amarissimo omnium fere partium, præsertim radicis, quæ immensam bilis amaritiam exhibet. Sic Dracontium quoque Autor Glossarii Veteris *Fel terra* vocavit, reprehensus ideo à Cl. Rhodio, Danorum eruditissimo, Not. in Scrib. Larg. compos. 227.

Est autem amarities radicis nostræ non adeo tadiosa ac illa, quæ in *Pudravali* deprehenditur.

Designatur hoc nomine Pudrawal Planta scandens humique repens, tantæque amaritudinis, ut Javæ Incolæ extremis vix tangere digitis audeant, cum sæpius iterata manuum lotionem vix separari queat: hinc nullius in Medicina usus, ceu hoc refert Cl. Rumphius ad Herbert. de Jager Epistol. VII. p. 45.

Memorat modo laudatus Collega noster in Moluccis, Amboina & Tymor, arbusculam marini & quidem petrosi saxei que littoris accolam repertu dari, tantæ pariter amaritatis (Vitruviana hæc vocula,) ut in scriptis Botanicis, à se congestis, hanc ob causam *Regem Amaroris* nominaverit. Vocatur Malaice *Bonhati*, à Ternatensibus *Soulamu*, quasi *Amarora Ducem* dixeris. Fructibus est viridibus planisque, similibus corculis, foliis oblongis ingentibus, flore ad *Gælogtsjmetjæ* accedente. Fructum radicisque frustum misit Herberto de Jager, annexo hoc joco, ut certamine cum Rege hoc Amaroris nostro *Hampaddu-Tanab* five *Mungos*, & *Pudravali* instituto, usu exploretur, quis tristi amaritie vincat. Quod si Rex amaroris occuberit, nil referre regerit, cum miles quidem existat Amboinensis, Ducis tamen insignitus titulo, maximi apud Moluccarum Insularum Incolas nominis, quo in debellandis summe rebellibus morbis, imprimis ad averruncanda animalium venena utuntur.

Virtute hac alexicaca optime convenit cum *Hampaddu-Tanab*, de qua nobis sermo, licet in plurimis aliis differat, & circa Radicis Mungos veram matrem maxime inter se dissentiant Cl. Rumphius & Cl. Kämpferus. Prior enim eam *Clematitem Indicam foliis Persicæ fructu Periclymeni Baubini* credit, & cum Herberto de Jager in duas dispescit species, colore florum distinctas, rubro nempe & albo, quæ ultima species optima censetur, cum gen-

tiles, in Coromandelenfi tractu viventes, florum albedini semper primatum tribuant.

Jam supra innuimus hos in Historia naturali Indica duum viros Mongutiæ, opem medicam contra serpentis ictis quærentis, salutem in radice arboris, lignum Colubrinum proferentis, posuisse; cum igitur Clematites hæc fructu periclymeni flore rubro allegetur, & constet insuper primam speciem ligni hujus, à Garcia ab Orto productam, esse plantam fruticosam, quam in Horto Fageliano in Vico Leidenhorstiano, milliare circiter Lugd. Batav. distante, vigentem sub nomine *Periclymeni Zeilanici herbacei foliis variegatis diversicoloribus maculis ornatis* deprehendit Cl. Seuterus, in laudata jam de Nuce Vomica Dissert. eandemque esse credit ac Cl. Breynii Prodr. 2. *Periclymenon Sinense variegatum*, flore sanguineo amplo, & Thjudamaram Horti Malabarici: nulum dubium superest, radicis Mungos natales in hac quæsiuisse forte planta.

Maxime tamen ab his dissentit Cl. Kämpferus, & aliam luculentam nobis radicis hujus promit descriptionem. Dolent autem mecum omnes, qui Physica studia amant, Cl. Rumphii, in Historia naturali expertissimi, Academia nostræ quondam Plinii Indici, monumenta literaria intercidisse: pauca enim hucusque, Museo excepto, viderunt lucem, cætera, quæ inter Hortus Amboinicus, à Cl. Kämpfero laudatus, injuria Reipublicæ literariæ, suppressa jacent; quod si exstaret opus Plantarum Rumphianum, absolutissimum certe, ad conciliationem sententiarum inservientia nonnulla suppetere.

Interim hoc destituti Thesauro radicis Mungos descriptionem mutuemur ex Cl. Kämpferi Amœnitatibus exoticis, firma spe lactati viri hujus laboriosissimi Historiam Asiaticam non modo effectam, sed jam pæne confectam, DEO volente propediem prodituram, qua plurima in Democriti puteo delitescencia in dias luminis auras producet vir incomparabilis, seculi nostri Decus, Peregrinatorum gloria. Hic enim

*Doctor adest, aperitque libens, quod maximus olim*

*Nesciit Hippocrates; non ipse Epidaurius Heros Phæbigenaque duo.*

„Crescit autem, ex ejus relatione, Planta radice, cui ab amaritie Indi, à viverra Lusitani, nomen dedere, in Java, Ceilana & Sumatra Insula, fortassis, uti opinatur, in aliis regionibus. Altitudine surgit pedali & longiori, faciem eminus conspecta exhibens Centaurii minoris. Radix illi una est & simplex, spiramam longa, digiti crassitie, crebrò vagoque flexu intorta; Cortice firmiter adnata, fungosa, rufa, substantia lignosa, dura, fibrarum exorte, & fragili, coloris al-

„bidi,



„bidi, saporis amarissimi, instar Gentianæ, sed  
 „subtilioris, & haud æque ingrati. Caule assur-  
 „git recto, tenui, æquali, ramulis raris, alter-  
 „ne diversis, quos folia ornant pari ordine di-  
 „spofita, rariora, angusta, longitudinis un-  
 „cialis, figuræ lanceatæ, stylis singulis ex sur-  
 „culorum axillis in duarum vel trium digito-  
 „rum transverforum longitudinem exsurgen-  
 „tibus, tenuibus: deciduis infistunt flosculi  
 „circiter quinquaginta, plures, pauciores præ-  
 „parvi, in plures fasciculos digesti, & in um-  
 „bellam tantillam, quam ungue obumbres,  
 „conglobati, pulchre rubentes: qui per mi-  
 „croscopium cognoscuntur nudi, tubulati,  
 „extremitate in quinas & senas lacinias divisa.  
 „Arescente flosculo ex umbilico ejus semen  
 „minutissimo pediculo protruditur, in aliis  
 „geminum, i. e. è duobus seminibus ad bases  
 „concretum, fastigiis divaricatis, in aliis sim-  
 „plex & unum inæqualis rotunditatis, & ex  
 „quadantenus compresso utcunque turbina-  
 „tum, osseum, seminis coriandri magnitudi-  
 „ne, cute vestitum carnosâ adnatâ, per siccita-  
 „tem rugosa, coloris promiscue vel nigrican-  
 „tis, vel ex viridi pallentis.

Hucusque Excell. Kämpferus, cui tanto  
 ubentius subscribimus, cum artis saluberrimæ  
 sit peritissimus, ac autopsia hæc & alia exacte  
 deo didicerit, ut juste ac merito plurimis præ-  
 erendus Auctoribus aliis, qui

- - - sapiunt alieno ex ore petuntque  
 Res ex auditis potius quam sensibus ipsis.

Et certe quæ de radice memorat, apte his, quas  
 apud sedulitate præcellentem Pharmacopœum  
 Dietericum manibus tractare licuit, con-  
 veniunt; sunt enim digiti sapius minoris cras-  
 tie, crebro vagoque flexu intortæ, ut

- - - sinuoso volumine multo  
 Serpentes referant.

Exprimit sic externa radice Mongus figura, id  
 quod de ligno Colubrino meminit Acoſta,  
 cum ait: Tantam habet lignum hoc cum Co-  
 lubro similitudinem, ut qui non norit, aut de  
 se viderit, sed ad lunæ splendorem noctu con-  
 spiciat, vivum colubrum esse existimet. Vid.  
 quoque Cl. Paludanus Not. in Linschot. Libr.  
 7. cap. 31.

Cortex firmiter aliàs adnatus, fungosus,  
 asus, rugosus, à nostris propemodum abra-  
 sibilis ablatuque. Quoad internam substantiam  
 ignota radix, dura, fibrarum exors & fragilis,  
 coloris albidus, saporis intense amaricantis, in-  
 instar Gentianæ, sed subtilioris & haud adeo in-  
 grati, & hinc quoque majoris & penetrantio-  
 ris efficacis; ideoque quoad saporem & alexi-  
 pharmacam virtutem radices arboris *Pilipoc*  
 mulatur apud Nieremberg. Histor. Natur.  
 b. IX. pag. 338.

Retulimus jam Indis radicem hanc explo-  
 rati antidoti loco esse, sive venenum extrinse-  
 cus illatum, sive intrinsecus assumptum à ser-

pentibus. Hinc radicem hanc Mungos dicen-  
 dam jure serpentariam quoque reor,

*Serpentinam hoc nomine vero.*

- - - Quod radix moribus anguis  
 Atque venenosis aliis ferat ictibus almas  
 Suppetias.

Illud enim præstat, quod de Radice ex An-  
 glia, ipsi sub nomine vernaculo *Snaagroel* trans-  
 missa, prædicat Cl. Cornutus de Plantis Cana-  
 densibus pag. 115. & Virginie ille Encomiastes,  
 ibi natus & hanc pariter inhabitans provin-  
 ciam, Libr. II. cap. 4. p. 196. dans l'Histoire de  
 la Virginie, ubi radicem contra venenum ser-  
 pentis caudifonæ ad cælum usque extollit, à  
 serpentaria tamen Virginiana distinguit; vo-  
 canda igitur nostra, ad differentiam America-  
 narum, *serpentina Asiatica Mungos*. Confer huc,  
 quæ de Dictamno Virginiano habent Aët. Phi-  
 los. Anglic. mens. Maji 1668.

Maximam tamen radix hæc nominis fa-  
 mam sibi acquisivit à vi illa alexipharmaca &  
 stupenda plane, quam in destruendo exitiali  
 illo viru Macassario, ullo vix alio remedio su-  
 perabili, exhibet,

*Ac fert præsentem Numinis instar operæ.*

Celebes Insula est Indiæ Orientalis, quæ ex  
 Aquilone in Africum perpetuo tractu leucas  
 prope ducentas excurrit, atque, ut aliæ ferme  
 vicinæ, plura in regna dividitur, teste Reve-  
 rendissimo Patr. Maffejo è Societ. Jes. Histor.  
 Indic. Lib. X. p. m. 201. Inter hæc Celebes In-  
 sulæ regna Macassarense, à metropoli si dictum,  
 eminet, cujus Rex male ab Auctore Part. IX.  
 Itiner. Orient. Indiæ à Fratribus de Bry editis,  
 Rex in *Madagascar* pro *Macassar* dicitur. Hi  
 Macassares populi apud plerosque hodo-  
 poricorum scriptores ob venenata arma spicu-  
 laque pessime audiunt, quibus sauciati sine ul-  
 la mora fato perfunguntur, partibus læsis in  
 putredinem resolutis. Id quod de Brasilianis  
 quoque testatur Piso Histor. Nat. & Med. Libr.  
 I. pag. 14.

Audiamus de Macassarensis Excell.  
 Bontium, Medicum quondam Bataviæ in Ja-  
 va majori primarium, Histor. Natur. & Medic.  
 Ind. Orient. Lib. V. cap. 28. p. m. 85.

„Si aliquis vel leviter læsus, ad simplicem  
 „sanguinis missionem, vel in extrema calce,  
 „nutabundus statim, tanquam ebrius, in ter-  
 „ram mortuus concidit, sed & carnes intra di-  
 „midix horæ spatium à septico hoc veneno ita  
 „computrescent, ut tanquam mucus à subje-  
 „ctis ossibus manu avelli queant, & quod mi-  
 „rere magis, sit, e. gr. aliquis in femore vel al-  
 „tius læsus superficialiter à telo alio, veneno  
 „non intincto, & sanguis etiamnum calidus in  
 „subjectos pedes defluens tangatur simpliciter  
 „hisce venenatis telis, ocyor Euro aura pesti-  
 „lens vulnus versus ascendet, eademque cele-  
 „ritate & modo hominem è vivis rapiet. Hæc  
 „non sunt nugæ, sed oculata hoc confirmavit



„ experientia. Hæc Bontius. Sunt autem spicula ista, è relatione Scriptoris Part. VIII. Itiner. Orient. Ind. Fratr. de Bry, è piscium spinis confecta: (quippe Maffeo supra laudato recte Hist. Indic. Libr. VIII. p. 166. *ad fabriles usus Macassenses spinis piscium pro ferramentis utuntur*) Neuhofius tamen tela illa deleteria accuratius examinans refert, pedalis ut plurimum longitudinis, ex arundine scissa, apice è dentibus piscium subtilissima, toxico illo lethali imbuta imprægnataque esse.

Arbor venenum illud suppeditans indigenis Ipu, Javanis Malaisque Upa dicitur, & à Neuhofio arbori, caryophyllos ferenti, quoad proceritatem ac folia assimilatur. Crescit secundum Excell. Kämpferum in abditis sylvarum Insulæ Celebes locis, præsertim in provincia Turasia. Neuhofius in IV. minoribus Insulis, Macassarensibus vicinis, & à populo *Bougis* Belgis *Bokjes* dicto inhabitatis, veneniferas has arbores pariter repertu dari narrat. Tavernerius Voyag. d'Ind. Livr. III. p. 19. ex Insula Borneo afferri hoc Venenum credit.

Triplex dicitur arboris species, solius succi malignitate majori vel minori differens. Sic Tangaracarum sive Plantarum detestabilium, quod facultate singulari deleteria polleant, tres quoque species recenset Clar. Piso Hist. Nat. & Med. Libr. V. c. 17. p. 301. seqq. Colligendi modum accurate, more solito, recensuit Celeb. Kämpferus, quo Ben. Lect. remittimus. Dum effluit è vulnerato arboris cortice virus, lactei pinguisque succi æmulum, non sine evidentissimo vitæ periculo colligitur: hinc plerumque morti ob patrata facinora adjudicatis ejus collectio committitur, qui adverso vento arboris corticem vulnerant, manantem exinde succum longis arundinibus excipiunt, ac extra vulneris arborei virosam exhalationem in vado constituti vasi vitreo, sed caute pariter infundunt ac obturant, & hoc vitæ suæ *λύτρον* Regi offerunt. Confer quoque de veneno, per odorem Lethifero in Orientali India, quæ habent Act. Phil. Anglic. Mens. Mart. 1666.

Hunc solum veri secreti conscium credit Tavernerius, tragico hoc exemplo Angli, à Rege Macassarensi ope lethalis hujus teli interfecti, confirmans, licet non omnia in Tavernerii volumine contenta authentica esse, ab ejus Amico Generoso Dn. de Brueil, per epistolam Alepo Syriæ exaratam, Excell. quondam Faber Heilbronnensium Podalirius monitus fuerit, uti patet ex Ann. IX. Dec. II. Append. p. 413. id quod ab Auctore Libri Gallici, l'Esprit de Mr. Arnaud, (Rev. Jurii foetum credunt,) pariter factum, qui sublestæ fidei Tavernerii narrata nonnulla pronuntiat, additque, Gallum *Chapuzeau* dictum, calamum concinnando Itinerario commodasse, cum Tavernerius, postea Baro d'Aubonne vocatus, ante iter in Indias susceptum, Nobili cui-

dam, vel Germano vel Ungaro, à camera serviitiis extiterit.

Vegetabili hoc veneno postea lanceas suas, pugiones, imprimis autem tela, quorum jam aliquoties mentio facta, imbuunt Macassarenses, & hoc non ex arcu, sed per tenues arundinaceos tubulos, (even gelyk man en Holland, scribit Neuhofius, met ronde proppen van potærde uyt spatten na hett gevogelt spat, i. e. Sicuti in Belgio globulis argillaceis, per tubulos ejectis, aviculis inhiant) oris flatu explodunt in hostes, hinc à Belgis *de Macasserse vergiftige spatters* vocantur, graphiceque à Neuhofio æri incisi exhibentur. Tavernier modum hunc tela emitendi gallice exprimit, *avec une Sarbatane*. Th. Herbertus Anglus in Itinerar. versionis Belgicæ L. V. Lamberti van Bosch *Sempitane* vocat.

Contra lethalia veneno hoc inflicta vulnera omnis olim in *homerda*, statim & in copia assumpta, salutis spes posita erat, Vid. Act. Phil. Anglic. Mens. Mart. A. 1666. ut vomitu exinde per nauseam enormi excitato virus corpori illatum destrueretur & illuderetur, licet non semper optatissimus sordidissimo & abominando huic remedio effectus successerit. Tandem revelatis alterius pharmaci à Macassarensibus olim arte nulla, quam cruciatu extorquenda erat, quæ radicis nostræ *Mongus* sive *Mungos* usum patefecit. Indorum quippe Medici, Idiotæ licet & nullis literis tincti, eximii tamen sunt Botanici, facilique negotio omnis generis medicamina ex undiquaque in sylvis conquisitis conficiunt: quæ stupenda sagacitate interne illos adhibere videas, præcipue in morbis à veneno natis. Testatur quoque Cl. Piso, tanquam oculatus testis, in castris membra militum, jamjam ab Europæis Chirurgis amputanda, Barbaros recentibus gummi, succis & balsamis à ferro & igne liberasse, & feliciter restituisse; imo moribundos ex venenatorum fungorum esu, aliorumque *toxicorum noxa*, solo potu Infusi radicis Jaborandi in instanti à letho vindicatos, Pisoni aliisque Galeni nepotibus haud parum pudore suffusis, post tot Alexipharmacorum & Theriacalium Antidotorum irritos conatus. Hæc ingenue confitetur Cl. Piso Hist. Natur. & Medic. Brasil. L. II. p. 24.

Assumitur autem radix *Mungos* cum ad præservationem, tum ad curationem, ab inferendo vel jam illato veneno, drachmæ unius vel dimidiæ pondere, cum haustu aquæ dulcis vel cujusvis liquoris, sive rudi frictione super lapidem sive cultiori modo in pulverem redacta: nec in consultum ajunt, ipsi loco affecto pulvem è pulvere radicis nostræ cum sputo vel aqua factam imponere.

Latius fusiusque hæc à citatis hæctenus Auctoribus de Veneno Macassarensi ejusque antidoto specifica *Mongus* sive & *Mungos* tractata, in compendiolum à nobis redacta sunt, evolvenda ab us, qui plura hæc de materia scire desiderant.



siderant. Forte nonnulla quoque rarioris com-  
matjs haurienda è Tractatu Gallicè inscripto:  
Relation du Royaume de Macassar: nec enim  
libellus jam nobis ad manus est.

Propter hætenus recensitas alexiterias radi-  
cis hujus contra serpentum, ac Macassarense fu-  
riale venenum, multis successibus infallibilem  
virtutem expertus est adversus canis rabidi mor-  
sum in brutis æque ac hominibus Cl. Kæmpfe-  
rus, inprimis si misceatur cum celeberrimo il-  
lo pulvere contra morsum rabidorum, quem  
in Tr. de Venenis Lib. III. cap. 19. suppeditavit  
Poncettus,

*Purpurei columen Cætus, sacrique Senatus  
Gloria, & Hesperii lucida gemma Soli.*

Et quod caput rei est, radice hac, (cujus è Java  
copiam secum asportavit vir hic *χαρίεστος*) in  
febris putridis morbisque malignis rediit in  
patriam felicissime utitur.

Hanc virorum in Indiis Celeberrimorum de  
viribus radice Mungos præmonitus experien-  
tia, quam nunc Excellent. Kæmpferus in Ger-  
mania pariter felicissimo successu toties confir-  
mavit, Amsterodamique fama quotidie adhuc  
comprobat, consilium cepi, ut duce analogismo,  
in purpura illa valde maligna, cujus in disserta-  
tiunculæ hujus fronte mentio injecta, radicem  
pariter hanc exhiberem, ad malum illud perti-  
nacissimum averruncandum.

Nec spes me fefellit, cum pluribus ad ulti-  
ma salutis detrussis radix utilis admodum extite-  
rit ac salutaris, virtute sua balsamica sulphureo  
salina-alkalina, aptissima ad massam sangui-  
neam liberandam à miasmate illo virulento, in-  
teritum corpori nostro minitante.

Exhibui autem vel solam, vel aliis medica-  
mentis alexipharmacis, ad morbi malignitates  
per poros eliminandas, immixtam. Factum ta-  
men in nonnullis, ad vomendum promoribus,  
& gravato nimium ac peccante materie ventri-  
culo, ut cum euphoria & optimo successu vo-  
mitus produxerit, natura modulum agentis ex-  
terioris eludente, uti notum est alia Bezoardica  
quoque, quæ inter serpentaria Virginiana, imo,  
Acosta teste, contrajerva ipsa, nonnunquam vo-  
mitum provocasse. Criticus hic vomitus & salu-  
taris confirmat Excell. Schelhammeri effatum  
ejusdem veritatis esse, ac *magni Chartæ Galeni, ac  
Coi celebris scripta verenda Senis*. Sic enim Ma-  
chaon ille Cimbriæ: Vomitoria sæpius diritati  
malignorum in principio exhibita obicem po-  
nunt, præsertim si cardialgia, oris amator, in-  
carcerati in ventriculo flatus, ructuum causæ,  
aliaque non suadere tantum, sed postulare vi-  
lentur. Quod commode Ipecacoancha fieri  
poterit, remedio quodammodo alexipharma-  
co, teste Pisone Histor. Natural. & Medic. Brasil.  
Libr. V. cap. 6. pag. 233. & 303. Edit. sec. quo par-  
es illas venenatas stomacho inflammationem

minitantes eliminare eamque antevertere licet.  
Rarius tamen vomitus radice hujus effectus,  
*ὡς ἐπὶ τὸ πολὺ* sudor.

Repetitis autem vicibus, non semel aut bis  
exhibenda, sed generoso hoc remedio assidue,  
nec minus fortiter pugnandum, ac milites in an-  
gustias redactis copiis, adversus truculentissimi  
hostis aciem consueverunt. Accensenda enim  
hæc radix Mungos non illis levioribus ac mitio-  
ribus diaphoreticis, quæ neque obstinatissimum  
à miasmate in malignioribus morbis productum  
coagulum resolvere, nec particulas involutas  
promovere possunt, sed illis potius, quæ poten-  
tius incidunt, ac in arctius contractas mali co-  
hortes irruunt.

Solam in pulvere exhibui ad drachmam se-  
mis, vel scrupulos duos, in aqua appropriata, vel  
Thée regio de bou dicto, Herb. Scord. Rad. Scorz.  
montan. & contrajerv. mixto.

*Sed puto vix paucis tristem arridere saporem,  
Eheu, quam paucos Juppiter æquus amat!*

Effectus tamen salutaris & dulcis, à radice  
amarore proveniens, huic obviam ibit nausæ.  
Minime omnium sapor hic aliquantulum in-  
gratus Medicum deterreat, quo minus agris  
hoc remedium commendet & imperet. Medi-  
corum quippe, Galeno nostro sic sentiente, adu-  
latorum est, cubantis delitiis statim subscriben-  
tium, ejusque voluptatem, non sanitatem, pro  
meta gerendorum habentium Libr. XII. Meth.  
Med. cap. i.

Optimum sensi radice hujus effectum, dum  
felici mihi esse licuit, ut ingruente morbo illam  
statim exhiberem. Datur quippe ægrotorum  
cohors, cui *Sunda* nulla, quamvis maxima olim  
Atheniensium Dea, arbitrato Themistoclis apud  
Herodotum Libr. VIII. consuadere potest, ut Me-  
dicum tempori accersat, id quod fere commu-  
nissimum Patriæ nostræ vitium, ut rarissime pri-  
mo morbi accessu, plerumque ubi numerosis  
prius conquisitis remediis ex empiricis phalera-  
tis, Extesticulatoribus vaniloquis, vetulis lotio-  
physicis, & quibus non! sero & jam provecto  
morbo Medicum accedat, quasi vitæ mortis-  
que arbitrum, qui fata jam morituri pro arbi-  
trio dispensare valeat, ut verbis eruditissimi Me-  
dici justissimas querelas exponamus nostras,  
cum in hoc casu proh! dolor nimis verum ex-  
periamur, quod Corn. Tacitus Libr. V. Annal.  
ajebat: *Brevibus momentis summa verti posse.*

Quod si miasma malignum, quoad maxi-  
mam partem Radice hujus in principio statim  
exhibita usu eversum, perque corporis spirā-  
cula, cutis nempe poros, remotum, succedant  
huic radice leniora diaphoretica, ne nimium  
sudoribus sollicitentur agri, corpusque mado-  
re nimio exsolutum fatigetur, adeoque cum  
lymphā simul vitam eduxisse Medicus videat-  
ur, ac de illo jure dici possit, quod de Vin-  
dicta



dicta Marii & Syllæ Pharsalicorum eruditissimus Vates Lucanus Libr. II. querebatur:

*Ille quod exiguum restabat sanguinis urbi,*

*Hausit, dumque nimis jam putida membra rescidit*

*Excessit medicina modum, nimiumque secuta est,*

*Qua morbi duxere manus.*

Nec etiam opus, solam semper per se exhibere radicem Mongus, quippe cum alexipharmacorum varium habeamus delictum, suo quisque arbitrio, ut res postulaverit, quæ volet accipere & huic radici adjungere potest.

Suppeditavit nobis India jam ab aliquot annis *il Piedra cordial*, sive lapidem Bezoar, à loco, in quo hætenus à Pl. Reverend. Patr. Soc. Jes. Caspar. Antonio componitur, de Goa dictum. Figura est vel ovata, vel rotunda, coloris intus cinerei extus nigricantis splendens, maculisque aureis distinctus. Hunc pariter R. P. Nicolaus Momitius præparat, lueris N. M. in superficie impressis dignoscendum. Descriptiones hujus lapidis varæ exstant, quarum optima in Pharmac. Fulleriana & dans le *Traité des maladies les plus fréquentes*, & des remèdes spécifiques pour les querir &c. par Mr. Helvetius p. 139. Vires è Lusitanica lingua in Belgicam transtulit & Museo Amboinensi, elegantissimo operi, inseruit Nobiliss. Rumphius Libr. III. Artic. 86. pag. 338.

Ad hujus imitationem globulos, illorum de Goa æmulos, apud diligentissimum Dn. Dietericum formandos curavi, quibus malignæ purpuræ

*... duros avertere casus,*

*Parcarumque colos tardare & lubrica pensa,*

sæpius licuit; quorum descriptionem, ne proximi emolumentis ullo modo deesse videat, hæc publici juris facio; præsertim cum nunc compositionem radix hæc nostra Mongos quoque ingrediatur:

*R. Rad. Mongus*

*Angel. Afric.*

*Serpent Virgin.*

*Contrajerv. ana ʒi.*

*Pulv. è ʒyph. Cerv. Zuvels. ʒiv.*

*Chel. ʒ. marin.*

*Corn. capr. Bezoard.*

*Alc. phil. præp. ana ʒʒ.*

*Spin. viper. ʒj. M. F. Pulvis subtiliss. super*

Porphyrit. lavigandus & probe miscendus, cui postea adde Gelat. Viper. & Unicorn. ver. q. s. ut inde formari possint globuli, foliis auri obducendi & caute siccandi, postea ferro lavigandi.

Differunt quid in quoad ingredientia ab illis globulis, quos nobis Goa mittit: constant enim hi è lapidibus pretiosis, margaritis, corallis, Bezoar Oriental. aliisque quorum loco nostri alexipharmaca potius ingrediuntur, debellandæ purpuræ malignæ aliisque febribus pessimi moris destinatos. Ambram Moschumque in Indicis exstantem omisimus, ne sequiori sexui incommoda haud continentenda pariat: & loco aquæ rosarum pro massa humectanda, fl. Tunicæ vel mellissæ substituenda.

In Infuso quoque radix Mongus felici exhibetur conamine. Pisonis hic observatio, quam Hist. Brasil. Natur. & Medic. L. II. p. 25. de Infuso habet, meretur certe attentionem. Lusitanos nempe & Brasilianos, medicamentum nativi Infusum raro igni, sed æni & rori nocturno versus Orientem exponere. Unde frigidiuscula aura subtilissimusque ros vicem correctoris attenuatione sua prober, dum medicamenti acrioris & calidioris vires moderatur. Sed climatatum certe hoc in casu habenda ratio.

Ulteriore laude radicem nostram Mongus extollerem: sed vereor, ne quis auribus meis illud infusurret, quod Catonis tempore de Brassica nimium laudata à Satyrico dictum legitur *Brassica dia Catonis*. Plura & certiora cum DEO & die de remedii hujus efficacia viribusque edoctus impofterum libenter suppeditaturus.





L.

PHOENIX PERSICUS,

SEU

HISTORIA  
PALMÆ DACTYLIFERÆ,

AD

ILLUSTREM

DN. H. A. van REEDE tot DRAKESTEIN,  
Toparcham in Mydrecht &c.ILLUSTRISS. SOCIETATIS INDIAE ORIENTALIS BELGICAE  
COMMISSARIUM GENERALEM PLENIPOTENT,

ab

E. K.

ILLUSTRIS ET EXCELLENTISSIME  
COMMISSARIE GENERALIS!*Domine Gratosissime!*

**A**Udaciæ ne credas, sed ingenuæ intentionis nifum esse, quô ad Aram celsitudinis Tuæ compareo. Ex Perside lior sacrificium, non phaleratos equos, non cinaces & aulæ, non turchesias & margaritas, quibus alii vario & nefario Mercurio instructi redeunt, sed Phœnicem ejus terræ, id est icito campô depromptam magni ominis atque nominis PALMAM DACTYLIFERAM: arborem, inquam, dignam decumanis Expeditionum & Meritorum Tuorum fluctibus, dignam Humanitatis & innumerarum, quæ gloriæ Tuæ apicem coronant, Virtutum famâ, dignam denique clarissimis, quibus à serioris animum relaxas, παρρησιας Botanicis. Nam el horum solo nomine Nomen Tuum inter dera immortale fulget, & ad nuperam auroam Horti Malabarici, famosi dudum, disparent mnis ævi ac gentis Botanicorum radioli, Pal-

mam heu! quantâ submissione, offerentium. Tot equidem non transcripsisse, sed exotico è naturæ gremio ipfius deprompsisse sumptuose, typicè, luculenter literato Occidenti primus omnium stitisse, Herculeum me herclè, ac nisi tantis Prudentiæ & Autoritatis facultatum requisitis stipati Herois inauditum opus erat. Recipe, magne Æsculapiadum Mæcnas, ab ejusdem Divi ac Nominis Tui devoto cultore præsentis quoque Palmæ auspicatum munusculum, utut intuitu fastigii Tui indigno, ac Relationi quam Plantæ magis genuinô stylo elaboratum. Et studia nunc mea per asperos inclementis fortunæ casus fluctuantia, sub gratiosa Umbonis Tui umbrâ clementer fove. Sic Te numerabo inter eos Patronos meos, in quibus ego colendis patriam constituo sanctitatem

TUÆ ILLUSTRIS EX-  
CELLENTIÆ*Domine Gratosissime*

Clienſ ac ſervus ſubjectiſſimus

E. K.

Zzz

HI-



## HISTORIÆ

DE

## PALMA DACTYLIFERA,

## RELATIO I.

*Introductio ad Palmæ historiam.*

## S. I.

**P**Almam heic sistimus dactyliferam, elegantissimam Orbis & Asiæ citerioris copiosissimam arborem: arborem, quæ, torrentis cœli sui ac soli natalis invicta injuriis, in excelsum fastigium superbo vigore enititur, & uberimâ lautissimorum fructuum annonâ possesores cumulat. Ex quibus illa felicitatibus gloriosè meruit, ut eam literatus Orbis constantia, fortitudinis rerumque præclare gestarum notam atque insigne constitueret. Injurius ego in dignitatem arboris, & ingratus in beneficentiam videar, nisi lectissimam ejus historiam, quæ à Botanicis obiter delineari, à Philosophis & Poëtis contaminari etiam figmentis solet, plenâ disquisitione vindicem, atque hœc ipso meritis reponam grates almæ nutrici, quæ me ultra biennium dactyliphagas inter Persidis Arabiæque gentes fructu melligeno sustentavit, umbrâ verò, quamvis tenui sua, ab ardente Jove gratiosè protexit. Pensum ita persequar, ut arboris natales, structura, cultus, fœtura, patria, dactyliphagi populares, eorum & ratio vivendi, & quacunque ad historiæ integritatem spectaverint, Palmaphilo Lectori innotescant: tantum materiæ apparatus singulari Fasciculo complexurus.

In dissertationis limine nos morari jubet famosa illa & tantopere ab auctoribus deprædicata *Avi Phoenix*: quæ cum arbore nostrâ uti Græcæ appellationis τὸ φοῖνικ, ita quod immo patriæ & fortunæ particeps est: ex quo, ut paucis eam contemplemur, argumenti ratio postulat. Patria illius Arabia est, deserta illa & perpetuis arboribus æstuans; in quâ unica dicitur & sine pari existere, insolentia quam natura stupet, & quam demirata antiquitas *Avem* ipsi Soli sacrare dignata est. Forma illi eximia est, magnitudine aquilæ, cujus caput & collum aureo nitore fulgent, vertice longis plumis cristato: vastum pectus & caudam laxiorem cœruleus, roseo interpun-

ctus, color, reliquam superficiem purpura, variis coloribus distincta, insigniter commendant. Omnium autem viventium maxime longæva est, cujus vigorem nec vernaculus ardor cœli, nec ulla infirma agritudo corporis, vitam verò nec fati necessitas terminat: quippe quæ pluribus defuncta seculis, (quorum de numero auctores discrepant) quasi annorum, quos vixerat, solum numerum pertasa, ex ferali busto, quod sibi ex aromatibus struxerat, repuerasceret, felicem subitura prioris vitæ periodum. Sic inquam Græca fides, sic Latina à Græci adoptata Phœnicem describit Arabum.

Si permissum est procul excurrere, audeam in scenam huc ducere, ac Phœnici æmulam affirmare Sinensium *Foo*, vel, ut plenius scribitur, *Foo vwoo* avem apud antipodes æque celebratam, atque in nostro hemisphæri Phœnix est. *Foo vwoo* enim descripserit, paucis exceptis, qui ipsum Phœnicem: quo cū Sinensis illa de originis & felicitatis primat non injuriâ fortasse contenderit. Scribitur enim unicus & perfectissimus esse naturæ partus in Volucrum genere, *ein Meisterstück der Natur*: partus equidem in ipso æthere exclusus, & eo ipso demissus tempore, quò ex fecundiore cœli, ut loquuntur, cum terro coitu nascebantur in quadrupedum generis animal exquisitissimæ pulchritudinis & virtutis, *Kirin* dictum, in ordine verò humano *Sin* aliquis, id est, perfectissimus ingenio & virtute homo: cujusmodi fuisse perhibent doctores *Roosj*, *Koosj*, nostratibus *Confutius* dictus, *Sjaka* & alii paucissimi. *Avis* hæc Sinensibus, & qui eorum religionē & scientiis imbuti sunt, finitimis nationibus, creditur auspiciatissima nuncia felicitis seculi, hominum amans, cœlitibus dilecta. Magnitudo illi decens est, forma eximia, cui nullus deficit articulus pulchritudinis: Hanc præsertim cuncta commendat excelsior, collum & crura longa, cauda longis plumis luxurians, & cetero reliquo corpore, triade colorum, rubeo, cœruleo, &



fulco aureoque eleganter distincta. Longavitatem in Phœnice miraris, in *Foo woo* sanctitatem stupeas: Rigorem enim religionis Pythagoricæ inimitabili exemplo referens, graminis externa tantum depascit foliola; ne herbulam, immortalis quoque animæ habitaculum, occisione debeat; gressus verò eâ cautione dirigit, ne animalia offendat vel maximè exilia, vel eorum frangat ova: quibus tamen omne terræ spatium (microscopiis & subtiliori Philosophia testibus) abundare dicitur, ut proferre pedem, sine inferendâ clade, sit difficillimum. Interitum vix habet, quod ex mortalium scenâ ad æthera rursum sublata, ubi maneat, dici non possit. Hæc igitur felicitatis augurium & index habita, sæpè à Sinensibus, velut ab Ægyptiis Scarabæus, rerum dicatur auspiciis; initia librorum, Principum conclavia, & rario-  
ris artificii mappæ tabulæque, imagine ejus frequenter insigniuntur; quin & orationibus votivis & gratulatoriis apud literatos argumentum præbet atque gratiam. Adeo inquam in multis *Foo* Phœnici videtur substitui, ut diceret ipsum esse, vel ex ejus historiâ evolâsse ad antipodes.

Verum enim verò figmenta sunt diversæ originis: quam (milsâ Sinensium ave) Phœnix noster invenisse videtur in hieroglyphicis cunabulis Ægyptiorum; nisi fortè in ipsâ exclusus Arabiâ, post longum seculorum ambitum (verba sunt ita referentis Taciti Lib. VI. Ann. c. 28.) demum in Ægyptum dederit. Inde igitur ab advenis Phœnicensibus susceptus, nam per hos notitiæ migrabant) ad transmarina enata-  
vit littora Græcorum: à quibus nil mirum est, si non reclusis analogiæ mysteriis, in Romanorum quoque fidem concesserit, & Oratores pariter ac Poëtas, quin & historiarum monumeta, eximii leporis & plena admirationis fabula nullo negotio occupaverit. Nec enim dubitârunt omnium seculorum auctores opinioni de prodigiosæ volucris existentia suffragari: ex secularibus *Herodotum, Plinium, Solinum, Ælianum, Philostratum* novimus: *Clementem Romanum, Cyrillum, Epipharium, Ambrosium, Lactantium* ex Ecclesiasticis: taceo in utrâque classe recentiores. Videris ætate quoque nostrâ scholarum heroas, quos tantâ pervicaciâ incessit Phœnix, ut veris rationibus malint, quam opinione de existentia speciosissimæ volucris, parentare: quasi ex interitu tot argutissimarum, quas illa præbet, inventionum, Republicæ literariæ salutis metuant. Tacebo nunc commenta Asiæ, inter Indum & Gangem posita, in prodigiis admittendis facilima, & in retinendis tenacissima partis terrarum; quæ inter antiqua superstitionum cum Ægypto commercia avem Phœnicem amplexa quoque videtur: nescio, quas non prodigiosas de eâ affectiones somnians: illas verò, seu Patriæ immemor, seu figmenti conscia, non quidem

in deserto Arabiæ, sed circa Imamum montem & inaccessam Gangis originem, quasi in Utopiâ, collocat. Quid autem mysteriorum studiosa gens per Phœnicem designaverit? an aurato capite cœlum? an pectore cœruleo mare? an versicolore corpore plantigeram tellurem? an corpore toto universum Mundum, qui elapso anno magno Platónico revolutionem passurus sit? Ita quidem *Deusingio, Laurenbergio, Kirckmejero*, aliisque persuasum est, minimè verò iis, qui cum Ægyptiis Arabibusque versati, sensus hujus mystici ne vestigium inveniunt in ipsis regionibus, quæ primam dedere lucem Phœnici. Quid moror? In τῇ φοίνικος, sive Palmæ dactyliferæ, argumento, arboris omnium principis, Phœbo dicatæ, venustissima, felicissima & maximè longævæ, natales suos nomenque invenit ipse plumosus; & per Phœnicem nihil unquam aliud priscis, nisi Palma nostra designata est. Alæ frondium ordines alatos indicant: decus plumarum, pinnatam seriem foliorum: renascens illa ex igne origo, ardorem significat, in palmiferis Arabiæ desertis maximè intensum, qui cum ceteris viventibus ferat interitum, Phœnici tamen nostro ortum & vitam partibus omnibus incrementum, caudici firmitatem & robur, fructibus maturitatem & perfectionem tribuit. Ceterum & vita utrique longæva, Soli utraque sacrata, par fama & gloria, idem denique nomen est. Atque sic recluso, si quod est in fabulâ, analogiæ mysterio, reciprocam hic reddimus ex ave in arborem metamorphosin: hoc loco statuentes & restituentes Phœnicem, quæ in Persiæ non minus, quàm in Arabiæ Ægyptique æstuoso solo longæva perennat *Arbor Dactylifera*, Latinis Palma, Græcis φοῖνιξ, Arabibus Persisque *Nachl*, Ormusiensibus *Mogh*, eorumque finitimis *Moch* appellata. Quam ipsam dum sub disquisitionis incudem vocamus, à contemplatione nostrâ excludimus alius terræ genique arbores illas, quibus vel ex frondium gradatâ dispositione, vel ex verticis circa mediam gemmam circumfusa comâ, vel ex harmoniâ partium fœturæ, puta spatharum spadicumque, vel tantum ex individi caudicis simplicitate, vel quocunque charactere alio, Palmarum civitas indulta est.

## §. 2.

Omnes plantas sub amplo Palmarum nomine per universam Asiam extantes in tres ordines disjungo: sic enim ipsa eas divellit maximè obvia & perennis differentia foliorum: Primus ordo Palmas folio Adiantino, alter flabelliformi, tertius arundinaceo exhibet dotatas, & in hoc postremô Phœnicem quoque dactyliferam, Palmam κατ' ἐξοχήν & sine addito sic dictam; omnium quippe Palmarum, quin arborum omnium facilè Reginam, perfectissimumque in Regno Vegetabili superbæ gravitatis exemplum. Nisi fortè principatum



sibi arrogaverit Palma folio arundinaceo, *Cocos* dicta, quæ nostræ vix cedit, sive formæ totius similitudine, sive usus, quem vitæ humanæ præstat, varietate, sive potissimum sui copiam & multitudine: quâ, ut illa in omni citra flumen Indum Asiâ æstuosâ, ita hæc in omni Indiâ Tropicis conclusa, ceterarum arborum numerum conjunctim omnium evincit, extra eos verò limites, quod notabile est, nullâ arte se propagari patiens, Quam verò *Cocos*, velut nuciferam & à pruniferâ nostrâ diversam, à Phœnicis tractatione excludimus. Initio de dactyliferâ, vel de omni fortassis Palmâ dubitaveris, cuinam stirpium classi associandâ sit? Nam Herbis & Fruticibus accenseri, vel ob celsitudinem non potest; nec referri inter Arborea, quæ arboris leges indolemque respuit, nuspiam cortice vestita, expers lignæ soliditatis, & per ramos furculosque haud divaricata. Peculiarem igitur subire censum popularium judicio videtur, quæ eandem *Moch* vel *Nachl* specificò, quàm Arboris *Diracht*, communi vocabulo appellare malunt, & Palmetum proprio nomine *Nachlistaan*, vel antiquiori & oræ Persicæ usitato nomine *Mogheestoon*, non *Dirachteestaan*, id est, arboreti, indignant. Enimverò, dubitationes has non adeo moramur, ut ex arborum ordine eam excludamus, haud integrum ducentes, ut Fungis & Muscis, sic vel Palmis aliud inter Plantas, quàm quò à Botanicis dudum donatæ sunt, præter necessitatem genus constituere. *Theophrastus* sane: *Planta*, inquit, *res varia est atque multiplex, inque universum de eâ referre judicium difficile*, Hist. Plant. Libr. I. c. 2.

## RELATIO II.

*Palma historia generalis.*

## §. I.

**E**xpedit autem ante arboris nostræ introductionem duplex indicasse, Sylvestre nimirum & Hortense, genus. Illud per desertas valles & circa torrentium salforum ripas crescens, formam gerit indecoram, tortam & humilem, folia hortensi multò longiora, firmiora & ad textilia opera magis expetita, fructus verò ut rarissimè, ita non nisi austeros & inutiles: ex quo, ceu futile, & palmeo nomine indignum, peculiari appellatur nomine *Abud-sjebl*, quod Arabice Patrem incitiæ significat. Creditur ex ipsis ortum esse hortensium dactylorum officulis, quorum germen in sterili solo, nullâ quidem auxiliante culturâ, in agrestem prosapiam degeneret, si deinde radicem traducibus propagetur. Ruricolæ sic referunt, penes quos fides sit. Sylvestri classi accensenda venit parva quædam Palma Indica, quam copiosam *Ceilana* Insula, sub nomine *Hin Inai*, id est, pumilæ Palmæ, rariorem *Ma-*

*labaria* sub *Katuu Indel*, i. e. Sylvestris Palmæ, rarissimam terra Gangetica, sub Telingicâ (mediterraneum idoma est) vocis *Ni Peris* appellatione videndam exhibuerunt, Dactylos ferentem minores, rubros, quodammodo edules, carne farinulentâ, ex quâ coctionis opemelliss speciem Indi nonnunquam eliciunt, descripta ab Horti Malab. auctoribus Part. 3. Ab eâ non differre nisi natali solo videtur procerior oræ Gusurattensis Palma, quæ inebriantem liquorem *Tari* (pariter, ac per universam Indiam Palma *Cocos* potum vinosum, *Syri* dictum,) ex præcisis spadibus effundit; mitior verò, veræque Palmæ admodum æmula est, quoniam terræ natalis humente sabulo, modico sale nitroso, & fervore fota (quibus mirè Palmarum genera delectantur) in ejusdem proceritatem generose enititur. Vulgus in Perside & Arabia agresti familiæ annumerat arborem suam Bdeliferam *Duum*, aliis *Mokbl*, dictam, cujus Gummi *Mokbl Asrak*, apud myropolas utriusque regionis, prostat venale, ex fructuum decocto, quod perhibent, inspissatum, coloris rufi, pellucidum & sincerum. Arbor hæc ipsa est, quam in Paradiso quoque germinasse indicat Hebræorum vocabulum *כרלח* Arabum voci Bdelium denotanti dubiò procul æquivalens; nunc ejusdem ferax tantum est felix, quâ Sinum Persicum respicit, Arabia, & huic adversa ora Persidis *Dsjask*, nostris *Capo de Jasques* dicta, unâ cum vicino deserti ejusdem circuitu, quem *xal' ègaxiv* & velut proprio nomine *Biabuun*, id est, desertum appellant. Quam ipsam verò arborem, mihi haud visam, nequaquam Dactyliferæ speciem esse, sed sylvestrem Palmam nuciferam folio flabelliformi, *αυλόνης* mihi retulit attentissimus in Oriente Botanicus, *Herbertus Jagerus*, Vir inter Philosophos & Gymnosophistas eximiæ auctoritatis, cui fidem subscribimus. Crediderim hanc esse *Bdeliferam Chamæryphem Serapionis*.

Mitis altera & hujus loci Palma est, quam nascendi fortuna melior, humanæ curæ & culturæ subjiciens, Hortensem esse voluit, specificè Palma Dactylifera, & secundum eminentiam, *Palma* sine addito, Phœnix veteribus, Persis *Moch*, *Nachl*, vel *Nächlichorma* appellata; cujus, sed potissimum in Perside nascentis, historiam persequimur.

## §. 2.

Ejus Patria, in Asia quidem, (nam Africam non moramur) omnis est Arabiæ Persidisque tractus: qui ab Indiâ ad rubrum mediterraneumque maria protenditur, versus meridiem Oceano circumfusus, versus boream trigessimum ultra citraque gradum attingens altitudinis. In quo verò nuspiam Palma magis luxuriat, quàm iis in regionibus, quæ situ propiore Sinum ambiunt Persicum; quales sunt: versus meridiem, Arabia Maskettenfis feli



felix quæque nuncupata, ex ubertate dactylorum, quibus & cives sustentat suos, & ceteriorum quoque Indiam alit: Versus Orientem, *Carmania* deserta, nunc *Meckraan* dicta, ad *Sindi* provinciam usque sive Indi fluminis alluvionem: ultra quam, teste *Garzia*, nullum *Palmæ* hujus est vestigium: ut mirer, unde *Georgio Andersonio* Dactyli venerint in *Kara Kitaja*, *Itiner. Lib. II. cap. 10.* Sanè, qui ejus arboris natale longius in Orientem protulerunt, quique *Palmarum* vel folia pro papyro expeti, vel spadices earum vini feraces esse retulerunt, illi vel congeneres sylvestres, vel *Palmas* nuciferas cum dactyliferis confuderunt, quale non est viatoribus indoctis, vel supinis, errorum genus insolens. Versus Occidentem: quicquid terrarum ex *Babyloniâ* per *Susianam* ad *Basrensam* usque protenditur illustre ostium illud, quod *Euphratis* *Tigridis*que aquas communi alveo *Sjet et arab* receptas, in Sinum *Persicum* effundit, atque inde dactylorum magnam vim ad externos mari dimittit. Versus Septentrionem antiquæ veræque *Persidis*, *Fars* dictæ, pars australis, quam ad Orientem *Carmania*, ad Occidentem *Susiana* terminat. In hac verò nulla est ditio, quæ caryotarum vel delicatiori genere, vel majori genere, vel majori affluentia dotetur, quam *Dsjabrom*, ex qua illæ per regni universi partes & provincias (quas omnes incolæ nomine *Iruun*, nos, non *Persidis*, sed *Persiæ* vocabulò complectimur) ipsamque in *Tartariam* & *Georgiam* pervehuntur. Ex ceteris territoriis ditiori annonâ gaudet provincia *Laar*, & quam hodie includit, *Daraab*: *Carmania* item, nunc *Kirmaan* appellata; & in primis ea provincia, quam *Sinus* sæpè dictus alluit, ab insulâ *Dsjeruun*, (nostris *Ormus*, vulgo *Persarum Hormus*) *Dsjerunaat* denominatur: cujus ego nunc squalidæ ac torrentis terræ in amplexu, sub umbrâ *Palmæ* arboris, descriptionem hanc meditor. Rectè dictavit *Strabo*: *Regio* (*Persis*) *magna ex parte nuda, nihil habet præter frutices & Palmam, quæ in Babyloniâ & Susianâ & in orâ Persiæ & Carmaniâ permulta est*, de *Situ Orbis Lib. XVI.*

## §. 3.

*Cœlo* *Palma* gaudet torrido & æstuoso, terrâ autem sabulosâ & limosâ, levi & nitrosâ: ex quo igitur ceteræ stirpes intereunt, eodem loci genio arbor nostra delectari, imò solò foveri dicenda est; quandoquidem in cœli benignioris regionem, fundum licet opimum, transplantata, vel emoritur protinus, vel, si vitam servet, sterilis & parva consenescit. Idem observavit *Theophrastus*: *Caloris*, dum ait, *avida est, & frigidum ferre nequit, fructifera verò sterilefcit in Graciâ*, *Hist. Lib. II. cap. 9;* & *Plinius*: *Nulla est, inquit, in Italiâ sponte genita, nec in aliâ parte terrarum, nisi in calidâ, frugifera verò nusquam, nisi in fervidâ*, *Lib. XIII. cap. 4.* Sanè, quò *Palmarum* fe-

racior est regio, eò ut plurimum inclementioris cœli & magis ceterarum rerum inops est, præsertim aquæ dulcis & fluminum: incolæ proinde non habens, quàm plebejos & fortunæ tenuioris, qui dactylis, vix aliâ eduliorum specie, sustentari, & vitam degere in squalore & inopiâ à teneris consueverunt. Indolem cœli satis expressurus videor, si omissis reliquis, saltem calamitarum caput, auram ejus ferventem nominavero. Hæc æstate palmiferas regiones cum infestet promiscuè omnes, tum verò circa litus *Persicum* supra mortalium tolerantiam & vires intenditur. Causa est, quòd *Sol* æstivus nullo hîc imbrium humore, nullo nubeculæ velo unquam mitigetur: in Tropico verò existens, ita redituque circa popularium vertices multò diutius, quàm in ceteris cœli partibus, commoretur, ex quo hæc zona æstum ubique terrarum patitur; præterea, quòd campos hîc inveniat merè fabulosos, adeoque fovendis radiis tenaciores, præsertim versus boream clausos montibus præaltis, qui, ut austrum calentem sistunt, ita verò arcant expectatum ab illâ parte aquilonem. His pondus prægrave addunt singularis notæ venti, ex Austro-Occidente post meridiem flantes, æstuosi adeo, ut ex *Orci* faucibus propelli magis formidandi nequeant. Incolæ eos vocant *Baadi samuur*, barbaro ipsis nomine & venenati quidpiam insinuante: rectius *Circios* infernales appellaverint; ex eorum quippe occurso, præsertim in turbinem si agantur, viatores nonnunquam prosterni, & præcluso spiritu suffocari contigit, nisi linteò madefacto faciem operiendo suffocationis periculum declinaverint; quo sine nemo facile sine plenâ amphorâ iter hoc occipit. Res prodigio similis, & ut à nemine hætenus memorata, sic ex naturæ principiis nondum decisa est: cur stygii isti flatus, cum flammæ instar ardeant, liquores tamen ad madentes pannos contactu suo algidos reddant: quin etiam reconditos intra cameram & non contactos mediocriter refrigerent? Certè, qui à corporis loturâ (quam hic in detrimentum amamus advenæ) ex cisternâ madentes prodeunt, ab hoc vento afflati, vim frigoris percipiunt intolerabilem, ac pene funestam, nisi subito inarescens cutis, molestiam cum mado-re rursus deponeret. O *Arctoum* filiis ingratum & inhospitale cœlum! Perperam *Hornius*: *Solum versus Sinum Persicum fertile ac crebris fluminibus irriguum, interiora verò (Persiæ) perpetuis caloribus adusta & sterilia*, notat *Orbe Pol. P. IV.* Rectius iterum è præscis *Strabo*: *Ora, inquit, maritima æstiosa est ac ventosa, & fructuum inops, præterquam Palmarum*, de *S. O. L. XV.*

## §. 4.

*Sexum Hortensis Palma*, de quâ solâ agimus, duplicem agnoscit: Masculinum, qui rarior, & Foemininum, qui copiosissimus est; ille florifer sine subsequente fructu, hic absque præ-



cedente flore fructifer solum est: secus ac stirpes ceteræ, quas naturam fecisse ἀνδρῶν comperimus. Deceptus proinde fuit *Johannes Bauhinus*, cum *Hist. Pl. c. de Palmâ*, in eadem arbore, tam flores quàm fructus vidisse se, ac ipsos decerptos possidere testatur contra *Gesnerum*, qui Palmas arbores circa Monspelium steriles memoraverat, fide fortassis potiori: siquidem negare fas est, decidua dactylorum in sceminis initia, fructuum mereri nomen. Nullæ sexûs, quibus discernas, intercedunt notæ, quam hæc diversitas parit, ante cujus eruptionem mares à foeminis ægrè dignoveris. Palmicolæ tamen peripicaciores ex frondium & caudicis liberaliori quodam vigore ac pleniori habitu mares colligere longo usu didicerunt. Idem affirmo de thecis ingravescens, quas mares exhibent præter morem foemineum largiores, crassiores & magis pendulas, præsertim brevi ante ruperam, sive partus exclusionem.

## §. 5.

Duplicem Palma agnoscit ortum: vel enim ex plantato genuino semine, videlicet ex dactyli Ossiculo, progerminat: vel ἀνδρῶν, sive sponte genita, prodit ex radicibus alius Palmæ, tanquam ex materno sinu. Ex Ossiculis progenies utriusque sexûs nascitur, sed quem ante foecunditatem, quod dixi, vix dignoveris. Ἀνδρῶν soboles ex maris gremio perpetuò florifera, ex foemineo verò dactylifera prodit, & sexum refert parentis, ex quo nota est. De utriusque productione nunc speciatim.

Ossiculum plantam progenerat peregrinà à parente suo facie, quâ per annorum aliquot infantiam servatâ, per varios incrementi ordines Palmæ arboris formam pederentim induit. Hos ordines primùm nunc exponam, ab ovo, quod ajunt, orsurus. *Ossiculum*, (vide *Tab. XI. Fig. 1.*) cùm in terrâ trimestre, vel pro soli genio longiùs, ad spithamæ profunditatem plantata jacuit, ex umbilico suo (puerum est in gibbâ parte) protrudit carunculam substantiæ tenerimæ, teretem & candidissimam: ex quâ deinde, sensim intumescens, omnes partes arboris successu temporis propululant. Hæc inquam caruncula in uncialem longitudinem paucos intra dies protensa primò mense radiculam triuncialis longitudinis, simplicem & tenuissimam in perpendiculum demittit, dum supernâ parte dehiscens cylindrum protrudit carnosum, album, teretem longitudinis uncialis. Altero tertioque mensibus (*Fig. 2.*) radicula, longius producta, fibris pubescit paucis tenuibus, simul ac è cylindri, jam magis clati, vertice enascitur & extra tellurem assurgit folium seminale, unicun, obscurè viridans, rigidum, in lanceæ angustiam rugis tribus quatuorve plicatum, semipalmaris circiter longitudinis. Tum relicto, quod hætenus adhærebat, Ossiculo jam effecto, cylindracenum, quod dixi, germen (*Fig. 3.*) in bulbum oblongum, foliorum rudimentis tuni-

carum compactumque extumescit; radix in spithamæ longitudinem extensa, unâ atque alterâ augetur sociâ; Folia verò adsunt gemina, rariùs tria, paulò magis explicata, palmaris longitudinis, latitudinis uncialis, rigida, tensa, plicata: quorum quod externum est & magis aversum, jam proprio nititur pediculo & majori vigore luxuriat, altero tertiove vix dum integro comparente. Atqui hoc primum plantæ nostræ incrementum est, videlicet semestris, vel potius annum, si à plantatione computes, præsertim si coelum ac solum minùs faveant. Altero dehinc anno arbuscula (*Fig. 4.*) largiori incremento assurgens, radices acquirit plurimas, quas ad cubitale spatium diffundit; bulbûs majori auctus tunicarum numero, ultra spithamæ turget peripheriam, paulatimque graciliore extra solum dodrantalis prominet, in quinque, plura vel pauciora, resolutus folia, spithamam & amplius longa, lata pollicem unum geminumve: nixa pediculis ex herbaceo albicantibus, pronâ facie canaliculatis, calami scriptorii crassitie, longitudine unius vel plurium, pro ætate, unciarum, glabris, fibratis, firmis. Pediculorum in complexu Gemma emicat ingens, conoidea, palmam vel spithamam longa, surrecta, rigida, virescens, ex rudimentis foliorum atctè sese involventium conglobata: ex quâ subinde aliud exsurgit folium, semper majori plicarum numero instructum. Anno ætatis tertio marcere incipiunt folia quædam exteriora: quàm verò jacturam renascentium major numerus & vigor abundè compensat, & quæstuofo incremento arbusculam in maiorem molem provehit; dum felici interim auspicio etiam dehiscere foliorum plicæ incipiunt, & in lacinias, sive folia arundinacea, dissolvi, proximâ, quæ genuina est frondibus, similitudine. Habes Palmæ ex semine suo prognatæ figuram, quam gerit in cunabulis: quibus triennio vel longiùs immorata, masculam acquirit parentis sui formam, bulbô in brevem & ligneum caudicem, pediculis in scapos & ligneas costas, foliis per alternas plicas divisus in frondes alatas, totâque puerili & hætenus mirabili structurâ in consistentem Palmæ arboris habitum, speciosâ mutatione transeuntibus, in palmetum quandocunque lubet, ex ephebis proferenda.

Altera Stolonum ex radice progenies ἀνδρῶν, (*Fig. 5.*) luxuriosè statim & alarum figuræ folio, nullis infantiae retardat gradibus, in conspectum venit, & biennio haud longiùs exacto jam humanam frondibus attingit longitudinem: quapropter ætatis adepta veniam, in palmeti classem bimula recipitur. Hi Stolones non Palmis quibuscunque, sed saltem in fundo foecundiori adolescentibus, & annos intra quadraginta constitutis adhaerent, singuli quini, interdum plures, damnosâ parentibus, nî extirpentur, luxuriâ.

Stolonum aliud quoque genus est (*Fig. 14.*)











purium, nec hujus loci, quod sine radicibus in caudice, ex aliquo pollicum frondiumve sinu, quin intra ipsam arboris comam, emergit. Quod in iis Palmis, quæ ætatis vigore & alimenti copia præ ceteris luxuriant, non raro evenit. Verum hæc quamprimum cernitur arboris <sup>μωρο-βλάστη</sup> soboles perdita, velut patriæ stirpi infesta, occisimè avellenda, & in ovo, quod ajunt, interrimenda est.

## §. 6.

Nascentem Palmam ejusque incrementum ostendimus. Hoc uti satis est liberale in infantiâ, ita segnius in adulta, tardissimum in consistente ætate; nullum protinus est in senio constitutæ. Quamprimum enim perfectam arboris faciem, depositâ, ut sic loquar, pubertate suâ, affecuta est; nihil amplius partes in magnitudine vel numero, id est, in perfectione suâ proficiunt. Caudicem excipio, qui solus, servatâ crassitie, in majorem longitudinem provehitur: verum lento admodum successu, nec quotannis vel quot mensibus ad sensum manifesto: æstimari tamen annum incrementum potest ex amissione marcentium sub comâ frondium, quas singulis annis septem, &, pro diversâ ætate & terrâ natali, plures vel pauciores exuit, interea totidem novis in vertice acquisitis. Tantâ enim longitudine vertex atque adeo ipse caudex procrevisse putandus est, quantum in eo spatium occupaverant bases frondium amissarum, siue quantum recens acquisitæ occupant. Id verò spatium cum admodum sit in vigore arboris angustum atque exiguum, tum verò in senili comâ & solo steriliore est angustissimum & vix dodrantale. Incrementa autem & totius arboris habitum si metiri per ætates placeat, comperies: adultam, (*Fig. 7.*) ut plena est succi & vigoris, ita frondibus luxuriare densioribus & ad superbiam expansis: caudice donatam quatuor vel quinque orgyiarum altitudinis: Profectam ætate, (*Fig. 8. & 9.*) obtinere longitudinem circiter novem plus minus orgyiarum: comâ donatam modicâ, frondium densitate & longitudine spectabilem: Senescentem & decrepitam (*Fig. 10.*) duodecimam orgyiam raro assequi, nullo partium decore conspicuam: caudex enim exesus nullis pollicibus ornatur, nec eorum quidem vestigiis, nisi fortè in cacumine: coma vestitur alis & rarioribus & vigore orbatis: tota denique arbor sterile senium & fatalem vitæ declivitatem tristi exprimit habitu.

## §. 7.

Ætatem verò ita computamus, ut quinquagenarias adultæ, centenarias provectæ ætatis, decrepitas verò eas vocemus Palmas, quæ vel ducentos annos affecutæ sunt, vel cum tertio seculo devolvuntur; tot namque annis Palmam vigere, gravi popularium auctoritate & temporum traditionibus perhibetur: quo ipso quidem tertio seculo Phoenix noster naturæ debitum ex-

solvit, eo modo, ut vel è capulari fastigio (ex pluviâ in eodem permanente) putrescenti, universa coma decideret: vel radicibus senio absumptis tota excelsæ arboris machina ex tempestate corruat: vel eadem, siderato caudice, ex teredine atque recepto inter pollices humore, contabescat: vel demum fibrarum ductibus, nutrimentum deferentibus, vetustate exsiccatas, vitæque adeo absolutâ periodo, pereat & quomodoque emoriatur. Sextum verò excedere seculum, quod de eâ sub alitis allegoriâ prodit antiquitas, id nunquam in Phœnicis patriâ hominum memoria observavit. Equidem in istò æstuosò climate; cujus caustica aëris perniciēs non camentitiis operibus, non ipsi parcat Martis metallo, satis hanc longam esse ætatem crediderim; quam nec temperationis cœli arbores, nisi rarissimo exemplo, superaverint. Nam, quod de *Mundo congenita atque intacta avis roborum vastitate in Sylva nostra Hercyniâ* celeberrimus *Plinius* scribit, *Nat. Hist. Lib. XV. cap. 2.* id credere Judæus apella debet, non qui auctoritatem rationibus ac dextræ rerum inquisitioni postponendam ducunt.

## RELATIO III.

*Palme Cultura.*

## §. I.

Quæ in Palmeris condendis, quæ in arborum culturâ palmiculis attendendæ sint rationes, paucis contemplantur. Prima est deligendi loci irrigui, nimirum, in quo affluxus aquæ fontanæ, vel, si ea deficiat, puteanæ, debitè sisti, & per arborum quincunces derivari possit. Campus igitur, quò planior, eò alendis arboribus aptior natus est: salebræ & clivi, nisi fontibus scateant, minùs sunt idonei: ineptissimi sunt, quos humoribus natura omnino destituit. Genius soli quis esse debeat, supra diximus: quis aquæ fuerit nil refert: Omnis liquor Palmæ gratus est, dummodo salibus non nimium gravatus: tantum possessoris interest, si cum altrice sylva sibi conditurus est domicilium, ut inveniat dulcem, non gravatam salibus & potioni ineptam. Plerique enim hujus cœli tractus vel omnino humoribus & culturâ destituti torrent, vel colono suo non aliam impertiuntur, nisi *Aabi sjuur*, i. e. aquam sale nitroso muriatico imbutam, siue in ipso foveant terræ suæ gremio: quales aquæ ut limpidissimæ sunt & spectantium oculis pergratæ, ita sitientis labra viatoris multoties fallunt. Delectus campus primò omnium profundè sulcandus & subigendus est: deinde ad legitimam distantiam (quincunces & ordines parum curantur) novellis palmis conferendus. Harum verò cum duplex genus sit: unum, quod ex radicibus, stolidâ, quod vocant, fruticatione, alterum, quod ex Officulis prognascitur: optimam ducunt rationem, usuque recentioris avi proba-



probatam, si posthabitâ Ossium stirpe meris Stolonibus coloniam instruant. Illi namque, sicut liberaliori Lucinâ nati maturius adoleverunt, ita citius possessori operam refundunt diviti annonâ fructuum suorum: quos etiam ferre perhibentur præstantiores, id est, dulciores & pinguiore, quàm ex altero genere expectari possint. Accedit, quòd in posteriori genere nulla dentur in tyrocinio signa, quibus sexus dignosci possit, adeoque dubiâ manu pro foeminis admissi mares omnem faciliè conditoris operam & expectationem fraudare possint. Præterea culturam hoc genus requirit diligentior, quia neglectu irrigationis in sylvestrem *Abudsjehelorum* profapiam degenerat; quod idem evenit, si quò fata sunt officula, eodem loco sobolem enatam, omisâ transplantatione, adolêscere permiseris, humore quamvis neutiquam destitutam. Circa Stolones cautio est, ne ante bimatum vel trimatum natali sinu eximantur, quod citius evulsis radicularum organa deficiant, quibus nutrimentum possint sine maternâ ope acquirere. Transferendi tempus vernum est, quanquam anni quacunque parte transmoverti valeant, dummodò non pigeat ab iniuriis auræ eos tueri diligentius. Plantandi modus hic est: (*Vid. Fig. 6.*) singuli ad caulis summum usque verticem singulis inseruntur scrobibus, pedaneæ profunditatis & bicubitalis latitudinis: in quibus primo alteroque mense aqua semel indies admissa consistere debet, ne radiculæ in exsucco solo ex ardore cœli contabescant; à qua etiam calamitate caudex & ramusculi tuendi sunt, circumpositis & laxè in fastigio colligatis quibusdam ramalibus, quæ solares radios arceant. Sunt ex palmicolis, qui in pinguiori fundo uni scrobi alumnos committunt geminos, caudicibus parumper ab invicem reflexis vel resupinatis, eò nimirum consilio, ut uno emortuo alter locum suppleat, uterque verò superstes sine mutuo impedimento, comis ab invicem declinantibus germinare possit. Ordinis in locando ratio illuc recidit, ut ad decempedæ unius intercapedinem disponantur, quò radices suas valeant liberius diffundere & alimentum acquirere sine mutuâ subductione & noxâ.

## §. 2.

Palmeto condito id negotii datur Possessori, ut suffossis elicibus ex profluente aquam ad arbores educat, quò radicum compages requisitò tempore irrigati possit. Id maxime opus est, ut passim per æstatem, ita præsertim mense Caniculæ prævio: quia tunc humorem gravidæ & turgentes spathæ avidissimè sitiunt. Accolæ maris penuriam rivorum arte suppleant, & nocturno labore aquas, machinarum ope, hauriunt ex profundis puteis. Machinarum levidensis structura est, bobus saltem agitanda singulis, (*Fig. 2. Tab. XIV.*) qui

stadium in terram declive (longitudine profunditatem putei adæquans) descendunt, & hòc ipso utrem ingentem aquâ plenum ex puteo subtrahunt nullo negotio, declivitate, quòd à puteo incipiat, omnem arumnam sublevante: nam in descensu incumbens iugo bovinum pectus mole suâ pondus aquæ satis evincit; in regressu quoque nihil gravat, nisi ascensus inani haustro tunc sponte in puteum recedente. Puteus ipse in editissimo campi loco effossus est, desuper trochleâ instructus cylindraceâ, satis amplâ, circa quam funiculus utris extractorius circuit, unâ extremitate iugo bovino, alterâ haustri orificio alligatus. Uter tantum non dolii habet capacitatem, ex crudâ pellè confutis, cujus orificium crasso ligno distenditur, ut aquam puteo immersum intromittat: fundus verò, in tubum patulâ extremitate productus, eandem aquam, ex puteo elevatam, effundit. Hoc procedit ope alterius funiculi paulò tenuioris, qui, ex iugo in prædictam tubi extremitatem protensus, singulari trochleâ, paulò citra putei oram extanti, subditur, eò consilio, ut tubum demissiore loco retineat, dum prior funis orificium sursum provehit; quo ipso evenit, ut expansus uter omnem lympham, sine dirigente manu, dimittat, & in nudam effundat terræ superficiem, vel in lacum, ex altera putei facie, rudî manu effossum; ex quo in quamvis arboreti partem per sulcos dimitti ac dirigi potest. Vulgus rusticorum machinâ simplicioris structuræ, & utre non tubulatò utitur, (*Fig. 2.*) cujus quo hauritur lymphæ orificio, eodem quoque redditur, assidente, qui ex puteo appellentem in oram subinde dirigat & effundat. Utraque machina pro locorum culturâ in provinciis quoque mediterraneis obtinet, quibus cum cœlo pluvio ipsi rivi deficiunt, quæ sanè perpetuâ sterilitate torperent, nisi artificium & improbus incolarum labor naturæ invidiam corrigeret, sementemque requisito humore sæcundaret: sanè uberius & felicius, quàm si à dubio Jove, & incommodo tempore humores expectandi veniunt. In nostris Regnis quoties ex ficitate cœli annonæ caritatem luimus! Vindicari segetes ab hòc genere calamitatis possent, si agricolæ has irrigationes exercere impigri nossent, vel socordes vellent. Trituratio quoque, (*Fig. 3.*) si ad huius cœli morem institueretur, multis parceretur laboribus. Hic enim ruri defalcatas fruges trahæ subjiciunt, ferratis rotulis armatæ, quam dum infessor auriga equò, oculis velatò, in orbem agit, eadem unius diei operâ & grana elicit, & ipsum stramen in paleas comminuit. Bobus hòc cœlò moles & robur corporis est, humeri insigni tubere eminent, velut ad jugum omnino natis, aures pendulæ sunt, & pilis longioribus marginatæ, cauda humum demissa in pilosum tubercu-



tuberculum decorè terminat, cetera nostris sunt similes. Pabulum in palmetorum angariis versantibus porriguntur cocta palmularum ossa, & Acaciae cujusdam, *Mocheir* dicta, stolones ac ramusculi, qui huic arbori pingues, nutricaoque succo admodum sunt ditati; hos dividunt in bacillos cubitalis longitudinis, tum parumper ad ignem torrent, tostos ad aliqualem molliem lapide lignove feriunt: sic præparatos tum camelis, tum bobus, prius (ut pascunt jumenta) ad cubandum incitatis, in os ingerunt manducandos. Testantur custodes hoc pabulo jumenta maxime delectari, & in ergastulis fatigata promptius instaurari, quam sceno vel gramine possent, cujus tamen alimenti genus campi palmiferi non producant.

## §. 3.

Gnaros deinde in hoc esse palmicolas oportet, ut pullulascentes in ipso caudice stolones, (quod in adolescentia arboris maxime contingit) ad internecionem evellant: ne pereat arbori, diviso caudice, simplex proceritas & decor, fructusque diminuto succo marcescat, & de geniali, quod solet, dulcedine sua remittat. Rarissime tamen sic duplicatam progerminare contingit, nec nisi in iis tantum arboribus, quæ in humo præpingui & ad rivorum margines confitæ ex humoris & alimenti copia supra modum luxuriant. Pari rigore expandi stolones sunt, qui è radicibus frutiant, præsertim si copiosi eodem nisu proveant, nisi eos possessor pro traducibus servaverit: quo casu nec triennium ultra ferendi sunt, quin eradicentur: ne, subtracta parentibus alimonia, verè nimis Phœnicis lufuri famulam, ex paterno exitio sequiores adolescant filii. Ex illis tamen, qui è radice interjectis aliquot à stirpe passibus emergunt, uni tantum ex duobus, aliquando permittitur, ut in natalimine adolescant, propinquitate noxam genitori vix illaturis.

## §. 4.

Supereft in Cultura, quæ ad ornatum magis quam necessitatem instituitur, annua frondum amputatio. Nam quot unicuique palmarum (de adultis loquor) ex media summi verticis gemma frondes confurgunt novellæ, totæ quoque in imâ Coma antiquiores extabescunt & deperduntur: non eâ quidem facilitate decedentes, atque ceterarum arborum folia: neque sic adhærentes perpetuò ac contumaciter, nisi à cultoribus præcise fuerint, impenetrabili illo scandentibus aditum intercludant, ut loquitur in *Hist. Plant. Joh. Bauhinus*, sed resupinæ omni arboris dedecore diu, quin anno integro, pendentes, donec fibras, quibus in superficie arboris hæsitabant, sensim infirmatas disrumpunt. Hanc verò spontaneam amissionem, qua integræ frondes, nullâ sui parte superstites, abscedunt, amputatio, à possessoribus fa-

cta, anticipare omnino debet, relictis arbori in tutamen & ornatum frondeis basibus, quas *Pollices* vocabimus cum *Plinio*. Hi pollices, nullo pondere onerosi, longo annorum numero in caudice retinentur, ejusque superficiem imbricum more amplexantur, & ab externis quibuscunque injuriis defendunt. Instituentæ sectioni destinare amant vernale æquinoctium, à quo Persæ anni auspiciam repetunt. Eo enim tempore ut novo habitu corpus decorari oportet, ita superstitionis usu in arbores devoluto palmis quoque ornatum conciliari volunt resectione earum frondium, quas præter decus resupinas & marcentes vident. Sed huic primæ & quodammodo inconditæ frondium putationi, à quâ pollices inæquali longitudine prominent, non acquiescunt curiosi possessores, qui elegantiam non magis arboris præstantiæ deberi, quam suo honori autumant: quales sunt rustici circa fines palmigeræ Persidis boreales, qui quantò mitiori fruuntur aurâ, tantò quoque impigriores non gravantur, in gratiam pompamque nutricis suæ, scapos pollicum, à primæ amputationis incuriâ residuos, & inconditos decussatim, & ad bases usque suas, serrâ proscindere. Mirum, quantum hæc suprema cultoris manus & arbori addat decus, & aspectantium oculis voluptatem pariat: dum generosa proceritatis caudex per æquales & politos pollicum gradus alternosque ordines gratiosè assurgit, & in comam, perenni elegantia viridantem, superbè definit. Persæ sanè, orationem collaudantes venustam, venustius eam nesciunt, quam Palmæ comparare, & periodorum gravem decursum & elegantiam graviori, quam *Nachli sjirin*, id est, dulcis palmæ titulo exprimere. Præterea iterata resectio eam utilitatem præstat, ut sinus omnes ac latebræ removeantur, ne in iis vel delitescant varii generis insecta, quæ caudicem erodere consueverunt, vel consistere pluvialis humor possit, ex quo reticulatum, quod arborem involvit, tomentum putrescat, & superficies arboris exedatur: Hoc neglectu enim ipsi pollices citò abscedunt, & nudus caudex scædam refert cariem & exesa lacunarum stigmata: sicut nobilissimæ arbores sic deturpatae, ac ante senectam squalidæ, apud supinos rusticos australes, sectionum negligentes, passim conspiciuntur.

## §. 5.

Ad culturam quoque spectat Cura ægritudinum. His tamen rarissime obnoxia est arbor tam venusta & felix nostra, utpote quæ adversus injurias quasvis instructa est, sali ac sabulo sueta, sitis patiens, & crassarum donata fibrarum ductibus ac laxè patentibus poris, per quos facile digerit & expirat, quicquid cum succo nutricao suppeditatur heterogenei, à quo timeri periculum intestinum posset. Præterea adversus ardorem, tempestates, insecta & externos quos-



cunque casus & injurias satis firmata est, ut, si quid ex his fontibus obvenerit, id communi facto cum plantis ceteris pariat. Tribus tamen magis de vexari dixerim: Tineis, formicis & locustis; his namque copiosam melle suo indulget escam: illis retium latebras & asyla axillarum: istis lignum in ambitu effœtum. Locustarum impetus rariores accensorum ramalium flammâ plerumque avertuntur: Verum, harum verendâ incursione totæ provinciæ quandoque ita inundantur, ut nulla non planta sub atroci gemat tyrannide nequam illius & damnificæ bestię: quod ubi evenit, non Vulcanus cum Cyclopibus à palmis eas arcebit, nec annonæ caritas ullo præsidio cavebitur. Formicis & tineis studiosâ caudicis purgatione occurritur: ab Asâ fœtidâ *Hing* expeditum remedium petit ditio *Disguun*, hujus succi natalis; nimirum hanc Asam stemmati circumponunt, aut ejus radicem elicibus injiciunt, ut aqua stygio fœtore imbuta palmæ radici affluat, & cum alimento distributa exitiali vermiculis, intus latentibus, antidofo sit: perinde ut lumbrici abdominis medicamenti amarore extinguuntur. *Jemen*, seu Arabia felix, majorum formicarum genus quoddam alit, ceteris formicis & insectis quibusvis infestum, palmis tamen minimè noxium, cujus examina, unâ cum ramis, quorum cavernulas inhabitant, in palmarum comas transponunt: ubi aperto foramine audax & bellicosum genus novam sedem ab insectis, fructui insidiantibus, purgat & tuetur, sola virtutis spolia in escam suam convertens. Prostant militares illæ manus in usum palmicolarum passim venales, præcipuè in tabernis & compitis urbis *Mocha*, quò ex jugis montium, à vagis pastoribus deprehensæ, advehuntur.

## RELATIO IV.

*Palmæ descriptio Botanica.*

## §. I.

**P**almæ per ætates suas incrementa & culturæ modos indicavimus: sequitur ut in partes ipsas cultrum immittamus Botanicum. *Radix* trunco constat medio, simplici, crasso, lignoso, interdum gemino, &, ubi soli conditio patitur, in rectum demisso: quem in summâ tellure brachia circumdant tortuosa, tenuia, per terræ superficiem longis vagisque flexibus repentia, ut plurimum nuda & simplicia, alia ramosa & fibris brevissimis stipata. Hæc substantiâ gaudent exteriori corticeâ, interiori ligneâ, utrâque lentâ, fibratâ & firmâ, coloris in rufum nigricantis, saporis sylvestris. Radices mirè expositæ sunt insidiis bestiarum ex erinaceorum genere, quas *Plinius* L. VIII. cap. 35. *Hystrices*, Persæ *Sichuur* vocant; per campos enim concubiâ nocte grassantes sævis in eas dentibus invehunt, & palmetis, præsertim junioribus, damna inferunt gra-

vissima, cum totali plurimarum arborum exitio. Edax quoque rerum tempus, in aridiori solo, sæpè ante arboris senium, tam, qui in profundum porrigitur, truncum, quàm, quæ in transversum extenduntur, brachiorum propagines absomit: hinc fit, ut pessumdاتا arbor, brevibus densisque radiculis se prodat conspicuam, opinantibus ignaris, tantillo radicum fulcro vastum caudicem substitisse.

## §. 2.

*Caudex* est rectissimus, simplex, individuus & μονέβλατος, figuræ ad assem cylindraceæ, nisi verticem versus paucillisper gracilesceret: crassiores hanc parte referunt alii, quos tamen, credo, decepit eminus conspecta facies palmæ senescentis, quæ, cum humotenus frondibus orbata, sæpè etiam exesa & detrita sit, nil mirum est, si, in summitate adhuc integrâ & pollicibus vestuâ, pleniorum habitum referat. Arbori adultæ id notabile circa basin evenit, ut externæ fibræ, rupto caudicis ambitu, intumescant, & radicem faciem geniumque induant antè, quàm terræ superficiem contigerint. Crassities caudici tanta est, ut, pro diverso arboris vigore, plus minus sesqui orgyæ mensuram in ambitu complectatur, multo minorem verò, si pollicibus orbata fuerit. Longitudo ætati respondet: excelsissima orgyias octo hoc cœlo rarenter transcendit. Cortice donatus caudex non est, sed alijuriis se junior tuetur partibus frondium, alij amputatione residuis, quas pollices nuncupavimus. Horum accurata est dispositio, senis semper numero superficiem juxta in orbem ambieribus, ita, ut ex interstitiis seni superiores alij decussato ordine provehantur: quibus tandem successu temporis ex senio & tempestate abscedentibus nuda prodit superficies, ingrâtâ a tactum asperitate, pulloque colore tetrâ, turfoedis quoque frondium signata vestigiis, perinde atque brassicæ capitatæ caulis ex defluvi foliorum. Interior substantia à summa cervice quâ comam sustinet ad radicem usque, ex fibrâ compacta est continuis, crassis, ligneis, firmis levibus tamen, & fungosa carne laxè adeo coherentibus, ut vix non digitis possent dissolvi, inde lignum soliditate carens ascia ægrè obediens, &, nisi pro fulcris ut inserviat, aut sudibus turgiorum, aptum natum non est, qualis structura latebras dactylophagæ gentis pars maxima inhabitat. Medullam annosus caudex nullam exhibet: succedaneus ei conspicitur per medium demissus ligneus quidam nervus, multo crassiorque, quàm sunt fibræ carnis reliquæ: quâ ita laxè comprehenditur, ut unguibus facile evellatur. In tenello caudice omnis pars interior in adulto ea, quæ per comam desinit, in provector saltem quæ in verticis gemmâ conspicitur medullæ similis, mollis & edulis est; (*Vid. Tab. Fig. 14.*) Substantia ejus est albissima, tenera, cerososa, fragilis, subdulcis ac sapida; unde *Pe-*



vocabulo communi *magfi ser*, id est, medulla capitis, & proprio nomine *Kaur*, *Dioscoridi* γκαρίδιον, seu medulla, *Theophrasto* & *Galeno* ἐγκεφαλον, seu cerebrum, appellatur, quo exciso arborem interire necesse est, quandoquidem expectatæ productionis germen est, ac frondium futurarum rudimentum; unde hoc cupedia- rum genus solummodo ex comis spuriiis atque palmis sylvestribus peti debet.

## §. 3.

Coma palmæ una est & perennis; multiplicem aliquando produci in *Ægypto* *Theophrastus* Hist. Pl. L. II. c. 8. auctor est: quod evenire posse non inficior, si circa comam præter naturæ ordinem enatus stolo unus aut alter incuriâ possessoris invaleat. Coma, pro arboris diverso statu, quadraginta ad minimum, ad summum octoginta absolvitur frondibus, specioso & ceteris arboribus insolito ordine in orbem sparsis. Primò enim in summo vertice gemma existit ingens, cono similis, ex frondibus proximè nascendis compacta, bicubitalis circiter longitudinis, angusta & in acutum apicem producta. Hanc proximè frondes stipant recentiores, nondum satis explicatæ, nec ultra gemmæ longitudinem protensæ, quas ambiunt inferiores aliæ atque aliæ, perfectæ longitudinis, alternatim positæ, magisque semper à vertice reflexæ, donec postremæ in arcum curvatæ horizontem versùs extendantur; eas non rarò excipiunt senio marcentes quædam, indecorè propendentes, nisi prævio cultoris studio amputatæ fuerint. Ex frondium axillis prodeunt suis quique spathis ramosi spadices, floribus in Palmâ masculinâ, fructibus in foemineâ foecundi: de quibus omnibus nunc dicam sigillatim.

## §. 4.

In antecessum verò notamus, denominandis, quæ Comam constituunt, alis foliosis, placuisse nobis *Frondis* adoptate vocabulum. Non enim *Folii* nomen, quo recentiores utuntur, aridè potuit, quoniam frondem palmeam natura neutiquam in lobos laciniæve divulsit, ut folium inde dici unum tanta compages possit: sed in folia distinxit genuina & numerosissima alia, suis quæquæ pediculis (qualibuscunque) consistentia, licet arte adeo communi costæ adnata, ne sigillatim, sed præter morem vulgarem cum univèrsa frondis compage decidant. Nec cum *Bauhino Rami* nomen placuit. Ramo enim id proprium est, ut in indefinitum crescendo surculos acquirat alios atque alios; quod, cum ab Alâ nostrâ alienum sit, tali postulabat designari vocabulo, quod differentem illam in surculos augmentationem non involveret, simul atque foliorum non excluderet pluralitatem. Est autem Frons palmea (*Tab. XI. Fig. 11.*) ingens & ramorum æmulæ magnitudinis ala, longitudinis trium circiter orgyiarum, utrinque ex foliis arundinaceis secundum longitudi-

nem pinnata, frondi arboris *Coccifera* minus aspectu similima, nisi quòd huic sint folia plana, longiora, tremula, flaccida & quodammodo pendula, illi verò rigidiora & magis surrecta. Partes ei sunt Costa, Spinæ & Folia.

*Costa* ex principio brevi, lato & compresso in angustam trium orgyiarum longitudinem extenditur, superficiem exhibens glabram & nitentem, coloris herbei, in basi annosâ lutescentis, supernam faciem convexam, inferiorem in principio concavam, in progressu quodammodo canaliculatam. Substantia illi eadem est quæ caudici, sed levior & minus compacta, tum fibris donata candidioribus & subtilioribus. Costa componitur ex basi, scapo & virgâ. Basim (*Fig. 12.*) appellamus imam partem, quæ caudici imbricatim adhæret, figuram obtinens utcunque triangularem oblongam, interiori superficie concavam, exteriori gibbâ, longitudinem sesquispithamæ, latitudinem in imâ parte dodrantalem, crassitiem biuncialem. Ora utrinque tenuis est, in fibras desinens copiosissimas, reticulato textu in nassæ speciem cohærens, quâ latera vicinæ ejusque baseos invicem nexa ac connata sunt, dum subinde ordinis superioris intermedia quæque basis eadem convestitur, ut saltem exiguâ sui parte nuda promineat. (*Fig. 12. lit. a.*) *Scapum* eâ costæ pars constituit, (*Fig. 12. lit. b.*) quæ à basi ad aculeos, foliis prævios, nuda porrigitur, & à caudice declinare incipit. Hæc est illa portio, quam à primâ frondium recisione remanere narravimus, in alterâ verò, à curiosis institutâ palmicolis, supernè amputari, ne imbres hauriat, à *Plinio Pollicis* nomine insignita. Cubitalem refert longitudinem, crassitiem pollicarem, latitudinem in imâ parte trium, in progressu duarum circiter unciarum. Virgam vocamus reliquum corpus longum ac paulatim tenuius, quod ultra scapum extenditur, & in adverso margine spinis primum, mox longâ foliorum serie conseritur.

*Spinæ* foliorum rudimenta sunt, quæ in ipsâ costâ utrinque prodeunt primò rara ac brevია, mox densiora & longiora, donec, absoluto cubitali spatio, foliorum formam lentâ mutatione induant. Sunt autem ex conoide informes & angulosæ, crassæ, duræ & quodammodo lignæ, superficie nitidâ & ex herbaceo in luteum pallescente, summâ facie canaliculatâ, apice tereti & fusco, donec paulatim in folia expandantur.

*Folia* sunt perennia, pennata, arundinacea, densissima & indefiniti numeri, primum brevია, vix spithamam longa, mox in majorem longitudinem producta, donec, mucronatâ extremitatum circumscriptione, ad finem costæ deficient. *Pediculis* qualibuscunque nituntur, semiunciali intervallo dissidentibus, ligneis, crassis, longitudinis fere pollicaris, inconditæ & in quadratum vergentis figuræ, costæ firmiter adnatis, ne ab eâ nisi violentâ manu possint avelli. Sicutum folia habent obliquum, & in illo hoc singulari,



gulare, quòd, licet pediculis insistant in aqualem seriem locatis, ipsa tamen utrinque à se invicem, ut plurimum alternatim, distendantur in duplicem ordinem, qualem foliorum disjunctionem in aliis Palmarum foliò pinnatò generibus non observavi, neque in dactyliferâ Europæâ quemquam meminì notâsse: fortasse, quod arbor extra coelum suum degener & genuini decoris parùm studiosa sit. Sed vel ipsa densitas separationem requirebat, nimirum pediculis tam arctè confidentibus, ne tot foliis locus sufficeret, nisi alternâ divaricatione disjungerentur, simulac plicarum ope in pressiore stringerentur angustiam. Folium maximum longitudinem habet cubitalem, latitudinem biuncialem, figuram arundinaceam, acutè mucronatam & superiori facie per mediam longitudinem plicatam: superficiem utramque cum exiguo nitore obscurè virentem, & quadantenus striatam; Præterea durum, tensum, rigidum & exsuccum est, nervis per longitudinem excurrentibus crassis ac bene firmis.

## §. 5.

Reticulatum, quod dixi, involuèrum (vide *Tab. XI. Fig. 13.*) ex filis inæqualibus, crassis, polygonis, parum compressis, rigidis, & velut ex stupâ vel cannabe rudiori ductis constituitur, figurâ nassam, densitate stupam, usu fascias referens; hæc proinde aspera & incondita est: in Palmis adolescentibus, præsertim circa frondes fastigii, coloris obscurè lutei, densa & spitham lata: in senescentibus, præsertim circa annosas frondes, ex rufo nigricans, detrita & angustior: illis ornamento & usui, his noxæ & dedecori. Non est fascia hæc una & simplex, sed pro frondium densitate multiplex, adeo ut tres, quatuor aut quinque invenias invicem impactas; etenim, cum frondium ordines angustis invicem incumbant intervallis, fieri aliter non potest, quin telæ istæ multiplicentur, & inferiores proximè sequentes plurali numero complectantur. Id in caudicis parte supernâ maxime obvium est spectare: in infernâ enim sensim obsolescentes, unâ cum pollicibus suis, defluunt, postquam eis (apud socordes rusticos) laceræ & putridæ diu inhæserant. Longitudinem aequè ac figuram reticuli cujusque metiri licet ex interstitio basium frondearum, quarum oras invicem connectebat. Constat ex triplici parallelogrammo filorum, vel, ut clarius dicam, ex tribus fibrarum parallelarum ordinibus, quorum uterque exterior, tertium, velut tramam inclusam, obliquo fibrarum ductu decussat: fibris quidem non textili modo implicatis, sed capillamentis perexiguis, instar aranearum telæ, invicem connexis. Usu retium potissimum comma fruitur, in quâ, ut frondium, sic præsertim spadicum novellorum bases firmant quodammodo, & ab externis injuriis præsidio suo tuentur. Nomen ne omittamus: hoc enim peculiari à Palmicolis impositò *Liif*. Nam ut Romani

Baccho sacræ Vitis partes singulas domesticis appellationibus insignire dignati sunt: ita Persis, suæ, Soli ac Cereri sacratæ, arboris partes prope singulas propriis decorare nominibus placuit. Hinc arborum truncus, vulgò *bunè di-racht*, in Palmâ *Morsè nachl*: frons ramusve vulgò *keng*, in eadem *Letti nachl*, ejusque recisa basis *Zovvet*, folia vulgò *berg*, in dactyliferâ *Piijj* appellata sunt. Taceo foeturæ nomina, quæ suo loco lustrabimus.

## RELATIO V.

*Palmei fœtus historia & anatomia Botanica.*

## §. I.


Hactenus de Palmæ partibus; nunc de fœtu, arborum effectu, dicemus, memoraturi, quâ sui parte, quoque tempore & progressu Palma hoc coelo fœtificet. Primitias prima edit inter palmas *ἡρώονος*, anno videlicet quarto à transplantatione, si solum fœcundius, sexto septimove, si sterilius, nacta est: seriùs fœtat, quæ Ossi debet originem. Fœtus autem suos, haud arborum ceterarum ritu parte gignit promiscuâ, sed eos in summo tantum caudicis fastigio & frondium axillis egerit, racemis instar scoparum ingentibus confitos, cum quibus adhuc tenelli, vaginâ quasi coriaceâ arctè compacti obvolutique, reconduntur. Amant Romani racemos sive termites hos appellare *Spadices*, thecas eorum ob romphææ similitudinem *Spathas*, propriis, sed ex Graciâ translatis, vocabulis. In ortu suo fœtus palmæ maris à fœmineâ externâ facie non est discretus, quin utraque Palma *spathas* fert similimæ prorsus figuræ, & in utrisque prolem, dum sectione eximitur, intus & extrinsecus candidissimam, facie utrâque glabram, nitidam, & in unius quasi tuberculi soliditatem, strictura thecæ, compactam, gemmulis nimirum unâ cum virgulis, quibus adhærent, adhuc tenerioribus, molliculis & edulibus. Spadicem hunc novellum, excissum, (vide *Tab. XII. Fig. 4.*) Persæ appellant *Pengi nachl*, gratissimi sibi pulpamenti vocabulò. Ordinem in pariendo uterque sexus tenet sequentem: Principio mensis Februarii, fortè & citiùs, arbores virtute Solis appropinquantis excitatæ intra sinus frondium rudimenta partus sui concipiunt, nimirum *Spathas* surrectas, (*Fig. a.*) compressâ sui facie caudici accumbentes, sed adhuc intra texturas & involuera frondium reconditas: ex quibus, quamprimum emerfæ ac lucis factæ sunt publicæ, in omnem perpeti augmento accrescunt dimensionem, & ex prolis, quam ferunt, copiâ sic intumescunt, ut eam sequente Mense, quem Marti inscribimus, in longum dehiscant (*Fig. 1. & 2.*) & per fissuram alterutro latere, rariùs utroque, factam, inclusum tuber excludant, quod ipsum claustro solutum paucos intra dies Spadicis habitum induit, in virgulas resolutum

nume-









in, co-  
e Mense,  
chiscant  
tere, ra  
cludant  
ntra dies  
esolutum  
nume-



numerofissimas, flosculis in mare, (*Fig. 3.*) in foeminâ prunulis (*Fig. 6. & 12.*) refertas, secundum longitudinem inordinate & sigillatim confitis: illis usum pro imprægnandis palmis foemineis (*Fig. 16.*) ex tempore præstantibus, his à tardiori incremento demum mense ab hinc quinto maturescentibus. Spathas usu suo defunctas natura nutrimento prorsus destituit, ita ut brevi deformes extrabescant, proinde ad reddendam arboribus gratiam sedulâ hortulani manu recindendæ. Spadices paucos habet Palma adulescens æquè ac decrepita; integræ autem ætatis (*Tab. XI. Fig. 8. & 9.*) octo vel decem, interdum inutili foecunditate plures, & alimenti, quo ingravescant, inopes: quos tolli ferri acie oportet, nisi jam ante ab hortulanis, quod solet, pro cupediis evulsi sint. Nos foetum in utroque sexu distinctius inspecturi, primò corticeam, quâ clauditur, thecam removemus, brevibus hic delineandam.

## §. 2.

Palmei foetus theca, quam proprio nomine Latini *Spatham*, Græci ἐλάτην καὶ σπάθην, Persæ *Bukûmi nachl* appellant, (*vide Tab. XII. Fig. 1. & 2.*) figuram habet utcunque clavæ lignæ, similem bulbo oblongiori compresso, quali in prædis utuntur Brasilienses. Externa superficies anugine tegitur molli, densâ, brevissimâ, coloris obscurè rufi, quâ abrasâ, diluto colore gratiores viret; interna alba est, glabra, humida & quodammoda mucosa. Substantiam obtinet corticeam, in fibras dividuam, nonnihil romiæ, cum exaruit lentam & corio non dissimilem; crassitiem culmi habet avenacei, tenuior existens in parte gibbosâ, quàm reliquâ; & in spathâ foemineâ, quàm in masculinâ. Spatha constat tubo & ventre. *Tubus*, qui spadiceis scapum investit, compressus est, ex ventris gravitate incurvus, vaginam acinacis referens; longitudine spectatur cubitali, (in foemineâ paulò brevior,) pollicari crassitie, latitudine triunciali. Interna pars, quousque comæ inferitur, gracilior est, candicans & substantiæ tenerioris, quæ, cum spatham evellis, corii in modum contracta recedit, semipalmarem denudans scapi extremi portionem, quam vulgus dactyliphagum inter edulia recipit. *Venter* longitudinem assequitur cubitalem, latitudinem palmarem & amplius, crassitiem, dum rupturæ proximus, triuncialem, utraq; facie tumentem, fastigiò, orâ oblique ad digitalem latitudinem solidâ, substantiæ fragilis, ambitu acuto. Interiorem superficiem exhibet convexam, albam, glabram & æqualem. Officium Spathæ est, ut nascentem spadice ab æris injuriâ tueatur, scapum suo bulbo, tenellum verò termitem, racemosque flosculos, claustrò ventris sui fovendo.

## §. 3.

Spatham masculo turgentem spadice (*vide Tab. XII. Fig. 1. & 3.*) à spathâ foemineâ vulgus angulari distinguit nomine *anbaari nachl*: quin

& exclusum, quem hic propono, *Spadicem* virgulasque illi avulsas eodem vocabulo indigitans; quanquam vocis indoles nihil, quod scio, masculinum, sed domum, cellam, vel vas refertum denotet, & saltem plenitudinem insinuet. Eisdem recens in lucem nascenti exempta flosculorum moles (*Fig. 4.*) peculiare obtinet, ac in palmicolarum Reipublicâ celebre nomen *Kobonegh*; Integro enim mense, quo ejus habetur copia, exquisitum præbet, tam liguritoribus obsonium, quàm socordibus remedium excitandæ libidinis, si ejus buccellæ aliquot comedantur. Extrahitur eum in finem Spatha, (*Fig. a*) vixdum è fasciis suis prominens, cui in longum incisæ embryo illi eximitur, & in virgulas vel buccellas divisus dono distribuitur petentibus, utramque ejus faciem vide, sis (*Fig. 4.*). Damni nullum ex evulsione periculum est, quòd possint palmeto propediem foecundando pauci superstitibus sufficere. Exscissus hic partus (Cæsareum vocant Medici) saporem habet vapidè dulcem, &, prout omnis pars Palmæ esculenta, nucis castaneæ æmulum, sed cum subamarâ cruditate quadam, & humiditate nidorem præbente spermaticum. Ejus gemmæ rudimenta sunt flosculorum proximè explicandorum tennerrima candidissimæque, vinaceorum magnitudinis, ex mutuâ compressione multilateralia, mox figuram acceptura trigonam, quæ petalorum numero & situi respondeat. Hæc intemerato relicta domicilio perfectionem mense Martio consequuntur, cujus calore promota carceris angustiam, facto impetu, dirumpunt, prodeunte per Spathæ hiatus incluso Spadice, cum racemosa oscitantium flosculorum scholâ. *Flosculi* (*Fig. 5.*) Liliis convallium minores, oblongi, tripetali, coloris albi in luteum pallentes & ingrati, staminum tribus, ad petalorum numerum, donati vestigiis; nituntur non petiolis, sed herbei coloris carnosio quodam principio, respondente magnitudini seminis Coriandri, & in petioli modum emarcente. Hoc *Theophrasto* & *Plinio* imposuisse videtur, quo minùs utramque Palmam fructiferam appellare dubitaverint. *Petala* flosculorum surrecta sunt, oblonga, concava, obtusè mucronata, succosa, carnosa rigida. *Stamina* sunt lanuginosa, rigida, brevissima, albicantia, multo referta polline in luteum pallente, levissimo & subtilissimo, qui etiam floris umbilicum copiosè obsidet. Pollen drachmæ unius pondere assumptus, dicitur, ad ciendam libidinem, majorem præstare efficaciam, quàm ipse embryo, quòd vel ex seminali halitu conjicias, quem exspirat prægravem. Colligitur à gnaris, concussione spadice recens natorum, (qui singuli singulas circiter uncias exhibent) & pyxide reconditur probè operculatâ, ne ab aëre virium patiatur dispendium. Meliori consilio pollinem electuariis roborantibus admiscunt alii, quòd solitarius, quanquam pyxide clausus, situm facile contrahat. Flosculorum



uni spadici numerosa est congeries: nam, cum Spadix unus mediocriter magnus (magnitudo pro arborum habitu diversa est) virgulas duas contineat, quarum brevissima flosculos habent quadraginta, media sexaginta, longissima octoginta, hic numerus flosculorum medius, cum virgarum numero multiplicatus, computum reddit duodecim flosculorum millium in uno Spadice: qui in lance à me librati exhibuere libram unam civilem Bellicam, unicam minus unciam. Minor multo gemmarum numerus est in Spadice foemineo, ad cuius examen nunc telam protendimus.

## §. 4.

*Spadix foemineus*, (vide Tab. XII. Fig. 6. & 12.) termes palmeus est, sine prodromis floribus agmen plurimorum fructuum exhibens, cum quibus, dum uterino adhuc cortice obvolvitur, gulosa plebi salivam quoque movet, ferculum ventri simul ac Veneri expetitur: sed quod masculo haud melius quidem, sed eò rarius habetur, quò majus nefas est id gravidæ arbori eximere, & messem, quod ajunt, in herbâ consumere. Arboribus tamen vel nimium foetis, vel admodum adolescentibus, tantum abest, ut non liceat, ut potius superfluas sufferre spathas necesse sit: ne illic deficiente alimento fructus, hic fractio in pueritiâ vigore, ipsa matres intereant. Obrinuit & hic embryo nomen peculiare Arabicum *Zalek nachl*, quò à virili distinguitur, in Persidem, me iudice, introductum ab Arabibus illis, quos video cum cilecinis tuguriis palmifera littora inhabitare, & passim perambulare; sed quæ vox tamen ipsos intra Lares Arabiæ Spatham significat, & scribitur. Varia partus foemineus, cum incrementi sui gradibus, subit nomina, quibus in hoc foro successu temporis discerni potest, & probè significari, quantum & fructus ad maturitatem profecerint, & dactylophagi spes populi ad messem suam accedat propius. Quæ ipsa nunc singula, cum incrementa, tum nomina, ordine recensebimus.

Vergente Februario ac ineunte Martio, spathis rumpentibus, (Fig. 2.) primum emicant Spadices, claustroque non multis post diebus relicto nudi in lucem prodeunt; à palmicolis *Kogèr*, vel ut alii scribunt *Kocherri moch* salutati, nomine, ut opinor, depravato ab Arabica voce *Dsjauher*, quæ substantiam meliorem denotat; quò verò nomine, ut tota gaudet spadici huius compages, ita in specie non alio ipsa insigniuntur rudimenta fructuum. Hæc rudimenta magnitudinem æquè ac rotunditatem obtinent granorum piperis, superficiem nitentem albam, saporem subausterum: subtus duplici induta membranulâ sive calyculo, uno exteriori, qui brevior est, altero interiori, qui fructum proximè & pene integrum involvit, utroque oram habente inæqualem & superficiem subasperam. Copiosissima uni

spadici insident: numerum reduco ad bis mille & trecenta, si, spadices majores cum minimis jungendo, singulis virgulas octoginta, virgulis verò singulis grana triginta tribuam; sed quorum vel medius vel major numerus sensim defluit per tot incrementi & mutationum gradus, quos ad maturitatem usque subeunt. Hoc in statu cum sobole suâ Spadix recens natus non diu moratur, sed cum Aprili mense invalescens, (Fig. 7.) extensis ultra maris vigorem virgulis, fructus extra caliculos exhibet provectos, vergentes in figuram turbinatam, coloris unâ cum virgulis in luteum languentis, saporis, paulò quàm ante, austerioris. Huic ætati nomen est *Togerèk*. Mense Majo (locis aliis inclinante Aprili) fructus nostri parum figurâ, nil sapore mutati, cerasorum adipiscuntur magnitudinem, (Fig. 8.) colore in herbeum virente, subnato intus ossiculi rudimento molliculo: virgulis interim longius quoque productis ac quodammodo lutescentibus. Hæc facies nomen recipit *Chamel*, in aliis territoriis *Puruus*. Variant enim pro obscuris locorum incolis & ipsa obscura originis appellationes. Junio ineunte, alibi citius, (Fig. 9.) olivas figurâ & magnitudine expriment, dum ossicula indurescunt, & caro, imminutâ humiditate, fit solidior, sapore & colore nihil mutatis. In hoc statu constituti fructus nomen gerunt *Charèk*, & in aliis locis *Kong*. Appetente Julio plenum adeptis, qui Dactylis competeat, habitum, (Fig. 10) viridissimus nitor est, figura turbinata, ossiculum induratum, caro utcunque mollior, sed pene exsucca, duriuscula & acerba. Hos tamen vulgus tam difficiles ventriculo & austeros fructus cum voluptate esitat, expectationis, dum maturefcent, impatiens. Crederes naturam eis ænea dedisse guttura, secus ac militibus M. Alexandri, quos immaturis dactylis (in reditu ab expeditione Indicâ) strangulatos referunt, qui vel Palmam, vel illius Principis gesta describunt. In hoc gradu constituti nomen *Chalaal* tam diu gerunt, donec ad perfectam maturitatem devenerint. Maturitatem verò accelerant Circii æstivi, venti supra fidem ardentes & frequentissimè spirantes circa Caniculam. Quò illi æstuosiores spirant, eò citius omnes gradus decurri, sospitari foeturam, fructus magis dulcescere & maturius perfici, experiuntur palmicolæ, qui hos rebus suis secundos, suo licet corpori atque ceteris animalibus vegetabilibusque molestissimos ad perniciosos spiritus, junctis expectant desideriiis. Nota, appellationem *Chalaal* interdum latius patere, & prædictis omnibus imponi gradibus, quibus facies jam oblongior, olivæ similis & dactylo genuina est. Mense Augusto citius, tardius, dactyli maturefcent, & hoc ipso, depositâ priori, appellationem subeunt *Dumpas*. (Fig. 11.) Maturefcent verò non more ceterorum prunorum, quæ sensim totâ si



ul substantiâ mollescent, sed primò acquirunt, putrescentis instar pomi, maculam mollem, ut plurimum in extremitate, quæ sensum proripiens omnem substantiam crudiores diebus in dulcem pulpam convertit: legendi tamen sunt citius, ne productâ ad umbilicum molliæ suo caliculo excidant, ipsique spontaneo conquassentur. Hos Dumasios gula popularis maturis dactylis longè anteponit, fortassè quòd mixta partis crudioris durities cum pulpâ bolum reddat comendanti gratiorem, vel quòd primi expleant ruritur appetitus, quem in has annonæ primitias vulgus dudum acuerat. Quin & conviviis ingeruntur virorum illustrium, inter antecanii, mensæ secundæ tragemata, loco non postremo proponendi. Eorum pars crassa superficiem habet cum nitore quadanteus flaventem, carnem ex austero dulciculum, albam, duriusculam, quodammodo farinulentam, ficcâ & friabilem: pars matura pellucida est, mollis, dulcissima, pro speciei diversitate, in rubeum languens vel rufa. Hæc specie, quâ ad maturitatem vergunt, excussi, in umulos (quod suo loco docebimus) partienti, & solaribus radiis exponendi sunt, ut, reliquâ cruditate depositâ, insolatione penitus molliantur, & dulcescant: quomodo omniraduum numero absoluti & excocti *Dactylorum* nomen subeunt, & à Persis demum *Churma*, ab Arabibus *Tamr* appellantur. Usu tamen receptum est eos recentes peculiari denominare vocabulo Arabico *Ruteb*, quo antiquioribus distinguantur, quibus *Churma* nomen commune est. Dactylorum differentias recensere expeditâ descriptione Spadicum, quibus innascuntur.

## §. 5.

*Spadix* superficiem habet glabram, nitoris expertem, coloris languidè punicei, qualis est culmi avenacei, substantiam obtinet levem, laxam, nervosam, ligneam, albidam & frondeæ costæ per similem; figurâ scopas exprimit domesticas: nam & scapo constat & virgularum fasciculo. *Scapus* compressus est, ex pondere curvatus, pollicis crassitie, latitudine geminæ unciæ, in scemella trium cubitorum longitudinis, in mare brevior, superficie, ut exaruit, striata. Substantia, cum fibris constet tenuissimis, ex omni arboris parte maximè idoneam cedit restiariis, pro tomento, materiam. Pars ad palmæ longitudinem comæ infixâ (recentis inquam & nondum adulti) carnosa, nucleis substantiam & candorem obtinens, esculenta & vapidè dulcis, quæ & cruda populo servit pro cupediis, & à ditioribus pro condimento ferculis incoquitur; ultra dictam verò mensuram amaritudinem contrahit, & paulatim indurescit. Nomen ei est *Paniiri nachl*, i. e. caseus palmeus, nulli non Persarum notissimum. Scapus, ubi desinit, in *virgularum*

sive *bacillorum* fasciculum, non simul, sed quodammodo gradatim, dissolvitur, masculus indensum & pedalis longitudinis, foemineus in sesquicubitalem, rariorem & magis dispersum, illic maximâ florum, hîc dactylorum minori copiâ consitum. Bacilli sexus utriusque sunt simplices, recti, flexiles, longitudinis inæqualis, culmi avenacei crassitie, imâ parte nudi & ad assem quadrati, in reliquâ flosculis fructibusve singulis inordinate confiti, ad situm cuiusque foetus alternatim & à brevi intervallo retorti, adeoque inæquales & excussio foetu ab impressis vestigiis subasperi; fibris donantur exilioribus, quam in scapo, & à restiariis repudiiosis. Spadices bacillos tenent rotundo numero computatos, ex masculis maximi ducentos vel amplius, medii quinquaginta supra centenos, minimi centenos; ex foemineis verò maximi centum, mediocres octoginta, minimi quinquaginta sex: horum in classe plerumque tres quatuorve invenies, præter naturæ ordinem concretos.

## §. 6.

Arboris fructus sequuntur, videlicet *Palmule* maturæ, quas *Persæ Churmâ*, *Arabes Tamr*, *Dioscorides* & *Galenus* *Φοινικώβαλλες* vocant, *Græci* eas *Δακτύλους*, & cum eis *Romani* *Dactylos* appellant, à figurâ digitorum; quos tamen minimè referunt. (*Tab. XII. Fig. 10. 11. 12.*) Potiori jure id nomen gerunt *Dactyli Indici* *Tamr Hindi*, siliquæ è ramis propendentes vastissimæ & à Palmâ heterogeneæ arboris, quæ eminus conspectæ articulosum digitorum grandiorum & incurvum accuratè exprimunt. Sunt verò phoeniceobalanæ nostræ, nimirum recentes, quas *Ruteb* vocant, Palmæ miris pruna, ut plurimum glandium quereinarum figura, sed iis ferè majora: pellicula vestita tenui, pellucida, nitida, coloris in aliis speciebus pallentis, in aliis lutei, rufi vel rubei, pro diverso colore carnis translucens. Caro eis multa est, pinguis, pulposa, saporis vinosi, dulcissimi, ossiculo suo laxè inhærens, intercedente membranula albicante, tenera, molli, & quasi bombycina, in plures pelliculas dividua. *Ossiculum* (*Fig. 13. 14. 15.*) solidum est, cornu instar tenax & durum, superficie granis uvarum concolori, vel ex cinereo magis minusve diluta, interiori substantia ad similitudinem nucis myristicæ variegata; figura ejus quodammodo est turbinata, incurva, una facie gibba & æqualis, altera insigni pilyinata figurâ sulco in longum divisa. Facies gibba notabili calatur lineola, tenui, per mediam longitudinem decurrente, cuius in medio punctum, quasi umbilici, conspicitur, albam fovens cartilaginem, quæ, ad mediam Ossiculi substantiam penetrans, futuri germinis rudimentum est. Ossiculi magnitudo plerumque eâ est, ut tertiam totius substantiæ partem exhibeat: variat tamen pro specie arboris & genio natalis foli. Arabiæ feliciis *dactylos*, cujuscunque nominis, pinguioribus & minorum



norum ossium invenies, quam Turciæ & Persidis. In Ossium visceribus medullam talem non reperio, qualem inesse, ac terrâ emollitis eximi posse persuasum est *Rajo*, dexterrimo Angliæ & ingentis studii Botanico.

Dactylorum plurimæ sunt varietates, à bonitate, figurâ, patriâ & diversis accidentibus nomina sortitæ. Quas inter primas sibi ob salubritatem vendicant *Churmâ Serrêk*, dactyli coloris rufi & exiguæ magnitudinis. Sunt enim ad coquendum faciles, alimentum præstant copiosum, laudabile, & omnis expers culpæ excitandorum flatuum ac torminum, unde etiam ad usum deliguntur medicum. Habent hoc insuper singulare, ut sine prævia insolatione, secus ac ceteræ species, conservari possint, ne acecant. Ob gratiam saporis omnibus antecellunt *Churmâ Sjabuni*, id est, Dactyli Regii, ita à præstantiâ suâ dicti, & à *Plinio* quoque N. H. Libr. XIII. cap. 14. laudati, suavissimam obtinentes syrupi aromatici dulcedinem, & auream claritatem succini. Magnates hoc genus dactylorum mensis suis arrogant, quasi sibi solis natum, & cellas penarias iisdem tam recentibus, sive crudis, quam post insolationem conditis (syropo ex caryotis ejusdem generis expresso) sollicitè instruunt. Hos in ordine bonitatis excipiunt à sincerâ dulcedine *Churmâ Sjekkeri*, à nucis Moschatæ figura & colore *Dsjausi*, à myrobalanorum similitudine (serotini valde) *Halili*, à flavedine *Serd*, à jubarum parilitate *Unabi*, à lithargyrii pallore *Mordasengi* nuncupati; tum perquam molles & pulpâ scatentes *Musali*, & qui in arbore arescunt, longi, rugosi, non decidui *Dsjehrumi* dicti. Nec postremi sunt, quibus à provinciis & loco natali nomen impositum est *Faarsi*, *Dsjibani*, *Mekkèi*. Accedunt his septem Basrensiū prosapiæ insigniores, per Arabiam desertam decantati nominis, quas hic, velut exoticas, omittimus. Inter dactylos mediæ notæ à Persis numerantur *Chuusj go-vvaar*, *Falakuun*, *Nardsjili*, *Mirvabi*, *Seluuni*, *Mahbmudi*, *Chaarû Dsjemaal*, *Chaarû Derjai*, *Kuungird*, *Chuusj chaar*, *Pijaruun*, *Wandulali*, *Rejst* vel *Lesjt*, *Sabidi*, & plures alii, in diversis provinciis diversis insigniti nominibus: quorum à recensione abstinemus, ne Relatio in longum & inutilem excrescat Catalogum.

## RELATIO VI.

### *Palmæ historia naturalis & æconomica, sive de Palma fœminina impregnatione, & ratione tractandi Dactylos.*

#### S. I.

Examinatis Palmæ cum partibus integran-

tibus, tum fructibus, liberiori pede ad reli-

quam transimus historiam: cujus vel ex primis, atque plena res dignissimaque admiratio nis est modus Palmas fœmininas fœcundandi. Habet id, tot popularium, Persidis, Arabia Ægypti nutrix, inter plantas singulare, ut animalium exemplo, mari statim tempore miscenda, atque singuli ejus uteri, quasi conjugal coitu, imprægnandi sint, secus omnia sua quæ in lucem recens prodiderat, fructuum rudimenta, indeclinabili abortu, dimittit: abortu, inquam, non modò possessoribus, sed ipsis provinciis calamitosa; quandoquidem ex messe dactyliferâ populi illi sustentare vitam non minùs debent, quam nostra gens ex frugiferâ, quâ irritâ, declinat fames à multitudine nullo consilio potest. Memini atate nostrâ accidisse, ut Turcus *Basrensi* urbi & territorio (ad ostium Tigridis) irruptionem decerneret: quam Princeps solo represserat consilio, ad primum hostilis adventus nuntium delendi omnes palmas masculas quarum excidio frugiperdæ fœminæ obsidionis & moræ hostium subsidia negaturæ sint. Eruditus de consilio hostis jam repedare cœperat cum tardatâ executione (quæ & ipsis incolis calamitosa foret) præpes revocatus, propositum antevertit, excussioque Dominò, pœna negligentia petiit. Palmicolis igitur incumbit ut imprægnandis arboribus quotannis impendant operam, siquidem in se redundare annum cupiunt. Modus procedendi hic est. Spathæ masculæ, incluso tumentes flore & æthalami consortium maturo, sub finem Februarii ex arboris fastigio extrahuntur: quibus in longum dissectis eximuntur spadices flosculis nondum oscitantibus, sed in unam massam compactis conferti, (vide Tab. XII Fig. 3.) Hos protinus in furculos, sive bacillos spadicebus fœmininis inserendos, divellunt, quantum quidem fieri potest, in bifurcos, quoniam hanc formâ commodius usui serviunt. Bacillos alii amant recentes, atque illico insinuare spadicebus, si qui jam lucem nacti sunt, alii eos prius exsiccant, & in Martium usque mensem custodiunt, quò, hiantibus uteris ad unum omnibus, insitionem uno actu & operâ instituant, (Fig. 16.) Flores an maturi connubio & quando eximendi sint, explorari debet compressione spatharum, quæ contrectatæ si nullum produnt sibilum, nondum perfecti nec eximendi sunt; si cum sono renituntur perexiguo, maturi sunt & sine dilatione solvendi, quoniam sic modicè rigescunt, & tantillum clausi sunt, ut pollinem (quodammodo ex ætate humentem) fovere sine dispersione & jacturâ possint, dum insinuantur & arescant: in solo enim polline omnis fœcundiandi virtus residet; si verò spathæ digitis resistunt cum strepitu insigniori, tunc flores jam nimium rigent & patent, nec ad usum amplius idonei sunt, quia solâ clausi astrictione vaginæ suæ,











fuæ, quâ soluti, sive id manu anatomicâ, sive spontaneâ eruptione fiat, caveri nullâ ratione potest, quin pollinem in auras uno impetu explodant. Addo, quod mireris, excisis hâc statu spadicebus omnes flores unâ nocte omnes defluere, cum tamen in arbore relictis ad mensem integrum remaneant, polline quamvis, adeoque omni virtute, destituti. Ad arefaciendum requiritur, ut masculini spadices procul morâ exsolvantur involucris suis, tum in suspendendas simul divellantur particulas, quamprimùm spathæ ex arboribus evulsæ sunt; secus enim, si in his compacti latuerint ultra diem naturalem, flosculi ambustione foedati & macidi ad unum omnes decident, polline eorum pariter ambusto & sordescente. Parem jacturam furculi percipient avulsi, si alicubi acclinent, ne aura eos undique ambire possit: quod ut caveatur, ex funiculis obscuro loco & in seriem suspendendi sunt, ita ut singulis spatium intercedat inane. Taliter exsiccati ad præsentis thalamos apti sunt, & in annum posterum, salvâ virtute, asservari possunt. Fœcundandi efficacia in eo posita est, ut rudimenta fructuum seminali flosculorum polline vel ejusdem subtilissimis & insensibilibus particulis perfundantur: quod ut eveniat, circa una florida medio spadiceis fœminei racemo per transversum infigitur vel intexitur, (Fig. 6.) ita ut evelli procellis non possit, sed aliquamdiu infixâ retineri, dum omni depositâ virtute, embryonum rudimenta requisitum vigorem adepta sint. Hic actus peculiari decantatur phrasi *inbaâr daden*, i. e. implere seu conferre plenitudinem. Infitionem quandoque iterant cives desertorum, nihil suarum partium omitturi, quo conciliare annonæ possint augmentum, & novercalis solii detrimentum compensare: quasi varietur Venere, cui cum Cerere & Baccho non convenit. Reliqui Persæ & omnes Arabes unicâ requiescunt infitione ritè celebratâ; superfluum ajunt alteram, & pro sospitandis fructibus nil quicquam amplius conferre. Imprægnatio quoque ultronea contingit sine studio & manu cultoris, translato per aërem polline ex palmâ florida, non procul extante à fœmineâ. Videmus, toti palmeto cum virgas distribuunt, eas omnes haberi insuper, quæ marem proximè circumstant, ex floribus halitum ultro suscepturæ. Quid, quod orbem curatore nemus fœcundari universum possit ab unicâ Phœnice florida, si duntaxat vario flatu seminale pollen iustè circumferatur: nam perinde est, quomodo pertingat, seu vento appulsum, seu manu immissum, sive etiam ore afflatum, prout Theophrastus Hist. Pl. Lib. II. cap. 9. idem affirmat, & quisque æquiore animo crediderit, quàm si cum Plinio N. H. Lib. IV. cap. 2. Justino Hist. L. XLIV. Silesioque Poëta Lib. III. referamus, equas in Lusitania afflatu inanis venti pullos concipere. Enimverò, cum plena res alex sit fœcunditatem expectare ab aura, quod eadem, si adversa,

virtutem pollinis rapere aliorum & dissipare possit, si secunda fuerit, sæpe imminutam & imbecillam deferre: inde in negotio tantæ expectationis palmicolæ tutissimam ingrediuntur fœcundandi rationem, & ipsa manu spathis singulis singulos flosculorum furculos inferunt, quod hos teneriora fructuum rudimenta virtute sua, & spem felicitis annonæ, nunquam destituisse, longa ipsis constet experientia. Creditur idem flos sospitare fœcturas quoque ceterarum arborum, & pronas in casum restituere efficaci effluvio; quapropter illum multi malis aurantiis citreisque inferunt: quò verò effectu, penes inferentes judicium sit. De fructu palmeo res extra dubium est; unde quibus masculæ deficiunt arbores, iis aliunde flores petendi sunt. Deficiunt non semper ex incuria cultoris, verum aliquando ex peculiari soli natalis indole, masculinas non sufferente, quicquid colendis operæ impendatur. Testes sunt, ut loca alia, ita præ ceteris *Farchonaad*, Caramaniæ pars, quæ eam ob causam nemora non colit alia, quàm sexûs fœminei. Transferendi autem sunt cum virgulis legitimè exsiccati, ne in via fraceant, & probè obvoluti, ne ab aëre virtutis patiantur detrimentum. Parvi constant: integri spadices, ut carissimi sunt, unico *Sjabî*, seu imperialis sextante: ubi vero proventus uber est, viginti eodem pretio veneunt. Atqui hic palmas imprægnandi (sit verbo venia) modus & ratio est, pene similis rationi fœcundandi pisces: quorum ejaculata ova masculi aspersione seminis vegetantur: nisi satius sit dicere *exhalantes è Florâ particulas aliquod saltem prunulorum rudimentis robur tribuere, quò adversus defluviū firmentur.*

## §. 2.

A fœturæ historiâ versandorum fructuum rationes videndæ sunt: (vid. Tab. XIII.) quomodo nimirum excutiantur, insolentur, exprimantur, & si quid hic autumnus industriæ ampliùs requisiverit? Ab excussione ordientes triplicis censûs dactylos, qui obstetricem admittunt manum, in stirpe nostra notamus, solo differentes gradu maturitatis: primi sunt, *Chalaal* dicti, qui ad maturitatem inclinare, vel extremitate suâ maturefcere incipiunt: secundi *Dumpas* appellati, quorum mediam circiter partem maturitas occupat: postremi, qui integrè maturuerunt, ac nomine *Churmâ*, i. e. Dactylorum *κατ' ἐξοχήν* insigniuntur. Omnes autem triplicis ordinis dactyli una opera arbori eximendi sunt, ne ultro decidentes conquassentur: hi, quia præmolles carpendi dilationem minimè ferunt: illi istique, quòd in lapsum proni, ad deciduam quoque classẽ biduo triduo transgrediantur. Verum, cum præaltæ & immobiles palmæ se concuti non patiantur, scandere verticem oportet, & lapsum anticipando, fructus deciduos ipsa manu decerpere. Scansurus (vid. Tab. XIII. Fig. 7.) tibiis in altum repit, à casu se muniens recte valida, quâ tergatenus sub axillis protensa, finibus



bus colligatis, unâ cum caudice laxè cingitur. Hanc restem, firmâ manu utrinque retentam, super pollices asperamve superficiem caudicis ejicit, subinde altius, seseque hoc nisu sublevando, comam assequitur. In eâ constitutus, quasillum longo adducit funiculo, quem alterâ extremitate femori alligaverat: adductum dactylis, quocunque gradu maturuerint, manu decerpendis replet: repletum dimittit, à substantibus ut depleatur: rursus reducit, atque opus (crudioribus in arbore relictis) tamdiu iterat, donec maturi cum maturefcentibus amplius deficiant. Alii spadicebus comprehensis dactylos motu excutiant, (Fig. 2.) quos sub arbore constituti expanso reti excipiunt: qui verò legendi modus saltem in palmis obtinet humilioribus, quia in altioribus excussione nimium disperguntur. Lectionem per autumnum singulæ palmæ binis ternisve vicibus subeunt, donec omnium exactio fructuum trimestris intra decursum absoluta sit.

Excussi indies Dactyli, secundum triplicem maturitatis gradum, seliguntur, in stragulis, ex folio palmeo textis, acervatim deponendi, (Fig. 4.) ut ulteriori insolatione (quæ illis pro diverso maturitatis gradu per biduum, triduum, vel longius opus est) excoquantur; ita primum in pulpæ colliquefcunt molliem, mox eodem solo rursus spissantur magis magisque, donec corruptionis genium deponant evaporatione abundantis humidi: quo alioquin retento conservari tam industriè non possent, quin brevi fracerent & acrescerent.

Conservandi triplicem observavi conditionem: aut enim post insolationem torculari & melliflui roris orbitatem passi, inculcantur utribus (Fig. 4.) vel oblongis fiscinis, pro cibo plebejo: aut expressione emaciati, rursus aliquâ syrupi sui portione prius irrorantur, quàm prædicta subeant receptacula: aut preli omnino expertes, alio insuper syrupo copiosè perfusi, in fidelis condiantur, habituri locum inter obsonia ditiorum. Hos omnes, & quacunque lege aliâ conservati fuerint, Latini Medici amant appellare *Caryotas*, Græci φοινικο-βάλανες: his nominibus eos distinguentes à siccis & rugosis dactylis, qui ex Syriâ Ægyptoque in Europam deferuntur, τραγύματα dicti ideo, quod proponi soleant inter cupedia mensæ secundæ. Horum (postremi generis) geminam varietatem reperio: Unam eorum, qui ex speciali indole non sunt decidui, sed in arborum spadicebus exaruerunt: Alteram, qui proximè ante maturitatem, dum eis *Chalaal* nomen erat, decerpti, perforati, filoque suspensi, & de industriâ exsiccati sunt. Malunt ad arefaciendum eligere prolem delicatissimam, ejus præsertim generis, quod ob saporis præstantiam *Sjabuni*, i. e. Regium nuncupant. Fiscellæ, quarum memini, sunt te-

trapedalis longitudinis, ex agrestis palmæ foliis ad saccorum formam & capacitatem contextæ. Texturæ genus vocatur *Dsjullet*, quod & dactyli reconduntur, & ipsi utres induuntur pro tutamine. Utres sunt pelles caprinæ, nonnunquam vitulinæ & ovinæ, ita consutæ, ut recipiendis humoribus serviant: his butyrum, lac & caseum, his oleum, aquam & vinum, ut cetera taceam, totâ Persiâ Arabiâque circumferuntur, & in tabernis quoque exponuntur venalia, facie pilosâ aliquando introrsum conversâ, aliquando extrinsecus, prout diversa contenta minùs permeare comperta sunt.

Syrupus huic populo magni usus & momenti liquor est; eum ut eliciant, palos requirunt orgyæ longitudinis, qui, cum ligna deficiant, ex frondibus Palmarum nuper delapsi parandi sunt. Hos in orbem trium passuum dispositos surrectosque, insertis viminibus connectunt, ita ut efformetur crates longa cylindracea, quæ præstare torcularis vicem in expressione valeat. Cratem hanc vocant *Tjsjaak*, quam, (Fig. 5.) cum usus postulat, super declivem lapidem, tabulamve statuunt, suffosque pavimento, dioram syrupo excipiende supponunt fictilem; fictilem dico, nam his regionibus vasa lignea majuscula nec dantur nec climatis æstum sine ruptione perferunt. Tum crati insolatos dactylorum cumulos quotquot capere potest, ingerunt, qui suâ mole gravati, ac aliquot dierum æstum macerati (nam & hoc negotium in aprico peragitur) humorem plurimum transmittunt, & in receptaculum deponunt. Syrupum qui avarite expetunt, fune circumducto cratem arctiùs subinde constringunt, saxisque impositis profluvium extorquent copiosius. Ita melle superpenitus vel majori parte exuti recondunt in receptacula, quibus possit asservari. Toties autem crates replendæ, & expressionis labor iterandus est, donec palmulæ, arboribus subinde excussæ insolatæque, torcularis vinomnes expertæ fuerint. Basrenses Arabumque ceteri, quibus amplior palmarum & annonæ copia est, compendiosius expediunt. Nimirum, torcularium loco cameris utuntur subdialibus, desuper patentibus, pavimento contabulatò vel gypsatò, parietibus camentitiis, quibus intus ramalia opponunt, ne impuritas officiat. His omnem dactylorum molem, quanta satis insolatione emollita est, unoperâ inferunt, & confluentem ex iis syrupum lacu subtus factò excipiunt; sique is parcio pro desiderio effluat, aquam ferventem superfundunt, quâ dulcedinis spissitudo magis eliquetur. Eliciendi modus est alius monticolis usitatus, quibus Ceres invida palmæ negat proventum: Dactylos, tergis asportatò asininis, & palmicolarum prela jam dudum expertos, contundunt, mox aquâ percoquunt copiosius.



copiosâ, donec solvantur in pulvem, quam, abjectis sordibus, coquunt ad spissitudinem syrupi: sed qui bonitate neutiquam responderet illi, qui ex cratibus funditur. Hunc frustra expectant, quod vasis recondatur fictilibus, qualia iter per anfractus rupium haud differt, quandoquidem utribus pelliceis (prout hoc cœlo liquores solent) asservari non patitur, sine saporis detrimento. Dulcium verò intaminatam suavitatem mirè attendit œconomia Persarum & Arabum, & in palatis demulcendis quàm satiandis majorem curam agit. Syrupus dulci pinguedine butyri vices, embamma, obsoniorum condimentum, &, ut multa complectar, tantum præstat mensis utriusque gentis, quantum, si ipsos dactylos excipio, cibis ullis præterea.

## §. 3.

Hi sunt palmicolarum in messe, ut sic loquar, dactyliferâ lusus magis quàm labores, neutiquam cum nostratium agricolarum infinitis occupationibus comparandi. Heu ilias hic laborum, dum agros effringimus, subaramus & resulcamus: dum occamus & liramus, runcamus & resarrimus: dum, ne sementis contabescat, marga & fimus inferenda: ne suffocetur, lolia eradicanda: ne absumatur, volucres & quadrupedes arcendi sunt: quin, quod nullâ arte caveri potest, à limacibus, muribus & insectis damna & excidium verenda sunt: dum & pluvia, siccitas vel qualiacunque cœli phænomena nunc expectanda, nunc metuenda veniunt; quibus omnibus exantlatis, in ipsa sæpe messe, ex tempestate calamitas ingruit, quæ omnem cultoris spem atque operam pessundat. Taceo frumenta flagellandi, vannandi, cribrandi, molendi atque ceteros laborum articulos, quibus toto anno Europæi fatigamur, ut solum obsonii vehiculum obtineamus panem. Secus sentias de Ambrosiis dapibus Persarum & Arabum; hæ gratis omnino & solo almæ naturæ munere conferuntur, absque præviâ seminis jacturâ, absque aratro & labore: nisi fortasse excussionis & expressiois negotium laboris nomine tibi veniat: negotium sanè tam leve, ne sudorem moveret, nisi excuteret canicula, quam tamen natio, iterata corporis lotura, umbra, otio, confabulationibus, ludis, temperare, ad voluptatem usque, didicit. Sunt tamen qui palmeta inhabitant in angustis convallibus confita; non inficior hos fortunam premere graviolem, & annonæ collectionem ob perfrendos calores molestissimam, quandoquidem illuc venti, qui auram temperent, nulli penetrare possunt, &, qui penetrant, in vorices aguntur ex rupium, quas feriunt, dorsis, ardore imbutos intolerabili. Quid his confisii? Relictis Laribus ad monticulos & loca elita plurimi confugiunt, & structis inibi, quæ Sole præsidio sint, umbraculis & tuguriolis, operas persequuntur. Quod hæc lubentiùs fa-

ciunt, quàm in squalidis palmetis, unde ascensu difficili fructus ad insolationem & torcularia indies transferendi sint: ut nihil dicam de aquæ & fontium defectu in collibus, quorum tamen præsentiam mirè delectatur natio, & carere ad corporis lavationem æquò animò non potest. Umbracula illa nullò fabricantur artificio, satis est conducere ad radios Solis arcendos. Pleraque constant ex fulcris quatuor, ad totidem passuum distantiam in quadratum oppositis, quibus desuper incumbit operculum planum, ex foliis palmæ crassè coagmentatum; latera auræ spiranti patent, floreâ illi parti præfixâ, quæ Soli adversa est. Tuguria parva sunt & levidensia, ex eadem constructâ materiâ, nimirum ex ramalibus plerumque palmeis. Atque his obiter de dactyliferâ felicitate dictis, ad seriem historiæ revertimur. Palmarum cultores, sicut occasione rivulorum & irrigationis obsecuti, non promiscuò locò sylvas suas condidère: ita benigna Ceres haud æquâ adeo manu singulas beavit provincias, ne locorum adstricta genio alias palmis cumulaverit, destituerit alias: si modo destituisse dicenda est, ubi finitimarum foecunditate inopiam compensat, quæ vel ære, vel opportunâ suppetentium rerum permutatione levare potest. Videas territoria, quæ ubertate palmarum usque adeo luxuriant, ut cives laboribus impares partiri cum peregrinis annonam & colligendi operam debeant. Inde evenit steriliorum locorum incolas statò tempore ad fructifera hæc nemora concedere, ut exhaustis vivendi subsidiis penuaria sua novâ annonâ impleant, & inopiam natalis soli alieno proventu sublevent. Nec tantum turba inops adest ad mercandum, sed vel major hospitum numerus, datâ Penatibus veniâ, æstivandi causâ accedit; huc ab umbris, aurâ & fontium deliciis invitata, illinc depulsus ab igne imminenti Syrii, atque pluribus insuper ærumnis, quæ limites patrios per æstatem occupant. Has inquam ærumnas propositum nunc est recensere, tum ipsius ad palmeta profectionis, commorationis & reditus circumstantias persequi, eâ quidem fide, qua illas in ejusdem stadii decursu enotavi.

## RELATIO VII.

*Peregrinationes ad palmeta.*

## §. I.

Annua ad palmeta profectiones nulli popularium frequentiores instituunt, quàm quos æstus cœli æstivare domi suæ non permittit; quales cum primis sunt accolæ Sinûs Persici, à Sindi, usque ad Basram Arabiæ. Toto autem littore non sunt, qui cœlo utantur tam incommodo ac sibi infesto, quàm incolæ urbis Ghamroon, vel ut ea rectiùs scribitur Gummû, vel si nomen placet recentius Bender Abassi, i. e. Portus Regis Abassi, à restitutore suo ita dictus. Hæc,



quæ me nunc tenet, urbs sita est in littore, sub elevatione Poli 27. 30. à tribus parasangis opposita urbi ac insulæ *Hormuus*, vulgò *Ormuz*, quæ olim florentissima Regum Kirmanensium sedes prostata nunc atque diruta jacet, solo militum præsidio habitata, cum, ex occasu ejus, urbs nostra ortum & incrementa sua duxerit. *Ædificiis* adornata est ignobilis structuræ & sine ordine locatis; hospitum verò frequentia, civium multitudine, mercium undique appulsu, velut ad australem Regni portum inclyta: emporium inquam totius provinciæ Ormusiensis, quæ hodie *Dsjeruun* & *Dsjerunaat* appellatur, ab Afris, Arabibus, Indis, Persis, Armenis, Europæis habitatum: maximam civium partem constituentibus Multhanis, sive Benjanis, gente Indorum omnium humanissimâ ac religiosissimâ. Mireris, quàm hæc populosa civitas per ætatem ab hominibus inanis ac desolata jaceat, dum ne centesima pars civium in eâ videre ardentem Caniculam sustinet, imminem veriti ceu vitæ pestem, ut, qui in hoc purgatorio ætatem remaneret, ne mendicum quidem, vel quemcunque suæ spontis hominem nullò præmiò induxeris: Saltem ampliori domui custos immanet verna, vel libertus aliquis senex, vel anus ferva, quam, ne ex climate contabescat, ante mediam caniculam redux excipit vetula alia. Soli, quod mireris, Belgæ, qui Illustri Societati hîc à commerciis sunt, litus non deserunt, sed sævienti cœlo vigorem ætatis ac genitale robur corporis pertinaciter opponunt: nihil territi molestiarum iliade cum virium dispendio quotidie absorbendâ, nihil feretris sodalium, quos æstivo ardore detritos atque enervatos quævis deinde febricula exanimabat: nec civium exemplis cauti, qui licet injuriis cœli patrii ferendis aptiores nati sint, maturò tamen profugio se subducunt, ut *germesir*, (sic vocant terras immodicè calidas) cum *serbed*, (sic mansiones ætheris temperati) commutando, valetudini ac vitæ suæ consulant. Quibus verò bene valere jussis, iter ego cum civibus ad palmeta nunc proferam, si prius formidandas fugæ & profectionis causas, quas ipse olim ad fastidium exantlavi, tum popularem proficiscendi rationem atque his annexa, exposuerim.

## §. 2.

Primates loci, (Archisatrapa, officiales & principes mercatores) quos non penuria ad palmeta, sed æstivus squalor transire ad æstiva monet, alii ad urbes contendunt mediterraneas, opibus & vitæ deliciis instructas, quanquam distantissimas: alii in propiores montium recessus algidos & aquosos refugiunt, non minùs hîc cum familiâ commodè, quamvis sine luxu, moraturi. Circo hominum maximo cura peni & fortunæ modulus metam profectionis ad palmeta constituit, quæ, etsi non æquè mitigandis caloribus apta sint, quòd & aquam parcè, & umbras rariores præbeant, quin & ventis æstuosis ob-

noxia sint, hospitem tamen suum minimo sumptu alunt, & sine magnis viatici expensis recipiunt, quippe octiduò, si longissimè, ab urbe remota.

Ad auspicandum iter aura commodior est mensis Maji: nam hæc tanto calore nondum æstuat, ut oriente ac declivi die iter capessi non possit sine molestiâ. Melius sibi consulunt, qui iter primo Vere instituunt, & sic Majum atque Aprilem anticipant, quandoquidem infelix solû malignis & arsenicalibus, ut sic loquar, spiritibus, quos hoc tempore excludit, aërem contaminat, illinc à boreali jugo montium, *Ginau* & *Geruun*, quod littori à quatuor parasangis opponitur, hinc ab accumbente australi aurâ, velut claustro, cohibitur, ne diffari possit. Cui eodem tempore accedit præceps à frigore, non vehemente quidem, sed peracuto, calor incrementum: quæ pernix & perniciofa varietas, aëris vitio sociata, humores corrumpit, & febres gignit acutissimas, paucos intra dies tragicum ludentes in scenâ humani corporis. Præterea mancipes Ver adultum evocat ad palmarum conductionem, nunc more solito instituendam. Fructus enim in statu constituti, quem *Charèk* vocant, discrimen amplioris defluvii jam evaserunt, dum nulla adhuc de expectatâ pinguedine præbent argumenta, quò minùs in contrahendo elocantis juxta & licitatoris suspenduntur animi, de damno securi, de fœnore incerti. Nec tacenda est Laribus hoc tempore ingruens victus inopia, præsertim aquæ potabilis. Sola hæc locum habet in Oeconomîâ gentis, procul vinò, cerevisiâ & omnibus inebriantis liquoris speciebus relegatis. Aqua autem illa non saltem paucitate suâ civem destituit, pravitate etiam perdit bibentes, nisi aliunde, quod ditiores curant, tergis camelinis advehatur. Fallunt Lectorem Geographorum tabulæ, in quibus & litus hoc, & Persia mediterranea multis fluminibus pingitur: re ipsâ perennia utrobique reperies paucissima, inter ea vero nullam præter Araxin, quæ aquam potabilem mole aliquâ in Sinum deferat; nec hæc tamen usque longo tractu, quo à loco antiquæ Persepolis decesserat, (ubi nostrates eam *Bend Emir* vocant, à cataractâ conditoris Emiri Chani) ab adulterio admixtæ falsuginis incorrupta permanet. Cetera flumina, quæ Persidem, sive Persiam australem, irrigant, (de dulcibus loquor) brevi, quàm à montibus devoluta sunt, in agros derivata extabescunt, & ad salum neutiquam pertinent. Hunc naturæ defectum supplere solertia hominum annisa est, non puteis, nam & h plerumque salem sapiunt, sed amplis & in terræ gremium demissis cellis amplissimis, desuper fornicatis, in quibus anniversarius imber medicinam depluens confluit, & in viventium usum asservatur. At, hæc cœlestis unda, hōc innub & minùs pluvio æthere, raris vicibus demissa fauces istas vix replet: tum etiam per nitrosam terræ superficiem dum fluit, sale sordibusque variis



variis inquinatur; unde evenit eam hōc tempore vel penitus deficere, vel, si quæ in fundo reliqua est, muriam sapere, & ingravescentem cum ætate sitim neutiquam restinguere. Adde, eandem in fundo abundare seminali materiâ, ex quâ Dracunculi, seu lumbrici tenues, immanis longitudinis, *Pejuuk* dicti, bibentium innascuntur musculis, cum virulento ulcere exterminandi. Cui quidē morbo non æquē facili obnoxii sunt, qui tempestivè recedunt, quàm qui circa littora remanentes sanguinem suum prava illuvie magis contaminant. Tantum autem abest, ut effugiō dracunculos evitaverit, qui ejusdem semine jam imbutus est, ut potius in alieno, & præsertim gelido, climatē majori & longiori ulceris & tardissimè maturantis tabi incommodo decubiturus sit, non sine incurabili remanentis fistulæ periculo, si ab imperito tractetur. Fateor tamen, constitutum extra tantas ardoris, qualis hīc sævit, molestias, majori patientia & virium robore armari ad dolores & incommoda, dum sanetur, perferenda. Altera, quæ multitudinem premit, inopia cibi est. Promptuaria quippe sua patresfamilias annona solent instruere, calculō temporis, cui sufficiat, nunquam longiùs productō, quàm in mensis Junii decursum: quo instante annua reddit difficultas cellæ penuariæ, vix interdum sufficiente sibi pro viatico. Omnium verò molestiarum, quas cives fugiunt, caput est ipse calor æstivus, ultra humanam tolerantiam, præsertim sub Sirio, intensus. Nemo unquam tam fuit robusti corporis, quin ab isto hoste noxam passus sit, sæpè etiam à meridianis radiis interitum. Id mihi *Gamroni* innotuit exemplis plurimorum, quos gemina æstate (una quidem me præsentē) Libitina ardens rapuit. Non piget ex utraque æstate quædam inferere. Miles Batavus ex vireto *Nabam*, quod una hinc euca possidemus, circa meridiem reversus, ad *Martham* (id Oenopolæ nomen est) divertit: qua vixdum salutata de vertigine quærens, animo delinquit, antequam opifer comparem, extinctus. Eadem limina, paucos ante dies, ingressus juvenis Anglus, commerciorum scriptor, cum per suburbanos campos festinanter ambulasset, inopinatō examinatus est. Par factum diverso tempore duos sub ærumna prostratos bajulos nigritas, cum pridie ad onerandam navim rure, ubi æstivabant, cum sociis revocati, agrè comparuissent. Epibatarum unus ex decursu sitiens, admota gutturi amphora, sub mystide expirabat; alter, ab apricatione lassus, cum somno requiem capiebat æternam; tertius ab usu balnei frigidi (in prædicto viridatio) asininō tergō redux, præcepse exhalavit animam. Gubernator Provinciæ, quod abitum tardasset, ex sequiori sexu septendecim (sed antè infirmatas ex squalore recens extitūti palatii) in itinere amisisse dicitur. Ipse, cum propediem secuturus esset, duas Conjuges, quas sibi comites retinuerat, cum Socero uno domi suæ ami-

sit, contracta pridie ex balneo frigido febricula leviori, uti dicebat; nam vocatus ego in agone esse indicavi, quas ipse seriō ægrotare non credebat. Nec brutis parceret ignitus aer, sed equis hōc fidere hīc retentis persæpe visum adimit, quem tamen restituit bruma subsequens. Canes, quorum firmitatem proverbio ludimus, ex solari radio in gyrum actos protinus expirasse bis vidi. Solis asinis & camelis Persicis Salamandarum genius est, & naturalis quædam firmitas ardentem Sirium sine damno ferendi. Circium his malis annumero, ventum, nescio ex quâ vocis derivatione, *baadi samuur* dictum, qui horis pomeridianis, velut ex Oreo pulsus, hōc cœlo flagrat, vitæ animantium usque adeo inimicus, ut ruri correpta aliquando suffocet: incertum incolis, malignitate etiam, an solo ardore. De siti & faucium siccitate perpetuâ: de immodico per corporis ambitum non stillante, sed pluyente, præsertim inter bibendum, sudore: de scabiosis exanthematis, quæ acri sanie axillas, femora & partes ob honestatem reconditas excoriant, deque ceteris non dicam afflictionibus, tanto calori sociis, quæ vel solæ hinc te ad antipodes fugaverint. Ejusdem generis sunt Ulcuscula, quæ furunculos vocant Chirurgi. Dirè hæc mala leges humana corpora, non omnium tamen, nec omni æstate, excruciat, & quod pessimum est, manu tractata chirurgicâ, numerosiori prole per totam sobolescit corporis superficiem. Uni ego Architalasso nostro in parvo & maligno corpore furunculos numeravi amplius centenos, quibus indies pertusis accidere mihi visum est, quod de *hydrâ* Poëtæ referunt: nam paucos intra dies, quasi sub cuspi-de succrescentes, trecentessimum numerum, atque omnem supputandi rationem confusâ multitudine excefferunt. His autem sordibus & sudoribus nullum remedium est magis proficuum, quàm patientiæ. Qui pertæsi stolam, quâ induebantur, aquâ subinde humectabant, vel diem fallebant in cisternis aquâ merfi, illi extincto vitali igne vix annum supervixerunt. Furunculorum grata est accessio demorantibus, velut beneficium naturæ Pancraticè valentis; nam à graviore morbo sospitant possessorem, imprimis à contagio febris & dracunculorum, illo brevissimo sed ferali, hoc longo & foedissimo: fortassè internâ causâ declinante ad superficiem. Conjectura in proclivi est, si hos sanos & felices prædicamus, qualis sit conditio eorum, qui in hoc Orbis ergastulō agri vel miseri dicendi sunt! Ab insectis etiam, si interdiu pax est, noctu tamen tuta non datur quies, ab æstu fortassè irritatis in rabiem. Nocent in campo phalangia, domi dormientibus scorpiones, utrobique vespæ acutissimo armatæ veneno; hæc pessima progenies, ab urente Sole cohibita, primō diluculō ad prædam evolat, muscarumque sociata turmis dulcem expugnat dormientibus somnum, quem aurora, mater benigna roris gelidi & præter cœli



Asiatici indolem hoc loco innocui, gratiose indulgeat. Scias enim hâc anni parte dormire neminem nisi nudum posse sub dio, dempto omni papilione, aut, quod cœlum & rorem arceat, velamento quovis levissimo. Quem in finem domuum summitates ubique superficiem referunt planam & pavimentatam, in quam ex interiori parte ad requiem capeSSendam per scalas ascenditur. Taceo turbatores somni, glires noctivagos: taceo, quæ vestes comminuunt depositas, tinearum perniciosum genus: taceo albas, quas vocant, formicas, verendum mercatoribus insectorum genus, quod vel unâ nocte integra mercium volumina destruit: taceo quamcunque aliam possessionum magis, quam corporis perniciem, demorantibus molestant. Pro complemento habes foetorem, qui ex arescente algâ, & holothuriis putrescentibus emanat; nam utrumque excrementi genus ab undâ maris, mirè per caniculam exuberantis, in littora copiose propellitur: cujus teter spiritus, velut Tryphonis è specu halans, perniciem cerebro & commorandi tædium nulli non demorantium inducit.

## §. 3.

Peregrinationis hæc sunt antecedentia. Vicinæ vel cognatæ domus, in itineris societatem coeuntes, accersitis camelariis, de vecturâ rationem instituunt. Rarè cum his pactio fit pro universo itinere; usitatius ita contrahitur, ut indies solvatur pro camelis singulis circiter uncialis: posteriori pacto paulò tardius, priori citius, ut veredariorum astus est, iter absolvitur. Proximo quo vacat die jumenta omni onerantur domesticâ possessione; sed quàm speciosa! utribus, hydriâ, fiscellâ cibo refertâ, fuso, girgillo & storeis: scruta adesse alia non memini. Utrunque ad clitellas alligatur cophinus cum cati & liberis, quorum capita, quod lepidum aspectu est, duo aut tria promicant. Asserculus, clitellis per transversum affixus, juxta confidentes recipit mulierculas duas vel tres, quæ infantes, quos lactant, sinu complectuntur. Herus ipse, canis domesticus & filii, si qui sunt adulti, iter pedes occipiunt. Abducendis agris & nobiliorum fœminis arculæ serviunt, quas *Kadsjabah* vocabant (*Figuram vide Rel. 9. §. 4.*) singulæ ad ephippii latera affigendæ. Ad cavæ normam fabricatæ sunt, pannoque obductæ, ut in iis latitare singuli insidentes possint. Has invenit Magnatum luxus & zelotypia, ut gynæcea sua in iis circumducenda occultare ab hominum intuitu possent. Nam suevit polygama hæc & mirè suspiciosa in amore natio peregrinari cum luxuriæ apparatu, sæpè ultra possessionis modulum. Cameli unius sunt in dorso tuberis, dromedarii dicti, sed minores & alius genii, quàm quos alit Persia borealis; hi sunt cœli ferventis, illi impatientes frigoris, sed aptiores nati ad perferendam in desertis inopiam.

Camelos duplicis gibbi in regnò non vidi, præterquam quibus Bactriana merces suas & Legatos mittit Tartaria. Adornati ad iter per series copulantur, ita ut ad antecedentis ephippium firmetur lorum proximè sequentis, ex cujusque nare perforato propendens, donec septeni, nonnunquam seni aut quini omnes, connexi fuerint. Copulata hoc numero series camelorum propriò gaudet nomine *Khatbar*; quemadmodum tota illa jumentorum turma, nomine *Khafleh*, & universi iter facientium societas *Karavvaan* appellatur. In deductione singulas series singuli præcedunt pedites camelarii, manu ducentes primi semper cameli retinaculum, cujus ductui & ceteri obediunt, narium funiculo laceSSiti; dum interim ductores cantilenam aliquam sylvestri modulantur gutture, qua tardipedes pecudes excitare, & gressus quodammodo dirigere satagunt. Per hos ordines pauci quoque discurrunt velites asini, sine habenis aut capistris, quibus sarcinas suas saccosve penarios pedisequi imponunt, aut ipsi, cum fatigantur, per vices insident. Diatæ incertò mensurantur horarum spatio, quoniam stationes definiendæ sunt locis ad pernoctandum idoneis, i. e. aquâ dulci à naturâ instructis. Progressus & lentis incedit gradibus, & paucis tamen horis ipsa diata absolvitur; ita, qui ante crepusculum demigrant, stationem proximam profundâ assequuntur nocte; aut ortâ non pridem luce, si secundâ, tertiâve vigiliâ discesserint: ex quo diatarum brevitatem nullo negotio conjicias. In stationem ut deventum est, ductores jumenta quique sua exonerant: hinc de pabulo solliciti, in campos, si lux permiserit, excurrunt ut virgulta colligant apta pastui. Sed quid tellus arida & deserta pariat? præter alias paucissimas nihil, nisi plantam exhibet bipedalem spinosam, à vulgo *Chari sjutur*, id est, spinâ camelina propterea nuncupata, quod in desertis camelos satiet; Botanicis vocatur *Aru sjirin*, id est, *Aru* dulcis, ad differentiam *Artalch*, seu amara, quod illius folia in Carmania colligendam præbeant Mannam notæ præstantissimæ, quam Persarum officinæ appellant *Terendjubiin*. Hic frutex, nullo quidem melle hic loci rorifer, pabulum camelis exhibet, cujus cum collectâ & in fasciculos colligatâ copiâ, stationem repetunt. Tum in gyrum deductos, (*Figuram vide Rel. VIII. §. 3.*) barbaro screaturis, sic assuefactos, ad cubandum instigant, eo situ, ut clunibus avertis capita mediam gyri aream respiciant, in quâ camelarius quique suis jumentis præsidens, ramusculos præbet manducandos, quos manu ita dirigunt transversis, aut inversis summitatibus fauces subeant, secus expansione renisuri & noxam inflictura aculeis. His assumptis, pro colophone unum bolum ingentem, recens ex farina hordeacea cum furfuribus subactum, collo quàm profundissime ingerit deglutiendum



Si stirpes ad satietatem deficiant, vel si jumenta ex graviore onere, vel diæta longiori, viribus exhausta sint, aut si in antecessum roboranda fuerint ad iter salebrosum & arduum diei sequentis, rum bolo gemino, vel pluribus, eos nutrire solent. Hæc dum aguntur à camelariis, locum sibi in statione deligunt viatores, in quo explicatâ storeâ confideant, fortè in aquarii, arboris, rupis, vel, si adsit, xenodochii parte aliquâ, quæ auræ perflanti patet, & maximè opaca est: ibi ferventis diei lucem placidè exigunt, somno, loturâ, colloquiis, donec cadente Sole camelarius iter proferendum moneat. Pari ratione postridie pergitur & diebus ceteris, donec ad metam deveniatur itineris. Habes migrandi modum, sed magnis familiis usitatorem, & ad æstiva procul dissita. Vulgus enim civium, impar expensis, ac deficientis memor peni, palmeta quærit propinquiora Laribus: quæ dum quotannis repetit, de numeroso comitatu non multum sollicitus, solis cum domesticis, vel cum paucis vicinis discedit, quandocunque vacat, aut volupe est.

## RELATIO VIII.

*Diætæ, Stationes, Aquaria, & Hospitia circa Palmeta.*

## §. I.

Narratis scenerabor lucem, si diætæ, stationis & hospitii condiciones & nomina explicavero. Id igitur intercalari relatione præstabimus. *Diætæ* indigenis *Mensal* appellata, tantum complectitur viæ spatium, quantum uno die viator absolvit: diætis enim peregrinationes & urbium distantias metiuntur, relicto parasangarum usu Geographis & Curiosis. Sunt autem diætæ omnes haud paræ longitudinis, sed incertis stationum & hospitiorum, quibus in viâ pernoctari potest, distantis metiuntur; quin eadem pro peregrinantium arbitrio, sive illi præpetes cursores *Sjathir*, seu nuntii equites *Tsjapar*, seu jumentorum tardigradi actores fuerint, corripit vel produci solent. Observavi tamen nunquam intra quatuor, nec ultra octo parasangas diætam contrahi vel extendi, ut, qui intra mensuram illam substiterit, dicatur tantum dimidiam diætam, qui ultra progressus sit, unam cum dimidiâ absolvisse. Parasanga autem *ferseng* & *fersach*, id est, leuca Persica, quam Turcicè vocant *gaatsji*, tantam notat longitudinem vel loci distantiam, ut viginti duæ cum dimidiâ uni respondeant cœlesti gradui.

*Stationem* Persæ eodem quo diætam vocabulo insigniunt, estque locus ad viam ædificiò publicò, quod *Karavanserâ* vocant, donatus, aquâ potabili naturæ artisve beneficio instructus, atque ita adornatus, ut peregrinantibus commorandi præbeat occasionem. Stationum in Regno modicum invenies numerum circa

vias Regni primarias: sæpè in his, sed maxime in provinciis australibus ad alteram tertiamve parasangam patet illustre diversorium cum aquariis. In ceteris viis, quas non ita frequens calcitat multitudo, præcipuè torridioris Persiæ, tota quandoque diætæ unicum tantum indulget aquæ conditorium, cujus beneficio commorari *Karavvâna*, sive coetus peregrinantium possit; quod aliquando aridiori solo tribuere, aliquando ignavia liceat accolarum. In desertis & ad palmeta deviis sola aquæ dulcis, cujuscunque conditionis occurraverit, præsentia stationem determinat, seu illa sit pluvialis, cisternino fornice collecta, quam *aab anbaar*, & *aabi birkèh*, seu in lacunâ rupis ultro confidens, quam *aabi bôngird*, & *aabi gadiir*, seu puteis excepta, quam *aabi tsjah*, seu viva scaturiens, quam *aabi tsjesjmèh*, seu rivo defluens, quam *aabi ruud*, seu per incilia in alveum adducta, quam *aabi hauf* vocant. His enim vocabulorum differentiis stationes dignoscunt, & ipsam aquæ copiam & bonitatem in siticuloso climate distinguunt. Hospitia hîc frustra quæsieris: cœlum tibi tectum est, sed purum & nullo foetens fuligine: lectica humus est, nullo contagio aut sudore infecta: fons dolum exhibet, non vini, sed liquoris sinceri, nullo mangonio adulterati, promptuarium. Hospitari hîc sine sumptu licet, dormire impavidè, bibere gratuito, satiari epulis, non quas hospes obtrudit invidus, sed quas ipse providus & frugalis tuâ manu asportaveris.

## §. 2.

Aquaria, quibus dicimus stipari *Karvanserâs*, (vide Fig. §. 3.) ut plurimum illius generis sunt, quæ condunt brumales imbres ex terræ superficie receptos. Structura *birkèh*, lacus *aab anbaar* vocatur. Lateritia sunt, figuræ rotundæ, cellis ingentibus similia, triginta & amplius passuum in ambitu, in terram trës quatuorve orgyias demissa, unicâ tantum vel gemina orgyâ ultra terræ planitiem exsurgentia. Summitatem claudit ingens unius arcus hemisphærium, quod radios eminus arcendo, aërem intus temperat, & ad gelationem liquoris momentum tribuit. Quatuor habent portas in crucem oppositas, angustas, patulas, undique imbris affluentiam, auram spirantem, & hospiti aditum permittentes: interstitia portarum, si major ambitus sit, humi perforata quoque sunt, ne quæ humor arceatur allabens. Duo in aquariorum contemplatione animum suspendunt: unum oblectatione, alterum fastidio. Oblectat sonus immanis, qui in eo excitari potest levi ante portam collisione; innumeris enim duplicationibus agitur, tempore non brevior deficiens, quàm quis orationem recitaret dominicam. Ex tonis unum præ ceteris audies resonare clariùs & longiùs, prout is, concavæ magnitudini & figuræ certâ proportionem responderit. Fastidium sordes pariunt innatantes, videlicet bufones, phalangia, cicadæ & illapsum animalium cadavera: ut

taceam



taceam foeditates telluri absterfas, quæ tamen, quod pessum actæ, haud conspicuæ sunt. Quibus omnibus potabilem variè inquinari nemo negabit, nisi cum Musulmannis credat ex Imamorum Theologiâ, quod aqua in loco excedente tres pedes trinâ dimensione, (in longum, latum & profundum) à receptis impuritatibus nunquam possit inquinari.

## §. 3.

Xenodochiis, quas *Karvvaanferâ* vocant, frequentissimis gaudet Persia borealis, singulis proprium nomen referentibus, vel à conditore suô, vel quacunque sorte nactum: raris admodum, nec nisi ad vias regias, donata est regio australis; hæc enim expers injuriarum, quas domuum præsidio declinamus, tectis saltem pro umbraculis utitur. Malunt viatores diurni umbram & meridianam requiem capeßere sub obviâ quâdam Acaciâ, Cupresso, Platano, aut consitâ propè fontem arbusculâ quâvis, quàm inter squalores anhelare parietum. Diversoria gratuito usui dicata sunt, magnificis tamen sumptibus ex saxo vel latere constructa, aliquando tantâ mole & majestate, ut Principum palatiis comparari possent, modò sumptuosis parietibus accideret externus decor speciosæ suppellectilis. Splendidiora sunt ut plurimum quæ offendimus in populosis urbibus, quàm quæ ad vias inhabitati ruris, vel in locis ab hominum frequentia remotis. Nam, cum illustrium operum conditores non solo publicæ utilitatis, verum etiam studio gloriæ suæ atque posthumi nominis, ducantur, malunt illi pecunias eo potius in loco erogare, quo sacrata bono publico pietas plures admiratores & crebra hospitantium encomia invenit, quàm ubi præmio expectatæ laudis destituitur. Ne quis autem dubitare de auctore possit, frontispicia magno charactere incisum ejus nomen exhibent, addito factæ extructionis tempore & proprio etiam nomine hospitii, si id alio, quàm conditoris appellari debeat. Hæc tria, conditoris, temporis & ædificii, nomina, persæpe arguto ad indolem gentis Epigrammate definiuntur, quod mirè legentem, vel artificioso conciliat scripturæ flexu, vel capit ludente facilitate profundi acuminis. Laudat inscriptio sæpe nigritam, Regii gynæcei eunuchum, nec rariùs negotiantem apud Indos mercatorem Persam: nonnunquam primarii in Aulâ ordinis Senatorem, Provinciæ gubernatorem, matrem Regiam, matronam viduam divitiis affluentem, & si quos alios. Ubi verò beneficentia voluntaria defuit, ibi ex publico ærario Provinciæ cujusque Moderator providit, ne vel urbi vel viæ publicæ, ad mediæ vel unius diætæ distantiam Hospitia deficerent. Is, licet ex alieno dispensaverit, curæ tamen suæ pramium sectatus est nominis sui epigraphe. Non patitur prolixitas, vel difficultas etiam scripturæ & explicationis, ut exempla Inscriptionum inseram. Ingens mihi illarum

farrago suppetit, ex hospitiiis, nec minus ex templis, collegiis & variis palatiis manu meâ descriptarum, quàm commodiori loco servo, unò missu proponendam, si id operæ pretium fuerit. In pagis minoribus & à regiâ viâ longè recedentibus, ab agresti incolâ pro diversoriô exhibetur ædícula semiruta, ab omni suppellectili vacua & haræ similis, quin à lacertis, blattis, phalangiis, scorpionibus, habitata: nam tales mihi contubernales per devia excurrenti in hospitiiis obtrigunt. Verum, quicquid hîc nitore deest ædificio, id humanitate compensant cives rusticolæ, qui non, contractis frontibus & affatu aspero, nostratium rusticorum more, peregrinos adoriuntur, sed benevolè excipiunt, vario officiorum genere obstringunt, pavementum sine morâ verrunt, tapetemque substernunt, non acui Phrygiâ distinctam, sed pro sorte suâ levidensem ac puram. Nec morâ, salutatam accedunt pagi seniores, hospitibus suis xenia ferentes, nimirum flores, mala punica, uvas, melones, & si quid aliud impertitur loci Ceres: mox subintrant viri facetiis & eloquentiâ toto pago maxime conspicui, ut hospitibus molestiam temporis ludis & colloquio discutiant. Nec desunt, qui *tamassâ mikonent*, i. e. qui spectatum otiosi veniunt, & hospitum vestitus, gesta, mores admiranter: quod otiosorum genus inter populares frequens est, & peregrinis maxime molestum. Ad ultimum in scenam non rarò se proripit obscœna meretrix, noctis futura, si placet, socia. Hospitia commendat rivus præterfluens, per alveolum, vel cuniculum subterraneum, ingenti opere adductus, qui aliquando per medium pavementum defluit, & in eo, pro temperando aëre, in cisternæ amplitudinem distenditur: vel, si flumen deficiat, (quod solet in Perside australi) vicinum habet unum alterumve *Birkêh*, seu aquæ stagnantis promptuarium, ut plurimum ejus generis, quod vocavimus *Aab anbaar*.

Habent hospitia pro cœli statu diversam structuram: Borealis Persia eadem expandit circa aream quadratam, spatiosam, sæpe ad centum passuum quadratorum, vel saltem ad tantam capacitatem, ut in illâ *Kasila* sive cœtus jumentorum stabulari, & deonerata volumina deponi commodè possint. Externa facies eminens visenti cubiformem mentitur molem solidi corporis: muri enim sunt plani, nudi, nullis fenestris & ostiis, nisi portâ quâ ingredimur, perforati: qui, lateritii si fuerint, figurati pro ornatu exhibent arcuatas planas, columnis faxeis interpositis decoratas, iis non equidem veris, sed planis pariter, modicè prominentibus, & eleganter lævigatis. Hâc ornamentis specie expoliri solet latus frontatum, rariùs cetera quoque, nisi fortassis quæ publicæ viæ opposita & valde conspicua sunt. Unus mediam frontem pandit introitus amplius & affabrè fornicatus, utrinque lapideis scamnis, nec rarò tabernâ









Fig. 2.





concamerata instructus, ex qua hospitii inspector, si quis adsit, paleas & cremia venundat, aliquando & oryzam, dactylos, ova & lacticia. Summum domus lacunar, nisi qua parte ornices protuberant, omnino planum est & pavemento stratum, ita ut in eo quis ambulare & peregre adventantes speculari possit, pernoctare etiam, si coelum nudum arrideat; quo fine interdum oras habet pedali coronide eleganter marginatas, pro securitate dormientium. Vestibulo nonnunquam insistent meniana superbi operis, auræ spiranti undique patula, in quibus cum voluptate hospitari quis possit, à turba remotus. Ascensus in fastigium submolestus est ex angusto vestibuli vel aræ angulo, per gradus angustos, altos & præcipes. Ipsum ædificium rarissime duplici, plerumque unâ contignatione constat, cujus singula latera, pro operis magnitudine, sex, octo, decem vel plura exhibent cubicula, ut plurimum fornicata, longa, angusta, & recipiendis duobus vel tribus hominibus idonea. Ostiola in medio habent, ut per ea hospes intus decumbens spectare possit, quid in aræ versetur circa merces depositas. Superliminare riscum exhibet, luci diurnæ pervium, cui aliquando nonnisi per ostium ingressus conceditur. Tapes, lectos & supellestilia hîc ne quæras, nudæ humi cubare oportet, nisi his ipsis instructus adveneris. Medias cubiculorum series, primam quidem ipse dividit introitus magnifice spatiosus, ceteras singula distinguunt cavædia, *Eivvani* dicta, versus aream patula, cubiculis multò latiora, non rarò ipso ædificio altiora, planè ad symmetriam introitus; toti enim structuræ, in ipsâ aræ spectatæ, maximum decus & elegantiam conferunt, simulac numeroso advenæ, tum pro reponenda supellestili, tum pro ipsâ commoratione locum exhibent spatiosum. Basis hospitii tres circiter pedes à communi aræ elevatur, ipsaque cubicula latitudine duorum triumve passuum anticipat, eò fine, ut & tuta sint dormitoria à pecudum ingressu, & hospites, intactis aræ sordibus, in eâ ambulare & transire ad vicinos possint. Huic indormiunt servi ante herorum cubicula, ut eorum jussa audiant & equis præstò sint custodes, qui ibidem alligati tota supra ambulacrum cervice eminent. In hospitiiis illustrioribus cubiculorum terga cingit quædam quasi porticus, pro stabulatione facta, fornicata, communi nexa compage ædificii, ad quam jumentis aditus patet ex quatuor aræ angulis & lux ipsa eadem viâ irruit, per exigua sanè & ad interiora non penetrans, nisi murus exterior, quod rarò videas, in supremirate riscos habeat pertusos & translucidos. Medium aræ cubus ornat lateritius, orgyam altus, ab uno latere gradatus, cancellis eleganter marginatus, intra quas gerrones & actores circumforanei Sanctorum suorum vitas, velut ex rostris, declamant & variis nugis hospitantibus nummos eliciunt.

Australis Persia minora habet hospitia, & ad hujus coeli indolem aptata, (*vid. Tab. XIV. Fig. 1.*) ut plurimum nullo intercepta impluvio, nec in cameras distincta, sed unius tantum atrii, ad totius ædificii formam & magnitudinem compositi. Structura eorum lapidea est, modò quadrata, modò in crucis figuram digesta, desuper fornicata, ostio singulis lateribus donata ad recipiendam undique auram spirantem, quam æstuosò hîc coelo variè captamus. Sunt diversoria, sed rara, quæ solis fulta columnis nullis cinguntur parietibus, qui ventos arceant; sunt rariora, quæ fastigiantur pneumadochiis, sive machinis quibus aer appellens intro demittitur. Pavimentum pro hospitem accubitu sæpe totum, aliquando in angulis, ad latera, vel in medio domus eâ elevatur altitudine, ne ab incurstante pecore facillè insiliri stragula & calcari possint. Frontispicia hospitiorum, sicut à fundatoribus inscripta, ita intus parietes ab otiosis viatoribus variis depicti sunt epigrammatibus, ex quibus sæpe elegantia ingenii Persici insigniter elucet: ex earum farragine, si venia est, unicam hîc pro coronide Relationis inferam, quam refert *Karavvanserà Tsjebuun*, in deserto quodam Larenis Provinciæ:

*Tsjebuun Karavvanserà, vva ma Karavvaan iim,*

*Der Karavvanserà, ne konèd Karavvaan serà.*

Cui illud Ciceronis *Senect.* sed minore tum acumine, tum verborum nitore æquivalet: *Ex ipsâ vitâ discedimus tanquam ex hospitio, non tanquam è domo: commorandi enim natura diversorium nobis, non habitandi dedit.* Ut genium intelligas, nomen hospitio proprium est *Tsjebuun*, id quod populari appellatione notat Mundum vel Orbem terrarum: nomen verò commune est *Karavvanserà*, i. e. diversorium. Hujus vocis divisæ pars prior *Karavvaan*, coetum peregrinantis turbæ, posterior *serà*, moram seu cunctationem insinuat. Hospiti igitur præsentia suæ, quod solent, tesseram relicturo, argumentum dederat ipsum hospitii nomen, ut mortalium in Orbe brevem moram, argutè compararet moræ peregrinantium in hospitio; mutuatus epigramma ex libro *Gulistaan*, i. e. Roseto Persico auctoris *Sjeich Saadi*. Plures exhibiturus sum in Hodæporico.

## RELATIO IX.

*In palmetis hospitantium occupationes.*

### §. I.

**P**almeta ingredimur. Hîc advenæ complexu atque osculis excepti, & pro comitate gentis omni præstitâ salutationis reciprocatione, à brevi circa Nicotianam confessu, quem humanitas quoque exigebat, digrediuntur, arbores in quantumcunque spatium diffusas inspecturi, ea-



rum annonas, conducendarum numerum, pretium, & si quid præterea è re suâ est, pensitaturi: ita defuncti negotio, quo omnem claudebant curam & scopum profectiois, invicem vacaturi in posterum confabulationibus & officiis. Sciendum est, antiquam obtinere consuetudinem elocandi arbores numerò quadraginta, rotunda Persarum in civili usu computatione: vel etiam viginti, velut dimidiatâ numeri rotunditate. Illas nomine unius arboris *Jek nachl*, i. e. unam Palmam, has censu Palmæ dimidiæ indigant, receptò his regionibus loquendi ac contrahendi more. Tot verò conducendis arboribus cum unus paterfamilias non sufficiat, plures de partiendo proventu inter se pacti quadraginta vel viginti sibi eligunt, electasque signant. Lustrat signatas possessor, censet spem annonæ, & per conjecturam subductâ ponderis ratione, pretium indicat. Sed hæc subductio cum fiat magnâ censoris moderatione & conscientia, tantisper pretium usu receptum ad fructuum varietatem mutantis, nulla quoque moratur contractum dissidia, quin redditâ manu illico confirmetur. Pondere, quò in regno mercatores, tum sicca, tum liquida, expendunt, diversi sunt generis & nominis. His in provinciis utuntur *Sengi Kapar* dicto, pendente in statèrâ Hollandicâ septem mediamque libras. Tanta inquam hæc dactylorum moles in commercio ante maturitatem factò plus minus *dobisti*, i. e. unicò circiter grosso Mariano venit: at quia locatoris conjectura suevit minor esse, quàm pro re natâ, hinc conductor ut plurimum experitur, maturos sibi ne dimidio conditi pretii constare, præsertim si favente Cerere insolenter pinguescant. Addo palmas è radice materna sponte suâ natas adultasque nunquam venire sub rationem, sed concedi matrum conductoribus in auctarium, eò quod natali locò citra transplantationis & culturæ operam adultæ, opinione gentis, hero suo gratiam haud debent.

## §. 2.

Contractu superis auspicantibus absolutò atque hòc ipso ad antipodes relegatâ animorum solitudine, quid aliud in posterum exsolutus curâ hospes meditaretur, quid desideraret pleno ditatus cornu copiarum, quàm geniales jocos, confessus, convivias? His interesse, Lector benevole, si non gravaris, pandam Tibi instructissimum ab ipsâ Cerere triclinium, & omnis generis voluptates adducam, quibus felices rusticolæ dactyliferam messem suam, atque hospites advenæ trium, quatuor, vel quinque mensium activa, summâ cum delectatione, exigunt.

Innata genti propensio est, ut, si ullâ realiâ, maximè capiantur fontium & aquæ præsentia: circa eam conventus instituunt, & substratis stercis humi discumbentes dies in adultas noctes protrahunt. In triclinio igitur nostro potum ne desideres: præsto liquor est oculis & palato

gratus: non qui inebriante spiritu sanæ menti inducit delirium, vel tartarò podagram, nephritim, hydropem, & innumeras præcociis fati causas instillat humano sanguini, sed planè innoxius, purus & limpidus. Qui verò invitis non obtruditur more Palatino ingurgitandus, sed sitientium placito sorbillandus, fistilibus exponitur, ex præsentis fonte recens haustus, vel, si fons mineram sapiat, etiam aliunde advectus utribus, ex arborum ramis, ut frigescat, suspendendis; admirandâ enim proprietate aqua suspensa alget ab afflatu vel ambitu aëris siccioris, præsertim æstuosi, cum ab humente (ut est hòc cœlo mutabilis) protinus tepescat. Ciborum parilem bonitate apparatus habes: Dactylos; non illos ad luxum Persicum vasis aureis, Corinthiis, murrhinis, sed abacis ligneis *thabæk* pro convivarum fortuna sat nitidis, liberaliter expositos. O lauta atque sana, sine aromatis & omni pretioso luxu, convivias! ô felices & frugales hospites.

Quâ vero in frugali rerum affluentia, ne quid externæ lætitiæ messem destituat, en præsentem etiam actores, poëtas, saltatrices, modulatores, & si quid aliud ad convivii hilaritatem desideraveris. Modò vides *Sjaair* seu Vatem arguto rhythmo illustris heroinæ *Leili*, ejusdemque rivalis *Medjnuun* amores & exilia decantantem: modò *Khisseh choon*, seu Oratorem, qui Persarum Herculis *Rustam*, filii *Saal*, robur, facinora & bella, vel *Behraam*, *Jesdegar-di* filii in jaculando excellentiam atque ceteras dotes exclamat. Alium audis ex ordine æligiosorum pauperum *dervijj*, qui *Aâli* sui, & ceterorum Imamorum atque religionis antistitum miracula recitat, aut tæ *Omar* injustam ad *chalifatum* irruptionem demonstrat & diris execratur. Illis verò absentibus *Raijjdeh*, seu pagi sui senior, *Taariife*, seu elogiorum præclarorum virorum, aut provinciæ suæ chronica & præcorum in eâ Principum res gestas & bella repetit. Nunc *Mola* aliquis, si ve religionis aut musarum sacerdos Rosarium tæ *Sjeich Saadi*, aut *Divvaani Chodjsa Hafes Sjirasi*, aliorumque acuta epigrammata prælegit, & meditabundo distinguit silentio. Nunc graves conciones *takhlidjsi*, seu histrio aliquis, aut *hokkeh baas*, seu præstigiator opportunâ lusus vicissitudine interpellat. Hæc inquam otii diurni deliciae sunt.


Inclinante Sole, ubi membra laxata dies algidior reficit, de agendis etiam tripudiis cogitatur. Atque, utut omnis ad numeros se movere rusticola haud perfunctoriè peritus sit, adsunt tamen, qui exactius possunt ejusdem artis in utroque sexu professores circumforanei, *rakkaas* dicti; qui mediterraneis egressi urbibus, hominibus plena hòc tempore nemora frequentes invisunt, & ludis præstigiisque variis instructi, hamis pendentibus discurrent.

His











His igitur, si adsint, sparta committitur ducendi choreas, quas ipsi alioquin, si absunt, neutquam omittunt. Mireris spectacula & lepidos motus, quos illi tripudiando edunt. Non enim Sarmatarum ad gravitatem alterno pede terram quatiunt, ut Poëta loquitur, nec ad Gallici moris levitatem vesani discunt, sed testudineo gradu, nudis pedum plantis, huc illuc diu se proripiunt, dum arguto corporis motu pulsus chordarum & mensuras excipiunt, & nullo non membrorum articulô facete exprimunt. Mox resupini miris flexibus totum corpus torquent, brachiis nunc super humum distentis, nunc extensis super verticem, velut lamentantium dolores, non gestientium lætitiâ expressuri. Demum tympanis concitatus tactis, protinus exultantes, in velocissimos motus rapiuntur, ac in gyros varios, in unum summo versi ac circumvoluti, saltatricum officia histrici leporis vicissitudine permiscunt.

Musica verò, quæ tripudiantium membra dirigit, hem, quàm peregrina est! quam gratè dissonans & instrumentorum varietate delectabilis! Primas inter instrumenta tribuimus tibiis gingrinis *Surnai*, (Fig. 1. TAB. XV.) quæ grunniente sono præ cæteris aures affatim implent. Illis assonant (Fig. 2.) tinnientes nolæ vulgares, nostratibus similes, vel etiam cymbala perampla *Sindjji* dicta (Fig. 3.) patinarum, quibus in mensis utimur, figuram referentia, sed minori disco, majori margine, & gibbâ facie manubrio instructâ, quo teneri & ad invicem collidi valeant. Pro basi servit tympanum, vel oblongi dolioli figurâ *denbaal*, (Fig. 4.) ab Indis mutuatum, vel ex Europâ translatum *dohul*, (Fig. 5.) quò militares copias abducimus, vel prægrandæ ejusdem figuræ aliud, ob magnitudinem haud portabile. Hæc omnia non bacillis, sed digitis solum manibusque utrinque leniter pulsantur, ita sonum redditura submissiorem & reciprocam alterni lateris dissonantiâ gratiorem. Utramque paginam in agresti choro absolvere videntur tympana *dondbek* (Fig. 6.) levis structuræ, cocta ex argillâ, figurâ & capacitate ollarum fictilium, nisi quod fundus in brevem appendicem producitur, quâ pulsantis axillam gestata replent, oris verò hiatus vesicâ vel membranulâ tensâ obducto. Hôc vel solo genere, quasi ruricolis vernaculô, festivitates suas celebrant palmicolæ, sociatis plausibus & volarum collisionibus, quibus concinentes convivæ saltantium in scenâ vigorem & metra promovent. Civili symphonix interdum subsonat cythara tetrachordoides *Zjsaartaar*, vel sola, vel aliis organis polychordoidibus conspirans. Nec rarò circum dulcisonum ingreditur tympanum quoddam *def* appellatum, (Fig. 7.) magnitudine, figurâ & levitate ad assem simile cribello, quatuor in ambitu spithamarum, cujus aper-

tò alterò unum saltem tegit latus pellicula tenuissima, ex quâ sonus irritatur saltem submisso digitorum ictu. Ora ejus, lignea & tenuis, quatuor habet vel quinque paria orbiculorum, ex palmari intervallo suis quæque axillis per transversum infixa, ex sonoro are facta, subcava & exiguæ magnitudinis, quæ concusso tympano strepitum mutuâ collisione edunt, cymbalorum pene similem. Interdum orbiculorum locò annulos habet, quorum sonus confusus est & remissior: hôc casu, mutato nomine appellatur *Daireh* (Fig. 8.) Hujusmodi instrumentum saltem unicum quavis admittit symphonia, quod è primis tractat, si fuerit in proscenio, præfultans ex levi censu *kavvali* frequentius autem & extra tripudium chori phonascus, qui, eodem utraq; manu comprehenso, fauces cantu hiantes & gesticationem ab aliorum intuitu defendit: dum interea non modò diversos submissosque sonos ex pelliculâ pulsata elicit, sed superiori motione interdum mixtos quoque tinnitus & clangores ex infixis orbiculis excutit. Hic igitur præcentor raucisonâ & quàm potest altissimâ voce melos suum modulatur: cui per choros, junctis organis, respondent convivæ circumfidentes, vel in circo tripudiantes, si choreæ ducantur. Nonnunquam hilaritate acta concinit universa multitudo, vocibus autem ut indoctis, ita instrumentis quoque indoctè tractatis, & nullis unquam harmonix regulis (etiam in Choro Aulico) respondentibus, sed per tonos, quos vocant, unisonos & octavos omne melos absolvantibus. Qualiscunque symphonia fuerit, concors tamen, submissa & modesta est, gratiam pariens singularem varietate mensuræ, quæ per tot modulorum genera in concitatiores semper triplas jugi pulsu ac spiritu devolvitur, non agrestes modò & indoctas aures demulcens, sed & artis musicæ bene gnaros, haud injuriâ mirantium, id plebejam hanc gentem in variandis mensuris præstare, quod nostri in scholis longa artis industriâ edocendi sunt. Sunt plura Persis instrumentorum genera, quibus in conviviiis & privato otio demulcendis auribus, vel in militiâ etiam, & in foris urbium ad intimandas temporum festivitates utuntur. Ex *thabl* seu tympanis aciem ducit *Kuus*, (Fig. 9.) tympanum grande, æneum, nostrati simile, sed ad moderandum strepitum nerveo reticulo constrictum, cui pulsando duo serviunt bacilli, extremitatibus incurvatis. *Naghareh*, (Fig. 10.) ejusdem structuræ & aris tympana sunt gemina, exiguæ molis, valido nexu invicem copulata, & ab unico tractanda artis tympanizandi perito. *Theblè baas*, (Fig. 11.) i. e. tympanum falconum, parvulum est, æneum, in appendicem productum, reticuloque densissimè munitum, ita dictum, quod falcones in aucupio emissi ejus sonò revocentur; inde singula ephippiis



(ad sinistrum latus) affixa gestantur à nobilibus atque ipso Rege. Adest & aliud genus tympani (*Fig. 12.*) ligneum, majusculum, figura ovata oblongioris, inprimis familiare Multhanis in hoc regno habitantibus, & ut mihi videtur exoticum, utrâque simul nuda & inermi manu pulsandum, hinc dextrâ, illinc sinistrâ. Ex *Nesfir*, sive buccinis, prima horrifona est *Kharabnâ*, (*Fig. 13.*) duarum orgyiarum longitudinis, figurâ similis instrumento acustico. Altera (*Fig. 14.*) subtilioris toni generis nomen retinet, recta, gracilima, orgyjam longa. Tertia *Sjach Nesfir*, (*Fig. 15.*) i. e. buccina cornuta, grandis pariter & ænea est, in figuram cornu ingentis arcuata. Ex *Uud*, seu Chelidibus, quæ nervis resonant (ex intestinis ovium elaboratis) communissima est *τρίχορδος* (*Fig. 16.*) colli longissimi, ventris exigui ovati, ponticulo membranaceo. Sunt, quæ chordis quatuor, quinque & pluribus instruuntur: ex quarum censu palmaris est *Tjehesdeh*, (*Fig. 17.*) magnitudinem & figuram utcunque nostratium referens, nervis dotata octo, vel novem, geminis semper in unisono conspirantibus, postremis etiam tribus, si nervos novem habeat. Ex Violis, quas vocant, principem locum vendicat tribus & aliquando chordis quatuor instructa, *Kamaantjeh* dicta, (*Fig. 18.*) nam scitè tractata organorum quodcunque genus soni submissâ dulcedine antecellit; arcu plectitur pilis armato equinis, dum ima pars humi reponitur, instar violæ di gamba, quam vocant. Manubrium ei gracile est & cono simile, verticillis pro fidium numero instructum obesis adeo capitibus, ut manum tendentis impleant. Venter rotundus est, spithamalis diametri, ponticulo obductus membranaceo: Imam faciem stylus terminat ferreus, artificiosè sculptus, sesquispithamalis longitudinis. Tota cum stylo machina quinque longitudine spithamas exhibet, conchâ aureisque filis pretiosè vermiculata, digno suavitate suâ artificio. Est & alius structuræ, quatuor intentæ chordis, (*Fig. 19.*) fortasse exotica, quæ pari situ deposita, arcu quoque plectitur; collum ei compressum est & breve, venter duplicatus, superiori parte oblongior, amplior & apertus, imâ minor, rotundus & ligneo ponticulo clausus. Cithararum, quemadmodum Testudinum, varietates sunt, diverso chordarum numero discrepantes, ex quibus unicam saltem ob figuræ insolentiam hîc delineavimus (*Fig. 20.*) Sambucarum *Tsjeng* communissima est, & ab indoto faciliè tractabilis, sex chordis instructa, (*Fig. 21.*) figuræ triangularis amblygoniæ; Rarior est altera multis pollens chordis, (*Fig. 22.*) utcunque quadrata, utraque bacillis incurvis, vel pennis plectenda, à nostratibus figurâ & tractandi arte parum differentes. Omitto machinam octo tubulorum *Muscaar* dictam, (*Fig. 23.*) ore inflandam: omitto tibias, utriculos, arun-

dines, crepitacula, ne historiæ telami moremur.

Tam lepidos advenas, poëtas, musicos, prastigiatos, quæ putas à toparchâ & coronâ hospitum referre munera? an pecuniam, dolosi Mercurii tesseram? Apage à manibus tam continentibus præmia hujus nominis. Caryotæ dantur, munera, quæ ipsa genuit auspicata, innocens & benefica arborum Regina, Palma.

### §. 3.

Sed ne quis existimet agrophilos nostros nil nisi gaudia in palmetis agere, & ranarum vocali incuriâ totam perdere æstatem: quin horas etiam in versandis dactylis impendunt, quos ex suis arboribus ipsi possessores, ex conductis hospites indies depromunt. Nam primo statim diluculo sponte dilapsos colligunt, mox ex arboribus decerpunt, vel excutiunt maturos, deinde insolatos torculari exprimunt, & si quid aliud ad hanc operam requiritur, eâ methodo, quam supra narravimus, sedulo expediunt. Quod autem labori intercedit otium, aut quod pensum consequitur, id inquam animi recreationibus dari, id choreis & ludis expleri dicimus. Pauperiores pariter, quos fortunæ tenuitas à commerciis arborum secludit, rebus suis non indormiunt, sed matutino dactylorum, ut sic loquar, spicilegio indies occupati, penuriæ suæ consulunt; sub crepusculum verò locustas capiunt, eo tempore turmatim volantes, alii eas explicatis retibus intercipientes, alii in arboribus, dum subsident, flammâ accensâ ustulantes. Quam tum recentem prædam ollæ fictili alternè immittunt, & super igne, sale intersperso frigunt, rudiculâ subinde agitandam; malunt eandem alii aquâ prius percoquere, ut nidorem penitus eliminaret. Sic præparatam servant placandis ventribus, alis cruribusque abjectis: exsucus & fœdus, meo sensu, obsonium. S. Johannes Baptista hoc cibo vitam in deserto sustentavit, tetro corpus jejunio macerasse credendus est. Qui pro coturnicibus hæc insecta substituunt, quibus in eodem deserto (quod iisdem mirè abundat) cœlitus nutriti sint Israëlita, videant, ne in textum impingant Hebraicum sacri Codicis.

### §. 4.

Actus nunc autumnus est. Quapropter jumentorum magistri *Tjjaarvadaar* undecunque in palmeta ex compacto reduces facti, (perinde nobis, ubi interim latuerint) receptui canunt, & abducendis diem discessus indicant. Tum pro felicitandâ viâ Deus innumeris *Jaa Chodaa! Jaa Ali, Insjâa Allâh!* (hæc enim suspiria sunt Persarum) ex devotione invocatur, replentur vasa, colliguntur sarcinæ, & ad Penates revifendos animus & opera dirigitur. Tandem, onerantur jumenta mellifluo mercium, quas quisque comparaverat, apparatu utribus impacto modicæ capacitatis, vel, eorum



rum locò, qualis ingentibus oblongis, ex foliis sylvestris palmæ contextis. Hos, sive qualos, sive utres, utrinque ex tergis camelinis ad æquid pondium suspendunt binos vel singulos, peculi quicquid attulerint desuper imponentes sine ordine. Nec pauperes suas omittunt locustas frixas, unà cum dactylis, quos spicilegio acquisiverant, camelinis oneribus insinuandas: gemino hoc alimenti genere omnes pene difficultates superaturi, partem etiam locustarum vendituri aliis: non carè quidem, sed octo libras pretio unius sextarii. Quid multis? Permixtis votis & osculis disceditur. Atqui nunc rursus, ut in accessu (Sole quamvis remissiore) declivi die aut sublustri nocte inceditur, diætis ob onera, cum aqua suppetit, brevioribus. Demum ad penates delati gurgustia sua per diuturnam absentiam semidiruta impigrè adoriuntur novisque ostiis, tectis, vacerris refecta rursus occupant, postquam foris integrum pene semestrem exegerant: morà extra proprios Lares mirè longà, & cum rebus Oeconomix nostratis minimè congruente.

## RELATIO X.

*Palmæ usus triplex. Historia epilogus.*

## §. I.

Restant utilitates & varii usus arboris, quotquot eorum hodie dactylifer Oriens cum Occidente novit, breviter memorandi. Audiverat Strabo d. S. O. Lib. XVI. carmine quodam Persico decantari utilitatum genera trecenta & sexaginta; Plutarchus Sympos. Lib. VIII. qu. 4. refert totidem celebrari à Babyloniis. Tantum verò numerum hodiè non reperio, omnes utut partes excutiam diligentissimè. Usus autem omnis vel est Oeconomicus, vel Medicus, vel Magicus.

Oeconomicum internum præstant quæcunque ex arbore edulia depromi possunt, qualia sunt tum tenella partium principia & primordia, vulgò *Paniiri nachl*, i. e. caseus palmeus dicti, tum ipsi fructus. Cibum primi generis spurius (vid. Tab. XI. Fig. 13.) è frondium axillis nascens, de quò Relat. 2. §. 5. in fine memoravimus, copià non contemnendà exhibet: cujus demptis impedimentis exterioribus delicatissima pars est ima basis *Kuur* dicta, nam quæ succedit, rapæ saporem refert cum amaritudine, palato non æquè gratum. Ejusdem notæ & nominis est medulla ipsius comæ, ἐγκέφαλον & ἐγκέφαλον Græcis dicta, quam vero ambrosiam non obtinemus, nisi cum damnosa totius arboris excidio, prout in fine §. 2. Rel. 4. docuimus. Par locus inter cibaria debetur frondibus in palmæ adolescentis fastigio recens nascentibus, & in coni figuram convolutis, quousque illæ cum foliorum rudimentis in

materno sinu absconduntur. His bonitate nil cedit novelli spadici in utroque sexu principium, ad unius palmæ longitudinem, quod palmicolæ ignotò etymò *Kuurabheng* indignant. Nec postremas inter bellaria laudes merentur excisi illi foetus cum masculini, tum foeminei, quos sub titulo *anbaar & thalehbi nachl* supra suis locis laudavimus. Diætæ inquam partes omnes manducari & crudæ possunt, & cum carne vervecinà coctæ: ut taceam, ex iisdem varia bellaria parari ab iis, qui coquinariam artem exercent. Omnem verò palmeas inter cupedias absolvunt paginam ipsa Pruna, sive fructus. Præstant illi in popularium œconomia τὸ ὅλον καὶ πᾶν, sive, ut Latini loquuntur, olus & panem: panem, inquam, quem *Homerus* medullam hominum, sacri Codices robur cordis appellant; adeo solis Dactylis, quicquid lautitiarum ab homine in agris degente excogitari potest, clauditur & continetur. Fercula equidem non unius formæ, sed varietatem suppeditant non contemnendam; cum enim mensibus æstivis dactyli ferè crudi & recentes, ceteris verò insolati & expressi ventres vulgi exsatiarent, tum verò in utroque genere multiplex differentia est in pinguedine, mollitie, colore, sapore, aliisque virtutibus, tum nativis, tum ab inductæ siccitatis, condituræ & expressionis gradu & modò conciliatis. Alimentum, quod præstant, nec pondere aliquo, nec morà longiori gravat ventriculum: nec etiam, quod nostri auctores scribunt, inebriante vapore caput turbat, sed aquæ bibulis perquam salutare est & maximè temperatum. De exsiccatis idem non sentio, quod cum duritie compagem nacti sint firmiorem, stypticam & concoctu difficilem. Vidi, per deserta profectus, asinis oneri succubitoris oblatos fuisse dactylos, prius in massam, demptis ossibus, subactos: quibus illi deficiente pabulo promptissimè instaurati, labores diætæ feliciter superabant. Ossa ad aliquam excocta mollitiem dejugatis bobus dantur pro pabulo. Syrupo è dactylis elicto plebs in crustulis butyri loco, in oryzâ & pulte pro condimento utitur, non indies, sed in conviviis & festivitibus, quibus genialiter epulandum erat. *Carmania* septentrionalis butyrum (quod copiosum utribus dimittit, ab aëre liquens instar olei) hōc syrupo percoquit, qui illud à corruptione salis vice conservat, & in fundo tandem instar murisæ subsidet. Vinum & dactylis aquâ perfusis fermentabant veteres, ut testantur Strabo & Dioscorides; nec artis hodie oblita est *Natolia*, quæ eam rariùs & clanculum exercet, rigore prohibita religionis Mahammedanæ, præsertim interdictò Legislatoris *Dsjaa'saar*, qui vinum inter *Nedjsjaat Asjereh*, i. e. decem impuritates reposuit. Spiritus verò licet vetitorum decuriam subeat, frequentius tamen destillatur sub medicamenti nomine, ad ventriculi cruditates & tormina levanda; quod ut præstet efficacius, adduntur ante destillationem, à ditioribus



ribus radix Chinæ, ambra & aromata : à plebejis radix Glycyrrhizæ & herba *Absinthii*, id est, Absinthium Persicum, planta à nostrate Absinthio prorsus heterogeneâ, sive hæc, sive illa Absinthii nomen jure possideat. Addi ab aliis vidi radículas *Nagiir*, seu *Ischir*, i. e. Schoenanthi veri, terræque huic genuini ; tum herbam alterutius Sementinæ, præsertim Turcicæ. Duplex enim hîc crescit ; una *Dirimneh Fars*, id est, Sementina Persica, quæ in Regni desertis ubique luxuriat, semen ferens leve, à folliculis suis ægrè separabile, & ut plurimum inane : altera *Dirimneh Turkî* dicta, i. e. Turcica, quæ rarior & montium alumna in ipso flore exarescit, nec nisi in Turcostanâ, (*Turkestaân*) quæ ei nomen dedit, semen progencrat ; quod ad Europæos translatum, seminis Cynæ & Zedoariæ appellationem recipit.

Externo usui Palma omnes suas concedit partes : inprimis verò in construendis tuguriis, caudices, in trinum fissi, palos & trabes constituent, quibus tectum & tota ædificii fabrica innitatur ; cetera omnia ex palmeis frondibus sine clavis & normis, sine arte & industriâ clathrata sunt & rudi manu compacta. Sed quæ ruditas non omnino materiæ, sed agresti desidiæ debetur ; nam in oppidis passim invenies elegantis structuræ domus cæmentitias, quæ ex palmeo ligno trabes, ex frondibus intergerinos exhibent non indecoros. Hinc *Bellonii* & *Alpini* de architectonico ligni usu dissidentium, facilis erit conciliatio : si caudices palmeos ad architecturam (ob fibras crassas laxæque coherentes) nihil valere *Bellonio* concedas ; trabes tamen domuum in Ægypto constituere, credas *Alpino*. Supellectilia ædiculis Palma etiam substituit ; pro cremio enim ramalia, pro scopis racemi, pro urceis & scutellis inanes spathæ serviunt, in formam desideratam flectendæ. Ex spadicum verò scapis bene præparatis torquentur funes firmissimi ad navalem apparatus necessarii. Falsi sunt, qui eos ex costis frondium, aut arboris cortice, quem nullum habet, elaborari scribunt. Modus præparandi est, ut crudi scapi, decurtatâ prius & abjectâ portione racemosâ, per octiduum aquæ immergantur, ac satis macerati malleis ligneis tundantur, donec, quod facîle evenit, in stupeam resolvantur materiam, ad restiariorum opus idoneam. Ex eadem stupâ fiunt calceamenta *Sorvaas* dicta, quibus in his provinciis utuntur rustici : construuntur ex incondito quatuor funiculorum stramine & paris conditionis tramâ, ita laxè intexendâ, ut manu coarctari possint, & ad cujusque pedis mensuram nullò negotio aptari : obstragulum deest ; locum supplent stupeæ corrigiæ, quarum ope tibiis adstringuntur. Ex foliis, sed imprimis sylvestribus, texuntur dodrantalis latitudinis mattæ famosæ *Tulèt*, vel *Dsjulèt*, quibus transvehendæ merces pro tutelâ obvolvuntur ; Ex iis quoque torquentur funiculi te-

nues, quorum in iisdem voluminibus consuetudis usus est ; In sportas quoque constringuntur rudes, saltem idoneas, ad recipienda scruta & quisquilias. Quin, majori artificio ex foliis varia flabellâ & capitis opercula conficiunt, sed prius ad candorem usque insolat, variè deinde tinctis & in limbulos divisis. Reticula, quæ frondium bases involvunt, excitando igni fomitem, præstant ; in hydriis verò ac leucythis concludendis, nec minùs in compingendis vel firmandis ad transvectionem vasis fictilibus vitreisque, pro stupâ & stramine serviunt.

## §. 2.

Medicas virtutes Palmâ in fructibus recondidit. Primariam venditamus, quâ moderatè adstringunt : Hâc conciliare vires ventriculi, cohibere alvi fluxiones, intestina, uterum & foetum roborare, experientia docuit. Eidem facultati acceptum est, si quid iisdem fructus præstant extrinsecus adhibiti. Alteram vocamus dulcedinem, sed adstrictione temperatam, cujus beneficiò caryotæ opem ferunt egregiam tussientibus : nam catarrhos tenues, acres & vagos (Medicè loquor) blandâ coagulatione sub naturæ reducant obedientiam, ut absque inani concussione thoracis excerni valeant, dum & abstergunt leniter & organa pneumonica demulcent. Hinc *Decocti pectoralis*, *Syrupi de Hypso*, *Syrupi resumptivi*, *Specierum diathamarum Nicolai*, *Looch sani & experti*, atque his pares nostratum medicamentorum formas ingrediuntur. Eidem virtuti debetur, quantum succurrunt renibus aut vesicâ dolentibus. Dactylorum societatem nec purgantia respuunt. *Electuarium Diaphænicum*, quod *Mesue* sanitatis ac salutis medicamentum vocat, satis magnâ quantitate illos recipit, eo consilio, ut scammonii ferocitatem mitigent, & detergant pituitam intestinis adhærentem, in affectu Colico. Idem electuarium, eodem fructu nobilitatum, prostat etiam in tabellis, insignitum nomine *Diaphænici in solido*. Pariles virtute & dactylorum connubiò compositiones officinæ Persarum exhibent, quas prolixè describit *Thesaurus Charasem Sjaicus Sachireh Charasem-Schahii*, ingens liber Persicus à Rege ejus nominis sic dictus, auctoris *Musaffer ibn Mahammed el Hofsein* : & in suâ Appendice simplicium & compositorum historiam, auctor libri *Selectorum naturalium & mirabilium Kitaabi Echtiaraati Bedii*. Ex quibus Rev. *P. Angelus Carmelita* disc. haud infideliter Pharphacopœiam suam Persicam latinè transtulit. *Emplastrum* quoque *diachalciteos* ab hac arbore nomen *Diapalmæ* & *Diaphænici* sortitum est, cujus in vulneribus & qualibuscunque ulceribus sanandis, nonnunquam etiam in leniendis doloribus arthriticorum, insignis usus est. Verùm emplastrum illud, cum Palmæ non fructum, sed solum admittat lignum, quocum in præparatione agitari solet, quicquid virtutis exerit, Lithargyrio acce-



acceptum refert; rudicula nihil ei, nisi nomen tribuit. Ad arthritidem curandam ipsos dactylos commendat *Solenander*. Oleum ex eis *Joëlius* elicit, quò procidentem anum & excoriatas partes corporis inungit. Pulpam dactylorum imponunt populares extrahendis ex pede festucis & aculeis. Pulverem contusorum ossium, partum expellere *Forestus* author est; idem & calculos educere Medicorum testimonio creditur. Cinerem ossium ustorum in urinæ incontinentiâ propinat *Riverius*. His tot virtutibus ut dactylorum nomen clareat, apud alios tamen malè audiunt, quòd crebrius manducati cephalalgiam, & quòd Medici Persiani crepitant, gravissimam visioni noxam inferant: cum vix tertius in hâc gente aliquâ non gravetur luminum ægritudine. Quâ culpâ dum reliqua dulciaria insinuat *Aretæus*, solidioris experientiæ Medicus, & à doctis, teste *Quercetano*, Anima Hippocratis non immeritò appellatus, solas tamen palmulas eximere non dubitat. Sunt sanè oculorum vitia omni genti oryzâ vescenti, sub dio & in rore dormienti, balneis denique crebrioribus assuetæ, familiaria & vernacula. Hæc tria cum in una hac natione videas, religio sit, tot mali causis præsentibus, eo nomine infamare dactylos.

## §. 3.

Magiceum arboris abusum subjungimus, quò ex foliis de rebus absentibus & futuris pronunciant, eam vaticinandi fraudem edocti, quam speciali, sed barbaro fortassis, nomine *Faali mestek* appellat vulgus Ormusiense. Nam, ut ut plura sint superstitiosæ genti per vaticinia imponendi genera, quibus vel ex calculationibus *Dsjaaferianis*, vel in religioso suo Codice *Alko-raan*, aut Poëmatibus *Chodjsa Hafes Sjirasi*, obscurarum rerum ex multò obscurioribus

apophthegmatibus, evolutionis sorte inventis, lucem quærunt: vel ex somniorum ingentis formæ libro *Taâbiir*, nebulosis spectris, centauris & dæmoniis picto, somniorum prænotiones evolvunt: vel arte Geomanticâ *Raml*, inventâ tessellarum jactu auguria calculant, hæc tamen *Faali mestek* spectabilis ars omnibus illis dactylophagi populi judicio longissimè antecellit. Modus hic est: Scandit possessor comam Palmæ floriferæ, & ex novellâ medii verticis fronde carpit sinistrâ recentium foliorum manipulum. Ex requisitis est, ne Magus quicquàm toto actu loquatur, nec nisi semel carpat, detracta folia in terram ne deiciat, nec pretio vendat, sed gratis concedat petentibus. Si in uno eorum delictum sit, irritus est labor, irritum oraculum. Cum divinatio instituenda venit, unum vel alterum foliorum fandicus in septem discepsit lacinias, quas sinistrâ manu ita apprehendit, ut utraq; laciniarum extremitates inter pollicem indicemque ad æqualem longitudinem emineant, ne, qui unius lori fines sint, appareant. Hos inquam fines Magus quærenti offert connodandos, binos atque binos, postremis saltem duobus, quoscunque voluerit, omissis. Quo facto, compagem laciniarum, quacunque sorte cohæreat, humi spargit, ut natas ex nodulis figuras inspiciat, & ex iisdem responsa eliciat. Ridiculum est quot obtingant laciniis varietates figurarum, per circulos, catenas, lineas & multiplicia involucra cohærentibus vel disjunctis; sed magis est ridiculum, quàm Magus severâ fronte lineas aut gyros, conjunctiones aut separationes, unitates & numeros, ad itinera, reditus, connubia, mortem, ægritudines, sanitatem innumerosque casus argutè flectat, & nisi ritè fata, rectè tamen crumenas explicet eorum, qui hanc sibi fabulam ludi petierant.

## LI.

D. JOH. CHRISTOPH. VOLKAMERI

EPISTOLA

ad

ILLUST. DN. LUCAM SCHRÖCKIUM,

DE

GELSEMINO ARABICO, FRUCTUM CA-  
FE FERENTE ARBORE.

Quantus hætenus Arabicæ Provinciæ, Jemen dictæ, fructus Cahoven, ab Europæis café nominatus, rixas dederit, cum alii ad leguminosum & fabaceum genus (forte voce Buncho bn-Sinæ, vel Buncæ Rhafis, hincque detortæ oculæ Bon decepti) alii ad amygdaliferum re-  
lerint; omnibus, qui primis tantum labris Bo-

tanices delitias degustarunt, notum. Nemo tamen hætenus tot inter viros βοτανικοτάτης, aliosque multum terris jactatos & undis exstitit, qui notas illas characteristicas arboris, tot ac tantas opes provinciæ, in quâ crescit, suppediantis, descripserit, & cui classi accensenda foret, certò determinaverit.

Nullis



Nullis equidem hæc in re sumptibus pepercit Illustriss. operis Danubialis Auctor, Comes de Marsigli, qui perquam exactas arboris fructusque imagines depictas, ex Arabia Provinciâ Jemen per Constantinopolin delatas, VI. Tabulis æri incidi curavit, publicæque exposuit luci: quæ Figuræ cum certo tamen destituantur caractere vota expectationemque curiosorum deludunt. Nec aliorum defuere in eruenda veritate, Arboris hujus, licet pro dolor irrita, conamina, ut meritò exclamaverit Excell. R. jus: Mirum tantum thesaurum unius gentis, peculium esse, tamque lucrosâ stirpis plantaria, intra unius provinciæ angustias coerceri. Mirum vicinas nationes, exstimulante invidiâ aut avaritiâ, ea jam pridem non vel vi depopulatas esse, vel semina aut vivi radices dolo surripuisse. Mirum quem vigilem draconem Coæv. vetis suis tuendis præficient indigenæ, qui omnem insidantium technas & conatus frustrantur & eludat.

Sed delusæ tandem vigilantissimi Draconis Arabici technæ, arborque non tantum in alias Asiaticas transplantata nunc regiones, sed in Europam nostram transvecta, latè nunc in Belgio & septentrionalibus Germaniæ nostræ oris, accedentibus indefessis culturæ curis, virescit.

Misit Cafe fructus, cerâ obductos, conjunctissimo Dn. D. Joh. Georg. Volkamero, ex Amsterodamensi Horro, Excell. Comelinus, Floræ illud delitium. Arboris autem Cafe ferentis cum baccis ramum, quem hic delineavimus, summa liberalitas Generosiss. & Excellentiss. Dn. L. B. à Munnickhausen, Magnæ nunc Britannicæ Monarchæ Potentissimi & Electoris Brunsvicensis Hannoverani, (quem Deus T. O. M. servet & tueatur) Thesaurarius & Consiliarius Intimus, ex Horto suo Swebbertiano, prope Hamelense Fortalitium exstructo, cum Regiis cerè comparando, mihi, quod grata mente recolo, exhibuit.

Folia equidem castaneis perquam similia sunt, flos verò perfectus, elegantissimus & odoratissimus monopetalus, ex oblongo tubo quinquefariam divisus: nuclei bini sibi impositi pericarpio succoso inclusi, bacciferis arboribus & Jasminorum Classi fructum Cafe accensent & *Gelseminum Arabicum foliis castaneæ, flore albo ingenti odoratissimo* pronuntiant, omniaque hactenus circa hunc fructum ejusque arborem exorta dirimunt dissidia.

Fig. vid. in *Ephemerid. Acad. Casareo-Leopoldino-Carolin. Cent. III. & IV. Obs. 168. p. 378.*

## LII.

MICHAELIS BERNHARDI VALENTINI  
EPISTOLA

ad

DN. ANDREAM CLEYERUM,  
*Bataviæ Novæ Consulem & Soc. Ind. Orient. Proto-Medicum.*

P. P.

**M**iraberis, Vir Experientissime, quod neque facie, nec unquam nomine forte visus missis Tibi literis comparere, meaue scriptione in mediam ferè Indiam excurrere modò ausim. At verò dabis id summò, quò Celebrerrimo Tuo nomini innotescendi flagro, desiderio, de cujus humanitate æquè ac candore jamdudum me certiore reddidit Amicissimus quondam Vir, Dn. Sebastianus Schefferus, non sine magno Reipublicæ literariæ dispendio febri nuper malignâ, per contagium haustâ, sublatus, quod vel ingratis Excellentiam Tuam celare nequeo. Sic INSERVIENDO ALIIS IPSIMET CONSUMIMUR! quæ ultima ferè sunt, quibus agonizante modò labro nobis valledixit pectus candidissimum, heu magna quon-

dam vitæ meæ portio! Dicere non suppetit V. E. quam acerbo me dolore cruciarint præmatura beatissimi Viri fata, qui ut diffusissime quò gaudebat admodum, scribendi commercii penes Eruditos quosvis Europæ Medicos facilem sæpe atque liberum nobis accessum parant, ita quæ undique advolabant, literas in sinceræ amicitiae tesseram vel ultrò sæpe concedere non dubitabat: quas inter illæ cumprimis, quas Magnifica Tua Excellentia diversis jam vicibus exceperat, Epistolæ, rariori non minus literatæ, quam rerum naturalium supellectili refectissimæ, summa nos utrobique delectatione fecere. Curiosa certè sunt, quæ de infallibili Javanorum lithonriptico, fructu scil. *Anan* (in ambulacro horti Academici Lugdunensis Batav



Batavia conspicio) refers, qui an balsamicas terebinthinæ vires habeat, an verò specificâ forte partium texturâ calculum infringat, scire multum expediret. Curiosa non minus sunt, quæ illic æquè ac in publicum edito *specimine Medicinæ Sinicæ*, de mystica Chinenſium doctrinâ circa pulsus, profiteris, ad cujus aditum nobis clavem haud ita pridem suppeditavit R. P. Michael Boymius, S. I. quam, ut Miscellaneis Germanorum Curiosis Dec. II. Anno 4. est adjuncta, officiosè inſimul offero. Quæ si ita sint, ipse profecto Galenus huic Nationi palmam concederet, in hac quidem doctrinâ, si quis alius, operosus. Ut verò dicam quod res est, paucos eadem in Europâ usque Patronos reperit, cùm circulationi sanguinis (jam à 200. annis Indis cognitæ) quadantenus refragari videatur, nisi sanior posthac explicatio sequatur, quam ab Excellentia Tua impatienti prorsus expectatione ante desiderant omnes Eruditi, quàm ex Europa prorsus expellatur hic Sinensium pulsus. Vereor enim, ne simile eundem fatum maneat ac famosam nuperrimè *Moxam*, novum podagricorum solamen, quæ ut summis ab exortu laudibus est evecta, ita nunc quidem in Europâ prorsus silet. Nî grave fuerit, V. E. totam ejus historiam jam animi gratiâ recensèbo, ut quam varii sint rerum mundanarum casus mecum admireris.

Primus, quantum scitur, qui Germanis illam obtulit, est Hermannus Buschoof, Soc. Ind. Orientalis quondam Pastor navalis, qui plusquàm Oratoriâ gravitate miris eandem encomiis extulit, ejusque operationem simul vernaculâ sibi Belgica lingua in peculiari libello (mox in Germanicam translato) descripsit. Pervenerat hic fortè fortuitò ad Per-Illustrem Dn. Ericum Mauritium, summi, quod Spiræ est, judicii Cæsarei Assessorem Gravissimum, qui literis ad B. Dn. Schefferum datis S. R. I. Academia Naturæ Curiosorum id detulit, ut ex Miscellan. Germ. Cur. Dec. I. Anno VI. obs. 18. videre est: quibus Inclytus Elsholzius paulò post libelli supradicti summaria subjungebat, conf. Obs. 22. c. l. Abhinc Disputatio, quæ vocant, Graduali Marburgi Catto-um idem argumentum ex professò expeditit felicissimi quondam Practici, D. Geilfusii, filius, nunc Archiater Nassioicus & in Frisia Orientali Professor Publicus, sicut & alii porrò ejus neminè. Vix autem visum erat Europæis Eridos hocce pomum & duæ statim controversiæ inde gliscere cœperunt, an nimirum *moxa* hæc Veteribus cognita? & cujus illa sit naturæ, an artificialis, an verò naturalis? Quod priorem attinet, sunt qui jam Hippocratis ævo remedium hoc minus insolitum fuisse adtribuunt, idque ex Tit. 12. C. 130. l. de affect. ubi quidem, si in unum, ut loquitur, locum, incubuerit dolor, τῷ ὁμορίῳ, id est, lino durere jubet, eoque non crudo, sed, ut Mar-

tianus commentatur, præparato, cum *Moxa* fere conspirante. Alii negativam amant, & hæc in merum Coi favorem ferè gratis asseri testantur, sicut ex aliis ejus locis id apparet. Cæterum meò quidem perquam tenui judicio res facilè componi posset, si cum generoso Dn. D. Majore Disp. de Podagra distinguas inter unctionem ipsam & urendi modum: illam Veteribus omnino cognitam esse non negavero, quod pluribus rationibus adstruit Magnif. D. Francus, Rector p. t. Academia Palatinæ, in Miscellan. Acad. Nat. Cur. Dec. II. Anno I. obs. 27. Modum interim Indis usitatum & omnino novum Antiquos latuisse plausibilis est.

Quod verò II. essentiam hujus *moxæ* concernit, primò quidem naturale quid è fungorum numero putabatur esse, quod apertè profitetur jam supra citatus Geilfusius. Verùm & hîc rem aliter se habere recentiorum tandem industria detexit. Fuere quippe, qui portionem Ejus è Belgio susceptam armato oculo scrutantes quædam artemisiæ latifoliæ haud, dissimilia istic observârunt, unde *moxam* mox ex artemisia parari suspicati sunt, cùm planta hæc exillarum quoque numero sit, quæ teneram lanuginem in sinu fovet. Quid quod ipse Buschoofius id tacitè ferè innuat, dum herbam ejus *Herbarum matrem* vocât, quod apud Dodonaum, Lobelium & alios artemisiæ est epitheton. Factum inde est, ut Inclyto Wedelio subnata sint cogitata, annon & *Moxa* inde *Germanica* parari posset, quæ Indicæ partes ageret & pari fortè usui serviret, de quâ vid. Germ. Curios. Dec. II. Ann. I. observ. VI. Manebat interim in dubio, an cum Sinensium *moxa* res ita se habeat: donec omnis hujus rei ab Excell. Tua literis tandem certior redderetur beatissimus Schefferus, quarum epitomen habent eadem Miscellanea Dec. II. Ann. IV. unde præparatio pariter genuina addisci poterit. De cetero ut plerumque minuit præsentia famam, ita cognito dum mysterio evilesce-crepit tanti ante æstimata pluresque in usus adhibita *moxa*, ut mira (modò vera) sint, quæ citatus sæpe Buschoofius de mania, epilepsia & cùm primis podagrâ eadem radicitus sublata refert. Quin & hunc in finem inde per Germaniam aliquot hujus rei experimenta facta sunt, sed impari ferè successu. Modus autem adhibendi, fusius à Buschoofio traditus, cautelis sanè indiget, secus enim *moxa* nõ uret sine noxâ. Quam infausto enim exitu in Personis alicubi Illustribus exarserit hoc cauterium, juxta Patru sui, Joh. Danielis, communicationem refert Gregorius Horstius Disp. Grad. de Mania. Parili nempe modo hîc agendum ac cum aliis, actuali, ut loquuntur, flammâ inurendis cauteriis, de quorum œconomiâ legitimaque administratione specialis exstat commentarius Hieronymi Capivaccii Epist.



& Consiliis à Scholzio collectis, adjectus. Nec omnes hic Helmontii sarcasmi sunt de nihilo. Nimirum eò tandem totum recidit negotium, ut subjectis magis serosis atque doloribus articulorum frigidis, vulgò ita dictis (*in der kalten Gicht*) ut & tumoribus œdematosis mage conveniat, præmissis tamen præmittendis, quo excusso poris sero pars  $\Delta$ . roboretur, fibræque ante iusto flaccidiores quasi rigeant. Ubi contra vel minima inflammationis facies adfuerit, cautela sane opus est, ne gangrænæ tandem aut Sphaceli periculum accedat.

Ultimò quæsitum fuit, annon in tanta Moxa caritate quædam fortè succedanea dentur, intentioni huic & usui æquè sufficientia? Quid verò ni? nullam enim causam video, quò minus & alia pariter cauteriorum genera, tam actualia, quam potentialia huic substitui possint. Novi sanè Theologum magni nominis, qui summam, quâ per vices affligitur, podagræ carnificinam cantharidibus brevè supplantare novit, quarum multam inde portionem domi asservat. Nec defunt qui fungos, lanugines verbasci, taraxaci &c. idem præstare asserunt. Alii telas araneorum, medullam sambuci &c. substituant, de quibus *Miscell. Gem. Cur. l. c.* Novit pariter Archiatrum quendam Palatinum Dn. Francus, qui funis sclopetarii rasuram (*Geschabte Luntten*) hunc in finem adhibet: quæ omnia eodem, quo Moxa adhibetur, modo applicari solent, ita ut in affectibus capitis instar coronæ caput cingant, in doloribus ischiadicis autem & arthriticis artubus, manibus scil. pedibus & genibus apponi & mediante baculo aromatico accendi debeant.

Caterum quæcunque tandem sint, sive peregrinæ, sive domestica, quæ pro sublevandâ podagrâ inuruntur, tantisper quidem hunc dolorem palliant, quatenus vel archæo terrorem incutere, vel lymphæ corrosivæ portionem exantlare apta sunt. An verò radicalis affectus derturbatio ita obtineri possit, valde dubito. Manet enim intus scaturigo & in visceribus oberrans causa, quam qui cognoscere poterit, næ! felicissimus erit in ejusdem cura. Acidum hîc nervis inimicissimum inculpat unanimis Recentiorum decisio, Helmontii puta, Tachenii, Sydenhamii &c. sed quanta, quæso, acidorum latitudo est specifica? in cujus determinatione & exercitatissimis sæpe aqua hæret. Unde multis non satisfacit generalis hæc acidi incusatio, quod in genere utique peccare non negavero, Probant id juvantia & nocentia: probant & antecedentia causæque occasionales, quas inter crebrior vini, acido plus minus acri volatili abundantis, ingurgitatio carniūque aperto igne assatarum esus notoriè nocent; quæ unica ferè causa est, quod in divitum culinismâ-

gis elixetur podagra. Unde procul dubio vulgi subnata est suspicio frequentem gallinarum esum ad arthritidem disponere: quod certè non penitus de nihilo est; siquidem aperto igne exassentur & ita Stygio q̄s. flammæ acido imprægnentur, quo flammam abundare in modum eò facilius credo Tachenio, quod noverim encheiresin, quâ flamma concentrata, non secus ac sulphur sub campana deflagratum, in  $\alpha$ . aquæ forti non cedentem abeat. Quid quod muliercularum experientia id constare possit, quæ raphanum rusticarum (in Austria & Bohemia frequentissimum) radicula comminuentes ad apertam se flammam collocant, ne oculis incommodet. Hæc enim ratione effluvia flammæ acida sali raphani volatili occurrentia se mutuò arripiunt & in salum tertium abeundo sua utrobique energiâ privantur. Neque ridenda sunt experimenta hæc in culinis & ad focum nata, cum sapius olitor sit opportuna locutus. Ego verò ne patientia Tua, Vir amplissime, turpiter abuti, noctuasque, quod dicitur, Athenas detulisse videar, in his enarrandis subsisto, quæ eum tantum in finem *ὡς ἐν παρόδῳ* expedire volui, ut & animum meum honoris Tui cupidissimum explicarem, & quæ de novo hoc Indorum cauterio hætenus in Europa se truserunt, Excellentiæ Tux communicarem. Quodsi forte circa præparationem ejus aut adhibitionem cespitatum fuerit, nec omnes Chinesium enchireses innotuerint, ulteriorem hac in parte informationem obnixè rogitem, quâ tum universam Naturæ Curiosorum Academiam, tum in specie Venerandum nostrum Præsidem, Dn. D. Fehrium, multum obstringes, qui juxta Celeberrimum Volckamerum, me jam interprete, Excell. Tux salutem impertit humanissimam: quam & nomine Conterraneorum Tuorum, Consultissimi Witstenii, Serenissimi Principis Waldeccensis Cancellarii Magnifici: Experientissimi Dn. Schleiermacheri, Archiatri Hasso-Darmstatini, & Per-Reverendi Dn. Wahlîi simul officiosè offero. Quodsi demum gratiam penes Excellentiam Tuam invenient ea, quæ in foro cum primis Medico posthac dederint Europæi nostri, commodâ annuatim occasione, per communem nobis amicum, Dn. Nicolaum Dumbsdorfum, Civem Ambsteldamensem & Pharmacopœum nulli secundum, certam semper eorum copiam facturum, qui, ut stipulatâ manu adstruit, commercii nostri literarii sincerum, ut hætenus, patronum aget. Vale, Vir Celeberrime, & eundem, quem hætenus favorem Germanis Tuis concedis, indulgere perge, qui pro uberiori (cujus & medios inter Barbaros potitus es abundè) Familiæ Tux splendore atque felicitate mille DEO T. O. M. suspiria persolvere nunquam desinent. Vale terque quaterque, Dab. *Ambstelredami, die 28. Maji, Anno 1686.*



# MANTISSA EXOTICORUM ACADEMICA,

complectens

DISPUTATIONES QUASDAM INAUGURA-  
les, in diversis Germaniæ Academiis de simplicibus  
exoticis habitas, & in Museo Museorum laudatas.

DISPUT. I.

DE

SERPENTARIA VIRGINIANA.

*D. Christophori Ludovici Göckelii.*

B. C. D.

PROOEMIUM.

**I**nter plures prudenter & ingeniose excogitatas,  
& à serpentibus seorsum desumptas, veterum pa-  
ræmias meritò illam quoque militare notum est,  
qua rem noxiam depingere intenti cane pejus &  
angue, sanguine item viperino fugiendam mo-  
nuere.

Attamen cum & in hoste laudanda sit virtus,  
tantum abest, ut omni plane careant utilitate ser-  
pentes, ut plura potius ex iisdem rursus aucupari li-  
ceat non aque contemnenda symbola, ac remedia.

Præbuerunt, ut hæc aliquot tantum exemplis  
illustremus, ii tum sacro Codici, tum profanis Mora-  
lis Philosophiæ Doctoribus symbolum prudentiæ, ne-  
mini non mortalium commendandæ: Mythologis &  
Hierophantis, teste, præter alia, historia Georgii  
Castrioti, vulgò Scanderbegi dicti, à Marino Barle-  
tio in vita ejusdem descripta, signam futura felici-  
tatis: nummorum inventoribus, in specie bini ba-  
culum nexibus ambientes depicti, emblemata, Ethi-

corum ad exemplum, ut pacis, ita & sapientiæ, eru-  
ditionis atque calliditatis. Hinc & Mercurio, Hy-  
geiæ, Æsculapio, singulisque Mercurialium virorum  
choris, adeoque & inter hos Medicis, quoniam &  
his præ reliquis cultura ingenii, acumen & pruden-  
tia competat, sacrum.

In scholis verò Medicis seorsim gemina notione  
de serpentibus, latius & in genere sumtis, tractari  
solet, tum ut vitandis, eorumque veneno illato cu-  
rando: tum quenam arti servandorum hominum &  
suo loco scernerent medicamenta & ipsi, & ab illis de-  
nominatæ herbe ac simplicia, serpentibus adversa.

Singula hæc ut latius excuti ac perpendi me-  
rentur, ita in præsentiarum & alia quædam delibare  
animus est, & maxime, Dissertationis Inauguralis  
loco, lustrationem ac examen instituire SERPEN-  
TARIÆ VIRGINIANÆ dictæ, id quod ut feli-  
citer eveniat, DEUM O. M. sollicite & devotissi-  
me oramus.

CAPUT I.

DE

SERPENTARIIS EARUMQUE ETYMO-  
LOGIA ET DIFFERENTIIS IN GENERE.

**U**t maxima serpentum est latitudo, ceu  
genus plures sub se species continentium,  
ita operæ pretium est & delibare Serpentariarum  
ambitum non exiguum. Non ignobile consti-  
tuunt ex regno animali hoc titulo proprie de-  
nominati serpentes, ipsæque viperæ, in substan-  
tia & quoad diversas partes in usum venien-  
tes. Tacemus ὄφιον, morbum capillorum,

qui & area dicitur, quando certis spatiis in ser-  
pentis similitudine decidunt: & serpentum in-  
star serpentulos, vel viperas, per alvum præ-  
ternaturaliter excretas.

Non pauca vero ex aliis regnis quoque  
mutuata à serpentibus extant nomina. Ex re-  
gno minerali ipso celebris ὄφιτης, ophites, mar-  
mor serpentinis maculis assimilabile, & varia ἄλλα



ὄφις, seu lapidis serpentini species huc spectant, testibus Galeno l. 9. de simpl. Medicam. Dioscoride l. 5. simpl. c. 119. Plinio l. 36. c. 7. & Matthiolo in Comment. ad citat. Dioscorid. locum. Tacemus serpentes petrefactos & alia analogia inter curiosa lapidum ζήτηματα occurrentia.

Maxime vero in vegetabili regno longe diffusissimo idem usu venit. Sic *Lignum Colubrinum* à colubris seu serpentibus nomen accepit, quoniam, ne alias ejus qualitates pluribus laudemus, vel solo odore eos in fugam conjicere, attactosque internecioni illico dare, ex mente illorum incolarum, ubi hoc ipsum venit, *Joh. Baubinus Hist. Plant. Univers. l. 15. c. 39.* recenset.

Imo & arte facta à serpentum aliqua analogia dicta sunt, quod vel in Chymicis scholis *serpentina* dicta edocuerint, seu instrumenta tortuosa destillatoria, tam vitrea, quam alia, ob hanc ipsam tortuositatem suam aliqua ex parte serpentum anfractuosos plexus imitantia, ad subtiliorem sursum propulsandum spiritum vinosum curiose excogitata, vid. *Charas Pharmacop. Reg.* Si tamen verum fateamur, etiam citra tales circulationes & ambages volubiles idem ex fundamentis artis impetrari simpliciiori via potest.

Speciatim quamplures plantæ serpentibus nomen debent, quacunque demum similitudine, signatura, caractere, mechanica, figura, colore, aliisque medium terminum, seu tertium similitudinis & occasionem largitis. Ut distinctius hæc appareant in singulis, notabile est commode in tres classes species quasi sub hoc genere comprehensas dirimi posse, quo ipso derivatio & nomenclatura optime clarere & concipi potest.

Ad primam referimus, quæ à formæ externæ, aut alia extrinseca, in uno aliquo tertio cum serpentibus convenientia denominationem hanc nactæ sunt. Ad alteram, à virtute inprimis alexipharmaca & serpentum veneno adversa ita cognominatas. Ad tertiam denique utroque caractere insignes, adeoque duplicem ob causam, tam quod forma externa serpentes aliquatenus referant, quam quod viribus suis saluberrimis iisdem contrariantur, titulo hocce insignitas.

Liceat hæc, ut certius magis dictis constet fides, exemplis præterea aliquot illustrare, vel ideo, quod ipsi *Serpentaria Virginianæ nostræ* eo facilius à reliquis distinguendæ inserviant.

Sic in prima classe locanda venit (1.) *Nummularia*, ita quidem communiter, ob foliorum rotundiorem figuram, nummos minutos æquantem, herbariis audiens: *Lonicero* vero in *Herbar. p. m. 441. Fuchs. in Comment. ad Hist. stirp. c. 153. Dodonæo*, & aliis, quod caulem habeat in terræ planitie instar serpentis repentem, latius paulo, *Serpentaria minor*, *German. klein Natter-Zunge*, & *Casp. Baubin. in Pinac. l. 8. sect. 3.* *Serpentaria*

tertia, seu centummorbia *Brunsfelsii* dicta.

(2.) *Ophioglossum* quoque huc pertinere videtur, quæ herba appositissime non tam à Græcis recentioribus, quam quod Germanicam etiam nomenclaturam, *Natter. Zünglein*, exprimat, & rem ipsam, cum forma pediculi è folii sinu prodeuntis, & lingulam serpentis referentis optime conveniat, ita vocata est, teste *Fuchs. in Herbar. c. 22. & Dodon. Pempt. l. 1. c. 21.*

(3.) Ad hunc ordinem referre licebit *Ophioscorodon*, seu *allium serpentinum*, aut, ut *Matthiolus* vocat, *Creticum*, *German. Schlangen-Knoblauth*, ob caput, quod serpentis instar cum suprema caulis parte se contorquet, prout à *Baubin. Hist. Univers. Tom. 2. l. 19. c. 3.* depingitur, hoc nomen gerens.

(4.) Nec *Bistorta* reticendæ, utpote vel κατ' ἐξοχὴν multis serpentariæ nomine notæ, quod, prout *Fuchs. in Herbar. c. 297. Rolsincius in Ord. & Meth. Comment. l. 10. sect. 1. c. 3. & Ettmullerus*, iisdem fere verbis, loquuntur, primum è terra erumpentes linguæ serpentis in modum contractis iisque rufescentibus gaudeant radicibus: quin præterea ob ipsam hanc radicem rubedinem, ad elegantem aliarum distinctionem, *Taxis Hafniensi & Lipsiensi & Emanueli König in Regn. Vegetab.* *Serpentariæ rubræ* dictæ. Et illam quidem, quæ radice magis intorta prædita, serpentariam marem existere; alteram, cui minus intorta eadem, serpentariam feminam seu Colubrinam dicere possumus, si *Fuchs. Casp. Baubinum* & alios sequi velimus.

(5.) In hunc tandem censum plures *Dracunculorum*, seu dracunculorum, & his affines quædam ari species, caule inprimis etiam serpentum in modum maculato conspicuæ, recipi gestiunt, in quibus specialius recensendis non immorabimur.

Inter hæc vero alia ita audiunt, quibus, ut *Plinius* & hunc secuti volunt, *bistorta* in modum fere radix draconis convoluti forma speciosa est. Alia, ut *Theophrastus Eresius, Dioscorides & Bodeus in Not. ad Eres. l. 3. c. 11.* itemque *Apuleius l. de Medic. c. 4.* sentit, quibus caulis πικρὸν ὀφιδῆς, vel ὀφιδωδῆς, i. e. *serpentis* aut draconis modo maculis pictus existit. Accedit, quod *Anazarbeus* addit, l. 2. c. 196. qui radice manus suas perfricuerint, à viperis feriti negantur, parum deinde attendendo, num domestici sint illi, ut dracunculus major, minor, palustris, hortensis, aliique nostris regionibus familiares, an exotici.

Eminet inter has quoque *Serpentaria Triphylla Brasiliæ*, caule punctulis nigris notato, teste *Marcgrav. Histor. rer. Natur. Brasil. l. 1. c. 13.* Lusitanis Erva de S. Maria dicta, à *Casp. Baubino in Prodrum. p. 101.* imperfecte tamen, ut *Rajus* monet, magis, perfectius à *Dodarto* descriptus, à quo deinceps & suam se descriptionem mutuam



mutuam sumpſiſſe *Rajus Tom. II. l. 31. c. 19.* fatetur.

Meretur huc referri etiam herba *Hippocrati* memorata, *Ophis* ipſi dicta, & *l. 2. de morb. mulier. c. 7. t. 7.* ejus καρπός ſeu fructus in fluxu ſanguineo ad ſuſſitum commendatus cum aliis; quamvis dubium ſit etiamnum, an cum draconio eadem ſit planta, & ſic ſemen ejusdem, quod *Joh. Bauhino Hiſt. Plant. l. 19. c. 30.* place- re videtur, intelligatur, an echii *Dioſcoridis l. 4. c. 27.* cujus ὁ καρπὸς κεφαλὴν ἔχει ὁμοίως, ſemen capiti viperino ſimile ſcribitur.

Quod alteram claſſem præfixam concer- nit, ſerpentariæ etiam dictæ fuere, tum interno, tum externo uſu, quæ à virtute alexipharma- ca ſerpentibusque adverſa denominationem ſibi ſcenerantur. Notabile hic eſt exteriorem ſignaturam ſine dubio anſam & occaſionem dediſſe cogitandi de interna virtute & efficacia bezoardica, vel externa quoque, quoad uſum morſibus ſerpentum debita, illis potiſſimum præferendis, ubi experientia conjecturam firmavit, addenda hinc ratione quoque congrua.

Ex his laudari poteſt Coronopi ſylveſtris vulgo ſpecies, quæ à Göritiensibus ſeorſim, apud quos provenit, *Serpentina* dicta eſt, auctore *Matthiolo in Comment. ad l. 2. Dioſcor. c. 123. pag. 384. & l. 6. c. 40.* aliisque locis, & *Dodon. Pemptad. l. 1. c. 24.* Herbariis, quod *Theod. Tabernamontanus lib. 1. ſect. 4. c. 3. p. 303.* monet, Gramen Serpentinum, Germ. *Schlangen-Zuwang, Schlangen-Gras*, cujus radicem pulveriſatam in vino potam citatis iisdem locis *Matthiolus* crebrius laudat viperarum aliorumque venenoſorum animalium morſibus maxime adverſam, præcipuumque eſſe remedium, ita ut vel ſola optime liberet demorſos, quin & contra epota venena alia valeat efficaciter. Confer latius *Joh. Bauhin. l. c. l. 31. c. 4. p. 510. ſeq.*

Sic in cenſum hunc merito venit porro decantata hodie Scorzonera, ſeu, ut aliis placet, Eſcorzonera, in Hiſpania, & quidem, ut *Monardes* recenſet, in Comitatu Urgel, Catalauniæ Provinciæ loco, Momblanc dicto, à Mauritano, captivo eo adducto, ante duo fere ſecula primum inventa, & voce hac idiomati Catalonico conformi inſignita, non exactius Latine exprimenda. Pluribus hoc exprimitur apud *Monardem*, in primis *l. de Lapide Bezoar & hac herba* conſcripto, & à Cluſio Latinitate donato, *Matthiol. Lib. 5. Epist. 13. Rolſincium Ord. & Method. Comment. Lib. 10. Sect. 1. cap. 3.* pluresque alios. Hinc & Viperinæ ſeu Serpentariæ nomine gaudet, & vernacula voce *Spaniſch-Schlangen-Kraut*, ſeu, cenſente *Theod. Tabernamontano, Schlangen-Mord.*

Schurzo enim ſive Eſcorzo denotare Catalonis quoddam Serpentum genus autores affirmant, cujus morſibus venenatis hanc ipſam radicem efficaciter reſiſtere, experientia com-

probatum ferunt, adeoque merito inde ipſi nomen Scorzonera videtur, uti prolixius eodem *Monardes* libro teſtatur, inditum: maxima quippe, ſi huic itidem auctori fidem adhibeamus, ei adverſus Scorzonem vis ineſt, & adeo quidem, ut conſeſtim, ſi ejus tangatur ſucco, torpeat, ſi in os ejus injiciatur, pereat, & manibus eo ſucco illitis contrectetur ſine periculo. (Non enim mordere tunc poſſe, ſed adeo torpeſcere, ut ſemimortuus quaſi videatur.) Et ſi, qui fuerit iſtus, comedat de radice aut ſuccum foliorum bibat, conſeſtim ſanetur, ſi inflatus jam fuerit, deſideat tumor, ſedentur dolores & deliquia, ſique præſumatur, antequam momorderit, non ſuperveniant priora ſymptomata, & quæ miræ ejusdem vires pluribus ibidem legendæ deprædicantur aliæ; quamvis ſæpe hæc talia hyperbolice extollantur ultra meritum. Satis ſit, ſcorzoneram montanam Italianam & Hiſpanicam, imo & noſtram, non infeliciter inter bezoardica militare, & laudem inſignem adeptam.

Tacemus à *Piſone l. de Medicin. Braſiliens. c. 71. p. 120.* memoratam *Cajatiam*, alias Caaicam, Luſitanis Eruam dos cobres, aut, ſi Latine reddamus, *Serpentariam* appellatam. Et hæc enim, ipſius auctoris verbis, refertur colubrorum morſibus feliciffime mederi, nec ulli antidotalium herbarum dignitate cedere, quod maſticata vel contuſa, & morſui ſerpentum applicata dolorem non ſolum ſedet, ſed ipſum venenum validiſſime extrahendo etiam vulnera curret: ſicca vero & in pulverem redaſta è convenienti liquore ad pugillum exhibita cor muniat viresque à veneno lapſas reſtituat.

Agmen claudit SERPENTARIA, noſtro ævo ſua acceſſione celebratiſſima, VIRGINIANA, ſeu unam, ſeu plures ſpecies ejus ponamus, qua de mox pluribus agemus.

Utroque demum nomine & titulo viſendæ ſunt quoque dictæ; quam enim in ſingulis aliqua præſumptio talis videri vel ſtatui poſſit, à potiori tamen denominatio fieri debet, & ſic magis exhauriri ambitus & latitudo.

Speſtat huc *Echiorum* cohors, quæ quippe ſingula ἀπὸ τῆς ἑχιδνῆς, *Vipera*, nomen ſuum derivant, adeoque Viperinæ Latine, ſive etiam Serpentariæ, ſalva nihilominus manente uſitata alias ſtrictiore, quæ hodie proſtat, Viperas inter & Serpentes diſtinctione, non inepte appellanda, imo jamjam ab aliis appellata. Idque tum propter ſeminum formam viperina capita imitantium, ut, quot ſemina, tot fere minuta viperarum capita appareant: tum quod & hæc ipſa ſemina, quin & radix in vino pota, præſervative & curative ſerpentum venenis reſiſtant, & folia iſtibus eorundem impoſita illos potentiſſime ſancnt.

Utut vero hæc talia præſumptive potius, vel relative, poſſint ſcripta & laudata eſſe, citra experimentorum mentionem, videri: attamen



nec temere neganda sunt, nec negligenda, sed ulterius minimum exquirenda. Vid. *Dioscorides* l. 4. c. 25. *Matthioli* in notis ad h. l. *Dodonæus* *Pemptad.* 5. l. 1. c. 12. *Clusius* l. 5. *Histor. rar. Plant.* c. 50. *Castor. Durant. Hortul. Sanit.* p. 336. ex recentioribus *Job. Baubinus, Hist. Plant. Tom. 2. l. 33. c. 5. Prosper. Alpin. l. 1. de Plant. Exotic. c. 57. Tournefortius Instit. Botan. p. 136.* alique unanimiter quasi idem confirmantes.

Si ad exotica divertere velimus, referenda huc & *Caapeba*, Lusitanis, vel etiam, ut *Piso in Hist. Natural. Brasl. l. 4. de facult. Simpl. c. 54.* pluribus refert, quod nunc vicinas conscendere arbores, nunc humi instar Colubri herba repere soleat, & viribus adversus serpentes polleat, *Cipo de cobras*, ob eximias vero alias virtutes & præstantiam *Erva de Nossa Senhora* item cognominata.

Agmen claudat etiam addenda *Serpentaria mirabilis montana*, Germ. *Bergschlangen-Kraut*, elegantissimus *Stiriacorum* & *Hungaricorum* montium foetus, à solo, quantum nobis constat, *Muntingio* solidè & plenius descripta & delineata, *Herbarii Belgici cap. 330. p. 752.* Antea vero jam ejus meminere quoque *Phadro in Chirurg. minor. p. 76. & Crollius l. de signatur p. 81.* qui *Sidericam* & *dracontium* majus vocat.

Hæc ipsa elegantissima & artificiosissima gaudet facie, ut eadem omnibus certe plantis contra, saltim mirabilis nomen sortitis, summi

Conditoris majestatem ostendat, & vel ad spectu suo alliciat obvios. Folii serpentem refert singulis, quatuor vero solum habet, velut depictum vel insculptum; unde & nomen sortita est unice. Floribus rubentibus stellam, seu fidus coeleste refert, eamque triplicatam quasi, vel exactissimam potius, unde *fidereon* dicitur. Quod enim in coelo stellæ, id in terra plantæ sunt, earumque flores, quasi terrestria sidera, enarrantia & suo loco gloriam Dei O. M. Radice & foliorum numero mandragoram æmulator, nisi quod hæc crassiori in medio vena, exacte serpenti à capite usque ad caudam, ut ovum fere ovo, simili, insigniter conspicua sint.

Vires quidem nondum æque exploratæ, si ullus tamen signaturæ locus est, hanc applicare, & ad venenatos morsus & virulentiam indagare ulterius & illustrare par est, dummodo occasio tulerit, rarissimam hanc plantam obtinendi.

Notabilis est locus de serpentariarum nomine *Paracelsi Chirurg. magna P. 1. Tr. 2. cap. 7.* a serpentum exemplo, quos quandoque dissectos, cum semet ipsos rursus conglutinare herbis quibusdam homines viderent, ab affectu *Serpentarias* vocandas esse, utpote traumaticas. Id quamvis puerili ratione factum scribat, ea tamen occasione non diffiteri potest, inventos quoque esse pulveres glutinantes vulnera.

## CAPUT II.

DE

### RADICIS SERPENTARIÆ VIRGINIANÆ

ORIGINE, DEFINITIONE, DIFFERENTIIS ET AFFECTIO-  
NIBUS IN SPECIE.

**Q**uod alias de obviis ignotis, nec prius visis primum & solenne est quærere, qui genus? unde domo? ut cum Poëta loquamur, vel cum *Propertio*: qualis & unde genus? id jure quoque tum de aliis exoticis & peregrinis ex oris asportatis medicamentis valet, tum & hic in præsentiarum de *Serpentariæ Virginianæ* origine.

Gemina circa hanc explorandi est via, si à mercatoribus, & seplasiariis discefferimus, apud Medicos & Historicos, seu Geographos ipsos potius simul.

Cum itaque primus, quantum investigare potuimus, ex Medicis hujus meminerit *Jacobus Cornutus*, Medicus Parisiensis, *Canadensium Plantarum aliarumque nondum editarum Historia*, Anno MDCXXXV. edita, cap. 80. pag. 214. par est, eundem audire. Præmissio enim titulo: Radix *Snagröel* nothæ Angliæ: missa quoque est, scribit, ad me ex notha Anglia radix, quam Ser-

pentariæ vocant, vernacule *Snagröel*, cum hac inscriptione: Hæc radix *Alexiterium* præsentissimum est contra morsum serpentis ingentis perniciosissimique in notha Anglia; hujus radicis sumatur portio, qua sumpta nullus unquam auditus est periclitari de vita.

Quot verba, tot pondera, quæ clarius patent, si noverimus, quod dicatur Anglis à Snake, *anguis*, de quo nullum est dubium, & root, *radix*, unde videtur dicenda potius *Snackroot*, à vipera, serpente, & radice; nisi vel in Anglia ipsa, vel in Gallia per abusum, tyrannum loquendi, vel ignorantiam linguæ Anglicanæ detortam putemus in *Snagröel*.

Audito primo hoc saltim Scriptore Medico, prius, quam audiamus alios, consultum est evolvere *l'Histoire de la Virginie* (Gallica enim lingua saltim legenda obtigit,) l. 2. c. 4. p. 196. On y trouve, ait, la serpentine, qui passe en Angleterre pour un des meilleurs cordiaux, & un antidote



antidote excellent, contre toutes les maladies pestilentielleuses.

On y voit aussi, *pergit*, la Racine de serpent à sonnette, qui est un remède incomparable, & qui guérit de la morsure de ce serpent, dont le venin tue quelquefois en deux minutes. Quand on en est mordu, si l'on avale au plutôt de cette racine, elle chasse d'abord tout le venin, & au bout de deux ou trois heures le patient est rétabli dans son premier état.

Nomen habet serpens ille à sono, par le bruit, qu'il fait avec sa sonnette, & qu'on peut entendre à une distance raisonnable. Addit *l. 4. cap. 19. pag. 405.* non mordere, si quis obviet, nisi irritatum, & venenum ejus esse mortale, qui non statim medeatur aliquo antidoto.

Ex his ceu fontibus derivanda sunt, quæ hinc apud alios de eadem confirmata & relata leguntur. Ita *Pometus* refert ab Anglis eam in America effodi, & contra varii generis venena adhiberi solere, *l. 2. cap. 3. p. 49.* cum insignem ejus usum, in illis, ubi provenit, locis, & inprimis specificum deprehenderint adversus morsus lechiferos magni illius Serpentis Boicininga, Brasiliensibus, Lusitanis Cascavela, Belgis Raatel Snake dicti.

Horrendum hoc serpentum genus à *Margravio* fusius descriptum extat *Hist. Nat. Brasil. l. 6. c. 14. p. 240.* quinque pedes longum, coloris obscure flavi, dentibus armatum longis & acutis, & in cauda hamulis quasi catenariis singulati modo invicem aptatis instructum, quibus etiam cymbali modo, repens, sonum cumque è longinquo percipiendum edere dicitur, peregrinantibus. Ipse vero suo tempore nondum contra illius virus amuletum cognitum fuisse fatetur.

Repetit hinc idem & suum facit *Pometus* *l. c.* adeo formidabile ac venenosum existere hoc virus scribens, ut quibus ab illo, quod tamen non infrequens est, lædi contigerit & morderi, nisi illico hujus radiceis assumerit portionem, præsentaneam intra duodecim horas subisse mortem observatum esse.

Quando hinc erudito Orbi quadraginta demum abhinc annis magis innotuisse atque in usum venisse *D. Valentini* in *Museo Museorum L. 2. Sect. 2. c. 10.* recte asserit, id intelligendum est de penitiori cognitione, & recepto in praxin Medicam successive usu.

Mentionem quoque ejusdem facit *Simon Paulli* in *Quadrip. Botan.* & recentiores insuper Medici Angli, in *Pharmacopœia Londinensi, p. 1.6. & 172.* & scriptis suis variis, unde hodie & Gallis & Germanis ipsis, communi velut consensu & applausu plerorumque, recepta est.

Inter reliquas itaque dudum notas & celebratas, usuque confirmatas, classicas & officinales, merito primas tenet apud Practicos, saltem curiosiores, SERPENTARIA VIRGINIANA, maxime quoad radicem hætenus, eaque

vera. Dicitur hæc ipsa, ut rectissime idem *Simon Paulli* in *Quadrip. Botan. p. m. 531.* sub Scorzone-  
ra mentionem ejusdem faciens judicat, & nobiscum sic sentit, non quod bistortæ aut Serpentariæ instar serpat, aut quod sit serpentis jacentis modo in se contracta, aut ad Serpentariæ alias species pertineat, sed quod quanta quanta alexipharmaca ac serpentibus adversissima existat.

VIRGINIANA vero, sicut innumera radices, plantæ & vegetabilia alia, à Patria audit, VIRGINIA, quod *Morison Part. 3. Hist. Plant. Sect. 12. c. 26. Pomet. l. c. Dale in Pharmacolog. Sect. 17. §. 8. Charas Pharmacop. Galeniqu. & Chimi-qu. pag. 286.* & tantum omnes recentiorum confirmant.

Hæc vero regio, ut ex Geographicis & Historicis notum est, Septentrionalis Americæ, in Floridæ confinio, sita, ab Anglis Anno Christi cło lxxxiv. demum inventa, inque Elisabethæ Reginæ honorem ita appellata, pluribus tum herbis egregiis aliis, tum copioso hujus quoque herbæ & radiceis saluberrimæ proventu à natura donata.

Celeberrimus verò *D. Valentini*, in *Museo Museorum Lib. 2. Sect. 2. c. 10.* Jamaicam, inclutam Americæ Septentrionalis Insulam, Anglorum itidem imperio subjectam, longius tamen à Virginia distantem, potius laudat. Hoc ut cum mechoacanna & aliis habet commune nomen Serpentaria, à patria scilicet, ita nil obstat, ex utroque loco eandem provenire posse, seu proventu nativo, seu arte promoti, quod ab ipsis Anglis facillime potuit fieri, uti & indigenatum ipsum, vel tabaci exemplo aliorumque, etiam apud Europæos non paucæ sortitæ sunt.

VERÆ autem nomen sibi vendicat ad distinctionem aliarum spuriarum, siquidem operæ pretium est, ut in omnibus aliis, ita in noviter inventis probe dispicere, ne fallamur. Revera enim, ut reliqua jam mittamus, cum ipsa Ipecacuanha primitus, ad mercatores nostros allata, confusa fuit.

Sicuti vero inventionis gloriam & nomen debet inclutæ Anglicæ nationi serpentaria hæc Virginiana: ita, si ejusdem delibemus Synonyma, Gallis, ut *Charasio* & *Pometo*, Viperine Virginienne, Latinis hinc item Viperina Virginiana, Colubrina, Germanis *Virginische Schlangen-Wurtzel*, si *Valentinum* sequamur, secundum autorem autem editionis Germanicæ *Medicinæ Experimentalis Digbeana, Virginianischer Schlangenmord*, audit; quæ tamen nomina singula quoad significationem fere eadem, nec nisi pro cujusvis linguæ idiomate variant.

Nec errant, qui Contrayervam Virginianam vocant, tum ratione nominis & virium, tum ratione analogiæ. Contrayerva enim radix idem sonat Hispanico idiomate ac: contra venena, teste *Nard. Ant. Recchil. 8. rer. Med. Nov. Hisp. c. 59. p. 302.* Nam Yerva Hispanis & herbam, & venenum seorsim notat. Cum itaque  
simi-



similium eadem sit ratio, cur non in nomine quoque analogia locum inveniat? Accedit eadem quoad radices fibrosas, ut tanta magis id locum habeat, quo major est in utraque, viribus & substantia, licet non exquisita penitus, convenientia, utraque ex America oriunda.

Idem dixerimus de vincetoxico. Uti enim cum Mexicani agri planta congruit serpentaria, dicta Virginiana: ita etiam ad Germanas collata, cum Asclepiade, seu hirundinaria, convenit; utraque enim non modo in re, sed & hinc optime in nomine convenit, ut sit & dicatur vincetoxicum, utrobique fibrosa conspicua & reperiunda radice.

Ne vero circa hanc dubium restet, cum plures quasi species hujus videri possint, selectu videtur opus esse omnino. Ita huc refertur (1.) ab ipso Pometo *Serpentaria Virginiana*, aliis Poultot, i.e. *Pulegium vocata*, *Hist. des Drogu. Lib. 2. c. 3. p. 49* merito hoc nomine à *D. Valentin. in Mus. Museor. l. 2. Sect. 2. c. 10.* notato atque correcto. Enimvero sic Pulegii Virginiani species cum vera & nostra Serpentaria confunditur, quam *Rajus Tom. 1. l. 11. Sect. 2. c. 3.* nonnullis Serpentariam aut Colubrinam Virginianam, Anglis Virginian Snakeweed dici, cujusque caules & folia pulegium Cervinum imitantes, non item flores & semina se vidisse affirmat. *Nebem. Grevu in Mus. Reg. Societ. Anglic.* autem Anglis Penroyal potius audire, & foliis magis, ut fere pulegium montanum, & odore multum ad thymum accedente describit. *Plukenet vero in Phytogr. Tab. 54. fig. 2.* delineans Pulegium vocat Virginianum angustifolium, seu serpentariam flosculis in cymis, vel Clinopodium Pulegii angustioque rigidoque folio Virginianum flosculis in cymis; & *Breynius* denique *prodrom. 2. p. 86.* Pulegio cervino quodammodo simile esse. quoad folia vero & faciem ad capitaram chamæpytin Austriacam cœruleam accedere scribit, de radice ceterum omnes, quod dolemus, plane silentes.

(2.) Nec *Serpentaria repens floribus stamineis spicatis*, Bryoniae nigrae folio ampliore pingui, *Virginiana*, à *Plukeneto in Phytogr. Tab. 117. fig. 3.* hoc nomine delineata pro vera est æstimanda, utpote plantæ respectu toto jamjam cœlo ab eadem, (forte & radice, quam tamen nos ignorare atque hinc certi nihil definire posse fatemur,) diversa: unde & quantum nos tangit nullum quidem hic errasse invenimus. In eo, vero *Turnesfortius* sibi contrariari videtur, quod in *Instit. Botan. Cass. 15. Sect. 1.* hanc ipsam plantam asarum cyclaminis folio Virginianum *Banisteri* nominans, ejusque iconem apud *Plukenetum Tab. 78.* depictum esse allegans inter herbas flore aperalo stamineo referat, cum tamen & eadem nequaquam asarum *Banisteri* existat, & tantum absit, ut asarum laudatum *Tab. 78. Plukeneto* delineatum flore gaudeat stamineo,

ut ejusdem potius ratione, ipso oculo teste, inter monopetalas melius herbas sit collocanda.

(3.) Distinguendum item probe est à vera Serpentaria *Asarum Canadense Cornuti*, apud eundem in *Canad. Plant. Hist. c. 11. c. 24* descriptum, & *p. 25.* delineatum, cujus quoque *Sim. Paul. in Quadrip. Botan. Class. 2. p. 26. Menzel in Ind. Plant. multilingu. Rajus Tom. 1. l. 4. Sect. 3. c. 12.* & in *Append. p. 1857.* mentionem faciunt, quæque *Rajo*, minus tamen nobis, asarum Americanum Parkinsoni esse videtur; cum, quam idem *Rajus* ex *Cornuto* profert descriptionem (folia nimirum pediculis longis insidentia, figura & magnitudine foliorum chelidoni minoris, verum circa oras ad modum calthæ palustris crenata habere, quibus & similia, nisi quod minora, radices fibrosas nigricantes,) eam illi potius competere plantæ videamus, cujus folia & radices sibi à *D. Petivero* communicata, dein & sicca apud *Plukenet* à se visa esse recenset, quorum vero neutri asari Americani Parkinsoni, sed imprimis Plukeneto folia ejusdem *Tab. 15. fig. 3. Phytogr.* suæ exhibenti Asari è terra Mariana violæ luteæ vel asatinae foliis, & Anglis in genere ac vulgo Serpentariæ nigrae titulo venit.

(4.) Minime in eorum porro transcendendum est castra, qui Serpentariam Virginianam nostram pro eadem vendunt cum *Asaro Virginiano folio cordato*, cyclaminis more maculato Morisoni & Banisteri, seu Asaro Virginiano Pistolochiæ foliis subrotundis, cyclaminum more maculatis *Plukeneti Tab. 78. fig. 2.* Hæc alias quoque, ut *Morison & Dale* recensent, Serpentaria nigra officinarum audit.

*Radicem* habet crassiusculis fibris, non tamen ex uno capite, sed distinctis semper locis exeuntibus, constantem, exterius fuscis, interior paulo albidioribus, calidis, odoratis, gustu & odore lignum sassafras, aut recentiore illum corticem Culilaban dictum æmulantibus, in recessu quandam acrimoniam offerentibus, respectu serpentariæ veræ magis dulcibus, minus resinosis, viribus item magis stomachicis, quam diaphoreticis insignem.

Folia singula huic tribuuntur, asari ritu peculiaribus pediculis longius insidentia, vulgaris magnitudine cedentia, & à petiolo longius protracta, cordiformia superficie, è pallido atroque virore cyclaminum in modum maculata. Asignatur eidem flos trifidus, segmentis rotundioribus fissus, ad exortum pediculi proveniens brunni coloris, cum asari floribus penitus congruens. Semina denique sexangulari incluspericarpio sena, daturæ Indicæ seminibus multum similia, nisi quod minora.

Atque hoc ipsum est, quod *Dalius* etiam conqueritur, ab ipsa *Pharmacopœia Londinensi* alii que hinc, minus tamen probando errore pro eadem cum Serpentaria Virginiana haberi cum merito potius utraque, utpote ratione vi-



um, radicum & florum satis inter se, ut clarius ferius porro indicabimus, differentia, ab accuratioribus etiam à se invicem studiose discernantur.

(5.) Idem denique & de *Aristolochia Polyrrhiza auriculatis foliis Virginiana* valet, cui, secundum iconem *Pluken. in Tab. 78. fig. 1.* traditum, secundum *Morisoni* descriptionem, radices sunt fibris cirrisque plurimis comatæ & in unum apud conjunctæ, folia numero pauca, petiolis peculiaribus è caule exeuntibus adhærentia, in medio cordis figuram exprimentia, statimque constricta, quasi auriculata ac in longam cuspidem in medio exprorecta, flores longi, concavi, æti, aristolochiarum ritu formati, fructus pentangularis, semina parva acinis vuarum similia, sed compressa includens, cuique ipsi serpentariæ Virginianæ secundæ nomen vulgo tribui quoque *Plukenet loc. cit.* addit.

An eadem polyrrhizos Virginiana *Parkin. in Tab. 1. fig. 1.* etiam sit, quod *Plukenet* itidem placet, an *Aristolochia Cretica Casp. Bauhin.* quam *Clusius* & *Jacobus Plateau* sibi communicatam in *Append. Hist. rar. Plant. p. m. 260.* & *Rajus* ex *Clusio* iterum desumptam *Tom. 1. l. 15. Sect. 2. c. 4.* describunt, quoniam nostri non tam est scopi, pluribus certo disquirere quidem super sedemus: verosimile autem apparet, cum ejus descriptio cum *Aristolochia* hujus auriculatis foliis Virginianæ characteribus exacte coincidat, longissime inderim à vera *Serpentaria* diversam & facile dignoscendam certi, & prolixius mox demonstraturi.

Ipsa namque (6.) radicis SERPENTARIÆ VIRGINIANÆ genuinæ planta, licet itidem ad *Aristolochias* pertineat, alia tamen earundem, & ea potius existit species, quæ *Aristolochia violæ fruticosa foliis Virginiana*, seu *Aristolochia polyrrhizos Virginiana*, fructu pentangulari *D. Bastero*, item *Aristolochia Pistolochia* seu *Serpentaria Virginiana* caule nodoso audit.

A *Plukenet* in *Phytogr. Tab. XV. fig. 2.* in iconem repræsentatur, & caule constat erecto, ut plurimum singulari gracili, exigue circa exitum pediculorum foliis propriorum nodoso, cui folia pauca inordinate posita, modo majora, modo minora, neutra tamen ultra unciam lata, plurima ex parte aristolochiæ aut vincetoxici foliis similia, basi cordata & acutum in mucronem successive protracta, rigidiora, petiolis semuncialibus insidentia adhærescunt. Flos monopetalos campaniformis superius circa marginem in sena segmenta, utrinque in eandem cuspidem tendentia, divisus provenit, & semina parva sena siciformia, uni pericarpio, in sex locula-menta divisio, inclusa succedunt.

Quamvis vero omnia hæc certius ex ipsa *Aristolochia* plantarum recentiorum erui ac judicari penitus queant ac debeant: quantum tamen ex iconibus & descriptione judicare potuimus, ita se omnia habere nobis visa sunt, salvo rectius

sentientium judicio. Collata vero & visa à nobis juncta cum radicibus folia, & semina ipsa reperta & examinata in siccioribus, non aliter rem se habere persuasere. Ceterum, si quæ restare videantur dubia, ex *Morisoni*, *Raji*, *Turnesfortii*, aliorumque ulteriori comparatione enascentia, illis non immorabimur in præsentiarum, donec forte ipsimet plenius Angli hæc enodaverint: contenti illis notis & viribus, quas ex allata ad nos colligere integrum fuit.

DEFINIRI potest: *Serpentaria Virginiana* radix est fibrosa, tenuis, levis, admodum odorata, subacris, amara, viribus bezoardicis, hinc & aliis polychresta.

GENUS est radix, eaque exotica, ipso sensu confirmante ac teste. Non novum enim est soli usuali radicis totius plantæ nomen tribui, quod exemplo rhabbari, jalapæ, mechoacannæ, ipecacuanhæ, contrayervæ & plurium aliarum notissimum est, unde quoque Grammaticorum simul leges observantibus in casu recto radix *Serpentaria Virginiana* rectissime nominatur: impune tamen & in casu obliquo radix *Serpentariæ Virginianæ*, quod in aliis dictis quoque valet.

Qui vero eandem sibi comparare gestiunt, probe prospiciendum, ne vetustam, mucidam, sordibus peregrinis multis refertam, aut, quod jam tetigimus, vel *Ipecacuanham*, vel, quod itidem evenit, *Asarum Virginianum*, à materiæ Medicæ gnaris à se invicem facile & notis characteristicis dignoscenda, illius loco accipiant. Laudatur enim, ubi electioni locus datur, radix potius, quæ crassioribus pollet fibris, & recentior, quoad saporem subacris, amaricans, quoad odorem aromatica magis & gravior, zedoarizans aliquantulum, ut ita loquamur.

*Serpentariæ* hinc *Virginianæ* temperiem ad incudem legitime revocantes eam cum curiosissimo *Morisonio* manifeste & eminenter, seu, ut distinctius & usitatius loquamur, gradu secundo, & quidem mansionem secunda, calidam & siccam, deprehendimus. Patet id, præter vires dotes & seminales, ex miscela salis fixi & volatilis, sulphurisque ejusdem commatis inter se commensurata. Amarities gradum definit, omnia enim amara sunt calida, & quidem hujus generis secundo. Acrimonia volatilis & mercurialis mansionem, acidum proportionatum reliqua moderatur.

Atque sic tantum abest, ut doctrina de temperamentis, hoc loco mixti, ut gradus quasi dimensionis, & mansionis, seu subdivisionis ulterioris, sint pro fictitiis habenda, ut potius fundamentum habeant in re. Et hinc principia rerum concordia, in corpore humano & mixtis ad se invicem comparata, etiam lucem inveniunt, Chymica quidem vulgo dicta, sed artis & naturæ genuina illa, & clavis Scientiæ Philosophicæ & Medicæ omnis.

Enimvero merito calida & sicca v. g. audiunt, quæ principia vitalia, calidum & humidum,



dum, sanguinem & serum, & in his sal, sulphur, mercurium, ita alterant, ut illum exaltent, rarefaciant, hoc cicurent & deprimant proportionatim. Hinc rectissime etiam ab *Hermanno*, in *Lapide Mater. Medica Lydio* c. 1. p. 10. radicibus sale volatili oleoso, ut & multo fixo præditis eadem accensetur. Id quod ex amarorum & aromaticorum mechanica ratum est. Omnia enim illa sale alcalico fixo abundant magis, hæc sale volatili oleoso, diversimodè fermentorum & seminum idea modificato.

Sicuti hinc, effato *Eresii* l. 6. de caus. plant. c. 22. odoratæ sunt plantæ, in quibus aliquid

acredinis, aut pinguedinis eminentium ineſſit ita & h. l. odor insignis resinofus, aromaticus balsamicus, idem confirmat; sapor item subacris, amaricans cum stypticitate levi, incidens satis jam à priori de particularum activiorum tum salinarum acidarum & alcalium, volatilium, fixarum, tum sulphurearum eminentium, passivis terreis & aqueis paucis temperatarum, prædominio testatur; eademque, per analysin Chymicam, & maxime effectus in corpus inde redundantes, à posteriori porro patent evidentissime.

## CAPUT III.

DE

## VIRIBUS ET USU SERPENTARIÆ VIRGINIANÆ.

**S**olenne non tantum omnium hominum est Sdicterium, sed maxime arti servandorum hominum deditorum, cui bono? Integrum est Medicorum choro, & reliquorum omnium votum, sano ac sobrio sensu, omnia æstimare ab utili.

Quandoquidem hinc in exquirenda Serpentina Virginiana occupati sumus, maximum sane ejusdem encomium petendum erit ab usu ac emolumento publico, quod ab eadem arcessere integrum est.

Plurima delectant apud Medicos, imo universum humanum genus, sed ut Poëtæ, ita & Medici & prodesse volunt & delectare. Delectat universum stirpium gazophylacium, miraculorum divinorum promptuarium, profunt vero, velut selectu quodam facto, quæ hinc officinalia vel audiunt ac sunt omnino, vel inter talia recipi merita, & ut classica deprecandæ. Cum itaque de temperie satis constet, sitque calida & sicca, hinc particulis suis balsamicis sulphureis salinis, sanguinem in motum citando, & sulphur ejus vigorando, humidum contra ea magis rarefaciendo, ac difflando, calefacit & siccit, quando id indicatur & ex usu est. Particulis verò salinis fixis, amaricantibus & volatilibus alcalicis tenuioribus insuper prædita aperit, incidit, abstergit, resolvit, & roborat, multisque eandem ob causam viribus ac usibus specialibus rursus idonea & applicanda.

Videri posset, ex relatione superius laudata, etiam prædita esse virtute emetica, quod antidoti loco data per vomitum quoque visa fuerit aliquando operata. Id vero ordinariè minus inde observatum est, neque hoc sine propinanda directe. Enimvero natura agit non tam ad modulum agentis extrinseci,

quam receptivitatis & activitatis propriæ, ut notum est, plures bezoardicos ipsos nonnumquam citasse vomitum.

Imo & abstergendi virtute, cum amari aliis communi, alium ipsam blande promovere potest, quod in febribus inprimis maligni non raro ex usu est, ad edomandam cacochochymiam biliosam, roborando simul fibras nerveas postmodum, & apparando bezoardicis viribus viam, quibus ipsa pollet insignibus.

Notabiles sunt ejusdem vires DIAPHORETICÆ & DIURETICÆ, quæ ex iisdem principiis fluunt. Illæ maximæ ob halituositatem subtilem elasticam, volatilem: hæc olusoriam resolventem & incisoriæ qualitatem sunt nobilissimæ. Quin incidente abstergente, absorbente & præcipitante sua inter se coagulatum tartareum mucosum disjiciendo atque è corpore separando ipsis quoque calculosis auxilium afferre posse videtur, & rectè affirmat *Georg. Franc. in Fl. Francic. p. 292.*

Eminet verò maxime efficacissima & excellit virtute BEZOARDICA, seu alexipharmaca insignissima. Idque exeruit dudum non solum summo illi Boicingæ serpentis veneno, aliis reliquis bezoardicis remediis omnibus contra, tam potenter resistere visa, ut radicis hujus portione sumpta nullus ejus morſu latus unquam auditus sit periclitari de vita: verum etiam in aliis casibus venenorum ex animali præcipue regno, fermenticorum Adde, quod *Pometus* recenset, conquassata tantum cum radice herba, fissoque ex altero extremo baculo, ita tamen, ut paululum promineat extra fissuram, indita, sicque adversus serpentis rictum protensa vel enecet eundem vel in fugam conjiciat.

Neque absolute idem negant, vel dissentiant



riunt, qui in nostris regionibus Europæis frigidioribus ac septentrionalibus nec tam præsentanea esse venena, nec consimilia præsentissima alexipharmaca, ac in calidioribus & in meridionalibus statuunt, quo de vid. *Simon Pauli in Quadrip. Botan. Class. 3. pag. 153.*

Satis est, & hoc casu & loco magis & minus non variare speciem. Verum est, nec viperas nostrates Thuringicas & Bohemicas assequi vel virulentiam, vel elegantiam, & virtutem Italicarum, uti nec venenum seu virus illarum. Interim tamen & omnino apud nos morsus lethalis inde observatus fuit, nisi sufficienter obviam eatur. Idem de scorzonera & aliis, imo vinis diversis, verum est.

Ponamus hinc, tanta *εξοχή* alexipharmacam non existere apud nostrates, magnum tamen inter bezoardica nomen & principem fere locum vel ideo meretur, quod in moribus canis rabidi, indeque oriunda sæpius hydrophobia, aliorumque animalium ictibus venenosis, & morbis ac febribus malignis, item epidemicis, continuis, petechialibus, variolis & morbillis tutissimum & polychrestum præbeat medicamentum.

Viribus itaque diaphoreticis egregie sigillata, ac virtute sua balsamico-sulphureo-salino-alcalina, putredini resistente, aptissima est ad massam sanguineam liberandam à fermento peregrino noxio, hosticos machinante motus, æstumque præternaturalem, deliria & alia, aut *σάσις* corruptionemque intentante, tutandaque principia vitalia. Perinde vero est, an per ejusmodi morsus cum saliva, an per ictus, aut alias internas injurias in corpus introducta sit labe, seu, quod utrumque de febribus malignis valet, in corpore ipso genita.

Seorsim & sub hac universali virtute in febribus intermittentibus tertianis, quartanis, quotidianis egregie se gerit, & optimo successu, præmissis universalibus aliis, cum cortice Chin. chin. gentian. & salibus fixis, ut in malignis ardentibus petechialibus cum rad. contrajerv. scorzon & salibus volatilibus remixta, propinatur. Est enim FEBRIFUGA, quod, ut *D. Jones in Tract. de Febr. intermitt. part. 3.* laudat, amarissima sit, adeoque præcipitando & absorbendo acidum, resolvendo pituitam, detergendo bilem, libertatemque viarum ad intestinum eidei virtute sua aperiente procurando, ad suppressendas fermentorum præternaturalium vires satis pollens, una quoque, ut apex fere sudoriferorum vegetabilium, materiam morbificam per ipsos corporis poros excludere potentissime valens.

Porro & ANTHELMINTICA est, ac putredini apprimè verminosa resistit, ob amaritiam suam balsamicam non tantum, sed & quod calorem præterea depauperatum nativum insigniter restauret, humores abundantes potenter exsiccet, bilis inertiam corrigat, & sulphure suo balsamico partes sic quasi condiat ac muniat

contra iniquos istos hostes, & miseros compotis humani tortores.

Imò & exterius ex eodem capite cariei & verminosa putredini averruncanda, ac præservanda, egregie resistit, vestibis pelliceis aliisque vermibus obnoxiiis interpolata, ut viperis siccatis asservandis ipsis quoque inseruit quam optime.

ANTISCORBUTICUM esse non minimæ laudis in aprico est, frigido ramen respectivo potius, quam calido scorbutico conveniens. Sulphureis enim balsamicis activioribus particulis suis torpidam lymphæ putriaginem, lentorem & fixitatem corrigit, acido contraria, calori diminuto spiritibusque fixioribus nova succendicula porrigit, salia peregrina sylvestria destruit, & *σάσις* humoribus spiritibusque inductam expedit.

Optime item CACHECTICOS & ARTHRITICOS, seu à scorbutico item, seu aliunde derivanda sit causa, solatur. Fermentum enim tartareum volatiliori aperiente & incidente virtute sua resolvit, acidum præternaturale amaritie & sale alcalico suo præcipitat, calorem subjugatum genuinaque sanguinis elementa balsamico sulphure suo roborat & ipsam denique massam sanguineam à salibus morbois præternaturalibus, per sudores & urinam eadem copiose eliminando, summa liberat efficacia.

Non minus ut insigne remedium cephalicum, NERUINUM, *antispasmodicum* epilepsiæ quoque, aliisque generis nervosi convulsivis & spasmodicis, capitisque frigidis & soporosis affectibus medetur, pituitam liquans, spiritus & humores torpidos in motum citans, sicque in ordinem circulum redigens, & elasticam lymphæ spirituumque irritationem sulphure suo blando placans atque componens.

Testatur id sua experientia *Willisus*, qui in morbis hinc convulsivis tum adultiorum, tum puerorum, à visceribus præsertim seu lumbricis oriundis, in lethargo item & paralyti, & in pulvere cum coralliis ad albedinem calcinatis, & in electuario, cum aliis adpropriatis, in pilulis item cum contrajerva, valeriana, coralliis rubris aliisque eandem remixtam commendat, & Dominæ illustrissimæ paroxysmis convulsivis periodicis, cum miris symptomatibus aliis conjunctis, diu laboranti, cum speciebus antepilepticis aliis, felicissimo eventu aliquando propinatam *Tract. de morb. convuls. c. 11.* laudat.

Confirmat idem suo elogio *Mortonus*, qui in *Pyretol. Exercit. 2. c. 9. p. 371.* bolum è rad. serpentar. Virgin. ʒss. pulv. è chel. ʒ. compos. ʒj. syrup. caryoph. q. s. confectum, cum haustu juplapii additi sumtum, servo cuidam febre continua, choleram cum spasmodis thoracis & abdominis simulante, laboranti, summe proficuum fuisse recenset. Datus in epileptico pulvis è specifico cephalico, rad. serpentariæ Virgin. & cort. chinæ de china ana ad ʒss. pro tribus dosibus sudorem



dorem movit cum successu. Tacemus & PTARMICA virtute eandem gaudere.

Nec ANTHYSTERICA Serpentaria virtus, variis in uteri affectibus summe proficua, est reticenda. Virtute quippe sua calefaciente & exsiccante intemperiei frigida & humida, indeque sæpius oriunda laxitati, fluori in primis albo, & gonorrhœa, (ubi essentia ejusdem, cum ess. succini, castorei & liquore martiali egregia est,) & sterilitati conducit. *Αετιομερής* enim sua & tale volatili oleoso sanguinem spiritusque rarefaciens motumque promovens, anarthe incidente, abstergente, roborante libertati viarum & tono prospiciens, mensium fluxum decenter procurat, & sulphure denique suo balsamico spiritus humoresque serenante ac demulcente, nervosum genus & ipsam uteri substantiam nerveam respicit, inflationibus, passionibus hystericis, motibus spasmodicis, indeque provenienti in toto corpore phænomenis incongruis aliis, felicem jucundamque ministrat opem.

Præterea & TRAUMATICAM ac ANTIDYSENTERICAM, aliisque hypercatarsibus sedandis idoneam obtinet *ιδιότητα*. Sive enim sæpius laudatum sulphur ejus balsamicum putredini contrarium, sive amaricantem & adstrictoriam lenem, abstergentemque virtutem respicias, utroque sine morbis hisce molestis & sæpius funestis convenit. Quid, quod insuper alexipharmacum & diaphoreticum sit probatissimum, adeoque malignitati late latenti & fermento febrili peregrino destruendo intervire queat, hinc vel eo magis & tutius iisdem tollendis & curandis velificatur.

Notabilis hanc in rem est quoque obser-

vatio illa *Hermanni*, quæ egregie hanc thesin nostram illustrat. Si enim in infusis purgantibus sennæ foliorum  $\mathfrak{z}\mathfrak{ss}$ . Serpentaria addatur, virtutem eorum purgantem hanc adeo imminuere scribit, ut nisi intentione sua excidere velit Medicus, dosin illorum ad  $\mathfrak{z}\mathfrak{i}$ . seu in robustioribus ad  $\mathfrak{z}\mathfrak{i}\mathfrak{ss}$ . extendere cogatur. Ratio reddi potest, quod sulphure suo blando resinoso & amaricante adstringenteque leni sua virtute, irritationi & excretionibus, à purgantium salino stimulo oriundis, egregie contrahitur, unaque ad diaphoresin potius medimenti virtutem dirigat.

Quod si analogiam amarorum sequi velimus, ad alia quoque possunt experimenta produci. Unicum saltem laudabimus adhuc: cum enim lymphæ vappescenti alterandæ, superflua exsiccandæ, spiritibusque roborandis insignem quoque præstet opem, vix dubitari potest amaritie sua absteriva leviorique acrimonia, oculis non ingrata, OPTHALMICIS quoque tam internis, quam externis jure annumerandam esse.

Uno verbo denique, ut hæc concludamus, ubi malignitati remedia quærenda, ubi morbus & salia peregrina massam sanguineam turbantia per sudores educenda, ubi balsamico lymphæ statui vitio succurrendum, ubi spirituum motus & sanguinis circulus debitus promovendus, adeoque & in scâbie, hydrope, petechiis, morbisque similibus aliis optime viribus suis laudatis sese commendat frigidioribus & phlegmaticis subjectis Serpentaria; calidioribus autem, id quod studiose attendendum, biliosioribus, siccioribus, gravidis, debilibus, aut cum aliis temperationibus caute remissa, aut minus omnino propinanda.

## CAPUT IV.

DE

### PRÆPARATIS E SERPENTARIA VIRGINIANA VARIIS, SIMPLICIBUS ET COMPOSITIS, EORUMQUE USU.

Quod pluribus aliis, & in specie aromaticis balsamicis resinosis radicibus competit, ut nullo egentes corrigente per se & in substantia, ut in Medicorum scholis loquuntur, statim in usum vocari possint; id & Serpentaria nostra solenne esse deprehendimus. Hinc, ubi integrum ejus virium complexum desideramus, non melius, quam in pulverisata tantum eadem illum aucupari licebit, sive sibi relictam propinare, seu pro diverso indicantium modulo, in variis formulis, juxta leges compositionis, remiscere placeat.

Præscribi hinc solet quoad DOSIN in pul-

vere, seu sola, seu cum aliis remixta, à gr. X. usque ad  $\mathfrak{z}\mathfrak{i}$ . in vehiculo convenienti pro lubitu assumenda. In infusis vero, more Medicis solenni, duplicata aut etiam triplicata quantitate, adeoque ad  $\mathfrak{z}\mathfrak{i}\mathfrak{ss}$ . quod & tum ipsis Anglis, tum *Hermanno* placuisse deprehendere licet.

Chymicæ vero analysi subjecta varia largitur præparata, & in experimenta vocari meretur. Sic per se destillata, etiam ad uncias saltem aliquot, per retortam ex arena largitur, per experientiam, SPIRITUM *acidulum* sulphureum, spiritus tartari æmulum, cum sale alcalico



lico effervescentem, virtute sudorifera conspiciendum, oleosis miculis circa parietes retortæ relictis.

Sin spiritus vini ab eadem abstrahatur, v.g. recipiendo rad. serpentar. ℥iv. spiritus vini rectificati q. s. facta per diem & noctem infusione, maceratione, ex cucurbita vitrea, cum alembico, igne arenæ, lege artis, fiat destillatio moderata, observatum fuit (incerto experimento, an semper idem fiat,) fieri hoc, præter morem, paulo ægrius, ob bullulascentiam in fundo sursum cum sono subinde evibratam.

Pollet hic ipse SPIRITUS *vinosus* quidem aliquali odore & sapore, quo leviter simplicis sui particulas lapidas & odoratas exprimit: sed hoc ipsum evidens est indicium, aliquo quidem omnino pollere sale volatili oleoso, minus autem copioso, adeoque nec fortiori seu odore, seu sapore, se prodere apto. Accedit tamen, quod spiritus vini istiusmodi particulas imbibat, edulcet, occulat, quod in aliis, ut ex salinis lepidio, hoc modo tractato, evidens & clarum est. Non incommode tamen ad aquas & spiritus bezoardicos recipi potest & sociari eadem.

Dimidia dein fere menstrui parte per alembicum in vas recipiens derivata & spiritui impensa, altera, quæ superest portio tum ad præcavendum empyreuma, tum inprimis lucrandam ESSENTIAM, seu Tincturam, (indeque si lubet parandum Extractum,) in cucurbita relictam, à reliquiis effusione & expressione separandam & filtrandam, inservit.

Uti enim *Essentia amara* seorsim inter alias celebrantur, tanquam magis efficaces, quamvis non omnibus grata visæ: ita essentiam amaram egregiam exhibet *Serpentaria Virginiana*, hoc ipso modo, partibus aromaticis sulphureis spirituosus adhuc, pauciori tamen sale volatili oleoso, insignem. Ex viridi subflavescentem est, satis odorata, amaricans & saturata. Quod si eadem extrahatur directe & per se, cum spiritu proprio utroque, efficacior est sine dubio, licet etiam cum spiritu vini simplici rectificato extrahi possit.

Exinde vero facta inspissatione per evaporationem lenta oritur & consurgit quoque EXTRACTUM serpentariæ resinofum, inprimis si largiori paulo quantitate extrahatur. Hoc ipsum è nigro viridescens summe amaricans, nec omnis plane odoris experts, adeoque multis quidem particulis balsamicis aromaticis, sed fixioribus terreis magis refertum. Et hoc iterum, pro re nata, in spiritu decenter solutum, modo omnibus extractis resinosis conformi, TINCTURAM seu Essentiam denuo reddit, alteri colore, odore, sapore, similem, viribus vero, cum majori volatilium activiorum particularum, ex spiritu sibi sociatarum, sine dubio copia, forte superiorem.

Ex capite denique mortuo rite exsiccatum & secundum artis præcepta respective ulterius calcinato, elixiviato, evaporato aucupari licet SAL ALCALI FIXUM, diversis pro lubitu usibus applicandum.

Quod si animus sit OLEUM serpentariæ pretiosum quoque per destillationem eliciendi, ad instar aquæ inde evocandæ, paucis mutatis, sale communi & tartaro additis, fuerit procedendum. Id vero & pauciori proventu expectandum, nec fere operæ pretium, vel necessarium erit, ad bezoardica olea & balsama impendendum.

Ex residue in vesica parte humida, depurata & per evaporationem magis incoctam extractum consurgit itidem resinofum, minus tamen, cum particulis jamjam aquosioribus imprægnatum sit, & iis magis auscultare jamdum didicerit, Essentiæ inde eliciendæ, ut superius, inserviens, quam potionibus potius remisceri aptior: ex parte vero sicciori terrea sal priori simillimum alcali fixum. Sed & his supersedere possumus, ut & aliis, ne entia præter necessitatem multiplicemus.

Et hinc quoque paucis exceptis curiosioribus Chymicis, vel pharmacopœis, rarius hæc ipsa in officinis quæsiveris; suffecerit eandem in nobilioribus bezoardicis impendi, vel præservandi, vel curandi, interno & externo usui, in compositionibus puta magistralibus, iisque liquidis, solidis & mediis, pro re nata tamen & præparatis minus compositis uti, pro lubitu. Exemplo sit tamen Pharmacopœia Bateana, & teste *Franco in Fl. Francic.* Beckeri officina Regia Hafniensis ad Elephantem.

Ita ingreditur ea, & basin cum contrajerva & floribus tunicæ constituit *Sirupi Alexiterii* in officina *Dietericiana* Norimbergenli prostantis, sequentem in modum, si ipsum Auctorem sequi non displicet, parandi:

℞. rad. contrajerv. serpent. Virgin. ā. ℥i℥ fl. tunic. ℥j. Incis. & conquass. infund. per horas 24. succi ceras. nigr. acidorum, citri depur. granator. acidor. ā. ℥viii. Exprime hæc postea fortiter & per manicam Hippocratis clarif. Quæ remanent coque lento igne in aquæ cort. citr. scorzon. scord. galeg. ā. ℥viii. ad dimidiæ partis consumptionem. Residuum exprime fortiter, add. sacchar. alb. ℔ij. & album. ovor. n. 2 clar. sic. coq. ad consistentiam decentem, cui dein addenda Tinctura superior.

Ita habebis syrupum bezoardicum elegantissimum confortantem, summi in delicatioribus, frigidioribus & debilioribus usus, minus vero calidioribus, biliosioribus, hystericis, & iis casibus, ubi in genere dulcia magis vitanda, aut exigua saltem dosi exhibendum.

Sic recipitur quoque eadem in *Essentiam* *brifugam* *D. Ringelmanni* Hafniensem, ex li colubrin. ℥ij. corylini ℥j. quercin. ℥℔. rad. gal. ℥ij. Serpentar. Virginian. ℥i℥. exuv. Serpent.



salis hyperic. ℥ij. corr. chin. chin. fraxin. ā. ℥vj. incis, contus, spiritus theriacal. & spiritus vini tartarifat. ā. viij. infusis, & posthæc calido loco digestis & expressis parari solitam, celeberrimarum in febribus intermittentibus, præmissis tamen universalibus, virium.

A Medico Regio Gallico Doctore d'Aquin, teste *Pometo*, in Theriacæ coelestis reformatæ compositionem, à *Charas in Pharmac. Reg. pag. 285.* descriptam, ob virtutem suam alexipharmacam præstantissimam cum aliis, & in specie contrayerva, recipi digna judicata est. Idem & in concinna ac polychresta Theriacæ coelestis variatione, in *Dissert. Wedeliana de Theriac. coelest. Cap. 2. p. 18.* pluribus tradita, factum, ubi reliquis illic nominatis & pro basi electis speciebus alexipharmacis primo statim loco Serpentariam junctam leges. Idem de Tinctura bezoardica essentificata aliisque intelligendum, ejus enim accessione majores vires singulis fœnerari licet.

Inprimis verò ut Angliæ officinis divini simplicis hujus vires alexipharmacæ summæ primum innotuere, ita & eadem diversa adhuc recentiorum composita alexiteria, serpentaria, tanquam primario ingrediente, gaudentia asservant. Ita, ne latius diuagemur, præter species confectionis liberantis in *pharmacop. Londinens. p. m. 162.* descriptas, principem merito sibi vendicant locum bina illa hodie decantatissima, Pulvis Comitissæ à Kent, & Lapis Bezoar de Goa.

Pulvis hic ipse ratione nomenclaturæ admodum variat, & aliquibus *Pulvis Comitissa à Kanth*, aliquibus pulvis Cantianus, aliis, ex. gr. *Willisio in Pharm. Ration. Sect. VI. cap. 2.* Gasconicus audit, & aliis denique, ut nominatim *Charasio in Pharmacop. Reg.* idem cum pulvere è chelis cancerorum Londinensi composito esse videtur, qui tamen in *Pharmacop. Londinens.* simplicior & paucioribus constans ingredientibus est descriptus, forte vero posthæc pluribus auctus atque sic quasi reformatus.

Si enim *Medicinam Experimentalem Digbaanam* sequamur, eam ibidem *p. 15.* pulveris hujus offendimus compositionem, in plerisque Charasiana conformem: *℥. apic. chel. ℥. ℥ij. ocul. ℥. perl. ppt. corall. ppt. a. ℥i. succin. ℥b. contrayerv. Serpentar. Virginian. a. ℥vj. lap. Bezoar. Oriental. ℥ij. off. de cord. cerv. Div.* Pulveriscentur singula probe, & apicibus chel. & oculis cancerorum affundatur, pro evitanda aliqua fermentatione & solutione meliori, paululum succi citri. Mixtis deinde altero die inter se adde extract. croc. Anglic. Div. massæque incorporandæ & postmodum in umbra exsiccandæ affundantur tria aut quatuor cochlearia spiritus mellis, & gelatinæ viperarum, subjuncta denique trochiscorum viperin. aut carnis viperin. pulverisat. ℥i.

Consurgit hac ratione inde pulvis elegans bezoardicus, diaphoreticus summus per totam Angliam, & in Galia iis, quibus, ut *Charas lo-*

quitur, cognitæ sunt vires ejusdem, usitatissimus contra omnes generis morbos epidemicos, maxime variolas, morbillos, ipsam pestem, tum præservative, tum curative, pro corde & partibus nobilioribus insigniter defendendis.

Primum autem, monente *Willisio, Tract. de Febr. cap. 19.* inter Anglos tunc, cum anno *MDCCXLIII.* febris pestilens epidemia in eadem regione, & circa Oxoniam admodum sæviret, magni esse nominis cœpit, sæpius deinde ab eodem *Willisio*, & reliquis in medicina claris Angliæ proceribus, *Sydenhamio*, *Mortono* aliisque confortandi sine, & ut alexipharmacum egregium, in febribus omnis generis, malignitatem quandam occultantibus, affectibus capitis frigidis, & nervorum, paralyti, arthritide, tremore cordis, convulsionibus, prout hinc inde ex scriptis eorum patet, summo semper successu adhibitus.

Dosi dandus ordinaria XXV. XXX. granorum; pestis vero grassantis tempore, sicut quævis alia quoque remedia, aucta magis & extraordinaria, ad XL. usque grana tuto adscendendo.

Idem quoque Pulvis, paucis saltem & sequenti ab amico quodam nobiscum communicata ratione mutatus, aliter se habet, *R. rad. contrayerv. ℥ij. serpentar. Virgin. Div. margarit. Or. ppt. ocul. ℥. ppt. corall. rubr. ppt. succin. alb. ppt. Cornu cervis ign. lap. bezoar. Or. a. ℥ij. chel. ℥. ad pondus omnium.* Cum sufficienti itidem quantitate gelatinæ viperatim, vel unicorni marini impastatus, & aliquot auri foliis immixtis, massam præbet globulis inde parari consuetis, ex brunno subviridescentibus & miculis aureis conspicuis, ℥vij. vel unciam unam ordinarie pendentibus, & hodie communiter *Lapidum Bezoar de Goa* nomine venientibus.

Idque ea forte, ut videtur, de causa, quod primo compositio hæc ob virtutes lapidi bezoar similis Goæ, altero, teste *Clusio l. 7. Exot. c. 17.* totius Indiæ emporio, inventa atque celebrata fuerit. Inveniri enim Indos, qui ex massa ipsa cognita adulterinos conficere lapides bezoar noverint, jam *Monardes* se ex Guidone de Lazaris, urbis Hispalensis cive, qui universum circumivit orbem, & in Sinarum regione versatus, percepisse, *Lib. de Lap. Bezoar & Scorzonæ. p. m. 9.* recenset.

Inde ad Anglos quoque postmodum transmigravit, & ab his in Germanorum rursus quorundam curiosorum notitiam, qui etiamnum diisdem legitime, & ad normam genuinorum, parandis maxime sunt solliciti.

Quoniam autem lapidum horum, utpotè in paucissimis Germaniæ officinis adhuc præstantium, vires roborantes, bezoardicas & polychrestas minus adhuc cognitæ esse credimus, non iniquum fore judicavimus, aliquot fidæ aliorum experientiæ testimoniis eosdem reddere notiores. Ita *Mortoni* observatio est notabilis



qui lapidem eundem ad gr. xii. cum aliis in pulverem redactum, & ægræ febre continua, vomitionem tamen immanem, spasmos thoracis ac abdominis, & strangulationem simulante, laboranti propinatum sudorem universalem & calidum, somnum placidum excitando & symptomata mitigando, summe fuisse proficuum, in *Pyretolog. Exercit. 2. c. 9. Hist. 7. pag. 382.* laudat.

Idem sæpius & felicissimo cum successu in febribus malignis, in variolis, & curandis & præservandis, in dysenteria etiam desperata visa, & aliis expertus est Excellentissimus D. Christianus Ludovicus Göckelius, Parens noster longe honoratissimus, pro re nata singulis sex horis propinata & repetita.

Et vel ipsa pauca hæcce exempli vice esse possunt, quomodo & per se bezoardica v.g. hoc loco laudatissima serpentaria possit & debeat dari, ac commode cum aliis symbolicis misceri, & in eminentiorem sic sphaeram evehi activitatis. Unicum saltem adhuc addere consultum videtur, ad hoc ipsum comprobandum. Si enim essentia serpentariæ Virginianæ misceatur cum ana misturæ simplicis, sive cum eadem extrahere eandem placeat, habetur sane mixtura probatissima ad febres tam intermittentes, quam maxime continuas, ardentes puerperarum, aliasque, & præservandas & curandas, ex legibus artis procedendo, quod & de mixturis aliis, pulveribus, & infusis aliisque valet, & optimo cum successu applicatur.

## DISPUTATIO II.

DE

## AGALLOCHO.

D. JOHANNIS EHRENFRIEDI REINBOTH.

Q. D. B. V.

## Brevis dissertationis Delineatio.

§. 1. Unde dicatur aloë. 2. Lignum paradisi. 3. Synonyma alia. 4. Variæ ejus genera. 5. Spurium, verifucatio. 6. Verum. 7. Cur tam rarum. 8. Descriptio generum. 9. Tria cum Bauhin. 10. Explicatio primi generis. 11. Secundi. 12. Terti. 13. Aliiter secundum Pomst. 14. Nota venietatis. 15. Di-

stinctio ab agallochô, fucus quomodo? 16. Naturale solum. 17. Spurium lac habet virulentum. 18. Verum resinam prabet. 19. Præparata ejus: Essentia, Extractum. 20. Aqua. 21. Oleum. 22. Essentia quinta. 23. Pulveres & sicca alia. 24. Vires generales. 25. Speciales: Usus Interno. 26. Externus. 27. Formula.

§. I.

Veror ne fundamento careat conjectura Casp. Hoffmanni l. 2. c. 25. de Medicam. officin. de aloës ligni denominatione potius quàm derivatione, ab ἀλοή, Indicô nomine odoramentô, aut, quod Bontio ad Cap. 16. & Garzia ab Ortô pag. 43. videtur, à succo aloëticô, quem amaritie æmuletur suâ. Hæc enim ut vi blanda aromatica gratissimâ planè differt à nauseosâ succi, qui expressus est condensatusque, ab agallochi peculiari procera totô genere discrepantis plantæ penetrantissima: ita illic odoratoria in Indiis plura, simili, si non meliori jure, ejusmodi nomen ferre deberent.

§. 2.

Ligni autem Paradisi nomine celebratur, eò quòd simpliciores opinati sint in Paradisô nasci, cum rarò ad nos deportetur, juxta Collectores Pharmacop. August. in Prolegom. Cap. 2. & Marxii Material-Kammer p. 236. vel ob gratiam, ut apud Ethnicos nectar & ambrosia Deorum cibus & potus efficta sunt: sive alludendô ad locum quem non pauci eodem

passô de ligno Aloës, (ut Johannes Deodatus versione Italica, Mey l. c. aliisque de Santalis) exponunt, tanquam Paradisi juxta fluvium (Euphratem) tanquam arbores aloës, quas plantavit Deus, juxta paraphrasin Chaldaicam, quò de videatur Clus. not. ad histor. aromat. Garz. ab Ortô, l. 1. c. 16. p. 247. referente Perillustri Wedeliô Exercit. Med. Philolog. Dec. IIX. p. 7.

§. 3.

Varia interim alia sortitur nomina. German. Paradies-Holtz, Augen-Holtz, Creutz-Holtz, Aloe-Holtz, vid. Schurzii und Marxii Material-Kammer, Agallochum Veteribus, Avicenna Agalugen & Agalugin, Recentioribus Xyloaloë. An autem veterum Agallochum sit lignum aloës recentiorum, doctis judicandum relinquit Dominicus Chabreus in Sciagraphiâ Stirp. p. 35. Veterum Agallochum Ruellius, quem multi secuti, Orbi incognitum ait, Sylvius lignum Aloës, quod ostendunt Officinæ, esse verius Asphalatum. Græcæ verò Linguae ignorantia deceptus Savanarola, qui lignum aloës à Xyloaloë facit diver-



diversum. Mirum, nusquam *Galenum* agallochi meminisse. *Ammannus in manu duct. ad Mat. Med. p. 58.* illud lignum corruptè dici agallochum statuit: Et agallochum esse solum affine ligno aloës putat *Hermannus in Cynosur. Mat. Med.* Habitâ generum ratione nuncupatur lignum *Calampart, Calambac, Calambouc, Calamba, Colamba, Calambes, Aloa, Tarum, Tambac, pao d'aquila, lignum S. Crucis.* *Paulus* agallochum dixit thya, aut thya ligno simile. *Plinius* trogete, etiam tarum. *Vid. Dioscorid. emblem. XXI. p. 18. Casp. Bauhini pinax theatri Botan. p. 393. D. Mich. Bernh. Valentini Museum Muscorum p. 259.* Vocârunt quoque Veteres solitariè aloën; nam diapasma illud, quò lectulum suum odoris gratiâ conspererat muliercula, de quâ in *Prov. Salom. c. 7. v. 17. legitur*, myrrham, aloën & cinnamomum recipit; quò enim locò minimè intelligendus densatus ille amarissimus & graviter olens succus, aloë vocatus, qui nullis odoratis pulveribus aut diapasmatis miscetur unquam, nec reputatur inter aromata & odoramenta. Itaque hoc *Proverb.* loco agallochum intelligendum est, *Graffenried. Hist. Univers. plant. Tom. X. L. IV. p. 477. Hoffmannus l. c. Avicenna p. 1052.*

## §. 4.

Evolvi nunc merentur varia ligni nostri genera, nomen & rem ipsam ferè variantia. *Dn. G. Everhard Rumphius in Miscell. Academ. Natur. Cur. Dec. 3. annot. 3. observ. 22.* & apud *Bonetum in Medic. septentrional. Part. altera, L. IIX. P. IV. sect. 3.* ita loquitur: Lignum aloës duplex, verum & spurium. Spurium, quod ut audio in Europâ pro vero venditur, hîc in arbore excoëcante natum, & ad suffiendum adhibetur, nascitur circa Amboniam, in Insulis, & vili emitur. Hæc arbor nihil commune habet cum istâ veri agallochi. Est enim excoëcans deformis arbor, nonnisi in littoribus solitariis crescens & malè audiens, tam apud nautas nostros, quàm incolas, quia lacte quòdam albò turget, quod casu oculis immissum magnos excitat cruciatus, inflammat, & nisi citissimè succurritur, summâ cum mordacitate excoëcat. Videtur lathyrus quadam arborecens esse: ubique fructus fert triquetros, lathyridis baccis valdè similes, quæ vulgò cataputia audit. Folia cum pyrifoliis conveniunt, sed in marginibus obscurè dentata sunt. Hanc habet dotem, quod in caudicis radicumque terræ exstantium cavernis odoratum hoc lignum reperiatur, quod gignitur ex pinguibus ejus partibus, Solis fervore & crebrâ aspersione aquæ marinæ probè excoctis, quas fraudulentis Sinenses aquâ rosacæ & scobe agallochi veri maceratas ita præparare nōrunt, ut imperitis mercatoribus pro legitimo obtrudant.

## §. 5.

Verum & legitimum odore & sapore imprimis dijudicandum. Nascitur in Regno Coi-

nam & rarò ad Europæos defertur, quia in Indiâ majoris est pretii quàm in Europâ. Duplò & triplò argenti pondere redimitur. Est etiam cereæ mollietati, dimidiò auri pondere æstimatum, sed id rarissimum. *vid. Rumphius.* Hujus fragmenta zii. manibus contrectata, inenarrabilem odoris suavitatem super omnia suffimenta spirant. De hōc *Scaliger*: Agallochum nostrum, quod habemus, est odoratum adeò, ut solâ tractatione sine ullò subjectò igne spiret admodum validè, sed jucundè; vocatur Calamba, *Rajus in Histor. Plantar. Tom. II. p. 1808.* Hoc sincerum est præstantissimum, quod cum aurò argenteove persæpe deponderatur, teste *Linscothanò P. 2. Ind. Or. c. 24.* Solùm inter Reges Indiæ distribuitur, asserente *Ludovicò Romanò*, neve illud, quod optimum est, aliis quibuscunque, quim Regibus offeratur, capitis pœnâ interdictum, juxta *G. Hieron. Welschium in M. N. C. D. 2. A. 3. v. 22.*

## §. 6.

Raritatis hujus & caritatis causa, dubito, an difficilis & cum vitæ periculò conjuncta, ob ferocissimas belluas, tigrides maximè & leones, natale ejus solum, olim Indiæ promontorium infestantes, nunc tamen magis habitatum & à bestiis istis liberatum, collectio secundum *Pharmac. August. in Prolegom. c. 2. & t. t. Marxii Material-Kammer. p. 236.* & non potius verius præsumatur à *Paulò Hermannò in Cynosur. Mater. Med. p. m. 107.* quod ex integrâ sæpe arbore, quæ quereu non inferior est magnitudine, vix libra semissis ligni laudabilioris eruatur. Dignum ergo admiratione habetur meritò illud, modò sincerum exstiterit, quod ex Indiis in Hollandiam deportatum erat ann. 1642. pondere centum & ziii, longitudine pedum duorum, latitudine unius minùs zibus. *vid. Wormii Museum L. XVI. p. 166.* & quod Reges Indiæ Orientalis per Legatos suos aliquando Regi Gallæ in vasa lavatoria more suò gentilitiò efformatum, memorante *Pomet. Histoire generale des Drogues l. 3. c. 1. p. 104.* item quod *Lustani Goa* in Japonia incolæ novo Portugalliæ Regi suo, Duci de Breganza, sex pedes longum & duos rotundum, pretio 55000. lb. monetæ Gallicæ, æstimata sæpe unica libra ejus ligni pro 1000. thaleris, donò miserunt à Regibus, longè æstimatissimo, *Tavernier Reise-Beschreibung P. 3. c. 4. p. 67.*

## §. 7.

Illustrat hæc authorum asserta *Andreas Casp. salpinus, Aretinus L. II. c. 27. p. 62.* dicens: Tradit *Ludovicus Romanus in suis navigationibus* in Indiâ Orientali triplex genus arboris ejus haberi: primum, quod ibi Calampart vocatur, optimum vendi in urbe Sarnau, apud quos oritur aureis decem in libras, sed hoc distribui apud Reges ejus loci, non ferri ad nos: Ejus fragmentum zii. manibus contrectatum inenarrabilem suavitatis odorem super omnia suffimenta exhalare; duo alia genera in Insulâ Taprobana haberi



haberi, quorum unum flumine quodam importatur, quod Lubam vocant: alterum Borchor, cujus ortus illis manifestus est: quæ duæ genera ad nos convehuntur. Indum, Mondanum, Seificum, Alcumericum, quatuor scilicet genera, locorum ortus & soli constitutio sui diversitatem saltem important, *Serapio Lib. Impl. c. 197. Paludanus* aliquot se species habere notat, amœnas odore omnes, variatas & maculosas, pinguedine plenas, densas & crassas, ad *Linscott. Histor. Ind. Or. L. 2. c. 24. p. 4.*

## §. 8.

Clarius exprimi nequit, quàm ut cum *Bauhinò in pinace l. c.* ex autoritate *Ludovici Romani & Joh. Linschottani* statuamus tria genera: primum agallochum præstantissimum, aliis verum, genuinum & sincerum dictum, rara avis in terris nostris, Regibus reservatum, Calampart & Calambac Indis: Secundum, agallochum Offinarum, Xyloaloe fissilis, lignum Paradisi, S. Crucis, tarum Aetii, palo d'aquila: Tertium, sylvestre, aquila brava, tarum *Plinii L. 12. c. 20. juxta Dalechampium notis in Plinium.*

## §. 9.

*Jonstonus in Histor. Natur. L. IX. p. 460. seqq.* primum genus deprædicat esse peculiaris arboris, oleæ instar (interdum minoris, quæ nonnisi in Indiâ nascitur, *Garziâ & Linschottanò* testibus) &c. addit *Wormius in Museo Cap. XVI. pag. 166.* fructu piperis modo rotundo & rubente, ligno Thuyæ simili maculato, cortice crasso, versicolore: Ramenta ligni nodosa, densa, subcineritia, maculis nigris, quæ si fricentur, odorem suavem spirant, quale frustum sibi ex Hispaniâ allatum possideret, cum *Dioscor. cap. 21. pag. 15.* Simile Thuyæ ligno, maculatum, odoratum, gustu adstringens, cum quâdam amaritudine, cute verius quam cortice vestitum, aliquantulum versicolore, juxta *Hermannum l. c.* arboris Chinenfis Calambuc interioris medullæ fragmenta lignosa, magnitudine varia, solida, densa, spadicæ, striis aliquando nigricantibus & resinosis conspicua: saporis subacris, amari, aromatici & pinguis, odoris, dum accenditur vel incalescit, fragrantis. Præstat annosum, grave, resinolum, æquale, & si odoris fragrantia & suavitas ingens, à principiò accensionis ad omnimodam consumptionem usque, nullò vel paucò relicto carbone.

## §. 10.

Secundum genus lignum est pectinibus plerumque densis & rectis, quodque transversim sectum quernei ligni pectines æmulatur, partim albicans, durum grave, pingue, & cum quâdam aromaticâ acrimoniâ amaricans, suavem odorem spirans, prunis injectum, bullas agit, totumque sensim colliquescit, flammescit tandem, si sufflandò pergas, præditum venis multis, nonnunquam fuscis amaris & pinguibus, quæ manducatæ ceræ modò lentescabant. Sunt arboris

Calambac affinia fragmenta lignosa, solida, ex fusco rufescentia, striis interdum albicantibus notata, bituminosa, ligno aloës laxiora & crassiora, saporis amaricantis pinguis, odoris debilioris, earundem cum ligno Aloës virtutum, sed gradu longè debiliori. An spurium suprà memoratum *Rumphii*, quale in Europâ sæpe pro verò venditur, arboris excœcantis fœtus supponatur, certum erit criterium, quando prunis inspersum, primum benzoinum, sed mox in nidorosum desinit; *vid. Bonetus Med. Septentr.*

## §. 11.

Tertium genus, sylvestre, in Ceylan Comoria provenit: mirum in modum æmulatur agallochum, inodorum tamen est. *Bauhinus l. c.* etiam hoc statuit odoratum, & inodorum pro aliò ligni genere habet, agallochi æmulò. Quorsum etiam illud, quocum adulteratur tam hoc quam potius secundum, si *Platuario* credendum, lignum quoddam in montibus Almasiæ natum, quod pondere, nodosò habitu, & quâdam aromaticâ vi notas veri refferat.

## §. 12.

Hæc tria aut quatuor ligni genera ut secundum arbores distincta tradita sunt, ita *Valentini in Museo l. c. & Pometus in Histoire des Drogues*, differentiam in partibus, sed unius arboris, oleæ instar, variis positam, eandemque triplicem pariter quærunt: Primum sub cortice, densum, ponderosum, nigrum instar ebeni, ideò à *Lustanis* palo d'aquila (aquilæ lignum) vocatum. Secundum levius, venis multis præditum, quasi corruptum, brunni coloris, appellatum lignum Calambouc, aut purpureum aloës lignum. Tertium est medullaris ejus pars, pretiosum lignum de Tambac aut Calambouc, rarissimum, prout secundum seu medium officinale nostrum & vulgare agallochum foret, primum verò sub nomine asphalathi nonnunquam reperiatur.

## §. 13.

Paucis: Optimum licet in Curiosorum potiùs & Magnatum scriniis reperiatur, rariùs in pharmacopolia transiens: pro melioris tamen notæ lignò haberi & eligi debet, quod est solidum, compactum, ponderosum (ut aquæ impositum fundum petat, *Valentini l. c. & Schurzens Material-Kammer pag. 48.*) suavem si fricetur odorem spirans, ambræ æmulum, sapore aromaticò & subamarò, (aliquamdiu in ore detentum) præditum, nigro-purpureum, insuper quod accensum non adeò promptè flagrat. *vid. Marxii Material-Kammer*, & resinosi humoris plurimum exsudat. Consonant hisce, quæ *Rajus in Hist. Plantarum Tom. 1. pag. 1808.* habet: fragmenta censentur optima, quæ sunt nigro-purpurea, venis cinerei coloris intersecta, amara, ponderosa, liquorem si prunis candentivè ferro imponantur, exudantia, suavem & acidulum fumum, si incenduntur, præben-



na, bullulasque simul post se relinquentia. Improbatur leve, cariosum, albicans, quod flammam statim concipit, vel fractum pulverem dimittit, etiam longò aquarum discursu omni ex parte laceratum, exesum, comminutumque interdum spectatur.

## §. 14.

Distinguitur inter alia ab Asphalathô, quod hoc in ignem coniectum flammam facilius concipiat inque cineres abeat, agallochum autem resinæ instar prunis impositum primò liquecat, antequàm comburatur, & præterea colore ad fuscedinem magis inclinet, *vid. Pharmacop. August. Prolegom. Isagog. cap. 2. pag. 4. Bontius Comment. in Garziam ab Orto cap. 16.* Neque satis est, asphalathum, quod sæpe suaveolentibus unctum reddunt melius agallochô, huic genuino spurium, optimo vile aut corruptum, vero proprium & ejus saltem æmulum aliterve adulteratum substituisse; fucum quoque faciunt ligno oleæ in aqua odoriferâ maceratô, vel cum oleô odoratô postmodum illitô: aut dum resinam ejus cum virtute eliciunt coctione, unde tamen leve, aquæ supernatans atque coloris albicanioris evadit. *vid. Jonston. l. c. Valentin. l. c. Schurzii l. c.*

## §. 15.

Natale solum variæ laudantur Indiæ Orientalis regiones, promontoria Indiæ, à *Dioscoride* India & Arabia, speciatim Regnum Coinam, Tunquin, Calecut, China, Malucca, Ceylan, Pegu, Jonam, Chiambi, Sumatra, *Tavernier Reise-Beschreibung p. 3. c. 4. p. 67. J. Jac. Marxen Material-Kammer p. 236. seq. &*, referente *Patre Kircherô*, optimum & uberrimum Calambanasci in monte Moi, item in provinciis famosis Junnam Chiambi, transmitti ex Tartariæ intimis oris, & in Regnum Sinæ transferri, secundum *du Val Reise-Beschreibung P. I. p. 507.* Ex Sinâ in alias terrarum oras devehuntur. Veneti unum genus nôrunt, quod Alexandriâ habent, ex Arabia delatum. Spurium reperitur in Insulis Amboinis, pariter Indiæ Orientalis, secundum *Rumphium l. c. Sylvestre in Ceylan, Comoria & Tractu Coromandel, juxta Jonstonum l. c.*

## §. 16.

Vires dum scrutamur, non quarimus illas in lacte albô, quò turget lignum aloës spurium, oculis infensissimo excœcante, & cujus quinque guttulæ internæ assumptæ validam cient purgationem, sed simul in gutture urunt; licet etiam ligni ejusmodi schedia minutim conficissa rudi modo per descensum destillatione picis liquidæ instar oleum suppeditent, quod pro scabie & aliis cutis vitiis conducatur, ceu *Rumphius testatur l. c.* Quod si veritati consonat, quam Viro peritissimo derogare oculatoque testi absolum foret, pariter spurio, non autem ex authorum citatorum sententia, & genuino attribuitur ligno, quando *Jonston. l. c.*

scribit: ex relatione *D. Philiberti Vermuthi* lignum hoc lac manat adeò virulentum, ut si oculos incidat, cœcitatem causetur: sin in ullam aliam corporis partem, pustulas excitet, cum inflammet; quod idem de arboris Moncinelli ligno in Indiâ Occidentali traditur. Hoc inquit, *D. Greu*, neque ex ligno interiori, neque de alburno accipiendum est, sed de cortice solo, se enim in nullius arboris ligno vasa lactea hætenus observare meminisse, sed in cortice tantum. Utrum quod *Acta Societ. Reg. Angl. Volum. 1. p. 427. de succo agallochi recenti* pronunciant, esse venenosum, nec sine periculo ab hominibus æque ac brutis usurpari posse, etiam potius de spurio, an vero, sit intelligendum, aliis pensitandum scrutandumque relinquimus.

## §. 17.

Princeps ejus virtus consistit in resinâ, quâ perquam dives est Xyloaloe, subtili, volatili, aromaticâ, suavissimâ, ut ligni aloës libra una quandoque uncias duas resinæ elargiatur, notante *Vielheuer in Beschreibung fremder Materialien, & Ettmüllero in Colleg. Pharmaceut. Schröder. titulo agallochum.* Pollet & resina gratô sale acidô volatili, *le Mort. Pharmac. Medico-Physic. p. 29.* balsamica pingui substantia crassiori & subtili, volatili sulphure suaveolenti, *Zwelfer. Pharmacop. Reg. p. 416. sequ.* Manifestant eandem adhærens ligno pinguedo, quæ semper in lignis resinositatem indicat, ductus venarum & striarum ex nigro splendentium, molities atque fragrantia, facilis incensio, sub quâ bullulæ pingues exudant, & interspersa ubique resina oculis patens. Quid, quod adhuc majus, gummi, de resinositate tali infallibile præbens indicium, adhærens ligni aloës frusto poris ligni exudans, aliquando repertum fuit, cujus sapor ligni, unde exudavit, prorsus similis, color aloës purissimæ lucidæ focotrinæ dictæ; siquidem radiis reflexis spectatum picem referebat: refractis verò inter oculum & lucem suspensum carbunculi instar splendebat, in pulverem redactum apparebat fulvum. Hoc aliudvè simile gummi aromaticam antiquam Hebræorum aloën fuisse, asserit *Vir eruditissimus D. Grevius*, à cujus similitudine vulgaris aloë nomen acceperit, *Jonston. l. c.*

## §. 18.

Accomodatissimum resinosæ huic crassæ æque ac subtilis substantiæ extrahendæ menstruum est spiritus vini & analogi, formicarum, roris marini, ceraforum nigrorum, simplices alii atque compositi appropriati, qui meliores, pro diversâ equidem intentione & respectu ad morbos hos illos, quibus opponere remedium suum discupit Practicus. Ita paratam habebimus cum digestionem & filtrationem optimam essentiam, in guttulis 30. & 40. exhibendam. Hæc sua retribuit contenta, factâ spiritus per alembicum abstractionem, ut maneat in



in fundo extractum resinofum, nonnullis resina dictum, leni igni inspissandum & exsiccatum, subtili quidem sulphure exhalabili privatum, in spiritum aloës seu vini illum transeuntem alembicum facessente, eoque ipsò fere fatuum & debilius essentia, satis tamen adhuc balsamicum, pingue & super prunis benè olens. *Zwelfer. in Pharmacop. Reg. class. 7. p. 13.*

## §. 19.

Quod si aquam, simplicem vel compositam, spirituosam tamen ex parte, aloës virtute imprægnare animus est, imponat segmenta ligni collo alembici, ut exhauriatur cum subtili balsamica etiam fixa resinosa substantia, à quâ ob sui copiam aliquando aqua fiunt albicantes lactæ: quomodo aquas cordiales & cephalicas spirituosas rectè ingreditur. Simplex aquosum menstruum coctione gummosam quandam materiam solvit & aquam constituit, at ipsam potissimum virium expertem, quas de Xyloaloe gloriari solent vulgo: Potentior paululum, si loco aqua simplicis sumatur vinum.

## §. 20.

Egregium hoc lignum præbet oleum fragrantissimum, essentielle æthereum, nativò sapore & odore cum simplici, recipiendo scobem aloës subtilissimam q. v. macera in vase capaci, magnâ cum aqua quantitate dies circiter 14. tum igne moderatò per vesicam cum refrigeratoriò destilletur, & ab aqua oleum separetur, aliquota oleosa particula adhuc divite, in aliquos mitiores usus. Empyreumaticum, sed adustionem redolens necessariò evadet oleum, quòd ex rasura ligni per se, nullâ additâ aquâ, igne nudò, destillatione laterali per descensum, ex retortâ terreâ, aut vitreâ in arenâ propellitur, & à phlegmate acidulo liberandum, ingrati odoris atque saporis, virium quoque calefacientium quidem, non verò roborantium. An verò attingat ætherei statum, nondum experiri licuit, quod *Angelus Sala, citant. Frider. Hoffmannò in Commentar. ad Schræder.* ita parare docet: R. Ligni aloës segmenta q. v. destilla per se, nullâ additâ aquâ, sed saltim particulâ vini spiritus adpersâ, ex retortâ vitrea in segmentis humidis MB. locata, vel etiam igne apertò sine combustione oleum prodibit, secundum *Angeli Sala* sententiam, æthereum. Simile ex spiritu ligni segmentis per descensum, picis liquidæ instar, conficitur, *Bonetus Medic. Septentrional. P. 1. pag. 775.*

## §. 21.

Residuum harum destillationum in spiritum vini superaffusum derivabis aliquale extractum, quod vel illud quoque superiori vi paratum olei destillatis, inprimis saccharò interveniente, combinatum, concentratas possidebit vires; imo residua in cineres combustionem vertantur, qui per elixivationem & lixivii

inspissationem sal exhibent, quod oleo & extracto per triturationem mixtum, promovebit extractionem cum spiritu vel proprio rectificatò, vel vini tartarizatò, aut Tartari Tincturâ, pro essentia Xyloaloes quintâ valde efficaci.

## §. 22.

Excogitatae sunt præparationes tam ad exaltandas vires, quam ægri gratiam, hæc illâ commodiori quàm pulveris formâ aucupandam aut necessitati litandum, hanc illam medicamento consistentiam exposcenti. Nec tamen inusitatus est pulvis ejus ad ðj, quòcum species & trochisci diaxyloaloes componuntur. *Mesue* species cum aromaticis & cordialibus, pro ventriculi, cordis, jecinoris malis frigidis, cordis palpitatione, lypothymiâ, ciendâ latitiâ componit, *vid. Pharmacop. August.* Nobilitat aquas, Anhaltinam, apoplect. *Zwelf.* Heroicam *Timai*, auream *Dareri*, bezoardicam, cephalicam, aromaticam & Anhaltinam, cordialem *Herculis Saxonia*, & temperatam Augustanorum mirabilem &c. De quibus tamen monitum *Danielis Ludovici in Pharmacia Dissert. 1. p. m. 254.* notari meretur, inter tot parabilia non opus esse præstante quidem pretioso ligno aloës, ejusvè essentia, vel concentratori extracto resinoso: aut si quis omninò vel Indorum æmulatione hoc lignum Calambac selectis nostris adjungat, tam prodige tamen temereque in tot incompetenter formulas, epithemata, cucuphas, aquas Xyloaloes aliasque ejus generis compositas, etiam per MB. (cum parum per vesicam & solitarius vini spiritus inde abstractus adhuc minus alteretur) destillari præceptas: item, in tot inutiles hodiè pulveres, species atque trochiscos haud proscindendum esse cogitet.

## §. 23.

Audiendus in admirandarum virium expressione generali *Excell. Wedelius in Exerc. Medico Philolog. Decur. VIII. l. c.* nullum lignum est sub Sole, quantum quidem hucusque noscere est datum, quod hoc (aloës) assequatur, nedum superet, viribus confortativis, ut si arbor vitæ quædam statuenda est superesse, hæc si non vera & genuina, tamen succedanea ipsique quàm proxima, omni meritò suò dici debeat. Habeat sibi *Helmontius* Cedrum vel arborem vitæ *p. m. 633.* omnia, quæ ipsi requirit prædicata, non cedro, sed rectius agallocho conveniunt. Hoc lignum saluberrimum, odorum, balsamicum, ac penè immortale lignum, ex eò hoc medicamentum petendum, plura enim ab ipsò dicta attributa huc referri queunt largò sænore in Xyloaloe reperiunda: est suavitas indicibilis.

## §. 24.

Vi contentorum elementorum balsamicâ, aromatica, amaricante & leve terrestreitate lignum hocce calefacit, siccatur, roborat spiritus



omnes & confortat, subadstringit & consolidat parte fixâ suâ resinosa *Zuvelf. l. c.* confortativum omnium viscerum reverâ primarium: summè proficuum in affectibus frigidis, serosis, catarrhalibus, acidô & viscidô corrigendô, dyscrasiâ sanguinis pituitosa & acida, oscillatoriô vitali humorum motu debili, spirituum torpore, viscerum atonia & levi obstructione, cachexiâ, scorbutô, & simili sanguinis impuritate: speciatim in morbis capitis, cerebrô roborandô, imbecillitate memoriæ, somnolentia, epilepsia, apoplexia: in morbis cordis, lipothymia, palpitatione: in ventriculi imbecillitate, imprimis ob serum intemperie humida, cruditatibus acidis, flatulentis, cardialgia, cholera, dysenteria, lumbricis ascaridibus necandis, fluore albo, passione hyster. ad abortum præcavendum, si lateris jecinorisque dolor excruciat, vel infestant tormina; sistit quoque vomitum & singultum, curat incontinentiam urinæ à spirituum defectu ortam, *vid. Dioscor. l. c. c. 21. p. 15. Amman. de Mat. Med. p. 58.* Ita placet *Hermann. Cynos. Mat. Med.* Salia volatilia resinæ sociata adeò analoga sunt spiritibus nostris, ut inter analeptica & confortativa catholica habeantur, imprimis stomachica, uterina, cephalica, cordialia. Tanquam specificum confortans jungitur appropriatis stomachicis & uterinis.

## §. 25.

Externè in cucuphis præscribitur adversus catarrhos, in epithematibus cordialibus pro lipothymia, in pulveribus Cypriis & insperginibus aliis sudorem compescit, si pulvis cuti aspergatur, *Langius in Operibus Med. l. 1. p. 374.* Accensi fumus naribus attractus recreat arcetque lipothymias, & in passione hysterica graviore excitat, recreat quoque resina ejus naribus odorata, *Ettmüll. l. c.* Experimentô ac quodidianô usu comprobatum est agallochum vel suffitum, vel naribus admotum, mirificâ esse vi in corroborandô cerebrô ac sensibus excitandis, adeò, ut si in pulverem redigatur, admixtis aliquot caryophyllis atque osse de corde cervi, eaque oleo nigellæ commisceantur, eas vires conferre cerebro, ut si galli gallinæ vertex eo oblinatur, cantillare & crocire non desinat: Ex *Lemnio Schenckius l. 1. observat. 13. de memoria p. 75.* Chineses maximè ejus odoratu delectantur, & quò gratior amicus, eò meliorem portionem ei offerunt, *Hermann. l. c.* Manditur, aut decocto os colluitur commendandi halitus gratiâ, ea ratione, quâ quidam hîc avô Moschum quibusdam confessionibus mixtum quotidie mandunt adversus oris graveolentiam, *Dioscorid. l. c. & Petr. Andr. Matthiolus l. 4. Epistol. p. 173.* Mastigatum oris foetorem corrigere, & ejus fumum ore susceptum ciere salivam dicitur, *Schurzii Material-Kammer p. 48.* In monumentis literarum sacrarum de hoc odoramento syavi ligni aloës

legitur, quod meretricula lectulum suum consperferit apud *Salomonem Prov. c. 7. v. 17. Cass. Hoffm. in Opusc. de Medic. officin. p. 116.* Inservit enim communiter suffimigiis, & thuri substituitur in pulveribus fumalibus. Indi ex eo Satrapis & Sacerdotibus defunctis rogam inde struunt, summo & pari honore, quò apud nos marmorea sepulcra celebrantur; underaritas & magnum ejus pretium animas defunctorum Diis acceptas magis reddere hoc ipso student *Bramini, Marxii Material-Kammer p. 236. Vielheueri Beschreibung frembder Materialien p. 21.* Indi odoratissima lavacra inde sibi faciunt aliaque odoramenta in regales præparant usus, *Jonston. l. c. Plutarcho* ad condimenta vini usitatum est, carni putridæ aspersum in forma pulveris, sine omni dolore exedit eam, *Bartholinus de Canter. c. 22.* Ex illo, sed frequentius ex sylvestri, sphaerulæ precatoriæ, odoris jucunditate & pretii magnitudine se commendabiles conficiuntur; fiunt & ex alio ligni genere, quod agallochum æmulatur, sed inodorum est, *Baubinus in pinac. theat. Botan. p. m. 344.* Sylvestre quoque dum ad suffiendum adhibetur, cum inspersum prunis primum quidem benzoinum oleat, sed mox in nidorosum desinat odorem, mixtura unguis odorati corrigit. *Rumph. M. A. N. c. l. c.* edisserit oleum similiter spurii pro scabie & aliis cutis vitiis operam insignem conferre.

## §. 26.

Accuratiorem utendi modum plenius monstrabunt formulæ, hinc inde ab exercitissimis Practicis elaboratæ. Datur per se & in substantia ad ℥j. in decoct. ad ʒj. sed decocta reddit nimis amaricantia, *Hermann. l. supra cit.* In confortandâ memoriâ, virium lapsu, syncope,

℞. extr. lign. al. perl. præparat. ā. ℥j. ambr. gryf. in ☉ cinam solut. gr. vij. ☉ cardam. gt. viij. sacch. cand. ʒj. M. F. Pulv. sumendus ex aquis cephalicis.

℞. Lign. al. corall. rubr. præparat. succin. mastich. præparat ā. ℥β. ambr. gr. iij. M. F. Pulv. adstringens & roborans pro utero, in fluore albo, incontinentia urinæ.

℞. Lign. al. ℥β. theriac. ℥j. ☉ mac. gt. ij. laudan. op. gr. i. M. F. Bolus ad vomit. sistendum, ibidem. Commendatissimam sibi habet *Excell. Wedelius* tincturam oris balsamicam nigram, quæ roboret viscera & aperiat, extemporanea mixtura confectam:

℞. Essent. lign. al. ʒβ. liquor. ☉. gt. vj. M. *Pharmac. acroamat. Lib. II. Sect. V. C. V. p. 515.* Elegantiora alia exhibet in *Compend. Prax. Clin. exemplar.*

℞. Spec. diaxyloal. specif. cephal. rad. ar. præparat. Sapphir. præparat. ā. ʒj. ☉ caryophyll. gtt. ij. M. F. Pulv. in paralyti. *L. I. Cap. XIV. p. 17.*

℞. rad. pæn. chin. sarsapar. ā. ʒβ. herb. beton.



ton. salv. rorismar. pol. montan. chamædr. chamæpyt. origan. flor. stœch. arab. ā. mß. mar. ver. zij. cardam. cub. lign. al. saffr. a. zij. anis. Turcic. zij. castor. ver. ðj. M. l. a. D. ad Ch. pro decocto pugillari.

℞. Tinctur. ♂. balsam. zijj. ~ ⊕ cephal. zij. M. ibid.

℞. Elix. propriet. antiscorbut. essent. carminat. lign. al. a. ðj. essent. cardam. succin. ā. zij. ♂. citr. ver. gtt. ij. M. in vertigine *Caf. X.*

℞. Conserv. fl. pœon. meliss. beton. lil. convall. ā. unc. sem. condit. Zingib. confect. anacard. ā. dr. ij. alkerm. compos. spec. diaxyl. diamargarit. calid. ana dr. j. corall. perl. præparat. ana scrup. essent. ambr. ~ ⊕ li ðj. cephal. ana scrup. sem. syrup. corall. q. v. M. F. Elect. in oblivione simili, *Caf. XI.*

℞. Tinctur. corall. eff. lign. al. arom. ana dr. j. M. in melanchol. hypochondriaca, *Caf. XV.*

℞. Elix. ceph. essent. fumar. compos. tinct. ♂. balsam. ana zij. M. pro eadem, *Caf. XVI.*

℞. Tincturæ corall. ~ ⊕ li cephal. eff. lign. al. ana dr. j. M. in calculo, *Caf. XVII.*

℞. Elect. diacor. de bacc. laur. conserv. cochl. fumar. ā. zij. spec. diambr. diaxyloaloes ā. dr. j. condit. Zing. dr. ij. extract. acor. ver.

Zedoar. ana gran. v. syrup. gran. Cherm. q. v. S. M. Elect. in incubo.

℞. Spec. diarrhod. diacurcum. rad. ar. croc. ♂. aperit. ana scrup. ij. lign. al. ♂. nativ. ana scrup. j. ♂. mac. citr. ver. ana gt. j. M. F. Pulv. in asthmate cachectico, *Caf. XI.*

℞. Elix. propriet. antiscorb. essent. lign. al. ana dr. ij. ~ ⊕ \* optim. gtt. vj. ♂. citr. ver. gt. ij. M.

℞. Tinctur. corall. essent. lign. al. ana dr. ij. M. simpl. rectif. scrup. j. ♂. citr. ver. gt. ij. M. in palpitatione cordis, *Lib. II. Caf. XVI.*

℞. Elix. propriet. antiscorb. essent. absynth. compos. Xyloal. ana dr. ij. ~ ⊕ \* ci gt. vi. ♂. mac. citr. ver. ana gt. j. M. in cachexia, *Caf. XVII.*

℞. Essent. absynth. compos. dr. ij. lign. al. cinamom. ana dr. j. ambr. scrup. β. ol. citr. ver. aurant. ana gtt. j. liquor. ♂. gtt. ij. M. in obstructione lienis cachectica, *ibid.*

℞. Benzoes elect. zij. styrac. calam. dr. x. lign. al. dr. iij. caryophyll. dr. vj. cinamom. elect. dr. ij. lign. cupress. zij. sacchari alb. unc. xiv. cum infusione tragacanth. aqua rosar. fact. F. Pastilli. Et ejusmodi plura *Zuvel. in Pharmacop. Reg. Class. XIII.*

## DISPUTIO III.

DE

## CASIA CINNAMOMEA ET MALABATHRO,

D. JOH. GEORGII DEXBACH.

## §. I.

**O** Nomatologiam Casiæ Cinnamomeæ traditurus, statim video multas hîc occurrere difficultates, quibus Etymologorum non minus, ac Botanicorum animi in varias distrahuntur partes. Quidam enim Casiam Græcis κασίαν, καὶ τὸ κάσαι, ab ornando, dictam esse volunt, quod cæterorum aromatum ornamentum sit; alii κασίαν derivant à Græcorum κάσσυμα, quod corium s. coriaceum integumentum aut corticem notat, qualem Cassiam esse referunt. Rectius me judice, faciunt, qui Casiam ab Hebræorum קַסְיָה, quod abradere & decorticare significat, deducunt, eò quod iste cortex ab arbore Cinnamomifera in multos usus quotannis detrahatur. In Etymologia vocis Cinnamomi non una quoque Autoribus mens est: Errant, tum qui Cinnamomum quasi Chinæ Amomum vocari putant, cum Cinnamomum in China non proveniat, nec ad Amomum referri possit: tum qui idem cum *Caligero* in *Exercit.* 144. deducunt à peregrina vocula Cau, quæ lignum, & nama, dulce signi-

ficet: utrumque enim rejiciunt, & teste *Bodæo à Stapel in not. ad Theophrast. hist. Plant. l. 9. c. 5.* rident LL. Orient. periti, qui Casiam & Cinnamomum à Phœnicia Indicaque voce tuam denominationem accepisse tradunt. Hinc mihi arripet illorum sententia, qui Cinnamomum ab Hebraica vocula קַסְיָה, Latinis canna, & Græcorum ἀμωμον, Amomum, derivandum esse dicunt. A Phœnicibus autem, quos primos literarum inventores fecit *Plinius hist. Nat. l. 7. c. 56.* & *Lucan. Pharsal. l. 3. v. 220.* Hebræos suum קַסְיָה & Græcos vocabulum κιννάμωμον, ac κιννάμωμον habuisse *C. Salmas in Exercit. Plin. fol. 919.* fidenter & probabiliter asserit. Per Cinnamomum Veteres Græci intellexerunt arboris Cinnamomiferae surculos resectos, integros, lignosos, odoratos, & suo adhucdum aromatico cortice tectos, ex quibus ξυλοκιννάμωμον nominârunt eos, qui ξυλῶδες seu lignosiores & robustiores erant, uti per ξυλοκάσιαν, optimam speciem, quæ ξυλική lignosa & suo tecta fuerat cortice. In genere autem sub Casiæ nomine ipsis plerumque venie-



bat cortex arboris Cinnamomiferae tubulatus & in fistulas complicatus, quem κασίαν σύγγα s. Casiam fistulam vocarunt, solo ramorum cortice, absumpto per vermiculos (ut putabant) interiore ligno, constantem. Hanc recentiores nonnulli Græci minus bene κανέλαν & κανέλαν, Latinique rectius cannellam, à canis, quas concavitate sua referunt, appellarunt. Interdum tamen Casiam etiam nuncuparunt furculos integros, Cinnamomum facie, sapore & odore remissiore referentes, quales erant ii, qui *Dioscoridi de M. M. l. 1. c. 12. seq.* βλαστός Μοσυλίτης, & ξυλοκιννάμωμον, *Plinio autem l. c. l. 12. c. 20.* isocinnamon audiunt. Patet hinc Veterum κασίαν & κιννάμωμον ab unius generis arbore fuisse desumptum, & à nostro hodierno Cinnamomo planè non distinctum, nisi quod sub Cinnamomi titulo solidi lignosique arboris furculi, sub Casia verò nomine illorum saltem cortices à Veteribus ut plurimum descripti fuerint, ceu *Salmas. l. c. f. 920.* evidenter demonstravit. Postquam autem seqq. temporibus observatum fuit furculorum lignum inutile esse, solus dein arboris cortex allatus fuit, qualis hodiernum ex Insula Zeylan ad nos transfertur, & Cinnamomum, Cinnamum, Casia Cinnamomea, item Cannella, vernaculè *Zimmet, Zimmet-Rinde, Cannel* vocatur. Arabibus Cinnamomum minus propriè Dar Sini, h. e. lignum Sinense, & κατ' ἐξοχήν, karfe, lignum, item karfe aldar Sini, lignum Cinnamomi, Casia verò Veterum accuratius Selicha seu corticea nominatur, teste *Salmas. in Homonymis Hyles Jatrice c. 94.* Arbor ipsa, quæ Cinnamomum largitur, Casia Cinnamomifera, Casia Cinnamomea. *P. Hermann in catal. Horti Lugd. Bat. cannella Zeylanica, C. Bauhino pin. pag. 408.* Zeylanensibus Cuurdo, teste *G. Pisone Mantiss. Arom. f. 165.* & kurundu referente *P. Hermann. l. 1. a.* vel Corunda gauhañ, ut vult *R. Knox. in relatione historica de Insula Ceylon. l. 1. c. 4.* Germanis *Zimmet-Baum, Cannel-Baum*, nominatur. Præter hanc Casiam Cinnamomeam in nostris officinis alia prostat, quæ à Græcorum Arabumque interpretibus Latino-Barbaris, ob substantiam minus fragilem majoremque duritiem, lignea vocata fuit, & Medicis adhuc dum ita dicitur. Est autem arboris Cinnamomiferae Malabarica aut Javanensis, à priori Zeylanica genere non differentis, cortex lignosior, qui, cum utero singulariter prodesse credatur, à nostratibus *Mutter-Zimmet*, appellatur. Hunc corticem Antiquis sub ξυλοκασίας nomine cognitum, & inter Casia genera descriptum fuisse nullus dubio, quandoquidem folia arboris, quæ corticem istum præbet, constituent Veterem *Malabathrum*, ab Indorum *Tamalapatra* sic dictum, quod Græcis *μαλαβαθρον*, item *φυλλον, φυλλον* *ινδικον*, Arabibus Sadhegi, h. e. *folium*, & Sadhegi Alhendi, s. *folium Indum* audit: quo nomine & Latinis venit, quibus, uti Græcis, ab-

solutè qq. *folium* nuncupatur. Ipsa verò arbor Botanicis Canella Malabarica, Javanensis & Sumatrana à loco natali, incolis verò Carva dicitur, uti refertur in *Horto Malabarico t. 1. f. 107.* Tertia species arboris Cinnamomiferae in loco natali katou karva, *J. Bauhin. hist. Plant. t. f. 151.* Cannella seu Cinnamonum vulgare crassiori cortice *J. Rajo. Hist. Plant. t. 2. f. 1562.* Cannella sylvestris Malabarica, Belgis *vulde Cannel* vocatur, à Malabaræ locis sylvestribus atq; montanis, ubi sine cultu crescit. Cæterum pluribus diversi generis vegetabilibus Casia, Cinnamomi, & Cannellæ nomen est commune, uti *Casia Caryophyllata* Offic. quæ cortex est tubulatus, tenuis & obscurè rufus, saporis ac odoris Caryophyllati, desumptus ab arbore baccifera, flore tetrapetalo, fructu rotundo umbilicato & odorato, geminisque acinis instructo, foliis semper virentibus, quæ in Insula Cuba, Jamaica & Tabasco spontè provenit, ac à *F. Hernandez in Hist. Mexic.* Piper Tavaſci, à *J. Rajo in Hist. plant. t. 2. f. 1507.* Piper Jamaicense, rectius autem ab *Hermann in Colleg. MSS. ad M. M.* Myrtus arborea Americana nominatur, sicque satis à Casia Cinnamomea distinguitur; quemadmodum etiam Casia fistula seu purgatrix *J. Bauhin.* quæ arboris filiquosæ Ægyptiacæ fructus est oblongus, teres, nonnihil incurvatus, sub cortice atro & lignoso, in suis loculamentis pulpam nigricantem & subdulcem, cum nucleis rotundis, depressis, fulvis atque glabris, continens. Hæc cum Casia nostra sæpius confunditur ab indoctis Interpretibus Græcorum atque Arabum, in quorum dispensatoriis ξυλοκασία & φίσκα simpliciter dicta, ut plurimum denotat aromaticam, interdum tamen etiam hanc solutivam, maxime ubi expressè *καθαδαρμήνη*, s. purgatrix cognominatur, aut illius medullæ mentio fit. Casia Poëtarum humiles inter ericas prorepens herba est, Cneoron *Theophrasti* dicta, & ab odoriferis, quos vere profert, flosculis, sine dubio sic nominata, apibusque grata, de qua ita canit *Virgil. l. 4. Georg.*

*Hæc circum Casia virides & olentia latè*

*Serpilla & graviter spirantis copia Thymbra*

*Floreat, irriguumque bibant violaria fontem.*

Casia verò Poëtica Monspeliensium est frutex baccifer monopyrenos, floribus suaveolentibus, Olyris frutescens baccifera *C. Bauhino* dicta, quæ herbæ cum Casia nostra præter odoris gratiam nihil commune habent. Sub Cannellæ tandem albæ Cinnamomi albi & Casia lignæ Jamaicensis titulo in quibusdam Pharmacopoliis prostat cortex lignosus, crassior & tenacior, in longos tubulos contractus, extus cinerea & inæquali cuticula testus, intus pallidus, saporis aeris & aromatici, odoris fragrantis, qui tamen ad Casiam Cinnamomeam non est referendus, quoniam ex diversi generis arbore, baccifera scil. pentapetala & laurifolia, fructu calyculato

tetra-



tetrapyreno, racemoso, in Insula Jamaica colligitur, uti refertur in *Transact. Philos. Angl. n. 192.* Cinnamomum Syriacum *Plinii*, quod Caryopon appellari scribit l. c. ad Cinnamomum non pertinere, & *κώμακον Theophrasti*, fructumque scandentis plantæ racemosum, in Insula Java provenientem, quem cum Arabibus cubebam vocamus, esse, me docuit *Salmasius l. c. f. 923.* Cinnamomum seu Cannellam Peruanam *C. & J. Bauhini* genere distinctam esse arborem à Casia Cinnamomea, satis ostendit fructus parvo pileo similis, seu subrotundus, & depressus, thaleri magnitudine, qui calyce à Suberino, nonnisi magnitudine, & odore saporeque cinnamomeo discrepante, continetur. An autem à *J. Rajo l. c. fol. 1563.* recte *Laurus Americana* odorata, à foliis, quæ habet laurinis, vocetur, dubito. Paucis hîc meminisse lubet avis illius, in Arabia sibi ex cinnamomi surculis nidum struentis, quam *Aristoteles hist. Anim. l. 9. c. 13.* Cinnamomum, *Plinius, hist. Nat. l. 1. c. 33.* Cinnamologum, & *Solin. in Polyhist. c. 34.* Cinnamolgom vocavit, fabulæque Antiquitas credidit subministrare cinnamomum, quod vel ab ipsa hac ave ex nido prodigi, vel plumbatis sagittis decuti, collectumque vendi, ac in alias regiones exportari *Herdotus*, teste prælaudatô *Salmasio l. c. fol. 391.* tradidit. Sed cum in Arabia cinnamomum non proveniat, nec indè transferatur, fictitiam hanc avem esse outo, non secus ac ipsum Phœnicem, quem nonnulli Veterum cum hac volucre confuderunt.

## §. 2.

His præmissis accedo ad descriptionem Caxiæ aromaticæ, quæ triplex est, *Cinnamomea, lignea Offic. & sylvestris.* Cinnamomea est cortex aromaticus, ex flavo rufescens, lignosus, tenuis & fragilis, in diversæ crassitie & longitudinis cannuas contractus, saporis subdulcis, mordentis & cum fervore nonnihil adstringentis, odoris admodum fragrantis, ex arbore Cinnamomifera Ceylanica, pro variis in re Medica & culinaria usibus, collectus. Lignea est priori similis, sed compactior, durior, lignosior, pauloque obscurior ac ferrugineus, in minores tubulos coactus cortex, saporis subdulcis & mucilaginosi, minusque ferventis, odoris qq. languidioris, de arbore cannellifera Malabarica, Javanensi, vel Sumatrana, in usus Medicos detractus. Sylvestris crassior est pollicaris ferme crassitudinis cortex, densus, lignosus, & quasi callosus, foris rugosus, & scaber, cinerea plerumque sua cuticula dhucdum tectus, intus dilutè ferrugineus, & nonnihil contractus, saporis aromatici levioris & magis adstringentis, odoris cinnamomei languidioris, ab arbore Cannellifera sylvestri Malabarica desumptus. Arbor Cinnamomifera radicem habet valde crassam, rectam, altius terræ infixam, & paucis propaginibus semet haud adeò latè diffundentem, cortice foris ex cinereo ruffo, intus rubicundo & casuram vehementer olente tectam, cæterum ligno albo atque solido nullius

odoris constantem. Ex hac truncus mediocris altitudinis & crassitie, instar ceraforum nostratum, imò si arbor vetustior fuerit, ejus amplitudinis, quam quis uno brachio vix complecti queat, assurgit, multis erectis firmisque ramis brachiatus, & libro circumdatus crasso, extus ruffo cinereo, intus in fusco rubescente ac suaveolente, cui subest lignum album, solidum & inodorum. Extremi ramorum surculi, tenuiore & fragrantiore viridique cute vestiti, foliis ornantur ex adverso binis, speciosis, semper virentibus, rigidiusculis, oblongo rotundis, & in extremitate paululum acuminatis, cum novella & teneriora sunt, hepatico colore tinctis, ubi verò ad justam magnitudinem pervenerint, supernè diluto virore nitentibus & subtus pallidioribus, spithamam longis, & palmam ferè latis, odoris caryophyllati ac saporis aromatici. Marginem horum foliorum tenuis & albicans præcingit nervus, è brevi, striato & semipollicari illorum pediculo prodiens, è quo tres simul egrediuntur costæ, ex viridi flavescentes, & in averfa foliorum parte magis prominentes, quarum media crassior est, & recta per foliorum longitudinem excurrit, laterales autem paululum inflexæ, tandem cum media in extremo junguntur, & in suo ductu quamplurimos ad latera dimittunt ramulos, qui tortuosis suis propaginibus elegans vasorum succiferorum rete effingunt, cujus interstitiola magnus vesicularum membranacearum, seu utriculorum, fragranti humore turgidorum, numerus occupat. Flores summis sutculis, in laxiores racemulos expansis, & viridi cuticula tectis, parvulorum & dilutè virentium petiolorum intermedio insident exigui, stellati, monopetali, & in sex lacinas, oblongis ac rotundis suis oris versus anteriora nonnihil contractas, dissecti, ex viridi albicantes, & lilia convallium odore referentes. In horum medio duplex staminum conspicitur series, quorum exterior ordo sex habet ex viridi transparentia, & planis latiusculisque suis capitulis prominentia: interior fovet tandem minora & tenuiora, flavis apicibus donata, quibus in eadem serie tria alia exterioribus similia paribus intervallis adstant, centrum occupante stylo tenui ac viridi, cujus superna pars nigricans paululum hiat, inferna autem viridis & ovalis in sexangulari calyculo latitat, & futuri fructus rudimentum est, quod sensim incrementa capit, & tandem in glandem avellanæ magnitudine abit, cortice tectam fragili primò, ex viridi fusco, albis maculis consperso, dein per maturitatem obscurè cœruleo, glabro atque nitido, qui sub pulpa unctuosâ viridi, aromatico acri & subamara, continet nucleum oblongo rotundum, pellicula tenui obductum, lævem, ex rubro cœrulescentem, instar glandis bifidum, solidum, & oleosum, odoris fragrantis debilioris, saporis ad baccas juniperi accedentis. Hæc arbor in sola Insula Zeylan copiosè provenit, & per deci-



deciduas glandes sua spontè propagatur, integrasque sylvas facit, mense Januario florens, & Augusto fructus maturos ferens, teste *R. Knox. l. c.* Iconem arboris accuratiorē nobis dedit *P. Hermann. in Cat. H. L. B. p. 655. seqq.* *Cannella Malabarica seu Javanensis, aut Sumatrana*, quæ *Casiam ligneam* & *Malabathrum* subministrat, Zeilanicæ per omnia ferè similis est, nisi quod corticem proferat densiorem & rubicundiorē, odoris languidi & saporis mucilaginosi, minusque acris Cinnamomei, qualis etiam in foliis *Malabathrum Offic.* constituentibus, deprehenditur. Crescit sua spontè in Regno Malabar, & Insulis Sumatra, Java, ac Philippinis, ubi eodem tempore, quo Zeilanica floret, & fructus maturos profert. Exactè describitur ac delineatur in *Hort. Malab. t. 1. f. 107. tab. 57.* *Cannella sylvestris Malabarica*, quæ *katou karva* vocatur, in allegati *Horti Malabarici t. 5. f. 103. & tab. 53.* depingitur, prioribus arboribus non quidem dissimilis, sed major & altior est, foliis prædita trinerveis grandioribus, duas spithamas longis, & binas palmas latis, flosculis in summitatibus ramulorum, velut in umbellas expansis, parvis, ex viridi candicantibus, inodoris & pentapetaloidibus, quorum medium exornant quinque brevia & viridia stammula, ex viridi flavescentibus apicibus instructa, & circa parvulum glabrumque stylum ludentia; flosculis deciduis succedunt fructus minores, subrotundi & calyculati, ad ribium nostratum magnitudinem accedentes. In Regni Malabarici provinciis Berkencour, Teckencour, & aliis vicinis frequentissima est hæc arbor, & illis in locis montanis ac sylvestribus semper viret diuque perennat, Julio & Augusto mense floribus, Decembri verò & Januario fructibus maturis onusta. Ex præmissis satis, ut opinor, patet, arbores Cannelliferas ob nucleum, quem producunt, bifidum, durum, atque pinguem, fragili nitidoque cortice obductum & calyculatum, jure meritò à modernis Botanicis ad glandiferas, & quidem (ob perpetuam frondem) semper virentes referri, à congeneribus autem rectè distingui foliis ex adverso binis, trinerveis, & flosculis monopetalis, in quinque vel sex lacinias divisis, summos caules occupantibus, nec non cortice trunci ac ramorum cinnamomeo.

## §. 3.

Hæc nota generica differt arbor Cannellifera à *Casia Caryophyllata*, solutiva, seu fistula purgatrice, lignea Jamaicensi, & duplici Poëtarum, ceu jam in §. 1. ostendi, nec non à *Muiva Brasiliensium*, *G. Marggraff. in Hist. rer. nat. Bras. l. 3. f. 117.* arbore racemosa Brasilianna *J. Breynii cent. 1. Exotic. f. 3.* ac lauro vulgari atque Indica *T. Aldini seu Regia Horti Paris. Reg.* (quæ corticem, *Casiam* odore & sapore referentem, habet, & in *Novell. Reipubl.*

*literar. anni 1684. mense Novembr.* pro arbore Cannellifera perperam describitur, sed error in seq. corrigunt) ut & Americana odorata, quæ à *C. & J. Baubini* Canella Peruana fructu pileo simili minus bene nominatur, quia fructu pileato & foliis laurinis à *Casia* nostra differt. Qui igitur arborem Cinnamomiferam laurum Zeilanicam baccis calyculatis vocant, à verò longè aberrant; & hinc etiam præcitatus *Herm.* qui hujus olim opinionis erat (ut ex illius literis ex Zeylan ad *A. Syen.* datis liquet) animi sententiam postea mutavit in *Cat. Horti B. L.* *Casiam Cinnamomeam* peculiaris generis arborem fecit, integram illius & specierum subalternarum, quas ipse in Oriente conspexit, Historiam in Museo, quod promiserat, Zeilanico deinceps daturus, si per præmatura facta licuisset. Quamvis autem desideratissimo hoc opere nunc destituantur Botanophyli, grata tamen mente fatentur se *Casie Cannelliferae* descriptionem exactiorem, quam habent, potissimum debere industriæ Celeberrimi hujus viri, qui jam ante hos XX. & quod excurrit annos istius arboris furculos aliquoties ex Zeylan in Belgium transmisit, ubi ad secundum tertiumve annum in celebrioribus hortis viguerunt, donec incidente rigidiori bruma interierint. Quo autem modo arbores Cannelliferae ex loco natali ad nos transferri vel ex fructu maturo propagari, foveri & hyemali tempore à frigore præservari debeant, docet *A. Munting. Nauwkeurige Beschreyving der Aardgevvassen, f. 121. seqq.* Differentia specifica, qua arbores Cinnamomiferae inter se dignoscuntur, petenda est tam ab illarum loco natali, quam à foliorum, florum atque fructuum ipsorumque corticum diversitate, quæ ex præmissa triplicis *Casie Cinnamomeae* descriptione satis superque patet. Qui autem fiat, ut Cannella in Zeylan penetrantiorē vim aromaticam obtineat, quam in *Malabar. Java, Sumatra, & Philippinis Insulis*, determinatu haud adeò facile est; quamvis hoc à poli solique diversitate deducendum esse putem cum *A. Cleyero* in *M. N. C. d. 2. a. 4. obs. 6.* An verò in plaga meridionali & occidentali Insulae Zeylan, ubi haud procul ab urbe *Columbo* atque *Galos, Castroque Negumbo* integræ *Casie Cinnamomiferae* sylvæ perpetua fronde virent, major Solis fervor & subtilior aër oleaginosum istarum arborum succum magis attenuet atque resolvat, ut inhærens sal volatile aromaticam suam activitatem hinc liberius exerere possit, an verò benignior terra nutrimentum defæcatius his arboribus suffundat, aliis quibus prædictæ Insulae proprietates magis perspectæ sunt, dijudicandum relinquo. Cæterum Veteres Cinnamomum in varia distribuerunt genera, quorum duo recensuit *Theophrastus l. c.* & quinque *Dioscorides l. 2.* ubi primum, quod nigrum, ex vinoso cinereum, lave, tenuibus,

fre-



### DISP. III. DE CINNAMOM. ET MALABATHRO. 601

frequentibusque ramulis cinctum jucundè olet, & gustu acre atque mordens est, Mosyliticum ab Æthiopiæ promontorio & emporio Mosylo, quò olim deferabatur, nuncupavit: alterum crassum, pumilum & admodum fulvescens, à loco natali, montanum appellavit: tertium suaveolens, nigrum & fruticosum, paucis intercedentibus geniculis: quartum fungosum, candicans aspectu, tuberosum vile ac friabile, magna Casiam æmulante radice: quintum odore nares feriens, suffructum, & cortice fulvæ cassiæ simile, tangenti firmum, minus nervosum, & densa radice præditum esse retulit. Casiam verò cap. 12. in sex genera subdivisit, quorum primum crassum, purpureum & nigricans, rosæ odore, ζίζυγ (Galeno l. 1. de antidotis γίζυγ) cognominatum, præcipui in Medicina usus esse: secundum fulvescens pulchri coloris, corallii æmulum, perquam angustum, longum, crassum & fistulosum, gustu mordens, ac cum aliquali fervore adstringens, aromaticum, vinosi odoris, incolis Ἀχυν & Alexandriæ mercatoribus Δαφνίτιν dici: tertium Mosyliticum surculum: quartum, quod nigrum, insuave, cortice tenui acrimoso Ασύφην: quintum atque sextum Δάρεα & νιτῶ barbaris nominibus vocitari commemoravit, hacque tam obscurè proposuit, ut Botanici etiamnum dubitent, an prædicta Cassiæ Cinnamomique genera omnia ex arboribus Cannelliferis suprâ descriptis petita fuerint? imò alii cum Matthiolo in not. ad Dioscoridem l. c. putent nos cinnamomo Veterum prorsus carere. Potuit quidem Cassia ab una eademque arbore Cannellifera, sed diversis illius partibus, trunco scilicet ramis crassioribus & tenuibus virgultis detracta, nec non majori vel minori cura exsiccata differentem habuisse crassitiem, colorem, saporem & odorem, sed idem de Cinnamomo dici nequit, quoniam hoc ex integris Cassiæ Cinnamomæ surculis constabat, ut perspicuè demonstravit Salmasius in Exercit. Plin. l. a. Unde conjicio Veteres suum cinnamomum non ex sola arbore Cannellifera Zeylanica, sed & Malabarica, Sumatranæ atque Javanensi desumpsisse, & hinc Cassiæ ac Cinnamomi nomine sæpius confudisse, id quod satis patet ex Galeno, qui l. c. refert se summos Cassiæ surculos vidisse Cinnamomo pariter forma, cortice, sapore & odore, quibus deceptus fidenter nimis asseruit Cassiam in Cinnamomum mutari. Et hic Galeni lapsus vel solus sufficiens comprobatur Veterum Cassiam ac Cinnamomum ab ejusdem generis arbore petitum, & illam quidem corticem, hoc verò solidos surculos, summa virgulta, aut teneros stolonos fuisse, à Cassiæ Cinnamomiferæ radice divulsos, veluti hoc ex præmissa descriptione Dioscorideæ generum Cassiæ ac Cinnamomi facile colligitur. Inter hæc recensita genera etiam Cassiam ligneam nostram, sub ξυλοκινναμώμῃ & ξυλοκασίας titulo, à Veteribus fuisse descriptam, ve-

ro consentaneum mihi videtur, maximè si considero ea, quæ Dioscorides c. 13. de Xylocinnamomo tradidit, cum Cassia lignea satis convenientia. Accedit, quod Veterum Malabathrum ab eadem arbore, quæ Cassiam ligneam subministrat, desumptum fuerit. Hoc quidem Scriptores Græci cum folio Betel, quod Arabes Tembul vocant, confuderunt, & Μαλαβάθρον σφαίριον dixerunt, à sphaerica foliorum convolutorum figura, qua deceptus Plinius l. 12. c. 26. Malabathri arborem convoluto folio esse malè retulit, quandoquidem ista folia, quæ sub sphaerica forma olim ex India adferebantur, non ex arbore, sed planta, convolvulorum instar scandente, Betel, fuerint decerpta, & crassioribus fibris ungue demptis, in majores & minores pilulas, pro varia foliorum magnitudine, adpersa calce & Arecca conglobata, qualia hodiernum apud Indos præparantur & in deliciis habentur. Hæc folia nigricant, scabra sunt, & quodam salis gustu, ita scribente Plinio l. a. Malabathrum autem, teste Dioscoride c. 11. ex candido nigricat, suavi sapore & odore, Nardum referens, integrum, nec fragile, nec salsum, quod collectum statim lino transuitur & siccatum reconditur: ex quibus satis pater, distinctum esse Betel ab Antiquorum Malabathro, quod Cannellæ Malabaricæ folium esse sufficienter comprobant hujus arboris rami cum foliis & fructibus, sæpius in Europam, teste Clusio in Exot. & aliis pluribus translati, & in Matthioli operibus f. m. 44. perperam ramis arboris Caryophylliferæ adpicti: imò tot fide digni & oculari testes in Malabar cannellam sylvestrem, Malabathrum proferentem viderunt. Malè igitur à Dioscoride l. c. refertur Malabathrum lentis aquaticæ modo Indiæ paludibus innatare, sine ulla radice, & à Plinio arboribus Syriæ innasce foliis convolutis, ab aliis Nardi Indici folium esse, quod Curiosorum autopsiæ repugnat.

#### §. 4.

Priscis temporibus Cinnamomum magno in pretio erat & auro carius, quoniam ex arboris Cannelliferæ summis & tenuibus surculis, ad palmi longitudinem resectis, ut plurimum constabat, & è locis valde remotis afferebatur, non sine fabulosa variarum difficultatum, quas illius collectores subire cogerentur, traditione, de qua videatur Theophrastus l. a. & Plinius l. 12. c. 19. ubi Arabiam felicem & Æthiopiam regionem κινναμοφόρον esse falsò referunt. Ob hanc cinnamomi raritatem & caritatem illius arbores atque radices, capsis ligneis inclusæ, olim ab Imperatoribus Romanis inter alia pretiosa repositæ fuerunt, teste Galeno l. c. & Plinio, qui d. l. commemorat vidisse se in Palatii templo, quod Divo Augusto fecerat Conjux Augusta, radicem cinnamomi magni ponderis, ex qua guttæ editæ quotannis in grana durabantur, Casuram sine dubio referentia, qualem subinde Cinnamomiferæ arboris radices per corti-



cis tubulos, sub guttarum oleosarum, sensim in salis candidi grana coëuntium, forma emittunt. Casia duplo minus olim erat pretium, quam efficacioris Cinnamomi, cuius una pars Casia duabus æquiparata fuit, sive quod καστα ούρις è locis minus dissitis, Malabar, sc. Sumatra, & Java & Philippinis Insulis allata, sylvestris Cannellæ cortex ignobilior & minus aromaticus fuerit, sive quod de arboris Cinnamomiferæ Zeilanicæ majoribus ramis detracta eam, quam tenerior summorum furculorum cortex habet, efficaciam non habuerit. Utrumque fieri potuisse, Casiamque Veterum ex quavis arbore Cannellifera collectam fuisse, persuadent diversa illius genera, supra descripta, quæ ab unius speciei arbore non poterant desumi.

## §. 5.

Quod colligendi modum attinet, pro fictio habeo eum, quem Veteribus usitatum fuisse Theophrastus l. a. & ex eo plures alii referunt, Casia sc. furculos longitudine duorum digitorum, aut paulò majores, abscissos, quod decorticari nullo modo possent, recenti bovis corio cinctos & circumfutos fuisse, ex quo dein vermiculi progeniti lignum omne absumperint, cortice ob amaritudinem & odoris acrimoniam intacto. Quin potius credo Præcorum modum Casiam & Cinnamomum colligendi haud adeò dissimilem fuisse ab hodierno, qui in Zeylan, Malabar, & cæteris locis Cinnamomiferis etiamnum obtinet, & communiter ita describitur: Arboribus trium vel quatuor annorum efflorescentibus cortex, tunc temporis fragrantior & succulentior, proptereaque facilius secedens, in trunco & majoribus ramis, cultro falciformi, quo prius abraditur extima cutis candicans, inciditur, in oblongas quadrangulares laminas dividitur, & postea detractus (arbore novum corticem sensim induente, si hic ex una saltem trunci ramorumque parte desumptus fuit, & marcescente, ubi omni cortice spoliata fuerit,) sub Solis radiis, vel in umbra siccat, unde in diversæ crassitudinis tubulos sua sponte coit, & hac forma ad nos per mare ingenti copia transfertur. Cannellæ sylvestris, katou karva vocata, cortex crassior rarò nunc in Europam mittitur, quia Cinnamomo Zeylanico & Casia lignea viribus longè cedit. In Curiosorum Museis tamen adhucdum reperitur. Pretium Cannellæ admodum variat apud nos: Etenim quæ de arboribus aliquot annorum desumpta, tenerior est, & sollicitè siccata, subtiliore sale volatili oleoso, penetrantiorque hinc sapore ac odore pollet, sub Cinnamomi fini nomine, majori venit pretio, quam de annosis arboribus avulsus cortex crassior, lignosior & languidior, vel per sinistram exsiccationem aut diuturnam asservationem, potiori suo sale atque sulphure aromatico privatus, aliove modo exhaustus, qui vulgare Cinnamomum audit. Diu quidem & juxta Galenum l. c. ad XXX. usque annum inte-

ger manet cortex Cinnamomeus, si ab aëre externo (qui suo afflatu continuo divaporabiles illius particulas paulatim absumit) defenditur, in quem finem aromatarii Cannellam piperis rotundi cumulis recondunt, quo tamen modo asservata suum saporem aliquando recuperat, uti hoc observavit ac commemoravit D. Ludovici in M. N. C. d. 1. a. 4. & 5. observ. 202. Causam periodicæ hujus variationis vigoris in Cinnamomo, attribuo aëri humido, qui cum condensatis piperis effluviis Cinnamomi sal & sulphur activum ita ligat & obvolvitur, ut hoc nec odore, nec sapore se prodere queat, donec à rarefacto rursus aëre pristini juris fiat. Non enim dissipatum aut deperditum, sed suppressum saltem esse volatile hujus Cinnamomi sal, indicat aqua ex illo vi ignis prolecta, quæ Cinnamomeæ stillatitiæ nihilo est deterior. Ex arbore Cannellifera, Malabaris karva dicta, folia, cum ad justam magnitudinem pervenerunt, olim colligebantur, & in fasciculos consuta atque siccata sub Malabathri titulo in exterarum regiones transvehantur, ubi pro Medicis usibus recens collecta, integra, dilute viridia, odoris fragrantis & saporis aromatici, deligebantur, hodie verò rariùs ad nos mittuntur in tanta aromatum & ipsius Cannellæ abundantia. Quæ verò in nostris officinis hodiernum inveniuntur, ex accidenti ibidem plerumque prostant, quoniam his Cannellæ Malabaricæ foliis majores gummatum, ex Oriente allatorum, & nominatim Benzoini glebæ, ne facile colliquescant, in loco natali, priusquam transferantur, obteguntur, & sic ad nostras manus perveniunt. Medicis tamen usibus non amplius destinantur, & in confectioe medicamentorum compositorum, quibus, ad veterum præscriptum, Malabathrum est addendum, Casia lignea, vel, quod præstat, Cinnamomea, ut optimum illius succedaneum, assumitur, quoniam hæc cum illo magis convenit, quam macis, radix Cyperi, Spica Nardus, & alia, quæ in Malabathri locum substitui solent.

## §. 6.

Probatur Casia, quæ recens collecta, & ad nos transvecta, tenuis, coloris rufescentis, odoris aromatici, saporis acris & ferventis est: Speciatim autem Cinnamomum bonæ notæ habetur, quod foris ex flavo rufescit, & intrus paulò obscuriore colore tinctum est, glabrum, fractu facile, fragrans & gustu mordens. Casia lignea laudatur, quæ in minores tubulos convoluta magis purpureat, tenuis, fragilis, odorata, acris est, subdulcem ac mucilaginosam in ore saporem relinquens. Rejicitur uterque cortex, si crassior, lignosior, fractu difficilis, ex fusco nigricans, situ vel prævia coctione, aut destillatione viribus orbatus, nullius ferè saporis ac odoris est. Apud Veteres Cinnamomum in furculis optimum fuit, quod ex arboris summitatibus desumptum palmaris erat longitudinis, colo-



coloris, ut refert *Galenus l.c.* leucophæi, in cœruleum quadantenus vergentis, (cujus solet esse cortex summorum virgultorum arboris Cannelliferæ, sua adhucdum cuticula tectorum & exsiccatorum) odoris aromatici fragrantissimi. Casia verò in tubulis selecta fuit, quæ colore purpureo, sapore & odore aromatico tenui ac remissiore se commendabat. Olim adulterabatur Casia intermixta *Pseudocasia*, quæ teste *Dioscoride l.c.* Casiæ quidem similis, sed medullosus, nec acris, nec odoratus cortex fuit, qualis est crassior ex Cannella sylvestri Malabarica desumptus. Cinnamomum verò additis Casiæ, styraeis, & lauri surculis, referente *Plinio l. 12. c. 20.* Hodie cinnamomum à mangonibus fraudulenter miscetur cum Casia lignea, quæ quadruplo minoris ordinariò constat, vel, cum cinnamomo, prævia coctione aut destillatione exhausto, quo etiam cinnamomi pollen sæpissime corrumpitur. Fraus autem ista solo gustu vel odore faciliè detegitur.

## §. 7.

Antequam qualitates & effectus Casiæ Cinnamomiferæ exponam, lubet prius illius texturam accuratius inspicere, & ex quibus partibus compositus sit noster cortex, paucis recensere, ut ea, quæ proponenda restant, faciliùs intelligantur. Quemadmodum autem omnis arborum cortex ex innumeris vesiculis membranaceis, subrotundis, & transparentibus, vario humore turgidis & subjectis, quibus adhærent, fibris succiferis & aerivehis componuntur, ita etiam triplex Casia Cinnamomea, microscopio examinata, apparet, foris ex quamplurimis componi vesiculis, seu utriculis talibus, qui ab extrema cuticula derafa relictæ ac exinaniti, substratos habent multiplices vasorum succiferorum, laxius per fasciculos cohærentium, hisque interpositarum trachearum seu fistularum aëriducarum ordines, per corticis longitudinem productos, & argenteo splendore nitentes, quorum interstitiolaréplent alii utriculi, condensato humore resinoso, coloris rubinei transparentis & odoris admodum fragrantis, semirepleti, quales etiam, sed numero plures, argenteis adsunt vasculis rufescentis illius pelliculæ, qua interior Casiæ Cinnamomeæ pars obducitur. Et cum pelliculæ hujus utriculi ita sibi invicem inhærere videantur, ut oblongos constituent ductus, sub ferruginearum striarum forma, in Cinnamomi superficie interiore nudis etiam oculis conspicuos, hos ipsos pro vasis resiniferis habui, quibus salino sulphureus humor sub cortice ad folia, flores atque fructus defertur, & in harum partium utriculos deponitur, ubi subtilior ejus pars, Solis calore in tenues vapores resoluta, sensim exhalat, reliqua verò minùs dissipabilis salino gummea restat, & in rubineam, fragrantem & aromaticam resinam condensatur, quæ copiosius in Cinnamomo, parcius in Casia lignea, & omnium parciissimè in Cannella crassio-

ri s. sylvestri reperitur. Ab hujus excocti humoris diffilabili parte deducenda est admiranda Casiæ Cannelliferæ fragrantia, quæ sese non solum per totam Insulam Zeylan extendit, sed etiam spirantibus ventis apogæis per mare longè latèque diffundit, adeò ut navigantes cinnamomi odorem etiam sex vel octo milliaribus à littore percipiant, teste *Jurgen Andersen Orient. Reiß-Beschreib. l. 2. c. 11.* A restite verò humoris prædicti resinosa parte derivandus est gratissimus sapor, quem linguæ nostræ imprimit cinnamomum penetrantiori suo sale, subtili sulphure mixto, quod gummea mucilagine obvolutum est in Casia lignea, quæ proin degustata linguam blandius afficit, & quendam dulcedinis sensum post se relinquit, uti Cannella sylvestris sale suo pluribus particulis terreisimplicato, gustus organum superficietenus saltem tangit atque ita saporem aromaticum leviozem, & magis adstringentem producit. Ex his satis, ut opinor, elucescit, Casiæ Cinnamomeæ qualitates & effectus potissimum dependere à sale volatili sulphureo, seu oleoso, ab adhærentibus mucilaginosi, seu gummeis & crassioribus terreis, paucissimisque salinis acidis fixis (quæ omnes cortices cum ligno gaudent) partibus plus minusve ligato, cujus respectu Cinnamomum calidum in tertio, & siccum in secundo (aliis calidum & siccum in tertio) gradu dicitur, & propterea humores lentos potentiùs attenuare, obstructos vasorum ductus aperire, putredini resistere & cephalicum & alexipharmacum esse perhibetur. Casia verò lignea iisdem qualitatibus imbuta creditur: & denique cum Casia sylvestri. Malabathrum, quod minus aromaticæ resinæ continet, calidum in primo, ac siccum in secundo gradu communiter habetur. Sed quis non videt, infimo hæc omnia, quæ de gradibus afferuntur, niti fundamento, quod illico corrui, si qualitates illas paulò exactiùs perpendimus, & cum corticum istorum foliorumque viribus, quas in nobis habent, conferimus? Calidum in se esse cinnamomum nego, & tale saltem intuitu nostri corporis esse credo, pro cujus constitutione diversa varios effectus sæpissime producit, & hinc in uno & eodem gradu suum calorem non in omnibus exerit. Idem judicandum de cæteris illius qualitatibus, tam primis, quam secundis, &c. Manifestus quoque error est, quando eadem efficacia attribuitur Casiæ lignæ, ac cinnamomo, quod tamen omnium judicio, saporis & odoris est penetrantioris, proptereaque subtiliori sale atque sulphure gaudet. Mihi videtur cinnamomum sale volatili oleoso, multis partibus terreis, & paucioribus mucilagineis, paucissimisque acidis fixis implicato constare, & eodem in nobis spiritus exsuscitare, humores commovere, ac solidarum partium fibras roborare, hocque modo calefacere, aperire, attenuare, discutere, & præcipuè languentis stomachi atque uteri tonum firmare, viresque labefactas in-



staurare. Casia verò lignea consimili suo sale atque sulphure aromatico, copiosiore tamen mulcilagine velut obducto, in corpore humano paulò remissius agit, & ubi modicè calefaciendum, aperiendum, resolvendum, confortandum, locum invenit, dulci mucagine simul humorum actimoniam obtundens. At Casia sylvestris crassior, præpollente sua substantia terrea, pauciori sale volatili oleoso imbuta, magis adstringit, & minus attenuat atque resolvit, unde prioribus Casiæ generibus meritò cedit, ac apud nos rarissimè prostat. Malabathrum, quia Cinnamomum odore ac sapore refert, huius potius, quàm *Spica Nardi* s. *Indicæ*, vim & efficaciam, sed, ob parcius sal & sulphur volatile, remissorem habet, atque ita iisdem ferme usibus, quibus Casia lignea, inservire possit, nisi præstantioris Cinnamomi copia faceret, ut utroque faciliè carere queamus. Nullam enim video necessitatem, quæ usum Casiæ lignæ omnino requirat, si Cinnamomum in promptu est, quicquid alii dicant, qui Casiæ lignæ singularem in morbis uterinis virtutem, gratis attribunt.

## §. 8.

Prius autem, quam Casiæ Cinnamomeæ ac Malabathri facultates singulas, quas in corpore humano exerunt, ordine recenseâ, placet omnia medicamenta ex illis parata & in officinis pharmaceuticis usualia, commemorare, ut ea, quæ de iisdem in seq. traduntur, hinc clariora fiant. Prostant autem in pharmacopoliis *Cinnamomi Aqua destillata simplex & composita, Tinctura s. Essentia, Syrupus, Confectio mollis, & saccharata sicca, Oleum stillatitium, Balsamum, Elaeosaccharum, Species, Sal fixum & volatile oleosum*, de quorum præparandi modo pauca hic monenda sunt. *Aqua destillata simplex* fit ex Cinnamomo acuto in minima frustula diffracto, & vino per triduum infuso, posteaque ex cucurbita vitrea in arena destillato: quo modo etiam *Aqua Cinnamomi hordeata* obtinetur, si loco vini sumitur decoctum hordei tenuius, cui tamen, si aqua Cinnamomi minus spirituosâ desideratur, simplicem fontanam præferrem, vel saltem aquam Cannellæ vinosam ex tempore aqua buglossi vel borraginis diluerem, ut sic laborum fiat compendium. *Aqua composita*, & quidem *Cydoniata*, ex Cinnamomi libra dimidia in succi cydoniorum recens expressi & per spontaneam subsidentiam depurati tribus vel quatuor per aliquot dies macerata, ac dein ex cucurbita vitrea destillata conficitur, in fundo restite succo condensato, qui elegantem syrupum Cinnamomi cydoniatum sistit, teste *Wedelio in Pharm. pag. 68.* Ex Cannella, in aqua quatuor florum cordialium aliquandiu infusa, per destillationem fit *Aqua Cinnamomi cordialis Augustanorum*, quæ cuivis buglossatæ vel borraginatæ, seorsim cum harum plantarum succis præparatæ, est anteferenda. Ex floribus recentibus Casiæ Cinnamo-

mæ Cyngalenses aquam destillant fragrantem, quæ cochleatim hausta analepticum & stomachicum est gratissimum. *Tinctura*, alias *Elixir* seu *Essentia* dicta, ex Cinnamomi fragmentis *SVR* in vase probè clauso infusis, per digestinem fit, & post colaturam usus tempore oleo destillato proprio exaltari, vel Essentia ambre sicca specificari, syrupove Cannellæ dulcificari pro lubitu potest. *Syrupus* è Cinnamomo crassiusculè pulverisato, & stillatitiæ illius aquæ, rosacea dilutæ, per XXIV. horas in loco calido infuso, & filtrato liquore dein cum saccharo clarificato ac sufficienter inspissato super igne celeri manu permixto paratur: cuius tamen locum in selectu M. M. supplere potest *Syrupus Cinnamomi Cydoniatus*, qui in aquæ destillatione simul atque gratus habetur. Uterque autem medicamenti cephalicis, cardiacis, atque stomachicis ad gratiam superadditur. *Confectio de Cinnamomo Regia Pharm. Norib.* ex Succolada Indica, Nuce Moschata in India condita, confectio alhermes completa, Essentia ambre sicca, oleo destillato Cinnamomi & rosarum, additis auri foliis concinnata, non ubique venalis prostat, & rectius ex tempore componitur, ne vires per diutinam asservationem dissipentur. *Confectio Cinnamomi sicca* nil nisi illius frustula sunt, saccharo incrustata, quæ inter bellaria referuntur. *Oleum destillatum* ex Cinnamomi aqua simplici, paulò fortiori igne prolecta, vel à novo cortice bis vel ter abstracta, aut etiam è Cannella vino conspersa, per destillationem ex retorta habetur, quod vel subtilius est & æthereum dicitur, quia aquæ spirituosæ, quacum prodit, innatat, vel crassius in quo major salis copia est, ob quam subsidet & vasis fundum petit. Hoc sal volatile tractu temporis in oleo Cinnamomi conerescit in exiguos crystallos, de quibus videatur *J. D. Major in tr. de lacte Luna c. 5. th. 7.* Ex integra verò libra Cinnamomi vix olei drachma prodit, quoniam major olei pars in minimos resoluta globulos innatat poris aquæ, quæ hinc lactescere solet, si recens destillata est, postea autem clarescit, si globuli isti in oleum paulatim coiverint. Minoribus igitur impensis Pharmacopœi hoc oleum à mercatoribus Belgis, qui illud accipiunt ex Insula Zeylan (ubi quotannis ex recenti cortice in sat magna quantitate paratur & dein ad nos per mare transfertur) coemere solent, modò genuinum sit & oleo amygdalarum dulcium non permixtum: quæ fraus tamen faciliè detegitur, si affunditur spiritus q̄satus bonæ notæ, qui oleum Cinnamomi mox absorbet, amygdalino fundum petente. Difficilius autem impostorum dolus manifestatur, si oleum Cinnamomi spiritu vini probè rectificato & adjecto saponis rasi tantillo (cujus interventu olea stillatitia resolvuntur & cum spiritu vini intimius miscentur) dilutum ac adulteratum fuerit. *Balsamum* è nucistæ oleo expresso, & proprio odore per præviam macerationem in spiritu vini privato,



privato, posteaque olei cinnamomi guttulis aliquot imprægnato, levi negotio conficitur: uti etiam *Elaosaccharum*, quod ex tempore paratur, si saccharum olei cinnamomi tantillo irroratur & in mortario lapideo teritur. *Species diacinnamomi Pharm. Augist. Renov.* ex Cannela, Casia lignea, & pluribus aromatibus, addita radice enulæ, croco, atque saccharo componuntur, quarum tamen locum tragæ aromaticæ suo merito complent. Si ex cinnamomo, post aquam destillatione abstractam residuo, & calcinatione in cineres redacto, cum aqua simplici lixivium fit, post filtrationem super igne divaporandum, *Sal cannelle fixum* obtinetur, cæteris salibus lixiviosis non dissimile, & proinde inter officinarum superflua referendum: non secus ac *sal volatile oleosum cinnamomi*, quod ad *Dispens. Brandenb.* normam, ex  $\sim \Theta \ast$  vinosi  $\mathfrak{zj}$ . cum ol. destill. cinnamomi  $\mathfrak{z}\mathfrak{ss}$ . in vase probè clauso & sæpius commovendo per aliquot dies digesta, ac dein ex cucurbita vitrea igne arenæ destillata confieri potest, sed melius ex tempore, si tale quid omnino desideratur, momentanea mixtione  $\Theta$  vol. C. C. cum olei destillati Cinnamomi guttula una vel altera paratur, licet mihi speciosum magis, quam necessarium videatur medicamentum, quod officinis pharmaceuticis optimo jure exesse poterit. Plura medicamenta ex cinnamomo in Zeylan conficiuntur, quæ apud nos nunquam, vel rarissime prostant, qualia sunt *Casura*, quæ ex corticibus radicum arboris Cannelliferæ siccatis, contusis, aquæ immersis ac per alembicum destillatis habetur, & sub olei forma prodit, post refrigerationem autem prolepti phlegmatis spirituosus, ex parte in candidi salis crystallos coagulatur. Talis Casura sine dubio etiam ex his corticibus recentibus & propria aqua, casuram olente, quam radices incisæ profundere solent, imbutis, consimili methodo, extrahi potest, aromatico cannellæ sale atque sulphure simul fœta, & hinc communi casuræ merito præferenda. *Aquam istam destillatam casuram* Medici in Zeylan pro sudorifero in febribus continuis atque malignis cochleatim cum felici successu propinant. *Oleum* autem atque *Casuram* inde collectam pro aperiente, resolvente, discutiente, sudorifero, cephalico, nervino, analeptico, stomachico, & antarthritico, intus atque extus utiliter adhibent. 2. *Oleum*, caryophyllorum aromaticorum odorem ac saporem habens, ex recentibus arboris Cannelliferæ Zeylanicæ foliis, affusa aqua simplici, destillatur, quod in prolepti liquore ob permixti salis abundantiam similiter subsidet. Hujus loco oleum caryophyllorum aromaticorum nobis esse poterit. 3. *Oleum* ex cannellæ Zeylanicæ fructibus, nondum perfectè maturis, contusis, & cum aqua fontana ex alembico destillatis, sub phlegmatis vehiculo, prodiens, juniperino sapore, odore & efficacia est simile, relicta in alembici fundo mate-

ria pingui, ceracea atque viridi, qualis etiam 4. *Sebum* sua consistentia & albedine referens, ex maturorum fructuum nucleis exprimitur, odoris fragrantis, ex qua candelæ, unguenta, & emplastra solventia, nervina, cephalica, stomachica, & carminativa conficiuntur, sebo isto pro usibus domesticis in lampadibus olei, & pro Medicis, in unguentis & emplastris ceræ vices sustinente. 5. *Balsamum Cinnamomi* viride & instar butyri liquabile, sine pinguedinis alterius additione, teste *H. N. Grim.* in laboratorio Ceylanico paratum, quod per se, vel cum aliis à  $\mathfrak{D}\mathfrak{B}$  ad  $\mathfrak{Dj}$ . tam internè, quam externè adhibitum, insignem effectum præstare dicitur, & me judice, ex sebacea immaturorum cinnamomi fructuum pinguedine, oleo destillato cannellæ & radicem casurato sale saturata componitur. Et licet præcitatus *Grim l. a.* referat, se hujus balsami præparandi modum, ut rem maximi momenti, citra Societatis Indicæ detrimentum, manifestare non posse, Auctori tamen hoc arcanum lubenter relinquimus & antedictis è cannella confectis medicamentis, quibus nostræ officinæ jam abundant, satis superque contenti, reliquis è Casia Cinnamomeæ radice, ligno, (alias in loco natali foco destinato) foliis, floribus, & fructibus concinnatis remediis variis, *Aqua scil. destillata, Spiritu, Essentia, Oleo, Syrupu, Conserva, Extracto, &c.* de quibus vide *laboratorium Ceylanicum & Acta Med. Hassn. vol. 5. obs. 91.* in tanta cinnamomifatorum & casuratorum medicamentorum copia non indigemus. Ex *Casia lignea* in Malabar *oleum* eodem, quo ex cinnamomo, modo prolicitur, quod odore atque gustu mixturam ex cannellæ & casuræ refert, teste *A. Cleyero* in *Misc. Nat. Cur. Germ. d. II. a. 4. obs. VI.* Neutiquam igitur æquiparari, multò minùs præferri debet hoc oleum cinnamomeo, utut hoc fecerit *A. Sala* in *append. Hydrel. c. 4.* & *J. Hartman.* in *not. ad Crollii Basil. Chym.* aliique, quos ipsa experientia refutat. Ex radicum corticibus similiter Casura aromatica obtinetur, quæ Borneensi tamen postponitur. Apud nos *tinctura* ex Casia lignea beneficio aquæ cinnamomi vinosæ elicitur, & *Syrupus* nonnunquam paratur, ad *H. Mynsichti* præscriptum, in *Armament. Med. Chym. p. m. 48. & 260.* Conf. *le Mort Chym. p. m. 54.* sed horum medicamentorum usus in hodierna praxi rarior esse solet, quoniam illorum loco cinnamomum majori cum emolumento adhibetur. Ex foliis recentibus Casia lignæ, seu *Malabathro* aquæ infusis per destillationem etiam habetur *Oleum* viridescens, saporis aromatico-dulcis & mordacis, odoris cinnamomei tenuis, quod in proprio phlegmate subsidet, ita ex aliis referente *J. Rajo* in *hist. Plant. t. 2. fol. 1561.* *Cinnamomi sylvestris* cortices, à radicibus desumpti, per destillationem *sal* præbent *volatile oleosum*, quod myrrhæ saporem & odorem habet, aquæ, cum qua prodit, sub forma crystallisati salis innatans, ceu testatur *Grim.*



in laborat. Ceylan. & M. N. C. G. d. 2. a. 3. Ob.  
serv. CCIX.

## §. 9.

His præmissis ad salutes Casia Cinnamomeæ effectus, quos in morbis capitis, pectoris, infimi ventris, & artuum, ipsorumque humorum, præstare dicitur, ordine recensendos me nunc accingo. Et cum suprâ monuerim *Casiam Cinnamomeam*, quæ *Cannella Zeylanica* vocatur, sal volatile penetrantius & sulphur aromaticum subtilius, partibus terreis copiosis, & paucioribus mucilaginis implicatum, possidere, *Casiam ligneam* autem blandiori sale atque sulphure atomatico, dulci mucagine velut obducto, pollere, *Cinnamomum* tandem *sylvestre crassius* quamplurimis partibus terreis, pariori sale volatili oleoso imbutis constare, facile hinc colligi poterit, majorem in morbis enumerandis efficaciam inesse Cinnamomo Zeylanico, minorem Casia lignea, & minimam Cannellæ sylvestri crassiori, quæ potentiùs adstringit, quam resolvit, atque ita eam, quam Cinnamomo genuino debemus, laudem non meretur. Ab efficaciori igitur initium facio, & *Cinnamomum Zeylanicum*, ob sal volatile oleosum penetrantius, in morbis capitis à seri colluvie, vel stasi, spirituumque penuria, aut suppressione productis utile esse, multiplici Practicorum experientia edoctus assero, sed non tam per se adhibitum, quam aliis idoneis medicamentis associatum. Et hinc *Species diambra completa, aromatica, caryophyllata Officinarum*, quibus Cinnamomum & Folium Indum superadditur, nec non *Cephalica F. F. à Schröd. in Pharm. p. m. 267. & à F. Hoffmanno in Clave p. 110.* correctæ, in dictis affectibus capitis utiles sunt, maximè si sub pulveris potius quàm rotularum saccharatarum forma, cum vino dantur, modò caveatur, ne in horum calidiorum usu excedatur, ut in seq. monebo. Locum quoque invenit Cinnamomum in *aquis cephalicis, & apoplecticis, epilepticis, anticatarrhalibus & Anhaltina Officinarum*, uti oleum Cannellæ destillatum in *balsamis vitæ & apoplecticis*, quæ tamen illo omissio neutiquam deteriora sunt. Ast in Zeylan & Malabar pulveris foliorum atque florum Casia Cinnamomiferæ contra vertiginem cum saccharo datur, ut patet ex *Horti Malabarici l. a.* E floribus autem recentibus *conserva cephalica*, reficiens, & stomachica parari potest, de qua videatur *Grim. laboratorum Zeylanicum*. Sed major vis Cinnamomo est in morbis pectoris, quia cor robare dicitur, dum sale suo aromatico volatili non solum spiritus magis expandit, sed etiam humores per sua vasa fluentes resolvit, ut alacrius in corpore circumire, ac viscerum coctiones atque secretiones promovere queant. Si igitur ex sanguinis coagulo, vel interclusis flatibus cor palpitât, aut à suo motu ad tempus planè cessat, ut animi deliquium superveniat, Aqua Cinnamomo cum vino destillata, vel cordialis *Augusta-*

*norum*, ad cochlear unum vel alterum exhibita, item essentia cochlear dimidium, cum vino datum, præsentaneam opem fert, modò Medicus, palpitationis cordis & lipothymia causam prius satis cognoverit. Hæc enim si ex hypochondriis suum traxerit ortum, ut sæpissime fieri solet, remedia antispasmodica Cinnamomo permixta requirit, qualia sunt in paroxysmo, corde admodum palpitante, *pulvis absorbens Wedelii* unica olei destillati Cinnamomi guttula irroratus, cum *aqua cordiali Offic.* assumendus, non neglecto externo *balsami Cinnamomei* litu ad scrobiculum cordis. *Species cordiales temperata, diamargariti calida, diamoschi, diaxyloaloes & consimiles*, Cinnamomo gravidæ, cum hujus aqua destillata dandæ; lipothymia verò præsentente *balsamum vitæ Schröderi, Spiritus ❧ci vinosus* ex tempore Cinnamomifatus cum *aqua carbunculi*, quæ Cannellam quoque recipit, ad guttas XX. vel XXX. præbendus: extra paroxysmum autem utroque in casu alia conveniunt, ex gr. *Rosbalsam. Wedel. & sata, Ludovici bellebarata &c.* per plures septimanas cum aqua Cinnamomi simplici, vel composita cordiali in usum vocanda. Quin etiam quovis ægrotantium languore pellendo, Aqua Cinnamomi cordialis egregiè prodest uti in convalescentium viribus instaurandis *Regia illius confectio ex Pharm. Norib.* suprâ paucis descripta, quæ ad nucistæ magnitudinem interdiu per vices degustanda, ut & *Confectio alkermer*, cujus speciebus Cannella semper additur, sub paulò minori dosi sumenda. Ex morbis infimi ventris primò considerandi *stomachici*, qui ex ventriculi atonia & cruditate pituitosa proveniunt, uti sunt *lienteria, anorexia, dyspepsia, nausea, vomitus, ructus, & inflatio stomachi*, in quibus affectibus medicamenta Cinnamomifata admodum sunt proficua, nominatim *Aqua Cannellæ Cydoniata, Essentia, Elaeosaccharum & species diacinnamomi, pulvis stomachicus Birckmanni & Wedelii, species pro morsulis Imperatoris, Tragea aromatica Offic. Elixir. vitæ Matth. Aqua vitæ Offic., mastychina, Ra aromatica in Le Mort Chym. p. m. 153.* descripta, *Elixir Oli Mynsichti, Essentia carminativa Wedelii, & alia*, quorum sale incisivo aromatico, multis particulis terreis subadstringentibus inhærente, viscidior stomachi mucus attenuatur, & eodem obstructi glandularum tubuli, lympham gastricam emittentes, referantur, simulque laxata hujus visceris fibræ modicè adstringuntur, quo ipso pristinus eidem tonus atque vigor brevi restituitur, maximè si externè simul scrobiculo cordis balsamum stomachicum, ex oleo expresso nucistæ, & menthæ, Caryophyllorum, Cinnamomi, &c. inungitur, vel saltem Caryophyllorum & Cannellæ pollen cum crusta panis tostâ & calente, vino madefacta, imponitur. In Zeylan *Oleum è Canella foliis pro-*  
lectum Caryophyllatum extus & intus pro stomacho



macho confortando adhibent, nobis nostrum è caryophyllis aromaticis destillatum idem præstat. *Ros solis* stomachicus & reficiens ex cinnamomo & aliis gravioribus aromaticis, spiritus vini, aqua rosarum diluto, infusis, saccharo ad gratiam adjecto, ab Italis paratur, qui cunctarum deliciarum epitome audit, qualis est sequens *Ros solis Taurinensis*, odoris & gustus suavitate celebratissimus cujus descriptionem communicavit D. Spleiff. in not. ad *ZAPATÆ mirabilia* pag. 39. Rec. ol. cinnam. caryophyll. ligni Rhodii ā. ʒβ. Moschi, Ambræ, ā. gr. ij. sacchari, ∇ rosar. spiritus vini, ā. t̄bj, mixta f. ā. filtrentur. Quòd si verò colorem gratum quoque desideras, santalum rubrum filtro prius immitte. Huc referendum est vinum aromaticum infusis conditum, & saccharo edulcoratum, à manica, per quam filtratur, *Hippocraticū Offic.* dictum, quod ex cinnamomo, cardamomo, zingibere, corticibus citri & caryophyllis conficitur, & pro stomachico modicè bibitur. Tale vinum, & *Hippocraticæ* instillatione, ex tempore parare docet *le Mort* in *Chym.* p. m. 153. *Morbi intestinales*, in quibus laudatur cinnamomi & medicamentorum inde præparatorum usus, sunt *Colica flatulenta*, in qua *Spiritus carminativus Sylvii*, vel *Essentia carminativa Wedelii* cum Ra cort. aurant. & olei & cannella guttula mixta & in ∇ *physagoga* sumpta, flatus egregiè discutit: quod etiam facit foliorum cinnamomi pulvis, cum saccharo datus, teste *Grim.* in *laborat. Zeylan.* *Alvi fluxus serosus* ex soluto intesti-  
norum tono, vel glandularum plexiformium, osculorumve lacteorum laxitate nimia, aut irritante humorum acrimonia, vel etiam *hypercatarsi* proveniens: quo in casu ∇ *cinnamomi cydoniata*, per se, vel cum *theriacali simplici* mixta, decoctum C. C. usque infuso cinnamomo medicatum, lac cum cannella coctum, Ra ros. r. cinnamomifata, seu ex his floribus & cinnamomo ∇ fervida per noctem infusis, filtratis, posteaque saccharo edulcorata parata, laudari merentur. *Affectus uterini* Casia Cinnamomea, ob sal, quo turget, volatile resolvens & aperiens, cedentes, sunt I. *Obstructio mensium*, quæ præmissio emetico & pulvere anticachectico ex cinnamomi parte una, & duplo sacchari, quadruploque limaturæ chalybis in pollinem redactæ, composito, per aliquot septimanas cuspidatim cum ∇ *melissæ* præbendo, tandemque instante catameniorum periodo in usum vocato potu emmenagogo, ex herbis rorismarini, pulegii, sabinae, corticibus aurantium, cinnamomo, caryophyllis, mace, croco, & baccis lauri vino infusis, sapissime tollitur, nisi inveterata fuerit. Nec obstat, quod in *M. N. C. G. d. I. a. ix. & x. obs. XXXV.* legimus, decoctum ex cinnamomi uncia, cum duabus boni vini libris vase clauso paratum, pluries in *mensium fluore nimio* bis de die cum successu fuisse haustum: quandoquidem hic effectus cinnamomi partibus

terreis manifestè adstringentibus potissimum sit adscribendus. *Cinnamomi* enim decoctum magis adstringit, infusum attenuat atque resolvit. Prius faciunt cannellæ partes salinae, fixæ, & terrestres coctione copiosius proleatæ: posterius salino sulphureæ volatiles digestionis adminiculo ab affuso menstruo solutæ. II. *Abortus*, quem præcavet subtili suo sale atque sulphureo blando, particulis terreis implicato, spirituum ac humorum motum tam intestinum quam progressivum in æqualitate conservando, & simul viscerum, præsertim uteri, tonum firmando, hocque modo matris & tennelli fœtus corpus roborando: in quem finem, post VSnem, medio gestationis tempore institutam, conducit pulvis ad abortum sequens: Rx. corall. r. præp. ʒj. cinnam. acuti, granorum kermes optim. ana ʒβ, smaragdi præp. ʒj. Nucis Moschatae ʒβ. m. f. p. de quo ʒj. quovis mane cum cochleari uno subjunctæ aquæ confortantis, quam D. Ludovici, in *pharm.* p. m. 258. balsami embryonum loco gravidis commendat, exhiberi poterit Rx. ∇. cinnam. opt. p. ij, menthæ spiritus p. j. apoplectica p. β. m. III. *Partus difficilis*, quem aquæ ac secundinas remorantes promovet cinnamomum, sale suo volatili aromatico spiritus exsuscitando, atque ita deficientes parturientium nisus provocando, præcipuè si cannellæ pulvis cum borracæ atque croco, oleique succini guttula in ∇ cinnamomi cordiali & hysterica castoreata propinetur. IV. *Lochiorum fluxus* post partum diminutus, vel penitus suppressus, ob stagnationem humorum in utero, quos egregiè resolvit, mixtura ex ∇ pulegii, melissæ, cinnamomi simplicis, antihect. *Poter.* specif. ceph. Michaëlis, & olei & succini guttula una vel altera, cochleatim exhibenda, vel pulvis ex ʒ diaphor. & succini albi præp. part. æq. cum aliquot ʒ nativæ granis & ʒ cinnam. guttula, in ∇ lil. alb. & artemisæ tantillo essentia castorei imbuta dandus. *Morbi artuum*, in quibus medicamenta è Casia Cinnamomea confecta commendantur, sunt *paralysis*, ad quam pro tollenda nervorum obstructione, internè ʒ vol. ʒssum cinnamomi, cum balsamo vitæ mixtum, externè membrorum resolutorum, ac spinæ dorsæ frictions atque litus cum spiritu lumbricorum terrestrium, ʒ \*ci ʒss, essentia castorei, ʒ & succini, caryophyllorum & cinnamomi laudantur. In ea verò paralyseos specie, quæ Indis infesta *Beriberi* dicitur, oleum sebaceum, è nondum perfectè maturis arboris cannalliferæ glandibus coctum, & casura oleoque & cinnamomi probè imbutum, membris affectis salubriter inungitur, ceu refert *Grim.* in *M. N. C. d. 2. a. 3. obs. 209.* Videtur autem mihi cinnamomum in affectibus paralyticis aliis penetrantioribus nervinis postponendum esse. *Arthritis vaga atque fixa*, cujus dolores oleum casuratum è corticibus radicibus Casia Cinnamomiferæ & tum



articulis illitum, brevisopire dicitur. At cum hoc oleum apud nos rarissimum sit, illius loco casura communis in spiritu vini dissoluta, & croco, si lubet, tincta, substitui poterit, tam in *arthritide*, quam in *gangrana* partium carnosarum, ad quam istud oleum non minùs quàm cinnamomeum commendari solet, licet utrumque ob raritatem & caritatem hodie vix adhiberi queat. *Ossium caries* facilè cedens oleo & cannellæ, cum oleo sublimato mixto, quò remedio in segregandis celeriter ossibus nil convenientius vidit *N. Tulpius*, uti testatur in *obs. Med. l. 1. c. 37. p. 70.* *Dolores & tumores nervosarum partium* è frigore, contusione, dislocatione, aut humorum viscidorum congectione producti, quos discutit oleum tam casuratum antè dictum, quàm sebaceum, è fructibus arboris cinnamomiferae coctum, quod *Cyngalenses* pro anodyno mitissimo & singulari resolvente per se, vel cum aliis competentibus, extus adhibent, nostrates autem hujus loco *JVR*, casura, croco atque myrrha imbutum, eodem, si non majori, cum effectu in iisdem affectibus in usum vocant. *Morbi denique humorum*, quos tollere dicuntur remedia cinnamomifata, sunt *cachexia* atque *Chlorosis*, quæ non quidem soli cinnamomo, sed *Martialibus* & aliis solventibus sociato, præmissis universalibus, plerumque cedit: hinc *pulvis cachecticus Quercetani & Wedelii* in his affectibus, ac conjunctis sæpe viscerum obstructionibus, proficius existit. His accensendæ febres continue atque malignæ, in quibus cinnamomi aqua pro reficiente & analeptico, casura autem cinnamomea pro sudorifero alexipharmaco, feliciter adhibetur: quamvis apud nos in posterioris defectu, casura communis eodem cum successu detur, maximè sub pulveris bezoardici vel Anglici & depurati connubio. Quin etiam in ipsa peste cinnamomi virtus alexipharmaca, quæcunque demum est, à Medicis passim celebratur, & propter eam cannella *theriaca Andromachi, cælesti, Mithridatio, Diascordio Fracastorii, R bezoardica, pulveri Pannonico rubro*, & aliis antidotis superadditur, licet harum effectus non tam cinnamomo, quam cæteris simplicibus salino sulphuris, aromaticis & absorbentibus terreis invicem permixtis, & sub ista miscela medicamentum sudorifero-anodynum constituentibus, sit attribuendus. Cæterum ex cinnamomi acuti & confracti ʒʒ. in ∇ ferventis mensuris duabus vase probè clauso infusa, gratissimus conficitur potus, qui non tantum colore, odore & sapore, sed etiam virtute sua analeptica, stomachica, & modicè adstringente, in cordis & ventriculi debilitate, alviq; fluore sese commendat. Quosdam per omnem vitam hoc cannellæ infusum pro potu ordinario bibisse, & corpore satis valentes, extremam senectutem attigisse, alios quibus imbecillior fuit stomachus, idem quovis

in pastu vino admiscuisse, & hoc modo suæ infirmitati consuluisse à fide dignis mihi relatum fuit. Sed nolo hæc, ob brevitatis studium ulterius prosequi, nec prolixius recensere, quo modo cinnamomi pulvis, oleum, aqua destillata, Ra vel Essentia, & cætera illius præparata, aliis medicamentis purgantibus, cephalicis, cordialibus, stomachicis, carminativis, uterinis in & externis, & quibus non? tum pro gratia, tum pro virium exaltatione permisceri solent, cum de his pleni sint Practicorum libri. Sufficiat paucis ostendisse, in quibus affectibus corporis humani cinnamomum utiliter adhiberi queat. Restat nunc ut brevibus etiam *Cassia lignea & Malabathri*, nec non *cannella crassioris* facultates exponam. *Cassia lignea & Malabathrum* in iisdem morbis, quibus cinnamomum laudatur, licet remissius agat, ob suam mucilaginem, humores acres nonnihil obtundit, uti sale suo volatili aromatico viscidos resolvit: unde non solum in *cephalalgia pituitosa & capitis debilitate*, à defluxionibus catarrhalibus, cordis palpitatione, ventriculi languore, & menstruorum suppressione, verum etiam in *tussi, asthmate, fluxu albo, stranguria & dysuria* commendatur, imò quamplurimis medicamentis cephalicis, cardiacis, pectoralibus, stomachicis, carminativis, nephriticis, uterinis, alexipharmacis, nominatim ∇ *benedictæ serpilli, speciebus aromaticis, caryophyllatis, diaxyloaloes, de gemmis calidis, dianisu Mesue, diatrion pipereon Ejusdem, lithontripticis, syrupo de artemisia composito, theriaca, Mithridatio, Orvietano &c.* superadditur. Oleum præterea & tum *Cassia lignea* externè in *arthritide vaga* membris dolentibus inungitur, referente *Cleyero in M. N. C. d. 2. a. IV. obs. VI.* internè verò cum saccharo vel aliis competentibus remediis, in cordis, stomachi, & uteri morbis suprà recensitis (licet rarissimè) guttatim exhibetur, uti Ra *cassia lignea* cochleatim, & *syrupus* illius unciatim. Quæ de Casura Cinnamomea retuli, hic quoque de ea subintelligenda sunt, quæ ex Cassia lignea ignis vi elicitur. Oleum è Malabathri foliis & tum in pelendo stomachi languore cinnamomeo est multò debilius, & in nostris oris albo corvo rarius. Ex cannellæ sylvestris foliis in ∇ coctis Malabathri balneum contra quoscunque articulorum dolores parare solent; uti è radicum cortice, cum cardamomo & Nuce moschata in ∇ decocto potum, quem ad ventris tormina bibunt, c. traditur in *Horti Malabarici t. 5. l. a. Sal* autem volatile oleosum & quasi myrrhatum ex eodem cortice per distillationem prolectum, & in spiritu vini solutum, posteaque ad ʒʒ. in jusculo datum, per se, aut elixirio proprietatis dulci loco myrrhæ adjectum, in stomachi debilitate, & febribus intermittentibus proficiuum esse toties citatus *Grim. in M. N. C. d. 2. a. 3. obs. 209.* testatur. Sed his omnibus longè præferenda sunt medicamenta è cinnamomo parata, quoniam efficaciora



ciora sunt, & sub dimidiata dosi, in iis casibus, ubi blandius aromaticum desideratur, idem imò plus præstant, quam Casia lignea, quæ, si ob mucilaginem suam attemperantem omnino requiritur pro usibus Medicis, per me in paulò diffusiore remedium apparatus reponi poterit: licet cinnamomum cum *gummi Arabico* proportionatè mixtum, aut in illius solutione maceratum, Casiam ligneam suis qualitatibus faciliè adæquet. Superest, ut de Cinnamomi *usu domestico* atque *culinario* paucissima subiungam. Ex *ligno* in Zeylan, Malabar, & cæteris locis cinnamomiferis focus & ædificia exstruuntur, ex *foliis & floribus* recentibus aquæ odoriferæ destillantur, ex *fructibus* maturis oleum sebaceum pro candelis & lampadibus excoquitur, ex *cortice* crassiore lævigato & polito varii generis thecæ, scipiones, & alia scrinia, auro vel argento sæpe exornata, artificiosè conficiuntur, & ad maiorem odoris gratiam oleo destillato cinnamomeo illinuntur, de quibus videatur *Walther Schultz Ost-Indianische Reiß-Beschreib. l. 2. c. 20. Philip. Baldaus in descript. Insulæ Zeylan c. 50. & alii plures.* In *culinis* cinnamomo confRACTO, vel in pollinem redACTO, cum vel sine aliis aromatibus ipsoque saccharo, varii generis juscula, pulmenta, embammata, gelatinæ, carnes, pisces &c. condiuntur, de quibus artis coquinariæ libri videantur.

## §. 10.

Quod tandem cinnamomi *abusum* atque noxam attinet, peccant, & delicti poenam in proprio corpore luunt, quotquot cinnamomo, seu frequentius ore manso, pro commendan-

do oris halitu, seu in cibis medicamentisve assumpto nimis indulgent: quod illi maximè faciunt, qui vinum cum cannella, caryophyllis, & macere calefactum, & saccharo edulcoratum, vel etiam essentiam cinnamomi, indeque paratum rorem Solis, aquam vitæ, & vinum Hippocraticum, quovis mane, aut post pastum quotidie, sæpeque largiter hauriunt: item qui præservationis, ut ajunt, gratia salia volatilia oleosa & cinnamomifera crebrò citra necessitatem, præsertim in pastu, vel post eum, assument, quoniam his calidioribus stomachi digestio turbatur, spiritus & humores nimis commoventur & ex parte dissipantur, cephalalgia, narium hæmorrhagia, sputum sanguineum, cordis palpitatio, anorexia, colica flatulenta, diabetes, mensium, vel hæmorrhoidum nimius fluxus, calor totius corporis vagus, & alià mala inferuntur: quæ omnia facillimè juvenibus, literatis, præsertim hypochondriacis, & scorbuticis, foeminis hystericis, cæterisque, quibus caput debilius ac nervorum systema tenerius est, accidere solent. Sunt nonnulli, qui ex idiosyncrasia cinnamomi & casia lignæ odorem vel saporem nullo modo ferre possunt, quales in sequiore sexu reperiuntur plurimæ; ad quas etiam referenda est illa mulier, cujus mentionem fecit *R. Boyle in Experim. & Obs. Phys. cap. 4.* quæ ab assumpto cinnamomo enormem hypercatharsin passa fuit. Rectè hinc faciunt Medici practici, qui in præscriptione cinnamomi, & remedium inde paratorum, vel consimilium aliorum, prius sollicitè inquirunt, num æger talia ferre possit, ne ex illorum improvido usu eidem damnum inferatur.

## DISPUTATIO IV.

DE

## SANGUINE DRACONIS.

D. JOH. FRIDERICI OCHSII.

## SECTIO I.

De

*Natura, Origine ac Differentiis Sanguinis Draconis.*

## §. I.

Solent equidem communiter in Dissertationibus Academicis multa rei pertractandæ nomen concernentia præmitti, mihi verò integrum erit *realem* prius mei Thematis definitionem, si non exactam, saltem perspicuam, quoad potero, descriptionem in medium proferre. Est igitur

*tur Sanguis, sic vulgò nuncupatus, Draconis substantia gummeo-resinosa, friabilis, coloris nigricantis, si verò teratur, sanguinei ac rubicundi, odoris debilis, quodammodo resinosi, saporis terreo-subadstringentis, modò in panes seu offas congesta, modo in minores massulas pruniformes & interdum cylindricas coacta, foliis juncis involuta.*

Hh h h

§. 2. Hic



## §. 2.

Hic statim animadvertendum venit, hanc modo descriptam materiam esse ipsissimum *Kιννάβαρι* *Dioscoridis* aliorumque Græcorum; Nostram vero cinnabarim *ἀμμιον* sive minium illorum. Diserte enim apud Dioscoridem (a) erroris arguuntur, qui *veram cinnabarim*, quam ipse à nonnullis propter colorem *αἷμα δράκοντος* (Sanguinem Draconis) appellari perhibet, cum minio, sive *moderna cinnabari*, confundunt; cum de cætero suæ cinnabari plures notas ipse tribuat, quas nostro *Sanguini Draconis* antea adscripsimus.

## §. 3.

Sed ut ad ulteriorem Thematis mei explanationem progrediar, operæ pretium esse puto, singula superius tradita concisæ descriptionis membra paulo fufius explicare. Et primo quidem, cum *Sanguinis Draconis substantiam gummeo-resinosam* pronunciauerim, id variis experimentis comprobare licet. Notum autem est *Gummi* nomine generatim indigitari *lachrymam vegetabilem* inspissatam, quæ à menstruo aqueo in mucilaginem sive lentorem viscosum resolvitur, neutiquam vero in liquore spirituosio, multoque minus in oleo diffluit, nec igni admota flammam concipit. Contraria vero omnia circa *resinam* usuveniunt; hæc enim aquæ nullum, spirituosius vero & oleosis liquoribus facilem accessum pro sui solutione concedit, & igne satis prompte liquatur & exardescit. Jam vero plures dantur lachrymæ sive succi, ex plantis vel sponte fluentes, vel arte prolecti, naturæ & substantiæ partim gummosæ, partim resinosa, quibus eapropter *Gummi-resinarum* titulus recte tribuitur. Hujus generis omnino etiam est *Sanguis noster Draconis*; neque enim aqueis, neque spirituosius aut oleosis adeo obtemperat mensuris, ut ab alterutro eorundem solo perfecte ac centraliter dissolvatur, ut potius aqueum menstruum resinam, spiritus vero gummi liberum in fundo vasis relinquat: Præterea igni commissum istud concretum liquefcit quidem & inflammatur, sed ferè difficilior & non parum materiæ à combustionem reliquum facit. Quare *Sanguinem Draconis* esse mixtam, sive gummeo-resinosam substantiam ad oculum quam clarissimè patet.

## §. 4.

Illud porrò neminem fugit, qui unquam propius consideravit *Sanguinem Draconis*, quod minime tenax & ductilis, aut calore manuum emollienda, sed *rigidior* atque *friabilis* sit ejus substantia: cujus phænomeni ratio partim à remixtis largiter gummosis particulis, partim etiam inde dependet, quod resina hujus mixti per se est *fixior ac terrea*, paucis subtilioribus

oleosis atomis prædita, unde etiam odoris debilitas, & coloris tam prompta per diversi generis liquores diffusio deducenda videtur.

## §. 5.

Ipse vero color, in massa sibi relicta & integra, est *obscurior ac nigricans*, levi tamen attritu comminutis quibusdam portionibus exaltatur in *rubicundum*, qualis fere est *nativa seu fossilis cinnabaris*; ut hinc præcipue nata appareat memorata supra *confusio Sanguinis Draconis cum cinnabari*, quam hodie sic appellamus. Cæterum coloris intuitu suam cinnabarim, sive nostrum *Sanguinem Draconis* *Dioscorides* *βαρύχρεον ἢ βαδύχρεον*, i. e. *austum sive tristem & profundum* vocat. Est autem τὸ βαρὺ in coloribus maxime *pressum & saturum*, & quadam coloris tristitia profundum, cui æquipollet *βαδύχρεον*, opponitur verò τὸ ὀξύ ἢ ἐυανδὲς *χρῆμα*, i. e. *clarus seu floridus, multoque lumine excitus color*: quam in rem prolixè admodum commentatus est *Claudius Salmasius* (b). Et profecto *Sanguis Draconis* optimus quisque, quomodocunque tritus fuerit & comminutus, *obscurum* istiusmodi ac minus latum præ se fert *ruborem*, qualis fere est alicujus *cruoris*, nisi adjectione quorundam *Salium* exaltetur; de quo artificio infra nonnihil commemorabo, hoc interim non prætermittens, istam coloris conditionem in *Cinnabari* vel *Sanguine Draconis* jam olim bene perspectam fuisse *Plinio* (c) afferenti videlicet, *non alium esse colorem, qui in picturis propriè Sanguinem reddat, quam illum ipsum cinnabaris Indica, aut nostri Sanguinis Draconis*.

## §. 6.

Reliqua, in descriptione summaria §. 1. hujus Dissertationis contenta, quæ *formam externam seu figuram Sanguinis Draconis*, ex arbitrio hominum colligentium factam, concernunt, alio in loco perpendenda, hic prætereo, & ad *originem* istius concreti declarandam festino. De hac nihil habet *Dioscorides*, nisi quod ex *Africa* deferri, à quibusdam, propter toties nominatum colorem, *Sanguis Draconis esse existimetur*, cui tamen opinioni suum calculum addidisse *Dioscorides* haud apparet. *Plinius* autem liberè statuit esse revera *saniem Draconis elisi elephantorum morientium pondere, permixto utriusque animalis sanguine*. Verum enim vero, sicut in hunc usque diem nemo inventus est, qui istam *Draconis cum elephanto pugnam*, hujusque dictum modo effectum suis oculis unquam viderit, sic meritò exploditur antiqua fabula; cui quidem excogitandæ occasionem dedisse sagaciter existimat *Marcellus Vergilius* (d) ingens pretium illius rei, ex locis ab Europa longè dissitis advectæ, cum sæpè soleant novitate & miraculo aliquo mercium suarum pretia augere mercatores. Taceo, quod tantum non in universum

(a) Lib. V. de M. M. Cap. 109. (b) Exercit. in Solini Polyhist. p. m. 140. & sequ. (c) H. N. Lib. XXXIII. Cap. VII. (d) Comment. in Dioscorid. l. c.



versum fictitia sint, quæ de Draconibus apud veteres leguntur, talesque bestię, quales illi sub nomine Draconis descripserunt, hodiè vix ulli bi terrarum reperiantur, cum tamen *Sanguis* (ita dictus) *Draconum* magna ubique copia & modico pretio vendatur.

## §. 7.

Rectius igitur ex vegetabili regno deducitur *Sanguinis* illius *Draconis* origo, quod inter antiquos Autores primus omnium (quantum ego novi) fecit *Arrianus*, Nicomedensis, Philosophus & Historicus, qui Romæ sub Adriano & Antonino Imperatoribus floruit. Hic (e) in Insula quadam maris rubri, olim Dioscoride, nunc Socotera dicta, gigni scribit cinnabari Indicum, idque lachrymarum instar ex arboribus emanans, colligi solere: sed arborum ipsarum speciem ille *Arrianus* neutiquam declaravit. *Aëtius* quidem, Medicus inter Græcos recentiores, qui seculo post Christum natum quarto vel quinto vixit, mentionem *Sanguinis Draconis* faciens (f) eundem in India ex herba, *Dracunculo* appellata, colligi testatur, sed pariter non indigitat, cuius faciei ille sit *Dracunculus*, quando nec *Dioscorides*, nec alius quispiam veterum Dracontio sive *Dracunculo* talem succum sive lachrymam attribuit. Ex Arabum cœtu *Ebn sina*, vulgo *Avicenna* (g) de *Sanguine Draconis* agens, quem sua lingua *Alachuin* nuncupat, dum quærit, quid est? nil respondet præter hoc, est succus rubeus viscosus; forsan juxta illud, sapienti sat! *Serapio* autem & ipse Arabs, (h) suum *Demalochoben* sive *Sanguinem Draconis* autumat esse succum *Achilleæ Sideritidis*, à *Dioscoride* (i) descriptæ; ast hic de ista *Achilleæ* proprietate, quod lachrymam rubicundam fundat, ne verbum quidem meminit, uti sane in nulla *Sideritidis* specie, nec in *Achillea* tale quid observare licet.

## §. 8.

Melior itaque sententia est *Sanguinem Draconis* oriri ex arboribus quibusdam, sicuti jam pridem exploratum habuit ante citatus *Arrianus*. Nemo autem post hunc aliquid fide dignum de istis arboribus retulit, usque ad principium seculi XVI. quo tempore *Aloysius Cadamustus*, natione Venetus, (l) in Insula Portus Sancti (una ex Canariis) se observasse scripsit *Sanguinem Draconis*, lachrymam arboris, ferro sauciata, cum stato anni tempore arborescens emittant anno sequente gummi, quod ahenis decoctum & defecatum in *Sanguinem Draconis* dictum evadat: Arborem istam producere fructum cerasi instar, mense Martio, gustu eximium, coloris veneti. Sed quis non videt, quam manca sit hæc *Cadamusti* relatio? nec plenior dedit *Andreas Thevetus* (m) pau-

lo recentior *Cadamustus*, qui ab hoc suam arboris illius descriptionem penitus mutuassee videtur, ut eadem fere verba repetere me pœniteat. Ampliorem nonnihil *Sanguinis Draconis* mentionem facit *Nic. Monardes* (n) Medicus Hispanus, qui tamen & ipse in describenda arboris, illum fundentis, figura plurimum deficit.

## §. 9.

Primus autem, qui istam arborem accuratè descripsit ac delineavit, est *Carolus Clusius*, (o) cujus verba, quatenus ad præsens institutum faciunt, huc transferam, quemadmodum & *Job. Rajus* (p) iisdem verbis usus est. Ita autem *Clusius*: Est *Draco* (aptius enim nomen non invenio) procera arbor, pinum procul intuentibus referens, adeo æquales, semperque virentes sunt rami. Hujus truncus crassus, octo aut novem cubitales ramos æqualiter nascentes & nudos sustinet, qui in summo fissi, in alios ternos vel quaternos ramos cubitales aut paulò ampliores, brachialisque crassitudinis desinunt, nudos item & sine foliis, in summo gestantes capita, plena cubitalium foliorum, unciali latitudine, sensim in mucronem desinentium, media costa densiore & eminentiore, ut in *Iridis* foliis, tenuium & rubentium in lateribus: mucronem plane repræsentant ea folia, semperque virent, & *Aloës*, vel *Iridis* modo, invicem amplexando nascuntur. Truncus, perquam scaber, multis rimis dehiscit, humoremque fundit per caniculæ æstus, qui in rubram lachrymam densatus, *Sanguis Draconis* appellatur, ob quam sane causam hanc arborem *Draconem* nuncupavi. Materia trunci firma est, ferrumque difficulter admittit, quod veluti fibris transversim & oblique excurrentibus constet: at rami, cum multo succo prægnantes sint, satis facile cædi possunt.

## §. 10.

Talem arborem *Clusius* primum vidit *Olysiponæ* post monasterium S. Virginis à gratia dictum: crassitudinem habuit octo palmarum, retuleruntque Monachi istius loci, quod nec florem nec fructum ferat: rem tamen aliter se habere postea deprehendit *Clusius*, ramulo ex illa ipsa arbore anno sequente revulso donatus ab amico; erat autem ille ramus pedali ampliorive longitudine, cui inhærebant alii ramuli, multo fructu racematim compacto onusti. Fructui color flavescent, sapor aliquantulum acidus, magnitudo exigui cerasi. Eum in summis capitibus nasci verisimile existimat *Clusius*, ut in palma dactyli nascuntur: spatha tamen, uti illos, includi non intellexit; hujus porro arboris recentia capita tenella esse idem narrat, ut humilium palmarum, sive *Chamæripes* modo,

H h h 2

(e) in periplo maris Erythræi p. m. 10. (f) Tetrabiblio IV. Serm. III. Cap. XII. (g) Lib. II. Traçt. II. Cap. 608. (p. 388.) (h) de Temperam. simplic. Cap. 331. (i) Lib. IV. Cap. 36. (l) de Navigat. sua Capit. IV. (m) Singular. Franc. Antarçt. Cap. 8. (n) de Simpl. Medicam. novi Orbis Lib. I. p. m. 367. (o) rar. Plantar. Histor. p. 1. 2. (p) Histor. Plantar. Tom. II. p. 1598.



do, cuius cerebrum in deliciis est, edi possent, nisi amaritudo prohiberet.

## §. II.

Hodie in hortis splendidioribus per Europam passim colitur ista arbor *Draco*, ut neque *Norimbergæ* desit, visenda ibidem, inter plures rarissimas plantas, in horto domestico summi Botanici *D. Volckameri*. *Lipsiæ* in horto *Bosiano* alitur quædam altitudine plusquam decem pedum, cuius effigies, juxta cum Aloë Americana stupendæ magnitudinis, quæ anno superiori in laudato horto floruit, æri incisa prostat. Sed multo grandior est illa, quæ in horto *Amstelodamensi* feliciter adolescendo, ultra viginti jam pedes assurrexit, confirmante mihi hoc Viro Excellentissimo *Dn. D. Laur. Heistero*: Patriam verò hujus arboris Europæ viciniorem, quam *insulas Canarias*, nullam ab Autotibus memoratam invenio; hinc autem aliquando ad Philippum II. Hispan. Regem miserunt arbusculam, *Job. Fragosi* (q) opinione, similem palmæ, quam vocabant *Dragonalem*. Num vero etiam alibi locorum hæc arbor spontè crescat, affirmare nequeo. Cæterum *Casspar. Hoffmannus*, Academiæ hujus illustre quondam decus, inter primos forsitan fuit, qui genus arboris illius *Draconis*, ad quod ipsa pertinet, accurate indicavit, (r) esse nimirum reveragenus *Palme Indicæ*. Hanc in sententiam pedibus eunt moderni Botanici, & ex his speciatim *Job. Commelinus*, (s) nostram arborem concinne describit, quod sit palma prurifera, foliis *Yucca*, fructu, in racemis congesto, cerasiformi, duro, cinereo, pisi magnitudine, cujus lachryma *Sanguis Draconis* dicta. *Job. Rajus* etiam (t) affinem facit palmæ, seu arboribus arundinaceis *Irinisve*, differentiam specificam constitüente caudice ramoso.

## §. 12.

Præter hanc *Draconis* arborem alias quoque plantas, eundem aut simillimum sanguini *Draconis* succum fundentes, à Botanicis memoratas reperio. Et duas quidem recenset *Nardus Antonius Recchus* (u): unam sub nomine *Ezquabuitl Quabuckinacensis*, folia ferentem verbasci, ampla & angulosa, sanguine stillantem, sive succo simillimo isti, qui ab arbore *Dracone* Fortunatarum Insularum colligi solet. Alteram huc referendam priori persimilem esse dicit *Recchus*, foliis tamen magis orbiculatis, hirsutis, & asperis, crasso cortice, radice surculosa præditam, ac juxta aquas nascentem. Verum ex his adeo imperfectis narrationibus parum constat, cuinam arborum classi binæ illæ sint accensendæ, cum nec florum, nec fructuum characteres fuerint declarati.

## §. 13.

Aliam arborem *Draconem Indicam*, siliquosam, populi folio, sub titulo *Angsana* vel *Angsava Javanica* proponit *Job. Commelinus* (x) his verbis: Folia habet incondita, pediculis longis tenuibusque fulta, forma populi similia, in totum vero minora, duas uncias longa, vix se-scunciam lata, mucronata, tactu mollia, glabra, nitentia, hilariore virore, ad flavedinem inclinate, perfusa, sapore fatuo. Fructum rite per-scrutatum haud male convenire reperi cum eo, à *Monarde* descripto; & quamvis multi (quibus nunquam data fuit occasio hosce cernere fructus) pro fabula habebant, quod *Monardes* de figura *Dracunculi*, huic fructui à natura insculpti tradit, ego tamen veram esse historiam judicavi: ablata enim tunica exterior, dispersæ per fructum visuntur plures venæ, de quarum distributione & concursu *Dracunculi* figurant sibi imaginantur homines, sicuti facere assolent ex ignis flamma. Hi fructus, pediculis longioribus innixi, colore sunt cinereo, rotundi, & duri, margine membranacei, costulis eminentibus præditi. Semina in unoquoque fructu bina ternave, oblonga, incurva, rubicunda, dura, glabra, splendentia, renis aut phaseoli gracilioris figuram nonnihil imitantia. Humor, quem fundit arbor hæc, in lachrymam rubram condensatur, eademque est, quæ tenuibus involutis junceis involuta *Sanguis Draconis* in lachrymis audit in Pharmacopoliis.

## §. 14.

Hucusque *Commelinus*, qui porro *Andrea Cleyeri*, Hasso-Cassellani, Societatis Indicæ in nova Batavia quondam Archiatri (à quo ipse istius arboris semina obtinuit) testimonium his verbis affert: *Angsana Javanica* arbor est siliquosa, floribus gaudens luteis, odoratis, cujus truncus, ut & rami, scarificati humorem fundunt, Sanguinis Draconis instar, qui illico condensatur. Hujus arboris mentionem etiam ita fecit *D. Herm. Nic. Grim* (y): Arbor est Java, quin ipsius *Bataviæ* urbis incola, succum, Sanguinis Draconis instar, eleganter pellucidum destillans: Est proceræ magnitudinis, ligni durioris, foliorum oblongorum, florum parvorum, flavi coloris, amariuscule saporis &c. Num verò hujus arboris succo sub *Sanguinis Draconis* nomine revera potiantur officinæ nostræ, haud facile affirmaverim.

## §. 15.

Rursus aliam plantam, *Sanguinis Draconis* feracem, extare deprehendo, sub nomine *Arundinis farctæ Indiæ Orientalis*; de hac è *Roberto Morisone*, & *Jacobo Bocharto*, sequentem in modum scribit *Job. Rajus* (z): Ab India Orientali

(q) Hist. arom. & simpl. Ind. Cap. XV. p. 49. (r) de Medic. offic. Libr. II. Cap. 121. (s) Catal. plantar. hort. Med. Amstel. p. 206. (t) Method. plantar. emend. p. 135. (u) Hist. plantar. Mexican. p. 59. (x) Hist. rarior. plant. horti Amstelodam. Cap. 109. (y) Ephemer. A. N. C. Dec. II. ann. III. obs. 37. (z) Hist. plantar. Tom. III. p. 615.



à mercatoribus petitur, ejusque succus *Dragons-Blood in Drops* nostratibus vocatur: subtilior est & pretiosior, duploque alio ab arboribus proveniente carior, unde *Dragons-Blood-Cane*, ex internodio, quatuor pedes longo, digitum crasso orta, flavesceat. Ex hujus arundinis nodis (una cum foliis) emergit fructus ad instar nucularum, quarum duæ species, minor figurâ rotundâ, magnitudine avellanæ minimæ, major, figurâ oblonga, magnitudine avellanæ majoris. Utraque autem species externe multos habet gibbulos seu squamas, ad instar baccæ mori. Fracto putamine duriusculo intus apparet nucleus, qualis in cerasis; revera autem res ita habet: dictus fructus externe tegitur materiâ quadam rubrâ, facile friabili, ita ut eam quis digito abstergere possit, quæ tacta chartam aut manus rubedine afficit. Et hæc rubra materia ea est Sanguinis Draconis species, ex qua fit vernix, quæ cista & pyxides Sinenses obduci solent. Modus autem rubram materiam colligendi est, dictum fructum in aqua calida macerare, donec materia illa rubra in fundo vasis subsideat, unde aquâ evaporata aut effusa dictus Sanguinis Draconis cum guttis seu frustulis concretis ex fundo vasis colligitur.

## §. 16.

Talem fructum, qualis in antecedenti §. describitur, non solum apud prælaudatum Dn. D. Heisterum vidi, sed etiam ex amplissimo suo rerum naturalium rariorum apparatu mihi exhibuit spectatissimus h. t. Ordinis Medici Decanus Dn. D. Joh. Jacobus Bayerus, statim admonens, hunc fructum non Arboris Draconis Clusii aut alius, sed ipsissima istius Indicæ Arundinis esse, jam pridem descriptum ac delineatum, sub specie fructus peregrini squamosi, à Carolo Clusio; (α) quamvis ille circa plantam nihil exploratum habuit, præter hoc, quod sit *Canna de Bengala*. Meminit vero etiam hujus Arundinis Samuel Dale (β) qui tamen ejus notitiam non nisi ex allegatis modo Autoribus, Morisonio & Bocharto habuit. Clariorem vero ejus mentionem fecit Vit celeberrimus, D. Mich. Bernh. Valentini, (γ) quando Arundinem illam, ex Georgii Eberhardi Rumphii & Herberti de Jager epistolicis relationibus, comprobat in Insula Sumatra crescere, & Rotang Calappa, i. e. Palmi-junci speciem, ali quibus etiam Palma pinum, aut palmam coniferam spinosam vocari. Allegat porro D. Valentini Disputationem Inauguralem Engelberti Kampferi de Dsjerenang, sive Draconis Sanguine, qui ex fructibus palmi-junci conficitur. Non licuit mihi esse tam felici, ut illam Dissertationem nancisceretur, aut saltem, quo loco edita sit, comperirem; interim excerpta, quæ hinc in appendicem sui operis D. Valentini transtulit, egregia sane sunt, & non parum illustrent ea, quæ de

Arundine Indica, Sanguinem Draconis fundente, ex aliis Autoribus in medium protuli. Eandem plantam ejusque fructum atque lachrymam D. Guilielmus Sherard, Botanicus consummatissimus, & Smyrnæ pro Societate Anglorum Turcica Consul, communicavit Samueli Dale, sicut ipse l. c. pag. 263. enarrat, commemorans plantam istam à Sherardo nuncupari palmam, quæ Sanguinem Draconis fundit alteram, foliis & caudice spinis longis, acutissimis; nigris, undique armatam: Reperiri eam in Amboyna Insula: lachrymam esse admodum puram, & cum purissimo Sanguine Draconis in guttis colore convenientem. Quamvis autem Dale dubitet, utrum hæc planta specie non differat ab Arundine supra descripta, verosimillimum tamen est, quod una sit eademque, præsertim quoniam Kampferus restatur Arundinem istam omnino plurimis spinis esse obsitam, ut adeo hoc etiam nomine cum Sherardiana palma conveniat, licet hanc spinositatem non indicaverit Rajus in sua descriptione.

## §. 17.

Nescio autem ferè, quid statuere debeam de aliis quibusdam, quas, præter hæcenus declaratas, Sanguinem Draconis pariter fundere nonnulli Autores asseverant. Ita superius allegatus Herbertus de Jager (δ) ex Gallica Flacourti Historia Insulæ Madagascar tres recenset Species, non inter se tantum, sed etiam ab illis, quas ego exposui (uti plane videtur) diversas. Primam nuncupat vocabulo barbaro *Varaucoco*, quæ instar clematis arbores vicinas scandat, fructum ferat coeruleum, magnitudine persici, quatuor nucleis dulcibus & esculentis refertum: è cortice autem stillare ait gummi-resinam, coloris sanguinei. Alteram speciem *Rhâa*, quæ vox sanguinem significat: arborem hanc esse præceram, instar juglandis, è cujus ramorum ac trunci leviter sauciato cortice effluat succus sanguini animalium florido similissimus, folia gerat pyri foliis analogâ, sed paulo longiora, florem rutilantem & flammei coloris, racematim dispositum, sicut flos urticæ. Tertiam *Mafoutra* aut *Vaofoutra* nominat, arborem cujus fructus formam & magnitudinem pyri referat, nisi quod in fine crassior sit, & quinque cornubus instructus: in medio fructus contineri nucleum pinguem, figura nucis myristicæ, cinctum duriori cortice &c. Plures circumstantiæ harum arborum, fugiendæ prolixitatis causa nunc omitto: Illud tamen non possum sicco prorsus pede præterire, quod Petrus Pometus Myropola Gallus (ε) non solum descripserit, verum etiam delineaverit arborem istam Flacourti tertiam, cujus fructus *Mafoutra* aut *Vaofoutra* dicatur: esse autem specie eandem cum altera illa *Rhâa* ante dicta, & non modo in Madagascar, sed & in Canariis Insulis copiose nasci.

Hh hh 3

## §. 18.

(α) Exotic. Lib. II. Cap. III. (β) Supplem. Pharmacolog. p. m. 252. (γ) Musei Museorum p. m. 387.  
(δ) In Appendice ad Valentini Museum Mus. pag. 41. & 42. (ε) Histor. Gener. Simplic. part. I. p. 260.



## §. 18.

Ex his omnibus plantarum, Sanguinem Draconis suppeditantium, speciebus indubiæ veritatis esse puto I.) palmam pruniferam foliis Yucca, si-ve Draconem arborem Clusii. II.) Angsanam si-ve arborem Draconem Indicam siliquosam populi folio, §. 13. & 14. descriptam : III.) Arundinem farctam, Indiæ Orientalis Morisoni, seu palmam Sanguinem Draconis fundentem, foliis & caudice spinosis Sherardi, de qua §. 15. & 16. egi. Harum enim specierum Historia, & quod singulæ Sanguinem Draconis revera fundant, certo satis constat. De reliquis vero, duabus nempe Nardi Ant. Recchi, §. 12. expositis, ut & tribus illis à Flacourto recensitis, & in §. 17. à me exhibitis, quoniam non nisi admodum imperfectæ prostant descriptiones, vix aliquid ausim determinare, donec luculentiora de singulis testimonia invenerim. Cæterum facile oriri posset dubium, quomodo ejusdem naturæ succus, aut unus idemque Sanguis Draconis, à tot tamque diversis plantarum speciebus produci queat? Verum enim verò non magis impossibile illud videri debet, quam hoc, quod idem lapis Bezoar ex animalibus specie distinctis pluribus, eademque fere terebinthina ex diversis arborum speciebus depromi soleant. Non dubito autem, quin inter lachrymas Sanguinis Draconis (licet quædam generalis existat convenientia) non una tamen etiam observanda sit discrepantia, in colore, aut sapore, aut aliis qualitatibus deprehendenda, si uniuscujusque speciei accuratum examen & cum aliis sedula collatio institueretur; quod quidem apud nos facere ideo non licet, quoniam nemo Mercatorum aut Pharmacopœorum pro certo asserere potest, suum Sanguinem Draconis ab hac & non alia plantæ aut arboris specie sumtum esse.

## §. 19.

Minime vero audiendus est Job. Godofredus Vitus, Myropola Wormaciensis, qui D. Valentini l. c. referente, contendit omnem Draconis sanguinem è sola saltem illa Arundine farcta Indica provenire: Potuit enim omnino bonus ille Vir, cum in Orientali India viveret, observasse quidem, quod Sanguis Draconis, ibi locorum, non aliunde, quam ex Arundine laudata colligatur, frustra vero negaverit, quod in aliis regionibus, ab aliis etiam plantis, ejusdem indolis succus petatur; ut propterea merito ipsius hanc opinionem confutaverit D. Valentini.

## §. 20.

Quod ad delectum Sanguinis Draconis attinet, præferendus est purus, nullis vel paucis quisquiliis, arenis, plantarum corticibus aliisve ramentis contaminatus, levis, qui sibi relictus nigricat, in pulverem vero comminutus egregie rutilat. Et talem quidem in massulas pruni

minoris, interdum etiam brevioris bacilli aut cylindri similes coactum, prælongis foliis arundinaceis vel junceis involutum, Pharmacopœi accuratiores ad medicinam eligere solent; cujusmodi etiam optimæ notæ & exquisitæ pulchritudinis lachrymas, alias quidem ipsissima Arboris Draconis Clusii, alias Arundinis alicujus, sine dubio istius farctæ Indiæ foliis inclusas, mihi ostendit supra laudatus Dn. D. Bajerus.

## §. 21.

Sicut autem in compluribus, præsertim pretiosis, mercibus imitandis & adulterandis turpe lucrum quærunt fraudulentæ mercatores, ita nec circa Sanguinem Draconis iidem abstinent suis mangoniis. Tametsi enim hic succus hodie minori constet pretio, quam olim, tempore Dioscoridis, qui illum ex Africa delatum magno constare, & tam rarum esse perhibet, ut vix versicoloribus pictorum lineis satisfaciat, ne nunc tamen adeò idem evilit, ut potius, juxta dulcissimæ patriæ meæ, Francofurtensem nimirum Taxam, uncia dimidia Sanguinis Draconis optimi pto decem crucigeris venundetur. Cæterum Lappathi quædam est species, quæ ob rubicundas per folia dispersas maculas & venas, herba Sanguis Draconis vulgo dicitur, quando sunt, qui autumant, hujus herbæ expresso succo posse confici ἀντιβαρδόμενον genuini Sanguinis Draconis: Sed neutiquam confirmat experimentum, quod primus in ista planta rubedinis aspectus promittit, quin potius non alium, quam viridescentem succum ex eadem licet exprimere.

## §. 22.

Vario autem modo adulterari observatur Sanguis Draconis. Hermolaus Barbarus (ζ) id fieri cum sorbis tritis & caprino sanguine, pariterque Matthiolus (η) cum hirci sanguine, resina quavis, sorbis siccis, & aliis, perhibent. Amatus Lusitanus (θ) compositas sua ætate novit rotulas, pro Sanguine Draconis venditatas, è sanguine hircino, sorbis, & laterum pulvere, in unum redactis, vel etiam ex rubiæ tinctorum, bolo Armena, resina, & tragacantha simul mixtis. Hujusmodi sane massa, sub titulo Sanguinis Draconis vulgaris aut vilioris, ubique prostat in Pharmacopoliis, & quia minime pretiosa est, à fabris & mulomedicis expetitur ad medicinam equis faciendam. Aliud mangonium Vercellis se vidisse scribit Franc. Alexander (ι) ex gummi nempe in Virgini (i. e. ligni Brasiliensis rubri) decocto soluto, corticibus quibusdam, aliisque simul compactis, in quadrangulas tabellas tam astute paratum, ut visu non internoscatur. Tamen spurium Draconis sanguinem, pulcherrimi quidem coloris, sed in aqua promptissime solubilem & hinc plane gummosum vidi apud sæpius memoratum

(ζ) Corollar. ad Dioscorid. cap. 945. (η) in Libr. IV. Dioscorid. cap. 32. (θ) Comment. in Dioscor. Libr. IV. enarrat. 69. (ι) Appoll. radio I. p. m. 322.



ratum Excell. Dn. D. Bajerum, illique parum  
dissimilem, folio arundinaceo (ad majorem sci-

licet mangonii occultationem) involutum, à  
Pharmacopœo Altdorffino obtinui.

## SECTIO II.

De

*Virtutibus & Usu Sanguinis Draconis.*

## §. I.

Satis jam prolixè, ut opinor, persecutus sum  
historiam naturalem Sanguinis Draconis, ut nunc  
ad declarandas ipsius facultates atque utilitates,  
in Medicina cum primis, tum & mechanicas quas-  
dam, progrediendum mihi esse videar. Hoc au-  
tem omnino præmoneo, quod in sequenti tra-  
ctatione non nisi optimum quemvis talismodi suc-  
cum, qui Sanguis Draconis dicitur, hoc nomine  
subintelligam, excluso quolibet mangonio. Illius  
igitur, cujus notas bonitatis in Sect. I. §. 20. edo-  
cui, qualitates primas, ut juxta veterum doctri-  
nam, sano sensu admissam, definiam, cum Christ.  
Marggravio (\*) arbitror, Sanguinem Draconis sic-  
cum esse & frigidum in primo gradu. Quamvis  
enim resingula ejus substantia calefaciendi potius  
virtutem arguat, quia tamen istæ particulæ (ceu  
in §. IV. monstravi) maximam partem sunt fixio-  
res ac terreæ crassiores, minus volatiles, suppo-  
nita hac conditione difficultas in assignando  
qualitatum primarum gradu facile tollitur; quan-  
quam nec illis refragari velim, qui temperatum  
in calefaciendi & refrigerandi facultate Sanguinem  
Draconis esse contendunt.

## §. 2.

Hoc certum est, siccare, adstringere ac robo-  
rare istum succum, quod jam pridem explora-  
tum habuit Dioscorides, quando suæ cinnabari,  
seu nostro Sanguini Draconis eandem vim, quam  
hæmatitæ lapidi adjudicat, verum efficacius ad-  
stringere, & sanguinem cohibere censet. Quare in  
compluribus morbis, ubi laudatæ virtutes re-  
quiruntur, perutilem præstat operam Sanguis  
Draconis, cum interno, tum externo usu. Ante-  
quam verò speciales ejusdem effectus in hoc aut  
illo morbo recenseam, placet nonnihil de præpa-  
randi Sanguinem Draconis ratione præmittere.

## §. 3.

Diffiteri autem nequeo Sanguinem Draconis  
esse ex illorum simplicium genere, quæ quam  
minima ut plurimum indigent præparatione. Quod  
si enim in lachrymis purioribus, nullo mangonio  
corruptus (uti sane talem impetrare facile licet)  
eligatur, prompte in pulverem conteri, indeque  
varias in formas portionum, electuaria, pi-  
lularum &c. converteri, quin & unguentis & em-  
plastris admisceri pro re nata poterit. Ubi vero  
non nisi impurius, multisque rebus heterogeneis

aut quisquiliis contaminatus præsto fuerit, hunc  
in spiritu vini dissolvere, solutionem percolare, &  
blando igne inspissare conveniet, quemadmo-  
dum Frid. Hoffmannus Pater (λ) idem facien-  
dum præcepit; tamen si hoc pacto saltem resina  
Sanguinis Draconis extrahatur, si spiritus vini af-  
fusus sit rectificatus, & non quodammodo a-  
queus, ut simul gummosam istius succi portio-  
nem dissolvat.

## §. 4.

Si quis in forma liquida concinniore propina-  
re velit Sanguinem Draconis, tincturam vel essen-  
tiam ejus mediante spiritu vini simplici vel tarra-  
risato conficiat. Per retortam igne arenæ fortiori,  
gradatim adhibito, propellitur in vas exci-  
piens spiritus acidulus, è flavo rubescens, non in-  
grati odoris & saporis: oleum vero non prodit  
fuscum, empyreumaticum, nec tamen ipsum  
adeò ingratum, ut potius aromatica quadam acri-  
monia linguam, & fragrantia (inter ipsum em-  
pyreumaticum foetorem) nares afficiat. Et hujus  
quidem olei ex uncis duabus Sanguinis Draco-  
nis duas circiter cum dimidia drachmas obtinui,  
spiritus vero quantitatem paulo minorem. Non  
data fuit hætenus occasio, ut vires utriusque  
experirer: nullus tamen dubito, quin oleum lau-  
daram virtutem traumaticam eximiam olei tar-  
dari foetidi externo usu æquaturum sit, vel su-  
peraturum.

## §. 5.

Ut autem nunc Virtutes Sanguinis Draconis,  
contra hos vel illos in specie morbos, paulo accu-  
ratius declarem, illos primum effectus notabo, in  
quibus medicamentum istud interne datum pro-  
desse deprehenditur. Sunt autem hi in univer-  
sum omnis generis fluxiones, sanguineæ, serosæ,  
aut aliæ. Testantur hoc uno quasi ore, qui San-  
guinis Draconis mentionem faciunt Medici,  
præsertim recentiores, quos inter Nicolaus Mo-  
nardes (μ) illum succum tam intro assumptum,  
quam ventri illitum, aut clysteribus inditum si-  
stere alvi profluvium, sanguinem etiam undequaque  
manantem reprimere affirmat. Similiter Matthio-  
lus periculum facientibus liquido parere perhi-  
bet, quod adstringendi vi polleat & majori qui-  
dem, quam hæmatites, unde fiat, ut felicius eo-  
urantur Medici ad muliebres & dysentericas flu-  
xiones, ad cruentas exscreationes &c. Et quamvis  
Job.

(\*) Mater. Med. contract. pag. 49. (λ) Clav. Schröder. p. m. 599. (μ) de Simpl. medicam. ex novo Or-  
be delat. p. m. 367.



*Job. Baubinus* (v) scribat, se nullam insignem vim ad reprimendos flores sanguinis animadvertere potuisse in legitimo Sanguine Draconis, in adulterino vero, ob admixta adstringentia majorem credere, plus tamen apud me valet peritissimi *Dan. Ludovici* (o) autoritas, qui omnibus stypticis exoticis verum selectioremque Draconis Sanguinem anteposit, suffragante omnino experientia, dummodo non nimis exigua dosi, sed à ℥j. circiter ad ℥j. exhibeatur.

## §. 6.

Consulto hinc celeberrimus *D. Wedelius*, quem Patronum ac Præceptorem de studiis meis summe meritum piissime veneror, in pulverem suum stypticum rubrum larga satis quantitate recipit Sanguinem Draconis. Quod idem quoque ingrediatur vulgarem istum pulverem contra casum, in Pharmacopœa Augustana, Dispensatorio Norimbergensi & alibi descriptum, nemo nisi ignarissimus in re medica ignorabit. Et sane dolendum est, non frequentius à Medicis tentari virtutes illius succi, quas certo persuasum habeo egregias plane comparituras in compescendis compluribus hæmorrhagiis aliisque præternaturalibus fluxibus. Terreæ enim & gummi-resinosæ fixiores ejus particule non possunt non humorum nimiam tenuitatem, agitationem & acrimoniam corrigere, vasa nimium relaxata tono suo restituere, eorundemque præternaturalem anastomosin aut diæresin consolidando sanare.

## §. 7.

Effet in proclivi plures allegare observationes Practicorum, assertionem meam confirmantium, nisi prolixitatem fugiens sufficere putarem unicam memorasse, quam pro summa in me benevolentia sua mecum communicavit *Vir Præ-Nobilissimus* atque *Excellentissimus Dn. D. Job. Mauritius Hoffmannus*, diversorum *S. R. I. Principum Consiliarius & Archiater*, *Academie hujus & Collegii Med. Norimbergensis Senior gravissimus &c. Patronus ac studiorum meorum Promotor maximopere colendus*, de hæmoptico nimirum quodam fere desperato, cui sequens *Electuarium* veluti *Job. Dn. puxavis* opem tulit: ℞. observ. rosar. antiq. ℥ij. croci ꝑ. styptici, sangu. dracon. in lachrym. lap. hæmatit. preparat. succi catechu āā. ℥ij. M. ad fœtil. c. f. q. Sirupi de rosis sic. F. Elect. Idem modo laudatus *Vir* mihi retulit, se non sine felici successu usum esse puriore Sanguine Draconis in affectibus spasmodicis, remiscendo illum cinnabarinis, ras. ung. alcis, eboris & ægagropilis; qualem sane effectum Sanguis Draconis substantia sua balsamica & absorbente terrea nervoso generi, ab inimicis salium spiculis irritato & afflicto, liberaliter promittit. Quapropter minime peccavit *Pharmacopola quidam in Belgio*, qui colorem pulveris specijfici cephalici *Michaëlis* eleganter

exaltavit, addito tantillo Sanguinis Draconis: cumque ideo ab alio *Pharmacopola* fraudis aut criminis accusatus esset apud Magistratum, ab hoc sine ulla poena dimissus & merito absolutus est, quemadmodum *Excell. Dn. D. Heisterus* hanc historiam mihi narravit.

## §. 8.

Pergo nunc ad externos etiam usus Sanguinis Draconis explicandos, qui omnino multi sunt & varii. Pulverem ejus vertici capitis inspersum defluxiones ipsius, ne in partes inferiores delabatur, prohibere, Autor est *Monardes l. c.* sed multo rectius, meo quidem judicio, ageretur, si cum aliis cephalicis & anticatarrhalibus remediis, e. gr. pulv. succini, thuris, mastichis, gum. anime &c. in emplastri formam converteretur, aut saltem cum empl. de betonica subactus imponderetur vertici dictum in finem Sanguis Draconis, sine dubio roborandi & siccandi virtute sua catarrhis obicem positurus. Ad ophthalmica medicamenta suam cinnabarim, nostrumve Sanguinem Draconis commendat *Dioscorides*: nec dubium est, quin contra seri lachrymalis molestant exundationem, cum acrimonia conjunctam, & hinc ortam lippitudinem & ophthalmiam humidam singulari sit auxilio.

## §. 9.

Notissima autem est Sanguinis Draconis efficacia in gingivarum corruptione scorbutica, indeque secuta dentium vacillatione: quibus in casibus prudentes Medici ad pulveres dentifricios, ad linimenta item aliasque formulas illum succum ordinarie recipiunt, utpote absorbendo & putredinem arcendo, insuper consolidando valde proficuum. Hoc nomine *Paul. Hermannus* (π) præscripsit sequentem in modum; ℞. Sang. dracon. mastich. myrrh. āā. ℥ß. alum. ℥j. mell. rosar. q. s. f. linimentum in vacillatione dentium à causa scorbutica. Quantum traumatica virtus polleat Sanguinis Draconis, cum in confesso sit inter Medicos, prolixius adstruere supersedeo. Testes sint tot compositiones antiquæ & novæ, ad vulnera sananda excogitata, quas succus ille largiter ingreditur, e. gr. emplastrum *Aëtii l. c. purpura inscriptum*, ad cruenta vulnera glutinanda, empl. de pelle arietina, catagmaticum *Renodai*, *Stypticum Crollii &c.* quin & pulveribus ischemis, aut Sanguinem violenter erumpentem externo usu sistentibus toto die admiscetur: sicut seorsim in hæmorrhag. narium cum albumine ovi mixtum Sangv. Drac. applicandum suadet *Christ. Job. Langius* (ε)

## §. 10.

Neque vero minus efficax est remedium in ulceribus sordidis & manantibus mundificandis, siccandis & consolidandis: quem in finem *Job. Musæ* (σ) Sanguinis Draconis unum ex præcipuis ingredientibus unguenti, craseos parvum dicti

(v) Hist. Plant. Tom. I. Lib. III. p. 405. (o) Pharmac. p. m. 339, (π) Cynosur. M. M. p. 294, (ε) Oper. Med. part. I. p. 415, (σ) Oper. edit. Costæi p. 187, 11.



dicti esse voluit, quod ulcera tam vetera quam nova terget, carne implet, glutinat, cicatrice claudit. In specie vero ad *synoviam*, sive stillantem ex articulis sauciatis lymphaticum latitem, prodesse Sanguinem Draconis perhibet l. c. *Langius*. Quod *ambustis igne*, & *papularum eruptionibus*, cerato exceptus ille succus medeatur, *Dioscorides* asseverat; nec dubium est, quin longe pluribus morbis idem occurrat, in quibus nimirum siccare, roborare, & putredinem avertere convenit. Ego sane persuasissimum habeo, quod etiam in *suffitu*, ad *siccandos catarrhos*, ad *uteri & ani prolapsum* &c. egregie conducere queat.

## §. II.

Ut tandem de usu *Sanguinis Draconis* extra medicinam aliquid addam, hunc sane, & nominatim pigmentarium, Medico vetustiore esse arbitror: quod vel solo supra allegato *Dioscoridis* testimonio constat, qui *cinnabarinam* suam, aut *modernum Draconis Sanguinem* versicoloribus pictorum lineis precipue destinatum scribit. Quod non alius sit color, quam ipsius, qui in picturis proprie sanguinem referat, ex *Plinio* supra retuli; confirmat idem *P. M. Caneparius* (†) hoc insuper commemorans, quod *Sanguinis Draconis* color magis perduret, quam laccæ, ac magis sanguineus & vividus sit; cæterum quæcunque pictura scripturave hoc pigmento ducta exsiccataque madefiat aqua imbuta

(†) de Atrament. descript. V. cap. 16.

Verzino seu ligno Brasiliensi, illam Violati coloris fieri. *Vitriariis* etiam inservire *Sanguinem Draconis*, ut carmesino colore vitra pingant, testatur *Langius*.

## §. 12.

Coronidis loco adicere placet modum parandi *magisterium Sanguinis Draconis* pro usu *Cosmetico*, ad genas puellarum & scemellarum vivaciori rubedine, siquidem hanc desideraverint, imbuendas: quod arcanum *Præ-Nobil. Dn. D. Heisterus* benevole mihi revelavit: R. *Sanguinis Draconis* q. p. coque cum lixivio forti, filtra saturate tinctum, eumque cum solutione *aluminis*, aqua pluviali facta, precipita, edulcora & exsicca, hoc precipitatum misce cum solutione *Tragacanthi*, vel *mucilage seminis cydoniorum*, utere. Color ejus exaltatur, si particula aliqua hujus *magisterii* in mortario vitreo cum pauxillo *aluminis* teratur, inque subtilissimum pollinem redigatur. Sed ego hic pedem figo, gratias persolvens *Supremo Numini*, quod conficiendo huic qualicunque Specimini sufficientes mihi vires largiri voluerit. *Lectorem* vero *benevolum* spero condonaturum, si in hujus dissertationis elaboratione vel minus accuratum, vel nimis brevem me fuisse deprehenderit, uti sane lubens profiteor, potuisse hoc thema meum & accuratius & prolixius tractari, quod nec ipse omissem, nisi temporis angustia & festinationis necessitas prohibuissent.

## DISPUTATIO V.

DE

## BALSAMO COPAYBA,

D. FRIDERICI WILHELMI HOPPE.

## §. I.

UT ordinis habeatur ratio, *Balsami Copayba* Etymologia hic ante omnia tradenda est. *Balsamum* dicitur, quia liquoribus spissioribus, suaveolentibus & balsamicis, qui ex diversi generis vegetabilibus sua sponte fluunt, vel facta incisione promanant, aut coctione demum eliciuntur, simillimum est. Derivatur autem vox *Balsami* ab Hebræorum *Baal* seu *Bal*, *Dominus* & *Schemen*, *Oleum*, qs. dicatur, *Dominus* aut *Princeps Olei*, ob fragrantiam & insignem in variis morbis efficaciam, qua *Balsamum* se commendat. Alii cum *P. Alpino* in *Dialogo de Balsamo* c. 3. sibi persuadent *Balsami* Etymon ex lingua Arabica deducendum esse, quoniam olim Medici Arabes illud *Balestan* vocarunt, quod Græci *βάλσαμον* & Latini *Balsamum*, nostrates vero *Balsam* appellant. Ad distinctionem autem aliorum *Balsamorum*, quorum quædam à loco natali, uti *Peruvianum* & *Tolu-*

*tanum*, alia ab ipsa planta, ex qua promanant, ut *Opobalsamum*, vel arte parantur, veluti *Balsamum Nucistæ*, *Cinnamomi* &c. alia denique ab usu, cui dicata sunt, ut *Balsamum vite*, *Nervinum* & consimile, suum cognomen obtinuerunt, nostrum *Balsamum Copayba* vel *Copayva*, item *Copaliba*, & *Copalyva*, ab ipsa arbore, quæ illud effundit & à Brasiliensis hoc nomine insignitur, passim apud nos appellatur, ut & à nonnullis minus accurate *Balsamum Indicum album*, *weisser Americanischer Balsam*, quia sic cum *Balsamo Peruviano albo* confunditur. Ab initio *Oleum Copayva* dicebatur ob limpiditatem. Americanis etiam *Colocai*, Lusitanis *Camelo*, Gallicis *Copaii*, *Copais* & *Campais*, teste *P. Pomet Hist. des Drogues* fol. 281. dicitur. Et cum plerique Americani, referente *G. Pisone* in *Hist. Nat. Brasil.* resinas omnes odoratas & gummata suaveolentia *Copal* vocent, arbores autem per voculam *Iba* vel *Xva* designent, facile exinde Etymolo-



mologia ratio patet, cur scilicet arbor balsamum nostrum proferens ipseque liquor resinosus ex ea promanans *Copal-Iba* & *Copal-Yba*, contracte vero *Copaliba* vel *Copayva* denominetur. Pluribus quidem Brasiliæ arboribus resiniferis distincti generis hoc nomen commune est, adeo ut *Franc. Hernandez in Hist. plantar. Mexican.* octo species arborum *Copaliferarum* enumerarit ac descripserit, ob odoris tamen suavitatem usumque præstantem balsami nostri arbor illius & liquor resinosus ex ea destillans *Copayva* nominatur, & sub hoc titulo officinis nostris Pharmacuticis cognitus est.

## §. 2.

Indicato nomine ad ipsius arboris & liquoris balsamici ex ea stillantis descriptionem progredior. *Arbor* satis procera est, multis, crassis & late per terram diffusis radicibus innixa, truncoque gaudens recto, admodum crasso, qui foris denso cortice cingitur, intus autem ex ligno constat saturate rubro & velut minio tincto, duritieque fagino æquali, ex quo non solum afferes lati fiunt, sed & liquores rubri affusa aqua per coctionem eliciuntur, in varios Fabricum lignariorum atque tinctorum usus. Hic truncus multos de se spargit ramos & ramusculos late extensos, quibus quamplurima adhærent folia superna parte magis virentia, inferna vero diluto virore tincta, subrotunda & ad ovalem formam accedentia, quatuor aut quinque digitos longa, duos autem vel duos cum semisse lata, pediculisque crassis, & digitalis longitudinis innixa, per quæ plurimi fibrarum succiferarum fasciculi, in postica foliorum parte magis prominentes, excurrunt. Ramulorum extremitatibus insistent multi flores, ex quinque mediocri magnitudinis petalis compositi, quibus singulis decidentibus succedunt singulæ siliquæ oblongæ, digitales, subrotundæ atque fuscæ, quæ, si ad maturitatem pervenerunt, digito pressæ mox aperiuntur, & nucleum, quem continent, emittunt, oblongo rotundum, avellanæ magnitudine atque forma, cuius exterius integumentum cuticula est nigricans, quæ ad medietatem vestitur paucâ pulpâ luteâ, lentâ, molli, odoris instar pisorum contusorum: nucleus autem, qui comeditur, constat carne lentâ, dentibus cedente, saporis haud adeo manifesti, coloris aquei, quo fructu Simiæ delectantur, ita referente *G. Margravio in Hist. rer. natur. Brasiliæ.* Crescit hæc arbor in densis nemoribus mediterraneis Brasiliæ, & valde luxuriat in vicinis Insulis Antillis, ubi fervente æstate ex trunco tempore plenilunii profundius inciso liquor effluit oleoso resinosus, primo quidem limpidus, instar olei destillati Terebinthinæ, postea vero crassior ex albo flavescens, & aqua subrubente quandoque permixtus, saporis subacris & amaricantis, odoris resinosi ac Terebinthinati subtilioris, qui diversis vasculis ita excipitur, ut qui primo profluit liquor, seorsim affervetur, ceu præstantior altero, qui ultimo prodit & subrubente aqua nonnunquam dilutus

in vasis terreis oblongis & angustis ad nos per Lusitanos, sub *Balsami Copaiba* titulo, transfertur. Si truncus arboris istius iusto tempore satis profunde & ultra corticem inciditur, spatio trium horarum ad duodecim balsami libras emittit; at si intempestive sauciatur, nihil vel parum liquoris balsamici fundit, vulnere autem mox cera aut argilla obducto, post duas circiter hebdomadas resinosum suum liquorem sat copiose largitur. Infima trunci pars in hac arbore cernitur plerumque attrita crebro affricu eorum animalium, quæ à serpentibus vel aliis bestiis læsa ad remedium illud naturæ se instinctu conferunt, uti traditur in *Barlei Hist. rerum in Brasilia sub Mauritio gestar. p. m. 226.*

## §. 3.

Ex modo relatis patet, arborem, quæ Balsamum Copayva subministrat, esse ex genere *siliquosarum balsamiferarum*, quæ *floribus pentapetalis & siliqua brevi monosperma, foliisque subrotundis ac ovalibus* à cæteris congeneribus differt. Arbor enim illa, quæ *Balsamum Peruvianum* profert, foliis Amygdalinis paulo maioribus, acuminatis & siliquis oblongis ac angustis, locoque natali à nostra recedit: quæ vero *Gummi Anime* largitur & *Ietaiba* Brasiliensibus dicitur, siliquis oblongis, & tricoccis abludit: quæ *Opobalsamum* largitur arbuscula, Arabiæ Felicis incolæ, folia habet alata, semper virentia, flosculos pentapetalos, in medio stamineos, & fructus subrotundos ac monopyrenos, quales fere similes aliquot *Terebinthi Jamaicensis* species, Balsamum fundentes & à *Sloane* descriptæ, proferunt, de quibus vid. *J. Raj. Hist. plant. Tom. 3. fol. 51.* Quæ *Balsamum Tolutanum* præbet, in Americæ Provincia *Tolu* folia gerit *Ceratiæ* similia, semper viridia, & conos instar pumilæ *Pinus*. *Celeb. P. Hermannus, in Colleg. Mss. de Materia Medica*, arborem, quæ Balsamum Copayba fundit, bacciferam esse refert, sive quod breves illius siliquas, sive quod alius arboris balsamiferæ Occidentalis fructus subrotundos & racemosos, quales *Hernandez l. c.* descripsit, pro baccis habuerit, quæ tamen minus proprie ita vocantur, quia baccæ Botanicis dicuntur Vegetabilium fructus minores & subrotundi, qui sub cuticula tenui & pulpa molli atque succulenta sua semina recondunt, uti *Rajus in Method. plant. emend. p. 72.* recte monet: siliquas autem arboris Copayba pro baccis habuisse prælaudatum *Hermannum*, ex eo conjicio, quod baccas in duas partes dehiscere scripserit, id quod siliquis proprium est & *Piso* quoque *l. a.* de fructu arboris Copayba subinnuisse videtur, quando siliquas digito pressas facile aperiri tradidit.

## §. 4.

*Balsamum*, quod ex trunco sauciato arboris Copayva stillat, superius in §. 2. liquorem vocavimus oleoso-resinosum, qui primo quidem limpidus & clarus instar olei destillati Terebinthinæ profluere, postea vero crassior

&amp; fla-



& flavesceus, aquaque subrubente nonnunquam permixtus emanare dicitur, saporis subacris & amaricantis, odoris resinosi Terebinthinati penetrantioris, ut sic ab aliis balsamis eo melius distinguatur. In eo quidem omnia balsama naturalia conveniunt, quod liquores sint oleosi, resinosi & paululum viscosi tractuque temporis lentescetes, qui ex vegetabilibus balsamiferis vel sponte fluunt, vel arte exprimuntur, coctioneve proliciuntur, & ex particulis oleosis seu hamosis, plicabilibus & lubricis, intermixtisque subtilioribus salinis acidis (à quarum connubio sulphureæ & resinolæ inflammabiles deducendæ) constant: sed in aliis balsamum Copayva à cæteris congeneribus admodum differt, & quidem: 1. ab *Opobalsamo*, quod recens collectum albescit, postea viridescit & tractu temporis aureum colorem induit, simulque odoris & saporis est subtilioris & penetrantioris, teste *Alpino l. c.* 2. à *Balsamo Tolutano*, cujus color est aureus, odor citratus, sapor subdulcis atque gratus, consistentia admodum glutinosa. 3. à *Peruviano albo*, quod similem quidem colorem, sed odorem fragrantioris ac saporem minus acrem, nec adeo amaricantem habet, si recentius est: diutius autem asservatum rubescit cæterisque balsamicis haud facile permisceri potest: à *nigro* vero, cui color est obscure rubens seu fulvus, odor instar Benzoini ac Styracis vel Liquidambræ fragrans, sapor intense amarus, acris & nauseosus, consistentia tandem unctiosa atque tenax: 4. à *Resina Copal* officinarum, quæ arboris Americanæ Copaliferæ, ab *Hernandez l. c.* descriptæ, liquor est pellucidus, tenax & viscosus, ex vulnerato trunco profluens & mox in resinam flavescentem ac transparentem, instar Gummi, concrevens, Thusque odore referens, si prunis candentibus imponitur. 5. Demum à *Terebinthina*, tam vera seu Cypria, ex Terebintho profluente, quam *Laricea* seu *Veneta* officinarum, cui Balsamum Copayva propius accedit & in multis simile est, adeo ut non solum à lucripetis Mercatoribus Terebinthina laricea purior & recens collecta, vel illius oleum destillatum, expresse amygdalarum dulcium diluto, pro balsamo Copayba, vel etiam Peruviano albo quandoque vendatur, sed & ipsa arbor Balsamum nostrum fundens pro *Terebintho Indica* haberi possit, teste *G. W. Wedelio in Disput. de Terebinthina*. Sagaciores tamen Medici & Pharmacopœi Terebinthinam Cypriam atque lariceam à Balsamo Copayva satis dignoscere solent, tum consistentia, quæ utrique Terebinthinæ spissior, tum colore, qui vitreus, balsamo autem Copayba albido pellucidus, aut ad flavedinem inclinans, tum denique odore, quem subtiliorem spirat Balsamum nostrum, & sapore, quem minus amarum minusque acrem Terebinthina linguæ nostræ imprimit, urinamque violaceo odore inficit, quod

non facit Balsamum Copayva, lotium sapore manifeste amaro imbuens, ceu refert *Th. Fuller. in Pharmacop. extemporanea pag. 181.* cui experientia suffragatur. Proprietates igitur singulares, quibus Balsamum nostrum ab aliis discerni potest, sunt limpiditas succi oleoso-resinosi, ex inciso arboris Copayba trunco primum copiosè promanantis, & ultimo sequentis sæpeque subrubente aqua permixti viscosa crassities, nec non color flavesceus, sapor subacris & amaricans linguæ diutius inhærens, odorque resinosus ac Terebinthinatus subtilior: quæ omnia junctim sumta genuini Balsami Copayva notas exhibent.

## §. 5.

Quoniam autem duplicis consistentiæ atque coloris, nec non majoris & minoris efficaciæ balsamū ex vulnerato arboris Copayva trunco profluit, ideo recte balsamum hoc *duplicis generis* esse dicitur: *unum* scilicet limpidius, tenuius & purius, majorisque activitatis, quod ex incisa arbore primum emanat & seorsim colligitur, usibusque internis potissimum destinatur: *alterum* autem flavesceus, crassius & tenacius, quandoque quisquilliis infectum vel aqua subrubente, quæ simul ex arbore destillat, permixtum, quale usibus externis plerumque dicatum, in vasis terreis oblongis & angustis ex Brasilia per Lusitaniam ad nos nonnunquam affertur &, quandoque ab admixta copiosiore aqua ita corrumpitur, ut nimis dilutum seri lactis colorem ac fluiditatem acquirat, uti tradit *Pomet. l. a.* Tale balsamum recte rejicitur, ut & impurius & diutius asservatum, quod spissius atque tenacius aureoque colore tinctum potissimam sui salis volatilis ac sulphuris balsamici partem tractu temporis per exhalationem amisit. Improbatur etiam illud, quod oleum Amygdalarum dulcium admixtum habet, & genuino limpidius, minusque amarum atque fragrans est, vel quod Terebinthina laricea ejusve oleo destillato imbutum est, aut ex illa sola constat: nam penetrantius & activius est Balsamum Copayba, proptereaque Terebinthinæ, etiam Cypriæ, jure merito præfertur. Optimum est tenue, limpidum, ex albo pellucidum aut ad flavedinem inclinans, purum, odoris penetrantis ac resinosi, saporis subacris & amaricantis, diu linguam ferientis, quod ex inciso arboris trunco primum effluxit & ex Brasilia ad nos recens advectum fuit, quale in multis Germaniæ Pharmacopoliis & Materialistarum (ut vocantur) officinis etiam nostratibus, jam ab eo tempore justo pretio venale prostat, quo per Lusitanos, Hispanos, Anglos atque Belgas omnis generis simplicia ex Novo Orbe in Europam mari sat copiose quotannis transvehuntur.

## §. 6.

Illo quidem tempore, quo Brasilia primum à Lusitanis detecta fuit, non statim Europæis innotuit Balsamum Copayba, cujus usus saluber-



rimus aliquamdiu illis ignotus fuit, sed progressu temporis sagaciores advenæ ab indigenis invidis, sua vulnera illitu hujus balsami consolidantibus, vel etiam ab ipsis animalibus feris, & speciatim apris, qui saucium corpus, singulari naturæ instinctu, arboris Copaiba trunco crebro affricant, arque ita corticis detritu balsamum eliciunt, hocque læsis partibus excipiunt, ut inde brevi consolidentur, edocti, salutiferam istius liquoris balsamici vim non solum in proprio corpore, jubente necessitate, experiri voluerunt, sed etiam eandem usu probatam suis conterraneis commendare, laudatissimumque medicamentum in Europam transmittere, id quod circa finem seculi decimi sexti factum esse conjicio. Nam C. Clusius in *notis ad N. Monardis Hist. simpl. medicam. ex Novo Orbe delat. c. 1.* scribit: *Capit jam à paucis annis ex Occidentali India liquor quidam inferri Olei de Copayva appellatione, quod an ex gummi hoc capite descripto (Copal) sit educum, me latet; valde tamen commendari & perutile esse intelligo ad vulnera recentia curanda. Ejus vero duo esse genera videntur: nam ab honestissimo humanissimoque Viro Petro Gareco, sub extremum annum MDXCVI. vasculum olei illo nomine insigniti accipiebam, fulvescentis crassiusculaque substantia, instar Balsami illius, quod ex Hispaniola Insula defertur: alterius autem generis vasculum sub idem tempus à Vetere amico Francisco Peninio, Viro docto & humanissimo, multo liquidioris, non minus tamen odorati priore. Utrumque hoc Balsamum hodie à Pharmacopolis in pluribus Germaniæ emporiis venditur, & quidem longe minori pretio ac olim, cum primum in Europam transehi coepit; libra enim Balsami Copayva purioris & limpidioris hodierno tempore duobus vel tribus florenis divenditur, crassioris autem viliori pretio coëmitur, & quidem illud in usus Medicos in & externos, hoc vero saltem in externos Veterinarios: pretii tamen hujus vilitas efficit, ut hodie apud nos rarius balsamum Copayva impurius & crassius venale proster.*

## §. 7.

Antequam Balsami Brasiliensis facultates atque vires recenscamus, placet prius in illius *saporem & odorem* diversamque *consistentiam* accuratius inquirere, ac simul eas commemorare *mutationes*, quas subiit, quum varii generis liquoribus addebatur, tandemque igni committebatur, quo rectius de partibus constitutivis, indeque dependentibus ex parte viribus judicare possimus. Sapor balsami nostri subacris & amaricans, admodumque penetrans, qui linguæ diutius inhærere solet, satis testatur de subtili atque volatili illius sale acido, quod plurimis hamulis oleosis & sulphuris implicatum multisque moleculis terreis ac fixioribus permixtum promptè poros linguæ subit & in subjacentes nerveas papillas suis spiculis paulo vehementius agit, atque ita saporem subacrem &

amaricantem diuque in ore durantem excitat. *Odor* resinosus & terebinthinatus, quem diffundit balsamum Copayva, adscribendus quoque sali illius volatili acri & sulphuri, cujus effluvia cum aëre ad nares delata sensiles organi olfactus fibrillas afficiunt & spiritus illic hospitantes in tremulum motum rapiunt, qui mox ad sensorium commune delatus in mente dictum odoris sensum producit. Salino sulphureum autem esse balsamum nostrum satis ostendit tum illius inflammabilitas, quæ patet, quando chatta hoc balsamo madida vel spatula ferrea eodem obducta candelæ accensæ admovetur & mox flammam luculentam concepit citòque deflagrat, tum prompta illius dissolutio in spiritu vini, facilisque mixtio cum oleis destillatis, quibus intime jungitur. Cum expressis verò & coctis oleis, ut & axungiis, non ita prompte coit, ob copiam salis acidi immixti, quod cum affusis oleis crassioribus non statim combinatur. *Consistentiam & naturam oleosam* balsami Copayva indicat quoque aqua limpida, cui si pauca illius quantitas instillatur, primo sub guttularum subrotundarum forma paululum descendit, mox autem sese expandit & in aquæ superficiem assurgit eidemque supernatat; at vase sæpius commoto balsamum hac agitatione in minores globulos divisum aquæ poros subit & in liquorem lacteum abit, qui expanso suo sulphure balsamico gratum odorem spargit. Lacti guttatim immixtum balsamum Brasiliense, supernatat, nec tamen lac coagulat. Tritum cum ovi vitello, affusa simul aqua rosarum vel alia, etiam fontana, primo quidem turbidum liquorem sistit, qui tamen post decem circiter horarum intervallum sedimentum album deponit, ex crassioribus vitelli moleculis cum implicatis balsamicis, ad vasis fundum descendantibus, constans, supernatans autem liquor paululum foetet. Quod si balsamum nostrum cum Oli miscetur, spissius inde fit & glutinis instar immissæ pennæ adhæret, spirituique supernatat, nec tamen colorem mutat, sed saltem aliquid amaroris sui deponit, quia spicula vitriolica plicabiles atque diffusas balsami particulas sulphureas magis coarctant & ita comprimunt, ut linguæ papillas haud adeo vehementer afficere queant. Cum balsamum nostrum affusa aqua simplici, via humida, per vesicam cupream, subdito igne, pellere volumus, prodiit primo & in vitrum appositum destillavit cum phlegmate oleum æthereum & albescens, odoris perquam grati, quod subtilior & defæcator sulphuris balsamici pars est, igne resoluta & à reliquis crassioribus partibus, quibus ante implicabatur, liberata, sub tenuioris olei specie sese sistens. Hoc oleum phlegmati supernatans separavimus ope gossypii & admodum fragrans deprehendimus, ita ut affusis duabus aquæ mensuris suum odorem gratum communicaverit. Residuum phlegma, post peractam destillationem, in vesica

itidem



itidem suaveolebat, sed tamen empyreumatici quid simul spirabat: Resina vero seu Colophonia huic phlegmati innatans, quæ nil nisi viscosa atque crassior balsami nostri pars est, multo adhucdum sulphure & pauco sale fixo imbuta, odoris erat resinosi & ceræ instar digitis, quibus tenaciter adhæsit, tractari poterat. Postea destillationem, quæ via sicca fit, instituimus, & Balsamum Copayva per se retortæ vitreæ immisimus, hancque in arenam locavimus, supposito vase recipiente: subdito igne, ab initio paulo fortiore, prodiit spiritus albicans, valde volatilis & acidus, empyreuma redolens, qui collo retortæ appositum vas recipiens mox diffrigit. Vitro igitur angusti orificii infusus fuit, in quo post refrigerationem ita effervescecepit, ut vitrum probe obturatum mox quoque disrumperetur. Effervescencia vero cessante spiritus crassamentum album ad fundum vasis dimisit. Hujus spiritus quatuor partes cum spiritus vitrioli una parte commixtæ non statim efferbuerunt, sed brevi sedimentum paucum deposuerunt: cum vero in loco calido ad digestionem aliquamdiu seposita fuit hæc mixtura, strepitum sonorum fere tinnientium campanularum instar edidit, posteaque colorem rubeascentem assumpsit. Hæc mixtura retortæ infusa, supposito igne fortissimo, oleum fundebat colore & odore illud referens, quod in officinis oleum Philosophorum audit: hoc ad siccitatem abstracto, in fundo retortæ hæsit Colophonia splendescens, quæ affuso spiritu vini non solvebatur. Oleum vero abstractum addito spiritu vini rectificato crassius evasit, ad infimam vitri partem descendit & spiritum vini rubro colore tinxit: instillato autem Oli oleum eidem mox supernatavit rubicundissimum. Ex recensitis conjicere licet, Balsamum Copayba per se retortæ inditum, adhibito mox ignis intensiore calore, sal suum volatile acidum, subtiliori phlegmati junctum, una cum sulphure balsamico simul in vas recipiens demississe, ubi sub spiritus fumosi albicantis, volatilis & acidi specie semet sistebat & ob sulphuris ambustionem à vehementiore igne factam empyreuma spirabat, continuatoque eodem fornacis æstu tanta copia vas recipiens occupabat, ut hoc elasticam illius vim non sustinens brevi in frusta dissilierit. Sal autem volatile acidum, hujus spiritus subtili phlegmate dissolutum, ubi per quietem, seposito ad refrigerationem spiritu, magis sui juris factum fuit, mox intermixtas sulphuris balsamici particulas invasit & cum iis colluctando efferbuit, donec sale acido discerptæ particule sulphureæ cum illo amice coiverint in crassamentum album, ad vasis fundum descendens. Hæ particule sulphureæ in isto spiritu quodammodo ligatæ & ab affuso Oli magis suppressæ tandem, accedente externo calore, in digestionem magis expansæ fuerunt & cum occurrentibus salinis acidis intermixtisque resinosis commixtæ

bullas effecerunt, quæ cum impetu disruptæ tinnientium campanularum sonitum prodixerunt, tandemque evanuerunt, sulphure cum sale acido jam intimius combinato & toti mixturæ rubeum colorem inducente. Ex hoc salis & sulphuris connubio arctiore, per intensum ignem facto, derivandum est illud oleum, quod ex hac mixtura per retortam prodiit, oleo Philosophorum simile, cujus caput mortuum ex magmate resinoso constans Colophoniam splendescens retulit, difficiliorisque solutionis fuit. Balsamum Copayva cum cineribus mixtum & retortæ immisum, appposito vase recipiente non lutato, subjectoque igne fortissimo, nobis præbuit oleum cœruleum, odoris haud ingrati, sed tamen empyreuma redolentis, quod cum phlegmate prodiit limpido, quale per vesicam cupream antea destillatione obtinuimus. Spiritus vini rectificatus huic oleo ad eminentiam duorum digitorum transversorum affusus & ad digestionem sepositus non ringebatur quidem ab oleo, sed tamen illius colorem cœruleum dilutiorem reddidit, oleoque supernatavit. Huic mixturæ refrigeratæ guttatim instillatus spiritus vitrioli bonæ notæ mox eam lacteo colore imbut & dein sedimentum albidum atque viscosum deposuit, quo facto tota mixtura in diversi coloris liquores abiit, ita ut ille, qui sedimento proximus erat, phoeniceus, medius autem pellucidus, & huic innatans oleum cœruleum esset: postea in vitro probe exagitata mixtura tota cinerea facta fuit. Varium istius olei colorem, ab affusis diversæ naturæ liquoribus productum, deducimus à sulphureis Balsami Brasiliensis particulis, quæ ab acidis suis compedibus per additos cineres liberatæ & supposito igne fortissimo in minimos globulos resolutæ, modo propius ad se invicem accedendo, modo longius recedendo, suis interstitiis majoribus vel minoribus, plures paucioresve luminis radios transmiserunt, sphaericaque sua superficie vario modo incidens lumen versus intuentium oculos reflexerunt, unde varium hujus olei colorem derivandum esse putamus.

## §. 8.

Ex his prolixius commemoratis patet quidem Balsamo Brasiliensi inesse sal volatile acidum admodum penetrans, quod phlegmati & spiritui, ex hoc balsamo igne prolecto, copioso inhæret, ut & sulphur tenue atque subtile sali acido intime junctum, quo oleum destillatum nostri balsami scatet, nec non multas particulas terreas, salinas fixas, oleosas atque viscidas, quæ à destillatione residuam Colophoniam constituunt & spissiore Balsamo Copayba communi vel diutius asservato consistentiam largiuntur. Hæ ipsæ tamen partes balsami constitutivæ sub ea prorsus forma, quæ in conspectum nostrum post variam destillationem, vel aliam operationem Chemicam veniunt, antea in balsamo non



fuerunt, sed ab ignis demum vi, quam passæ sunt, variam suam magnitudinem, formam, connexionem & inde ex parte resultantem colorem & odorem obtinuerunt. Majorem autem subtilis & sulphurei olei quantitatem, minorem salis acidi volatilil oleo immersi, minimam denique salis terrestris atque acidi fixi oleique crassioris partem sibi intemè permixtam Balsamum Copayva componere, plusque purioris & tenuioris olei salisque volatilil acidi balsamo nostro liquidiori, minus autem impuriori & crassiusculo inesse, tum subtilis & penetrans illius odor, consistentia fluida, sapor amarus & acriusculus, paucaque resina, quæ post distillationem remanet; tum ipsa analysis Chemica Balsami nostri, supra relata satis, me iudice, indicat, imo id ipsum corroborabat quoque vis ejus aperiens, resolvens, detergens, consolidans atque corroborans, quæ Balsamo Copayva non solum passim attribuitur, sed etiam per experientiam Medicam confirmatur.

## §. 9.

Sale enim suo sulphureo & amaro-acri non solum tunicas intestinorum blande extimulat Balsamum Brasiliense, sed etiam humores viscidos primarum viarum attenuat, atque ita alvum blande laxat, à ʒs. ad ʒij. vel ʒiij. cum saccharo sub boli forma sumtum, vel ovi vitello subactum & vino saccharato, vel alio conveniente liquore dilutum. Sic Fuller. l. c. p. 181. *Mixturam Balsamicam* ex balsami nostri ʒj. vitell. ovor. nro. ij. Syrupi albi ʒij. & vini albi ʒviii. parare docet, quæ cochleatim data ventrem blande movet & urinam ciet, sanguinemque viscidum resolvit & acriorem temperat. Imprimis autem Balsamum nostrum specificum audit in gonorrhœa & fluore albo, tam simplici, quam maligno, sanguinem & imprimis illius lympham acrem viscidam & Venereo contagio infectam, sive in vasculis seminalibus, glandulis prostaticis hisque vicinis Cowperianis, sive in inguinalibus, aut denique vaginalibus uteri hæreat, resolvendo & attemperando, perque diaphoresin ac diuresin insensibiliter educendo; in quem finem Balsamum Copayva per se ex ovo sorbili, aut cum vini Hispanici aliusve exotici pauxillo, à guttis V. ad X. vel XV. mane vespereque datur, vel cum aliis mixtum sub forma Essentiae, Tincturæ, Olei, Boli, Elæosacchari vel Pilularum exhibetur. J. H. Juncken in *Lex Pharm.* p. 78. describit *Elixir antivenereum* ex Bals. Copayva ʒj. resin. Guajac. ʒij. ol. & ligni sassafras ʒs. & spiritus vini rectif. ʒv. per digest. addito pauxillo salis fri parandum, quod in fluxu albo & gonorrhœa, simplici æquè ac virulenta, est egregium, urinæ ardorem simul mitigans & sabulum renum eliminans sudoremque movens, si à guttis X. ad XX. cum decocto lignorum calente præbetur. Hoc usu probatum à quibusdam sub *Elixirii albi* nomine præscribitur, quia prior deno-

minatio non omnibus arridet. Potest etiam *Tinctura balsamica* ex solo balsamo Copayva, vel addito Peruviano & Tolutano adminiculo affusi spiritus vini prælati per digest. elici, quæ in pollutione nocturna, gonorrhœa, fluxu albo, vulneribus & ulceribus partium, tam internarum, quam externarum, cum infusis vel decoctis vegetabilium idoneorum, non sine emolumento à guttis V. ad XXX. hauritur. J. le Mort. in *Chym. Med. Phys.* p. m. 58. *Oleum Terebinthina compositum* ex Terebinth. claræ Lib. ij. balsam. Copayv. Lib. semis, Nucis Mosch. ʒij. cort. citr. exter. & rad. Irid. Florent. ana ʒiv. Benzoes ʒiij. bals. Peruv. ʒis. & spiritu vini rectif. in quo Moschi & Zibethi ana gr. ij. soluta fuerint ʒiv. per distillationem leni igne parandum descripsit, quod ad guttas XXX. vel XL. cum successu dari potest in quavis Gonorrhœa & fluore albo contumaci, modo purgantium & lium usus subinde intercedat. Ex balsami Copayva drachm. una cum sacchari albi uncia una, in mortatio marmoreo trita, *Elæosaccharum* conficitur, quod non modo in prædictis affectibus, sed etiam in stranguria & dysuria, ex refrigeratione vel cibo potuve acescente suborta, vulneribus item & ulceribus, præsertim nervosarum partium, proficuum est, à scrup. uno ad drach. unam ex apto vehiculo sumptum. Hoc elæosaccharum cuidam Civi Manheimensi, qui ex ulcere perinæ male tractato fistulam sinuosam genitalium contraxerat, olim à Celeberrimo hujus Academiæ Prof. Med. G. Franco commendatum ita profuit, ut dolores & urinæ ardores haud parum mitigati fuerint, ipseque æger immedicabile hoc malum per viginti & aliquot annos patienter ferre potuerit, donec accedente tabe, cum pulmonis ulcere, circa initium anni elapsi Ladenburgi fati cessit. Felicior hoc ægro fuit Civis Landaviensis, qui à longo tempore renum doloribus & dysuria contumaci, variis symptomatibus stipata, vexatus Celebriorum Medicorum, etiam extraneorum, consilia atque remedia magnis quidem sumptibus expetit, sed frustaneo cum effectu in usum vocavit, donec ab Empirico in Alsatia monitus fuit, ut per integrum annum quotidie sex guttas balsami Copayva assumeret. Cum autem ille sanitatis avidus hoc balsamum sensim in paulo majori quantitate ad guttas X. XV. tandemque XX. singulis diebus hauserit, elapsis aliquot septimanis magno conatu cum urina vesiculam oblongam, subrotundam & albicantem, quæ nucleo Dactylorum quodammodo similis erat, excrevit, & ab illo tempore maximum levamen ab usu hujus remedii sensit. Ne vero redeant dolores illi molesti, adhuc dum subinde quinque vel sex guttulas balsami hujus assumit, quod omnibus divitiis antefendum esse dicit. Qui in commemoratis affectibus saccharata minus prodesse putant, *Pilulas balsamico-traumaticas* ex Tereb. clar. extr. Rhabarb. & Virgæ aureæ vel Bellidis min. Succin. alb,



alb. præparat. lap. ☿. Gum. Arab. Mastich. & Balf. Copayva conficiunt, quas ad Scrup. unum mane atque V. in gonorrhœa, fluxu albo, vulneribus & ulceribus, speciatim renum & pulmonum aliorumque viscerum, cum fructu exhibent. In phthisi pulmonali & quavis alia ex interiorum ulcere nata, nec non empyemate balsamum Copayva tam per se, quam cum pulv. rad. Ari & Irid. Flor. Antihect. Pot. lap. ☿ & Sacch. cand. datum egregie detergit & puris acrimoniam corrigit, læsasque partes ad consolidationem disponit, modo ulcus non fuerit profundius ac inveteratum, vel à causa hæreditaria contractum. Merito hinc Balsamum Brasiliense optimum audit Thoracicum, quod mucum tenacem & acrem bronchiis impactum abstergit, temperat & educit, pulmonum quoque tonum labefactum corroborat & illorum tubercula cruda dissolvit. Hujus balsami usu tussis admodum periculosas & phthisin minitantes, citra omnium expectationem, penitus sublatas fuisse testatur *Fuller. l. a. pag. 182. F. Hoffmann. in Disput. de Balsam. Peruv. pag. 24. Balsamum pectorale* in omnibus Thoracis affectibus, ubi materies viscosa vel purulenta expectoranda est, perquam utile commendat, quod ex balf. sulphuris cum oleo amygd. dulc. par. ꝑj. balf. Peruv. vitello ovi sol. & Copayv. āā. drach. duab. oleique destil. anis. drach. sem. paratur. Quicquid hoc medicamentum in morbis pectoris præstat, id balsamum nephriticum à *J. le Mort in Chym. Med. Phys. pag. 182.* descriptum, cui balsamum nostrum permiscetur, in doloribus nephriticis & colica flatulenta peragit, si à gutt. x. ad xl. datur. Quidam chylum per vias urinarias excernens assumpto balsamo Copayva integre convaluit, ita referente *Fullero l. a.* ubi testatur idem balsamum hecticis profuisse, quibus acrimoniam sanguinis corrigit ejusdemque putredinem arcet, concisa dosi propinatum. Tonum quoque viscerum firmat & humorum intemperiem pituitosam, fœsam, acrem emendat, proptereaque in cachexia, imprimis scorbutica, arthritide, ulceribus & fistulis partium externarum conducit, sanguini balsamicam suam virtutem communicando. Partum etiam faciliorem reddere balsamum nostrum *Zaccutus l. 2. obs. 148.* refert, ita scribente *Welsch in Exot. cur. & obs. Med. chil. 2. §. 433.* id quod sale suo sulphureo acri & amaro, quo fibras internas extimulare valet, sine dubio præstat, si in paulo longiori dosi assumitur, qua etiam alvum subducit, uti supra monuimus. Et hinc in dysenteria ac diarrhœa non semper tutus nobis esse videtur balsami Copayv. usus internus, quo intestina facile irritantur & interaneorum ardores atque dolores intenduntur. Externe vero balsamum Brasiliense læsis partibus ad motum discutit & humores stagnantes resolvit, nervos irritatos demulcet vel debilitatos roborat, partiumque tonum

firmat, idque facit particulis suis salino-sulphureis seu balsamicis, quibus etiam abstergit, mundat & à putredine præservat, læsasque vulnerum ac ulcerum fibras consolidat, unde traumatica illius vis abunde patet. Admiscetur hinc plerisque unguentis & balsamis vulnerariis, quorum descriptio vid. in *C. Bontekoe Pharm. p. m. 223. M. G. Purman. Chirurg. Lorbeer-Krantz P. 2. c. 2. pag. 197. & cap. 5. pag. 428.* nec non *Ejusdem sonder- und wunderb. Schuß-Wunden Cur. obs. 12. p. 127. Junckens Chir. S. 2. c. 1. pag. 96. & 110. J. C. Schvvartz, von gehauenen Wunden obs. 1. p. 42. R. Roonhuysen in Obs. chir. 22. l. 1. ex balsami Copayv. & olei hyper. æquali portione suum balsamum vulnerarium conficit, cui aloë, mastiche & myrrha superaddi potest, si vulnera cum magna contusione, aut fibrarum dilaceratione, vel etiam instrumentis venenatis morsuve animalium rabidorum inflicta deliganda sunt. Balsamum igitur Brasiliense non solum in vulneribus recentibus partium carnosarum non adeo profundis, quæ sarcotica sua virtute brevi consolidat, sed etiam in sclopetariis & cum ablatione partis alicujus læsæ factis vi sua detergente prodest, balsamicâ vero vulnera venenata partesque nerveas ac tendinosas punctim vel cæsim læsas demulcet, ac spastica symptomata præcavet. Vulneribus sclopetariis balsamum Copayva sæpissime saluberrimo cum effectu adhibuit *A. H. Sprengerus, Copiarum Palatin. Chirurgus superior exercitatus*, ut mihi haud semel retulit. Inflammationem & gangrænam vulnerum venenatorum arcet hoc balsamum cum oleo tereb. & spir. Theriacali camphorato mature admotum. Dolorem autem & tumorem phlegmonodem, ex nervo vel tendine V. S. rudiori compuncto, brevi tollit idem balf. cum oleo terebinth. vulnuscule tepide instillatum. Si tendinosa musculi mastoidæi pars, qua cum clavicula conjuncta est, in obstipo capite à perito Chirurgus circumspicte dissecta fuit, patens vulnus plumaceolis balsamò vulnerario Roonhuysii madidis replendum est, ut sic consolidatio promoveatur. Quodsi caput cum denudatione cranii graviter læsum fuit, ipsi quidem ossi linamenta sicca imponenda sunt, vulneris autem labiis balf. Copayv. cum balf. *Arcaei*, myrrha & mastiche mixtum inungendum, imposito desuper Emplastro de beronica vel consimili, quod etiam in aliis vulneribus cum ossium vel cartilaginum læsione faciendum. Ubi labium leporinum debite sectum & acubus recte unitum fuit, lintea carpta balsamo Copayva imbuta partibus læsis admovenda, superinducto emplastro glutinoso pro firmando hoc apparatu, de quo vid. *Nuck. Exper. Chir. c. 22.* Si vesicæ collum fœminis ex quacunque demum causa disruptum occalluit, forfice prius caute auferri debet callus & postea labiis dextre adaptatis balsamum Copayv. cum linamentis apponi, quod consilium est *Roonhuysii in Obs. Chir.**



*Chir. part. 2. p. m. 168.* In ulceribus, tam simplicibus, quam sordidis, sinuosis & fistulosis, aut cum ossis vicini carie junctis balsamum Brasiliense sale suo volatili & sulphureo digerit, puris generationem promover, abstergit & ad consolidationem eadem disponit, si per se, vel cum unguentis digestivis, addito subinde fusco, Ægyptiaco, ut & aloë, myrrha, mastiche, sarcocolla, gummi elemi &c. adhibetur. Speciatim autem in fistula lachrymali, ulceribus mammarum profundis, abscessibus thoracis, vel infimi ventris, præsertim cum subjacentium intestinorum læsione, fistula ani, bubonibus & parotidibus apertis, aliarumque partium exulcerationibus sinuosis, pædarthrocace, verrucis & clavis pedum profundius resectis, aut adhibitis acrioribus irritatis, Balsamum Copayva, cum Tinct. Myrrhæ, Succini, Aloes, Balsamo Sulphuris terebinthinato, melle persicariæ & similibus, admotum perquam utile est, uti patet ex *Append. Observ. Armament. Chir. Sculteti Observ. 97. p. 283. Purmanni Chir. curios. part. 1. c. 32. p. 240. part. 2. c. 3 p. 293. & c. 22. p. 523. nec non part. 3. c. 19. p. 741. Vonis Gauckes Prax. Chirurg. Med. c. 53. & aliis.* In Ozoena Venerea & narium fissuris atque pustulis exedentibus salubri cum effectu linimentum ex Bals. Peruv. & Copayv. terra Oli dulci, sarcocolla, & præcipit. rubro & melle ros. adhibuit in *Miscell. Nat. Cur. Germ. dec. 3. a. 9. & 10. observ. 123.* Ad synoviam Balsamum Copayva commendatur à *Purmanno in der Feldscherers-Kunst Sect. 4. c. 12. p. 330. seq.* & ad ariduram membrorum in *den sonder-und vvunderbahren Schuss-Wunden Curen obs. 9. p. 108. & obs. 34. p. 302. seq.* nec id sine ratione, quoniam sale suo volatili ac sulphureo humorum stasin tollit & pristinum motum restituit, si cum aliis competentibus remediis in usum vocatur. In paralyticis præterea nervorum resolutionibus, membrorum distorsionibus & spasms dolorificis balsamum Brasiliense, cum oleis destillatis spicæ, rosmar. succini, caryophyll. axungia castorei, &c. partibus effectis utiliter affricatur. *Jobus à Meckren in obs. chir. 56.* decoctis detergentibus & consolidantibus, in vesicam ab extracto calculo læsam injiciendis, balsamum Copayva sub minori quantitate felici cum successu addidit, ob vim, quam habet, traumaticam, qua etiam

prodest in Empyemate, si liquoribus abstergentibus immiscetur & per siphonem in cavum pectoris, sectione prius dextre perforati, tepidè infunditur, ut purulentus humor, interioribus thoracis partibus tenacius adhærens, detergatur & imminens putredo præcaveatur. Hac ratione in vulneribus & ulceribus intestinorum crassiorum conducit quoque balsamum nostrum, clysteribus abstergentibus parçè cum vitello ovi superadditum.

## §. 10.

Hæc autem omnia in recensitis affectibus præstat sub Divina benedictione Balsamum Copayva, si genuinum nulloque mangonio corruptum vel infractum, debito tempore & modo, justaque quantitate à prudenti Medico & exercitato Chirurgo adhibetur; largiori enim dosi, vel longiori, quam par est, minusve opportuno tempore assumtum sulphure suo balsamico & acri sensiles tunicas primarum viarum extimulat, humores nimis exagitat, & sic febres, hæmorrhagias, cephalalgias, cordis palpitationes, dolores & ardores ventris aliaque incommoda parit. In specie phthisi & ulcere renum laborantibus abusus balsami Brasiliensis facile tussim exasperat, hæmoptoën & mictum cruentum infert, febremque lentam intendit. Nephriticis quoque frequentius & largius exhibitum dolores & inflammationes renum adauget. Dysenteria maligna & lenteria notha, quæ ex denuatione tunicæ nervæ ventriculi ac intestinorum oritur, vexatis balsamum nostrum propinatum, vel clysmatibus additum, sæpe ardores internos excitasse observavi. In omnibus igitur alvi fluoribus, ab humorum in primis viis collectorum acrimonia natis & cum gravi intestinorum inflammatione junctis, balsamum Copayva assumtum plus obest, quam prodest. In mictu Cruento & Dysuria Senum, ab humorum faldedine producta, similiter nocet, quia sanguinem nimis commovet & vias urinarias, jam dolorificè affectas, magis irritat. Nec etiam extus adhibitum balsamum Brasiliense semper & ubi vis conducit, quia vulneribus & ulceribus nondum satis deterfis, seu à pure inhærente liberatis, admotum intempestive cicatricem inducit & sic ulcera sæpe numero sinuosa infert, quæ brevi tempore recrudescunt & difficilius sanantur.





# DISPUTATIO VI.

DE

## MALO CITREO, DN. D. DANIELIS NEBELII, Archiat. & PP. Heidelb.

### CAPUT I.

### NOMEN EXPLICAT.

UT ab ovo, quod ajunt, exordiar, ante omnia nominis habenda erit ratio, cum hujus notitia saepe eo felicius in rei tractandæ cognitionem deducamur. Denominationem vero suam pomum citreum unde acceperit, Etymologi adhucdum inter sese dissident: quidam enim *citreum* à colore corticis citrino nomen accepisse volunt, sed petitionem principii committunt: Alii à *cedro*, quod citri folia & fructus cedri referant odorem, derivare contendunt, verum nec hi mihi omnino satisfaciunt: Propius accedere videtur *Vossius* in *Etymologico Latin. ling.* qui pag. 183. vocem putat esse Latinam, ast non à Græcis, sed potius Afris acceptam: Alii alia adducunt, de quibus ptolixe differentem vide *J. Bod. à Stapel, in not. ad Theophrast. Eresii Hist. Plant. l. 4. c. 4. p. 337. seq. & pag. 522. seqq.* Sic diu multumque circa citri etymon hæsitant mihi scrupulum tandem ademit Vir Nobilissimus & L.L. peritissimus *Henricus Scretæ à Zavorziz & Schotnau*, Physicus Reipubl. Scaphus. Celebratissimus, Fautor plurimum colendus, in doctissimis suis ad me pridie Calend. Octobr. 1685. exaratis literis, in quibus ita scribit: *Vox Citrus nec Græcanica neque Latina est: sed quia tam lignum quam fructus ejus primum à Pœnis, Africa litora incolentibus, in Italiam advehebatur; ideo haud absonum erit statuere, ipsammet vocem pariter ab eorundem lingua petendam esse. Venit ergo citrus à Punico seu Ebraeo צִטְרוֹ, quod in pihel significat adolevit, suffivit; unde nomina צִטְרוֹ suffitus, ac צִטְרוֹ fumus veniunt.* Græcis vocatur μήλον Μηδικόν, ἢ Περσικόν, ἢ Κεδρόμηλον (seu potius, teste *Vossio l. c. Κιτρώμηλον*) *Dioscor. l. I. c. 136. it. μήλον κίτριον: Latinis malum s. pomum citreum, citromalum Matthiol. in Commentar. ad Dioscor. l. c. Ab Antiquis malum Medicum, Persicum, vid. Theophr. Eres. l. c. Assyrium à Plinio H. N. l. 12. cap. 3. nominabatur, vel à virtute, quâ pollet, Medicâ, quod vult Claud. Deodat. Panthei Hygiast. l. I. c. 29. pag. 309. vel à terris, ubi familiare & frequens admodum erat, quod verosimilius, vid. Calepini Dictionar. voce Media. Post autem teste Galeno de Medic. simpl. fa-*

*cult. l. 7. c. 3. non amplius malum Medicum, sed ab omnibus citreum appellabatur. Athen. Dig. nos. l. 3. c. 111. hæc mala Hesperica & χερυσέα μήλα vocat, sed minus bene, cum J. B. à Stapel. l. c. pag. 338. seqq. multis rationibus stipatus, Hesperica mala Cotonea esse dicat. In vernacula nostra eine Citrone, ein Citron-it. Judenapffel salutatur, quia Judæi in festo Palmarum celebrando hoc fructuuti dicuntur, ceu præter alios vult *Tragus in hist. Stirp. l. 3. c. 40. Majora autem mala citrea Citrinat, it. Citronatäpfel* vocantur, conf. *Christ. Vielheuers Beschreibung frembder Materialien und Specereyen, part. 2. pag. 94. Qui plura synonyma desiderat, evolvat Hermol. Barbari corollar. in Dioscor. l. I. c. 176. C. Bauhin. pinac. l. II. Sect. 6. aliosque. Arbor, quæ hunc fructum profert, Græcè μήλεα Μηδική, ἢ Περσικὴ, it. Κιτρία, Latine malus Medica, Persica, Assyria, it. Citrus, malus citrea & citria, Germanis ein Citronen-Baum audit. Malum autem hic fructus vocatur, quia præter formam id cum cæteris malis commune habet, quod brevi gaudeat pediculo; pomum vero, quoniam, attestante C. Bauhin. in Addition. ad Matthioli Commentar. in Dioscorid. l. c. fere omnes perspicuæ magnitudinis fructus ita nuncupari soleant. Duplici vero sub sensu mala Medica sumuntur, & quidem latè sub se comprehendunt Limonia & Aurantia, utpote quæ illorum genera sunt, strictè vero pro in specie sic dictis pomis citreis intelliguntur. Monendus autem est B. L. me sub citreorum malorum nomine illa comprehendere, quæ apud nos pro citreis venduntur, licet his sapissimè limonia mala intermixta sint; cum enim Limonia citreis facie & facultate fere respondeant, facile tota hæc dissertatio paucis mutatis ad eadem quoque applicari poterit. Ex modo dictis constat, me neutiquam artificialia illa ex ære fabricata, concava, occulto dotata siphone commemoratorum citrea mala, quibus aqua repletis otiosi homines incautos adstantes subito terrere ac mædificare solent, ea etenim ad forum Medicum non spectant. Quod arborem attinet, plurimum ea differt ab illa mala Persica, quam Germani**



einen *Pfersichbaum* nuncupant, ceu cuius no-  
rum. Duæ quoque arbores apud Latinos *Citri*  
nomine gaudent: *malus citrea*, de cuius fructu  
heic agere constitui, & *citrus cupresso similis*, quam  
Græci *Θύρον*, Latini *arborem vitæ* vocant, quam-  
que descriptam vide apud *Theophr.* l. 5. c. 5. *Joh.*  
*Jonston. dendrogr.* l. 5. artic. 5. punct. 4. p. 281. ex  
qua *mensæ* illæ, Veteribus, *Plinio* maxime, *H.*  
*N. l.* 23. c. 15. decantatæ quasque *citreas* vocarunt,  
dedolabantur, de quibus ita *Petronius*:

— ecce *Afris* eruta terris

*Citrea mensa* —

An autem *citreum pomum* Antiquioribus co-  
gnitum fuerit, hic non disquiram, cum id jam  
egerint *Athen.* & *J. B. à Stapel.* l. l. c. c. pag. 523.  
Hoc saltem adnotare lubet, *Homerum* & *Nævium*  
Poëtas, teste *J. Langio* l. 1. epist. 67. vestes, quibus  
ad gratum odorem conciliandū *citrea mala* inter-  
posita fuere, *citrosas* nuncupasse, unde illud *Nævii*:  
*Pulcræ ex æuro, vestemque citrosam.*

## CAPUT II.

### ARBOREM CUM FRUCTU DELINEAT.

Indicato nomine presso pede ad ipsam arboris  
& fructus descriptionem progredior, ut, è qua  
arbore hæcce poma legantur, B. L. pateat. Est  
itaque *citrus arbor* exotica pomifera non magnæ  
proceritatis, *radicibus* copiosis & tenuibus ex  
fusco flavescens, brevi *trunco*, qui cineritio  
& subaspero libro circumdatus est, *ramis* oblon-  
gis, crassis, firmis & obsequiosis, partim trun-  
cum versus angulosis & viridi glabraque cute  
vestitis, è quo ipsi tamen ligno infixæ *spinae*, viri-  
descende lævique cuticula testæ, unciales ferè,  
rectæ & rigidæ, sub foliorum annexibus, prodeunt.  
*Folia* separatim hinc inde posita, oblonga, lata,  
lævia, odorata, per ambitum non profunde ser-  
rata, semperque viridia, adeoque laurinis non  
admodum dissimilia, nisi quod dilutiora juglan-  
dis folii magnitudinem fere adæquent, superio-  
ri parte splendens, inferiori verò nonnihil pal-  
lida, brevi pediculo inhaerent. Costula præte-  
rea dorsali donata sunt, quæ ramulos ad latera  
spargens multiplices effingat areas, quas utriculi,  
diaphano succo turgidi & aliquomodo hiantes,  
occupant; hinc omnes Botanographi scribunt  
folia, si radiis Solaribus opponantur, minutissi-  
mis foraminibus, non secus ac hyperici folia,  
perforata conspici. *Flores* calici insidentes su-  
premis ramulis innascuntur, candidi, foris sæpi-  
us purpurascens, & oleosis guttulis, seu potius  
utriculis oleo distentis extus conspersi, calathi  
fere effigie, carnosissimi, solidi, brevique pediculo  
præditi, & lilia convallium nonnihil redolent-  
es. Interiorem florum partem alba stamina,  
tenuia admodum, occupant, quorum apex fla-  
vum tenet capitulum, exiguis globulis luteis  
refertum. In centro horum staminum quidam  
stylus, turgentibus oleo vesiculis conspersus &  
inferna parte globosus, superna verò hiantem capi-  
tulo ornatus extat, quo, futuri pomi rudimento,  
quidam flores destituuntur, & proinde infœcun-  
di cito decidunt. Ex hoc itaque stylo paulatim  
incrementa sumentes tandem *fructus* formatur,  
ut plurimum oblongus & ovata facie, interdum  
rotundior, *Limonii* mali magnitudinem non

multum excedens. Exterior *Cortex*, peculiari  
odore gratissimus, adolescenti pomo viret, ma-  
turo suaviter, flavescit, dilutoque aureo colore  
splendet, rugosus cætera & quodammodo ver-  
rucosus, nec non innumerabilibus vesiculis, fra-  
gantissimo oleoso humore turgidis, quaquaver-  
sum confusus, brevi, at firmo, pediculo gaudet,  
qui ubi pomo adhæret, quatuor vel quinque  
divisuris eminentem squamosam stellulam,  
(quondam in flore calicem) refert. Flavore cor-  
tici subest candida caro, lignosis undique fibris  
constita, crassa, firma & exsucca, omnis saporis  
& odoris expers, nisi quod aliquo modo sub-  
dulcis videatur. *Medulla* interior subflava suc-  
co acido turgens, & membranis intercurrentibus,  
ut plurimum denis vel undenis (aliquando pluri-  
bus, aliquando paucioribus) sapore amaritudi-  
nis, spicas, s. potius expansæ rosæ formam, si  
pomum per medium dissecetur, referentibus,  
ab albo fungosoque medullæ distinguuntur. Hæ  
spicæ in interstitiis suis *semina* continent incerti  
numeri, tam perfectæ, quam imperfectæ & coria-  
cæ, hordei granis similia, nisi quod majora ac  
crassiora sint, cortice quodammodo flavescen-  
te & duro testæ, substantia vero interiore albida  
& amara gaudent. Semper autem hæc arbor vi-  
ret, fere continuo floret (maximè in calidiori-  
bus regionibus) simulque pomifera est, hinc uno  
eodemque tempore tum poma matura, tum ma-  
turescentia, tum subnascentia conspiciuntur;  
quare *Pontanus* in *hortis Hesperidum* canit de  
*citro*:

*Flore novo, semper quoque fatibus aucta.*

Quod folia perpetuo vireant, & tota hyeme ar-  
borem exornent, causam esse puto tum textu-  
ram & substantiam arboris ac foliorum solidi-  
orem firmioremque, quo minus frigidior aër  
penetrare, atque ita condensando prohibere  
possit, ne in foliorum pediculos alimentum suf-  
ficiens deferatur, tum succum, quo nutriuntur,  
viscosum & minus dissipabilem, utpote oleo-  
sum, vid. *Willis de fermentat.* c. 4. p. m. 14. tum  
quoque ipsum aërem, qui, ubi minus frigidior  
est,



est, foliorum casum impedit: Sic in Batavia, ca folia decidunt, cum in Hispania, ceterisque locis ea servantur.

## CAPUT III.

POMI CITREI INTERIORA PENITIUS  
LUSTRAT ET DISSECAT.

Quantum incomparabilis Anatomicus & Italorum decus, *M. Malpighius*, nec non industrius *N. Grevu*, Societatis Anglicanae dignissimum membrum, de re Botanica meriti sint, testantur eorum accuratissimi de *Anatome plantarum* conscripti libri, quos omnes docti admirantur & magni aestimant. Non parum lucis enim tum vegetationi, tum structuræ plantarum addiderunt, dum non tantum varias partium conformationes, multiplices fibrarum plexus, omnis generis receptacula & vasa, partim aërea, partim succifera, sed & diversos diversissimorum humorum motus in iisdem detexere, quibus intervenientibus toti vegetabilium generi aliqualem respirandi facultatem, eorundemque succis perennem circuitum attribuerunt, atque ita de novo quasi vitam indiderunt. Cum itaque ex revelata vegetabilium structura non parum utilitatis sperandum sit, mearum quoque partium esse censui, heic pro viribus in citrii pomi intima cultrum adigere, ejusque viscera tum nudis oculis, tum viliori, quo hæcenus usus sum, microscopio armatis, considerare, ut etiam interior ejus facies eò melius innotescat. Inspicienti itaque sapius memoratum fructum, statim occurrit *cortex*, qui duplex est, exterior flavus, & interior candidus. Ambo ex multis constant fibris ligneis, è pediculo (cum ceteris vasis) per plures fasciculos eo transmissis, quæ in exteriori flavescente cortice tenue & elegantissimo modo configuratum rete effingunt, cujus interstitia congeries utriculorum, humore oleoso turgidorum, replet; in interiori v. s. candida cute dictæ fibræ partim recta linea intra exteriores divisuras, quibus acida medulla pericarpia per longitudinem fructus à se invicem distinguuntur, excurrunt, quod cuivis bene maturum fructum ab ambobus exterioribus corticibus liberanti patebit, partim multis ramusculis in albida hac substantia varie pererant. Notandum autem quasdam harum fibrarum minus duriusculas, & intus concavas, peculiarem ad partes evehere succum, & alias eundem à partibus ad radicem revehere, ceteras vero lignosas plane & majores pro fructus ejusque partium robore & firmitate à provida Natura fabricatas esse. Patet exinde, humores in plantis aque, ac in animalium corporibus circulari, quod præter laudatum *M. Malpighium* & *Neb. Grevu*, Excell. *J. D. Major* de

*planta Gottorp. monstrosa* §. 33. seqq. luculenter demonstravit. Quod dictos attinet utriculos, sunt hi diversæ magnitudinis & figuræ, quidam enim majores, quidam minores, alii rotundi, alii triangulares, quadrangulares &c. alii denique oblongi, omnes vero peculiari membranula præditi sunt tenui & pellucida, qua humorem oleoso-volatilem, ante maturitatis tempus viridescentem (unde viridis adolescentis pomi color derivandus) per maturitatem autem flavescentem continent, qui in exsiccatis maturis corticibus in flavam, in unoquoque utriculo conspicuam, resinam concrevit. Membranulæ utriculorum spongiosa adjacet substantia, glandularum munere fungens, cujus ope aliqua humoris oleosi per fibras succiferas (hic arterias amulantes) eo delati secretio fit, qua idoneum ab inidoneo separatur, & in appositos utriculos ponitur, reliquo liquore per alias fibras, itidem succiferas (animalium venis analogas) remeante, & pro ulteriore sui elaboratione ad radices deproperante. Liquor in utriculos depositus sensim Solis ope excoquitur & volatilifatur, donec fructus omnimodam nactus fuerit maturitatem. Quoad alterum, album nimirum corticem, videtur is ex innumeris sibi invicem apposis candidissimis bullulis, sed inanibus, spumam fere referentibus, conflatus esse, cujus substantiam fibræ vario modo percurrunt. Hac carne remota sese offert *acida medulla*, quæ à tenui, ast valida, cuticula investita, interius pro seminis munimento à novem vel decem plus minus membranulis (quas propter similitudinem tot diaphragmata vocares, vel, ob contentum semen, pericardia dices) ex duabus cuticulis densis, quæ fibræ tam ligneæ, quam succifæræ ex interiori candida medulla copiosè perreptant, compositis, per longitudinem pomi excurrentibus, semicircularibus & robustis, in tot oblongas concamerationes seu potius uteros dispescitur, quorum quilibet differentis numeri semina, tam perfecta & per maturitatem libera, quam imperfecta, succi plena & fibrarum ope membranulis adhucdum adhærentia continet: reliquam cavitatem sibi invicem appositi infiniti sacculi, crystalli instar pellucidi, oblongi, à *M. Malpigh.* in *anat. plant. part. 1. tab. 48. num. 279.* depicti replent; quilibet sacculus, suo pediculo firmatus, à fibroso fasciculo per tenuem illam cutem,



tem, integram pulpam exterius investientem, disperso. dependet, & propria membrana pellucida innumeram cellularum, interius conspicuarum, succoque acido turgidarum, seriem ambit. Hi sacculi pro seminis tutela creati sunt, quare semini propiores eidem extrema sui parte adherent, & avulsi in exteriori ejus cortice sui vestigia relinquunt; nonnunquam eorum ope duo, tria quatuorve seminis grana sibi invicem ita annectuntur, quasi connata essent. *Succus* autem, qui in hisce receptaculis reperitur, per peculiare fibrarum fasciculos ad superius indigritam cuticulam delatus, in sacculos pediculis suis adherentes deponitur, ibidemque suam tandem fateretur aciditatem, si quidem in vasis suis fibrosis adhuc contentus revera acidus non existit. Nimirum humor per dictas fibras fluens, ante fructus omnimodam maturitatem plurimo sale fixo, à terrestribus particulis implicato, constat, qui sal postmodum in cuticula (prævia subtili quadam filtratione) terrenis compedibus liberatus & sui juris factus in sacculos defluit, una cum particulis aqueis, cum quibus sese intime conjungit, & pro salium more, ab iisdem dissolvitur, unde hujus succi aciditas, quæ in sale fixo in fluorem effecto, teste *Willis. de anim. brut. part. 1. c. 12.* consistit, derivanda venit. Nemo tamen inficias ibit, ipsas sacculorum cellulas ad acidi hujus succi perfectionem plurimum contribuere, ceu elegans harum fabrica id satis arguit. Affluentibus autem quotidie per maturitatem copiosioribus aqueis particulis, salina spicula magis magisque heberantur & obtunduntur, unde succus plurimum aciditatis deponit, ita ut tandem mitior evadat, quod in malis citreis plus quam maturis observare licet. Hic autem succus (vel potius integer fructus) à Natura seminum gratia productus est, in quorum nutrimentum cedit & incrementum; videmus enim in omnibus fere pomis præter semina matura quoque immatura, & succi, insipidi fere, plena, quæ adhuc debitum exspectant nutrimentum suum. Fructus centrum per longitudinem albissima, aut exiguæ capacitatis, *medulla*, pro succorum feliciore elaboratione & perfectione, ex meris & inanibus fabricata bullulis occupat, cujus extremitatem in circulo dispositi tum fibrarum, & lignearum, & succiferarum, fasciculi, tum tracheæ seu vasa aërea varie percurrunt. Hæ tracheæ in trunco arboris & pediculo melius observari possunt, quam in fructu, ubi oculo nudo vix in conspectu veniunt, armato vero sub obscura viridi macula apparent, & spirales sunt,

ne subtilior aër uno impetu transire, sed aliquam in iis morulam, pro succorum fluiditate & subtilitate conservanda & ulterius promovenda, necesse cogatur. Restat *semen* examinandum, quod imperfectum adhuc suo apice pediculo, è fibris ligneis, succiferis & tracheis, ipsam seminis substantiam intrantibus, composito adhæret, quorum vasorum ope, postquam suam nactus est perfectionem, à pediculo, ceu foetus à funiculo umbilicali, decidit: munitum autem est variis involucris, quorum exterius partim ex fibris ligneis, partim glandulis constat, quod quilibet facile videbit, cui seminis, aqua per unum pluresve dies macerati, corticem detractum tactu & visu explorare lubet. Huic subjacet secundum involucrum, cuticula sc. tenuis & diaphana, quam sequitur tertium itidem tenue, aut puniceo colore tinctum, cui quartum & ultimum subtilissimum firmiter annectitur. Per has membranas humor, è terræ gremio pro seminis germinatione transmissus, progressu temporis filtratur & percolatur, quo poris plantulæ seminalis respondere queat: Eodem itaque modo, ac animalium foetus, hoc semen sese habere quis non videt? Siquidem è terra (*matre*) succus (*sanguis*) in seminis exteriori corticem (*uterum*) & quidem ejus glandulas (*tot placentulas seu acetabula*) mittitur, in quibus sequestratus pergit ad secundum involucrum (*chorion*) per quod filtratus tertium (*an allantoidem?*) & post quartum (*amnion*) pervadit, sicque seminalibus lobulis commissus inhaerenti plantulæ (*embryoni*) nutrimentum præbet &c. his enim amplificandis jam spatium denegatur. Detractis omnibus hisce involucris succedit nudum seminis parenchyma, quod in duos lobos majores externos, & duos minores internos dividitur, in quibus seminalem plantulam nonnisi per optimum microscopium cernere licet. In seminis apice exiguum quoddam foramen occurrit, per quod in vegetatione radícula transit & terræ infigitur, è qua succum haurit idoneum, pro plantæ accretione, nutritione & augmentatione, de quibus alio tempore verba faciam. Hæc sunt, quæ in sæpius iterato mali citrei examine, præmonstrante mihi nonnulla Nobilissimo atque Excellentissimo *D. J. C. Peiero*, Anatomico dexterrimo, Fautore meo venerando, observare potui; quod si forte quidam irreperierint errores, culpam tum in subtile hoc & abstrusum anatomix genus, tum in optimorum microscopiorum defectum puto rejiciendam.

## CAPUT IV.

## GENERA ET DIFFERENTIAS

## RECENSET.

**C**itrum arborem esse pomiferam, cuilibet illam adspicienti primo patebit intuitu, cum sem-

per & adolescentia & matura mala foveat. *Joh. Rayus* in elegantissima plantarum methodo arbor-

rem



rem vocat pomiferam, foliis perpetuis & fructu ovali ac oblongo majore: Job. Jonston. in dendrogr. inter arbores pom-aciniferas optimo jure recenset. Multa vero passim à Botanologis Mali Medicæ genera à se invicem nonnihil discrepantia notantur, quæ pro magnitudine arboris folio, flore, fructu, patria &c. variam sortiuntur denominationem. Quatuor quidem ut plurimum recenseri solent: 1. *Malus Citria*. 2. *Malus Limonia*. 3. *Aurantia* & 4. vulgò vocata *Adami seu Assyria*. C. Bauhinus autem in pinace l. c. quinque proponit: I. *Malum Medicam vulgarem* (quam hic in *sativam*, nobis familiarem, & *sylvestrem* in calidioribus regionibus, Indiis imprimis frequentem divido.) II. *Maximam fructu pulpa plurima*, III. *fructu ingenti tuberosa*, IV. ab Imperatore Carolo V. ex Hungaria in Hispaniam delatam, cujus fructum omnium Mali Medici generum acidorum suavissimum testatur C. Clusius in hist. rar. plant. l. I. c. 4. V. *Malo Medica affinem Javanensem folio rotundiore*. His Job. Jonst. dendrog. l. I. tit. I. c. I. art. 3. addit α. *malum citream fructu dulci*. β. *Fructu multiformi & digitato*. γ. *Tria mala citrea rara*. Ex exoticis ad citrum referri possunt, secundum cit. Jonst. præter I. *Samaciferam Javanorum* à Joh. Bauhin. hist. plant. univers. Tom. 1. l. I. c. 44. descriptam, cujus jam superius mentionem feci, 2. *Ibacamuci*, de qua consule Marggraff. hist. plant. Brasil. l. 3. c. ult. 3. *Quauhyyac Ocuilensium*, cujus meminit Nieremberg. hist. exotic. l. 14. c. 74. His ego annuero illam arborem, cujus fructus à J. Bontio in Histor. Nat. Med. Ind. Orient. l. 6. cap. 28. p. m. 115. *Mangostan* vocatur: hujus enim folia, ut & truncus & rami, nisi quod spinosi non sint, mali citrei arborem æmulantur, & nisi odore distinguerentur, qui hujus *Mangostan* foliis nullus est, procul dubio aspectum fallerent. Has vero species heic describere nimis prolixum foret: enarrabo saltem, qua ratione à vulgari citro pleræque abludent. Quod itaque *malum Limoniam* & *Aurantiam* respicit, differt illa à citro ratione foliorum, quæ angustiora, spinarum, quæ breviores, fructuum, qui minores dilutiore flavedine, tenuiore cortice & acidioris succo gaudent, ac seminum, quæ minus frequentia & amara magis sunt; Hæc vero ratione magnitudinis: citrea enim arbore major est, foliorum, quæ licet colore citreis similima sint, gemella tamen qs. videntur, dum folia appendice quadam, juxta pediculum, cordis formam nonnihil referente, dotata sunt, acuminatiora insuper, angustiora & circa ambitum minime serrata conspiciuntur, & fructuum denique respectu, qui orbiculata facie aureo colore fulgent; denique *malus Adami*, *Citrius altera Cordo dicta*, a citro in tantum differt, quod folia habeat instar *Limoniam* mali, & fructum aurantio pomo similem, sed duplo triplove majorem proferat, vertice obtuso, depresso & inæquali, cortice fissuris quibusdam

exasperato, perinde ac si dentibus demorsus esset. Accurate vero cum foliis depictum videbis *malum citreum*, *limonium*, *aurantium*, *Sinense* & *Adami* apud Excell. Elsholtz. in dietet. l. I. c. 7. pag. 85. & 89. Ratione florum à vulgari citro differt illa, quæ flores profert plenos, cujus mentio fit apud A. Mandirolam in Italiänischen Blumen-und Pomerantzen-Garten, ubi plura *Malorum Medicarum* genera recensentur. Differentiæ à fructu petitiæ multiplices sunt; consistunt autem I. in magnitudine, quæ variat: nonnulla enim mala, referente Matthiol. l. c. in tantam excrescunt molem, ut *melo pepones* magnitudine æquent, cujusmodi sunt quæ ex Liguria & Adriatici Ægeique pelagi Insulis afferuntur: quædam *humani capitis magnitudine* (ceu Joach. Camerar. in horto Med. & Philos. pag. 43. tradit) in Gallo-Provincia observantur, & *Pomcires*, quasi poma cerea vocantur, quæque cum tertio C. Bauhini genere conveniunt. Consentit Hieron. Welsch Reiß-Beschreibung c. 51. pag. 271. ubi ait: Um Sevilien in Spanien wachsen sie eines Kopffs groß. In Guinea findet man sie zuvey Faust groß, und noch grösser, teste Hemmersam Reiß-Beschreib. c. 5. p. m. 44. alia minora sunt: alia *Limonum* magnitudine, vel paulo majora, qualia prope lacum Benacum reperiuntur, quæ vulgaria sunt. Huc quoque pondus referri meretur, de quo Joh. Baptista Ferrarius in Hesperid. l. 2. cap. 3. ita loquitur: Sex aut novem librarum Calabris consuetum, insuetum triginta, quod compertum est in Ligustico. Salodiensis ab libra in sexdecim; & si quosdam audiamus, in quadraginta: Romani nonnunquam ad vicenas usque libras. De malis citreis, quæ melopeponibus paria crescunt, notant Cardanus & Gesnerus, citante C. Bauhin. in pin. l. c. quod quandoque ad decem librarum pondus perveniant: Illa vero quæ ad nos afferri solent, ut plurimum octo vel decem plus minus uncias pendunt. 2. *Figura*, quæ itidem diversa est; quædam enim prælonga, quædam rotundiora, aliaque forma conspiciuntur. Sic J. Jonston. l. c. ex J. B. Ferrar. l. a. *malum citriam fructu multiformi* ita describit: Senescens pomorum varietate variat, aliud digitatam expanditur in manum: aliud fororiantes extumescit in mammas: visitur hoc avium ritu rostratum, illud facie gallinacea cristatum: hoc hircino, illud bubulo more corniculatum. Idem Jonston. l. c. pomum citreum vulgare belustatum, it. cucurbitinum, nec non monstruosum illud maximum, calceum Polonicum & Turcicum referens, quod Stutgardia in horto Aulico natum, & à Joh. Bauhin. tr. de fonte admirab. Bollensi descriptum est, depingit. Mentio quoque fit pomi citrei manusformis in Ephem. Acad. N. C. G. dec. 1. an. 9. obs. 3. coronam imitantis dec. 2. an. 2. obs. 11. Et Barthol. Marantha meth. cognosc. simpl. l. 2. c. 11. tradit, mala Medica operoso cultu ita efformari posse, ut & maris & femine genitalia referant. Sic quidam fructui nascenti



formas figulinas, varias intus imagines referentes, aliquo tamen in loco pro ingressu aëris perforatas, artificiosè adaptare norunt, hasque, donec fructus per incrementum formam figulini vasis contraxerit, ita relinquunt, postmodum tollunt, quo fructus, maturitate superveniente, à Solis radiis nativum queat adipisci colorem. 3. *Odore*, qui in aliis suavior, in aliis debiliior deprehenditur. 4. *Colore*, siquidem hæc mala dilutior, illa saturatior luteo cortice fulgent: Artis quoque adminiculo huic fructui alienum nonnulli tentant conciliare colorem, inter quos Magnificus atque Celeberrimus *D. Præses*, Fautor & Præceptor meus nunquam sine honoris præfatione nominandus, in *invitat. ad solenn. herb. lustrat.* 1681. §. 4. recenset *Florentinum*, qui citri poma moro insita rubra fieri scripsit. 5. *Sapore*, quo alia remissior, alia vehementior observantur, & quidem communiter *acido*, aliis tamen, sed rarius, *dulcis* est. Hæc dulcia poma in hortis circa urbem *Patras* copiose proveniunt, teste *Jac. Spon. in seiner Reiss-Beschreib.* l. 4. f. 4. qui inquit, *das inwendige ist süß und kan man es wie einen Apffel genießen, aber der vvenige Safft in der Mitte ist sauer.* Duo malorum citreorum genera in Regno Tunquin reperiuntur, ita referente *Joh. Baptist. Tavernier in seiner neu und sonderbahren Relation vom Königreich Tunquin* c. 3. fol. 65. quorum quædam luteo corticis colore, quædam viridi gaudent, omnia vero *acerbissimum* præ se ferunt saporem; Ipsissima *Authoris* verba exscripta lege in hujus *Dissertat.* c. 12. Quidam citri & aurantii semina ita artificiosè sibi invicem conjungere sciunt, ut *arborem Hermaphroditicam* proferant, quæ poma dat tam odore, quàm sapore gratissima, sicut plurà hujus rei exempla *Florentiæ* extare *Ol. Borrichio* relatum est, ceu scribit in *Act. Med. & Philos. Hafn.* p. 147. Conf. *Act. Philos. Angl. Oldenburgii* p. 449. citante Nobiliss. & Doctiss. *D. König* in elegantiss. *Regn. Vegetab.* §. 15. Hujus rei rationem in dictorum seminum duarum radicularum concresecntia quærendam esse persuasum habeo. Narrat cit. *Sponius l. a. pag.* 9. quod in dicta urbe *Patras* triplicia & acidorum & dulcium citreorum pomorum genera, à diversis unius mali citreæ ramis pendentia, viderit, ut & citrum trunco aurantiæ arboris insitam, tam aurea, quàm citrina poma ferentem &c. 6. Differunt itidem ratione *contentorum*; quidam enim fructus *plurima pulpa* gaudent, quale est secundum genus *C. Bauh in pin. l. c.* quidam *crassiore cortice* obducti nullius fere succi sunt, cujusmodi est tertium *C. B.* genus: alii *copioso semine* referti sunt: alii *rarum & inane* foveant, id quod pro diversitate anni temporum in his fructibus observavit *J. B. Ferrar. l. c.* ubi ita fatur: *Mense Majo præflorentibus acris medulla, semina copiosa: Augusto vel Septembri natis plurimum succi, parum seminum, eorumque inanium & exsuccorum: Octobri vel Novembri exornata succo & semine prope destituuntur: ipsa admodum tument.* Non-

nulla denique mala *pregnantia* deprehenduntur, quæ miro Naturæ artificio alium in suo sinu, tanquam utero, foetum continent, quorum exempla leg. apud *J. B. Ferrar. l. c. l. 3. c. 19. in Ephem. Acad. N. C. G. d. 1. a. 1. obs. 36. & a. 3. obs. 241.* Conf. *Sachs. Gammarolog. l. 1. c. 8. & in append. ad hoc caput p. 885.* Magnif. *D. Præsid. Satyr. continuat.* 3. lit. d. *pregnans triplicatum* describitur in *Eph. cit. a. 4. & 5. obs. 54.* Causam hujus im-pregnationis ego, si quid hac in re hariolari possum, vel in ipsa *semina*, quatenus duorum sibi proxime accumbentium seminum primæ radiculæ concresecunt, quæ postmodum ita commixtæ duplicem fructum proferre possunt, conf. *J. D. Major l. c. §. 28. seqq.* vel in *insitionem*, quam Itali (teste *Zach. Ennichmann c. 2. Hist. plant. general. disputationis loco, Præf. Joh. Theod. Schenk. Jenæ 1656. publ. expos.*) in pomis citreis & aurantiis sub uno cortice du- & triplicandis sæpius instituunt: vel etiam in duorum sibi invicem à prima nativitate arctius conjunctorum fructuum *coalescentiam* rejicerem. Hæc mihi in memoriam revocant ovum illud gallinaceum *pregnans*, quod hic Heidelbergæ in cujusdam ædibus d. 7. Augusti 1685. à gallina Indica depositum aliud in meditullio fovebat ovulum, magnitudine nucis moschatae majoris, exteriori cortice subasperum, quod Magnif. Dominus *Præses* inter alia rariora reservat. Elegans & admirandus Naturæ lusus est *malum aurantium citreo gravidum*, quod depingit *P. Bocconus in Icon. & descript. rar. plant. Sicil. Melitæ, Gallia & Italia p. 3.* Conf. *Eph. N. C. G. d. 2. a. 2. obs. 12. Act. Angl. Philos. num. 29. §. 8.* Hic meminisse juvat *arboris illius aurantiæ*, quam Basilææ ante biennium in horto quodam vidi, cujus fructus exteriori corticem secundum longitudinem & striatim, segmentorum instar, alius pomi citrei cortex investiebat, eleganti sane spectaculo, dum elevatus quodammodo exterior citrinus cortex suaviter flavesccebat, transparente ex interstitiis grato immaturi aurantii pomi virore. 7. *Patria* tandem differunt: quædam enim mala ex nostris oris petuntur, quædam ex Italia, Gallia &c. ad nos transportantur, quæ quoque nostris præstantiora sunt. Plurimæ vero dictarum differentiarum, quæ cum in exteriori, tum in interiori fructus parte observantur unquam, vel à fortuito casu, vel ab humana industria, translatione, insitione, omnique cultus mangonio proficiunt. Labet ob rei affinitatem & raritatem huic capiti annectere verba Nobiliss. atque Excellentiss. *D. J. D. Dorstenii*, Medicinæ in alma Marpurgensi P. P. mei quondam Præceptoris colendi, quæ in responsione ad epist. Nobiliss. & Doctiss. *D. Mich. Bernh. Valentini, M. D. de Monstror. Hassiac. ortu atque causis* Id. April. 1684. dat. profert: *His ipsis diebus lapidem è sabulo Lani selectum accepi, qui & quantitate & figura corticem dimidiati pomi citrei quam exactissime refert, ut jures excavatum citreum lapidescere posse &c.*



## CAPUT V.

LOCUM NATALEM, CULTURAM, COL-  
LIGENDI TEMPUS, ASSERVANDI MODUM, ET  
DELECTUM TRADIT.

Cum citrea malus ab Antiquis *Medica & Persica* nuncupata fuerit, ceu ex cap. 1. patet, facile inde colligere licet arborem hanc *Patriam* agnoscere *Mediam & Persiam*, quod *Theophrast.* & *Plin.* ll. aa. satis indicant. Ex his regionibus *Palladii* diligentia in *Italiam* translata fuisse *Matthiol.* l. c. verbis seqq. refert: *He* (citrias arbores intelligit) *Plinii* aro non erant in *Italia*, ut ipse testatur l. 12. c. 3. ubi inquit, *sapius* tentasse gentes plantas è *Media* transferre ad se, quæ tamen ibi diu vivere nequiverunt, licet magna cultorum solertia fuerint enutritæ. Nunc vero contra translata factæ sunt, atque cum *Italo* solo tantam inière gratiam, ut non modo in maritimis, sed in mediterraneis quidem tum hortis, tum viridariis, tum etiam nobilium lacuum ripis frequentissima feliciter germinent, postquam cultu & diligentia *Palladii* (is enim proditur primus artem adinvenisse) factum est, ut ex *Media* in *Italiam* translata profuerint & propagaverint. Hinc in *Hispania* in usum devenit, teste *Nic. Monardo* in *Epist. de Citriis ad Quadram Archichirurg.* *Hispan.* ita ut nemora & campos occupaverit: conf. *Hieron. Welsch* *Reiß-Beschreib.* c. 41. p. 225. & *Anonymi Itinerar. Hispan.* c. 2. p. m. 9. Hodie in *Regni Neapolitani, Hispania & Gallo-Provincia tractibus maritimis*, referente *Frid. Hoffman.* clav. *Schræd.* l. 4. S. I. §. III. ut & in viridariis prope lacum *Benacum*, aliisque calidioribus locis copiose provenit. Sic in *Corcyra, Zacytho, Creta, Cypro ac Tripoli* abunde proveniunt, teste *Joh. Cotovic.* in *paranesi ad Lector. Itinerario suo Hierosolym. & Syriac. præfixa.* *Indiis* quoque citrus familiaris & frequens est; refert enim *Joh. Bauhin.* hist. plant. univ. Tom. I. l. I. c. 25. pag. 100. illam in *Insula S. Helena, Brasilia* aliisque novi Orbis partibus ubertim reperiri, quod nautica Ephemerides confirmant. Integra malorum citrearum nemora, delatis hinc inde per alluviones seminibus, in *Peruana, Nova Hispania, & vicinis locis* exorta *Joseph à Costa* hist. Occid. l. 4. c. 31. memorat: Et *Guilielm. Piso* hist. Nat. & Med. *Indiæ utriusque* l. 5. c. 20. scribit: *Mali citræ & limoniæ, ut olim in Hispaniam & Italiam, sic quoque in Indias Occidentales translata, & licet illic per insitiones aliaque natura adulteria hortenses, hic vero in America etiam nunc minus exculta sint, tamen ob calores Solis perpetuos & soli hujus genium, Europæis sativis si non præstantiores, saltem pares existunt, adeoque sponte in sylvis sata stercorebus avicularum deposita luxuriant, ut ob nimiam ubertatem vilescant.* In *Sina* optima mala citrea nalci *Trigaut.* de regno *Sinæ* c. 3. p. m. 20. refert. In *Guinea Hemmersam* l. c. In *Java*

maiore *Albr. Herport* *Ost-Indianische Reiß-Beschreib.* p. m. 28. Idem ibid. pag. 102. ait: *Auf der Insul Formosa gibt es süsse und saure Citronen.* In *Gusurata* *Indiæ* malos citreas frequentes esse author est *Mandelslo* in *seiner Reiß-Beschreib.* l. I. c. 13. fol. 46. qui ibid. c. 6. fol. 17. ait: *Um Schiras in Persien wachsen viel Citronen:* it. in *Rischmisch* *Persia* *Insula* Id. l. c. fol. 28. Malorum citreorum abundantiam in *Gallia* oppido, *Hieres* vocato, *Jacob Spon* in *seiner Reis-Beschreib.* durch *Italien, Dalmatien &c.* l. I. fol. 7. seq. innuit: die Citronen und Pomerantzen-Bäume sind allda sehr verwunderlich, und scheinet mehr die Natur einer Verschwendung anzuklagen, als daß die Menschen solche anzubauen allzusehr bemühet seyn solten; ein Edelmann in dieser Gegend erhebt jährlich bey die 15000. Pfund Renten von den Seinigen, ob sich schon sein Gebiet so weit nicht erstreckt. Nec *Germania* nostra arboribus hisce destituitur, cum in multis, non tantum Principum, hortis istiusmodi arbores & floribus & fructibus simul onustæ conspiciantur, imo quandoque exoticas magnitudine superent. Sic ante 4. & quod excurrit, annos in horto *Aulico Stuttgardiano* non tantum *Citreas*, sed & *Aurantias & Punicas arbores*, nostrati *Cydonia* malo pares, Alii mecum observarunt. Cum autem hæ arbores non tot possint gignere fructus, quot in nostros quotidie impenduntur usus, singulis annis ex *Italia & Gallo-Provincia*, in primis lacu *Benaco* ingens tum arborum, tum fructuum, & recentium & muria conditorum quantitas ad nostras mittitur oras. Id tamen notari velim, citrea mala, quæ ex dictis locis ad nos terra marique transferuntur, ante perfectam maturitatem decerpi, quo melius asservari & à putredine vindicari possint, siquidem matura multo phlegmate abundant, hincque gustu mitiora putredine citius corripuntur. Colitur autem hoc arborum genus ob ornatum potius, quam lucrum, in hortis nostris, ubi in vasis ligneis perforatis studiose asservatur. Vario autem modo ab hortulanis nostratibus plantatur ac propagatur: vel enim semina opportuno tempore idoneæ terræ traduntur, sed hoc modo sata sero flores & fructus profert: vel surculus citri resectus simpliciter terræ infigitur, quod tamen non semper ex voto succedit: vel ramulus aut gemma trunco alterius arboris, v. gr. mali aurantia, limonia &c. secundum artem inseritur, quo artificio apud nos feliciter succrescere solet: vel surculus arboris vulneratus vasculo cui-dam perforato & optima terra repleto committi-



mittitur, donec sufficientes ad transplantandum radices egerit: vel denique ipsæ arbores ab externis injuriis bene munitæ ex dissitis locis in nostros transferuntur hortos, de quibus ferendi, plantandi propagandique modis omnino vid. *Mandrol. l. c.* Excell. *Sigism. Elsholt. Gartenbau, Horticultura Petri Laurembergii*, alique. Solum autem citrus diligit pingue & molle, ac calidis, sed irriguis gaudet locis, hinc æstate sæpius riganda, & quoniam iteratas fisiones amat, singulis mensibus circumfodienda. *Locus*, cui implantata est, à boreali vento immunis sit: sola quippe omnium arborum, teste *Cassiano Basso Geoponic. l. 10. c. 7. alleg. J. B. à Stapel l. c. pag. 343.* ab austro opem sentit, à borea vero læditur; & quoniam frigoris impatientissima est, ab hortulanis, instante hyeme, vel stramineis testis occluditur, vel in fornices fornace instructos reponitur, & sic à frigore defenditur, affulgente vere autem libero iterum exponitur aëri, quod *Ren. Rapinus S. I. Hortorum l. 2. p. 52.* ubi de citro agit, seqq. innuit:

*Idcirco mollem ludent ne frigora plantam,  
Cum Boreas, florum semper savissimus hostis,  
Torquet agens violentam hyemem, vel nubila differt,*

*Est tibi porticibus longum retinenda sub altis,  
Et contra duos hyemis servanda rigores,*

*Donec agat Zephyros annus Solemque reducat.*

Cæterum citrus sedulam sui requirit curam, adeoque diligentem cultorem, qui in hoc arborum genere plantando, in serendo ablaetando, ablaqueando, propagando, irrigando, cadendo, transferendo & custodiendo admodum peritus sit, de quibus vide sis *Mandrol.* aliosque cit. Etenim si ab industrio hortulano rite tractetur, per multos & singulos annos fructuum copiam, adhibitæ sedulitatis præmium, non sine curatoris lucro spondere potest, siquidem arbor hæc, teste *J. Bauhin. l. c. p. 101.* supra fidem durare putatur. Referunt quidam rei rusticæ scriptores, citrum per sympathiam quandam vicinitate & amplexibus cucurbitæ recreari, de cujus rei veritate cum nondum mihi constet, his inquirendis jam supersedebo, usque dum experientia fultus certius hac de re iudicium proferre queam. Rarissimum est, quod *Erasm. Francisci in der lustigen Schau-Bühne 4. Versamml. p. 602.* refert: in horto nempe *P. P. Augustinianorum Romæ citrum sine radice* in libero aëre pendere, & tamen folia, flores fructusque annuatim parere: ramis autem suis aliarum sui generis citrorum ramis implicita est, & ex horum vicinia suum nutrimentum capit. Quod colligendi tempus spectat, diversum hoc est, juxta scopi varietatem: Poma enim, quæ asservari debent, decerpenda sunt cum ramis foliosis ante maturitatis statum, cum plena maturitas declinationis initium sit, teste *Helment. Pharmac.*

& dispensat. modern. §. 59. Quæ vero pro conditura, syrups, oleo, semine &c. usurpanda sunt, ea legere convenit prorsus matura, & cum vigoris sui terminum attigerunt, quod ut plurimum intra unius anni spatium contingit, is enim fructus creditur, tradente *J. Bauh. l. c.* qui per annum in arbore duravit, & nullum frigus perpassus est; qui vero nondum annuus sua sponte cadit, minus probatur. Nostrates autem arbores pro fructus maturitate duos nonnunquam annos exigunt, immo dantur, teste *N. Monard. l. c.* arbores, quæ trium annorum fructum foveant. Quidam porro in collectione fructuum sidera studiosè observant, & secundum certos stellarum tactus poma colligenda esse, ex Astrologicis principiis probare nituntur, quibus assentiri nequeo, cum eorum opinio stramineis nitatur hypotheseis. Asservantur autem hæc mala & à putredine vindicantur, si loco temperato, nec nimium humido, à se invicem disposita & segregata deponantur in vas hordeo bene exsiccatum plenum, vel paleis aut misii semine obruantur, aut stappa involvantur, vel denique ipsis citri foliis inferantur, ut ab omni aëris injuria immunia sint. Quod si vero ad dissita loca transportanda sint, optime matura decerpuntur, putredini quippe minus obnoxia. Ex hac forte ratione poma citrea nostratia illis, quæ in calidis regionibus frequenti incolarum usui inserviunt, minora, minusque matura, adeoque acerbiora sunt; vel enim, ceu modo dixi, immatura ad nos adportantur, vel in nostris enata hortis debitam maturitati, ob cœli inclementiam, recusant. Cæterum tradit *Sylv. Ratray de sympath. & antipath. p. 16.* Medica mala inperso pane putrescere, cujus rei (si ita habet) rationem in occulto panis acido volatili consistere auctumo, quod exteriorem citrei pomi cuticulam aggrediens, ejusdemque humori oleoso & alcalino in suis vesiculis contento communicatum, novas excitat turbas, unde vesiculæ distentæ rumpuntur, sicque quoddam ulcus, quod in vegetabilibus putrefactionem vocamus, exoritur, quod, humoribus extra vasa positis sensim acrioribus factis, undiquaque proserpit. Quod delectum attinet, mala citrea è calidis regionibus allata nostratibus ut plurimum præferenda erunt; alias eligenda sunt ea, quæ, ceu modo dixi, nondum plane matura sunt, si asservari debeant: sin vero saccharo condienda, aut aliis modis ad usum œconomicum & pharmaceuticum expetantur, præstant quæ matura & tactu molliora deprehenduntur, plurimaque pulpa gaudent, quale genus c. 4. annotavi. Principem aliàs pro medicamentis locum obtinent, quæ à lacu *Benaco* afferuntur, majorem quippe reliquis in ore gratiam ineunt, ceu scribit *Cl. Deodat. l. a.* Odoris vero gratia mala citrea parva à *J. Jonst. l. 1.* descripta, utpote odoratissima laudantur.



## CAPUT VI.

TEMPERAMENTUM ET VIRTUTES IN  
GENERE INDAGAT.

Præmissa citri historia ad ea, quæ rem Medicam magis spectant, deproperandum est, cumque ordine jam examinandum veniat *Temperamentum*, paucis de eodem heic differere conveniet. Admodum vero dissentiant Botanographi in describenda vegetabilium, maxime vero citrini pomi, temperie, utpote cujus *cortex* quibusdam calefacit 1. & siccant 2. gradu: aliis calefacit & siccant 3. gradu; sic *pulpam* alii refrigerare & siccare (rectius, secundum Excell. D. *Præsid.* in *lex. veg. usual.* p. m. 27. humectare) in 1. alii in 3. gradu asserunt; *semini* quoque hi calefaciendi & siccandi facultatem in 1. illi in 2. alii in 3. ordine attribuunt. Conf. *Francisc. Alexandri Apollo* p. 54. seq. Verum enim vero cum hæc qualitates infirmo fulcimento, quaternario sc. elementorum Aristotelicorum numero innitantur, non jam de lite hac componenda sollicitus ero. Rectius acuti hujus seculi Celeberrimi Viri ad alia, activa magis, principia confugiunt, & non per qualitates primas, aut harum symmetriam, sed per constitutionem radicalem & virtutem feminalem, ex qua, veluti effectus, modo dictæ qualitates emergunt, concretorum naturalium temperiem feliciter explicant. Prout autem variat seminalis ista virtus, cujus rationem Vir de re medica optime meritis B. *Ettmüller* in *Medic. Hippocr. Chym.* c. 1. §. 8. ex certa particularum materialium, inprimis salinarum, corpora ex feminum directione componentium, habitudine & textura, indeque mutua activitate dependere dicit, etiam variat cujusque rei natura & temperies. Sed plurâ de his addere, hujus loci non est, cum Acutiss. *Helmont.* in scriptis suis passim, Illustris R. *Boyle* in *Chymist. Scept. & in Cosm. rer. qualit.* & laudatus *Ettmüller.* in præfat. *Dissertat. de Virtute opii diaphor.* & in cæteris suis operibus posthumis, aliique de hisce satis evidenter egerint. Statuo itaque facultates mali citrei petendas esse à certa particularum suarum modificatione, id est, figura, textura, motu & combinatione, quam ipsi peculiarem in prima rerum creatione Omnipotens DEUS, per efficacissimum illud verbum FIAT, clarigatus est, cujus modificationis respectu hos avertere morbos, illos asperare solet. *Corticem* igitur exteriorem, præter singularem, quam obtinet, texturam, ob particulas tenues, agiles & ad motum valde pronas, nec non maximam partem plicabiles, ex puriore sulphure & sale volatili constare, hinc calefacere, aperire, penetrare, incidere, attenuare dico, quod tam ex odore, quo pollet, fragrantissimo, quam etiam sapore aromatico patet; id quod alii

quoque ex corticis flavedine deducere annuntiantur; sulphuris insuper præsentiam olei è recenti cortice compresso in candelæ flammam exilientis inflammabilitas satis arguit. Interior & albicans corticis caro, particulis activis pene destituta, ex fixa & terrestri materia conflata videtur, masticata tamen exiguam mentitur dulcedinem, dubio procul à portiuncula olei illius sulphurei & aromatici, quæ ex fibrillis succiferis, per hanc carnem dispersis, & dentibus in masticatione attritis, exstillando nerveas linguæ papillas aliquo modo ferit, sicque aliqualem dulcedinem causatur; sapore alias & odore privata nullius, quod sciam, insignioris usus est, quapropter huic ulterius describenda non immorabor. In *pulpa* activa principia depressa magis sunt & à particulis acidis, *Willisio* de *Anim. brut. part.* 1. c. 12. tetraëdrice (quæ scil. cuspidate tereti & acuta, & dein corpore instar cunei majorem in molem acuto constant) ligata, præpollentibus nimirum salinis fixis, quæ ab oblongis, fluidis & plicatilibus, id est aquosis, huic pulpæ copiose inexistantibus, in fluorem evectæ, aciditatem referunt, teste eod. *Willis.* l. c. hinc refrigerare, adstringere, coagulare, & omnia alcalium propriæ figere potis est. *Semen* fixas itidem, sed viscosas & ramosas fovere particulas, à quibus volatiles & tuosæ pro futura germinatione detinentur, ex analysi ejus Chymica patet, hacque de causa calefaciendi vim habet. Elucescit jam, quantis præsens fructus destinatus sit *usibus*, quos heic in *Medicinalem, Politicum & Oeconomicum* divido. Quoad priorem, integrum citreum unanimi Botanosophorum consensu alexipharmacum & cardiacum est, quoniam humores noxios corrigit & per diaphoresin & diuresin ex corpore propellit; hinc in morbis pestilentialibus & malignis miris modis commendant, in venenatorum animalium, viperarum inprimis, morsibus extollunt, & ad appetitum prostratum sitimque nimiam, scorbutum aliosque morbos cum fructu adhibent. Id tamen notari velim, modo laudatum fructum non promiscue ad omnis generis Venena salubriter usurpari posse, cum illa diversimode corpori nostro necem minari soleant, ceu bene monent Illustris Acad. N. C. G. splendida bina membra, *Pæon & Pythagoras*, Fautores & Præceptores mei maxime venerandi, in exercit. famil. Anat. & Med. 42. pag. 232. Sub venenorum enim nomine illa saltim heic indigitare volo, quæ alcalinorum & narcoticorum classi communiter inferuntur. Cæterum exteriores pomi cortices antiloinicorum, cephalicorum, cordialium, stomachico-



rum, carminativorum & uterinorum, seu, uno verbo, medicamentorum ole volatili oleoso turgidorum, albo annumerant: succum acidulum medicamentis diaphoreticis, diureticis, cardiacis, stomachicis, alexiteriis, antifebrilibus, scelotyrbicis, antinephriticis inferunt, & in sanguine ferociente figendo, siti restringenda, appetitu excitando, vomitu fluxuque ventris compescendo laudant, nec non in quibusdam cutaneis affectibus externe adhibitum commendant: semini sudorem provocandi, urinam, alvum subducendi, vermes eiecandi, venena debellandi & gravidarum vomitus sistendi facultatem attribuunt. Cl. Deodat. l. c. citri virtutes seq. carmine comprehendit:

Medica mala sumus pelli vis ignea nostra,  
Humentis bruma nec bene cocta caro.

Terreus est humor, sectantur semina pellem,

Flos calet & folium: sic voluere Dii.

Tarda caro est, succus choleram fluxumque moratur,

Cor tepet hinc ardens, hinc tua membra nitent.

Semen, flos, folium & cortex frigentia mulcent

Corpora, & epurant aëra pestiferum.

Citria sic Tyrio contundunt poma veneno.

Ardua concoctu, sed tamen esse puta.

Febribus obfistunt, pestis quoque tempore prosunt,

Ex succo cordis mitior ignis erit.

Sola tamen volumus mandi, sic gratus, arescens,

Nos bona dic Veneri, non mala nec Medica.

Posteriorum Politicum, ut & æconomicum usum late c. 12. descriptum reperies, quare hic nihil adde.

## CAPUT VII.

### MEDICAMENTA CUM ET EX CITREO MALO PARATA PROPONIT.

Quoniam varia ac multiplicia cum & ex pomocitreo parata medicamina in Officinis reperiuntur, quorum conficiendi methodus in omnibus fere dispensatoriis aliisque libris Practicis descripta occurrit, veniam me facile impetraturum spero, si in tradendo horum medicamentorum præparandi modo heic brevior esse videat, cum omnia ex Authoribus repetere operosum nimis & nauseosum foret. Sunt autem medicamenta ex citro parata vel liquida, vel solidiora, vel sicca. Inter liquida primum meretur locum Aqua fragrantissima per M. vel V. balneum Alta, ex corticibus recentibus extimis & associatis, quibus pro majori efficacia ante Actionem aliquot vini guttæ adspersi possunt. Hæc & alando albescens prodit, ob sulphuris in cortice residentis particulas, caloris ope attenuatas, & sub exiguorum globulorum forma aquæ copiose innatantes, unde radii luminare minus penetrare valentes necessario reflectuntur, sicque lacteus color exsurgit. Postquam autem hæc & immota steterit, flexiles illi globuli sibi invicem adhærent ac superiora petunt, sicque conjuncti oleum constituunt, quod dein gossypii ope ab & separatum olei citri Alii nomine venit. Aliqui succum acidum vel solum, vel aliis stypticis admixtum, pro virtute adstrictoria extrahenda, destillant, sed nil nisi phlegma prodit, styptica virtute remanente. Male itaque agere videntur illi, qui integra citrea mala pro supra dicto scopo per se Alant, vel speciebus Alandis addunt, cum ex pulpa hac ratione nulla fere virtus speranda sit. Huc referenda sunt infusa, de quibus in seq. & decocta è pomis citreis vel solis, vel aliis admixtis parata, de quorum adornandi methodo vid.

Adr. Mynsicht. Armam. Med. Chym. Sect. 25. p. m. 382. Excell. Joh. Mich. Febr. tr. de Scorzon. c. 7. aliosque. Sequitur Succus, qui depuratus superfusa pauxillo & amygd. sed ne vappescat, pro quotidiano usu à pharmacopoeis in cellis asservantur & Vinum citri audit. Usurpatur crebrius pro alcalium fixorum & porosiorum, lapidum sc. & corall. &c. ut & aliorum simplicium, v. gr. opii, scammonii, aloes & simil. dissolutione, unde magisterium ocul. & corall. essentia opii, scammonium correctum, aloecitrata &c. exsurgent, de quibus conf. Dispensator. Chymici hunc succum, tanquam præstans menstruum pro corall. Tinctura extrahenda, laudant, putantes corallia huic menstruo digestionis ope suum impertiri colorem: sed falluntur, siquidem omnis citri succus nullis coralliis associatus, sola digestionem, rubicundum induit colorem. Alii volunt corallia, si cum oleo cort. citri Alto in forti ponantur digestionem, eidem suam elargiri Tincturam: verum & hoc (uti cætera oleosa) ad digestionem sepositum rubescit. Solent aliis Practici haud infrequenter eundem succum (quandoque etiam cortices) variis admiscere medicamentis, pro grato sapore & odore conciliando. Sic, ex. gr. ex manna, crem. Fri & & font. succo citri convenienter acidulata, adjectis citri corticibus, laxativa paratur potio, colore odore & sapore gratissima. Sic Joh. Zuvelf. Pharmac. Reg. cl. 5. p. 59. confectioem emeticam describit, quam propter, grati saporis & odoris ergo, adjecta citrea mala citratam vocat &c. Ex corticibus, nonnunquam etiam integro fructu, Acetum fit citratum, sola cum communi & infusione & digestionem parandum,



dum, ejus conficiendi rationem leg. apud *Zuvelf. in Pharm. Aug. reform. cl. 15. p. m. 551.* Elicitur etiam vel ex integro fructu, vel ex corticibus saltem *spiritus*, qualem *cardiacum* describit *Fr. Hoffm. l. c.* ut & alium compositum *Tob. Dorncreil. in Dispensat. p. 2. c. 7. p. m. 35.* Usitatiorum citri parandi modum vid. in *Dispensat.* Hunc excipit *Elixir & Essentia* citriorum liquida: compositiones vid. in *Schröd. Pharm. Med. Chym. l. 2. c. 52.* cui adde *Fr. Hoffm. clav. ad hunc locum: Zuvelf. Mantiss. Hermet. p. m. 436. seq. & Pharmac. August. renov. & nuperrime auct. cl. 20. it. Glogauisches Medicinisches Pest-Consilium &c. Elixir citri cordiale* vid. apud *G. Rolfinck Chym. in art. form. redact. l. 4. sect. 2. c. 4. Elixir citri purgans J. Michaëlis* descriptum lege apud *Valent. Andr. Mollenbroc. de arthr. vag. scorbut. c. 9.* ubi quoque *essentiam citri liquidam* ex aliorum communicatione parare docet. Ex corticibus itidem *oleum* fit, quod vel ex  $\nabla$  cort. Ita comparatur, ceu supra dixi, vel sine  $\nabla$  additione per VB. quale *Zuvelf. Pharm. Reg. cl. 5.* depingit, *Atur.* Cortices autem pro  $\odot$  usurpandi recentes, nullique fermentationi prius expositi, alias  $\odot$  à citri odore plane alienum & terebinthinatum quid spirans effundunt. Notandum præterea, quod  $\odot$  hoc, licet ex recentissimis corticibus secundum artis requisita *Atum* fragrantissimum obtineatur, brevi tamen terebinthinam redoleat; & licet iterum iterumque rectificetur, semper tamen particula colophoniæ, terebinthinæ affinis, in fundo remanet &c. Exprimitur itidem ex contritis & tostis citri *seminibus oleum*, pro extemporaneo usu, cum aliàs facile rancorem contrahat, de quo vid. cap. 11. Liquidorum agmen claudunt *Syrupi*, tam ex corticibus, quam acido *succo* concinnati, quos Vir in Chymicis versatissimus, Excellent. D. H. Scretain suis *Noctibus hybernis, seu notis in Zuvelferi animadv. ad Pharm. Aug.* (quas forte aliquando Erudito Orbi non denegabit) accurate parare docet. Prior seq. modo conficitur:  $\mathbb{R}$ . Cortic. citri extimor. ab alta carne purgator. recent. & minutim concisor.  $\mathfrak{ssj}$ . vini Malvatici vel Frontinaci  $\mathfrak{ssj}$ . hæc commixta per triduum in loco tepido digerantur, dein ex vitrea cucurbita *Atentur*, ad corticum fere exsiccationem: postea aquæ huic frangenti immergantur iterum cortic. recent. purgator. uti prius,  $\mathfrak{ssj}$ . quæ iterum post tri-duanam digestionem *Atentur* ex balneo: tunc aquæ huic balsamicæ denuo immergantur corticum, uti prius, purgator.  $\mathfrak{ssj}$ . stent pariter per triduum in loco calido probe clausa, dein fortiter exprimantur, ac tinctura per filtrum trajiciatur, quo clarescat. Postmodum cortices à tribus hisce infusionibus recollecti coquantur cum  $\nabla$  font.  $\mathfrak{ssiv}$ . ut bulliant aliquamdiu, expresso vero juri adde sacchar. alb.  $\mathfrak{ssij}$ . frigeratis adde quoque  $\nabla$  spirituofam corticibus tinctam, & continua agitatione, donec saccharum solutum sit, habebis syrupum efficacissimum. Neque opus erit

eidem grana chermes ac moschum superaddere, cum illæ duæ granorum tinctoriorum drachmæ, quæ alias huic syrupo associari solent, exiguas heic vires præbere possint, earundemque defectus facile additione confectiois alchermes completæ suppleatur: quare etiam moschus omitti poterit, ipso syrupo sat suaveolente. *Posterior* sic componitur:  $\mathbb{R}$ . succi pomor. citri rec. purissimi, ad semissem super maris balneo exhalati,  $\mathfrak{ssij}$ . cortic. eorund. extim. flavor. radula recentissime attritor.  $\mathfrak{ssj}$ . l. i $\beta$ . stent per triduum in loco tepido, vase figulino vel vitreo probe clauso infusa, postea forti institutæ hujus succi expressioni sub prelo adde sacchar. Canar. albiss. in polinem simplici tritu redacti, ac ad Solem vel fornacem siccati, adhuc calidi,  $\mathfrak{ssiv}$ . quæ super leni balnei calore soluta abibunt in syrupum alexipharmacum optimæ notæ. Huc quoque referendus est *syrupus totius citri*, à *Tob. Dorncreil. l. c. part. 1. c. 5.* descriptus, cui similem *bezoardicum* tradit *Prævotius*, ejus compositionem leg. apud *Herm. Grube in Analys. de Malo Citreo pag. 71. seq.* Cæterum hic non raro in usum venire solet *syrupus ex succo citri sine igne* facile parabilis, si scilicet mendo linteo in cella suspensio pomorum citreorum succulentorum lamellæ cum adperso pulvere sacchar. cand. alb. ita imponentur, ut fiat S. S. S. Linteo vero vas figulinum supponitur, pro recipiendo destillante syrupo, qui gratissimus esse solet. Meminit quoque *J. Sigism. Elsholt. in diatet. l. 6. c. 6. pag. 332.* *Syrupi de succo citri secundum Turc.* receptum morem in spissiori consistentia, instar rob cerasorum parati & à se visi, ejus portionem ditiores Turcæ, teste *Job. de Laët histor. Arab. c. 12.* quotidiano potui, ab ipsis *Scherbet* vocato, pro gratia crebrius admiscunt, quod *Jac. Spon. l. c. l. 2. p. 56.* confirmat. Ex solidioribus considerandum venit *Electuarium & Extractum citri solativa*, quorum illud ex corticibus conditis & admixtis purgantibus, hoc ex succo acido expresso, purgantibus itidem aucto, concinnantur; quorum usus tamen sensim abolevit. Conf. hac de re *Dispens. D. Augustanor.* ubi quoque *mel rosatum citratum* describitur, quod sola corticum citri in mel rosatum simplex, ad perfectionem decoctum, infusione paratur, de quo leg. *Zuvelf. animadv. ad Pharm. Aug. cl. 1. p. m. 91.* Simplici quoque modo in Officinis *Conserva* paratur ex *medulla* acidâ, à corticibus & seminibus probe liberata, & in mortario lapideo cum saccharo alb. in consistentiam conservæ redacta, quam *Zuvelf. Pharm. Reg. cl. 14. p. m. 188.* suis viribus castratum pronunciat, cui tamen ego haud facile assentirer. Solent etiam integra *citrea majora*, nondum satis matura, cum cortice ac carne incisa, nucleis exemptis, saccharo incoqui sicque in liquida forma *condiri*, de quorum præparatione *Zuvelf. in Pharm. Aug. reform. cl. 14. p. m. 472.* Pharmacopœos monet, ne aquam, in qua poma condienda ad mollitiem deco-



quantur, tanquam inutilem effundant, sed potius in illa, utpote cui potiores jam decoctorum pomorum virtutes insunt, saccharum pro conditura dissolvant & percoquant. Eadem metho- do *citrea minora* integra, vel in partes dissecta, ut & soli *cortices* ab adhærente candida carne probe separati condiuntur, & postmodum *wei- che eingemachte Citronen-Schalen* appellantur. Fit quoque *balsamum citratum*, si ꝑ N.M. expres- sum ꝑ cort. citri alto saturetur. Quod si quis simplicissimum & inodorum pro balsamo cor- pus desideret, facile id obtinere poterit, si di- ctum Nucistæ oleum Tinctura & odore suo per alcohol vini privare allaboret. Huc referendum *unguentum* illud, Officinis *citrinum* dictum, ob succum & cortices admixtos: compositionem vid. in *dispens. August. renovat. cl. 15.* Inter *sicca* è citro concinnata medicamentū caput exerit *elao- saccharum*, seu *essentia sicca* facile parabilis: affri- cantur nimirum integra citrea poma durissimo sacchari frusto tamdiu, donec inde extimus fla- vescens cortex oleosus plane absumtus sit: sac- charum flavo & oleoso hoc liquore madidum cultro abraditur, & in vase probe clauso lente exsiccatum ad usum reservatur. Conficiuntur quoque *morsuli*, tum *simplices* cordiales, quales *T. Dorncr. l. c. p. m. 35. Greg. Horst. Oper. Tom. 2. l. 7. p. m. 355. Schröd. l. 2. c. 69. & Fr. Hoffm. in the- saur. Pharmac. Sect. 17. num. 3.* describunt, tum *compositi*, ex crem. ꝑri, succo & corticibus citri subtiliter concisis, addita sacchari s. q. qui mor- suli diuretici sunt, & ab aliis, qui acidas bibunt, frequenter expetuntur; his quandoque stimu- li loco aliquot diagrydii grana adduntur, unde morsuli de citro *laxativi* exsurgunt. Adornan- tur etiam in Officinis dulciorum *confectio- nes saccharina citrata*: Vel enim integra poma *citrea & majora*, vernacule *Citronat* vocata, & *mi- nora* s. *vulgaria*, vel separatim *cortices* syrupisato saccharo incoquantur & postmodum exiccantur, unde *truckene condirte Citronen und Citronen- Schalen* exsurgunt, quibus pro decipiendis ple- bejorum oculis auri foliati particulae nonnun- quam agglutinantur. Modum conficiendi tra- dit *J. S. Elsholt. in append. diatet. p. 445. seq.* Qui- dam *corticum citri* particulas affabre concissas artificiose sibi invicem conjungunt, ita ut coro- næ vel alterius rei formam referant, quam po- stea sacchari crystallis, juxta artis leges obducunt, unde *Candisirte Citronen-Schalen* nuncupantur. In hunc modum non raro *integra* quoque *ci- trea* poma incrustantur, quæ Magnatibus in de- liciis esse solent. Potest etiam ex acido ci- tri succo ꝑ parari *essentiale*, si videlicet succus expressus & colatus ad consumptionem super- fluxæ humiditatis coquitur, & postmodum in frigidum locum reponitur, ut crystalli vasis late- ribus vel fundo accrescere queant. Eodem ferme modo *Fr. Hoffm. clav. Schröd. l. 4. Sect. 1. p. 421.* ex succo berberum & citri tale ꝑ ꝑreum concinnare docet, ex cujus census *olibus* sape

Laudatus *D. Secreta* *syrupos siccos* componit, qui ob formam magis portatilem in itineribus utiles & pro Medico Castrensi commodissimi sunt; potest *syrupus* è *succo citri siccus* subjuncto modo conflare:

Rx. Succi citrei,

berber.

Crystallor. ʒri ā 3j.

Elæosacchari citri

Sacchar. rosati tabulati ā ʒiij.

f. p. subtilis, de quo cochlear plenum  $\nabla$ æ font. mensuræ mediæ commixtum probe, diu è vitro in vitrum infundatur, ac ita turbidum ad immodicam sitim extinguendam aliquot haustibus epotetur; vel  $\mathcal{R}$ .  $\Theta$ . essential: citri, crystal.  $\mathfrak{z}$ ri, nitri vitriolati, vel succo citri s. berberum imprægnati  $\bar{a}$   $\mathfrak{z}$ j. morsulor. è succo citri  $\mathfrak{z}$ vj. m. f. p. subtilis, ut præcedens usurpandus. Talis *syrupus siccus* etiam *ex corticibus* adornatur, si elæosaccharum citri sale volatili oleoso cortic. citri, inferius descripto, sufficienter imbuitur, quod in vase probe clauso ad eosdem, ac syrupus liquidus, usus pro quibuscunque mixturis liquidis, mollibus siccisque asservari poterit. Cum modo  $\Theta$ lis è *corticibus citri volatilis*  $\mathfrak{O}$ sis mentio facta fuerit, non possum non, quin hujus conficiendi modos, quorum aliquos ab Experientissimo *D. Soreta* me itidem accepisse grata mente recordor, heic quoque commemorem: Paratur vel ex tempore, si sc.  $\Theta$  quoddam volatile, v. gr. C. C. aliquot olei citri  $\mathcal{A}$ ti guttulis irroretur: seu quando  $\sim$  vini  $\mathfrak{F}$ risatus oleo citri  $\mathcal{A}$ to ad saturationem imprægnatus cum  $\sim$ tu  $\Theta$   $\ast$ ci urinosissimo debite commisceatur: vel aliquali comparatur labore, dum  $\Theta$   $\mathfrak{F}$ ri purissimum, cum elæosaccharo citri in mortario lapideo probe commixtum, addito  $\Theta$ le  $\ast$ co, sine vel cum additione aquæ, è cucurbita vitrea ex arena lege artis sublimatur, donec urinosa  $\Theta$ lis pars una cum  $\mathfrak{O}$ sis particulis ascenderit, qui sal dein vel sponte in limpidum abibit liquorem, vel, si ctystallos acquirat, pauxillo  $\sim$  vini  $\mathfrak{F}$ risati in fluorem redigi poterit, de quo in *Mæ S.* à quacunque causa retardato motu gut. x. cum appropriato vehiculo assumptæ præsentaneam promittunt opem. Plura de horum salium præparatione notatu dignissima leg. in *Fr. Viganì Medulla Chymicæ aucta* pag. 30. *seqq.* ubi elegantem *alkali volatile & aromaticum* ex  $\mathfrak{O}$  cort. citri, vel alio  $\mathcal{A}$ to componendi formulam exhibet, cujus guttæ X. vel XII. vino Rhenano commixtæ illi odorem & saporem vino Hispanico naturalem impertiunt. Possem plurimorum adhuc meminisse medicaminum compositorum, quibus vel integer hic fructus, vel ejus saltem partes sub diversa facie associantur, uti sunt pleræque aquæ aromaticæ & spirituosæ composiæ, tincturæ, elixiria, decocta, infusa, pulveres, aliæque sub diversa forma & substantia præscribi solitæ mixturæ; verum cum hæc melius



melius ex Authoribus Practicis, ceu ipsis fontibus, hauriri possint, eo B. L. remitto. Singulorum quoque *dosin & utendi modum* silentio praterivi, cum hæc ob variam Medici præscri-

bentis intentionem diversissima esse soleant, quapropter ad virtutes citrini mali speciatim indagandas propero.

## CAPUT VIII.

TOTIUS CITREI POMI VIRES  
EXHIBET.

Si ullum unquam è simplicibus medicamentis polychrestum nomine dignum, id certe malum citreum erit, quippe quod rite adhibitum totum bonum, omni ætati, omni sexui conveniens, alterat, roborat & evacuat: in cujus productione solers Natura vim suam testata est, dum artificioso plane modo & salubri temperie fructum hunc ex diversis partibus combinavit & composuit. Flavescens enim alcalini cortices aperiunt, incidunt, attenuant, bilis inertia succurrunt & humorum motum promovent: *Pulpa* vero acida constringit, incrassat, coagulat, bilem acriorem temperat & humorum ferociam refranat. In virtute tamen alexipharmaca, cordiali, stomachica, antiscorbutica & antifebrili hæc, diversæ licet, partes conveniunt & in unam q̄s. coalescunt medicinam, hincque remedium in venenis resistendis, corde roborando, ventriculo contortando, scorbuto debellando & mitigandis febribus insigne component. *Alexipharmaca* integri citrei virtus experientia casuali in Africa & Ægypto detecta fuit, si *Athenæi* supra citatis scriptis fides adhibenda; in quibus historiam refert facinorosorum ad serpentes damnatorum, qui ab esu Citrii mali liberi salvique evaserunt. Hinc sedula posteritas idem in peste cæterisque morbis venenatis & malignis, summo semper cum successu, adhibuit, cujus asserti ratio ex annata corticum seminumque diaphoretica, balsamica & spiritus torpescens reficiendi virtute, nec non succi moderata & salubri aciditate abunde patet. Cum enim à venenato miasmate tota Ma Hlis, tam quoad consistentiam, quam quoad dulcedinem ac motum maxime pervertatur, ita ut exagitationis sulphureis & ossis sanguinis partibus omnimoda humorum colliquatio, & inde dependens spirituum depauperatio subsequatur, præsentissimam hic fructus conferet medelam, dum balsamico suo cortice novum sanguini conciliat vigorem, sicque spirituum penuriæ succurrit, temperataque sui succi aciditate effrænes humorum motus compescit, luxuriantes veneni particulas infringit, & interveniente seminum oleositate inviscat, obtundit & educit. Ea ipsa de causa in nupera Viennensi peste mala citrea tam salutaria fuere: quorum virtutem alexiteriam summo itidem cum fructu, peste Basileæ anno 1667. & sequen-

te ferociente, in plurimis curæ suæ submissis ægris expertus est Nobilissimus atque Excellentissimus *D. Jacobus Rot, M. D. Anat. & Botan. in Inclyta Basiliensi P. P. Fautor & Præceptor* plurimum colendus, qui mihi retulit Chirurgum quendam tunc temporis sola pomorum citreorum in ∇ font. infusione vel decoctione plures ægros restituisse, & denique se ipsum, copiose hausto vino, cui alias valde deditus erat, citrato, ab hoc sævissimo morbo jucunde liberasse. Magni alias in febribus malignis, ut & cæteris ardentibus usus est decoctum ex hoc fructu paratum, quale *Myns. & Excell. Febr. li. cc.* describunt, cui jure merito cætera bezoardica citrata associanda sunt, qualia sunt *Confectio alexipharmaca* Excellentiss. *D. Scretæ*, in eleganti *Tract. von der Lagersucht* pag. 223. seq. descripta, *Conditum prophylacticum P. Barbet. de Peste p. m. 179.* *Morsuli alexipharmaci* à Medicis Norimbergensibus in *Tr. de præservatione à contagio n. 12.* descripti, *Electuarium prophylacticum de citro in Glogauischen Medicinischen Pest-Consilio* descriptum, ubi quoque † bezoardica, electuaria præservativa & confortativa, citrii nobilitata virtutibus, conspiciuntur & similia, quorum faraginem reperies apud *Angel. Salam, Matth. Untzer. Tract. de Peste, M. Hoffmann Bericht von den Pest-Fiebern, Ettmüll. Prax. part. 1. c. 15. H. Grube de Malo Citreo*, aliosque innumeros, quibus recensendis jam supersedebo. Apprime quoque prophylaxeos ergo citrea mala in pestifera lue conveniunt, si horum aliquot lamellæ matutino tempore ante egressum deglutiantur, si cibo & potui crebrius admisceantur & una cum aliis remediis convenienter assumantur. Inprimis autem † è toto citro, tam interne ad cochlear dimidium vel integrum subinde haustum, quam externe naribus & manuum carpis illinitum, cibis additum, conclavium tabulis adpersum, ignitis lateribus infusum multisque aliis modis usurpatum summe proficuum est. Nec contemnendam præstabit operam seq. alexiterium, quod ex rut. rec. m. iv. herb. scord. m. ii. † vini opt. ℥ij. & adjectis duobus vel tribus pomis citreis componitur, quo celebris Poloniæ Medicus se cum plurimis hominibus, diversis pestis temporibus, præservavit, ceu refertur in *der neuen Schleßischen Infections-Ordnung* part. 1. §. 14. Huc spectant naribus



ribus sæpius admovendi *noduli* tornatiles, ex juniperino ligno confecti, quorum ambitus foraminulis affabre pertusus, interior vero cavitas spongia & to imbuta citrato, vel alio bezoardico repleta sit. Neque inepte hunc puto Medicum facturum, qui contagioso & maligno morbo decumbentes ægros visitans mali citrini odorem naribus sæpius excipiat, & subinde frustulum de eodem degustet, quo infectum aërem tam per nares inspiratum, quam etiam in ore salivæ communicatum corrigat. Excel lens porro alexipharmacum & analepticum est *gelatina* ex rasura C.C. cum  $\nabla$  simpl. parata & citri corticibus, ut & acido succo, alterata, cui æquiparatur congelatum ex confuso juvene capone, in duplici vase, mediante fervida aqua, decocto, cujus filtratum brodium, succo citri & berberum acidulatum, adjectaque corticum flavedine, cinnamomo & simil. ad congelationem sepositum, in peste & febribus, tam præservationis, quam curationis gratia, cochleatim assumptum maximam meretur laudem. Prodest itidem citrium, si decenti modo adhibeatur, contra plurima assumpta, vel extus ab animalibus venenatis, aliove modo recepta, tam *narcotica*, quam *corrodentia venena*, maxime si illa jam virus suum in Mam Hlem deposuerint; sic singulare contra *nucem vomicam* deprædicatur antidotum in *Pharmac. Aug. renov. prolegom. c. 8.* quod confirmat experientia edoctus *Jerem. Lossius Dissert. de Nuce vomica §. 29.* ubi quoque hujus rei rationem reddit. Illustrat modo dicta *Theopompus hist. 38.* (ita allegante *Joh. Jonst. l. c.*) dum refert *Clearchum Heracleotam*, Ponti tyrannum, multos veneno sustulisse, plures sublaturum, nisi vis mali Medici nota fuisset subditis. Quantum imprimis contra *viperarum morsum* præstet, partim ex *Athen. l. c.* ex *Moyf. Charas experim. de viper.* abunde constat, qui posterior notabilem de Nobili illo Germano, à vipera Parisiis demorso &, propinatis prius variis remediis, ipsoque sale viperarum volatili, accidentaliter pomorum citreorum esu restituto, tradit casum, qui non levem inter *Frid. Hoffmannum & Moyf. Charas* olim commovit litem (de qua conf. *Fr. Hoffm. clav. Schræd. l. c. & M. Charas Pharmacopée Royale part. 3. l. 1. c. 28. p. 666. seqq.*) dum ille causam recuperatæ sanitatis assumptis malis citreis attribuit, hic vero sali volatili viperino omnia detulit. Quod si vero hic conjecturæ datur locus, dicerem utrumque, & sc. viperinum volatile, & poma citrea suum in restituenda sanitate contulisse symbolum, ceu hoc ex integra historia facile colligitur. His licet obstat Nobile illud Italorum decus *Fr. Redi*, qui in *observ. de viperis p. m. 45. seq.* convincere vult in citro nullam esse vim alexipharmacam contra viperarum morsum, confidens experimento, quod ipse cum duobus gallinacæis pullis instituit, sunt tamen nonnulla dubia, (quod salva hujus de re Medica optime meriti Nobilis autoritate di-

xero) quæ mentem meam ab ejus sententia divellunt. Accedit, quod ab ave ad hominem nulla valeat consequentia, cum illi noceat quod huic prodest, & vice versa. Cor roborat hic fructus, non ob externam, qua cor quodammodo referre dicitur, figuram, sed quatenus corticum sale balsamico restaurat, sicque cordis debilitati succurrit, & partibus suis subacidis sulphur in sanguine prædominans infringit, subigit & consopit, atque ita Mam Sam inordinate motam ad pristinum statum blande reducit. Ex fructibus; quæ à Provincia ad nos deferuntur, ait *Guido Patin de valetud. tuend. c. 2. p. 357. malum citrium præ cæteris commendaverim, cardiacisque quibusvis præsidis officinalibus anteposuerim, cardiacis, inquam, nomine potius, quam re.* Quare laudandus hunc in finem citri cardiacus, tam inquam ex-terne usurpandus, *syrupus totius citri, elixir cordiale Rolfsnii*, quibus merito annumerandi *morsuli de citro, essentia ejusdem &c.* quæ in animi deliquis, palpitatione cordis, & similibus admodum salutaria existunt. Egregiam præstat operam seq. mixtura confortans & stomachica, cujus efficaciam *Excell. D. Scretæ* in multis sæpius expertus est. R. Conserv. acetosell.  $\mathfrak{z}$ ij. Anihet. Poter.  $\mathfrak{z}$ ij. conf. alcherm. compl.  $\mathfrak{z}$ j. pom. citr. num. j. f. conditum, de quo æger singulis fere horis nucis quantitatem assumat. Ventriculo succurrit, dum non solum balsamicis suis partibus eundem corroborat, sed & blanda sua aciditate ejusdem fermentum exaltat & restaurat, quam ob rem variis ventriculi affectionibus medetur, *cruditati* imprimis *nidorosa, ciborum fastidio & inappetentia*: quo in casu tam crude cum saccharo comestum, quam aliis metis stomachicis admixtum juvat. Sic prælaud. *Excell. D. Rot* in inappetentia semper cum successu suadet malum citreum vel aurantium, quod, facta in superiore pomi parte profunda sectione cruciformi, caryophyllis, cinnamomo &c. configere & addita f. q. sacchari cum vino veteri ad syrupi consistentiam coquere jubet, de quo sub prandii & cœnæ initium æger frustulum deglutire, & unum vel alterum cochlear de syrupo superaddere debet. Elegans & gratum stomachale remedium est seq. R. Cinnamom.  $\mathfrak{z}$ ij. caryophyll.  $\mathfrak{z}$ ss. Zedoar. Galang.  $\mathfrak{a}$   $\mathfrak{z}$ ij. cubeb.  $\mathfrak{z}$ ss. NM. num. j. fl. rosar. tunicæ, consolid. Reg.  $\mathfrak{a}$   $\mathfrak{a}$ . p. j. cort. citri & aurant. conditor  $\mathfrak{a}$   $\mathfrak{z}$ j. Confect. alcherm. compl.  $\mathfrak{z}$ j. succi citri recent. express. & depur.  $\mathfrak{z}$ j. sacchar. alb. in  $\nabla$  Rosar. solut.  $\mathfrak{z}$ vij. f. l. a. morsuli. S. *Haupt- und Magen-Morsellen.* Plurimam itidem in *diarrhœa*, biliosa dicta, laudem meretur ante descripta mixtura, cujus ope aberrans semen ad vias ordinarias ablegatur. Et cum viscidior & acris mucus, in primis viis haud raro delitescens, ventriculi & intestinorum fibras subinde stimulet, atque adeo *cardialgiam, vomitum, choleram* aliaque mala producat, idem fructus corticibus & seminibus suis hunc mucum attenuare ac irritatas fibras demulcere, moderata



derata vero succi aciditate easdem relaxatas stringere, sicque musculosum ventriculi tonum conservare valet; poterunt hinc ægris citri lamellæ subinde exhiberi, vel etiam mixturæ ex syr. corall. cydon. totius citri, cum  $\nabla$  cinnam. cydoniat. menthæ, meliss. cort. citri confectio-  
ne alchermes, & ebore, C. C. f.  $\Delta$  calcinat. cry-  
stall. mont. ut & mdtis  $\sigma$ te paratis, concinna-  
ri, quæ felicem spondent effectum. *Antiscelo-  
tyrbicum* audit, dum cortices sale alcalino vo-  
latili vitiatam Mæ Hlis crasin, ex primæ dige-  
gestionis vitio ut plurimum subortam, corri-  
gunt & aucto simul, sulphuris sui volatilis o-  
pe, Mæ Hlis motu, scorbuti salia sero involu-  
ta per cutis spiracula & vias urinarias extru-  
dunt: succus vero dicta versipellis scorbuti  
salia, si forte volatilia & vagabunda nimis sint,  
sopit & infringit. Hinc prudentiores Medici, in  
scorbuti sublatione occupati, appropriata vo-  
latilia mdtis temperatis miscent, ut inde qs. ter-  
tium emergat. Non male itaque citrium in  
scorbuto laudatur, utpote cui & volatile & a-  
cidum blandum inest. Arridet proinde inter  
alia electuarium antiscorbuticum *Timæi à Gül-  
denklee*, in *Catalog. Medic. compos. casibus practicis  
annexo* descriptum, quod dicta poma recipit,  
cui simile est illud *Schröderi* in *Pharm. l. 2. c. 51*.  
Ea ipsa de causa iis, qui mari diutius sese cre-  
dentes ab æris & haud raro alimentorum labe  
scorbutum contrahunt, hic fructus cum inter-  
ne assumtus, tum externe membris affrictus  
tam salutaris existit, ceu *G. Pisol. c. & S. Paulli  
in Quadripart. Botan. cl. 3. pag. 383.* referunt: id  
quod *nautica Batavorum Ephemerides* indies  
confirmant. *Wir lesen in den Ost-Indianischen Rei-  
sen*, ait *Job. von Beuervvick* im *Schatz der Gesund-  
heit part. 1. c. 8. p. m. 121.* daß das Schiffs-Volck, so  
bald es irgend an ein Inland anlandet da Citronen  
und Pomerantzen vvachsen, mit denselbigen den  
Schorbock zur Stunde vertreibet, und frisch und ge-  
sund wieder an seine Arbeit gehet. In febribus, acu-  
tis præsertim & malignis, hoc quoque malum  
utile dixi, seu jam earundem rationem forma-  
lem, cum plerisque Medicorum, in Mæ Sæ agi-  
tatione nimia, seu è contrario, cum Viris hac  
ætate longe celeberrimis, in sanguinis aut lym-  
phæ, vel utriusque simul, circa extrema arteria-  
rum oscula aut tubulos excretorios stagnatio-  
ne subitanea consistere putem. Nimirum sale suo  
volatili ~sas Mæ Hlis partes, vel ob nimium e-  
jus motum dissipatas restituit, vel ab acido pec-  
cante irretitas liberat, & moderata simul aci-  
ditate febrilem fomitem nonnihil enervat &  
immutat, fermentum gastricum ab alienis hu-  
moribus plus minus alteratum corrigit, fitis  
tædia pellit, priorem sanguini exastuanti con-  
sistentiam reddit & diaphoresin ac diuresin,  
unde ægri non parum levaminis percipiunt,  
blande promovet; propterea febricitantibus  
tam familiaris fructus est, cujus etenim lamel-  
lis ore detentis & tandem deglutitis, potuque,

à Limonibus Limonada vocato, ex abrafa cor-  
ticum flavedine & acido succo cum  $\nabla$  fontana  
saccharo edulcorata parato, reficiuntur. Re-  
spondet huic potui *tinctura rosarum citrata*, in fe-  
bribus, præsertim ardentibus, optima, quæ, quo-  
modo conficiatur, tradit sæpe citat. Nobiliss.  
*D. Scretæ von der Lager sucht pag. 302.* Elegans &  
gratus præterea in febribus potus est seq. *refrige-  
rans & nonnihil laxans: R.* Tamarind.  $\mathfrak{z}$ ij. passul.  
min.  $\mathfrak{z}$ j. pom. citr. num. j. sacchar. alb.  $\mathfrak{z}$ ß. con-  
cis. coq. parum. cum f. q.  $\nabla$  font. in vase dupl.  
probe clauso, sub finem addendo cinnam.  $\mathfrak{z}$ j.  
Colatura serv. usui. Non minoris in febribus  
malignis aliisque epidemicis efficaciam est dictus  
fructus, inprimis *syrupus totius citri*, qui vel per  
se, vel aliis associatus mdtis, ubicunque spiri-  
tus refocillandi & sudores movendi sunt, egre-  
giam affert operam; testem adduco Excellent.  
*Theoph. Bonet.* qui *Anat. pract. l. 4. S. 1. fol. 1501.*  
in febribus malignis epidemicis mdtæ ex citro  
tutissima dicit. In febribus autem lentis succi  
aciditas plus obest, quam prodest, unde ejus  
usus quoque vitandus erit; in intermittenti-  
bus tamen æstus tempore julapia ex eodem  
concinnato suo merito laudanda sunt: sed ca-  
ve, ne quid nimis! majus enim cortices enco-  
mium merentur. Consideratione tamen di-  
gnum est, quod in *Zodiac. Med. Gallic. ann. 1.  
mens. Jun. obs. 8.* de viro quodam Primario re-  
fertur, qui feбри continua laborans & solo *Li-  
monada* uberiori potu, consumtis cum in sco-  
pum, viginti quatuor horarum spatio, nona-  
ginta pomis citriis, integram recuperavit sa-  
nitatem. Sunt nonnulli qui in urgentiori fe-  
brium, etiam malignarum, æstu citrii recentis  
& succulenti lamellas frigide fronti applicant,  
sed rem periculi plenam subeunt, siquidem  
inde pori cutis occluduntur, ipsaque materiæ  
morbificæ metastasis, quam Natura in hisce  
febribus subinde intendit, impeditur. Cæte-  
rum hic fructus ad abortum præcavendum sin-  
gulare deprædicatur remedium, siquidem tem-  
perata aciditate sua uteri aliorumque visce-  
rum tonum corroborat, effrænes humorum  
motus, unde non leve abortionis periculum  
imminet, avertit & cortice suo spiritus vege-  
tat, foetum confortat, ejusdemque debilitati  
succurrit. Proderit itaque gravidis, si nonnun-  
quam citri frustula comedant, vel mixturis u-  
tantur confortantibus, è quorum censu sit seq.  
*R.* Conserv. meliss. pulp. citr.  $\mathfrak{a}$ .  $\mathfrak{z}$ ij. cort. citr.  
condit.  $\mathfrak{z}$ j. Nuc. Ind. cond.  $\mathfrak{z}$ ß. conf. alcherm.  
incompl.  $\mathfrak{z}$ j. corall. rubr. præp.  $\mathfrak{z}$ ij. syrup. granat.  
acid.  $\mathfrak{z}$ ß. m. f. Electuar. De quo nucis juglan-  
dis quantitas singulo mane deglutiatur. Hisce  
breviter addo, quod *J. P. Porta Physignom.  
l. 5. c. 5. p. m. 312.* ex *Avicenna* decoctum citri im-  
pinguare dicat, cui consentit *D. Panarol.* qui  
*Pentecost. 2. obs. 36. pag. 52.* quendam atrophiam  
correptum citreo malo convaluisse narrat,  
quibus rigore non refragabor, cum etiam ci-  
trium



trium pomum in atrophica curanda suum haud raro locum defendat. Denique ut paucis multa complectar: Quodsi verum est, quod nonnulli ex Modernis Medicis defendere conantur, in plerisque, si non omnibus, morbis vel aci-

dum vel alcali peccare, citreum universale remedium erit, utpote quod cortice suo acidum p. n. corrigere & blanda succi aciditate ferociens humorum alcali refrenare valet; ast manum de tabula!

## CAPUT IX.

## CORTICUM VIRTUTES CONSIDERAT.

Quantum citrei cortices in re medica laudem mereantur, ex tenui & sulphurea eorum substantia, qua intime penetrant, incidunt & attenuant, satis elucescit. Præterquam enim quod tam sensibilem, quam insensibilem transpirationem promoveant, *Alexipharmaci* quoque dicuntur, ob eam, quam c. 8. indicavi, causam. Felici proinde cum successu in peste, cæterisque morbis epidemicis, tam præservationis, quam curationis gratia masticantur, alimentis, suffimi-  
giis, & trochiscis alexipharmacis, aliisque sub quacunque forma paratis remediis antidotis (quorum sylvam vid. in *Glogauischen, Nürnbergischen, Schlesischen Pest - Consilio* P. de *Sorbait. tr. de Peste P. à Castro de febr. malign. punct. Sect. 8. p. 196. 207. & seq.* ubi sal, extractum sive magisterium (uti vocat, citri describit, &c.) modo in substantia crudi, vel saccharo uterunque conditi, modo eorundem syrupus, essentia, oleum &c. adhibentur; formulas *H. Grube. l. a.* & reliqui præcedente cap. citati Authores exhibent: inter quas tamen illæ mihi magis ar-  
rident, quæ acida commixta habent, cum à calidioribus bezoarticis acido carentibus ægri haud raro in majus vitæ periculum conjiciantur, nisi summa cum cautione propinentur. Cortices citri pestis tempore homines in publicum prodeuntes præservationis ergo sub lingua detinere debere non male suadet *Job. Crato consil. 275.* ita citante *J. J. Jæpserio, in manu duct. ad vitam longam p. 334.* Alii alia adducunt, quæ vid. in consiliis contra pestem, modo citatis. Cephalici sunt ratione particularum suarum aromaticarum, quibus spiritus recreare, sanguinem & lympham volatilifare, viscidioraque, nec non facile stagnantem resolvere queunt. Conducunt hinc in *cephalalgia, apoplexia, memoria imbecillitate*, & reliquis à sanguinis & lymphæ torpescencia inductis capitis affectibus & cephalicæ cum corticib. citri & æ, quarum formul. vid. apud *Frid. Hoffm. thes. Pharm. Sect. 1. Willis de anim. brut. P. 2. c. 8. seq.* mixturæ ex ælis cum essentia vel sale volat. citrato compositæ, v. gr. *xy. ∇. fl. til. majoran. ā ʒij. applect. ʒj. lil. convall. ʒj. essent. citri liq. ʒij. vel ∅. vol. oleos. citrati ʒss. essent. ambr. sicc. gr. iij. syrup. pœon. ʒj. m. s. Löffelweis Morgens und Abends einzunehmen.* Condita ex conservis capiti dicatis, addito syrupo cort. citri, vel iisdem conditis, qua-

lia vide apud *Fel. Plater. obs. Med. l. 1. p. 226. l. 2. p. 366. G. Rolfin. Dissert. de dolore capitis &c.* mor-  
suli, pulveres, cucuphæ, & similia mdrta compo-  
sita, quæ citri cortices recipiunt, quorum copia in libris Practicis occurrit. Insigne in primis præconium meretur sal. volat. oleos. cort. citri in affectibus soporosis, quibus, sunt verba *Ol. Borrichii de somno & somnifer. §. 6. non occurritur felicius, quam per pharmaca spiritum promoventia.* Cum quoque cortices recenter noctu ante decubitus mansi sua via insomnia procurare dicantur, non inepte mdrta citreis imprægnata dotibus in incubo salutaria censerî possunt, inter quæ excellent illa, quæ ex conserv. meliss. cort. citr. conditis, conf. alchem. comp. Antihæctico *Potter. & ʒ* cum essent. citri concinnata sunt. *Oleum cort. citri d.* in epilepsia laudant *Macas. p. 293. & Barbett. prax. l. 1. cap. 1. p. m. 9.* procul dubio ob vim, quam habet acidum vitiosum (frequentiore epilepsie causam) corrigendi & attenuandi, de quib. conf. *G. Weinlig disp. de Epilepsia præf. Ettmüll. L. 1. ps. 1676.* hab. *Cordiales*, s. potius Vitales sunt, dum partibus suis balsamicis vel absumptos spiritus restituunt, vel languentes recreant, vel totam Mæ Hlem ab acido viscido plus minus inviscatam liberant & qs. volatilifant, unde in animi deliquiis, cordis palpitatione, affectibus melancholicis, & (ut summatim dicam) ubicunque dejecti ~ suscitandi & Mæ Hlis vigor restaurandus est, non satis celebrari queunt, sive cortices modo soli & recentes manuum carpis applicentur, (quibus tamen ego derafam flavedinem præferrem) modo exsiccati speciebus pro cordis & pulsum epithematibus includantur, & eorundem ∇. & ∅, balsamum, vel solitarie, vel aliis admixta, temporibus, naribus, scrobiculo cordis & pulsibus illinantur, quorum varius præscribendi modus ex Practicorum libris peti poterit: sive ex iisdem corticibus parata ∇. syrupus, cochlearim, ∅ a. destill. & ∅ volat. ∅ s. guttatim assumantur, aliis medicamentis cardiacis includantur, quorum sylvam in Medicorum monumentis invenies. Præter cor etiam *Ventriculum* corroborant, quatenus vel mucum in ventriculo delitescentem viscidum solummodo, in appetitus inertia, seu acedine simul inquinatum, *cardialgia, vomitus, cholera, lienteria & flatuum* frequentem causam, incidunt & attenuant, vel fermentum esurinum acidum



acidum nimis, in appetitu aucto obtundunt & cernunt: Adeoque hunc in finem non modo cortices exiccati speciebus pro vinis medicatis, tragais, elixiriis & cæteris ventriculo sacris remediis adjiciuntur, sed etiam conditi vel per se jejunè assumuntur, vel aliis mixturis stomachicis cum syrupo associantur; neque tantummodo interne usurpati juvant, sed & externe sacculis stomachicis induntur, ungtis vero, balsamis & emplastris ventriculi regioni applicandis, eorundem & crebrius additur. Egregie mucum ventriculi viscidum incidit & foetentem oris halitum emendat *Confectio ex malo Citrino, in Pharmacopœa Persica cap. Gim. seu G. num. 76. pag. 33. descripta.* Gratissimum præterea stomachale medicamentum est seq. Præcellentis cujusdam Medici, quod non ita pridem hic præscriptum suavi suo sapore & odore se commendabat: R. Panis similag. ℥iij. Nuc. Mosch. ℥iij. vini alb. opt. mens. i. diger. per aliquot dies, & post destill. per cucurb. vitr. & serv. usui. Hujus aquæ spirituosæ ℥j. si essent. citri saccharin. ℥j. addatur, concinnabitur inde remedium in multis, ventriculi præsertim, affectibus, ut suavissimum ita efficacissimum. Plurimum vero valent in pica, tum à fermenti vitio, tum à catameniorum suppressione producta, dum non solum fermenti crasin restitunt & menses pellunt, sed & vitiatum spirituum animalium motum, heic simul peccantem, sale suo balsamico placant. Quapropter Celeb. Joh. Michaël. in Colleg. M.S. in Jonst. Id. Med. Pr. hos cortices, & omnia ex iisdem parata medicamina in gravidarum pica specificè prodesse refert. In bulimo vinum citratum juvabit. Huc referenda est virtus horum corticū *carminativa*, quæ à particularum aromaticarum, gas flatuosum, ab acido viscido, pertinaci primarum viarum incola, natum, attenuandi & dissipandi facultate dependet: unde Sylvius *prax. l. 1. c. 14. p. m. 189.* salia volat. oleosa potenter, at blande simul, flatu discutere testatur; & in eundem finem & cort. citri & in *append. prax. tr. 9. §. 251. p. m. 810.* commendat. Gratissimum alias medicamentum anticolicum est elæosaccharum citri cum vino, vel alio convenienti liquore, propinatum, cui æquiparanda corticum ∇ essentia & syrupus, seu per se, seu cum aliis medicamentis idoneis varia sub specie propinentur. Inprimis vero H. Grube *l. c. pag. 35.* olei citri destill. ad aliquot guttas propinati præstantiam in flatulenta colica se sæpius expertum esse fatetur, qui quoque *pag. 66. seq.* medicamenta stomachica & carminativa, citreis dotata virtutibus, describit. Alias Practici cortices, vel eorundem essentiam, vel & medicamentis purgantibus pro correctione, ceu vulgo, sed male, dicitur, superaddere solent, id quod satis notum est. Quo vero modo febribus adversentur laudati cortices, jam supra dixi, nec sine ratione hos eorundemque præparata in febr-

bus intermittentibus, quartanis maxime, extol- lit citatus Grube *pag. 40. seq.* Quoniam porro affectio hypochondriaca ut plurimum à materia acido-viscida, in vulgo dictis primis viis stabulante, dependet, & ab adhibitis volatilibus alcalicis plurimum mitigatur, non inconvenien- ter citrini cortices, acidum peccans fortiter debellantes & quicquid viscidum est, incidentes usurpari poterunt. Specificè vero prodest, & alia e dicto cortice facta medicamenta activitate sua superat sal volat. & citratum, utpote quod flatu, hic simul peccantes, potenter dissipat, urgentem cordis palpitationem cæteraque præsentia mala imminuit, & genuinam sanguini diathesin restituit. Cum etiam huic malo non contagioso vel conjunctum sit, vel exasperato superveniat aliud contagiosum, scorbutus scilicet facile patet, cortices suis etiam præconiis hoc in casu non defraudandos esse, siquidem medicamenta ex iis confecta, & cum volatilib. urinosis, ut & specificis antiscorbuticis mixta, non contemnendum in scorbutu, si non extirpando, saltem mitigando, fructum præbent, maxime si nonnunquam medicamenta, blandis acidis sociata, intercalentur, de quib. c. 8. Quod si bilis viscida & glutinosa nimis ductus cysticos obstruat, sicque Icterus producat, tunc modo laudati cortices, bilem incidentes & attenuantes, felicem pollicentur effectum. Utero itidem solatium præbent, dum non solum ejus inflationem vi sua carminativa tollunt, particulis balsamicis & utrumque roborando partum facilitant, sed etiam subsistens lunare tributum reddunt, dum vel & bus novum vigorem conciliando Mæ Sæ motum promovent, vel humores glutinosos, sanguinis in utero effluxum impediētes, attenuando & incidendo, obstructions referant, nec non crassam sanguinis intemperiem corrigunt; quæ omnia sale suo volatili & aromatico præstant, siquidem Sylv. *meth. med. l. 2. c. 17. §. 15.* ejusmodi salium volat. ope se facile, cito & feliciter subsistentia vel suppressa menstrua movisse testatur; hinc frequenter vinis medicatis, ad catameniorum defectum, & inde ortam cachexiam præscriptis laudati cortices adduntur, quorum & volat. oleos. (ut jam cætera medicamenta citrata præteream) excellens quoque hoc in casu remedium erit. Quin etiam celebris corticum usus est in affectibus hystericis; unde quoque pulv. hyst. J. U. Rumleri in *Pharmac. August. cl. 8.* descriptum cum semine ingrediuntur. Efficax alias remedium hoc in casu existit seq. R. ∇ meliss. fl. til. sambuc. ā. ℥ss. hirund. cum castor. ℥j. & ci, & volat. oleos. citrat. ā. ℥j. & volat. succin. gr. v. laudan. cydoniati gr. ij. syrup. fl. aurant. ℥ss. m. d. cochleatim. Nec reticenda horum corticum potentia, quam in stranguria exerunt, dum acidum peccans temperant & corrigunt. Aphrodisiaci porro salutari possunt, respectu partium



suarum aromaticarum, quibus ventriculi digestionem promovent, sicque chylum elargiuntur spirituosiores & quasi aromatisatum; qui sanguini commixtus eidem novum solet conciliare vigorem; unde non potest non laudabilis, plus minus acris, elaborari genitura, ex cujus moderata acrimonia & turgescencia crebriores Veneris stimuli nascuntur. Admiscuntur itaque cort. citri ut plurimum conditi cæteris Venerem suadentibus remediis, qualia proponunt *Zwelf. Pharm. Reg. class. II. pag. m. 123 Ettmüll. prax. p. 2. c. 14. p. 418.* aliique. Commendantur denique contra oris fætores recentem masticati, vel etiam

saccharo utroque modo confecti, quorum usum in foetido oris halitu scorbutico in multis proficuum observavit cit. Excell. *D. Rot.* Nec tandem, ut concludam, cortices in cæteris, ab acido vitioso natis, morbis chronicis, infelici cum successu, præmissis tamen præmittendis, usurpari possunt, utpote qui non tantum acidum peccans, plus minus glutinosum, ceu sæpius indigitavi, destruunt, attenuant, & attenuatum cum sero ex corpore eliminant, sed & corporis balsami, bilis, intertæ succurrunt; de quibus doctam *Theod. Christoph. Crugii dissert. inaug. de morbis chronicis ex acido vitioso, Marpurg. 1676. habit. consule.*

## CAPUT X.

ACIDI SUCCI PRÆSTANTIAM  
INDICAT.

**S**uccus citri, æque ac cortices, insignem affert utilitatem, utpote cujus usus in multis morbis, malignis præsertim, satis commendatus est. Restaurat enim acidum nostrum vitale, manifeste in ventriculo, occulte vero in sanguine residens, quod toto vitæ curriculo, quantum possibile, religiose conservandum monet Celebrissimus *J. J. Waldschmid, Med. in alma Marpurgensi P.P. Primar. & Phys. Ordin. Serenissimi Hassiæ Principis Archiater, Patronus, Fautor & Præceptor meus pie venerandus, in Fundam. Med. I. 4. c. 1.* Refertur autem inter medicamenta alexiteria, dum non solum pestem ab hominibus arceat, firmiorem Mæ S. conciliando texturam, quæ recipiendo venenato miasmati minus apta nata sit, sed etiam susceptum contagium repellit, dum pestiferum & volatile, arsenici instar summe corrosivum, Mæ Hlis crasin maxime corrumpens, aciditate sua moderata figit & mortificat, ita quidem, ut particulis suis Onis acutis in veneni arsenicalis spicula agendo, eadem obrundat, & immutet, simulque relaxatam Mæ Sæ fibrosam compagem leviter constringat: quo ipso serum copiosius, pestilenti miasmate infectum, è sanguine qs. exprimitur, unde, sero facilius tam per apertos corporis poros, quam vias urinarias eliminato, succus citri mortiferum venenum per sudorem & urinam eduxisse, & cætera urgentiora symptomata imminuisse dicitur, confer *Lud. Conr. Jacobi V. E. de dysenteria maligna incruenta*, ubi quæstionem movet: *Warum der Citronen - Saft in der Pest großen Effect thun könne, und gethan habe?* Antidotalem dicti succi vim in pestiferum arsenicale miasma confirmat, quod Celebrissimus *J. J. Wepfer in cicut. aquat. p. 296.* ex alterius relatione refert: casu sc. competum fuisse, succum citri veneni illius arsenicalis, *Aquetta* dicti, quo veneficæ quædam Romanæ gravem olim stragem ediderunt, prope unicum alexipharma-

cum fuisse. Præcaver autem & avertit imminuentem pestem, simulque conceptam repellit, si tam cibis crebrius aspergatur & potulentis immisceatur (qualia pro quotidiano usu sunt decoctum citri *Myns.* decoct. hordei, vel etiam C.C. succo citri acidulatum: quo etiam Gelatina C.C. cum succo citri & berberum alterata ac potui admixta spectat, quorum multas & elegantes variorum Authorum formulas leg. in *J. A. Græba Elaphograph. p. 110. seqq.*) quam etiam medicamentis confortantibus & alexipharmacis modo crudus, modo acetosus ejus syrupus, modo etiam conserva acidæ pulpæ addatur, de quib. conf. Authores, qui de peste scribere, cit. Quæ vero ratione venenis resistat, ex ante dictis colligitur. Cum etiam hic succus putredinem arceat, cieat sudorem & sitis rædia pellat, convenienter admodum in febribus ardentibus & malignis, eodem fere, quo in peste, modo, usui destinari potest, maxime si calidis alexipharmacis & sudoriferis pro scopi ratione associetur; optime vero clamorosa sitis syrupis è succo citri, ut & julepis explebitur, cum laudato succo confectis, quales *Barbett. de peste p. 183. Ettmüll. in Id. præscr. form. cl. 3. aliique* tradunt: in Phrenitide quoque, eryspellate, omnique Mæ Sæ exagitatione nimia præstantes. Elegans sane pro siti sedanda instrumentum excogitavit *S. Sanctorius*, quod *Comment. in prim. sen. Avicenna, quest. 87.* descriptum reliquit. Conficitur autem ex vitro vel argento, in nuclei Persici, vel simili forma, & exiguis undiquaque foraminibus pertunditur, quod dein syrupo ex succo citri, vel alio idoneo repletur & ori inditur, exstillante sensim per foramina syrupo, quo fauces optime irrigantur sitisque pellitur. Instrumentum autem commodè repletur, si calefactum liquori immergatur. Hoc remedii genus admodum conveniens est ad linguæ ariditatem & scabritiem, in febrium actu irrequientem. *Cornalis* dicitur, quatenus



tenuis sanguinem nimis attenuatum & turgescens, hincque cordis thalamos majori, quam par est, copia irruentem, vel etiam extra vasa facile profilientem placat & compescit. Non levem proinde præstat opem in *animi defectibus, palpitatione cordis & hæmorrhagiis*, à sanguinis orgasmo inductis, seu cum  $\nabla$  refrigerantibus sub forma julapii propinetur, seu convenientibus mixturis additus exhibeatur, de quibus cons. Practicos. Variæ alias & innumeræ cordialium medicamentorum formulæ in Dispensatorii reperiuntur, quæ succum citri recipiunt, uti est *Julepus Gemmatus Magni Ducis Hetrur. à Schröd. Pharm. l. 2. c. 84. descript.  $\nabla$  cordial. frig. ab eod. Ibid. c. 38. annotat. &c.* Solet quoque succus citri cardiacus nuncupari respectu virtutis suæ diaphoreticæ, qua serum heterogeneis, corpori infensus, particulis implicatum educit, unde sequens mixtura sudorem movens in omnibus fere morbis cum febre conjunctis, cardiacæ nomen meretur:  $\mathcal{R}$ .  $\nabla$  fumar.  $\mathfrak{z}$ ij. syrup. acetos. citri  $\mathfrak{z}$ j. conf. alchem. compl.  $\mathfrak{z}$ ß antim. diaph.  $\mathfrak{z}$ ij. bezoard. mineral.  $\mathfrak{z}$ j. m. & singul. trihorio unum cochlear exhibeatur. Adeo quoque syrupi acetositis citri increbuit usus, ut vix potiunculam sudoriferam videas, quæ hunc syrupum sibi non admixtum habeat. Summe præterea proficius est hic succus Indias petentibus & incolentibus Europæis, tam præservationis, quam curationis ergo, in febribus acutis & malignis, in calidioribus oris admodum frequentibus, cum  $\nabla$ so potu, aliove modo, crebrius assumtus, ceu fidem facit *Zod. Med. Gall. ann. 4. mens. April. obs. 2. Ventriculo* gratus est propter temperatam suam aciditatem, qua fermento gastrico succurrit. Laudatur cum in finem post prandium vel coenam modice assumtus; ex quibus constat eundem ad *anorexiam*, à fermenti stomachici inertia subortam, utiliter adhiberi, quovis modo usurpatum. Quantum vero possit ad *sitim* fallendam, ex præmissis patet: hic saltem addidisse sufficiat, serum lactis, citri succo acidulatum, tum in siti, tum in *scorbuto*, aliisque, etiam malignis, morbis, vel solum vel idoneis vegetabilium succis aliisve adjunctum, non ultimum esse remedium, formul. vid. apud *Ettmüll. de præscr. form. cl. 3. & 4.* Enormem quoque vomitum, à biliosa colluvie, in ventriculo fluctuante, compescunt, & relaxatum stomachi tonum restituunt cum & ex citri succo concinnata remedia, inter quæ conserva rosarum citrata laudatur. Elegans alias in vomitu, malignatum præsertim febrium, remedium existit & absynth.  $\mathfrak{z}$ j. cum cochleari succi limon. mistus, de quo vid. *L. River. cent. 1. obs. 15. & c. 2. obs. 99.* Commendantur porro syrupi è succo citri sicci, aquæ pro potu, vel aliis medicamentis diaphoreticis admixti, ut & hujus loco julapia è succo parata, in *alvi fluxibus* biliosis vulgo dictis, dum serum, ad intestinorum glandulas copiosius delatum, ope sudoris avocant, adeo-

que partim per cutis cribrum expellunt, partim ad pristinos canales, ductus sc. urinarios, ablegant. Hæc non prætereundam censeo *anthelminticam* hujus succi virtutem, qua, operante sale suo acido, tum ovum verminosum, nondum exclusum, subigit, tum etiam ipsorum vermium teneram compagem destruit: Et cum febricula plerumque soleat esse conjuncta, à miasmatibus putridis Mæ Sæ communicari solitis, præsto erunt julapia ex  $\nabla$  card. bened. centaür. min. &c. cum syrupo acetos. citri &  $\nabla$  vitrioli parata, &c. Cæterum asserunt quidam, succum citri interne assumtum *calculum* comminuere, quoniam margaritas, corallia &c. dissolvere queat. Verum enim vero hic ab externis ad interna non valet consequentia. Id equidem facile concesserim, succum hunc, quatenus diureticus est, arenulas (calculorum rudimenta) in renibus stabulantes, per vias urinarias educere, simulque absterfiva sua, qua pollet, virtute, à calculo præservare posse, ceu Practicorum observationes docent; Quare etiam *Ettmüll. prax. p. 2. c. 3. p. 186. & Sylv. Meth. Med. l. 2. c. 24. §. 48.* alique hunc succum suis laudibus in exturbando renum calculo privare nolunt, siquidem posterior l. c. hunc in finem ol. amygd. dulc. semel aut sæpius ad  $\mathfrak{z}$ ß. vel  $\mathfrak{z}$ j. cum vino Rhenano diuretico tepido, succo citri & saccharo ad gratiam adperso, haustum commendat: Et *M. Sebiz. Spec. Med. Pr. part. 4. Sect. 6. c. 11.* inter experimenta antinephritica seq. refert:  $\mathcal{R}$ . succi limon.  $\mathfrak{z}$ j. vini Cretici  $\mathfrak{z}$ ij.  $\Omega$  bacc. junip.  $\mathfrak{z}$ j. m. Cavendum tamen ne solus citri succus nimia in quantitate & diutius usurpetur: nam *Primeros. de error. vulg. l. 4. c. 41.* ex *Dureti notis ad Holler.* refert, quendam, postquam sectionem abhorrens ex aliquorum consilio succum limonum per tres menses bibisset, aphthis in ventriculo, à succi aciditate obortis, interiisse. Quod vero laudatus succus in renibus, vel vesica hærentes, ac silicea duritie gaudentes calculos comminuere possit, credat Judæus Apella. Ad *Ischuriam* renalem & vesicalem à materia viscida & mucilaginosa, meatus uninarios obstruente, appropriatum porro remedium audit succus limonum *Amato Lusitano cent. 5. obs. 71.* si ad  $\mathfrak{z}$ ij. vel iij. usque ad  $\mathfrak{z}$ iv. assumatur; placet vero magis hoc in casu seq. quod *Ettmüll. prax. p. 2. c. 4. pag. 203.* ad imitationem *Riverii in observ. communic.* proponit:  $\mathcal{R}$ . vini albi dulcis  $\mathfrak{z}$ ij. succi limon.  $\mathfrak{z}$ j.  $\Omega$  terebinth.  $\mathfrak{z}$ j. m. capiantur successive. *Nimio* præterea mensium & lochiorum fluxui eatenus resistit, quatenus turgescens sanguinem leviter inspissando ejusdem impetum cohibet, & fluxum sistit. Hinc in usum vocari possunt julepi ex  $\nabla$ is refrigerantibus cum syrup. acetos. citri, addito sang. pulv. dracon. corall. rubr. &c. vel etiam mixturæ ex conf. rosar. antiq. pulp. citri, cum myva cydonior. confect. alchem. incompl. syrup. corall. &c. adjecto uno vel altero grano de laudano cydoniato.



Laudatur insuper in *gonorrhœa benigna*, à superflua seminis generatione ejusdemque turgescencia suborta, sæpe citatus succus, cujus efficaciam hoc in affectu se millies expertum esse *Amat. Lusit. cent. 5. cur. med. 71.* gloriatur. Præscribendi formulas tradit *Ettmüll. prax. p. 2. c. 15. p. 423.* Nimia quoque utriusque sexus *salacitati*, imo & *uterino furori*, frænum injicit, si suafore laudato *Viro l. c. c. 16. p. 433. & p. 3. c. 5. p. 20.* cum opiatris, nitratis, camphora &c. propinetur: quo serum lactis succo citri acidulatum referri potest. Dictorum vero rationem ab aciditate succi, sanguinis laudabilem crasin nonnihil immutante & simul per diaphoresin & diuresin laudabilis feri, ñsis & nutritiis particulis imbuti, copiam expellente, petendum reor; id quod etiam dicti liquoris acidi facultas, qua *corpulentia nimia* resistit, satis superque confirmat. *Cosmeticorum* denique albo succus citri ob vim, qua gaudet, abstergentem inferendus est, utpote qui recens cuti affrictus varias ejus *maculas, lentigines, ephe-*

*lides &c.* ut & *guttam rosaceam*, præmissis tamen præmittendis, delet; id quo etiam serum lactis cum laudato citri succo altum efficere solet. Cum vero cutis ab horum fortiorum detergentium usu nonnihil aspera reddatur, eadem facile iterum lævigari poterit, si lacte, vel emulsionib. ex amygd. nucl. persic. agar. petræo, & similib. cum  $\nabla$  rosar. fl. fabar. sigill. salom. &c. paratis abluatur. Huc pertinet *unguentum citrinum* s. potius citreum, quod cutim asperam lævigat, maculis contaminatam dealbat, cicatrices emendat, & *pustulas* ab aeri lymphâ productas sanat. Ad *scabiem* tandem, teste *J. Jonston. Thaumatochr. cl. 5. c. 33.* commendatur, si per medium sectum citreum, & tenuissimo sulphuris pulvere conspersum, nec non ferventi calefactum cinere, corpori scabioso affricetur; id quod ratione succi sui præstat, siquidem succus limonum quoque speciebus unguentum ad scabiem constituentibus jungatur.

## CAPUT XI.

## SEMINUM FACULTATES ANNECTIT,

Quantis semina citri à plurimis Botanophilis præstentur laudibus, proluxa verborum serie nunc enarrare superfluum puto, cum fortè in futurum latior de hisce differendi patebit campus. Quod igitur decantatam illorum vim *antidotalet* attinet, consistit ea in pinguibus & ñsis, quibus maxime adundant, particulis, quarum hamulis & glutine acuta veneni pestilentis spicula qs. involvuntur & obtunduntur, ita ut corrodentem suam vim in teneras corporis nostri partes exercere nequeant; quibus vis horum seminum accedit diaphoretica, qua plurimum in morbis malignis præstare assolent: adeoque tam in peste, quam etiam reliquis, à veneno communicato inductis, symptomatibus proficua sunt, vel interne, in substantia, speciebus pro medicamentis alexipharmacis, v. gr. confect. liberant. antidot. *Matth. conf. de hyacinth. electuar. contra pestem Imperator. Ferdin. Theriac. coelest. &c.* addita, vel externe, contusa venenatorum animalium moribus applicata, auctore *Hafenreffer. de cute l. 3. c. 12. p. 537.* id quod etiam  $\oslash$  ex seminibus expressum præstare valet, teste *J. B. Porta Mag. natur. l. 8. c. 9. & l. 10. cap. 5.* Maximi quoque usus sunt dicta semina in *febribus maligni moris, variolis & morbillis*, si ex iis in mortario cum aliis seminibus contritis emulsio, vulgo expulsiua dicta, paretur, qualis est seq. R. sem. aquileg. citri excortic. napi  $\mathring{a}$   $\mathfrak{z}$ j. contrund. & emulg. cum  $\nabla$  card. bened. & scord.  $\mathring{a}\mathfrak{a}$   $\mathfrak{z}$ ij. quibus adde C. C. Philos. præp. unicorn. fossil.  $\mathring{a}$ . gr. x. sacchar. perlari  $\mathfrak{z}$ j. *S. Aufstreiben de Milch auf einmahl.* Adduntur etiam specie-

bus pro *decoctis expellentibus*, quorum form. vid. in *Fr. Hoffmann. thes. Pharm. Sect. 6. num. 14. seq.* Nonnulli hæc semina *sacculis cordialibus* includunt, cujusmodi form. habet *Schröd. Pharm. l. 2. c. 78.* quem vero usum præstent, non video, siquidem à semine citri hac ratione nulla fere virtus speranda. *Lumbricos intestinales* enecant, quia ratione particularum suarum amararum, quæ ex mente *Willis. l. c.* ex furcatis aculeis constant, tenera vermium corpuscula destruunt; Adeoque nonnunquam saccharo obducta infantibus deglutienda præbentur, vel, quod præfero, sub pulveris seu boli forma aliis admixta propinantur, v. gr. R. Sem. santon. citri excort.  $\mathring{a}$ .  $\mathfrak{z}$ ß. myrrh.  $\mathfrak{z}$ j. cum conserv. rosar. vitriolat. f. bolus; vel etiam ex iisdem pro eodem scopo emulsionem parantur. *Fr. Hoffm. thes. Pharm. Sect. 11. num. 7.* sequentem adornat: R. sem. cannab.  $\mathfrak{z}$ ß. citr.  $\mathfrak{z}$ j.  $\nabla$ . fl. persicor.  $\mathfrak{z}$ iv. f. emulsio add. corallin. C. C. ust.  $\mathring{a}\mathfrak{a}$ .  $\mathfrak{z}$ ß.  $\sim$  citri gutt. x. m. pro 2. vel 3. dosibus. In eundem finem nonnulli  $\oslash$  ex seminibus exhibent; vel etiam ventriculi regioni cum felle bubulo permixtum exterius illinunt. Laudantur porro contra *vomitum gravidarum*, quatenus particulis suis blandis & oleosis fermentum gastricum, à Ma Hli, per graviditatem alterata, corruptum corrigunt & ventriculi fibras irritatas demulcent. Consultum itaque erit in graviore hujusmodi vomitu, præter alia medicamina, sequentem concinnare tragæam: R. spec. lætif. Gal.  $\mathfrak{z}$ j. de N. M.  $\mathfrak{z}$ ß. corr. citr. pulverisat.  $\mathfrak{z}$ j. lap.  $\oslash$  præp.  $\mathfrak{z}$ ß. magister. corall. cum succ. citri parat.  $\mathfrak{z}$ j. sem. coriandr.



riandr. præp. citri exortic. āā. ðij. sacchar. rosat. tabulat. ʒij. m. f. tragæa, de qua singulo mane & vesperi cochlear dimidium pani tosto & vino malvatico inspersum assumatur. *Artbritico* alias *dolori*, & succedenti *tumori*, exterius inunctum & è seminibus conducere dicitur. Quoniam itidem dicta semina abstergente & diuretica facultate pollent, *urinam* promovere, &

arenosum *calculus* tam præcavere, quam educere valebunt, maxime si ex iisdem & semine violar. nucl. persic. &c. cum ▽ fragor. parantur emulsiones, quibus lap. & pulv. addantur. *Alvum* denique blande *subducendi* vim habent dicta semina, primas vias lubricando, detergendo moderateque stimulando, de qua re jam plura verba facere instituti ratio vetat.

## CAPUT XII.

## CITRI USUM POLITICUM ET OECONOMICUM SUBJUNGIT.

**M**Ala citrea ab Antiquis magni æstimata, nec ad cibos adhibita fuisse, ex *Theophr. l. c.* habemus, cujus ætate nondum in ciborum usum venerant, & ne quidem *Plutarchi* avorum memoria, ceu *Athen. dipnos. l. 3. c. 6.* refert, qui ibid. teste *J. B. à Stapell. l. c. pag. 92.* hujus rei rationem reddit, dum dicit, veteres non ideo à citreorum esu abstinuisse, quod non fuerint edulia, sed quia in alium usum, tanquam rem ingentis pretii & thesauro dignam, reservanda duxerint. Legimus hinc apud *Plin. l. c.* aliosque citrea poma olim in vestiaria reposita fuisse, quo vestes non modo suavissimo odore suo perfunderent, sed & easdem à tineis præservarent, quas postmodum ab odore, quem referebant, *citrosas* nuncupavere. Postquam autem vis eorum alexipharmaca casu innotuit, eadem tum curationis ergo ægris commendare, tum præservationis gratia cibis admiscere cœperunt. Cum etiam curiosi Posterius non tantum in pluribus morbis, sed etiam in variis domesticis usibus commoda deprehenderint, in tantum eorum increbuit usus, ut hodie ubique multi reperiantur mercatores, inprimis Itali (*die Italiäner*) qui horum pomorum aliquot millia, non sine lucro, successu temporis divendunt. Ut enim nihil jam de ea quantitate, quam Pharmacopœi sæpius pro medicamentorum compositione, & Dulciarii pro bellariorum confectione, coëmunt, referam, an ne numerari possunt, quæ in Principum aulis quotannis consumuntur? Quot, quæso, funera hebdomadatim terræ mandantur? vix tamen ullum bajulorum videris, qui non citrinum pomum, ad cadaverosum foetorem emendandum, manu gestet. Narrat *Ovid. metamorph. l. 10. fab. 15. Hippomenem*, ex Veneris consilio, tribus aureis malis *Atalantam*, Regis filiam, sibi conciliasse: quid! si forte idem, vel saltem simile quid compti juvenes in nuptiis heic, alibique locorum, tentare velint, quum decoro virginum cœtui in saltationibus non exiguam horum pomorum quantitatem offerunt? Mille modi sunt, quibus plebei cereum hocce malum in suos

vocant usus publicos, quorum heic aliquos saltim commemorare lubet. Quod si nimirum cujusdam natalis affulget dies, vel nominalia celebrantur, accurrit illico vicinus, qui citreum brachio ejus, cum serica fascia, (*mit einem taffetem Band*) adalligat; alius, quem sævus urit amor, cum *Virgiliano Menalca eclog. 3.* Phyllidi suæ unum vel alterum citrinum pomum, (fructum utpote Veneri sacrum, ceu vult *Claud. Minos ad Alciat. Embl. 206.*) in amoris signum, offert, vel etiam acido ejus succo, atramenti loco, in conscribendis amatoris literis (*zu den Buhlen-Briefen*) utitur, quod Scripturæ genus nonnisi flammis illustratum legitur. Est rursus alius, qui amicis, qui illis, quorum gratiam vel favorem ambit, strenæ loco, aliquot horum & aurantiorum pomorum paria mittit. Adeo tandem familiaris est hic fructus, ut, præter ægros & ex morbo convalescentes, plurimi utriusque sexus homines eundem ob colorem & fragrantiam adamant, & quocunque iverint, circumferant. Taceo, quod mercatores Itali exspatiantibus hæc poma ultro venalia obtrudere soleant. Transeo ad *usum Oeconomicum*, qui variat: siquidem rei culinariæ præfecti hunc fructum, tum recentem, tum muria conditum, nunc integrum, nunc in taleolas discissum, nunc tantummodo corticem, nunc solummodo acidum succum, pro scopi ratione, variis ciborum generibus, & condimenti & ornamenti loco, adhibent; nonnunquam etiam integra citrea mala, vel eorundem cortices, tam sub liquida, quam sicca forma cum saccharo conditos & candifatos inter bellaria secundis Magnatum mensis apponunt. Solent etiam nonnulli haud contemnendo commodo succum acidum recentem carnibus & piscibus assatis adspargere, ut melius concoquant, gratioremque cibis concilient saporem: alii citri lamellas sacchari polline conspergunt, & ad appetitum excitandum esitant, quod ipsis *ein Citronen-Salat* audit. Frequenter autem ejusmodi frustula cerevisiæ vinoque injiciunt, imo quibusdam nullum sapit vinum, nisi prius



poculorum ora aromaticis, è compresso recenti cortice proficientibus, guttulis madefacere, quo genuinum vini saporem adulterent. Norunt plurimi ex elæosaccharo corticum & succo acido, cum una vini albi, & duabus ∇ font. partibus, adjecto uno vel altero essentia ambra sicca grano, gratissimum concinnare potum, quem *eine Limonade* vocant. Quinimo in nonnullis populosis civitatibus peculiare degunt homines, qui conficiendo huic potui unice incumbunt, unde etiam *die Limonadire* appellantur. Ad hunc potum sapius confugiunt illi, qui praegressis diebus Baccho litaverunt, vel aliunde aſtum contraxerunt, quo aridis faucibus succurrant. Accuratam ejus preparationem leg. in Excell. J. S. Elsholt. *Diatet. l. 6. c. 6. pag. 331.* ubi hunc potum, vino in convivii admixtum, optimum ebrietatis prophylacticum esse dicit seq. *Weil sie dem Rheinischen Wein der Farbe nach gleicht, kan man sothane Mischung, tanquam fucum honestum, als ein Mittel wider die Trunckenheit in Gastereyen gebrauchen, also daß, wann andere vom lautern Wein truncken worden, man bey gutem Verstand bleibe.* Refert J. Bontius *hist. Nat. & Med. Ind. Orient. l. 1. dialog. 3. p. m. 8.* potum ex his pomis, cum tamarindis, saccharo & ∇. in Insula Java parari quotidianum & gustu jucundissimum, quem *ibid.* describit. Conficitur etiam à nostratibus quandoque ex abraſa corticum flavedine & saccharo *vinum citratum*, stomacho gratissimum. Nonnunquam citrei cortices speciebus pro *vinis & cerevisiis medicatis* (*Kräuter-Wein und Kräuter-Bier*) adduntur, quarum formul. annectere supervacaneum puto, conf. saltem *Ettmüll. Id. præscr. form. cl. 4. §. 7. Læmograph. J. O. Marolt.*

*c. 15. lit. A.* Cæterum cupediarum *pastas* ex corticibus & acido succo, cum saccharo, amylo &c. conficere consueverunt, quarum multifaria genera in libris, quibus coquendi ars traditur (*in den Koch-Büchern*) ad nauseam usque videbis. Quomodo *Citronen-Biscuit und Brod* componatur, docet sæpius laud. *Elsholt. in append. diatet. p. 452. & 455.* *Tinctores* item in serico tingendo, illis præsertim coloribus, quos Galli *couleur de Nacre*, it. *couleur de feu* (*Flammenfarb*) vocant, succo utuntur acido: qui quoque à non infima sortis lotricibus ad maculas ex atramento è lineis extirpandas haud infrequenter expetitur. Iisdem modo dictis usibus incolæ Regni Tunquin hunc succum destinare solent, ceu J. B. Tavernier. *l. c.* innuit seq. *Sie haben auch ingleichen 2. Arten von Citronen, gelbe und grüne, sind aber beyderseits so sauer, daß man sie ohne Verderbung des Magens nicht essen kan. Gleichwohl sind sie ihnen nicht unnützlich, dann sie gebrauchen sie, wie man hier das Scheid-Wasser, zu Reinigung des Kupfers, des Messings, des Eisens und andern Metallen, die sie vergulden wollen, ingleichen zu den Farben, vornehmlich zu der Seiden-Farbe. Sie brauchen sie auch zum waschen, dann sie machen das Leinwand vollkommen weiß, und nehmen alle Flecken oder Mackel weg. Man bedient sich ihrer in allen Herrschafften des grossen Mogols zu den Baumvollen Zeugen, welche davon so weiß werden, daß solcher Glantz offtmahl das Gesicht blendet.* Describit denique *Adr. à Mynsicht. in Armam. Med. Chym. Sect. 20. p. m. 341.* *liquorem vestimentalem* dictum, ex ∇ font. lib. ij. ciner. clavell. nucis quantitate & malo citreo compositum, quo omnes sordida & oleosa quatumcunque vestium macula tolluntur.

## CAPUT XIII.

INDICATIS CAUTELIS CIRCA CITREI  
USUM OBSERVANDIS CONCLUDIT.

Cum nullum detur medicamentum, quod cunctis indiscriminatim exhiberi, omnibus mederi morbis, quolibetque tempore salutari-ter usurpari possit, sequitur, nec ipsum citrii usum semper & ubique salutarem esse, quod ratio & quotidiana Practicorum experientia satis evincunt. Etenim in vulgo dicta biliosa corporis constitutione & morbis colliquativis, vel ubi Ma Hlis ex æstuatione nimia turgēt, dicti cortices cum cautela, & non nisi blandis acidis nupti aſsumendi sunt, quod etiam de cæteris ex hisce corticibus præparatis medicamentis dictum volo, maximè v. d. & volatili & f. cujus diuturniore usu abstinendum est, cum ab istiusmodi volatilibus diutius usurpatis Mæ Sæ compages nimium reseretur, unde nonnunquam

cordis palitationes & periculosa oriuntur hæmorrhagia, ceu observavit *Ol. Borrich. in Act. Med. Hafn. vol. 1. obs. 113.* Notanda hic peculiaris idiosyncrasia Nobilis Matronæ à *Ryschbach*, quæ referente *Job. Bauhin. Hist. Plant. univ. l. c. pag. 103.* ex solo mali citrei odore nausea concepta, multoties in vomitum erupit: simile fere recenset *Excell. Job. Lud. Hannemann in Eph. Acad. N. C. dec. 2. ann. 1. obs. 72.* de civē quodam Hafniensi, qui juvenis Norimbergæ vivens toties in colicam incidit, quoties citriorum odorem perciperet, post a. ætate provectior & Hafniæ degens ab his cruciatibus, licet citreis uteretur, immunis fuit: Ipse quidem causam in mala citrea ex Italia Norimbergam delata rejiciebat, utpote quæ alterius, respectu cæterorum, indolis



lis esse putabat ; optime tamen Excell. *Luc. Schröck. Fil. schol.* monet genuinam hujus rei rationem ex simplici hac relatione, omissis cæteris circumstantiis, difficulter erui posse. Acidum porro succum non omnibus prodesse testis est sequior, sexus, qui ab acidis nonnunquam gravia patitur symptomata ; hinc frequens mulierum querela : *Ich kan nichts sauers leiden.* Cum enim hic sexus delicato & magis sensili gaudeat systemate nervoso, ac plurimis simul spasmodicis affectibus obnoxius sit, acida, nervis inimica, facile spasmos aliaque mala producere, vel mineram morbificam augendo crebriores horum affectum recidivas efficere possunt. Sunt tamen nonnullæ mulieres, quæ horum pomorum esu ita delectantur, ut exinde in catameniorum suppressionem incurrant, quale quid ab esu limonum & acetariorum nimio in virginibus Monspelienfibus bene multis Excell. *D. Carol. Drelincurt.* observasse refert *Joh. von Flammerdinge §. 19. Dissert. Inaug. de tumoribus lienis habitâ Lugdun. Batav. 1671.* Nocet præterea citri succus, nimium usurpatus, nervis, dentibus, pectori, & (ut brevis sim) ubicunque acidum jam prædominium obtinet : tunc enim vel plane non adhibendus, vel, si forte ejus indicatur usus, parca manu, & admixtis convenientibus medicamentis præstat. Gratus alioquin hujus pomi sapor efficit nonnunquam, ut illi, quibus à Medico ad appetitum excitandum, ut integri citrii frustulum subinde deglutiant, injunctum fuit, in quantitate peccent, & duo, tria, vel etiam plura ejusmodi mala devorent, unde, exaltata fermenti aciditate, in contrarium malum, famem scilicet auctam, vel etiam, teste *Walæo M. M. pag. 146.* in crebras oris spuitiones incidunt. Heic illi præterea maxime cul-

pandi veniunt, qui saltationibus, palæstra, pilæ lusu, aliisque vehementioribus exercitiis incallescens frigidior Limonadam plenis buccis ingurgitant, unde sanguis in faucibus, pulmonibus, ventriculo subito restagnans harum partium inflammationes aliaque mala parit : testis est Academia N. C. G. oculatissimus *Argus*, qui in *Ephem. dec. 2. ann. 3. obs. 11.* menses suppressos in virgine 17. annor. cum cachexia, anorexia, chlorosi, dyspnœa, dolore in dorso, & post statam mensium periodum ad 3. vel 4. septimanas, copiosis sanguinis grumis una cum facibus depositis, ab immodica saltatione, dein æstuantem corpore ingurgitato potu, *Limonade* dicto, subortus vidit. Ast! qua, quæso, pœna digni sunt illi malitiosissimi homines, qui saluberrimum hunc fructum venenis suis conspurcare audent? siquidem refertur *D. Langium* Juvenem, ab infecti citrini mali esu misere afflictum, restituisse: Postquam enim dictus juvenis dimidiam citrii partem, à levioris notæ foemina receptam, hora quarta pomeridiana deglutisset, singulis post diebus per eandem horam tanto in dictam foeminam cruciabatur amore, ut hinc inde cursitando nonnisi eandem complexus quiesceret. Conf. hac de re lectu dignam *D. Elverth Disp. Inaugural. de Philtris, sub Præsid. Magnifici D. Franci hic 1673. habit.* Jam trium literarum tyrannus, *Mos*, mihi vellicat aurem, meque de sine monet: quare nunc filum abrupturus id saltem adhuc notari velim, singulare Naturæ beneficium esse, ab eodeni, qui offendit, citreo malo, certissimum posse peti remedium; cortices enim, si corpori noxam intulerint, acidus ejusdem pomi succus præsens erit remedium, quod si vero hic ipse succus læserit, cortices indubitata melidam afferent. Plura in aliud reservo tempus.

## DISPUTATIO VII.

DE

## MALO SINENSI AUREO,

D. JOHANNI PHILIPPI BURGGRAFII.

I. N. J.

## CAPUT I.

**Q**uia initium doctrinæ nominum habetur consideratio, juxta *Socratem apud Avian.* merito & nos à definitione capimus initium. Certè de Nomine tractationem *Philosophus* rem bene intelligendi dixit principium: Ipseque Medicinæ Princeps ille *Cl. Galenus* nos eruditè monet, *Lib. Num Hygiene Med. sit vel Gymnastic.* dicens, in omni contemplatione, optimum Inventionis initium est, antè exactè cognoscere, quidnam sit illud, quod quærat.

Malum vocabulum à Græcis mutuatum Latinis, juxta *Isidor. Origin. Libr. 17. c. 7.* est namque à Dorico & Æolico μάλον pro μήλον, quod non modò pecus & mamillam, sed & pomi genus significat. Hinc *Varro Lib. 10. de LL. Malum*, quod Æoles dicunt μάλον.

Sinense verò, à locò patriò seu natali, non quidem quod tantum in Chinesium oris hoc malum proveniat, (imò illam, de qua hic nobis sermo est, speciem, quæque vulgò Sinensis



sis perhibetur, in dicta Chinenſium regione neutiquam creſcere ferrunt, ut poſtea ſumus dicturi,) ſed quia omnium illic primum propuſſaſſe viſum eſt. Sic Succolata Indica audit, quia in India præcipuè ex fructu Cacao parari conſuevit; pariter Opium additio ſpeciali epitheto Thebaicum vocatur, quod Thebis maximè deferatur ad nos, meliores notæ omne: ſic quoque alia loci patrii ſeu natalis determinationem proprio nomini habent conjunctam. v. gr. ut in eodem perſiſtamus genere, malum Punicum, malum Perſicum.

Aureum dicitur, quia pretioſo auri reſplendet colore, mire hoc modo intuentium omnium oculos afficiens. Homini namque, præſertim avaro, nil ſerè jucundum, niſi quod aureum eſt.

Ratione *Homonymia* variat hoc malum: Aurantium Sinenſe vocatur *primo*, quoddam in China inveniundum malum, *tardè creſcentis olivæ* & magnitudinè & figurâ conſpicuum, & quidem, quod maximum omnino eſt, planè regioni dictæ proprium: vid. *Jo. Bapt. Ferrar.*

*Hort. Hesperid.* Pomum ſecundò aureum Sinenſe dicitur, aurantium malorum certa ſpecies, quæ Goæ inprimis, Salſetanisque Inſulis, ſiquidem *Alvari Semedi*, Jeſuitæ Luſitani, fide ſtandum, *nullis hominum cogentibus*, creſcit, magnitudine aurantium æquans commune: de ultima hæc jam nobis ſpecie agendum erit.

*Synonymiam* quod ſpectat, vocatur hoc quoque malum *Aurantium Sinenſe vel Arantium*, ab Arantia Achajæ Regionis in Græcia oppidulo, vid. *Ferrar. l. d. Hermol. Barbar. corol. l. 1. corol. 922.* Vocatur etiam *Aurantium Olyſſipponenſe* quia frequenter Olyſſipponè in hæc aliasque transfertur oras. Gallis vocatur: *une pomme de Sine, vel Orange de Portugall.* quaſi dicās Pomina Sinæ vel Chinæ. Sæpe etiam nomine *Citrei* vel *Punici mali* aurantium venit, præſcæ ætatis Doctores inprimis, qui nullam omnino vel levem admodum inter hæc mala differentiam agnovere; hinc certè evenit, quod frequenter quidem Citrei vel Punici illius ſeu Granati, non facilè vero Arantii, apud illos mentio fiat. Germanis audit Sin- *Apfel, Apfel Sin.*

## CAPUT II.

Pomum hoc, aureum Sinenſe dictum, fructus eſt arboris peregrinæ ex India in Luſitaniam primum, poſt in Italiam noſtrasque oras translata, colore flavo, aureo, cortice leviter aſperò, amarò, pulpâ ſucco acidiusculò irroratâ gaudens: Semina habens oblonga alba, peculiariſſimis capſulis & cellulis incluſa: Quæque ſpecioſo hoc foetu arbor gravatur, non procera, ſed humilis eſt, duorum circiter vel trium cubitorum, humilis hinc epitheto Authoribus dicta: diſperſa in ramos breviores multos, foliis gaudens minutioribus, ſpiſſâ ſitis congerie, floribus pubeſcens gratiſſimis, vid. *J. Commelyn Hesperid. pag. 17.*

Quia fortalſe fructus arboris hujus admodum amabili omnibus vultu ridet, præſci illi, ex quibus etiam *Jo. Triſtanus eſt*, ſpecioſam arboris originem finxere, perhibentes ſcilicet: Aurantium ſatum fuiſſe primo in Inſula Cypro, à Venere illa amorum Dea, venuſtatiſſimæque omnis Parente, quam Veterum aſſertionem carmine Eriphi illò confirmat Triſtanus, vid. *Ferrar. Lib. 10. Hesperid. cap. 1. pag. 373.*

Aſt *Nicolaus Monardes*, graviffimus ſatis Author, ſeriò affirmat, ejus ortum planè à modo dictò diverſum eſſe: Aurantium nempe propuſſaſſe, inſitâ in Punicam Citri taleâ; ſpecioſum Diſinventum, ſi vera jam diceret Author! Sed quondiana reclamaret experientia, cum factò periculò inſertionis, ſpe noſtrâ, malum aurantium exſpectantes, fruſtre mur Puto ergo malum aurantium eſſe peculiarem arborum ſpeciem, à Deo in

primâ rerum omnium creatione conditam cum aliis, non demum humanâ arte adinventam.

Aſt ipſa cum annosa ilice aurantia malus certare de longævitate videtur, per multam annorum ſeriem fatorum deſpiciens iniquitates: cum primis, ubi cœlum naſta clementius fuerit; quadringentorum, mirum dictu! annorum Aurantiam Romæ felici Cœnobitæ cujuſdam manu conſitam exhibet *Ferrar. Lib. 10. Hesperid. pag. 372.*

Rurſus etiam veterrimam aliam, quaſi Romanum miraculum, proferit, qui quadringentiſimum jamdum annum ſuperaverat: Speciali certe prærogativa Naturæ matris almæ, quâ Citrea malus & Limonia prorsus carent. Adſcribi hœc locò elegantiffimum Pontani carmen, de hujus arboris vivacitate, meretur, ita verò ille:

*Nec verò ſpatium vita breve, ſeu breve tempus  
Eſt Citrio: aternum genus, immortalis origo,  
Et ſpecies aterna quidam. Stirps Citria longum  
Ipſa manet: Sacra exuperans & jungere ſacris  
Sacra parans: Truncò extincto mox ſurgit &  
alter,*

*Inde alter: victrixque diu ſua robora ſervat.*

Solum amat arbor pingue quidem, terræque pulchra humectataque gaudet: non tenella tamen adeo, quin mediocri ſolo curaque adhibita latiffime creſcat; de cultura hujus arboris pluribus & doctè & eleganter diſſert *Ferrar. Lib. 10. Hesperid. J. S. Elsholt. Horticult. Lib. 10. c. 8.*

Mala ipſa, ſeu fructus, terræ Chinenſis opes putabant.



putabantur: Ast, qui apud Sinenses sic satis diu commoratus est, Jesuita *Alvarus Semedus* pro certo affirmavit, teste elegantissimo *Ferrar. d. l.* se in Sinensium Regione nulla planè illius formæ poma conspexisse, benè tamen in reliqua India, tum præcipue Goæ & Salsetanis Insulis, plurima: *Indicum* hinc, adjecit ille, potius esse hoc malum nominandum, aut *Goanum*, quam *Sinenſe*. Retinere tamen adhucdum maluimus posterius illud nomen in rubrica Dissertationis hujus, quia ita vocari hodiè quoque suevit.

*Differunt mala Sinensia verò duplici modò,*

magnitudine scilicet saporeque; sic majus illud, quod in Salsetanis Insulis nasci à *Semedo* perhibetur, duplo ferè majus est alterò illò minori Sinensi propriè dictò: Corticem habet *Goanum* illud amaricantem, è contra *Sinenſe minus* pinguis magnitudine olivæ, delicatiori multò gaudet involucro, ut cedere totum in cibum possit.

Constat his hoc malum *partibus*: 1. cortice, 2. carne, parte cortici contigua, 3. pulpâ seu medullâ, 4. succo acidiusculo, 5. loculamentis seu capsulis Seminariis, 6. Semine.

### CAPUT III.

**O**dorem verum esse virium in medicamentis simplicibus indicem, traditio non vana Botanicorum est; etenim, cum à sulphure vel purò, quod reficere magis spiritus nostros aptum calidoque nativo apprimè amicum est: vel impurò, pro re natâ magis nocivo, omnis proficiscatur odor, facile mixti cujusvis manifestare poterit.

Jam verò si de odore nostri prospiciamus mali, reperiemus suaviter sic satis illud spirare, naresque, delicatulum sensum, non quidem tenaci & penetranti, sed mitiori, aliquantum acriori tamen, recreare odore; tenuioris ergo substantiæ erit præsens malum: hoc est, gaudebit particulis sulphureo-salinis volatilibus plurimis, attenuantibus & incidentibus: sed cum suspicio meritò esse possit, minus tenacem odorem superficiæ saltem inhærere exteriori, nec per intima æque esse diffusum, jure meritoque dicemus temperate pomum hoc calidum esse, multoque plures salino-terrestres portiones, volatilioribus illis in apice constitutis extremo, habere admixtas.

Quod naribus stitimus modo aureum pomum, jam linguæ accuratiori examini offeremus: quamvis certè corpora quædam inodora prorsus, qualia sunt præcipue ex minerali regno, antimonium & sulphur, narium subtiliorem sensum fallant, non æque tamen, materialis magis sensus, gustus puta, aciem eludent: tantò magis ergò præ superiori alterò illò hic nobis observandus.

Cortex mali, mox cum admoveatur linguæ, ingrata ferit amaritie fermè, recens quidem si fuerit; partibus ergò, præter volatiliores paucas, facile ad coloris sensum evanescentes, constabit salino-terreis plurimis, temperantibus, præcipitantibus & invertentibus, adstringentibus &

absorbentibus; subit hunc quoque corticem censum caro seu pulpa, succo suo, quò quidem irrorari suevit, orbata.

Succus verò gratissimâ suâ se aciditate palato probat inertique paulum ventriculo blanditur: seu arentem blandè linguam rigat, fermentumque stomachale, in deperditò seu prostratò appetitu, roborat.

Nec chrysomeli hujus color facile prætermittendus absque quasi examine est, cum & hic in tantum quidem nobis mali vires videatur prodeare: aureò profectò, quo fulget colore, non levem caliditatis suspicionem in inquiringentium animis creabit, sulphure à sale pânso pulcherrimè. Sic calida quævis majori gradu sunt & nobis dicuntur flava omnia illa, *Rhabarbarum*, *Crocus*, *Florum anthera*, *Curcuma*, alia: calidioris esse ergo naturæ hoc malum, hîc color, quod supra odor, testatur.

Finirem hocce jam caput, nisi timerem quendam mihi succensurum, quod demum in calce hujus capituli, quid mali indicet color, agere occeperim: cum tamen omnium primus color incurrat in sensus. Verum ordinem hic non Naturæ, sed Doctrinæ sequi malui. Verum est, color, ut sensuum nobilissimus sensus, visus auditum, antecedit longè odorem: ast hîc locò, non æque ut odor, sic color potenter significat, & quam investigamus, simplicium medicamentorum cognitionem, non tam hac qualitas cognoscendique principium adstruit, quam adjuvat, consignificat: probabiliter namque debiliterque procedit dignotio virium & temperiei à colore, vid. Magni *Wedelii*, Præceptoris mei æternum venerandi, *Lib. de Medicament. facultat. cognoscend. Libr. I. Sect. I. cap. 3. pag. 8.*

### CAPUT IV.

**T**erret propriam matrem informe monstrum, quemque laboriosò edidit partu foetum exhorrescit mœsta genitrix, difficilis

quandoque Natura, si formam negavit: jam se utero concepisse luget! jam tot mensium longa tulisse fastidia dolet! Sanguine enutri-



vissè suo horribile monstrum, quam potest, maximè deflet! partuque non facili omninò tandem prodidisse non expectatam Patris spem, sed turpissimam sobolem, lamentatur: Sic longas ducit in fletum voces misera Parens, quemque concepit dolorem, monstrofi fœtus aspectu, lacrumis explere satagit.

Ita quidem, Naturæ abortus dicam, an lapsus, in Genere Humano deplorari consuevit: ast non æquè flebili à nobis clamore, risu potius excipiuntur, quæ in genere Fructuum monstra contingunt, quin accensentur rarioribus paulò illa, & in deliciis habentur, quasi miracula forent; hòc namque modò Naturâ comparati omnes sumus, ut insolita præ consuetis expetamus singuli: varietate inconstanti mens nostra delectatur constantissimè. Certè perulantia Asæ & nequitia in deserto diversæ speciei animalium congressum, Olitorum verò industria dicam, an novandi aliorum cupido, arborum diversarum insertionem adinvenit. Graviditatis negotium, animantibus aliàs proprium planè, lusus Naturæ aut error vegetabilibus facit quandoque commune. Hinc illa *prægnantia Poma*: hinc *fœta pyra*.

Citrum certè in Citro exhibet ingens Polyhistor, *D.D. Jo. Dan. Major*, in *Ephemerid. A.N. C. An. 2. numero 241*. Prægnans Citreum malum *Willichio* apud *Thom. Barthol.* in *Centur. III. Epistol. Medicinal. 41*. visum est: ipseque hic Bartholinus vidit, quem *Natura* vocavit eleganter *novum Bibliothecarium*: quò tamen non minor erat *Guern. Rolfincius*: vidit inquam Limonium gravidum minori aliò, *Barthol. Cent. IV. Ep. Med. 62. & 63*. Pyrum pyro recensetur innatum *Aëtior. Hæsn. volum. 2. pag. 163*. Ipse ego, argutos hos inter olores stridulus anser, *Darmstadii* non ita pridem Aurantium Sinense aliò vidi fœtum, occasione *Serenissimo Principi* data, qui gravidum malum jamque parturiens, non pariens, opportune incidendo fasce levavit onerosò.

Nemo verò putet hanc *arboreis saltem fœtibus* competere sortem, tangit hæc quoque animantia labes. Fœtum prægnantem describit iterum sagax Naturæ ille mysta, dictus jam nobis *Thom. Barthol. Centur. VI. Histor. rarior. 100. &*

*Tract. de Insol. P.H. viis pag. 124*. Exhibet in fœtu fœtum Celeberrimus *Dr. D. Georg. Francus Satyr. Med. Continuat. 3*. Et *Joh. Eusebius Nieremberg. Libr. 6. Histor. Nat. c. 2*. refert equam in Hispania mulam alia mulâ gravidam peperisse vid. *Cass. Rejes Camp. El. q. 36. num. 78. Ephemerid. Academia N.C.* Imò mures in alvo matris fertur esse prægnantes à *Plinio & Æliano*: Si modò non decepti hi Autores ignorantia vel negligentia fuère, textum *Aristotelis Græcum* obiter saltem inspicientes, ut quidem *Arnold. Sen-guerdus* putat. Servat in Technicotheca sua Augusta *Serenissimus Dania Rex* Ovum ovò aliò prægnans, *Thom. Barthol. l. d. Ovumque gallinæ fœtum Acta Hæsn. produnt volum. V. pag. 72*.

Sed plures suò concludit ventre fœtus cosque ruptò umbilico, mirabili modò, ostendit Aurantium malorum illud genus, quod *Fœmina* dicitur vel fœtiferum: rectè hinc omninò peculiaris species Authoribus puratur. Pomatalia prægnantia ferre Cajetam dicitur, vid. *Joh. Baptist. Ferrar. Libr. X. Hort. Hesperid. cap. 8*. quod verum ego vidi, unum tantum malum, idque satis magnum, uterò continebat, umbilico non sponte sua sed vi disruptò: proles ergò fœtiferi hujus aurantii non est. Malum Aurantium malo Citrio prægnans describunt *P. Bocco & Fr. van Sterbeeck*.

Causam quæres monstrosæ in nostrò pomò graviditatis: nimis multum abs tenuitate mea exigis, curioso lector: ast, quantum concedent vires, explanabo phænomenon: Seminis puto lætam in arbore luxuriam fuisse, quæ Naturam ad profundenda germina blandò sæpius stimulò invitârat: Hæc vero, de feminis fœcunditate, mirâque quasi læta exuperantia facilè ad fruticescendum surrexit. Sed quò minus crebro ubique vimine posset fertilitatem testari arbusculæ, in florem jam se induere conantis, obstabat spatii angustia brevis, cum eleganti florum copulâ, in trunco nunquam luxuriosæ etiam arbores pubescant: nec tamen ea propter operari desistit rerum mater, potius ac si esset prodigalitatis studiosa, in fœtu fœtum condidit, quodque modo ortum malum erat mox aliò prægnans reddidit.

## CAPUT V.

Id demum revera præstat, quod habet jucundo utile mixtum: profectò si ad singula quærendum, cui bono? cui usui? quæ accessio ad salutem exinde proficiscatur? imò, si in hoc avarus Medicus esse debet, scilicet utile, quam quid jucundum sit, curet, si rarioribus delectare illi concessum, hæc lege est, ne penitus obliviscatur, quod etiam prodesse, præter oblectare, debeat, mederi cupiens: vide undiquaque Celeberrimi

*D. Georgii Wolffgangi Wedelii Præfat. Lib. de Medicament. facultat. cognoscend. &c.* profectò inquam & mihi *b.l.* quærendum erit, quale, præter jucundum, utile malum nostrum conferat? juxta namque *Poëtam Venusinum Libr. de Arte Poëtic.*

*Omne tulit punctum, qui miscuit utili dulce.* Ego verò quin exclamem parum abest, omne jucundum hic utile, nisi quod jucundum in se, sed



sed utile multâ medicamen in arte mutatum: Corticum, ut ordine agam, primò virtutes in medicina enarrabo, postea succi, pulpæ namque vel medullæ hîc nullus quidem, quod sciam, usus. Calidi sunt & sicci, aperiunt ergo, alterant, absorbent, roborant. Convenient proinde meò iudicio in suppressione mensium, in dysuria, torminibus ventris, colica potissimum, humores stagnantes fundendo, corrigendo, invertendo vel absorbendo. Convenient in Febribus, tam Continuis, quam Intermittentibus, dum *διὰ φόρον* excitant, serum sanguini nimis incoctum præcipitando, fundendo, combinatis tamen pro re natâ aliis.

Ita in suppressione mensium sequens posset præscribi, v. gr.

Recip. rad. rub. tinctor.

zedoar.

asparag. aa ʒij.

herb. artemis.

calamenth.

marrub. alb.

meliss. aa. mʒ.

fabin. mʒ.

dictamn. cretic. pj.

cortic. aurantior.

citri.

anthophyl. aa ʒj.

costi arabic. ʒiʒ.

bac. laur. ʒij.

M. concis. contus. insuant. synd. alb.

D. S. &c.

In Colica verò talis *mixtura*, v. gr.

Recip. aq. meliss.

menth. aa ʒiij.

cinamom. ʒj.

Spir. nitr. dulc. ʒiʒ.

Tr. cortic. aurant. ʒj.

Syrup. papav. alb. ʒiʒ.

M.

Vel Electuarium tale: v. gr.)

Recip. conserv. flor. aurantior. ʒiʒ.

condit. citr.

calam. aromatic. aa ʒij.

elect. diacor. ʒiʒ.

spec. diacum.

galang. aa ʒi. vel ʒij.

syrup. cortic. aurant. vel

citri q. s.

adde fol. Ori.

M. f. l. a. electuar.

In febribus diaphoretici locò sequentem potiunculam:

v. gr. Recip. aq. card. benedict.

sambuc. aa ʒij.

spir. theriacal. camphor. ʒj.

mixt. simpl. ʒj.

syrup. cortic. aurant. ʒiij.

M. f. l. a. potio.

Rarò quidem, fateor, aurantiorum malorum succus præscribi solet, nec tamen prorsus ne-

gligendus, qui propter aciditatem, quâ gaudet, gratissimam, in potiunculis, si non in aliis morbis, certe in nimio sanguinis fervore, febribus continuis scilicet & malignis adhiberi quam commodè potest: vid. *Frid. Hoffman. in Clar. ad Schröder. Libr. 10. pag. 144. v. gr.*

Recip. aq. meliss.

typhor. C. C.

cinam. buglossat. aa ʒij.

cerafor. nigror.

naph. aa ʒj.

mixt. simplic. ʒiʒ.

succ. aurantior. ʒiʒ.

pulv. pannonic. rubr.

bezoard. Sen. aa ʒj.

Syrup. corall.

de gemmis ʒi.

M.

Alia.

Recip. aq. acetos.

plantag. aa ʒiij.

vit. Matthiol. ʒiʒ.

Tinctur. bezoart. Michael. ʒiʒ.

suc. aurant. ʒiij.

laud. opiat. gr. ij.

Syrup. acetos. citr. ʒij.

M. Vel

Recip. succ. aurantior.

spir. vini aa ʒj.

Quod posterius in colica, gravitate ventriculi, febribus, tam continuis quam intermittentibus, præstantissimum medicamen, qui in Artis jam consenuit ingenti laude operibus Dn. *D. Carolus Drelincurtius*, Promotor omni honoris cultu æternum prosequendus, communicavit. Succus hujus ex malo aurantio quinque vel sex unciarū, prout magnitudine illa discrepant, colligi circiter possunt uncia quatuor.

Prostant in *Officinis Preparata* plurima, quæ malus Aurantia ministrat: primo *Aqua* ex floribus, quam *Naphæ* vocant, vel *Nampha*, *Lansam* quibusdam etiam dicitur, vel Angelica, diaphoretica, confortativa. Sic refert *Gabelchoverus* alexiterium præstantissimum contra venena esse, si recipiantur v. gr. lapid. bez. or.

gr. iij.

aq. naph. ʒiʒ. ʒj.

Misc.

Secundò aqua ex corticibus, & in *Pharmacop. Londin.* aqua ex fructibus. Tertio succus expressus, quem *vinum Aurantiorum* vocant, alexipharmacus, utilis in febribus ardentibus, sanguinis fibras dispersas admodum colligendo, anorexiâ ventriculi, fermentum roborando. Quartò syrupus. Quintò Conditum Corticum. Sextò Conserva. Septimò Electuarium, quod *Gelatinam Aurantiorum Schræderus* vocat. Octavò Oleum destillatum. Nonò Balsamum. Decimò Extractum Corticum. Undecimò Unguentum Aurantiorum. Duodecimò Essentia Saccharina. vid. *Job. Schræder. Pharm.*



*Med. Chymic. Pharmacop. Augustan. c. not. & animadu. Zuvelser. Pharmacop. Londin. καὶ ταῦτα μὴ ἐστὶ ταῦτα.* Jam in limine hærens, priusquam totus hæc Scenâ discedam, pro salute *Serenissimi Mei Principis*, quod mea me pietas jubet, voce precabor: Olim apud Indos, siquidem verus *Strabo* est, novus jam cum ordiretur annus, Philosophi ad Regis fores congregabantur, ut, quod quisque composuerat eò annò, vel observârat, de frugibus, de animalibus, vel de Republica, in medium proferret: Tui, *Maxime Princeps*, Palatii fores si petere etiam concederetur tenuitati meæ, nec quiquam tamen ho-

mo ἀφιλόσοφος attentione tua dignum proferre fortè possem, cum quidem mihi tam felici esse hætenus non licuerit, qui novi quid in animalibus, in fructibus observarem: muneris tamen locò, ignobili veniam penuriæ si dares, *Clementissime Princeps*, id *Serenissimo Tibi*, (quasi profectò alter ille, qui Potentissimo quondam Regi obviam venienti aquam:) darem, quod curiosâ pridem *Tibi* diligentiam vindicaveras.

Æternum faxit Numen, ut desideretur ex hæc prosapiâ nunquam, qui in Avitò Thronò sedere coram Dominò possit.

## DISPUTATIO VIII.

DE

## MALO PUNICA,

D. JOH. CHRISTOH. WEISSII.

## CAPUT I.

DE NATURA ET SPECIEBUS  
MALI PUNICÆ.

## §. I.

**M**alum à Græcò μῆλον oriri, & genus fructuum designare, cujus caro esculenta, nec duro admodum putamine includitur, nec ossiculum in se continet, è *Job. Raji* (a) & aliorum Botanicorum sententia hic obiter quasi moneo: perinde ut pueris etiam notum est, quod *Malus* in fœminino genere arborem significet istiusmodi fructum procudentem; quomodo potum sit mali synonymon, aut qua ratione juxta hos illos vel autores hæc vocabula distinguantur, vix operæ pretium existimo commemorare.

## §. 2.

Quam vero examinare præ omnibus delegi, *malus Punica* cognominatur, *Plinio* (b) teste, à Regione sive Regno *Punico* Carthaginensium, in Africa olim celeberrimo, unde sine dubio ad Romanos primum pervenit. Vulgari etiam appellatione fructus illius arboris *Malum Granatum* dicitur, cui Germanorum respondet vocabulum, *Granaten-Baum*, non quidem à Granata, Hispaniarum civitate, sed verosimilius ab insigni granorum multitudine, quam Pomum complectitur. A Græcis nuncupatur ποία communiter, seorsim vero *Theophrasto* ac *Dioscoridi* ποά, quo nomine & fructus dotatur. A Bœotis *Mala Punica* αἰδας nominari scribit *Agathar-*

*chides*, teste *Athenæo* (c) his verbis: *Athenienses cum Bœotis de finibus Regionis litigabant, quam fidas appellant: Epaminondas, in ea controversia partes suas defendens allegansque jura sua, statim è sinistra manu, quod occultum gerebat, Punicum dextra caput, & Athenienses rogavit, quo nomine vocarent? responderunt illi, ποάν sèse nominare: At nos, inquit Epaminondas, αἰδας appellamus. In hoc autem tractu, de quo erat contentio, plurimæ crescebant Mali Punica, indeque principio nomen erat inditum: Sic Epaminondas causam obtinuit. Menander, eodem Athenæo narrante, ποῖδα nominavit istud malorum genus quo tamen nomine per diminutionem significari saltem exiguum malum Punicum, Autor est *Job. Bodaus à Stapel* (d). In Lingua Sancta *Rimon* dicitur, passim occurrente hoc vocabulo in *S. Literis* V. T. ex quo fonte licet nonnulli derivare velint Græcorum ποίαν sive ποάν, rectius tamen à ποά, fluo, formari contendit modo citatus *Bodaus à Stapel* p. 390. quod omnes sistat fluxiones, vel quod flos fructusque facile cadant ex arbore.*

## §. 3.

Quibus nominibus tam arbor, quam malum Punicum à diversis Europæ præsertim nationibus, e. g. Lusitanis, Hispanis, Gallis, Italis, Anglis,

(a) Method. Plant. nov. p. m. 29. (b) H. N. Lib. XIII, cap. 19. (c) Lib. XIV. Deipnosoph. p. m. 659. (d) Comment. in Theoph. H. P. p. 390.



glis, Belgis, Danis, &c. insigniatur, ex *Job. Bauhino*, *Ulysse Aldrovando*, imprimis autem *Christ. Menzelio*(e) quilibet curiosus poterit cognoscere. Ego missis illis vocabulorum disquisitionibus ad ipsam rem propius accedo, & *Mali Punica* singularumque hujus partium, præcipue vero *florum* & *fructuum*, concinnam & (quantum licet) accuratam descriptionem nunc aggredior. Enarrabo autem primum ea quæ toti generi aut cunctis speciebus *Mali Punica* communia sunt, traditurus deinde *uniuscujusque speciei propria phenomena*.

## §. 4.

Est igitur, ut accuratissimi Botanici *Jos. Pitton Tournefort* (f) exquisite perspicuis verbis me explicem, *Malus Punica* plantæ (& quidem arboris) genus, flore rosaceo, plurimis scil. petalis, in orbem positis, constante, cujus calix campani-formis, multifidus, abit deinde in fructum fere globosum, coronatum, in plura loculamenta divisum, acinis succi plenis fæta, placenta affixis, membranis tenuissimis distinctis, & semine turgentibus, ut plurimum oblongo. Radicibus innititur brevibus, summæ telluri adhaerentibus, & non admodum numerosis. Primum è radice erumpens *germen* quidam *Rhicinum* vocant, *Job. Bauhino* (g) annotante. Cæterum multis luxuriare solet *stolonibus*, & propterea fruticis in morem vegetat, ideoque à nonnullis inter *frutices* refertur. Quod si vero superflui stolones rescen-tur, in arborem sese extollit, sed tamen non admodum proceram, Evonymo magnitudine, cortice, ligni duritie, radicibus denique non dissimilis. *Ramos* promit numerosos, tenues, angulosos, exiguis, paucis, oblongis, subrectis *aculeis* armatos, cortice obductos rubescente. In his *folia* hærent, per hyemem decidua, minus regulariter disposita, longitudine sextantem, latitudine vero digitum raro excedentia, oleæ aut myrti æmula, sed non adeo acuta, nitidi viroris, pediculis annexa rubentibus, rubrisque intercurfantibus venulis prædita, graviter cum fœtore aliquo odorata, atque canum halitum, feliumque urinæ graveolentiam aliquo modo referentia, sicut accurate notavit sæpius allegatus *Bodæus*.

## §. 5.

Elateribus ramorum prodeunt *flores phænicei*, aut *punicei* dicti, rutilantis coloris, pentapetali, sed in quibusdam speciebus pleni seu polypetali, quorum medium occupant plura *stamina* cum suis apicibus, *cytino* sive *calici* infidentia, qui puniceo pariter colore splendens, uncia longior, corticosus, in quinque lacinias mucronatas ordinarie divisus est, quæ *umbilicum* postea pomi succedentis coronant. Hic tempestivum erit nonnulla de diversis *florum Mali Punica* apud antiquos Scriptores occur-

rentibus nominibus edisserere. Et quidem ampla est inter Botanicos controversia, quomodo bina ista vocabula *Cytinus* & *Balaustium* vel convenient inter se, vel differant. *Plinius* in universum *quemvis mali Punica* *florem* vocat *Balaustium*, *Cytinum* vero *calicem*, quo *flos* continetur: contra vero *Dioscorides* & *Galenus* *sylvestris* saltem *punica* *florem* *Balaustii* nomine appellant, *Cytinum* vero *sativæ* *florem* nuncupant. Autores hos gravissimos conciliari posse arbitratur *Bodæus*, si cum *Nicandri* Scholiaste *κῆρις* statuatur esse *flos Mali Punica*, sed tum demum sic vocandus, quum florere desit, ac fructus rudimentum apparere incipit. Cæterum modernæ officinæ Pharmaceuticæ, auctoritatem *Plinii* sequentes, omnem tam *sativæ*, quam *sylvestris Punica* *florem* promiscue *Balaustium* (*Granaten-Blüte*) dicunt.

## §. 6.

*Fructus* vero subnascitur è calice floris, vel *Cytino*, pro more aliarum arborum pomiferarum; quare ab *Hermann*o, *Rajo*, aliisque recentioribus Botanici *malus Punica* accensetur arboribus, quarum fructui *flos* infidet. Ipse autem fructus variæ magnitudinis, plerumque tamen malis vulgaribus majoribus æqualis, est rotundus ferè, nisi quod utrinque leviter compressus existat, in summitate umbilicatus, *Cytini* nempe apicibus relictis, umbilicum coronatum efficientibus. *Cortex Pomi* est mediocriter crassus, duriusculus & fragilis, ante maturitatem viridis ac lævis, post puniceus & rugosus, qui tandem etiam ad spadiceum extrinsecus accedit, intus vero flavescit, saporis austero-adstringentis. Græcum ipsi nomen est *σῖδιον*, ex quo nonnulli recentiorum, haud sine vitio, formarunt *Psidion*. Latini vocant *malicorium*, cujus dictionis etymon quidam existimant supeditare *Plinium*, quando is illius corticis usum esse ad coria præparanda perhibuit; mihi tamen, vel citra hunc respectum, esse dictum videtur κατ' ἐξοχήν *malicorium*, quod præ aliis pomorum corticibus hic *cortex mali Punici* tota sua substantia nobilem habeat usum, ceu suo loco fusius ostendam.

## §. 7.

Intra corticum claustra continentur *acini* sive *grana*, simpliciter *κόκκοι*, seu *κόκκοι* Græce dicta, *Hesychio* (h) teste. *Membrana* acinos discriminans *cicus*, vel *cicum* appellatur à *Varrone*. Ipsa vero *grana* succo turgent *vinoso*, aut dulci, aut acido, aut medii saporis, pro diversa nimirum specie aut maturitatis gradu. Sunt autem *grana* favorum modo disposita, carnosæ membranisque dissepimentis, ceu parietibus intergerinis, circumsepta amaris, modo candidis, modo purpurascentibus. *Nuclei acinorum* figuræ sunt ut plurimum oblongæ, ligneo constant

N n n 3

corti-

(e) In Indice nom. Plant. multilingu. edit. nov. p. 192. (f) Instit. rei herb. p. m. 636. (g) Hist. Plant. Tom. I. pag. 78. (h) Lexic. Græc. lit. K.



coriice, & pulpa amara, non tamen sine adstri-  
ctione. Cæterum usque adeo prægnans esse  
solet suis acinis *malum Punicum*, ut sæpe crepa-  
turam spontaneam hinc patiatur cortex, suosque  
embryones jucundo spectaculo ostendat.

## §. 8.

Pergo jam ad *mali Punica species* enume-  
randas, & discrimina evolvenda; ubi quidem  
istud primo commemorandum venit inter syl-  
vestrem & sativam: illa ab hac non in eo saltem  
differt, quod sit asperior & spinosior, sed &  
quod florem plenum, proprie *balauustum* dictum,  
ferat, fructum vero nullum. Dantur hujus pu-  
nicæ sylvestris quædam differentia, cum primis  
à magnitudine florum petita: quemadmodum  
*Rajus* & celeberrimus hujus seculi Botanicus  
*Joh. Georg. Volckamerus* (i) binas saltem sylvestris  
*mali Punica species* recensent, alteram majore-  
rem, *balauustum Hispanicum* vulgo dictam, cujus  
flos nonnunquam ad rosæ centifoliæ amplitu-  
dinem accedit, alteram minorem, foliis atrovi-  
rentibus, caule crassiore, flore minore, tristiore  
saturata purpura punicante, à priori differen-  
tem. His affinem tertiam proponit *Tournefort*  
l. c. *Punicam* scilicet flore pleno majore varie-  
gato.

## §. 9.

*Sativa* autem, seu potius *fructifera species*,  
sunt longe plures. Novem extare scribit *Pli-  
nius*, sed parum distincte easdem describit, seor-  
sim vero confundit alicubi (k) *malum Punicum*  
dulce cum *apyreno* (ita enim legendum monet  
*Bodeus*, non *apyrinon*): quasi vero omne Pu-  
nicum dulcis succi careat nucleis, quod asser-  
tum experientia neutiquam respondet. Quid,  
quod hoc phænomenon, absentiam nempe nu-  
cleorum aut seminum, in quibusdam puniceis  
accidentarium, & ex mero natura lusu esse arbitra-  
tur *Rajus*. Obstat hic equidem videtur auto-  
ritas *Theophrasti*, qui (l) circa *Solos* in *Cilicia*  
omnes punicas fructum ferre ἀπὸ πυρην, id est, sine  
nucleo, testatur: sed tamen ex ipso hujus auto-  
ris contextu facile apparet, id regionis & clima-  
tis beneficio tantum contingere. Cæterum nec  
adeo proprie τὸ ἀπὸ πυρην esse accipiendum *Seneca*  
docet in epist. quando scribit: Sic sapiens im-  
perturbatus dicitur, quomodo *apyrena* dicuntur, non  
quibus nulla inest granorum duritia, sed quibus mi-  
nor. Quin & ipse *Plinius* alibi (m) se explicat,  
*apyrenon* vocando, cui lignosus (sive durior) nu-  
cleus abest, candidior autem natura & blandioris  
sunt acini minusque amaris distincti membranis.  
Est ergo ab antiquis autoribus toties laudata se-  
minum in malis puniceis absentia, vel accidentaria,  
vel ita intelligenda, ut nucleorum exilitatem &  
mollitiem solum significet.

## §. 10.

Quasdam vero differentias reales *Punico-  
rum* facit color in seminibus, quemadmodum

jam olim *Plinius* *punica erythrococca* seu rubris  
granis, & *leucococca* seu albis granis dotata, ab in-  
vicem distinxit. Sic etiam *Tournefort* duas re-  
censet species *Punicæ sativæ*, granis *amethystinis*  
*crispis*, alteram fructu majori granisque majoribus,  
alteram fructu & granis minoribus. Notissimum  
vero discrimen est quoad saporem succi: unde  
vulgo etiam *Punica* distinguuntur in *acida, dul-  
cia & vinosa*, sive medii inter acidum & dulcem  
saporis. Attamen & hæc diversitas per accidens  
si non in universum, saltem sæpius oriri videtur.  
Sic *Theophrasto* l. c. perhibente, *malus Punica*  
quæ in Græciæ regionibus *acida* existit, in Æ-  
gyptum transplantata, *dulcis evadit*. Sic vice  
versa, quæ in Italia aut aliis calidioribus locis  
*dulces* ferunt fructus, si in Germania colantur,  
nonnisi *acidos*, aut ad summum *vinosos* perfici-  
ent. Neque multum valebit in contrarium illa  
observatio *Cæsalpini* & *Lacuna*, à *Joh. Bauhino*  
l. c. relata, quod nempe *dulcia punica* utpluri-  
mum sint grandiora & majoribus granis prædi-  
ta, scabro etiam præ cæteris cortice instructa.  
Hæc enim Phænomena, sicuti *majorem maturita-  
tis gradum* haud obscure arguunt, ita quoque  
iisdem conjuncta *dulcedo* de eodem, & non  
æque de specifica quadam differentia testari vi-  
detur. Quare parum abest, ut credam, posse in  
eadem arbore, & *dulces*, & *acidos*, & *medii saporis*  
*fructus* inveniri, prout unum præ altero magis vel  
minus digestum. Quicquid sit, illa *fructuum dif-  
ferentia ratione saporis*, etiamsi non constet quod  
à totidem diversis speciebus proficiantur, nihil-  
ominus quam maxime à Medicis attendenda  
est, quoniam pro vario sapore variis etiam fa-  
cultatibus pollet Granatorum succus, ceu suo  
loco ostendam.

## §. II.

Alias *Mali Punici differentias*, præter enu-  
meratas, apud Autores non deprehendo. Me-  
minit tamen *Tournefort* *Punica Americana* seu  
*humillima Bignonii*, quamvis sine ulla uberiori  
descriptione, ut incertum sit, an sola parvitas  
peculiarem speciem efficiat. Oblitus autem  
fere essem de loco natali & cultura *mali Punice*  
aliquid commemorare. Satam primum in Cy-  
pro ferunt hanc arborem à *Venere*, ut Græco-  
rum testantur fabulæ: frequentius tamen *Juno-  
ni* affingitur, sæpissime vero *Cereri*; forte in  
memoriam ejus luctus, quod *Proserpina* à *Plu-  
tone* capta, & à *Matre Cerere* repetita, eandem  
à *Jove* obtinuit ea lege, si nihil apud inferos de-  
gustasset: sed cum inventa fuisset *mali punici gra-  
nis* jejuniū solvisse, apud *Plutonium* mansit,  
quemadmodum *Ovidius* (n) prolixo poemate  
enarravit, inter alia datum *Cereri* à *Jove* hoc re-  
sponsum perhibens:

repetet Proserpina Cælum

Lege tamen certa, si nullos contigit illic

Ore cibos; nam sic parcarum fœdere cautum est.

quid

(i) Flor. Norimb. p. 201. (k) Lib. XXIII. cap. 6.  
(n) Metamorph. Lib. V. fab. 8.

(l) Hist. plant. Lib. II. cap. 3. (m) Lib. XIII. cap. 19.



quid hinc evenit, Poëta hunc in modum declarat:

*Non ita fata sinunt, quoniam jejunia virgo  
Solverat, & cultis dum simplex errat in hortis  
Puniceum curva decerpserat arbore Pomum,  
Sumptaque pallenti septem de cortice grana  
Presserat ore suo: solusque ex omnibus illud.  
Ascalaphus vidit, quem quondam dicitur Orphne  
Inter Avernales haud ignotissima Nymphas,  
Ex Acheronte suo furvis peperisse sub antris,  
Vidit & indicio redivitum crudelis ademit &c.*

## §. 12.

Quod si fas est amplius in fabulas excurre-  
re, possum aliam de origine Mali Punica ex Ar-  
nobia (o) proponere, quam velut in summam  
contraxit Bodaeus à Stapel. l. c. hunc in modum:  
In Phrygia finibus saxum fuit Agdus dictum,  
ex quo Deucalion & Pyrrha, ex Themidis præ-  
cepto, ad humanum genus renovandum, post  
diluvium lapides sumserunt, ex quorum jactu  
mater Deum efficta fuit, quam in Agdo obdor-  
mientem Jupiter incestis cupiditatibus appe-  
tiit, & diu luctatus, cum, quod optaverat,  
obtinere nequisset, sperma in lapidem fudit,  
ex quo Agdestis natus fuit, qui sua immani ef-  
feritate, cum nec Deos nec homines timeret,  
à Diis de ejus temeritate imminuenda consti-  
tutum est, ut Liber in eum animadverteret,  
cui cum merum potui Liber apposuisset, gra-  
vissimo somno oppressus esset, Liber setis com-  
plicatis laqueo plantas nexuit ex una parte, ex  
alia testes cum pene, ille, somno solutus, ex-  
tensis pedibus, membrum virile sibi amputa-  
vit, cujus cruore mali Punici arbor cum suis  
pomis nata est.

## §. 13.

Sed mitto fabulas, & è diverticulo in viam  
redeo, de natali solo & patria Mali Punica qua-  
dam dicturus. Solum amat hæc arbor macilen-  
tum, quamvis & in pingui proveniat. In Regioni-  
bus calidis insimul tamen umbris & rigationi-  
bus oblectari dicitur. Sativa abundat in Balea-  
ribus Insulis, Hispania, Gallia Narbonensi, Italia.  
Optima Granata poma in Regno Neapolitano &  
Valentino haberi scribit Joh. Bauhinus. Cæte-  
rum arbor passim gignitur etiam sine cultura, qua  
tamen accedente melius proficit: In vinetis  
enim, viridariis, hortis, aliisque locis excultis  
latior ac vegetior conspicitur. In Germania &  
aliis frigidioribus Europæ regnis non nisi sata,  
magnoque studio adversus hyemale frigus de-  
fensa succrescit. Sylvestris in Africa nascitur, in  
Syria circa Alepum, ac in ea Hispaniæ parte, quæ  
freto Herculeo vicina Granata vocatur. In Ca-

pite bona spei & in Batavia Indica, Belgarum Co-  
lonia, non solum feliciter crescere malum Puni-  
cam, verum etiam fructus generati pugni ma-  
gnitudine proferre, passim quoque sylvestrem  
sive Balauſtium in dumetis ac sepimentis cre-  
scere, αὐτόπτης Georg. Meister (p) testatur. Quin  
& hodie mala Granata suppetunt in Brasilia, ex  
Europa illuc translata, ut ex historiis Indicis  
discimus.

## §. 14.

Quod sationem & culturam attinet, hanc,  
sicut olim in Italia in usu fuit, Columella (q) his  
verbis describit: Malum Punicum circa Nonas  
& Idus Martias usque in Cal. Aprilis recte feri-  
tur: quod si acidum aut minus dulcem fru-  
ctum ferat, hoc modo emendabitur: stercore  
suillo & humano urinaque veteri radices riga-  
to: ea res & fertilem arborem reddet & primis  
annis fructum vinosum, & post quinquen-  
nium dulcem & apyrenum facit; nos exiguum  
admodum laseris vino diluimus & ita cacu-  
mina arboris summa oblevimus, ea res emen-  
dabit acorem malorum. Mala Punica ne rum-  
pantur in arbore remedio sunt lapides tres, si,  
cum seres arborem, ad radicem ipsam colloca-  
veris: at si jam arborem satam habueris, scil-  
lam secundum radicem arboris serito. Alio  
modo, cum jam futura mala fuerint, ante-  
quam rumpantur, ramulos quibus dependent  
intorqueto, eodem modo servabuntur incor-  
rupta, etiam toto anno: hucusque Columella.  
Posse autem arbores punicas feliciter produci ex  
acinis terræ mandatis, licet omnino constet, plu-  
res tamen autores præferunt propagationem per  
sarculos, de matrum radice devulsos: & quam-  
vis non uno modo seratur, optimum tamen  
Palladius (r) censet, si ramus ejus cubitalis inci-  
sus, manubrii crassitie, & capite utroque acuta  
falce levigatus, scrobi velut obliquus immer-  
gatur, prius porcino stercore, & in capite &  
in parte, quæ ima est, oblinatur, vel in crudo  
solo malleo cogatur ad inferiora defigi. Melius  
adhuc proveniet, si ponendus ramus gemma-  
ta jam matre sumatur. Plura, ne longior sim,  
ex antiquis rei rusticæ scriptoribus de cultura  
mali punica huc non afferam, cum & apud re-  
centiores horticulturæ scriptores, e. g. Petrum  
de Crescentiis, Anton. Mizaldum, Joh. Sigism.  
Elsholtium, &c. quamplurima legi queant. Cæ-  
terum florendi & fructificandi tempus neces-  
sario variare debet, pro diversitate climatum.  
Nostris quidem in regionibus flores circa me-  
dium æstatis erumpere solent, fructus autem  
adulto demum autumno, & quidem rarius matu-  
ri conspiciuntur.

(o) Lib. V. adversus Gentes p. m. 155. & seqq. (p) Ost-Ind. Kunst-und Lust-Gärtner pag. 104. (q) Lib. V.  
de re rust. cap. 10. (r) de re rust. mens. Mart. Tit. 10.



## CAPUT II.

## DE FACULTATIBUS, PRÆPARATIONE

## ET USU MALI PUNICÆ IN MEDICINA.

## §. 1.

Postquam ea, qua potui, brevitate ac perspicuitate *historiam Physico-Botanicam mali Punicæ* pertractavi, ordo nunc requirere videtur, ut *partium illius arboris præcipuarum*, quæ ad medicinam expeti solent, *facultates, præparandi & utendi rationes*, similiter explicem. Sunt autem istæ partes 1. *flores* 2. *Putamen aut cortex fructus, seu malicorium*, 3. *succus*, 4. *semina sive nucleï*: de quibus, utpote diversa natura & virtute præditis, singulatim erit agendum. Quamvis autem non ignorem à nonnullis veterum commendari etiam partes alias, sicuti *Dioscorides* (s) *radicis decoctum potum latus ventris tinea expellere*, *Plinius* vero easdem radices rubro cortice ex vino potas somnum facere affirmant: quos tamen *radicum*, uti etiam *foliorum*, à quibusdam memoratos effectus, aut parum probatæ fidei, aut ita comparatos esse existimo, ut ab aliis partibus mali Punicæ magis usitatis æquè facile aut facilius obtineri queant.

## §. 2.

*Floris itaque temperamentum* quod concernit, juxta veteres statuendum erit *frigidum & siccum in secundo gradu*; quod quidem non minus de *sativa punicæ flore simplici*, vel *Cytino*, quam de *balauſtio* sive *sylvestri & pleno flore* valebit; Nec obstat quod duobus distinctis capitibus de *Cytino & Balauſtio* egerit *Dioscorides*, cum easdem utrique vires manifeste adjudicet. Quando autem hujus Autoris mentionem hic iterum facio, non possum, quin obiter indicem, (quod superius in capite I. omiseram) ipsum plures numerate *Balauſtii* quoad colorem differentias, nempe *album, fulvum, & roseum*, è quibus tamen nonnisi unicum *fulvum* (πυρρόν, qui erit ipse ordinarius phæniceus color) unquam observare, aut ab alio fide digno autore observatum reperire potui. Cæterum è laudato *florum mali Punicæ* temperamento, aut primis qualitatibus, sano sensu admissis, resultat vis adstringendi notissima. Omnis vero, tam siccandi & refrigerandi, quam adstringendi facultas accepta referenda venit particulis sulphureo-terreis & quibusdam acidis fixioribus in consortium adscitis; talem enim miscellam non solum *sapor terreo sub-austerus* arguit, sed etiam hoc phænomenon confirmat, quod *infusum vel decoctum balauſtii, cum aqua factum, sibi relictum coloris rubelli, injecto vitriolo statim nigrum atramenti instar evadat*; quod quidem plurimis rebus terreo-austeris & adstringentibus, cujusmodi vulgatissimum exemplum *Gallæ* præbent, proprium esse constat.

## §. 3.

Quare *mali Punicæ flores*, tam *Cytini* quam *Balauſtia*, promiscue adhibentur adstringendi & siccandi fine, tam interne, quam externe, variis in casibus: nominatim diversis eruptionibus sanguinis, per uterum, hæmorrhoides, alvum, si nimis largæ & violentæ acciderint: ubi tamen (sicut in genere circa usum remediorum adstringentium,) cavere decet, ne intempestive exhibeantur, antequam humorum intemperies correctæ & impetus præternaturalis refrenatus quodammodo fuerit. Eâdem cautelâ observarâ locum habere potest *Balauſtium in diarrhæis ac dysenteria*, (quemadmodum *Plinius* *farina istius floris à morte revocari dysentericos alvumque sisti* scribit) nec non fluore albo & gonorrhœa, quando scilicet labefactatus vasorum & meatuum tonus, & vasculorum excretoriorum oscula nimis hiantia constrictione indigent. Contra ejusmodi igitur affectus (ut *Galeni* (r) verbis loquar) *non est quispian Medicorum, qui Balauſtio non utatur*. Nec minus frequens ipsius est usus in gargarismate ad *uvulam relaxatam*, perinde, ut is, quem seorsim *Dioscorid.* l. c. prædicat adversus humida gingivarum vitia mobilesque dentes, si decocto colluantur; heriam quoque prolapsu intestini erumpentem cataplasmate *Cytini* repelli posse idem perhibet. Si intertriginibus & aliis ulceribus *balauſtium* illinas, celerrime illa videbis cicatricem contrahere, fidem faciente *Galeno*.

## §. 4.

Quod autem *Dioscorides* ex antiqua traditione commemorat, illum, qui tres quam minimos *cytinos* devoraverit, nullam eo anno lippitudinem passurum, id sane superstitionem sapit; quemadmodum & hoc eget probatione, quod *Plinius* asseverat, *balauſtium scorpionibus adversari*. Cæterum suavissimus floris hujus color invitavit curiosa ingenia, ut aliis etiam usibus eosdem adaptarent, sanitati simul & voluptati serviendo. Hac intentione excogitatus est *pulvis errhinus ruber*, jucundissimi coloris & perquam suavis odoris, cujus descriptionem, ab amico olim impetratam, necdum (quod novi) in ullo libro typis impresso inveniendam, pro singulari humanitate sua mecum communicavit *Speçtatissimus h. t. Facultatis Medic. Decanus, Dn. D. Joh. Jacobus Bayerus, Fautor & Promotor meus cum pietate & observantia atatem colendus*: R. Flor granator. exquisitæ rubedinis ʒß. tunicæ pariter

(s) Lib. I. de M. M. cap. 154. (r) Lib. VI. de simpl. Medic. facult.



pariter select. ʒij. lilior. convall. ʒj. Rad. Irid. flor. ʒʒ. ol. lign. rhod. ʒj. cinamom. gtt. iij. Zibeth. gr. ij. Mosch. gr. j. Misc. f. l. a. pulvis grossusculus. Talem vero pulverem, tametsi oculis ablandiatur & fragrantia se commendet naribus, Vir pralaudatus tamen existimat non æque convenire, nisi *temperamentis humidioribus*, & quorum nares, ob vitiatum glandularum & vasculorum tonum, pituitoso excremento abundant. Illud fere prætermissem, quod jam in antecedente §. memorasse par erat, proflare scilicet in quibusdam officinis *confervam Balaustiorum*, vel per se dandam, vel electuariis adstringentibus ex tempore componendis destinam. De hac notabilis est locus *Petr. Andr. Matthioli* (u): Paratur ex *Punica floribus*, hoc est, ex internis Cytinorum puniceis ac tenuibus foliis, *saccharum*, perinde ac ex *puniceis rosis* (i. e. *balaustiis*) admirabilis facultatis ad *utrasque uteri fluxiones*, si semuncia pondere sumatur ex vino rubro austeriusculo, aut ex punicorum acidorum succo, aut ex aqua, in qua ferrum extinctum fuerit: præstat quoque, magno sane præsidio, ad *Gonorrhæam*, ad *cæliacos* & *dysentericos* &c.

## §. 5.

De *Malicorio* seu *putamine mali punici*, quod vulgo in *Pharmacopoliis cortex granatorum* dicitur, ad ea primum reflecto digitum, quæ cap. i. §. 6. notavi, esse nimirum hunc corticem *saporis austero-adstringentis*; unde haud difficulter apparet, quid de virtutibus ejusdem sit pronuncianum: ut paucis omnia complectar, cum *Dioscoride* affirmo *malicorium omnes præbere usus, quos Cytini, aut Puni mali flores*, tam simplices, quam pleni. Est autem certe *malicorium* in *adstringendo* valentius *Cytino* & *Balaustio*, insimul etiam fere insuavius sapore. Non repetam nunc illos casus, ad quos florum esse usum antea ostendi; hoc tamen experimentum nequeo tacere, quod pro singulari humanitate sua & favore in me summo mihi retulit *Magnificus Dn. D. Hoffmannus*, *diverforum S.R.I. Procerum Consil. & Archiater, Facult. Med. & totius Academiae hujus*, nec non *Colleg. Med. Norimberg. Senior venerabilis, Hospes ac Præceptor meus omni honoris & obsequii cultu prosequendus*, se nimirum in *nimio mensium fluxu*, cum felici successu, solere uti *externo fotu*, è *cortic. granat. flor. Balaust. rad. Bistort. tormentill. fol. plantag. centumnod. burse pastoris, equiseti, nuc. cupress. in aq. fabror. ferrariorum decoctis*.

## §. 6.

Quanto certior autem est *stiptica malicorii facultas*, siue intus siue extrinsecus illud adhibeatur, tanto magis paradoxæ sunt observationes quorundam Medicorum de *Emmenagoga* istius corticis virtute. Sic *Jacobus Janus*, *Archiater Reg. Dan.* (x) *mulierem novit, mensium*

*retentione detentam*, quæ omnibus aperientibus frustra tentatis tandem præter rationem *assumptis corticibus granatorum* provocavit *menstruos fluxus*. Verum esse hoc experimentum, idque in aula Sleswicensi, & vicina alia, non semel factum, testatur *Joel. Langelott*: (y) cortices vero granatorum, non in substantia assumptos, sed in *decocto cum cerevisia facto*, idem admonet, causam insecuti effectus rejiciens in *particulas salinas volatiles vitriolaceas* aperientes, reliquæ corticis substantiæ terrestri & adstringenti immerfas, parciores quidem, quæ tamen si convenienti menstruo (quale sit *cerevisia lupulo condita*) resolvantur, non possint non insigniter aperire. Sagaciter autem *Langelotto* respondit *Th. Bartholinus* (z) hunc in modum: *Multa esse scio terrestrium partium, quæ aperiant, quod de adstringentibus pyris, post pastum comestis, Galenus testatur. Causaque non Chymica est, quod crassæ illæ partes & adstringentes roborant viscera, ut expellant deinde promptius, vel fibras venarum constringendo compressionem inferiorum promoveant. Hac ratio reddi potest amethodica curationis, siquidem in substantia exhibiti fuerint: Salina verò particula, quia te satente exigua in quantitate corticibus insunt, vix videntur sua vi aperiendi obstructos locos reserare, præsertim cum menstruum ex cerevisia imbecillius sit, quemadmodum in aliis purgantium infusionibus experimur.*

## §. 7.

Quod *Plinius* scribit, *expeti malicorium malaciæ gravidarum*, quoniam *gustatu ejus moveant infantem*, id quidem cum à nemine fide digno Medico confirmatum legerim, aliis explorandum relinquo. Decantatus vero est illius corticis usus contra *lumbricos infantum*, quandoquidem *mulierculæ* infusum ipsius, cum *cerevisia paratū*, pueris propinant non sine effectu desiderato, ceu pralaudatus *Dn. D. Hoffmannus* mihi asseveravit. Forsan & de eodem cortice intelligendus est locus *Dioscoridis* supra citatus, ita ut pro τῶν πικρῶν legendum existimem Σιδίων, siquidem totum istud caput *Dioscoridis* περὶ Σιδίων inscribitur, & tractat, ut propterea in eo laudata *virtus anthelmintica* incongrue radicibus mali Punice, rectius vero corticibus tribueretur. Posset ea ipsa vis inimicalumbricis quodammodo etiam exinde comprobari, quod *Plinius* perhibet *mali Punici corticis fumo cuculices fugari*. Luculentum autem exstat testimonium *Constantini* (aa) affirmantis, *peculiarem vim inesse malis Punicis tineas ventris enecandi*, seorsim autem *malicorium* vino decoctū, ac potum occidere vermes, maxime eos quos *Ascarides* nominant. Idem Autor alibi (bb) refert, tam cortices quam flores punicorum in pulverem redactos, ac jejuno stomacho sumptos, plurimum facere ad *tussim frigidam* & *catarrhum*.

O o o o

## §. 8.

(u) in Lib. I. Dioscor. cap. 127. (x) in Barthol. hist. Anat. Cent. IV. 39. (y) Epist. Med. Bartholin. Cent. II. 63. (z) l. c. epist. 64. (aa) Lib. IV. cap. 18. de morbis. (bb) l. c. cap. 19.



## §. 8.

*Febres intermittentes* sæpe fugare malicorium ex *Tachenio* se didicisse *Tancretus Robinson* apud *Rajum* l.c. testatur, existimans ab alcali aperitivo, quo cortex ille abundet, vim febrifugam proficisci. Sicut autem istius principii abundantia gratis supponitur, ita ne quidem opus est ab eo repetere laudatum effectum, quoniam decantata virtus antifebrilis corticis *Peruviani*, *aluminis* &c. exquisitè stipticorum, citra omnem aperitivæ facultatis suspensionem manifeste satis sese exerit. Cæterum externos usus malicorii speciales, tamen si plures adhuc laudare possim, aliquot tamen solum insigniores nunc indicabo, & hunc imprimis à *Matthiolo* commendatum: Est malicorio præcipua vis adversus puerorum ulcera, siquidem id exsiccatur & cum sicca pariter marina spongia & aloe tritum, aquali omnium portione, addito *aluminis* usui momento, penis ulcera in viris & vulva in mulieribus brevi ad sanitatem deducit. Cortice punici ex vino decocti & impositi *perniones* sanari asseverat *Plinius*. Macerati iidem cortices in aquis congruis conducunt ad oculos lachrymis, & hæmorrhoides sanguine nimium stillantes, si partes affectæ isto liquore foveantur, teste *Aldrovando* (cc). Speciatim vero usum ophthalmicum in variolis, ad oculos puerorum defendendos, extollit celeberrimus *Zvingerus* (dd) non solum simplici decocto malicorii in illo casu locum concedens, sed sequentem formulam præstantiorem delarans: R. cort. granat. ℥iij. aut ℥ss. affund. aq. ros. fœnic. & plantag. āā. ℥vj. vel ℥j. diger. in arena vel cinere calido, hinc filtr. & addantur tutie præp. ℥ij. croc. gr. iv. vel vj. camph. gr. iij. misc. applic. sæpius oculis tepide cum linteo.

## §. 9.

*Nucleorum* sive *acinorum* aut *feminarum mali Punici* vires fere similes sunt illis malicorii modo laudatis. Quare siccatos in Sole istos nucleos (acidi præsertim punici) obsoniis inspersos concoctosve, fluentem alvum & stomachum sistere, aqua pluviali madefactos commode bibi ab hæmoptoicis, ad dysenteriam item *feminarumque* fluxiones prodesse, *Dioscorides* affirmat. Porro hic ipse Autor expressum nucleorum succum coctum cum melle, ad oris, virilitatis, & sedis ulcera, nomas, redurias, & ea quæ in corpore extuberant, aurium dolores & narium vitia, commendat. Quo minus autem de hoc externo granorum punici usu dubitandum est, eo magis confirmat internum usum *Aldrovandus* l.c. quod nimirum integra mali Punici grana, matura & siccata, vino edulisque omnibus, per infusionem vel ebullitionem, virtutem efficacissimam tribuant omnes compescendi excretiones immoderatas cujuscunque generis: seorsim vero pulvis eorum nucleorum subtilissimus, si thuris parum admisceatur, ille-

que cum aqua rosacea bibatur ad dies aliquot in dosi ℥ij. profluvia alba mulierum tollant.

## §. 10.

*Succi* autem granatorum vis differens est, pro saporis diversitate; quod pridem perspectum habuit *Hippocrates* (ee) sic pronuncians: *Mali punici dulcis succus alvum movet, habet autem quid æstuosum: Mala punica vinosa minus æstiosa sunt: acida vero magis frigefactoria.* Idem fere est iudicium *Dioscoridis*, sed paulo prolixius declaratum his verbis: *Punica dulcia stomacho utiliora habentur, sed aliquantulum in eo calorem gignunt, inflationes pariunt, unde in febre abdicantur. Acida adstringunt, æstuantis stomacho auxiliantur, & multo magis contrahunt ac urinam cient, ora, gingivasque ladunt. Vinosa vero mediam sortiuntur naturam.* Solent propterea distincti illi (quoad saporē) succi granatorum in usus Medicos seorsim asservari, aut è singulis præparari singulares syrapi. Et quamvis *Galenus* (ff) è triplici (ratione saporis) succo simul componere doceat syrupum, merito tamen ex sententia *Caspari Hoffmani* (gg) contra illum disputant periti Practici, seorsim nempe parandos esse syrapi istos, pro diversitate scoporum, quia profecto non est idem effectus; ita enim laudatus Autor in febribus biliosis, præsertim ubi humor occupabat os ventriculi, ex acidis punicis egregium emolumentum sensit, quod ex dulcibus sperare non poterat. Consulto igitur in officinis pharmaceuticis bene constituis uterque, tam dulcium, quam acidorum granatorum, syrupus prostat, quin & acidum seu vinosorum quoque; tamen si talem ex tempore componi posse arbitror, ex acidi ac dulcis miscela.

## §. 11.

Cæterum aut ex medii vinosive saporis malis punicis, ab origine talibus, aut ex acidis ac dulcibus junctim exprimitur succus, & sub titulo vini granatorum, ad desideratos usus, reconditur. Ejus conficiendi ratio, juxta *Matthiolum*, hæc est: Acini maturi diligenter à putaminibus & membranis purgati prælo committuntur, ac exprimuntur: mox vinum saccis ad id accommodatis percolatur, & in vasculis reponitur, quousque fæx residat, defæcaturque deinde, & clarum servatur, affuso desuper oleo, ne corrumpatur, vel acefcat. Sunt & qui sine oleo illud in cellis asservent, sed id per æstatem facile acefcit. *Palladius* vinum de Malis granatis, à corruptione defendendum, coquere jubet lente usque ad medietatem, & cum refrixerit picatis & gipsatis vasculis claudere. Aliqui, eodem *Palladio* teste, succum non excoquunt, sed singulis sextariis libras mellis singulas miscent, & in prædictis vasculis ponunt & custodiunt. Ast vero recte animaverit *Aldrovandus*, non posse fieri absque præjudicio gustus vinum hujusmodi exco-

(cc) Dendrolog. Lib. II. p. m. 434. (dd) Neu vollkommen Kräuter-Buch p. 25. (ee) Lib. II. de diætâ §. 29. (ff) Lib. VI. de morb. fec. loc. 1. (gg) Lib. II. de Medicam. officin. cap. 181.



excoctum, aut compositum cum melle, ideoque usu receptum eo minus esse, quo magis recedit à temperie concupita in medicamento simpliciter vino. Est tamen, ut per annum vel ultra duret *Granatorum vinum*, omnino necessaria *aliqualis coctio & Sacchari admistio*, quemadmodum complures Pharmacopœi consueverunt *libris duabus succi Granatorum vini*, probe decantati & paulisper cocti, *zīu circiter Sacchari admiscere*.

## §. 12.

Sicut autem juxta Poëtam:

*Dulcius ex ipso fonte bibuntur aqua,*  
ita nunquam non in deliciis posuere mortales, præsertim æstu & siti morboſa afflicti, ex ipsis malis *Punicis delibare ex tempore suavissimum succum*. Quoniam vero ista poma sibi relicta, vel in arbore adhuc hærentia sponte rumpuntur suumque succum profundunt, vel decerpta non admodum diu citra corruptionem durant, hinc prius incommodum, nempe crepatura, ut avertatur, prudens est consilium *Columella* l.c. ut ramuli, quibus mala jam matura dependent, intorqueantur, sic enim non solum non rumpi, sed & incorrupta toto anno servari Autor ille perhibet. Rationem experimenti hanc subesse puto, quod facta intorsione ramuli uberior succi transitus ex arbore in pomum impediatur, jam præsens vero succus in pomo magis digeratur, & corticis pori condensentur, ne vel transpirare succus, vel aer, corruptionis causa, liberius ingredi per eos queat. Alteri autem intentioni, ut scilicet Punica mala diutius incorrupta servantur, satisfacere docet *Palladius* vario modo: si *picatis pediculis* ordinata suspendantur, aut lecta integra in aqua marina vel muria fervente mergantur, ut combibant, post triduum Sole siccentur, ut sub die nocte non maneant, post in loco frigido suspendantur; cum volueris uti, aqua dulci pridie macerabis. Feruntur hæc pomis recentibus amulari, item si à tactu invicem separata paleis obruantur, item si induantur argilla, & ea siccata loco frigido pendeant. Mitto alias conservandi rationes, à *Palladio* aliisque traditas, hoc saltem addens, *Apicius Cælius* (hb) nonnisi unicam commendare enchiresin, ut mala granata diu durent, in calidam ferventem mergendo, & statim levando, ac suspendendo: quem in locum ita *Mart. Listerus*: de aqua marina fervente omnes, imo & ipse *Mago Carthaginensis* loquuntur; & noster *Apicius* sine sale rem conficit, ita certe sapor melius conservatur, & satis condensantur pori ut durent.

## §. 13.

Sive autem in pomis integris conservatus, sive expressus & in vini formam reductus, aut in syrupum coctus habeatur succus *Granatorum*, virtutes ejus omnino variabunt, prout vel à natura dulcis, vel acidus, vel medii generis, aut vinosus ille

fuerit, sicuti §. 10. jamjam indicavi. Et dulcium quidem succus, indeque paratus syrupus, dictitante pharmacopœia *Augustana*, rursim sedat, excreationes promovet, humectando sitim mitigat, ac pectus lenit. Acidus vero succus, cum syrupo suo, præter virtutes supra laudatas, insignem habet usum in *cardialgia & vomitu bilioso*, quandoquidem *Simon Pauli*, (ii) scribit, Socerum suum, *Jac. Fabricium*, tanti fecisse in *cardialgia* syrupum acidum granatorum, ut illius specificum esse diceret, & pro eo haberet, unde adversus vomitum & singultum ei is valde familiaris erat. Hæc peritæ sine dubio *Hippocratis* (kk) observatio: *Mulieri* cor, hoc est os ventriculi dolebat, & nihil remittebat dolor: huic polentæ pollen in mali punici succum inspersus, & semel in cibo satis fuit, & non removebat. Similiter *Simeon Sethus* (ll) asseverat acidi mali punici succum, cum mastiche crebrius ingestum, immoderatum vomitum avertere & jecinoris inflammationes à vinolentia exortas compeſcere: porro etiam eundem succum, ob aciditatem cum melle illitum, oculis visum acuere, præcipue si alicujus sit ætatis.

## §. 14.

Qui vero medii est saporis, aut vinosus granatorum succus, mediò etiam stat loco quoad effectum, ut e. g. minus calefaciat & abstergat, quam dulcis, minus vero etiam refrigeret atque adstringat quam pure acidus. Propterea iste medius aut vinosus egregie temperat, humectat & roborat. Hinc morborum malignorum, cor & ventriculum corroborando, esse alexipharmacum, speciatim in dysenteria, febribus malignis, variolis & morbillis prodesse affirmat *Simon Pauli* l.c. syrupum granatorum acido dulcium nauseam ac vomitum biliosum reprimere, febribusque biliosis plurimum auxiliari testantur inter alios *Medici Augustani* in *Pharmacopœa* sua. Adversus spûtum cruentum si gularis est virtutis ille syrupus, cum op. gr. j exhibitus, ceu mihi retulit *Vir Prænobil. Excell.* atque *Experient. Dn. D. Laurent. Heister*. Cæterum in memoratis casibus aut per se ad zj. vel alteram propinari solet vinum granatorum, aut julepis ac potionibus admisceri: par ratio est syrupi.

## §. 15.

Cum autem punica, perinde ut alia poma, inter esculentas res aut alimenta vulgo numerentur, merito quaeritur, an alimentum præbeant corpori? responder cum *Galeno Casp. Hoffmannus*, minimum vel nullum, aut certe non majus, quam citria & aurantia. Vidit *Joh. Bruyerinus* (mm) non paucos, anno quo *Clemens VII.* Pontifex Massiliã navigavit ad Regem Franciscum I. esu malorum granatorum nimio gravissime conflictatos inflationibus, & alvi doloribus. Galli enim mediterranei, æstuum impatientes, huicque pomo non assueti, tanta aviditate vorabant, ut nullus prope finis mandendi videretur: verum id fieri oportebat cum modo, & citra satietatem, alioqui generosissima poma

O o o o 2

infa-

(hb) Lib. I. de art. coq. cap. 18. (ii) Quadrip. Botan. p. m. 384. (kk) Lib. II. epidem. Sect. 2. text. 1. (ll) de aliment. lit. P. cap. 1. pag. m. 101. (mm) Lib. XI. de re cibarij. cap. 24.



infamabantur. De nimio croudem usu, vel potius *abusu*, intelligendum quoque est *Simeonis Sethi* ef-  
fatum: omnia mala Punica impetum Veneris obtun-  
dere, præcipue in illis, qui frigidi sunt temperamenti.

## CAPUT III.

DE USU MALI PUNICÆ EJUSQUE PARTI-  
UM, FLORUM ET FRUCTUUM, EXTRA MEDICINAM.

## §. I.

Tametsi præfixum mihi scopum, post concin-  
naram *Mali Punica* historiam Botanico - Me-  
cam, attigisse me jam existimem, ne tamen mul-  
plicem ipsius usum extra Medicinam, qui passim  
ab autoribus notatur, penitus ignorasse aut ne-  
glexisse videar, pauca duntaxat ejus exempla  
in medium proferam, ablegans desiderantem  
plura Lectorem ad scriptores in hujusmodi re-  
bus evolvendis prolixiores, instar omnium vero  
ad *Ulyss. Aldrovandi dendrologiam*. Lubet autem  
mihi imprimis delibare usum *Mechanicum &*  
*Oeconomicum*, hinc etiam *Mysticum & Moralem*.  
Prioris specimen est, quando *malus punica* orna-  
mentum præbet hortis, & per eos ambulantes  
oblectamentum, gratam opacitatem. In regio-  
nibus calidis e. g. in Italia, *malus punica* sylve-  
stris *tutissima* simul & *utilissima* hortorum *sepimen-  
ta* præstat, utpote quæ spinis fures arceant. Li-  
gnum arboris coloratum Abacariis ad eorum tes-  
sellata opera perficienda inservit. Cæterum  
*corticem mali punici* ad coria preparanda adhiberi,  
indeque *malicorii* vocabulum enatum esse jam  
supra Cap. I. §. 6. è *Plinio* retuli. Huic suffra-  
gatur inter alios *Matthiæolus*, immaturum punici  
corticem ideo *malicorium* antiquis esse dictum,  
quod eo, ut *Rhus* arbore, ad perficienda coria ute-  
rentur. Idem cortex ad conficiendum scriptori-  
um atramentum, una cum Gallis, aut loco earum  
potest impendi: Quam in rem notabilis est *Petr.*  
*Mar. Caneparii* observatio: (nn) aliqui Gallis ad-  
dunt cortices malorum punicorum, verum integri  
cortices, aut in frusta saltem nulloque pacto triti  
ingredi debent, ac prope finem, dum componitur en-  
caustum (sive atramentum); redditur enim ex  
corticibus granatorum magis splendidum & nigrum.  
Varios autem atramenti ex *malicorio* componendi  
modos, quales Autor laudatus recenset, huc tran-  
scribere supersedeo.

## §. 2.

Usus mali Punici mysticum vix puto magis  
concinne & accurate me posse enarrare, quam  
*Benedicti Curtii Symphoriani* (oo) verbis: Fuit o-  
lim malum Punicum in sacris Hebræorum ceremo-  
niis lege etiam plurimum laudatum: nam sa-  
cerdos, sacrum tabernaculum ingressurus, vestem  
gestabat, in cujus imo margine, atque per am-  
bitum alternatim mala Punica & tintinnabula  
pendebant, non sine mystica ratione, uti nos do-  
cuerunt sacri interpretes; & quod tantum ma-  
lum Punicum sive granatum attinet, quemadmo-  
dum ejus exterior cortex interius plura grana

continet, sic fides una innumeros sanctæ Ecclesiæ  
populos conservat, quos tamen meritorum diver-  
sitas retinet: Alii, quod hoc malum concordia-  
m denotet. Fuit etiam apud Ethnicos in illo-  
rum divinis percelebre; nam prodentibus mul-  
tis Græcis Autoribus Hæreum templum in imo  
Insulæ Eubœæ memorabile fuit, præsertim  
vero Junonis simulachro, ex auro & ebore fa-  
cto, verum memorabilius, artificio materiam  
longe superante, *Polycleti opere*, cujus manuum  
altera malum Punicum, altera sceptrum gesta-  
ret. Quod autem ad mali Punici gestationem  
pertinet, *Pausanias* secretiora esse dicit, quam  
ut ullus sermone explicare debeat, ideo præ-  
termittenda. Quantum seorsim ad complura §.  
*Scriptura loca*, in quibus & *Rimmon* seu mali Pu-  
nici fit mentio, singulorum fere sensum, præci-  
pue mysticum studiose explicavit *Joh. Henr. Ursi-  
nus* (pp) quem omnino consulisse Lectorem  
curiosum non poenitebit.

## §. 3.

Cæterum de usu mali granati emblematico,  
symbolico & morali multa possem hic congre-  
re, si id temporis & instituti ratio pateretur.  
Unum igitur alterumve saltem exemplum com-  
memorabo. Nota autem est imprimis illa de  
*Dario Persarum Rege* historia, qui cum forte  
pomum Punicum in manu teneret, dixerit, se non  
optare majorem thesaurum, quam ut tot haberet Zo-  
pyros, quod grana sint ipsius pomi: significans, Re-  
gibus nihil utilius esse fidelibus amicis, qualem  
*Darius* erat expertus *Zopyrum*. *Henricus IV.*  
*Hispan. Rex* malum Punicum sibi delegit, cum  
epigraphæ: *Acre-dulce!* ut significaret in opti-  
mo Rege sic severitatem & humanitatem esse  
temperandas, ut neque sine severitate igna-  
vus, neque sine humanitate crudelis vi-  
deatur (qq). Malum Punicum Regni symbolum  
esse, & pomum Imperii aureum Mundi, pluribus  
ostendit laudatus *Ursinus* (rr) qui etiam mala  
granata in veste summi Sacerdotis Hebræorum re-  
gna mundi denotasse arbitratur, pedibus Dei sub-  
dita, cujus laudem tintinnabula interposita con-  
celebrarent: quam sententiam olim quoque  
fovit *Valerius Flaccus*:

*Punica quid mala hac, quid tintinnabula signant?*

*Cuncta Dei laudem subdita Regna canunt.*

Denique malum Punicum sponte discriptum (ut  
sæpe fit) elegans præbet emblemata aut symbolum  
*Christiana charitatis*, quæ diffusi nimium propter  
ardorem, aliisq; communicari benefice desiderat.

M. B. V.

(nn) de atrament. descript. IV. cap. 8. (oo) hortor. Lib. XXI. cap. 12. (pp) Arboret. Biblic. cap. XXXII.  
(qq) in 1. Reg. cap. XIV. v. 2. (rr) Analect. Sacr. Vol. I. pag. 264.





M. B. V.

# GAZOPHYLACIUM BEATORUM, PRO SUPPLEMENTO MUSEI MUSEORUM.

α. ω.



Um sua *Museis* ars & natura ministrant,

Immortale decus nunc mea Musa canet.

*Museum* referam nullis aut auribus α) unquam,

Aut oculis β) haustum, quod parat ipse Deus

Cunctis Theiophilis: gaudet quô coelica turba,

Ad faciem γ) æternum cernere nempe Deum.

Exulet hîc auri fulgor, sit splendor inanis

Gemmarum: Artificum cesset & artis opus.

Desinit heîc Physicus, cessant heîc experimenta,

Nil tria naturæ regna referre valent.

*Aldrovande* vale, valeas *Kirchere*, *Oleari*,

Nil cum *Besleris* *VVormius* hicce juvat.

Sanctus δ) namque locus MUSEI MUSEIORUM

COELESTIS: Dominus ter ε) quoque sanctus ibi.

*Trinum* mirare prius venerando Supremum,

Majestate sua qui modò cuncta ζ) replet:

η) Lux in inaccessis habitans θ), fulgore coruscans,

Illustrans radiis turbida quæque suis:

Altitonans & quæque regens, cui militat æther,

Qui reboans tonitru fulmen in Orbe quatit.

Cerne ι) *Creatorem*, fontem sine fonte perennem,

Unde ruunt vitæ flumina quæque tuæ.

κ) *Agnum* cerne Dei, λ) *cælestem* cerne *Columbam*,

μ) Numine Trinuno cuncta repleta sacro.

Oo oo 3

Hic

α) Esaïæ 64. §. 4. β) 1. Cor. 2. §. 9. γ) 1. Joh. 3. §. 2. 1. Cor. 13. §. 12. δ) Joh. 14. §. 2. ε) Jes. 6. §. 3. ζ) 1. Reg. 8. §. 27. Jer. 23. §. 23. 24. η) 1. Tim. 6. §. 16. θ) Psal. 18. §. 8-16. ι) Gen. 1. §. 1. Actor. 17. §. 24. κ) Joh. 1. §. 29. 36. λ) Matth. 3. §. 16. μ) 1. Reg. 8. §. 27.



Hic \*) *Dominus* Dominos quoscunque coerces in Orbe,  
 Cuique potestatem dividit Ipse suam.  
 Nullus Pontificat, nullas habet Induperator  
 Vires, nî Dominus conferat ante suas.  
 Principis hîc titulus cessat, ξ) nî cesserit illum  
 °) Principium & Finis, scilicet ipse Deus.  
 Vis *Solum*? hoc π) cœlum est. Pedibus dat terra *Scabellum*,  
 ε) *Sceptro* scepra suo quælibet ille regit.  
 ρ) Nubibus is vehitur, fugiant procul inde Curules,  
 τ) Non capiunt Dominum pulpita nostra Deum.  
 Aularum Attalicis aulæis splendida Rostra  
 Vix rastro aut rostro quid melioris habent.  
 Vis υ) *diadema* tibi monstrarier atque coronam?  
 Ah! Servatorem φ) conspice quæso tuum.  
 Sanguine stillantem monstrabit is ipse *coronam*  
 Quis sine tormentis mentis id omne videt?  
*Vimina cum spinis* cingunt hîc tempora *Regis*,  
 Rarius hisce nihil, carius hisce nihil.  
 Hoc opus, hic labor est, pangunt quæ χ) crimina Mundi  
 Immundi mundo salvificoque Deo.  
 †) Hosce Θεωνὸν πῶτα pariunt peccata dolores,  
 Ut nos æternus deferat usque dolor.  
 Sæpius in fanis Sanctorum mille Relictis  
 Demulcet oculos credula turba suos.  
 Mox Christi spinas, clavos, mox pallia monstrat,  
 Et quæ monstrorum plura relictæ tenet.  
 Illic particulæ crucis sine cruce videntur,  
 Nil festuca valet lignea luce carens.  
 Artus Sanctorum veneratur & inde cruorem,  
 Cum lacrymis Christi, Matris & illa Dei.  
 Ast incerta nimis, vanâ quoque sorte referta  
 Sunt è defunctis membra petita viris.  
 Quid juvat aspectus membrorum? quidve superstes  
 Inde superstitio? ω) corde tenendus amor,  
 αα) Christus noster amor, cujus nos ββ) sanguinis unda  
 Mundati Christi portio magna sumus.

η) Hunc

\*) Dan. 2. §. 21. cap. 5. §. 21. 1. Tim. 6. §. 15. ξ) Prov. 8. §. 15. Rom. 13. §. 1. °) Apocal. 1. §. 8.  
 π) Esa. 66. §. 1. ε) Psal. 45. §. 1. σ) Psal. 18. §. 11. 12. τ) 1. Reg. 8. §. 27. υ) Cant. III.  
 §. 11. Matth. 27. §. 29. φ) Joh. 19. §. 5. χ) Esa. 53. §. 5. ψ) Esa. 43. §. 24. ω) Joh. 21. §.  
 17. Psal. 18. §. 1. αα) Ephes. 3. §. 19. 1. Cor. 16. §. 22. ββ) 1. Joh. 1. §. 7.



- γγ) Hunc qui corde tenet, thesauros possidet omnes,  
 Immenſos, raros, quos pia turba capit.  
 O mihi felices, ô terque quaterque beatos,  
 Queis licet in Domino cernere tanta ſuo!  
 δδ) Naſceo delicias, vaniſſima gaudia Mundi,  
 Stent licet ingenti vel prece, vel pretio.  
 In Chriſto quærenda mihi rariſſima quævis,  
 Hic boni abyſſus erit, munera quæque ferens.  
 εε) O quam proſundi fundi tunc divitiarum  
 Cœli & cœleſtis cognitionis erunt!  
 ζζ) Terra & terrena ruent, cœlumque peribit,  
 Aſt Salvatoris verba relicta manent.  
 ηη) Quando erit illa dies, quâ corpore glorificato  
 Et vultum & faciem cernimus euge tuam?  
 θθ) O quando venies Jeſu! dulciſſime Jeſu!  
 Ah venias! propera! Tu mihi ſolus eris  
 Omnia: ιι) poſthabitis exantlatisque periclis  
 Te anhelô Jeſu! Tu mihi ſolus eris!  
 κκ) Te modò ſi teneam, pereant terrena, ſuperna,  
 Diſpereant vitæ ſtamina quæque meæ.  
 λλ) Cogito perpetuam, volitante per æthera mente,  
 Sedem: quam ut ſtabili, da mihi, mente petam.  
 Illa ſede ſede, nec ab illâ ſede recede  
 Mens mea μμ) ſpiritibus nunc prope juncta bonis.  
 νν) Si Patria eſt ubicunque bene eſt, ubicunque beatè  
 Vivitur: in cœlo vivitur hocce modò.  
 Vivitur hicce Deo vivo, qui cuncta creavit,  
 Vivitur hic Chriſto, ξξ) quô mihi vita patet.  
 Vah! quam ſuavis erit Sanctorum cantus in aure!  
 Vah! quam dulcis erit viſio ſacra Dei!  
 Da mihi præguſtum cœli, Pater alme, ubi guſtum  
 Perdidero: labiis ſis panacea meis!  
 οο) Mors mea vita fiat, quia mors tua vita Redemptor,  
 Te ſequor, utque ſequar, me trahe Chriſte, ſequar.  
 Fac ut in ππ) occurſum veniam, mî Sponſe, tuorum  
 Vulnerum: in amplexu tunc ςς) requieſco tuo.

ϑϑ) Quan-

γγ) Eph. 3. §. 17. δδ) Phil. 3. §. 8. Coll. 3. §. 1. ſeqq. εε) Rom. 11. §. 33. ζζ) Matth. 24. §. 35. ηη) Pf. 42. §. 2. 3. Phil. 3. §. 21. θθ) Apoc. 22. §. 20. ιι) Apoc. 7. §. 13. 14. κκ) Pfal. 73. §. 25. 26. λλ) 2. Cor. 5. §. 2. ſeq. Phil. 1. §. 3. μμ) Ebr. 12. §. 23. νν) Hebr. 13. §. 14. cap. 11. §. 10. ξξ) Joh. 14. §. 6. οο) Phil. 1. §. 21. ſeqq. ππ) 1. Theſſ. 4. §. 17. ςς) Cant. 2. §. 14.



rr) Quando nunc venies Jesu ! dulcissime Jesu !

Euge veni ! ah venias ! Tu mihi Sponsus eris.

rr) Extensis manibus Te expecto ! specto suprema ,

vv) Ad Te perpetuò lumina flecto mea.

φφ) Clamitat ut cervus sitiens quærendo fluentum

Sic clamo ad Dominum corde flagrante meum.

xx) Luctando luctam tandem cum morte tremendam

Imploro auxilium desuper ipse tuum.

Ad Te suspiro, dum spiritus hoc regit artus,

ψψ) Exspirantem animam suscipe quæso meam !

Quod reliquos spectat, quos exspirando relinquo,

ωω) Summe patrocínio protege quæso tuo.

ααα) Dirige cunctorum gressus, cunctorum dirige vitam,

Vitam post vitam confice quæso novam.

Ut tandem è tumulto surgens Tibi dicere possim :

βββ) Ecce Tuum ! Ecce Tuos ! quos mihi credideras.

Omnia (\*) præcepi atque animo mecum ante peregi,

Audi vota Deus ! dirige cuncta Deus !

rr) Ps. 42. §. 1. seqq. Apoc. 22. §. 20. rr) Phil. 3. §. 13. vv) Luc. 21. §. 28. φφ) Psal. 42. §. 1. xx) 2. Tim. 4. §. 7. ψψ) Luc. 23. §. 46. Act. 7. §. 58. 59. ωω) Joh. 17. §. 9. seq. conf. cap. 19. §. 26. 27. ααα) Psal. 1. & 119. βββ) Joh. 18. §. 9.

(\*) Hæc agonizantis *Gassendi* verba erant, cum à Medico, *Guidone Patini*, moneretur, ut res suas ordinarret. Vid. *Guy Patin aux lettres choisies* n. 65. pag. 180.





# INDEX.



|                                       |              |                                     |                   |
|---------------------------------------|--------------|-------------------------------------|-------------------|
| <i>Belmoschi</i>                      | pag. 77.     | <i>Ambra grysea cruda</i>           | pag. 336.         |
| <i>Acacia vera</i>                    | 268.         | <i>genuina unde ?</i>               | <i>ibid.</i> 428. |
| <i>vulgaris</i>                       | 269.         | <i>valor</i>                        | 499.              |
| <i>succus</i>                         | 268.         | <i>vindicata</i>                    | 338.              |
| <i>Acalbahar</i>                      | 502.         | <i>nigra</i> ...                    | 337.              |
| <i>Acetum</i>                         | 219.         | <i>Amethystus</i>                   | 32.               |
| <i>scilliticum</i>                    | 129.         | <i>Ammi</i>                         | 79.               |
| <i>Achiotl</i>                        | 7.           | <i>Anomum</i>                       | 78.               |
| <i>Acidula naturales &amp; artif.</i> | 71.          | <i>Dioscoridis</i>                  | <i>ibid.</i>      |
| <i>Acmella</i>                        | 131.         | <i>Plinii</i>                       | 78.               |
| <i>Adamas</i>                         | 32.          | <i>ramosum</i>                      | 78.               |
| <i>Adamica terra</i>                  | 4.           | <i>Ammoniacum gummi</i>             | 279.              |
| <i>Adiantum album</i>                 | 146.         | <i>sal</i>                          | 297.              |
| <i>nigrum</i>                         | <i>ibid.</i> | <i>Amydum seu Amylum</i>            | 95.               |
| <i>vulgare</i>                        | <i>ibid.</i> | <i>Amygdala amara</i>               | 225.              |
| <i>Egagropila</i>                     | 313.         | <i>dulcia</i>                       | 226.              |
| <i>Ærugo</i>                          | 56.          | <i>Ampelitis</i>                    | 27.               |
| <i>Æris squama</i>                    | 7.           | <i>Anacardia</i>                    | 207.              |
| <i>Æs caldarium</i>                   | 54.          | <i>Ananas</i>                       | 192. 433.         |
| <i>ustum</i>                          | 55.          | <i>Anatrum</i>                      | 14.               |
| <i>Aetites</i>                        | 47.          | <i>Anchovies</i>                    | 443.              |
| <i>Agallochum</i>                     | 179.         | <i>Anchusa</i>                      | 127.              |
| <i>Agaricus mineralis</i>             | 3.           | <i>Angelica</i>                     | 129.              |
| <i>quercus</i>                        | 231.         | <i>Anil</i>                         | 9.                |
| <i>trochiscatus</i>                   | 232.         | <i>Anisum</i>                       | 80.               |
| <i>vegetabilis</i>                    | 232.         | <i>stellatum</i>                    | 81.               |
| <i>Agnus castus</i>                   | 88.          | <i>Anseres Scotici fabulose</i>     | 327.              |
| <i>Scythicus vegetabilis</i>          | 321.         | <i>veri</i>                         | <i>ibid.</i>      |
| <i>Alabastrum</i>                     | 41.          | <i>Anthora</i>                      | 115.              |
| <i>Alcali sal</i>                     | 19.          | <i>Anthraces</i>                    | 27.               |
| <i>Alcanna</i>                        | 126.         | <i>Antimonium crudum</i>            | 65.               |
| <i>Alce</i>                           | 297.         | <i>diaphoreticum</i>                | 67.               |
| <i>ejus ungula</i>                    | <i>ibid.</i> | <i>Antimonii butyrum</i>            | 67.               |
| <i>Alchymia</i>                       | 433.         | <i>crocus metallorum</i>            | 66.               |
| <i>Alga saccharifera</i>              | 168.         | <i>flores</i>                       | 67.               |
| <i>Alkekengi</i>                      | 238. 239.    | <i>hepar</i>                        | 66.               |
| <i>Alkermes</i>                       | 209.         | <i>minera</i>                       | 65.               |
| <i>Alquifoux Gallorum quid?</i>       | 58.          | <i>Regulus simplex</i>              | 66.               |
| <i>Aloe caballina</i>                 | 259.         | <i>oralis</i>                       | <i>ibid.</i>      |
| <i>hepatica</i>                       | 259.         | <i>medicamentosus</i>               | <i>ibid.</i>      |
| <i>lucida</i>                         | 260.         | <i>sulphur auratum</i>              | 66.               |
| <i>succotrina</i>                     | 259.         | <i>vitrum hyacinth.</i>             | 66.               |
| <i>Aloes lignum</i>                   | 179.         | <i>nigrum</i>                       | <i>ibid.</i>      |
| <i>Alumen botryoides</i>              | 12.          | <i>purpureum</i>                    | <i>ibid.</i>      |
| <i>catinum</i>                        | 13.          | <i>succineum</i>                    | <i>ibid.</i>      |
| <i>facum</i>                          | 13.          | <i>Antihæcticum Poterii</i>         | 57.               |
| <i>plumosum</i>                       | 13.          | <i>Antophylli</i>                   | 203.              |
| <i>rubrum spurium</i>                 | <i>ibid.</i> | <i>Aper</i>                         | 317.              |
| <i>verum</i>                          | <i>ibid.</i> | <i>Indicus</i>                      | <i>ibid.</i>      |
| <i>rupeum s. de rocca</i>             | 13.          | <i>Mexicanus</i>                    | <i>ibid.</i>      |
| <i>saccharinum</i>                    | <i>ibid.</i> | <i>Aphronitrum</i>                  | 14.               |
| <i>scajola seu scissile</i>           | 13.          | <i>Apices nigri chel. astacorum</i> | 349.              |
| <i>ustum</i>                          | <i>ibid.</i> | <i>Apri dentes</i>                  | 317.              |
| <i>Zigenhainense</i>                  | 12.          | <i>Pppp</i>                         | <i>Aqua</i>       |



I N D E X.

|                            |       |                         |           |
|----------------------------|-------|-------------------------|-----------|
| Aqua benedicta Rulandi     | 66.   | Aurum fulminans         | 52.       |
| fortis                     | 15.   | in musculis             | 51.       |
| naphæ                      | 213.  | Musicum                 | 52.       |
| regia                      | 297.  | Sophisticum             | ibid.     |
| Aquila                     | 47.   | Axungia castorei        | 332.      |
| Arabicum Gummi             | 269.  | castoris                | ibid.     |
| Aracus aromaticus          | 197.  | equi                    | 303.      |
| Araneæ                     | 362.  | humana                  | 290.      |
| Arbor regundorum finium    | 7.    | Luna                    | 316.      |
| saguisera                  | 435.  | muris montani           | 316.      |
| canaria                    | 439.  | Solis                   | 2.        |
| Philosophica               | 53.   | Taxi                    | 316.      |
| calapa                     | 439.  | Vitri                   | 20.       |
| casuarina                  | 403.  | Ursi                    | 316.      |
| giomoto                    | 418.  | B.                      |           |
| Arcanum corallinum         | 70.   | Bacca alkekengi         | 239.      |
| duplicatum                 | 15.   | kermes quid sint?       | 209.      |
| Areca                      | 227.  | juniperi                | 188.      |
| Argentum                   | 52.   | lauri                   | 221.      |
| foliatum                   | 53.   | myrthi                  | 238.      |
| in musculis                | ibid. | myrtillorum             | ibid.     |
| Musicum                    | ibid. | Badian                  | 81.       |
| vivum                      | 67.   | Balanus Myrepfica       | 228.      |
| Argilla                    | 3.    | Balaustia               | 160.      |
| Aristolochia               | 125.  | Balsamum alb. Indicum   | 280.      |
| Armene bolus               | 3.    | de Copaiba              | 283. 619. |
| Ars incrustandi lacca      | 278.  | nativum minerale        | 281.      |
| Arsenicum album            | 28.   | nigrum Peruvianum       | 282.      |
| citrinum                   | ibid. | Saturni                 | 61.       |
| nativum an detur?          | 28.   | Tolutanum               | 282.      |
| rubrum                     | 29.   | Verum                   | 280.      |
| Arthanita                  | 107.  | Banillia                | 190.      |
| Arum                       | 129.  | Barometra qui parentur? | 67.       |
| Asarum                     | ibid. | Basaltis                | 41.       |
| Asparagi semen             | 97.   | Bazgendge               | 231.      |
| Asphaltum                  | 23.   | Bdellium                | 257.      |
| Asa dulcis                 | 243.  | Beculo Beloculo         | 99.       |
| fætida unde oriatur?       | 242.  | Been album              | 123.      |
| qui colligatur?            | 246.  | rubrum                  | ibid.     |
| Astrum CC.                 | 300.  | Belemnites              | 40.       |
| Astroites lapis            | 50.   | Benzoe                  | 243.      |
| Assurum                    | 44.   | Bergamoto               | 211.      |
| cinereum                   | ibid. | Bergerac                | 205.      |
| Atramentum commune         | 17.   | Bernicle                | 327.      |
| Sinense                    | ibid. | Bexuquillo              | 99.       |
| Avanturina                 | 55.   | Bezetta cærul.          | 366.      |
| Avis Cinnamolcus an detur? | 599.  | rubra                   | ibid.     |
| Avis Rhinoceros            | 295.  | Bezoar equinum          | 303.      |
| Aves Paradisiacæ           | 324.  | Germanicum              | 313.      |
| Regie                      | 325.  | mulinum                 | 304.      |
| Aurantia com. mala         | 212.  | Occidentale             | 312.      |
| bergamoto dicta            | 215.  | Orientale               | 308. 498. |
| Sinensia                   | 213.  | simiarum                | 294.      |
| Auricula flos              | 197.  | vaccinum & bovinum      | 304.      |
| Auripigmentum              | 28.   | Bezoardicum animale     | 356.      |
| Aurum                      | 51.   | minerale                | 67.       |
| albicans                   | ibid. | Bismuthum               | 64.       |
| foliatum in libellis       | 51.   | Bitumen Judaicum        | 23.       |
| libris                     | 51.   | Blanc d'Espagne         | 64.       |
| finum                      | ibid. | de Perle                | ibid.     |
| mistum                     | ibid. | Blatta Bizantina        | 353.      |
|                            |       | Bois                    |           |



# I N D E X.

|                                  |              |                                      |              |
|----------------------------------|--------------|--------------------------------------|--------------|
| <i>Bois de Palile</i>            | 268.         | <i>Cardamomum majus</i>              | 86.          |
| <i>Boletus cervinus</i>          | 300.         | <i>                  maximum</i>     | <i>ibid.</i> |
| <i>Bolus Armenia</i>             | 3.           | <i>                  minus</i>       | <i>ibid.</i> |
| <i>Leiningensis</i>              | <i>ibid.</i> | <i>                  triangulare</i> | 401.         |
| <i>Toccaviensis</i>              | 2.           | <i>Carduus benedictus</i>            | 162.         |
| <i>Bombax</i>                    | 240.         | <i>Carice</i>                        | 221.         |
| <i>Boramez</i>                   | 321.         | <i>Carlina</i>                       | 113.         |
| <i>Borrax Venetorum</i>          | 14.          | <i>an delasset?</i>                  | <i>ibid.</i> |
| <i>Botargum</i>                  | 343.         | <i>Carminum</i>                      | 364.         |
| <i>Botritis Cadmia</i>           | 55.          | <i>Carneolus</i>                     | 33.          |
| <i>Brasilienfe lignum</i>        | 189.         | <i>Carpo-balsamum</i>                | 280.         |
| <i>Broullamini</i>               | 3.           | <i>Carthamus</i>                     | 163.         |
| <i>Bryonia communis</i>          | 169.         | <i>Carui semen</i>                   | 83.          |
| <i>Indica</i>                    | 103.         | <i>Caryophylli aromatici</i>         | 202.         |
| <i>Bubalus Indicus</i>           | 300.         | <i>Regii genuini</i>                 | 203.         |
| <i>Butyrum ♂</i>                 | 67.          | <i>spurii</i>                        | 204.         |
|                                  |              | <i>sylvestres</i>                    | 449.         |
|                                  |              | <i>Cassia Aegyptiaca</i>             | 234.         |
| <i>Cacao</i>                     | 195.         | <i>Brasilienfis</i>                  | <i>ibid.</i> |
| <i>Cadmia fossilis metallica</i> | 23.          | <i>Caryophyllata</i>                 | 172.         |
| <i>botritis</i>                  | 55.          | <i>Cinamomea</i>                     | 171.         |
| <i>nativa metalli expers</i>     | 44.          | <i>fistula</i>                       | 234.         |
| <i>factitia</i>                  | 55.          | <i>lignea</i>                        | 171.         |
| <i>ostracitis</i>                | 55.          | <i>an necessaria?</i>                | 604.         |
| <i>Caffe</i>                     | 194. 576.    | <i>pro clyst. extracta</i>           | 233.         |
| <i>Cajofanga</i>                 | 99.          | <i>Cassia flos</i>                   | 234.         |
| <i>Calambac</i>                  | 179.         | <i>Cassonada</i>                     | 167.         |
| <i>Calaminaris lapis</i>         | 44.          | <i>Cassutha</i>                      | 147.         |
| <i>Calamita bianca</i>           | 255.         | <i>Castaneæ</i>                      | 222.         |
| <i>Calamus aromaticus</i>        | 118. 415.    | <i>Castoreum</i>                     | 331.         |
| <i>sacchariferus</i>             | 166.         | <i>Casuarinus</i>                    | 323.         |
| <i>Calbahâr cinereum</i>         | 506.         | <i>Casuaria arbos</i>                | 403.         |
| <i>nigrum</i>                    | 501.         | <i>Cataputia</i>                     | 237.         |
| <i>rubrum</i>                    | 507.         | <i>Catechu f. catfio</i>             | 387.         |
| <i>Calculus humanus</i>          | 292.         | <i>Cajous</i>                        | 208.         |
| <i>Callimus lapis</i>            | 47.          | <i>Caviarium</i>                     | 343.         |
| <i>Calloti</i>                   | 19.          | <i>rubrum</i>                        | 344.         |
| <i>Camelus</i>                   | 296. 566.    | <i>Cedrus</i>                        | 187.         |
| <i>Camphora</i>                  | 249.         | <i>libani</i>                        | 188.         |
| <i>Borneana</i>                  | <i>ibid.</i> | <i>Cedria</i>                        | 188.         |
| <i>Japanensis</i>                | <i>ibid.</i> | <i>Cedro</i>                         | 212.         |
| <i>Cancamum</i>                  | 254.         | <i>Cera alba</i>                     | 359.         |
| <i>Canella</i>                   | 173.         | <i>citrina</i>                       | <i>ibid.</i> |
| <i>alba</i>                      | 175.         | <i>flava</i>                         | <i>ibid.</i> |
| <i>de Milano</i>                 | 174.         | <i>rubra</i>                         | 360.         |
| <i>Canelle matte</i>             | 173.         | <i>sigillat. Hispan.</i>             | 277.         |
| <i>Cancro fluviales</i>          | 348.         | <i>Chinensis</i>                     | 278.         |
| <i>marini</i>                    | <i>ibid.</i> | <i>Ceraforum gummi</i>               | 269.         |
| <i>Cancrorum marinorum chela</i> | <i>ibid.</i> | <i>Ceratonia</i>                     | 216.         |
| <i>oculi</i>                     | 348.         | <i>Ceraunia</i>                      | 40.          |
| <i>Canis marinus</i>             | 342.         | <i>metallica</i>                     | 41. 403.     |
| <i>Cantharides</i>               | 359.         | <i>Cervus</i>                        | 298.         |
| <i>Canna saccharifera</i>        | 168.         | <i>Cervinum bezoar</i>               | 299.         |
| <i>Caphura</i>                   | 249.         | <i>cornu</i>                         | <i>ibid.</i> |
| <i>Capilli Veneris</i>           | 146.         | <i>lachryma</i>                      | <i>ibid.</i> |
| <i>Syrup.</i>                    | <i>ibid.</i> | <i>os de corde</i>                   | <i>ibid.</i> |
| <i>Capoc</i>                     | 241. 403.    | <i>Cerussa</i>                       | 59.          |
| <i>Cappares</i>                  | 230.         | <i>antimonii</i>                     | 67.          |
| <i>Capsicum</i>                  | 206.         | <i>nigra</i>                         | 58.          |
| <i>Carabe</i>                    | 26.          | <i>Ceterach</i>                      | 169.         |
| <i>Caranna</i>                   | 257.         | <i>Chalcitis</i>                     | 18.          |
| <i>Caraque</i>                   | 195.         |                                      |              |
| <i>Carbunculus</i>               | 32.          |                                      |              |



# I N D E X.

|                                   |           |                                  |           |
|-----------------------------------|-----------|----------------------------------|-----------|
| <i>Chalybs</i>                    | 61.       | <i>Cornua Ammonis</i>            | 50.       |
| <i>Chagrin</i>                    | 304.      | <i>Cornu Alcis</i>               | 298.      |
| <i>Chaquerille</i>                | 175.      | <i>Cervi</i>                     | 208.      |
| <i>Chamaleon</i>                  | 355.      | <i>Philos. calcin.</i>           | 299.      |
| <i>Chamapythhis</i>               | 168.      | <i>ustum</i>                     | ibid.     |
| <i>Chamomilla Romana</i>          | ibid.     | <i>Rhinocerotis</i>              | 295.      |
| <i>vulgaris</i>                   | ibid.     | <i>Corona serpentum</i>          | 349.      |
| <i>Charta Hispanica</i>           | 366.      | <i>Cortex bugie</i>              | 188.      |
| <i>Chermes</i>                    | 209.      | <i>Cortices capparum</i>         | 230.      |
| <i>China rad.</i>                 | 112.      | <i>Caryophyllod.</i>             | 172.      |
| <i>China China genuina</i>        | 176.      | <i>Culit larvan</i>              | 284. 450. |
| <i>spagyrica</i>                  | 178.      | <i>granatorum</i>                | 161.      |
| <i>spuria</i>                     | 177.      | <i>ligni sancti</i>              | 182.      |
| <i>Chocolata</i>                  | 195.      | <i>mandragora</i>                | 129.      |
| <i>Chrysocolla</i>                | 56.       | <i>massoy</i>                    | 397.      |
| <i>Chrysolithus</i>               | 33.       | <i>tamarisci</i>                 | 184.      |
| <i>Cicer</i>                      | 97.       | <i>thymiamatis</i>               | 256.      |
| <i>Cichorium</i>                  | 129.      | <i>Wintheran.</i>                | 175.      |
| <i>Cinnamomum</i>                 | 173. 441. | <i>Cosmeticum Cluvii</i>         | 64.       |
| <i>Cinnabaris antimonii</i>       | 67.       | <i>Costa sartoria</i>            | 334.      |
| <i>factitia</i>                   | 69.       | <i>Costus albus</i>              | 176.      |
| <i>nativa</i>                     | 68.       | <i>Arabicus</i>                  | 115.      |
| <i>Cingulum Mercuriale</i>        | 68.       | <i>amarus</i>                    | ibid.     |
| <i>Cineres Jovis</i>              | 57.       | <i>corticofus</i>                | 176.      |
| <i>Cinis insectorius</i>          | 18.       | <i>dulcis</i>                    | 115.      |
| <i>clavellatus</i>                | 19.       | <i>ventricosus</i>               | 176.      |
| <i>Citrus</i>                     | 211.      | <i>Cranium humanum</i>           | 291.      |
| <i>Citrulli semen</i>             | 97.       | <i>Crayon</i>                    | 58.       |
| <i>Clematis Ind. fol. Persica</i> | 389.      | <i>Craye de Briançon</i>         | 6.        |
| <i>Clincant</i>                   | 55.       | <i>Creta</i>                     | 6.        |
| <i>Cnicus</i>                     | 163.      | <i>Umbria</i>                    | ibid.     |
| <i>Coatli</i>                     | 184.      | <i>Cremor ♀</i>                  | 210.      |
| <i>Cobaltum</i>                   | 27.       | <i>Crocodilaster cristatus</i>   | 331.      |
| <i>Coccionella</i>                | 364.      | <i>Crocus ♂</i>                  | 62.       |
| <i>sunt chrysalides insect.</i>   | ibid.     | <i>metallorum</i>                | 66.       |
| <i>Coccognidium</i>               | 97.       | <i>vegetabilis</i>               | 162.      |
| <i>Cocus</i>                      | 223.      | <i>Crystallus</i>                | 34.       |
| <i>Maldiviensis</i>               | 224.      | <i>montana</i>                   | ibid.     |
| <i>Cocculi de Levante</i>         | ibid.     | <i>Crystalli aris</i>            | 56.       |
| <i>Ceruleum montanum</i>          | 42.       | <i>D</i>                         | 53.       |
| <i>Berolinense</i>                | ibid.     | <i>Tartari</i>                   | 220.      |
| <i>Coffi</i>                      | 196.      | <i>Cubeba</i>                    | 206.      |
| <i>Colcothar ☉</i>                | 18.       | <i>Cucumeris semen</i>           | 97.       |
| <i>Colocyntthis</i>               | 236.      | <i>Cucurbita semen</i>           | ibid.     |
| <i>Colophonium</i>                | 285.      | <i>Culilavvan</i>                | 172.      |
| <i>Colla piscium</i>              | 343.      | <i>Cuminum</i>                   | 83.       |
| <i>Colubrinum lignum</i>          | 191.      | <i>Æthiopicum</i>                | ibid.     |
| <i>Concha anatifera</i>           | 327.      | <i>Cuprum</i>                    | 54.       |
| <i>Conchilia varia</i>            | 354.      | <i>Cuscuta</i>                   | 147.      |
| <i>Conchites</i>                  | 50.       | <i>Cutis humana</i>              | 293.      |
| <i>Confectio alkermes</i>         | 210.      | <i>Cymolia terra</i>             | 2.        |
| <i>anacardina</i>                 | 207.      | <i>Cyperus longus</i>            | 122.      |
| <i>Contrayerva</i>                | 110.      | <i>rotundus</i>                  | ibid.     |
| <i>Copal</i>                      | 255.      | <i>Cystedolithus</i>             | 45.       |
| <i>Corallia alba</i>              | 75.       | <i>D.</i>                        |           |
| <i>nigra</i>                      | 76.       | <i>Dactyli qui colligantur ?</i> | 215.      |
| <i>rubra</i>                      | 75.       | <i>Daucus Creticus</i>           | 79.       |
| <i>Corallina</i>                  | 76.       | <i>nostras</i>                   | 97.       |
| <i>Cordis cervi ossa</i>          | 299.      | <i>Dentali</i>                   | 354.      |
| <i>Coriandrum</i>                 | 86.       | <i>Dentes apri</i>               | 317.      |
| <i>Corium alcis</i>               | 298.      | <i>castorei</i>                  | 331.      |
|                                   |           | <i>Den-</i>                      |           |



I N D E X.

P p pp 3



# I N D E X.

|                                  |              |                                    |              |
|----------------------------------|--------------|------------------------------------|--------------|
| <i>Gummi ladanum</i>             | 270.         | <i>Lacerta volantes</i>            | 355.         |
| <i>sandaracha</i>                | 188.         | <i>Lacmus</i>                      | 152.         |
| <i>senega</i>                    | 269.         | <i>Ladanum</i>                     | 271.         |
| <i>serapinum</i>                 | 251.         | <i>Lamina ferrea</i>               | 61.          |
| <i>Tacamahaca</i>                | 258.         | <i>Lapis aetites</i>               | 47.          |
| <i>Gypsum</i>                    | 41.          | <i>Geodes</i>                      | 47.          |
| H.                               |              | <i>hydrotides</i>                  | 47.          |
| <i>Hematites</i>                 | 31.          | <i>amianthus</i>                   | 37.          |
| <i>Hepar antimonii</i>           | 66.          | <i>Armenus</i>                     | 42.          |
| <i>lapidis alb.</i>              | 3.           | <i>alabastrum</i>                  | 41.          |
| <i>rubr.</i>                     | <i>ibid.</i> | <i>asbestus</i>                    | 37.          |
| <i>vipera</i>                    | 356.         | <i>astroites</i>                   | 50.          |
| <i>Herba Moluccana</i>           | 422.         | <i>belemnites</i>                  | 40.          |
| <i>Herbae variae officinales</i> | 169. 170.    | <i>Bononiensis</i>                 | 39.          |
| <i>Hermodytylus</i>              | 107.         | <i>busoninus</i>                   | 47. 48.      |
| <i>Hippolithus</i>               | 303.         | <i>calaminaris</i>                 | 44.          |
| <i>Hippopotamus</i>              | 329.         | <i>carneolus</i>                   | 33.          |
| <i>Hirculus</i>                  | 162.         | <i>Caymanum</i>                    | 331.         |
| <i>Hostia</i>                    | 95.          | <i>crystallus</i>                  | 34.          |
| <i>Houatte</i>                   | 241.         | <i>contrayerva</i>                 | 110.         |
| <i>Hyacinthus</i>                | 32.          | <i>cordialis Ind. Orient.</i>      | 497.         |
| <i>Hydrargyron</i>               | 67.          | <i>filtrum</i>                     | 45.          |
| <i>Hydrotites lapis</i>          | 47.          | <i>fuscus</i>                      | 36.          |
| <i>Hysterolithus</i>             | 47.          | <i>Florentinus</i>                 | 42.          |
| <i>Hypocistis</i>                | 270.         | <i>fulminaris major</i>            | 40.          |
| I.                               |              | <i>minor</i>                       | <i>ibid.</i> |
| <i>Jasminum</i>                  | 171.         | <i>metallicus</i>                  | 41. 403.     |
| <i>Jaspis</i>                    | 33.          | <i>Gamaicu</i>                     | 38.          |
| <i>Ichthyocolla</i>              | 343.         | <i>Gratianopolitanus pretiosus</i> | 33.          |
| <i>Jecco</i>                     | 455.         | <i>hematites</i>                   | 36.          |
| <i>Imperatoria radix</i>         | 129.         | <i>Histricinus</i>                 | 318.         |
| <i>Inde flottante</i>            | 9.           | <i>hystericus</i>                  | 47.          |
| <i>Indigo Dominico</i>           | 10.          | <i>infernalis</i>                  | 18.          |
| <i>lauro</i>                     | 9.           | <i>Islebiensis cum herb.</i>       | 54.          |
| <i>platto xerquies</i>           | <i>ibid.</i> | <i>pisc.</i>                       | 54.          |
| <i>quatimalo</i>                 | 10.          | <i>Judaicus</i>                    | 39.          |
| <i>Ipecacuanha</i>               | 99.          | <i>lazuli</i>                      | 42.          |
| <i>Iris Florentina</i>           | 117.         | <i>lydius</i>                      | 41.          |
| <i>lapis s. minera</i>           | 54.          | <i>lyncis</i>                      | 40.          |
| <i>Isatis sativa</i>             | 151.         | <i>magnes</i>                      | 35.          |
| <i>Judaicum bitumen</i>          | 23.          | <i>manati</i>                      | 333.         |
| <i>Judaicus lapis</i>            | 39.          | <i>medicamentosus</i>              | 18.          |
| <i>Jujuba</i>                    | 214.         | <i>mesticas Ind.</i>               | 403.         |
| <i>Juncus odoratus</i>           | 403.         | <i>Mexicanus</i>                   | 45.          |
| <i>Juniperi bacca</i>            | 188.         | <i>mirabilis</i>                   | 18.          |
| <i>Malvaticum</i>                | <i>ibid.</i> | <i>molybdites</i>                  | 58.          |
| ⊖                                | <i>ibid.</i> | <i>nephriticus</i>                 | 33.          |
| <i>spiritus &amp; oleum</i>      | <i>ibid.</i> | <i>ophites</i>                     | 42.          |
| <i>Juniperus major</i>           | 188.         | <i>osteocolla</i>                  | 45.          |
| <i>minor</i>                     | <i>ibid.</i> | <i>parius</i>                      | 41.          |
| K.                               |              | <i>parvoniis</i>                   | 42.          |
| <i>Kapoc</i>                     | 241.         | <i>porcinus</i>                    | 318.         |
| <i>Kafura</i>                    | 410.         | <i>porphyrites</i>                 | 41.          |
| <i>Kermes</i>                    | 208.         | <i>prunella</i>                    | 15.          |
| <i>Kodreti Benna</i>             | 281.         | <i>pumex</i>                       | 45.          |
| L.                               |              | <i>sabulosus Palatinus</i>         | 50.          |
| <i>Lacca</i>                     | 276.         | <i>sarda</i>                       | 33.          |
| <i>Florentina</i>                | 366.         | <i>schistus alb.</i>               | 13.          |
| <i>in globulis</i>               | <i>ibid.</i> | <i>commun.</i>                     | 36.          |
| <i>Lactis saccharum</i>          | 301.         | <i>pellucid.</i>                   | 13.          |
| <i>Lac Luna</i>                  | 3.           | <i>smiris</i>                      | 36.          |
|                                  |              | <i>Lapis</i>                       |              |



# I N D E X.

|                                     |         |                                    |               |
|-------------------------------------|---------|------------------------------------|---------------|
| <i>Lapis Schvvarzvvaldensis cum</i> |         | <i>Lithopadium Senonense</i>       | 293.          |
| fig. plant.                         | 34.     | <i>Lucerne</i>                     | 93.           |
| <i>Serpentinus</i>                  | 41.     | <i>Ludus Helmontii</i>             | 292.          |
| <i>specularis</i>                   | 34.     | <i>Lupini</i>                      | 97.           |
| <i>spongiae</i>                     | 45. 74. | <i>Lycium Indicum</i>              | 269.          |
| <i>Theamedes</i>                    | 35.     | <i>Lycopodium</i>                  | 153.          |
| <i>Thracius</i>                     | 27.     | <i>Lyncurius lapis</i>             | 40.           |
| <i>Turcois</i>                      | 33.     |                                    |               |
| <i>variolatus</i>                   | 38.     | M.                                 |               |
| <i>violaceus</i>                    | 39.     | <i>Macis</i>                       | 201.          |
| <i>Laferpitium</i>                  | 242.    | oleum                              | 202.          |
| <i>Lavendula</i>                    | 161.    | <i>Magdaleones ferri</i>           | 61.           |
| <i>Lauri bacca</i>                  | 221.    | <i>Magnesia</i>                    | 29.           |
| folia                               | 220.    | alba                               | 15.           |
| oleum                               | 221.    | <i>Magnes</i>                      | 35.           |
| <i>Lazuli lapis</i>                 | 42.     | arsenicalis                        | 29.           |
| <i>Levistici radix</i>              | 129.    | <i>Magisterium jalappa</i>         | 103.          |
| <i>Lichen</i>                       | 153.    | Jovis                              | 58.           |
| <i>Lignum acajoux</i>               | 192.    | marcasita                          | 64.           |
| agallochum                          | 179.    | Saturni                            | 61.           |
| aloes                               | ibid.   | terra sigillata                    | 2.            |
| ambratum                            | 192.    | <i>Majorana</i>                    | 169.          |
| ancillarum                          | ibid.   | <i>Mala aurantia</i>               | 212.          |
| asphaltum                           | 180.    | maxima                             | ibid.         |
| <i>Brasilium</i>                    | 189.    | Sinensis                           | 213. 648.     |
| caliaturicum                        | 412.    | citria                             | 210. 630.     |
| campefchanum                        | 190.    | limonia                            | 211.          |
| camphoratum                         | 192.    | Bergamoto                          | ibid.         |
| carabaccinum                        | 192.    | Punica                             | 160. 653.     |
| cedri                               | 187.    | <i>Malabathrum</i>                 | 143.          |
| colubrinum                          | 191.    | <i>Malachites</i>                  | 33.           |
| ebenum                              | ibid.   | <i>Malicorium</i>                  | 160.          |
| <i>Fernambucum</i>                  | 189.    | <i>Maltha</i>                      | 24.           |
| fustel                              | 191.    | <i>Malva</i>                       | 169.          |
| <i>Guajacum</i>                     | 181.    | <i>Malvaticum juniperi</i>         | 183.          |
| spurium                             | 182.    | <i>Manati</i>                      | 333.          |
| <i>juniperinum</i>                  | 188.    | lapis                              | ibid.         |
| <i>lentiscinum</i>                  | 185.    | <i>Manna de Brianfon</i>           | 261.          |
| <i>literatum</i>                    | 191.    | <i>Manna calabrina</i>             | 261.          |
| <i>Moluccense</i>                   | 191.    | liquida                            | 262.          |
| <i>nephriticum</i>                  | 184.    | masticina                          | 188.          |
| <i>Panava s. Pavana</i>             | 191.    | montis                             | 261.          |
| <i>Rhodinum</i>                     | 180.    | <i>Persarum</i>                    | 566.          |
| <i>Sambaram</i>                     | 192.    | <i>Mandragora</i>                  | 127.          |
| <i>sanctum</i>                      | 181.    | <i>Manucodiata</i>                 | 324.          |
| <i>sandalum album</i>               | 186.    | <i>Misc. Digbaei ubi lateant ?</i> | 18.           |
| flavum                              | ibid.   | <i>Marchasita</i>                  | 64.           |
| rubrum                              | ibid.   | argentea                           | ibid.         |
| japan                               | 190.    | aurea                              | ibid.         |
| sassafras                           | 182.    | <i>Marchasita magisterium</i>      | 64.           |
| tamarisci                           | 183.    | <i>Marga saxatilis</i>             | 3.            |
| <i>Lilium convallium</i>            | 171.    | <i>Margarita Occident.</i>         | 352.          |
| <i>Limatura ♂</i>                   | 62.     | Orientales                         | 351.          |
| <i>Lini semen</i>                   | 97.     | sunt ovula                         | ibid.         |
| <i>Linum catarteticum</i>           | 423.    | <i>Margaritarum augmentum</i>      | 352.          |
| <i>Linguae Melitenses</i>           | 50.     | piscatio                           | 350.          |
| <i>Linteum incombusibile</i>        | 37.     | <i>Marmor</i>                      | 41.           |
| <i>Liquidambra</i>                  | 256.    | <i>Maroquin</i>                    | 276.          |
| <i>Liquiritia</i>                   | 117.    | <i>Mare lacteum</i>                | 423.          |
| <i>Lithargyrium argenteum</i>       | 60.     | <i>Mars</i>                        | 61.           |
| aureum                              | 60.     |                                    |               |
|                                     |         |                                    | <i>Martis</i> |



# I N D E X.

|   |            |   |           |
|---|------------|---|-----------|
| <i>Martis minera</i>                    | 61.        | N.  |           |
| <i>                    solaris</i>      | 4.         | <i>Naphtha</i>  | 24.       |
| <i>Marum verum</i>                      | 145.       | <i>Napi semen</i>   | 97.       |
| <i>Massicot</i>                         | 60.        | <i>Nardus Celtica</i>                                     | 161.      |
| <i>Mastiche</i>                         | 185.       | <i>                    Indica</i>                         | 161.      |
| <i>                    rubra</i>        | ibid.      | <i>Nasturtii semen</i>                                    | 97.       |
| <i>Mater perlarum</i>                   | 353.       | <i>Natrum Ægyptiacum</i>                                  | 14.       |
| <i>Mazatli</i>                          | 192.       | <i>Nephriticum lignum</i>                                 | 184.      |
| <i>Mechoacanna alba</i>                 | 103.       | <i>                    lapis</i>                          | 33.       |
| <i>                    nigra</i>        | ibid.      | <i>Neroli</i>   | 213.      |
| <i>Medulla crurum vituli</i>            | 302.       | <i>Nicotiana</i>  | 148.      |
| <i>Melanteria</i>                       | 18.        | <i>Nidi avis Indici</i>                                   | 328.      |
| <i>Melaquette</i>                       | 87. 190.   | <i>Nigella</i>  | 9.        |
| <i>Metallum</i>                         | 54.        | <i>Nihilum album</i>                                      | 55.       |
| <i>Mel</i>                              | 359.       | <i>Nitrum</i>   | 14.       |
| <i>Melanthium</i>                       | 9.         | <i>                    fixum</i>                          | 15.       |
| <i>Melissa</i>                          | 169.       | <i>                    præparatum</i>                     | ibid.     |
| <i>                    Batavica</i>     | 424.       | <i>                    spiritus</i>                       | 15.       |
| <i>Melligette</i>                       | 87.        | <i>                                    anticolicus</i>    | ibid.     |
| <i>Melonum semen</i>                    | 97.        | <i>Noir d'Allemagne</i>                                   | 219.      |
| <i>Mercurialis aqua</i>                 | 69.        | <i>                    d'Espagne</i>                      | 178.      |
| <i>                    cingulum</i>     | ibid.      | <i>Nux avellana</i>                                       | 228.      |
| <i>Mercurius dulcis</i>                 | 70.        | <i>                    ben</i>                            | 228.      |
| <i>                    precipitatus</i> | ibid.      | <i>                    cocus</i>                          | 223.      |
| <i>                    resuscitatus</i> | 67.        | <i>                                    Maldiv.</i>        | 224.      |
| <i>                    sublimatus</i>   | 69.        | <i>                    Indica condita</i>                 | 201.      |
| <i>                    virgineus</i>    | 67.        | <i>                    Lampertiana</i>                    | 228.      |
| <i>                    vita</i>         | 67.        | <i>                    moschata mas</i>                   | 200.      |
| <i>                    vivus</i>        | 67.        | <i>                                    fœmina</i>         | 199.      |
| <i>Messis cinamomi</i>                  | 439.       | <i>                                    Regia</i>          | 200.      |
| <i>Mexachuchitl</i>                     | 205.       | <i>                                    qui plantetur?</i> | 452.      |
| <i>Mezereum</i>                         | 106.       | <i>                    pineæ</i>                          | 226.      |
| <i>Milium Solis</i>                     | 97.        | <i>                    ponticæ</i>                        | 228.      |
| <i>Minera ♂ Hassiaca</i>                | 4.         | <i>                    vomica officin.</i>                | 225. 388. |
| <i>                    Mercurii</i>     | 67.        | <i>                                    vera Antiq.</i>    | ibid.     |
| <i>Minium</i>                           | 59.        | O.  |           |
| <i>Misy</i>                             | 18.        | <i>Oblata</i>   | 95.       |
| <i>Molochites</i>                       | 42.        | <i>Ochra</i>  | 5.        |
| <i>Momordica</i>                        | 240.       | <i>                    Anglica</i>                        | ibid.     |
| <i>Moncus radix</i>                     | 404. 536.  | <i>                    plumbaria</i>                      | 559.      |
| <i>Moschus</i>                          | 306.       | <i>                                    factitia</i>       | 59.       |
| <i>Moxa</i>                             | 154. 432.  | <i>Oculi cancri</i>                                       | 248.      |
| <i>Mumia</i>                            | 287.       | <i>                    Serpent. Melitensium</i>           | 50.       |
| <i>                    alba</i>         | ibid.      | <i>Oesypus</i>  | 322.      |
| <i>                    nativa</i>       | 288.       | <i>Oleum de Cade</i>                                      | 188.      |
| <i>Muminahi</i>                         | ibid. 490. | <i>                    cinamomi</i>                       | 174.      |
| <i>Mures montani</i>                    | 316.       | <i>                    lacertorum</i>                     | 355.      |
| <i>Mures marini</i>                     | 347.       | <i>                    laurinum</i>                       | 221.      |
| <i>Musa</i>                             | 143.       | <i>                    nucist. destill.</i>               | 201.      |
| <i>Muscerda</i>                         | 5.         | <i>                                    expr.</i>          | 201.      |
| <i>                    moschata</i>     | 387.       | <i>                    olibani</i>                        | 254.      |
| <i>Muscus arboreus</i>                  | 153.       | <i>                    olivarium</i>                      | 229.      |
| <i>                    cran. hum.</i>   | 291.       | <i>                    omphacinum</i>                     | ibid.     |
| <i>                    fontanus</i>     | 153.       | <i>                    palma</i>                          | 216.      |
| <i>                    terrestris</i>   | 153.       | <i>                    petræ album</i>                    | 25.       |
| <i>Myrrha</i>                           | 252.       | <i>                                    nigrum</i>         | ibid.     |
| <i>Myrobalani</i>                       | 232. 233.  | <i>                                    rubrum</i>         | 25.       |
| <i>                    chebula</i>      | 233.       | <i>Rhodinum</i>   | 181.      |
| <i>                    citrina</i>      | ibid.      | <i>                    scorpionum</i>                     | 355.      |
| <i>                    Bellerica</i>    | ibid.      | <i>                    ♀</i>                              | 221.      |
| <i>                    Emblica</i>      | ibid.      | <i>                    terra</i>                          | 25.       |
| <i>                    Indæ</i>         | ibid.      | <i>Oliba</i>  |           |



# I N D E X.

|                               |           |                                     |           |
|-------------------------------|-----------|-------------------------------------|-----------|
| <i>Olibanum</i>               | 254.      | <i>Phœnix avis an detur?</i>        | 546.      |
| <i>Olive</i>                  | 229.      | <i>Persicus</i>                     | 545.      |
| <i>Omphacinum</i>             | 219.      | <i>Phosphorus</i>                   | 289.      |
| <i>Onosma</i>                 | 126.      | <i>Pierre pretieuse de Grenoble</i> | 33.       |
| <i>Opalus</i>                 | 33.       | <i>Pila Damarum</i>                 | 313.      |
| <i>Opium</i>                  | 271.      | <i>marina</i>                       | 73.       |
| <i>Ophites</i>                | 41.       | <i>Pilula Francofurtenses</i>       | 260.      |
| <i>Opobalsamum</i>            | 279.      | <i>Pimenta de Chiapa</i>            | 173.      |
| <i>Opopanax</i>               | 251.      | <i>Pinea Indica</i>                 | 192.      |
| <i>Orcanette</i>              | 126.      | <i>Pini nuces</i>                   | 284.      |
| <i>Orichalcum</i>             | 55.       | <i>resina</i>                       | 285.      |
| <i>Orseille de Lyon</i>       | 152.      | <i>Piper Æthiopicum</i>             | 206.      |
| <i>Orleana humida</i>         | 7.        | <i>album</i>                        | 205.      |
| <i>sicca</i>                  | ibid.     | <i>Hispanicum</i>                   | 206.      |
| <i>Oriza</i>                  | 95.       | <i>Jamaicense</i>                   | 205.      |
| <i>Os de corde cervi</i>      | 299.      | <i>longum</i>                       | 205.      |
| <i>bovis</i>                  | 301.      | <i>nigrum</i>                       | 204.      |
| <i>sepia</i>                  | 342.      | <i>ut plantetur?</i>                | 480.      |
| <i>Osteocolla</i>             | 45.       | <i>Tabasci</i>                      | 173.      |
| <i>Hassiac</i>                | ibid.     | <i>Piscis Rhinoceros</i>            | 296.      |
| <i>Ostracitis</i>             | 50.       | <i>Pissasphaltum</i>                | 24.       |
| <i>cadmia</i>                 | 55.       | <i>Pisselaon</i>                    | 25.       |
| <i>Ostrutii radix</i>         | 129.      | <i>Pistacea</i>                     | 227.      |
| <i>Ova casuarii</i>           | 323.      | <i>Pix navalis</i>                  | 287.      |
| <i>cometica</i>               | 324.      | <i>liq. &amp; nigra</i>             | ibid.     |
| <i>rajarum</i>                | 347.      | <i>Placitis</i>                     | 55.       |
| <i>struthionum</i>            | 323.      | <i>Plumbago</i>                     | 58.       |
| <i>Oves Orientales maxima</i> | 322.      | <i>Plumbum</i>                      | 58.       |
| <i>Oxicedrus</i>              | 188.      | <i>foliatum album</i>               | 5.        |
|                               |           | <i>marinum</i>                      | ibid.     |
|                               |           | <i>minerale</i>                     | ibid.     |
|                               |           | <i>ustum</i>                        | 59.       |
| <b>P.</b>                     |           | <i>Poleponze</i>                    | 212.      |
| <i>Palma</i>                  | 216. 546. | <i>Polium montanum</i>              | 145.      |
| <i>Palmeira brava</i>         | 427.      | <i>Pompholix</i>                    | 55.       |
| <i>Palmites</i>               | 216.      | <i>Porphyrites</i>                  | 42.       |
| <i>Panacea laxativa</i>       | 15.       | <i>Potelot</i>                      | 58.       |
| <i>Mercurialis</i>            | 70.       | <i>Poudre Duc</i>                   | 201.      |
| <i>Pancratium</i>             | 128.      | <i>Priapus ceti</i>                 | 335.      |
| <i>Pancopal</i>               | 255.      | <i>Pruna de Brignole</i>            | 222.      |
| <i>Panis Aëtiticus</i>        | 47.       | <i>Damascena</i>                    | ibid.     |
| <i>Papaver album</i>          | 97.       | <i>silvestria</i>                   | 269.      |
| <i>nigrum</i>                 | ibid.     | <i>Pulmo vulpis</i>                 | 316.      |
| <i>rhoeas</i>                 | 171.      | <i>Pulmonaria arborea</i>           | 154.      |
| <i>Paradyfi grana</i>         | 87.       | <i>Pulpa cassia</i>                 | 234.      |
| <i>Pareira brava</i>          | 106. 509. | <i>Pulv. bezoardicus Anglicus</i>   | 10.       |
| <i>Passula majores</i>        | 217.      | <i>Imperialis</i>                   | 166.      |
| <i>minores</i>                | ibid.     | <i>pyrius</i>                       | 23.       |
| <i>Pavonum specula</i>        | 324.      | <i>sympatheticus</i>                | 16.       |
| <i>Pedra del porco</i>        | 218.      | <i>Pumex</i>                        | 45.       |
| <i>della cobra</i>            | 357.      | <i>Venetus</i>                      | ibid.     |
| <i>quadrata</i>               | 521.      | <i>Punicum malum</i>                | 160. 653. |
| <i>Perelle</i>                | 152.      | <i>Purpurina</i>                    | 55.       |
| <i>Perigueur</i>              | 31.       | <i>Pyrethrum</i>                    | 124.      |
| <i>Persicorum flores</i>      | 171.      | <i>Pyrites</i>                      | 64.       |
| <i>nuclei</i>                 | 97.       |                                     |           |
| <i>Pertica ferrea</i>         | 62.       |                                     |           |
| <i>Petroleum</i>              | 23.       |                                     |           |
| <i>Petroselinum hortense</i>  | 171.      |                                     |           |
| <i>Macedon.</i>               | 80.       |                                     |           |
| <i>Peucedani radix</i>        | 129.      |                                     |           |
| <i>Pezetta</i>                | 366.      |                                     |           |

Q.

|                |               |
|----------------|---------------|
| <i>Quercus</i> | 230.          |
| <i>viscus</i>  | ibid.         |
| <b>Qq qq</b>   | <b>R. Ra.</b> |



# I N D E X.

|                            |           |   |                              |            |
|----------------------------|-----------|---|------------------------------|------------|
| <b>R.</b>                  |           |   | <i>Ros Solis Taurinensis</i> | 607.       |
| <i>Radix acori adult.</i>  | 118.      |   | <i>Rubinus</i>               | 32.        |
| <i>nostr.</i>              | 118.      |   | <i>Rubrica</i>               | 7.         |
| <i>anthora</i>             | 115.      |   | <i>Ruscus</i>                | 169.       |
| <i>aristolochia long.</i>  | 125.      |   | <i>Rusma</i>                 | 29.        |
| <i>rotund.</i>             | 124.      |   |                              |            |
| <i>arthanita</i>           | 107.      |   | <b>S.</b>                    |            |
| <i>behen alb.</i>          | 123.      | <i>Sabina</i>                           |                              | 169.       |
| <i>rubr.</i>               | ibid.     | <i>Sacchari preparatio Ind. Orient.</i> |                              | 493.       |
| <i>Caapeba</i>             | 107. 582. | <i>Occident.</i>                        |                              | 169.       |
| <i>cardopatia</i>          | 113.      | <i>Saccharum Canariense</i>             |                              | 168.       |
| <i>Carlina</i>             | ibid.     | <i>Candum album</i>                     |                              | ibid.      |
| <i>China</i>               | 112.      | <i>rubrum</i>                           |                              | 169.       |
| <i>contrayerva</i>         | 110.      | <i>Cassonadum</i>                       |                              | 167.       |
| <i>cyclaminis</i>          | 107.      | <i>Maderiense</i>                       |                              | 168.       |
| <i>cyperi longi</i>        | 122.      | <i>de Mambu</i>                         |                              | 166.       |
| <i>rotundi</i>             | ibid.     | <i>Penidium</i>                         |                              | 169.       |
| <i>curcuma</i>             | 122.      | <i>Thomaum</i>                          |                              | 168.       |
| <i>doronici</i>            | 115.      | <i>Saturni</i>                          |                              | 61.        |
| <i>galang. major</i>       | 121.      | <i>Saccharum seri vel lactis</i>        |                              | 301.       |
| <i>minor</i>               | 122.      | <i>Safflor</i>                          |                              | 164.       |
| <i>helleb. alb.</i>        | 105.      | <i>Saffra</i>                           |                              | 29.        |
| <i>nigri</i>               | 104.      | <i>Safranum</i>                         |                              | 164.       |
| <i>jalappa</i>             | 103.      | <i>de Gatinois</i>                      |                              | 163.       |
| <i>ipecacuanha alb.</i>    | 99.       | <i>Sagapenum</i>                        |                              | 251.       |
| <i>nigr.</i>               | ibid.     | <i>an venenosum?</i>                    |                              | 251.       |
| <i>ireos Florentin.</i>    | 117.      | <i>Sagu arbor &amp; farina</i>          |                              | 435. seqq. |
| <i>nostr.</i>              | 129.      | <i>Sal alcali</i>                       |                              | 19.        |
| <i>liquiritia</i>          | 117.      | <i>amarum Epsbhamense</i>               |                              | 523.       |
| <i>mechoacanna</i>         | 103.      | <i>ammoniacum</i>                       |                              | 296.       |
| <i>meu</i>                 | 114.      | <i>commune fontanum</i>                 |                              | 11.        |
| <i>mongus</i>              | 536.      | <i>marinum</i>                          |                              | ibid.      |
| <i>Ninsing</i>             | 108.      | <i>gemma commune</i>                    |                              | 10.        |
| <i>pareira brava</i>       | 106.      | <i>rubrum</i>                           |                              | ibid.      |
| <i>pistolochia</i>         | 125.      | <i>hypochondriacum</i>                  |                              | 297.       |
| <i>pulsatilla</i>          | 113.      | <i>Indum</i>                            |                              | 11.        |
| <i>pyrethri</i>            | 124.      | <i>Jovis</i>                            |                              | 58.        |
| <i>rhabarb.</i>            | 100.      | <i>petra</i>                            |                              | 14.        |
| <i>Monach.</i>             | 101.      | <i>pyramid. Aegypti</i>                 |                              | 11.        |
| <i>rhapontici</i>          | 102.      | <i>tamarisci</i>                        |                              | 184.       |
| <i>rhodia</i>              | 130.      | <i>vitri</i>                            |                              | 20.        |
| <i>rub. tinctor.</i>       | 126.      | <i>Sandaracha miner.</i>                |                              | 29.        |
| <i>sarsaparilla</i>        | 111.      | <i>vegetab.</i>                         |                              | 188.       |
| <i>serpent. Virgin.</i>    | 109.      | <i>vera</i>                             |                              | 188.       |
| <i>thymelae</i>            | 106.      | <i>Sandix</i>                           |                              | 60.        |
| <i>varia officinales</i>   | 129.      | <i>Sanguis Draconis</i>                 |                              | 265.       |
| <i>viperina Virgin.</i>    | 109. 582. | <i>factitius</i>                        |                              | 266.       |
| <i>zedoaria</i>            | 120.      | <i>Martis Geilfus.</i>                  |                              | 53.        |
| <i>zingib.</i>             | 119.      | <i>Sandali vox unde?</i>                |                              | 385.       |
| <i>Rasura ligni sancti</i> | 181.      | <i>Sandalum alb.</i>                    |                              | 186.       |
| <i>Reilgar</i>             | 29.       | <i>citrinum</i>                         |                              | 186.       |
| <i>Resina</i>              | 285.      | <i>caeruleum</i>                        |                              | 184.       |
| <i>Resina Guajaci</i>      | 182.      | <i>rubrum</i>                           |                              | 186.       |
| <i>pini</i>                | 280.      | <i>Santonicum</i>                       |                              | 90.        |
| <i>Remora</i>              | 345.      | <i>Sapo communis</i>                    |                              | 301.       |
| <i>qui stupefaciat?</i>    | ibid.     | <i>Venetus</i>                          |                              | 301.       |
| <i>Rhinoceros</i>          | 295.      | <i>Saponetto odorifero</i>              |                              | 93.        |
| <i>Rhus</i>                | 153.      | <i>Sapphirus</i>                        |                              | 33.        |
| <i>Risigallo</i>           | 33.       | <i>Sarcocolla</i>                       |                              | 253.       |
| <i>Rochetta</i>            | 20.       | <i>Sarda</i>                            |                              | 33.        |
| <i>Rosa Hierochuntina</i>  | 78.       |   |                              | Sar-       |



# I N D E X.

|                                 |              |                                |              |
|---------------------------------|--------------|--------------------------------|--------------|
| <i>Sardella</i>                 | 343.         | <i>Solen</i>                   | 354.         |
| <i>Sarsaparilla</i>             | 111.         | <i>Sophisticatio Virginum</i>  | 13.          |
| <i>Sassafras</i>                | 182.         | <i>Soude</i>                   | 19.          |
| <i>Scammonium</i>               | 264.         | <i>Sory</i>                    | 18.          |
| <i>sulphurat.</i>               | <i>ibid.</i> | <i>Speauter</i>                | 65.          |
| <i>Scascarilla</i>              | 175.         | <i>Specularis lapis</i>        | 34.          |
| <i>Schagren</i>                 | 304.         | <i>Sperma ceti</i>             | 334.         |
| <i>Schoenanthum</i>             | 164. 403.    | <i>Sphærule saponaria Ind.</i> | 396.         |
| <i>adulterinum</i>              | 165.         | <i>Spica Celtica</i>           | 162.         |
| <i>Scilla</i>                   | 128.         | <i>hortensis</i>               | <i>ibid.</i> |
| <i>Scinci marini</i>            | 330.         | <i>Indica</i>                  | 161.         |
| <i>Sebesten</i>                 | 214.         | <i>Spiritus nitri</i>          | 15.          |
| <i>Secco vinum</i>              | 218.         | ⊗ *                            | 297.         |
| <i>Segrein</i>                  | 304.         | <i>terra sigill.</i>           | 6.           |
| <i>Selenites</i>                | 34.          | <i>vini</i>                    | 219.         |
| <i>Semen agni casti</i>         | 88.          | <i>rectificatus</i>            | <i>ibid.</i> |
| <i>ammicos</i>                  | 79.          | <i>vitrioli Philos.</i>        | 67.          |
| <i>anisi</i>                    | 81.          | <i>urina</i>                   | 297.         |
| <i>bombacis</i>                 | 241.         | <i>Spodium</i>                 | 55.          |
| <i>carui</i>                    | 83.          | <i>ex ebore</i>                | 294.         |
| <i>carthami</i>                 | 163.         | <i>Spongia Lune</i>            | 39.          |
| <i>cina</i>                     | 90. 388.     | <i>marina</i>                  | 74.          |
| <i>crithmi</i>                  | 97.          | <i>solis</i>                   | 39.          |
| <i>coriandri</i>                | 86.          | <i>Squilla arenaria</i>        | 349.         |
| <i>cumini</i>                   | 83.          | <i>marina vid. scilla</i>      |              |
| <i>dauci Cretici</i>            | 79.          | <i>Stacte</i>                  | 252.         |
| <i>florecauli</i>               | 91.          | <i>Stalactites</i>             | 50.          |
| <i>fœniculi</i>                 | 84.          | <i>Stannum</i>                 | 57.          |
| <i>foenugraci</i>               | 92.          | <i>cinereum</i>                | <i>ibid.</i> |
| <i>lycopodii</i>                | 153.         | <i>foliatum</i>                | 57.          |
| <i>Magaleppa</i>                | 93.          | <i>Stil de grain</i>           | 210.         |
| <i>medica</i>                   | <i>ibid.</i> | <i>Scinci marini</i>           | 331.         |
| <i>manna</i>                    | 97.          | <i>Stoechas Arabica</i>        | 164.         |
| <i>nigella</i>                  | 84.          | <i>citrina</i>                 | 165.         |
| <i>oriza</i>                    | 95.          | <i>Storax calamita</i>         | 255.         |
| <i>petroselinii Maced.</i>      | 80.          | <i>liquida</i>                 | 256.         |
| <i>ricini</i>                   | 237.         | <i>Struthio</i>                | 323.         |
| <i>santonici</i>                | 90.          | <i>Sturio</i>                  | 344.         |
| <i>saxifragie</i>               | 87.          | <i>Suber</i>                   | 178.         |
| <i>scorpioid.</i>               | 92.          | <i>Succinum album</i>          | 16.          |
| <i>seseli</i>                   | 80.          | <i>flavum</i>                  | <i>ibid.</i> |
| <i>staphisagria</i>             | 89.          | <i>nigrum</i>                  | 27.          |
| <i>thlaspios</i>                | 88.          | <i>Succolada</i>               | 195.         |
| <i>Semina varia officinarum</i> | 97.          | <i>Succus alkermer</i>         | 209.         |
| <i>Senna</i>                    | 50.          | <i>Succus liquiritia</i>       | 117.         |
| <i>folliculi</i>                | <i>ibid.</i> | <i>Sulphur auratum ♂</i>       | 66.          |
| <i>Serapinum gummi</i>          | 251.         | <i>caballinum</i>              | 22.          |
| <i>Sericum crud.</i>            | 361.         | <i>flavum</i>                  | 22.          |
| <i>Serpentaria Virginiana</i>   | 109.         | <i>scissile</i>                | 23.          |
| <i>Serra piscis</i>             | 347.         | <i>virgineum</i>               | 22.          |
| <i>Sesamum</i>                  | 97.          | <i>vivum</i>                   | 22.          |
| <i>Seseli Massil.</i>           | 80.          | <i>vitrioli anodynum</i>       | 29.          |
| <i>Sideritis lapis</i>          | 35.          | <i>Sulphuris balsamum</i>      | 23.          |
| <i>Sileris semen</i>            | 97.          | <i>flores</i>                  | 23.          |
| <i>Siliqua</i>                  | 216.         | <i>lac</i>                     | <i>ibid.</i> |
| <i>Siliquastrum</i>             | 206.         | <i>spiritus coagulat.</i>      | 22.          |
| <i>Smalta</i>                   | 30.          | <i>oleum</i>                   | 23.          |
| <i>Smaragdus</i>                | 33.          | <i>Sumac</i>                   | 153.         |
| <i>Smectis</i>                  | 6.           | <i>Syrupus</i>                 | 167.         |
| <i>Smiris</i>                   | 36.          | <i>granatorum</i>              | 161.         |
| <i>Soldanella</i>               | 169.         | <i>violarum adulter.</i>       | 152.         |
|                                 |              | <i>Qq qq 2</i>                 | T. 74        |



# I N D E X.

| T.                               |              |                               |              |
|----------------------------------|--------------|-------------------------------|--------------|
| <i>Tabacinus clyster</i>         | 149.         | <i>Thée Casareum</i>          | 133.         |
| <i>Tabacum</i>                   | 148.         | <i>commune</i>                | 132.         |
| <i>Tabaxir</i>                   | 168.         | <i>Japonense</i>              | 135.         |
| <i>Tacamahaca</i>                | 258.         | <i>Therma</i>                 | 72.          |
| <i>Talcum argenteum</i>          | 37.          | <i>artificiales</i>           | 73.          |
| <i>aureum</i>                    | 38.          | <i>Thora</i>                  | 115.         |
| <i>an oleum fundat?</i>          | <i>ibid.</i> | <i>Thus</i>                   | 253.         |
| <i>Tamarindi</i>                 | 235.         | <i>Thymiama</i>               | 256.         |
| <i>Tamarindus arbor</i>          | <i>ibid.</i> | <i>cortex</i>                 | <i>ibid.</i> |
| <i>Tamarisci cortex</i>          | 184.         | <i>Thymus</i>                 | 170.         |
| <i>lignum</i>                    | <i>ibid.</i> | <i>Tinct. benzoini</i>        | 244.         |
| <i>Tarantula</i>                 | 362.         | <i>Luna</i>                   | 53.          |
| <i>Tartarus albus</i>            | 219.         | <i>Martis</i>                 | 62.          |
| <i>chalyb.</i>                   | 220.         | <i>Solaris</i>                | 4.           |
| <i>emeticus</i>                  | <i>ibid.</i> | <i>Topasius</i>               | 33.          |
| <i>ruber</i>                     | 220.         | <i>Tormentilla</i>            | 129.         |
| <i>solubilis</i>                 | <i>ibid.</i> | <i>Torna sang. asin.</i>      | 304.         |
| <i>vitriolatus</i>               | 221.         | <i>Solis</i>                  | 153.         |
| <i>Tartari cremor.</i>           | 219.         | <i>Tornesol en pâte</i>       | 152.         |
| <i>crystalli</i>                 | <i>ibid.</i> | <i>pierre</i>                 | <i>ibid.</i> |
| <i>sal</i>                       | 220.         | <i>Torpedo</i>                | 345.         |
| <i>oleum p. d.</i>               | <i>ibid.</i> | <i>Tragacanth. album</i>      | 278.         |
| <i>Terebinthina com.</i>         | 284.         | <i>nigrum</i>                 | 279.         |
| <i>Cypria</i>                    | 283.         | <i>Tripolis</i>               | 5.           |
| <i>Veneta</i>                    | 284.         | <i>Trochisci albandal</i>     | 238.         |
| <i>Terra Aceldema</i>            | 4.           | <i>alkekengi</i>              | <i>ibid.</i> |
| <i>Adamica</i>                   | 4.           | <i>bedichroi</i>              | 145.         |
| <i>alba</i>                      | 5.           | <i>de viperis</i>             | 356.         |
| <i>antiscorb.</i>                | 4.           | <i>Tuba baccifera</i>         | 225.         |
| <i>catechu</i>                   | 4.           | <i>Tuber regium</i>           | 393.         |
| <i>Chia</i>                      | 2.           | <i>Turpethum</i>              | 104.         |
| <i>citrina</i>                   | 5.           | <i>minerale</i>               | 70.          |
| <i>Coloniensis</i>               | 6.           | <i>Tutia</i>                  | 55.          |
| <i>Cymolia</i>                   | 2.           | V.                            |              |
| <i>Japanica</i>                  | 4.           | <i>Vaniglia</i>               | 190.         |
| <i>Ilfana</i>                    | 4.           | <i>Ubi radzia</i>             | 393.         |
| <i>Novimberg. rubra</i>          | 6.           | <i>Veneris dealbatio</i>      | 55.          |
| <i>Sigillata Arabica</i>         | 1.           | <i>Venenum Macassaricense</i> | 434. 542.    |
| <i>Bohemica</i>                  | <i>ibid.</i> | <i>Veratrum</i>               | 104.         |
| <i>Gallica</i>                   | <i>ibid.</i> | <i>Verdello</i>               | 41.          |
| <i>Brachmanum</i>                | 1.           | <i>Vermicelli</i>             | 95.          |
| <i>Greiffensteinensis</i>        | 2.           | <i>Vermillon</i>              | 69.          |
| <i>Hierosolymit.</i>             | 1.           | <i>d'Espagne</i>              | <i>ibid.</i> |
| <i>Laubacensis</i>               | 2. 367.      | <i>Vernix</i>                 | 276.         |
| <i>Lemnia</i>                    | 1.           | <i>Victoralis longa</i>       | 130.         |
| <i>Lignicensis</i>               | 2.           | <i>rotunda</i>                | 130.         |
| <i>Livoniensis</i>               | <i>ibid.</i> | <i>Vinum Alonense</i>         | 218.         |
| <i>Melitenfis</i>                | 2.           | <i>granatorum</i>             | 161.         |
| <i>Strigonienfis</i>             | 2.           | <i>Hippocraticum</i>          | 607.         |
| <i>Turcica</i>                   | 1.           | <i>Hispanicum</i>             | 218.         |
| <i>Ungarica</i>                  | <i>ibid.</i> | <i>Secco</i>                  | <i>ibid.</i> |
| <i>Terra Sigill. magisterium</i> | 5.           | <i>de Thin</i>                | <i>ibid.</i> |
| <i>spiritus</i>                  | <i>ibid.</i> | <i>Toccavienfe</i>            | 218.         |
| <i>solaris rubra</i>             | 4.           | <i>Vipera</i>                 | 356.         |
| <i>Terra viridis</i>             | 6. 56.       | <i>spin. &amp; oleum</i>      | <i>ibid.</i> |
| <i>vitrioli dulcis</i>           | 18.          | <i>Viperina Virginiana</i>    | 109.         |
| <i>umbria</i>                    | 6.           | <i>Viride aris</i>            | 54.          |
| <i>Testudines</i>                | 342.         | <i>Viride montanum</i>        | 56.          |
| <i>Thée appropriatum</i>         | 134.         | <i>Viscum Alexandrinum</i>    | 231.         |
| <i>Bu</i>                        | 133.         | <i>aucuparium</i>             | 231.         |
|                                  |              | <i>corylinum</i>              | <i>ibid.</i> |
|                                  |              | <i>quernum</i>                | 231.         |
|                                  |              |                               | <i>Visua</i> |



# INDEX.

|                           |              |                             |              |
|---------------------------|--------------|-----------------------------|--------------|
| <i>Visnaga</i>            | 80.          | <i>Uniones</i>              | 349.         |
| <i>Vitri fel.</i>         | 20.          | <i>sunt ovula concharum</i> | <i>ibid.</i> |
| <i>Vitriolum album</i>    | 17.          | <i>Urucu</i>                | 7.           |
| <i>Anglicum</i>           | 17.          | <i>Usnea cranii humani</i>  | 292.         |
| <i>de Cypro</i>           | 17.          | <i>Vulpis pulmo</i>         | 316.         |
| <i>Goslariense</i>        | 17.          | <i>Indic.</i>               | <i>ibid.</i> |
| <i>Pisanum</i>            | 16.          | <i>Uva Corinthiaca</i>      | 217.         |
| <i>Romanum</i>            | <i>ibid.</i> | <i>Damascena</i>            | <i>ibid.</i> |
| <i>Salisburgense</i>      | 16.          | <i>passa</i>                | 217.         |
| <i>Scanicum</i>           | 17.          |                             | X.           |
| <i>Suecicum</i>           | 17.          | <i>Xiphias</i>              | 340.         |
| <i>Ungaricum</i>          | 17.          | <i>Xylaloes</i>             | 179.         |
| <i>vomitivum</i>          | <i>ibid.</i> | <i>Xylobalsamum</i>         | 279.         |
| <i>Vitrioli sal</i>       | 18.          | <i>Xylon</i>                | 240.         |
| <i>spiritus</i>           | <i>ibid.</i> |                             | Z.           |
| <i>noxia</i>              | 18.          |                             |              |
| <i>Vitrum Venetum</i>     | 20.          | <i>Zaffera quid?</i>        | 30.          |
| <i>Ultramarinum</i>       | 43.          | <i>Zedoaria longa</i>       | 120.         |
| <i>Berolinense</i>        | <i>ibid.</i> | <i>rotunda</i>              | <i>ibid.</i> |
| <i>Umbilicus marinus</i>  | 353.         | <i>Zibeba</i>               | 217.         |
| <i>Ungula alcis</i>       | 297.         | <i>Zibet hum</i>            | 314.         |
| <i>Unguentum armarium</i> | 16.          | <i>Zinckum</i>              | 65.          |
| <i>Unguis odoratus</i>    | 354.         | <i>Zinghi</i>               | 335.         |
| <i>Unicornu fossile</i>   | 341.         | <i>Zingiber</i>             | 119.         |
| <i>marinum</i>            | 340.         | <i>sylvestre</i>            | 45.          |

## CORRIGENDA.

| <i>pag.</i> | <i>columna</i> | <i>lin.</i> | <i>error</i> | <i>correctio</i> |
|-------------|----------------|-------------|--------------|------------------|
| 4.          | 2.             | 50.         | rubram       | verane           |
| 199.        | - -            | 25.         | Macere       | Mace             |
| 281.        | 1.             | 4.          | scaturiens   | scaturientem     |
| 297.        | 2.             | 44.         | CÆVICERVUS   | EQUICERVUS       |
| 285.        | 1.             | 13.         | pina.        | pini             |
| 404.        | 2.             | 30.         | macere       | mace             |

## FINIS.





THE  
LIBRARY  
OF THE  
MUSEUM  
OF  
COMPARATIVE ZOOLOGY  
AT  
HARVARD UNIVERSITY

RECEIVED

1873

1873





# INSTRUCTIO BIBLIOPEGI

de

FIGURIS ÆNEIS dirigendis,

oder

**Bericht an den Buchbinder / wie die Kupfferstücke  
zu binden seyen.**

---

Tabulis æri incisis, & ipsi Historiæ Simplicium generali inferendis, in summitate marginis libri & capita insculpta sunt, quibus agglutinentur, oportet. Reliquæ, ad Indiam Literatam referendæ, seqq. paginis applicentur:

\*\*\*

Auff diejenige Kupfferstücke / so zu dem Hauptwerck der Historiæ Simplicium gehören / sind oben am Rand jedes Buch und die Capita gestochen / woben sie zu leyhen sind. Die übrige / so zu der India Literata kommen / müssen folgenden Pagine bengefüget werden:

## TABULA

## PAGINA

|       |   |   |   |   |   |   |      |
|-------|---|---|---|---|---|---|------|
| I.    | - | - | - | - | - | - | 430. |
| II.   | - | - | - | - | - | - | 449. |
| III.  | - | - | - | - | - | - | 453. |
| IV.   | - | - | - | - | - | - | 454. |
| V.    | - | - | - | - | - | - | 480. |
| VI.   | - | - | - | - | - | - | 481. |
| VII.  | - | - | - | - | - | - | 488. |
| VIII. | - | - | - | - | - | - | 501. |
| IX.   | - | - | - | - | - | - | 509. |
| X.    | - | - | - | - | - | - | 516. |
| XI.   | - | - | - | - | - | - | 550. |
| XII.  | - | - | - | - | - | - | 556. |
| XIII. | - | - | - | - | - | - | 561. |
| XIV.  | - | - | - | - | - | - | 569. |
| XV.   | - | - | - | - | - | - | 571. |



THE NEW YORK PUBLIC LIBRARY

ASTOR LENOX AND TILDEN FOUNDATIONS

500 N. 5TH ST. NEW YORK, N. Y.

Acquired from the  
Library of the  
New York Public Library  
at the sale of the  
Library of the  
New York Public Library

Given to the  
New York Public Library  
by the  
New York Public Library

NEW YORK, N. Y.

1891  
1892  
1893  
1894  
1895  
1896  
1897  
1898  
1899  
1900  
1901  
1902  
1903  
1904  
1905  
1906  
1907  
1908  
1909  
1910  
1911  
1912  
1913  
1914  
1915  
1916  
1917  
1918  
1919  
1920  
1921  
1922  
1923  
1924  
1925  
1926  
1927  
1928  
1929  
1930  
1931  
1932  
1933  
1934  
1935  
1936  
1937  
1938  
1939  
1940  
1941  
1942  
1943  
1944  
1945  
1946  
1947  
1948  
1949  
1950  
1951  
1952  
1953  
1954  
1955  
1956  
1957  
1958  
1959  
1960  
1961  
1962  
1963  
1964  
1965  
1966  
1967  
1968  
1969  
1970  
1971  
1972  
1973  
1974  
1975  
1976  
1977  
1978  
1979  
1980  
1981  
1982  
1983  
1984  
1985  
1986  
1987  
1988  
1989  
1990  
1991  
1992  
1993  
1994  
1995  
1996  
1997  
1998  
1999  
2000  
2001  
2002  
2003  
2004  
2005  
2006  
2007  
2008  
2009  
2010  
2011  
2012  
2013  
2014  
2015  
2016  
2017  
2018  
2019  
2020  
2021  
2022  
2023  
2024  
2025















